

THEOLOGICÆ

CURSUS COMPLETUS,

EX TRACTATIBUS OMNIUM PERFECTISSIMIS UBIQUE HABITIS, ET A MAGNA
PARTE EPISCOPORUM NECNON THEOLOGORUM EUROPÆ CATHOLICÆ,
UNIVERSIM AD HOC INTERROGATORUM, DESIGNATIS,
UNICE CONFLATUS,

PLURIMIS ANNOTANTIBUS PRESBYTERIS
AD DOCENDOS LEVITAS PASCENDOSVE POPULOS ALTE POSITIS.

ACCURANTE J.-P. MIGNE,

BIBLIOTHECÆ CLERI UNIVERSÆ,

SIVE

CURSUM COMPLETORUM IN SINGULOS SCIENTIÆ ECCLESIASTICÆ RAMOS EDITORE

TOMUS QUINTUS.

APPENDICES DE ECCLESIA. — DE HÆRESIBUS. — DE SS. PONTIFICIBUS. —
DE SS. PATRIBUS. — DE USU LIBRORUM LITURGICORUM ET INSCRIPTIONUM
CHRISTIANARUM IN REBUS THEOLOGICIS. — SCHISMATICORUM ORIENTALIUM AD
UNITATEM, PROTESTANTIUM AD VERITATEM, ULTRAMONTANORUM CUM GALLICANIS
AD CONCORDIAM VOCATIO. — DE IERARCHIA ECCLESIASTICA.

28 VOLUMINA : 138 FRANCIS.

EXCUDERATUR ET VENIT APUD J.-P. MIGNE EDITOREM,
IN VIA DICTA D'AMBOISE, PROPE PORTAM LUTETIÆ PARIENSIUM VULGO D'ENFER NOMINATAM,
SEU PETIT-MONTROUGE

1841

ELENCHUS
AUCTORUM ET OPERUM
QUI IN HOCCE VOLUMINE CONTINENTUR.

GAUTIER

De Heresibus.

IDEM.

De Conciliis.

IDEM.

De Summis Pontificibus.

IDEM.

De Sanctis Patribus.

ZACCARIA.

De usu Librorum Liturgicorum in rebus theologicis.

IDEM.

De usu Inscriptionum Christianarum in rebus theologicis.

THOMAS A JESU.

De unione Schismaticorum cum Ecclesiâ catholicâ procurandâ.

PIACEVITCH.

De primatu Romane Ecclesie, contra schismaticos Orientales.

CAMUS.

Appropinquatio Protestantium ad Ecclesiam Catholico-Romanam.

VERONIUS.

Methodus compendiaria prætextam Reformationem erroris convincendi.

ANONYMUS.

De controversiis inter Catholicos agitatis, circa auctoritatem summi Pontificis.

DE MAISTRE.

Un honnête homme doit-il changer de religion? — Sur la nature et les effets du schisme, et sur l'unité catholique.

DEVOTI.

De Hierarchiâ ecclesiasticâ.

Congruit sanè, ne quiddam in tractatu Ecclesie desideretur, ut Hereses, Traditiones, Concilia, Summos Pontifices, SS. Patres, etc., sufficienter pertractet. Verùm cùm hæc omnia tractatûs de quo agitur non sint pars omninò necessaria, ea compendiosè colligenda duxi-

mus, tùm quia si materies adeò momentosa plenius absolveretur, extra congruos limites tractatus excurreret, tùm quia in longâ quam promissimus Editionum serie singulariter et in extenso tractabuntur.

JOSEPHI GAUTIER VITA.

De Josephi Gautier vitâ ac scriptis paucissima admodum documenta collegimus. Societati Jesu adscriptus, theologiæ in universitate Coloniaensi doctor ac professor publicus, sacrosanctas artes multâ cum laude docuit. Unicum quod ab eo scriptum novimus opuscu-

lum, quodque denuò typis mandamus, Colonia primò lucem aspexit, Venetiisque recusum est anno 1762, tanto jam nomine celebre, ut P. Zacharias id dignum judicaverit, quod *Thesauri Theologici* in limine quasi prostabulum insigne præponeretur.

COMPLEMENTUM TRACTATUS DE ECCLESIA. DE PRÆCIPUIS SECTIS

De præcipuis sectis, præsertim in fide erroneis, earumque auctoribus, factis ac expugnationibus.

Posteaquam in *Locis Theologicis* egimus de propositionibus erroneis, quæ conclusionibus theologicis adversantur, illarumque censuris; postquam, in volumine præcedenti, Ecclesiæ notas, prærogativas et auctoritatem stabilivimus, haud abs re erit, capitales errores, ac reliquorum veluti fontes, qui terrarum orbem diversas in sectas distraxerunt, unâ cum eorundem auctoribus et factis, item et heroibus qui illos seu scriptis seu censuris protriverunt, oculis hic objicere.

Cæterum id nobis in præsentî duntaxat est propositum, ut succinctam eorundem ideam hic exhibeamus, ac ubi expedire videbitur, paulò enucleatius ortum etiam, progressum, indolem, fataque enarremus.

Porrò, id ut præstemus ordinatius, sectas duas in classes distribuemus. Prima complectetur antichristianas, altera heterodoxas. Ad priorem revocabimus atheismum, polytheismum, deismum, judaismum, et mahumetanismum; ad alteram hæreses inter ipsos Christianos exortas.

ARTICULUS PRIMUS.

Sectæ antichristianæ.

Quinque sectarum erronearum species, in primâ classe supra enumeratas, antichristianas appellare lubuit, non quòd nulli sint è Christianis, id est, Christo per S. Baptisma initiatis, qui fœdis istis erroribus contaminare se non cohorrescant; sed quia hi errores christianismi ipsius fundamenta convellunt; et istæ sectæ maximam partem ex iis coalescent,

qui nunquam Ecclesiæ Christi aggregati, ejus etiam legem execrantur, aut flocci faciunt. Nunc ordine singulas istas species percurramus.

ATHEISMUS.

I. Atheus, ex nominis etymo, dicitur quasi sine Deo, seu Deum non agnosceus. Quapropter, attentâ hæc latissimâ nominis derivatione, illud tribuebatur olim nonnullis, quibus propria ejus pressaque significatio haud competeat. Etenim athei apud gentiles audiebantur non solum illi qui deos patrios, quos ipsi colebant, eorumve simulacra non venerantur, sed etiam Judæi et Christiani, qui idem facere renuebant. Quâ de causâ Socrates perhibetur, tanquam athens à suis mortui fuisse adjudicatus; et Christi cultores velut *athéistes* ab ethnicis habitos, et neci traditos.

II. Rem ipsam quod attinet, multiplex est atheorum genus vel species. Nam in primis quidam sunt tantum *indirectè* tales; quo nomine veniunt illi qui, licet numen aliquod supremum utcumque agnoscant, attamen eidem aliquam perfectionem detrahunt, velut Epicurus providentiam; aut imperfectionem affingunt, velut Stoici corpus. Alii *directè* tales; et hi iterum duplicis speciei: quidam merè negativè tales, qui Deum simpliciter ignorant, seu parè carent Dei notitiâ (vincibiliter an invincibiliter, modò non disputo); cujusmodi feruntur inventi fuisse nonnulli in utroque orbe barbari, in sylvis ferarum more vitam agentes; è quibus aliqui ne nomen quidem ullum Deo imposuerint: an verò hi vel alii hujusmodi, nullam planè habuerint notitiam Dei, ne quidem sub aliquâ communi ratione, v. g., supremi gubernatoris, bonorum aucto-

ris, criminum vindicis, haud immeritò dubitatur. Certè Cicero, l. 4 Tuscul., libèrè edixit, « nullam esse gentem tam barbaram, quæ non fateatur esse aliquem deum; adeò quidem, ut homines falsum deum habere maluerint, quàm nullum. » Verùm de hoc dubio agitur in tractatu de Deo. Alii dicuntur athei positivè tales, qui seu interiùs seu exteriùs, ore vel opere Deum esse negant. Unde triplex denuò classis atheorum emergit.

III. Prima illorum qui semetipsos excæcantes et rebelles luminì etiam naturali, internè in animo judicant, vel saltem sibi persuadere conantur, non dari Deum. Et hi dicuntur athei speculativè ac strictè tales. Altera classis eorum est qui, ut effrenatis suis moribus velum præferant, saltem ore vel calamo protervè Deum inficiantur, etsi fortè contra intimam conscientiæ sensum, quem extinguere planè non possunt. Tertià est illorum qui, licet tum mente Deum agnoscent, tum ore profiteantur, adeò tamen perditè vivunt, ut si Deum non agnoscerent, vel non formidarent; quem etiam perciperent, reverà non existerè, ne haberent quem timerent suorum criminum vindicem. Et hi dicuntur athei practicè, vel etiam corde, tales de quibus Apostolus ad Tit. 4, v. 16: *Qui confitentur se scire Deum, factis autem negant.*

Hujus tertix classis atheos complures ipsos etiam inter Christianos existeresatis compertum est. Atheos secundæ classis, qui saltem apertè Deum negent, quosdam, sed paucos dari, etiam ex extra controversiam; talem, enim fuisse Diagoram quemdam, testatur S. Aug., l. 5 cont. Litt. Petil. c. 24; Lactantius l. 4 Divin. Inst. c. 2; Sextus Empiricus, aliique qui ejusdem impietatis reos faciunt Democritum, Epicurum, Euphemerum, Missenium, Diogenem Phrygem, Theodorum Cyreneum, Melium, idcirco ab Atheniensibus expulsum; et alios, ut dixi, paucos insipientes, et insigniter impios; quorum numerum adaugere non exhorruerunt hoc et proxime lapsis seculis à Christianis inprimis Nicolaus Machiavellus Florentinus, sub initium seculi decimi sexti, id est, anno 1528 vel 1529 vità functus; qui Dei nomen ad terrendos tantùm, et in officio continendos homines excogitatum fuisse, blasphemavit. Deinde Vaninus, ob hanc impietatem per Gallias disseminatam, vivus flammis Tolosæ traditus anno 1619. Item Spinoza, natione Batavus, religione primùm Judæus, tum Protestantium partes amplexus, anno 1677 defunctus; qui nullum aliuv agnovit deum, quàm

mundam universum, in quo unicum substantiam extensione et cogitatione præditam ponebat, eamque Deum vocabat. Denique, teste cardinali Gotti, de Verit. Relig. Christ. tom. 1, tr. 1, c. 1, § 1, recentius Sylvester Legni, et Julius ejus filius, cum aliquot sociis qui Romæ deprehensi ac de atheismo convicti, post solemnem tantæ impietatis ejurationem perpetuo carcere ibidem damnati sunt, anno hujus seculi 19.

IV. An porrò reipsà dentur aliqui athei primæ classis supra relatæ, nempe speculativè et strictè tales, qui animo sobrio et sincero per judicium internum positivum, obstinatè negent prorsùs dari Deum, dubium est denuò inter theologos scholasticos, suo loco dirimendum. Id magis videtur indubitatum, quòd sicut multi conscientiam suis secleribus et obstinatè illi resistendi contumacià, ita obdurant, ut ejus stimulos vix ampliùs persequentiscant, atque idcirco dicuntur ab Apostolo, 1 Tim. 4, v. 2, *conteritiam habere conscientiam; ita complures, etiam hodièdùm, nil nisi carnem et terrena sapientes, atque cœno vultorum immersi, ingenitam quodammodò spremiti Numinis notitiam, si non prorsùs extinguere valeant, ita saltem obscurent, ac secularibus negotiis obruant, ut velut excæcati signatum super se lumen divini vultùs vix aspiciant, aut etiam nocturnarum instar protervè refugiant, et redeuntem identicem Dei cognitionem pervicaciter à se abigere, consopire, suffocare nitantur, intellectumque removere à consideratione eorum quæ Numinis existentiam evidentissimè ostendunt: instar impiorum illorum, qui dixerunt Deo: *Recede à nobis, et scientiam tuarum tuarum nominis; ne videlicet cogantur vel invitè agnoscere, quem deberent severum impietatis suæ ultorem reformidare. Neque desunt, qui quædam usque adeò in speciem, etsi nullius planè momenti, argumenta excogitant, ac sibi efflingunt, quibus unicè quia ita perversè volunt, adeoque non tam rationum momenti, quàm depravatæ voluntatis imperio, persuadere sibi conantur, Deum non existere. Hic proinde nos tam judicantis intellectùs error est, quàm maleferistæ voluntatis. Atque utinam istiusmodi errore, hoc etiam ævo nostro, imbuti non forent plures pseudo-politici, præsertim in aulis principum, qui licet christiano, quin et catholico nomine palam gloriantur, attamen ibidem omnia secundùm rationem statùs, ut aiunt, vel potius secundùm commodum**

proprium metientes, omnem internam fidem ac religionem excutere moluntur! Cæterùm hi suum istum errorem in corde latentem, vel nunquam exterius apertè produnt ore vel calamo; ne, quales sunt, aliis appareant, impississimi ac sceleratissimi: non rarè tamen aliquid subobscurè insinuant apud sui hand multùm absimiles, vel etiam alios, à quibus minùs sibi timent, idque solùm, ut aiunt, discursùs gratià, neque tam ex suà, ut prætendunt, quàm aliorum opinione; eò periculosiores, quò fallaciori larvâ induti suum virus incautorum animis instillant.

POLYTHEISMUS.

I. Polythei dicuntur, qui plures deos agnoscunt et colunt. Hos inter numerantur in primis gentiles idololatræ. *Gentilium* autem, aut *gentium* nomine, teste Calmeto in Dictionario Bibliotheco, apud Hebræos veniebant quicumque alterius erant ab Hebræorum fidei, legis ac numinis. Unde apud S. Paulum Judæus et Græcus eodem sensu usurpantur, ac Judæus et ethnicus, sive gentilis, eandemque phrasin usurpat S. Lucas. Hinc etiam S. Paulus appellatur Apostolus, seu doctor gentium, sicut S. Petrus Judæorum: cuius rationem reddit ille, cum ait, Galat. 2, 7: *Credidit est mihi Evangelium præputi, sicut et Petro circumcisionis.* Quapropter fatetur Calmetus, « Jobum hoc sensu gentilem fuisse, quòd cum Judæorum legem non profiteretur, propterea neque circumcisionis gladium fuerit perpressus; sicut et Melchisedech, alique justì, inquit, pagani vocantur, quo nomine, sic accepto, despicendi atque exærandi nihil inducitur. » Eam ob causam polytheis accenseri dixi gentiles, *ἔθνη*, quoscumque, sed idololatræ.

Iisdem dein deinde accensentur plures hæretici, qui polytheismum in ipsum ad eò christianismum invehere moliti sunt, de quibus speciatim agetur in serie hæresum paulò post subjungendâ.

Interim polytheismus gentilium idololatriam sibi vel intimè imbitam, vel proximè conjunctam habet; imò absque illâ consistere non potest. Etenim, cum Deus verus unicus sit, eo ipso quòd plures dii tollantur, necesse est, alicui saltem creaturæ cultum divinum tribui, in quo ipsa idololatriæ sita est improbitas. Quapropter de idololatriâ quidpiam dicere, haud erit ab hoc loco alienum.

II. Idololatria est cultus exhibitus creaturæ sicut Deo. Unde idololatræ dicuntur hi qui

divinitatem, divinumve cultum creaturæ tribuunt. Duplex horum classis statuitur: Altera eorum, qui creaturam aliquam in seipsâ venerantur ut Deum, seclusis simulacris, statuis, aut imaginibus: v. gr., solcm, ignem, etc., prout Romani, teste Varrone apud S. August. l. 4 Civit. c. 31, plusquàm annis 170 absque simulacris falsos deos coluere, tum quos colebant Græci, etiam sine simulacris, uti testatur Halicarnasæus, l. 2, tum quos adjecit Numa Pompilius.

Altera classis illorum est, qui simulacra sibi conficiebant, iisque divinos honores exhibebant. Et hi, attentâ vocis etymologiâ, magis propriè dicuntur idololatræ. Idolum enim, Græcè, εἰδωλον, significat imaginem, seu figuram, soletque in S. Scripturâ pravo sensu usurpari, ut notat Calmet, nempe pro imagine numinum ethnicorum, sive imago illa homines, sive bruta, sive astra, picta, sculpta, calata, aut alia quâcumque ratione expressa exhibeat.

Observat porrò S. Thomas, 2-2, q. 94, a. 1, divinum cultum hujusmodi simulacris diversimodè fuisse exhibitum. Quidam enim arbitrati in ipsis imaginibus aliquid divinitatis inesse, adeoque cultum iis deberi divinum, hunc illis tribuebant: maxime verò iis, quas per nefariam artem construxerant, et quæ virtute demonum certos aliquos effectus habebant, v. gr., fundendi oracula, aliave edendi signa, quæ à malignis spiritibus profecta iisdem auctoritatem addebant. Alii verò non exhibebant cultum divinum ipsis imaginibus, sed aliis creaturis quas ipsæ representabant, v. gr., Jovi, Mercurio, etc.

III. Primam idololatriæ originem S. Augustinus, S. Hieronymus, alique, tum antiqui, tum recentiores de idolis scriptores repetunt à posteris Chamii, impii filii Noemi; è quibus omnium primi, qui Ægyptum occupavere, excussâ paulatim, vel consepultâ primæviæ unius verj Dei traditione, et inducitis variis falsisque de divinitate opinionibus, conversi sunt ad sola præsentia et aspectibilia, resque corporeas deos esse fixerunt. Ac primùm quidem cœlestia, velut oculis magis exposita, suspicientes, eorum capti admiratione, soli, lunæ et astris Dei honorem adscriperunt. Deinde, cogitationibus suis inferius progressi, æthera, aerem, et ea quæ in aere sunt, deos appellavere vani homines, in quibus, ut loquitur Sapiens, 15, 1, etc., *non subest scientia Dei... sed aut ignem, aut spiritum, aut citatum aerem, aut gyrum stellarum, aut nimiam aquam, aut solem et lunam rectores orbis terrarum deos puta-*

re. Inde oculos deorsum dimittentes homines animales et terreni, quibusdam tum hominibus, seu regibus, aut heroibus, seu aliis, naturâ vel arte magis insignibus; tum etiam brutis animantibus; quin et insensibilibus elementis, ac corporibus inanimatis divinos honores reddiderunt; adeo ut invalescente hominum, non ex primævâ solum labe contractâ, sed propriis vitis ac sceleribus inductâ, corruptione, vanitate et insanîâ, integræ nationes tanquàm deos colere cœperint, vel cum Persis cœlum; vel cum Indis solem, vel cum Phrygiis lunam; aliæ velut Arabes lapidem; Scythæ acinacem; aliæ stupida, vilia, sordida et infesta animalia, canem, ranam; aut, ceu Ægyptiî, crocodilum, quin et porrum ac cepe, quæ idem adeo superstitione reverebantur, ut nec frangere, nec manducare auderent; quapropter non immeritò jocatur in illos Juvenalis hoc versu:

*O sanctas gentes, quibus hæc nascuntur in hortis
Numina!*

Atque hæc quidem idololatriæ primæva origo fuit, et propagatio.

IV. Quo autem primo auctore, quove tempore cœperit simulacrorum cultus, non est adeo certum. Sacræ paginæ nullam idolorum mentionem faciunt ante tempora Labani, patriarchæ Jacob socii, cujus filia Rachel dicitur abstulisse idola, seu deos, qui dicuntur *dii alieni*. Cæterum Mercurius Trismegistus, qui Mosis tempore fertur floruisse, originem simulacrorum refert ad priscos proavos suos, uti testis est S. Augustinus l. 8 Civit. c. 24. Unde verisimile est, inquit Gottl, usitata fuisse idola tempore Thare et Nachor, è quibus ille fuit pater Abrahami patriarchæ; sic, ut primi idolorum effigiatos fuerint Chaldaei, præeunte Nino, Beli filio, Assyriorum rege, Thare contemporaneo, qui fieri curasse traditur imaginem Belo patri suo, subditorum adorationi propositam, adjectis quibusdam ritibus superstitionis, teste sancto Hieronymo in Oseam c. 2. Ad hanc vel haud absimilem idolorum originem videtur respexisse Sapiens, c. 14, v. 15, dùm ait: *Acerbolactu dolens pater, citò sibi rapti filii fecit imaginem; et illum qui tunc quasi homo mortuus fuerat, nunc tanquàm deum colere cepit, et constituit inter servos suos sacra et sacrificia*. Subjungit mox ibidem Sapiens idololatriæ progressum his verbis: *Deinde interveniente tempore, convalescente iniquâ consuetudine, hic error tanquàm lex constituta est, et tyrannorum imperio colebantur figmenta*. Duplicem aliam profert illic Sa-

piens idololatriæ in simulacris instituendæ, vel promovendæ rationem: alteram, quòd homines regis, v. g., absentis, quem colere volebant, imaginem fecerint, ut illum qui aberat, tanquàm præsentem colerent; alteram, quòd artifex volens placere illi qui ejus operâ utebatur, eximâ diligentia laborarit, ut similitudinem in melius figuraret; multitudo autem hominum, abducta per speciem operis, cum, quem antea velut hominem honorarat, nunc deum æstimaret: *Et hæc, concludit, fuit vitæ humane deceptio, quoniam aut affectui, aut rebus deservientes homines incommunicabile nomen lapidibus et lignis imposuerant*.

V. Cæterum idolorum usus à Chaldaeis proximè migravit ad Ægyptios, ut colligere est ex historiâ Exodi; tempore enim Moysis Ægyptus erat plena idolis, præsertim bestiarum; unde ad similitudinem eorum petierunt Hebræi ab Aarone, vitulum in deserto ex auro sibi fabricari. Ab Ægyptiis porrò propagata est hæc superstitio in reliquis orbis partibus, ac speciatim ad Persas; hinc ad Græcos; ab his ad Romanos; item ad Indos et extremos terminos Sinarum, teste Kircherò, idque indicant etiam hodiernæ harum gentium consuetudines, cum in Indiâ, Sinis, Japone, Tartariâ, quin et in Americâ, solis, ac lunæ, siderum, terræ, animalium omnis generis cultum non secus, ac in Ægypto ab innumerabili tempore, etiam nunc vigere nostri deprehenderint missionarii.

VI. Tandem, crescente cum hominum multitudine eorum pariter indigentia ac miseria, eò sese diffudit exitialis illa pestis, ut totum ferè orbem ante Christi tempora, ac non rarò ipsum usque adeo populum Judaicum inficeret, atque falsorum etiam deorum ac idolorum numerus et absurditas in immensum penè augetur, dùm homines ferè quicumque pro libitu illos pro diis sibi statuerent ac colerent, à quibus vel commodi aliquid reportassent aut sperarent, vel aliquid nocimenti metuerent. Unde Tertullianus gentiles irridens: « Apud vos, inquit, Apol. c. 5, humano arbitratu Divinitas pensatur; nisi homini Deus placuerit, Deus non erit: homo jam Deo propitius esse debet ».

Inde etiam factum, ut stolidi mortales non modò homines etiam sceleratissimos in deorum numerum retulerint; bruta animantia etiam fœdissima ac vilissima divino cultu demulcere studuerint, sed aurum et argentum, ligna et lapides, opera manus hominum, ut loquitur Propheta, quæ oculos habent, et non vident,

aures habent, et non audiunt, eodem veneratōnis cultu affecterint. Imò, ut observat S. Athanasius, *Orat. cont. gent.*, eò progressi sunt, ut etiam simulacra eorum quæ nullo modo essent in rerum naturâ, deos facerent, humanam formam cum brutis permiscentes, naturasque dissimiles in monstris speciem conjungentes, ac adorantes; cujusmodi erant dii illi qui apud Ægyptios canis, serpentis, asini caput habebant; et apud Lybiæ populos, arietis capite insignis. Ad extremum inde quoque prodit stupenda illa deorum apud gentiles multitudo. Triginta millia fuisse perhibent Hesiodus et Eusebius. Inter quos, ait Tertullianus, loc. cit. c. 10, « novi sunt ac veteres, barbari, Græci, Romani, peregrini, captivi, adoptivi, proprii, communes, masculi, feminae, rustici, urbani, nautici, militares, » etc. Imò S. Augustinus, l. 4 Civit., refert duodecim deos, quos quidam statuebant pro unicâ aristâ servandâ et fovendâ.

VII. Credibile tamen videtur, sapientiores è gentilibus magis excultis, veluti Platonem, Aristotelem, Cicronem, Senecam, aliosque similes complures, neque tot, neque tam absonos deos interiùs agnovisse, quot et quos subinde ex metu principum, vel insanientis vulgi, exterius colebant. Imò Justinus Martyr, Clemens Alex., Lactantius, et alii apud card. Gotti, testantur gentiles philosophos et poetas, etsi plures deos venerarentur, unum tamen Deum deorum ac summum agnovisse. Sic, teste D. Thomâ, Platonici ponebant « unum esse summum Deum causam omnium; post quem ponebant esse substantias quasdam spirituales, à summo Deo creatas, quos deos nominabant, participatione scilicet divinitatis; nos autem eos angelos dicimus: post quos ponebant animas celestium corporum, et sub his dæmones, quos dicebant esse ærea quædam animalia; et sub his ponebant animas hominum, quas per virtutis meritum ad deorum vel dæmonum societatem assumi credebant. Et his omnibus cultum divinitatis exhibebant, ut August. narrat. l. 8 Civit. c. 14. »

Nihilominus non populus duntaxat, sed suprema reipublicæ imperique capita pro diis et idolis suis tantâ pertinaciâ tantoque furore pugnant, ut eos qui illos læsissent, vel colere renuissent, extremis suppliciis allicerent. Quæ rabies sub prima nascentis et adolescentis Christi Ecclesiæ tempora, trium propemodum seculorum decursu, et plurimas et gravissimas

adversùs Christianos persecuciones excitavit. donec tandem respirare, atque liberiores captare auram cœpere fideles sub Constantino Magno, ad Christi fidem converso, qui superstitosum deorum cultum abrogavit, idola evertit, polytheismum proscriptis: ex quo factum, quòd gentiles, cum non auderent ampliùs impia sua sacra palam in urbibus exercere, confugerent ad pagos vel domos campestris, ubi liberius ea celebrarent.

VIII. Atque hinc Baronius repetit originem illius appellatōnis, quâ gentiles à Christianis pagani nuncupantur. Cujus etiam indicium esse potest, ut observat Gotti, quia nec in divinis Scripturis, nec apud auctores ethnicos ante tempora Constantini et Constantii ejus filii, *pagani* vox in hoc sensu usurpata reperitur; esto, ut idem eminentissimus advertit, jam ante fuerit in more positum, ut gentiles, aliique idololatræ suas superstitiones in villis, lucis, saltibus et antris peragerent; unde Cicero celebria festa, dicta *Paganalia*, feriasque paganicas commemorat.

Cæterum non desunt, qui pagani nomen gentibus impositum à fidelibus esse arbitrantur ex eo quòd illi non militarent sub Christi vexillo. Etenim apud Romanos olim pagani dicebantur illi, qui militiæ sacramento aucto-rati non erant, sed vitam ruri domive liberè agebant. Utut sit, Paganorum nomine hodieum etiam veniunt Mahumetani, cum infidelitas universim dividatur in paganismum, judaismum et hæresin, ut observat Suarez post S. Thomam.

IX. Polytheorum classe hucusque, quantum satis videbatur, generatim propositâ, addi possent speciatim fedissima errorum monstra, quæ in istis gentilitatis et paganismi tenebris orcus evomuit. Verùm sufficiat, tres illorum sectas magis celebres, quæ et quosdam è Christianis heterodoxis inventère sectatores, paucis ob oculos sistere, nempe Epicureorum, Pythagoræorum et Stoicorum.

X. Epicurei dicti sunt ab Epicuro, gentili philosopho, Athenis circa annum urbis conditæ 412 nato; circa 485, et ante æram Christianam 271 vitâ functo; cujus præcepti hi fuisse perhibentur errores: 1º Negabat deos, si quos reipsâ admittebat, fuisse mundi auctores: tum quòd credibile ipsi non videretur, deos qui tamdiu quieti steterissent, subito suum mutasse statum; tum quòd mundus multis laboraret defectibus, quorum tamen auctores esse nequiverint. Unde statuebat atomos æter-

nas, ex quarum fortuito concursu non hæc duntaxat mundus fortuito coaluerit, sed ante illum infiniti alii, quorum singuli elapso certo tempore fuerint dissoluti, sicut et hæc pariter dissolvetur. 2^o Diis pariter negabat mundi gubernationem, ne his curis eorum turbaretur felicitas. Ex quo perverso principio concludebat frustra deos coli, invocari, sacrificio placari. Imò visus est, deos reipsâ penitens negare cum atheis, cum dixit, deorum ideam nobis non à ratione inditam fuisse, sed metum illorum provenire solam ex imaginatione, quæ sæpè minacia phantasmata sibi fingit, ad quæ exhorrescimus; atque ex his falsis terroribus credat, deorum cultum unicè traxisse originem. Quapropter Epicurus à quibusdam atheis annumeratur, uti jam supra advertimus. 3^o Nihil præter materiam et corpora statuebat, ipsamque animam nostram, aiebat, non esse nisi texturam materiæ subtilioris, per totum corpus diffusæ: ex quo inferebat primùm, illam haut immortalem esse, sed in morte hominis evanescere, instar vaporis; neque plus illi sensû postmodum inesse quàm ipsi corpori. Hinc deinde concludebat, fructum vitæ præsentis sine curâ futurorum, et absque metu penarum alterius vitæ, quas confictas omnes aiebat, ad indicandas animi perturbationes et passiones, quibus homines in hæc vitâ cruciantur; unde demùm admonebat, diligendos hos terrores, qui unicè eò serviant, ut hujus vitæ quietem ac dulcedinem inturbent.

Porrò beatitudinam hujus vitæ, quam unicè agnoscebat, vitam esse dicebat in voluptate; quod quidem comptures ex ipsis discipulis interpretabantur de voluptatibus corporis, etiam fœdis ac immoderatis, unde belluinum illud eorum carmen:

Ede, bibe, iude, post mortem nulla voluptas;
ex quo factum, quòd permulti senserint, ipsum Epicurum in iisdem voluptatibus beatitudinem reposuisse. Verùm alii hanc putant fuisse calumniam ipsi à Stoicis ipsius famæ invidentibus impactam, ipsumque proinde vindicare nituntur, maximè ex eo quòd ipse temperanter admodum vixerit, ut testantur Laertius et Cicero, alique recentiores critici ostendere solentur. Cæterùm S. Augustinus expressis verbis attestatur, Epicurum summum bonum ac vitam beatam constituisse in corporis voluptate, atque ideirò ab ipsis philosophis appellatum fuisse porcum, volutantem se in cæno vitiorum.

XI. Pythagorici nomen suum traxere à Py-

thagorâ, gentili item philosopho, ex Samo oriundo, qui vixit circa annum ab urbe conditâ 220, mortuus 257, vel 258, octogenarius, vel, ut aliis placet, nonagenarius. Is auctor sectæ quæ dicta est Italica, eò quòd eam inceperit in eâ Italiæ parte quæ Magna Græcia nuncupatur, primus fertur ex philosophis ethnicis animæ immortalitatem agnovisse, aut certè palam docuisse. Verùm, ut illam assereret, in alium errorem incidit: dum in primis asseruit, mundum esse animatum et intelligentem, atque animam immensæ hujus machinæ esse æthera, unde omnes animæ tum hominum, tum brutorum extrahantur. Deinde animas ejusmodi è cælo lapsas hinc inde errare in aere, et occupare sine discrimine primùm corpus, quod ipsis occurrit. Denique docuit metempsychosin, seu animarum transmigrationem de uno corpore in aliud, et quidem iterùm absque discrimine, ita ut anima hominis ex ejus egressa corpore migraret in corpus aliud sive humanum, sive cujuscumque bruti. Hinc prohibebat esum animalium, credebaturque non minus crimen esse occidere leporem quàm hominem, eò quòd censeret utriusque animas easdem esse.

XII. Stoicorum secta duccem habuit Zenonem, ex insulâ Cypro oriundum, 129 olympiade vitâ functum. Nomen verò accepere Stoici à porticu, græcè Stoa nuncupatâ, ubi suos conventus habebant. Profitebantur virtutem planè austeram, sed pleni erant vanitate; atque errabant inter cætera primùm in eo quòd crederent omnia evenire ex fatali quiddam necessitate, quam definiebant ordinem ab omni ævo constitutum quibusvis rebus invicem conestentis; qui ordo nec ab ipsis diis immutari posset, et hoc Fatum vocitabant. Deinde omnia scelera docebant esse æqualia, ita ut æquale crimen foret occidere bovem ac hominem.

XIII. Omitto Academicos, ab Academiâ, juxta S. Augustinum sic dictâ, quòd esset à populo secreta, nuncupatos, tum veteres, qui Platonem habere auctorem, unde dicti Platonici; tum novos ab Archesilâ Platonis post Polemonem successore institutos; quibus omnia erant incerta, quosque impugnat S. Augustinus tribus libris contra ipsos conscriptis, et alibi sæpius: necnon affines Scepticos, qui duce Pyrrhone, de omnibus censebant esse dubitandum. Hi videntur fuisse præcursores modernorum pseudocriticorum.

DEISMUS.

I. Deistarum nomine non veniunt hic ihæretici, quos seculo 16 exortos Genebrardus et alii eo vocabulo designant: cæteroquin rectius dictos novos Arianos, eò quòd Filium et Spiritum sanctum negent eandem cum Patre naturam habere. Itaque nomine illo, magis propriâ et generali significatione accepto, intelliguntur certi homines, quos Galli præcipuè vocant spiritus fortes, per omnes, etiam Christianorum sectas dispersi; qui agnoscunt quidem esse unum Deum, ejusque Providentiâ mundum gubernari; fortassè etiam immortalitatem animæ, pœnasque et præmia post hanc vitam haud inficiantur; sed non credunt alia christianæ Religionis dogmata; neque alium Dei cultum exhibendum esse putant (nisi fortè in speciem, ne palam detegantur) quàm arbitriam; nulla denique alia quàm legis naturalis præcepta esse observanda arbitrantur.

II. Ad hanc classem videtur reduci posse 1° Philosophismus, seu eorum sive antiquorum, sive quorundam etiam hodiernorum philosophorum genus, qui, solam rationem ducem se sequi professi, ea duntaxat pro veris, aut agendis, vel omittendis admittunt, quæ lumen dicat naturale, unde et naturalistæ nuncupantur. 2° Libertinismus, seu illorum secta, qui, repudiâtâ quoque omni religione revelatâ, ipsisque sacris litteris, admissâ tamen Dei existentia, et aliis paucis quæ sibi à rectâ ratione dictari arbitrantur, cæteras pariter fidei veritates respuunt, Deumque colunt et vivunt penè arbitrato suo. 3° Indifferentismus laxior, quem saltem occultè profitentur illi qui sibi persuadent quemlibet in suâ sectâ posse salvari, modò in unum Deum credat, eumque colat juxta suæ sectæ leges, sive dein Judæus fuerit, sive Turca, sive Christianus. Ad quem Indifferentismus laxiorem pedetentim ducit Indifferentismus strictior, qui contendit saltem in quavis Christianorum sectâ viam patere ad salutem: necnon Syncretismus, quo quidam hoc etiam ævo moluntur, ex religionibus dissentientibus unam conficere, cedendo dogma ritumve unum vel alterum aliis, et sibi vicissim alia quædam concedi postulando, pacis, ut aiunt, gratiâ.

MAHOMETANISMUS.

I. Mahumetani originem fœdæ suæ sectæ habent à Mahomethe, vel Mahumeto, Muhamede,

aut Moamedo, quem ex patre ethiòco, matre Judæâ, utroque ex infimâ fœce plebis, circa annum Christi 570 in Arabiæ urbe Meccâ prognatum, vel, ut alii malunt cum Natali Alexandro, origine Cyrenæum, sed cùm adhuc puer esset, à prædonibus captum, et in Arabiam deportatum, ab initio idolorum cultorem, S. Joannes Damascenus Antichristi præcursorem appellavit. Is, cùm inopiâ laboraret, diviti primùm mercatorum operam addidit, cujus viduam postmodum duxit, à quâ bonorum amplorum hæres est institutus. His inflatus initis homo vafer juxta ac ambitiosus, ad eminentem inter suos gradum aspiravit, ac prophetam se esse à Deo missum popularibus suis, hominibus rudibus, persuasit; eum in finem, comitali, quo laborabat identidem, morbo abusus, ac cùm ex illo à sensibus alienaretur, mentitus se tunc ad inspicienda superna arcana evocari per archangelum Gabrielem, quem sub specie columbæ cicuratâ, atque ad aures ipso eo tempore rostro vellicandam, edoctâ, latere fingeat. Ab eodem sibi per partes allatum fuisse fabulabatur librum, quem Arabicè *Alcoran*, id est, collectionem, seu volumen præceptorum, vocavit; ipse verò, Sergio quodam monacho, Nestoriani erroris lue infecto, adjutore et amanuensi, conscripserat innumeris blasphemis, fabulis, et insanis refertum.

II. *Alcorano* hoc suo complexus est novam suam sectam ex Gentilismo, Judaismo, Christianismo, variisque hæresibus compilatam, ut hæc mixturâ populos diversis religionibus obnoxios ad se pelliceret. Nam 1° unum quidem Deum, et Christum velut sanctum prophetam agnovit; sed illum in personis trinum cum Sabellianis, hunc Deum esse cum Arianis et Nestorianis negavit; et cum Manichæis, non Christum, sed ipsius umbram, vel alium hominem ipsi similem, asseruit fuisse affixum cruci, quam execratur. 2° Cum Judæis retinet circumcisionem, sive quòd illam requirat velut necessariam instar baptismi, ut quidam volunt; seu, ut malunt alii, eam usurpari solum velit, aut permittat in venerationem Abrahæ, quem laudibus prosequitur. Item cum isdem permittit polygamiam ac libellum repudiî, præcipit varias abluiones, abstinentiam à suillâ, et vetat insuper usum vini cum Tatianis hæreticis. 3° Cum Epicureis summum hominæ bonum constituit in voluptatibus corporalibus, etiam fœdissimis; quapropter indulget fornicationem, vagam libidinem, aliaque nefanda, atque hominis post hanc vitam felicitatem

fore in iisdem voluptatibus constitutam commiscitur. Prohibitentem suis sectoribus homo astutus, ne probationem eorum inquirent, quæ ab ipso tradita sunt, neve de suis præceptis aut dogmatibus ineant disputationem.

III. Hos implissimos errores naturæ corruptæ sensualitati tam accommodatos, conciliatâ sibi per illos, adjunctâque prædonum aliorumque secleratorum ingenti copiâ, spargere cœpit, sub annum 622, apud Arabiæ populos, primùm Agarenos appellatos ab Agar, ancillâ patriarchæ Jacob, Ismaelis matre; unde et dicti Ismaelitæ, ac demùm Saraceni, qui Heraclio Casari, id temporis somnolentiùs imperanti, rebelles, Mahometem jam opibus potentem in ducem sibi elegerunt, atque incredibili celeritate maximas Asiæ partes cum Africâ et aliquâ Hispaniæ parte inundârunt. Ille verò, postquàm sex vel octo annis dominatum exercuisset, et sectæ suæ pestem diffudisset, omniaque stupris, adulteriis, aliisque sceleribus replevisset, ac idcirco infamem se etiam apud suos gregales reddidisset, ab iisdem veneno hoc ex orbe ejectus est anno Christi circiter 631.

Eadem hæc pestis postmodùm, partim armorum vi ac successu, partim grassante inter Orientis nationes schismate, morumque corruptione; partim demùm Græcorum imperatorum somnolentiâ, sub auspiciis duorum potentissimorum imperiorum, Saracenorum primò, ac deinde Turcarum, maximam Asiæ, magnam Africæ, nec modicam Europæ partem occupavit, maximè cùm anno 1453, Turcæ Constantinopolim expugnârunt, Orientisque imperium sibi adjunxerunt.

IV. Sunt tamen in hæc ipsâ sectâ schismata plurima, quorum aliqui ad 67 numerant, quæ hic nimis longum et inutile foret recensere. Quatuor sunt sectæ particulares præcipuæ: 1^o Turcarum, quæ auctorem habet Omarum, unum è primariis Mahometis discipulis; estque hæc secta liberior. 2^o Persarum, quam vocant Imanianam, ductam ab Ali, ejusdem falsi prophætæ altero celebriori discipulo. 3^o Maurorum et Arabum, quæ ducem agnoscit quemdam pseudo doctorem nomine Melich, omnium maximè superstitosam. 4^o Tartarorum, à quodam Odemano profecta, quæ censetur simplicior. Omnes tamen dicunt, se convenire in essentialibus Mahometismi dogmatibus, è quibus duo hæc præcipua esse aiunt, quòd *detur rex solùm Deus verus, et quòd Mahomet sit ipsius propheta.*

JUDAÏSMUS.

I. Judæi, nomen hoc adepti à Judâ, patriarchæ Jacob filio, cæteròquin etiam dicti Hebræi ab Heber, Abrahæ proavo, veram utique religionem olim habuerunt; imò, tanquàm populus electus, speciatimque dilectus à Deo, peculiaribus etiam beneficiis affecti fuere. In plures tamen sectas postmodùm divisi sunt, ac præcipuè quatuor: Samaritanorum, Sadducæorum, Pharissæorum et Essenorum, quæ Christi tempore maximè vigeabant.

II. Samaritani populi fuere Samariæ, quæ Palesstinæ provincia erat, inter Judæam et Galilæam sita; in quâ urbs regia ejusdem nominis, derivati à monte Somer, in quo erat ædificata. Habebant religionem mixtam ex Judaïsimo ac gentilismo; colebant enim verum Deum Israel, simulque idola Assyriorum, quales erant origine, etsi haberi vellent Judæi, cùm Samariam, Judæorum partem, Judæis mixti incolerent, horumque religionem ex parte sequerentur. Cæterùm habebantur à Judæis aliis tanquàm schismatici, vel hæretici; schismatici quidem, quia cùm Judæi statis anni temporibus Jerosolymam convenirent ad adorandum in templo Salomonis, Samaritani sese ab illis diviserant, dùm sub rege Jeroboam, duce Manasse, Jaddi, summi sacerdotis fratre, parem dignitatem ambitiosè prensante, favente cum principe Samariæ, cujus filiam duxerat, Alexandro Magno, templum Jerosolymitano æmulum ædificârunt in suâ ditione, nempe in monte Garizim; urbi Sichem adjacente, in quo olim Jacob patriarcha, Moses et Josue, sacrificârunt; ad quod Samaritani certis quoque diebus sacrificaturi accedebant. Hæretici verò insuper habebantur à Judæis Samaritani, tum quòd præter Deum verum alios colerent, tum quòd inter alios errores, quos recenset Epiphanius, resurrectionem mortuorum minimè crederent.

III. Sadducæi nomen traxerunt vel à Sadoc sacerdote, à quo originem ducebant, vel à Sedec, quod Hebraicum vocabulum significat *justitiam*, quam illi exactissimam profitebantur. Errabant, teste Josepho, et aliis, quòd negarent 1^o Providentiam; 2^o spirituum existentiam; 3^o resurrectionem corporum, unde S. Lucas Act. 23, 28: *Sadducæi dicunt, inquit, nos esse resurrectionem, neque angelum, neque spiritum;* 4^o animarum immortalitatem, adeò, quæ illarum post mortem præmia vel supplicia; 5^o juxta aliquos, omnes traditiones re-

spuebant; quin et omnes Scripturæ libros, excepto Pentateucho. Contra hos creditur scriptus fuisse liber Sapientiae.

IV. Pharisei nomen traxere à voce Hebræâ *paras*, *explicationem* vel *doctrinam*; vel *phares*, *divisionem* ac *separationem*, indicante quia legis doctores esse volebant, sublimioremque ejusdem doctrinam, ac observantiam accuratorem exterius affectabant, quâ se ab aliis sectis distinguiebant; unde Phariseus ille evangelicus: *Non sum, inquit, sicut cæteri hominum*, Luc. 18, 12. Cœpère, teste S. Hieronymo, in c. 8 Isa., paulò ante adventum Messiae, cujus ævo magnam sibi apud populum famam comparabant crebris jejuniis, prolixis orationibus, largis elemosynis, exactaque decimarum solutione. Verùm exteriora hæc opera ostentationis, ac vanæ apud plebem gloriæ captandæ causâ exercebant; reipsâ superbi, avari, hypocrite; ideirò à divino Salvatore sæpius reprehensi, ac sepulcris dealbatis comparati.

Errabant insuper 1^o quòd legem Mosaicam perversis expositionibus, et conflictis humanis traditionibus corrumpent, eam nunc nimium alleviando, uti cùm docebant, concupiscentiam internam non esse peccatum; odio haberi posse inimicum, etc.; nunc nimium aggravando: *Irritum fecistis mandatum Dei propter traditionem vestram*: et iterùm de illis: *Alligant, inquit, onera gravia, et importabilia, et imponunt in humeros hominum, digito autem suo volunt ea movere*. Matth. 5, v. 6, et 23, v. 4. 2^o Præter varias superstitiones, quibus erant addicti, astrologiam judicariam præcipuè colebant, fatumque inducebant, quod tamen cum hominis libertate conciliare satagebant.

3^o Metempsychosin, saltem bonorum, admittebant, ex quo errore ortum duxere illi sermones, quibus alii Christum dicebant esse Joannem Baptistam, alii autem Eliam, alii Jeremiam, aut unum ex prophetis; quia nempe putabant, animam alicujus ex illis in Christum transmigrasse.

Cæterùm existentiam spirituum, animarum immortalitatem, earumque post mortem præmia et supplicia, necnon corporum resurrectionem contra Sadduceos agnoscebant; unde censebatur hæc secta purior et nobilior; atque in tantum S. Paulus gloriatur, se fuisse, imò adhuc esse Phariseum, nempe quoad illa vera dogmata cum Christi fide congruentia, quæ Pharisei tuebantur contra Sadduceos, à quibus Apostolus distinguere se volebat, etsi ab ipsorum etiam

Phariseorum erroribus esset remotissimus.

V. Esseni, sive Essæi, quorum ignoratur origo, dicti sunt, quasi sancti et pii, eò quòd vitam religiosiorem profiterentur: divitias enim contemnebant, bona tantum in communi possidentes; societatis in se leges inviolatas servabant; à conjugii et omnium voluptatum usu abstinebant, uti testatur Josephus; alienos tamen filios adoptabant, quos suis legibus imbuiebant; unde Plinius, l. 6, cap. 17, scribit, gentem fuisse à plurimis seculis absque conjugio et sexuum commixtione subsistentem: *Incredibile dictu, inquit, gens æterna est, in quâ nemo nascitur*.

Cæterùm ab erroribus immenes non erant. Nam 1^o, ut tradit Josephus, fatum adstruebant; 2^o de animarum statu post mortem ferè cum ethnicis sentiebant, probas ad campos Elysios, improbas ad regnum Plutonis migrare credentes; 3^o à cæteris Judæis schismate erant divisi: unde nec in templo sacrificabant; tum ne, ut aiebant, aliorum hominum minus proborum consortio contaminarentur; tum quòd dicerent, se cæremoniis sanctionibus uti. Christo tamen favebat præ Phariseis et Sadduceis, qui acerrimè illum prosequerentur.

Omitto sectas alias Judæorum antiquas minus celebres: veluti 1^o Nazaræorum, qui rejiciebant Pentateuchum et sacrificia, carnisque usu prorsus abstinebant. 2^o Hemerobaptistarum, ita nuncupatorum, quòd quotidie baptizarentur; rati, non posse hominem vivere, nisi singulis diebus in aquâ mergeretur, atque sic ablueretur et sanctificaretur. 3^o Galilæorum, qui sub Christi tempora exorti, dicebant non licere Judæis, tanquam populo fidei, divino cultui addicto, subesse Cæsari gentili et idololatræ, eique tributum dare. Unde Christus et Apostoli, veluti Galilæi, ejus erroris falsò insinulati sunt; et divinus Servator à Phariseis, tentandi causâ, interrogatus, *liceretne censum dare Cæsari, an non*, Matth. 22, statim asseruit, ut omnem illius erroris suspensionem à se, suisque amoliretur. 4^o Herodianorum, qui Herodem Ascalonitam dicuntur pro Messia habuisse, eò quòd in ipso, velut alienigenâ, utpote Idumæo, Judæorum regem declarato defecisset *sceptrum de Judâ, et dux de femore ejus*, quod erat signum adventus Messiae juxta prophetiam Jacobi, Genes., 49, 10. Quòd pravis imbuti essent dogmatibus, liquet ex eo quòd Christus monuerit, esse *caendum* à fermento Herodianorum. Quenam autem ista dogmata fuerint, non satis constat.

VI. Aorogata post Christi mortem lege Mosalca, capitalis et communis Judæorum error est, quod negent Messiam adhuc venisse, illumque esse Jesum Nazarenum, quem crucifixerunt, ac ipsum Deum esse. Sunt tamen inter illos etiamnum particulares quædam sectæ, ac præsertim Karaitarum, qui Scripturæ soli adherent, et Rabbanitarum, qui simul sequuntur traditiones Rabbiorum, comprehensas in libro quem *Talmud* appellant, id est, *Disciplinam*, quia continet jura et cæremonias Judæorum, constatque duabus partibus: Prima, quæ dicitur *Mischna*, et prodit circa annum æræ christianæ 188, complectitur constitutiones et traditiones antiquorum Rabbiorum; altera, quæ dicitur *Gemara*, continet glossas et expositiones ab aliis Rabbiniis priori parti velut textui adjertas. Utraque verò referta est pluribus blasphemis, fabulis et ineptiis; quapropter non solum Catholicis à sacrâ potestate, uti jam dictum fuit, sed etiam ipsis Judæis à politicâ liber ille prohibitus fuit.

ARTICULUS II.

Sectæ præcipuæ à temporibus Christi et Apostolorum per singula secula ad moderna usque tempora deductæ.

I. Notissimum est omnibus illud Apostoli oraculum: *Oportet hæreses esse, ut et qui probati sunt, manifesti fiant in vobis.* Hujus verò apostolici effati veritatem probavit eventus, quando nullum ferè à Christi Apostolorumque temporibus seculum fluxit, quo non una vel multiplex etiam hæresis exorta sit.

Plures autem harum pestium fontes detexere SS. Patres; quorum præcipui censeri possunt: Primum, ab initio nascentis Ecclesiæ, gentilismi reliquæ in neoconversis pluribus superstites; item philosophorum ethnicorum placita nondum depurata, quæ nonnullis fidei veritatibus, quibus reipsâ adversabantur, in speciem per sophismata conciliare contendebant, aut potius fidem et Religionem christianam ad illa accommodare. Deinde universam superbiam, quæ omnes penè hæresum auctores stimulat, ut, cum vel in proprio sensu abundarent, saperentque ultra quàm oportet sapere ad sobrietatem, nec reprehendi se, errorisve coargui patienter ferrent, ejusmodi errori pertinaciam adjungere; aut, cum quæpiam ecclesiastici honoris gradum, suis licet meritis altiorem, ambiciosè prensarent, ab eo repulsi, vindictæque æstu abrepti, ore simul et clamore Ecclesiam, velut illius repulsæ cau-

sam, cœperunt impugnare; ejusque detrectare auctoritatem.

II. Speciatim ad hæresin viam sternit præposterus novitatis amor, et vanus omnia ad crisin immodicam ac effrenem revocandi pruritus, propullulans ferè ex pravâ emulatione, ac cupidine supra vulgus eminendi, et aliquam reconditæ magis doctrinæ famam præ aliis aucupandi. Denique, quod S. Hieronymus exemplis ætati suæ vel cœævis, vel anterioribus ostendit, vix ulla hæresis exiit sine femina vel adjutrice, vel comite. Has ferè hæresum origines complexus est Epiphanius, hæresi 76, his verbis: « Hæreses omnes pessimo ex eorum, qui ab initio usque ad finem extiterunt, consilio profectæ sunt; sive illas gloriæ cupiditas, aut arrogantia, sive voluptatum libido, sive aliorum æmulatio, sive commotio quædam animi, aut temeritas impulerit. » Quæ præmonuisse juverit, ut nôrint tirones, à quibus syrtibus, vel sirenibus sibi sit declinandum, ut triste fidei naufragium securè devitent.

III. Nunc hæreses inter ipsos Christianos exortas per singula secula sic recensebo, ut minus famosas, vel cum suis auctoribus jampridem sepultas, nec facillè hoc ævo suscitandas, suis in cineribus obmutescentes, et ego vel tacitus omninò præteream, vel nonnisi uno alterove verbulo designem; alias verò, quæ hæc præsertim ætate caput altius extulerunt, aut olim etiam latius grassatæ sunt, paulò accuratius depingam, eo consilio ut eam eadem toties jugulatæ jampridem hydræ statis temporum intervallis ex ore revocatæ caput rursus attollant, sitque ea modernorum etiam novatorum in eruderandis antiquis præcursorum suorum erroribus, quantumvis absonis, effrenis licentia, vix ut ulla sit istarum pestium, quam hinc inde revehere in orbem non sint moliti; pariter intelligant tirones, quibus è lacunis ista mephitis hauriatur, eoque vehementius eam exhorrescant, quò certius noverint quantas jam ollæ strages in orbe ediderit.

Ad extremum nonnihil de vitâ et moribus eorum dicendum operæ pretium esse duxi, qui fuerunt primarii errorum architecti, hæresumque fabricatores; ut ex his quàm lector intelligat quanti illorum faciendâ sit doctrina, quorum mores fuere tam corrupti; et vel inde prudenter æstimet, credine possit, quòd Christus homines tot flagitiis conspurcatos mittere voluerit ad reformandam Ecclesiam sponsam suam, ut illam exhiberet ipse sibi gloriosam... non habentem maculam, aut rugam, aut aliquid

hujusmodi, sed ut sit sancta et immaculata, Eph. 5, v. 27.

HERESIS EXORTÆ SEculo PRIMO.

CAPHARNAÏTE.

Prima hæresis, Augustino teste, in psal. 5, exorta est inter Christi discipulos, occasione hujus effati Joan. 6, 25: *Nisi manducaveritis carnem Filii hominis, et biberitis ejus sanguinem, non habebitis vitam in vobis, etc.*, quod, cum audissent multi ex discipulis Capharnaïtis, ac perversè ista verba interpretarentur: *Durus est, dixerunt, hic sermo, et quis poterit eam audire? Et, quamvis divinus Salvator, qui eorum corda nôrat, sensum istorum verborum reconditum exponeret, tamen ex hoc multi discipulorum ejus abierunt retrò; et jam non cum illo ambulabant.* Hos, et in iis Capharnaïtarum pronepotes hujus seculi novatores, imò hæreticos quoscumque confutavit, modumque se dociles Christo, ejusque Ecclesie præbendî edocuit ipse Apostolorum princeps, quando Christo mox interroganti: *Numquid et vos vultis abire? tanquam caput, omnium nomine, reposuit: Domine, ad quem ibimus? verba vite æternæ habes; et nos credimus, et cognovimus, quia tu es Christus Filius Dei.* Quâ promptâ confessione docuit Petrus, fidei mysteria non esse superba curiositate examinanda; sed, Deo loquente, humilî fide suscipienda, etiamsi intellectus non comprehensa, sicuti nec Petrus tunc mysterium illud comprehendebat. Quapropter S. Augustinus, relatis Petri verbis: « Intendite, obsecramus vos, inquit, et parvuli discite pietatem. Numquid jam Petrus intelligebat secretum illius sermonis Domini? nondum intelligebat; sed bona esse verba, quæ non intelligebat, piè credebat. Ergo si durus est sermo, et nondum intellectus, durus sit impio, tibi autem pietate molliatur, » etc.

SIMONIANI.

I. Post Salvatoris in cœlos ascensum primus qui hæresis pestem in orbem invexit, teste Epiphonio, fuit Simon Magus circa annum Christi 98, cujus mentio habetur in Actis Apostolorum c. 8. Is, ut ibid. perhibetur, è Samariâ oriundus, cum antea magus fuisset, seducens gentem Samariæ, postea verò à Philippo baptizatus videret Spiritum sanctum in eos quibus manus imponebant Apostoli, illabi, oblatâ pecuniâ voluit ab Apostolis potestatem emere similiter conferendî Spiritum sanctum, quo facto labis, ab ipso dictæ Simoniacæ, primum jecit funda-

mentum. Verùm à S. Petro his verbis, ceu anathemate percussus: *Pecunia tua tecum sit in perditionem, quoniam domum Dei existimasti pecuniâ possidere, magicas artes repetisti, et alios impiissimos foedissimosque errores spargere cepisti.*

II. Primò, se esse magnam virtutem Dei, imò Deum ipsum, qui in Samariâ apparuerit ut Pater, in Judæâ ut Filius, in gentibus ut Spiritus sanctus, quâ insanâ faciem prætulit Sabellio ad negandam realem Personarum in Deo Trinitatem. Secundò, Christum verè non venisse, nec realiter esse passum, sed solùm apparenter. Tertio, vagam quamdam mulierculam natione Tyriam, nomine Helenam, cum quâ clam omni se libidinum genere pollicebat, jam blasphemabat esse Spiritum sanctum, jam fabulabatur esse Minervam, et sub hujus simulacro suis discipulis præbebat adorandam, sicut se ipsum sub simulacro Jovis. Quarto, mundum aiebat non fuisse conditum à Deo sed ab angelis, quos per Helenam, primam suæ mentis conceptionem, ipse creavisset. Quintò, legem dicebat non à Deo, sed à sinistra quoddam intelligentiâ istam fuisse; quapropter reverà duos deos fingebat, unum malum, auctorem legis; alterum bonum, à quo se descendisse affirmabat, ut à deo malo homines liberaret; sicque Manichæis, aliisque Christianis polytheis præludebat. Sextò, omni sublata lege, ac bonis operibus eliminatis, velut minimè necessariis, amplam suis cultoribus ad omne scelus impunè patrandum viam aperiebat; speciatim verò indifferentem feminarum usum permittebat. Septimò negabat carnis resurrectionem cum Sadducæis, metempsychosin verò cum Pythagoricis adstruebat, verisimiliter ut novam quam somniarat de suâ Helenâ fabulam firmaret, quam dicebat in varia muliebrâ corpora, ac speciatim famosè illius Helenæ Trojanæ corpus transmigrasse, ut adversantium sibi angelorum insidias declinaret; seque idcirco, stolidus nequam aiebat, velut pastorem bonum in terras descendisse, ut ovem hanc errabundam inquireret, atque in cœlum reduceret.

III. Postquàm hos errores per varias orbis partes circumtulisset, multisque falsis signis, ope demonum perpetratis, persuadere studisset, tandem Romam venit, ubi cum, eorumdem ope, in cœlos evolare tentaret, quò se verum Deum probaret, precibus S. Petri præceps ruit, et constrictis ossibus, animam exhalans ad inferna descendit.

IV. Simonis discipuli, vel successores fuere postea Menander, à quo Menandriani; Saturni-

nas, à quo Saturniani; et Basilides, à quo Basilidiani, qui magistri sui blasphemias, impietates ac insanias, vel alias haud absimiles propagarunt, novisque adauxerunt, quas minùs utile videtur hic vel repetiisse, vel commemorasse.

PSEUDOAPOSTOLI.

Inter primos hujus seculi hæreticos numerantur etiam Pseudoapostoli, seu, ut Scriptura loquitur, *quidam de hæresi Phariseorum, qui crediderunt*; sed ita Evangelium Christi recipiebant, ut interim observationem legis antiquæ, præcipuè circumcisionis necessariam esse contenderent. Contra hoc primum Apostolorum concilium Hierosolymis fuit habitum. Hoc in errore fuere alii, dicti speciali nomine Nazareni, quos, cum Galatiæ S. Paulus invenisset, anathemate ferit.

NICOLAÏTÆ.

De his aperta fit mentio in Apocalypsi, c. 2, v. 15; magistrum, à quo nomen accepere, habuerunt, teste S. Irenæo, *Nicolaum, ex septem qui primi ad diacosibus ab Apostolis ordinati sunt*. Dubitatur tamen, an ipse hæresin hanc docuerit, ut plures è SS. Patribus sentiunt apud Gottl: an verò ex aliquo Nicolai facto, in pravum sensum detorto, hæresin condendi sub ejus nomine occasionem alii sumpserint, ut malunt alii. Cæterùm, illi errabant primò, quòd docerent, mundum non esse factum à Deo, sed à quibusdam principibus quos exprimebant nominibus barbaris ac horrendis, quibus terrorem suis auditoribus incuterent; secundò indifferentem feminarum usum indulgebant; unde tertio docebant, licere scortari; quartò etiam vesel idolothytis.

CERINTHIANI.

Nuncupati à Cerintho. Hic ex Judæo factus Christianus, cum Baptismo circumcisionem, velut ad salutem necessariam, volens esse jungendam, varias contra Christi discipulos excitavit contentiones tum Hierosolymis, tum Antiochiæ et alibi, teste Epiphano. Cap talis autem ipsius error (ut reliquos, qui dubiò ipsi tribuantur, vel ab ejus deinde discipulis additi sunt, prætermittam) in eo stetit, quòd Jesum à Christo distingueret, diceretque, illum non de virgine, sed de muliere, maritali commercio intercedente, conceptum ac natum esse; Christum verò, seu Spiritum sanctum sub columbæ specie in eum descendisse, eique sanctitatem, et vim eam aliis communicandi patrandique

miracula tribuisse. Addebat, Christo in cælum reverso, solum Jesum passum ac mortuum esse; quem aliqui ex ipsius discipulis postmodum dixere, nondum resurrexisse, et prius resurrectorum cum aliis in communi resurrectione.

EBIONITÆ.

I. Ebionitæ, seu Ebionæ sic appellati, vel, ut quidam censent, non à quiddam singulari personâ, sed ab ipsâ etymologiâ nominis Ebion, quòd Hebraicè idem sonat ac pauperem, eò quòd minùs humiliter de Christo sentirent; vel, ut communiùs et probabiliùs alii, ab Ebione quodam ejus sectæ auctore, Apostolis coævo, qui, Epiphano teste, circa annum Christi 70. sequentes errores docuit:

1^o Christum esse parum hominem ex Josephi et Mariæ concubitu, more hominum aliorum, progenitum; nonnulli tamen ejus discipuli postea dixerunt, ex virgine natum, sed etiam ante hanc nativitatem haud extitisse; 2^o Circumcisionem et alia legalia post Christum adhuc esse servanda, Ebionitæ contendeant; 3^o Virginitatem à suis costibus repellebant, qui etiam propriùs aliorum hæreticorum genus fuit; 4^o Uxorum pluralitatem permittebant. S. Hieronymus, de Script. eccles., dicit quòd S. Joannes Evangelium suum scripserit « ad-
« versùs maximè tunc Ebionitarum dogma con-
« surgens, quòd asserit Christum ante Mariam
« non fuisse. »

II. Narrat quoque Epiphanius, quòd idem Apostolus, cum ad balneum accedens audisset Ebionem ibi adesse, ingemiscens suis comitibus dixerit: *Properate, fratres, advemus hinc, ne balnea concidant, et cum Ebione, qui intus est, ob ejus impietatem obruamur*. Id quòd S. Polycarpus narrat de Cerintho. Fortassè, inquit cardinalis Gottl, uterque tunc eo in balneo fuit.

HERESSES SECVLI II.

GNOSTICI.

I. Sic dicti fuere à rerum omnium γνῶσις, sive scientiâ, quam sibi præ cæteris superbè arrogabant. Eorum auctor præcipuus, ut communiùs censetur, fuit quidam Carpocrates, vel Carpocras nomine, à quo etiam dicti Carpocratiani; propagatrix verò Marcellina mulierque illam hæresin papæ Aniceti tempore Romam invexit, multosque ibi seduxit, teste Epiphano.

II. Delirabant autem præcipuè in sequentibus capitibus:

1^o Duos admittent deos, unum quem Bar-

belo vocabant, atque in supremo cœlo collocabant; et hunc patrem universorum Ipsiusque Christi, qui ad nos descendit, esse dicebant. Alterum, quem in septimo cœlo ponebant, et *Sabaoth* vocabant, faciebantque creatorem cœlorum qui sub ipso sunt, ac mundi hujus inferioris. 2° Dicebant mundum non esse factum à Deo, sed ab angelis. 3° Carpocrates Christum aiebat quidem verè fuisse hominem, sed purum, instar aliorum progenitum; cujus anima tamen, priusquam in corpus immitteretur, fuerit cum Patre ingenito, et omni ab illo scientiâ ac virtute exornata. Alii verò Gnostici contendebant, Christum non esse ex Mariâ natum, sed per illam ostensum, et hinc S. Dei genitricem ludibrio habebant; ipsum verò Christum non habere carnem, nisi apparenter talem. 4° Duas in homine animas fingeant, alteram bonam et ratione præditam; alteram malam et rationis expertem; illamque, non item istam volebant esse de Dei substantiâ. 5° Metempsychosin admittebant; carnis verò resurrectionem ac judicium futurum negabant. 6° Licitum esse dicebant Christiano ad vitanda tormenta Christum abnegare, et idola colere. 7° Jevunia et castitatem aversabantur. Horrenda sunt, quæ de nefandis eorum turpitudinibus scribit S. Epiphanius.

VALENTINIANI.

I. A Valentino quodam, cujus patria stirpsque ignorantur. Is, cum ingenio et eloquentiâ eminent, et hinc spem episcopatus concepisset, alter verò ipsi prælatus fuisset, indignatione spirituque vindictæ accensus, Ecclesiam oppugnare cœpit, uti testatur Tertullianus, l. cont. Valent., c. 4. Errores primùm spargere occultè cœpit in Ægypto; deinde sub Hygino papâ Romam profectus, initio speciem pietatis præ se tulit; tum inter fideles eosdem errores clam disseminavit; tandem detectus, et Româ pulsus, Cyprumque delatus, animum omninò depravavit.

II. Errorum ac deliriorum summarium his ferè capitibus præcipuis absolvatur: 1° Duo statuebat prima principia: Profundum, et Silentium, sive Chaos, velut primos duos Æons, quorum alterum masculum, alterum feminam dicebat; atque ex his duobus, velut ex conjugio, seu immediatè, seu mediatè processisse Æonas triginta, è quibus 15 mares, totidem feminas. 2° Triplex fingeat hominum genus, pneumaticum, seu spirituale; psychicum, seu animale; et hyginum aut choicum, seu materiale. Primo hominum generi, cujus

modi se Valentini omnes esse credebat, tribuebat animam suâ naturâ bonam, et nullis sceleribus, quæ impunè ipsi licerent, contaminandam; atque idè ejus generis hominem aliquando resurrecturum aiebat, sed cum alio corpore, nempe spirituali, et certò salvandum. Alteri generi tribuebat animam boni mali que capace, et pro diversâ vivendi ratione salvari, damnarive posse contendebat. Postremo denique generi animam naturâ malam inesse aiebat, et ad exitum conditum esse assererat eâ ratione, ut cum corpore simul et animâ interiret. 3° Docebat propter mediæ generis homines Christum à Patre, id est, à Profundo missum esse, sed spiritale vel cœleste corpus secum attulisse; adeoque nihil sumpsisse de Virgine Mariâ; sed per illam, tanquam per rivum, aut fistulam transisse.

Omitto plura ejusmodi deliria; Valentinianos Tertullianus acriter impugnavit; et Zachæus Cæsariensis. Ep. anathemate ferit. Primarius Valentini discipulus ac successor fuit Secundus, à quo Secundiani nomen habent. Is magistri errores duntaxat ampliavit, excogitâtâ novâ Æonum serie ac naturâ.

MARCIONITÆ, etc.

Marcionitæ à Marcione, Appellatæ ab Appelle, Cerdoniani à Cerdone quodam appellati, Manichæis præluserunt, dum duo rerum principia duosque deos statuerunt, unum bonum, alterum malum; illum Christipatrem, hunc legis, ac prophetarum auctorem. Hunc errorem adoptarunt Tatiani, dicti etiam Encratitæ, seu continentis, quòd à nuptiis dicerent esse abstinentes, neque carne vinoque uterentur, quæ aiebant profluxisse à principio malo: unde et in ipso Missæ sacrificio aquam solùm adhibebant sine vino.

MONTANISTÆ.

Nomen traxere à Montano, in provinciâ Phrygiæ, ex parentibus gentilibus orto, qui adjunctis duabus mulierculis Priscillâ et Maximillâ, quas velut prophetissas venditabat, 1° docuit in seipsum hasque feminas Spiritum S. majori plenitudine descendisse, quàm in ipsos Apostolos; et hinc Spiritum S. se appellabat, imò Deum Patrem; ex quo videtur forsitan in suspitionem venisse, quòd et personarum in deitate trinitatem sustulerit, et seipsum deum esse fixerit; quod tamen plures vocant in dubium. 2° Negabat in Ecclesiâ dari potestatem remittendi peccata quædam graviora,

post baptismum commissa, velut adulterium, homicidium, lapsum in idolatriam et alia similia; adeoque pro eorum remissione Deum duntaxat esse exorandum. 3° Secundas nuptias illicitas esse proclamabat, et pro fornicationibus habebat. Ex adverso matrimonium dissolvi posse aiebat. 4° Negabat esse licitum Christianis, fugam capere in quacumque persecutione. 5° Nova jejania prædicabat, tanquam jure divino præscripta.

Secta hæc, propter eam quam ejus assectæ præ se ferebant vitæ severitatem, primam in æstimatione habita à multis, tandem, fraude detectâ, damnata fuit tum in Asiâ et Græciâ ab episcopis, tum à Zephyrino et Aniceto PP., tum in concilio Constantinopol. I, can. 7.

TERTULLIANISTÆ.

Dicti à Tertulliano, Carthaginiensi presbytero, viro acris et vehementis ingenii, teste S. Hieronymo, primoque post Victorem et Apollonium Latinorum scriptore; qui, postquam contra Montanistas strenuè pugnavisset, seu invidiæ adversus Victorem gentilem suum, in pontificatu sibi prælatum, stimulis agitatus, seu austeræ indolis impulsu, falsique severioris disciplinæ quam Montanus præ se ferebat specie, atque etiam somniis Priscillæ ac Maximillæ delusus, illorum errores adoptavit, et novis adauxit.

Nam docuit 1° angelos esse corpora tenuia ac subtilia; animam quoque nostram, licet immortalem, corpoream tamen esse, eamque crescere, adolescere, cibos desiderare, et in cæteris cum corpore convenire; unde illi tribuebat longitudo, latitudinem, sublimitatem, effigiem, sexum, habitum, terminum, ut corpori. 2° Teste S. Augustino, dicebat, animas sceleratorum hominum post mortem converti in demones. Errores alii illi tribuuntur à quibusdam, à quibus illum purgant alii; hinc eos prætermitto.

QUARTODECIMANI.

Sic idcirco fuerunt appellati, quod pascha à Christianis simul cum Judæis vellent esse celebrandum quartâ decimâ lunâ mensis martii, quocumque septimanæ die illa incidere. Auctor, vel auctores hujus sectæ sunt incerti; fautor verò fuit Polycrates Ephesiorum episcopus. Quoniam autem videretur ab initio esse controversia de solo ritu et disciplinâ, ut observat Gotti, c. 25, n. 4, et hinc ille mos pascha celebrandi in Asianorum Ecclesiis à

pluribus pontificibus fuerit toleratus; postmodum tamen, cum quidam evulgare cœpissent, eum morem etiam de præcepto divino esse retinendum, atque in hoc observandam legem Mosalicam etiam à Christianis, controversia hæc mæxæ disciplinæ et ritûs esse desit, et ad fidei dogma crepit pertinere, ut idem eminentissimus ibidem animadverit. Hinc Victor papa circa annum 198 instituit, ut pascha ab omnibus Christianis celebraretur, non decimâ quartâ lunâ, quocumque hebdomadæ die occurrisset more Judæorum, sed die Dominico decimam quartam lunam, et æquinocetium vernale immediatè sequente, prout ab Apostolis traditum erat, et observabat Ecclesia Romana.

Cum tamen nondum acquiescerent multi Orientales episcopi, hoc ipsum definitum ac statutum fuit in concilio Nicæno I, eam ob controversiam, inter cæteras causas, convocato, ut testatur Eusebius, l. 3 de Vitâ Constant. c. 5, et ipse Constantinus M. in Epistolâ suâ, quâ œcumenicum hoc decretum Ecclesiis notum fecit; in quâ simul prudentissimas rationes enumerat, quibus moti fuere Patres concilii ad illud concipiendum. Jure proinde miremur posse cuiquam sincerè Catholico in mentem venire, ut interroget: «Cur in re, quæ instituti merè humani est, tantoperè collectentur Christiani? Quid luna plena æquinocetialis ad rem faciet? Quid Pascha instar Nativitatis Dominicæ celebramus festo die mensis martii? Ad quid tanta varietas in calculo temporis ecclesiastici, ut mox citius, mox seriùs Pascha et Pentecostes habeatur?» Princ. p. J. P. E. c. 1, n. 14.

HERESSES SÆCULI III.

NOVATIANI.

Nomen hoc adepti primùm à Novato, tum etiam à Novatiano, illo Carthaginiensi, hoc Romano presbytero; postmodum Catharos ipsi se, id est, mundos et puros, superbè appellarent. Porrò Novatus, uti genere humili obscuroque progenitus erat, ita impietate, avaritiâ, turbulentâ insignis, utpote qui proprio parenti fame extincto ne sepulturam quidem dedit; impacto in prægnantis, quam primùm duxerat, uxoris uterum calce, abortum eidem causavit; nec viduarum, nec pupillarum, ac ne ipsius Ecclesiæ bonis pepercit; denique exitiosas inter fratres discordias excitavit, quæ omnia testatur S. Cyprianus, ipsius episcopus, Ep. 40, ad Corn. Quapropter damnandus in concilio Africano, quod tamen ingruens per-

secutio impedivit, Romam profugus, supremam ibidem cathedram post Fabianum sibi, vel cuiquam ex suis, asserere molitus est; quâ spe per electionem Cornelii pontificis dejectus, primum schisma contra illum incœpit. Ad quod invenit paratum Novatianum, gentiliū parentum superstitionibus ab infantia imbutum, exinde tamen, cum graviter decumberet, in lecto utcumque baptizatum; qui, cum philosophicis, stoicorum tamen, ut fertur, disciplinis exultus, editisque etiam libris ecclesiasticis, ut perhibet S. Hier., de Script. Eccles., clarus extiterit, reclamante tamen clero, presbyter effectus, pontificatum etiam ambiit.

Ii fuere sequentium errorum disseminatores: 1^o Iis qui à fide defecerant, vel in alia crimina, saltem graviora, veluti adulterium, homicidium, etc., post Baptismum lapsi erant, spem omnem veniæ eripiebant, saltem obtinendæ ab Ecclesiâ; cui proinde potestatem ejusmodi peccatis veniam indulgendâ denegabant. 2^o Accedentes ac redeuntes ad suam sectam iteratò baptizabant, existimantes baptismum extra illam collatum, esse irritum. Cæterum Confirmationis sacramentum penitentiæ negligebant. 3^o Martyres eorumque reliquias contemnebant. Demum cum Montanistis secundas nuptias damnabant.

SABELLIANI.

A Sabellio, ex Africâ vel Lybiâ oriundo, juxta quosdam, et vel episcopo Ptolemaidis, vel presbytero Constantini. Is novam hæresin non tam primus excogitavit, quàm à Praxea, Montani prius assectâ, postea desertore, alioque quopiam Nocto acceptam propagavit, docens esse in Deo unam duntaxat reipsâ personam, sicut et unam naturam, licet secundum triplicem notionem tribus nominibus expressam; unde et Sabelliani dicebant, Patrem quoque in Christo passum fuisse, quapropter etiam appellati fuere *Paterpassivus*. Damnati sunt in concilio Constantinop. I.

Sabellii hæresin deinde adoptarunt tum Photinus natione Galata, dein in Pannoniâ episcopus, qui et Christo cum Ebione, divinitatem detraxit; demum idcirco episcopatu pulsus, tum Paulus à natali urbe Samosatâ dictus Samosatenus, vel Samosatensis, episcopus Antiochenus, homo fastu et arrogantia supra modum elatus, utpote qui inter cætera angelum se à celo delapsam prædicari à suis patiebatur, psalmosque in sui laudem à mulierculis in Ecclesiâ decantari. Cæterum paulò

aliter unitatem personæ in Deo tuebatur, quàm Sabellius, et ita quidem, ut non cogere-tur admittere, Patrem fuisse passum. Tandem in synodo Antiochenâ propter hæresin et mores episcopo indignos à fidelium communione abscissus, et episcopali sede dejectus fuit. Sabelliana pestis dicitur ætate nostrâ suscitata in Angliâ à quibusdam apud Gotti, c. 37, v. 1, n. 10, sicut Samosetanam suscitârunt Soci-niani, de quibus infra.

ORIGENISTÆ.

I. Duplicis generis recensentur. Utrumque ab Origene, sed diverso: uno obscuro et ignoto, qui Gnosticorum fœditates arripuit ac promovit, de quibus nil ampliùs attinet dicere; altero percelebri, Alexandria nato, qui et *Adamantius* fuit cognominatus, sive propter adamantinam quam in primâ et mediâ ætate præ se tulit fidei constantiam, sive propter infractum in Scripturis sacris legendis, librisque scribendis studium ac laborem, unde et *Syncretistes* sive *Luxabrator* etiam appellatus; et acuminis ingenii ac eloquentiâ talis habitus inter Græcos, qualis Tertullianus inter Latinos. Is, postquàm adhuc puer tam ardentem flagrasset desiderio martyrii, ut, ne ad illud ultrò se sisteret, per vim à matre domi detineri debuerit, postmodum, patre istâ laureâ coronato, sacerdos effectus, cum plures alios ad illam carpendam instruxisset atque animasset, imò ipse sub Decii persecutione in vincula conjectus, acerbissimos cruciatus pertulisset, ad extremum formidabile imbecillitatis humanæ posteris exemplum reliquit, dum in sequentes exitiales errores prolapsus est.

II. Error primus fuit circa creationem et naturam animarum. Fingebat enim, ut refert S. Thomas, 1 p., q. 47, a. 2, O, quòd Deus primò creârit rationales creaturas omnes æquales; eas verò, quæ ex libero arbitrio magis vel minus ad Deum conversæ fuerant, ad diversos angelorum ordines pro meritorum diversitate fuisse promotas; illas quæ à Deo sese avertentur diversis corporibus fuisse alligatas, et animas evasisse, corpori magis vel minus imperfecto, pro diversitate demeritorum, velut carceri inclusas. Ex quibus ulterius delirabat animam etiam Christi, antequàm corpori uniretur, præexistisse; item solem, lunam et astra animatas quasdam virtutes esse, ut testatur S. August., 1. 4 de Civ. c. 25. Error alter fuit circa corporum resurrectionem, quam equidem admittebat, sed siebat illa non resurrectura

rectæ, ut modò, sed orbicularis figuræ; neque cum sanguine et membris, quæ habent modò, quia pro illo statim haud servituris, sed subtilia et aerea esse futura. Error tertius erat circa statum animarum post hanc vitam. Præterquam enim quòd negaret, damnatorum animas quidpiam pati ab igne corporeo, insuper negabat illorum, dæmonumve ipsorum penas in æternum esse duraturas. Addebat, Christum iterum cruciandum esse pro dæmonibus. Ad extremum eò usque deliravit, ut, « sicut ponet lat dæmones et animas damnatorum quandoque à penâ liberandas, ita » poneret, « angelos et animas beatorum quandoque à beatitudine in hujus vitæ miseriis devolvendas, » S. Th., in Suppl., q. 99, art. 2, O. Imò damnatos ad hoc quoque seculum rursus redituros, et hinc ad beatitudinem evocandos, dæmonesque in priorem statum et ordinem restituendos.

III. Damnata fuit Origenis doctrina primùm in synodo Alexandrinâ, sub antistite Theophilo; eoque urgente in synodo, Cypri à S. Epiphonio, Salaminiæ episcopo, congregatâ. Deinde ab Anastasio papâ reprobata. Demùm in concilio Constantinopolitano seu synodo quintâ profligata cum auctore suo, qui obiit anno 256, ætatis 70.

MANICHÆI.

I. His appellationem dedit Verna quidam, natione Persa, qui antea Cubricus vocabatur. Is à viduali, cui famulatus erat, libros quosdam pestiferos à Saraceno quodam, nomine Scythiano, homine maleficiorum perito, conscriptos, hæreticè acceperat, è quibus errores hausit pestilentissimos. Hos cum disseminare primùm cõpisset, ut memoriam antiquæ servitutis deleteret, Cubrici nomen abiecit, et vocari voluit *Manes*, quod vocabulum Persis idem est ac *allocutio* vel *dissertatio*, ut se, qualis sibi videbatur, dialecticum alicujus nominis venditaret. Cum autem advertissent ejus discipuli, *Manes* apud Græcos *issaniam* sonare, eum, inquit S. August., l. de Her. c. 46, geminatâ à literâ Mannichæum vocarunt, quasi *mana* fundentem; se verò *Mannichæos* appellârunt. Verùm et illi *Manis* vel *Manichæi*, his *Manichæorum* nomen adhxissit apud orthodoxos.

II. Fata Manis, priusquam ejus errores exhibeam, paucis aperio. Cum impostor ille sua deliramenta sub initium nullo, vel exiguo successu disseminaret, ut his ac sibi conciliaret auctoritatem, regem Persarum adiit, eique

promisit, ægrotanti filio sanitatem ex arcanis suis libris à se restitutum iri. Verùm eo, post correctâ medicamenta, inter impostoris manus extincto, à rege in vincula conjectus, corruptis pecuniâ custodibus, fugâ postmodum elapsus est in Mesopotamiam; ubi, adlectis sibi duodecim discipulis et quibusdam virginibus, apostolum se Jesu Christi primùm, tum etiam Spiritum S. esse, blasphemavit. Verùm inde quoque, procurante Archelao episcopo, cedere compulsus, atque in Persidem redire coactus, iterum capitur, jussuque regis, detractâ pelle, vitam infamem pari sine clausit circa annum 278. Reliquit autem inter alia scripta Epistolam, quam vocat *Fundamentâ*. Eam egregiè confutavit S. Augustinus. Ejus verò discipuli in variis regiones ab ipso missi (è quorum tribus præcipuis unus nomine Thomas Evangelium conscripsit, quod Thomæ Apostolo falsò attributum fuit), magistri suosque errores latissimè et citissimè per Africam, Asiam, magnamque Europæ partem, Hispaniam præsertim ac Galliam propagârunt. Sunt autem errores isti præcipuè sequentes:

III. 1^o Statuebant Manichæi duo principia opposita, et quidem æterna, immortalia, ab invicem independentia: unum Bonum, quod principem lucis et absolutè Deum ac lucem appellabant, omnisque boni dicebant auctorem; alterum Malum, quod *principem vel gestem tenebrarum*, aut *principem mundi*; *Malignum*, *Materiam* vocitabant, et volebant originem esse omnis mali, quod malum dicebant esse substantiam quamdam bono adversantem. Porrò Deum faciebant corporeum, finitum et divisibilem, cum eum certis regionibus circumscriberent, aliis verò principium malum, et omnia bona velient effici ex illius, omnia mala ex hujus substantiâ. Insuper Patrem, Filium et Spiritum S. quidem admittebant, sed unum Deum dicebant sub triplici nomine. 2^o Carnem aiebant pervenire à malo principio, et esse de ejus substantiâ. Quapropter in primis negabant, Christum veram carnem habuisse, ac proinde verè natum ex Virgine, ne inquireretur; neque verè passum, crucifixum aut mortuum dicebant, sed solùm apparenter et similitudinariè, atque pari solum modo resurrexisse. Quamobrem et die dominico jejunabant, ut ostenderent, se in Christi resurrectionem veram non credere. Quanquam et dicantur, eo die jejunium servasse in honorem solis, sicut et feriâ secundâ in honorem lunæ, quibus cultum deferebant, si non tanquam

diis, ceterè tanquam Dei sedibus, ad quas animæ purgatæ ferebantur. Deinde addebant, Christum non ad corpora liberanda, sed ad solas animas salvandas venisse; et solarum animarum, non corporum resurrectionem admittentibus. Denique, etsi mulieribus uterentur, tamen abhorrebant nuptias, et generationem impediebant, ne deo malo cooperarentur. 3^o Duas uni corpori fingeant animas insidere, alteram bonam et rationalem, à bono principio efformatam et de ejus substantiâ, adeoque instar illius corpoream; alteram malam et animales, pariter effectam à principio malo. Hasque animas abebant inter se confingere, cum caro concupiscit adversus spiritum, et spiritus adversus carnem. Hinc inferebant, hanc concupiscentiæ pugnam non produere ex peccato primi hominis (atque hinc fortè baptismum planè respuebant, velut inutilem), sed ex substantiâ mali, nobis intimè inherentis et pugnantis cum substantiâ boni. 4^o Animarum metempsychosin cum Pythagorâ asserebant, adeò ut anima hominis post mortem migraret in corpus bruti vel etiam plantæ; quaspropter ab esu caralium necnon ovorum, lactis et vini usu sibi temperabant, quanquam et hoc fidei quòd putarent ea profuisse à principio malo; unde et ex odio carnis reliquias sanctorum aversabantur. Item ab extirpatione plantarum abstinabant. Imò cum qui animal occidisset, in animal ejusdem speciei; qui plantam vel vulsisset vel cecidisset, in similem verti plantam credebant. Animas tamen suorum auditorum, id est, quos adhuc in suâ sectâ instar catechumenorum instruebant, in corpora electorum, id est, eorum qui ipsorum sectam majori zelo observabant ac promovebant, transire arbitrabantur, et in ipsis purgatæ in nulla amplius corpora reverterentur. 5^o Mala culpæ negabant esse tribuenda libero hominis arbitrio; ne, cum hoc procedat à Deo, hic pariter sit auctor illius. Illa igitur tribuebant animæ, naturâ suâ malæ, à principio malo profectæ, quæ ad illa vel invito cogeret. Omitto varia alia deliramenta, quæ fabulabantur circa ipsius mundi, primorumque parentum productionem, libro Genesis penitentiæ repugnantia; ex quo ne convinci possent, dicebant, vetus Testamentum auctorem non habere Deum verum, sed quempiam è principibus tenebrarum; neque illum prophetis esse locutum. Interim fingebant, Christum fuisse serpentem illum, qui Adamo et Evæ per esum pomi scientiam boni et mali infuderit; rursus, ipsum esse solem hujus

orbis, vel saltem in sole et lunâ habitare, Spiritum sanctum in aere, Theod., l. 4. Har. Fab. c. 26.

His erroribus S. Augustinus adhuc juvenis implicitus aliquandâ fuit, ut ipse deplorat in initio libri de duobus Animabus; verùm eandem hæresin ætate provecior non solum execratus est, sed funditus evertit. Eandem tamen seculo XIII excitare moliti sunt Albigenses, ut videbimus.

HÆRESIS SECULI IV.

DONATISTÆ, SIVE DONATIANI.

I. Nomen et errores hausere à duobus Donatis, altero Casarem-Nigrarum in Numidiâ episcopo, velut auctore; altero episcopo Carthaginiensi, velut promotore. Primus, instinctu *Lacilla*, potentis ac factiosæ femine, Majorinum hujus domesticum, coemptis ab eadem votis, intravit in sedem Carthaginensem, pulso Cæciliano, ejus legitimo antistite, cujus criminabatur ordinationem tanquam invalidam. Hinc primum exortum schisma fuit, quod deinde brevi in apertam hæresin erupit, altero Donato eam strenuè promovente, ejusque successore Parmeniano, contra cujus Epistolam S. Augustinus Libros conscripsit. Hæc pestis adeò invaluit, ut in solâ Africâ quadringenti et supra episcopi eâ infecti fuerint; grassataque est ibidem præcipuè per tria secula, donec tum à Melchiade papâ in concilio Romano, tum in Arelatensi damnata, postmodum extincta fuit.

II. Præcipui errores sunt sequentes: 1^o Ecclesiam perversorum communione toto orbe terrarum periisse contendebant, et in solâ Africâ inter Donatistas remansisse. Cùm verò considerarent, veram Ecclesiam non consistere sine communione cum Romanâ, in quâ, ut loquitur S. Augustinus, ep. nunc. 43, olim 162, « semper Apostolorum cathedræ viguit principatus; » Romam aliquem ex suis secretò mittebant, qui suæ factionis homines ibidem degentes velut episcopus gubernaret. 2^o Ex primo illo errore hunc alium trahebant: illum solummodò baptismum esse validum, qui apud ipsos conferretur; quapropter, si Catholicorum aliqui ad eos deficerent, illos rebaptizabant. 3^o Plures illorum, prætextu martyrii, spontè aliis se occidendos tradebant; imò sibi ipsis violentas manus frequenter inferebant, atque ita sese martyres existimabant et jactabant. Qui hoc insano furore correpti erant, Circumcelliones

appellati fuere; quia, ut scribit S. Augustinus, l. 1, cont. Gaudent. c. 28, victis sui causâ cellas circuebant rusticanas; ipsi tamen malebant se *Agnosticos* appellare, quasi bonum certamen certantes.

III. His erroribus, præter infensissimum, quo, hæreticorum omnium more, flagrabant, in monachos odium, plura impiissima facta adjugebant, quibus etiam novatorum non paucis præludebant. Etenim, non solùm altaria vel frangebant, vel radebant, vel removebant; pallas, vela sacra sacrosque calices profanabant; sed aliquando sacrum chrisma effuderunt, et divinam Eucharistiam canibus projecerunt. Insuper belluinâ penè immanitate sub Juliano Apostatâ in Catholicos, præcipuè clericos, nec solùm in vivos, sed et in mortuos sævierunt, ut testantur Optatus Milev., l. 2, c. 16, et l. 6, c. 7, et S. August., qui et hanc hæresin proligavit.

IV. Donatum verò damnavit Melchisedes papa, à cujus sententiâ cum Donatistæ appellissent ad Constantinum imperatorem, is respondit: « Petitis à me in seculo iudicium, cum ego ipse iudicium Christi expectem: dico enim, ut se veritas habet, sacerdotum iudicium ita debet haberi, ac si ipse Dominus residens iudicet. » Eadem verba scripsit imperator ad episcopos concilii Arelatensis, per quæ significare voluit, spiritalis causas iudicandi jus non sibi, ceu laico, competere, sed episcopis.

ARIANI.

I. Arianorum hæresis auctorem habuit Arium, à Libyâ oriundum, presbyterum Alexandrinum; peritum dialecticum, sed hominem ambitiosum; externâ verò corporis, oris ac habitûs specie gravi et modestâ, milleque dolis simulatâ plegetate tectis, comitate item ac urbanitate verborum ad seducendos homines apprime idoneum. Is proinde ambitione et invidiâ in S. Alexandrum, quem sibi eo in episcopatu Alexandrino prælatum fuisse ægrè ferebat, stimulatus, eidem de sanctissimæ Trinitatis mysterio, atque honore tam Filio quàm Patri in divinis debito palam disseverenti, cœpit obstrepere, ac deinde spargere sequentes capitales errores.

II. 1^o Etiamsi tres personas, Patrem, Filium et Spiritum sanctum admittere se profiteretur, solam tamen primam Deum verum, æternum, immutabilem esse contendebat. Hinc 2^o negabat, Filium et Spiritum

S. esse ejusdem cum Patre substantiæ, vel naturæ; imò assererat, Filium habere naturam planè diversam à Patre; et Spiritum S. diversam à Patre et Filio. 3^o Filium, quemadmodum et Spiritum sanctum aiebat, ex nihilo factum esse in tempore, adeoque esse creaturam, et hinc Patre minorem; sed Filium esse creaturam primam, ante omnia secula factam, omniamque perfectissimam, et maximè ad Deum accedentem, quæ ideò per excellentiam vocetur Filius Dei, et Deus per quandam participationem, non per naturam: Deum verò per illum velut per ministrum secula et omnia alia fecisse. Spiritum sanctum autem dicebat præcipuam Filii creaturam, et hinc *Creaturam Creaturæ* nominabat. Unde etiam locò istius glorificationis versiculi, quem canere consuevit Ecclesia catholica: *Gloria Patri, et Filio, et Spiritui sancto*; ipse suos canere docuit: *Gloria Patri per Filium in Spiritu sancto.*

III. Arius propter hos errores, quibus, Epiphonio teste, hæresi 69, præter presbyteros septem ac diaconos duodecim, etiam septingentas virgines Deo consecratas brevi temporis spatio infecit, ab Alexandro episcopo, coacto concilio, damnatus et gradu motus, Alexandriâ relictâ, in Palestinam abiit; ubi Thaleiam suam, seu ab unâ ex Musis, seu à lætitiâ nuncupatam, composuit, id est, cantilenam mollem et impuram, in quâ totum hæresicos suæ virus expressit, ut illud suavis modulis in hominum, ac præsertim muliercularum, ad voluptates proclivium, animos sensim irreperet.

IV. Verùm, admonitis per episcopos catholicos de his Arii turbis ac blasphemis, tum Sylvestro papâ, tum Constantino Magno imperatore, coactum est illius auctoritate concilium Nicænum I, in quo Arius cum suis erroribus damnatus fuit; et à Constantino, mox ignominia notatus atque exilio multatus. Postea verò, propitiato per fraudem cujusdam Ariani presbyteri Constantino, ad aulam quidem advocatus, et, cum sinceram erga concilii Nicæni definitiones submissionem simulasset, ac dolosam æquivocamque fidei formulam imperatori obtulisset, ab eo redire Alexandriam permissus fuit: imò anno sequenti Constantinopolim redux per suos asecelas ab imperatore, fraudis omnis ignaro, mandatum extorsit ad Alexandrum, ejus urbis episcopum, quo jubebatur Arium in fideliâ communionem recipere. Cùm autem

hic ad preces et jejunia pro abigendâ hâc peste ab ecclesiâ confugisset, Arius eâdem, quâ ab ipso, ut credebatur, recipiendus, ad ecclesiam suis stipatus arroganter properabat, horâ, subito seu terrore, seu viscerum dolore correptus, alvumque exonerare coactus, animam simul cum intestinalis repente effudit, anno 336. Constantino exinde piè vitâ functo, Ariana hæresis invaluit sub Constantio illius filio, per ejusdem, cujus ante memini, Ariani presbyteri fraudem eâ lœ infecto, sub quo, maximè post Constantii fratris obitum, totius imperii Occidentalis juxta ac Orientalis gubernacula adepti, totum ferè orbem pervasit, præsertim postquam in concilio Ariminensi formulæ fidei, dolosè ab Arianis confectæ, partim Constantii violentiâ, partim Arianorum fraudibus, subscripsere Patres Occidentis plus quàm 400, adeò ut detectâ fraude *miraretur mundus se esse Ariasum*, inquit S. Hier. Interim invictè opposuit se grassanti malo, ejusque auctoribus S. Athanasius episcopus Alexandrinus, propterea 46 annis ab illis gravissimè impetitus, ac è sede suâ sæpiùs ejectus. Ad extremum in variis synodis particularibus, ac in concilio œcumenico Constantinopolitano I, sub Theodosio Orientis, et Valentino Juniore Occidentis imperatoribus, penitus profligatum fuit.

SEMIARIANI.

I. Partim hi assentiebantur Arianis, partim ab illis dissidebant. Nam cum illis quidem de Spiritu S. idem prorsus sentiebant, ac Filium Patri *consubstantialem*, seu ejusdem cum illo naturæ esse, negabant; attamen secùs ac illi dicebant, hunc esse Patri per omnia, atque adeò etiam in essentiâ similem; quapropter eundem quidem renuebant appellare *homoionem*, id est, consubstantialem; dicebant verò *homoionem*, seu similem in substantiâ. Auctores habuere Semiariani Basilium Ancyram, et Georgium Laodicærum.

II. Fuere et alii hæretici inter Arianos et Semiarianos velut mediâ, dicti Acaclani ab Acacio Cæsariensi episcopo, qui Filium nec Patri consubstantialem dicebant cum Catholicis, nec eidem planè dissimilem cum Arianis, neque similem in substantiâ cum Semiarianis, sed duntaxat in accidentibus et formâ, sicut statua aurea suo prototypo, quod repræsentat. Acaclus à Felice et Gelasio Romanis pontificibus tanquam hæreticus, et in hæresi mor-

tuus post mortem anathemate percussus fuit.

MACEDONIANI.

I. Arianorum surculi nomen et errorem accipere à Macedonio, qui et ipse Arianus, vel Semi-arianus, ab ejusmodi factionis assellis, favente Constantio Imp., in sedem Constantinopolitanam, pulso per injuriam alterâ vice Paulo, legitimo ejus possessore catholico, non sine plurium è Catholicis reclamantibus, millium eadè intrusus, gravem etiam postmodum persecutionem in orthodoxos excitavit, illisque haud absimilem, quibus gentiles imperatores omni in primorum seculorum fideles desaxierant. Postea verò, cum homo perfidus et cruentus Constantii gratiâ exiisset, simul ab eodem cathedrâ depulsus, in locum quemdam juxta urbem regie portas recessit, atque extremum ibi diem obiit. Priùs tamen suæ hæresi condendæ manum applicuit, et, Arii doctrinâ ex parte rejectâ, propriam cudit.

II. Docebat autem, teste Sozom. l. 4, c. 21. Filium quidem Deum esse, per omnia similem Patri; imò, ut loquitur sanctus Augustinus, *simis*, ejusdemque cum illo *substantiæ*, vel *essentiæ*; Spiritum verò sanctum creaturam esse, ejusdem cum Patre et Filio dignitatis expertem; imò famulum ac ministrum eum appellabat. In apertum prodit hæc hæresis circa annum 500, et magnam Orientis partem pervasit. Damnata autem fuit primò in synodo Alexandrinâ, anno 562, deinde in synodo Illyricâ, anno 567; tum in duplici Romanâ, sub Damaso pontifice celebratâ; demùm in concilio œcumenico Constantinop. I.

AERIANI.

I. A quodam Aeri'o extorti sunt, qui, ut testis est Epiphanius, è Ponto oriundus, auciâ ac insolentiâ ad omnia paratissimus, cum episcopatu Sebasteno, quem ambiebat, exclusus fuisset, contra episcopalem ipsam dignitatem debilaterare cepit, Luthero quodammodò præludens, qui similiter propter denegatam suis indulgentiarum publicationem, in ipsum indulgentiarum valorem et earum dispensationem summum pontificem cepit debacchari.

II. Itaque primum ac præcipuum errorum Aerii caput erat, quòd episcopi non sint presbyteris superiores, neque ab his ullâ in re discriminantur. Huic errori alios subinde addidit: nempe orationes pro defunctis, et

bona pro illa suscepta opera nihilis prodesse, adque esse rejicienda. Præterea jejunia ab Ecclesiâ statuta, et à Christianis observari solita non esse servanda. Ecce ex quo fonte similes errores hauserint novatores! Demùm negabat Aërius, pascha à Christianis esse celebrandum.

ÆTIANI ET EUNOMIANI.

I. Ab Actio et Eunomio nuncupati, Arianz quoque hæresis soboles extitère, eamque novis blasphemias auerere. Fuit autem Aëtius patr' à Antiochenus, professione primùm artifex, deinde medicus, mox philosophus; sed ob nimiam sentiendi, loquendi que temeritatem Antiochiâ pulsus. Demùm illuc reversus, ac factus diaconus, ad sacras litteras animum applicuit, ac fidei mysteria sub sophismatum et geometriæ figuris involvere cepit circa annum 360.

II. Eunomius gente Cappadox, postquam rhetoricæ primùm, ac deinde, ut fertur, militiæ se addixisset, factus Aëtii scriba et discipulus, Scripturarum licet foret ignarus, eas locatis eloquentiæ verbis ad suum sensum ausus interpretari, magistri doctrinam novis cumulavit erroribus, propter quos ab ipso Constantio imp. in exilium missus, miseram ad mortem usque vitam traxit.

Primus istorum hæreticorum error fuit, quod dissimilem per omnia assererent Patri Filium, et Filio Spiritum S.; ex quo dicti etiam sunt *Anomæi*, id est, *Dissimiles*. Quapropter non baptizabant verbis à Christo institutis, sed, ut refert Epiphanius, sub hæc formulâ: *In nomine Dei increati, et in nomine Filii creati, et in nomine Spiritus S. sanctificatoris à Filio procreati*; idcirco baptizatos à Catholicis ad se accedentes rebaptizabant. Secundus error fuit quod dicerent se Deum ita perfectè cognoscere, sicut Deus ipse se cognoscit; unde et se illum pariter comprehendere blasphemabant. Tertius error fuit quod Verbum divinum animam non assumpsisse, sed divinitatem animæ vices supplevisse, assererent. Quartus, quod sanctorum reliquias contemnerent, et miracula ad eorum invocationem à Deo patrata demonum præstigia esse effluerent. Quem errorem, saltem quoad priorem partem, moderni novatores adoptarunt. Quintus, quod docerent malam vitam conjunctam cum fide, quam ipsi prædicabant, nihil obesse; sic, ut quibuscumque peccatis quis irretitus foret, etiam in eis perseverare vellet, dummodò fidem suam servaret, æternæ vitæ porticeps esse posset.

Contra hanc sectam scripsit præter alios S. Basilius, et ejus frater S. Gregor. Nysenus; eamque Theodosius Senior. imp. anno 381, legibus latis coercuit. Illam tamen multis jam seculis sepultam extumulârunt moderni Servetiani, Sylvanistæ, et alii quidam pseudo-reformatorum nepotes.

APOLLINARISTÆ.

I. Secta hæc auctorem habuit Apollinarem unum, vel duplicem, patrem et filiam; illum genere Alexandrinum, dein presbyterum, et grammatices præceptorem; hunc Ecclesiæ lectorem, et rhetorices magistrum: utrumque, eo quod contra episcopi Theodoti interdictum cum quodam ethico sophistâ periculosam familiaritatem texeret, ab eodem ex Ecclesiâ ejectum, postea tamen, peractâ penitentia, in eam receptum. Uterque, vel, quod cardinali Gotti videtur, solus Junior Apollinaris sequentes errores producit:

II. 1^o Quod Verbum non assumpsit animam saltem rationalem, seu mentem, sed ejus vices suppleverit; ac primùm quidem rotundè negavit, illud animam assumpsisse; postea verò testimoniis evangelicis adductus ut id admitteret, distinxit animam in *sensitivam* et *rationalem*, sive *mentem*; et illam quidem à Verbo assumptam confessus est, non item istam. 2^o Quod Christus veram carnem non habuerit; unde S. Athanasius. l. de Incarn. adv. Apollin. de Apollinaristis: « Interdum, inquit, increatam, coelestemque carnem, nempe Christi; aliquando Deitati aiunt esse consubstantialem; » et S. August.: « Asseverantes Verbum carnem factum, hoc est, Verbi aliquid in carnem fuisse mutatum, non autem carnem de Mariæ carne susceptam. » 3^o Circa SS. Trinitatem, ut error est inconstans, variè delirabat: aliquando eam Trinitatem personarum ita confundebat, ut videretur sentire cum Sabellio, teste Theodoret., l. I hæret. Fab. c. 10, aliquando tres quidem personas in Trinitate substantiæ concitabatur, sed inter illas diversitatem excellentiæ constituens, ad Ariam accedebat. Dicebat quippe, Spiritum S. *Magnum*, Filium *Majorem*, Patrem *Maximum*; atque ex his tribus Trinitatem constituere, velut ex *splendore, radiis et sole*, ut loquitur S. Greg. Nazianz. Orat. 52. His erroribus ridiculum addebat commentum, nempe post universalem resurrectionem nos rursus ad observationem legis Moisaicæ esse reversuros.

III. Apollinaris diu tenuit hoc virus in pectore latens; unde non mirum quod et S. Basilius aliquandiu cum eo communionem habuerit, ut ipse testatur, Ep. 345, nunc 224, et S. Hieronymus eodem Laodicæ usus sit præceptore, ut et ipse scribit, Ep. 65, nunc 41; atque adeo S. Athanasius eum in pretio habuerit, teste Epiph. Hæz. 77. Erupit tamen pestis circa annum 372. Quare delatus ab ipso S. Basilio, et aliis Orientalibus episcopis, ad Damasum papam, ab eodem, coacto Romæ concilio, unâ cum Vitali et Timotheo ejus discipulis damnatus fuit cum suâ hæresi, quam et damnavit synodus Antiochena, cujus meminit conc. I. Constantinop. II. in Epistola Synod. Adversus eandem hæresin strenuè pugnarunt è Patribus præcipuè SS. Athanasius, Gregorius Nazianz. et alter Nysenus, Epiphanius, Ambrosius, Augustinus, Fulgentius, etc.

IV. Neque tamen statim extincta hæc pestis fuit, quin latissimè per totam præsertim Asiam propagaretur: cujus propagationis causa triplex à scriptoribus historicis profertur: Prima, ipsius Apollinaris eruditio, et hinc parva auctoritas; nam et plurimos libros conscripserat, in quorum etiam aliquibus suum pro fide catholica zelum antea polam fecerat. Altera, ipsius, et ejus discipulorum externa sanctimonia et vitæ austeritas. Tertia, quædam ab ipso Apollinari, poetice quoque perito, composita, et in vulgus sparsa brevia Cantica, numeris adstricta, instar Hymnorum qui in Ecclesiâ cani solent, ad Dei laudem in speciem spectantia, quæ in ipsis etiam conviviis, atque inter laborandum à viris et mulieribus frequenter et cum oblectamento decantata, errores simul quos continebant, suaviter instillabant. Duplicem verò lapsus Apollinaris causam assignat S. Basilius, Ep. 44, modò 263: tum intemperantem scribendi libidinem, tum quod illius de theologiâ disputationes, non petitis ex Scripturâ probationibus, sed humanis argumentis niterentur.

PRISCILLIANISÆ.

I. Hanc luem in orbem intulit quidam Marius Ægyptius, qui, in Hispaniam appulsus, eam afflavit inter alios cuidam Helpidio rhetori; hic verò Priscilliano, viro nobili, erudito, facundo, ac disserendi disputandique arte promptissimo, sed profanâ hæc scientiâ inflato, ac vanissimo, ingenio præterea inquieto. Sic illum ferè depingit Sulpitius Severus, l. 2 Hist. Ab eodem Priscilliano hæresis ista per Hispa-

niam propogata, simul ab eodem nomen accepit. Quippe humilitatis speciem ore et habitu præstendens honorem sui ac reverentiam cunctis iniecit; et hæc auctoritate, arteque blandiendi ac persuadendi, suam in sectam attraxit multos nobiles, pluresque populares; mulieres item, novarum rerum cupidas, fluxâ fide, et ad omnia curioso ingenio passim instructas.

II. Expropter unâ cum Helpidio, necnon Instantio et Salvano, binis quos ad suas partes traxerat episcopis, damnatus in concilio Cesar-Augustano circa annum 380. Romæ verò, quò se contulerat, à Damaso papâ repulsus, necnon Mediolani ab Ambrosio; sed Gratiani imp. favore pecuniâ coempto, in Hispaniam rediit; verùm à Maximo, Gratiani successore, de illius fraudibus et flagitiis edocto, jussus inde ad synodum Bordigalensem perducì, cum episcopale iudicium declinans ad principem provocasset, ab Evodio præfecto, cui causæ cognitionem imperator demandarat, variorum pudendorumque scelerum convictus, ab imperatore capitis damnatur, et reipsâ eo minuitur Treviris, anno 385, cum aliis quibusdam sociis, haud tamen probante S. Martino: tum, quòd novum et inauditum nefas esse diceret, ut causam Ecclesie juxta seculi iudicaret; tum quòd Maximo suggereret satis superque sufficere, ut illi episcopali sententiâ hæretici iudicati Ecclesiis pellerentur. Porrò Priscillianum occisum ejus sectatores velut martyrem colere ceperunt, et ejus errores latius disseminarunt, plura secula pervagos.

Errores autem istos ab omnibus ferè, qui antea extiterant, hæreticis mutarunt. Nam 1° cum Sabellio unam dumtaxat in Deo personam agnoscebant. 2° Cum Arianis de Filio sentientes, quasdam virtutes ex Deo carnis procedere somniabant; diabolum verò nunquàm fuisse bonum, neque ejus naturam esse opificium Dei, sed ex Chao et tenebris emerisse, illumque omnis mali principium et substantiam esse, adeoque et corporum etiam humanorum; et hinc à carnibus quoque abstinabant, et Christum veram habuisse carnem negabant. 3° Cum Manichæis animam hominis particulam divinæ esse substantiæ fingebant. 4° Cum Origene animas priùs in celo peccasse dicebant, et in pœnam fuisse in corpora detrusas. 5° Cum Stoicis homines non spontè, et liberè peccare aiebant, sed invitos et fatali siderum necessitate compulsos. 6° Denique cum Manichæis nuptias et matrimonium dam-

nabant, quia, inquit S. Leo, Ep. 15, ad Turrib. c. 7, « in eo non est libertas turpitudinis, « quam querebant, ubi et pudor matrimonii « servatur, et spes sobolis. » 7 Addebant de suo, licitum esse mendacium, etiam juramento firmatum, et hoc, ut suas celarent turpitudines; unde S. Aug.: « Propter occultandas, « inquit, contaminationes et turpitudines suas, « habent in suis dogmatibus et hæc verba: « *Jura, perjura, secretum prodere noll.* »

AUDÆANI, SEU ANTHROPOMORPHITÆ.

I. Audæum, sive Audium habuerunt auctorem, natione Syrum, virum principio domi clarum, in primis propter vitæ integritatem et divinæ fidei zelum, ut loquitur Epiphanius; at tamen postea, gravium sibi illatarum contumeliarum impatiens, primum schisma fecit, et seipsum ab Ecclesiâ segregavit. Quia verò populos quoque passim ab Ecclesiæ obsequio retraherat, in Scythiam ab imperatore relegatus est.

II. Hæc schismatis accessit hæresis Anthropomorphitarum, sub quo nomine Audiani proclerunt tempore Theodosii M., circa annum 385, in partibus Ægypti; quod quidem nomen accepere ex palmari suo errore, quo sentiebant Deum esse corporeum, et membra ad formam humani corporis habere; quod cum rusticitati eorum tribueret Epiphanius, non verò pertinaciæ, idcirco illos non redarguit ut hæreticos, sed velut schismaticos.

JOVINIANISTÆ.

I. Hæc hæresis nomen sortita est à Joviniano, quem cardinalis Gotti haud immerito dicit Lutheri aliorumque modernorum novatorum præcursorem. Nam in primis Jovinianus fuit, omnesque monasticas austeritates pertusus, è monasterio seu Romano, seu, ut alii volunt, Mediolanensi erupit, ut mollem voluptuosamque vitam ageret. Deinde celibatam monachorum et sacrarum virginum abrogare molitus est, eo ad hoc usus artificio, quòd virginitati nuptias quoad meritum adæquaret; quâ fraude nonnullas sanctimoniales, etiam protractæ jam ætatis, in nuptias detraxit, quamvis ipse nuptias haud contraxerit, non majoris, ut aiebat, meritù titulo, sed conjugii molestias vitandù causâ.

II. Atque hic fuit primus ac palmari error Joviniani; quem non tantùm adoptavit, sed verbo et factò multùm adauxit Lutherus et alii ejus sequaces. Alter Joviniani error fuit, quòd

Jejunia et abstinentiam à certis cibis doceret ad salutem nihil prodesse; quapropter ab Hieronymo *Christianorum Epicurus* fuit appellatus. Liqueat et hunc errorem fuisse à novatoribus adoptatum. Tertius erat, quòd qui plenè fide in baptismo renati sunt, à diabolo non possint subverti, sive peccare. Et huic post Pelagium visus est Lutherus subscripsisse, l. de Capt. Babil. Quartus fuit, quòd cum Stoicis doceret omnia peccata esse in gravitate paria; item paria esse omnia merita, atque parem proinde omnium in cælis remunerationis gradum. Eundem pariter errorem suscitârunt novatores. Addebat denique Jovinianus hunc quintum errorem, quòd B. Virgo, licet ante partum virgo fuerit, et Christum intactâ virginitate conceperit, neque ullum seu ante, seu post partum cum Josepho maritale commercium habuerit, tamen in ipso partu pariendo fuisse corruptam, et ejus destructam virginitatem.

Contra Jovinianum calumiam strinxerunt SS. Hier. et Aug. Ipsi verò imperatores contra primum illius errorem severissimas tulere leges. Damnatus fuit Jovinianus à Siricio papâ in concilio Romæ coacto anno 390.

Haud multùm à Joviniano et modernis novatoribus quibusdam in punctis ablusit Vigilantius Barcinonensis presbyter, vir, uti indote proca et audax, ita sacrarum litterarum ignarus. Is enim primùm virginitatem et continentiam despiciebat, ac clericorum cœlibatam, sicut et jejunia ecclesiastica aversabat. Deinde cultum damnabat SS. martyrum reliquis impensum à Catholicis, quos propterea *Ciscarios* et idololâtras appellabat, qui mortuorum hominum ossa venerantur; imò, ut mentiebatur, adorant; et gentilium superstitionem imitati, cereorum fulgore illustrari pleno etiam die martyres arbitrarentur. Denique martyres frustra invocari à nobis, utpote pro quibus eos orare negarent. En iterùm unde hos errores hauserint novatores.

HERESIS SECVLI V.

PELAGIANI.

I. Dicti à Pelagio, natione Britanno, seu Anglo, professione monacho; non eorum è numero, qui vel in cœnobio vel in eremo, sed qui solitariam suis in ædibus id temporis vitam agebant, vel palliati, philosophorum instar, incedebant, et sui juris existentes hæc illuc errabant. Unde à S. Aug. appellantur, *reclusi monachi*. Fuit, ut scribit S. Aug. etiam presby-

ter; et ingenioque fortissimo, celerrimo et acutissimo; sed non minus litigioso ac veritipelli; quos enim privatim disseminabat errores, sæpè palam inficiabatur. Scripsit etiam libros nonnullos, sed, ut S. Hier. notat, præcipuè ad feminas. Quippe hic hæreticorum mos fuit olim, et est hodièdum, ut suos faciliùs insinuent errores, feminas ad seducendum faciliores, et novitatum magis avidas ac ambìtiosè tenaces, adaciscere sibi adjutrices.

II. Porrò capitales ejus errores, quos circa annum 405, Romæ primùm sparsit, tum circa annum 415, in Syriâ Palestinæ, quò profectus erat, ut monachi habitum indueret, sunt sequentes:

1^o Dicebat, primævum primi hominis statum fuisse statum naturæ, non beneficium gratiæ, et Adæ posteros nunc nasci, qualis Adam conditus fuit, hoc est, inquiebat, sine virtute et vitio, sine gratiâ et peccato. Censebat verò, Adamum in illo statu etiam ante peccatum fuisse obnoxium hujus vitæ miseris ipsique adeò morti, sicut nunc nos sumus, adeòque etiam non peccasset, fuisse tamen corpore moriturum; ac proinde mortuum jam esse, non culpæ demerito, sed conditione naturæ. Ex quo inferebat ulteriùs, mortem et reliquas hujus vitæ miserias in genus humanum derivari modò ex eadem naturæ conditione, non ex originali noxâ ex Adamo à nobis contractâ, Etenim 2^o negavit, ab Adæ posteris ex ipso contrahi peccatum originale, ac proinde Adamum aiebat peccando sibi soli nocuisse, non posteris. Ex quo inferebat parvulos, utpote omni etiam originali culpâ immunos, non egere baptismo ad illam ablendam; egere tamen illo volebat eos, ad intrandum in regnum cælorum, quod distinguebat à vitâ æternâ, asserens parvulos, sine baptismo ante rationis usum decedentes, æternâ vitâ, eisque beatâ, non item regno cælorum esse potituros. Cùm verò hos errores in synodo Palestinâ voce tenès revocasset Pelagius, sed à suis postmodùm idèò increpitus fuisset, respondit se solùm intellexisse, Adæ peccatum nocuisse posteris, non quidem propagatione, sed imitatione, seu exemplo, quantès omnes ejus posteris, qui deinde peccaverunt, illum peccando imitati sunt. 3^o Contendebat, hominem per solas liberi arbitrii vires posse divina omnia mandata servare, tentationes omnes vincere, omnia planè peccata vitare; ac etiam opera bona salutariter, seu, *prout oportet ad salutem*, exercere; adeòque hanc ipsam salutem solis iisdem suis viribus adipisci;

quapropter negabat, ad istorum quippiam necessariam esse Dei gratiam. Unde Faustus Reliensi summam totius hæresis Pelagianæ hæc unâ propositione clausit: « Dicit Pelagius quòd ad obtinendam salutem natura hominis sibi sufficiat. »

Cùm verò à Palestinâ synodo coactus fuisset, juxta clarissimos Scripturæ textus, gratiam aliquam admittere, verbo tenès quidem admisit, reipsâ tamen non aliam quàm naturalem et externam; donum videlicet creationis et liberi arbitrii; item legem et doctrinam SS. Bibliorum, prædicationem evangelicam, exhortationes, et sanctorum exempla, aliave similia; gratiam verò internam, præcipuè supernaturalem, saltem inspirationis, constanter repudiavit. Unde, ut refert S. Aug. (I. de Grat. Chr. c. 5), tria distinguebat: « Possibilitatem, quâ potest homo esse justus; voluntatem, quâ vult esse justus; actionem, quâ justus est; horum trium primum, id est, possibilitatem, datum conficitur à Creatore naturæ, nec esse in nostrâ potestate: duo verò reliqua, id est, voluntatem et actionem, nostra esse asserit. » Iterùm distinguebat inter possibilitatem, per quam intelligebat solam naturam, et adjutorium possibilitatis, per quod intelligebat legem et doctrinam, prædicationem et exempla, etc., vel ad summum interioream quendam intellectûs illustrationem, quam visus est aliquando admisisse.

4^o Quaecumque gratiæ adjutorium admiserit Pelagius, illud duplici rursùs errore fœdavit: nam imprimis negabat, illud esse gratuitum, volebatque dari secundùm merita, quorum nomine intelligebat boni cupiditatem, fidem quamdam, vel orationem etiam merè naturalem, etc. Deinde negabat, illud esse simpliciter necessarium ad vitandum malum, et operandum salutare bonum; dicebatque, propterea dari gratiam, ut quod à Deo præcipitur faciliùs impleatur, adeòque sine illâ etiam, etsi minùs faciliè, fieri tamen posse quod præcipitur. Addebat his erroribus etiam istam, vitam justorum in hoc seculo nullum habere peccatum, et ex illis Ecclesiam Christi in hæc mortalitate perfici, ut refert S. Aug. Ac demùm doctrinam de prædestinatione sanctorum, tanquàm hominis libertati contrariam, respuebat.

Bini fuere Pelagii discipuli magis celebres: Alter Cælestius, natione Campanus, vel, ut alii malunt, Hibernus, ejusdem cum Pelagio instituti monachus et presbyter; vir acerrimi ingenii, magistro vafritie haud inferior, sup-

rior etiam audaciâ. Hic illius hæresin, in Africâ præcipuè, sophisticis rationibus strenuè dissemînâvit, unde et illius factores Cœlestiani fuere nuncupati. Alter Julianus, in Apuliâ natus, Capuensis in Italiâ, vel, ut censent alii, Enclatensis episcopus; sed, post haustam et publicè proditam suam Pelagianam, gradu dejectus. Vir quoque acris ingenii et satis eruditus, multa scripsit contra fidem catholicam et S. Aug. Verùm hic sanctus antistes non eundem solum, sed totam Pelagianam turmam ac hæresin, conscriptis libris quamplurimis, penitus prostravit ac debellavit; de quo triumpho S. Hier., qui primus in aciem contra Pelagium prodierat, eidem et Alipio ejus adjutori his verbis gratulatur, Ep. ad Alp. et Aug. modò 81, allia 79: « Si posset fieri, assumptis oculis columbarum vestris amplexibus implicarer: semper quidem pro merito virtutum vestrarum, sed nunc maxime, quia cooperatoribus et auctoribus vobis, hæresis Cœlestiana jugulata est. »

In causâ ejusdem hæresis congregata sunt concilia 24, è quibus unum generale, reliqua particularia. Inter hæc synodi celeberrime fuere tum Diopolitana, in quâ Pelagius, objecta hæresis capita ancipiti responso eludens, catholicus declaratus, errore tamen puri facti personalis; tum Carthaginensis et Milevitana anno 416 celebrata; in quibus Pelagius et Cœlestius, velut hæresicos auctores, sunt delati ad Innocentium I, pontificem maximum, qui, coactâ anno subsequenti Romæ synodo, hæresin istam cum suis auctoribus et sectatoribus condemnavit. Unde S. Aug., serm. 2, de Verb. Apost.: « Jam de hac causâ, inquit, duo concilia Romanam missa sunt ad sedem Apostolicam; inde jam rescripta venerunt; causa finita est, utrum aliquando finiatur error! » Romæ tamen anno 418, congregatâ synodo, eadem iterata fuit damnatio à Zozimo papâ, qui sententiam in Pelagianos latam promulgavit per epistolam, quæ *Tractoria* fuit appellata, ad omnes christiani orbis episcopos directam, ut singuli formulæ istâ subscriberent: quod ab omnibus præstitum, exceptis cum Juliano duce episcopis 18, qui, exemplo eatenus inaudito, appellârunt ad œcumenicum concilium, proptereaque excommunicati, depositi et è sedibus suis pulsati sunt, eorum verò appellatio contempta: donec, postquam ab aliis etiam summis pontificibus Bonifacio I, Cœlestino I, Sixto III, repetitis fulminibus prostriti, tandem anno 431, concilio generali Ephesino

una cum Nestorio penitus fuere profligati.

SEMIPELAGIANI.

Pelagio gloriosis S. Augustini laboribus prostrato, et variis in conciliis damnato, duplex illius error exsurrexit: aliter Pelagiano è diametro veluti oppositus; aliter eidem affinis et illius occasione exortus; de quo potior nunc agendi locus.

I. Primum suscitârunt quidam Adrumetini in Africâ monachi, qui, libris S. Augustini sinistra intellectis, aut aliunde perperam haustâ ac perceptâ ipsius doctrinâ, divinæ gratiæ necessitatem ita prædicare cœperunt, ut ipsius hominis evincerent libertatem, assererentque proinde nomen corrigiendam, si Dei præcepta non facit, sed pro illo, ut faciat, tantùm orandum, uti testatur S. Aug., l. 2 Retract. c. 67. Huic errori ut mederetur, S. præsul scripsit librum de Correctione et Gratiâ, brevique effecti, ut isti monachi illum errorem deponebant.

II. Alterum errorem spargere cœperunt quidam Massiliensis Ecclesiæ in Galliâ presbyteri, qui lecto, quem mox laudavi, S. Aug., libro tum etiam duobus illis quos S. D. de Prædestinatione sanctorum et Dono perseverantiæ exaravit, pravè intellectis, mediam quosdam viam in eundem potârunt, quâ nec omnino ad Pelagianos accederent, neque ex toto ab illis recederent; sed eorum doctrinam quasi pro dimidiato profiterentur; ex quâ doctrinâ Pelagianæ quasi mediocritate sunt dicti Semipelagiani, sicut et à loco, in quo illam disseminare cœperunt, appellati sunt *Massilienses*, dicti etiam *Pelagianorum reliquiae*, quòd ex eorum veluti cineribus excitati partem aliquam errorum, cum ipsis sepulcorum, facerent superstitem.

III. Semipelagianorum primi, vel primarii duces fuisse perhibentur Joannes Cassianus, Faustus Relensis, et quidam Vincentius. Joannes Cassianus, seu Scythia, seu Romanus tuerit, ut veteres perhibent, seu Gallus, ut recentiores malunt, professione monachus fuit; primùm quidem in Ægypti Palæstinaque cœnobis; tum factus Massiliensis presbyter, in cœnobio Massiliæ constructo. Nomen *Collatoris* eidem adhesit propter Patrum *Collationes* ab ipso conscriptas; quarum præsertim 13 Semipelagianos errores sat aperte inseruit; quos S. Prosper libro contra Collatorem inscripto confutavit; ipse verò Collator, cum nondum esset ab Ecclesiâ damnatus, innoxie defendit. Vir ceteroquin vitæ probatissimæ, quem cum insi-

qui sanctitatis opinione felici sine coronavit. A S. Greg. M. sanctus appellatur; ejus memoria Massiliæ celebratur 23 Junii. Faustus, natione Britannus, primùm cœnobii Lyriensis in Provinciâ monachus, deinde abbas, postremò Reicensis in Galliâ episcopus, errores, quos à Cassiano hauserat, editis duobus de Gratiâ et Libero Arbitrio libris, di-seminavit. Attamen et ipse, teste Gotti, sacros honores in Reicensi Ecclesiâ adeptus est, quòd, eo vivente, prædicti errores nondùm ab Ecclesiâ fuissent damnati. Quis Vincentius ille sit, qui sexdecim conscripsit objectiones, dictas *Vincentianas*, quas S. Prosper diluit in scripto cui titulum fecit: *Responsiones ad Capitula Objectionum Vincentianarum*; an Vincentius Lirinensis cœnobii abbas, auctor Commentarii duplîcis adversus Hæreticos; an quispiam alius, eodem nomine insignitus, disputant inter se eruditi critici. Eidem errori favisse perhibetur Genadius, itidem Massiliensis presbyter, præcipuè in libro de Viris illustribus. Quòd verò etiam alii Semipelagianis adscribunt quoque Severum Sulpitium, S. Honoratum Massiliensem antistitem; imò, quod facit Jansenius Iprensis, S. Chrysostomum, S. Hieronymum, aliosque nonnullos Patres, præcipuè Græcos, insignes tum theologi, tum critici editis apologiâ meritò reprehendunt, et istam ab ipsis libem solidè propulsant.

IV. Nunc subjungere Juvabit, in quibus sigillatim capitibus Semipelagianii recederent à Pelagianis; in quibus verò ad illos accederent: ita tamen, ut hoc posterius præstando, capitales duntaxat ac communiores, atque etiam certiores eorum errores recenseam; his ferè prætermisissis, et ad singula theologiæ ipsius dogmatico-scholasticæ loca remissis, de quibus controvertunt ipsi catholici, vel critici, an illi fuerint reipsâ à Semipelagianis, saltem omnibus, asserti, necne.

Recedebant autem à Pelagianis Semipelagianii, 1^o quòd primigeniam originis noxam admitterent, in Adæ posteros derivari. 2^o Quòd abstruerent necessitatem gratiæ et baptismi ad illius deletionem. 3^o Quòd agnoscerent pariter naturæ nostræ infirmitatem, ex eadem originariâ culpâ profluentem. 4^o Fatebantur quoque, saltem eorum plerique, gratiæ etiam interioris necessitatem, ad opus bonum saltem perlicendum et consummandum; ac proinde non posse hominem solis suis naturalibus viribus ad salutem pervenire.

V. Accedebant verò ad Pelagianos, et erra-

bant Semipelagianii primariò ac præcipuè in eo quòd dicerent initium fidei, adeòque justitiæ et salutis esse à nobis, seu à solis naturæ viribus sibi relictis; nullamque ad ejusmodi initium gratiam interiorem prævenientem esse necessariam. Ita testatur S. Aug., qui et fateatur, se aliquando ante episcopum Semipelagianorum erroribus fuisse implicatum. Idem haud obscure erulit ex damnatione propositionis 4 Jansenianæ, quæ sic habet: « Semipelagianii admittebant interioris gratiæ prævenientis et necessitatem ad singulos actus, etiam ad initium fidei; et in hoc erant hæretici, quòd vellent eam gratiam talem esse, cui posset humana voluntas resistere vel obtemperare; cui propositioni ab Innoc. X et Alex. VII, duplex inuritur censura: quòd sit *falsa* et *hæretica*. Falsa utique quoad primam partem, quæ historica est; hæretica quoad alteram, quæ est dogmatica. Perperam verò Janseniani, ad eludendam priorem censure partem, dicunt, illam versari circa quæstionem facti, in cujus decisione pontifex non sit infallibilis. Miratur verò Natalis Alexander, ex ordine Prædicatorum, quosdam doctores catholicos, « nullâ habitâ ratione istius damnatæ propositionis, temerè asserere, Semipelagianos gratiam aliquam internam ad initium fidei admisisse. » Certè Gonethus ipse, Thomista percelebris, hanc opinionem, quam primùm docuerat, postea his verbis retractavit: « Re attendi et maturius considerati... Semipelagianii omnes gratiæ interioris prævenientis necessitatem ad initium fidei constantissimè negant. » Videri potest Liberius Gratianus, sub quo nomine latet P. Livinus de Meyer S. J. in Dissert. de Pelag. et Massil. erroribus, c. 17 et 18.

VI. Porrò capitalem illum errorem suum Semipelagianii, ipsiusque totum systema hinc ratione proponebant ac ordinabant: 1^o dicebant: Is cui prædicatum exterius fuit Evangelium, solis naturæ viribus concipit fidem aliquam initialem, seu plium credulitatis affectum erga Salvatorem, velut potentem, ac volentem ipsum liberare à miserâ per peccatum contractâ. 2^o Succedebat desiderium sanitatis spiritalis aut salutis, ex illâ fide initiali excitatum, illudque merè naturale. 3^o Sequebatur iners aliquis surgendi, seu ex illâ miserâ emergendi conatus, solis itidem viribus naturæ; quæ, cum ad surgendum reipsâ non sufficerent, 4^o voluntas ad Deum recurrebat, querendo et pulsando per ora-

tionem et implorationem auxilii ad id necessarii, pariter merè naturalem. 5^o Dicebant, Deum ejusmodi actibus merè naturalibus, atque absque interiori gratiâ elicitis, moveri ad conferendam tali homini interiorem gratiam, quâ posset ad fidem perfectam et sanitatem spiritualem, seu justificationem pervenire, et accedente talismodi gratiâ ulterius benè et salutariter operari, mandata Dei observare, ac tandem salutem ipsam æternam adipisci.

Ex hoc porrò systemate liquidò sequebatur, ipsam quidem fidem, justificationem et salutem provenire ex gratiâ, primum tamen fidei, justificationis, et salutis initium esse ex solis viribus naturæ, liberique arbitrii sibi relictis. Idem systema, teste S. Hilario in sua ad S. Aug. Epistolâ, explicabant Semipelagiani similitudine ægroti, qui, licet seipsum sanare non possit, agnitâ tamen suâ infirmitate, medicique illum sanare potentis ac volentis peritiâ ac bonitate, de se potest desiderium salutis ab illo obtinendâ concipere; ipsum advocare, opem ejus implorare, rogare ut succurrat, atque ita sanitati per ejus opem recuperandâ initium dare. Porrò sicut isti actus non computantur inter opera medicinarum, ita dicebant actus illos ad fidem et justificationem prævios, solis viribus naturalibus elicitos, non esse numerandos inter opera justitiæ; ne videlicet apertè repugnarent Apostolo dicenti, Rom. 11, v. 6: *Si gratia, jam non ex operibus.* Cùm autem urgerentur, salutem initium illud fidei et conatus naturales promereri primam gratiam ad opera justitiæ, adeoque hanc non esse gratiam; hoc negabant ex eo quòd ea fundaretur in aliâ gratiâ purè gratiâ, quam initialem vocabant, et tandem cogebantur fateri non esse nisi naturam rationalem cum libero arbitrio gratis à Deo primitus conditam, atque ita in Pelagianismum recidebant.

VII. Fundamentum sui hujus capitalis erroris duplex stabebant Semipelagiani: Primum erat idem ferè quod prætendebant Pelagiani, nempe actum esse de libertate arbitrii nostri, nisi post Adæ lapsum id saltem naturali arbitrio superasset, ut auditâ Evangelii prædicatione, aliquam initialem fidem concipere posset in Salvatore, et medicum sibi annuntiatum ex desiderio salutis, per illius opem obtinendâ accersere, rogareque ut sanare velit. Paratum quippe illum esse, si vocetur, et laturum opem merito fidei et desi-

derio laborantis. Alterum fundamentum erat, quòd Deus, contra dictum Apostoli, foret *acceptor personarum*, non voluntatum, si conferret uni primam gratiam ad fidem et justificationem, non item alteri, nullo prævio discrimine inter unum et alterum, utpote qui quos vellet immerentes ad fidem et salutem vocaret et perduceret.

VIII. Cùm verò à S. August., Prospero aliisque premerentur ex eo, quòd ex multis nationibus aut hominibus, in quibus omnibus nec fides ulla initialis, nec alius ex prædictis arbitrii actibus præstitit, tamen quibusdam Evangelium prædicetur, non item aliis in alium prolapsi sunt errorem, ut videlicet dicerent, Evangelium iis prædicari quos Deus conditionatè prævideret, si illud audirent, ex solis naturæ viribus elicitorios quoddam fidei initium, de quo supra; aut saltem ex solo naturæ affectu benè dispositos fore ad fidem suscipiendam, si veritas evangelica ipsis annuntiaretur, cæteris verò Evangelium prædicari noluerit.

IX. Verùm, cùm ulterius urgerentur exemplo parvulorum ante rationis usum decedentium, qui, cùm omnes sint in originariâ labe infecti, omnesque cujusvis fidei initialis eliciendæ per ætatem incapaces, attamen quidam ex iis baptismi gratiam ante mortem consequuntur, alii sine illâ decedunt, ad tertium errorem progressi sunt, diseruntque ex illis parvulis alios ante mortem baptismi gratiam obtinere propter merita merè naturalia, quæ conditionatè prævisi sunt à Deo fuisse possessuri, si diutius vixissent; alios verò gratiâ isâ privari propter demerita, similiter solùm prævisa, et à baptismo saluteque repelli.

X. Ex his palmariis erroribus plures alios Semipelagiani, velut affines aut consecarios derivabant. Nam docebant 1^o Deum paratum esse indifferenter sua omnibus dona communicare, expectareque solummodò conatum creaturæ naturalem, et velut medicum præstolari, ut non ante, quàm vocatus, accurrat; creaturam verò naturali illo conatu egestis medici opem et gratiam promereri. 2^o Deum æquè velle omnes salvos fieri, si ipsi velint; nempe voluntate ex suis solis viribus naturalibus querente, pulsante, petente. Similiter Christum indifferenter pro omnium hominum æternâ salute mortuum esse, et hinc omnes homines, si pari ratione velint, ipsius Redemptionis æquè fieri participes; sic, ut ad nullos uberius, quàm ad alios Redemptoris

gratia ad salutis adoptionem derivetur, nisi ad illos qui naturalis arbitrii viribus majorem ex hoc thesauro, omnibus indifferenter exposito, portionem haurirent. 3^o Negabant proinde, Deum singulari voluntate, consilio et proposito, affectuque speciali velle prædestinatorum salutem, magis quam reproborum; aut illis magis efficaciter, quam istis redemptionis suæ fructum applicare; majore ex Christi morte beneficia in vasa misericordiae, quam in vasa iræ derivari. 4^o Etiam ad opera justitiæ, vitæ æternæ meritoria, inter fidem initialem, et perseverantiam mediâ, tum incipiendâ, tum perficiendâ, faterentur necessariam esse gratiam interiorem prævenientem, sicut tamen initium fidei, ita et perseverantiam negabant esse singulare Dei donum, gratiamque specialem, contententes, in potestate cujusvis arbitrii esse, ut, si velit, perseveret. Addebant, neque talem esse perseverantiam, à quâ deficere nemo posset; atque adeo non esse certum prædestinatorum numerum, æterno ac immutabili Dei decreto constitutum, sed in hunc ordinem quosdam in dies adscribi, quosdam ex eo expungi. Hinc demum 5^o nullam agnoscebant vocationem secundam propositum, ut loquitur Apostolus, neque gratuitam prædestinationem, seu ad primam gratiam, utpote quam non conferret, nisi ad conatus naturales humanæ voluntatis, neque ad gloriam, utpote ad quam illos solos eligi dicebant qui viribus arbitrii perseverare vellent; atque iis proinde solis gratiam et gloriam ab æterno Deum destinasse, quos prævidit, si Evangelium ipsis prædicaretur, vigore naturæ gratiam illam esse promerituros, et in bono perseveraturos, aut si de parvulorum ad gloriam electione sermo foret, quos prævidit, si diutius vixissent, idem fuisse facturos. Ex quibus jam manifestè sequebatur, initium fidei, justitiæ, salutis, discretionem fidelis ab infideli, electi à reprobo fieri ex meritis, et quidem merè naturalibus et quidem conditionatis, et quoad parvulos purè talibus; atque in liberum tandem hominis arbitrium, sibi relictum, debere refundi contra illud Apostoli: *Quis est qui te discernit?* etc.

XI. Ex his liquet primò vastum discrimen inter errores Semipelagianorum et dogmata catholica, quæ Jansenius perperam cum illis magnam partem confundit. Etenim asserimus equidem Catholici 1^o Deum omnibus hominibus adultis, ratione utentibus dare gratias

sufficientes; sed negamus, eas dari ex merito fidei, vel alterius actûs merè naturalis, maxime conditionatè solum prævisi. 2^o Contendimus, Deum sincerâ ac seriâ beneplaciti voluntate velle, omnes homines per Christum salvos fieri, si velint; non tamen si velint præcisè naturæ viribus sibi relictis, sed sperno gratiæ prævenientis adjutorio elevatis. Agnoscimus præterea Deum quosdam speciali affectu præ aliis vocare, atque jam ab æterno elevisse, et ad supernam gloriam præordinasse. 3^o Similiter fatemur, Christum pro æternâ omnium hominum salute mortuum esse, et sanguinem fudisse; quod Semipelagianum non esse discimus inter alia ex damnatione propositionis 5 Jansenianæ, quæ id perperam asserbat; fatemur insuper, omnibus hominibus ex illius meritis, aut non ex merito naturali ipsorum, conferri gratiam sufficientem, et non omnibus æqualem, cum nec pro omnibus æquè sit mortuus, sed magis specialiter pro electis, in quos majora gratiæ beneficia, et uberiorem redemptionis suæ fructum derivari voluit.

XII. Liquec secundò vastum pariter discrimen inter Semipelagianorum errores et catholicam sententiam multorum theologorum orthodoxorum, qui scientiam conditionatam, quam *mediam* appellant, in Deo admittunt, quæ etiam in suis efformandis decretis dirigatur. Nam imprimis hæc scientia, ex unanimi mente ipsius assertorum, non exhibet Deo actum ullum salutarem, etiam qui sit solum fidei initium, elicited ex solis naturæ viribus. Deinde, quamvis exhibeat illi actum aliquem salutarem, sub conditione hic et nunc eliciedendum ab homine gratiâ supernâ prævento et adjuto, si hanc gratiam habuerit vel haberet; negant tamen hujusmodi actum, præcisè aut conditionatè prævisum esse motivum, cur Deus talem gratiam conferat, vel hominem talem ad Evangelii auditionem fidemque perducatur. Denique multò magis pernegant merita vel demerita purè conditionata, id est, nunquam futura absolutè, sed sub conditione nunquam implenda, qualia sunt ista parvulorum supra memoratorum, esse Deo motivum, quibusdam baptismi gratiam impertiendi, aliis denegandi.

Quapropter Natalis Alex. ordinis Prædicatorum auctor percelebris, Hist. Eccl. ad sec. V, c. 3, art. 8, n. 6, monet: « Cavendum, ne recentioribus quibusdam theologis, qui prædestinationem electorum ad gloriam intuitu meritorum à Deo fieri contendunt, et scilicet

« tiam quandam mediam propugnant, Semipelagiani erroris notâ inuratur, quod imprudenter et temerè novi quidam auctores fecerunt; vel Semipelagianorum dogmatum ignari, vel studio partium in transversum acti. Magnum enim est, quantâ ad hoc utrumque dogma, inter Semipelagianos et theologos illos discrimen. » Idem planè iudicium est emittit Gotti. de ver. Rel. cath. tom. 2, c. 75, § 1, n. 11.

XIII. Semipelagianis acriter sese opposuere, 1° S. Aug. duobus libris contra illos editis, altero de Prædestinatione sanctorum, altero de Dono perseverantiæ; et post S. præsulis obitum S. Hilarius, S. Fulgentius Ruspensis episcopus; S. Cæsarius Arelatensis, Petrus Diaconus, etc.; præcipuè verò S. Prosper, qui, vivente adhuc S. Aug., Semipelagianorum errores confutavit in Epistolâ ad Rufinum; postea verò idem præstitit in libro contra Collatorem; et in Resp. tum ad 45 Capitula Gallicorum, tum ad Excerpta Genuensium, tum denique ad Capitula Objectionum Vincentianarum, necnon in Carmine de Ingratis, et aliis. 2° Ex pontificibus primùm Gelasius I Semipelagianorum doctrinam coercuit, datâ ad Gallicanos episcopos Epistolâ anno 451, tum Gelasius I, anno 494, in Epistolâ ad Picanos. Ex conciliis tum Valentina synodus à Cæsario Arelatensi anno 529, indicta, tum Arausicana II, eodem anno celebrata; utraque à Bonifacio II confirmata, Semipelagianos, damnatis eorum erroribus, ultimo ictu confodit, qui ab eo tempore haberi ceperunt hæretici, cum eò usque adhuc gauderent nomine catholico, inò à SS. Aug. et Prospero, fratrum, et dilectorum suorum titulo decorarentur.

PRÆDESTINATIONI.

I. Hoc vel affini prædestinatorum nomine veniunt illi qui hoc eodem de quo jam scribimus, seculo ex optimis S. Aug. libris, præsertim de Gratia et Prædestinatione, pessimè intellectis docuerunt 1° ex hominibus alios antecedente Dei voluntate absolutâ et efficace destinatos esse ad gloriam; alios ad penam æternam. 2° Neque eos proinde qui sunt ad vitam æternam prædestinati, ullo modo posse damnari; neque illos qui sunt ad gehennam præordinati, ullâ ratione posse salvari. Hinc inferebant 3° per Dei prædestinantem voluntatem liberum hominis arbitrium penitus extingui, aut certè nihil valere, seu ad obtinendam salutem, si destinatus à Deo sit ad damnationem; neque ad hanc

incurrendam, si ad illam fuit præordinatus. Unde 4° insuper intulere, neque bona opera quidquam professe reprobis, neque mala obesse prædestinatis; neutrosque proinde esse debere sollicitos, seu ut agant bonè, seu ne agant malè.

II. Etiam non defuerunt, qui cum Jansenio negarunt, Prædestinatorum hæresin, ita expositam, unquam existisse, sed Prædestinatorum nomine S. Aug. discipulos à Semipelagianis fuisse traductos; contrarium tamen sentiunt, ac solidè evincunt alii cum Baronio, Spondano, Dídaco Alvarez, Sirmondo, Natali Alex., card. Gotti, etc., tum ex variis probatæ hæc in re fidei historicis, videndis apud Nat. Alex. loc. cit. art. 11, tum ex eo quòd in causâ Prædestinatorum celebratæ sint duæ synodi anno 456, Arelatensis et Lugdunensis. Ceterùm, eandem hæresin seculo IX recruduisse in Gotteschalco, et seculo XVI in Luthero, Calvino et aliis, dubium esse nequit.

NESTORIANI.

I. Nestorius ex Syriâ oriundus, primùm Antiochie monachus, inde patriarcha Constantinopolitanus, Nestorianis nomen et errores dedit. Vir eloquentiâ et opinione percelebris, sed non minùs animo elato ac crudeli, quem tamen externâ sanctitatis specie, fucatoque fidei zelo tegebat, suum virus primùm prodidit, dum, exorto propterea tumultu, quòd Anastasius presbyter, ipsius familiaris et consiliarius, quòdam die publicè in ecclesiâ hæc verba protulisset: « Nemo Mariam vocet Deiparam: Maria enim homo fuit: ex homine autem Deus nasci non potest; » monitus de hæc blasphemâ Nestorius, non modò Anastasium non corripuit, sed ejus dictum confirmans idem in Ecclesiâ palam docere non dubitavit; quo factum, ut mox in suspicionem veniret, quòd Pauli Samosatensis ac Photini dogma rursus in Ecclesiam invchere moliretur, nempe, Christum esse purum hominem, et hinc B. Virginem nollet appellari Deiparam. Atque hæc reipsâ fuit ipsius errorum summa.

II. Errabat itaque 1° quòd duas in Christo personas stateret, illumque veluti divideret in Filium Dei et Filium hominis; illum non ex Mariâ, sed ex Deo ante secula genitum; hunc ex Mariâ, in seculo natum. Hinc 2° Mariam volebat dici: Θεωρίαν, seu Deiparam, sed Χριστορίαν, seu Christiparam. 3° Quòd consequens erat, negabat Filium Dei pro no-

his passum esse, aut mortuum; sicque, ut recte S. Cyrillus, redemptionis nostræ mysterium evacuabat. Porrò hoc ut errores tueretur, negabat veram physicam substantialem unionem Verbi divini cum humanitate in unitatem Personæ; admittebatque duntaxat unionem quosdam moralem, vel accidentalem inter personam Verbi et personam huius hominis qui Christus dicebatur; quam unionem statuebat tum in speciali affectu, quo Verbum et iste homo se invicem complectebantur, quo sensu dici solet, amantium esse cor unum et animam unam; tum in speciali modo, quo Verbum habitabat in Christo, sicut in templo, aliter quàm in aliis justis: tum denique in eo, quòd iste homo foret instrumentum, seu organum Verbi divini.

III. Exitiosis his erroribus qui christianæ Religionis fundamenta subvertebant, strenuè sese opposuit S. Cyrillus præsul Alexandrinus, datis primùm quidem ad ipsum Nestorium, quibus illum ad saniora revocaret, literis, sed incassum; tum deinde aliis ad Cælestinum I, pontificem, quibus Nestorium, ejusque prava dogmata ad ejus tribunal deferret. Ista dogmata in synodo Romæ anno 430 habitâ damnavit pontifex, sententiamque excommunicationis et depositionis tulit in Nestorium, nisi intra decimum ab insinuatione hoc pontificio decreto diem errores suos agnosceret, ac ejuraret. Cyrillus, cui vices suas ad hujus decreti executionem procurandam Cælestinus demandaverat, celebres illos 12 anathematismos edidit, quibus Nestorius subscriberet, et ita suas hæreses recantaret. At tantùm abfuit, ut obtemperaret homo pertinax, ut efferatior factus, alios 12 anathematismos ederet, Cyrillianis è regione oppositos.

IV. Quapropter Cælestinus, urgente Theodosio imperatore, synodum œcumenicam indixit Ephesi, anno 451, in quâ, præside S. Cyrillo, et jure suæ sedis, et titulo legati sedis Apostolicæ, dum alii Româ à Cælestino missi expectabantur, ab episcopis plusquàm ducentis ex Oriente et Occidente illuc appulis condemnatus, ac sede suâ pulsus fuit Nestorius, probantibus sententiam Apostolicæ sedis legatis, etsi seriùs adventantibus; plaudente, publicis etiam ignibus, clero et populo, qui ægerimè tulerat, sibi redemptorem Deum eripi, et intemeratè Virginis titulum Matris Dei; qui, ut illi deinceps perpetuò constaret, creditur sub id tempus Salutationem angelicam hæc additamentum accepisse: *S. Maria, Mater Dei.*

Ceterùm Nestorius nond multò post à Theodosio in exilium relegatus, pertinax infelicifato interit, blasphemâ linguâ post obitum verbibus seutente.

V. Ex his juvat obiter animadvertere 1^o quo spiritu ducantur illi Jansenianæ factionis hypocritæ, qui abstinendum voluit fidelibus à titulo Deiparæ, seu Matris Dei, tribuendo divinæ Virginis; non quòd, inquit, verè illi non conveniat, sed ut, ad factum faciendum, prætentent præ reverentiâ, quòd nos non deceat istum titulum pronuntiare, illamque eo salutare. 2^o Quantum hallucinatus sit, qui principia juris publici ecclesiastici Catholicorum pollicitus, hæc propositionem: *B. V. Maria non est Θεωτόκος, iis duntaxat accenset, quæ sunt hæresis proximæ, cum tamen manifestè sit hæretica: primò, quia concilium Ephesinum I, eòdem illam damnatione involvit cum illâ quæ Christum esse Deum negat, et utramque eodem anathematis fulmine ferit: « Si quis, inquit, non confitetur Emmanuelem Deum esse, et ob id S. Virginem Deiparam... anathema sit. » Idem præstitit S. Cyrillus I ex 12 anathematismis, ab eòdem synodo comprobatis: « Si quis, ait, non confitetur Deum esse veraciter Emmanuelem, et propter hoc ipsam Dei genitricem S. Virginem... anathema sit. » Similiter synodus VI, can. 6, anathematizatum, « qui abusivè et non verè Dei Genitricem dicit sanctam, gloriosam, semperque virginem Mariam. » Deinde quia synodus VI œcumenica, Act. 4, eòdem fidei formulâ, cum Verbi incarnatione Deiparæ titulum profiteatur: « Confitemur, inquit, Verbum... incarnatum de Spiritu S., et S. immaculatam, semperque virginem... verè ac propriè Dei Genitricem. » Demùm quia in prædictâ propositione, istud indicante, totum erroris sui virus velut collectum Nestorius abscondebat, ut observant Petavius et Tournelius; qui simul adnotant, in hæc unice voce Θεωτόκος, quam Nestorius respuebat, totius mysterii incarnationis veritatem, substantiamque contineri, vocemque illam tesseram esse, Catholicos à Nestorianis discernentem in mysterio incarnationis, sicut vox θεός illos discernit ab Arianis in mysterio Trinitatis.*

EUTYCHIANI.

I. Ab Eutyche seu Eutychè denominatus accepit. Fuit autem Eutyches presbyter, et monasterii celeberrimi in urbe Constantinopolitana archimandrita, postea dictus abbas.

Is, cum adhuc diaconus in synodo Ephesinâ I, et illâ etiam ad finem perductâ, contra Nestorium acerrimè pugnasset, tandem anno post celebratum illud concil. 18, Christi verò 448, jamque senex, seu ex imperitiâ magis quàm ex versutiâ, ut videtur insuere S. Leo, Epist. modò 29, 30, 31, seu zelo nimio, non secundum scientiam, in extremum errorem abreptus est, incidens in Scyllam, dum vellet nimis precaue vitare Charybdim.

II. Capitalis itaque Eutycheus error fuit, quòd cum Nestorium acerrimè perstringit, duas in Christo personas statuentem, ipse non unam solùm in eo personam adstruat, sed etiam unam post unionem naturam; contendens Christum esse quidem ex duabus, sed non in duabus naturis; seu duas quidem ante unionem fuisse naturas, sed unicam post unionem; ita ut in ipso incarnationis articulo ex utrâque naturâ, divinâ et humanâ, una substantia coaluerit; sive jam senserit Eutycheus id factum esse per confusionem aut mixtionem, sicut ex 4 elementis fit natura mixta; sive per conversionem unius naturæ in aliam, sicut aqua in Cana Galilææ conversa est in vinum; sive per compositionem, uti ex corpore et animâ fit una natura humana; seu contenderit, naturam humanam à divinitate fuisse penitus absorptam; neque enim mens illius satis comperta est, de quâ disputant etiam hodièdum theologi.

III. Eutycheus se invicem opposuerunt S. Leo papa; Boetius, edito libro de 2 Naturis; S. Prosper Aquinatus in diversis Epistolis adversus Eutycheum; S. Flavianus Constant. antistes. Eutycheus verò propter contumaciam damnatus, et sacerdotii honore privatus est in synodo Constantinop., sed non diu post, favente Theodosio Imp. per Dioscorum, præsulem Alexandrinum, eidem conciliato, ab aliâ pseudo-synodo Ephesinâ, quam latrocinium Ephesinum vocant, perperam absolutus, et pristino honori restitutus fuit. Verùm hujus pseudo-synodi acta, Romæ à Leone coactâ synodo rescissa; ac tandem Eutycheus cum ipso toto latrocinio Ephesino in concilio œcumenico Chalcedonensi, 600 et amplius episcoporum iudicio novo fulmine percussus fuit, Dioscorusque pariter episcopatu, sacerdotiique ministerio exutus.

Interim Eutycheana pestis, haud secus ac Nestoriana, grassatur adhucdum præcipuè in Oriente, illaque ad ipsos etiam Indos, ut fertur, est propagata. Eutycheana præsertim hæresis

magnus per Africam propagator fuit sexto currente seculo quidam Jacob, homo natione Syrus, unde Jacobitæ, Copti item, qui in eâ regione suum habent patriarcham.

HERESSES SECVLI VI et VII.

Tria Capitula, eorumque auctores.

I. Trium Capitulorum nomine veniebant 1^o libri Theodori Mopsuesteni episcopi, quibus duas in Christo personas visus fuit asserere cum Nestorio, 2^o Theodoretii episcopi Cyrensis Commentarius, in quo 12 S. Cyrilli Anathematismos aculeatè perstringit. 3^o Ibas episcopi Edessini Epistola ad Marium Persam, in quâ S. Cyrillum perinde ac Nestorium erroris coarguit, ac censurâ temerè ferit.

Circa hæc tria capitula celebris et diuturna seculo preced. excitata, hoc VI seculo acerrimè recruduit controversia, quæ sat diuturni inter Ecclesiam Orientis et Occidentis schismatis radix fuit.cardo autem controversiæ in eo vertebatur: non, utrùm proseribi deberent errores Nestorii, quod jam fecerat synodus Ephesina, sed, utrùm errores Nestorii, vel iis affines in tribus istis capitulis continerentur, propter quos ipsa et eorum auctores condemnari mererentur; id primum inficiantibus pluribus etiam catholicis, qui orthodoxam illis sensum affingere conabantur.

II. Synodus IV neutiquam approbaverat ista tria capitula; sed, quia Theodoretus et Ibas palam anathema dixerant Nestorio, utrumque in concilio, ac suâ etiam episcopali sede subsistere permisit. Sed neque tunc necessum esse iudicavit, quippiam circa illorum, quippe jam publicè respicientium, uti nec adversus Theodori Mopsuesteni, jam fati functi, scripta pronuntiare. At verò, cum postmodum ista scripta in manibus fidelium versari pergerent, et pro catholicis haberentur, atque ita propagaretur error, integro fere seculo evoluto congregata est V synodus, in quâ tria illa capitula proscripserunt, et damnatus Theodorus, qui sine retractatione suis erroribus erat immortalis; non item Theodoretus et Ibas, nupte qui suum errorem in IV synodo palam deposuerant.

III. Sed hinc novarum contentionum inter ipsos Catholicos occasio. Multi enim Occidentis episcopi diu recusarunt, V synodum agnoscere velut legitimam, eò quòd errore facili decepti putarent synodum IV, quam quidem jure pro legitimâ habebant, tria illa capitula approbasse, cum Theodoretum et Ibas ad

Ecclesie communionem admisisset. Ipse etiam Vigilius papa eodem facti errore preventus, etsi id temporis Constantinopoli moraretur, cum V synodus ibidem celebrata fuit, tamen illi neque interesse voluit, neque statim eam approbare. Comperto tamen errore, eandem et ipse postea probavit confirmavitque; et eius successores, præcipuè Gregorius M., qui et Orientalibus Ecclesiis fidei formulam misit, quæ profiterentur, se V synodum recipere; eodemque ferè tempore eandem episcopi etiam Occidentales recepere.

MONOTHELITÆ.

I. Nomen accepere à duplici Græco vocabulo: *Monos*, id est, unus, et *theïma*, id est, voluntas, quasi unius voluntatis professores, quia nimirum in Christo non nisi unam agnoscebant voluntatem et operationem. Opinabantur enim quòd humana natura in Christo nunquam moveretur proprio motu, sed solum secundum quòd mota erat à Verbi divinitate.

II. Ista hæresis, quæ Christi Ecclesiam tempore haud modico miserrimè vexavit, duces habuit, circa annum 629, Athanasium Antiochenum, Sergium Constantinopolitanum patriarcham; et Cyrum episcopum Alexandrinum, favente Heraclio imperatore, qui nimis credulitate decipi se passus est, eo prætextu, quòd isto suo dogmate à Nestorianis simul et Eutychianis erroribus recederent, cum tamen Eutychianum virus de unâ in Christo naturâ sub unius voluntatis velamine contegerent; dum enim unam tantum voluntatem ac operationem admittebant, necessum erat ut unam quoque duntaxat naturam in eo laterentur. Interim hæc eorum vafrities non nisi post annos complures detecta fuit; unde sub catholico nomine longo adhuc tempore grævis sunt; donec compertâ fraude, in primis Sophronius, patriarcha Jerosolymitanus, in synodo hanc ob causam coactâ, eos qui duas operationes in Christo expressè non profiterentur, anathemate ferit. Deinde Severinus pontifex, et postea Martinus I, in synodo Romanâ Monothelitas damnavit. Demum synodus VI, œcumenica, Constantinopoli, anno 680 celebrata, eosdem planè prostravit.

III. De Honorio papa quæ nonnulli scribunt, vel monothelismi fautore, et idcirco damnato pariter à VI synodo, non est hujus loci operosius confutare. Duo suffecerit obiter indicasse, prolixius alibi exponenda:

Primum est, illum equidem in Epistolâ pri-

vatâ, quâ respondit ad litteras Sergii, adhuc id temporis publicâ famâ orthodoxi piique antistitis, sinceræ erga sedem Apostolicam submissionis et zeli, pro conservandâ pace in Ecclesiâ, contestatione, plenis, nil planè fraudis suspicatum, annuisse, ut ad extinguendas quæ prætendebantur à Sergio inanes controversias, tantisper abstinere à voce unius, vel duplicis in Christo voluntatis; at nullis efficacibus momentis evinci potest, quòd Honorius Monothelitarum dogma positivè probârît; seu asserendo, unam duntaxat in Christo esse voluntatem, seu negando esse duplicem; nisi ad summum in sensu quorundam, qui, ut Sergius dolosè, suum ut errorem tegetet, ad Honorium perscribebat, duas in Christo voluntates creatas, sibi quæ contrarias, adstruebant, unam spiritûs, alteram carnis, quam concupiscentiæ fomitem dicebant. Et verò, quòd ipse Sergius non existimârît, istam Honorii Epistolam suo errori favere, vel inde liquet, quòd non fuerit ab ipso publicata vivente Honorio, sed, hoc vitâ functo, primùm à Sergii successore et fautore, postquam hic Constantinopoli pulsus esset. Ex quo etiam credibile est Epistolam illam vitiatam esse, aut è latine non fideliter græcè redditam. Alterum, quòd hic venit indicandum, est quòd VI synodus et Leo II, ex quodam fortassis errore facti, Honorium, jam vitâ functum, acerbius perstrinxerint, quòd Monothelitas eorumque hæresin fovisset; ipso nempe facto, mitius cum illis agendo, ac debuisset, non item publicâ editâ sententiâ, quâ doctrinam illorum probaret, cum in eisdem VI synodo lectæ, et omnium suffragiis probatæ sint binæ epistolæ Agathonis papæ, in quibus dicitur omnes Petri successores, quos inter fuerat Honorius, fratres suos in fide confirmasse.

HÆRESES SECVI VIII ET IX.

ICONOCLASTÆ.

I. Allo affini nomine dicti Iconomachi, seu SS. imaginum contemptores, impugnatores, eversores, circa annum 725 debacchari ceperunt, duce J-zido, vel, ut alii, Gize, Saracenum principe, per Judæum quemdam impulso; favente item Leone Isaacico imperatore, qui, Judæis poriter instigantibus, imò urgente etiam Constantino, Napolitensi in Phrygiâ episcopo, sacras omnes imagines tanquam idola per totum imperium aboleri, atque unâ cum sanctorum reliquiis flammis tradi præcepit. Hoc extincto, eodem furore

exarsit equis successerit Constantinus Copronymus, sic appellatus, quod sacrum baptismatis fontem, quo infans ablendus erat, suis fœdidisset sordibus, necnon ejus filius Leo IV.

II. His furis obstiterit S. Germanus patriarcha Constantinopolitanus, Gregorius II, Romanus pontifex, qui Leonem Isaurum anathemate percussit; et præsertim S. Joannes Damascen. illas planè compressit, et sacrarum imaginum cultum restituit Irene imperatrix cum filio Constantino VI, sub quibus, anno 787, celebrata fuit septima synodus œcumenica, quæ fuit Nicæna II, in quâ damnati Iconoclastæ; quorum tamen hæresis postliminiò revocata fuit à Nicephoro, Leone Armeno, Michaelo Balbo, ac præsertim à Theophilo; sed rursus à Theodorâ Theophili conjuge, cum pro filio Michæle imperium administraret, profligata fuit in Oriente; at post aliquot sæcula recruduit in Occidente, sedulò eam promoventibus Hassitiâ, Lutherique et Calvinî asseclis.

GRÆCÆ SCHISMA.

I. Cœpit illud seculo IX, auctore præsertim Photio, homine ut natalibus et eruditione elaro, ita ambitioso, perfido ac crudeli. Is, dejecto per invidiam à sede Constantinopolitana S. Ignatio, doloque Sarda, supremi in aula Michaelis III imp. satrapæ, artibus, ex laico sex dierum spatio à Gregorio, Syracusæ episcopo, excommunicato, consecratus, in eandem patriarchalem sedem intrusus fuit. Verùm à Basilio Macedone, Michaelis successore, revocato Ignatio, inde pulsus, primùm à Nicolao I, quem dolosis quoque litteris deludere molitus erat; conperit fraude, anathemate percussus, anathema vicissim illi dixit, exemplo Dioscorigenæ, litterasque encyclicas contra Romanam Ecclesiam conscripsit; itque has ob causas in VIII synodo œcumenicâ anno 869 celebratâ, è Catholicorum cœtu submotus fuit. Cùmque nihilominus deinde à Basilio, ipsi propitiato, eidem sedi, post Ignatii mortem, restitutus fuisset, denique tamen à Leone VI, Basilio filio, iterùm ex illâ dejectus, et intra cornubi parietes reclusus, ibidem vitam finit.

II. Hoc schisma recruduit sub Sissinio patriarchâ, et incrementa accepit sub Michaelæ Carulario imp., nequicquam obstante Leone IX, papâ; anno 1274, tentata est concordia et unio Græcorum cum Latinis feliciter restituta in concilio Lugdunensi II, maxime operâ

S. Bonaventuræ, sed Michaelæ Palæologo, Orientis imperatore, facta functo, Græci ad vomitum reversi sunt. Major spes affulsit anno 1459, in concilio Florentino, cui interfuit cum Eugenio IV papâ Joannes Palæologus; productique primitim sunt 5 articuli præcipui, in quibus Græci dissidebant à Latinis, suntque sequentes:

III. 1° Quòd Spiritus S. non procedat à Patre et Filio. 2° Quòd Eucharistia non in pane azymo, sed in solo fermentato confici possit. 3° Quòd non detur Purgatorium. 4° Quòd nec justis æterna detur felicitas, nec impiis æternum infligatur supplicium ante judicii diem. 5° Quòd Romanus pontifex non sit totius Ecclesiæ caput, et B. Petri successor. De horum falsitate convicti Græci, Romanæ sedi et Ecclesiæ sese subdiderunt; sed, domum reversi, instigante præsertim Marco Ephesino, paulò post fidem Græcam probaverunt, et in pristinum schisma, veteresque errores relapsi sunt.

HÆRESES SÆCULI X ET XI.

I. Seculo X, quod fœderunt cùm nequiores nonnullorum pontificum mores, tum secularium principum, sacra profanis miscere volentium, molimina, singulari Numinis in Ecclesiam suam providentiâ, vix ulla nova hæresis exorta est, quæ saltem radices egerit. Secta duntaxat Manichæorum, in Oriente penè jam extincta, quas adhuc superstites scintillas habebat, in Occidentem diffudit; ac primùm quidem in Bulgariam sub finem seculi IX, tum postea in Germaniam; inde in Italiam, ac demùm in Galliam transmisit; quas ibidem Albigenses seculo XII collegerunt, et novum illic incendium suscitârunt, uti paulò post dicitur.

II. At seculo XI exsurrexit Berengarius, famosus ille Sacramentarium parens, vel antesignanus, et eorum hæreseos disseminator præcipuus. Hic vir, natione Gallus, patriâ Turonensis, cujus genitri fuerit, describit Guitmundus, ex monacho archiepiscopus Aversonus, l. I de Corp. et Sang. D. Verit. in Euch.: « Cùm juveniles, inquit, in scholis ageret annos, elatus ingenii levitate ipsius magistri sensum non adeò curabat, condiscipulorum pro nihilo habebat. » Interim præfectus est postea Turonensi scholâ S. Martini, ac in magnâ versatus est apud multos opinione eruditionis, sed quæ reverè minor erat, quàm superbiæ tumor, quo inflatus, postea

tico incensu, sublimique præ cæteris suggestu, dignitatem magistri potius simulabat, quam rebus ostendebat. Ita fermè laudatus Guimundus, l. c. Nihilominus vulgaris ista eruditionis fama effecit, ut primùm in Ecclesiâ S. Martini Turonensis, camerarii et thesaurarii dignitates obtineret; ac deinde archidiaconus et thesaurarius Ecclesiæ Andegavensis crearetur. Ibi suas hæreses vulgare cepit circa annum 1035, vel, ut mavult Nat. Alex., 1017, vel 1043.

III. Præcipua hæresum istarum capita erant sequentia: 1° Baptismum parvulorum evertibat. 2° Legitima conjugia abrogabat, impudenter asserens licitam esse cum omnibus scortationem. 3° Quòd Christus januis clausis ad discipulos non intraverit, asseverabat. 4° Eucharistiâ non esse verè et substantialiter corpus et sanguinem Domini, sed solam illius umbram et figuram adstruebat. 5° Ac propterea panem et vinum per verba consecrationis non converti substantialiter in verum corpus et sanguinem Christi. Atque in hoc uno postremo ac capitali errore Berengarius persistit, dimissis tribus prioribus, ac præcipuè duos, quos velut nimis duros aut absurdos cerneret à piis ac honestis auribus respui, neque à se ullatenus vel in speciem ex Scripturis posse probari, uti testatur iterùm Guimundus.

IV. Si ulla unquam alia, certè hæc Berengarii hæresis, quæ veram et realem corporis et sanguinis Christi in Eucharistiâ præsentiam negabat, hactenus inaudita in Ecclesiâ, vix Catholicorum aures feruit, cum viros doctos quamplurimos, ad nudam ejus perceptionem cohorrescentes, statim excitavit, ut adversus illam calamus stringerent. Præstitère id fortiter ac invictè cæteros inter Adelmanus, Berengarii olim sub S. Fulberto condiscipulus, Bixiensis postea episcopus, in Epistolâ ad ipsum datâ, in quâ etiam eundem saluberrimis olim ab eodem S. magistro datis monitis, ipsi in memoriam revocatis, ad saniora reducere conatus est. Tum etiam Hugo Lincioniensis antistes, Guimundus, ac præcipuè Lanfrancus Cantuariensis archiepiscopus, uti jam insinuavimus, et alii quamplures.

V. Pluribus etiam in conciliis profligata est hæc pestis, cum suo auctore. Ac 1° quidem in concilio Romano sub Leone IX, anno 1050, ubi damnatus quoque fuit liber Joannis Scoti Erigenæ de Eucharistiâ, ex quo Berengarius suum virus hausisse creditur. 2° Eodem anno

in conventu Brionensi. 3° Anno item eodem in synodo Parisiensi. 4° Anno 1055, in Florentinâ, sub Victore papa. 5° Eodem anno in Turonensi, in quâ Berengarius prædens, à Lanfranco convictus, errorem suum, datâ subscriptione, ejuravit. Sed cum postea fidem fregisset, damnatus est 6° in concilio Romano, sub Nicolao II, anno 1059, in quod iterùm convictus à Lanfranco, iterùm virus saltem in speciem exspuit. Paulò post denuò reversus ad vomitum, librum insuper edidit quo non suam hæresin duntaxat defensabat, sed Romanam Ecclesiam, ipsumque summum pontificem impiissimè proscindebat. Quapropter, posteaquàm ab Alexandro II, Nicolai successore, paternis litteris, ut ad se Ecclesiæque gratiam rediret admonitus, obstinatio effectus, impudenter etiam illis respondisset, non solum à Maurilio Rothomagensi præsule, coactâ anno 1063 synodo, Berengarius cum suis sectariis anathemate confixus fuit, quod anno 1705 synodus Pictaviensis confirmavit; sed tandem à Gregor. VIII, ad synodum Romanam vocatus, post varias tergiversationes, præsens errasse se coram toto concilio confessus, veniamque demissè petens, ex apostolicâ clementiâ, præmissâ fidei confessione, obtinuit. An deinceps in sanâ fide ad mortem usque persistit, dubitant aliqui, asserunt plures. Obiit anno 1088, annum agens ætatis circiter 90.

HÆRESSES SECVLI XII ET XIII.

ALBIGENSES.

I. Manichæorum secta, ut supra adnotavimus, ex Oriente in Occidentem delapsa, virus suum evomuit primùm circa annum 1120, apud Tolosates per Petrum Brussum, seu de Bruis, natione Gallum, et Henricum Tolosanum, monachum apostatam, illius discipulum, à quibus eorum asseclæ dicti Petro-Brussiani et Henriciani. In fœdis Manichæorum erroribus hos addebant: Missæ sacrificium nihil esse; baptismum absque fide parvulis nil conferre; neque fidelium preces quidquam professe defunctis; quibus ævi moderni novatoribus præludebant.

II. Eadem secta, stabilem sedem nacta Albicæ civitate Tolosæ viciniâ, inde nomen fecit Albigenisibus hæreticis, qui exiguo temporis spatio universam penè Galliam corruperunt.

Docebant autem Albigenes, 1° cum Manichæis duo esse rerum principia. 2° Cum Sadducæis carnis negabant resurrectionem. 3° Infernum simul cum purgatorio explodebant. 4° Baptismi et Eucharistiæ sacramenta respuebant.

III. Opposuit se iis strenuè primùm Innoc. III, vocato in auxilium brachio seculari, præcipuè comitis Simonis Monteforti, herois fortissimi; qui duce et adjutore Domino exercituum, cum octo duntaxat Catholicorum millibus centum hæreticorum istorum millia, pugnans sub Petri II Arragonie regis vexillo, fertur profligasse. Deinde spiritualia profanis arma conjunxit S. Dominicus cum sociis suis, quorum insigni operâ, et erecto Tolosæ sacre, ut vocant, Inquisitionis tribunali, hæretica ista factio penitus dissipata fuit, et pax Ecclesiæ reddita.

PETRUS ABELARDUS.

I. Dicitur à quibusdam Abelardus; gente Gallicus fuit, ingenio acri et facundo, sed tam arrogans, teste Ottone Frisingensi, l. 4 de rebus Gest. Frid. I Imp., et illi tantùm confidens, ut vix ad audiendos magistros ab altitudine mentis suæ humiliatus descenderet. Inde, ut superbis haud rarò contingit, in fœdum carnis flagitium cum Heloissâ discipulâ suâ prolapsus, atque eidem matrimonio copulatus, eùm privatam infamiam passus esset, illâ spontè ad monasterium feminarum sese recipiente, ipse monachus ad S. Dionysium effectus est; verùm post tempus aliquod ab obedientiâ abbatis sui solutus, in publicum denuò profuit, docendique munus, quod cum magnâ nominis celebritate ante sustinuerat, Parisiis resumpsit.

II. Hoc in munere cùm circa annum 1116 versaretur, varios in errores incidit, ac præsertim in Sabellii hæresin; quapropter in synodo provinciali Suessionensi, anno 1120 celebratâ, præsentis sedis Romanæ legato, Sabellianus hæreticus est judicatus, et ab episcopis jussus, libros quos ediderat, manu propriâ igni tradere. Interea, cùm 19 annorum spatio errores adeò non exueret, ut novos superadderet, adeò ut Ariana, Nestoriana, Pelagiana fabris ipsi affricaretur, uti videre est apud Gott. de Ver. Relig. Chr. c. 90, § 5; hinc ad eum coerendum coacta est synodus Senonensis anno 1140, ad quam invitatus inter reliquos fuit S. Bernardus, abbas Clarevallensis, qui in consensu virorum ex omni ordine sapientiâ et dignitate præstantiam, ipsiusque etiam Gallicæ regis Ludov. VII, contra Abelardum dispararet. Sed hic, pontificem Roman. Innoc. II appellans, repenti concilio se subtraxit. At Innocentius ipsius dogmata damnavit, eique tantùm hæretico, perpetuum silentium imposuit.

III. Ad extremum Abelardus, ad Cluniacensem

se conobium se recipiens, editis sinceræ penitentiae signis, à Petro Cluniacensi abbate, S. Bernardo et Innocentio II reconciliatus, obiit anno 1142; quapropter juxta Gott. l. c., cùm, ejaratis erroribus, verè penitens et catholicus mortuus sit, hæreticis non videtur annumerandus.

WALDENSES.

I. His nomen dedit Petrus Waldus, mercator opulentus Lugdunensis in Gallia, vir litterarum expertus. Is, viso repentino et inopinato eujusdam è præcipuis suis concubibus fato, percussus, sub prætextu instaurandi vitam apostolicam, omnes opes suis pauperibus erogavit, idemque ut faceret aliis multis, præsertim rusticis, persuasit. Porrò hæc magnificè manu ingentem pauperum multitudinem sibi devinxit atque adjunxit; unde Waldenses alio nomine dicti sunt *Pauperes de Lugduno*. Illos cùm voluntariam paupertatem Christi et Apostolorum exemplo, uti prætendebat, profiteri sectarique docuit et; homo planè rudis novum Testamentum vulgari sermone explicare ac prædicare, et, quod prosum erat, errores docere cepit; quos, ab Ecclesiæ prælatis ac clero propterea reprehensus, magis adauxit.

II. Errores isti præcipuè hi fuere: 1^o Ecclesiam Romanam defecisse à tempore Sylvestrii, quo possessiones habere cepit. Unde inferebat nullum in eâ, quantùmvis probum, salvari posse; spernendas esse ejus indulgentias, benedictiones, consecrationes, excommunicationes; non esse pendendas Ecclesiæ decimas; neque ab ullo obtemperandum summo pontifici, episcopis aliisque Ecclesiæ prælatis. 2^o Ministros Ecclesiæ Christi, propria possidentes, peccare omnes contra præceptum Christi: *Nolite possidere aurum*. 3^o Ministerium Eucharistiæ aliorumque Sacramentorum, non ad solos sacerdotes pertinere, sed ad omnes et quosvis etiam laicos. 4^o Omnem potestatem, etiam laicam, solo peccato mortali deperdi, ac proinde sacerdotem in peccato mortali existentem nec consecrare nec absolvere; hæc enim è contra justum ista ritè facere; quem errorem moderni Janseniani adoptarunt. 5^o Demùm, ut plura omitiam, nullam orationem, præter Dominicam, esse faciendam.

III. Cùm annis circiter 50, per agrum Lugdunensem vicinasque regiones grassata fuisset ista pestis, tandem extincta fuit, tum Alexandro III, in fanaticos illos anathematis fulmen vibrante; tum à Friderico imp. eisdem laxa

majestatis reos declarante. Interim eandem luem seculo XIII, saltem ex parte, denuò excitârunt, et, si fides Trithemio, infandis obconitibus, sub specie pietatis, adauerunt, dicti Fraticelli, damnati à Bonifacio VIII, et postmodùm à Joanne XXII.

BELGICISTÆ, BEGUARDI ET BEGUINÆ.

I. Fraticellorum, seu, ut quoque vocabantur, *Fratrum de paupere vitâ*, colluvies, duplicem hanc pestem effudit. Ac prima quidem propagatorem habuit quemdam Dulcinum Italum, patriâ Novariensem, qui cum Margaritâ ejus scorto Fraticellorum errores, et iis attributas fœditates pluribus hominum millibus afflavit, præsertim in Alpibus. Contra illos à Clemente V sacri inquisitores ex ordine Prædicat. excitati strenuè pugnarunt. Dulcinus cum pellice à congregato adversus impiam illam turbam fidelliam exercitu membrâlim concisus interiit, amborum ossibus igne consumptis.

II. Alierius pestiferæ Fraticellorum sectæ viri Beguardi, femina vocabantur Beguinæ. Unde tale nomen hauserint, incertum. Apud Germanos plurimùm delacchati sunt, et sub falsâ sanctitatis specie suas turpitudines diffuderunt. Præterea sequentes sparserunt errores, quibus Quietistis et Molinosistis, de quibus iufra, præluserunt. 1° Dôcebant, hominẽ in hâc vitâ posse tam perfectum evadere, ut reddatur impeccabilis, et ampliùs in gratiâ crescere non possit. 2° Eum qui talem perfectionis gradum erat assecutus, non ampliùs esse subditum obedientiæ humanæ, nec proinde teneri ampliùs jejunare nec orare, nec ulla præcepta Ecclesiæ adimplere; imò nec debere Christi corpori, cùm in Missâ elevatur, assurgere vel reverentiam exhibere, ne ab altitudine et puritate suæ contemplationis descenderet. 3° Ex adverso tunc sensualitatem esse tam perfectæ spiritui et rationi subjectam, ut homo possit liberè corpori concedere quidquid placeat. 4° Hominem ejusmodi posse in hâc etiam vitâ beatitudinem assequi ita perfectam ac in patriâ, neque ad Deum videndum et beatè co fruendum, animam indigere lunine gloriæ ipsam elevante.

III. Damnati fuere in concilio dœcumenico Viennensi sub Clemente V, annò 1311. Eorum tamen errores et fœditates saltem ex parte innovârunt annò circiter 1375, et iterùm anno 1625, quidam in Hispaniâ dicti *Illuminati*, quorum capitale, turpeque dogma fuit, quòd tantam cum Deo unionem, talemque perfec-

tionis statum vi orationis mentalis se assecutos jactarent, ut nec bonis operibus, nec Sacramentis ampliùs egere se dicerent, et posse sine culpâ turpissima quæque patrâre.

HÆRESIS SECVLI XIV ET XV.

WICLEFFISTÆ.

I. Joannes Wicleff, vel Wicleph, natione Anglus, presbyter ac theologiæ doctor in academiâ Oxoniensi, huic sectæ auctor fuit circa annum 1375. Vir ingenii vehemẽntis, sermonè disertus, sed superbiâ et ambitione tumidus, cùm præfecturam collegii Cantuariensis contra jus fasque invadere molienti obsisteret archiepiscopus et Urbanus V papa, concepto in Romanam Ecclesiam odio, nefaria dogmata tum contra Deum et sanctos, tum contra ordinem ecclesiasticum spargere cepit, quibus instillandis, partim vitæ severioris quam exterius profitebatur specie, partim regiæ secularisque potestatis, quam supra ecclesiasticam extollebat, amplificatione, faciliè apud incautos viam aperuit.

II. De Wicleffi doctrinâ annò sequenti Londini habita questio ab archiepiscopo Cantuariensi; sed propter tumultus à quibusdam aulicis Wicleffo faventibus, in ipso conventu excitatos, nihil effectum, nisi quòd Wicleffo silentium fuerit indictum. Interim perlata ad Gregor. VI erronea 19 capita, ex Wicleffi libris excerpta, ab eodem pontifice ex cardinalium consilio damnata fuere; et 22 maii 1377 datæ litteræ tum ad plures Angliæ episcopos, quibus errores à se damnatos transmittit, et præcipit ut Wicleffum ad suum tribunal client, comprehensum examini subjiciant, eumque impetrato etiam brachio sæculari reclusum detineant, ac ejus responsa Romam mittant: tum ad Eduardum III, Angliæ regem, quibus illum ejusque filios adhortatur, ut tam justæ causæ manum adjutricem præstent. Anno 1382, Londini ab archiepiscopo Cantuariensi celebrata synodus fuit, in quâ examinatæ ac præscriptæ 24 Wicleffi propositiones, quas et compulsus est præscriptâ formulâ palam in illâ synodo ejurare.

III. Verùm, in suâ pertinaciâ Wicleffus persistens, annò 1385, festo S. Thomæ Cantuariensis archiep. cùm loco panegyris satyram parâset in illum declamandam, subito paralyti vel apoplexiâ tactus, ac linguæ usu privatus, biduò post, festo nempe S. Sylvestri, quem etiam crebris invectionibus exasperaverat, miserè extinctus est. Ejus ossa postmodùm è

tumulo effusa, et in cineres redacta jussu concilii Constantiensis, quod et ipsius nomen diris devovit, et 45 propositiones ex ipsius libris Dialogi, Trialogi, aliisque, quos jam anno 1415 Joan. XXII, in synodo Romanâ, cum damnatâ ejusdem doctrinâ, prohibuerat, publico decreto sess. 45 edito condemnavit anno 1418.

IV. Potest autem istarum propositionum virus et doctrinæ Wiccellianæ summa ad hæc ferè capita revocari. 1^o Contra Deum blasphemiat, quòd debeat obedire diabolo, prop. 6. Cùm verò prop. 27, effudit omnia ex necessitate absolutâ evenire, divinam simul ac humanam libertatem à medio tollit. 2^o Contra Ecclesiam Romanam. Eam ait esse synagogam Satanæ, prop. 37, negatque esse de necessitate salutis credere, illam esse supremam inter alias Ecclesias, prop. 41. 3^o Contra papam. Ipsum negat esse proximum et immediatum vicarium Christi et Apostolorum, prop. 37. Ejus electionem à cardinalibus ait esse à diabolo introductam, prop. 40. Post Urbanum VI non esse aliquem recipiendum in papam; sed vivendum more Græcorum sub legibus propriis, prop. 9. Si fuerit præscitus, seu reprobus et malus, non habere potestatem super fideles sibi ab aliquo datam, nisi fortè à Cæsare, prop. 8. Decretales epistolas exhibat, prop. 38. 4^o Contra potestatem ecclesiasticam et civilem. Docet nullum esse dominum civilem, nullum esse prælatum, nullum esse episcopum, dâm est in peccato mortali, prop. 15. Populares posse ad suum arbitrium dominos delinquentes corrigere, prop. 17. Parochianos propter peccata suorum prælatorum posse ad libitum suum decimas auferre, prop. 18. 5^o Contra Ecclesiarum et ecclesiasticorum possessiones asserit, Sylvestrum papam, et Constantinum Imper. errasse Ecclesiam dotando, prop. 33. Imperatorem et dominos seculares esse seductos à diabolo, ut Ecclesiam dotarent bonis temporalibus, prop. 59. Ditare clerum esse contra regulam Christi, prop. 32. Contra Scripturam S. esse, quòd viri ecclesiastici habeant possessiones, prop. 19. Et hinc papam cum omnibus clericis suis possessionem habentibus esse hæreticos, eò quòd possessiones habeant, et consentientes eis, omnes videlicet dominos seculares et ceteros laicos, prop. 36. 6^o Contra religiosos, præcipuè Mendicantes et eorum Institutores, debacchatur, aiens religiosos viventes in religionibus privatis non esse de Religione christianâ, prop. 23. Sanctos in-

stituendo religiones privatas peccavisse, prop. 22. Augustinum, Benedictum, Bernardum esse damnatos, nisi penituerint de hoc, quòd habuerint possessiones, et instituerint et intraverint religiones; et sic à papâ usque ad ultimum religiosum omnes esse hæreticos, prop. 44. Peccare quoque fundantes claustra, et ingredientiæ esse viros diabolicos, prop. 34. Omnes religiones indifferenter introductas esse à diabolo, prop. 45. Omnes de ordine Mendicantium esse hæreticos, et dantes eis elemosynas esse excommunicatos, prop. 20, 24 et 34. 7^o Contra Sacramenta universim decernit, si episcopus vel sacerdos existat in peccato mortali, ipsum non ordinare, non consecrare, non conficere, non baptizare, prop. 4. Speciatim verò circa S. Eucharistiam, substantiam panis materialis, et similiter substantiam vini materialis, remanere in Sacramento altaris, prop. 1. Accidentia panis non manere sine subjecto in eodem Sacramento, prop. 2. Christum non esse in eodem Sacramento identicè et realiter in propriâ presentia corporali, prop. 3. Denique non esse fundatum in Evangelio, quòd Christus Missam ordinaverit, prop. 5. Contra sacramentum Pœnitentiæ, si homo fuerit debite contritus, omnem confessionem exteriorem esse illi superfluum et inutilem, prop. 7. Addit inter alios plures errores, quos hic non recenseo, fatuum esse credere indulgentiis papæ et episcoporum, prop. 42. Vim excommunicationis penitus evacuat, prop. 11, 12, 13, 30.

Hæc Wiccellii dogmata, qui cum novatorum, altero circiter post seculo exortorum, exactiè contulerit, haud difficulter animadvertet, quo ex fonte isti hauserint, ut pridem admonuit concilium Senonense anno 1528 celebratum, in Præfatione.

HUSSITÆ.

I. Hussitarum pe-tis, quæ per omnem penè Germaniam sese diffudit, circa annum 1408, Pragæ erupit ex Joannis Wiccellii libris, in Bohemiam ex Angliâ delatis, avidè copiosèque percolatis à Joanne Huss, ex villâ ejusdem nominis, quod patrio idiomate anserem significat, oriundo, unde et cognomentum est mutuatus. Vir fuit ingenio peracri, sed rerum novarum opinionumque peregrinarum supra modum cupidus; linguâ insuper disertâ, et mundioris quoque vitæ famâ clarus. His subsidiis non presbyter modò, sed academix Pragensis rector promotus; ubi satis fidei comparatum

sibi existimavit, venenum quod jampridem è Wicleffi lacunis imberat, palam emovere cœpit.

II. Ac 1° quidem universim Wicleffi dogmata amplexus est, cùm propositione 25, inter 50 damnatas à concilio Constantiensi, asserit condemnationem 45 articulorum Joannis Wicleffi per doctores factam esse irrationalem et iniquam, et malè factam, etc. Sunt tamen qui ex ejus scriptis quædam proferunt documenta, quibus realem corporis et sanguinis in Eucharistia præsentiam, ac ipsam etiam transsubstantiationem fateri videtur; atque card. Gotti, l. c., c. 105, § 2, n. 5, ipsum coram concilio protestatum fuisse, contrarios errores, et quosdam alios Wicleffianos sibi falsò imponi. Cæterùm calicis usum laicis etiam esse concedendum mordicus cum suis sustinebat; unde Hussitæ dicti sunt quoque Calixtini. 2° Ecclesiam docuit constare ex solis prædestinatis, propp. 1, 2, 3, 6, 21. 3° Caput unum Ecclesiæ visibile post Christum non esse necessarium ad illam in spiritualibus regendam, propp. 27, 28, 29. Talè caput non fuisse S. Petrum, propp. 7. Neque Romanum pontificem esse caput Ecclesiæ seu cujuscumque particularis, seu particularis Romane, saltem si non sit prædestinatus, vel si sit malus; neque tunc esse verum et manifestum successorem Apostolorum principis Petri. Similiter cardinales non esse veros et manifestos successores collegii aliorum Apostolorum Christi, nisi vixerint more Apostolorum, servantem mandata et consilia Domini nostri Jesu Christi, propp. 10, 11, 12, 13, 20, 22, 23, 24, 26. Addit propositione ultimâ, nullum esse dominum civilem, nullum prælatum, nullum episcopum, dùm est in peccato mortali. 4°, Ut omittam alia, asserit omnia opera hominis virtuosè esse bona; omnia vitiosè esse mala, prop. 16. Obedientiam ecclesiasticam et vim excommunicationis explodit, propp. 15, 17, 18.

III. Damnata primùm Hussii dogmata ab universitate tum Pragensi, tum Parisiensi. Ipse verò à Joanne XXIII, ad causam dicendam Romam evocatus, cùm obsequi detrectaret, à Sigismundo imp. sistere se jubetur concilio Constantiensi, in quo exhibita ipsi errorum capita, ex ipsius scriptis excerpta, ejusque ad singula responsiones audite à cardinalibus Cameracensi, Florentino et aliis præsulibus. Cùm verò errorum istorum convictus, ut eosdèm recantaret, ab iisdem præsulibus, ipsoque etiam Cæsare suaviter, sed frustra monitus, fugam

tentaret; ex illâ retractus atque arctiori custodia traditus, contumacior etiam fieret, et pluribus litteris ad Bohemos scriptis, illos in suis erroribus confirmaret, tandem 5 julii anno 1415, ad synodum adductus est, ut exciperet condemnationis sententiam, quâ concilium in primis articulos, quos ipse Hussius palam confessus fuerat suis in libris contineri, alios erroneos, temerarios, scandalosos; alios apertè hæreticos pronuntiavit, eosdem doceri prohibuit, ipsiusque libros concremari jussit, et in ejus fautores severè ab inquisitoribus animadverti. Deinde Hussim ipsum declaravit esse manifestum hæreticum, pertinacem ac incorrigibilem, ideòque ipsum ab ordine sacerdotali cæterisque ordinibus deponendum ac degradandum. Quâ lugubri caeremoniâ solito ritu peractâ, demùm traditus est potestati seculari, à quâ jussu imperatoris ad rogum damnatus, cùm denuò, ut respisceret, nequiquam admonitus fuisset, eodem miserè consumptus est, cineribus ejus in Rhenum projectis.

IV. Eodem infelici fato propter simile crimen paremque pertinaciam interlit Hieronymus de Pragâ, primarius Hussii discipulus, vir perspicacis ingenii, etc., teste cardin. Gotti, l. c. § 5, n. 4, in Parisiensi, Pragensi, Coloniensi et He delbergensi universitatibus doctor. Is propter disseminatos quos hauserat Hussii errores ad Constantiense concilium cum illo citatus, cùm primùm, affixo programme imperatori, et synodo paratum se ostendisset ad doctrinam suam universâ synodo defendendam et adversantium, sibi hæresin affigentium, calumniam diluendam, postmodùm errorum conscientia perterritus, fugam arripuit; sed interceptus in itinere, custodia traditus; tum à Petro de Alliaco cardinali Cameracensi, et aliis deputatis ad errorum agnitionem, et, editâ 23 sept. anni 1415 fidei formulâ, ejurationem propriâ manu conscriptam et subscriptam permotus fuit. Sed, brevi reversus ad vomitum, anno 1416, palam in concilio ejurationem recantavit, aiens, se in illâ mentitum fuisse velut factum ob timorem poenæ ignis. Quapropter à concilio sess. 21, lata sententiâ, quâ illum hæreticum, et in hæresin relapsum, excommunicatum, anatematizatum pronuntiat, declarat, atque damnat. Quâ lectâ sententiâ Hieronymus seculari potestati extraditus, Hussio magistro, sicut in errore, ita in pertinaciâ socius, eodem quo ille supplicio justè punitus est.

Interim post mortem Hussius et Hieronymus

sibiti sunt à suis velut martyres, quòd mirà constantià tam grave supplicium, editis etiam quibusdam fucatae pietatis indicis tolerarint; quos propterea quoque novatores, ceu gloriosos suos antecessores solent deprædicare. Sed redarguuntur isto magis Augustini oraculo, serm. 274: « Multi latrones patientissimè torquentur; et non cedentes, et tortorem vincentes, postea æterno igne puniuntur. Causa discernit martyrem à patientià, imò duritià accleratorum. »

HERESSES SECVLI XVI.

LUTHERANI.

I. Martinus Lutherus, horum et penè innumerorum aliorum sectariorum parens, lucem primam aspexit anno 1585, die 23 octobris, Islebii, Saxonie oppido, patre Joanne Lotter; quòd nomen, quia materno idiomate scurrile nimis visum ipsi fuit, in *Luther*, quod parum sonat, illud commutavit, exemplo tum Manichæorum, qui nomen sui hæræsiarchæ *Mannes*, quod ad manna propitiis accedebat, immutarunt; tum Novatianorum, qui se *catharos* seu *peros* appellabant. Literis humanioribus Magdeburgi et Isenaci; philosophicis disciplinis Erfordià excultus, et degustatà per annum jurisprudentià, repentino sui studiorum socii, quocum in campo ambulabat, ante pedes ipsius fulminis ictu prostrati ac extincti fato perterritus, S. ordinem eremitarum S. Augustini ibidem anno 1504 amplexus est; in quo anno 1507, sacerdotio initiatus, Wittenbergam studiorum causà missus, ibidem in academià à duce Saxonie recens erectà supremam theologiæ lauream adeptus, sacram doctrinam per annos aliquot, non sine ingenii quidem laude, sed simul ambitionis et ferventioris animi editis luculentis indicis, professus est.

II. Iconem illius vivis coloribus adumbrat cardin. Pallavicinus, Hist. Conc. Trid. l. 1. c. 4, n. 2, his planè verbis: « Martinus Lutherus... acuto, vividoque fuit ingenio, propensus ad studia litterarum, et in iis corpore et mente indefessus. Cùm inops litteraturæ non esset, longè ditissimus sibi videbatur; quippe cui in linguâ, tanquàm in numerato, sua omnia in promptu erant; ejusque linguæ dexteritate, laterum etiam robore pollentis, eorum semper plausum sibi conciliabat, qui sensu magis, quàm mente de disceptante judicium fo-

runt. Hæc dotes replebant animum mirè superbis, et apud vulgus opinionem, quæ illum aleret, provocabant. Ex hoc animi tumore oriebatur despectus spectatissimorum scriptorum, et arrogantia quæ suam scientiam jactitabat, quasi non ab antiquis doctoribus hæreditariam eam haberet, sed totam ingenio suo comparaverit. Idcirco duo nomina ad summam in scholis venerationem evecta, Aristotelem in philosophicis, S. Thom. in theologicis everteudos susceperat. Et jam tum hujus facinoris spargebat semina in Wittenbergensi academià. Igitur ab evulgatis indulgentiis libenter et opportunitatem arripuit... consilium immanis audaciæ plenum suscipiendi, seu persuadendi, humanum genus universum decipi, erroribus, non nisi à se detectis, implicatum. »

III. Occasio hæc fuit: Leo X indulgentias concesserat Christi fidelibus, qui elemosynam aliquam erogarent in vastam S. Petri basilicam, Romæ à Julio II inchoatam, ad coronidem perducendam. Harum indulgentiarum promulgationem per Germaniam faciendam pontifex demandârat Alberto Moguntino archiepiscopo: hic verò id muneris delegavit Joanni Tetzelio, præclaro ordinis Prædicatorum theologo, ac oratori, præteritis Patribus Augustinianis, qui à multis jam annis munus illud in Germaniâ obire consueverant. Hinc ansam invidiæ Lutherus accepit; ac primùm quidem contra indulgentiarum abusus et earum præcones, deinde contra ipsas indulgentias debacchari cepit, tum pro concione, tum propositis anno 1517 et ad templi valvas Wittenbergæ affixis 95 thesibus, non, ut inquietabat, ad illas defendendas, sed examinandas ad eruendam veritatem, quas et per Germaniam totam dispergendas curavit. His opposuit Tetzelius 106 alias theses, quas Francofurti ad Oderam publicari fecit. Inde verò Lutherus magis exardescens, quas propositiones ab initio duntaxat velut dubias in medium protulerat, eas, adversariorum quibus cedere nollet pressus argumentis, defensandas suscepit, in sensu etiam damnato. Atque hæc quidem fuisse turbulentum schismatis exordia, quòd sequenti anno 1518, in apertum, fumissimumque Germaniæ incendium erexit.

IV. Nam homo vafer literas equidem dedit ad Leonem X, quibus conqueritur, se velut hæreticum injuriâ haberi à quibusdam, illasque claudit his verbis fucata humilitate ac obedientiâ plenis: « Quare, beatissime pater, pro-

«stratum me pedibus tuæ B. offero cum omni-
«ca quæ sum et habeo. Vivifica, occide ; vo-
«ca, revoca ; approba, reproba, ut placuerit,
«voce tuam, vocem Christi in te præsiden-
«tis, agnoscam, » etc. Verùm has illusorias
voce fuisse ipse comprobavit, dùm suas as-
sertiones ad eundem transmisit, præmissâ pro-
testatione, se nihil in eis dicere, et tenere ni-
si quod S. Scriptura docet et Ecclesia tenet.
Circa quod idem ferè tempus Joanni Eckio et
Sylvestro Prierati, S. Palatii magistro, qui con-
tra ipsius errores scripserant, ita respondit,
ut superbè potiùs errores illos tueri, quàm
agnoscere recantareque velle videretur. De-
mùm à Leone ad dicendam causam Romam
evocatus, minimè obtemperavit, corporis va-
letudinem et itinèris pericula causatus. Cùm
verò à cardinali Cajetano, quem legatum in
Germaniam miserat idem pontifex, hujus jus-
tu citatus Lutherus, urgeretur, ut quæ malè
scripserat et prædicârat, sincero animo eju-
raret, ipse renuit, et ad sententiam universi-
tatum Basileensis, Friburgensis, Lovaniensis,
ac præcipuè Parisiensis provocavit. Tum noctu
Wittembergam profugit, affixâ priùs palam ap-
pellatione ad papam. Quia tamen prævidebat,
se ab eo condemnandum, novam condidit ju-
ridicam protestationem, quòd, etsi paratus foret
obtemperare pontifici benè instructo, tamen
se appellare ad concilium generale contra id
omne quod papa posset contra ipsum decer-
nere, eò quòd, utut papa, tamen errare pos-
set. Atque mox à legati potestate elapsus, ab-
jectâ larvâ, tanquam rabidus canis contra pa-
pam velut Antichristum, et principes catholi-
cos velut ejus adoratores latrare cœpit.

V. Anno 1519, mense junio, habita est Lip-
siæ celebris disputatio inter Joannem Eckium
et Lutherum, huic suppetias ferente Carolsta-
dio, de quo infra. Eò adductus Lutherus, ut
polliceretur se staturum judicio universitatum
Erfordiensis et Parisiensis, ad quas istius dispu-
tationis acta mitterentur. Eodem hoc anno Lu-
theri dogmata acri censurâ perstrinxerunt uni-
versitates, Coloniensis primùm, tum etiã Lo-
vaniensis, uti superiùs indicatum fuit, ac de-
mùm anno 1521, Parisiensis, quæ propositiones
ultra 100, ex Lutheri libris extractas, damna-
vit tanquàm schismaticas, hæreticas, blasphe-
mas. Homo sui impotens, in furorè actus,
Sorbonæ respondit solis scommatis, conviciis
et invectionibus, quibus scurriliter eos laceraba-
bat, ad quoꝝ velut magistros jam iteratâ vice
appellârat. Neque alio seu stylo, seu modo res-

pondit Henrico VIII, Angliæ regi, qui doctum
tractatum ediderat adversùs Lutheri librum de
Captivitate Balyonica.

VI. Tandem, cùm ad eò non respiceret,
ut novos in dies errores novis editis libris ac-
cumularet, post abscessam spem omnem illius
infringendi pertinaciam, Leo X, anno 1520,
17 kal. jul., bullam edidit, quæ incipit :
Exurge, Domine, per quam articulos 41,
summâ moderatione et accurate discussos,
ut ostendit Pallav., variis censuris profligat,
velut respectivè hæreticos, scandalosos, etc.,
de quo censuram ferendî modo dixi superiùs.
Infrenduit hoc audito Lutherus, et insolent-
iùs multò quàm ante furere cœpit. Nam libel-
lum mox evulgavit contra *execrabilem*, ut loqui-
tur, *bullam Antichristi*; et cùm simul intellexisset
suos libros publicè fuisse concrenatos, ipse
viliis homuncio juris pontificii codices Wit-
tembergæ publicè combussit, hæc adjectâ
blasphemîa : « Quoniam tu conturbasti sanc-
tum Domini, ideò te conturbet ignis æter-
nus. »

VII. Exinde efferatior semper effectus, multò
quàm ante furiosius ad devastandam Eccle-
siam incubuit, tum blasphemis seditiosisque
sermonibus, tum editis libris compluribus,
quibus morum suorum characteres, effre-
niumque affectuum impetus, superbiam, am-
bitionem, impudentiam, audaciam, libidinem,
scurrilitatem, impietatem orbi toti patefecit ;
donec abjectâ anno 1521 religiosâ veste, se-
quenti anno Catharinam de Bore, raptam è
monasterio monialem, votis solemnibus ad-
strictam, sacrilegis nuptiis sibi copulavit ;
cum quâ vixit ad annum 1546, ætatis 63,
quo tam impiis fœditatibus, damnatisque suis
erroribus, fato penè repentino est immor-
tuus Islebi.

VIII. Errores suos non simul ac semel Lu-
therus vel ex antiquis hæreticis adoptavit, vel
de novo procutit ; sed, ut genius hæresis est,
ex uno in alium prolapsus fuit. Initium fecit
ab impugnantis indulgentiis, quibus pecca-
torum pœnæ expiantur. Inde cùm facilis pas-
sus esset ad ipsam justificationem, quâ culpa
ipsa remittitur, illam ita explicare cœpit, ut
penè evacuarit. Ex his ad alia dogmata catho-
lica convellenda progressus, cùm id facere se
posse desperaret, nisi ipsius catholicæ Reli-
gionis fundamenta subrueret, ad ea saltem
concutienda animum applicuit. Præcipua is-
tiusmodi errorum capita, quia vulgò ferè
nota, breviter hic attingam, idque non tan-

ordine temporis, quam systematis proponam.

IX. Systema porro, ad Ecclesiam, quam contra solemnia Christi promissa mentiebatur jam à multis seculis defecisse, revocandam aut reformandam, Lutherus ut fabricaret, duo primaria fidei catholice fundamenta, Scripturam et traditionem, quater et subvertere molitus est; bias item stabilire principia ad morum subversionem haud oblique tendentia.

Ac Scripturam quidem, etsi magnoperè ac unice commendaret, atque ad illam solam perpetuè provocaret, attamen antiquorum penè omnium hæreticorum more, illam pro solo arbitratu ad genium suum, et prout ad illos quos sustinendos susceperat errores magis accomodatam sibi videbatur, instruebat; eos imprimis libros in canonem recipiendo, aut ex illo expungendo quos lubebat; deinde eà, sæpèque varià, utendo versione vel editione quam eundem in finem favere magis arbitrabatur; item privatà auctoritate textum audacter corrumpendo, ut liquet vel ex vuculà sola, quam Ideò, quia ipsi ita placuit, Apostoli textui inseruit, quo dicit, *Justificari hominem per fidem sine operibus legis*; Rom. 3, v. 28; denique ex privato spiritu sensum Spiritus S. divinando, et Scripturæ verba ad sensum sibi magis faventem detorquendo. Traditiones verò omnes divinas et apostolicas cum Ariensis, Pelagianis, Nestorianis, aliisque hæreticis antiquioribus, velut humana commenta exposcit: atque idcirco fortè SS. Patres, fideles illarum custodes ipsaque concilia, etiam œcumenica, earundem conservatoria, saltem pleraque superbè contempsit; multò verò magis Ecclesiam Romanam, quam *synagogam Satanæ*, etc., summumque pontificem, quem Antichristum passim appellabat.

X. Ex binis autem principiis, morum subversivis, quæ stabiliebat, primum fuit, quòd post Adæ peccatum liberum hominis arbitrium sit extinctum, et res de solo titulo; careatque proinde nunc homo libertate saltem à necessitate ad faciendum bonum, et omittendum malum; imò quòd humana voluntas habeat se velut jumentum, cui, « si insederit Satan, inquit in libro quem de Servo Arbitrio conscripsit, vult, et vadit quòd vult Satan; si insederit Deus, vult, et vadit equòd vult Deus. » Atque ita, « quidquid sit à nobis sive boni sive mali, ex merà necessitate fieri, » asserit sub Ingressum libri mox indicat. Hunc porro errorem eruderat ex

Stoicis, Manichæis, Waldensibus, Wicleffo et aliis ejusdem furfuris. Alterum principium, priori affine, est, quòd homo in hęc vitæ Dei mandata non possit etiam cum ejus gratiâ adimplere, tom. 4 Witteimb. fol. 158, in Ep. Gal. p. 5; ipsaque præcepta Decalogi Christianos nil attingere, sed Judæos tantum, tom. 5 Witteimb. fol. 211. Et nihilominus audet Lutherus asserere, opus omne bonum cujuslibet hominis, etiam justî, esse peccatum, et quidem ex naturâ suâ mortale; nulum enim agnoscit ex suâ naturâ veniale, sed ex solâ misericordiâ Dei, illud justis, ac fidelibus non imputantis; art. 34, 32, 33, excepto unico peccato infidelitatis.

XI. Præter ista universalia errorum capita, plures Lutherus particulares adjecit, qui tamen eò quoque universim tendunt, ut illum ad quem prima catholice fidei, genuinaque morum principia collimant, scopum, nempe hominis christiani justitiam, adeòque salutem labefactent, penitusque sufflamment. E quibus præcipuos duntaxat enumerò.

1^o Novum dogma procedit circa justificationem. Nam imprimis cum Anomæis et Jovinianis fieri eam dicit solâ fide, quam confundit cum fiduciâ. Deinde justitiam ipsam asserit homini merè extrinsecam: puta justitiam Dei, vel Christi, ejusmodi fide apprehensam et imputatam omni et soli qui certò credit seu confidit se per Christum justificari, et hanc justitiam negat amitti posse nisi per solam infidelitatem quâ quis in Christum credere nolit. Cæterùm fructum justificationis, bonorum operum vim meritiorum penitus evacuat, et hominem ex solis Christi meritis, per fidem apprehensis, salutem assequi contendit.

2^o Novæ legis Sacramenta, justificationis nostræ instrumenta, variis modis enervare molitur. Ac primum quidem universim, tum quoad numerum dum modò tria, modò duo duntaxat admittit; tum quoad efficaciam, dum negat, illa gratiam conferre, vel ulla illorum imprimere characterem. Speciatim verò vim baptismi sufflamment, cum post illum asserit remanere peccatum; neque hoc per illum tolli, sed solummodò tegi. Confirmationem è Sacramentorum numero expungit cum Waldensibus. In S. Eucharistiâ cum Impanatoribus ait manere panem unâ cum Christi corpore; neque hoc præsens fieri, nisi in ipso usu; usum verò utriusque speciei à Christo omnibus etiam laicis, esse præceptum. Missam nec à Christo institutam, nec

sacrificium esse, sed potius idololatriam. Pœnitentiæ nomen vult significare solam mentis mutationem, aut novam vitam; sacramentum verò Pœnitentiæ, quale visus est aliquando admittere, modò dicit, aliud non esse, quàm reditum ad baptismum per hujus memoriam, modò fatetur esse absolutionem. Contritionem pronuntiat, ad peccatorum remissionem minime esse necessariam, art. 11, 12; imò eam quæ concipitur ex metu poenarum, facere hominem hypocritam et magis peccatorem, art. 6. Confessionem auricularem esse merum humanum inventum, neque in illâ esse exprimenda omnia mortalia aut illorum circumstantias, art. 8, 9. Absolutione sacerdotis, ait, non remitti peccata, sed solum declarari esse remissa, id est, Lutherana phrasi, tecta. Hunc porro effectum induci, etiamsi sacerdos non seriò, sed joco absolvat; imò, ubi sacerdos non est, tantumdem facere quemlibet Christianum, etiam mulierem aut puerum, modò quis credat sibi per Christum remissa esse peccata; quæ fides si desit, peccatum, remittente licet sacerdote, nulli remissum sit, sed maneat. Extremæ Uctionis sacramentum cum Albigensibus signanter exhibet, et Epistolam S. Jacobi quæ tam apertam illius mentionem facit, *stramineam* appellat. Ordines sacros profanat, dum Christianos omnes, etiam laicos, ne ipsi quidem exceptis mulierculis et pueris, declarat, ex æquo esse sacerdotes, à quibus et Eucharistia confici possit, et absolutio à peccatis impertiri. Matrimonio denique Christianorum sacramenti dignitatem abjudicat; at Joviniani et Vigilanti supergressus errorem, satis non habuit illud exæquare virginitati; verùm hanc non erubuit damnare tanquam malam, et divino præcepto contrariam. Quapropter et cœlibatum, etiam sacerdotum nostrorum, velut juri divino, si non etiam naturali, repugnantem improbat. Insuper polygamiam asserit esse Christianis liberam, in c. 16 Gen. et ob varias causas solvi posse prius matrimonium et novum iniri, in c. 7 1 Cor. Impedimenta verò ecclesiastica deum omninò repodiat.

XII. 5^a Reliqua ferè justitiæ christianæ seu promovendæ, seu conservandæ, seu adaugendæ subsidia vir suæ salutis incurius et immitis abjicit à se, et à suis removet. Ac inprimis sanctorum, apud Deum regnantium, invocationem et impensam nobis ab illis apud eum intercessionem, eorumdemque et illorum reliquiarum cultum cum Anomæis et Vigilanti

explodit; deinde jejunia ecclesiastica, continentiam et vota religiosorum, velut superstiosa ac impta esse spernenda, et, suo nempe exemplo, frangenda pronuntiat cum eodem Vigilanti, Joviniano et Gnosticis; item opera supererogatoria proscribit; ecclesiasticas caeremonias, quibus fideles ad pietatem excitantur, deridet; censuras verò, quibus contumaces ad officium redire compelluntur, superbè despicit et execratur; atque ita virgam quæ corrigi possent, è manu patris pervacaciter eripit, ac in frustra comminuit; demùm Indulgencias, quibus residua peccatorum poenæ elui in hac vitâ possint, velut inanes ac pias fraudes cum Waldensibus, Wicleffistis et Hussitis contemnit; purgatorium verò cum Albigensibus prorsus exhibens, simul cum Aerianis ac Petrobuissianis negat, animabus ullis, ex hac vitâ profectis, nostras preces posse prodesse, sicque purgandis illis animabus suffragia detrahit, quibus juvari possent, ut citius cum in locum introeant, in quem non intrahit aliquod coinquinatum, Apoc. 21, v. 27.

XIII. Ecce præcipua ferè Luthericorum errorum capita, in unum veluti systema redyca, è quibus nonnullos quidem Lutheri assectæ vel nepotes, postmodum exponerunt, mitigarunt, aut immutarunt; quosdam alios etiam deinceps addiderunt, uti liquet ex tot tamque varis fidei confessionibus, quas successu temporis Augustani, Argentinienses, aliarumque civitatum vel nationum ministelli procuderunt. Nempe proprium hæreseos est, ut notat S. Hilarius post Tertullianum, variare errores; et, ut loquitur S. Chrysostomus, una novitas et aliam parit; et aberratur sine fine, cum semel aberrare coeptum fuerit.

PRÆCIPUI LUTHERI DISCIPULI.

XIV. Discipuli, vel assectæ Lutheri præcipui fuere sequentes. Andreas Carolstadius, vel Charlostadius, antea archidiaconus Wittembergensis, si fides Melancthoni, homo ferus, sine ingenio, sine doctrinâ, sine sensu communi, is, postquam Luthero adhaesisset, primus è sacerdotibus, quamvis provecæ jam ætatis, sacrilegas nuptias contraxit Wittemberge magnâ cum solemnitate, editâ etiam eam in rem Missâ propriâ, impiâ, scandalosâ, et sacerdotum cœlibatui plurimùm injuriosâ. Postea verò Massam penitus sustulit, imagines è templis ejecit, S. Eucharistiam profanis manibus atrectari fecit, improbane ipso etiam Luthero, non tam quòd hæc fecisset, quàm quòd fecisset

injussu suo. Quamobrem hic contra illum detinuit, eumque Wittembergâ cedere coegit. Unde Carlostadius præ paupertate et pudore agricolam agere coactus, ut suam præiensæque uxoris nobilis vitam utcumque sustentaret, ad extremum, qui jampridem erat sacerdos, à Tugurinis in Helvetiâ diaconus ordinatus, et Basileæ ministrum munere perfunctus, ibidem peste obiit. Inter cæteros errores, sepulchram olim Sacramentariorum hæresin excitavit, seu eorum qui negant Christi corpus et sanguinem adesse secundum substantiam in S. Eucharistiâ.

XV. Huldricus Zwinglius Helvetus, primùm parochus Zurichensis, vel, ut mavult Florimundus Remundus, è milite canonicus Constantiensis effectus, dein Lutheri doctrinam amplexus, demùm, retentis licet pluribus ejus erroribus, ab eo recessit, præcipuè in negandâ cum Carlostadio et Sacramentariis reali præsentâ Christi in Eucharistiâ; cujus doctrinæ expositionem fateitur, se in somnio accepisse ab aliquo monitore, qui, *utrùm ater fuerit, an albus*, scribit se non meminisse. Ex quo vel solo patet, quantum isti dogmati sit fidentum. Cæterùm, quia hanc hæresin, à Carlostadio duntaxat insinuatam, Zwinglius in plenam lucem revexit, idcirco dux Sacramentariorum passim audit. Solemne fuit illi hoc effatum: *Evangelium alit sanguinem*. Suum ipse fudit, cum in acie adversus catholicas Helvetionum acies dimicaret anno 1531.

XVI. Joannes Oecolampadius, linguarum peritiâ clarus, ex monacho ordinis S. Brigittæ factus apostata, et, uxore ductâ, maritus sacrilegus, Zwingli fides Achates fuit, ejusque errorem de Eucharistiâ professus, licet in modo illum explicandi nonnihil ab eo differret, post multas excitatas seditiones ad Dei tribunal evocatus fuit, anno 1521. Lutherus à diabolo noctu in lecto cum strangulatum esse dicit; alii alio mortis genere ferunt obiisse.

XVII. Philippus Melancthon, ex Palatinatu Electorali oriundus, rejecto germano patrioque cognomine, *Schwartzerd*, istud sibi aliud assumpsit. Anno 1519, Lutheri se adjunxit; ejusque libros vir ingenio vafer, et sophisticam artem apprime callens, adversus Parisiensem censuram defendit. Cæterùm, cum omnes religiones dissidentes conciliare invicem moliretur, Lutheri tandem displicuit; cujus doctrinam aliquantum emollire studuit in celebri

Confessione Augustanâ, quam ipse compilavit, et Carolo V in comitis, anno 1530 Augustæ celebratis, obtulit; postea verò sæpius ad eandem revocavit, additâ etiam ejusdem Apologiâ. Ab hac confessione illius sectatores *Confessionistæ* nuncupati sunt; et ob emollita Lutheri dogmata, *Lutherani molliores*. Excessit è vitâ anno 1560.

XVIII. Martinus Bucerus, Argentorati patre Judæo natus, sacris initiatus, è monasterio profugus, sanctimoniam sibi connubio copulavit, exemplo Lutheri, cujus primùm sub sigillis fuit; dein verò ex illius et Zwingli sectâ unam confare molitus est (unde emergerunt Lutheri-Zwingliani), adjectis pluribus aliis erroribus, quos ex Judaismo asportarat. Vitam finit in Angliâ, quò profugerat metu imperatoris, anno 1551.

XIX. Gaspar Schwenckfeldius, nobilis Silesius, negavit sacra Biblia continere verbum Dei, contendens unicè credendum esse revelationibus privatis. Plures veterum hæreticorum, veluti Sabelli, Eutychetis, Manichæorum et Valentinianorum errores innovavit; quibus hoc inter alia deliramentum superaddidit, corpus Christi è celo assumptum modo quoddam aereo pani circumfundi. Permultos habuit sectatores, præcipuè post mortem Lutheri, contra quem plures libros scripsit; mortuus ipse anno 1554.

XX. Joannes Agricola, dictus hœcius, quia eodem quo Lutherus, in oppido natus, illius primò discipulus fuit, sed inconstans; suam enim fidem vel propriis commodis, vel genio, quo erat vertibilis, accommodavit. Circa annum 1538 spargere cepit legem Christianis omnibus prorsus inutilem esse; propterea dictus eorum parens, qui *Antonini*, id est, *legis adversarii* nuncupantur, et latissimam omnibus flagitiis portam aperiebant hoc suo impudenti principio: *Quidquid libet licet, modò in Christum credas*.

Postea verò verbi præco Berolini effectus, cum marchioni Brandeburgico in pretio esset, delectus est, ut unâ cum Julio Pflugio, episcopo Neoburgensi, et Michaeli Heiding, episcopo titulari Sidoniensi, ac suffraganeo Moguntino, operam conferret, ad condendam illam credendorum summam, 26 articulos complectentem, quam Carolo V, anno 1548, in comitis Augustanis per solemnem constitutionem jussit in imperio teneri, donec concilium generale circa controversa inter Catholicos et Lutheranos fidei capita definitam

sententiam tulisset; quapropter *Cæsarei inter-*
rum nomen obtinuit. Neque tamen Catholicis,
minùs summo pontifici, placuit, utpote quæ
sacerdotum connubia, et usum calicis interea
permitteret; neque etiam omnibus Lutheranis
arrisit, quòd in cæteris ferè capitibus faveret
Catholicis. Quidam tamen ex Luthericis eam
receptè, unde dicti fuèrè *Interimistæ*. Quan-
quàm et horum duplìcis generis fuèrè: alii
Imperialès, qui illam Cæsaris constitutionem
integrè recipiebant; alii Lipsienses, qui, duce
Pacio aliisque theologis Lipsiensis Universitatis
quædam immutârunt, et Lutheranos ipsos in-
ter se conciliare studebant. Fatìs cessit Agri-
cola anno 1566.

XXI. Joannes Brentius, patriâ Sævus, è
sacerdote et canonico Wittembergensi factus
apostata, et uxoratus circa annum 1540, inter
cæteros errores, quibus Luthero partim assen-
tiebatur, partim adversabatur, parens *Ubi-*
quistarum exiit, asserens, corpus Christi ex
vì unionis personalis cum Verbo esse ubique;
ex quo inferebat, illud, etiam ante consecra-
tionem, esse in pane. Contra illum doctè
scripsit Petrus à Soto Dominicanus, cui Bren-
tius pro responso convicia rependit.

XXII. Mathias Flaccus, *Illyricus* dictus, quia
in finibus Illyrici natus anno 1520, à Luthero
et Melancthone errores primùm hausit Wit-
tembergè; sed ab his deinde in multis recessit,
novos errores confingens; et inter reliquos,
peccatum originale esse ipsamet hominis sub-
stantiam, quæ, peccato primi hominis, Dei
imagine, libero arbitrio omnique motu ad bo-
num privata, inevitabili necessitate fertur in
malum, à quo sola fides in Christum eam libe-
rare possit. Magdeburgi domicilium denique
exit, ubi præcipuus fuit, qui cum aliis tribus
adjutoribus famosas illas Centurias Magdebur-
genses, quibus Historiam ecclesiasticam, quam
Tridentino concilio opponerent, anno 1560,
compilare cœpit, multis erroribus refertas:
adeò, ut Schusselburgius ipse, famosus scri-
ptor Lutheranus, Marcum Illyricum suo cata-
logo hæreticorum inseruerit, eò quòd manifestè
impingeret in Arianorum et Manichæorum
blasphemias. Auctæ postmodùm sunt iste
Centuriæ ab aliis, ita ut jam 15 ampla volumina
impleant, omnia tamen innumeris mendaciis
erroribusque scatentia. Illis cardinalis Baronius
oppositus Annales suos ecclesiasticos. Oblit
Marcus Flaccus Francofurti ad Mœnum anno
1575.

XXIII. Martinus Chemnicus, in marchionatq

Brandenburgensi ortus, sub Melancthone stu-
diorum initia posuit, ejusdemque imbutus
spiritu, conciliationem Lutheranorum cum
Sacramentariis in dogmate de eornà, et etiam
cum Catholicis tentavit, irritò tamen conatu.
Scripsit Examen concilii Tridentini, in quo,
licet aliqua probet, pleraque tamen reprobat;
vel eo, quem sibi ipse finxit, sensu perverso
duntaxat admittit, ac permultos Lutheri erro-
res, licet quandoque nonnihil mitigatos, apertè
propugnat; denique multa falsa per calumniam
concilio imponit, quasi ab eo docerentur. Oblit
anno 1586.

XXIV. Nicolaus Storckius, etiam *Pelargus*
nuncupatus, natione Silesius, initio Lutheri
discipulus, ab illo postmodùm discessit; factus
primus, ut fertur communiùs, si non auctor,
saltem evulgator impie Anabaptistarum sectæ,
quam, teste Ulebergio, in vitâ Lutheri apud
card. Gottii, l. c. c. 110, n. 1, Lutherus præ-
formârat; Thomas Munzerus autem, ex sacer-
dote catholico, et ipse Lutheranus primùm
effectus, latè dein propagavit, idcirco etiam
illius auctor existimatus; propter hos suos
errores, et excitatas per illos in plebe præci-
puè rusticânâ seditiones capite minutus. Ana-
baptistæ verò dicti sunt, quòd damnarent
pedobaptismum, seu baptismum puerorum,
tanquàm illicitum et invalidum, et hinc adultos
in infantia baptizatos rebaptizarent. Alios in-
super errores tuebantur, veluti, omnia bona
esse debere communia; nullas leges seu ec-
clesiasticas, seu politicas posse obligare homi-
nes, quos Christus in plenam libertatem asse-
ruerit. Unde ex hâc Anabaptistarum cloacâ
emerserunt novi Libertini, seu Liberi, ab his
quos jamjam memoravimus, diversi. Hi enim à
divinis humanisque legibus, decimis, tribu-
tis, etc., se per Christum immunes esse glori-
abantur, aliaque impura dogmata spargebant.
Hanc sectam in Gallias invexit Quinctinus qui-
dam, eamque Antonius Pocquius propagavit.
Ad Anabaptistas quoque pertinent Mennonis-
tæ, qui nomen et errores accepèrè à Mennone,
in Frisiâ nato, quanquàm et plures Socinianorum
errores adoptârint. Vigent potissimùm in
Hollandiâ.

XXV. Michael Servetus, Hispanus, Anaba-
ptista primùm fuit, et communia sectæ hujus
deliria amplexus est; mox recentium Anti-
Trinitariorum agmen ducens, librum edidit de
Trinitatis erroribus, in quo hæreses omnes
antiquas contra SS. Trinitatem et Christum
excitavit auxitque, ac execrandas insuper

blasphemias in hunc et illam evomit. Quapropter, etiam promovente ipso Calvino, ex senatûs Genevensis sententiâ vivus combustus est, anno 1555.

XXVI. Ex his et aliis Lutheri discipulis propullulrunt sectæ propemodum innumere, quas longum nimis foret hic recensere. Unum ad extremum observandum, quòd Lutherani universim alio nomine *Protestantes* ex eo appellentur, quòd, cum anno 1529, in comitiis Spirensibus per Ferdinandum archiducem et alios principes catholicos statutum fuisset, Catholicos non posse Religionem mutare usque ad concilium quod à pontifice postulatum erat, neque interea prædicandum Evangelium, nisi secundum sensum approbatum ab Ecclesiâ, contra hoc statutum protestati sint principes Lutheri jam addicti, postulantes, ut juxta decretum anni 1536, sibi relinqueretur libertas conscientie ad celebrationem concilii; quibus se adjuvare 14 civitatum imperialium legati. Idem Protestantium nomen placuit deinde etiam Calvinianis, uti et nomen *Evangelicorum*, quod Lutherani sibi pariter arrogarunt, quasi purum Christi Evangelium profiterentur.

CALVINIANI.

I. Sicut Lutherana pestis afflavit primò ac potissimum Germaniam, ita Calviniana Galliam unde in plures alias Europæ provincias dimanavit. Hæc porrò nomen et errores accepti à Joanne Calvino, qui aliis nomine paterno Cauvinus appellabatur. Is Novioduni in Picardiâ, Gallie provinciâ, lucem aspexit anno 1509. In juventute sacris primò à patre destinatus, postea duobus venditis beneficiis, quæ hie ipsi procurarat, ad jurisprudentiam applicuit animum, cujus utcumque peritus fuit; theologiæ tamen expertus, uti testatur Beza, celebris ipsius discipulus, de quo infra. Cum interea virus Lutheri hausisset à quodam Melchione Wolmaro, natione germano, quo Græcæ lingue professore utebatur, et Parisiis cum Lutheranis et Zwinglianis clandestinos conventus agentibus, familiaritatem inlisset novas res moliri cepit.

II. Verùm cum rex Franciscus I, et substituti ab eo iudices, in novatores solerter inquirerent, et meritis poenâ gravissimè animadvertunt, Calvinius, Lutetiâ profugiens, variis aliis Gallie imò et Germanie urbibus peragratis, Basileam se recepit; ibidem 4 libros Institutionum christianæ Religionis, ut vocat, edidit

anno 1536, ætatis 26. Opus, Gallicè primò scriptum, deinde in Latinum idioma traductum, ex Lutheri, Oecolampadii, Melancthonis et aliorum sectariorum facinulis magnam partem consarcinatum; ab eo pro animi levitate, et dogmatum incertitudine pluries recoctum ac immutatum; novâ tandem methodo et puriora latinitatis elegantia ad fucum incauto lectori faciendum, ut mos novorum est, adornatum, ausus est Franciscus I nuncupare, funesto emblemate in fronte libri depicto, gladio scilicet flammeo cum symbolo: *Non nisi pacem mittere, sed gladium.* Basileam in Italiam profectus, sed hinc brevi, inquisitionis metu, Galliam repetens, Genevam pervenit; quæ urbs paulò ante tum à Sabaudie doris obedientia, tum à Religione catholica ad Sacramentariorum hæresin defecerat. Hic, anno 1536, concionator et theologiæ professor à magistratu designatus, et novam suam Ecclesiam fabricare aggressus, quamdam doctrinæ formulam, Genevensium ingenio accommodatam, compilavit, ab iisque obtinuit, ut à senatu populoque ejusdem civitatis, in capita novæ Religionis à se præscripta juraretur.

III. Vanam exinde fortunam expertus est Calvinius. Nam, propter exorta quedam inter illum et Genevenses circa cornam dissidia, ab his urbe pulsus anno 1538, Basileam repetiit; inde Argentoratum venit, ubi, suadente Bucerò, uxorem duxit, demùmque, conciliatis sibi deus Genevensibus, ad illos reversus est, summo totius populi plausu receptus anno 1541. Ibi, senatu probante, totam suæ sectæ disciplinam absolvit, additâ lege, quòd à doctrinâ Calvinii amplius discedere nec ministris nec civibus liceret. Hic aurg inflatus homo superbus, res ad Religionem pertinentes ut supremus arbiter moderabatur, dictus idcirco à quibusdam *papa Genevensis*; omnes verò, qui cum eo non sentiebant, impudenter aspernabatur; ut haud immeritò Bucerus, etiamis amicus, illum *rabidum canem* vocaverit. Quare, cum anno 1542 S. Facultas Parisiensis articulos 25 de capitibus fidei nostræ edidisset, Calvinius contra illa Antidotum vulgavit, stylo temerario ac petulantè exaratum, Sorbonam *gregem porcorum* calumniosè appellans. Alibi Romanum pontificem insolentissimè conviciis proscindit, Tridentinam synodum canino dente petulantissimè arrodit. Ad veteritatem vocatus est anno 1561, ætatis 54. Ejus assectæ in Galliâ dicti sunt *Hugonoti*, quod nomen unde profuxerit, incertum; Spondanus ait convenire plerosque

voceꝝ illam deductam esse à portâ urbis Turonis, quæ regis Hugonis porta appellatur, et ad quam Calvinistæ sua conventicula celebrare consueverant. In Belgio *Gensii* sunt appellati, à Gallicâ voce, quæ *mendicos* designat, cujus vocis originem exponit *Famianus Strada*, de Bello Belgico, Dec. 1, l. 5, an. 1566.

IV. Errores, quos Calvinus Luthericis, & se maximam partem adoptatis, adjecit, præcipui sunt ferè sequentes: 1º Deum facit auctorem peccati; utpote qui non solùm illud efficiat, sed mandet, decernat, prædestinet, et ad illud efficaciter hominem moveat ac necessitet; addit, illum pro suo solo beneplacito voluntate antecedente prædestinasse quosdam homines ad gloriam, alios ad supplicium æternum, independentem ab ullis illorum meritis, et horum demeritis; ita ut neque priores ad incurrandam damnationem, neque posteriores ad illam declinandam, et obtinendam salutem verâ gaudeant libertate. 2º Christum ait, esse mortuum pro solis prædestinatis; eundem in cruce desperasse, et in suo ad infernum descensu (quem tamen aliquando negavit) damnatorum poenas sustinuisse impiè blasphemat. 3º Hominem lapsum asserit, quamvis spontè et absque coactione peccet, necessariò tamen peccare; ad bonum verò à Deo moveri, et non qualiter multis seculis traditum est, ut nostræ postea electionis sit motioni aut ottemperare aut refragari. Imò voluntatem à Deo præparatam suas in agendo partes non habere. 4º Sacramenta solùm duo admittit, baptismum et cœnam: baptismum filis fidelium aut necessarium non esse; utpote qui sancti nascantur; filis autem infidelium nihil prodesse. Eucharistiam dicit non continere corpus et sanguinem Christi, sed esse solùm illorum figuram, quæ dominicæ passionis memoriam excitet in nobis.

V. Successor Calvini in cathedrâ pestilentis Genevensis, ab illo designatus, *Theodorus Beza*, natus apud *Vezelios*, anno 1519. Prioratum non procul Lutetiâ adeptus, genio indulgere cepit tam impotenter, ut fœdi sceleris apud senatum Parisiensem accusatus, sibi malè metuens, vendito fraudulentè non minùs, quam impiè prioratu, adductaque secum sutoris cujusdam Parisiensis, adhuc viventis, uxore, quam deinceps conjugis loco habuit, Genevam clam profugerit, ubi se totum Calvinò tradidit; quo procurante Græcam primùm linguam docuit, tum theologiam, quam quibsdam feminis certis diebus explicabat. Annis

41 post Calvini mortem Genevensis texisse Ecclesiam, ac ejus disseminasse errores dicitur, mortuusque anno 1605.

VI. Sectæ Calvinianorum sunt adeò multæ; ut, teste *Laurentio Ferrario*, in 28 diversa monstra statim ab ortu hæc pseudo-religio in semetipsam fuerit dissecta. Præcipuæ, ac veluti capita cæterarum, sunt sequentes: 1º Rigidorum, qui Calvinum ad amissum sequuntur; quales sunt Genevenses; Reformati, uti se vocant in Galliâ et Palatinatu, plerique item in Helvetiâ ac Belgio. Denique Puritani in Angliâ et Scotiâ, de quibus postremis paulò post. 2º Arminianorum, qui nomen sunt adepti à *Jacobo Arminio*, Amstelodamensi primùm ministello, postea Lugduni Batavorum theologiæ professore, qui multa in Calvini doctrinâ præcipuè circa peccatum originale, liberum hominis arbitrium, divinam prædestinationem et gratiam, allaque plura mitiganda censuit; oblatò desuper Hollandiæ ordinibus anno 1609 scripto, quod *Remonstratiõnem* nuncupavit; unde ipse et ejus sectarii dicti sunt remonstrantes, et calvinistæ molles. His se opposuit *Franciscus Gommarus*, in eadem Academâ professor, à quo ejus sequaces *Gommaristæ*, et à libellis contra Arminianos ordinibus oblati *Contraremonstrantes* sunt appellati. Mortuo jam Arminio, sed relicta ingenti sectatorum multitudine, quas istas in partes scissa est primùm Academia, tum Batavia tota; unde synodus nationalis Dordraci congregata fuit, nequicquam protestantibus Arminianis, in quâ anno 1610 horum dogmata fuere rejecta. Inter Arminianos eminuere *Simon Episcopus Leydenis* professor, et famosus *Hugo Grotius* syndicus *Roderodamensis*, propterea in arcem *Loventenam* conjectus. 3º Est Anglo-Calvinianorum, qui in plures denuò factiones dispescuntur, ut mox liquebit.

SCHISMA ANGLICANUM, ET HINC ORTE HÆRESSES.

I. Fatale hoc schisma, quod regnum florentissimum Ecclesiæ subtraxit, et illud innumeris hæresum monstris opplevit, ortum duxit ab *Henrico VIII*, Angliæ rege, postquam is non tantùm novos Lutheri errores à suis ditionibus fortiter arcuisset, sed etiam illius libros publicè flammis aboleri fecisset; ac ipse librum adversus ejusdem de Sacramentis errores conscripsisset; propterea à *Leone X*, glorioso *defensoris fidei* titulo decoratus.

II. Occasio schismatis hæc fuit: *Henricus Catharinam*, catholici regis filiam, *Caroli V*,

Cæsaris materteram, sui fratris jam defuncti relictam uxorem, obtentâ à sede Apostolicâ legitimâ dispensatione, matrimonio sibi conjunxerat. Cùm, post pacificam 20 annorum cum illâ cohabitationem, pluresque ex eadem susceptos liberos, vesana erga Annam Bolenam, longè inferiori loco natam ac lascivam mulierem, libidine correptus, ac Catharinam per-taxus, Thoma Volsæo, hominè humili vilique genere nato, sed per adulationem, quâ scelestos regis ignes fovebat, ejus gratiam aucupato, atque ad archiepiscopatum Eboracensem evecto, ex impotente adversus Carolum Cæsarem animi aversione, acriter impellente, prætereunde Henricus cepit, suum cum Catharinâ, utpote fratris uxore, matrimonium haudquaquam validè contrahi à se potuisse, ac propterea pontificem per litteras ac legatos sollicitare vehementer institit, ut illud declararet illegitimum. Cùm verò pontifex meritò renueret, imò sub anathematis pœnâ præciperet, ne ad secunda cum Bolenâ, sicut cupiebat, vota transiret, Henricus, spreto his minis, uti et antea datis paternis monitis, facies ministrantibus Thomâ Crammero, ad archiepiscopatum Cantuariensem promotò, et Thomâ Cromwello, hominè Lutheranzæ factioni addicto, nequicquam ex adverso obstantibus Joanne Fischero episcopo Rossensi, aliisque quatuor potissimùm pietate ac doctrinâ spectatissimis præsulibus, unâ cum Reginaldo Polo, postea S. R. E. card., et Thomâ Moro cancellario, viris integerrimis, Annam Bolenam Henricus clam primùm, tum solemni pompâ sibi copulavit anno 1533.

III. Ut verò quoddam legitimitatis velum his impiis nuptiis præstenderet, quasi ex legitimâ auctoritate institutis, Henricus se supremum Ecclesie Anglicanzæ caput primùm declaravit; ac dein talem declarari ac agnosci se fecit in comitiis, anno insequente celebratis; exacto etiam novo à subditis juramento, quo eandem suæ majestati obedientiam in causis etiam ecclesiasticis, ac spiritualibus voverent, quam antea Romano pontifici vovere consueverant. Posthæc semper in nefus ruit, atque in viros primarios, ecclesiasticos præcipuè ac religiosos; quin in ipsas etiam sanctorum imagines, reliquias, monumenta desævit, monasteria quàm plurima suppressit, eorum bonis et sacra suppellectile fisco addictis, etc., donec anno 1547, ætatis 56, vitam finit.

IV. Sub Eduardo successore, puero novenni, hæresis in Angliâ schismati juncta est et caput

extulit; Lutheri, Calvinique erroribus, quâ data porta, irruentibus, præcipuè per Martinum Bucorum, Petrum Martyrem, Bernardinum Occhinum, olim sanctissimi Capucinatorum ordinis generalem, nunc fœdum apostatam; aliasque similes pestes, quæ in cathedras theologicas sese insinuant. Rem quidem catholicam restituere jam cœperat Maria Catharinæ primæ ac legitimæ Henrici uxoris filia, quæ post breve Eduardi regnum ei in throno successerat; verùm, illâ immaturò pariter et Catholicis lugendo fato è vivis sublata et sceptro Elisabethæ ex Annâ Bolenâ progenitæ delato, hæresis denudò, latènsque ac ante serpere, ac dominari cœpit, variosque in ramos discindi; è quibus tres præcipuæ sectæ emersere.

V. Prima est Anglo-Calvinianorum, qui etiam Protestantes appellantur; et neque ex toto Lutherani, neque ex toto Calviniani sunt; sed quosdam ab utrisque errores, et à posterioribus præcipuè Sacramentariorum hæresin mutuati sunt, retentis nonnullis etiam Catholicorum cæremoniis et ritibus. Nam etsi, Henrici VIII, schismati inherentes, supremi Ecclesie Anglicanzæ capitis potestatem statuunt coronæ regie annexam esse, quosdam tamen hierarchiæ ecclesiasticæ speciem retinent et archiepiscopis, episcopis aliisque nonnullis gradibus constitutam; altaria quoque, cereos, superpellica et quædam alia. Hanc sectam fabricarunt Thomas Crammerus Cantuariensis archiepiscopus, Luthero addictus, et Elisabetha regina Calvinò favens, illamque proficitur rex cum aulâ.

VI. Secunda est Puritanorum, qui rigidam Calvinî doctrinam puram integramque profitentur, et purum Dei verbum juxta ejusdem placita admittere se gloriantur. Negant hi regis in Ecclesiâ primatum; excludunt gradus ecclesiasticæ hierarchiæ, voluntque Ecclesiam suam, exclusis episcopis ac ministris, à solis senioribus, Græcè presbyteris, hisque laicis, gubernari: tude dicti presbyteriani. Quæcumque demùm liturgiam, ipsamque Orationem Dominicam, ac ritus omnes Ecclesie, præcipuè Romanæ, rejiciunt. Emerserunt circa annum 1563 vel 1568, latèque in Angliâ dominantur.

VII. Tertia est Independentium, qui in primis neque regem, neque episcopos, neque seniores ad Ecclesie regimen admittunt, voluntque quemlibet sibi ministrum esse, ac sine ullâ personarum, vel sexû distinctione legitimum Verbi Dei præconem, quando, et ubicumque sentit se à Spiritu S. ad illud prædicandum impelli. Deinde statunt, votum

quemque certum summum, et à quovis alio independentem jus habere; adeoque nullam Ecclesiam esse aliam superiorem. Domum præterdunt, sectas omnes, quæ in Angliam irreperant, integram, prout cuilibet placet, credendi libertatem habere. Huic sectæ initium fecit Oliverius Cromwellus.

Mitto fanaticam Quakerorum, seu Tremulantium turbam, qui circa annum 1656, exurgentes, et in iis quas fingunt extasibus toto corpore contremiscentes, blasphemos et absurdissimos antiquorum hæreticorum errores suscitârunt; Verbum Dei scriptum respuentes, et negantes sanctissimam Trinitatem, corporum resurrectionem, cælum et infernum, saltem pro corporibus esse constitutum.

SOCIANI.

I. Appellationem et prava dogmata traxerunt à gemino Socino, altero Lælio, altero Fausto, prioris nepote; utroque Senis in Etruriâ nato. Lælius, habito cum præcipuis id temporis novatoribus, præcipuè cum Melancthone, Calvino, Bezâ, commercio corruptus, omnium simul antiquarum hæresum colluvicem ab inferis revocavit: quam, illo circa annum 1562, ætatis 37, Tiguri extincto, Faustus, eadem peste afflatus, in orbem effudit usque ad annum 1601, quo hinc abreptus fuit.

II. Utriusque errores præcipui sunt sequentes: 1^o Vetus Testamentum velut inutile rejiciunt; 2^o Unam in Deo duntaxat personam agnoscunt; 3^o Filium Dei aiunt non propriè, sed metaphoricè Deum dici; 4^o Spiritum S. non esse personam divinam, sed virtutem et effectionem Dei; 5^o Negant Deum naturam humanam in unitate personæ assumpsisse; Christum ante Mariam fuisse; eum propriâ virtute à mortuis surrexisse; dici illum Salvatorem, non quòd salutem nostram operatus sit, pro nobis satisfaciendo; sed quòd æternæ salutis viam nobis annuntiârit; 6^o Negant insuper, in primo homine fuisse justitiam originalem; aut originis peccatum contrahi ab ejus posteris; ac proinde baptismum esse præceptum, aut regenerationem operari; 7^o Eucharistiam contendunt non esse nisi panem et vinum ac inanem ritum; 8^o Nullam agnoscunt in Deo futurorum, quæ ex hominis libertate pendent, curam, et infallibilem prænotionem; nullum singulare decretum eorum quæ ad salutem, aut damnationem singulorum hominum attinent, 9^o Asserunt animas à morte non superesse, impies, cum morientur, penitus annihilari;

eos verò improbos qui in novissimo die vivi deprehenduntur, unâ cum diabolo in ignem æternum detrusum iri; non tamen æternùm cruciandos, sed tandem omnes simul etiam abolendos.

III. Secta hæc implissima variis in locis, præcipuè in Hollandiâ, et Angliâ adhuc serpsit, ejusque veneno infecti sunt complures ex iis qui Deistæ nuncupantur, prout illorum libri, quibus in dies orbem infelicit, aperte manifestant.

BAIANI.

I. Novæ et periculosæ sectæ sub medium ejusdem seculi auctor fuit Michael Baius, sive de Bay, Melini in Belgio natus anno 1515, postmodùm Lovaniensis academix doctor, decanus et cancellarius, vir ingenio et doctrinâ pollens, sed in novitates pronus. Hinc anno 1551, novos errores tum voce, tum scriptis, cum Joanne Besselio, itidem Lovaniensi doctore, disseminare cepit, Ruardo Tappero, ejus olim in theologiâ magistro (qui fertur antea dixisse, se ab hoc juvene non nisi schisma expectare), sub annum 1552, ex concilio Trid. rediit, Ravesteinio, Riethovio et Conero, omnibus ejusdem academix doctoribus, nequicquam obstantibus.

II. Eapropter anno 1560, bini Patrum minorum Guardiani 18 articulos, à Bais assertos, misere ad S. Facultatem Parisiensem; quæ eodem anno 27 Junii meritò eos censurâ perstrinxit. Verùm, cum inde partes utrinque contra se invicem ferventius æstuant, Pius IV, anno 1561, silentium iis imposuit. Baius verò, etsi suos errores dedoceri debuisset à concilio Trid. cujus tribus ultimis sessionibus interfuerat, illuc, commendatione cardinalis Commendonî, à Philippo II, Hispaniarum rege missus, illos tamen tueri perrexit. Eos verò vix in Italiâ academix, ac speciatim in Hispaniâ et Lusitaniâ Complutensis ac Salamanticensis novis censuris anno 1566 affecte.

III. Demùm die 1 octobr. anno 1567, Pius V, per solemnem constitutionem, quæ incipit: *Ex omnibus afflictionibus*, complures Baii, ejusve assecrarum articulos, seu, ut vocat, sententias, « quoniam nonnullæ, inquit, aliquo pacto sustineri possent, in rigore, et proprio verborum sensu, ab assertoribus (reticito tamen eorum nomine) intento; hæreticas, erroneas, suspectas, temerarias, scandalosas, et in piis aures offensionem immittentas, respectivè, » damnavit; deque eisdem et similibus posthæc quoquo pacto loquendi, scri-

endi et disputandi facultatem quibuscumque interdixit. Hanc constitutionem eodem anno 25 decemb. sibi prælectam reverenter suscepere Lovanienses doctores, uno excepto Baio, qui anno mox insequente Apologiam suam opinionum ad pontificem misit. Hic verò, illà maturè expensà, datis ad Baium anno 1599 litteris, priorem constitutionem confirmavit, eumque ad damnatos errores ejurandos paternè cohortatus est.

IV. Verùm, cùm sive Baius, sive ejus assecleæ nondàm acquiescerent, Gregorius XIII, novà constitutione, anno 1579, die 4 febr. edità, quæ incipit: *Provisionis nostræ*, Pii V constitutionem confirmavit; ac Franciscum Toletum, S. J. theologum, et concionatorem pontificium, postea S. R. E. card. Lovanium misit, qui bullam illuc deferret, promulgaret, et ab omnibus, eà quæ par est; reverentiâ recipi curaret; Baium verò præcipuè coram ad canendam psalmodiam permoveret. Hujus privatis colloquiis eò tandem adductus est Baius, ut anno 1580 recitatà in frequentissimo Academicæ consensu pontificis constitutione, agnosceret, multos è suis articulis per illam damnari, et quidem in *sexu à se intento*, eodemque palam quoque sincerè his verbis damnet: « Damno secundùm bullæ ipsius intentionem, et sicut bulla damnat, » quod ipsum solemni ad pontificem scripto testatum fecit, et constans in sanà doctrinà deinceps perstitit ad mortem usque, quam oppetiit anno 1589, ætatis 77. Exemplum Baii secuta esse tota celeberrima Universitas, cujus una hæc vox fuit: « Articulos damnamus, bullam reverenter suscipimus atque obedientiam pollicemur. »

V. Non eadem fuit in Baii discipulis promptitudo. Nam post ejus obitum litem suscitârunt pridem ab illo motam, de famoso *commate*, seu virgulâ, in constit. Pii V, uti contendebant, transpositâ. Etenim, cùm pontifex in illâ bullâ, post enumeratas Baianas propositiones, ita concluderet: « Quas quidem sententias, » stricto coram nobis examine ponderatas, « quanquàm eorum nonnullæ aliquo pacto sustineri possent, in rigore et proprio verborum sensu ab assertoribus intento, hæreticas, erroneas, etc. damnamus, » Baiani volebant illud comma, quod post *sustineri possent* adjicitur, esse ponendum post hæc verba, in *rigore et proprio verborum sexu*; ita ut sensus foret, nonnullas earum propositionum « in rigore et proprio verborum sensu ab assertoribus intento sustineri posse, » atque ita

legi aiebant in quibusdàm exemplaribus: ex quâ commatis transpositione inferebant, quòd, cùm pontifex nullam determinet, quæ in rigore et proprio verborum sensu, ab assertoribus intento, sustineri non possit, nulla pariter determinatè sit ex illis quæ isto etiam sensu non possit sustineri; adeòque, licet aliquæ indeterminatè damnatæ sint, singulæ tamen in eodem sensu possint defendi.

VI. Sed hanc cavillationem, aliunde infirmam, penitus infregit Urbanus VIII, quando, editâ anno 1641 bullâ *In Eminenti*, constitutionem Pii V confirmavit, ejusque verba repetens, comma controversum apposuit post *sustineri possent*; ejusdemque Pianæ constitutionis exemplar Romæ recudi fecit ac authenticè consignari, in quo idem commati locus datus conspicitur. Porrò S. Congreg. cardinalium die 3 dec. eodem anno declaravit, « attendendum ad exemplar quod Romæ excusum est, non verò ad illa quæ aut Coloniz aut Parisiis sunt expressa. » Accedit quòd card. de Lugo testetur, se anno eodem, die 2 octob. Pii V autographum, quod in archivis S. Officii asservatur, inspexisse, et famosum illud comma eodem quoque loco positum legisse.

VII. Erraneæ propositiones, aut doctrinæ partim ex Baii, partim ex ejus assecularum aut discipulorum libris, vel scriptis excerptæ, et in 79 articulos dividi solitæ, revocari posse videntur ad sequentia capita:

1^o Quòd integritas primæ creationis non fuerit indebita humanæ naturæ exaltatio, sed naturalis ejus conditio, prop. 26. Neque immortalitas primi hominis fuerit gratiæ beneficium, sed naturalis conditio, adeò ut primus homo non potuerit ab initio à Deo creari et institui, qualis nunc nascitur, aut sine justitiâ naturali; propp. 55, 78, 79.

2^o Quòd humanæ naturæ sublimatio et exaltatio in consortium divini naturæ, debita fuerit integritati primæ conditionis et proinde naturalis dicenda sit, et non supernaturalis, propp. 21, 25, 24.

3^o Quòd nec angeli, nec primi hominis merita rectè vocentur gratia; sique hic in statu illo permansisset usque ad ultimum vitæ, felicitas esset merces, et non gratia, utpote cujus nomine, secundùm usum S. Scripturæ, ea tantùm munera intelligantur, quæ per J. C. malè meritis et indignis conferuntur: vitam verò æternam homini integro et angelo promissam fuisse intuitu honorum operum; et bona opera ex lege naturæ ad illam conse-

quendam per se sufficere, propp. 1, 3, 4, 3, 8, 9. Idem videtur insinuari, prop. 11, de piè justèque in hâc mortali vitâ usque in finem conversatis, sine respectu ad Christi meritum.

4^o Quòd is libertatis modus, qui est à necessitate, sub libertatis nomine non reperiatur in Scripturis, sed solum nomen libertatis à peccato, et id quod voluntariè fit, etiamsi necessariò fiat, liberè tamen fiat, prop. 39, 41; quòdque proinde homo peccet etiam damnabiliter in eo quod necessariò facit, prop. 67. Imò, neque ad rationem et definitionem peccati pertinet voluntarium, prop. 46. Ex quo inferunt Baiani primò, peccatum originis (sine quo juxta prop. 73, nemo est præter Christum) verè habere rationem peccati, sine ullâ ratione ac respectu ad voluntatem, à quâ originem trahit, prop. 47. Cæterùm illud esse parvulo habituali voluntate voluntarium, et habitualiter dominari in parvulo, eò quòd non gerat contrarium voluntatis arbitrium; et ex habituali voluntate dominante fieri, ut parvulus discedens sine regenerationis sacramento, quando usum rationis consecutus erit, actualiter Deum odio habeat, Deum blasphemet, et legi Dei repugnet, prop. 48, 49. Inferunt secundò concupiscentiam et prava ejus desideria, quæ inviti sentiunt homines, esse veram legis inobedientiam, et in renatis, relapsis in peccatum mortale, in quibus jam dominatur, peccatum esse, sicut et alios habitus pravos, prop. 50, 51, 74, 75. Inferunt tertio infidelitatem purè negativam in iis quibus Christus non est prædicatus, esse peccatum, prop. 68. Item omnne quod agit peccator, vel servus peccati, peccatum esse, illumque in omnibus suis actibus servire dominanti cupiditatì, prop. 35, 40.

5^o Quòd liberum hominis lapsi arbitrium, sine gratiæ Dei adjutorio, non nisi ad peccandum valeat, sitque Pelagianus error, admittere usum aliquem liberi arbitrii bonum, sive non malum; vel dicere quòd illud valeat ad ullum peccatum vitandum, aut tentationi ulli sine gratiæ adjutorio resistere possit, sic, ut in eam non inducatur, aut ab eâ non superetur, prop. 28, 29, 30, 37, 63. Quòd item omnia infidelium opera sint peccata, et philosophorum virtutes sint vitia, prop. 22, 25.

6^o Quòd nullum peccatum sit ex naturâ suâ veniale, sed omne opus malum sit mortis æternæ meritum, et ejus conditionis, ut suum auctorem et omnes posteros eo modo

inficere possit, quo infecit prima transgressio, prop. 2, 20, 32, 55. Similiter quòd bonum opus, etiam citra gratiam adoptionis factum, ex naturâ suâ sit vitæ æternæ meritum; neque accipiat meritum ex eo quòd fiat per Spiritum adoptionis inhabitantem corda filiorum Dei, prop. 15, 16, 18, 61, 62. Neque etiam opera justitiæ et temperantiæ quæ Christus fecit, ex dignitate personæ operantis traxerint majorem valorem, prop. 49. Cæterùm non esse veram legis obedientiam, quæ fit sine charitate, prop. 17.

7^o Quòd omnis amor creaturæ rationalis, aut vitiosa sit cupiditas, quâ mundus diligitur, et quæ à Joanne prohibetur; aut laudabilis illa charitas, quâ per Spiritum S. in corde diffusâ Deus amatur, prop. 38; vana autem sit et commentitia, etc., distinctio illa duplicis amoris, naturalis videlicet, quo Deus amatur ut auctor naturæ, et gratuiti, quo Deus amatur ut beator, prop. 34, 36. Quòd item charitas perfecta et sincera, quæ est plenitudo legis, esse possit sine remissione peccatorum, et consistere cum reatu æternæ damnationis, quem reatum dicit unicè manere, transeunte actu peccati, illumque propriè duntaxat tolli in sacramento baptismi, aut sacerdotis absolutione, prop. 31, 32, 35, 56, 57, 58, 70. Cæterum per contritionem, etiam cum charitate perfectâ, non remitti crimen extra casum necessitatis aut martyrii, sine actuali susceptione sacramenti, prop. 71.

8^o Quòd nihilominus in hominibus poenitentibus ante sacramentum absolutionis, et in catechumenis ante baptismum, sit vera justificatio, separata tamen à remissione peccatorum, prop. 43. Quòd verò justitia, quâ justificatur per fidem impius, consistat formaliter in obedientiâ mandatorum, quæ est operum justitiæ; non autem in gratiâ aliquâ animæ infusâ, quâ adoptatur homo in filium Dei, et secundum interiorem hominem renovatur, etc., prop. 42, 65, 64, 69. Quòd item per opera bona quæ à fidelibus fiunt, solum ut Dei mandatis pareant..., justificentur quidem homines, non tamen obtineant incrementa virtutum, prop. 44; neque satisfactio, aut solutio poenitentis temporalibus propriè fiant per opera bona et indulgentias, sed tantum meritis Christi debeat adscribi, prop. 10, 59, 60, 77. Quòd omnes etiam justorum afflictiones sint ultiones peccati actualis vel originalis; unde beata Virgo mortua sit propter peccatum ex Adamo contractum; et Job ac martyres, quæ

passi sunt, passi sint propter sua peccata prop. 72, 73. Denique quòd sacrificium Missæ non aliâ ratione sit sacrificium, quàm generalî illâ, quâ omne opus bonum, quod fit ut sanctâ societate Deo homo inhaerent, prop. 45.

HÆRESIS SÆCULI XVII.

JANSENIANI.

I. Duo sub eodem Cornelii Jansenii nomine in Belgio, eodemque ferè tempore celebres fuere; ambo SS. Theol. in Academiâ Lovaniensî doctores; ambo episcopali dignitate insignes; alter Gandavi, vir præclarè semper catholicus, anno 1576 vitæ stadium emensus, relictis præclaris in Vetus Testamentum monumentis, præcipuè verò celebri operè Concordiæ evangelicæ cum commentariis; alter, qui Jansenianæ factioni nomen dedit, anno 1585 natus in Batavia territorio Leerdamensî, Lovaniû primùm à professore suo Jacobo Jansenio, doctrinæ Baianae strenuo propugnatore, hanc ipsam doctrinam imbibit; dein valetudinis causâ, medicorum judicio serem mutaturus, Lutetiam, ac postea Baloniam, venit, ubi familiaritatem contraxit cum Joanne Vergerio, sive *du Vergier de Havronne*, sub famoso nomine *Abbatis Sauegrani* notissimo, novis opinionibus jam infecto, à quo profundius venenum hausit. Ex Galliâ Lovanium rediit anno 1617, laurea doctorali ornatus fuit, ac paulò post regius sacrarum litterarum professor institutus; demùm, obitâ non sine laude ac optato successu variis in Hispaniam legationibus, ab Universitate sibi commissis, ad Ypresens infulas à rege Hispaniæ anno 1636 promotus, expleto vix biennio, lue, quæ ibidem grassabatur, extinctus est 6 Maii 1638.

II. Vir fuit Jansenius acerrimi ingenii et indefessi laboris, ita ut gloriatur, lib. Proœmiali, c. 28, se libros S. Aug. decies, imò vicies ac tricies perlegisse; attamen, si abbati à S. Germano, qui Jansenio familiariter usus fuit, fides sit adhibenda, à superbæ spiritu minimè erat immunis, utpote qui se unum æstimaret, reliquos omnes contemneret. Et sanè in libris suis magnam præ se fert adinventæ veritatis præfidentiam, vix ferendam aliarum opinionum censuram, ac theologorum scholæ apertum contemptum, ut liquere potest ex supra relatis diss. 1. Ex illâ nimîâ præfidentia ortum videtur, quòd librum suum, quem, ut profitetur, 22 annorum spatio ac labore absolvit, inscripserit: *Augustinus*, quòd

nempe consideret, se puram sancti illius præsulis doctrinam, à quingentis annis, ut quidem arbitrabatur, à scholis catholicis exulem, per illum in eas revocasse. Hunc librum uno grandiori volumine in tres tomos distinxit; quorum primus octo libros continet de hæresi Pelagianâ; secundus quatuor partes complectitur. In primâ unicus extat liber de Ratione et Auctoritate in rebus theologicis; in alterâ unicus pariter liber de Gratia primî hominis et angelorum; in tertîa libri tres habentur de Stato naturæ lapsæ; in quartâ demùm libri tres de Stato naturæ puræ. Tomus tertius in duas partes dividitur: In primâ sunt decem libri de Gratia Christi Salvatoris, quæ videtur fuisse finis ac scopus totius operis, et cui etiam epilogus apponitur; in alterâ unicus liber continetur, qui dicitur: *Parallelon Massiliensium*, et opinionis quorundam recentiorum. Totum istud volumen manuscriptum moriturus supremis tabulis legavit Jansenius capellano suo Reginaldo Lamæ, cû tamen conditione, ut hic cum Liberto Fromondo, Lovaniensî doctore, et Henrico Galeno, Mechliniensî canonico conferret, et disponeret de editione quàm fidelissimè. Quanquàm verò iisdem in tabulis dicat, sentire se, aliquid in eo libro difficulter mutari posse, mox subjungit: « Si tamen Romana sedes aliquid mutari velit, « sum obediens filius; et illius Ecclesiæ, in « quâ semper vixi, usque ad hunc lectum « mortis obediens sum. » Idemque jam contestatus fuerat è. 26 libri Proœmialis; necnon in Epilogo totius operis: quapropter hæresis nomen haud præmeruit. Atque utinam istius magistri sui, sicut et Bati obedientiæ, et erga sedem Apostolicam observantiæ exemplum imitati fuissent eorum discipuli!

III. Vix morte diem clauserat Jansenius, cùm evulgato ejus volumine, novatores, præcipuè Calvinistæ, triumphum canere cœperent, quasi doctrina ipsorum de libero arbitrio et gratiâ in illo contineretur. Quapropter Urbanus VIII opus illud, prævio accurato examine, per bullam, quæ incipit: *In eminenti*, 4 maii anno 1641 editam, damnavit, velut continens propositiones jam olim damnatas. Cùmque eodem anno, Romam missi à Bati Jansenique fautoribus, bini Lovanienses doctores Joannes Sinnichius et Cornelius Papius, pontificem urgerent, ut bullam illam vel revocaret vel mitigaret, Urbanus ad eò nihil ipsorum instantiis detulit, ut formulam ad internuntium suum in Belgium miserit, cui doctores omnes

Lovanienses subscriberent, et illi bullæ obedientiam sponderent.

IV. Urbano VIII terris erepto, ejus successor Innocent. X sui prædecessoris bullam pluribus ad diversos directis brevibus confirmavit. Sed cum nihilominus serperet pestis, et gravissimis turbis Gallia commoveretur, major et sanior episcoporum regni illius pars, Jatis anno 1650 ad Innoc. X litteris, filialis observantiæ plenis, supplicarunt, ut, quas ei offerebant propositiones, à Jansenii Augustino excerptas, ac quibus, inquiebant, *disputatio veruculiosior, ac contentio ardentior*, expenderet, ac perspicuam certamque sententiam ferret. Huic epistolæ episcopi Galliæ 85 subscripsere, quibus tres alii accessere.

Innocentius, congregatis pluribus tum cardinalibus tum theologis, canonicum, exactumque, ac maturum biennii integri spatii propositionum istarum examen instituit, celebratis 36 conventibus, quorum 10 postremis pontifex ipse præsedidit; *adhibitâque diligentia*, uti testatur Alexander VII, Innocentii successor, qui eidem examini interfuit, quâ major desiderari non posset.

V. Auditæ etiam Jansenianæ factionis fautores, ad ducis sui defensionem Romam ablegati; à quibus, 12 ante sententiam definitivam diebus, oblatas quoque pontifici fuit libellus supplex sub titulo: *Brevissima quinque propositionum in varios sensus distinctio*; qui libellus vulgò scriptum trium Columnarum appellatur, eò quòd sub triplici columnâ, seu ordine tres diversos istarum propositionum sensus exhiberet. Prima columna exhibebat sensum Calvinii, qui, ut inquiebant, illis propositionibus malignè posset affingi; et hunc sensum vocabant *alienum et extraneum*. Altera columna proponebat sensum, quem volebant esse S. Aug., et ante damnationem appellabant *germanum, proprium ac legitimum*; atverò, post damnationem, ut hanc subterfugerent, dixerunt esse *extraneum et alienum*; priorem verò Calvinii, *legitimum et proprium*; qui proinde solus damnaretur. Tertia columna continebat propositiones quinque propositionibus à Jansenio extractis, et ad supremum tribunal delatis, contrarias, prout ab adversariis, id est, ut contendebant, Molinæ sequacibus propugnabantur.

VI. His omnibus maturè expensis, et auxilio Dei per publicas preces sæpius implorato, Innocentius tandem sententiam definitivam tulit, editâ anno 1653, 31 maii, et 9 junii 1690

more promulgatâ constitutione, quæ incipit: *Cum occasione impressionis libri*, cui titulus: *Augustinus Cornelii Jansenii, episcopi Ypresensis*, ac quinque sequentes propositiones ad ejus tribunal ab episcopis Galliæ delatas his censuris affectit.

Prima est: « Aliqua Dei præcepta hominibus justis violentibus et conantibus, secundum præsentem quas habent vires, sunt impossibilem; deest quoque illis gratia, quâ possibilem fiant. » Hanc pontifex temerariam, impiam, blasphemam, anathemate damnatam, et hæreticam declarat, et uti talem damnat. — Secunda: « Interiori gratiæ in statu naturæ lapsæ nunquam resistitur. » Istam hæreticam declarat, et uti talem damnat. — Tertia: « Ad merendum et demerendum in statu naturæ lapsæ non requiritur in homine libertas à necessitate; sed sufficit libertas à coactione. » Hæreticam declarat, et uti talem damnat. — Quarta: « Semi-Pelagiani admittentiam prævenientis gratiæ interioris necessitatem ad singulos actus, etiam ad initium fidei; et in hoc erant hæretici, quòd vellent eam gratiam talem esse, cui posset humana voluntas resistere, vel obtemperare. » Declaratur falsa et hæretica, et uti talis damnatur. — Quinta: « Semi-Pelagianum est dicere, Christum pro omnibus omnino hominibus mortuum esse, aut sanguinem fuisse. » Falsa, temeraria, scandalosa, et intellecta eo sensu ut Christus pro salute duntaxat Prædestinatorum mortuus sit, impia, blasphemam, contumeliosam, divinæ pietati derogans et hæretica declarat, et uti talis damnatur. Mandat deinde pontifex omnibus Christi fidelibus, « ne de dictis propositionibus sentire, docere, prædicare aliter præsumant, sub censuris et pœnis contra hæreticos, et eorum fautores in jure expressis. » Ac tandem concludit, se non intendere tamen per hanc declarationem et definitionem super prædictis propositionibus factam, approbare ullatenus alias opiniones quæ continentur in prædicto libro Cornelii Jansenii, Ex quâ clausulâ non levis oriri potest suspicio, plures adhuc errores in isto libro contineri; cujusmodi censentur ea quæ scribit de necessitate peccandi, et ignorantiam invincibilem; necnon alii quos ejus discipuli ex doctrinâ ipsius deduxere, inter quos non immeritò videri possunt articuli ab Alex. VIII proscripti 7 dec. 1690.

VII. Interim laudata Innocentii X constituti-

tio, in Galliam missa jussu regis (qui, et datis 4 juli, anno 1653, ad pontificem litteris, gratias egit), in toto regno promulgata, ab episcopis ejusdem regni congregatis solemniter rito excepta, à Sacra Facultate Parisiensi, aliisque, necnon à regularibus omnibus ordinibus reverenter acceptata fuit; idemque pontificio decreto obsequium in reliquis orbis catholici partibus fuit exhibitum. Atverò Janseniani variis subterfugiis ac cavillis errorum ductis sui damnationem eludere conati sunt. Ac primùm quidem, qui antea 5 illas propositiones, velut genuinam Jansenii doctrinam, propugnaverant, atque idcirco earum damnationem omni conatu impedire studuerant, cum damnatas illas viderent, vela verterunt, contententes illas in Jansenii libro minimè reperiri. Sed, cum adductis è Jansenii Augustino locis, in quibus singulæ legebantur, istud ipsis effugium præcluderetur, præmissis verò datis ab Innocentio X, anno 1654, ad episcopos Galliarum litteris, quibus declarabat, damnatam fuisse in 5 propositionibus Cornelii Jansenii doctrinam, ejus libro contentam, cui titulus: *Augustinus*; dixerunt deinde propositiones istas non esse damnatas in *sensu à Jansenio intento*; neque ita damnari à pontifice potuisse, cum ea sit questio facti, quam nec pontifex, nec ipsa Ecclesia decidere posset. Hinc demùm intulerunt, Jansenismum non esse, nisi parum phantasma, utpote in solâ pontificis, eique adhærentium mente existentem, qui putarent Jansenium ea sensisse, quæ nunquam sensit. Atque hæc fuit prima origo famosæ illius distinctionis inter questionem juris et facti, ac controversiæ de infallibilitate Ecclesiæ circa hanc posteriorem.

VIII. Atverò utrumque effugium præcederunt primùm Galliarum præsules in comitiis anno 1654 celebratis. Deinde sacra Facultas Parisiensis, quæ Antonii Arnaldi, doctoris Sorbonici ac professi Jansenistæ duplicem epistolam, alteram breviorē, quam suppresso nomine, alteram prolixiorē, in quâ, detractâ larvâ, prædictorum cavillorum patrocinium suscipiebat, meritis censuris perstrinxit; ipsamque auctorem pertinaciter suis erroribus inhærentem è doctorum albo expunxit 27 junii 1655. Denique Alexander VII, qui Innocentio X in Petri cathedrâ proximè successit, editâ 16 octob. anno 1656 constitutione, quæ incipit: *Cum ad sanctam B. Petri sedem*, declaravit ac definivit, propositiones è *libris Jansenii excerptas, ac in sensu ab eodem Cornelio intento,*

*damnatas fuisse, et à se iteratò damnari. Insuper idem pontifex, postulantibus plurimis Galliarum episcopis, ipsoque rege, anno 1664 editâ novâ bullâ quæ incipit: *Regimini apostolice*, solemnem formulam præscripsit, ab omnibus, clericis præcipuè, aliisve ad sacros ordines promovendis, vel ecclesiasticum aliquod beneficium accepturis, subscribendam, in hæc verba: « Ego N. constitutioni apostolicæ Innocentii X datæ die 31 maii 1653, et constitutioni Alexandri VII datæ die 16 octobris 1656, summorum pontificum, me subjicio; et quinque propositiones ex Cornelii Jansenii libro, cui nomen: *Augustinus*, excerptas, et in sensu ab eodem auctore intento, prout illas per dictas constitutiones sedes Apostolicæ damnavit, sincero animo rejicio ac damno, et ita juro. Sic me Deus adjuvet, et hæc sancta Dei Evangelia. »*

IX. Hanc bullam et præscriptam ab illâ formulam, quæ universam Jansenianorum factionem, cujus omnia videbatur effugia præcludere, mirè conturbavit, rex à supremâ curiâ quam *parlamentum* vocant, die 29 aprilis ejusdem anni jussit acceptari; eidemque simpliciter et absolutè Galli archiepiscopi et episcopi omnes reverenter se subjecerunt, exceptis quatuor, qui formularium rejecerunt, et uno, qui nonnisi præmissâ distinctione dogmatis et facti illud suscepit. Priores tamen quatuor sincerè resipuerunt sub Clemente IX, qui eandem formulam confirmavit, ac post ipsum Innoc. XII.

X. At occasione istius formularis scissa est in partes Janseniana factio: *Rigidiores* videlicet, qui negabant isti formulæ subscribi posse absque perjurio manifesto; et hinc ad illud subterfugiendum, simulque declinandas penas subscribere volentibus à rege intantatas, in Hollandiam aut Belgium se recipiebant; et *Molliores*, qui licet et ipsi severiorem morum doctrinam exterius profiterentur, ac ne ipsum quidem restrictionis mentalis, aut æquivocationis nomen patienter ferrent, attamen, ne à sacris ordinibus aut pinguibus beneficiis ecclesiasticis repellerentur, variis excogitatis effugiis vel amphibologiis, sub quibus Jansenii sensum mente retinebant, subscribere formulari hæud dubitabant. Cùmque horum complures falsò prætenderent, à Clemente IX rescissam esse legem *de interno, puro ac simplici obsequio bullæ Innocentii X præstando*, ab Alexandro VII confirmatam, aut ab Innocentio XII per bullam anno 1664

editam, declaratum fuisse, sufficere 5 propositiones damnare : in sensu obvio, quem verba « ipsa præ se ferunt, » præscindendo, an sensus ille obvius olim fuerit à Jansenio intentus, necne, inane hanc cavillationem rescidit idem Innoc. XII brevi apostolico, anno 1696 in Belgium misso.

XI. Unde novum Jansenistæ effugium meditati sunt, processo famoso illo *casu consuetudine*, quo referebatur aut fingebatur, cuidam ecclesiastico negatam fuisse sacramentalem absolutionem, eò quòd nollet damnare 5 propositiones in *scam* à Jansenio intentas; eam diceret se illas quidem absolutè damnare quoad *quæstionem juris*, seu doctrinam in illis expressam; quantum verò ad *quæstionem facti*, seu quoad earum extantiam in libro Jansenii, aut sensum ab hoc intentum, existimare se sufficere *religionem*, ut vocant, *silentium*, id est, quod exterius non refragaretur ei quod Ecclesia isto super facto definiit. Quærebatur jam an ecclesiastico, sic animo comparato, justè fuerit negata absolutio. Negarunt quadraginta doctores Sorbonici, isti casui subscripti, sed hanc resolutionem Clemens XI tribus apostolicis brevibus damnavit, eandemque postmodum omnes illi doctores revocarunt, uno excepto, qui ob contumaciam è doctorum albo erasus fuit.

Denique idem pontifex, rogatu duorum regum christianissimi et catholici, die 16 julii, anno 1705, solemnem constitutionem edidit, quæ incipit : *Vincam Domini Sabbaoth*; in quâ primùm questus, « quòd inquieti homines « variis distinctionibus, seu potiùs effugiis, ad « circumventionem erroris excogitatis, Ecclesiam turbarent, » Innocentii X et Alexandri VII constitutiones innovat ac confirmat, atque à perversis illis Jansenianorum cavillationibus vindicat, declaratque, *obsequiosam* istud *silentium* planè insufficientem; doctrinam demùm in casu resolutione contentam severè perstringit, damnat, ac sub gravibus pœnis prohibet.

Hæc constitutione ab ipso clero Gallicano in generalibus comitiis, eodem anno celebratis, reverenter susceptâ, ab omnibus regni episcopis in suis diœcesibus promulgatâ, atque ab universo orbe catholico acceptatâ, causa quidem Jansenii finita dubio procul erat, sed nondùm finitus error, ut paulò post apparebit.

XII. Inter auctores ex omni ordine quàm plurimos, qui contra Jansenii librum et propositiones calamum doctè ac feliciter acuerunt, speciatim nominandus venit P. Stepha-

nus Dechamps S. J., natione Gallus, in amplo volumine, quod inscripsit : *De hæresi Jansenianâ ab Apostolicâ sede meritò proscripâ*; ac in tres divisit libros. In primo Jansenius *hæreticorum plagiarium* ostenditur; in altero, Jansenius *eum hæreticis damnatus* evincitur; in tertio, Jansenius *hæreticorum exemplo, S. Avg. Patrumque corruptor* demonstratur. Quæ tria vir eruditus adeò solidè probavit, ut è Jansenianis, quantumvis aliâ linguâ calamoque promptis, nullus hæctenus ad opus illud confutandum animum manumve adjecerit.

NOVI QUIETISTÆ.

I. Quietistarum nomine quondam appellati sunt quidam Orientis monachi, qui sub specie contemplationis divinatorum liberius exercendæ, in quiete, silentio ac tranquillitate, vel potiùs scelerato in otio, ab aliis separatim viventes, in varios errores, seu verius insanias ac fœditates abominandas, credendas, exercendas incidere, quas referre nec valet nec expedit. Hanc pestem suscitârunt seculo XII Dulcinistæ, Beguardi et Beguinæ, de quibus supra.

II. Labente seculo XVII, quietismus excitatus fuit in Italiâ, Galliâ et Hispaniâ, auctore præcipuè Michaelè de Molinos, presbytero Hispano, à quo etiàm dicti sunt Molinosistæ. Is versutissimus hypocrita anno 1665 Romam venit, ubi sub fucatæ sanctitatis specie, vultu, sermone, veste ad omnem modestiam composito, permultorum utriusque sexûs, etiam primariorum, gratiam et familiaritatem aucupatus est, ac interim venenum suum secretò instillavit; illudque magis latè diffudit, tum prædicatione, ex quâ doctoris illuminati nomen accepit; tum evulgato libro cui titulus : « Dux spiritualis, conducens « animas per viam interiorem, ad assequen- « dam perfectam contemplationem et divitem « thesaurum pacis interioris. » Ille liber tum Romæ, tum sæpiùs in Hispaniâ recusus, varias urbes et regiones suâ peste infecit.

III. Venenum hujus pestis in his ferè Molinosi principis delitescbat : 1^o Docebat, in vitâ spirituali, sive mysticâ, hos solos perfectos esse censendos, qui per quamdam suarumque potentiarum annihilationem, uno actu non revocato, Deo semel se tradidissent, ac totaliter unissent, resignassent, reliquissent. Ejusmodi annihilationem præ se ferebant, quamdam velut extasim fingentes, præsertim in ecclesiis; sic, ut nec ad sanctorum

imagines, nec ad ipsum sanctissimum Sacramentum oculos conferrent, meto ne solo intuitu prætentam contemplationis quietem, et omnimodam cum Deo unionem interturbarent. 2^o Hæc sui annihilatione, et cum Deo unione semel habitâ, nihil ampliùs curandum siebat; abjicienda omnia bona opera, abstinendum ab omni virtutum acta, etiam amoris Dei, gratiarum actionis, petitionis; verbo, suspendendos esse omnes actus velut inutiles ac superfluos, instar rei inanitis permanendo, nihil prorsùs operando, nec volendo; sed silendo, et merè passivè se habendo, atque in absolutâ indifferentiâ circa omnia, sive præmium, sive poenam, sive infernum, sive cælum; silendoque demùm, ut Deus operaretur, et suam voluntatem in ipsis adimpleret. 3^o Cùm eâ ratione semel anima in Deo quievit, dicebat illam esse ab omni sordè puram, nec ampliùs voluntate peccare posse, sed omnem actum imputandum esse sive violentiæ tentationis, sive corporali passioni; adeoque quidquid eo in statu homini in corpore eveniret, etsi turpissimum, et cum advertentiâ, animæ ac voluntati, quia Deo traditæ, resignatæ et unitæ, in culpâ non esse, nec ejus perfectioni ac sanctitati officere.

IV. Ad istius amœnæ, ut videri poterat, atque ab omni culpâ vacuæ libertatis ducem, convolvabant magno numero viri et mulieres, laici et sacerdotes, etiam insignis notæ; secretaque simul conventicula celebrabant, in quibus execrabiles Gnosticorum, Beguardorum et Beguinarum turpitudines absque scrupulo renovabant, facem libidinis præferente Molinoso, et partem fucatæ sanctitatis famam inter nefandas impuritates viginti duorum annorum spatio sustinente; donec tandem, detectis hujus sectæ sordibus, earum auctor Molinosus ad carceres primùm abreptus est; ac, instituto processo, de fœditate doctrinæ ac vitæ convictus, 3 sept. anno 1657, Romæ in ecclesiâ S. Mariæ supra Minervam, errores in 68 propositiones, ex ejus scriptis excerptas, distributos, ab Innocentio XI damnatos, agnovit ut suos, ac ejuravit. Inde ad carceres reductus est, in quibus ferè decennio clausus, signa pœnitentiæ ac respicientiæ dedit ad mortem usque, quam obiit 28 dec. 1696.

V. Aliero mox anno insequente, prodit liber, idiomate Gallico conscriptus, cui titulus: *Explication des maximes des saints sur la vie intérieure, etc.*, sive: Flacita sanctorum explicata super viam interiorem, auctore illustr.

dom. Francisco de Salignæ Fenelon, archiepiscopo Cameracensi, etc., viro cæteroque probitate ac doctrinâ clarissimo: qui, nobilis ejusdem dominæ, reipsâ quietismo infectæ fucatâ pietate delusus, in ejus fortassè defensionem opus illud ediderat. Sed hoc Romam delatum ab Innocentio XI proscriptum fuit 12 martii anno 1699, ac 25 propositiones ex illo extractæ variis affectæ censuris. Huic pontifici decreto sese mox sincerè submittere püssimus antistes, rarum christianæ humilitatis, promptæque obedientiæ, ac simul animi verè heroici exemplum orbi præbuit, dum ipsemet damnationem libri sui palam suscipere non erubuit, et promulgato edicto die 9 aprilis ejusdem anni, eam damnationem suis subditis patefacere. Simul, debitam illi submissionem, sine ullâ restrictione, professus, illosque ad suum exemplum imitandum adhortatus, severè prohibuit, ne quisquam librum illum legere deinceps, aut recedi facere præsumeret; quæ eximia in tanto viro docilitas immortalè ei laudem, ac reliquis ejus virtutibus singulare planè decus superaddit; et quam humanitùs errando passus est eclipsis, hæud modico lumine resarciit.

QUESNELLISTÆ.

I. Jansenii pronepotes illius errores, pluresque alios hausere à Paschasio Quesnello, qui anno 1654 Parisiis natus, dein presbyter factus Oratorii, quod Berullianum appellant ab ejus auctore cardinali Berullo, Bâii, Jansenique errores spargere primùm cœpit Lutetiæ; cùmque, monitus licet à rege, à Parisiensi archipræsule, à suis superioribus, tamen non respiceret, ac Formulæ ab Alexandro VII præscriptæ subscribere pertinaciter renneret, Aureliam secessit: inde anno 1685, profugit in Belgium, ubi Bruxellis socium se junxit famoso Antonio Arnaldo, doctore Sorbonico, sed ob contumacem perversorum dogmatum defensionem è Sacræ Facultatis, ut aiunt, matriculâ expuncto, easque ob causas in Belgium pariter profugo, atque id temporis Jansenianæ factionis antesignano; ac apud illum, mutatâ sæpiùs veste et nomine, per quinquennium delituit, dum ambo detecti jussi sunt exire Belgio. Unde migrarunt in Hollandiam, postea in ditionem Leodiensem, ubi postquam sex mensibus latitassent, Bruxellas reduces ad suas latebras, ex iis integro quadriennio pedem non extulerunt.

II. Arnaldo interim anno 1705 vitâ functo,

Quesnellus ibidem aliquandiu latere perrexit, donec, rogante archiepiscopo Mechlinsiensi, jussu regis catholici, per brachium seculare quæsitus, et in veste laicâ detectus, carceri archiepiscopali mancipatus est; è quo tamen effracto paucis post mensibus, opesuoorum assecularum, elapsus, Jansenianos errores, velut jant illius factionis dux supremus et antesignanus, per orbem disseminare non destitit, editis præsertim variis libris, è quibus celeberrimus fuit is quem idiomate Gallico scripsit, sub titulo: *Novum Testamentum Gallicè cum reflexionibus moralibus super quemlibet articulum*: vel, ut alia exemplaria præferunt: « *Epitome doctrinæ moralis Evangelii, Actuum Apostolorum, Epistolarum S. Pauli, Epistolarum canonicarum, et Apocalypsis; sive: Cogitationes christianæ super istos sacros libros.* » In hoc libro conscribendo, quoad textum usus est versione sacræ Scripturæ Montensi, jam ante reprobata et prohibita: quoad reflexiones verò, Baii, Jansenii, et aliorum novatorum scriptis; atque in illo per partes absolvendo 22 annos insumpsit.

III. Prima libri illius editio facta est anno 1671, unico constans volumine in 12, complectebaturque solum 4 Evangelia cum brevioribus reflexionibus. In eo reperiebantur tantum 5 propositiones ex 101 postea damnatis: nempe 12, 13, 30, 62 et 65. Altera editio facta est anno 1687, aucta libris aliis novi Testamenti, et hinc duobus pariter voluminibus primo aequalibus; in quibus simul augebantur errores damnati ad 48 propositiones. Tertia postremis curis elaborata fuit anno 1693, et binis sequentibus; atque iterum 1699, aliisque innovata, variis additamentis amplificata, et quatuor in 8^o tomis, sub sermonis elegantia et pietatis specie, omnes complectens propositiones, quæ postmodum ex illis tomis excerptæ meritâ censurâ perstrictæ fuerunt.

IV. Prohibitus iste liber primùm fuit circa annum 1697, ab archiepiscopis Lugdunensi, Viennensi, Massiliensi, Meldensi (qui fuit celeberrimus Bossuetius) et aliis. Deinde à Clemente XI, anno 1708, die 13 julii per decretum in formâ brevis, quod incipit: *Universi Domini gregis*, sub pœnâ excommunicationis, ipso facto incurrendæ, ac jussu publicè flammis tradi, vetitusque deinceps imprimi. Denum, Ludovici XIV, regis christianissimi rogatu, Romæ integro biennio ad examen revocatus, et habitis pluribus S. Officii congregationibus, anno 1713, die sept. 8, ab eodem

pontifice 101 propositiones, ex illo libro extractæ, damnatæ sunt, et variis censuris notatæ per solemnem et famosam constitutionem, quæ incipit: *Unigenitus Dei Filius*, etc.

V. Errores istis propositionibus expressè maximam partem videntur posse revocari ad tria capita: Primum de gratiâ, ad quod spectant 43 priores propositiones; alterum de virtutibus, fide, spe, charitate ac timore; tertium de Ecclesiâ ejusque disciplinâ.

Ad primum caput revocantur errores: 1^o Circa statum naturæ innocentis. Docet enim cum Baio Quesnellus, gratiam Adami esse sequelam creationis et debitam naturæ sanæ et integræ; nec produxisse merita, nisi merè humana, propp. 34, 35. Deinde, illam gratiam in eo differre à christianâ, quòd prior Adamum sanctificaverit in seipso, eamque unusquisque in propriâ suâ personâ recepisset: posterior verò non recipiatur nisi in personâ Christi, cui nos uniti sumus, et in quo sanctificamur, propp. 36, 37. 2^o Circa statum naturæ lapsæ. In hoc enim non agnoscit in primis gratiam aliam, nisi efficacem; hancque dicit aliud non esse quàm voluntatem, vel operationem manûs Omnipotentis Dei, quam nihil impedire potest vel retardare, cuique nulla voluntas humana resistit, propp. 10, 11, et quatuor sequentibus; item prop. 22 et tribus sequentibus. Deinde asserit, hanc gratiam efficacem necessariam esse ad omne opus bonum, et absque illâ non solum nihil fieri, sed nec fieri posse, nisi malum; adeoque Deum in vanum præcipere, si ipse non det, quod præcipit, propp. 2, 3, 4, 9, 17; imò, sine illâ gratiâ, exhortationes et gratias exteriores non inseruire, nisi ad cor magis obdurandum; ipsamque voluntatem, illâ non præventam, nihil habere luminis, nisi ad aberrandum; nihil ardoris, nisi ad se præcipitandum; nihil virium, nisi ad se vulnerandum; esse capacem omnis mali, et incapacem ad omne bonum; nec posse quidquam amare, nisi ad suam condemnationem, prop. 5, 39, 40. Porrò hanc gratiam negat fuisse datam Judæis in lege veteri, in quâ dicit quòd Deus reliquerit hominem suæ impotentia et propria infirmitati, imponendo ipsi suam legem, et exigendo ipsius implementum et fugam peccati, prop. 6, 7, 8. Negat item, gratiam ullam conferri tum infideli ante fidem, tum peccatoribus ante justificationem, prop. 26, 27, 28, 29, 48. Unde concludit in primis omnem cognitionem Dei, etiam naturalem, etiam in philosophis ethnicis, non posse

quidem venire nisi à Deo; sed absque gratiâ (quâ isti ex prædictis carent) non producere nisi præsumptionem, vanitatem et oppositionem ad ipsam Deum, etc., prop. 41. Concludit deinde, peccatorem non e-se liberum nisi ad malum sine gratiâ Liberatoris, quam negat ipsum habere; atque adeò nihil illi remanere nisi peccatum, superbam paupertatem et se-gnem indigentiam, hoc est, generalem impotentiam ad omne opus bonum, prop. 1 et 58. 3^o Circa Christum, naturæ lapsæ, et gratiæ reparatorem, docet, illum se morti tradidisse ad liberandum pro semper suo sanguine electos, nullâ aliorum factâ mentione: illius desideria semper habere suum effectum: omnes quos Deus per illum vult salvare, salvari infal-libiliter, prop. 50, 51, 52, 55.

VI. Ad alterum caput revocantur errores Quesnelli: 1^o Circa fidem. Hanc, ejusque usum, augmentum et præmium, totum esse ait donum liberalitatis Dei; omnia aliâ salutis mediâ contineri in fide, tanquam in suo ger-mine et semine; sed hanc fidem non esse abs-que amore et fiduciâ, nec ipsam operari, nisi per charitatem, prop. 51, 52, 68, 69. 2^o Circa spem docet, totum deesse peccatori, quando ei deest spes; non esse autem spem in Deo, ubi non est amor Dei, prop. 57. 3^o Circa cha-ritatem. Primùm duos duntaxat cum Bala amores agnoscit, unde volitiones et actiones omnes nostræ nascuntur: amorem Dei, qui omnia agit propter Deum, quemque Deus remuneratur, et amorem, quo nos ipsos diligimus, qui, quod ad Deum referendum est, non re-fert, et propter hoc ipsam sit malus, prop. 44, 55. Hinc, inquit, ut nullum peccatum est sine amore nostri, ita nullum esse opus bonum, aut fructuosum sine amore Dei; atque ideò leg's obedientiam debere ex hoc charitatis fonte oriri; cæteroaquam, quod apparet exteriùs, non esse nisi hypocrisis, aut falsam justitiâ, prop. 46, 47, 48, 49, 50, 53, 54, 55, 56. Imò nec Deum, nec religionem esse, ubi non est cha-ritas, prop. 57. Nihilominùs prop. 74, concedit homini potestatem ob sui conservationem se-ipsam dispensandi à lege, quam Deus condidit propter ejus utilitatem. Et prop. 45, insinuat cum Joviniano, hominem baptizatum à carnis deside-riis, concupiscentiâ, ac sensuum aberrationibus immanem esse. Deinde asserit, amore Dei in corde peccatorum non ampliùs regnante, necesse esse, ut in eo carnalis regnet cupidi-tas, omnesque actiones ejus corrumpat: adeò ut non horruerit Quesnellus pronuntiare, quòd

oratio impiorum sit novum peccatum, et, quòd Deus illis concedit, novum in eos judi-cium, prop. 45, 59. 4^o Timorem supplicii vel pœnæ speciatim, non solùm ut infructuosum ac inefficacem è bonorum operum numero expungit, sed etiam ut violentum, malum ac peccaminosum describit, prop. 60 et 7 sequen-tibus.

VII. Ad tertium caput reducuntur errores Quesnelli: 1^o Circa ideam Ecclesiæ, quam con-stituit ex solis justis et electis, prop. 72 et 4 sequentibus. Unde infert, eum qui non ducit vitam dignam Filio Dei et membro Christi, cessare interiùs habere Deum pro Patre, et Christum pro capite; sique aliquem separari à populo electo, tam non vivendo secundùm Evangelium, quàm non credendo Evangelio, prop. 77, 78. 2^o Carpit Ecclesiam, in primis quòd dominatum exerceat supra fidem fidelium propter res quæ nec fidem lædunt, nec mores, prop. 94. Deinde quòd non omnibus promiscuè permittat lectionem sacræ Scripturæ, prop. 79 et 6 sequentibus. Item quòd contra praxin apostolicam et intentionem Dei non permittat simplici populo in sacrificiis preces cum sacer-dote recitare, prop. 86. Rursùm, quòd nimis citò reconciliet peccatorem, etiam penitentem; cui etiam reconciliato negat jus assistendi sa-crificio Ecclesiæ: aliens, hunc esse quartum decimum gradum conversionis peccatoris, prop. 87, 88, 89. Demùm propositione ultimâ haud obscure sugillat præscriptum ab Ecclesiâ Juramentum in Formulari Alexandri VII. 3^o Non aliam Ecclesiæ auctoritatem excommuni-candi concedit, nisi quam exercet per primos pastores, de consensu saltem præsumpto totius corporis, prop. 90. Atque varios prætextus schismaticos vim excommunicationis eludendi proponit, prop. 91, 92, 93, 97, 98, 99, 100.

VIII. Bullam *Unigenitus*, quæ hos tam aper-tos errores meritò condemnabat, totus orbis catholicus, extra Galliam, reverenter quàm primùm excepit; ac in ipsis etiam clerici Galli-cani comitis idem præstitere anno 1714, epi-scopi 40, duce cardinali Armando de Rohan; quorum sententiæ annuens rex Ludovicus XIV, edictum pro hujus observatione expediri jus-sit; quam et receperunt plerique alii Galliarum episcopi et universitates, quas inter etiam Parisina. Quo eodem anno eam recepere inter alias Europæ academias Coloniensis et Trevi-rensis, edito publico Instrumento. Atverò cardinalis de Noailles, Parisiensis antistes, qui Quesnelliani libri editionem anno 1695

factam approbârat, et cum illo 8 alii episcopi primùm suffragia in laudatis paulò ante comitiis retinuerunt; deinde obtenderunt, circa quasdam è damnatis propositionibus aliquid occurrere difficultatis, ejus elucidatio requirenda foret à papâ; demùm, sublato è vivis Ludovico XIV., episcopi quatuor, nempe Mirapicensis, de la Broue, Montispessulanus, Colbert de Croissy, Boloniensis, de l'Angle, Senecensis, Soanen, antiquorum hæreticorum more, edito instrumento publico, à constitutione appellârunt ad concilium œcumenicum liberè et legitimè celebrandum; cui appellationi adhærere cardinalis Noaillius, aliique 12 episcopi, necnon Parisina Universitas cum duabus aliis, suam nuperam illius constitutionis acceptationem vel inficiata, vel revocans: inò religiose quædam etiam, quod ridiculum est, monialium communitates, atque ab hac appellatione Quesnellistæ seu Jansenistæ dici cœperunt *Appellantes*, sicut Lutherani Protestantæ. Ipse Quesnellus, renovatâ ante vitæ exitum, quam dudùm præmiserat, appellatione, pertinax in erroribus, gravissimisque censuris innodatus, obiit Amstelodami, 2 dec. 1719.

IX. Cæterùm ista appellatio rejecta fuit anno 1718, tum à reliquis Gallicanis præsulis, tum à Clemente XI, ejusque successore Innocentio XIII, anno 1722, et bulla à rege Ludovico XV, tanquàm lex non Ecclesiæ minùs quàm regni proposita; eademque iterùm commendata anno 1725, tum in concilio Romano sub Benedicto XIII, tum in Avenionensi; rursusque anno 1727, in Ebreduensi, procurante præcipuè illustr. Petro de Tencia, illius sedis archiepiscopo, nunc S. R. E. card., in quâ posteriori synodo episcopus Senecensis, cum nullis suorum collegarum adhortationibus ac precibus ad obediendam constitutioni apostolicæ præstandam flecteretur, præmissâ triâ monitione canonica, declaratus fuit suspensus ab omni officio et jurisdictione episcopali et ab omni exercitio ordinis tum episcopalis, tum sacerdotalis; quam sententiam Benedictus XIII confirmavit, et rex christianissimus probavit.

X. Nihilominùs, exemplo hucusque inaudito eodem anno contra constitutionem et concilium Ebreduense insurrexere à Quesnellistis incitati 50 è Parisiensi, ut vocant, *parlamento*, advocati; idonei videlicet ad judicandas causas ecclesiasticas arbitri, perinde ac medici, vel chirurgi; atque illius

synodi acta infirmare, erroresque in eâ damnatos tueri conati sunt, editâ famosâ, ut vocant, *consultatione*; quibus episcopi 12 accessere. Sed et ista consultatio à reliquis episcopis meritò explosa, et ab ipso rege proscripta fuit.

XI. Lætiora dedit annus 1728, quando cardinalis Noaillius interjectam olim appellationem palam revocavit, et constitutionem *Usagesitas* simpliciter acceptavit, constans deinceps ad mortem usque. Hujus vestigiis institit tum capitulum cathedrale Parisiense, tum S. Facultas Parisina, anno 1729, die 10 decembris, rem præcipuè promovente viro eximio et apprime catholico, Honorato Tournello, et 96 doctorum suffragiis, contra 13 prævalentibus, decretum condidit, quo suam appellationem revocavit, et constitutionem simpliciter recepit.

XII. Interim anno 1730, novam, antiquorum hæreticorum more, ipsorumque etiam novorum, quos Tremulantes vocant, scenam aperuere Jansenii Quesnellique sectatores Parisiis in cœmeterio S. Medardi; prætensa nempe miracula cujusdam diaconi, cui nomen Franciscus Parisius, professi Jansenistæ et Quesnellistæ, in appellatione ad futurum concilium pertinaciter immortui, atque ibidem sepulti. In isto cœmeterio sorgebant triplicis generis miracula ad Parisi intercessionem potari. Ad primum genus pertinebant variae curationes morborum aut infirmitatum, ut prætendebant, auxilio humano penitus incurabilium. Ad alterum spectabat famosum illud spectaculum *consultationum*, quod primò super Parisi tumultum fuit exhibitum, ubi extensi humi promiscuè viri, etiam sacerdotes ac feminae, horribili sæpèque fœdâ admodam ac indecenti corporis et membrorum agitatione ac saltitatione, emergentis aut funambulationibus haud absimiles, ridiculam ac scandalosam concurrenti populo scenam dedere; psalmos alternatim canentibus, aut recitantibus quibusdam aliis ejusdem furfuris sacerdotibus, unâ cum mulierculis; cæteris probè catholicis ac ingenuis spectatoribus ad spectaculum adèò indecorum erubescitibus. Cùm verò ad publicum illud scandalum tollendum, rex christianissimus S. Medardi cœmeterium anno 1733 claudi jussisset, perrexerunt nihilominùs Janseniani, non minùs regis, quàm pontificis auctoritatis contemptores, in privatis ædibus super effossam ex eodem cœmeterio terram idem spectaculum exhibere. Ad tertium genus reduci possunt

quodam in speciem mirâ, quæ eodem in cœmeterio facta perhibebantur, nec humanis viribus videbantur fieri potuisse: cujusmodi foere violenti in aerem raptus, stupendæ membrorum distentiones, validissimi stiptici ictus personis imbecillibus innoxie inflicti: rerum antea ignotarum subitæ è memoriâ recitationes, nonnullæ, ut etiam à vulgo creditum fuit, rerum futurarum prædictiones.

Verùm horum omnium inanitatem, instituto accurato examine, apertè detexit tum archiepiscopus Parisiensis de Vintemille, tum eventus ipse, ac prudentum omnium sensus; deprehensumque tandem est, morbos illos vel studio confictos fuisse, coemptis pecuniâ qui eos fingerent, vel minime sanatos: convulsiones item per sycophantas pretio pariter corruptos nihil miri habere præter indecentissimas gesticulationes, circumforaneis saltatoribus haud insuetas; demùm cætera, quæ prædicantur mira, vel meras fuisse illusiones, aut fraudes, vel ope dæmonis patrata potius, quàm divinâ virtute miraculosè concurrente. Pergit nihilominus pestis Janseniana et Quesnelliana per Galliam et Belgium serpere, ac in dies ferè caput altius extollere, quanquam nunc in sectas scissa sit, quarum una *Figuristarum*, qui Scripturæ oracula per figuras ex-

ponunt, et hinc in varia deliramenta prolabantur, quæ nimis longum foret enumerare (1).

Meditabar equidem hisce adnectere novissimas controversias, quæ circa laudatam constitutionem *Unigenitus*, et frivolum ab illâ ad futurum concilium appellationem exortæ sunt inter illustrissimum clerum Gallicanum, et supremam senatum, quem *parlementum* vocant, occasione schedarum, peractæ apud legitimum ministrum sacramentalis confessionis testium, ab iis exigendarum, qui saltem notoriè, ab eadem constitutione appellantes, suprema sacramenta in mortis articulo postulabant. Verùm, quia illustrissimi illi Galliarum præsules, qui anno proximè lapsa ea super re maturè deliberârunt, causas varias in comitiis id temporis celebratis propositiones ad supremi Ecclesiæ capituli tribunal mittendas esse sapientissimo eandem consilio duxerunt, consultò illis memorandis nunc supersedeo, donec hæc S. Aug. verba, sæpiùs jam ex æquo laudata, pronuntiare possimus: « Romæ res: « ponsa venerunt, causa finita est. »

(1) Ex quo hæc scribebat Zacharias, sensim decrevit, favente Deo, ac tandem summo verè Catholicorum plausu, necnon Ecclesiæ pace, propemodùm extincta est hæresis Janseniana.
(Not. ab Edit.)

DE CONCILIIIS.

I. Principem inter christiana concilia locum occupare meritò hæc debent apostolica, quorum tria videntur fuisse præcipua: Primum, juxta Baronium, anno Christi 41, juxta Labbeum 35, Jerosolymis à S. Petro, seu capite ac præside supremo, coactum fuit, atque facta in eo novi Apostoli, in locum Judæ proditoris, electio, Act. 1. Alterum, eodem anno congregatum, in quo 7 diaconorum, ex Apostolorum concessione, à discipulis electorum, facta ab illis per manus impositionem solemnem inaugurato, Act. 6. Tertium, quod fuit veluti sequentium omnium norma, anno 49 vel 50, celebratum est itidem Jerosolymis, propter exortas Antiochiæ controversias circa legalia his qui à gentilitio ad Christi fidem conversi erant, observanda: quod onus iis imponendum non esse, Apostoli eo in conventu unanimi suffragio deciderunt sub hæc formulâ, quam sequentia deinde concilia adoptârunt: *Viam*

est Spiritui S. et nobis, etc.: Act. 19. Plura Apostolorum concilia quidam numerant; ac inter illa etiam Antiochenum, quod Nicæna synodus Apostolorum conventum appellet, et ex quo canonem unum alleget. Ut sit, id, priusquam ad reliquorum conciliorum post Apostolorum tempora celebratorum seriem progrediamur, juvat animadvertisse:

II. Canones qui vulgò dicuntur Apostolorum, et, cum initio pauciores exhibiti fuerint, postea ad 85 extensi sunt, hodièdum passim ab eruditis haberi tanquam supposititios, neque, ut prætenditur, à S. Clemente, qui tertius à S. Petro in cathedrâ ejus sedit, reipsâ fuisse collectos; esto omnes seculo VI, à Græcis, et 50 priores à multis Latinis veluti tales fuerint recepti. Momentum non unum affertur, ad illos, velut spurium Apostolorum, vel S. Clementis partem, repudiandos: 1^o Quia Gelasius papa in concilio Romano 76 episcoporum eos

recenset inter libros ab Ecclesiâ rejectos, aut certè non probatos, utique saltem velut Apostolicos. 2^o Quia S. Isidorus Hispalensis asserit, hos canones, nec à sede Apostolicâ recipi, nec à SS. PP., esseque confictos ab hæreticis, nempe quoad aliquos. 3^o Quia reipsâ quosdam errores complectuntur, v. g., can. 43. Bap- tismum ab hæreticis suscipi in invalidum esse, etc. 4^o Quia neque illorum meminere SS. Epiphanius et Hieron., cum S. Clementis scripta recensent, uti nec illarum constitutionum, quæ vocantur etiam Apostolicæ, et 8 libris sub ejusdem D. Clementis nomine collectæ dicuntur; sed reverâ spurix sunt, cum plures quoque errores contineant, atque inter cæteros, quòd Pater sit Dominus Spiritûs sancti, etc. 5^o Quia nullus primorum seculorum scriptor has constitutiones, vel illos canones unquam allegavit, ne ipse quidem S. Cyprianus pro suâ opinione de iterando baptismo, ab hæreticis collato; nec Victor papa contra Asiaticos circa celebrationem paschæ, quod canone VII vetat cum Judæis celebrari.

Cum itaque certum sit, quosdam è prædictis canonibus non esse ab Apostolis conditos, de reliquis, an ab eis conditi sint, saltem incertum, nulli præbeant theologo argumentum, saltem irrefragabile, nisi, quidam adoptati fuerint ab aliquo, unde sufficientem auctoritatem trahant.

III. Post Apostolorum in universum orbem divisionem, atque excessum ex hac vitâ, temporum iniquitas, tyrannorum persecutiones, quæ prima Ecclesiæ secula turbavere, simul prohibuere, ne è diversis mundi plagis synodi congregarentur œcumenicæ; donec Constantini M. et aliorum imperatorum ad fidem christianam accessus libertatem fecit, et exortarum deinde hæresum, ac hæreticorum protervia, eas cogendi quamdam imposuit necessitatem. Inde verò concilia œcumenica habita sunt, ex communiore veriorique calculo, numero 18, nempe 8 in Oriente, 10 in Occidente, quæ nomen ferè sortita sunt à loco in quo fuere celebrata. Illa nunc ordine enumerare aggredior.

CONCILIA ORIENTIS.

Primum fuit Nicænum primum, Nicææ, quæ urbs Bithyniæ in Asiâ metropolis erat anno Christi 325, in palatio Constantini Magni (qui eidem, non ut iudex, sed ut protector interfuit, nec nisi infra episcopos, iisque annuentibus, sedii), celebrari ceptum 13 kalend.

Julii sub Sylvestro papâ, qui eidem præsedit per legatos suos, Osium Cordubensem in Hispaniâ episcopum, et Vitum ac Vincentium Romanos presbyteros, qui locum principem obtinuerunt, et actis subscriperunt. Interfuere Patres 318, quos inter S. Nicolaus, Myrrhæ episcopus, et S. Athanasius, tunc Ecclesiæ Alexandrinæ diaconus. Duplex in eo controversia decisa, una de Verbi divinitate contra Arium, edito symbolo, quod Nicænum vocamus, insertâque illi voce *hæcōdoctov*, id est, consubstantialem; altera de celebratione paschæ die Dominicâ post 14 lunæ martii contra Quartodecimanos. Finitum fuit concilium eodem anno 8 Kal. sept., illiusque decreta Romam perlata à Sylvestro papâ rata fuerunt habita.

Secundum fuit Constantinopolitanum I, anno 381, sub Damaso papâ et Theodosio Seniore imper. coactum, convenientibus ex diversis Orientis provinciis episcopis catholicis 150, quos inter S. Gregor. Nazianz. et Cyrillus Hierosol.; Semiarianis 36 et 6 Macedonianis. In eo Nicæna fides contra varias pseudo-synodos ab Arianis celebratas confirmata; et Spiritûs S. divinitas asserta fuit contra Macedonium; atque articulus, quo illam profitemur, adjectus symbolo Nicæno, hocque eam in formam redactum, quo nunc in Missâ decantatur. Cæterum, cum huic concilio nullus papæ legatus præsesiderit aut interfuerit, tum primùm auctoritas œcumenici concilii eidem accessit, cum, ejus actis Damaso papæ exhibitis ac probatis, in Romanâ synodo, ab eodem pontifice congregatâ, Occidentalis Ecclesia in eandem fidem, et hæreticorum damnationem consensit.

Tertium fuit Ephesinum, Ephesi, Asiæ minoris metropoli, postulante Theodosio I, imp. contra Nestorium, auctoritate Cœlestini I papæ, qui jam in synodo Romanâ Nestorianam pestem damnarat, anno 431, ab episcopis plus ducentis celebratum, præside S. Cyrillo episcopo Alexand., nomine Cœlestini, qui et postea legatos misit, qui actis subscriberent, Interfuere tanquam legati, qui concilium tuerentur, missi à Theodosio Irenæus, et Candidianus, cum mandatis, ne se fidei ac Ecclesiæ negotiis immiscerent. Verùm mandati immemores, vel incurii, Nestorii partibus assumptis, multas in concilio turbas excitarunt.

Quartum fuit Chalcedonense, anno 451, à Leone I papâ, urgente Marciano imp. contra hæresin Eutychetis, et Dioscori convocatum Chalcedone, urbe Bithyniæ. In eo comparuere episcopi 650; præsedit per legatos Leo I papa;

Marcianus quoque interfuit cum conjuge Pulcheriâ Augustâ, non Judicis partes acturus, sed tutoris ac defensoris, prout palam in Act. 6 declaravit ipse princeps religiosissimus. Atque hæc sunt 4 prima concilia, quæ S. Gregorius M., uti supra diximus, sicut 4 S. Evangelii libros suscipiebat; et de quibus Justinianus imp. Not. 131, c. 1: « Quatuor synodorum » dogmata, inquit, sicut sacras Scripturas accipimus, et regulas sicut leges observamus. » Canonem tamen 28, circa privilegia sedis Constantinopolitanæ, et duos sequentes, absentibus legatis Romanis clam insertos, S. Leo non probavit.

Quintum fuit Constantinopolitanum II, anno 553, à Justiniano imp., annuente, licet aegrè, Vigilio papâ, convocatum, confluentibus episcopis 165. Damnavit hæc V synodus Origenem et tria Capitula, unâ cum personâ Theodori Mopsuesteni, de quibus vide supra, de Hæres. sec. III. Isti synodo neque per se, neque per suos legatos interesse voluit Vigilus, etsi tunc Constantinopoli præsens; imò ejus acta primoùm aliquandiu probare detrectavit: multa idcirco ab imperatore perpressus, ac etiam exilio multatus. Postea tamen in Italiam redux, libertatique restitutus, concilium ipsum suâ auctoritate firmavit, atque ita œcumenicum effecit. Prohibuit et illud Vigilii in cathedrâ Petri successores, Pelagius II, Gregorius M., Leo II, Nicolaus I, necnon synodi œcumenicæ, post hanc quintam celebratæ, speciatim VI et VII, eamque pariter ut œcumenicam agnoscere.

Sextum fuit Constantinopolitanum III, sub imperatore Constantino Pogonato contra Monothelitas convocatum auctoritate Agathonis papæ, qui per legatos ei præfuit, præsentibus episcopis 289, anno 680 inchoatum, sequenti absolutum fuit. Dictum est Trullanum, ex eo quòd celebratum fuerit in palatii imperatorii secretario, nomen trahente à Trullo, seu fornice sublimi, in altum porrecto, et in rotundum concamerato. Distinguenda tamen hæc synodus Trullana, ab aliâ pseudo-synodo ejusdem nominis, de quâ supra. Sedit equidem eminentiori loco imperator, sed ultimus his verbis, uti jam supra dictum, subscripsit: « Constantinus in Christo Deo rex, ac imp. » Roman. legimus, et consensimus. » Acta hujus synodi confirmata fuere, non ab Agathone, qui interea è vivis excesserat, sed ab ejus successore Leone II.

Septimum fuit Nicænum II, anno 787, contra

Iconoclastas à Constantino IV ejusque matre Irene congregatum ex consensu Adriani I papæ, qui eidem præsedit per suos legatos Petrum, Ecclesiæ S. Petri archipresbyterum; et alterum Petrum, S. Sabbæ abbatem. Interfuere episcopi 350 et diversi monasteriorum archimandritæ, seu præsidēs supremi. Synodus Francfordiensis ad Mœnum, à Carolo M. coacta, et à 300 episcopis, anno 794; istam quidem Nicænam, ut alibi diximus, damnavit, sed ex duplici errore facti: quòd nempe, seu Iconomachorum fraude decepti, Patres, seu Græci Idiomatis ignoratione laborantes, putarent, eam absque legitimâ pontificis auctoritate coaluisse; atque non solùm iconomachiam condemnâsse, sed etiam prohibisse *icovolatriam* seu adorationem SS. imaginum. Cæterùm, et Adrianus, missis ad Carolum litteris, errorem detexit; et Tridentinum, dum sess. 25 decreto Nicænorum Patrum contra SS. imaginum oppugnatores institit, eandem synodum à se probari sat luculenter ostendit.

Octavum denique, ac in Oriente postremum, fuit Constantinopolitanum IV, anno 869, jussu Adriani II papæ, operâ Basilii imp. ab episcopis ferè 350 celebratum; in quo tum Iconomachi denno profligati; tum præcipuè exactoratus Photius, Constantinopolitanæ sedis invasor, qui Græci schismatis prima semina jecit. Subscripsit quidem synodi actis imperator post patriarchas, ante episcopos; modestè tamen professus, hoc à se non fieri, nisi honoris gratiâ sibi à Patribus ultrò oblatâ, nec tantùm deficiente, sed consentiente. Synodum, Romam ab Anastasio Bibliothecario perlatam Adrianus recepit.

Atque hæc sunt octo concilia œcumenica in Oriente celebrata. Reliqua, propter invalescens Græcorum schisma et Mahumetanorum gratulationes, habita in Occidente, suntque sequentia.

CONCILIA OCCIDENTIS.

Nonum ordine inter œcumenica, et primum in Occidente fuit Lateranense I, anno 1122, Romæ in basilicâ S. Joannis in Laterano, sic dicta à fundo ejusdem nominis, in quo fuit extracta, convocante et præsidente Callisto II, ab episcopis amplius 500 et abbatibus plusquàm 600, celebratum; tum ad promovendam expeditionem sacram adversus Saracenos pro recuperandâ Terrâ sanctâ; tum ad finiendas controversias inter prædictum pontificem et Henricum V imperatorem, circa episcoporum

et abbatum investituras, quas imperator sibi arrogabat, et liberas illorum electiones, atque confirmanda concordata conventus Wormatiensis inter utrumque inita circa beneficiorum ecclesiasticorum collationem.

Decimum fuit Lateranense II, anno 1159, ab Innoc. II, eodemque præside, sub Lothario II imperatore, ab episcopis circiter 1000, celebratum; in quo primum sublatum schisma Petri Leonis antipapæ, sub nomine Anacleti II, in cathedram Petri contra Innocentium, à minore cardinalium parte intrusi, ejusque successoris Victoris, pariter antipapæ: hic se Innocentio submitit; illi jam vitâ functo, ipsiusque fautoribus, dictum anathema, et ipsius acta rescissa. Deinde damnatus Petrus de Bruis, cum ejus discipulo Arnaldo de Brixiâ. Demùm conditi pro reformandis clericorum, laicorumque moribus 50 canones, è quibus famosus est 15: *Si quis suadente diabolo*, etc., quo anathema dicitur illi qui clericis violentas manus injecerit; et ex quo nomen traxit sic dictum *Privilegium canonis*.

Undecimum fuit Lateranense III, quod in decretalium libris absolutè venit concilii Lateranensis nomine. Illud, post extinctum schisma trium pseudo pontificum, Victoris IV, Paschalis III et Callisti III, anno 1179, sub Friderico I imperatore convocatum, et præses confirmavit Alexander III, præsentibus episcopis amplius 500. Statutum in illo, 1^o ad impedienda pseudo-pontificum schismata, ut pontifex non esset, nisi qui à duabus tertiis cardinalium partibus electus foret. 2^o Damnati Albigenes et Waldenses, et de quibus supra. 3^o 27 canones conditi, ad restituendam ecclesiasticam disciplinam, ac præcipuè ad extirpandam labem simoniacæ.

Duodecimum fuit Lateranense IV, sub Friderico II, imperatore, ab Innoc. III convocatum, eoque præside celebratum à Patribus 1285, quos inter patriarchæ Constantinopolitanus et Hierosolymitanus; archiepiscopi 70, episcopi 400, abbates 12, præsules minores 800, ac insuper legati patriarchæ tum Antiocheni, tum Alexandrini, qui morbo vel itinere difficultate impediti erant; necnon imperatorum Orientis et Occidentis, aliorumque regum et principum; adeò ut, si ullum bacteris, certè istud concilium et numero et dignitate convenientium fuerit conspicuum; quapropter in decretalibus simpliciter concilium generale appellatur. In eo primum damnati rursùm Albigenes, necnon errores Al-

marici, Parisiensis doctoris, qui docuerat nec paradysum nec infernum extare, nec Christi corpus esse in Sacramento, etc. Item libellus abbatis Joachim de Unitate SS. Trinitatis; qui tamen, cum sua scripta Ecclesiæ submiserit, inter hæreticos non numeratur. Deinde, hortante Innocentio, communi Patrum suffragio statuta varia, pro sacrâ in Palestinam ad recuperandam terram sanctam profectio, qui præcipuus concilii congregandi scopus fuit. Demùm canones 70 ad Ecclesiæ disciplinam, fideliumque mores pristinae integritati restituendos, efformati, quos inter celebris est is qui incipit: *Omnis utriusque sexus*, quo præcipitur, ut quis fidelis, saltem semel in anno, sacramentaliter confiteatur, et S. Communionem saltem in Paschate suscipiat.

Decimum tertium fuit Lugdunense I, anno 1245, Lugduni in Galliâ convocatum ab Innoc. IV, ei præside, ad ejus verò dextram sedente Balduino, Orientis imperatore, ad sinistram aliis principibus laicis, assidentibus 14 episcopis. In illo excommunicatus, ac depositus fuit Fridericus II imperator, tanquam multorum in Ecclesiam criminum reus; innovatum decretum sacræ in terram sanctam expeditionis, cui dux designatus S. Ludovicus Galliæ rex. Confecti demùm varii canones, quos Bonif. VIII sexto Decretalium libro inseruit.

Decimum quartum fuit Lugdunense II, anno 1295, sub Rudolpho I Cæsare, convocatum à Gregorio X, illius præside; confluentibus ex omnibus mundi plagis facillè mille Patribus, quos inter 15 cardinales, 2 patriarchæ Constantinop. et Antiochens. archiep. 60 vel 70, episc. 500. In illo restituta Græcorum cum Latinis unio, annitente S. Bonaventurâ, qui durante synodo ad cœlos evolavit; plura item salubriter statuta tum pro sacrâ expeditione promovendâ, tum pro Romani pontificis electione. Ad eandem synodum profectus S. Thomas Aquinas, in itinere ad superos migravit.

Decimum quintum fuit Viennense, anno 1311, Viennæ Allobrogum, urbe Delphinatus in Galliâ, sub Henrico VIII imp. celebratum, convocante et præside Clemente V, præsentibus binis patriarchis Antiocheno et Alexandrino, episcopis 300, tribus regibus, Galliæ Philippo Pulchro; Angliæ Eduardo II, et Aragoniæ Jacobo II, Damnati in eo sunt Beguardi et Beguinæ, Fratricelli, Dulcinistæ; decretum, terræ sanctæ ferendum esse subsidium; ordo Templariorum extinctus.

Decimum sextum fuit Florentinum, anno 1453, in Italiâ Ferrariæ inchoatum, Florentiæ, unde nomen accepit, et quò, ob grassantem pestem, inde translatum fuit, anno sequente absolutum. Præsedit primùm, pontificia nomine, Nicolaus Albergatus cardinalis; deinde pontifex ipse Eugenius IV, qui convocavit. Interfuit Joannes Palæologus, Græcorum imperator, cum fratre Demetrio, Josepho patriarchâ Constantinop. et plurium episcoporum Orientalium amplissimo comitatu, universim episcopi 141; Græcis errores suos agnoscentibus, conditum est, ac solemnî ritu promulgatum, unionis decretum inter utramque Ecclesiam, cui Armeni ac Jacobitæ, pariter cum Ecclesiâ reconciliati, accessere.

Decimum septimum fuit Lateranense V, anno 1512, sub imp. Maximiliano I, à Julio II indictum et inchoatum, eoque vitâ functo, ab ejus successore Leone X, anno 1517 absolutum, presentibus 114 Patribus. In illo rescissa sunt acta et gesta conciliabuli Pisani, quod, invito papâ, cardinales aliquot anno 1511 convocarunt; plura deinde deliberata ac statuta circa sanctionem Gallorum Pragmaticam, curiam Romanam, et pacem inter christianos principes componendam aut confirmandam.

Decimum octavum denique Tridentinum fuit, Tridenti, urbe Germaniæ in Tyrolî sitâ, unde nomen habet, celebratum; anno 1542, à Paulo V indictum, anno 1545, sub eodem inchoatum, sed post biennium ab eodem pontifice, ob metum pestis, Bononiam translatum; inde à Julio III Tridentum anno 1549 reductum, atque ibidem ab eodem continuatum; postea, ob bellicos tumultus, anno 1552 interruptam, et sub Marcello II et Paulo IV per 10 ferè annos suspensam; denique à Pio IV regnante Ferdinando I Cesare, instauratum ac sub eodem pontifice feliciter absolutum, atque ab ipso confirmatum anno 1565. Interfuere per hujus concilii decursum cardinales legati septem, et alii duo: archiepiscopi tres, episcopi 255, oratores et legati imperatoris Ferdinandi, regum Galliæ, Hispaniæ, Lusitaniæ, Hungariæ, Bohemiæ, Poloniæ, reip. Venetæ, septem cantonum Helveticorum, ducum Baviariæ, Sabaudiæ, Florentiæ, et aliorum principum etiam ecclesiasticorum. Denique theologi et jurisconsulti, ex præcipuis orbis partibus selectissimi, plusquam centum. Sub finem concilii subscripsere Patres 255.

Causæ illud convocandi fuere Lutheri, aliorumque novatorum nuper exortæ hæreses; et

mores corrupti tam in clero, quàm in populo. Hinc, ad illas profligandas, et hos emendandos, plerasque ex 25 in quas dividitur, sessiones, in duas rursùm partes subdivisit: quarum prima ad res fidei, altera ad morum reformationem dirigitur. Utraque pars in plura denud secatur capita, quæ exactam ac perutilem exhibent doctrinæ catholicæ explicationem, hæreticorum pravis dogmatibus oppositam. Porrò decretis fidei subnectuntur plures canones, in quibus hæreses ipsæ damnantur, et earum assertores anathemate feriuntur. Fuit synodus Tridentina ab omnibus Catholicis, si aliquot decreta reformatoria excipias, reverenter acceptata.

Historiam Trident. concilii scripsit primùm livido pestilentique calamo Joan. Sleidanus, infamis apostata, Schmalcaldicis Protestantibus annuâ pensione coemptus, innumerarum penè falsitatum, non à Catholicis modò, sed etiam ab Acatholicis accusatus et convictus; adeò ut solus Latomus ex illius scriptis 1000 mendacia extraxerit. Eandem historiam scripsit postea Petrus Suavis, innumerisque etiam mendacis oppletam Londinum typis mandandam misit ad Marcum Antonium de Dominis, olim episcopum Spalatensem, tunc infamem apostatam. Perditissimorum hominum calumnias retudit cardin. Sfortia Pallavicinus, qui, ut eruditissimus Ignatius Hyacinthus Graveson S. ord. Prædic. pro merito scribit, ex sinceris actis ac monumentis Historiam concilii Tridentini concinnavit, adeò veritatis amans, et in scribendo modestus, ut nihil per assentationem finxerit, etc. Nihilominus Petri Suavis pseudo-historiam postliminio Gallicè edidit Ludovicus Ellies Dupin doctor Sorbonæ, vir libris Vaticano fulmine ustulatis famosus, et Petrus Franciscus Le Courayer, pari fermè fulgure clarus in Galliâ, unde in Angliam profugus, et in Oxionensi Academiâ doctor promotus, non sine laude consentientis ipsius doctrinæ cum Anglicanâ. Discant hinc Catholici, ex quo fonte haurienda sibi sit Tridentini historia, ut non venenum bibant, sed doctrinam salubrem.

INDEX CONCILIORUM

QUE NON AB OMNIBUS OMNINO APPROBATA SUNT.

Ad hanc classem revocari possunt 1° Sardicense, 2° Quinisextum seu Trullanum, 3° Pisanum, 4° Constantiense, 5° Basileense.

I. Sardicense (Sardica), anno 347, à Julio papâ I indictum. Ei præfuit per legatos; 570

adfrère episcopi partim Occidentales, partim Orientales; hi à prioribus separaverunt se, et conciliabulum habuerunt Philippopoli in Thraciâ. Interea Occidentales sancti Athanasi innocentiam declarârunt, fidem Nicænam confirmârunt, canones circa ecclesiasticam disciplinam 20 condiderunt, jusque appellandi ad Romanum pontificem confirmârunt. Huic concilio præsentés fuerunt S. Anathasius et Osius Cordubensis episcopus. Sardicense veluti quædam Nicæni appendix, in veteribus nonnullis codicibus cum ejus canonibus conjungitur, adeò ut ejus canones 21, tempore Zozimi et Bonifacii Romanorum pontificum in Ecclesiâ Romanâ pro Nicænis habitî, locum fecerint controversiæ in Ecclesiâ Africanâ de numero Nicænorum canonum. Erroris occasio aut confusionis fuit, tum quòd in eo confirmata fuerit fides Nicæna, tum quòd huic concilio plerique Nicænorum Patrum interfuerint. Cùm autem ii qui recesserant, Ariani, Philippopoli in viciniâ Thraciâ concinnaverint Philipianam formulam sub nomine concilii Sardicensis, hinc confuso in unum utroque conventu, S. Augustino aliisque Patribus non usque adeò probatum fuit Sardicense concilium.

II. Constantinopolitanum Trullanum, sicut nuncupatum, quòd in secretario palatii habitum sit, quòd ob fastigium concaeratum Trulli, seu Trullæ nomine appellabatur. Dicitur Quinisexta synodus, quòd quintæ et sextæ velut appendix eo colore coacta sit, quòd quinta et sexta œcumenicæ synodi nullos canones edidissent de disciplinâ. Indicta est anno 688, ut probant Bellarminus et Natalis Alexander, ab imperatore Justiniano Juniore: canones edidit 102 non receptos à Sergio, aliisque Romanis pontificibus, nec à patriarchis Orientalibus, si Constantinopolitanum excipias, teste Anastasio Bibliothecario, eò quia non pauca cum Ecclesiæ Occidentalis moribus pugnantia continerent. Adfrère episcopi supra 200.

III. Pisanum anno 1109 ad abolendum schisma indictum fuit à cardinalibus obedientiæ Gregorii XII et Benedicti XIII, qui de papatu contendeant. Utrouque post citationem exauctorato, electus ab utriusque partis cardinalibus Alexander V, qui si fuisset pontifex certò illegitimus, Alexander VI, non sextum, sed quintum se appellare debuisset. Adfrère præter cardinales etiam episcopi supra 300. S. Antoninus legitimum concilium negat, Natalis Alexander defendit.

IV. Constantiense, convocatum à Joanne

XXII, an. 1415, 9 decembris. Celebrari coepit 16 novembr. 1414, finem habuit 22 aprilis 1418, sub Martino V, cujus electio facta est in ipso concilio, 41 sessione, 11 novemb. 1417, post depositum Joannem XXIII, sessione 12, 29 maii anno 1415, post cessionem factam à Gregorio XII, sess. 14, 4 julii ejusdem anni, post depositum Benedictum XIII, sess. 37, julii 26 anni 1417. In eo concilio damnati fuerunt *in globo* 45 articuli Joannis Wicleffi jam à pluribus annis defuncti, et 50 articuli Joannis Hus, qui traditus seculari potestati vivus exustus est: idem accidit Hieronymo de Pragâ in ejuratam sess. 19, 25 sep. 1415, hæresim relapso sess. 21, anno 1416. Martinus V, ultimis sessionibus, id est, 42, 43, 44 et 45, præfuit. Adfrerunt episcopi amplius 300. Hujus concilii decreta legitimo conciliorum more constituta approbavit Martinus V, sed decretum in prioribus sessionibus de concilio generalis immediatâ à Christo auctoritate, cui parere ipsi pontifices teneantur, quemadmodum et decretum de conciliis universalibus per singula decennia celebrandis probaverunt nunquam Romani pontifices. Illud ad casum schismatis, et dubios pontifices contrahit Turrecremata, et alii communius. Gallorum alia est sententia, quantum ad illa decreta.

V. Basileense, ab omnibus indictione. seu convocazione œcumenicum. exitu autem schismaticum agnoscitur; sed quousque ejus duraverit œcumenicitas, grandis est inter theologos controversia. D. Tournely 16 primas tantum sessiones admittit, cæteras rejicit; alii œcumenicum censent usque ad vigesimam quintam sessionem; alii etiam inter Gallos illegitimum statim fuisse existimant, ex quo scilicet, inquit Cabassutius in suâ notitiâ ecclesiasticâ, sibi supra pontificem Romanum auctoritatem indebitam arrogavit. Hujus loci non est tantum componere lites; brevem tantum teximus historiam concilii Basileensis.

Indictum fuit à Martino V, anno 1430, ad comprimendam Bohemorum seditiones et hæreses, et fidelium mores reformandos. Inchoatum 14 dec. 1431, defuncto jam Martino, cui successerat Eugenius IV, à quo indictio confirmata est. Huic præfuit Julianus cardinalis, legatus apostolicus.

Post primam sessionem Eugenius IV concilium Bononiam transtulit. 1° Quia paucissimi admodum convenerant Basileam episcopi, etiam post elapsos plures à præfixo termino menses. 2° Quia subortâ inter Austria: et

Burgundiæ duces bella urbem Basileensem minùs tutam reddebant. 3^o Quia Græci, quorum unio cum Ecclesiâ Latinâ valdè optabatur, locum postulabant commodiorem, et oris maritimis viciniorem. 4^o Quia (ut modò diximus ex Cabassutio) Patres Basileenses supra Eugenium legitimum pontificem jus sibi indebitum usurpabant.

Huic translationi obstitit concilium Basileense, et sequentibus sessionibus usque ad decimam sextam, Eugenii depositionem meditati sunt Patres. Sess. decimâ sextâ Eugenius pro bono pacis concilii dissolutionem revocat. Decimâ septimâ vices suas committit card. Juliano, ut nomine suo cum quatuor aliis concilio præsideat, et certas præscribit leges et conditiones, quibus parere recusarunt Basileenses : hinc nova bella. Iterùm dissolvit conc. Eugenius, qui tandem à populo injustè deponitur, sess. 59. In ejus locum eligitur et coronatur Amadeus à Sabaudiâ, appellatus Felix V, antipapa trigesimus octavus. Vide infra Indicem antipaparam. Decreta sive canones concilii Basileensis numerantur 55, sessiones 45, in quibus suffragiorum, non per singulos episcopos, sed per nationes habita ratio est.

« Quia corde creditur ad justitiam, ore autem confessio fit ad salutem, sicut sancti Evangelii quatuor libros, sic quatuor concilia suscipere et venerari me fateor : Nicænum scilicet..., Constantinopolitanum..., Ephesinum..., Chalcedonense..., quia in his velut in quadrato lapide sanctæ fidei structura consurgit... quintum quoque concilium pariter veneror... cunctas verò quas præfata concilia personas respuunt, respuo; quas venerantur, amplector : quia dum universali sunt consensu constituta, se et non illa destruit quisquis præsumit aut solvere quos ligant, aut religare quos solvunt. Quisquis ergo aliud sapit, anathema sit, » etc., S. Gregorius Magnus libro primo Epistolarum epistolâ 24. Obiit sanctissimus ille pontifex anno 604, quo tempore quinque tantùm concilia œcumenica celebrata fuerant.

Index alphabeticus

CONCILIORUM PARTICULARIUM.

Conciliorum particularium nomine hæc intelligimus ea quæ conciliorum œcumenicorum nomen et auctoritatem non habent. Ne imensum exerescat hoc opus, indicabimus duntaxat pauca, quorum mentio frequentior est,

Nemo in hisce studiis versatus ignorare potest, quàm difficile sit veram et accuratam conciliorum omnium chronologiam texere; sua cuique arridet. Nos Labbeo aut Harduino in omnibus ferè adhasimus.

CONCILIA PARTICULARIA.

A

Abriense (Gallicè d'Avranches, en Normandie) anno 1172.

Adrumentum, nunc Hamametha, in regno Tunetano.

Adrumentinum in Africa, anno 594.

Africana concilia multa variis temporibus sunt celebrata : I, an. 215; II, anno 255; III, anno 256; IV, an. 399; V, anno 401; VI, eodem anno; VII, an. 405; VIII, an. 404; IX, an. 405; X, an. 407; XI, an. 408; XII, an. 409; XIII, an. 410; XIV, an. 411; XV, an. 418; XVI, an. 419; XVII, an. 424; XVIII, an. 534.

Agathense in Occitaniâ (d'Agde) an. 506.

Aganensis concilia duo : I, anno 515; II, an. 888; Aganum (Gallicè, l'Abbaye de Saint Maurice en Velsis), ad Rhodanum.

Albige (Albi in Occitaniâ, Languedoc), tria : I, anno 1176; II, anno 1228; III, anno 1254.

Alexandriæ in Ægypto duodecim celebrata sunt : I, anno 315; II, anno 319; III, anno 359; IV, anno 362; V, anno 365; VI, an. 599; VII, anno 450; VIII, an. 449; IX, an. 451; X, an. 459; XI, an. 476; XII, an. 653.

Ancyranum, quod et Ancyritanum et Ancyreense, vel Anquirense in Ponticâ (d'Ancyra) an. 314.

Andegavensia (Angers), tria : I, an. 453; II, an. 1269; III, an. 1448.

Anglicum à Dunstano Cantuariensi habitum an. 969; Anglicum generale, sive Londinense, præside Lanfranco, an. 1073; Anglicum S. Anselmi, seu Londinense 1102. Aliud sub Alberico legato pontificio, 1138.

Antiochena novem : I, an. 261; II, an. 270; III, an. 341; IV, an. 345; V, an. 360; VI, an. 377; VII, an. 452; VIII, an. 476; IX, an. 1132. Quædam alia celebrata sunt Antiochiæ concilia ab Ariano, annis scilicet 329, 355, et 357. In Cariâ urbs est etiam Antiochia vocata, in quâ Ariani, anno 367, et Macedoniani celebraverunt concilia.

Aquisgranensia (Gall. d'Aix-la-Chapelle), decem : I, an. 788; II, an. 799; III, an. 802; IV, an. 809; V, an. 816; VI, an. 817; VII, an. 836; VIII, an. 860; IX, an. 862; X, an. 1022.

Arausicana (d'Orange), tria : I, an. 441; II,

an. 529; III, an. 1228. Secundum concilium Arausicanum, cui adfuerunt tantum episcopi 15, præside S. Cæsario Arelatensi, est maximæ in Ecclesiâ auctoritatis; de gratiâ et libero arbitrio condidit canones 25, confirmatos à Bonifacio II, Rom. pontifice.

Arelatensia (d'Arles), decem: I, anno 314; II, an. 353, Arianorum; III, an. 452; IV, an. 455; V, an. 475; VI, an. 524; VII, anno 554; VIII, anno 813; IX, anno 1282; X, anno 1285. Arelatense primum celeberrimum est, à Constantino Magno convocatum contra Donatistas; huic per legatos præfuit S. Sylvester, et adfuerunt 200 episcopi, juxta Annatum et plures alios cum Pagi, 600 juxta Adonem; juxta Fleuri triginta tres circiter. Multi critici existimant hoc fuisse concilium illud plenarium, de quo tam sæpè S. Aug. loquitur contra Donatistas scribens.

Ariminense (Italicè di Rimini, città della Romagna) an. 359 celebratum est sub Liberio papâ; huic adfuerant 400 circiter episcopi, quorum major pars fidem Nicenam generosè confirmaverat; verùm postea fraudibus Arianorum, minisque imperatoris Constantii tandem lapsi sunt: lapsum hunc ab hæresi excusant DD. Tillemont, Vitasse, et Patres Juenin et Alexander, non invisa multis nomina. Cùm factum hoc historicum ab hæreticis objectum semper fuerit adversus Ecclesiæ infallibilitatem, in eo theologi catholici explicando toti fuerunt, nec sine fructu abili eorum labor: summa responsionis est. 1° Patribus concilii Ariminensis fortiter obstiit Liberius papa. 2° Licet multi lapsi sint, tamen tunc temporis tantus erat episcoporum in Ecclesiâ catholicâ numerus, ut 300 aut 400 episcopi nonam vel decimam tantum partem facerent. 3° Formula cui subscriperunt, non erat in proprio verborum sensu hæretica, sed malitia Arianorum paulò post dissolutionem concilii ad Arianum sensum detorta est, quod admirationem et indignationem in episcopis accusatis excitavit; unde brevi fidem Nicenam generosius defenderunt, et lapsus sui pœnitentiam agentes in sedibus suis confirmati sunt.

Asiaticum circa annum 197, sub Victore I, contra Asiaticos Quartodecimanos.

Augustodunensia, sive Æduensia (Gall. d'Autun en Bourgogne) quinque: I, anno 670; II, an. 1035; III, an. 1072; IV, an. 1077; V, an. 1094.

Aurelianensia (d'Orléans) undecim: I, an. 514; II, an. 533; III, an. 538; IV, an. 544;

V, an. 549; VI, an. 645; VII, an. 766; VIII, ann. 1022; IX, ann. 1020; X, an. 1127; XI, an. 1141.

Antissiodorensia (d'Auxerre) duo: I, circa annum 578; II, an. 1147.

Auxitana; seu Auscensia, (Gall. Auch en Gascogne) quatuor: I, ann. 1068; II, ann. 1279; III, ann. 1300; IV, ann. 1308, ex Harduino.

B

Barcinonensia (Italicè di Barcellona, capitale di Catalogna) quatuor: I, an. 510 circiter; II, an. 579; III, an. 599; IV, an. 1064.

Barense, an. 1097.

Basilensia (Italicè di Basilea ne' Svizzera) duo: I, an. 1061; II, an. 1431. Vide Indicem conciliorum generalium.

Bellovacensia (Gall. de Beauvais, en Picardie) quinque: I, an. 845; II, anno 1114; III, an. 1120; IV, an. 1124; V, anno 1161.

Beneventana quinque: I, an. 1087; II, an. 1094; III, an. 1108; IV, anno 1115; V, ann. 1567. Plura recentiora sub card. Ursino, qui fuit Bened. XIII.

Biterrensia (Gall. de Beziers, in Occitiâ) quatuor: I, an. 356 (de eo S. Hilarius Pictaviensis episcopus dolo et fraude Arianorum in Phrygiam relegatus est); II, an. 1209; III, an. 1253; IV, an. 1246.

Bituricensia (de Bourges) duodecim: I, an. 767; II, an. 841; III, an. 1031; IV, an. 1145; V, an. 1215; VI, an. 1225; VII, ann. 1228; VIII, ann. 1276; IX, anno 1286; X, anno 1438; XI, anno 1440, pro Pragmaticâ sanctione. XII, an. 1584.

Bracarenensia (Braca in Lusitaniâ) tria: I, quod Labbæo est II, an. 663; præter anathematis septemdecim adversus Priscillianistas, aliosque hæreticos, edidit 22 canones circa disciplinam. II, aliis tertium, à Martino Bracarenis episcopo anno 572 edidit canones 8. Ex hoc concilio videtur Martinus misisse canones 84, ex Orientalibus præsertim synodis collectos, ad conc. Lucense II eodem tempore in Galliciâ congregatum, qui canones à collectoribus tanquàm Martini papæ sæpè laudantur: unde erroris occasio iis qui concilium Romanum, sive Lateranense sub Martino papâ contra Monothelitas cum hæc collectio confundunt. III, aliis quartum, anno 675.

Burdegalensia (Gall. de Bordeaux), octo: I, an. 385; II, circa annum 1075; III, an. 1093; IV, an. 1098; V, sub Alexandro IV; VI,

anno 1285; VII, an. 1538; VIII, an. 1624.

C

Cæsaraugustanum in Hispaniâ (Saragozza) anno 592, adversus Priscillianistas Gnosticorum soboletem.

Cabilonensia (de Châlons ad Ararim) tredecim: I, circa annum 475; II, an. 579; III, an. 589; IV, an. 603; V, anno 650 circiter; VI, anno 813; VII, an. 839; VIII, an. 873; IX, an. 886; X, an. 894; XI, an. 915; XII, anno 1063; XIII, an. 1073.

Carnotensia (Gall. de Chartres en Beauce) duo: I, an. 1124; II, an. 1146.

Catalaunense (Gall. de Châlons ad Mabronam fluv.), an. 1115.

Cassellanum, sive Cassiliense (Cassel in Irlandâ), an. 1172.

Claramontensia, seu Arvernia (Gall. de Clermont en Auvergne), octo: I, anno 535; II, an. 549; III, an. 588; IV, an. 1075; V, anno 1095; VI, anno 1124; VII, anno 1130; VIII, anno 1161.

Coloniensia quatuordecim: I, an. 782; II, an. 870; III, an. 887; IV, an. 1056; V, an. 1115 et 1116; VI, an. 1118; VII, an. 1225; VIII, an. 1260; IX, an. 1310; X, an. 1432; XI, an. 1470; XII, an. 1491; XIII, an. 1536; XIV, an. 1549.

Compendensia (de Compiègne, diocèse de Soissons) octo: I, ann. 757; II, ann. 853; III, ann. 1085; IV, an. 1201; V, an. 1277; VI, ann. 1500 et 1501; VII, an. 1504; VIII, an. 1529.

Constantiensia duo: I, an. 1094; II, an. 1114. Vide indicem conciliorum generalium.

D

Dionysium (Apud S.) (duabus leucis Parisiis distat) quatuor: I, an. 854; II, circa annum 995; III, an. 1053; IV, an. 1223.

Diospolitana, in causâ Pelagii, an. 415.

Duziacensia (Gall. Douzi, du diocèse de Rheims) duo: I, ann. 871; II, an. 874.

E

Ebredunensia (Gall. Embrun) duo: I, an. 1290; II, an. 1724.

Eliberitanum, sive Elbertinum, vel Eliberinum in Hispaniâ (Eliberti, seu Elvirâ, juxta Granatam) anno 305, nempe 20 annis ante Nycaenam synodum; canones condidit 81, de lapsis et disciplinâ ecclesiasticâ.

Emeritense in Hispaniâ (Meridâ) anno 666; condidit can. 23, approbatumque fuit ab In-

nocentio III, in Epistolâ ad Petrum Compostellanum.

Engolismensia (Angoulême) duo: I, an. 1118; II, an. 1170.

Epaonense (Gall. d'Epone), sic appellatur quia, inquit Labbæus, hactenus detegi non potuit locus, in quo celebratum est. Existimat eruditus auctor concilium Epaonense esse concilium (d'Enne) ad Rhodanum inter Belley, Chambery et Vienne, an. 517.

F

Floriacensia (Fleuri, ubi est abbatia S. Benedicti ad Ligerim) duo: I, anno 1107; II, an. 1110.

Forojuliense (Forum Julii, cividaddel Friuli) à Paulino Aquileiensi patriarchâ congregatum an. 791. Addunt alii Forojuliense an. 1409. (Forum Julii, Fréjus en Provence.)

Francofordiensia (Francfort ad Moenum in diocesi Moguntinâ), tria: I, anno 794, sub Adriano I, qui ei præfuit per legatos. Cultum sacrarum imaginum, non quemlibet, sed eum qui patriæ dicitur, damnavit; crediditque ex infidâ versione Actorum concilii Nicæni II, ejus œcumenicitas nondum in Galliis constabat, Græcos imaginibus adorationem perinde ac SS. Trinitati impendere voluisse. II, an. 1006; III, an. 1021.

G

Gangrense in Ponticâ diocesi (di Gangra) circa an. 324, adversus Eustathium et sectatores, qui nuptias criminabantur, Ecclesias contemnebant; ejus canones 20 numerantur à Latinis, 21 à Græcis.

Genevense (Genevra), an. 775.

Gentiliacense (Gentilly, propè Parisios), anno 767.

Gerundense in Hispaniâ (Girona), anno 517.

H

Hibernica jam à S. Leonis temporibus, seculo V, congregari cœpisse feruntur concilia per S. Patricium episcopum, sed hæc minùs nota ac certa. Celebratur concilium an 1151, in abbatâ Mellifontis à Christiano ep. Lismo-rensi totius Hiberniæ legato, et Joanne Papatone cardinali habitum, in quo regum ac ducum consensu quatuor in eâ insulâ instituti archiepiscopatus.

Hierosolymitana plura memorantur sub S. Petro, de quibus in Actis Apostolorum. Duodecim variis temporibus: I, anno 197 circiter

II, anno 353, III, anno 454; IV, anno 518; V, an. 536; VI, anno 535; VII, an. 633; VIII, anno 726; IX, anno 1099; X, anno 1107; XI, an. 1111; XII, anno 1142.

Hispalensia in Hispaniâ (Siviglia), duo: I, anno 590; II, an. 619.

I

Ierdense in Hispaniâ (Lerida), anno 524.
Illyricianum an. 567, adversus Pneumatomachos.

L

Laodicenum (à Laodicæâ, nunc Laudichia in Phrygiâ) ex 32 ep. Asianæ dioceseos. De disciplinâ edidit canones 59. Græci numerant 60. Duæ hujus concilii sunt versiones Arabicæ in Regiâ Bibliothecâ: in quarum alterâ, quæ Translata dicitur, cum Canonicis numerantur libri Judith, Machabæorum, Tobiae, Sapientiæ, Ecclesiastici, quos in dubium revocant Protestantes. Ita ex D. Claudio Capellano doct. Sorbon. testatur Doujat, Prænot. I. 2, c. 10; Baronius et Binius ante syn. Nicænam, alii ad Liberii tempora sub an. 361, reterunt.

Laudunensia (Gall. de Laon en Picardie), duo: I, anno 948; II, an. 1231.

Lauriacense (Gall. Lorris, au diocèse d'Angers), anno 843.

Lemovicensia (Limoges), duo: I, anno 1029; II, an. 1031.

Leodiense (Liegi ad Mosam), an. 1081.

Ligonensia (Langres), duo: I, an. 859; II, anno 1080.

Lugdunensia (Lyon), tredecim: I, an. 183; II, an. 197; III, an. 475; IV, anno 517; V, anno 567; VI, anno 581; VII, an. 583; VIII, anno 829; IX, anno 1033; X, anno 1080; XI, anno 1245; gen. XII, anno 1274; gen. XIII, an. 1449.

M

Matisconensia (de Mâcon ad Ararim fl.), quatuor: I, anno 581; II, an. 595; III, anno 624 aut 626; IV, anno 1286.

Mecliniensia (Malines) duo: I, anno 1570; II, an. 1607.

Mediolanensia sexdecim: I, an. 344; II, anno 347; III, anno 359; IV, an. 355, Ariariorum; V, an. 370; VI, anno 451; VII, anno 679; VIII, an. 1061; IX, an. 1287; X, anno 1291; XI, anno 1535; XII, an. 1569; XIII, an. 1873; XIV, anno 1576; XV, anno 1579; XVI,

an. 1582. Sex posteriora habita sunt præsidente S. Carolo Borromæo, qui undecim synodos diocesanas etiam celebravit.

Meldensia (Meaux), tria: I, anno 845; II, an. 1080; III, an. 1082.

Metensia (Gall. de Metz en Lorraine), octo; I, anno 590; II, anno 753; III, anno 835; IV, anno 859; V, anno 863; VI, anno 869; VII, anno 888; VIII, anno 1272.

Milevitanum (Milevi, Numidiæ urbe) ex PP. 61 contra Pelagianos, an. 416, quos, eorum causâ discussâ, detulerunt ad Innocentium I. Nullos in hoc concilio canones editos contra Pelagianos consentiunt jam fere eruditiores, ait Nat. Alex. sec. V, cap. 3, quemadmodum nec in Carthaginensi sub Aurelio antea, sed eodem an. 416 celebrato.

Moguntina viginti tria: I, anno 815; II, anno 829; III, anno 847; IV, anno 848; V, anno 852; VI, anno 857; VII, anno 888; VIII, anno 1025; IX, an. 1049; X, anno 1069; XI, anno 1071; XII, anno 1075; XIII, anno 1085; XIV, anno 1105; XV, anno 1131; XVI, anno 1261; XVII, anno 1310; XVIII, anno 1327; XIX, anno 1420; XX, anno 1425; XXI, anno 1459; XXII, anno 1441; XXIII, anno 1549.

Mosomensia (Mouson, in diocesi Rhemensi) duo: I, an. 948; II, an. 995.

Murittense (de Moret), anno 850.

N

Nannetensia (Gall. de Nantes en Bretagne), quinque: I, anno circiter 658; II, anno circiter 890; III, anno 1127; IV, circa annum 1145; V, an. 1264.

Narbonensia (Narbonne), novem: I, circa annum 252; II, anno 599; III, anno 788; IV, anno 940; V, anno 994; VI, anno 1226; VII, anno 1255; VIII, an. 1551; IX, anno 1609.

Nemausensia (Nîmes), quatuor: I, anno 389; II, anno 836; III, anno 897; IV, anno 1096.

Neocæsariense (Neocæsarea est metropolis Ponti Polemoniaci, Turcis nunc Nischar), paulò post Ancyrantum, et ante Nicænum, an. 314 vel 315 congregatum, cui cum 16 episcopis interfuit Basilius Amasæ episcopus, an. seg. sub Licinio passus. Extant hujus conc. canones 14, Græcis 15, decimo tertio, ut solet, in duos diviso.

Nivernense (Nevers ad Ligerim) anno 765.

Noviodunensia, seu Noviomensia (Gall. de Noyon en Picardie), quatuor: I, anno 314; II, anno 1017; III, anno 1271; IV, anno 1344.

P

Parisiensis triginta sex : I, anno 362; II, anno 555 circiter; III, anno 557; IV, anno 575; V, anno 577; VI, anno 614; VII, anno 824; VIII, anno 829; IX, anno 847; X, anno 849; XI, anno 1050; XII, anno 1073; XIII, an. 1092; XIV, anno 1145; XV, anno 1147; XVI, anno 1179; XVII, anno 1186; XVIII, anno 1187; XIX, anno 1196; XX, anno 1204; XXI, anno 1210; XXII, anno 1212; XXIII, anno 1225; XXIV, anno 1225; XXV, anno 1284; XXVI, anno 1290; XXVII, anno 1310; XXVIII, anno 1314; XXIX, anno 1323; XXX, anno 1329; XXXI, anno 1379; XXXII, anno 1394; XXXIII, anno 1593; XXXIV, anno 1428; XXXV, anno 1528 XXXVI, anno 1640.

Pictaviensis (de Poitiers), novem : I, an. 589; II, an. 590; III, an. 1002; IV, an. 1025; V, an. 1076; VI, an. 1078; VII, an. 1100; VIII, an. 1106; IX, anno 1117.

Pisana tria : I, anno 1154, contra Anacletum II, antipapam XXVII; II, anno 1409, ad tollendum schisma Gregorii XII et Benedicti XIII, à cardinalibus convocatum, in quo electus est 26 junii Alexander V, qui omnia in concilio gesta approbavit; unde est quòd ab eruditissimis multis concilium hoc Pisanum dicatur œcumenicum. Ei adfuerunt 300 episcopi et tres patriarchæ, Alexandrinus, Antiochenus et Jerusalemitanus. III concilium Pisanum, anno 1511, contra Julium II, verum à legitimum pontificem celebratum, et propter id ab Ecclesiâ reprobatum.

Placentinum (Placentiæ in Æmiliâ, Placenti), anno 1095, ex pluribus nationibus convocatum, et propter immensam confluentium multitudinem extra urbem in campo celebratum. Capitula 14 statuit adversus simoniacas et schismaticas ordinationes.

Pontigonense (Gall. Pont-Yon en Champagne), anno 876.

Q

Quintinopolitana (Gall. Saint-Quentin en Picardie,) quatuor : I, anno 1231; II, anno 1256; III, anno 1259; IV, anno 1271.

R

Ravennatensis (Ravenna Italiæ in Flaminia) quatuor præcipuè : I, à Joanne VIII, cum Petro Gradensi patriarchâ et aliis episcopis ferè 152, anno 877, statuit 19 canones de disciplinâ et immunitate. II, à Joanne IX, cum 74 episcopis, anno 904, præsentem Lambertum, qui in Italia

imperabat. Decem decretis constitutis abrogavit Acta Stephani contra Formosum, III, à Joanne XIII, cum Aquilenciensi patriarchâ 56 Italiæ episcopis, paucis è Germania admixtis; Otto imperator restitutionem urbis atque agri Ravennensis pontifici confirmavit. IV, sub Gregorio V et Ottone III, à Gerberto ejus urbis archiepiscopo, an. 997, tribus circa disciplinam canonibus editis.

Redonensis (Gall. de Rennes en Bretagne), duo : I, anno 1069; II, an. 1263.

Regiense (Gall. de Riez en Provence), anno 439.

Rhemensis (de Rheims), viginti septem ; I, anno 625 aut seq. ; II, an. 815; III, anno 879; IV, anno 895; V, an. 900; VI, anno 925; VII, an. 975; VIII, anno 991; IX, anno 995; X, anno 1049; XI, an. 1059; XII, anno 1085; XIII, anno 1092; XIV, anno 1094; XV, anno 1109; XVI, anno 1115; XVII, anno 1119; XVIII, anno 1131; XIX, anno 1140; XX, anno 1148; XXI, anno 1158; XXII, anno 1287; XXIII, anno 1365; XXIV, an. 1395; XXV, an. 1455; XXVI, anno 1464; XXVII, anno 1583.

Romana centum viginti duo numerantur à Labbæo, et Lateranensis (in ecclesiâ et palatio sancti Joannis in Laterano Romæ) novemdecim; quæ omnia enumerare longum foret; vide indicem conciliorum generalium. Non est omitendum à Benedicto XIII celebratum fuisse concilium Romanum anno 1725.

Rothomagensis (Gall. de Rouen de Normandie) octodecim : I, an. 692; II, anno 1050 circiter; III, anno 1072; IV, an. 1073; V, an. 1074; VI, anno 1092; VII, anno 1096; VIII, anno 1107; IX, an. 1118; X, anno 1119; XI, anno 1186; XII, anno 1188; XIII, anno 1279; XIV, anno 1299; XV, anno 1310; XVI, anno 1445; XVII, an. 1514; XVIII, anno 1581.

S

Sardicense (Sardica), anno 347, à Julio papâ I indictum. Ei præfuit per legatos; 370 adfuere episcopi partim Occidentales, partim Orientales; hi à prioribus reparaverunt se, et conciliabulum habuerunt Philippopoli in Thracia. Interea Occidentales sancti Athanasii innocentiam declarârunt, fidem Nicænam confirmârunt, canones circa ecclesiasticam disciplinam 20 condiderunt, jusque appellandi ad Romanum pontificem confirmârunt. Huic concilio præsentibus fuerunt S. Athanasius et Osius Cordubensis episcopus.

Salmuricensis (Gall. de Saumur ad Ligernum

quatuor : I, anno 1253 ; II, anno 1276 ; III anno 1294 ; IV, anno 1315.

Santonensia (de Saintes), sex : I, anno 563 ; II, anno 579 ; III, anno 1075 ; IV, anno 1080 ; V, anno 1089 ; VI, anno 1096.

Seleuciense, an. 359.

Sirmiensa plura.

Senonensia (de Sens), duodecim : I, anno 980 ; II, anno 1048 ; III, anno 1080 ; IV, anno 1127 ; V, anno 1140 ; VI, anno 1198 ; VII, anno 1252 ; VIII, anno 1310 ; IX, an. 1320 ; X, anno 1324 ; XI, anno 1528 ; XII, anno 1612.

Silvanectensia (de Senlis, propè Parisios), septem : I, anno 863 ; II, anno 875 ; III, anno 990 ; IV, anno 1310 ; V, anno 1317 ; VI, anno 1326 ; VII, anno 1402.

Suessionensia (de Soissons), duodecim : I, anno 744 aut præcedenti ; II, anno 853 ; III, anno 866 ; IV, anno 491 ; V, anno 1078 ; VI, anno 1092 ; VII, an. 1094 ; VIII, an. 1120 ; IX, anno 1157 ; X, anno 1155 ; XI, anno 1201 ; XII, anno 1456.

T

Tarraconensia (Tarragona), quinque : I, anno 516 ; II, anno 614 ; III, anno 1242 ; IV, anno 1279 ; V, an. 1631 ; aliud confirm. à Bened. XIII, 1732.

Turinense (Torino), post annum 401 et ante annum 417.

In Theodonis Villà (Gall. Thionville sur la Moselle), quatuor : I, an. 806 ; II, an. 821 ; III, anno 835 ; IV, anno 844.

Toletano (Toledo), viginti novem : I, anno 400 ; II, anno 405 ; III, anno 447 ; IV, anno 531 ; V, anno 539 ; VI, anno 597 ; VII, anno 610 ; VIII, an. 633 ; IX, anno 636 ; X, anno 638 ; XI, an. 646 ; XII, anno 653 ; XIII, an. 655 ; XIV, anno 656 ; XV, anno 675 ; XVI, anno 681 ; XV.I, anno 685 ; XVIII, anno 684 ; XIX, anno 688 ; XX, anno 693 ; XXI, an. 694 ; XXII, anno 701 ; XXIII, anno 747 ; XXIV, anno 1324 ; XXV, anno 1327 ; XXVI, anno 1339 ; XXVII, anno 1347 ; XXVIII, anno 1355 ; XXIX, anno 1475.

Tolosana (de Toulouse), quatuordecim : I, an. 829 ; II, anno 843 aut seq. ; III, an. 885 ; IV, an. 1056 ; V, an. 1068 ; VI, an. 1088 ; VII, an. 1090 ; VIII, an. 1110 ; IX, anno 1118 ; X, anno 1119 ; XI, anno 1228 ; XII, anno 1319 ; XIII, anno 1487 ; XIV, anno 1590.

Trevirensia (Treviri, archiepisc. et electora-

tus), septem : I, anno 586 ; II, anno 948 ; III, anno 1148 ; IV, anno 1238 ; V, anno 1423 ; VI, anno 1548 ; VII, anno 1549.

Tricassina, seu Trecensia (Gall. de Troyes en Champagne), sex : I, anno 867 ; II, anno 878 ; III, an. 1104 ; IV, an. 1107 ; V, an. 1115 ; VI, anno 1128.

Tullensia (de Toul, in Lotharingâ), tria : I, anno circiter 531 ; II, an. 859. dictum ad Saponarias ; III, anno 860, dictum ad Tuliacum.

Turonensia (Tours) sexdecim : I, anno 461 ; II, anno 567 ; III, anno 849 ; dicitur etiam Parisiense ; IV, anno 858 ; V, anno 895 ; VI, anno 1055 ; VII, an. 1039 ; VIII, an. 1096 ; IX, an. 1165 ; X, an. 1230 ; XI, an. 1236 ; XII, anno 1259 ; XIII, an. 1272 ; XIV, anno 1315 ; XV, anno 1510 ; XVI, anno 1583.

V

Valentinum Hispaniæ, anno 524, à 7 episcopis habitum Valentis canonis sex edidit.

Valentina in Gallis (Gall. de Valence en Dauphiné) sex : I, an. 374 ; II, anno 584 ; III, anno 835 ; IV, anno 890 ; V, anno 1100 ; VI, an. 1248.

Vasensia, seu Vasionensia (Vaison), duo : I, an. 442 ; II, anno 529.

Venetica (Vannes en Bretagne), duo : I, circa annum 465 ; II, anno 1456.

Vermeriensia (Gall. Verberie en Valais, de Soissons), quatuor : I, anno 752 ; II, anno 853 ; III, anno 863 ; IV, anno 869.

Vernonensia (Gall. Vernon, diocèse d'Evreux) duo : I, anno 755 ; II, anno 844.

Vezeliacense (Gall. de Vezelai, diocèse d'Autun), anno 1146.

Viennensia in Gallis (de Vienne en Dauphiné), septem : I, circa annum 477 ; II, anno 892 ; III, anno 1112 ; IV, anno 1119 ; V, anno 1289 ; VI, anno 1311 ; generale VII, anno 1338.

Viridunense (Gall. Verdun en Lorraine), an. 947.

Ultrajectense (Utrecht), anno 697.

« Quòd si ubi duo vel tres in nomine Domini congregantur, licet sibi ipsis relicti falli possint, continuò tamen in medio eorum sit Dominus, quantò magis ubi summus pontifex, cæterique primores ecclesiastici conveniunt, aut hæresibus pullulantibus occurrant et Demonicum agrum subortis expurgant zizaniis! Conc. Senonense an. 1528 celebratum.

PATRES ET DOCTORES.

A

Achaïæ presbyteri ii sunt, qui martyrii S. Andreae acta scriptis mandârunt primo seculo. Illic acta genuina aliis, aliis spuria sunt.

S. Ado Viennensis, natus in Vastino (le Gâtinais), versùs annum 800, educatus in monasterio Ferrariensi, postea electus abbas Prumiensis in diœcesi Trevirensi. Hinc Romam petiit, deinde Ravennam, postea Lugdunum, et à Rhemigio Lugdunensi archiepiscopo præpositus parochiæ S. Romani propè Viennam, anno 859, electus est et consecratus archiepiscopus Viennensis. Obiit circa annum 875. Inter ejus opera præcipua sunt Martyrologium, et Chronicon à mundo condito usque ad annum 875. Martyrologium Adonis post Rosweidum societatis Jesu iterùm edidit et illustravit D. Dominicus Georgi Romæ 1745.

Agobardus Lugdunensis archiepiscopus anno 859. Ejus opera in unum collecta et edita studio Stephani Baluzii 1666.

B. Albertus Magnus, Germanus natione, ordine Dominicanus, S. Thomæ magister, episcopus Ratisponensis, obiit anno 1280. Ejus opera 21 tomis in-folio continentur, typis impressa Lugdani, anno 1651.

Alcuinus Anglus, diaconus Eboracensis (York) à Carolo Magno vocatus, in Galliam venit versùs annum 790; ab eo pluribus abbatibus locupletatus, ibi floruit ad annum 804, quo obiit die Pentecostes 19 maii Turonibus (Tours).

Alexander Halensis, Anglus, ex ordine S. Francisci, magister S. Bonaventuræ, plura scripsit opera, ex quibus sola superest Summa Theologica. Obiit Parisiis 27 augusti 1245.

Algerus ex Leodiensi scholastico Cluniacensis monachus anno 1150. Post Lanfrancum et Guilmundum scripsit contra hæresim Berengarii libros tres, in quibus nonnulla correctione digna animadversa sunt. (Præterea libellum de Gratia et libero Arbitrio à P. Bernardo Pez divulgatum, ac librum tripartitum de Misericordiâ, Justitiâ, et de illis qui extra Ecclesiam, quem edidit Edmundus Martene.)

Amalarius Fortunatus Trevirensis archiepiscopus obiit anno 814, edito libro de sacro Baptismate, qui falsò attribuebatur Alcuino, donec verum auctorem indicavit Jacobus Sirmondus in notis ad Theodulphi Aurelianensis opera.

Contra verò Ludovici Pii jussu anno 827 conscripti libri quatuor de divinis Officiis, aliis Officiales dicti, qui Amalario episcopo Trevirensi tribuebantur, Amalli diaconi Metensis sunt, sive Amalarii; cùm liber de Ordine Antiphonarum sit auctoris qui à Ludovico Pio commissum scribit ad Gregorium IV pontificem, ad cujus tempora non pervenit Amalarius Trevirensis. Ejusdem Amalarii Metensis est fortè Forma Institutionis clericorum, et Sanctionum, in Aquisgranensi concilio probata anno 816.

S. Ambrosius, natus versùs 340, ordinatus die 7 decembris 374, archiepiscopus Mediolanensis, obiit anno 397, gloriosè pro fide catholice adversùs Arianos præcipuè et eximie perfunctus laboribus. De Ecclesiâ pulchrè loquitur libro de Salomone capite 4: « Etsi undarum fluctibus, aut procellis sæpè vexatur, nunquam potest sustinere naufragium, quia in arbore ejus, id est, cruce, Christus erigitur, in puppi Pater residet gubernator, pro-ram Paracletus servat Spiritus. »

Amphilochius Iconiensis in Lycæoniâ episcopus vivebat anno 592, ex Hieronymo de Script. Eccl. cap. 133. Opera illi à variis attributa, et Græcè, et Latine Parisiis edita sunt 1614. Homilia in S. Deiparam, et Simeonem, aliæque adscribuntur à quibusdam alteri Amphilochio episcopo Sidensi, qui interfuit Ephesino.

S. Anastasius, abbas, discipulus S. Maximi, pro defensione fidei contra Monothelitas multa passus est. Exul obiit 24 juli 664.

Anastasius Apocrisiarius, id est, Nuntius Ecclesiæ Romanæ, eadem fermè à Monothelitis passus est, quæ alter Anastasius mox laudatus. In quodam castello conclusus fuit anno 666.

Anastasius Bibliothecarius, abbas Romanus, floruit seculo IX. Interfuit concilio generali VIII, id est, cap. 4. Multa acta collegit contra Monothelitas: alia etiam scripsit, et præcipuè vitas RR. PP., et vixit sub pontificatu Joannis VIII, qui electus anno 872, obiit anno 882. Incertus est mortis Anastasii annus.

Anastasius Nicenus, circa annum 690.

Anastasius Sinalta, patriarcha Antiochenus, sive Theopolitanus, anno 561

S. Andreas Cretensis, natus Damasci, monachus Jerosolymitanus, à Theodoro patriar-

châ Jerosolymitano missus fuit ad concilium generale VI, anno 680, ubi strenuè se gessit adversus Monothelitas. Postea ordinatus fuit archiepiscopus Cretæ, et obiit, juxta quosdam, anno 720, juxta alios, 725. Ejus festum celebratur à Græcis 4 julii. Celebres sunt ejus Homiliæ.

Antegisus abbas Fontanellensis IV, libros Capitularium vulgavit 827, quos velut publicum legum Franciscarum codicem regiâ auctoritate probatum à Ludovico Pio, et à Carolo Calvo laudatum, probat Stephanus Baluzius in præfatione ad Capitularia.

S. Anselmus, natus circa annum 1033, ordini S. Benedicti in monasterio Becensis (Gallicè du Bec en Normandie) nomen dedit circa annum 1060. Prior Becensis, abbas S. Stephani Cadomensis (Caen) archiepiscopus Cantuariensis in Angliâ (Cantorbery) successivè electus fuit. Obiit anno 1109. Multa sunt, eaque eximia, S. Anselmi opera.

Anselmus Laudunensis Ecclesiæ scholasticus, convenientes ex SS. PP. sententias excerptis, totum vetus ac novum Testamentum interlineari et marginali glossâ illustravit, quæ cum Glossâ ordinariâ Hugonis à S. Caro, et Nicolai de Lyrâ, aliorumque addimentis edidit.

S. Antoninus, natus Florentiæ anno 1383, 16 annos natus sancti Dominici institutum amplexus, varisque decoratus in suo ordine dignitatibus, archiepiscopus Florentinus designatus fuit anno 1446. Obiit anno 1459; ab Adriano VI in numerum sanctorum relatus est anno 1528. Summam theologiam et historicam, aliisque opera scripsit.

S. Antonius, natus anno circiter 250, abbas Ægyptius, anachoretarum pater, obiit 356, ætatis 105. Vitam ejus scriptis commendavit S. Athanasius. Miro fuit S. Antonius contra Arianos ceterosque Ecclesiæ hostes zelo, ut constat ex his ejus verbis: « Schismaticorum quoque hæreticorum venena vitate, memumque circa eos odium consectamini, quia Christi sunt inimici; scitis ipsi quòd nullus mihi, nec pacificus quidem sermo cum eis aliquando fuerit, propter eorum pravam voluntatem, et pertinax contra Christum bellum. »

Antonius monachus, et abbas Ægyptius conscripsit libros duos Sententiarum, sive capitulum theologiarum de virtutibus et vitis, ex PP. collectorum; qui Loci Melissa, sive Favi inscribuntur. Ultimum è Patribus citat Joan-

nem Damascenum, ut videatur vixisse non diè post, seculo VIII, aut paulò post; quare alius est à S. Antonio vitæ monasticæ auctore.

S. Antonius de Paduâ, natus Ulissipone (Lisbonne) anno 1195, relicto instituto canonicorum regularium, quod amplexus fuerat, ordinem S. Francisci adhuc viventis ingressus est. Obiit Paduæ (unde cognomen accepit) 15 junii 1231, annos natus 36. Scriptis, sermonibus et frequentibus miraculis multos ad fidem et bonos mores convertit.

Aquila et Theodotion, ambo ex paganis Christiani, et postea Judæi, ob translata in Græcum Scripturam sacram veteris Testamenti celebres. Primus Synope in Ponto natus, versionem suam aggressus est circa annum 105. Alter circa annum 180. Accuratiores est Theodotion quàm Aquila. His adjungimus Symmachum genere Samaritanum, qui ad Judæos, deinde ad Ebionitas defecit; novam veteris Testamenti translationem Græcam condidit. Floruit circa annum 201.

Arnobius, Africanus philosophus, ex pagano Christianus, scripsit contra gentiles circa annum 304.

Arnobius Junior vixit seculo V, circa annum 460. Presbyter fuit. Quosdam opiniones discipulorum S. Augustini impugnavit, et presbyteris Massiliensibus se adjunxit.

S. Athanasius, intrepidus fidei defensor contra Arianos, aliosque sui temporis hæreticos, cum S. Alexandro patriarchâ Alexandrino, cujus erat diaconus, interfuit concilio Nicæno. Patriarcha Alexandrinus consecratus fuit circa 326. Obiit 2 mai 373, post confirmatam plurimis operibus Ecclesiæ doctrinam.

Athenagoras, Atheniensis, philosophus christianus, Apologiam pro Christianis circa annum 165 Græcè scriptam obtulit Imperatoribus.

S. Augustinus, natus Tagastæ an. 354, conversus an. 387, presbyter an. 391, episcopus an. 395, obiit an. 430, quo indictum fuit concilium Ephesinum, ad quod convocatus fuerat. Summi vir ingenii, et catholice fidei zelator indefessus, omnes hæreticos debellavit scriptis, sed præsertim Manichæos, Arianos, Donatistas, Pelagianos et Semipelagianos. Certa quedam sunt effata S. doctoris, quæ juniorum, imò et seniorum theologorum mentibus utinam essent altè infixæ! « Nolle, inquit libro de Utilitate credendi, Ecclesiæ primas dare, vel summæ impietatis est, vel præcipitis arrogantiæ. » Et libro contra Epistolam Manichæi: « Evangelio non credrem, nisi Eo-

eclesie catholice mo moveret auctoritas. Patrum nullus est, cujus opera sæpius uberiusque illustret Petavius, quam Augustinus, in his præsertim, quæ ad prædestinationem et gratiam, mortemque Christi pro omnibus, spectant. Vide ergo lib. 9 de Deo, tomum 3 et 5, seu quarti partem secundam.

Avitus (Sextus Alcinus Edictus) consecratus fuit post patrem suum Isidrium archiepiscopus Viennensis, sexto incunte seculo; nobilitate generis, vitæ sanctitate, doctrinâ celeberrimus. Præfuit concilio Epaonensi anno 517, et obiit anno 523.

B.

S. Barnabas, de quo in Actis Apostolorum, S. Pauli socius, Epistolam scripsit satis prolixam à Clemente Alexandrino, et aliis antiquis citatam. Ut genuinum S. Barnabæ opus nunc à nonnullis criticis existimatur.

S. Basilius (Magnus dictus) Cæsareæ in Cappadocia episcopus, anno 370, obiit anno 378. Plurima quæ ad nos pervenire tanti doctoris scripta summam pietatem, profundam scientiam, consummatissimam eloquentiam ostendunt. Pro veritate orthodoxâ firmissimus, graves toto vitæ suæ cursu lites exercuit cum Eunomianis, Sabellianis, Arianis aliisque hæreticis, à quibus multa passus est.

Basilius Seleuciensis anno 382.

Beda, cognomento Venerabilis, natus in Angliâ anno 672. Septennis puer commissus est curæ Benedictinorum, in quorum instituto crevit et consenuit. Obiit anno 735. Summam doctrinæ et pietatis post se famam reliquit. Extant plurima Venerabilis Bedæ scripta, inter quæ principem locum tenet Historia ecclesiastica gentis Anglorum à primo Julii Cæsaris in Britanniam adventum ad annum 731.

S. Benedictus abbas, Italus, natus Nursiæ in provinciâ Umbriæ circa annum 480. Româ, quò bonis litteris erudiendus missus erat, in eremum Sublacensem recessit anno 494. Relicto Sublaco, anno 528, montem Cassinum petiit, ubi circa annum 543 obiit. Scripsit Regulam monachorum, quorum caput, et veluti patriarcha in Occidente meritò dicitur.

Benedictus Levita anno 861.

S. Bernardinus Senensis, à frequentî urbis Senensis incolatu sic appellatus, ex ordine S. Francisci, obiit anno 1444, 20 maii, quo festum ejus colitur, 61 aut 65 ætatis anno. Sanctorum catalogo adscriptus est à Nicolao V anno 1450. Concionator fuit sermone potens opere.

S. Bernardus, primus Claravallensis abbas, natus est anno 1090, in castro Fontanis (Fontaine) propè Divionem. Obiit anno 1153, natus annos 63, post fundata in varis terræ regulis et provinciis 160 monasteria. Fuit S. Bernardus seculi sui decus singulare, paparum, episcoporum, regum, principum doctrinâ, sanctitate, miraculis quasi magister et oraculum, hæreticorum Abaelardi, Petri Brusii, et Henrici ejus discipuli quasi flagellum.

Berno Augiensis abbas ad annum 1014 ad 1045, diversus à Bernone Cluniacensi abbate I, qui Hincmari senioris auditor fuerat. Ejus est liber de Officio Missæ, sive de rebus Missæ officium pertinentibus.

Bibliotheca Patrum est collectio plurimorum operum à sanctis Patribus aliisque scriptoribus ecclesiasticis compositorum. Plures diversis temporibus profierunt ejusmodi Bibliothecæ. Omnium copiosissima edita est Lugduni anno 1677, viginti septem voluminibus in folio.

Bibliotheca Orientalis ex MSS. præcipuè Vaticanis edita est per clariss. Assemani.

Boetius (Anicius Manlius Torquatus Severinus) vir nobilis et doctus, post gestum consulatum anno 510, sub Theodorico Italiæ rege, ejus jussu in carcerem Papæ conjectus, capite damnatus fuit anno 524. Inter opera ejus philosophica celebres sunt de Consolatione philosophiæ libri quinque, solutâ et strictâ oratione scripti. Opus etiam theologicum vulgavit adversus Eutychen et Nestorium de duabus Naturis et unâ Personâ Christi, et aliud de Trinitate.

S. Bonaventura natus est in Etruriâ anno 1221. Ordinem fratrum Minorum ingressus anno 1245. Doctor Parisiensis anno 1255, totius ordinis sui minister generalis anno 1256, episcopus Albanensis et cardinalis anno 1272. Interfuit concilio œcumenico Lugdunensi II, anno 1274, sed paucis post primam sessionem diebus obiit 14 julii, à Sixto IV canonizatus anno 1482, à Sixto V, doctor Ecclesie declaratus anno 1588. S. Bonaventura fuit morum suavitate Deo hominibusque amabilis, et Luthero ipso teste, vir præstantissimus. Ejus operum octo tomi in-folio contentorum lectionem commendat Gerso, tanquam maximè idoneam, et menti illustrandæ, et cordi ad pietatem accendendæ.

S. Bonifacius Anglus, et Moguntinus archiepiscopus, à Frisili paganis casus anno 754. Epistolas scripsit ad Gregorium II et III et Zachariam pontifices, atque ad proceres Fran-

corum, quæ collectæ sunt à Nicolao Scario.

S. Bruno, patriâ Coloniensis, canonicus Rhemensis, et scholarum magister, sacrum Carthusianorum ordinem fundavit anno 1084. Obiit anno 1101, 6 octobris. In cœlitum album relatus à Leone X, anno 1514. Multa ei à quibusdam tribuebantur opera, quæ sancto Brunoni Astensi episcopo Signiensi vindicanda sunt. Duæ tantùm Epistolæ ex eremo Calabriae ab ipso scriptæ creduntur, una ad Radulfum Viridem, Ecclesiæ Rhemensis præpositum exhortatoria ad fugiendum mundum; altera ad suos majoris Carthusiæ incolæ.

Burchardus Vormaticensis episcopus magnum illud Canonum volumen edidit, collaborante sibi in hoc magistro suo Olberto abbate, ait Sigebertus in Chronico ad annum 1008, ut haberent juniores clerici ejus dioceseos, unde jura canonica, et præsertim Pœnitentiarum formas admodum confusas discerent, inquit idem Burchardus in Epist., Præfationis loco.

C

S. Cæsarius, primùm monachus et abbas Lirinenus, postea archiepiscopus Arelatensis anno 502, obiit anno 543 aut 544. Præfuit multis conciliis in Galliâ celebratis, et ipsi concilio Arausicano II (Orange). Fuit illustris pietate et doctriâ; appellatur à doctis Benedictinis in novâ suâ Historiâ Galliæ litterariâ *Augustinus Galliærum*, propter propugnatam ab ipso sancti Augustini doctrinam.

Caius, presbyter Romanus, vivebat sub pontificatu Victoris I et Zephrini, id est, desinente seculo II, et III ineunte. Plura opera scripsit, quorum aliqua tantùm supersunt fragmenta apud Eusebium et Photium.

Aliud fragmentum huic Caio tribuit in Antiquitatibus mediæ ævi Muratorius, qui primus illud protulit.

Canones apostolici, dicti vulgò Canones Apostolorum, 85 numerantur, sed 35 posteriores, peritorum omnium judicio, apocryphos esse certum est; nunquam enim ab Ecclesiâ Romanâ fuerunt recepti; et reverè canon 6, statuens pœnam depositionis aut excommunicationis in eos qui die sabbati jejunt, ab Ecclesiâ universalis usu abhorret; canon 85, à Scripturis canonicis (quibus falsò annumerat tertium librum Machabæorum) ablegat libros Judith, Tobiæ, Sapientiæ, Ecclesiasticæ, sicut et Epistolam S. Judæ, et Apocalypsim S. Joannis. Nunc critici cum Albaspinao, Cabassutio, etc., existimant 50 priores

non esse genuinum Apostolorum opus, sed tamen esse valdè antiquos agnoscunt, et collectos ex pluribus conciliis ante synodum Nicænam celebratis à viris apostolicis, Id est, ætatis Apostolorum supparibus.

Carolus Magnus, Franciæ rex anno 768, Romæ Occidentis imperator consecratus 23 dec. anni 800, obiit anno 814, 28 januarii, ætatis anno 72 nondùm completo. n tractatu de Incarnatione, ubi de cultu sacrarum imaginum, citantur libri Carolini, quos fatentur nunc omnes penè critici jussu Caroli Magni fuisse scriptos.

Cassianus. (Vide Joannes Cassianus.)

Cassiodorus (Magnus Aurelius Senator), natus in Lucaniâ circa annum 470, post gesta cum laude varia reipublicæ munia, consul creatus est anno 514. Seculo nuntium misit annos natus ferè septuaginta; monasterium in extremis Calabriae finibus à se ædificatum rexit; studio ac pietati vacans, in senectute bonè obiit anno ætatis plusquàm 93. (Præter Benedictum Garetium optimè de Cassiodorio meritis est Marcellio Maffæus ἐπιστολῆς, qui ejus Complexiones divulgavit, deque illius nominibus egregiam dissertationem conscripsit.)

S. Chromatius Aquileienseis, aliàs Romæ episcopus, quem sui temporis episcoporum doctissimum et sanctissimum vocat S. Hieron. Præf. in LL. Paralipp., Homilias aliquas scripsit circa annum 400, quarum tres cum fragmentis aliarum supersunt in Bibliothecâ PP. At Epistolæ sub nomine Chromatii et Heliodori ad Hieronymum, et hujus responsio, in quâ agitur de nativitate B. Virginis et de Martyrologio, quæ inter opera S. Hieronymi relatæ habentur, supposititiæ sunt, ut Baronius probat.

S. Chysostomus (Joannes), sic dictus ob eximiam et verè aream, quâ in publico perorabat, eloquentiam; natus est Antiochiæ circa annum 354. Diaconus Ecclesiæ Antiochenæ anno 381, presbyter anno 388, patriarcha Constantinopolitanus anno 398, obiit in exilio anno 407. In sancto Ecclesiæ doctore exquisita fuit rerum divinarum peritiâ, dicendi et scribendi summa facilitas; Judæos, gentiles, Arianos, etc., doctè admodum confutavit. (Vitam S. Joannis Chrysostomi omnibus numeris absolutam edidit in Actis sanctorum tom. 4 Sept. doctissimus Joannes Stillinghus. Ex Petavio plura erues ad Chrysostomi doctrinam pertinentia. Vide illum de Hier. Eccles. I. 2, c. 3; Dissert. Eccl., I 4, c. 3, § 4; de Pœnit. lib. 5

cap. 49, § 14; de Incarn. I. 16, c. 18, § 5. Edidit Græcè et Latine tomis 15 ejus opera Bernardus de Montfaucon Parisiis 1718, et ad codices MSS. emendavit.)

Clemens Alexandrinus, presbyter et scholæ Alexandriæ præfectus, obiit circa annum 220. Plura scripsit volumina, « plena inquit » S. Hier. de Scriptoribus, capite 8, eruditio- nis et eloquentiæ, tam de Scripturis divinis, « quàm de seculari literaturæ instrumento. »

S. Clemens I, papa IV, S. Pauli comes et adjutor, de quo ad Philippenses 4, v. 5, martyr occubuit an. 100, 15 novembris. Scripsit duas ad Corinthios Epistolas, quarum prima ferè integra ad nos pervenit; alterius unum superest fragmentum. Luculentum ex initio hujus secundæ epistolæ habetur divinitatis Christi argumentum, his verbis: « Fratres, ita nos sentire oportet de Jesu Christo tanquam de Deo, « tanquam de judice vivorum ac mortuorum. »

Constantinus Magnus, primus Imp. christianus, natus est anno 272, anno 306 imperator, anno 312 Crucis à cælo rutilantis aspectu roboratus, tyrannum Maxentium devicit, et primus tantæ victoriæ fructus fuit ejus conversio ad fidem. Anno 325, concilio Nicæno I præsens adfuit, ejusque decretorum semper fuit tenacissimus, licet Eusebii Nicomediensis artibus deceptus, ea quandoque fecerit quæ Ariani favere viderentur. Obiit anno 337, ætatis suæ 66. Multas scripsit orationes et epistolas.

Constitutiones apostolicæ non sunt opus Apostolorum, sed auctoris tertii aut quarti sæculi, qui se Clementem Apostolorum discipulum fabulè jactitat. Legendum opus Joan. Baptistæ Cotlerii Sorbonici, cui titulus: « SS. PP. qui temporibus apostolicis floruerant, Barnabæ, Clementis, Hermæ, Ignatii, « Polycarpi, Opera edita et inedita, vera et « supposititia, ex MSS. codicibus, cum versio- « nibus, notis et novis accessionibus in edit. « Antuerpiensi 1698. »

S. Cyprianus Carthaginensis à Cæcilio presbytero (cujus deinceps nomen assumpsit) ætate jam provecctâ baptizatus circa an. 246, presbyter circa finem anni 247, et episcopus Carthaginensis anno sequenti ordinatus est. Obiit martyr 14 sept. an. 258. Amiduè scripta Tertulliani magistri sui evolvebat, et ipse pluribus operibus, quæ S. Hieronymus vocat sole clariora, Ecclesiam ditavit.

S. Cypriani Opera edidit accuratè Jacobus Pamelius 1563. Eadem edita Amstelodami an.

1700, recognita et illustrata à Joanne Fræto, qui se Oroniensem episcopum dicit cum Annalibus Cyprianicis Joannis Pearsonii, et dissertationibus Cyprianicis Henrici Doyveili. Tandem edita Parisiis curâ Stephani Baluzii, et per Maurinum monachum absoluta 1726.

S. Cyrillus Alexandriæ natus, et ejusdem urbis patriarcha an. 412, obiit an. 444. Conc. Ephesino generali III, an. 431, præfuit nomine S. Celestini I papæ. Hæreticos omnes, Novatianos imprimis et Nestorianos, indefesso studio et mirabili successu impugnavit. Ejus Opera magno semper in pretio habere Catholicæ.

S. Cyrillus Jerosolymitanus, primùm catecheseon magister, deinde episcopus Jerosolymitanus an. 350, adfuit conc. Constantinopolitano generali II, an. 381. Editionem Græco-Latinam curavit Augustinus Toutée Maurinus Parisiis 1720. Inter ejus opera celebres sunt Catecheses mystagogicæ ab eo adhuc adolescente, et ex tempore Jerosolymis prolatae ad erudiendos tum accedentes ad baptismum, tum recens baptizatos; in his catholica doctrina de præsentia reali et substantiali corporis et sanguinis Christi in Eucharistiâ evidentè adstruitur; et inde est quòd novatores nostri eas Cyrillo abrogare nituntur: ipsi tribuendas apertè demonstrat ipse Casaubonus, Calvinista celebris.

D

Decretales seu epistolæ paparum trium priorum seculorum collectæ ab Isidoro Mercatore versùs finem VIII sæculi, nunc ab omnibus ferè criticis etiam catholicis rejiciuntur, tanquam suppositæ, nec unquam à pontificibus, quorum nomine inscribuntur, compositæ. Excipienda tamen est prima Epistola S. Clementis I papæ ad Corinthios, quæ ad nos usque pervenit cum fragmento secundæ.

Decretum Eugenii IV summi pontificis ad Armenos continet compendiosas instructiones datas Armenis circa Sacramenta et dogmata definita contra Eutychetem et Monothetitas, quorum erroribus antea adharrebant. Decr. Eugenii datum fuit in publicâ sessione synodali celebratâ in Ecclesiâ majori Florentiæ anno 1439, 25 decemb. Est et decretum aliud ejusdem papæ pro instructione Jacobitarum.

Didymus, Alexandriæ natus anno circiter 309, utriusque oculi usu quinquennis puer licet orbatus, in omni eruditionis genere excelluit: totam Scripturam commentariis, et dogmata

plurima in operibus suis exposuerat. Obiit nonagenarius circa finem seculi quarti. Paucissima ejus scripta supersunt. Discipulos habuit S. Hier. et Rufinum. Adversus omnes hæreticos, præsertim Arianos, validissimè disputavit.

S. Dionysius Alexandrinus, discipulus Origenis, presbyter factus, scholam catechisticam tenuit. Episcopus Alexandriae ordinatus anno 247, obiit circa annum 268. Vocatus ad synodum Antiochenam, per litteras sententiam suam indicavit de Paulo Samosateno, quem ne salutatione quidem dignatus est. Accusatus fuit apud S. Dionysium papam, quòd scribens adversus Sabellium, in errorem oppositum impigisset, dicendo Filium Dei esse creaturam; Litteris Apologeticis ab hoc errore se purgavit.

S. Dionysius Areopagita, id est, Areopagi senator, à S. Paulo Apostolo ad fidem conversus Athenis, circa annum 50 Christi. Utrùm in Gallias venerit; utrùm Parisiensis episcopus fuerit, et in Monte-Martyrum propè Parisios martyr obierit; utrùm auctor fuerit operum quæ sub ejus nomine vulgata sunt, ampla est disputandi scribendique materies. Sententia nunc communis Gallorum et Parisiensium est cum Sirmondo et Launoio, S. Dionysium Areopagitam esse omninò distinctum à S. Dionysio Parisiensi. Græco Latina editio operum, quæ sub ejus nomine recepta sunt, cum scholiis Maximi monachi, et Georgii Pachimeræ paraphrasi prodiit Antuerpiæ, 1634, studio Balthasaris Corderii è Soc. Jesu: cæterùm eos libros post Hypatium Ephesinum episcopum in collatione Constantinopoli inter Catholicos et Severianos habitâ anno 532, Cajetanus, et Valla, et Erasmus, et plurimi alii negant esse S. Dionysii, quòd nulla mentio eorum librorum fiat ab Eusebio, à S. Hieronymo, aliisque ante S. Gregorium M. seculo VI. Alias etiam addunt rationes, quibus defensores respondent cum Natali Alexandro et aliis. A Dionysio Alexandrino scripta fuisse quædam scholia in Areopagitæ opera testatur Maximus monachus, nisi Dionysium rhetorem confundit cum Alexandrino. Eundem à Cyrillo memorari Liberatus in Breviario, et à Chrysostomo dictum esse *Volucrum cæli* Anastasius Bibliothecarius annotavit. Prodiit anno 1603, Coloniae, Gerardi Vossii studio ad calcem tom. 3 Operum S. Ephrem, et Sermo S. Joannis Chrysi. antea parùm cognitus, in quo legitur ea verba quæ Anastasius memorat

Photius in Bibliothecâ ait se legisse librum Theodori Presbyteri, quo demonstrabat genuina esse opera S. Dionysii: Greg. M. Hom. 24 in Evang., hunc vocat antiquum et venerabilem Patrem.

Dionysius Carthusianus natione Germanus, diœcesis Leodiensis (Liège) obiit in Carthusiâ Ruræmundæ in Belgio (Ruremonde) anno 1471, ætatis 69, professionis 48, vir morum sanctitate et eruditione clarus; scripsit in omnes utriusque Testamenti et Magistri Sententiarum libros. Numero opusculorum parem ferè habuit neminem inter Latinos

*Dionysius Exiguus, à pusillâ corporis staturâ, sed doctrinâ et sanctitate magnus, natione Scythia, professione monachus, et abbas Romanus, obiit circa annum 550, aut aliquanto ultra, sed ante annum 556. Primus annos ab Incarnatione Christi supputavit. Opera ejus duo præcipua fuerunt: Codex canonum ecclesiasticorum, et Collectio decretorum pontificum Romanorum, à Siricio ad Anastasium II.

Diptycha erant tabulæ ecclesiasticæ continentes nomina præcipuè orthodoxorum episcoporum sive mortuorum, sive vivorum, quæ recitabantur inter Missarum solemnias. Tria Diptychorum genera distinguit card. Bona, I. 2 Rer. Litur. c. 12.

S. Dominicus, Hispanus, ex canonico regulari Ecclesiæ Oxomensis, ordinis FF. Prædicatorum auctor an. 1215, qui ordo approbatus fuit ab Honorio III, an. 1216. S. Dominici ingenium et virtus maximè enituit in refellendis Mahumetanorum et Albigenensium hæreticorum erroribus. Bononiæ obiit 4 Augusti anno 1221, et relatus in numerum sanctorum à Gregorio IX. De Scriptis S. Dom. vid. Nat. Alex.

E

Eligius, patriâ Lemovicensis, professione aurifaber, Dagoberto I, Francorum regi, familiaris, et postea Noviomensis (Noyon) episcopus anno 646, obiit circa annum 663. Alii aliter ejus annos computant; dicunt episcopum fuisse anno 640, et obiisse anno 659. Conciones quasdam et homilias ad populum habuit, quarum aliquæ supersunt.

Ennodius (Marcus Felix), episcopus Ticinensis ab anno 490 ad 521, libellum *Apologeticum* edidit pro Symmacho et quartâ synodo Romanâ sub eodem, contra schismaticos calumniatores. Liber is, scriptus anno 503, et approbatus in V synodo, laudatur sub nomine Symmachi. Epistolarum præterea libros novem scripsit,

et varia opuscula edita à doctissimo P. Sirmondo, et inserta tomo IX. Biblioth. PP. Ed. Lugd.

S. Ephrem, diaconus Edessensæ Ecclesiæ in Syriâ, obiit circa annum 378. In episcopum electus, statim in forum procurrat, et simulatâ dementiâ ordinationi se subtrahit. Hæreticos vehementer detestatus est, eorumque fraudes mirâ dexteritate sæpè detexit et refutavit. Ejus opera, quæ penè omnia ascetica sunt, tanto olim in honore habita fuerunt, ut post Scripturam sacram publicè in quibusdam Ecclesiis legerebantur. Editionem cum accuratissimâ versione operum S. Ephrem curarunt ab anno 1752, Petrus Benedicti soc. Jesu, tum D. Joseph Assemani.

S. Epiphanius, Salaminæ in Cypro episcopus circa an. 378, obiit circa annum 402, nonagenario major. Multa scripsit, sed præcipuè adversus hæreses octoginta. Panarium, insigne illud opus, veluti præsentissimum adversus omnes hæreses continet pharmacum: scripsit etiam Ancoratum, quod est veluti completa fidei expositio ad continendos in fide homines idonea, instar anchoræ.

Evagrius, Epiphaniæ, quæ est urbs Syriæ, natus circa an. 357, quadriennis grammaticorum scholas, postea Antiochiæ forum frequentavit: unde Scholasticus dictus est. Ejus mortis annus incertus. Scripsit Historiam ecclesiasticam sex libris contentam ab an. 431, quo damnata est hæresis Nestorii, usque ad annum 594.

S. Eucherius ex monacho Lirinensi factus est episcopus Lugdunensis anno 454; obiit circa an. 454. Antequàm in solitudinem secederet, matrimonium inierat, ex quo duos habuit filios, Salonium et Veranium, episcopatus dignitatem postea adeptos. Eximium et continuè lectione dignum opusculum composuit de Contemptu mundi. Sermones ejus eloquentissimi passim in Breviariis novis leguntur. Alium fuisse etiam Eucherium, Lugdunensem item episcopum, VI seculo quidam autumant, sed immeritò.

Eusebius, Emisenus in Syriâ episcopus, floruit anno 341, et obiit circa annum 360. Arianz fuit, juxta S. Hieronymum, signifer factionis. Scripsit multas, sed breves homilias, quæ tamen hætenus sub Eusebii Emiseni nomine vulgatæ sunt, non ipsi, sed partim S. Eucherio Lugdunensi, partim nonnullis aliis tribuendæ sunt.

Eusebius Pamphili, sic dictus ab aretissimâ ejus cum S. Pamphilo martyre amicitia; na-

tus circa an. 270, fuit episcopus Cæsariensis anno circiter 315; an. 325, interfuit conc. Nicæno, in quo ad imperatorem Constantinum panegyricum habuit. Obiit circa an. 340; multa scripsit opera (præsertim Historiam ecclesiasticam) per quæ de Ecclesiâ et eruditio omnibus benè meritus fuisset, nisi aliunde Ariani apertè favisset.

S. Eusebius, Vercellensis episcopus, natione Sardinus, missus est à Liberio papâ ad Constantium imperatorem tunc in Galliâ degentem an. 354, à quo obtinuit, ut episcoporum cœtus celebraretur. Obiit circa an. 370, et colitur ut martyr in Ecclesiâ Romanâ die 16 decembris, et reverè ab Ariani exilium, famem, sitim, verbera, allaque diversa supplicia perpassus est. Extant nonnullæ ejus Epistolæ, quæ robor apostolicum et religionem ejus sapiunt.

F

Faundus, Hermaniensis in Africa episcopus, floruit anno 540. Obiit post annum 550. Fuit acerrimus trium Capitulorum defensor, in quo sane erravit: nam ab universâ Ecclesiâ in concilio Constantinopolitano II generali V, damnata sunt anno 553.

Faustus ex Britannia Armorica orundus (Basse-Bretagne), presbyter et monachus Lirinensis, postea episcopus Regiensis (Riez en Provence), obiit ferè centenarius circa an. 484. Præsul pius et doctus, cujus testum celebratur die 16 Januarii in Ecclesiâ Regens. Lucidum Prædestinatum ab errore revocavit per epistolam, quam primo synodus Arelatensis undecim, deinde Lugdunensis 27 episcoporum, subscriptionibus suis confirmârunt. Harum synodorum impulsu scripsit libros de Gratia et libero Arbitrio. Faustum multi Semipelagianum fuisse credunt, imò aliqui cum malâ fide et pertinaci animo errasse dicunt.

Ferrandus diaconus Carthaginensis S. Fulgentii Ruspensis, cujus Vitam scripsit discipulus, claruit an. 553 usque ad 550, quo circiter mortuus esse creditur. Scripsit multas epistolas, et ex his aliquas in gratiam trium Capitulorum.

S. Flavianus patriarcha Constantinopolitanus consecratus an. 447, obiit an. 450, à Dioscoreo, Chrysaphio, aliisque Eutychianis plurimis affectus supplicis.

Floardus, Rhemensis canonicus, et Culmisiacensis parochus, deinde monachus, scripsit Chronicon ab anno 917, ad 966, quod mutilum ferè quatuor primis annis prodit

primum operâ Petri Pithæi, adjectâ aliquot annorum appendice. Scripsit et Historiam antistitum Rhenensium Ecclesiæ libris IV comprehensam ad an. 948, quæ Sirmondo primum curante typis mandata est. Plura eum scripsisse de Vitis Sanctorum metricè, testis est Joannes Bunderius, qui vivebat an. 1550. In Indice MSS. codicum Belgii, ap. Nat. Alex. sec. X, cap. 5, art. 39. Obiit an. 966.

Florus, Magister dictus, diaconus Lugdunensis, floruit an. 837. Præclarâ eruditione tantum sibi nomen comparavit, ut ab Ecclesiâ Lugdunensi electus sit ad refellendum Joannis Scoti Erigenæ errorem de Præscientiâ, et Prædest. et lib. Arbit. Scripsit de Actione Missarum : et Collectanea in S. Pauli Epistolâ juxta Sirmondum. Ignotus est mortis annus.

S. Franciscus Assisias natus an. 1182, circa an. 1210, ex Wadingo, ordinem Fratrum Minorum fundavit, approbatum postea in concilio Lateranensi IV, anno 1215. Obiit 4 octobris 1226; Sanctorum catalogo adscriptus est an. 1228, à Gregorio IX; ejus opera in unum volumen collecta sunt cum operibus S. Antonii de Paduâ.

Freculfus, monachus ord. S. Benedicti, deinde ep. Lexoviensis scripsit Chronicon à mundi exordio ad an. circiter 600 Christi. Obiit circa an. Ch. 850.

S. Fulbertus, Carnotensis (Chartres) episcopus ab anno circiter 1007 usque ad annum 1028, quo obiit. Præsul liberalibus artibus valdè excoltus, sanctitate et devotione erga beatam Virginem Mariam insignis.

S. Fulgentius natus est in Africâ circa an. 467; Ruspensis episcopus anno 508, obiit circa an. 533. Scripsit adversus Arianos, quorum invidiâ, jubente Thrasimundo rege Wandalarum, exul ejectus est in Sardiniam insulam, sed postea revocatus decreto Hilderici an. 523 à suis honorificè exceptus est. Vocatus etiam fuit seculi sui Augustinus, ob defensam S. doctoris adversus Semipelagianos doctrinam.

G

S. Gaudentius sancto Philastro in episcopatu Brixiensi successit, à S. Ambrosio ordinatus circa an. 387. An. 405 à synodo Romanâ et Honorio imperatore missus est cum aliis ad Arcadium imperatorem S. Chrysostomo subinfensus, ut eum pacatiorem redderet. Incertus est ejus mortis annus, qui fuit, se-

cundum aliquos, 410, secundum alios, 427. Scripsit vitam S. Philastrii, et multos sermones, seu tractatus de variis argumentis.

Gelasius Cyzicenus anno 475, et Gennadius Constantinopolitanus patriarcha anno 448.

Gennadius, Massiliensis presbyter, non autem episcopus, ut quidam censuerunt, vixit usque ad finem seculi quinti, et fortè nonnisi sequentis seculi initio obiit. De Scriptoribus ecclesiasticis librum unum, alium de Dogmatibus ecclesiasticis composuit. Sempelagianismi accusari solet.

S. Germanus, Antissiodorensis (Auxerre) episcopus floruit IV et V, sec. Anno 429, à Gallicanis episcopis missus est cum S. Lupo Trecenti episcopo in Angliam, ad refellendos, et convertendos Pelagianos. Iterùm postea ad Anglos eadem de causâ reversus, fidem orthodoxam miraculis confirmavit, et post absolutam missionem profectus in Italiam obiit Ravennæ, circa an. 448 31 julii.

S. Germanus, patriarcha Constantinopolitanus ab anno 715 ad annum 730, quo ab impio imp. Leone Isaurico Iconoclastâ à sede suâ pulsus est nonagenario major; vixisse tamen creditur usque ad annum circiter 740.

Gerso (vid. Joannes Gerso).

Gratanus, Italus Benedictinus floruit usque ad annum 1151. Decreta canonica collegit, et ea simul conciliare nititur. Inscrubitur ejus opus : Concordia discordantium canonum. Citatur semper sub nomine Decreti.

Goffridus Vindocinensis abbas, et cardinalis S. Priscæ ab Urbano II, vixit ad ann. 1150. Multa perpressus pro Romanâ Ecclesiâ; scripsit libros 5 Epistolarum, opuscula 8, sermones 51.

S. Gregorius M. vixit ad ann. 604. Ejus epistolarum Registrum, seu Regestum, constat XII libris. Heterodoxi, atque inprimis Jamesius in Vindiciis Gregorianis, aliquot ejus Epistolas ipsi abjudicant, ac præcipuè 54, l. 7, de Disciplinâ circa Lapsos, quam tamen erudit cum Nat. Alexand. ab antiquis temporibus interpolatam concedunt; 64, l. 7, et 10, l. 11, et 32, l. 12, quam etiam deformatam concedit Nat. Alex. apud quem vide responsiones Catholicorum. Privilegium S. Medardi multos habet impugnatores cum Launcio : alii tanquàm legitimum tuentur cum Roberto Quatrimario, et Joanne Mabillonio in Apologeticis contra Laurouium. Scripsit Moralia in Job, Librum Pastoralem, Homilias in Ezechielem et in Evangelia; libros Dialogorum con-

muni auctorum et codicum MSS. consensu, quidquid plures heterodoti, et nonnulli catholici dabitaverint. Commentarios in libros Regum, in 7 Psalm. penitenciales, in Cantica, negat esse S. Gregorii M. Nat. Alexan. in sec. VI, cap. IV et art. XVI, ubi de Antiphonario et Sacramentario, ejus novis deinde accessionibus aucto.

S. Gregorius, dictus Nazianzenus, quia natus est propè Nazianzum, et Nazianzenæ Ecclesiæ curam aliquandiu sublevandi patris sui illius urbis episcopi causâ suscepit, fuit episcopus Sazimorum in Cappadociâ, postea Constantinopolitanus electus, et confirmatus à concilio Constantinopolitano I, an. 381; quo tempore episcopatu se lubens potius causâ abdicavit, et in patriam suam reversus, in senectute bonâ quiescit circa an. 390, 9 maii, ætatis circiter 65. S. Basilio fuit amicitia conjunctissimus, omni scientiarum genere præcellens, in theologiâ summus: unde antonomasticè dicitur Theologus.

S. Gregorius Neocæsariensis, Thaumaturgus dictus à dono miraculorum, quo maximè pollebat, fuit Origenis discipulus circa an. 254, et, exacto sub tanto magistro quinquennio, Neocæsariensis episcopus ordinatus est. Septemdecim tantum Christianos intrans reperit, et moriens totidem tantum gentiles reliquit. Obiit circa an. 265.

S. Gregorius Nyssenus D. Basili Magni, S. Petri Sebastæ præsulis, sanctæ Macrinæ abbatissæ frater ipse sanctissimus, anno circiter 370, Nyssæ in Cappadociâ episcopus constitutus fuit. Ob fidem Nicænam acerrimè propugnata à Valente imp. Ariano in exilium missus, exul octo annos in variis locis erravit. Sedi suæ postea restitutus, anno 381 concil. II generali interfuit, et vixit usque ad an. 394. Vocatus est à VII synodo œcumenicâ Pater Patrum.

S. Gregorius Turonensis natus est apud Arvernos anno 644, ab avunculo Gallo episcopo Arvernensi (Clermont en Auvergne); bonis literis institutus, Turones petiit, ubi primum diaconus, deinde an. 575 archiep., tandem anno 585 obiit. Scripsit Historiæ sive Annalium Francorum libros 10 et alia quædam opera de miraculis plurimorum SS. martyrum, confessorum, et S. Martini.

H

Hiligerius Cameracensis episc. an. 825.

Haymo ep. Halberstadiensis circa an. 840.

Herardus Turonensis an. 859.

S. Hermas Pauli Apostoli discipulus, de quo mentio habetur c. 16 Epistolæ ad Romanos, versu 14, dicitur obiisse anno 82. Scripsit opuscula sub nomine Pastoris, quæ magno in pretio habita sunt primis Ecclesiæ temporibus.

Hesichius, sive Isicius episc. Salonitanus in Dalmatiâ, V sec. tempore Zozimi et S. Augustini, quorum extant ad eum epistolæ.

Hesychius, patriarcha Hierosolymitanus tempore Gregorii M., ut constat ex epist. 40, l.

Neuter videtur auctor septem librorum explanationum in Leviticum, sed intermedius quidam Hesychius, presbyter Hierosolymitanus, quem exente sec. V, probabilibus argumentis conjicit Labbeus scripsisse Græcè, licet opus à semibarbaro aliquo deinde versum sit, qui in quibusdam præcis codicibus presbyter Salonitanus dicitur.

S. Hieronymus natus est Stridone in confinio Dalmatiæ et Pannoniæ circa ann. 329. Presbyter an. 378, ordinatus à Paulino Antiocheno, obiit valde senex an. 420. Multos habuit variis temporibus, et in vario scientiarum genere magistros, Gregorium Theologum, Apollinarium Laodicensem, Paulinum Antiochenum, Didymum Alexandrinum. Varios hæreticos feliciter confutavit, in primis Vigilantium, Helvidium, Jovinianum, Luciferianos, Pelagianos, Origenistas. A S. Prospero dicitur Hebræo simul et Graeco, Latineque venustus eloquio, morum exemplum, mundique magister.

S. Hilarius Arelatensis, primùm Lirinensis monachus sub S. Honorato, tum ejusdem in Arelatensi episcopatu successor anno 429, obiit anno 454, juxta Morerium an. 449. S. Hilarium vivum S. Leo I papa graviter excepit, falsis contra eum accusationibus deceptus; sed re melius cognitâ, mortuum debitâ laudibus honoravit.

Hilarius, diaconus Ecclesiæ Romanæ, cum S. Eusebio Vercellensi aliisque ejectione in exilium anno 355, incidit in Luciferianum schisma, ac rebaptizantium hæresim, vocatus idcirco à S. Hieronymo Deucalion orbis. Videtur esse auctor Commentarii in omnes S. Pauli Epistolæ, quod inter opera S. Ambrosii habetur, et idcirco vocatur *Ambrosiaster*, id est pseudo-Ambrosius.

S. Hilarius, licus, scripsit Epistolam ad S. Aug. contra eos qui tanti doctoris doctrinam circa gratiam adversabantur. Falsè hujus Epistolæ

stolæ auctorem aliqui fecerunt S. Hilarium Arlatensem.

S. Hilarius, Pietaviensis episcopus ante an. 335; in exilium missus est an. 356, revocatus ab exilio an. 360, obiit circa an. 368. Ab omnibus SS. Patribus cœtaneis et recentioribus impensè laudatus est; à S. Hieronymo vocatur eloquentiæ Rhodanus. Ejus zelo conservata in Galliis fides catholica, Arianæ factionis adversarius constans, eam vivâ voce, scriptis, frequentibusque synodis debellavit.

Hincmarus, Benedictinus, Rhemensis archiep. an. 845, obiit anno 882. In pluribus conciliis contra Gothescalcum monachum (ordinis etiam S. Benedicti) Prædestinarianum, primas partes habuit. Plura scripsit edita Parisiis studio P. Sirmondi. Ipsius Epistolæ historiam ejus temporis, et utramque partem illustrant; plures habuit controversias cum Hincmaro Juniore ep. Laudunensi, cujus erat avunculus.

S. Hippolytus, S. Irenæi Lugdunensis discipulus, incertæ hucusque sedis episcopus, in Italiâ martyr obiit circa an. 250. Plura scripsit, quorum supersunt quedam fragmenta tantum cum Cyclo Paschali.

Honorius, Augustodunensis presbyter et scholasticus, floruit circa annum 1120. Inter opera plura scripsit seriem Romanorum pontificum à S. Petro ad Innoc. II, anno 1150 electum; dedit et Catalogum hærescon.

Hugo à S. Victore, aut Victorinus, natione Saxo, canonicus regularis in cœnobio S. Victoris Parisiensis, obiit circa an. 1140; cognominari solitus, *alter Augustinus*, vel *lingua Augustini*.

Hugo Carensis, sive de S. Caro Delphinus ex valle Barchinonensæ ad Elredunum, ex ord. S. Dominici omnium primus cardinalis factus ab Innoc. IV, circa medium seculi decimi tertii. Concordantias Bibliorum primus excogitavit, piæque obiit Lugduni, sepultus in templo FF. Prædic., an. 1262.

I

Idelphonsus (S.) ep. Toletanus ab an. 659 ad 667, scripsit lib. de Virginitate S. Marci, et serm. de S. Mariâ, quem Nierembergicus edidit. Reliqua opera sub ejus nomine Parisiis excusa pro supposititiis habet Joannes Poza.

Idiota diu incognitus mansit. Is est Raymondus Jordanus, primùm prepositus anno 1581, Ucetiensis (Ures) deinde abbas Cellensis. Sapientis illius Idiote operâ miram spirant pietatem.

S. Ignatius primam S. Petri discipulus,

deinde ejus in sede Antiochenâ post Evodiam successor an. 70 usque ad an. 107 aut 108, quo martyr obiit Romæ, sub Trajano. Septem epistolas ad Smyrnenses, ad S. Polycarpum, ad Ephesios, ad Magnesianos et Philadelphios, ad Trallenses, ad Romanos, tanquàm genuinum S. Ignatii opus agnoscunt eruditi. Ex iis epistolis multa fidei dogmata, imprimis Christi divinitas, ejus in Eucharistiâ præsentia realis mirè confirmantur, ex iis, inquam, non secundum vulgatas editiones, sed secundum editionem Usserii ex MSS. Anglicanis, et Vossii ex codice Mediceo. Usserius corruptelas omnes minis litteris distinguit à verbis S. Ignatii.

Joachim, abbas ordinis Cisterciensis, ex Calabriâ oriundus, floruit XII seculo, et ineunte XIII obiit. Ejus liber contra quasdam Magistri Sententiarum opiniones damnatus est in concilio Lateranensi IV; sed intacta fuit Joachimi persona, quia vivus opera sua judicio sedis Apostolicæ subjecerat.

Joannes Cassianus, natione Scythæ, in Bethleemico cœnobio educatus à pueritiâ et Ægypti monasteria peragravit, et cum SS. Patribus frequentia de rebus asceticis habuit colloquia, unde Collationes ejus prodierunt. Constantinopolim profectus, à S. Chrysostomo magistro suo diaconus ordinatus, ab Innoc. I presbyter factus, post captam ab Alarico Romam, Massiliam venit anno circiter 410. Duo monasteria ibi fundavit. Obiit an. 448, juxta Labærum, et juxta alios ann. 455. Multa opera tum ascetica tum polemica adversus Nestorianos composuit.

S. Joannes Climacus, sic dictus ab opere, cui Græcè titulus est Climax, seu Scala, obiit valde senex post transactos in monasterio Montis Sinai an. 60, circa finem seculi VI, et juxta alios anno 606.

S. Joannes, Damascenus à patriâ dictus, floruit seculo VII, sub cujus medio obiit. Pro cultu sacrarum imaginum strenuè decertavit contra imperatores Leonem Isauricum, Constantinum Copronymum et alios Iconoclastas. Multa opera theologica scripsit contra Eutyrianos et Nestorianos.

Joannes Duns Scotus. Vid. infra, Scotus.

Joannes Gerso, Gallus diocesis Rhemensis, natus an. 1565. Doctor Parisiensis an. 1592, et paulò post cancellarius Universitatis. Anno 1414, interfuit conc. Constantiensi legatus regis Galliarum et provinciarum Senonensis. Concilio finito, Parisios reverti prohibitus, Lugdunum se recepit, ubi reliquum vitæ tempus libris conscri-

bendis, et parvulis catechizandis in æde divi Pauli insumpsit. Obiit an. 1429, mense Julio, et in ecclesiâ S. Laurentii sepultus est. Mirâ fuit pietate affectus erga divum Josephum beatæ Virginis sponsum.

Jonas, Arelanensis episcopus, IX seculo inter episcopos celeberrimus, scripsit Apologeticum contra Claudium Taurinensem episcopum Iconoclastam. Obiit anno 845.

Josephus, genere Hebræus, dignitate sacerdos, claruit anno Christi 67, non solum apud suos, sed etiam apud Romanos, ita ut, referente Eusebio, in urbe Româ statuâ donaretur, ejusque libri propriâ manu Titî subscripti in Bibliothecâ publicâ fuerint collocati. Legitur præclarum de Jesu Christo testimonium, cap. 4, l. 18 Antiquitatum Judaicarum. An illud testimonium sit Josephi disputatur; longè probabilius est esse genuinum celeberrimi hujus historici factum. Obiit Josephus circa finem primi seculi.

S. Irenæus, S. Polycarpi primò discipulus, deinde Lugdunensis presbyter, ac tandem post S. Pothinum episcopus anno 178, obiit martyr paulò post annum 200, et fortè ante annum 202. Scripsit Græcè multa opera, præcipuè quinque libros adversus hæreses.

S. Isidorus, Hispanus, successit in episcopatu Hispaniâ S. Leandro fratri suo circa annum 595. Obiit anno 656, 5 aprilis. Præfuit pluribus conciliis, et ipsi Toletano IV nationali. Vocatur à conc. Toletano VIII Ecclesiæ catholice novissimum decus... et in seculorum sine doctissimus.

S. Isidorus Pelusiota ex vicinâ Pelusio urbe, dictus etiam Isidorus Presbyter, discipulus S. Chrysostomi, monachus sanctitate et eruditione insignis, claruit anno circiter 412, usque an. circiter 440. Supersunt auctoris illius bis mille et duodecim epistolæ, breves quidem, sed sacrâ eruditione refertæ.

Julianus Pomerius, in Mauritanâ Africæ natus, et Arelate in Galliâ presbyter ordinatus, exeunte seculo V, et VI ineunte floruit. Scripsit de Vitâ contemplativâ libros tres, qui S. Prospero tribuebantur olim, sed falsò.

Justinianus Imperator ab an. 527 usque ad 565, scripsit plurima ad rem ecclesiasticam spectantia; sævit adversus Nestorianos et Eutychianos. Indixit conc. V œcumenicum, in quo damnationem trium Capitalorum petiit et obtinuit. Notæ sunt etiam Institutiones Justiniani de Rebus civilibus.

S. Justinus, philosophus, ad fidem Christi

conversus circa an. 135, obiit martyr circa an. 165. Inter alia scripta duas apologias pro Christianis composuit, primam circa an. 140, alteram paulò ante mortem. In omnibus editionibus Apologia quæ primo loco ponitur, est reipsâ secunda; et ea quæ secundo loco ponitur, est reipsâ prima.

Juvenus, presbyter Hispanus, carmine Latino vitam Christi quatuor libris descripsit circa an. 350.

L.

Lactantius Firmianus, quem nonnulli sicut dictum aiunt à Firmo agri Piceni urbe, fuit Arnobii discipulus. Obiit valde senex circa ann. 325 aut 330. Ob singularem eloquentiam Cicero Christianus appellatur. Dicitur à S. Hieronymo, in superstitionibus gentium refellendis solidior, quàm in religionis christianæ dogmatibus confirmandis.

Lanfrancus natione Italus, ex monacho factus est prior Beccensis, postea abbas S. Stephani Cadomensis, et tandem Cantuariensis archiepiscopus, et Angliæ primas. Ab anno 1070 usque ad 1083, quo obiit, acerrimè disputavit contra Berengarium, eumque ita convicit, ut librum suum in ignem conjecerit. V. Indicem hæreticorum, v. Berengariani.

S. Leo pont. max. obiit an. 461; scripsit plures epistolas ac sermones, de quibus vid. Nat. Alex. aliosque ab eo citatos. Epistolam de chorepiscoporum privilegiis jamdudùm rejecerant Morinus ac Sirmondus. Legatur Josephus Antelmus in Dissertationibus criticis de veris operibus SS. PP. Leonis M. et Prosperi Aquitani, contra dissertationes Quésnellii in editione operum S. Leonis, quam ipse curavit.

Leo VI Orientis imperator, cognomento Sapientis, patre Basilio imper. sic jubente coronatus est à S. Ignatio patriarchâ Constantinopolitano coram Anastasio Bibliothecario an. 870. Post varia fortunæ discrimina, mortuo patre, potitus imperio invasorem Photium abiecit. Plura et eximia conscripsit opera, præcipuè orationes, et Epistolam insignem ad regem Saracenorum, de Veritate christianæ fidei, in quâ aperte docet processionem Spiritûs sancti à Patre et Filio.

Leontius Byzantinus, ex advocato monachus in Laurâ S. Sabæ propè Hierosolimam, floruit sec. VI, sub Justino Juniore et Tiberio. Scripsit librum de Sectis hæreticorum ac synodo Chalcedonensi, in X actiones distin-

ctum; tres libros adversus Eutychianos et Nestorianos; duos adversus fraudes Apollinarianarum; item Solutiones argumentorum Severi, etc.

Liberatus, Ecclesie Carthag. diaconus, unus de Africanis Trium Capitulorum defensoribus, libellum scripsit de Hæresi Nestorianâ et Eutychianâ, cui Breviarii nomen indidit, post annum 564. Lege Præfationem viri erudit. P. Garnerii, Soc. J. in Liberati Breviarii, quod emendatissimum edidit, et notis elegantibus illustravit.

Liber diurnus Rom. Pont., in lucem editus an. 1680, ex antiquissimo codice à P. Garnerio Soc. Jesu, cum notis et Dissert. is probat scriptum fuisse, Librum Diurnum, sec. VIII, sub annum 714.

Liturgiæ sunt Rituales libri auctoritate publica Ecclesiarum scripti, earumque usu comprobati, quibus preces et ritus ad consecrandam et administrandam Eucharistiam continentur. Plures vulgantur sub nomine sanctorum Petri, Matthæi et Marci, sed ostendunt critici non esse eorum opus genuinum. Liturgia S. Jacobi dicta, est illis antiquior, ejusque auctorem credunt S. Jacobum fratrem Domini, cardinales Bellarminus et Bona; excipiunt tamen quasdam orationes, quæ postea additæ fuerunt. Aliæ multæ sunt Liturgiæ, ut SS. Basilii Cæsariensis, Cyrilli Alexandrini, Gregorii Theologi, Chrysostomi, etc.

Lucianus, presbyter Antiochensis, in Scripturæ sacræ, cujus peculiarem editionem adornavit, studio versatissimus, pro fide christianâ martyr obiit sub Maximino, an. 312 ineunte. Accusatur à multis tanquam hæreseos Arianæ præcursor: huic accusationi locum dedere præcipui Arianismi fautores, qui S. Luciani fuerant discipuli. Ab hac labe eum excusat Baronius ad an. 314. Colitur ut martyr 16 januarii. Eximium illud de S. Luciano narratur, quòd carcere conclusus, cum propter vincula et plagas loco se movere non posset symbola Eucharistiæ supra pectus suum ab adstantibus conceptivis poni jusserit, et sic sacrificium peregerit, cui tum ipse, tum adstantes participaverunt.

Lucifer Calaritanus episcopus, an. 371 diem obiit. Scripsit autem libros duos pro Anastasio ad imp. Constantium, de regibus apostaticis, de non conveniendo cum hæreticis, aliaque quæ asperrimum in delinquentes zelum ostendunt. Colitur apud Sardos ut sanctus; cæterùm ab aliis schismatis reus habetur.

Lupus abbas Ferrariensis, sive S. Petri ad Ferrarias diocesis Senonensis discipulus Rabani Mauri, idemque cum Servato Lupo obiit circa an. 83. Extat ejus liber Epistolarum, sive de tribus Question., nimirùm de lib. Arbitr., de Prædest. honorum et malorum, et de Redemptione sanguinis Christi.

Luitprandus, ex Ticinensi diacono ep. Cremonensis sub Othone imp. sec. X, scripsit Rerum suo tempore gestarum lib. 5. Sextus liber ab alio additus. Liber de pontificum Rom. Gestis à S. Petro ad Formosum, qui sub ejus nomine unâ cum Anast. Bibliothecarii Pontificali, et Abbonis Floriacensis Epitome de Vitis eorumdem pontificum, operâ Joannis Buzæi prodiit, suspectus est Vossio, ac potius tribuitur monacho Germano sub annum 895.

M

Maximus (S.) abbas et martyr, celeberrimam habuit an. 645 disputationem cum Pyrrho Monothelita expatriarchâ Constantinopolitano. Post abscissionem manû et linguæ, obiit in exilo an. 662.

S. Maximus, Taurinensis episcopus (Torino) floruit V sec. Obiit valdè senex post an. 465; sed utrùm ad an. 470 pervenerit, aut etiam 476, ut aliqui credunt, incertum est. Plures egregiè et elegantè stylo homilias conscripsit, quarum nonnullæ diu SS. Ambrosio et Augustino sunt attributæ.

Melito, Sardensis episcopus (Sardi in Asia), an. 170 pro Christianis libellum apologeticum Antonino imperatori obtulit, ex quo quædam fragmenta Eusebius conservavit.

Metaphrastes. Vide Simeon.

Micrologi Liber est de ecclesiasticis Observationibus circa an. 1085 compositus, ut evincit Gregorii VII, et Anselmi Lucensis, velut hominum cœtaneorum mentio: quis auctor fuerit, non satis compertum. Bernoni Augiensi adscribit Claudius Spencæus. At Guidoni abbatu S. Crucis Avellanæ notarum muscarum repertori Possevinus, quos refellit Theophilus Raynaudus.

Minutus Felix, natione Afer, professione causidicus, Romæ floruit circa an. 220. Scripsit elegantem dialogum, cui nomen *Octavius*, inter paganum accusantem, et Christianum vindicem, patronumque Christianorum. In hoc dialogo gentium cultum, deorumque prospiciam ingeniosè sugillat.

Moschus (Joannes) sub initium sec. VII, auctor Prati spiritualis, ut constat ex epistola ad

Sophronium libro præfixâ, et ex Photio in Bibliothecâ, ubi hæc addit : « Multorum magnæ rursus virorum, res præclare gestas aggregavit, quas partim oculis ipse spectavit, partim recenti tunc editione didicit. Cæterum ex his omnibus industrius quisque, et Dei amans fructum capiens, nunquam hujus scripti nimiam prolixitatem accusabit. » Hic liber à VII synodo, act. 4, et à S. Joanne Damasceno Or. 4 de Imaginibus laudatur sub Sophronii Hierosolymorum archiep. nomine. Hujus erroris occasio fuit, quod Moschus Sophronio discipulo Pratum spirituale dedicaverit, quod testatur tum Epistola præfixa, tum Photius.

N

Nicephorus Callistus, monachus, floruit anno 1335. Scripsit Historiam ecclesiasticam ex præcedentium scriptorum monumentis, Eusebii scilicet, Socratis, Sozomeni, Theodoretii et Evagrii. Opus Nicephori cum delectu et acri judicio legendum monent viri eruditi, quia multas fabulas continet ex incertis et dubiæ fidei auctoribus collectas.

S. Nilus, primùm Constantinopolitanus gubernator, et B. Joannis Chrysost. discipulus, in deserto Sinai solitariam vitam elegit. A Photio vir *ditius* appellatur, multaque egregia volumina edidisse dicitur. Circa annum 420 mortuus est, ejusque memoriam colit Ecclesia die 12 novembris. Catalogum operum ejus vide ap. Labbæum de Script. eccl.

O

Odo (B.) Cluniacensis, musicus et archicantor ecclesiæ S. Martini Turonensis, postea monachus, ac Cluniacensis secundus abbas ab an. 927 usque ad annum 942, quo obiit Turonis, plura scripsit opera, quæ reperiuntur in Bibliothecâ Patrum.

Odo, Cameracensis, primùm scholasticus Aurelianensis, dein abbas S. Martini Tornacensis, demùm episcopus Cameracensis an. circiter 1105, obiit an. 1115, in monasterio Aquicinctino (Anchin) propè Duacum, quò secesserat post suam à sede Cameracensi expulsionem ab Henrico IV, imperatore, à quo investituram episcopalem accipere noluerat. Ejus opuscula habentur in Bibliothecâ Patrum.

Oecumenius vixisse dicitur post an. 1000; sunt tamen qui ad an. 800 aut 900 revocent. Magnam Novi Testamenti partem, ex Veterum scriptis, præcipuè S. Chrysostomi, cujus brevior est, clarè, dilucidè et concisè explica-

vit; unde vocatur sæpè Scholiastes Græcus.

S. Optatus, Milevitanus in Numidiâ episcopus, acerrimus Donatistarum impugnator, claruit circa an. 368. Scripsit contra Parmenianum Donatistam episcopum, de Schismate Donatarum libros septem, quibus totius schismatis originem et progressum aperit, schismaticorum fraudes ac mendacia refellit, doctrinamque Ecclesiæ tuetur non modestè minùs quàm doctè et acutè.

Ordo Romanus est liber de divinis Officiis et Ministeriis per totius anni circulum, scriptus circa an. 750; ejus auctor penitus ignoratur; non malè tamen conjicitur fuisse aliquem ex præcipuis Romanæ Ecclesiæ clericis.

Origenes, natus Alexandriæ circa an. 185, filius Leonidæ martyris, discipulus S. Clementis Alexandrini, ejusque successor in præfecturâ scholæ Alexandrinæ, presbyter ordinatus est anno ætatis suæ 42. Obiit circa an. 252. Celebris fuit Origenes doctrinâ, amore castitatis, fidei in carceribus et tormentis confessione; propter errores tamen benè multos qui in ejus libris legebantur, sive ab ipso conscripti, sive ab aliis inserti variis in locis, condemnatus est. Innumera scripsit volumina, quorum pars magna ad nos usque non pervenit; supersunt adhuc multa, inter quæ libri contra Celsum plurimi sunt.

Paulus Orosius Hispanus libros septem scripsit, quibus, ut ait Gennadius, penè totius mundi tempora (ab orbe condito ad annum Christi 417) calamitates, et miserias ac bellorum inquietudines replicans, ostendit magis christianæ observationis esse, quòd contra meritum suum res Romana adhuc duraret. Scripsit etiam Apologeticum contra Pelagianos de arbitrii libertate, aliisque quæ Nicolaus Antonius in Bibliothecâ Hispanâ vetere, et Fabricius Biblioth. mediæ et infimæ Latinit. ib. 14 fusè recensent.

Osius Cordubensis in Hispaniâ episcopus, præfuit concilio Nicæno, an. 325, nomine S. Sylvestri papæ. Vocatus est pater episcoporum et conciliorum, quibus benè multis præfuerat. Annos 100, natus exilio, ærumnis, plagis et mortis meta lapsus est, et Sirmiensi secundæ formulæ Arianae subscripsit; sed instante morte, ait S. Athanasius, in Ep. ad solitarios, vim sibi illatam quasi Testamento declaravit, et Arianam hæresim anathemate feriit.

Otho Frisingensis Leopoldi marchionis Au-

strisæ filius, Conradi III, imperatoris frater, monachus Cisterciensis, abbas Morimundensis, deinde episcopus Frisingensis, sanctissimè obiit in monasterio Morimundensi an. 1158. Scripsit *Chronicorum libros septem* ab initio mundi ad sua usque tempora, id est, ad annum 1146.

P

Papias (B.) Hierapolitanus episcopus in Phrygiâ, S. Joannis Apostoli discipulus, et S. Polycarpi sodalis, ex malè intellectis Scripturæ quibusdam textibus finxit mille annorum regnum, in quo beati post resurrectionem corporum cum Christo corporaliter regnarent.

Paschasius, diaconus Ecclesiæ Romanæ, floruit ab anno 492 ad 512. Olim ipsi tribuebantur lectissimi et luculenti libri de Spiritu sancto, quos eruditi critici nunc tribuunt Fausto Regiensi.

Paschasius Radbertus Gallus, natus est circa annum 786. Monasticum habitum induit in monasterio Corbeïensi, cui præfectus est anno 811. Copiosè scripsit de veritate corporis et sanguinis Domini in Eucharistiâ. Obiit anno 851, 26 aprilis. Alibi demonstratur non potuisse Paschasium introducere novum de præsentia realii dogma, ut fingunt Albertinus, Claudius, Laroquanus, Basnagius et alii ministri Calvinistæ.

S. Pacianus, episcopus Barcinonensis (Barcelona), floruit circa annum 370. Obiit admodum senex sub Theodosio versûs annum 390. Nonnulla scripsit opuscula de Baptismo, ad pœnitentiam Parænesim, id est, exhortationem. Inter ejus opera maximè commendantur Epistolæ contra Novatianos; ob castitatem et eloquentiam à S. Hieronymo collaudatur.

S. Paulinus Nolanus, patriâ Burdigalensis, natus circa annum 354, presbyter an. 393, Nolæ in Campaniâ episcopus circa annum 410, obiit an. 431, 22 junii. Clarissimorum sui temporis virorum, scilicet Ambrosii, Augustini, Hieronymi, etc., elogiis, præcipuè ob insignem in pauperes misericordiam, nobilitatus est.

Petrus Blesensis (Blois) floruit ab anno 1160 ad 1200. Ex canonico Bituricensi, Bathoniensis in Angliâ, postea Londinensis archidiaconus et archiepiscopi Cantuariensis cancellarius, et ipsius regis procancellarius, Alexandri III pape nomine ad Sultanum Iconii scripsit epistolam de Institutione fidei:

Petrus Cluniacensis abbas, qui et Petrus Venerabilis an. 1123.

Petrus Comestor, sive Manducator, decanus primùm S. Petri Trecentis, deinde Parisiensis Ecclesiæ, et Academiæ cancellarius, ac tandem ap. S. Victorem canonicus regularis, qui auctor Historiæ Scholasticæ, sive enarrationis historicorum voluminum S. Scripturæ fuit, Gratiani et Petri Lombardi temporibus, iis tamen junior, sive sub finem sec. XII.

S. Petrus, Chrysologus ob eloquentiam dictus, episcopus Ravennæ in Italiâ ordinatus paulò post annum 430, obiit circa annum 450. Multi supersunt sermones ejus, et brevis, sed luculenta ad Eutychem hæresiarcham Epistola.

S. Petrus Damiani (sic dictus à Damiano fratre suo, quem semper patris loco veneratus est) ex monacho Benedictino episcopus Ostiensis, et cardinalis, multis pro Ecclesiâ Romanâ et cleri reformatione legationibus, ac laboribus perfunctus, gloriosè obiit anno 1072, ætatis 66, præclaram virtutis ac doctrinæ famam consecutus.

Petrus, natione Lombardus, vulgò dictus Magister Sententiarum, floruit ab anno 1141. Episcopus Parisiensis anno 1159 creatus est. Obiit anno 1164, 20 julii. Sententiarum libros quatuor commentariis illustrârunt postea innumerabiles theologi.

S. Philastrius, Brixiensis episcopus, obiit circa annum 390. S. Ambrosio maximè familiaris fuit. Scripsit librum de Hæresibus, qui catholicæ veritatis amorem undequaque spirat. Auxentio Mediolanensi Arianorum duci animosè restitit invictus fidei Nicænæ defensor.

Philo, Judæus Alexandrinus, de genere sacerdotali, claruit anno 40. Variam ac multiplicem sacrorum voluminum expositionem edidit; sed, relicto literali sensu, allegoricum præcipuè sectatus est.

Photius S. Tharasiî patriarchæ Constantinopolitani ex sorore nepos, schismatis quidem auctor fuit, sed doctrinâ claruit non vulgari. Bibliothecam inprimis reliquit, quâ libros à se lectos recensuit, censorum de iisdem judicium tulit, multorum excerpta et fragmenta transmisit ad posteros: opus hoc scripsit, cum legatus in Assyriâ esset. Ipsum Græcè et Latinè edidit Andreas Schottus Soc. Jesu. Composuit Nomocanonem ex canonibus apostolicis et conciliorum collatis cum legibus imperatorum Romanorum. Scripsit Epitomen conciliorum

œcumenicorum, tractatum de Voluntatibus in Christo, dissertationes de Divinitate et Incarnatione Christi ab Henrico Canisio tom. 5 Antiquæ lectionis editas; Commentarium in Epistolas Pauli, ex quo multa in Catenam suam derivavit Œcumenius, ut Andreas Schottus in præf. observat. Epistolas scripsit 248, quas è MSS. cod. Bodlejano cum auctario quinque aliarum ejusdem de Rebus in Jure Orientalium dubiis, edidit Richardus Montacutus ex Protestantibus; Sermonem ejusdem in Nativitatem B. Mariæ edidit Combefisius tom. 1 auctarii Bibliothecæ PP. Græco Latinæ. Inter Photii Epistolas eminet, quam scripsit ad Michaëlem Bulgarorum regem de Officio principis.

S. Phæbadius, Aginnensis episcopus in Gallia, anno 359 interfuit concilio Ariminensi, ubi pro fide Nicenâ egregiè decertavit. Præfuit anno 384 concilio Cæsar-Augustano contra Priscillianistas. Vivebat adhuc anno 392, quo S. Hieronymus texebat Catalogum scriptorum ecclesiasticorum, in quo capite 108, hæc leguntur: « Phæbadius, Aginni Galliarum episcopus, edidit contra Arianos librum; vivit usque hodie decrepitâ senectute. »

S. Polycarpus, à S. Joanne magistro suo Smyrnenis episcopus creatus. Valdè probabiliter conjicitur eum esse *angelum Smyræ*, de quo tam præclara habet S. Joannes Apocalypsis capite 2. Sexaginta et amplius annos Smyrnensem Ecclesiam rexisse S. Polycarpum certum est; at quo anno martyr S. obierit non planè constat. Alii cum Eusebio dicunt obisse anno 167, alii 169, alii 175, quidam verò 147.

S. Prosper, patriâ Aquitanus, non episcopus, ut diu creditum est, sed laicus, et aliquandiu S. Leonis I papæ ab epistolis, seu secretarius, obiit circa annum 460. Multa edidit opera contra Pelagianos, tum strictâ, tum solutâ oratione. Doctrinæ S. Augustini addictissimus fuit, et ad S. præsumem scripsit contra Gallos qui S. doctoris circa gratiam et prædestinationem sententiæ adversabantur.

Prudentius Hispanus, poeta, laicus, natus Cæsar-Augustæ circa annum 348, floruit ab anno 405, usque ad obitum, cujus annus ignoratur. Supersunt ejus opera poetica plurima, inter quæ principem locum tenet liber de Coronis, in quo plurimorum martyrum describit certamina et victorias. Est alius Prudentius Tricassinus, cujus nuper Trombellius edidit Florilegium ex sacrâ Scripturâ, anecdot. p. 2-

R

Rabanus Maurus, Alcuini discipulus, monachus et postea abbas Fuldensis, tandem Moguntinus archiepiscopus anno 877, anno sequenti collectâ Moguntia synodo, Gothescalcum præsentem invictis argumentis confutatum ad Hincmarum Rhemensem carceri includendum remisit; ejusdem errores paulò post variis opusculis strenuè oppugnavit. Obiit vir sanctissimus et doctissimus anno 886, 4 februarii.

Ratramnus, Corbeiensis monachus, postea abbas Orbacensis, obiit versùs annum 870. Scripsit librum de Corpore et Sanguine Domini adversùs Paschasium Radbertum; sed in eo non negat præsentiam realem corporis Christi in Eucharistiâ, ut fusiùs demonstrari solet in tractatu de Eucharistiâ. Ratramnus fuit ex iis qui errore facti personæ Gothescalci faverunt, non autem ejus erroribus. Jussu episcoporum Gallicanorum respondit objectionibus Græcorum missis à Nicolao I anno 867 ad dictos episcopos.

Raymundus Lullus, de quo ingens apud criticos est controversia, obisse dicitur anno ætatis 80, anno 1315.

S. Raymundus de Pennafort, Barcinone natus, annorum 45, ordinem FF. Prædicatorum ingressus, scripsit Summam casuum conscientia, quæ solent in foro poenitentia occurrere, magnæ doctrinæ atque auctoritatis, et tam confessariis quàm confitentibus valdè utilem ac necessariam, inquit Clemens VIII, in bullâ canoniz. Scriptam antequam Romam à Gregorio IX vocaretur, ex veteri MS, probat Diago ap. Nat. Alex, qui ex aliis monumentis putat colligi eam fuisse scriptam aut perpolitam Romæ post decretales Greg. IX, quas trium annorum spatio collegit. Addit scripsisse de Ratione visitandæ dioceseos, Modum justè negotiandi pro mercatoribus, denique de Bello ac Duello. Obiit anno ætatis penè 100, Ch. 1275.

Regino Prumiensis in diocesi Trevirensi, abbas electus an. 945, verum potentia æmiorum dejectus. Edidit Chronicon in duos libros distinctum ab Adventu Domini ad an. 908. Appendix pertingit ad an. 967. Ejus tractatus de Disciplinis ecclesiasticis ac Religione christianâ jussu Ratbodi Trevirensis archiepiscopi exaratus, atque in 90 fermè capitula divisus, teste Trithemio, collectio est canonum.

S. Remigius, Lugdunensis archiepiscopus

ordinatus anno 853, præfuit concilio III Valentiniano anno 853, et variis episcoporum conventibus, Tullensi, Lingonensi; obiit 28 octobris, anno 875. Nominè Ecclesiæ Lugdunensis respondisse fertur tribus epistolis, quas Hincmarus, Pardulus Laudunensis, et Rabanus miserant ad Amolonem, cui Remigius successerat; aliudque opus scripsisse contra Capitula Carisiaca (de Querzi) quibus confirmatur damnatio Gothescalci; verùm hos libros nec Ecclesiæ Lugd. nec B. Remigio tribuendos esse satis perspicuè contendunt duo auctores moderni, Honoratus scilicet à S. Mariâ Carmelita discalceatus eruditissimus, et Joannes B. Duchesne S. Jesu in libro Gallico, cui titulus *le Prædestinatianisme*.

S. Remigius Rhemensis, in pago Laudunensi quasi miraculosè ex vetulis jam parentibus natus anno 471, 22 ætatis suæ anno, Rhemensis episcopus constitutus est; Clodovæum Francorum regem ad fidem conversum baptizavit ipsâ nocte Natalis Domini, an. 496. Obiit anno ætatis 96, episcopatus 74.

Richardus S. Victoris, natione Scotus, monasterii Victorini Parisiensis canonicus regularis, obiit anno 1173; vir, inquit Sixtus Senensis, honestate conversationis, et eruditionis doctrinâ conspicuus; scripsit præcipuè de asceticis.

Robertus de Sorbonâ à natali vico (Sorbon) dictus, S. Ludovici Galliæ regis pœnitentiarius, aut saltem sacellanus, canonicus primùm Suessionensis, deinde Parisiensis, florebat anno 1252, quo collegii Sorbonicæ fundamenta jecit. Obiit circa annum 1275.

Rufinus, Aquileiensis presbyter, S. Hieronymi primùm amicus, deinde adversarius, Origenis apologista, varios Græcorum libros Latinè transtulit, nempe Josephi Antiquitates Judaicas, Bellum Judaicum, et duos libros contra Appionem, Historiam Eusebii, Recognitiones S. Clementis, etc. Scripsit etiam ipse plura opera.

Rupertus abbas Tuitiensis in diœcesi Coloniensi, obiit 1135. Plurimum operum auctor, in quibus sunt Commentariorum de sanctissimâ Trinitate et operibus ejus libri 12; de Victoriâ Verbi Dei libri 13; de divinis Officiis libri 12, de quorum auctoritate diu est dubitatum; præterea in multis S. Scripturæ libros Commentaria. Notatur quòd circa mysterium Eucharistiæ non rectè scripserit, significans panem assumi à Verbo divino, quemadmodum assumpta est humanitas.

S

Salvianus, Massiliensis presbyter (non verò episcopus, ut aliquando creditum est), claruit ab an. 440 usque ad annum 495, ante quem non obiit. Eximia sunt ejus opera de Providentiâ Dei, et adversus avaritiam.

Scotus (Joannes Duns Hibernus) ex ordine S. Francisci, doctor Paris., Subtilis dictus. Immaculatæ conceptionis beatissimæ Virginis defensor inclutus, floruit maximè XIV seculo. Obiit Coloniae, die 8 novemb., anno 1308, natus annos 43, aut secundùm alios 34 tantùm; tam brevi spatio innumera ferè ingenii sui monumenta reliquit. Non est confundendus doctor Subtilis cum altero Joanne Scoto Erigenâ sen Hiberno, qui IX seculo vixit, et cujus scripta crassis ac fœdis scatent erroribus.

Sedulius presbyter in Italiâ philosophiam et poesim didicisse legitur, in Achaïâ de Jesu Ch. scripsisse. Extat Paschale Carmen de Christi miraculis, et Paschale opus solutâ oratione circa an. Ch. 450. Utriusque operis meminit cum laude Gelasius papa in Can. *Sancta Romana*, dist. 5; sunt et alia ejusdem carmina tomo 8 Bibliothecæ PP. Parisiensis 1624. Aliud opus Collectionum contendit Labæus ipsius fuisse, sed Collectaneum, seu expositionem in omnes Ep. Pauli, esse alterius Sedulii episcopi Scoti, qui post. an. 700 vixit.

Severus Sulpitius, presbyter Agninnensis SS. Phæbadio, Augustino, Hieronymo, Paulino familiaris, S. Martini discipulus, cujus vitam scripsit, Historiam sacram composuit, eamque ab initio mundi ad annum 400 perduxit, quo maximè tempore floruit. Sub finem vitæ à Pelagianis deceptus est, sed culpam agnoscens, quam loquendo contraxerat, silentio expiavit.

Sidonius Apollinaris natus est Lugduni anno 435. Variis in seculo præfecturæ et senatoriæ dignitatis perfunctus honoribus, anno 472 episcopus Arvernorum (Clermont en Auvergne) consecratus est. Obiit circa an. 487, vir in divinis Scripturis doctus, et in disciplinis secularium litterarum suo tempore omnium opinione eruditissimus. Scripsit tam metro quam solutâ oratione multa præclara opuscula.

Simeon Metaphrastes floruit ab anno 950, aut ulterius, præsertim sub Constantino Porphyrogenito; fuit imperatoribus à secretis et intimis consiliis, ac summus logotheta. Scripsit Vitas sanctorum, ut Bellarminus quidem scrihit, « Multis additis ex proprio ingenio, non ut res gestæ fuerunt, sed ut geri potue-

erunt; addit multa colloquia, sive dialogos et martyrum cum persecutoribus, aliquas etiam conversiones adstantium paganorum in tanto numero, ut incredibiles videantur; denique miracula plurima et maxima, in eversione templorum et idolorum, et in occisione persecutorum, quorum nulla est mentio apud veteres historicos. Dispicet hæc censura Bollando in præf. generali ad Vitas SS. § 5. Asserit gratis dici colloquia conficta, etsi fortè explicatiùs proposita, eam tot tantæque provincie tantillo tempore ad Christum conversæ sint, id factum non esse sine magnis miraculis.

Stephanus Edvensis, sive Augustodunensis episcopus an. 4112.

Strabus Walafridus, abbatie Fuldensis monachus, et deinde abbas Divitis, seu Majoris Augie ad Rhenum ex Rabani Mauri operibus librorum sacrorum expositionem decerpit, atque ex illis, aliisque nonnullis circa annum 840 Glossam composuit, quæ *Ordnaria* dicitur, et *Magistralis*; quæ à posterioribus deinde aucta et ornata est, præcipuè ab Anselmo Laudunensi, adjectis PP. sententiis. Alteri quidem Strabo Fuldensi monacho hoc opus adscribit Trithemius, Sixtus Senensis, Possevinus, Bellarminus; Canisius tamen et Vossius Fuldensem Strabum eundem faciunt cum hoc Strabo Augensi abbate. Scripsit etiam librum de Divinis Officiis, sive Exordiis re. ecclesiasticarum.

Socrates natus Constantinopoli circa annum 380, Historiam Ecclesie scripsit, eamque à Constantini imperatoris primordiis usque ad annum 439 perduxit; accuratum esse hoc opus animadvertit Valesius. Novatianus paulò faventior fuit Socrates, sed eorum dogmati non consensit.

Sophronius episc. Hierosolymitanus an. 656.

Sozomenus, patriâ Palestinus, professione causidicus, Historiam ecclesiasticam elaboravit, annos 115 complectentem, ab anno 324 ad annum 440, quo eam dedicavit Theodosio Juniori. Vincit Socratem cœvum historicum sermonis elegantia, sed à Socrate vincitur iudicii maturitate.

Symmachus. Vide v. *Aquila*.

T.

Tertullianus (Quintus Septimus Florens) Africanus Carthaginensis natus ex ethnicis parentibus paulò post medium II seculi, ad fidem conversus circa annum 185, presbyter factus circa 192, speciosis Montanistarum je-

junis et vigiliis deceptus, illorum sectam amplexus est. Obiit valdè senex circa annum 220. Multa scripsit opera sale et acumine plena; ejus Apologeticus adversus gentes, et liber de Præscriptionibus hæreticorum singularem laudem merentur. (Vid. Præscriptiones t. I Theol.)

Theodoretus, natione Syrus, natus est circa annum 386. Cyri episcopus creatus anno circiter 420, obiit anno 457, aut 458, septuagenario major. Fuit condiscipulus Joannis Antiocheni et Nestorii; S. Cyrilli Anathematismos tanquam hæreses impugnavit, concilio Ephesino noluit vocatus interesse, sed cum Joanne patriarchâ Antiocheno aliisque Orientalibus episcopis in consensum clandestinum abiit. In Chalcedonensi concilio tandem anathema dixit clarè Nestorio; nec aliâ conditione à Patribus concilii potuit suscipi: ejus tamen scripta adversus Cyrillum damnata sunt in concilio V generali. Scripsit Historiam ecclesiasticam ab anno 322 ad annum 427 perductam, multosque commentarios in sacram Scripturam.

Theodorus Cantuariensis episc. an. 697.

Theodorus Studites abbas, circa annum 810, Theodoton. Vide v. *Aquila*.

Theodulphus, natione Italus, abbas Floriacensis (Gall. Benoit-sur-Loire, diocèse d'Orléans), postea episcopus Aurelianensis ante annum 794 consecratus, Carolo Magno ob virtutem et eruditionem charus et familiaris. Circa annum 810, accusatus conjurationis cum Bernardo Italie rege adversus Ludovicum Pium Bernardi patrum, in monasterium Andegavense detrusus fuit, sed paulò post compertâ ejus innocentia, rex e carcere liberatum Aureliam remisit. Obiit circa annum 821.

Theophylactus, archiepiscopus Acriæ in Bulgariâ, in lectione operum S. Chrysostomi versatissimus, floruit circa annum 1071. Obiit versus finem seculi XI. Multis commentariis Scripturam sacram explicavit, grandioribus S. Chrysostomi voluminibus velut in epitomen redactis. Non benè sensit de Processione Spiritus sancti à Filio.

Theophilus Alexandrinus an. 585.

S. Thomas Aquinas natus anno 1224. Anno 1241 Ordinis S. Dominici habitum induit. Anno 1255 doctor Parisiensis. Post recusatum archiepiscopatum Neapolitanum à Clemente IV oblatum, vocatus anno 1274 à Gregorio X ad concilium Lugdunense, in itinere obiit 7 martii, ætatis anno 50. Nota est omnibus S. Thomæ eruditio, subtilitas, fecunditas ingenii cum

sanctitate, castitate et modestiâ incomparabili.

Thomas Valdensis, Anglus, Carmelita, obiit Rothomagi (Rouen) 3 novembris anno 1450. Adversus Hussitas, Wiclefistas et alios sui temporis hæreticos exactissimè disseruit Thomas Valdensis ordinis sui et theologiæ eximium decus.

V

Venantius (Honorius Clementianus Fortunatus) gente Italus, post sibi sanatos opè S. Martini oculos, Turones, postea Pictavium petiit, et hujus urbis episcopus consecratus est. Ob raras ingenii dotes et eximiam rhetoriæ ac poetices scientiam celebris fuit. Sanatus fuit à S. Martino ante annum 560. In vivis adhuc erat anno 600. Ignoratur ejus ordinationis et mortis annus.

S. Vincentius Lirinensis monachus et presbyter, S. Lupi Trecentis episcopi, ut quidam autumant, frater, anno 454 scripsit opusculum egregium, cui titulus: Commonitorium adversus hæreses.

Victor Tununensis, seu Tononensis in Africâ episcopus, Trium Capitulorum acerrimus propugnator, eâque de causâ in Ægyptum deportatus jubente Justiniano, ac tandem Constantinopolim translatus, et monasterio inclusus, obiit circa an. 566. Ex Chronico, quod ab initio mundi ad initia Justini Junioris exaraverat, teste Isidoro Hispalensi cap. 25, de Script. eccl., superest tantum postrema pars, quæ ab anno 444, in quo desiderat Prosper, ad an. 565 pertinet; quod Chronicon continuavit Joannes ex Bielariensi abbate Gerundensis in Hispaniâ episcopus ad an. 590.

Usuardus, natione Gallus, S. Germani Parisiensis monachus Benedictinus, floruit IX seculo. Circa annum 870 scripsit Martyrologium quo Romana Ecclesia ac permultæ aliæ utuntur.

S. Yvo, patriâ Bellovacensis (Beauvais en Picardie), episcopus Carnotensis, obiit 1115, ex Cartonensi Martyrologio. Scripsit collectionem decretorum, quæ Decretum Yvonis dicitur, et, ut plurimi putant, etiam breviorē aliam, quæ Pannormia inscribitur. Præterea epistolæ 287, quæ promptuarium sunt ecclesiasticæ disciplinæ. Item serm. 24, et Chronicon breve de Regibus Francorum; Chronicon alterum à Nino, ad Ludovicum Primum, non Yvonis, ut nonnulli scripsere, sed Hugonis Floriacensis, ex duobus MSS. optimæ notæ in b-

bliothecâ Regaliæ abbatîæ S. Victoris ad muros Parisienses. Ejus festum celebrat Ecclesiâ Carnotensis: canonici verò Lateranenses illud etiam celebrant ex licentiâ S. Pii V papæ.

Z

Zonaras (Joannes) Græcus, floruit initio XII seculi. Aulâ imperiali abdicatâ, in quâ honorificentissimè versatus fuerat, insignia munera obeundo, inter monachos Basilianos cooptatus est. Plures edidit tractatus, et præcipuè Annales scripsit ab orbe condito ad an. 1118, Alexii Comneni fatalem. Commentarios etiam exaravit in canones Apostolorum et SS. conciliorum, neon in epistolâ canonicas SS. PP. Dionysii, et Petri Alexandrinorum, Gregorii Thaumaturgi et Basilii. Canonum porrò et reliquarum epistolarum canonicarum expositionem eandem esse cum illâ quam Theodorus Balsamon affert, viri eruditi jamdiu observârunt. Uter ab altero mutuatus sit, uter altero prior fuerit, non satis constat.

Collatas inter se majorum sententias lector consulat eorum qui diversis licet temporibus et locis, in unius tamen Ecclesiæ catholicæ communionē ac fidē permanentes Magistri probabiles extiterunt; et quidquid non unus aut duo tantum, sed omnes pariter uno eodemque consensu apertè, frequenter, perseveranter tenuisse, scripsisse, docuisse cognoverit, id sibi quoque intelligat absque ullâ dubitatione credendum. Necesse est omnibus Catholicis, qui sese Ecclesiæ legitimis filios probare student, ut sanctorum Patrum fidei inhæreant, adglutinentur, immoriantur; profanas verò novitates detestentur, horrescant, persequantur. Concilio enim Ephesino divinitus placuit, nihil aliud posteris credendum decernere, nisi quod sacra sibi consentiens sanctorum Patrum tenuisset antiquitas. Vincentius Lirinensis in Commonitorio. (Vid. totum opus t. 1 Theol.)

INDEX SUMMORUM PONTIFICUM.

A

Sanctus Adeodatus, papa septuagesimus octavus, à die 22 aprilis anni 672, ad diem 26 junii anni 676.

Adrianus primus, Romanus, papa 97, à 9 februarii 772, ad 25 decembris 795. Nullus post sanctum Petrum pontifex tamdiu Romanam rexit Ecclesiam. Præfuit per legatos concilio generali VII, anno 787.

Adrianus II, Romanus, papa 108, à 14 decembris 867, ad finem novembris 872. Præfuit per legatos concilio generali VIII, anno 869.

Adrianus III, Romanus, papa 111, ab exeunte maio 884, ad mensem julium aut augustum anni sequentis.

Adrianus IV, Anglus, et professione canonicus regularis, et abbas S. Rufi in Galliâ, papa 171, à 3 decembris 1154, ad 1 septembris 1159.

Adrianus V, Genuensis, papa 188, à 10 junii 1276, ad 18 augusti ejusdem anni. Electus fuit, non consecratus.

Adrianus VI, papa 222, à 9 januarii 1522, ad 14 septembris 1523; fuit Ultrajectinus (Utrecht) humili loco natus, et ante pontificatum Caroli V imperatoris pædagogus.

S. Agapetus I, Romanus, papa 132, à mense junio 946, ad finem aug. 956.

S. Agatha Siculus, papa 80, à 27 junii 678, ad 10 januarii 682. Præfuit concilio VI generali per legatos, anno 680.

S. Alexander I, Romanus, papa 7, ab anno 111, ad 3 maii 119.

Alexander II, Mediolanensis, papa 158, à mense octobri 1061, ad 21 aprilis 1073. (Vide XXI antipapam.)

Alexander III, Senensis, papa 172, à 7 septembris 1159, ad 30 augusti 1181. Præfuit concilio XI generali, anno 1179; in numerum sanctorum retulit, an. 1175, S. Thomam Cantuariensem, et anno sequenti S. Bernardum. (Vide antipapam XXI, et tres sequentes.)

Alexander IV, Anagninus, papa 183, à 12 dec. 1254, ad 25 maii 1261.

Alexander V, Cretensis, papa 208, à 26 junii 1409, ad 4 maii 1410. Fuit ordinis fratrum Minorum. (Vide antipapam XXXV.)

Alexander VI, Hispanus è regno Valentia, papa 218, ab 11 augusti 1492, ad 18 augusti 1503.

Alexander VII, Senensis, papa 241, à 7 aprilis 1655, ad 22 maii 1667. 15 februarii 1663, solemnî Constitutione, ubique et præsertim in Galliâ receptâ, præscripsit subscriptionem formulæ quâ damnantur quinque propositiones in sensu Jansenit. Eodem anno sanctorum catalogo inscripsit B. Franciscum Salesium.

Alexander VIII, Venetus, papa 245, à 6 octobris 1689, ad 1 febr. 1691.

S. Anacletus, Atheniensis, papa 5, ab anno 100, ad annum 102.

S. Anastasius I, Romanus, papa 40, à 5 decembris 398, ad 14 decembris 401. Opera Origenis proscrispsit, et Rufinum, qui ex iis nonnulla in Latinam linguam transtulerat, citavit, et in judicio se sistere recusantem damnavit.

S. Anastasius II, Romanus, papa 51, à 24 nov. 496, ad 17 nov. 498. Eo sedente anno 496, conversus est ab idolorum cultu ad fidem christianam et catholicam Clodoveus rex Galliæ et baptizatus à S. Remigio Rhemensi archiepiscopo.

Anastasius III, Romanus, papa 170, à 19 julii 1153, ad 2 decembris 1154.

S. Anicetus, Syrus, papa 12, post mensem julium 137, ad 17 aprilis 168.

S. Anter, Græcus, papa 20, à 21 novemb. 235, ad 3 januarii sequentis anni.

B

Benedictus I, Romanus, papa 63, à 3 junii 574, ad 30 julii 578.

Benedictus II, Romanus, papa 82, à 26 junii 684, ad 7 maii sequentis anni.

Benedictus III, Romanus, papa 106, à 29 septembris 853, ad 8 aprilis 858. (Vide XIII antipapam.)

Benedictus IV, Romanus, papa 119, à mense aug. 900, ad mensem octob. 905.

Benedictus V, Romanus, papa 134, ab exeunte maio 964, ad junium anni sequentis.

Benedictus VI, Romanus, papa 136, à desinente novembri 972, ad 974. Carceri traditus à Francone quodam impio homine, crudeliter necatus est.

Benedictus VII, Romanus, papa 158, ab exeunte anno 974, ad 10 julii 984. (Vide antipapam XVI.)

Benedictus VIII, Romanus, ex comitibus Tusculanis, papa 148, ab anno 1012, ad 10 julii 1024, ut multi conjiciunt. (Vide XVIII antipapam.)

Benedictus IX, Romanus, papa 150, ante finem 1033, ad 1044. (Vide XIX antipapam.)

Benedictus X. Nullus fuit hujus nominis nisi Joannes quidam episcopus Veliternus manu armatâ à nonnullis seditiosis intrusus anno 1058. Post decem schismatis menses electus est Nicolaus II. Vide antipapam XX.

B. Benedictus XI, patriâ Tarvisinus, sub ditone Venetorum, ex ordine S. Dominici, papa 196, à 22 octobris 1303, ad 6 aut 7 julii 1204.

Benedictus XII, Gallus ex Fuxensi comitatu

(du comté de Foix) et ordinis Cisterciensis, papa 199, à 20 decembris 1334, ad 25 aprilis 1342.

Benedictus XIII, Romanus, papa 219, ex nobilissima Ursinorum familiâ, et ordine S. Dominici à 29 maii 1724, ad 21 februarii 1730.

Benedictus XIV, Bononiensis de Lambertinis, papa 251, à die 17 augusti 1740, ad 3 maii 1758.

S. Bonifacius I, Romanus papa 43, à 29 decembris 418, ad 4 septembris 422. (Vide antipapam IV.)

Bonifacius II, Romanus, papa 56, à 22 septembris 530, ad 17 decembris 531. (Vide antipapam VI.)

Bonifacius III, Romanus, papa 67, à 19 februarii 607, ad 10 novembris ejusdem anni.

S. Bonifacius IV, Italus Marsus, papa 68, à 25 augusti 608, ad 7 maii 615.

Bonifacius V, Campanus, papa 70, à 23 decembris 619, ad 22 octob. 625.

Bonifacius VI, papa 114, anno 896. Sedit tantum dies 15.

Bonifacius VII, à nonnullis dictus papa 140, anno 985. Difficultas est, utrum fuerit legitimus pontifex. Anno 974, jam Apostolicam sedem invaserat, Joannem XIV fame, aut, secundum alios, veneno necavit anno 985, 20 augusti. (Vide infra Indicem antipaparum.)

Bonifacius VIII, Anagninus, canonicus primum Parisiensis, postea Lugdunensis, papa 195, à 24 decembris 1294, ad 11 octobris 1303. Ludovicum IX Gallicæ regem in sanctorum numerum retulit. Inter eum et Philippum Pulchrum maximæ dissensiones.

Bonifacius IX, Neapolitanus, papa 205, à 2 novembris 1389, ad 1 octobris 1404. (Vide antipapam XXXV.)

C

S. Caius, Dalmata, papa 20, à 15 decembris 285, ad 22 aprilis 296.

S. Calixtus I, Romanus, papa 17, ab ineunte 219, ad 14 oct. 223.

Calixtus II, Gallus Burgundus, archiepiscopus Viennensis, papa 164, à 1 februarii 1119, ad 13 decembris 1124. Præfuit concilio generali nono, Lateranensi primo. (Vide antipapam XXVI.)

Calixtus III, Hispanus, papa 213, à 20 aprilis 1455, ad 6 augusti 1458.

S. Cælestinus I, Romanus, papa 44, à 10 septembris 422, ad finem julii 432. Præfuit

per legatos concilio Ephesino generali tertio.

Cælestinus II, Tuscus, papa 167, à 26 septembris 1143, ad 9 martii sequentis anni.

Cælestinus III, Romanus, papa 177, à 30 martii 1191, ad 8 januar. 1198.

Cælestinus IV, Mediolanensis, papa 181, anno 1241, aut sequenti. Sedit 17 dies tantum.

S. Cælestinus V, Italus Iserniinus, papa 194, à 5 julii 1294. Post quinque menses abdicavit, Monachorum Cælestinorum est auctor.

Christophorus, Romanus, papa 121, anno 903, post 5 aut 6 menses carceri traditus; crimen quod sedis Apostolicæ invasione commiserat poenitentia expiavit.

S. Clemens I, Romanus, sancti Pauli adiutor, papa 4, ab anno 91, ad 23 novembris anni 100. (Vide indicem Patrum, verbo *Clemens*.)

Clemens II, Germanus, papa 152, ab anno 1046, ad 9 octobris 1047.

Clemens III, Romanus, papa 176, à 19 Dec. 1187, ad mensem martium 1191.

Clemens IV, Gallus Occitanus (de Saint-Gilles, en Languedoc) archidiaconus, et postea episcopus Aniciensis (du Puy) anno 1257, archiepiscopus Narbonensis anno 1260, et sequenti cardinalis, papa 185, ab anno 1265, ad 29 novembris 1268.

Clemens V, Gallus diocesis Vasatensis (de Bazas) archiepiscopus Burdigalensis, papa 197, à 5 junii 1305, ad 20 aprilis 1314. Coronatus fuit Lugduni in ecclesiâ S. Justi coram Philippo Pulchro rege Gallicæ, et pluribus principibus, 14 novembris 1305. Sedem suam fixit Avenione anno 1309, ibique sederunt pontifices Romani per 70 annos usque ad Gregorium XI. Præfuit concilio Viennensi generali XV anno 1341.

Clemens VI, Gallus diocesis Lemovicensis, primum Benedictinus, deinde doctor Parisiensis, postea archiepiscopus Senonensis, tum Rothomagensis, papa 200, à 7 maii 1342, ad 6 decembris 1352.

Clemens VII, Florentinus, papa 223, à 29 novembris 1523, ad 26 septembris 1554. Paulo ante mortem excommunicavit Henricum VIII, regem Angliæ, propter repudiatam Catharinam Aragoniæ uxorem legitimam.

Clemens VIII, Florentinus papa 235, à 30 januarii 1592, ad 3 martii 1605. Congregationes dictas de Auxiliis celebravit, ad terminandas questiones de gratiâ motas Dominicanos inter et PP. Societatis Jesu. Congregationes illæ incheatæ sunt 2 jan. 1598; octo et am-

plius annos perdurârunt Vide infra, verbo *Paschus V.*

Clemens IX, Italus Pistoriensis, papa 245, à 20 junii 1667, ad 9 dec. 1669. Die 28 sept. 1668, ad pacem et communionem suam admisit quatuor episcopos Galliae, post accepta tamen nova et gravia testimonia sinceræ illorum obedientiæ Constitutioni Alexandri VII, subscriptionem formulari præcipienti.

Clemens X, Romanus, papa 244, à 9 aprilis 1670, ad 22 julii 1676.

Clemens XI, Italus Urbinas, papa 247, à 25 novembris 1700, ad 19 martii 1721, die 8 septembris 1715. Constitutionem *Unigenitus* promulgavit. Doctrinâ et pietate Catholicis omnibus commendabilis, per triduum recusato pontificatu illustris, prudenter gesto temporibus difficillimis illustrior.

Clemens XII, Florentinus, papa 250, creatus 12, julii 1750. Obiit die 6 februarii 1740.

Clemens XIII, Venetus, papa 252, à 6 julii 1758, ad incuntem annum 1769.

Clemens XIV, Italus, è Sancto Archangelo propè Riminium, ordinis Minorum Conventualium, papa 255, à 19 maii 1769, ad 22 septembris 1774. Nimis famosum edidit breve quo suppressa Societas Jessu.

S. Cletus, Romanus, papa 5, ab anno 78, ad 91.

Conon, Thrax, papa 84, à 21 octobris 686, ad 21 septembris 687. (Vide antipapam VIII.)

Constantinus, Syrus, papa 89, à 25 martii 708, ad 8 aprilis 715.

S. Cornelius, Romanus, papa 22, à 4 junii 251, ad 14 septembris 252. His temporibus surrexit antipapa 1, Novatianus. (Vide indicem antipaparum.)

D

S. Damasus, Hispanus, papa 18, à 1 octobris 366, ad 11 decembris 384. Præfuit per legatos concilio generali II, anno 381. (Vide antipapam III.)

Damasus II, Bavarus, papa 153, à 17 julii 1018, ad 8 aug. anni ejusdem.

S. Deus-Dedit, Romanus, papa 69, à 9 octobris 615, ad 8 novemb. 618.

S. Dionysius, cujus patria ignoratur, papa 26, à 21 julii 259, ad 269, ante 26 decembris.

Domnus I, Romanus, papa 79, à 1 novembris 676, ad 11 aprilis 678.

Dumnus II, Romanus, papa 137, anno 974; post tres circiter ab ordinatione suâ mensis obiit.

E

S. Eleutherius, Græcus, papa 14, ab incuntem maio 177, ad 26 maii 195.

S. Evaristus, Græcus, papa 6, ab anno 102, ad 26 octobris 111.

Eugenius I, Romanus, papa 76, ab 8 septembris 654, ad 1 januarii 657.

Eugenius II, Romanus, papa 101, à 14 februarii 824, ad mensem augusti 827. (Vide XII antipapam.)

Eugenius III, Pisannus, discipulus S. Bernardi, papa 169, à 25 februarii 1145, ad 8 julii 1153.

Eugenius IV, Venetus, papa 211, à 5 martii 1451, ad 25 februarii 1447. Præfuit concilio XVII generali Florentino. (Vide antipapam XXXVIII.)

S. Eusebius, Græcus, papa 52, à 10 maii 310, ad 26 septembris ejusdem anni.

S. Eutychianus, Tuscus, papa 28, à 5 januarii 275, ad 7 decembris 285.

F

S. Fabianus, Romanus, papa 21, à 10 januarii 256, ad 20 januarii 250.

S. Felix I, Romanus, papa 27, à 29 decembris 269, ad mensem decembris 274.

S. Felix II, Romanus, S. Gregorii Magni avus, papa 49, à 6 martii 485, ad 24 februarii 492. (A nonnullis dicitur Felix III, quia Felicem tempore et loco Liberii papæ electum agnoscent, ut legitimum pontificem.)

S. Felix III (alis IV), Italus, genere Sarnis, papa 55, à 12 julii 526, ad 18 septembris 530.

Formosus, Romanus, papa 115, ab exeunte septembri 891, ad 4 aprilis 896. Hujus papæ defuncti cadaver extrahi jussit è sepulcro Stephanus VII, ejus successor, et pontificali-bus indutum in sede Apostolicâ collocans, et tanquàm viventem exprobravit quòd nimia ambitione ex Portuensi episcopo pontificatum Romanum invasisset; postea cadaver sic damnatum, sacrisque exutum vestibus, ac digitis, quibus benedicebat Formosus, mutilatum, in Tiberim fluvium projecit Stephanus VII, qui, Deo vindice, sede pulsus et in carcerem detrusus laqueo strangulatus est.

G

S. Gelasius I, Afer, papa 50, à 1 martii 492, ad 19 novemb. 496.

Gelasius II, Italus Cajetanus, Benedictinus Cassinensis, papa 163, à 25 januarii 1118, ad 29 januarii anni sequentis.

S. Gregorius I, Romanus, cognomento Magnus, papa 65, à 5 septemb. 590, ad 12 martii 604. Unus est è quatuor doctoribus Ecclesiæ, quam sanctitate, miraculis, prudentiâ et eximii scriptis illustravit.

S. Gregorius II, Romanus, papa 90, à 19 maii 715, ad 10 febr. 731.

S. Gregorius III, Syrus, papa 91, à 18 martii 731, ad 27 novemb. 741.

Gregorius IV, Romanus, papa 103, ab anno 827, ad 25 januarii 844.

Gregorius V, Germanus, papa 143, à mense maio 996, ad 18 februarii 999. (Vide VII antipapam.)

Gregorius VI, Romanus, papa 151, ab anno 1044, ad 1046, mense decembri, quo se ipse deposuit in concilio Sutriensi. (Sutri propè Urbem.)

S. Gregorius VII, Soanensis è Tusciâ, papa 159, à 22 aprilis 1073, ad 26 maii 1085. (Vide XXII antipapam.)

Gregorius VIII, Beneventanus, papa 175, à 20 octobris 1187, ad 17 decembris ejusdem anni.

Gregorius IX, Anagninus, papa 180, à 19 martii 1227, ad 21 aug. 1241.

B. Gregorius X, è Vicecomitibus Placentiæ, canonicus et comes Lugduni, papa 186, à 1 septembris 1271, ad 10 januarii 1276. Præfuit concilio decimo quarto generali Lugdunensi secundo.

Gregorius XI, Lemovicensis, papa 203, à 30 decembris 1370, ad 27 martii 1378. Ab hoc pontifice sedes Apostolica fuit restituta Romæ. (Vide supra, verbo *Clemens V.*)

Gregorius XII, Venetus, papa 207, à 25 decembris 1406 usque ad Jun. 1409, quo mense et anno concilium Pisanum declaravit vacare sedem Apostolicam, deposuitque Gregorium XII et Benedictum XIII. In concilio Constantiensi, sessione 14, celebratâ 4 julii 1415, Gregorius XII pontificatu cessit. (Vide antipapam XXXV.)

Gregorius XIII, Bononiensis, papa 250, à 13 maii 1572, ad 10 aprilis anni 1585. Sedente Gregorio XIII, religio christiana et catholica felices habuit progressus in Japoniâ et Imperio Sinensi, aliisque in nationibus, et legatos à Japoniæ regibus jam christianis missos ad sedem Apostolicam paterno affectu recepit. Calendarium etiam reformavit.

Gregorius XIV, Mediolanensis, papa 253, à 5 decembris 1640, ad 15 octobris anni sequentis.

Gregorius XV, Bononiensis, papa 258, à 9 februarii 1621, ait 8 julii 1623.

GREGORIUS XVI, Bellunensis, papa 259, à 2 februarii 1831 feliciter regnat.

II

S. Higinus, Græcus, papa 10, ab anno 139, ad 10 januarii 143.

S. Hilarius, aut Hilarus, Sardus, papa 47, à 12 nov. 461, ad 21 febr. 468.

Honorius I, Campanus, papa 71, à 27 octobris 625, ad 12 oct. 658. Is est Honorius de quo tam multa solent disputari in tractatu de Incarnatione.

Honorius II, Bononiensis, papa 165, à 21 decembris 1124, ad 14 februarii 1140. Confirmavit ordinem canonicorum regularium Præmonstratensium anno 1126, et ordini militari Templariorum, approbato in concilio Trecenti anno 1128, formam et colorem habitus præscripsit. (Vide antipapam XXVI.)

Honorius III, Romanus, papa 179, à 18 aut 20 augusti 1216, ad 18 martii 1227. O. dines S. Dominici et S. Francisci approbavit.

Honorius IV, Romanus, papa 192, à 2 aprilis 1285, ad 3 aprilis 1287.

S. Hormisdas, Campanus, papa 53, à 27 julii 514, ad 6 augusti 523.

I

S. Innocentius I, Albanensis, papa 41, à 21 decembris 401, ad 12 martii 417.

Innocentius II, Romanus, papa 166, à 22 februarii 1130, ad 14 septembris 1143. Præfuit concilio decimo generali Lateranensi secundo, anno 1159. (Vide XXVII et XXVIII antipapas.)

Innocentius III, Anagninus, papa 178, ab 8 januarii 1198, ad 16 julii 1216. Præfuit concilio duodecimo generali Lateranensi quarto, anno 1213.

Innocentius IV, Genuensis, papa 182, à 25 junii 1243, ad 7 decembris 1254. Præfuit concilio generali decimo tertio Lugdunensi I, anno 1245.

Innocentius V, Tarentasiensis, ex ordine sancti Dominici, et doctor Parisiensis, papa 187, à 21 januarii 1276, ad 22 junii ejusdem anni.

Innocentius VI, Gallus, diocesis Lemovicensis, primùm Noviodunensis, deinde Claromontensis, tandem Ostiensis episcopus et cardinalis, papa 201, à 18 decembris 1352, ad 12 septembris 1362.

Innocentius VII, Sulmonensis Apulus, papa

206, à 17 octobris 1404, ad 6 novembris 1406. (Vide antipapam XXXV.)

Innocentius VIII, Genuensis, papa 217, à 29 apr. 1484, ad 25 julii 1492.

Innocentius IX, Bononiensis, papa 234, à 30 octobris 1591, ad 30 decembris ejusdem anni.

Innocentius X, Romanus, papa 240, à 15 septembris 1644, ad 7 januarii 1655. Solemni Constitutione proscripsit quinque propositiones Jansenii, 30 maii 1655.

Innocentius XI, Odescalechi Italus Comensis, papa 244, à 22 septembris 1676, ad 12 augusti 1689.

Innocentius XII, Neapolitanus, papa 246, à 12 julii 1691, ad 27 septembris 1700. Damnavit in globo 23 propositiones (nullas tamen ut hæreticas) excerptas à libro cui titulus : *Explicationes des maximes des saints*. Illustrissimus Fenelonius, Cameracensis archiepiscopus, hujus libri auctor, censuræ statim ex animo acquievit sicque finitus fuit error.

Innocentius XIII, Romanus de Comitibus, papa 248, ab 8 maii 1721, ad 7 mart. 1724.

S. Joannes I, Tuscus, papa 54, à 13 augusti 523, ad 18 maii 526.

Joannes II, Romanus, papa 57, à 21 januarii 532, ad mensem aprillem aut maium 535.

Joannes III, Romanus, papa 62, à 18 julii 560, ad 13 julii 575.

Joannes IV, Dalmata, papa 73, à 24 decembris 640, ad 11 octobris 642. Initio pontificatus, Ectesim Heraclii imperatoris, seu expositionem Monothelismo faventem, damnavit in concilio Romano.

Joannes V, Syrus, papa 83, à 23 julii 685, ad 1 augusti 686.

Joannes VI, Græcus, papa 86, à 28 octobris 701, ad 9 januarii 705.

Joannes VII, Græcus, papa 87, à 1 martii 705, ad 17 octobris 707.

Joannes VIII, Romanus, papa 109, à 14 decembris 872, ad 15 dec. 882.

Joannes IX, Tiburtinus, papa 118, ab anno 898, circa mensem julii, ad finem julii 900. (Vide XIV antipapam.)

Joannes X, Ravenensis, papa 125, à fine aprilis 914, ad finem junii 928.

Joannes XI, de Comitibus Tusculanis, papa 128, à fine martii 931, ad initium januarii 936.

Joannes XII, Romanus, papa 133, à mense septemb. 956, ad 14 maii 964. Primus dicitur eorum, qui in suâ consecratione nomen mutarunt; vocabatur antea Octavianus. (Vide XV antipapam.)

Joannes XIII, Romanus, papa 135, à 1 octobris 965, ad 6 septemb. 972.

Joannes XIV, Papiensis, papa 139, à mense julii 984, ad 20 augusti 985.

Joannes XV, Romanus, papa 141, anno 985, electus solùm, non consecratus, paulò post electionem obiit.

Joannes XVI, Romanus, papa 142, ab ineunte decembri 985 ad ineuntem annum 996.

Joannes XVII, Romanus, papa 145, anno 1003, post quinque menses et aliquot dies obiit 7 decembris.

Joannes XVIII, Romanus, papa 146, à 26 dec. 1003, ad 18 julii 1009.

Joannes XIX, ex Comitibus Tusculanis, frater Benedicti VIII, papa 149, ab anno 1024, ad mensem novemb. 1033.

Joannes XX, Ulissiponensis, papa 189, à 15 septembris 1276, ad 16 maii 1277. Hic dicitur vulgò Joannes XXI, quia sub Gregorio V unus antipapa se Joannem XX nominavit.

Joannes XXII, Gallus, diœcesis Cadurcensis (Cahors), papa 198, à 7 aug. 1316, ad 4 decembris 1334, coronatus Lugduni 7 septembris 1346. (Vide antipapam XXIII.)

Joannes XXIII, Neapolitanus, papa 209, à 17 maii 1410, ad 29 maii 1415, quo depositus fuit à concilio Constantiensi. (Vide antipapam XXXV.)

S. Julius I, Romanus, papa 36, à 6 februarii 337, ad 12 aprilis 352. Adversùs Arianos pro fide catholice plurimum laboravit, et S. Athanasium, qui ad sedem Apostolicam appellaverat, innocentem judicavit.

Julius II, Savonensis, papa 220, à 30 octobris 1503, ad 21 februarii 1513. (Vide concilium XVII generale.)

Julius III, Etruscus, papa 225, ab 8 februarii 1550, ad 25 martii 1555. Continuationem concilii Tridentini indixit ad 1 maii 1551. Societatem Jesu approbatam an. 1540 à Paulo III confirmavit.

L

Landus, Sabinus, papa 124, anno 913, versùs medium octobris, ad 914, versùs 26 aprilis.

S. Leo I, Tuscus, cognomento Magnus, papa 46, à 22 septembris 440, ad 4 novembris 461. Præfuit per legatos concilio Chalcedonensi generali IV. De Leone Magno s e loquitur Trithemius : « Fuit dictionis ecclesiasticæ Tullius, sacræ theologiæ Homerus, rationum fidei Aristoteles, auctoritatis Apostolicæ Petrus, et in christiano pulpito Paulus. »

S. Leo II, Siculus, papa 81, à 17 augusti 682, ad 3 julii 683.

S. Leo III, Romanus, papa 93, à 27 decembris 795, ad 11 junii 816.

S. Leo IV, Romanus, papa 105, à 28 januarii 847, ad 17 julii 855.

Leo V, Ardeatinus, papa 120, anno 903. Post duos circiter menses expulsus est, et carceri traditus.

Leo VI, Romanus, papa 126, à mense junio 928, ad februarium 929.

Leo VII, Romanus, papa 129, ab ineunte januariario 936, ad 18 julii 939.

Leo VIII adhuc laicus electus est, et 6 decembris 995, ordinatus contra Ecclesie canones, vivente adhuc Joanne XII, sed postea depositus in concilio Romano 26 februarii 964, ab eodem Joanne papa legitimo.

S. Leo IX, Franco-Germanus, papa 154, à 2 febr. 1049, ad 19 aprilis 1054. Sedente sancto hoc pontifice incœpit luctuosum schisma Græcorum.

Leo X, Florentinus, papa 221, ab 11 martii 1513, ad 2 decembris 1521. Sub hoc pontifice Lutherus à religione catholica deficit. 41 ejus propositiones à Leone X damnatæ sunt in globo. (Vide concilium XVII generale.)

Leo XI, Florentinus, papa 236, à 1 apr. 1609, ad 27 ejusdem mensis et anni.

Leo XII (cardinalis de la Genga), papa 256, à 27 septembris 1823, ad 19 febr. 1829. De re publicâ princeps benè meritus.

S. Liberius, Romanus, papa 37, à 22 maii 352, ad 22 novembris 366. Lapsus Liberii papæ in Arianam hæresim objiciunt omnes ferè novatores; verùm Catholici eum ab hæresi vindicant, et recentiores theologi Juenninus, Vitassius, etc., ostendunt Formulam cui subscripsit Liberius, non esse Arianam. (Vide antipapam II.)

S. Linus, Volaterranus in Etruriâ, papa 2, ab anno 67, ad 23 septembris 78. Templi Jerusalem destructio contigit anno 70, sub S. Lino.

S. Lucius I, Romanus, papa 25, ab an. 252, ad 4 Martii 253.

Lucius II, Dononiensis, papa 168, à 12 martii 1144, ad 25 januar. 1145.

Lucius III, papa 175, à 1 septembris 1181, ad 25 nov. 1185.

M

S. Marcellinus, Romanus, papa 30, à 30 junii 296, ad 24 decembr. 304. Quod narratur

de lapsu S. Marcellini in idololatriam, fabulam esse suspicatur à Donatistis confictam. S. Augustinus libro de unico Baptismo, capite 16.

S. Marcellus I, Romanus, papa 51, à 27 junii 308, ad 16 jan. 310. Vacaverat sedes post S. Marcellinum plusquàm tres annos, ob vim persecutionis.

Marcellus II, Italus ex Monte Politiano, cardinalis Bellarmini avunculus, papa 226, à 9 aprilis 1555, ad 30 ejusdem mensis et anni.

S. Marcus, Romanus, papa 35, à 18 januar. 336, ad 7 oct. proximè sequentis.

Marinus I (ab aliis Martinus II dictus), ex Galesio Faliscorum in Etruriâ, papa 110, ab exeunte anno 882, ad mensem maium 884.

Marinus II (secundùm alios Martinus III,) Romanus, papa 151, à mense decembris 942, ad junium 946.

S. Martinus I, Tudertinus, papa 75, à 3 julii 649, ad 16 sept. 635.

Martinus II (ab aliis IV), Gallus patriâ Briensis (*la Brie*), papa 191, à 22 februarii 1281, ad 28 martii 1185.

Martinus III (communis V), Columna Rom., papa 210, ab 11 nov. 1417, ad 20 februarii 1431. Electus fuit à concilio generali Constantiensi. (Vide Antipapas XXXV, XXXVI et XXXVII.)

N

S. Nicolaus I, Romanus, papa 107, à 23 aprilis 858, ad 15 novembris 867.

Nicolaus II, Allobrox, papa 157, à 28 decembris 1058, ad 22 julii 1061.

Nicolaus III, Romanus, papa 190, à 25 novembris 1277, ad 22 aug. 1280.

Nicolaus IV, Asculanus, ex ordine S. Francisci, papa 193, à 22 februarii 1288, ad 4 aprilis 1292.

Nicolaus V, Italus Sarzanensis, papa 212, à 6 mart. 1447, ad 25 mart. 1455.

P

S. Paschalis I, Romanus, papa 100, à 25 januar. 817, ad 10 februar. 824.

Paschalis II, Romanus, Cluniacensis monachus, papa 162, à 13 aug. 1099, ad 21 januarii 1118. Cisterciensem ordinem approbavit anno 1100, et ordinem Fontis-Ebraldi (de Fontevrault) anno 1106. (Vide XXII et tres sequentes antipapas.)

S. Paulus I, Romanus, papa 95, à 9 maii 752, ad 28 junii 767. Stephano III fratri suo successit. (Vide X antipapam.)

Paulus II, Venetus, papa 215, à 28 august. 1464, ad 26 julii 1471.

Paulus III, Venetus, papa 224, à 15 octobris 1534, ad 10 nov. 1549.

Paulus IV, Neapolitanus, papa 227, à 25 maii 1555, ad 18 augusti 1559. Antea episcopus Theatinus, unde nomen sortiti sunt clerici regulares dicti Theatini, quorum fuit fundator cum S. Gaetano, et primus superior.

Paulus V, Romanus, papa 237, à 17 maii 1605, ad 29 januarii 1621. Interruptas congregationes de Auxiliis resumpsit anno 1605, et biennio post terminavit, Dominicanorum et Jesuitarum scholis opiniones suas defendendi libertate relicta.

Pelagius I, Romanus, papa 61, ab 11 aprilis 555, ad 1 martii 560.

Pelagius II, Romanus, papa 47, à 30 novembris 578, ad 8 februarii 590.

S. Petrus, ab ipso Christo Jesu constitutus caput visibile Ecclesiæ, quam rexit 34 annos et paulò amplius, ab anno 33, ad 29 junii 67, quo martyr occubuit Romæ, ubi sedem fixerat ab annis 24, mensibus 5 et diebus 12. Romanorum pontificum nemo hactenus tamdiù Romanam sedem tenuit.

S. Pius I, Aquileiensis, papa 11, anno 143, ad 14 julii 157.

Pius II, Senensis, papa 214, à 19 augusti 1458, ad 14 augusti 1464.

Pius III, Senensis, papa 219, à 12 sept. 1503, ad 18 oct. ejusdem anni.

Pius IV, Mediolanensis, papa 228, à 26 decembris 1559, ad 9 decembris 1565. Sub Pio IV, S. Caroli avunculo, feliciter terminatum fuit concilium Tridentinum anno 1560.

S. Pius V, Italus è Bosco propè Alexandriam, Dominicanus, papa 229, à 7 januarii 1566, ad 1 maii 1572. Damnavit 79 propositiones Michaelis Baii doctoris Lovaniensis.

Pius VI, Romanus, papa 254, à 15 februarii 1775, ad 29 augusti 1799. Sanctam sedem tenuit viginti et quatuor annis, cum sex mensibus et quatuordecim diebus, venerandus pontifex per maximas rerum et temporum procellas, invictà fide, necnon fortitudinis ac sanctitatis famâ commendabilis.

Pius VII, Romanus, papa 255, à 14 maii 1800, ad 20 augusti 1823. Animi lenitate, indefessâque constantiâ lugendas inter tempestates ac diuturnas bellorum commotiones æternâ laude prædicabitur. Societatem Jesu, omnium bonorum plausu, restituit per bullam *Sollicitudo omnium Ecclesiarum*.

Pius VIII, Italus è Cigoli in Piceno, papa 257, à 16 martii 1829, ad 30 novembris 1830.

S. Pontianus, Romanus, papa 19 à 22 junii 230, ad 19 nov. 235.

R

Romanus, natione Gallianus, papa 416, versùs finem anni 897. Obiit pontificatùs sui mense tertio.

S

Sabinianus, Tuscus, papa 66, à 13 septembris 604, ad 22 februarii 606.

S. Sergius I, Syrus, papa 85, à 15 decembris 687, ad 8 septembris 701. (Vide IX antipapam.)

Sergius II, Romanus, papa 104, à 10 februarii 844, ad 27 januarii 847.

Sergius III, Romanus, papa 122, à mense junio 904, ad 911, ante finem aug.

Sergius IV, Romanus, papa 147, ab 11 octobris 1009, ad 15 julii 1012.

Severinus, Romanus, papa 72, post duos menses et dies aliquot obiit, 1 Augusti 640.

S. Simplicius, Tiburtinus, papa 48, à 25 februarii 468, ad 2 martii 485.

S. Siricius, Romanus, papa 59, à mense dec. 384, ad 26 nov. 398.

Sisinnius Syrus, papa 88, anno 708 post 20 dies obiit 6 februarii.

S. Sixtus I, Romanus, papa 8, ab anno 119, ad 6 aprilis 129.

S. Sixtus II, Græcus, papa 25, à 24 augusti 257 ad 6 augusti anni sequentis. Sixti II, archidiaconus fuit S. Laurentius.

S. Sixtus III, Romanus, papa 45, ab ineunte augusto 432, ad 11 aug. 440.

Sixtus IV, Savonensis, Franciscanus, papa 216, à 25 augusti 1471, ad 15 augusti 1484. Ordinem Minorum approbavit. Scripsit librum de Immaculatâ B. Mariæ Virginis Conceptione, et festum ejus per totam Ecclesiam celebrari jussit.

Sixtus V, Italus Picenus, Franciscanus, papa 231, à 24 apr. 1585, ad 27 aug. 1590. Laboravit, ut Vulgatam Bibliorum sacrorum editionem incredibili studio ad nativam reduceret puritatem. Erecta in ejus honorem in Capitolio statua hanc inscriptionem continet ipsi valdè honorificam: *Sisto V, pontifici maximo, ob quietem publicam, compressâ sicariorum licentiâ, restitutam, annonæ inopiam sublevatam, urbem ædificiis, viis, aqueductu illustratam; S. P. Q. R.*

S. Soter, Fundanus à Campaniâ, papa 13, ab ineunte maio 168, ad 177.

S. Stephanus I, Romanus, papa 24, ab anno 253, ad 2 augusti 257. Traditionem antiquam de non rebaptizandis iis qui ab hæreticis baptizati fuerant, servatâ formâ Ecclesiæ consuetâ, retineri jussit contra S. Cyprianum aliter cum quibusdam Africæ conciliis opinantem.

Stephanus II, Romanus, papa 93, electus anno 752, post quatuor dies obiit circa 20 martii.

Stephanus III, Romanus, papa 94, à 26 martii 752, ad 24 aprilis 757. Pipinum regem Gallicæ inauguravit 28 julii 754, in basilicâ S. Dionysii propè Parisios.

Stephanus IV, Siculus, papa 96, à 5 augusti 768, ad 1 februarii 772. (Vide XI antipapam.)

Stephanus V, Romanus, papa 99, à 22 junii 816, ad 24 januarii 817.

Stephanus VI, Romanus, papa 112, à mense septembri 885, ad mensem septembris 891.

Stephanus VII, Romanus, papa 115 anno 896, ante mensem augustum, ad 897, ante medium octobris.

Stephanus VIII, Romanus, papa 127, anno 929, ad 931, cùm sedisset annis duobus, mense uno, et diebus quindecim.

Stephanus IX, Germanus, papa 130, anno 939, versûs finem julii, ad 942, circa initium decembris.

Stephanus X, ducis Lotharingiæ filius, papa 156, à 2 august. 1057, ad 29 mart. 1058.

S. Sylvester, Campanus, papa 59, ab 8 junii 536, ad 20 junii 538. (Vide antipapam VII.)

S. Sylvester I, Romanus, papa 54, à 31 januarii 314, ad 31 decembris 335. Præfuit concilio primo Nicæno generali per legatos.

Sylvester II, Gallus Aquitanus, monachus Floriacensis (*de Fleury, ou Saint-Benoît-sur-Loire*), dein abbas Bobiensis, papa 144, à 2 apr. 992, ad 12 maii 1003.

S. Symmachus, Sardus, papa 62, à 22 novemb. 498, ad 19 julii 514. (Vide antipapam V.)

T

S. Telesphorus, Græcus, papa 9, anno 129, ad 5 januarii 139.

Theodorus I, Jerosolymitanus, papa 74, à 24 nov. 642, ad 13 maii 649.

Theodorus II, papa 117, anno 898. Vixit tantùm 20 dies in pontificatu

V

Valentinus, Romanus, papa 102, anno 827.

Obiit circa initium octobris, quadragésimo post exaltationem suam die.

S. Victor I, Afer, papa 15, ab ineunte junio 193, ad ineuntem annum 202.

Victor II, Bavarus, papa 155, à 13 aprilis 1055, ad 28 julii 1057.

Victor III, Beneventanus, papa 160, à 24 maii 1086, ad 16 septembris 1087. (Vide XXII antipapam.)

Vigilius, Romanus, papa 60, anno 538, ad mensem januarium 555, primò antipapa sub Sylvério, postea legitimus pontifex eo defuncto, concilium quintum generale tandem approbavit.

S. Vitalianus, Campanus, papa 77, à 30 julii 657, ad 27 januarii 672.

S. Urbanus I, Romanus, papa 18, anno 223, ad 25 maii 230.

Urbanus II, Gallus, diocesis Rhemensis, papa 161, à 12 martii 1088, ad 29 julii 1095. (Vide XXII antipapam.)

Urbanus III, Mediolanensis, papa 174, à 1 dec. 1185, ad 19 octobris 1187.

Urbanus IV, Gallus Trecentis (*de Troyes en Champagne*), papa 184, à 29 augusti 1261, ad 2 octobris 1264. Festum Corporis Christi instituit, et ordinem Cælestinorum approbavit.

Urbanus V, Gallus, diocesis Mimatensis (*de Mende, dans le Gévaudan*), papa 202, à 28 octobris 1362, ad 19 decembris 1370.

Urbanus VI, Neapolitanus, papa 204, à 9 aprilis 1378, ad 15 octobris 1389. Sub hoc pontifice incæpit magnum schisma Occidentale, quod annos ferè 40 duravit usque ad annum 1417, quo depositus fuit Benedictus XIII, antipapa XXXV. (Vide antipapam XXXIV.)

Urbanus VII, Romanus, papa 232, à 15 septembris 1590, ad 27 ejusdem mensis et anni.

Urbanus VIII, Florentinus, papa 239, à 6 aug. 1623, ad 29 julii 1644. Damnavit librum Jansenii (cui titulus, *Augustinus*), anno 1641, 4 martii.

Z

S. Zacharias, Græcus, papa 92, à 30 novemb. 741, ad 14 mart. 752.

S. Zephirinus, Romanus, papa 16, ab anno 202, ad 219 ineuntem.

S. Zozimus, Græcus, papa 42, à 18 martii 417, ad 26 decembris 418. Pelagium et Cælestium damnavit. Pelagianî postea à judicio

summi pontificis appellaverunt ad concilium generale futurum : verum in concilio Ephesino, quod celebratum est anno 451, nequidem auditum sunt, dicentibus Patribus Ephesinis, causam jam dudum fultam esse.

« Tenet (me in Ecclesiâ catholicâ), ab ipsâ sede Petri Apostoli, cui pascendas oves suas post resurrectionem Dominus commendavit, usque ad præsentem episcopatum successio sacerdotum. Tenet postremò ipsum catholicæ nomen, quod non sine causâ inter tam multas hæreses sic ista Ecclesia sola obtinuit, ut cum omnes hæretici se catholicos dici velint, quærenti tamen peregrino alicui, ubi ad catholicam conveniatur, nullus hæreticorum vel basilicam suam, vel domum audeat ostendere. » Sanctus Augustinus libro contra Epistolam Fundamenti, capite 4.

QUÆSITA NONNELLA.

Quot et qui pontifices coluntur ut sancti in Ecclesiâ? — Pontifices Romanos 76 colit Ecclesia ut sanctos, scilicet 53 primos, qui omnes sub uno è duodecim imperatoribus paganis, videlicet Nerone, Domitiano, Trajano, Adriano, Marco Aurelio, Severo, Maximino, Decio, Valeriano, Aureliano, Diocletiano et Maximiano, sanguinem fuderunt pro Christo; 4, qui postea ab hæreticis passi sunt, Felix II (secundum alios, III), Joannes I, Sylvester et Martinus I, et 59 confessores, qui sunt Sylvester I, Marcus, Julius I, Liberius, Damasus I, Anastasius I et II, Innocentius I, Zozimus, Bonifacius I et IV, Cælestinus I et V, Sixtus III, Leo I, II, III, IV et IX; Hilarius, Simplicius, Felix III et IV; Gelasius I, Symmachus, Hormisdas, Agapetus, Gregorius I, II, III, VII; Benedictus II, Zacharias, Paulus I, Paschalis, Deus-Dedit, Agatho, Nicolaus I, Sergius I, Pius V.

Quot et qui pontifices invitè electi sunt? Numerantur 16 : Clemens I, Bonifacius I, Gregorius I, IV et VII; Benedictus III, Nicolaus I, Adrianus II, Victor III, Gelasius II, Honorius II, Innocentius III, Cælestinus V, qui postea abdicavit; Nicolaus V, Pius V, Clemens XI, Benedictus XIII.

Quot et qui juvenes ad papatum assumpti? — Recenset 8 Guillelmus Barius, sanctique Alexander I, ætate juvenis (quot annorum auctores non narrant), sed moribus senex; Joannes XI, anno ætatis suæ 20; Joannes XII, anno 16; Benedictus IX, anno 10, vel 12, vel ad summum 18; Innocentius III, anno 30;

Gregorius XI, anno 35; Bonifacius IX, anno 50, aut 54; Leo X, anno 50, aut paulò plus. Ex his omnibus solus Innocentius III in pontificatu 18 annos sedit.

Qui mensem in papatu non implerunt? — Sisinnius sedit dies 20 tantum; Stephanus II, 3; Valentinus 50; Bonifacius VI, 15; Theodorus II, 20; Damasus II, 25; Cælestinus IV, 17; Pius III, 26; Marcellus II, 22; Urbanus VII, 12; Leo XI, 25; unus ipso electionis suæ die obiit, dictus per aliquot horas Gregorius XI, nepos Gregorii X.

Quot et qui pontifices humili loco nati? — Numerantur 18 ab eodem Burio : S. Petrus, S. Dionysius, Joannes XVII, Damasus II, Adrianus IV et VI, Urbanus IV, Nicolaus IV, S. Cælestinus V, Benedictus XI, Joannes XXII, Benedictus XII, Bonifacius IX, Alexander V, Nicolaus V, Sixtus IV et V, S. Pius V; Pii V tamen familia olim fuerat Bononiæ illustris. Addi potest et Clemens XIV, è medico natus.

Quot et qui pontifices optime notæ? — Præter 76 supra memoratos sanctitatem, quæ omnium est optima nota, multi adhuc fuisse illustres papæ; enumerare longius foret; inter hujus et duorum præcedentium sæculorum pontifices præsertim eminent Pius VI, VII, Benedictus XII et XIV, Clemens XI et XII, Innocentius XI et XII, Alexander VII, Clemens VI I, et plures alii.

Quot et qui pontifices notæ non ita bonæ? — Undecim recensentur à Burio : Sabinianus, Stephanus VII, Christophorus, Sergius III, Joannes XII, Bonifacius VIII, Sylvester II, Benedictus IX, Joannes XXIII, Innocentius VIII, Alexander VI.

Ne cui autem theologiæ candidato scandalum pariat non sat regularis paparum aliquorum vita, observet hæc diligenter: 1° in tanto, id est, 257 pontificum numero, paucissimi, id est, 11 tantum, pravis suis moribus sedem Apostolicam dedecorârunt; 2° sacrum 12 Apostolorum, et juxta aliquos septem diaconorum collegium suum habuit Judam et Nicolaum; mirum ergo esse non debet, quòd octodecim seculorum lapsu 11 papæ malè vixerint; 3° id mali permisit Deus, ut ostenderet religionem christianam non in hominum sanctitate, sed in Dei promissis, ita fundatam esse, ut portæ inferi (id est, errores, hæreses, schismata, vitiaque omnia) adversus eam nunquam sint prævalituræ; 4° si illi pontifices à priorum pontificum sanctitate desciverunt, at fidem orthodoxam semper retinere.

Utrum una sit apud omnes numerandi pontifices ratio? — Labbæus numerat tantum 237 pontifices usque ad Alexandrum VII, inclusivè, juxta quam supputationem hactenus fuerunt tantum 252 papæ; Burius 256, alii plures, alii pauciores; nos virum eruditissimum in Historiâ paparum secuti, numeramus 257; discrimen oritur ex iis qui sortiti sunt nomen Joannis, Felicis, Stephani, Bonifacii, Martini, Benedicti, Sylvestri.

(Legitimorum seriem pontificum excipit catalogus antipaparum, qui sic vocantur, vel quod sine canonica electione sedem invaserint apostolicam, vel quod alio legitimo vivente pontifice cathedram eandem tenere præsumperint.)

INDEX CHRONOLOGICUS ANTIPAPARUM.

I. Antipapa Novatianus, circa annum 251, post electionem canonicam S. Cornelii, invidiâ motus se episcopum Romanum ordinari fecit à tribus episcopis, quos antea inebriaverat. Novatiano Romæ adjunxit se alter schismaticus presbyter Carthaginensis, et ex Africâ expulsus, cui nomen Novatus.

II. Antipapa Felix II, ordinatus ab Arianis an. 355, quo tempore exilium pro fide Nicænâ papa Liberius patiebatur. Liberio Romam reverso an. 358, à Catholicis expulsus est Felix. Creditur Felix ab Arianorum partibus discessisse, à quibus multa passus, sanetè obiit 22 novembris an. 365. In martyrologio Romano 29 julii numeratur inter sanctos martyres, imò ab aliquibus inter legitimos papas recensetur.

III. Antipapa Ursinus, seu Ursicinus, diaconus Ecclesiæ Romanæ, ægrè ferens quod S. Damasus I sibi in episcopatu Romano prælatu esset, electus est à quibusdam seditiosis anno 366, et ab uno tantum episcopo ordinatus. Hoc schisma in seditionem illicò mutatum est, et in basilicâ in quam cum suis se receperat Ursicinus, interfecti sunt homines circiter 137. Postea Româ exire coactus, sed in urbem mense septembri anni 367 reversus, mense decembri ejusdem anni ab imperatore Valentiniano expulsus est.

IV. Antipapa Eulalius, Ecclesiæ Romanæ archidiaconus, à quibusdam presbyteris et multis laicis seditiosè electus est 28 dec. anno 418; sed postridiè S. Bonifacius I, à 70 presbyteris et 9 episcopis in urbe tunc presentibus, et universâ plebe unanimiter et canonicè electus est, ac Romam, unde exire coactus fuerat, rediit versùs finem aprilis an. 419.

TH. V.

V. Antipapa Laurentius, archidiaconus Tituli S. Praxedis, eodem die contra jus omne ordinatus, quo S. Symmachus Ecclesiæ curam suscepit, id est, 22 nov. 498 an. 500. Laurentius factus est episcopus Nucerninus (Nocera); paulò post Romam rediit secretò. Schismatici ei adhaerentes rapinis et cæditibus urbem impleverunt, quorum furorem ad necem quæsitus vix effugere potuit S. Symmachus, qui pluribus postea in conciliis legitimus papa declaratus est.

VI. Antipapa Dioscorus eodem tempore electus est à nonnullis, quo Bonifacius II, id est, an. 530; sed Dioscori morte paulò post schisma extinctum est.

VII. Antipapa Vigilius, loco sancti Sylvæ in exilium missi pro defensione concilii Chalcedonensis, contra omnes æquitatis regulas electus est anno 537. Extincto tamen fame S. Sylvæ in insulâ Palmariâ, canonicè electus successit Vigilius, qui postea fidem catholicam strenuè propugnavit, quasi mutatus in virum alterum.

VIII. Antipapa Joannes, archipresbyter Ecclesiæ Romanæ, electus clero, et Petrus Presbyter electus ab exercitu anno 686; sed postea clerus, consentiente exercitu, Canonem utrique substituit.

IX. Antipapa Paschalis, archidiaconus Ecclesiæ Romanæ, et Theodorus archipresbyter, à variis electi sunt anno 687. Sed utroque rejecto, papa creatus est S. Sergius I; eodem anno Theodorus canonicè Sergii electioni adhæsit, solus Paschalis restitit; sed postea à Sergio, ob varia crimina depositus, et carceri traditus, in suo schismate pertinax obiit post quinque annos.

X. Antipapa Theophylactus archidiaconus, ab aliquibus è clero et populo electus eo tempore quo à majori cleri et populi parte eligebatur S. Paulus I, anno 757; sed brevi extinctum fuit illud schisma.

XI. Antipapa Constantinus, ex laico intra sex aut septem dies tonsurâ clericali, sacris ordinibus et episcopatu insignitus, in sedem Apostolicam vi intrusus, anno integro pontificatum tenuit; sed postea à populo Romano sede dejectus, oculis erutis monasterio includitur, et ejus loco Stephanus IV coronatur anni 768 3 augusti. Anno sequenti, Constantinus in concilio Romano damnatus, veniam schismatis, quam supplex petierat, obtinuit; sed postridiè propter retractatam obedientiam, iterum condemnatus est.

XII. Antipapa Zinzinus quædam suffragia obtinuerat, sed schisma præsentis suâ extinxit Lotharius, Eugeniusque II tanquam legitimus papa agnitus est anno 824.

XIII. Antipapa Anastasius III, qui adhuc presbyter cardinalis depositus fuerat anno 835 à S. Leone IV, insurrexit adversus Benedictum III canonicè electum anno 855; sed à suis non multò post derelictus est, et schisma finem accepit.

XIV. Antipapa Sergius, presbyter Ecclesiæ Romanæ, electus fuit ab aliquibus ante Joannem IX, sed antequàm ordinaretur, Româ expulsus est.

XV. Antipapa Leo VIII, vivente Joanne XII, electus adhuc laicus 6 dec. anni 963; sed revocatus à Romanis Joannes coacto concilio Leonem deposuit.

XVI. Antipapa Bonifacius VII invasit sedem S. Petri post mortem Benedicti VI et Domni II, anno 974. Excommunicatus fuit à Benedicto VII. Joannem XIV Benedicti VII successorem fame aut veneno interfecit anno 985. Subitâ morte ipse periit circa finem ejusdem anni. Cadaver antipapæ per plateas ignominiosè tractum, icibus confossum, tandem à paucis clericis sepultum fuit. Bonifacium VII supra inter legitimos pontifices scripsimus, 1° quia postea papa 195 dicitur esse Bonifacius VIII, non VII; 2° quia in omnibus ferè paparum catalogis descriptus fuit.

XVII. Antipapa Joannes XVI, episcopus Placentinus, vivente Gregorio V, vi et artibus Crescentii consulis intrusus est anno 997. Anno sequenti à nobilibus quibusdam viris, abscissis linguâ et naso, oculisque erutis, schismatis poenas dedit.

XVIII. Antipapa Gregorius à Benedicto VIII schismate se separavit circa annum 1013, sed auctoritate Henrici regis Germaniæ, qui Benedictum Romæ restituit, pax Ecclesiæ brevi reddita est.

XIX. Antipapa Sylvester III, antea Joannes, episcopus Sabiniensis, anno 1044, à Romanis post expulsam Benedictum IX electus, sed post dies quinquaginta ipse sede expulsus est. Benedictus autem novam veritus ejectionem, pontificatum vendidit Joanni archiepiscopo, cui cognomen Gratianus, qui dictus est Gregorius VI. Miseris illis temporibus tres papæ numerabantur, Benedictus IX, Sylvester III et Gregorius VI, omnes sanctâ sede indigni.

XX. Antipapa Benedictus X, antea Joannes, episcopus Veliternus, manu armatâ à nonnullis

seditionis intrusus anno 1058, in schismate decem circiter menses permansit, postea ad Nicolai II canonicè electi pedes provolutus, veniam obtinuit, eâ lege, ut ab episcopatibus et sacerdotalibus officiis maneret depositus.

XXI. Antipapa Honorius II, antea Cadorius, episcopus Parmensis, paulò post canonicè electionem Alexandri II, anno 1061 factam, ab aliquot episcopis et viris nobilibus Basiliæ papa renuntiatur; congregato exercitu Romam petiit, bis victus Parmam se recepit, et anno 1067 veniit à legitimo papâ obtentâ ob it.

XXII. Antipapa Clemens III, antea Guntherus, archiepiscopus Ravennæ, vivente S. Gregorio VII, 25 junii 1080 à 30 episcopis jussu Henrici imperatoris convocatis, intrusus; sed à suis, post fugatum exercitum Longobardorum, qui contra papam Gregorium VII arma sumpserant, derelictus est anno 1084, et obiit circa annum 1100, sedente Paschali II.

XXIII. Antipapa Albertus circa annum 1100 successit Clementi III antipapæ; sed in ipso die electionis suæ schismaticæ à Catholicis in carcerem conjectus est.

XXIV. Antipapa Theodoricus eandem sortem subiit, quam Albertus, tres circiter menses post suam electionem.

XXV. Antipapa Sylvester III, antea dictus Maginulfus, electus circa annum 1102, Româ brevi expulsus fuit.

XXVI. Antipapa Gregorius VIII, antea Bourdinus, diocesis Lemovicensis, et archiepiscopus Bracarenis (Braga) intrusus auctoritate imperatoris Henrici V, anno 1118, quem coronavit eodem anno 2 junii. Anno 1121 antipapa à Calixto II in monasterio inclusus est, et paucos post annos sedente Honorio II obiit.

XXVII. Antipapa Anacletus II, dictus antea Petrus Leonensis, cardinalis presbyter Tituli S. Mariæ trans Tiberim, antea monachus Benedictus Cluniacensis, à quibusdam cardinalibus electus anno 1130. Ut contra Innocentium II schisma protenderet, thesauros et sacra vasa præcipuarum Romæ Ecclesiarum furto sustulit. Obiit anno 1138, mense januario.

XXVIII. Antipapa Victor IV successit anno 1158 Anacletus II. Ejus pseudo-papatus vix duos implevit menses; namque à suis derelictus Victor, versus finem maii Innocentio II obediit.

XXIX. Antipapa alter Victor IV, antea Octavianus, an. 1159 à tribus tantum cardinalibus electus est auctoritate Friderici imperatoris, Alexandro III papæ infensissimus; tandem anno 1164 mortuus est 22 aprilis.

XXX. Antipapa Paschalis III, antea Guido, Cremenſis cardinalis, Victori IV ſtatim ſuffectus eſt à ſchiſmaticis 4 auguſti 1167. Fridericum imperatorem coronavit Romæ, ubi mortuus eſt 20 ſeptembris ſequentis anni.

XXXI. Antipapa Callixtus III, antea Joannes, designatus episcopus Albanensis, ſucceſſit Paſchali III, reconciliato imperatore Friderico cum Alexandro III. Callixtus veniam petiit et obtinuit anni 1178 29 auguſti.

XXXII. Antipapa Innocentius III, antea dictus Lando, à quibusdam pertinacibus ſchiſmaticis Callixto III ſubſtitutus eſt; ſed anno 1180, Alexandri III papæ juſſu comprehenſus et incluſus fuit, ſicque funeſtum ac diuturnum illud ſchiſma finem accepit.

XXXIII. Antipapa Nicolaus V, antea Petrus de Corbario, ex ordine ſancti Franciſci, vivente Joanne XXII intruſus anno 1328, biennio elapſo Joanni papæ traditus, et ab eo benignè exceptus, petitam abſolutionem obtinuit; ſed ne iterum turbas excitaret, in ipſo palatio papæ Avinionenſi incarcerationis obit mense ſeptembris anni 1355.

XXXIV. Antipapa Clemens VII, antea Robertus, ex episcopo Cameracenſi cardinalis factus à Gregorio XI anno 1371. Frater erat comitis Genevenſis, et ideo dictus eſt cardinalis Genevenſis. Electus eſt à cardinalibus Gallis 20 ſeptembris anni 1378, ſedente Urbano VI. Obit Avinionenſi 16 ſeptembris 1394, re-

gnante Bonifacio IX papâ. A multis eo tempore ut legitimus habitus fuit.

XXXV. Antipapa Benedictus XIII, antea Petrus de Luna, cardinalis Arragonenſis, 23 ſept. 1394 Clementi VII ſucceſſit; poſtea depoſitus à concilio Conſtantienſi 26 julii anni 1417, obiit in ſchiſmate pertinax 17 nov. anni 1424. Ultra annos 50 in pseudo-papatu vixit, et ſex pontificibus indefeſſus obſtitit, ſcilicet Bonifacio IX, Innocentio VII, Gregorio XII, Alexandro V, Joanni XXIII, Martino V et duobus conciliis, Piſano et Conſtantienſi.

XXXVI. Antipapa Clemens VIII, antea Ægidius Munionenſis, canonicus Barcinonenſis, Benedicto XIII ſucceſſit anno 1425, mense junio electus à tribus cardinalibus.

XXXVII. Antipapa Benedictus XIV, viventi Clementi VIII ſimoniacè electo ſuffectus eſt ante 26 junii 1426 ab uno cardinali, qui priori Clementis electioni non interfuerat; ſed brevi ab ipſo cardinali ſpreſtus et derelictus eſt. Clemens VIII anno 1429 Martino V legitimo papæ ſe ſubjecit, et episcopatum Majoricenſem obtinuit.

XXXVIII. Antipapa Felix V antea Amedæus à Sabaudia, electus in concilio Baſileenſi tunc ſchiſmatico 30 octobris anni 1430, à cardinali Arelatenſi, et coronatus Baſilæ 24 julii 1440, poſtea Nicolao V obediit, à quo ita benignè exceptus fuit, ut purpuram, episcopatum Sabinenſem et decanatum ſacri collegii obtinuerit.

ZACCARIÆ VITA.

ZACCARIA (Franciſcus Antonius), parentibus honeſtiſſimis natus Venetiis anno 1714, martii die 27, Jeſuitarum ſocietati aggregatus eſt 17 octobr. 1731. Multas Italiæ urbes curſibus luſtravit apoſtolicis, multaque illum perorantem tempore verni jejunii ſummo plauſu fructuque auſcultârunt. Fama doctrinaque ſimul creverunt eundo, et quidquid eruditorum virorum habebat Italia, quæ tot illuſtrationibus ſeſe meritò jactat, ejus amicitiam ſedulò coluere. Præterea cum extraneis ſcriptoribus, et præſertim cum Bolandianis hagiographis, litterarium inſit commercium. quibus multam operam locavit in emendandis aliquot Actorum erroribus et novis acceſſionibus indicandis. Undeviginti italiçæ academiæ, ex

sodalitio Zaccariæ pleniorẽ ſibi ſplendorem accèſſurum ſperantes, eum ſibi ſocium adoptârunt. In magnâ quoque fuit exiſtimatione apud ſummos pontifices, Benedictum XIV, Clementem XIII et Clementem XIV. Sed maxime omnium immortalis Pius VI totus fuit in amando ornandoque Zaccariâ, adẽ ut aditum ad ſua palatia ſingulis hebdomadibus ei præberet, ſermones familiariſſimos cum eo collaturus.

Obit Zaccaria Romæ 10 octobr. 1795, natus annos 81, menses 6, dies 15.

Non juvat immenſam operum ſeriem quæ nomine ſuo exornavit hic recensere. Fabuloſa penè videtur unius viri vita tot voluminibus componendis, annotationibus commenta-

riove locupletandis, aut duntaxat legendis sufficisse. Magis mirum adhuc erit, si attendatur eum scripsisse de omnimodâ propè disciplinâ, nempe de theologicis rebus, de liturgicis, de Scripturâ sacrâ, de jure canonico, de archeologiâ tum sacrâ tum profanâ, de philologiâ, de historiâ et poesi tum italicis tum extraneis, de scientiis denique omnibus, quarum una longos dies et laboris plenos absorbeat. Præcipua Zaccariæ opera sequens syllabus enuntiabit.

1^o Editio Commentariorum Menochii, quibus accessit supplementum ex variis dissertationibus conflatum. 2^o Editio Bibliorum sacrorum, cum uberrimis prolegomenis, quorum pars à Bapt. Duhamel, altera à Zaccariâ concinnata est. 3^o Editio Tirini in universam S. Scripturam, sex indicibus ac prolegomenis aucta, cum complurimis Zaccariæ annotationibus et ejusdem præfatione. 4^o Editio *Theologiæ moralis* P. Thomæ Tamburini, cum uberrimis Zaccariæ prolegomenis. 5^o Editio *Theologiæ moralis* Hermannii Busembaum, cum prodromo *De Locis moralis theologiæ*, auctore Zaccariâ, multisque ejusdem annotationibus. 6^o Editio *Theologiæ moralis* Alph. de Ligorio, cum Zaccariæ dissertatione prolegomenâ *de casuistica theologiæ originibus, locis ac præstantiâ*. B. Ligorius plurimi faciebat Zaccariam, ut sequitur

ex epistolâ quæ dissertationem prolegomenam præcedit: « Miratus equidem sum, vir clarissime, inquit ibi Zaccarias, de rebus tuis tam humiliter demissèque sentire te, ut *Theologiam* tum ipsi Romanorum pontificum doctissimo Benedicto XIV maximè probatam è typographo tertiam prodire nolueris, quin extaret in operis fronte dissertatio quæpiam « à me educata. » 7^o Editio Petavii, Venetiis 1757, 7 vol. in-4^o, dissertationibus ac notis illustrata. 8^o Editio *Historiæ ecclesiasticæ* Natalis Alexandri, novis annotationibus et dictionario historiæ ecclesiasticæ locupletata. 9^o Variæ dissertationes et editiones de jure canonico disciplinâque ecclesiasticâ, et de Romanorum pontificum auctoritate. 10^o *Thesaurus theologicus* in quo Natalis Alexandri, Petavii, cæterorumque clarissimorum theologorum dissertationes opusculaque collegit, in ordinem digessit, novisque exornavit notis ac dissertationibus, 12 vol. in-4^o, Venetiis 1762. Aliena opera in unum corpus theologicum redigendo, Zaccarias ipse desuo multa præstitit. Tomo primo extant duæ dissertationes oppidò eruditæ, et quas recudendas duximus: altera *de veterum christianarum inscriptionum in rebus theologicis Usu*; altera *de Usu librorum liturgicorum in rebus theologicis*.

DE USU LIBRORUM LITURGICORUM IN REBUS THEOLOGICIS

CAPUT PRIMUM.

LITURGICI GRÆCORUM LIBRI PERCESENTES.

Antequàm de librorum liturgicorum in rebus theologicis usu disputationem ingrediar, eorum notitiam juvat lectoribus exhibere: atque hoc quidem capite de Græcorum libris, in altero de Latinorum voluminibus disseremus. Porro ad Græcos quod attinet, egregium de illis commentarium Parisiis anno 1644 à doctissimo Leone Allatio habuimus, quem Hamburgi Joannes Albertus Fabricius anno hujus sæculi secundo et vicesimo ad calcem quinti Bibliothecæ Græcæ voluminis recudi jussit. Breviorem deinde, in multis tamen

securatiorem Guillelmus Cavens sub Historiæ suæ Literariæ sinem edidit dissertationem: quam eùm Robertus Sala in appendice tomis secundi rerum liturgicarum cardinalis Bonnæ typis iterùm exprimi curârit, nos etiam hic auctiorem dabimus ex Basiliensi editione anni 1745, et nostris præterea adnotationibus illustratam; atque ad eò paucis quibusdam locupletatam articulis, quos à Caveanis secerneamus, ad calcem columnarum eos remittere curantes, ac proprias animadversiones parenthesi distinguentes.

ἌΤΤΑΙΝΜΟΣ. De vulgaribus hujus vocis significationibus jam non agitur. Notat hoc loco solemnem aquæ benedictionem, juxta quos

apud Græcos peragi solet. Cujus duplicem habemus ordinem seu διάταξιν in Euchologio. Prima dicitur Ἀκολουθία τοῦ μεγάλου ἀγιασμοῦ τῶν θείων Θεοφανίων, et semel tantum in anno usurpatur, in festo nempe *Theophaniorum*, quando aqua solemnī ritu consecratur. Exstat apud Goarum in Euchologio, p. 453. Ex quo etiam discimus duplicem hoc tempore aquæ fieri benedictionem, primam in festi pervigilio, ex quâ bibitur, populus aspergitur, domus lustrantur; alteram quæ ipso die festo inter Missarum solemnia facta est, quæ p. oinde sanctorum habetur, majorique curâ asservatur, et pœnitentibus nondum in Ecclesiâ communionem plenè receptis propinari solet. Hoc etiam ritu memoriam baptismatis Christi hoc die olim peracti renovabant, cujus baptismo aquarum omnium naturam aded usque sanctificatam fuisse crediderunt veteres, ut aquæ profundâ hâc nocte haustæ, domumque portatæ, non in unum modò, sed quandoque in plures annos incorruptæ servabantur, disertè id testante Chrysostomo, Homil. de Baptism. Christi. Altera dicta est Ἀκολουθία τοῦ μικροῦ ἀγιασμοῦ, et recitatur in communi aquæ benedictione, non modò in Theophaniis, sed et singulis mensibus, vel urgente quâvis necessitate, à sacerdote fieri potest. Habetur ibidem, p. 441. Utrumque officium in notis suis præclarè illustrat eruditissimus Goarus. Vide Codin. de Offic. Constantinop., cap. 14, n. 26, 27, etc., p. 79, ubi ἀγιασμόν, sive aquæ benedictionem describit, quæ cujusvis mensis initio (exceptis solummodò septembris die 14, et Januarii 6) coram imperatore in palatio fieri solebat (1).

ἈΓΙΟΠΟΛΙΤΙΚὸν ΣΤΙΧΕΡΟΝ, hymnus sive canticum longiusculum, ab Andræa monacho, Cretensi archiepiscopo, qui ἀγιοπολίτης κατ' ἐξοχὴν dictus est, compositum; hujus et alia cantica libris Græcorum passim reperiuntur (2). Ex codice Barberino meminit hujus συγγραφοῦ Goarus not. ad Euchol. p. 202. Balsamoni dicitur Ἀκολουθία τοῦ ἀγιοπολίτου, qui et ἡλατοδημάτων ἀγιοπολιτικῶν meminit.

ἌΝΘΙ, *Laudes*; memorantur in Officio τοῦ ὄρθρου, p. 54, ita nempe apud Græcos, expli-

cante Goaro, dicuntur Psalmi Davidici 148, 149, 150, propter repetitam in iis vocem Ἄνεστη, et in ecclesiasticis eorum libris passim occurrunt.

ἈΚΑΘΙΣΤΟΣ, hymnus in laudem B. Virginis, ob urbem à Persarum barbarorumque furore, illius, ut ferunt, ope ter servatam conditus, idque hâc primùm occasione. Obsessâ urbē regiâ, Imperante Heraclio, ex unâ parte à numero exercitu sub Sarbaro Chosroæ Persarum regis duce, ex alterâ à Hagano Scythâ, Sergius patriarcha imaginem Deiparæ Virginis non manufactam ulnis suis gestans, cum toto populo supplicationes incessanter fecit; quo facto, Heraclius mox insignem de hostibus victoriam reportavit. Unde populus totam noctem absque ullâ intermissione hymnum pro gratiarum actione Deiparæ decantavit. Idem postea sub Constantino Pogonato, et tertium sub Leone Isauro, intestantibus Agarenis, factum. Hinc festum institutum, hinc hymnus sabbato quintæ hebdomadis quadragessimæ in perpetuum decantandus, Ἀκαθιστος, quasi sessione carens, dictus (inquit Tridium hâc die) διότι ὀρθροτάδην τότε πᾶς ὁ λαὸς κατὰ τὴν νόκτα ἐκαινον τὸν ἕμνον τῆ τοῦ Δέου μητρὶ ἑμψέζν. Quodd totus populus totâ nocte stando hymnum Deiparæ concluserit, quòdque, cum in omnibus aliis editibus ex more sedere liceat, in istis divinæ Matris erecti omnes stantes auscultamus. Narrat Codinus de Offic. Constantinop. cap. 12, § 10, p. 74, ex quatuor vigiliis quæ quotannis in palatio celebrari solebant, secundam fuisse τῆς Ἀκαθιστου. Exstat hoc officium in Horologio Græcorum Venet. 1535, aliisque annis non semel edito. MS. Biblioth. Vindob. Cod. Theol. 231, num. 8, à fol. 24 usque ad 37, hoc initio: Βουλὴν προαιώνιον ἀποκαλύπτων, σὶ κόρη Γαβριὴλ ἐφέστηκα, etc. Hymni hujus originem, et integram triplicis liberationis urbis Constantinopolitanæ historiam accuratè describit anonymus auctor orat. histor. in festum τῆς Ἀκαθιστου, quam Græc. Lat. edidit Combefisius Auct. nov. tom. 2, p. 805.

ἌΜΑΡΤΥΩΔΩΝ ΣΥΤΨΪΡΙΑ. Liber ecclesiasticus, ab Agapio Cretensi apud montem Athum monacho, viro in scriptis tum Græcorum, tum Latinorum non inequitio, linguâ vulgari, ex diversis Græcorum Latinorumque operibus, tribus partibus absolutus, quo pia documenta varique sermones ethici continentur. Parte tertiâ in laudes B. Virginis se effundit, de quo miraculis vel ab eâ, vel ejus nomine patris copiosè agit. Editum est ab ipsomet auctore hoc opus Venet. apud Ant. Julian. anno 1641, in-4°.

(1) Confer Sebastiani Pauli dissertationem de ritu Ecclesiæ Neritinæ exorcizandi aquam in Epiphaniâ, anno 1719 Neapoli editam, præsertim à pag. 47.

(2) Seu potius versus urbis sanctæ, nam Hierosolyma urbs sancta audit. Vide Quirinum diatribâ 5. ad officium quadagesimale, part. 2. pag. 162.

ἈΝΘΙΜΟΣ. Ita dictus est Psalmus 118, eò quòd ab his verbis incipit : Μεσσηίαι αὐτῶν, et in sabbato τῆς ἀποδόσεως, seu sabbato secundæ hebdomadis jejuniorum cani solet. Ejus passim mentio fit in libris Græcorum ritualibus, in Euchologio non semel.

ἈΝΑΒΑΘΜΟΙ, Psalmi *graduales*, seu *Cantica graduum* apud Hebræos, Græcos et Latinos satis nota. In divinis Græcorum officiis certis quibusdam temporibus suum etiam habent locum. Vide quæ hæc de re congressit Dufresnius in glossariis suis, tum Græco, tum Latino, quæque commentatores tam veteres quàm recentiores ad hos psalmos notare solent.

ἈΝΑΤΗΝΟΧΕΙΣ, *Lectiones*, seu, ut Latini potius dicerent, *Lectionarius*: in quo libro partes seu segmina ex veteris Testamenti libris excerpta, varisque anni diebus, pro dierum festorum solemnitate, in Ecclesiâ recitari solita, continentur, in unum volumen redacta, ut faciliùs et commodiùs præ manibus habeantur. Prostat liber MS. passim in monasteriis Græcorum, et potissimùm in Bibliothecâ Vaticanâ et Barberinâ, num. 46 et 47, momente L. Allatio, dissert. 4, p. 53, et Diat. de Georg. p. 417, qui tamen notat hunc librum diversum esse ab aliis lectionibus proximioribus, quas non ex sacris litteris, sed ex sanctorum Patrum opusculis desumptas, iidem Græci inter divina sua officia recitant (1).

ἈΝΘΟΛΟΓΙΟΝ, Latine dicas *Florilegium*, opus in duodecim menses divisum, quo continentur officia quæ per totum annum in Domini nostri Jesu Christi, B. Virginis Deiparæ, et reliquorum celeberrimorum sanctorum solemnitatibus solent decantari, ut et communia officia in unum pluresve prophetas, Apostolos, martyres, pontifices, confessores, et alios. Contextum est hoc opus ad modum, qui in Menæis observatur, et maximam partem ex iis desumptum; in hoc verò differt, quòd in Menæis omnia ferè sanctorum festa sua habent quæque officia, i. e., hymnos, preces et lectiones; in hoc præcipua tantùm, quandoque

(1) ἈΝΑΤΟΛΙΑΣ ΣΤΙΧΕΡΑ, *versus aurora læscens*, ἀνατὸλλοντες τῶν ἁγίων cantandos definit Georus ad Euchol. p. 58; Ducangius et alii. Quirinus, in distrib. supra citatâ pag. 463, ita nuncupatos existimat, quoniam ab Anatolio compositi fuerant, ut inferiùs tradit. Certè mirari sinit, prædictos viros confidenter affirmare, hujusmodi Stichera à matutinâ horâ, quâ canuntur, nomen suum obtinuisse. cùm in libro, qui ὀρθρινός, appellatur, ubi Anatica frequentissima sunt, hæc non minus ad Laudes quàm ad Vesperas ponantur.

et nulla; ita, verbis gratiâ, à primâ septembris die usque ad septimam, nulla pro diebus festis officia reperiuntur, quæ tamen in Menæo satis frequentia continentur. In Menæis integra festorum officia exhibentur; in Anthologio plura memorantur tantùm, verbaque illorum initialia solummodò ponuntur. Denique p. 288, habentur plures orationes eulibet sanctæ et magnæ hebdomadis diei convenientes, et lectiones ex Evangelii depromptæ, festo Paschali propriæ. In duo volumina disperitur. Primum continet sex menses, à primâ die mensis septembris usque ad finem februarii; secundum sex æstivales, à martio scilicet ad augustum. Ultimum in Codice Casareo obtinet locum canones aliquot paraclitici Joannis Euchaitensis. Quorum unumquodque peculiarem suam hæbet acrostichidem, quæ itidem ut quælibet ode nona nomine Joannis insignita est. Opus immensum, novis subinde additionibus auctum. Inde in postremarum editionum titulus πλοσιότατος dicitur, aliæque quædam necessaria officia et interpretationes continere notatur, quæ in prioribus Anthologiis desiderabantur. Hinc posteriorum correctorum libellum hæc in parte acriùs carpit L. Allatius p. 89, qui talem de hoc opere censuram fert. *Liber, ut verum fatear, lucri causâ excogitatus; ferè enim nihil in eo est, si recentiora quædam addita excipias, quæ erant tanquam voxia opera pretium fuerit, quod non in Menæis et Paraclitice, aliisque libris, et commodiùs et accuratiùs digestam sit.* Habetur Gr. MS. biblioth. Vindob. Cod. Theol. juxta Lambec. 509, juxta Nessel. 446; suum etiam Anthologium habuit Allatius à se sæpiùs citatum, nec in aliis illustrioribus Europæ bibliothecis deesse videtur. Editum est hoc opus Venetiis anno 1621, deinde typis Pinelli, accurante Theophylacto Tranphurnaro hieromonacho ibid. 1639. Huic editioni subnectitur Παχάδιον, sive *Calendarium Paschale* 50 annorum, nempe ab anno 1642 usque ad finem anni 1692. (1).

ἈΝΘΟΛΟΓΙΟΝ ΝΕΟΝ, sive *Florilegium novum*, ex omnibus penè divinarum officiorum voluminibus, in presbyterorum et monachorum Græcorum usum et sublevamen excerptum, laborem in se recipiente, idque jussu Antonii Sanctorii cardinalis, nationis Græcorum protectoris, Antonio Arcudio Cocyrensi. In hoc breviario rubricæ generales exhibentur, Psal-

(1) Denique Anthologion excusum est 1697, in Hungariâ Walschiâ, teste *Montfaucon*, *Diar. Ital.* p. 457.

terium cum canticis, horologium, officium feriale, officium *Ἀναστασίω ἀποψήμιω*, corporis Christi, ordo defunctorum, pentecostarium, lectiones sanctorum communium, simplicium, propriaque ipsorum synaxaria, Domini solemnitate, B. Virginis cæterorumque insignium, tum duplicium, tum semiduplicium, festorum dierum integra per annum officia, aliaque non pauca. Edidit hoc opus Areudius Rom. 1598, in-4°. Acrius hoc opus perstringit L. Allatius p. 105, quasi in eo componendo compilator se intra sanctorum Patrum terminos non continuisset, et plus sapere visus est, quàm ipse divinus Spiritus voluit, cum vetera immutat, integra obtruncat, perfecta immiscet, et de suo addit incompta atque insulsa, neque cum Græcis ipsis communia. *Quo pacto stomachum, inquit, sapientibus movit, et opus aliàs laudabile dehonestavit.*

ἈΝΤΙΦΩΝΑ. Sensu primo, maximèque proprio hæc vox notat canticum ecclesiasticum alternum, cum psalmi aut hymni ab utròque parte chori alternatim canuntur. Habet verò et strictiorem significationem; sumitur enim pro officio ecclesiastico, ex variis psalmis diversorum versuum, qui magis solemnitatis mysterium exprimunt, collecto. Et hæc Antiphona pro magnâ anni parte in diebus Dominicis recitantur. Dividuntur in primum et secundum Antiphonum; de quibus Leo Allatius, dissert. 1, p. 15, hæc nos docet. In primo post singulos versus recitatur, ταῖς προσβόαις τῆς θεοτόκου, Σῶτερ, σῶσον ἡμᾶς, *precibus Deiparæ, Salvator, salva nos*: in secundo pro solemnitate diversitate versui adnectitur formula solemnitate exprimens, ut in die Paschatis dicitur: Σῶσον ἡμᾶς, ἦτέ Θεοῦ, ὁ ἀναστὰς ἐκ νεκρῶν, ψάλλοντας σοι ἀλληλουῖα. *Salva nos, Fili Dei, qui à mortuis resurrexisti, canentes tibi alleluia*; in Pentecostes: Σῶσον ἡμᾶς, ἦτέ Θεοῦ, Παράκλητε ἀγαθὲ ψάλλοντας σοι ἀλληλουῖα, *Salva nos, Fili Dei, Paraclete bone, canentes tibi alleluia*; et sic de aliis terminatis versiculis idem reperitur. In nunc et semper dicitur illud: Ὁ μονογενὴς ἦν ἐκ πατρὸς τοῦ Θεοῦ, ἀθάνατος ὑπάρχων. *Unigenitus Filius, et sermo Dei, immortalis existens, etc.* Postmodum tertia statio excipit, quæ et tertium antiphonum vocatur; versiculi psalmodum cum tropario proprio solemnitate, cujus vicem, cum typica dicuntur, beatitudines occupant, in quarum postremis, tertix sextæque ordæ troparia, sive paracletices, recitantur. De his Antiphonis vide etiam quæ habet Goarus ad Eucholog. paginâ 123.

ἈΠΟΔΕΙΞΗΝΟΝ, Latine dicas *Complectorum* officium scilicet ecclesiasticum, quod post sumptam cœnam decantatur. Vocatur τῶν ἀποδείξινων ἀκολουθία. Duplex hæc de re apud Græcos officium occurrit. Primum *μέγα* dictum, quod per totam Quadragesimam psallitur. Et præsertim canuntur 12 psalmi, à verbis: *Ἐψάλοι, Κύριε*, usque ad: *Κύριε, ἐξάρουσον*. Quod quidem in monasteriis fieri solet. Sacerdotes verò seculares et monachi iter facientes, hos psalmos omitunt. Alterum *μικρὸν* dicitur, et per reliquum anni tempus celebratur. Utrumque officium in Græcorum Horologio reperitur. Confer Meursium, Suicerum, et Dufresn. in voce ἀποδείξινων (1).

ἈΠΟΣΤΟΛΟΣ, seu, ut in Euchologio Goriano, p. 233, vocatur ἀποστολικὸν βιβλίον, quod potior majorque illius pars ex Epistolis canonicis Apostolorum, præsertim S. Pauli, desumpta. Hinc in ordinatione lectoris, pontifex tradit e- τῶν ἀποστόλων, Euchol. p. 236; et in Liturgia Chrysost. p. 68, lector profert τὸν προκαίμενον ἀποστόλου καὶ τῆς ἡμέρας, propositum Apostoli et diei; mox, καὶ τοῦ ἀποστόλου πληροβέντος, et lectione Apostoli completâ sacerdos exclamat, etc. Hic liber tempore S. Sabæ jam in usu fuit, teste Cyrillo Scythopolitano in Vita ejus, num. 75, apud Cotel. Monum. tom. 3, pag. 351, lector qui Epistolas S. Pauli Apostoli publicè in Ecclesiâ legit, πρωταποστολόριος, cujus meminit Codinus de Offic. Constantinop. cap. 6, n. 14, pag. 44. Editus est hic liber Venetiis 1641, hoc titulo: Ἀπόστολος σὺν Θεῷ ἀγίῳ (2). De Πραξάποστολῳ agemus suo loco.

ἈΠΟΣΤΟΛΟΕΥΑΓΓΕΛΙΟΝ, liber complectens lectiones apostolicas simul et Evangelia, quæ in sacris liturgiis, singulis diebus aut festis, præsertim dominicalibus, iisque quæ B. Virginis martyrumque honori dedicata sunt, leguntur. Agit de hoc libro Euchologium non uno loco. Extant Ἀποστολοευαγγέλια totius anni, juxta duodecim menses disposita, certis quibusdam diebus recitata, summariè exposita in Euchologio, pag. 904. Ubi etiam habentur Ἀποστολοευαγγέλια in mulieres martyres, in moniales simul et martyres, et undecim matutina Evangelia τῶ ἀναστάσιμα, seu *memoriam resurrectionis habentia*.

Βῆλα, sive Κυριακὴ τῶν βῆλων, *Dominica in Palmis*, quâ populus inter matutinas laudea

(1) Et Rayæum Bollandistam in *Tractatu præliminari de acolythiâ Officii canonici pro Ecclesiis Orientalibus*, cap. 5, n. 217.

(2) Proderat antea Venet. 1635. Vid. Fabr. ad Alatii Diss. Bibl. Gr. vol. 3.

decantandas, palmas manibus gestare solent ad imitationem turbæ Hierosolymitanæ, Christum Hierosolyma ingredientem præeuntis, palmasque manibus ferentis. Extat in Euchologio, pag. 744, *ἐρχέ τις τὸ δόξαι τὰ βία τῆ βασιλείας, oratio ad palmas ipso palmarum die distribuendas*. Et ipsum festum τῶν βαίων ἑσπρί, sive ἡ βασιλείας ἡμέρα vulgò dicitur. De festo Palmarum vide quæ habet Codinus de Offic. Constantinop. cap. 10, p. 66, quæque ad illud caput notavit Græterus, p. 258.

ΒΑΠΤΙΣΜΑ. Ritus et cæremonias describere, quibus baptismus apud Græcos peragi solet, non est hujus loci. In Euchologio hinc pertinent quæ sequuntur officia: 1° *Ἐρχέ τις τὸ κατασπαργίζου παίδου, oratio ad cruce signandum puerum, suscipientem nomen octavæ die natiuitatis sue*, pag. 321. Officium hoc baptismo præambulum est, et catechumenatûs vicem supplere videtur, cum catechumeni olim nomen suum Ecclesie dare tenebantur. 2° *Ἐκδοθία τοῦ ἁγίου βαπτισματος, officium S. baptismatis*, p. 350. Cujus officii varia exemplaria ex codicibus MSS. exhibet Goarus. Integrum baptismum apud Græcos celebrandi ritum ex Euchologio Latine exhibet, scholiisque suis illustrat P. Areudius de Concord. Sacram. lib. 1, cap. 17, p. 57. 3° *Ἐρχέ τοῦ ἁγίου βαπτισματος εἰς ἀνορθώσας νότον, oratio S. baptismatis in pueram lethæ proximum*, p. 370, cum nempe urget vel morbus, vel instantis mortis necessitas, ut baptismus contractiori formulâ peragatur. 4° *Ἐρχέ τις τὸ ἀπιδύσασαι νεοφώτιστος τῆ ἑσπέρῃ ἡμέρᾳ, oratio ad abludendum recens illuminatum octavæ die, sive ablutio post baptismum*, p. 371. Moris quippe erat in Ecclesiâ ab omnibus retroactis seculis, ut octavâ post baptismum die neophyti vestes candidas deposituri in Ecclesiam convenirent. Cui postea accessit ablutio sive abstersio, ne fortè aquæ baptismalis, vel chrismatis aliquid excidens deridatur.

ΒΑΣΙΛΕΙΟΙ. Hoc nomine in scriptis ecclesiasticis Græcorum veniunt quatuor libri, nempe Regum IV, qui in sacro veteris Instrumenti canone habentur. De quibus vide Constitut. Apost. lib. 1, cap. 5, 6.

ΝΙΒΑΘΕ ΚΑΝΟΝΕΣ, Codex Canonum, quo usa est Ecclesia universa, continens priorum 4 conciliorum generalium, ut et Ancyranî, Neocæsariensis, Antiocheni, Laodicensi canones continuatâ numerorum serie dispositos, qui sibimet invicem hoc ordine succedunt. Concilii Nicæni (primo quidem loco positi, διὰ τὴν τῆς οὐνοκρατικῆς συνέθεσιν αἰθέ-

ταίαν, ut ipsius codicis verba sunt, *propter synodi œcumenicæ auctoritatem*) canones 20, Ancyranî 25, Neocæsariensis 14, Gangrensis 20, Antiocheni 25, Laodicensi 59, Constantinopolitani primi 7, Ephesini 8, Chalcedonensis 29, omnes numero 207. Hinc in Actis conciliorum, præsertim Ephesini et Chalcedonensis (ut de scriptoribus ecclesiasticis nil dicam) locis occurrit formula, fieri aliquid *κατὰ τὴν τῶν κανόνων ἐκδοθίαν, damnari quempiam διὰ τὴν ἐκδοθιαστικὴν ἑσπέρην ἐκδοθίαν, et κατὰ τὴν τῶν κανόνων τάξιν, quia nempe codex canonum, quo tunc usi sunt, continuatâ numerorum serie et consequentiâ decurrebat. Prima hujus codicis mentio occurrit in actis concilii Chalcedonensis, cujus canones ei demùm accesserunt; ita act. 11, ἀπὸ τοῦ βιβλίου recitantur canones 95 et 96, qui concilii Antiocheni sunt 16 et 17; act. 15, ex eodem codice legitur canon 4, qui inter Nicænæ synodi canones quartum habet locum, et act. 4, sumpto libro, Actius archidiaconus et primicerius magnæ Ecclesie Constantinop., legit ex eo canones 85 et 84, qui quidem concilii Antiocheni sunt 4 et 5. In codice encyclico epistola synodica 41, Conc. 1. 4, col. 298 (quæ est episcoporum Pisidiæ ad Leonem imper.) Timotheum ejusque assecclas ex Ecclesiâ Dei ejiciendos judicant secundum consequentiam regalarem. Quenam verò hæc fuerit, nos docent quæ sequuntur: « Sicut inquit, tertia et octogesima regula « de talibus aperte decernit, cujus initium « est: *Si quis episcopus à synodo depositus, aut « presbyter,* » etc. Jam verò 85 codicis nostri regula est synodi Antiochenæ canon 4, qui eodem modo incipit. (1) Primus hunc codicem è tenebris eruit, et versione notisque adornatum Græc. Lat. edidit Christoph. Justellus Paris. 1610, in-8°. Transtulit deinde in Bibliothecam suam juris canonici Henricus Christophori F. tom. 1, p. 1, anno 1661. Recedit demùm præmissâ historicâ relatione de collectionibus canonum G. Th. Majerus Helmst. 1665, in-4°. Alius ab hoc est *Codex Ecclesie Orientalis*, vel idem potius à sextæ synodi Patribus anno 681 insigniter auctus, de quo etiam diximus loco citato. Hunc ex codice MS. Ecclesie Pictaviensis Græcè extulit Joan. Filius, postea Meldensis episcopus, Paris. 1540, in-8°. In*

(1) De codicis hujus origine, variisque incrementis consule Constantium in Præf. ad Epistol. Roman. Pontif. part. 2, § 4; Joan. Baptistam Bartholum in Institutionibus Juris canonici cap. 46, § 5, et Ballerinius tom. 3 operum S. Leonis Præfat. part. 1, cap. 1, seq.

posteriori hoc codice locum habent canones Sardicenses, qui in codice Ecclesie universae desiderantur. Ut ἀεὶ φίλον suam egregie proderit cardinalis Perronius (Resp. ad M. Brit. reg. l. 1, c. 53), dum Christophi. Justellum sublestæ fidei in edendo codice canonum Ecclesie universae arguere voluit, quod hos canones suppresserit: nescius utique alium esse Ecclesie universae, alium Ecclesie orientalis codicem. Quo nomine jure vapulat Henrico Christophori filio in Præfat. generali ad Bibl. Juris canonici veteris (1). Convenit penè inter omnes veteribus in more fuisse positum, ut quoties in synodo coirent, de rebus vel fidei, vel disciplinæ acturi, cum duplici jure judicandum esset, divino nempe et canonico, in medio concessis super tabulam collocatus sit à dextrâ parte codex Evangeliorum, è sinistrâ codex canonum. Et de eod. te quidem Evangeliorum disertissimè affirmat Cyrillus Alexandrinus (Apologet. ad Theod. imp. tom. 6, p. 251), ubi de synodo Ephesinâ agens, ἐκεῖτο γὰρ ἐν ἀγίῳ θρόνῳ τὸ αὐτὸν εὐαγγέλιον, μονοουχὶ καὶ ἐπιθεῖον τοῖς ἀγίοις ἱερωρχοῖς. Κρίμα δίκαιον κρίνατε. *Venerandum enim Evangelium in sancto throno collocatum erat, illud propè sanctorum sacerdotum auribus insonans: Justum judicium judicate.* Et plena sunt conciliorum acta; imò ipsis oculis id demonstrant picturæ veteres, quæ etiam hodiè supersunt. E multis unicum exemplum dabo. Bethlehemi, in ecclesiâ Dominicæ Nativitatis, inter alia monumenta, ex utràque parietum parte, meridionali et aquilonari, infra fenestras ecclesie in sex quadratis spatiis ex musivo opere totidem sunt arcus figurati, sive fornices, quæ totidem conciliorum memoriam exhibent. Pars meridionalis sex continet concilia œcumenica, Nicænum, Constantinopolitanum I, Ephesinum, Chalcædonense, Constantinopolitanum II, Constantinopolitanum III; aquilonaris totidem provincialia, videlicet Ancyranum, Antiochenum contra Paulum Samosatenum, Sardicenses, Gangrense, Laodicenum, et Carthaginense

(1) Quod Caveus monet de Justello, eum in edendo codice canonum Ecclesie universae fraudis non arguendum, contra inspectionem codicis Bodlejani militat, ex quo quædam cultro resecuti Justellus, plurima omisit, quæ descripta penès se habet, olim forsân edenda, Joan. Georgius Janus Polyhistor Wittebergensis. Hæc Pflaffius in Disquisitione de Liturgiis, et Libris Eccles. p. 22. (Ad excusandum Perronium et illud facit, quod Constantius et Balzerini probant, Justellianum nempe Codicem universae Ecclesie Codicem non fuisse.)

sub Cypriano contra Novatum. Unaquæque fornix suam habet inscriptionem Græcam, quæ istam synodum breviter describit. In medio arcus visitur pluteus, cujus in medio collocatur codex, quo librum Evangeliorum denotari nemo, opinor, faciliè denegabit. Venerandum hoc antiquitatis monumentum ab Emmanuele Comneno, ut ex inscriptione liquet, absolutum, anno 1626, descripsit Nic. Quaresmius Elucid. terr. Sanctæ tom. 2, lib. 6, cap. 13. Inscriptiones Græcas, et parietis aquilonaris delineationem ex Oriente sibi transmissam, et æri eleganter incisam, exhibet vir illustris pariter ac eruditus Joan. Clampusius lib. de sacris Ædificiis Constantini M. cap. 24, p. 150, qui et alibi de hoc more ex veterum monumentis agit, nempe in elegantissimo opere de vet. Monument. Musiv. cap. 16, p. 135, et cap. 25, p. 236. Vide etiam cap. 22, p. 204 (1). Et de codice Evangeliorum hæc tenus.

De codice canonum non adeò clara sunt veterum testimonia, etsi admodum probabile est, et tantum non certum, cum in Actis conciliorum legitur præstòtatum fuisse ad manum, et datâ canones relegendi occasione, à diacono in manus sumi solere sine ullâ introductionis mentione. His adde quòd in supra memorati operis Bethlæmitici quadrato sexto, quod synodi Carthaginensis memoriam conservat, sub duplici arcu bini representantur suggestus, codice utriusque superimposito. An hic codicem Evangeliorum, alter Canonum codicem denotet, lectori erudito perpendendum relinquimus. Certè à magnâ verisimilitudine non abhorret. Sum denique Synodicon habet Ecclesia Æthiopica, quæ Græcorum ritus ecclesiasticos ut plurimum sequitur. Præter enim librum, quem Synodum vocant, Apostolorum constitutiones et canones, sed à nostris tum rebus, tum verbis, necnon ordine et numero valdè discrepantes, complectentem, habent Abyssini et codicem conciliorum, nempe Ancyranum, Neocæsariensis, Nicæni, Gangrensis, Antiocheni, Laodicensis, et Sardicensis canones continentem; de quo plura te docebet, lector, vir in his litteris sine pari Job Ludolfus Hist. Æthiop. lib. 5, cap. 4. Plenis Comment. Æthiop. lib. 5, cap. 4, n. 50, p. 501.

ΓΕΡΟΝΤΙΚΩΝ. Opus est in quo dicta et facta veteriorum ἄσχετων congesta sunt. Frequens Gerontici apud scriptores Græcos mentio. Cu-

(1) Adi de his etiam Catalani Commentarium de Codice S. Evangelii, lib. 3, c. 10.

hujusmodi opera primam in Aegypto contexta sunt. Qualia apophthegmata ἐγίων γρηγόριος, à Cotelerio Græc. Lat. in lucem emissa Monument. tom. 4, p. 311. Excerpta ex Palladii Historiâ Lausiaca tom. 3, p. 158. Παράκλησις, sive Aegyptiorum monachorum Historia Ibid. p. 171. Joan. Moschi Pratum Spirituale Biblioth. PP. Græc. Lat. tom. 2, ut alia prætermittam. Plura MSS. delitescunt. Ex quibus quædam in Ecclesiâ publicè leguntur, id quod de Joannis Climaci (qui et ipse cap. 56 βίβλου γρηγορίου memorat) opere satis constat, ut infra notabimus.

ΔΙΑΚΟΝΙΚΟΝ. Hæc vox non unam apud scriptores ecclesiasticos significationem obtinet. Sumitur quandoque pro eâ Ecclesiæ parte, in quâ dum sacra fiunt, diaconi consistere solebant; nempe in solâ, et ad beatis cancellos; aliquando pro eâ Ecclesiæ adjunctâ, in quâ vasa sacra et vestes reponebantur, quorum curam habebant diaconi, de quo non pauca congressit Gothofredus ad Philostorgii lib. 7, cap. 3, p. 276; quandoque pro collectâ, seu eâ precam publicam parte, quam diaconi pronuntiabant. Hoc verò loco librum denotat ecclesiasticum, quo omnia, inquit L. Allatius, quæ ad diaconi munus obeundum requiruntur, in agendâ re divinâ et singulis officiiis uno veluti fasce continentur. De eo videtur intelligendus esse Joannes Euchaitarum (1) episcopus, cum carmina eî τὰ βιβλια τῆς διακονίας τοῦ ὑποτακτέου scripsit. Vide Allat. dissert. 4, p. 97.

ΔΙΔΑΧΑΪ, conciones, homiliæ ecclesiasticæ, quæ vetustioribus διδασκαλίαι vocabantur, recentioribus Græcis διδασκαλίαι dicta sunt; conciones nempe in præcipuis anni festa, quæ ferè semper in præmiis et duas ἐπίλοις distinguuntur. Cujusmodi, inquit Dufresnius in verb. διδασκαλίαι, erant Alexii Rhartari presbyteri et chartophylacis Corcyræ editæ Venet. anno 1560, quo et vixit: et alix nescio cujus anonymi in Cod. Colbert. 4634. An verò hujusmodi conciones à privatis doctoribus compositæ in publicis Ecclesiæ cœtibus recitatz sint, non constat.

ΑΙΘΑΚΑΤΗΧΟΜΕΝΟΝ. Cantici ecclesiastici species erat, iterata fortè precatio pro Catechumenis, inquit Dufresnius, qui ad conjecturam suam firmandam, locum unum alterumve

(1) Imò Euchaitarum, ita enim potius quàm Euchaitarum scribendum esse notat Lambecius, teste Fab. ad Allatii Diss. 4, vol. 3, Bibl. Græc. subjunct. p. 72.

ex Horologio MS. in officio Quaresimæ profert Append. ad Gloss. Græc. col. 59.

ΔΙΠΤΥΧΑ. Nota satis est et vox et res. Duplices erant tabulæ, quarum una patriarcharum, pontificum, episcoporum, qui majoribus Ecclesiis præsidebant, et in vivis erant, nomina inscribebantur; in alterâ mortuorum, eorum nempe qui in pace et communionem Ecclesiæ diem suum obierant, quæque ex his tabulis inter sacrorum solemnium à diacono ad altare recitari solebant. Episcopi alicujus nomen his tabulis inditum communionis erat tessera et indicium. Ubi verò alicui denegatur, nomen ejus è publicis Ecclesiæ tabulis erasum est. Mos satis antiquus, et quarto saltem seculo, si non retroactis temporibus, usurpatus. Verùm non modò episcoporum, sed et aliorum sanctitate illustrium, præcipuè imperatorum orthodoxorum nomina hisce tabulis inscripta fuerunt, et ex iisdem recitata. Quin et conciliorum œcumenicorum, ut fidem nobis facit Justiniani imp. Epistola ad Epiphanium (Cod. de Summ. Trinit. lib. 7, prop. fin.) patriarcham Constantinop., et nos etiam ad concilium Chalcedonense notavimus, ubi de codice canonum Ecclesiæ universæ egimus. Plena est harum tabularum in scriptoribus ecclesiasticis, plena in conciliorum monumentis, ubique mentio. De Diptychis agunt Durantus, de Ritibus Ecclesiæ, lib. 2, c. 43, num. 8, 9, p. 717; Habertus Pontif. Græc. p. 156; Goar, ad Eucholog. p. 143; Masticrius Schediasm. de susceptor. in Baptismo, et Hist. Jur. Eccl. num. 2, pag. 7; præsertim verò lexicographi ecclesiastici, Dufresnius in glossario tum Græco, col. 514, tum Lat., col. 407, etc.; Meursius et Sulcerus, in voce διπτύχον (1).

ΕΓΚΑΪΝΙΑ. Eucarsia, seu ædium sacrarum dedicationes. Ad hanc classem pertinere videntur hæc Euchologi officia: 1° τῶν γρηγορίων ἐν ταμίῳ ἐοικέναι, ordo observari solitus in fundamento Ecclesiæ ponendo; 2° ἐκκλησία τῶ σπυροπηγίῳ, officium circa crucis defensionem, p. 609; 3° τῶν γρηγορίων ἐν ταῖς ἐγκαισίαις, ordo in eucarsis, hoc est, in templi dedicatione servandus, pag. 832, 844, 845; 4° τῶν γρηγορίων ἐν εὐχαρίσῳ ἀγία τραπέζης, ordo servandus si vota fuerit sacra mensa, p. 614. Sunt et alia officia

(1) Item Henr. Dodwellus in Diss. Cypriacâ 5, et Montefalconius in Paleographiâ Græcâ l. 4, c. 4. (Cum primis autem Gorius eruditissimus in Diptychorum Thesuro, cujus primus tomus posthumus nunc primùm Florentiæ prodit curante clarissimo viro Joanne Baptistâ Passerio.)

et orationes quæ ad hanc classem pertinere videntur, nempe officium in consecratione patinæ et calicis novi, p. 852; oratio in aperiendo sive reconciliando templo, à gentilibus, vel ab hæreticis profanato, p. 620; in reconciliacione ecclesiæ, in quâ hominem violenter mori contingerit, pag. 621, et hujusmodi alia.

ΕΙΡΜΟΔΙΟΝ, liber ecclesiasticus, quo omnes octoechi ἕρμολ sive cantus initiales Christi et Deiparæ festivitatum, totiusque anni continentur. Εἰρμός appellatur, inquit Zonaras in canones Anastasimos Damasceni, ὡς ἀκολουθίαν τινὰ καὶ τῆν μέλους καὶ ἁρμονίας διδούς τοῖς μετ' αὐτῶ τροπαρίοις, quod seriem quamdam et connexionem et ordinem cantus et consonantiæ tribuat consequentibus post se tropariis. Hirmus itaque, explicante L. Allatio Dissert. 1, p. 98, est hymnus, sive troparium, à quo reliquorum tropariorum, quæ in eâ ode cantuntur, consequentia et series ducitur. Canon nempe est et regula modulationis subsequentium tropariorum (1). Editum est hujusmodi Hermologium Venet. anno 1603, in-8°. Novissimum, ni fallor, prodit ibid. anno 1643. Ad finem habetur tabula septem concilliorum œcumenicorum; index graduum prohibitiæ affinitatis; septem peccatorum mortalium; septem gratiarum; septem mysteriorum, seu sacramentorum, et quatuor naturalium virtutum tum animæ, tum corporis. Habetur MS. tum alibi, tum biblioth. Vindob. Cod. Theolog. 285, numer. 3, fol. 264.

Exstare in Bibliothecâ Barberinâ Εἰρμολόγιον totius anni, quemadmodum in Monte Sancto cani consuevit à Josaphato Cucuzele hieromachato notis musicis adornatum, testis est idem Allatius, pag. 99. Dicitur hic Cucuzeles, ὁ νέος nempe ut à seniore distinguatur. Erat is magister Joannes Cucuzeles, qui contexit τὴν ἅπασαν ἀκολουθίαν τῆς ἐκκλησιαστικῆς τέχνης, seriem universi officii ecclesiastici, quam antiquis notis musicis adornavit. Exstat Græc. MS. biblioth. Vindob. Cod. Theod. 185, continetque folia 344, in-4°, atque ita incipit: Δεῦτε προσωνήσωμεν, etc.

ΕΙΣΟΔΙΚΟΝ. Officium est quod peragitur quando Evangelia, vel dona sacra solemniter procedendi ritu à sacerdote ad altare deferuntur. Duplex verò apud Græcos, notante Goaro ad Eucholog. p. 124, est εἰσοδος: Prima μικρά, quæ et in Euchologio Allatiano in consecratione episcopi ἡ πρώτη εἰσοδος τῆς θείας

(1) Vide Rayzum in dissert. præviâ ad tractatum tractatum præliminarem, § 2, num. 9 et 10.

ἱερωγίας dicitur, libri nempe Evangeliorum, quem ante faciem elevatum defert diaconus, in sacrarium introductio. In liturgiâ Chrysostomianâ, p. 67, hoc modo describitur: Sacerdos acceptum sacrum Evangelium tradit diacono, atque ita portâ septentrionalis partis egressi veniunt ad consuetum locum, καὶ ποιῶσιν τὴν μικρὰν εἰσοδὸν, ingressum minorem peragunt. Habetur ibidem ἡ γῆ τῆς εἰσοδοῦ, quæ μυστικῶς seu secretò recitanda est. Εἰσοδος μεγάλη, seu ingressus major est, quando sacra dona pompâ magis solemnî et augusto apparatu altari inferuntur. De quo vide quæ prolixiâ notavit Goarus, ibid. p. 131.

ΕΝΝΑΤΑ, quæ Novemdiaria reddi possunt: officium quod pro defuncto, non post obitum die, psalmis aliisque precibus et lectionibus peragitur; quod et tertio et quadragesimo die factum est. Meminit auctor Constitut. Apost. lib. 8, c. 42, col. 306. Ubi etiam τρεῖς τῶν κειομενῶν, καὶ τεσσαρακοστὰ ἐτησίαν recenset. Vide quæ ex Justiniani Novellâ, Niceph. Gregorâ aliisque notat Dufresn. col. 387 (1).

ΕΞΑΨΑΛΜΟΣ, à numero Psalmorum quibus componitur, dictus; sex quippe Psalmos continet; nempe 5, 37, 62, 87, 102, 142, qui ut plurimam in matutinis, quandoque etiam et ἐν τοῖς ἀποδείπνοις canuntur. Eis δὲ τὸ ἀποδείπνων ψάλλομεν ἐὶ κατὰ συνθῆς ἐξάψαλμον (ut habetur in Menæo in Apodeipno), canimus consuetum hexapsalmum. De hexapsalmo, trisapsalmo, aliisque Psalterii partibus in officium aliquot peculiare redactis, plura te docebit, lector, L. Allatius Dissert. 1, p. 57. Confer etiam Dufresn. Gloss. Græc. col. 401.

ΕΞΟΔΙΑΣΤΙΚΟΝ, Exequiæ. Ad hunc titulum sequentia Euchologii officia revocanda sunt: 1° Ἀκολουθία εἰς ψυχὴν ἁγῶντα, officium agentis animam, p. 757, cum nempe ægroto penè instat mortis articulus. 2° Ἀκολουθία ἐξοδίαστικῶν, officium exequiarum p. 523, cui subjunctæ sunt orationes plures ex aliis MSS. circa defunctum usurpandæ. 3° Ἀκολουθία ἐξοδίαστικῶν τῶν μοναχῶν, officium funeris monachorum, p. 554. 4° In sacerdotem vitâ functum, p. 561. Quin et viri seculares, mulieres et pueri

(1) ΕΞΑΠΟΣΤΕΙΛΑΪΡΙΑ. Hymnismus ita appellati à voce ἐξαπότεσθαι, quæ in iis frequenter occurrit, ut post Cangium tradit Quirinius in citatâ diatribâ tertiâ, p. 166. Alter Goario visum est, alter Gretsero et Combefisio, quorum hi à dimitterio cæli hymnorum hujusmodi nomen arcessunt, ille hymnum explicat, ad quem concinendum in chori gremium mittitur aliquis, etc.

viti functi sua etiam habent funeris officia.

ἙΣΠΕΡΙΝΟΣ ὝΜΝΟΣ, sive *Hymnus vespertinus*. Sole jam occidente, cum lumina inferrentur, in Ecclesiâ cantari solitus. Incipit $\Phi\acute{\omega}\varsigma$ Δ ιακρὸν ἀγίας δόξης ἀθανάτου πατρὸς εὐρανοῦ, etc. Occurrit passim in codicibus MSS. librisque Græcorum ritualibus, nec semel typis impressus. Constit. Apost. lib. 8, cap. 56, habetur προσφώνησις ἐπιλόγιος, et cap. sequenti Εὐχαριστία ἐπιλόγιος. Verùm utraque formula à nostrâ diversa. Sed lib. 7, cap. 49, occurrit προσευχὴ ἑσπερινός, eadem penè et verbis et sensu. Antiquissimum certè hunc hymnum suo tempore fuisse luculenter testatur Basilius, et seque illum διὰ τὴν τοῦ χροῦου ἀρχαιότητα in testimonium adducere, lib. de Spir. S., cap. 29, p. 359. Non sum nescius Græcos plerosque, et recentiores penè omnes hymnum hunc Athenogeni ad martyrium jam properanti, cujus ibidem meminit Basilius, tribuere. Quisquis verò Basiliū locum seriò perpendit, facillè videbit, hymnum Athenogenis à nostro apertè distingui. Ac proinde quæ hæc de re dicta sunt Hist. Litt. vol. 1, p. 94, de vulgari sententiâ intelligenda sunt. Basilius $\kappa\alpha\iota$ $\rho\eta\theta\epsilon$ quis fuerit τὸς ἐπιλόγι'ου εὐχαριστίας, hymni scilicet vespertini auctor, se nescire disertè profitetur; de hymno verò matutino nihil habet. Interim hymnum quemdam, quo Spiritūs S. divinitas confirmabatur, scripsisse Athenogenem loco citato expressè tradit. In vetusto quodam codice MS. Ὕμνος τοῦ λυχνηκοῦ appellatur, quia in officio Lucernarii principem locum habet. Vide quæ diximus in verbo *Λυχνηκόν*. Addam solummodò, quod ante me notârunt Usserius et F. Ducæus, gentiles olim talem quamdam formulam usurpâsse. Certè, teste Varrone de Ling. Lat. lib. 5, p. 46, Græci, cum lumen adfertur, religiosè solebant dicere: $\Phi\acute{\omega}\varsigma$ ἀγαθόν. Quid mirum igitur si haberent Christiani quod gentilibus opponerent, suum nempe $\Phi\acute{\omega}\varsigma$ Δ ιακρόν, in laudem Domini nostri, qui ἀπαύλασμα τῆς δόξης Dei Patris ab Apostolo dicitur?

ΕΥΑΓΓΕΛΙΑΝ. Codex in quo descripta sunt Evangelia, non quidem continuatâ historiæ evangelicæ serie, sed in certa *τμήματα*, sive *περικεπὰς* divisa, quæ proprias lectiones constituant, ad usum singulorum dierum et festivitatum, modò unus, modò alterius Evangelistæ textu, quandoque etiam plurimis in locis, ut opus fuerit, interposito, non ita tamen ut seriem evangelicam prorsùs interrumpant Exceptis enim solemnitatibus quæ

peculiare sibi poscunt Evangelium, in reliquis anni diebus ita dispertuntur, ut unus *pribus* Evangelistæ textum in *temata* dividant, et diebus applicent, donec finiat; postmodum alterius continent, donec omnia ad exitum perduxerint, et diebus dominicis à scriptore Evangelii nomen imponant. Dicunt enim: Ἡ πρώτη κυριακὴ τοῦ Ματθαίου, ἡ δευτέρα τοῦ Ματθαίου, et sic de aliis. Ubi codex Evangelistarum tetrabiblos sit, τετραεὐαγγέλιον nuncupatur. Pluribus hæc persequitur L. Allatius, diss. 1, p. 54, etc. pluribus Meursius in voce εὐαγγέλια, pluribus Dufresnius Gloss. Græc. col. 441 (1), qui et varia Evangelia memorat, nempe *ἰεθινά*, quæ diebus Dominicis in matutinis leguntur; *ἰεθινὰ ἀναστάσιμα* numero 11, certis diebus ac hebdomadibus lecta; *ἰσακὰ*, quod in festis sanctorum, secundum menses aliquot, legantur; denique *μικρὰ εὐαγγέλια*, quæ à mulieribus vice *φωλακτηρίων* gestari solebant. Quod et suo jam tempore factum esse testatur simul et reprehendit Isidorus Pelusiota, lib. 2, epist. 150, ad Epimachum, p. 178. Diaconus qui Evangelium legit in sacrâ liturgiâ εὐαγγελιστὴς vocatur, qui antequam lectionem suam ad altare incipiat, ut ex liturgiâ Chrysostomianâ liquet, conversus ad sacerdotem benedictionem ejus impetrat his verbis: Εὐλόγησον δέσποτα τὸν εὐαγγελιστὴν τοῦ ἁγίου Ἀποστόλου, καὶ εὐαγγελιστοῦ τοῦδε, *benedic, Domine, Evangelistam S. Apostoli et Evangelistæ N.* Editum est hoc θεῖον καὶ ἱερὸν εὐαγγέλιον (hunc enim habet titulum) primum ab Emanuele Glyzonio Venet. anno, ni fallor, 1539, postea curâ Theophylacti hieromonachi apud Joan. Pet. Pinellum, ibid. 1645 (2). Præmittitur præfatio, sive epistola dedicatoria ad sanctissimum doctissimumque Gabrielem Philadelphiae metropolitanum, et ad severum Monembasiæ episcopum, et D. Raphaelis patriarchæ τοποτηρητὴν, data julii 24, 1614. Vita quatuor Evangelistarum ex Sophronio Hieronymi interprete, et Dorothei Synopsi, desumpta, cui libet Evangelistæ suo loco præfixæ sunt.

ΕΥΑΓΓΕΛΙΑΣΤΑΡΙΟΝ, libellus quasi appendicis vice Evangelio subnexus. In eo continentur Evangelistarum continuatio, unde incipiant.

(1) Conf. etiam Tentzellium in diss. de ritu lectionum sacrarum.

(2) Prodiit etiam Evangeliorum codex ejusmodi Venet. 1624, in-fol., quæ editio extat Romæ in Bibl. Barberinâ, teste Fabr. ad Allatii Diatrib. Bibl. Græc. vol. 5, subjunct. p. 23,

et unde finiant, canones 33, in quibus semper invenitur dominicarum totius anni Evangelium matutinum, et quis totus canitur singulis dominicis, aliaque ad inveniendum diem S. Paschatis necessaria, paschaliu perpetuum ab Emmanuele Glyzonio compositum. Claudub libellum Canones Evangelici Eusebii Cæsariensis, cum ejusdem ad Carpianum Epistolâ. Prodiit unâ cum Evangelio Venet. 1599 et 1645.

ΕΥΧΕΑΑΙΟΝ, orationes in S. oleo, seu extremâ unctione administrandâ, recitandæ. Extat officium in Euchologio p. 408, hoc titulo: Ἀκολουθία τοῦ ἁγίου ἐλαίου ψαλλομένη ὑπὸς ἱερέων συναχθέντων ἐν ἐκκλησίᾳ ἢ ἐν εὐχῇ: *Officium S. olei decantatum à septem sacerdotibus congregatis in ecclesiâ, vel domi;* in ecclesiâ, si ægrotantis permittant vires; domi, si graviter afflictus et prostratus sit. Cur ad hoc officium celebrandum septem requirantur sacerdotes, varias rationes à numero septenario petitas reddere conatur Simeon Thessalonicensis, leves quidem illas, nec tanti ut excutiantur.

ΕΥΧΟΛΟΓΙΟΝ, sive *Rituale Græcorum*, continens ritus et ordines divinæ liturgiæ, variorum officiorum ecclesiasticorum, tum matutino- rum, tum vespertinorum, formulas ordinationum, sacramentorum, baptismatis, etc., cum benedictionibus et orationibus cuilibet personæ, statui vel temporis congruis, præter integras Basilii, Chrysostomi, et præsanctificatorum liturgias. Exstat Græc. MS. biblioth. Vindob. Cod. Theol. juxta Lambec. 327, juxta Nessel. 286, num. 2, à fol. 29, usque ad fol. 508. Omnium antiquissimum videtur illud in bibliothecâ Barberinâ asservatum, in chartâ Pergamenâ, quadratis litteris, ante nongentos et plures annos accuratissimè descriptum. Editum est à Græcis Venetiis non semel, nempe annis 1544, 1550, 1570, 1571, 1600, 1602, 1629, 1633, 1642 (1). Hujus postremæ editionis curam in se suscepit Theophylactus hieromonachus, qui illa se recognovisse à mendis, quæ in priores irrepserant, repurgasse, nonnullisque orationibus auxisse gloriatur. Verum omnium diligentiam longè superavit Jacobus Goar, Parisinus, ordinis Prædicatorum monachus, qui acquisitis undique codicibus tum editis, tum manuscriptis, omnes hujus Euchologii formulas ex διατάξεις recensuit et digessit, variantes lectiones collegit, non paucas ora-

(1) Imò et 1526, 1553, 1616, 1622, in-4º. Russicè vertit Petrus Mogilas n. metropolita Kijoviensis, et edidit 1646.

tionem, et integra officia ex MSS. Euchologii addidit, versionem Latinam adornavit, notis eruditiss, figuris æneis, et onomastico illustravit (1). Prodiit insigne hoc opus Græcè et Latinè Paris 1645, in-fol. (2). Ex majori Euchologio desumptum est in usum sacerdotum, σύνταγμα τῶν ἀναρχαίων ἀκολουθιῶν κατ' ἐκκλησίαν ἀνηκουσάντων τῷ ἱερεὶ, *necessariorum quorundam officiorum ad sacerdotem pertinentium, et ex Euchologio desumptorum collectio*. In hæc collectione continentur officium vespertinum, et τοῦ ἁγίου, sive *laudum*, ἀποστολικὴ εὐαγγέλια, sive *Epistolæ et Evangelia* in varias commemorationes sanctorum, ordo τοῦ μικροῦ ἀγιασμοῦ, pro parvâ benedictione, ordo communis invocationis, in Sponsalibus, ἀκολουθία τοῦ στεφανώματος, seu in coronatione sponsorum, in bigamum, preces in puerperam primo partûs die, preces pro obsignando puero octavo die post partum, preces in puerperam quadragesimo die, ordo sacri baptismatis, et alia quædam quotidiani usûs. Editum est hoc syntagma eleganter rubricatum, curante Emmanuele Glyzonio, Venetiis apud Francisc. Julianum anno 1595, in-4º.

ἘΡΘΗΝΟΣ, hymnus matutinus, qui in officio matutino quotidie legi, diebus verò dominicis et majoribus Ecclesiæ festis, modulatione quâdam cani solet. Incipit: Ἄρχα ἐν ἡψίστοις Θεῷ, καὶ ἐπὶ γῆς εἰρήνη, ἐν ἀνθρώποις εὐδοκία. Αἰνεῖται σε, etc. Desinit: Ὅτι σὺ εἶ μόνος ἅγιος, σὺ εἶ μόνος Κύριος, etc. In Benedictio apud Cantabrigienses codice circa annum 884 exarato. *Hymnus angelicus* dictus est, quòd initium ducat à cœlesti illâ δεξιολογίᾳ, quam Christo jam nato sacer angelorum chorus cecinerunt, Luc. 2, 15, 14. Laudes Dei inter sacrorum solemnia hymnis celebrare moris erat, non apud Judæos modò et gentiles, sed et in Ecclesiâ christianâ, præeunte cum discipulis suis Domino nostro, Matth. 26, 30. Dominum secuti Apostoli, κατὰ τὸ μισθόκτιον orantes, hymnos canebant Deo, Act. 16, 25; idem in Ecclesiâ apostolicâ, 1 Corinth. 14, 26; Coloss. 3, 16; idem et ab

(1) Hanc editionem ex MS. codice Cæsareo valde posse suppleri notat Lambecius l. 5, p. 287. Euchologion MS. Cryptæ Ferratæ laudat Rich. Simeon tom. 3 Bibl. Criticæ Gallicæ edit. p. 622.

(2) Imò 1617, recensum deinde Venetiis 1740. Cæterum quàm primò sub Urbano VIII ad Euchologium Græcorum emendandum manus admota fuisset, tandem accuratissime correctum prodit Romæ 1754. Confer Benedicti XIV Epistolam ad archiep. episcop. aliosque ritus Græci ecclesiasticos, 4 martii 1756, tom. 4 Bullarii.

ævi apostolici Christianis factum. Hinc Lucianus, vel quisquis sit istius Dialogi Philopat. conditor, Christianos Introducit ἐν πικρότερον ἡμεῶν διακ' ἀγγυσιόεντες, ad hymnos totâ nocte decantandos vigilantes, tom. 2, p. 1010. His hymnis Christi divinitatem præcipuè celebrabant, ut Domini nostri honorem adversus gentiliam blasphemias animosius vindicarent. De Christianis sui temporis Plinius ad Trajanum, lib. 10, epist. 97: « Affirmabant hanc fuisse summam vel culpæ suæ, vel erroris, quòd essent soliti stato die ante lucem convenire, carmen-que Christo quasi Deo dicere secum invicem. » Nec aliter scriptor antiquus contra Artemonis hæresin apud Euseb. lib. 5, cap. 28, p. 126: *Psalmi et cantica fratrum à fidelibus, ἀπ' ἀρχῆς, conscripta, τὸν λόγον τοῦ Θεοῦ τὸν Χριστὸν ἡμῶν θεολογούντες. Canticum Verbum Dei concelebrant Divinitatem ei tribuendo.* Quin et de Paulo Samosateno notant Patres Antiocheni Epist. Synod. ibid. lib. 7, c. 5, p. 231, ipsum Psalmos in honorem Domini Jesu Christi cani solitos abolevisse. Ex horum numero fuisse hymnum nostrum matutinum non sine ratione conjicit Usserius noster de Symb. p. 34, nec temerè dubitari potest à primis ferè rei christianæ incunabulis usurpari fuisse solitum. Constitut. Apost. lib. 7 cap. 48, habetur *πρὸς ἑσχ' ἡσθεῖν*, quæ à formulâ hodiernâ parùm differt. Usu fuisse receptissimum Athanasii tempore ipse nos docet, et sacratis virginibus quovis mane usurpandum commendat: *ἀρχὴ ἐν ἡμέραις Θεοῦ, etc., ἡμῶν ὡς, εὐλογῶν ὡς, προσκυνῶν ὡς, καὶ τὰ ἄλλα, de virgin. p. 855.* Imò hymni antiquitatem haud parùm arguit ipse codex MS. in quo descriptus reperitur, ante annos ferè 1500 extatus, codex nempe SS. Bibliorum Alexandrinus in Regiâ nostrâ Bibliothecâ asservatus, ubi vol. 3, fol. 569, post odas quæ sequuntur Psalmos, sub titulo *ἡμεῖς ἡσθεῖν* eisdem manu descriptus legitur. Vid. Bibl. Polyglot. tom. 6, not. ad 72 Interpr. p. 140. In eodem codice subijuncta est et oda alia *πρὸς ἑσχ' ἡσθεῖν* eodem modo et manu scripta quæ ita incipit: *Καθ' ἡμέρας ἡμῶν εὐλογῶν ὡς, etc.* Huic cur *hymni respertini* titulum præfixerit Cassander, haud satis constat, cùm ex ipso hymno hæc clariùs liquet matutinum fuisse. Si quis hymnum nostrum ad codices MSS. accuratè et magnâ planè diligentia recognitum videre cupiat, adeat is Smith. collectanea de Cyrillo Lucario, patriarchâ CP. Londini 1585, pag. 444, 445. Lond. 1707, pag. 158, 159, etc.

ΘΕΟΤΟΚΑΡΙΟΝ, Theotocia; Odx sunt, sive

cantica, officiis ecclesiasticis hæc inde interspersa, quæ Græci pro suo in Deiparam affectu, in ejus honorem solent decantare. Theotocion, liber est, quo Theotocia continentur. Mentio fit in indice Bibliothecæ monasterii S. Trinitatis insulæ Chalces apud Defresn., alibi (quod sciam) apud scriptores Græcos rarè occurrit. Interim est etiam Græcis liber ecclesiasticus, Θεοτοκίον dictus, in laudem B. Virginis Mariæ, ab Agapio monacho Cretensi compositus, qui illum ex variis libris qui in Monte Sancto asservantur, collegisse dicitur. Exstat Venet. 1643, in-4°.

ΘΗΣΑΥΡΟΣ, Thesaurus. Liber ecclesiasticus, linguâ vulgari scriptus, continens homilias, seu conciones in festa anni aliisque pietatis officia. Claudit opus orationis dominicæ explicatio. Auctorem habet Damascenum monachum, *Sasditas* dictum, subdiaconum Thesalonicensem. Prodiit Venet. an. 1628, in-8° et 1642, in-4°.

ΘΗΣΑΥΡΟΣ ΝΕΟΣ, Thesaurus novus, quo Homiliæ 49 varii, seu theologici et ecclesiastici argumenti continentur. Extat Venet. 1621, novis verò curis et figuris adornatus, anno 1646, in-4°. Theophylacti hierodiaconi: Tzanfurnari, ni fallor, opus est (1).

ΚΑΛΕΝΤΑΡΙΟΝ, Kalendarium; sive Ephemeris ecclesiastica in usum totius anni, juxta duodecim menses, ab initio septembris usque ad finem augusti, à Græcis digesta, quæ festâ Ecclesie, stata jejuniorum tempora, et id genus alia notari solebant. Confecta esse hujusmodi calendaria liquet vel ex biblioth. Vindob. Cod. Hist. Eccles. 97, num. 45, ubi habetur præpositi cujusdam monachalis Epistola ad sapientem senem ascetam de questionibus variis monasticis, ad jejuniorum præcipuè et festorum annuorum observationem pertinentibus, unâ cum ejusdem senis responso cui integrum kalendarium ecclesiasticum in fine insertum est (2).

ΚΑΝΟΝ. Varia significat hæc vox apud scriptores ecclesiasticos. Missis aliis, designat

(1) ΙΑΒΟΜΕΑΟΝ, canticum peculiari ac proprio atque à cæteris discreto modulandi genere cantandum. Vide Quirinum in diatribâ 3, p. 165, seq.

(2) ΚΑΘΙΣΜΑ. Modulus est, inter quem cantandum cantoribus ad paulisper quiescendum, et è labore respirandum sedere licitum est, quàm ferè nunquam in Ecclesiâ Græci sedeant. Hujusmodi sunt Psalmi aliqui, et cantica quedam, quibus pro diversitate materis diversum quoque nomen indictum est. Confer Quirinum in citatâ diatribâ 5, p. 165.

hoc loco *διάταξιν* officium ecclesiasticum, idque non uno sensu. 1° Itaque ut canones synodicos taceam, *κανών* est regula monastica, severioris vitæ cultoribus præscripta, ad quam vitam moresque suos componerent. *Κανών τῆς μοναχικῆς πολιτείας*, Cyrillo Scythopolitano in Vita Joan. Solitarii, num. 3 et num. 47, τὸν κανὸν κἀνονα τῶν ἀδελφῶν, *communem fratrum regulam* vocat. Verum hæc notiora sunt quàm ut iis explicandis immoremur. 2° *Κανὸν* est hymnus ecclesiasticus, in officio aliquo pro more et ex regulâ decantari solitus. Unde *κἀνονες* notant hymnos, qui post Psalmos Davidicos, preces, aliaque troparia, antequàm finiantur divina officia, recitantur. A materiâ de quâ agunt varia sortiuntur nomina. Alii *ἀναστασιμαί*, dicuntur, qui de Christi resurrectione; *σταυρώσιμαί*, qui de cruce; *νεκρώσιμαί*, qui de mortuis; *τριαδικαί*, qui de Trinitate; *δογματικαί*, qui de dogmatibus agunt, etc. De quibus consulendus Dufresnius suis locis. Adi etiàm Meursii Glossarium, p. 215, et qui Meursium exscribit, Suicerum Thes. Eccles. in verb. *Κανών*. In ecclesiasticis Græcorum libris nullibi non occurrunt hujusmodi canones. In iis celeberrimus est *μέγας κανών*, ab Andrea Cretensi archiepiscopo conditus, qui, collectâ universâ veteris et novi Testamenti historiâ, canticum composuit, cohortans omnes, ut quæ videant in historiâ esse bona et laudabilia, pro viribus sectentur, mala fugiant et execrentur. Integer hic canon in Græcorum Triodio alibi que reperitur. Ubi ἡ τοῦ μεγάλου κἀνονος ἀκολουθία memoratur feriâ 5 magnæ hebdomadis recitanda. Et *magnus* ibi dicitur hic canon, quia cùm reliqui canones triginta et paulò plura troparia habeant, hic ad 250 progrediatur. Infiniti penè sunt horum canonum auctores. In iis agmen ducunt Methodius Patarensis, Cosmas; Joannes Damascenus, Theophanes, Josephus, et Theodorus Studita, Photius Patriarcha, Simeon Logotheta Joannes Euchaitensis, etc., quorum nomina apud L. Allatum legi possunt, dissert. 1, p. 81. Et notari meretur, quod ex Typici cap. 7 observat in Menæo, ubi memoria alicujus sancti variorum poetarum canonibus celebratur, si canon ad erit Cosmæ, cum aliis anteponendum; si Joannis nempe Damasceni, et aliorum, eum qui Joannis est anteponi; si Theophanis et aliorum, Theophan's anteponi; ille enim ante alios honorandus est (1). 3° *Κανών* liber pœnitentiæ

tentialis est; in quo peccantium ἐπιτίμια constituta sunt. Hinc sacerdotes penitentes *κἀνονίζων* dicuntur, cùm peccata ipsorum ad canonum rigorem examinant, pœnamque canonibus præscriptam iis imponunt. Eodem etiam sensu *Κανονικὸν τοῦ ἁγίου Ἰωάννου τοῦ Νηστευτοῦ* inscribitur.

ΚΑΙΜΑΞ denotat lectiones in Ecclesiâ recitari solitas, desumptas ex opere Joannis Scholastici, quòd *Κλίμακα*, seu *Scalam Paradisi* inscripsit, ipse inde *Climacus* dictus. Hinc in Triodio et Typico ἀνάγνωσις εἰς τὸν Κλίμακα frequentius occurrit. Vide quæ supra in *Γεροντικῶ* diximus, quæque infra in *Πατερικῶ* dicemus.

KONTAKION. Sensu ecclesiastico brevis hymnus, à voce *κοντός*, sive *parvus* dictus, eò quòd paucis laudes alicujus sancti vel festi complectatur (1). Et varia sunt *κοντάκια* pro variis sanctorum festis. Ingrediuntur psaltæ, καὶ πολυχρόνοι ψαλλόντες καὶ μετ' αὐτῶ τὸ κοντάκιον, ἡ παρθένος σήμερον ὑπερουσίαν τίκτης, καὶ πάλιν τὸ πολυχρόνιον, et multos annos cantando præcantur, *psallentes postea* contactium illud: Virgo hodiè superstantialem parit; *ιτερίμ-que canticum longævitatatis repetunt*, inquit Codinus de offic. cap. 7, num. 15, p. 56. Primum horum contactiorum auctorem fuisse Romanum diaconum Emesenum, qui circa annum 500, sub Anastasio Dicoro vixit, testatur Synazarium. Unde et in rubricâ Menæi Romano ὁ τῶν κοντακίων ποιητῆς dicitur, qui primus scilicet *κοντάκια* composuit, idque ex institutione B. Virginis (ut fabulantur Græci) in festo Nativitatis Christi, Romano per somnium apparentis, chartæque volumine illis tradentis, cum mandato ut illud deglutiret, unde expergefactus, et in ambonem conscendens (2) contactium illud (cujus supra ex Codino meminimus) cecinit. Inter cantores ὁ ἀρχὸν τῶν κοντακίων, cujus munus erat contactia cantanda inchoare (3).

ΔΑΥΣΑΙΚΩΝ, liber continens lectiones ex Palladii Historiâ Lausiacâ de Vitâ Patrum collectatæ num. 49, seqq.

(1) Varias de hæc voce etymologias expendit Quirinus in citatâ diatribâ 3, p. 142, seqq. Duo ejusmodi contactia MS. recenset Montfauconius Palæogr. pag. 53, seqq.

(2) Romanum Contactiorum conditorem fuisse nemo negarit; an autem inventor præterea fuerit, in controversiam Rayæus vocat, non improbane Quirino, pag. 175.

(3) Non id ejus munus erat, sed ut ostendit Quirinus p. 155, in Ecclesiasticis functionibus libros ecclesiasticos ex officio tenere ac deferre.

(1) Consule Rayæum dissertationis præviæ

lectas, quæ statis diebus in ecclesiâ prælegebantur. Liqueat id ex Typico S. Sabæ, c. 8 : Ἐν ἑκάστῃ αὐτῶν ἐναργῶσις, δύο εἰς τὰς ὥρας τὸν κλίμακα. Alia in eumdem sensum habentur in Triodio, feriâ 2 hebdom. 1 jejuni. quæ apud Dufresn. col. 794, reperiri possunt.

ΛΕΙΤΟΥΡΓΙΚὸΝ, sive Αὐτοῦργίας liber in quo liturgiæ celebrandarum series describitur, ut tres liturgiæ, Basilii, Chrysostomi, et τῶν προηγουμένων, sive præsanctificatorum continentur. Proclus archiepiscopus Constantinopolitanus (si modo ejus sit tractatus, de quo justa est suspicandi causa) originem liturgiæ ad ipsa Apostolorum tempora refert, atque (Fragm. πρὶ παραδ. τῆς θείας λειτουργ. p. 156) Clementem dictantibus Apostolis primùm edidisse. Quod et à Jacobo Hierosolymorum antistite factum est (1). Verùm remittente, post aliquot secula, christianæ pietatis fervore, cùm longius productæ liturgiæ tædio afficerentur Christianorum animi, Basilius Magnus, ut legentium pariter ac audientium commodo consuleret, in minorem formam redegit. Nihilominus cùm adhuc prolixitate nimîa laboraret, Chrysostomus refectus plurimis, breviorum reddidit. Liturgia προηγουμένων quando recitatur corpus Christi non conficitur, sed confectum antea, divinis laudibus decantatis absuntur. Et hujus Liturgiæ auctorem faciunt Gregorium papam *Dialogum* dictum (2). De hæc fusè agit L. Allatus dissert. 1, pag. 20, fusis dissertatione singulari de Missâ præsanctificatorum, quam operis sui de Ecclesiâ Orient. et Occident. consensione calci subjecit (3). Tres, quas recensimus, liturgiæ, in Græcorum Euchologio semper continentur. In celebrandis his tribus liturgiis Græci hunc servant ordinem. Basilii Liturgia, ut ex præmio liquet, decies per totum annum canitur, nempe vigiliâ natiuitatis Dominicæ, festo S. Basilii, vigiliâ Lu-

(1) Renaudotius diss. collectioni Liturg. Oriental. præfix. notat Liturgiæ Apostolorum non ita nominatas fuisse, quæ ab iis conscriptæ essent, quorum nomina præferunt, sed quod eis in Ecclesiis (Jacobi scilicet Hierosolymitanâ, Marci Alexandrinâ, et sic de cæteris) ab antiquissimis temporibus fuerint celebratæ, quæ Jacobum, Marcum, etc., primum habuerunt episcopum. (Adi hæc de re Josephi Aloysii Assemani Prælationem in partem secundam libri 4 Codicis Liturgiæ univ. Ecclesiæ, et Brancolasi antiquas liturgiæ.)

(2) Hanc liturgiæ Germano patriarchæ Constantinop. rectius ascribendam censet Thomas Smith de Eccles. Græc. statu hodierno Traject. ad Rhen. 1698, p. 88.

(3) De hæc Missâ consuliendus etiam Beveregius ad can. 52 Trull.

minum, in S. Quadragesimæ Dominicis, Dominicâ Palmarum exceptâ, sanctâ et magnâ feriâ 5, et magno Sabbato. Præsanctificatorum, exceptis prædictis (1) omnes sacræ Quadragesimæ dies occupat. Quod reliquum est totius anni, Chrysostomi Liturgia sibi vindicat. Præter has habent Græci et alias Liturgiæ, nempe B. Petri, Marci, Jacobi et Clementis, sed quas in communem Ecclesiæ usum non recipiunt. Sola Jacobi Liturgia in Ecclesiâ Hierosolymitanâ semel in anno recitari dicitur. Proderunt Liturgiæ SS. PP. Jacobi Apostoli, Basilii M. et Chrysostomi, à Morello editæ, Græc. et Lat. Paris. 1560, in-fol.; Jacobi, Marci, Basilii, Chrysostomi, Præsanctificatorum, S. Petri, S. Gregorii, Dialogi dicti, Fr. Ducæi

(1) Exceptis sabbatis, dominicis et festo Annuntiationis; vid. Smith de Eccl. Græc. statu p. 89, et Pfallium diss. de Liturgiis id calc. Instit. Hist. Eccles. p. 11; SS. Chrysostomi, Basilii et Præsanctificatorum Liturgiæ cum Græcorum Euchologio, Jac. Goarus versione et notis illustravit, variasque lectiones subjunxit Paris. 1647. Proderunt etiam Græc. Rom. 1601, Venet. 1626, in-4°, S. Basilii Liturgiæ Codex mille annorum exstat in Bibl. Barberinâ, teste Montfaucon Diar. Ital. p. 210. Ex veteri Latinâ versione edidit Joan. Cochleus in Speculo antiquæ devotionis circa Missam, Mogunt. 1549; vertit etiam Gentian. Harvæus Venet. 1548, Antwerp. 1562, in-8°. Sed hanc Liturgiæ in ullâ Basilii editione reperiri (ut narrat Caveus) negat Fabr. Vid. Bibl. Græc. vol. 8, p. 90, et not. ad Dissert. Allatii de libris Eccles. Græcor. Bibl. Græc. vol. 5, subjunct. p. 11. Liturgiæ SS. Basilii et Gregorii Theologi codicis Copti Arabici in Bibl. Regis Christianissimi meminit Montfaucon; simulque monet Copticam versionem ab eâ quæ Græcè exstat, omninò esse diversam, Palæogr. Græc. p. 314. Hoc idem de Liturgis Jacobi, Marci et Chrysostomi Copticis Syriacisque notat Pfallius, ubi supra, p. 9, not. Liturgia S. Jacobi prodiit separatim Colon. 1648, teste Pfallio ibid. p. 4, not. Hæc Liturgia Commentario illustratur à D. onyso Barsalibi; exstat in Bibl. Vat. inter Codd. Echellens. num. 56. Totum opus in cap. 20 dividitur, quorum synopsis exhibet Assemanus Bibl. Orient. 2, p. 177. Liturgiæ S. Marci cum Clemente Rom. de ritu Missæ edidit cardinalis Sirletus Paris. 1585. Hanc Liturgiæ eandem esse atque eam quæ Copticè exstat sub nomine Cyrilli (unde Liturgia quæ Cyrilli dicitur, à quibusdam Marci appellatur) notat Montfaucon loc. cit. Liturgiæ SS. Jacobi, Marci, et Petri prodiere in Bibl. PP. Parisiens., Colonens., et Lugdunens., itemque Antwerp. 1562 studio Claudii de Saintes, qui exhibuit etiam Latinam versionem Liturgiæ SS. Basilii et Chrysostomi. Liturgiæ Petri vulgavit Joan. à sancto Andréâ, Paris. 1595. Novissimè omnes è Syriaco idiomate translatae occurrunt apud Renaudot. in Collect. Liturg. Oriental. Confer Fabr. not. ad diss. Allatii Bibl. Græc. vol. 3, subjunct. p. 11.

auct. Biblioth. PP. Græco Lat. tom. 2, pagin. 1264; Basilii Liturgia, præterquam quòd in omnibus operum ejus editionibus reperitur, habetur separatim Græcè Venet. 1601, in-4^o; Chrysostomi per Demetrium Ducam Græce. Lat. Venet. 1528, in-4^o, 1644, in-4^o. Ad calcem habetur ἀκολουθία die S. Styliani Paphlagonis, h. e., novembr. 26, celebrari solita, unà cum aliis officiis ecclesiasticis, quorum index præmissus est.

ΛΥΧΝΙΚὸν, *Lucernarium*. Eam notat officii vespertini partem, qui recitatur cùm lucernæ accenduntur. Inter ἑσπερινὸν et λυχνακὸν (ut rectè notat Goarus ad Euchol. p. 53), non modicum discrimen intercedit. Ἑσπερινὸν namque totum vespertinum officium est; τὸ λυχνακὸν prima tantum ejus pars, preces scilicet, cùm tempus instat lucernæ Deo offerendæ (1). In Euchologio Allatiano apud Goar. p. 641, mentio fit τοῦ λυχνακοῦ ὕμνου. Neque nudustertius natu est officium hoc ecclesiasticum recitandi mos. Τὰς ἐν ταῖς λυχναφίαις εὐχὰς memorat Socrates (l. 5, c. 22, p. 287), quæ in Achaiâ et Thessaliâ, ut et Hierosolymis, et à Novatianis Constantinopoli fieri solebant. Basilium de Spiritu S. ait, τὴν χάριν τοῦ ἑσπερινοῦ φωτός nequaquam cum silentio suscipi, sed mox ut apparuerit, se ὠχρηστῆν. Officium integrum Lucernarii habetur in Euchologiano, Goarium p. 55. Non opus est ut hoc loco agam de luminaribus olim in Ecclesiâ accendi solitis; cumulatè id præstiterunt alii, Baron. ad ann. 53, num. 70, 71, 72, 75, 74, 75; Casalius de Vet. S. Christ. Ritib. cap. 42, p. 184; Durantus de Rit. Eccles. Cathol. lib. 1, cap. 8, p. 72; Ciampinus de S. Ædific. Const. M., c. 10, p. 184, qui bina candelabra marmorea in basilicâ S. Constantiæ exquisitè elaborata exhibet tab. 29, fig. 5 et 4, ibid. p. 130. Ad hæc lumina concinnanda sumptus faciebant, quandoque et fundos donabant veteres. In antiquâ inscriptione Eugenii Notarii apud Aringhium Rom. subterranean. tom. 1, lib. 2, cap. 10, p. 340, mentio fit reddituum quorundam ex hortis Transiberinis ad luminaria nostra. Verùm cùm nostra dicantur, forsàn ad luminaria, quæ in defunctorum anniversariis de more accendebantur, referenda sunt, ut non incitè conjicit P. Aringhius. Hujusmodi donationes φωταφίαι vocant recentiores Græci.

ΜΑΡΤΥΡΙΚὸν. Troparium in honorem mar-

(1) Vesperas binas habent Græci, majores et minores, de quibus Rayæum consule in Acoluthâ cap. 1 et 2.

tyrum compositum; ἄσμα τῶν μαρτύρων, ut Si-meoni Thessalonicensi de sacr. Ord. cap. 4, p. 136, dicitur. Exstant hujus modi Troparia μαρτυρικά, tum alibi sæpius, tum in Liturgiâ Præsanctificatorum in Eucholog. p. 188. Quæri potest, cùm tempore Quadragesimali, exceptis sabbatis et dominicis S. martyrum commemorationes facere expressè vetat synodi Laodicenæ can. 51, cur singulis Quadragesimæ diebus hisce Tropariis πανευφημίων μαρτύρων memoria celebretur? Rationem reddere conatur Goarus p. 206, quem vide.

METÁNOIA, *Penitentia*, de quâ hæc, inter alia, officia in Euchologio continentur: 1^o Εὐχὴ ἐπὶ μετανοούντων, *oratio super penitentes*, p. 675. 2^o Ἀκολουθία τῶν ἐξεμολογουμένων, *officium eorum qui peccata confitentur*, p. 674, 679. 3^o Εὐχὴ ἐπὶ τῶν ἐπιτηδίων λυομένων, *oratio pro iis qui imposita penitentia liberantur*, p. 666. 4^o Ἀκολουθία εἰς λύσιν ἀφορισμοῦ τριετός, *officium ad excommunicationem sacerdotalem tollendam*, p. 667, 668. Ubi et multæ ejusdem commatis orationes habentur, quas longum nimis esset recensere.

ΜΗΝΑΙΟΝ. Immensum est opus in 12 menses, totidem βιβλία, sive volumina divisum, quovis mense suum sibi μνησίων vendicante, in quo sancti omnes, quorum memoria eo mense colitur, ad proprios dies revocati recensentur, singulorum officium, unà cum rubricis minutis litteris expressis, tropariis, missis, canonibus, lectionibus, aliisque recitandis subnectitur, vitæ et res gestæ compendio descriptæ plerumque exhibentur, quandoque et imagines præfiguntur. Ubi verò sanctus aliquis peculiare officium non habeat, is saltem vel prosâ, vel carmine commemoratur. In solemnioribus, majoribusque festis, propria officia singulis quas vocant, horis destinantur. Ita, exempli causâ, in festo Natalis Domini decembris 25, hora prima, tertia, sexta et nona suam habent quæque ἀκολουθίαν. Eodem modo fit in festo Theophaniorum januarii 6, ne de aliis dicam. Nec sanctorum solitum, et solemnitatium dominicalium, sed et aliarum quoque rerum memorabilium celeberris hisce in libris locum obtinet. Sic januarii 23, sancta et œcumenica sexta synodus peculiare sibi habet officium. Et ejusdem mensis die 26, magni illius terræ motûs, qui sub extremum Theodosii Junioris imperium, per tres integros dies Constantinopoli duravit, memoria celebratur. Invocationem sanctorum in Ecclesiâ Græcâ hodè vigere notum est quàm quod notissimum, cujus raro hic deprehenduntur vestigia. In septemb. 4

in festo Simeonis Stylitæ, octo vel novem ortianculæ hæc similive formulâ clauduntur : Σιμων ἑσσι, προσεξου τοῦ σωθῆναι τὰς ψυχὰς ἡμῶν, Sancte Simeon, intercede ut salventur animæ nostræ. Editum est vastum hoc Menæorum opus Venet. apud Pinellos aliosque in-fol., non uno et eodem tempore, sed variis diversisque annis. Mensis sept., à quo annum suum Græci solent inchoare, prodit Ven., curâ Nicephori Paschakei hieromonachi, an. 1628, iterumque curante Theophyl. Tzafurnaro hierodiano an. 1648, hoc titulo : Βιβλίον τοῦ σπυριδίου μεγάλου περιέχον τὴν προεῖρησάν αὐτῷ ἑπιταφίαν ἀκακωθίαν, et sic in reliquis; october curâ Nicephori anno 1628, Theophylacti 1648; november curante Nicephoro anno 1626, Theophylacto 1649; december, anno 1602, curâ Theophylacti 1628; januarius, curâ Matthæi Galatiani Cyprii hieromonachi, anno 1603, Theophylacti 1629; februarius, curâ Nicephori Paschalæi, anno 1626, Theophylacti 1643; martius, curâ Theophanis Zenacii hieromonachi, anno 1623, Theophylacti 1642; aprilis, curante Theophylacto, anno 1638; maius, curâ Nicephori, anno 1625, Theophylacti 1642; junius, curante Nicephoro, anno 1626, Theophane Zenacio 1645; julius, curâ Nicephori, anno 1624, Theophylacti 1642; augustus, curante Nicephoro, anno 1625, Theophylacto 1642 (1).

ΜΗΝΟΛΟΓΙΟΝ (2). Diversum planè à Menæo opus, utpote in quo, ad instar Martyrologii Latinorum, acta vel passiones sanctorum quælibet cujusvis mensis die summam exponuntur, brevis saltem eorum commemoratio habetur. Variant apud Græcos sua menologia, pro loco et tempore aucta et immutata, neque eadem prorsus, nec diversa tamen. Extat Menologium à cardinale Sirleto Latinè versum, à Canisio editum Antiq. Lect. tom. 5 (3). Aliud habetur Menæis hinc inde insertum. Verùm omnium antiquissimum et angustissimum est Menologium illud Basilii imp. studio et jussu descriptum, et, ut videtur, autographum, cujus edicæ vetustissimus et rarissimus, à Paulo

Sfondrato cardinali dono datus, in Bibliothecam Vaticanam hodiè translatus est (1). Extat Græc. MS. ab initio septembris, usque ad finem augusti, Biblioth. Vindob. Cod. Theot. 195, et cod. 247, num. 4, fol. 16 (2). Menologium ex Menæis erutum et in linguam Græcam vernaculam à se versum edidit Maximus Margunius Cytherorum episcopus, Venet. apud Anton. Pinel. anno 1592, in-4° (3).

ΜΥΡΟΝ, vel τὸ μύρον τοῦ χρισμάτος, unguentum *chrismatis* à solo patriarchâ vel episcopo, ex materiâ pretiosâ et sanctiori planè apparatu, feriâ quintâ sanctæ et magnæ hebdomadæ conficiendum, in multis actionibus sacris, præcipuè in Confirmatione baptismali usurpandum, idque ex præscripto canonis 48 concilii Laodicensi, quo jubetur illuminatos post baptismum χρίσματι ἰσορροπῆν, *supercaelesti chrismate* esse inungendos, ad eòque regni Dei participes fieri. Confirmatio quippe apud Græcos semper cum

(1) Hujusmodi Menologium MS. in Bibl. Cæsareâ, Nessel. 1, p. 347. Conf. quod Genebrardus Lat. præfuit Commentario in Psalmos. Menologium metricum Græc. Lat., singulis versibus hexametris cum alto Ruthenico iconibus expresso Papebrochius præmisit tom. 4 Act. sanctor. maii. Idem memorat Menologium Slavo-Russicum, alterumque verbo tenuis translatus è variis MSS. excus. Moscæ 1679. Vide tom. 4 Act. sanctor. junii, pag. 435, 758, quin et Menologium quod exhibet Possévinus in Apparatu sacro, voce *Rutheni*, Menologium 10 aut 11 seculi membran. habetur MS. Græc. in Bibl. monasterii S. Basilii Rom. teste Montfaucon, Diar. Ital. p. 216. Illec notat Fabr. ad Allatii diss. 1, vol. 5, Bubl. Græc. subjunct. p. 61, ib. p. 62. Constantinop. Chronologia edidit Ant. Contius Paris. 1573, in 4°, Menologii Basiliani sex postremi menses, martius, aprilis, etc., Græc. extant MSS. in monasterio Cryptæ ferratæ in Latio, ex quo Synaxaria marit, aprilis et maii ad calc. tomi primi cujusque horum mensium Græc. dederunt Heschenius et Papebrochius teste Fabr. ibid. p. 65. (Sex hujus Basiliani Menologi menses à Petro Arcudio Latinè redditos primum exhibuit Ferdinandus Ughellius Italiae sacre 1, 6, in secundâ ejusdem operis Venetâ editione t. 10. Deinde integrum Græcè et Latinè ex memorato Vaticano codice Urbini prodit a. 1727, curâ eminentissimi Annibalis Albani, quod et Romæ a. 1729 recusus fuisse ait clariss. abbas Fridericus Althaus pag. 355 erud. de Calendaris dissertationis Ecclesiæ Græcæ. Martyrologium metricum ex Menæis, codice Chiffletiano, actisque sanctorum collectum Lipsæ a. 1727, in lucem Siberus emisit.)

(2) Sed in his codd. nihil de Menologio Græcorum agitur, ut monet Oudin. tom. 2, p. 535, queni vide.

(3) Menologium Margunianum Latinè vertit Matth. Raderus, ut post Bollandum refert Fabr., ubi supra.

(1) Menses quidam Menæorum Græcorum MSS. extant in Bibliothecâ Cæsareâ (confer Lambecium lib. 8), in Coislinianâ, quam Montfauconius descripsit, atque in Regiâ Taurinensi, ut videtur est tom. 4 Codicum MSS. ejus Bibliothecæ codicè 18, pag. 91.

(2) Conf. Bollandi Prolegom. ad tom. 2 Januarii p. 54, et Zachariæ Græpii Diss. Rostochii 1697, de Menæis et Menologiis Græcorum.

(3) Edit. nov. tom. 3, p. 412.

baptismo conjungitur. Unde et *εργαίε Κυρίου*, *τέλειος ψαλμωγράφος*, καὶ *τέλειος εργαίε* veteribus dicitur, *signaculo Domini consummari* non semel apud Cyprianum occurrit. Extat in Euchologio, p. 628, *ἀκολουθία τοῦ ἁγίου πάρος, sancti unguentii officium*: quo scilicet ritu et quibus precibus conficitur, et p. 637, praescribitur materia ex qua componitur, et ordo qui in faciendo et praeparando hoc unguento servandus est; quin et vasculum quo continetur; *ἅγιον τοῦ μεγάλου πάρος* alibi vocatur.

ΠΙΝΤΡΙΑ, *Pedilavium*, feriâ quintâ magnæ hebdomadis celebratum, ad exemplum Domini nostri, discipulorum suorum pedes manu propriâ lavantis, institutum. In hoc ritu peragendo patriarcha, vel pontifex, et in monasteriis abbas, Christi personam gerit; duodecim monachi, allive pauperes duodecim Apostolorum vices sustinent, eorumque nomina sibi met assumere creduntur. In his semper locum habent ostiarius et œconomus, ille primum, hic ultimum locum obtinet. Ostiarius Judam proditorem repræsentat, risu et conviciis oneratus; œconomus Petri Apostoli locum tenet, ejusque reluctationem imitatur. Habetur in Euchologio p. 745, *ἀκολουθία τοῦ ἁγίου καὶ ἱεροῦ πατρός, Officium divini et sacri lavipedii*. Et Theophili Alexandrini sermo εἰς *πεντήκα*, feriâ quintâ majoris hebdomadis laudatur à Dufresnio Gloss. Græc. col. 999. Quin et sollemnis hic lavandi ritus regibus et principibus etiam hodiè in more est. Modum quo Imperator Constantinop. pauperum pedes hâc diè lavare solebat, accuratè describit Codinus de Offic. Constantinop. cap. 12, p. 69. De toto hoc more lavandi pedes singularem librum edidit Gretserus, quem *Πυλὸν πηγάριον*, seu *Pedilavium* inscripsit, Ingolst. 1610, in-4°, cui integrum ex Euchologio officium inseruit.

NOMOKANÓN. Liber ecclesiasticus, quo canones et decreta conciliorum in suas classes disposita et digesta, cum legibus et novellis imperatorum constitutionibus componuntur. Primum, quod sciam, qui talem Nomocanonem nobis dedit, fuit Joannes Scholasticus, anno 564 patriarcha Constantinopolitanus factus. Cujus Nomocanonem in 50 titulos distributum, Græc. Lat. ediderunt Justellus et Voellus Biblioth. Juris canon. tom. 2, p. 605. Post Joannem, Nomocanonem in 44 titulos dispersitum contextuit Photius, Joannis post aliquot demùm secula in sede Constantinopolitana successor. Hunc Balsamonis commentariis illustratum, ex codice Palatino primum edidit

Christoph. Justellus tum Græcè, tum Latinè, Paris. 1615, in 4°. Prodit post annos quinque ad calcem commentariorum Balsamonis, Paris, 1620, in-fol.; denique à Justello et Voello recognitus, locum habuit in Biblioth. Jur. canon. tom. 2, p. 789. Anonymi etiam ejusdem Nomocanonem, sed ex constitutionibus Apostolorum, et septem conciliorum œcumenicorum decretis præcipuè consarcinatum, Græc. Lat. edidit Cotelerius Monument. t. 2, p. 68(1), qui tamen, notante eodem Cotelerio, imperfecta, incondita et insulsa recentioria Græciæ farrago est. Nomocanonem quandoque apud Græcos pro libro penitentiali usurpari, supra in voce *Καθίσ* observavimus.

ΟΪΚΟΣ. Hymni genus, in Dei vel sancti aliqujus laudem ita constructum, ut quasi compagem, ædificium, fabricamque virtutum ejus et gloriæ videatur componere; et idè *κωνσταντία* opponitur, ut eo amplius et diffusius. Hæc ex Ligaridio nos docet Goarus ad Eucholog. Et *κωνσταντία*, et *ὄκτος* meminit Euchologium in Officio laudum p. 54.

ΟΚΤΩΤΩΝΟΣ, seu Octotonus. Liber quo octo toni à Joanne Damasceno compositi præcipuè continentur. De hoc opere liceat mihi Leonis Allatii verba hùc transferre. « Cùm Græcorum « musica proprios tonos (ipsi vocant *ἔξωσι*, « *ἄσους*) quatuor habeat, primum, secundum, « tertium et quartum, quatuor item obliquos, « *κλίμαξ* τοῦ πρώτου, obliquum primi, obliquum « secundi, obliquum tertii, et obliquum quarti, « canones omnes sive troparia et quæcumque « alix cantiones in hoc libro contentæ, ita « dispositæ sunt, ut quæ primo tono concinuntur, omnia simul primum sibi locum occupent, quæ secundo secundum, quæ tertio tertium, et sic de singulis, donec ad obliquum quarti perveniant, qui inter tonos ultimus, ultimum quoque sibi locum vendicat, et cantiones eo modulatæ ac commensurate, ultimo quoque loco reponantur. Continet tantùm troparia et canones, qui à primis Vesperis Dominicæ ad finem usque Missæ canuntur. Et octo Dominicis pro tonorum numero finitur. Singuli toni tres habent canones. Primum *ἀναστάσιμος*, qui in Resurrectionis Dominicæ, secundum *επιφανιστικός*, qui in crucis et Resurrectionis, tertium in Mariæ Virginis laudibus celebrandis,

(1) Nomocanon Dorothei Jussus Joann. Comneni imp. edit. extat MS. in cod. sec. XII, membran. in Bibl. monasterii S. Basilii Rom., ut nos docet Bern. Montfaucon, *Diar. Ital.* p. 216.

versantur. Et hæc in Octoechis antiquis habebantur. In recentioribus modò additur pro singulis tonis canon, qui in *μυσεουχοῦ* vel *μυσεουχοῦ*, mediæ scilicet noctis officio cani suevit, et quod de Trinitate pertractat, *Triadicus* dicitur. Et canones hi dierum dominicorum numerum non excedunt, cum octo etiam illi sint. Hæc vir doctissimus dissert. 1, p. 64, ubi pluribus hæc de re agit. Confer etiam quæ notat Goarus ad Euchoiolog. p. 206. Exstat Octoechus Græc. MS. Biblioth. Vindob. Cod. Theol. 116, anno Christi 1591 exarato; item cod. 146, cum amplissimo commentario Joannis Zonaræ ibid. cod. 215, cum antiquis notis musicis ibid. cod. 550 (1). Primum, ni fallor, prodiit Græcè Venet. 1525, 1584, 1602, 1610, 1624, in-8°, et aliàs forsàn non semel.

ὈΜΙΣΘΑΜΒΩΝΟΣ ΕΥΧΗ. *Oratio*, quæ retrò ambonem, in mediâ ecclesiâ recitatur, cum post dimissionem, à diacono pronuntiatam, sacerdos è cancellis egressus, populo factâ oratione benedicit, ad exemplum scilicet Domini nostri, qui priusquàm in cælos ascenderet, discipulis suis benedixit. Habetur hæc oratio, extra tribunal altâ voce à sacerdote proferenda, Liturg. sanct. Chrys. p. 85.

ὉΡΘΟΣ. Continet laudes Græcorum matutinas, prout à *μυσεουχοῦ* distinguntur, quæ profundâ semper nocte decantari solent. Exstat *Ἀπολυτίκιον τοῦ ἑσπέρου*, sive officium laudum, à die lutescente auspicandum, in Euchoiologio p. 48 (2).

ΠΑΝΗΓΥΡΙΚὸΝ. Liber qui variorum auctorum orationes encomiasticas, in variis Christi aliorumque sanctorum solemnitates complectitur. Ex quo in diebus festis sanctorum, concurrente populo ad celebrandam eorum memoriam, orationes laudativæ festo propriæ, publicè leguntur. In auctoribus qui hoc opus constituunt, agmen ducunt Athanasius Alexandrinus, Cyrillus Hierosolymitanus, Basiliius Magnus, Gregorius Nazianzenus, et Nyssenus, Amphilochius, Epiphanius, Chrysostomus, Ephrem Syrus, Cyrillus Alexandrinus, ut alios mittam; MS. passim apud Græcos reperitur, in variis tamen Ecclesiis varius, adeò ut quibusdam in locis in immensam excreverit mo-

lem, et 12 volumina complectatur, eaque satis ingentia, pro mensium numero disposita, teste L. Allatio pag. 94.

ΠΑΡΑΔΕΙΞΟΣ. Liber ecclesiasticus, vitas quorundam sanctorum complexus, quas ex Simeonis Metaphrastæ scriptis excerptis Agapio monachus Cretensis, et in linguam vulgarem seu græco-barbaram transtulit. Continet vitas 24 sanctorum, nempe Josephati, Theclæ protomartyris, Gregorii Thaumaturgi, Ambrosii, etc. Prodiit hic liber Venet. anno 1641, in-4°. Idem est liber, ni fallor, sed paulò auctior redditus, ἐκλόγιον dicitur, continens selectas 40 sanctorum vitas, ab eodem Agapio apud montem Athum monacho, viro in scriptis tum Græcorum, tum Latinorum non inerudito, lingua vulgari ex diversis Græcorum Latinorumque operibus editas anno 1644, in-4°. Exstat Græc. MS. tum in codice regio, tum Colbertino, liber 55 sentum hoc titulo: Βίβλος τῶν ἁγίων γρηγόριον, ἧτις λέγεται παραδείσος. Vid. Dufresn. in Ind. Auct. MS. col. 51.

ΠΑΡΑΚΛΗΤΙΚΗ. Ferè nihil aliud est quàm Damasceni Octoechus, à Græcis subsequenter temporibus admodùm auctus, unde et *Ὀκτώηχος νέα* vocatur, et Josephum auctorem habuisse dicitur. Παρακλητικῶς appellatur hic liber, partim quòd sit consolatorius, cum omnia quæ in eo sunt, maximè spectare videntur, ut peccatorem consolentur, partim quòd sit invocandus, cum totus sit in Deo sanctisque exorandis, divinoque sibi auxilio variis supplicationibus impetrando. Non in hoc, ut in aliis libris ecclesiasticis, certa certis diebus decreta sunt officia, canones, seu troparia, quibus finitè reponuntur, sed paracleticus semper præ manu est, et omnibus diebus aliquid in eo invenitur, quod sive in missâ, sive in vesperis, sive in matutino, sive in aliis officiis recitatur. Quando enim in aliis officiis propria desiderantur, ad hunc lector remittitur, uti Allatius nos docet p. 68, qui alibi plurima in hoc libro criminatur, nempe quòd quædam de B. Virginis partu contumeliosè dicantur, plurima B. Virgini contra jus et æquum tribuantur; quòd affirmet Joannem Præcursorem post mortem in infernis Christum prædicasse, ac nuntiassè propè jam esse salutem ac vitam; Dominum nostrum descensu suo ad inferos, omnes ab orbe condito homines à pœnis illis et potestate dæmonis liberasse, et ad vitam vendicasse; peccatorum remissionem dedisse iis qui crediderunt incredulis

(1) Occurrit etiam MS. in Bibl. Regis Christianissimi. Prodiit et Venet. 1545, teste Fabr. ad Allatii diss. ad calc. Bibl. Græc. vol. 5, p. 47.

(2) Confer Rayæum in dissertatione præviâ ad acoluthiam, § 1, n. 6, seq., et Quirinum p. 160.

cenegasse; Deum angelos ante hunc mundum aspectabilem creasse. Singula prolixè persequitur vir eruditus-dissert. 2. p. 283. Prodiit Paracletice Venet. anno 1610, deinde, operâ Nicephori Paschalci, ibid. apud Ant. Pinel. anno 1623, et curante Theophylacto hieromonacho, ibid. 1640, hoc titulo: Παράκλητος τὸν Θεὸν ἀγαπῶ περιέχουσα τὴν πρέπουσαν αὐτῆ ἀκολουθίαν.

ΠΑΣΧΑΛΙΟΝ. Cyclus paschalis, quo festum Paschatis, et aliæ, quæ ex eo pendebant, solemnitates designari solebant. In his enim cyclicis non modò Paschatis diem, sed et annos vel mundi, vel Diocletiani, aliaque festa præcipua et jejunia describebant. Habentur hujusmodi paschalia in libris ecclesiasticis Græcorum, quorum ex Horologio edito Venet. an. 1535, specimen nobis exhibet Dufresnius. Gloss. Græc. col. 1128.

ΠΑΤΕΡΙΚΟΝ. Liber continens vitas SS. Patrum, in ecclesiâ pro more legi solitus. *Ad mensam toto tempore πατερικὰ leguntur*, inquit Typicus S. Sabæ, cap. 8. De Copronymo Cedrenus, *quotquot reperiri poterant πατερικὰ βιβλία, vel reliquiὰ sanctorum combussit*. Nihil frequentius hujusmodi patericis in bibliothecis MSS., ubi apophthegmata, et acta SS. Patrum ordine alphabetico secundùm ipsorum nomina recensentur. Tale opus Græc. Lat. edidit P. Possinus in Thesaur. Ascet. p. 228. et Zozimæ abbas Alloquia, ibid. p. 279. Fragmenta quedam ascetica miscellanea, *ἐκ τῶν Πατερικῶν*, sive *ex opere de Vitis Patrum*, habentur Græc. biblioth. Vindob. Cod. Theol. 473, num. 19, fol. 319. Confer quæ in Gerontico, Climace, et Lausaico notavimus.

ΠΕΝΤΗΚΟΣΤΙΑΡΙΟΝ. Liber quo officium ab ipso die Paschatis, usque ad octavam Pentecostes, nempe ad dominicam omnium Sanctorum continetur. Hunc habet titulum: Πεντηκοστάριον περιέχον πάσας τὰς αὐτῆ πρέπουσας καὶ ἀναγκαίας ἀκολουθίας, ἀρχόμενον ἀπὸ τῆς ἑσπερίου μεγάλης κυριακῆς τῆς ἑγερσεως τοῦ Κυρίου ἡμῶν Ἰησοῦ μέχρι τῆς αὐτῆς ἑσπέρης τοῦ τιμίου σώματος καὶ αἵματος τοῦ Κυρίου ἡμῶν Ἰησοῦ Χριστοῦ. Editum est præter alias vices, apud Jac. Leoncinum, Venet. anno 1579 (1), in-4°, 1618, et curâ Theophylacti hieromonachi, ibid. 1642. Multa in hoc libro carpit, et virgulâ censoriâ notat L. Allatius, dissert. 2, pag. 229, nempe quòd plura à novissimis editoribus sint addita, præcipuè ex

(1). Prodiert antea Venet. 1568, ut narrat Fabr. ad Allat. diss. 1, Bbl. Græc. vol 5 subjunct. p. 56.

additamentis Nicephori Callisti, et Nicolai Malacci Nauplii archipresbyteri, qui multa troparia de suo addidit, et horas in vigiliâ Pentecostes consarcinavit, veteraque antiquorum Patrum monumenta novis suis deliramentis inspersit; quòd repugnantibus synodorum decretis, pseudepigrapha et apocrypha in lectiones et divina officia sint introducta; quòd affirmet humanum genus omne ab inferni cavernis ereptum, à Christo apud inferos prædicante, in cælos fuisse asportatum. Integrum hoc spatium septem hebdomadam quæ Pascha subsequuntur, et Græcis et Latinis *Pentecoste* vulgò audit. Extat in Euchologio, p. 753, ἀκολουθία τῆς ἁγίας Πεντηκοστῆς, officium sanctæ Pentecostes, in ipsâ dominicâ sanctæ Pentecostes, sub vesperam præcipuè, multis precibus et genuflexionibus celebrandum.

ΠΙΝΑΞ. Canonem aliquando denotat, sive tabulas pœnitentiales, in quibus peccantium qualitates, pœnitentium pœnæ describuntur. Et ita quidem in officio super pœnitentes Eucholog. p. 680. Ὁ ἑπιτηρίων, sive pœnitentiarius, postquam minutatim de singulis peccatis interrogaverit, jubetur πύσσει τὸν πίνακα, *indicem* (pœnitentialem) *assumere*, et quale sit peccatum inquirere, et cum hoc libro conferre, ut quale sit peccatum cognoscat. De aliis hujus vocis significationibus consulantur lexicographi, Suidas, Hesychius, Suicerus, etc.

ΠΡΑΞΕΙΔΙΟΣΤΟΛΟΣ. Liber ex Actibus Apostolorum et Epistolis, tum Paulinis, tum canonicis, et Apocalypsi compositus, textu in plures partes diviso, et diebus singulis et festis diebus accommodato, ita ut completo libro, ea quoque omnia terminentur. In Ecclesiis Græcorum hoc ordine legi solet: nempe à dominicâ Paschatis usque ad dominicam sanctorum omnium. Pro lectione magni Vespertini, Actus Apostolorum tantummodò leguntur. In reliquis dominicis totius anni, septem catholicæ et 14 S. Pauli Epistolæ et Joannis Apocalypsis. Confer Allat. dissert. 1, p. 47. Extat πραξειδιστολος MS., cui insertum est menologium seu commemoratio sacrarum solemnitatum et præcipuorum festorum totius anni secundùm 12 menses, biblioth. Vindob. Cod. Theol. 195, et cod. 508, editus etiam sub nomine Apostoli, Venet. 1635.

ΠΡΟΟΙΜΙΑΚΟΣ. Psalmus est 105, *proœmialis* dictus, non quòd toti Psalterio præsigatur, sed quòd ab eo officia inchoentur. Meminit ejus officium de mysteriis Præsanctificatorum Eucholog. p. 187.

ΠΡΟΨΑΛΜΑΤΑ. Preces quæ in ecclesiâ ante Psalmos, à psaltis, lectoribus, subdiaconis et plebe concinuntur. Vide quæ ex Niconis Pandecte MS. hùc notavit Dufresnius Gloss. Græc. col. 1262.

ΡΟΓΑΙΑΙ. Libri, seu acrostica, in quibus non tantùm virorum nomîna, ordine quo procedere deberent, pro cuiusque officii dignitate dùm vocarentur, et eorum nomina à nomenclatore ederentur, ut est apud Luitprandum, lib. 6, c. 5, sed quantitas etiam rogæ, seu donativi, quod *presbyterium* Anastasio dicitur, descripta, etc., ut sciret unusquisque quid accipere deberet, cum ejusmodi rogæ à patriarchâ vel ab imperatore distribuiebantur. Hæc Dufresnius Gloss. Græc. col. 1303, qui locum hanc in rem profert ex Balsamone de incenso patriarchæ die catecheses, p. 474.

ΣΤΕΦΑΝΩΜΑ, sive Στέφανο τοῦ γάμου. *Coronæ nuptiales*. Coronas pro nuptiis usurpari apud scriptores, tum sacros, tum profanos, notius est quàm ut probari debeat. De his hæc officia in Euchologio continentur: 1^o Ἀκολουθία γυναικῶν ἐπὶ μνήστραϊς ἤρχον τοῦ ἀρχιεπισκόπου, *ordo servari solitus in sponsalibus celebrandis, videlicet nuptiarum subarrhatione*, p. 380; 2^o Ἀκολουθία τοῦ στεφανώματος, *officium coronationis nuptiarum*, p. 385; 3^o εὐχὴ ἐπὶ λύσει στεφανῶν τῆ ἡμέρας, *oratio cum solvantur coronæ octavâ die*, p. 399. Græci enim per octo dies nuptias celebrare solent. Notatque Goarus cujuslibet sacramenti, vel insignis beneficii acceptionem, per septem alios dies, Græcos, hæc etiam ætate, memoriæ commendare; 4^o Ἀκολουθία εἰς διγάμους; *officium in bigamos*, p. 403. Bigamos etsi non penitus damnaret vetus Ecclesiâ, acri tamen censurâ notavit, et non nisi post peracta jejunia et orationes, ad S. Euchariæ communionem admittere solebat. Verùm mitiùs cum iis egit sequioris Ecclesiæ indulgentia. Ad hanc nuptiarum classem fortè revocari possunt variae orationes circa mulieres puerperas, et abortivum facientes, quæ à p. 316 usque ad 350, reperiantur.

ΣΤΙΧΗΡΩΝ. Versus paulò longior ab hymnographo ecclesiastico conscriptus. De quo vide Goarum ad Eucholog. p. 32, 206. Ubi inter στιχῶν et στιχηρῶν non modicum discrimen esse notat. Στίχοι versiculos esse ex S. Scripturâ, et maximè Psalmis Davidicis depromptus; στιχηρῶν versum prolixiorem, ab hymnographo compositum, denotat. Et sunt ut plurimum Psalmi Davidici conglobati, prolixiori sententiâ, ad longiuscularum periodorum normam,

in unum conflati. Habetur in bibliothecâ Colbertinâ, teste Dufresnio, col. 1451, codex MS. num. 837, in quo describuntur (1) stichera unâ cum notis musicis, quæ canuntur singulis annis, in festis. In cuius fine στιχερὰ ἀνατολικὰ, προστάματα κατ' ἀφαιρητικόν, etc., describuntur.

ΣΤΟΙΧΕΡΆΠΙΟΝ. Liber in quo describuntur sticharia, seu vestes strictiores, quibus viri ecclesiastici, antistites, presbyteri, diaconi, subdiaconi etiam et monachi, indui solebant. Habetur hujusmodi sticherarion MS. in Bibliothecâ Regiâ cod. 2037, incipiens à mense septembri, à quo annus Græcorum principium ducit.

ΣΥΝΑΞΆΡΙΑ. Sunt vitæ sanctorum in compendium redactæ, et succincta expositio solemnitatis de quâ agitur, ex Menæis, et prolixioribus Græcorum libris ecclesiasticis, in angustiores terminos contracta. Unde natum illis Synaxarion nomen. In contendis hujusmodi synaxaris principem locum habuit Nicephorus Callisti, qui synaxaria composuit in præcipuas Triodii festivitates, quæ illarum causas reddunt, unde originem habuerint, et quamnam ob causam hoc tempore ita se habeant, et à divinis Patribus sic dispositæ sint, cum nonnullis circumstantiis particularibus. Ordiantur à dominicâ Publicani et Pharisei, finiunt in solemnitatem omnium Sanctorum, ut ex ipsius operis titulo liquet. Menæis (2), Triodo, et Pentecostario, partim inserta sunt hæc synaxaria. Quæ Triodo inseruit Nicephorus, varias in se hæreses continere, et digna animadversione ecclesiastica esse ostendit Allatius, dissert. 2. Quin et Gennadius de Azymo, cap. 2, tanquàm ambitioso studio, et impetu perniciosi schismatis, composita damnat, nec in Ecclesiâ Constantinop. legi solere affirmat; Nihilominus hæc Nicephori Synaxaria à Matthæo Cigulâ Cyprio, et à Maximo Cytherorum episcopo, in linguam Græcam vulgarem conversa sunt, seorsim edita Venet. 1637, 1646, in-4^o (3).

ΣΧΗΜΑΤΟΔΟΓΙΟΝ. Continens τὴν πᾶσαν ἀκολουθίαν, sive totum ordinem sumendi habitus mo-

(1) Confer Rayæum in dissertatione præviâ ad acoluthiam § 1, n. 6, seq. et Quirinium p. 160.

(2) In hoc diversa Synaxaria à Menæis, quod ommissis cæteris partibus officii ad sanctos spectantis, solas eorum synaxes sive festivitates indicent cum brevi minuscujusque elogio notat Fabr. ex Actis sanctor. tom. 4 juni p. 16.

(3) Sed primùm Venet. 1607 Synaxaria plura alia vetustiora in Bib. MSS. exstant, Cangio, Lambecio aliisque memorata, de quibus vid. Fabr. ad Allatium diss. 1, pag. 68.

nastica. Edidit varia quæ huc spectant officia, in Euchologio suo Goarus. Habetur 1^o Ἀκολουθία εἰς ἀρχαίον φρασεολόγιον, *officium in novitum habitum monasticum suscipientem*, p. 468, ubi notæ et variantia exemplaria exhibentur. 2^o Ἀκολουθία τοῦ μικροῦ σχήματος ἦτοι τοῦ μικροῦ, *officium parvi habitus, id est, mandis*, p. 475. Et quod mulieribus simili veste consecrandis peculiare est, ibid. p. 496. 3^o Ἀκολουθία τοῦ μεγάλου καὶ ἀγγελικοῦ σχήματος, *officium magni et angelici habitus*, p. 499, cui variantes lectiones, notæque eruditæ subjiciuntur. Extat MS. hoc σχηματολόγιον Biblioth. Vindob. Cod. Theol. juxta Lambec. 327, juxta Nessel. 286. Verum inter editionem illam impressam, et codicem MS. Cæsareum, magnam esse differentiam notat Lambecius.

ΤΑΚΤΙΚΑ. Libri cæremoniales, in quibus ordo et regula divinorum officiorum continentur, et quid singulis diebus in rebus sacris præstandum sit, præscribitur. Et à ταξία nomen habent, sicut apud Latinos ab ordine *Ordinarium* fit. Librum sub hoc nomine in plebis Græcorum monasteriis innotescere nec alium à Typico esse, notat Allatius, diss. 1, p. 15.

ΤΕΤΡΑΩΔΙΟΝ. Canon quatuor odis constans, qui in sabbatis, præsertim Quadragesimæ, cani solet. In magnum sabbatum τετραώδιον composuit Cosmas, Majumensis episcopus, Μύκεδος dictus, quem librum postea, imperatoris Leonis mandato, Marcus episcopus Hydruntinus perfecit et complevit, odas addendo quæ illi deerant, ut ex Cedreno, aliisque pluribus, ostendit Allatius dissert. 1, pag. 72, etc.

ΤΡΙΑΔΙΚΑ. Hymni sunt, sive Τροπαῖα, in honorem SS. Trinitatis, in liturgiis decantari solita. In singulis quippe odis duo postremi ejusque canonis versus cum laude SS. Trinitatis et B. Virginis clauduntur: præsertim verò canuntur in μεσονυκτίου seu μεσονυκτικοῦ mediæ scilicet noctis officio, τῆ κυριακῆ εἰς τὸ μεσονυκτικὸν κανὸν τριαδικῶς, ut in Octoecho legitur. Hymni hi τριαδικοί in Triodio, in officio vespertini sabbati sancti, et in Horologio integri reperuntur. Vide Allat. Dissert. 1, p. 65, et Dufresnium in verbo Τριαδικά.

ΤΡΗΣΙΑΓΙΟΝ. Hymnus est notissimus, à ter repetitâ voce ἄγιος sic dictus; hæc nempe formulâ: Ἄγιος ὁ Θεός, ἄγιος ἰσχυρός, ἄγιος ἀθάνατος, ἐξ ἄσπερον ἤμας. A Græcis non modò in sacris officiis usurpatur, verum cum è lecto surgunt, vel ecclesias ingrediuntur, et præcipuè in ipso mortis articulo recitare solent. Cantari cœpit

imperante Theodosio Juniore; quin et Proclius episcopo Constantinopolitano δι' ἀπακλύψως, per revelationem divinitus innotuisse disertè affirmat Jobius de Incarn. lib. 6, cap. 23, apud Phot. cod. 229, col. 609. Respicit nempe quod communiter referunt veteres, dum vigente tremendo terræ motu imperator Proclus, omnisque populus Constantinopol. litaniis incessanter Incumberent, puerum è medio in aerem fuisse raptum, ubi hunc hymnum ab angelis decantatum didicit, qui proinde cessante mox terræ motu, in publicum Ecclesiæ et vitæ quotidianæ usum receptus est. Certè Orientales episcopi in synodo Chalcedonensi, anno 451, illum usurparunt, ut ex fine actionis primæ liquet, p. 309. Et additamentum illud, ὁ σταυρωθεὶς δι' ἡμᾶς, ingenti Ecclesiæ scandalo et perturbatione postea adject Petrus Fullo Antiochenus. De origine sacri hujus hymni, et quantas exinde turbas et contentiones in Ecclesiâ excitaverit additio Fulloniana, plena sunt historicorum ecclesiasticorum volumina. Ex veteribus rem gestam describit Theodorus Lector, Hist. Eccl. lib. 1, p. 554; Jobius apud Phot. loc. citat.; Ephraim Antiochenus, Cod. 228, col. 773; Damascenus Epist. de Trisagio ad Jordanem cœnob., oper. p. 722, et de Fide orthodox. lib. 3, cap. 10, p. 385; Theophanes ad ann. Theod. 50, p. 80, et ad ann. Zenonis 16, p. 115; Nicephorus Hist. Eccl. lib. 14, cap. 46, p. 544, lib. 15, cap. 28, p. 623, lib. 18, cap. 51, p. 879, ut Cedrenum, Zonaram, etc., mitam; ex recentioribus, Forbesius Inst. Hist. Theol. l. 1, c. 16, p. 29; Goarus not. ad Eucholog. p. 126; Meursius, Gloss. p. 576, paulò fusius; Suicerus et Dufresnius in hæc voce; amplissimè Gretserus tractatu peculiari advers. Thom. Wegelinum, sub titulo *Fullonis reditivi*, anno 1608, in-4^o. Integram verò historiam, singulari dissertatione de Trisagii origine, ad examen revocat, ejusque fundamentum non uno argumento subruere conatur vir doctissimus P. Allixius, in hisce studiis haud leviter exercitatus, Rothom. 1674, in-8^o. Ad controversiam Catholicos inter et Eutylichianos de hæc re rectius intelligendam, lectori non inutile erit percurrere illustrissimi Norisii historicam dissertationem de uno ex Trinitate carne passo.

ΤΡΠΤΑ. Officium ecclesiasticum pro defuncto, tertio ab ejus obitu die celebratum. Ilujus, ex constitutionibus apostolicis meminimus in verbo, ἕνατος. Vide quæ de τρίτης, ἑνάτης, καὶ πεσσαρακοστοῦς, ex Philippi Solitarii Dio-

πλά et aliunde notavit Cotelerius not. ad PP. Apost. pag. 324, 325, et varios quos ibi laudat auctores. Nec pauca hæc de re congressit Dufresnius, in voce Τρίτα.

ΤΡΙΩΔΙΟΝ (1), *Triodium*, liber ecclesiasticus in quo officium à Septuagesimâ, quam vocant Dominicam Publicani et Pharisæi, usque ad sabbatum sanctum, hoc est, à Dominicâ Septuagesimæ, penè usque ad diem Paschatis recitari solitum, continetur, *Triodium* dictus, quod cum canones et hymni, qui in reliquis divinis officiis usurpantur, novem habeant odas, in hoc libro tribus tantum constat, imò neque semper tres habet, cum integros etiam canones proponat, sed ἀπὸ τοῦ πλεονέξοντες, nomen sumpsisse existimat Nicephorus, vel propter magnæ hebdomadis canones sic dictos. Primus hanc officii formam in figuram, ut videtur, sanctæ et vivificæ Trinitatis, Cosmas Melodus excogitasse dicitur, qui pro magnâ sanctique hebdomade cantus ad cuiuslibet ferè diei appellationem per acrostichides concinnavit. Ad cuius exemplum, Theodorus et Josephus Studitæ in reliquis sanctæ Quadragesimæ hebdomadibus, in monasterii sui usum composuerunt. Postea multa addiderunt Nicephorus Callisti, et Philotheus, patriarcha Constantinopolitanus, Latinorum quidem hostes acerrimi et hinc illæ lacrymæ. De ipsis enim conqueritur Allatii diss. 2, p. 114, quòd sequiores affectibus propriis distracti, sæpè etiam odio in Romanam Ecclesiam multa quæ à veritate aberant intruserunt. Nam antiqua ferè omnia, inquit, plana sunt; nihil in se continent quòd pias aures offendat; recentia multis seatent erroribus, et subdolè sæpius in Romanam Ecclesiam garrunt; multas etiam hæreseon lades lectionibus inspergunt. Errores quos in hoc opere damnat, quosque latè persequitur, ad sequentia capita revocari possunt: pœnarum inferni finem aliquando esse futurum, justorum animas in locis quibusdam determinatis detineri, ibique diem iudicii expectare; impiorum verò carcere tenebroso mancipatas immisericordes dæmones custodes experiri, et futurorum adhuc tormentorum expectatione torqueri; damnatorum pœnas non esse corporeas, sed in tenebris, elongatione à Deo, et conscientiæ stimulis consistere; secundum Domini adventum post exacta septem annorum millia futurum; Spiritum sanctum ex solo Patre procedere; Christum non in azymo sed fermentato corpus

(1) Conf. Baronium ad an. 842.

suum Apostolus tradidisse. Singula accurate excutit vir doctissimus, sed nimius est, ad nauseam usque in recensendis, quos vocat, erroribus, quibus novissimi huius Triodii consarcinatores, adversus Ecclesiæ Romanæ honorem et auctoritatem insurgere videntur, nempe quòd Joannem Italum, Barlaamum et Acindymum, qui Latinorum partes adversus Græcos strenuè fovebant, multiplices anathemate feriunt; quòd Photium patriarcham, sanctissimum et orthodoxum vocant, omniaque scripta vel dicta contra ipsum damnant; quòd Constantinum Monomachum, Alexium Comnenum, utrumque Andronicum imp., qui Græcorum causam contra Latinos summo studio prosequebantur, egregiis ornamentis; quòd Sisinnium, Michaellem Cerularium, Michaellem Anchiali, Germanum, Josephum, Athanasium, aliosque patriarchas Constantinopolitanos Latinorum hostes acerrimos laudent, sanctos et orthodoxos enuntiant; præcipuè quòd Gregorium Palamam, quo nemo fortius, nemo acritus, Græcorum adversus Latinos causam egit, summis laudibus et acclamationibus prosequantur. Hæc aliæque ejusdem commatis Leonem malè habuère, neque ea patiente stomacho concoquere potuit. Exstat *Triodium Veneticum* editum anno 1620, ex Theophylacti Hieromonachi curâ recognitum ibid. apud Pinell. 1644, hunc habens titulum: Τριώδιον ψυχλάστατον περιέχον τὴν πρέπωσαν ἐν τῇ ἀγίᾳ καὶ μεγάλῃ τησσαρακοστῇ ἄπασαν ἀκολουθίαν. Triodii synopsis, versibus iambicis contextam, scripsit idem Nicephorus, quæ sub finem carminum Basil. 1536 editorum habetur (1).

ΤΡΟΠΑΡΙΟΝ. In scriptis Græcorum ecclesiasticis notat hymnorum quoddam genus, qui in illorum officiis ubique reperiuntur, Canones enim, odæ, et troparia utramque ferè faciunt paginam. Canones in odas dividuntur; odæ in troparia, ex quibus componuntur. Singula namque troparia continent, aut plura, aut potiora, cum eorum numerus determinatus non sit. Tropariorum scriptores varios recenset Dufresnius Gloss. Græc. in voce, Τροπάριον (2). Exstat MS., Græcè, opinor, Bibliothecæ Bodleianæ cod. 2558, Troparion, codex elegantissimè scriptus, qui continet tropos, sive hymnos sacros, videlicet alleluia, tractus, modulamina, prosas, per anni circu-

(1) Hanc Synopsis exhibuit Fabr. ad diss. Allatii de libris Græcorum ecclesiasticis, ad calc. Bibl. Græc. vol. 5, p. 51.

(2) Quibus addè Rayæum in Dissertatione citatâ, § 2.

1023, in festos et dies dominicos omnia notis musicis antiquis superscripta.

ΤΥΠΙΚΟΝ (1). Ordo recitandi divini officii, litter haud parvæ molis, in quo, ut Leonis Allatii verbis utar, dissert. 1, p. 4, à primo die anni, singulis diebus, quid inter missarum solemniam, quid ad vesperas, quid ad horas, quid ad matutinum, quid denique ad reliqua divina officia, sive dies illi feriales sunt, sive festi, recitandum, quid psallendum, aut legendum sit, quibus diebus jejunandum, quibus et quomodo solvendum jejunium verbis clarissimis et facillimâ methodo præscribitur, variisque est distinctum pro materiæ varietate capitibus. Variant apud Græcos typica, eôm quælibet, saltem ex majoribus Ecclesiis, suum habeat. Quæ in singularem monasteriorum usum condita sunt κητορικὰ proprio nomine appellantur. Prodiit Typicum (2) Venet. annis 1603, 1615, 1643, hoc titulo : Τυπικόν σὺν Θεῷ ἀγίῳ παραίχων πᾶσαν τὴν διάταξιν τῆς ἐκκλησιαστικῆς ἀκολουθίας τοῦ χρόνου ἐλευ, *Typicum, favente Deo, continens integrum officii ecclesiastici ordinem per totum annum*. Quo in opere sequentia continentur : 1^o Typicum τῆς ἐκκλησιαστικῆς ἀκολουθίας, S. Lauræ in Hierosolymis. Quod et in aliis monasteriis Hierosolymitanis, aliisque Ecclesiis obtinet ex præscripto S. Sabæ, capitæ 89 complexum. De hoc typico diximus in vitâ S. Sabæ sec. 5. 2^o Μηνολόγιον, juxta 12 menses, continens ἀκολουθίαν τῆς ἐκκλησιαστικῆς ψαλμοδίας τε καὶ συναγωγῆς per totum annum, incipiendo, ut solent Græci, à mense septembris, usque ad finem augusti, præmisso capitulo indice. 3^o Marci hieromonachi (5), qui se ἀμάρτανον vocat, σύνταγμα εἰς τὰ ἀπορούμενα τοῦ τυπικοῦ, sive *de dubiis quæ ex typico oriuntur*, capitibus 100 absolutum. 4^o Nicolai patriarchæ Constantinopolitani ad Anastasium, montis Sinæ abbatem, de jejuniis Græcorum carmina politica 224. 5^o Anastasii Cæsareæ Palæstinæ episcopi tractatus περὶ τοῦ Ἁρσοουίου, de feriis monachorum, de continentia et ingluvie, etc. (4). 6^o *Vitæ quatuor Evangelistarum*, ex

(1) Conf. Nic. Rayæum Dissert. præliminar. ad tom. 2 Act. sanctorum Junii pag. 75.

(2) A Josaphato Hieromonacho circa 1584 emendatum, ut notat Fabr. ad Allatii Dissert. p. 2, ad calc. Bibl. Græc. vol. 5.

(3) Oudin. tom. 2, p. 384, narrat Marcum Hieromonachum non tantum scripsisse Comment. in Typicum S. Sabæ dictum, sed hoc Typicon etiam composuisse, quod S. Sabæ falso nomine inscripsit, ut auctoritatem ipsi majorem apud Lauræ monachos procuraret.

(4) Ex Joan. Joach. Schroederi Thesaurò linguæ Armenæ pag. 335. Arradschauer Ar-

Dorothei Synopsi desumptæ. 7^o *Regulæ variae* περὶ τοῦ πῶς δεῖ πισταμεν, περὶ τοῦ πῶς δεῖ κινεῖν τὸν Θεόν, etc. 8^o Κεφάλαια παρανετικά, seu *capita adhortativa ad virtutem*, per modum genologię disposita. 9^o Πασχάλιον τοῦ ἡγδού αἰῶνος, *Paschaliolum octavi seculi*, sive calendarium continens annos ab orbe condito et ab incarnatione Christi; indicationem etiam, cyclum, tum solarem, tum lunarem, et τὸ θεμέλιον τῆς σελήνης. Hoc θεμέλιον epactæ Latinorum respondet, et ephemeridem annorum ab anno 1643 usque ad annum 1676 complectitur. Sunt etiam, notante eodem, quem supra notavimus, Allatio, quæ strictiori sensu apud Græcos typica vocantur, nempe versuum quorundam ex Psalmis, hinc inde congestorum, et ad solemnitatis, quæ agitur, arcana exponenda aptiorum, eclogæ. Et horum duo sunt genera : alterum quod in matutinis precibus, dum vigiliis, quòd eam noctem insomnes traducant, peragunt, recitari aut cani solet, in festis scilicet Christo et B. Virgini dicatis, quæ sola vigiliis habent. Alterum typicorum genus est, quæ inter missarum solemniam, et 145, qui δευτέρα, dicuntur, uti notat etiam Coarus, p. 124.

ΎΜΝΟΛΟΓΙΟΝ. Liber ecclesiasticus continens hymnos in omnia festa totius anni cum antiquis notis musicis, Menæi et Menologii instar in 12 menses digestos, ab initio septembris usque ad finem augusti. Inserta sunt troparia Sophronii archiepiscopi Hierosolymitani, in vigiliâ Natalis Christi cantari solita. Exstat Græc. MS. Biblioth. Vindob. Cod. Theol. ex dispositione Nesselianâ 136, n. 1, à fol. 1 ad fol. 172; habetur etiam ibid. Cod. 181, anno Christi 1221, exarato, num. 1, à fol. 1 usque ad fol. 184. Pars etiam hujus Hymnologii media à vigiliâ Nativitatis Christi usque ad diem 21 maii, ibid. Cod. 204. Varii hymni ecclesiastici à scriptoribus Græcis memorantur, quales sunt, hymnus *Angelicus, Seraphicus, Cherubicus, ἐπινόως*, quibus titulis Trisagium ornatur; hymnus *μυστικός, τραδικός*, etc., de quibus non opus est ut hic sigillatim agamus.

ΦΩΤΑΓΩΓΑΡΙΑ, seu Φωταγωγικά. Preces sunt vespertinæ, seu quæ in vespertinis officii ca-

menâ linguâ sonare primum, illoque vocabulo intelligi primos quinque dies magni jejunii à Dominicâ Septuagesimæ usque ad Pascha, notat Fabr. ad Allatii diss. 1, p. 5, subjuncto. Bibl. Græc. vol. 5.

nantur, cujusmodi plures haberi in Horologio, Triodio, Paracletice, aliisque Græcorum libris ecclesiasticis, observat sæpè laudatus Dufresnius, Gloss. Græc. col. 1721.

ΧΑΙΡΕΤΙΣΜΟΙ. Χαίρεισμα; denotat festum Annuntiationis Deiparæ, quando angelus à Deo missus, eam convenit et salutavit. Χαίρεισμαί hymni sunt in laudem Deiparæ compositi, quorum odæ singulæ incipiunt à voce, Χαίρη, quales habentur MSS. in Cod. regio 216, indicante Dufresnio, col. 1724.

ΧΕΙΡΟΤΟΝΙΑ. Ordinatio ad munus aliquod ecclesiasticum, episcopo manus imponente, variisque ritibus et orationibus celebrata. Plura sunt in Euchologio quæ huc spectant officia, et à minoribus ordinibus auspicabimur, id solum præmonentes, ostiarium, exorcistam et acolytum, apud Græcos hodiè pro sacris ordinibus non agnoscì. 1° Τάξις γινωμένη ἐν χειροτονία ἀναγνώστου καὶ ψάλτου, *ordo fieri solitus in ordinatione lectoris et cantoris*, pag. 253, et apud Habertum Pontif. Græc. p. 305, qui et ampliore formulam exhibet juxta liturgiam patriarchalem, ibid. p. 57. 2° Ἐδχὴ ἐν χειροτονία δεπουτάτου καὶ κηροφέρου, *oratio in deputati et ceroferrarii ordinatione*, p. 237. Quis fuit deputatus, quidve ejus officium, non satis liquet. Eundem esse cum ceroferrario, et Latinorum acolyto, volunt plurimi, et non inter officia, sed inter ministeria deputabatur. Ejus erat, pallio indutum præire cum lampadibus sanctum Evangelium, quando in ambonem, lectionis causâ, afferebatur, et sacra dona cum ad sanctum altare deferuntur, et cum ad mensam propositionis referuntur, uti nos docet Joannes Citrensis in Respons. ad Nicolaum Cabasilam, jur. Græc. Rom. lib. 5, pag. 328. Sed et præter cereos, ferulam etiam manu gestasse dicitur. Unde in descriptione coronationis imperatoris ferula in sinistram ejus tradi solebat, ὅστε τὰξιν ἐκκλησιαστικῆν τὴν τοῦ δεπουτάτου λεγομένην, *ut ordinem seu locum in ecclesiâ teneat illius qui deputatus dicitur*, ut in Andronici Junioris coronatione rem describit Cantacuzenus, Hist. lib. 4, p. 122. Et eadem planè habet Codinus de Offic. cap. 17, num. 55, 56, p. 95. Quidquid sit, munus illud in Ecclesiâ Græcâ, suo tempore desiisse, et ante paucos annos in Ecclesiâ solummodò Thessalonicensi viguisse, nos docet Simeon Thessalonicensis, de S. Ord. cap. 1, pag. 106. — 3° Τάξις γινωμένη ἐν χειροτονία ὑποδιακόνου, *ordo observandus in ordinatione subdiaconi*, p. 244, et apud Habert. pag. 306, et ex liturgiâ pa-

triarchali, ibid. p. 45. 4° Τάξις γινωμένη ἐν χειροτονία διακόνου, *ordo qui observari solet in ordinatione diaconi*, pag. 249. Cui subjuncta est, pag. 262, forma in diaconisæ ordinatione observanda. Idem officium exhibet Habertus, pag. 308. Ordinem in institutione diaconi observandum reperies Euchol. pag. 284. 5° Τάξις γινωμένη ἐν χειροτονία πρεσβυτέρου, *ordo observandus in ordinatione presbyteri*, pag. 292, et apud Habert. p. 312, et juxta Liturgiam patriarchalem, ibid. pag. 106. Τάξις ἀκολουθίας, quâ archipresbyter constituitur, habetur ex Allatiano exemplari, Euchol. pag. 287. 6° Τάξις γινωμένη ἐν χειροτονία ἐπισκόπου, *ordo qui in episcopi ordinatione servari debet*, pag. 302. Amplior ex Euchologio Allatiano, ibid. pag. 305. Habetur et apud Habertum, pag. 316, prolixiori verò formulâ ex Liturgiâ patriarchali, ibid. pag. 66. Singula hæc officia ad codices MSS. recognita, variantibus lectionibus et additamentis aucta, notis eruditissimis illustrarunt Jacob. Goarus in Euchologio, et Isaac Habertus in Pontificali suo, viri de Ecclesiâ Græcâ egregiè meriti. Formulas etiam conferendi sacros ordines apud Græcos, nempe lectoris, subdiaconi, diaconi, presbyteri et episcopi, Græc. et Lat. exhibet et illustrat P. Arcudius de Concord. Sacram. lib. 6, cap. 2, pag. 480. Cumulatè verò præ aliis id præstitit Joan. Morinus commentario de sacris Ecclesiæ ordinationibus, ubi part. 2, omnes penè ordinationum apud Græcos formulas, quæ variis sæculis in usu fuerunt, Græcè et Latinè exhibet, et annotationibus illustrat. In his eminent antiquissimum exemplar ex codice MS., 800 ad minimum annorum, litteris majoribus et uncialibus scripto, desumptum; part. 3, de singulis, prolixis quidem, sed et doctissimis dissertationibus agit.

ΨΑΛΤΗΡΙΟΝ, *Psalterium*, liber continens omnes Psalmos Davidicos eo ordine quo in sacris Bibliis habentur, sed in certas classes continentes, plures vel pauciores Psalmos, pro eorum longitudine, distinctos. Has sectiones Græci καθίσματα, sive sessiones vocant, quod olim Psalmi uno contextu non legebantur, sed interjectis lectionibus, ne homines laboria pertæsi, neglectis officiis, ad aliud animum adverterent. Καθίσματα singula in tres partes dividuntur, quæ solemnè illâ δεξιολογία: *Gloria Patri, et Filio*, etc., terminari solent. De his cathismatibus fusè disserit L. Allatius, dissert. 1, p. 55, qui p. 60, describit modum quo Psalterium pro totum annum in Græcorum Ecclesiâ recitatur. Est penes me Psalterium

Venetus editum apud Ant. Pinell. an. 1627. in-8°, in 20 *κἀθόματα* divisum. Primum *κἀθόμα* continet à Psalmo 1 ad 8, inclusivè; secundum, à 9 ad 16; tertium, à 17 ad 23; quartum, à 24 ad 31; quintum, à 32 ad 36; sextum, à 37 ad 45; septimum, à 46 ad 54; octavum à 55 ad 63; nonum, à 64 ad 69; decimum, à 70 ad 76; undecimum à 77 ad 84; duodecimum à 85 ad 90; decimum tertium, à 91 ad 100; decimum quartum, à 101 ad 104; decimum quintum, à 105 ad 108; decimum sextum, à 109 ad 117; decimum septimum, psalm. 118; decimum octavum, à 119 ad 131; decimum nonum, à 132 ad 142; vigesimum, à 143 ad 150 (1). Sequuntur *φάροις* *Παύλου*; de victoriâ quam David ex Goliath reportavit, qui Psalterio non continetur; cantica sacra ex veteri et novo Testamento desumpta, nempe Moisi 2. Exod. 15, Deut. 32, Annæ matris Samuelis cap. 2, Habacuc prophetæ cap. 3, Isaie cap. 25, Jonæ prophetæ cap. 2, trium puerorum, Dan. 3, B. Virginis et Zachariæ, Luc. 1, Ezechie regis, Isaie 38, Manassis regis Judæ, Simeonis senis, Luc. 2. Calci subnectitur ordo, *ἔως ἑώραί* *στολογηθεὶς τὸ φάριον ἐν ἡμῶν τῷ ἱναρῷ*. Prodiit etiam Psalterium, ut infinitas alias editiones taceam, Venet. 1643, cui præmittitur Psalterii per totum annum in Ecclesiâ Græcâ recitandi modus. Subjicitur duplex Lexicon, grammaticum, quo præcipua, quæ in Psalmis occurrunt, vocabula, unâ cum eorum etymologiis, explicantur; historicum alterum, quo personæ et nomina propria, quorum in Psalmis et canticis sacris fit mentio, illustrantur.

ὉΡΟΛΟΪΟΝ. Liber quo horæ disturnæ et officia continentur. Præter horas et mesoria, quæ singulis officiis necessariò dicuntur, Troparia, Psalmos, preces varias, habetur in hoc opere, inquit Allatius, p. 90, canon compunctivus, canones paraclitici in B. Virginem et angelum custodem, et deprecatorius in omnes angelos et sanctos, officium satis amplum sanctissimæ communionis, et minutiora alia. Subjiciuntur Cyrilli Alexandrini oratio de Exitu animæ, deque secundo Adventu; Christoph. Patricii Mitylenæi Troparia, *επιτρόπια* dicta, totum Menologium, quoad majora anni festa, ab initio septembris, complectentia; Paschalion annorum 50, continens indictiones, cy-

(1) Hæc etiam notari in antiquissimis Psalterii Græci editionibus, ut Mediolanensi. an. 1481, monet Fabr. ad Allatii diss. Bibl. vol. 5, subjunct. p. 40.

clum solarem et lunarem, *ἡμεῖς* lunæ et paschata ab anno 1642 usque ad annum 1692, Jonæ Gialeni Selenodromium perpetuum; Niceph. Paschalei de Jejunii Græcorum tractatus, linguâ vulgari conscriptus. Prodiit hoc Horologium Venet. annis 1535, 1601, 1602, 1625, 1632, 1646, 1532 (1).

ὉΡΟΛΟΪΟΝ, seu *parvum Horologium*, ex majori excerptum, et usul ordinario magis accommodatum. De quo hæc idem Allatius dissert. 4, p. 104. Continet gratiarum actionem, postquam Christianus è somno surrexerit; officium mediâ nocte et vespere, singulis diebus dici solitum; novem cantica, primam, tertiam, sextam et nonam horas; parvum *ἀνέδρανον* ex apostolariâ et *ἀποστολικῶς* totius hebdomadis; preces in mensâ; preces brevissimas, dicendas singulis diei horis; Menologium brevissimum; Paschalion annorum 10. Editus est hic libellus ut aliâ sæpè, Venet. anno 1642, in formâ quam vocant in-32.

(1) Item 1568. Etiam Rom. 1677 excusum est Horologium secundum vetustum ordinem et typicum monasterii Cryptæ Ferratæ adjunctio Menologio, ut refert Fabr. ad Allat. Diss. p. 67.

CAPUT II.

DE LATINORUM LIBRIS LITURGICIS DISQUISITIO.

Quâ methodo hætenus vidimus à Caveo Græcorum liturgicos libros recensos, eisdem nos hoc capite liturgicos Latinorum libros enumerabimus.

AGENDA. Missæ hoc nomine interdum prænotantur: nam et pro Missâ *Agendæ* nomen usurpatum sæpius reperimus: sic in concilio Carthaginensi an. 390, can. 9, ab *universis episcopis dictum est: Quisquis presbyter inconsulto episcopo Agendam* (Schelestratus *Agenda*, in neutro plurali, legit, refragantibus Bonâ I. 4 *Rer. Liturg. cap. 3*, et Hugone Menardo in notis ad *Concordiam Regular.* p. 555) *in quolibet loco voluerit celebrare, ipse honori suo contrarius existit. Agendam* quoque *Mortuorum* passim legimus in Antiphonario S. Gregorii, et in antiquis scriptoribus officiorum ecclesiasticorum; imò Anastasius Bibliothecarius Leonem II perhibet constituisse, *ne Novæ quondam episcopi* (Ravennatis) *Anniversitas, aut Agenda celebraretur.* Confer Bonam loc. c., in eumque Salæ adnotationes, t. 1, p. 1, pag. 25.

ANTIPHONALE, ANTIPHONARIUM, ANTIPHONALIS, et ANTIPHONARIUS, liber in quo simul digeste

legebantur Antiphonæ : « Quā in rē, inquit
 • Thomasius in Præf. ad Respons. et Antiphon.
 • Rom. Eccles. p. 39, t. 4 oper., pro indubio
 • haberi debet, aliquam olim fuisse ante san-
 • cti Gregorii tempora Antiphonarum et Re-
 • sponsonum collectionem, quæ usui esset
 • Ecclesiæ cantoribus : ut enim antiquior est
 • sancto Gregorio Antiphonarum et Respon-
 • soriorum usus in Ecclesiâ Romanâ, ita par est
 • credere, aut illum libros extitisse responso-
 • riales et antiphonarios. Idem porrò sanctus
 • pontifex sicut vetustum codicem Sacramen-
 • torum (quem Gelasianum postea appellave-
 • runt) in unum librum abbreviavit ad usum
 • præcipuè publicarium stationum Ecclesiæ
 • Romanæ, qui Sacramentarium Gregorianum
 • passim est vocatus, ita et libros antiphonarios
 • et responsoriales recensuit, ac ordine me-
 • liore disposuit. » Atque hinc Joannes Dia-
 • conus in Vita S. Gregorii Magni, Antiphonarii
 • auctorem fuisse sanctum huncce pontificem
 • perhibet. Joannem quidem, ut qui trecentis post
 • magnum Gregorium annis floruerit, *testem non
 satis idoneum* appellat in libro de Rebus Fran-
 ciæ Orientalis Joan. Georgius Eckartus; sed
 4 clarissimis viris Dominico Georgio in diss.
 2 de libris Liturg., tom. 2 de Liturg. Rom.
 Pont. pag. 183, et Antonio Franciseo Vezzo-
 sio Præf. in tom. 4 oper. Thomas pag. 27, seqq.,
 ab Eckarti censurâ Joannem strenuè vindica-
 tum habemus. Cæterùm Amalaris, in Prolo-
 go ad suum de Ordine Antiphonarii librum,
 narrat, in unicum volumen simul junctis at-
 que ordine distributis et Responsoriis et An-
 tiphonis *Responsorialis et Antiphonarii* nomen
 deinde libro factum fuisse, aut unico etiam
 vocabulo *Antiphonarum* hunc dictum, ut in
 Romanis ordinibus, ac præsertim Benedicti
 canonici ordine videre est. Monet cit. loc.,
 pag. 16 Vezzosius, Antiphonarum in duas
 quoque partes distinctum in antiquis membra-
 nis inveniri, quarum prima complectitur anni
 circulum à primâ Adventus dominicâ deduc-
 tum usque ad initium officii Parasceves in
 Passione Domini, sive feriâ 4 majoris hebdo-
 madæ, vel, ut in aliis codicibus MSS., usque
 ad absolutum sabbati sancti cursum; altera
 verò ab eo loco, ubi prior desit, eundem anni
 circulum usque ad Adventum prosequitur.
 Antiphonaria ornare, eaque pro ministerio al-
 taris offerre mos erat. S. Ansegisus Fontanel-
 lensis abbas, anno 830, cœnobio suo Antiphona-
 rium donavit *in membrano purpureo, argenteis
 scriptum litteris, ornatumque tabulis eburneis, ut*

in ejus actis legimus seculi 4 Benedicti papæ I
 p. 634. Plura exempla hanc in rem vide apud
 Georgium pag. 192, qui et de MSS. Antiphona-
 rii codicibus disserit pag. 195, quanquā de
 his plura dabit Vezzosius pag. 52, seqq. Ad
 Antiphonariorum editiones quod attinet, Ja-
 cobus Pamelius Brugensis canonicus, tomo 2
 suorum *Liturgicon*, omnium primus Antiphona-
 riarum operum editionem cùm Romanam, tùm
 Parisinam Petri Gussanvillæ illatum, imò et
 in nuperimâ eorundem operum editione à
 Maurinis Patribus adornata recusus est, ad-
 scriptis *variantibus*, quas vocant, *lectionibus*.
 Quatuordecim, antequam Benedictini quos in-
 dicavi, è S. Mauri Congregatione doctissimi
 Patres S. Gregorii Magni opera ederent, annis,
 anno scilicet 1691, clarissimus Thomasius An-
 tiphonarum magnâ diligentia ad MSS. codices
 recensum, notisque illustratum è Romanis
 prelis emiserat. Exemplum aliud Antiphona-
 rii an. 1744, ex MS. codice card. Gentilis,
 protulit Dominicus Georgius tom. 3 Liturgiæ
 Rom. Pont. Demùm clarissimus Vezzosius Tho-
 masiana opera secundis curis quùm ederet,
 tom. 4 illud exhibuit, sed ad alios MSS. libros
 exactum, ac pereruditè adnotationibus illu-
 stratum. Vide infra, *Capitulare, Gradale et
 Officiale librum*.

APOSTOLICUM, in ordine Romano apud Can-
 gium : *Subdiaconus autem qui lecturus est, sub
 curâ suâ habebit Apostolicum*, nempe Epistola-
 rum librum.

APOSTOLUS, eadem significatione. Concilii
 Toletani IV canon 11. vetat, « laudes post
 • Apostolum decantari, priusquā Evangelium
 • prædicetur, dùm canones præcipiunt post
 • Apostolum non laudes, sed Evangelium an-
 • nuntiari, » et in veteri chariâ Cornutiânâ
 apud Mabillonium de Re diplom. pag. 462,
 Q. Theodovius Ecclesiæ Cornutiânæ contu-
 lisse dicitur *Evangelia 4, Apostolum, Psalterium
 et Comitem*. Consule Georgium in cit.
 diss. pag. 180. Cæterùm, putant aliqui *Apo-
 stoli* nomen Epistolarum libro inditum fuisse,
 quòd majori ex parte lectiones in Missæ sa-
 crificio frequentes ex Epistolis Apostolorum,
 ac præsertim S. Pauli decerpæ sint. Repug-
 nat his Vezzosius, præf. in tom. 5 oper.
 Thomass., pag. 21, ratus, *Apostolum* apud ve-
 teres fuisse librum eas solas lectiones comple-
 centem, quæ ex Apostolorum, et Pauli præ-
 cipuè Epistolis canonicis sumebantur. Vide
 COMITEM, EPISTOLARE, LECTIONARIUM.

BAPTISTERIUM, liber in quo ritus baptismi et orationes describuntur, vel certe ordo ad baptizandum. Burchardus, lib. 10, cap. 8 : « Discat, ... Psalterium, Lectionarium cum Evangeliiis, Sacramentorum librum, Baptisterium et Computum cum Cyclo. » Alia vide apud Cangium in Glossario, et Georgium p. 169.

BENEDICTIONALIS LIBER, ecclesiasticus liber, in quo Benedictiones, quæ ab episcopis et sacerdotibus fiunt, continentur : cujusmodi, inquit Cangius, est Benedictionalis Greg. Magni, quem ex Codice Cæsareo descripsit Petrus Lambecius lib. 2 Comment. Biblioth. Cæsar. Ordo Romanus : « Accipiat benedictionalem librum, et conversus ad populum « dicat, » etc. Vide Muratorum in diss. de Lit. Rom. c. 6, col. 80, seq.

BREVIARIUM Evangeliorum, vide infra, **CAPITULARE**.

BREVIARIUM Psalterii, compendium quoddam est precum in Psalmis contentarum à Bedâ elucubratum, etsi Hieronymo illud nonnulli codices adjudicant. Editum fuit à Thomaſio Romæ an. 1684, legiturque nunc tom. 3 oper. pag. 576, et tom. 7, pag. 282, cum Italicâ ejusdem Thomasi interpretatione. Simile aliud est, quod idem Thomasius Italicè reddidit, et eodem tom. 7, pag. 315, extat.

BREVIARIUM, sive ordo officiorum per totam anni decursionem, liber est MS. ad usum monasterii Casinensis Alexio Comnenno imperante, hoc est, circa an. 1100, exaratus, totius ecclesiastici officii rubricas, ritus etiam et cæremonias continens tam officii recitandi, quàm Missæ celebrandæ, ac præterea peculiâres quasdam præcipuarum solemnitatum observantias. Unde Quesnellus à Cangio laudatus colligi posse censebat, primitus Breviarii nomine solas rubricas, seu ordinem officiorum olim innotuisse. Id nominis nunc communiter officio ipsi tribuitur. Micrologi auctor, qui seculo XI floruit, cap. 28 de Observat. Eccles., primus Breviarii nomen hoc sensu usurpasse creditur. Cur autem divinum officium Breviarium fuerit appellatum, non una est scriptorum sententiâ, Radulphi Tungrensensis, Bonæ, Martenii. Utut est, Clementis VII pontif. max. hortatu, card. Franciscus Quignonius Breviarium Romanum confecerat, quod et Paulo III inscriptum prodit. Triginta fermè annorum spatio vulgò passimque Quignonianum hocce Breviarium obtinue-

rat, quàm S. Pius V illud sustulit atque abrogavit, novamque Breviarii formulam ex concilii Tridentini decreto conditam substituit, quæ et per Paulum Manutium Pii ejusdem V, præmissis diplomate an. 1570, vulgata est. Sanctorum autem historiæ, quæ in eo Breviario leguntur, Poggianus conscripsit. Multis deinde accessionibus auctum, et variis recognitionibus sub Clemente VIII et Urbano item VIII interpolatum fuit; sed et consecuti pontifices alios subinde sanctos in officium intulerunt. Novam Breviarii Romani recognitionem aggressus fuerat Benedictus XIV, sed variis de causis, certè gravissimis, ab incæpto destitit. Vide Bonam de divinâ Psalmodiâ, Macchiettam de divino officio, Azevedii Exercitationes liturgicas, Lagomarsinium t. 2 Poggianorum operum, aliosque. Vide etiam infra, *Diurnum*, *Horæ canonicæ*, etc.

CÆREMONIALE. Augustinus Patricius Piccolomineus Senensis Pientinus in Etruriâ episcopus, Innocentii VIII, cui à cæremoniis erat, jussu Romanæ Ecclesiæ cæremonias tribus libris complexus est, quos idem Innocentio VIII, epistolâ à Mabillonio primùm vulgatâ Mus. Ital. p. 11, pag. 584, kal. martiis an. 1488 inscripsit. Liber hic tamen vulgatus non fuit à Patricio, qui mortem oppetiit an. 1496. Edidit Christophorus Marcellus Corcyrensis episcopus Venetiis 1516, Leone X summo Ecclesiæ pontifice, hoc titulo : Rituum ecclesiasticorum, sive sacrarum Cæremoniarum SS. Romanæ Ecclesiæ libri tres, non ante impressi, in-fol. Paris de Grassis Bononiensis, qui Pisauriensium episcopus, ac Romanis pontificibus cæremoniarum magister erat, indignatus Romanæ Ecclesiæ cæremonias divulgari, nihil non molitus est, ut Cæremoniale hujusmodi planè aboleretur; plagii quoque gravissimam accusationem Marcello intulit, quasi is Patricii opus sibi impudentissimè adjudicasset. Verùm ab hujusmodi criminatione strenuè Marcellum vindicavit Apostolus Zenius Vossianarum Dissertationum vol. 1, pag. 409, seqq.; ejus verò liber adòb ex hominum memoriâ deletus non est, quod Paris optaverat, ut Florentiæ per hæredes Philippi Junctæ an. 1521 (hanc editionem typographicò, ut puto, mendo ann. 1621, adscribit Freitagius Annal. litter. pag. 465). Colonia Agrippinæ 1577, Romæ 1560, Venetiis 1573, 1582 et 1616, recusus, atque adòb Lipsiæ ann. 1735, à Christ. Godofredo Hoffmanno in tomum alterum novæ suæ Collectio-

nis illatus fuerit. Cæremionale Romanum editum jussu Gregorii X protulit Mabillonius Mus. Ital. tom. 2, pag. 221. Huc spectant Acta selecta cæremionalia S. R. E. ex variis MSS. codicibus, ex Diariis seculi XV, XVI, XVII, aucta, et illustrata pluribus aliis monumentis nondum editis, quorum primum tomum Romæ an. 1735 P. D. Joannes Baptista Gattico Canonius Regularis Lateranensis vulgavit. Vide de hoc opere quæ Hist. Litter. Ital. tom. 7, pag. 470, seqq., dicta à nobis sunt. Est etiam Cæremionale episcoporum, quod jussu Clementis VIII reformatum Romæ prodit anno Jubilæi 1600, mense octobris in-4°.

CANON. Hoc nomine 1° designatur officium, unde etiam horarum canonicarum nomen. Rufinus in Vitis Patrum l. 3, c. 5: *Non possumus propter vos omnem CANONEM psallere*. Alia in hanc rem exempla suppediabant Cangius in Glossario, et Macchielta de divino Officio pag. 49. 2° Præcipua Missæ pars, in quâ, ut aiebat Walafridus Strabo cap. 23, sacramenta conficiuntur Dominica. Vocatur etiam Actio, Preces, Orationes, Secretum Missæ, de quibus nominibus ut alios mittam, consule Vezziosum in notis ad tomum 6 Thomasianorum operum pag. 172, seqq. Pro episcopis Canon extat separatim excusus.

CANON PENITENTIALIS. Vide, *Penitentiale*.

CANTATORIUS liber quis fuerit, ex Amalario discimus in Prologo de Ordine Antiphonarii. « Notandum est, inquit, volumen, quod nos « vocamus ANTIPHONARIUM, tria habere nomina « apud Romanos: quod dicimus GRADALE, illi « vocant CANTATORIUM. » Hinc de subdiacono Ordo Romanus l, num. 26, *postquam cantor cum CANTATORIO ascendit, et dicit Responsum*. Quod autem *Cantatorium* hic dicitur, *Tabularum* quoque nomine idem Amalarius expressit lib 3, cap. 16: « Cantor sine aliqua necessitate legendi, tenet tabulas in manibus. » Porro quemadmodum *Cantatorii* nomen à cantu, ita *Tabularum* vocabulum à tegumento libri gradalis, quod ex asse fieri consuevisse Amalarius eo loco tradit, derivatum fuisse nullus dubito. Adi Thomasii disquisitionem antiquiorum rituum cantuum Missæ tom. 5 oper. p. 23.

CARPSUM, quasi carptum, decerptum, Veronæ vocabant indicem Preces, Psalmos, Antiphonas, cæteraque recensentem ad Missæ, divinatorumque officiorum ordinem enuntiatum; hujusmodi *carpsum* illud à Stephano sacerdote, et Cantore compilatum, de quo

Marchio Maffei pag. 92 opusculorum, quæ Historiæ Theologicæ adjectæ.

CAPITULARE, interdum pro Antiphonario sumi ex quodam Ordine Romano Thomasiano Vezziosus arguit pag. 521, tom. 4 oper. Thomas. Verum usitatus fuit eo nomine denotare indiculum qui Evangelia in singulis Missis legenda designabat, et *Breviarium Evangeliorum* quoque appellabatur, uti et *Capitula lectionum Evangelii ad Missam*. Joannes Fronto unum edidit, quod minus aptè *Kalendarium Romanum* inscripsit; Allatus quoque aliud; Martenius tertium, plura vulgavit Thomasius. Sed de Capitularibus hujusmodi confer Georgium diss. 2 de Libris liturg. S. R. E. pag. 144, seqq., et Vezziosum præf. in T. 5 oper. Thomas. pag. 24, seqq. Id unum moneo, hæc Capitularia plerumque Evangelii textui præmissa, aut in ejusdem calcem rejecta inveniri; nonnunquam tamen ab Evangelii textu junctata reperiuntur, cujusmodi quæ Baluzius recenset Capitul. tom 2, pag. 1556.

CHORALIS liber, nempe qui canentibus in choro usui est. Picturis et auro ornari chorales libri consueverant. Elegantissimi sunt qui cum Senis tum Ferrariæ in principe templo asservantur.

COLLECTANEUM, et COLLECTARIUM, liber qui collectas ad quævis officia dicenda continet. Collectæ autem orationes dicuntur, sic appellatæ, vel quod sacerdos, ut Micrologus ait de Observat. Eccles. cap. 3, *ad Dominum omnium petitiones eâ oratione colligat, atque concludat*, vel quod *ex auctoritate divinarum Scripturarum sint collectæ*, quemadmodum Alcuino placuit in lib. de divin. Offic. Collectaneus masculino quoque genere apud Cangium occurrit.

COMES, liber Comitibus, Lectionum liber, quem Comitibus nomine donatum volunt, vel quod comiti cuiquam primò inscriptus fuerit, vel quod ecclesiasticis viris in lege Domini sacris in lectionibus seu contenta, seu exposita meditantibus die ac nocte familiaris, atque indivisus comes esse debeat. Hunc, ut supra vidimus, verbo *Apostolus*, charta Cornutiæ an. 471, à Suarezio episcopo primum, deinde à Mabillonio vulgata commemorat. Quamobrem à vero haud procul aberrare videntur, qui cum Joanne Beletio, aliisque pluribus libri hujus auctorem S. Hieronymum fuisse affirmant. Antiquior quidem Hieronymo est in Ecclesiâ sacrarum lectionum usus, ut vel ex S. Hippolyti Canonè paschali, quem Caveus et Blanchinius illustrat

rum, constare Georgius jure contendit cit. diss. p. 175. Nihilò tamen minùs potuit S. Hieronymus sacras illas lectiones meliorem in ordinem redigere. Noster doctissimus Joannes Pinius in Tract. hist. Chron. de Liturg. ant. Hisp. c. 9, § 6, quòum in libro Comitùs novem vigillas comperisset, eum à S. Hieronymi ætate remotissimum judicavit. Pinio irascitur propterea P. Sala in notis ad Bonæ lib. 2 Rer. Liturg. cap. 6, p. 125, sed satis meâ quidem sententiâ fuerat animadvertere, loqui Pinium delibro Comitùs, quem hodieque habemus; hunc enim interpolatum esse nemo non videt, atque his quidem accessionibus, quæ à S. Hieronymi ætate remotissimæ sunt; hinc tamen non eddicitur, librum ipsum primò à S. Hieronymo non fuisse pro ætatis suæ moribus dispositum, auctum deinde posterioribus seculis. Alcuinus Caroli Magni jussu librum hunc emendavit, ut ex Codice bibliothecæ Carnutensis exploratum est. Nono item seculo auctum illum fuisse à Theotino presbytero Ambianensis comitis Hechiardi hortatu ex Bellovacensi MS. libro Baluzius aliique comprobant. Inferiori ætate liber Comitùs in majorem et minorem distinctus nonnunquam fuit; quamobrem in chartâ an. 1065, apud Gattulam inter ornamenta Ecclesiæ ejusdam S. Joannis recensentur *liber Comite majorc unum, et minori duo*. Putat Georgius alterum ex his majorem dictum, ob Epistolarum multitudinem, minorem alterum, ob earumdem paucitatem. Ita sanè, sed ex his istum lectiones ex Pauli aliorumque Apostolorum canonicis Epistolis, illum lectiones à cæteris Scripturarum libris depromptas continuisse existimaverim, ut *Apostolus*, de quo supra, idem fuerit qui *liber Comitùs minor*. Cæterum ubi istiusmodi distinctio invecata est codices qui utrasque lectiones exhibebant, *plenarii* vocabantur; cuiusmodi *Lectionarius* ille *plenarius* à *supradicto Albino* (Alcuino) *ordinatus*, quem memorat Centulensis cœnobii Chronicon à Dacherio vulgatum lib. 3, c. 3. Ad editiones quod spectat, liber Comitùs à Pamela primùm editus fuit Coloniz 1571, tomo 2 Liturgicon, sed Præfatione, seu Epistolâ ad Constantium truncatus, quam tamen Magdeburgi divulgârat anno 1549 Mathias Flaccius Illyricus. Hanc secuta est editio Baluzii, qui Bellovacensem Theotichi codicem nactus, illum in appendice Actorum veterum 2 Capitalar. pag. 1509, Parisiis an. 1677 typis exprimi jussit; atque hic ille Bellovacensis codex est, quem Cornelus Schultingius lobnerat; quare non erat

cur P. Meratius tom. 1 Ven. edit. an. 1749, pag. 5, codicem istum in Bibliothecis Germanicis etiamnum latere conquereretur. Baluziana editio à Vallarsio Veronæ iterata fuit inter opera S. Hieronymi, Vezzioso improbante, cui Bellovacense illud exemplum nimis interpolatum videtur, ut Hieronymianis operibus à viro critico adcenseri poterit. Themasius felicior fuit: nam Carnutense Alcuini exemplum Romæ an. 1694 publici juris fecit, addito Lectionario, quod ipse ex antiquis codicibus collegerat. Hoc ipsum denuò prodiit t. 5 operum Thomas. Romæ 1750, P. Vezzioso curante, qui et Lectionario epistolam à Flaccio, ac deinde à Dacherio qui Flaccianam editionem ignorasse videtur, typis expressam præmisit, et Lectionarium ipsum cum perantiquo Bretinoriensis Ecclesiæ libro contendit. De libro comitis consule præter citatos Bonnam, Georgium, et Vezziosium, Joannis Alberti Fabricii Bibliothecam Latinam lib. 4, c. 3, Ven. edit. p. 358.

COMPUTUM, sive *liber de Computo*. *Computus* seu, *Computus*, apud rudium secularum scriptores notitia erat cursûs lunæ ac calendarum, sive, ut Durandus ait Ration. lib. 8, cap. 1, *scientia certificandi tempus secundum solis et lune progressum*. Nempe nomen ductum à computando, quòd necesse sit solis lunæque cursum, annos, menses ac dies supputare, ut discantur cycli decemnovennales, epactæ, bissextus, saltus, lunæ, calendæ, idus, ac præcipuè Paschatis tempus, atque alia id genus, quæ omnia nunc *Calendarii* appellatione communius significantur. Computi enim verò scientia olim cùm presbyteris, tum clericis magnâ sollicitudine commendabatur, legibusque etiam cautum, ne quis ab eâ addiscendâ eximeretur; quod Cangius in Glossario multis documentis ostendit. Et in id quidem argumentum nonnullos veterum libros editos habebamus; sed unum ex Ambrosianæ Bibliothecæ MS. codice auctoris anonymi, qui anno 810, aut summùm paucis post annis floruisse videtur, Muratorio placuit Anecdotorum tomo 3 divulgare.

Cursus. Diurna officia vulgò olim dicebantur *Cursus*, ut in titulo libri de Ordine Antiphonarii Amalarii indicat. Gregorius Turonensis librum, qui intercudit, de *Cursibus ecclesiasticis* scripserat, et apud Anglos an. 788 decretum est concilii Chelchitensis cap. 7, ut *omnes Ecclesiæ publicæ canonicis horis Cursuum suum cum reverentiâ habeant*.

DIURNUM, et DIURNUS liber, et DIURNALE, sunt horæ diurnæ, matutino excepto. Plura ejusmodi diurnalia typis expressa Fabricius commemorat Bibl. Med. et inf. Latin., t. 2 Patav. edit. p. 40, ut Parisiense, Parisiis editum 1496, Antuerpiense 1555, Ambianense, et iterum Antuerpiense, 1670. Sufficiat nobis Romanum. Clementis VIII jussu recognitum, an. 1602. Est etiam liber Diurnus Romanorum pontificum, de quo ibidem Fabricius p. 38, ab Holstenio primum prelo commissus Romæ 1660 (quæ tamen editio suppressa planè fuit), deinde Parisiis, anno 1680, ab Joanne Garnerio, viro eruditissimo, cujus editionis exemplum Christianus Godfridus Hoffmannus Lipsiæ anno 1735, t. 2 novæ suæ Collectionis recudit. Verùm hic liber non tam liturgicos ritus quàm formulas exhibet superscriptionum et subscriptionum, quibus Romani pontifices in suis litteris uti consueverunt, eorumdem pontificum, atque adeò subrepticariorum episcoporum electiones, ordinationesque, professiones fidei, privilegia et præcepta. Sunt tamen aliqua, unde veteribus ritibus internoscendis lux affligere possit. Vide Vezziosum t. 4 operum Thomas. pag. 323, seq.

EPISTOLARE, EPISTOLARIUM, liber in quo epistolæ ad Missam. Sigmarus abbas Cremifanensium apud Georgium p. 182, inter sacra ornamenta ad usum suæ illius Ecclesiæ comparaverat duo Epistolaria. *Epistolares cum eburno et argento ornati* inter codices à Folmaro Weissemburgensi abbate inventos memorantur. Adi etiam Cangium. Vide præterea supra, *Comitem*, et infra, *Lectionarium*.

EVANGELIUM, EVANGELIARIUM, EVANGELISTARIUM, Evangeliorum liber. Narrat in Vitâ Benedicti III Anastasii Bibliothecarii, Michaellem imperatorem Constantinopolitanum *mississe ad beatum Petrum Apostolum... Evangelium de auro purissimo cum diversis lapidibus pretiosis*; quem morem Evangeliorum auro lapillisque exornandorum lusè persequuntur Georgius p. 129, seqq., et Catalanius de Codice sancti Evangelii. *Evangelarii* nomen Honorius Augustodunensis usurpat l. 1, cap. 88. Inter libros, qui in cimelio ecclesiæ sancti Pauli Londinensi servantur, occurrit in Monastico Anglicano, pag. 324, Evangelistarium, quo utuntur ad magnum altare. At quid *Evangelit plenarii* nomine designatur? Hoc vocabulum non semel usurpatum reperias, ut in Chronico Centulensi apud Ducherium Spicil. t. 4, p. 468. Volumen intelligo cum Georgio

quatuor Evangelia continens, quod, ut scribit Honorius Augustodunensis, l. 1, c. 4, in processione ad Missam deferabatur. Evangelium autem, Evangeliarium, Evangelistarium, unum aut alterum Evangelium, seu Evangelii lectiones ad Missam complectebatur.

GRADALE, GRADALIS, è gradibus, ubi canebatur, dictus liber. Audiendus hic Amalarius in Prologo de Ordine Antiphonarii: « Notandum est, volumen quod nos vocamus ANTIPHONARIUM, tria habere nomina apud Romanos; quod dicimus GRADALE, illi vocant CANTATORIUM; qui adhuc juxta morem antiquum apud illos in aliquibus Ecclesiis in uno volumine continetur: sequentem partem dividunt in duobus nominibus: pars quæ continet Responsorios, vocatur RESPONSORIALIS, et pars quæ continet Antiphonas, vocatur ANTIPHONARIUS. » Igitur Gradale omnia quæ in Missâ antiphono cantu canebantur, complectebatur. Ejusmodi Gradale, quod etiam latiore quodam sensu Antiphonarium dicitur, Adrianus papa ad Carolum Magnum misit in tres partes distinctum, quarum prima Graduale pro Missarum solemnibus, secunda Responsoriale, id est, responsoria, tertia Antiphonarium, antiphonas scilicet pro nocturnis diurnisque continebat officiis.

HOMILIARIUM, liber homilias in Evangelia complectens. Paulus Diaconus Caroli Magui jussu Homiliarium quoddam confecit. Carolus imperator, inquit Albericus Trium-Fontium monachus ad an. 807, t. 2 Accession. historic. Leibnitii, pag. 152, « per manus Pauli Diaconi decerpens optima quæque de scriptis catholicorum Patrum, lectiones unicuique festivitati convenientes per circulum anni in Ecclesiâ legendas compilari fecit. » Plura ejusmodi Homiliaria latent in Laurentianâ Bibliothecâ Florentiæ.

HORÆ CANONICÆ, officium divinum in horas distributum, de cujus origine, antiquitate, cæterisque plurimi disseruerunt; hos inter Bona, Martenius, Azevedus in Exercitationibus liturgicis, Macchietta, Græcolasius.

HYMNARIUM, liber Hymnorum, ut videre est apud Gennadium in Catalogo Virorum illustrium cap. 47. Vetus Hymnarium diligenter ex MSS. codd. eruit edititque Thomasius; extat t. 2 oper. Thomas. p. 351, seqq.

KALENDARIUM. Hoc nomine intelligimus 1º ordinem quo singulis diebus officium recitandum est. (Vide infra, *Ordinarium*, *Ordo officii*.) 2º Fastos ecclesiasticos, in quibus festorum

dieram, sanctorumque commemoratio adnotatur. Consule Frederici comitis Althani de Calendariis dissertationem.

LECTIONARIUS, LECTORIUM. S. Everardus in suo testamento legavit *Evangelium eburneum unum, Lectorium simile parvum*. Interdum Missali Lectorium addebatur: quare Riculphus Hohenensis episcopus anno 915, Ecclesie suæ reliquit, *unum quoque Missale, et Lectorium in uno volumine*, quod tamen Leoni Ostensi Chron. Casin. l. 3, c. 20, *inhonestum* visum fuit. Nonnunquam etiam Lectorium non Epistolas solùm, sed et Evangelia continebat, atque hinc in indice Weissemburgensis cimelii, quem Joannes Fridericus Schannatus divulgavit in Vindemii litterariis p. 8, legimus *Evangelia cum Epistolis*. Suspiciari quis posset, Lectorium plenarium fuisse volumen Epistolas et Evangelia complectentem; verum, quàm, ut vidimus supra, verb. *Comes*, Lectorium plenarium dicatur qui ab Alcuino fuerat ordinatus, Alcuinus verò Epistolas tantùm in ordinem digesserit, omnis huic suspicioni locus intercluditur.

LIBELLUS. S. Gregorius Turonensis cùm Hist. Franc. lib. 2, c. 22, tùm Vit. Patrum cap. 16, § 2, hocce vocabulum adhibuisse Georgio, p. 166, videtur, quo Missas quasdam ex Sacramentorum libris desumptas et in nonnullis celebratibus usitatas denotaret.

LUCERNARIUM, cum Vesperis à nonnullis confunditur; ab aliis utrumque distinguitur, qui Lucernarium de precibus ad accendendas lucernas recitandis interpretantur. Vide Martenium de ant. Eccles. Ritib. lib. 4, c. 8, n. 8.

MARTYROLOGIUM, libellus in quo sanctorum nomina, eorumque acta brevi sermone indicantur. Plura habemus Martyrologia: Hieronymianum, quod aiunt, S. Hieronymo tributum; Adonianum à Rosveydo primum, à Dominico Georgio deinde vulgatum; Usuardinum, Bedæ, Flori, Rhabani, Notkeri, Wandelberti; in primis autem Romanum tum vetus à Roweydo, tum recentius Baronii, Gregorii XIII jussu editum, Urbani VIII et Clementis X auctoritate recognitum, atque à Benedicto XIV, 1748, auctum et castigatum. De Martyrologii lectione in choro ad Martenium, l. c., n. 5.

MISSA. Præter sacrificium in Ecclesia catholica usurpatum, ipsum Officium ecclesiasticum hoc nomine donatur, ut Meratius t. 1, p. 8, post alios animadvertit. *Missa* apud Mozarabes idem est ac *Præfatio Missæ* in veteri Liturgia

Gallicanâ. Adi Vezziosum Præf. in T. 6 Thomas, p. 54.

MISSALE. Multa de Missalibus libris disputant Bona, Meratius ad Gavantum, Georgius in cit. diss. Thomasius, ejusque nuperrimus editor Cl. Vezziosus. Duo tantùm adnotato. Alterum est, Missale plenarium sæpius in veterum scriptis memorari, Missale nempe, in quo omnia quæ ad Missam peragendam requirebantur, Epistola, Evangelia, Collectæ, Antiphonæ, etc., continebantur. De his præcipuè agunt citati Georgius p. 167, seqq., et Vezziosus Præf. in tom. 5 Thomas, p. 13 seq. Alterum est, do novâ atque emendatiore Missalis editione cogitatum Romæ fuisse anno 1704. Vide Thomastium tomo 7, p. 41, seqq. Veteres Romanæ atque aded Occidentalis Ecclesie Missales libros Cl. Muratorius duobus comprehendit voluminibus, quæ Venetiis editi anno 1748. Vide infra verbo *Sacramentarium*.

MITRALE. Hoc nomine Sicardus seculo XII, Cremonensium episcopus novem de Officiis libros à se compositos (octo Gesnerus, et Possesvinus perperam numerant) inscripsit, qui et *Summa* prænotantur in MS. codice bibliothecæ Parisiensis S. Victoris. Cl. Muratorius in mentem venit, Sicardi Mitrale chronicum esse; quo nomine à Vezziosio reprehenditur T. 4 Thom. oper. p. 16. Idem Vezziosus, ibid. p. 15, codices aliquot Mitralis recenset; alios vide Fabricianæ Bibliothecæ Med. et inf. Latin. T. 6 pag. 168. Quibus adde codicem MS. apud Cl. P. Trombellium, qui etiam Mitrale hoc in vulgus emittere cogitabat.

MYSTERIORUM LIBER. Ad celebranda Missarum solemnia aiebat Agobardus in lib. de correctione Antiphonariorum, habet Ecclesia liberum Mysteriorum fide purissimâ, et concinnâ brevitate digestum; nempe Missale.

OFFICIALIS LIBER, nempe Antiphonarium ex eodem Agobardo. Imò in codice MS. Monasterii S. Galli apud Thomasium T. 4, pag. 342, legitur: *Incipit officialis Liber, quo loco Antiphonarium inscribendum fuerat.*

OFFICIUM, usitatissimum ad nostram ætatem vocabulum, quo horas Canonice designamus, quòd his vacare precibus actio sit propria et debita eorum qui se totos Deo consecraverunt. Unde illud Hieronymi in vitâ Iular.: « Oremus, psallamus, reddamus Domino officium, et sic ad vitam properabitis. »

ORATIONALE, liber collectæ, seu orationes continens, qualis est libellus ille Orationum Gothico-Hispanum, quem anno 1746, ex perau-

tiquo Veronensi Codice. Cl. Blanchinius Romæ vulgavit. Alium ejusmodi libellum habes t. 2 Oper. Thomas. pag. 435, seqq.

ORDINARIUM vocamus ordinem officii recitandi.

Ordo officii. « Ad celebranda divina officia ordinem, quem metropolitanam tenent, provinciales observare debebunt; » decretum est concilii Aurelianensis l. cap. 26. Huc spectat Ordo officii Lucensi Ecclesiæ à Fabricio memoratus t. 5 Bibl. med. et inf. latin., p. 170. Cum primis autem memorandi hiesunt ordines Romani à Cl. Mabillonio editi, atque egregio commentario illustrati, de quibus idem Fabricius, p. 171. Adde his Ordinem Romanum Ludovico et Lothario imperantibus perscriptum, quem Romæ anno 1728, ex vetusto Veronensi codice protulit Franciscus Blanchinius. Ordinem Veronensem verbo *Carpsum* indicavimus.

PASSIONALE, liber res à sanctis, præsertim martyribus, gestas continens. Quà in re à Ferreolo Ucetiensi antistite, Regul. c. 18, hæc constituta reperimus: « Gesta martyrum, ead est, passiones sanctorum fidelium, quæ quorundam compaginata studio, et sermone digesta sunt tempore quo nobis diem migrationis eorum anni meta cursus sui legibus repræsentat, recenseri in Oratorio authenticis cunctis omnino decernimus. » Sed de more legendi martyrum, sanctorumque cæterorum acta, consule Mabillonium de Liturg. Gallic. p. 386. Ruinartium verò cum primis in Præf. ad Acta martyrum sincera.

PŒNITENTIALE, libellus Canonum Pœnitentialium. Plures ejusmodi libellos percenset Fabricius Bibl. Græcæ t. 11, p. 75 et seqq., quibus adde ordines quosdam à Martenio editos t. 1 de antiq. Eccles. Ritib.

PONTIFICALE Romanum de ritibus pontificum in ordinationibus, benedictionibus cum Jacobo Lucio Cajacensi episcopo, et Joanne Burchardo cæremoniarum magistro, Augustinus Patricius Piccolomineus jussu Innocentii VIII recensuit, ediditque Romæ, anno 1485, post Patricium sub Leone X, ab Alberto Castellano ordinis Prædicatorum recognitum fuit, vulgatumque Venetiis 1520, Lugduni 1542, Venetiis iterùm 1572. Clementis VIII postea jussu, anno 1596, et Urbani VIII, anno 1644, novis curis emendatum prodiit. Vide Zenium Dissert. Vossian. t. 2, pag. 106, seqq., et Fabricium, Bibl. med. et inf. Latin., tomo 1, pag. 152.

PSALTERIUM; quo nomine totum officium

nuncupatum reperio, quòd major ejus pars ex Psalmorum recitatione vel cantu constabat. Cæterùm Psalterium psalmos 150 Davidicos designare exploratius est, quàm ut exemplis id confirmare necesse sit. Consule Thomasium, ejusque nuperum editorem Vezzosium tomo 2, et Mabillonium de Litt. Gallic. p. 395, seqq.

RESPONSORIALE, in quo responsoria exstant. Vide *Antiphonarium* et *Gradale*.

RITUALE. Cardinalis Sanctorius Rituale pereruditum conscripserat, sed Pauli V jussu quàm sub prelo esset, suppressum opus fuit. In angulo Vaticanæ bibliothecæ egregii operis impressa folia diu delituerunt; inventa porrò quàm essent, à viris liturgicarum rerum studiosis impetratum fuit, ut ea colligerentur. Adscriptus autem his est mendosus sanè titulus: *Rituale Romanum Gregorii XIII, P. M., jussu editum Romæ 1584*. De hoc Rituali plura invenies in Epistolâ à Benedicto XIV cardinali Urbis vicario inscriptâ 27 julii 1755, § 20, seqq. Quod hodieque Rituale usurpamus, ejusdem Pauli V imperio prodiit an. 1614.

SACERDOTALE Romanum editum fuit à P. Alberto Castellano ordinis Prædicatorum. Echarius ait prodiisse illud ex Pii IV mandato expensum, correctumque. At certum ferè est, hic falli Echaridium, nulliusque pontificis auctoritate fultum Sacrodotale Castellani exiisse in vulgus: quâ de re vide Benedictum XIV, cum lib. 7 de Synodo diocæs., cap. 15, num. 2, tum in Epistolâ nuper indicatâ.

SACRAMENTARIUM, et **LIBER SACRAMENTORUM**. Veteres Missales libri passim ita prænotabantur, ejusmodi Gelasianus et Gregorianus libri post Thomasi et Muratorii curas à Vezzosio quàm emendatissimè editi. Nec dubitaverim eodem titulo fuisse olim inscriptum Sacramentarium S. Leoni Magno à multis tributum (quod tamen alii aliis adjudicant), et à Blanchinio primùm, deinde à Muratorio, tertium à Balleriniis tom. 2 Operum S. Leonis divulgatum.

SANCTORIALE, idem quod *Passionale*.

SEQUENTIALE, liber qui *sequentias*, ut vocant, exhibet. Earum post Notkerum, qui ad hujusmodi scriptiones animum intendit, frequens usus in Liturgiis fuit; in Liturgiis tamen Ecclesiæ Romanæ multò serius invecus est. Integram de sequentiis, earumque auctoribus Dissertationem Georgius scripsit, quæ quarta est tom. 2 Liturg. Rom. pont.

TROPARIUM, TROPÆRIUM ET TROPONARIUM, libri

Troporum, seu versiculorum cum cantu, qui cum Missæ introitu conjungebantur. Troporum usus inferiori ætate apud monachos præsertim adeò increbuit, ut libros eorundem confece- rint. Sed ex Missali Romano jussu S. Pii V expuncti sunt. Adi Georgii de Tropis disser- tationem.

CAPUT III.

Argumenta exhibentur, quæ nullam in re theolo- gicâ esse liturgicis libris auctoritatem efficiunt.

I. Liturgicis libris cum Græcorum, tum Latinorum recensitis ad præcipuam de illorum in re theologicâ auctoritate disputationem progredior, illud antea monens Sacramentario- rum præsertim ac ritualium librorum auctori- tatem huc spectare; cæteri enim liturgici libri ad theologicas disceptationes transferri vix possunt. Hoc ergo capite ea promemus argu- menta, quibus horum librorum auctoritas in- firmari posse videtur.

II. At primum quidem argumentum ex clariss. virorum Le-Brunii et Joannis Pinii senti- entia petitur, existimantium, nullam Litur- giam fuisse prioribus quatuor Ecclesiæ seculis scripto consignatam. Neque illorum opinio levibus sanè momentis nititur, ut Le Brunii Dissertationem primam, et Pinii tractatum de Liturgiâ antiquâ Hispanicâ cap. 1, § 3, seqq., legenti constabit. Enimverò si Liturgiæ post quartum æræ christianæ seculum scripto man- dari primum cœpère, quàm infirma esse debet illarum auctoritas adversus hæreticos præsertim, qui primorum seculorum testimoniis agi secum debere contendunt!

III. Necessè tamen non est, Le Brunii et Pinii sententiæ subscribere, ut quæ sub san- ctorum Petri, Marci aliorumque Apostolorum nominibus circumferuntur, Liturgiæ auctori- bus, quorum nomine prænotantur, ab im- postore quopiam suppositæ habeantur. Ex ipsis Catholicis, qui antiquiorem, et christianæ Ec- clesiæ incunabulis æqualem esse Liturgiæ scrip- tionem aiunt, nullus est paulò in re criti- cæ exercitator, qui inter apocrypha scripta ejusmodi Liturgias non rejiciat. (Adi Natalem Alexandrum, Græcolasium, Bonam, Salam, aliosque.) De Jacobi Liturgiâ gravior esse po- test controversia: nam qui cæterorum Aposto- lorum Liturgias respuunt, Bona et Sala, Ja- cobi Liturgiæ omni conatu velut germanum Apostoli factum defendunt. Contra tamen alii pugnant, suppositamque Jacobo cum Natali Alexandro contendunt. Neque ejusmodi con-

troversia de veris Liturgiæ auctoribus so- las spectat Orientalium Liturgias. Nam quod Gelasio Romano pontifici vulgò tribuitur, Romanæ Ecclesiæ Sacramentarium Basnagius pontifice illo multò recentius esse pluribus confirmat. De Leoniano verò libro Sacramen- torum quid attinet dicere? Vix ullus nunc est qui Blanchino assentiatur, S. Leonem Magnum illius auctorem esse; imò Franciscus Perzicus Bayerius in libro inscripto: *Damasus et Lau- rentius Hispanis asserti et vindicati*, p. 131, demonstraturum se pollicetur, longè post Leonis ætatem ejus Sacramentarii codicem-archetypum primum emersisse. At quid, quæso, præsidii ex Liturgiis colligas, quarum auctores ignorantur, ætasque incerta omninò est? Quid quòd nemo iis libris fidat, qui, quemadmodum sanctis-imis auctoribus falsò tribuuntur, ita ab impostoribus pro suâ fingendi libidine errori- bus infici potuère?

IV. Adde hosce libros imperfectos omninò esse, quod de Gelasiano ac Leoniano Sacra- mentariis constat; imò et magnâ rerum con- fusione perturbatos. Muratorius hæc de Leo- niano Sacramentario non invitè fatetur p. 29: « In eo desideratur exacta temporum connexio, et distributio festorum... Missæ de Vigilâ confusæ sunt interdum cum Missis de Festo. Aliquando Prælationes sine prævis et sub- sequentibus orationibus ponuntur... Uno verbo, videtur collector, quidquid sibi occur- rebat, descripsisse, sed non eam, quæ par- erat, dispositionem et ordinem curæ ipsi fuisse. Ei tamen vitio ne veritas, quòd hic nulla Quadragesimæ, Paschatis et Dominica- rum recurrentium per annum mentio fiat; neque enim integrum ad nos pervenit Sacra- mentarium istud, mutilum nempe in princi- pio et fine. » De Missalibus Gothico, Franco- rum et Gallicano vetere, quæ post Thomasium recudit Mabillonius in celebri de Liturgiâ Gallicanâ Commentario, nemo non videt ea mi- nuta esse, nec omnia in illis concinno ordine disponi.

V. Neque hoc satis. Libri isti pluribus in locis interpolati ad nos pervenère, Joseph Aloysius Assemanus, Cod. Liturg. Eccles. univ. lib. 4, p. 2, præf. paginâ 28, ut Dors- chæi adversus S. Jacobî Liturgiæ argumenta declinet, haud, inquit, negamus varias preces fuisse supperadditas, aliis breviori summa contractis, ritibus nonnihil immutatis, aut paulò auctis, quod in Liturgiæ frequen- tia contingit. Vezziosius quoque Præf. in tom. 8

Thomas. Oper. p. 22, Basnagii adversus Gelasiani Sacramentarii vetustatem argumentis facere satis non potuit, quin in eo libro addita aliqua post Gelasii ætatem fateretur. Sed antequam Thomasius ipse in Præf. ad codices Sacram., p. 6, aduiderat, « huic codici nonnulla esse apposita sequenti seculo, » et universim constare dixerat, « hujusmodi sacros libros non ad meram eruditionem conscribi, sed ad usum potissimum Ecclesiarum; unde novae semper accessiones pati oportet, prout ipsa consuetudinis temporisque ratio tulerit. »

VI. Atque ut nam à Catholicis tantum interpolatae Liturgiae fuissent! Verum impiae quoque haereticorum manus passae sunt. Certè, quamvis Missale Mozarabicum à viris piis eruditisque compositum fuerit, tamen exeunte seculo octavo, in illud errores aliquot irrepsisse, oscitantia aut nequitiâ quorundam Hispaniae episcoporum Adoptivorum haeresi faventium, quorum antesigani fuerunt Felix Urgelitanus episcopus, et Elipandus archiepiscopus Toletanus, gravissimi auctores docent, emin. Bona Rer. Lit. lib. 1, c. 11, soc. 2; Petrus Brunius t. 11, diss. 5, art. 2, sec. 2; Joannes Pinius de Lit. ant. Hisp. cap. 4, § 5, atque Alexander Lesleus Præf. in Missale Mozarab. p. 53, seq.

VII. Quid porro si Liturgiis et haeretici usi sint? Anne putabimus, illos non omnia susque deque vertisse, ut ad errores suos populis instillandos abuterentur? Enimverò notum est in Missalibus Chaldaicis tres Nestorianorum Liturgias extare, Apostolorum, Theodori atque Nestorii; Diodori praeterea, quam Renaudotius confidenter ait nusquam praescriptam, Liturgiam; imò etiam Narsētis et Barsumæ, quemadmodum ex Catalogo librorum Syrorum Ebedjesu Joseph Simonius Assemanus conjecit Bibl. Orient. t. 3, p. 1, pag. 30. De Nestorii autem Liturgiâ hæc scribebat Leontinus Byzantinus lib. 3 adv. eumdem Nestor., quæ cæteris hujusmodi libris consentanea videntur: « Audet et aliud malum non secundum ad superiora: aliam enim Liturgiam effudit præter illam quæ à Patribus tradita est Ecclesiis, nec reveritus illam Apostolorum, nec illam magni Basilii in eodem spiritu conscriptam. In quâ Liturgiâ blasphemias, non precationibus Eucharistiæ mysterium opplevit. » In Missâ quoque apud Alexandrinos celeberrimâ, quæ S. Gregorii Nazianzeni nomine praenotatur, Renaudotius formulas quasdam agnovit, quæ Monophysitarum haeresim sapere

omniò videntur. Hanc tamen in usu olim fuisse non solum apud Monophysitas, sed et apud ipsos Ægyptios orthodoxos contra quam idem Renaudotius sensit, Joseph Aloysius Ape-manus contēdit in Præf. lib. 4, p. 4, Cod. Liturg. univ. Eccl. p. 16, seqq. Adde his Anaphoram Dioscori; adde Severi Antiocheni patriarchæ Monophysitæ Ordinem sancti Baptismi à Guidone Fabricio editum, et id genus plura. Neque tamen credas in solis haereticorum liturgicis libris errores contineri, Damnantorum animas fidelium precibus sublevari opinio est, quæ à communi sensu Catholicorum plurimum abhorret. In pluribus tamen vetustis Missalibus Missa extat, cujus ope levari illofunt eruciatu possent, quemadmodum in meis ad Petavii de Angelis libri tertii caput octavum adnotationibus animadvertisse me memini, t. 3 theol. Dogm. p. 98.

VIII. Tandem ad infringendam Liturgicorum librorum auctoritatem mira illa rituum, caeremoniarum, ordinisque diversitas, quæ in illis occurrit, non parum facere posset. Non enim libri, qui secum ipsis, tot in rebus pugnant, ad unam catholicamque in fidei dogmatibus doctrinam stabilendam adducendi esse videntur.

CAPUT IV.

Liturgicorum librorum auctoritas multis argumentis evincitur.

I. Quamvis quæ protulimus argumenta aliquam probabilitatis speciem præ se ferre videantur, multò tamen graviora ea momenta sunt, quibus Joseph Aloysius Ape-manus in dissert. de Sacramento Confirmat. lib. 3 Cod. Liturg. univ. Eccles. p. 18, et ante eum Renatus Hyacinthus Drouven de Re Sacram. lib. 5, quæst. 12, magnam esse ad theologica dogmata stabilienda Liturgiarum auctoritatem confirmarunt. Nos ea paulò auctiora nostris verbis reddemus.

II. Ac primò quidem quis nesciat nullam esse quaerendam in fidei rebus veritatis aptiorem viam, quam quæ Ecclesiarum toto orbe existentium, ac Romanæ praesertim de illis sententia fuerit, investigare? « Age jam, aiebat Tertullianus de Praescrip. cap. 36, qui votes curiositatem melius exercere in negotio salutis, percurrere Ecclesias Apostolicas.... Videamus quid (Roma) didicerit (ab Apostolis), quid docuerit, quid cum Africanis quoque Ecclesiis contesserit. » Falsa enim esse non potest, quam Romana, aut universa Ecclesia per

o rem diffusa tradit, doctrina. Unde porrò Ecclesiarum mens dignoscitur tūtius possit, quàm ex Liturgiis, quæ singularum, in quibus usurpantur, Ecclesiarum vocem ac testimonium quodammodò exhibent, atque episcoporum, presbyterorumque, imò et plebis ipsius suffragia, leges, ritus, effata, dogmata palam faciunt ?

III. Hinc efficacitatis maximæ visum semper fuit, quod è Liturgiis petebatur, adversùs hæreticos argumentum. Pelagianos non semel Liturgiarum precibus S. Augustinus aggressus est. « Utinam, inquit ille l. de Bono perse-
ver. cap. 23, tardi corde, et infirmi, qui non possunt Scripturas, vel eorum expositiones intelligere, sic audirent, vel non audirent in hæc quæstione disputationes nostras, ut magis intuerentur orationes suas, quas semper habuit Ecclesia, et habebit ab exordiis suis, donec finiatur hoc seculum. » Sed et illum audiamus epist. 217, al. 107, ad Vitalem. « Exsere, inquit, n. 2, contra orationes Ecclesiæ disputationes tuas, et quando audis sacerdotem Dei ad altare exhortantem populum Dei orare pro incredulis, ut eos convertat ad fidem, et pro catechumenis, ut eis desiderium regenerationis inspiret, et pro fidelibus, ut in eo quod esse cœperunt ejus munere perseverent, subsanna piæ voces, et dic te non facere quod hortatur, » etc.; et num. 26 : « Numquid orare prohibebis Ecclesiam pro infidelibus, ut sint fideles? » etc. Haud aliter præclarus ille collector *præteritorum sedis Apostolicæ episcoporum auctoritatem de Gratia Dei*, quem Coelestinum I pontificem plerique veterum ac recentiorum scriptorum aliqui non injuriâ censent, cap. 11 : « Obsecrationum quoque sacerdotalium sacramenta respiciamus, quæ ab Apostolis tradita in toto mundo, atque in omni Ecclesiâ catholicâ uniformiter celebrantur, ut legem credendi lex statuat supplicandi. Quùm enim sanctorum plebium præules mandatâ sibi met legatione fungantur, apud divinam clementiam humani generis agunt causam, et totâ secum Ecclesiâ congemiscente, postulat et precantur ut infidelibus donetur fides, ut idololatræ ab impietatis suæ liberentur erroribus, » etc.; et cap. 12 : « Illud etiam, quod circa baptizandos in universo mundo sancta Ecclesia uniformiter agit, non otioso contemplantur intuitu. Quùm sive parvuli, sive juvenes ad regenerationis veniunt sacramentum, non priùs fontem vitæ adeunt, quàm exorcismis et exsufflationibus clericorum spiritus ab eis

immundus abigatur; ut tunc verè appareat, quomodò princeps mundi hujus mittatur foras, » etc. Idipsum Luciferianis objeichat S. Hieronymus in Dialogo adversùs illos, cap. 4 : « An nescis, etiam Ecclesiarum hunc esse morem, ut baptizatis postea manus imponantur, et ita invocetur Spiritus sanctus? Exigis tibi scriptum sit? In Actis Apostolorum : etiamsi Scripturæ auctoritas non subesset, totius orbis in hæc parte consensus instar præcepti obtinet. » Trullana quoque synodus SS. Basilii, et Jacobi fratris Domini Liturgiarum testimonia in medium attulit, ut Armenos qui aquam è calicis vino abstulerant, coargueret. (Vide Bonam Rer. Liturg. lib. 1, cap. 7, § 3.)

IV. Tertium præterea, illudque efficacissimum pro Liturgiarum auctoritate argumentum summus ex curâ quam Ecclesia semper adhibuit, ne quid in illas irreperet mysteriorum sanctitati, doctrinæque veritati contrarium. Quâ in re quùm multa ex conciliis veterumque monumentis promi possent, his contentus ero. Carthaginensis III synodus can. 23 statuit : « Nemo in precibus vel patrem pro filio, vel filium pro patre nominet, et quùm altari assistitur, semper ad Patrem dirigatur oratio. » Et quicumque preces aliunde describit, non eis utatur, nisi priùs eas cum instructoribus fratribus contulerit. » Præterea Cod. Afric. can. 3 legimus : « Placuit, ut preces, quæ probatæ fuerint in concilio, sive prælationes, sive commendationes, seu manûs impositiones, ab omnibus celebrentur; nec aliæ omninò contra fidem proferantur; sed quæcumque à prudentibus tractatæ, vel comprobatæ in synodo fuerint, ne fortè aliquid contra fidem vel per ignorantiam, vel per minus studium sit compositum. » Neque id tantummodò Africanis Patribus cordi fuit. Bracarensis III concilii præules c. 1. sanxerunt « ut per singulas Ecclesias episcoporum per dioceses ambulantes primùm discutiant clericos, quomodò ordinem baptismi teneant, et vel Missarum, et qualiter quæcumque officia in Ecclesiâ peragantur. » Ulteriùs progressus est Theodulphus Aurelianensis. Nam in Epist. ad clerum suum cap. 4, decrevit ut ad synodum libri, vestimenta et vasa sacra deferrentur : « Quando, inquit, more solito ad synodum convenitis, vestimenta, et libros, et vasa sacra, cum quibus vestrum ministerium, et inunctum officium peragitis, vobiscum deferat; necnon duos aut tres clericos, cum quibus

« Missarum solemnità celebratis, vobiscum adducite, ut probetur quàm diligenter et quàm studiosè Dei servitium peragitis. » Idem in suo Capitulari præcepit Riculphus episcopus Suessioneñsis. Nec aliud sancitum videre est in Capitularibus Caroli Calvi apud Boluzium t. 2, pag. 26. En quanta fuerit Ecclesiarum sollicitudo, ut absonum nihil, nihil non castigatum in liturgicos libros, sive fraude, sive ignorantia irreperet. Et dubitabimus, quin in ejusmodi libris incorrupta fidei catholice doctrina sit? Quamobrem is solùm qui cum hæreticis traditiones contemnit, liturgicorum librorum auctoritatem spernat, necesse est. Quamquàm et hæretici ipsi cogentur, ejusmodi libros saltem ut testes admittere doctrinæ disciplinæque, quæ in Ecclesiis, quibus usui fuere, vigeat.

CAPUT V.

Canones pro selectu liturgicorum librorum, tande in rebus theologicis peti possint argumenta.

I. Verùm etsi summa est liturgicorum librorum dignitas, et delectu in his maximè usurpandis, qui majore polleant auctoritate, et critice in argumentorum ex illis collectione opus est. De delectu ipsorum librorum hoc capite agemus, in sequentibus de critice. Canones igitur aliquos constituamus, quos antea ob oculos habeat, qui ad comprobandas fidei morumque doctrinas liturgicis libris uti velit.

II. CANON I: *Consensio Liturgiarum omnium eam Orientalium, tum Occidentalium, in aliquo dogmate, firmissimum est illius argumentum.* Atque hæc quidem canon, ex his quæ superiore capite diximus, facile comprobatur; consensio enim Liturgiarum omnium Ecclesie universæ consensus est; quemadmodum ergo falli universam Ecclesiam non posse constat, ita quæ à Liturgiis omnibus traduntur, erroris insimulare nefas est.

III. CANON II. *Occidentales Liturgie Orientalibus præferenda in re theologica sunt.* Multa hunc canonem suadent. Orientis enim Liturgie ab hæreticis, Nestorianis præsertim, atque Monophysitis, interpolatæ et corruptæ fuerunt. In gravissimo etiam schismate, quod Græcam Ecclesiam à Latinâ sejunxit, multa turbata fuere. Accessit summa quæ ob barbarorum incursus Orientem obruit, ignorantia, quæ factum ut sensum in ipsos liturgicos libros minus castigata quædam irreperent. Sed et illud animadvertendum, Orientales Liturgias tropis

et formulis quibusdam oratoriis frequenter extornari, quæ etsi dogmatis veritatem non celant, tamen hæreticis præsertim effugiorum aditus minimè ocludunt. Verbo, quò simpliciores sunt Liturgie, eò ad rem theologiam accommodatiores videntur; Orientalibus autem Occidentales multò sunt simpliciores.

IV. CANON III: *Inter Occidentales earum potissimum habenda ratio est, quæ ad Romanam Ecclesiam pertinuisse dignoscuntur.* Nam, ut aiebat S. Irenæus l. 3, c. 3, « ad hanc Ecclesiam propter potiorem principalitatem necesse est omnem convenire Ecclesiam, hoc est, eos qui sunt undique fideles, in quâ semper ab his qui sunt, undique conservata est ea quæ ab Apostolis est traditio. » Quare Walfridus abbas lib. de reb. Eccl. cap. 22: « Et Romani quidem, inquit, usum observationum à B. Petro principe Apostolorum accipientes, suis quique temporibus quæ congrua judicata sunt, addiderunt. Quorum morem ideò in sacris rebus tam multæ gentes imitantur, quia et tanti magisterii ex apice apostolico primordis clarent, et nulla per orbem Ecclesia æquè ut Romana ab omni hærese conciliis retrò temporibus pura permansit. » Hic autem sedulò illud annotandum est, quod in historiâ Sacramentorum, Italice versâ, Brizæque editâ an. 1758, monet Chardonius tom. 3, p. 57, plerosque liturgicos Occidentalium Ecclesiarum libros à multis retrò seculis in tituli fronte, ad usum Ecclesie Romanæ prænotari; quibus tamen peculiare regionum suarum ritus librarij adscribebant. Quamobrem, ne quis eo titulo decipiatur, quæque Gallicanarum aut Anglicanarum Ecclesiarum peculiaria erant, Romanæ Ecclesie tribuat, critice opus est. Certè ipsum Gelasianum Sacramentarium Gallicanarum rerum nescio quid redolet, « ut vel ejus editor Thomasius ex Morino docet Præf. p. 2, neque id mirum, quò et in Galliis descriptum fuerit, et in Floriacensi bibliothecâ diù fuerit asservatum. Sed ne de ipsis quidem manuscriptis libris, qui Romæ sunt, aut in alicujus Romanæ Ecclesie cimelio latent, statim pronuntiabis, eos Romanæ Ecclesie in usu fuisse; quis enim nesciat, potuisse illuc ex aliis regionibus advehi, quemadmodum ipsum illud Floriacense Gelasii Sacramentarium tandem ad Vaticanam bibliothecam delatum est? In illis verò Romanæ urbis Ecclesiis, quibus olim monachi deservebant ut in Lateranensi facillimum est, extare etiamnum Mis-

sale aliquot, aut quempiam alium liturgicum librum à monachis Romam translatum, aut etiam, si vis, usurpatum, quem tamen Romanæ Ecclesiæ inconsultò tribueres. Demùm hæc in re animadvertendum, libris ipsis, qui Romanæ Ecclesiæ usui fuere, potuisse Missam aliquam ordinemque ab amanuensi adscribi, non quòd reapse illa à Romanâ Ecclesiâ vel usurparentur, vel probarentur, sed quòd in vetustiore exemplò librarius ipse invenisset. Certè etiamnum in impressis Missalibus, quibus nos in nostris Ecclesiis utimur, Missas editas videmus ad Franciscanorum, aliorumque Religiosorum hominum usus, neque tamen quis propterea arguat, Jesuitas Franciscanorum ritus Missasque usurpare. Exigendi igitur libri, qui Ecclesiæ Romanæ nomine inscribuntur, ad eos quos certò constat eam pertinuisse, ad ritus ab illâ usurpatos, ad doctrinam ab eadem traditam, aliaque id genus monumenta.

V. CANON IV. *Inter liturgicos libros Orientales eminet Liturgia S. Jacobi τῷ ἀδελφῶθεω nomine inscripta.* Nam (quod ab Josepho Aloysio Assemano in Præf. lib. 4 Cod. Liturg. p. 2, pag. 25, acitè notatum reperio), et alia quàmplures, « quin ferè omnes Orientales ad illam suas Liturgias expresserunt et accommodarunt. « Syri ferè omnes illam probârunt, eaque etiam utuntur. »

VI. CANON V: *Quæ in quibusdam particularibus Liturgiis aut singularia, aut paradoxa, aut etiam falsa occurrunt, minus apta sunt ad Ecclesiarum, sive Orientalium, sive Occidentalium, doctrinam dignoscendam.* Nihil hoc canone æquius. Quis enim Ecclesiarum de quoptam dogmate sententiam ex paucis et illis obscuri nominis, et à communi regulâ recedentibus liturgicis libris expiscari malit, quàm ex pluribus aliis, iisque communi usu probatis, et in eandem omnibus sive doctrinæ sive rituum formâ conspirantibus? Desipientis hominis profectò id esset, ut sanè mirer extare theologos qui, quùm Liturgiæ omnes Latine et Græcæ, Syriacæ Orthodoxorum, Nestorianorum, et Jacobitarum, Æthiopicæ, Armenicæ verba Christi: *Hoc est corpus meum; hic est calix sanguinis mei*, repræsentent, Orientalium Ecclesiarum de verbis eucharisticis consecratoriis mentem non ex istis colligant, sed ex quatuor nullius notæ, ex Liturgiâ, inquam, S. Sixti papa nomine prænotatâ, ex eâ quæ inscribitur Petri II, et Thomæ Heracleensis Liturgiâ, itemque aliâ Diotysii Barsalibi, in quibus verba illa desiderantur.

VII. CANON VI: *Si ex Orientalium libris aliquid promendum, præstat iis uti, qui apud Orientales ipsos præscripti sunt; neque à missionariis censoribusque nostratibus emendati.* Hic maximè notandum, ubi cum hæreticis disputatio sit, ne scilicet querantur, non Syrorum, sed Romanorum, quorum auctoritate codices reformati sunt, doctrinam eam esse, quam manuscripti aut impressi hujusmodi libri repræsentant. Transferri tamen hic canon jure potest ad disputationes quas inter esse Catholicum instituunt. Nam, exempli gratiâ, qui hæc Orientalibus fuisse opinionem contendunt, nullo modo celebrandum esse sine evangelicis christianæ legis sacrificium, adversariis Sixti Romani Liturgiam, in quâ, uti nuper dicebam, evangelica illa verba omittuntur, objicientibus duos opponere non injuriâ possunt ejusdem Liturgiæ codices à Renaudotio memoratos, in quorum altero prætermissa verba margini fuerunt adscripta, in altero eadem verba continuatâ cum cæteris serie referuntur. Etsi enim codices illi antiquissimi non sunt, quùm tamen vel ipso Renaudotio teste non ex iis sint quos missionarii aut Romani censores reformârunt, vulgaris inter Syros traditionis de non omitendis inter sacra verbis evangelicis fidem indubiam faciunt. « Non enim, inquit Ursius cardinalis in Dissert. theol. de liturgiâ sancti Spir. Invoc. p. 17, de veterè lectione sollicitandâ unquàm cogitâssent, et de vetustis majorum suorum codicibus emendandis solliciti aliquando fuissent, nisi hæc Syris adhæsisset opinio, nullo modo esse celebrandum christianæ legis sine verbis evangelicis sacrificium. »

VIII. CANON VII: *Frustra ad veteres ritus, doctrinasve confirmandas, codices liturgici in medium afferuntur, quos esse recentiore ævo interpolatos constat.* Exemplum habes in S. Gregorii Sacramentario, ubi unctio sacra in diaconorum ac presbyterorum ordinatione præscribitur. Nam sequorum temporum additamentum illud esse planè evincit Nicolai I nono seculo pontificis Epistola ad Rodolphum Bituricensem archiepiscopum, in quâ legimus, non fuisse moris Ecclesiæ Romanæ, presbyteris ac diaconis, quùm ordinantur, manus Chrismatis liquore perungi. Hic autem arrigant aures Protestantes, neque putent, impunè per nos abuti se hoc canone posse, interpolatos nostros liturgicos codices prædicando, quòd dogmata contineant ipsorum doctrinis contraria. Eadem enim dogmata, propter quæ Protestantes de interpolatis

Liturgiis nostris queruntur, in aliis veterum Patrum libris passim reperiuntur; quos tamen corruptos objicere nemo possit, qui aut impunitissimus non sit, aut causæ suæ omnino non diffidat.

IX. CANON VIII : *Liturgiarum loca offerenda non sunt, in quibus mendum cubare facile est suspicari.* Josephus Aloysius Assemanus Cod. liturg. Eccles. univ. lib. 4, p. 1, pag. 10, sanctos preces nostras audire monet ad eum Gelasianum Sacramentarii de S. Stephano locum : *Pro his etiam prosit auditor.* Verùm, quovis pignore contenderem non auditor, sed adjutor eo loco legendum, idque nomen multò meliùs cum verbo *prosit* conjungitur, quàm alterum, auditoris.

CAPUT VI.

Canones ad argumenta è liturgicorum librorum silentio ritè ducenda proferuntur.

I. Hactenus canones aliquos constituimus, qui ad ipsum spectant liturgicorum librorum delectum; ad eorumdem usum nunc nosmet convertamus. Illud autem primùm videamus, quàm efficax sit, quod è liturgicorum librorum silentio peti à quibusdam solet argumentum, quæque leges servandæ ut hocce argumentandi genus alicujus ponderis sit.

II. CANON I : *Liturgicorum librorum silentium, cui æqualia monumenta fidem adstruant, efficaci argumento esse potest, hoc illud æ antiquiore ævo non fuisse receptum.* Hinc quòd Ordo Gelasianus unctionem manuum in presbyterorum ordinatione prætermittit, rectè argues, illam Gelasio pontifice in Ecclesiâ Romanâ non obtinuisse; nam, quod superiore capite adnotabam, ne in usu quidem fuit Romanæ Ecclesiæ quo tempore Nicolaus I in Petri cathedrâ sedebat.

III. CANON II : *Si qua magni momenti ratio suadeat, aliquid olim usitatum fuisse, frustra liturgicorum librorum silentium objicitur.* Sic nuspâm ante S. Bonifacii archiepiscopi Moguntini statuta, quæ Martenius appellat de ant. Eccl. Ritib. l. 1, c. 1, art. 16, invenias in liturgicis libris formæ baptismatis conditionatæ mentionem. Illam tamen non fuisse antea in usu, uti Natali Alexandro visum fuit Hist. Eccl. sec. IV, cap. 4, art. 12, hinc perperàm quis colligeret. Nam quemadmodùm à Benedicto XIV sapienter animadversum fuit de Syn. diœc. lib. 7, cap. 6, n. 1, nisi velimus, Ecclesiam in eum, quem semper detestata est, baptizantium errorem incidisse, necesse est

existimare, non aliter ubi de baptisano prædens aliqua dubitatio suboriretur, baptismum conferri voluisse (tunc autem conferri voluisse palam est ex Cypriani epistolâ 76, ex conciliâ Carthaginensis V canone 6, ex Leonis Magni Litteris ad Rusticum Narbonensem, itemque ad Neonam Ravennatem, aliisque pluribus monumentis), non aliter, inquam, in eâ dubietate baptismum conferri voluisse, quàm sub tacità et mente conceptâ conditione : *Si nondùm es legitimè baptizatus*; quare conditio priùs mente tantùm concepta, in ipsâ baptismi formâ exprimi et pronuntiari octavo seculo ceperit.

IV. CANON III : *Si nulla sat probabilis causa afferri possit, cur aliquid in liturgicis libris prætermisum fuerit, horum silentium argumento est, illud de quo agitur, quibus locis aut temporibus codices liturgici fuisse perscripti, nondùm fuisse seu receptum.* Hoc canone illorum potissimum sententia petitur, qui materiam presbyteratûs in traditione calicis et patenæ, formam verò in verbis illis solemnibus : *Accipe potestatem*, etc., sitam à multis retrò seculis fuisse contendunt. Nam omnes antiqui libri rituales, ante 800 annos scripti, ut Marten. alique notârunt, hanc calicis traditionem constanter prætermittunt, nec ulla, cur rem usu receptam prætermiserint, causa probabilis potest afferri; imò, quoniam P. Simonet tract. 17, diss. 3, art. 3, rei evidentiâ convictus fatetur propter auctoritatem concilii Carthaginensis IV, ante quintum seculum non solum in Orientali, sed etiam in Occidentali Ecclesiâ mandis, vel manu impositionem adæquatam fuisse materiam ordinationum sacramentalium. « Quùm enim, inquit, concilium dicit can. 5, subdiaconum, quia MANUUM IMPOSITIONEM non accipit, ordinari per instrumentorum traditionem, manifestè innuit, episcopum, presbyterum et diaconum, quia mandis impositionem accipiunt, tunc temporis per traditionem instrumentorum ordinationes non fuisse; » et illud, quod tamen negat, concedat oportet, ante XI seculum, non fuisse in Ecclesiâ Latinâ usitam instrumentorum traditionem. Nam in omnibus vetustis Ordinibus Romanis aliarumque Ecclesiarum, quos Martenius, Mabillonius, Muratorius ediderunt, ubi de subdiaconorum ordinatione agitur, ea rubrica legitur ex citato Carthaginensis concilii canone sumpta : *Subdiaconus, cum ordinatur, quia manibus impositionem non accipit, patenam de manu episcopi accipiat vacuam*, etc.

V. CANON IV : *At si probabilis causa designari possit, cur ritus aut doctrinæ receptæ libri liturgici haud meminerint, infirmum erit, quod ex eorum silentio amittitur, argumentum.* Illiusmodi porro probabilis causa esse potest : 1° Vitium amanuensis; hoc tamen abuti passim non licet, sed illud objicere tunc potest codicum silentium urgentibus, quum manifesta corrupti codicis indicia suppetent. In Gelasiano Sacramentario, ut exemplum proferam, deest inter *benedictiones super eos qui sacris ordinibus benedicendi sunt*, benedictio acolythi: quod si quis hinc argueret, sed acolythos Gelasii temporibus non fuisse Romæ inter ordines annumeratos, aperto codicis vitio revinci poterit; in ipso enim Gelasiano Sacramentario, paulò antea ubi *incipit ordo de sacris ordinibus benedicendis*, acolythus memoratur, deque ejus ordinatione agitur; quamobrem benedictio acolythi nonnisi ob librarii incuriam potuit omitti. Contra in Missali Francorum lector prætermittitur, ubi quæ in singulis ordinibus conferendis agenda sunt, percensentur; at ubi benedictiones ordinandorum describuntur, suus locus est lectoris benedictioni.

2° Disciplina arcani, præsertim quod ad sacramentorum formas attinet, Witassii Continuator de Sacram. Confirm. q. 3, art. 1, sect. 1, § 1 : « In Gregoriano, inquit, aliisque Pontificalibus et Sacramentariis, præter orationem, seu formam jam deprecatoriam nihil haberi (constat). Sex igitur, vel etiam septem primis Ecclesiæ seculis nulla verborum formula in Confirmatione adhibebatur, præter orationem quæ proferebatur, quum fieret manuum impositio. » Verùm hæc consecutio ex eo antecedente minimè fluit. Animadvertere enim debuerat, quantà curâ et sollicitudine SS. Patres christianæ Religionis mysteria absconderint, ex quâ factum, inquit eruditissimus Martenius de ant. Eccl. Rit. lib. 1, cap. 2, art. 3, num. 8, ut qui primi libros Sacramentorum composuerunt, Sacramentorum formas scripto tradere noluerint, quos imitati posterioris ætatis scriptores Confirmationis formam prætermiserunt. Equidem P. Berti de theol. Discipl. lib. 22, cap. 6, ait asequi se non posse, qui ob *disciplinam arcani* prætermittenda hæc essent in libris Sacramentorum in serinio ecclesiarum oclusis, à sacris duntaxat ministris, non à plebe pervoluntandis. At non christianæ plebis cui arcana hæc Sacramenta palam herent, sed ethnicorum præsertim aliorumque nostris mysteriis nondum initiatorum

rationem habuere, qui disciplinam arcani constituerunt, ne scilicet ad eorum manus Sacramentorum formæ mysteriaque pervenirent. Quod autem Sacramentorum libri in serinio ecclesiarum occluderentur, nihil obest. An non enim in eodem ecclesiarum serinio Evangelia, cæterique atriusque Instrumenti codices sacri delitescerant? nec tamen proditores defuere, qui libros hosce idololatriæ traderent. Quamobrem, ne tam sancta mysteria idolorum cultoribus proderentur, si quando vel nostrorum hominum sacrilegio, vel etiam ethnicorum ipsorum vi ac direptione liturgici codices in eorum potestatem venirent, à Sacramentorum formis vulgò inscribendis abstinerebant. At P. Berti urget vetustissimos omnes codices Sacramentorum, qui hujusmodi mysteriis pleni sint, et ipsum Sacramentale Gregorianum, quod pag. 3, continet verba consecrationis; pag. 73, formam baptismi; pag. 224, consecrationem presbyterorum, aliæque omnia juxta disciplinam arcani sepelienda. Rectè omnia, nec nos negabimus, formas Sacramentorum olim scripto consignatas fuisse. Certè quod in Disputatione de Disciplinâ arcani, et de Liturgiis scriptum invenio à P. Azevedo, « impossibile videtur, tot scriptores in diversissimis regionibus Ecclesiæ Orientalis et Occidentalis referre adeò uniformiter ferè omnes ritus liturgicos, nisi legisent formulas sacrificiales suarum Ecclesiarum servatas apud episcopos. » Quare et Confirmationis formam scripto commendatam fuisse nullus dubito. Hoc igitur dicimus, liturgicum ordinem, traditionem Symboli, Sacramentorum formas, aliæque id genus vetustissimis temporibus non in Sacramentariis, qualia habemus, fuisse conscripta, sed seorsum ab orationibus, contestationibus, etc., quæ in vulgatiore libris extabant, quemadmodum Evangelia, Epistolæ, Antiphonæ, Responsoria, suos singula libros habebant. Sacramentarium autem illorum exempla paucissima fuisse conjicio, et ab episcopis ipsis cautè servata. Paulatim verò relaxatâ arcani disciplinâ, cætere ista missalis libris adscribi, ita tamen ut aliqua veteris disciplinæ vestigia in antiquioribus sint manifesta. Quare in Missali Gothico, et in alio Francorum, quæ duo Missalia fortassè ex omnium, unde docti viri Sacramentaria eruerint, vetustissimis codicibus prodierunt, sacræ actionis verba desiderantur. Age, jam ad Gregorianum Sacramentarium oratio redeat : Si dixerò, ex arcani di-

scipinâ et illud profectum, ut sola in eo legatur oratio ad consignandos infantes, id ne cuiquam minùs verisimilè videatur? Nonne nulla ibi ista mentio manuum imponendarum? nulla cujusque alterius ritùs, quo infantes consignarentur? Cur de Confirmatione tam parè actum? Cedo, si potes, probabiliorè arcani disciplinæ rationem. Enimverò quanta fuerit in præsentì negotio Innocentii papæ I religio, ex ejus epistolâ I ad Decentium Eugubinum episcopum pervulgatam est. Postquàm enim de unctione adhibendâ in Confirmatione disseruit, « verba autem, inquit, dare non possum, ne magis videar prodere, quàm ad consultatorem respondere. » Hanc autem Innocentii religionem ob oculos quàm haberent ejus successores, mirum non est, si etiam quibus temporibus arcani disciplina minùs vigeat. in Confirmationis formâ prodendâ difficilliores fuerint, quàm in cæteris mysteriis ad eandem disciplinam olim pertinentibus. Video quid obijci possit, in Gelasiano scilicet Sacramentario, præter orationem quæ in Sacramentario Gregoriano legitur, hæc addi, quæ Gelasius Innocentii temporibus Gregorio multò proximior, si quæ diximus vera sunt, celare debuisset: *Postea signat eos in fronte de Chrismate, dicens: Signum Christi in vitam æternam. Amen. Pax tecum. Amen. Et cum spiritu tuo.* Verùm hæc in Galliis, ubi codex perscriptus fuit, addita fuisse, quemadmodùm alia nonnulla Gallicani ritùs vestigia in eo viri docti deprehenderunt, mihi planè exploratam est. Nam, ut mittam, Gelasium sibi piaculo ducturam fuisse id prodere, quod Innocentius I tan-toperè caverat; ut etiam præteream, S. Gregorium, qui Gelasianum codicem Joanne Diacono teste, « de Missarum solemnibus multa subtrahens, pauca convertens, nonnulla adjiciens, » in unius libri volumine coarctavit, » ea si in Gelasii codice reperisset, non fuisse prætermisurum (neque enim hæc ex his erant, quæ subtrahenda essent); ut hæc, inquam, omit-tam, in ordinibus Romanis vetustissimis, quos Mabillonius edidit, hæc solùm verba leguntur: *In nomine Patris, et Filii, et Spiritus sancti. Pax tecum, vel tibi: Amen. Et cum spiritu tuo;* quæ sola etiam extabant in libello Romano, cujus sæpè Amalarius meminit lib. 1 de Eccles. Offic. cap. 27; porro quis credat, Romanam Ecclesiam veterum rituum custodem tenacissimam septimo aut octavo seculo, quo libellus ille scribi debuit, quàm sub insequentis noni tritica Amalarius floruerit, ritum Confirmatio-

nis, qui Gelasianis temporibus in moribus erat, nullâ ad id cogente causâ immutasse? Contra in Galliis eâ formâ consignatos fuisse infantes discimus ex quatuor codicibus, Regio 5866, Colbertino 1548, Gellonensi, et Noviomensi, quos Martenius citat, itemque ex ordine Bel-lovacensis Ecclesiæ, quem idem Martenius describit. Sed ordo Romanus, quem memoravi, aliud, nisi vehementer fallor, in hoc ipso Confirmationis negotio disciplinæ arcani argumentum suppeditat. Martenius aliique non pauci omnî hæc tantùm verba pontificem baptizatos consignantem dixisse alunt: *In nomine Patris, et Filii, et Spiritus sancti. Pax tibi, Ordinis Romani atque Amalarii ducti auctoritate.* At ego nunquàm adducar ut credam, vaga hæc verba, quibus cæterorum ferè Sacramentorum formæ clauduntur, Confirmationis formam fuisse. Neque quis regeat ab ipsâ signandi actione determinari illa potuisse. Quis enim dicat Baptismi formam his verbis: *In nomine Patris, etc.*, contineri posse, quòd actio ipsa baptizandi illis determinat quemdam sensum adjiciat? In ordine Romano X, apud Mabillonium, pag. 106, hæc solùm verba adscribuntur: *Pax tecum;* ergone propterea dicemus alia illa omissa: *In nomine Patris, etc.*? Itaque mihi verisimilius est, in Romanâ Ecclesiâ eandem, quæ nunc usurpatur, adhibitam semper fuisse Confirmationis formam: *Signo te signo crucis, etc.*; in ordinibus verò Romanis ex arcani disciplinâ prætermisam ea autem verba: *In nomine Patris, etc.*, fuisse adscripta, ut confirmandi, quid sibi respondendum esset, nempe: *Amen*, edocerentur. Ut est, quemadmodùm à Gelasiano codice abest forma Baptismi, ita et in Sacramentario Gregoriano, quod ex pervetustis Othoboniano et Vaticano exemplis Muratorius vulgavit, ea forma desideratur; ut vel hinc mirari P. Berti dediscat, si Sacramentorum formas ex antiquâ arcani disciplinâ in Romanis præsertim Sacramentariis prætermisam esse dixerimus, neque Gregoriano Sacramentario deinceps utatur, interpolato illo quod Roccha et Menardus edidit.

3º Vulgatus et familiaris alicujus formæ brevissimæ usus. Drouven, de Re sacram. lib. 6. 8. 9. c. 2, aliique cum Morino contendunt, toto decem priorum Ecclesiæ seculorum decursu formam absolvendi deprecativam obtinuisse, quòd nec minimum in ritualibus libri forma indicativæ vestigium reperiatur. At P. Simonnet tract. 15, disp. 7, art. 4, rectè monet, formulam indicativam absolutionis brevis-

simam esse, et semel exceptare auribus addisci, et in posterum nullo negotio memoria retineri; vulgatissimum præterea illius usum ac penè quotidianum esse, ut mirum videri non debeat, de illâ altùm rituales libros sicerè.

4º Mores Ecclesiarum quarum usui codices fuere descripti. Exemplum habemus in Gelasiano Sacramentario, in quo commemoratio defunctorum post consecrationem desideratur. Quis tamen hinc confirmare se posse confidat, eam à Gelasio ipso fuisse prætermissam, nec Romæ sub eo pontifice usitata? Nullus certè qui in Gallicanis ritibus sit paulò versatus. Hic nempe Gelasianum codicem, unde Thomasius tanto nos thesauro ditavit, fuisse in Gallis descriptum intelligens, aliquid Gallicani ritus in hunc locum irrepisse animadvertet. Notum est enim in Gallicanâ Ecclesiâ nullam hujusmodi defunctorum commemorationem fieri post consecrationem consuevisse, sed post oblationem diptycha fuisse lecta, id est, recitata nomina tam sanctorum, in quorum memoriam sacrificium Deo offerebatur, quàm viventium atque defunctorum, pro quibus offerebatur.

CAPUT VII.

Canones aliqui ad germanum, verumque liturgicorum librorum sensum àsequendum proponuntur.

I. Vidimus quid ex liturgicorum librorum silentio effici argumentando possit; nunc quæ ratio sit ex eorumdem verbis aliquid colligendi, consideremus. Hoc autem capite paucos quosdam canones dabimus, qui generales sunt; cæteros sequenti capite expediemus.

II. CANON I: *Non omnia quæ in Sacramentorum administratione ex omnium liturgicorum librorum præscripto servamus, ejusmodi sunt, ut ab illis ipsorum Sacramentorum efficacitas pendeat.* Ita vini et aquæ commixtio, fractio hostiæ, permixtio specierum, Trisagion, Dominica oratio, in Liturgiis reperiuntur, quæ tamen omnia ad Eucharistiæ consecrationem esse prorsus necessaria nemo contendet.

COROLLARIUM. — Malè arguit Toutlæus diss. de Doctr. S. Cyrilli, c. 12, invocationis Spiritus S. in consecratione Eucharistiæ efficaciam quamdam esse, eamque non parvam, imò et ejus necessitatem, quòd ea in omnibus prorsus Liturgiis reperiatur.

III. CANON II: *Aliqua in liturgicis libris sunt, quæ tropico sensu explicare par est. Eucharistia*

non rarò Orientalibus *Carbo* dicitur, imò et in Mozarabum Missali *carbo igneus* appellatur; in Liturgiâ quoque S. Jacobi Christus *duplicis naturæ carbo* nuncupatur; quæ non nisi metaphorice usurpari potuere.

IV. CANON III: *Quæ in Liturgiis occurrunt, nisi si quid obstat, in vero ac proprio sensu accipienda sunt.* Canon hic Carthaginensis synodi anno 418, canone 8, comprobatur; eo enim contra Pelagianos statuitur, « ut quicumque verba ipsa Dominicæ orationis, ubi dicimus: *Dirige nobis debita nostra*, ita volunt à sanctis dici, ut humiliter, non veraciter hoc dicatur, « anathema sint. »

COROLLARIUM PRIMUM. — *Ex Liturgiis catholicæ Ecclesiæ de Trinitatis mysterio doctrinam confirmare.*

In Missali Gothico, tom. 6 Thomasian. Oper. p. 243, legere est: « Unum te Deum dominantem, distinctum nec divisum, trinum nec triplicem, solum nec solitarium, consonè laudamus voce. » In Missali Gallicano vetere ibid. p. 281, dicitur: « In Trinitate divinâ non est quod majus minusve credendus sit: si quid (siquidem) ubi unus major dicitur, esse minor, aliquid indicatur. In hæc ergo ipsâ Divinitate si aliud majus quis, aliud minus asserat, ei ipse majestati contumeliam facit, quam majorem putat, quia quum æqualis potestas ac dignitas Trinitatis sit, quidquid uni detrahatur, cunctæ procul debito Deitati æqualiter derogatur. » Quæ sanè in vero proprioque sensu si usurpentur, catholicæ Ecclesiæ de Trinitate doctrinam planè exprimunt.

COROLLARIUM II. — *Verbi divinitatem adversus Arianos Socinianosque ex Liturgiis demonstrare.*

Nonnulla in hanc rem protulit Petrus Thomas Ansaldus, *Diss. de Divinitate Domini nostri Jesu Christi*, cap. 2, sed pleræque, meo judicio, ad Arianos revincendos minus apta; neque enim Arianus negabit, Verbum esse Deum, cum Patre simul residere, et cætera id genus. Clarissima et peremptoria hæc sunt.

Ex Sacramentario, quod Leoni Magno aliqui tribuunt, in Præf. de S. Joanne Evangelistâ col. 476, Murat. edit.: « Ut omnem transgrediens creaturam excelsâ mente conspiceret, et evangelicâ voce proferret, quia in principio erat Verbum, et Deus erat Verbum, et quia hoc erat in principio apud Deum. Dicen-

nlo quippe erat, PERPETUITATEM SINE INITIO
 « demonstravit. Addendo : *Et Deus erat Ver-*
bum, et : Hoc erat in principio apud Deum,
 « et distinctionem protulit personalem, et UNAM
 « TE CUM FILIO Tuo patefecit HABERE DEITATEM. »
 Ex Sacramentario Gelasiano Thomasianæ ed. t.
 pag. 4 : « Quem SEMPER FILIUM, et ANTE TEMPO
 « RA ÆTERNA GENERATUM, quia tibi æterno atque
 « perfecto æterni Patris nomen non defuit, præ-
 « dicamus. » Ex eodem pag. 47 : « Ille Dei Pa-
 « tris et Filii UNA ÆQUALIS pronuntiatum pote-
 « stas. » Adde loca duo, in quibus Arius ejus-
 « que perfidia disertè damnatur, » pag. 106 et
 107, Ex Missali Gothico, pag. 232 : « Per COÆ-
 « TERNUM TIBI Jesum Christum Filium tuum ; »
 « cujus similis formula pag. 236 occurrit. Ex
 eodem pag. 236 : « Qui (Christus) quum de
 « suo Genitori esset ÆQUALIS, » etc. Ex Missali
 Gallicano vetere, Thomas. edit. pag. 377 :
 « Qui ex utero ante Luciferum paterno natus
 « infallibiliter, *Deus de Deo, unus de uno,*
 « *lumen de lumine, de sempiterno Patre COÆ-*
 « *TERNUS FILIUS. Cum quo SEMPER et Spiritu*
 « *sancto in splendoribus sanctorum SINE PRINCIPIO*
 « *ET SINE FINI REGNAS ET PERMANES in secula.* »
 Confer etiam pag. 387, Ex libello Orationum
 Gothico Hispano, quem Blanchinius edidit pag.
 55 : « Coæterna Dei sapientia Patris ; » pag.
 56 : « Domine, Jesu Christe, ante quem nul-
 « lus est formatus Deus ; » pag. 57 : « Jesu Do-
 « mine, qui es æterni Patris Filius coæternus ;
 « cujus divinitas ex Patre prolata ortum osten-
 « dit, initium nescit. »

COROLLARIUM III. — *Divinitatem Spiritus sancti*
ex Liturgiis contra Macedonianos comprobare.

Ex Gelasiano Sacramentario, pag. 46 : « Ille
 « Spiritus sanctus in eadem, quæ Pater et Filius,
 « deitate indiscretus accipitur. » Ex libello Ora-
 tionum Gothico-Hispano pag. 117 : « Omnium
 « rerum Creator et Dominus docuit sapientiam,
 « in quâ est sanctus Spiritus unicus, simplex,
 « multimodus, subtilis, ut unus Pater, unus
 « Filius, unus Spiritus sanctus, non pluralitate
 « deitatis ostensi, sed unitate virtutis innexi
 « et unione personæ careant, et in unitate na-
 « turæ permaneant : nec sit illic aliquid diver-
 « sum, ubi in singulis resonat unum. » Hæc
 quoque pag. 118 de Spiritu sancto legas :
 « Qui tecum est essentialiter bonus. »

COROLLARIUM IV. — *Christum ex Liturgiis osten-*
dere verum Deum, verumque hominem.

Hæc habet Leonianum Sacramentarium,

col. 314 : « In cœlos ascensio mediatoris Dei
 « et hominum hominis Jesu Christi à nostrâ
 « non est humilitate discesso, dum et in eâ
 « gloriâ, quam tecum semper habuit, et in eâ
 « naturâ est, quam suam fecit ex nobis. »
 Idem col. 469 : « In quibus omnibus eviden-
 « ter Deum hominemque cognoscimus, qui
 « suscipiendo quod nostrum est, dignatus est
 « nobis conferre quod suum est. » Idem col.
 482 : « Ut unus Christus in Dei atque hominis
 « veritate, nec à nostrâ divisus naturâ, nec à
 « tuâ discretus adoretur essentia. « Similia
 « legas in libello Orationum Gothico-Hispano
 En aliquo, pag. 37 : « Homo verus et omnipo-
 « tens Deus. » Pag. 64 : Ut sic nos qui te Deum
 « pariter et hominem veraciter confitentes,
 « unum credimus Christum. » Pag. 98 : « Ma-
 « ledictus est, utique Domine, omnis homo,
 « qui in corde suo fabricat malum, scilicet qui
 « te vel hominem negat esse, vel Deum. »

COROLLARIUM V. — *Christum verum, nec sobri-*
modo phantasticum habuisse corpus, ex Litur-
giis asserere.

« Dominus Jesus, qui ad redemptionem ve-
 « stram venit, non mutatione loci, sed *veritate*
 « hominis adsumpsit ; » sic in libello Gothico-
 Hispano, pag. 1 : « Dominus Jesus Christus,
 « qui venit de incorruptæ matris carne *corporis*
 « *veritatem* assumere ; » Ibidem pag. 3 : « Inge-
 « niti Dei Patris unigenitus Filius, qui in *verâ*
 « *carnis* mortalitate redempturus hominem ve-
 « niens, » etc.

COROLLARIUM VI. — *Deiparæ Mariæ virginitatem*
ex Liturgiis tueri.

Ex Leoniano Sacramentario, col. 473 : « Quia
 « et *Mater Virgo* non posset nisi sobolem pro-
 « ferre divinam, et Deus, homo nasci dignatus
 « congruentius non deberet, nisi *Virgine Matre*
 « generari. » Ex Sacramentario Gelasiano p. 9 :
 « Quæ peperit et *Mater et Virgo* est ; » p. 11 :
 « Hanc enim festivitatem index *puerperæ*
 « *virginis* stella præcessit. » Ex Missali Go-
 thico, p. 235 : « Nascente Domino *Virginis*
 « *uteri* arcana laxata sunt ; » p. 255 : « In
 « *Matre* verò *virgine* etiam corporaliter habi-
 « tasti ; » p. 256 : « Ad te ergo revertimur, *Virgo*
 « *feta, Mater intacta, nesciens virum, puerpera*
 « honorata per Filium, non polluta. » Ibidem :
 « Ut *mater integra* haberet fructum de Spiritu,
 « et *incorruptionem de partu.* » Ex libello Go-
 thico-Hispano, p. 21 : « Dominus Jesus Chri-
 « stus, qui olim ex *Virgine* dignatus est nasci.

« suæ vos Genitricis intercessu sanctificet,
 « quique Matrem servavit à corruptelæ conta-
 « gio, sinum cordis vestri emaculet à delicto;
 « et qui eam fecit *Virginem manere post partum*,
 « cœlum vobis tribuat possidere post trans-
 « itum; » p. 35 : « Deus, qui domui David pro-
 « phetali vaticinio prædixisti, novum fieri
 « signum, atque miraculum inauditum, quod
 « *Virgo* Verbum conciperet, quod insolitò *Vir-*
 « *ginitas* parturiret, » etc. Ibidem : « Salvator
 « omnium, Jesu Christe, qui novæ operationis
 « efficaciam *Virginem* per angelum visitas, Verbo
 « sæcundas, *habituram sine corruptionis injuriâ*
 « prolem, et *permansuram cum integritate vir-*
 « *gineâ Matrem*, » etc.; pag. 27 : « Intra ejus-
 « dem urbis Bethleemitiæ septa Genitricem
 « Mariam et materno honore sublimas, et *virgi-*
 « *nitatis* honore glorificas; cujus uterum *nec*
 « *ingrediens reseras, nec egrediens violas.* » Si-
 « milia legas in oratione sequente, itemque in
 « aliâ quæ hujus paginæ extrema est. Sequentis
 « paginæ 28 orationes eadem de virginitate Dei-
 « paræ prædicant. Confer etiam paginam 29,
 « orationesque paginæ 36, secundam, quartam
 « et quintam.

COROLLARIUM VII. — *Primum S. Petri ex Li-*
turgiis vindicare.

Ex Sacramentario Leoniano, col. 331, ubi,
 collaudatâ Petri fide, hæc sequuntur : « Pro
 « quo magistrâ omnium credentium fide, con-
 « fessorum tuorum cœlorum clavibus præfecisti,
 « ut cui ad te per te fuerat accessus, per ipsum
 « cæteris ad regnum tuum pateret introitus. »
 Ex eodem col. 341, ubi S. Petrus *apostolicæ*
princeps dignitatis appellatur. Ex eodem col.
 344, ubi idem Petrus dicitur *apostolatus or-*
diine primus, et princeps fidei confitendæ. Ex
 libello Oratorum Gothico Hispano p. 124, ubi
 S. Petrus *summus Apostolorum* vocatur. Anim-
 « adverte præterea, p. 123, quæ inter Petrum
 « et Paulum comparatio instituitur : « Quin-
 « potius tradentes ad regna cœlorum, quos
 « Pauli docentis adduxerit *pietas*, intromittat
 « Petri *potestas.* »

COROLLARIUM VIII. — *Romani pontificis prima-*
tum ex Liturgiis propugnare.

Ex Leoniano Sacramentario, col. 333 :
 « Omnipotens sempiternus Deus, qui ineffabili
 « sacramento jus apostolici principatûs in Ro-
 « mani nominis arce posuisti; unde se evan-
 « gelica veritas per tota mundi regna diffun-
 « deret. » Col. 337 : « Quidquid sedes illa cen-
 « suravit, quam tenere voluisti *totius Ecclesiæ*

« *principatum.* » Col. 341 : « Qui ut hanc se-
 « dem *regimen Ecclesiæ totius* efficeres, et quod
 « hæc prædicasset, ostenderes *ubique servan-*
 « *dum*, simul in eâ et *apostolicæ principem di-*
 « *gnitatis*, et magistrum gentium collocasti. »
 Col. 430 : « Domine Deus, Pater gloriæ, fons
 « honorum, qui licet Ecclesiam tuam toto terra-
 « rum orbe diffusam largitate munerum ditari
 « non desinas, *sedem tamen* b'ati Apostoli tui
 « *Petri tanto propensius intueris, quanto sublimis*
 « *esse voluisti*; da mihi famulo tuo hujus Pro-
 « videntie tuæ dispositionibus exhibere con-
 « gruenter officium; certus *te universis Ecclesiis*
 « *collaturus*, quidquid illi præstiteris, *quam*
 « *cunctæ respiciunt.* » Hinc mirum non est, si
 S. Xistus Romanæ Ecclesiæ pontifex hic, col.
 390. dicatur *præcipuus sacerdos*. Ex Missali
 Gothico, 315, ubi de eodem S. Sixto dicitur :
 « Qui dum Apostolicæ sedis excepisset insi-
 « gnia, et se *primum* esse conspiceret *sacerdo-*
 « *tum,* » scilicet, ut optimè Mabillonius in Præ-
 « fat. ad Liturg. Gallic., num. 41, notavit, epi-
 « scoporum.

COROLLARIUM IX. — *Ecclesiam erroris expertem*
ex Liturgiis patefacere.

Ex Leoniano Sacramentario, col. 330 : « Qui
 « secundum promissionis tuæ ineffabile consti-
 « tutum, apostolicæ confessioni supernâ dis-
 « pensatione largiris, ut in veritatis tuæ fun-
 « damine solidata nulla mortiferæ falsitatis jura
 « prævaleant. » Col. 332 : « Tu etenim tribuis,
 « Domine, ut prædicationis apostolicæ clarita-
 « tem nulla juris Inferni doctrina subvertat,
 « nulla prævaricatio veritatis offuscet. » Col.
 334 : « Qui Ecclesiam tuam in apostolicâ solidi-
 « tate fundatam ab infernarum eruis terrore
 « portarum, ut in tuâ veritate consistens, nulla
 « recipiat consortia perfidorum. »

COROLLARIUM X. — *Presbyteros episcopis digni-*
tate inferiores ex Liturgiis evincere.

Ex Gelasiano Sacramentario, p. 22, et Mis-
 « sali Francorum, p. 346 : « Ut quum pontifices
 « summos regendis populis præferesses, ad eor-
 « um societates et operis adjumentum sequen-
 « tis ordinis viros, et secundæ dignitatis ele-
 « geris.... Acceptum à te, Deus, *secundi meriti*
 « munus (de presbytero, qui consecratur, ser-
 « mo ibi est) obtineat. »

COROLLARIUM XI. — *Gratiam ad salutaria opera,*
imò et ad bonam voluntatem contra Pelagiano-
nos, Semipelagianosque ex Liturgiis necessa-
riam constituere.

Ex Sacramentario Leoniano, col. 293 :

« Gratiae tuae, quaesumus, Domine, supplicibus
 « tuis tribue largitatem, ut mandata tua te ope-
 « rante sectantes, » etc.; col. 360: « Sicut tua
 « clementia non solum beneficia praestat im-
 « meritis, sed affectum quoque nobis, quo gratias
 « referamus, *inspirat.* » Ibidem: « Mentis no-
 « stras, quaesumus, ad opera tibi placitura
 « converte. » Col. 362: « Cujus et propitiatio-
 « nis exordium principaliter inde sentimus,
 « quum tuorum sensibus dignanter infundis
 « totis tibi mentibus supplicare, et indeficien-
 « tem gratiam comprobamus, quum nos vel in
 « hac devotione tribuis permanere, vel de per-
 « ceptis beneficiis non in nobis, sed in tuo
 « nomine gloriari. » Col. 367: « Quum omne
 « opus bonum à te inchoari constet, et perfici
 « hanc ipsam, quam nobis tribuis, perseveran-
 « tiam supplicandi. » Ibidem: « Ecclesiae tuae
 « filios sicut erudire non cessas (en gratiam
 « externam doctrinae, quam etiam Pelagius
 « admittit), ita non desinis adjuvare, ut recte
 « facienda cognoscant, et possibilitatem (non
 « facilitatem, quam Pelagius non detrectabat)
 « capiant exsequendi. » Col. 370: « Dum enim
 « sine te nihil recti velle possumus, aut agere,
 « aut perficere; indubitanter est gratiae, quid-
 « quid convenienter operamur. » Col. 440:
 « Majestatem tuam devotis mentibus implo-
 « rantes, ut sicut ex te habemus esse quod su-
 « mus, sic per gratiam tuam et bene velle su-
 « mamus, et bonum posse quod volumus. »

COROLLARIUM XII. — *Originale peccatum ex Li-
 turgiis probare.*

Ex Leoniano Sacramentario, col. 313: « In
 « hae die, qua Jesus Christus... dispositionis
 « antiquae munus explicuit, ut scilicet et dia-
 « bolum caelestis operis inimicum, per homi-
 « nem, quem subjugarat, elideret, et huma-
 « nam reduceret ad superna dona substan-
 « tiam. » Hae omnino spectant tres longiusculae
 Praefationes, tertia scilicet, quarta et quinta
 in Natali S. Caeciliae col. 457, seq. Ex libello
 Oratorum Gothico Hispano, p. 127: « Domine
 « Jesu, qui beatissimas virgines Justam et Rufi-
 « nam de vasis irae fecisti vasa esse miseri-
 « cordiae, dum originalis peccati traduce colli-
 « gate, sacrosanctae regenerationis meruerunt
 « deallari baptismo. »

COROLLARIUM XIII. — *Pro Confirmationis sacra-
 mento Liturgiis adversus Protestantibus pugnavit.*

Adi Josephi Aloysii Assemani dissertationem
 tom. 3. Codicis Liturg. Eccles. univ. p. 35,

seqq., ubi ex Liturgiis Ecclesiae universae con-
 sensum pro Confirmationis sacramento stare
 demonstrat.

COROLLARIUM XIV. — *Protestantes incrementi
 sacrificii hostes ex Liturgiis refellere.*

Id praestiterunt post Bellarminum viri clarissi-
 mi Muratorius in Disp. de Liturgia Romanâ cap.
 16, 17 et 18, et Josephus Assemanus in Dissert.
 Codicis Liturg. lib. 4, parti primae praemissa
 sect. 2, art. 1, 2 et 3. Pauca hic ego adscri-
 bam, quae Mabillonius in Praef. ad Liturgiam
 Gallicanam ex Gallicani ritus Missalibus de-
 cerperat, notatis tantummodo paginis Tho-
 masianae, qua haecenus usus sum, editionis.
 Ex Missali Gothico p. 335: « Magnum hoc mu-
 « nus misericordiae est, qui nobis (sic) docuit
 « Redemptionis nostrae sacrificia celebrare, sic-
 « ut obtulit Dominus noster Jesus Christus. »
 « Ibidem p. 335: « Qui (Jesus Christus) formam
 « sacrificii perennis instituens, hostiam se tibi
 « primam obtulit, et primus docuit offerri. »
 Ex Missali Francorum, p. 365: « Remotis
 « obumbrationibus carnalibus victimarum,
 « spiritalem tibi, summe Pater, hostiam sup-
 « plici servitate deferimus: quae miro ineffabi-
 « lique mysterio et immolatur semper, et ea-
 « dem semper offertur. » Ex Missali Gallicano
 veteri, p. 338: « Hanc igitur oblationem, quam
 « tibi offerimus ob diem jejunii caena Domi-
 « nicae, in qua Dominus noster Jesus Christus
 « Filius tuus in novo Testamento sacrificandi
 « ritum instituit, dum panem et vinum (quo
 « Melchisedech in praefiguratione futuri mys-
 « terii sacerdos obtulerat) in sacramento sui
 « corporis et sanguinis transformavit. »

COROLLARIUM XV. — *Realem in Eucharistia cor-
 poris et sanguinis Domini praesentiam in
 Liturgiis agere.*

Et hoc in citatis Dissertationibus à Mu-
 ratorio et Assemano demonstratum fuit.
 Unum aut alterum testimonium hic profer-
 ram: Ex Missali Gothico, p. 338: « Corpus
 « tuum pro nobis crucifixum edimus, et san-
 « guinem sanctum tuum pro nobis effusum bi-
 « bimus. » Ne verò cavillentur Calviniani, et
 figuram hanc aliquam comminiscantur, paulò
 antea in eadem Missa dictum fuerat: « Pre-
 « camur mente devota te, majestas aeterna,
 « ut operante virtute panem mutatum in carne,
 « poculum versum in sanguine, illum sum-
 « mus in calicem, qui de te fluxit in cruce ex
 « latere. » Ex Oracionibus quas ad calcem Gre-

goriani Sacramentarii edidit Muratorius, et quæ Gregorium auctorem vix habent, sed illo multo sunt vetustiores; col. 298: « Singuli accipiunt Christum Dominum, et in singulis portionibus totus est; nec per singulos minuitur, sed integrum se præbet in singulis. » Quod testimonium, inquit Mabillonius Lit. Gallic. l. 1, c. 1, n. 3, Guitundo (qui seculo XI pro veritate corporis et sanguinis Christi in Eucharistiâ adversus Berengarium æcerimè decertavit) « tanti visum est, ut illud retulerit in librum suum de corpore et sanguine Domini; itidemque Algerus (floruit hic, si Pagio credimus, ad annum 1152) in l. b. 1, c. 15, ex Ambrosio, id est, ex Liturgiâ Ambrosianâ, in quâ hæc leguntur apud Pamelium Dominicâ quintâ (post Epiphaniam), et in hodierno Missali Ambrosiano, « Dominicâ sextâ post Epiphaniam. »

COROLLARIUM XVI. — *Transubstantiationis eucharisticæ hostes ex Liturgiis propulsare.*

Conferas velim Muratorium et Assemanum, loc. cit. Hæc in præsentii sufficiunt: Ex Missali Gothico, p. 256: « Ut fiat nobis Eucharistia legitima in tuo Filii que tui nomine, et Spiritus sancti in transformationem corporis ac sanguinis Domini Dei nostri Jesu Christi unigeniti tui. » Ibid. p. 251: « Ut qui tunc aquas in vina mutavit, nunc in sanguinem suum oblationem nostrarum vina convertat. » Ibid. p. 256: « Ut translata fruge in corpore, calice in cruore, proficiat meritum. » Adde loca Corollario superiore allata. Ex Missali Francorum p. 347, ubi pro presbytero oratur, ut « per obsequium plebis tuæ corpus et sanguinem Filii tui immaculatâ benedictione transformet; » quæ eadem legere est in Gelasiano Sacramentario pag. 23. Salmasius, in Epist. ad Joannem Dallæum apud Renaudotium, in not. ad Liturg. Coptic. S. Gregor. sacerdotem Copitam invocatione, quam omnium nomine pronuntiat, id ait solummodò designare, panem et vinum, quæ à nobis in cœnâ suscipiuntur, fieri corpus et sanguinem Domini illis qui debent illa suscipere, quosque Spiritus sanctus prius sanctificaverit; illos quoque solos accipere verum corpus, non panem solummodò, qui prius per fidem et gratiam sancti Spiritus puri facti fuerint. At hoc commentum nonne profligatur, quum audis ex Gelasiano Sacramentario, et Missali Francorum, presbyteros ipsos oblata transformare in corpus et sanguinem Christi? Quid verò dicam de Gisberto Cupero, homine cæteroqui

erudito, qui in Epist. ad Joan. Jacobum Scheuchzerum scribit, deprehendisse se in Missali Gothico « loca quæ omnino adstruunt panem et vinum in Sacramento S. Cœnæ sumi, et quæ transubstantiationi contraria sunt? » Quæ hic reclaravimus loca, sunt transubstantiationi contraria? Sed væ hominibus qui præconceptis erroribus obæcati sunt! In ipsâ meridianâ luce nihil illos videre necesse est. Vide caput sequens.

COROLLARIUM XVII. — *Purgatorium à Liturgiis exprimere*

Ex Missali Gothico, p. 250: « Presentem itaque oblationem ita illabere, ut medelam viventibus, defunctis refrigerium præstet. Et quorum texuit recitatio præmissa (diptycha intellige tum vivorum, tum defunctorum) sortem inter electos jubas aggregare. » Ibid. p. 260: « Ut interventus sancti Clementis antistitis et martyris sui defunctis absolutionem viventibus tribuat salutem. » Ibidem p. 261: « Deprecemur omnipotentem Deum, ut illic defunctorum animas transferat à tartaro, quò illum (S. Saturninum) causâ amoris sui assumere dignatus est post triumphum. » Ibidem p. 268: « Precibus imploremus, ut eductis à tartaro defunctorum spiritibus, non prævaleant seculis infernæ portæ per crimina, quas per Apostoli fidem vinci credit Ecclesia. » Ibid. p. 319: « Ita defunctorum animæ, laxatis inferni pressuris, Abrahæ patris gremio collocentur. »

Græcorum hæc super re Liturgiis expendit Græcolasius tom. 1 antiq. Liturg. pag. 235.

Prodit anno 1775 Lipsiæ Joan. Augusti Ernesti impius libellus inscriptus: *Antimuratoriis, sive confutatio Muratorianæ Disputationis de Rebus liturgicis*. Lutherianus hic theologus, p. 135, ait, « ista precantes (in Liturgiis fidelium « felicitatem lætis ac pijs omnibus persequi, « Deumque rogare, ut eam ipsis augeat, et « summâ cum suavitate frui sinat. Quòd si « tamen quis verborum tenacior (pergit ille, « p. 137) putet esse aliquid amplius in istis « verbis . . . , ea verba pertinere dicamus « opinionem, quam veteris Ecclesiæ doctores « multos . . . defendisse constat . . . quum « dicerent, animas piorum non statim à morte « in cœlum evolare, sed venire in locum inferiorem cœlo, non ut ibi purgarentur à reliquis peccatorum, ut volunt Romani, sed « qui sit, ut ait Tertullianus in quarto contra

« Marcionem, temporale a. imarum fidelium receptaculum, in quo delinectur futuri (hoc est, « cœlestis felicitatis) imago, sive ut, in tertio, « post decursum vite in sinu Abrahæ refrigerium . . . Nam in locum eum fidelibus aditum per preces parari nemo ne somniavit, « quidem. » Quid ais, Erneste? *Nemo ne somniavit quidem? Somniavit* tamen (verbo suo utar) vetus Gallicana Ecclesia, quæ Deum orabat, ut *defunctorum animæ, laxatis inferni pressuris, Abrahæ patris gremio collocarentur*. Quorsum enim id orasset, si animas illos in Abrahæ patris gremio jam collocatas credidisset, aut nullam aditum fidelibus in eum locum parandi vim suis inesse precibus existimasset? Quid verò tam ridiculum quàm pia omnia de felicitatis augmento comminisci, ubi petitur animarum absolutio, earum eductio è tartaro, *infernarum portarum victoria*, atque ita petitur quemadmodum pro viventibus *medela*, non utique pio solùm omine, sed veris precibus, quæ fructum sperentur consecuturæ? *Tartari* autem nomine non ipsam infernum accipias, ne veterem Ecclesiam in eo fuisse errore existimes, ut crederet, damnatos ab inferorum cruciatibus esse aliquando liberandos, sed medium illum locum inter cœlum et inferos, quem nos Romani Purgatorium appellamus.

COROLLARIUM XVIII. — *Cultum et invocationem sanctorum è Liturgiis petere.*

Ex Sacramentario Leoniano, col. 293: « Tibi enim festiva solemnitas agitur, tibi dies « sacrata celebratur, quam beati sancti Tiburcii martyris tui sanguis, » etc. Et paulò post: « Tuas enim, Domine, virtutes, tuasque victorias admiramur, quoties in Ecclesia tuâ horum dierum festa celebrantur. » Similia legas in Pref. quintæ Missæ in Natali sancti Xysti col. 531, col. 596: « Quidquid in m sanctorum « tuorum meritis adhibemus, ad tuam laudem « recurrit et gloriam. » Ex Sacramentario Gelasiano, p. 7: « Sicut divina laudamus in « sancti Stephani passione magnalia. » Ex Missali Gothico p. 212: « Ut per triumphos tuorum testium et solemnitatum gloriam, et « devotionum exempla susciperes. » Ex Missali Francorum p. 359: « Unde benedicimus « te, Domine, in operibus tuis, teque in sanctorum tuorum protectione laudamus. » Ex libello Orationum Gothico Hispano, p. 39: « Adsistat ergo nunc, omnipotens Pater, tantus « martyr, et faveat credentium votis, ut ea « quæ sibi propter te impendi cognoscit, fanu-

« rantibus tibi ex te uberius recompenset. »

Eant nunc Protestantes, et cultum sanctorum Deo injuriosum esse obganniant. Nos cum totâ antiquitate sentimus, in Deum demùm referri quidquid sanctis tribuimus.

Sanctorum porrò invocationem piam esse utilemque demonstrari potest: Ex Sacramentario Leoniano, col. 293: « Præsta nobis, « Domine, misericordiam tuam, sanctorum « tuorum suffragiis imploratam; et quos intercessores nostros esse tribuisti, fac eos et « majestatem tuam jugiter exorare, et salutaria « impetrare pro nobis. » Col. 296: « Impetret, « quæsumus, Domine, fidelibus tuis auxilium « oratio justa sanctorum. » Col. 338: « Qui et « Filii tui nativitate nos salvas, et martyrum « beatorum deprecatione sustentas. » Ex Sacramentario Gelasiano, p. 7: « Ita sit (S. Stephanus) fragilitatis nostræ promptus adiutor. » Ex Missali Gothico, p. 258: « Tribue, « quæsumus, per interventum ipsius (S. Stephanus) ut viventes salutem, defuncti requiem « consequantur æternam. » Pag. 257: « Oremus ergo, ut pro nobis interveniat precibus « (S. Agnes) quæ digna assistit divinis obtutibus. » Ex Missali Francorum, p. 358: « Supplicationibus nostris misericordiam tuam « confidimus adfuturam, quam beati Hilarii « confessoris tui poscimus interventu nobis et « confessione præstari. » Ex libello Orationum Gothico Hispano, p. 39: « Quæsumus « ergo ut qui invocantem eum (S. Stephanum) « pro inimicis dignatus es exaudire, pro nostris facinoribus ad aures tuas ejus suffragia « digneris admittere. » Pag. 41: « Dignanter « attribue, ut omnis Ecclesia, quæ nunc veneratur agonem martyris gloriosum, mereatur « exoratum suffragantis auxilium. » Pag. 128: « Adsistat ergo nobis precibus suis (S. Felix) « ut quibus ejus est memoria speciosa in seculo, sit subventio in futuro. »

CAPUT VIII.

Canones alii ad verum geminumque liturgicorum librorum sensum exprimendum perquam opportuni.

I. CANON IV: *Ut legitimum librorum liturgicorum sensus assequaria, nôsse oportet quâ significatione hoc illudve verbum barbaris seculis à scriptoribus ecclesiasticis usurpatum fuerit; in iis tamen verbis, quorum eadem semper vis fuit, ac potestas, licebit ethnicos quoque scriptores consulere.* Prior illa canonis nostri pars clarior est, quàm ut argumentis exemplivè illustre-

tor. Unum tamen aut alterum addam. In Iudicio probationis quod apud Martenium exstat t. 2, de Ant. Eccl. Rit. lib. 3, c. 7, col. 947, occurrit sacerdos *ferens sanctum Evangelium cum chrismario*, et PATROCINIUS SANCTORUM. Incautus aliquis, barbarique glossarii parium peritus, statim hoc loco ad confirmandum de invocatione sanctorum dogma uteretur; at hic *Patrocinia sanctorum* sunt ipsæ sanctorum reliquæ. Antiphona ad offerendum sacrificium interdum dicitur, ut in Missali Mozarabum, p. 93 Leslæanæ editionis; ipsum etiam officium eo nomine nonnunquam donari, viri eruditi notarunt. Nisi hæc noveris, Missæ sacrificium ridentibus sectariis videre hic tibi videberis. Altera quoque canonis pars manifesta est; neque satis intelligere possum quid Joanni Augusto Ernesto in mente venerit, dum in suo Antimuratorio p. 49 et 100, doctissimo sanè viro acriter succenset, quod ethnicos scriptores appellarit, ut quid *transfigurare*, quid *immolare* significet, disertius explicaret. Quodque periculum est, ipse ille Ernestus, qui Muratorium hanc ob rem impudenter carpit, ridetque ut *παράδοξος*; significationem Lutherianis suis opportunam obrudat, Thucididem, Polybium, Dionysium Halicarnassæum, Aristotelem, Nemesium, Ciceronem, p. 39, seqq., in medium affert. Sed sinamus, Lutherianum hunc theologistam cum suis desipere. Cordatus nemo non intelliget, ecclesiasticos scriptores verbis non ita multis excerptis, quæ sequioris ævi aut nova inveniit, aut vetera novâ priscisque ignotâ significatione donavit, cum cæteris sensum tribuisse, quo antiquos seu græcitat's seu latinitat's magistros novimus illa adhibuisse, ut si quando de vi vocis cujuspiam dubitatio enascatur, prudenti omnino consilio theologus ad ethnicos sese fontes convertat.

II. CANON V: *Tituli ipsi quibus oratio aliqua vel ordo prænotatur, ad sensum ejusdem orationis vel ordinis dignoscendum faciem quodammodo præferre possunt.* Exemplum esto ingens illa ordinum sylvæ quam Morinus concessit, ut duodecim prioribus Ecclesiæ seculis formam absolutiōnis deprecatoriam obtinuisse suaderet. Si enim titulos, qui reconciliationem poenitentium ferit 5, in Cænâ Domini, nobis exhibent, diligentius perpendisset, frustra hæc omnia esse intellexisset, agi nempe ibi non de sacramentali absoluteōne à peccatis, sed de publicâ et solemnâ absoluteōne à canonicis poenis pro foro externo. (Confer

P. Simonnet tractatu 15, disp. 8, art. 4.)

III. CANON VI: *Cum primis autem totius orationis contextus est accuratè perpendendus.* In Ordine Gelasiano de sacris Ordinibus benedicens, post Ostiarium Psalmista memoratur. Cave autem hinc inferas, novem fuisse in Ecclesiâ Romanâ Ordinum gradus. Minimè verò. Verba Ordinis ipsius tantisper consideremus: « Psalmista, id est, cantor, potest absque scientiâ episcopi solâ jussione presbyteri officium suscipere cantandi. » Viden? Cæteri ordines, qui reverà ordines sunt, à solo episcopo conferri poterant; non ergo ordo distinctus fuit psalmistarum gradus, quum hi *absque scientiâ episcopi solâ jussione presbyteri* officio illo donari possent. Pariter, dum in Leoniano Sacramentario, col. 331, Deus dicitur in sanctis *Ecclesiæ suæ FUNDAMENTA constituisse*, ne putes hæc primatui S. Petri officere. Nam præterquam quod is eodem loco disertis verbis traditur: « Pro quâ magistri omnium creditum fide, Confessorem tuum (Petrum) cælorum clavibus præfecisti, ut cui ad te per te fuerat accessus, per ipsum cæteris ad regnum tuum pateret introitus; » ex Protestantibus quære an velint sanctos omnes Apostoli dignitate auctoritateque pares esse? Si affirmant, videant nunc quemquam sibi consentientem habituri sint. Si negent (uti certè negabunt, quum et ipsi hoc unum defendant, omnes Apostolos pares potestate fuisse, non autem Apostolis quoque pares sanctos verosque christianos), objice illis ipsum hunc Sacramentarii Leoniani locum, qui *in sanctis*, non in solis Apostolis constituta Ecclesiæ christianæ fundamenta affirmat, et vel invitò cogere fateri, statuendos esse gradus quosdam Ecclesiæ fundamentorum, quorum unum si altero firmitate dignitateque præstantius: quod si dederint, dic sanctos esse Ecclesiæ fundamenta, in his autem Petrum post Christum esse præcipuum.

IV. CANON VII: *Si quis liturgicorum librorum locus ut obscuro esse videatur, aut parùm accuratam doctrinam continere, ex aliis ejusdem libri textibus explicabitur.* Ratio in promptu est; ex clarioribus nempe locis obscurior explanandus est, nec doctrinas inter sese pugnantes sacris ejusmodi libris ab Ecclesiâ probatis fas est tribuere. Sed exemplis hic utamur, ac primò sese mihi offert locus ille Missalis Gothici de S. Paulo, pag. 267: « Factus est capit *Ecclesiæ*, qui membra Ecclesiæ conquassaverat. » Quid? Aicmusne Petri primatum his

verbis impeti? Absit. Consule sequentem Missam in Cathedrâ S. Petri Apostoli. Ibi Petrus non solum *caput Ecclesiae* dicitur, sed *basis Ecclesiae*, et (pag. 268) *caeli janitor, et in cujus confessione est fundamentum Ecclesiae*; imò additur: « Testis est dies hodierna beati Petri cathedra episcopatus exposita, in qua fidei merito revelationis mysterium (lege cum Mabillonio mysterio) Filium Dei confitendo, praelatus Apostolos (fortè inter Apostolos, aut certè legendum cum eodem Mabillonio Apostolis) ordinatur. » Quis hisce perfectis dubitare possit, quin Missale Gothicum Petri primati adstipuletur? Quamobrem, dum Paulum *caput Ecclesiae* idem Missalè prædicat, non supremum in Ecclesiâ principatum spectavit, sed apostolatam, hujus enim causâ à Patribus Apostoli principes, *lucernæ Ecclesiae, radices ac fundamenta dignitatum* passim vocantur.

V. CANON VIII: *Si quid dubii in loci casu pliam liturgici interpretatione enascatur, scriptores ejus regionis gentis, ad quam liturgicus liber spectat, consilere opportunum erit.* Neque enim credibile est, in liturgicis cujusquam gentis ac regionis libris aliam fuisse doctrinam traditam, quam quæ passim à cæteris ejusdem nationis Patribus doctoribusque propugnata fuit. Hinc Mabillonius de Litt. Gall. lib. 4, cap. 9, n. 25, ut ostenderet, in veteribus libris missalibus Gallicanæ Ecclesiae doctores appellat, Hilarium cum primis, cujus in lib. 8 de Trinitate solemne illud effatum est: *De veritate carnis et sanguinis non relictæ est ambigendi locus.* Clarissimus quoque vir P. de Benedictis in Antirrhethico altero, ut Syriacarum Liturgiarum auctores cum cæteris qui Christum verborum formulâ ab Evangelistis relatâ consecrâsse docent, minime pugnare contra Renaudotii commenta doceret, hanc semper fuisse apud Syros doctores traditionem, Christum Dominum eâ verborum formulâ quam Evangelistæ produunt, sui corporis consecrationem perfecisse, prolatis illorum sententiis cap. 9 demonstravit.

VI. CANON IX: *Præcipi autem jubabit Liturgias cum aliis Liturgiis conferre.* Hoc canone confutatur 1^o Josephus Aloysius Assemanus, qui lib. 3 cod. Liturg. pag. 58, verba illa Eucharistiae Græcorum: *Signaculum domini Spiritus sancti, Amen,* integram non esse unctionis formam contendit, sed vel initialia ejus verba, vel monitum quoddam, quod ungenti in memoriam revocat, dicenda ab ipso ibi esse verba mystica significantia atque imprimentia

signaculum ac donum Spiritus sancti. Nempè satis est cum eâ Græcorum Gelasiani Sacramentarii formam conferre: *Signum Christi in vitam æternam, Amen;* orum enim ovo similis non est, quàm Græca illa Gelasianæ formæ; hæc autem quum integra fuerit apud Gallos unctionis forma, quidni et altera apud Græcos? 2^o Le-Brunius ac Renaudotius, qui invocationem S. Spiritus apud Orientales consecratoriam esse pugnant. Nam etiam in veteribus Gallicanis Missalibus, atque in Mozarabico, non semel Spiritus sanctus, atque adeo ipsam divinum Verbum post prolata evangelicam formam rogatur, ut super oblata descendat, veluti si nondum descendisset, et oblationem hostiam faciat *spiritaliter*, perinde ac si terrena adhuc esset, ac materialis, quum tamen harum Liturgiarum institutoribus certum omnino fuerit, perlici verbis evangelicis consecrationem. Consule Ursii cardinalis de liturgiâ S. Spiritus Invocatione Dissertationem, pag. 90, seqq. Præterea, quemadmodum doctissimus P. de Benedictis in Antirrhethico altero observat cap. 7, in Anaphorâ sancti Marci, hæc leguntur in Canone Fratrum, seu Commemoratione vivorum, multis interjectis precibus insequente illud momentum, quo juxta Le-Brunii ac Renaudotii hypothesim per invocationem Spiritus sancti elementorum consecratio dudum perfecta creditur: *Et hanc divinam hostiam coram te positam memento, Domine, eamque gratiâ tuâ consecra,* etc. Quibus constitutis Renaudotii argumentum ipsi auctori P. de Benedictis opponit: « Sacerdos hoc loco petit ut hostia consecratur; atqui nequit dici, illum petere ut Deus actum agat, aut nolle impetrare quod petit; ergo dicendum est, eo momento quo allegatæ in S. Marci Anaphora preces inchoantur, elementorum transmutationem nondum esse perfectam, sed istis demum precibus consummari; » quod cum Renaudotii hypothesi pugnat. Similia P. de Benedictis profert ex sacramentorum ordinationum officii; sed ipsum auctorem ad citato c. 6, et etiam 7.

VII. CANON X: *Sæpè ipsarum Liturgiarum fontes adire præstat, sæpè etiam illarum rivos.* Notum est, ut de primâ canonis parte dicam, rubricas vetustissimis temporibus non in ipsis Sacramentariis, sed in Ordinibus Ecclesiarum fuisse inscriptas; paulatim deinde in Sacramentaria invecas ab exscriptoribus, ut cleri utilitati ac comodo inservirent, ex ipsis Ordinibus ecclesiasticorum libris. Quare, si quod dubium super hujusmodi rubricis oriatur, frag-

menta ipsorum Ordinum conferenda erunt. Sic (nam libet exemplis abundare) Gelasianus Ordo de sacris Ordinibus benedicendis ex canonibus Carthaginiensis IV concilii sumptus, quum si, de alicujus vocis vel emendatâ lectione, vel sensu dubitans ipsum quartum concilium Carthaginiense consulat. Gregorianum quoque Sacramentarium, quum Gelasianum contractum sit, multum proderit alterum cum altero contendere. Contra (ad alteram canonis partem quod spectat, si de Liturgiæ ejuspiam sensu quæstio exoriatur, non inutile erit ad eas confugere, quæ ex illâ fuerint derivatæ. Quare Ursius in cit. diss. pag. 99, quum monuisset, sicuti Copticæ Liturgiæ ex Græcis Alexandrinis expressæ sunt, ita Æthiopicam in præcipuis sacri officii partibus ex Copticis esse profectam, opportunè addit, « non parvi momenti esse debere ad Copticarum Liturgiarum sensum, sicubi ambiguus et obscurus est, assequendum, perspicuum rataque Æthiopicæ Liturgiæ sententiæ. »

VIII. CANON XI : *Non inutile quoque erit veteres liturgicos libros cum recentioribus nostris contendere.* Id certè Joanni Morino plurimum profuisset, reconciliationem pœnitentium deprecatoriâ formâ perfectam magnâ liturgicorum ordinum eruditione comprobatur, ut inde eficeret, sacramentalem quoque absolutionem deprecativâ formâ fuisse traditam. Nam in ipso quo utimur Pontificali Romano p. 3, tit. 3, hujusmodi reconciliatio exhibetur ritu deprecatoriis tantummodò verbis constante. Propterea dubitabimus quin hunc sacramentalis absolutionis forma *indicativa* adhibeatur? Quòd si inepta quæ ex illo ritu oriretur, isthæc dubitatio esset, nullam quoque Morinus inesse vim suo illi ex ritualibus antiquis libris argumentandi generi comperisset. In hunc etiam canonem Protestantes intendant; quum enim veteres missales libros ubi evolverint, eosdem ipsos, quibus nos Romani utimur, ritus obtinuisse, et (quod gravius est) eadem quæ antiqui christianæ fidei sectatores in conficiendis sacramentis, in sanctorum suffragiis implorandis, in explicandis præcipuis doctrinæ nostræ capitibus verba usurpare, animadvertant, qui fieri potest, ut seriò secum ipsi reputent, hos diversa à majoribus nostris sentire? Numquid nos adèo ineptos sibi confingunt, ut contraria dogmata iisdem omninò verbis designari existimemus, nec qui à veterum placitis desciscere velimus, illorum quoque formulas abjiciendas nobis esse intelligamus?

IX. CANON XII : *Prudens conjectura de tempore quo primùm liber aliquis liturgicus scriptus, aut illi quidpiam additum fuit, interpretationum difficultates interdum è medio tollit.* In Leoniano Sacramentario, col. 454, hæc legitur oratio : « Deus, confitentium te portio defunctorum, et preces nostras quas in famuli tui Silvestri et episcopi depositione deferimus, propitiatus assume, ut qui nomini tuo ministerium fidei dependit, perpetuâ sanctorum tuorum societate lætetur. » In Gregoriano autem hæc exstat : « Annue nobis, Domine, ut animæ famuli tui Leonis hæc prosit oblatio, » etc. Ibi de S. Silvestro, hic de S. Leone Magno sermonem esse nullus dubito. Qui hoc? inquit Protestantes. Pro sanctis erat Ecclesia? Indigent illi nostris precibus? Non igitur pro nobis intercessores idonei sunt. At orationes illas tunc perscriptas fuisse, quum primum sancti illi viri decesserunt, atque adèo de æternâ illorum gloriâ certi fideles non erant, facile est perspicere, et ipsum *depositionis* nomen in S. Silvestri oratione usurpatum satis ostendit. Et mirabimur, Ecclesiam, quæ sanctorum precibus sese commendat, pro illis orâsse? Ubi autem illorum ceu sanctorum memoria coli cœpit, seu vetustatis reverentiâ quâdam, seu quod ad gloriæ augmentum referri commode poterat, quod primùm ipsam gloriæ adeptionem spectâvit, eædem retentæ sunt, sic tamen ut aliæ his adderentur, quæ catholicum de sanctorum invocatione dogma disertis verbis exprimerent. Certè orationem illam S. Silvestri hæc sequitur in eodem Leoniano Sacramentario : « Hanc igitur oblationem, quæsumus, Domine, placatus intende, quam in S. Silvestri confessoris et episcopi tui commemoratione suppliciter immolamus; ut et nobis proficiat hujus pietatis affectus, et illum beatitudo sempiterna glorificet. » In Gregoriano verò tertia hæc oratio legitur : « Deus, qui animæ famuli tui Leonis æternæ beatitudinis præmia contulisti, concede propitius et qui peccatorum nostrorum pondere precepsimur, ejus apud te precibus sublevemur. » Vide Trombelli dissertationem 2, cap. 22.

X. CANON XIII : *Perpendendum est etiam, quo loco hoc illudve in liturgicis libris legatur; hinc enim plana facilisque expediendarum difficultatum via patere poterit.* Si Lutherianus ille theologista, qui Antimuratorium edens grande aliquid moliri sibi visus est, Joannes Augustus Ernestus canonem hunc ob oculos habuisset, non se nobis ridendum objecisset, dùm p. 59,

conjunctionem corporis et sanguinis Christi, quæ in Mozarabicâ Liturgiâ memoratur esse *αὐτῶν* ait, quæ sit edendo atque bibendo, PERCEPTIONEM; Idque etiam à concilio Toletano quarto, quod sæculo VII fuit, can. 18, patere: POST ORATIONEM DOMINICAM ET CONIUNCTIONEM PANIS ET CALICIS BENEDICTIO SEQUATUR. Quid enim ineptius, quàm conjunctionem Mozarabum perceptionem interpretari, quùm Mozarabes verba illa dicere jubeantur, non dùm sacerdos Eucharistiam accipit, sed dùm fragmentum oblationis, seu panis in calicem mittit, quod nos *commixtionem et consecrationem corporis et sanguinis Domini nostri Jesu Christi* appellamus, *immixtionem panis in vinum* Amalarius, *immixtionem panis in calicem* Micrologus, Græci *αὐτῶν* unctionem vocant? Utinam Ernestus ipsum Missale Mozarabicum consulisset? Vidisset profectò aliud conjunctionem illam non esse, quàm *mittere particulam jam confractam ante orationem Dominicam in calicem*. Sed de hoc satis. Ad hunc Canonem spectat P. Ursil animadversio in dissert. de Chrismate Confirm. p. 265, adversùs eos qui in oratione *ad consignandos infantes*, Confirmationis formam constituunt. « Est etiam, inquit, illud in laudatis « Ordinibus ac Ritualibus animadvertendum, « quòd Confirmatio cum Chrismate ab episcopo peragenda communioni corporis et sanguinis Christi præmittitur; sed oratio ad « consignandos neophytos: *Omnipotens sempiternus Deus, qui regenerare dignatus es, etc.*, « et communioni à presbytero administratæ subijcitur. Unde manifestò colligitur, eam seorsim à chrismatione et separatim sumptam et habitam non esse pro sacramento Confirmationis; antiquo enim Ecclesiæ ritu... Confirmatio communioni corporis et sanguinis Christi præibat. Prædicta igitur oratio, ubi « solitaria legitur, ad Confirmationis sacramentum minime pertinebat; alioquin communioni præposita fuisset; sed absente episcopo à presbytero fundebatur (quod Martenius coniecerat), ut invocatione super « neophytum septiformis gratiæ Spiritûs sancti Confirmationis defectum qualitercumque « suppleret. » Alii quidem Josephus Aloisius Assemanus in diss. de Confirm. p. 41, hæc nihil theologorum illorum, qui formam sacramenti in illâ oratione collocant, doctrinam « nervare, quùm hi non quamcumque orationem, sed à legitimo ministro, et ad finem ab Ecclesiâ intentum recitatam formam sacramenti contendunt. Verùm vir doctus animad-

vertere debuit, quorsum ista ab Ursio post Martenium allata sint. Non enim eò spectarunt hi, ut istâ observatione orationem illam formam Confirmationis non esse suaderent (quod profectò hisce non evincitur), sed ut theologis responderent, qui quod in plerisque ritualibus libris soda et nuda legitur oratio ad consignandos infantes, in eâ sitam esse Confirmationis formam docuerant; atque hæc certa istorum ratio illâ animadversione planè infringitur.

XI. CANON XIV: *litus, qui verba aliqua comitatur, subsequitarse, ad illa opportunè interpretanda pharimum confert*. Quo in genere, inquit Mabillonius de Lit. Gallic. lib. 1, cap. 4, præclarum est in Missâ Mozarabicâ institutum, ut recitato Canone sacerdos hostiam consecratam super calicem tenens Symbolum Constantinopolitanum præcinat ex decreto concilii tertii Toletani, subsequente cleri et populi concentu. Illic enim confessione omnes et singuli contestari videntur, se eâ fide verum Christi corpus et sanguinem in Eucharistiâ credere, quâ fide omnipotentem Deum unum atque trinum, ac Filium incarnatum credunt. Simili argumento usus est contra Græcos doctissimus cardinalis Bessarion, ut consecrationem per evangelica verba peragi, non autem per subsequentem Spiritûs sancti invocationem efficeret. Nimirum sacerdotibus non submissâ, uti apud nos, sed clarâ voce verba evangelica pronuntiantibus solet apud Græcos populus respondere: *Amen*; « quasi dicat, inquit Bessarion: Verè ita est, ut dicis... *Amen* igitur « ad ea verba respondens populus: Certè, inquit, corpus et sanguis Christi sunt munera « ista proposita; ita credimus; ita confitemur. » Ea ergo Græcorum persuasio est, elementorum transmutationem verbis evangelicis peragi.

XII. CANON XV: *Interpretatio quam absurdam consequitur, absurda et ipsa est*. Hujusmodi interpretatio est, quam Dallæus Euchologio Græcorum affligit; quòd enim officium Baptismi et unctionis eodem titulo: *Ordo Baptismatis* prænotetur, unctionem illam esse ceremoniam, non sacramentum diversum, colligit; at eor eodem quis jure non inferat, ne ipsam quidem Eucharistiam diversam esse à Baptismo sacramentum, quàm olim simul cum Baptismo et Confirmatione solet administrari? Ne ergo in absurdissimam hanc consecutionem delabamur, dicere præstat, officium ritumque administrandæ Confirmationis sub officio Baptismi contineri, quia statim à Baptismo conferri solebat.

CAPUT IX.

Satisfit argumentis tertio capite propositis.

I. Unum jam restat, ut quæ tertio capite contra liturgicorum librorum in rebus theologicis auctoritatem proposuimus, argumenta accuratè diluamus. Quod ut præstem, à primo exordium sumens, aio Le-Brunii Piniique, nullam ante quintum seculum Liturgiam fuisse scripto consignatam docentium, sententiam multis refelli posse, ac, meâ quidem opinione, gravissimis monumentis. Non hic ego illa afferam, quàm satis sit doctissimos viros commemorare, qui in hoc argumenti genere summâ cum laude versati sunt, Meratium, inquam, in Gavantium tom. 1; Salam in Notis ad Bonæ cardinalis Res liturgicas tom. 1, p. 123, seqq.; Muratorum Diss. de Liturg. Rom. c. 1; Assemanum, lib. 4, p. 1, Codic. Liturg. p. 137, seqq. Unum ipse argumentum pro-mam, quod difficillimum visum mihi semper est in Brunii Piniique sententiâ: quis enim persuadere sibi possit, non exiguam certè orationum, consecrationum, benedictionum, antiphonarum farraginem, quæ tamen sequenti-bus seculis multùm accrevit, memoriâ ab omnibus episcopis presbyterisque fuisse mandata, et veluti ex tempore quatuor seculis recitata? Narrat Gregorius Turonensis Hist. Franc. lib. 2, cap. 22, Sidonium Arverno-rum episcopum (quâdam die ad festivitatem basilicæ monasterii S. Cyrici invitatum ac-cessisse, ablatoque sibi nequiter libello, per quem sacrosancta solemnia agere consuave-rat, ita paratum à tempore cunctum festivi-tatis opus explicuisse, ut ab omnibus mirare-tur, nec putaretur ab adstantibus hominem locutum fuisse, sed angelum.) Arvernus ergo miraculum quoddam visum fuit, Sidonium unius *festivitatis opus* memoriter semper com-plèsse, nec Brunius Piniiusque dubitant, isthæc miracula quatuor seculorum spatio amplificare, illaque ad omnes omnium toto latè orbe Ecclesiarum ministros extendere? Et illud hic quoque notandum, quàm Sidonius anno 471 episcopus sit renuntiatus, annoque 488, aut insequente viâ cesserit, quo tempore illa ac-ciderunt, pervulgatum traditione esse debuisse, uno solùm ante seculo ministros omnes *festi-vitatum opera* memoriter compleant, uti tunc Sidonius; quid ergo tantâ Sidonium admira-tione prosequerentur Arverni? Quanquàm demus, veram esse Le-Brunii ac Pinii senten-tiam, concedamusque quinto primùm seculo Liturgias scribi cœpisse. Illæ utique scripto

commendatæ tum fuerint, quæ antea memo-riter recitabantur. Quamobrem eâdem præsta-bunt auctoritate, quâ si à primis Ecclesiæ incunabilis fuissent perscriptæ, pollerent.

II. Difficillius fortassè videbitur secundum, quod ex suppositis Apostolorum nomini Litur-giis sumebatur, expedire argumentum. Illud tamen cum Natali Alexandro, Tillemontio, aliisque Romanæ nostræ communionis doctis-simis criticis libens concessero, quæ Aposto-lorum nomine circulerunt Liturgiæ, eas multò recentiores esse, suisque auctoribus suppositas. At nullâ id fraude factum contendo; Jacobum enim, cæterosque Apostolos Litur-giam quampiam, seu ordinem precum in sa-cramentorum administratione atque Eucha-ristiæ præsertim immolatione servandum con-stituisse, prudens nemo inficiabitur. Quare, cum processu temporis aliqua in illis immutari, demi nonnulla, addi aliâ contigerit, Apostoli, à quo primùm Liturgia edita fuerit, nomen retentum est tum in tantum auctorem reve-rentiâ, tum eorum quæ ab illo profecta fue-rant, atque etiâ tum usurpabantur, ratione. Gregorianum dicimus Romanum Missale, licet multis auctum ab insecutis pontificibus; neque tamen dolo id malo à nobis conflagitur, aut falsum est, pleraque à Magno Gregorio pro-fecta esse, quæ in eo Missali continentur. Certè, si Apostolis Liturgiæ de quibus agimus fraude tributæ fuissent, cautior esse mendax impos-tor debuit, neque (ut cætera mittam) sancto-rum, qui diù post Apostolos vixère, dignita-tumque in Ecclesiâ post apostolicum ævum institutarum mentionem facere. Ad Gelasia-num Sacramentarium quod spectat, Basnagii ratiunculas egregiè dissolverunt Muratorius atque Vezzosus Præf. in 6 Thomas. Oper. vo-lumen, ut dubio locus non sit quin quod Ge-lasii nomine inscriptum Thomasius edidit Sa-cramentarium, illud reverè auctorem Gelasium habeat. De Leoniano difficillius est dicere quid sentiat. Illud tamen extra controversiam est, quod Muratorius et Ballerini tom. 2 Leonian. Operum demonstrârunt, Romanum esse vetu-stissimum Sacramentarium, multaque Leonis Magni in eo exstare. De Codice archetypo notum ego cum Perezio, viro docto atque amicissimo, contentiois funem trahere, fuerit ille post Leonis ætatem perscriptus. Etiam Gelasiani Sacramentarii exemplum, unde Thomasius illud vulgavit, non solùm post Gelasium, sed etiam post Gregorii Magni pontificatum fuisse novimus exaratum, quin

tamen à Gelasio opus illud possit adjudicare. Itaque Sacramentarium Gelasiano vetustius longè post magni Leonis ætatem ad harum rerum studiosos aut eruditionis aut pietatis causâ describî potuit. Quòd si præfractè velis hæc omnia ex impostorum officinâ primùm prodisse, vide quàm liberaliter agam: assentiar, modò illud concedas, quod negari à quoquam non potest, ab Ecclesiis quibus deinde suppositi hi libri usui fuere, ritus in illis præceptos, traditamque doctrinam fuisse probatam. Nam, ut Josephus Aloysius Assemanus rectissime scripsit tom. 3 Cod. Lit. p. 28, « auctoritas Liturgiarum non ex titulis, sed ex usu Ecclesiarum repetenda est; sunt enim non unius quæcumvis magni doctoris voces et verba, sed Ecclesiarum, quæ unanimi consensu eam sacrorum formam processque præbent. »

III. Codicum, quæ tertio loco objiciebatur, perturbatio atque imperfectio, nihil liturgiarum librorum detrahit auctoritati: nam ad perturbationem quod attinet, ea potius vetustissimorum seculorum imaginem ostendit, quibus liturgicæ res nondùm eo conciano ordine dispositæ erant, quem seculis labentibus obtinuerunt. Ita ejusmodi perturbatio, ut de Leoniano Sacramentario agentes Bullerini Præfat. p. 10, acutè animadverterunt, quæ hisce liturgicis collectionibus nonnihilam videtur detrahere, ipsarum antiquitatem demonstrans, in non exigua earundem commendationem reddit. De imperfectione librorum nunc dicam. Ea quidem liturgicis nostris cum cæteris omnino libris sive temporum injuriis, sive amanuensium negligentiam ignorantiamque passis, communis est, ut si quid propterea liturgicis codicibus decedit auctoritatis, decedere etiam debeat MSS. sanctorum Patrum, atque adeò Bibliorum exemplis. Verùm, si quid video, salva utrorumque auctoritas est. Non enim ex his quæ in aliquo codice desunt, vel librorum oscitantia certissime vitata sunt, sed ex his quæ in eo leguntur, argumenta proximis; codicum imperfectione ad vim negantis argumenti infringendam abuti solùm quis potest. Sed de hoc superius egimus.

IV. Ad codicum liturgicorum interpolationes, quæ quartum erant argumentum, sermonem converte. Si adversarij velint, vetustiores liturgicis codices pauciores quàm in recentioribus extant, sanctorum solemnitates Missasque continere, ritusque aliquos, precesque antiquioribus super additas, nihil dicant quod

et verum non sit, neque nobis officiat. Nam id contingere necessum erat, sanctorum numero in dies aucto, ac religione honestiorem quamdam faciem populorum principumque beneficis indutâ. At ubi ostendent, in liturgicis libros nova illata fuisse dogmata à veteribus aut non tradita, aut etiam reprehensa, sacramentorumque substantiam in illis mutatam? quod tamen unum Liturgiarum auctoritatem labefactaret. Imò verò, quàm in omnibus liturgicis libris etiam qui vetustatem majorem præse ferunt, iidem ritus, quod ad substantiam attinet, eademque dogmata reperiantur, neque repente omnes Ecclesias in eas res conspirasse veri esse simile videatur, incredibile omnino est interpolationibus hujusmodi fuisse illos vitatos. Adde vigilantiam illam, quæ Ecclesie præsules curasse, ne quid falsi, superstitiosi, atque à majorum fide alieni in Liturgias irperet, capite 4 confirmavimus; hæc enim magno argumento est, quæ in liturgicis libris longo seculorum intervallo notantur accessiones, eas disciplinæ esse posse, non fidei morumque doctrinam.

V. At hæretici nefarias manus liturgicis libris intulerunt. Non negaverim, imò præter ea quæ in argumento adversarij attulere, scio Leonem Allatum plures in Triodio, Pentecostario, aliisque Græcorum libris errores castigasse. Verùm hæreticorum perfidia suspicionem falsi aspergit non codicibus his quos Ecclesia catholica semper habuit, sed illis solis qui fuerunt in hæreticorum potestate, quemadmodum in simili omnino argumento Germonius aiebat de vet. hæret. Eccles. Cod. corrupt. l. 1, p. 2, pag. 157. Nonne hæretici sanctorum Patrum libros, ipsaque utriusque instrumenti divina volumina turpissimè corruperunt? Consule citatum eruditissimi Germonii opus. Ergone propterea sanctorum Patrum commentationibus, sacrarumque Scripturarum codici nulla erit auctoritas? neque ex illis licebit theologo sententias suas, ac fidei dogmata confirmare? Quid quòd certum esse debet, liturgicos codices ab hæreticis corruptos, à catholicis episcopis vel abolitos, vel emendatos fuisse? Priscillianistæ in Dominicæ passionis contemptum, feriâ 5 in Cenâ Domini non modò solvebant jejunium Quadragesimæ, sed Missas defunctorum celebrabant. Hoc concilium Bracarense, can. 16, repressit, statuens: *Si quis feriâ paschali, quæ est Cæna Domini, hæc legitimâ, post nonam jejunus in Ecclesiâ Missæ non tenet; sed secundum se-*

etiam Priscilliani festivitatem diei ab horâ tertiâ, per Missas defunctorum *solo* jejuniâ colit, *anathema sit*. Nec putabimus, catholicos præsules, quibus ad eò cordi fuit ne hæreticorum disciplina in nostras Ecclesias abusus invehret, magis curâsse ne corrupti ab illis codices fidem morumque doctrinam labefactarent? De codicibus certè ab Elipando et Felice vitatis, quos tamen paucissimos fuisse cum viris doctissimis conjiciendi locus est, indubium esse video P. Le-Brunio, et P. Joanni Pinio de Lit. ant. Hispan. num. 197, illos postmodum vel abolitos (quod Lesæo p. 36 ob eorundem paucitatem præplacet) vel correctos, ac primæve integritati restitutos fuisse simul atque sæpè dicta hæresis (Adoptivorum) ita desit, ut vel nullos amplius habuerit sectatores, vel fortè paucissimos, eosque occultos. Hæreticorum autem, quorum etiamnum sectæ perdurant, libros non moror, quanquam in his sæpè videas catholicorum dogmatum, quæ implè deseruerunt, vestigia, et ubi nobiscum consentiant, invictum traditionis argumentum adversus alios hæreticos alia docentes suppeditant. Quod verò extremo loco dicebatur de Missis pro damnatorum aut salute, aut levamine, quæ in quibusdam Occidentalium Ecclesiarum Missilibus exstant, ex iis facillè diluitur, quæ cap. 5 de delectu liturgicorum codicum definiimus;

non enim singularum Ecclesiarum liturgicæ volumina erroris expertia esse defendimus; hoc de Ecclesiæ universæ, hoc de plerarumque præsertim Occidentalium Ecclesiarum liturgicis libris propugnabimus. Quantum verò Ecclesia Romana, quantum pleræque Ecclesiæ aliæ ab eâ sententiâ abhorruerint, et Petavius docuit, et nos ipsi in notationibus ad eundem qui in argumento indicatur, Petavii locum fusiore calamo persecuti sumus.

VI. Demùm, ut de mirâ illâ Liturgiarum varietate ac discordiâ, quæ ab adversariis factatur, aliquid disseram, ea ad eò non officit Liturgiarum auctoritati, ut potius confirmet. Quùm enim in Liturgiis precum rituumque discrepantiâ admodum dissidentibus eadem doceri dogmata, eadem sacramenta, easdem, quod ad sensum attinet atque substantiam, sacramentorum formas animadvertimus, insolentissimæ esset insanix erroris isthæc redarguere. Nam, ut Augustinus aiebat l. 4 de Bapt. cap. 24, « quod universa tenet Ecclesia, nec conciliis institutum, sed semper retentum, non nisi auctoritate apostolicâ traditum rectissimè creditur. » Sed de Liturgiarum varietate disputantes ad Salam in Bonæ Res liturgicæ tom. 1, p. 165, seqq., et Josephum Aloysium Assemanum tom. 4 Cod. liturg. p. 1, pag. 127, seqq.

DE VETERUM CHRISTIANARUM INSCRIPTIONUM IN REBUS THEOLOGICIS USU **Dissertatio.**

CAPUT PRIMUM.

argumenta continet, quæ nullius in rebus theologis usûs veteres christianas inscriptiones esse, possent efficere.

Veterum christianarum inscriptionum (eas intelligo quæ non ultra septimum nostræ æræ seculum progrediuntur, ne hæreticis cavilandi detur occasio) auctoritatem multis video posse impugnari. Ac primùm quis ad fidei dogmata asserenda monumentis uti prudenter possit, quæ idololatrarum sapiunt superstitionem, ac polytheismum aperte indicant? Plures

certè Christianorum tituli vulgatam illam exhibent ethnicorum formulam, *Dis Manibus*. Hujusmodi ii sunt apud Muratorium:

D. M.

CAVDENTIO FILIO

MATER. FECIT. D. P.

PRI. KAL. DEC. IN FACE

(T. 4, p. 4878.)

D. M.

LEONTIÆ

CONIVCI

AVKANON MA

RITVS FECIT DI

POSITA XII. KA

AVG.

(Ibid. p. 1901.)

Ac ne in re testatissimâ, cujus exempla multa congegit Boldettius (lib. 2, cap. 9) longior sim, en in brevissimâ, eâque latinâ inscriptione, sigla, Θ K. Refert illam Cl. Lupius (p. 105 Epitaph. S. Severæ):

Θ K

CELESTINA.

Sunt quidem qui cum Fabrettio (Inscript. cap. 8, inse. 39) Boldettio, Marangonio, Marmachio (T. 3 Orig. et Antiq. christian. p. 19) singularem illas D. M. religiosâ interpretatione, *Deo Magno*, aut *Maximo* donare student; Græcas autem Θες Κριστς, aut Καλλιστς, explicandas piè censeant. Verùm qui ingenuè rem agunt, Mahillonius (Itin. Ital. pag. 71, ed. anno 1724), et Muratorius (loc. cit.) ethnicam formulam, *Dis Manibus*, ac Θες; κταρχθονίς, Dis subterraneis ibi agnoscunt. Neque verò revocari in dubium id potest. Exstat in Museo Kirkeriano inscriptio, in quâ, inquit Lupius (p. 104), et simul cum solemnè apud Christianos « formulâ, in pace, eodem planè characterum « ductu insculpta est, non per obscura sigla, « sed integris planè verbis, ad omnem dubitationem tollendam, et uncialibus notis sacriliga illa et impia dedicatio: *Dis Manibus*:

DIS MANIBVS PEINCI

PO FILIO DVLCISSIMO SVO PO

SVIT QVI VIXIT ANNIS VI DIEB

XXVII IN PACE. J

Quid quòd Aureliæ Vitaliæ Mediolanensis inscriptio à Grutero (p. 4050, num. 9) et Muratorio (p. 1835, 11) allata M. M. dedicata fuit, nempe, doctus ut Alciatus interpretatur, *Manis Manibus*? Neque hæc tantùm ethnica formula lapides christianos vitavit. Legas in iisdem, *debita sacrificia Manibus officia*; legas, *sacritique tui Manes nobis potentibus adsint*; legas, *Lachesis, aquas Tanariæ, et domus æternæ pro sepulturâ*, ut ex ipso Fabrettio notat idem Lupius (p. 108). Præterea in Muratoriano lapide (p. 1858), Dionysia *deposita* dicitur *des soles*, seu die solis; miratur autem Cl. editor, quòd *Christi Fidei* diem Domini cum potius non appellaverit. Tandem in Aurelii Gemelli inscriptionem, quam ex Boldettio in suum *nomen Thesaurum* intulit idem Muratorius (p. 1857) *somnus æternalis* ex ethnicorum consuetudine irrepsit: « Somno æternali « Aurelius Gemellus, qui vixit, » etc.

Hæretici quoque tumulabantur, suosque

habebant sepulcrales titulos. Quibus porrò indicis hosce à Catholicorum inscriptionibus secernas? Id sanè opus esset, ne quis hæreticorum dogmata potius quàm Catholicorum lapidibus insculpta fuisse posset obijcere. Atqui nulla hujusmodi indicia suppetunt. Quia etiam incertum admodum est, Judæorumne an Christianorum tituli sint non pauci. Zoëmi ejusdam Græca epigraphe à Reinesio (ep. 41 p. 359, et cl. 20, 444), inter christianas refertur; contra Judæi hominis esse contendit Fabrettius (Inscript. c. 5, p. 389). Lupius quoque (p. 177) incertus hæret, num Judæis an Christianis titulis Faustinae epigraphen adscribat?

Quid si inter christianas inscriptiones sint quæ in falsitatis suspicionem veniant? Atqui sunt. Alexandri et Marii adolescentis inscriptiones, quæ in eruditorum virorum libris sæpius excusæ sunt, non Reinesius tantùm (Syntagm. Antiq. Inscript. p. 955 et 977), Guillelmus Fleetwoodius (Inscript. Antiq. Sylloge p. 344 et 444), et Gisbertus Cuperus (in not. ad libr. de mortibus persecutorum cap. 4) ex hæreticorum numero *vetitæ* accusarunt, sed etiam Florentini Diarii doctorum hominum scriptores catholici (T. 2, p. 2, pag. 151 et seq.); imò qui illas aggressus est vindicare, clarissimus P. de Prato (Præfat. ad T. 2 Sulpitii Severi pag. 44) fatetur, quàm quæ de his egiis Marii et Alexandri sententia esset τὸ πῶς Scipionis Maffei, et erudit viri Joannis Francisci Seguerii, ab iisdem rescire voluisset, intellexisse se, utriusque ea videri admodum suspecta et sublestæ fidei.

Fac tamen nihil in lapidibus christianis fraudis latere. Quid, obsecro, ex illis monumentis extundas, quæ imperitos marmorarios, et multò imperitiores produunt auctores? Nihil christianis hisce titulis aut barbarum magis, aut magis ridiculum. Multa de corruptâ eorum orthographiâ, styloque longè corruptiore disputavit doctissimus Lupius; multa superessent etiamnum adnotanda. Supra vidimus in Principii epigraphe hominis ridendam sanè simplicitatem, qui posuisse sepulcrum dicens, nomen tamen suum reticuit. Sed, ut monuit clatus Lupius (p. 105), « nihil est rudi atque « ineptâ hæc taciturnitate frequentius in epigraphis « uphili seculi tertii quartique. »

Gravissimum et illud est in christianorum lapidum auctoritatem argumentum, quod ex librorum vitio ducitur. Nam quàm plures

ejusmodi lapides perierint, corrupta tantum exempla supersunt. Neque id vitii oscitantiae tantum est, sed fidei atque sinceritatis. Aringhius (Romæ subter. lib. 3, c. 3, pag. 251) hanc reddit epigraphen:

LOCVS BASILI. PRESE.
ET. FELICITATI EIVS
SIBI FECERVNT.

Audi nunc quid in illam adnotarit Fleetwoodius, pag. 563: « Felicitas ista uxor erat Basilii, ut innunt verba lapidis; sed edificatae Romæ subterraneae omisere tæ cor vel vx, ne presbytero uxorem concederent, quod tamen eo seculo inter consueta et licita. » Hoc Reinesio subolebat (Cl. 20, 35), viro quidem nasutissimo, qui legit pro SIBI, XVI. Ecce argumenta quibus inscriptionum infringi ac labefactari auctoritas posset.

CAPUT II.

Christianarum inscriptionum auctoritatem defendit, certisque regulis definit.

Sit tamen, quod ad præsentem quæstionem attinet, hæc propositio: Magna est in theologicis rebus christianarum inscriptionum auctoritas. Quam quidem conclusionem vel una hæc ratio satis demonstrat, quod scilicet antiqui Christianorum lapides testes sint luculentissimi traditionis, atque illis quidem temporibus, quibus paucissimos habemus Latinos Patres: nam secundo seculo unus est Tertullianus, quem citare possumus; tertio præter Cyprianum unus aut alter floruit eujus scripta ætatem tulerint; paucos etiam edidit medium seculum IV, quodque etiam gravius est, quum ferè omnes qui ad quintum seculum scripsere veteres Patres, exteri fuerint, christianæ inscriptiones Italicarum Ecclesiarum, ac Romanæ cum primis traditionem exponunt. Porrò qui miseram priorum Ecclesiæ seculorum faciem sibi ob oculos posuerit, et in cœmeteriis christianos conventus ob persecutionum immanitatem habitos, sacraque omnia à pontificibus peracta, reverentiam quoque in martyrum, qui in illis tumulabantur, memorias attentè perpenderit; næ ille intelliget, quantâ Christiani curâ ac providentiâ caverint, ne quidquam publicis sepulcrorum tabulis inscriberetur, quod à fidei puritate abhorreret. Quare de veteribus Christianorum lapidibus illud pronuntiare non injuriâ possumus, quod de priscis Romanorum monumentis aiebat Tullius (in Verrem lib. 3, Orat. 8, num. 90):

« Exempla ex veterè memoriâ, et monumentis ac litteris, plena dignitatis, plena antiquitatis; hæc plurimum solent et auctoritatis habere ad probandum, et jucunditatis ad audiendum. »

Sed ne lapidum auctoritate abutamur, certis illa definienda est regulis. Itaque primus hic canon esto: *Lapidum, quorum testimonium adhibetur, ætas constare debet.* Nam si sequiore ævo positos illos suspicari quis meritò possit, nullum erit quod ex illis sumitur argumentum. Itaque eorum cum primis lapidum rationem habebimus, quibus vel æra Hispanica, vel consulum nomina adscripta sunt; nihil enim certius ad eorum dignoscendam ætatem. Quamquam cavendum maximè est, ne magnâ temporum perturbatione, ubi consules plures eodem nomine prænotatos Fasti exhibent, ad consulatum antiquiorem referantur elogia quæ multò recentioribus consulibus fuere perscripta. Exemplo rem confirmemus. Deusdet epitaphium hæc notâ signatum exhibet Boldettius (lib. 1, c. 1): ITERVM POS CON. PAVLINI. Quum autem Paulinos quatuor in Fastis habeamus consules, C. Suetonium Paulinum anno christianæ æræ 66, Anicium Paulinum an. 325, Anicium Faustum Paulinum an. 334, ac Decium Paulinum Juniorem an. 534 (addi quintus debuit consul anno 498); incertus hæret quinquam in eo lapide designetur; unum tamen ex tribus antiquioribus intelligi mallet, quod Junioris titulus, quemadmodum in Fastis, Paulino non fuerit adscriptus. Errat tamen vir doctus. « Nemo alius (inquit Muratorius Ant. Italic. tom. V, diss. 58, col. 47) in eâ inscriptione memoratur, nisi Paulinus, qui anno Christi 534, consul in Occidente processit; et quoniam consules Occidentales tum desière, propterea per aliquot subinde annos in fastis adnotatum fuit. » Post consulatum Paulini, qui Junior appellatus est, respectu Paulini Decii consulis anno 498, quod v.r. longè eruditissimus duobus Ticinensibus lapidibus confirmat, quorum tamen alterum integrum et emendatiorem habes in meis Excursibus litterariis (t. 1, p. 207). Frustra autem Boldettius Junioris appellationem hic omissam objicit. Nam etsi in his ipsis Ticinensibus Inscriptionibus Paulinus Junior disertè dicitur, non desunt tamen tituli alii qui id nominis reticeant. Confer novum Muratorii Thesaurum (pag. 423 seq.). At quid si nulla consulari notâ distinctus sit lapis? Ut alia omittam,

ætatis indicia, quæ vel ex characterum formâ, vel ex phrasibus aliisque id genus sumi non difficilè possunt, duo præsertim animadvertas, quorum alterum ad eos pertinet, quibus posite inscriptiones sunt, alterum ad loca, unde lapides prodire. Nam si martyrum tituli sunt, paucissimos Romæ præsertim, post Juliani tempora, aut certè post quintum Christianæ æræ seculum invenias; quamobrem tatò hujusmodi lapidibus uti poteris, quàm certè intrâ eam ætatem consistant, quæ hæreticis ipsis non diffidentibus primæva fidei puritas stetit. Martyrum autem titulos dôm appello, ne catholicæ Ecclesiæ adversariis cavillandi præbeat occasio, eos tantùm cum Muratorio intelligo, qui cum vase sanguinis inventi sunt. Nam si palmâ, aliisque similibus signis contentus quis esset, ea fortassè nobis hæretici objicerent, quæ Boldettio atque adeò sacræ ipsius Romæ Congregationis decreto magnâ contentione opposuit idem Muratorius in citatâ dissertatione LVIII, neque à fidei questionibus, quarum causâ hæc in præsentiarum disputamus, prudens esset consilium ad istam difficultatibus plenam, et parùm necessariam disquisitionem studium animusque deflectere. Porrò vas sanguinis luculentum esse martyrii indicium, quæ Fabrettius, Boldettius, Lupius (p. 52) concessere, planè demonstrant, ac præterea affirmantem habemus, et chemicis experimentis comprobantem virum doctissimum, nec Romæ certè communionis studio abreptum Godefridum Leibnitium; ut vel heterodoxis, dummodò vel maximè imperiti, vel præfractè temerarii non sint, persuasum eâ de re esse debeat. Ad loca verò quod attinet, unde sepulcrales tituli effossi sunt, quæ è cœmeteriis præsertim Romanis in lucem emergunt, vix seculo sexto sunt recentiores. Scitè monuit Cl. Onuphrius Panvinus in libro de Ritu sepeliendi, cap. 7, quàm antiquitâs tantùm extra urbem in cœmeteriis hominum corpora sepelirentur, pace Ecclesiæ datâ, intrâ urbes ad templorum limina, postea in ipsis templis sepeliendi morem invaluisse. Non negaverim tamen etiam post datam Ecclesiæ pacem in cœmeteriis Christianos fuisse tumulatos; nam id produunt inscriptiones complures consulum nominibus distinctæ, quas indicat Muratorius, cit. diss. 58, col. 52. Verùm paucæ ad quintum seculum spectant, paucissimæ ad sextum; post illud verò tempus mos ille planè obsolevit. Certè S. Paulus I, qui anno 1257 pontifex fuit re-

nuntiatus, cernens plurima eorundem sanctorum cœmeteriorum loca neglectâ ac desidâ antiquitatis maximâ demolitione, atque jam vicina ruinæ posita (quod sanè vigente sepeliendorum in iis locis Christianorum consuetudine haud contigisset); protinûs, et in libro Pontificali legimus, eadem sanctorum corpora de ipsis dirutis abstulit cœmeteriis.

Secundus canon: *Astèquàm inscriptiones antiquæ ad theologicas tractationem deducantur, legendæ quàm accuratissimè sunt.* Cave ludicrum habeas hunc canonem. Ejusmodi tituli barbarè adeò ac ruditer inscripti plerumque sunt, ut nisi summa in illis legendis diligentia adhibeatur, facillimum sit, quæ sejungenda sunt verba, colligare; quæ colliganda, sejungere. Quam in rem ea juvabit recolere, quæ de horum lapidum interpunctione eruditissimè collegit Lupius, p. 67 et seqq. Interdùm etiam Quadratarii inscitia, aut certè oscitantia præposteram versuum dispositionem in epigraphas intulit. Exempla habes apud clariss. Corsinium, Diss. 2, ex iis quas notis Græcorum adtexuit.

Tertius canon: *Cavendum maxime est, ut recto ac gemino sensu inscriptiones intelligas.* In hunc canonem peccasse virum summum Maffeiun monui olim marmora Salonitana explanans, p. 59. Nempe Licinium Theodoto diaconi iuxtam quàm reperisset Maffeius (Mus. Veron. pag. 179), Theodoti patrem Diaconum fuisse appellatum suspicatus est; neque animadvertit diacon, diaconis, unde diaconi in dandi casu, vulgatissimum nomen esse apud veteres ecclesiasticos libros. Confer ibi dicta p. 40.

Quartus canon: *Cavendum, ne phrasæ quædam perperam accipiantur.* Innumera inscriptiones sunt, in quibus fideles dormire dicuntur. Confer, ne longior sim, Fabrettium, pag. 555, seqq. et 758. Non tam impius quàm ridiculus sit, qui animas justorum post hanc vitam dormire, id est, extingui, cum Anabaptistis quibusdam à Becano confutatis (Theologia dogmaticæ lib. 4, cap. 6) inde colligeret.

Quintus canon: *Ut firmam ex inscriptionibus ducas argumentum, usam cum aliâ conferre jurabit.* Exemplis canonem confirmo. Inscriptiones invenias non paucas, præsertim Hispanicas, in quibus *Famula Dei* occurrunt. Cave ne statim hinc inferas Julianam, cæterasque hoc nomine denotatas feminas sanctionales fuisse. Contende potiùs inscriptiones hæc cum aliis. Invenies apud Gruterum p. 1060. 1. *Marcellianum maritum* epigrapha in-

scribentem : *Severilla famulæ Christi, quæ cum viro suo vixit novem continuis annis; invenies apud Muratorium p. 1880, 5: Graniolam famulam Dei, quæ vixit cum marito annos 20.* Itaque nullam esse quam parabas, argumentationem colliges. Aliud profero exemplum. Exstat apud Boldettium, p. 87, hujusmodi inscriptio:

EX VIRGINIO TVO BEN
E MECO VIXISTI LIB. ENIC
ONIVCA INNOCENTISS.
MA CERVONIA SILVANA
REFRIGERA CVM SPIRITA
SANCTA DEP. CAL APR TIBERI
ANO II ET DIONI COSS.

Nempe anno Christi 291. Tres extremos versus alibi expendam. In primis parumper insistamus. Cl. Muratorius, p. 549, 4, sic illam legit: « Ex virginio tuo (id est, marito virgine) benè merenti, cum quo vixisti libenter conjuca (pro conjux). » Atqui non animadvertit vir doctus, Cervoniæ tumulum fuisse positum, non marito, qui propterea hic perperam benè merens dicretur; unde autem eruerit illa, cum quo, planè non video. Contra doctissimus P. de Prato (Præf. in t. 2 Sulpicii Severi, p. 43) ita legendum interpretandumque hunc titulum contendit: « Ex virginitate tuâ benè meco (pro mecum, formulâ satis solemnî in lapidibus) Libeni, seu potius Libentii (mariti nomen) conjux innocentissima, etc. Verùm, nisi admodum fallor, operam luderet, qui hinc contra virginitatis osores quidquam extundere se posse confideret. In pace cum virginitate tuâ, lego apud Lupium, p. 176; Virgini autem nomen quòum sæpè marmoribus insculptum occurrit (vide Fabrettium, pag. 522 et seq.), nusquam ad virginitatem denotandam usurpatum reperire est. Sed age; unam ex nuper appellato Fabrettio (p. 323,) afferamus in hanc rem inscriptionem:

DEPOSIO. TENVARIÆ. KAL. IENVAR....
CVM. VIRVM. SVVM. AN. XXVII....
INSCRIPSI. TIBI. VIRGINIVS. TVV....
REBELASTI. QVOD. ADMINVM. I....

En meâ sententiâ clavim, quæ Cervonianæ inscriptionis sensum aperiat. *Ex-virginus tuus* (nempe qui fuit *virginus tuus, seu maritus tuus, quemadmodum ex-consul dicitur, qui consulum gesserat, inscripsit tibi) benè meco vixisti libenter, seu etiam libenter anno 4; ita ut quadratarius libenter animo versans pro AN scripserit EV. Nihil planius. Interea de Cervoniæ virginitate, deque quod inde sumeretur*

pro virginitatis laudibus, argumento actum. Finge jam, ut tertium addam exemplum, comprobendam tibi esse Christi divinitatem ex satis celebri lapidum formulâ: *Vivas in X, seu Christo.* Contende illam cum aliis lapidibus, in quibus occurrit: *Spes in Deo, vivas in Deo;* tum rectè ad institutum redibit argumentatio. Hæ scilicet formulæ satis indicant, nonnisi de Deo illas usurpasse Christianos.

Sextus canon: *Cum aliis ejusdem ætatis certissimis monumentis inscriptiones conferto.* Exemplum sint inscriptiones, quæ sacerorum hominum celibatui adversarii videntur. Superiore capite Basilium presbyterum et Felicitatem ejus uxorem vidimus. Boldettius p. 412, Philippum exhibet presbyteri Atypii filium. En Gabinium matrimonio junctum ex Aringhio et Reinesio, cl. 20, 394.

OLIM PRESBYTERI GABINI FILIA FELIX

HIC SYSSANA IACET TUMVLATA PATRI SOCIATA

Totidem tituli diaconos produunt uxoris copulatos. Licinianum Theodoto *diaconi junctam* modò indicabam. Levitæ conjugem Petroniam reperio apud Fleetwoodum, p. 456, 2. Fl. Julium Zaonum (scilicet diaconum) et Aureliam Meriam conjugem ejus dedi in Marmoribus Salonitanis cl. 11, 5. Muratorius autem, p. 1855, 5, subdiaconum Augustinum suppeditat epigraphen ponentem: *Atiæ conjugi dulcissimæ, cum quâ vixit an. 8. m. 11. d. 20.* Propterea de cœlibatu tuendo conclamatum erit? Minimè verò. Patrum, conciliorum, pontificum scripta, decreta, epistolas consulamus; id demùm ex tanto sacerorum hominum conjugatorum apparatu effici videbimus, quod catholice causæ non nocet, nempe vel eos ex conjugio ad sacros ordines fuisse assumptos, vel licitum illis aliquando fuisse, suas domi retinere uxores, cumque illis habitare. « At si quid efficere vellent adversarii, inquit « Tournelius, probandum ipsis foret, ejusmodi saceris ministris licitum fuisse, non tantùm contubernales habere uxores ante ordinationem ductas, sed etiam ejusdem tori participes; quod certè nunquam ostendunt ex iis quæ hic proferuntur exemplis. »

Septimus canon: *Non inscriptiones solum, sed earum quoque ornamenta perpendito, atque ex his ipsis, seu illarum sensum colligito, seu novum argumentum ducto.* Nempe ejusmodi ornamenta à piis fidelibus addebantur titulis suis, non ex arbitrio aut vanitate quâdam, sed ut Religionis christianæ decreta exprimerent, atque ad colendam custodien-

damque virtutem incenderentur. Multa in hanc rem collegerunt viri doctissimi Aringhius, Bonarrotius, Boldettius, Lupius; Bottarius quoque et Mamachus, Origin. et Ant. christian. lib. 5, pag. 27 et seqq. Id ipsum nos infra exemplis confirmabimus.

CAPUT III.

Respondet argumentis capituli primi.

Age jam, argumenta capite primo proposita refellamus. Atque ut à primo exordiar, quod spectat ad deos Manes, fateor equidem, Mabilionum in itinere Italico singularias D. M., quæ in Christianorum elogis reperiantur, ad deos Manes retulisse; at Mabilionus ipse, quædam epistolam de cultu Sanctorum ignotorum scriberet, Fabrettii interpretationem (Deo Magno) *admittere se malle, quàm contestiosum esse pronuntiavit*, tom. 1 Oper. posthum. pag. 251. Neque id levi nititur fundamento. « Mea sic est ratio, inquit Mamachus (tom. 5, p. 19) si è D. M. pro Deo Magno vel Maximo usurpari possit, ut hoc sensu putem à Christianis adhibitum. Cur enim *dis manibus* scriberent, et non *Deo Magno*, qui nullos esse deos Manes credebant, pugnabantque unum tantum Deum, eumque magnum, imò maximum esse, colique oportere? » Posse autem et, D. M., pro Deo Magno, intelligi his monumentis constat, quæ sequenti capite reddemus. Atqui interdum Manes scripserunt. Negari non potest; neque propterea assentior Alciato, malos Manes, in Mediolanensi illa epigraphæ sigla, M. M., interpretanti, quàm ab ipsa ethnicorum consuetudine id abhorreat, et cum Muratorio rectius explicari singulariæ possint *Me Morie*. Christianos ethnicorum titulos aut pretio, aut aliâ quâpiam ratione sibi parasse, et suis loculis cœmeterialibus etaudendis applicuisse propriis nominibus insculptis, et profanorum absconditis, aut abasis, vel etiam relictis, animadversum scitè fuit à Fabrettio, p. 307, atque à Bonarrotio, Observ. p. 167. Est illud præterea exploratum, litteras D. M. aut etiam *dis Manibus* ab ethnicis marmorariis, quòd in sepulchralibus titulis usu receptæ jam essent, atque solennes, lapidibus ad ejusmodi elogis paratis insculptas fuisse multò antequàm venderentur; unde etiam factum, ut seu singulariæ illæ, D. M., seu integra dedicatio *dis Manibus* alio quàm quo sequens inscriptio, caractere incisa sæpius occurrat. Hinc nil mirum, Christianos in ejusmodi lapides quàm incidere, eosque in suos

usus converterent, litteras, D. M. usurpasse: nam et ad christianum sensum, Deumque Magnum significandum referri poterant, et quàm à cœmeteriis ethnici homines diligentissimè arceantur, qui eâ formulâ ad invidiam catholicæ rei confundam abuti, deosque Manes à nobis coli in vulgus jactare propterea poterant, nihil erat cur Christiani à siglis illis sibi caverent. Certè negari nequit, hujusmodi singularias satis usitatas fuisse Christianis, quàm unus Boldettius (lib. 2, cap. 11) octo ac decem inscriptiones recitet illis notatas. Qui ergo factum, ut tot inter criminationes, quas christiano nomini ethnici intulerunt, deos Manes à nobis cultos nunquàm exprobrarint? nisi quòd idololatræ à nostris cœmeteriis quàm prohiberentur, titulos nostros ignorabant, quos ad deorum Manum cultum per invidiam traducere potuissent. Quòd si nihil ab eâ formulâ metuendum erat Religionis nostræ, et catholico præterea sensu usurpari illa poterat, quid est quòd propterea majores nostros reprehendamus? Quòd tamen in Principii inscriptione, *deos Manes*, disertè habeamus, quòd, *omnem æternalem*, in alterâ illâ Gemelli, simplici cuidam negligentie atque oscitantie tribuere malim quàm cum Mabilionio crudæ adhuc quorundam in cordibus christianæ religioni aliquid de paganici ritus superstitione retinenti. Annon etiam nunc temporis et Hercule, permulti adhibent, qui certè dari Herculem deum negant? Cætera quæ in argumento hoc primo congressimus aut poetico stylo, quo inscriptiones illæ conscriptæ sunt, condonabimus, aut perperam in invidiam trahimus. Nam *domus æternæ* commemoratio non à gentilitate, sed, ut monuit Fabrettius, ep. 115, à sacrâ potius paginâ desumpta videtur. Quippe in libro Ecclesiast. cap. 12, vers. 5, ita habetur: *Ibi homo in domum æternitatis suæ*; et Ps. 48, v. 12: *Sepulchra eorum domus illorum in æternum*. Quod verò ad diem Solis, non erat cur Muratorius miraretur eò nomine in Christianorum lapide diem Dominicum fuisse indicatum; Lupius enim, ex quo inscriptionem illam mutuatus est vir doctus, Eusebii et Sozomeni testimonia, p. 100, attulerat sanè luculentissima, unde communem fuisse apud Christianos appellationem illam intelligamus. *Diem Solis* præterea Dominicum diem vocant Justinus in Apologia longiore, ac Tertullianus in Apologetico cap. 16. Neque id nominis ægrè ferebant Christiani, qui, ut scribit S. Ambrosius, serm. 41, et in eâ

« die Salvator veluti *sol oriens* discussis infer-
« norum tenebris luce resurrectionis emi-
« cut. » Verùm de hoc argumento nimis
multa.

Ad secundum respondemus, sna non deesse
iudicia, quibus hæreticorum tumulosa à Catho-
licorum sepulcris secernamus. Nam à formulâ,
in pace, quo loco pacem cum Ecclesiâ catho-
licâ designat (hâc de re infra disputabimus),
abstinuissent hæretici. Præterea cœmeteria
nostra hæreticis magnâ cum diligentia occlu-
debantur. Si enim Laodicena synodus iussit,
can. 9, « non concedendum in cœmeteria, vel
« quæ martyria hæreticorum dicuntur, Catho-
« licos orationis gratiâ, et petendæ curationis
« intrare; sed et qui ierint, si sunt fideles,
« incommunicabiles factos ad pœnitentiam
« usque ad aliquod tempus redigi; » an putas,
licuisse hæreticis in nostris cœmeteriis tumu-
lari? Quamobrem quæ ex cœmeteriis Catho-
licorum, ac præsertim Romanis effodiuntur
inscriptiones, hæreticorum hominum esse,
nefas est suspicari. Quæ porrò de Judaicis
inscriptionibus addebantur, iudicia omninò
sunt. Nam Judæorum inscriptionem ullam non
invenias, quæ aut Hebræa, aut Græca non
sit; quare Latinæ omnes à Judaismi suspi-
cione vacant; Græcas autem ex additis orna-
mentis facile est, ad Judæos nùm spectent
sententiam ferre. Quòd si quos doctos viros
in hujusmodi Judaicis inscriptionibus dijudi-
candis ut Reinesium errasse deprehendimus,
non idcirco illud fit, indicia nobis deesse,
quibus Judaicas à Christianis epigraphas dis-
tinguamus. Videmus enim nonnunquam inter
eruditissimos viros non convenire, christianane
an ethnica sit inscriptio quæpiam. Sic quam
Æliæ Veronicæ inscriptionem christianam
putat Boldettius, p. 462, eam Mamachius tomo
3, p. 20, ethnicam esse suspicatus est. Neque
hinc sanus quispiam colligat, nulla nobis
patere indicia, quibus christianos ab ethnicis
titulis certissimè secernamus.

Ad tertium: Fateor equidem, me quùm in
T. Clementis viri consularis tumulum à Cl. P.
Vitry illustratum paralipomena scriberem, in
eam propendisse sententiam, quæ Alexandri
ac Marii inscriptiones falsitatis arguit. Verùm
animo postea recolens summam, quæ Romæ
adhibita semper fuit, diligentiam, tum in cu-
stodiendis effodiendisque cœmeteriis, tum in
cognoscendis tractandisque veteribus monu-
mentis, fraudi in h'cæ rebus esse locum non
posse intellexi. Non tamen clarissimis viris

Boldettio, Francisco Victorio, Thomæ Mariæ
Mamachio, Hieronymo de Prato assentiri illo
modo possum, qui inscriptiones illas eadem
ipsâ, quâ sancti martyres occultare, ætate
incisas fuisse contendunt; sed multò post,
quarto nempe aut quinto seculo, dùm sacra
cœmeteria aut restituerentur aut ornarentur,
vel ex antiquis Actis, vel ex majorum tradi-
tione positas illas videor mihi non levibus de
causis statuere posse. Sed antequam rationes,
cur ita sentiam, in medium afferam, ipsas illas
inscriptiones ob oculos pono. Prima hæc est :

ALEXANDER MORTVVS NON EST SED VIVIT SVPER
ASTRA ET CORPVS IN HOC TVMVO QVIESCIT
VITAM EXPLEVIT CVM ANTONINO IMPERAT. QVI
VBI MVLTVM BENEFICII ANTEVENISSE PÆVIDERET
PRO GRATIA ODIVM REDDIT CENVA ENIM FLE
X CTENS VERO DEO SACRIFICAVITVS ADSVPPPLICIA
DVCTIVR. O TEMPORA INFAVSTA QVIBVS INTER
SACRA ET VOTA NE IN CAVERNIS QVIDEM SAL
VARI POSSIVMS. QVID MISERIVS VITA SED QVID
MISERIVS IN MORTE CVM AB AMICIS ET PAREN
TIVS SEPELIRI NEQVEANT TANDEN IN COELO
CORVSCAT. PARYM VIXIT QVI VIXIT IV. X. TITM
Habeo jam Marii alteram :

TEMPORE ADRIANI IMPERATORIS MARIVS ADO
LESCENS DVX MILITVM QVI SATIS VIXIT DVX
VITAM PRO CHŒ CVM SANGVINE CONSVNSIT
IN PACE TANDEN QVICVIT ENEMERENTES CVM
LACRIMIS ET METV POSVERVNT I. D. VI.

Idem utriusque auctor videtur fuisse, quòd
quùm in alterâ, *parùm vixisse, qui vixit IV, X,*
TITM, scripsisset, in alterâ contrario verborum
lusu asseruit « satis illum vixisse, dùm vitam
« pro Christo cum sanguine consunxit. » Sed
certè quisquis ille fuit, seculo II aut III minimè
floruit; nimium enim abest ab illorum tempò-
rum indole stylus hic puerilis nugaxque. « At,
« inquit Mamachius, tomo 3, p. 162, epitaphia
« quædam apud Gruterum, aliqua apud Fa-
« brettium, nonnulla apud Boldettium reperiu-
« tur, quæ cum similia horum sint, tum à
« nemine in dubium revocantur. » Ego verò
nego pernequeque exstare ulla, quæ ejusmodi
stylum quùm præ se ferant, secundo tamen
aut tertio seculo perscripta fuerint. Urget P.
de Prato, p. 46, « antiquos illos Christianos ut
« plurimum præ ipsis ethnicis, inter quos
« vivebant, idiotas et rudes, et metu persoc-
« cutionum latitantes epitaphia suorum condi-
« disse nullo studio et arte, prout cujusque
« ferebat ingenium, et vitæ institutio. » Ita
sanè. Verùm ego non rusticitatem sermonis,
non barbariam obicio; lusus verborum obji-

cio, nugas obficio, levitatem, frigida acumina. Fateor tamen, hocce argumenti genus, quod ex dictionis stylo ducitur, lubricum esse atque errori obnoxium, nisi alia accesserint indicia: plura autem hic accedunt. Nam in Alexandri tumulo admodum displicet illud: *Vitam explevit cum Antonio Imperatore*, quod ut commodius interpretetur, frustra est P. de Prato omnis labor in marmore ipso refingendo; jubet enim, ingeniosè certè, vocem, *cum*, ad Christi monogramma referri legique: *Vitam explevit cum Christo Antonio imp.*; sed Aringhio, Mabillonio, Boldettio, Mamachio adversantibus, qui omnes eam tribuunt huic marmoriversum dispositionem, quæ conjecturam istam evertit. In altero porrò Marii epitaphio nomen illud, *dux militum*, ita singulare est, atque à Romanæ militiæ consuetudine alienum, ut Adriani ætate scribi non potuisse videatur. Quamquàm postea insculptam fuisse epitaphium apertè ind. cant illa, *tempore Adriani imp.*, quæ mortuum jam Adrianum significant. Obicit quidem P. à Prato inscriptionem illam à Severiano aliisque recitatam, quæ incipit: *Texparibus sancti Innocentii episcopi*; sed ipsa hæc inscriptio, si quid video, post Innocentii obitum posita fuit; quod etiam indicat sancti nomen, quo Innocentius decoratur. Nam quæ inscriptiones supersunt vivis Siricio, Liberio, Damaso insculptæ, eæ pontifices illos sancti titulo minime exornant. Verùm quàm etsi inscriptiones, de quibus agimus, uno alterove post sanctorum Alexandri ac Marii martyrium seculo, marmoris sunt incisæ, genuinæ tamen sint atque antiquæ; nihil inde efficias contra inscriptionum auctoritatem; sed unum id colliges, magnà opus esse sapientiâ, gravique judicio ad ferendam de christianorum titulorum ætate sententiam.

Nullius autem ponderis est quod quarto loco objiciebatur. Barbaries enim, quæ pleræque veterum Christianorum inscriptiones scatent, veritatis index est, quæ styli fæco, pigmentisque non eget. Marmorariorum autem errores qui rectam orthographiam lædunt, ferri potuere à Christianis; non item illi qui fidei adversarentur.

Ad quintum quod spectat, optandum quidem esset, ut omnes Christianorum tituli cum ætographis lapidibus conferrentur. Nam vix ullus est, qui eadem planè ratione ab omnibus editoribus exhibeatur, sive litteras spectes, sive versuum distributionem. Id tamen commune est exteris antiquitatis monumentis.

Quòd si nihilominus ad illustrandos veterum mores librosque, ethnicis utimur titulis, etsi amanuensium oscitantia minus diligenter descriptis, cur, quæso, id non liceat, ubi de christianis inscriptionibus agitur? Nam quod de Romæ subterraneæ editorum fraude additur, mendacissimè Fleetwoodius effudit. Anne etiam Muratorius uxoris nomen taferrimè dissimulavit, dum eandem illam Basilii inscriptionem è schedis suis edidit, ne sacerdotum cœlibatum everteret? Si quid inde catholico dogmati detrimenti esset timendum, cur Aringhio ipse, cur Boldettius, cur alii plures alias divulgârunt inscriptiones, quæ presbyterorum diaconorumque meminere matrimonio junctorum? Vide quas superiore capite indicabamus; confer etiam Fabrettium, p. 557; sed pudet in ridiculis hisce calumniis refellendis distius immorari.

CAPUT IV.

Ea persequitur quæ de Deo ejusque Filio Jesu Christo christiani lapides docent.

Jam verò ea percurramus, quæ de christianæ Religionis decretis in majorum nostrorum monumentis reperimus. Quæ in re, ut decet, à Deo Optimo Maximo initium ducamus. Dei unitatem hæc prodit inscriptio, quam ex Boldettio, p. 456, reddimus:

CASSVS. VITALIO QVI VIXIT
ANN. L. VIII. MENSIVS XI
DIES. X. BENEME. FIL. FECERVNT
IN PACI QVI. IN VNV DEV
CREDIDIT IN PACE

Dei unitati sanctitatem jungit hæc alia à multis recitata, nuper autem à Mamachio, tomo 3, p. 21:

DEO SANC. X. VNI
LVCI TECUM PACE

Magnitudinem quoque Dei, æternitatemque lapides testificantur. Recole hunc à Fabrettio Maffeoque descriptum, Mus. Ver. p. 158:

DEO MAG
NO AETERN
L. STATVS DI
Corona ODORVS QVOT Palma
oleagina SE PRECIVS
CONFOTEN
FECISSET
V. S. L. N.

Nam quod Muratorius negat hanc inscriptionem Christianis esse ad censendam, abundè à Maffeo ipso confutatum est. Confer etiam hinc rianæ litterariam Italici, tomo 42, p. 392

Adde Florentinum hunc titulum à Gorio recitatum inter monumenta veterum Christianorum eruta è Florentinis cœmeteriis.

DM. AET. nempe, Deo
magno æterno,

DEPONI
TVS ASE
LICUS VI
XIT AN. V

Quæ ad Trinitatem attinent inscriptiones, hæc sunt notatu dignissimæ. Ex inscriptione metricâ apud Gruterum, p. 1174, 3, inter cætera, quæ de Virgine Mariâ, ejusque Filio leguntur, hæc ad rem præsentem accipe:

VNVS COLITVR DVNLEX SVBSTANTIA NATI
VIR-DEVS HÆC DUO SVNT VNVS VTRVMQVE TAMEN
SPIRITVS HVIC GENITORQVE SVVS SINE FINE COHÆ-
RENT

TRIPLICITIS SIMPLEX SIMPLICITASQVE TRIPLEX
Vereor tamen, ut ante seculum sextum posita hæc inscriptio fuerit, quin potius Gregorii alicujus (antiquioris tamen) præsulis, seu pontificis temporibus insculptam indicat corruptus certè vel amanuensium vel quadratarii vitio extremus versiculus:

PROTEGAT ILLE TVVM GREGORI PRÆSVLEM GENVS
Sexto tamen seculo, fortassis etiâ quinto ad finem vergente, inscriptus fuit hic titulus, quem ex tomo 3 Historiæ principum Longobardorum à Prætilio U. C. editæ descripsi tomo 5 Hist. litt. Italiæ, p. 271:

HIC REQVIESCIT IN SOPNO PACIS
AGLLEPÆGA ANCILLA CHRISTI
QUAE VISCIT AN PL. M. XVIII. (Plus minùs)
CREDO DEVM PATREM. CREDO
DEVM FILIVM CREDO DM SPIRITV
SANCTV CREDO Q NOBISSIMO (NOVISSIMO.)
DIE RESVRGAM

Nomen ipsum Trinitatis habes in lapide Fabrettiano, p. 736:

QVINTILIANVS HOMO DEI
CONFIRMANS TRINITATE

Spectat autem hic lapis ad annum Christi 403, ut ex adscripto Theodosii (Junioris) consulari ostendi in citato Historiæ literariæ volumine 5, p. 485.

De singulis divinis personis agendum nunc esset, sed de Spiritu sancto alibi opportunus disseremus. Illic tantùm de Christi Domini divinitate disputemus, de quâ etsi ex lapidibus non pauca in ejus operis, quod Saggio Critico della corrente letteratura straniera prænotavi, tomo 1, p. 457 et 453, multò plura proferri possunt. Itaque quo nihil in Christianorum

monumentis frequentius, Christi monogramma primùm consideremus. Eo nempe Christum denotari et pervulgatissimum est, et lapides illi demonstrant in quibus, SIGNV X, vel IN SIGNO X, legimus, ut apud Boldettium, p. 399 et 85, ac Muratorium, p. 1925, 1. Neque enim aliter illa explicari possunt, quàm *signum Christi, in signo Christi*, etc. Jam verò hocce monogramma interdùm in sublimi atque honorifico loco erectum exaltatumque conspicitur. Exemplum habes in Passerlani Musei lucernâ, cujus typum exhibet Cl. Georgius, de Monogr. p. 10, in vitreo calice, quem in cœmeterio Callisti inventum refert Boldettius, p. 192. Hinc inde Apostolos videre est depictos, Petrum quidem à dextris, à sinistris *Saulum*, seu *Paulum*, in mediò verò Monogramma in disco sive clypeo expressum, impositumque truncis rudis arboris, quæ obliquè assurgit, et in summo capitulum efformat ut columnam referat: quæ quidem altior est, et cum superposito monogrammate ipsas Apostolorum figuras excedit. In alterius quoque vitrei calicis ministerialis, quem Bonarrocius, vir summus, evulgavit, tab. 14, num. 2, imâ planitie spectatur sacrosanctum christi nomen columellæ impositum. Gorius quoque in egregio quem Symbolarum Florentinarum volumine tertio edidit; commentario de emitrato capite Jesu Christi crucifixi, cap. 7, clypeum ex ære vetustissimum in lucem protulit, cui insculptum cernitur monogramma in sublime erectum adstantibus hinc Paulo, hinc Petro, seu potius Jesu Christo ipso juvenili ætate; præterea quem appellabam, Bonarrocius, in alio vitreo calice tab. 8, n. 4, monogramma Christi sublimi in loco, mediùmque inter duo sidera exhibuit; cujus quidem tabulæ utriusque lateri annexæ sunt ansulæ duæ, « quæ, inquit Gorius, p. 140, manifestè declarant sculptum pictumque in tabulis, vel in clypeis, vel intrâ pretiosas coronas sacrosanctum Christi monogramma in sacris synaxibus attolli et suspendi consuevisse. » Confer Boldettium, lib. 4, c. 39, tab. 9, n. 38. Porrò quas nuper Gorius memorabat, coronæ ritum alium in mentem revocant, quo suam in Christi nomen reverentiam fideles testificabantur. Floribus scilicet, aliisque id genus coronatum passim cernitur in sepulcralibus titulis, in sculpturis, picturis, ut videre est in Fabrettiano Cogitatae lapide, p. 740, in Hilari inscriptione apud Mafficum. Mas. Ver. p. 539, 2, aliisque monumentis

quæ indicant aut afferunt Gorius, l. c. p. 145, et Mamachius, tomo 3, p. 69 et seqq. Quæ quidem omnia si simul colligantur, invictum pro Christi divinitate adversus Socinianos argumentum suppeditant: ostendunt enim Christum fuisse à fidelibus adoratum; Deum autem solum adorandum esse, quidquid Sociniani garriant, tam est à Scripturis manifestum, ut vel insipiens sit, vel præfractâ fronte, qui illud audeat inficiari. Adi Witassium, tomo 2, p. 158 Ven. edit. 1758.

Verùm aliud ex litteris, α et ω , inter quas medium monogramma Christianorum monumenta sæpissimè exhibent, pro Christi divinitate argumentum promamus. Non ego hic ejusmodi monumentorum catalogum pertexam: infinitus sim, si id aggrediar. Satis sit indicare Erotis, Nigellæ, Heraclii Simplicisq; Inscriptiones, quas reddit Fabrettius p. 565, 567, 575, 581; Stephaniæ lapidem à Benedictinis Martenio ac Durandio editum, Itin. Gall. P. 1, p. 292; Perpetuæ epigraphen à Georgio descriptam, de Monogr. p. 20; profugi servi colare à Pignorio allatum in commentario de Servis, p. 15; Mercuriæ, ac Leonis et Maximianæ epitaphia apud Marangonium, in appendice ad Acta S. Victorini, p. 98 et 104; columnam Ostiensis basilicæ à Gorio memoratam, p. 145; Dionysii titulum, quem Boldettius profert, p. 86; Anastasii elogium in novo Muratorii Thesaurò, p. 1826. Confer Aringhium, Bottarium, Boldettium, Fabrettium, p. 759, n. 496, et Mamachium, tomo 3, p. 21, 65, 66, 74, 75. Vides interea solemnem hunc Christianorum morem illa Apocalypseos loca spectare, in quibus spectare de se ait: *Ego sum α et ω , principium et finis, dicit Dominus, qui est, et qui erat, et qui venturus est omnipotens*, 4. 8, 1, 21; 21, 6; 22, 13: *Ego sum α et ω , primus et ultimus*. Notissimum porò est, ex his Apocalypseos verbis Patrum alios Verbi omnipotentiam, alios æternitatem, atque adeò divinitatem argumentando duxisse. Prudentius, ut alios mittam, de quibus Petavius, de Trinit. lib. 2, cap. 9, num. 7 et 8, hæc verba habet, Hymn. 9 Cathemer.:

« Alpha et Omega cognominatur fons, et claque sula omnium quæ sunt, fuerunt, quæque post « futura sunt. » Gorius quoque, p. 155, in aanc rem sapienter adnotavit, quòd in vetustissimo libello Gothico-Hispano Blanchinianæ editionis, prima oratio canenda 8 idus Januariæ in die Apparitionis Domini ad vesperum, ita se

habet, pag. 47: « α et ω , initium et finis, Deus « et Homo, infinitus et præfinitus, etc., misere- « rere nobis. » Sequitur porò benedictio hæc verbis: « Benedicat vobis α et ω cognomi- « natus, Omnipotentis Dei Patris Unigenitus « Filius, qui est initium et finis, ipse vos secum « victores attollat temporibus infinitis, » etc. Scio equidem Socinianos respondere, Christum dici α et ω non quòd rerum omnium quemad- modum Pater initium ac finis sit, sed quòd nostra ab eo salus principium duxerit, perfectionemque sit habitura. Quare quum non dis- fiteantur, in cæteris Apocalypseos locis de Christo sermonem haberi, præfractè negant, Christum in priore illo loco, quem attuli, in- telligi, sed Patrem qui omnipotens est. Sed quæro ex Socinianis, cur ergo Christiani suis in titulis uni Christo verba illa aptarint? Cur nullis verbis definierint? Credibile est, eos qui solum Patrem Alpha et Omega fassi fuis- sent, absolutè, ut aiunt, nullæque adjecta limi- tatione Christo tam frequenter ea nomina tri- buturos fuisse? Anne quantam errandi incautis occasionem præberent non animadvertebant? Hæc meæ quidem sententiæ nemo prudens sibi persuaserit.

Adde jam quæ de Christo conceptis verbis expressa in Christianorum elogii legimus. Occurrit primò Domini titulus, quo passim Christus ornatur.

PETRO ET MARCELLINO IN SIGNO DOMINI α
apud Murat. p. 1925, 1

REGINA VIDAS

IN DOMINO

ZESU

apud Baldettium, pag. 266.

α PRIMA VIVIS IN GLORIA DEI ET IN
FACE DOMINI NOSTRI α , nempe, Christi,
apud Marangonium, in app. ad Act. S. Vi-
ctorini, p. 69.

XAPICOY T ω KYPI ω KYI ω

KAIT ω XPIT ω

gratias age Domino in clyto (K α it ω , quod Mu-
ratorius non intellexit pro K α it ω , positam)
Christo.

Apud Muratorium, p. 1822, 7.

IN FACE XTIDENI

apud eundem, p. 1825, 7:

VITALIANVS MAGISTER MILITVM

QVIESCIT IN DOMINO

ZESV VIII KAL

APRILIS

adud eundem, p. 1958, 4.

Ac dominos quidem sanctos quoque fuisse appellatos postea docebo. Verum dubio procul eo sensu Christum vocabant *Dominum* Christiani, quo Scripturæ, sensu scilicet, qui divinitatem illius denotabat, uti à Bellarmino, de Christo, lib. 1, c. 7, ac Petavio, de Trin. lib. 3, c. 2, n. 14 et seqq., ostensum est. Illic interdum Deus Dominus dictus est Christus, ut in Ermaiskis, seu Mercurioli Græco lapide Musei Kirkeriani apud Cl. Lupium, p. 191: $\text{ἐν Θεῷ Κυρίῳ Χριστῷ}$, In Deo Domino Christo. Præterea easdem quas de Deo, de Christo formulas usurpatis novimus.

1^o *Famulos famulasque* DEI sæpè in inscriptionibus legimus. Plures ejusmodi titulos, qui famulorum ac famularum DEI meminere, collegit Cl. Muratorius, diss. 56 Ant. Italic. col. 583 et seq. Sufficiat hic sequens inscriptio posita anno vulgatæ æræ 515:

IVLIANA FAVVLA DEI
QVAE VIXIT ANNOS
XX. ET CVM MARITO
ANNO VNO ET REQVI
EVIT IN PACE ERA
DLIII

Atqui etiam famulos famulasque Christi nobis exhibent lapides. Κυριακός δούλος ; occurrit apud Maffeiurn, Mus. Ver. p. 448, 12, apud Muratorium verò, pag. 1824, 1: *Agripinus famulus xti Com.* (scilicet Comensis); *civitatis Eps* (episcopus circa ann. 586). Adde Reinesianum hunc lapidem, cl. 20, 372:

BASILICAM HANC POMPONIVS
EPISCOPVS NEAPOLITANVS
FAMVLVS IESV CHRISTI DOMINI
FECIT

2^o Inter sepulcrales acclamationes hæc erat longè usitatissima, *in Deo*, seu etiam, *vivas in Deo*. Sic apud Boldettium, p. 417:

FAVSTINA DVLCIS BIBAS (vivas)
IN DEO

Castorini quoque inscriptio hæc formulâ clauditur in Muratorii Thesaurò, p. 1850, 3: *Vive in Deo*. Sic etiam legimus, Murat. p. 1918, 8:

OLINPIODO
RE VIVAS IN DEO

Ac ne longior sim, *vivas in Deo dulcis*, videre est in Val. Sabinæ tumulo, Mur. 1954, 4. Porro eadem formulâ invenimus defunctis suis precatos fuisse Christianos, ut viverent in Christo. Habeto exempla:

SABINE VIVAS IN ✠
apud Marang. p. 85. Append. ad Acta S. Victorini.

TH. V.

FAVSTINA

IN ✠

ibidem p. 105.

REGINA VIVAS

IN DOMINO

ZESV

apud Boldettium, p. 256.

VRSVLA ACCEPTA SIS

IN CHRISTO

apud eundem, p. 341.

QVI LEGERIT VIVAT IN CRISTV

ibid. p. 420.

Tandem ne exemplis in re clarissimâ abutar, addo hanc epigraphen Muratorianam, in quâ utraque formula legitur, p. 1885, 5:

HILARI VIVAS
IN DEO
HERACLIAE COMPA
RI SVAE BENEME
RENTI FECIT QUE VI
XIT ANIS XXI IN PA
CE LIBERI VIVAS IN
 ✠

3^o Sæpè etiam Christiani, *in pace Dei*, requievissent dicuntur. Apud Fabrettium, p. 557, 61, hæc extat inscriptio:

HIC REQUIESCIT CONIBRICA DEI IN PACE DEI
Audi similia de Christo:

PASCASO INNOCEN
TI IN PACE ✠

apud Marangonium, in append. ad Acta S. Victorini p. 108.

QUESCET IN PACE ✠

apud Boldettium p. 52.

VT CVM QVIEVERIT IN PACEM IN ✠
ibidem.

PIENTIA QVÆ VIXIT ANNIS. N. VI. M.

III. DIES II MANET IN PACE ET IN CHRISTO
apud Frabrettium (p. 879.)

4^o Sperare jubentur *in Deo* Christiani. Exemplo sit hæc Hispanica inscriptio:

MARCIANE
 ✠ ✠ ☉
VIVAS IN

SPES ✠ IN DEO

Sed etiam in Christo spem esse collocandam docent lapides. Illic affert Muratorius, p. 1846, 4:

SPES IN CRISTO BONOSO QUI VIXIT, etc.

5^o *Animam Deo reddere*, qui moriuntur, phrasis est christiano usu veluti consecrata. Confer jam hanc Gruterianam inscriptionem p. 1177, 4:

CORPUS HYMO ANIMAM
CHRISTO PETRONI DEDISTI.

Quod si Christum Deo Christiani in suis
hisce loquendi formulis planè æquabant, quis
neget, Deum illum fuisse à Christianis habi-
tum?

Neque vero ab ipsà *Dei* appellatione Christo
tribuendâ abstinuere Christiani. Recole quam
modò indicabam Mercurioli inscriptionem.
Adde alias :

SIC LOCUS OLIM SORDENTIS TUMVLI SQUALORE
CONGESTVS SVPT ET STUDIO XPI FAMVLI HILARI
EPI INVANTE DOXINO TANTA RVDESVM MOLES
SUBLATA QVANTVM COLVXNIS NVNC VIDETVR AD
OITE:ENDVM XPO DEO MVNVS ORNATVS ATQVE
DEDICATVS EST

Inscriptio apud Fleetwood, p. 416.

SIMPLICIANA INNOX, NOBITA DEO CR

Inscriptio apud Marangonium in libro præ-
notato : *Cose gentilesche ad uso delle Chiese*,
p. 462.

IVDENTE DEO CHRISTO NOSTRO
S. MANTINI VICTORINO QVOD VVLT
DEVS DE SVO FECIT

Inscriptio apud Fabrettium, p. 580.

IN HOC SANCTO ET RELIGIOSO LOCO POSITA EST
LUCINIA HONESTA FERINA. OMNI LAVDE BEATA ET
DEO CRISTO DEVOTA, ETC.

Inscriptio apud Maffei, Mus. Veron. p. 179.

O ΘEO C O KASHMENOC
IC OZIA TOV HATPOC
IC TOIBON AITON COV
NKATAPOV TO PVXA
PEN N ETPAT:

Id est : Deus qui sedes ad dexteram Patris in
locum sanctorum tuorum Nectarei animulam
scribe.

Inscriptio apud Boldettium, p. 58.
RUFINA IN DEO X

Inscriptio apud eundem, p. 510.

HIC IACET PER ETVVS IN CHRISTO
DEO SVO FERRENEREIVS
QVI VIXIT ANNOS XXV

LEONTIA MATER TITVLYM POSVIT IN PACE

Inscriptio apud Muratorium, p. 1923, 5.

NYTRICATVS DEO CRISTO MARTVREIVS

Inscriptio tom. I Hist. Litter. Ital., p. 209.

Anne respondebant Sociniani, intelligi hæc
posse de Christo, qui Deus sit Patri subordi-
natus? Legant ergo quas mox dabimus inscrip-
tiones.

D X M
VTVRE CASTE, ETC.

Singularias hujus epigraphæ quam recitat
Muratorius, p. 1923, 1, explicare non potes-
mus, *diis Manibus*, quam medium inter eas
sit monogramma; sed, *Deo Christo Magnè*,
reddemus

DEO SANCT X VNI
LVCITE
CVN PA
CE

Ita lapis Fabrettianus, p. 565 : Si Christus
Deus Magnus, si *Deus sanctus magnus*, ergo Patri
æqualis Deus est. Atqui Christus æternus præ-
terea dicitur in Muratoriano titulo, p. 1951, 3.

QVOD ÆTERNO MIGRARIH DEDITA CHRISTO

Imò audi quibus ornatur Verbum præconi-
s in Gruterianâ seculi VII epigraphæ, p. 4163, 5:
LIX ARCAN. DEI VERVM. SAPIENTIA LVCIS
ATQVE COBESCANTIS SULENDIDA IMAGO PATRIS
Nihil illustrius fingi potest ad Socinianorum
retundendam audaciam.

Addamus tamen novum aliquod adversus
istorum insanissimam impudentiam, illudque
efficacissimum argumentum. Cujus sit defun-
ctis immortalæ coronam tribuere et catho-
lica fides docet, et sequens inscriptio Fabret-
tiana, p. 583, luculenter confirmat :

X HIC. MIRI. CARA. PIO. TEGITVR. CONIVX.
ECCE SEPVLCH.
HERITA. SANCTIFICO. SEMPER. SOCIATA. PUDORE
NIS DVODENOS. ET. FIDA. DEO. QVE PERTVLIT
ANNOS

INVIOATA MALO FELICI CONDITA LECI
SANCTIMONIVMQVE GERIT DOMINO TRIVENTE
CORONA
LAVRENTIVS CONTRA VOIVR

Dei ergo est æterno defunctos premio do-
nare. Atqui persuasum fidelibus fuit, Chris-
tum fidelibus suis coronam largiri. Docet id
patera vitrea Musæi Victorii, quam Cl. eques
Victorius in eruditissimâ dissertatione philolo-
gicâ edidit. In eâ nempe Sixtus ac Timotheus
sedentes expressi sunt, quibus Jesus Christus
coronam præbet. Simile hujus vitrum illud
est, quod exhibet Boldettius, p. 208, n. 53.
Non igitur de Christi divinitate dubitarunt an-
tiqui fideles. Ad alia transeo.

CAPUT V.

*Celebres duas Ecclesie notas ex lapidibus illu-
strat, ac de solemnâ illâ formulâ, IN PACE, co-
piasè disputat.*

« Si iveris in aliquam urbem, monchat
« S. Cyrillus, catech. 18, n. 26, non petas
« ubi sit Ecclesia, vel domus Dei; nam etiam
« hæretici dicunt se habere domum Dei, et

« Ecclesiam, sed petas ubi sit catholica Ecclesia; id enim nomen proprium est hujus sanctae Ecclesiae matris omnium nostrarum. » Quamobrem ipsum catholicam Ecclesiam nomen apud Bellarminum, de Eccl. lib. 4, c. 4, inter Ecclesiae notas primum obtinet locum. Id nominis quandoque lapidibus Christianorum invenias insculptum. Affero ex novo Muratorii Thesauro, p. 1954, 7, Mediolanensem inscriptionem.

B. M. M. VALERII POLYCRONII
ECCLESIAE CATHOLICAE
ANNO CENTESIMO QUARTO.

Quæres hic fortassis quænam sit epocha ista anni 104 Ecclesiae catholicae? « Nihil aliud occurrit, inquit eo loco Muratorius, nisi ab Arianis restitutum fuisse templum illud Catholicis, ejusque facti memoriam ad posteros fuisse transmissam. » Atque Arianos quidem Mediolanensem Ecclesiam vexasse per vulgata res est. Vereor tamen, ut unius templi restituito epochæ cuidam instituendæ occasionem præbuisse credibile videatur. Verisimilius esset, epocham hanc in Mediolanensi Ecclesia constitutam fuisse, Arianis planè ex urbe ejectis restituetisque, ac pace Ecclesiae catholicae datâ. Verim si quàm video, antiquior lapis hic est, quàm ut quinto, aut etiam sexto seculo, anno nempe 104 ab Arianorum ejectione positus dici possit. Paucissimi christiani lapides sunt, qui gentilium more prænomen, nomen cognomenque exhibeant, quemadmodum hic noster, in quo tamen Donii Schedæ apud Corsinium prænomen omittunt, siquæ cerè ad prima Ecclesiae tempora spectant. Neper appellatus Corsinius V. C. (Diss. 2, è sex quas notis Græcorum subjunxit p. 31) quàm in citatis Donii Schedis non anno centesimo quarto, sed anno CIII., numerum illum ad Valerii ætatem referri posse censeret et in primum versus sine excidisse hæc aliave horum similia: *Depositus in pace*, ingeniosè suspicatus est. Ad catholicam Ecclesiam nomen ut revertar, alius occurrit titulus, in quo idem nomen, S. Arsacii scilicet, apud Grut. 11673. 3, quem nonnulli Mediolanensibus episcopis adscribunt. Inter alia quæ in ejus elogio leguntur, dicitur Arsacius

IN FIDE CATHOLICA CREDENS CONSISTERE VITAM.

Adde tertium Herilæ comitis; sed præstabit hunc paulò post recitare.

Alia Ecclesiae nota pax est. Pacem enim, ut optimè animadvertit Cl. Joannes de Vitâ in notis ad Inscriptiones Beneventanas, pag. 63,

quam Christus terras ingressus hominibus bonæ voluntatis, id est, futuris fidelibus suis annuntiatam voluit, è terris demùm discendens Ecclesiae suæ veluti testamentum reliquit, Apostolis inquit: *Pacem relinquo vobis, pacem meam do vobis*, in suorum duntaxat fidelium communione præcipuè positam semper custodivit, et servat Ecclesia. « Hanc nobis hæreditatem dedit, aiebat in libro de Unitate Ecclesiae S. Cyprianus, de qua omnia suæ pollicitationis, et præmia in pacis conversatione promisit. Si cohæredes Christi sumus, in Christi pace maneamus. Si filii Dei sumus, pacifici esse debemus... Pacificos esse oportet Dei filios, corde mitis, sermone simplices, affectione cordes, fideliter sibi unanimi-tatis nexibus cohæredes. Hæc unanimitas sub Apostolis olim fuit. Sic novus credentium populus Domini mandata custodiens charitatem suam tenuit, etc. Hinc ad ecclesiasticam pacem non modò infideles non pertinebant, sed ne ii quidem qui Christi fidem professi, gravioribus inquinati delictis, velut membra putrida à Fidelium corpore abscederentur; quos demùm legitimis pœnitentiæ spatii expiatis denuò ad communionem admitti mus erat, quòd pacem iis dari dicebant, ut ex ejusdem S. Cypriani epistolâ constat. Ad eò autem ejusmodi pax verè Ecclesiae propria erat, ut certam ejus notam Tertullianus agnoverit, qui in libro de Præscriptionibus, cap. 41, hæreticos vel ex eo tales deprehendat, damnetque, quòd *pacem cum omnibus passim miscerent*. Insigne porrò pacis hujusmodi Christianorum monumentis adscriptæ exemplum habemus in Fabrettiano lapide, p. 757:

DEPOSITVS HERILA
COMES IN PACE FIDEI
CATHOLICE VII. CAL
AVG. QVI VIXIT ANN
PL. M. L. D. N. SEVERI AVG
PRIMO CONS
ET
CONSVLATV HERCVLANI
V. C.

Existit hoc loco quæstio subdificilis, ac paucos ante annos clarissimum Mazochium inter, et illustrissimum Sabbatinium vehementer agitata, utrùm solemnis illa Christianorum lapidum formula, *in pace*, plerùmque hocce communionis christianæ vinculum designet. Affirmat Mazochius in duplici ad illustrissimum Georgium de Hilari Epigrammate epistolâ. Negat Ludovicus Sabbatinus in epistolâ ad

eminentissimum Besutium de eadem inscriptione; Sabbatinio autem nuper accessit doctissimus canonicus Joannes de Vitâ in suis ad Inscriptiones Beneventanas annotationibus. Quid ipse sentiam, exponam, eoque libentius, quod collatis inter se multis inscriptionibus, rem diligentissimè mihi videor expendisse. Ac duo quidem explorata mihi esse videntur. Alterum est, formulam illam certum nobis esse iudicium hominis in Ecclesiæ communione defuncti; alterum est, ad idipsum denotandum usurpatam illam interdum fuisse. Ad primum quod spectat, sapienter sibi persuasit Cl. Albaspinæus (in conc. III. Carthag. can. 4), « non dicam lectorem, sed ne episcopum quidem ullum ausum fuisse, neque excommunicato, neque pagano, neque catechumeno « dicere : Pax tibi, quòd his verbis ad Christi corpus aggregari videretur. » Multò ergo magis cavissent sibi Christiani, ne quem dicerent in pace mortuum, qui ab Ecclesiæ communione esset quoquo modo sejunctus. Ubi itaque legeris, *in pace*, intelliges eum quo de agitur, in fidelium communione quiescisse. Quod ad secundum spectat, Herilæ quem retulimus titulus illud demonstrat, aliisque infra exemplis confirmabitur. Hactenus nobiscum cum Mazochio convenit. Deinceps ab eo vel inviti discedemus.

Itaque 1^o statuimus, *pacis* nomine interdum in sepulchralibus titulis corporis pacem intelligi. Huic enim, inquit Joannes de Vitâ, licet ob animæ discessionem omnis sensus experti, requiem tamen atque imperturbatam mansionem Christiano sollicitè curasse testis est illa, apud Aringhium Kariti inscriptio, tomo 2, p. 610, quæ his verbis clauditur : *Ossa tua benè requiescant*. Quid quòd inscriptis monumento, quibus violatores deterrentur, diris ossium suorum quieti consulere satagebant Christiani? Exempla habes apud Fabrettium, p. 110, et Sabbatinum, p. 23. Unum aut alterum addo ego ex Muratorio ab ipsis non iudicatum :

PEON GETA SENEX

HEIC OEDORMIVIT IN PACE

DORMITIO EIVS CVM LVSTIS

DORMITIO EIVS MEMORIA EIVS

ET SI QVIS IPSUM VEXAVERIT

VLTOR ERIT DEVS ISRAEL. IN. SÆCVLYM
Sic legas in Noyo Muratorii Thesauro (p. 1923, 2.) Honoratè quoque titulus, ibid. p. 420, 2, his diris clauditur :

MOGO TE PER DM. OMNPM. ET IHM X... NAZARE

NVM NE ME TANGAS NRC SEPVICRYM MEVM VIOLIS
NAM ANTE TRIBVNAL ÆTERNI IVDICIS MECVM CVR
SAM DICIS

At hic sensus profanus est, et ex gentiliū scholâ profectus, apud quos sepulchrum nullies in lapidibus *domus aeterna* vocatur. Ita quidem Mazochius, p. 22, sed doleo ex viri doctissimi calamo hæc excidisse. Nam, præter ea quæ de dono aeternali ipsis Christianorum tumulis nonnunquam inscripta diximus, cap. 3, num. 4, non animæ certè, sed corporis pacem memoratam legitimus in libro Ecclesiastici 44, 14 : *Corpora eorum in pace sepulta sunt*. Quo quidem loco non Christianis modò, qui tantoperè hanc pacem curabant, divinus scriptor prævisse videtur, sed suam etiam mortuo corpori pacem quærendam docuisse. quæsitamque commendasse. Cur verò, inquit Cl. de Vitâ, pax votis, reque ipsâ non dabitur corpori, cui licet tunc in animo, adhuc summa dignitas inest, quippe quod instrumentum olim fuerit (ut ait S. Augustinus in libro de Cur. pro mortuis agend. quo ad bona omnia sanctus usus est Spiritus)? cui demùm resurgenti, ac denuò cum ipsâ animâ copulando, ejusdem gloriæ consortium debetur. Huc spectat, ni fallor, quod apud Boldettium legitimus, p. 401 : *LOCVS HIC ET IN FVTVRO IN PACE*.

At 2^o pacem in sepulchralibus Christianorum titulis expressam plerumque non aliam esse quàm animæ pacem in gloriâ sanctorum. Nihil frequentius in lapidibus, quàm, *requiescit, quiescit, dormit in pace*. Atqui in his locis pax una animæ significatur. Quid enim hæc valent, nisi quod alibi centies (Mus. Ver. p. 478, 2) : *Hic requiescit in somno pacis? An somnum hunc pacis de ecclesiasticâ pace explicabimus? Nemo non videt hæc ex psalmo 4 fuisse deprompta, ubi, v. g., ait Regius Vates : In pace in idipsum dormiam, et requiescam*, et quæsitamque etiam sepulchralibus Christianorum elogis videas formulam illam extremò loco positam, quæ ad ullum præcedens verbum referatur, ut in hoc Boldettiano, p. 398 :

DEP. CASTI IIIIX. KAL. MAIA VIVIT

ANNOS XXXI. DIES XXIII

IN PACE

Acclamatio porrò est, non secus atque præcautiones illæ : *Cujus anima cum sanctis in pace*, apud Boldettium p. 58, et, *Pax tibi* apud eundem, p. 412. Hinc sæpè Christiani pacem precantes defunctos suos alloquuntur : *Vivas in pace*, Bold. p. 420 ; *Spiritus tuus in pace*, Bold. ibid. ; *Valeri in pace*, apud Fabre

p. 573; *Vale in pace*, apud Lupium p. 175. Quæ aut ad ecclesiasticam pacem detorqueri possint, haud equidem intelligo. Adde Christianos interdum formulam illam aliis conjugere, quæ de vero sensu dubitare nos nequaquam sinunt: *Cum Deo in pace quiescet*, habet Boldettii lapis, p. 419; *In pace cum Deo*, alius Boldettii titulus, p. 420; *In pace et in refrigerio*, epitaphium à Maragonio descriptum in appendice ad acta S. Victorini, p. 122. Nec ista qui ad ecclesiasticam pacem retuler't, omnia susque deque agere se posse confidat. Et illud consideremus, clausulam hanc satis esse in christianis elogis frequentem: *Te in pace*. Exempla dabunt Fabrettius, p. 570 et seq., et Lupius in epitaphio S. Severæ, p. 174; quibus adde lapides duos, alterum à Maffio (Mus. Ver. p. 279, 1; à Boldettio alterum, p. 411, descriptum.

VICTORIA. DE REGIONE MADMEDERE
NSIVM QVE BIXIT ANN. XXXVI. QVE
PEGIT CVM MARITVM. ANN. XLII. ET
MESES. V. ET DIES. X. REMISIT FILIOS
V. TE IN PACE

Hic Boldettianus est. En Maffeanum :

EPICLETVS. ET. FELICIA. PARENTES
FELICI. FILIO. DVLCISSIMO. BENEME
RENTI. QVI. VIXIT. ANNIS. XIII. MENSIS

(sic.) XII. DIES XVIII. TE IN PACE

Mazochius, p. 9, ait formulam hanc sibi videri « initium hymni, aut precationis fuisse, quam « fideles defuncto in Ecclesiæ pace accinere « conseruerant, fermè ut nos carmen, *Requiem « æternam*, aut similia modulamur. » Perdoctè certè. Id ipsum ante Mazochium docuerat Cl. Lupius (p. 174) his verbis: « Liturgica procul « sunt, et ad arcani disciplinam servandam « sine reliquis apposita. Iis autem defuncto « precabantur, ut eum *in pace* susciperet « Christus, quemadmodum in emortalibus « precibus Romana consuevit canere Ecclesia: « *Suscipiat te Christus, qui vocavit te.* » Clarius hoc exprimit Gaudentiæ titulus apud Fabretium, ibid. *GAUDENTIA SVSCIPERATVR IN PACE*. At quis hæc, vel simili formulâ pacem ecclesiasticam significari sibi persuaserit, non pacem æternam? Clariora hæc mihi videntur, quàm ut in iis comprobandis diutius immoremur.

Quæri hic illud potest, quandonam ea formula pacem ecclesiasticam significare dicenda sit? quandonam pacem triumphantis Ecclesiæ? Cl. Joannes de Vitâ hunc canonem statuit, ecclesiasticam pacem denotari, dum, *defunctus in pace*, vel tantum *in pace*, scriptum est; sin

autem, *in pace*, de æternâ quiete usurpari, quò trahit illud Tertulliani in libro de Exhort. Castit.: « Non dubito, frater, te post uxorem, « *in pacem*, præmissam, id est, post uxorem « præmortuam. » At grammatica postulabat, ut, *in pacem*, scriberet Tertullianus. Quid verò una litterula *m* sensum immutare possit? Confer, quæso, duos hosce Boldettii titulos, p. 399 :

VRSO BENEMERENTI QVI VIXIT
ANNOS DVOS MENSIS SEPTEM
DORMIT IN PACE

~~~~~

SIGNV ✠

CILIV ET CERREALIS. PATRI BENEM.

QVI. VIXIT. ANNIS LXXV. M. VIII. D. V.

DORMIT IN PACEM

Litterane *m* efficiet, ut dormitio, de quâ prior inscriptio, pacem ecclesiasticam significet, pacem æternam dormitio in posteriore commemorata? Age jam Mazochianos canones discutiamus. Nam quod de formulâ, *in pace*, si sola scripta fuerit, aiebat Joannes de Vitâ, est à nobis supra confutatum. Contendit ergo Mazochius, p. 9, *benemerentis* elogium, quod in christianis lapidibus est longè usitatissimum, *ad meritum notione theologica referri*, præsertim autem si adjungatur pacis vocabulum in hunc modum: *Benemerenti in pace*; pacis enim nomine tunc intelligi ait, p. 47, *pacis ecclesiasticæ glutinum, sine quâ meritum non procedit*. Addit, p. 9, tum maximè denotari ecclesiasticam pacem, si ut apud Reinesium (class. 20, n. 166) scriptum fuerit: *IN PACE XPI*. Statuit tertid, p. 22, pacem in iis titulis memoratam, in quibus legimus, *fidelis in pace*, nonnisi ad eam *communione*, in quâ fides est, referri. Ac de formulâ *in pace* post *fidelis* nomen adscriptâ infra dicam. Quod ad, *PACEM XPI*, attinet, nisi ad præcedens aliquod verbum referatur quod pacis nomine ecclesiasticam omninò definiat (de quo mox), vereor ut pacem Ecclesiæ significet. Exemplis rem declaro. Apud Maragonium in appendice ad Acta S. Victorini, p. 94, hæc exstat inscriptio :

FILI FECERVNT MATRI SVE TIGRIDI. Q.

BIXIT. AN. C. IN PACE ✠

scilicet Christi. Finge jam ommissa illa, *IN PACE ✠* : rectène sensus procederet? Utique. Quid ergo cogit, ut *✠*, *in pace Christi*, cum, *BIXIT*, seu, *VIXIT*, colligas? Nihil sanè. Cur ergo acclamatio non sit *✠*, *IN PACE ✠*, ejus similis, quæ (ibidem) in alio lapide insculpta est.

ZOSIMO MERENTI TECV P C.  
sen tecum pax Christi. Itaque quod de formulâ, *in pace*, dictum est, sæpissimè illam inter æternæ felicitatis precatones esse accensendam, idem omninò de aliâ formulâ IN PACE XPI, aut DEI, aut DOMINI, sentiendum esse pronuntio. Quod autem de *benemerentis* vocabulo statuit vir summus, admisit nemo. Hocine sit, ut ille ait *epitheton Christianorum διεπαρξων discriminans*, quod in omnibus ferè ethnicorum elogis occurrit? At in Christianis meritum theologicum significat. Unde id, quæso, probari possit? Meritumne Theologicum invenias in pueris qui sex, quinque, quatuor, tres annos, imò unum non sint prætergressi? Atqui et hi benemerentes dicuntur in titulis: *Postumus..... vixit annis sex filio benemerenti* (vide Boldettium p. 58). Audi hunc alium (ibid. p. 581):

VICTORINO POSVERVM PARETIS BENEMERENTI FILIO QVI VIXIT ANNO IIII ET M. IIII. ET DIES XV INNOCENTISSIMO SPIRITO

En alium, ibid. p. 407:

BINCENTIVS KARO FILIO KADISSIMO BENEMERENTI POSVIT TABVLA QVI BIXIT ANNOS III. ET DIES XII.

Adhò quartum, ibid. 568:

FILIO DVLCISSIMO  
VE. NEMEREN. TI. TI. GRI  
NO QUI VIXIT. ANNUM MESES  
DECE. DIES XX. IIII.  
IN PACE

Tandem, ne longior sim, hunc legito (ibid. p. 51.)

BERNACLE BENEMERENTI PARENTES  
FECERUNT. VIX. ANNO M. III.

Vides hic Benemerentes dici, qui meritum theologicum assequi minimè poterant. Illud ergo dicito, ejusmodi epitheton, uti et alia, *incomparabilè, dulcissimo*, etc., idem omninò in christianis lapidibus, quod in ethnicis significare. At additur sæpè, *in pace*. Hoc probandum, r̄, *in pace*, cum benemerentis vocabulo connecti; reverà enim titulis reperies sensum constare, etsi r̄, *in pace*, deesset, ut proinde hoc acclamatio sit ab illà voce juncta. Zosimum nuper vidisti merentem dictum, tum adli TECV P. C. seu, *pax Christi*. Ecce acclamationem similem hujus, *in pace*.

Sed jam tempus est, ut quid hæc in re præ-

habitissimum mihi sit, exponam Aio 1<sup>o</sup>: Si r̄, *in pace*, initio tituli positum sit, aut in fine, nec ad præcedentia necessariò referatur, acclamatio est pacis æternæ. Exempla hujus formulæ in inscriptionibus sine insculptæ supra invenias. Lapis quem ex Boldettio, p. 592, hic reddo, initio illam exhibet:

IN PACE IDIBUS AVGVS. DOMITIANVS  
INFELIX ET MISER POST OBITVM  
TVVM VIVO

Aio 2<sup>o</sup>: si r̄, *in pace*, cum verbo *quiescit, dormit*, etc., conjungatur, pacem significare sive animæ, sive etiam corporis. Recole superioris dicta.

Aio 3<sup>o</sup>: Si r̄, *in pace*, eo loco scriptum sit, ut verbum, *quiescit*, subaudiri possit, item pacem indicat animæ corporisve, ut apud Boldettium, p. 397: *GRATA IN PACE (nempe quiescit) QVE VIXIT*, etc.

Aio 4<sup>o</sup>: Si ad verba, quæ mortem significant, necessariò referatur r̄, *in pace*, communionis ecclesiasticæ pacem significat. Hujusmodi lapides sunt, in quibus quis dicitur recessisse *in pace* (confer Museum Veronense, p. 506, 6, et 423, 5), *reddidisse in pace Domini* (vide Boldettium p. 55, 588, 419), *deposuit in pace* (adi Victorii Dissertationem philologicam, p. 42), *decessisse in pace* (apud Boldettium, p. 400), *ivisse aut exisse in pace* (ibid. p. 401 et 405), *in pace defunctus* (ibid. p. 404). Potissimum autem ecclesiasticam pacem intelliges, si r̄ *in pace*, ante annos quos vixit *defunctus*, aut diem quo obiit positum fuerit; tunc enim præcedens verbum eâ formulâ spectari longè verisimillimum est. Sit exemplum in hoc Marangonii titulo (in App. ad Acta S. Victorini p. 88):

PARENTES FILIO MERCVRIO FIECE  
RVNT. QVI VIXIT. ANV. V. ET. MESES VIII  
NATVS IN PACE QVINTV IDVS FEBRV  
Quamvis hic dici posset *natus in pace*, seu *in cælo*.

Aio 5<sup>o</sup>: Si r̄, *in pace* ad eos spectet, qui lapidem posuerunt, idem valet quod, *in pacem*; quare pacem ecclesiasticam hæc significat, ut in hoc Boldettii lapide, p. 55: *FECERVNT IN PACE DEPOSITVS*, nisi malis ad sequens depositi epitheton illud pertinere. Sed certè ad verbum, *fecerunt*, refertur in hoc Muratoriano elogio, p. 1872. ✠ *CASSVS VITALIS QVI VIXIT ANN. LVIII. MENSIVS XI. DIES X. REME. FIL. FECERVNT IN PACI. QVI IN NV. DEV CREDITV.*

Aio 6<sup>o</sup> Si r̄, *in pace*, cum nomine *fidelis* copuletur, pacem ecclesasticam esse intelligen-



dam) ; sic in Muratoriano lapide, p. 1821, 4 : HIC REQUIESCIT FIDELIS IN PACE AEMILIANA CLARISSIMA PVELLA, etc. Huc spectat celeberrimus Illiri lapis de quo Mazochium inter et Sabbatinium lis orta est : HIC REQUIESCET IN PACE ET FEDE (scu, fide) CVSTITVTVS HILARVS. At quid de hoc lap' de statuendum, quem affert in dissertatione philologica Victorius eques clarissimus (p. 48) :

TECLA FIDELIS  
IN PACE VIX. M. IX.

Putat Cl. editor sic illum esse legendum : « Tecla fidelis, quæ in pace vixit. » At fortassè rō, *in pace*, acclamatio hic quoque est ; sensusque est : « Tecla fidelis quiescat in pace, » Vixit mensibus IX. » Aliis inscriptionibus id possem nullo negotio confirmare. Quare illud solum video generatim statui posse rō, *in pace*, nisi necessariò cum verbo aut epitheto coniungatur, quod ad pacem ecclesiasticam significandam illud trahat (necessariò autem non coniungatur, si suus lapid' sensus constet, quamvis illud ab eo verbo epithetove sejungas) de animæ aut etiam corporis pace consultiùs intelligendum esse, aut certè minùs efficax inde duci argumentum ad ecclesiasticæ pacis curam, quæ veteribus Christianis fuerit, comprobandam.

#### CAPUT VI.

S. Petri primatus, conciliorumque auctoritas veterum Christianorum inscriptionibus comprobatur.

Si sarcophagis, cœmeterialibus vitris, aliisque id genus veterum Christianorum monumentis liberet uti, plura suppetent ex christianâ antiquitate argumenta ad S. Petri primatum suadendum. Verùm in præsentiarum solis rem agamus inscriptionibus. Extat apud Boldettium, p. 388, hæc inscriptio :

RVTA OMNIDVS SVBEDITA ET ATFADI  
LIS BIBET IN NOMINE PETRI (vivet)  
IN PACE Ɔ

Singularis hæc formula claves regni cœlorum, et principatum spectat iudicialiæ potestatis, quem, ut cum Bedâ loquar (hom. in die sancto BB. Petri et Pauli Apost.), Petrus accepit, « ut omnes per orbem credentes intelligant, » quia quicumque ab unitate fidei, vel societatis illius, quolibet modo semetipsos segregant, tales nec vinculis peccatorum absolvi, nec januam possint regni cœlestis ingredi. »

Et illud notatu dignissimum est, quod in

Ennodii Ticinensis epitaphio legimus (obit autem Ennodius a. DXXI.)

SCISMATA CONVIXIT DVBYM DISCORDIA LEGI  
ADQVE FIDEM PETRI REDDIDIT ECCLESIS  
Audistin' fidem Petri pro catholicâ fide usurpari ? Nempè ad Eutychem scribebat S. Petrus Chrysologus, tomo 4 concil. Ven. edit. p. 302. « Beatus Petrus, qui in propriâ sede vivit et præsidet, præstat quærentibus fidei veritatem. » Quid ? quòd qui in pace Ecclesiæ obierant, in pace Romæ defuncti interdum dicebantur. Testem habeo lapidem hunc Fabretianum, p. 757 :

✠ EXSPERANTIA D. XV. KAL. SEPT.  
HIC DEPOSITA EST IN PACE ROMÆ QVARE  
TIXIT P. M. MENSES III CONS FAVSTI IVN DV  
ID IANVARIAS

Atque id quidem ad Romanæ Ecclesie dignitatem illustrandam maximè facit ; sed etiam ad Petri primatum vindicandum. Unde enim Romanæ Ecclesie honor tam singularis, nisi ex Petri principatu ?

Neque prætereundum quod videre est apud Boldettium, p. 193, Aselli cujusdam epitaphium. In eo nempe Petri et Pauli imagines insculptæ cernuntur, Paulo ad Petri lævam collocato, quemadmodum in omnibus ferè vitreis Christianorum calcibus, qui quidem cæteris sacræ antiquitatis monumentis sunt vestustiores, viri docti animadverterunt, atque inter hos Mamachius (Orig. et Ant. christian. tomo 5, parte 1, pag. 476 et seqq.) ; verùm quid aliud, quæso, Paulum ad Petri lævam situm exhibentes indicare voluerunt Christiani, quàm quod in majorum suorum commentariis legerant, esse Petrum non reliquis Apostolis modò, sed ipsi etiam Paulo præferendum ? Equidem scio in aliis monumentis, Petrum modò potior, modò lævam partem occupare. Sed quùm multæ hujus rei causæ afferri possint, quas expendunt, illustrantque Fogginius, de Romano D. Petri itinere, p. 469 et seqq., et Mamachius, l. c. p. 507 et seqq., illud exploratum esse debet, hoc ipsum Petri excellentiam denotare. Nam cùm sæpè in nummis imperatorum, inque cæteris veterum sive ethnicorum, sive Christianorum monumentis digior præstantiorque qui est, si, quasi dextera aliquid agat, lævam occupet, concedendum erit, inquit Mamachius, l. c., p. 513, Petrum qui in pictis sculptisque majorum tabulis extensâ dextrâ ad lævam Pauli proponatur, fuisse habitum Paulo excellentiorem.

Sed insignis restat primatûs, quem Petro tribuimus, argumentum. Illud pridem usurpârunt Cl. Marchio Maffei tum in observationibus litterariis tomo 5, p. 23; tum in Musei Veronensis dedicatione, ac Mamachus, l. c., p. 292. Estat in Museo Mediceo ærea Christianorum lucerna tertio, aut seriùs quinto seculo elaborata, erutaque olim Romæ è ruinis Cœlii Montis. Elegantis naviculæ formam habet, in cujus centro insurgit malus, cui velum ventis inflatum alligatur, et in ejus vertice affixa est tabula, ubi argenteis litteris in tres insertis hæc legitur inscriptio

DOMINVS LEGEM  
DAT VALERIO SEVERO  
EVTROPI VIYAS

Porrò in puppi vir sedet utrâque manu navis gubernacula regens; in prorâ stat alius vir, ut videtur, concionem habens. Lucernæ hujusce præstantissimæ schema exhibent Maffei in citatâ dedicatione; Mamachus tomo 3, p. 99, et Fogginius, p. 484. Ecclesiam hic sub navis symbolo referri, quemadmodum etiam in annulari gemmâ, quam illustravit Alexander, non est quod dubitemus. Tertulliani licet verba usurpare in libro de Baptismo, cap. 12, scribentis: « Navicula illa figuram Ecclesiæ præferebat, quod in mari, id est, seculo, fructibus, id est, persecutionibus et tentationibus inquietetur. » At qui viri illi, quorum alterum in puppi sedentem, alterum vidimus in prorâ concionantem? Causeus sedentem virum esse vult S. Andræam, stantem verò D. Petrum; Bellorius aut stantem aut sedentem virum Christum esse affirmat, quod multò minus est verisimile. Sed dubio procul Paulus, qui, *dux verbi*, in Actis dicitur, in prorâ concionatur; Petrus verò in puppi sedet, et gubernaculum regit, ut cui *post naviculæ parvæ remigium*, quemadmodum Maximus Taurinensis aiebat in tertâ de Petro et Paulo Apostolis homiliâ, *totius Ecclesiæ gubernacula* tradita fuerint. Jam verò argumento id est luculentissimo, existimâsse veteres Christianos, Petrum fuisse à Christo gubernatorem principemque *visibilem* Ecclesiæ constitutum. Nam qui Ecclesiæ gubernacula teneat, gubernatorem esse principemque Ecclesiæ testata res est.

Hactenus de Petri primatu. Pauca addam de conciliis. Cl. Corsinius, diss. 3, post notas Græcorum, ex autographis Domii Schedis hæc exhibet marmor:

HIC REQVIESCIT IN FACE DOMINA BONO

SA Q VIX ANN. XXXXXX ET DOMNO MENNA  
Q VIXIT ANNOS..... EABEAT ANAT  
EMA A IVDA SI QVIS ALTRERVU OMINE SVP  
ME POSVERIT ANATHEMA APEAS DATRI  
CENTI DEZEN ET OCTO PATRIARCHIE

QVI CHANONES ESPOSVERVNT ET DA SCA XPI  
QVA TVOR EVANGELIA

Quis hic apertè non videat anathema, diras et imprecationes illas hic exprimi quæ à 318 Patribus, episcopis, vel, ut barbari hinc appellant, patriarchis, in Nicænâ synodo contra Arium, sacrarumque legum contemptores conceptæ fuerant, nitidèque de Patribus illis hic asserti, quod canones exposuere? Sæpiùs in actis occurrit hæc imprecatio. In Ariminensî lapide apud Muratorium, p. 1055, 1, legimus: « Qui hunc tumultum violaverit, habeat anathema à 318 Patribus (Nicænis scilicet) per verbum (*verbo* legit Muratorius, qui non animadvertit singulariam P.) Domni Sergii Venerabilis episcopus, portionem cum Judâ traditore Domini Nostri Jesu Christi. Confer etiam Maffei, Mus. Veron. p. 559, 1. Vides jam quantâ reverentiâ majores nostri concilii Nicæni canones susceperint, ut inter diras, imprecationesque anathema esse voluerint à Nicænis Patribus. Putasne eos qui ita sentiebant, non duxisse priùs sibi esse moriendum, quàm recedendum ab ejus concilii decretis? Sequor, aiebat S. Ambrosius, ep. 32, tractatum Nicæni concilii, à quo me nec mors nec gladius poterit separare. » Idipsum Christianos sensissè discimus ex hisce lapidibus. Quid? quòd in Dominianâ inscriptione Nicæni canones quatuor Evangelii æquantur, quemadmodum S. Gregorium affirmâsse novimus, lib. 1, ep. 24, venerari se quatuor prima concilia, sicut quatuor Evangelia. Constat ergo, sensissè Christianos Nicænum concilium errori obnoxium non fuisse. Quare quùm idem de cæteris generalibus conciliis dicendum sit, quæ Romana Ecclesia probârît, habemus egregium sanè, atque illustre argumentum, quo contra Lutherum, Brentium atque Calvinum probemus, generalia concilia à summo pontifice confirmata errare non posse.

#### CAPUT VII.

*De membris militans Ecclesiæ, ac primò de clericis theologico-lapidaria disquisitio.*

Quod in hæc tractatione primum est, membrorum scilicet Ecclesiæ partitio in clericos et laicos, æquè à Lutheranis et Calvinistis in invidiam trahitur, qui quòd eorum contentio-

nes, et schismata, ut Bellarminus observat, l. 1 de Cler., c. 1, ab odio clericorum et laicorum favore initium duxerint, et vocabulum cleri non obscurè excellentiam quamdam ac dignitatem præ se ferre videatur, nullo modo ferunt ut ministri ecclesiastici clerici, cæteri laici appellentur; illud ex uno antiquo lapide licet luculentè probare. Exstat is apud Gruterum, p. 1050. 8, Fleetwoodium, p. 347, 5, et Fabrettium, p. 755, 364; est autem hujusmodi :

AVR. SATVRINVS. DIAC. SIBI. ET  
AVR. VENERIÆ. DVLCISSIMÆ  
CONI. DE PROPRIO SIBI FECERVNT  
ROGO ET PETO OMNEM LECTVM  
ET CVNCTAM FRATERNITATEM VT NVLLVS  
DE GENERE VE ALIQVIS IN HAC SEPVLTVRA  
PONATVR

Hic vides clerum à fraternitate distinctum, imò ob ordinis excellentiam fraternitati præpositum; fraternitatis porrò nomine non nisi laici intelligi possunt, qui antiquo vocabulo, et ad christianæ charitatis leges composito fratres nuncupabantur; non quòd *fratrum* nomine clerici quoque non donarentur, sed quòd quùm hic clerus à fraternitate distinguitur, alium hominum ordinem intelligi necesse sit, nempè laicorum.

Jamverò ad ordines quos ex lapidibus novimus, progrediar oratio. Neque episcopos, presbyteros diaconosque commemorabo; hos enim ab antiquis, atque adeò primis Ecclesiæ temporibus exstisse ne ipsi quidem inficiantur hæretici. Itaque subdiaconos non paucos nobis exhibent veterum Christianorum inscriptiones, Incertæ ætatis, seculi tamen quinti aut sexti sunt Augustinus subdiaconus, de quo inscriptio vetus à Fleetwoodio, p. 346, 2, et Muratorio, p. 1835, descripta, ac Petrus subdiaconus sanctæ Ecclesiæ Romanæ regionis primæ, quem memorat lapis apud Aringhium, tomo 2, p. 205, et Reinesium, cl. 20, n. 57. Hos ex adscripto consulatu quâ ætate vixerint, intelligimus. Sunt autem primò, Sanctulus subdiac. depositus Cons. Albini U. C., anno scilicet 444, Mur. p. 407, 1. Subdiaconus alius, cujus nomen intercidit, Maximo U. C. Con., seu anno 423, Mur. p. 419, 5; Filicellus, cujus meminuit inscriptio posita P. C. Bilisari VI (imò III) ind. primâ, nempe anno 538, Mur. p. 424, 5, ac demùm Marcellus subdiaconus regionis sextæ... dep. p. c. Basili U. C. ann. 22, ind. XI, anno scilicet 565, Mur. 428, 2.

Unum acolythum invenio à lapidibus commemorari, Abundatium scilicet, eumque acolythum regionis quartæ titulo Vestinæ, quem ex adscriptâ indicatione XII, anno 414, fuisse depositum colligit Fleetwoodius, p. 340. Lectores plures occurrunt, Heraclius lector regionis secundæ, qui decessit... Urso et Polemio cons., seu anno 538 (apud Boldettium, p. 81); Augustus lector de Delabru, scilicet ejusdem regionis secundæ, ut in diss. de Hierarchiâ Eccles. p. 89, conjicit doctissimus Georgius, cons. Seberini, anno scilicet 461 aut 482, quibus annis Fl. Severinum Fasti consullem habent, Claudius Atticianus lector, de quo Fabrettius, p. 557, 27; Attius Proculus lector (vide Gruterum p. 1049, 7), Fundanius..... Ovidius lector, Mur. 2098, 6;... Julius lector Tituli S. martyris Cæciliæ, id. p. 1845, 4; Ulpius lector, p. 1059, 9. Neque exorcistæ desunt, Macedonium exorcistam Marangonium, in app. ad Acta S. Victorini, p. 81; Januarium Fleetwoodius, p. 502, 5, Petronium Boldettius, p. 415, exhibent.

Ex his colliges antiquissimos esse in Ecclesiâ ejusmodi ordines, quod Protestantés negant. Enimverò, etsi nullus ex indicatis lapidibus ad secundum, aut tertium seculum spectet, tamen ex more à primis usque temporibus recepto, ordines illos in Ecclesiâ fuisse pronum est argumentari tum ex aliis ejus ætatis scriptis monumentis, tum ex eo quòd nullum existet primæ eorum institutionis vestigium. At contra ordinum quem Latina servat Ecclesia, numerum esse aliqua intelligo, quæ ex lapidibus objici possent. Primum est, nullam ostiariorum mentionem occurrere. Alterum est fossores non semel in inscriptionibus occurrere, ut apud Fabrettium, p. 759; Fleetwoodium, p. 443; Boldettium, p. 60, 65, 416, ac Muratorium, p. 1966 et seq. Imò exceptores ordinibus videtur accensere Damasi, seu ejus parentis titulus à Grutero redditus, p. 1164, 11 :  
HINC PATER, EXCEPTOR, LECTOR, LEVITA, SACERDOS  
Tertium est, in ipso hoc Damasi lapide neque acolythorum, neque exorcistarum, neque hypodiakonorum mentionem fieri. Siricum quoque Romanum pontificem, ubi primùm ecclesiasticæ militiæ nomen dedit, lectoris, deinde levitæ munere sub Liberio Romano item pontifice functum esse, demùm presbyterum tituli pastoris fuisse, docet ejus epitaphium à Baronio recitatum, ad num. 398, 1 :

LIBERIVM LECTOR, MON ET LEVITA SECVTVS  
POST DAMASVM CLARVS TOTOS QUI VIXIT IV ANNOS

FORTE SACRO MAGNUS MERUIT SEDERE SACERDOS

- Verùm hæc nullo negotio refelluntur. Nam ostiariorum munus quarto saltem seculo vel ipse fatetur Binghamius; neque certè negari potest, nisi toti antiquitati repugnemus. Unum acolythum memorat lapides, Abundantium. Finge antequàm ille anno 1610, erueretur, aliquem ita fuisse argumentatum: Nullum hæcenus acolythum inscriptiones produunt; acolythi ergo nulli fuerunt; nonne risu fuisset exsibilandus? Quem nondùm effodimus ostiarii ejuspiam titulum, dabit fortassis felicius alia ætas; neque enim omnes Christianorum veterum inscriptiones ad hunc usque diem prodierunt.

De fossoribus quod secundo loco dicebatur, nullius est momenti. Egi de illis tomo 9 Symbol. Gorian. Florent edit., pag. 163), ostendique illos vel clericos non fuisse, vel certè minore jamaliquo ordine initiatos, quibus præterea munus, seu ministerium sepeliendi cadavera incumberet. Ostiarios fuisse nunc suspicor. Ad exceptores quod attinet, etsi non reperio qui de illis quod ad rem præsentem attinet, accuratè egerint, fateor rem esse difficilioris indaginis. Nam præter Damasi, qui in argumento objiciebatur, titulum, Gelasius, ep. 1, c. 6, recensens ecclesiasticos gradus, quos obire oporteret, « si assecutus est litteras, « iquit... continuò lector, aut notarius, aut « certè defensor effectus post tres menses existat acolythus. » Quibus sanè verbis lectoratum cum notariatu (qui exceptorum munus fuit), aut defensoris officio suppleri posse satis significat. An autem ordo suppleri possit officio, quod ordinibus non sit accensendum? Neque negotium facessat quod de defensore hic ait Gelasius. Nam licet Petavins, in Epiph. hæc. 62, n. 10, fuisse defensorem affirmet, non ordinis, sed officii nomen, quod laici gerebant, qui Ecclesiæ jura in civili foro propugnabant, Gothofredus tamen, in Cod. Theod. lib. 16, tit. 2 de episc. leg. 38, et Morinus, Exercit. 16, c. 6. n. 16, ex antiquis monumentis, illos Ecclesiarum defensores potissimum fuisse clericos tradunt Troztius in notis ad Hermannii Hugonis eruditum librum de primâ scribendi origine, p. 532, ex Mabillonio et Montfauconio, lectores non rarò notarii munere functos fuisse animadvertit. Atque id quidem negari non potest. Verùm et Damasi titulus, qui patrem primò exceptorem, deinde lectorem fuisse docet, et Gelasius, qui lectoris munus notariatu suppleri posse affirmat,

lectorem ab exceptore aperte distinguunt. Quid? quòd in vitâ B. Epiphaniî narrat Ennodius lectorem primò fuisse Epiphaniû, tum in exceptorum numero dedicatum enituisse. Diversus igitur uterque gradus fuit. Porrò illa Ennodii verba consecrationem quamdam exceptoris officio tribuere videntur, ut nihil omninò desit, quo illud ordo comprobetur. Id ipsum indicant illa ejusdem Ennodii verba, in Vitâ B. Antonii monachii Lerinensis: « Qui « (Constantius antistes) eum (Antonium) inter ecclesiasticos exceptores cœlestem militiam jussit ordiri. » Hæc theologis animadvertenda relinquo. Mihi illud dicere sat est, quòd Witassio et Drouvenio placuisse video, septem ordines, quos Latina etiamnum servat Ecclesia, vetustissimos esse, et ab ipsis Ecclesiæ primordiis usu receptos; utrùm autem plures quàm septem antiquis temporibus fuerint, quæstionem esse ad hæreticos septem illorum ordinum contemptores refellendos non necessariam, neque à Tridentino concilio definitam.

Tertium argumentum plures facillimè solvunt; fatentur enî in ordines minores, quemadmodum temporum rationes postulabant, fuisse interdum prætermisissos. Ego verò neque necessariam, neque fortassis veram hanc esse opinionem censeo. Nam lectores quòd aliquando ad diaconatum promotos fuisse legimus, idem dictum esto de cæteris, inde factum quòd il plures annos in ejus ordinis ministerio transegerint. Unde autem probabis, dum diaconi consecrabantur, non fuisse prius exorcistas acolythosque ordinatos? Certè in ejusdem Missæ solemnibus diaconatum et presbyteratum fuisse nonnunquam collatum plura testificantur vetera monumenta, quæ Drouvenius in medium affert, lib. 8, p. 1, quæst. 2, cap. 3, § 2. Quidni idem dicamus de inferioribus illis ordinibus? Porrò quòd ad altiore ordinem promoti mediorem ordinum ministerium non peregerint, ut Sardicensis concilii verbis utar, can. 10, mirum non est, horum ordinum in illorum inscriptionibus mentionem non fieri, sed eorum tantum in quibus diutius perseverarunt. Hæc mihi planior via commodiorque videtur ad catholicam de numero ordinum propugnandam doctrinam. Quamobrem probare vix possum quod in notis ad Zosimi epistolam 60 ait vir doctus Constantius, col. 970, Siricius ep. 1, n. 14, Zosimo ipsi suffragante, « præcepisse, ut qui « grandævus baptizatur, statim lectorum aut « exorcistarum numero societetur, quasi alteru-

« *tram à duobus illis gradibus suscepisse satis esset, quo ad altiorem quis promoveretur.* » Nam si ex Zosimo Siricium interpretari debemus, unum id curæ fuit utriusque pontifici, ut nemo ad altiorem ordinem promoveretur, quin, sive inter lectores, sive inter exorcistas, ait Zosimus, quinquennio teneretur: poterat autem quispiam in alterutro hoc gradu quinquennio consistere; nec tamen ad altiorem efferrî, ordine alio non suscepto. Nam posteaquam ordinis unius ministerio sese probârat, ad altiorem jamjam promovendus, poterat medii ordinis, cujus ministerium non exerceerat, consecrationem suscipere, ac dein in ejuſdem Missæ solemnibus ad sublimiorem illum evehi, in quo aliquot annorum intervallo hæere debebat.

Nunc pauca quæ ad disciplinam pertinent præteritorum temporum circa tempus, quo quis in unoquoque ordine consistere jubebatur, aut ad altiorem progressi ordinem poterat, ex inscriptionibus colligamus. Recole ergo quos supra lectores recensebamus: « *HERACLIVS* fuit in seculum (sic.) an. XVIII. M. VII. (D. XX.), puerumque ex uxore suscepit. « *ATTIVS PROCVLVS* vixit ann. XVIII. M. VIII. D. « *VII. IVLVS* vixit annos plus minus XVI. M. VI. » Nempe « quicumque se Ecclesiæ vocabat obsequiis à suâ infantia, ante pubertatis annos « baptizari, et *lectorum* debebat ministerio sociari, » ait Siricius, ep. 4 ad Himerium Tarraconensem. Ubi autem ad annos pubertatis venerat, ex tertii concilii Carthaginensis canone 19, cogebantur aut uxores ducere, aut continentiam profiteri. Porrò si (quis) ab infantia ecclesiasticis ministeriis nomen dedisset, inter lectores usque ad vigesimum ætatis annum continuatâ observatione perdurare jubebatur, uti à Zosimo constitutum fuit in epistolâ 9, ad Hlesychium Salonitanum. Ut tamen lector ætatis annum 20 attigerat, licebat illi, ut et aliis in alio ordine constitutis quousque vellent perstare. Quare Ulpius lector in lapide quem supra indicavi vixisse dicitur annis 25. Abundantius verò acolythus 30; Sanctulum quoque subdiaconum annorum 80, memorat ejus inscriptio. Huc spectat Memoriani titulus, quem in Excursibus literariis Jedi, tomo 4, p. 207:

HIC IN PACE REQVIE  
SCIT SANTE MEMORI  
Æ MEMORIANVS  
DIACONVS QVI VIXIT  
IN HOC SECVLO AN  
NOS DMN. XLV, etc.

Quod ad presbyteros attinet, singularis est titulus, quem Cl. Maffei divulgavit, Mus. Ver. p. 180, 5:

B. N. M  
HIC REQVIESCIT IN  
PACE SCEM PREDITER (Sanctæ memoriæ;  
VRBANVS QVI VIXET  
IN HOC SECVLVM AN  
NVS PLMN XXX ET FYAE (Plus minus)  
FASB ANVS IIII ET M (Presbyter)  
VIII. DEPOSITVS SD VI (Sub die)  
NONAS OCTOB PC II (Post consulatum iterum;  
ATQVE IT LAMPADIO (Iterum)  
ET ORESTO VVCC (Viris clarissimis consulibus)  
IND. XI. Scilicet a. 533.

Quum 30 circiter annis vixerit Urbanus, fuerit autem presbyter annis quatuor et mensibus octo, fit ut paucis post quantum et vicesimum ætatis annum mensibus presbyteratum sit consecutus. Canones tamen velant ante 30 ætatis annum quempiam sacerdotio insigniri. Confer Chardonium in historiâ Sacramentorum, lib. 3, sect. 4, cap. 5. Pauca tamen exempla dispensationum in hoc disciplinæ genere supersunt, quibus Urbanus noster erit addendus. « Nempè si minimè reperiantur (sacerdotes) et necessitas exposcit, inquit Zacharias papa in epistolâ ad Bonifacium « 12, à viginti quinque annis et supra levitæ « et sacerdotes ordinentur. »

At quoniam diaconissæ in clero numerantur à Nicæno concilio, (apud Labb. tomo 2 Concil., col. 246, can. 19) non ante huic capituli finem imponam, quàm diaconissas duas ex sepulcralibus titulis in medium attulerim. Prima Daciana est, cujus epigraphen etiam exhibui in notis ad Petavii Dogmata, tomo 6, p. 40:

✕ DACIANA DIACONISSA  
QVE. V. AN. XXXV. II. III  
ET. FVIT. F. PALMATI COS  
ET. SOROR. VICTORINI PRESB  
ET. MVLTA. PROPHETAVIT  
CVM FLACCA ALVINA  
V. A. XV. DEP. IN. PACE III. ID. AVG.

Ad annum christianæ æræ 539 spectat hæc alia, quam Muratorius edidit in novo Theſauro, p. 424, 6:

✕ ✕ ✕  
HIC IN PACE REQVIESCIT B. M.  
THEODORA DIACONISSA QVAE  
VIXIT IN SECVLO ANNOS PLM

XLVII. D. XI. KAL. AVG. V. P. C.

(*quintum post consulatum*),

PAVLINI IVN. V. C. ISO. II.

Habes hinc diaconissas duas, quæ quinque-  
simum ætatis annum haud attigerunt Nimirum  
etsi illas non minus sexaginta annorum esse  
S. Paulus statuit, concilium tamen Chalcedo-  
nense anni 451, annum duntaxat quadragesi-  
mum, can. 15, requisivit. Confer Joannis  
Pini V. C. de Ecclesie diaconissis Tractatum  
præliminarem ad tomum 1 Septembris Hol-  
landiani, cap. 1, n. 4 et 5, et Binghamium  
(Orig. sive Antiquit. Ecclesiast., lib. 2,  
c. 22, § 4).

#### CAPUT VIII.

*Monachatus antiquitas ex lapidibus demonstrata ;  
item potorem, continentiam præsertim, adver-  
sus nostri temporis hæreticos defensio.*

A clericis ad monachos cum Bellarmino  
progredimur. Illud verò primùm occurrit,  
quod ab hæreticis negari solet, monachatum  
non hodie, aut nudius tertius inventum esse,  
sed ab antiquissimis retrò temporibus. Quod  
quidem quàm nostri controversiarum scrip-  
tores Patrum scriptis accuratè dilucidèque  
ostenderint, lapidum quoque auctoritate licet  
nobis confirmare. Habeto hic Justinæ abbatissæ  
inscriptionem annæ christiannæ 569 posi-  
tam, atque à Muratorio divulgatam, p. 429, 5 :

HIC REQUIESCIT IN SONNO PACIS  
JUSTINA ABBATISSA FVNDATAIX  
SANCTI LOCI HVIVS QVAE VIXIT  
PLVS MNVS ANSOS LXXXV. DEPOSITA  
SVB DIE KALENDARIVM NOVEMBERIVM  
IMP. D. N. N. IVSTINO P. P. AVG.  
ANNO III. P. C. EIVSDEM INDICITIONE TERTIA

Porrò quàm Justinæ anno 569, quæ obiit, an-  
num ageret 85, natam illam oportet anno  
C. 485, atque adeò sub quinti sæculi finem,  
quo 16 omnino ætatis annos numerabat, mo-  
nasticam potuît vitam inire. Paucis S. Benedic-  
to æqualis temporum fuit. Sed exhibeamus  
abbatem aliquot ante S. Benedicti ortum annis  
vitâ functum. Is est abbas Habetdeus, ejus  
meminit inscriptio apud Fabrettium, p. 757,  
626, et Reinesium, d. 90, 94.

HIC REQUIESCIT IN PACE  
SANCTUS. ABBAS HABE  
TDEVS. POSITVS. VII.  
ID. MAIAS ANTHEMIO  
III. COS.

Tertium Anthemii consulatum tacent Fasti.

Cæterum quàm Anthemius anno 468, secun-  
dum inierit consulatum, interemptus autem  
fuerit anno 472, hoc annorum intervallo ter-  
tius hic consulatus concluditur. Quamobrem  
ut scribas abbatem hunc obiisse velimus,  
anno 472 mortuum esse oportuit, octo scilicet  
annis antequàm S. Benedictus nasceretur.  
Quàm autem Capuæ defossus fuerit hic lapis,  
suspicarè abbatem fuisse Habetdeum Capuani  
ejus monasterii, quod Craterensi Gregorius  
Magnus unitum volebat, ut ex ejus epistolâ  
constat, lib. 9, ep. 22, Adeodato Neapolitano  
abbati inscripta.

Verùm hæretici non tam monachatus anti-  
quitatem insectantur, quàm vitam, votaque  
cum primis, quibus monachi adstringuntur ;  
continentiæ autem maxime adversantur. Ac Lu-  
therus quidem, in Epithalamio, duo hæc inter  
cæteras ineptias, calumniasque monastici sta-  
tus mendacia effudit : mulieres nempe non nisi  
ad matrimonium creatas fuisse, ac mulierem  
conjugatam meliorem esse coram Deo, quàm  
virgo sit. Quibus refellendis ut alia non sup-  
peterent monumenta, sufficerent lapides, qui  
Leoniam (apud Marang. in app. ad Acta S.  
Victorini, p. 90), Florentiam (apud Mur. 1873,  
5), Bassillam (apud Fabrettium p. 567), Avre-  
liam (ibid.), Severam (apud Marang. in libro  
inscripto, delle cose Gentilesche ec. p. 455),  
Vervicem (apud Maff. Mus. Ver. p. 357), Aga-  
pen (apud Boldettium p. 80), Statiliam (ibid.  
p. 82), Faustianam (ibid. p. 559), Virginiam  
(ibid. p. 562), Septimiam (ibid. p. 581), Deme-  
triam (ibid.), Ptolmaidem (ib., p. 416), virgines ;  
Felicem quoque, qui *erat virgo de secundo*  
(apud Marangon. in app. ad Acta S. Victor.  
p. 429), memorant. Quis enim credat, Chris-  
tianos tantâ curâ ac diligentâ virginis titulum  
suarum mulierum tumulis inseripsisse, si mu-  
lierem non esse ad aliud creatam, quàm ad  
nuptias, Deoque chariorem quæ viro conjuncta  
fuerit, quàm quæ virginitatem servasset, sibi  
persuasissent? Id autem adeò sibi persuaso-  
rant, ut in illarum interdum puellarum, qui-  
bus virginitas ob ætatis teneritudinem laudî  
tribui non poterat, elogiis virginitatem cele-  
brarint. Exemplum præfero ex Boldettio,  
p. 565 :

CEPHNIAAA IIAPOCOC  
ZHCACA ANIAYTON KAI MINACI  
ENΘAAA KATE ENI. PHNHTHTI POI KAL. IAN.  
Nempe : Serenilla virgo, quæ vixit annum et  
mensem, jacet hic in pace pridie kal. janua-  
rias. Sic etiam apud Maffei, Ant. Gall. ep.

20, p. 101, celebratur ADYLESCENS INTIGRE CARNIS NOMINE LEVDOMARI, qui tamen VIXIT ANNIS NUMERO IV. et dies VIII.

Nihil tamen hæreticis exosum magis quàm perpetua virginitas, ac voto Deo nuncupata. Hanc ergo majoribus nostris in pretio fuisse ex lapidibus ostendamus. Quà in re omitto Munatiam religiosam feminam, scurpillous quoque religiosam, quarum duæ meminerunt inscriptiones, altera apud Muratorium, p. 413, 5; altera apud Maffium in Antiquitatibus Galliæ, p. 98, ne fortassis piæ tantum hic feminas aut viduas, quas concilium Carthaginense IV (can. 97) religiosas feminas appellat, memorari heterodoxi cavillentur. Ancillas Dei, aut Christi fuisse quas sanctimoniales dicimus, hospes sit in antiquis monumentis qui nesciat. Nam monasterium Eupræpiæ in quo Ancillarum Dei congregatio esse dignoscitur, à S. Gregorio Magno memoratur, lib 41, ep. 19. In sacramentario quoque Romanæ Ecclesiæ quod Ven. card. Thomasius edidit, oratio legitur super ancillas Dei, quibus conversis (Id est, monastice vitæ sese tradentibus) vestimenta mutantur. Demùm ut alia mittam, quæ in Cangii glossario congesta in hanc rem videre est, in Romano anni 721 concilio in eum anathema dicitur, qui monacham, quam Dei ancillam appellamus, in conjugium duxerit. Nunc ejusmodi ancillas Dei Christique in lapidibus quæramus. Offert autem sese primò Savinilla Jesu Christi ancilla in Mareuli civis Nepesini et martyris titulo, quem edidit Boldettius, p. 580. Idem antea Boldettius, p. 466, Aureliæ Agapetillæ ancillæ Dei inscriptionem attulerat. Adde Gaudiosam clarissimam feminam ancillam Dei anno C. 447 defunctam, cujus meminit Muratoriana inscriptio, p. 407, 4, et ancillam Dei Julianam, cujus epigraphen Gorius evulgavit, tomo 1, p. 349. At tria hic fortassis objici possent. Primum est, ancillæ Dei nomen viduis quoque, quæ post mariti obitum continentiam vovebant, commune fuisse; alterum tribu id nominis teneris etiam filiabus, quæ monasticum statum amplecti minimè poterant, ut in eo Boldetti lapide, p. 467 :

DORMITIONE ANCI DEI.  
OLYMPIATIS. PARENTES

FILIAE B. M. F. Q. AN. B. V. (quæ annos dixit quinque.)

M. XI. D. XXI

Tertium est, *famulas Dei*, eas quoque appellari, quæ marito nupsérant; ancillæ autem

nihil à *famulabus* videri differre. Quæ tamen nullius sunt momenti: nam quomodo nomen significatio ex usu pendeat, ancillasque Dei eas constet fuisse appellatas, quæ sanctimoniales fuerunt, Deoque voverant continentiam, frustra in *famulæ* Dei nomine præsidium quærent heterodoxi. Ut autem demus, viduas hic memorari, negare tamen non possunt hæretici, eas quoque continentiam vovisse, quod ad rem nostram satis omnino est. Quanquam Agapetillam viduam non fuisse, vel ex eo constet, quòd ann. vixerit 21, menses 5, dies 4, et in ejus imagine tumulo insculpta velato capite exhibeatur; viduæ autem nonnisi post 40 annum velari consueverant. Olympiatis denique titulus nihil officit: nam, ut optimè ex Tertulliano atque Hieronymo animadvertit eo loco Boldettius, solebant interdum parentes puellas suas Christo consecrare, futuras deinde ex voto *templum Dei*.

Clariora tamen proferre in hanc rem possumus monumenta. Virgines duas in classes Patrum scripta, conciliorumque atque pontificum decreta dispescunt, quarum aliæ sese Deo dicabant, habitumque mutato, ac voto virginitatis emissio, paternas aedes incolebant, vel etiam *necliam sacro velamine lectæ* in monasteriis degebant, aliæ Christo *spiritualiter nupsérant*, et *velari à sacerdote meruerant*, ut Innocentius loquitur in celebri ad Victricium epi tola cap. 12. Illæ *Deo devotæ*, hæc *sacratæ*, et *sacræ virgines*, ac *virgines Dei* nuncupabantur. Confer Cangium et Constantium ad eam Innocentii epistolam. Ultrarumque nunc exempla ex inscriptionibus damus :

FVRIA. HELPIS

VIRGO DEVOTA

Occurrit in Fabrettii Syntagmate, p. 567. Hujusmodi etiam Irene Damasii soror, quam ipse S. Damasus hoc epitaphio exornavit :

HOC TVMULO SACRATA DEO NVNC MEMBRA QUIESCUNT  
HEIC SOROR EST DAMASI, NOMEN SI QVAERIS, IRENE  
VOVERAT HAEC SE SE CHRISTO CVM VITA MANERET  
VIRGINIS VT MERITVM SANCTVS PYDOR IPSE PROBARET  
BIS DENAS HIEMES NEC DVM COMPLEVERAT AETAS  
EGREGIOS MORES VITAE PREECESSERAT ACTAS, etc.  
Hæc *devotarum* exempla sufficiant. Plura alterius generis proferamus. Columba virgo *sacrata Dei*, cujus titulum iusto commentario illustravit Fontaninus, agnem ducat, quæ anno 453 ad superos evolavit. Manliam virginem *sacratam Deo*, Æmilianam quoque *sacram virginem* exhibent Gruteriani lapides duo, p. 1055, 2, et 1057, 5. *Sacratam Geor-*

giam Christi lege est ex Ruinarum apud Muratorium, p. 1180, 8. Apolloniam sacram virginem idem Muratorius protulit, p. 1850, 7. Nigellam virginem Dei reperias in Fabretti Syntagmate, p. 567. Conirbicam Dei, virginem scilicet idem Fabrettius eodem loco in medium adducit. Sed integrum ex Maffei Gallicis antiquitatibus, p. 97, reddamus Eusebiæ titulum, quo nihil in hoc argumento illustrius possit excogitari.

HIC REQUIESCIT IN PACE  
 BEATAE MEMORIAE  
 EUSEBIA. SACRA. DNO  
 PVELLA. CIVIS. PROB  
 RILIS VITA. INSTAR  
 SAPIENTIAM PVELLA  
 RVM SPONSVM EMERVIT  
 HABERE XPM  
 CVM QVO....

Ne ipsum quidem sacrarum virginum velamen tacent lapides, ut si quod superesset hæc de re dubium, penitus evellatur. Marangonius hunc exhibet titulum, in append. ad Acta S. Victorini, p. 88.

ANIMA DULCIS. AVFENIA VIRGO  
 BENEDICTA QVE VIXIT. AN. XXX.  
 (Aufeniæ imago)

DORMIT. IN PACE

Velatam Aufeniam insculpta imago ob oculos ponit. Benedictæ autem nomen virginem omninò fuisse velatam, non viduam indicat; nam de viduis nullâ benedictione velandis exstat Gelasii decretum in epistolâ ad Lucaniæ episcopos nonâ. Vide Martenium, de ant. Eccles. lib. 2, c. 7, n. 5. Nec prætermittam, quam ex Capacio referunt Reinesius, cl. 20, 422, et Fleetwoodius, p. 514, Inscriptionem:

IN HOC REQUIESCUNT TUMVLO VENE  
 RANDA CORPVSCVLA SACRAR VIR. ET  
 CONSECRAT. VELAMINE CVLTV CVM  
 QVA BACCINO ROSA ET IN SAECVLVM  
 PETRONILLA VERONICA S. SEVERA

Velaminis sacri meminit etiam lapidis fragmentum apud eundem Fleetwoodium. p. 511. Atque hæc ad continentiæ votum vindicandum sufficiant.

### CAPUT IX.

*De laicis agit, ac potestatem politicam, militiamque à Christianorum legibus non abhorreere studeat.*

Paucis ea perstringemus, quæ ad laicos pertinent. Politicam potestatem bonam esse, et Christianis licitam negant Anabaptistæ ac Tri-

nitarii. Eos refellit Bellarminus, lib. 5 de Laicis, cap. 3 et seqq. Ridiculus sim, si lapides omnes afferre hic velim, in quibus magistratuum à Christianis administratorum fit mentio. Describendæ hic essent inscriptiones omnes christianorum imperatorum; describendi consulares tituli, ut Boetii ac Flavii Constantii; describenda præfectorum prætorio, idque genus elogia, cujusmodi illud à Fabrettio redditum, p. 741, Fl. Julii Catervii *ex præfecti prætorio*. Sed satis sit hæc indicasse. Nimirum incredibile dictu est Christianos à reddita Ecclesiæ pace ac nostra tempora magistratus, eosque præstantissimos gessisse, si id evangelicæ legi adversaretur.

Existit hic altera questio breviter et ipsa tractanda de militiâ, quam Christianis vitatam nonnulli existimârunt. In quâ quidem quæstione præter Bellarminum. l. 3 de Laicis, c. 14; Sigismundus Jacobus Baumgarten, anno 1745, accuratè versatus est in Examine sententiæ veterum Christianorum de militiâ, uti et Machius tum in primo, tum in tertio Originum et Antiquitatum christianarum volumine. Sed nobis agenda solis sepulcralibus titulis res est. Quis certè credat, Christianos suorum, qui milites fuissent, elogiis exercitæ militiæ minus inscripturos fuisse, si id lex Christi aversata fuisset? Atqui inscripserunt, neque solum illorum, qui virtutis famâ inter ipsos minùs claruissent, sed etiam martyrum epitaphiis. Præstò sunt exempla plurima. Pauca hic recitabo:

FLAVIUS FLOR....  
 EX TRIBVNS QUI VIXIT  
 ANNIS OCTOGINTA ET  
 SEPTEM MILITAVI ANN  
 TRIGINTA ET NOVM POSITU  
 EST AD SANCTOS, etc.

Ita ejus lapis apud Muratorium, pag. 1875, 1, qui, pag. 1886, 1, hunc alium titulum exhibet:

HIC REQUIESCIT IN PACE  
 HISIDORVS VIR DELMATA  
 .... NVMERI....

Accipe ex eodem tertium militem, p. 1922, 4:

HIC PAX QVILSCLT EVCARIDV. F. SCVT  
 SCOL. SECVND. QVI MILITAVET AN. P. M. XVIII.  
 Marangonius in eo libro, quem *delle Cose gentilesche* prænotavit, p. 460, alium suggerit, in quo tamen vitiatos esse numeros existimârîm:

CRESCENTI BENUMERENTI IN PACE VIXIT ANNIS P.

M. XIII.



MU ITAVIT ANNIS. V. FECERUNT CONMANIPULI IPSIVS  
Utique et hi conmanipuli fuere Christiani, ne-  
que enim ethnici aut voluissent sepulchrali ti-  
tulo christiani hominis memoriam ornare, aut  
etiam potuissent, Christianis cœmeteria sua,  
ut aliàs dixi, diligentissimè custodientibus.

Longè plures Boldettius exhibet, ut Felicissim-  
um, p. 417; Pyrrhum p. 415; Annæum,  
p. 416. Sed in solis martyrum titulis immore-  
mur. Marium ducem militum fuisse proditejus  
inscriptio aliquantò recentior, genuina tamen,  
ut alio loco dixisse me memini. Beneficiarium  
præfecti prætorio quod militare munus dubio  
procul fuit, habemus in hoc Secundini epita-  
phio, p. 415 :

SECUNDINO. BENEMERENTI QVI VIVIT ANNOS XLII.  
D. N. F. PRAEFT. QUIESCIT IN PACE VI. IDVS AVG.  
Porrò Secundinum martyrem fuisse, sanguinis  
vasculum in ejus tumulo repertum demon-  
strat. Imò Boldettius eundem hunc putat, qui  
in Martyrologio Florentinii VI Idus Augusti  
celebratur.

### CAPUT X.

*Legem posse servari, atque opera bona, orationem  
præsertim atque eleemosynam, esse meritoria  
contra hæreticos ex lapidibus arguit.*

I. Quæ communia sunt capiti, membrisque Ec-  
clesiæ, Christianæ pietatis justitiæque officia  
persequamur. Primum illud, ut Evangelicam  
legem servent. At nostri temporis hæretici, ut  
in vitia omnia prolabi nemine exprobrante  
ipsis liceat, servari legem posse audacter ne-  
gant. Ita est. Verùm cæteris prætermisissis ar-  
gumentis, quibus insanum hocce, impiumque  
commentum à theologis nostris passim confu-  
tatur, in hâc etiam disputatione veterum  
Christianorum lapidibus utamur. Enimverò  
Dulcitia in ejus titulo, quem Muratorius refert  
(p. 427, 4) Laudatur, quòd *morebus optimis fue-  
rit*; Pauliam quamdam *cujus fides et integritas  
immacolata* (sic) *die vitæ suæ fuit*, apud Bol-  
dettium reperio, p. 378: *Laurentius innox anima  
agnus sine maculâ*, apud eundem occurrit, p.  
408. Servârunt ergo hi legem. Clarius id de qui-  
busdam aliis narrant lapides. Sic Mandrosa à  
Suetio et Fabretto, p. 558, memorata fuisse  
hæcitur *fidelis in xp̄o ejus mandata reservans*;  
Augustus apud Muratorum, p. 1854, 2, appel-  
latur *divina legis jussa verenda colens*; Andreum  
autem pontificem his verbis alloquitur ejus  
epitaphii auctor (Mur. p. 421, 1): *Nunquam de  
manibus tibi lex divina recessit*. Certum igitur

erat majoribus nostris, divinam posse legem  
impleri, quam à sanctis viris servatam fate-  
bantur, ac prædicabant.

II. Mirum tamen haud est, hæreticos de  
divinâ lege tam impiè sentire, quàm bonorum  
operum osores sint, eaque nec necessaria, nec  
meritoria esse blasphemant. In hoc ipso autem  
stultissimi sunt. Legant in Marangonii appen-  
dice ad Acta S. Victorini, p. 72, Græcam Her-  
mogenis epigraphen. Ea latine hujusmodi est:  
*Hermogeni, gaude, annos qui vixisti 43 benè fac-  
ciens, neminem contristans, neminem offendens*.  
Eccè; jubetur Hermogenes gaudere quòd benè  
fecerit. Quid hoc? Opera bona si meritoria  
non sunt, de illis non est cur quisquam lætetur.  
Præterea Eleuteris in lapide *D. N. Cl. Juliano  
Aug. IV et Fl. Sallustio consulibus* notato, seu  
anni 363, dicitur *secura quiescere sanctis pro  
meritis et opera tanta*, et paulò post *pro factis  
ad alta* (caelum scilicet) *vocata*. Hæcine ab iis  
profecta sint, qui cum Luthericis credide-  
rint, opera bona meritoria non esse?

III. Neque hoc solum generatim de bonis  
operibus lapides prædicant; sed orationem  
præsertim, atque eleemosynam ita commen-  
dant, ut plurimum in utràque esse meriti pa-  
lam significant. Barbarum exhibeo ann. 626  
positum epitaphium, quod Cl. Mafficus edidit,  
Ant. Gallic. p. 102 :

EPYTAIVM HVNC QVI INTVVS LECTVR (intueret le-  
ctor)

BONE RECORDACIONIS AGAPI NEGVIATORIS  
MEMBRIA QUIESCUNT NAM FVIT ISTE STACIO

MISERIS ET PORTVS LGINIS OMNEBS APTVS (omni-  
bus apertus)

FVIT PRAECIPVE LOCA SCORVM ADSE  
DVE. ET ELEMOSINAM. ET ORACIONEM

STVDVIT. VIXIT IN PACE ANNS LXXXV. OB

VIII. KAL. APRILIS LXI. PG IVSTINI INDICT. QUARTA.  
Sed de eleemosynâ possum plura exempla  
proferre. Lucas *Agathensis, gentis alumnus...*  
*justitiæ fons, munditiæ vas, lex pietatis, lux*, etc...  
*devia spes miseris* dicitur in Museo Veronensi,  
p. 312, 2. In Diogeniæ titulo, quem ex Gru-  
tero describit Fleetwoodius, p. 391, fertur illa  
fuisse :

LAETA SVIS LACRIMIS IEIVNO CORPORA PASTA  
PROFUGA PAVPERIBVS NAM SIBI PARCA NIMIS  
Quid Ennodium memorem? Fuit is, si sepul-  
chrali ejus elogio credimus, quod Fabrettius  
p. 753, vulgavit :

LARGVS VEL SAPIENS DISPENSATORQVE BENIGNVS  
DIVITIIS CREDENS QVAS DEDIT I SE SVAS

Eadem de Andream pontifice, quem supra memorabam, legere est.

HOSPITIUM GRATUS SE IPSUM DONAVIT EGENIS  
ILLOS ELOQUIO HOS SATIABAT OPE

Neque ea omitam, quæ de Valentiniano episcopo ejus epitaphium refert, Mur., pag. 425, 6 :

ABIECTIS QUI FVDIT OPES NVDATAQVE TEXIT  
AGMINA CAPTIVIS PRAEMIA LARGA FERENS  
EST PIETAS VICINA POLO NEC FVNERIS ICTVM  
SENTIT OVANS QUI FEKIT ASTRA BONIS

Dulcitiâ quoque ejus supra facta mentio est, *charitate largissimâ* in ejus titulo prædicatur, et Augustus largus pauperibus. Quò, amabo, tam singularis atque præclara harum virtutum recordatio spectat, nisi ut intelligamus eas fuisse, quibus sancti illi viri Deo maxime placere, gloriamque sibi immortalem pepererunt? Stet ergo, antiquitatem contra Lutheranorum inventa pugnare, Christianorumque titulos catholicum dogma de bonorum operum meritis vindicare.

#### CAPUT XI.

*Baptismi necessitas, Baptismus infantum, ejusdem sacramenti effecta, et caeremoniæ ex lapidibus illustrantur.*

Mediæ salutis, ejusmodi Sacramenta sunt, necesse nunc est expendere, quidque ad ea sive illustranda, sive vindicanda conferant lapides, ob oculos ponere. A Baptismo autem initium ducimus, ejus necessitatem quam hæretici negant, Inscriptiones probant. Instar omnium ducæ sint, quarum alteram Muratorius, p. 1916, 4; alteram Boldettius exhibet, p. 58. Prior hæc est :

NILAC FLORENTINAE INFANTI DVLCISSIMAE ATQ  
INNOCENTISSIMAE FIDELI FACTAE PARENS CONLO-  
CAVIT  
QVAE PRIDIE NONAS MARTIAS ANTE LYCEM PAGANA  
NATA ZOIO CORP. MENSE OCTAVO DECIMO ET  
VIGESI  
MA SECVNDIA DIE COMPLETIS FIDELIS FACTA HO:RA  
NO  
CTIS OCTAVA VLTIMVM SPIRITVM AGENS SVPERVIXIT  
HORIS QVATTVOR ITA VT CONSVETA REPETRET AC DE  
FVNCTA HYBLE HORA DIEI PRIMA SEPTIMVM KAL  
OCTONALES, etc.

Ut ἐν παρῶν id observem, quid sit *Zoio corp.* disputat Mazochius, p. 43. Hyblam autem, quàm plures sint in Sicilia antiquâ hoc nomine urbes, Megaram intelligo; nam hæc proximior est Catanæ, ubi lapis existit. Posteriori jam reddo :

#### IX 01 C

I. POSTVMIVS EVTHERION. FIDELIS QUI GRATIA  
X. SANCTA CONSECVTVS PRIDIE NATALIS VO SEROTINA  
Θ. HORA REDDIT DEBITVM VITE SVE. QVI VIXIT, etc.

« *Gratia* verò *sancta* non aliud, inquit Cor-  
sinius p. 54, intelligi vel esse profectò debet,  
« quàm *baptismus* ipse, quem *postumius* prop-  
« modùm moriturus susceperat. » Rectè; hæc  
certè apud S. Cyprianum reperio in ep. Ba-  
luz. edit. ad Fidum, quæ Postumii lapidem  
mirificè illustrant: « propter quod neminem  
« putamus, à *gratiâ* consequendâ impediendam  
« esse... et idcirco, frater charissime, hæc fuit  
« in concilio nostra sententia, à *baptismo*, at-  
« que à *gratiâ Dei*... neminem per nos debere  
« prohiberi, quod, quàm circa universos ob-  
« servandum sit, atque retinendum, magis  
« circa *infantes* ipsos, et recens natos obser-  
« vandum putamus, qui hoc ipso de ope no-  
« strâ, ac de divinâ misericordiâ plus meren-  
« tur, quòd in primo statim nativitatæ suæ  
« ortu plorantes ac flentes, nihil aliud faciunt  
« quàm deprecantur. » Verùm quod ad institu-  
« tum à me de Baptismi necessitate sermonem  
pertinet, illud est, Nilam ac Postumium uti-  
que ob instantis mortis periculum fuisse sa-  
cro baptisate ablutos. Cur autem, nisi quia  
persuasum Christianis erat, posse neminem  
salvari, qui ex aquâ renatus non fuerit? Equi-  
dem Joan. Georgius Walchius in Historiâ Pæ-  
dobaptismi, p. 504, verosimile esse ait, de non  
baptizatorum infantum salute Patres ab ipso  
seculo III cœpisse dubitare; deinde *errorem*  
vocat. Verùm seculone jam tertio Christus  
Ecclesiam suam deseruerat, ut gravi de Bap-  
tismatis necessitate errore tenetur? Desig-  
net erroris sui Lutheranus homo tam vetusta  
principia; vel saltem patiatur errare cum  
christianâ antiquitate non malle, quàm sa-  
pere cum Lutheranâ novitate.

Cæterùm quas inscriptiones adduximus, eæ  
etiam efficiunt, Ecclesiam infantium Bap-  
tisma probasse contra quam Anabaptistæ gar-  
riant, qui non licere docent Baptisum tra-  
dere, nisi adultis, qui Baptisum per se flagi-  
tant. Accedunt innumeri alii lapides, in qui-  
bus fideles ( baptizatos scilicet, ut infra di-  
cam ) et neophytos passim reperimus infan-  
tes. Sic apud Victorium Diss. Phil., p. 48,  
novem mensium puella *Tecla fidelis* appel-  
latur, *neofitus* apud Boldettium, p. 807. Victor  
dierum 80 Florentinus quoque ab eodem Bol-  
dettio, p. 62, memoratus vixerat *annum et men-  
ses novem dies quinque*; *fidelis* tamen de seculè

recessit. Achillam *neophytam unius anni mensum V*, invenias in Muratorii Thesaurō, p. 1819, 6. Vin' ? triennio puerum baptizatum ? Legito hunc Cyriaci titulum, quem ex Boldetio, p. 453, descripsi.

✱

CYRIACVS FIDELIS DECESSIT OCTIDIES

MINVS. A. TRS. ANNS III. KAL. MAR.

Diebus 32 ultra tres annos vixerat Fl. Jovina, quæ in ejus epitaphio, apud eundem Boldetium p. 271, *deposita fertur neophita in pace*; duobus autem diebus junior, neophytus tamen et ipse fuit Domitius, cujus epigraphen dedit Fabrettius, p. 539. In Musco Veronensi, p. 180, 3, Q. *Viminatum neofitum* offendimus, QUI VIXI ANN P M V, seu plus minus quinque, Marangonius præterea, in app. ad Acta S. Victorini p. 409, hanc refert Inscriptionem :

V R C I A  
F L O R E N T I N A  
F I D E L I S I N P A C E  
V I X . A N N . M E S . V I I I I .

DIES VIII

Sive autem legas *annu*. scilicet annum, sive *an. V*, annos quinque, perinde est. En ergo invictum Baptismi infantibus prioribus Ecclesiæ secularis collati argumentum, eoque magis invictum, quod, ut Cl. Mazochius observat, p. 44, Nilæ Baptismus cœlesti voce fuisse approbatus in sepulchrali lapide dicitur; pergit enim inscriptio : « Cujus oceanum cum uterque parens omni momento fleret, per noctem *majestatis* vox exiitit, quæ defunctam lamentari prohiberet. »

Cave tamen credas, istos omnes, quorum inscriptiones indicavimus tum primum baptizatos fuisse, quum in vitæ discrimen adducti fuere. Non eò hoc dico, quod contrariæ sententiæ sectatores ab Anabaptistis nihil, aut parùm differre existimem. Absit. Uthæreticos istos refellas, satis sunt infantium baptizatorum exempla, etsi baptismo initiati sunt ingruente mortis periculo; hoc nempe discrimen ut magnum sit, non facit, ut infantes baptismum per se exposcant, quod tamen necessarium esse heterodoxi illi contendunt. Nægo tamen illud verum esse, quod Cl. P. Corsinius p. 52, « Muratorio duce, ut ipse ait, « nisi mortis periculum immineret, pueros baptismum distulisse usque ad usum rationis » affirmat. Hoc quidem ante Muratorium, quo *duce* gloriatur Corsinius, docuerunt Ludovicus Vives, Salmastius atque Suicerus, Thes. eccles. T. 2, p. 4156; imò omnibus

TR. V.

prævisse videtur Walafridus Strabo seculi IX scriptor, cujus hæc sunt verba in libro de rebus Ecclesiasticis, cap. 26 : « Notandum deinde primis temporibus illis solummodò baptismi gratiam dari solitam, qui et corporis et mentis integritate jam ad hoc pervenerant, ut scire et intelligere possent, quid emolumentum in baptismis consequendum; quid confitendum atque credendum; quid postremè in renatis in Christo esset servandum. » Verùm id veterum Patrum scriptis ac lapidibus ipsis rejugitare confidenter aio. Cyprianum supra audivimus. Notum est Gregorium Nazianzenum, Orat. 40 de Bap., ita censuisse, ut infantes nisi si mortis periculum intercederet, « triennio exspectato, aut aliquantò breviori vel longiori temporis spatio... per magni baptismi sacramentum et animos et corpora sanctificarent. » Tertullianum quoque constat in libro de Baptismo, c. 18, *cunctationem Baptismi*, ut quæ *utilior* esset, introducere voluisse. Quæ quidem utriusque doctoris opinio singularis satis apertè contrariam indicat in Ecclesiâ consuetudinem obtinuisse; Nazianzeni præterea sententia per sese Corsinio adversatur. Sed, ut alios Patres præteream à Walchio in historiâ Pædobaptismi, atque à Binghamlo, Orig. Eccl. lib. 11, c. 4, magno numero congestos, Siricium ab utroque prætermisum placet in medium afferre : « Sicut, inquit S. pontifex, epist. 1 ad Himerium, c. 2, sacram ergo paschalem reverentiam in nullo dicimus esse minuendam, ita infantibus qui necdùm loqui poterunt per ætatem, vel his quibus in quâlibet necessitate opus fuerit sacri unda Baptismatis, omni volumus celeritate succurri. » Quæ Siricii verba; ut Chardonius observat in historiâ Sacramentorum, sect. 1, p. 2, c. 1, p. 156, edit. Gall. significant, infantium Baptisma ne tum quidem fuisse dilatatum, quando in nullo mortis discrimine versabantur; infantes enim distinguit pontifex à cæteris, quibus in quâlibet necessitate opus fuerit sacri unda baptismatis, et tum his, tum illis jubet omni celeritate succurri. Patribus consentiunt lapides. Cur enim in aliquibus *neophyti*, in aliis *fidelis* nomen defunctis tribuitur ? Nempè ut intelligeremus, *neophytos* in mortis periculo fuisse baptizatos, non item alios. Quid ? quod si *neophytos* suos hoc nomine non designabant in more positum Christianis fuit baptismi tempus disertis verbis adnotare. Hanc ego consuetudinem infra exemplis comprobabo; interea sufficiat Nilæ

epigraphen recolare ubi non *fidelis* dicitur, sed *fidelis facta hora noctis octava*. Adeo Christianis curæ fuit in sepulchralibus monumentis verba ecclesiastico usu quodammodo consecrata propriè usurpare. Quùm ergo *neophyti* quidem *fideles* fuerint, *neophytos* tamen illos potius quàm *fideles*, ubi eorum veluti classem designare vellet, appellare Ecclesia consueverit, illis *fidelis* nomine reservato, *qui non vociter*, ut Gregorij Magni verbis utar, l. 4. ep. 50, *erant plantati in fide*, Christianos, qui tam sæpè *neophyti* nomen in suis titulis inscripserunt, credibile non est *fidelis* vocabulum latiore quodam sensu, atque illis etiam qui aliquandiu post baptismum susceptum in vivis egerant, communi adhibuisse. Quòd si *fideles* propriè illi fuerunt, fuisse illos extra mortis periculum baptismate perfusos dicendum est. Nam si velis baptizatos eos fuisse, quàm vitæ discrimen subierunt, alteratrum affirmare necesse erit, aut eos omnes è periculo illo emeruisse, ac demùm novè ingruentæ gritudine obuisse, aut eum morbo tandem fuisse collectos, ut non amplius *neophyti*, sed *fidelis* titulo possent extra omnem ambiguitatem donari; quod utrumque in tantâ *fideli* infantium multitudinè incredibile est, nec ullâ certè probabili ratione suaderi potest. Non sum equidem nescius, quarto præsertim, et quinto seculo Baptismum ad provecctorem ætatem, atque adeo ad mortem usque protractum à plurimis fuisse. Exemplâ passim in Ecclesiæ annalibus occurrunt. Duos indicasse sufficiat, quorum Muratorius epitaphiâ in novum suum Thesaurum intulit, p. 382, 2, et 590, 5. Junium nempe Bassam. V. C. qui vixit annis 42, mens. 2, in ipsâ præfecturâ Urbis itit ad Deum 8 kal. septemb. Eusebio et Hippatio cons., scilicet æræ christianæ 559, et Fl. Arcadio et Bononæ cons. (anno 585), 10 kal. jūliis defunctum Leontium *neophytos* qui vixit ann. plus minus 29, 8. Mes. 5. d. 15. Verùm hoc generalem illam Muratorij et Corsinij regulam hæud probat, nisi mortis periculum immineret, pueros baptismum distulisse usque ad ætatem rationis; imò quàm Patres eam consuetudinem longè latèque vagantem gravissimis verbis insectarentur (confer S. Joannis Chrysostomi in Ep. ad Hebræos homiliam 15), alium planè usum, quem quin plures servârunt, dubitare non possumus, probasse Ecclesia videtur.

Nollem hæc, Lutheranum quempiam, qui actuale in parvulis, dum baptizantur, fidem Luthero dace requireret, Goriano lapide abuti, quem etiam Corsinius refert, p. 55.

INGENIOSAE QUÆ VIXIT ANNIS .LIII. M. V. DIES XXI  
FIDE PERCEPIT. MESORVM. VII.

Quamquàm si quis inscriptionem istam objiceret, in re-lapidariâ hospitem sese ac peregrinum ostenderet. Non enim Ingéniosa dicitur hic *perceptæ*, id est Baptismum, quem ex arcani disciplinâ reticere sæpè consuevisse postea ostendam, *fide*, quam actu haberet, sed *in fide* Baptismus ipse est, qui propterea sacramentum Fidei à Patribus, ut à Fulgentio, de fide ad Petrum c. 50, sæpè appellatur. Nam *sicut* (inquit S. Augustinus ad Bonifac. ep. c. 25) secundum quemdam modum sacramentum corporis Christi corpus Christi est, et sacramentum sanguinis Christi sanguis Christi est, ita sacramentum *fideli* fides est. Scribitur autem, *fide*, pro, *fidem*, more non in Christianis tantum, sed etiam in ethnicis inscriptionibus aberuditis viris observato; littera enim M. sæpissimè in hujusmodi monumentis omittitur. Rîdulus sim, si rem planè certissimam exemplis confirmem. Unum tamen ex Lupio, p. 175, adducam, apud quem in Florentini epigraphæ legitur, PAX TECV. Confer etiam Bonarrotium, p. 47 et 166.

Ad Baptismi effecta transeamus, cum hæreticis iterum congressuri. Negant Lutherani, negant Calviniani apud Bellarminum, de Bapt. lib. 4, c. 15, Baptismo tolli peccata, sed alunt deleri tantum eorum reatum, ut imputatione nullâ sint. Conferamus jam cum hoc errore veteres Christianorum lapides. Primus sit Gruterianus, pag. 4164, 7, quem Fleetwoodius quoque, pag. 440, exhibet emendatque: QVI PECCATORVM SORDES ABOLERE PRIORVM TERRENISQVE OPTAS MACVLAS ABSOLVERE VITAM

I. maculis

HVC ADES AD CHRISTI FONTEN SACRVMQVE LIQVOREM  
CORPVS VBI AMENTES PARITER SENSVSQVE LAYANTVR  
AETERNVMQVE DATVR CASTO BAPTISMATE NVNVS  
Porro fontes S. Anastasiæ, quibus hæc cîrmina insculpta erant, extruxerat Romanæ urbis præfectus Longinianus, qui inter *comites sacrarum largitionum*, anno 593, recensetur, et PP. seu *præfectus prætorio* (Italix scilicet) anno 406, fuit constitutus. Hujus similis inscriptio est Viennæ Allobrogum à Cl. march. Maffeo inspecta: in eâ hæc de *FOEDVLA* legitur:

MARTINI QVODAM PROCERES SVB DEXTERA TINTA  
CRIMINA DEPOSVIT FONTE RENATA DEI

Arrigant aures heterodoxi: Baptismo peccatorum sordes abolentur priorum, terrenis maculis absoluntur vitæ, crimina deponuntur: Hæcine

inducant, remitti tantum peccata, non tolli? Hinc interdum, ut in præclarâ quam Muratorius refert, p. 1838, 5, inscriptione Spiritus sanctus columbæ specie baptizandi capiti, imminens exhibetur. Nempe Spiritus sancti gratiam, quam Baptismus confert, hoc pacto indicare Christianis visum fuit.

Quare mirum non est, Christianos Baptismum, cujus tam præclaros effectus norant, tantifecisse, ut tempus, quo illum perceperant, veluti singularis ejusdem felicitatis *εποχῆν* suis tumulis inscripserint. Sed in hac illustrandâ consuetudine paulò diutius immoremur. Cl. Mazochius in duabus quæ de Hilari epigrammate ad Dominicum Georgium dedit, epistolis, hunc morem in illo Hilari epitaphio visus est sibi deprehendisse; quod enim ibi legitur *QVI VIXIT ANNVS PL. MS. XXV*, ipse explicat: *Qui vixit annos plus minus quinquaginta, menses viginti quinque*. Nempe in quibusdam marmoribus animadvertit singulariam P. significare *plus minus*, sequens quæ MS, non est nota *πὸ μῖνὺς*, sed *mensum*, ut videre est apud Valerium Probum, et cæteros notarum Romanarum scriptores. Sed pace viri summi, quem maximi facio, atque adeò amo, Sabbatino, cui etiam in Museo Veronensi adstipulatur Maffei, legenti, *plus minus viginti quinque* assentiri omnino cogor. Quid enim in Valerio Probo aliisque Romanarum rerum scriptoribus quærimus notarum à Christianis usurpatarum explanationem? Uti verborum, ita siglarum portenta Romanis quadrataris ignota prodeunt in dies in Christianorum titulis. Adde exemplum in Muratoriano Thesaurò, p. 1954, 3, *πὸ MS*, pro, *minus*, à Sabbatino inventum, ubi *Valeria* vixisse dicitur *in hoc seculo ANNIS PL. MS XXXII*. Mazochius quidem et hic legit: *Plus minus quinquaginta, mensibus 32*. At formula illa, *vixit in hoc seculo* hanc explanationem finitimè fert. In Hilari verò epigrammate quàm voces aliæ omnes puncto tenentur, atque à sequentibus disjungantur, quò factum ut post litteram P (siquidem illam Mazochius à sequente separat) nulla fuerit interpunctio adhibita? Nempe quia cum sequente conjungenda est; conjuncta autem nonnisi *PLVS* potest significare. Quid? quòd Christiani ut videbimus ubi Baptismi *εποχῆν* suorum tumulis inscribere voluerunt, verbo aliquo diversam hanc *εποχῆν* accuratè denotarunt. In Hilariæ tantummodò ac Valeriæ titulis rem ita obscurè indicarint ut Mazochio œdipo opus fuerit ad eam enucleandam? Neque eidem doctissimo viro subscri-

bere possum ad eundem Christianorum morem duos hosce lapides trahenti, p. 52, à Marangonio editos in libro qui prænotatur, *delle cose Gentilesche*, p. 461 et 458:

I.  
AELIAE IENVARIAE FIL  
ET MARTIO MARIJO ET.  
QVI FECERVNT INC...  
DIES XL. QVE IENVARIA  
VIXIT ANNIS X7 II. MES... L. XVIII.  
PARETES. BENEMER.

II.  
AMANTIO. QVI VIXIT. ANN. P. M. XXXVIII. DECES-  
SIT IN PACE  
DD NN HONORIO VIII. ET THEODOSI III. AVVGG.  
QVI FECIT  
ANN. XXX. ET MENS. VIII.

In hac inscriptione, si Mazochio credimus, posterior summa est temporis post lavacrum; sensusque est *fecisse* Amantium nempe in Christo, (quæ locutio integra reperitur in primo AELIAE IENVARIAE titulo) *ann. xxx. et Mens. viii*. In alterâ verò quàm vita post baptismum exacta perquam brevis fuerit, per dies notata est. Hæc vir eruditissimus. Sed in primâ illâ nihil ego de Christo aut lavacro invenio; quæ enim desunt post litteram c..., suppleo *ON*, nempe in *conjugio*, ex Fabretti lapide 131, p. 270.

A. FRI. CA. NVS. FOR. TVN. A. TE. CONIV. GI.  
CVM. QVEN. FECIT  
IN. CONIV. GIVM. ANNOS. N. VIII. MENSES N. II.  
DIES N. XXVII  
QVE NVESIT. ANNORVM. N. XV. MENSVM. N. VIII.  
QVE. VIXIT.  
ANNIS N. XVIII. MENSES N. II

Secundam autem de conjugio quoque explanationem suadet vetus formula, atque à Christianis quoque usurpata *fecit*, quam ad spiritale cum Christo conjugium cum Mazochio referrem, si exemplo aliquo suaderi id posset. At qui Amantius, qui annos tantummodò 58 vixit, *facere* potuit, seu vivere cum conjuge ann. 50? Nempe aut typographi vitio in Marangonii exemplo, aut etiam quadrataris oscitantia in autographo lapide nota aliqua numeralis deest in priore annorum summâ. Dicere hoc malo, quàm sine exemplo conjugalem formulam mystico sensu intelligere. Jam verò rejectis hæc exemplis certiora alia quæramus, quibus consuetudo illa Christianorum confirmetur. Quanquam duo jam attulimus *Nilæ*, inquam, atque *Ingeniosæ*. Ac de Nilâ quidem explorata res est; de Ingeniosâ verò nullo negotio ostendi-

tur Recito iterum lapidem INGENIOSAE. QVAE. VIXIT. ANNIS. IIII. M. V. DIES. XXI. FIDE PERCEPIT, MESORVM VII. Viden' duplicem *ἐπιγραφήν*, vitæ alteram, alteram fidei perceptæ, Baptismi nempe suscepti? Nihil autem sensus sit, Ingeniosam vixisse menses 7 à fide perceptâ, an potius quàm septimum ætatis mensem ageret, fidem percepisse, quærant alii, mihi hoc alterum verosimilitudinis ex gignendi casu *mesorum*. Dissertissimum aliud hanc in rem argumentum ex Fabretto, p. 363, Mazochius profert, p. 9:

D. M.  
EV. FROSINE  
COIUGI KA  
RISSIMO  
KAMPANO QUI VIXIT MECU AN  
BENE XII. MESES DVO. DIES V. PERIT ANN XXXV

EX DIE ACCEPTIIONES SVE VIXIT DIES LVII  
ACCEPTIO hic nihil aliud est quàm Baptisma. Equidem illa ad Confirmationem significandam lubens detorquerem: duo tamen vetant; alterum est Ingeniosæ titulus, ubi FIDE (Baptismum scilicet) PERCEPIT disertè legimus; alterum illæ formulæ TAVROBOLIO CRIOBOLIOQVE PERCEPTO; quas Mazochius scitissimè recolit: quàm huiusmodi sacra à dæmone inventa potissimum fuerint in quamdam Baptismi imitationem atque ludibrium.

Verùm hocce *acceptiōnis* vocabulum monet, ut de disciplinâ arcani apud veteres Christianos verba faciam. Ejus ubi de formulâ in pace disserui, exemplum dedidi liturgicis precibus. Sacramenta porrò à Christianis diligentius celebrantur. Hinc arcanæ hæ locutiones, ACCEPTIO, FIDES, et quam in Postumii titulo notabamus, GRATIA SANCTA CONSECVTVVS ad indicandum Baptisma. Huc etiam spectat quod in Severiani tumulo legimus, apud Murat., p. 414, 4, QUI RELIGIONEM DEVOTA MENTE SVSCEPIT. Illustrant hanc arcani disciplinam celeberrima illa S. Augustini verba in Ps. 103, conc. 4. « Quid est, quod occultatum est, et non publicum in Ecclesiâ? sacramentum Baptismi, sacramentum Eucharistiæ. Opera nostra bona vident et pagani; sacramenta verò occultantur illis. » Atque id tam cautè observabant Christiani, ut Baptisma significaturi verbo aliquo ut, *accepit, percepit*, uterentur, nomine prætermisso. Exemplum afferamus, superiore quoque illum temporis, quo Baptismus susceptus fuerat, adnotandi morem confirmatura. Primum ex Marangonio, in app. ad acta S. Victorini, p. 91, depono:

ELLICISSIMVS. CRESCENTI

NE. CONIVGI DULCISIME  
KARISSIME. QVE. VIXIT. ANN  
XXXIII. MES. II. ACCEPTIT. III. KAL  
IVL. DEP. VI. KAL. NOVE  
NBRES. BENE MERENTI  
Habemus aliud in Capuano lapide, quem  
Muratorius edidit, p. 1998, 6:  
HIC EST POSITA  
FORTVNIA  
QVAE VIXIT AN PLS  
MINVS IIII  
PARENTES DVLCISSIMAE  
FILIAE POSVERUNT  
CONSECVTA  
EST DVI DEPOSITA  
EST VIII. KAL AVG  
GRATIANO. II. ET PROBO

Spectat hic lapis ad annum 371, quod non animadvertens Cl. Corsinius, p. 34, hanc inscriptionem inter exempla attulit, quæ probant, « antequam Ecclesiæ catholice pax et tranquillitas *Constantini Magni temporibus*, « affulgere cœpisset, ideoque *neophyti, fidei, fidelis, Christi*, aliaque id genus sacra nomina « sepulchralibus Christianorum titulis perspicuè « disertèque inscriberentur, eadem nomina « juxta veterem arcani disciplinam reticeri, « vel obscurius exprimi consuevisse. » Quibus in verbis alia quædam sunt, quæ omnino non placent. Nam *neophyti, fidei, fidelis, Christi* nomina, ad arcani disciplinam spectasse non ita facile comprobabitur, nec quis sibi in animum inducet lapides omnes, quibus ea nomina insculpta fuere, Constantiniano ævo esse recentiores. Nam quæ ipsa sacramenta aut secretiora fidei mysteria significant, ea potissimum arcani disciplinâ obvolvabantur, sicut ut Tertulliani verba usurpem, Apol. c. 7, omnibus mysteriis silentii fides adhibebatur; hinc Baptismi nomen frustra in lapidibus requiras; pleraque autem illa nomina, etsi ad Sacramenta ac mysteria Religionis nostræ referuntur, non ea tamen ipsorum sunt vocabula, aut quidquam detegunt, quod naturam illorum, rationes, affectiones, effecta patefaciat et celari debeat. Christi porrò nomen ad eum non occultabatur, quod ad ejus divinitatem pertinet, ut qui ethnicis liturgicos libros prodere, Sacramenta aperire, Trinitatem explicare placito sibi duxissent; Christum verum esse Deum palam prædicarent. Quanta de Christo, deque ejus divinitate in apologeticis, quos gentibus pro Christianorum nomine obtulerunt, Tertullianus atque Justinus nar-

rant! Confer Origenem l. 1, contra Celsum. Præterea arcani disciplina diu in Ecclesiâ obtinuit, ut quem supra reddidimus Augustini locus demonstrat; imò ea fortassis disciplina post datam à Constantino Ecclesiæ pacem arctiore quâdam ratione servabatur, quemadmodum Cyrilli Hierosolymitani, Chrysostomi, Athanasii, aliorumque Patrum scripta testantur. Quis enim seculo quarto aut quinto ea evulgare ethnicis se posse credidisset, quæ in primâ Apologiâ Justinus de Baptismo deque Eucharistiâ ipsâ prodidit? Quare christianarum inscriptionum ætas neque ab expressis hisce vocabulis, neque ab arcanis quibusdam locutionibus, meâ quidem sententiâ, est repetenda. Verum in viam redeamus. Tertium hocce disciplinæ, de quâ agimus, exemplum Mazochius, p. 31, reddit:

EVFRONIA EV..... f. Eufroniæ  
 FILIA. ET M..... f. misere  
 NAVFRAGIO.....  
 NECTA. NAT.....  
 PRI. KAL. NOV.....  
 PERCEPIT  
 III. ID. APRIL.  
 DECESSIT  
 PR. KAL. MAI

Equidem Cl. Sabbatinus, in Epist. ad card. Besutium de Hilari epigrammate, p. 50, negat christianam hanc esse inscriptionem, quòd inter christianas à Gudio relata non fuerit, quòdque nihil aliud titulus hic innuat, nisi Eufroniam, quæ *Natale pridie calendæ novembres percepit*, seu nata est, *navfragio ereptam tertia idus apriles decessisse*. Quis tamen Maffeo, in Ant. Gall. p. 96, Muratorio, p. 146<sup>4</sup>, 1, Corsinio, p. 34, antiquitatis peritissimis viris, qui Christianis lapidem istum accensent, assentiri non malit, quàm Gudio, cujus collectio nullum iudicium, nullam diligentiam, nullam eruditionem prodit? Præterea ut Christianis inscriptionem illam Sabbatinus abjiceret, necesse illi fuit *inauditam phraseologiam* (Mazochii verba sunt, p. 31), procludere: *Natale percepit*. Quid? quòd si Sabbatinianam sententiâ amplectimur, quid Eufronia post mortem, quam obiisse *III kal. april.* ait vir doctus, egerit ad ultimum *prid. kal. majus* in lapide disertè inscriptum, ignorabimus. Christianam ergo inscriptionem esse, tot egregiis clarissimisque viris auctoribus demus, Mazochio viro et ipsi præstantissimo, deque universâ litterariâ republicâ optimè

merito, Baptismumque eo verbo *percepit* ex arcani disciplinâ indicatum fateamur.

Pascasii tamen ante alios fuerat lapis commemorandus. Sed quoniam is cæremonias præterea quasdam Baptismi nobis in mentem revocat, opportunè paulò post describetur. Hæ porro cæremonie aliæ Baptismum præcedebant, aliæ comitabantur, aliæ demùm sequebantur. Eas inter, quæ ante Baptismum in more erant, præcipua erat catechumenatus. Hujus vestigium quoddam in Græco *Onesimes* titulo, quem Marangonius (p. 74) divulgavit in Cometerio S. Hermetis repertum; ea enim *KATAΧΟΜΕΝΗ* dicitur. Scio tamen, Cl. Corsinium, p. 53, Neophyti sensu Catechumeni vocem hic usurpatam contendere. Etenim sola quatuor annorum ætas, quam Onesimi tribuit inscriptio, « pati vix poterat, « Inquit vir doctus, ut ea sacris mysteriis instructa, suscipiendique Baptismatis cupidè « foret, adeòque receptâ jam phrasi *catechumena* diceretur. » Ac facilè tanti viri auctoritas, tamque probabilis ratio me in ipsam hanc sententiâ pertraheret. Dùm tamen animadverto, S. Gregorium Nazianzenum (Orat. 40 de Bapt.) triennium censuisse parvulorum, qui baptizandi erant, ætati præfiniendum, « nam tum et mystici quiddam audire, ac respondere possunt, ac si minùs plenè et exactè « intelligunt, imbuuntur tamen, et informantur; » faciliùs intelligo, puellam, quæ non quatuor tantùm annos, sed etiam menses quinque, diesque tres numerabat, sacris potuisse mysteriis institui, ac Baptismi desiderio teneri, atque ægrè adducor, ut credam catechumeni nomen contra totius Ecclesiæ consuetudinem ad neophytam significandam in sepulchrali titulo fuisse translatum. At qui ergo quiescere dicitur in pace? Nimirùm fortassis martyr occubuit; ut autem Prosper cecinit, ep. 87:

*Fraudatè non sunt sacro baptisate Christi,  
 Fons quibus ipsa sui sanguinis unda fuit;  
 Et quidquid sacri fert mystica forma lavaci,  
 Id totum implevit gloria martyrii.*

Vel certè, quod de Valentiniano Juniore acbat Ambrosius, *hanc sua pietas abluvit, et voluntas*. Quùm autem plures essent catechumenorum gradus, primumque *audientes* constituerent, reddendus hic lapis est à doctissimo Gudio divulgatus, qui audientis titulum continet: *SOZOMENETI ALYMNÆ AUDIENTI PATRONUS FIDELIS*.

Muratorii inscriptionem, p. 1888, 5, indicavi.

in quâ baptizandi capiti Spiritus S. columbæ specie imminet. Adstat in eadem puero in baptismali vase posito (quod antiquissimum mersionis ritum exprimit hinc episcopus, hinc sponsor seu patrinus. Nempe dandi Baptismi ius quidem habet « summus sacerdos, qui « est episcopus, dehinc presbyteri et diaconi, « non tamen sine episcopi auctoritate, » ut « ait Tertullianus, de Bapt. c. 17. « Fide- « jussores verò, quemadmodum loquitur Au- « gustinus (serm. 116 de Temp.) proipsis (bap- « tizandis, si parvuli essent, aut hebetes) res- « pondebant, quòd abrenuntiat diabolo, « pompis et operibus ejus. » In mulierum bap- « tismate diaconissas operam præstitisse suam constat. Id ipsum indicat Christiani lapidis fragmentum à Maffeo Græcè editum, Latinèque redditum, Mus. Ver. p. 66, 1 : Μὴ Οὐαλεντίνῳ λα- « θήτω λουτρῶ..... ὡς ἀρχαίαν τὴ φάβου; *Me Valentilla in lavacro posuit... tanquam in splendore lucis.*

Inter ritus, qui Baptismum sequebantur, in- primis commemorandæ vestes albæ quibus in- duebantur baptizati, quasque in ipsâ octavâ Paschæ exuebant in Ecclesiæ vestigiario custo- diendas. Harum mentio in quanti vis pretii la- pide Fabrettiano p. 577.

NATV. SEVERI NOMINE PASCASIVS  
DIES PASCALIS PRID. NOV. APRIL. N  
DIE IOBIS FL. CONSTANTINO  
ET RVFO VV CC CONSS. QVI VIAT (1)  
ANNORVM VI. PERCEPIT  
XI. KAL. MAIAS ET ALBAS SVAS  
OCTAVAS PASCALAE AD SEPTVLCRVM  
DEPOSUIT D IIII. KAL. MAI. FL. BASILIO  
V. C. CO... (2).

Ad eosdem ritus, qui Baptismum seque- bantur, spectat Neophytorum et fidelium no- mèn, quo baptizati donabantur. Exempla supra adqumimus. Monui in historiâ Litterariâ, t. 6, p. 481, catechumenos in nonnullis Ecclesiis, atque Hierosolymitanâ præsertim, *fideles* quo- que fuisse appellatos. Cæterum id nominis Ec- clesiæ fere omnes baptizatis tribuebant. Cl. Ma- zochius, p. 43 et seqq. contendit *fidelium* no- men tributum fuisse baptizatis, non quòd jam crederent, sed passivâ significatione, quòd fide digni essent, seu quòd digni haberentur, qui- bus fidei arcanæ crederentur. Inguosè ille qui- dem dictum, et ex parte verè. Nam baptizati ~~verò~~, hoc est, *fideles* eo sensu appellari possunt,

(1) A. 457, pascha incidit in diem martii 31; quare dies Jovis post pascha 4 aprilis numera- batur.

(2) Basilii consulatus annum designat 463, quo 21 aprilis pascha celebratum fuit.

quo *initiat* etiam vocantur, *quia scilicet Jesus se credit eis*, ut cum Augustino loquar, tract. 11 in Joan., imò nisi fallor, eo sensu *fideles* à Cy- rillo Hierosolymitano, protocatech. n. 6, *illu- minati* dicuntur, dum *fideles* illos appellari ait veluti filios Altissimi, qui *fidelis* est et *justus*. At id esse hujus etymon vocis mihi persuadere non possum, nec sibi persuasit Augustinus. Nam in primo de peccatorum *Meritis* et *Remis- sione* libro ait : « Non hoc Judicat ecclesiastica « regula, quæ baptizatos infantes *fidelium* nu- « mero adjungit. Porrò si illi qui baptizantur, « propter virtutem celebrationemque tanti sa- « cramenti, quamvis suo corde atque ore non « agant quod ad credendum constitendumque « pertineat, tamen in numero *credentium* com- « putantur. » Ubi manifestum est idem esse Augustino *fidelium* numero adjungi, quod in numero *credentium* computari. Imo in eodem libro non multò post disertè ait S. doctor : « N. C. « idè tamen eos (parvulos) quisquam *fidelium* « *fideles* appellare cunctatur; quod à *credendo* « *utique nomen est*, quamvis hoc non ipsi, sed « alii (sponsores scilicet) pro eis inter sacra- « menta responderint. » Hactenùs de Baptismo.

## CAPUT XII.

*Christianos lapides recenset, qui Confirmationem memorant, hancque verum esse sacramentum à Baptismo distinctum evincit; unctionem quoque ejus esse materiem declarat.*

De Confirmatione, quæ alterum est christi- anæ Ecclesiæ sacramentum, acturus offert sese statim celeberrimus Leopardi titulus, de quo olim Mabillonium inter et Fabrettium dis- putatum fuit.

D NA SACRVM XL  
LEOPARDVM IN PACEM  
CVM SPIRITA SANCTA. ACCEP  
TVM EVMTE ABEATIS INNOCENEM  
POSYER PAR. Q. AN. N. VII. MEN. VII.

« Illic manifestus, inquit Mabillonius, (Itin. Ital. p. 72, edit. 1724, de Confirmationis sa- cramento locus est. » At Fabrettius, p. 575, de Baptismo lapidem interpretatur. Neutrum placuit Lupio viro doctissimo, atque antiquo- rum lapidum peritissimo (p. 169.) « Quis enim « vetet, aiebat ille, τὴ CVM SPIRITA SANCTA de « Ecclesiâ, ac cœtu sanctorum potius intelli- « gere, quàm de SPIRITV τῷ ΠΑΡΑΚΛΗΤῳ? Sen- « sus namque opportunissimus illius epitaphii « EST LEOPARDVM IN PACEM (in pace) CVM SPIRITA « SANTA, Spiritus sanctos, Spiritibus sanctis « ACCEPVTVM EVMTE (cumdem) ABEATIS INNOCENEM



« (habeatis innocentem). » At Lupium multis refellere nuper aggressi sunt viri tres sanè eruditissimi, Mazochius in epistola posteriore de Illari epigrammate p. 47; Corsinius (diss. 3, p. 53), et Joannes de Vitâ in notis ad inscriptiones Beneventanas, p. 54. Ego verò etsi horum doctrinam magni facio, venerorque, tamen ad Lupii interpretationem ita me trahi sentio, ut nihil illâ aut verisimilius aut aptius excogitari posse existimem. Age, rem accuratissimè perpendamus.

Negat Mazochius, negat de Vitâ SPIRITUM SANCTUM à Christianis pro *animâ sanctâ* fuisse usurpatum, « quia nefas erat (inquit Mazochius, à quo de Vitâ minimè dissentit) solemne divinæ In Trinitate personæ nomen « cum quovis alio commune facere. » Nefas? Cur ergo in Luciferæ epitaphio apud Lupium, p. 167, scriptum SANCTO ET INNOCENTI ESPIRITO? Dices, *re, et innocentis salis à notionali Paracleti nomine Spiritus sancti nomen distinguere?* Adi ergo apud eundem Lupium, p. 5, Severæ epitaphium. Disertè hæc sunt: ED. ISPIRITO. SANCTO TVO. Quis hæc aliter interpretetur, atque *animæ sanctæ tuæ?* Quamobrem quis vetat hæc quoque eodem sensu accipere ISPIRITO SANCTO MARCIANETI, apud Boldettium, p. 419; CONIUGI BENEHERENTIS ISPIRITO SANCTO, apud Fabretium, p. 571; ISPIRITO SANCTO SEXTILIO LEONI, apud de Vitâ, p. 64? Multa vetant, si quos antea appellavi, viros clarissimos audias. Nam ISPIRITUS SANCTO idem est, atque in *Spiritu*, quemadmodum in Thesaurò Muratoriano, p. 1900, 10, legere est: *beneherentibus in xpo. sancto*. Deinde, ut notat de Vitâ, non legitur, *Hispirito sancto Marcianetis, Ispirito sancto Sextilii Leonis*, benè verò, *Hispirito sancto Marcianeti, Ispirito sancto Sextilio Leoni*, ita ut posteriora nomina à prioribus non gignantur, sed utraque diverso casu posita diversam significationem præferre videantur. Hæc illi. At neutrum quidquam efficit. Nam ut de primo dicam, nominibus ab SP, SC, ST vel duplicè aliâ incipientibus præpositum olim I fuisse, quod animadvertent viri docti Reinesius, cl. 20, 528, et Bonarrotius, p. 112, multis confirmavit exemplis P. Lupius, p. 169, quibus adde ISTERCORVM à doctissimo Oliverio editum in Marmoribus Pisaurensibus, num. 157. Cur ergo hic potius præpositionem I, quàm *πρωθεν* illam litteræ I, designatam dicemus? Imò verò cum nunquam disertè, in *Spirito sancto* Christiani lapidibus suis insculperint, sed *Ispirito*, aut *Hispirito sancto*, aliud

omninò denotare voluisse dicendi sunt. Quid enim? qui toties in *Christo* tumulis suis insculperunt, nunquam, in *Spiritu sancto*, scripserint, si id incidere in animo habuissent? Adde Reinesianum lapidem, cl. 20, 195, SPIRITO SANCTO INNOCENTI. Non in *Spirito sancto*, non hic *Ispirito*, Sed, *Spirito sancto legitur*; ergo idem significat *Ispirito*, quod *Spirito*; atqui hic *Spirito sancto* ad Paracletum minimè traducas, quum nulla hic adsit præpositio. Atque hinc quod secundo loco à de Vitâ obijciebatur, sanè evertitur, nisi fortè velis INNOCENTI casum esse gignendi. Sed alia præstò sunt exempla: VICTORI DIGNO ISPIRITO exstat in Fabretti Syntagmate, p. 571; non *Victoris*, seu *Victoris*; quidni ergo scribi potuerit VICTORI ISPIRITO SANCTO, seu, quod idem est, DIGNO ISPIRITO VICTORI, ISPIRITO SANCTO VICTORI? Nihil quod solidi sit, respondebitur.

Posse Leopardi lapidem ita intelligi, ut non Paracletus, sed animæ sanctæ designentur, hactenus ostendimus; debere sic intelligi nunc demonstremus; SPIRITA SANCTA esse hic accusandi casum nemo miretur, ubi exempla animo verset à Lupio eruditissimè cumulata, p. 168 et 169, intolerandæ, ut Fabretius loquitur, cap. 4, ad inscript. 50; barbariæ, quæ præpositi, cum accusandi casum jungere consuevit, ut, *cum eum, cum maritum, cum filias suas duas*. Mirabitur potius quispiam, Cl. Mazochium, p. 47, contendere SPIRITA SANCTA esse hic femininum, atque aded auferendi casum. Quid hoc? « Apud Hebræos, inquit vir doctus, *spiritus Ruah* est feminini generis. » Ita sanè. « Id ergo etiam in titulos plebeios « Christianorum redundavit, eos saltem quos « Judæi Christiani (quorum erat infinita multitudo) fieri curassent, nisi volumus ab Judæis christianis id et Christianos non Judæos « postmodum imbibisse. » Negemne eruditè hæc et ingeniosè proferri? Minimè sanè. Nego equidem verè dici, aut etiam seriò. Quis enim judaizantes hoc in uno nomine sibi fingat Christianos seculi præsertim III, eosque Romæ? quo scilicet tempore ac loco Judæorum lingua ac natio nulla erat, atque aded Romanis invisa. Sed hoc mittamus. *Spiritum spiriti*, ac *spiritu spiritorum* barbarè seculo III, Romæ usurpatum pro, *spiritus*, testis est luculentissimus Victoriae et Zoticæ lapis, in quo ita acclamatum invenit Boldettium, p. 417, SPIRITA VESTRA DEVS REFRIGERET. Nullus hic ad Hebræismum confugii locus; SPIRITA VESTRA plurali numero hic usurpatur, tibi dicendum,

SPIRITVS VESTROS. Igitur quàm lapides ex lapidibus ejusdem præcipuè ætatis pronum sit explanare, nonne is verosimilius agit, qui SPIRITA inveniens *spiritus* intelligit plurali numero, quàm qui *spiritum* singulari numero explicat, atque ad femininum genus sive ex barbarie, cujus exemplum in hoc nomine nullum extat, sive ex Hebraismo profectum confugit? Quid si addatur præpositio *CVM*, quàm barbaries ablativo rejecto cum accusandi casu copulare passim didicerat? Quum ergo apud Muratorium, p. 1872, 6, Fl. Crisbinum conjugii acclamantem legeris

VALE MICHİ KARA IN PACE

CUM SPIRITA XAN-TA VALE IN R

cave cum Cl. Corsinio, p. 36, explices, cum *Spiritu sancto*, sed cum *spiritibus* sanctis, sive *beatis* interpretare; quod etiam auxesim quamdam habet, quam quadratarius, aut inscriptionis auctor indicare voluisse videtur; valere in Christo salutis ac pacis omnis auctore jubens Aureliam Anianetem Crisbini uxorem, postquam pacem cum beatis fuerat illi precatus. Exemplum aliud attulerat Lupius, p. 168, in *Cervoniæ Silvanæ* Boldettiano lapide, ubi legitur REFRIGERA CVM SPIRITA SANCTA, *Refrigeris* nempe cum *spiritibus sanctis*. At Corsinius quum *Refrigeriam* nescio quam, imò et *Refrigerium* in Muratoriano Thesaurò offendisset, quovis pignore contendit, tò REFRIGERA hic quoque tertium nomen esse tumulatæ Cervoniæ. Quod ut concederem, frustra tamen ad Spiritum Paraclætum reliqua vir doctus pertraheret; ratio enim, quæ tertio seculo obtinuit, declinandi nominis SPIRITVS, et præpositio, CVM, accusandi potius, quàm auferendi casu iis temporibus donata poscit, ut ea de *spiritibus sanctis*, seu beatis accipiamus. Sed neque illud concessero, SPIRITA VESTRA DEVS REFRIGERET; supra vidisti: TIBI DĒVS REFRIGERET. SPIRITVM TVVM DEVS REFRIGERET, ANIMA DULCIS IN REFRIGERIO una Boldettii p. 418 suppeditabit. Simile est illud apud Marangonium in appendice ad Acta S. Victorini, p. 122: IN PACE ET IN REFRIGERIVM, et, p. 80: IN BONO REFRIGERES (pro refrigeris) DVLCIS. Quidni ergo in Cervoniæ lapide acclamationem harum similem potius agnoscam, quàm ut eam trinominem fuisse confligam contra universam ferè christianæ antiquitatis consuetudinem, quæ feminas uno plerumque, rarò duplici, triplici vix nomine donare consuevit? Itaque ut ad Leopardi inscriptionem revertar, cujus gratià disputata hæc sunt, dum is cum *spirita sancta*

*acceptus* dicitur, ne antiquitati repugnemus, quam *spirita* plurali numero usurpasse, et cum præpositionem accusandi casui iunxisse constat, *Spiritam* singulari numero, ac femineæ genere usurpasse neque exempla, nec ratio ulla suadet, cum spiritibus sanctis fuisse acceptum intelligemus. Atque id quoque verosimillimum faciunt similes formulæ, quæ in christianis lapidibus occurrunt: CIVVS ANIMVM CVM SANCTOS; DIGNA INTER SANCTOS.

Non in omnibus tamen probo Lupii explicationem. « Ac certè quidem, inquit Cl. Corsinius p. 35, si marmoris interpretatio « à Lupio tradita admittatur, adeoque cum illo « exponatur: *Leopardum in pace cum spiritibus sanctis acceptum eundem habeatis innocentem; posuere parentes*, sensus omninò mutilus et hiulus erit; neque facillè intelligi exponique poterit, quinam sunt ii qui eundem habere debeant, aut quosnam tituli scriptor alloquatur. » Idem ergo Corsinius, p. 36, marmor ita exponendum putat: « Leopardum in pace cum Spiritu sancto. Acceptum eundem à beatis innocentem posuerunt parentes. » Audacior aliquis apud Corsinium ipsum, p. 25 et seq., animadvertens non semel quadratariorum vitio versus fuisse transpositos, lapidem hæc potius modo explanaret. « Leopardum in pace cum spiritibus sanctis acceptum. Eum posuerunt parentes, qui vixit annis numero septem, aut annis septem mensibus septem Te à beatis innocentem, » ut scilicet hæc postrema verba liturgica sint, quemadmodum illa, *Te pace, Te in pace*, de quibus supra dictum fuit, precumque sacrarum quæ pro defunctis recitentur intuum. Alius tò, à beatis plebeium idiotismum pro, *ad beatos*, et similem Italico nostro, *a' Beati*, affirmabit, nulloque negotio sic lapidem reddet: « Leopardum in pace cum spiritibus sanctis acceptum, eundem ad beatos innocentem posuerunt, » etc. Nam quod Corsinius urget, in ipso marmore ante vocem, ACCEPTVM, interpunctionem reperiri, quæ vocem ipsam cæteris insequentibus conjungendam esse demonstrat, nullius est momenti. Mirum est clarissimum hunc virum interpunctionem objeisse, quum (ne quæ à Lupio eruditissimè hanc in rem congesta sunt, p. 67 et seq. hic repetam) ipsemet paulò post Aureliæ Anianetis epigraphen recitet, ubi vitiatà, et ridiculæque interpunctione eadem vox, XANTA, in duas dissecatur, XAN, TA. Interpunctionis tamen, si vis, ratio habeatur. Non video cur marmor exponi non possit: « Leo-

« pardum in pace cum spiritibus sanctis. Ac-  
 ceptum eundem à beatis innocentem posue-  
 runt parentes. » At instat Corsinius. « Si  
 beati mox nitidè disertèque memorantur,  
 à quibus Leopardus acceptus, atque cum  
 illis conjunctus est, cur ecclesia ac cœtus  
 sanctorum in vocibus aliis, spirita sancta,  
 designari dicatur? » Nempè in priori lapidis  
 parte acclamatio quædam est; quæ sequuntur,  
 historica quodammodò sunt, neque tam ad  
*accept'onem* Leopardi cum beatis, quàm ad  
 modum, quo acceptus est, seu ad ejus inno-  
 centiam denotandam insculpta. Utut est,  
 nihil hic de Confirmatione video; Baptismi  
 tantùm vestigia quædam in barbarâ illâ voce  
*Innocinem* cum Fabretto intueor; unde enim  
 Leopardus *innocens*, nisi quodd sacro fuerat  
 lavacro ablutus?

Sed qui in Leopardi marmore confirmatio-  
 nem minimè invenimus, in aliis designatam  
 lapidibus non negamus. Exstat in his mutila  
 Christiani cujusdam apud Boldettium p. 80,  
 inscriptio, ubi de eo dicitur: *Qui crucem*  
*accept* D. N. (Domini nostri) *die 12. kal. octo-*  
*bres, Mariano et Paterno II cons.*, seu anno  
 Christi 268. Hæc in eo marmore è litterarum  
 vestigiis feliciter deprehendit citatus Corsi-  
 nius. Sed quid Dominicæ crucis nomine hic  
 designatur? « Facile est quidem, inquit eo  
 loco Corsinius, hæc sacrâ Christianorum  
 phrasi martyrium intelligere. At nullus in  
 oculo martyrii character inventus; nullum  
 in titulo martyrii signum exprimitur, atque  
 ubi *Christianus 20. septembris die martyrio*  
*affected* dicatur, intelligi vel explicari non  
 poterit, cur sequenti defunctus ponatur,  
 nisi unâ die cruciatus martyrioque super-  
 stes, alterâ è vivis excesserit. Itaque suspicari  
 nunc libet *crucis* nomine fortassè Baptismum  
 ipsum, sive potius Christi fidem et religio-  
 nem cruce veluti sybologo expressam hic  
 indicari. Certè Paulinus, in Natali, ubi de  
 S. Martino loquitur, qui Christi Religionem  
 amplectebatur, ita cecinit:

*Transiit ad sacram constanti pectore legem,  
 Signavitque crucis sanctam munimine frontem.*

« Perinde quasi crucis nomine, vel crucis  
 signo fronti inscripto Christi fides, lex,  
 religio suscepta satis exprimeretur. Quid  
 ergo si in nostro etiam marmore crucis  
 acceptæ nomine non martyrium, sed Chri-  
 sti fides et Baptismus ipse intelligatur?  
 adeoque singularis hæc formula, planèque  
 insucta reliquis Christianorum phrasibus

« accenseatur, quibus Baptismum ab iis in-  
 dicari consuevisse jam vidimus. » Hæc vir  
 doctus. Et certè præter Paulinum S. Grego-  
 rius Nyssenus, Orat. in eos qui differunt Ba-  
 ptismum, Baptismum appellat *signaculum et*  
*signum crucis*; aliaque in hanc rem testimonia  
 affert Gretserus, de Cruce lib. 4, cap. 4.  
 Verumtamen quùm Confirmationis sacramen-  
 tum non solùm sine crucis signaculo adminis-  
 tratum nunquàm fuerit, ut idem eruditissimus  
 Gretserus latè probat, eodem lib. 4, cap. 15,  
 sed à crucis signo Signaculi nomen acceperit,  
 ut paulò post videbitur; sint præterea  
 theologi et numero et doctrinâ præstantes,  
 qui sacramentum hoc abque crucis signo ne  
 conferri quidem validè posse arbitrentur;  
 crucis nomine Confirmationem liberius intel-  
 ligerem. Hinc Augustinus, in Ps. 144: « Multa,  
 inquit, sacramenta aliter atque aliter accipi-  
 mus. Quædam, sicut nôstis, ore accipi-  
 mus; quædam per totum corpus accipi-  
 mus. Quia verò in terra erubescitur, ille  
 qui dixit: *Qui me erubuerit coram hominibus,*  
*erubescam eum coram Patre meo, qui in cælis*  
*est*, ipsam ignominiam quodammodò, et  
 quam pagani derident (erucem) in loca pu-  
 doris nostri constituit, utique per sacra-  
 mentum Confirmationis. »

Non desunt certiora in lapidibus confirma-  
 tionis monumenta, Ea eruditè illustrat Cl. Cor-  
 sinius, p. 36, seq. Enimverò, ut supra de Baptismo  
 notavi, in Cætervii epigrammate legimus:  
 QUOS -DEI SACERDVS PROBIVS LAVIT ET VNxit.  
 Ubi unctionis nomine Confirmatio designatur,  
 ut Tertulliani, l. de Bapt.; Cypriani, ep. 70;  
 Aviti Viennensis, in ep. ad Clodovæum Fran-  
 corum regem, sexcentisque alijs veterum testi-  
 moniis, si opus esset, comprobare possem,  
 Insigne et illud est Confirmationis monumen-  
 tum, quod ex Apiano Gruterus, ex Gruterq  
 Fleetwoodius protulit:

PICENTIAE  
 LEGITIMAE  
 NEOPHYTAE  
 DIE. V. KAL. SEP  
 CONSIGNATAE  
 A LIBERIO P. F (1)

(1) « Etenim, ut benè sapienterque Corsinius,  
 Picentia illa nuper baptizata, sive neophyta  
 è vivis excessit, postquam à Liberio papâ  
 consignata, sacro nitidum Christum deli-  
 buta, vel confirmata jam fuerat. Quemadmo-  
 dum enim Confirmationis sacramentum à  
 veteribus Unctio et Chrisma dicebatur, et  
 qui sacramentum illud acceperat, *uncti* no-  
 mine vocabatur, ut superius ostendit, ita

FL. HOSPITIANY  
MARITVS  
VXORI  
REMEMERENTI

Jam verò aliqua ex hisce inscriptionibus in rem theologicam derivemus. Primum illud, quod cum hæreticis pugnat, Confirmationem non ritum esse Baptismi, sed diversum à Baptismate sacramentum. Cur enim tot inter ritus Baptismatis solius lotionis unctionisque meminisset Catervii epitaphium? Cur quæ Baptismum acceperat Picentia, unde illi *neophytæ* nomen, postea à Liberio papâ fuit consignata? postea, inquam, nam si Baptismum quoque à Liberio accepisset, hoc etiam epitaphiographus adnotasset. Cur Christianus solam *crucem* et Confirmationem, non etiam Baptismum accepisse dicitur? Hæc sanè argumenta sunt nobilissia aliquid simpliciter Baptismi ritu Confirmationem esse, esse aliquid ab eo diversum. Nam quod diverso à Baptismate tempore accipitur, quod ab alio ministro, eoque solùm qui episcopus sit traditur; quod si simul cum Baptismo conferatur, peculiari mentione dignum videtur, ac veluti quidpiam distinctum profertur, habitum illud fuisse à Baptismo diversum sacramentum necesse est. Alterum quod ex allatis marmoribus consequitur, est Uctionem sacramenti hujus esse materiem. Quùm enim *consignationis* et *crucis* nomine Confirmatio denotetur, ac præterea verbo, *uxit*, definiatur, quæ omnia unctionem vel indicant vel apertè significant, nemò sibi persuadeat, aliam esse hujus sacramenti materiam creditam nisi unctionem, quemadmodùm dum audimus verbo *tauit* expressum Baptisma, statim aquam esse ejus materiem intelligimus.

### CAPUT XIII.

*Sacràmenta alia, de quibus Christianorum lapides meminere, expenduntur atque illustrantur.*

Pauca de aliis sacramentis suppeditant lapi-

quoque sacramentum ipsum *Signaculum Dominicum* à Cypriano, epist. 71; *Signaculum spirituale* ab Ambrosio lib. de initiandis, c. 7; *Signaculum vitæ æternæ*, à Leone, Ser. 4 de Nativit., vocatur; atque fideles illi, qui Chrisma ab episcopo receperant, *consignati* dicebantur. Hinc Innocentius I. (in Epist. ad Decentium) ait: *De consignandis verò infantibus manifestum est non ab alio quàm ab episcopo fieri licere*; paucisque interjectis addit, *solis pontificibus deberi ut consent.* Itaque dum Picentia à Liberio papâ *consignata* dicitur, non aliud intelligi profectò poterit, quàm quòd illa Confirmationis sacramentum ab episcopo sive pontifice Romano receperat.

des. Ea hic perpendemus. Pœnitentiæ, ut equidem reor, canonicè exstat Aquis Sextilis in inscriptione an. 517, illustre monumentum. Recitatur à Maffeiò, ant. Gall. p. 100, atque hujusmodi est:

†

HIC IN PACE QUIESCET  
ADIVTOR QVI POST  
ACCEPTAM PAENITEN

TIAM MIGRAVIT AD DNM  
AN LXV. MENS VII. DIES XV.

DEPOSITVS SD VIII. KAL (Sub die)

IANVAR ANASTASIO VC

CONSVLE

Ministri quoque, quem *Pœnitentiarium* dicimus, mentio fit in duobus lapidibus, Latino altero apud Murat., p. 419, 2, Græco altero apud Fleetwoodium, p. 343. Spectat ille ad annum 523, ut statim ex adscripto consulatu intelliges.

HIC REQVIESCIT IN PA  
CE GEORNTIVS VC PAE  
NITENTIALIS QVI VIXIT  
ANN. PL. M. LVI. DEPOSITV  
EST SVR D. NON DECLMB  
MAXIMO V. C. CONS. IND. SE.

Græcus Fleetwoodii lapis hic est:

ENGADE KEITAI  
AAEZANDPOC . IATPOC .  
XPICIANOC KAI HNEV  
MATIKOS

Pneumaticus, ait hic Fleetwoodius, est presbyter auricularius, confessor (verè, nam plurima istius nominis hoc sensu usurpati occurrunt exempla in Cangii glossario Græcitatibus, et hic noster rem, ut videtur, medicam exercebat.)

De Ordine præter ea quæ alio loco discussa sunt, unus superest Adeodati diaconi titulus an. 474 positus, unde discas, diaconatum fuisse sacrum ministerium, non profanum, ut hæreticis visum est:

SEDIS APOSTOLICAE LEVITES SYMNVS IN ISTA

MENTE PETENS XPM MEMBRA RECONDIT HYMO  
INSIGNIS MERITIS CLARVSQVE FER OMNIA MILLS  
ENITVIT TANTI DIGNVS HONORE LOCI.

ADEO SIC DATVS ALTARIS FVIT ILLE MINISTER  
NOMEN VT AEQVARET VITA DECORA VIRI.

DEPOS. VII. IDVS MAIAS LEONE IVNIORE AVG PAVVM.

(CONS.)

Exstat apud Reinesium (cl. 20, 5) et Fleetwoodium p. 342.

Ad matrimonium quod spectat, notum est

de secundis nuptiis paulò duriàs veteres aliquos sensiasse, ut concilium Neocæsariense, can. 3, nuptias repetentibus pœnitentiam injunxerit. Alii verò etsi non improbârunt, concedere se tantùm illas affirmârunt. Sic aiebat Hieronymus in Epistolâ ad Marcell : « Nos secundas nuptiàs non tam appetimus quàm concedimus. » Quia tamen, ut S. Ambrosius loquitur in libro de Viduitate, alia est infirmitatis contemplatio, alia gratia castitatis, laudibus celebrabantur quæ secundas nuptias respuerant; imò ex illis non secus atque ex virginibus Diaconissæ deligebantur. Illic in Placidie epitaphio, quod an. 571 positum fuit, atque à Muratorio redditur, p. 450, 1, ea dicitur *VNERA*, seu unius viri uxor. Sic etiam *Mandrosa*, cuius alio loco meminimus, dicitur apud Fabrettium, p. 558, *transegisse falsi seculi vitam VIRIVS VIRI consortio terquius CONVICTA per annos*. Addi potest Pulcheria, quæ in Muratoriano Thesaurò, pag. 427, 3, *tenuisse fertur castam defuncto conjugè vitam*. *Vidua* frequentius in lapidibus occurrit, ut *Prima*, quæ *decessit ann. centu*, apud Lupium, pag. 153. *Diogenia*, quæ *viduata viro vivit amica Deo* apud Gruter. 1167, 7. Addo, *Balefia*, *Latobia*, *Hilara*, quarum titulos refert Fabrettius, p. 545. *Efigenia* (apud eundem Fabrettium p. 539). Sed num un tantùm viro an duobus antequàm in viduitate consistentent, eæ nupserint, nihil certi proferri potest. Unum habuisse virum probabilius est Antoniam illam, quæ (ut est apud Aringhium, T. 1 Romæ subterraneæ lib. 3, cap. 22, p. 609, in Græco titulo vixisse dicitur cum *Alypia viro suo annos viginti et septem*; vitam autem mutasse amicitia gravi *Valerii episcopi*. Quid verò rei est isthæc mutatio vitæ? *Pœnitentiane*, quam à Valerio episcopo receperit, quemadmodùm adjutor paulò antea à nobis memoratus? an Baptismus? Utrumque probabile Cl. Corsinio visum est, p. 39 et seq. Fortassè tamen verisimilius fit, *viduitatis servandæ propositum* Valerii suavis ab Antonia emissum hic denotari. Viduas enim, quæ sanctæ religionis propositum vellent, ut in Toletani X concilii cap. 4 statutum reperio, *sacerdoti, vel ministro... scriptis professionem suam faciebant... continentes se et religionis propositum velle, et hoc perenniter inviolatè servare*. Porrò si conversio religiosa professio passim in veterum monumentis appellatur, quidni vitam quoque mutasse ea dicta fuerit, quæ sanctæ religionis propositum emittebat?

## CAPUT XIV.

*Res funerea Christianorum exponitur; animæ quoque immortalitas; preces pro defunctis, resurrectio, iudicium inscriptionum suffragio confirmantur.*

Multa hic simul jungimus, quæ aliquam inter sese habent affinitatem. Atque ut à re funereâ Christianorum exordiar, animus mihi non est ea omnia persequi, quæ de Christianorum funere Panvinius, Aringhius, Gretserus, aliique tradiderunt, sed illa tantummodò, quæ ex inscriptionibus discimus. Itaque quæ loca sepeliendis fidelibus destinabantur, cœmeteria passim vocata scimus; hæc autem quàm afflictis Cæsarum et cæterorum gentiliùm rabie ac furore christianis rebus, in *cavernis*, ut Alexandri Martyris epitaphium ait, necesse fuerit effodere, *cryptæ* etiam appellabantur. Hinc Valeria et Sabina in Boldettiano lapide, pag. 53, enisse dicuntur sepulturæ locum *IN CRUPTA NODA retrò sanctus*. Animadvertite autem, cœmeteria tunc temporis sacris fidelium conventibus patuisse, inque illis divina fuisse mysteria peracta. *Cœmeterii* quoque nomine singularia illa loca, in quibus cadavera singula recondabantur, donata fuisse reperio. Exstant hujus moris insignia duo monumenta, apud Aringhium, lib. 1, c. 1, alterum, alterum apud Gorium, p. 111. Inscript. Etruriæ pag. 508. Illud sic habet :

ΚΟΙΜΗΤΗΡΙΟΝ ΤΟΥΤΟ  
ΟΚΤΑΒΙΑ ΑΝΤΗ ΙΔΙΑ ΓΙΝΑΙΚΗ  
Α ΑΤΑΙΚΙΟ

Nempe *Cœmeterium hoc Octavilla propriæ conjugis Laudicis*, in Gorgiano verò legimus: *Qui positi sunt per singula COEMETERIA*. Singula tamen hæc *cœmeteria* usitatiorè vocabulo *loci*, et *loculi* dicebantur, imò et *requietoŕta*. Confer Lupium, p. 2, seq. Quia verò in uno sæpè loculo duo, tria, at adeò quatuor cadavera tumulabantur, *bisoma*, *trisoma* et *quadrisona*, nominabantur. Sit hoc *trisomi* ex Reincio exemplum (cl. 20, 589) :

SEBIBA EMET DOMINA  
LOCVM A SVCSVM  
TRISOMV VBI POSITI  
ET

Fabrettius porrò, p. 571, hæc recitat inscriptionem, in quâ bisomi mentio :

CAVDENTI  
QVI LOCVE  
ME SIBI BISQ  
M V

Pacatis autem Ecclesiae rebus, etsi in cryptis interdum sepeliebantur Christiani (quod ubi de inscriptionum aetate agebam, monuisse me memini) in porticibus tamen, aliisque locis, quae Ecclesiis proxima, sive conjuncta forent, tumulabantur. Exempla plura eruditissime in hanc rem congressit Corsinius, p. 29. Ita apud Fleetwoodium, p. 453, Lucillus et Januaria quiescereduntur ad sanctum Petrum Apostolum ante regia in porticu; ubi regiae nomine principem aut interiorem Ecclesiae portam intelligi scitè monuit idem Corsinius, addens id pluribus veterum testimoniiis demonstrasse Rosweidum, ad Paulini ep. 32, atque etiam ex Corruptianâ charitâ deduci posse, 'quam Cl. Gorius inter Donianae edidit, p. 506, et in quâ legitur: « Item ante regias Basilicæ vela linea plumata majora, » etc. Sic in Muratorii Thesaurio, p. 1970, 2, Felicem Faustinianam reperias emisse sepulturæ locum in *Baltinis basilica locum subteglata*, sub tegulis scilicet, sive *suggrundia ipsius basilicæ*, ut optimè interpretatur Cl. editor. Demùm (ut alia præteream) in Catanensi Nilæ Florentinæ elogio, quod sæpius commemoravi, humata illa dicitur *pro foribus Martyrorum*. In ipsis tamen basilicis sepultos deinceps esse Christianos ne dubita. In alio Muratorii marmore, p. 1913, 3, legas: *Memnius. Sallutius. Salvinus. Diannius. V. S.* (vir spectabilis) *basilicam. sanctorum. angelorum. fecit. in qua. sepeliri. non licet*; ergo id in aliis basilicis licebat, quemadmodum sapienter collegit Muratorius; cur enim id vetuisset Diannius, nisi contrarius mos obtinisset? Et verò *Caudiosa deposita* dicitur apud eundem Muratorium, p. 1878, 8, in *basilicâ Domni Felicis*, et, p. 1956, 6, *filiius episcopi Victoris* legitur *depositus in basilicâ sanctor. Nasari et Naboris*. Sed in oratoriis quoque tumulatos Christianos deprehendimus. Nam et Agripinus Comensis episcopus dicitur *oratorium sanctæ Justinæ fabricasse, et sepulturas ibi ordenasse*, Mur. p. 1824, 1, et in epigraphe anni 613, quam, p. 24, reddidit Lupius, offendimus *locum quem sibi comparatum in oratui sancti Alexandri*. Ecce quàm immeritò ab hæreticis carpamur, quòd in sacris locis defunctos nostros sepeliamus.

In loculos autem (ne hoc quoque sileamus) ubique demùm fuerint, inferebantur à fossoribus. Eorum antea suo loco meminimus. Huiusmodi erant Sergius et Junius, quorum hic extat titulus in Bottarii Româ subterrancâ;

## SERGIUS ET JUNIUS FOSSORES

E. N. M. IN. PAGE. LISOM

Cæterum sacro funeri aderant presbyteri. Hinc in Nilæ epitaphio legitur: *Cajus corpus pro foribus Martyrorum cum loculo suo per presbyterum humatu e. IIII. non. octobr.*

Porrò maxima Christianis erat sepulcrorum cura. Quare 1° ipsorum locum describere, vel indicare consueverant. Ad sepulcrorum indicationem spectant numeri, quos interdum loculis suis insculpebant ad eos designandos. Vidimus supra exemplum in Leopardi lapide *DNI SACRVM XL*. Qui numerus, ut à Mabilonio pridem observatum fuit, est ad designandum tumulum. Ad sepulcrorum autem descriptionem pertinent exempla à Cl. Corsinio allata, p. 29. Sic *Matrona* apud Gruterum, p. 1054, 8, tumulata dicitur Herculano consule, hoc est, anno Christi 452, in basilicâ S. Pauli INCONTRA COLUMNAM VII. Apud Fleetwoodium, p. 453, Lucillus et Januaria, ut supra vidimus, quiescere feruntur ad *Sanctum Petrum Apostolum ante regia in porticu columnâ secundâ, quomodo intramus sinistra parte virorum. Filius quoque ille Victoris, cujus antea memini, depositus legitur in Basilicâ sanctor. Nasari et Naboris, secundu arcu juxta fenestra*. Denique *Valeriæ et Sabine* locus erat (apud Boldettium p. 53) *in crypta nova (cryptâ novâ) retrò sanctus*. 2° Sepulcra violari, submoveri, aliòque transferri minimè patiebantur. Hinc diræ illæ in sepulcrorum violatōres, quas contra Reinesium Fabrettius vindicat, p. 110. Imò etiam pœnæ illis, qui aliquâ demùm ratione ea violassent, indiciebantur. Extat apud citatum Fabrettium, p. 114, hæc inscriptio:

MAXIMINA

DOMVM AETERNAM

VIVÆ SIBI POSUIT

SI QVIS ALIVD CORPVS

SVPERPOSVERIT

DET FISCO ꝯC CCC. MILIA

In marmoribus Salonitanis, quæ olim illustravi (p. 59), occurrit similis formula: *Si quis nostram pausationem hoc sarcofagum aperire voluerit, inferat Ecclesiae Salon. argenti libras quinquaginta*. Confer etiam Muratorium (p. 1909, 5.)

*Cameteria* sepulcrorum loca fuisse appellata nuper diximus. Causas hujus nominis inquiramus. Nepe, ut optimè Mamachius notat t. 3 Orig. et Ant. Christ. p. 259, *cameterium* Græci vocant, quod nos *dormitorium* dicere possumus. Nam quùm post mortem vi-

tam sempiternam, resurrectionemque crederent futuram, non interitum Christiani mortem videri, sed soporem ac somnum arbitrabantur. Et verò utriusque dogmatis à Christianis crediti certa in sepulcralibus titulis monumenta habemus. Atque ut de primo illo vitæ æternæ, animæque immortalis dogmate aliqua proferam, Fabrettius, p. 546, hanc refert epigraphen :

AVFIDI  
CARISSIME  
VIBIS. INE  
TERNO

Similem acclamationem invenias apud Boldetium, p. 417 :

DIOSCORE VIBE IN ETERNO

Clarius æterna vita describitur in Muratoriano lapide anni 586, p. 431, 2 :

VIVIT IN AETERNVN NVLLVM MORITVRA PER AEVVM.

Quod verò ad resurrectionem spectat, luculentissima hæc ejus sunt documenta. Primum sumo ex inscriptione Muratorianâ, p. 414, 4 :

IN HOC TVMULO CONDITVR BONAE  
MEMORIAE SEVERIANVS QVI RELIGIONEM  
DEVOTA MENTE SVSCEPIT SIC QVEM  
ANIMA AD AVTHOREM DM  
REMEANTE TERRENA MEMBRA  
TERRIS RELIQVIT EXACTIS VITAE  
ANNIS XXXII. OBIIT PRIDIE IDVS  
AVGVSTAS RESVRGIT IN XPO DMO  
NOSTRO POST CONSVLATO LONGINI  
DIS ET FAVSTI A. 491.

Alterum exemplum suppediat idem Muratorius, p. 435, 3 :

HIC IN PACE REQVIESCIT LAVRENTIA. L. F.  
QUAE CREDIDIT RESVRRECTIONEM, etc.

In epitaphio quoque Agnelli Ravennatis episcopi, qui an. 566 aut 569 decessit, legimus :

IVSTVS CVM SCIS XPO MEDIANTE RESVRGET  
Refert idem Muratorius, p. 1857, 1, 3, fragmenta duorum lapidum, in quorum utroque aperta resurrectionis vestigia supersunt. Nam in primo scriptum est :

QVIESCIT CAROMEA NO....  
P. M. CREDO REVRSC....

In altero autem legitur :

REQVIESCIT CARO MEA NO....  
PM CREDO RESVSC....

In Ariminensi quoque epigraphæ, apud Mur. p. 1955, 1, disertis verbis resurrectio docetur :

CREDO QVIA REDEMPTOR ME VIT  
VIT ET IN NOVISSIMO DIE SVSCITA  
VIT ME. HIC REQVIESCIT IN PA  
GE VENERIV FRB. etc.

Eadem formula in Neapolitanis inscriptionibus frequenter occurrit. Nam ut Basilii epitaphium seculi ut Summontio et Fleetwoodio, p. 520, visum est VIII, prætermittam, apud Muratorium, p. 1865, 1, invenio *Euphimiæ et Joan. viri ejus titulum* iisdem verbis incipientem : *Credo quia Redentor meus vivit, et in nobissimo die de terrâ suscitabit me, et in carne meâ bidebo Deum meum.* Contra Agelperge ancillæ Christi inscriptio, quam ex Pratio V. C. descripsi, Hist. Litter. Ital. t. 5, p. 271, clauditur his verbis : *Credo q. nobissimo die resurgan.* Mirabitur fortasse quispiam non attulisse me Gruterianum lapidem, 1050, 3. Aurelii Balbi... *in spe resurrectionis quiescentis.* Sed quamvis Scaliger in Gruterianis indicibus, et Fleetwoodius, p. 345, eum Christianis accenseat, Casaubano tamen assentior, Christianum hunc esse neganti. Multa quidem ex Tertulliano affert Cl. Corsinius, p. 15, ut probet paganis resurrectionem ignotam fuisse. Verùm neque lapis fictitius est, neque Christianus quispiam, etsi ethnica formula interdum à majoribus nostris usurpata novimus, passus esset, ut hominis fidelis tumulo hæc inscriberentur Iovis. op. MA. *Beneficio.* Quid ergo ? Dicemus lapidem paganum esse, sed tertii aut quarti seculi. Quid enim ethnici (ut benè Mazochius notabat, p. 51, *epist. poster. de Hilari epigram.*) ultimis maximè temporibus non ex christianismo in sua sacra transtulerunt ?

Qui resurrectionem credebant, næ illi iudicium quoque fatebantur. Exstant tamen de illo diserta testimonia. Mitto Græcam epigraphen quam eruditè aequè atque feliciter Corsinius explicat, p. 14, seq. Recolamus Romanæ inscriptionem ab Oliverio V. C. Marini Pisaur., p. 205, redditam atque explanatam : *Romanæ dulcissima hic requiescit in diem iudicii deposita III. KAL. Martii Var. Tertu.* Narrone nempe, seu Varari ac Tertullo Coss. anno 410. In inscriptione quoque Muratorianâ anni 568 p. 429, 2, hæc legitur formula, quæ futurum iudicium indicat : *Ne me tangas, nec sepulcrum meum violas, nam ante tribunal æterni iudicis mecum causam dicis.* Imò hanc execrationem offendas in Muratoriano Thesauro, p. 1858, 5 ; Si quis hunc sepulcrum violaverit... in die iudicii non resurraat.

Quæres hic utrùm ex lapidibus probari possit, Fidelibus persuasum fuisse, quod nos Catholici credimus, defunctorum animas nostris posse suffragiis iuari? Equidem ita esse sentio. Neque ad id utar formulis quibusdam, quæ sepulchralibus titulis inscribentur. Huiusmodi illæ: RECORDETUR IPSIVS DEVS IN SCULA (apud Marang. in app. ad Acta S. Victorini, p. 72) SPIRITVS TVVS BENE REQUIESCAT (apud eundem in libro prænotato *delle cose gentilesche* p. 456). IN REFRIGERIO ANIMA TVA VICTORINE (apud Fabrett. p. 547.) CIVIS ANIMA IN PACE REQUIESCAT (apud eundem p. 561.) CIVIS ANIMA INTER IVSTOS SIT (apud Murat. p. 4872, 5); CIVIS SPIRITVM IN REFRIGERIUM SVSCIPIAT DOMINVS (apud eundem p. 1922, 1). Nam licet ad eas preces accedat, quas pro defunctis fundere Catholici consuevimus, hæretici tamen respondere faciliè possent, has esse acclamationes quasdam earum similes, VILAS IN DEO, PAX TIBI, etc., imò et illarum quæ in ethnicorum tumulis sunt usitate. Itaque aliud monumentorum genus hæreticis objiciamus. In Cassii Narniensis quinto seculo episcopi hæc leguntur:

TU ROGO QUISQVE ADES PRÆCENOS MEMORARE  
BENIGNA

CUNCTA RECEPTURUM TE NOSCENS CONGRUA FACTIS  
Respondet quidem Fleetwoodius, p. 376, preces benignas, quales hic petit Cassius, esse: *Anima ejus in pace quiescat, Deus illi lucem et refrigerium præbeat*, etc. Verùm heterodoxus homo non proficit hinc. Vel enim has fore sibi utiles putavit Cassius, vel non. Hoc si dixeris, te Cassius ipse redarguet, qui ut preces illas obtineret, monet precantem *cuncta recepturus congrua factis*; quis enim ad rem alteri inutilem præstandam moveatur spe similis rei sibi parandæ? Si primum, preces ergo pro defunctis, quæcumque demùm eæ sint, illis prosunt. Sed Cassii titulo alius lucem afferet, et catholicum dogma confirmabit. Extat ille in Muratoriano Thesaurò, p. 1914, 6:

SEPVLCRVM. QVI. IN. HANC. AEDEN. VENE  
RANDAE XPI MARTYRIS. CAECILIAE  
SITVS EST. IN. QVO. ET. QVIESCIT. IN. PACE  
MOSCHYS. HYRILIS. DIACONVS. SCE. SEDIS  
APLICE. OMNES. EXPOSCENS. VT. PRO ME  
DNVM EXORETIS. QVATENS. EIVSDEM. SA  
CAVTISSIMAE. VIRGINIS. INTERVENTIONE.  
CVSCTORV. CONSEQVI. MEREAR. INDVLGENTIAM  
DELICTORV.

Viden' quas preces *Moschas* exposceret? Eandem petebat Cassius. Uterque autem idem quod nos de mortuorum suffragiis sentiebat. Similis formula occurrit in Martini episcopi ac monachi (apud Murat p. 1910, 2) tamulo: ROGO VOS OMNES QVI HINC TRANSITIS ORAE PRO ME. Adde quartam inscriptionem multò antiquiorem. Recitat illam Lapius, p. 167. *Lucifera* est, quæ NEQVIT TITVLVM INSCRIBI VT QVIVIS DE FRATRIEVS LEGERIT ROGET DEY. VT SANCTO ET INNOCENTI ESPIRITO AD DEVM SVSCIPIATVR. Nihil aptius ad confirmandum dogma de oratione pro mortuis.

Eandem lapides aliis suadent. Cur enim putas aliquos sepulchram in oratoriis ac templis etiam pretio comparasse, sanctorum patronicum imploraturòs, nisi orationes illorum sibi utiles fore credidissent? Quòd si sanctorum preces prodesse mortuis possunt, quidni et viventium? Sed age, lapides id-testificantes reddamus. Unum affert idem Lupius, p. 24.

☩ LOCVS LETE CVR FILIIS SVIS, etc.

LOCVM QVEM SIBI COMPAREDERVM IN ORATVRE  
SANCTI ALEXANDRI QVI SE ANIMIS SVAS HIC COM  
MENDAREVM

Recitat alterum Barosius, ad ann. 770, et ex eo Corsinius, p. 54, qui etiam illum illustrat. Joannis est Nepesini præsalis, qui

ANTE LOCO VOLVIT SEPELIRER ISTO

QVO PER. ROS. SANCTOS. INTENIAT. REQVIER

Sed rem clariùs conficit Eugenii Notarii, suorumque epitaphium anno 578, positum; in eo enim hæc (cæteris missis) leguntur: *Depostavimus in istâ sepulturâ nostrâ ex un paginâ (Testamenti paginâ) ad oblatione vel luminaria nostra Orii Transiberini ancias sep.*, etc. En primò, ut adnotavit Aringhii l. 2, c. 10, p. 340, antiquâ hæc inscriptione comprobata plam consuetudinem, quâ agri ac bona Ecclesiæ ex Testamento addicelantur ad perficiendas in Ecclesiâ oblationes, et luminaria ibidem jugiter concinnanda. Præterea quàm hæc legentur, *in istâ sepulturâ nostrâ ad oblatione* (scilicet oblationes, seu missas), et *luminaria* dicantur NOSTRA, illæ utique misse indicantur annuatim natali eorum die, mortis scilicet, pro eorum animabus offerendæ erant, ac luminaria in eorundem anniversariis de mōre accendenda. Quòd si vetus Ecclesiâ suffragia vivorum credidit mortuis prodesse, utique id ipsum quod nos, sensit de Purgatorio, ejusque pœnis. Nam quàm ad inferos damnatis peccatoribus utilia esse suffragia non possint (vide Petavium de Angelis lib. 3, cap. 8, et quæ ad eum locum in nuperè



Kemondiniana ejusdem editione adnotavimus), neque illis beati indigeant, id demum restat, ut Purgatorium existat, in quo constitutis animabus ex nostris precibus, suffragisque levamen subsidiūque derivetur.

#### CAPUT ULTIMUM

*Reliqua catholicae Ecclesiae dogmata de sanctorum beatitudine, invocatione, et cultu inscriptiones produunt.*

Nihil jam restat ad summam in theologicis rebus inscriptionum utilitatem comprobendam, quam ut ea dogmata, quæ ad sanctos pertinent, illis mirificè declarari ostendamus. Atque illud primum quærendum, *sintne piorum hominum spiritus, qui et corpore soluti sunt, et nullâ purgatione egent, jam ad fruendam beatitudinem, quæ in clarâ Dei visione sita est, admissi?* Antiquorum nempe, ac recentium hæreticorum ea opinio est, *animas piorum (ut cum Calvino loquar l. 3 Instit. c. 23, § 6) nullitæ labore perfunctas in beatam quietem contedere, ubi cum felici lætitiâ fruitionem promissæ gloriæ expectant; quam hæresim Thomas Burnetius Britannus in eo libro quem de statu mortuorum conscripsit, omni argumentorum genere suadere conatus est. Sed hos basilicè falli lapides clamant. Et verò quid illa significant: ACCEPTI REQUIE IN DEO, Murang. in App. ad Acta S. Vict. p. 97; QUESCIT IN PACE AETERNA, ibid. p. 107; MANET IN PACE ET IN CRISTO, apud Fabretium, p. 579, nisi defunctos æternâ jam gloriâ frui? Mitto quæ Muratorius in libro de Paradiso cap. 4 et 13, Patrum loca operosè collegit ut requiem, et requiesceret beatitatem jam collatam indicare ostenderet. Certè qui Deo nondum frueretur, non accepisset requiem in Deo, sed eam esset accepturus, non quiesceret in pace æternâ, quam nondum obtinisset, non maneret in pace et in Christo, cujus aspectu haud lætaretur. Quanquàm hæc clariora sunt. Innocentius Amantius, apud Murat. p. 1825, 7, quiescere dicitur in SINVS ABRAHÆ. ISAC. ET IACOB IN PACE XTI DOMNI. Sinus porrò Abrahæ cœlestis beatitudinis sedem designat, ut allatis in medium Patrum testimoniis probat Muratorius, l. c. cap. 12 et 20. Neque aliud significat Abramæ Græcus titulus ab eodem Muratorio redditus, p. 1819, 3, ubi is *in sinu degens felicitatis dicitur.* Hæc tamen omnia, si vis, nihili habeantur. Licet mihi plura ex inscriptionibus promere, quæ disertissimè sint, nec ullum Burnetiano errori effugium relinquunt.*

Arrige ergo aures, Burneti. et audi quid *Primæ* titulus habet in Maragonii appendice ad Acta S. Victorini, p. 69 :

PRIMAVIBIS IN GLORIA DEI ET IN PACE DOMINI NOSTRI Audi et *Simplicianæ* inscriptionem, quam in libro prænotato *delle Cose gentilesche*, p. 462, idem Maragonius recitat.

HIC QVIDEM CORPVS TVVM TEL... IUS  
ET ANIMAM TVAM LVX VERO CAE... IT  
PVLERA DECORETVO IPSOQVE DEO

Audi jam Fleetwodium tuæ Britannicæ, Ecclesiæque Anglicanæ alumnū. Reperies (p. 573) Cerviæ lapidem, quem Gruterus, p. 1031, 2, pridem ediderat, ibique hæc in rem præsentem legi :

ASTRIGERAM. SEGAT. ALMA. VIAM. CAELOQVE.  
RECEPTA

HIC. VITAE. METAS. ET. INANIA. MEMBRA. RELIQUIT.  
Quid si Muratorianum Thesaurum consulueris ? Occurret, p. 1834, 2, Augusti epitaphium, ex quo hocce distichon ad institutum nostrum facit :

CORPVS HABET TELLVS ANIMAM CAELESTIA REGNA  
SIC SEDES PROPRIIS SINGVLA RITE TENENT

At inquires nullâ hæc marmora notâ temporis insigniri, unde quâ ætate posita sint, liqueat. Cap. 3, hanc objectionem occupavimus. Non desunt tamen inscriptiones certæ ætatis, quæ dogma de sanctis jam nunc cœlo potitis edoceant. Ab anno 363 ad ann. 384. Damascus pontificatum gessit. Hic autem de S. Gregorio in ejus titulo cecinit :

HIC QVICVMQVE VENIS SANCTORVM LIMINA QVERENS  
INVENIES VICINA IN SEDE HABITARE BEATOS  
AD COELVM PARITER PIETAS QVOS VEXIT OVANTES  
Quatuor post Damasi obitum annis Eutychii epitaphium positum fuit, quod exstat in Muratorii Thesaurō, p. 391, 5. In eo autem legitur :

EVTYCHIVS SAPIENS PIVS AQVE BENIGNVS  
IN CHRISTVM CREDENS PRAEMIA LVICIS ABET  
S. Ambrosius Mediolanensis antistes idem sensit; nam Marcellinæ sororis tumulo hæc inscripsit :

CORPORIS. HAEC. DOMVS. EST. NAM TE PIA VIRGO  
SVPERNVVM  
ACCIPIT IMPERIVM PLACIDAE POST MVNERA MORTIS  
AETERNAE. CHRISTVS. PRETIVM. TIBI. DESTINAT.  
AVLAE

PRAEMIA DANS CASTIS INTACTAE MATRIS HONOREM  
TE MELIVS IVLI TRANSCENDIT FERVIDE CVRVS  
ET TE VIRGO TVVS TRANSVEXIT AD AETHERA SPONSVS  
S. Ambrosio aequalis fuit Vercellensis episcopus Honoratus, cujus titulus, S. Eusebii Ver-

ellensis mentio quàm in eo facta esset, his tandem verbis clauditur apud Muratorium, p. 1886, 3:

ARDO FIDE DIGNI MERITES ET NÔMINE FRATRES  
CVM CHRISTO IVNCTI PRAEDIA SVMMA TENENT

Quinto seculo floruit Datilla honesta femina, et Coss. Calepio et Artaburo, anno 447 decessit. Lege jam in Muratoriano Thesaurò, p. 407 ejus epigraphen. *Cujus animam pro casto sancto... nemo dubitat carum peti... nempe petuisse.* Sexti seculi nunc dabo titulum à Muratorio divulgatum, p. 421, 1:

PANDE TVAS PARADISE FORES SEMEIQVE BEATAM  
ANDREAE MERITVM SVSCEPE PONTIFICIS, etc.

Confer eundem Muratorium, p. 458, 4, qui etiam, p. 1940, 7, inscriptionem affert positam ERA 697, seu anno Christi 639, ubi *sarsim rapta caelesti migrasse in esulò speranda virgo dicitur.* Adeò verum est, singulis veteris Ecclesie seculis eandem de sanctis in caelis gaudia jam nunc translatis sententiam, fidemque obtinuisse, quam nos Romani habemus.

Nec minùs perspicua sunt in inscriptionibus invocationis et cultùs sanctorum monumenta. Atque ut primùm de sanctorum invocatione agamus, quæ tria negant hæretici sanctos orare pro illis qui eorum opem implorant, aut etiam pro nobis in genere, utilemque esse sanctorum invocationem, ea disertè lapides statuunt. Nam primò orare sanctos pro nobis saltem in genere ii docent tituli, in quibus eorum orationibus esse fideles commendant. Sic apud Marangonium, p. 90 App. in acta S. Victorini, legere est

SVT. I PETE

PRO NOS

VT SALVI SIMVS

Similis est epigraphe illa quæ in villâ Carpinea olim exstabat, et à Fabretti, p. 758 edita fuit:

SAREATI. DVLCIS  
ANIMA PETE ET RO  
CA PRO FRATRES ET  
SODALES TVOS

Deinde sanctos pro illis orare, qui ipsorum patrocinium petunt, sequentes inscriptiones confirmant. Redeo ad Marangonii appendicem in Acta S. Victorini. Hunc ibi titulum invenio, p. 419:

ATTICE SPIRITVS TVS  
IN BONY ORA PRO PAREN  
TIVS TVIS

Pro parentibus ut oret, rogatur etiam Matronata, Mus. Veron. p. 264, 15:

PET PRO PARENTES TVOS

Damasus quoque hæc S. Agnetis tumulo inscripsit, apud cil. Marang. p. 158:

VT DAMASI PRECID. FAVEAS PRECOR INCLITA  
MARTIR

Præterea in Justæ matris filiorum septem epitaphio, quod habes in Fabretti syntagmate, p. 551, 50. Legimus ET IV PE PRO EOS, scilicet *et tu pete pro eis, filiis.* Maritus contra conjugis precibus se commendat in Felicitatis inscriptione Muratoriana (p. 1856, 8) *EFFETE PRO CEISNIANVS CONIVGEM, nempe et pete pro Ceisniano conjugè, sive roga Deum pro eo.* Confer etiam *Letè* inscriptionem de quâ superiore capitè. Accedat autem inscriptio, quam ex MS. Codice Fabii Vecchioni nuper eruit Cl. Pratiillus in famigeratissimâ dissertatione de consularibus Campaniæ, p. 125:

TIBI PETRE. AP. R  
SE PETRVS HUIVS  
S. BASILICE DIAC  
PRECIDVS COMMENDAT  
DD. INF. III. ID  
FEBR. DN. VALENTIN  
AVG. ET ANTEMIO CONS.

nempe: *Tibi, Petre Apostole, Christi se Petrus hujus S. basilicæ diaconus commendat depositus in pace III. Idus februarias domino nostro Valentiano Augusto et Antemio consulibus, anno scilicet 455.* An autem putas Christianos sanctorum se precibus commendaturos fuisse, si inutilem eorum invocationem cum hæreticis nostris credidissent? Apage nugas. Atque hoc ejusmodi invocationis utilitatis comprobandæ satis esset. Verùm alia ad eam confirmandam præstò sunt ex christianis marmoribus. Recole enimverò alias quas citato capite 14. Inscriptiones reddidimus. Videbis Moschum *sacratissima Virginis interventione sanctorum indulgentiam delictorum*, Joannem verò Nepesinum *per sanctos inventurum se requiem sperantem.* Hùc pertinet, quod Sarmatæ presbyteri epigraphe Gruteriana, p. 4169, 7, occurrit:

NAZARIVS NAMQVE PARITER VICTORIQVE BEATI  
LATERIVS TVTVM REDDVNT, MERITIQVE CONONANT  
O FELIX GEMINO MERVIT QVI MARTIRE DVCI  
AD BOHIVM MELLORE VIA, REQVIEMQVE MERERI  
Idem testatur lapis olim Ravennæ positus, atque ex Agnello in vitâ S. Maximiani à Muratorio excerptus, p. 426, 2:

CONSECVTI BENEFICIA ARCHANGELI  
MICHAELIS SACHAVDA ET IVLIANVS  
A FVNDAMENTIS FEGEVNT ET DEF  
GAVERVNT SVE DIE NON MARI

QVATER P. C. BASILII IVNIORIS  
VIRI CLARISSIMI COS. IND. VIII.

anno scilicet 545.

Verùm hæc inscriptio cultum quoque sanctorum confirmat. Illius tamen hæc alia supersunt in lapidibus. Primum enim sanctos *domnos* sive *dominos* honoris ac reverentiæ causâ Christiani appellabant. Multis id inscriptionibus ostendit Cl. eques Victorius, diss. Philolog., p. 28 et seqq., quibus addi potest *Tigridis* titulus apud Boldettium, p. 351. Ursæ epigraphæ (apud eundem, p. 429), Acaviæ elogium in Muratorii Thesauro, p. 1810, *sanctis marturibus Papro et Mauroleoni Dominis* votiva tabula quam, hist. Litt. Ital. t. 2, p. 532, seq. exhibui. Imò in eâ sum sententiâ, nusquam in christianis inscriptionibus domni titulum tribui nisi martyribus, ut etsi alia martyrii desunt indicia, unum domni nomen illud manifestò declarat. Sed et illos *proceres* Christiani vocabant.

CERIASIVM PROCEREM PROTASIVMQVE COLIT  
legere est in Hædulæ titulo, quem Cl. Marchio Maffeius *Ant. Gall.* p. 98, divulgavit. Vota etiam quæ hæretici irrident sanctis persolvebant. CAMASIVS ET VICTORINA VOTVM REDDIDISSE sanctis martyribus, quos nuper nominavi, *Papro et Mauroleoni* dicuntur in citatâ votivâ epigraphæ. Agathum S. Petro votum solvisse Gruteriana inscriptio, p. 1163, 10, nos docet. S. Paulo quoque oblatum votum memorat tabula marmorea à Fabrettio allata, p. 758, cui hæc inscripta sunt :

✱ DE I ODI ET BEATI. PAVLI APOSTOLI DOME-  
TIVS DIAC. ET  
ARCARIVS SCAE. SED. APOSTOL. ADQVE PP VNA CVM  
ANNA  
DIAC EIVS GERMANA HOC VOTVM BEATO PAVLO OP-  
TVLERVNT.

Accipe nunc ex Muratorio, p. 1878, 2, votum Evangelistæ Joanni solutum :

SANCTO AC BEATISSIMO APOSTOLO  
IOANNI EVANGELISTÆ  
GALLA PLACIDIA AVGVSTA  
CVM FILIO SVO PLACIDO VALENTINIANO  
AVGVSTO  
ET FILIA SVA IVSTA GRATA HONORIA  
AVGVSTA  
LIBERATIONIS PERICULO MARIS  
VOTVM SOLVIT

En aliud votum ex eodem Muratorio pag. 1925, 2 :

PETRVS ET PANCARA ROTV PO-  
SVENT MARTVRE FELICITATI.

TH. V.

Addo aliud, quod Romæ exstabat in S. Sels-  
stiani.

TEMPORIBVS SANCTI INNOCENTII EPISCOPI  
FROCLINVS ET VIVS PRESBITERI  
HVIVS SANCTI SANCTO SEBASTIANO  
EX VOTO FECERVNT

Nempe, ut S. Saturnini titulo inscriptum à S. Damaso fuit, apud Gruterum pag. 1117, 2.

SOLVERE VOTA LICET. CASTASQVE EFFVNDERE PRE-  
CES.

Festis etiam diebus sanctos colebant. Non hic ergo Kalendarum Neapolitanum marmoril seculo IX inculptum memorabo, quod viri clarissimi Mazochius ac Sabbatinus illustrârunt. Sæpè hujusmodi sanctorum celebritates titulis sepulcralibus incisas reperimus ad dies mortis, seu depositionis designandos. Abundantius apud Fleetwoodium, p. 340, dicitur DEP. IN P. D. NAT. SCI. MARCI. MENSE OCTOBR. Pascasius, in cujus elogium eruditissimam *dissertationem Philologicam* Cl. eques Victorius conscripsit, *fecit fatum* IIII. Idus octobris VIII. ANTE NATALE DOMNI ASTERI. Principalis (ut ejus epigraphæ docet ab eodem Victorio accuratè edita, p. 38, fuit *depositus* NATALE SVSTI, seu *Sixti*. Huc refer inscriptionem, quam exquisitâ eruditione Corsinius explanavit, PECORI DVLGIS ANIMA BENIT IN CIMITERO VII. IDVS IVL. D. P. POSTERA DIE MARTYRORV, nempe die x Julii, quâ die sanctorum martyrum septem sanctæ Felicitatis filiorum memoria in urbe solemniter colebatur.

Sancti præterea templis in eorum honorem exstructis colebantur. Videant hæretici, qui hunc in nobis morem reprehendunt, videant inquam, quantum ipsi à veteris Ecclesiæ consuetudine abhorreant. Quid enim est *basilica sanctor. Nasari et Naboris*? quid *basilica domni Felicis*? Quid *basilica sanctorum angelorum*? quas sacras ædes capite superiore commemorabam; nisi id ipsum quod novatores sugillant, in honorem scilicet sanctorum erecta templa? Accedant his Ravenntia duo seculi VI epigrammata, alterum anno 517, alterum anno 540 inscriptum; utrumque in Muratorianc Thesauro editum, p. 426, 5, et p. 527, 2. Secundum hujusmodi est :

IN HONOREM SANCTI PROTOMARTIRIS STEPHANI  
SERVVS CHRISTI MAXIMIANVS EPISCOPVS  
HANC BASILICAM IP SO IVVANTE A FVNDAMENTIS  
CONSTRVXIT ET DEDICAVIT DIE III. ID.  
DECEMBR. INDICT. XIII. NOVIES  
P. C. BASILII IVN. V. C.

13

alio, Inquam, 540. Primum nunc accipe, in quo etiam consecrationis ab hæreticis improbatæ clarior sit mentio :

B. VITALIS BASILICAN MANDATO  
ECCLESIE EPISCOPI IVLIANVS AB  
GENTARIÏE AEDIFICAVIT CONSE  
CRANTE VERO REVERENDISSIMO  
MAXIMIANO EPISCOPO SVB DIE  
XIV. KAL. MAII. SEXIES P. C.  
BASILII IVNIORIS V. C.  
IND. X.

Templorum facta mentio me monet, ut eorundem ornamenta, quæ etiam hæretici reprehendunt, lapidum auctoritate defendam. Et quoniam Ravenna titulos dedit, quibus templorum in sanctorum honorem ædificia à Novatorum diceris vindicarem, elogium prima suppedit ad sacrarum ædium ornatus propugnandos. Refert illud, illustratque Fontaninius in commentario inscripto : *Discus argenteus rotundus, factumque fuit in vivis agente arch'episcopo Agnello, qui anno 566 ad superos evolavit.*

SALVO. DOMNO. PAPA. AGNELLO. DE. DONIS. DEI  
ET. SERVORVM. EIVS. QVÆ. OSTVLERVNT. AD  
HONOREM. ET. ORNATVM. SANCTORVM  
APOSTOLORVM. ET. RELIQVA. PART. DE  
SVMMÆ. CERVORVM. QVI. PERIERANT  
ET. DEO. AVCTORE. INVENTI. SVNT  
HÆC. ABSIDA. NVNIVO. EXORNATA. EST  
Romam migremus. In throno SS. martyrum Cosmæ et Damiani hæc extabat inscriptio, quam Gruterus refert, p. 1164, 46 :

AVLA DEI CLARIS RADIAT SPECIOSA METALLIS  
IN QVA PVS FIDEI LVX PREGIOSA NICAT.  
HARTIRIVS MEDICIS POPVLO SPES CERTA SALVTIS  
VENIT ET EX SACRO CREVIT HONORE LOCVS.  
OSTVLT HOC I OHINO FELIX ANTISTITE DIGNVM  
MVNS VV ÆTHERIA VIVAT IN ARCE POLI  
Felicem IV, qui anno 550 obiit, hic intelligi

suspiciatus est Fleetwoodius p. 406; nec injuriâ. Nam de eo ista narrat Liber Pontificalis, *Vignol. edit. t. 1, p. 295: Hic fecit basilicam sanctorum Cosmæ et Damiani martyrum in urbe Romæ. Sed quod ait eodem in loco Fleetwoodius, fidem ex operibus non solum bonis, sed magnificis metitos olim esse Christianos IMPRUDENTES, dignum est hæretico conviciatore. Aliter Joannes Diaconus sensit, qui initio vice S. Gregorii Magni de Felice IV loquens: « Vir, » inquit, « magna in Christi Ecclesiam reverentia, » qui Basilicam SS. Cosmæ et Damiani Martyrum... sicut hæc tenetur, venustissime fabricavit. » Præterea eadem Christianos, pontificesque Romanos imprudentia quinto seculo tenuit. Nam Gruterus, p. 1164, 6, hocce epigramma profert :*

ANTISTES DAMASVS PICTVRAE GENARAT HONORE  
TECTA QVIENS NVNC DANT PVLCHRA METALLA DECVS  
DIVITE TESTATVR PRETIOSIOR AVLA NITORE  
QVOS KEVVM EFFECTVS POSSIT HABERE FIDES  
PAPE HILARI MERITIS OLIM DEVOTA SEVERI  
NEC NON CASSIÆ MENS DEDIT ISTA DEO

Ticini quoque celeberrimus Ennodius, ut in suo epitaphio legere est,

TEMPLA DEO FACIENS VNIS DECORAVIT ET AVRO  
FANDEM (modus enim debet esse in exemplis)  
« aulam, ubi corpus beati sancti Antiochi quiescit in gloria (Calari), » quemadmodum ait inscriptio à Bonfatio et Muratorio reddita, p. 1829, 6 :

PETVS ANTISTES CVLTVS SPLENDORE NOTARIT  
HARROHIVS TITVLIS NOBILITATE FIDE  
Atque hic dissertationi nostræ finem imponimus, optantes ut noster quicumque labor in Dei O. M. gloriam cedat, et catholica Ecclesia utilitatem.

ꝛ

## THOMÆ A JESU VITA.

THOMAS A JESU, vel DIDACIUS SANCHEZ D'AVILLA, Baecæ natus in Andalusia circa annum 1568, unus ex Carmelitis discalceatis, ordinis sui prior provincialisque in Castilia, et postea congregationis Hispaniæ definitior generalis, primus erexit Discalceatorum domus dictas *Eremitoria*. Fidei miles strenuus, congregationem ad illam apud infideles propagandam inter suos creare suscepit. Cum verò

conatus non feliciter cessissent, venit in Belgium, ubi plurima monasteria et in primis silvæ Marlagnensis haud procul à Namurco *Eremitorium* instituit.

Obiit Romæ die martii vigesima sexta 1609, sanctitatis famâ venerandus.

Vita Thomæ a Jesu plenissima fuit vita, in qua multa præclarè facta non scientiam excelsè. Præcipuè inter eius opera notantur :

1° *Thesaurus sapientiæ divinæ in gentium omnium salute procurandâ*, in-4°, ex quo deprompta est eximia quæ sequitur disquisitio. Plurimi fiebat apud SS. pontifices Urbanum VIII et Benedictum XIV. 2° *Stimulus Missionum*, in 8°; 3° *Expositio in omnes ferè regulas ordinum*

*religiosorum*, in 8°. Tantâ est in omnium æstimatione Thomas à Jesu, ut pars illius scriptorum Coloniae vulgata fuerit cum hoc titulo. *Opera omnia* homini religioso et apostolico utilissima, 3 vol. in-8°, 1684.

---

## DE UNIONE SCHISMATICORUM CUM ECCLESIA CATHOLICA PROCURANDA.

### PROLOGUS.

Quemadmodum divinæ charitatis unio, quæ membra Ecclesiæ vivo suo capiti Christo coaptat et adstringit, Deo gratissima est: ita vehementer displicet membrorum divisio, quæ spiritum pacis et dilectionis extinguit. Quamobrem qui inter veros Ecclesiæ filios rem Deo acceptissimam facere cupiunt, in conversionem schismaticorum qui ab Ecclesiæ Romanæ corpore seipsos dividerunt, seriò incumbere deberent, quod subjectis rationibus persuaderi videtur.

Prima: Negari planè non potest, quin Ecclesiæ Latina Græcæ et aliis Orientis provinciis, ubi schisma grassatur, plurimum debeat, cum ab eis pretiosissima bona, antequàm scinderetur, receperit. Floruerunt quippe ibi Patres sanctitate ac doctrinâ celeberrimi, quorum monumentis erudimur, et ad pietatem incendimur. Quis ergo non videat, dolendum esse, quòd pars Ecclesiæ nobilium germinum productrix se à summorum pontificum obedientiâ subtraxerit? eoque dolore unâ cum gratitudinis stimulo ad schismaticorum reductionem non excitetur? Secunda: Clarissima concilia in Ecclesiâ Græcâ ac Orientali celebrata sunt; et profectò pios animos intimè movet divisio ejus partis, in quâ unio tot sanctorum facta et ad commune totius orbis bonum derivata fuit. Quocirca pro parte illâ resarciendâ Jesu Christi famuli strenuè laborare deberent. Tertia: Ipsa gentis ruditas summâ commiseratione digna est, præsertim si cum vitiorum colluvie conjungatur. Et quidem eò ampliùs adjuvanda esset, quò salutis propinquior est, cum minùs quàm infideles, à Christo recedat. Ordo enim divinæ charitatis exposcit, ut eò plus dilectionis

impendatur, quò quis nobis conjunctior est. Quarta: Notum est ex schismaticis aliquos hâc ætate nostrâ misisse legatos, qui summis pontificibus obedientiæ obsequium redderent, pro his qui Romam venire nequibant. Et licet postea ad vomitum redierint, fortassè non prorsùs tota defectionis causa in eorum fragilitatem refundenda est, cum probabile sit multos ex ipsis in Ecclesiæ obedientiâ fuisse perseveraturos, si ministros Latinos nacti fuissent.

Denique charitas ipsa validissimam rationem producit, ut quò quis Deo conjunctior est, eò fortius omnem divisionem à proximorum animis depellat. In eâ verò missione quæ ad schismaticos instituitur ( ut admixtos schismaticis hæreticos præteream ), pro charitate pugnatur, quodam scilicet prælii genere quod veros Christi amicos decet, qui ferre non possunt Christi vestem discindi. Atque utinam Ecclesiæ principes in adunando grege divisio plurimum auctoritatis et operæ, igne charitatis incensi, ponerent, ut fletus Christi vestis contexta per totum, et antiquæ sanctitatis forma rediret. Schismaticorum autem reductionem in duo præcipua capita dividemus: Primum erit de Græcorum ac Ruthenorum procurandâ salute. Deinde de Orientalibus omnibus juvandis, quorum maximus est numerus, Deo dante, dicemus.

### CAPUT PRIMUM.

#### DE UNIONE GRÆCORUM AC RUTHENORUM CUM ECCLESIA CATHOLICA.

Dùm stetit in Oriente sincerior fides atque simplicitas, ingens fuit Græciæ splendor, tum ob christiani orbis imperium, quò aliquando in Græciâ floruit, tum ob disciplinam ferè omnes, quæ à Græcis ad omnes ferè

alias nationes promanarunt. At ubi Græci in superbiam elati, Romanam sedem omnium Ecclesiarum matrem aspernari cœperunt, divinitus factum est, ut et imperii splendorem, et, quod majus est, in varios errores prolapsi, orthodoxam fidem amitterent. Pertentatum igitur fuit sæpè ab Ecclesiâ Latinâ, tam in synodis generalibus quàm aliis modis, ut tanta atque adeò præcipua reipublicæ christianæ portio, veterum Patrum suorum vestigia terens, ita nobiscum modò sentiret, quemadmodum Apostolorum seculis una erat atque consentiens. At cùm quaterdecies suos Græcia errores agnovit, adhuc super cordibus eorum manet velamen, ut id quo sæpè convicti sunt, et judicio suo condemnati, confiteri jam nolint. Talis est schismatis natura et conditio : nam cùm pietatis speciem præ se ferat, eaque contenta sit (quo etiam furo nostri temporis hæretici populos deceperunt) caputque, à quo vitæ spiritualis sensum et motum accipiat, non habeat, vix rationis ullius vim extrinsecus admittit; et si quid veritate cogente admittit, hoc vix diù retinet. Et quamvis nullum fuerit seculum in quo non plura et maxima Romana Ecclesia contulerit beneficia in Græcos et Orientales, ut latissimè ac satis eleganter Thomas Bozius lib. 5 de Signis Ecclesiæ c. 4 et 5, recenset, id tamen inficiari non possumus, non omnem fuisse adhibitam diligentiam, ut res incepta ad optatum finem perduceretur. Nam si cùm primùm absoluta Florentina synodus, libelli eâ de re pro populi capti et communi linguâ per Orientem semel atque iterùm fuissent sparsi, illarum salutî aliter esset consultum, fecundiorumque segetem habuisset Ecclesia, quæ, ut ita dicam, non potest consolari, quia non est.

Sed et præter Eugenium IV, si Innocentius III, Gregor. X, Alexander VI alique pontifices hoc negotium aggressi non solâ synodorum convocazione, vel unius hominis epistolave missione contenti fuissent, sed rem hanc sedulò Apostolorum more ursissent, forsân Ecclesia suo fœtu non esset orbata, ac tam insignes nationes ad pristinam gloriam redissent.

Verùm etsi ex istâ tantorum pontificum diligentia pro Græcorum aliorumque Orientalium conversione adhibita, non tantus extiterit fructus quantus optandus erat, tamen minimè cessandum erit à sollicitudine, ut vinculo Religionis catholicæ Ecclesiæ jungantur. At

verò ut hoc fiat, non est opus unius diei aut legationis : etenim arca, in quâ pauci salvi facti sunt, non nisi 100 annorum spatium, id est, longanimitatem et non intermissam perseverantiâ perfici potuit. Proinde huic rei seriò ac cum magnâ animi longanimitate enixè connitendum est, ut fructus subsequatur, et ut Græci verâ Religionem imbuantur, tum quia inter alios ab Ecclesiâ catholicâ dissidentes. Græcis tanquàm conjunctioribus ac domesticis fidei, ac tanquàm genti olim florentissimæ, et ejus antiqui Patres Ecclesiam illustrârunt, major quàm aliis cura pro recuperandâ eorum salute debeatur. Quare meritò alloquens cœli incolæ, civisque domesticos Dei exclamât quidam doctor : Afferte, inquit, opem gratiamque divinam, tum nobis, tum verò mortalibus cunctis, ut ad Ecclesiæ, cujus admirandas et divinas explicavimus virtutes, convolent omnes complexum. Videte quibus Oriens, unde christianæ Religionis lumen effulserat, nunc tenebris involvatur, quibus miseris opprimatur. Item Græcia sapientiæ quondam parens, imperii summi sedes, ut altissimâ circumfundatur caligine; ut durissimâ servitute, postquam discessit ab Ecclesiâ, olim cœperit astringi, nunc autem penitus conteratur? Quomodò sedet quasi vidua domina gentium, regina provinciarum? Evanuit ab illâ decor omnis, è sublimi missus est ignis in ejus ossa. Tetendit arcum suum Deus, quasi inimicus firmavit dexteram suam, quasi hostis occidit omnes, quod pulchrum visus erat in tabernaculis ejus. Non est qui consoletur ipsam ex omnibus charis ejus; omnes amici spreverunt eam, non despectam tamen ab Ecclesiâ matre, quæ toties eam tutata est atque adhuc tutatur sola adversus inimicos ejus. In suam domum vocat, illam domum luminis, domum sapientiæ et omnium bonorum. Si ignoras te, ô pulcherrima nationum, abi post vestigia gregum tuorum, et pascere illos juxta tabernacula pastoris illius cui dicit adhuc Christus : *Pasce oves meas*, Joan. 21. Vide ut ille brachio suo congreget agnos, in sinu tollat, at fœtos Romæ, et ubicumque potest, ille gestet? Meministi quoties adversus lupum, qui nunc te tuosque discerpit, dilaniat, devorat, cum maximis suorum copiis, ut te ab amicis tuis desertam defenderet, accurrerit, advolarit. Revertere in te tandem, revertere, et exemplo filii prodigi, vide quos in domo matris tuæ abundant, tu autem fame peris. Prætendite, ô beatæ mentes, quæ in

cælo degitis, pereuntibus lumen, conciliate illis gratiam divinam, robur cælestē inspirate, miseremini errantium, miseremini pereuntium : tum quia Græcorum schismati et vestigiis non contemnenda mundi pars inheret; hujus enim sectæ et religionis sunt Moscovitæ, Rutheni et aliæ nationes; latissimè namque pœtent eorum ritus et fines; nam ab ortu solis gaudent Constantinopolitano ac aliis tribus patriarchatibus; à septentrione universo Moscoviæ patriarchatu, et Lithvaniæ parte, hoc est, albâ Russiâ et rubrâ; à meridie Cypro et Cretâ, in quâ 14 millia pagorum numerantur; occupantque alias quamplurimas gentes, præcipuè verò Georgianos, quos liberos appellant cosmographi, qui omnes, exceptis paucis, qui Romanam Ecclesiam venerantur ut matrem, in iisdem errorum tenebris implicantur.

Pro Græcorum igitur aliorumque schismaticorum salute procurandâ quatuor præstabimus. Primò de erroribus qui Græcis attribuuntur, de schismatis origine ac confutatione dicemus. Secundò de ratione juvandî Græcos aliosque schismaticos, eosque ad fidem alligendi. Tertio in quibus rebus communicatio cum schismaticis, Catholicis à sacris canonibus sit permissa.

#### ARTICULUS PRIMUS.

##### *De erroribus qui Græcis attribuuntur, et de eorum confutatione.*

Præcipui Græcorum errores, qui illis à concilio Florentino et aliis imputantur, quinarium numerum non excedunt.

Primò, negant Spiritum sanctum procedere à Patre et Filio. Secundò, asserunt Sacramentum Eucharistiæ confici non posse in azymo pane, sed præcisè in fermentato; adeoque tenaciter inhaerent his duobus erroribus, ut inter alia perversa dogmata, propter quæ ab Ecclesiâ Romanâ descivère, hæc duo omninò præcipua, et veluti totius dissensionis capita fuerint. Tertio, docent nullum esse purgatorium locum, in quo animæ corporibus emigrantes purgantur à sordibus quas in corpore contraxerant, antequàm in æterna tabernacula recipiantur, et ex consequenti nihil prodesse defunctis sacrificia, elemosynas, et hujusmodi opera pia, quæ à vivis pro illis offeruntur. Quarto, quòd sancti post hanc vitam ante diem iudicii Deum facie ad faciem non videant, neque ejus visione fruantur, nec peccatores ante eundem diem inferni supplicii afficiantur. Quintò errant, negantes summum pontificem

Romanæ sedis Apostolicæ caput esse totius Ecclesiæ, ac B. Petri Apostolorum principis successorem. Concedunt ipsi quinque esse totius Ecclesiæ primarios, et præcipuos patriarchas, Romanum, Constantinopolitanum, Alexandrinum, Antiochenum et Jerosolymitanum, et inter hos quidem Romanum ordinis quidem et dignitatis primatum habere, ita ut in conciliis et aliis conventibus primum locum in sedendo, sententiam dicendo, suffragium ferendo et subscribendo tenere debeat, sic tamen ut nihil juris et potestatis in alios quatuor, præcipuè verò Constantinopolitanum habeat. Guido Carmelita et post ipsum Gabriel Palæottus de Sectis hæreticorum, verbo *Græci*, multos alios errores Græcis attribuunt, licet Lucinianus natione Cyprius, ordinisque Prædicatorum theologus, pius et doctus, apud Possevinum tom. 1 Biblioth. 1. 6, c. 8, magnam prædictorum errorum partem fuisse Græcis impositam contendat, ut nos etiam oibiter hæc adnotavimus.

Ex mente igitur prædictorum auctorum errant Græci primò, affirmantes simplicem fornicationem non esse peccatum contra illud Christi Matth. 5 : *De corde exeunt cogitationes malæ, homicidium, adulterium, fornicationes, furta, etc.*, quamvis Lucinianus, ubi supra, excuset Græcos ab hoc errore. Secundò errant Græci, cum dicunt eos qui sunt aliquibus peccatis implicati cum Eucharistiam suscipiunt, non recipere corpus Domini, contra illud Apost. 1 Cor. 10 : *Quicumque manducaverit panem, et biberit calicem Domini indignè, etc.*, quibus verbis satis ostenditur quòd peccatores verè illud sumant, licet indignè, et quòd iudicium accipiant, non dijudicantes corpus Domini; licet Lucinianus falsò hunc errorem Græcis imponi affirmet. Tertio primas nuptias admittunt, secundas damnant : in quo clare Evangelio contradicunt Matth. 10 et 19. Si enim alter conjugum mortuus sit, alter solutus est, ut iterùm possit nubere. Sed Lucinianus negat damnari secundas nuptias à Græcis, fatetur tamen solere Græcos sacerdotes in primis benedicere, sed non in secundis. Quarto docent nuptiarum fœdus posse pro conjugum arbitrio dissolvi et fieri divortium. Lucinianus tamen apud Possevin. ubi supra, affirmat, nunquam inter Græcos permissum fuisse divortium, quo liceret novas quærere nuptias. Quintò errant, affirmantes Latinos contra Apostolorum præceptum non servare abstinentiam à sanguine et sufflato, non advertentes

illud Apostolorum decretum contra idolorum cultores latum fuisse, qui immolatum et idolothitum edebant. Quare tantum illud servandum erit sicut et à Catholicis servatur, ubicumque inter gentes quæ idola adorant, immolantia sunt. Porrò illo Apostolorum decreto tantum immolantia et non alia prohiberi docent gravissimi Orientalium Patres. B. Cyrillus Hierosolymitanus in 4 Catechesi; D. Gregor. Nazianz., Serm. in sanctum Pascha; Justin. Martyr, quæst. 45; Origenes lib. 8 contra Celsum, et alii. Sextò asserunt Eucharistiæ sacramentum, in die Cœnæ Domini confectum, esse excellentioris virtutis et efficacioris, quam alio quolibet die confectum. Hunc tamen errorem falsò imponi Græcis Lucinianus quoque defendit. Septimò errant Græci cum Sacramentum Extremæ Unionis infirmis quandoque ad corporis quoque salutem prodesse negant: id enim apertè pugnat contra illud Jacobi 5, qui de hoc Sacramento loquens, ait: *Et oratio fidei salvabit*, vel (ut textus Græcus habet), *sanabit infirmum*. Octavò, affirmare etiam Græcos refert Prateolus, ubi supra, non esse peccatum dare aliquid ad usuram, contra illud Lucæ 6: *Mutum date, nihil inde sperantes*. Et quod deterius est, non esse necessariam rei furto sublata restitutionem, ut quis possit assequi vitam æternam, non animadvertentes, *non tolli peccatum, nisi restituatur ablatum*. Si quid aliquem defraudavi, inquit Zachæus, Lucæ 19, *reddo quadruplum*. Hanc tamen esse calumniam apertam in Græcos docet Lucinianus; nam apud illos asserit hæc verè peccata censerì, atque ab eorum sacerdotibus adigi pœnitentes, ut reddant quod debent. Nonò, mortuà sacerdotis uxore, credunt sacerdotem non ampliùs esse sacerdotem, quasi ab uxore et non à Christo per episcopum sacerdotium suscepisset, vel character sacerdotalis esset debilitis. Hunc tamen errorem Lucinianus Græcis imponi apertissimè docet ubi supra. Decimò, errant Græci existimantes non licere Christi imaginem sculpi, sed tantum depingi, non animadvertentes sculptilia à Deo fuisse prohibita, ut Judæorum animos propòs ad idololatriam ab eadem averteret: ortà verò jam Evangelii luce, seclusoque idololatriæ periculo, licet hominibus Dei sanctorumque aliorum memoriam omnibus piis modis, sive per imagines depictas sive sculptas, excitare et ad mentem revocare. Hi sunt errores qui Græcis solent attribui.

Adversus Græcorum errores scripserunt in-

primis ipsius Ecclesiæ Græcæ viri doctissimi, Emmanuel Caleta, patriarcha Constantinopolitanus, Georgius Protosingelus, Theodorus Gaza, Georgius Trapezuntius, Bessarion cardinalis Nicænus, qui et postea fuit patriarcha Constantinopolitanus. Et præcipuè Georgius Scholarius (deinde vocatus Gennadius cum patriarcha Constantinopolitanus nominaretur), qui cum synodo Florentinæ cum aliis Græciæ affuisset (ubi omnes de suis erroribus convicti ad Ecclesiæ unitatem reducti sunt, postea verò retrorsum abeuntes omnes ad vomitum reversi sunt), eleganter Græcorum errores confutavit, eorumque calumniis contra Ecclesiam Latinam objectis doctè et piè respondit; eujus opera versa in Latinam linguam habentur tomo 4 Bibliothecæ SS. Patrum.

Ex Latinis verò D. Anselmus archiepiscopus Cantuar. in Opusc. de azymo; Rabanus Maurus de Institutione Clericorum l. 1, c. 31, de Sacramento Corporis et Sanguinis Domini; Hugo Etherianus adversus errores Græcorum ad Alexandrum III, pontificem maximum, libris tribus, qui habentur tomo 9 Bibliothecæ Sanctorum Patrum, et Chrisolanus Mediolanensis archiepiscopus, de Spiritu sancto; S. Th. de Aquino Opusc. 1 et 2 contra Græcorum errores, et omnes ejus expositiones in primam partem in quæst. celebri de processione Spiritus sancti; cardinalis Turrecrem. in Expositione decreti de unionis factâ in synodo Florentinâ, et novissimè licet breviter Antonius Possevinus, vir pius et doctus in sua Moscoviâ; Azorius 2 tomo Instit. Moral. l. 4, c. 14. Et potissimum, ut alios nunc omittam, sacra synodus Florentina, ubi Patres doctissimè Græcorum errores confutârunt, eisque pœnitentiam et obedientiam Ecclesiæ Romanæ præstandam persuaserunt, factâque unionis bullâ ab Eugenio IV, pontifice maximo, Græci discessère, cum tamen neque ab ipsis neque à Latinis, tunc fuisset apud Græcorum nationes, neque concilii Florentini decreta, neque unionis bulla publicata, quod causa fuit, ut Græci sicut et antea in suis erroribus permanerent.

#### ARTICULUS II.

##### *De origine errorum et schismatis Græcorum.*

Dicam nunc breviter de origine schismatis Græcorum. Dùm orthodoxa fides in Oriente vigeat, Græci primatum visibilis hujus ac militantis Ecclesiæ Petro Apostolo, ejusque successoribus fulsè à Christo Domino collatum



faciliò credebant et confitebantur, ut latius probat cardinalis Bellarm. l. 2 de Roman. Pontif. in controversiâ de summo pontifice. Quare in conciliorum confirmatione necessariam Romani pontificis auctoritatem agnoscebant, et cum vel ab hæreticis, vel ab ipsis imperatoribus patriarchæ sive episcopi aliqua afficiebantur injuriâ, ad Romanam sedem, ut defenderentur, confugiebant.

Quin imò ex toto terrarum orbe ad eandem veluti ad Petri sedem episcopi de rebus fidei aliisque gravissimis quæstionibus scribebant; atque ad ejusdem pontificis maximi jussum vel cogeantur concilia, vel coacta petebant, ut confirmarentur. At cum Constantinus Magnus imperii sui sede Bizantium translata, Romam Christi vicario cessisset, Græci terreni imperatoris præsentia inflati, anno Domini 381, episcopum Constantinopolitanum, qui antea nec patriarchatus munere fungebatur, tribus Orientis patriarchis antepone, et secundum à Romano pontifice facere voluere, sicut ex concilii Constantinopolitani canone 5 patet. Nec hoc quidem contenti, anno Domini 451, eundem Constantinopolitanum episcopum Romano pontifici parem efficere conati sunt, ut ex Act. 16 Chalcedonensis synodi constat. Prope verò annum 600, episcopum Constantinopolitanum œcumenicum, id est, orbis terræ episcopum sive universalem pastorem ausi sunt nominare. Ac denique anno 1054 (ut superbia ascendit semper), apertum schisma prodire cœpit, adeo ut solum antea semina jacta viderentur; imperante enim illo tempore Constantino Monomacho, patriarcha Constantinopolitanus nomine Michael, cupiens reipsa universalis fieri patriarcha, cujus dignitatis nomen jamdudum sibi usurpaverant ejus prædecessores, proclamare cœpit Romanum pontificem, omnesque alios Latinos esse excommunicatos ob hanc causam, quia Spiritum sanctum à Patre Filioque procedere assererent, et contra decretum concilii Nicæni in symbolo illud, *Filioque*, addidissent. Romano autem pontifice de primâ sede ejecto, ad se primam sedem jure pertinere, quia post Romanum primum esset, aiebat. Hæc fuerunt Græcorum schismatis semina; sed quia ex cæcati tumore superbiæ ordinem à Christo institutum et honorem Petri successoribus debitum arripere et perturbare conati sunt, ipsi potius perturbati atque confusi sunt. Turcarum mancipia effecti, bonis litteris et libris, corporibusque Sanctorum Patrum ipsis ademptis, et ad unam

veram Romanam Ecclesiam translatis. Qui plura desiderat de Græcorum schismatis origine, legat Azorium 2 tom. Institut. Moral. l. 4, c. 18, per totum.

#### ARTICULUS III.

*De processione Spiritûs sancti disputatio, in qua ostenditur Spiritum sanctum à Patre et Filio procedere.*

Cum Græci negent Spiritum sanctum à Filio procedere, et conquerantur Latinos ad Symbolum Nicænum addidisse illam particulam, *Filioque*, duo nobis erunt tractanda. Primò probabimus ex Scripturâ sacrâ, conciliis et Patribus (potissimum Græcis) Spiritum sanctum à Filio quoque procedere. Secundò meritò potuisse et debuisse Latinos particulam illam, *Filioque*, Symbolo addere.

De origine hujus erroris et schismatis aliqua licet breviter attingimus supra, nunc brevitatè etiam consulentes, scire oportet, olim et Symbolo Nicæno et Constantinopolitano nullam mentionem fieri de processione Spiritûs sancti à Filio, quia cum in Ecclesiâ non esset circa hoc exortæ hæreses, non opus fuit in Symbolo id explicare; postea verò cum orthodoxi omnes unanimi consensu docerent Spiritum sanctum à Filio etiam procedere, pertinaciter id negantibus Græcis, addita fuit majoris claritatis gratiâ ab Ecclesiâ Symbolo Nicæno et Constantinopolitano illa particula, *Filioque*. Quando verò fuerit à Latinis facta illa additio, *Filioque*, licet id clarè non constet, verisimilius creditur fuisse factam circa annum sexcentisimum. Nam in concilio Toletano octavo celebrato circa annum 635, recitatur symbolum cum hæc additione; et cum ante hoc tempus non inveniatur cum illâ, ut constat ex concilio Toletano tertio, anno 589 celebrato, signum evidens est, illo medio tempore, fuisse à Romano pontifice additionem factam, ut creditur in concilio ingenti Latinorum Patrum, propter dissensiones quasdam exortas inter Galliam et Hispaniam: quamvis non constet quale fuerit illud concilium, ut notavit D. Thom. 1 p. q. 56, art. 2; unde quamvis certò non possit explorari neque locus, neque tempus hujus additionis, certum tamen est, vel in aliquo concilio generali, vel auctoritate alicujus summi pontificis additam esse.

§ 1. *Ex Scripturis ostenditur Spiritum sanctum procedere à Filio.*

Primò, Joan. 16: *Omnia quæ habet Pater,*

mea sunt, inquit Christus. Item Joan. 17: *Omnia tua mea sunt*; id est, quidquid habet pater, habet etiam Filius, exceptâ solâ paternitatis relatione, ut Augustinus exponit; sed Pater habet esse principium Spiritûs sancti non ut Pater, sed ut Spirator; ergo et Filius id ipsum habet. Deinde si Pater et Filius non haberent omnia communia, exceptâ relatione oppositâ, distinguerentur plusquam relatione, et proinde substantiâ. Nam Pater ut Spirator non est relativum ad Filium; ergo si ut Spirator distinguitur à Filio, distinguitur per spirationem non ut relatio est, sed ut forma quædam in Patre subsistens, et proinde Pater et Filius in substantiâ differunt, quæ fuit Arianorum hæresis.

Secundò, Joan. 16: *Ille me clarificabit, quia de meo accipiet, et audivit ab eis*. Quid accipiet à Filio Spiritus sanctus nisi scientiam? Nam paulò ante dixerat vers. 15: *Non à seipso loquetur, sed quæcumque audivit loquetur*, et de scientiâ exponunt Chrysostomus, Cyrillus et Augustinus. Quomodò autem potest Spiritus sanctus accipere à Filio scientiam, nisi accipiendo ab illo essentiam? Quidquid enim aliud dicatur, sicut Spiritus sanctus creatura.

Theophil. et Euthymius duas insinuant solutiones. Prima, Spiritum sanctum accipere de scientiâ Filii, quia nihil docet contrarium illi quæ docuit Filius. Secunda, illud, *de meo*, significare de meo thesauro, qui est Pater, ac si diceret: Accipiet unde ego accepi. Sed prima solutio non quadrat: non enim solùm Christus dicit: *Accipiet de meo*, sed etiam dicit: *Non loquetur à semetipso*, ubi apertè indicat scientiam Spiritûs sancti non esse illi à seipso, sed à Patre et Filio; deinde ipse Christus rationem reddit quare dixerit: *Accipiet de meo*, quia *omnia quæ habet Pater, inquit, mea sunt*. Quæ ratio non videtur quid valeat, nisi admodum extorqueatur textus, si sensus non sit, accipere de Filio Spiritum sanctum, ut accipit à Patre. Secunda solutio etiam non satisfacit: nam thesaurus scientiæ in Deo non est persona Patris præcisè ut persona, sed essentia divina, quæ est communis Patri et Filio. Thesaurus enim et scientiæ perfectionem absolutam significant, perfectio autem absoluta ad essentiam spectat. Quare Paulus ad Coloss. 2: *In Christo, inquit, omnes thesauri sunt scientiæ et sapientiæ Dei*. Spiritus ergo accipiens de hoc thesauro accipit de re communi Patri et Filio.

Quæres, quare dixerit, *de meo*, et non potius, *meam essentiam*, aut *sapientiam*, etc., et cur illi in futuro, *accipiet*, et non in præsentî,

*accipit*. — Respondeo, *de meo*, dicitur, quia Spiritus sanctus non accipit filiationem, sed essentiam, et proinde non totum id quod est in Filio accipit. Dixit autem, *accipiet*, in futuro, quia acceptio illa est æterna, et continet in se virtute omnia tempora; Scriptura autem tempora exprimit prout res de quâ agitur postulat; hoc autem loco describitur Spiritus sanctus tanquam legatus à Patre, et à Filio mittendus ad Apostolos; legati verò tunc instruuntur, cum mittuntur; ideo dicit, *quæcumque audivit, et de meo accipiet*.

Tertiò, Joan. 16: *Si non abiero, Paracletus non veniet ad vos. Si autem abiero, mittam eum ad vos*. Item c. 15: *Cùm venerit Paracletus, quem ego mittam vobis à Patre*. Missio autem tantum esse potest, aut per imperium, quomodò mittuntur servi à dominis; aut per consilium, quomodò dicuntur mitti qui instruuntur à sapientioribus; aut per modum causæ, cujus gratiâ, quomodò mittit ad bellum, cujus meritis fit bellum; aut per modum consensûs, quâ ratione mittit qui consentit mitti, vel quia res tantum mittuntur ejus qui dicitur missus, sicut qui diceretur mitti, quando mittuntur insignia ejus. Denique aut per naturalem productionem, quomodò arbores dicuntur emittere flores. Primo et secundomodo Spiritus sanctus non potest dici à Filio mitti, cum non sit inferior, aut potentiâ aut sapientiâ, Filio. Neque tertio et quarto, tam quia hoc non est nisi improprie mitti, tam quia etiam dici posset Patrem mitti à Filio, quia Filius est etiam causa suis meritis, et consentit ut ad nos veniat Pater. Quinto quidem contendunt Græci Spiritum sanctum mitti à Filio, scilicet quòd Spiritûs sancti dona nobis largiatur Filius: sed aberrant, tum quòd non solùm dona dentur Spiritûs sancti, sed etiam ipse Spiritus sanctus, ad Rom. 5: *Charitas Dei diffusa est in cordibus nostris per Spiritum sanctum, qui datus est nobis*. Ecce distinctionem inter dona ipsa et Spiritum sanctum. Deinde si mittere Spiritum sanctum sit tantum mittere dona, Pater mittetur etiam à Filio et Spiritu sancto, quia qualibet persona est auctor omnium donorum. Denique pari ratione dici posset, mitti Filium à Patre, nihil aliud esse, quam mitti Filii dona, et sic eluderetur incarnationis mysterium.

Quartò Joan. 20: *Inflavit, et dixit: Accipite Spiritum sanctum*; hæc enim ceremoniâ voluisse Christum declarare Spiritum sanctum ab illo procedere, docent August. lib. 3 in

Maxim. c. 14; Cyrillus 12 in Joannem, c. 56.

Quintò, eodem modo in Scripturâ dicitur Spiritus sanctus Patris Spiritus, et Filii Spiritus : *Spiritus Patris vestri qui loquitur in vobis. Rom. 8 : Si quis Spiritum Christi non habet. At dicitur Spiritus Patris, quia à Patre procedit; ergo similiter dicitur Spiritus Filii, quia ab ipso procedit.*

Nec respondere possunt dici Filii Spiritum, quia simul cum Filio à Patre procedit, vel quia est Filio similis. Nam sicut non obstante relatione Spiritûs sancti ad spirantem diceretur Filii Spiritus sanctus, eò tantum quòd procedant ambo à Patre, vel quia similes in naturâ: pari ratione dici posset Christus Spiritûs sancti Filius et Verbum, non obstante relatione ad Patrem et dicentem, quia simul et am ambo à Patre procedunt, et item in naturâ similes.

### § 2. *Idem probatur ex conciliis.*

Eadem fidei veritas definita est in conciliis. Et in primis concilium Ephesinum in Epistolâ totius concilii ad Nestorium, his verbis definit: « De Spiritu quoque cum dicit : *Ille me clarificabit*, hoc rectissimè sentientes unum « Christum Dominum, et Filium non velut « alterius egentem gloriâ, confitemur à Spiritu « sancto gloriam consecutum, qui ejus spiritus nec melior, nec superior ipso est. Sed « quia humana opera faciens ad demonstrationem suæ deitatis virtute proprii Spiritûs « utebatur, ab ipso glorificari dicitur, quòd « virtus sua, vel disciplina quælibet unum « quemque clarificet. Quamvis enim in suâ sit « substantiâ spiritus ejus, et intelligatur in « personâ proprietatis, juxta id quod spiritus « est, et non Filius, attamen alienus ab illo « non est : nam spiritus appellatus est veritas, et veritas Christus est. Unde et ab isto « similiter, sicut ex Deo Patre procedit. Denique hic ipse Spiritus etiam per sanctorum « manus Apostolorum miracula gloriosa perficiens, Dominum clarificavit Jesum Christum « postquam ascendit in cœlum. Nam creditus est Christus naturâ Deus existens per suum « Spiritum virtutes efficiens, ideòque dicebat : *De meo accipiet, et annuntiabit vobis.* Nequaquam verò participatione alterius idem Spiritus sapiens aut potens dicitur, quia per omnia perfectus est, et nullo prorsus indigens bono : nam paternæ virtutis et sapientiæ, id est, Filii, spiritus creditur; et ideò ipsa re, et subsistente virtute virtus et

« sapientiâ comprobatur. » Hætenus concilium. Cum enim Nestorius Christum hominem distinctum suppositum astrueret à Filio Dei, nec beatam Virginem Dei genitricem confiteri vellet; cumque illum errorem etiam inde probare contenderet, quòd Christus homo fuerit à Spiritu sancto clarificatus, ut ipsemet et Joan. 16, prædixerat eâ sententiâ : *Ille me clarificabit*, etc., explicat concilium quânam ratione Christus à Spiritu sancto sit clarificatus, addens eum Spiritum esse Spiritum Christi, quatenus Christus est Dei Filius, à quo etiam, inquit, sicut ex Deo Patre procedit.

Quòd autem Epistola illa non fuerit solius Cyrilli, sed totius Ephesinæ synodi, constat in primis ex verbis illis ad initium ejusdem Epistolæ : « Religioso et Deo amabili Nestorio, « Cyrillus, vel quicumque sunt apud Ephesinam synodum. » Fit autem in eâ peculiaris mentio Cyrilli, quoniam auctoritate Cœlestini papæ præsidebat toti concilio. Constat deinde quoniam ex sequentibus conciliis generalibus in Græciâ celebratis est manifestum, Patres illius concilii fidei defensionem adversus Nestorium confecisse, quæ sanè nulla alia est in eâ synodo, quàm ea quæ in eâ Epistolâ continetur. Nam fidei confessionem, quam ejus concilii Patres fecerunt, in quâ fusiùs, ut errores Nestorii flagitabant, exponuntur Nicænx Constantinopolitanæque synodi confessiones; eam, inquam, confessionem unâ cum tredecim anathematismis in Epistolæ formam redactis ad eundem Nestorium absentem, si fortè respiceret, tanquam ad amicam benignè direxerunt.

Accedit præterea, quòd ex eisdem conciliis, quæ sunt in Græciâ consecuta, certum est, quæ continet ea Epistola fidei definitiones esse. In concilio enim Chalcedonensi, actione quinta, in primâ fidei definitione suscipiunt Patres tanquam fidem orthodoxam ea quæ in tribus præcedentibus conciliis generalibus definita fuerunt, scilicet in Nicæno, Constantinopolitano et Ephesino. Cumque ad Ephesinam ventum est, adjicitur sequens sententia : « Statutus etiam S. synodum Ephesi factam, cujus fuerunt auctores venerabilis memoriæ Cœlestinus Romæ urbis, et Cyrillus Alexandrinæ Ecclesiæ sacerdotes. » In secunda verò fidei definitione additur: *Beatissimi quondam Cyrilli Alexandrinæ Ecclesiæ sacerdotis synodicas Epistolas, tam ad Nestorium, quàm ad cæteros per Orientem congruas, et sibi consentaneas*

suscipit, ad confutationem quidem Nestorianæ amentiae, et ad interpretationem eorum qui religioso zelo salutaris Symboli cupiunt intellectum. In quintâ præterea synodo, actione quintâ, anathematismo 13 et 14, feriuntur anathemate, qui repugnârunt definitis à S. synodo Ephesinâ et beato Cyrillo, sitque manifesta mentio de contentis in Epistolâ ad Nestorium. In sextâ etiam act. 7, in definitione fidei orthodoxæ suscipiuntur Epistolæ synodice, quæ à B. Cyrillo scripta sunt adversus impium Nestorium, et ad Orientales episcopos, et denique ea omnia, quæ à quinque præcedentibus conciliis universalibus definita fuerant. Quo fit, ut dogma de processione Spiritûs sancti à Filio in tertiâ synodo generali fuerit definitum, et in tribus sequentibus in Græciâ celebratis confirmatum ac subscriptum.

Eandem veritatem statuit concilium Lateranense secundum, sub Innocentio III, cap. *Firmiter* de sum. Trin. et fide cath., his verbis: « Pater à nullo, Filius à Patre, ac Spiritus sanctus pariter ab utroque. » Item in concilio Lugdunensi cap. *Fidei* de summâ Trinitate et fide catholica, l. 6, ubi Gregorius X: « Fidei, inquit, et devotâ professione fatemur, quòd Spiritus sanctus æternaliter ex Patre et ex Filio, non tanquàm ex duobus principiis, sed tanquàm ex uno principio, non duabus inspirationibus, sed unâ inspiratione procedit. Hoc professus est hæc ctenus, prædicavit, et docuit sancta Romana Ecclesia, mater omnium fidelium, et magistra. Hoc habet orthodoxorum Patrum atque doctorum Latinorum pariter et Græcorum incommutabilis et vera sententia. Sed quia nonnulli, propter irrefragibilis præmissæ veritatis ignorantiam, in errores varios sunt prolapsi, nos sacro approbante concilio damnamus et reprobamus omnes qui negare præsumperint æternaliter Spiritum sanctum ex Patre et Filio æternaliter procedere; sive etiam temerario ausu asserere quòd Spiritus sanctus ex Patre et Filio tanquàm ex duobus principiis, et non tanquàm ex uno procedat. » Hæc Gregorius X, in eo concilio.

Accedit concilium Florentinum, cui Joannes Palæologus Græcorum imperator, patriarcha Constantinopolitanus, et multi alii episcopi Græcorum interfuerunt, ubi post longam disputationem communi Latinorum et Græcorum consensu, sess. ultimâ in litteris sanctæ

unionis, decreto de processione Spiritûs sancti, sequens definitio edita est: « Approbante hæc sacrâ synodo Florentinâ, definimus, ut hæc fidei veritas ab omnibus Christianis credatur et suscipiatur, quia Spiritus sanctus à Patre et Filio æternaliter est, et essentiam suam suumque esse subsistens habet ex Patre simul et Filio, et ex utroque æternaliter, tanquàm ab uno principio, et unâ spiratione procedit, declarantes, quòd id quod SS. doctores et Patres dicunt, ex Patre per Filium procedere Spiritum sanctum, ad hanc intelligentiam tendit, ut per hoc significetur Filium quoque esse, secundum Græcos quidem causam, secundum Latinos verò principium subsistentiæ Spiritûs sancti, sicut et Patrem. Et quoniam omnia quæ Patris sunt, ipse Pater unigenito Filio suo gignendo dedit, præter esse Patrem, hoc ipsum, quòd Spiritus sanctus procedit ex Filio, ipso Filius à Patre æternaliter habet, à quo etiam æternaliter genitus est. » Hæc Florentina synodus. In ejusdem litteris sanctæ unionis legere licet rationem, quâ Græci et Latini ad concordiam venerunt. Cùm enim utrique explicârunt, quod antea dicebant, inventum est solis verbis dissensisse, cùm Græci non se satis explicarent, nec intelligerent Latinos, crederentque eos in eâ esse sententiâ, ut dicerent Spiritum sanctum procedere à Patre et Filio tanquàm à duobus principiis, distinctisque spirationibus, quod nunquàm asseruerunt, ut patet ex conc. Lugdunensi, ubi contrarium fuerat definitum.

Divus Antoninus, tertiâ parte suarum historiarum, titulo 22, c. 13, § 13, refert nulum ferè fructum ex eâ concordia fuisse secutum, eò quòd Græci non curaverint eam definitionem populo tradere, quin potius episcopi et sacerdotes, qui concilio pœnitentes non adfuerunt, in eodem errore suo permanserint, et mortuo Joanne Palæologo per sequentis imperatoris creationem ad statum pristinum errores Græciæ redierint, unde perseverant adhuc Græci ab Ecclesiâ Romanâ divisi, non minus quàm ante concilium Florentinum. Addit D. Antoninus in pœnam tanti delicti, 14 anno sequenti post concilium Florentinum, Constantinopolim videri captam à Turcis, et paulò post totam Græciam.

Eandem veritatem statuit concilium Toletanum primum in confessione fidei, cùm dicit: « Spiritum quoque esse Paracletum, quia nec Pater sit ipse, nec Filius, sed à Patre Fi-

« lioque procedens. » Fuit verò concilium hoc confirmatum à Leone primo ; cujus auctoritas congregavit, firmavitque concilium Chalcedonense. Idem affirmat Leo I, sermone secundò in Pentecosten. Idem Toletanum III, anathematismate 3, Toletanum IV, cap. 1 ; Toletanum VIII in Symbolo fidei, demùm Toletanum XI in Professione fidei.

§ 5. *Ex Patribus Græcis idem statuitur.*

Eandem veritatem non solùm Latini omnes semper constanter asseverârunt, sed etiam, ut ex concilio Lugdunensi et Florentino constat, præcipui Græci Patres ; in quorum numerum referuntur, quotquot Ephesinæ et tribus sequentibus synodis generalibus in Græciâ celebratis interfuerunt. Et quamvis Græci Patres in duas soleant classes dividi, quòd alii Spiritum sanctum à Patre Filioque procedere ferè eisdem verbis ac nos disertè fateantur, alii autem, licet in verbis Latinorum non consentiant, re tamen ipsâ nihil differunt, dum docent Spiritum sanctum à Patre per Filium procedere. Utriusque classis Patrum testimonia referam.

Inprimis S. Athanasius : « Spiritus sanctus à Patre et Filio non factus, nec creatus, nec genitus, sed procedens. » Hæc ille in Symbolo. Quod Athanasii esse patet, primò quia Nazianzenus Oratione de laudibus Athanasii dicit eum composuisse perfectam fidei confessionem Occidentis et Orientis notam. Secundò, quia Augustinus in Ps. 120, citans nominatim Athanasium episcopum Alexandrinum, integrum versiculum hujus Symboli adduxit, et suppresso Athanasii nomine, utitur hujus Symboli sententiis l. 5 de Trin. 8, Ep. 174, Enchirid. c. 36, passim, ut in Ecclesiâ notissimi.

Non fuisse autem particulam, et Filio, additam huic symbolo, hinc constat, quòd habeatur in Græco, et quòd Toletan. IV, cap. primo, recitat confessionem fidei ferè ad verbum, sumptam ex hoc symbolo, in quâ hæc particula habetur. Quare cùm Græci non haberent quid responderent ad hoc testimonium, dicebant, teste Gennadio, lib. pro defensione concilii Florentini, cap. primo, sect. quintâ, Athanasium fuisse ebrium cùm hæc scripsit.

Idem quoque Athanasius serm. 4 contra Arianos affirmat Spiritum sanctum accipere à Verbo. In Epistolâ ad Serapionem episcopum, de Spiritu sancto, sic loquitur : « A Patre dici-

« tur procedere, quoniàm à Verbo Patria « desumit, et mittitur, et donatur. » Et infra : « Spiritus porrò à Filio accipit : de meo enim, « inquit, accipiet, et annuntiabit vobis. » Et paucis Interjectis : « Cùm igitur istiusmodi « ordinem et naturam habet Spiritus ad Fi- « lium, qualem Filius habet ad Patrem, quæ « fieri potest, ut qui Spiritum sanctum crea- « turam dicit, non illud idem necessariò et de « Filio sentiat? »

S. Cyrillus in illud Joelis : *Effundam de Spiritu meo*, hæc habet : « Quatenus enim « Deus ex Deo naturaliter est Filius, genitus « enim est ex Deo Patre, proprius ipsius, et « in ipso, et ex ipso est Spiritus, sicut profectò « et ex Patre ipso intelligitur. » Idem in Exposit. 9 Anathematismi, sic ait : « Factus « homo unigenitus Dei Filius mansit quoque « Deus, omnia quæ Pater habens præter esse « Patrem, propriumque sibi, qui ex ipso, et « ipsi innatus est Spiritus sanctus. » Idem etiam in Apologiâ ad Theodoretum, ait : « Pro- « cedit enim sicut ex Deo Patre Spiritus, « juxta Salvatoris vocem, non tamen alienus « à Filio est. Omnia enim habet cum Patre, et « idcirco dictum quoque est illud : *De Patre « accipiet.* » Et in lib. ad Palladium per Interrogationem et responsonem, ait : « Mutabilis « handquaquam est Spiritus sanctus, vel si « ipsum mutari intelligit, in ipsam Momus « divinam resultabit naturam, si Dei Patris « est, necnon et Filii, substantialiter ex am- « bobus, hoc est, ex Patre per Filium effusus « Spiritus. » Et in quinto ad Hermiam, inquit : « Cujus proprium esse dicimus Spiritum san- « ctum? Num solius Dei Patris? vel certè « Filii? An verò utriusque divisim et ambo- « rum tanquam unum ex Patre per Filium « propter identitatem essentia? » Hermia respon- « det : « Ita aio, amice. » Et Cyrillus : « Rectè. »

S. Epiphanius in Anchorato apertissimis verbis : « Spiritus sanctus ex Patre et Filio tertius « appellatione. » Et ibidem : « Uterque habitat « in homine justo, Christus, et Spiritus ip- « sius. Si ergo Christus ex Patre creditur Deus « de Deo, et Spiritus à Christo, vel ex am- « bobus, ut Christus ait : *Qui ex Patre proce- « dit, et ille de meo accipiet.* » Et ibidem : « Atqui « dicit aliquis : Ergo dicimus duos filios esse, « et quomodo Christus unigenitus? Nequaquam. « Tu verò qui es, qui contraria de eo dicis? « Filium vocat ex se, Spiritus autem sanctus « ab utrisque. » Et ibidem : « Spiritus sanctus

« Spiritus veritatis est, lumen tertium ex  
« Patre et Filio. » Et rursus : « Quemadmo-  
« dum enim nemo noscit Patrem, nisi Filius,  
« neque Filium, nisi Pater; ita dicere audeo,  
« quòd neque Spiritum nisi Pater, et Filius  
« à quo procedit, et à quo accipit. Neque Fi-  
« lium neque Patrem, nisi Spiritus sanctus  
« glorificans verè, et docens omnia, qui ex  
« Patre et Filio est. »

Sanctus Basilius Magnus in tertio contra  
Eunomium, circa principium, adeò clarè et  
luculenter de veritate hujus articuli disputat,  
ut Græci quidam temerario ausu, tanti Patris  
auctoritatem pertimescentes, non dubitarent  
verba quædam sancti doctoris expungere, at-  
que alia de suo addere, sicuti nunc in excussis  
legitur libris. Locus verò integer, Basiliï pro-  
cul dubio stylum et grandiloquentiam redo-  
lens, à Bessarione recitatur, qui se illum Con-  
stantinopoli legisse ait in pluribus vetustissi-  
mis manuscriptis : « Quæ enim necessitas si  
« ordine et dignitate tertius esse Spiritus san-  
« ctus, tertium quoque esse naturâ? Dignitate  
« enim secundum esse à Filio, esse ab ipso  
« habentem, et ab ipso accipientem, et nun-  
« tiantem nobis, atque omninò ab illâ causâ  
« dependentem tradidit nobis pietatis sermo, » etc.  
Et contra Eunomium lib. quinto cap. cui titu-  
lus : *Quare Spiritus sanctus non est Filii Fi-  
lius?* respondet hoc pacto : « Non quia per  
« Filium à Deo non sit, sed ne Trinitas infinita  
« multitudo censeatur, et ex filiis filios, ut in  
« humanis fit, habere putetur. » Idem in eodem  
cap. : « Propterea esse quidem Spiritum ex  
« Deo manifestè declaravit Apostolus dicens,  
« quòd *Spiritus, qui à Deo est, accepimus*. Per  
« Filium autem elucere clarè docet ubi Spi-  
« ritum ipsum Filii nominat, sicut et Dei Pa-  
« tris. » Constat autem legentibus Basiliï verba  
Patrem hunc loqui de æternâ Spiritûs sancti  
productione. Nam illud, *elucere*, vel, *eluzisse*,  
quod Græci de temporali missione malè inter-  
pretantur, sæpè Basilius ipse pro ipsâ Spi-  
ritûs sancti *processione ad intra*, ut vocant, expli-  
canda usurpavit.

S. Joannes Damascenus l. 1 de fide Orthod.  
c. 13, hæc habet : « Ipse igitur Pater mens  
« est, Verbi abyssus, Verbi genitor, et per  
« Verbum productior manifestativi Spiritûs. »  
Et rursus : « Spiritus autem sanctus occultæ  
« divinitatis, Patris manifestativa virtus, ex  
« Patre per Filium procedens, ut ipse novit,  
« non generationis modo. » Idem in fine capi-  
tuli ait : « Spiritus Patris cum ex Patre pro-

« cedat, et Filii quoque est Spiritus, non tan-  
« quàm ex ipso, sed tanquàm per ipsum ex  
« Patre procedens; solus enim Pater causa  
« est. » Porrò illud, *per*, singularem causæ,  
seu principii naturam, et verba ipsa  
Damasceni non obscurè indicant, et testatur  
Basilius Magnus, c. 8, lib. de Spiritu sancto  
ad Amphilochem his verbis : « Quòd per Fi-  
« lium creet Pater, neque imperfectam Pa-  
« tris creationem, neque impotentem Filii de-  
« notat operationem, sed unitam ipsorum vo-  
« luntatem significat. » Quare vox illa, *per*  
*Filium*, originalis causæ confessionem conti-  
net, non autem ad coarguendam efficientem  
causam sumitur. Hoc etiam fusè Basilius c. 5,  
ad Amphilochem.

Idem docet Chrysostomus, explicans illa  
verba : *Omnia per ipsum facta sunt*. Ait enim :  
« Quod enim sic per ipsum dictum est, nullam  
« aliam ob causam dictum est, quàm ut ne Fi-  
« lium aliquis ingentum suspicietur. » Ergo  
juxta horum Patrum sententiam, vox illa, *per*  
*Filium*, accipienda est, ut originalis in Patre  
principii significativa. Hoc verò loquendi modo  
sæpissimè usus est Basilius Magnus, qui accu-  
ratissimè ac planissimè scripsit de Spiritu  
sancto, tum in quinque adversus Eunomium  
libris, tum in Libro, quem de Spiritu sancto  
scripsit ad Amphilochem; præsertim verò c.  
18, ubi de Spiritu sancto ita disserit : « Igitur  
« Dei cognitionis via est ab uno Spiritu per  
« unum Filium ad unum Patrem, et è converso.  
« Naturalis bonitas, et quæ secundum naturam  
« est sanctificatio et regia dignitas à Patre per  
« Unigenitum ad Spiritum pervenit. »

Sanctus quoque Maximus in Epistolâ illâ  
quam citant Græci Patres concilii Florentini,  
asserit simul ac tuetur dogma et loquendi mo-  
dum Ecclesiæ Romanæ; ait enim, quod Latini  
dicunt *ex Filio*, idem esse, quod Græci, *per*  
*Filium*, illumque loquendi modum, Latinos,  
inquit, dicere, sumptum esse à Patribus tam  
Græcis quàm Latinis. Præterea explanans quid  
sibi velit aureum Zachariæ prophetæ candelabrum  
et lucerna, hæc ait : « Spiritus enim  
« sanctus ut naturâ consubstantialis est Deo Patri,  
« ita et Filio secundum substantiam est, quippe  
« qui ex Patre essentialiter per Filium genitum  
« ineffabiliter procedit. » Ex his duobus lo-  
quendi modis et *ex Filio*, et *per Filium*, Maxi-  
mus et Damascenus, sed præcipuè posterior  
hic primum secundo postposuerunt. Imò Da-  
mascenus non vult esse dicendum, *ex Filio*,  
sed, *per Filium*. Quapropter Græci Patres con-

lilii Florentini, et præcipuè patriarcha Joseph, ut habetur sess. 25, post longas disputationes et sanctorum Patrum lectiones hujusmodi tandem protulit sententiam, cui Græci omnes acquieverunt :

« Posteaquàm audivimus dicta sanctorum Patrum Occidentalium et Orientalium, quorum alia Spiritum sanctum ex Patre et Filio procedere dicunt; alia verò ex Patre per Filium, tametsi, *per Filium*, idem est, quod, *ex Filio*, et *ex Filio*, idem est quod, *per Filium*; nos tamen illud, *ex Filio*, omittentes, dicimus Spiritum sanctum procedere à Patre per Filium ab æterno, et substantialiter, ut ab uno principio, et causâ, præpositione, *per*, in præsentia in Spiritûs sancti processione significante causam. »

Quapropter videbatur illis inter præpositiones, *per*, et *ex*, hoc esse discrimen, quòd præpositio, *ex*, primum præsentiale, et procatartecum, ut Græci vocant, principium denotat. *Per* verò, duo simul connotat, et secundæ personæ actionem, et primæ, hoc est, Patris suppositionem, vim et actum producendi Filio communicantis. Atque in hoc communem Græcorum Patrum dicendi modum, sed præcipuè Maximi et Damasceni secuti sunt. Ejusdem etiam sententiæ fuit Didymus l. 2 de Spiritu sancto (habetur inter opera D. Hieronymi); Cyrill. Hierosolym. Catech. 16 et 17; Nazanzen. Orat. 24, et expressè Chrysostomus Homiliâ 1 et 2 de Symbolo, tom. 5; Philo à sancto Epiphinio episcopus ordinatus in lib. Enarrationum in Cantica, primo tomo Bibliothecæ, ac denique Gregorius Thaumaturgus, et Nyssenus referens ejus vitam, quatenus dicunt Spiritum sanctum esse imaginem Filii, ac denique omnes antiqui Patres Græci, excepto Theophylacto.

Sed Græci nobis obijciunt Damascenum primo lib. fidei Orthodoxæ ad finem, cap. 11, ubi ait: « Spiritum sanctum et ex Patre, et Spiritum Patris nominamus, ex Filio autem Spiritum sanctum non dicimus. » Quibus verbis videtur apertè docere Spiritum sanctum ex Patre procedere, non verò ex Filio. Respondemus Damascenum, se verbis quæ continentur sequuntur exponere, neque eâ in re à reliquis Patribus dissentire. Subjungit namque: « Sed Spiritum Filii nominamus (si quis enim Spiritum Christi non habet, divinus inquit Apostolus, non est ejus), et per Filium apparuisse, et nobis traditum confitemur. Insufflavit enim, et dixit discipulis suis: *Accipite*

*Spiritum sanctum*. Quemadmodum autem ex sole radius, et splendor (ipse enim fons est et radii et splendoris) atque per radium nobis splendor tribuitur, et ipse est, qui illuminat eos, et participatur à nobis. Porrò Filium neque Spiritum esse dicimus, neque etiam ex Spiritu. » Hactenus Damascenus. Ex quibus verbis constat eam esse Damasceni mentem, ut dicat Spiritum sanctum esse Spiritum Filii, eùm tamen è contrario (ut rectè subjungit) nec dicamus Filium esse Spiritûs sancti, nec esse ex Spiritu sancto, eò quòd Filius nihil prorsus accipiat à Spiritu sancto: accipit autem Spiritus sanctus à Filio. Patet etiam Damascenum ostendere velle, ut Spiritus sanctus per Filium à Patre procedat, sicut splendor proficitur à sole per radium. Unde addit Spiritum sanctum per Filium apparuisse, et nobis esse traditum tanquàm eum qui à Filio, ut splendor à radio emanârit; ideòque Christum insufflâsse, quasi qui ex se emitteret, produceret, daretque Spiritum sanctum, dixissetque discipulis, Joan. 20: *Accipite Spiritum sanctum*.

Ut ergo Bessarion, cap. 7 suæ orationis rectè notavit, eâ ratione duntaxat Damascenus, et nonnulli alii ex Græcis, affirmant Spiritum sanctum procedere ex Patre per Filium, non secus ac splendor procedit à sole per radium. Renuunt verò concedere procedere ex Filio, quoniam apud eos dictio, *ex*, denotat emanationem ab aliquo tanquàm à primâ origine et fonte, quo pacto Spiritus sanctus à solo Patre procedit, quoniam is solus à se, et non ab alio habet vim, quâ spirat Spiritum sanctum. Verùm quia Filius spirandi vim sicut et reliqua accipit à Patre per generationem æternam, haud secus quàm radius à sole accipit vim fundendi splendoris, ideò licet Spiritus sanctus proficiatur à Filio, sitque ejus Spiritus, quin etiam ab eo detur, et mittatur, renuunt tamen aliqui Græci Patres concedere hanc propositionem: Spiritus sanctus procedit ex Filio, licet concedant hanc aliam: Spiritus sanctus procedit à Patre per Filium, tanquàm per suppositum, et causam intermedium inter Patrem et Spiritum sanctum, eo modo quo radius mediâ causa est inter solem et splendorem. Atque id dicunt denotare dictionem *per*; unde sicut quia radius principium est intermedium à quo emanat splendor, concedimus splendorem esse radii splendorem, non verò radium esse radii splendoris; ita vult Damascenus, ut dicamus Spiritum sanctum esse Spiritum Filii.

non verò Filium esse Spiritus sancti, aut de Spiritu sancto.

Ex hactenus dictis facillè intelligitur eos Græcos qui à Latinis dissentire videntur, solis verbis differre, esseque facillimam inter utramque Ecclesiam concordiam, longè tamen melius loqui ad rem, de qua agitur, Latinos, eosque Græcos, qui cum Latinis conveniunt.

Primum et secundum patent ex eo, quia neutri negant Spiritum sanctum accipere suam essentiam, ac esse subsistens, procedereque à Filio tanquam à supposito intermedio inter Spiritum sanctum et Patrem. Neutri item negant Patrem non ab alio, sed à seipso habere, quòd Spiritum sanctum producat, Filium verò id ipsum sicut etiam cætera à Patre accipere. Utrique etiam affirmant Patrem et Filium non esse plura principia, sed unum tantum Spiritus sancti; nec spirare Spiritum sanctum distinctis, sed unà tantum spiratione; licet Pater id habeat à se, Filius à Patre, Spiritus sanctus ab utroque, seu quod idem est, à Patre per Filium. Solum ergo differunt Græci quidam à Latinis in eo, quòd Græci nolunt spirationem Spiritus sancti vocare processionem ex Filio, sed ex Patre per Filium; Latini verò vocant eam spirationem, processionem ex Filio, quæ sanè quæstio est de solo modo loquendi.

#### § 4. Solvuntur argumenta Græcorum.

Primum Græcorum argumentum ex verbis illis Joan. 15: *Cum venerit Paraclætus quem ego mittam vobis à Patre Spiritum veritatis, qui à Patre procedit, conficitur.* Cùm enim in iis tam apertè Dominus dixerit Spiritum sanctum à Patre procedere, et non addiderit etiam à Filio, temerarium omninò videtur asserere ab eo produci. — Respondeo cum Augustin. l. 3 contra Maxim., c. 14, solum nominari Patrem, non ad excludendum Filium, sed quia Pater est auctor principalis Spiritus sancti, eò quòd ab ipso Filius potentiam habeat, seu virtutem spirandi. Non excludi verò Filium, probatur ex similibus Scripturæ loquendi modis, Matth. 16: *Caro, inquit, et sanguis non revelavit tibi, sed Pater meus, qui est in cælis, in quibus verbis etsi solus nominetur Pater, non tamen propterea aliæ excluduntur personæ, cùm ea revelatio facta fuerit à totà Trinitate.* Idem de Spiritu sancto dicitur: *Ille vos docebit omnia, et tamen Pater et Filius etiam omnia docent, imò, ut lib. de processione Spiritus sancti ratiocinatur Anselmus, etsi dictum esset:*

*« Nemo producit Spiritum sanctum nisi Pater, nec etiam excluderetur Filius, sicut nec in illis Matth. 11: Nemo novit Filium nisi Pater, non excluditur Filius et Spiritus sanctus à cognitione Filii. Dicit præterea ulterius posset, in prædictis verbis manifestè Filium poni, cùm Christus dicat missurum se Spiritum sanctum, et missio in divinis, processio sit naturalis.*

Secundum. In Concilio Ephesino lectum est Symbolum Nestorianorum et liber Theodoretii contra anathematismos Cyrilli, ac in utroque habetur expressè, Spiritum sanctum non procedere à Filio. Cùm verò Patres concilii tacuerint, omninò approbasse videntur eam sententiam. — Respondeo, in eodem concilio, et in quarto ac quinto, lectam fuisse Epistolam Cyrilli cum anathematismis ad Nestorium, in qua bis habetur Spiritum à Filio habere suam esse, et Patres non contradixerunt: ergo (retorquendo argumentum) approbaverunt. Deinde Theodoretus negavit Filium procedere etiam per Filium, quod tamen Græci non asserunt. Igitur si quid valet eorum argumentum, concilium approbavit sententiam illis contrariam. Denique ipsum concilium satis suam significavit sententiam, cùm summo consensu probavit totam Cyrilli doctrinam, et contrariam Theodoretii et Nestorianorum damnavit.

Tertium, ex Dionysio cap. 2 de divin. Nominibus, p. 1, desumitur, ubi ait: *« Solus « fons supersubstantialis Deitas est Pater. »* — Respondeo dici solum fontem, non quomodocumque, sed quia non habet aliunde divinitatem; Filius autem dicitur etiam fons, sed de fonte, sicut Deus de Deo. Ita Epiph. Hæres. 69.

Quartum. Basil. Ep. 43: *« Nullam, inquit, secundum propriam notionem communionem habet Filius cum Patre; »* ergo non convenit cum Patre in spiratione. Deinde ait, propriam notionem Spiritus sancti esse, quòd per Filium, et cum Filio cognoscatur, et ex Patre substantiam habeat. — Ad primum locum respondeo, non loqui Basilium de quolibet notionem, sed de notionem, quæ est proprietas, nempe filiationem: spiratio enim non est proprietas, Filius autem in filiationem nullam reverà habet communionem cum Patre. Ad secundum, esse pro nobis, si benè intelligatur: non enim vult dicere Spiritum sanctum cognosci ex doctrinà et prædicatione Filii: nam eo in loco disserit de distinctione personarum



intimâ et æternâ, quæ non debet sumi à temporali nostrâ cognitione, sed cognosci per Filium et cum Filio, ut relativam per suum correlativum. Nam paulò ante dixerat, Spiritum sanctum ex Filio pendere, et non posse unum sine alio cogitari (quod est proprium correlativorum), et proinde Spiritum sanctum esse à Filio. Nemo enim dicit Filium esse à Spiritu sancto.

Quintum. Omnia quæ habet Pater, habet etiam Filius, exceptâ causalitate, ait Orat. ad episc. qui venerant ex Ægypto, Nazianzenus. — Respondeo, non loqui de quâcumque causalitate, sed de causalitate Patris erga Filium: vult enim dicere omnia quæ Pater habet esse Filii, exceptis his quæ sunt propria Patris. Ita enim postea confert etiam Spiritum sanctum cum Filio: « Omnia, inquit, quæ habet Filius, habet Spiritus sanctus, exceptâ filiatione, » id est, exceptâ proprietate personæ, à quâ procedit, sive producitur.

Sextum. Leo III papa, qui post additionem, *Filioque*, in Symbolo factam vixit, ut testis est Petrus Lombardus 4, dist. 41, iussit scribi ad fidei cautelam in tabulâ argenteâ Symbolum Constantinopolitanum sine additione illâ, et poni in altari post corpus sancti Pauli: ergo illam additionem abstulit. — Respondeo pontificem deditâ operâ hoc fecisse, ut servaretur memoria Constantinopolitani Symboli, quale fuerat, et ut intelligerent omnes non damnari illud Symbolum, nec esse contrarium nostro. Habet enim Ecclesia plura symbola, quæ omnia recipit et honorat, nec unum destruit aliud, quamvis aliquid sit expressius in uno, quàm sit in alio.

Septimum. In c. 3 Joannis Theoph.: « Sanè, inquit, Latini malè hæc exponentes, et minùs rectè intelligentes, dicunt quòd Spiritus etiam ex Filio procedat. » — Sed Theophil. tempore schismatis vixit, et proinde rejicitur, sicut neque reciperent Græci Bernardum, Rupertum, aut alios similes Patres.

Octavum, Spiritus sanctus est unus; ergo unum habet principium, non duo, et unâ spiratione procedit, non duabus.

Respondeo, hoc totum esse verum, non tamen sequi unum principium esse idem ac unam personam, et unam actionem ab unâ tantum esse personâ in divinis. Nam unum est principium mundi, et una creandi actio, et tamen mundus est à tribus personis, quibus est communis actio creandi; aliàs sequeretur aliquam personam divinam non esse creato-

rem; illud autem unum principium Spiritus sancti est Pater et Filius: qui licet sint duo spirantes, unicâ tamen spiratione spirant. Nichil enim multiplicatur in Deo nisi relatio opposita; spiratio autem quâ Pater spirat non opponitur spirationi quâ spirat Filius, atque proinde unica est, non multiplex.

Nonum. Pater est sufficiens principium Spiritus sancti, ergo non requirit auxilium Filii. — Respondeo, Filium cum Patre spirare, non quia Pater eget auxilio, sed quia habent eandem potentiam; quâ ratione mundus producitur etiam à tribus personis necessariò, necessitate, quam vocant, producentis, et quia intrinsicè ad rationem Spiritus sancti spectat distingui illam realiter à Patre et Filio, propterea necessitate etiam quam vocant producti, ab utroque procedit.

Ultimum. Si à Filio procedit Spiritus sanctus, ergo Patri similior est Filius quàm Spiritus sanctus. Nam Filius spirat cum Patre spirante, et Spiritus non generat cum Patre gerente. — Respondeo: Si in hoc esset attendenda similitudo, simile sequeretur incommodum, si Spiritus sanctus à solo Patre procederet; nam tunc esset Filius similior Spiritui sancto quàm Patri, siquidem Filius procederet cum Spiritu sancto, et non produceret cum Patre: sed neutrum reverâ concludit. Nam similitudo attenditur ex parte essentia, non ex parte relationum.

#### § 5. Demonstratur rectè factam additionem, *Filioque*.

Hæc particula, *Filioque*, est explicatio Symboli, ut declarat concilium Florentinum: « Definitus explicationem verborum illorum, *Filioque*, veritatis declarandæ gratiâ, et immittente tunc necessitate, licitè et rationabiliter Symbolo fuisse appositam. » Debit autem explicari Symbolum, cum multi crederent cœpissent Spiritum sanctum non procedere à Filio; hic enim error est contra fidem, teste Athanasio in Symbolo: « Hæc est fides catholica, quam nisi, » etc., et Epist. ad Serapionem, et concil. Florent., et ubi error, ibi remedium quàm possit aptius afferendum est: nullum autem aptius quàm expressa Symboli verba, cum Symbolum sit quod omnes publicè profitentur.

Sed Latinos sine consensu Græcorum hanc explicationem facere potuisse constat: tum quòd papa pastor universalis Ecclesie nequeat errare in decretis fidei ex cathedrâ docens:

Illius autem est decernere de fide, qui errare nequit; tum quia, etsi tantum esset ut nimum primæ sedis episcopus, sine quo concilia robur nullum, ut docet Gelasius in tomo de vinculis Anathematis, habent, sufficeret concilium aliquot episcoporum ab ipso confirmatum, ut aliquando factum est; tum etiam quod sit vel de fide vel ritu quæstio: si posterius, potest quilibet in suâ diœcesi episcopus aliquem introducere ritum sine aliorum consensu; si prius, potuerunt quidem Latini, quamvis Romanus pontifex esset solum patriarcha cæteris major, illud definire; non tamen quod statim reciperetur à cæteris, sed aliis videndum num res rectè definita; sin minus, majus convocare concilium; Græci autem non solum hanc particulam esse contra fidem nequiverunt probare, sed plures eorum fuere à Latinis convicti. Legitimè ergo facta est hæc additio à Latinis.

Dices: Licet non fuerint necessariò Græci initio vocandi, quare tamen non fuere vocati? — Respondeo primò, an minime fuerint vocati certum non esse. Secundò, non fuisse necesse, quia facilis quæstio: nec enim, sicut lib. 4 ad Bonifac. 12, August. ait, omnis hæresis talis est, ut propter eam omnes debeant provincie versari. Tertiò, rei definiendæ necessitatem ita instans, ut quantocius malo occurrere oportuerit. Quartò, quia inutile, cum nulli extarent in Græciâ homines docti.

#### § 6. Solvuntur objectiones Græcorum.

Prima. Decrevit sancta synodus (scilicet III generalis) alteram fidem nemini licere proferre, aut scribere, aut exponere præter eam quæ definita fuit à sanctis Patribus, apud Nicænam urbem in Spiritu sancto congregata; eos autem qui fuerint ausi aliam fidem componere, sive porrigere, aut proferre his qui volunt ad veritatis cognitionem converti ex gentilibus, vel Judæis, vel etiam ex quolibet hæresi; istos, siquidem episcopi fuerint aut clerici, alienos episcopos quidem ab episcopatu, clericos ab clericatu; si laici fuerint, anathematizatos esse. — Respondeo primò, prohiberi tantum mutationem quoad sensum contrarium Symbolo, sicut ad Galat. 4, Paulus anathematizat docentes præter id quod docuit, cum tamen ipse alia postea docuerit. Aliàs synodus III abrogasset Constantinopolitanum Symbolum, quo tamen utuntur Græci; addidit enim multa ad Nicænam. Dicunt quidem Græci Constantinopolitanum et Nicænam pro

uno et eodem haberi; sed quare, nisi quia in eundem conspirant sensum? Hæc autem particula, *Filioque*, in eundem quoque tendit. Quare Græci cum non ignorarent opinionem Latinorum, et eam additionem factam fuisse, per annos tamen circiter trecentos siluerunt. — Secundò, etsi prohiberet concilium additionem etiam quoad verba, ejus tamen prohibitio non nisi ad singulos episcopos, clericos et laicos intelligeretur extendi (si enim ad omnes episcopos simul ac pontificem, quis eos deponeret?). Deinde non ignoravit concilium par in parem non habere potestatem. At hanc additionem summus pontifex, approbantibus postea tribus generalibus conciliis, simbolo intexit.

Secunda. Etsi hoc licuerit Latinis, non tamen expedivit: alioquin multa alia Symbolo essent addenda. — Respondeo convenienter id actum, tum quia dabat Symbolum, sine hæc particulâ, causas erroris; tum quia facilè poterat addi sine notabili mutatione Symboli; cum et quæcumque alia particula addi posset, si Romano pontifici aut concilio videretur expedire.

#### § 7. Concluditur disputatio divino testimonio.

Primò, usque ad schisma adeò floruit Græcia doctis atque sanctis viris, ut omnia concilia generalia in eâ celebrata fuerint; post verò nullum habuit generale concilium, nullum miraculis clarum peperit doctum Patrem. Latini concilia celebrârunt generalia duodecim, viri etiam miraculis clari singulis floruerunt ætatibus, ique doctissimi, quorum majorem partem religiones diversæ tulerunt. — Secundò, fides Latinorum propagatur usque Indos tum Orientales tum Occidentales; Græcorum verò quotidie labescit atque minuitur, ejusque sectatores quater aut quinque convicti et conversi à nostris, semper redierunt ad vomitum. — Denique illorum imperium in Turcarum incidit manus, idque ipsis Pentecostes feriis. Anno siquidem, ut probat Gerardus Mercator in chronolog. 1452, die 28 maii, qui fuit (ut cognoscitur ex aureo numero, qui eo anno erat 9, et litterâ dominicali A) Pentecostes. Mahumetes II ultimam obsidionem ad Constantinopolim statuit, et sequenti die urbem expugnavit, occisoque imperatore imperium extinctum est.

#### ARTICULUS IV.

*Eucharistiæ Sacramentum confici tam in azymo quam in fermentato, contra Græcos provatur.*

Post annos à Christi nativitate mille et quinqu-

quaginta, orta est inter Græcos et Latinos celebris illa de azymo controversia, ut ex Epistolâ Leonis 9, ad Michaelē patriarcham Constantinopolitanum, c. 5, et ex Anselmo lib. de Fermentato et Azymo, et aliis colligitur. Ita verò pertinaciter suæ Græci adhasere sententiæ, ut ipsius defensio una ex præcipuis causis semper existerit, propter quam se à Latinorum communione separatos conservaverint. Et quamvis controversia hæc in concilio Florentino, quò Græci convenerant, fuerit eo decreto absoluta, quo Patres sanctæ illius synodi iudicârunt utrumque panem, azymum videlicet et fermentatum, veram esse Eucharistiæ materiam, et utrumque in unaquaque Ecclesiâ juxta antiquam consuetudinem retinendum: quia tamen semper Græci contendunt nos Eucharistiâ carere, illicitèque in azymo consecrare, ostendendam nobis erit falsam eam esse sententiam, et nullo prorsus fundamento inniti. Quod ut brevius ac solidiùs absolvamus,

Supponamus in primis utrumque panem tam videlicet fermentatum quàm azymum, verum esse panem, atque in Scripturâ sacrâ utrumque panem simpliciter dici. Et quia de fermentato et ipsi affirmant, et nos non negamus, id probabimus de azymo. Lucæ 24, duo illi discipuli qui pergebant in Emmaus, Christum cognovisse dicuntur in fractione panis, quem tamen azymum fuisse constat, quòd illud acciderit in secundo vel tertio Paschæ die (ut ex historiâ ipsius Evangelistæ colligitur) quibus diebus non licebat Judæis nec domi habere panem fermentatum, ut patet ex Exod. c. 12 et 13. Marc. etiam 2, David dicitur manducasse panes propositionis, quos tamen azymos fuisse scribit Philo et Josephus, ille in libro de Vita contemplativâ; hic verò lib. 5 Antiquit. cap. 9, ubi ait: « Et duodecim panes azymos in eâ (hoc est, mensâ) ponebant, senos per partem, valdè mundos. » Et ex Levit. cap. 2 colligitur, ubi omnem oblationem, quæ Domino offertur absque fermento fieri debere dicitur. Scriptura autem rectè utrumque panem simpliciter panem appellat, quòd uterque conciliatur ex farinâ triticæ, et naturali aquâ, coquatur puro igne, quæ tantùm sunt de ratione panis; uterque præterea habet usum panis, quamvis fermentatus, quia est melioris saporis, sit usitatior. Hanc nostram suppositionem præter D. Thomam in 4, dist. 44, q. 2, art. 2, q. 5, ad 6, docet Theod. Orat. de-  
cimus in Daniele.

Quia verò in hæc controversiâ præcipuum fundamentum, tum Latinorum, tum Græcorum, est factum Christi (neque enim dubitari potest, quin illud sit melius, et faciendum quod Christus fecit), ideò ista quæstio abalâ pendet: Utrùm Dominus Sacramentum instituerit primo die azymorum, quando fermentum inveniri non poterat in omnibus finibus Israel an verò ante eum diem. Si enim Dominus Sacramentum instituit in primo die azymorum, certum erit azymo pane usum fuisse in ejusmodi institutione: nam Exod. 12 et 13, præcipitur, sub pœnâ mortis, ne fermentatus panis invenitur in domibus, aut in ullo alio loco filiorum Israel. Si alio tempore instituit, res non erit omninò certa.

Sed antequàm Græcorum fundamenta statuamus, præmittere oportet id quod S. Thomas notat in quarto, distinct. 44, q. 2, art. 2, quæstione 5, morem celebrandi in azymo acceptum fuisse ab Apostolis, et omnibus Ecclesiis olim servatum, ut docet Innocentius de mysterio Nissæ l. 4, c. 4. Postea verò, ut scribit Leo Papa Epistolâ ad imperatorem Constantinopolitanum, ab eodem Innocentio citatâ, propter hæresim Ebionitarum, qui dicebant simul cum Evangelio legalia esse servanda, sancti Patres, ne eis consentire viderentur, eam scirent non esse de necessitate hujus Sacramenti confici ex azymo, instinctu Spiritûs sancti ad tempus statuisse, ut Eucharistiâ ex fermentato conficeretur. Postea verò cessante illâ hæresi Ecclesiam Romanam ad primum morem rediisse! Græcos autem noluisse relinquere consuetudinem illam ad tempus susceptam, et obstinati dicebant, non posse confici, nisi ex fermentato, dicentes sic Christum confecisse.

Græcorum igitur ea est sententia, ut existiment Christum consecrâsse in fermentato; asserunt enim ipsam suam Pascha manducasse, et Sacramentum instituisse die sive lunâ decimâ tertîâ mensis primi, sequenti autem die, ad occasum solis incœpisse tempus paschale, quo à Judæis omnis fermentatus panis abjiciendus erat. Sic Euthymius in Commentario ad c. 26 Matth., et Nicephor. l. 1 Histor., c. 28.

Est verò observandum ab Hebræis initium omnium mensium sumi à novilunio, et idem apud ipsos esse primam lunam, et primam diem, et lunam 14, vel 15, ac diem decimum quartum, vel decimum tertium. Porrò secundùm legem Exod. 12, die 14 mensis, id est, decimâ quartâ à novilunio post solis occasum

culitis fuisse incipere dies azymorum, qui erant septem, omnes quidem paschales, sed primus et ultimus soli solemnes. Ita ut in his tantum non liceret opus ullum servile exercere, ut patet Levit. 23.

Dicunt ergo Græci feriâ quintâ in Cœnâ Domini fuisse diem decimum tertium apud Hebræos, in quo nondum incorporat tempus azymorum. Feriâ autem sextâ, in quâ Christus mortuus est, dicunt fuisse profanum, sed illâ ipsâ lunâ post solis occasum corripisse tempus azymorum, quia ille erat dies decimus quartus, postea verò diem decimum quintum fuisse d' em sabbati solemnissimum. In hęc ergo sententiâ Græcorum, non est evidens Christum consecrâsse in azymo, cùm post esum agni paschalis in institutione Sacramenti assumere potuerit fermentatum, cum nondum corripisset tempus azymorum. Sed neque est evidens, sicut notavimus ex sancto Thomâ, Christum in fermentato consecrâsse: cùm enim in comedendo agno, propter legis observantiam azymum adhibuisset, gratis dicitur, quòd post cœnam fermentatum reassumpserit. Imò probabilius est eodem pane in cœnâ et post cœnam usum fuisse, quamvis S. Thomas putare videatur esse necessarium.

Communis verò theologorum sententiâ est, in quarto, distinct. 11, Christum comediſſe agnum paschalem, et instituisse Sacramentum Eucharistiæ lunâ 14 primi mensis, quo tempore Judæi, qui tunc vivebant, diem festum azymorum inchoaverunt. Observandum enim est aliter dies festos, aliter dies naturales apud Hebræos constitui: dies enim naturalis apud ipsos incipit ab ortu solis, et terminatur ad occasum solis, et continet diem et noctem artificialem, quòd patet ex Genes. Illud enim: *Factum est vespere et mane dies primus*, ut exponunt Ambr., Basil., significat ex die artificiali quò terminatur in vespere, et ex nocte sequenti, quæ terminatur in mane, factum esse diem naturalem: dies verò festus è contra apud ipsos incipit ab occasu solis, et terminatur in occasum solis, ex Lev. 23, et proinde dies festos azymorum comprehendere noctem lunæ, sive diei naturalis quartæ decimæ, et lunam diei naturalis, sive lunæ quintæ decimæ. Quare cùm Judæi ineunte festo azymorum ipso initio noctis lunæ decimæ quartæ abjicerent omnem panem fermentatum, Christus autem ipsâ eadem nocte Eucharistiæ institueret, in hęc sententiâ necessariò consecravit in azymo.

Ex quibus primò colliges Græcorum sententiam, existimantium Christum consecrâsse in fermentato, erroris manifestè convinci. Et primò probatur, quia omnes ferè Patres docent Christum lunâ decimâ quartâ, in quam ex Exod. 12, primus dies azymorum incidebat, suum pascha immolâsse, ita Origen. tit. 35 in Matth.; Chrysost. Homil. 55 in Matth.; Theoph. et Theophan., apud Bedam de Ratione tempor. cap. 57 et 59; Theodor. quest. 24 Exodi; Tertull. Cyprian., Ambros., Epist. 85; Hieronym. in cap. 26 Matth.; Augustin. Epist. 86; Beda et alii. Sed eo tempore non licebat uti pane fermentato: igitur consecravit in azymo. Secundò ex Evangelio apertissimè probatur, quia Matth. 26, sic dicitur: *Primo die azymorum accesserunt discipuli ad Jemum, dicentes: Ubi vis paremus tibi comedere pascha?* Et Marci 14: *Primò autem die azymorum, quando pascha immolabant.* Et Luc. 22: *Venit d' ex azymorum, in quâ necesse erat occidi pascha.* Cùm ergo hi tres Evangelistæ dicant Christum post cœnam instituisse Eucharistiæ primo die azymorum, qui nusquam in totâ Scripturâ dicitur 15 mensis, sed quartus decimus, aut decimus quintus, ut patet Exod. 12, 13, et Lev. 23, et Num. 28, apertè convincitur errorem esse dicere, quòd Christus consecraverit lunâ decimâ tertîâ, ante diem festum azymorum.

Respondent impudentissimè quidam Græci, referente sancto Thomâ, prædictos tres Evangelistas errâsse, et à Joanne fuisse correctos. Hoc autem est blasphemum, et si admittatur error in Evangelio, non est ratio, cur potius erraverint tres, quàm unus. Respondent alii et Euthymius, dicentes Evangelistas loqui de die azymorum, non qui aderat, sed qui erat proximus.

Sed contra est, quia cùm alii Evangelistæ dicant ipso die Azymorum discipulos missos fuisse ad parandam cœnam Paschæ, non potest esse ulla difficultas. Secundò, quia hoc modo necesse esset dicere Christum prævaricâsse legem, quòd Pascha comederit ante tempus, contra illud: *Non veni solvere legem, aut prophetas, sed adimplere.* Sed ex Joanne etiam, à quo Græci dicunt alios Evangelistas fuisse correctos, apertè demonstratur, Christum lunâ decimâ quartâ, post solis occasum, ineunte Paschatis festo, cœnâsse cùm discipulis, consequenter post esum agni non nisi in azymo instituisse Eucharistiæ.

Primò enim cap. 13, dicit Joannes: *Ante diem festum, sciens Jesus quòd venit hora eius,*

ergo dies passionis erat dies festus Paschæ : sed dies festus incipiebat à solis occasu ; ergo festum Paschæ, seu primus dies azymorum, incœperat à nocte quâ Christus cœnavit, et instituit Sacramentum ; ergo instituit lunâ decimâ quartâ ; dies enim festus Paschæ comprehendere debebat noctem lunæ, sive diei naturalis quartæ decimæ, et lucem lunæ, sive diei naturalis quintæ decimæ. Respondent Græci ad hoc, cum Joannes dicit : *Ante diem festum*, non intelligi de *ante* immediato, sed de *ante* mediato, ac si diceret : Antequàm veniret Pascha. Respondeo hoc esse figmentum Græcorum. Deinde dico nostram sententiam catholicam apertè colligi ex sequentibus verbis Joannis, ut latius docet Bellarm. de Euch. l. 4, c. 7.

His præjactis, asserendum nobis est, Eucharistiæ sacramentum confici tam in azymo, quàm in fermentato : assertio est de fide certa in conciliis Florentino et Tridentino tradita, et à Leone IX, in supra citatâ epist., ita antea confirmata, ut Græcorum sententiam hæreticam appellaverit. Docent eam omnes Patres latini ac theologi quidam post Magistrum in 4, quidam cum D. Thom. 3 parte.

Probatum primò ex Apostolorum traditione, cujus testes sunt Innocentius de myster. Missæ lib. 4. cap. 4 ; Leo Papa epist. quâdam ad imperatorem Constantinopolitanum, quam citat idem Innocentius, et D. Thomas, loco supra citato ; qui omnes affirmant morem consecrandi in azymis à D. Petro et Apostolis Romanam Ecclesiam accepisse, sed eum propter hæresim Ebionitarum postea fuisse intermissum, cum ipsi docerent simul cum Evangelio legalia esse servanda, Patres illius ætatis Spiritus sancti instinctu, scientes azymum non esse hujus Sacramenti materiam necessariam, ne hæreticis consentire viderentur, decreverunt, ut ad tempus ex fermentato Eucharistia conficeretur. — Probatum secundò : Christus Dominus consecravit in azymo : ergo ille panis sufficit ad substantiam hujus sacramenti. Antecedens supra est probatum. Consequens evidenter deducitur. — Probatum tertio : Uterque panis verus est et simpliciter panis : sed ille totus est sufficiens Eucharistiæ materia ; ergo sive fermentatus, sive azymus sit, totus erit ad consecrationem aptus. Majorem primâ suppositione probatam reliquimus. Minor probatur : nam ex Evangelistis et Paulo nil aliud colligimus, quàm à Christo acceptum fuisse panem, consecratum, et Apostolis distributum. Quare sicuti ex eo quòd vinum vertendum in sangui-

nem assumpserit, æque aptum existimamus rubrum ac album, cum utraque vera sint vina, etsi accidentaliter diversa, ita pari ratione existimandum esse utrumque panem sive azymum, sive fermentatum, ritè posse ad hoc mysterium celebrandum assumi.

Objicies dictum illud Christi Domini : *Modicum fermentum totam massam corrumpit*. Ex quo deduces panem fermentatum esse corruptum. Sed sensus illius proloquii non est, à modico fermento massam corrumpi, sed fermentari, hoc est, alterari et disponi, ut tali modo fiat. Fateor à nimio fermento posse massam corrumpi ; sed propterea meritò admonet divus Thomas, ut non sit nimia illius mixtio, ut ita verus panis efficiatur, atque usui hominum aptus : qui si talis sit, non minùs erit ad consecrationem aptus, quàm si azymus esset.

His duabus rationibus, quæ assertionem demonstrare videntur, duæ aliæ addi possunt, quibus probetur congruentius consecrationem fieri in azymis, quàm in fermentato, quarum altera sumitur ex significatione. Nam panis azymus designat puritatem et sanctitatem corporis Christi, vel accedentium ad illud accipiendum, juxta illud D. Pauli, 1 Corint. 5 : *Itaque epulemur non in fermento veteri, sed in azymis sinceritatis et veritatis*. Alteram verò indicat Anselm. d. loco supra Matth. cap. 26, ubi ait, azymum panem facilius, purius, ac decentius confici, additque D. Thomas magis cum esse ab omni corruptione immunem.

#### *Græcorum argumenta dihantur.*

Omnia Græcorum argumenta eò tendunt, ut probent Christum Dominum in fermentato consecrâsse, non quidem, ut convincant congruentius in fermentato quàm in azymo consecrationem fieri, sed ut omninò azymum rejiciant, tanquàm materiam ineptam et à Christo non institutam. Quibus omnibus argumentis, si antecedens concederetur, non inferretur propter ea consequens, quod ipsi opinantur, ut ex prædictis facillè colligitur. Sed quia antecedens est falsum, aliqua eaque præcipua eorum argumenta proponamus.

Primum argumentum sit : Christus fuit occisus ante celebrationem Paschæ ; ergo cum Christus pridè quàm pateretur Pascha manducaverit, vel prævenit Judæorum cæremoniâ, vel Judæi suam postposuerunt : hoc secundum est falsum, tum quòd nullo probabili fundamento fulciatur, nisi solidum fundamentum existimes Rabbiniismum cujusdam Gamalielis, qui de solis et lunæ montibus scripsit

ante quingentos annos, ut mirum propterea sit lauzingensem Catharinum, et quosdam alios paucos sententiâ ipsius esse usos; tum etiam, quod Joan. 14 repugnet dicenti, *ante diem festum Paschæ* lavasse Christum discipulorum pedes, azyma manducasse, Eucharistiam instituisse, et deinde morte foisse condemnatum: ergo prævenit potius Judæorum Pascha; sed tunc licebat uti fermentato: ergo in eo Eucharistiam instituit.

Confirmatur ex illo communi Scribarum placito, ne Christus occideretur in die festo, ad evitandum tumultum populi.

Ad hoc argumentum respondeo, apocryphum omninò esse, quod aliqui existimârunt, Judæos diem festum Paschæ postposuisse, quòd eo anno caderet feriâ sextâ; sed non minus esse falsum, quòd Christus Pascha anteverterit, agnumque statuto legis die non manducaverit, ut supra diximus, et Marcus expressè affirmat cap. 14, cùm dicit: *Primo die azymorum, quando Pascha Judæi immolabunt*, accessisse ad eum discipulos, atque ut locum ad mysterium celebrandum designaret, postalasse; et vespere facto, locoque in cenaculo grandi instructo agnum comedisse. Vocavit autem Marcus eum diem *primum azymorum*, quòd post paucas horas, vespere videlicet facto solemnitas instaret azymorum, ut supra dicebamus. Cùmque sequenti luce fuerit Christus occisus (siquidem *pridiè quàm pateretur accepit Jesus panem*, ut ait Paulus, et ex Evangelistarum contextu liquet), eaque fuerit decima quinta, sequitur in ipso festivissimo die omninò ipsum obisse.

Ad confirmationem adductam respondendum est, placitum illud scribarum minimè fuisse receptum, sed illud eorum qui dicebant premedum esse potius, et occasionem non negligendam, tollendi è medio Christum quocumque die, quocumque festo incideret, quocumque demùm legis præcepto prohiberentur, rati videlicet expedire potius Christum mori, quàm legem observari, idèd ipso festivissimo die, ut docent Tertull. lib. contra Judæos, c. 9; Euseb. l. 10 de Demonstratione Evang., demonstr. 6; Cyrill. Hierosolym. c. 15; Orig. Homil. 25 in Num.; Clemens papa l. 5 Constit., c. 14; August. Tract. 50 in Joan; Leo papa Serm. 6 de Passione, et alii. Quo die paraverunt quidem mulieres aromata, et Joseph mercatus est sindonem, quòd opera pietatis his etiam diebus in lege non prohiberentur. Et licet iudicia habere esset illicitum,

ejus tamen legis reos se minimè Judæi existimârunt, quòd Romanis curam Christum occidendi demandaverint. Propterea ait Joannes, 18, ipsos non introisse prætorium, ne contaminarentur, sed ut manducarent pascha, victimas scilicet paschales, quæ ex ovibus et bobus quotidie in diebus Paschæ immolabantur. Deut. 16, quarum esus non nisi purificatis concederetur, ut ex Levit. constat c. 22. E mediâ ergo placè Pilato electionem inter Christum et Barrabam proponenti, responderunt Judæi: *Tolle hunc, et dimitte nobis Barrabam*, Lucæ 23; quam electionem proposuit, ut liberandi Christum viam quæreret, et consuetum observaret morem, singulis annis in die Paschæ unum victum, quem populus mallet, dimittendi; cui expositioni non obstat, nisi Chrysostomus, Homil. 82 in Joannem, qui credit Judæos cœnam legalem postposuisse, legemque prævaricasse: sed id jam est à nobis ex Lucâ reprobatum. Oblit ergo Christus die ipso artificiali Paschatis; propterea dixit Joannes: *Ante diem festum Paschæ*; sed initio ipso solemnitate ad vesperam decimæ quartæ Eucharistiam instituit, quando uti fermentato non licebat.

Secundum argumentum ex Epiphania desumitur primo contra Hæres. cap. 50, ubi expressè ait, Christum oportuisse in decimâ quartâ die immolari secundùm legem. Decimâ ergo tertîâ die Christus et agnum comedit, et Eucharistiam instituit. Ad hoc argumentum, quamvis admitteremus antecedens et consequens, non proinde sequitur Christum in fermentato consecrâsse: cùm enim ex lege cum azymo agnus esset comedendus, quis dicat eodem non usum fuisse in instituendâ Eucharistiâ; sed Epiphanius, loco cit., summòdò loquitur de figurante, sive typicâ Christi immolatione, ac si dixisset, oportuisse agnum, qui figura Christi erat, immolari decimâ quartâ lunâ ad vesperam; inceptâ jam azymorum solemnitate, quòd indicant ea verba ipsius, *secundùm legem*: arguit siquidem eo loco Quartadecimanos, quòd celebrantes cum Judæis lunâ 14, non animadverterent Judæorum pascha eo die ad vesperam significare synagogam lumen suum amissuram Christo adveniente; dies enim 14 est ultima incrementi, cùm decimâ quintâ decrescere jam incipiat.

Tertium: Azyma sunt Judæorum propria: ergo consecrare in azymis est judaizare. Respondeo esse propria Judæorum ad significan-

dom Christi puritatem futuram, non autem præsentem, vel ad sacramentum Eucharistiæ conficiendum : alioquin nec uti deberemus aquâ et fermento, cum his ad suos ritus uterentur Judæi.

Quartum : Immolatio agni paschalis figura fuit passionis Christi : sed agnus immolabatur die 14 ; ergo eo die fuit ipse occisus, et præcedenti ab ipso Eucharistia instituta. Respondet agnum paschalem magis significasse Eucharistiam, quàm Christi mortem, quòd ritus agni paschalis magis ad manducandum, quàm immolandum pertineret. Quare meritò Eucharistia in profesto Paschalis, lunâ scilicet decimâ quartâ, est instituta, quo die agnus immolandus erat.

Quintum : Augustinus, Tract. 120 in Joan., docet acceleratam fuisse Domini sepulturam propter Judæorum Pasceven, quia illâ nocte cœnam erant comesturi puram : ergo Christus prævenit Judæorum cœremoniam. Respondet per eam cœnam non intelligi ab Augustino agnum paschalem, sed quamdam aliam solemnem, quam ad vesperam feriæ sextæ sumebant, initio videlicet sabbati, ut patet ex D. Irenæo, lib. primo, cap. 40, et lib. 5, c. 23, et ex Bedâ, in cap. 23 Lucæ. Unde quando Joannes 19, ait : *Erat autem Pasceve Paschæ hora quasi sexta*, non debet intelligi dies præparationis ad Pascha, sed ad sabbatum, ut scipsum declarat Joannes, aiens : *Propter Pasceven Judæorum, ut non remaneret in cruce corpora sabbato ; erat enim magnus dies ille sabbati.*

Non ante absolvam hanc controversiam, quin moneam finxisse Calvinum à quodam Alexandro summo pontifice introductum fuisse in Ecclesiâ azymum panem in sacrificio Missæ; finxisse dixi, cum nullum hujus historiæ testem referat, atque à veritate alienissimum sit. Nam omnes pontifices hujus nominis post primum, successores fuere Leonis IX, Romanæ sententiæ acerrimi defensoris. Primus verò hujus nominis pontifex, qui circa annum Domini 110 sedit, non potuit esse hujus institutionis auctor, cum Christi Domini factum, et nascentis Ecclesiæ ritus eum latere non potuerit; eam autem ipso exordio in azymo consecrâsse supra ex Leone diximus, qui, c. 24, dicit sanctos martyres primitivæ Ecclesiæ nostris azymis saginatos.

#### ARTICULUS V.

*Purgatorii locum esse aliquem, in quo justorum purgantur peccata, contra Græcos demonstratur.*

Purgatorium esse inprimis probatur ex omni curâ quæ pro defunctis habita est, tam in veteri quàm in novo Testamento, atque in illo quidem primo ex l. 2 Machabæor., c. 12, in quo Judas orare fecit pro mortuis, et subjungitur in textu : *Sancta ergo et salubris est cogitatio pro defunctis orare, ut à peccatis solvantur.* Unde quinque colliguntur : Primò posse mortuos à peccatis solvi, et proinde Purgatorium esse ; secundò sacrificia et orationes illis prodesse ; tertio non exiari semper in morte omnes peccatorum reliquias, ut fingit Lutherus ; quartò posse hominem piè mori, et tamen habere aliquid solvendum ; ultimò hoc esse de fide.

Secundò, exemplo Tobix, qui filium suum docuit panem et vinum ponere super sepulcrum justi, id est, eleemosynam dare, et pro eo oretur : alioqui ridiculum esset ponere panem et vinum super sepulcrum. Dicit autem, *justi, pro fidelis*, qui piè in Domino defunctus sit. Inde etiam in aliquibus Ecclesiis usitatum est, ut in die Commemorationis omnium animarum, panem et vinum ponant super sepulera suorum defunctorum, quæ cedunt in usum ministrorum Ecclesiæ, et aliorum pauperum. Nam in his eleemosyna ipsa valet coram Deo pro defuncto, etiamsi ipsi parùm fortassè oraverint pro defunctis illis. Abusus si qui irrepserunt, debent per episcopos emendari.

Tertio, exemplis populi Israel, quoties luxit obitum clarorum virorum multis diebus : ut habitatores Jabes Galaad luxerunt Saül regem septem diebus, 1 Reg. ult. ; David luxit pro Jonathâ aliisque ex populo Israel in prælo occisis, 2 Reg. 1 ; populus Israel luxit interitum Judæ Machabæi diebus multis, l. 4 Machab. 9, et horum similes. Nam diuturnus iste luctus præsertim conjunctus cum jejuniis, non significat solam mentis tristitiam, sed et orationes et sacrificia, quæ per dies istos pro defuncto sunt oblata Deo.

Quartò, ab exemplis novi Testamenti, de quibus meminit Apostolus Paulus, 1 Cor. 15, dicens : *Quid faciunt, qui baptizantur pro mortuis, si omninò mortui non resurgunt ?* Baptizari enim hic significat pati, juxta illud Christi ad filios Zebedæi : *Potestis baptismo, quo ego ba-*

ptisor, baptizari? Marci 10. Baptizari ergo pro mortuis est aliquid pro eorum salute sustinere. Cujusmodi sunt opera satisfactoria, ut jejunia, orationes, eleemosynæ, peregrinationes, oblationes, etc.

Deinde Purgatorium esse, probatur secundò et principaliter ex verbis Christi Domini, Matth. 12, ubi peccatum contra Spiritum sanctum dicit non remitti neque in hoc seculo, neque in futuro. Ex quibus verbissacriinterpretēs colligunt esse aliquorum peccatorum remissionem post hanc vitam. Quò pertinet et illud de ingrato et iniquo servo, quem Dominus tradidit tortoribus, quoad usque redderet ei universum debitum, Matth. 18. Ita et de incarcerato à judice ait : *Amen dico tibi, non exies inde, donec reddas novissimam quadrantem*, Matth. 5.

Tertiò ex verbis Apostoli, 4 Cor. 3 : *Si coque, inquit, opus arserit, detrimentum patietur, ipse tamen salvus erit, sic tamen quasi per ignem*. Quo quidem in loco observandum est Apostolum ut similitudine architectorum, quorum unus super fundamentum lapideum atque solidum ex pretiosâ erigit materiâ domum, quæ non timeat ignem; alter super fundamentum simile exstruit ædificium ex combustibili materiâ, ut stipulis, ligno, etc. Hoc duplici ædificio si ignis applicetur, prius quidem integrum manebit etiam salvo architecto, si sit intus; posterius verò brevi per ignem devorabitur, et architectus inclusus non nisi egredietur per ignem, in quo transitu non quidem morietur, sed tamen ejus corporis teriores partes incolumes non egredientur. Huic sententiæ consonant dicta prophetarum, ut Davidis psalmo 65 : *Transivimus per ignem et aquam, et eduxisti nos in refrigerium*. Et Isaiæ 4 : *Si abluerit Dominus cordes filiarum Sion, et sanguinem gerusalem laverit de medio ejus, in spiritu iudicii et spiritu ardoris*. Hæc verba D. Augustinus interpretatus est de igne purgatorio, de Civitate Dei, l. 20, c. 25. Eiusdem sensum habent verba prophetæ Malachiæ, c. 3 : *Ipsæ scilicet conflans et emundans argentum, et purgabit filios Levi, et colabit eos quasi aurum et quasi argentum*. Accedunt et illa verba prophetæ Zachariæ, c. 9 : *Tu quoque in sanguine testamenti tui emisti vinetas tuos de lacu, in quo non est aqua*. Quod aliquantò clariùs expressit B. Petrus Apostolus, Act. 2, loquens de Christo : *Quem Deus suscitavit, solutis doloribus inferni*. Dolores enim inferni eorum qui à Christo soluti sunt, nulli alij sustinuerunt,

quàm qui tunc erant in Purgatorio. Nam qui erant in limbo Patrum, nullos dolores patiebantur.

Quartò, plurimùm huc faciunt verba Apostoli Pauli ad Philip. 2, ubi docet de gloriâ Christi, et inter alia dicit : *Ut in nomine Jesu omne genua flectatur caelestium, terrestrium et infernorum*. Per quos tres ordines intelliguntur : Angeli in caelis, homines fideles in terris, et animæ defunctorum in Purgatorio sub terrâ. Nam qui in inferno sunt damnatorum, non adorant Christum, sed blasphemant.

Quintò probatur ex Patribus Græcis et Latinis. Ex Græcis, primus Clemens, l. 48, longam orationem describit pro defunctis fieri solitam.

Dionysius de Ecclesiasticâ Hierarchiâ c. 7, p. 3 : *Accedens, inquit, deinde venerandus antistes, precem sacram super mortuum peragat; precatur oratio illa divinam clementiam, ut cuncta dimittat per infirmitatem humanam admissa peccata defuncto, eumque in luce statuatur, et regione vivorum.*

Athanasius 34 ad Antiochum querit, nam animæ sentiant utilitatem ex orationibus vivorum. Respondet sentire omninò.

Basilii in Liturgiâ instituit orationem pro mortuis. Idem Basilii, qui magnâ apud Græcos pollet auctoritate, sæpè alibi Purgatorium statuit. In illud Isaiæ 9, quòd *iniquitas ardebit ut ignis*, hæc habet : *Præparatam enim materiam per peccata tolli atque corrumpi, à divinâ bonitate ordinatum est, in beneficium hominum.* Et in illud : *Ut aridum gramen comedatur ab igne, et comburetur in densitatibus sylvarum*, ita ait : *Si ergo nudaverimus peccatum per confessionem, fecimus ipsum aridum gramen dignum quod à purgatorio igne consumatur.* Idem infra ostendit, quòd terrena traduntur igni punitorio in beneficium animæ, sicut et Deus innuit dicens : *Ignem veni mittere in terram; et infra illud : Et erit populus tanquam à flammis rogi combustus homo*, hæc ait : *Non minatur destructionem, sed purgationem significat, juxta quod ab Apostolo dictum est 1 Cor. 3 : Si coque opus arserit, detrimentum patietur, ipse autem salvus erit, sic tamen quasi per ignem.*

Idem S. Basilii, in libro de Spiritu sancto ad Amphilocho c. 15 : *Ipsæ nos baptizabit in Spiritu sancto et igne. Ignis Baptismaum, vocans examinationem iudicii, ut inquit Apostolus : Uniuscujusque opus, quale sit, ignis probabit.* Et rursus : *Dies enim Do-*



omni declaravit, quia in igne revelabitur. »

S. Gregor. Niss. in Oratione de Defunctis, ultra medium, hæc ait : « Similes quippe nos Deo reddit liberum arbitrium. Ut ergo et libertate maturâ non privetur, malumque delectatur, excogitavit hoc Dei sapientia inventum, permittere scilicet hominem in his esse in quæ prolabi voluit, ut degustatis malis quæ exoptavit, et experientiâ discens, quibus cum rebus quantas commutaverit, sponte suâ revertatur ad pristinam beatitudinem per desiderium, affectus omnes rationi non parentes velut naturæ onus excutiens, vel in præsentî vitâ per cautionem et philosophiam expurgatus, vel post præsentem peregrinationem per ignis purgatorii fornacem. » Et infra : « Quod si in affectus rationis expertes declinârît heritorum pelle adjutrice usus ad pravas animi affectiones, longè aliud post hæc consilium capiet de bono diligendo post discessum à corpore, agnoscens quantum sit inter virtutes et vitia discrimen. Cùm divinitatem participare non poterit, ni prius immixtæ animo sordes igne purgatorio expurgentur. » Et infra : « Et prophetas audivimus, quique cum illis, et post illos fuêre, per virtutem et philosophiam ad perfectionis culmen pervenisse, discipulos, inquam, et Apostolos, et Martyres, omnesque qui conjunctâ cum virtute vitam adductæ materię vitæ prætulerunt. Qui etsi numero pauciores sint, si cum eorum copiâ qui malo adhæserunt, conferantur, posse tamen in carne virtutem colere ostenderunt. Reliquos verò per disciplinam posteriorem in purgativo igne deponentes affectus materiales, inque gratiam à principio naturæ concessam per desideria bonorum redeuntes. » Idem Nysenus in Oratione de infantibus immaturè abreptis, prope initium : « Quid de ipso infante, scilicet abrepto, sentiendum? quomodò de his qui hoc pacto obierunt, judicandum? Aspicietne et illa anima judicem? Sistetur et illa cum cæteris ante tribunal? subibit an teactæ vitæ judicium? dabitne dignas pœnas expurgata igni juxta Evangelii dicta? an verò potiùs rore benedictionis erit recreata? » Evangelii verò locum intelligit, quem frater ejus Basiliius in Isaiam : *Ignem veni mittere in terram.*

Eumenius in primam ad Corinth., explicans illud 3 cap. : *Ipsæ verò salvus erit, sic tamen quasi per ignem*, hæc habet : « Vel etiam hoc pacto possumus intelligere : Qui superædi-

ficaveit materiam facilè combustibilem, omninò projectus est. Detrimentum enim passa sunt ipsius studia, ipse verò salvus erit? Quisnam? qui superædificaverit aurum et argentum, et lapides pretiosos. Cùm enim de ipso dixisset quòd mercedem accipiet, nunc ait qualem mercedem, hoc est, salutem? « Salvus autem erit cum dolore et ipse, ut patet, cùm qui per ignem transit, modicarumque inhærentium sibi sordium indiget purgatione. Nam Dei solius est perfecta impeccabilitas, homines autem quantumlibet justissimi non sunt omninò mundi. Dictum est enim, quòd in multis omnino peccamus, et nemo mundus à peccato, etiâsi unius die fuerit vita ipsius. Dictum quippe est à Malachâ et etiam, quòd ut ignis in fornace, utque herbam lavantium lavabit, et mundabit aliquos Deus. » Idem Eumenius citat Basilii Commentarios super Isaiam interpretantis locum illum, 1 Cor. 3 : *Salvus erit, sic tamen quasi per ignem*, his verbis : « In Commentariis in Isaiam S. Basil. iterùm hunc textum repetens, de purgatione ipsum intellexit. »

Theodoretus explicans dictum Pauli locum, hæc ait : « Ignem hunc, credimus Purgatorium, in quo purgantur animæ, tanquam aurum in fornace. » Basiliius Seleucianus Chrysostomi familiaris in quartâ de Davide Oratione in ipso fine : « Ne expectemus, inquit, ut igne curemur, ubi perpendendum est illud, *igne cremari.* » Gregorius Nazianz. in Oratione in Cæsarium, circa finem; inquit : « Et nostras et eorum qui quasi in viâ paratiores priùs ad hospitium pervenerunt, animas commendemus. » Ibidem Orat. pro animâ ejusdem Cæsarii. Idem Nazianz. in Oratione ad eos qui vocârunt, et non accurrerunt, prope finem : « Superædificantes fundamento fidei, non lignum, non herbas, neque combustibilem materiam tenuem, et facile combustibilem cum igne dijudicabimur, vel purgabimur, sed aurum, argentum, » etc. S. Ephrem, in suo Testamento : « Assiduè, inquit, in vestris orationibus memoriam faciatis; etenim in vanitate, iniquitate vitam peregi meam. » Cyrillus catechesi 5, Mystagogicâ : « Denique pro omnibus oramus, qui inter nos vitâ functi sunt, maximum credentes esse animarum juvenam, pro quibus offertur obsecratio sancti illius et tremendi sacrificii. » Eusebius, l. 4 de Vitâ Constantinâ, dicit, eum voluisse sepeliri in celebri templo, ut fieret particeps multarum orationum. Epiphanius in fine ope-

ris contra hæreses numerat inter dogmata Ecclesie orationem pro defunctis; et hæresi 75, Aerium hæreticum facit, quia hoc negabat. Chrysostomus Homil. 41 in priore ad Corinthios: «Juvetur, inquit, mortuus non lacrymis, sed precibus, supplicationibus, elemosinis.» Et infra: «Ne fatigemur mortuis auxilium ferre, preces pro illis offerentes.» Homil. 69 ad populum: «Non temerè ab Apostolis hæc sancita fuerunt, ut in tremendis mysteriis defunctorum agatur commemoratio: sciunt enim inde multum illis contingere lacrum, utilitatem multam.» Idem Homil. 52 in Matth. et 84 in Joan., Homil. 5 in Epist. ad Phil., et 21 in Acta Apostolorum, et alibi. Theodor., l. 5 Hist. c. 26, scribit Theodosium Juniores procubuisse ad reliquias sancti Joannis Chrysostomi, et orasse pro animabus parentum suorum Arcadii et Eudoxie jam defunctorum, Theophylact. in cap. 12 Luc.: «Hoc autem dico, inquit, propter oblationes et distributiones, quæ fiunt defunctis, quæ non parùm conducunt etiam iis qui in gravibus delictis mortui sunt.» Damascen. in libro de iis qui in fide migrarunt, probat hanc veritatem testimoniis multis, Dionysii, Athanasii, Gregorii Nazianz., Gregorii Nyseni, et aliorum. Vide etiam Palladium in Historia Lausiaca, c. 41.

Ex Latinis autem Patribus ferè nullus est qui dissentiat. Sufficiat autem contra Græcorum Patrum sententias retulisse.

Objicitur Augustinus, qui 21 Civit. c. 26, et in Enchirid., c. 69, dicit «dubitari posse an post hanc vitam animæ torquantur purgatorio igne.» Respondeo non dubitare de pœnâ animarum, sed de modo ac qualitate pœnæ. Nam in priori loco, solum dubitat, an purgatorius ignis sit idem in substantiâ cum gehennæ igne; in posteriori, an post hanc vitam urantur animæ igne doloris de amissione temporalium quo hic uri solent.

Denique rationibus probatur. Prima: Ex illo Apocal. 21: *Non intrabit in illud aliquid cotinuationem.* At multi fidelium hinc emigrant, qui maculas vitæ suæ non satis expiârunt: itaque post obitum purgari debent, ut digni fiant ad inhabitandam civitatem sanctam in cœlis. Secunda: Cùm in nobis sint aliqua peccata levia sive venialia, fieri potest, ut quis cum hujusmodi venialibus moriatur. Ergo assignari debet aliquid quo purgentur. Tertia: Cùm reconcilianter homines Deo, non dimittitur semper tota cum peccato pœna; ergo si

antequàm solvatur, moriatur homo, illam alibi solvere tenetur. Probatur antecedens: Nam Mariæ, Num. 12, dimissa fuit culpa, et tamen jubente Deo luit pœnam per hebdomadam unam. Item in pœnam adulteri Davidis meritor infans; in pœnam numerati populi grassatur pestis. Respondent primò, hæc pœnam non esse in satisfactionem, sed in remedium, cùm eam patiantur justî. Deus pepercit populo, Exod. 32, et tamen in pœnam peccati multi occiduntur, certè non ad emendationem: quomodò enim post mortem emendatio? — Respondent secundò, in morte deleri omnia. Contra sequeretur absurdum, nempe unam et eandem esse pœnam pro gravissimis ac levibus peccatis.

Quarta ratio: In quo omnes conveniunt gentes, vix aliunde provenire potest, quàm à naturali lumine: quæ enim sunt ab hominibus efflata, varia sunt pro varietate gentium. Sed opinio de purgatorio omnibus gentibus est communis (non tamen multæ de pœnis fabulæ, quas sibi quisque pro capite suo finxit). Igitur à lumine naturæ procedit: sicut Deum esse, non autem varios, et multiplices esse deos. Probatur minor. Ita Hebræi, 2 Mach. 12; Mahumetani in Alcorano, ubi Purgatorium disertè habetur; ethnici in Phædone et Gorgia Platonis.

Quinta: Videmus aliquos morientes valdè bonos, alios valdè malos, alios mediocriter bonos. Ergo sicut ratio dictat valdè bonos statim præmiandos felicitate æternâ, valdè malos æternis puniendos suppliciis, sic dictat esse temporarias pœnas pro mediocriter bonis.

Sexta: Testantur gravissimi auctores animas apparuisse, renuntiantes se in Purgatorio versari, implorantes auxilium à vivis. Anima Paschalis apud Gregor. Romanam; Vitalinæ virginis apud Greg. Turon.; sancti Severini apud Petrum Damianum; Fursæi apud Bedam à mortuis resurgens multa narravit de Purgatorio; sororis sancti Malachie apud Bernardum, etc.

Pro solutione tandem argumentorum notandum est primò quòd Scriptura sacra frequenter duorum duntaxat locorum, scilicet cœli et inferni meminit; partim quia respicit ad sententiam extremi judicii Dei, quâ alii ad beatitudinem, alii ad damnationem mittentur, nec erit porrò tempus purgationis; partim quòd sub nomine justorum, qui beatitudinis sunt participes, etiam continentur constituti in Purgatorio, quia de sua beatitudine certè

sunt tametsi eam nondum habeant; partim denique quòd omnis legis fines duo sunt: scilicet decernere justis præmia, et iniquis supplicia: tamen in utrisque inveniuntur gradus, ut nec paria sint quorumlibet justorum præmia, nec pares poenæ iniquorum omnium.

Secundò, ordinarius locus Purgatorii est propè infernum damnatorum, in medio terræ, quò Christus in triduo mortis suæ descendit. Quod autem quidam leguntur purgatorium suum habuisse in aliis locis, id speciali Dei ordinatione factum est, in terrorem viventium, ne poenæ Purgatorii leves putent, et liberius peccent. Potest quoque dici, istas animas non continuè fuisse in locis istis extraordinariis, sed pro ordinatione Dei aliquando duntaxat apparuisse viventibus, reliquo tempore fuisse in ordinario loco Purgatorii.

Tertiò, non mirum est animas in Purgatorio torqueri ab igne certo tempore, cum altè torquantur in infernali igne in perpetuum, exigente et operante divinà justitià, quæ novit igni dare virtutem, ut animas affligat, nec unquam assumat, neque ipse consumatur.

#### ARTICULUS VI.

*An sanctorum animæ Deum videant, et verè beatæ sint ante diem iudicii.*

Præcipuus Græcorum aliorumque schismaticorum error, ut ex concilio Florentino, et D. Thomæ, Opusc. 6, c. 9, constat, ille fuit, ut assererent nec beatorum animas ante extremi iudicii diem beatitudine frui, nec impiorum inferni igne puniri. Cujus oppositum definitum fuit in concilio Florentino, sessione ultimà, in decreto unionis Latinorum cum Græcis, ac novissimè in Trident., sessione 25. Ac demùm post longam inquisitionem idem definit Benedictus XII, in Extrav. quæ incipit: *Benedictus Deus*; quam refert Alphonsus à Castro l. 3 contra hæreses, verbo *Beatitudo*.

Facile autem erit veritatem hanc contra Græcos convincere tum Scripturarum auctoritate, tum Græcorum Patrum, aliorumque Orientalium testimoniis: quarum plurima adducit doctissimus Henneadius patriarcha in Expositione pro concil. Florent. c. 4, ac cardinalis Bellarminus, tomo 2, controversià 4 generali, lib. 1, cap. 3.

Primò igitur Scripturæ auctoritate comprobemus. Luc. 23: *Hodie mecum eris in paradiso*. Vel hic Dominus promittit paradysum terrestrem latroni, vel cœlestem, sed futurum,

sicut exponitur ille locus: *Qui non credit jam judicatus est*, id est, judicabitur; vel jungendum est, *hodie*, cum verbo, *dico*, hoc modo: *Hodie dico tibi*, etc.; vel promisit in præsentì habiturum visionem beatam, quæ est paradysus cœlestis. Non primum, quia Dominus promittit animæ convenientem ei paradysum. At quid animæ cum pomis et frugibus terrenis? Non secundum, quia non est recurrendum ad figuras, cum aperta sunt verba, et nihil inde sequitur absurdum; sicut nec in illis: *Qui non credit*, etc. Non est enim sensus, judicabitur, sed jam judicatur à seipso, cum nolit veram amplecti fidem. Secundò, quia dixit Christus, *meum*. At Christus non erat futurus in beatitudine, cum jam in illà esset; nec voluit dicere, eris mecum, sicut alii omnes sunt, quia Christus ubique est; nihil enim speciale ei promississet. Neque tertium, hoc enim est ridiculum: nonne videbat latro Dominum illà die loqui? Deinde, *hodie* respondet illi adverbio, *quando*. Memento mei, quando veneris in regnum tuum. Ergo idem est, *hodie eris in paradiso* illi, *quando*.

Secundò, ex Paulo ad Philip. 1: *Cupio dissolvi et esse cum Christo*. At esse cum Christo, ita ut requiratur dissolutio corporis mortalis, est esse in glorià ejus. Nam quicquid aliud fingatur, explere non poterat Pauli desiderium. Tertiò, ipse Paulus, ad Hebr. 12, describens Sion montem et Jerusalem cœlestem, docet eam constare ex angelis, et Ecclesià primitivorum et spiritibus justorum perfectorum, id est, prophetarum et apostolorum. Quartò, Stephanus cum vidisset cœlos apertos, et gloriam Dei, clamavit: *Domine Jesu, accipe spiritum meum*, utique in gloriam, quam viderat. Quintò, quia in Apocalypsi aperte dicitur: *Hi qui amicti sunt stolis albis, sunt ante thronum Dei, et serviunt ei die ac nocte in templo ejus*. Quid est ante thronum Dei, nisi Deum cernere presentem? Sextò, Christus dixit Apostolis, Joan. 14: *Vado parare vobis locum, ut ubi ego sum, vos sitis*. Et Joan. 17, alloquens Patrem, sic ait: *Pater, quos dedisti mihi, volo ut ubi sum ego, et illi sint mecum, ut videant claritatem meam, quam dedisti mihi*. Si igitur discipuli modò cum Christo non sunt, vera non fuit Christi promissio.

Ac denique expressè Paulus 2 Corinth. 5: *Scimus quantam si terrestris domus nostra hujus habitationis dissolvatur, edificationem ex Deo habemus, domum non manufactam, æternam in cœlis: nam in hoc ingemiscimus, habitationem*

nostram quæ de cælis est superindatâ expientes, quasi dicat: Non est cur timeamus nobis nunquam domum defuturam; nam si ab hîc mortali pellimur, habemus aliam æternam. Per domum enim non manufactam intelligunt Græci, ut OEcumenius et Anselmus vitam æternam.

§ 1. *Ex Patribus Græcis probatur.*

Primus Ignatius Epist. ad Rom.: « Aqua viva manens in me, intrinsicè mihi dicit: « Veni ad Patrem, sine me puram lucem aspicere, illuc perveniens homo Dei ero. » Et rursum: « Miserabilis sum nunc, donec Deum merear adipisci. » Significat autem ibi id consecuturum statim post martyriam. Dionysius, cap. 7 Ecclesiast. Hierarchiæ: « Nôrunt (inquit) profectò se totos percepturos excellentissimam ad Christi speciem, requiem, cum ad præsentis vitæ finem pervenerint. Viamque ad immortalitatem suam (id est, gloriam beatam, cum id neque de immortalitate carnis, aut naturali animæ intelligi possit) è vicino jam clarûs intuentes divinitatis laudant munera. » Justin. q. 75: « Post animi à corpore excessum statim fit bonorum malorumque distinctio: ducuntur enim ad loca quæ eis digna sunt, ab angelis: bonorum quidem animi in paradysum, ubi consuetudo est, et aspectus angelorum et archangelorum, visio etiam conservatoris Christi ex verbis his: Peccatorem à corpore, et præsentem esse ad Dominum; improborum autem ad inferorum loca. » Irenæus, l. 1, c. 2: « Justis, et æquis, et præcepta ejus servantibus, et in dilectione ejus perseverantibus, quibusdam quidem ab initio (id est, statim ut mortui sunt, sine maculâ et restu), quibusdam ex poenitentia vitam donans, incorruptelam loco muneris confert, et claritatem æternam circumdat. » Basilium loquens de sancto Gordio: « Erat, inquit, affectus, non ut qui in victoris manus deveniret, sed velut angelorum manibus seipsum commissurus, qui statim ipsum recens mactatum, assumptum ad beatam vitam translaturus esset. » Gregorius Nazianz. Oratione in Basilium: « Tu obiter (alloquitur Basilium defunctum) è cælo respice, etc., ut hinc demum discedentem me in æterna tabernacula recipias, et beatam Trinitatem, eo quo est modo, tecum pariter contemplari valeam. » Nyssenus, Oratione in sanctum Ephrem: « Tu verò divino assistens altari, vitæque principi et sacrosanctæ unâ cum angelis sacrificas Trinitati, omnium nostrârum

recordare, vobiscum peccatorum veniam impetra. » Chrysost. Homil. 3 in Epist. ad Philip.: « Peccatores ubivis fuerint, procul à rege sunt, atque idèò digni qui fleantur. « Justi verò sive hîc, sive in futuro seculo fuerint, cum rege sunt, illic tamen magis et propius, non per ingressum ac fidem, sed facie ad faciem. » Cyrillus Alexand. lib. 11 in Joan. c. 56, ait, « sanctorum animas post mortem evolare in manus Dei Patris, quo vitam perpetuam cum Christo habent, qui viam primus aperuit. » Epiphanius hæresi 78, in fine: « Sancti sunt in honore, quales ipsorum in gloria, profectio hinc in perfectione, sors ipsorum in beatitudine, in mansionibus sanctis, tripudium cum angelis, dixta in cælo, gloria in honore incomparabili et perpetua bravia in Christo Jesu Domino nostro. » Theodoret., l. 8, ad Græcos, qui est de Martyribus: « Si cælum sedes illorum est, qui piè vixerunt, hunc profectò finem sui cursûs et martyres jam consecuti sunt; his enim magis piùm esse nihil potest. Ideòque majori sorte meritò perfruuntur martyres, qui nunc, et à cunctis latè mortalibus honores amplissimos ferunt, et æternis sunt insigniti coronis. » Eusebius lib. 4 Histor., cap. 15, ait, « Polycarpum post mortem immortalitatis præmia adeptum. » At quæ est immortalitas, præter naturalem animæ, nisi gloria beata? Damascenus, Historiâ de Barlaam et Josaphat, in fine: « Vultui Domini nitidè et nudè præsentatur, illiusque gloria, jam ante promissâ sibi coronâ, exornatur. » Theophil. in c. 25 Luca: « Dicendum est, idem esse paradysum, et regnum cælorum: nam latro est in paradiso ac regno; alioquin non fructus perfectâ bonorum participatione. » OEcumenius in 9 ad Hebræos: « Christum non solùm ingressum in cælum, sed etiam secum duxisse genus humanum, id est, sanctos Patres. At quid est secum duxisse, nisi participes fecisse gloriæ suæ? » Ex Latinis verò Patribus innumeri sunt, qui hæc veritatem fatentur; ex omnibus tamen præcipuè Gregorius Magnus, quem Græci ipsi maxime venerantur, eam ex professo probat, lib. 4 Dialogorum, c. 25.

§ 2. *Idem probatur ex officis quæ in Ecclesiâ Græcorum celebrantur.*

Denique Gennadius patriarcha, ut supra, ipsos Græcos ex eorum libris preces psalmos ac vitas sanctorum continentibus manifestè convincit. Ipsum tamen audiamus, quia ex testimo-

nis ab ipso collatus efficax adversus Græcos desumitur argumentum ; in fine igitur c. 4, sic inquit : Sed subdit mihi dicere, etsi durum vobis videbitur, in magnis profectò nugis aures vestræ versantur; magnâ voce canitis, nihil tamen intelligitis, sive potius negligitis; legeré enim et non intelligere, dixit quidam ex sapientibus, est negligere; quoniam libri omnes de precibus id continent, sanctorumque animas in cœlo esse Damascenus et Theophanes ejus rei auctores clarâ voce clamant: magnas igitur gratias habere vobis debemus, quia non aut deléstis, aut ea fraude aliquâ in codicibus obliuerástis, ut quidam ante vos in tractatibus et libris de processione Spiritûs sancti conscriptis effecerunt; id tamen illis inuutiliter cessit, nam adhuc libri manent qui maleficorum audaciam testantur; et apud vos perbellè servantur, et quotidî cum vocis modulatione conclunantur, menstrua, tirodia, sermones, metaphrases, quinquagenaria, versiculi, troparia, idiomela, contactia, acris, ynaxaria, exapostilaria; et ne singula enumerem, omnis ferè Ecclesiæ nostræ scriptura ita sentit. Nam Ecclesiæ theologi ac doctores, poetæ, melodique profundâ meditatione perpendentes, hoc statuerunt, quasi ex uno cratere sapientiæ referto, omnes omninò hauriendò. Idcirco nec discordant, nec sibi contradicunt mutuo, nec dissentiunt inter se.

Unde igitur exordiemur? à primâ die mensis septembris in idiomelis D. Simeonis Stylitæ: « Sancta tua animâ, inquit, pater Simeon, in societate exultat angelorum. » Et in alio: *Et cum incorporeis in cœlo tripudians.* Rursus in altero: *Cum angelis in Deo assistens.* Vigésimâ octavâ ejusdem mensis de sancto Cyriaco: « Et nunc paradisum incolis, in omni lætitiâ constitutus. » Octobris primo de divo Romano: « Cum justis intus in divinâ gloriâ inhabitans, oblectationem illam ineffabilem aspicias. Vides indesinentes delicias, aspicias cœlorum pulchritudinem, quæ verè est amabilis; aspicias, beatissime, choreas patriarcharum. » Eodem mense vigesimo sexto, de divo Demetrio magno martyre: « Habet quidem tua divina anima, et immaculata, gloriose Demetri, cœlestem pro habitatione Jerusalem. » Et iterum: « In ultramundanas sedes immaculatum spiritum tuum, sapiens martyr Demetri, Christus Deus recepit. » Et alibi: « Deo assiduè assistens. » Et rursus manifestus: « Beatitudinis finem es

consecutus Christo assistens, toto corde deprecare. » Et iterum: « Nunc tu Christi cultum intueris in faciem, ð Cyrille, speculis verè contractis, tuo divino amorî junctus es. » Et rursus: « Recordare nostrî, pater Basilii, consubstantiali Trinitati assistens. » Alibi: « Et nunc in cœlis speculis effractis, Antoni, sincerè sanctam inspicis Trinitatem citra medium congressus. »

Et de magno Gregorio: « Partim, inquit, victoriâ tuâ coronam recepisti; partim verò cum Christo regnas splendidissimâ ex sanguine purpurâ indutus, et sceptro tuorum certaminum ornatus, et coronâ gloriæ conspicuus in infinita secula. » Et alibi: « Hodie martyr de peregrinatione triumphans ad cœlestia pervenit, et in gloriæ throno offert sanguinem cœdis. » Et in alio: « Insignis et strenuus Gregorius in suo glorioso certamine supernas potestates lætificans, et nunc unâ cum ipsis exultans. »

In nonâ de magno Paulo, junii vigésimâ nonâ: « Nunc non in ænigmate, neque in speculo Christus à te conspicitur, imò in faciem facies aspiciuntur, integram tibi divinitatis gloriam detegens. » Et in aliis: « Pro Christo passi, ð decertatores martyres, animas in cœlo habetis in manu Dei. » Et rursus: « Tul, Christe, sacerdotè justitiâ induti sancti à seculo gaudent, divinam tuam pulchritudinem claris intuentes. » Et in aliis: « Nunc non in ænigmate, Pater, non in speculo aspicias lucem Numinis omnium principii, facie ad faciem, sapientissime, qui et splendoris, et visionis divinæ dignus effectus es. » Et rursus: « Cum angelis tripudias, beate Onesime, martyrii coronâ ornatus refulgenti, throno Salvatoris assistens. » Et alibi: « Sanctorum ordines eum qui inter angelos requiescit magnâ voce laudantes, et divinis nunc fruuntur deliciis, et lætantes tripudiant. » Et in alio: « Superintellectuali splendore exornati sancti, et divinâ lætitiâ splendide repleti, dii vocamini, ut ei proximi, inter divinos splendores versantes, et gloriæ ineffabilis radiis illustrati. » Et rursus: « Sacris melodis celebratur, quasi cœlestis hæredes regni, quasi incolæ paradisi. » Et alibi: « Conceives angelorum. » Et rursus: « Sanguinis tui pretiosam intinctionem, martyr, purpuram tibi pretiosam comparasti, quâ indutus cœlestem regiam verè inhabitas, Deo supremo regi assistens. » Assistere verò supremo regi, quid aliud per Deum significat,

nisi quòd sancti quatenus animæ beatitudinæ perfruuntur? In aliis verò : « Patribus hymnum offeremus, qui ante legem et in lege refuserunt, et qui ex Virginæ genito Domino, et hero rectâ mente inservierunt, et inaccessibilem lucem hanc adepti sunt. » Et in alio : « Nunc, ô beate, intercede apud Deum pro tuo grege. » Et rursus : « Cœlestæ regnum concupisti, quo nunc, beatissime, verè fruëris. » Et in alio : « Super omnem virtutem positus, pater Antoni, cum angelis versaris in regno cœlorum. » Et rursus : « Dei præco, Athanasi, qui pericula et perpetuas tentationes sustinulisti, nunc deliciarum paradisi dignus es factus, divinas mansiones consecutus, incorruptibilis vitæ ligno propinquus, ut justitiæ victor, coronâ et diademate cœlestis regni exornatus, decore conspicuus et formâ præcellens. » Et rursus : « Splendidissimo et fulgentissimo lumine lucidius nunc illustratus. » Et rursus : « Non in ænigmate nunc gloriam quam à puero concupisti, vide, beate Eutychi, in ô facie ad faciem nunc solutis carnis speculis Pater noster. » Et rursus : « Ex difficilibus angustiis et corruptione in amplam et jucundam paradisi latitudinem pervenisti, sanctorum visurus splendidam lucem, et angelorum choreas, Deo assistentes et incessanter clamantes. » Et alibi : « Terra quidem nunc operuit corpora vestra, cœlum verò, ô sancti spiritus, semper fert, throno gloriæ assidentes, et cum angelis exultantes. » Et alibi : « Nunc cœlos incolis martyrum, pie, sanctorum et justorum. » Et in alio : « Princeps sacrorum, Eumeni, qui libertatem tibi apud Christum comparasti, juxta ejus thronum sanctâ in gloriâ assistis nunc cum angelis sanctis. » Et rursus : « Ad tranquillam portum appulisti, à laboribus requiescens, et coronatus tripudias in paradiso, unâ cum Christi martyribus. Niceta divine, omnes meritò te glorificamus. » Et rursus in alio : « Qui à dextrâ assistis Trinitati, et immediatè versaris. »

Et in ode nonâ Canonis sancti Joan. Theologi : « Nunc non in ænigmate, sed facie ad faciem, deliciarum torrentem inspicere meritus es, pacis flumen, et fontem immortalitatis, quâ nunc irrigatus divinitate perfruëris. » Et augusti quartâ : « Non ampliùs in speculo conspicias summum honorum, ô sancta martyr, ad faciem aspicias faciem, jam solutis verè, ô Eudocia, imaginibus. » Ecce

Jam nihil apertius, ut mihi videtur, reperitur his quæ à nobis allata sunt, id est, *facie ad faciem, et nunc divinitate perfruëris, etc.*; *in paradiso nunc coronati tripudiant, etc.*; *nunc Dei throno cum sanctis angelis assistant*; quòd aliud possumus intelligere præterquàm quòd quatenus animæ perfruuntur ut antea exposuimus, et jam evidenter ostendimus?

Quòd si his non acquiescitis, et alia ejusdem generis scripturis afferemus. In ode nonâ sanctorum Patrum antiphona ita dicit : « Magnum cultum meriti estis, cœlestes sancti, quia Christi figuram studiosè imitati estis, et nunc umbrâ et carnis operimento deposito, eum facie ad faciem videtis, et maxima meriti estis. » Et alibi : « Semper suffragaris iis qui te laudant, et tuum celebrant festum Domino assistens, Onesime, totus refulgens, totus resplendens, totus cœlestibus fulgetris coruscans. » Et alibi : « Inspicitis, martyres, divinam pulchritudinem manifestiùs et clariùs. » Et rursus : « Ubi ordines angelorum, ubi justorum populi exultant. » Et in alio : « Et regnum cœlorum apertè meriti Trinitatis radiis illustrati, ô admiratione digni. » Et rursus : « Sabba beatissime, angelorum æquales, sanctorum contubernalis, prophetarum socius, martyrum et Apostolorum cohæres, lucem non occidentem nunc incolens, ejus divinis facibus illustratus summo principio assistens, et apertè coruscans. » Audisne? *lucem non occidentem dicit*; nam Deus est lux non occidens, habitat autem nunc cum Deo : præterea *summam principium quid significat?* Summum enim honorum, summum principium, summam pulchritudinem, nil aliud est nisi Deus ipse; *hic et assistit, et habitat cum eo, quid aliud per Deum denotat, præterquàm quòd sancti nunc quatenus animæ perfruuntur?* Si vis et alia audire, jam dicemus : « Et inaccessibili lucè nunc perfruuntur. » Et in alio : « Sanctorum chorus vitæ fontem, et januam paradisi nactus est. » Et rursus : « Et justi veluti luminaria refulgent. » Et alibi : « Cùm terrena certamina perlustrassent veri martyres, coronas sunt consecuti. » Et rursus : « Certatores martyres ac cœli cives in terrâ decertantes multos cruciatus pertulerunt, et perfectam in cœlis coronam receperunt, ut pro nostris animabus intercederent. » Et rursus : « Celeberrimi martyres, vos non terra operuit, sed cœlum excepit; aperte sunt vobis portæ paradisi, et intrò profecti lignum vitæ estis assecuti; apud

« Christum intercedite. » Ubi sunt qui dicunt sanctos non esse, sive sanctorum animas nunc in paradiso non esse? Nonne audiunt Damasceum dicentem : « Apertæ sunt vobis portæ paradisi? » Nonne audiunt : *Introgressi?* et non agnoscunt : « Signum vitæ consecuti sunt, et intercedunt pro nobis? » Si igitur neque receperunt, neque intercedunt, neque Christum vident, neque ipsi assistunt, neque divinâ luce perfruuntur, et, ut uno verbo dicam, nemo ex sanctis, ut ipsi putant, nunc cum Christo est, ubi sunt quæ psallimus? num falsa? Absit. Ubi « spiritus et animæ justorum laudant te, Domine? » Et illud : « Diffractis speculis, sancti, facie ad faciem Deum videntis. » Si nunc cum Christo non sunt, non receperunt, neque intercedunt. Si verò non intercedunt, cur invocamus? si enim nunc non intercedunt, nunquam intercedent, nam in futuro non est intercessio. Nonne audis illud? Non intercessione tibi opus est dimisso conventu. Etiam novi theologi dicunt, peculiariter recipiunt, et Deum in faciem vident, sed ineffabilia bona, quæ oculus non vidit, nec auris audivit, nec in cor hominis ascendit, non receperunt adhuc : non enim omninò possumus diffiteri sanctos in præsentia non esse cum Christo. O insipientiam! id, ut ego existimo, risu magis, quàm responsione dignum est : nam paulò ante ostensum est, hæresim esse hanc absurdam argutiolam; nec de eâ opus est ampliùs disputare. Hactenus Genadius.

§ 3. *Idem rationibus ex Scripturâ sacrâ desumptis.*

Prima. Deus non est ad puniendûm prior, quàm ad remunerandum; sed impiorum animæ nunc in inferno torquentur : ergo et justorum sine maculâ et reatu statim à morte beantur. Probatur minor Lucæ cap. 16. Epulo damnatus rogat Abraham, ut mittat Lazarum ad fratres suos. Respondet Abraham : *Habent Moysem et prophetas.* At sive sit res gesta sive parabola, nec vera, nec verisimilis esset, si tantûm de tempore futuro post resurrectionem intelligenda veniret, tunc enim non erunt homines in terrâ : quomodò ergo audient Moysem et prophetas? Igitur saltem erit figura statûs damnatorum illic post mortem.

Secunda. Ante Christi adventum sancti non invocabantur, postea verò invocantur à totâ Ecclesiâ catholicâ, et ita faciendum docent Patres Græci et Latini. Ergo non sunt in

limbo, alioquin non differrent ab antiquo statu. At non potest dici ubi sint post limbum, nisi in paradiso, igitur in eo sunt. Tertia. Ante Christum mors dellebatur sanctorum, post cum lætitiâ celebratur : ad quid hoc, nisi quia tunc mori miseria erat, nunc verò felicitas! Quarta. Non est æquum mercedem retineri, cum debetur et reddi potest, Lev. 19 : *Non morabitur apud te opus mercenarii tui usque mane.* At post mortem debetur sanctis vita æterna, et nihil est quod impediât reddi : sunt enim sine reatu et maculâ, ac Janua cœlorum est aperta per Christum. Igitur cum Deus sit maximè justus, eam statim reddit. Quinta. Non convenit ut affligantur, qui nullum habent reatum aut peccatum, cujusmodi sunt sancti. At spes, quæ differtur, affligit animam. Ergo non differtur satiari in sanctis.

ARTICULUS VII.

*De unione Græcorum factâ in concilio Florentino.*

Denique ad Græcorum errores convincendos, inter alia nullum forsân inveniemus efficacius argumentum, quàm si in medium producamus Bullam unionis inter ipsos et Latinos in concilio Florentino sub Eugenio papâ IV celebrato; ubi anno salutis 1438, Joannes Palæologus ipsorum imperator, patriarcha Constantinopolitanus, et cæteri ex omni Græciâ viri gravissimi, Latinis dexteram dederunt; ubi retractatis sive correctis sententiis et erroribus, primatum Romani pontificis inter alia in eo concilio agnoverunt; non vi coacti, non muneribus allecti, non numero suffragiorum à Latinis victi aut superati, sed suâ sponte et voluntate ducti, neque alio modo oppressi (erant enim ipsi sub protectione proprii imperatoris, nempe Palæologi, qui prædicto concilio adfuit) sequentes articulos in Bullâ unionis relatos simul cum Ecclesiâ catholicâ confessi sunt. Et ne quis suspicetur tantûm in Latinorum historiis aut libris id conscriptum haberi, legat historias Græcorum, præcipuè Georgium Pachimerium, l. 5 Historiarum, ubi refert capita pacis Græcorum cum Latinis. Videndus est etiam Leonicus Chalcondylas, rerum Turcicarum l. 1, et Jacobus Navechus Ondischotanus in Epistolâ Asiaticâ; qui omnes unionis factæ in dicto concilio meminere, ut latiùs refert P. Azorius 2 tomo Institut. Moral. l. 4, c. 15.

Insuper adde hanc Græcorum confessionem non subitò, non verbo tantûm factam esse, sed potiùs post diuturnam deliberationem et

singulorum subscriptionibus adjectis, ut infra patebit, uno excepto episcopo Marco Ephesino, et sigillo imperatoris fuisse confirmatam: aderant quoque vicarii trium patriarcharum, Alexandrini, Antiocheni, Hierosolymitani, ac denique legati patriarchæ Armenorum supervenerunt, et cum Ecclesiâ catholicâ sese conjunxerunt, et ab Eugenio IV fidei regulam acceperunt, quâ confessi sunt se tenere quidquid tenet et docet Romana Ecclesia. Litteræ autem unionis habentur in fine sess. ultimæ concilii Florentini, in hæc verba:

*Sanctæ unionis factæ in concilio Florentino inter Patres Græcos et Latinos litteræ.*

« Eugenijs episcopus servus servorum Dei ad perpetuum rei memoriam. Consentiente ad infra scripta charissimo filio nostro Joanne Palæologo Romanorum imperatore illustri, et loca tenentibus venerabilium fratrum nostrorum patriarcharum, et cæteris Orientalem Ecclesiam representantibus.

« Lætentur cæli et exaltet terra: sublatus est enim de medio paries, qui Occidentalem Orientalemque dividebat Ecclesiam, et pax atque concordia rediit, illo angulari lapide Christo, qui fecit utraque unum, vinculo fortissimo charitatis et pacis, unumque jungente parietem, et perpetuæ unitatis fœdere copulante ac continente, postquam longam mœroris nebulam, et dissidii diurni atram ingratiâque caliginem serenam omnibus unionis optatæ jubar illuxit. Gaudeat et mater Ecclesia, quod filios suos hætenus invicem dissidentes, jam videt in unitatem pacemque rediisse, et quod antea in eorum separatione amarissime flebat, ex ipsorum modò mirâ concordia, cum ineffabili gaudio omnipotenti Deo gratias referat. Cuncti gratulentur fideles ubique per orbem, et qui christiano censentur nomine, matri Ecclesiæ catholicæ collætentur.

« Ecce enim Occidentales Orientalesque Patres, post longissimum dissensionis atque discordiæ tempus, se maris ac terræ periculis exponentes, omnibusque superatis laboribus ad hoc sacrum œcumenicum concilium desiderio sacratissimæ unionis, et antiquæ charitatis reintegrandæ gratiâ, læti alacresque conveniunt, et intentione suâ nequaquam frustrati sunt. Post longam enim laboriosamque indaginem, tandem Spiritûs sancti clementiâ, ipsam optatissimam sanctissimamque unionem consecuti sunt. Quis igitur dignus omnipotentis Dei beneficiis gratias referre sufficiat? Quis autem,

divinæ miserationis divitias non obstupescat? cujusve ferream pectus tanta supernæ pietatis magnitudo non molliat? Sunt ista prorsus divina opera, non humanæ fragilitatis inventa, atque ideo eximîâ cum veneratione suscipienda, et divinis laudibus prosequenda. Tibi laus, tibi gloria, tibi gratiarum actio, Christo, fons misericordiarum, qui tantum boni sponse tuæ catholicæ Ecclesiæ contulisti, atque in generatione nostrâ tuæ pietatis miracula demonstrasti, ut enarrarent omnes mirabilia tua, Magnum siquidem divinumque munus nobis Deus largitus est, oculisque nostris vidimus quod ante nos multi cum valdè cupierint, aspicere nequiverint.

« Convenientes enim Latini et Græci in hæc sacrosanctâ œcumenicâ synodo, magno studio invicem usi sunt ut inter alia etiam articulus ille de divinâ Spiritûs sancti processione summâ cum diligentia et assiduâ inquisitione discuteretur. Prolatis verò testimoniis et divinis Scripturis, plurimisque auctoritatibus sanctorum doctorum Orientalium et Occidentalium, aliquibus quidem ex Patre et Filio, quibusdam verò ex Patre per Filium procedere dicentibus Spiritum sanctum, et ad eandem intelligentiam aspicientibus omnibus sub diversis vocabulis, Græci quidem asseruerunt quòd id quod dicunt Spiritum sanctum ex Patre procedere, non hæc mente proferrent, ut excludant Filium, sed quia eis videbatur, ut aiunt, Latinos asserere Spiritum sanctum ex Patre Filioque procedere, tanquam ex duobus principiis et duabus spirationibus; ideo abstinuerunt à dicendo quòd Spiritus sanctus ex Patre procedat et Filio. Latini verò affirmaverunt; non se hæc mente dicere Spiritum sanctum ex Patre Filioque procedere, ut excludant Patrem, qui sit fons ac principium totius deitatis, Filii scilicet et Spiritûs sancti, aut quòd id quod Spiritus sanctus procedit ex Filio, Filius à Patre non habeat, sive quòd duo ponant esse principia, seu duas spirationes; sed ut unum tantum asserant esse principium, unicamque spirationem Spiritûs sancti, prout hætenus asseruerunt; et cum ex his omnibus unus et idem elicatur veritatis sensus, tandem in infrascriptam sanctam, Deo amabilem, eodem sensu, eademque mente unionem unanimiter omnes concordarunt et consenserunt.

« In nomine igitur sanctæ Trinitatis, Patris, et Filii, et Spiritûs sancti, hoc sacro universali approbante Florentino concilio, definivimus, ut hæc fidei veritas ab omnibus Christis-



nia credatur et suscipiatur, sicque omnes profiteantur, quia Spiritus sanctus ex Patre et Filio æternaliter est, et essentialiam suam suumque esse subsistens habet ex Patre simul et Filio, et ex utroque æternaliter, tanquam ab uno principio et unica spiratione procedit; declarantes quòd id quod sancti doctores et Patres dicunt, ex Patre per Filium procedere Spiritum sanctum, ad hanc intelligentiam tendit, ut per hoc significetur, Filium quoque esse secundum Græcos quidem causam, secundum Latinos verò principium subsistentiæ Spiritus sancti, sicut et Patrem, hoc ipsum quod Spiritus sanctus procedit ex Filio, ipse Filius à Patre æternaliter habet, à quo æternaliter etiam genitus est. Definimus insuper explicationem verborum illorum, *Filique*, veritatis declarandæ gratiâ, et imminente tunc necessitate, licitè ac rationabiliter Symbolo fuisse appositam.

Item in azymo, sive fermentato pane triticeo, corpus Christi veraciter confici, sacerdotesque in altero ipsum Domini corpus conficere debere, unumquemque scilicet juxta suæ Ecclesiæ sive Occidentalis sive Orientalis consuetudinem. Item si verè pœnitentes in Dei charitate decesserint, antequàm dignis pœnitentiæ fructibus de commissis satisfecerint, et omnis, eorum animas pœnis purgatoris post mortem purgari, et ut à pœnis hujusmodi releventur, prodesse eis fidelium vivorum suffragia, Missarum scilicet sacrificia, orationes, et elemosynas, et alia pietatis officia, quæ à fidelibus pro aliis fidelibus fieri consueverunt, secundum Ecclesiæ instituta; illorumque animas quæ post baptismum susceptum nullam omninò peccati maculam incurrerunt, illas etiam quæ post contractam peccati maculam, vel in suis corporibus, vel eisdem exutæ corporibus (prout superius dictum est) sunt purgatæ, in cœlum mox recipi, et intueri clarè ipsum Deum trinum et unum, sicuti est, meritum tamen diversitate, alium alio perfectiùs. Illorum autem animas qui in actuali mortali peccato, vel solo originali deeedunt, mox in infernum descendere, pœnis tamen disparibus puniendas.

Item definimus sanctam Apostolicam sedem, et Romanum pontificem in universum orbem tenere primatum, et ipsum pontificem Romanum successorem esse beati Petri principis Apostolorum, et verum Christi vicarium, totiusque Ecclesiæ caput, et omnium Christianorum patrem et doctorem existere, et ipsi in

beato Petro pascendi, regendi et gubernandi, universalem Ecclesiam à Domino nostro Jesu Christo plenam potestatem traditam esse, quemadmodum etiam in gestis œcumenicorum conciliorum, et in sacris canonibus continetur. Renovantes insuper ordinem traditum in canonibus, cæterorum venerabilium patriarcharum, ut patriarcha Constantinopolitanus secundus sit post sanctissimum Romanum pontificem, tertius verò Alexandrinus, quartus autem Antiochenus, et quintus Hierosolymitanus, salvis videlicet privilegiis omnibus et juribus eorum.— Datum Florentiæ, in sessione publicâ synodali solemniter in Ecclesiâ Majori celebratâ, anno incarnationis Dominicæ 1439, pridie nonas julii, pontificatûs nostri anno nono. »

*Subscriptiones imperatoris ac Orientalium Patrum, qui in synodo aderant.*

Ego *Joannes Palæologus*, fidelis in Christo, rex et imperator Romanorum, subscripsi. — Ego *Antonius*, humilis metropolita Heracliniensis, et consiliarius Edessenorum, totius Thraciæ et Macedoniæ primas, et *Philothei* sanctissimi patriarchæ, et sedis apostolicæ Alexandrinæ locum tenens, subscripsi. — Ego *Gregorius Protosingelus*, confessor spiritualis, ac sedis apostolicæ Alexandrinæ et ejus domini patriarchæ locum tenens, subscripsi. — Ego *Isidorus* metropolita Syriæ et totius *Russiæ*, ac domini *Dorothei* patriarchæ Antiocheni, et ejus sedis apostolicæ locum tenens, subscripsi. — Ego *Dositheus*, humilis metropolita Mopsuestiæ, et *Joachimi* sanctissimi patriarchæ Hierosolymitani, ac ejus apostolicæ sedis locum tenens, subscripsi. — Ego *Metrophanes*, humilis metropolita Cyziel, ac locum tenens Ancyrensis, subscripsi. — Ego *Dorotheus*, humilis metropolita Tropezundensis, ac locum tenens Sæsaricensis, antistitis, subscripsi. — Ego *Bessarion*, divinâ miseratione archiepiscopus Nicænus, ac locum tenens Sardensis præsulis, subscripsi. — Ego *Macharius*, humilis metropolita Nicomediæ, subscripsi. — Ego *Ignatius*, humilis metropolita Doroniæ ac locum tenens Nicomediensis antistitis, me subscripsi. — Ego *Dorotheus*, humilis metropolita Mitylenensis, ac locum tenens Sidensis pontificis, me subscripsi. — Ego *Damianus*, humilis metropolita Muldoblachiensis, ac locum tenens Sebastianensis præsulis, subscripsi. — Ego *Joseph*, humilis metropolita Amasiensis, subscripsi. — Ego *Nathanael* humilis metropolita Colossensis, ac

Insularum Cycladum, subscripsi. — Ego *Genadius*, humilis metropolita Gannensis, subscripsi. — Ego *Matthæus*, humilis metropolita Melitenensis, subscripsi. — Ego *Dositheus*, humilis metropolita Dramensis, subscripsi. — Ego *Sophronius*, humilis metropolita Anchiensis, subscripsi. — Ego *Bessarion*, archiepiscopus Nicæus, mandato ac nomine Emanuelis diaconi ac magni sacellarii Chrysonchi vulgò nuncupati, qui eadem nobiscum sensit, subscripsi. — Ego *Theodorus*, zanthopolus diaconus, et magnus sacrista, subscripsi. — Ego *Michael*, Balsamorum archidiaconus, et magnus bibliothecarius, subscripsi. — Ego *Sylvester*, syropulus diaconus ecclesiarches, ac juris servator, subscripsi. — Ego *Gregorius*, protecdicus diaconus Cappadocus, subscripsi. — Ego *Constantinus*, archiepiscopus, ac locum tenens Muldoblachiensis præsulis, subscripsi. — Ego *Ecclesiarches*, venerandæ mansionis, et sanctæ basilicæ magnæ Lauræ Montis Sancti, ac ipsius mansionis locum tenens, subscripsi. — Ego *Athanasius*, olim abbas, circumspectè subscripsi. — Ego *Gerontius*, abbas sanctæ Mansionis Omnipotentis, subscripsi. — Ego *Germanns*, abbas Sancti Blasii, subscripsi. — Ego *Pachymius*, confessor ac abbas sancti Pauli, subscripsi. »

#### ARTICULUS VIII.

*An propter imprædictos errores Græci sint censendi hæretici, an tantum schismatici.*

Primò statuendum est schisma ab hæresi differre in hoc, quòd hæresis sit dogma fidei contrarium, schisma verò sit crimen quo quis ab unitate Ecclesiæ recedit; ac proinde hæresis est contraria fidei, non tamen schisma, sed tantum Ecclesiæ unitati; ita docet B. Hieronymus, ut refertur q. 24, c. 5 in hæresim, et D. Augustinus l. 20 contra Faustum, et alij Patres; ut si quis confiteatur esse oportere in Ecclesiâ unum caput universale, sed fateatur hunc vel illum, videlicet Joannem aut Petrum non esse verum et legitimum caput Ecclesiæ, diceretur schismaticus, non tamen hæreticus.

Secundò supponendum est schismaticos, quamvis hæretici non sint, non esse membra Ecclesiæ, et extra illam esse: nam si Ecclesiam accipiamus, ut est fidelium congregatio sub uno capite, nempe Christo Domino, et ejus in terris vicario, Romano pontifice, viventium, schismatici sicut et hæretici extra Ecclesiam sunt; quia sicut hæresis separat et dividit hæreticos ab Ecclesiâ, ita schisma dividit et

separat schismaticos à capite e unitate Ecclesiæ: ac ideò jure extra Ecclesiam esse dicitur, qui ab Ecclesiæ unitate et communione recedit.

Prima propositio: Græci ab Ecclesiâ Romanâ sunt separati et schismate divisi. Nam ut D. Antonin. tertiâ parte Historiarum, tit. 22, c. 13, § 1 et 2, scribit, præcipuas Orientis Ecclesias et maximè Constantinopolitanam duodecies ab Ecclesiâ Romanæ sese et potestate seipsas subtraxisse; et certè publicè et apertè ter Græci ad Ecclesiæ Romanæ unitatem redière; scilicet in concilio Lateranensi sub Innoc. III, Lugdunensi sub Gregorio X, Florentino sub Eugenio IV; postea verò ad schisma reversi ac proinde excommunicati permansère, excommunicatione majori, quâ omnes schismatici in bullâ *Cæsar Domini* feriuntur. Et ideò ab Ecclesiâ Latinâ et catholicâ divisi, in statu damnationis æternæ versantur. Nam, ut bene D. August., de Fide ad Petrum, c. 58: « Firmissimè tene, et nullatenus dubites, non solùm omnes paganos, sed etiam omnes Judæos, hæreticos atque schismaticos, qui extra Ecclesiam catholicam præsentem finiunt vitam, in igne æternùm cituros. » Et c. 59, ubi supra, ait: « Firmissimè tene, et nullatenus dubites, quælibet hæreticam vel schismaticam, si Ecclesiæ catholicæ non fuerit aggregatus, etiamsi proximi nomine vitam fuderit, non posse salvari. »

Præcipua tamen difficultas est, an Græci non solùm schismatici, sed hæretici sint censendi. Nam D. Thom. in Opusc. 1, c. 52, asserit, « non minùs solvi Jesum ab his qui Spiritum sanctum asserunt à Patre et Filio non procedere, quàm solvi tentatum sit ab Arto et Macedonio, Nestorio et ejusmodi aliis; » sed qui solvit Jesum, non solùm est hæreticus, ut ipse D. Thomas ex Joan. Apostolo docet, sed et Antichristus: igitur Græci non solùm schismatici, sed hæretici judicandi sunt. His tamen non obstantibus alij opinantur Græcos tantùm esse schismaticos; ita ex junioribus docet Pater Azorius 1 primæ Instit. Moral. l. 8, c. 20, q. 40. Quare meritiò ab Ecclesiâ catholicâ non hæretici, sed schismatici censentur et appellantur; ita apertè insinuat D. Bernardus in Epistolâ ad Eugenium, l. 5: « Ego addo, inquit, de pertinaciâ Græcorum, qui nobiscum sunt, et non sunt: juncti fide, pace divisi, quanquàm et fide ipsâ claudicaverint à rectis semitis. » Idem apertè tenet D. Thom. Opusc. 2, ubi docet Patres Græcos in catholico sensu esse exponendos. Ratio hujus

opinionis est, quoniam, ut prædictus auctor docet, in prædictis fidei articulis, de quibus Græci accusantur ab aliquibus, ut hæretici, potius nomine, quàm re ab Ecclesiâ Romanâ dissident. Inprimis Inficiantur illi Spiritum sanctum à Patre Filioque procedere, ut in bullâ Unionis Eugenii IV dicitur, existimantes Latinos sentire à Patre Filioque procedere tanquàm à duobus principis, cum tamen Latina doceat Ecclesia procedere à duabus personis tanquàm ab uno principio et spiratore; quare Græci ut unum principium significent, dicunt Spiritum sanctum à Patre per Filium procedere ab omni æternitate. Nec dissidentur omninò Romanum pontificem Petri successorem in Ecclesiâ primatum à Christo Domino accepisse, sed nihilominus dicunt totam Ecclesiam in generali synodo coactâ, majorem potestatem habere in rebus fidei, et cæteris quæ ad generalem Ecclesiæ statum pertinent, definiendis. Quæ fuit etiam sententiâ Gersonis et Parisiensium theologorum, nondum ab Ecclesiâ tanquàm hæretica generali decreto damnata.

Præterea Græci purgatorum ignem non prorsus de medio tollunt, ut ipsi clarè fatentur sess. ultimâ concilii Florentini, imò affirmant se perpetuò Purgatorium agnovisse (verè enim sacrificia et preces offerunt Deo pro mortuis, non beatissimè certè, neque damnatis ad inferos, quod planè esset absurdum et impium; ergo pro his qui cum fide et pietate hinc discesserunt, sed nondum plenè pœnas peccatorum debitas persolverunt); sed solum inficiari videntur certam ignis corpori in pœnam, de quo nihil est de fide determinatum ab Ecclesiâ, ut optimè docet Bellarm., l. 2 de Purgat., cap. 10. Quicquid autem sit de his et aliis fidei articulis, in quibus multi Græci et alii Orientales malâ fide errant, et proinde hæretici sunt, Græcos tamen non hæreticos, sed schismaticos appellamus, quia morem loquendi pristinum retinemus.

## CAPUT II.

DE JUVANDIS GRÆCIS, ET RATIONE AGENDI CUM  
EIS, UT AD FIDEM CATHOLICAM ALLICIANTUR.

### ARTICULUS PRIMUS

*De causis præcipuis unionem Græcorum cum Ecclesiâ catholicâ impediētibus.*

Inprimis scire necessarium est præcipuas causas, quæ unionem Græcorum cum Ecclesiâ catholicâ impediunt, ut his cognitis et patenti-

bus, facilius sit via ad eas removendas. Cause igitur, cur inter Græcos et Latinos tanta sint in Religione dissidia, latissimè numerantur à Possevino tomo 1, l. 6, à cap. 2, per plura capita. Nos autem brevitatè consulentes, ex eodem auctore præcipuas tantum recensebimus.

Prima causa et veluti radix referri potest ad collapsas, quæ olim in Græciâ floruerunt, academias, et cum eis omnes litterarum disciplinas, quæ modò restitui vix sine magno periculo posse videntur, dum alienam Græci in Oriente dominationem ac jugum patiuntur. Re tamen attentè consideratâ, haud tantum imminet à Turcis periculum, quantum fortissè primâ fronte apparet. Nam Turcæ, ut experientiâ constat, liberum cuique relinquunt, ut quam velit Religionem teneat, modò adversus Mahometi sectam nihil dicatur. Unde cum solidè pietati nihil sit inaccessum neque difficile, dum seriò nihil aliud quàm Christus et ejus gloria quaeratur, prædictum impedimentum poterit superari.

Secunda causa referri potest ad remissionem eorum curam, à quibus etiam inter populos Latini ritûs Græci juvari potuissent, atque ad pietatem accendi. In quâ etiam re fortè plurimùm à nostris peccatum fuit: nam sicut perfecta charitas magnos præ se fert stimulos ad pietatem, ita cum hæc refrigerat, non solum sibi, verum etiam cæteris obest.

Tertia referri potest, quia aliquando à Latinis non omninò verè, vel saltem eâ quâ inter Christianos decet charitate, aliqua fuerunt Græcis objecta, quibus eorum animi commoti, erga Latinos malè fuerunt affecti. Nam, ut constat ex supradictis, multi errores illis ab auctoribus imponuntur, quibus non sunt maculati.

Quarta accedat, falsi codices Græci Patrum, quos aliqui ex ipsis etiam nunc versant. Nam, ut omittam nunc antiquiora (quæ historiarum legenti nequaquam erunt abscondita) suppositosque generalibus synodis quaterniones falsos, exceptis veris (sicuti etiam Florentina synodus monstravit), versantur quotidè inter Græcorum sacerdotum manus, ac publicè populis recitantur libri, in quibus pleraque falsa sunt; et hæc viri inter ipsos perdocti et graves ingenue fatentur, hæcque occasione Constantinopolitano patriarchæ scripserunt, ut emendati prelo darentur; sic enim aiebant futurum, ut plebs sensim desuesceret ad erroribus iis quibus ingenia quoque sacerdotum pervertuntur.

Accedunt etiam errores in Græcorum rituali sparsi, et à Nicephoro Xantopolo in Latinam Ecclesiam pessimè affecto, abhinc ducentis annis disseminati. Ex quo fit, ut populi prædictos errores videntes, odia contra Ecclesiam foveant, existimantes vera esse, quæ ibi referuntur: quæ maledicta, præterquam quòd non decebat ut inter officia divina recitarentur, ad nihil aliud valent, quàm ad Græcorum odia contra Ecclesiam renovanda: quale est illud, in quo ad versiculum psalmi 96 alludeus: *Confundantur omnes, qui adorant sculptilia*, inquit: «*Confundantur omnes qui adorant azyma.*»

Quinta causa dissidii Græcorum credi potest species austerioris vitæ, quæ in eorum hieromonachis, metropolitibus, archiepiscopis atque episcopis frequenter cernitur. Hæc igitur austerioris vitæ ratio Latinos contemnendi præbuit occasionem, non considerando quam plurimos monachorum ordines etiam in Ecclesiâ Latinâ reperiri, qui in hæc palæstrâ se exercent, quorum Græci monendi sunt, non in corporis maceratione, sed in charitate, fide et spe, humilitate et patientiâ, cæterisque interioribus virtutibus justitiam christianam potissimum consistere.

Sexta, forsitan et una ex præcipuis Græcorum cæcitatibus et errorum causa referri potest ad nuptias quibus sacerdotes Græci gaudent, neque sine ipsâ ad sacerdotium accedunt, nisi fuerint monachi. Nam quamvis Græcis à summis pontificibus id sit concessum, adhuc tamen re hæc optimè expensâ, credendum est, non minimam hanc fuisse causam, cur Deus Orientem christianæ fidei hostibus subjecerit. Nam eam divina mysteria, et præsertim sanctissimæ Eucharistiæ tractatio, summam animi puritatem requirat, quæ ut plurimum cum corporis continentia et castitate conjuncta est, non mirum si hæc defecerit in Græcis, quòd Deus eos non solum corporalibus suppliciis, sed etiam spiritualibus puniat.

Septima causa est defectus doctrinæ; doctrinæ autem defectum 1° intelligemus ipsius linguæ Græcæ ignorantiam: sunt enim paucissimi inter Græcos, qui grammaticam Græcam noverint. 2° Defectum doctrinæ appellamus, non intelligere intimas suorum errorum causas et fomenta, neque synodorum et Patrum, et quod caput est, divinæ Scripturæ exactam notitiam non habere. 3° Doctrinæ defectus etiam dicitur carentia optimorum auctorum, qui Græcis maxime prodesse pote-

rant. Usus autem meliorum auctorum hic erit, ut primò antiquiores et emendatiores tractentur: ut Athanasius, Gregorius, Basilii, Chrysostomus, Cyrillus Hierosolymitanus, et Alexandrinus, et alii fide et pietate celebres; et secundo loco alii qui contra eorum errores scripserunt, de quibus supra mentionem fecimus. 4° Defectus doctrinæ reduci debet ad Latinorum studium, qui eos in defectu instruere et admonere deberent, et tamen id fecerunt; vel ad illos qui aliquando ad juvandos Græcos missi, vitæ exemplo morumque pravitæ, eorum unioni maximo impedimento fuerunt, cum magis destruat unus, quàm plures ædificent. Utinam hæc esset una, vel saltem in hæc re principalis cura operarios efformandi, qui selecti ex religiosorum ordinibus, probatissimæ virtutis et vitæ, in vineam Domini mitterentur!

Ultima causa est, prætorum tenuitas, quibus etiam Græci deberent invitari et foveri: nam si humana mens ita esset pura, ut cælestibus tantum præmiis inhiaret, illisque contenta esset, non opus foret, ut aliis calcariis stimularentur ad bonum. At quando ipse Dominus in veteri lege terram promissionis, et in novâ centuplum pro uno promisit his qui illum sequerentur, optimè noverat imbecillioribus opus esse præmio invitari, ut ad virtutem amplectendam trahantur. His veluti Græcæ errorum parentibus radicibus jungi possunt aliæ etiam rationes occultæ et internæ, ut sunt Græcorum animi elatio, morum corruptio, otium, et affectata veritatis ignoratio.

Omnes igitur istæ causæ, sive impedimenta contrariis causis expellenda sunt, et oratione continuâ hæc maceria, quæ divisit Græcos à Latinis, tollenda est: nam cum fides sit donum Dei, hoc imprimis enixè à Deo petendum, qui sapientiam dat abundanter petentibus, et non improperat; adhibenda sunt etiam alia media, de quibus restat, ut breviter dicamus.

## ARTICULUS II.

### *De ratione agendi cum Græcis.*

Ratio agendi cum Græcis ad tria capita referri potest, ut optimè advertit Possevinus, ubi supra, cap. 24, vel ad conciones populis, vel ad disputationes cum eis habendas, vel ad alumnos instituendos. Tres etiam sunt classes eorum qui Græcorum sectantur ritum et dogmata. Prima rudium, qualis est rusticorum et plebis. Secunda eorum qui, licet docti non sint, nec litterati, rerum tamen experientiâ,

et lectione fortè aliquorum librorum aliquid lucis sunt assecuti, ut hinc Romanæ Ecclesiæ splendorem et majestatem, illinc Græciæ ærumnas et calamitates, easumque Orientalis imperii sub Turcarum tyrannidem, hinc etiam Sacramentorum apud Latinos cultum, illinc apud ipsos rerum divinarum contemptum cernentes, in eam sententiam venerint, Deum Ecclesiæ catholicæ Romanæ, et non Orientali esse propitium. Tertia classis eorum est, qui licet usu et aliquâ rerum experientiâ sint præditi, odio tamen ducti in Latinos (quod ex pravâ consuetudine inveteratum facilè fovetur à dæmone), controversias (invitis eorum episcopis et prudentioribus) serunt, ac frequenter nescientes quid dicant, aut quid velint, Græcam cum Romanâ Ecclesiâ conferentes, suos ritus et sacerdotes nostris anteponunt, ac denique sua usque ad cælum extollunt, nostra verò usque ad inferos deprimunt.

Cum his igitur, si de eâ parte quæ ad controversias attinet, agamus (ex consilio et experientiâ Græcorum catholicorum), præstare puto, ut à ministris, qui inter eos conversantur, de controversiis nihil publicè, imò nec in particulari saltem in initio dicatur, nisi ubi commodissima sese offerret occasio. Quare oportet, ut de amplectendis virtutibus, et fugiendis vitiis, cum eis agatur: nempe de peccatorum expiatione, virtute poenitentiae, de studio orationis mentalis, et aliis exercitiis, de mortificandis et extirpandis passionibus, de virtutum pulchritudine, de peccatorum fœditate, de charitate erga Deum et proximos, et de aliis de quibus nulla quæstio est nec differentia. Controversia verò de rebus fidei in alterum tempus reservanda erit, nimirum cum fervor contentionis videbitur resedisse, atque animis ad virtutem excitatis, via ad meliores progressus videbitur parari. Ac denique, ut uno verbo dicam, voluntatis arcem ante intellectum bonus Christi miles lucrari studeat.

In concionibus etiam populo habendis (ut viri etiam Græci catholici et pii sentiunt) nihil de controversiis publicè proponatur, nisi commodissimâ oblatâ occasione. Quare, qui ubi uterque ritus tam Græcus quàm Latinus viget, concionaretur, ita se gerat, quasi loca illa omnia essent tanquam unius labii populi, sine factionibus aut sectis, verum in peccatis jaculis ad instar reliquorum per orbem passim hominum, qui cum sit ad poenitentiam ex peccatorum somno excitandus, purgatoriâ, ut anni, viâ, potius quàm illuminativâ juvandus

est: hoc est, incipiendum scilicet esse à peccatorum contritione, lacrymâ et à detestatione vitiorum, à cognitione sui, à timore Dei, quibus cum persuasum sit, ut vitam corrigant, facilius quàm per disputationes ad Ecclesiæ unitatem adducuntur.

Sed dices: Nunquàm ergo de controversiis erit agendum? Respondeo: Nonnunquàm erit, sed parcè et opportunè, et cum ex eâ fructus speratur; et tunc, ut optimè Possevin. cap. 24, non de omnibus illis quinque, quæ olim præcipuè fuerunt, dissidiæ causis. Nam de azyzo quæstio vix in Cretâ et in aliis Orientis regionibus audietur, quare vel extincta penitus, vel certè sopita videtur. Quocirca qui hæc de re loqueretur, rem jam oblivioni traditam cum scandalo in dubium revocaret. Processio Spiritûs sancti à Patre et Filio intelligitur à paucissimis; quare quæstionem hanc movere, nihil aliud erit, quàm dormientem ad pejus forsân excitare, et harum rerum ignorantem ad curiosa investiganda (et fortè sine spe fructûs, aut quod probabilis est, cum pericula ut partem veritati adversantem amplectantur; excitare.

Reliquæ verò quæstiones, ut sunt de visione beatorum, de igne Purgatorii, agitari possunt: nam de his faciliè cum Latinis conveniunt. Primatus verò pontificis Romani difficulter eis persuadetur, de quo oblatâ occasione agendum est.

De prædictis igitur quæstionibus, si quando sermo habendus est, non in eâ re tota insumenda est concio, nec modò scholastico agendum, sed alliciendâ sunt ad veritatem fidei audientium mentes, tum exemplis, tum Scripturæ et Patrum auctoritate; qui docendi modus jucundè et cum laude docentis à Græcis excipitur. Frequens tamen harum rerum sermocinatio suspicionem eis injicere solet, quasi eos capere taliter quis vellet: quare cautè et prudenter agendum est.

Illud tamen imprimis animadvertendum est, maximè si cum Ruthenis, aliisque schismaticis rudioribus negotium habeatur, ut optimè etiam notavit Possevin. in suâ Moscoviâ, quod cum major populi pars ignoret quid schisma sit, nec habuerint, qui, propter dogmata, quæ credunt, eos à rectâ fide alienos esse ostenderit, si quis catholicus sacerdos ad eos accesserit, vereri fortassè poterit (maximè cum veritatem fidei proponendi non pateat aditus, vel si pateat, non speratur fructus), an illis injicere de eorum schismate scrupulum debeat

rudioribus, forsân aliâs in suâ simplicitate salvandis: quare res periculi plena videtur, si quis hujusmodi aliquid tentaret, præsertim quia nisi hoc ex voto succederet, majores posset parere difficultates.

Quare ex superioribus id colligi oportet: nempe, cum tribus illis classibus Græcorum, videlicet cum simplicioribus sine disputationum strepitu de virtutibus sectandis, vitisque fugiendis agendum; cum protervis nunquam nisi magnâ et inevitabili ex causâ disputandum; oblatâ verò occasione, aliis mediis sunt alliciendi; cum medicioribus verò, qui res nostras meliùs considerant, oblatâ occasione, veritas fidei est ostendenda, tum in concionibus, tum particularibus disputationibus, ita tamen, ut omnia prudentiâ dictantè oportune fiant. In disputationibus autem cum doctioribus atque Græcorum melioribus, à primatu Romani pontificis initium sumendum est, et id potissimum curandum, ut membra cum capite uniantur, in quæ deinceps defluat vigor ille qui faciat, ut omnes simus in animas viventes et unanimes in domo Domini, eodem pane pascamur, et eodem fonte potemur.

Inter alia verò media quæ ad schismaticorum unionem conducere, illud esset non contemnendum, ut libri per totam illam provinciam disseminarentur, ad pietatem potiùs, quàm ad dogmata defendenda Græcorum linguâ conscripti; ex quibus sine dubio fructus sequeatur uberrimus: quales sunt Florentina et Tridentina synodus, quæ sunt Græcè editæ, quæ Græcis sacerdotibus et aliis dono essent concedendæ. Libri etiam alii, sicut Catechismi de doctrinâ christianâ, versio item Bibliorum à septuaginta Interpretibus, quæ proximis annis Romæ emendatissima prodiit, necnon et alii auctores pii et catholici, ut Ludovicus Granatensis, qui si Græcè ederetur, non dubium, quin maximè ad conversionem eorum conducere.

#### ARTICULUS III.

*De aliis mediis juvandi Græcos et Ruthenos.*

Placuit hic media alia à viris gravibus, et illarum gentium conversionis maximum zelum habentibus, summo pontifici Clementi VIII proposita, in medium etiam producere, quæ forsân, cum venerit Patris hora, quâ in vineam suam errantem operarios velit revocare, non parùm conducent.

Primum autem medium à viro quodam Rutheno gravissimo excogitatum sequentibus

verbis continetur. Duo potissimum inter alia necessaria sunt in omni conversione, præcipue in conversione aut unione Græcorum et Ruthenorum Ecclesiæ catholice Romanæ.

Unum quòd illi qui hujusmodi provinciam suscipiunt, ac conversionem animarum tractant, debeant se accommodare naturæ et captui eorum quos convertere nituntur, illisque in omnibus quæ essentialiter non repugnant æternæ salutis, in principio secundare, ne propter accidentale aliquid amittant essentialia: qui enim *vehementer emungit, elicit sanguinem*, Prov. 23. Hoc pacto illorum captent benevolentiam et amorem, quo obtento, omnia facili negotio subsequuntur. Cum enim amor vincat omnia, Christique jugum suave et amoris sit plenum, nihil æquè requiritur tam in conversione peccatoris ad Deum, quàm unione hæreticorum ad sanctam Ecclesiam, sive infidelis ad fidem christianam, quàm amor erga instructorem ac patrem spiritualementem. *Fili, præbe mihi cor tuum*, hoc est, ama me, ut amore tuo omnia ad me traham; quicquid enim à te desideravero, eo solo obtinebo. Sicque Jesus Christus Petrum Ecclesiæ suæ caput constituens, solum ab eo amorem postulat, idque triplici interrogatione, ut quàm necessarius amor iste sit ostenderet: *Simon Joannis, diligis me?* etc., Joan. 21; qui enim amat, vicissim amabitur: videlicet, si me amas, Petre, et proximum amabis, et ille te, sicque omnia ad me trahes, erisque bonus pastor. Hinc D. Paulus, verus Christi zelator, totis viribus amorem hunc fidelium cordibus imprimere conatus est; nec quidquam tantoperè ab iis expectit, quàm ut ipsum, majoresque omnes suos, et se invicem sincerè diligerent, Cant. 8: *Fortis enim est, ut mors, dilectio, cui quemadmodum nihil resistit, sic nec amori*. Itaque primum maximèque necessarium est, se hominum genio accommodare, omniumque servum præstare, quò quis omnes possit lucrifacere cum D. Paulo, qui dicebat, 1 Cor. 9: *Factus sum Judæis tanquam Judæus, ut Judæos lucriferer; iis qui sub lege sunt, quasi sub lege essem, ut eos qui sub lege erant lucrifacerem; iis qui sine lege erant, tanquam sine lege essem, ut lucrifacerem eos qui sine lege erant; factus sum infirmus infirmis, ut infirmos lucrifacerem; omnibus omnia factus sum, ut omnes facerem salvos*. Et Apostoli in primordio Ecclesiæ secundarunt Judæis, præcipientes fidelibus ex gentibus conversis, in illorum gratiam, ut absternerent à sanguine et suffocato, ut omnes lucrifac-

rent, quæ postea successu temporis perierunt.

Alterum quod requiritur, est perseverantia; parùm enim aut nihil prodest semel et iterùm conari, si perseverantia deest. Vulgò dicitur: *Lutta cavat lapidem, non vi, sed sæpè cadendo*. Deicietis universos hostes vestros, si perseveraveritis in opere quod coepistis.

Defectu horum, unio toties attentata Græcorum et Ruthenorum cum Ecclesiâ (ut de aliis laceam), non habuit optatum effectum. Primum defuit, quia cum illi qui eos juvare conabantur, viderent Græcos habere antipathiam cum Romanis, ac quodammodò naturalem alienationem, ut persistenter in unione, tentârunt ab ipsorum ritu eos deducere (si non verbis, saltem operibus) extollendo Romanum, in quo celebrabant, ac consequenter deprimendo Græcorum, ut sic ipsos et eorum filios ad Romanum ritum paulatim traherent; quod illi naturaliter inflati, et qui amore fortissimo tenentur erga suos ritus, ferre non potuerunt. Unde multum odii inde conceperunt contra Ecclesiam et Romanum ritum, ipsumque tanquam novum reputârunt et refusârunt. Neque nova est Græcorum ista superbia, cum in ipsius Ecclesiæ primordiis, quando Jesu Christi Domini nostri sanguis fervebat, et omnes Christiani ad perfectionem anhelabant, illorumque erat cor unum et anima una, ita erant infirmi in hæc parte, ut pati non potuerint quòd spernerentur. « Factum est murmur Græcorum adversus Hebræos, eò quòd despicerentur in ministerio quotidiano viduæ eorum. »

Ex eodem superbiæ fonte ac naturali alienatione à Romanis, non solum schisma evenit, sed etiam quòd nunquam libenti ac pacato animo susceperunt Romanos sacerdotes à summis pontificibus ad ipsos multoties destinatos, ne viderentur ab ipsis edoceri, et consequenter fateri se inferiores illis cum quibus semper de gloriâ contenderunt, sed tanquam alienigenæ, ne dicam æmuli, non ambabus à Græcis audiebantur auribus, inò potius eorum monita et salutarem doctrinam, omni gladio ancipiti penetrabillorem, excluderant; aut certè si eam amplectebantur, non tamen in ipsâ erant constantes, sed tanquam violentiam passi, ad pristinum redibant vomitum. Et hæc in parte Rutheni adeò sunt tenaces, ut potius cupiant suos filios rudes ac ignaros habere, quam illos ad scholas Patrum Societatis Jesu, vel alias Catholicorum mittere (sicut omnibus manifestum est), timentes ne Patres aut alii Catholici à suo Ruthenico ritu

illos divertant; hæc de causâ Romanis sacerdotes parùm profecerunt cum Græcis.

Secundum quoque, nempe perseverantia, defuit in ipsorum conversione; nunquam enim habuerunt homines ad illos destinatos, quibus ex officio incumberet Romanum conversio; qui primò quotidianis precibus à Deo eorum salutem ac conversionem exposcerent, deinde studio, diligentia, speculatione in idem laborarent, summosque pontifices et reliquos prælatos ad id permoverent. Et si fortassè aliquando habuerunt tales homines, non semper tamen neque perseveranter, quod est simpliciter necessarium; parùm etenim prædium erigere infirmum, si non est qui sustentet et adjuvet eum, ne iterùm cadat; non est corona ubi deest perseverantia, et qui perseveraverit usque in finem, obtinebit victoriam et palmam.

Unico tantum remedio, ni fallor, prædicta duo impedimenta tollentur, et Rutheni isti facile convertentur ex concepto odio ad amorem Ecclesiæ Romanæ, non tantum verbo, sed corde et opere, si haberent nimirum unam vel alteram, vel plures religiones observantes, quæ ex indulto sedis Apostolicæ possent ritu Ruthenico celebrare, sublatis tamen omnibus erroribus et superstitionibus (si quæ sunt) quæ incuriâ et ignorantia ipsorum sacerdotum usque modò introductæ, reducendo omnia ad suum principium et originem.

Primum, quod desiderabatur in modo conversionis aut reductionis, tolleretur: tales enim Religiosi eorum cæremonias ac ritum non deprimerent, sed potius et verbo et opere tanquam proprium extollerent, et cum Romanis tanquam alienigenæ ac æmuli non pacato animo recipiuntur à Ruthenis, et consequenter non audiuntur, sed cum timore ac suspitione, timentes semper ne fraudem faciant, ex quâ suspicione arripit dæmon ansam et occasionem, suggerendo illis multa falsa de Ecclesiâ Romanâ: è contra tales religiosi reciperentur quasi proprii, auscultarentur absque suspitione, et cum viderent eos doctos, ipsi crederent, et gloriarentur quòd haberent ex suis eruditos viros, qui essent illorum corona; propter quod etiam summopere amarent illos: nam cum non ament Romanos, quia quodammodò deprimunt illos, illorumque ritum, è contra amarent vehementer dictos religiosos, tanquam illos qui augerent ipsorum gloriam, ac extollerent ritum Græcorum. Simili modo D. Paulus afflante Spiritu sancto incœpit adducere Græcos ad sanctum Evangelium; non

enim illis dixit : Prædico vobis novum Deum, sed : *Præcristiens et videns simulacra vestra, inveni et aram, in qua scriptum erat : Ignoto Deo. Quod ergo ignorantes colitis, hoc ego annuntio vobis*, Act. 17. Sic possent dicere isti religiosi : Non removere vos conamur à verâ fide Græcâ et ritu, nec novam prædicamus, sed quæ ignorantes colitis, etc. Et idem D. Paulus, ut Judæis se accommodaret, circumcidit Timotheum, licet non esset necesse, cum lex Moysis per Evangelium expirâset.

Secundum etiam tolleretur, quia tunc haberent religiosos viros Deo gratos, qui pro illis preces Deo funderent, insudarent tum in studiis ad illorum conversionem accommodatis, tum in removendo impedimenta et obstacula eidem conversioni, illosque omnes ad eandem impellerent; tandem haberent speculatores et pastores non mercenarios, qui vigilarent super istum Jesu Christi gregem, et hoc non ad tempus, sed usque ad consummationem seculi: nunquam enim religio moritur. Isti frangerent illis panem, scilicet Scripturarum, ac porrigerent verbum Dei omni gladio ancipiti penetrabilius, cujus penuriâ fame pereunt, cum illorum popi et religiosi concionem non habeant, ac à dæmone tanquam inermes debellantur.

Doerent illos necessaria christiano homini; quæ scilicet deberent credere, quomodo accedere ad sacramenta, quam necessaria sit frequentia sacramenti Pœnitentiæ et Eucharistiæ, etc.; necnon etiam litteras humanas et sacras. Isti retinerent conversos in fide ac obedientiâ sanctæ Romanæ Ecclesiæ, et sic non toties reinciderent in schisma. Non difficili negotio obtineretur, quod episcopi, archiepiscopi et metropolitæ, qui apud Ruthenos ex religiosi (licet ordinis sancti Basilii) semper debent assumi, possent ex prædictis religiosi eligi.

Hinc fieret primò, quod omnes prælati semper essent catholici, ac sanctæ Romanæ Ecclesiæ obediens, quos tanquam pastores sequerentur reliqui omnes. A patriarchis enim et episcopis ortum semper habuit schisma, conservationem etiam atque in illud reincidentiam. Sequeretur secundò, quod omnes populi Rutheni vel sacerdotes, essent catholici, docti ac benè morigerati; episcopi enim non promoverent ad ordines, nisi tales, ac ordinatos in disciplinâ continerent. Multa alia bona sequerentur quæ brevitas causâ omitto.

Religiones, quæ ad hanc provinciam desti-

nantur, debent habere sequentes conditiones. Prima: Quod sint ex reformatis, et quantum fieri potest, similes in vitâ et regulari observantiâ Religiosis divi Basilii, qui apud Ruthenos nunquam comedunt carnes, jejunant à festo Exaltationis sanctæ Crucis, usque ad Pascha resurrectionis Domini, etc., tum ne spernantur à Ruthenis, ut minùs perfecti, tum etiam, ut libentius quasi proprii recipiantur. Hoc facillimè possent ab unâquâque religione reformatâ obtineri; aliqui enim religiosi in ipsis invenirentur, qui vellent hoc obsequium præstare Deo quod promitterent; deinde reliqui etiam observare, qui ad talem conversionem vocati à suis generalibus, ad conventus vel collegia ad hoc destinata segregarentur.

Secunda: Deberent habere licentiam ecclesiæ secundum ritum Romanum (sub prætextu tamen quod Rutheni et Græci non possunt celebrare in itinere, ubi non habent incensum, et alia quæ secundum Ruthenicum ritum requiruntur ad sacrum), et sic paulatim introducerent Romanum ritum, vel saltem obtinerent, quod Rutheni non ab illo abhorrent sicut modò abhorrent.

Tertia: Religiones quæ hujusmodi munus conversionis susciperent, ex monasteriis, quæ modò habent, deberent signare aliquot, unum scilicet Romæ, reliqua verò in illis regionibus, ubi floret Religio et fides Romana, quorum curam haberent iidem generales religionum, in quibus nulla deberet fieri mutatio, et ad ipsa mitterent religiosos quos viderent à Deo esse vocatos, ad conversionem Græcorum et Ruthenorum, ut ibi darent operam linguæ Græcæ et Ruthenicæ, et studiis ad ipsorum conversionem accommodatis. Ex quibus possent fieri missiones ad diversa loca et provincias, et sic haberent semper religiosos Romanos, de quorum stabilitate non esset dubitandum; ad prædicta monasteria possent quoque mitti Rutheni, qui susciperent habitum religiosorum studiorum causâ, qui enutriti doctrinâ et moribus Romanis, benè affecti essent erga Romanam Ecclesiam, tanquam ipsorum matrem.

Quarta: Si ex prædictis religiosi eligerentur Ruthenorum metropolita, archiepiscopi, etc., deberet esse cautum, ne ullus illorum assumeretur ad hujusmodi dignitates, nisi qui post annum integrum novitiatus, et professionem emissam aliquot annos peregisset in religione, ut jam perfectionem illam comparâset,



quæ necessaria est perfectis prælatis. Non enim omnes possunt habere hujusmodi perfectionem, qui ex seculari vitâ eodem tempore, quo fit monachus, emittit professionem, et assumitur in episcopum, etc.

Quinta: Et ne id quod datur tanquàm salutaris medicina sit dæmonis malitiâ, prædictis religiosis, et consequenter Ruthenis venenum, præter tria solemnita vota obedientiæ, castitatis et paupertatis, quibus tales religiosi se Deo sacrabunt, quartum Domino acceptissimum et prædictorum religiosorum ac Ruthenorum bono maximè salutare nuncupabunt, quo Deo voveant se nunquàm directè vel indirectè, per se aut alium extra religionem ullam prælationem aut dignitatem prætensuros, nec eam oblatam accepturos, nisi summi pontificis præcepto ad id obstringerentur. Sic omnes episcopi, etc., Rutheni, semper dependerent à summo pontifice, et religiosi non perturbarentur ambitionibus, nec religio relaxaretur propter dignitates. Hæc ille.

#### ARTICULUS IV.

*De aliis mediis quæ videntur non minùs utilia quàm necessaria, ad Ecclesiam Græcorum, et omnium ferè Orientalium ad sanctæ Romanæ Ecclesiæ sinum brevi reducendam.*

1º Viris conversionis Græcorum studiosissimis expedientissimum semper visum fuit, ut collegii Græci alumni Romæ existentibus concedatur, ut in patriam reversi possint à suis episcopis Græcis, in quorum diœcesi degent, licet schismaticis, ordinari: quod et fieri posse à summo pontifice nullus Catholicorum negabit, præsertim cum apud gravissimos auctores catholicos constans opinio sit à schismaticis, qui nominatim excommunicati non sunt, posse subditos sacramenta recipere, ut latius infra, lib. 7. Oportere autem tali indulgentiâ, sive dispensatione uti, manifestum est: nam hæc negatâ, nulla aut certè exigua spes de salute istius nationis expectanda est; quod eorum judicio et auctoritate, quibus res hæc in particulari nota est, apertius poterit comprobari. Nam ex hæc dispensatione in eam spem erigi debemus, fore ut alumni ab iis ordinati (atque adèd minùs exosi illis qui à Latinis ordinantur), tum propter vitæ integritatem, tum propter honorum litterarum scientiam, à patriarchis suis nullo negotio in episcopos promoveantur, utpote cum non parvâ laborent hominum penuriâ, qui verbum Dei promulgent ac disseminent, et gregem

Domini regant; cum etiâ à suis episcopis omnis ambitio ac invidia longè exulet, eò quòd Ottomanicæ tyrannidis jugo oppressi, difficilem ac laboriosam sine facultatibus vitam agant, statum pauperum potiùs monachorum quàm episcoporum æstimantes. Quis autem fructus ex unico episcopo catholico sperandus sit, qui scilicet cum prudentiâ parochos catholicos suo gregi præficiat, nemo non videt.

2º Deinde eò collimet sua Sanctitas, quæ omni curâ et diligentia saluti animarum invigilat, ut vacante Ecclesiâ patriarchali Constantinopolitanâ, inquirat in aliquos alumnos aut monachos, qui in Græciâ ecclesiasticarum dignitatum munia administrant, ex quibus maximè idoneum eligi curet; cui nuntio, quàm fieri potest secretissimè (ne aliqua apud Græcos hujus rei nascatur suspicio) aperiat, se illi Ecclesiam Constantinopolitanam conferre, illumque ejusdem patriarcham eligere ac confirmare, ac proinde jubere ut eò se conferat, ubi tam reipublicæ Venetæ, quàm Christianissimi regis legatos reperiet, à suâ Sanctitate jam instructos, ut Turcam, à quo electio et confirmatio, licet cum injuriâ, dependet, largitionibus inflectentes, et solito tributo aliquid addentes, suaviter inducant, ut viro tali patriarchatum nationis Græcæ imperet assignari; quod non difficulter exorabunt, tantùm dominatur illius tyranni animo inexplabilis auri cupiditas; adèd ut sæpenumerò non dubitet ab aliis promotis dignitates abrogare, quod vel experientia satis testatur, et in aliis officiis assidua exempla demonstrant. In quâ re nullus apparet simoniæ scrupulus; non enim pretio æstimatur patriarchatus, quippe qui electo illi à suâ sanctitate jam condonatus sit, sed obstacula tantùm pecuniarum falce resecantur. Ad redimendam enim vexationem, et tollenda impedimenta quæ possunt occurrere, hoc fieri posse communis et verissima est doctorum sententia. Porrò neque dicendum est metropolitanos suâ electione defraudari, cum liquidò constet eam invalidam esse et nullius momenti, eò quòd ipsi sint schismatici et nullam habeant jurisdictionem: unde licet à se electum consecrent, non patriarcham, sed merum episcopum constituunt. Adde quòd hæc electio à Turcâ, qui iis imperat, ut pro ipsius arbitrio consecrent quemcumque ipse obtulerit, fieri videatur. Ex tali verò electione ille proveniet fructus, quòd episcopis schismaticis diem suum obeuntibus, alumni aut alii, de quorum fide constabit, possint susti-

taf. Secundò, quòd synodis particularibus egregia opera in schismaticis reformandis, aliisque erroribus amputandis possit navari. At verò hic cavendum est, ne suæ Sanctitati tædium obrepat, et in hæc primæ patriarchæ electione subsistatur; imò velis remisque contendendum est, ut primò sufficiatur alius atque illi alius, et illi rursùm alius. novos semper alumnos defunctis subrogando, quoad prælatis antiquis schismaticis extinctis, novi Catholici suffecti omnium vices suppleant.

3° Cùm Alexandrinæ et Antiochenæ Ecclesiarum electio eorumque patriarcharum, qui semper Græci sunt, eò quòd earum gubernacula hætenus penes Græcos fuerint, confirmatio ab aulâ Constantinopolitanâ dependeat, eidem quâ dictum est diligentia legatorum operâ est attendendum. Quòd negotium haud dubiè non minùs felicem exitum consecuturum est, quàm certum est ibi nihil auro non esse pervium ac eluctabile. Cùm itaque futurum sit, ut brevi patriarchæ sint catholici, quorum cura in hoc incumbere debebit, ut eâ eam prudentiâ, quam requirit ipsorum officium, episcopos et parochos suos catholicos constituent, quid vetat, quominus speremus fore, ut prælatis schismaticis (cùm in iis totius schismatis radices inhaereant) extirpatis, novos qui in Ecclesiæ catholicæ sinu primis pueritiæ stipendiis merentes pietatem excoluerint, substituendo (quorum vitæ doctrinæque integritate ille regatur populus, qui ideò quorundam errorum nebulis in præsentiarum involvitur, quòd naturâ facilis ac proclivis sit prælatorum suorum dictis acquiescere), brevi dici possit: *Usam ostile et una pastor?*

4° Ut autem jam nunc fructificare incipiat seges aliqua spei nationis Græcæ in sanctæ Romanæ Ecclesiæ granarium reducendæ, præmium operæ fuerit viam obsequiis præsternere, ut videlicet suæ Sanctitatis litteris merè officiosis Constantinopolitanum, aliosque patriarchas salutet, nullum de flebili ipsorum statu verbum faciens; sed solùm temporalibus inhaerens, ostendat quàm gratum illi foret sæpiùs de eorum rebus certior fieri, ut sciat, si quâ in re suâ operâ indigeant, et ut non æstiment loci intervallum posse eos suæ paternæ charitatis visceribus disjungere. His et aliis amoris etiam affectus adjiciat, polliceaturque se perceptis eorum rebus, nullâ in parte eorum desideriis defaturum, suumque paternum amorem magnanquæ versùs eos charitatem effecti-

bis demonstraturum. Atque ita nemini dubium videri debet, quin talibus litteris et amicis sollicitationibus, omni sedato odio, animi eorum inflectantur beneficiis, quæ, licet apud omnes plurimùm valeant, ad illius tamen gentis animos alliciendos tantâ vi et efficacità præpollent, ut iis solis tota res perfici posse videatur.

Sicut videre est ex progressu quem fecit Gregorius papa XIII, felicissimæ memoriæ, qui, eò quòd eam nationem charam haberit, et collegio Romæ fundato Græcam juventutem efformandam ac erudiendam curaverit, et hujusmodi litteris aliquam eam patriarchæ amicitiam et familiaritatem inierit; incredibile penè est, quantùm et quàm brevi boni pontificis nomen, tanquàm veri et legitimi patris universalisque pastoris ac vicarii Christi per totum Orientem increbuerit. Quæ res infirmis profuit animabus, et certè si mors eum non præripuisset, aut saltem tam felix opus eo quo inceptum est pede ad colophonem perductum fuisset, amplissima hodie messis arderet.

Neque etiã ambigendum est, quin illi benignæ suæ Sanctitatis animum conspicientes, suas necessitates in rebus tam temporalibus, quàm spiritualibus litteris responsoriis sint explicaturi. Atque ita litteris cum illis agi poterit, de quibuscumque sint ad suam Sanctitatem relaturi, alumnique ad singulos tres aut quatuor transmitti, quibus in mandatis detur, ut cum illis rerum divinarum participant, et ab illis ordinentur, videantque si quo pacto queant illis suaviter de dubiis satisfacere, ac inducere ut synodo patriarchali aliquid de iisdem dubiis velint statuere, aliosque errores reseccare, et sic eos in studio ac pietate versùs pontif. optimum maximum continentes, suam Sanctitatem de rerum ibi gestarum eventu commonefaciant, ac annuntient in quam segetem spes laboris hujus exerescat.

5° Cùm Roma longè ab Oriente dissita sit, parentesque ægerrimè patiantur sibi suos liberos divelli, tum propter imminente pericula, tum quòd in remotissimas gentes mitti videantur: his accedit metus Turcæ, qui sæpenumerò, ratus eos exploratores Romam transfugere, post aliquod tempus eorum parentes ac necessarios severissimè castigat; convenientissimum foret, tum ad itineris longinquitatem tollendam, tum ad amorem novo benevoli animi monumento confirmandam, Messinæ alumnorum Græcorum seminarium fundari: quò, cùm sit civitas immunis ac libera, facilisque ad eam transitus; cùmque ei vicina admodum sit

Constantinopolis et plurimæ in Archipelago insulæ, parentes liberos suos libentissimè transmissuri sunt, seque felices reputaturi, quibus tam grata sors obtigerit, ut civitate vicinâ, non suspectâ, erudiantur. Quanto autem emolumento futurum sit hoc collegium nationi tam longè latèque patenti, iudicent illi quibus curæ aut cordi est ejus incolumitas, quosque collegii, quod Romæ est, imbecillitas non latet.

6° Sua Sanctitas præscribat episcopis Corfu, Zante, Cefalonæ et Candia, educatque ne parochias Græcas quæ in ipsorum diocæsisbus vacaverint, aliis quàm alumnis collegii conferant; idèoque præmoniti sint ipsius collegii superiores, ut viros idoneos semper habeant paratos. Neque dubium est, quin Græcis satis grati futuri sint, hoc nimirum concesso, ut ab episcopis Græcis possint ordinari.

#### ARTICULUS V.

*Ecclesiâ Græcâ propter separationem ab Ecclesiâ Latinâ, quantis calamitatibus et afflictionibus exerceatur.*

Denique pro Græcis, aliisque Orientis populis ad sanctæ Romanæ Ecclesiæ unionem reducendis non parùm proderit (prudentiâ ac moderatiōe duce, ne exasperati obdurentur) eorum ruinam et interitum, postquàm ab Ecclesiâ catholicâ recessère, ipsi ob oculos ponere. Inprimis enim, ut experientiâ constat, unione ruptâ, atque Ecclesiâ catholicâ derelictâ, Græci in profundissimam ignorantiam caliginem incidere; quod manifestius constabit, si oculos animumque ad præterita secula convertamus, in quibus omnium bonarum artium et disciplinarum nutrix ac magistra fuit Græciâ, ut rectè prosequitur Bozius l. 12 de Sig. Ecclesiæ c. 12. Quos illa antiquitas doctissimos homines tulit! Quæ lumina in omni doctrinarum genere produxit! Nunc autem ab anno millesimo ferè, ex quo magis à nobis cœpit abscedere, per annos sexcentos neminem prope posse laudare in ullo artium bonarum studio excellentem; mediores tandem aliquos fortassè reperies. Andronico certè imperante, ante annos credo ducentos et quinquaginta, Gregoras tradit neminem fuisse in universâ Græciâ, qui posset cum nostris de rebus divinis disputare; et modò nullus in eâ vel mediocriter eruditus: si quis vult aliquid doctrinæ addiscere, è mediâ Constantinopoli Romam proficiscitur, ad collegium quod Græcis edocendis Gregorius XIII erexit. Cur non idem

Græcis suis præstitit magnus ille dux Moscovitarum? Cur non rex Georgianorum, vel Iberorum, vel Mengrellorum, qui Græcanicos ritus sequuntur, neque imperio Turcarum sunt subjecti? Ne dicas idèo e Græcis neminem in litteris proficere posse, quòd à Turcis opprimantur; cur ex istis quos memoravimus populis nemo vel mediocriter eruditus extitit unquàm? Furente inter nos ac Græcos hæc sententiarum discordiâ, duo fuerunt è Græcis, quos summis comparare possis, Nicephorus Dlemmida, et Joannes Bessarion. Illum Gregoras vocat divinum, peritissimum, multis virtutibus insignem, variâ eruditione tum sacrarum tum profanarum litterarum perpolitum. Gregorius Pachymerius ait eâ mente fuisse, ut corpore illa non alligaretur. Et certè talem fuisse ipsius scripta declarant. Quantus verò sit Bessarion quis ignorat? Lege illius libros. His duobus neminem ante annos octingentos in totâ Græciâ doctrinâ parem invenies. Atqui uterque nobiscum sensit. Quid verò illud? Episcopi omnes Græcorum deliguntur è græge monachorum, inter quos communi decreto est excommunicatus quicumque philosophiâ studet, quod scribit Petrus Bellonius Observ. l. 1, c. 40. Nihil autem magis facit ad assecutionem veritatis, quàm philosophiâ rectè percepta. Quocirca dæmon, ut Græcos altissimis ignorantiam tenebris involveret, hoc egit, ut episcopi eligerentur e monachis, et monachi necessariò propè imperiti forent, aut carerent maximo ad perceptionem veritatis instrumento. Hæc Bozius.

Verùm longè istis absurdiore fuerunt Moscovitici. Nunc duces, sive principes Moscovitici, quædam subditis persuadent, et populos sibi subjectos ad illum mentis incredibilem stuporem redegerunt, ut miseri credant bona malaque omnia à suis ducibus in ipsos imitti, quin eis esse explorata ac sigillatim perspecta omnia studia et cogitata cuncta illis patere. Ut verò duces isti gentes in hæc stoliditate hærentes defixas teneant, nullas ab iis litteras addisci permittunt, nisi quibus ipsi fecerint potestatem, ut latè prosequitur Possevin. in Moscoviâ suâ. Eò igitur nunc res reducta est, ut Græci, si quid vel artium liberalium, vel etiam linguæ ipsius Græcæ præstantius volunt addiscere, ad nos commigrent. Atque ita Græcorum hæreticis negata illa ipsa, quorum maxime ipsi fuerunt architecti, et ad Ecclesiam catholicam delatæ, unâ cum linguæ Græcæ eximiâ cognitione,

doctrinæ illæ, quæ Græcis sunt litteris commendatæ; utriusque Græcis ablatum.

Quid verò de Græcorum peccatis dicam? Etenim imprimis dolendum maximè est, quàm miserè in simoniæ labem ac crimen corruerit nunc illustrissima olim natio, cum sciamus à Turcarum rege episcopos evelli, et dejici inter Græcos pretio, et quò plus è Græcis aliquid quis offert aut largitur Turcarum regi, eò magis ille extollitur ad dignitates, et amoveatur qui sunt in eis, cum plerumque, majori datâ pecuniâ, in se transferri aliquem episcopatum cupit, ægrè ferentibus id aliis Græcis.

Præterea à Græcis multa contra christianæ castitatis leges usurpantur: cuilibet ex quacumque causâ licet, approbantibus id episcopis, uxorem dimittere, quare passim repudium quâvis causâ admittunt; in quo campus latissimus illis conceditur, ex quo excurrat eorum libido, ruptis indissolubilibus conjugii vinculis. Quid? quòd inter illos nonnulli fornicationem simplicem peccatum negant, ut ex Moscoviâ Possevini apparet.

Simili, imò et majori impuritate aspersæ sunt nationes aliæ, quæ ritum Græcorum sequuntur. Gregorius Interiorius mores Zigorum describit, quippe qui versatus sit inter illos; ii vocantur vulgò Circassi. Apud eos in more positum refert ut frater occidat sæpius fratrem, et sequenti nocte cum ipsius uxore concumbat, conjugemque sibi adjungat. Nam plures habere illis est permissum. Atque hæc nobilitium Zigorum consuetudo. Quales sint plebes, ex hoc uno quod de nobilibus recitavimus, colligere possumus. Magna scilicet inter istos castitas, et charitas inter fratres! Moscorum latissima regna, ex hæresi sunt Græcæ. Apud eos feminæ quidem nobiles imprimis pudicitiam colunt, cæteræ omnes nihili ducunt, et corpus venale habent, tantaque inter eos est aliqui impunitas, ut quam nos fornicationem simplicem vocamus, et maximum crimen, ut est, reputamus, illi neque ullum peccatum ducant, quod apparet è Moscoviâ optimi ac doctissimi viri Antonii Possevini è societate Jesu, qui nomine Gregorii XIII legatus diu fuit apud eos, et è Commentario Pauli Jovii de rebus Moscoviticis.

Nec minùs dolendum eorum Græcorum luxum ac intemperantiam eò devenisse, ut plurimi ex ipsis exultent, ubi filium speciosum formâ nanciscuntur, quem tradere possint Mahometanis ac Turcis, ut illo abutantur ad obscenos libidinis usus, gradumque sibi ex hoc

faciant ad magistratus et opes. Nam qui vocantur à Turcis Bassæ, plerumque sunt ex hujusmodi pueris, qui vel spadones sunt, vel à spadonibus aluntur, et ad impurissimas Turcici regis delicias conservantur: ut sic suis propinquis hæc impietatis viâ benefaciant, si quod hujusmodi benefactum potest esse. At sæpè justo Dei judicio factum cernimus, ut ab ipsis Græcis, hoc est, janizariis à Græco sanguine ut plurimum natis, Græci vexentur ac interficiantur, ut sic sanguine proprio quasi mulso inebrientur, et cibentur hostes Ecclesiæ carnibus suis.

Denique tempore quo Græci ab Ecclesiâ catholicâ descivère (cum antea quamplurimos viros sanctitate præclaros habuissent) sanctorum copiam amiserunt. Testis est Zonaras è Græcis auctor nobilissimus, qui cum Ignatium patriarcham sanctum appellet, et is fuerit qui nobisem senserit, propter cuius defensionem Photius à nobis se abalienavit: postea verò neminem è patriarchis, cum viginti recenseat, ornat hujusmodi titulo. Imò cum plures ante aetatem Pholii numeret sanctimoniam præstantes viros in Annalibus suis, neque unum quidem post illud tempus invenit, et tamen ab anno 863, quo Photius, dejecto Ignatio, sedem Constantinopolitanam invasit, usque ad annum 1118, in quem desinunt scripta Zonaræ, intercedunt anni ducenti viginti quinque. Atque hoc mirandum magis. Nam Zonaras monachus erat, et ecclesiasticam se scribere historiam profitebatur. At si quis plura de hæc successione sanctorum interruptâ desiderat, legat Th. Bozium, l. 7, c. 1.

Captivitatem deinde Græcorum, quâ sub Turcarum durissimo imperio jacent, ac supplicia alia divinitus illis immissa, ferè eo tempore quo ab Ecclesiâ catholicâ sunt avulsi, aut summis pontificibus detrahebant, prosequitur eleganter idem Bozium, l. 5 de Signis Eccles. c. 11, in hæc verba: Leo regnare capit anno 716, cognomento Iconomachus, et Theomachus; eo tempore Sarraceni per triennium Constantinopolim obsederunt, fumesque trecenta hominum millia in eâ civitate absumpsit. Mahumes, Sarracenorum princeps, iugenti exercitu Paphlagoniam vastavit. Arabum nonaginta millia diris incursionibus Asiam foedârunt, ut Paulus Diaconus refert. Copronyno deinde imperante, Turcæ è Caspiis portis irruptione factâ Armeniam Minorem ceperunt. Michael Balbus fuit ex hæresi Tinganorum et Judæorum; coque imperante Sarraceni Cre-

tam Siciliamque occuparunt, ac per annos ferè ducentos tenuerunt.

Monomachi ætate, quo tempore est ausus Michael patriarcha, omnium primus, Papam sub annum 1033 excommunicare, Turcæ Asiam ceperunt, quam deinde, Andronico Palæologo regnante, qui sepulturam Michaeli patri, quòd cum nobis sensisset, negavit, sunt inter se partiti, primumque ex Othomanâ familâ, regem ad extremam imperii Constantinopolitani ruinam creârunt, Thraciamque invaserunt, donec tandem Calojoannis tempore ita pedem fixerunt in Europâ, ut multas in Græciâ urbes ceperint. Ultimo denique Constantino imperante Constantinopoli expugnata, Orientali imperio finis est datus, et Christi cultus in iis locis ad nihilum ferè adductus.

En hæresum finis, en conatus eorum qui dissident à nobis, qui Romani pontificis sacra jussa contemnunt, interitus christianæ Religionis. Irrideant nunc Latinos Græci dissidentes, despiciant episcopum Romanum, ducant nos hæreticorum loco, crimina congerant, confingant, amplificent adversus nos et præsules nostros. Quid est quòd tanta per vos ac vestros imperatores, ex quo discessistis à nobis jactura christiani cultus est facta? Omittam Occidentis regiones, à variis ac barbaris gentibus, à Christi cultu vel prorsus alienis vel aberrantibus, occupatas eo tempore, quo repletæ sunt hæresibus; ab Hunnis et Avaribus Germanias et Pannonias; à Francis Gallias; ab Anglis Britannias; ab Alanis, Suevis et Visigothis Hispanias; à Vandalis Africam: quid, quaeso, esse causæ dicemus, quòd imperante Zenone Ostrogothi et Heruli Italiam ceperunt; et Catholici meliori apud eos conditione fuerunt, quàm apud imperatores Orientis, et quamdiu se ita gesserunt, feliciter illis res processere, ubi consilium mutârunt, deleti sunt? Quid est in causâ quòd Longobardi Venetiam Liguriamque, quam nunc Lombardiam vocamus, in potestatem suam redegerunt, ubi loca illa ab auctoritate pontificis Romani desciverunt?

An putatis à Deo temerè provisum permisumque, ut imperante Mauritio, quo tempore vestri patriarchæ sibi universalis nomen cum Romani pontificis contemptu arrogare ceperunt, Slavi Illyriam Dalmatiamque subigere, Turcæ adversus vos militare simul ceperint? Heraclio imperante Mahometus emerit, Sarcacene data est Judæa et Ægyptus; Constante et Justiniano, Africa iisdem tradita;

Philippico, Leone Conpronymo, Michaele Balbo, et Michaele IV Iconomachis, Dacia, Mysia, Thraciâ et Illyrium Bulgaris; Asia, Sicilia, Sardinia, Creta, Cyclades, Cyprus, Sarracenis. Quâ præterea tempestate Turcæ è Caspiis portis copias educentes, Armeniam subegerunt. Qui postea cùm patriarchæ vestri Papam sunt ausi excommunicare, armis Asiam sibi comparantes, inter se sunt partiti. Mox Andronico regnante, cùm scilicet vos apertissimè à nostrâ communionem recessistis, communioribus decretis, primum sibi ex Othomanorum gente regem creârunt, sub annum 1300. Ex eo paulatim cuncta vestra vobis per illos erepta. Supererat postremò Constantinopolis; supererant multa Græciæ loca, multa aliarum regionum subjecta imperatori vestro, supererat imperatoria dignitas.

Quid est autem, quòd ubi in concilio universalis Florentino, cui vestri episcopi, vester patriarcha, et imperator interfuit et assensus est, definita sunt quæcumque inter vos ac nos erant controversa, defuncto imperatore illo et patriarchâ, qui nobiscum sentiebant, cùm vos et qui successit imperator, concilii Florentini scita respueritis, capta est Constantinopolis, omnia vestra in Turcarum manus venerunt? et nunc nihil vestrum: loco namque servorum vos habent Turcæ. Liberos suscipitis non Christo, sed quo maximè dolemus, spurcissimo Mahometo. Nam qui sunt è filiis vestris generosiores, et liberali specie, eripiuntur vobis à Turcis, Mahometo nomen dare coguntur, ad nefandissimos, pro scelus! proh dolor! præpostere libidinis usus includuntur. Hem qui hæresum finis! Quis à fletu se continet? At si, ô quicumque è Græciis à nobis discessistis, vestra esset Ecclesia Dei, necesse erat hæc vobis haud evenire, quin longè alium sortiri eventum, ut ex oraculis divinis supra à nobis est conclusum; necesse erat quòd majoribus angustiis opprimebamini, eò resurgere illustriores; sic enim contigit semper Ecclesiæ Dei, ut abundè ostendimus alio loco.

Sed hic non omitamus illud, Græcos aliquos adeò à catholicâ Ecclesiâ alienos, ut quamvis pareant subsintque Catholicis, tamen impias opiniones abnegare nullo modo velint. Cyprus, Creta, Zacynthus, Cephalænsulæ, sunt adeò tenaces hæresum Græcanicarum, ut vitam potius hominibus illis eripias, quàm conceptam sententiam deponere velint. Cùm que superioribus annis archiepiscopus Cyri Philippus Mocenicus, vir magnæ doctrinæ et

integritatis, vellet hæreses ex insulâ illâ extirpare, opposuere se illi Græci, adeo ut necesse habuerit ipse Venetus patricius illinc emigrare. Testatur hoc ipse in Epistolâ quam præfixit operi suo de philosophicis Rebus. Paulò post insula à Turcis est occupata. Marcus Antonius Caucus archiepiscopus Corcyræ testatur idem in Epistolâ quam præposuit Gennadii libris. Hæc Bozius.

Sed ne casu id accidisse Græci sibi persuadeant, videant antea hujusmodi eventus divinitus tam à summis pontificibus, quam ab aliis Ecclesiæ Romanæ filiis prævisos, prænuntiatosque fuisse. Inprimis cum patriarcha Anatholius in synodo Chalcedonensi procurasset sedem Constantinopolitanam præferri Alexandriæ et Antiochenæ: quinimò ordinationem sibi tunc Antiocheni arrogassent inconsulto pontifice Romano, Leo Magnus exclamans adversus hujusmodi superbiam, clarissimè literis suis prædicit futurum, ut sedes illa ob hanc elationem divinitus deprimeretur, incurreretque in apertas ruinas. Idem prænuntiavit literis suis Gregorius Magnus, cum patriarcha Joannes sibi nomen *universalis* assumpsisset. At Nicolaus Magnus, cum Photius ausus esset illi cum Græcis obistere in causâ Ignatii, et ob id à communione eos repulisset, in Epistolâ ad imperatorem Michaellem prædixit fore, ut Græci fierent captivi in omnes gentes tanquam Judæi. Adnotavit hoc etiam Gennadius patriarcha Constantinopolitanus, qui adjicit adhuc aliud multò magis mirum. Verba illius, quibus alloquitur Græcos, apponam.

Sed quod evenit, inquit Gennadius, nostrâ memoriâ, nunc sub Nicolao V, pontifice maximo, cum legati à Constantino imperatore, qui vocabatur Dragates, ad eum missi adhuc supersint, quibus literas dedit plenas timoris et horroris, ubi apertè cum execratione vaticinatur excidium et interuersionem extremam infelicitum Græcorum. In quibus post alia multa (cum convicia et probra rescisset, quæ à Græcis quotidie impudentissimè jactabantur) et hoc dicit: « Omnes gentes decretum quod sanctum est, receperunt; Græci neque receperunt, neque spes est eos unquam recepturos, quæ super concordia et conjunctione decreta sunt. Procrastinationes enim procrastinationibus semper ab eis prætextantur, excusationes, et responiones in singulis. Neque verò Græci arbitrentur Romanum pontificem ita esse mente destitutum, omnemque Occi-

dentalem Ecclesiam, ut non intelligant quæ in singulis dilatationibus respondendo nugantur. Optimè cuncta novimus. Sed toleramus, in Jesum respicientes sempiternum sacerdotem et Dominum, qui sterilem illam fœcum usque ad annum tertium jussit asservari, agricolâ jam ad excidendam arborem se accingente, quia nullum fructum ferebat. O magnam calamitatis ruinam! » Anno 1451 hanc conscripsit Epistolam, et 1453 capta est Constantinopolis. Num potestis dicere hæc vera non esse? minime gentium, cum id sit manifestum, et res ipsa apertè loquatur. « Tres, inquit, annos expectabimus, si vos forsân à schismate et separatione converteritis, et vos verè decreto adjunxeritis, secundum Salvatoris de fœcu præceptum. Sin minùs excindemini, ne terram otiosam et inutilem reddatis. Hoc miraculorum miraculum maximum, quod, ut in Epistolâ ipsâ scribit Nicolaus papa, Græcorum gens illa magna et formidabilis, sapiens, clara, fortis, terrarum domina, ob divinam ultionem in barbarorum servitatem abducta est. Hæc narranti mihi subit lamentari et deplorare excidium gentis nostræ. » Hucusque Gennadius patriarcha Constantinopolitanus, adversus suos gentiles Græcos, recitans oraculum apertissimum à Nicolao V prolatum, et eventu comprobatum, ipso temporis spatio, quod prænuntiavit.

Id etiam accidit Græcis, ut quando dissidebant à nobis in processione Spiritus sancti, an esset à Filio et Patre, ipso die secundo Pentecostes, qui Filio est sacer, Constantinopolis caperetur: divino scilicet Spiritu ipsorum obstinatos animos puniente, et eos omninò derelinquente. Quarto namque kalen. Junii anno 1453, feriâ secundâ, Constantinopolis est expugnata. Rursus aliud longè mirabilius observandum. Græci nos excommunicârunt, et pro hæreticis omninò duxerunt, Michaelle sedente circiter annum 1053, ut ostendimus supra; et post annos quadringentos Constantinopolis capta, anno scilicet ut supra. At hic numerus criminum expiationi remissionique datur, ut sciamus ideò Græcos in servitatem divinitus Turcis datos, quòd crimen adversus Ecclesiam catholicam patratum non expiârunt, intra delinitum à divinis Scripturis tempus.

Brigitta femina sanctissima, et Suecica, fuit iis temporibus quibus episcopi Romani Avenione morabantur. Ea cum religionis causâ Jerusalem petiisset, et in Cypro mora-

reſtar, ſic audiit Chriſtum loquentem, et ut audiit monumentis mandavit : « Græci qui ſciant, quòd omnes Chriſtianos tenere oportet unam tantùm fidem chriſtianam catholicam, et uni tantummodò ſubſeſſe Eccleſiæ, ſcilicet Romanæ; unumque ſolum vicarium generalem meum in mundo, videlicet Romanum ſummum pontificem, ſupra ſe ſpiritualmente habere pastorem; et tamen nolunt ſe eidem Eccleſiæ Romanæ, et vicario meo ſpiritualmente ſubjicere, et humiliter ſubjugare, propter eorum pertinacem ſuperbiam et propter cupiditatem, vel carnis petulantiam, ſive propter aliquid aliud quod ad mundum pertinet, indigni ſunt poſt mortem veniam à me et miſericordiam obtinere. Alii verò Græci, qui deſideranter vellent, ſed ſcire non poſſunt fidem catholicam Romanam, et tamen ſi ſcirent et poſſent, eam devotè recipere, et Romanæ Eccleſiæ humiliter ſe ſubjugarent, et nihilominus ſecundùm ipſorum conſcientiam, in ſtatu et fide ſua, quæ ſunt, abſtinent à peccando, et piè vivunt, iſtis talibus poſt ipſorum mortem in ſuppliciis miſericordia mea debetur, quando ipſi ad iudicium meum vocati fuerint. Sciant etiam Græci, quòd eorum imperia, et regna, ſive domina, nunquàm ſtabunt ſecura, neque in pace tranquilla, ſed inimicis ſuis ſemper ſubjecti erunt, à quibus ſuſtinebunt graviffima damna, et miſerias diuturnas, donec ipſi cum verà humilitate et charitate, Eccleſiæ et fidei Romanæ ſe ſubjecerint. » Hæc Brigitta de Græcis : quibus, an evenerint quæ prædixit, utinam Græci maximo ſuo malo non experirentur!

Advertant ergo Græci miſerabilem calamitatem, in quâ à tot ſeculis afflictæ contritque ſunt à Mahometanorum ducibus, tranſactis que jam tot annis, eodem nunc in ſtatu, et fortasſis pejori ac miſerabiliſſiori permanent, quaſi à Deo reprobatæ et abjectæ, non ſecus ac Judæorum populus. Quare niſi ad matris ubera, Eccleſiæ nimirùm Romanæ, revertantur, merito timendum, nullum ſuarum calamitatum, ſicut neque et Judæorum, ſperandum terminum; et quemadmodùm calamitates temporaneæ juſtis, virtutis explorandæ cauſa, ac ob emendationem vitæ, à Deo immitti ſolent, ita ſpirituales miſeriæ, quales ſunt à nobis relatae, magnam ſpiritualium bonorum jacturam præ ſe ferunt, nec tam ad probandam virtutem, quàm ad puniendam præterita præſentiaque ſcelera Deus illas infligit.

Ac denique hiſ Græcorum calamitatibus finem imponam, adducens verba Leonardi Echiensis, theologi Græci ac episcopi Mytleni, qui in libro de Captivitate Conſtantinopolis, ubi ipſe cum aliis captus fuit, Græcorum cæcitatem dolens, ita eos alloquitur : « Heu! quæ ſpes in populo duro, gravi iniquitate, qui tot annis ſine vitâ ſpirituâli abſciſſus à capite permanebat? Quomodò non deſperati, quomodò non abjecti à Deo, qui tantis diſſimilitudinibus, tantis fictionibus, tantis ſeiſuris ab Eccleſiâ elongati Romanâ, in cordis duriâ permanserunt? Etenim jam captivati urbe, templis, auro, laribusque propulſi, in Latinos retorquent offenſam, aſſeverant : « Quoniam unionem, inquit, fecimus, ſummoque pontifici communicationem dedimus, meritò indignatum Deum. » O pertinaces homines! inquo. Si malum eſt hoc, priſci Baſilius, Athanaſius, Cyrillus, cæterique Patres, quos præcipuo ſanctitatis honore præfertis, mali cenſendi ſunt, quòd ſanctam, unam, eandemque fidem cum Romanâ Eccleſiâ omnium Chriſtianorum magiſtrâ coluerunt? Non hæc cauſa eſt, quòd unionem, ſed quoniam unionem non veram, ſed fictam feciſtis : hæc de re meritò indignatum Deum, hæc de re juſtâ animadverſione in hoſtium manibus vos eſſe deductos. An non ſponſionem de unionem ſancto jramento apud Florentinam ſynodum conſcriptam violatiſti? obedientiam declinaſtiſti? ſententiam decreti occultatiſti? An non ſummi Dei nuntii, o Græci, veſtram perditionem jugiter prædixerunt? qui aures, ut aſpis, impiè obduraſtiſti, et ſanctam Eccleſiam catholicam, matrem Fidelium obauditiſti? Flete miſerias veſtras, arguite voſmetipſos, et non alios contemnetis. Mos obſinatorum hic eſt, ſanctos aſpernari Dei nuntios, uti Sedecias, cæterique Judæi in Babyloniam traducti, Jeremiam direptionem captivitatemque Hieroſolymorum prædicentem contempſerunt. »

#### ARTICULUS VI.

*De communicatione Latinorum cum Græcis, ex bullâ INNOCENTII IV. pontificis maximi.*

Innocentii papæ IV bulla, ſeu litteræ ad episcopum Tuſculanum, Apoſtolicæ ſedis legatum in regno Cypri, quæ extant in ejus Registro bullarum, pontificatûs ſui anno 11, apud bibliothecam Vaticanam, ſuper ritibus Græcorum, qui tolerari vel non tolerari poſſunt.

« **INNOCENTIUS IV.**, *episcopo Tuscolano Apostolicæ sedis legato.* — Sub catholicâ professione fidei, atque cultu consistere ac proficere universos, cæteris nostræ mentis desiderabilibus præferentes, illud tanquàm acceptabilis pleniori desiderio cupimus, et ad hoc vultu operativum salutis præcipuum intimis affectibus anxius aspiramus. Hæc, inquam, unio, sive connexio, cordi nostro inestimabilis gaudii rorem infunderet, si varias gentium nationes ejusdem observantiæ fidei in unum acceptabilem in Christo populum adunaret. Id utique anxie nostræ mentis ardorem affluentis lætitiæ refrigeraret irriguo, si omnes quos olim in unum catholicum gregem ovile collegit Domini, cum multi ab eo discesserint, in idem individuum collegium unius pastoris solidaret magisterium, et custodiâ communiret. O si Orientalibus Oriens ex alto luceret, et sui luminis illustratione ipsos ad catholicam reduceret unitatem, ut cum reliquis orthodoxis in unius aulae collecti gremio, de matris Ecclesiæ ubere fluente doctrinæ salutaris haurirent; tunc ipsi Ecclesiæ proveniret magnum et desiderabile salutem; tunc ejus uterus sobole geminatâ concresceret; tunc Orientalibus oriretur superna illuminationis aurora; tunc eis claresceret lucifer veritatis; tunc per universam Ecclesiam inundantis gaudii erumperet plenitudo; tunc exultatione nimia claresceret totus orbis, quia valdè bonum et jucundum existeret fratres simul in domo Domini habitare; tunc eadem Ecclesia multiplicatâ novæ jucunditatis canticum personaret.

« Verùm, quia nonnulli Græcorum jamdudam ad devotionem sedis Apostolicæ redeuntes ei reverenter obediunt et intendunt, licet expediat ut mores ac ritus eorum, quantum cum Deo possumus, tolerantibus, ipsos in Ecclesiæ Romanæ obedientiâ præservemus: quanquàm in his quæ animarum periculum pararent, vel honestati ecclesiasticæ derogarent, nec debeamus illis deferre aliquatenus, nec velimus.

« Sanè inter venerabilem fratrem nostrum archiepiscopum Nicosiensem, et ejus suffraganeos Latinos ex parte unâ, et episcopos Græcos regni Cypri ex alterâ, de quibusdam certis articulis discordiam et turbationem fore subortam, et eorundem tenorem articulorum, ac responsiones ipsorum Græcorum ad illos, nobis, ut melius possemus instrui super eis, plenè ac providè per tuas litteras inti-

nâsti, sollicitè requirendo, ut providere super hoc apostolicè diligentia curaremus. Nos autem litteris ipsis affectuosè receptis, earum seriem, et ipsos articulos ac responsiones easdem et cætera quæ continebantur in illis, unâ cum fratribus nostris perlegimus, intelleximus prudentiam tuam, multipliciter in Domino commendantes, et meditantes ac deliberantes super his, prout rei qualitas exigebat.

« Circa hæc itaque sic deliberatio nostra resedit; 1<sup>o</sup> ut Græci ejusdem regni in unctionibus, quæ circa baptismum sunt, morem Ecclesiæ Romanæ teneant, et observent. 2<sup>o</sup> Ritus verò, seu consuetudo, quam habere dicuntur ungiendi per totum baptizandum corpora, si tolli sine scandalo vel removeri non potest, cum sive fiat, sive non, quantum ad baptismi efficaciam, vel effectum non multum referat, toleretur. 3<sup>o</sup> Nec refert etiam utrum in frigidâ, vel calidâ aquâ baptizent, cum parem vim et effectum in utraqûe baptismum habere, asseverare dicantur. 4<sup>o</sup> Soli autem episcopi consignent chrisma in frontibus baptizatos, quia hujus unctio non debet nisi per episcopos exhiberi, quoniam soli Apostoli, quorum vices gerunt episcopi, per manus impositionem, quam Confirmatio, vel frontis chrismatio repræsentat, Spiritum sanctum tribuisse leguntur.

« 5<sup>o</sup> Singuli quoque episcopi in suis Ecclesiis in die Cœnæ Domini possunt secundum formam Ecclesiæ chrisma conficere ex balsamo quidem et oleo olivarum. Nam Spiritus sancti donum in chrismati unctione confertur, et columba utique, quæ ipsum designat Spiritum, olivæ ramum ad arcam legitur retulisse. Sed si suum antiquum ritum in hoc Græci potius servare voluerint, videlicet quod patriarcha unâ cum archiepiscopis et episcopis ejus suffraganeis, et archiepiscopi cum suffraganeis suis simul chrisma conficiant, in tali eorum consuetudine tolerantur. 6<sup>o</sup> Nullis autem per sacerdotes, vel confessores pro satisfactione penitentiae unctio aliqua solummodò injungatur. Infirmis verò, juxta verbum Jacobi Apostoli, unctio exhibeatur extrema.

« 7<sup>o</sup> Porrò in appositione aquæ, sive frigidæ, sive calidæ, vel tepidæ, in altaris sacrificio, suam, si velint, consuetudinem Græci sequantur, dummodò credant et asserant quod servatâ canonis formâ, conficiatur pariter de utraqûe. Sed Eucharistiam in die Cœnæ Domini consecratam usque ad annum, prætextu infir-



morum, ut de illâ videlicet ipsos communicent, non reservent, liceat tamen eis pro infirmis ipsis corpus Christi conficere, ac per quindecim dies, et non longiori temporis spatio, conservare, ne per diutinam ipsorum reservationem, alteratis forsitan speciebus, reddatur minus habite ad sumendum, hæc veritas et efficacia semper eadem omninò remaneat, nec ulla unquam diuturnitate seu volubilitate temporis evanescat.

« 8° In celebratione verò solemni, et aliarum missarum, et de horâ celebrandi eas, dummodò in confectione, vel consecratione formam verborum à Domino expressam et traditam observet, et celebrando non transgrediantur horam nonam, suam sequi consuetudinem permittantur. 9° Sacerdotes autem dicant horas canonicas more suo, sed Missam celebrare, priusquam officium matutinale compleverint, non præsumant.

« 10° Promovendi verò ad sacerdotium et presbyteri, qui præficiendi fuerint Ecclesiarum regimini, examinentur antea diligenter, si præcipuè de horis canonicis, et Missarum officii secundum distinctionem temporum exsequendis, sint sufficienter instructi, ut ad hæc non nisi digni et idonei admittantur. 11° Cæterum unusquisque sacerdos in aureo, vel argenteo solum, aut saltem stanneo calice sacrificet, habens corporale de lino candidum et nitidum, et altare mundis vestimentis operum, vel decentibus paramentis. 12° Mulieres autem servire ad altare non audeant, sed ab illius ministerio repellantur omninò.

« 13° De jejuniis verò diei sabbati quadragesimali tempore, quanquam honestius et salubrius Græci agerent, si sic toto illo tempore abstinerent ut nec unico die institutum jejunium violarent, teneant et servent pro libito morem suum. 14° Sacerdotes quoque conjugati, et alii quibus parochiarum cura, vel Ecclesiarum parochialium regimen per episcopos suos committitur, licitè ac liberè possint parochianorum suorum confessiones audire, ipsique pœnitentiam injungere pro peccatis, quia cui licet vel conceditur quod est majus, competit nimirum nec negari convenit, quod est minus; liberum tamen sit ipsis episcopis viros alios idoneos coadjutores et cooperatores habere in audiendis confessionibus, et pœnitentiis injungendis, ac cæteris quæ ad salutem pertinent animarum. 15° Ipsi quoque in his per eorum dioceses absque sacerdotum ipsorum præjudicio, et gravamine committere

vices suas, cum propter occupationes multiples et occasiones varias possit contingere, quòd nequeant per eandem dioceses officium suum exsequi per seipsos.

« 16° De fornicatione autem, quam solutus cum solutâ committit, quin sit mortale peccatum, non est aliquatenus ambigendum, cum tam fornicarios quam adulteros à regno Dei Apostolus asserat alienos.

« 17° Ad hæc volumus et expressè præcipimus, quòd episcopi Græci septem ordines, secundum morem Ecclesiæ Romanæ, de cætero conferant: cum hucusque tres de minoribus circa ordinandos neglexisse vel prætermisisse dicantur. Illi tamen, qui jam sunt taliter ordinati per eos, propter nimiam ipsorum multitudinem in sic susceptis ordinibus tolerantur.

« 18° Quia verò secundum Apostolum mulier mortuo viro ab ipsis est lege soluta, ut nubendi cui vult in Domino liberam habeat facultatem, secundas et tertias, ac posteriores etiam nuptias Græci non reprehendant aliquatenus, nec condemnent, sed potius illas approbent inter personas quæ aliàs licitè ad invicem matrimonio jungi possunt. 19° Secundò tamen nubentes presbyteri nullatenus benedicant. 20° Et quoniam apud eos consueverunt contrahi matrimonia inter personas contingentes se, juxta eorum computationem, octavo gradu, qui secundum computationem et distinctionem graduum, quam nos facimus apud nos, quartus habetur, ne id præsumatur deinceps, firmiter prohibemus, distinctè præcipientes, ut cum in ulterioribus gradibus licitè matrimonia contrahantur, in prædicto quarto consanguinitatis vel affinitatis gradu copulari ulterius non præsumant, statutum in hoc generalis concilii observantes. Illos tamen, qui jam in gradu hujusmodi contraxerunt, dispensativè permittimus in sic contracto matrimonio remanere.

« 21° Denique cum veritas in Evangelio asserat, quòd si quis in Spiritum sanctum blasphemiam dixerit, neque in hoc seculo, neque in futuro dimittetur ei, per quod datur intelligi, quasdam culpas in præsentem, quasdam verò in futuro posse seculo relaxari; et Apostolus dicat, quòd unusquisque opus quale sit ignis probabit, et ejus opus arserit, detrimentum patietur, ipse autem salvus erit, sic tamen quasi per ignem, et ipsi Græci verè ac indubitanter credere ac affirmare dicantur, animas illorum qui, susceptâ pœnitentiâ, ea

non peractâ, vel qui sine mortali peccato cum venialibus tamen et minutis decedunt, purgari post mortem, et posse suffragiis Ecclesie adjuvari. Nos, quia locum purgationis hujusmodi dicunt non fuisse sibi ab eorum doctoribus certo et proprio nomine indicatum, illum quidem juxta traditiones et auctoritates sanctorum Patrum *Purgatorium* nominantes, volumus, quod de cætero apud istos isto nomine appelletur; illo enim transitorio igne peccata utique, non tamen criminalia seu capitalia, quæ prius per penitentiam non fuere remissa, sed parva et minuta purgantur, quæ post mortem etiam gravant, si in vitâ non fuerint relaxata. 22° Si quis autem absque penitentia in peccato mortali decedit, hic procul dubio æternæ gehennæ ardoribus perpetuò cruciatur. 23° Animæ verò parvulorum post baptismi lavacrum, et adultorum etiam in charitate decedentium, qui nec peccato nec ad satisfactionem aliquam pro ipso tenentur, ad patriam protinus transvolant sempiternam.

24° Ordinationes demùm, et instituta regularia sanctorum Patrum de vitâ et statu monachorum præcipimus ab sabbatibus et monachis Græcis inviolabiliter observari. Fratritatem itaque tuam hortamur attentè per apostolica tibi scripta mandantes, quatenus præmissa omnia episcopis Græcis præfati regni seriatim et diligenter exponi facias, districtè ipsis injungens, ut ea sollicitè attendere, studiosè tenere ac efficaciter procurent, et à suis faciant subditis observari. Memoratis autem archiepiscopo Nicosiensi et ejus suffraganeis Latinis firmiter auctoritate nostrâ præcipias, ut eosdem Græcos super præmissis contra hujusmodi provisionem et deliberationem nostram non inquietent aliquatenus nec molestant. Contradictores eisdem auctoritate appellatione postpositâ compescendo, non obstantibus, si præfatis archiepiscopo et suffraganeis, vel quibuscumque aliis à sede Apostolicâ sit indultum, quod interdici, suspendi, vel excommunicari non possint, per litteras apostolicas, plenam et expressam, ac de verbo ad verbum non facientes de indulto hujusmodi mentionem. Datum Lateran. 2 nonas martii anno 11.

#### ARTICULUS VII.

*De communicatione Latinorum cum Græcis, ex bullâ Clementis P. VIII.*

« Clemens VIII, pontifex maximus, quo studio erga universam Ecclesiam, et præcipuè

erga Græcos ferebatur, ne qua Deo in administrandis sacramentis injuria fieret, ipsi autem Græci salutem inde consequerentur, per brevem Bullam ad Latinos episcopos, in quorum diocesisibus Græco ritu viventes degant, evulgari jussit, cujus summam affert Possevinus, tomo 4 Appar. Sacr. in addit. verb. *Græci*.

« Presbyteri Græci baptizatos chrismate in fronte non consignent, et idè ab ipsis in ordine baptismi apud eorum Euchologium prætermittantur, quæ sequuntur post illa verba: Καὶ παρὰ τὴν εὐχὴν, etc., usque ibi: Ἐἴτα ἐπιθεῖ τὸ ἱερόν; σὺ δὲνα κρόνον, hoc est: *Et post orationem, etc.* (ubi habetur forma hujus consignationis), usque ad verba: *Postea facit sacerdos figuram circuli, etc.*

« Episcopi Latini infantes seu alios baptizatos à presbyteris Græcis de facto chrismate in fronte consignatos confirmant, et tutius videtur, ut cum cautè, et sub conditione id faciant (videlicet: N., si es confirmatus, ego te non confirmo; sed si non es confirmatus, ego te signo te signo crucis, et confirmo te chrismate salutis, in nomine Patris, et Filii et Spiritûs sancti), præsertim verò cum verisimiliter dubitari potest quòd ab episcopis Græcis fuerint baptizati.

« Sanctissimum Eucharistiæ sacramentum, quod pro infirmis asservatur, singulis octo diebus, vel saltem quindecim reservertur. Non asservatur idem sacramentum toto anno; si tamen asservatum fuerit, saltem in fine anni sumatur.

« Tollatur abusus tundendi, vel etiam miscendi sacro oleo, ac iterùm coquendi, vel alias exsiccandi species sacramenti sacre Eucharistiæ, feriâ quintâ Cœnæ Domini, ut deinde illud asservent. Si Græci velint accipere altaria portatilia ab episcopis Latinis consecrata, benè erit; sin minùs, tolerantur eorum thioni, sive throni, super altaria lapidea ponendi cum celebrent. Corporalia uti Latini habeant, nisi thionis etiam pro corporalibus utantur.

« In casu necessitatis presbyteri Græci catholici possint Latinos absolvere. Utantur formâ absolutionis in generali concilio Florentino præscriptâ, et postea, si voluerint, dicant orationem illam deprecativam, quam pro formâ hujusmodi absolutionis dicere tantum consueverunt. Tollendus abusus, ubi est, ut vir atque uxor simul et eodem tempore eidem presbytero confitentur.

« Aqua ex ritu Græco in die Epiphaniæ vel primo die mensis benedicta conservetur in Ecclesiâ, ut illâ fideles aspergantur. Non sunt cogendi presbyteri Græci olea sancta, præter chrisma, ab episcopis Latinis diocesanis accipere, cum hujusmodi olea ab eis in ipsâ eleorum et sacramentorum exhibitione ex veteri ritu conficiantur, seu benedicantur. Chrisma autem, quod non nisi ab episcopo, etiam juxta eorum ritum, benedici potest, cogantur accipere. Prohibeantur verò ab episcopis Græcis externis, schismaticis, seu sanctæ Romanæ Ecclesiæ communionem non habentibus, illud accipere, vel eo uti.

« Ordinati ab episcopis schismaticis, aliâs ritè ordinatis, servatâ debitâ formâ, recipiunt quidem ordinem, sed non executionem. Proinde ipsi ordinati ab episcopis schismaticis, correcti vel emendati, reconciliandi sunt et absolvendi cum pœnitentiis salutaribus, dummodò errores, vel saltem schisma ordinatoris abjurent in judicio, vel publicè, vel secretò, pro qualitate facti. In ordinibus autem per eos aliâs ritè susceptis, ministrare non permittuntur, nisi cum ipsis super irregularitate hujusmodi occasione contractâ, auctoritate S. Sedis Apostolicæ fuerit dispensatum. Non sunt admittendi episcopi schismatici, sive pro ordinibus, sive pro aliis sacramentis conferendis, sed detinendi, quoad sancta sedes Apostolica desuper consulatur, et responsum habeatur. Græci sine litteris dimissoriis episcopi Latini diocesanæ ab sacros ordines promoti, suspensi sunt, et si suspensi in suis ordinibus ministraverint, efficiuntur irregulares, sicut et Latini. Super hujusmodi autem et similibus irregularitatibus dispensandi facultatem à sanctâ sede Apostolicâ obtineri oportet. Si episcopus Latinus Græcum aliquem ordinare voluerit, qui à presbytero Græco in baptismo chrismate in fronte facto fuerit consignatus, debet illum antea confirmare, saltem sub conditione, videlicet: N., *si es confirmatus*, etc., ut supra. Presbyteri vidui, seu uxoriibus orbatî, habitum ferant diversum ab aliis. Curent ordinarii locorum, ut decretum sacri generalis concilii Tridentini de reformatione matrimonii vertatur in linguam Græcam vulgarem, et in locis et parochiis Græcorum et Albanensium evulgetur et publicetur.

« Matrimonia inter conjuges Græcos dirimi, seu divortia, quoad vinculum, fieri nullo modo permittant, aut patiantur, et si qua de facto processerunt, nulla et irrita declarent. Mari-

tus Latinus uxoris Græcæ ritum non sequatur. Latina uxor non sequatur ritum mariti Græci. Græca verò uxor sequatur ritum mariti Latini. Quòd si id fieri non possit, quisque conjugum in suo ritu, catholico tamen, manere permittatur. Proles sequatur patris ritum, nisi prævaluerit mater Latina.

« Presbyter Græcus conjugatus ante sacrum sacrificium, seu sanctam Missam celebrandam, vel per hebdomadam et per triduum abstineat ab uxore.

#### *Circa alia dogmata Græcorum.*

« Græci credere tenentur, etiam à Filio Spiritum sanctum procedere, sed non tenentur pronuntiare, nisi subesset scandalum, præsertim si degant inter Latinos, aut necessitas postularet confitendi fidem catholicam, quia tunc oportet etiam pronuntiare.

« Nunquam monachis Græcis, seu Calogeris animarum cura committatur, nisi ex necessitate, vel aliâ justâ causâ. Presbyteri seculares Græci, abjuratis schismate et erroribus, atque in fide catholicâ benè instructi, in parochialibus seu curatis Ecclesiis Græcorum institui possunt.

« Tolerandus est apud Græcos usus carniæ die sabbati, ubi sine scandalo fieri potest: in locis tamen ipsorum, et inter eos tantum. Item tolerandus est, ut ad jejunium eodem die sabbati in Quadragesimâ, excepto uno sabbato sancto, ex antiquâ traditione non teneantur, sed duntaxat ad abstinentiam. In jejniis bi-duanis, vel triduanis, vel aliâs à diocesanis vel Jubilæis à summo Romano pontifice indicatis, dies sabbati in eis comprehensus, vel præscriptus, in alium diem pro plebibus Græcis, ab ipsis diocesanis apostolicâ auctoritate sanctissimi domini nostri Clementis divinâ providentiâ papæ VIII, permittitur commutari. Si ipsi Græci ad observationem jejuniorum et vigiliarum Latinæ Ecclesiæ induci possent, optimum esset; sed non cogantur, cum ipsi quilibet hebdomadâ, et feriâ quartâ, et feriâ sextâ jejunent. Græci existentes inter Latinos, dies festos de præcepto ejusdem Ecclesiæ Latinæ servare tenentur.

« Insuper idem sanctissimus dominus noster constituit Romæ habendum esse episcopum Græcum catholicum, qui Græcos episcopus Latinis Italiæ et insularum adjacentium subjectos, ab episcopo Græco ordinari volentes, cum illorum dimissoriis, ad id tantum concedendis, ritu Græco ordinet. Item mandavit ut ad majorem instructionem dominorum

episcoporum Latinorum, imprimantur cum hac ipsâ Decretales, seu litteræ quædam apostolicæ ad Græcorum ritus pertinentes, ac etiam professio orthodoxæ fidei à Græcis, qui ad unitatem sanctæ Romanæ Ecclesiæ veniunt, faciendâ.

Ita Sanctitas sua ex sententiâ Congregationis super reformatione Græcorum, decrevit et declaravit, ac fieri mandavit Romæ in palatio montis Quirinalis apud Sanctum Marcum, die 31 mensis augusti, anno Dom. 1595, pontific. sui anno quarto.

#### ARTICULUS VIII.

*In quibus præterea aliis casibus liceat Latinis communicare cum Græcis*

Constat ex supradictis, omnes schismaticos adstrictos esse majoris excommunicationis vinculo: hæc autem excommunicatio lata non erat contra schismaticos aliquo jure antiquo, ut optimè observat abbas in Rub. de Schismaticis, n. 2. Alii verò contendunt schismaticos etiam olim fuisse jure communi excommunicatos; nam c. 1 et 2 de Schismaticis, præcipiunt vitari schismatici. Cæterùm quidquid sit hæc de re, hodiè omnes schismatici constitutione pontificiâ, quæ in Cœnâ Domini promulgatur, sunt majoris excommunicationis poenâ ligati.

Quare primum dubium est, an schismaticus sit in universum vitandus à nobis præsertim in divinis, scilicet in sacramentis recipiendis et aliis ministeriis divinis exercendis. — Respondeo schismaticos, eo ipso quo excommunicati sunt, non esse nobis vitandos, quia ob constitutionem in concilio Constantiensi à Martino V editam, usu jam receptum est, duo tantum excommunicatorum genera esse vitanda, nempe nominatim excommunicatum, et notorium clerici percussorem; quare cum schismaticis, qui non sunt publicè et nominatim excommunicati, licet communicare, non secus ac si non essent excommunicati, tam in humanis, quàm divinis rebus, ut latius infra dicemus, cum de communicatione cum hæreticis agemus: quæ omnia procedunt etiam à fortiori in schismaticis. Ex quo inferitur, Catholicum posse interesse Missæ sacrificiis, quæ faciunt et offerunt Græci, Armeni, Rutheni et alii schismatici, et præceptum divinum de audiendâ Missâ adimplere prædictorum Missam audientem. Ita apertè colligitur ex dictis, et docet Azorius tomo 1, l. 1 Instit. Moral., cap. 5. Et ratio, quia ritus etiam Græcanici

in se divini et sacrificiis faciendis sunt catholici, à sanctis Patribus traditi, Basilio nempe, Chrysostomo et aliis, et proinde qui Græcanica sacra audiunt, suo officio et Ecclesiæ præcepto satisfaciunt. Nam Græci legitimo suo more et instituto sacris operantur, et Ecclesiæ præceptum non est, ut rem divinam audiamus hoc vel illo ritu, sed simpliciter, ut diebus dominicis et festis rem sacram audiamus; et cum ex alterâ parte non teneamur vitare schismaticos, nisi nominatim sint excommunicati, aut aliàs scandalum oriatur, fit, virum Latinum posse interesse sacrificiis Græcorum et schismaticorum.

Sed major difficultas est, an à sacerdote vel episcopo schismatico possit quis Sacramenta recipere. Pro parte affirmativâ facit extravagans Martini V, *Ad evitanda*, quæ sine ullo discrimine excommunicatos non denuntiatos docet non esse vitandos, ac si excommunicati non essent; idque plures auctores infra adducendi, ubi de hæreticorum communicatione agemus, tradunt. Pro contrariâ verò parte facit, quòd isti schismatici, in quantum excommunicati nominatim, non sint vitandi, in quantum schismatici sunt separati à communicatione, à jure canonico, et privati jurisdictione, ut constat ex c. 1 et 2 de Schismaticis, et c. Ordin. 9, q. 1. Secundò, quia apertè Clemens papa VIII, in bullâ citatâ oppositam docet sententiam: Ordinati, inquit, ab episcopis schismaticis, aliàs ritè ordinatis, servatâ debitâ formâ, recipiunt quidem ordinem, sed non executionem; et insuper prohibentur in prædictis ordinibus ministrare, sine dispensatione sedis Apostolicæ. Nec erit sufficiens solutio, si quis dicat loqui hæc de ordinato, qui non sit subditus episcopi: nam illa verba (aliàs ritè ordinatis) hoc etiam includunt. Et confirmatur, quia in eadem bullâ de sacramento poenitentiae dicitur, in casu necessitatis presbyteros Græcos catholicos posse Latinos absolvere, ubi per particulam illam, *catholicos*, schismatici videntur excludi, etiam in casu necessitatis, quia eo ipso quòd schismatici sunt, carent jurisdictione, ut infra latius dicemus de hæreticis. Quæ sunt notanda pro hac difficultate, quia quantum ad hoc, schismatici et hæretici eadem ferè est ratio; unde ex illo loco petenda est hujus dubii solutio.

Secundum dubium, an sacerdos Græcus agens inter Latinos, teneatur se tam Latinorum ritui, quàm propriæ consuetudini conformare, et è contra, de Latino inter Græcos.

--Respondeo : Siloquamus de ritu tam in celebratione Missarum, quam in aliis divinis officiiis, Pius V prohibuit, ne sacerdos Græcus Latino ritu, neque è contra Latinus ritu Græco celebrarent : imò et concilium Florentinum in litteris unionis simpliciter dicit unumquemque sacerdotem debere conficere in fermentato vel azymo juxta suæ Ecclesiæ consuetudinem. Hoc tamen existimo accipiendum de sacerdotibus Latinis et Græcis, quando in eodem territorio sunt conjuncti, vel de sacerdotibus Græcis per Latinam Ecclesiam peregrinantibus, vel de Latinis per Græciam iter facientibus. Si tamen domicilium habeant, vel Latini inter Græcos, vel Græci inter Latinos, tunc meritiò potest esse quæstio an teneantur se conformare ritui Ecclesiæ illius in quâ habent domicilium, quia qui habet domicilium in Ecclesiâ Græcâ, censetur jam Græcus, et è contra Græcus in Ecclesiâ Latinâ. Præterea in c. *Ille*, d. 12, dicitur teneri unumquemque se conformare consuetudini Ecclesiæ in quâ actu existit. His rationibus motus pater Suarez, 3 tomo, disp. 44, sect. 3, tenet partem affirmativam; sed contraria sententia probabilior videtur. Nam concilium Florent. et bulla Pii V absolutè præcipit unicuique sacerdotum Græcorum et Latinorum, servare propriæ Ecclesiæ ritum sine ullâ limitatione, et ob id non tenetur se conformare, quantum ad ritum Ecclesiæ illius, in quâ actu habitat; in aliis verò tenetur consuetudines et præcepta Ecclesiæ observare.

Ex quibus primò collige, sacerdotem Latinum degentem inter Armenos, Abyssinos vel alios schismaticos, quorum ritus in celebrando sit approbatus ab Ecclesiâ, posse se illorum ritui conformare, maxime quando habet domicilium, quia concil. Florent. et bulla Pii V solum loquuntur de sacerdote Græco inter Latinos, et de Latino inter Græcos. Et ita non debent extendi ad alias nationes. — Secundò inferitur, seculares domicilium habentes in Ecclesiâ Græcâ, vel aliâ schismaticorum, quales sunt nunc Lusitani multi in interiori Æthiopiâ, posse se consuetudinibus accommodare, et debere, maxime si sit scandalum, nisi aliàs vellent ipsi in omnibus Latino more vivere, habeantque ministros Ecclesiæ Latine; nam tunc certum est nullatenus teneri. Pro his tamen et similibus dubiis degentes inter alios schismaticos à Græcis (cum quibus jam ex pravi constat qualiter quis se gerere debeat) ut

sciunt quid ab ipsis præstandum sit, tam in jejuniis, et dierum festivorum observatione, quam in eorum ritibus approbandis vel reprobandis, oporteret ut sedem Apostolicam consularent.

## ARTICULUS IX.

*De pœnis schismaticorum, et de eorum absolutione et reconciliatione.*

De schismaticorum pœnis, quas Deus justissimè ab eis interdum solet repetere, non est necesse in præsentì dicere. Exstant in Scripturis aliquot eorum exempla, ut Num. 16, ubi legimus Dathan et Abiron propter illud peccatum fuisse absorptos à dehiscente terrâ. Et constat ex libris Reg., quantis cladibus affectæ fuerint undecim tribus Israel, eò quòd à domo David discessionem fecerunt. De aliis autem pœnis, quibus vel ipso facto, vel per sententiam judicis, possunt afflicti schismatici, quædam sunt certa apud doctores, et aliquid est controversum. Primò certum est, eos non ita puniri, ut vel amittant ipso facto, vel possint amittere spiritualem aliquam potestatem, consistentem in spirituali charactere Baptismi, vel Confirmationis, vel Ordinis. Nam hæc indelebilis, ut docet 2-2, q. 39, art. 3, D. Thom. et confirmat Turrecremata, l. 4 Sum. part. 1, c. 7, et Sylvester, verbo *Schismatici*; et patet ex Urbano papâ, canone *Ordinationes*, 9, q. 1, qui ordinatos ab episcopis schismaticis censet verè fuisse ordinatos. Et ex August., l. 6 de Baptismo contra Donatistas, c. 5, ubi ait : « Potest sacramentum tradere separatus, sicut habere. »

Secundò, certum est privari tamen ipso facto schismaticos facultate utendi rectè et legitimè ejusmodi potestate characteris, seu privari ejusmodi potestate, quoad ejus essentiam, quoad usum, nimirum legitimum, ait D. Th., art. 3. Non enim possunt schismatici rectè et absque peccato uti ejusmodi potestate. Quo sensu asserit D. Thom. et Turrecrem., ubi supra, debere intelligi quædam Patrum, seu pontificum testimonia, quibus indicari videtur amitti per schisma potestatem etiam ordinis sive consecrationis. Oportet enim id intelligi quoad usum legitimum : ut quædam Patres concilii Lateranensis sub Innocentio III, cap. 1, extravag. de Schismat. aiunt : « Ordinationes ab Octaviano et Guidone hæresiarum factas, irritas esse censemus. » Quod etiam dicit Urbanus in can. *Ordinationes*, 9, q. 1. Debet enim intelligi quoad executionem

earum legitimam, ut ibi etiam exponit Glos., addens, nisi cum eis fuerit dispensatum, vel nisi ordinatus probare posset, nescivisse se fuisse schismaticum eum episcopum, à quo accepti Ordinem, aut habuisse legitimam dispensationem accipiendi Ordines à schismatico, ut ait Innocentius III, in cap. *Paternitate*, extrav. de Schismaticis.

Tertiò, certum est præter excommunicationem, quam supra schismaticos diximus incurrere, si ab eâ non respiciant, posse ulterius puniri, nimirum per censuram depositionis, ut patet ex can. *In nomine Domini*, d. 23, et notat, ubi supra, Turrecrem. Et si nec per depositionem emendentur, pœnis etiam corporalibus, auxilio brachii secularis, ut fieri jubet Pelagius pontifex in can. *de Liguribus*, 25, q. 5, et docet D. Th. 2-2, q. 39, art. 4, ad 3. Atque etiam possunt privari à pontifice potestate et dignitate temporali.

Quartiò, schismaticus præter pœnas prædictas, alias etiam incurrit. Est enim irregularis, ita ut etiamsi Ecclesie per absolutionem et veram pœnitentiam fuerit reconciliatus, ad beneficia et Ordines promoveri non potest, sine pontificis dispensatione, ut colligi videtur ex c. *Quâ diligentia*, de elusione, ubi Hostiensis abbas, et Joannes Andræus idem censent. Hanc verò irregularitatem non contrahi à schismatico occulto, sed tantum manifesto, quidam affirmant. Alii verò in contrarium docent etiam ab occulto contrahi. Sed probabilior videtur prima sententia, ut optimè ostendit Gregor. de Valentia, 2-2, disp. 3, q. 15, puncto 3.

Sed petes an schismatici presbyteri et episcopi careant Ordinis potestate, an tantum Jurisdictione. Respondet S. Th. 2-2, q. 39, art. 3, schismaticos jurisdictione carere: « Non possunt, inquit, absolvere, nec excommunicare, nec indulgentias concedere. » Sic ille; et ita nequeunt eadem ratione eligere, beneficia conferre, leges sive constitutiones dare, vel ponere. Unde si quos absolvant vel eligant, absolutio seu electio rata non est, et proinde iteranda: habere tamen, ait S. Th. potestatem sacram Ordinis: quare episcopus schismaticus verè conficit et consecrat Eucharistiam, verè confirmat, verè ordinat; cum aliquos ad ecclesiasticos Ordines eligit ac promovet, ab eo verè Ordinis characterem recipiunt, non tamen Ordinis usum et functionem; quoniam sunt ipso jure suspensi, si scienter à schismatico episcopo ordinentur. Pari aut

simili ratione, si episcopus schismaticus altaria, vasa, aut templa consecrat, ratum est quod facit, quia hæc sunt Ordinis, non jurisdictionis, quamvis episcopo ex Ecclesie auctoritate convenient.

Si quæras utrum hæc pœna, quâ schismatici jurisdictione privantur, locum habeat generatim in omnibus schismaticis, quidam aiunt hanc schismaticorum pœnam, quâ jurisdictione privantur, locum habuisse ante concilium Constantiense, in omnibus manifestis et notoriis schismaticis, non occultis; modò verò post illud, solum locum habere in iis qui sunt expressim et nominatim denunciati aut manifesti percussores clericorum. Aliis probabilius videtur, universè schismaticos, quatenus tales sunt, jurisdictione ecclesiasticâ privatos esse, eò quòd sunt extra Ecclesiam, quia ipsi se ab Ecclesia dividerunt.—Respondeo: Si schismaticus sit toleratus, et communi errore populi habitus pro legitimo, non videtur dubium, quin omnes actus juris. aliàs requirentes, sint validi, ut infra dicemus etiam de hæreticis. Si verò presbyter vel episcopus sit manifestus schismaticus, tunc aliqui dicunt, non valere gesta per ipsum, illa, inquam, quæ requirunt jurisdictionem. Aliis verò placet, valere omnia in casu quo schismaticus non sit nominatim excommunicatus, vel manifestus clerici percussor; sed verior et securior prima est sententia.

Sed quæres, quam juris pœnam incurrat, qui ad Ordines vel alia ecclesiastica beneficia à schismaticis promovetur. — Respondetur: Si sciens esse schismaticum et excommunicatum, spontè suscepit ab eo sacramentum Ordinis, manet irregularis et suspensus ab executione illius Ordinis, quem suscepit, et indiget dispensatione sedis Apostolicæ; si verò beneficia ecclesiastica, privatur illis: ita colligitur ex c. 1 de Schismaticis, et ex bullâ Clem. VIII supra adductâ. Si tamen cum ignorantia quis fuerit ordinatus, dispensat episcopus in irregularitate: ita post Navar. docet Greg. de Valentia, 2-2, in 5 p. disp. 7, q. 19 de Irregul., puncto 3.

Ultimò dubitatur an ab excommunicatione et aliis pœnis liberi sint schismatici, qui ignorantia invincibili schismatici Græcorum inhærent. — Brevis dico, certum esse pœnas prædictas non incurrere, nec in interiori, neque exteriori foro; ut claris patebit ex his quæ infra dicemus, tractantes de hæreticorum pœnis.

Quâ verò ratione schismatici sint absolventi et reconciliandi cum Ecclesiâ, dicemus infra cum de absolute hœreticorum disseremus, tum quia schismatici majori ex parte hœretici sunt; tum etiam quia etsi schismatici tantum inveniuntur, eorum absolutio reservata est etiam sedi Apostolicæ, ut patet ex bullâ Cœnæ Domini.

Illud tamen est advertendum, quòd quamvis schismaticorum absolutio sit reservata, sicut et hœreticorum, in eorum tamen absolute non sunt tot tantæque circumstantiæ observandæ, sicut in absolute hœreticorum. Oportebit tamen primò, ut antequàm absolute beneficium accipiant, publicè vel privatè fidei professionem juxta sequentem formulam à sede Apostolicâ exhibitam, faciant.

#### ARTICULUS X.

*Professio orthodoxæ fidei à Græcis faciendâ, Gregorii XIII pontificis maximi jussu edita.*

« Ego (N.) firmâ fide credo et profiteor omnia et singula quæ continentur in Symbolo fidei, quo sancta Romana Ecclesia utitur, videlicet : « Credo in unum Deum Patrem omnipotentem factorem cœli et terræ, visibilium omnium et invisibilium. Et in unum Dominum Jesum Christum Filium Dei unigenitum; et ex Patre natum ante omnia secula. « Deum de Deo, lumen de lumine, Deum verum de Deo vero, Genitum, non factum, consubstantialem Patri, per quem omnia facta sunt. Qui propter nos homines et propter nostram salutem descendit de cœlis. « Et incarnatus est de Spiritu sancto ex Mariâ Virgine, et homo factus est. Crucifixus etiam pro nobis sub Pontio Pilato, passus et sepultus est. Et resurrexit tertiâ die secundum Scripturas. Et ascendit in cœlum; sedet ad dexteram Patris. Et iterum venturus est cum gloriâ judicare vivos et mortuos; cujus regni non erit finis. Et in Spiritum sanctum Dominum et vivificantem, qui ex Patre Filioque procedit. Qui cum Patre et Filio simul adoratur et conglorificatur; qui locutus est per prophetas. Et unam sanctam catholicam et apostolicam Ecclesiam. Confiteor unum baptismum in remissionem peccatorum. Et expecto resurrectionem mortuorum. Et vitam venturi seculi. Amen. »

« Credo etiam, profiteor, atque suscipio ea omnia quæ sacra œcumenica synodus Florentina super unione Occidentalis et Orientalis

Ecclesiæ definivit et declaravit : videlicet quòd Spiritus sanctus à Patre et Filio æternaliter est, et essentiam suam suumque esse subsistens habet ex Patre simul et Filio; et ex utroque æternaliter, tanquàm ab unico principio et unicâ spiratione procedit. Cum id quod sancti doctores et Patres dicunt, ex Patre per Filium procedere Spiritum sanctum, ad hanc intelligentiam tendat, ut per hoc significetur Filium quoque esse, secundum Græcos quidem, causam, secundum Latinos verò principium subsistentiæ Spiritus sancti, sicut et Patrem. Cumque omnia quæ Patris sunt, ipse Pater unigenito Filio suo gignendo dederit, præter esse Patrem; hoc ipsum quòd Spiritus sanctus procedit ex Filio, ipse Filius à Patre æternaliter habet, à quo æternaliter etiam genitus est. Illamque verborum illorum, *Filioque*, explicationem, veritatis declarandæ gratiâ, et imminente tunc necessitate, licitè ac rationabiliter Symbolo fuisse appositam.

« Item in azymo sive fermentato pane triticeo corpus Christi veraciter confici; sacerdotisque in altero ipsum Domini corpus conficere debere, unumquemque scilicet juxta suæ Ecclesiæ, sive Occidentalis sive Orientalis, consuetudinem. Item si verè poenitentes in Dei charitate decesserint, antequàm dignis poenitentiæ fructibus de commissis satisfecerint et omissis, eorum animas poenis purgatorii post mortem purgari; et ut à poenis hujusmodi releventur, prodesse eis fidelium vivorum suffragia, Missarum scilicet sacrificia, orationes et elemosynas, et alia pietatis officia quæ à fidelibus pro aliis fidelibus fieri consueverunt, secundum Ecclesiæ instituta. Illorumque animas, qui post baptismum susceptum nullam omninò peccati maculam incurrerunt, illas etiam, quæ post contractam peccati maculam, vel in suis corporibus, vel eisdem exute corporibus, prout superius dictum est, sunt purgatae, in cœlum mox recipi, et intueri clarè ipsum Deum trinum et unum, sicuti est, meritum tamen diversitate alium alio perfectiùs. Illorum autem animas, qui in actuali mortali peccato, vel solo originali decedunt, mox in infernum descendere, poenis tamen disparibus puniendas. Item sanctam Apostolicam sedem et Romanum pontificem in universum orbem tenere primatum, et ipsum pontificem Romanum successorem esse beati Petri principis Apostolorum, et verum Christi vicarium, totiusque Ecclesiæ caput, et omnium Christianorum Patrem ac doctorem existere;

et ipsi in beato Petro pascendi, regendi et gubernandi universalem Ecclesiam à Domino nostro Jesu Christo, plenam potestatem traditam esse, quemadmodum etiam in Actis œcumenicorum conciliorum et in sacris canonibus continetur.

« Insuper profiteor ac recipio alia omnia quæ ex decretis sacræ œcumenicæ generalis synodi Tridentinæ sacrosancta Romana et apostolica Ecclesia, etiam ultra contenta in supradicto fidei Symbolo, profitenda ac recipienda proposuit, atque præscripsit, ut sequitur. — Apostolicas et Ecclesiasticas traditiones, reliquasque ejusdem Ecclesiæ observationes et constitutiones firmissimè admitto et amplector. — Item sacram Scripturam juxta eum sensum quem tenuit et tenet sancta mater Ecclesia, cujus est judicare de vero sensu et interpretatione sacrarum Scripturarum, admitto, nec eam unquam, nisi juxta unanimum consensum Patrum accipiam et interpretabor. — Profiteor quoque septem esse verè et propriè Sacramenta novæ legis à Jesu Christo Dom'no nostro instituta, atque ad salutem humani generis, licèt non omnia singulis necessaria; scilicet, Baptismum, Confirmationem, Eucharistiam, Pœnitentiam, Extremam Ūctionem, Ordinem, et Matrimonium, illaque gratiam conferre. et ex his Baptismum, Confirmationem et Ordinem sine sacrilegio reiterari non posse. — Receptos quoque et approbatos Ecclesiæ catholicæ ritus, in supradictorum omnium Sacramentorum solemnè administratione recipio et admitto. — Omnia et singula quæ de peccato originali et de justificatione in sacrosanctà Tridentinà synodo definita et declarata fuerunt, amplector et recipio.

« Profiteor pariter in Missà offerri Deo verum, et proprium et propitiatorium Sacrificium pro vivis et defunctis, atque in Sanctissimo Eucharistiæ Sacramento esse verè, realiter et substantialiter corpus et sanguinem unà cum ainnâ et divinitate Domini nostri Jesu Christi; fierique conversionem totius substantiæ panis in corpus, et totius substantiæ vini in sanguinem, quam conversionem catholica Ecclesia transubstantiationem appellat. — Fateor etiam sub alterâ tantum specie, totum atque integrum Christum, verumque Sacramentum sumi. — Constantè tenco Purgatorium esse, animasque ibi detentas fidelium suffragiis juvari. Similiter et sanctos unà cum Christo regnantes, venerandos atque invocandos esse, cosque

orationes Deo pro nobis offerre, atque eorum reliquias esse venerandas.

« Firmissimè assero, imagines Christi ac Deiparæ semper Virginis, necnon aliorum sanctorum, habendas et retinendas esse, atque eis debitum honorem ac venerationem impartendam. — Indulgentiarum etiam potestatem à Christo in Ecclesiâ relictam fuisse, illarumque usum Christiano populo maximè salutarem esse affirmo.

« Sanctam catholicam et Apostolicam Romanam Ecclesiam, omnium Ecclesiarum matrem et magistram agnosco, Romanoque pontifici beati Petri Apostolorum principis successori ac Jesu Christi vicario veram obedientiam spondeo ac juro.

« Cætera item omnia à sacris canonibus et œcumenicis conciliis, ac præcipuè à sacrosanctà Tridentinà synodo tradita, definita et declarata indubitanter recipio atque profiteor, simulque contraria omnia, atque hæreses quas-cumque ab Ecclesiâ damnatas, et rejectas, et anathematizatas, ego pariter damno, rejicio et anathematizo.

« Hanc veram catholicam fidem, extra quam nemo salvus esse potest, quam in præsentì spontè profiteor et veraciter teneo, eandem integram et inviolatam, usque ad extremum vitæ spiritum, constantissimè, Deo adjuvante, retinere et confiteri, atque à meis subditis, vel illis quorum cura ad me in munere meo spectabit, teneri, doceri et prædicari, quantum in me erit, curaturum. — Ego idem (N), spondeo, voveo ac juro. Sic me Deus adjuvet, et hæc sancta Dei Evangelia. »

### CAPUT III.

DE RUTHENORUM RELIGIONE ET UNIONE CUM SEDE APOSTOLICA.

#### ARTICULUS UNICUS.

*De Ruthenis tempore Clementis papæ VIII ad sedis Apostolicæ communionem admissis, et de formâ quâ fuere recepti.*

Ruthenorum populi (quos antiquo vocabulo Russos appellant scriptores) ad unionem Apostolicæ sedis recepti fuerunt à Clem. VIII, pontifice maximo, ut latius cardinalis Baronius ad calcem 7 tomi Annalium præcipuè appendice adjecit. Ejus etiam unionis meminit Anton. Possevinus in Apparatu sacro, verbo *Rutheni*. At quoniam ille decretum duntaxat deliberationis archiepiscopi et episcoporum Ruthenorum in suâ synodo factâ de susci-



plendâ communione sanctæ Romanæ Ecclesiæ, et eorundem ad summum pontificem litteras; hic verò tantùm alias synodi circumstantias enumerant, nos aliquid plenius hùc inferemus. Quare primò de synodo à Ruthenis celebratâ et decreto in eâ edito; secundò de litteris ad summum pontificem ac de articulis sive conditionibus à Ruthenis propositis; tertio de communione ipsâ à sede Apostolicâ concessâ dicemus.

Primò igitur, anno Domini 1594, die 2 mensis decembris, Brestensis synodus celebrata est Brestæ, quæ civitas est sita in magno ducatu Lituaniæ, qui ad regnum Poloniæ pertinet. Ea indicta est jussu Clementis VIII, pontificis maximi, felicitis recordationis, cui quæ decernenda erant, proposita fuerant ab episcopis, qui illuc convenire debebant. Tria fuerunt ob quæ hæc synodus fuit coacta. Primum, ut Rutheni episcopi convenientes in unum cum Latinis episcopis legitime id facerent, quandoquidem sciebant illegitima esse concilia, quæ sine vicarii Christi auctoritate indicerentur aut haberentur: ea verò, de quibus erat agendum, ad sanctæ catholicæ fidei professionem edendam spectarent, rejecto omni schismate ac novis hæresibus quæ passim succreverant, dum ab Ecclesiæ unitate recesserant. Secundum, ut decernerentur legati Ruthenorum, qui nomine omnium ad pontificem maximum ad urbem proficiscerentur, ipsi ac successoribus ejus omnem delaturi obedientiam, tanquam supremo omnium in Ecclesiâ pastori. Tertium, ut ab eodem pontifice maximo absolutionem à schismate consequerentur. Neque amplius communionem cum patriarchâ Constantinopolitano haberent, donec ille quemadmodùm antiqui olim episcopi Constantinopolitani, S. Joannes Chrysostomus, et alii orthodoxi atque catholici faciebant, primum Apostolicæ sedis, qualis à Christo Domino fuit institutus, agnosceret ac profiteretur.

Accessit auctoritas nomine pontificis maximi à Stanislaò Karnocvio Gnesnensi archiepiscopo, primate totius regni, et legato nato collata. Interfuere nomine ejusdem summi pontificis et aliorum Latinorum episcoporum, Demetrius Solicovius archiepiscopus Leopoliensis, Bernardus Macievovius tunc Luceortensis, nunc archiepiscopus Gnesnensis, et sanctæ Romanæ Ecclesiæ cardinalis, Stanislaus Gomoslinovius episcopus Chelmenis. Pro Ruthenis autem metropolitanus Kioviensis et Itali-

ciensis, totiusque Russiæ, Michael Rabiosa; Ilypatius primas Ulodimiriensis et Brestensis, Cyrillus Terlecius exarcha Luceortensis et Ostroviensis, Hermogenes archiepiscopus Polocensis et Vitepcensis, Joannes Hohol Pinscensis, Turoniensis, Dionysius Sbievovius, et Belscensis Uladicæ, sive episcopi ritus Græci. Præterea plures Latini sacerdotes, et Rutheni, qui dicuntur poppi, sed qui extra episcoporum ordinem starent. Assuere pro serenissimo rege Poloniæ Sigismundo hujus nominis tertio, legati Nicolaus Radvilius, dux in Olicæ, et Niessuvii, palatinus Ticcensis, Leo Sapieba Lituaniæ cancellarius, Demetrius Halecius ejusdem magni ducatus Lituaniæ thesaurarius, idemque capitaneus (ut vocant) Brestensis, ut regiæ majestatis auctoritate urarent, ne fortò vis et tumultus ab hæreticis et aliis factiosis hominibus synodo intentaretur; sed sua synodo et ecclesiasticis libertas integra constaret, in dicendo ac in decernendo. Porrò nobilitas frequens catholica cum eisdem legatis regiis haud defuit.

Atque Satanas, omnis pacis et unitatis acerimus osor, incitaverat Arianorum et aliorum hæreticorum animos, ut tantæ rei obsisterent. Quamobrem contra mandatum regium, nulloque fultis auctoritate, plurimi convenire armati, qui palatino Kioviensi hæretico adhererant, et quo consilio, abnuente, pertractis etiam in suas partes duobus schismaticis Uladicis Luceortensi et Premislensi, et aliquibus poppis, conventicula habebant, ut legitimam synodum inturbarent ac scinderent; quod tamen efficere nequiverunt. Gravissimâ nimis legati regiis ad eos oratione, non tam persuasi, quam absterriti, licet in suâ perverciâ obfirmati hæretici, quæ à rege petierant, obtinere non potuerant, persistere tamen in nectendis dolis, falsisque calumniis objicendis, quibus synodi auctoritatem statutamque unionem impedirent ac deprimerent.

At ea quæ à regiâ majestate ante aliquot hebdomadas petierant palatinus Kioviensis, et nobilitas Voliniensis, per Matthiam Malinam et Laurentium Britinium nobiles ad regem allegatos, hæc fuerant: In primis, ut nemo armatus, neque cum militari manu ad eam synodum veniret, paxque et securitas ob libertatem mutuatorum colloquiorum integra foret. Deinde, ut cuivis eò accedere liberum esset, quamvis à Græcæ et Romanæ Religionis hominibus essent in fide alieni. Præterea, ut synodo interesse posset Nicephorus Græcus,

qu, cum Stephano palatino in Moldaviâ captus, ex carcere arcis Chocimienum aufugerat. Denique, ut nisi in synodo convenirent, possent cum eâ controversiâ ad generalia comitia regni confugere. Sed ad hæc postulata in scripto, quod sigillis regis authenticè munitum legati regii ostenderunt, ejusmodi datum est responsum.

Primum postulatam non modò concedit rex, verùm etiam ita fieri omninò mandat, idèdque legatos suos ad synodum mittit, ut omnia pacificè et cum magnâ ecclesiasticorum libertate synodus possit absolvi. Alterum verò, de hæreticis ad synodum admittendis, ejus majestas recusavit, quandoquidem synodus indicta erat ad Ruthenos Græcosque cum Catholicis uniendo, ut in publicis regii litteris habetur. Tertium item postulatam nullo modo regia majestas concedere voluit, designans quis et qualis esset iste Necephorus, quippe qui Stephanum palatinum adduxisset in Moldaviam, secretosque cum Turcis tractatus habuisse, in regni totius ac reipublicæ detrimentum: proinde nemini fas esse cum homine adeò suspectæ fidei quidquam agere. Quartum denique postulatam eadèd ratione detrectavit, inquiens, aliud esse synodum Ecclesiasticorum, aliud regni comitia, in quibus ecclesiastica negotia neque iudicium ullum, nec locum habent, nisi quatenùs libertati ecclesiasticæ patrocinium omne procuraretur et detur.

Hæc cum legati regii objecissent, ac hæreticos et schismaticos acriter reprehendissent, quòd synodum impedire satagerent, conventicula verò sine illâ regii auctoritate cogerent, et sub specie impiæ confederationis id sibi licere dicitarent, de patriarchatu Constantino-politano, qui simoniacè à Turcis emeretur, pluribus argumentis indicârunt maledictionem, quam sedes illa habet, ut unus alterum majore pecuniâ persolutâ de sede dejiciat: unde nonnunquam contingat duos, sive tres simul esse patriarchas, sponsamque illam tres interdum simul habere maritos, siquæ adulteram cum adulteris manere. Sacerdotes autem, et monachos, atque igumenos passim Christi Domini fide abjuratâ Turcicam sectam amplecti, atque per exteras regiones vagantes Christianos, eorum consilia per summam perfidiam proderè: huc item ad Russiæ partes passim venire cum fictis à patriarchâ litteris, falsisque sigillis appensis. Denique, ut alia interim omittam, in præfatis comitiis quid fuerit circa illa tria quæ fuerunt proposita sanctum, sequenti scripturâ significârunt.

*Decretum deliberationis et conclusionis reverendissimorum dominorum archiepiscopi, et episcoporum Ruthenorum, de recipiendâ et suscipiendâ communionem sanctæ Romanæ Ecclesiæ, factum die secundâ mensis decembris, anno Domini millesimo quingentesimo nonagesimo quarto.*

« In nomine sanctæ vivificantis et individue Trinitatis Patris, et Filii, et Spiritûs sancti. Nos infra nominatæ personæ, qui huic scripto nostro subscripsimus, notum facimus, quòd introspectientes diligenter vocationem et officium nostrum, quod est hujusmodi, ut nosmetipsos et hominum christianorum gregem ovium Christi nobis à Christo commissum, ad concordiam et unionem promoveremus, prout nos Salvator noster Christus Jesus edocuit, eaque doctrinam sanguine suo obsignavit: ac potissimùm his infelicissimis temporibus nostris, quibus multæ ac variæ hæreses inter homines grassantur, ob quas plurimi recedentes à verâ et orthodoxâ fide christianâ, legem nostram deserunt, et ab Ecclesiâ Dei, veroque in Trinitate illius cultu se ipsos separant. Quod non allâ de causâ accidit, quàm ob dissensionem nostram cum dominis Romanis, cum quibus eum sinus unius Dei homines, et tanquam unius matris sanctæ Ecclesiæ catholicæ filii, ab iis divisi sumus, unde mutuo auxilio præsidioque invicem nobis prodesse nequimus. Et quamvis assiduè Deum pro unionem in fide orationibus nostris precemur, nihilominus quoniam pacto hæc unio inter nos stabilitur aliquando, nunquam nobis seriò curâ fuit, spectando semper superiores nostros, et expectando si de hæc ipsâ unione inciperent esse solliciti.

« Verùm cum nostra spes hæc in re, ut hoc eorum curâ et studio perfici possit, in dies minuatur, non ob aliam rem quàm quòd isti servitute paganorum oppressi, etiamsi fortassè vellent, non possunt, igitur ex inspiratione Spiritûs sancti, cujus hæc sunt opera, et non hominum, considerantes cum ingenti dolore nostro, quanta impedimenta homines habeant ad salutem, absque hæc unione Ecclesiarum Dei, in quâ incipiendo à Christo Salvatore nostro, et à sanctis illius Apostolis prædecessores nostri sanctiterunt, ac unum summum pastorem primumque antistitem in Ecclesiâ Dei hic in terris (prout eâ de re concilia et canones manifestos habemus) et non quempiam alium præter sanctissimum papam Ro-

manum profitebantur, illi que parebant in omnibus : ac quamdiu id uniformiter in suo robore permansit, semper in Ecclesiâ Dei ordo, cultusque divini incrementum fuit ; inde consecutum est, ut difficillimum foret hæreticis sua disseminare prava dogmata. Postquam autem multi superiores esse cœperunt, eam sibi auctoritatem potestatemque arrogantes, nunc clarè cernimus ad quantas discordias et schismata ob pluralitatem superiorum Ecclesiâ Dei devenit : ex quo fit, ut hæretici tantas sumant vires.

Itaque nolentes, ut consensu nostræ tanto pondere aggravarentur, si animarum salus multarum ob eas in Religione discordias diutius periclitaretur (licet hæc ipsâ de re nos prædecesoresque nostri meditati fuerint, idque tentaverint), videntes institutum concilium intermissum esse, proposuimus, auxiliante Deo, mutuo ipso vinculo nos ipsos ad prosequendum hoc negotium excitare et confirmare, ut, quemadmodum antea, eodem labio, et eodem corde possemus laudare et glorificare venerandum et magnificum nomen Patris, et Filii, et Spiritus sancti, cum fratribus nostris charissimis dominis Romanis, permanentes sub eodem pastore visibilis Ecclesiæ Dei, cui hæc præmientia semper debebatur. Quocirca id nobis mutuo promittentes coram Deo, quantum in nobis fuerit, corde sincero et candido, ac diligentia in huiusmodi negotio necessariâ ac debitâ nos omnem daturorum operam spondemus in communi, et quilibet perse, adhibitis mediis convenientibus, ut fratribus nostris ecclesiasticis communique plebi ad ineundam unionem et concordiam simus auctores, idque divinâ adjuvante gratiâ perficiamus. Ut autem majus incitamentum ad finiendum habeamus, quòque major à nobis cura et sollicitudo impendatur, scriptum præsens conficimus, quo sinceram promptamque voluntatem nostram, ad amplectendam cum Ecclesiâ Romanâ unionem et consensum testamur. Et Deus omnipotens largitor omnium honorum auctorque, ad concordiam sit dux et protector tam sancti negotii huius, cui uti corda nostra, ita et eam voluntatem præsentis scripto testantes, manu propriâ subscribimus : salvis tamen et in integrum observatis ceremoniis et ritibus cultus divini peragendi, et sanctorum Sacramentorum, juxta consuetudinem Ecclesiæ Orientalis, correctis tantummodo iis articulis, qui ipsam unionem impedirent, ut more antiquo fierent omnia, sicut

olim unionem durante fuerunt. Datum anno Domini millesimo quingentesimo, nonagesimo quarto, die secundâ decembris.

(*Locus sigillorum.*)

Deinde sequuntur subscriptiones, videlicet : « Michael metropolita Kioviensis Haliciensis, et totius Russiæ, manu propriâ. — Ipaton Dei gratiâ protothronius episcopus Vulodimiriensis, Brestensisque, manu propriâ. — Cyrillus Terlezcki exarcha metropolita Kioviensis, episcopus Luceoriensis Ostrosiensisque, manu propriâ. — Gregorius nominatus archiepiscopus Uladika Polocensis, Vitelsensisque, manu propriâ. — Dionysius Zhruiski episcopus Chelmenensis Belsensisque, manu propriâ. — Leonius Pelezizki episcopus Pincensis Turoviensisque, manu propriâ. — Jonas Hohol archimandrita Kobrinensis Ecclesiæ S. Salvatoris, manu propriâ. — Idem Jonas nominatus episcopus Pincensis Turoviensisque, manu propriâ hanc concordiam fratrum eorum subscripsi. »

Cum hæc statuissent in sequentem annum, ubi primum per temporis opportunitatem licuit, honorificam ad Romanum pontificem decernunt legationem, duobus ad id muneris obeundum clectis legatis episcopis, quibus ad eundem ejusmodi literas dederunt :

*Litteræ dominorum archiepiscopi Kioviensis et aliorum episcoporum Ruthenorum ad S. D. N. Clementem papam VIII, super eorum unionem cum sanctâ Ecclesiâ Romanâ, datæ die 12 junii, anno Domini 1595, Latine versæ.*

« Sanctissime pater, domine et pastor supreme Ecclesiæ Christi, D. clementissime. Repetentes memoriâ consensum in omnibus atque unionem Orientalis et Occidentalis Ecclesiæ, quam majores nostri sub obedientiâ et regimine sanctæ sedis Apostolicæ Romanæ coluerunt ; ex alterâ verò perpendentes animi dissensiones et schismata quæ hodie invaluerunt, non potuimus propterea non maximo dolore affici, deprecabamurque assidue Dominum, ut nos aliquando in unitatem fidei aggregaret, expectantes si fortè superiores et pastores nostri Orientalis Ecclesiæ, sub quorum obedientiâ hucusque fuimus, de ineundâ unitate et concordâ quam in liturgiis quotidie à Deo efflagitamus, cogitare seriò atque diligenter in eam rem et curam incumbere vellent. Sed cum videremus frustra tale quidpiam sperari ab illis, non tam malevolentia et temeritate fortassè eorum, quam quòd sub gravissimo

servitutis jugo crudelissimi tyranni et à Religionè christianâ alieni gemant, tentare id quod maximè vellent, nullo modo possunt; nos nihilominùs qui in his partibus sub dominio serenissimi Poloniæ et Sueciæ regis et magni ducis Lituaniæ constituti sumus, liberisque nobis esse propterea licet, attendentes officium nostrum, neque nobis ipsis et ovibus gregis Christi, quarum cura ad nos spectat, obesse, conscientiasque hæc in parte nostras, tot animarum interitu, qui ex dissensionibus his provenit, gravare nolentes, adjuvante Domino, ad unionem, quæ antea inter Orientalem et Occidentalem Ecclesiam viguit, inque Florentinâ synodo ab antecessoribus nostris constituta est, accedere decrevimus: ut vinculo hujus unionis adstricti sub obedientiâ atque regimine sanctitatis vestræ, uno ore et corde glorificemus et laudemus omnes divinissimum et sanctissimum nomen Patris, et Filii, et Spiritûs sancti.

Ac proinde sciente volenteque domino nostro Sigismundo III Dei gratiæ Poloniæ et Sueciæ rege, magnoque duce Lituaniæ, cujus etiam singulare ac sapientissimum studium in hæc re enituit, mittimus ad sanctitatem vestram charissimos fratres nostros reverendos in Christo Hypatium Pociæi protothronium atque episcopum Vulodimirensem, Brestensemque, et Cyrillum Terlezcki exarcham atque episcopum Luceoriensem, Ostrosiensemque; quibus mandavimus, ut sanctitatem vestram adeant, ac (si quidem sanctitas vestra administrationem Sacramentorum, ritusque et cæremonias Orientalis Ecclesiæ integrè, inviolabiliter, atque eo modo quo tempore unionis illis utebamur, nobis conservare confirmareque pro se et successoribus suis nihil in hæc parte innovaturis, unquam dignetur) suo et omnium nostram, archiepiscopi et episcoporum, totiusque ecclesiastici nostri status, et ovium commissarum nobis divinitûs nomine, sedi sancti Petri, et sanctitati vestræ, uti summo pastori Ecclesiæ Christi, debitam obedientiam deferant. Quæ omnia petita à nobis si obtinuerimus, sanctitati vestræ cum omnibus successoribus suis, nos et successores nostri dicto audientes, subque regimine sanctitatis vestræ semper esse volumus, in quorum majorem fidem litteras præsentis manibus nostris subscripsimus atque munivimus sigillis. Datum ex regno Poloniæ et magno ducatu Lithuanie die 12 junii, anno Dom. 1595, juxta calendarium vetus, sanctitatis vestræ.

« Humillimi apud Deum oratores et servi. »

*Subscriptiones cum sigillis.*

Qui igitur missi sunt episcopi legati, postquam Romam pervenere, honorificè excepti à summo pontifice legationem publicè exposuerunt. Inter alia verò ante fidei professionem ab ipsis suæ gentis nomine emittendam sequentes articulos pro unionè faciendam proposuerunt, quos priùs apostolico nuntio Russiæ obtulerunt.

*Articuli sive conditiones, quas nos Adamus Wladchimensis et Cyrillus Luceoriensis Wladicæ, nostra ac confratrum nostrorum nomine, à catholicâ Romanâ Ecclesiâ, priusquam ad ipsius unionem accedamus, requirimus:*

« Cùm inter Romanæ et Græcæ religionis atque fidei homines de processu Spiritûs sancti contentio sit, quæ unionem et consensionem plurimum impediât, et non aliam penè ob causam, quàm quòd mutuo inter se intelligi nolimus. Postulamur itaque ne ad aliam confessionem stringamur, sed sequamur, quam in Evangelii et doctorum sanctorum religionis Græcæ scriptis traditam habemus; nimirum Spiritum sanctum non ex duobus principiis nec duplici processu, sed ex uno principio veluti ex fonte, ex Patre per Filium procedere, secundum illud prout in concilio Florentino Patres religionis Græcæ suffragiis suis comprobârunt et attestati sunt in hæc verba: Occidentalium et Orientalium sanctorum scripta diligenter auscultavimus, quorum alia Spiritum sanctum ex Patre Filioque, alia verò ex Patre per Filium procedere testantur. Quæ quidem omnia tametsi significant idem, nos tamen illud, ex Filio, postponentes Spiritum sanctum ex Patre per Filium ab æterno substantialiterque, ut ab unico principio, vel ab unicâ causâ procedere profiteremur: quandoquidem præposito, per, in Spiritûs sancti professione causam significat.

« Cultus divinus omnesque orationes matutinae, vesperae et nocturnæ, ut nobis integræ constant secundum morem et consuetudinem receptam Orientalis Ecclesiæ, nominatim verò liturgiæ tres, Basilii, Chrysostomi, Epiphani, quod fit tempore quadragesimali cum præsanctificatis donis. Similiter et aliæ omnes cæremoniæ Ecclesiæ nostræ, quibus hucusque usi sumus, siquidem et Romæ sub obedientiâ summi pontificis idem observatur.

« Sacramenta sanctissimi corporis et sanguinis Domini Nostri Jesu Christi, - ut nobis

Ita, quemadmodum hucusque usi fuimus, sub utraq; specie panis et vini, temporibus perpetuis integrè inviolabiliterque conserventur. — Sacramentum Baptismi et forma ipsius, ut nobis integrè, prout in hunc usque diem durat, sine omni additamento constet. — De purgatorio nullam litem movemus, sed volumus doceri ab Ecclesiâ sanctâ Romanâ.

« Calendarium novum, si secundum morem antiquum fieri possit, suscipiemus, vcrum eâ conditione, ut festa Paschæ et aliorum sanctorum ritûs nostri, quemadmodum durante concordia fuerunt, integra ac inviolata nobis consentent et maneant: habemus enim nonnulla festa peculiaria, quibus Romana Ecclesia caret, utpote pro die sextâ Januarii, quâ anniversariâ celebritate repræsentamus baptismum Jesu Christi ad primam revelationem Dei in Trinitate unius, quod nostri vulgò *Thozia vulnæ*, ac si dicas, *divina revelatio*, vocant: ad cuius diei adventum solemnes cæremonias habemus circa benedictionem aquæ. — Ad processionem pro festo Corporis Christi faciendam ne adigamur: hoc est, ne simili ratione processionis cum Sacramento faciendæ nobis necessitas imponatur, quandoquidem apud nos alius est modus et usus Sacramentorum. — Tum et ante festum Paschæ, ad consecrationem ignis, ac etiam pulsationem asseribus compactis loco campanæ, et alias cæremonias, quibus hucusque caruimus, ne compellamur; quin potius secundum ritum et consuetudinem Ecclesiæ nostræ integrè conserventur. — Matrimonia sacerdotalia, ut integra consentent exceptis bigamis.

« Propter litteras confirmationis Romam ut episcopi ritûs Græci non mittant, sed cum aliquo sacra regia majestas in episcopatum nominaverit, metropolita sive archiepiscopus more antiquo unumquemque ejusmodi consecrare debet. Nihilominus tamen ipsemet metropolita, qui huic ipsi officio metropolitæ successurus, propter litteras confirmationis ad pontificem maximum mittere debet, quemadmodum allatis confirmationis Româ litteris, episcopi ritûs Græci duo aut ad summum tres suo jure consecrant et benedicant: si verò aliquem episcopum in metropolitam succedere contigerit, is propter sacræ litteras mittere non debet, quandoquidem jam habeat litteras sacræ per dignitatem episcopalem, saltem obedientiam summo pontifici coram revendentissimo archiepiscopo Gnesensi, non tanquam coram archiepiscopo, sed tanquam coram re-

gni primatè præstare potest. Et ut major penes nos esset auctoritas, et ovibus nostris majori venerationi et observantia essemus, contendimus à summo pontifice, velit benignè ad sacram regiam majestatem dominum nostrum clementissimum et ordines regni, tam spirituales quam seculares intercedere, ut in ordine senatorio locum habere possemus, idque ob multas justasque causas: siquidem æqualem dignitatem et officium cum ritûs Romanæ Ecclesiæ episcopis gerimus. Eam potissimum ob causam, cum aliquis nostrum super dignitatem senatoriam juramentum præstiterit, procul dubio et super obedientiam summo pontifici juramentum præstare potest, ne etiam dissidium tale fiat, quale post obitum Isidori cujusdam metropolitæ Kioviensis quondam factum fuit. Idque eam ob causam cum episcopis ritûs Græci nullâ jurisjurandi religione teneantur, atque locorum intervallo disjuncti faciliè ab unione in synodo Florentinâ factâ defecerunt; sed cum juramento senatorio obligatus fuerit, difficile, ut quispiam de dissidio et dissensione quidquam moliri audeat.

« Litteræ ad comitia regni generalia et particularia conventus, ut ad nos mittantur. — Ad cæremonias et religionem Romanæ Ecclesiæ profitendam nemo adigatur et astringatur: siquidem omnes unum crimus sub obedientia unius pastoris Ecclesiæ Dei. — Matrimonia inter Romanæ et Græcæ religionis homines libera sint, nec personæ matrimonio junctæ invicem ad capessendam religionem sese compellant. — Archimandritæ Humiani monachi vulgò *Chernoï*, et cœnobii illorum ut secundum morem et consuetudinem antiquam sub obedientia et potestate episcoporum in cujuslibet diocesis sint. — Pulsationes campanarum in templis nostris pro die veneris S. prohibeantur et vetentur. — Cum sacratissimo Sacramento aegrotos secundum morem et consuetudinem nostram ut liberum sit nobis publicè visitare, tum et cum processionibus diebus festis atque solemnibus sine omni impedimento progredi. — Monasteria et templa nostra quæ ad hanc præsentem unionem in nostro ritu et religione perseverarunt, ne ad templa religionis Romanæ convertantur. — Si quis etiam pro perpetrato aliquo facinore ab episcopis suis fuerit excommunicatus, is ne ad Romanæ Ecclesiæ religionem suscipiatur, imò ut excommunicetur; eodem modo nos etiam contra eos qui ab Ecclesiâ Romanâ excom-

municati fuerint, processuros et facturos pollicemur.

« Quod si ita Deo favente aliquando reliqua etiam pars hominum Orientalis Ecclesiae ritus Graeci ad eam unionem cum Occidentali Ecclesia accederet; ac subsequenti tempore communi consensu totius universalis Ecclesiae aliquid, quod ad Ordinem vel reformationem ejusdem Ecclesiae Graecae attineret, sanciretur et constitueretur, in eo ut communis esset omnium participatio, tanquam unius religionis ovicularum, sub uno pastore existentium. »

« *Articuli, sive conditiones, quas à sacrâ regî majestate confirmari petimus.*

« Metropolitanam et episcoporum reliquarumque spiritualium dignitatum ritus nostri Graeci, ne alterius nationis vel religionis, praeterquam Ruthenicæ, hominibus conferantur: cum verò canonibus nostris id cautum habeamus, ut tam metropolitæ quam episcopi alicuique ejusmodi officiales prius à spiritualibus, quam à secularibus ordinibus eligantur, petimus itaque à sacrâ regî majestate, ut libera penes nos maneat eligendi potestas, salvâ tamen sacræ regî majestatis pro libitu cuius ex electis conferendi auctoritate; post obtitum enim alicujus ex supradictis officialibus quatuor nobis eligendos petimus, ex quibus uni qui idoneus ad officium illud obeundum videbitur, sacrâ regî majestatem conferet; ac vel peculiari adjectâ conditione, ut obedientiam summo pontifici præstare teneatur, sitque adstrictus. Quod si verò alicui ejusmodi dignitas conferretur, is infra unum mensem decursum ordines suscipere tenebitur, privatione ejusdem beneficii, ut legibus à serenissimo olim piæ memoriæ Sigismundo Augusto de suscipiendis ordinibus nobis gratiosè collatis, et per sacram regiam majestatem dominum nostrum clementissimum modernum confirmatis satisfiat.

« Postulamus etiam, ut locum in senatu regio habeamus, non aliquâ commodorum ratione et ambitione ducti; verum ut oves nostræ, quarum curam gerimus, majori nos observantiâ colant et observent, cum eâ dignitate episcopatus quâ et cæteri Romanæ religionis homines fungamur; cum verò juramentum senatui præstiterimus, simile etiam summo pontifici super obedientiam juramentum præstare tenebimur. — Ex Graeciâ si quas forte factiones vel excommunicationes per litteras illius nationis homines moliantur, eas omninò prohiberi petimus, ne hinc ista unio

divelli ob diversa in vulgo excitata studia possit, cum adhuc multi pertinaciter huic rei resistant. Hoc verò perquam diligenter cavendum est, ne extranei episcopi vel presbyteri, qui sacræ Romanæ Ecclesiae obedientiam recusaverint, in quolibet diocesi nostrâ aliquid negotii habeant, et commorentur; similiter quoque nationis nostræ homines qui rebelles et contradicentes huic unioni, nostræque obedientiae fuerint, ne quicquam spiritualium negotiorum agere audeant; alioquin pœnâ aliquâ mulcentur.

« Quoniam verò multorum ecclesiasticorum honorum per antecessores nostros, nescitur quo jure amissorum, possessione exclusi sumus, quibus non nisi eò usque quoad antecessores nostri vixissent, carere debuerimus, petimus, ut bona hæc Ecclesiis restituantur, siquidem tantâ inopîâ et egestate sumus constricti, ut non solum necessitatibus Ecclesiarum non providere, sed etiam sufficientem victum nobis suppeditare non possimus. In posterum autem ne bona Ecclesie sine consensu episcoporum totiusque capituli conferantur à sacrâ regî majestate contendimus. — Privilegia nostra super bonis Ecclesiis cathedralibus attributa, in quorum possessione pacificâ hucusque existunt, ut vires et robur suum perpetuæ firmitatis obtineant.

« Post mortem metropolitæ et episcoporum, ne capitulum atque thesaurarii se in bona ecclesiastica ingerant, sed more et ordine Romanæ Ecclesie, capitulum, quoad alter electus non fuerit, ea bona administret. In bonis autem et facultatibus episcopi defuncti proprii consanguinei ipsius, ne ullam injuriam patiantur, pro more et consuetudine Romanæ Ecclesie: quod quidem etsi privilegio jam cautum habeamus, id tamen constitutionibus regni publicis confirmari nobis petimus. — Archimandritæ Humiani monachi, vulgò *Chernoi*, et monasteria eorum, obedientiæ episcoporum, qui in diocesi cujuslibet fuerint, pristino more subsint. — Ad judicia tribunalis regni, more et consuetudine regni, duos quoque ex spiritualibus religionis nostræ deputandos esse petimus, qui tanquam defensores juri et libertatum nostrarum sint. — Archimandritæ Humiani, presbyteri, diaconi, alicuique spirituales eodem honore ac reverentiâ ab hominibus quo cæteri religionis Romanæ homines prosequantur, hisdemque libertatibus ac prærogativis fruantur et gaudeant, secundum privilegium serenissimi olim

domini Wladislaw regis. — Præterea à contributionibus regni publicis, quas hucusque unusquisque nostrum officialium spiritualium pendebamus, ut temporibus perpetuis (exceptis his qui bonis hæreditariis utantur) liberi et immunes simus, idque constitutionibus regni publicis sanciri et describi petimus. — Monasteria et templa ritus Græci, ne ad templa Romani ritus convertantur. — Collegia sive confraternitates speciales non ita pridem à patriarchis constitutæ, et à sacrâ regâ majestate confirmatæ, quemadmodum Vilmæ, Leopoli, Brestæ, et alibi, ut integræ et illæsæ maneat, ita tamen ut obedientiam summo pontifici, nobisque episcopis religionis Græcæ præstare teneantur, sintque astricti. — Scholas, seminaria Græcæ Slavicæ linguæ extruere, ubi commodius videbitur, ut liberum nobis sit, sic et officinas imprimendorum librorum, quæ quidem omnia sub obedientiâ episcoporum sint. — Porro quoniam presbyteri religioni nostræ dediti nobis debitam obedientiam præstare recusant, petimus ut libera penes nos maneat eos puniendi potestas, in eoque à capitaneis sacræ regæ majestatis ne impediamur. — Homines seculares ne se in curam Ecclesiarum ritus nostri ingerant, sed hæc potestati et jurisdictioni spiritualium subjaceant, præcipuè verò cathedrales Ecclesiæ.)

*Responsum datum à nuntio Apostolico supra dictis articulis.*

Quæ reverendissimi Domini Wladicæ, suo ac suorum confratrum nomine pro Ecclesiæ Græcæ in totâ Russiâ serenissimo regi subjectâ, cum sacrosanctâ Ecclesiâ catholicâ Romanâ unione petunt, nonnulla à summo pontifice, nonnulla verò à regâ majestate Poloniæ dependent. Ex illis quæ à summo pontifice petuntur, quædam pertinent ad divina dogmata, quædam verò ad jus humanum spectant. Quantum ad ea igitur, quæ divini dogmatis sunt, cum omnia quæ petuntur, sint sacrosanctæ fidei catholicæ consona, non humanâ voluntate, sed ex divinâ revelatione de prompta, et ut talia ab œcumenico concilio Florentino toti Ecclesiæ credenda proponantur; certum absque ullâ dubitatione est, summum pontificem illa approbaturum et acceptaturum. Quantum ad ea verò, quæ ad jus humanum spectant, licet non ita simpliciter asserere possimus, summum pontificem (cujus legatione fungimur) eis consensurum, eò quod ipsius expressus animus nobis non con-

stet, ex ejusdem tamen præsumptâ voluntate intrepidè affirmamus, beatitudinem suam libenti animo consensum præbituram. Cum enim ea quæ in hoc genere proponuntur, à rectæ fidei normâ non discrepent, quin potius rationi consentanea sint, et ex ejus voluntate dependeant, dubium nullum est quin pius ac clemens pater (cui nihil in hæc vitâ charius esse potest, quam salus animarum sibi à Christo Domino commissarum) charissimis filiis ad se suppliciter accedentibus illa benignè concessurus sit. Postremò circa ea quæ à regâ majestate petuntur, id quod nos præstare possumus, bonâ fide promittimus, nimirum totis viribus curaturos nos apud serenissimum regem, tum apud inclytam regni Poloniæ magnique ducatûs Lituaniæ reipublicam, ut ea quæ à dictis reverendissimis DD. proponuntur, pro tanto unionis bono christianè ac liberaliter, sicut dignum et justum est, concedantur. Ut autem id faciliùs impetrari possit, serenissimo D. nostro obnixè supplicabimus, ut litteris commendatitiis suam etiam hæc in parte auctoritatem interponat. Quod Beatitudinem suam libenter et ex animo facturam non dubitamus. In quorum igitur omnium fidem has litteras nostrâ propriâ manu subscriptas, nostroque sigillo munitas dedimus. Datum Cracoviæ die primâ augusti 1595.)

Fuerunt Romæ aliqui ex articulis his à congregatione illustrissimorum cardinalium examinati ac attentè discussi, ac gravissimi theologi de eis consulti; permissusque est eis, ut omnibus cæremoniis et ritibus antiquis, quorum ipsi tenacissimi sunt, uterentur, dummodò fidei catholicæ non contradicerent. Admissi denique ad sanctæ Ecclesiæ communionem, fidei professionem, juxta consuetam formam pro Græcis superiùs præscriptam, fecerunt; ac ritè Evangeliiis tactis, juramento ac subscriptione firmarunt. — Ruthenorum cum Ecclesiâ catholicâ communionis formam breviter præscripsi, ut si aliquando Moscovitæ ejusdem linguæ et religionis homines ad se redierint, velintque sanctæ matri Ecclesiæ catholicæ reconciliari, horum exemplo faciliè alliciantur, præsertim cum ritus et cæremonias omnes Orientalis Ecclesiæ, quæ fidei non adversantur, illis esse à sanctâ sede permissas cognoverint.

*Sequitur censura sive judicium ejusdam viri docti de Ruthenorum religione.*

Articuli propositi à Ruthenis magnâ ex parte

pertinent ad ritus ac cæremonias externas, ad eoque civilem ac politicam administrationem; atque ideirò non tam operam aut studium theologicum, quàm civilem prudentiam requirunt. Seligam tamen ex omnibus nonnulla capita, de quibus dicam quid ego sentiam; cætera, quæ à me intacta relinquentur, ejusmodi mihi videntur esse, ut salvâ fide ac religione liberè possint vel rejici vel approbari, ut illustrissimis DD. meis videbitur expedire.

Igitur primo loco dicunt velle se confiteri Spiritum sanctum à Patre per Filium procedere, et agnosce verba patriarchæ Constantinopolitani in ultimâ sessione concilii Florentini. Cæterùm hæc fidei concessio triplici ex capite magnoperè probanda et commendanda videtur: 1<sup>o</sup> quòd admittit Spiritum sanctum substantialiter ab æterno procedere à Patre per Filium unicâ spiratione, tanquàm ab unico principio, et unicâ causâ, quod aliàs Græci atque omnes Orientales pernegabant. — 2<sup>o</sup> Quia disertè fatentur particulam, *per*, in processione Spiritûs sancti significare causam, quo refelluntur schismaticorum effugia, quibus partentiam illam interdùm dicebant idem significare, quod, *cum*, aliàs ad designandam relationem Patris ad Filium, aut consubstantialitatem Patris ac Filii referebant. — 3<sup>o</sup> Quia planè concedunt idem esse Spiritum sanctum procedere à Patre per Filium, et procedere ex Patre et Filio. Itaque videri posset admittenda, nisi constaret, ipsam non modò in concilio Florentino non fuisse confirmatam, sed ne ipsis quidem Orientalibus omnibus ex parte placuisse, ad eoque ipsam nonnullis continere, unde castigatione egere videatur. Ac non fuisse quidem à concilio approbatam ex decreto unionis cui Græci subscripserunt, apertè constat. Siquidem definitum est in hæc verba, « ut hæc fidei veritas ab omnibus Christianis credatur et suscipiatur, sicque omnes profiteantur, quia Spiritus sanctus ex Patre et Filio, et ex utroque æternaliter tanquam ab uno principio, et unicâ spiratione procedit, declarantes quòd id quod sancti doctores et Patres dicunt ex Patre per Filium procedere Spiritum sanctum, ad hanc intelligentiam tendit. » Si ergo Rutheni profitentur se velle admittere confessionem fidei, quam concilio Florentino Patres religionis Græcæ suis suffragiis comprobârunt, quâ ratione possunt excludere eam formam, quæ assertit Spiritum sanctum à Patre Filioque procedere, si hanc suis illi chirographis obsignârunt? an non vi-

dent, si Christiani esse volunt, et œcumenico concilio acquiescere, sibi necessariò hanc fidei confessionem corde complectendam atque ore profitendam esse?

Jam verò ne fuisse quidem ab omnibus Orientalibus receptam, ex eadem ultimâ sessione concilii faciliè ostendi potest. Cùm enim patriarcha Constantinopolitanus post Iulientam atque eruditam Georgii Scholarii orationem in Græcorum conventu hanc fidei formam edidisset, quam nunc Rutheni proponunt, hæsitante ac tergiversante Græcorum imperatore, Ruthenus in hanc sententiam locutus est: « Sanctorum Occidentalium scripta nobis suscipienda; censeo sanctum Spiritum ex Filio habere esse, necnon Patrem et Filium unicam Spiritûs causam esse, credo et profiteor. » Post hæc Bessarion cardinalis doctè ac disertè peroravit, ac multis Græcorum theologorum et SS. Patrum testimoniis ostendit, nemini aditum patere ad salutem, qui Spiritum sanctum à Patre Filioque procedere non profiteretur. Deinde episcopus Mytilenus, Latinorum et Occidentalium sententiam magnificentissimè extollens, inter cætera concludit: « Quorum (de Occidentalibus loquitur) volens sequi vestigia, Spiritum sanctum à Patre Filioque, et ab unico principio, non autem à duobus causis procedere profiteor. » In eam tamen sententiam Græci frequentissimi abierunt, ipseque ad eò patriarcha suam illam priorem confessionem ad aliam formam revocavit. Sunt autem hæc ipsa illius verba: « Ego nostrum paternum dogma non derelinquam, sed in eo quousque vixero permanebo. Sed quoniam Latini non temerè nec ex sententiâ propriâ, verùm sanctorum auctoritatibus adducti, Spiritum sanctum ex Patre Filioque procedere credunt, ideirò iis assentior, et cum iis conjungor, ac præpositionem, *per*, Filium Spiritûs sancti causam significare concedo. » Quin etiam cùm in conventu Orientalium certum jam ac definitum esset, ut cum Occidentalibus conjungerentur, ipse patriarcha paulò antequàm subitâ morte è vivis eriperetur, suam sententiam hoc chirographo declaravit: « Quæ (inquit) Domini Jesu Christi catholica et apostolica Ecclesia Romæ veteris sentiat ac celebret, omnia me quoque sentire, credereque profiteor, ac ipsis plurimum acquiesco. » Si igitur Orientales tam apertè fatentur, Spiritum sanctum ex Patre Filioque procedere, quid est quod Rutheni reformident? Cur se dicunt Patres sequi celli-



gionis Græcæ, si quod illi apertè asserunt, ipsi postponunt et aspernantur? At quærat fortassè quispiam, cur dixerit patriarcha, *nolle se paternum dogma deserere*? Cui ego paucis respondeo, patriarcham appellare suum dogma illum dicendi modum, quo paulò ante usus erat, cùm dixit Spiritum sanctum à Patre per Filium, à quo sanè dogmate, ut Rutheni concedunt, et ex dictis facilè intelligi potest, non recedit is qui admittit Spiritum sanctum à Patre Filioque procedere: accedit quòd de processione Spiritus sancti in concilio Florentino bipartita quæstio fuit.

Nam primum de re ipsà multis ultrò citrò, que disputatum est, deinde de additione quæ facta est symbolo Nicæno non nihil actum. Cùm verò Orientales concessissent Occidentalibus, recitè eos sentire, cùm procedere dicerent Spiritum sanctum à Patre et Filio, sive à Patre per Filium, admisissent etiam, ipsis justis de causis licuisse verba illa Symbolo addere, constanter negârunt se hujusmodi additionem admissuros, id quod eis per concilium licuit. Ab hoc igitur dogmate potuit patriarcha negare se recessurum; alioqui se Romanæ Ecclesiæ fidem omni ex parte complexi, paulò ante mortem, ut dicit, declaravit apertè. Desinant ergo Rutheni Orientalium fidem et Græcorum confessionem nobis obtendere, cùm constet eos suis suffragiis admisisse Spiritum sanctum procedere à Patre ac Filio. Quòd si (ut Rutheni ultrò concedunt) idem est Spiritum sanctum procedere à Patre ac Filio, et procedere à Patre per Filium, cur hoc admittunt, illud recusant? An quia, ut ipsi insinuare videntur, hoc habetur in Evangelio, illud non item? Atqui Evangelium neutrum apertè dicit; priorem locutionem quam Latini sequuntur, interdum insinuat, posteriorem quam ipsi proferunt, nunquam. Joan. 16: *Ille me clarificabit, quia de meo accipiet*; quo testimonio Andræas Colossensis utitur contra Græcos in concilio Florentino, sessione 7, et ante illum Didymus, l. 2 de Spiritu sancto, probat Spiritum sanctum procedere à Filio, eodemque modo colligit Gregor. Nazianz. orat. de Fide. Nam cùm dixisset Spiritum sanctum esse de propriè filii substantiâ: *Ipse, inquit, Dominus Salvatorque noster de meo, inquit, accipiet, de eo utique quod est Filius, quia et Filius de eo quod Pater est.* An fortè maluit dicere, Spiritum sanctum procedere per Filium, quia Græci sæpius ita locuti sunt, nolunt dicere, ex Filio. quia licet Occidentales sic lo-

quantur, eam formam Græci non admittent? At ego contendo Latinos etiam dicere, per Filium, et quamvis Græci frequenter eodem modo loquantur, sæpius tamen dicere, ex Filio.

Inter Latinos Tertullianus lib. adversus Praxeam, « Spiritum sanctum, inquit, à Patre per Filium deduco. » S. Hilar. l. 12 de Trin., sub finem: « Spiritus est, inquit, ex te per Unigenitum tuum. » S. Thomas 1 parte, q. 56, artic. 3, doctè ac subtiliter explicat, quomodo ea forma dicendi intelligenda sit, quem deinde scholastici magnà ex parte sequuntur. Porrò inter Græcos Athanasius in redargutione Meletii, « impossibile, ait, esse in Trinitatis gloriâ Spiritum sanctum numerari, si non emanaret ex Deo per Filium. » Gregorius Thaumaturgus in suâ fidei revelatione apud Gregorium Nyssenum in ipsius Vita: « Unus Spiritus sanctus ex Deo ortum et existentiam habens, qui per Filium apparuit imago Filii perfecta. » Basilius lib. 5 contra Eunom., cap. 12, ait « Spiritum sanctum non ideò non dici Filium Filii, quia non sit ex Deo per Filium, sed ne suspicemur Trinitatem multiplicari in infinitum. » Greg. Nyssenus l. 1 adversus Eunom., apud Bessarionem, in suâ oratione dogmaticâ, quæ habetur in concilio Florentino, c. 6, ait, « Spiritum sanctum per Filium ipsum esse manifestatum, » lib. ad Ablabium, esse per id quod immediatè et ex continenti est. Cyrillus Alexandrinus, l. 11 in Joan., c. 1: « Spiritus sanctus est consubstantialis Filio, et procedit per eum; » l. 12, c. 56: « Ex Patre per Filium procedit. » Tharadius in 7 synodo, act. 5: « Credimus in Spiritum sanctum, qui ex Patre per Filium procedit. » Maximus, Zachariæ 4, apud Bessarionem: « A Patre essentialiter per Filium ineffabiliter natum procedens. » Damasc. l. 1 de Fide c. 18: « Per Filium Patri conjunctus; » c. 11: « Spiritum per Filium esse dicimus. »

Non dubito plura testimonia posse apud Græcos reperiri; sed hæc tantum placuit indicare. At multò plures sunt Græci, qui dicant Spiritum sanctum procedere ex Filio. Athanasius in Symbolo: « Spiritus sanctus à Patre et Filio non factus, nec creatus, nec genitus, sed procedens. » Hoc Symbolum esse Athanasii ne Græci quidem inficiari audent; nam, ut scribit Gennadius Scholarius in defensione concilii Florentini, cap. 1, sess. 5, Græci sui temporis dicere solebant, Athanasium, quando hæc scripsit, fuisse ebrium, ut maluisse videantur

blasphemare, quàm negare hæc fuisse ab Athanasio conscripta. Deinde hoc Symbolum esse Athanasii indicare videtur Gregorius Nazianzenus, oratione de laudibus ipsius Athanasii, in qua dicit eum scripsisse plenissimam fidei declarationem, quam Oriens Occidensque venerantur. Idem pleniùs significat S. Augustinus, qui in Ps. 120, citans integrum versiculum ex hoc Symbolo, auctorem nominat Athanasium episcopum Alexandrinum, et sine nomine Athanasii utitur frequenter versiculis hujus Symboli, ut l. 5 de Trinit. 8, Epist. 478, ad Passent., Euchir. cap. 36, serm. 295 de Tempore. Denique in concilio Toletano 4, c. 1, circa annum Domini 635, recitatur ex hoc Symbolo confessio fidei. Idem Athanasius, Epist. ad Serapionem, probat Spiritum sanctum non esse Filii creaturam, quia neque Filius est creatura Patris, cum sit idem ordo Spiritus sancti ad Filium, qui Filii ad Patrem: ubi supponit, Spiritum sanctum ita procedere à Filio, sicut Filium à Patre. In eadem Epistolâ: « Si Filius, ait, quia ex Deo Patre est, proprius ipsius substantiæ est, necesse est Spiritum, quia ex Deo esse dicitur, proprium esse Filii secundum substantiam. » Intelligit autem necessariò ex Deo Filio; alioquin nihil concluderet; simile habet in duabus aliis Epistolis brevioribus ad eundem.

Basilio l. 5 contra Eunom., in initio, de Spiritu sancto sic loquitur: « Dignitate secundum à Filio, cum ab ipso esse habeat, et omninò ab illâ causâ dependeat, pietatis ratio tradit. » Hunc locum mendosum et corruptum esse contendebat Marcus Ephesius in concilio Florentino, sess. 20. Sed ostenderunt Latini codices, in quibus hæc verba leguntur; et ex his quæ sequuntur, apparet in aliquibus codicibus fuisse sublata; pergit enim: « Quem admodum Filius ordine quidem à Patre secundus est, quoniam ab illo est, et dignitate, quoniam origo atque causa essendi Pater ipsi est; naturâ verò nullo modo secundus, quoniam in utroque una est deitas: ita Spiritus sanctus etsi dignitate et ordine secundus à Filio est, non tamen alienæ ipsi esse naturæ inde consequens est. » Ex quibus apparet necessariò intelligendum esse Spiritum sanctum habere esse à Filio, alioquin similitudo Filii et Patris non esset ad rem. Idem l. 5 adversus Eunom., vocat Spiritum sanctum naturalem imaginem Filii, cap. 11: « Ut se habet Filius ad Patrem, sic Spiritus sanctus ad Filium; quapropter Ver-

bum Dei est Filius, Verbum autem Filii est Spiritus sanctus. » Quæ nullo modo vera esse possunt, nisi Spiritus sanctus procedat à Filio. Eadem penè repetit lib. de Spiritu sancto, c. 17.

Gregorius Nyssen., hom. 4 in orationem Dominicam, ut ex ipso citat Gennadius in defensione concilii Florentini, cap. 1, habet hæc verba: « Spiritus sanctus et ex Patre dicitur, et ex Filio præterea esse ostenditur; » ait tamen hunc locum sublatum esse à Græcis. Bessarion loco notato citat alium locum ex libro ad Ablabium, ubi ait Spiritum sanctum distingui, eò quòd credimus aliud quidem causam esse, aliud verò ex causâ, et ex eo quod ex causâ est. Ubi causam vocat Patrem, Filium id quod ex causâ, Spiritum sanctum ex eo quod ex causâ est, id est, ex Filio. Gregor. Nazianz. oratione 5, de Theologiâ, comparat processionem Spiritus generationi Seth, qui ab utroque parente fuit, significans Spiritum sanctum esse à Patre ac Filio. Cyrillus Hierosolymitanus catechesi 17, de Spiritu sancto sic loquitur: « Qui Patri ac Filio semper adest, non qui ab ore et labiis Patris et Filii loquendo formetur; » quod profectò inane esset, nisi putaret procedere ab utroque. Chrysost. homil. 1 de Symb.: « Iste est Spiritus sanctus de Patre ac Filio procedens. » Hom. 2: « Spiritum sanctum dicimus Patri et Filio æqualem, et procedentem de Patre et Filio. » Alia testimonia ex hoc auctore citantur ab aliis. Epiphani. hæresi 69: « Unus est Spiritus, Dei Spiritus ex Patre procedens, et de Filio accipiens. » Hoc autem accipere de Filio, opponit creationi; negat enim Spiritum sanctum esse à Filio creatum; sic scripsit in totâ illâ disputatione, in Anchorato dicit Spiritum sanctum esse Spiritum Patris et Filii, et ex Patre et Filio tertium; ibidem ait esse ex Christo, ab utrisque à Patre et Filio. Didymus, l. 2 de Spiritu sancto, inducit Christum de Spiritu sancto loquentem: « Non est, inquit, ex se, sed ex Patre et me est, hoc enim ipsum quod subsistit et loquitur, à Patre et me illi est. » Paulò infra: « Non potest à Filio loquente audire quæ nescit, cum hoc ipsum sit quod profertur à Filio, id est, procedens à veritate, consolator manans de consolatore. » Paulò post: « Non est alia substantia Spiritus sancti, præter id quod datur ei à Filio. »

Cyrillus Alexandrin. l. 11 in Joan. de Spiritu sancto ait: « A Verbo est secundum emis-

« sionem ad esse atque subsistere ; » lib. 15 Theaur. 2, Spiritum sanctum Dominum similiter appellat, sicut ex ipso Filio et in ipso naturaliter existentem. Paulò post : « Ex Filio autem naturaliter ac substantialiter Spiritum sanctum sicut ex Patre provenire credimus. » Sic ferè de Rest. fid. ad Theodos., ultra med.; et l. 5, 6, 7, de Trinit. Extat præterea Epist. concilii Alexand. ad Nestorium, quæ est ipsius Cyrilli, in quâ leguntur hæc verba : « Spiritus appellatus est Veritatis, et Veritas Christus est, unde ab isto similiter sicut ex Patre procedit. » Hæc autem epistola approbatur in concilio Ephesio, tom. 1, c. 14, in quartâ synodo, act. 5, in quintâ synodo actione ultimâ, in sextâ synodo, act. 7, ut appareat hunc dicendi modum à quinque conciliis œcumenicis, iisdemque in Oriente celebratis fuisse confirmatum. Plura alii, sed hæc videntur satis apertè ostendere, non ita probari à Græcis illum loquendi modum, *per Filium*, ut non frequentissimè dixerint, *ex Filio*.

Non negarim Græcos, dum maximè disputarent contra Macedonium et Eunomium ac reliquos πνευματομάχους, non dixisse solitariè atque absolutè Spiritum sanctum esse à Filio, et negasse Filium esse causam, sed id propterea factum est, ne viderentur cum Eunomio sentire, qui, ut intelligitur ex Basilio, l. 2 adversus Eunomium in fine, Spiritum sanctum dicebat esse Filii creaturam; hæc enim sunt verba Eunomii, Filium ingeniiti esse facturam, Unigeniti verò Paraclctum; idemque cum Eunomio sensisse Macedonium docet Theodoretus l. 4 de Hær. t. 6. Cùm ergo Eunomius absolutè diceret Spiritum sanctum esse à Filio, Catholicis absolutè negant, et ob id etiam interdum negant Filium esse causam, et solum Patrem dicunt causam. Nomen enim *causæ* apud Græcos, præsertim Basilium et Gregorium Nazianz., significat principalitatem quamdam et primatum in origine, et hoc modo nomen causæ soli Patri propriè convenit. Sic Basilius de Spiritu sancto ad Amphil., c. 16 : « In horum, inquit, « creatione cogita mihi principalem causam « eorum quæ sunt Patrem, dein conditricem « Filium, perfectricem Spiritum sanctum. » Et Gregor. Nazianz. oratione ad episcopos ex Ægypto navigantes tres divinas personas ita describit : « Creatrix dominatio in tribus consistit, in causâ, in opifice, in perfectore, » hoc est, in Patre, in Filio et Spiritu sancto. Ibidem : « Quicquid Pater habet, idem, ex-

« ceptâ causâ, Filii est ; » quasi dicat : Pater communicat omnia Filio, præter paternitatem et illam emanantiam ac prioritatem originis, quæ ipsius est propria.

Hoc ergo modo negant Filium esse causam, et Spiritum procedere ex Filio, quod sæpè inculcant Græci in concilio Florentino, non procedere Spiritum sanctum à Filio ἀρχαῖος, vel ἀρχαῖος, quia reverà Filius non est prima et principalis causa modo explicato, cùm id conveniat Patri. Faciliùs dicunt esse per Filium, quàm ex Filio, quia, ut docet Basilius de Spiritu sancto, c. 2 et 3, hæretici philosophicis rationibus ducti, putabant modum illum dicendi, à quo, convenire tantum causæ principali, *per quem* verò secundariæ; quod quantum non est perpetuò verum, ut ibi ostendit Basilius, et planiùs t. 5, Ambrosius l. 4 de Fide, c. 6, et Augustin. de Trin. c. 6, tamen nonnunquam hanc distinctionem Græci Patres admittunt, ut patet ex Greg. Nazianz. oratione in sancta lumina, Damas. l. 1, c. 10, qui dicunt his vocibus personarum proprietates significari, atque idcirco ne viderentur admittere Filium esse causam principalem Spiritus sancti, maluerunt dicere, procedere à Patre per Filium, quasi suam cuique personæ proprietatem adscriberent. Nam quia pater est ingenuus, et à nullo procedit, est verò quasi radix et origo divinarum personarum, dicitur, à quo; Filius, quia procedit, spirat tamen et cum Patre operatur, dicitur *per quem*; et quia in Spiritu sancto omnis divina emanatio clauditur, dicitur, *in quo*. Itaque ne viderentur tribuere Filio principalem vim spirandi, quæ à Patre non penderet, negrunt esse à Filio, per Filium tamen propter rationem allatam concesserunt. Non ergo dicunt Rutheni Orientales maluisse dicere, *per Filium*, cùm tamen multi ex Orientalibus dixerint, à *Filio*. An credimus Ruthenos hunc Occidentalium loquendi modum postponere, quod alter tutior sit, aptior et accommodatior? Verùm, nisi ego vehementer fallar, omnia contra habent. Nam primùm ex oratione dogmaticâ Bessarionis satis constat, quod multis calumniis expositus esset ille dicendi modus, quibus fidei catholice veritas quibusdam quasi tenebris involvebatur. Deinde D. Thomas, qui ad theologicam normam omnia revocavit, 1 p., q. 36, art. 3, cùm disputaret de hoc dicendi modo quo Spiritus sanctus dicitur procedere *per Filium*, non dixit ita dicendum, sed posse eum dicendi

modum admitti, atque ad bonum sensum adducti, cum, art. primo, probasset, Spiritum sanctum procedere à Patre ac Filio, esse necessarium certam et catholicam fide credendum.

Sed ut res tota melius intelligatur, ponenda sint nonnulla: 1<sup>o</sup> Spiritum sanctum procedere à Patre ac Filio tanquam ab unico principio: quod definitur in concilio Florentino, et antea fuerat decretum in concilio Lugdunensi, cap. unico de sum. Trinitate et fide catholica, in 6, et multò antea traditum fuerat ab Augustino, l. 3 contra Maximum Arrianum, cap. 17. « Pater, inquit, principium non de principio, Filius principium de principio, sed utrumque simul, non duo, sed unum principium. » Quæ quanquam dicantur ab Augustino de divinis personis in ordine ad creatura, atque ideò tertium addit Spiritum sanctum, quæ tria sicut unum Deum, ita unum dicit esse principium, ratione unius naturæ communis; tamen idem eadem ratione diceret de origine personarum inter sese, quod absolute et in universum asserit idem August., l. 10 de Civit., c. 25, et l. 5 de Trinit., c. 25, art. 14 ejusdem libri, aperte dicit Patrem et Filium principium esse Spiritus sancti, non duo principia, sed unum principium, eodemque modo loquitur Anselm., Menolog. 52, et epist. de process. Spiritus sancti. 2<sup>o</sup> Credendum est procedere Spiritum sanctum à Patre ac Filio unà spiratione et unà virtute, quod in iisdem conciliis definitum est, et ex his quæ de divinis processionibus certam fide credenda proponuntur, necessariò deducitur. 3<sup>o</sup> Rationem seu formam in quam conveniunt Pater et Filius ad producendum Spiritum sanctum, esse divinam essentiam, ut includit communicabilitatem per actum voluntatis, quæ quia est una, ut aperte constat, quamvis conveniat duobus suppositis jam constitutis, tribuit eis rationem unius principii. Quo fit, ut principium spirativum Spiritus sancti non dicat in recto quippiam unum unitate suppositi, sed unitate formæ; dicit enim immediatò Patrem ac Filium, ut conveniunt in eandem numero essentiam communicabilem Spiritui sancto.

Quibus ita positis, ac probè constitutis, si qua dicendi ratio excogitari posset, quæ aut ex vi verborum, aut ratione terminorum, aut exaccommodatione usûs, hæc omnia vel aperte indicaret, vel utrumque innueret, ea loquendi forma in processione Spiritus sancti optima videretur; sed quia hactenus excogitata non est, ea censeri debet cæteris præstare,

quæ ab illa præstantissimè propiùs absit, et plura idque aptius atque apertius significet. Jam 1<sup>o</sup> cum dicimus Spiritum sanctum procedere à Patre per Filium, indicamus quidem utrumque unicum primarium principium; id est, Patrem, sed unicam spirationem et unicam Patris ac Filii vim spirandi ex vi verborum non significamus. Tametsi enim præpositio, per, solitariè posita, potest significare causam principalem, non modò apud Latinos, sed etiam apud Græcos, ut affirmat Basilius, lib. de Spiritu sancto, c. 8, quomodò legimus Genes. 4: *Possedi hominem per Deum*; Proverb. 8: *Per me reges regnant*; 1 Corinth. 1: *Per quem vocati estis in societatem dilecti Filii sui*; tamen cum conjungitur cum altero agente, non unam aut simplicem significationem continet, siquidem, ut rectè ait D. Thomas primà parte, q. 56, art. 5, particula, per, omne genus causæ, exceptâ materiali, significare potest; quòd si contineat rationem causæ producentis actionem, ut manat ab agente, triplex genus causæ complectitur: *formalem*, cum dicimus artificem per ideam seu artem aliquid efficere; *finalem*, cum per lucri cupiditatem, id est, lucri gratiâ, quempiam dicimus agere; *efficientem*, seu *motivam*, ut si dicamus, per principis imperium ducem moveri. Certum est autem nihil horum posse significari, cum agimus de Spiritu sancti processione, quia divinæ emanationes ad intra causam finalem, formalem, aut extrinsecus agentem nullam habent, et ut intelligatur aliquod principium ad modum formæ, certum est, cum dicimus Spiritum spirari à Patre per Filium, non significari formam, quæ ut supra diximus, est ipsa essentia et virtus spirativa; sic enim dicendum esset Patrem ac Filium spirare per virtutem spirativam, seu per essentiam, etc.

Si verò præpositio, per, contineat vim agendi, ut actio terminatur ad opus, et significet causam non ob quam agens agit, sed cur quippiam ab agente fiat, tunc aperte significat efficientiam causæ agentis, ut cum dicimus artificem manu vel instrumento quippiam moliri, et hoc modò præpositio, per, ut ibi observat Cajetanus, improprie usurpatur in processione Spiritus sancti. Ideòque divus Thomas non tam probat quàm excusat illum dicendi modum, cum alioquin contineat aliquas imperfectiones; nam supponit inter Spiritum sanctum et Patrem intercedere Filium, quod in rigore falsum est, quia Pater et Filius æquè primò et immediatè eadem virtute spirant. Deinde

nisi prohiberetur ex terminis adjunctis, significaret diversam rationem agendi in Patre ac Filio: nam si significaret mediationem suppositi, videretur facere Filium instrumentum, ut dicimus regem jus dicere per prætorem; si mediationem virtutis, indicaret Patrem accipere vim spirandi à Filio, quomodo dicere solemus prætorem per regem exercere suam potestatem, id est, auctoritate acceptà à rege.

Ex quibus constat significari unum principium Spiritus sancti, sed cum multis imperfectionibus, et admodum confusè et cum periculo errorum, præsertim cum ex simili dicendi modo decepti sint olim Ariani; qui propterea quod legerant omnia facta esse per Filium, colligebant Filium fuisse ministrum in creatione, atque idcirco esse inferiorem Patre, in quo tametsi errabant ratione terminorum, tamen habità ratione ipsius formæ loquendi, non malè concludebant, cum sæpè in Scripturis præpositio, per, ministerium atque instrumentum significet.

2<sup>o</sup> Si respiciamus ipsam spirationem ac virtutem spirandi, non dubium est ratione terminorum (quia in divina omnia sunt unum, ubi non intercedit oppositio) significari unicam virtutem ac spirationem; modus tamen dicendi hoc ex se non significat: nam etsi Filius acciperet à Patre distinctam facultatem spirandi, et distinctà spiratione spiraret, possemus dicere Patrem spirare per Filium, quomodo rex per prætorem jus dicit, ubi apertè cernuntur diversæ facultates et actiones.

3<sup>o</sup> Inde etiam apparet ex vi verborum, non significari unicam formam, in quâ conveniant Pater et Filius: nam a quoque ex vi verborum sicut rex et prætor non habent eandem formam seu auctoritatem, ita etiam non repugnaret vi locutionis, intelligi diversam Patris ac Filii naturam; sic dicimus cælum agere per causas secundas, cum sint tum naturæ, tum facultates admodum diversæ. Ex quo sequitur, sicuti si non reperiretur in Scripturis hic modus dicendi: *Omnia per ipsum facta sunt*, et alii ejusmodi, potius viderentur negandi quàm concedendi, quia non possunt sine errore defendi nisi propter terminos, cum aliòquin ex vi sermonis possint trahi ad sensus peregrinos atque erroneos: ita nisi reperiretur hæc propositio apud sanctos, quos necesse est excusare ac defendere, eam videri potius est naturæ sermonis negandam, quàm affirmandam; tantùm æbet, ut sit alteri pro-

positioni, de quâ mox, ullâ ratione præterenda.

At cum dicimus Spiritum sanctum procedere à Patre ac Filio, 1<sup>o</sup> quidem significamus originem substantialem à Filio quo refellitur eorum error, qui solam processionem temporalem admittebant esse à Filio; cum enim de utroque supposito æquè affirmetur, non potest afferri discrimen, nisi evidens ratio persuadeat; ut cum dicunt philosophi: Sol et homo generant hominem, quia intelligunt conjungi in causam primam et universalem cum secundà et particulari, necessariò concludendum est dissimiles esse utriusque causæ actiones: sic dicimus ex mare et feminâ animal gigni. At cum non appareat in hæc propositio- ne ulla diversitas, et ex vi terminorum omnis planè distinctio rejiciatur, eà exceptâ, quæ pertinet ad constitutionem personalem suppositorum, consequens actionem ex æquo utriusque convenire: quo fit, ut 2<sup>o</sup> optimè significetur unitas tum spirationis tum facultatis spirativæ: cum enim aliquid unum à duobus distinctis emanat, neque cernitur ex terminis, aut ratione probatur distinctio in actione, unitas potius tum facultatis, tum actionis concluditur, ut allatis exemplis ostendi potest. 3<sup>o</sup> Significatur æqualitas in producendo; æquè enim dicitur Pater ac Filius producere, cum præsertim id postulet natura terminorum. 4<sup>o</sup> Satis apertè indicatur unitas formæ; quorum enim actio formalis una est, eorum necesse est unam esse formam ac naturam, ut docet Basilus in Psal. « Quorum, inquit, una natura est, eorum actiones eadem sunt. » Per strendò ipsa spirationis natura cernitur, quæ ut refertur ad personam productam, necessariò postulat duo supposita jam personaliter constituta, quæ ut in unam naturam, sic in eandem facultatem spirativam conveniunt: atque idcirco significatur unum principium spirativum Spiritus sancti, quale reverè est, non unitate suppositi, sed unitate formæ ac naturæ, ut supra dictum est.\*

Quæ cum ita sint, non video cur Rutheni maliant hæc dicendi modum postponere, qui multis nominibus præferendus videtur. Neque satis intelligo, cur negent velle se ad aliam confessionem compelli, cum fateantur eundem esse sensum utriusque formæ, cur item recusent eam Confessionem quam Orientales in synodo Florentinâ suis chirographis obsignârunt: si negant velle se eam additionem Symbolo suofacere, aut volunt suum illum

loquendi modum in suis hymnis et antiphonis retinere; si rem admittant, quod illis est à concilio Florentino permissum, in presentia non videtur revocandum. Sic autem rem totam paucis concludo. Aut putant idem significari utriusque dicendi formam, aut aliquid in illis discrimen agnoscunt; si non existimant idem significari, concilio Florentino aperte contradicunt, si contra ipsius decretum unam formam admittunt, alteram rejiciunt, præsertim eam quam concilium non modò magis probavit, sed omnibus necessariò credendam ac profitendam proposuit: si putant inter eos modos dicendi aliquod esse discrimen, planius loquantur, suamque sententiam explicant; interim intelligant se à concilio Florentino aperte dissentire, atque idè contra fidem haud leviter peccare. Quòd si, ut ego quidem existimo, rem ac sententiam probant, sed nolunt compelli ad admittendam additionem factam Symbolo, vel passim usurpandam hanc locutionem, non videtur ea conditio penitus aspernanda, modò apud populum tollatur scandalum, qui putant Occidentales malè sentire.

Quod spectat ad psalmodiam, preces ac liturgias, usum denique Sacramentorum, quod Orientalibus jamdiu permissum est, non videtur ullo modo negandum, quanquam ipsorum libri diligenter examinandi videntur, ne errores atque abusus irrepserint, habendaque videtur præcipua ratio eorum quorum mentionem facit Eugenius in concilio Florentino, præsertim eorum quæ pertinent ad usum Sacramentorum, ubi non solàm in multis discrepant à Latinis, sed egere videntur castigatione. De Purgatorio si parati sint admittere sanam et catholicam doctrinam, nihil est dubitandum, curandum verò, ut de statu animarum et felicitate justorum rectè et cum catholice Ecclesiæ sentiant. De calendario non potest sine scandalo dissimulari, quia necesse est eos in celebratione Paschatis plurimùm à catholice Ecclesiæ discrepare, nisi novi calendarii ratio suscipiatur. Quamobrem incunda erit aliqua ratio, ut salvis eorum solemnitatibus, quæ permittendæ videbuntur, series festorum mobilium illis cum Occidentalibus constet. De processione in festo Corporis Christi non laborarem; multa tamen circa hoc Sacramentum examinanda sunt; ceremonias circa festum Paschatis diligenter expendendas atque excutiendas puto. De sacerdotum matrimoniis, atque in universum de ipsorum matrimoniis, multa consideranda sunt, quia

certum est apud Orientales multos esse abusus; nam alicubi non nisi uxorati initiantur, alibi etiam initiati contrahunt matrimonium, nec desunt qui propter adulterium matrimonium solvant, et aliud inveniunt; erunt etiam fortassè qui secundas nuptias damnant. Quod dicitur de ceremoniis Ecclesiæ Romanæ, videtur æquissimum, juxta decretum Eugenii in concilio Florentino; de pulsu campanarum citra scandalum non magnopere essem sollicitus. Ut matrimonia Græcos inter et Latinos inveniatur optandum est, cessante periculo et scandalo. De visitatione infirmorum cum sacramento Eucharistiæ, cupio planius doceri, suspicor enim nonnullos esse abusus. De monasteriis ac templis facilè annuerem, id ipsum de excommunicatis, salvà atque integrâ Romani pontificis auctoritate.

Hæc habui, quæ breviter dicerem; cætera quæ hic non attingi, ut initio dixi, ad civilem prudentiam spectant, non ad theologum. Itaque illa omnia prudentiæ illustrissimorum DD. meorum integra atque intacta relinquo, sicut et eorum judicio atque censuræ superiora, quæ scripsi, libens subijcio, etc.

#### CAPUT IV.

DE UNIONE TOTIUS ORIENTALIS ECCLESIAE CUM ECCLESIA CATHOLICA PROCURANDA.

##### *Ordo servandus*

Hactenus in primâ hujus operis parte, de his quæ agenda sunt pro juvenandis Græcis, aliisque schismaticis tractavimus; proximè sequuntur schismatici Orientales, qui abhinc mille annis in hodiernum usque diem in maximâ versantur infelicitate, perpetuisque vexantur infortuniis et calamitatibus: et licet olim ingens fuerit tam Alexandrinæ quam aliarum Ecclesiarum Orientis gloria et splendor; at ubi concilium Chalcedonense, sanctumque Leonem pontificem, ac Romanam sedem omnium matricem Ecclesiarum spreverunt, innuigræ secutæ sunt clades, quæ abhinc tot seculis usque ad nostra tempora communi cum dolore plorum omnium cernuntur. His igitur tanquam nationibus olim florentissimis, quarum prisci Patres Ecclesiam catholicam insigniter illustrarunt, meritò post Græcos debetur hic locus, in quo tam de erroribus et ritibus, quam de aliis pro juvenandis his nationibus, et ad rectam fidem, mutuamque charitatem inter nos statuendam Deo inspirante dicemus, observato tamen hoc ordine, ut de origine schismatum totius Orientis

tis primâ statim fronte agamus, et post, ad Nestorianorum, Coptorum, Abyssinorum (quos non immeritò Orientalibus nationibus annumeramus; parent enim Alexandrino patriarchæ) Jacobitarum, Armenorum, Georgianorum et Maronitarum (qui nunc Ecclesiæ Romanæ obediunt) errores, ritus et alia quæ pro harum nationum exactiori notitiâ, utilitate et salute conducere possunt, descendamus. Demùm de omnibus erroribus, qui hujuscemodi populis communes sunt, eorumque confutatione, atque etiam in genere de agendi modo cum illis, ut fidei veritatem agnoscant, disseremus, additis quibusdam instructionibus ad hunc finem utilissimis. Et quia omnès prope modum nationes istæ Græcorum erroribus sciant, lectorem ad supradicta, quæ contra Græcos allata sunt remittimus; insuper pro majori ministrorum informatione, decisiones aliquot, sive responsa à Gregorio XIII pro Maronitarum natione edita, quæ maximam lucem in juvandis schismaticis conferre possunt, in hujus libri calcem rejecimus.

In referendis aliquibus præfatarum nationum erroribus ac ritibus, sequemur virum non minis pietate quàm doctrinâ insignem, Leonardum episcopum Sidoniensem, quem Gregorius XIII, summus pontifex, nuntium et visitatorem apostolicum simul cum patre Joanne Baptistâ Romano Societatis Jesu ad Orientales nationes destinavit. Hic autem ferè totum lustravit Orientem, ac diversarum nationum ac rituum patriarchas, episcopos, virosque alios doctos allocutus, eorumque religionem et fidem, simulque errores attentè scrutatus, postea omnium ferè illarum Ecclesiarum statum obtulit Sixto V, pontifici maximo, cum quadriennium in eâ legatione insumpsisset; est autem apud me manuscripta narratio accuratè conscripta, ubi Armenorum, Nestorianorum, Jacobitarum et Maronitarum errores, qui nunc inter has nationes grassantur, recenset.

#### ARTICULUS PRIMUS.

##### *De origine schismatum Orientalium.*

Acturi igitur de Orientalis Ecclesiæ erroribus, maximè de illis qui hodie apud Jacobitas, Coptos, Abyssinos, Armenos, Georgianos ac demùm Nestorianos magis vigent, operæ præmium duximus omnium errorum originem ac progressum priùs, etsi levi, ut ajunt, manu attingere.

Nestorius episcopus Constantinopolitanus,

floruit Theodosii Junioris imperatoris, et Coelestini summi pontificis temporibus, circa annum Domini 427. Illic, auctore Gennadio et Socrate, l. 7, c. 32, in id summo studio laboravit, ut Christum Dei Filium ex Virgine Mariâ natum, hominem duntaxat, non etiam Deum esse doceret, atque ideò Mariam *Christotocon*, id est, Christi matrem, non autem *Theotocon*, id est, Dei matrem esse diceret; postea verò sanctæ et inculpatæ vitæ merito Christum obtinuisse, ut dignus haberetur, cui se divinitas conjungeret. Duas itaque in Christo ponebat naturas, duas itidem in eo dicebat esse personas, unam divinitatis, alteram verò humanitatis: nec unum Christum in deitate et humanitate sentiebat, sed separatim atque se junctim, alterum dicebat esse Filium Dei, sed hominis tantum matrem appellabat. Denique Christum esse tantum hominem dicebat, cui nativitate, passionem et resurrectionem attribuebat. Addebat autem Filium Dei postea unitum fuisse filio hominis multis modis, non quidem substantialiter communicando hypostasim, sed tantum accidentaliter. 1º Secundum habitationem, sicut in templo suo. 2º Per unionem affectûs, voluntatis et dilectionis. 3º Per operationem, quia filius hominis erat instrumentum, quo utebatur Verbum in operibus miraculosis. 4º Secundum participationem, quia Verbum illi homini impertivit nomen et dignitatem suam, eo modo quo imagines sanctorum nominibus eorum interdum appellantur, et propter eos etiam honorantur et adorantur. Illic fuit Nestorii hæresis.

Vincencius Lirinensis in libro quem adversus profanas hæresum novitates scripsit, censet Nestorium, ut Apollinaris hæresim declinaret, in foveam hanc incidisse. Apollinaris inquit, hæreticus, nolebat in Christo duas esse substantias, unam divinam, alteram humanam; unam ex Patre, alteram ex Matre, sed ipsam Verbi naturam putabat esse discissam, quasi aliud ejus permaneret in Deo, aliud verò versum fuisset in carnem, et cum veritas dicat ex duabus substantiis unum esse Christum, ille contrarius veritati ex unâ Christi divinitate duas asserere factas esse substantias.

Nestorius autem, contrarius Apollinari, dum se duas in Christo substantias distinguere simulat, duas introducit repentè personas, et inaudito scelere duos vult esse Filios Dei, duos Christos, unum qui Deus sit, alterum qui sit generatus ex matre, atque ideò asserit sanctam Mariam, non *Theotocon*, sed *Christotocon*

esse dicendam, quia scilicet ex eâ non ille Christus qui Deus, sed ille qui erat homo, sit natus. Hæc Vincentius, Nestorius volens suam hæresim Constantinopoli jam evulgatam per totum orbem dilatari, sua scripta misit ad diversas orbis provincias, et inter alias ad Ægypti monachos, quorum nonnulli ab eo seducti, suis erroribus consenserunt, quorum causâ magni inter eos excitati sunt tumultus et dissidia. Demùm ne Orientis episcopi Nestorii hæresi inficerentur, coacta fuit anno Domini 431, octavo autem Cœlestini papæ, synodus Ephesina, in quâ, post multa, damnata est Nestoriana blasphemiam, ut rem totam latius card. Baronius Annal. tomo 5, sub eundem annum.

Deinde Eutyches monachorum pater Constantinopoli, eorum qui tempore Ephesini concilii adversus Nestorianos præstantius cæteris dimicaverunt, antesignanus, cum in Nestorii hæresim summo odio ferretur, eò prosiliit, ut non duas tantum esse in Christo personas ex christiana fide præscripto negaret, sed nec duas in Christo naturas vellet asserere, et eos putaret Nestoriani laborare morbo, qui duas confiterentur in Christo distinctas et confusè conjunctas esse naturas.

Præterea impiè docebat (ut accuratè inter alios explicat card. Bellarm. tomo 2, lib. 3, de Christo Domino, cap. 2), in Christo post incarnationem unam tantum fuisse et esse naturam, factam per conversionem divinitatis in carnem, quia Verbum caro factum est: at unum fieri, alterum est verum in illud. Unde assererat divinitatem Verbi natam, passam, mortuam et sepultam fuisse: ita tamen ut Christi caro non sit ejusdem naturæ cum nostrâ, sed tantum apparens et phantastica, ut potius Verbum simulaverit se hominem, et natum, passum, etc., quam verè fuit, quia videtur indignum Deo, quòd vera fuerit caro, verè natus, passus, etc.

Accusatus Eutyches apud Flavianum, et apud concilium quoddam provinciale Constantinopolitanum tunc fortè congregatum, ac nolens respicere, condemnatur à concilio ac postea agente imperatore Theodosio apud Leonem pontificem, Ephesi concilium anno Domini 449, seu potius synodus prædatoria seu latrocinium Ephesinum 128 episcoporum congregatur, in quâ præside Dioscoro Alexandrino patriarchâ, reclamantibus Apostolicæ sedis legatis (nempe Juliano episcopo, Renato presbytero, Hilario diacono, quos S. Leo mi-

serat), ob summam Dioscorigenitatem et potentiam, impius Eutyches absolvitur, et ejus hæresis approbatur. S. Flavianus, et alii plurimi episcopi catholici condemnantur, plerisque episcopis (ut Baronius notat tomo 6 Annal. circa annum Christi 449, ex quo brevem hanc historiæ seriem desumpsimus) per minas et vim, intentatis exiliis, catenis, fustibus et gladiis, ad subscribendum adactis, repugnantibus verò et reclamantibus sedis Apostolicæ legatis, et contestantibus, quæ per vim et metum extorquerentur, nullius roboris esse. Quæ contestatio licet non sit in actis illius pseudosynodi, utpote à Dioscorigeni notariis confectis, est tamen de illâ expressa mentio in pluribus litteris S. Leonis, tum ad Theodosium imperatorem, tum ad alias personas; tandem legati pontificis fugâ elapsi, post multa pericula et insidias Romam redierunt. At certior factus summus pontifex Leo eorum quæ in illâ synodo gesta sunt, Romæ concilium coegit, in quo pseudosynodus Ephesina damnatur, ac omnia ejus acta rescinduntur.

Impius Dioscorus Alexandriam reversus, anathema ausus est intorquere in Romanum pontificem, coactis decem episcopis, lacrymantibus et gementibus ad subscribendum facinus hactenus inauditum; at post multa episcoporum dissidia, à S. Leone urgente et instante Marciano imperatore anno Domini 451, in Oriente, nempe in civitate Chalcedonensi, concilium œcumenicum indicitur, in quo sexcenti et triginta episcopi convenerunt, præsentibus legatis Romanæ sedis, in quo concilio damnata est hæresis Eutycheis et Dioscorigeni episcopi Alexandrini, qui et ab episcopatu, et ab omni ecclesiasticâ fuit dejectus ac depositus functione; similiter sancitum est, ut Ephesinum sub Dioscorigeni concilium celebratum concilii nomen non obtineret. Præter episcoporum sententiam, præter sedis Apostolicæ confirmationem, accesserunt etiam ad corroborandum synodum Chalcedonensem sanctissimi viri, qui his temporibus illustrantem orientalem Ecclesiam, et miraculorum virtute nitebant, qui tandem se fidem tenere et verbis testati sunt et crebrâ miraculorum editione confirmârunt, quales fuerunt Euthymius, Auxentius, et alii sanctissimi monachi, Dioscorus verò, à suo episcopatu depositus, ac simul cum aliis hæreticis relegatus, vitâ functus est, ac Alexandriæ loco ejus ordinatus episcopus Proterius; ingens tamen seditio et tumultus Alexandriæ excitatur propter Dioscorigeni relega-



tionem, ac teste Evagrio lib. 2, c. 3, eò usque invaluit vulgi studium in improbissimum et nequissimum Dioscorum, ut post ejus mortem divinos etiam honores ei Ægypti detulerint, qui et usque in hæc tempora, tam in Alexandriâ, quàm in plurimis Ecclesiis ab Eutychiânis hæreticis deferuntur.

Ægyptii hæretici exilio propter Eutychianam hæresim mulctati, mortuo Imperatore Martino, veniunt Alexandriam, ac irruentes in sanctum episcopum Proterium eum occidunt, et ejus loco Timotheum quemdam Eutychiânâ subrogârunt, legatosque mittunt ad Leonem pontificem, profitescentes Alexandrinam Ecclesiam non admittere synodum Chalcedonensem; quare anno Domini 459, synodus Constantinopolitana 73 episcoporum, admittente Gennadio episcopo Constantinopolitano, præsentibus Apostolicæ sedis legatis à S. Leone missis congregatur, in quâ de confirmando fidei decreto in concilio Chalcedonensi, et abolendâ penitus Eutychiânâ hæresi sanctum est, ac demùm Timotheus inceptor Ecclesiæ Alexandrinæ longè in exilium ab imperatore Leone relegatur, suffecto in ejus locum Timotheo alio viro catholico. Tandem postquàm Eutycheti et Dioscoro à sanctâ quartâ synodo Chalcedonensi dignitas abrogata est; qui illorum dogma defenderunt, ut testatur Nicephor. lib. 18, cap. 14 Eccles. Hist., factâ ab Ecclesiâ catholicâ defectione segregatos sive ambigentes se ipsos appellârunt, neque ullo modo, ut quæ rectè in concilio sancto statuta essent comprobarent, adduci potuere. Ii in duodecim sectas dissecti sunt, ex quibus per universum Orientem multa millia hæresum pullularunt. Ex quarum sectatoribus quidam, (ut notavit Prateolus, verbo *Acephali*) Eutychiânistæ vocati sunt, alii Acephali, alii Monophysitæ, alii Theodosiani, alii Julianistæ, alii Trithetæ, alii Agnætæ, alii Theopaschitæ, alii Armenii, alii Severitæ, alii Aphthartodocitæ, alii Phantasiastæ, alii Manichæi, alii Phartolatæ, alii denique Scenolatæ sunt appellati.

Antesignani verò præcipui post Eutychetem et Dioscorum fuere Severus monachus, qui ferè, lues atque perditio fuit totius Orientalis Ecclesiæ; Petrus Damaphæus, Theodosius, Julianus, Alicornasius, Guinus, et alij ejusmodi infelicium mortalium chorus, omnes isti professione Severiani, hostesque concilii Chalcedonensis, ut Baronius refert tomo 7, anno Christi 533, inter seipsos more hæreticorum pugnarunt, ut planè acciderit, hoc veluti por-

tento quodam, ut bellua sine capite (ita Acephalorum hæresis appellata) eadem pluribus prodierit armata capitibus inter se pugnantibus: nam ex eis primùm emiuit caput Severus, ex quo denominati sunt Severiani; ex hoc verò plura alia capita pullularunt, nempe Gaianus, ex quo Gaianitæ, Theodosius, ex quo Theodosiani, Jacobus, ex quo Jacobitæ, Themistius, ex quo Themistiani; numerat adhuc aliud caput Joannes Damascenus, nempe Barsanum, ex quo Barsaniani, sive Semidalitæ, de quibus ait: « Hi cùm omnia Graianorum et Theodosianorum decreta defendant, aliquid tamen præterea addiderunt de suo, symbolis Dioscori relictis, ut à reliquis Dioscori sectatoribus noscerentur. » Quorum impiorum dogmatum, teste Nicephoro, lib. 18, cap. 54, Eccles. Hist., sectator atque restaurator fuit Jacobus quidam Syrus, genere obscurus pro-sus, et nullâ gloriâ vir, à quo maximâ ex parte Syrorum gens usque in hodiernum diem Jacobita est denominata.

Hæc etiam morbi contagione Sergius archiepiscopus Constantinopolitanus maximè infectus est, per quem Monothelitarum sive monophytarum hæresis, teste Nicephoro, ut supra, admodum est propagata. Fuerunt enim Monothelitæ inter Acephalos præcipui, et à quibus, post Dioscorum et Eutychetem, tanquàm ab infecto fonte maxima Orientis pars fuerit infecta: hi enim subtiliùs hæresim suam velantes, prædicto Jacobo apud Syros prædicante, magnam Orientis partem infecerunt. De Monothelitarum hæresi Nicephorus, ut supra, cap. 46, ita scribit: Quod verò, inquit, fuerit Monophytarum dogma à quibus tanquàm à radice pessimâ plurimæ aliæ hæreses pullularunt, seu circulus aut catena ex sese dependentes, modò dicam: cùm etenim convenientes in Christo naturas, quamlibet per seipsam discernunt, duas eas esse necessitate adducti continentur; cùm verò utramque in Verbi incarnatione ununt, non duas illi inconfusibili modo convenientes naturas, sed unam compositam naturam statuunt.

Nobis enim unam subsistentiam compositam dicentibus, illi unam potius naturam compositam inferunt, et rationem sententiæ suæ exemplo confirmantes dicunt, hominem animam obtinere et corpus, et aliam animæ naturam esse, aliamque item corporis, si quis quamlibet per seipsam contempletur; cùm verò illæ coierint, hominem efficere, unam naturam compositam obtinentem. Non enim,

inquant, duas naturas hominem dici oportet, sed unam compositam. Atque ad eundem modum de Servatore Christo opinantur: illum videlicet ex duabus quidem constituisse naturis, post unionem autem duas illas naturas in unam evasisse compositam, quod sanè Ecclesia tanquam piaculum prosùs aversatur.

En, inquit card. Baron. tomo 7; ubi supra, in quos vepres atque dumeta, in via loca, scabra abditosque recessus per rupes et præcipitia, præruptaque scopula immanium ferarum latibula incurrerint, à recto fidei tramite aberrantes humanæ mentes; en quomodò monstrum monstro junctum concipiat, pariatque horrenda spectra, atque deformia simulacra! ut ex his prudens quisque intelligere valeat, secundùm illud Job. cap. 38: *Ubi lux habitat, et tenebrarum quis locus ait, ut quisque ducat unumquodque ad terminum suum, et intelligat semitas domus ejus*; cognoscat scilicet, ubi sit fides catholica, ubi verò hæreses habitent. At non hic finis portentorum; alia adhuc prodierunt ex cornutâ bestiâ, capita, ut longè ista superet tripicita conficta à gentilibus monstra, vel septem capitum hydram; præter enim eas superiùs recensitas ex Severo progenitas hæreses, ad eundem pertinere tradit Nicephorus, lib. 18, cap. 49, Caucobaditas, à loco quodam ita denominatos hereticos; Angelitas etiam, et Damianistas, ita dictos ab episcopis et locis, iisdem nominibus appellatis. Nam Angelitas ab Alexandria loco, cui nomen erat Angelii, dictos tradit: quibus præterea addit et Tetraditas, Petritas atque Paulitas, quorum alii Petrum, alii Paulum Severianos, sed ab invicem dissidentes consecrabantur. Gignebantur hæc monstra potissimùm in Ægypto, quæ mox post ortum in seipsa ungulas convertebant, et dentes, et planè acclerit Ægyptiis secundùm illud propheticum Isaïæ 19: *Concurrere faciam Ægyptios adversus Ægyptios, et pugnabit vir contra fratrem suum, et vir contra amicum suum; civitas adversus civitatem, et regnum adversus regnum; et dirumpetur spiritus Ægypti in visceribus ejus, et consilium ejus præcipitabo; et interrogabunt simulacra sua, et divinos suos, et pythones, et ariolos, donec tot scelera consecuta est quæ subditur ultio: Et tradam Ægyptum in manus dominorum crudelium, et rex fortis dominabitur eorum, ait Dominus Deus exercituum.* Ad hæc planè hæreses deducunt populos, ut post abominaciones secum vehant

«servitatem atque desolationem, quam canctis manifestam ob oculos positam, tam in Ægypto quam aliis orbis regionibus à catholicis fide refugis, nemo non videt.» Hactenus Baronius.

His igitur hæresibus Orientalis Ecclesia ad miserimum perducta erat statum; ubique luctus, ubique dissidia, non solùm adversus orthodoxos conflictantibus hæreticis, sed et ipsis inter se pugnantibus, adeò ut omnes Ecclesie in separatas factiones dividerentur, et eorum præsides inter seipsos minimè vellent communicare, unde plurimæ in Oriente dissensiones ortæ sunt, qui rerum infelicissimus status usque in hodiernum diem Ecclesiam illam ipso Pharaonis jugo durior opprimit; nec tamen tot à Deo inflictis suppliciis, tot Turcarum flagellis ac calamitatibus oppressa, respicit. Nationes verò præcipuæ, quæ hodiè in Oriente prædictis scatenent erroribus, aliisque hæresibus, quæ ex illis veluti ex impurissimo fonte emanarunt, sunt Nestoriani, Jacobitæ, Copti, Abyssini, Armeni, quibus adjungemus etiam Georgianos, de quibus sigillatim acturi, hunc ordinem servabimus. Primò harum nationum errores, ritus moresque recensimus, ac obiter quicquid in unâquaque natione fuerit dignum proferemus. Deinde breviter præcipuos et veluti capitales errores enarrabimus; tandem pro juvenandis his nationibus Deo favente aliqua adducemus.

## ARTICULUS II.

### *De Nestorianorum natione, et eorum erroribus.*

De Nestorii impiâ blasphemâ diximus præcedenti capite, qui duas in Christo non solùm naturas, sed et personas agnoscebat, unam divinam, alteram humanam; nunc de Nestorianorum Orientalium, qui in Babyloniâ, Persiâ, atque in aliis Asiæ regionibus versantur, erroribus disseramus. Errores verò in quibus hodiè Nestoriani versantur, teste episcopo Leonardo, et ut accepimus etiam ex relatione Abdelmessæ præcuratoris Eliæ, Chaldæorum in Babyloniâ primatis sive patriarchæ, hi præcipui sunt. Nestorium et Theodorum Mopsuestenum vespertinis horis in aliquibus Ecclesis cum Patribus adhuc invocant Chaldæi. Sanctum verò Cyrillum damnant et anathematizant. Humanam in Christo naturam absque personâ humanâ non esse perfectam existimant; ideò duas in Christo asserunt esse personas. Fatentur tamen Christum à primo instante conceptionis esse perfectum Deum et

perfectum hominem. Beatissimam Virginem non vocant Dei genitricem, ne videantur, ut aiunt, asserere cum Jacobitis Virginem genuisse ipsam divinam naturam trium personarum divinarum, cum dictio Dei contineat Patrem, et Filium et Spiritum sanctum, et de iisdem prædicetur. Ideò vocant sanctissimam Virginem Dei Verbi genitricem. Universali sacro concilio Ephesino primo, et aliis carere videntur. Clerici omnes apud Chaldæos, et etiam illi laici qui alios devotione excedunt, sacram Domini corporis communionem è manibus propriis recipientes, sub utràque specie communicant; cæteri verò laici corpus Domini sanguine intinctum ore assumunt. Nuptias in gradibus prohibitis, sine superioris licentiâ, etiam in secundo gradu contrahunt. Sacerdotes mortuâ primâ uxore, secundas et ulteriores faciunt nuptias. Monachi sæpius in monasteria maadronitas, id est, monachas, sive diaconissas, ingredi et pernoctare permittunt. Patriarcham non per electionem, sicut et aliæ nationes creant, sed potius p̄ renuntiationem de uno in alterum, quasi jure hæreditario. Asserunt in fide ab Apostolis traditâ nullum Chaldæorum fuisse hæreticum.

Hæc de erroribus Nestorianorum Orientalium, qui in aliquibus Asiæ regionibus versantur; sunt etiam Nestoriani in Indiâ orientali in civitate S. Thomæ, aliis et oppidis, de quibus Antonijus Possevinus, tomo 2 Apparatus, verbo *Nestorianorum*, alios refert errores: Porrò, inquit, cum anno 1599, Goensis archiepiscopus in orientali Indiâ Christianos, qui dicuntur S. Thomæ, unâ cum Patribus Jesuitis diligentissimè visitasset, synodumque fidei catholicæ atque disciplinæ ecclesiasticæ restituendæ habuisset, factum est, ut blasphemiam omnes Nestorianorum non solum interitibus, quàm unquam antea factum fuisset, innotescerent, verum etiam plurima eorum volumina sive purgarentur, sive abolerentur. Cum autem, etsi câ labe Europæi non ita sint inquinati, quemadmodum est magna pars eorum, qui degunt in Asiâ, expedit tamen, ut qui à sede Apostolicâ eò mittentur, eosdem errores ita nôrint, ut præmuniti solidis Ecclesiæ argumentis, eorum populorum salutem faciliùs curent, librosque erroribus scatescentes, aut comburant, aut faciliùs expurgent. Sanè in eâ visitatione à Patribus Societatis partim combusti, partim expurgati sunt libri sequentes: Hudra et Gaza, hoc est, Breviarium et Thesaurus; liber qui prænotatur: *Expositio abbatis Esaiæ*; liber qui

dicitur *Memra*; alter qui inscribitur, *Margaritæ fidei*; alius prænotatus *liber Patrum*; alius dictus, *liber synodi*; alius cui titulus: *liber Historiæ Beatæ Virginis, ac de Infantiâ Salvatoris; liber Ordinum, liber Homiliarum, liber expositionis evangelicæ*; liber *Joannis Bar. Caldon*.

Qui omnes libri, ut diximus, variis erroribus et hæresibus aspersi (Nestorianorum præcipuè) præterquam quòd Nestorium, Dioscorum et alias ejusmodi pestes, tanquam sanctos et Ecclesiæ universalis capita venerabantur, pluraque fidei dogmata negantes, ea invertabant, sive ad sanctissimam Trinitatem, sive ad Christi Domini resurrectionem, sive ad personam Filii spectantia; primum autem Ecclesiæ sibi arrogantes, eum in B. Petri legitimo successore haud agnoscebant. D. etiam Cyrillum Alexandrinum, qui eorum hæresum fuit strenuus expugnator, detestabantur, et pleraque aliâ tenbrarum plena docebant. Quin et integrum volumen passim ignis consumpsit; quod inscriptum erat: *Spar Sammane*, id est, *liber Medicamentorum*; plenum erat enim nominum dæmoniorum, veneficiorum, superstitionum, quo utebantur ferè omnes Cassanares, et ipse potissimum defunctus pseudoarchiepiscopus duo volumina apud se habebat *The-sauri loco*, ubi et eor ejus. Libellus alius qui dicebatur, *Spar Pesa*, id est, *liber sortitum*, tanquam superstitiosus ubique traditus est igni: fuit enim semper præcedenti Medicamentorum libro conjunctus. Volumen aliud, in quo vita multorum Nestorianorum continebatur (relicta tamen apud illos D. Thomæ Apostoli, et Georgii martyris historia) expurgatum est, detruncatis nominibus illorum hæreticorum, sicuti et plures aliæ blasphemiam aliis in libris repertæ, inter quas reprohabant concilium provinciale.

Quædam item in novo Testamento ab hæreticis depravata restituta sunt. Nòm quod D. Lucas habet, c. 6, ubi Christus Dominus dixit: *Mutum date, nihil inde sperantes*, codices Syriaci habebant: *Mutam date, et ne amputetis spem hominis*; putabant autem modicam usuram non esse peccatum. Lucæ 10: *Secretis Jesus è discipulis suis alios septuaginta*, deerat dictio, *duos*, sicut et inferiùs, in eodem capite. In Actis Apostolorum, cap. 20, ubi dicitur: *Regere Ecclesiam Dei, quem acquisivit sanguine suo*, positum erat nomen Christi loco Dei. Nolunt enim posse dici Ecclesiam Dei sanguine redemptam esse, quippe qui negent

communicationem Idiomatum in Christo. Epistolâ primâ Joannis, cap. 3, ubi dicitur: *In hoc cognovimus charitatem Dei*, ablatum erat nomen *Dei*, ob eandem rationem supra allatam; sequitur enim statim. *Quoniam ille animam suam pro nobis posuit*, quod contra Nestorianos erat. Item ibidem, c. 4, loco versiculi: *Omnis spiritus qui solvit Jesum*, in Syriaco habebatur: *Omnis spiritus qui non confitetur Jesum venisse in carne, non est ex Deo*. Vera enim lectio molesta erat Nestorianis solventibus Jesum in duas personas, unionemque hypostaticam cum humanitate scindentibus.

Item ibidem, c. 5, deerat integer iste versus: *Quoniam tres sunt qui testimonium dant in celo, Pater, etc.* Ad Hebræos, c. 2, ubi dicitur: *Ut gratiâ Dei pro omnibus gustaret mortem*, in Syriacis habebatur: *Ipsæ enim præter Deum pro omnibus gustavit mortem*. In Evangelio Joannis deerat integra historia Adulteræ, Apocalypsis etiam B. Joannis, et alia desiderabantur, quæ etiam in Bibliis regionum Syriacâ editione desiderantur.

### ARTICULUS III.

#### *De Nestorianis qui in Ecclesiæ catholicæ unionē persistunt.*

Inter Nestorianos tamen Asiaticos quamplures sunt, qui Apostolicæ sedî parent; hi obedientiam præstiterunt sanctæ Romanæ Ecclesiæ tempore pontificatus felicis memoriæ papæ Julii I. I., et juxta vetus nomen Chaldæos, sive Assyrios Orientales sese appellantes, rejecto Nestorianorum cognomine, et pro capite superiore suo habuerunt fratrem Simonem Sulacam ordinis S. Basilii, qui Romæ ferebat distinctam obedientiam, fuitque confirmatus patriarcha à sanctâ sede Apostolicâ ejusdem nationis, cum eodem titulo Ecclesiæ Mozal, quam adversarius ipsius possidebat. Postea reversus præfatus patriarcha in Caramit, quosdam archiepiscopos et episcopos ibi ordinabat, omnesque subditos suos in eadem obedientiâ sanctæ Romanæ Ecclesiæ confirmabat, rejicique jussit invocationem Nestorianam, quæ tunc temporis à diacono in Ecclesiâ fieri solebat. Publicabat etiam processionem sanctæ fidei catholicæ Româ portatam, aliosque Nestorianos in suam devotionem, sedisque Apostolicæ obedientiam inducere incipiebat, sed subornatione et fraude patriarchæ Dry adversarii sui captus, tandem à ministris Turcarum occisus fuit.

In visitationem et confirmationem hujus na-

tionis et patriarchæ, missus fuit à sede Apostolicâ episcopus Ariensis, ordinis S. Dominici, qui propter persecutionem antedicti patriarchæ factam, Sulacæ videlicet post reformationem quarumdam rerum, coactus fuit cum Assyriis quibusdam, in Indiam ad regna Armuziæ et Coæ, ubi animam Deo reddidit, migrare. Socius autem ipsius frater Antonius ejusdem ordinis; cum archiepiscopo Ermete Eliâ, discipulo præfati patriarchæ, Sulacæ permultos Chaldæos, qui sunt in Coecâ et Indiâ sancti Thomæ visitavit, Romamque revertens episcopus Vici à papâ Pio V fel. mem. creatus est.

Eidem patriarchæ Sulacæ successit pater Abdiessu ejusdem ordinis S. Basilii, qui venit ad concilium Tridentinum, Romæque obedientiam sanctæ Romanæ Ecclesiæ sub pontificatu papæ Pii IV fel. mem. præstitit, confirmationem apostolicam, cum eodem titulo Ecclesiæ Musal reportavit; revertensque in Catemæ, et Seert quamplurimos sacerdotes episcopos et archiepiscopos ordinavit, ejusque devotioni multæ civitates Chaldæorum Nestorianorum sese submiserunt, sed paucillos post annos ex hac ad meliorem vitam in monasterio civitatis Seert migravit; eique successit frater Ahathalla ejusdem ordinis, qui non habuit confirmationem apostolicam, quia eandem Romæ non postulârat; regebat tamen patriarchatum, nationesque suas assistentiâ et consilio præfati archiepiscopi *Ermetis Eliæ*, reversi ex Indiâ.

Post mortem verò hujus patriarchæ Ahathallæ, cum archiepiscopus de Gelu et Salamas, obedientiæ patriarchæ adversarii, cum omnibus suis subditis qui sunt in confiniis Persiæ, sub Sanguacato de Zeinalbach renuntiasset operâ et studio archiepiscopi Ermetis Eliæ, eidem nationi Assyriæ sese adjungebat, fuitque electus patriarcha à prælati ejusdem nationis, ac sub pontificatu Gregorii papæ XIII fel. memoriæ, Romam procuratorem suum, præfatum archiepiscopum Ermetem Eliam misit, qui nomine patriarchæ sui debitam sedî Apostolicæ obedientiam præstitit, et professionem sanctæ fidei emisit. Exinde apostolicam confirmationem et pallium nomine præfati Donhæ Simonis patriarchæ sui, in publico consistorio obtinuit; atque ita compluribus mensibus in sanctæ fidei dogmatibus eruditus, et de obedientiâ sanctæ Romanæ Ecclesiæ præstandâ certior factus, Româ discessit anno 1582. Bullas Apostolicas, pallium pa-

triarchale, multa insuper ornamenta à sede Apostolicâ patriarchæ suo collata deferens, admonitus etiam de omni eo quod sibi penes eundem patriarcham, nationesque illas exendum foret.

#### ARTICULUS IV.

##### *De natione Chaldæâ Assyriâ.*

Chaldæi Assyrii Caramitani, prædicto patriarchæ subjacent, devoti et morigeri sedi Apostolicæ, et magistros, qui liberos suos præcepta et constitutiones fidei edoceant, summo perè desiderantes. Hæc natio et Assyria, quatuor habuit patriarchas, quorum tres à sede Apostolicâ confirmati fuerunt, qui tanquàm titulum Ecclesiæ Musal in Babyloniâ habuerint, hactenus tamen propter alium patriarcham sibi adversantem, eamque occupantem illâ potiri nequiverunt, prorsus ut prædicti patriarchæ variis in locis modò in Charemet, modò in Serit, residere coacti fuerint, simulque hic postremus patriarcha Zeinalbach in confinibus Persiæ agere compulsus fuerit; estque hæc natio in hodiernum usque diem sub duobus patriarchis divisa, quorum hi Chaldæi Assyrii Orientales à nobis nuncupati, alii verò Nestoriani dicti sunt. Horum Orientalium Chaldæorum ditissimi ac potentissimi in civitate Charemet, sive Amet resident, qui cum prælatis suis, obedientiam sedi Apostolicæ conservare impendio adlaborant, necnon augmentare, indeque quàm plurimos Nestorianos in suam sententiam allectos sibi associarunt. Potentiores autem et ditiores nationis Nestorianæ subditi patriarchæ adversario, illi sunt qui incolunt civitatem Mozal et Gesire in Babyloniâ, sub quo patriarchatu magnus est gentium numerus, modernusque patriarcha Elias vocatur, in monasterio patriarchali sancti Ermetis juxta eandem civitatem Musal degens. Hic etiam patriarcha quondam obedientiam sedi Apostolicæ præstitit; attamen cum professione suâ misit religiosum quemdam, litterisque ad suam Sanctitatem directis, et ad dominationem vestram illustrissimam, quibus etiam sese sanctæ Romanæ Ecclesiæ renuntiat atque conciliat, quem Romam appulsurum unâ cum præfatis Assyriis hic opperit; illum quippe navi Venetæ commisit, eò quòd mecum adducere illum requirem. Hactenus episcopus Sydonensis.

Habet autem in præsentî hic patriarcha (ut ex fide dignis Chaldæis Romæ agentibus accepi) sub se viginti duos episcopos, territoria sexcenta et ampliùs, quorum ad minus viginti

duæ urbes sunt florentes et opulentæ, et in quavis earum Nestorianæ familiæ quingentæ domicilium habent; at in Musal mille, constantque singulæ domus quadraginta circiter personis. Alia autem territoria minusculâ, ducentas, vel trecentas familias Nestorianas complectuntur. Extant ibidem ad minimum triginta ordinis S. Antonii monasteria, in quibus 15 vel 20 vivunt monachi: in eo autem in quo patriarcha fixam habet sedem, septuaginta circiter religiosi monasticam vitæ normam profitentur. Porrò patriarcham et episcopos monachos fuisse necessum est. Degunt hi Nestoriani in Mesopotamiâ, seque in Baldach usque extendunt; in Indiâ etiam orientali crebræ sunt Nestorianorum familiæ huic patriarchæ subditæ, qui eis episcopos præficere solet.

De reductione Nestorianorum et Machariorum in concilio Florentino factâ, vide bullam Eugenii IV, quæ incipit: *Eugenius ad perpetuam rei memoriam: benedictus sit Deus et pater Domini nostri Jesu Christi, Pater misericordiarum et Deus totius consolationis*, etc. In quo Nestorii pravitas damnatur, qui purum hominem Christum esse, et beatissimam Virginem Mariam, non Dei, sed Christi genitricem esse asserbat. Macharii Antiocheni impietas similiter rejicitur, qui tanquàm Christum verum Deum et hominem esse profiteretur, divinam tamen tantummodò in eo voluntatem et operationem, humanitatis ejus parùm tribuens, esse asserbat. Timotheus archiepiscopus Tarsensis nomine Chaldæorum in Cypro existentium, supradictam detestationem ac dogma suscepit. Isaac nuntius Eliæ episcopi Maronitarum hæresim Macharii reprobavit. Datum Romæ apud S. Petrum, anno 1445, septimo idus augusti, anno quinto decimo. Fuit autem hæc unio facta post reductionem Armenorum, Jacobitarum, et Mesopotamiæ populorum, eorumque inter se unionem; verùm quia non fuit universalis omnium Nestorianorum, sed tantum eorum qui sub patriarchatu insulæ Cypri agebant, idcirco litteræ apostolicæ consultò à nobis hic prætermittuntur.

#### ARTICULUS V.

##### *Rus et errores Ecclesiæ Alexandrinæ, et nationis Coptæ, qui hæc ætate grassantur.*

Patriarchæ Alexandrino, ut refert Guillelmus Tyrus, lib. 14 de Bello Sacro c. 22, suo tempore obediebant Ægyptus, Lydia, Penopolis, et omnes aliæ provinciæ, quæ sub Pre-

*tejanis*, seu *Presbyteri Joannis* imperio vivunt; inter has omnes nationes degunt *Ægypti*, hoc est, *Ægyptii*, quos nos *Cophitos*, appellamus, alii *Cophitos* nuncupant, quia Græcè idem, quod circumcisi sonat, qui nomine ac ritibus christianis ex parte utuntur, qui et Christiani Præcincturæ vulgò vocantur: hi autem quamvis per lavacrum regenerationis renati sint, Judæorum tamen ritu præputia putant, et veteri quodam errore circumcisionem usurpant; numerat verò *Ægyptus* quinquaginta circiter *Cophitorum* millia, sed ferè innumeros *Æthiopia*; hi omnes parent prædicto patriarchæ, qui vulgariter etiam nominatur patriarcha nationis *Cophitorum*; hi quamvis christiano nomine gaudeant, re tamen ipsâ hæretici ac planè schismatici sunt, variisque scaten erroribus, ritibusque diversis ab his qui in Ecclesiâ Latinâ florent. In primis enim patriarcha *Alexandrinus* disjunctus ac separatus est à capite omnium Ecclesiarum pontifice Romano, à tempore concilii *Chalcedonensis*. Deinde inter celebrandum *Missam Cophiti* invocant *Severum*, *Dioscorum*, et *Jacobum* ejus primum discipulum; eosque patres et sanctos vocant, ostenduntque tam externis actionibus, quàm verbis, se nos Latinos habere excommunicatos et hæreticos, ac proinde Latinorum praxim ac conversationem ad instar Judæorum fugiunt. Unam tantùm in Christo Domino profitentur naturam, voluntatem et operationem; duas verò naturas, voluntates et operationes confiteri recusant, ne *Christus*, prout ipsi asserunt, in duas etiam divideretur personas. Licet Spiritum sanctum à Patre et Filio procedere credant; verba tamen illa, *Filioque*, in Symbolo non recitant.

In hymno trisagio addunt illa verba, *qui crucifixus est*, dicentes: *Sanctus Deus, sanctus fortis, sanctus immortalis, qui crucifixus es pro nobis, miserere nobis*. Sanctissimum dominum nostrum papam in iis quæ sunt fidei posse errare, et christianæ religioni contraria docere, si iniquus fuerit et voluerit, opinantur. Præter concilium *Nicænum*, *Constantinopolitanum* et *Ephesinum*, universales synodos, nulla alia concilia universalia haecenus susceperunt. Concilium *Chalcedonense* et *S. Leonem* papam expressè damnant. Vana vel falsa per Deum jurare non reputatur ab eis peccatum, et illi, qui in partibus *Ægypti* aliena fuerant, peccare minimè existimantur.

Circa Sacramentorum verò administrationem pariter errant, nam à Baptismo exordientes,

In primis ratum non habent hoc Sacramentum, ne quidem in summâ necessitate, si ab aliquo à sacerdote conferatur, idque præcisè in Ecclesiâ, etiamsi baptizandus de vitâ periclitaretur, nec etiam ante quadragesimum vitæ diem, quod extra *Cayrum* maxime in *Scythiâ* adeò strictè observatur, ut ne quidem imminente perissimâ morte, ante hunc ætatis diem parvulis Baptismus conferatur. Modus autem baptizandi talis est. Defertur nimirum infans ad templum, ibidemque ad instar *Missæ* cum diacono et subdiacono officium celebratur, sine tamen consecratione vel communione, et deinde baptizandus ritu Græco aquæ immergitur, verba autem Latinorum modo adhibentur. Statim etiam à Baptismo parvuli christianantur, unguunturque Oleo sancto in fronte, in pectore, in juncturis, in renibus, alapa autem non infligitur. Dein vestiuntur cingunturque, et hæc quidem mediâ nocte fieri solent. Postremò autem *Missa* more solito celebratur cum consecratione, communicatusque sacerdos et ministri sub utràque specie sanctum *Eucharistiæ* sacramentum sub eisdem speciebus noviter baptizato conferunt. *Eucharistiæ* sacramentum omnibus sub utràque specie confertur, fitque in fermentato. Diaconi et subdiaconi (sine quibus nunquàm celebratur) semper cum sacerdote quoties celebrant, communicant; plebei autem laici rarissimè extra festa paschalia. Ministri autem hi solùm sunt viginti annorum, aut circiter, qui nunquàm confessionem suorum peccatorum faciunt, etiamsi singulis diebus communicent; proinde moris est ante vigesimum aut circiter annum nunquàm sacramentum *Pœnitentiæ* recipere. In firmis autem neque Oleum sanctum, neque *Eucharistiæ* administratur. Conferuntur quoque ordines, excepto presbyteratu, omni ætati, etiam immediatè post Baptismum parvulis, simulque dantur tonsura, et quatuor gradus, et diaconatus et subdiaconatus, nec hæc conferendis interstitia vel tempora particularia determinata sunt. Ubi sacros ordines recipiunt castitatem et abstinentiam pollicentur, jejunare videlicet diebus *Mercurii* et *Veneris*, et tempore adventûs, et quadragesimæ: hæc enim temporibus ad occasum usque solis, quando etiam *Missam* celebrare moris est, jejunant, insuper etiam quadragesimis *Apostolorum Petri* et *Pauli* et *Assumptionis*. Quando autem infantulis aut pueris sacri ordines conferuntur, pro eis spondent, et hæc vota observari ipsorum parentes, donec decimum sex-

tum atatis annum, aut circiter attigerint. Matrimonium contrahitur in præsentia sacerdotis et in facie Ecclesiæ, idque ad formam Romanam, quanquam plures cæremoniæ et solemnitates adhibeantur. Idipsum autem quomvis jam consummatum dissolvitur quandoque (quanquam rarè) assumente sibi marito aliam conjugem, conjugemque alium maritum. Utuntur autem hi, ut refert Prateolus verbo *Cophiti*, in suis Ecclesiis libro quodam fabuloso, quem *Secreta Petri* appellant, et in *Missis* legunt Evangelium Nicodemi. Hæc ille. Olim omnes *Cophiti* circumcidebantur; sed hodie, ut ipsi asserunt, *Alexandriæ* et *Memphi*, seu *Cayri*, non amplius circumciduntur, forsitan post synodum *Memphiticam*, de qua infra, et si qui alibi circumcisi reperiuntur, *Mahumetanorum* vi circumciduntur. Verùm à parentibus statim crucis signo in fronte, vel manu signantur, ut ab omnibus tanquam Christiani dignosci possint

#### ARTICULUS VI.

*Pro adjuvandis Cophitis, sive natione Alexandrinâ.*

Inter pontifices alios qui *Cophthorum* conversionis studio flagrant, præcipuus extitit *Gregorius XIII.*, qui multis legationibus pacis et unionis ad illam gentem missis, eos ad Ecclesiæ sanctæ gremium magnâ cum sollicitudine adduci curavit. Re igitur à legato summi pontificis feliciter inceptâ, post aliquas de fide cum *Cophitis* disceptationes, concilium *Memphis* congregatur; fuit autem *Memphitica* synodus auctoritate *Gregori* pontificis maximi anno 1582, in mensem decembris indicta, quæ tres habuit sessiones, in quibus de ablegandis antiquis *Nestorii* atque *Dioscori* hæresibus, jungendisque animis *Cophthorum*, qui et *Christiani Præcincturæ* dicuntur, cum catholica Romanâ est actum.

Interfuere consensui, 1<sup>o</sup> episcopi et principes viri; 2<sup>o</sup> autem patriarcha *Alexandriæ*, qui in eos atque *Æthiopiâ* habet antiquitus jurisdictionem, abbates cenobiorum, et primarii viri triginta; 3<sup>o</sup> item iidem cum Patribus Societatis *Jesu Joanne Baptistâ Romano* in primis, quos pietas ejusdem pontificis maximi eo suo nomine, ut præssent synodo, cum pontificio diplomate allegaverat.

In primo autem consensu de occasione disjunctionis ejus gentis à Romanâ Ecclesiâ locuti sunt, ita ut nostri in pseudosynodo *Ephesinâ* conjicerent culpam, quam *Dioscorus* episcopus hæreticus coegerat haud legi-

timam, neque synodi nomine dignam. In eâ enim monstrârunt receptam fuisse *Eutychetis* insaniam, duas negantis in Christo naturas, quam hæresim *Chalcedonense* legitimum concilium è sexcentis ac triginta Patribus *Leone I* pontifice maximo summâ consensione damnasset. Quo facto eorum *Cophthorum* majores, homines minimè malos, certè non doctissimos, idem fuisse ratos, duas naturas in unam Verbi conjunctam hypostasim, ac duas cum *Nestorio* hypostases copulare. Id quod antea vera *Ephesina* synodus exploserat. Inde igitur consequentium errorum fontem ac seminarium extitisse. Cùm autem demùm indagandæ è suis scriptis (quæ vix habebant, et ea quidem exesa vetustate) tempus petiissent, dimissa tunc est synodus.

In secundo igitur consensu, cùm *Cophiti* mordicis suas hæreses se retenturos assèrent, contraque nostri antiquissimas synodos, fidemque quam illi à *B. Marco* accepissent, objicerent, urgerent quoque duas in *Christo* naturas denegare nil esse aliud, quàm miscere ac perturbare universa: et eodem simul negare mendacio, divinum Verbum humanam induisse naturam, id quod christianæ aures non ferunt, in alterum mensem rejecta est synodus.

At in tertio consensu, Deo aspirante circumcisionis lex primum fuit abrogata. Deinde post sex horarum disputationem de duabus *Christi* naturis, tandem synodus universa divino afflatu concordissimè sanxit, quod ad rem attinet, unâ cum Catholicis sentiendum, anathematis pœnâ propositâ, si quis *Christum* alterâ naturâ spoliaret. Qui cùm idem *Deus*, idem sit verus homo, et divinam habet à *Patre* jam inde ab omni æternitate naturam, et humanam sumpsit ex matre definitis temporum spatii; *Cophites* autem quanquam à duarum abstineant naturarum appellatione, non tamen ab iis *Deum* et hominem *Christum* esse negant. Sed ab eâ loquendi ratione idcirco refugere, ne consueto ipsa loquendi duas inducere videatur hypostases. Sic peracta quidem res est, calend. Februar. anno 1583.

Sed etsi manus dedere veritati, *Satanas* tamen omniconatu prohibuit, quin chirographo, quod confessi fuerant, confirmarent, tum patriarchæ vicario id procurante, homine pessimo, quique eâ ratione consequi se posse patriarchatum speraverat, tum morte ipsius patriarchæ; Turcis quoque, nostris in teterrimum carcerem conjectis, quasi *Orientalè* illum tractum, sive pontifici maximo, sive regi catholico subicere vellent. Quæ calumnia licet

paulò post innotuisset Turcis, tamen proregi accepta fuit occasio, ut quinque aureorum millia nostri persolverent, si vellent liberari, quam summam Cophitis et mercatoribus numerantibus, charitas Gregorii pontificis maximi liberaliter restituit. Tum redire coacti sunt Romam, ubi et deinceps Maronitarum, qui degunt in monte Libano, seminàrium auctum est, ac fides subinde in eas oras propagatur. Ex his perspicuum erit, quò collineandum sit ab his qui posthàc à sede Apostolicà missi, tantum negotium in Oriente sunt tractaturi.

In domo Cayri bibliotheca est, in quà plurimi sanctorum doctorum et Patrum libri Arabico idiomate conservantur, quales sunt S. Hieronymi, S. Gregorii Nazianz., S. Basilii, Traditiones Patrum, multaque alia scripta, suffique homines quamplurimi felicitatis ingenti et memoriæ, ubi per otium, licet summam ex horum librorum lectione iucunditatem et frugem haurientes, docti quandoque evadunt. Tempore papæ Clementis VIII, legatio ficta Alexandrinæ Ecclesiæ ad Romanum pontificem delata est, quæ Marcus patriarcha, et cum eo omnes Ægypti provinciæ, aliisque sibi conjunctæ ipsum, ut par est, summum Ecclesiæ caput, universalemque pastorem agnoscebant, ut latè in fine 6 tomi cardinalis Baronius scripsit: re tamen postea diligentius examinatâ, ejusdam Bartonis impostoris fuisse mendacium ac figmentum apparuit.

Quantà verò his temporibus angustia laboret Alexandrina Ecclesia, sub immani Turcarum dominio, quæ his subditur, tibi facile indicabunt, ut planè terribilem Dei vindictam adversus eam, et omnes Orientales, ubi defecerunt à communione Apostolicæ sedis immissam nemo prudens absque mentis horrore animique pavore, valeat contemplari. Ut de eâ lugubre illud Hieremiæ carmen sit occinendum: *Hæcine est urbs perfecti decoris, gaudium universæ terræ?* Quæ enim omnium orientalium Ecclesiarum florentissima et opulentissima erat, eò nunc paupertatis et angustia redacta, ipsis etiã sacerdotibus, indumentis necessariisque subsidiis caret, variisque aliis modis inopiã premittitur. Dei namque diram hanc esse vindictam, ut sacerdotes laborent inopiã, quisque intelliget qui Domini sententiam in Eli filios, et eorum posteros promulgatam attendit, cum fore dicit, ut rogaturi essent, ut admitterentur ad unam partem sacerdotalem, ut comederent buccellam panis. Et quod ait ipse Dominus per Malachiam, cap.

¶: *Ad vos mandatum hoc, sacerdotes, si noveritis audire, mittam in vos egestatem, etc.* Iteratumque planè quod per Isaiam, cap. 19, de Ægypto prædixerat: *Tradam Ægyptum in manum dominorum crudelium, et rex fortis dominabitur eorum.* Tale iudicium et reliquos subituros, qui ab Apostolicâ sede rebellant: ut cladibus pressi cogantur tandem cognoscere et invocare matrem, ejus se filios esse negarant. Sed non desperandum post tot secula, quibus Ecclesia Alexandrina angustiis et miseris oppressa est, quò tandem è tenebris emergens ad lucis radium apertis oculis salutem impetrabit, secundum illud ejusdem prophætæ: *Clamabunt ad Dominum à facie tribulantis, et saltet eis salvatorem et propugnatorem, qui liberet eos, et agnoscat Dominus ab Ægypto, et cognoscat Ægyptii Dominum in die illâ, et content eum in hostilis et miseribus, et vota vorcunt Domino et reddent.*

#### ARTICULUS VII.

*De natione ritibusque Abyssinorum, ac methodo illos juvandi.*

Sub imperio regis potentissimi, quem Europæi Presbyterum Joannem vocant, inter magnos ætatis nostræ monarchas meritò recensendi, ut qui inter utrumque tropicum à mari Rubro ad Æthiopicum ferè Oceanum perit, degunt Abyssini; his autem Alexandrinus patriarcha præest, cui in suis ritibus omnis subicitur Æthiopia, quam et per Memphiticòs administrat episcopos. De Æthiopicum moribus, fide et religione, aliisque illius regionis proprietatibus consulat lector Franciscum Alvarezium, qui diligenter admodum, quæ in sua legatione observaverat, descripsit, et Joannem Bermannesium, qui suam quoque legationem ad hos Abyssinos linguâ Lusitanicâ edidit, ac Damianum à Goes in libello de rebus Æthiopicis ad Clementem VII, qui insertus in historiâ Lusitanicâ, vel simul cum libello de moribus gentium circumfertur, ac denique patrem Ludovicum Guzman provincialem Societatis Jesu tomo primo de Missionibus suæ religionis.

Est in his regionibus magnus utriusque sexus monasteriorum numerus. Monachi quadragesimali jejuniis, quod apud ipsos quinquaginta diebus continetur, aquâ ut plurimam et pane observant, etsi plures eo tempore etiã à pane abstineant, herbis duntaxat contenti: sacerdotes presbyterique sunt conjugati, Missam celebrant, processiones crucibus tribulisque peragunt; plura apud Alvarezium de eorum



vivendi moro et religione. Illud unum sub-  
 jiciam, Abyssinos majori ex parte rectè sentire  
 de primatu Romani pontificis : in primis id  
 constat ex litteris ipsorum imperatoris Davi-  
 dis (quæ apud Damianum Goes) ubi David  
 Æthiopiæ rex potentissimus et ipse prorsus  
 agnoscit Romanum pontificem caput omnium,  
 atque adeò etiam patrem suum, in epistolâ ad  
 Clementem VII, pontificem maximum, appel-  
 lat; hæc ejus sunt verba :

« In nomine Dei Patrís omnipotentis creató-  
 ris cœli et terræ, visibillum et invisibillum.  
 « In nomine Dei Filii Jesu Christi, qui est idem  
 « cum ipso à principio mundi, et est lumen  
 « de lumine, et Deus verus de Deo vero. In  
 « nomine Dei Spiritûs sancti, Dei vivi qui pro-  
 « cessit ex Deo Patre. Hæc litteras ego rex mitto,  
 « cujus nomen Leones venerantur, et Dei gra-  
 « tiâ vocor Arani Tinghil, id est, Christus Vir-  
 « ginis, filius regis David, filius Salomonis,  
 « filius regis per manum Mariæ, filius Nan per  
 « carnem, Filius sanctorum Petri et Pauli per  
 « gratiam. Pax sit tibi, juste Domine, Pater  
 « sancte, potens, pure, sacrate, qui es caput  
 « pontificum omnium; et neminem metuis,  
 « cum nemo possit tibi malè dicere, qui es vi-  
 « gilantissimus supra animas curator, et amicus  
 « peregrinantium, consecratus magister, et  
 « prædicator fidei, et earum rerum hostis,  
 « quæ conscientiam offendunt, amator optimo-  
 « rum morum, vir sanctus, quem omnes lau-  
 « dant et benediciunt. O felix sancte pater, ego  
 « tibi reverenter obedio, cum sis pax omnium,  
 « et cuncta bona merearis; et ita æquum est,  
 « ut omnes tibi obedientiam præstent sicut  
 « sancti Apostoli præcipiunt, et apud Deum  
 « hoc verè justum est. Ita etiam præcipiunt,  
 « ut veneremur episcopos, archiepiscopos et  
 « prælatos. Similiter ut te loco patris amemus,  
 « et loco regis vereamur, et tibi uti Deo fidem  
 « habeamus. Propterea dico ego humiliter ad  
 « terram genibus flexis, tibi, pater sancte, sin-  
 « cero admodum corde, quòd tu pater meus  
 « es, et ego filius tuus, » etc.

Deinde Nicodemus abbas, Æthiops et Hiero-  
 solymitanus, vicarius patriarchæ apud Sande-  
 rum de visibili Monarchiâ Ecclesiæ, anno 1452,  
 Palam est, inquit, eos qui à Romanâ Ecclesiâ  
 defecere, corruisse, et dum quisque suam fi-  
 dem veriorum prædicat, quod à dæmone est,  
 relicta Apostolorum sententiâ, in vias sui sensus  
 abiisse omnes; Æthiopiam tamen integram,  
 liberam perdurasse; quia nequaquam peritidâ  
 et voluntariâ defectione, ut aliæ Ecclesiæ pee-

casset; ac propterea in servitutem et exter-  
 minia non incidisse, sed locorum distantia, et  
 itinerum periculis sejunctam fuisse, necnon  
 pontificum negligentia accidisse, ut nulla vi-  
 sitationis memoria, aut litterarum ratio apud  
 eos à quingentis annis extaret; nihilominus  
 Æthiopes tantâ veneratione sedem Romanam  
 colere, ut pedes eorum osculentur, qui Româ  
 veniunt in Æthiopiâ, vestiumque eorum  
 partes rapere, et reliquiarum loco servare.

Nec mirum: si enim regina Saba ablit Jeru-  
 salem, ut audiret sapientiam Salomonis, plus  
 quàm Salomon summus pontifex est; regem  
 item Æthiopum tanti facere Romanum ponti-  
 ficem et Latinorum fidem, ut nihil æquè in  
 votis habeat, atque ut cum Romanis jungat  
 Æthiopes, et à se pontificis subdat pedibus,  
 avidissimèque amplexurum esse, quæ de con-  
 cordiâ ineundâ statuentur in synodo; ponti-  
 ficem autem omnium Ecclesiarum caput fa-  
 tetur, suoque splendore orbem illustrare; cui  
 omnes patriarchæ, episcopi, imperatores et  
 reges inclinantur: nec se legatos disputandæ  
 gratiâ mittere, sed ut summi pontificis senten-  
 tiam de fidei rebus sequantur. « Quis enim,  
 « ait, soli lumen auferat? Ingens est, inquit,  
 « et vetusta Latinorum scientia, et orbi nota,  
 « nec oportet discipulum esse supra magi-  
 « strum. » Hæc ille in suis litteris, anno 1441,  
 die 18 octobris, ad Eugenium IV missis; addit  
 his omnibus, se affuturum pontifici, in scis Ja-  
 cobitarum patriarchâ et Saracenis, ne vi, vel  
 ambitione aliquâ impediatur.

Sed quicquid de hoc sit, multa sunt, in qui-  
 bus à nobis Abyssini dissident, quorum aliqua,  
 ut verè fidei catholicæ contraria, emendari et  
 corrigi oportet, utpote quæ vel manifestam  
 hæresim, aut crassam, vel fortè invincibilem  
 continent ignorantiam; alia verò ad diversita-  
 tem cultus, sive sacrorum rituum referenda  
 sunt: brevissimè igitur de harum gentium er-  
 roribus ritibusque dicemus.

#### ARTICULUS VIII.

##### *Errores qui Abyssinis attribuantur.*

De erroribus Abyssinorum certò aliquid de-  
 finiri sanè difficile videtur. Primò quia scri-  
 ptiores non pauci, qui de naturâ harum gen-  
 tium, moribus et fide commentarios ediderunt,  
 eos ut verè religionis cultores commendârunt,  
 etsi auctores alii, Orientalis Ecclesiæ rituum  
 ignari, consuetudines etiam in illâ gente lau-  
 dabiles, censeant imò et in aliis etiam rebus  
 Abyssinorum errores accusantibus aliis, plures

etiam eos ab hac nota excusent. Quare ægrè ferrem, ante exactum examen, recitatis tot illis imponere errores, nisi in unoquoque breviter aliorum opiniones referrem.

Primus error. Cùm Alexandrinæ Ecclesiæ patriarchæ (à quo Abyssini simul cum religione errores eberunt) à fide catholica in multis defecerint, sectantes ejus vestigia in eadem foveam lapsi sunt: nam ut nunc omittam Dioscori errorem, quem Abyssini sicut et alii Orientales sequuntur et colunt, in aliis tamen rebus, tum ad fidem, tum ad ritus spectantibus, Æthiopes ab Alexandrinâ Ecclesiâ non rectam neque integram fideli christianæ regulam sequuntur. Et in primis licet reverentiam aliquam Romano pontifici exhibeant, non firmiter sentiunt de primatu Romanæ Ecclesiæ, ut videre est apud Franciscum Alvaresium in Historiâ Æthiopiæ, c. 72, quamvis Zagazabus illius gentis quasi episcopus, in declaratione religionis et rituum Abyssinorum, summi pontificis primatum apud ipsos ex constitutionibus apostolicis teneri fateatur, qui in hac re subscribere videtur sententiæ Nicodemi abbatis superius relatæ.

2° Errant præterea et consequenter Abyssini tria tantùm concilia generalia recipientes, nempe Nicænum, Constantinopolitanum primum et Ephesinum, ut videre est apud Damianum Goes in confessione Zagazabi. Quare cùm sanctam synodum Chalcedonensem non admittant, inter hæsitantes hæreticos meritò sunt annumerandi: hi enim teste Nicephoro, l. 18, c. 45 Historiæ Ecclesiasticæ, et Leontio de Sectis hæreticorum, postquam Eutychemi et Dioscuro à catholica synodo dignitas abrogata est, qui illorum dogma amplectebantur ab Ecclesiâ recedentes, ambigentes sive hæsitantes seipsos appellârunt; hunc tamen errorem simul cum aliis Orientalibus attributis suo loco convincimus.

3° Cùm matrimonium ex Christo, sanctæque universali Ecclesiâ indissolubile sit, quamdiu alter conjugum vixerit, Abyssini divortium ex levi etiam causâ permittunt, ita ut superstitute altero conjugum, ut affirmat Alvaresius in Historiâ Æthiopiæ, c. 18, alter uxorem ducere possit; nec mirum est, ut ii qui divortium ab Ecclesiâ catholica fecerunt, cujus conjunctio indissolubilis cum Christo capite per matrimonium designatur, in divortium matrimonii carnalis contra expressam Christi sententiam factè ruant.

4° De sacramento Confirmationis, neque

Extremæ Unctionis, non invenio apud Æthiopum scriptores expressam aliquam mentionem; proinde mirandum non est, si infirmati in fide in dies inveniantur. Fortè sacramentum Confirmationis simul cum Baptismo conferunt, ut affirmat Zagazabus, quod et ex veteribus aliquos fecisse constat: sed tunc errant existimantes Confirmationem à simplici sacerdote posse ministrari, quod est contra concilium Florentinum.

5° Errant præterea graviter Abyssini circa sacramentum Baptismi, dùm in die Epiphaniæ, teste Alvaresio, benedicto prius aquarum stagni trina immersione tam mares quam femine, præmissâ formâ Baptismi, quotannis rebaptizantur; qui ritus in usu est (ut Possévinus docet in Commentario de rebus Moscoviticis ad Religionem spectantibus) apud Græcos Orientales. Error tamen hic quantum conjicere possum, à Novatianorum hæresi ortum habuit, qui falsò existimantes non esse in Ecclesiâ potestatem reconciliandi lapsos, ut illi sine spe non remanerent, alterum Baptisma Abyssini admisere (ut ex eodem Alvaresio non obscure colligitur), oblitii Constitutionum apostolicarum, in quibus, l. 2, c. 41, et l. 6, c. 15, Apostoli poenitentes non per secundum Baptisma, sed per manuum impositionem, hoc est, per poenitentiam recipiendos expressè docent, et non recolentes, quod in symbolo Nicæno dicitur: *Confiteor unum Baptisma.*

6° Præterea simul cum Baptismo Abyssini circumcisionem colunt, non quia existimant, ut ipsi fatentur, circumcisionem nunc esse ad salutem necessariam, sed ut in omnibus Christo Domino, ut ipsi dicunt, assimilentur. Ita Zagazabus apud Goes, et alii quamplures auctores; quamvis non deficiant historiographi, qui ritum circumcisionis apud illos in usu versari eâ solum de causâ æstiment, ut simili signo se originem à prosapia Davidicâ ducere profiteantur: ita tenet Genebrardus, l. 1 Chronograph. et alii historiographi quamplures. Tamen si velimus hujus ritus altiores radices querere, fortè aliam non contemnendam inveniemus rationem, si præmittamus circumcisionis usum non solum ad Hebræos, sed et ad alias nationes extraneas, ut Ægyptios, et Æthiopes, et Colchos permanasse; sic Herodotus l. 2, testatur, qui apud Ægyptios et Æthiopes antiquissimum hujus cærimonie usum agnovit, quem sequuntur divus Cyprianus sermone de ratione Circumcisionis, et

divus Hieronymus in Jeremiâ, c. 9. Prædicti autem populi non utebantur eo signo, ut re sacrâ, sacramentum aliquod continente, neque ad profitendam legem, ut Hebræi, sed solum ex humanâ quâdam consuetudine, præsertim cum hoc facerent ad imitationem quamdam, ut Cyprianus docuit, suorum parentum. Quare cum Æthiopes circumcisionis antiquæ observatores ritum hunc, non ut legem Mosaicam, sed ut morem majorum observarent, tempore prædicationis evangelicæ, vel non fuerunt à paternâ traditione prohibiti, vel ab eâ impediti iterum ad vomitum redierunt, sicque in hunc usque diem permansere : quare in hoc forsitan materialiter tantum errant, ut latius prosequar in cap. de Juvandis Abyssinis.

7° Alius etiam error Abyssinis consequenter attribui solet, nempe legem veterem simul cum novâ censere observandam, quod tam ex circumcissione, quàm aliis ritibus, et observationibus Judaicis aliqui voluerunt colligere : id tamen manifestò non constat; nam si legem veterem nunc ab ipsis observandam tenerent, nullâ ratione affirmarent circumcissionem, quæ in lege veteri fuit in præcepto, non esse necessariam ad salutem. Et licet sabbatum observent, et à sanguine et suffocato absterneant, id non ut observatoribus legis, sed ut antiquæ traditionis Ecclesiæ Orientalis cultoribus tribuendum est. Quid verò censendum sit de circumcissione et aliis ritibus veteris legis, infra dicemus.

8° Errant insuper Abyssini existimantes animas rationales non creari, sed per seminalem propagationem non aliter ac brutorum traduci; qui fuit antiquus Tertulliani et Appollinaris error, ut refert Augustinus, hæresi 86, et D. Th. 2 contra gentes, c. 86, de quo errore infra.

9° Detestanda etiam est Æthiopum hæresis credentium animas infantium decedentium ante baptismum eò solum salvari, quia orti sunt à parentibus fidelibus. Existimant enim Eucharistiæ virtutem à matre tempore prægnationis susceptæ prodesse infanti in utero existenti; ita affirmat episcopus ille Zagazabus, et Alvarezius, c. 19. Quare cum Pelagianis peccatum originale de medio tollere videntur; hi enim (ut auctor est D. Augustinus, l. 2 contra Julian., c. 2 et 3) non esse in hominibus, maxime verò in filiis fidelium, peccatum originale temerè affirmarunt. Et nostrâ ætate flucerus et Calvinus in filiis fidelium negant peccatum originale, quos dicunt sanctos nasci, et salvari sine Baptismo.

10° Præterea traditiones sanctas non admittunt, solumque verbo Dei scripto fidem dicunt se habere (ut Alvarezius, c. 78), numerantque inter Scripturas sacras Apostolorum canones, quorum doctrinâ, ut catholicâ et de fide, in omnibus gubernantur.

11° Nullas pro defunctis oblationes habent, nec sacra faciunt pro vivis, fortè, vel quia existimant illi non prodesse, aut quia Purgatorium Græci non agnoscunt; quamvis Zagazabus in confessione suæ fidei Purgatorii meminerit : imò et ipse Alvarezius parùm constans contrarium affirmat in fine cap. 105. Et hoc verius existimo, nam in canone Missæ Æthiopicæ, quam ex lingua Chaldaicâ transtulit Genebrardus, orant pro Patribus concilii Constantinopolitani et Ephesini; et in orationibus quæ in catechizandis sacrum baptismum suscepturis apud eundem Genebrardum, tomo 6 Bibliothecæ sanctæ circumferuntur, similiter orant sæpius pro defunctis.

#### ARTICULUS IX.

##### *De variis Abyssinorum ritibus.*

Cum in Ecclesiâ varii sint ritus, quos prudenter ratione diversarum gentium Apostoli instituerunt, Abyssinorum gens, si quæ maxime, antiquorum rituum est tenacissima. Exponam igitur eorum præcipuas observantias, ut sic constet quid inter catholicam Romanamque Ecclesiam, atque Æthiopicam inveniat discriminis.

Primus ritus : In primis sacerdotes, Græcorum more, ante sacerdotium uxores ducunt, et in sacerdotio eis utuntur. Secundus : Cum Græcis non solum tenent Sabbato ac Dominico die non esse jejunandum, idque ex Apostolorum Canonibus præceptum existimant : sed etiam antiquam Orientalis Ecclesiæ de observatione sabbati simul cum die Dominicæ consuetudinem sequuntur : quare in quadragesima Sabbato et Dominicâ die vescuntur carnibus. Tertius : Absterneant præterea (ut ipsi arbitrantur) ex Apostolorum decreto à sanguine et suffocato, nescientes præceptum illud adversus idolorum cultores latum fuisse, habentque præterea in aliis ciborum delectum. Quartus : Pueri ante quadraginta dies Baptismo non abluuntur, statim verò ut baptizantur, Eucharistia illis confertur, retinentes in hoc antiquum Ecclesiæ usum approbatum à sanctâ synodo Tridentinâ, sess. 21, cap. 4, de quâ optimè Paulinus Nolæ episcopus in Epistolâ ad Severum fratrem hoc carmine scripsit :

*Inde parens sacro ducet de fonte sacerdos*

*Infantes niveo corpore, corde, habitu:*

*Circumdansque rutes festis altaribus agnos*

*Pura salutaris inbuat ora cibus.*

Quintus: Quotid. è secundum antiquos Apostolorum canones, vel saltem diebus festis omnes communicant, ministraturque Eucharistia etiam laicis sub utraq. specie. In matrimonio saltem affinitatis gradus non veniunt. Nam, ut olim in lege, frater fratris defuncti uxori sine ulla dispensatione matrimonio copulatur, ut tradit Alvar. c. 76. Sextus: Sancto quadragesimæ jejuniū integram addunt hebdomadam, et totius anni spatium, quartā et sextā feriā ex Apostolorum traditione jejuniū observant, eō quod his feriis ablati fuerit Sponsus; nam quartā Domini traditionem patet est Judas, sextā verò crucifixus est pro nobis benignissimus Jesus. Septimus: In sacrā altaris oblatione azymo pane (teste Alvaresio, c. p. 9) untur, quamvis alii affirmant fermentato, musto verò ex uvīs passis confecto loco vini. Octavus: Supremum tam in temporalibus quā spiritualibus iudicium tenet imperator, ad eamque omnes causæ tam clericorum, quā monachorum devolvuntur; quamvis patriarcha suam etiam spiritualem exerceat potestatem

#### ARTICULUS X.

##### *Pro juvand' Abyssinis.*

Non videtur res ulla vehementiori desiderio aut sollicitudine majori à sede Apostolica procuranda, quā per amplæ Ecclesiæ Æthiopicæ unio; quippe præter animarum multitudinem, quæ à rectā veritatis semitā in eā aberrant, hoc magis dolendum accedit, quod errores quibus involvuntur quodammodo involuntarii existant: etenim in eos non ex superbiā aut perverciā aliquā adversus S. Ecclesiam lapsi sunt, sed propter aditus per quos ad eos vera Ecclesiæ illuminatio et auxiliatio dimanare poterat, sibi præclusos; accedit hūc, quod promptissimos semper ad fidelitatem et obedientiam sanctæ Ecclesiæ præstandam sese exhibuerint. In hoc solo difficultas omnis sita est, ut via et modus cum Æthiopicis communicandi detegatur, qui veluti propositam sibi fidem jam inde à temporibus Salomonis in hodiernum usque diem firmiter amplexi sunt, ita pariter à presentibus erroribus extricati (quos saluberrimum institutionum penuriā, et simul eō quod patriarchæ Alexandrino subsint, imbibebunt), facili negotio ad Evangelii sinceritatem

revocari poterunt, multisque animabus quæ (proh dolor!) tot ærumnas, vigiliis, jejuniis, aliasque rigorosas observantias, ex solā ignorantia, perperam et absque merito sibi imponi patiuntur, veridica salus adducetur.

Gemini ad communicandum cum Æthiopicis patent accessus: Prior per Cayrum, ductu carabanæ, quæ in Æthiopiā transfretat, qui tamen ob assiduas et strictissimas Turcarum vigiliis perarduus ac periculosus admodum erit, siquidem Christianorum nemo, cum detectione confederationis Christianorum Europæorum cum Æthiopicis, in Æthiopiā citra præsentissimum vitæ discrimen concedere potest. Accedit hūc, quod patriarcha Alexandrinus, et cæteri Copti idem maxime vereantur, ne scilicet Abyssini, rejectā unione cum Ecclesiā suā, Romano pontifici adhæreant, ideoque vehementer advigilant, ne Europæi ad interiorem penetrent Æthiopiā. Quocirca nisi Arabs quis foret, vel talem sese fingere posset, assumpto mercatoris habitu, supra dictā viā, nullo modo pareret adeundi copia, nisi id fiat per navigationem Portugaliæ, mare Rubrum transfretando per statum Barganensium, quæ aliās ad communicationem transitus patuit; verum modò Turca terras omnes Presbyteri Joannis mari Rubro confines invasisse dicitur, atque ideò ad patefaciendum aditum hunc, Lusitanorum classem aliquam illorum portum expedientissimum necesse foret invadere, armorumque vi manutene, quemadmodum alii plures in Indiā orientali occupantur; res procul dubio summi momenti. Ac primū Presbytero Joanni res patefacienda foret, quo terrestri expeditione, nostrisque navali urgentibus certæ victoriæ reportarentur, præcipuè cum loca ista tam remota sint ab iis in quibus Turca suas copias habet, ac præterea Persiano aliisque principibus undique Turcam prementibus. Atque eo pacto Æthiopes nostris conjuncti Ægyptum et Terram sanctam possent forsā recuperare: habent enim illi certas prophetias, firmamque spem, quod Latinis uniti Terram sanctam sint occupaturi.

Alia insuper via est facillor forsā magisque expediens, scilicet per regnum Congi, cui adiacet regnum Damut, quod subest jurisdictioni Presbyteri Joannis, quanquā inter regnum Congi et Damut, regnum quoddam gentium interjacere dicatur, quo non obstante, si primū Presbyter Joannes certior factus foret per litteras Sanctitatis suæ per Abyssinū

aliquem translatis ex iis qui Romæ degunt, vel etiam qui Jerusalem proficiscuntur, quibus sua Sanctitas indicaret se legatos suos mittere ad regnum Congi, ac proinde rogaret, ab eo vice regem Damut interpellari ac moneri, ut viam illam ad vicinum regem patefaceret, periculaque et impedimenta quoad fieri posset maximè removeret, ac salvos securosque in Damut perduceret, atque inde ad præfati regis curiam. Aliæ præterea ad regem Congi scribendæ forent litteræ, quibus legatorum prædictorum liber per regna ista transitus peteretur, ac sic vel per unam vel per aliam viam, vel per Congum vel Damut securus aditus inveniretur, ac quæ à gentilibus objici possent impedimenta evitarentur.

Abyssini proximi sunt unioni cum Ecclesiâ Romanâ, tum quia non obscurè percipiunt Ecclesiam Alexandrinam variis esse erroribus affectam, ac proinde ab impurissimo fonte non posse fidei puram emanare doctrinam, quam ob causam teste Alvaresio, c. 98, imperator Cyriacus decreverat non ultra acceptare in regnis Æthiopiæ patriarcham ab Alexandrinâ Ecclesiâ missum; aiebat enim se pollûs velle regna perire, quàm patriarchis hæreticis obedire, et ob eam causam quàm maximo desiderio ferebatur, ut Romanus pontifex sibi de patriarchâ provideret, fuitque in hac opinione et sententiâ usque ad mortem. At post ipsum imperator Alexander ejus filius tredecim annis in patris opinione permansit; sed tandem coactus necessitate ministrorum mutavit sententiâ; tum etiam, quia apud illas gentes prædictio quædam à Patribus derivata circumfertur, patriarcharum numerum ultra centesimum non extendendum, qui numerus jam est impletus. Habent etiam alias prophetias, quibus per adventum Europææ gentis in regiones illas, magnum ipsis promittitur emolumentum. Ac demùm cum ipsi sint à Turcis inclusi, nec portu aliquo gaudeant, sperant Europæorum auxilio et armis liberari, portumque obtinere, ut sic ab Ecclesiâ Alexandrinâ, quæ origo et occasio est illorum damnationis, discedere valeant.

#### ARTICULUS XI.

*De Æthiopicâ linguâ, et de aliis pro unione Abyssinorum.*

Marianus Victorius Reatinus usus in hoc Petri cujusdam Æthiopsis linguæ Æthiopicæ eruditissimi ope, institutiones sive regulas quasdam, quibus hæc lingua commodè perdisci

posset composuit, nunquam antea à Latinis visas, Romæque edidit anno Domini 1550, opus sanè utile ac eruditum, cujus hæc est inscriptio: *Chaldaicæ sive Æthiopicæ linguæ institutiones*. Nam ut ipse Victorius affirmat, sicut Chaldæa lingua pendet ab Hebræâ, ita à Chaldæâ pendet Syriacæ, Arabica et Æthiopicæ; quamobrem Chaldææ ipsæ quoque sunt appellatæ: quæ quinque linguæ tantâ invicem convenientiâ ac similitudine conjunctæ copulatæque sunt, ut qui unam optimè calleat, aliam quoque haud parâ ex parte intelligere possit. Docet etiam linguam Æthiopicam omnium celeberrimam esse, atque earum quæ ab ipsâ Chaldæâ seu Babylonîâ exoriuntur emendatissimam, ut quæ ab omni bellorum externorum incursione expers, immunis, incurruptaque semper permanserit.

Deinde de hujus linguæ origine in præmio prædictarum Institutionum agens, sic ait: « Æthiopicam linguam, quam Chaldæam vocant Æthiopes, veluti quæ à Chaldæâ Babylonicâ exoriatur, Hebraicæ quàm maximè similem esse haud dubium est: quod evenit, quia ab Hebræâ non secûs quàm Syriacæ, Arabica ac etiam Babylonicæ, quam Assyriacæ etiam appellamus, originem ducit. Scimus tamen Æthiopes contrarium asseverare, velleque Hebraicam posteriorem, et à suâ progenitam potius esse. Utcumque sit, satis ex hoc constat facillimè perdiscere hanc posse, qui Hebraicam ipsam calleat, siquidem major nominum pars utriusque linguæ communis est, suntque eadem ferè in grammaticâ regule, idem dictionis genus, iidemque in describendis signandisque vocabulis litteris ritus: nam ubi Hebræi punctis lineisque exterius litteræ appositis vocales explicant, Æthiopes quoque idem faciunt, differuntque in hoc uno, quòd lineam ipsam punctumque exterius haud ascribunt, sed ipsismet litteris conjungunt. Est et alia differentia, quòd interdùm Æthiopes non solum lineam non adiungunt, sed etiam partem ipsiusmet litteræ detruncant atque rescindunt. »

Præterea linguâ Æthiopicâ fuerunt olim Romæ Biblia conscripta, typisque mandata; ego autem epistolas tantum D. Pauli vidi. Genebrardus Missam, quam Æthiopes celebrant, simulque alias cæremonias circa puerorum Baptismum in linguam Latinam transtulit, quæ hodie inserta est tomo 6 Bibliothecæ sanctorum Patrum. Pro juvandis Abyssinis maxime proderit constitutiones, sive canones

Apostolorum cum doctissimi Turriani Commentario præ manibus semper habere. Ille enim Abyssini in fide et moribus, tanquam uni ex libris canonicis fidem adhibent, illisque gubernantur : utuntur versione 70 Interpretum ; quare oportebit, dum cum illis agitur, uti hæc etiam versione. Qui Abyssinorum res omnes nôsse desiderat, attentissimè legat Alburessii Historiam, quam priùs ipse Lusitanicâ linguâ edidit, postea verò in Hispanam, ac tandem Italicam traducta circumfertur. Pro erroribus verò ac ritibus certò discutiendis, illius Zagazabi Æthiopum quasi episcopi apud Damianum Goes de Abyssinorum fide et Religione declaratio attentè erit perlegendâ, quia nullibi apertius hujus gentis fides, mores, religio, ritusque conspiciuntur.

Inter alia media unioni Abyssinorum cum Ecclesiâ Latinâ maximè conducentia, ac quæ maximè expedire videntur, ut illi ab Ecclesiâ Alexandrinâ, quæ origo est illorum damnationis, discedant, illud potissimum se offert, ut Sanctissimus provideat, et, ut clariùs loquar, dispenset, ut ex Abyssinis ipsi ad patriarchatûs, episcopatus aliarumve dignitatum administrationem possint personæ digniores assumi. Nam ex decreto concilii Nicæni tam patriarcha quam episcopi debent esse alterius nationis, ut constat ex canone 36 de Patriarchâ et Episcopis, l. 3 concil. Nicæn., cujus verba sunt : « Ut non possint Æthiopes creare neque eligere patriarcham. Quin potius eorum prælatum sub potestate ejus sit qui tenet sedem Alexandriæ ; sit tamen apud eos loco patriarchæ, et appelletur Catholicus : non tamen jus habeat constituendi archiepiscopos, ut habet patriarcha : siquidem non habet talem potestatem. Et si acciderit, ut concilium in Græciâ habeatur, fueritque præsens hic talis patriarcha Æthiopum, habeat septimum locum post prælatum Seleuciæ, quæ est in provinciâ Babylonîæ in regno Zabur ; et quando facta fuerit ei potestas constituendi archiepiscopos in provinciâ suâ, non licebit ei constituere aliquem ex illis. Et quicumque non paruerit, synodus eum excommunicat. »

Circa hoc decretum notandum, eam præin hodie pro electione patriarchæ servari, ut refert Zagazabus, quòd religiosi ex Abyssinis, qui Hierosolymis degunt, eligunt sive nominant patriarcham ex natione Copthorum, quem confirmat patriarcha Alexandrinus ; hic electus et constitutus totius Æthiopiæ patriar-

cha, postea ex ipsis Æthiopibus maximè aptis et idoneis creat archiepiscopos, quibus universa Æthiopia regitur et gubernatur : illi autem sunt, qui majori ex parte unionem cum Ecclesiâ Romanâ conantur impedire. Igitur ut Abyssinorum imperator alique proceres illius nationis allicerentur ad unionem cum Ecclesiâ Romanâ procurandam, hoc unum inter alia jvaret maximè, ut summus pontifex de plenitudine potestatis, utpote superior conciliorum decretis, in rebus ad regimen spectantibus dispensaret in prædicto canone, ut tam patriarcha quam episcopi deinceps sumerentur ex ipsis Abyssinis. Denique, ut Abyssini faciliùs reducantur, oportebit sanè illos ritus et cæremonias illis permittere, quæ salvâ fide catholicâ tolerari possunt, maximè in principio, quoadusque firmentur in fide. Sed quia magna est apud auctores aliquos de circumcisionis ritu apud illas gentes usitato mentio, præter ea quæ superius annotavimus, placuit hic breviter aliqua pertractare.

#### ARTICULUS XII.

*An Abyssinis ab Ecclesiâ catholicâ permitti possit ritus circumcisionis, non tam Religiosis quàm honoris gratiâ introductus ?*

In hæc re imprimis de fide statuumdum est, circumcisionem, sicut et alia legalia, post Evangelii promulgationem omninò extinctam esse, et non solùm mortuam, sed observantibus mortiferam : ita definitum est in concilio Florentino sub Eugenio IV. Cerinthus enim et alii hæretici existimârunt legem veterem non cessâsse, sed nunc simul cum novâ observandam esse, teste Epiphano, hæresi 28, et August. hæres. 8. Idem tenuit Ebion, ut docuit Irenæus l. 1, c. 26. Secundò certum est, observantiam aliquorum legalium non ut legalia sunt, posse adhuc licitè observari, et de facto observantur à Catholicis. Et ut clariùs constet de hæc propositione, prænotare oportet quatuor modis posse cæremonialia observari :

Primo, ut legalia sunt, id est, ad servandam legem, ex cujus institutione erant introducta, quâ ratione præcisè ea servavit Christus Dominus, ut patet de circumcisione. Secundo, non ut legalia solùm, sed etiam ut figuralia ; erant enim cæremonia istæ per se primò institutæ in lege veteri, ut figuræ Christi venturi, ut optimè docet D. Th. 4-2, q. 104, art. 3, in corp., et hæc ratione servârunt cæremonias illius legis Patres antiqui. Tertio modo, possunt servari cæremonia istæ, neque ut

legalia, neque ut figuralia, sed tantum ad protestandam excellentiam divinam, ut ostendatur cæremonialia legis mala non fuisse, sed bona, et à bono auctore, atque ut ita Synagoga cum honore sepeliretur. Quarto modo possunt cæremonialia observari prorsus materialiter; materialiter, inquam, sine ullà formalitate, neque respectu ad legem veterem, sed ob alios fines licitos, et ab Ecclesiâ approbatos, sicut hodiè celebratur festum Pentecostes alijs rationibus, quàm in veteri Testamento: olim enim sollemnis erat festivitas, quia illà die data fuit lex vetus, hodie tamen, quia illà die data est lex spiritus et vitæ, ut docet D. Thom. 1-2, q. 103, art. 3, ad quartum. Et in Ecclesiâ Latinâ fit in pane azymo consecratio, nec ob id censetur judaizare, quia Judæis panis azymus fuerit in usu. Imò et sancti Patres Ecclesiæ Orientalis ritum de observantiâ Sabbati laudant, nec ob id Ecclesiâ illa cum Synagoga consentit, cum sint utriusque diversissimi illius observantiæ fines et causæ.

Quare tria sunt in cæremonijs istis necessariò distinguenda: Primum est, vis ipsa obligandi quam habebant à lege, ob quam rationem dicuntur legalia. Secundum: considerare oportet finem sive rationem formalem illarum, quâ ratione erant figuralia. Tertium, ipsam exteriorem cæremoniam materialiter sumptam, quam nunc appello ipsam substantiam actus. Hoc posito, non est dubium quin nunc servare legalia ut figuralia, vel ut legalia, neque etiam ad demonstrandum à Deo eorum observationem emanasse, illicitum impiumque esse. Servare tamen legalia materialiter tantum, hoc est, nullo respectu ad prædictos tres modos, certum est licere, sicut qui circumcideretur ob medicinam, vel abstineret à carnibus porcinis ob salutem, vel Sabbatum servaret in B. Mariæ Virginis honorem, quo etiam sensu circumciduntur multæ ex gentibus nationes, ut supra ex D. Hier. et Strabone retulimus.

Duo restant examinanda. Primum, an Abyssini servent circumcisionem ut legalem, vel ut figuralem, quia neutro modo sine manifestâ hæresi licet; an verò tantum materialiter hoc utantur ritu. Secundum, an supposito, quòd excusentur à culpâ, an ratione circumstantiæ scandali aliarum Ecclesiarum sit ab Ecclesiâ Romanâ tolerandus hujusmodi abusus. Prima quæstio partim pendet à facto, nempe quo fine circumciantur; nam in hoc non est ipsa sententia illorum auctorum, qui Abyssinæ gentis ritus moresque referunt: alii namque

more Hebræorum affirmant circumcidere, alii ob Christi imitationem, alii denique, ut profiteantur se à Judaicâ prosopiâ originem ducere: tamen quidquid sit de opinionum diversitate circa finem, primum constituo, si Abyssini circumcisionem observent ut legalem vel figuralem, eos errare cum hæreticis Ebionitis, qui temerè legem veterem cum novâ observandam existimabant. Secundò deinde assero: Circumcisio si ab Abyssinis non religionis, sed honoris causâ observetur, nempe ut profiteantur se à Davidicâ prosopiâ ducere originem, non ob id erunt damnandi, quia circumcisio tantum materialiter utuntur. Unde optimè Guillelmus Reginaldus in suo Calvino-Turcismo, l. 2, c. 9: « Abyssini, inquit, christianè quidem, et cum verâ Christianorum fide infantes baptizant et circumcidunt, nobilitatis antiquissimæ, nullo meriti aut Judaicæ fiduciæ respectu; quo posito, nollem eos propter circumcisionem magis damnare, quàm si propter medicinæ causam abstineret à carne porcinâ, quam tamen lex Mosaicâ prohibebat. »

Solum ergo est difficultas, an si circumciantur ad imitationem Christi Domini sit licita hujusmodi circumcisio. Cajet. 3 parte, q. 37, art. 1, tenet partem affirmativam, cujus sententiæ adhæret Bartholomæus de Medina, 1-2, quæst. 103. Contrariam sententiam tenet Sotus, l. 2 de Just. et Jur., q. 5, art. 4, qui expressè hujus gentis de circumcisione ritum damnat, et Sotum sequuntur juniores aliqui Suar. 5 p. dictâ quæst. 37, art. 1, et Gregorius de Valent. 12, d. 7, q. 7, punct. 7, eâ potissimum ducti ratione, quia Christus servavit circumcisionem ut legalem; sed Abyssini servant circumcisionem ad imitationem Christi; igitur videntur servare ut legalem, quod fieri non potest sine errore, quæ sententia probabilior et certior apparet, quam crudité confirmat Valentia supra cit. loco. Secunda difficultas est, an dato, quòd circumcisio in sensu præfato in illis gentibus excusetur à culpâ, an ob scandalum aliarum Ecclesiarum sit permittenda. Cajet. in affirmativam partem manifestè inclinat, quamvis tandem, utpote in re gravissimâ, Ecclesiæ judicium desideret his verbis: « Ego verò in hac difficultate, an oporteat Ecclesiam Romanam in illis gentibus circumcisionem approbare vel saltem permittere, libentius ipsam Ecclesiam, quàm alios audirem auctores. »

## ARTICULUS XIII.

*De erroribus Abyssinorum hæc nostrâ aetate grassantibus.*

Postquàm ex variis auctoribus præfatos Abyssinorum errores collegeram, evenit, ut dùm casu illustrissimi cardinalis sanctæ Severinæ bibliothecam perscrutarer, in examen quoddam ab illustrissimis cardinalibus Jussu sanctissimi domini papæ Sixti V, de quodam monacho Abyssino factum inciderim, qui requisitus speciatim de Abyssinorum fide ac religione, apertum omnium illorum rituum ac errorum testimonium reddidit, quod nullâ ratione transeundum existimavi, ut major ac certior ipsorum cognitio haberetur, licet si quis attentè Zagazabi episcopi Abyssinorum (cujus sæpius mentionem fecimus) Confessionem perlegerit, multùm hos testes discrepare inter sese reperiat : neque id miror, cùm rerum divinarum aded ignari sint, ut quid erendum sit, etiam monachos fugiat.

*Fratris Teclæ Mariæ, presbyteri Abyssini, legati pro Lusitanis existentibus in Abyssinorum ditione, religionis Abyssinorum, coram illustrissimis cardinalibus Romæ facta declaratio, die primâ mensis julii et sequentibus, anno 1594.*

Reverendus frater Tecla Maria, Teclæ Nebiat filius, de civitate Henza Mariani, provinciæ Xeva regni Æthiopiæ, sacerdos et monachus ordinis sancti Antonii, et monasterii Libani ejusdem provinciæ, ætatis suæ annorum 45, de mandato illustrissimi et reverendissimi domini cardinalis sanctæ Severinæ nationis Æthiopiæ protectoris, à me infrapposito examinatus ad opportunas interrogationes eidem Arabicè propositas respondit, ut infra :

Interrogatus primò quid sentiant et credant Æthiopes de Deo et sanctissimâ Trinitate, respondit : Nos Æthiopes credimus in Deum unum et triam in personis, Patrem scilicet et Filium, et Spiritum sanctum : Pater est ingenuus, Filius est genitus à Patre tantùm, et Spiritus sanctus est procedens à Patre et Filio. Interrogatus, an Spiritus sanctus procedat à Patre et Filio tanquàm à duobus principijs et duabus spirationibus, vel tanquàm ab uno principio, et unicâ spiratione, respondit : Tanquàm ab uno principio et unicâ spiratione. Interrogatus, quæ persona sanctissimæ Trinitatis est incarnata, respondit : Persona Filii, id est, Verbum Dei Patris. Interrogatus de incarnatione Christi Domini nostri, res-

pondit : Incarnatus est de Spiritu sancto ex Mariâ Virgine. Interrogatus, quot naturas, voluntates et operationes profitentur Æthiopes in Christo Domino nostro, respondit : Post unionem in Christo Æthiopes profitentur unam naturam, unam voluntatem et unam operationem, sine tamen mixtione et sine confusione; in quâ quidem opinione scio Æthiopes et Coptos, et alios Orientales maximè aberrare à veritate. Interrogatus, an Æthiopes profiteantur in Christo unam naturam ex duabus resultantem, respondit hoc non dicere Æthiopes, sed profitentur simpliciter unam naturam, sine mixtione, et sine confusione, et illam asserunt esse divinam.

Item interrogatus de veneratione imaginum, respondit : Imagines apud Æthiopes sunt tantùm depictæ, et non sculptæ, quas Æthiopes maxime venerantur, ratione representationis et relationis, et ab eis thurificantur.

Interrogatus de libris canonicis utriusque Testamenti, respondit : Apud nos Æthiopes utrumque Testamentum est divisum in libros 81, quos omnes dixit haberi in Ægypto, et absque libro nomina omnium librorum non recordari.

Item interrogatus quot concilia universalia tenent Æthiopes, et quid confiteatur in eis, respondit : Apud Æthiopes sunt tantùm tria concilia universalia : Nicænum, Constantinopolitanum et Ephesinum; quid verò contineat quodque eorum legi, sed nescio modò omnia recitare. Interrogatus an Æthiopes acceptent concilium Chalcedonense, et quid in eo contineatur, respondit : Hoc concilium Æthiopes damnant, quia in eo decretum est, duas esse naturas in Christo, duas voluntates, et duas operationes, et damnatus est Dioscorus patriarcha Alexandrinus. Interrogatus an Æthiopes damnent sanctissimum papam Leonem, respondit : In libris et historijs Æthiopum extat papam Leonem damnasse Dioscorum, et Dioscorum damnasse papam Leonem, quia concilium Chalcedonense confirmaverat, et duas in Christo posuerat naturas, voluntates et operationes. Interrogatus verò quod ipse sentiat, respondit : Ego ab annis circiter quindecim semper professus sum in Christo Domino duas naturas, duas voluntates, et omnia concilia habita auctoritate summi pontificis Romani, ligare omnes Christianos, quia est pontifex totius christianitatis. An sciat quot concilia habita sunt universalia post concilium Chalcedonense, respondit nascire,



Item interrogatus quæ sunt sacramenta Ecclesiæ, respondit esse septem, 5. Baptismum, Confirmationem, Eucharistiam, Pœnitentiam, Extremam Unionem, Ordinem et Matrimonium, et à Christo Domino esse instituta. Interrogatus, quibus verbis formalibus baptizant Æthiopes, respondit, quòd post plurimas orationes dicunt : *Ego te baptizo in nomine Patris, et Filii, et Spiritûs sancti*. Interrogatus, quæ est materia hujus sacramenti, respondit : Est aqua naturalis. Interrogatus, quis est minister Baptismi, respondit : Apud Æthiopes baptizat sacerdos, et in absentia sacerdotis diaconus, præter quos nullum alium vidi baptizare. Interrogatus, quam intentionem debet habere baptizans in baptizando, respondit : Illam, quam habet Ecclesia catholica, faciendi scilicet Christianum.

Interrogatus quoto die baptizantur infantes in Æthiopiâ, respondit : Mares baptizantur post quadraginta dies, et femine baptizantur post octuaginta dies, nisi fuerit mortis periculum, quia tunc statim baptizantur.

Interrogatus, quis est effectus Baptismi, respondit : Effectus est, ut homo efficiatur Christianus, et de Ecclesiâ ac de membris Christi.

Interrogatus an Æthiopes circumcidant filios, respondit : Æthiopes ab antiquissimo tempore, usque ad hodiernum diem, in totâ Æthiopiâ filios circumcidunt in propriis domibus absque ullâ cæremoniâ, sed propter quamdam antiquam consuetudinem in maribus præputium, in feminis verò nympham circumcidentes. Interrogatus, an credant circumcisionem esse adhuc necessariam ad salutem, respondit : Sciunt jam ipsam cessare, et non esse amplius necessariam. Interrogatus, quare dicantur baptizari Æthiopes igne, et signare in fronte, respondit : Nullus est in Æthiopiâ, qui baptizatur igne, sed in quibusdam provinciis tantum signant se in fronte novaculâ, vel ad oculorum et visus sanitatem, vel, ut aliqui referunt, ex mandato ejusdem regis Æthiopiæ, ut differant à Mahumetanis. Interrogatus, quare dicantur Æthiopes se ipsos singulis annis baptizare, respondit : Æthiopes singulis annis propter solemnitatem Epiphaniæ exeunt ad flumen, et ibi multæ dicuntur orationes à presbyteris, et omnes lavantur in flumine, et multi ibi pernoctant maximâ cum festivitate ob devotionem Baptismi Domini nostri Jesu Christi; sed nemo se baptizat, prout dicunt.

Item interrogatus de sacramento Confirmationis, de materiâ, formâ et ministro, respondit : Confirmatio apud nos confertur à sacerdote, unâ cum Baptismo, et ungitur infans chrismate in fronte : *In nomine Patris, et Filii, et Spiritûs sancti*. Interrogatus de effectu ipsius Confirmationis, respondit nescire, sed credit dari, ut confirmetur Christianus in fide. Interrogatus, an singulis annis conficiatur apud eos chrisma, respondit : Chrisma mittitur eis à patriarchâ Alexandrino, à quo solo conficitur, et non ab episcopo, et mittitur septimo quoque anno, et rarius cum peregrinis, qui redeunt à peregrinatione terræ sanctæ, et in omnibus Ecclesiis antiquum chrisma conservatur. Interrogatus, ex quibus rebus fit chrisma, respondit : Ex balsamo et oleo, et ex pluribus floribus et rebus odoriferis.

Item interrogatus de sacramento Eucharistiæ, et ejus materiâ, respondit, materiam esse panem ex frumento, et vinum ex uvâ; sed in pluribus provinciis Æthiopiæ in vino expresso ex uvâ passâ, aquâ lotâ, et infusâ per aliquas horas eadem aquâ. Interrogatus, quæ sunt illa verba, quibus transubstantiatur panis in corpus, et vinum in sanguinem, respondit : Sunt illa verba, quando sacerdos dicit : *Et accipit panem in manibus suis, et elevatis oculis in cælum ad Deum Patrem suum, benedixit, dicens : Accipite et comedite; hoc est Corpus meum. Et similiter accipiens calicem, benedixit et sanctificavit, dicens : Accipite et bibite; hic est calix Sanguinis mei, qui pro vobis effundetur in remissionem peccatorum*. Interrogatus, quis est minister, respondit : Solus sacerdos, et effectus est remissio peccatorum. Interrogatus, an omnes Æthiopes communicent sub utraqüe specie, respondit : Omnes Æthiopes laici et clerici communicant sub utraqüe specie; sacerdos ministrat corpus, diaconus verò sanguinem cochleari. Interrogatus, an infantes communicent, respondit : Infantes in die baptismi communicant in hunc modum : sacerdos ponit indicem in calice, et sanguine perfusum imponit in ore infantis. Et post Baptismum in ore puerorum, qui carent usu rationis, usque ad decennium imponitur digitus auricularis sacerdotis sine sanguine, devotionis causâ. Interrogatus, an Æthiopes celebrent in pane fermentato vel in azymo, et quid sentiant de celebrante in azymo, respondit : Æthiopes in fermentato celebrant, et illi qui in azymo celebrant, conficiunt etiâ. Et nos in totâ Æthiopiâ feriâ

quintâ in cœnâ Domini singulis annis, in hujus rei memoriam, in azyms celebramus.

Item interrogatus, quid sentiant Æthiopes de Purgatorio, respondit : Æthiopes credunt animas post mortem detineri in quodam loco, qui linguâ Æthiopicâ vocatur *meças aaraft*, id est, *locus afflictionis*, in quo detinentur animæ penitentium, quæ decesserunt ab hoc seculo, non perfectâ peccatorum eorum satisfactione. Interrogatus, an animæ bonorum post mortem statim fruuntur beatitudinis, et malorum puniantur in Inferno, respondit : Sunt nonnulli in Æthiopiâ, qui opinantur quòd animæ bonorum requiescant in Paradiso terrestri, in quo fuit creatus Adam, usque ad diem judicii. Sunt alii qui credunt, animas justorum statim post mortem frui earum Creatore in Paradiso.

Item interrogatus, quæ sunt peccata mortalia, et quot sunt, respondit, illa esse peccata mortalia, quæ fiunt contra præcepta Domini, quæ, cum sint quamplurima, nescio numerare. Interrogatus, an peccata voluntatis, quæ non transeunt in actum exteriorem sunt mortalia, respondit, mortalia esse, si desiderio et concupiscentiæ consensum præstitit homo.

Interrogatus, an quis possit salvari extra fidem Mediatoris Dei et hominum Jesu Christi, respondit, neminem salvari posse. Interrogatus de iis, qui sunt modò in lege naturæ, ad quos nondum pervenit notitia Evangelii, respondit : Credo Deum etiam ipsis providisse, ut aliquo modo possint salvari, cum præcepta naturæ servaverint.

Interrogatus, quid sentiant Æthiopes de indulgentiis, respondit : Credo acceptas esse apud omnes, ipsasque vocant *benedictiones*; usum verò earum cupio intelligere. Interrogatus de invocatione sanctorum, respondit, sanctorum invocationem apud Æthiopes esse maximè acceptam, et eorum intercessionem apud Deum omnes profitentur.

Interrogatus de simoniâ, et de iis qui favore aut conventionem ordinantur in sacerdotem, in episcopos et in patriarcham, respondit, prohibitum esse sacris canonibus.

Interrogatus, quæ differentia sit inter Æthiopes et Coptos in rebus fideli, respondit, nullam esse differentiam inter eos, et in omnibus rebus concordare; sunt enim sub ejusdem patriarchæ obedientiâ; in aliquibus tamen vidi eos differre : videlicet, in gradibus prohibitis Æthiopes non contrahunt, Copti verò in secundo et sequentibus gradibus con-

trahunt passim cum licentiâ, et sine licentiâ eorum episcopi, vel patriarchæ. Similiter Copti extra civitates in villis et ruri nullas observant festivitates, neque dies Dominicos; Æthiopes verò ubique maximè observant. Item Æthiopes observant sabbatum, quod non faciunt Copti. Similiter Æthiopes ubique in totâ Æthiopiâ filios et filias circumcidunt; Copti verò Memphi, sive Cayri, tantùm ab aliquibus annis quidam non circumcidunt. Item in cæremoniis Missæ Copti multùm differunt ab Æthiopicis, nam Coptorum sacerdotes sine planetis, et diaconi sine dalmaticis celebrant, et capite cooperto quòdam tobacellâ laneâ, et corpus Dominicum et calicem nunquàm elevant in Missis, quæ cæremoniæ non sunt apud Æthiopes.

Interrogatus an sciat in quibus rebus differant Æthiopes et Copti à fide catholicâ sanctæ Romanæ Ecclesiæ, respondit, differre præcipuè in sequentibus : Dioscorum Alexandrinum, et Jacobum primum ejus discipulum, et Severum Antiochenum invocant in Ecclesiis cum sanctis Patribus; concilium Chalcedonense et sanctam Leonem papam non recipiunt; in Christo Domino nostro unam tantùm naturam, unam voluntatem, et unam operationem profitentur; hymnum *Ter sanctum* recitant cum additione illorum verborum : *Qui crucifixus est pro nobis*; cum hâc tamen expositione, ut terna sanctificatio applicetur sanctissimæ Trinitati; illa verò verba : *Qui crucifixus est pro nobis*, applicentur tantùm Christo Domino nostro; circumcissione utuntur Copti et Æthiopes, et sabbatum observant Æthiopes tantùm.

Item interrogatus, ubi, quando, à quo, et quibus ordinibus fuerit initiatus, respondit : Anno ætatis meæ quinto decimo in ecclesiâ sanctæ Mariæ monasterii Denobî provincie Xeva in Æthiopiâ, sui ordinibus initiatus à Josepho Copto Æthiopiæ archiepiscopo in hunc modum : « Archiepiscopus ante Missæ « celebrationem totundit caput meum in quin- « que locis, in modum crucis, et chrismate « me unxit in fronte, orationes recitando lin- « guâ Ægyptiâ, et in faciem meam insufflavit, « et in eadem horâ, inter celebrandum fecit « me ostiarium et lectorem, sive psalmistam et « acolythum, et nefecadiaconum, sive subdiacono- « num, et diaconum Evangelii, et sacrosanctam « communionem mihi dedit, et longo tempore « post, anno ætatis meæ trigesimo in civitate « Bed, in Dembiâ Æthiopiæ, in ecclesiâ sancti « Georgii ab archiepiscopo Marco supradicti

« Josephi successore initatus sum sacerdotio. » Interrogatus, an verba formalia singulorum ordinum audivit archiepiscopum prodesse in collatione ordinum, respondit, ipsum archiepiscopum protulisse; « sed ego non audivi, neque significationem intellexi, quia celebra- « bat linguâ Ægyptiâ, quam prorsus ignora- « bam. » Interrogatus, an in collatione singulorum ordinum tradita fuerit ei materia ab archiepiscopo, et an ipse manibus suis illam tetigisset, videlicet in ostiariatu claves ecclesie, et ostium aperuerit, et campanulam pulsaverit; in lectoratu librum Lectionum vel Psalmorum tetigerit; in exorcistatu librum Exorcismi vel Missale, in acolythatu candelabrum cum candelâ extinctâ et urceolum vacuum; in subdiaconatu calicem vacuum, cum patenâ vacuâ superpositâ, et urceolos cum vino et aquâ, et bacile cum manutergio, et librum Epistolarum, et an capiti ejus fuerit ab eodem archiepiscopo impositus amictus, et manipulus brachio ejus sinistro, et indutus fuerit tunicellâ; et in diaconatu, an librum Evangeliorum tetigerit, et stola super humerum ejus fuerit imposita, et dalmaticâ vestitus; et in sacerdotio, an tetigerit calicem cum vino et aquâ, et patenam cum hostiâ, et an archiepiscopus et sacerdotes capiti ejus manus imposuerint, et an sibi aptata fuerit stola ante pectus in modum crucis, et an indutus fuerit casulâ sive planetâ, et manus ejus tactæ fuerint oleo Catechumenorum, respondit: « Certò scio in omnibus supradictis ordinibus nullam materiam in collatione ordinum mihi ab archiepiscopo traditam esse, neque illam me tetigisse, neque me vestitum aliquâ veste singulis ordinibus competente, neque capiti meo manus archiepiscopi fuisse impositas, neque oleo sancto manus meas unctas fuisse. » Scio præterea archiepiscopum nostrum in Æthiopiâ simul ordinare duo millia, et plures clericos, eodem die, et singulis sex ordinibus simul conferre, absque prævio examine, et absque aliquo scrutinio, defectu, approbatione, scripturâ vel notatione, et propter ordinandorum multitudinem non posse singulis materiam tangendam tradere: et vidi eumdem modum observari in omnibus ordinationibus à nostris archiepiscopis successivè, licet secus observetur in Ægypto, ubi non tanta clericorum multitudo simul et turmatim ordinatur, et materia singulis ordinibus competens tangenda ordinando traditur. »

Interrogatus, an sciverit supradictos archiepiscopos, Josephum et Marcum, à quibus initatus est, tempore suæ ordinationis fuisse schismaticos, et extra communionem sanctæ Romanæ Ecclesiæ, respondit, nescivisse; in id potius certò credebat, tunc temporis ipsos esse catholicos, unâ cum omnibus Æthiopicis et Coptis, et sedi Apostolicæ in omnibus obedire, et sanctæ Romanæ Ecclesiæ communionem habere, et credebat Christianos omnes in rebus fidei convenire; sed ea quæ superius dixit, scivit postea dum esset Hierosolymis et in Ægypto.

#### ARTICULUS XIV.

*De natione Jacobiticâ, ac de eorum erroribus.*

De Jacobitis ita scripsit Nicephorus lib. 18, c. 43, Historiæ ecclesiasticæ: « Quis verò, inquit, Jacobos fuerit, unde Jacobitæ nomen acceperunt, æquum esse puto, ut hic referam. Alius autem narrationem petam: Postquam Eutycheti et Dioscoro à sanctâ quartâ Chalcedonensi synodo dignitas abrogata est, qui illorum dogmata defenderunt, factâ ab Ecclesiâ catholicâ defectione, διακριτικῶν, hoc est, segregatos, sive ambigentes, seipsos appellârunt; neque ullo modo, ut quæ rectè in concilio sancto statuta essent comprobarent, adduci potuere. II in duodecim sectas dissecti sunt, ex quibus multa millia hæresum pullularunt. Ex quarum sectatoribus quidam Eutychianistæ vocati sunt, alii Acephali, alii Monophysitæ, alii Theodosiani, alii Julianistæ, alii Tritheitæ, alii Agnoetæ, alii Theopaschitæ, alii Armenii, alii Severitæ, alii Aphthartodocitæ, alii Phantasiastæ, alii Manichæi, alii Phthartolatræ, alii denique Scenolatræ sunt appellati. » Hactenus Nicephorus, qui cap. 32, historiam Jacobitarum prosequens: « Jacobus porrò, ait, à quo nunc quoque, ut jam diximus, Jacobitarum hæresis denominata celebratur, Syrus generus fuit, obscurus prorsus et nullâ gloriâ vir, qui etiam Zauzalus propter summam tenuitatem est cognominatus. Hic Eutychetis et Dioscori, Gnaphæique, ac præterea Petri atque Severi dogmate recepto, magnoperè id apud Syros propagare studuit. » Idem quoque ubi supra Nicephorus: » Ετιμὰρὲρ εὖ, inquit, quem diximus, Jacobo, Monophysitarum opinionem apud Syros prædicante, magnum exortum est dissidium. Nam qui rectæ opinioni adhæserunt, Melchitæ appellati sunt, quòd sanctam quartam synodum

et imperatorem ipsum (Melchi enim Syris rex est) consecrarentur. Qui autem diversum senserunt, multa variaque habuere nomina; Jacobitæ tamen maximè sunt nominati, propterea quòd ei, quem dixi, Monophysitarum hæresis studioso Jacobo adhererent. Qui etiam anathemati traditi sunt, ut Monophysitæ scilicet et Theopaschitæ. Postea verò aliud etiam hæresum examen ad se pertraxere, quâ Trinitatem consubstantialem credentes, unam naturam post unionem in Christo esse docuerunt, sacram quartam synodum repudiantes, ac deinceps omnes sanctos Patres rejicientes. Et quod maximum est, divinitati ipsius Unigeniti perpassionem tribuerunt, *Tersancto* illi hymno appendicem hanc: *Qui crucifixus est pro nobis*, appendentes. Talis Jacobitarum hæresis radix extitit. Jacobus quoque Armeniorum sectæ dux fuit. » Hæc Nicephorus.

De natione Jacobiticâ Leonardus episcopus Sidonæ, nuntius atque visitator apostolicus, per sanctissimum D. papam Gregorium XIII, in legatione suâ ad partes orientales, quam manuscriptam vulgari linguâ reliquit, inter alia disserens, inquit: « Natio Jacobitica dispersa est per civitates, terras, et oppida Syriæ, Mesopotamiæ et Babylonie, mixta aliis nationibus, numerum quinquaginta millium domuum obtinens, cujus præcipua pars paupercola est, quotidianoque labore victum querit. In Aleppo et Caramit multæ sunt divites et honestarum facultatum familiæ, aliæque in commercio et mercaturâ vitam ducentes. » Ecclesia patriarchalis hujus nationis est in Mesopotamiâ, extra civitatem Moradim, in monasterio Zafram; sed patriarcha residet in civitate Caramit ad majorem sui commoditatem et quietem. Hæc natio subdita est patriarchæ David, sed ab episcopo Thomâ, vicario generali fratreque majori ipsius patriarchæ gubernatur; sub cujus obedientiâ modernè vivunt inferiores prælati, Joannes metropolitanus Hierosolymitanus, à Jacobitis dictus quintus patriarcha: Michael archiepiscopus Damascenus; Jacobus archiepiscopus Edessæ dictæ Orfa, vel Raha; Minas archiepiscopus Saur, Effrem archiepiscopus in eadem provinciâ; Jacobus archiepiscopus Bisualriæ; Abraham episcopus Aatafræ; Melchez episcopus sancti Melchi in Tur; Jesu episcopus monasterii Deiriloomor; Abelmedich in provinciâ Tur; Elias episcopus in Salach; Elias episcopus in monasterio sanctæ Crucis in Zaz;

Gazel episcopus in Tarach; David episcopus in Maaden; Pilatus metropolitanus in Masal et Oriente; Gazel archiepiscopus de Misferichin, archiepiscopus monasterii de Mar Abihal; Ananias episcopus sancti Bertonix; Joannes episcopus de Hartbert; Isaac archiepiscopus Cypri; Simeon archiepiscopus Camaritanus; Habib episcopus. In supradictis provinciis multa sunt monasteria ejusdem nationis, Ecclesiæ quoque, religiosi et diaconi, ac clerici innumeri, quos non potui visitare propter repulsam, quam passus fui ab episcopo præfato Thoma vicario generali; visitabam tamen templum Jacobitarum in Tripoli, in Aamanin, Damasco, in Neph, in Jerusalem, in Aleppo, in Orfa, et in Orbis, et in monasterio de Mar Abihal, in Gargar, inter quarum partium Ecclesias Hierosolymitanam et Aleppî benè instructam et excoltam inveni, cæteras autem sine imaginibus et malè gubernatas; asservabatur siquidem sacramentum in pyxidibus ligneis, sine lumine aut lampade, fontesque baptismales aquâ carentes, quia quoties baptizant, aquam fontemque de novo benedicunt, altarium quoque ornamenta vilissima, Missæque officium sordidè satis ac stupidè peragebatur. Ex oleis sanctis solum chrisma in ecclesiis asservabatur, quod *Miron* vocatur, benediciturque à patriarchâ omni septennio, cum multis floribus, rebusque odoriferis. Oleum Catechumenorum non habent; oleumque extreme Unctionis sacerdos in locernis à quatuor partibus in modum crucis accensis benedicit, eoque ægrum multis prius evangelii et orationibus recitatis inungit. Sacramentum autem Confessionis rarissimè apud nationes illas frequentatur, multique communicant sine auriculari confessione.

Refert idem Leonardus Sidonæ episcopus, se Jacobitarum patriarchæ unionem cum Ecclesiâ catholicâ proposuisse, eandemmet aliàs desideranti, cumque ad præcipuos catholicæ fidei professionis articulos ventum esset, ubi de Chalcedonensis concilii acceptatione mentio fieri cœpit, nonnihil subsistere visus, inquit, haudquaquam fas esse rem hanc unâ in populum vice, idque continuo tracta evulgari, sed paulatim ipsoque temporis progressu, datâ nimirum prius Apostolicæ sedi obedientiâ, eidemque justâ exhibitâ benevolentia. Tandem ad Dioscori condemnationem præcurramus, ubi summo cum fervore: « Absit, absit, inquit, excommunicatum esse Dioscorum; damnatus non est, imò verò sanctitate fulget

« Dioscorus, velut primarius Jacobiticæ nostræ nationis parens; hoc recipi nullâ ratione potest, quippe si casu Jacobitica natio resciret nos in damnatum consentire Dioscorum, absque morâ et nostro privaremur patriarchatu, et ab universo populo ingenti cum fervore saxis obrueremur. » Cùmque lectione precedente in secundum tertiumque Constantinopolitanum concilium incidere, licet Jacobitæ adjungant in Trisagio : *Qui crucifixus est pro nobis*, dicantque in Christo Domino nostro unam esse naturam, unam voluntatem, unamque operationem resultantem ex duobus, dixit tamen vicarius se trisagium et crucifixionem soli Christo Domino nostro applicare, non autem sanctissimæ Trinitati, cæterisque absque contradictione applausit, præsertim verò sanctæ Apostolicæ sedis primum pro superiori capite agnovit, ac supremam SS. D. N. papæ auctoritatem in singulis suorum Ecclesiis, obedientiâ promissione, admisit.

Percunctabatur deinde, quamobrem Chalcedonense concilium in Dioscorum excommunicationem fulminasset, cùm et eruditione et religiosæ ac sanctæ vitæ præstantiâ polleret. Cui ego, fuisse à Chalcedonensi concilio excommunicatum, quia acta Eutychemis approbare, et in suâmet hæresi, aliisque innumeris in dicto concilio enumeratis contumaciter et superbè persisteret. Sed ipse contra aiebat, Dioscorum nunquàm Eutychemis opinionem approbasse, cùm ipsi Jacobitæ Dioscoriani sint, ac semper Eutychemis errores unâ cum auctore suo condemnârint, et etiâ nunc condemnent, qui duas naturas in unam confundebat; at ipsi contra hanc opinionem asserant duas in Christo naturas esse unitas, unamque factam naturam personatam de duabus naturis non personatis, sine mixtione tamen aut confusione, referebatque corruptam in ipsorum libris Dioscori historiam, quâ eum iniquè et immeritò in præfato Chalcedonensi concilio damnationis et excommunicationis sententiam perperam nitebatur probare. Adversus hunc ipsius discursum, multis illi rationibus palam faciebam, Dioscorum justo excommunicationis telo fuisse confossum et reprobatum, historiamque de eo conflictam omninò falsam esse; verùm is pertinaciter rejiciebat omnia, negabatque quæ de Dioscoro objiciebantur. Frequentiùs igitur affirmabam, si Catholici dici, sanctæque Romanæ Ecclesiæ obedientiam præstare decrevissent, ipsos obligari, perfectò

in omnibus Chalcedonense concilium unâ cum sanctâ Romanâ Ecclesiâ à divino Spiritu gubernatâ, sequi et amplecti. Quare Dioscorum damnarent, adventionesque ac inanem verborum superfluitatem contra dieti concilii determinationes, rejicerent, omissoque illo dicendi modo, nempe unam naturam personatam de duabus naturis non personatis, sine mixtione et confusione, sed liberè unam personam, et duas naturas, duas voluntates, et duas operationes in Christo, juxta idem concilium à sanctâ Romanâ Ecclesiâ probatum confiterentur. Tunc autem respondit, Latinos nec Græcos potuisse excogitare et invenire hoc temperamentum vocum et terminorum in propositione istâ, quemadmodum docet Jacobitæ invenerunt, et quidem in significatione eadem esse cum eâ quam Ecclesia Latina obtinet, et verbis solum differre affirmabat. Hæc Leonardus episcopus.

#### ARTICULUS XV.

*Hæreses et errores nationis Jacobitarum ex eorum Catechismo collecti.*

Breviter verò referam errores omnes, quos ex Catechismo Jacobitarum, qui Romæ in bibliothecâ cardinalis S. Severini, tam in Arabicâ, quàm in Latinâ linguâ conscriptus habetur, colligere potui; tum ut errores illius gentis clariùs cognoscantur, tum ut si quando ipsam ad Ecclesiæ gremium (ut in Domino speramus) redire contingat, faciliùs Catechismi errores emendentur, et ad fidei regulam componantur.

In primis frustra Jacobitæ in suo Catechismo probare conantur, Christum Dominum nostrum unam habere naturam, et unam voluntatem, ac unam operationem, plurimas allegantes auctoritates, cùm ex iisdem auctoritatibus oppositum potiùs colligatur.

Sanctum Leonem summum Romanum pontificem, quia duarum meminit naturarum, cum Ario et Nestorio, et aliis hæresiarchis malignè annumerant, ut hæc viâ magno afficiantur erga Ecclesiam catholicam odio, utque à duarum naturarum mentione omnes abhorreant. Seipsos Syros vocant, et falsò se jactant Coptos, Abyssinos, et Armenos, et Nubianos ipsos sequi in fide, cùm ipsi cæteris sint multò minores ac pauciores, et rege destituti.

Profitentur Christum ante et post adunationem esse unam naturam, unitam et compositam ex divinitate et humanitate, et unam personam compositam ex divinitate et huma-

pitate, et unam voluntatem compositam ex divinitate et humanitate, et unam operationem productam ex divinitate, et apparentem ex corpore. Contradiciunt sibi ipsis asserentes, operationem voluntatis apparere ex divinitate personæ Verbi creatoris æterni, et operationem apparere ex humanitate unitæ eidem Verbo; non intelligentes communicationem idiomatum, asserunt Græcos et Latinos errare, dum vocant Christum modò Deum, modò hominem; deinde falsò præsupponunt, eosdem credere quaternitatem in divinis, duas credendo in Christo naturas. Falsò etiam vocant eosdem Arianos, quia duas in Christo naturas, voluntates et operationes credant. Falsò præterea asserunt Latinos credere in unam Christi voluntatem, et eosdem esse sub trium conciliorum anathemate, quia quartum Chalcædonense acceptârunt concilium.

Existimant se esse in communione catholice et orthodoxæ Ecclesiæ, alios verò extra eamdem existere.

Sanctum Leonem summum Romanum pontificem his cum hæresiarchis annumerantes, falsò et malignè asserunt, eum addidisse in sanctissimâ Trinitate unam naturam, unam voluntatem, et unam operationem, et in quaternitatem credidisse. Falsò etiam et malignè asserunt Nicæni concilii Patres prohibuisse mentionem duarum naturarum in Christo, et duarum operationum et duarum voluntatum. Licet fateantur in Christo duas esse naturas personali unione unitas, dicunt tamen illam unionem esse non secundam Græcorum communicationem, neque secundam congruentiam Nestorianorum, sed per compositionem unionis apparentis in professione Jacobitarum, duarum scilicet naturarum unitarum, sicut est unio ignis cum ferro. Nullam videntur facere differentiam inter unionem et compositionem, neque inter personam et naturam. Asserunt in Christo unam esse naturam, et unam personam, et Verbum humanatum coequale esse Deo Patri divinitate et humanitate, et esse constrictum corpore, et inconstrictum animâ. Falsò etiam præsupponunt Christum dividi in duas personas, si duæ in eo connumerentur naturæ, et voluntates, et operationes.

Errant dicentes, tertium universale concilium, Ephesinum scilicet, fuisse coactum contra Macedonium, cum fuerit contra Nestorium; particulam, *Filioque*, non expriment in Symbolo; hæreticorum more ad confirmanda

sua dogmata aspidem ora aliis fovenda supponentes, quæ Jacobitarum sunt, S. Joanni Crisostomo attribuunt, ut sua ipsorum scripta insignibus titulis illustrata divulgentur. Asserunt Dei Verbum gigni ab æternâ essentiâ. Asserere videntur divinam tantum in Christo esse naturam. Damnant, qui prædicant Christi indumentam, id est, humanitatem, permansisse creatam. Vocant Dei Verbum Creatorem, compositum, et damnant, qui Christo refert servitutem, et qui post unionem duas in Christo ponit naturas, et duas voluntates.

Asserunt omnes Christi operationes esse cœlestes, et si quam operationem Christus fecit humanam, illam fecisse provisione quâdam. Asserunt Christum esse creatum et non creatum, et in multis sibi ipsis contradiciunt indistinctè loquentes.

Plurima referunt apocrypha. Sibi ipsis contradiciunt asserentes, licuisse per humani oculi applicationem divinam videre et perspicere essentiâ, prædicentibus prophetis Christum apparitum in figurâ humanâ, asserentes paulò inferiùs divinam essentiâ in hoc mundo esse invisibilem. Errant, et sibi ipsis in eodem catechismo contradiciunt, asserentes formationem corporis Christi non in instanti, sed quadraginta dierum spatio fuisse factam. Beatissimæ Virginis Mariæ sanctificationem à peccato in Christi conceptione factam esse asserunt. Asserunt corpoream Christi figuram esse æternam, et de eâ Deum dixisse: *Faciamus hominem ad imaginem, et similitudinem nostram*. Negant angelum Gabrielem dixisse beatissimæ Virgini ipsam parituram filium duas naturas et voluntates habentem, quod Arius dixisse asserunt. Asserunt Christum sepelisse Adami imaginem in sepulchro, et illam resurgere fecisse divinam et æternam; unde asserere videntur, naturam humanam fuisse conversam in divinam. Asserunt æternam imaginem et humanam figuram factas esse unionem unam imaginem, sive figuram, et æternam per humanam subsistere, et per eam factam esse Dominum et Christum, et Deum, et seculorum Judicem. Asserunt omnes justos manere in terrâ usque in diem iudicii, secundum Christi adventum è cœlo expectantes. Asserunt angelos esse ex duabus substantiis, scilicet ex igne et lumine. Asserunt Spiritum sanctum procedere à Patre, quoniam est prima causa, et capere à Filio secundam causam, cum sit ipse tertia causa in proprietatibus et una in essentiâ. Asserunt

non concedi perfectionem nominis Dei, nisi in his gloriosis nominibus, trinis in personis, et unitis in substantiâ. Asserunt animam justificari ex opere suo bono.

Hi sunt errores, qui potissimum hodiè apud nationem Jacobitarum vigent, ut ex eorum Catechismo clarissimè constat. Contra præcipuos Jacobitarum errores infra latius acturi, nunc pro adjuvandâ eorum natione non erit abs re unionem ab eis cum Ecclesiâ catholicâ olim in concilio Florentino strictissimo obedientiæ vinculo celebratam, in memoriam revocare, quia juvat etiam maximè ad fidem catholicam stabilendam contra præcipuos eorum hæreses quædam commemorare.

#### ARTICULUS XVI.

*Constitutio concilii Florentini sub sanctissimo Patre et D. N. Eugenio IV, super unione Jacobitarum, sive Jacobinorum.*

« Eugenius episcopus servus servorum Dei ad perpetuam rei memoriam : *Cantate Domino, quoniam magnificè fecit; annuntiate hoc in universâ terrâ. Exulta et lauda, habitatio Sion, quoniam magnus in medio tui sanctus Israel.* Cantare profectò, et exultare in Domino decet Ecclesiam Dei, pro hæc grandi magnificentiâ, et gloriâ nominis sui, quam hodiè clementissimus Deus operari dignatus est. Toto siquidem corde laudare et benedicere Salvatorem nostrum nos convenit, quia sanctam Ecclesiam suam novis quotidie accumulât incrementis; quanquam autem in populum christianum sua beneficia omni tempore multa et magna sint, quæ luce clariùs erga nos suam immensam charitatem ostendunt, si tamen accuratè inspiciamus, quæ et quanta his diebus novissimis divina clementiâ facere dignata est, judicare certè poterimus, hoc nostro tempore plura ac majora, quàm à multis retroactis temporibus sua charitatis munera extitisse. — Ecce enim nondùm exacto triennio in hæc sanctâ œcumenicâ synodo saluberrimam trium magnarum nationum unionem, Dominus noster Jesus Christus, pro suâ ineffabili pietate ad commune perenneque totius christianitatis gaudium, tam copiosè effecit; unde factum est, ut totus ferè Oriens, qui gloriosum Christi nomen adorat, ac non parva septentrionis portio, post longa dissidia, cum sanctâ Romanâ Ecclesiâ in eodem fidei ac charitatis vinculo jam conveneriat. Primò etenim Græci, et hi, qui subsunt quatuor patriarchalibus sedibus, multas gentes, nationesque, et idio-

mata continentibus; deinde Armeni multorum populorum gens; hodiè verò Jacobini magni etiam per Ægyptum populi, sanctæ sedi Apostolicæ sunt uniti. — Et cum nihil Salvatore nostro Domino Jesu Christo gratius sit, quàm mutua inter homines charitas, nihilque nomini suo gloriosius, atque Ecclesiæ utilius esse possit, quàm ut Christiani omni inter se sublato dissidio, in eadem simul fidei puritate conveniant; meritò nos omnes, et cantare præ gaudio, et jubilarè in Domino debemus: quos ut tantam christianæ fidei magnificentiam diebus nostris videremus, divina miseratio dignos effecit. Summâ igitur cum alacritate annuntiamus magnalla hæc in universâ Christianorum terrâ, ut sicut nos à gloriâ Dei et exaltatione Ecclesiæ, gaudium inenarrabili repleti sumus, ita et alios tantæ lætitiæ participes faciamus, ut omnes uno ore magnificemus et glorificemus Deum, et suæ majestati prout dignum est, magnas quotidianasque gratias agamus, pro tot tantisque beneficiis innumerabilibus, hæc ætate Ecclesiæ suæ sanctæ collatis. — Et quoniam, qui opus Dei diligenter exercet, non modò meritum ac retributionem in cœlis expectat, sed etiam apud homines amplam gloriam laudemque meretur, venerabilem fratrem nostrum Joannem Jacobinorum patriarcham hujus sanctæ unionis cupidissimum, à nobis et totâ Ecclesiâ meritò laudandum et extollendum, ac communi omnium Christianorum favore, cum totâ suâ gente dignum judicamus. Is enim à nobis per nostrum oratorem ac litteras excitatus, ut ad nos, et hanc sanctam synodum legationem mitteret, et se ac suam gentem in eadem cum Ecclesiâ Romanâ fide uniret, dilectum filium Andream natione Ægyptium, abbatem monasterii S. Antonii apud Ægyptum, in quo et habitâsse, et mortuus esse sanctus ipse Antonius perhibetur, religione et moribus non mediocriter institutum, ad nos et ipsam synodum destinavit. Cui devotionis zelo accensus imposuit atque commisit, ut fidei doctrinam, quam sancta Romana Ecclesia tenet et prædicat, nomine ipsius patriarchæ et suorum Jacobinorum reverenter susciperet, deferendam postea per eum ad ipsum patriarcham, et Jacobinos, ut et ipsi eandem agnoscerent, ratamque haberent, e in suis regionibus prædicarent.

« Nos igitur, quibus voce Domini commissum est, pascere oves Christi, ipsum Andream abbatem per nonnullos hujus sacri con-

cilii insignes viros super articulis fidei, et sacramentis Ecclesiæ, et quibuscumque ad salutem spectantibus diligenter examinari fecimus, et tandem, quantum visum est, necessarium fore, expositâ eidem abbati sanctæ Romanæ Ecclesiæ fidei catholicæ, et per ipsum humiliter acceptatâ, hanc quæ sequitur necessariam et veram doctrinam hodiè in hæc solemnî sessione, sacro approbante œcumenico concilio Florentino, in nomine Domini tradidimus. »

In primis igitur sacrosanctum concilium proponit et confitetur fidem sanctissimæ Trinitatis, reprobans omnes hæreticos contra illam tenentes, et libros tam veteris quam novi Testamenti enumerat, omnia ferè, ut in professione fidei catholicæ ab Orientalibus emittendâ, de quâ infra; et ideò consultò omittimus, maxime quia Jacobitarum errores potius circa incarnationis, quam Trinitatis mysterium versantur; prosequitur postmodum concilium :

« Firmissimè credit, profitetur, et prædicat, unam ex Trinitate personam verum Deum, Dei Filium ex Patre genitum, Patri consubstantiali, et cœternum in plenitudine temporis, quam divini concilii inscrutabilis altitudo disposuit, propter salutem humani generis veram hominis integramque naturam ex immaculato utero Mariæ Virginis assumpsisse, et sibi in unitatem personæ copulasse, tantâ unitate, ut quicquid ibi Dei est, non sit ab homine separatum, et quicquid est hominis non sit à deitate divisum; sitque unus et idem indivisus, utrâque naturâ in suis proprietatibus permanente, Deus et homo Dei Filius, et hominis Filius, æqualis Patri secundum divinitatem, minor Patre secundum humanitatem; immortalis et æternus ex naturâ divinitatis; passibilis et temporalis ex conditione assumptæ humanitatis. — Firmiter credit et profitetur et prædicat Dei Filium in assumptâ humanitate ex Virgine verè natum, verè passum, verè mortuum et sepultum; verè ex mortuis resurrexisse, in cælum ascendisse, sedereque ad dexteram Patris, et venturum in fine seculorum ad vivos mortuosque iudicandos. — Anathematizat autem, execratur et damnat omnem hæresim contraria sapientem. »

Et damnatis hæreticis omnibus contrarium sentientibus addit : « Anathematizat etiam, execratur, et damnat Eutychem Archimandritam, quæ cum intelligeret, juxta Nestorîi

blasphemiam veritatem incarnationis excludi, et propterea oportere, quòd ita Dei Verbo unita esset humanitas, et deitatis et humanitatis una esset eademque persona; ac etiam capere non posset stante pluralitate naturarum unitatem personæ; sicut deitatis et humanitatis in Christo posuit unam esse personam, ita unam asseruit esse naturam; volens ante unionem dualitatem fuisse naturarum, sed in unam naturam in assumptione transisse, maximâ blasphemiam et impietate concedens, aut humanitatem in deitatem, aut deitatem in humanitatem esse conversam. — Anathematizat etiam, execratur et damnat Macharium Antiochenum, omnesque similia sapientes, qui licet verè de naturarum dualitate et personæ unitate sentiret, circa tamen Christi operationes enormiter aberravit, dicens in Christo utriusque naturæ unam fuisse operationem, unamque voluntatem. Hos omnes cum hæresibus suis anathematizat sacrosancta Romana Ecclesia, affirmans in Christo duas esse voluntates, duasque operationes.

« Firmiter credit, profitetur et docet, neminem unquam ex viro feminâque conceptum à diaboli dominatu fuisse liberatum, nisi per meritum Mediatoris Dei et hominum Jesu Christi Domini nostri; qui sine peccato conceptus, natus et mortuus humani generis hostem peccata nostra delendo solus suâ morte prostravit, et regni cœlestis introitum, quem primus homo peccato proprio, cum omni successione perdidit, reseravit, quem aliquando venturum omnia veteris Testamenti sacra sacrificia, sacramenta, cæremoniæ præsignârunt. — Firmiter credit, profitetur et docet legalia veteris Testamenti, seu Mosaicæ legis, quæ dividuntur in cæremonias, sacra, sacrificia, sacramenta, quia significandi aliquid futuri gratiâ fuerant instituta; licet divino cultui illâ ætate congruerent, significato per illa Domino nostro Jesu Christo adveniente, cessasse, et novi Testamenti sacra cœpisse. Quemcumque etiam post passionem in legalibus spem ponentem, et illis velut ad salutem necessariis se subdentem, quasi Christi fides sine illis salvare non posset, peccasse mortaliter. Non tamen negat, à Christi passione usque ad promulgatum Evangelium, illa potuisse servari; dum tamen minimè ad salutem necessaria crederentur. Sed post promulgatum Evangelium sine interitu salutis æternæ, asserit non posse servari.

« Omnes ergo post illud tempus circumf-



sonis et sabbati, reliquorumque legalium observatores alienos à Christi fide denuntiat, et salutis æternæ minimè posse esse participes, nisi aliquando ab his erroribus respiciant. Omnibus igitur, qui christiano nomine gloriantur, præcipit omninò quocumque tempore, vel ante, vel post baptismum, à circumcissione cessandum, quoniam sive quis in eà spem ponat, sive non, sine interitu salutis æternæ observari omninò non potest. Circa pueros verò propter periculum mortis, quod potest sæpè contingere, cum ipsis non possit alio remedio subveniri, nisi per sacramentum baptismi, per quod eripiuntur à diaboli dominatu, et in Dei filios adoptantur, admonet non esse per quadraginta, aut octuaginta dies, seu aliud tempus, juxta quorundam observantiam, sacrum baptismum differendum; sed quamprimùm fieri potest, debet conferri: ita tamen, quod mortis imminente periculo, mox sine ullà dilatione, baptizentur etiam per laicum, vel mulierem, in formâ Ecclesiæ, si desit sacerdos, quemadmodum in Decreto Armenorum plenius continetur. — Firmiter credit, proficitur et prædicat omnem creaturam Dei bonam, nihilque rejiciendum quod cum gratiarum actione percipitur, quia juxta verbum Domini, *non quod intrat in os coinquinat hominem*, illamque Mosaicæ legis ciborum mundorum et immundorum differentiam, ad cæremonialia assertit pertinere, quæ surgente Evangelio transierunt, et efficacia esse desierunt. Illam etiam Apostolorum prohibitionem ab immolatis simulacrorum, et sanguine, et suffocato, dicit illi tempori congruisse, quo ex Judæis atque gentilibus, qui antea diversis cæremoniis, moribusque vivebant, una surgebat Ecclesia: ut cum Judæis etiam gentiles aliqui communiter observarent, et in unum Dei cultum fidemque conveniendi præberetur occasio, et dissensionis materia tolleretur: cùm Judæis, propter antiquam consuetudinem, sanguis et suffocatum abominabilia viderentur, et esu immolantii poterant arbitrari gentiles ad idololatriam redituros. Ubi autem eousque propagata christiana Religio, ut nullus in eâ Judæus carnalis appareat, sed omnes in Ecclesiam transeuntes, in eodem ritus Evangelii cæremoniasque conveniant, credentes omnia munda mundis, illius apostolicæ prohibitionis causâ cessante, etiam cessavit effectus. Nullam itaque cibi naturam condemnandam esse denuntiet, quam societas admittit humanâ, nec inter animalia

discernendum, per quemcumque sive virum, sive mulierem; et quocumque genere mortis intereant, quamvis pro salute corporis, pro virtutis exercitio, pro regulari et ecclesiasticâ disciplinâ, possint et debeant multa non negata dimitti, quia, juxta Apostolum, *omnia licent, sed non omnia expediunt*. — Firmiter credit, proficitur et prædicat, nullos extra Ecclesiam catholicam existentes, non solum paganos, sed nec Judæos, aut hæreticos, atque schismaticos, æternæ vitæ fieri posse participes, sed in ignem æternum ituros, qui paratus est diabolo et angelis ejus, nisi ante finem vitæ eidem fuerint aggregati. Tantùmque valere ecclesiastici corporis unitatem, ut solis in eâ manentibus ad salutem ecclesiastica sacramenta proficiant, et jejunia, elemosynæ, ac cætera pietatis officia et exercitia militiæ christianæ præmia æterna parturiant, neminemque, quantascumque elemosynas fecerit, etsi pro Christi nomine sanguinem effuderit, posse salvari, nisi in catholicæ Ecclesiæ gremio et unitate permanserit.)

Exprimit deinde et refert synodos œcumenicas, nempe Nicænam, Constantinopolitanam, et primam Ephesinam, easque amplectitur et approbat; de Chalcedonensi verò et de aliis, quas Jacobitæ non admittunt, addit: « Amplectitur etiam, approbat et suscipit sanctam Chalcedonensem synodum, quartam in ordine universalium synodorum, sexcentorum et triginta Patrum, temporibus præfati beatissimi Leonis prædecessoris nostri, et Martiani principis celebratam, in quâ hæresis Eutycheana, cum suo auctore Eutyche et Dioscoro defensore damnata est: et definitum est, Dominum nostrum Jesum Christum esse verum Deum et verum hominem, et in unâ eademque personâ divinam humanamque naturas integras, Inviolatas, incorruptas, inconfusas, distinctasque mansisse, humanitate agente quæ hominis sunt, et Deitate quæ Dei. Quos damnat, damnatos habet; quos approbat, approbatos. — Amplectitur etiam, approbat, et suscipit sanctam quintam synodum secundò apud Constantinopolim, tempore beatissimi Vigilii prædecessoris nostri, et Justiniani principis celebratam; in quâ sacri Chalcedonensis concilii definitio de duabus naturis et unâ personâ Christi renovata est, multique Origenis errores, suorumque sequacium, præsertim de dæmonum, atiorumque damnatorum pœnitentiâ et liberatione, reprobatî atque damnatî sunt. — Am-

plectitur etiam, approbat et suscipit sanctam tertiam Constantinopolitanam synodum, centum et quinquaginta Patrum, quæ sexta est in ordine universalium synodorum, temporibus beatissimi Agathonis prædecessoris nostri et Constantini quarti, hujus nominis principis, congregatam. in quâ Macharii Antiocheni episcopi, et sectatorum hæresis condemnata est; et definitum est, in Domino nostro Jesu Christo duas esse perfectas integrasque naturas, et duas operationes, duas etiam voluntates, licet esset una eademque persona, cui utriusque naturæ competere actiones, delicate agente quæ Dei sunt, et humanitate quæ hominis sunt. — Amplectitur etiam, et veneratur, et suscipit omnes alias universales synodos, auctoritate Romani pontificis legitime congregatas, ac celebratas et confirmatas, et præsertim hanc sanctam Florentinam; in quâ inter alia Græcorum atque Armenorum sanctissima unio consummata est, et multæ circa utramque unionem saluberrimæ definitiones editæ sunt, prout in decretis desuper promulgatis plenè continetur, quorum tenor in hunc modum sequitur. »

Positis deinde aliis decretis sacrosanctæ synodi circa unionem tam Græcorum quam Armenorum, in quibus fidei nostræ fundamenta stabiluntur ac declarantur, in fine Bullæ sive Decreti unionis cum Græcicâ natione, addit: « His omnibus explicatis præfatus Andreas abbas, nomine dicti patriarchæ, ac proprio et omnium Jacobinorum, hoc saluberrimum synodale decretum, cum omnibus suis capitulis, declarationibus, definitionibus, traditionibus, præceptis et statutis, omnemque doctrinam in ipso descriptam, necnon quicquid tenet et docet sancta sedes Apostolica et Romana Ecclesia, cum omni devotione et reverentiâ suscipit et acceptat. Illos quoque doctores et sanctos Patres, quos Ecclesia Romana approbat, ipse reverenter suscipit, quascumque verò personas et quicquid ipsa Romana Ecclesia reprobat et damnat, ipse pro damnatis et reprobatis habet, profitens tanquam veræ obedientiæ filius, nomine quo supra, ipsius sedis Apostolicæ ordinationibus et iussionibus fideliter et semper obtemperare. »

Lecto solemniter in presenti synodo hoc decreto Latîno sermone, mox in Arabico præfatus Andreas abbas ipsum Jacobinorum decretum publicè ibidem prælegit, atque infra scripta verba in scripto Arabico subjunxit, quæ in continenti Latîne recitata

sunt: « Beatissime pater, domine Eugeni, « sanctæ Romanæ Ecclesiæque universalis « summe pontifex, vereque Christi vicarie, « ac beati Petri successor, et sanctissima uni- « versalis Florentinensis synode, totum hoc « sanctum decretum, cum insertis et sanctis « decretis Unionis Græcorum et Armenorum, « quod nunc in vestrà præsentia publicè lectum « est, ego Andreas humilis abbas S. Antonii, « orator reverendi patris domini Joannis pa- « triarchæ Jacobinorum, habens ipsius decreti « per plures dies plenam notitiam et instru- « ctionem, cognosco confiteorque omnia in ipso « decreto contenta, divinæ ac catholicæ veritati « consona existere. Nomine igitur præfati do- « mini patriarchæ, omniumque Jacobinorum, « ac meo, quemadmodum vestra sanctitas at- « testatur, præfatum saluberrimum synodale « decretum, cum dictis insertis decretis, om- « nibusque suis capitulis, declarationibus, de- « finitionibus, traditionibus, præceptis et statu- « tis, omnemque doctrinam in ipso descriptam, « necnon quicquid tenet et docet sancta sedes « Apostolica, et Romana Ecclesia, cum omni « devotione et reverentiâ suscipio et accepto. « Illos quoque doctores et sanctos Patres, « quos Ecclesia Romana approbat, reverenter « suscipio: quascumque verò personas et quic- « quid ipsa Romana Ecclesia reprobat et dam- « nat, pro reprobatis et damnatis habeo, pol- « licens nomine quo supra ipsum patriarcham, « Jacobinosque, et me ipsum tanquam veræ « obedientiæ filios, vestris et sedis Apostolicæ « ordinationibus et iussionibus fideliter et « semper obtemperaturos. » Datum Florentiæ in publicâ sessione synodali, solemniter in ecclesiâ domus sanctæ Mariæ novellæ, apud quam nunc residemus, celebratâ, anno Incarnationis Dominicæ millesimo quadringentesimo quadagesimo primo, pridie nonas februarii, pontificatûs nostri anno II.

#### ARTICULUS XVII.

##### *De natione Armenâ eorumque erroribus.*

De Armenis et eorum erroribus scripserunt inter alios Vincentius Beluacensis in Speculo historiali l. 50, c. 98, et ex eo ad verbum S. Antonius, 3 p. tit. 19, c. 8, § 10, et de novitatibus apud eos; idem Anton. tit. 21, c. 5, in princ.; Guido Perpinianus, episcopus Majoricensis et Eluensis, ex ordine Carmelitaram assumptum; Rodolphus Armacanus, et novissimè Præcolus lib. de Sect. hæretic. v. rho Armeni.

Hæreses et errores præcipui nationis Armeniæ iidem ferè sunt cum erroribus Jacobitarum et Græcorum: dicunt enim in Christo Domino nostro unam naturam esse, unam voluntatem, unamque operationem. Dioscorum colunt. Tria solùm habent concilia universalia. Adjungunt Trisagio: *Qui crucifixus est pro nobis*. Cum Græcis Spiritum sanctum, non à Filio, sed à solo Patre, procedere; sacramentum Eucharistiæ non in azymo, sed solùm in fermentato conficit; nullam animam ante diem universalis iudicii fore beatam; nullum denique esse Purgatorium, in quo animæ ex hac luce migrantes purgantur, affirmant, ac proinde neque orandum esse pro defunctis.

Præter hos etiam errores, aliis quàm plurimis scatent, de quibus latissimè noster Guido in libro quem de Hæresibus edidit. 1<sup>o</sup> asserunt, Adamum et Evam nunquàm carnali copulâ conjungendos, si in eo statu quo illos Deus considerat, permansissent, humanam speciem aliter propagandam asserentes; 2<sup>o</sup> ab omnibus etiam sacramentis virtutem conferendi gratiam tollunt; 3<sup>o</sup> baptizant eos qui jam semel baptisma susceperunt in Ecclesiâ Romanâ, in eâ dicentes non esse verum baptisma, propterea quòd apud Latinos non esse veram et catholicam Ecclesiam affirmant, sed solùm penes ipsos; 4<sup>o</sup> dicebant etiam baptismum ullum peccatum originale habere; 7<sup>o</sup> item beatos essentiam Dei non videre, sed claritatem quamdam illius essentia, in quâ visionem asserunt supræmam consistere beatitudinem; 8<sup>o</sup> fateantur Deum esse mendacem, propterea quòd cum Deus dixisset, Cain futurum ut à nullo homine occideretur, seipsum tamen occiderit, quâ ex re convincunt Deum protulisse falsum, cum Cain fuerit ab homine occisus; 9<sup>o</sup> item negant illi verum Christi corpus realiter in sacramento Eucharistiæ sub panis, et sanguinem sub vini speciebus contineri; 10<sup>o</sup> rursus sic vinum in calice apponunt, ut nullam penitus misceant aquam, eam asserentes minimè miscendam esse; 11<sup>o</sup> asserunt etiam hunc sacratissimum cibum nec prodesse quic-

quam, nec etiam obesse; 12<sup>o</sup> item Inferni pœnam non esse perpetuam, dicentes Christum, cum ad Inferos descendit, omnes animas inde eduxisse; 13<sup>o</sup> negant in nuptiis contrahendis aliquid esse sacramentum, asseverantes illam maris et feminae indissolubilem conjunctionem non esse sacramentum, neque per illam gratiam conferri conjunctis; 14<sup>o</sup> et quamvis dicant originale peccatum nullum esse, fateantur tamen baptisma esse necessarium ad vitam æternam consequendam. Parvulos verò, qui absque baptismo decedunt, negant vitam beatam possidere, sed eos dicunt in paradysum terrestrem migrare, si filii sint fidelium; si verò Infidelium filii extiterint, illos dicunt descendere in infernum cum suis parentibus; 15<sup>o</sup> docent rursus omnes homines ante passionem Christi fuisse damnatos ob primorum parentum peccatum atque transgressionem. Dicunt enim eorumdem primorum parentum peccatum aded fuisse exitiale et noxium, ut toti posteritati usque ad Christi passionem noceret, eamque posteritatem ad Infernum abduxerit: non quidem propter originale vitium, quòd à primis parentibus contraxerunt nascentes (quia, uti jam diximus, nullum esse asserunt), sed ob proprium primorum parentum peccatum omnes damnatos esse affirmant, etiamsi ipsi in se nullum habuerint peccatum; 16<sup>o</sup> dicunt item, nullum fuisse futurum peccatum, si dæmones non fuissent, qui homines ad tentationem impellerent: ex quo inferebant, peccatum esse simpliciter à dæmone, et nullo pacto à libero arbitrio; 17<sup>o</sup> dicunt etiam esse aliqua peccata ita prorsus irremissibilia, ut à nullo sacerdote remitti possint, contra illud quod Christus dixit Petro, Matth. 16: *Quodcumque ligaveris super terram, erit ligatum et in cælis, et quodcumque solveris super terram, erit solutum et in cælis*, ubi qui totum dicit, nihil excludit; 18<sup>o</sup> docent quoque Christum surrexisse à mortuis die sabbati, post Parasceven, horâ sextâ, cum tamen eum surrexisse tertiâ die omnes Scripturæ testentur, juxta quòd ipse Salvator promiserat, Luc. 19 et Matth. 12; 19<sup>o</sup> item omnes homines in sexu virili resurrecturos, nullumque post resurrectionem futurum esse femineum sexum; 20<sup>o</sup> negant denique ullam sacramentum gratiam conferre posse suscipienti, quantumlibet ad illius susceptionem animam suam præparet.

## ARTICULUS XVIII.

*De quibusdam Armenorum ritibus.*

Recensitis his et similibus Armenorum erroribus, addit Niceph. l. 18 Hist. Eccles. c. 53 :  
 « Dicuntur, aut, habere constitutiones multas  
 « varias divinorum ministeriorum, præter  
 « Ecclesie traditionem et consuetudinem.  
 « Atque ut Monophysitas se esse satis ostendunt,  
 « digito uno à levâ dexteram versus,  
 « seipso cruce consignant. Et crucem sanctam,  
 « magno Parasceves die, sub terrâ abscondunt,  
 « usque ad magnam Dominicam diem. Tum verò cum lumine per plateas et angulos circumstantes, hinc et inde eam quaerunt; et inventam proferunt. Tempore autem procedente alios ritus et caeremonias, quæ pietate salvâ vel observari vel omitti possunt, complexi sunt. peculiaria jejunia instituunt, et sabbatis atque diebus Dominicis magnæ sanctæ Quadragesimæ, lac, caseum, et ova comedentes, et per panem azymum sacrificium peragentes, atque id quod Arzburî dicitur jejunium; paulò ante eum diem, quo carniû esus interdicitur, servantes. » Hactenus Nicephorus. Hæ autem constitutiones, de quibus idem auctor paulò ante, sicut de quibusdam Armenorum ritibus, qui majori ex parte à consuetudine omnium Ecclesiarum, et à pietate alienissimi videntur, de quibus, aliisque Armenorum consuetudinibus, S. Antonin. ubi supra, sic ait : « Armeni siquidem in sabbato Paschæ comedunt ova et caseum in vespere; dicunt enim quòd Christus resurrexit in vespere sabbati. Item post Pascha comedunt carnes per omnes sextas ferias, quæ sunt septem usque ad Pentecosten. Diem Natalis Domini nesciunt, nullaque festa, vel vigiliis custodiunt, nec quatuor tempora noverunt. Per totam Quadragesimam non celebrant, nisi die sabbati vel Dominicæ, quia dicunt hominem jejunium frangere quoties celebrat. Propter hanc etiam causam in sextis feris non celebrant, ne jejunium frangant. Diebus autem, quibus carnes comedunt, celebrant, quia tunc non jejulant. Multa verò jejunia faciunt. In septimanâ ante Septuagesimam, quia dicitur jejunium S. Sergii, à secundâ feriâ usque ab sabbato jejunare incipiunt. Et in sabbato, et in Dominicâ carnes comedunt. Idem in hebdomadâ sequenti faciunt. In quartâ et sextâ feriis oleum et pisces non comedunt, nec vinum bibunt, nec etiam per

« totam Quadragesimam. Plusque peccare, qui in Quadragesimâ comedit pisces, vel oleum, aut vinum bibit, quàm illum qui ad lupanar vadit. Porro in septimanâ ante Quadragesimam ita strictè jejulant, quòd in secundâ feriâ penitus abstinent. In die Martis aliquid, sine tamen oleo et vino manducant. Et in die Mercurii omninò nihil, et in sabbato comedunt cereas. Et hoc quidem jejunium faciunt majores. Infantes autem duorum mensium sacramento communicant, et quolibet indifferenter. Tandem odium inter Georgianos et Armenos existit, quod Georgianus dicit : Si quis vestram habeat spinam in pede fixam, transiens ante Armenorum ecclesiam, debet spinam sustinere, nec se ad pedem suum evellendi causâ inclinare, ne per hoc videatur ante Armenorum ecclesiam, ab oculibus Christianis vilipendendam, se inclinare. »

Omnes hi, aliique plures Armenorum nationi adscribuntur errores, non quòd omnes Armeni illis inhzreant, sed quia eorum aliqui aliquibus ex his, alii verò aliis teneantur vicesibus.

Armenorum errores aperuerunt atque confutârunt præcipui Patres Chalcedonensis synodi; Græci item atque Latini, qui de Christi Domini Incarnatione scripserunt, quod et strenuè fecerunt etiam scholastici theologi; quin et Richardus Radolphus hoc præstitit, undeviginti libris, quos adversus Armenorum errores conscripsit; sed cautè legendus est: interdum enim, dum alios corrigit, ipse in errores lapsus est, quos noster Thomas Waldensis et alii confutârunt. Et ex antiquioribus contra Armenorum errores scripserunt Proclus, patriarcha Constantinopolitanus, in Epistolâ ad Armenos; S. Nicon in tractatu de pessimâ Armenorum Religione; S. Thom. in opusc. de Armenorum Erroribus; et præcipuè concillium Florentinum in Bullâ unionis Armenorum.

## ARTICULUS XIX.

*Pro juvenis Armenis.*

Armeni Asiam incolunt, in eâ parte quæ est inter Taurum et Caucasum montes constituta, quorum patria Armenia dicitur à Capadociâ usque ad Caspium mare protensa; eùm autem illi catholicam fidem fuerint edocti, tempore Constantini imperatoris, sedem Romanam et Apostolicam venerati sunt, ut ex eorum libris, maximè ex Actis B. Gregorii,

magni præsulis Armeniæ virique sanctissimi constat. Referunt enim Armeni inter imperatorem Constantinum et Tiridatem regem Armenorum, sanctumque Gregorium (quem *Illuminatorem* vocant, quia per illum ad fidem et baptismum fuerunt adducti) et B. Silvestrum papam unionem olim fuisse initam; ac deinde inter orientales nationes nulla est, quæ ita firmiter Petri sedi adhæserit, ut Armeni: quam verò ob causam ab Ecclesiâ defecerint, coniecere licet ex historicorum scriptis: nimirum propter decreta concilii Chalcedonensis sub Leone primo et Martino imperatore celebrati, quòd videlicet in eo ipso concilio Eutyches abbas Constantinopolitanus, et Dioscorus Alexandrinus episcopus, quorum opinionem Armeni sequebantur, damnati fuissent. Nam quòd tempore Philastrii Brixianensis episcopi, et B. Augustini nondum ab Ecclesiâ sejuncti essent, ex eo constat quòd neuter eorum Armenorum hæresis mentionem faciat. Armeni itaque his hæreticis faventes, decreta concilii Chalcedonensis admittere contempserunt.

At postea in concilio Florentino, tempore Eugenii IV celebrata est Armenorum unio cum Ecclesiâ catholicâ, quamvis nunc apud Armenos ipsos, sicut nec apud Græcos, unionis in illo celeberrimo concilio, præsentis imperatore Palæologo factæ, nullum ferè existat vestigium; et quamvis hodiè aliqua illorum pars à Romanâ dissentiat Ecclesiâ, major tamen eorum numerus, ac præcipuè patriarchæ et episcopi, paratissimi sunt ad redintegrandam et confirmandam eandem unionem, præstandamque obedientiam Apostolicæ sedi, quemadmodum nuper à religiosis nostri ordinis, jussu Clementis VIII sanctæ memoriæ papæ, in Persarum regis ditionem, salutis animarum causâ penetrantibus, relatione fide dignâ accepimus.

Natio Armena, quæ copiosissima est, teste Leonardo episcopo Sidoniensi, (qui à Gregorio XIII missus, omnes ferè Orientis provincias perlustravit) duobus patriarchis principalibus subjecta, quorum unus est Armeniæ majoris, residens in monasterio et Ecclesiâ Ecmæazin, propè civitatem Eruan in Persiâ, alius autem Armeniæ minoris, residens in civitate Sis in Ciliciâ, hodiè dictâ Caramaniâ. Alii insuper patriarchæ inter eandem nationem favore Turcarum creati reperiuntur, suntque exactores tributorum, quæ familiæ Armeniæ Turcis reddere tenentur. Alii etiam sunt coadjutores electi eorundem patriarcha-

rum, cum consensu episcoporum et populi. Alii insuper sunt primates, aut potius patriarchæ ejusdem nationis, in ultimis partibus Persiæ, et in Constantinopoli, qui quanquàm vi juris subditi sint huic patriarchæ Armeniæ majoris, quandoque tamen eum non recogoscunt.

Familiæ quæ huic patriarchatui majoris Armeniæ sulsunt, excedunt numerum centum et quinquaginta millium, præter monasteria quamplurima, episcopos, sacerdotes, religiosos et diaconos permultos.

Hujus patriarchatus magistri et concionatores Armenicâ linguâ *Mortabil* dicuntur, quibus natio ipsa non minore obedientiam quam ipsismet patriarchis præstat.

In provinciâ Nevuam, in ipsâ quoque Persiâ, in duabus civitatibus degunt Armeni catholici, qui archiepiscopo Dominicant ordinis aliiisque fratribus ejusdem familiæ subduntur, qui Latino ritu ac sub obedientiâ Romanæ sedis vivunt.

Patriarcha verò Armeniæ minoris habet sub ditione suâ viginti quatuor prælatos episcopos et archiepiscopos, et ad duodecim episcopos superiores vicinioresque Ecclesiæ patriarchali, spectat electio patriarchæ; quandoque tamen à populo Armeno, favore et jussu officialium Turcarum, patriarchæ creantur, postmodumque ab episcopis et archiepiscopis consensum obtinent, præcipuique populi favore coadjutor cum futurâ successione ei deputatur, qui è magistro et prædicatore post mortem præfati sui prædecessoris, à populo in patriarcham recipitur et confirmatur.

Familiæ huic patriarchatui subditæ numero circiter viginti millium recensentur, aguntque in civitatibus, villis et castellis Syriæ et Ciliciæ, suntque viginti monasteria centum religiosorum, sacerdotes trecenti, diaconi et clerici quam plurimi, qui elemosynis propriæque industriæ vivunt. Hæc ex prædicto viro piissimo Leonardo Sidoniensi episcopo, qui veritati consentanea pro ejus temporis ac rerum statu referebat. Verum rex Persarum hæc tempestate armorum vi et potentia tam majorem quam minorem Armeniam à Turcarum tyrannide vindicavit, ac suo subegit imperio. Pro juvenandis Armenis legendus est præfatus Guido Carmelita; extat quoque Romæ Professio fidei Armenâ linguâ edita: cætera quæ disserimus infra pro juvenandis schismaticis Orientalibus, consideranda sunt in

Armenorum ad fidem reductione : nunc verò sufficiat pauca ex unione ab Armenis cum Ecclesiâ catholicâ in concilio Florentino factâ referre.

#### ARTICULUS XX.

*De unione Armenorum decretum à sanctâ synodo Florentinâ sub Eugenio IV pontifice maximo editum.*

¶ Eugenius episcopus servus servorum Dei, ad perpetuam rei memoriam : *Exultate Deo adjutori nostro; jubilate Deo Jacob*, omnes ubique, qui nomine censemini christiano. Ecce enim iterum Dominus recordatus misericordiæ suæ alium dissidii lapidem nongentis et amplius inveteratum annis, de Ecclesiâ suâ auferre dignatus est; et qui facit concordiam in sublimibus, et per quam in terrâ pax est hominibus bonæ voluntatis, optatissimam Armenorum unionem suâ ineffabili miseratione concessit. — *Benedictus Deus et Pater Domini nostri Jesu Christi, Pater misericordiarum, et Deus totius consolationis, qui consolatur nos in omni tribulatione nostrâ.* Intuens namque piissimus Dominus Ecclesiam suam, modò ab his qui foris sunt, modò ab his qui intra, non parvis agitari turbibus; ut inter ipsas respirare angustias, et ad resistendum fortior assurgere valeat, multis eam quotidie modis consolari et roborare dignatur. Nam et pridem magnam illam Græcorum unionem, multas longè latèque continentium nationes et linguas; hodiè verò hanc ipsam Armenici populi, qui per septentrionem et orientem in magnâ copiâ diffusus est, in eodem fidei et charitatis vinculo cum sede Apostolicâ stabilivit. Hæc profectò tam magna et mira sunt divinæ pietatis beneficia, ut non solum pro utroque, sed ne quidem pro altero, satis dignas suæ majestati referre gratias possit intellectus humanus. Quis non vehementer admiretur uno eodemque tam brevi tempore, duo sic præclara, et tot seculis desiderata opera, in hoc sacro concilio fuisse tam feliciter consummata? *Verò à Domino factum est illud, et est mirabile in oculis nostris.* Quæ enim hominum prudentia vel industria, nisi gratia Dei et cœpisset et perfecisset, has tales ac tantas res explere potuisset?

¶ Laudemus igitur et toto corde benedicimus Dominum, qui fecit mirabilia magna solus, ipsique psallamus spiritu, psallamus et mente, oreque et opere, quantum sinit humana fragilitas, pro tot tantisque muneribus

gratias agamus, orantes et obsecrantes, ut quemadmodum ipsi Græci atque Armeni unum cum Ecclesiâ Romanâ effecti sunt, ita fiant et cæteræ nationes, præsertim Christi caractere insignitæ; et totus denique populus christianus, omnibus odiis, bellisque extinctis, mutua invicem pace ac fraternâ charitate quiescat et gaudeat. Ipsos autem Armenos magnis laudum præconiis dignos esse meritò censemus. Ut primùm enim à nobis ad synodum accersiti sunt, tanquam ecclesiasticæ avidi unitatis, spectabiles, devotos et doctos oratores suos, cum sufficienti mandato, de suscipiendâ videret quicquid Spiritus sanctus hanc sanctam synodum illustraverit, ex remotissimis regionibus per multos labores marisque pericula, ad nos et hoc sacrum concilium destinârunt.

¶ Nos verò totâ mente, ut nostrum pastorale decebat officium, cupientes tam sanctum perficere opus, sæpè cum ipsis oratoribus de hæc sanctâ unione contulimus. Et ne vel parva huic sanctæ rei dilatio ferret, deputavimus de omni statu hujus sacri concilii viros, juris divini et humani doctissimos, qui cum omni curâ, studioque et diligentia, rem istam cum ipsis pertractarent oratoribus, ab eis accuratè inquirentes eorum fidem, tam circa divinæ unitatem essentiali, et divinarum personarum Trinitatem, quam Domini nostri Jesu Christi humanitatem, et septem Ecclesiæ sacramenta, et alia ad fidem orthodoxam et ritus universalis Ecclesiæ pertinentia. Multis itaque adhibitis disputationibus, collationibus et tractationibus, postquam non mediocrem testimoniorum inspectionem, quæ ex sanctis Ecclesiæ Patribus et doctoribus deducta sunt, et earum de quibus agebatur rerum discussionem, tandem expedire judicavimus, ne ulla in futurum de fidei veritate apud ipsos Armenos hæsitatio esse valeat, atque idem per omnia sapiant cum sede Apostolicâ, unioque ipsa stabilis ac perpetua sine ullo scrupulo perseveret, ut sub quodam brevi compendio orthodoxæ fidei veritatem, quam super præmissis Romana profitetur Ecclesia, per hoc decretum sacro hoc approbante Florentino concilio, ipsis oratoribus ad hoc etiam consentientibus traderemus.)

Deinde sancta synodus exponens Armenis fidei nostræ arcana, tradit Symbolum Constantinopolitanum, asseritque in Christo duas naturas et unam personam, et quòd Jesus Christus consubstantialis Patri sit secundum divinitatem, et nobis secundum humanitatem, et in eo sint duæ voluntates et duæ operatio-

nes. Deinde explicat septem sacramentorum formam, materiam et effectum eorum, ac novissimè refert et amplectitur sancti Athanasii Symbolum, quæ à nobis consultò omittuntur, quia nimis longa, et ferè omnia (exceptis his quæ ad sacramenta pertinent) repetuntur in professione fidei infra à nobis, in fine hujus tractatùs adducendâ. Demùm lectâ Bullâ unionis Græcorum cum Latinâ Ecclesiâ, prosequitur concilium dicens :

« His omnibus explicatis, prædicti Armenorum oratores nomine suo, ac sui patriarchæ, et omnium Armenorum, hoc saluberrimum synodale decretum, cum omnibus suis capitulis, declarationibus, definitionibus, traditionibus, præceptis et statutis, omnemque doctrinam in ipso descriptam, necnon quicquid tenet et docet sancta sedes Apostolica et Romana Ecclesia, cum omni devotione et obedientiâ acceptant, suscipiunt et amplectuntur. Illos quoque doctores et sanctos Patres, quos Ecclesia Romana approbat, ipsi reverenter suscipiunt : quascumque verò personas, et quicquid Romana ipsa Ecclesia reprobat et damnat, ipsi pro reprobatis et damnatis habent, profitentes tanquàm veri obedientiæ filii, nomine, quo supra, ipsius sedes Apostolicæ ordinationibus et jussionibus fideliter obtemperare. Lecto autem solemniter in nostrâ et hujus sanctæ synodi præsentâ, memorato decreto, mox dilectus filius Narses Armenus, nomine ipsorum oratorum, in idiomate Armenico publicè hæc, quæ sequuntur legit, quæ incontinenti dilectus filius Basilius, ordinis fratrum Minorum, noster et ipsorum Armenorum communis interpres, publicè sermone Latino in hunc modum ex scripto legit : « Beatissime pater, et sanctissima synode, totum hoc sanctum decretum, quod nunc Latinè coram vestrà publicè lectum est præsentâ, fuit nobis pridie de verbo ad verbum in nostro idiomate clarè expositum et interpretatum, quod quidem nobis optimè placuit et placet. Ad majorem autem nostræ mentis expressionem, ejus effectum summam repetimus. In ipso continetur 1<sup>o</sup> qualiter populo nostro Armenorum traditis sanctum Symbolum Constantinopolitanum, cum illâ additione, *Filioque*, ut in Ecclesiis nostris, diebus saltem Dominicis, majoribusque festivitibus, intra Missarum solemniam, decantari seu legi debeat. 2<sup>o</sup> Definitionem quartî universalis concilii Chalcedonensis de duabus naturis in

unâ Christi personâ. 3<sup>o</sup> Definitionem de duabus Christi voluntatibus et operationibus, in sexto universali concilio promulgatam. 4<sup>o</sup> Declaratis, quòd ipsa Chalcedonensis synodus, et beatissimus Leo papa, rectè de duabus in unâ personâ Christi naturis veritatem definiunt contra impia Nestoris et Eutychis dogmata, jubetisque ut ipsius beatissimum Leonem tanquàm sanctum, et fidei columnam veneremur. Atque non solum has tres synodos, Nicænâ, Constantinopolitanam et Ephesinam primam, sed et omnes alias universales auctoritate Romani pontificis legitimè celebratas, reverenter suscipiamus. 5<sup>o</sup> Brevem formulam sacramentorum septem Ecclesiæ, videlicet Baptismi, Confirmationis, Eucharistiæ, Pœnitentiæ, Extremæ Unctionis, Ordinis et Matrimonii; declarando quæ sit cujusque sacramenti materia, forma et minister, quodque in sacrificio Altaris, dum calix offertur, vino paululum aquæ admisceri debet. 6<sup>o</sup> Quandam compendiosam beatissimi Athanasii fidei regulam, quæ incipit : *Quicumque vult salvus, etc.* 7<sup>o</sup> Decretum unionis conclusæ cum Græcis in hoc sacro concilio pridem promulgatum, continens qualiter Spiritus sanctus ex Patre et Filio æternaliter procedit, et quòd illa additio, *Filioque*, licitè ac rationabiliter ipsi Symbolo Constantinopolitano fuit apposita : quòdque in panè triticeo, azymo vel fermentato, corpus Domini conficitur; quid etiam erendum sit de pœnis Purgatorii et Inferni, ac vitâ beatâ, et de suffragiis quæ pro defunctis fiunt; item de plenitudine potestatis sedis Apostolicæ traditâ à Christo, beato Petro et suis successoribus, atque de ordine patriarchalium sedium. 8<sup>o</sup> Definitionem, ut de cætero Armeni has festivitates infrascriptis diebus, more universalis Ecclesiæ, celebrare debeant, videlicet Annuntiationis beatæ Mariæ Virginis, vicesimâ quintâ martii, Nativitatis B. Joannis Baptistæ, vicesimâ quartâ junii; Nativitatis Salvatoris nostri, secundùm carnem, vigesimâ quintâ decembris; Circumcisionis ejusdem, primâ januarii; Epiphaniæ, sextâ ejusdem januarii; Præsentationis Domini in templo, seu Circumcisionis B. Mariæ, secundâ februarii. Nos igitur oratores, nomine nostro, nostrique reverendi patriarchæ, et omnium Armenorum, sicut et vestra Sanctitas in ipso decreto attestatur, hoc saluberrimum synodale decretum, cum

• omnibus suis capitulis, declarationibus,  
 • definitionibus, traditionibus, præceptis et  
 • statutis, omnemque doctrinam in ipso de-  
 • scriptam, necnon quicquid tenet et docet  
 • sancta sedes Apostolica et Romana Ecclesia,  
 • cum omni devotione et obedientiâ, accepta-  
 • mus, suscipimus, et amplectimur, illosque  
 • doctores et sanctos Patres, quos Ecclesia  
 • Romana approbat, reverenter suscipimus.  
 • Quascumque verò personas, et quicquid  
 • ipsa Romana Ecclesia reprobat et damnat,  
 • nos pro damnatis et reprobatis habemus.  
 • Proficientes tanquam veri obedientiæ filii,  
 • nomine, quo supra, ipsius sedis Apostolicæ  
 • ordinationibus et jussionibus fideliter obtem-  
 • perare. Datum Florentiæ in publicâ ses-  
 • sione synodali solemniter in Ecclesiâ majori  
 • celebratâ, anno Incarnationis Dominicæ mil-  
 • lesimo quadringentesimo decimo kal. decem-  
 • bris, pontificatûs nostri anno 9.»

De Armenis, qui post reductionem Græco-  
 rum etiam ipsi instructionem fidei, secundum  
 Romanam Ecclesiam, susceperunt ab Eugenio  
 papâ IV, in concilio Florentino, scribit idem  
 S. Antonin. in eadem 5 parte, tit. 12, c. 11,  
 § in fine, quòd insuper Armeni et aliqui ex  
 Indiâ, miserunt oratores suos Florentiam ad  
 dominum Eugenium, postulantes et supplican-  
 tes instrui et erudiri in his, quæ sunt fidei, à  
 Romanâ Ecclesiâ, et untri cum eâ in charitate  
 Christi, qui examinati, in paucis reperti sunt  
 dissentire à catholicâ fide, et in illis subjece-  
 runt se correctioni Apostolicæ sedis, quæ de  
 concilio prælatorum decrevit, eos in ritibus  
 suis, qui non sunt contra veritatem fidei, to-  
 lerari; sicut Græci, licet dissimiles sint à mo-  
 ribus Latine Ecclesiæ. In aliquibus verò, qui  
 à fide verâ discrepabant, prohiberi, ut qui  
 sacramentum Confirmationis non habebant  
 in usu conferendi illi nationi, docentes eos,  
 illud, sicut et cætera Sacramenta, debere ac-  
 cipere, credere, et conferre, et aliqua alia;  
 quibus determinationibus acquieverunt. Ex  
 quibus collige tolerandos esse ritus aliarum na-  
 tionum, etiamsi ab Ecclesiâ Romanâ dissentiant,  
 dummodò in aliis catholicè sapiant. Et hæc  
 de Armenis.

#### ARTICULUS XXI.

*De Georgianis (aliò nomine Iberis), et eorum er-  
 roribus.*

Inter cæteras schismaticorum nationes, qui  
 Orientalem regionem inhabitant, non sunt mi-  
 noris notæ Georgiani, quorum Patreolus in

libro de vitis et sectis hæreticorum, verbo  
*Georgiani*, ritus, mores ac simul errores bre-  
 viter refert.

Georgiani, inquit, sunt ii quos *Iberos* appel-  
 lant cosmographi, gens barbara et bellicosa, et  
 quæ (auctore Pio II hujus nominis, Romano-  
 rum pontifice, in suâ Cosmographiâ) Armenicè  
 et Medice cultu utitur, Scytharumque more  
 vivit, quorum cognati sunt et contermini.  
 Habitat enim hæc natio in interiori Armenia  
 parte ad septentrionem, et Euxinum versûs:  
 quam magnus Pompeius Romano imperio sub-  
 jecit; sed sub Constantino Cæsare, Helenæ  
 filio, et Sylvestro papâ, verbi Dei fœdera et  
 fidem futuri regni suscepit, circa annum Do-  
 mini 325.

Qui licet hodie Christum colant, procul ta-  
 men ab Apostolicâ sede, veritatis magistrâ,  
 colunt; et barbaris circumfusi gentibus, non  
 omnem puritatem Evangelii servant. Nam in  
 Sacramentis et aliis plerisque rebus Græcorum  
 errores sequuntur. Eorum clerici rotundas  
 circumferunt coronas more nostro, laici verò  
 quadratas. Illustriores illorum mulieres Ama-  
 zonum instar, armis in præliis utuntur. In offi-  
 ciis ecclesiasticis et scriptis, quidam eorum  
 linguâ Græcâ, aliique Chaldaicâ utuntur.

Georgiani verò appellantur, à divo Georgio,  
 quem velut præcipuum patronum, et in suis  
 præliis contra Paganos velut signiferum et  
 propugnatorem ingenti honore venerantur.  
 Quòcumque tendunt, turmatim incedunt,  
 vexillum divi Georgii imagine insignitum cir-  
 cumferentes, cujus ope et auxilio se in bello  
 maximè juvari credunt. Archiepiscopum ha-  
 bent, qui in monte Sina claustrum divæ Ca-  
 tharinæ incolit, cui per omnia, ut nos summo  
 Romanorum pontifici, obtemperant. Cur verò  
 tanto in honore divum illum Georgium habeant,  
 sit inde quòd ille primus ad fidem Christi Ar-  
 menos Iberosque converterit, divinumque  
 dogma apud eos disseminaverit; quamvis Ruf-  
 fianus et Sozomenus lib. secundo, cap. 6 et se-  
 quenti, et post eos Nicephorus l. 8, c. 34,  
 mulierem captivam tanti boni illis causam  
 præstitisse asserant. Quæ cum aliâs semper  
 pudicè castèque vixerat, tum captiva quoque  
 nihil de pietate sanctioreque instituto remisit.  
 Nam diu noctuque pietatis exercitia exhibebat,  
 jejuniis plurimum vacabat, continuèque pre-  
 cationibus insistebat. Hactenus Prateolus:  
 quam mulierem fuisse barbaris admirationis  
 magnæ, ac suo exemplo et oratione, et mira-  
 culis, reginam et regem illius provinciæ, ad



fidei cognitionem perduxisset, latius prosequitur idem Prateolus: sed hæc pro Georgianorum erroribus sufficiant; hi enim facili ex his, quæ contra Græcorum errores scripsimus, convincuntur.

De Georgianorum ad fidem christianam conversione, Rufinus in *Historiâ Ecclesiasticâ*, l. 4, c. 11, à quo omnes alii acceperunt, ut Nicephorus l. 8, c. 54, Sigibertus in *Chronicis*, Genebrardus in *Chronographiâ* lib. 2, sub sancto Marco papâ I, *Supplementum Chronicorum* l. 9, qui in eum errorem lapsus est, ut putarit Iberiam esse, quæ hodiè Scotia nuncupatur; cum reverâ aliud sit Iberia in continenti terræ, aliud Iberia insula propè Britanniam, et tunc aliud Hibernia, seu Irlanda insula, aliud Scotia, quæ contigua est Angliæ, et pars antiquæ insulæ Britannicæ.

Eorum conversionem ad fidem per captivam mulierem, præter Rufinum ubi supra, c. 10, tradunt Sozomenus l. 2 *Eccles. hist.* c. 6; Cassiod. l. 3, c. 1; Theodoretus l. 4 *Eccles. hist.* c. 24; Nicephor. l. 8, c. 54; Socrates lib. 4, cap. 16, et alii post ipsos. De schismate Georgianis immisso à Patriarchâ Antiocheno, et eorum erroribus Vincentius Belluacensis in *Speculo historiali* l. 50, c. 93. De eorum moribus, et de Catholico pro patriarchâ deputato, et quòd Græco ritu vivant, et de aliis si quis plura desiderat, legat S. Antoninum 3 parte *Hist.*, tit. 19, c. 8, § 9, qui § 10, in fine, agit de odio, quo afficiuntur Georgiani adversùs Armenos, de quo supra nonnihil diximus.

Addam verò ea quæ de eorum moribus breviter retulit Raphael Volaterranus l. 11 de *Sectis Syriæ*. His, inquit, proximi, sive, ut nonnullis placet, iidem sunt Georgiani, quæ gens et ipsa christiana, bello fortissima et vicinis formidata, cognominata, ut ferunt, à divo Georgio, cujus vexillum in bello contra infideles gestant. Ego tamen non minùs putaverim eos esse posse, quos Plinius *Georgos* appellat in eâ ferè regione. Igitur ii, quòd procul sint à ritu orthodoxo, aberrant, Græcorum ferè sectantes errorem, eadem et in sacris libris linguâ utentes. Sacerdotes eorum dirosqualore petasati incedunt, erinibus oblongis, barbâque ad pectus promissâ; sacrificant etiam more Græcanico, in calice molliunt offam, quam priùs sacerdos ipse cochleari argenteo delibat, deinde volentibus delibandam modo simili præbet. Venere quondam ad Cotadinum principem Damascenum, dùm nostri

obsiderent Damiatam, questum, sese, cum Christiani sint, ab eo neglectos, ac inexpugnata tunc Hierosolymâ minimè vocatos. Sepulcrum Dominicum Immunes adeunt ab omni vectigali, cum et ipsi quoque Sarcenis vicinis beneficium compensent. Nostrâ memoriâ miserunt legationem ad Pium II pontificem, cum è conventu Mantuano se in urbem reciperet. Hæc ibi.

Bernardus Lucemburgus in *Catalogo hæreticorum*, editione quartâ, verbo *Georgiani*: Hæbent, inquit, archiepiscopum, qui est in monte Sina in claustro S. Catharinæ, cui obediunt per omnia, ut nos domino papæ. Errores Græcorum sequuntur in sacramentis et aliis; clerici eorum rotundas habent coronas, laici verò quadratas: nobiles eorum mulieres more Amazonum armis in præliis utuntur. In officiis et Scripturis linguâ Græcâ utuntur, aliâs Chaldaicâ. Paulus denique III, anno Domini 1545, regi Georgianorum amanter, ut fidem catholicam conservet, et oratores ad sedem mittat, scripsit, et Stephanum Colynzam electum Nesciovanensem in Armeniâ, deputavit in nuntium et oratorem ad reges Georgianorum et Armeniæ, ut habentur hodie bullæ in secretariâ domesticâ pontificum. Rex verò ad pontificem maximum dedit litteras sub hæc formâ:

« Miseratione Dei Simeon rex Cardelli totius Iberiæ et Orientis: Excelsæ, et splendidissime, et sanctissime, et beatissime domine noster, pater noster et papa, pastor pastorum, princeps principum, et decime tertie Apostolorum, pater noster, et papa magnæ Romæ, aurea tuba, organum Dei inflatum; Petre iudex, et clavicularie regni cælestis, Paule Doctor gentium, qui ascendit usque ad tertium cælum, et raptus est usque ad paradisum, et audivit ineffabilia verba, quæ dici non possunt; totius orbis prædicator, ipsarum Ecclesiarum luminum, ubi sancta et veneranda sepulcra Apostolorum, ubi requiescunt sanctæ reliquiæ ipsorum, et dominator Ecclesiæ catholicæ, et gubernator magnæ et illustrissimæ Romæ, sicut sol, qui vertitur per totum Occidentem, maxime princeps papa Romæ, sicut Sylvester, regum vates, domine et dominator et pater spiritualis; sanctissime papa, profundam genuflexionem facimus, et salutamus sanctam dexteram ejus.

« Benedictus sit Deus Pater, et Filius, et Spiritus sanctus, cum Dominâ, et purâ matre, Filii Dei genitricis sanctissimâ. Et si nolâs

mandas per sanctitatem tuam, qualiter venit hęc procurator magnę Scythiæ Ecmiacensis, nomine Ter Jacob, et accepimus venerandam scripturam tuam, sed nos nescivimus intelligere eam, et de ore retulit nobis, quod erat præstantius : gavisus sumus propter honoratissimam et sanctam tuam celsitudinem et regum laudem, et victoriam, et gloriam, et exultavimus lætitiã sempiternã, gratias agentes Deo omnipotenti, et Dominæ nostræ Deiparæ, et sanctæ Virgini Mariæ, et venerandæ et vivificantì cruci. Deus omnipotens et miserator majorem fortitudinem et victoriam det nobis et Christianis ab impiis Agarenis, nobis, et omnibus orthodoxis populi christiani, et gloriam, et spem, et consolationem ; et confundat eos, qui sunt extra fidem.

« Precamur optimum Deum, ut sustentet imperium maximæ sanctitatis tuæ : et per orationes tuas sanctas liberet nos ab injuriis inimici. Et etiam refero sanctitati tuæ, quod beatissimus, sanctus, et à Deo coronã datus fuit rex, et pater meus Chrluar Saphi, ut sanctitas tua audivit, propter religionem : quoniam propter amorem Christi, impii Agareni occiderunt eum in bello. Et accepit martyr suum, et sanguinem suum effudit, et nunquam voluntatem eorum fecit ; postremò et nos auxilio Dei accepimus thronum patris nostri, et ex tunc à bellis non cessavimus diu noctuque inter pulverem et pluvias. Quot bella et angustias, et mœstitiã propter amorem Christi accepimus, et alia mala passi sumus, donec vulnerati fuimus in prælio, et Æclusi fuimus in carcere in manibus Persarum, et Dei voluntate, et auxilio ejus, et per orationes tuas sanctas liberati sumus ! et iterum sedimus in throno nostro, et iterum non quievimus à bello cum Ottomanis feris et transierunt plura prælia primis cum Ottomanis, ut opinor, vos audivisse ; quot merores et angustie ! Sed nos occubimus his usque ad caput meum et vitam meam, cum parvulo filio meo, ut effunderem sanguinem meum, propter crucifixum Christum meum, et Deum meum : donec vixero, non parcam vitæ meæ à bello, unum pugillum sanguinis dulcis mei, et Domini mei, et Dei mei non vacuum dimittam. Nunc christianitas, et totus mundus est in te, et in manibus tuis, ò domine misericentissime ; nunc da virtutem et auxilium, ut salvetur populus christianus, Deus retribuat tibi regnum cœlestes, et nos cum auxilio Dei, et per piã preces tuas sanctas, donec vixerim

mus, non faciemus voluntatem Agarenorum. Sed in nos deinceps quis scit, quid velit fieri ? Veremur ne convertatur bonitas in insipientiam, et incidamus in impietatem. Idèò refero sanctitati tuæ, ut scias ex parte meã, quòd benè valeo, et caput meum et vitam meam pono ad mortem propter christianitatem. Et etiam refero sanctitati tuæ, da auxilium et misericordiam Christianis, et salva eos a manibus iniquorum. Et precor, et rogo ne nostris obliviscaris in orationibus tuis sanctis omni tempore ; et præcipuè ne obliviscaris scribere nobis, ut sciamus sanitatem tuam, et populi tui, piorum Christianorum, ut cor nostrum cognoscas ; ore suo referet sanctitati tuæ Ter Jacob sacerdos, sanctæ orationes tuæ sint nobiscum. Amicus animo et corpore. Amen. Anno 7104, Christi 1516, idichion 9.»

#### ARTICULUS XXII.

##### *De Maronitarum natione.*

Maronitæ, non ab hæretico nomine *Maron* sunt cognominati, ut falsò sibi Prateolus et alii persuaserunt, sed potiùs à sancto Marone, ejus monasterii monachi Maronitæ dicebantur, ut accuratè colligit card. Baron. tomo 7. sub annum Christi 518, ex synodo quãdam Tyri eodem tempore celebratã ; ad quam aliqui archimandritæ contra hæreticos Eutychianos litteras scribentes. Inter hos primo loco habetur subscriptio Alexandri Archimandritæ monasterii S. Maronis, qui Maronitæ dicebantur, omnes professores et defensores tunc catholicæ veritatis. Et licet postea à fide declinantes anno 699, ab Ecclesiã catholicã discedentes, teste Prateolo, Eutycheti, Dioscoro et Monophysitis hæreticis adhæserint, tandem, abolito diro schismate, ad sanctæ Romanæ Ecclesiæ communionem catholicam, divino afflante Spiritu, redierunt. Celebrata est hæc cum Ecclesiã catholicã unio per manus EymERICI Antiocheni patriarchæ, ac postea eorum patriarcha generali interfuit concilio Romæ celebrato sub Innocentio hujus nominis tertio, circa annum Domini 1215 ; quare de Maronitis pauca inserenda huic operi existimavi, ut si fortè evangelicè operarij in illum Orientis tractum aliquando pro animabus Deo lucrandis mittantur, morum ac religionis istius catholicæ gentis non ignari, illis etiam consulere possint.

Maronitæ igitur, teste Antonio Possævino in Apparatu, verbo *Maronitæ*, Libani montis in Syriã incolæ, sub eorum patriarchã, pictam

ac fidem erga Romanum pontificem, et sedem Apostolicam, uni ex omnibus Orientis populis sat integram, à tempore Innocenti III, retinuerunt. Eorum patriarcha, qui dicitur Maronitarum, quippe appetit Antiochenus vocari, cùm apud sese extet ejus nominis monumentum in antiquis scriptis aliquot, monachus est (monachi enim fiunt, nisi et antea sint, quicumque ad episcopatus evehuntur); et octo, novemve sub se suffraganeos habet episcopos. In monte Libano, qui valdè protenditur, ac cujus ambitus est septingentorum millium passuum, patriarchæ est sedes in monasterio, seu cœnobio, in quo paulò plus viginti monachi degunt, qui monachi dicuntur S. Antonii. Abest id cœnobium Tripoli Syriæ (ubi mercatores agunt Turcæ, Judæi, alii et paucissimi Christiani, qui sacellum habent domi) viginti quinquè passuum millibus. Porrò cùm in monte Libano civitas nulla, pagi tantùm, et hi frequentes, neque exigui sint, omnes Catholici sub unius patriarchæ spirituali ditione vivunt. Duos principes, sive præfectos habent, qui diaconi (licet laici) ab iis vocantur, quique juri dicundo iis præsent, quique christiani et pii sunt. Tributa pendunt Turcis plusquàm ferre possint. Singuli verò, ubi ætatem duodecim annorum excesserint, singulis annis 17 aureos nummos, è solo autem sive agris pro singulo spatio, quod sexdecim spithamas complectitur, aureum quotannis Turcis quæstoribus pendunt: quod tributum nisi certo die persolvant, agri iis demuntur, aut jacturam ingentem honorum patiuntur. Cùmque eam ob causam Turcæ minitati fuissent, incolas sese missuros Turcas, qui partem illam agrorum, quæ vacua maneret, excolerent, duobus millibus aliis aureis in singulos annos pacti sunt Maronitæ, sese vexationem illam, sive Turcarum commercium redempturos, sic integri ab omni Turcarum consuetudine vivunt. Et verò Maronitæ, non solùm in montis Libani tractum, verùm etiam Damasci, Aleppi, et in aliquâ Cypri parte sic vitam agunt, ut patriarchæ suo obediant, et ritum qui apud eos est catholicum, simplici dueto et singulari propensione sequantur. Excommunicationem, quo uno spirituali gladio patriarcha sæpè uti cogitur, ut homines vel à peccatis arceat, vel in officio contineat, magnoperè verentur ac metuunt.

Cæterùm apud patriarcham diligenter aservantur diplomata pontificia Romanæ sedis, jam inde usque ab Innocentio III, ac deinceps a reliquis pontificibus qui ad eos vel legatum,

aliquando cardinalem S. Marcelli, vel alios miserunt; cùmque in litteris pontificis olim admoniti fuissent Maronitæ, unâ cum Græcis, ne aliquos errores tenerent, sed abjicerent, factum est, ut à quibusdam, qui eò ex Urbe commigraverant, existimaretur, iisdem Maronitas erroribus teneri, quibus plerique Græci implicarentur, nimirùm processionis Spiritûs sancti à Patre duntaxat, negationis Purgatorii, et aliorum ejusmodi dogmatum. At Maronitæ ingenuè non solùm testati sunt, ab iis erroribus se esse alienissimos, verùm etiam plura in suis libris ac liturgiis demonstrârunt, quibus et catholica dogmata constanter teneant, et reipsâ in anniversariis cæterisque defunctorum officiiis crebri sunt.

Quin etiam cùm astu Jacobitarum, apud quos non pauca sunt hæreses, varii libri disseminati fuissent inter Maronitas, accidit, ut qui eos reperit, dùm ex Urbe missus est, putaret Maronitarum esse errores, qui reverà sunt Jacobitarum. Quamobrem conquesti sese purgârunt, et novissimè professi sunt omnem fidem atque obedientiam Clementi VIII, pontifici maximo, qui ad eos allegavit duos sacerdotes ex Patribus Societatis, simul cum episcopo, quorum primus fuit Hieronymus Dandinus theologus, doctus et perspicax, qui etiam generalem confessionem per interpretem excepit unius ex illis duobus diaconis, cui et Euchari-stiam sub unâ specie porrexit, cùm sub duabus soleant communicare.

Hujus autem missionis à pontifice maximo ad montem Libanum causa fuit, ut oculis ipsis cerneretur, nùm, qui sumptus in Urbe alendo seminario Maronitarum fierent, benè ponerentur: quæve spes aut restituendæ, aut propagandæ Religionis christianæ in eo esset tractu.

Missus à pontifice per eundem Dandinum ad patriarcham apparatus integer holosericus aureus, ad sacrum patriarcharum cæremoniæ et indumentis faciendum. Missæ item varix cistæ librorum Chaldæâ linguâ cursorum in urbe, quibus ex liturgiæ, quæ sunt S. Jacobi, sancti Petri, et S. Sixti pontificis maximi recitari possent, cùm in eo tractu nulli essent libri, nisi manuscripti, et hi vel laceri, vel erroribus fortè aspersi. Missa item, quæ dicuntur Officia, eadem linguâ, ad Deum, ac beatissimam Virginem orandum. Nam Chaldæâ tantùm linguâ sic in sacris utuntur, quemadmodùm nostri sacerdotes Latinâ: iique habentur inter eos docti, qui Chaldaicam linguam callent, licet aliis

disciplinis excolti non sint, præter eos alumnos sedis pontificæ, qui ex Urbe eò missi sunt, quorum alter jam hujus patriarchæ coadjutor est creatus, et factus episcopus, uti et alter alterius episcopatus. Communis porrò eorum lingua est Arabica; homines robusti, et magno animo, et qui non minimi momenti futuri sperantur ad rem christianam benè gerendam.

Abusus autem potius quidam, quàm errores in dogmatibus irrepsere apud sacerdotes illos montis Libani, qui ut efficacius atque suavius amoverentur, rogavit patriarcha, ut id mandato summi pontificis fieret. Hoc enim nomen summo apud ipsos est in honore, et facillè omnes essent obtemperaturi. Et verò argentei calices à pontifice maximo, et instrumenta ferrea ad conficiendas hostias, et vestes aliæ sacræ pro aliis sacerdotibus missæ sunt, ac per eundem P. Dandinum illatæ, quæ omnia gratissima fuerunt.

Commoratus est duobus mensibus in monasterio patriarchæ ipse pater Societatis Jesu cum socio sacerdote; quo tempore cum senex patriarcha, qui jam professionem fidei, et obedientiam summo pontifici dederat, diem obisset, alter per synodum, ut solent, suffectus est, qui eandem fidei professionem et obedientiam præstitit. Patribus autem Societatis officium quod poterat humanitatis exhibuere patriarchæ et monachi, licet hi vivant parè, vixque obsoniis utantur aliis, præter orizam, juscula, herbas; vinum autem bibant tantummodò festis, aquam profestis, humi edant; noctu verò et interdiu, cum matutinas et reliquas horas diebus festis recitant, confluunt populi. Sacerdotes castè et cœlibes vivunt, sed nullis studiis litterarum addicti; quod reliquum habent temporis, id præstant culturæ in agris, sive ut operarios ad laborem hortentur, sitque unde et cibus percipi, et tributum persolveri possint. Porrò quæ ibidem ab eodem P. Dandino fuere constituta, priusquàm inde discederet, hæc fermè sunt.

Nullus, saltem junioris ætatis, ad sacerdotium admittebatur, qui uxorem non duxisset. Cum igitur à P. Dandino declaratum esset, conjugium sacerdotibus in aliquo Orientis tractu licet usurpatum, non fuisse tamen unquam ab Ecclesiâ imperatum, statutum est, ne in posterum quisquam ad id cogatur, sed liberi qui in cœlibatu vivere velint, sacris initiuntur.

Nulla conc'io de rebus ad spiritum atinentibus habebatur, sed solùm quibusdam diebus

festis aliqua homilia altâ voce recitabatur. Decretum est, ut aliqui ex doctioribus decernantur, qui singulis diebus festis panem esurienti populo frangant; ad quod præstandum ii præcipuè sunt idonei, qui ex urbe Romæ alumni ad montem Libanum jam redeunt. Quorum etiam munus erit, summam aliquam casuum scribere, quæ variis in locis à doctioribus sacerdotibus, aliis indoctioribus explentur; ut hæc ratione omnes in laicis instituendis et expiandis unanimes sint. Jamque unum ex alumnis huic muneri assignaverant

Cautum porrò fuit ne quis alio Missali utatur, quàm ex iis qui missi sunt à Romano pontifice, vel certè ex antiquis ii tantum in usum essent qui à patriarchâ erunt propriâ manu subscripti, et uni ex supradictis alumnis demandatum fuit, ut eos diligenter inspiceret, atque expurgaret erroribus quibus à Jacobitis fuerant aspersi. Cautum item, ut reliqui libri examinarentur, quive minùs catholicæ veritati consoni viderentur, apud patriarcham asservarentur. Cum alicubi pueri à Eucharistiammitterentur, cautum est, ne posthæc ante usum rationis admittantur. Nullus casus erat reservatus. Aliqui igitur graviore, tum episcopis, tum ipsi etiam patriarchæ reservati, ut magis in officio quisque contineretur.

Religiosi regulares cum liberius viverent, de disciplinâ ecclesiasticâ in synodis actum est; patriarcha pollicitus est se curaturum ut ea restitueretur. Cæterùm montis Libani feminae sunt verum honestatis exemplar; vestitus earum modestus; si cui ignoto viro obviam fiunt, vel aliò fugiunt, vel certè faciem quam solam detectam ostendere solent, omninò contegunt. Dùm divinis officiis intersunt, prorsus à viris separate in ecclesiâ manent, in eâ videlicet parte, quæ est propè ingressum, ulterius procedentibus viris; absolutisque divinis officiis, illæ primùm et templo exeunt. Quare non priùs viri è suo loco moventur, quàm illæ omnes discesserint. At verò tam mulierum, quàm virorum modestia, et continentia ex hoc uno maximè conjectari potest, quòd in toto monte Libano nulla muliercula reperitur quæ turpi lucro operam navet, neque tamen adulteria, aliæque contra honestatem vitia audiantur. Ex quo facillè diagnoscutur, quàm facile sit juvare in Domino nationem tam Romanæ sedis devotam et incontaminatam, si ad illam operarii mittantur.

## ARTICULUS XXIII.

*Hæreses præcipuæ, quæ Jacobitis, Coptis, Abyssinis et Armenis attribuantur.*

Restat jam, ut ad ea quæ supra de commemoratis hæresibus attigimus revertamur, ac renovandæ memoriæ causâ, brevius strictiusque præfatos errores repetamus; quò scilicet et intelligantur iterata planius et firmius inculcata teneantur; recensimus tamen illos præcipuè, in quibus nationes istæ consentiunt: his enim, qui aliorum sunt veluti fundamenta, destructis, facillimo negotio alii infirmabuntur.

1° Verè omnes non firmiter sentiunt de primatu Romani pontificis; veramque Ecclesiam apud Coptos, Jacobitas, Armenos et Abyssinos esse tantummodò credunt. 2° Concilium Chalcedonense contra Eutychem et Dioscorum congregatum damnant, et anathematizant simul cum S. Leone pontifice: quare tria tantum concilia admittunt; et quamvis Eutychem rejiciant ut hæreticum, Dioscorum tamen amplectuntur, eique divinos conferunt honores. 3° Jacobitæ, Copti, Abyssini, et ex Armenis quamplurimi simul colunt Baptismum et Circumcisionem. 4° Sacramentum Confessionis auricularis, ut est apud Ecclesiam, Confirmationis et Extremæ Unionis ferè non agnoscunt. Matrimonium verò ex levì causâ dissolubile confitentur. 5° Legem veterem cum novâ observandam tradunt. 6° Purgatorium, nec pro defunctis preces admittunt; nec beatos ante iudicii diem ad paradisum evolare credunt, et tunc negant Deum facie ad faciem, sed claritatem quamdam, et splendorem divinum visuros. 7° Animas rationales non de novo creari à Deo, sed per feminas propagationem, ex potentia naturæ educi, sicut et animas brutorum affirmant.

Hi sunt Ecclesiæ Orientis errores præcipui et communes, ut nunc Nestorianorum omittam blasphemias, contra quos brevissimè agemus. Non enim opus est, singulos discutere errores; destructis enim primis adversariorum principiiis, necesse est, ut totum corrumpat ædificium.

## ARTICULUS XXIV.

*De concilio Chalcedonensi admittendo, ac de abjurando Dioscoro.*

Contra Chalcedonense concilium acriter ferè omnes schismatici orientales invehuntur,

illudque damnare, et anathematizare non verentur; et quamvis Eutychem hæreticum censeant, Dioscorum laudant, eumque Eutychemianâ hæresi minimè infectum, ac injustè damnatum à Chalcedonensi synodo rationibus infra adducendis contendunt.

Contra horum verò schismaticorum impiam blasphemiam, quæ altis in eorum animis egit radices, ac ob id radicitus evellendam, primò constituendum est, ut certum de fide catholicâ, concilium Chalcedonense, in quo Eutyches et Dioscorus fuerunt damnati, fuisse in Spiritu sancto legitimè congregatum, totam repræsentans Ecclesiam, quæ in dogmatibus fidei errare non potest, ac proinde ab omnibus fidelibus esse necessariò acceptandum ac credendum. Singulæ hujus assertionis partes hæc ratione confirmantur, quia tunc perfectè, debite ac legitimè congregatur concilium generale, quando Romani pontificis auctoritate convocantur omnes, quorum interest de re illâ definire; quod constat ex antiquissimo canone concilii Nicæni, quo statuitur præter sententiam Romani pontificis non posse generalia concilia celebrari. Fuit autem concilium Chalcedonense à Leone I, sanctissimo Romano pontifice congregatum convocatis 650 episcopis totius orbis pastoribus.

Præterea neque defuit ratio urgentissima, ob quam concilium debuit congregari, nempe hæresis Eutychemiana, quæ impudenter assererat Christum Dominum ante adunationem ex duabus constare naturis; post adunationem verò unam tantum naturam confitebatur; quæ hæresis à Dioscoro episcopo Alexandrino approbata fuit in pseudosynodo Ephesinâ; quare opus fuit, huic tam gravi vulneri Orientali Ecclesiæ ab hostibus fidei inflicto, aliquod remedium adhiberi per generale concilium, à summo pontifice congregatum. Igitur fuit legitimum concilium, in eoque adfuit Spiritus sanctus; nam si ubi duo vel tres fuerint congregati in nomine Domini, ibi Dominus est in medio eorum, ut Matth. 18 dicitur, quanto magis, si congregentur sexcenti et triginta in nomine Domini, et, ut ita dicam, omnes totius ferè Ecclesiæ pastores!

Hoc autem nequaquam dici potest de concilio Ephesino II; nam et deficit auctoritas Romani pontificis, et ita fuit acephalum, et veluti corpus sine capite. Defuit etiam forma, nempe episcoporum consensus, quia fuerunt coacti vi armorum: nam cum Dioscorus, qui in eo conventu præsidebat, infanda Eutychem-

tis acta legisset ac approbasset, atque in sui defensionem allegaret, quòd tota illic congregata synodus, secum tam in depositione Flaviani, quàm in omnibus aliis, quæ ibidem decreta sunt, consensisset, omnes Orientales episcopi trementes ad dicta Dioscori exclamârunt dicentes: « Quod Dioscorus dicit falsum est; nullus voluntariè consentit, » et addiderunt: « Violenta facta est vis in plagis; in purâ chartâ subscripsimus; minabatur nobis mors, minæ exitii tendebantur; milites cum fustibus et armis instabant, timebamus et fustes, et gladios. Ubi gladii et fustes, qualis synodus esse potest? Milites propter hoc accepit Dioscorus, ut nos terreret, unde quicquid egimus, terrore compulsi egimus; peccavimus tamen, omnes veniam postulamus, quia per vim et necessitatem in purâ chartâ coacti sumus subscribere. » Imò cum dicerentur in execrandâ illâ synodo hæc verba: *Confitemur ex duabus naturis fuisse Dominum nostrum ante adunationem, post verò adunationem unam naturam (verba fuerunt ista à Dioscoro recitata et approbata), omnes Orientales qui tunc astabant episcopi clamârunt: *Anathema ei, qui dicit ista; hæc Dioscori sunt; ista Pharaonis sunt.**

Deinde quæri potest à sectatoribus Dioscori, cur prima tria concilia recipiant, cur non etiam quartum, cum quatuor primis conciliis, perinde ac quatuor Evangelii, teste D. Gregorio papâ, fides adhibenda sit ab omnibus fidelibus; fortassè tunc Ecclesia, cujus auctoritate tria priora concilia congregata sunt, periit, aut potestatem amisit, aut fortassè defuit aliquid in hoc concilio, quod in solis primis tribus inveniri potuit? At quid illud est? Conferamus concilium primum, secundum, vel tertium, cum quartâ synodo Chalcedonensi: In tribus prioribus adfuere episcopi undique vocati; adfuere et in quarto; in primo legati sedis Apostolicæ, adfuere et in quarto; in primo fuit imperator Constantinus, in quarto Martianus per legatos suos; in primo dictum *Anathema Arianis*, in quarto dictum est *Anathema Eutycheti et Dioscoro*, illosque ut manifestos hæreticos detestata est. Igitur si in primo creditis adfuisse Spiritum sanctum, cur non idem creditis de quarto, nisi dicatis Spiritum sanctum Ecclesiam deseruisse, qui missus est, ut doceret Domini veritatem? Frustra igitur recipit tria priora concilia, quia non recipit quartum, quintum, sextum, et omnia alta legitimè celebrata, cum eadem sit de

omnibus ratio. At dicunt, rem novam et inauditam, Patrumque sententiæ contrariam, Chalcedonensis synodus decrevit, et ideò à Catholicis non admittenda; sed quæ fuerit SS. Patrum testimoniiis decreta Chalcedonensis synodus, claris ex dicendis infra constabit.

Secundò: Indubitatè tenendum est Dioscorum justissimè à concilio fuisse condemnatum, et, ut nunc omittam alia quæ de Dioscoro dici possent, tantùm ea hic proferam, quæ in actis concilii Chalcedonensis relata fuere.

In tertîa actione concilii Chalcedonensis accusatur Dioscorus ab Essebio Dotilei episcopo, qui interpellat sanctam synodum, ut scelestissimum dogma Dioscori anathematizare dignetur, ipsum etiam compellere, ut coram concilio compareat. Rursùs accusatur à Theodoro diacono Ecclesiæ Alexandrinæ, primùm de homicidio, secundò de blasphemiâ in sanctissimam Trinitatem. Deinde quia cum Origene consenserit, et quòd in Ecclesiâ ejus fuerit. Postremò quòd excommunicationis sententiam contra sanctissimum Apostolicæ sedis Romanæ Leonem pontificem maximum protulerit. O rem inauditam! posito, sed non concesso, quòd S. Leo, cum Eutychianam hæresim destruere conaretur, malè fecerit, nùm ideò ab episcopo, se inferiore, poterit excommunicari? Si parem non habet imperium, quantò minùs inferior contra superiorem!

Legimus in antiquis rerum ecclesiasticarum historiis de Marcellino, qui cum Romanus esset pontifex vigesimus octavus à S. Petro, et convictus esset quòd coram tyranno ob mortis metum thus obtulisset in templo Isis, ad concilium venit ducentorum episcoporum, cinere conspersum habens caput, ac clarâ voce dixit: *Peccavi coram vobis*. Responderunt episcopi et presbyteri omnes: « Nemo unquam judicavit pontificem, quoniam prima sedes non judicatur à quopiam; tu ipse eris iudex, ex te condemnaberis. » Tanta semper fuit, est, eritque auctoritas, et dignitas Romani pontificis, ut omnes episcopi non fuerint ausi talem pontificem ob mortis metum peccantem condemnare, nec excommunicare. Qualis quantusque fuit Dioscorus, qui tam temerario et nefario ausu ac spiritu ductus, præsumpsit primam sedem, quæ nunquam à quoquam judicari potuit, nec poterit, injuriâ afficere? Meritò quidem contra eum indignatus est Dominus et percussit, sicut quondam Oziam, manum suam ad arcam extendentem; sed hæc omnia taceamus.

Quid plura de Dioscoro dicam? Iterùm atque iterùm accusatus ab Ischirione diacono, procedente alium libellum contra ipsum, qui sic incipit: *Sanctissimo ac beatissimo universali archiepiscopo, patriarchæ magnæ Romæ Leonî, et sanctæ universali Chalcedonensi synodo*; ubi de innumeris criminibus Dioscorus accusatur. Præterea productus est alius libellus adversus eundem per Athanasium presbyterum de immanibus sceleribus. Item Sophronius laicus eum accusavit publicè coram concilio et præter alia accusavit illum de adulterio, et quòd iniquo desiderio captus suam uxorem rapuerat; quibus criminibus à Dioscoro patris, ac à sanctâ Chalcedonensi synodo auditis, perpensis et examinatis, verisque inventis, vocatus Dioscorus ad concilium, primò per notarium ejusdem synodi, ut ad prædictas accusationes responderet, ille tamen ægritudinem simulans, noluit venire.

Vocatus est secundò, directis ad eum à concilio litteris, missis tribus episcopis, qui commonefacerent illum, ut veniret et satisfaceret iis quæ in concilio de eo ingerebantur, quo adhuc renuente, iterùm directæ sunt litteræ à sacro concilio ad illum, quibus jam tertio vocatus est, ut in sacrum illud concilium veniret ad satisfaciendum simul et reverendissimo Eusebio episcopo, et iis quæ tunc illi ingerebantur. Aliàs, si post tertiam (dicti Patris) hanc regularem vocationem, ex omni parte nullam habentem suspicionem, advenire distulerit, præsens sancta synodus ad illum veniret modum quem contra contumaces et contemptores synodalis vocationis sumere solet.

Dioscorus verò cùm in suâ adhuc pertinaciâ perseveraret, ac perseverans permaneret, sanctissimus archiepiscopus magnæ Romæ Leo per Paschasium episcopum, Lacentium episcopum, Bonifacium presbyterum, tenentes locum ejusdem sanctissimi pontificis Romani, et per præsentem sanctam synodum, unâ cum ter beatissimo, et omni laude digno Apostolo, qui est petra et cardo Ecclesiæ catholicæ, et rectæ fidei fundamentum, Dioscorum episcopali dignitate nudavit, et omni sacerdotali orbavit ministerio. His peractis, sacratissimum concilium misit ad Valentinianum ac Martianum imperatores, rationem reddens de his omnibus quæ in his actionibus gesta sunt, in depositione Dioscori, hujus causas in eâdem Epistolâ breviter complectens, ut Dioscori malitiam, et in eum prolata justè sententiæ sinceritatem considerarent. Propterea mise-

runt Patres et aliam epistolam ad Pulcheriam Augustam, quæ idem continebat argumentum. Concordes omnes fuerunt, ac sanctissimi concilii sententiis consenserunt, et præcipuè Anatolius archiepiscopus Constantinopolitanus firmissimo consensu confirmavit et approbavit, quæ legati sedis Apostolicæ circa sententiam hanc decreverunt. Imò cùm extaret quædam epistola Pseudoprohimadritarum hæreticorum, quam protulerunt in concilio pro restitutione Dioscori, et hæc legeretur, omnes episcopi dixerunt: *Anathema Dioscoro*; Dioscorum Christus deposuit, istas foras mitte petitiones, istas synodum audire non licet. Quem ergo talis ac tanta synodus reprobavit, et quem Dominus incommunicabilem suis fidelibus reddidit, quomodò, qui eum recipit, ingens piaculum non commiserit, et palam se Christi hostem declaraverit?

Pro confirmatione verò Chalcedonensis synodi ac Dioscori impietatis, hic inserendam duximus partem cujusdam elegantissimæ collationis habitæ agente imperatore Justiniano, quam adducit card. Baron. tomo 7, anno Christi 532, inter sex episcopos Monothelitas ex unâ parte, ac quinque episcopos veritatis catholicæ propugnatores ex adverso stantes, ubi archiepiscopus Hypatius catholicus, Monothelitas Severi sectatores (qui in collatione *Contradicentes* nuncupantur), qui jam imperatori scripto sententiam suam traderant, sic post collationis initium alloquitur: Charulam illam perdidimus, in quâ tam supra quàm infra Chalcedonense concilium criminamini, quod adversus Eutychemianam est hæresim congregatum. Propter quod dicite nobis, qualem opinionem de Eutyche habetis? Orientales dixerunt: Tanquàm hæreticus, magis autem princeps hæresis. Reverendissimus episcopus dixit: De Dioscoro verò, et secundo in Epheso concilio, quod ab ipso congregatum est, qualem? Orientales: Tanquàm orthodoxum. Episcopus dixit: Si Eutychem velut hæreticum condemnatis, quemadmodùm Dioscorum, et cum eo congregatos, orthodoxos dicitis esse, qui Eutychem quidem hæreticum justificarunt, Flavianum verò et Eusebium condemnarunt? Orientales: Eutychem tanquàm actâ forsitan poenitentia justificarunt. Episcopus: Si ergo poenituit Eutyches, quemadmodùm illum anathematizatis? Illis verò ad hanc responsum hæsitantibus, rursus episcopus: In tantum non poenituit, quin et antequàm impleverunt, quæ in Constantinopolitanâ urbe adversus cum

gesta sunt, illum quidem tanquam orthodoxum justificarunt, Flavianum verò et Eusebium tanquam hæreticos condemnarunt. Si enim pœnituit Eutyches, rogari oportuit eos, non condemnari. Ut autem dicamus secundum vos, confessionem duarum naturarum esse hæreticam, quam exigebat Eutyches confiteri ab Eusebio et Flaviano, docebat Dioscorus laudare eum tanquam non susceptam duarum naturarum confessionem. Ut autem consubstantiali Patri secundum divinitatem, et consubstantiali matri secundum humanitatem dicere oportuit, eum omni subtilitate exigere eum, ut confiteretur, et nisi hoc fulset confessus, suscipi non oportuit. Dioscorus verò non solum quia non exigit ab eo consubstantialis confessionem, sed magis consentit contrariæ eius et perversæ confessioni, quæ dicit: Ante unionem quidem ex duabus naturis confiteor; post unionem verò, unam naturam. Et compulsi omnes, qui cum eo erant vociferari, Eutychem quidem orthodoxum esse, Flavianum verò et Eusebium impios et hæreticos. Quid ergo vobis de istis apparet?

Contradicentes dixerunt: Reverà oportuit exigi Eutychem à Dioscoro consubstantialis confessionem; sin autem, sine istà suscepit eum, et justificavit, cæcitatem passus est idem episcopus. Si ergo illum cæcitatem passum esse fatemini, ea quæ superbius dicta sunt, repetamus. Orthodoxum aut hæreticum Eutychem dicitis fuisse? Contradicentes dixerunt, hæreticum; et episcopus: Justè ergo ab Eusebio accusatur; condecenter verò à Flaviano condemnatus est. Contradicentes dixerunt: Justè; et episcopus: Si ergo justè à Flaviano condemnatus est, injustè et irrationaliter suscepit eum Dioscorus, et cum eo congregatum concilium, an non? Contradicentes: Procul dubio apparet quòd injustè. Episcopus: Quoniam ergo totum illud universale concilium, quod cum Dioscoro congregatum est, consensit, sicut vos ipse fatemini, injustitiæ et cæcitati, oportebat universalis illius concilii injustitias et cæcitates ab altero universali emendari concilio, annon? Contradicentes dixerunt: Modis omnibus ita fieri oportebat. Episcopus dixit: Chalcedone itaque justè congregatum concilium est, ut ea quæ universale concilium deliquerat, vel, sicut vos dicitis, minùs viderat, ab universali concilio corrigeretur. Contradicentes dixerunt: Benè quidem, et necessariè congregatum est, si et justum finem suscepit. Et infra: ante omnia inquam contradicentes:

Peccavit concilium tradens duarum naturarum novitatem, etc. Contendunt enim hæretici concilii sanctiones beato Cyrillo, Athanasio, ac aliis Patribus fuisse contrarias: sed Catholici manifestò ostendunt Chalcedonensis concilii doctrinam concilii et Patribus valdè consentaneam.

Plura alia collatio illa scitu digna continet, quæ brevitatis gratiâ omitto. Constat igitur ex hæc collatione apertissimè ratio, ob quam fuerit damnatus Dioscorus. Sed demus Dioscorum fuisse virum sanctissimum, qualem sectatores suorum dogmatum mentiuntur, inhærendumne erit unius Dioscori sententiæ, an potius standum tot sanctis in Christo Patribus congregatis?

#### ARTICULUS XXV.

##### *Solvuntur objectiones schismaticorum contra concilium Chalcedonense.*

Leontius Byzantius, monachus orientalis, in novâ Laurâ S. Sabæ propè Hierosolimam, ut Antonius Possevinus, tomo 2 Appar. Sac. verbo *Leontius* tradidit, acerrimè contra Eutychianos, Nestorianos et Severum hæreticos scripsit. Idem ipse Apologiam edidit contra eos qui synodum Chalcedonensem calumniantur, et licet librum peculiaremque tractationem, qui inscribitur: *Solutiones argumentorum Severi*, ediderit, in prædictâ verò Apologâ breviter hereticorum argumenta contra synodum Chalcedonensem solvens, eam ut par erat viro catholico, laudat dicens: « Quia nonnulli à sanctâ catholicâ et Apostolicâ Ecclesiâ recedunt, propter causam, quæ magis eos cum Ecclesiâ conjungere debebat, eam non possem ferre ut membrum *nullum necessarium à nobis avelleretur*, existimavi operæ pretium esse, suspiciones quasdam ipsis de synodo Chalcedonensi injectas, tanquam vapores quosdam excitatos dissolvere, ne quis mendaciis contra sanctos Patres anticipatus, ab spirituali matre suâ et nostrâ, ab Ecclesiâ, inquam, communi abstraheretur. Conatur enim accusare synodum Chalcedone voluntate Dei coactam, tanquam non rectè habentem, sed potius novitatem novorum dogmatum introducentem; et hæc simulatione usi se ab Ecclesiâ separant, quos quidem conabimur docere, si tamen doceri volunt, non rectè eos sentire; nec justè ad hanc calumniam moveri. Omni igitur patrocinio prætermissio, illud solum et primum dicimus, quòd sancta synodus in omnibus cum synodo Nicænâ convenire cernitur; item cum synodo Constantinopolitanâ 150



sanctorum Patrum, in quibus de perfectâ dogmatum cognitione certârunt, et victoriâ partâ coronam tulcrunt; atque ita quidem convenit, ut cum sententiâ etiam verborum ipsorum ordinem servet, et hæc tanquàm leges aliquas fixas et stables, quæ dissolvi non possunt, sequitur, procul fugiens ab insanâ Eutycheis, et blasphemum os Nestorii longè abiciens, cujus auctoriâ accusat, sicut sapientes illi, et fidei defensores. Quòd verò ita sit, et Patres illi reverè hoc certamen susceperunt, ut in commune lucrum conferret, ex ipso argumento et materiâ licet intelligere, et datum testimonium producere; omnia enim ipsorum SS. Patrum collegimus, et cum illis ex synodo inter se collata, iis qui veritatem rectè excutere et dignoscere voluerint, proposuimus. Attendentes igitur ea quæ in synodo dicta sunt, facilè demonstrationem capietis, ne minimùm quidem synodum Chalcedonensem à rectâ sententiâ sanctorum Patrum discessisse: »

Exponit deinde fidem quam sancta synodus adhærens Patrum vestigiis, præcipuè B. Cyrilli Alexandrini, professâ est, et infra addit: « Cum hæc ita sint, et res ipsæ ferè vocem emittant, et clamant, quis jam contentiosus *ἐκτροχὸν ἀντιπαρῶν*, et accusans reprehendet, quæ fortiora sunt, quàm ut reprehendi possint, et synodum criminabitur, quæ cum iis quidem, qui nihil sani afferunt, pugnat, cum Nestorio inquam, et cum Apollinario, et cum iis qui cum illis sentiunt; veros autem doctores et orthodoxos diligit, et adjuvat Cyrillum et similes, divinasque regulas nunquàm transit, neque quidquam novum aut proprium parit, quòd potius antiquis inhaeret tanquàm cuitdam fundamento immobili, et, ut breviter dicam, quæ in synodo Chalcedonensi acta sunt, per omnia cum sanctis Patribus concilii Nicæni consonant, ut ipsa demonstrant. Quæ illi sanxerunt Patres concilii Chalcedonensis ab illis sancta exposuerunt et interpretati sunt, et se unam fidem scire prædicaverunt, et unum *Symbolum*, et solum, quod illi tradiderunt, et defuerunt præluxisse rectam fidem, et omni reprehensione carentem à sanctis Patribus synodi Nicænæ expositam et editam, et hæc *ἀπαρρηγήσθαι*, id est, intactam manere jusserunt; et hoc Symbolo ab illis edito, eos qui ab errore, aut aliâ opinione converterentur, et saltem consequi vellent, armari et erudiri mandârunt. Hinc igitur liquet eum qui cum hac synodo pugnat, bellum cum Nicænâ synodo suscipere. Reperitur etiam contradicere sancto

Cyrillo: illius enim sermonibus Patres hujus synodi gloriantur, et in omnibus cum fide ejus et verbis consonant ac consentiunt. Postquam igitur docuimus synodum Chalcedonensem per omnia cum sanctorum Patrum dogmatibus convenire, nihilque ab eis alienum habere cognoscamus, quæ sint et quales hæreses, quibus hæc synodus repugnat, et quantum certat pro impiis dogmatibus dissolvendis. Sic autem cognoscemus. »

Et post pauca, Acephalorum argumenta dissolvit, dicens: Sunt præterea quædam alia, quæ Acephali contra synodum Chalcedonensem objiciunt, quorum etiam meminisse oportet. Aiunt non debere recipi synodum Chalcedonensem, quia qui in eâ congregati sunt, erant iudicio inconstanti et à se dissentientes: fidem enim Byzantii Eutychem eiecerunt, et hunc Ephesi cum Dioscoro receperunt, eiectione Flaviano: et rursus iidem Chalcedone Flaviano receperunt, Dioscorum verò eiecerunt. Ad hoc dicimus, non oportere cogitare, quæ hominibus evenire solent, multis enim sæpenuerò hoc accidit, et fortassè, qui existimatione præstant. Cæterùm, et si quinquè, aut amplius, vel etiam trigintâ, ex sexcentis reperti sunt, ut dicitis, instabili sententiâ et iudicio, non propterea oportet synodum sexcentorum virorum repudiare, quandoquidem iidem Ephesi etiam cum Dioscoro congregati fuerunt; neque tamen propter eos synodum talem Ephesinam repudiatis.

« Rursus aiunt: Si, ut Anatolius Constantinopolitanus dixit, non propter fidem depositus est Dioscorus, sed quia excommunicationem fecit domino archiepiscopo Leonî, et tertio vocatus est et non venit, quare non recipitis eum? Resp. Dioscorum manifestè fuisse hæreticum; nam in illo concilio Ephesino approbavit Eutychetis errorem, ut fatius in fine superioris capituli ostendimus. Ideò autem dixit Anatolius Dioscorum non fuisse damnatum ob fidem, quia reipsâ damnatus non fuit, quòd erraverit in concilio Ephesino secundo, sed quòd parere noluerit in Chalcedonensi, cum ter fuisset vocatus. Ut enim constat ex Nicephoro, lib. 15 Historiæ cap. 4, et ex ipso concilio Chalcedonensi actione primâ post epistolam imperatoris ad Dioscorum; ipse initio interfuit concilio Chalcedonensi, et ibi seipsum excusavit, quòd solus non fuerit in synodo Ephesinâ secundâ, et quòd vi potius atque ignorantia, quàm voluntate condemnaverit Flaviano, et secutus fuerit Eutychem;

sed ab aliis episcopis, qui synodo Ephesinæ secundæ interfuerunt, falsitatis convictus est: et illi quidem veniâ petiâ sui erroris, in concilio admissi sunt; Dioscorus verò interfuit sanè actioni primæ concilii Chalcedonensis, verùm cum multa et aliâ crimina in actione tertiâ objecta fuissent à concilio, ut colligitur ex Nicephoro loco citato, et ex Liberato cap. 13 Breviarii, ter etiam vocatus ægritudinis causam prætendens, parere noluit, neque ad concilium redire, atque eâ de causâ depositus. Hoc idem colligitur ex actione 16 ejusdem concilii in exemplari Paschasiani, quod est in fine actionis. Legatur etiam Eusebius l. 45, c. 30.

¶ Rursus aiunt quòd hæc synodus hæreticos recepit, et non licet recipere ipsam. Hoc autem dicunt de Theodoro, et Iba; dicimus, non priùs synodum eos recepisse, quàm Nestorium anathematizassent.

¶ Rursus dubitant, quare non petierunt à Theodoro, ut quæ contra Cyrillum scripserat anathematizaret; respondemus, non oportere eos synodum de hoc accusare, sed S. Cyrillum; is enim cum in communionem cum Orientalibus, et cum ipso Theodoro venisset, non petiuit ab eo, ut quæ scripserat anathematizaret. Quod igitur non fecit S. Cyrillus, non debet accusari S. synodus non fecisse, tametsi id quod non fecit ille, fecit hæc, cum ab eo petierunt ut Nestorium anathematizaret. Quòd si demus hæreticos fuisse illos, neque sic propter hoc synodus est repudianda, siquidem et synodus Nicæna septem hæreticos recepit, qui et antea Ariani fuerant, et postea in hæresi perseverarunt, neque propter hanc causam dicitur synodus centum undecim Patrum, sed centum sedecim. Siquidem et Juvenalius episcopus Hierosolymitanus, et alii multi episcopi, qui Ephesi cum Dioscoro reperti sunt, synodo Chalcedonensi interruerunt, neque tamen propter hoc ipsi synodum illam *Ephesi repudiant, sed potius amplectuntur*. Hæc Leontius, sed plura qui videre desiderat, legat eundem Leontium libro de Sectis, præcipuè actione 6, et hæc de argumentis historicis, quæ hæretici obijciunt in sanctam synodum.

#### ARTICULUS XXVI.

*In Christo Domino post unionem duas esse naturas, divinam et humanam, omninò distinctas.*

Acephall, eorumque sectatores orientales, Eutychem, qui ansam eorum erroribus præ-

buit, nunc anathematizant, teste Leontio de Sectis, actione 5, propterea quòd Christi corpus non esse ejusdem substantiæ nobiscum traderet, ipsi verò licet duas naturas ante unionem fuisse agnoscant, post unionem verò unam fuisse tantum, ex his duabus conflata, manentibus naturis inter se inconfusis et distinctis, temerè affirmant: eodem prorsus modo ac corpus et anima, quæ citra confusionem in homine unita sunt, unum visibile, alterum invisibile, unum mortale, alterum immortale, hominis non duas naturas, sed unam tantum hominis naturam constituunt. Orientales enim hodie cum non possint intelligere discrimen inter naturam et personam, verentur duas in Christo fateri naturas, ne cum Nestorio duas etiam videantur acclamare personas.

Statuendum igitur est de fide catholica, Christum nomen esse unius personæ duas habentem naturas, divinam scilicet et humanam; hanc verò esse fidem catholicam, et ad salutem necessariam, ex sanctissimis conciliorum decretis, ac sanctis Patribus apertissimè probabimus; sed ne ex ignorantia vocum nobis error contingat, necessarium erit quatuor vocabula, quæ apud Patres passim inveniuntur, paucis explanare. Vocabula autem sunt, *substantia, natura, persona, et hypostasis*. Sciendum ergo, ut optimè advertit Leontius, de Sectis, actione primâ, substantiam et naturam apud Patres idem esse, ac rursum idem hypostasim et personam; et cum Verbum divinum assumpsit naturam singularem, scilicet humanitatem et non personam, hoc est, hominem, multum interest, tum ad Eutychianos, tum etiam ad Nestorianos hæreticos convincendos, scire quid intersit inter *personam* sive *hypostasim*, et *naturam singularem*, ut eâ re explicatâ intelligi facilius possit, maximè cohærere et consistere hanc catholicam doctrinam, Deum assumpsisse naturam non assumptâ personâ, ac post incarnationem, humanam naturam assumptam esse omninò distinctam et aliam naturam à naturâ divinâ. Et quamvis inter omnes constitutum sit in ratione personæ aliquid aliud contineri ultra ea quæ continet ratio naturæ, siquidem significatur ab omnibus vocabulo conereto (ut vocabulo *homo*), naturâ verò abstracto, nempe *humanitas*: sed quid sit hoc quod persona addat sive includat ultra rationem naturæ, et in quo ab eâ distinguatur, omissis variis dicendi modis breviter perstringemus.

*Persona* igitur creata à naturâ singulari realiter distinguitur tanquam includens ipsam naturam singularem, et præterea aliquid aliud addens re à naturâ distinctum, quod propriè est personalitas. Quam sententiam esse D. Thomæ constat ex 3 p. q. 4, art. 2. Illud verò reale, et à naturâ realiter distinctum, quod persona includit, nihil aliud est, quam ipsam personalitatem esse naturæ quemdam terminum, et complementum substantiale, quo perficitur ultimò, et constituitur substantia primò completa; qui terminus differt reipsa à naturâ singulari, tanquam id quod terminat et complet naturalem ipsius dependentiam ab ultimo termino, in latitudine substantiæ; hic igitur terminus naturæ, quo natura ultimò completur, appellatur subsistentia naturæ, personalitas, sive hypostasis.

Objicies ex hæc sententiâ sequi, fore aliquam realitatem substantialem in materiali naturâ, quæ neque sit materia, neque forma, nec compositum ex utraqûe. Respondetur. Si directè intelligas, verum est; indirectè autem et reductivè dici potest, personalitatem istiusmodi pertinere ad compositum ex materiâ et formâ. Nam si per compositum intelligas naturam singularem, ut in abstracto significatur, eatenus ad illam hæc personalitas reducitur et pertinet, quatenus est naturalis terminus et complementum ejus. Si autem per compositum intelligas completam hypostasin, seu suppositum, ad illud hæc personalitas reducitur tanquam ultimum constitutivum ejus, ut ex prædictis patet.

Nec philosophus negare voluit esse aliquid substantiale, quod non directè sit materia, nec forma aut natura ex ipsis composita, sicut satis apparet dividens in 5 Metaph. et in Prædicamento substantiæ, substantiam in primam et secundam, hoc est, in essentialiam et hypostasin seu suppositum. Sicut enim ex sententiâ philosophi essentialia constituitur per gradum aliquem positivum substantialem, ita etiam ex ejusdem mente intelligere debemus, constitui hypostasin, seu primam substantiam (quæ maximè substantia est) per gradum etiam aliquem et terminum ultimum substantialem. Neque valet, si objicias primam substantiam philosopho esse, nonnisi naturam singularem ipsam, cum singularitas faciat, ut natura, quatenus singularis est, non sit substantia secunda. Non, inquam, hæc obiectio valet: nam inter substantiam secundam et primam completam, qualem intelli-

gere potuit philosophus, media esse potest substantia prima incompletè et reductivè, quæ nimirum sit natura ut singularis. Cum enim ex naturâ ut singulari inprimis constituitur suppositum, accedente personalitate, siquæ demùm fiat substantia prima completa, non incommode natura singularis ad primam substantiam revocabitur, tametsi non sit ipsa sola directè et completè substantia prima.

Quòd si fundamentum quæras, cur ita de divisione substantiæ, atque ad eò de ratione suppositi philosophemur, respondeo illud præcipuè esse positum in revelatâ doctrinâ de hoc incarnationis mysterio, quæ et naturale lumen (ut in aliis materiis) illustrat, et tum demùm rectè consistit ac defenditur, si sic ratiocinemur, præsertim cum ista quoque secundum naturæ lumen æquè probabilia atque alia videantur.

Ex his fit, personam à naturâ in multis differre. Primò in essendo; nam natura est quædam forma, per quam, verbi gratiâ, Petrus constituitur in esse specifico; est enim natura ipsa essentialia rei, persona verò superaddit naturæ subsistentiam, quatenus est principium subsistendi in se; quare persona nihil aliud est, quam terminus et sustentaculum naturæ.

Secundò differunt in operando; nam licet ad operandum tam persona quam natura concurrant, tamen diverso modo: nam suppositum seu persona concurret ut principium quod operatur et subsistit; natura verò est principium quo mediante elicitur opus.

Tertiò differunt ex modo prædicandi: nam suppositum seu persona primò dicitur generari, produci; et ratio est, quia simpliciter esse, est esse in seipso, et per seipsum, id est, subsistere; hoc autem est suppositi, quia esse in alio est esse quasi diminutum, et natura non dicitur simpliciter esse, sed ratio essendi, quia subsistit non in se, sed in supposito. Item suppositum dicitur operator et agens; natura autem non est propriè operans, sed ratio operandi, et Joannes dicitur loqui; natura humana, quæ est in Joanne, dicitur ratio loquendi.

Præterea assumere naturam, et habere se per modum assumptis, est suppositi; habere se per modum assumpti, est naturæ; ratio est, quia assumere est totius: natura autem significatur per modum partis. Ecce differentiam, seu distinctionem utriusque, naturæ videlicet et personæ, quam differentiam non

cognoscentes, seu dignoscere nolentes Nestorius et Eutyches, simul cum Dioscoro prolapsi sunt in varias hæreses: Nestorius falso putans idem esse naturam et personam, et nullam faciens inter utrumque distinctionem, et videns in Christo duas naturas distinctas, intulit duas personas. Eutyches verò et Dioscorus dicentes idem esse naturam et personam, cognoverunt in Christo unam personam, intulerunt unam naturam: itaque tam Eutyches quàm Nestorius ex ignorantia hujus discriminis prolapsi sunt in contrarias hæreses: iste in dualitatem personarum, ille in unitatem naturæ.

Ita et hodie Orientales videntes in Christo unam personam, pro unâ personâ unam dicunt naturam; sed quæro ab illis, si natura et persona omninò idem essent, nullumque esset inter utramque discrimen, sequeretur quòd in Deo cum sit una natura, una etiam esset persona. At habemus in Scripturâ: *Pater sicut, qui testimonium dant in celo, Pater, Verbum, et Spiritus sanctus, et hi tres unum sunt*; unde evidenter apparet aliquid discriminis esse inter personam et naturam, cum in divinis natura sit una, personæ verò tres. Item peto à vobis, cum moritur aliquis homo, utrum natura moriatur, an persona? Naturam quidem mori non respondebitis; ergo persona, igitur idem omninò non sunt natura et persona? Propterea cum multæ sint atque sæcè innumerabiles hominum personæ, multasque atque innumerabiles naturas hominum dicetis? sed una est omnium hominum natura, et non una est omnium hominum persona; ergo differt natura à personâ.

Denique si Orientales renuunt duas admittere in Christo naturas, ne duas videantur admittere personas, cum ex eorum sententiâ natura et persona idem sint, sequitur quòd agnoscentes hanc differentiam inter naturam et personam, facili negotio poterunt vitare errorem quem timent, et Ecclesiæ catholicæ conformari; quòd si pertinaciter renuunt discrimen hoc confiteri, manifestè incedunt in errorem Nestorii, quem declinare se illâ viâ arbitrantur. Nam fides catholica prædicat Verbum Dei assumpsisse naturam humanam; igitur si ipsi dicunt idem esse naturam et personam, sequitur quòd personam etiam assumpserit, et sic in Christo erunt duæ personæ, ut constituerat Nestorius.

Neque prorsus audienda est aliquorum Orientalium responsio, qui non verentur, hoc

convicti argumento, fateri Deum etiam assumpsisse personam ut partem perfectionis naturæ, et (ut distinguantur à Nestorio) addidit hanc quam assumpsit personam non esse operosam, sed otiosam; non enim operatur quidquam, sed ferriatur et ab opere vacat; sed error iste terribissimus est et execrandus; nam humanitati assumptæ à Christo nihil perfectionis deest, licet propriam non habeat personalitatem, quia perfectius est, et dignius humanæ naturæ subsistere in personâ Verbi, quàm subsistere in propriâ personâ; quis enim dubitet naturam humanam sustentatam à divinâ personâ, longè perfectiorem esse in Christo, quàm in unoquoque nostrum? est enim incomparabiliter et infinîtè perfectior, subsistens in personâ Verbi; quæ cum sit infinîtè perfectionis, supplet in naturâ humanâ perfectionem humanæ personæ. Denique si in operibus naturæ nihil otiosum et frustra concedimus, quânto magis in operibus Dei, maxime verò in hoc opere omnium divinissimo!

Secundò, quia si admittunt duas personas, à fortiori duas etiam naturas distinctas post incarnationem admittere debent, quia distincta persona naturam distinctam omninò supponit. Tertio, quare si admittitis duas naturas, duas etiam non admittitis voluntates, quarum altera sit operosa, altera otiosa? Quarto, quare post incarnationem dicitis unam naturam et non unam etiam personam? sed adversus hunc errorem infra latius oppugnantem Nestorium dicemus.

Præterea absurdissimus error est, asserere in Christo ante unionem duas illas esse naturas: quomodò enim in Christo fuerunt ante unionem, si ante unionem non fuit formaliter Christus ut talis. Idque patet manifestè ex plurimis locis Scripturæ, præcipuè ex cap. 1 Joannis; ibi enim ille Christus, qui habitavit in nobis, dicitur ipsum Verbum incarnatum, ut patet ex illo contextu sermonis: *In principio erat Verbum, etc., et Verbum caro factum est, et habitavit in nobis, et vidimus gloriam ejus, gloriam quam usquegenit à Patre, etc.* Quomodò igitur in Christo, hoc est, in Verbo ante unionem fuerunt duæ naturæ, divina et humana, si ante unionem Verbum non fuit incarnatum? Rectissimè itaque S. Leo Epistolâ 10 ad Flavianum, cap. ultimo (quæ in concilio Chalcedonensi fuit approbata), cum illa verba Eutychetis retulisset: « Confiteor ex duabus naturis fuisse Dominum nostrum ante adunationem, post adunationem verò unam naturam

« confiteor, » addit: « Miror tam absurdum, tamque perversam ejus professionem, » etc. Cùm tam impiè duarum naturarum ante incarnationem unigenitus Dei Filius fuisse dicitur, quàm nefariè, postquam *Verbum caro factum est*, natura in eo singularis asseritur.

His igitur præmissis, contra errores alios, ut certissimum statuamus, Christum Jesum unâ constare personâ, duabus naturis, divinâ et humanâ, inter se conjunctis, non confusis, salvâ cujusque naturæ proprietate; fides enim catholica agnovit semper in Christo post incarnationem duas integras et perfectas naturas, divinam et humanam, quæ sine ullâ permutatione ac confusione, aut inter ipsas compositione, in verâ personâ Verbi subsistant, neque divinam naturam in humanam, vel humanam in divinam fuisse conversam, neque tertiam per commixtionem resultasse, sicut ex animâ rationali et corpore, ut Orientales hodie fatentur.

Primò hæc veritas ex Scripturâ probatur, et ante omnia duas esse in Christo naturas, testantur illa Domini verba Joan. 3: *Nemo ascendit in caelum, nisi qui descendit de caelo, Filius hominis, qui est in calo*. Nam iste, qui loquebatur, secundùm eam naturam, per quam videbatur et loquebatur, ac Filius hominis erat, non descenderat de caelo, aut tunc cùm loquebatur erat in caelo. Ergo alteram habuit, nempe divinam, secundùm quam descenderat, et erat in caelo. Deinde nullo modo fieri potest secundùm eandem naturam Christum esse æqualem Patri, et minorem; at Joan. c. 13: *Eg*, inquit, *et Pater unum sumus*, et c. 14: *Pater*, inquit, *major me est*. Igitur secundùm unam fuit æqualis Patri, secundùm aliam minor. Præterea, *Antequàm*, inquit ipse Christus Joan. 8, *Abraham fieret, ego sum*. At idem natus erat temporibus Augusti; nequit autem fieri, ut idem secundùm idem fuerit ante et post Abraham. Item, quod S. Thomas, Joan. 20, viderat et tetigerat in Christo, non erat Deus, sed caro, et tamen exclamavit dicens: *Dominus meus et Deus meus*. Igitur ille, cujus carnem viderat, simul erat verè Deus et homo, quod etiam apertè constat Actorum secundo: *Dexterâ* (inquit Petrus) *Dei exaltatus effudit hoc domum*. Nam exaltari non est Dei, sed creaturæ; effundere Spiritum sanctum non est creaturæ, sed Dei. Item, *Spiritus sanctus posuit vos regere Ecclesiam Dei, quam acquisivit sanguine suo*, etc.

Jam verò illas naturas non esse permixtas

satis ex sacrâ Scripturâ constat, quæ frequenter asserit naturam divinam esse prorsus immutabilem: Malach. 3: *Ego Deus, et non mutor*. Et Jacobi primo: *Apud quem non est transmutatio*, etc. Itaque stare non potest tertium, quod Eutyches dixit, divinitatem in humanitatem, aut contra, fuisse conversam. Nam fieri non potest, ut nullo modo mutetur, vel quod in aliud convertitur, vel id, in quod convertitur aliud. Præterea Christum Dominum reverà fuisse natum ex Virgine, passum, mortuum, sepultum, et resurrexisse tertîa die, ac postea caelos ascendisse; neque eundem Christum, non secundùm divinitatem, sed secundùm humanitatem, non simulatam, sed veram, fuisse passum, contra errorem seu potius delirium Eutychetis passim, ac luce ipsâ manifestiùs Scripturæ fatentur; sed quia hodie Orientales in hoc etiam Eutychetem damnant, non opus est in his ampliùs immorari.

Restat igitur, ut ex conciliis et Patribus sententiam catholicam de duabus in Christo naturis comprobemus. Plurima sunt concilia in quibus error iste expressè damnatur. Primò in Chalcedonensi concilio ex instituto, et præsertim actione 5, in Symbolo fidei, ubi sic dicitur: « Confitemur in novissimis diebus Filium Dei unigenitum in duabus naturis, inconfusè, immutabiliter, indivisè, inseparabiliter agnoscendum, nunquàm sublatâ differentia naturarum propter unionem. » Item in concilio Constantinopolitano (quod est quinta synodus generalis) can. 2, 7, 8, 10, 11. Ubi in canone illo 8, sic dicitur: Secundùm substantiam dicentes carnem unigenitum Verbum unitam esse, non confusionem quandam ad vices naturarum factam fuisse dicimus, magis autem naturæ manente naturâ, hoc quod est unitum, intelligimus esse carnem Verbum. Item in VI synodo generali, actione 4, in concilio Lateranensi, sub Martino primo, consultatione 5, can. 5, 6, 7 et 8, in concilio Hispalensi II, cap. 1, et passim in aliis; quibus denique adde Symbolum Athanasii, ubi eandem veritatem Ecclesia proficitur maxime in illis verbis: « Unus, sed assumptione divinitatis in carnem, sed assumptione humanitatis in Deum: ut, omninò non confusione substantiæ, sed unitate personæ. »

Tertio repugnat error orthodoxis Patrum sententiis: inprimis S. Cyrillus Alexandrinus apertissimè variis in locis hanc veritatem testatur, in Epistolâ 8 ad Nestorium, ubi referens fidem et sententiam concilii Nicæni:

« Licet, inquit, differentes inter se naturæ in  
« veram sint unitatem conjunctæ, unus tamen  
« ex utrisque est Filius ac Christus, interim  
« non sublata differentia naturarum propter  
« adunationem. » Hæc Cyrillus : cujus vestigiis  
adhærens sancta synodus Chalcedonensis 650  
Patrum, Cyrilli testimonium referens, sic ait :

SYNODUS. — « Sequentes igitur sanctos Pa-  
« tres unum et eundem Filium Dominum no-  
« strum Jesum Christum, in duabus naturis  
« sine confusione, sine mutatione, sine divi-  
« sione, sine separatione cognitum, uno omnes  
« consensu docemus. » Hæc synodus. Postea  
adducit verba S. Cyrilli ex epistola ad Succen-  
sum : « Considerantes igitur, ut dixi, modum  
« incarnationis, videmus, quod dux naturæ  
« coierunt inter se secundum unionem, quæ  
« distrahi non potest, sine confusione, sine  
« mutatione. Caro enim caro est, et non divi-  
« nitas, et si Deus factus est caro, hominile, et  
« caro enim Verbum Deus est, et non caro, et  
« si propriam fecit carnem, œconomicè. » Ejus-  
dem ex eadem Epistola : « Duas naturas dici-  
« mus, unum verò Christum Filium, Dominum,  
« Dei Verbum factum hominem, et Incarna-  
« tum. » Ejusdem ex libro de fide ad Alexan-  
drinos : « Ego commixtionem non approbo,  
« alienum enim est à fide Apostolicâ, et à rectâ  
« traditione Dei. Commixtio enim deletionem  
« naturarum operatur. Uno verò ineffabilis,  
« quam qui rectè sentiunt, consentunt, utram-  
« que naturam sine confusione servat. »

SYNODUS. — « Differentiâ naturarum nequa-  
« quam sublata propter unionem. »

Cyrilli ad Nestorium : « Non tanquam dif-  
« ferentiâ naturarum sublata propter unitio-  
« nem. »

SYNODUS : « Quin potius servatâ proprietate  
utriusque naturæ. »

Cyrilli ex Epistola ad Succensum : « Etsi  
« enim unus à nobis dicitur unigenitus Filius  
« Dei, incarnatus, et factus homo, non prop-  
« terea commixtus est, sicut illis videtur. Nec  
« in naturam carnis mutata est natura Verbi;  
« imò neque carnis in naturam Verbi; sed in  
« proprietate secundum naturam, utraq; ma-  
« nente simul, et intellectâ secundum rationem  
« paulò ante à nobis redditam, uno ineffabilis  
« et inexplicabilis unam nobis demonstravit  
« naturam Filii, sed incarnatam. »

SYNODUS. — « Et in unam personam, et in  
« unam hypostasim concurrente. »

Cyrilli ex Epistola ad Joannem : « Et tanquam  
« in unâ personâ cognitus : unus enim Dominus

« Jesus Christus, etsi non ignoratur differentiâ  
« naturarum. »

Præterea S. Dionysius Areopagita, c. 3 de  
ecclesiasticâ Hierarchiâ : « Divinæ, inquit,  
« bonitatis infinita clementiâ benignissimè om-  
« ninò providentiam nostrî, nec sic quidem  
« (post peccatum) omisit per seipsam opera-  
« ri, nostrorum omnium veraciter sine pec-  
« cato particeps facta, nostræque humilitati  
« inserta, absque confusione ullâ, et maculatio-  
« ne verè et integerrimâ divinitatis suæ. » S.  
Cyrillus Hierosolymitanus catech. 4, cùm agit  
de Christi generatione ex Virgine : « Duplex,  
« inquit, erat Christus : homo quidem id quod  
« apparebat : Deus verò quod intelligebatur.  
« Comedebat quidem ut homo verè, ita ut nos;  
« similes enim nobis corporis affectiones hæ-  
« bebatur : ut Deus autem quinque panibus aluit  
« quosque millia, » etc. S. Athanasius in Evan-  
gelium de sanctissimâ Deiparâ : « Sanctifi-  
« cata, inquit, superventu Spiritûs sancti Vir-  
go eum gestabat qui ex  $\alpha\gamma\delta$  propriâ essentiâ  
Dei erat Filius, pro unicâ ejus divinitatis  
naturâ, et genuit eundem incarnatum et ho-  
minem factum, secundum duarum natura-  
rum proprietatem, eundemque duplicem et  
unum ex duobus constantem inconfusè, im-  
mutabiliter atque indivisim credi oportere  
statuimus. » Et infra : « Deus interim perfe-  
ctus et homo perfectus; unus ratione unus  
« personæ; duplex tamen naturâ. » S. Basilus  
libro primo contra Eunomium, post medium :  
« Sicut formam, inquit, assumpsisse servi, in  
« essentiâ humanæ naturæ Dominum nostrum  
« natum esse significat : sic eùm dicit in for-  
« mâ Dei esse, ad Philip. 2, divinæ essentiæ  
« proprietatem penitus declarat. » S. Gregorius  
Nazianz. Orat. in Christi Nativitatem : « Mis-  
« sus, inquit, est, verum ut homo; duplici  
« enim naturâ erat; siquidem et fatigatus est,  
« et fame et siti laboravit, et angore correptus  
« est, et lacrymas fudit, ut lex naturæ fert. »

Innumera Patrum tam Græcorum quam  
Latinorum possemus testimonia adducere :  
qui plura desiderat legat Theodoretum in  
dialogo *Inmutabilis*, et in dialogo *Inconfusus*,  
ubi prolixè testimonia omnium ferè Patrum,  
qui ante ipsum fuerunt adducuntur. Idem fe-  
cêre S. Leo in suis Epistolis, B. Vigilius l.  
5 contra Eutychetem, Gelasius in lib. de dua-  
bus Naturis, et novissimè omnia Patrum et  
doctorum usque ad nostra tempora testimonia  
concessit auctor Thesauri catholici lib. 2.  
Christo Salvatore.

Denique error iste repugnat etiam manifestè rationi; sed antequàm ulterius procedamus, notandum est pro explicatione hujus controversiæ, ex D. Thomâ, 4 contra Gentes, cap. 41, quòd uniri aliqua in naturâ non est, quòd duæ naturæ ad invicem quomodocumque uniantur: nam reverâ in Christo duæ naturæ unitæ sunt, sed quòd illæ duæ naturæ conveniant in unâ terciâ naturâ, vel essentiâ, quæ aliquo modo ex naturis unitis constituatur, sicut quòd aliquæ duæ naturæ in personâ uniantur, dicit quòd eadem persona in duabus naturis subsistat, minusque ac rationem personæ exerceat, in ordine ad utramque naturam ipsam sustentans, et proprias utriusque naturæ operationes exercens. Hoc supposito, probatur: Tunc aliqua duo uniantur in naturâ, quando uniantur in aliquâ essentiâ, quæ ex unione duarum naturarum resultet; sed implicat naturam divinam et humanam hoc modo uniri, ergo, etc. Probatur minor: Nam quæ uniantur in naturâ, necessariò habent mutuum et intrinsecum ordinem inter se, imò et essentialem dependentiam ad invicem; sed implicat naturam divinam habere aliquo modo ordinem, quia forma totalis, qualis est humanitas, cum per se loquendo sit totum, et non pars, nequit intrinsecè et substantialiter ordinari ad alterius naturæ compositionem. In quo distinguitur humanitas ab animâ rationali, quia hæc et quæcumque alia forma ex propriâ naturâ non est substantia totalis, sed potius pars alterius naturæ integræ; et ita dicit intrinsecum et substantialem ordinem ad naturam, cujus est pars, et ad aliam partem simul componentem: at humanitas et quæcumque forma totalis non dicit talem ordinem per se, et substantialem; ergo, etc.

Secundò probatur: Quando aliqua duo uniantur in naturâ, talis natura, in quâ fit unio, semper est perfectior aliis naturis, quæ in illâ uniantur: continet enim perfectionem utriusque: sed implicat dari naturam perfectiorem essentiâ divinâ: ergo nulla natura potest esse terminus hujus unionis. Tertiò probatur: In Christo post unionem sunt duæ formæ: ergo sunt duæ naturæ. Consequentia patet, quia forma, natura et essentiâ, idem sunt. Antecedens probatur ex illo ad Philippenses 2: *Qui cum in formâ Dei esset, formam servi accepit.* Sed forma Dei et forma servi sunt duæ formæ: ergo, etc. Quartò, in sacris litteris post unionem contraria enuntiantur de Christo, nempe ea quæ sunt potentiæ divinæ, et quæ sunt in-

firmitatis humanæ: sed contraria de eodem secundùm idem enuntiarî non valent; ergo enuntiantur secundùm aliam, et aliam naturam, et ex consequenti non est in Christo tercia aliqua natura ex duabus resultans.

Postremò, Christus est verus Deus et verus homo, ut constat ex sacrâ Scripturâ; ergo verè habet naturam divinam et humanam; non enim fieri potest, ut divina natura et humana fiant una natura, ut ostendit D. Thomas 3<sup>o</sup> p<sup>o</sup>, q. 2, art. 1, hæc evidenti ratione, quia si ex divinitate et humanitate fit unum, vel fit unum ordine et compositione, eo modo, quo ex pluribus lapidibus fit unus acervus, vel una domus; sed hoc dici non potest, quia Christus non esset unus per se, sed per accedens; item non esset mixtione simpliciter, sed multa simpliciter, et unum secundùm quid, quorum utrumque derogat veritati incarnationis. Vel fit unum per se, per transmutationem, eo modo, quo ex elementis fit mixtum, et hoc affirmari non potest, tum quia natura divina est omninò immutabilis, et sic neque ipsa potest in aliud converti, neque aliud in ipsam; tum quia id, quod ex mixtione resultat, ut constat ex primo de Generatione cap. de mixtione, non est ejusdem substantiæ cum miscibilibus; et sic Christus, neque esset consubstantialis Patri, neque Matri, quorum utrumque fidei adversatur. Vel fit unum per se, absque ullâ transmutatione: sed neque hoc potest dici; nam fieret unum modo quantitativo, sicut ex diversis membris fit unum corpus: et hoc non, cum natura divina sit incorporea; vel eo modo quo ex materiâ et formâ fit unum, et hoc est adhuc impossibilis, tum quia natura divina et humana sunt entia completa in actu, et ex duobus entibus in actu nequit unum per se fieri; tum quia natura divina nullius potest esse forma, præsertim corporis; tum quia alia species inde resultans esset pluribus communicabilis, et ita essent plures Christi; tum denique quia Christus aliàs neque esset naturæ divinæ, neque humanæ; differentia enim addita variat speciem, sicut unitas numerum.

Ut vim hujus rationis Patrumque sententiam manifestam effugiant Jacobitæ, hodie aliam excogitarunt suam hæresim propagandi viam, dicentes in Christo Domino duas naturas fuisse unitas, ac post unionem in illo veram fuisse divinitatem, veramque humanitatem; unam tamen factam fuisse naturam personatam, ex duabus naturis non personatis, sine tamen

mixture, aut confusione. Quare licet concedant Christum ex duabus constasse naturis, renunt tamen concedere illum in duabus naturis subsistere, ne videantur cum Nestorio duas ponere in illo personas. Sed ferè idem est, iste errandi sive dicendi modus cum aliis. Nam vel illæ naturæ non personatæ sunt ante unionem distinctæ inter se, et hoc nequit intelligi, ut jam supra confutavimus. Vel illa natura personata, quæ resultat ex duabus naturis divinâ et humanâ, est tertia natura composita ex duabus, sicut homo ex animâ et corpore, et hoc est quod Patres concilii, et ratio ipsa demonstrat esse erroneum. Si autem volunt dicere personam Christi esse compositam ex duabus naturis, hoc est, subsistentem in illis, hic sensus catholicus est; sed tunc fatendum est, cum Ecclesiâ catholicâ duas esse in Christo naturas perfectas, indistinctas, neque inter se commixtionem aliquâ aut compositionem conjunctas, duas itidem voluntates et operationes, ut jam infra etiam ostendere conabimur.

#### ARTICULUS XXVII.

*Solvuntur argumenta Eutychetis et aliorum.*

Argumenta, quibus usi sunt Eutyches, et ejus sectatores tam veteres quàm novi, ad sui erroris confirmationem, facili negotio solvuntur. Primum est, quod Joannis 1 dicitur: *Verbum caro factum est*. Est igitur natura Verbi conversa et mutata in humanam; sicut aqua illa conversa fuit in vinum, de quâ simili loquendi modo dicitur Joan. 2: *Cum vidisset architriclinus aquam vinum factam, etc.*

Respondeo primò: Si hoc argumentum valeret, falsum etiam esset, quod Eutychiani dixerunt, naturam illam unam, quæ in Christo mansit, fuisse reverà divinam. Etenim quod in aliud convertitur minimè manet: ut neque mansit aqua, postquam facta est vinum. Secundo dico, illo modo loquendi, cum scilicet unum dicitur factum aliud, non semper in Scripturâ significari conversionem, sed solam accessionem aliquam sine interitu prioris. Ut cum dicitur ad Galat. 3: *Christus pro nobis factus est maledictum*; vel cum dicitur, Luc. 2, *actus annorum duodecim, etc.*

Ita hoc explicant Athanasius in Epistolâ ad Epictetum, et Gregorius Naz. in Epist. 1 ad Cleodonium, et Ambrosius de Incarnationis Dominicæ Sacramento, c. 6, et Theodoretus in Dialogo 1, ubi prædictos Patres pro eâ interpretatione citat, et eam inde confirmat, quod

statim Joan. de eo ipso Verbo incarnato subjungit: *Et habitavit in nobis, et vidimus gloriam ejus, etc.* Unde evidenter apparet, Verbum non propterea esse destitisse. Item ex eo quod alibi incarnatio Verbi sic describitur, ut manifestum sit mansisse post eam salvâ naturâ suâ Verbum. Nam ad Philip. 2 dicitur: *Existensit semetipsum, formam servi accipiens*. Et ad Hebræos 2: *Semen Abraham apprehendit*. Manet autem omnino is qui quippiam accepit et apprehendit.

Tertiò dico ex illo ipso loco Joan. 1, potius revinci evidenter errorem Eutychetis. Nam si *Verbum caro factum est*, ergo mansit in Christo post unionem vera caro, et natura humana, quod Eutyches negabat. Manet enim id in quod aliud dicitur evadere, sicut mansit vinum illud in quod evasit aqua, et manet etiam dignitas consulis, cum dicimus de aliquo quod sit factus consul.

Secundum argumentum: Joan. 1 dicitur: *Verbum caro factum est*. In concilio Chalcedonensi, act. 1, post Epistolam Cyrilli ad Joannem Antiochenum, Eustachius episcopus Beritensis, testatus est S. Cyrillum asseruisse, non oportere intelligi duas naturas, sed unam naturam Dei Verbi incarnatam.

Respondeo: sensum esse, quod non sint in Christo duæ naturæ supposito distinctæ reipsâ et separatæ, sicut sensit Nestorius, sed naturam divinam cum humanâ naturâ conjunctam, in unâ et eadem divinâ personâ. Ita enim illud dictum Cyrilli intelligendum esse definitum est in V synodo generali, can. 8.

Et eodem modo debet accipi, quod dixit Gregorius Nazianzenus Epistolâ primâ ad Cleodonium, carnem esse deificatam; et quod in concilio Lateranensi sub Martino I, can. 5, definitur, naturam Dei Verbi fuisse incarnatam, quod etiam asserit Damascen. l. 3, c. 6. His enim modis loquendi à Patribus significatur solam illa realis et substantialis conjunctio divinitatis cum humanitate, in unâ et eadem personâ divini Verbi, non autem aliqua utriusque naturæ confusio.

Tertium argumentum est, quod aliqui antiqui Patres docent, naturam divinam fuisse mixtam cum humanitate; sic enim scribit S. Cyprianus in lib. de Vanitate Idolorum: «*Carnem Spiritu sancto cooperante induitur, Deus cum hominæ miscetur. Hic Deus noster, hic Christus est.*» Et S. Gregorius Nyssenus in Orat. Catecheticâ, cap. 25, incarnationem appellat nostræ naturæ cum divinâ commix-



tionem. Similiter loquitur Irenæus lib. 3, cap. 21, et Vigilus lib. 1 contra Eutychem. — Respondeo hoc vocabulo mixtionis Patres fuisse usos, ad significandum unionem illam esse omninò realem, et substantialem, sicut est suo modo mixtio elementorum in uno et eodem substantiali supposito, non autem ad significandum quòd sit mixtio propriè.

Quartum argumentum : S. Athanasius in Symbolo dicit : « Sicut anima rationalis et caro unus est homo; ita Deus et homo unus est Christus. » Est igitur unica natura in Christo sicut in uno alio homine. — Respondeo minimè id sequi; non enim est sensus, ita ex humanà et divinà naturà fieri unam naturam, sicut fit ex animà et corpore una humanitas; sed sicut ex animà et corpore fit una substantia, quæ est natura, ita etiam ex unione naturæ humanæ et divinæ in personà Verbi constare similiter substantiam quamdam unicam, quæ est Christi persona, ut subsistens in utràque naturà.

Quintum argumentum (quo maximè nitebatur Eutyches) : Si in Christo sunt duæ naturæ, ergo etiam duæ personæ. Qui fuit error Nestorii. — Respondeo nihil minùs sequi : Est enim alia ratio naturæ quàm personæ. Unde etiam in divinis, ubi natura et persona re non distinguuntur, credimus esse personas tres, quamvis earum tantùm sit unica natura. Possumus igitur in Christo vice versà esse naturæ duæ, et persona unica. Et hactenus de errore Eutychetis.

#### ARTICULUS XXVIII.

##### *De duabus Christi voluntatibus.*

Non solùm Eutyches, qui in Christo non esse naturam humanam veram ausus est affirmare, consequenter ab eo voluntatem humanam adimebat, sed et hæretici alii orientales, qui naturam humanam in Christo confitebantur, in eo non fuisse voluntatem humanam temerè affirmarunt; inter quos fuerunt *Monothelitæ*, sic nuncupati ab assertionè unius voluntatis in Christo, eo adducti fundamento, propterea quòd omnia operatur Christus ex nutu divinæ voluntatis.

Sed hæc error brevis et manifestè convincitur primò testimonio ipsius Christi, Lucæ 22 : *Non mea, sed tua fuit voluntas.* Ubi utramque voluntatem apertissimè distinguit. Item Joan. 6 : *Descendi de celo, non ut facerem voluntatem meam, sed ejus qui misit me, Patris* Ex quo loco confirmatur hæc veritas in synodo

VI generali, act. 17, ubi damnatur hæc error. Secundò ex his quæ supra contra errores aïnos ex fide constituta sunt, ducitur manifestum argumentum. Etenim vera natura humana sine voluntate humanà non consistit, ut est etiam ratione naturali perspicuum. Sed Verbum divinum assumpsit veram humanam naturam, ejusdem speciei, cujus est natura aliorum hominum. Ergo etiam voluntatem humanam.

Et confirmatur : nam potentia naturales proximè spectant ad naturam. Unde videmus in divinis, quamvis tres personæ sint, tamen quia est una natura, unicam esse voluntatem. Sed in Christo sunt duæ naturæ; ergo unaquæque suam habet voluntatem. Denique hæc etiam pertinent Patrum testimonia, quibus supra probavimus duas in Christo naturas perfectas, et in particulari in Christo esse duas voluntates docent Athanasius lib. de Trin., Gregorius Nyssen. contra Apollin., Epiphanius sermone 69 contra Marcionitas, et B. Cyrillus Alexandrinus, cujus testimonium magni faciunt omnes Orientales in sermone 10 in Matth. : « Subest quidem in Christo passio pro passionis propter humanitatem : compeccatur autem virtute inhabitantis Verbi : ait enim : *Verumtamen non sicut ego volo, sed sicut tu vis* ; humanitas quidem hoc ait : nam secundum quòd Deus est, non est extra voluntatem Patris. Sicut enim una est deitas, ita una est Patris et Filii voluntas. » Idem lib. 4 in Joannem : « Voluntaria quidem passio, eò quòd ita voluisset divina natura, involuntaria autem quantum ad carnem recusantem mortem, et secundum quòd Christus homo erat. » Idem l. 12 : « Sicut consubstantialis est, ita et convoluntarius proprio Genitori ; unius enim essentia una perfecti voluntas est. »

Nec valet quidquam argumentum hæreticorum. Nam etsi Christus omnia ex nutu divinæ voluntatis operabatur, non quia ex unà divinà voluntate omnia operaretur, sed quia humana ejus voluntas erat divinæ conformis.

Porrò iisdem argumentis patet in Christo fuisse etiam intellectum creatum præter divinum, quia est etiam humanæ naturæ potentia naturalis. Quod ex Scripturâ etiam patet Isaïæ 52 : *Ecce intelliget puer meus.* Et Matth. 8 : *Audiens Jesus miratus est,* quod pertinet ad intellectum. Item ex Augustino, l. 83, q. 80, contra Apollinaristas, qui animam rationalem, et intellectum in Christo negabant, inferentes

quòd tunc Verbum belluam quamdam cum figurâ humani corporis suscepisset. Item iisdem argumentis efficitur, reliquas animæ potentias sensitivas esse in Christo, atque etiam liberum arbitrium. Nam liberum arbitrium nihil aliud est quàm voluntas ipsa, prout tendit in sua objecta cum indifferentiâ quâdam. Neque obstat quòd Christus nullo modo peccare potuerit: nam potentia peccandi non est de ratione liberi arbitrii.

Unde Augustinus in lib. de Prædestinatione Sanctorum c. 15, de Christi impeccabilitate loquens: « An ideò, inquit, in illo non libera voluntas erat, ac non tantò magis erat, quantum magis peccato servire non poterat? »

#### ARTICULUS XXIX.

##### *De duabus Christi Domini operationibus.*

Orientalium etiam hodie error est, qui etiam fuit quondam Monothelitarum, in Christo tantùm fuisse unicam operationem, nempe divinam, tametsi diversa per illam operaretur. Idque probabant, quia omnia fiebant ab eodem Verbo divino. Damnatur hic error in VI synodo, act. 4, 8 et 9, ubi inter cætera sic legitur: « Duas naturales operationes indivisæ, inconvertibiliter, inconfusæ, inseparabiliter in eodem Domino Jesu Christo vero Deo nostro glorificamus, hoc est, divinam et humanam. » Ponuntur autem illæ particule, *indivisæ, inconvertibiliter*, ad ostendendum ab unâ et eadem personâ Verbi utriusque generis operationes, salvâ differentiâ ipsarum, profectas esse.

Piena etiam sunt Evangelia manifestissimis Christi operibus, quibus ostendi possit duas esse in Christo operationes. Primùm enim una est Patris et Filii operatio, sicut et natura, ut patet ex illis locis Joan. 16: *Omnis quæ Pater habet mea sunt. Et quæcumque Pater facit, hæc et Filius similiter facit. Ne quis autem putaret alia Patrem, alia Filium operatione operari, ait, ibid. c. 5: Pater in me manens ipse facit opera. Item: Non potest Filius quidquam facere, nisi viderit Patrem facientem.* Quòd autem Filius præter hanc divinam operationem, aliam diversam habeat, non communem cum Patre, adeò apertum est, ut supervacaneum videatur id velle probare. Nam quòd inter homines conversabatur, loquebatur, ambulabat, comedebat, oculis, manibus, pedibus, reliquisque corporis membris et animæ sensibus et potentiis operabatur, id certè Patri commune cum eo non erat, nisi quis

Patrem incarnatum esse dicat simul cum Filio: quod est nefas dictu. Cùmque Filius solus, et non Pater, nec Spiritus sanctus naturam humanam assumpserit, corpusque et animam habuerit; certè ea quæ per animam et corpus exercebat, Patri aut Spiritui sancto tribui non possunt, sed soli Filio: et quis unquam dixit Patrem esurisse, fatigatum ex itinere, seu illum super puteum collocatum cum Samaritanâ, disputasse in templo cum Judæis, aliaque hujusmodi multa fecisse, quæ de Christo referunt Evangelistæ? An etiam illud Patri tribuendum est, quod Lucas de Christo ait: *Et erat subditus illis*, et quòd Patrem sæpè oraverit, quòd et missum à Patre in mundum, dicit, quòdque ait non suam gloriam querere, sed Patris, et ejusmodi alia plurima. Nimis profectò obtusæ mentis est, qui hoc non videt; nimis obstinata, qui cùm viderit, tamen credere non vult, cùm præsertim id senserint omnes catholici Patres.

Præterea illi qui in Christo concedunt duas naturas, ut omnes tenent Catholici, necesse est, ut duas conflentur voluntates, duas operationes, cùm ad naturæ veritatem pertineat operatio ei conveniens. Unde Ambrosius lib. 2 de fide ad Gratian. cap. 4: « Numquid potest una operatio esse, ubi diversitas est substantiæ. » Atque eodem argumento convincitur, in Christo fuisse non tantùm operationem humanam, sed etiam plures humanitatis operationes, quales sunt aliorum hominum. Tametsi omnes illæ potuerint, maxime in Christo, dici unica operatio, si spectemus earum quasi principium, nimirùm humanam rationem ac voluntatem in Christo, quâ dirigebantur seu imperabantur omnes.

Fundamentum verò illorum hæreticorum nullius proorsus momenti est: quamvis enim idem Verbum divinum esset principium omnium Christi operationum, tanquàm suppositum; non tamen illas omnes efficiebat per eandem naturam, ut per formam, sed per diversas, scilicet per divinam et humanam. Itaque diversæ omninò ejus operationes fuerunt.

Sed ut in catholico sensu aliqua Patrum dicta commodiùs intelligantur, ex sententiâ theologorum doctissimorum notandum est, operationum in Christo triplex genus distingui posse. Nam primò, quædam fuerunt tantùm divinæ, ut creatio et gubernatio mundi. Secundò, aliæ Christi operationes fuerunt humanæ tantùm, ut deambulatio, comestio. Quæ

operationes idè dico humanas tantùm , quoniam conveniunt etiam aliis puris hominibus naturaliter, tametsi et à supposito divino ejusmodi operationes Christi proficiscerentur, et ad eas divinitas generali concursu cooperata sit, quod negavit Durand. in 3, dist. 18, q 1, quia nimirùm in universum alioqui existimant, Deum non concurrere immediatè efficiendo ad effectus causarum secundarum.

Tertii generis operationes possumus in Christo nominare mixtas, seu duplices, id est, partim divinas, partim humanas, quia licet uno eodemque vocabulo significantur, verè tamen sunt duplices : ut justificatio impij, suscitatio mortuorum, et aliorum miraculorum patratio. Hujusmodi enim nominibus partim significamus actionem divinam principalem, quæ scilicet suâ vi attingit principalem effectum (nempe gratiam, vitam miraculosè restitutam, etc.), partim etiam actionem humanam, videlicet instrumentalem humanitatis Christi, quæ à verbo divino, tanquam instrumentum usurpata, contulit etiam miraculosè aliquid ad ejusmodi effectus, ut vox Christi revocantis ad vitam Lazarum, etc.

In quibus actionibus et illud animadvertendum est, peculiari quâdam ratione divinam actionem Christi principalem, humanitati adscribi; et vicissim instrumentalem actionem humanitatis, divinitati. Quam ob causam appellavi etiam has actiones duplices et mixtas. Quia enim principale agens effectum attingit, conferente ad id instrumento, peculiari ratione actio principalis agentis pertinet etiam ad instrumentum. Unde dicimus scannum, v. g., à serrâ fieri, quia participatur veluti à serrâ actio principalis artificis conficientis scannum. Et rursus quoniam principale agens usurpat instrumentum, ejusque actionem ad effectum principalem, ipsi etiam peculiari ratione adscribitur actio propria instrumenti. Unde dicimus artificem secare, v. g., scannum, cum propriè secet serrâ.

Ille igitur Christi operationes, justificatio, suscitatio mortuorum, etc., duplices atque etiam mixtæ à nobis dicuntur: non tantùm quia hujusmodi nominibus partim significatur actio divina, partim actio humana, ut dictum est; sed etiam, quoniam divina illa actio, quæ significatur, peculiari ratione adscribitur non tantùm divinitati, sed etiam humanitati, tanquam instrumento. Itemque vicissim actio humana, quæ illis nominibus significatur, tribuitur ratione peculiari divinitati, quæ ejusmodi

actione instrumentali utitur. Et hic rectè tum divina, tum humana hujusmodi actio mixta atque duplex dici potest, ex parte etiam sui principii sui causæ.

• Ac de hoc quidem tertio genere operationum Christi intelligendum est, quod B. Dionysius libro de divinis nominibus c. 2, disserit de operatione Christi, quam vocant *Theandricam*, id est, Dei et hominis simul. Item illud, quod B. Leo in Epistolæ 10 ad Flavianum c. 4, scripsit: « Agit (inquit) utraque forma (id est, « natura) in Christo cum alterius communione « quod proprium est; Verbo scilicet operante, « quod Verbi est, et carne exequente, quod « carnis est. »

At in universum ad istud tertium operationum genus referendæ sunt omnes sententiæ similes, quibus significari videatur Christum per utramque naturam communiter seu simul fecisse, quod fecit. Hoc enim non ita ab orthodoxis dicitur, quia sit tantùm una et eadem utriusque naturæ operatio: sed quia vicissim utriuslibet naturæ operatio, quantumvis propria et distincta, tribuitur suo modo alteri etiam naturæ (ut explicatum est) atque ita utraque natura agit cum alterius communione, in illo quidem genere tertio mixtarum et duplicium operationum.

#### ARTICULUS XXX.

*In Christo Domino non duas, sed unicam tantum esse personam, contra Nestorianos.*

Indubitata est apud orthodoxos omnes affirmativa pars hujus sententiæ: pro ejus tamen intelligentiâ explicare oportet, in quo propriè consistat hæc unio, quæ facta est duarum naturarum in personâ Christi. Omnis igitur alius philosophandi modis, tenendum erit hanc unionem in eo consistere, quòd natura humana careat propriâ subsistentiâ, assumptaque sit à Verbo ad ipsam subsistentiam Verbi. Tribus siquidem modis possunt aliqua uniri, primò ut partes rei essentielles, quomodò materia et forma, genus et differentia, ex quibus resultat composita natura; quo certè modo non est facta unio in Verbo; unio enim partium essentialium ex imperfectis ad perfectum procedit. Secundò, ut accidens et subjectum, vel substantia cum substantiâ, ex quibus resultat forma accidentalis; at neque Verbum est subjectum humanitatis, neque ex unione cum Verbo resultat accidentalis perfectio. Tertio, cum substantiâ, quæ alioquin per se subsisteret, trahitur ad subsistentiam alterius, et ab

illo duntaxat pendet; qualis unio Verbi et humanitatis: quæ solet quibusdam declarari exemplis.

Primum est animæ cum corpore: nam separata per se subsistant, unita verò, una utriusque est subsistentia; sed cum utrumque sit naturâ imperfectâ, neutrumque trahat aliud ad sui subsistentiam, sed pendeat à tertiâ, quæ totius composita est, deficit in eo exemplum: nam nec Verbum est naturâ imperfectâ, nec à tertiâ pendet subsistentiâ, sed ad suam trahit subsistentiam naturam humanam. Secundum est ferri igniti, quod proprietates et ferri et ignis habet, sed maximè deficit. Nam calor Deum representans sustentatur à ferro, non est substantia, nec dicitur ferrum, quæ non consonant Verbo hypostaticè unito. Tertium hominis, in quo duæ accidentales formæ, ut medicina et jurisprudentia: unum enim suppositum est, variæ tamen appellationes, et communicatio idiomatum; verum hujusmodi formæ non trahuntur ad subsistentiam propriè hominis: nam accidentium propriè non est subsistere. Quartum est arboris, verbi gratiâ, piri, cui inseritur ramus mali. Nam illa pirus est substantia prima, atque ideò suppositum verum, nec pendet à ramo insito, quem tamen sustentat, qui alioquin per se existeret, sive subsisteret, atque jam vocatur pirus et malus, et producit pira et mala, ac dici potest pirus malus, et è contra. Quod si malus ille forsitan siccaretur, et reviresceret, non propterea pirus mutaretur, sed tota mutatio contingeret in ramo.

Ita Verbum instar magnæ arboris suscepit ramusculum humanæ naturæ, suo trunco à cælesti Agricollâ mirabiliter insertum, unde Verbum Deus et homo operâ divinâ et humanâ egit: nec Verbum ab humanitate, sed hæc ab illo dependet. Cumque per passionem et mortem humanitas quodammodò aruisset, ac deinde per resurrectionem reflorisset, nulla mutatio in Verbo, sed tota in humanitate contigit. In hoc tamen exemplum deficit, quod ramus non sit arbor perfecta: caret enim radicibus et trunco, et quod antequàm insereretur, per se reverà subsisteret.

Unionem igitur hypostaticam in eo consistere probatur, primò, quia ex Scripturis habemus unam esse in Christo personam, duas verò naturas: at si duæ subsistentiæ essent, duæ quoque personæ. Quid enim in naturâ intellectuali singulari totali addit subsistentia, nisi personalitatem? si una, non communicavit hu-

manitas suam Verbo, ut omnes faterentur, cum propriâ careat; igitur Verbum suam humanitati; in hoc igitur consistit incarnationis mysterium. Secundò Epistola Alexandr. à conciliis probata Ephes. et Chalcedonensî: « Si quis, inquit, non confitetur carnî secundam subsistentiam unitum Dei Patris Verbum, anathema sit. » Item: « Si quis in uno Christo dividit subsistentias post unionem, anathema sit, » etc. Conc. Chalced. : « Salvâ utriusque naturæ proprietate, et in unam personam ac subsistentiam concurrente, unigenitum Filium, et Deum Verbum agnoscerimus. » Synod. general. V : « Si quis introducere conatur in mysterio Christi duas subsistentias, vel personas, et unam personam dicit per dignitatem et honorem, et adorationem, et non confitetur Verbum carni substantialiter unitum, et propterea unam esse ejus subsistentiam, etc., anathema sit. »

Error igitur fuit Nestorii et sectatorum ejus, Christum non unicâ personâ, sed duabus contineri, divinâ scilicet increatâ, et creatâ humanâ, quarum altera (scilicet divina) sit Filius Dei, omnipotens creator; altera verò, scilicet creata, tantum sit filius hominis, natus, passus, mortuus; ita ut non idem omninò secundam eandem personam fuerit Filius Dei, et Filius Virginis, creator factus, impassibilis et passibilis.

Quoniam autem Scriptura de Christo loquitur, tanquam de uno, unum, seu unam personam, ipsum esse ac dici, aiebat Nestorius, non unitate simpliciter substantiali aut naturali, sed secundam quid et per accidens, propter varias rationes, quas possumus colligere ex testimonio S. Cyrilli, sicut eas etiam ex concilio Ephesino, et aliis synodis collegit diligenter sanctus Thomas 3 p. q. 2, art. 6

Nempe, 1° propter inhabitationem unius personæ in alterâ, scilicet divinæ in creatâ, tanquam in templo. Unde dicebat Christum secundam creatam personam, non esse Deum, sed *Deiferum*, et ideò ipsum nominari *Emmanuel*, quod significat, *nobiscum Deus*. 2° Propter conjunctionem affectûs, quoniam fuit voluntas personæ creatæ, cum voluntate personæ divinæ prorsus conformis. 3° Propter communionem operationis, quia persona creata fuit instrumentum Verbi divini. 4° Propter communionem ejusdem dignitatis et honoris divini, qui etiam illi personæ creatæ, tanquam templo divinæ personæ tribueretur. 5° Quoniam ob dictas rationes filius hominis diceba-

tur quadamtenus Filius Dei, et è contrario; Itemque homo Deus, et vicissim.

Fuisse hanc Nestorii sententiam, accuratè collegit præ aliis Gregor. de Valentia 5 p. q. 2, disp. primâ, puncto 2, tum ex canonibus concilii Ephesini, et quintæ synodi generalis, tum ex testimoniis S. Cyrilli, testimoniaque sanctæ Scripturæ et Patrum breviter recenset, quibus Nestorianorum hæresis faciliè convincitur: quæ etiam nos in hoc capite ac parte adducimus.

Fuit autem error Nestorii (ut ex dictis apparet) errori Eutycheis per extremum contrarius. Nam Eutycheis sic personam unam Christi confitebatur, ut naturas etiam confunderet, faceretque ex utrâque unam. Nestorius autem ita naturarum differentiam credidit, ut unicuique illarum personam suam distinctam attribueret. Ecclesia catholica incedit mediâ viâ, quæ et naturas contra Eutycheum distinguit, et contra Nestorium retinet personæ unitatem.

Quam sententiam Ecclesiæ orthodoxæ ita declarârunt Patres in conc. II Constantinopolitano (id est, in sanctâ synodo generali), can. 4: « Cùm multis, inquit, modis unitas in- » telligatur, qui iniquitatem Eutycheis et » Apollinarii sequuntur, in peremptionem co- » rum quæ convenerunt colentes, unitiorem » secundùm confusionem prædicant. Theodori » autem et Nestorii sequaces divisione gauden- » tes, affectualem unitatem introducunt. Sancta » verò Dei Ecclesia utriusque perfidiæ impie- » tatem rejiciens, unitiorem Dei Verbi ad car- » nem secundùm compositionem confitetur, » quod est secundùm subsistentiam. » Pro hæc sententiâ orthodoxâ, contra prædictum errorem Nestorii, urgent aliqui, Christum fuisse verum Deum et verum hominem; quasi contrarium ponatur secundùm opinionem Nestorii: sed nisi aliter argumentum formetur, non videtur satis firmum. Concessit enim Nestorius Christum verum Deum, et hominem verum fuisse, quamvis secundùm aliam et aliam personam, ex quibus Christus constaret. Quare id propriè contra illum est probandum, unam et eandem personam Christi fuisse verum Deum et verum hominem.

Id autem potest primò probari ex Scripturâ sacrâ, quinque modis, seu quinque generibus testimoniorum. 1º Sic: Christus ita fuit verus Deus, et verus homo, ut et homo ille, qui Christus est, verè et propriè fuerit Deus; et

vicissim Deus ille, verè et propriè homo. Sed nisi concedatur secundùm unam et eandem personam, fuisse Christum verum Deum et verum hominem, hoc verum non erit. Ergo id omninò concedi debet. Minor probatur. Quoniam hæc propositio: Homo est Deus, non potest propriè et verè concedi, nisi aliqua sit substantialis identitas subjecti et prædicati, hoc est, Dei et hominis, siquidem nomen tum Dei, tum hominis significat substantiam, et in omni enuntiatione affirmativâ significatur aut consignificatur, rationem formalem prædicati, et rationem formalem subjecti convenire in unum et idem, quod sit utrumque. At ea identitas substantialis minimè hic existit secundùm naturam divinam et humanam, ut patet: ergo necesse est eam concedere secundùm personam, quæ eadem significatur verbis illis: *Deus et homo*. Jam probatur major ex Scripturâ in illis locis quibus Christus de se loquens, tanquàm de homine, qui cum hominibus conversabatur, affirmavit simpliciter se esse Deum, atque adèe Dei cœternum, et cœqualem Filium. Ut Joan. 8: *Tu quis es? Dixit eis Jesus: Principium qui et loquor vobis*. Et Joan. 10: *Ego et Pater unum sumus*. Et Marci 14, ad pontificem interrogantem utrum esset Filius Dei: *Ego, inquit, sum*. Et Joan. 4: *Si scires donum Dei, et quis est, qui dicit tibi*, etc. Et Joan. 3: *Nemo ascendit ad cœlum, nisi qui descendit de cœlo, Filius hominis, qui est in cœlo* (nempe ut idem Deus) et Joan. 9, ad illum natum cæcum: *Tu credis in Filium Dei? Respondit ille: Quis est, Domine, ut credam in eum? Dixit ei Jesus: Et vidisti eum, et qui loquitur tecum ipse est. At ille ait, credo Domine. Et prociens adoravit eum*. Idem patet ex illo testimonio Gabriellæ, Lucæ 1: *Quod enim ex te nascetur sanctum, vocabitur Filius Dei*, id est, ille homo, quem concipies. Et ex illo ibidem Elisabethæ: *Unde hoc mihi, ut veniat Mater Domini mei ad me? Et ex illo Apostoli ad Phil. 2: Non rapinam arbitratus est esse se æqualem Deo; ut plurima omittam similia testimonia.*

2º Quia nisi eadem persona Filii Dei sit etiam homo, nequaquàm verè et propriè credi potest, Verbum divinum incarnatum esse, factumque hominem. At hoc verissimè et maximè proprie creditur, ut patet Joan. 1, et fatemur in Ecclesiæ Symbolis. Ergo non secundùm aliam personam creatam, sed secundùm illam ipsam divinam, quæ est Verbum et Filius Dei, Christus est homo. Major probatur, quia, ut albus, verbi gratâ, non dicitur per eam albedinem,

quæ est in alterâ personâ, sed per eam quam in suâ ipsius personâ habet; ita neque Filius Dei homo dici et esse potest per humanitatem in alterâ personâ existentem, neque Verbum incarnatum per carnem alterius personæ. Quod argumentum passim attingitur in concilio Ephesino primo, ubi Nestorius damnatus est.

3<sup>o</sup> Quia Scripturâ sacra ubique loquitur de Christo, tanquàm de unâ et eadem personâ, sicut est unusquisque alius homo. Impium igitur est, Christum non unicum, et plures interpretari personas. Assumptum patet ex illis omnibus locis, in quibus Christi persona significatur pronominebus illis singularibus, *ego, hic, ille*, quæ passim occurrunt. Deinde etiam peculiariter ex his, 1 Corinth. 8: *Unus Dominus Jesus Christus, per quem omnia*. Est igitur unus et idem Jesus (id est, Filius Mariæ) et Christus Filius Dei vivi, ut Matth. 16 ait Petrus, et 1 Joan. 2: *Quis est mendax, nisi qui negat quoniam Jesus est Christus?* Et 1 Joan. 4: *Omnis Spiritus, qui solvit Jesum, ex Deo non est, et hic est Antichristus*. Hoc enim maximè est Christum solvere, tollere duarum naturarum in ipso vinculum, quod est unitas personæ. Neque objiciat aliquis in exemplaribus Græcis, quæ modò extant, non legi illud: *Qui solvit, sed: Qui non confitetur*, etc. Fuerunt enim ejusmodi exemplaria olim ab hæreticis in eo loco corrupta, ut in Historiâ Tripartitâ l. 12, c. 4, videre est. Nec dubium est, quin illo modo verè legamus, cum ita contra hæresim hanc Nestorii elaverit eum locum S. Leo pontifex in Epistolâ 10 ad Flavianum approbatâ in concilio Chalcedonensi, act. 5. Et rursus ibidem: *Quisquis confessus fuerit quoniam Jesus est Filius Dei, Deus in eo manet, et ipse in Deo*. Et cap. 5: *Quis est, qui vincit mundum, nisi qui credit, quoniam Jesus est Filius Dei?*

4<sup>o</sup> Quia constat ex Scripturâ hominem Christum non per adoptionem, ut alios sanctos, sed longè excellentiori modo esse Filium Dei, ut patet manifestè ex illo Matth. 16: *Tu es Christus Filius Dei vivi*. Et Lucæ 1: *Vocabitur Altissimi Filius*. Et Joan. 1: *Vidimus gloriam ejus, quasi gloriam unigeniti à Patre*, et ad Galat. 4: *Misit Deus Filium suum, ut adoptionem filiorum reciperemus*. Et aliis ejusmodi evidentibus testimoniis, quibus hoc ipsum probatur. Si autem homo Christus non diceretur Filius Dei, nisi ob illas rationes quæ assignabat Nestorius, scilicet propter inhabitationem Dei in illo, tanquàm in templo, propter affectûs con-

formitatem, propter rationem instrumenti, propter dignitatem et honorem, propter appellationem Dei, solus esset Filius Dei per gratiam et adoptionem, ut alii sancti. Nam alii sancti sunt etiam templum Dei, 1 Corinth. 13: *Nescitis, quoniam templum Dei estis?* Et per illos etiam tanquàm per sua instrumenta Deus operatur; 2 Corinth. 5: *Tanquàm Deo exhortante per nos*. Et 1 Corinth. 12: *Idem Deus qui operatur omnia in omnibus*, et affectu cum Deo conjunctissimi sunt. 1 Corinth. 6: *Qui adhæret Domino, unus spiritus est*. Et appellatio Dei eis tribuitur, psalmo 81: *Ego dixi, dii estis*. Et denique cum sint etiam templum Dei, si ob id solum Christus habet dignitatem et honorem divinum (ut voluit Nestorius), illis quoque eadem ratione honor divinus deferri posset. Cum igitur longè excellentiùs (ut probatum est) Christus sit Dei Filius, quàm alii sancti, fatendum est, eum non ob illas rationes quæ assignavit Nestorius, sed planè naturâ esse Dei Filium, atque ad eundem esse substantialiter Deum.

5<sup>o</sup> Nam nisi eadem omninò persona, quæ est Deus, esset etiam Christus homo, impiè illi homini, qui Christus est, eundem honorem, quem Verbo divino tribueremus, quantumcumque esset Dei templum. Non enim idem honor templo, aut domui et inhabitanti debetur. Alioqui liceret mundum quoque adorare, quatenus in eo habitat Deus. Quod tamen manifesta esset idololatria. At divinum honorem esse Christo homini tribuendum, Nestorius etiam fatetur. Ergo, etc. Quare rectè in Ephesinâ synodo can. 7, ita scribitur: « Si quis vel ut hominem Jesum, operante Deo Verbo, dicit adjutum, et Unigeniti gloriam tanquàm alteri præter ipsum existentem tribuit, anathema sit. » Quod idem habetur can. 8.

Notandum est autem, argumenta hæc, quæ directè probant, Christum secundum unam et eandem ipsius personam fuisse Deum et hominem, simul etiam probare, illam unam personam, secundum quam Christus fuit Deus et homo, fuisse divinam et non creatam. Nam, ut est impossibile divinam naturam per creatam personam hypostatice terminari, ita est impossibile personam eam esse creatam, quæ eadem subsistit in naturâ divinâ et humanâ, atque ad eundem est Deus et homo. Subsistit enim persona in naturâ aliquâ non aliter quam hypostatice terminando illam, ut patet ex his quæ de ratione personæ disseruntur. Et hætenus de primâ probatione assertionis or-

thodoxæ contra Nestorium, petitâ ex sacra Scripturâ.

Secundò probatur eadem assertio ex fidei symbolis. Nam in Symbolo Apostolico, ipsum Filium Dei Patris unicum credimus, conceptum esse de Spiritu sancto, et natum ex Mariâ Virgine, passum sub Pontio Pilato, etc. Ac similiter in Symbolo Nicæno, « credimus in unum « Dominum Jesum Christum, Filium Dei uni- « genitum, et ex Patre natum ante omnia se- « cula », etc., qui (idem) incarnatus est de « Spiritu sancto, ex Mariâ Virgine, et homo « factus est, crucifixus, » etc. Et in Symbolo Athanasii : « Qui licet Deus sit et homo, non « duo tamen, sed unus est Christus: unus om- « ninò non confusione substantiæ, sed unitate « personæ, » etc.

Tertiò probatur ex conciliis. Concilium Ephesinum, can. 2 : « Si quis non confitetur, « carni secundùm substantiam unitum Dei Pa- « tris Verbum, unum esse Christum cum pro- « priâ carne, eundem scilicet Deum simul et « hominem, anathema sit. » Et can. 5 : « Si « quis in uno Christo dividit substantias post « unitatem, solâ societate conjungens eas, quæ « secundùm dignitatem est, vel etiam auctori- « tatem et potestatem, et non magis conventu « qui per unitatem factus est naturalem, ana- « thema sit. » Item can. 4 : « Si quis in personis « duabus, vel subsistentiis, eas voces quæ in « apostolicis scriptis et evangelicis continentur « dividit, vel quæ de Christo dicuntur à san- « ctis, vel ab ipso, et aliquas quidem ex iis velut « homini, qui præter Dei Verbum specialiter « intelligatur, aptaverit : aliquas verò tanquàm « Deo dignas soli Verbo Dei Patris deputa- « verit, anathema sit. »

Item in concilio Chalcedonensi act. 5, ap- probantur et recipiuntur prædicti canones concilii Ephesini. Item in synodo V generali can. 5 : « Si quis in mysterio Christi conatur « introducere duas substantias vel personas, et « introductis duabus personis, unam personam « dicit per dignitatem et honorem, sicut Theo- « dorus et Nestorius insanientes conscripse- « runt; et non confitetur Dei Verbum carni « substantialiter uniri, et propterea unam ejus « substantiam, vel unam personam, anathema « sit. » Idem habetur in concilio Lateranensi sub Martino primo, can. 2, et in synodo 6, act. 4, et in concilio Hispaniensi c. 15, etc.

Quartò probatur ex Patribus. Ac imprimis B. Cyrillus in libro de Incarnatione Domini, et in Apologetico pro duodecim capitulis, et

in aliis ferè omnibus suis operibus, ubi etiam multa veterum testimonia pro se adducit. Cas- sianus libros septem de Incarnatione scripsit contra Nestorium, jussu sancti Leonis I, et in fine libri septimi plurima recitat Græcorum et Latinorum Patrum testimonia.

Præter ea quæ isti adducunt, possumus alia quædam afferre. S. Ignatius in Epistolâ ad Ephes. : « Filius, inquit, Dei qui ante secula « natus est, ipse in utero portatus est à Mariâ « secundùm Dei dispositionem, ex semine Da- « vid et Spiritu sancto. »

B. Justinus Martyr in lib. de rectâ fidei Con- fessione, circa medium : « Unus, inquit, est « Filius, et qui mortuus est, et qui id quod « mortuum erat excitavit. Cùm ergo de uno « filio contrarias voces audies, ea quæ dicun- « tur, naturis tribue : ac si magnum quiddam « et divinum, divinæ id naturæ tribuito; si « quid parvum et humanum, humanæ adscri- « bito. Sic enim et verborum discrepantiam « vitabis, cùm sua utraque natura recipiet : et « Filium unum omnia secula antecessisse, et « novum ex Scripturis fateri. » S. Irenæus, libro 3 contra hæreses, à c. 18 usque ad 22, probat multis testimoniis Scripturarum, unum et eundem esse Jesum Filium Mariæ, et Ver- bum Dei Patris. Athanasius in Epistolâ ad Epictetum, circa finem : « De solo, inquit, « Mariæ Filio scriptum est : *Verbum caro fac- « tum est*. In quibus ostenditur ad reliquos « sanctos Verbum factum esse, prophetandi « gratiâ; ex Mariâ autem ipsum Verbum, carne « assumptâ, hominem prodidisse. » Et infra : « Non quòd filium à Verbo segregemus, sed quia « eundem hunc esse agnoscimus, per quem « omnia facta sunt, et per quem nos liberati « sumus. » Gregorius Nazianzenus Epistolâ primâ ad Chelidonium : « Si quis, inquit, « Virginem Mariam nequaquàm Dei genitricem « esse credit, is etiam à Deitate sit separatus. « Si quis duos introducit Filios, unum quidem « ex Deo Patre, secundum autem ex Matre, et « non unum et eundem, adoptione filiali, quæ « promissa est iis qui rectè credunt, exciderit. « Si quis non adorat Crucifixum, anathema « sit, ac Dei annumeretur interfecto-ribus. » Basilius libro 4 in Eunomium, exponens illud : *Deminius creavit me* : « Accipiendum est, inquit, « verbum, *genitit*, de Deo Filio; *creavit* autem, « de eo qui formam servi suscepit. In omnibus « verò his non duos dicimus, Deum per se, et « hominem per se. Unus enim erat, sed juxta « intelligentiam cujusque naturam reputantes »

Damasenus). 3 de Fide c. 9: « Ipsius, inquit, Verbi hypostases utriusque naturæ hypostasis existens, nullam insubsistentem esse permittit, etc. » Et ex Latinis Patribus S. Cyprianus lib. 2 contra Judæos, c. 8; Ambr. lib. de Incarnatione Dom. Sacram. cap. 5; Hilarius de Trinitate, lib. 2; Hieronymus in cap. 14 Matth.; Augustinus in Enchiridio, cap. 5, et lib. 15 de Trin. cap. 17, et alibi sæpè. Ac denique Leo papa nihil frequentius repetit in omnibus suis sermonibus et epistolis.

#### CAPUT XXXI.

##### *Solvuntur argumenta Nestorii.*

Argumenta omnia Nestorianorum sophistica sunt, ac facillè dissolvuntur duobus sequentibus fundamentis.

Primum est, non idem propriè esse Christum hominem, et Christum humanitatem, seu carnem seu corpus. Nam vocabulum, *homo*, significat personam, quæ in Christo (ut probatum est) non fuit nisi divina; *humanitas* verò, etc., sunt nomina significantia tantummodò naturam; itaque non debet intelligi de ipso Christo homine, quiddam de ejus humanitate seu corpore dicitur.

Hinc respondetur ad illud Joan. 2: *Solvite templum hoc*, quod pro Nestorio objiciebat Theodoretus contra secundum anathematismum Cyrilli; templum enim divinitatis suæ appellat ibi Dominus non personam aliquam distinctam à suâ propriâ, sed suam humanitatem seu corpus, ut apparet etiam ex verbis illis, quæ Joannes subjungit: *Ille autem dicebat de templo corporis sui.*

Ex eodem quoque fundamento respondetur ad testimonium Basilii in Psal. 59, quod citabat Theodoretus in refutatione quinti anathematismi Cyrilli. Basilius enim ibi non ait (ut falsò citabat Theodoretus) hominem Christum esse Deiferum, sed carnem Christi (*σάρκα*) Deiferam esse, quatenus nimirum altera Christi natura potest dici esse in alterâ per hypostaticam unionem.

Secundum fundamentum est, Christum hominem non fuisse hominem purum, ut sunt alii homines, sed hominem et Deum, utpote in duplici naturâ, divinâ et humanâ, subsistentem, ac proinde de illo secundam aliam et aliam naturam affirmari posse, quæcumque conveniunt vero Deo et vero homini, excepto peccato, ut infra videbimus suis locis.

Hinc solvitur, id quod teste Theodoro l. 4 hæreticarum Fabularum objiciebat Nestorius,

nomen Dei non significare Deum homini vel humanitati unitum, sed tantummodò Deum, ac proinde beatam Virgineam neque esse, neque debere dici Matrem Dei. Assumptum namque est falsum. Nam eam Deus humanitati unitus, sicut verus Deus, ipsi quoque omnia ea conveniunt, quæ competunt Deo vero, atque adeò etiam Dei nomen, et consequenter B. Virgo verissimè est Mater Dei, hoc ipso quòd est Mater Dei, cum humanitate uniti. Quamquam ante hoc quidem incarnationis mysterium, nomen Dei non aliud quàm solum Deum significabat. Peracto autem eò mysterio, sùapte ratione id nomen significat etiam Deum humanitati unitum.

Ex eodem quoque fundamento patet responsio ad ea quæ Nestoriani objiciebant, dici de Christo quandoque, velut de homine, qui non sit Deus. Ut quòd ipse compellat Deum suum Matth. 26: *Deus Deus meus, ut quid dereliquisti me?* et quòd consolationem ab angelo accipit, etc., Luc. 22. Quandoque autem velut de Deo, qui non sit filius hominis; ut quòd fuerit ante Abraham, atque adeò etiam ante Mariam; atque adeò etiam quòd non sit ei Maria consubstantialis, sicut oportet, ut esset ejus mater, etc. Respondendum est enim, ex hâc differentiâ attributorum Christi, non debere colligi diversas esse in eo personas, sed diversas naturas, per quarum alteram, scilicet humanam, conveniant verè Christo Deo quæ sunt humana, atque adeò etiam ut sit Matri consubstantialis; per alteram autem, scilicet divinam, conveniant eidem Christo homini divina.

Item respondetur facillè ex eodem fundamento ad illud Apostoli: *In similitudinem hominum factus, et habitus inventus ut homo*, Phillip. 2. Ex quibus verbis Theodoretus (in initio Nestorianus) in Commentario ejus loci argumentabatur Filium Dei non esse factum hominem, sed induisse hominem. Sed perperam hoc colligebat. Nam habitus inventus ut homo, et in similitudinem hominum factus Filius Dei dicitur, non quia verè non sit factus homo, sed quia sine mutatione sui homo factus est, perinde ac homo sine mutatione suæ substantiæ vestitur, ut ex sancto Augustino, Quæst. l. 83, q. 75, declaratur. Quod autem Apostolus ait: *In similitudinem hominum factus*, veritatem potius confirmat naturæ humanæ à Christo sumptæ, utpote aliorum hominum plene similis. Dato etiam, quòd *εἰκασί* ibi idem sit quod *figura*, ut exponit illic Chrysostomus et Theo-



phylactus, tamen sensus esse posset, Christum externâ tantum figurâ et similitudine fuisse talem hominem, quales sunt alii, nempe hominem purum. Sed prior interpretatio, quæ est etiam D. Thomæ in eum locum mihi magis probatur, et melius coheret cum verbis illis antecedentibus: *Ea inan'vit semetipsum, formam servi accipiens*, ubi de verâ essentia humanitatis assumptæ sermo est.

## ARTICULUS XXXII.

*Secundùm fidem catholicam, beati in Deo non tam claritatem quàm ipsam divinam intuentur essentiam.*

Dupliciter contingit videre aut cognoscere rem aliquam; primum quasi ipsam intuenso sicuti est, quod est videre per suam essentiam. Deinde per effigiem aliquam et similitudinem sui, sicut anticum absentem in imagine ipsius, et Deum in effectis ejus quodammodò agnoscimus, in uno quidem perfectius quàm in alio. Fuit ergo error Armenorum apud Armacanum, l. 14 Quæstionum contra illos, cap. primo, et recentiorum Græcorum, ut narrat idem auctor, asserentium, Deum nec à beatis secundùm essentiam suam clarè videri, nec posse, sed tantum per quamdam illius similitudinem, aut lucem ab eo derivatam. Eundem errorem illis adseribunt Alphonsus de Castro contra hæreses, verbo *Beatitude*, hæresi primâ, et Gabriel Prateolus in suo Elencho, verbo *Armeni*. Tametsi Nicephorus, lib. 18, c. 53, eorum recensens errores, inter illos hunc non connumeret. Huic Armenorum errori aliqui ex Græcis Patribus adhæsisse videntur. Contra hunc errorem fide catholicâ tenendum est, beatos videre Deum per essentiam. Hæc veritas clare ex sacrâ Scripturâ colligitur. Primus locus Matth. 5: *Beati mundo corde, quoniam ipsi Deum videbunt*. Quem ita intelligit D. Augustinus epistolâ 112, c. 4; Hilarius, can. 4 in Mattheum; inò Augustinus ex hoc loco id esse de fide videtur deducere; ait enim: « Scimus, et posse Deum videri, quoniam scriptum est: *Beati mundo corde, quoniam ipsi Deum videbunt*, etc. An fortè dicere non debui: *Scimus*, sed: *Credimus*, quia scriptum est in Scripturâ: *Cui credimus*. Et respondet statim optimè dictum esse: *Scimus quia cum apparuerit, similes ei erimus, quia videbimus eum, sicuti est*; eò quòd id tanquàm certum crederet. »

Secundus locus est Matth. 18: *Anxeli eorum semper vident faciem Patris mei, qui in caelis est*. Ubi faciem substantiam ipsius Dei sicuti

est, interpretatur Hilarius canone 18, et in illud psal. 118: *Deprecatus sum faciem tuam*.

Tertius locus est 1 ad Corinth. 13: *Videmus nunc per speculum in ænigmate, tunc autem facie ad faciem: nunc cognosco ex parte, tunc autem cognoscam sicut et cognitus sum*. Dicit: *Ut cognitus sum*, ut explicat Theodoretus, hoc est: Sicut notus et familiaris, qui vultum amici clarè intuetur; Hieronymus: Perfectè, sicut à Deo cognitus sum; Chrysostomus et Theophylactus: Ita ei occurram visione, sicut ipse me prævenit, cum prius me cognovit; alii: *Cognitus sum*, pro, *edoctus sum*, positum putant. Quòd si in aliâ vitâ Dei essentia per se non apparet, sed in aliquâ luce ab ipsâ derivatâ, absque dubio in ænigmate adhuc, et sub obscuro velamine, non facie ad faciem videretur; nec cognosceremus sicut cogniti et familiares, sed ex parte tantum, licet perfectiori modo quàm in viâ. Ænigma enim, teste Augustino 15 de Trinitate, c. 9, est similitudo quædam obscura ad intelligendum, cum per unam rem aliam significare volumus. Cum ergo quævis lux aut creatura à Deo derivata, sit magis diversa res ab ipso Deo, quàm una creatura ab aliâ, efficitur multò magis illam ænigma esse Dei, quàm una creatura alterius esse potest.

Quartus locus est 1 Joan. 3: *Scimus quoniam cum apparuerit, similes ei erimus, quia videbimus eum sicuti est*; ibi enim sermonem esse de deitate, non de humanitate Christi patet 1<sup>o</sup> ex contextu. Nam paulò ante de Patre, hoc est, de Deo locutus fuerat: *Videte qualem charitatem dedit nobis Pater, ut filii Dei nominemur, et simus*; et de eodem prosequitur, cum dicit: *Charissimi, nunc filii Dei sumus, et nondum apparuit, quid erimus. Scimus quoniam cum apparuerit, similes ei erimus, id est Deo, quoniam videbimus eum sicuti est*; eum, inquam, qui dedit nobis, ut filii Dei simus; cum verò postea subjungit: *Et scitis, quia ille apparuit, ut peccata nostra tolleret*, loquitur etiam de Deo, qui in carne apparere dignatus est. 2<sup>o</sup> Patet ex definitione Ecclesiæ: Evaristus in primâ suâ Epistolâ ex illo 1 Joan. 3: *Videbimus eum sicuti est*, disertè affirmat Dei substantiam à beatis videri. Ipsum concilium Francofordiense in Epistolâ ad episcop. Hispaniæ, his verbis asserit: « Prædicemus eum (scilicet Christum) Deum verum et vivum, et verè Filium Dei, ut ad ejus beatissimam visionem pervenire mereamur, in quâ est æterna beatitudo et beata æternitas. » Proboverat autem

ante medium Epistolæ ex illo 1 Joan. 3 visionem hanc futuram esse Dei, sicuti est. Ad hæc Eugenius IV et concilium Florentinum sessione ultimâ in litteris Unionis, quæ ab universâ synodo verè fuere receptæ et subscriptæ, licet postea fraudibus cujusdam ex Græcis patriarchis imperator Græcorum resillerit: inter alia definiunt eos, qui supposito Baptismate, vel peractâ pœnitentiâ in gratiâ decesserint, in cœlum mox recipi, et intueri clarè ipsum Deum trinum et unum sicuti est. Denique Benedictus XI, in quâdam Extravaganti, quam referunt Major in 4, q. ultimâ, et Supplementum Gabrielis in 4, d. 4 q. q. 2, art. 3 dub. 3, definit animas defunctorum, qui in gratiâ decesserunt ante diem judicii, ex visione clarâ et fruitione Dei, verè esse beatas.

Secundò ex Patribus plures quoque et magni nominis idem nobis tradiderunt. Dionysius de Cœlesti Hierarchiâ c. 4; Martialis in Epistolâ ad Tolosanens, c. 27; Origenes, 1 Periarchon c. 5, explanans illud Ps. 35: *In lumine tuo videbimus lumen*, et Nazianzenus oratione 25, in fine, ubi sic ait: « In hoc igitur communè nomen (scilicet Dei) crede, et prosperè incede, et regna: atque hinc ad alterius vitæ beatitudinem transibis. Ea porrò, ut mihi quidem videtur, in expressiore horum cognitione, ac comprehensione sita est. » Apud Patres verò comprehensio pro clarâ Dei visione accipitur. Fusiùs tamen Irenæus, lib. 18, c. 58, idem docet. Consentit Augustinus Epistolâ 112, de videndo Deum, cap. 4 et 8; quòd enim in fine Epistolæ dubitat an ab angelis Deus nunc videatur, non obstat: de omnibus enim beatis in Augustino dabitur est, num ante diem judicii Deum clarè intueantur: non tamen dubitat, an aliquando Deus videndus sit.

Neque obstant aliqua S. Scripturæ loca, Exodi 25: *Non videbit me homo, et videet*, et 1 ad Tim. 6: *Luceam habitat, etc., quem nullus hominum videt, nec videre potest*. 1 Pet. 1: *In quem desiderant angelis prospicere*; ergo non respiciunt. Præterea sunt aliqua loca SS. Patrum, ut Chrysost., qui videtur negare Deum clarè videri. Pro responsione primò notandum, quintupliciter intelligenda esse illa loca Scripturæ, 1° ut negent Dei visionem comprehensivam; ita Chrysost. hom. 14 in Joan., Epiph. August., Gregor. et Dionysius, c. 9, de divinis Neminibus. 2° Quòd Deus non potest videri oculis corporeo, seu phantasiâ naturali, benè

tamen videri potest intellectu; ita August. Epist. 111 et 112, et Chrysost. 3° Ut sit Deus invisibilis viribus naturæ; ita Epiph. hæresi 70, sed benè poterit videri per gratiam. Matth. 11: *Nemo novit Patrem nisi Filius, et cui voluerit Filius revelare*. 4° Et est Durandi, quòd intelligitur non posse videri Deum in hac vitâ de lege ordinariâ, et angeli desiderant prospicere, non quia careant illâ visione, sed quia nunquàm fastidiunt; imò ille locus est pro nobis; non enim desiderant rem impossibilem; et illud Joan. 1: *Deum nemo vidit unquam: Unigenitus, etc.*, Jansenius explicat de comprehensivâ visione; adde, quòd nullus viribus propriis videt, ut posset primus auctor aliis enarrare quæ viderat, et ibi commendatur auctor prædicationis evangelicæ. 5° *Unigenitus, qui est in sinu Patris, ipse enarravit*, et notandum, quòd licet Deus sit infinitus, tamen continetur sub ente, quòd est objectum intellectus; idè ex auxilio gratiæ potest intellectus elevari ad videndum Deum: angelus verò licet sit finitus, non tamen videri potest oculo corporeo, quia est extra latitudinem objecti ipsius oculi, veluti neque sonus potest videri. Deinde excusat Chrysostomum, quòd explicandus est per alia loca, ubi negat Deum videri, et addit exactè vel perfectè, quòd idem est ac dicere Deum non comprehendi; vide Sixtum Senensem in Bibliothecâ lib. 6, annot. 182, et Durand. in 4, d. st. 39.

#### ARTICULUS XXXIII.

*Pœnitentia, quæ in Ecclesiâ catholicâ agitur, est sacramentum à Christo Domino institutum.*

Apud plurimos ex Orientalibus ignotum est Pœnitentiæ sacramentum, cujus ferè nullus est usus, imò inter aliquas ex his nationibus nolunt relapsos à fide admittere ad absolutionem et reconciliationem cum Ecclesiâ, etiam pœnitentes, ut olim Novatiani et Montanistæ hæretici faciebant. Probatum autem pœnitentiam, quæ agitur in Ecclesiâ catholicâ, esse sacramentum à Christo institutum.

1° Ex potestate, quam Christus Dominus dedit Apostolis suis, et ipsorum successoribus, ad admittendum vel remittendum peccata. Matth. 18, Joan. 20: *Quorum remisseritis peccata, remittentur eis, et quorum retinueritis, retenta sunt*. Ista enim sine gratiâ sacramenti fieri non possunt.

2° Ex omnibus requisitis ad essentiam sacramenti, etiam juxta ipsorum hæreticorum placitum. Enumerant enim octo requisita ad

perfectam rationem sacramenti, quæ ordine recensimus. Primum est, ut sit signum externum. Hoc in pœnitentiæ sacramento sunt actus Pœnitentis, qui confitetur peccata sua. et verba absolutionis: *Ego te absolvo*; hoc est: *Remitto tibi peccata tua*. Alterum requisitum, ut signum illud externum habeat mandatum à Deo. Tale habet pœnitentia ex verbis Christi, Matt. 18, Joan. 20. Tertium, ut mandatum hoc sit in novo Testamento. Etiam hoc certum est de sacramento Pœnitentiæ, ut patet ex loco Joan. citato et ex Paul. 2 Cor. 5: *Posuit in nobis verbum reconciliationis, et pro Christo legatione fungimur*. Quorsum enim daret Christus Apostolis absolvendi potestatem, nisi etiam, ut eâ uterentur, quando opus esset, juberet? Quartum, ut sit ritus perpetuus. Talis utique est Pœnitentiæ sacramento, quod semper fuit, semperque durabit in Ecclesiâ usque ad finem mundi. Quintum, ut signo illi addita sit promissio gratiæ divini. Et hoc manifestum hic est; nam promissa peccatorum remissio magna est gratiâ, Joan. 20. Sextum, ut sit promissio gratiæ justificantis. Talis maximè est in hoc sacramento post acceptum Baptismum, cum sine eo non detur in Ecclesiâ remissio peccatorum. Septimum, ut promissio illa gratiæ signo aliquo externo adjuncta et vestita sit. Hoc in primo requisito ostensum est. Octavum, ut ea promissio gratiæ non tantum in genere annuntietur, sed etiam in particulari singulis applicetur. Et hoc quoque manifestè fit in sacramento Pœnitentiæ, ubi singulis petentibus legitimè datur remissio peccatorum. Ex doctrinâ ergo adhuc hæreticorum sequitur, Pœnitentiam esse sacramentum.

Deinde testimoniis Patrum Græcorum. S. Joannis Chrysost. Neque enim (inquit) solum cum vos regenerant, sed etiam postea condonandorum nobis peccatorum potestatem obtinent. S. Cyrillus l. 15 in Joan., c. 56, duobus modis dicit remitti peccata à sacerdotibus, ut Dei ministris, prò Baptismo et Pœnitentiam. Theodoret. In Epitome divinarum decretorum, cap. de Pœnitentiâ, dicit, sacrorum mysteriorum Baptismi et Pœnitentiæ figuras fuisse in Testamento veteri ablutiones et sacrificia; ubi non solum conjungit Theodoretus Pœnitentiam cum Baptismo, sed etiam utrumque mysterium (quâ voce sacramenta nominari solent) appellat.

3<sup>o</sup> Probatur ex fide et moribus totius Ecclesiæ Dei, quæ semper credidit et frequentavit

TH. V.

hoc sacramentum inter alia septem, ut testantur sacri Canones de pœnitentiâ 53, q. 5. Et omnes theologi 4 Sentent. dist. 14. Quæ tandem omnia confirmantur auctoritate et decretis SS. conciliorum Florentini et Tridentini, illius in institutione Armenorum; hujus sess. 14, c. 1, et can. 1, cujus verba sunt: « Si quis dixerit in Ecclesiâ catholicâ pœnitentiam non esse verè et propriè sacramentum, pro fidelibus, quoties in peccata labuntur post Baptismum, ipsi Deo reconcilianda, à Christo Domino nostro institutum, anathema sit. »

Hoc autem Pœnitentiæ sacramento necessariò requirit tres actus pœnitentis, nimirum veram contritionem, confessionem et satisfactionem, quibus accedit ex parte sacerdotis actus absolutionis, Idque constat primò ex hujus sacramenti propriâ essentiâ; nam ad eam saltem duo sunt necessaria, ut et in aliis sacramentis: scilicet signum externum, et verbum prolatum; illud materiæ, hoc formæ rationem habet. Materia in hoc sacramento sunt actus pœnitentis: forma sunt verba sacerdotis, dicens: *Ego te absolvo*.

Actus porrò pœnitentis ex naturâ rei debent esse tres, scilicet: Contritio, seu dolor cordis de peccatis commissis; confessio eorundem integra, ordinario sacerdoti facta, et satisfactio pro peccatis temporariis luendis ob peccata commissa et dimissa: alioqui esset pœnitentia simulata, non verâ.

Deinde probatur auctoritate omnium theologorum l. 4 Sent. dist. 16, quam confirmavit concil. Florentinum in Decretis de Sacramentis. Et novissimum S. concil. Trident. sess. 14, can. 4, cujus hæc sunt verba: « Si quis negaverit ad integram et perfectam peccatorum remissionem requiri tres actus in pœnitente, quasi materiâ pœnitentiæ, videlicet contritionem, confessionem et satisfactionem, quæ tres partes Pœnitentiæ dicuntur; aut dixerit duas tantum esse pœnitentiæ partes, terrores scilicet incussos conscientiæ, agnito peccato, et fidem acceptam ab Evangelio, vel absolutione, quâ credit quis sibi per Christum remissa peccata, anathema sit. »

#### ARTICULUS XXXIV.

*Unctio extrema verè est sacramentum Ecclesiæ.*

Hæc veritas etiam contra ipsos Orientales primò probatur ab auctoritate Scripturæ sacræ, Jacob. c. 5, ubi Apostolus ex doctrinâ

Christi, de cura infirmorum scribit: *Infirmatur quis ex vobis? inducat presbyteros Ecclesiae, et orant super eum, ungentes eum oleo in nomine Domini; et oratio fidei salvabit infirmum, et alleviabit eum Dominus; et si in peccatis sit, remittentur ei.* Haec verba omnes sacri interpretes haecenus de sacramento Unctionis extremae intellexerunt. Secundò, ex fide et observatione Ecclesiae Dei, quae à temporibus Apostolorum haecenus credidit et docuit esse septem sacramenta, inter quae etiam numeratur Unctio extrema. Et semper in usu fuit etiam Unctionis hoc sacramentum, ut ex sequentibus testimoniis clarescet. Tertio, ex testimoniis totius antiquitatis. Ita enim D. Augustinus serm. 215, de Temp.: « Quoties aliqua infirmitas supervenerit, corpus et sanguinem Christi ille qui aegrotat accipiat; et inde corpusculum suum ungat; ut illud quod scriptum est impleatur in eo, *infirmatur aliquis*, etc. » Et lib. 2 de Visit. infirm. c. 4: « Nec praetermittendum est illud Apost. Jacobi praecipuum: *Infirmatur quis in vobis, inducat presbyteros Ecclesiae?* » etc. Subjungit: « Ergo sic roges de te, et pro te fieri, sicut dixit Apostolus Jacobus, *inobis per Apostolum suum Dominus.* » Et D. Hieron. in cap. 14 Osee, ad verba: *Et erit quasi oliva gloria eius;* « Sanctum virum, inquit, et conversum ad Dominum, olivae fructiferae comparat, quae dicit in alio loco: Ego autem sicut oliva fructifera in domo Dei. Cujus fructum sibi quinque sapientès virgines paraverunt; ex quo vulnere mitigatur tumor, languentia membra quiescunt, in tenebris lumen accenditur, unguentur in agone certantes. » Praeterea D. Chrysost., l. 5 de Sacerdotio, cap. 6: « Non modò, inquit, dum nos Deo regenerant, sed et postea condonandorum peccatorum habent potestatem. *Infirmatur enim quis in vobis? advocet*, etc., ut antea Jacob. 5. » Antiquior his Innocentius papa 4 Epist. ad Decentium, relatà cap. *Illud superfluum*, dist. 95, statuit licere etiam episcopo Unctionis sacramentum infirmis dispensare; quòd Jacobus Apostolus duntaxat presbyterorum meminerit, ne oneraret hanc curam episcopos solos. In concilio Nicæno I, canone 69, obliter fit mentio benedictionis olei infirmorum. In concilio Cablonensi, quod habitum est sub Carolo Magno, can. 48, ita statutum legimus: « Secundùm B. Apostoli Jacobi documentum, cui etiam decreta Patrum consonant, infirmi oleo, quod ab episcopis benedicatur, à presbyteris ungi debent. Sic enim

ait: *Infirmatur quis*, etc. Non est itaque parvi pendenda hujusmodi medicina, quae animae et corporis medetur languoribus. » Post haec tempora celebratum est concilium Florentinum, in quo institutio Armenorum facta est, quae inter alia etiam continet doctrinam de septem Ecclesiae sacramentis.

Quartò probatur catholica veritas rationibus evidentibus. Quarum prima, quòd Unctio haec habeat signum exterius, et promissionem gratiae et mandatum perpetuae observationis, et destinatum ministrum, ut ex verbis Apostoli Jacobi manifestè constat. At ista sunt essentialia sacramenti cujuslibet: itaque et Unctio infirmorum de qua B. Jacobus loquitur, est Sacramentum. Altera ratio est, ex necessitate hujus sacramenti; nam cum omnis homo judicetur à Deo secundum statum in quo moriens invenitur, juxta verba Dei Ezech. c. 18, hinc fit, ut diabolus si nullo alio tempore, certò sub agonem mortis et omnium maximò insidiatur, ut ad desperationem, vel aliud genus peccati eum pertrahat, et à Deo avertat. Facit ergo sacramentum hoc, ut homo contra istiusmodi diaboli machinationes maniat, et securus emigret. Denique confirmantur haec omnia decreto S. concilii Tridentini sess. 14, in qua post explicatam doctrinam de hoc Sacramento, can. 1 sic definit ac statuit: « Si quis dixerit extremam Unctionem non esse verè et propriè sacramentum, à Christo Domino institutum, et à B. Jacobo Apostolo promulgatum, sed ritum tantùm acceptum à Patribus, aut figmentum humanum, anathema sit. »

#### ARTICULUS XXXV.

##### *De Confirmationis sacramento.*

Confirmationem Orientales non tam ut verum sacramentum gratiam conferens, quàm ut ritum duntaxat institutionis puerorum qui baptizantur, colere videntur. Ac Confirmationem esse verum sacramentum à Christo Domino institutum, probatur primò ex his quae ad essentiam cujuslibet sacramenti pertinent; quorum tria sunt, scilicet: primum signum sensibile, secundum promissio gratiae, tertium mandatum dispensationis, seu usus. Quae omnia etiam in hoc sacramento inveniuntur. Primum, signum sensibile, quo Apostoli hoc sacramentum acceperunt, fuit singulare, ut in spiritu vehementi et linguis igneis, Act. 2. Signum verò, quo Apostoli hoc sacramentum aliis dispensarunt, fuit impositio manuum cum

oratione, Act. 8 : *Tunc imponebant manus super illos, et accipiebant Spiritum sanctum.* In quâ impositione manuum etiam subintelligitur unctio in fronte cum chrismate, ut testantur antiquissimi doctores Ecclesiæ. Promissio gratiæ fuit, cum Christus suis Apostolis promisit, missurum se eis Spiritum sanctum, Joan. 14 et 16. Luc. ult. : *Sedete in civitate donec induamini virtute ex alto;* et Act. 1 : *Accipietis virtutem Spiritus sancti, et eritis mihi testes,* etc. Hanc enim fuisse justis factam promissionem, et jam baptizatis, ut fortiores evaderent in fide, nullus negabit. Deinde mandatum dispensationis hujus sacramenti habemus ex factis Apostolorum. Ipsi enim Spiritum sanctum dederunt credentibus, haud dubiè jussu Christi, Act. 8 et 19. Quod ergo olim dictum est sacramentum Impositionis manuum, postea dictum est sacramentum Confirmationis, mutato quidem nomine, sed manentibus signis exterioribus iisdem et verbis.

Secundò probatur ex testimoniis antiquissimorum doctorum Ecclesiæ, ut D. Ambros. l. 3 de Sacrament. cap. 2, ubi scribit : « Sequitur spirituale signaculum, quia post fontem sequitur ut perfectio fiat, quando ad invocationem sacerdotis Spiritus sanctus infunditur. » Et D. August. l. 2 contra litteras Petilianæ c. 104 : « In hoc, ait, unguento, sacramentum Chrismatis vult Petilianus interpretari, quod quidem in genere visibillum signaculorum sacrosanctum est, sicut ipse Baptismus; sed potest esse in hominibus pessimis. » Sic D. Hieronymus in Dialogo contra Luciferianos : « Posteaquam hæreticis interrogantibus, ubi scriptum sit, episcopos baptizatis per impositionem manuum dare Spiritum sanctum, respondisset : In Actibus Apostolorum; ( mox subjungit ) sed etiamsi Scripturæ auctoritas non subesset, totius orbis in hanc partem consensus instar præcepti obtineret. » Et D. Gregorius, Homil. 17 in Evang., sub fin. : « Per nos, inquit, fideles ad sanctum Baptisma veniunt, nostris precibus benedicuntur, et per impositionem manuum nostrarum à Deo Spiritum sanctum percipiunt; atque ipsi ad regnum cælorum pertinent; et ecce nos per negligentiam nostram deorsum tendimus. » Rursus lib. 3, Ep. 9 : « Presbyteri baptizatos infantes signare sacro in frontibus chrismate non præsumant; sed presbyteri baptizatos ungant pectore, ut episcopi postmodum ungere debeant in fronte. » Accedunt his alii multi Patres à Bel-

larmîno citati tomo 2, lib. de Confirm. c. 6. Itemque cæteri, qui de Sacramentis expresso tractant. Magister Sent. cum omnibus theologis Scholæ lib. 4 Sent., dist. 7, D. Thom. part. 3, q. 72. Addantur et sacri canones de Consecrat. dist. 5; et tit. de Sacr. Unct. § *Per frontis Chrismationem*, aliorumque summorum pontificum, concilliorumque decreta, quæ Bellarm. lib. de Confirm. recenset.

Tertiò, utilitatibus, seu effectis hujus sacramenti (ut est corroboratio fidelium ad fidem Christi conservandam, et ad eam profitendam publicè, quoties opus fuerit, etiam cum periculo facultatum et vitæ : ut etiam est fortiter resistere insidiis ac tentationibus diaboli, quibus nos ad quævis peccata pertrahere molitur) accedunt miracula per hoc sacramentum olim ostensa, quorum aliqua recenset Bellarminus antea notato c. 6.

Confirmatur denique hæc omnia auctoritate et decreto S. concilii Tridentini, cujus sess. 7, de hoc sacramento Confirmationis, can. 4, verba hæc sunt : « Si quis dixerit Confirmationem baptizatorum otiosam cæremoniam esse, et non potiùs verum et proprium sacramentum, aut olim nihil aliud fuisse quàm catechesim quamdam, quâ adolescentiæ proximæ fidei suæ rationem coram Ecclesiâ exponebant, anathema sit. » Et can. 2 : « Si quis dixerit injurios esse Spiritui sancto eos qui sacro Confirmationis chrismate virtutem aliquam tribuant, anathema sit. » Denique can. 3 : « Si quis dixerit sanctæ Confirmationis ordinarium ministrum non solum episcopum, sed quemvis simplicem sacerdotem, anathema sit. »

#### ARTICULUS XXXVI.

*Matrimonium non posse dissolvi propter adulterium.*

Nulli Christianorum licitum est, ut Orientales falsò existimant, et ex Græcis aliqui, dimissâ uxore adulterii, vel alterius rei causâ aliam ducere. Hoc apertè docuit Christus Dominus Marci c. 10, cum ait : *Quicumque dimiserit uxorem suam, et aliam duxerit, adulterium committit super eam, et si uxor dimiserit virum suum, et alii nupsierit, mœchatur.* Ita quoque apud Lucam Christus loquitur : *Omnia qui dimittit uxorem suam, et alteram ducit, mœchatur; et qui dimissam à viro duxerit, mœchatur.* Luc. 16. E quibus verbis necessariò sequitur : Si uxor non est dimittenda, nisi ob fornicationem, juxta mandatum Christi, Matth. 5, et

dimittens uxorem suam non potest alteram ducere, ergo nullatenus possunt disjuncti ad alias nuptias transire. Præterea, si nemini licet dimissam ducere in uxorem, oportet eam esse adhuc ligatam vinculo prioris mariti: alioqui non potest ratio inveniri, cum pœnitens facti non possit alteri nubere. Ad hæc Apostolus Paulus vult dimissam viro suo reconciliare. At si vir alteram uxorem duceret, non esset amplius locus reconciliationis cum priore. Unde idem Apostolus docet mulierem alligatam esse legi matrimonii, quanto tempore vir ejus vivit. Vicissim ergo et maritus alligatus erit legi isti, quanto tempore uxor ejus vivit, 1 Corinth. 7.

Secundò ex auctoritate et observatione totius Ecclesiæ Dei. Nam à temporibus Apostolorum usque in hodiernum diem non legitur permissum dimittentibus uxores suas ob adulterium, aut alias causas, ut ducerent alteras, viventibus adhuc dimissis, juxta cap. *Gaudemus*, de divortiis, et multa alia cap. 32, q. 7.

Tertiò ex evidentibus rationibus. Quarum prima à mysticâ significatione matrimonii. Nam, ut antea ostensum est, matrimonium significat conjunctionem Christi et Ecclesiæ, quæ est indissolubilis. Itaque et matrimonii vinculum erit indissolubile.

Ratio secunda à contrario absurdo. Si enim matrimonii vinculum per adulterium dissolveretur, utrique conjugii liceret ad alteras nuptias transire. Ita multi ex industriâ adulterium committerent, ut à priori conjugio liberati aliis nobilioribus, locupletioribus, magisque dilectis conjugii possent. Vel multi mariti ob aliarum desiderium, suas uxores etiam innocentes adulterii accusarent. Quod et D. Hieron. cap. 19 in Math. annotavit.

Ratio tertia ex occasione dissidiorum inter veros parentes, et non veros, si in eodem loco habitarent. Naturalis enim amor filiorum non potest extinguï. Vera quippe mater dimissa non poterit oblivisci filiorum suorum, ideòque nisi noverca nova ducta à suo marito eos fovet ac tractet, uti ipsa voluerit, erit occasio jurgiorum, querelarum et accusationum multarum. Graviora autem pericula timenda forent, si parens verus dimissus sit, et uxor ejus nubat alteri, qui fit vitricus filiorum. Et sanè nemo impedire poterit, quin filii sæpè accurrant ad veram matrem, aut verum patrem, si à novercâ, aut vitrico durius tractentur.

Ratio quarta ex publicâ inhonestate: Quid enim inhonestius quam vocare novercam ma-

trêm filiorum, matre verâ adhuc vivente, aut vitricum patrem, quanto tempore verus pater vivit?

Confirmantur denique hæc omnia decreto S. concilii Tridentini sess. 24, can. 7, cujus verba sunt: « Si quis dixerit Ecclesiam errare, cum docuit et docet, juxta evangelicum et apostolicam doctrinam, propter adulterium alterius conjugum, matrimonii vinculum non posse dissolvi; et utrumque, vel etiam innocentem, qui causam adulterio non dedit, non posse, altero conjugie vivente, aliud matrimonium contrahere: mœcharique eum qui dimissâ adulterâ aliam duxerit; et eam que dimisso adultero alii nupserit. Anathema sit. » Ac demùm matrimonii vinculum esse indissolubile, etiam in casu fornicationis alterius conjugis, magno consensu affirmant veteres Patres, ut Justinus in Apologiâ ad Antoninum; Evaristus Epistolâ 2; Tertullian., l. 4 contra Marcionem; Clemens Alexandrinus l. 2 Stromat.; Hieronymus in c. 19 Matthæi; Augustinus, Ambrosius in cap. 16 Lucæ; Innocentius I, epistolâ 3, ad Exuperium, et communiter interpretes in c. 7 1 ad Corinth., et in cap. 10 Marc., et in cap. 19 Matthæi.

Neque veritati catholicæ obstat locus ille Matthæi 19: *Quicumque dimiserit uxorem suam, nisi ob fornicationem, et aliam duxerit, mœchatur*, ex quo colligunt licitum esse divortium ob fornicationem; nam responderet apud Matthæum Christum exceptionem illam (nisi ob fornicationem) non ideò fecisse, ut indicaret matrimonium fore cum alio licitum, quando propter fornicationem primus conjux dimittitur, sed ut indicaret non fore dimissionem illicitam, cum fit propter fornicationem. Unde eùm Christus dicit: *Quicumque dimiserit, nisi ob fornicationem, subaudire debemus: Peccat, et illicitè facit dimittendo. Quod verò sequitur, et aliam ducit, et qui dimissam duxerit, mœchatur*, universaliter, de omni qui dimittit, sive propter, sive præter causam fornicationis, accipiendum id est. Ita SS. Patres communiter eam Christi sententiam intellexerunt, neque Christus tale divortium approbavit in casu fornicationis alterius conjugis, quale erat illud, de quo Judæi interrogabant, utrùm esset licitum quæcumque ex causâ. Quinimò illum Judæorum errorem coarguere Christus voluit responsione suâ, quòd existimarent tale ali-quod divortium, propter aliquam omninò causam liberum esse (saltem per se spectatâ lege divinâ) in quo non solum dimitteretur

uxor, sed alia etiam duceretur. Contra Christum generatim dicit, illud divortium adulterium esse secundum legem divinam. Neque verò novum hoc est, ut cum quis respondet, non modò respondeat directè ad id de quo interrogatur, sed etiam corrigat errorem qui supponitur in interrogatione. Ita igitur in proposito : Cum Judæi putarent sibi licere, aut etiam per se, et ex ordinariâ lege sine peculiari dispensatione, esse licitum tale divortium, in quo dimitteretur uxor, et alia duceretur; ac eo errore supposito tantum interrogarent de causis, propter quas id facere liceret, Christus responsione suâ duo facit: nam primò removet eum errorem, quem ea interrogatio supponebat, affirmatque tale divortium adulterium esse, idque confirmat ibi ex lege divinâ, latâ in primâ institutione conjugii. Deinde simul etiam respondens ad ipsam formam interrogationis, docet licitum divortium, id est, dimissionem in perpetuum, absque eo quòd alia ducatur, solum habere unam causam, nimirum fornicationem.

#### ARTICULUS XXXVII.

*Legem veterem omninò esse jam abrogatam.*

Error fuit olim veterum hæreticorum, legem veterem non cessâsse, sed perpetuò servandam unâ cum novâ; ita Cerinthus, teste Epiphanio hæresi 28, Augustino hæresi 8, et Ebion, teste Irenæo l. 1, c. 26, sunt Eubionæi et Nazaræi, teste Augustino, hæresi 9, et Epiphanio hæresi 18. Huic etiam errori adhærent hodie aliqui ex Orientalibus, ut ex superioribus satis apertè constat. Hos tamen omnes errores redarguit Paulus scribens Galatis, qui eodem errore fuerant infecti, dicens : *Prîus autem quàm veniret fides, sub lege custodiebamur conclusi in eam fidem quæ revelanda erat. Itaque lex pædagogus noster fuit in Christo, ut ex fide justificemur; at ubi venit fides, jam non sumus sub pædago*, Gal. 3. Et iterum de duobus testamentis loquens, sub figurâ duorum filiorum Abrahæ, ait : *Sed quomodò tunc is qui secundum carnem natus fuerat, persequeretur eum, qui secundum spiritum, ita et nunc. Sed quid dicit Scriptura? Ejice ancillam et filium ejus. Non enim hæres erit filius ancillæ cum filio liberæ. Itaque, fratres, non sumus ancillæ filii, sed liberæ, quâ libertate Christus nos liberavit*, Gal. 4. Ecce Paulus apertè testatur ejiciendam esse legem veterem, quæ tanquàm ancilla fuit legis evangelicæ. Et rursùm in eadem Epistolâ, c. 5: *Ecce ego Paulus dico vobis, quoniam si circumcidi-*

*mini, Christus vobis nihil proderit. Testificor autem omni homini circumcidenti se, quoniam debitor est univærsæ legis faciendæ. Evacuati estis à Christo, qui in lege justificamini. A gratiâ excidistis. Nos enim spiritu ex fide spem justitiæ expectamus. Nam in Christo Jesu neque circumcisio quidquam valet, neque præputium, sed fides, quæ per charitatem operatur. Et in Epistolâ ad Hebræos, c. 7, de eadem re disputans, ait: Si ergo consummatio per sacerdotium leviticum erat (populus enim sub ipso legem accepit), quid adhuc necessarium fuit secundum ordinem Melchisedech, alium surgere sacerdotem, et non secundum ordinem Aaron dici? Translatio enim sacerdotio, necesse est, ut et legis translatio fiat. Et iterum: Reprobatio quidem fit præcedentis mandati, propter infirmitatem ejus, et inutilitatem; nihil enim ad perfectum adduxit lex, introductio verò melioris spæi, per quam proximatus ad Deum. Demùm de hæc re ab ipsis Apostolis in unum congregatis, in illo celeberrimo Hierosolymitano concilio, data est definitio; quoniam (ut apostolica refert historia Act. 15) quidam descendentes de Judæâ docebant fratres, quia nisi circumcidamini secundum legem Moysi, non potestis salvari. Surrexerant enim quidam de hæresi Pharisæorum, qui crederant, et dicebant oportere circumcidi et servare reliqua omnia quæ Moyses in lege præceperat. Ob quam doctrinam facta est non modica seditio, resistentibus assertioni huic Paulo et Barnabâ. Propter quod Apostoli et seniores conveniunt Hierosolymam, ut de hæc definirent. Habitâque maturâ, prout decebat, rei examinatione, protulerunt sententiam, quam per Epistolam suam miserunt his qui erant Antiochiæ, in hunc modum: Visum est enim Spiritui sancto, et nobis, nihil ultra imponere vobis oneris, quàm hæc necessaria, ut abstinatis vos ab immolatis simulacrorum, et sanguine et suffocatione, à quibus custodientem vos benè agetis. Hæc concilium Apostolorum. Quis erit ergo, qui tam illustri concilii definitioni repugnare audeat? Nullus certè, nisi demens aut infidelis ille fuerit; et certè, si lege evangelicâ datâ adhuc oporteret observare legem veterem, contra eandem legem visus fuisset facere Deus, qui talem, in Levitico 18, condidit legem: *Sarorem uxoris tuæ in pellicatum ejus, non accipies, nec revelabis turpitudinem ejus, adhuc illâ vivente. Quæ quidem rectè præcepta sunt, ne si forte aliquis simul uxori et sorori illius jungeretur, inter simul habitantes excitaretur zelus, unde contentio rixaque generata fuisset. Prîus quidem Synagoga sibi desponsaverat Deus; hu-**

jus soror est Ecclesia, quam etiam Deus sibi conjugere optabat: verum ut nulla esset contentio inter eas occasio, noluit secundam superducere vivente primâ.

Deinde legem veterem cessâsse in morte Christi Domini, conveniunt omnes illi Patres, qui communiter exponunt illud dictum Christi, Joan. 19: *Consummatus est*, id est, absolutum est mysterium redemptionis, quatenus erat meritis Christi perficiendum, quo lex vetus imprimis ut ad finem et terminum suum referebatur.

In cujus signum mortuo Christo velum templi scissum est, ut eâ re significaretur totam summam legis veteris tunc adimpleri et antiquari. Et hoc est quod Theologi dicunt, legem veterem in morte Christi fuisse mortuam ac sepultam. An verò ab illo instanti fuerit mortifera, ita ut illius observatio esset observantibus mortifera, controversa est inter doctos.

Pro quâ oportet advertere tria præceptorum genera in lege veteri contineri: quorum alia ad singulorum vitam et mores componendos et formandos pertinebant, et ideò moralia dicuntur. Alia verò ad cæremonias et ritus Religionis, quâ debitus Deo cultus, honor et veneratio deferretur, et vocantur cæremonialia præcepta. Alia denique spectabant ad bonam reipublicæ administrationem civilem, quibus humana civium salus, et pax ac tranquillitas conservatur; et hæc judicialia præcepta nominantur. Quo fit, ut in sacris litteris sæpè hæc tria jungantur: præcepta, cæremoniæ, judicia. Primum (uti diximus) ad mores refertur; secundum ad ritus et cæremonias sacrarum; tertium ad civilem populi gubernationem.

Judicialia igitur præcepta, ut rectè D. Thomas docet 1-2, q. 104, art. 3, non fuere mortifera à morte Christi, etiamsi fuerint mortua, quia non erant illa præcepta figuræ Christi venturi, nec referebantur principaliter ad significationem mysteriorum Christi, sicut et cæremonialia, quæ fuerunt mortifera, vel à morte Christi, vel à promulgatione sancti Evangelii, ut alii Patres volunt, quia cum cæremoniæ illæ principaliter spectabant ad cultum illi populo convenientem, secundum significationem mysteriorum Christi venturi, quare post passionem Christi, jam cultus ille cæremonialis erat falsus, quia jam Christus non expectabatur, ac ideò post mortem Christi cessâsse de fide est. Præcepta verò moralia,

quæ ex lege naturæ derivantur, servari debent, non tamen quia in lege veteri fuerint præcepta, sed quia naturâ duce tenentur servare.

Neque obstat, quòd Actorum 15, Apostoli jusserunt *abstinere à sanguine et suffocato*; et addiderunt illud se oneris tantummodò inter alia necessaria velle imponere. Viguit igitur post Christi passionem illa cæremoniâ. Confirmatur, quoniam in concilio Gangrensi est multis annis post id decretum innovatum. — Respondeo cum D. Th. q. 103, art. 4, ad tertium, non fuisse id præceptum ad cultum, sed materialiter in alium finem, ut scilicet posset faciliùs ex Judæis et gentibus unus populus coalescere, si eo genere abstinentiæ sese gentiles cum Judæis, qui maximè à suffocato et sanguine abhorrebant, in communi convictu confirmarent. Ad confirmationem autem respondet Scotus, tunc temporis etiam durâsse illam causam propter quam eodem respectu erat utile ab his abstinere.

#### ARTICULUS XXXVIII.

##### *De animæ rationalis productione.*

Erant deinde Orientales credentes, animas per traducem gigni ab animalibus parentum, sicut corpora à corporibus, atque adeò ab Adam animâ omnes propagari, quæ olim fuit Tertulliani sententia.

Stabilienda est contra hunc errorem veritas catholica, Hæreticum est dicere, animam intellectivam traduci cum semine; ita sentit D. Thom. 1 p. q. 118, art. 2. Probatur primò ex sacra Scripturâ, quæ semper ascribit productionem animæ ipsi Deo, et non alteri, ut Genes. 2: *Inspiravit in faciem ejus spiraculum vitæ, et factus est homo in animam viventem.* Et Job 31: *Numquid non in utero fecit me, et formavit me in vulvâ unius?* Hoc certè intelligi non potest de formatione hominis quoad corpus, cum illud etiam formetur à parente per virtutem feminæ. Oportet igitur id intelligi de formatione hominis, quoad animam, quam solus Deus creat. Et quanquàm in Hebraico textu, hic locus non ita planè legatur, tamen parvipendî non potest auctoritas vulgaræ editionis, quam Ecclesia sauxit habendam esse pro authentica. Præterea Psal. 52: *Qui finxit sigillatim corda eorum.* Et Zachar. 12: *Fingens spiritum hominis in eo.* Et Ecclesiast. 12: *Spiritus revertatur ad Dominum qui dedit illum.* Et quanquàm hæc ferè testimonia per se sola non planè convincant, ut Augustin., Ep. 28 de



aliquibus hujusmodi testimonis notat; tamen magnum habent pondus ad Ecclesiæ auctoritatem, quæ eam esse vim horum locorum Scripturæ intellexisse videtur.

Et ratione etiam convincitur, 1<sup>o</sup> quia nulla virtus activa agit ultra suum genus: sed anima intellectiva excedit totum genus corporeæ naturæ, cum sit substantiæ spiritualis. Nulla igitur virtus corporea ejus effectiorem valet attingere; atqui omnis actio seminalis facultatis est à virtute corporeâ, cum spectet ad potentiam vegetatricem corpori prorsus inhærentem. Ergo fieri non potest, ut animæ intellectivæ virtute seminis deriventur. Secundò, cum generatio alicujus est causa cur aliquid sit, ejus dissolutio causa item est cur aliquid pereat; atqui dissolutio corporis non affert interitum animæ rationali, siquidem immortalis est: ergo neque corporis generatio erit ei causa, ut esse incipiat; at seminis tractio propria causa est generationis corporis; non igitur causa est generationis animæ. Tertio, omne agens naturale, sicuti agit dependenter à materiâ, ita non producit nisi quod à materiâ dependet; sed anima rationalis non ita se habet, cum extra corpus existere valeat. Non ergo anima rationalis ab agente naturali producit, sed aliam habet originis suæ causam. Ob hæc et alia quæ antiquos Patres non latuerunt, div. Chrysost. Hom. 1 de incomprehensibili Dei naturâ: « Animæ, inquit, inspirantur, corpora effligantur. » Et Procopius Gazaus in Gen. c. 2, ad illa verba: *Hoc nunc os de ossibus meis, et caro de carne meâ*, oraculum, ait, non dixisse: Et anima de animâ meâ, caro scilicet non gignit animam. Lege Gregorium Nyssenum disputatione de animâ et resurrectione.

Ex quo fit, animam rationalem à Deo creari, quod hæc ratiõne demonstrat D. Thomas I. 2 contra gent. c. 87: Omnis substantia quæ producit, aut generatur per se aut per accidens, aut creatur; sed animæ rationales non generantur per se, cum non consentent ex materiâ et formâ, neque per accidens, quia cum sint formæ corporum, oriuntur per eorum generationem ex virtute seminali, quod improbatum est; superest ergo, ut per creationem esse accipiant. Huc spectat, quòd cum animæ, humanæ omnibus formis physicis naturæ dignitate præsentent, sintque in suo esse substantes, oportet eas nobiliorum habere originem, et more aliarum substantiarum intellectualium per creationem produci.

Neque huic veritati obstat, quòd Genes. 2 dicitur, *Deus requiescere ab omni opere, quod patrârat*. Primum quia non dicitur Deus absolute requiescere, sed requiescere ab opere quod patrârat, videlicet illis primis sex diebus. Ut sit sensus, Deum mundi opificium absolvisse sex diebus, atque ita die septimo destitisse mundi machinam condere. Item quia, ut interpretatur D. Th. I. 2 contra gentes c. 84, et in 2, dist. 18, q. 2, art. 1, ad 7, beatus Albertus Magnus in Summâ de homine, q. 15, istiusmodi quies Dei intelligenda est secundum cessationem à novis speciebus condendis, non autem à novis individuis, quorum similia secundum speciem præcesserint. Quare cum omnes animæ intellectivæ, omnesque homines sint unius speciei, nihil repugnat prædictæ quieti Deum quotidie animas creare.

Illud tamen oportet advertere, duas actiones Dei intervenire in animæ productione; prima, quâ Deus producit animam, et hanc ipse solus facit, sine interventu causarum secundarum, eo modo quo creavit angelos. Altera etiam tunc actio Dei intervenit, ad unienam animam corpori, et hanc cum agente naturali facit, quæ tamen ita intelligenda sunt, ut non prius tempore anima existit, quàm uniat corpori.

Legendus de his quæ impræsentiarum pertractantur, Dominicus à SS. Trinitate, qui t. 5 suæ Bibliothecæ theologicæ, l. 4, sect. 10, per 26 cap. copiosissimè et admodum eruditè disserit de his hæresibus. Commoratur quoque in Oriente quædam hominum natio qui Christiani S. Joannis nuncupantur, quorum in superioribus nulla fit mentio, de quorum origine, ritibus et erroribus, tractatum Romæ editum an. 1682 noster Ignatius à Jesu, missionarius et vicarius nostræ residentiæ in Mesopotamiâ, in quo errores et hæreses illorum adducit, et egregiè confutat, quorum magnam etiam multitudinem ad catholicam fidem traducit.

## CAPUT V.

### ARTICULUS PRIMUS.

#### *De juvenis Orientalibus.*

Licet Orientis Ecclesiæ errores et clades innumeræ, quibus tot annis obruta permansit, idololatrarum gentium, ob sua peccata, obduratam habere frontem, et obstinatam mentem, et ideo à Deo Optimo Maximo derelicta videatur, tamen nos animare debet ad meliora speranda is apud quem non est impossibile omne

verbum, quique quarrentibus scribè regnum Dei ejusque gloriam, animarum luca multa solet adjicere, atque ita hoc ultimo seculo in remotissimis Indis, ad ortum, occasum et meridiem, deletis idolis, trophæum cruels passim excitavit, cum hæc mundi plaga quæ vergit ad Orientem, restet, in quâ necesse etiam sit Evangelium rectè annuntiari. Magnum in eâ ostium apertiri posse orthodoxæ fidei, experientia ostendit, si summi Ecclesiæ Patris longanimitas, ut ita dicam, diligentia, quâ potissimum tot alia regna jugo Christi fuere subjecta, negotium hoc promoveatur.

Insuperant olim summi pontifices pro tuenda fide in Ecclesiâ Orientali, maximosque labores et pericula subire, ac nostro etiam seculo magnoperè student Orientalibus nationibus opem ferre, auxiliumque in omnibus prestare; præcipuus tamen Gregorius XIII, dignus æternæ memoriæ pontifex, præter alios operarios quos in Indias, in Angliam, Constantinopolim aliasque orbis partes misit, etiam in Alexandriam Ægypti, Syriam, Palestinam cum Libano monte, Babyloniamque aliquot destinavit, qui hujus tractus nationes divino verbo ac piis etiam muneribus à pontifice ipso missis, ad fidem atque pietatem allicerent. Præcipuus in Orientem legatus fuit Leonardus episcopus Sidonensis, et Apostolicus nuntius, qui in Orientem, cum aliis etiam viris doctis et piis (inter quos P. Joannes Baptista Romanus, societas Jesu) à summo pontifice ad patriarchas illos Orientales, ad aliosque metropolitans et episcopos, vestimenta sacerdotalia, argenteos calices, libros etiam aliquos linguâ Arabicâ conscriptos, aliisque pretiosa dona deferentes, missi sunt, plurimique tam ex patriarchis illius tractus, quam episcopis et archimandritis fidei professionem, unionemque cum sanctâ Romanâ Ecclesiâ jampridem tentam confirmarunt; alii de novo miserunt, sanctissimoque Romano pontifici totius orbis capiti obedientiam præstiterunt; alii propter magna sibi pericula, tam à Turcis, quam à Arabis fratribus imminencia, fidei professionem opportuniori tempore reservarunt. Stant hodiè in Bibliothecâ illiusissimi domini cardinalis de S. Severinâ, qui tunc totius Orientis protectione gaudebat, quæ plurimum patriarcharum, aliorumque episcoporum Orientalium fidei professiones Arabicâ linguâ conscriptæ, eorum sigillis et subscriptionibus firmatæ, ac in Latinam etiam linguam traductæ. Et ut Gregorio XIII, è vivis discedente, hujus mis-

sionis fructus consistere, Seminarium instituit, in quo pueri Orientalium et Maronitarum excepti, in catholicâ doctrinâ erudiantur, ut inde in patrias sedes reversi suos docere possint, quæ ad cultum Christi pertinent, et in officio fidei continere. Quare postea Clemens VIII, post Gregorium XIII, ad montem Libanum duos sacerdotes (ut jam supra de Maronitis agentes latius scripsimus), è Patribus Jesuitis misit, ut certior fieret, nam sumptus, qui in Urbe in Seminario Maronitarum et aliorum Orientalium fiunt, bene ponerentur; quæve spes, aut restituendæ aut propaganda Religionis esset in Oriente.

Messes quidem in Oriente jam albæ sunt ad metendum, solùm superest, ut summi sanctæ Ecclesiæ pontifices mittant falcem, et huic negotio incumbant, præcipuè ut nobis jungantur; sed ut hoc fiat, non est opus unius dei aut legationis, sed et longanimitas, et non intermissâ perseverantiâ, et frequentissimis legationibus opus est, quæ omnia disponunt animos ad catholicam fidem, ritusque suscipiendos, quoadusque opus Dei perficiatur. Maximè verò oportet, ut christianis in regionibus illis sub Turcarum ditione inopiâ aliisque calamitatibus oppressis succurratur: id enim præstiterunt Romani pontifices ab initio nascentis Ecclesiæ, usque ad ætatem nostram, qui Christianorum catholicorum inopiam elemosynis abundè sublevarunt.

Hujus rei testis est Epistola Dionysii episcopi Corinthiorum vetustissimi ad Ecclesiam Romanam, in quâ sic alloquitur Romanos: « Apud vos jam mos inveteravit, ut omnes fratres variis afficeretis beneficiis, et Ecclesiis permultis, quæ in quaque civitate sunt, vitæ mitteretis subsidia. Sic planè non solum egentium sublevatis inopiam, verùm etiam fratribus qui sunt ad metalla damnati, opem fertis, atque ita per ea beneficentiæ subsidia, quæ jam primis Ecclesiæ vestræ jactis fundamentis passim mittere consuevistis, cum sitis Romani; Romanorum consuetudinem sedulò observatis; quam quidem certè beatus Sother vester episcopus, et hactenus custodivit diligenter, et valdè suo propenso studio sâdavit, idque non modò opes in sanctos reficiendos delegatas benignè ministrando, verùm etiam fratres ad ipsum adventantes, tanquam pater indulgens ac clemens in liberos beato ac pio sermone ad virtutem cohortando. » Hæc Dionysius. Testatur porrò Eusebius hanc consuetu-

dinem (de qua Dionysius) Ecclesie Romanæ suo adhuc tempore maximè servatam. Hinc Paulus Diaconus scribit à Symmacho papà abundè missum, unde se alere possent episcopi Africani, qui suis ejecti sedibus, in Sardinia exulabant. Liquet ex Epistolis Gregorii Magni, quantum pontifici Romano semper curæ fuerit in singulis totius orbis regionibus egentes Catholicos sublevare et benè iis facere. Ob id Romæ videmus esse cunctis nationibus, vel remotissimis, hospitales aedes cum suis redditibus, excitatas ab antiquis temporibus, ita ut neque Chaldæis sua domus, neque Indis et Æthiopiis desit; tot verò ac tantos sumptus à pontificibus Romanis factos ac fieri in dies ad inopiam sublevandam egentium.

Et cum longè sit certissimum Orientales nationes in summâ penuriâ spiritualium instructionum versari, rationi quàm maximè consentaneum est, ac officio hujus sanctæ sedis incumbit, datâ occasione quàm citissimè operarios, qui non quarant quæ sua sunt, sed quæ Jesu Christi, ad eas expedire. Cavendum tamen sedulo est, propter exploratores occultos, ne per Romam divulgetur rumorque spargatur, tales à summo pontifice, tanquam reformatores, aut aliorum negotiorum expediendorum causâ missos esse, sed secretò tanquam aliud acturi vadant.

Deinde omnium sibi gratiam conciliantes, sint etiam propenso in Orientales animo, non scrupulosi, non ignari, nimiumve zelosi: in hoc enim casu minùs inest mali peccato nimie dissimulationis, quàm in altero extremo, dico in nimio zelo; hoc quippe plus damni quàm utilitatis causare posset: non oportet quemquam exasperare; nam casu, quo Turca hujusmodi rei fieret conscius, severius aliquod edictum statueret, ita ut in perpetuum aditus præcluderetur Ecclesie conatibus, atque omnis spes præscinderetur: quamobrem cum omnibus quàm humanissimè, et quoad fieri potest, amicabiliter erit agendum.

Si caetera inter ministros paria sint, omnibus præferendi erunt ex iisdem partibus oriundi, et Arabico idiomate utentes, idque multas ob causas, et præsertim quia tanta non est Turcarum in eos suspicio, vel persecutio.

Proximè secundùm hos convenientissimi sunt huic missioni Franci, quia benignius à Turcis recipiuntur, maximè habitis literis à rege Franciæ, aut ipsius legato Constantino poli residente. Post quos idonei etiam sunt,

qui Gallicam linguam callent; pro talibus enim haberentur, et à Francis ibidem negotiantibus favore afficerentur, præcipuè virtute litterarum à supradictis obtenturam.

Apti insuper sunt et alii, habito salvo conductu, servatisque statutis et ordinationibus Turcarum, modò in iis condiciones requisitæ illucescant.

Minori dispendio, fastidio, periculo et suspicione mitti poterunt aliqui earumdem religionum ibidem habitantium, utpote S. Francis, S. Dominici, S. Basilii, S. Benedicti, etc., dummodò apti reperiantur, eos, inquam, ex illis monasteriis evocando, et transferendo per generalem eorum, modò hunc, modò illum, sub aliquo prætextu et honesto colore.

Expediens autem foret exhortari ad hanc rem generales religionum, aut procuratores eorumdem Romæ residentes, atque insuper exposcere catalogum omnium Orientalium, quos curæ suæ subjectos habent, et quinquam ex iis, vel pro præsentî, vel pro futuro huic functioni convenientes reperirentur, quod non ita novum, vel ab usu alienum videbitur, si Martinum V in memoriam revocemus, qui totius orbis litteratissimorum ac præstantium virorum nomina penes se in scriptis asservabat.

Omnibus ad hanc functionem idoneis reperitis, locus Romæ in propriis eorum monasteriis assignandus esset, ut ibidem in rebus ad similem missionem necessariis instruerentur, docerentur, ac penitus perfecti redderentur; et quidem, ut alacrius se huic operi accingant, ferventi zelo succendendi et inflammandi sunt, atque alii etiam spe quâdam animandi, tanquam si foret probatio quædam ad majora.

Præterea non minima difficultas est, et quæ schismaticos Orientales forsitan magis in schismate detinet, quòd Dioscorum aliosque schismaticos antesignatos, quos Ecclesia catholica hæreticos censet, ipsi ut viros sanctissimos colant, et tam in Missæ sacrificio, quàm aliis communibus precibus, solemniter invocent; sicut et apud Moscovitas etiam contingit, qui asserente Antonio Possevo in suâ Moscoviâ, licet res planè fabulosa sit, corpora quorundam, qui schismatici fuerunt, integra sese habere gloriantur, per quos miracula frequenter edî, cæcis visum restitui, ægros sanari constanter affirmant; ut plurimi periculi res esse videantur, si quis illorum corporum ele-

vet præconceptam animis suavitatem, aut quasi dubius quærat, nùm ille verè sancti, martyresse fuerit. Inter alios autem numerantur Gleba, et Boris, Petrus metropolita, Alexius, quorum corpora extare aiunt Moscovitæ. Hæc Possevinus. Unde hodie Jacobitæ aliæque Orientalium nationes, ut legati à Greg. XIII, missi experti asserebant, facillimè pontificis primatum agnoscebant, unius naturæ in Christo errorem, aliosque similes non sine animi promptitudine consistebantur; at cùm ventum fuisset, ut Dioscorum abjurarent, ita agrè tulerunt, ut ob id potissimum legati re infectâ revertentur.

Non minorem Orientales, sicut et Græci omnes habent difficultatem in recipiendo Calendario Romano emendato, cujus emendationem renuunt admittere: quare oportet, ut operarii qui mittendi sunt, hujus emendationis causas rationesque cognoscant, ut qui erudiendi sunt, capaces sanctæ novitatis fiant. De quâ re videndi sunt Antonius Possevinus in Refutatione adversus Davidem Chytræum, et Christophorus Clavius, qui librum hæc de re absolutissimum edidit Romæ. Quod si non facillè se Romano Kalend. accommodaverint, ferendi sunt, dum in aliis substantiam catholicæ fidei amplectantur.

Juvandi sunt, et urgendi Orientales ferè Eisdem argumentis, quibus Græci ipsi, desumptis à suppliciis à Deo Optimo Maximo illis, postquam à Romanâ Ecclesiâ descivere, inflictiis. Si enim respiciamus Ægyptum cæterasque Asiæ provincias, agitur annus plus quàm millesimus, ex quo illæ à nobis discesserunt, hæreticis Nestorio, Eutyche, Dioscoro ac præcipuè Monophysitis Ecclesiam perturbantibus (ut cætera omittam), vix aliquis ex illis proferrî poterit, qui fuerit excellenti præditus doctrinâ: corruerunt enim summa tam liberalium artium, quàm theologiæ ac cælestium disciplinarum fundamenta, ac ipsi in turpissimum prolapsi sunt ignorantiam.

Deinde operarii maximo studio curabunt, ut ex Christianis tam Græcis quàm Jacobitis, Armenis, Nestorianis, Coptis, aliisque, nonnulli, qui præstantiori polent ingenio, Romam mittantur, linguarum, litterarum, aliarumque scientiarum ediscendarum gratiâ, quos Romæ benignissimè recipiendos admonebunt. Græcos in Collegio Græco, et alios in Collegio nationum ultramarinarum, ac ibi amicè tractandos et educandos; et quod amplius est, cum conversatione rituum ipsorum, ut nimirum post-

quam benè instructi fuerint, et eruditi ad utilitatem ac emolumentum earundem nationum, in suam singuli patriam revertantur. Illud autem maxime advertendum, ut sint bonæ indolis adolescentes, bonisque moribus imbuti, apti, dociles, atque ingenii perspicacis, quique principia quædam linguarum habeant, et ætatis sint convenientis, Græci videlicet, à duodecimo anno ætatis usque decimum quintum, vel decimum sextum ad summum; aliarum verò nationum à duodecimo usque ad decimum octavum annum aut vigesimum, qui cùm transmittendi fuerint, securè et mercatorio more diligenti curâ navibus committantur.

Curabunt deinde libros aliquos Græco, Arabico, Chaldæo vel aliis illarum nationum linguis conscriptos secum portare, professiones etiam sanctæ fidei, non solum Latino idiomate, sed in linguâ Græcâ, Arabicâ, Chaldæâ; doctrinam quoque christianam, linguâ Illyricâ et caractere Italico: quæ et alia similia ôpera Romæ typis excusa facillè invenientur.

## ARTICULUS II.

### *Instructioes aliæ pro jurandis Orientalibus.*

Guardianus unâ cum religiosis familiæ Franciscanæ Hierosolymis degentibus, citra dubium plura præstare posset, quæ ad summam Dei gloriam, haud exiguum sanctæ Romanæ Ecclesiæ obsequium, atque omnium prope Orientalium spirituales profectum, et animarum salutem non modicum conducere.

Cùm in Dominico sepulcro immorentur religiosi septem diversarum nationum schismatis labe infecti, uti sunt Græci, Georgiani, Abyssini, Armeni, Jacobitæ, Copti, Suriani, Maronitæ, operæ pretium erit, hos in primis omni studio et industriâ ad veram sanctæ Ecclesiæ unionem reducere, quibus post veluti aptissimis instrumentis, eorundem pariter nationes in viam rectam dirigantur.

Sicuti omnes isti religiosi, vitæ auctoritate elucet, ideirco religiosi Latini, eosdem probatoris ac sanctioris vitæ exemplo præcellere contendunt, quò majoris faciant sanctam Romanam Ecclesiam, cujus hi partes agunt, ut similiter alios sincero vivendi modo ad vitæ melioris frugem et aviæ Religionis normam pertrahant; præbunt autem illos, tum in virtutibus, tum vel maxime in servitio et cultu divino.

Denique ut facillè animi eorum concillen-

tur, operæ pretium erit, quàm optimè erga illos allici, cum omni honoris respectu, et obsequiorum promptâ exhibitione, ut congeant carbones ignis super capita eorum.

Majoris ergo profectûs gratiâ, religiosi discretione, prudentiâ, et humanitate cæteris præstantiores, facilioresque ingenii seligendi, quibus Guardianus, cum aliarum nationum religiosi, communicationem persuadeat eâ ratione, ut cuius nationi unus pluresque deputentur.

Modus verò agendi cum ipsis erit ejusmodi, ut nimirum captatâ eorundem benevolentâ, etiam ritibus ipsorum præposteris nonnihil conniveatur, bona autem illorum opera haud mediocri existimatione censeantur, D. Pauli Apostoli instar ad Corinthios scribentis. Accedet insuper omnis diligentia, quâ et eorum opinionum advertantur, et rerum temporalium spiritualiumve status his nationibus proprius cautè eliciatur, et condiciones tum naturales, tum morales perdiscantur, atque, ut verò absolvam, ut præcipuo studio cujusvis nationis status et mores plenè, quoad fieri licebit, comprehendantur. Quæ, ut rectius ac majori cum fructu peragantur, necessarium erit, quemque religiosos in id opus incumbentium, sedulâ lectione auctores de natione scribentes, quàm quilibet ad sententiam sanio-rem perducere molitur, ante evoluisse; verùm ante singula, ipsimet errores errorumque fundamenta, integræque historiæ penitius introspicendæ, sine quibus vix aut ne vix quidem ullus poterit expectari profectus.

Ostendendum etiam, Ecclesiam Romanam probare ac indulgere, ut quævis Ecclesia propriis adhæreat ritibus ac cæremoniis, quippe cùm schismatici propriorum rituum tenacissimi sint. Ne ipsos eorum perdendorum inguens aliqua suspicio ab Ecclesiâ Romanâ alienet et evertat, opportunè laborandum, ut se in propriis cæremoniis insectandis conservandos esse persuadeantur. Exemplis deinde ac historicis antiquis primitivæ Ecclesiæ, sanctorumque Patrum præteritorum temporum, iis aperienda auctoritas, ac summi pontificis in præsentiarum usque continuata potestas explananda: quodque calamitates universæ, tyrannorum furor, ac quævis persecutionum procellæ in Ecclesiam catholicam insurgentes pontificum obedientiâ suppressæ hactenus semper evanuerint.

In emendandis verò ipsorum erroribus, cùm lentè, tum modestè procedendum, ne scilicet apertè nimis convincantur, vel acerbius

urgeantur, sed suavi reprehensio-  
ni rationes et auctoritates addantur subinde, ut sic facilius eorum mentes ac responsiones percipiantur. Quare opus esse duxerim, antiquiorum SS. Patrum et doctorum prædixisse nomina, nempe qui in cujusvis nationis majorem existimationem cadunt, ut doctrinarum eorundem habitâ notitiâ, inde argumenta sumentur, lenius tamen, omni disputationis acerbitate seclusâ: nationes enim istæ, et præsertim religiosi, suorum rituum et sectarum tenacissimi, ac in erroribus pertinaces, salutis suæ studiosos, præstigias sibi imponere velle falsò augurantur. Ulterius etiam, de pluribus simul erroribus non sunt coarguendi, sed de uno, deinde altero, hisque evidentioribus et nullatenus tolerandis: plura namque, quantumvis nihil decoris aut venustatis habeant, apud eos tamen ferenda erunt.

Maronitis sanctæ Romanæ Ecclesiæ unitis congratulandum, et in fide sanctæ Romanæ Ecclesiæ confirmandi. Verùm cùm credito sit facile, complures eorum antiquis erroribus adhuc nuntium non remisisse, opera ponenda, quò iisdem rejectis catholicæ veritatis reddantur capaces. Georgiani quoque, et his ad respicientiam procliviores Armeni, summâ curâ, familiari tamen tractu, ad Ecclesiæ Romanæ unionem invitandi. Æthiopes autem et Abyssini, ad Catholicorum ritus, summi-  
que pontificis recognitionem, velut capitis sui, suapte spontè magnoperè aspirantes, propter Nicæni tamen concilii dispositionem dubii, quo cautum fuit in Ecclesiæ patriarchalis distributione, Æthiopiam Alexandrinæ subdi-  
Ecclesiæ, à ejus patriarchâ, *Abunam* quemdam sic nuncupatum, schismatis semper labe infectum, assignatum sibi agnoscerent patriarcham: diligentissimè, et haud vulgari prudentiâ erunt dilucidandi, ostendendumque, duos haberi Alexandriæ patriarchas, Græcum alterum, alterum Coptum, eodemque fundamento schismatis, quo Græcum patriarcham rejiciunt, simili fidem errore Coptum inquinatum, nusquam ut patriarcham debere circumpecti. Insuper cùm uterque, et Græcus et Coptus, Turcarum dominio subsit, idcirco summus pontifex eos hucusque ab erroribus quibus contaminantur pro libitu vindicare nequibit. Accedit, quòd cùm ob schisma falsò patriarcharum nomine insigniti sint, Ecclesiâ Romana semper Alexandrinæ de vero, catholico insignique eruditione exulto patriarchâ providet, quem ubi Nicæni concilii decreta

rité sequuntur, pro vero patriarchâ Alexandrino, Roma; ob Alexandriam à Turcis interceptam residente, et ob Alexandrinum ibidem patriarcham schismate notatum, recipere tenentur.

Ultimò tandem, quidquid in dictis nationibus, catholice fidei dilationis et incrementi accesserit, totum plenè et sincerè, sanctæ Apostolicæ sedi transcribatur, quo, quid ulterius facto opus fuerit, maturè decernere et statuere valeat.

#### ARTICULUS III.

*De quibus præcipuè, tam in fide quam in moribus, interrogandis et instruendis videantur Christiani Orientales, qui volunt profiteri sanctam fidem catholicam, seu redire ad unitatem sanctæ Romanæ Ecclesiæ, et detestari ac abjungere errores et hæreses, plus misère pro prudentiâ theologi interrogantis.*

De Deo et ejus unitate. — De trinitate personarum. — An in personis detur majoritas aliqua vel æqualitas. — De Patris paternitate, de Filii filiatione, et Spiritûs sancti processione, seu spiratione. — An Filius sit coæternus, coessentialis, et per omnia coequalis Patri.

De Spiritu sancto: An sit coæternus, coequalis et coessentialis Patri et Filio.

De Spiritu sancto: A quo procedat, an à Patre tantum, vel à Patre et Filio, an ab uno vel pluribus principiis. — Quæ persona fuerit incarnata. — De Christi incarnatione. — De ejus naturis, an una, an plures. — Item de voluntatibus et operationibus Christi, an una, an plures. — Quid sentiat de illâ naturâ quam dicunt aliqui Orientales resultare ex duabus, et sic de unâ voluntate et operatione.

De libris canonicis sacræ Scripturæ, qui et quot. — De sacris generalibus conciliis, et quid unumquodque eorum damnavit. — De concilio Ephesino et Chalcedonensi, quid sentiat. — Quid item de S. Leone papâ primo. — An B. Virgo Maria Mater Domini nostri Jesu Christi, dicenda sit Dei genitrix, seu Mater Dei. — De hymno Trisagio, quomodò dicatur; an in fine ei addatur: *Qui crucifixus es pro nobis, miserere nobis.* — Quid sentiat de Nestorio olim Constantinopolitano episcopo. — Quid de Dioscoro olim episcopo Alexandrino, et Eutyche olim presbytero Constantinopolitano, et Severo olim episcopo Antiocheno. — Quid item de Cyro olim Alexandrino, et de Sergio Pyrrho, Petro, Paulo et olim Constan-

tinopolitanis; et Marcario olim Antiocheno episcopo, et aliis similibus hæresiarchis et hæreticis, in sacris Ephesinâ primâ, et Chalcedonensi quintâ et sextâ synodis, et in concilio Romano sub S. Martino papâ primo, et aliis generalibus conciliis damnatis, quos interrogans non vocet, aut dicat tales esse, ne pudorem inestiat interrogatis, aut eos retrahat à veritatis confessione. — De aliis œcumenicis et generalibus conciliis auctoritate sanctæ Romanæ Ecclesiæ confirmatis, et præcipuè de Florentino.

De sacramentis et eorum numero. — Quid unumquodque eorum contineat. — De effectu, de materiâ, de formâ, ministro, et intentione ea tradentis et suscipientis. — Specialiter verò de Baptismo parvulorum, et quot dies nati baptizentur. — De sacramento Confirmationis, et quæ sit materiâ, et quomodò consecratur, et à quo et quando renovetur Chrisma, et an quotannis. — De ministro, an solus episcopus. — De formâ. — De sacramento Ordinis, quot ordines habeantur, qui item sacri. — De tempore et modo ordinandi. — De ætate ordinandorum. — In Missâ quæ sint verba consecrationis corporis et sanguinis Christi. — An apud suos in azymo vel fermentato panis offeratur. — An cum vino misceatur aqua. — Quid sentiat de offerentibus in azymis. — De communione clericorum aut presbyterorum non celebrantium, et populi, et an sub utraq; specie. — De formâ cujuslibet ordinis. — De sâsonâ, præcipuè de his qui pecuniis aut conventionibus, aut alio humano studio et favore ordinantur in diaconos, presbyteros, eliguntur aut confirmantur in episcopos, archiepiscopos et patriarchas respectivè. — Quam auctoritatem accipiant in Ecclesiis ad quas ordinantur à tyranno Turcarum, vel Persarum, aut alio principe infidelis. — De matrimonio, an apud eos sit sacramentum. — Cujus ætatis esse debeant, qui aliud contrahunt, ac quibus ritibus, vel cæremoniis. — An inter consanguineos et affines, vel quoto gradu. — An admittant repudium vel divortium. — An vivente primâ uxore aliquo casu aliam ducere apud eos liceat; et contra vivente primo marito alteri copulari. — An altero conjugem in captivitate vel servitute detento, alteri nuptiis aliis jungi liceat.

De peccato originali, quid credat, aut sentiat, et an animæ creentur à Deo. — An quis salvari possit extra fidem mediatoris Dei et hominis Christi Jesu, et quid de his qui sunt

modò in lege naturæ. — De peccatis mortalibus. — De peccatis voluntatis, quæ non trans-eunt in actum exteriorem, an sint mortalia. — De sacramento Pœnitentiæ. — De peccatorum confessione sacramentali, et quoties fiat. — Quæ peccata sint confitenda. — Quæ pœnitentiæ vel satisfactiones apud suos imponantur. — De absoluteione à peccatis, et ejus formâ. — De indulgentiis. — De sacramento extremæ Unctionis, seu Unctionis infirmorum, an apud eos habeatur. — De materiâ, formâ et usu. — An sint faciendæ suffragia pro defunctis, et quæ. — An animæ decedentium ex hæc vitâ indigeant purgatione aliquâ, et quorum. — De Purgatorio, et loco purgationis animarum hujusmodi. An modò animæ sanctorum et justorum fruuntur beatitudine, et animæ malorum puniantur in inferno, an verò expectetur resurrectio corporum, et judicium universale. — De invocatione B. Genitricis Mariæ et sanctorum. — De cultu sanctorum imaginum Domini nostri Jesu Christi, B. Mariæ Deiparæ et sanctorum. — De lege veteri, ejusque cæremoniis, an cessaverint, quæ et quando. — De festivitibus quas habent, et illarum tempore. — De jejuniis, quæ observant, et illorum tempore.

## ARTICULUS IV.

*Brevis orthodoxæ fidei professio, quæ ex præscripto sedis Apostolicæ ab Orientalibus, ad sacrosanctæ Romanæ Ecclesiæ unitatem venientibus faciendâ proponitur.*

Corde credo, et ore confiteor, quòd unus est Deus, verus, omnipotens, incommutabilis, incomprehensibilis, ineffabilis et æternus Pater, et Filius, et Spiritus sanctus, unus in essentiâ, trinus in personis, Pater ingentus, Filius à solo Patre genitus, Spiritus sanctus à Patre Filioque æternaliter procedens, non sicut à duobus principiis, aut duabus spirationibus, sed ab utroque tanquam ab uno principio et unicâ spiratione. Pater non est Filius, aut Spiritus sanctus : Filius non est Pater, aut Spiritus sanctus : Spiritus sanctus non est Pater, aut Filius; sed Pater tantùm Pater est, Filius tantùm Filius est, et Spiritus sanctus tantùm Spiritus sanctus est. Nullus alium aut præcedit æternitate, aut excedit magnitudine, aut superat potestate, sed absque initio semper est, et sine fine. Pater est generans, Filius nascens, Spiritus sanctus procedens; consubstantiales, cœquales, coomnipotentes et cœterni. Hæ tres personæ sunt

unus Deus, non tres dii, una essentia, una substantia, una immensitas, unum principium, unus Creator visibilium omnium et invisibilium, corporalium et spiritalium, qui quando voluit universas condidit creaturas suâ bonitate, quas et valdè bonas voluit. Et idèò reprobo et anathematizo omnes hæreses et hæreticos sentientes et docentes contraria.

Firmiter etiam credo, et profiteor, quòd unigenitus Dei Filius Patris consubstantialis semper cum Patre et Spiritu sancto existens in plenitudine temporis, quom divinæ misericordiæ consilium inscrutable disposuit, ut nos à peccato Adæ, ac cæterarum culparum nostrarum sordibus mundaret, et à morte et inferno liberaret, incarnatus est de Spiritu sancto, in immaculato utero beatissimæ Mariæ semper Virginis veram et integram hominis naturam assumpsit, corpus videlicet et animam rationalem, in unitate personæ divinæ, tantâ unitate, ut unus et idem Christus sit Deus et homo, Dei Filius et hominis filius; ita quòd una natura non confunditur cum alterâ, nec una transit in alteram, nec una miscetur alteri, nec altera evanescit, sed in personâ omninò unâ sunt duæ perfectæ naturæ, divina scilicet et humana, salvis earumdem naturarum proprietatibus, duæ voluntates, duæ operationes, ita ut Christus sit tantùm unus. Et sicut formam servî Dei forma non ademit, ita formam Dei servî forma non minuit; qui enim verus Deus est, idem verus est homo : Deus per id quòd in principio erat Verbum, et Verbum erat apud Deum, et Deus erat Verbum : Homo per id quòd Verbum caro factum est, et habitavit in nobis : Deus per id, quòd de quinque panibus quinque millia hominum satiavit, quòd Samaritanæ aquam salientem in vitam æternam promisit, quòd Lazarum quatuoriduanum à mortuis resuscitavit; homo per id quòd esurivit, sitiivit, fatigatus est, et in ligno crucis clavus affixus est; unus et idem secundùm divinitatem, æqualis æterno Patri, immortalis, impassibilis; secundùm verò humanitatem minor Patre, mortalis et passibilis.

Insuper firmiter credo et prædico eundem De. Filium incarnatum, verè natum esse ex Mariâ semper Virgine, et idèò ipsam virginem fateor veram Dei Matrem atque genitricem; item verè passum, verè mortuum et sepultum, verè cum animâ descendisse ad inferos, ad liberandas animas sanctorum Patrum, quæ in limbo detinebantur, alligato insatiabili nomi-

cidd, subinde ex mortuis verè resurrexisse, et per quadraginta dies Apostolos docuisse de regno Dei, moxque ad cœlos ascendisse, sedereque ad dexteram Patris, et venturum esse in fine seculorum ad iudicandos vivos et mortuos.

Credo et profiteor nullum unquam hominem ex semine Adæ conceptum, et natum fuisse salvatum, aut fortè salvandum, nisi per fidem mediatoris Dei et hominum Domini nostri Jesu Christi, in sanguine et morte ipsius, quâ nos reconciliavit æterno Patri, et delevit chirographum iniquitatum nostrarum æternâ redemptione inventâ.

Item firmiter credo legalia omnia veteris Testamenti, seu Mosaicæ leg'is, quia Christum figurabant, licet divino cultui illâ ætate congruerent, ipso adveniente cessasse, et jam promulgato Evangelio servari non posse sine interitu salutis æternæ. Omnes igitur post illud tempus circumcisionis, sabbati, ciborum et lege prohibitorum, reliquorumque legalium observatores alienos à fide denuntio, et salutis æternæ non posse esse participes, nisi aliquando ab his erroribus respiciant; ab his enim omnibus liberavit nos Christus, et septem novæ leg'is Sacramenta instituit, quæ veneror, credo et profiteor, unum Baptismum, Confirmationem, Eucharistiam, Pœnitentiam, Ordinem, Matrimonium et extremam Unctionem, quæ omnia ea dignè sumentibus virtute Passions ejusdem D. N. Jesu Christi gratiam conferunt. Ista septem Sacramenta perficiuntur tribus, verbis videlicet, et rebus ac ministro; verbis, ut formâ; rebus, ut materiâ; ministro, qui facere intendat, quod facit Ecclesia. Recipio insuper quidquid de hisdem sacramentis sancta et catholica Ecclesia Romana docet et prædicat.

Credo, quòd si verè pœnitentes in Dei charitate decesserint, antequàm dignis pœnitentiæ fructibus de commissorum et omissorum pœnis satisfecerint, coram divinâ justitiâ eorum animas pœnis Purgatorii post mortem purgari, utque à pœnis hujusmodi releventur, prodesse eis fidelium vivorum suffragia, Missarum scilicet sacrificium, orationes et elemosynas, ac alia pietatis officia, quæ à fidelibus pro aliis fidelibus fieri consueverunt, secundùm Ecclesiæ instituta. Hicorumque animas, qui post Baptismum susceptum nullam omninò peccati maculam incurrerunt, illas etiam quæ post perpetrati peccati maculam, ut dictum est, purgata sunt, in cœlum mox recipi, et in æteri clarè ipsum Deum trinum et unum, sicuti est, pro meritorum tamen diversitate,

alium alio perfectius; illorum verò animas qui in actuali mortali peccato, vel solo originali decedunt, mox in infernum descendere, pœnis tamen disparibus perpetuò puniendas.

Firmiter etiam teneo et credo Symbolum fidei à trecentis decem et octo Patribus in concilio Nicæno, et à centum et quinquaginta in concilio Constantinopolitano traditum, ac semper in Ecclesiâ usque modò inviolatè custoditum, videlicet:

« Credo in unum Deum Patrem omnipotentem, factorem cœli et terræ, visibilibus omnium et invisibilibus, et in unum Dominum Jesum Christum filium Dei unigenitum, et ex Patre natum ante omnia secula. Deum de Deo, lumen de lumine, Deum verum de Deo vero, genitum, non factum, consubstantialium Patri, per quem omnia facta sunt, qui propter nos homines, et propter nostram salutem descendit de cœlis. Et incarnatus est de Spiritu sancto ex Mariâ Virgine, et homo factus est; crucifixus etiam pro nobis sub Pontio Pilato, passus et sepultus est; et resurrexit tertiâ die secundùm Scripturas, et ascendit in cœlum, sedet ad dexteram Patris, et iterum venturus est cum gloriâ iudicare vivos et mortuos; cujus regni non erit finis. Et in Spiritum sanctum Dominum et vivificantem, qui ex Patre Filioque procedit, qui cum Patre et Filio simul adoratur et conglorificatur, qui locutus est per prophetas; et unam sanctam catholicam et apostolicam Ecclesiam. Confiteor unum baptismum in remissionem peccatorum, et expecto resurrectionem mortuorum, et vitam venturi seculi. Amen. »

Confiteor, teneo et prædico unum eundemque Deum veteris et novi Testamenti, hoc est, legis et prophetarum, atque Evangelii auctorem esse, quoniam eodem Spiritu sancto inspirante utriusque Testamenti sancti locuti sunt. Itaque suscipio omnes libros canonicos, quos suscipit sacrosancta Romana et catholica Ecclesia. Sunt verò infra scripti: Testamenti veteris, quoque Moysis, id est, Genesis, Exodus, Leviticus, Numeri, Deuteronomium; deinde Josue, Judicum, Ruth, quatuor Regum, duo Paralipomenon, Esdræ 1 et 2, qui dicitur Nehemias, Tobias, Judith, Esther, Job, Psalterium Davidicum 150 psalmodum, Parabola, Ecclesiastes, Canticum canticorum, Sapientia, Ecclesiasticus, Isaias, Hieremias cum Baruch, Ezechiel, Daniel, duodecim prophetae minores, id est, Oseas, Joel, Amos, Abdias, Jonas, Micheas, Nahum, Habacuc, Sophonias, Aggeus,



Zacharias, Malachias, duo Machabæorum 1 et 2; Testamenti novi, quatuor Evangelia secundum Matthæum, Marcum, Lucam et Joannem; Actus Apostolorum, à Lucâ Evangelistâ conscripti, quatuordecim Epistolæ Pauli ad Romanos, duæ ad Corinthios, ad Galatas, ad Ephesios, ad Philippenses, ad Colossenses, duæ ad Thessalonicenses, duæ ad Timotheum, ad Titum, ad Philemonem, ad Hebræos, Petri Apostoli duæ, Joannis Apostoli tres, Jacobi Apostoli una, Judæ Apostoli una, et Apocalypsis Joannis Apostoli.

Item amplector, suscipio et approbo sanctam synodum Nicenam primam, trecentorum decem et octo Patrum, et profiteor et sequor quidquid illa decrevit, et reprobo et damno quidquid illa damnavit; et maximè impiam hæresim Arianorum, cum ipso auctore Ario, qui affirmare ausus est Filium Dei non esse ab æterno ab ipsâ Patris substantiâ genitum, sed ex tempore atque ex nihilo procreatum. Item amplector, suscipio et approbo sanctam synodum Constantinopolitanam primam, centum et quinquaginta Patrum, et credo quidquid illa decrevit, et reprobo quidquid illa reprobavit; et maximè impiam hæresim Macedonii cum ipso auctore, qui affirmare ausus est, Spiritum sanctum non esse Patri et Filio coæternum et consubstantialem, atque ideò nec esse Deum, sed creaturam. Item amplector, suscipio et approbo sacram synodum Ephesinam primam, ducentorum Patrum, et credo quidquid illa decrevit, et reprobo quidquid illa reprobavit; et maximè impiam hæresim Nestorianorum cum suo auctore Nestorio, qui duas personas in Christo constituens, assererat non esse à Verbo Dei carnem assumptam in unitate personæ, sed per solam inhabitationem instar templi sanctificatam, et Christum non esse dicendum Deum incarnatum, sed hominem Deiferum, nec beatam Mariam ejus genitricem dicendam esse Deiparam, sed Christiparam. Item amplector, suscipio et approbo sanctam synodum Chalcedonensem, sexcentorum triginta Patrum, quartam in ordine universalium synodorum, et credo ac sequor quidquid illa decrevit, et reprobo ac damno quidquid illa reprobavit; et maximè impiam hæresim Eutychetis et Dioscori Alexandrini, cum ipsis auctoribus, qui affirmare ausi sunt, non esse in Christo post unionem Verbi cum carne duas integras, perfectas, inconfusas et impermixtas naturas, cum unitate hypostasis, sive personæ, et reprobo secundam synodum

Ephesinam, imò potiùs latrocinium, quod factione ejusdem Dioscori, occiso beato Flaviano episcopo Constantinopolitano, legatis summi Romani pontificis fugatis, et episcopis cæteris terrore armorum ad assentiendum compulsis, Eutychanam hæresim impiè confirmavit.

Item amplector, suscipio et approbo synodum Constantinopolitanam secundam, centum sexaginta quinque Patrum, quintam in ordine universalium synodorum, et credo quidquid illa decrevit, et reprobo quidquid illa reprobavit; et maximè impiam hæresim Petri, Antimi, Severi et aliorum, qui existimantes ipsam divinam naturam trium personarum divinarum pro nobis crucifixam, Trisagio verba: *Qui crucifixus est pro nobis*, addebant. Item amplector, suscipio et approbo synodum Constantinopolitanam tertiam, ducentorum octoginta novem Patrum, sextam in eodem ordine, et credo quidquid illa decrevit, et reprobo quidquid illa reprobavit; et maximè impiam hæresim Sergii, Pyrrhi, Pauli, Petri, Cyri, Macarii ac Theodori, qui unam tantùm in Christo voluntatem et operationem stantes, unam quoque duntaxat naturam cum Eutychanis asserere conabantur. Item amplector, suscipio et approbo synodum Nicenam secundam, trecentorum quinquaginta Patrum, septimam in eodem ordine, et credo quidquid illa decrevit, et reprobo quidquid illa reprobavit; et maximè impiam hæresim Iconoclastarum, qui venerandas Christi et sanctorum imagines, tanquàm idola gentium essent, à templis auferendas, et flammis absundas esse dicebant. Item amplector, suscipio et approbo sanctam synodum Florentinam, amplius quàm centum et quadraginta Patrum, et credo quidquid illa decrevit de processione Spiritus sancti, à Patre et Filio, de consecratione panis azymi, vel fermentati, de Purgatorio, de beatitudine animarum, de primatu summi Romani pontificis, necnon de sacramentis et libris canonicis, et reprobo ac damno quidquid illa reprobavit et damnavit.

Præterea amplector, suscipio et approbo quæcumque alia concilia, quæ recipit et approbat sacrosancta catholica et apostolica Romana Ecclesia, et maximè sanctam œcumenicam generalem synodum Tridentinam, novissimè celebratam, ac damno et reprobo omnes hæreses et auctores earundem, quos et quas reprobat et damnat dicta sancta catholica et Apostolica Romana Ecclesia, necnon quidquid illa tenet et docet, cum omni devotio-

et reverentiam suscipio et amplector. Illos quoque doctores et sanctos Patres, quos eadem Romana Ecclesia approbat, reverenter suscipio. Teneo et confiteor sanctam Apostolicam sedem, et Romanum pontificem in universum orbem tenere primatum, et ipsum Romanum pontificem successorem esse beati Petri principis Apostolorum, et verum Christi vicarium totiusque Ecclesiae esse caput, et omnium Christianorum patrem ac doctorem existere, et ipsi in B. Petro pascendi, regendi et gubernandi universalem Ecclesiam à D. N. Jesu Christo plenam potestatem traditam esse: cuius Ecclesiae unitatem tanti faciendi esse affirmo, ut nullos extra eandem Ecclesiam catholicam existentes aeternae vitae participes fieri posse confitear.

Insuper promitto, me tanquam obedientiae filium ordinationibus, praeceptis, censuris ac jussionibus sanctissimi domini nostri N. divina providentia papae et successorum suorum Romanorum pontificum canonicè intrantium, et sedi Apostolicae semper et fideliter obtemperaturum.

Hanc veram catholicam fidem, quam in praesenti spontè profiteor, et veraciter teneo, eandem integram et inviolatam usque ad extremum vitae spiritum constantissimè, Deo adjuvante, retinere ac confiteri spondeo, voveo ac juro. Sic me Deus adjuvet, et haec sancta Dei Evangelia. Ego N., etc.

Hanc fidei professionem adducit Baronius, tom. 6, in fine.

#### ARTICULUS V.

*Interrogationes aliquot factae suae Sanctitati à reverendissimo patriarcha Maronitarum super fide et ritibus catholicis, manifestandar in synodo celebranda circa festum Paschatis, anno 1578.*

##### § I. — De Baptismo.

Quantum ad sacramentum Baptismatis, 1<sup>o</sup> nos benedicimus et consecramus aquam, quoties volumus baptizare; non autem consecramus in Sabbato sancto, secundum ritum Ecclesiae Romanae. 2<sup>o</sup> Non simul baptizamus masculos et feminas, credentes hoc pacto affinitatem contrahi. 3<sup>o</sup> Ordo etiam Baptismatis nostri diversus est ab Ecclesia Romana, quamquam forma sit eadem, 4<sup>o</sup> Item quia gens nationis nostrae habitat mixta schismaticis, hinc quandoque fit ut nostrorum filii ipsorum ritu baptizentur.

Responsio. Ad primum: Laudabile est benedici fontem Baptismi in Sabbato sancto, idque postquam in Ecclesiam Maronitarum esset in-

roducendum, quia, ut patet de Consecratione, dist. 4, antiquissimus fuit omnium Ecclesiarum usus ab Apostolis acceptus, in Paschate et in Pentecoste conferre Baptismum: in Paschate praecipue, quia proprie, inquit Leo papa can. *Proprie*, eo tit., in morte Crucifixi, et in resurrectione ex mortuis, potentia baptismi novam creaturam condidit ex veteri, ut in resurgentibus et mors Christi operetur et vita, dicente Apostolo: *Au ignoratis, quia quicumque baptizati sumus in Christo Jesu, in morte ipsius baptizati sumus: coconcepti enim sumus cum illo per Baptismum in mortem, ut quomodo surrexit Christus à mortuis per gloriam Patris, ita et nos in novitate vitae ambulemus*, haec ille. Imò Siricius papa ibidem can. *Non ratione*, temeritatis arguit Claronensem episcopum, quod extra haec duo tempora baptizaret. Qui mos licet modò non servetur, quod ea tempora adultis essent attributa, qui nunc raro veniunt ad baptismum, decet tamen retinere consuetudinem sub ipsum Pascha benedicendi fontem Baptismi, et sine ullo scandalo videtur id introduci posse apud Maronitas. Ad secundum: Hujusmodi affinitas nulla est, cum veteres canones (50, 4, 5, can. *Pyetiam*, et l. 6 de cognatione spiritali) non aliam cognoscant affinitatem ex Baptismo, nisi paternitatem, compaternitatem et fraternitatem, quae sit inter regeneratum et liberos tum regenerantis, tum susceptoris. Imò Tridentinum concilium sess. 24, c. 2, statuit ut inter susceptores, et baptizatum, et illius patrem et matrem, necnon inter baptizantem et baptizatum, baptizatique patrem et matrem, tantum spiritalis cognatio contrahatur. Ad tertium: Cum Florentinum concilium suas Graecis caeremonias reliquerit, possent et suae permitti Maronitis in Baptismo; dummodò per viros doctos ab omni superstitionis aut erroris specie expurgentur. Ad quartum: Licet permittendum non sit, ut Catholicorum filii à schismaticis baptizentur, valet tamen eorum baptismus, ut habetur de Consecr. dist. 4, can. *Si non sanctificatur*, can. *Romanos*, can. *A quodam Iudaeo*; et in concilio Florentino in unione Armenorum, si tamen debita forma et materia adhibita sint, cum intentione faciendi quod facit Ecclesia, dummodò non intendat baptizans profiteri, vel inducere suum errorem et haeresim, addendo formae aliqua verba orthodoxae fidei repugnantia. Quapropter servandum est, quod statuitur in concilio Arelatensi relato, de Con-

secrat. dist. 4, can. de Arianis, ut videlicet ab hæreticis baptizati interrogentur, quâ formâ fuerint baptizati: nam si constabit ritû baptizatos, nihil agendum est; si irritû, simpliciter baptizentur; si probabiliter dubitetur, sub conditione baptizentur.

### § II. — De Chrismate.

Quantû ad sacramentum Confirmationis attinet, primò, quia chrisma nostrum hocce anno præsentî antiquo ritu consecravimus, offenderetur populus noster, si ex propriâ meâ auctoritate id ipsum igne absumerem; idem dico de chrismate, quod divinâ favente gratiâ hocce die Jovis sancto, secundû ritum Ecclesiæ Romanæ et pontificis sum consecraturus, quod servatum velim pro aliquo anno, eandem ob causam; insuper non ita facilè hic reperitur balsamum. In posterum Chrismate sancto pueros ungemus circa annum ætatis eorumdem octavum; scire etiam aveo, quid statuendum sit circa nostrates, antiquo nostro ritu Chrismate inunctos, idque à sacerdote et tempore Baptismi.

*Responsio.* — Ad primum, per hæc initia liberandi à chrisomatis annuâ combustione, ob populorum offensionem et inopiam balsami, modò noveantur ut pedentetim studeant hortari populos ad recipiendum hunc Ecclesiæ Romanæ ritum, de quo Fabianus papa Martyr de Consecr. dist. 3, can. *Litteris*, severè scribit episcopis Orientalibus in hæc verba: « Litteris vestris invenimus quosdam religionis vestræ episcopos à vestro nostroque ordine discrepare, et non per singulos annos in cœnâ Domini chrisma conficere. Errant verò, qui talia excogitant, et mente vesanâ potiùs quàm rectâ sentientes hoc facere audent. Sicut enim ipsius diei solemniter per singulos annos est celebranda, ita ipsius Chrismatis sancti confectio per singulos annos est agenda, et de anno in annum renovanda, et fidelibus est tradenda, quia novum sacramentum est, et per singulos annos in jam dictâ die innovandum, et vetus in sanctis Ecclesiis est cremandum. » — Ad secundum Concilium Aurelianense (relatum de Consecr. dist. 5, can. *Ut jejuni*), sancire videtur, ne ante usum rationis pueri chrismentur: sic enim ait: « Ut jejuni ad confirmationem veniant, perfectæ ætatis: ut moneantur confessionem facere priùs, » etc., nec immeritò: hæc enim de causâ, dum quis confirmatur, alapâ cæditur, ut admoneatur quemadmodû juxta verbum evangelicum ante reges et præ-

sides flagella pro fide æquanimiter ferre debeat, et mortem; pueri autem ante usum rationis tam ad pugnam quàm ad hujusmodi cæremonias inepti sunt. Cæterû quoniam id solo Ecclesiæ usu tenetur, non malè sentit Dominicus Sotus in 2 Sent. dist. 7, q. unicâ, art. 8, si aliquibus nationibus usus esset confirmare infantes, retineri posse, cum id etiam facilitârit Ecclesia primitiva, ut ex Dionysii 2 c. Ecclesiast. Hierarch. colligitur. — Ad idem secundum: Sacramentum à presbytero collatum irritum est, ut ait Eusebius papa de Consec. dist. 5, can. *Manus*; id quod Innocentius I, Epist. ad Engubinum episcopum, cap. 3, docet non solû consuetudine ecclesiasticâ demonstrari, sed etiam Actis Apostolicis, quæ asserunt Petrum et Joannem esse missos, qui baptizatos traderent Spiritum sanctum. Tametsi, ut Florentinum concilium in unione Armenorum docet, possit presbyter ex papæ dispositione confirmare, quod Ecclesiæ Calaritanæ concessit D. Greg. I. 3 Regist. Epist. 26, quam dispensationem apostolicam, quia Hierosolymitanæ Ecclesiæ collatam esse non legimus, idcirco si qui à presbyteris chrismate vellent iterû ab episcopo chrisinari, possent chrisinari; cum cæteris verò, qui sine scandalo ejus rei nequeunt admoneri, dissimulandum est, cum non sit sacramentum necessarium salutî.

### § III. — De Eucharistiâ.

De sanctissimo verò Missæ sacramento: 1º nos Missam celebramus in solo azymo, laici verò nostri sub utrâque specie communicant. 2º Neque pluries quàm semel uno eodemque die super eodem et uno altari celebramus. 3º Idem apud nos mos obtinet, quòd uno sacerdote celebrante Missam, quotquot alii præsentés sunt presbyteri, habitu tamen dicentium Missam carentes, neque etiam consecrantes (communicantes tamen), omni onere atque obligatione tam pro vivis, quàm defunctis, eleemosynisque eam ob causam acceptis Missam celebrandi, absoluti, et satisfecisse censentur. 4º Diebus verò jejunii circa vesperam, imò quandoque exacto die solemus Missam celebrare. 5º Communicantibus autem administratur particula de ipsâmet hostiâ majori sub quâ celebratur, etiamsi magnus foret communicantium numerus, sub hisce verbis Christi: *Benedixit, fregit, deditque*, etc. 6º Timore infidelium non asservatur sacramentum Eucharistiæ, neque ubi pro infirmis conservatur, lampas ulla accensa præpenditur.

*Responsio.* — Ad primum: Si volunt in azy-

mis consecrare, non videntur prohibendi, hæci verò à communione sub utrâque specie pedetentim arcendi sunt, cum id tanti faciat Tridentinasynodus, sess. 21. Totus enim Christus sub unâ specie continetur, et in usu calicis magnum est periculum effusionis. — Ad secundum: Non peccatur sæpius unâ die in eodem altari celebrando, tametsi ea consuetudo mala non sit. — Ad tertium: Non satisfaciunt elemosynis pro Missâ collatis, nisi qui sigillatim ritè celebrant et consequant: tametsi dissimulandum non est, quod asserunt Paludanus in 4, dist. 45, q. 2; D. Antonin. p. 1, tit. 10, c. 2, § 4, et Silv. Ver. Missâ 4, 10, videlicet sacerdotem posse unâ Missâ satisfacere multis, quibus Missam promisit ob acceptas diversas elemosynas, si ipsi id sciunt, vel scire tenentur, quia scienti et volenti non fit injuria. Hæc illi. Quæ sententia quia probabilis est, tolerari posset mos sacerdotum Maronitarum, si inter se conveniant, ut Missa, quæ in cõmmuni dicitur aut legitur à multis, applicetur iis qui elemosynas contulerunt, cum ipsis ea consuetudo sacerdotum perspecta jam sit, ut probabile est. — Ad quartum: Hujusmodi mos mutandus non videtur; nam antiquus fuit in Ecclesiâ, cum concilium Cabilonense relatum de Consecr. dist. 1, can. *Solent*, præcipiat, et in jejuniis quatuor temporum circa vespertinas horas; in Sabbato verò et sancto circa noctis initium Missarum solemnè celebrari. Id quod licet jamdiù Latinis Ecclesia remiserit, nostræ consulens imbecillitati, tamen ubi servari potest, non modò tollendum non videtur, sed collaudandum etiam, quò diutius protrahatur jejunantibus hora comedendi, quam nov nisi vespertinam olim fuisse totâ Quadragesimâ, idem concilium declarat: quæ consuetudo ad tempus usque D. Thomæ Aquinatis ferè perduravit, quia, ut ipse testatur 2-2, q. 147, art. 7, suo tempore jubebatur usque ad horam nonam, quæ, ut ibidem annotat Cajet., est hora tertia post meridiem, et nempe jejunantes Christo compaterentur usque ad horam nonam, quâ expiravit. Quò item horâ, quia peractum est crementum sacrificium, non indecò è in eamdem horam defertur ineruentum. — Ad quintum: Non damnandus videtur is ritus, si non ex superstitione fiat, sed ex pio affectu, in ea Evangelii verba: *Benedixit, fregit, deditque*. — Ad sextum: Servetur quod in ipsorum synodo, 12 Constitutione decernitur, et quod necessitas jubet.

#### § IV. — De Confessione

Quod ad Confessionem attinet, 1<sup>o</sup> ob raritatem sacerdotum peritorum, singulis terris et oppidis, villisque proprio pastori constituendo non sufficit eorum numerus; hinc ad diversa loca diversi sacerdotes confessiones excepturi mittuntur, sic ut ovilia pastore privata quandoque remanere cogantur. 2<sup>o</sup> Et quia hæctenus auctoritatem à sanctâ sede Apostolicâ mihi particulariter concessam ignoro, etiam me latet quousque in alios eadem extendenda sit. Quapropter sanctitas vestra hæc in re mihi limites præscribere non dedignetur. 3<sup>o</sup> Insuper informatum me velim brevi sanctitatis vestræ, quod et aliis ostendere possim, num antiquæ pœnitentiæ observandæ sint, non verò arbitrariæ imponendæ.

*Responsio.* — Ad primum: Propter magnam ex propriorum pastorum in suis ecclesiis residentiam, utilitatem, gravissimè in sacris canonibus et Trident. concilio commendatam, magnoperè conandum esset, ut quoad ejus fieri poterit, proprii pastores singulis parochiis oppidis deputentur. Et per hæc initia summo pontifici supplicandum esset, ut aliquos eò sacramentorum idoneos ministros mitteret, qui et præsentem ministrorum paucitatem sublevarent, et alios subinde alerent ac docerent, qui sibi deinceps succederent. — Ad secundum: Huic patriarchæ concedenda videntur priscorum patriarcharum privilegia, quæ habentur de privilegiis et excessibus privilegiorum, cap. *Antiqua*, cum expositione doctorum; nec deneganda facultas absolviendi ab omnibus censuris et casibus, propter molestiam transmarinæ navigationis evitandam: atque hæc concessio, quò fuerit amplior, eò minus ipsis videbitur laboriosus et gravis novus ad Ecclesias Romanam reditus ac subjectio. — Ad tertium: Arbitrariæ pœnitentiæ concedendæ videntur, commendandæ tamen antiquæ, et ad eas populus suaviter induendus, cum experiamur, rigidarum pœnarum relaxatio ad quantam licentiam in peccando christianam populam duxerit; dummodò illorum antiquæ pœnitentiæ recognoscantur, et si oportuerit, expurgentur.

#### § V. — De Matrimonio.

Quantum ad matrimonium attinet, 1<sup>o</sup> gens nostræ nationis induci non potest ad intelligendum, illicitam esse repudiationem uxorum

etiam in adulterio reperatarum ; quas ita repudiatas rursus matrimonio associari posse existimant ; quare , etc. 2° Qualiter cum utriusque sexûs hominibus taliter repudiatis , postmodumque de novo matrimonio copulatis , sit disponendum ? 3° Et num eorum proles legitima sit , et in clerum admittenda necne ? 4° Item credimus viros ad quartas nuptias , feminasque ad easdem non esse admittendas. 5° Itidem num licitum sit Christianis cum schismaticis matrimonium contrahere ( quod prohi dolor ! sæpè fit ) , aut non ? 6° Scire etiam desidero , quousque mihi liceat circa matrimonium dispensare. 7° De impedimento publicæ honestatis non cognoscimus , quod tamen quandoque incurritur , desideroque cum talibus dispensari. 8° Credimus etiam illicitum esse patrem et filium cum matre et filiâ , duosve fratres cum duabus sororibus matrimonio posse copulari .

*Responsio.* — Ad primum : Constat divortio ob fornicationem habito , matrimonii vinculum non solvi ; sed quia affirmat patriarcha id suæ nationi incredibile videri , percommo- dum esset hanc catholicam veritatem illis promulgarè , certissimis Scripturarum Patrumque auctoritatibus et rationibus communitam. — Ad secundum : Quia prioris matrimonii vinculum adhuc durat , faciendum est quod Apostolus præcipit, 1 Cor. 7 : *Præcipio non ego , sed Dominus , uxorem à viro non discedere ; quòd si discesserit , manere inuptam , aut viro suo reconciliari.* Separandum itaque est secundum matrimonium , et redeundum ad primum , si ambo conjugés vivant ; alioquin manere possunt cum iis quibus jam juncti sunt , dummodò denuò spontè contrahant , perinde ac si nihil ante contraxissent. — Ad tertium : Liberi ex hujusmodi matrimoniis , quæ vera putabantur , cum non essent suscepti , ut in clerum recipi possint , auctoritate apostolicâ legitimi declarentur . Cum legitimi filii in jure censeantur nati ex matrimonio , quod vel legitimum erat , vel legitimum putabatur , ut colligitur ex canonè *Cùm inter* , et ex can. *Ex tenore , qui filii sint legit.* — Ad quartum : Hic usus est contra illud Hieronymi , 31 , q. 1 , can. *Aperiant* : « Non damno , inquit , bigamos , imò nec trigamos , et si dici potest , occi- togamos. » Infra : « Ego nunc voce proclamo liberâ , non damnari in Ecclesiâ bigamiam , nec trigamiam , et ita licere quinto et sexto , et ultra , quomodò et secundo marito rectè nubere. » Hæc ille : et ratio in promptu est ,

quæ ex nuptiis , quollescumque repeliitis , existunt et bonum prolis , et remedium concupiscentiæ ; catholicè itaque non sentit , qui id licere negat. — Ad quintum : Non licet contrahere cum schismaticis et hæreticis , cum id prohibeatur 28 , q. 1 , can. *Cave* ; ex D. Ambr. can. *Non oportet* ; ex conc. Agathensi , item concilio Chalcedonensi can. 13. Hoc tamen impedimentum non dirimit contractum tenet enim Matrimonium ratione characteris baptismalis ex D. Thomâ 4 , dist. 49 , q. 1 , art. 1 , ad quintum , et communi sententiâ doctorum ; quoad habitationem tamen separandi essent , si fidei periculum Catholicis immineret , cap. *Quæsiuit* , de Divort. — Ad sextum : Idem videtur dicendum quod supra , ad secundum , de Confessione. — Ad septimum : Libera est summo pontifici dispensatio in hoc impedimento , cum nihil habeat divini juris. — Ad octavum : Putandum non est non licere contrahere duos fratres simul cum duabus sororibus , aut patrem cum matre , et unius filium cum filiâ alterius . Affinitas enim non est inter cognatos contrahentium , sed inter unum contrahentem , et cognatos alterius contrahentis , ex c. *Quod super his* , de consang. et affin.

#### § VI. — De Ordine.

Quantùm ad sacramentum Ordinis attinet , 1° in nostro pontificali conferuntur ordines sine formâ per modum precreationis , dicendo : Ut eligas hunc in diaconum , presbyterum . Et si quid in hoc sit dubii , nobis insinuare dignemini , quanquàm in posterum secundum pontificale Romanum , quod modò de novo à legatis sanctitatis vestræ in linguam nostram vulgarem est traductum , illos conferemus. 2° Creamus insuper pueros 5 vel 6 annorum subdiaconos , sine obligatione legendi horas canonicas. 3° Neque etiam conferitur apud nos diaconatus vel sacerdotialis dignitas , nisi his qui priùs ( contra tamen usum Ecclesiæ Romanæ ) cum virgine contraxerint ; cum viduâ vel corruptâ non item , quibus tamen secundæ nuptiæ sunt interdictæ. 4° Dubium insuper nobis est , an iis qui ordinati sunt sine auctoritate vel literis dimissorialibus patriarchæ , vel proprii episcopi , in tali sint Ordine , vel suspensi , vel irregulares , similiterque episcopi sine Ordine auctoritateque patriarchæ.

*Responsio.* — Ad primum : Posthæc Juxta Pontificalis Romani ritus habeantur ordinationes . Quæ verò antehæc præter iustas factæ sunt , quales fuerint , judicari certò non pos-

test, nisi hæc militent illi suum Pontificale, ut ejus ritibus et cæremoniis perspectis facilius de re totâ statuatur.

Ad secundum: Sapienter Ecclesia, dist. 77 et 78, in ordinandis non solum usum rationis requirit, sed perfectam magis minùse ætatem pro ordinum varietate, idque tum ratione characteris, qui cum sit potestas exercendi conferendique, quæ ad Dei cultum pertinent, tradi non debet, nisi in eâ ætate, quæ hujus potestatis exercendæ sit capax, cum ratione annexi voti castitatis, quo nullus nisi sciens et volens debet obstringi. Itaque in sextâ synodo Constantinopolitanâ, can. 14 et 15, statuitur, ne diaconus ante 25 annum erector, nec subdiaconus ante 20, nec presbyter ante 30, quæ tempora licet variè mutata sint, inducendi tamen sunt Maronitæ, ut Tridentini eos eiliâ tempora observent, sess. 23, c. 12. Dummodò intelligatur ordines ante usum rationis collatos valere ex communi sententiâ theologorum, in quarto Sent. dist. 25. Tenentur etiam omnes ordinati ad horas canonicas, saltem illi nationi consuetas, et à viris doctis recognitas; non solum beneficiati, sed etiam qui sunt in sacris sine beneficio, ex D. Th. 6 Quodl., et in 4, dist. 23, ex Panor. in C. 1 de celeb. Miss.; ex cardinale in Clem. 1, eo tit. et communi sententiâ. — Ad tertium: Cum Stephanus papa, dist. 51, can. *Aliter*, tradat Orientalium veterem esse traditionem, ut eorum sacerdotes matrimonio copulati sint, eumque id illis nunquam interdixerit Ecclesia, nec videtur interdiciendum Maronitis: Lex enim concubitus semper gravis visa est Græcis, propterea conjugium permissum est illis. Sic enim scribit Clemens III, C. *Quæritum* de penitent. et remiss.: « Sacerdotibus Græcis legitimo matrimonio licet uti. » Et clarus Innocent III, C. *Cum oim*, de cler. conjug.: « Orientalis Ecclesia votum continentie non admisit, quoniam Orientales in minoribus ordinibus contrahunt, et in sacris utantur matrimonio jam contracto. » Ille illi. Permittendum id itaque videtur Maronitis, dummodò ad matrimonium non compellantur, qui cælibes esse vellent; sed ad id potius piis hortationibus inducantur. — Ad quartum: Bonè res se habet.

#### § VII. — De conciliis

De sacris verò conciliis, nullam aliam notitiam habemus, quàm de quatuor generalibus: hæc quid alia concilia generalia circa consue-

tudines innovarint vel abrogarint, præterea ignoramus, etc.

*Responsio.* — Quoniam quatuor tantùm concilia generalia habent, et postulant de reliquis edoceri, necessarium videtur ad tantæ rerum divinarum ignorationi consulendum, jussa summi pontificis ab aliquot theologis colligi in libellum omnes catholicas et orthodoxas propositiones, cæteris conciliis generalibus sanctas, tametsi concilium Tridentinum totum posset ad eos mitti in Arabicam linguam convertendum; idem de Catechismo ad parochos.

#### § VIII. — De variis rebus.

Quod ad diversas verò res alias attinet, 1° quæro, quid statuendum mihi erit circa certum populum diocesis nostræ vulgariter *Bianchi* nominatum, metu tributorum seu mortis, Mahometicæ legis ritus externos obuentem, qui tamen nostro ritu baptizatur et jejunit, confessionem, sacramque communionem maximè exoptans. 2° Item num modus noster jejunandi sit validus, qui sic instituitur, ut toto die in jejunio transacto, vesperi tamen interruptam cœnam in dormiendi usque tempus protrahamus. 3° Cavetur insuper exactissimè, ne mulieribus menstruum patientibus sacra synaxis, vel oleum sanctum admistrentur, multoque minùs in ecclesiam intromittantur. 4° Lapidés altariorum nostrorum sacri oleo chrismatis uncti sunt, non adhibitis sacris sanctorum reliquiis, super quibus num rectè celebretur necne? 5° Ornatus itidem ecclesiarum nostrarum, velaminaque alba altariorum bombycina sunt, propter lini penuriam. 6° Præterea cum Pontificale Romanum statuat jubeatque singulos episcopos ultramarinos omni triennio Romam venire de Ecclesiarum ipsorum statu deposituros, num et nostri ad idem teneantur necne, sufficiatque propter itineris difficultates Turcarumque pericula, quempiam eorum nomine delegare.

*Responsio.* — Ad primum: D. Thom. et Cajet. 2-2, q. 3, docent aliud esse occultare suam fidem in Christum, aliud profiteri religionem falsam. Illud non semper malum; non enim necessaria confessio fidei, nisi cum interrogamur, vel urget necessitas proximorum, vel scandalum, etc. Hoc verò nunquam licet nec verbo, nec facto, cum utroque modo Christus æquè negetur, etiamsi corde credatur. Inde qui in tormentis Christum negant, quamvis animo fidem retineant, damnantur

11, q. 3, can. Existimat; ab Hieronymo, can. Non solum; ab Augustino, can. Nolite; à Chrysostomo; et credere id licere, pertinet ad hæresim Elcefaitarum, de quibus Euseb. l. 6, c. 28. Contra quos Origenes in Psal. 82, scribit: Quia corde creditur ad justitiam, ore autem confessio fit ad salutem: *Qui negaverit me coram hominibus, negabo et ego eum coram Patre meo, qui in cælis est.* Ex quo patet hos populos Alborum in statu damnationis esse, si metu tributorum seu mortis vel ob-eunt externos ritus Mahometicæ legis, vel habitum aliquem gerunt per se institutum ad eam profitendam, ut disertè Cajet. ibidem, Silv. Ver. fides § 5, aliique. — Ad secundum: Comandum est ut jejunium non multis interruptis connectionibus fiat, sed unica tantum; id enim ecclesiastico jejunio necessarium esse assertit D. Thom. 2 2, q. 147, art. 6, et theologo reliqui in 4 dist. 25. — Ad tertium: Menstruatis nec Eucharistia, nec oleum sanctum, nec Ecclesiæ ingressus inhihendus, nisi ipsæ ex devotione abstineant. Sic enim de iis D. Greg. Augustino Anglorum episcopo scribit dist. 5, can. *Ad ejus*: Mulier, dum ex consuetudine menstrua patitur, prohiberi ecclesiam intrare non debet, quia ei naturæ superfluitas in culpam reputari non debet, et pro hoc quod in vitâ patitur, injustum est, ut ecclesiæ ingressu privetur. Novimus namque quòd mulier, quæ fluxum sanguinis patiebatur, post tergum Domini humiliter veniens, vestimentum ejus fimbriam tetigit, atque ab eâ statim sua infirmitas recessit. Si ergo in fluxu sanguinis posita laudabiliter potuit vestimentum Domini tangere, cur etiam, quæ menstrua patitur sanguinis, ei non liceat ecclesiam intrare? Si enim ea benè præsumpsit, quæ vestimentum Domini in languore posita tetigit, quod uni personæ infirmanti conceditur, cur non concedatur cunctis mulieribus, quæ naturæ suæ vitio infirmantur? Sanctæ quoque communionis ministerium in eisdem diebus percipere non debet prohiberi. Si autem ex veneratione magnâ recipere non præsumpsit, laudanda est; sed si susceperit, non est judicanda. Hæc ille. — Ad quartum: Dispensari posset, donec mittantur commodè reliquiæ, quæ portatili altari inserantur. — Ad quintum: Concedendum videtur, ut utantur in ecclesiæ ornamentis, telis bombycinis, ob lim penuriam. — Ad sextum: Ob magnam locorum intercapediæ denegandum non vi-

detur, quod petunt, ut satis sit, unoquoque triennio unum episcoporum omnium nomine Romam destinari.

§ IX. — *Constitutiones aliquot dandæ in synodo provinciali reverendissimi patriarchæ Maronitarum.*

Prima, ut in posterum inter nationem nostram, nec in Ecclesiâ, nec extra dicatur cum Trisagio: *Quando crucifixus es, vel, Quando mortuus es, vel, Quando resurrexisti, etc.,* sed solum in hunc modum: *Sanctus Deus, sanctus fortis, sanctus immortalis, miserere nobis; extra verò Trisagium dici poterit in piam commemorationem Passionis Christi.*

II. In posterum tam masculi quàm feminæ octiduani baptizentur, neque post baptismationem communicent, aut chrismatum, qualiter hactenus fieri solitum est; chrismate tamen inungantur, idque super capite post baptismum, qualiter consuevit Ecclesia Romana.

III. Singulis annis, die Jovis sancto, consecratur Chrisma cum reliquis oleis sanctis, et vetus exuratur coram venerabili sacramento, nec alia adhibeatur materia præter oleum olivarum et balsamum, cum consecratione et ordine, secundum ritum Ecclesiæ Romanæ.

IV. Sacramentum Confirmationis pueris octavum agentibus annum conferatur, idque in fronte à patriarchâ, vel episcopis juxta ritum Ecclesiæ Romanæ, non autem à sacerdotibus cum Baptismo, uti hactenus consueverunt.

V. Sanctum Eucharistiæ sacramentum in posterum non administretur, nisi usum rationis habentibus, ut nimirum dignè sumatur secundum S. Pauli Apostoli admonitionem, usumque et mandatum sanctæ Ecclesiæ Romanæ.

VI. Insuper quia (ut notum vobis est) inter tot schismaticas nationes habitantes, nostri illorum libris mixti sunt, summis etiam cum erroribus contra Romanam Ecclesiam, hinc nobis perplacet, Si RR. Patres à vestra sanctitate missi ad nos, libros nostros examinent, bonos seligentes, suspectosque comburentes, qualiter in nostro monasterio sancto de Canubir facere cœperunt; quod si præstemus, sanctissimus papa noster promissit se Biblia aliosque multos libros utiles et catholicos, secundum usum Romanæ Ecclesiæ imprimi curaturum; quapropter quotiescumque hæc de causâ requisiti fueritis, nullos libros eorum conspectui subtrahatis.

VII. Cæterum ut fides pura, et obedientia

sincera inter nostras nationes erga sanctam catholicam Ecclesiam Romanam conservetur, quoties inter nos novus patriarcha eligetur, subitò oratores ad sanctitatem suam pro confirmatione ejusdem delegentur, qualiter fecere antecessores nostri tempore reverendissimi patriarchæ Jeremiæ bon. mem., quod ipsum etiam à me ultimò observatum est; similiter quotiescumque creabitur novus pontifex Romanus, transmittenda erit à pauperculâ nostrâ natione obedientia nomine patriarchæ, totiusque cleri et populi Maronitarum. Et omni triennio, si idem patriarcha Romam, sedis et officii sui rationem redditurus sedi Apostolicæ, proficisci nequeat, ad minus expedire aliquem fidelem et diligentem, ac in omnibus benè informatum, qui suæ sanctitati rationem reddat, transmittereque tenebitur. Paratissimi interim nos semper quidquid sanctissimæ sedi in salutem animarum nostrarum placuerit mandare, sincerissimè acceptare.

VIII. Item quando RR. PP. legati sanctitatis suæ, ad vos visitandarum Ecclesiarum vestrarum causâ, ritumque administrandi Sacramenta inspecturi (qualiter eosdem obtestatus sum), venerint; meam, vel alienjus archiepiscopo-  
 rum eorum presentiam dignentur. Quare supplico charitati vestræ, velitis eosdem benigno vultu, debitoque honore et rationi consono recipere, cum patriâ relicta suæ sanctitatis mandato, pro salute vestrâ, tot maria et pericula fuerint dimensi; salutiferisque eorum mandatis, et circa Ecclesiam salutemque vestram præceptis morem gerite; nullam in ostendendis libris, statuque Ecclesiæ vestræ explanando difficultatem facientes, verùm quidquid circa ritum rectè administrandorum Sacramentorum, et vestram oviumque vestrarum salutem præceperint, sincero corde, paratoque ad obediendum animo amplectamini, et salubres eorum admonitiones et ordinationes scriptis mandate, ne memoriâ excidant, quæ omnia, divinâ favente gratiâ, sum executurus; hæc enim est voluntas sanctitatis suæ, et dilecti nobis fratris cardinalis Caraffæ, simulque id ipsum à vobis postulamus.

IX. Præterea, quæ sua sanctitas mandat, et dilectus frater et protector noster cardinalis Caraffa, vos insuper monitos velim (quod et vobis notum est) multos utriusque sexûs homines nationis nostræ esse salutarium instructionum ad fidem pertinentium ignaros; quare vos obtestor gravam instruendo ovili vestro in hæc quæ animarum salutem tangunt, operam

dare velitis, præcipuèque in oratione Domini à et salutatione Angelicâ, decemque præceptis decalogi edocendis, cum hocce proprium vestrum officium concernat.

X. Curetis insuper ecclesiastica cuncta sint quàm nitidissima, et præsertim corporalia, calices, patinæque, super quibus consecratur, poniturque sanctissimum corpus et sanguis Christi.

XI. Nullus etiam in posterum Missam celebrare præsumat sub alterâ hostiâ, quàm eâ quâ utitur Ecclesiâ sancta Romana, compositâ nimirum ex solo polline et aquâ, et quousque dabitur copia ferrorum formandarum hostiarum, statuimus paucula similia ferra pro tempore inter nos extantia distribuantur, sic ut cuique Ecclesiæ possit satisfieri.

XII. Sanctissimum quoque Sacramentum in loco nitido et securo asservetur, illique semper lampas accensa præpendeatur, atque id ipsum ad minus singulis mensibus Romanæ Ecclesiæ ritu renovetur.

XIII. Item Missæ in ipsâ Ecclesiâ devotè celebrentur, nec inter cantandum novus versus ante finitum priorem incipiatur: sciendam enim est nos cum Deo benedicto pro impetratione rerum nobis necessariarum tractare.

XIV. Ornamenta etiam ecclesiastica, ubi sorduerint, lavanda sunt, cum nihil de earum consecratione per lotionem detrahatur, contra quorundam tamen opinionem; corporalia autem prius à sacerdote abluenda sunt, deinde per laicum quemvis, ut sic videlicet omni puritate et nitiditate Deo omnipotenti serviantur.

XV. Quoties autem in Ecclesiâ divinum officium celebrabitur, unus ad minimum cereus, aut oleaceum lumen ad finem usque accendatur, summâque cum devotione silentium in Ecclesiâ observetur.

XVI. Sit quoque in omni Ecclesiâ vas aliquod conservandæ aquæ Iustralis ritu Romanæ Ecclesiæ, cujus benedicendi modum et formam, singulis videlicet diebus Dominicis vobis trademus.

XVII. Sanctum verò chrisma, aliæque olea sacra, singulis diebus Jovis sancti, posthæc à nobis renovanda, et per totam diocesim distribuenda, in loco nitido asservanda sunt, non tamen sanctissimo Sacramento miscenda.

XVIII. Neque in posterum Missa celebretur calicibus vitreis, ligneis, vel æneis, sed aureis argenteisque, aut stanneis, quique nec stanneos habent, mutuo ab aliquo sumant, quousque divino favente auxilio, Romanæ



que Ecclesie subventionē hīscē providebimus.

XX. Instabitis etiā summā cum diligentiā, ut grex vester ad minus ter in anno communicet; sacerdotes verō diaconique sacro inservientes, pro necessitate salutis animarum suarum, sæpius sacram Synaxim sumere monentur.

XXI. Omnis autem diaconus aut sacerdos singulis diebus horas canonicas in Ecclesia, vel si id commodē fieri non possit, saltem extra, legere tenetur.

XXII. Dies quoque Dominici vel festi, in posterum melius colantur, ebrietatem, excessusque illicitos et inconvenientes exactius quā hactenus fugiendo.

XXIII. Quisque etiā vestrum fugiat jura-menta, mendacia et ingurgitationes, vitia nationi nostræ communissima, atque eo modo subditos vestros bono exemplo præcatis.

XXIII. Efficite insuper ut quā possint maximē subditi vestri schismaticorum, hæreticorum, excommunicatorum, et infidelium conversationem exerceant; multoque minus cum eisdem prout hactenus, nuptiæ contrahantur, ne Christiani talium sectarum hominibus prorsus fugiendis commisceantur.

XXIV. Curandum in posterum, ne repudia ullam ob causam, ne quidem fornicationem, cum contractione novarum nuptiarum committantur; verū tali (quod averiat Deus) interveniente vitio, separatio fiat habitatione tenens, etc., et ita separata, si postmodum sese convertat, nunquam debita marito præstet, ob amorem Dei, qui contritæ et penitenti per confessionem censetur condonasse, rursus in conjugalem thalamum admittatur: ne fortē conjugum alter per humanam fragilitatem in peccatum labatur; sunt enim evangelica verba ad mentem Ecclesie Romanæ intelligenda.

XXV. Non præsumat, nec sacerdos, nec secularis, pecunias sub usuris exponere.

XXVI. Item reliquæ sanctorum, si quæ sint, in Ecclesiis in loco sacro et nitido asserviantur, et summo honore ad majorem Dei gloriam afficiantur.

XXVII. Quidquid à debitis vacationibus vobis temporis suppetet, legendis bonis libris, impendite, hæreticorum scripta nationi nostræ frequentissima fugiendo: ex libris enim salutaribus quid vestris subditorumque vestrorum animabus conducat elicietis.

XXVIII. Sacerdotes uxoribus carentes, nisi urgentissimā necessitate requirente, feminis mixtim cohabitare non sinantur; religionem vērō professis mulieribus, ne quidem matri,

cognatis, sororibusque cohabitare non permittantur, quomāmodum expressē canone Concilii Nicæni cavetur.

XXIX. Prælati nullos gradus clericales, præsertim sacerdotalem, aliis quā bonis et doctis, bonamque famam habentibus conferant; et quisquis hīscē donis caret, ad eodem gradus aspirare non præsumat.

XXX. Moneo vos insuper, quōd in posterum singulis annis hocce tempore synodum faciatis; ad statuendum et ordinandum de aliis rebus Ecclesiam nostram, Maronitarumque nationem concernentibus: quapropter paratissimi sitis hūc moniti diligentissimē venire, de aliis negotiis statuendis audituri.

XXXI. Ultimō vos moneo celebrare Missam pro vivis vel defunctis, quoties vos obligatos esse contigerit, quisque vestrum conscientiam suam exsolvat; neque enim satisfit, nec sat est uno celebrante cæteros præsentēs secundū ritum Ecclesie nostræ simul legere; absolute enim et integrē et secundū obligationem Sacram est celebrandum. Vos insuper obtestor divinam clementiam precari dignemini pro salute sanctissimi nostri papæ Gregorii XIII, dilectique fratris et domini nostri cardinalis Caraffa protectoris humilitatis, totiusque nationis nostræ, et pro cunctis gentis nostræ fidelibus humiles ad Deum preces effundere non dubitetis. Laus Deo. Factum in Canubir.

#### ARTICULUS VI.

*Propositiones aliquot excerptæ tum à quibusdam libris Maronitarum, dum expurgarentur a legatis apostolicis, tum ex communi consensu et quādam traditione receptis, quæ videlicet hæreses sunt manifestæ, vel erroneæ, vel superstitiosæ; qui etiā errores solent esse communes aliis nationibus Orientalibus.*

*Circa creationem.* — 1° Anima rationalis ex divinā substantiā creatur. 2° Animæ ab initio omnes simul creatæ fuerunt. 3° Quædam brutorum perfectæ species non fuerunt ab initio creatæ, maximē verō canis et felis. quorum hanc ex sternutatione Leopardi, illum verō à diabolo productum affirmant.

*De Christo Domino et sancto Spiritu.* — 1° In Christo una tantum est natura, una voluntas, una operatio. 2° Christus non comedit agnum cum discipulis, quando postremō cœnavit cum illis, sed alios cibos tantum, et intinxit panem, quem erat Judæ porrecturus ad consecrationem tollendam. 3° Christus flagris cæsus,

spinis coronatus, ac purpurâ indutus fuit in domo Caiphæ principis sacerdotum. 4° Christus post resurrectionem non habuit cicatrices, quas nec martyres sunt habituri, quasque discipulis ostendit; illas sibi tunc creavit, ut eos ad resurrectionis veritatem credendam perduceret. 5° Spiritus sanctus à solo Patre procedit.

*De iudicio.* — 1° Non datur particulare iudicium. 2° Nemo ingreditur regnum cœlorum, nisi perfecto universali iudicio; animæ sanctorum in quodam amœno loco sub cœlo asservantur, in quem locum Christus et bonus latro iverant, atque in hunc sensum intelligenda verba Christi: *Hodie mecum*, etc. Impiorum verò animæ extra præfatum locum custodiuntur ab angelo sub cœlo, sive prope locum sanctorum, sive alibi, et *Infernus* dicitur; quo sensu accipienda sunt illa verba: *Mortuus est aïtes*, etc. 2° Fideles etsi in locum pœnarum eant, si in mortali peccato decedant, nihilominus tamen merito fidei, quam in Christum habuerunt, liberabuntur.

*De sacramento Baptismi.* — 1° Nemini nisi sacerdoti vel diacono licet baptizare, etiamsi urgeat extrema necessitas. 2° Intentio ministri non requiritur necessariò, sed talis est fides Ecclesiæ. 3° Unctio chrismate facta in Baptismo essentiam præbet Baptismo, ac proinde Baptismus nullus foret sine huiusmodi unctione. 4° Parvulus recens natus si contrectetur à matre ante ejus purificationem, immundus fit, ac proinde non baptizandus maculus ante quadragesimum diem, femina verò ante octogesimum diem, hoc est, antequàm mater purificata existerit, ne infans ab immundâ matre contrectatus novam contrahat immunditiam. 5° Infidelis mulier si ad fidem convertatur, non debet baptizari quædiù fuerit menstruata. 6° Masculus et femina si baptizentur simul, contrahunt affinitatem. 7° Hæretici qui ad Ecclesiam revertuntur, rebaptizandi sunt. 8° Baptismus Joannis remittebat peccata. — *Petitio.* 9° Quid de parvulis Catholicorum à schismaticis illorum ritu baptizatis?

*De sacramento Confirmationis.* — 1° Non extat hoc sacramentum apud Maronitas, quòd sentiant tantùm semel inungendum esse Christianum chrismate, scilicet dum baptizatur. 2° In oleo sancto chrismatis est persona Spiritûs sancti, sicut persona Christi in Eucharistiâ. 3° Hoc sacramentum etiam à sacerdotibus confertur. — *Petitio.* Quid de chrismatis præfato ritu et à sacerdotibus?

*De sacramento Eucharistiæ.* — 1° Panis fermentatus tantùm consecrandus debet necessariò esse recens, et illo die coctus; quòd si huiusmodi non adsit, omittatur sacramentum. 2° Non sunt consecrandæ plures duabus hostiis pro quâlibet vice; quòd si cogatur sacerdos ob aliquam necessitatem dictum numerum excedere, consecratur non pauciores septem, vel si plures, curet numerum semper esse imparem. 3° Plures sacerdotes celebranti assistentes, dicunt omnia quæ celebrans, exceptis consecrationibus, quo pacto censent singulos celebrasse, et satisfacisse elemosinis pro Missis collatis. 4° Laici communicant sub utraque specie. 5° Eucharistia præbenda est etiam pueris statim post Baptismum. 6° Sacerdoti non licet filio, vel filie, vel affini vel consanguineo cuiquamque Eucharistiam porrigere. 7° Eucharistiam ad egrotum in extremis laborantem non licet deferre. 8° Eucharistiam in nos receptam ad stomachum non descendere existimatur, sed statim per omnia corporis membra diffundi. 9° Licet sacerdoti sacrum facere supra librum quempiam Evangeliorum, si desit altare quodcumque.

*De extremâ Unctione.* — Oleum infirmorum à sacerdote singulari quodam modo conficitur.

*De sacramento Ordinis.* — 1° Nullam habent rationem ætatis in sacris ordinibus tradendis; ideò ipsi pueros quadrimos, vel quinquimos promovent ad sacros ordines. 2° Promovendi ad sacros ordines diaconatus vel sacerdotii, nubunt cum virgine, quâ mortuâ non transcunt ad secundas nuptias. 3° Non negant sacerdotium illi qui aliàs est idoneus, quamvis defectum corporis patiatur. 4° Constituti in sacris ordinibus ad certas horas canonicas, nisi monachi, non obligantur. 5° Mos est illis qui volunt creari episcopi, pacisci cum patriarchâ de pretio.

*De sacramento Penitentia.* — Actus particulares non sunt de essentiâ Confessionis. *Petitio.* Quanta sit potestas patriarchæ, quam possit aliis communicare circa forum conscientia?

*De sacramento Matrimonii.* — 1° Matrimonium potest dissolvi à patre sponsi, si eam duxerit quæ patri non probetur: hoc idem potest pater sponsæ. 2° Matrimonium sine Eucharistiæ sumptione nullum habetur. 3° Pater sponsæ potest propriâ auctoritate eam alteri viro tradere, nisi ejus sponsus, sive vir absens, intra certum temporis spatium appareat. 4° Patri et filio non licet in uxorem

ducere matrem et filiam, et è contra, nec licet duobus fratribus contrahere cum duabus sororibus, seu fratri et sorori cum fratre et sorore. 5° Matrimonium viduarum quæ attingunt sexagesimum annum, adulterium est censendum. 6° Idem sentiunt de quadrigamis, ac proinde omnium horum liberos illegitimos censendos esse. 7° Sponsalia nullius sunt roboris, si intra duos annos non contraxerint, et parentes utriusque sponsi possunt sponsalia irritare, ob quamlibet causam. 8° Repudium conceditur ob multas causas, etiam privati propriâ auctoritate, ut si non inveniatur virgo, vel si consummato matrimonio mulier insaniat; et vir potest repudiari, si curet ut uxor adulteret, etc. 9° Repudiatis licet nubere cum aliis. 10° Obstetrices ut immundæ habendæ viginti diebus si invenerint mulierem parientem masculinum; si verò et feminam, quadraginta diebus, quo tempore arcendæ sunt è communione.

*Petitiones.* 11° Quid de illis, qui post repudium nupserunt, et an filii possint promoveri ad sacros ordines. 12° An liceat nubere cum schismaticis. 13° Quousque se extendat potestas patriarchæ circa dispensationem in gradibus prohibitis.

*Nonnulla loca sacræ Scripturæ pravè intellecta, et alia quædam ad eandem sacram Scripturam serpentia pravè etiam adjecta.* — 1° Asserunt legendum esse: *Hoc est sacramentum Corporis*, etc. 2° Christus cum docuit viro non dimittendam uxorem, exceptâ fornicationis causâ, idem est ac si docuisset, adulterium esse legitimam causam uxoris dimittendæ, et alterius ducendæ. 3° Qui dicuntur fratres Christi in Evangelio, filii sunt Joseph ab aliâ uxore, quam antea habuerat, procreati. 4° Maria Magdalena Simeonis leprosi filia fuit, Annæque matris Mariæ soror. 5° Apostoli non intellexerunt Christum esse verum Deum, antequàm Spiritum sanctum accepissent. 6° Caiphas in Christum credidit, et episcopus creatus Josephus secundus est vocatus, qui edidit librum Proverbiorum et historiam Machabæorum, etc.

*Circa mores, et alia diversi generis.* — 1° Menstruatæ non admittuntur ad Ingressum Ecclesiæ, nec ad sacramentum Eucharistiæ, nec extremæ Unctionis. 2° Quidam homines appellati *Albi*, quoad habitum et alia quædam exteriora, Turcicos ritus observant. 3° Jejunium ob mortis periculum non est violandum. 4° Non est jejunandum diebus Sabbatinis et Domini-

cis. 5° Apostolicâ sanctione cautum est, ne quis Christianus comedat quippiam occisum à Leone, nedùm sanguinem et suffocatum. 6° Ob mortis periculum licet negare Christum. 7° Licet mentiri officiosè, et ad celanda opera bona. 8° Non est aliquis ad religionem admittendus, sine suorum superiorum consensu, ut parentum vel dominorum, etsi servus sit libertate donatus. 9° Status matrimonialis non est inferior virginali. 10° Mulieres viro junctæ in numero sanctarum virginum adscribendæ, si cum suis maritis honestè vixerint, etc.

#### ARTICULUS VII.

*De ritibus qui tolerari possunt in his qui ex schismaticis, vel paganismo, aut aliâ sectâ ad fidem catholicam veniunt.*

Quamvis Ecclesia catholica una sit, de quâ optimè beatus Ignatius, Epistolâ ad Philadelphos: « Una est, inquit, Ecclesia, quam suis sudoribus et laboribus fundaverunt Apostoli à finibus terræ usque ad fines in sanguine Christi. » Apostolorum verò instituta, decreta et ritus non iidem fuere apud omnes. Nam licet Apostolorum sanctiones aliquæ sic fuerint editæ, ut ab omnibus Christi fidelibus pariter servarentur, ut puta Symbolum Apostolicum, aliæ tamen pro ratione loci et temporis, sic ab illis sunt statuatæ, ut non omnes iisdem legibus ac ritibus adstringi voluerint, quos, alicujus privatæ causæ occasione, cæteris locis præscripserint, ut de idololâtris, de quibus Apostoli, et cum ipsis Paulus, diversa dederunt præcepta Syriæ ac Ciliciæ populis, ut constat Act. 15 et 16. Diversa verò Paulus Corinthiis, ut patet 1 Corinth. 8.

Neque vel in minimo lædi fidem variis Ecclesiarum consuetudinibus sancti Patres tradiderunt. Inprimis Augustinus Epistolâ ad Januar. 118: « Hæc est commendata regula, ut faciat unusquisque quod in eâ Ecclesiâ, in quâ reperitur, invenerit. » Unde hæc idem ad Januar. epist. 119: « Miror sanè, quòd ita volueris, ut de his quæ variè per diversa loca observantur, tibi aliqua conscriberem; cum et non sit necessarium, et una in his saluberrima regula retinenda sit, ut quæ non sunt contra fidem, neque contra bonos mores, et habent aliquid ad exhortationem vitæ melioris, ubicumque institui videmus, vel instituta cognoscimus, non solum non improbemus, sed etiam laudando et imitando sectemur, si aliorum infirmitas non ita impedit, ut ampliùs detrimentum sit. » Hæc Augusti-

nus. Gregorius I. I. Ep. 4, item hæc ad Leandrum episcopum Hispalensem in eandem sententiam scribit: « In unâ fide nihil officit sanctæ Ecclesiæ consuetudo diversa. »

Quare licet apud Græcorum et Orientalium nationes plures sint ritus atque diversi inter Coptos, Syros, Mæronitas, Æthiopes, Armenos atque inter Christianos alios, quos prudenter ratione diversarum gentium Apostoli instituerunt, non ob id religio christiana lædatur, si diversi ritus in Oriente atque in Occidente retineantur; circumdata est enim Ecclesiæ Dei mirâ varietate, quæ potius ejus pulchritudinem ornat et auget, quàm orthodoxæ fidei contrarietur. Quare mos est catholice Ecclesiæ, ab Apostolorum tempore inductus, ut unaquæque provincia servet ea quæ à suis Apostolis, et à legitimis successoribus accepit. Quare admonet D. Hieron. in ep. 28, versûs finem, « traditiones ecclesiasticas, præsertim quæ fidel non officiant, ita esse observandas, quæ à majoribus traditæ sunt, nec aliorum consuetudinem aliorum contrario more subverti. » Addens: « Ita unaquæque provincia abundet in suo sensu, ut præcepta majorum leges apostolicas arbitretur. » Unde rectè consuevit Ecclesiæ hæreticorum, schismaticorum, aut etiam gentilium ritus tolerare, qui cum ratione aut fide divinâ non pugnant. Nec solum Ecclesiæ, quos à diversis Apostolis ritus, moresque imbibent, retinuisse comperimus, sed etiam quæ apud gentes superstitioso cultu impleri agebantur, eadem ex piâ sacro ritu ad pietatem transtulisse, ut latius supra, dùm de prudentiâ ministrorum ageremus, et præter ea quæ ibi ex Patribus notavimus.

Inter alios Gregor. Thaumaturgus, ut auctor est Greg. Nyssen. Oratione de Vitâ S. Gregorii Thaumaturgi, gentilium ferias superstitionibus cumulas, in festa ac celebritates sanctorum martyrum commutavit, ut his verbis Gregor. Nyssen. significat dicens: « Descendit rursûs ad urbem, et omni circa regione undique peragrâtâ, atque perlustratâ, additamentam, et quasi corollarium studii erga Numen divinum instituebat, apud omnes ubique populos sanciens, ut nomine eorum qui pro fide decertassent, dies festi atque solennes conventus celebrarentur. Cùmque alii in alium locum corpora martyrum deduxissent, per anniversarium circuli ambitum congregati, lætabantur in honorem martyrum ferias agentes. » Et paulò post;

« Cùm animadvertisset, quòd propter corporis voluptates, simplex et imperitum vulgus in errore simulacrorum permaneret, quo maxime id quod præcipuum est, interim in iis assequeretur, nempe ut vanis superstitionibus relictis ad Deum converterentur, permisit eis, ut in memoriam sanctorum martyrum sese exhilararent et oblectarent, atque in lætitiâ effunderentur. »

In eodem sensu Theodoretus de gentilium feriis in honorem martyrum piè sanctèque translatis, hæc addit: « Dirutorum templorum materia, aris martyrum excitatis, expiata est: suos enim mortuos Dominus noster in templa pro diis vestris induxit, ac illos quidem cassos gloriæ vanosque reddidit, suis autem martyribus honorem illum dedit. Pro Pandiis, et Diasis, hoc est, Jovis, Liberique patris solemnitatibus, Petro, Paulo, Thoma, Sergio, Marcello, Leontio, Antonio, Mauritio, aliisque sanctis martyribus solemnitates populari epulo præguntur. Eâ quippe licentiâ, quæ deorum delubra in Ecclesiis Christianorum sunt laudabiliter commutata, alii quoque ritus gentilium à nobis benedictionibus expiati divino sunt cultui consecrati. An non id Apostolorum exemplo? Nonne Paulus Athenis cùm esset, superstitionis aram *Ignoto Deo* dicatam, super quam impietatis victimæ cadebantur, in veri Dei cultum (quantùm licuit eo tempore) mirâ quâdam prudentiâ visus est transtulisse? Rursûs si quæ idolo immolata essent, non vetuit idem Apostolus manducare, nisi cùm ex eâ re frater infirmus scandalum pateretur: *Omnia quidem, inquit, sunt munda, sed malum est homini, qui per offendiculum manducat.* Extincto autem penitus jamdiu superstitioso idolorum cultu, cùm omnis simul cessasse videatur occasio offendiculi, cur aliquibus ex illis uti non liceret, cùm præsertim non privato usu, sed communi totius Ecclesiæ consuetudine aliquid commune cum ethnicis usurpatur? Qui verò sint ritus, qui à rectâ fidei regulâ discrepant, vel à ratione dissentiant, tam in schismaticis, sive hæreticis, quàm in aliis infidelibus, etiam ethnicis, non facile erit unicuique discernere.

Et ut rei ita gravi et difficili lucem aliquam afferamus, oportebit speciatim præcepta aliqua tradere, sive talia demonstrare principia, quibus apertè dignosci possit, qui ritus cum naturali ratione, aut fide divinâ non conveniant, aut qui ab his dissentiant, ac proinde

qui tolerandi, qui vero omninò rejiciendi et extirpandi sint. Ea est potissima, pro ritibus discernendis regula, ut quando id commodè fieri potest, à Apostolica sedes consulatur, maxime si subsit justa et rationabilis dubitandi occasio. Si tamen Romanus pontifex non ita facilè adiri possit, tunc ex sequentibus capitibus de rituum puritate tam inter ethnicos, quam inter schismaticos ad Ecclesiam venientes, erit judicandum.

1<sup>o</sup> Si ille ritus nationibus aliis, sive Ecclesiis, quæ communionem retinent cum catholice Ecclesiâ, sit ab eadem permissus. 2<sup>o</sup> Si ritus ille non pugnet cum naturali et rectè ratione, præ se ferens inhumanitatem (qualis erat olim Romanorum, quo damnatos feris objiciebant), inhonestatem, ut totius corporis nuditas, vel si alii actus inhonesti et turpes etiam inter conjuges publicè fierent; ac demùm ea omnia, quæ humanæ vitæ politiam offendant, abolenda et exterminanda sunt, et cogendi barbari, ut non belluino, sed humano more vivant. 3<sup>o</sup> Ritus omnes Instituti ad protestandum aliquod dogma fidei contrarium, omninò sunt delendi. Ita Armeni, ut profiteantur Dioscori errorem, unam tantùm naturam in Christo asserentis, cum celebrant, vino aquam non immiscunt, et idem etiam censendum erit de quocumque alio signo, sive nomine cujuslibet erroris protestativo. Ut Monophysitæ cognomen, de quo hæretici olim gloriabantur, ut etiam nomine ipso unius in Christo naturæ post unionem assertores viderentur, ut refert Præteolus verbo, *Monophysitæ*; qui etiam de Monothelitis asserit, hanc eos sibi appellationem usurpasse, ab unâ tantùm voluntate, et actione divinâ, quam ipsi Christo temerè tribuebant. Nec solùm cognomina à re ipsâ, sive à dogmate hæretico derivata supprimenda sunt, sed etiam ea omnia quæ ab hæresiarchis, quorum se profitentur sectatores, descenderunt, sicut et Jacobitarum, et Severianorum, aliorumque similium, qui à Jacobo et Severo hæretico denominationem acceperunt. Quare cum multi ex Nestorianis catholice Ecclesiæ adjungantur, anathematizatis Nestorii nomine et erroribus, Chaldæi Orientales appellati sunt. 4<sup>o</sup> Ritus omnes et legalia veteris legis, si eo sine retineantur, ut lex vetus observetur, omninò dampnanda sunt. Nam de fide est, omnia veteris Testamenti legalia, caeremonias, sive præcepta post Evangelii promulgationem omninò extincta esse, et non solùm mortua, sed et

observantibus fore mortifera, ut definitum est in concilio Florentino. Dixi, *si eo sine legalia retineantur*, ut lex vetus observetur, quia licet hæc ratione damnata sit legalium observatio, tamen si non eo fine et respectu observentur, sed tantùm materialiter (ut dici solet) licita est et permissa aliquarum veteris Testamenti legalium (non ut legalia sunt) observatio, ut supra latius observavimus, dum de Abyssinorum circumcissione ageremus. Ex his fit, olim apud Orientis Ecclesias non immeritò fuisse in usu, ritum sabbatum observandi, et hodie etiam apud Græcos et Ruthenos illicitum reputatur sabbato ac dominico die jejunare, quod apertè colligitur ex Epistolâ D. Ignatii ad Philippenses, et ex concilio Gangrensi, atque Apostolorum canonibus. Ille tamen ritus, vel observandi sabbatum, vel non jejunandi in Orientali Ecclesiâ inductus est, ob hæreticos Simoniacos in Oriente ortos, qui mundum (à cujus creatione Deus sabbato requievit) opus ejus esse negabant, tum quia divinitus afflati Apostoli prænoscebant futuros quoque hæreticos in Oriente Manichæos, Eustachianos, Marcionitas, Lampetianos et Messalianos, qui in Paphlagoniâ apparuerant, qui quidem sabbato simulatè jejunabant in contumeliam resurrectionis Christi, cui resurrectioni à vesperâ Sabbati (ut ait Magnus Leo pontifex in Ep. 81, c. 1) initium constat adscribi. Porrò, quia in Occidente eadem causa non erat, nec illa hæresis vigeat, prohibitum non est, quin ipsâ die sabbati alium ad finem jejunare, laborare, sive à carnibus abstinere cum laude possent. Videndus est doctissimus Turrianus l. 7, in Can. Apostolor. et Baron. tomo 4, anno Christ 57, c. 203. Hodie verò ritus colendi sabbatum, tanquam diem festum maneat apud Abyssinos; apud Græcos verò et alios Orientales, licet sabbatum non observent, in eo tamen sicut nec in Dominicâ die nefas dicunt jejunare. Deinde apud Orientales Ecclesias mos est, et ritus consuetudine receptissimus, quem veluti præceptum strictissimè observant, non ut à lege veteri dimanantem, sed ex Apostolorum decreto, quo si ignorantia duelli existimant ad hanc etiam teneri observantiam, non considerantes id adversùs idolorum cultores latum fuisse, qui immolatum et idolothytum edebant; aut calicem, quem Apostolus vocat dæmoniorum, bibebant; servandum autem esse, sicut et à Catholicis servatur, decretum illud, ubicumque inter gentes, quæ idola adorant, immolatiua sint. Porro eo

decreto immolatiâ, non autem reliqua fuisse prohibita gravissimi testes sunt Patres quamplurimi Orientalis Ecclesiæ: quare hæc observantia nec Græcis, nec Ruthenis interdicitur. 5<sup>o</sup> Ritus et consuetudines circa sacramentorum administrationem examinandi sunt. Primum, an peccent in substantiâ, id est, circa tria illa substantialia requisita ad conficiendum sacramentum, scilicet materiâ, formâ et ministro. Deinde, an contraria sint præceptis divinis à sacrâ Scripturâ, vel à traditionibus Ecclesiæ emanatis circa eorum administrationem; tunc enim similes ritus omnino erunt extirpandi; tolerandi verò, si tantum præceptis ac sanctionibus juris positivi et canonici prohibeantur. Qui verò speciatim abrogandi, et qui permittendi, facilius constabit, si breviter per sacramenta singula discurremus.

*De Baptismo.* — Itaque quod ad Baptismum attinet, Græci utantur hæc formâ: *Baptizetur æressa Christi*, quæ approbata est ab Ecclesiâ catholicâ in concilio Florentino in unione Græcorum; si tamen hæc formâ Græci schismatici utantur, existimantes formam apud nos usitatam non esse validam, in hoc à catholicâ et orthodoxâ fide dissentiant. Deinde ritus, qui apud Græcos etiam et Ruthenos aliasque nationes servatur, ut Baptismus fiat integrâ corporis immersione, Baptismi substantiam non variat; sive enim immergendo semel, aut bis, aut tantum capitis perfusione, ut in Occidentali Ecclesiâ, aut tantum aspersione baptizetur quis, parum interest, quia utrobique re idem est.

Apud Coptos ritus est praxi usurpatus, ut etiam ratum non habeant hoc sacramentum, ne quidem in extremâ necessitate, si ab alio quam à sacerdote conferatur, idque præcisè in Ecclesiâ, etiamsi baptizandus periclitetur; sed mos hic expressè pugnat cum decreto concilii Florentini, ac cum Ecclesiæ antiquâ traditione, quibus statuitur hoc sacramentum administrari posse à laico, sive viro, sive feminâ, tempore necessitatis, quamcumque sectam illi profiterentur, sive gentiles, Judæi, aut hæretici sint, modò habeant propositum faciendi quod Ecclesia catholica in administratione Baptismi facit, tenetque Baptismus, quocumque loco, sive in Ecclesiâ, sive extra illam conferatur. Mos est etiam apud ipsos, ut parvulis etiam in vitæ periculo existentibus nullâ ratione ante quadragesimum diem Baptismi sacramentum conferatur. Imò et aliquando ad annum et ultra solet differri, qui etiam intolerabilis est, quia præceptum divinum susci-

piendi, aut conferendi Baptismum, maxime obligat necessitatis tempore: ac necessitate reclusâ, irrationabilis est consuetudo Baptismi tempus ultra annum, tam in pueris, quam in adultis prorogare, secusâ tamen necessitate, jure divino non est præfixum tempus parvulorum Baptismo. Coptorum mos est, et aliorum quoque Orientalium statim à Baptismo parvulos chrismare, oleoque sancto ungere in fronte, in pectore, in juncturis et in renibus, qui ritus laudabilis est, et antiqua Ecclesiæ cæremônia, ita tamen, ut non credant Chrismatis usum esse de substantiâ Baptismi, ut falsò sentiant Armeni, apud Alphonsum de Castro, verbo *Baptismus*: sine hujusmodi enim unctione consistit vera Baptismi ratio, ut constat. Joan. 3, illis verbis: *Nisi quis renatus fuerit ex aquâ et Spiritu sancto*, etc. Unde et usus Ecclesiæ obtinuit, ut in casu necessitatis Baptismus administretur sine unctione, et absque aliis cæremoniis. Pueris statim ac sacro Baptismate abluuntur, Eucharistia ferè apud Orientales confertur: sed in hoc, retinet antiquum Ecclesiæ usum, approbatum à sanctâ synodo Tridentinâ sessione 21, c. 4, de quâ optimè Paulinus Nolæ episcopus in Epistolâ ad Severum fratrem hoc carmine scripsit:

*Inde parens sacro ducet de fonte sacerdos  
Infantes niveo corpore, corde, habitû;  
Circumdanque rudes festis altaribus agnos,  
Pura salutariferis imbuit ora cibis.*

Quòd si existimant Eucharistia sacramentum necessariò parvulis statim post Baptismum conferendum, turpiter errant contra prædictam synodum Trid. et ideò in hæc parte corrigendi et instruendi erant.

Jacobitæ, imò et alii ex Orientalibus ferro candenti figuram crucis in fronte baptizatis imprimunt. At si ipsi hoc ritu et cæremoniâ loco aquæ in baptismo utantur (ut refert Bernardus Luxemburgensis) existimantes verba illa Joannis Baptistæ apud Matth. c. 3: *Ego, inquit, baptizo vos in aquâ; ille autem vos baptizabit in Spiritu sancto et igne*, accipienda esse de igne materiali, pessimè errant, cum hæreticis Manichæis, et Seleucianis, ut auctor est D. August. l. de Hæres. c. 59. Si verò post abluitionem aquæ ac post alia ad substantiam Baptismi requisita, baptizati crucis imagine in fronte, ut omnibus constat de religione quam profiterentur, sive alio honesto fine signentur, consuetudo potius laude quam vituperiò digna videtur.

Denique circa Baptismi ritus illud se offert memorandum apud Abyssinos, dùm in festo Epiphaniæ, ut latius refert Francisc. Alvaresio, benedicto pritis aquarum stagno, trinâ immersionetam maresquàm feminae, præmissâ formâ Baptismi, quotannis rebaptizantur; qui ritus in usu est (ut Possevinus docet in Commentario de rebus Moscoviticis) ad religionem spectandam apud Græcos Orientales. Error tamen hic, quantum conjicere possum, à Novatianorum hæresi ortum habuit, qui falsò existimantes, non esse in Ecclesiâ potestatem reconciliandi lapsos, ut illi sine spe non remanerent, alterum Baptismum Abyssini admisère, ut ex eodem Alvaresio non obscure colligitur. At non desunt, qui Abyssinos excusandos credant, quia id non tam rebaptizandi gratiâ, quàm in honorem Christi Domini baptizantis faciunt. Ita Romæ interrogati aliqui ex Abyssinis ipsis responderunt.

Circumcidunt etiam pueros Baptismi tempore, tam Abyssini, quàm Cophti, quorum ritus in hæc parte quantumvis ipsi non tam religionis, quàm honoris causâ facere contendunt, minimè ob aliarum Ecclesiarum scandalum tolerari debet.

*De ritibus circa Confirmationis sacramentum.* — Aliqui ex Ecclesiâ Orientali simul cum Baptismo sacramentum Confirmationis conferunt, ut de Abyssinis affirmat Zagazabus illius gentis episcopus, in libello quem in Lusitanâ, de fide et religione Abyssinorum edidit. D. quoque August. in Quæst. Novi Testam. q. 42. graviter queritur de corruptâ Ægyptiorum et Alexandrinorum consuetudine, quorum sacerdotes audebant Confirmationis sacramentum administrare; sed tunc examinandi sunt ritus, qui Baptismi tempore adhibentur, an sufficientiant ad faciendum hoc sacramentum. Primum constans est apud Catholicos de fide tenenda sententia, ad Confirmationis sacramentum, de necessitate sacramenti balsamo requiri, ut Chrisma sit ex oleo olivarum (quod apud nos solemnî episcopi consecratione conficitur.) Quamvis non defuerint graves auctores, qui etiam de necessitate Sacramenti, ut balsamo esset admixtum, requirerent; quòd verò oleum sit consecratum ab episcopo, ut probabilis tenet opinio, non requiritur necessitate sacramenti. Forma verò substantialis his verbis definitur: *Signo te signo crucis, et confirmo te chrismate salutis in nomine Patris, et Filii, et Spiritus sancti.* Ad formam etiam reducatur, quòd confirmandus chrismate in fronte

signetur, quamvis Romanus Catechismus hoc ad cæremonias extrinsecas, et quasi de præcepto tantum necessarias referre videatur. Minister hujus sacramenti ordinarius est episcopus, extraordinarius verò et tempore necessitatis, ex commissione tamen summi pontificis, est quilibet simplex sacerdos; ita colligitur ex Florentinâ, à quo etiam ex summi pontificis delegatione chrisma potest consecrari. Cætera verò, ut quòd confirmandus manu in maxillâ ab episcopo cædatur, quòd fiat hoc sacramentum in die Pentecostes; cæremoniæ sunt, quæ non ad substantiam sacramenti spectant.

Illis igitur stabilitis, facile erit judicare an ritus, qui post Baptismum celebratum interveniunt, sufficienter materiam, formam, et ministrum hujus sacramenti, saltem necessitate quam vocamus sacramenti, continent: nam tunc non erit sacramentum Confirmationis iterandum. Ex quibus apertum fit, sacramentum Confirmationis à presbytero collatum irritum esse. Quare Gregorius XIII. pontifex maximus, in quâdam synodo suo tempore apud Maronitas celebratâ, ei qui synodo præsidebat injunxit, ut qui in illis regionibus à simplici sacerdote erant confirmati, si vellent, possent iterum ab episcopo chrismani; si tamen scandalum timeretur, non oportere Confirmationem reiterari; et si nullum esset sacramentum, tamen cum non sit de necessitate salutis, ob scandalum securè prætermittendum. Eamque hujus rei summus pontifex reddit rationem, quia et si Florentinum in unione Armenorum doceat posse presbyterum ex papæ dispensatione confirmare, quod Ecclesiæ Galitanæ concessit D. Gregor. 1. 3. Registri Ep. 26, hanc tamen apostolicam dispensationem non legimus Ecclesiæ Hierosolymitanæ (cui Maronitæ substant) collatam esse; idcirco à presbytero chrisma collatum irritum est.

*De sacramento Eucharistiæ.* — Jacobitæ et aliæ nationes orientales sæpè Eucharistiam impuberibus, maximè altari ministrantibus, absque præviâ confessione conferunt; qui ritus irrationabilis est, et non tolerandus in his qui conscientiam alicujus culpæ lethalis habent; ita colligitur ex Trid. sess. 13, can. 11. Quare vera sententia theologorum tenet, esse de jure divino præceptum confitendi ante Eucharistiæ assumptionem, nisi aliàs sacerdoti celebranti desit copia confessoris. Sunt et alii ritus circa sanctissimæ Eucharistiæ ministerium in usu apud Orientales, qui si al-

tentè considerentur, omnes ferè ab Apostolorum doctrinâ, vel traditione in illas emanarunt nationes. Inprimis, Ecclesiæ primitivæ usus de quotidianâ communione usque adhuc in multis Orientalium servatur nationibus, quæ utinam æquè et antiquam Christianorum consuetudinem, et eorum circa hoc sacramentum reverentiam et fervorem imitarentur!

Deinde omnibus etiam laicis, non solum apud Orientales, sed et apud Græcanas nationes Eucharistiæ sacramentum sub utràque specie confertur: quam fuisse olim in Ecclesiâ receptam consuetudinem luculenter docet concilium Constantiense, sess. 13. Et quamvis similis ritus illis jamdiu permissus sit ab Ecclesiâ, in Ecclesiâ tamen Latina justissimis de causis laicis prohibitus est communicandi ritus sub utràque specie; quare nationes Orientales, quæ Ecclesiæ catholicæ manus, obedientiamque dederunt, pedetentim arcendæ sunt à communione sub utràque specie, cum id tantum faciat Tridentina synodus sess. 21.

Tertiò, verus mos erat illius primitivæ Ecclesiæ, quo Christianis permittebatur Eucharistiâ propriis manibus acceptam vel in Ecclesiâ statim sumere, aut illam domum asportare, sumptionemque in aliud tempus opportunum differre: illud tamen erat discriminis inter viros ac feminas, quòd illis nudâ manu Eucharistiâ tangere erat permissum; his verò prohibitum erat manu nudâ, sed linteamine nitido utebantur, quod Dominicale vocabatur, ut in concilio Antissiodorensi expressè legitur can. 36 et 39. Ritus verò iste Eucharistiâ propriâ manu domum asportandi (teste Baronio tomo primo Annal., anno Christi 57, c. 149), idèò fuit potissimum introductus, quia cum olim minùs liceret ad sacras synaxes tempore persecutionis Christianos in unum coire, ut qui quotidie de vitâ periclitarentur, quotidie Eucharistiâ sumerent (secundùm quod ait Cyprianus Ep. 56: « Considerantes se quotidie calicem sanguinis Christi bibere, ut possint et ipsi propter Christum sanguinem fundere »), idèò fuit concessum, ut cum in Ecclesiâ vel aliis locis abditis Missæ peragerentur, fideles non solum ibi communicarent, sed Eucharistiæ particulas à sacerdote acceptas domum ferendas sumerent, quas reverenter asservatas singulis diebus summo mane jejuni participabant. Plura sunt de hujusmodi consuetudine Patrum testimonia. Eam docent Tertull. l. 2 ad uxorem, c. 5; S. Cyprian. l. de Spectaculis, et l. de Bono Patient.,

Gregor. Nazianz. Oratione in funere Gorgoniz; D. Basil. in Epist. ad Cæsariam Patritiam; Hieron. ep. 50; August. Ser. 252, et alii Patres apud Baron. tomo primo, anno Christi 57, à cap. 248, et Bellarm. tomo 3 de Sacram. l. 4, c. 4 et 5, aliique graves auctores scribentes de Eucharist. Sacramento. Hæc autem consuetudo, teste Baronio, cum communis fuerit et Orientali et Occidentali Ecclesiæ, in Occidentali usque ad concilium Cæsaraugustanum perduravit, in quo can. 5 in Hispaniâ hæc consuetudo abrogata fuit. In eo enim cànone legitur: « Eucharistiæ gratiam si quis probatur acceptam non consumpsisse in Ecclesiâ, anathema sit in perpetuum. » In Orientali verò Ecclesiâ etiam post dicta tempore adhuc ejusmodi consuetudinem viguisse, plura exempla declarant, quæ in Prato spiritali habentur descripta.

4<sup>o</sup> In itinere etiam secum Eucharistiâ ferre aliquando concessum fuisse (tanta enim erat tunc Christi fidelium pietas), S. Ambros. in Oratione funeralsi fratris sui scribit, ubi de Satyro fratre agens, id manifestè significat; testatur idipsum Gregor. Dialog. l. 3, c. 36, de Maximiano episcopo Syracusæ, et ejus sociis Eucharistiâ secum portantibus, dum mare Adriaticum navigarent. Eam quidem consuetudinem apud Ecclesiam Orientalem alicubi etiam viguisse temporibus Alexandri papæ III, Acta sancti Laurentii episc. Dublinensis in Vita ejusdem sancti Laurentii episcopi, c. 8, apud Sarium tomo 6, die 14 novembris, testantur, in quibus hæc leguntur: « Quatuor sacerdotes cum magnâ turbâ hominum, transire comperiunt, qui Eucharistiâ (sicut tunc moris erat pluribus) secum pro tuto viatico ac securo duce itineris publicè deferrebant. » Hæc ibi. Hic etiam mos perseverasse videtur inter Orientales usque ad nostra tempora. Hic autem ritus in Occidentali Ecclesiâ solum remansit apud summum pontificem, qui in itinere Eucharistiâ publicè atque honorificentissimè ante se gestat. Ea verò fuit causa ut olim tam clerici quàm laici in itinere Eucharistiâ secum portarent, quia cum hoc sacramentum viaticum sit, ac hominibus quibuscumque in mortis articulo necessarium, prudenter olim fiebat, ut tam clerici quàm laici, ob mortis pericula, quæ in itinere se offerebant, maximè persecutionis tempore, secum in itinere conficiendo deferrent, ne, si illis mori contingeret, viatico privarentur. Et quamvis hæc consuetudo, ob majoris hujus



sacramenti reverentiam, hodie tantum apud summos pontifices fuerit conservata, apud Orientales verò non video alicubi fuisse damnatam, nec auderem Evangelii ministros, in illis regionibus aut aliis infidelium provinciis conversantes, si imminente mortis periculo secum viaticum, occultè tamen, deferrent, condemnare.

5° Eucharistiam quoque absentibus deferri mos fuit apud antiquos, qui etiam hodie manet apud Orientales aliquos. S. Iræn. Epist. ad Victorem papam apud Euseb. l. 5 Hist. Eccl., c. 24, testatur moris fuisse papam mittere aliis episcopis Eucharistiam in signum pacis et communionis; Dionys. etiam Alexand. in Ep. ad Fabium apud eundem Euseb. l. 6 Hist. c. 36, ait Serapionem in extremis agentem accepisse Eucharistiam missam per puerum à sacerdote tunc domi ægrotante.

6° Ritus Græcorum consecrandi in fermentato approbatus etiam est ab Ecclesiâ, ita tamen ut potior sit in azymo, ut fit in Ecclesiâ Latinâ.

7° Armeni et Orientales alii non miscent in sacrificio Missæ aquam vino. Quòd si hoc faciant, ut profiteantur Eutychetis hæresim, unam tantum naturam in Christo agnoscentis, manifestus est et intolerabilis error; si verò hoc fiat, vel quia non existiment esse de necessitate sacramenti, vel in significationem alicujus Christi mysterii, fortè tolerabilis esset consuetudo, quia hæc aquæ mixtio, ut optimè probat Franciscus Suarez tomo 3, in 3 part. disp. 45, sect. 2, tantum est de necessitate præcepti; præcepti, inquam, humani tantum. Quare cum hæc cæremonia non pertineat ad sacramenti substantiam, posset ab Ecclesiâ dispensari. Tamen urgendi sunt Armeni, ut præcipi concilium Florentinum, ut sese cum universo orbe conforment.

8° Mustum ex uvis maturis expressum in rigore est sufficiens materia consecrationis calicis. Ita tenet cum D. Th. 3 p., q. 74, art. 8, communis doctorum sententia, et colligitur ex c. *Cum omne crimen*, de Consecr. dist. 2, ubi dicitur: « Si necesse fuerit, posse botrum in calice exprimi, et aqua misceri, et ita confici. » Unde Arist. 4, Meteor. c. 10, *mustum* vocat vinum recens, licet non sit purum et satis coctum, quia nondum separatus aqueus humor, flos, et fex, quæ per decoctionem vini accerni solent. Idem etiam censeo de musto expresso ex uvis passis, ut moris est apud Abyssinos; quare in hujusmodi musto confluentes non peccant. Quòd si ad hoc ritu

tanquam minus convenienti sive potius indecoro retardari nequeant, ferendi sunt, si aliter fieri non possit.

*De sacramento Ordinis.*—1° Ritus apud Orientales nationes usitatus ordinandi pueros ante rationis usum, licet non sit contra fidem, imprimatque characterem Ordinis sacri, etiam in hac ætate, irrationabilis valdè, et idèò extirpandus, si ferat illarum nationum conditio. 2° Deinde ordines collati absque eo quòd suscipientes materiam ejusque ordinis propriam tangant, ut verior sententia tenet, irriti sunt, nulliusque valoris, aut effectus. Quare ordinati iterum sub conditione debent ordinari: ita Romæ fuit decretum, ac executioni mandatum, cum fratre Tecla Abyssino, et monacho Sancti Antonii, anno Domini 1594. 3° Cum Stephanus papa, dist. 31, can. *Aliter*, tradat Orientalium veterum esse traditionem, ut eorum sacerdotes matrimonio copulati sint, cumque id illis nunquam interdixerit Ecclesia, nullà ratione id interdicendum videtur, dummodò ante sacerdotium matrimonium contrahatur: lex enim cœlibatus semper gravis visa est et Græcis, et Orientalibus aliis, propterea conjugium permissum est illis ab Ecclesiâ.

*De Matrimonio.*—1° Ritus sive consuetudo contrahendi in aliquibus gradibus, sine summi pontificis, aut episcopi dispensatione, jure divino non est prohibitus, quales sunt omnes alii ultra primum in lineâ transversali, ut verior sententia docet, et in lineâ rectâ omnes in infinitum. 2° Mos qui communissimus est inter schismaticas nationes, quo permittitur ob fornicationem matrimonium dissolvi, est contra fidem, et ob id non tolerandus.

Hæc sunt quæ exempli gratiâ, quia fortè difficiliora, à nobis interim sunt allata. Videntur omninò sunt interrogationes et responsa summi pontificis Gregorii XIII, de quibus supra. Illud tamen inter alia observandum apostolicis ministris, quantum fieri possit, magnooperè curandum, ut nationes omnes, quaru reductioni student, matricem Ecclesiarum Romanam Ecclesiam, non solum in fundamentis quantum fieri potest, fidei substantialibus, sed etiam in ritibus aliis et cæremoniis imitentur. Si verò ægrè ferant à patris ritibus (ut frequenter fieri solet) discedere, salvâ fide catholicâ, omnia alia sustinenda sunt propter electos. Oportebit tamen sedem Apostolicam passim consulere; si verò non ita facilis sit accessus, re maturè et cum judicio expensâ procedendum erit.

---

---

## PIACEVICHII VITA.

Nihil de Piacevichio novimus, nisi eum ex Polonia oriundum eruditissimos inter viros fuisse qui Jesuitarum societatem seculo proxime elapso illustrarunt. Quid verò auctor spectarit, quamque viam inierit in opusculo quod recendimus, ipse nos docet præfatione hic subjecta :

AUCTOR AD LECTOREM.

« Rem bonam facturum mihi videbar, si Græcis, qui sacra omneque pietatis genus nobiscum colunt, et consuetudine magis, quam veri odio, neque in multis adeò à Romanâ Ecclesiâ discedunt, collocato labore consulerem. Hinc ergo animum applici, ut quaestiones fidei controversas, quæque per vices in conciliis, aut privatis Patrum conventibus nos inter, ipsosque disputatæ sunt, facill, et planè aliquâ methodo, nec voluminosâ mole complecterer: æstu deinde, et quibusvis verborum injuriis longè relegatis, errantes docerem, non insectarer; et pro initiâ semel provinciâ lucem obscuris, dubiis solutionem afferrem, neque nisi certæ, probateque fidei testimonis, responsionibus, argumentis uti vellem. Quod, an quemadmodum propositum habui, expleverim etiam, primum illorum in Oriente principum, qui se mihi ad opus hortatores præbuerunt, tum et Græcæ sapientum, quorum commodo hæc scripsi, imploro iudicium. His si nostra præbentur, attigi votorum summam. Id conce-

« piis verbis profiteor, me scholastica inter, et dogmata probè secrevisse, ne cui credendi onus, quod scio publicum et commune esse, jure privato inficerem: magno ad hæc studio apocrypha et supposita declinasse, ne semel immixta etiam claris-certisque robur detraherent. Curavi præterea, ut præjudicatas Græcorum opiniones sive de sanctitudine virorum, seu de scriptorum fide, quoad fas est, retinerem, et cum veritate amicè componerem; cum enim nihil sit facilius, quam quæ molestiam creant, traducere, et vel damnare, ac aspernari, vel in suspicionem vocare, tamen hoc eorum tantum arbitrator esse, qui novarum dissensionum moliantur causas, non qui veteribus velint finem imponere. Cautè demùm, neque absque defectu, criticæque subsidio ad temporum nostrorum genium versatus, eodem prorsus animo decurri rem omnem, quæ ad illam aggressus sum; hoc est, nullo partium studio, sed impulsu solius veritatis. Cui cum ex animo, totumque deferrem, viam, et hominis quotidianis theologiæ scholasticæ curis impediti, quàm remissè segnitèque versantis lapsam interpretare, atque postliminio, quæ operi desunt, controversias præstolare. Vale, Christus te sospitem servet, et quamdiù opto, pacem Ecclesiis sanctis, ac unionem restituat. Qui scopus laboris est.»

---

---

## DE PRIMATU ROMANÆ ECCLESIAE, CONTRA SCHISMATICOS ORIENTALES

### Colloquium Primum.

DE PRIMATU DIVI PETRI.

§ I.

GRÆCUS. Si quid unquam christianæ reipublicæ funestum contigit, hoc quidem est schisma illud, quo Græci à Latinis dividimur. Laboravit sæpè antehac Christi Ecclesiâ sive eam undique in ejus excidium cruces, gladii,

ignesque ferrentur à sacrilegis idolorum cultoribus, sive cum ejus sanctitati hæresiarchas impio aliquo dogmate bellum facerent. Verùm mala hæc tantè non erant, ut non etiam ex ipsis multò Ecclesiâ proventus fecerit. Pugnat in hæc mala, vincebat; et si non continuo vinceret, nunquam tamen victoriæ, nunquam remediè spem posuit. Hoc verò malum, quo conflictamur hodie, cum superioribus illis atrocitate majus sit, ex d'uturnitate suâ spem

etiam omnem remediū vicisse videtur : quid enim ad unionem nostram spei supersit, aut remediū, postquam toties, et semper irritō conatu, quamcumque consentire optarēmus, nunquam in unum consensimus?

**LATINUS.** Rectē aiebas, maximē diuturnum, funestissimumque malum, quo laboramus, esse : etenim prope est, ut decem secula deurrāmus, ex quo schisma sumpsit exordium : malum sine dubio atrocissimum, quod non ut barbarorum gladii triumphāntem auget Ecclesiam, neque ut hæreses unam alterāque tantūm à Christi regno divellit provinciā, sed provinciās, regna, partes orbis integras, patriarchicas sedes omnino quatuor. Neque tamen ego in tantā mali pertinaciā remediū omnis spem abieci. *Potens DEUS est de lapidibus suscitare filios Abrahæ.* Clades certē, quas Orienti christiano iniecit schisma, si reputentur attentius, possunt non ad optandam modō, sed et ineundam concordiam nos adducere. Cogitate autem quis pœnam portet? Iægenus enim ex æquo utrique; pœnam portat Oriens, eamque gravissimā. Ita enim denique à vindice DEO constitutum existimo, ut patriarchæ, quos fastus Ecclesiæ capiti abstraxit, hos dura necessitas Turcorum tyrannidī, et fœditati Mahometis supposuerit, adēo ut neque sine metu, nec citra periculum, certē non absque contemptu Christi nomen in vastissimis illis Europæ extremæ, Asiæque finibus hodie resonet.

**GRÆCUS.** Ita est, mali gravissimi eventus fatales, quos deploramus utriusque communiter, nos tamen portamus præcipuē. Sed ut, quod res est, dicam, cūm apud nos mali pœna sit, pœnes vos esse omnis mihi culpa videtur. Latini namque sunt, qui divisioni Ecclesiarum funestæ, ex quā tot clades ad nos serpsērunt, causam fecērē, postquam immaculato fidei Symbolo, majore injuriā, quā auctoritate, vocem veteri Ecclesiæ sanctæ ignotam, *Filioque*, addidērē.

**LATINUS.** Novi hunc esse morem vestrum, ut crimen cœpti schismatis, nunquam probatum, confidenter nobis imponatis. Neque nunc primū accusamur ut pacis et fœderis ruptores; sed quibus hoc evincatis, argumenta vos desituunt. Verūm opportuniū in originem, fontesque schismatis inquiremūs, ubi colloquā ad metam perduxerimus : tunc fucum, larvamque detrahemus, et quæ pars malo causam tœcerit, oculis omnium subiciemus. Nunc,

quod æquum est, dissidiī nostri capita amice colloquio exequamur.

**GRÆCUS.** Quanquam plura sint, quæ Latinæ Ecclesiæ objecit Photius, atque Michael Cerularius, summa tamen dissidiī, quod inter nos est, ad quinque capita faciliē redigitur. Principium ac velut basis cæterorum, est primatus Romanæ Ecclesiæ sanequā controversus. Alterum maximēque insigne, imō, si me doctioresque ē nostris audias, unicum dissidiī caput, ac veluti robur, additio vocis, *Filioque*, facta per Latinos ad Symbolum. Tertium, dogma processionis divinissimi Spiritūs. Quartum, azyma. Quintum, hęc mortali vitā solutorum pœnas purgantes, et præmia atfinet.

**LATINUS.** Neque nostris desunt multa ac variā, quæ in moribus vestris redarguant : verūm minora omnia, quā ut Ecclesiarum nexum divellant, aut ab ineundā concordia cohibeant. Quare ab iis aut in totum abstinēbimus, aut non nisi, his præcipuis quinque diligenter excussis, locum faciemus.

**GRÆCUS.** Ordine familiarem sermonem à primatu Romanæ Ecclesiæ; et quia Petri successione totus nititur, Petro illum primū vindica. Sunt ē nostris etiam, quos æstus hęc abripuit, ut, quando ægrē negatur successori, quod præcessori ex munere adhæret, maluerint Petro detrahere, ne id etiam Romano pontifici tribuendi necessitatem sibi imponerent.

**LATINUS.** Quod fundamentum, et caput est controversiæ primū : Petrum à Sălvatore primatu honoris ac jurisdictionis donatum esse, isto mihi probandum sumpsit loco. Et quo istud, inquis, fundamentum? eā scilicet, quam vos Græci sacro Codicī sanctisque Patribus defertis, auctoritate. Plura hinc argumenta dabo, quā ut, quod ad ea refellenda suppetat, faciam reliquum; clariora, quā ut aliunde perspicuitatem mutuari debeant, vel in sensum à proposito alienum detorqueri possint. Inter hęc tamen et responsa vestra audiam, et ad ea, quæ adversarii in medium proferetis, respondebo. Adēo nec cæcam à vobis fidem exigimus, nec more præceptorum, in nostras vos opinionēs succedere cogimus.

**GRÆCUS.** Quā tu mihi arduam ingrederis viam! ut enim ē Patribus desint minimē, qui tuæ sententiæ auctoritatem concilient, certam non efficiunt, quamque christiano hominī amplecti opus sit. Nisi tu majus aliquod ē sacris paginis, in rem tuam momentum afferas, illud sanē, quod ex Matth. 16, et Joan. 21, petitis Christi oraculum, causam vix effi-

cit : quando inter Patres ipsos nondum convenit, ad quem denique Christi illa verba pertinentur? et si etiam liqueat, minus hoc in rem tuam facere potest, quam ut inde Petri primatum concludas. Verum ne duo in unum misceas, evince primum, effata illa Christi ad Petrum directa fuisse; deinceps inde controversus Petri primatus stabilatur.

## § II.

**LATINUS.** Ut video, de re apud nos hodie comperitissimā ambigis, et in controversiam vis ducere, Petrum, an alium effata illa Christi respexerint. Hoc ut ego te dubio eximam, non est propè quod agam aliud, quam ut ipsa Christi verba sub conspectum ponam; quibus quidem apud Matthæum pollicitus, apud Joannem etiam largitus est Petro primatum. Verba Christi Matthæi 16 sunt : *Tu es Petrus, et super hanc petram aedificabo Ecclesiam meam..... Tibi dabo claves regni cælorum.* Et Joan. 21 : *Pasce agnos meos, pasce oves meas.* Quid enim hic aliud *claves*, quid aliud *petra*, quid ipsum *pasce* aliud quam primatum indicant? quæ si Petro, et de Petro dicta ambigis, dubitationis rationem profer aliquam.

**GRÆCUS.** Primatus, an quid aliud verbis illis designetur, nunc non agimus; in alium hoc tu locum differ. Ostende primum ad personam Petri utrumque Christi effatum pertinuisse. Ne ego te rudem existimem, si ignores Origenem Tract. 1 in Matth. per petram, fidelem omnem, omnem Christi imitorem, omnes denique Apostolos intellexisse. Audi quàm disertè hoc edicat : *« Petra est, ait Origenes, quisquis Christi discipulus... et super talem et petram constituitur omnis ecclesiastica doctrina... in unoquoque perfecto..... à DEO et aedificatur Ecclesia. Quòd si super unum et illum Petrum tantum existimes aedificari totam Ecclesiam, quid dicturus es de Joanne et filio tonitru, et Apostolorum unoquoque?... nomen ducunt à petrâ, quicumque sunt imitatores Christi, qui est petra spiritualis comitant eos qui salvī fiunt, ut ex eâ bibant et potum spirituales. » An verò tu Origenem damnaveris, aut me, si cum eo sentiam?*

**LATINUS.** Elegans sanè argumentum, sed quod vim apud eos duntaxat obtineat, quibus ignotum est, eundem Scripturæ locum à Patribus nunc litterali atque historico, aliàs spirituali ac mystico sensu exponi. Nobis de hoc postremo sermo hic non est: in litteralem, et historicum inquirimus, quem fide integrâ

nemo negare possit. Ne frustra agas, evince ad alium, quàm Petrum, nec ad Petrum effata illa Christi pertinuisse; sic fors adversum nos concludes. Verum non tu id efficies, nisi vel Patrem unum, qui hæc Petro dicta disertè abneget, protuleris : audeo verò dicere, neque unum talem ex mille proferes. Origenes, cum id Christi oraculum allegoricè interpretatus est, potuit ad omnem Christi discipulum ac imitorem rectè extendere; at verò cum eadem Christi verba ad litteram ac historicè expendit, soli Petro accommodat. « Vide, ait Origenes Hom. 5 in Exod., magno illi Ecclesie fundamentum, et petræ solidissimæ, et super quam Christus fundavit Ecclesiam, et quid dicatur à Domino : *Modicæ fidei, quare et dubitasti?* » An verò ea Salvatoris correptio alteri, quàm Petro convenit? Illi ergo Origenes ex Christi sententiâ *petræ solidissimæ* nomen attribuit, cui à Christo dictum meminit, *modicæ fidei*; hoc verò neque Apostolis omnibus, neque cunctis Christi fidelibus; igitur nec illud.

**GRÆCUS.** Ne mihi quidem petræ nomen in ad eò multos conferre placuit, ut non Patrum aliorum sententiam exquirendam, et præponendam huic Origenis expositioni duxerim. Placere verò in primis Aug. Theodoretus, atque alii, qui petræ nomine, super quam aedificanda erat Ecclesia, Salvatorem ipsum, quem confessus fuerat Petrus, intelligunt. August. Tract. 125 in Joan. diffusè hunc sensum explicat : *« Ideò quippe (verba illius sun?) et ait Dominus : Super hanc petram aedificabo Ecclesiam meam, quia dixerat Petrus : Tu es Filius DEI vivi. Super hanc igitur, inquit, et petram, quam confessus es, aedificabo Ecclesiam meam. Petra enim erat Christus. »*

**LATINUS.** Expositionem Augustini, Theodoret, Bedæ, atque aliorum, qui his consentiunt, facilè complectar; nihil ea Petro detrahit; utrique, Christo nempe atque Petro, quod suum est, tribuit. Statuunt itaque Patres locis istis, Christum solum petram principalem esse, at non inficiantur Petrum secundariam, et in Christo petram fundatam esse. Expressisse hoc mihi Aug. videtur non obscurè serm. 13 de Verbis Domini dicens : *« Tu es, ergo inquit, et Petrus, super hanc petram aedificabo Ecclesiam meam. Super hanc petram, quam cognovisti dicens : Tu es Christus Filius DEI vivi, aedificabo Ecclesiam meam : id est, super me, ipsum Filium DEI vivi, super me aedificabo te, non super te, me. »* Et brevius tract. 125 in Joan. : *« Non enim à Petro petra, sed Petrus*

« à petrâ. » Frustra agis omnia, nisi vel unus Patris locum proferas, qui Petro disertè petræ nomen abroget.

GRÆCUS. Equidem si accuratius expendam omnia, fatebor, non esse in Patrum numero, qui effata illa Christi Petro non accommodent, qui petræ, et fundamenti nomine designatum Petrum non dixerint. Verùm ita quidem sensisse olim Augustinum pœnituit; re enim expensâ paulò attentius, non quemadmodum olim Petrum petræ nomine apud Mathæum, sed Christum ipsum, duce sine dubio Origene intelligi maluit. Etenim l. 4 Retractionum, c. 21, sic loquitur: « In hoc libro (quem nempe contra Epistolam Donati scripserat) dixi in quodam loco de Apostolo Petro, quòd in illo tanquam in petrâ fundata sit Ecclesia: qui sensus etiam cantatur ore multorum in versibus beatissimi Ambrosii, ubi de gallo galinaceo ait: *Hoc ipsa petra Ecclesie canente culpam deluit.* Sed scio, me postea sæpissimè sic exposuisse, quod à Domino dictum est: *Tu es Petrus, et super hanc petram edificabo Ecclesiam meam*, ut super hanc intelligatur, à quem confessus est Petrus, dicens: *Tu es Christus Filius DEI vivi.* » Augustini sententiæ citra piaculum adhærebo hodie; nec abs erit, si tu quoque tanto Patri te adjungas.

LATINUS. Quanquam Augustinum summâ semper veneratione prosecutus sum, non est tamen, cur ad ejus sententiam hic etiam me applicem: negare non potes variâsse S. doctorem, et nunc quidem Christum petræ nomine, aliàs Petrum, dixisse designari. Neque illic quemquam ab hæc nostrâ discedere, et in alteram commigrare jubet sententiam; arbitrio cujusque delectum committit: verba ejus sunt: « Harum autem duarum sententiarum, quæ sit probabilior, eligat lector. » Qui utramque permittit, reprobat neutram; nec est cur ipsum pœnituerit, petræ nomen olim exposuisse de Apostolo; quanquam in partem alteram proniore ferri videatur animo. Cùm Matthei locum de Petro exposuit, Ambrosium, et communem Ecclesiæ sensum secutus est; cùm verò Christum potius petræ nomine ibi designari putavit, ingenio confusus suo, et fallaci abductus ratiocinio, si fatendum sit, à plano et genuino verborum sensu deflexit. An ergo deviantem sequeris, et ad hæc rebis expositioni, quam, si viveret, hodiè Augustinus retractaret?

GRÆCUS. Fallaci nescio quò ratiocinio, à tritâ ac genuinâ semitâ deflexisse Augustinum

illâ interpretatione audes dicere, quam ipse vocat probabilem. Quam majori voluntatis propensione complexus videtur, ab eâ tu, si viveret, recessurum ais?

LATINUS. Quàm quod maximè; neque propterea conscientia tangor: audi tantum, unde in eam denique mentem adductus sit Augustinus, ut mallet apud Mathæum petræ nomine Christum, quàm Apostolum intelligi, et facilè subscribes: « Non enim (Augustinus argumentum suum insinuat) dictum est ibi (Apostolo), *tu es petra*, sed, *tu es Petrus*; *petra autem erat Christus*, quem confessus Simon, « sicut tota eum confitetur Ecclesia, dictus est et Petrus. » Si ergo rectè assequor, sic secum, ut quod intulit inferret, ratiocinatus est: *Petra erat Christus*, 1 Cor. 13; super petram ædificanda promittitur Ecclesia, igitur supra Christum. Et rursus: Simoni non est dictum: *Tu es petra*; atqui super petram promittitur ædificatio Ecclesiæ; igitur non supra Simonem.

GRÆCUS. Ita prorsus ratiocinatum existimo: in mutatione illâ generum, *tu es Petrus*, quæ in textu occurrit, et *super hanc petram*, mysterium latere suspicatus est: inde conclusit, Petrum quidem de Apostolo, at *petram* de Christo ipso oportere accipi. An verò id non rectè? die quid tandem des vitii illationibus Augustini, unde Patrem doctissimum fallaci argumento delusum ostendis?

LATINUS. Christum non Græco, sed Hebræo aut Syro sermone cum Petro egisse, neque aliter Mathæum ab origine exarâsse Evangelium, explorata res est. Jam si nulla in utroque illo idiomate occurrit eo textu, generum variatio, si et *chapha* Hebræum, et *chepha* Syriacum, quod *petræ* respondet, eadem penitus ac incommutatâ recurrunt: quis non percipit, fallax planè fuisse Augustini argumentum. Equidem si verba ejus expendas, liquet satis, nunquam S. doctorem in eam mentem deventurum fuisse, ut de alio, quàm Apostolo, petræ nomen exponeret, si quemadmodum dictum est: *Super hanc petram*, ita quoque dictum esset: *Tu es petra*. Atqui in Syriaco textu citra mutationem vel levisimam generis, Apostolo dicitur: *Ego dico tibi, quia tu Chepha, et super hanc Chepha ædificabo Ecclesiam meam*. Fugit id Augustini licet sublimem mentem; non effugit Hieronymum linguarum cognitione instructissimum; quare, super Jerem. 16, dixit: « Non solum Christus petra, sed Petrus Apostolo donavit ut vocaretur petra, cuius sensibus requiescentes rectè dicuntur trans-

«lati de petrâ.» Et in cap. 2 ad Galat.: «Modò  
«Cephas, et modò Petrus scribitur, non quòd  
«aliud significet Petrus, aliud Cephas, sed  
«quòd, quam nos Latinè et Græcè petram  
«vocamus, hanc Hebræi et Syri, propter lin-  
«guæ inter se viciniam, Cepham nuncupant.»

GRÆCUS. Eecur itaque interpres Matthæi  
variat, τὸ εἰ πέτρος, καὶ ἔτι πέτρον ἢ πέτρα; cur non  
semper eodem genere reddidit: Tu es Petrus,  
et super hunc petrum? aut: Tu es petra, et  
super hanc petram?

LATINUS. Si mutationis aliqua nobis reddenda  
sit ratio, neque id fortunâ, aut arbitrio  
evenisse putes, crederem eo factum consilio,  
quòd interpres convenienter duceret, Apo-  
stolo, quippe viro, terminatione virili id nomen  
tribuere, quod muliebri, ut plurimum basi  
ac fundamento tribuitur. Cæterum cum homo  
ex asse Græcus sis, ignorare nequis in illâ  
etiam quâlicumque mutatione, Augustino nil  
opis esse, nec latere quidquam mysterii,  
quando utcumque efferas πέτρος; et πέτρα, ru-  
pem tantum, nec aliud quidquam significat.

GRÆCUS. Cum tu Augustinum sive ignora-  
tione sermonis Syriaci, sive quòd intentus  
versioni Græcæ, ad Syriacum non respexis-  
set codicem, in eam mentem delatum dixeris,  
ut quod jure optimo debebat Apostolo, *petræ*  
nomen Christo maluerit tribuere, præstru-  
xisti viam argumento, quod ex Augustini illâ  
interpretatione adversùs Petri primatum pa-  
raveram.

LATINUS. Miror magnoperè, quòd tu ex illâ  
quâlicumque Augustini interpretatione præ-  
sidii quidquam adversùs Petri primatum spe-  
raveris, quando S. doctor eodem prorsus loco,  
quo Christum petræ nomine insignit, Petro  
nihilominùs principatum apostolatûs defert:  
quare si quid adversùs primatum moliebare,  
Augustino contrarium ex Augustino inferre  
parabas, quæ inefficax planè est argumentandi  
ratio, et Augustino fortè, non Petri primatui  
facessit negotium. Verùm abstineamus tan-  
tisper iis quæ ad primatum pertinent, et cœ-  
ptum caput perducamus.

GRÆCUS. Non hinc excedam, nisi locum Au-  
gustini exhibeas, ubi Christum petram, et Pe-  
trum nihilominùs principem nuncupat.

LATINUS. Sic hoc velis, in manus sume  
Serm. 43 de Verb. Domini; utrumque disertè  
ibi affirmatum reperies. Verba Augustini sunt:  
«Idem ergo Petrus à petrâ cognominatus  
«beatus, Ecclesiæ figuram portans, apostolatûs  
«principatum teneus.» Probè nôsti, quis Pe-

trum beatum pronuntiaverit: *Beatus es, Simon  
Bar Jona; Christus igitur ex mente D. Docto-  
ris petra fuit; et nihilominùs, Petrus aposto-  
latûs principatum tenet.*

GRÆCUS. Sustinuisti adhuc viriliter petræ  
nomine apud Mathæum nullum meliùs, quam  
Petrum ipsum designari: nec rationibus tuis  
quidquam officere, quæ ex variâ rationum atque  
Augustini inprimis interpretatione opposui.  
Expedi jam etiam, an fidem et confessionem  
Petri, an ipsam potiùs personam Apostoli  
petræ nomine à Christo nuncupatam existi-  
mes. Chrysostomus id ad confessionem retu-  
lisse videtur. Nam Hom. 55 in Matth. ait:  
«Super hanc petram ædificabo Ecclesiam  
«meam, id est (super) fidem, ac confessionem.»  
Et consentit Gregorius Nissenus in opere de  
Adventa Domini: «Super hanc petram... su-  
«per confessionem videlicet Christi, quia  
«dixerat: *Tu es Christus Filius Dei viventis.*»

LATINUS. Ut me paucis hinc expediám, re-  
voca mentem ad Chrysostomi Hom. 44 in Isaï.  
c. 6, ubi Petrum compellat *basim Ecclesiæ*.  
Denique Hom. 55, quam ipse citasti, consule;  
sic ibi loquitur: «Dominus ait: Tu es Petrus,  
«et ego super te ædificabo Ecclesiam meam.»  
Idem ergo Chrysostomus, qui fidem ac con-  
fessionem, personam quoque Apostoli *petræ*  
nomine intellexit. Itaque si rectè assequor,  
Patres qui Petri fidem laudant, nec fidem so-  
litariam, nec Petrum utcumque, sed creden-  
tem ac confitentem Petrum, *petræ* nomine à  
Salvatore donatum volunt; quo quidem nil  
moliuntur aliud, quam quod ultrò damus,  
Apostolorum fidei, ac confessionis merito  
obtinuisse præ cæteris, ut petra Ecclesiæ à  
Salvatore constitueretur. Atque hunc sensum  
elegantè expressit Greg. Nazianz. in Orat. de  
Moder. in disp. servandâ, ita loquens: «Vides  
«quemadmodum ex Christi discipulis magnis  
«utique omnibus et excelsis, atque electione  
«dignis, hic petra vocetur, utque Ecclesiæ  
«fundamenta fidei suæ credita habeat.» Quod  
paucioribus complexus est in hunc modum  
Basilii lib. 2 in Eunom.: «Petrus propter  
«fidei excellentiam, Ecclesiæ ædificationem  
«in se suscepit.»

GRÆCUS. Produxisti in medium è Græcis Pa-  
tres præcipuos; disertè illi Petro nomen *pe-  
træ* contribuant. At idemne et constans tem-  
porum omnium sensus fuerit, nondum ce-  
cerno. Profer itaque, si plures adhuc, qui  
idem senserint, dixerintque, in promptu  
habeas.

LATINUS. Ne te Patrum numero obruam, meque in recensendis dicis deficiat, ex plurimis paucos omnis ætatis accipis. Tertullianus lib. de Prescript., c. 22 : « Latuit aliquid Petrum, ædificandæ Ecclesiæ petram dictum ? » Origenes in c. 6 ad Rom. : « Petro cum summa rerum de ascendens ovibus traderetur, et super ipsum velut petram fundaretur Ecclesia, nullius confessio virtutis alterius ab eo, nisi charitatis exigitur. » Cyprianus Epistolâ ad Quintum : « Petrum Dominus primum elegit, et super eum ædificavit Ecclesiam. » Epiphanius in Ancorato : « Dominus constituit Petrum primum Apostolorum, petram firmam, super quam Ecclesia DEI ædificata est. » Ambrosius Serm. 41 : « Denique pro soliditate devotionis Ecclesiarum *petra* dicitur, sicut ait Dominus : *Tu es petra*, etc.; « *petra* enim dicitur, eo quod primus in actionibus fidei fundamenta posuerit, et saxum immobilem totius operis christiani compagem, molemque contineat. » Cyrillus I. 2, c. 2 in Joan. : « Nec *Simon* fore jam illi nomen, sed *Petrus*, prædicit; vocabulo ipso commodè significans quod in eo tanquam in *petrâ*, lapideque firmissimo suam esset ædificaturam Ecclesiam. » Chrysologus Hom. 9 de Pœnit. : « Petrum cum dico, *petram* nomeno infragilem, crepidinem immobilem. » Et Serm. de BB. Petro et Paulo : « Gaudeas, *Petre*, fidei *petra*... gaudeas, *Petre*, rectæ fidei fundamentum. » Denique S. Maximus Serm. de SS. Petro et Paulo : « Per Christum *Petrus* factus est *petra*, dicente ei Domino : « *Tu es petra*, » etc.

### § III.

GRÆCUS. Siquidem sic prorsus è Patrum sit sententiâ, necesse est basim ac fundamentum Ecclesiæ Petrum affirmemus. Ut verò res tunc stabit cum Pauli effato 1 Corinth. 3? « Fundamentum aliud nemo potest ponere, præter id quod positum est, quod est Christus (Jesus)? »

LATINUS. Quàm nullum Paulum inter ac Patres dissidium sit, ex ipsorum Paulo disce, nisi lingas immemorem sui à se ipso dissidere, cum ad Ephes. 2 dixit : *Superædificati estis super fundamentum Apostolorum*. Si verò teste Paulo Apostoli fundamenta sunt, cur Petrum solum ab eo munere honestissimo excludamus? apage cum his hæreticorum nugis, quas tibi mediocris theologus faciliè dissolvat. Est itaque Christus, est Petrus, sunt Apostoli

fundamenta Ecclesiæ : at Christus fundamentum principale, suâ virtute subsistens, Petrus participatione, et proximum à Christo fundamentum, Apostoli fundamenta subordinata et Christo principali, et Petro vicario Christi. Eleganter hoc exposuit Hieronym. in Matth. cap. 16, dicens : « Sicut lumen ipse Apostolis donavit, ut lux mundi appellerent, et cætera quæ ex Domino sortiti sunt vocabula, ita et Simoni, qui credebatur in petram Christum, Petri largitus est nomen; ac secundum metaphoram *petræ*, rectè dicitur ei : *Ædificabo Ecclesiam meam super te*. » Et decuit sanè, ut ascensus in cælum Salvator, vices sui demandaret alteri, qui et pastor gubernaret gregem Dominicum, et instar *petræ* firmæ Ecclesiam sustineret inconcussam.

GRÆCUS. Ut illum tu mihi basim firmam Ecclesiæ fuisse dicas, qui eodem propè puncto temporis, quo Petri cognomen sumpsit, tristem etiam casum fecit, modicissimique temporis intervallo, *Beatus* et *Satanas*, audivit : *Vade post me, Satana, scandalum es mihi*, Matth. 16? Aut ergo tu Petrum Ecclesiæ basim hæc dixeris, aut Ecclesiam cum Petro collapsam, contra datam à Salvatore fidem concede.

LATINUS. Quæ hic interloqueris, adeo infirma sunt, ut refellere propè me pigeat. Etenim si negem primum, Petrum cum Ecclesiæ periculo errasse, unde me convinces? non quisque Petri lapsus, sed solum qui in fidem sit, Ecclesiæ ruinam, si posset, post se traheret. Si Petrum negantem se nosse Christum, Patres à defectione in fide immunem faciunt, quid agent, cum mortem suam vaticinanti obsistentem audiunt : *Absit à te, Domine, non erit tibi hoc*, Matth. 16? Cum Christum negavit timore, hic vitio naturalis amoris prolapsus est. Audi Hieronymum in cap. 14 Matth. : « Volentem ad passionem pergere prohibet, et licet erret in sensu, tamen non errat in affectu, nolens eum (mori, quem Filium DEI fuerat paulò ante confessus.) Verùm ut demus in fidem ipsam peccasse, error Petri tunc adhuc Ecclesiæ ruinam trahere secum non potuit, quando nec Petrus Ecclesiæ basis fuit. « Prudens lector inquirat, ait Hieronymus in c. 16 Matth., « quomodò post tantam beatitudinem : *Beatus es, Simon Bar-Jona*, nunc audiat : *Vade post me, Satana*? » Et mox respondet : « Sed consideret, qui hoc quærit, Petro illam beatitudinem, et beatitudinem, ac potestatem,

et ædificationem Ecclesiæ super eum, in futuro promissam, non in præsentī datam, » *Ædificabo, inquit, super te Ecclesiam meam.* »

#### § IV.

**GRÆCUS.** Postquàm ea quæ in adversum mihi occurrerant, aptè omnia dissolvisti, reliquum est, ut quemadmodum Patrum testimoniis locupletissimè comprobaveras, sic etiam ratione stabilias *petræ* vocabulo Petrum planè à Salvatore deputatum esse.

**LATINUS.** Argumentum, quo id nos Latini evincimus, multiplex sanè compendio accipe. Suggestunt id textus ipsi, et vel invitum manducunt, ut Petro illa à Christo dicta negare haud valeas, nisi verbis vim inferas, et omnia in alienum sensum detorqueas. Etenim an non pronomen, *hanc*, cùm dicitur: *Super hanc petram*, demonstrat petram aliquam, de quâ priùs locutus sit Christus, qui quando neque de se, neque de Ecclesiâ eo loco quidquam dixerit, consequens est, ut neque se, neque Ecclesiam *petræ* nomine designare voluerit. Etyerò, si quis Ecclesiam *petræ* nomine intelligat, insignem is Christi verbis battologiam appingat. Deinde illum Christus *petram* Ecclesiæ suæ esse jubet, cui claves promisit; has verò Petro promissas apertè evincunt singularia pronomina secundæ personæ, *te, tibi*; duplex insuper nomen, unum recens impositum *Petri*, alterum cum nativitate susceptum *Simonis*, nulli alteri communia quàm Apostolo; atque ut omne deinceps dubium elideret, certissimumque efficeret, neque de alio Simone, neque de Petro alio Christum, quàm de hoc nostro locutum esse, adjungit nomen patris, et vocat eum *Bar-Jona*, hoc est, filium Joannis. Ad extremum, ut alia quoque argumenta in hanc rem paucis complectar, fidenter affirmo, eidem prorsus dictum esse: *Tibi dabo claves: tu es Petrus*, qui cùm confensus est Christum, *beatus*; cùm ejus dictis se opposuit, *Satanas*, audiit; hoc verò utrumque ad Petrum pertinere, sic ut nemo in contentionem cum eo veniat, testes habeo Patrès gravissimos. Ex his Ambrosius l. 10 in Luc. 24: « Et idèd, ait, qui solus profitetur ex omnibus, omnibus antefertur. » Hieron.: « Testimonio de se Apostoli reddit vicem. » Hilarius in c. 16 Matth.: « Dignum planè confessio *Petri* præmium consecuta est. » Et in psalm. 131: « Tanta fuit (Christo) religio pro humani generis salute patiendi, ut Petrum primum Filii *DEI* confessorem, Eccle-

siæ fundamentum, regni cœlestis janitorem, et in terreno judicio Judicem cœli, *Satanæ* convicio nuncuparet. » Neque aliter Augustinus lib. 2 contra Gaudentium c. 22: « Numquid melior est Razias, quàm Petrus Apostolus, qui ubi dixit: *Tu es Christus Filius DEI vivi*, tam beatus à Domino appellatus est, ut claves regni cœlorum mereretur accipere, nec tamen idèd creditur imitandus, ubi mox eodem momento reprehensus adivit: *Vade post me, Satana?* »

**GRÆCUS.** An verò tu illa etiam Christi verba Joan. 21: *Pasce agnos meos, pasce oves meas*, ad Petrum pertinuisse contendis? Si ita, profer testes et argumenta, ne dubium apud me ullum supersit, et ex æquo credam; sicut *petræ*, et clavigeri, sic pastoris quoque munus uni Petro demandatum esse.

**LATINUS.** Obsequar lubens, et personæ *Petri*, ultimâ Christi voluntate, veluti legatum fuisse pastoris officium Joan. 21 planum faciam, primùm ex ipsâ Salvatoris interrogatione; ad quem enim alium pertinuit illa Christi interrogatio: *Simon Joannis, diligis me?* Equidem nemo alius à Petro *Simon Joannis* fuerat. Atque ne fortè suspiceris de communī suâ, ac condiscipulorum dilectione in quæstionem vocari Petrum, cautè Christus interrogat: *Simon Joannis, diligis me plus his?* acceptoque responso, uni pasce agnos et oves committit. In illum namque munus pastoris supremi Servator abiturus transtulit, qui tertio interrogatus, iter etiam suo, nec alieno nomine amorem testatus est. In quam rem ne Patrum etiam testimonia desideres, repete memoriâ Origenem in c. 6 ad Rom., Jam etatum. Cui, si inbet, addere potes Ambrosium l. 10 in Luc. 24, in fine, ita dicentem: « Dominus non dubitabat, qui interrogabat, non ut disceret, sed ut doceret, quem elevandus in cœlum amoris sui veluti vicarium relinquebat. Sic enim habes: *Simon Joannis, diligis me? Utique tu scis, Domine, quia amo te*; dicit ei JESUS: *Pasce agnos meos.* » Et infra: « Jam non agnos ut primò, nec oviculas ut secundò, sed oves pascere jubetur, perfectiores ut perfectior gubernaret. »

**GRÆCUS.** Ut Salvator extra dubium collocaret, et pro certo sciremus omnes, uni Petro pasce provinciam Joan. 21 delatam esse, factum, ni fallor, est, non absque consilio, ut continuò mortis etiam genns pastori recepto constituto prænuntiaverit: *Amen, amen dico tibi, cùm esses junior, cingebas te, et ambulabas*



*ubi volebas; cum autem semeris, extendes manus tuas, et alius te cinget, et ducet quod tu non vis.* Quam enim hæc ad Petri personam pertinent teste ipso Joanne: *Hæc autem dixit significans, quâ morte esset clarificaturus Deum*, tam procul dubio et pastoris officium. At verò quamquam id tibi jam tribuam, neque abnuam, eundem Petrum cœli clavigerum, atque Ecclesiæ hæc in decreto Christi constitutum esse, nescio tamen quibus tu inde momentis Petro præ cæteris, atque in cæteros etiam Apostolos te speres primatum effecturum, nec illum honoris modò, verùm et potestatis.

## § V.

**LATINUS.** Ne in plura implicer, à cæteris me adhuc abstinebo. Id est, quod nunc contendo, apud Matthæum promissum, apud Joannem collatum esse Petro primatum in universam Ecclesiam.

**GRÆCUS.** Si tu ita statuas, pari ego jure plures Christi vicarios, omnesque adeò Apostolos principatum in universam Ecclesiam sortitos luculenter evincam. Quid enim Petro, quod non pariter omnibus à Christo sive promissum, sive collatum sit? promissæ sunt Petro claves regni cœlorum, Matth. 16, verùm eadem penitus amplitudine ligandi solvendi-que potestas, Matth. 18, cæteris quoque promittitur. Petrus, Matth. 16, basis ac fundamentum Ecclesiæ fore decernitur; at enim ad Ephes. 2, id etiam tituli lego jam commune Apostolis omnibus: *Superædificati super fundamentum Apostolorum.*

**LATINUS.** An verò tu etiam Apostolos cæteros perinde pastores orbis christiani à Salvatore constitutos esse contendis?

**GRÆCUS.** Ut maximè: quid enim sibi volunt illa Salvatoris Marc. 15: *Euntes in mundum universum prædicate Evangelium omni creaturæ.* Matth. ult.: *Docete omnes gentes, baptizantes, etc.* Et denique Joan. 20: *Sicut misit me Pater, et ego mitto vos.* Illis profectò, nisi Apostolis pastorum munus sit creditum, nescio quid aliud?

**LATINUS.** Ut conatui tuo pro Apostolis, quod æquum est, tribuam, habe omnes Petro in apostolatùs officio pares fuisse. Id ut d. lucidè percipias, meminisse te volo, apostolatùs decus omne his prærogativis comprehendi: erant sacerdotes, doctores, præcones Evangelii per universum orbem Salvatoris ipsius voce ac decreto constituti, nullis limitibus circumscriptam ligandi, solvendi-que, fundendi

ac moderandi Ecclesias, et episcopos instituendi potestatem nacti, eant acceptà ex alia virtute divini Spiritùs, mortis et resurrectionis testes: *Accipietis virtutem supervenientis Spiritùs sancti, et eritis mihi testes in Jerusalem, et usque ad ultimum terræ*, Actor. 10. Pro Christo legatione fungebantur omnes; in his invicem, in his Petro ipsi nil cessisse, faciliè dederò, nisi quid fortassè obstet Paulus 2 Cor. 11, dicens: *Existimo me nil minus fecisse à magnis Apostolis.* Ut enim advertit Chrysostomus Hom. 23, Paulus discrimen agnovit: « Non simpliciter, *Apostolis* dixit, sed, *magnis*, Petrum, Jacobum et Joannem innuens. » Hos enim Apostolos cæteris prætulisse videtur: *Cum cognovissent gratiam, quæ data est mihi, Jacobus, Cephas, et Joannes, qui videbantur esse columnæ*, ad Gal. 2. Verùm ut nulli Petrum in apostolatùs honore præponam, primatum tamen uni Petro reservatum contendo. Aiebat Cyrillus in Epistolâ ad Nestorium: « Siquidem Petrus, et Joannes (ego dico, si Petrus, cæterique omnes) pari honore ut Apostoli, et discipuli sancti præditi fuerunt, non tamen ambo unus sunt. » Cur verò ita si quæras, respondebit continuò Augustinus lib. 2 de Bapt. c. 1: « Quoniam in Petro primatus Apostolorum tam excellenti gratiâ præeminent. »

**GRÆCUS.** Atqui hoc est, quod à te mihi non asseri tantùm, sed etiam probari atque explari cuperem. Ego sanè officio defunctus mihi videor, primatumque à Petro abstulisse, eùm omnes ipsâ Christi institutione pares officio ac potestate utcumque ostendi.

**LATINUS.** Cùm tu pares Petro cæteros in apostolatùs munere, neque plus ostenderit, agam nunc ut perspicias, Petrum inter eodem ex Christi voluntate eminentiorem quamdam potestatem ac honorem sortitum esse. Etenim si Christo non erat animus singulare quidquam, et neque singulari modo ipsam apostolicam auctoritatem impertiri Petro; cur inprimis Matth. 16, illi nominatim claves regni cœlorum consignat, petræ cognomine donat, Ecclesiam in ipso constituendam prædicat? cur Luc. 22, pro ipso singillatim preces ad cœlestem Patrem fundit: *Ego rogavi, ut non deficiat fides tua; cur uni illi fratrum curam injungit? Conversus confirma fratres tuos.* Cur non contentus communi illâ missione, iterùm, et veluti extra ordinem pascebdos agnos et oves Petro commendat? cur ad extremum, quam à cæteris confessionem

non petierat, à Petro exigit, et ad prostendendum ter amorem, trinâ interrogazione inducit, nec amore vulgari contentus, excellentiorem ab ipso deponit: *Simon Joannis, diligis me plus his?* « Profectò, ut Bernardus advertit in *Cantica*, non erat cur Christus à Petro majorem dilectionem requireret ad beneficium commune Apostolis, et missionem omnibus jam mandatam. » Plus itaque Petro collatum est, à quo plus requiritur: « Idcirco ergo, Bernardus prosequitur, plus amoris requisivit ab illo, quia Ecclesiam pro quâ sanguinem fudit, pascendam et regendam commisit. » Quare singulari illâ institutione, singularem illum ac præcipuum in universam ecclesiasticam plebem, ac Apostolos ipsos principatum obtinuisse pro certo habeo: quod eleganter in natali Apost. expressit S. Eucherius Lugdunensis, vel quisquis ille sub Eusebii Emissemi nomine circumfertur: « Prius, inquit, agnos, deinde oves commisit ei, quia non solum pastorem, sed pastorem pastorum eum constituit: pascit igitur Petrus agnos, pascit et oves, pascit filios, pascit et matres, regit et subditos, et prælatos. Omnium igitur pastor est, quia præter agnos et oves in Ecclesiâ nihil est. »

GRÆCUS. A privatâ hâc institutione si id supremi juris Petro accessisset in universam Ecclesiam, constituisse non poterat Salvator, Matth. 18, Ecclesiam ultimum summumque tribunal: *Si peccaverit in te frater, corripe eum inter te et ipsum.... si te non audierit, adhibe unum vel duos.... quod si non audierit eos, dic Ecclesie, si autem Ecclesiam non audierit, ait tibi sicut ethnicus et publicanus.* Quare rectè August. Petrum Ecclesie personam illis locis sustinuisse, ejus nomine claves, et cætera supremæ potestatis auctoramenta à Salvatore suscepisse coniecit: « Petrus quando claves accepit, Ecclesiam sanctam significavit. » Tract. 20 in Joan. Et l. de Agone christiano cap. 30: « Non sine causâ, inquit, inter omnes Apostolos hujus Ecclesie catholice personam sustinet Petrus, huic enim Ecclesie catholice claves regni cœlorum datæ sunt, cum Petro datæ sunt; et cum ei dicitur: *Amas me? pasc oves meas.* »

LATINUS. Argumentis, quæ nunc attulisti, amant è nostris quidam ad supremam concilii auctoritatem in ipsos etiam Romanos pontifices vindicandam uti: tu, ut diligens es, etiam ad primatum Petri convellendum abuteris. Nil te pessima mollementem Augustinus, ut Scri-

ptura adjuvat: loquar cum Aug. Tract. 50 in Joan.: « Si in Petro non esset Ecclesie sacramentum, non ei diceret Dominus: *Tibi dabo claves regni cœlorum.* » Concedam Petrum iis locis typum, figuram ac personam Ecclesie subisse; verum an quemadmodum legati solent principum, an contra, ut princeps populi sui personam ubique sustinet? quæstio inter nos non levis enascitur. Te primùm tueri convenit, si à Petro primatum tollere fixum est: Augustinus mecum disertè tuetur alterum; si enim ex eo sciscitari libeat, cur Petrum Ecclesie personam gessisse iis locis existimet, tibi jam apertus hostis respondet in Psalm. 108: « Cujus (Ecclesie nempe) Petrus Apostolus propter apostolatûs sui primatum gerebat figuratâ generalitate personam. » Et rorsus: « Ecclesie ille agnoscitur in figurâ gessisse personam, propter primatum, quem in discipulos habuit. » Quod Scripturæ textum allegatum attinet, opinor ad eam Ecclesiam Salvatorem judicium supremum detulisse, quam in Petro ædificandam promisit, hoc est, cujus Petrus caput ac gubernator futurus erat. Quid enim est Ecclesia, nisi, ut Cyprianus ait Epist. 66, plebs sacerdoti adunata, et pastoris sui grex adherens? »

GRÆCUS. Primatum Petri in Ecclesiâ ex ipsâ Christi institutione, Patrumque sententiâ fluere prope non ambigo. At in ipsos etiam Apostolos Ecclesie principes atque columnas, si quid juris Petrus habuisset, hoc adeò Patres latuisse non potuit, ut concordî, et propemodum unanimi errore æqualitatem inter Apostolos decernerent. Quam non rectè Cyprianus tradidisset lib. de Unitate Ecclesie: « Hoc erant utique et cæteri Apostoli, quod Petrus, pari consortio præditi et honoris et potestatis. »

LATINUS. Si ubi aliâs, hic inprimis fidem in te desidero, cum concordî sensu Patres ais in Apostolis nescio quam æqualitatem propugnasse. Ego profectò, præter unius Cypriani, quod produxisti, testimonium, paucos tibi in eandem sententiam superesse facilè credam, ita omnes in extollendo apostolatu Petri elaborant, ita principatum ejus supra collegas ipsos stabilunt. An enim æqualem tibi videtur adstruxisse Augustinus dignitatem, cum serm. 15 de Verbis Domini dicit: « Petrum in Apostolorum ordine primum, esse Ecclesie unicæ typum? » An Chrysostomus in illa Christi verba: *Pasc oves meas*, sic scribens: « Id est, esto præpositus loco mei, et primus in mediis fratrum? » Verùm quid ego à te expectem,

qui neque Cyprianum satis fide retulisti! quare quem tu adversus me mancum malignè citaveras, plenum ego in meam sententiã dabo. Sic verò lib. de Unitate Ecclesiæ loquitur: « Quamvis Apostolis omnibus post resurrectionem suam parem potestatem tribuat et dicat: « *Sicut misit me Pater...*, etc., tamen ut unitatem manifestaret, unam cathedram constituit, et unitatis ejusdem originem ab uno incipientem suã auctoritate disposuit: hoc erant utique et cæteri Apostoli, quod fuit Petrus, pari consortio præditi et honoris, et potestatis, sed exordium ab unitate proficiscitur; primatus Petro datur, ut una Christi Ecclesia, et cathedra una monstraret. » Quem Cypriani locum referens Aug. 1. 2 de Baptis. c. 4, vide, ut ipse primatum Petri et concludat inde et affirmet; verba ejus sunt: « Ecce ubi commemorat Cyprianus, quod etiam nos in Scripturis sacris didicimus, Apostolum Petrum, in quo primatus Apostolorum tam excellenti gratiã præeminet. »

GRÆCUS. Hæc verò sunt, quæ me vehementer perturbant: neque satis expedit, ut Patrem contradictione absolvam. Parem ille potestatem à Christo Apostolis omnibus tributam post resurrectionem affirmat, pari aut fuisse præditos consortio honoris et potestatis; qui itaque fieri potest, ut primatum Petro ex animo detulerit?

LATINUS. Hoc grandi in speciem dubio ut te denique evolvam, nil mihi aliud opus est, quàm ut audias, quid primatus, quid apostolatús nomine apud Patres, atque Cyprianum in primis et Augustinum veniat. His ducibus explicuit utrumque luculentè cardinális Perronius c. 58, in responsione ad regem Angliæ. Distinguit is apostolatús dignitatem ac potestatem, in intrinsecam, sive essentialem, et extrinsecam, sive accidentariam. Ad priorem refert, quòd omnes à Christo vocati et missi sint; omnes ex æquo munus Apostolicum acceperint; cum æquali prorsus amplitudine potestatis ubique terrarum prædicandi Evangelium, fundandi Ecclesias, ministrandi Sacramenta, Spiritum sanctum tribuendi, aliæque omnia exercendi, quæ ad Ecclesiæ regimen necessaria, aut utilia prævidissent. Atque in his æquales prorsus fuisse Apostolos statuit. Accidentariam vocat, et extrinsecam, quæ tota quanta sita est in modo et ordine potestatis illius exercendæ: in hæc verò inæquales fuisse Apostolos contendit, et in Petro aliquid supra cæteros exirium: cum enim Christus aposto-

lica illa munia ubique et ab omnibus, quos vocaverat, exerceri vellet, servatã unitate Ecclesiæ, ad hanc tuendam decrevit, principium ac radicem ejus in Petro constituere: quod sanè ut impetraret etiam, atque sic schismata ab Ecclesiã averteret, placuit Petro præcæteri, et in cæteros singularem potestatis, et dignitatis accessionem tribuere, quo nempe is cen caput vicarium, omnes fideles æquè ac Apostolos in officio contineret, Ecclesiam ab hæresi omni atque schismate tutaretur.

GRÆCUS. Prope est, ut assequar, quã tu ratione cum æqualitate apostolici officii primatum nihilominus jungas, ac Petro asseras; nec me laetè finis, quem aiebas Christo præ oculis fuisse; memini namque hoc planè me olim legisse in Hieronymo, qui in Jojanianum l. 1, c. 14, ita de Petro loquitur: « Inter duodecim unus eligitur, ut capite constituto schismatis tolleretur occasio. » Verùm quale tandem poterat schismatis esse inter Apostolos periculum, quorum corda et actiones omnes divinus ille Spiritus, qui ipsa unio et amor est, moderabatur præsentissimã assistentiã: quàm procul Apostoli à periculo erroris, docente eos Spiritu veritatis, abfuerit, tam aberant et à schismatis periculo; quàm igitur infallibilitate Petri iis non erat opus, tam nec primatum.

LATINUS. Non eguisse Apostolos moderatore, principio, radice ac centro unitatis, facillè et ipse concessero; institui nihilominus jam tum primatum in omnes, erat quàm maximè congruum: non quòd tali disciplinã Apostolis opus esset, sed quòd forma induceretur in Ecclesiam, salubris, et in primis necessaria Ecclesiæ; atque vel idè observanda sanctiùs, quòd ex ipsã Christi institutione processisset, et Apostolorum moribus consecrata esset. Sanè nec eguit Ecclesia à principio conciliis, ad Religionis dubia dissolvenda: afflati enim divino Spiritu Apostoli, fieri nequibat, ut in errorem vel divisi consentirent. Congregantur nihilominus in unum, ad finem imponendum controversiæ, quæ de usu legalium suscitata est, quo nempe sic posteris commendaretur eorum usus, nemoque sagacitati, aut sapientiæ suæ confideret, cum Apostolos ipsos licet divini luce plenos, ad componendas hujusmodi graves causas in unum convenisse igitur. Christus cum primatum Petro in Apostolos ipsos detulit, non præsentem, sed futuram Ecclesiæ necessitatem respexit.

GRÆCUS. Primatum Petro ego facillè in Ec-

clesiam, atque ipsos ad eum Apostolos deferrem, ita tu multa, in hanc rem protulisti ex Patribus, nisi aperta Christi verba, ne dicam præcepta, in adversam partem propè abducerent. Odisse, imò et gravissimis verbis insectari primatum inter discipulos, Christus mihi semper visus est. Nam cum, Luc. 22, facta esset inter eos contentio, qui eorum videretur esse major, dixit eis: *Reges gentium dominantur eorum, et qui potestatem habent super eos benefici vocantur; vos autem non sic.* Et Matth. 20: *Jesu autem vocavit eos ad se, et ait: Scitis quia principes gentium dominantur, et qui majores sunt, potestatem exercent in illis; non ita erit inter vos.* Denique Matth. 23, cum Phariseorum mores sic ad vivum expinxisset: *Avant autem princeps recubitus in cœnis, et primas cathedras in synagogis, et salutationes in foro, et vocari ab hominibus Rabbi,* continuò prohibuit: *Vos autem nolite vocari ab hominibus Rabbi; unus enim est magister vester, omnes autem vos fratres estis.*

LATINUS. Egregiè tu hæc omnia hæreticorum è pennâ deprompsisti; quia et morem eorum secutus, quæ non usquequaque tuo favebant præposito, silentio pressisti. Quod hic prohibetur, non est primatus, sed ejus abusus, qualis sanè apud gentes, et Phariseos id temporis erat. Si enim ex Christi præcepto nullus inter discipulos futurus erat major, cur dicit ipse Christus: *Qui major vestrum est, erit minister vester?* Matth. 23, et Luc. 22: *Qui major est in vobis, fiat sicut minor, et qui præcessor est, sicut ministrator.* Nam quis major est, qui recumbit, an qui ministrat? nonne qui recumbit? Ego autem in medio vestrum sum, sicut qui ministrat. *Quicumque voluerit inter vos major fieri, erit vester minister, et qui voluerit inter vos primus esse, erit vester servus,* Matth. 20. Cur tot salutarius mentis olarnat majorem? cur suo exemplo ad modestiam et submissionem incitat? si neque fuit, neque futurus erat quisquam major, frustra, et inutilia hæc erant.

GRÆCUS. Si non quod ante voluit, at dabis certè Petri primatum adhuc non agnovisse Apostolos, quem si collatus erat, nec obniti poterant, ipso supremæ dignitatis auctore præsentè, nec ignorare debuerant.

LATINUS. Si ergo tunc adhuc in multis cæcitas d'eam discipulos, injurius illis non sum; sed neque Petro, si promissum ipsi, at nondum adhuc collatum id temporis primatum dixero. Non te morabor, utrum mavis, pro responso accipe.

## § VI.

GRÆCUS. Quod dixisti assequor: aiebas nempe, Apostolos aut ad promissionem à Christo factam, nondum tunc advertisse animum, aut quòd nondum penitus stabilitum in Petro primatum censerent, non inutiliter eam inter ipsos questionem agitari potuisse. Hæc verò si ita sint, igitur ubi post allapsam divinissimum Spiritum à mente eorum ablata est omnis cæcitas, ubi stabilitus à resurrectione primatus, modestiores se gerere debuerant, quàm ut sibi ministros Ecclesiæ pro voluntate creandos sumerent, et nescio quid auctoritatis in ipsum Petrum arrogarent: creant tamen suo arbitrato diaconos, Act. 6. Et Petrum ipsum in Samariam destinant, Act. 8.

LATINUS. Nihil dubita, post resurrectionem agnovisse Apostolos, reveritosque esse semper in Petro primatum, de quo olim cum ipso in contentionem venerant. Nondum tibi tamen probationes in hanc rem offero: illud contendo, nihil eorum, quæ tu protuleras, offecisse Petri primati. Quid enim ei deroget electio illa septem diaconorum non assequor, quando disertè, Act. 6, dicitur et multitudo discipulorum, nutu ac voluntate duodecim, in eam convocata; et qui constituerant diaconos, quique imposuerant manus, erant iidem duodecim; hoc si repugnet primati Petri, necesse fuerit illum omnia suo ductu, suo suffragio in Ecclesiâ peragere, nihil communi consilio deferre. Absit verò ut talem Petri primatum statuamus. Præcipuam nos Petro, non soli ac uni providendi Ecclesiæ, gubernandique potestatem tribuimus. Ut enim S. Leo papa serm. 3 in annivers. suæ ad pontificatum assumptionis dudum ante nos observavit, illa Christi verba: *Tibi dabo claves,* Petro quantum soli dicta, sic tamen, ut vis potestatis illius in alios quoque Apostolos derivata sit, Verba sancti pontificis sunt, quæ rem omnem in luce collocant: *Transiit quidem etiam in alios Apostolos vis potestatis illius, et ad omnes Ecclesiæ principes decreti hujus constitutio commevit; sed non frustra uni commendatur, quod omnibus intimatur; Petro enim idè hoc singulariter creditur, quia cunctis Ecclesiæ rectoribus Petri forma proponitur. Monet ergo Petri privilegium, ubicumque ex ipso fertur æquitate judicium. Nec nimia est vel severitas, vel remissio, ubi nihil erit ligatum, nihil solutum, nisi quod S. Petrus aut solverit, aut ligaverit.*

GRÆCUS. Quod ergo non invito, nec inscio, imò et Petro agente electio illa diaconorum peracta sit, nihil de primatûs excellentiâ detrahit. An verò nullum tibi in Petrum exercuisse jus videntur illi, qui auditò, quòd *Samaria receperisset verbum Dei, misère ad eos Petrum, et Joannem*, Act. 8? Superiorem sanè hæc sapiunt.

LATINUS. Mira res, ut ego primatum à Petro abdicem, tu, qui ante æquales illi statuebas Apostolos, nunc etiam superiores vis efficere? quorsùm te denique contentio non abripit? Ne penitès à vero devies, inter missionem, quæ fit imperio, quæque rogatu aut consilio perficitur, probè distingue. Msit et Herodes Magos in Bethlehem; at quis propterea superiorem dixerit? id ne tu suspicaris, cogita quod Evangelista dixit: *Per aliam viam reversi sunt in regionem suam*. Nec Magis ergo Herodes, nec matentium Apostolorum chorus, major Petro ac Joanne fuit. Quis enim adeò rerum rudis sit, ut ignoret ex Pauli sententiâ, *Petrum et Joannem* magnos dici Apostolos, et præ cæteris columnas? Profectò si Evangelium decurras, hos planè à Salvatore prælatos ubique cæteris Apostolis facillè agnosces; hos Christus gloriæ et mœroris sui testes esse voluit cum Jacobo fratre Joannis, quando coram eis *transfiguratus est*, Matth. 17, et testibus iisdem *cœpit pavere, et mœstus esse*, Matth. 26, ut adeò tandem inter hos de primatu subortam fuisse contentionem, Luc. 22, facillè ipse mihi persuadeam. Quare ut denique, quém rebus suis obstare adhuc unum credebant, Petrum de ioco apud Salvatorem principe dejecerent, subornant Salomem matrem, quæ precibus summum filiis suis locum vindicet: *Dic, ut sedeant hi duo filii mei, unus ad dexteram, et unus ad sinistram in regno tuo*, Matth. 20. Verùm repulsa à Christo, audire debuit: *Sedere ad dextram meam vel sinistram, non est meum dare vobis, sed quibus paratum est à Patre meo*. Ita Petro, cui jam Matth. 16 claves decretæ fuerant, non in alios modò, verum in hos quoque ipsos, si fas est dicere, competitores ac æmulos, primatus à Christo integer conservatus est. Sed ultra quàm volebam processì, quì quàm paucis tibi fecisse satis poteram, si vel negarem missionem factam imperio; quam tamen si etiam permittam, quid tu aliud quàm quod Gallos nostros moliri videmus, elliceret? Eruunt hinc illi Apostolorum collegium supra Petrum fuisse, ut papam quoque concilio supponant; verùm integer adhuc per illos

stat primatus Petri in Apostolorum singulos.

GRÆCUS. Sentirem tecum, consilio potiùs quàm imperio collegii Apostolici in Samaritanum Petrum concessisse, nec inde quidquam auctoritati Petri detractum irem, nisi hinc Paulum ad Gal. 2 in faciem ei Antiochiæ resistentem intuerer, audiremque apostolicâ libertate, Cephæ simulationem suam, in quam et Barnabam traxerat, ita palam omnibus exprobrantem: *Si tu, cum Judæus sis, gentiliter vivis et non judaicè, quomodò gentes cogis judaizare?* Inde verò, non ab Apostolis tantùm, verùm à Jsdæorum etiam vulgo Hierosolymæ, imperiosè sanè, familiaris conversationis cum gentibus initæ, severè rationes exquiri à Petro. Verba illorum sunt Act. 11 ad Petrum: *Quare intrasti ad viros præputium habentes, et manducasti cum illis?* Quis hic non suspicetur aut nullum, aut vix notum fuisse id temporis Petri primatum?

LATINUS. Arduam fuisse temporum illorum conditionem, quibus gentes et Judæi, institutis ac moribus tam oppositi, in unam Christi Ecclesiam componendi erant, vel hinc discere: A Judæis reus peragitur Petrus Hierosolymis, quòd cum gentibus et incircumcisus manducasset; à Paulo rursus Antiochiæ arguitur, quòd, adventantibus à Jacobo Judæis, idem qui antea communi mensæ cum gentibus accubuerat, jam veluti personam mutatà continuò se subduxerit, atque ab eorum commercio sejunxerit. Quæ res procul dubio gentibus offensionem esse poterat non minùs ac prius illud Judæis. Non vindicabo hic ego Petri factum; tu memoriâ repete, quæ similia, imò majora de Paulo ipso narratur: Act. 16 circumcidit Timotheum; Act. 21, consilio Jacobi acquiescens, purificari et ipse sustinuit; verùm alio hæc loco reservantur. Hic id unum ago, ut quàm non rectè adversùs primatum intuleris, intelligas. Atque ut primùm expediàm quod ex Act. 11 objecisti, meminisse te velim, officium boni pastoris, quemadmodùm Petrus Epist. 1, c. 5, exponit, in eo planè collocatum esse, ut *paratus sit ad satisfactionem omni poscenti rationem de eâ quæ in ipso est spe et fide cum omni modestiâ*. Si igitur Petrus facti sui rationem reddidit pastoris boni munus implevit, non primatum deposuit. Quem sanè, neque qui deserti, quòd à majoribus acceperat, insututi rationem repecebant, violasse putandì sunt, quando edocti à Petro de visione, tam promptè tacent, acquiescunt, glorificant Deum, dicentes: *Ergo et gentibus penitentiam*

*dedit Deus ad vitam!* Act. 11. Neque plus evincit correptio illa Pauli , quem Patres etiam, cum reprehendit, minorem et agnoscunt, et ore uno proclamant. Gregorius Magnus Dialog. lib. 2, c. 12 : « A minore, inquit, suo reprehenditur, et reprehendi non dignatur. » August. epist. 82, aliàs 49, ad Hieronymum : « Ipse verò Petrus, quod à Paulo fiebat utiliter libertate charitatis sanctæ ac benignæ pietate humilitatis accepit, atque ita rursus et sanctius exemplum posteris præbuit, qui non dignarentur, sicubi fortè recti tramitem reliquissent, etiam à posterioribus corrigi; quàm Paulus, quò confidenter auderent etiam minores majoribus defendendâ evangelicâ veritate, salvâ fraternâ charitate, resistere. Nam cum satius sit à tenendo itinere in nullo quàm in aliquo declinare, multò est tamen mirabilis et laudabilius libenter accipere corrigentem, quàm audacter corrigere deviantem. Est laus itaque justæ libertatis in Paulo, et sanctæ humilitatis in Petro. »

GRÆCUS. Mirum quàm tu mihi aptè ex Patribus ubique occurras obviam; quàm occupes omnia, et argumentis undique viam præstruas. Sed enim si primatum Petrus habuit, cur non denique hoc se tuetur scuto? Ut enim Cyprianus epist. 71 ad Quintum ait, « non vindicavit sibi aliquid insolenter, aut arroganter assumpsit, ut diceret se primatum tenere, et obtemperari à novellis, et posteris sibi potius oportere, nec desepit Paulum. »

LATINUS. Me etiam tacente, respondebit Gregorius Hom. 18 super Ezechielem : « Amicus veritatis laudavit etiam quòd reprehensus est, seque etiam minori fratri ad consensum dedit, atque in eadem re factus est sectator minoris sui, ut etiam in hoc præiret, quatenus qui primus erat in apostolatùs culmine, esset etiam primus in humilitate. » Ex pari causâ neque Judæis Act. 11 convictum familiarem gentium oppugnantibus, dignitatem opposuit, ut idem ait Greg. lib. 2, ep. 43, aliàs l. 9, epist. 39 : « Si in querelâ fidelium aliquid de suâ potestate diceret, profectò doctor mansuetudinis non fuisset. »

## § VII.

GRÆCUS. Ut argumentum, quod à correptione Pauli duxeram, nondùm principe loco Petrum dejecit, sic fatendum tibi est, nondùm te confecisse Patrum sententiis, quas adhuc attuleras, ut Paulum sub primatum Petri ste-

tisse confiteri oporteat. Quòd enim *minorem* dixerit Augustinus, quòd *posteriorem* à apostolatùs suscepti tempora retulere, Cyprianus hanc mihi suspicionem auget et confirmat, quando *novellum* et *posteriorem* vocat; quin et idem à Petro utcumque removise videtur primatum, si epist. 71 verba paulò attentius expenderis. Si enim ex mente Cypriani primatum tenebat, flerine potuit, ut eo *se tuetur insolenter*, quid sibi idè *insolenter vindicasset, aut arroganter assumpsisset?*

LATINUS. Cavillaris, opinor : Augustinum à nobis stare, res in confesso est; verùm hoc in alium tibi locum reservo. De Cypriani mente si quæ tibi supersit dubitatio, ex limpidißimis verbis ejusdem dissolve. Ait is lib. de Unit. Eccl. : « Primatus Petro datur, ut una Christi ecclesia, et cathedra una monstretur. » Gregorius etiam hom. 18 super Ezechielem, cum Paulum *minorem* dixit, non ad ætatem, non ad vocationis tempus respexit. Etenim quâ ratione Petrus primus esset in apostolatùs culmine, si Paulus *minor* esset duntaxat ætate? Primus ad apostolatum Andreas vocalus est; is igitur primus esset ex Patrum mente, si illi eodem, quo tu, respexissent. Audet tamen dicere Ambrosius in 2 Cor. 12 : « Prior Andreas secutus est Salvatorem, sed primatum non accepit Andreas, sed Petrus, » ut scilicet noveris, cum de primatu loquantur, nec vocationis, nec ætatis ordinem secutos fuisse.

GRÆCUS. Dabis ergo ut minimum, Patres in asserendo Petri supra Paulum primatu aliquantò obscurius versatos esse, et fortassè neque unanimi sententiâ id complexos. Mihi enim tot in mentem veniunt, qui hos ex omni parte exæquent, ut unde principium sumam, incertus sim, quanquàm nec desint qui Paulum præferant : ordiar à primis.

LATINUS. Imò dissimula, si quos in promptu habes : abbi fortassè opportuniùs eosdem produces. Nunc cœptum argumenti tenorem persequamur, et si quid adhuc ex Pauli factis supersit, quo Petri primatum oppugnes, profer in medium.

GRÆCUS. Salubriter monenti parebo; propè enim erat, ut mente exciderent argumenta, quæ apud me quidem vim obtinent plurimam, adversùs primatum omnem.

LATINUS. Et quæ illa, obsacro! ne me diù differ, aut sollicitum retine.

GRÆCUS. Nempè argumentum quod ipsum Augustinum eò denique impulit, ut *petra*

nomine non Petrum, sed Christum mallet intelligi; quod Hieronymum adduxit ut primatum ad hominum inventum referret.

LATINUS. Nisi fallor, hoc illud erit, quod ex 1 Cor. c. 1 et 3 petitur, ubi ad cavenda schismata, sedandosque, qui inter Corinthios exarserant, motus, vehementer Paulus improbat, esse inter ipsos, qui dicerent: *Ego quidem sum Pauli, ego autem Apollo, ego verò Cephæ*. Quàm verò infirmum, et penè nihil est hoc argumentum! Dissensiones ibi, quæ ex tantâ varietate nominum provenire in membris poterant, cavere animus fuit Apostolo, nec quidquam præterea; neque approbat quòd nonnulli dicerent: *Ego autem Christi*; an verò idcirco tibi Christi primatum oppugnâsse videtur?

GRÆCUS. Nihil in Christi dignitatem idcirco molitum esse Paulum, ut sapiens es, ex cap. 3 facitè concludes, ubi universos, nullo dempto, vult esse, dicitque Christi. Cephæ tamen primatum oppugnari eo loco, non ex vano suspicor: etenim si Cephæ caput erat Ecclesiæ, cur non quemadmodum regna cætera, sic etiam Ecclesia tutò honestissimèque ab ejus se derivasset nomine, cur Paulus neminem sustineret dici Cephæ?

LATINUS. Ut nodum omnem dissolvam, primum contendo, quod textus ipse c. 1 monet, noluisse Apostolum, ut divinis se nominibus appellarent, et pro varietate ministrorum, à quibus baptismatis fonte lustrati fuerant, varium gererent: id verò rectè et quàm opportunè ad cavenda schismata; prope enim incredibile dictu est, quantum non disciplinæ modò, sed et nuncupationum ipsarum diversitas, in animos hominum, per se ad actiones propenses valeat. Deinde Apostolum optâsse fateor, ut cuncti se *Christi* appellent, nemo Pauli, nemo Cephæ: cur verò ita? Profectò non quòd in animo haberet detrudere primatum Cephæ; hoc enim commentum vestrum est: sed rationem sinceram reddidit ipse Paulus: *Numquid Paulus crucifixus est pro vobis, aut in nomine Pauli baptizati estis? Et c. 3 se et quisquis alius baptizat ministrum ait duntaxat esse; minimè verò æquum videri, ut auctore salutis neglecto, à ministris hominibus se ipsi nuncuparent. Hic est germanus Pauli sensus, nec alius; evolve, si lubet, primum et tertium cap. 1 ad Cor. Cæterùm, si etiam Paulus ad primatum Christi tibi respexit, atque quod nôsset Christum Ecclesiæ caput, velletque à suo capite omnes Christianos dici, cave-*

re adhuc rectè poterat, ne se aliquis aut omnes *Cephæ* dicerent, quia idcirco quidquam in primatum Petri peccaret, quando ultrò tibi fateor, prope non sine Christi injuriâ Ecclesiam Petri dici posse; ubi enim aliquando usu receptum novimus, ut sive regna, sive familiæ abjecto primævo nomine, quod à principe aut fundatore sortiti fuerant, in nomen vicaril immigrârint? Si quando, ut sanè apud vos contingit, imperium vetus amisit nomen, et pro Romano audit Turcarum imperium, factum id est quòd omnes, à quibus antea Romanum dici meruerat, prout interierint et re, et potestate, quòdque Turcæ non vicarii illorum, sed successores sint, suo, non eorum jure sceptra obtineant. Nihil adhuc tale, quæ Dei est providentia, Ecclesiæ contingit, cujus caput principale Christus hodièque est, nec Petrus, aut hujus successores, quidquam aliud, quàm vicarii Christi, quique non suo, sed Christi tantum nomine, cujus vices in terris sustinent, Ecclesiæ præsent. Si ergo etiam Ecclesia more familiarum, ac judaicarum tribuum à capite nominanda sit, minùs rectè illa Petri diceratur; sed Christi dicenda est, cujus nempe et ipse Petrus est.

GRÆCUS. Nodum quem ex Paulò convolvam eleganter dissolvisti. Sed quid ad Augustinum? quid ad Hieronymum? utrumque continenter tibi reddam. Augustin. serm. 13, nunc 79, de verbis Domini, ubi verba Christi: *Super hanc petram ædificabo Ecclesiam meam*, ad Christum refert, sic loquitur: « Volentes, inquit ipse, homines edificare super homines dicebant: *Ego quidem sum Pauli, ego autem Apollo, ego verò Cephæ*, ipse est Petrus. Et alii qui volebant ædificari super Petrum, sed super petram: *Ego autem sum Christi*. Apostolus autem Paulus, ubi cognovit se eligi, et Christum contemni: « *Divinus est, inquit, Christus? Numquid Paulus pro vobis crucifixus est, aut in nomine Pauli baptizati estis?* etc. » Hieronymus verò in Epistolam ad Titum ait: « Idem est ergo presbyter, qui episcopus, et antequam diaboli instinctu studia in Religione fierent, et dicretur in populis: *Ego sum Pauli, ego Apollo, ego autem sum Cephæ*, communi presbyterorum consilio Ecclesiæ gubernabantur; postquam autem unusquisque eos quos baptizaverat suos esse putabat, non Christi, in toto orbe decretum est, ut unus de presbyteris electus superponeretur cæteris, ad quem omnis Ecclesiæ cura pertineret, et schisma-

« tum semina tollerentur..... Sic ut ergo presbyteri sciunt se ex Ecclesiæ consuetudine ei qui sibi præpositus fuerit, esse subjectos, ita episcopi noverint, se magis consuetudine quàm dispositionis Dominicæ veritate, presbyteris esse majores; et in communi debere Ecclesiam regere, imitantem Moysen, qui cum haberet solus præse populo Israel, septuaginta elegit, cum quibus populum judicaret. »

LATINUS. Expendi Patris utriusque dicta; at qui illa labefactent Petri primatum, ne quidem læt penitus. Sanè quem tu primatum his expugnatum existimas, eodem sermone tam ingenè profitebatur Augustinus, ut dubium nullum supersit; ait enim, « sanctum Petrum apostolatùs principatum tenere, et Ecclesiæ figuram portare. » Neque Hieronymo ibidem in primatum Petri quid moliri in mentem venit, cum memor utique esset ejus, quod lib. 4 contra Jovinianum disertè affirmavit: « Ex duodecim unus eligitur, ut capite constituto schismatis tolleretur occasio? » Ne te tamen sine responso huc dimittam, fatebor Augustinum eo loco maluisse Ecclesiam in Christo quàm Petro fundatam dicere: cum enim res ipsi adversùs Donatistas esset, qui virtutem ac efficaciam Sacramentorum ex ministri sanctitate, grandi errore repetebant, huic ut nullibi favisse putaretur, imò loco omni convelleret, Christum sicut fundatorem, sic fundamentum quoque Ecclesiæ princeps, ac principalem statuit. Verùm quid hæc ad primatum Petri? quem ego, cum Petro tribuo non illum principalem petram, suæque virtute subsistentem constituo. Id ego, id duntaxat propositum mihi est, quod utrumque Apostolus ad Ephes. 2, v. 20, complexus est: *Superædificati super fundamentum Apostolorum et prophetarum, ipso summo angulari lapide Christo Jesu.* Quod attinet Hieronymum, vis, nisi fallor, tota adversùs Petri primatum à te reponitur in iis verbis: « Communi presbyterorum consilio Ecclesiæ gubernabantur; postquàm autem unusquisque eos quos baptizaverat suos esse putabat, non Christi, in toto orbe decretum est, ut unus de presbyteris electus superponeretur cæteris, ad quem omnis Ecclesiæ cura pertineret. »

GRÆCUS. Ita prorsus: hoc enim est illud validissimum fulmen quo Petri, aut qui à Petro ex Christi institutione in Romanos pontifices, hodiè ἀρχιεπίσκοπος descendat primatus, à radice convellitur.

LATINUS. Quàm vercor ut ne tu hodiè schis-

maticum facias Hieronymum, si illum in eum scopum tela hæc collineasse existimes! Verùm, ut suspicionem conceptam ipse tibi detrahas, repete memorià ejusdem in Jovinianum sententiam. Et verò, si hic Hieronymus ademptum ibat Petro primatum, dicere oportuerat, non *unus de presbyteris*, verùm ut *unus de Apostolis electus superponeretur cæteris.* At probòverat, à Salvatore ante ascensionem institutum vetustiore esse, quàm ut ejus initia ex occasione Corinthiaci schismatis duci possint. Sed neque iisdem Romanorum pontificum Petri successorum supremam in Ecclesià dignitatem oppugnabat; id enim si voluerat, dixisse oportuit: *Decretum est, ut unus de presbyteris electus superponeretur cæteris, ad quem (in toto orbe, omnium Ecclesiarum) cura pertineret.* At alia verba, mens alia fuit Hieronymo: verba si attentius expendas, non de universali Ecclesiæ totam gubernandi formà, sed de modo et disciplinà regiminis, quæ tum in singularibus Ecclesiis viguit, sermonem habuisse perspicies.

GRÆCUS. Quid igitur Hieronymo dicis fuisse propositum? mihi sanè hæc quatuor tradidisse videtur: Presbyterum et episcopum eundem esse; episcoporum à presbyteris discrimen in remedium schismatis institutum; primis temporibus communi episcoporum atque presbyterorum consilio Ecclesiæ gubernatas fuisse; demùm occasione Corinthiaci schismatis, hoc est, consuetudine magis quàm divinà dispositione, presbyteris superiores evasisse episcopos.

LATINUS. Procul ab eà mente abfuisse Hieronymum, ut presbyteros nihilò inferiores, pares, et eosdem caractere, jurisdictione, ac radice potestatis, cum episcopis faceret. Hanc Aetii labem, quemadmodum nonnulli audaciores ante nos egerunt, non audeamus S. doctori inurere, à quâ ille injuriâ satis se ipsum defendit, atque à nobis vindicari posset, si hic locus esset, istud Hieronymi testimonium peragere. Itaque duo tantum sunt quæ affirmat: primum episcopos atque presbyteres, nomine et appellatione, quin et usu aliquo et exercitio jurisdictionis externæ pares initio, atque eosdem fuisse. Verùm exorto subinde schismate, illum jurisdictionis exercendæ modum, normam ac disciplinam antiquatam esse sic, ut cum antea sollicitudo et cura Ecclesiarum apud plures, et divisa existeret, deinceps omnis ac tota præpò ad unum de presbyteris electum, hoc est, episcopum devoluta sit: quare non simpliciter dixit de-



croto factam, ut unus superponeretur cæteris; hoc enim divinâ institutione episcopis demandatum noverat: *Attendite vobis, et universo regi, in quo vos Spiritus sanctus posuit episcopos regere Ecclesiam Dei*, Act. 20. Verùm cautè ad ipsam superioritatis exercendæ rationem respiciens, dixit: *Ut unus superponeretur cæteris*, sic nempe, eâque disciplinâ, ut ad eum *omnis Ecclesiæ cura pertineret*. Exercebant nempe primitus episcopi, quanquàm supremam à Servatore potestatem nacti, hæc peculiari methodo jus suum, ut nihil propè, nisi de communi presbyterorum consilio consensuque agerent, judicarent, decernerent, et viguisse seculo adhuc ante Hieronymum in nonnullis Ecclesiis eam disciplinam, ex Cypriano discimus: verùm et eandem in episcoporum fuisse arbitrio, eodem auctore pro comperito habemus. Sic enim epist. 6 utrumque expressit: « At id quod scriperunt presbyteri nostri..... solus rescribere nihil potui, quando à primordio episcopatus mei statuerim nihil sine consilio vestro et sine consensu plebis, meâ privatâ sententiâ gerere. » Hunc igitur morem, hanc vetustissimam disciplinam, schismatis Corinthiaci occasione mutata dicit, in novam ampliorumque juris dicendi formam: hæc novâ formâ, *episcopos presbyteris majores evasisse consuetudine magis quàm dispositionis dominicæ veritate*, rectè affirmavit Hieronymus. Et verò ad hanc tantùm pleniorè, magis liberam, minùsque presbyteris obnoxiam jurisdictionem, quâ suâ aetate fruebantur episcopi, advertisse sanctum doctorem liquet planè ex consequentibus; etiam ad hanc rursus antiquis cancellis spontè constringendam magno conatu hortatur episcopos, et quanquàm soli habeant præesse, « in commune, ait, Ecclesiam debere regere, imitantes Moysen, qui cum haberet solus præesse populo Israel, elegit septuaginta, cum quibus populum judicaret. » Quare non egit aliud quàm ut animos adderet episcopis ad revocandum ubique morem pristinum, gubernandamque Ecclesiam, ut olim, communis cum presbyterorum coetu consilis. Hoc exemplo Moysis persuadere conatus est, hæc studia convertit.

#### § VIII.

GRÆCS. Sermonem, quem ex Hieronymi occasione à Petro deflexeras ad vindicandam episcoporum jurisdictionem in presbyteros, et Romanorum pontificum in omnes, revocabo

rursus ad primatum Petri, quem Paulus, nunc majorem se faciens, aliàs exagrans; aut minorem et subjectum negans, tantùm non evertit. Is ergo, si quis alius, ut mollissimè loquar, non agnovisse mihi videtur in Petro primatum: vereor enim ut dicam, quod agnuit fateri nollet, quodque eidem repugnaret, aut quem Petro injuria detraxit, sibi arroganter tribueret. A summo incipio: vide ergo ut se ille Apostolis cunctis nemine excepto præferat, 2 ad Cor. 11: *Ministri Christi sunt? plus ego*. Atque ne opponas loqui hic Paulum ut minùs sapientem: *Ministri Christi sunt? ut minùs sapiens dico, plus ego*; appello ad communem Patrum sensum; illi ex vero et merito id dictum agnoscat omnes, nullisque ambagibus Paulum primo inter omnes loco constituunt. Etenim à Chrysostomo, hom. 1 de Præc. Apostolorum dux; et Homil. 2 in Epist. ad Rom., *Apostolorum maximus*; atque ut noveris Petro ipsi prælatùm, *primus omnium*, hom. 3 in Matth. dicitur. Hilarius quoque Arelatensis *Apostolorum supremum*, Bernardus *principem*, alii *coriphæum*, Florentini Patres etiam *proto-coryphæum* vocerunt.

LATINUS. His tot de Paulo eloquiis licuit addere et illud Augustini in Ps. 87: *In corpore Christi præcipuum membrorum*; aut cum Nazianzeno, orat. 1, dixisse poteras *πρῶτον ἐπὶ Χριστοῦ*. Verùm quid tu his omnibus aliud conficies, quàm quod voluit ipse Paulus dicens: *Plus ego?* Si Patres his locis etiam Petro anteponunt Paulum, in eundem procul dulio feruntur scopum, in quem Paulus ipse 2 Corint. 11; quid verò est, in quo se ibi præfert *ministri Christi?* audi: aufert sine nubem ex oculis omnium, qui somniant, eum sibi primatum arripuisse, cum hanc dicti sui rationem continenter reddit: *In laboribus plurimis, in carceribus abundantius, in plagis supra modum, in mortibus frequenter. A Judæis quinquies quadragenas uel à minis accipi; ter virgis cæsus sum; ter naufragium feci; nocte et die in profundo maris fui, etc.; plus omnibus laboravi*. Hæc igitur illa erant, in quibus se Apostolus Christi ministris præposuit, et, si ita velis, Petro etiam à Patribus antelatus est. Nazianzenus certè non ad dignitatem, sed cruciatus ac ærumas Pauli respexit; cum enim loco citato dixisset: *Ut moderatius dicam, primus à Christo*, illicò subdit: *Tanquàm impius perpeti aliquid non recusat*. At ne Augustinus, atque Chrysostomus scrupuli aliquid in animo tuo relinquunt, meminisse te volo etiam Petrum ab iisdem Patribus, iisdem

prosrus honoris titulis multoque crebrius exornatum fuisse; et cum sermo fuit de potestate auctoritateque, disertis verbis Paulo præpositum. Fecit ita Augustinus epist. 82 ad Hieronymum, ubi minorem et posteriorem Petro satis annuit. Chrysostomus non contentus dixisse utcumque, Petrum, *primum in medio fratrum*, exponens verba illa: *Pasce oves meas*, ita Christum ipsum loquentem inducit: *Id est: Esto præpositus loco mei, et primus in medio fratrum*. Hoc est, quod litem omnem absolvit, sic ut nemo unus cum Petro in auctoritatis contentionem jure venire possit. Sic igitur habet: titulos illos eminentes, vel Paulo, collato duntaxat cum aliis, vel in consortio tantum Petri tributos, vel certè, qui tribuerunt, ad labores apostolicos, sapientiam, ærumnas Pauli respexisse; et hæc in eo præ cæteris commendasse. Ex quo etiam factum existimat Abulensis præsul in 3 Regum 20, ut antonomasticè Apostolus audiat: «Cum dicimus *Apostolum*, non exprimendo nomen, intelligitur excellens inter Apostolos, scilicet Paulus, qui fuit excellentior in doctrinâ, licet non in potestate.»

GRÆCUS. Dabo Abulensi, Paulum potestate non excelluisse; at neque subjectum fuisse, neque inferiorem, tu ut id mihi neges, certè Paulo affirmanti, Patribus confirmantibus vix negabis. Atqui Paulus ad Gal. 2, postquam à se susceptum iter cum Tito et Barnabâ Jerosolymas ad Petrum, Jacobum, et Joannem commemorasset, addit versu 5: *Quibus neque ad horam cessimus subjectione*.

LATINUS. Næ tu meam infringis patientiam, si adeo malignè effata Paulli, quasi ad summos ille Apostolos respexerit, cum hæreticis, ex quibus te hæc mutuatum opinor, deflectas. Inspice libero animo c. 2 ad Gal., et 2 Cor 11, ac me etiam silente comperies, uno loco ad pseudo-apostolos, altero ad falsos fratres. qui Paulo prædicationis libertatem ibant ademptum, verba supra à te relata pertinere; quod quidem vel ipsa ratio, quam Paulus subject, per se admonet: *Ut veritas Evangelii permaneat apud vos*. Cui enim sano in mentem veniat veritatem Evangelii à Petro aliquando impugnatam dicere?

GRÆCUS. Quando tu rursus 2 ad Cor. Epistolam in memoriam revocas, patere, ut quod ex cap. 2 ad Gal. non potui, inde denique faciam. Disertè, ibi Apostolus loquitur de Petro, Jacobo ac Joanne: et nihilominus ait: *Existimo me in nullo inferiori esse à magnis*

*Apostolis*. Atque ne hoc Apostolo c. 11 excidisse credas, consultò et propè ad verbum cap. 12, eandem sententiam repetit: *Nihil enim minus fui ab illis, qui sunt supra modum Apostoli*. Expende, ut hic dixerit, *nihil*, ibi, *in nullo*, ne primatum quidem extipiens. Et suffragatur Chrysostomus hom. 68 in Matth., dicens: *Neminem antistare Paulo cuique petat*. At ne tu pro solemnè tuo, in comparisonem vocari Petrum inficeris, Ambrosium audi lib. de Spiritu sancto: *Non inferior*, ait, *Petro, non indignus Apostolorum collegio, cum primo quoque faciliè conferendus, et nulli secundus*. Et eodem libro, cap 12: *Qui se inferiorem nescit, fecit æqualem*.

LATINUS. Evicisti denique ex Apostolo et Ambrosio in comparisonem vocatum esse et Petrum ipsum, nec Petrum modò, sed Joannem quoque et Jacobum. Ut enim observat Chrysostomus hom. 23 in eundem locum, *non simpliciter Apostolis dixit, sed magnis, Petrum et Jacobum, et Joannem innuens*. Et rectè hactenus. Amplector deinde et dictum Ambrosii: *Qui se inferiorem nescit, fecit æqualem*: si verò ita, non igitur æqualem se fecit inæqualibus; id enim rectè rationi adversum et repugnans est; itaque æqualibus, hoc est, in quo ipsi magni Apostoli fuere invicem æquales: id verò primatum non esse, dabis faciliè, si adhuc memoriâ retines, quæ in hanc rem à me pridem dicta sunt: quare neque Paulus se primatu æqualem fecit, neque hunc, uni Petro proprium, in comparisonem vocavit, existimans *se in nullo inferiorem à magnis Apostolis*. Eo igitur se solùm contulit, quo magni tres illi pares erant. At si tibi hoc meum argumentum non arrideat, nec sustines, ut te longius morer his ratiunculis, adi ipse 2 Cor. 11, et diligenter omnia ad calculum revoca, quæque antecedunt, quæque consequuntur; tunc clarâ luce perspicies quàm primatui nihil derogeret, ex quo, se *nihil minus* fuisse dixit. Etenim versibus quidem antecedentibus à revelationum, visionum, raptuumque magnitudine; consequentibus verò, à signis apostolatûs sui factis super Corinthios, à prodigiis, à virtutibus hanc æqualitatem repetit: *Quid est enim*, dicebat, *quod minus habuistis præ cæteris Ecclesiis?* ad Cor. 12. Quare quemadmodum hisce Corinthiacam, parem dignitate, auctoritate ac potestate non fecit cæteris per orbem cathedris, quanquam institutione ac doctrinâ Apostolicâ omnino supparem esse contendat, ita sanè neque alla-

tis à 2 verbis seipsum auctoritate aut potestate exæquavit : aut si hoc etiam velis, stilit in apostolicâ, communi magnis Apostolis dignitate, ministerio ac potestate : quod innuit Primasius, in c. 2 ad Gal. dicens : *Non illum inferior, quia ab uno sumus ambo in unum ministerium ordinati*. Etverò hoc tantùm intendisse Paulum, vel ipsa hodierna textus lectio admonet ; ea sic habet : *Existimo nihil me minus fecisse à magnis Apostolis ; hoc rationes, quas subdit, persuadent : Nam etsi imperitus sermone, sed non scientiâ . . . gratis evangelizavi vobis . . . in omnibus sine onere me vobis servavi*. Nec plus ultra.

## § IX.

GRÆCUS. Postquam tu Apostolatûs decus suppar in utroque agnovisti, reliquum est, ut ego primatum paris gradûs utrique evincam : et quanquàm nondùm ipse satis expeditam an unitum in solidum ambo tenuerint, an divinum auctoritate pari gesserint, gessisse tamen hæc postremâ ratione eruisse mihi videor ex 2 cap. ad Gal., ubi sic de se Paulus : *Creditum est mihi Evangelium præputii, sicut et Petro circumcissionis*. Diligenter nota vim comparativæ partiendæ ; et si concedis summo jure circumcissionis Evangelium consignatum Petro, da quoque summo jure præputii Evangelium translatum in Paulum. Acquiesce Patrum sententiis, ac in primis Chrysostomi, qui in citatum textum ad Gal. ita commentatur : *Paulus non se comparat aliis Apostolis, sed eorum capiti, ostendens eandem utrique dignitatem*.

LATINUS. Si, quod sæpè jam monui, cùm affers locum Apostoli, ad consequentia etiam animam advertisses, non esset, cur te tuaque semper emendem ; quod quando à te adhuc neglectum est, pone tibi præ oculis, intentâque acie aspice cur id Apostolus dixerit ; tam aperta causalis est, ut expositione nostrâ non egeat : *Qui enim operatus est Petro in apostolatuum circumcissionis, operatus est et mihi inter gentes*. Hinc omnis similitudo ducitur ; quæ quidem non auctoritatis, aut potestatis, sed missionis modum æqualem indicat ; quare et continuò subdit : *Cùm cognovissent gratiam, quæ data est mihi, Jacobus, et Cephas, et Joannes, qui videbantur columnæ esse, dextras dederunt mihi, et Barnabæ societatis, ut nos in gentes, ipsi autem in circumcissionem*.

GRÆCUS. Ut verum sit Paulum plurimùm à modo missionis æquali comparationem duxisse, hocque in primis celebret, hoc sibi in gloriam vertat : *Neque enim ego ab homine accepi* (Evan-

gelium), *neque didici, sed per revelationem Jesu Christi*. Cap. 1 et 2 ad Galat. : *Mihi enim, qui videbantur esse aliquid, nihil contulerunt*, tamen si Patres etiam in auxilium vocem, ipsum quoque primatu et capitis honore gloriatum comperio. Et enim, ut dixi, Chrysostomus eandem utrique capitis dignitatem tribuit : quid ad hæc respondes ? equidem *capitis dignitas primatum planè videtur exprimere*.

LATINUS. Nolim esse tam severi et illiberalis ingenii, ut nil tibi, nil Chrysostomo deferam. *Dignitas capitis*, quam Paulo tribuit, primatum ejus inter gentes stabilit, hunc damus, si tu modò Apostolorum primatum vicissim Petro non deneges : ita stabit adhuc Paulus caput gentium, sub capite universali Petro. Etverò hoc, neque plus quæsisse Chrysostomum, ipsa Pauli verba, in quæ commentatur, satis demonstrant. Indicavit hoc etiam Ambrosius in Epist. ad Galat. dicens : *Paulus gratiam primatus sibi à Deo concessam vindicat, sicut et soli Petro concessa est inter Apostolos*. Sit igitur Paulus caput gentium, habeat sibi earum primatum, quid inde ? Si Apostolorum primatum Petrus obtineat, etiam gentium caput sub Petro futurum est. At inficiaris Petrum esse Apostolorum caput, parùm sollicitus quid Ambrosius dixerit : verum vide ut contra membra Pauli etiam id abnuas. Dedit ipse, ut fatebare, circumcissionis primatum Petro ; atqui Apostoli omnes, et Paulus ipse ex circumcissione fuit : *Nos naturâ Judæi, et non ex gentibus peccatores*, ad Gal. 2. Infer jam ipse quod consequens est. Verum hoc misso, quantum circumcissionis Evangelium, ac ministerium, quod Petro assignat, supra alterum præputii ac gentium emineat, quantumque ad supremam Petri dignitatem commendandam valeat, aptè conjicies ex ipsâ ad Rom. Epist., ubi v. 15, idem Christo ministerium adscribit, quod Petro ad Gal. 2 : *Dico enim Christum Jesum ministrum fuisse circumcissionis*. Quod illustrius Petro dari potuit, quàm vel vicaria potestas in ministerio Christi ? Et hanc tam ingenuè confietur Paulus in Petro.

GRÆCUS. Dùm tu me ita undique petis, inde etiam argumentorum tela in me contorques, unde prorsus opprimendum te credidi ; acuisi diligentiam meam, ut accuratius vestigarei unde denique factum esset ut Petro circumcissionis, Paulo præputii Evangelium sit creditum. Et comperi denique ex Hieronymo, rectè in hunc modum explicante lib. 1 in Epist. ad

Gal. 2 : « Principale singulis in Judæos et gentes fuisse mandatum, ut qui defendebant legem, haberent quem sequerentur, qui gratiam præferebant, non deesset eis doctor et prævius : in communi verò hoc eos habuisse propositi, ut Christo ex cunctis gentibus Ecclesiam congregarent. » Ex quo quidem in eam mentem deveni, ut credam Paulum, etsi præcipuis summisque curis gentiles complexus sit, sic ut inde *Apo. tol. gentium* cognomen tulerit, in Judæos tamen quoque apostolicam sollicitudinem extendisse, atque ita universi orbis pastoralem curam egisse. An verò hoc tibi non probat Apostolum indivisum primatum gessisse? neque enim audeo pastorale Petri officium solè circumcissione concludere. Sanè si sollicitudinem omnium Ecclesiarum primatus nomine complecteris, obtinuit hunc etiam Paulus, qui eam sibi sollicitudinem aperit 2 Cor. 11 asseruit. Atque ne tu mihi in illo hanc pastoralis et universalis curæ amplitudinem ex decreto et voluntate Petri accessas, audi Paulum, id gravissimis verbis pernegantem ad Galat. 2 : Qui videbantur aliquid esse, nihil mihi contulerunt.

**LATINUS.** Sit ita sanè : substituerit Paulus sollicitudinem omnium Ecclesiarum, neque ibi ex charitate modò, aut concessione hominum, sed ex apostolico planè officio, et imperio Christi; nihil tamen inde admodum proficies, si ad ea quæ ante dixi, animo redeas, et quam dudum expinxi, apostolatus imaginem diligenter inspicias. Asserui tibi, imò ex sacris etiam paginis comprobavi, duabus præcipuè prærogativis apostolatûm constital : primum ex potestatis amplitudine per orbem universum, omnesque latè Ecclesias diffusæ; deinde ex ejusdem potestatis dignitate à Christo immediatè profectæ. Cum utroque vero hoc, quàm rectè tibi potestatem Petri eminentem supra cæteros composuerim, meminisse te velim, ne in idem quod dixi redire opus sit. Cæterùm, quia tecum versari in deliciis habeo, nolim te mentem Patrum, et, ut videtur, non sat concordēs de Paulo sententias eclare. Etenim cum nemo Paulo potestatem amplissimam deportandi per orbem Christi nomen coram gentibus, populis et filiis Israel abneget; Gregorius tamen Magnus Paulum apostolatûs officium non in universum orbem exercuisse existimat, epist. 58 ad Joannem Constantinopolitanum : « Petrus Apostolus primus membrum sanctæ et universalis Ecclesie est, Paulus, Andreas, Joannes, quid

aliud quàm singularium plebium capita? Et tamen sub uno capite omnes membra sunt Ecclesie. » Verùm alii, nulli Apostolum certæ provincie alligant, nullis limitibus ejus prædicationem circumscribunt. Hieron. in c. 5 Amos, « percurrisse ait à mari Rubro usque ad Oceanum, deficiente priùs eum terrâ, quàm studio prædicandi. » Idem sensus est Ecclesie canentis : « Tu es vas electionis, sancte Paulè Apostole, prædicator veritatis in universo mundo, per quem omnes gentes cognoverunt gratiam Dei. » Sed nemo rem expressit apertius Isidoro Pelusiotâ, epist. 186 dicente : « Apostolorum quisque regionem nativam unicam, eam rectè finxit et concinnavit. At Paulus universum penè orbem, tanquàm alatus cultor pervagatus est, atque extremos ad usque terminos penetravit. » Quare hanc fuisse causam suspicor, ut Chrysologus serm. 6 in Psalm. 99, collegam pastoris Petri pascendis ovis nuncupaverit. Cùm enim Apostolorum reliquis provincie suæ descriptæ sint, Petri ac deinceps Pauli apostolatus in universum latissimè patuit; apostolatus dico, quem tu perperam cum primatu confuderis.

**GRÆCUS.** At mihi Chrysologus plus etiam aliquid voluisse videtur, et pascendarum quoque ovium potestate exequisse. Ut enim Ulpianum omittam, qui de v. s. : Collegarum, inquit, appellatione continentur, qui sunt ejusdem potestatis. Sanè supremi imperii participem videntur fecisse, et in consortium primæ potestatis vocasse Paulum, præter Chrysologum, Chrysostomus quoque et Cyrillus Jerosolymitanus. Audiamus Chrysostomum, existimat is Apostolum curam universi orbis suscepisse, nec curam utcumque, sed curam præfecturæ ac magistratûs supremo conjunctam; verba ejus sunt hom. 23 in 1 Corint. : Παῖδες τῆς οἰκουμένης τῆς προτοσίας ἠμετέρας. Nec enim assequor, quo meliùs nomine summus in Ecclesia magistratus apud nos exprimi possit : cum enim προτοσιαρχία primum nobis sedendi locum significet, προτοσία est præfectura cum jure supremo atque imperio. Quare rectè Cyrillus Jerosolymitanus conjunxit Apostolorum principes et Ecclesie πρόστοιχα, hoc est, præsides, dixit; et Greg. Magnus, l. 2, c. 12, in principatu apostolico fratres tenere totius Ecclesie principatum. Quibus nisi denique fateare Paulo affirmari, Petrum ipsum primatu evertis. Unde enim, aut quibus demùm verbis hunc tu probes dilectiùs Petro?

**LATINA.** Ut errorem tibi detraham, ex quo te laborare magnoperè suspicor, initio statim monitum te volo, nunquam mihi in animo fuisse, Paulo nudum prædicationis, jure ac potestate destitutum assignare ministerium; nec enim id esse ex Apostoli dignitate, probè novi. Habeat per me Paulus sollicitudinem omnium Ecclesiarum, neque ex charitate tantùm, sed officio: habeat etiam cum omni apostolicæ dignitatis amplitudine. An verò *προστασία* apud Chrysostomum, aut *προστάτης* apud Cyrillum, plus aliquid tibi significant? nolim ego grammaticam tecum ingredi, et de vocibus conserere: id abundè comperì, ex Cyrilli mente Paulam omnimodà potestate parem non fuisse Petro: qui enim æqualem undique Petro faceret, qui, catech. 10, Joannem non esse minorem Paulo dixerat? at æqualis Pauli Joannes minor erat, per eundem Cyrillum, Petro, cui soli pascendas oves à Christo commissas catech. 14 tradidit. Sed, inquis, Chrysologus collegam Petro adjunxit Paulum, etiam in pascendis ovibus: si rectè assequor, hoc tuum argumentum est: Summa potestas Petri est in pascendis ovibus; per Chrysologum in hæc habet collegam; igitur in summà potestate. Et quoniam *collegæ* nomen identitatem potestatis indicat, habet Paulus potestatem summam, imò prorsus eandem cum Petro; ita tu: quasi verò etiam in summà potestate habere quis nequeat collegam imparè? Odi quæ sunt de voce *lites*, in quas ne denique tecum descendam hodiè, tu consule Callistum de Jure immunit. et Caium de Collegiis. Aiunt illi collegas dici, non qui tantùm in communionem potestatis sint vocati, verùm et qui ejusdem fuerint collegii aut corporis, qui quanquam omnes collegæ et sodales sint, tamen nil prohibet quin unus præsit, et jus dicat omnibus. Sed quid ego ad Caium et Callistum te remitto? Adi Gratianum dist. 95, ubi canonem 23 concilii Carthag. II ita refert: «*Episcopus in ecclesiâ, in consensu presbyterorum sublimior sedeat: intra domum verò, collegam presbyterorum se esse cognoscat.*» Poterat itaque Paulus etiam in pascendis ovibus esse collega Petri; poterat esse frater in principatu apostolico; potuit omnium Ecclesiarum *pater* esse et *princeps*, ut eum vocat Augustinus, imò et *caput*; sic tamen, ut Petrus eminentiorem quodam modo, ceu unitatis centrum et fons Evangelii, ipsius adeò Pauli caput esset, ac pastor vice Christi.

**GÆCUS.** Improvidè agis, et in caput tuum

moliri videris, si tot dilucida Patrum testimonia, tot titulos undique similes, quos adhuc pro primatu Pauli adduxi, semper restringas, et aliò deflectas. Si Patres in Paulo dant verba, et tantùm non fallunt, quis illis, eadem penitus de Petro asserentibus lidem præstet? Quis ultra verba Petro primatum deferat?

**LATINUS.** Præstabunt lidem Catholici, et si vim argumenti quod nunc dicturus sum percipias, tu ipse. Sic itaque habe: Patres, quibuscumque demùm titulis cohonestent aut extollant Paulum, primatum tamen illi in Ecclesiam et Apostolos ipsos conferre non poterant; sive tu rei magnitudinem, sive Patrum ætatem spectes, ætate illi inferiores erant Apostolis, neque ejus auctoritatis, ut quantum cœvi, in Apostolos quidquam possent; si ergo primatum communem cum Petro Paulus gessit, obtinuit hunc à Christo, vel Petro, aut fortè Apostolis. Tu itaque, ut intentum promoveas, vel à Christo institutum, aut à Petro in potestatis supremæ communionem admissum effice, ne operam ludamus.

**GÆCUS.** Rem tu æquam quidem, sed quæ vires meas facilè superet, petisti, non abibo à Patribus; quanquam enim nil illi Paulo contulerint, aut conferre potuerint, collatum tamen, hoc sive altero modo, satis auctoritates suâ evincunt. Quis enim neget potuisse Patres id traditione accipere? et accipisse etiam confidenter aio, cum, quæ adhuc prædixi ex Patribus elogia, hoc planè efficiant, sive is denique à Christo, sive à Petro ipso in consortium supremæ potestatis immisus sit, quod non decerno.

**LATINUS.** Nec tu igitur satis expedis, tui suam potestatem supremam Paulus in acceptis referre debeat, quam meliùs dixisses, nulli. Ego si illam, quæ à Christo est, institutionem Pauli in Apostolum, reputem attentius, nullum in eâ admodùm primatùs vestigium comperio, aut quod sapiat auctoritatis quidquam supra cæteros Apostolorum. Institutio Pauli, quæ à Christo est, magno Dei beneficio, in Scripturis hodièque extat. Age itaque, et quæcumque loca sunt percurramus. Act. c. 9. Domini verba sunt ad Saulum ipsum prostratum in viâ: *Surge, et ingredere civitatem, et ibi dicetur tibi quid te oporteat facere.* Et per idem tempus ad Ananiam: *Vade, quoniam vas electionis est mihi iste, ut portet nomen meum coram gentibus et regibus, et filiis Israel: ego enim ostendam illi quanta oporteat eum pro nomine meo pati.* Ananix denique ad Saulum:

*Sauite frater, Dominus misit me Jesus, qui apparuit tibi in viâ, quâ veniebas, ut videas, et implearis Spiritu sancto. Eadem c. 22 Paulus ipse in castris catenis vincetus ad Judæos Hierosolymitanos repetit: Dominus dixit ad me: Surgens vade Damascum, et ibi tibi dicitur de omnibus quid te oportet facere. Et Anania dixit mihi: Deus Patrum nostrorum praordinavit te, ut cognosceres voluntatem ejus, et audires justum, et audies vocem ex ore ejus: quia eris testis illius ad omnes homines, eorum quæ vidisti et audisti. Retulit quoque eadem Act. c. 26, Cæsareæ, audiente rege Agrippâ et Berenice. At ergo sibi dictum à Domino: Exurge, et sta super pedes tuos; ad hoc enim apparui tibi, ut constituam te ministrum et testem eorum quæ vidisti, et eorum quibus apparebo tibi. Eripiens te de populo et gentibus in quas nunc ego mittam te aperire oculos, ut convertantur à tenebris ad lucem. Quid, quæso, in hæc primâ institutione præter commune apostolatûs officium demandatur Paulo?*

**GRÆCUS.** Sed fortassè alibi plura; tu si cætera etiam tenes memoriâ, quæcumque ad potestatem faciunt, profer in medium, nec me quidquam cela.

**LATINUS.** Obsequar: cùm igitur primùm à Spiritu sancto destinaretur ad Evangelium inferendum Arabiæ, Asiæ provinciis, ac insulis, Act. 13, dixit Spiritus sanctus ad Antiochiæ congregatos: *Segregate mihi Saulum et Barnabam in opus ad quod assumpsi eos.* Quod verò hoc fuit? sanè non fuisse aliud à prædicationis opere, evincunt utriusque Apostoli verba ad Judæos Antiochiæ Pisdidiæ urbis: *Vobis, aiebant, oportebat primum loqui verbum Dei; sed quoniam repellitis i' lud, et indignos vos judicatis æternæ vitæ, ecce convertimur ad gentes. Sic enim præcepit nobis Dominus (Isaia 49): Posui te in lucem gentium, ut sis in salutem usque ad extremum terræ.* Denique et illud quod post prædicationem de reducibus Antiochiam dicitur c. 14: *Navigaverunt Antiochiam, unde erant traditi gratiæ Dei in opus quod compleverunt.* Macedo quoque ille, qui in somnis apparuit c. 16, unum deferat Paulo laborem apostolicum; en ejus verba: *Transiens in Macedoniam adjuva nos.* Nec Paulus vigil plus sibi tribuit: *Quæsiuimus proficisci in Macedoniam, certi facti quòd vocâset nos evangelizare eis; Christus quoque ipse cùm per speciem nocte se obtulisset Paulo Corinthi c. 18, aiebat tantùm: Noli timere, sed loquere, et ne taceas.* Et in duplici illâ quâ eum Hierosolymis Salvator di-

gnatus est visione c. 22, quidem hæc tantùm mandata accipit: *Vade, quoniam ego in nationes longè mittam te.* Et c. 23: *Constans esto, sicut enim testificatus es de me in Hierusalem, sic te oportet et Romæ testificari.* Retuli hæc tenens verba Servatoris ad Paulum; nunc Pauli quoque de se, deque suo munere accipe. Describit id cum tribus primis locis, ad Rom. 1: *Paulus servus Jesu Christi vocatus Apostolus, segregatus in Evangelium Dei.* Ad Ephes. 8: *Cujus factus sum minister secundùm domum gratiæ Dei quos data est mihi secundùm operationem virtutis ejus. Mihi omnium sanctorum minimo data est gratia hæc in gentibus, evangelizare investigabiles divitias Christi, et illuminare omnes, etc.* Et denique 2 ad Tim. 4: *Dominus autem mihi adjuvit, et confortavit me, ut per me prædicatio inpleatur, et audiant omnes gentes.*

**GRÆCUS.** Verba Christi, quibus Paulus in Apostolum delectus atque institutus est, in unum collecta exprumpsisti hæc tenens, tum et illa quibus idem in variis orbis plagas evocatus aut ire jussus est; denique et Pauli ipsius, quibus demandatum sibi munus complexus est. Magnum illa quidem Apostolum, at deinde et Paulum caput inter omnes effluunt; quando tamen, ut pridem aiebam, id Patres nec obscurè innuunt, quanquàm non Scripturis, traditione tamen fortassè acceperint. Atque ita planè adhuc existimo, nisi et hinc me dimoveas. Quis enim ferat verba dedisse Patres, cùm *principem, ducem, caput, et non alia, dixerunt?*

**LATINUS.** Si alterutrum duorum affirmandum sit, malim credere verba dedisse quàm Paulo primatum detulisse Patres quem illi sicut Scripturarum non acceperè testimonio, sic neque traditione propagatum, persuaderè volebant, si quando eum *principem, προστάντων, caput,* aut quovis alio splendidiore titulo nuncupârunt. Verùm, ut sentias denique quàm tu inanem ex PP. locutionibus suspicionem traditionis conceperis, meminisse te primùm volo, ex nudâ titulorum concordia ac similitudine, nihil admodùm verè certæque inter duos æqualitatis confici. Etenim Titum quoque Andreas Cretensis dixit *fundamentum Ecclesiæ, Athanasius Basilium Ecclesiarum caput,* quin idcirco ad Pauli mensuram pertigerint. Paulus ipse Act. 2 affirmat in universum, *episcopos à Spiritu sancto positos regere Ecclesiam Dei;* et 2 Cor. 5: *Omnes pro Christo legatione fungij, quin quisquam nostrum sustineat eos aut invicem, aut Paulo pares facere.* **ŒCUMENICUS,**

ut id etiam permittam, est patriarcha Constantinopoleos; œcumenicus Romanus pontifex; num suppar idcirco? quare ut rectum de Patrum sententiis ferās iudicium, ultrò insuper tibi reflectendus erit animus, videndumque unde illi Paulum cum Petro componant, et si ita lubet, æquiparent. Equidem si illa Scripturæ loca, ex quibus æquiparatio ducitur, nullum primatūs vestigium contineant, neque consimiles tituli, et æqualitas inde ducta, primatum communem ex mente Patrum significant, et tum quidem minimè, cùm in iisdem Patribus loca non obscura existunt, ex quibus Paulum postpositum possis verà aliquā ratione consequi.

GRÆCUS. Regulas quas nunc mihi Patres ritè interpretandi, mentemque eorum ex vero conjiciendi tradidisti, laudo vehementer ac approbo; at quantùm te illæ juvent, aut sententiæ meæ derogent, nondùm assequor, nisi tu quidem aut producas loca in quibus disertè Petrum prætalerint, aut certè ostendas, illis etiam Scripturæ locis quibus Patres adducti pares utrique titulos præbuerunt, primatum non probari.

LATINUS. Quod petisti, id quidem à me tibi sparsim antea jam est præstitum; quod verò eadem etiam sub conspectu habeas, tuæ id dabo petitioni, ut omnia in unum colligam. Itaque Hieronymus, Ambrosius, Chrysostomus, Primasius, ut tibi apertè dicam, vel non ducunt primatum Pauli ex locis quæ ejus aliquod indicium faciunt, vel prorsus ex talibus, ex quibus potiori jure subjectio Pauli colligenda concludendaque fuerat. Primasius in c. 2 ad Gal. nomine Pauli sic loquitur: « Non illi (puta Petro) sum inferior, quia ab uno sumus (in unum ministerium ordinati; qui operatus est Petro in apostolatam circumcisionis, operatus est mihi inter gentes. » Ex iisdem quoque Chrysostomus ad Gal. 2: « Paulus, ait, non se comparat aliis Apostolis, sed eorum capiti, ostendens eandem utriusque capitis dignitatem. » Tum verò Ambrosius in eundem locum sic concludit: « Paulus gratiam primatus sibi soli à Deo concessam vindicat, sicut et soli Petro concessa est inter Apostolos. » Porrò an tibi videntur hæc esse primatūs veri indicia? primum quidem esse nequit, quia commune omnibus Apostolis; sed neque alterum, quia circumcisionis ministerium multò erat nobilior illo gemitum, quippe quod complecteretur ipsum quoque gentium ministrum, cùm et is ex circumcisione fuerit Hieronymus

ex iis verbis Pauli: *Et contuli cum iis Evangelium*, ex quibus subjectio potius arguenda fuerat, æqualitatem inferi, dùm ait quòd *inter confrentes sit æqualitas*. An Theophilactus, Œcumenius et Chrysostomus ex mutatione nominis Sauli in Paulum felicitūs arguerint primatum, aliàs dicam. Sed quòd ad liquidum appareat, nec eos animo designasse plus quàm tibi nunc tribuimus pro Paulo, afferre possem ex ordine Patrès, qui Petrum Paulo præferant, nisi aliàs futurum sperarem, ut aptior se locus det, quo, minori nostro tædio verba Patrum interseram. Nunc, ut opinor, satis, ut ipse, ut sapiens es, percipis, quàm frustra te ac Patres ad traditionem, nescio quam, primatum Pauli referre volueris, atque etiam retuleris, cujus tu neque auctorem, neque testem, neque vadem habeas. Si Patribus animus fuisset persuadere nobis primatum Pauli, quasi quem traditione acceperint, ne dubita, in tanto eorum numero, quos adhuc adduximus, vel unus futurus erat, qui se apertè ad traditionem referret, quemadmodum non unus, sed propè omnes ad Salvatoris se verba referunt, cùm primatum Petro asserunt.

#### § X.

GRÆCUS. Acquiesco, neque jam contendo Paulo primatum; sed neque pervideo unde tu dèdum Petro possis verum sincerumque asserere; verum aio, qui nempe non totus nudà honoris prærogativà finiatur, sed ultrò progressus potestate etiam atque jurisdictione supremà universos complectatur.

LATINUS. Scivi in id denique contentionem nostram deventuram, ut tu honorem duntaxat Petro præ cæteris collatum existimes; de jurisdictionis autem primatu non adhuc disputationem abrumpas: ast admittà unà, in sopitam etiam agnoscas controversiam alteram, ex honoris prærogativis, supremam quoque Petri in omnes potestatem non grandè negotio conciliam.

GRÆCUS. Manifestiora quàm ut negari possint, honoris Petro supra cæteros semper impensi tenemus indicia. Sanè quoties Evangelistæ Apostolos ex proposito percensent, primum semper locum Petrus obtinet. Marci 2, Luc. 6, à Matthæo insuper etiam verbis disertis, *primus* dicitur. Deinde quando reliquæ Apostoli generatim ac velut in cumulo, Petrus singillatim nominatur: *Itè, dicite discipulis ejus, et Petro*. Marc. 16: *Cæteri Apostoli, et fratres Domini, et Cephas*, 2 Cor. 12. Neque omittenda

reor illa, quòd Petro Christus primùm pedes lavet, Joan. 13, et resurgens primùm Simoni apparuit, Luc. 24; quòd soli mortem crucis suæ similem prædixerit, Joan. 21; quòd in fidei confirmationem primùm Petrus patret miraculum, Act. 3. Hæc sufficiant: ex mutatione namque nominis *Simonis* in *Petrum*, nihil præcipuum, aut supra Paulum contigisse Petro, Chrysostomus, Theophylactus et OEcumenius rectè observant, Chrysostomi in Ep. ad Rom. hom. 4, verba sunt: « Cùm diceretur « *Saulus*, *Paulum* nuncupavit, ne in hoc etiam « minus aliis Apostolis haberet, sed quod habuit « eximium discipulorum princeps, hoc haberet « et ipse. » Theophylactus verò in eandem Epistolam, quærens, « ejus rei gratiâ ex Saulo « *Paulus* dictus esset? » In eundem sensum respondet: « Ut neque in hoc Apostolorum « antesignano minor esset. » Consentit utrique OEcumenius in idem caput dicens: « Propterea « verò à Saulo in Paulum immutatur, ut neque « in hoc videretur minus aliis Apostolis habere, « nec ipso Petro. »

**LATENS.** Non esse proorsùm unanimem Patrum sententiam in statuendis, quæ Pauli nomen attingent, mihi quidem res explorata est. Cùm enim ejus novi nominis Christum alii auctorem fecerint, neque desunt, qui sponte, aut aliorum arbitrio à Saulo id susceptum existiment. Par etiam discordia est in constituendâ nominis suscepti epochâ, causis atque occasione. Chrysostomus, hom. 28 in Acta Apost., Theophilactus, OEcumenius ac Theodoretus in cap. 4 ad Rom., opinantur, Apostolum commutasse nomen, cùm Antiochiæ Initiatus est impositione manuum. Hieronymus in Epistolâ ad Philemonem, Augustinus Confess. l. 8, c. 4, à conversione Sergii Pauli proconsulis id nomen ei accessisse opinantur, Act. 15. Et rectè fortissè: cùm enim à Salvatore semper antea, quemadmodùm et à Lucâ sacro scriptore in Actis Apostolorum *Saulus* tantùm nuncupatus sit, hoc demùm Actorum capite dicitur: *Saulus, qui est Paulus*. Nullo igitur firmo testimonio, à Salvatore, an homine id nominis suscepit, potest constitui; sed neque, an gratiâ Sergii proconsulis recens ad Christum adducti, an submissionis studio. De utroque, ut videretur, incertus Augustinus, quod lib. 8 Confess. ad conversionem Sergii, hoc idem ad modestiam Apostoli, de Spir. et Litt. cap. 7, et in Psalm. 72, retulit.

**GRÆCUS.** Omissam à te mirror, Origenis, aut Eufimi verè tententiam in Epistolam ad Rom.

Existimat is, Apostolum per omne vitæ tempus utroque eo nomine nuncupatum fuisse; et cùm quidem apud Hebræos Sauli nomine magis cognitus esset, apud gentiles Pauli nomen prævaluisse. Mihi certum est adhærere Chrysostomo, qui ad Salvatorem, et honorem Apostoli id omne retulit: « Ne in hoc minus aliis « Apostolis haberet, sed quod habuit eximium « Apostolorum princeps, hoc haberet et « ipse. »

**LATENS.** Ut tibi dem Paulum à Christo id nomen accepisse, et fortissè idè ex æquo parem evasisse cum Jacobo atque Joanne, magnis Apostolis, qui auctore eodem *Boanerges*, sive, ut Hieronymus, *Basereem*, hoc est, filii tonitrûs cognominati sunt. At utrosque Petro pares facere, vel ipsum *Petri*, sive *Cephæ* nomen me prohibet. Igitur cùm insignis omnium istorum Apostolorum supra ceteros ex mutatione nominis eluceat prærogativa, Petrus tamen præcipuus in eo etiam partes obtinet. Etenim Petrus primùm eò præcellit omnibus, quòd nomen summæ potestatis significativum, ac veluti monumentum, imò ipsam summam potestatem cum nomine sortitus sit. Etenim *Cephas* Syriis rupem, petramque, fundamentum ac basim indicat, cùm contra *Pauli* nomen pusillam tantùm significet, quanti quidem corpore fuisse Apostolum, testis est Nicephorus lib. 2, cap. 37. Deinde illo etiam præcellit, quòd *Petri* nomen à Salvatore derivatum, mutatum, ac veluti consecratum sit: *Petra enim erat Christus*. Quare Leo papa rectè intulit, Christum communicato Simoni suo nomine, quo à prophetis sæpè designatus est, communem etiam, et vicariam potestatem in Petram transtulisse. Ita mutatio nominis *Simonis* in *Petrus*, honoris juxta ac potestatis præcipuae semper fuit argumentum.

**GRÆCUS.** Si isthoc sit veri primatûs indicium, crues tu sanè, ut ingeniosus es, idem quoque ex Matth. 14, ubi Petrum cum Christo super pelagus fluctuosum firmo incedentem gradu aspexeris. Et ex Matth. 17, cùm dependendum pro se ac Petro tributum, imperari à Salvatore audieris. Elicies etiam aliquid in rem tuam ex Actor. 12, ubi dicitur: *Pro Petro in carcere oratio fiebat ab Ecclesiâ*. Et denique, si nihil præteream, ad *Petri* primatum referes, quòd Paulus ad Galat. 2, ejus visendi causâ Jerosolymas iter ingressus sit: quasi verò diversa illi à nobis vixerint sæcula, mores diversos; neque unus perfectionem inire visendi alterius causâ poterit, neque officii, aut ut-



banitatis præstare quidquam, nisi continuè et subjectionem suam testatam faceret?

LATINUS. Erum equidem, quod nolles, at non ego, sed Patres, quorum vos Græci effata magnâ veneratione complecti soletis. Dignissimus est, quem audias, Bernardus l. 2 de Consider. c. 8, ita in illud Matth. 14 disserens: « Discipuli navigabant, et Dominus apparebat in littore, quodque jucundius erat, in corpore divino. Sciens Petrus quia Dominus est, in mare se misit, et sic venit ad ipsum, aliis navigio pervenientibus. Quid istud? nempe signum singularis pontificii Petri, per quod non navem unam, ut cæteri quique suam, sed seculum ipsum susceperit gubernandum. Mare enim seculum est, naves Ecclesiæ; inde est quod alterâ vice instar Domini gradiens super aquas, unicam se Christi vicarium designaverit, qui non uni populo, sed cunctis prodesse deberet, siquidem aquæ multæ, populi multi. Ita cum quisque cæterorum habeat suam, tibi (loquitur ad Eugenium papam) una commissa est grandisima navis facta ex omnibus, ipsa universalis Ecclesia toto orbe diffusa. » Nec minori, opinor, voluptate audies, quâ demùm ratione auctor Questionum novi et veteris Testam. quæ exstant tom. 4 operum August., ex depenso tributo, et verbis illis Christi Matt. 17: *Invenies staterem; illum sumens, da eis pro me et te, Petri primum arguat.* Ait ergo: « Salvator cum pro se et Petro dari jubet didrachmam, pro omnibus solvisse videtur, quia sicut in Salvatore erant omnès causæ magisterii, ita et post Salvatorem in Petro omnes continentur; ipsum enim constituit caput, ut pastor esset gregis Domini. » Erat nempe hoc tributum genus, quod solvebatur per capita familiarum, ut expendant Or genes, Hieron., Chrysost. hom. 59 in Matth. Atque ut omittam ex communibus Ecclesiæ precibus primum comprobare, cum id vel consuetudo diptychorum, quæ hodiè apud vos viget, satis superque persuadeat: quam Paulus non urbanitatis, non curiositatis causâ iter Hierosolymam susceperit, præclarè id docuerunt Terullianus, Hieronymus atque Ambrosius.

GRÆCUS. De quâ tu Pauli protectione hic sermonem inferis? his illum Hierosolymas adisse memini. primùm vix elapso ab initio apostolatu triennio. De eâ verò protectione sic ipse ad Gal. 1 disserit: *Deinde post annos tres veni Hierosolymam videre Petrum, et mansi apud eum diebus quindecim.* Non te hæc dierum com-

moratio in cam, opinor, adducet sententiam, ut suspiceris in hoc accessu plus subesse quidpiam, et ultra honoris officium, quod inter æquales etiam locum habeat. Equidem ne nos ejus adventus causam comminisci possemus aliam, præclarè cæteras submovit Chrysostomus in eundem locum sic scribens: *Venisse non discendi studio, addere potuit, nec potestatis causâ, sed honoris priori Apostolo deferendi.* Et verò ita prorsus esse, res etiam ipsa evincit quando prius jam per Arabiam omnem passisse Apostolum sementem Evangelii pro certo tenemus, nec salutato, nec convento adhue Petro. Alterum quod sibi imperavit iter, commemorat ad Galat. 2: *Deinde post annos quatuordecim iterum ascendi Hierosolymam cum Barnabâ, assumpto et Tito.* Tu sive annorum illorum quatuordecim calculum ab ascensione Christi, sive à conversione Pauli, seu denique cum Hieronymo, à novissimo itinere de que c. 1 verba fecit, in eas, ut sapiens es, facile pronuntiabis, non discendi, aut potestatis quærendæ studio, non necessitate denique, sed voluntate hoc etiam iter susceptum fuisse. Quis enim sustineat dicere, post longum ad eâ prædicationis cursum, Paulo denique venisse in mentem, ut jus prædicandi quæreret, veritatem disceret? procul sint hæc ab Apostolo, qui à Servatore missus, divini Spiritus magisterio omnia didicit.

LATINUS. Eruditè utramque Pauli protectionem ad Petrum compendio complexus es. Dabo neutram discendi aut potestatis causâ fuisse susceptam: præterquam enim quòd id res ipsa persuadeat, Theodoretus quoque ait: « Cum humanâ doctrinâ non indigeret, ut qui ab universorum Deo eam accepisset, Apostolorum principi, quem par est, honorem tribuit. » Quem verò parem honorem futurum fuisse dices? ego quidem non alium dicerem, quàm qui Apostolorum principi, pastori auctoritatis summæ debebatur. Sanè et Hieronym. in ep. ad August., quæ incipit: *Tres simul epistolæ, ad auctoritatem Petri supremam iter id retulit; ait namque: Tantæ Petrus auctoritatis fuit, ut Paulus in Epistolâ suâ dixerit: Post annos tres veni Hierosolymam videre Petrum.* » Et mox: « Non enim ascendit, ut genus vultumque agnosceret, sed ad ipsum venit tanquam ad pastorem supremæ potestatis, ut honorem priori Apostolo deferret. » Audis, ut Hieronymus honorem ad obsequium trahat, et quem Chrysostomus, et ipse priorem, eundem quoque pastorem supremæ potestatis nun-

cupet. Nescio quid ad commendandum Petri ex profectione illâ primatum luculentius dici poterit. Atque ne tu singularem existimes fuisse Hieronymum, accipe aliorum quoque Patrum de re eâdem sententiam. Tertullianus de Præscript. ait : « Ascendit videre Petrum ex officio, et de jure. » Ambrosius : « Dignum erat ut iret videre Petrum, qui primus erat inter Apostolos, cui Christus delegaverat curam Ecclesiarum. » Hactenus Patres de primâ Pauli profectione; de alterâ opportuniùs sermo aliàs redibit. Quare nihil aliud est reliquum, quàm ut cum Gregorio IX ad archiepisc. Constantinop. scribente concludam : « Ascendit Paulus, qui in Petro auctoritatis officium recognoscens, ad eum tanquam ad primatum et Evangelii fontem ascendit Jerusalem. »

GRÆCUS. Negare haud possum, nisi temerè, præfractèque ingenio tantùm meo confidam, Patres magnâ concordia Petro primatum honoris ac auctoritatis ex commemoratis etiam Scripturæ locis asseruisse. Verùm ut jam tuis te armis appetam, primatum, aio, inde Patres eruisse non poterant, qualem ante descriperas, quando neque Christus iisdem locis Petro eundem contulit. Affer igitur ipsa Servatoris effata, quibus primatûs institutio continetur; ad quæ ego Patres respexisse opinor, quando ea etiam honoris ac venerationis indicia, quæ adhuc attuleras, ad potestatem supremam Petri retulerunt.

### § XI.

LATINUS. Quod diu jam cupidè anhelatam præstabo, atque meo æquè tuoque voto morem geram. Si rectè meministi, Matth. 16 promissum, Joan. 21 collatam denique Petro honoris et auctoritatis primatum dudùm pronuntiaveram. Reliquum est ut etiam tibi comprobem. Novi namque è vestris etiam esse, qui ut Petro supra cæteros à Christo honorem impensum concedant facilè, à supremâ nihilominùs potestate honorem eum disjunctum putant, aut ut denique conjunctus esse possit, non satis expediunt.

GRÆCUS. Et me in horum numero catenùs fuisse fatebor; neque adhuc in totum assequor, quâ ratione suprema illa Petri potestas è metaphoricis ac dubiis sanè verbis *petræ*, *clavis*, et denique ipso etiam *pascendi* munere elicit atque exprimi citra vim ac contorsionem satis possit.

LATINUS. Ut metaphorica *petræ* ac *clavis*

nomina esse non negem, promitti tamen eâ duplici metaphorâ Petro summum totius Ecclesiæ, et auctoritativum principatum in confesso est. Exequamur singula : susceptis clavibus in summum sacerdotem inauguratus est Eliaçim Isaiæ 22 : *Dabo claves domûs David super humerum ejus; et aperiet, et non erit qui claudat; et claudet, et non erit qui aperiat.* Quin et suprema Christi potestas eodem clavium nomine, iisdem verbis Apocalypsis 3 designata est. *Nec petræ nomen commune Christo ac Simoni ad indicandam eandem supremam, quæ vice Christi esset, potestatem minùs valet.* Quid enim in ædificio *petra*, quid fundamentum, nisi quod caput in corpore, quod in regno rex? *Petra erat Christus*, Simoni quoque, ut vicarium Christi scias, Petri nomen accepit. Erant id ante nos Leo papa Sermone de Assumptione suâ; ait ergo : « Sicut Pater meus tibi manifestavit divinitatem meam, ita et ego tibi notam facio excellentiam tuam : *Quia tu es Petrus*, id est, eam ego sim inviolabilis *petra*, et lapis angularis, qui facio utraque unum; ego fundamentum, præter quod nemo potest aliud ponere, tamen tu quoque *petra* es, quia virtute meâ solidaris, ut quæ mihi potestate sunt propria, tibi sint mecum participatione communia. » Nunc pastoris munus expendam; quantum is fallitur, qui alendo grege id definat. Qui pastor est, ducat insuper, reducat, castiget, tueatur, in summâ præsit, moderetur ac regat gregem demandatum necesse est. Quare etiam sacræ paginæ nullo discrimine pascendi regendique vocibus sæpè use sunt, et eum Servator supremam in omnes potestatem obtineat, pastoris titulos non abhorruit. Et verò neque Joan. 21 : *Pasce oves meas*, aliter à Christo, neque à Græcis olim, quàm pro summâ potestate, acceptum esse. Indicio est vel ipsa Græca versio Παῖσι τὰ ποίματα μου, quod est pascere præsidendo.

GRÆCUS. Verùm, ne vel ullius apud me dubii reliquiæ utcumque infirmæ supersint, pro certoque habeam iis planè verbis demandatam esse Petro curam universalis Ecclesiæ, ac potestatem, paucos ex innumeris, quos in promptu habes, affer Patres.

LATINUS. Chororum ducat Gregorius Magnus, in lib. 4, epist. 76 : « Conctis, inquit, Evangelium scientibus liquet, quòd voce Dominicâ sancto et omnium Apostolorum Petro principi totius Ecclesiæ cura commissa est; ipsi quippe dicitur : *Tu es Petrus, et super hæc petram ædificabo Ecclesiam meam.* » Accedat

Gregorio Chrysostomus hom. 54 in Matth. : ait is : « Christus per hæc verba crexit animus Petri, constituendo illum pastorem totius orbis terrarum, datisque illi clavibus tradidit mortali homini cunctorum quæ in cælo sunt potestatem. » Atque ne ambigere possis supremam planè potestatem eum in Petro agnovisse, illa Christi verba : *Pasce oves meas*, ita prorsus exponit : « Id est : Esto præpositus loco mei, et primus in medio fratrum. » Denique ne cuiquam alteri hanc potestatem communem fuisse suspicari posses, hom. 55 ait : « Jereniam uni genti pater, hunc autem universo orbi terrarum Christus præposuit. »

GRÆCUS. Extra dubium jam tu supremam, et quæ vice Christi sit, Petri potestatem in Ecclesiam universam, apud me collocasti. Ast, ut, quod res est, fatear, intrari non rarè subit, quod nulla ego, aut illa admodum dubia tantæ potestatis vestigia in Scripturâ legisse memini.

LATINUS. Quæ tu nulla aut dubia admodum dixisti, ut manifestiùs denique ediscas, age, sacrum codicem mecum ingredi; ubi luce clariùs primatum à Christo acceptum, neque uno loco exercet, et palam manifestat Petrus. Et Act. quidem 1, primus edocet, urgetque, imò imperat agendam electionem Apostoli in locum perditissimi Judæ. *Et exurgens in medio fratrum, recensito infuusto Judæ casu : Oportet, ait, ex his viris qui nobiscum sunt congregati in omni tempore, quo intravit, et exiit inter nos Dominus Jesus, testem resurrectionis ejus nobiscum fieri unum ex istis, Nonne hæc apertè supremam ejus in Ecclesiâ curam indicant. Si enim locum spectes, dignissimo statuitur : In medio fratrum. Si ordinem, et rem ipsam, primus, imò unus est, qui id negotium Ecclesiæ gravissimum infert, ac decernit agendum : Oportet; qualemque deceat esse deligendum designat : *Ex his virum. Quid inter hæc agunt cæteri ? Statuerunt duos, et orantes dederunt sortes eis.**

GRÆCUS. Atqui, quàm prima illa supremam Petri potestatem commendant, tam hæc ultima detrahunt : si enim luculenta adè in Petro fuit, certaque auctoritas capitis, cur non ille arbitrato suo, aut personas designat, aut electionis modum præscribit ? *Illi statuerunt duos; illi dederunt sortes eis.*

LATINUS. Et non vereris Petrum è numero orantium excludere ? non igitur Petrus oravit, non statuit, non sortes dedit ? opinor ego hic etiam primas obtinuisse Petrum. Quidni, qui

eligendi dotes descripsit, finem indicavit, imperavit electionem, modum etiam aut constituit, aut constituisse potuit. Quæ ne ego meo tantùm, aut Latinorum è sensu Patrum decerpisse videar, juvat audire Chrysost. hom. 3 in Act. : « Quam est, ait, fervidus ! quàm cognoscit creditum à Christo gregem ! quàm in hoc choro princeps est !. » Et infra : « Merito primus omnium auctoritatem usurpat in negotio, ut qui omnes habeat in manu ; ad hunc enim dicit Christus : *Et tu aliquando conversus confirma fratres tuos.* » Qui demùm, quod tu objeceris, sic luculentè dissolvit : « An non licebat ipsi Petrò eligere ? licebat, et quidem maximè. Verùm id non facit, ne cui videretur gratificari. » Atque ne in uno, ubi plura suppetunt, sistamus, consule rursus Act. 2 ; rursus enim *stans Petrus cum undecim, levavit vocem suam. Iluc advertit animum, audies grande quid, quodque primatum planè sapiat : hic denique supremi pastoris munus implet. Etenim vindicat primùm ab injuriâ eos qui afflati divino Spiritu loquebantur variis linguis : Non enim sicut vos aestimatis, hi ebrii sunt. Deinde etiam captâ occasione evangelicam legem aperit, primusque promulgat in vulgus. Hunc Jesum resuscitavit Deus..., et Dominum cum, et Christum fecit Deus.... Penitentiam agite, et baptizetur unusquisque vestrum in nomine Jesu Christi. Quodque hic in vulgus fecerat, idem Act. 4 in concilio principis sacerdotum, seniorum et scribarum, libertate Apostolicâ planè peragit : ut à Petro apud omnes, et ubique Evangelii apertam prædicationem, noveris, tanquàm capite et fonte Evangelii.*

GRÆCUS. Si his, ut aiebas, locis promulgata est primùm à Petro lex evangelica, ubi et à quo demùm censebis antiquatam denique esse Moisaicam et veterem ? Etenim si unum, fortassè et alterum erit primatus indicium.

LATINUS. Rectè ais, atque ut tu veterem legem non ab alio rursus quàm à Petro abrogatam esse plenè cognoscas, adi mecum Act. c. 15. Postquàm enim Petrus Actor. 10, cælesti visu admonitus, primus gentes in Cornelio centurione cohortis Italicæ, Cæsareæ ad Evangelium admisisset, et admissarum causam apud Judæos Hierosolymis, c. 11, vindicasset, nova gentibus incubuit tempestas Antiochiæ à Judæis; docebant isti Act. 15, nisi gentes etiam circumcisionem admitterent, salutem locum non esse; stabant Paulus et Barnabas pro libertate Evangelii, et hæstio vires flammaeque corripuit, cui sopiendæ cum par non esset ducto-

ritas Pauli, imperavit illi necessitas præsens, et revelatio divina (ad Gal. 2) protectionem alteram Jerosolymas ad Apostolos et presbyteros: *Converserunt Apostoli et seniores videre de verbo hoc.* Atque, ut noveris ad Petrum præcipuè causam omnem delatam, ille tanquam dux et caput, omnium primus latâ sententiâ definit, *fide purificari corda gentium, et non circumcissione, sed per gratiam Jesu Christi.*

GRÆCUS. Vindicare sanè hæc primatum neque ego inficio; at primatum concilio vindicant, quod quidem ibi celebratum esse, neque tu negaveris, cui, ut cæteros taceam, Paulum etiam tubens suppono.

LATINUS. Non te morabor, et concilio, et Petro ipsi primatum vindicant: Petrus namque ubi sit, primatum à Christo acceptum constanter retinet in omnes ac Paulum ipsum, quem tu nuper Petro tantum non exæquaveras. Atque ut quod dixi, ad liquidum perducam, considera primum Petrum, Paulum, Jacobum, cæterosque nondum in concilio positos: quid agat Paulus, satis, nisi fallor, ex verbis ejusmet assequeris: ait is ad Gal. 2: *Et centum Evangelissæ, quod prædico in gentibus.* Diligenter notes velim, quæ sequuntur: *Scorsim autem illis (nondum igitur in concilio) qui videbantur aliquid esse. Cur verò ita? respondet Paulus cap. eit., ne in vacuum currerem, aut excarriarem.* Nolim ego in hæc commentari. Assecutus, et divinè præsus mentem Pauli exposuit Hieron. in epist. ad Aug.: *Id fecit, inquit, ostendens non habuisse securitatem Evangelii prædicandi, nisi Petri, et qui cum eo erant, fuisset sententiâ roboratum.* Si hæc primatum Petro extra concilium non efficiunt, quid propè tecum agam, nescio. Cui ne tu etiam in concilio quidquam deroges, expendas, oro, quis in cœtu illo primus dicat sententiâ? Adverte deinde quo utatur exordio; verba Petri erant: *Viri fratres, vos scitis quoniam ab antiquis diebus Deus in nobis elegit per os meum audire gentes verbum Evangelii, et credere.* Pondera singula: propè quot verba tot habes primatûs, nullo loco, nullis circumstantiis definiti, testimonia. In concilio, ad concilium sermonem facit; neque tamen ille concilio, sed sibi uni speciali quâdam ratione id à Deo datum tribuit: *Per os meum audire gentes verbum Evangelii, et credere.* Ita inter audire ex ore Petri, et credere, nihil penitentiæ intercedit; nihil ultra præstolandum; Petrus dixit: ut ergo credas, id satis. «Non enim frustra Salvator pro Petro præcatus est (ver-

« la sunt ex tom. 4 operum Augustini q. 79):  
« *Ecce Satanas expetivit, ut vos ventilet tanquam  
« triticum, ego autem gravi pro te, Petre, ne de-  
« ficiat fides tua, et tu tandem conversus, con-  
« firma fratres tuos. Quid ambigitur, pro Petro  
« rogabat, pro Jacobo, vel Joanne non rogabat,  
« ut de cæteris taceam; manifestum est in  
« Petro omnes contineri.* »

GRÆCUS. Duo hic mihi in mentem veniunt: primum decreti ejus principem fuisse Paulum; deinde Jacobum etiam decreto repugnasse, nec obtinuisse Petri sententiâ.

LATINUS. Occurrit jam olim Hieronymus utrique tuo scrupulo, epist. 89 ad Augustinum unâ continentique sententiâ; accipe: *« Tacuit,  
« inquit, omnis multitudo, et in sententiâ  
« ejus Jacobus Apostolus, et omnes presbyteri  
« transierunt. Hæc non debent esse molesta  
« lectori, sed et mihi, et illis utilia, ut probe-  
« mus, ante Apostolum Paulum non ignorasse,  
« Petrum principem esse hujus decreti, legena  
« post Evangelium non esse servandam. »*

## § XII.

GRÆCUS. Quando ut tot jam certis indicis Petro primatum stabilivisti, expedi etiam unde denique in eum errorem orbis propè universus Græci æquè ac Latini devenimus, ut Paulo dextrum, sinistram Petro latus daremus. Innumeræ propemodum sunt icones, quæ eo situ Apostolorum principes hodieque exhibent.

LATINUS. Quod tu ex eâ pictorum licentiâ nullum præsidium sententiæ adversus primatum Petri quæsieris, laudo magnoperè sapientiam. Quid enim prudentis de eo supersit dubii, quod Christi et Patrum effata in manifesto constituunt; quidquid denique pictores delincepti egerint. At si horum etiam licentiæ auctoritatis quid tribuas, nil profectò inde sapiens quis concluderit, quando nec pictores constanter eundem morem secuti sunt; sed hi dextro, quem alii sinistro latere collocant; et quando ferè incertam, quod latus cui preferendum sit. Porro si jam dextrum latus nobilius esse status, adhuc manet in ambiguo, unde rerum positio æstimanda sit, an ab ipsorummet, quem invicem gerunt habitus, an à contuentium ex adverso aspectu manaque; an fortè etiam ex locorum ipsâ constitutione? quæ tu omnia ægrè definias. Ego, ne in fluctus inutilium disceptationum te atque me etiam ingredi cogam, rem arbitrio planè tuo relinquo; habe tibi nobilius quod malueris latus,

nihilidam adversus primatum Petri efficias.

GRÆCUS. Nihil inde quidem aptè adversus Petri primatum moveri, præter ea quæ à te dicta sunt, persuadent etiam, quæ Nicol. Alemannus diligentissimus Romanorum antiquitatum vestigator aperuit. Vidit is in æde S. Mariæ, vermiculato opere Petrum non jam ad Pauli, sed Jacobi sinistram; et in Laterano juxta Baptisterium Constantini Augustini, ad dexteram Joannis Baptistæ, Evangelistam, in tabulâ à tesseralis compositâ, et in abside Ecclesiæ, S. Theodori conjugem: et ad D. Laurentium in campo Martio iidem ad dexteram S. Sixti III pontificis, Lucinam matronam.

LATINUS. Liverò de hæc sanctorum positione antiqua lis est, et jam Innocentii III pontificis ætate agitata; neque tamen aut ipse, aut ejus successor Honorius, à more veterum discedendum putavit. Itaque viâ Ostiensi in ecclesiâ D. Pauli, Andreæ Apostoli dextram Lucam Evangelistam occupare voluit Honorius; et Innocentius Marco et Lucæ dextram, Matthæo ac Joanni sinistram assignavit latus.

GRÆCUS. Juniorum pontificum facta nihil hæreticos movent; et si animo perverso sint, ac impudenti, audent comminisci; egisse hæc pontifices, ad faciendum fucum mortalibus; ut quod de Petro à vetustissimis observatum viderant, obtegerent, vimque argumentis eorum qui primatum Petri ex eâ iconum positione oppugnant, adimerent.

LATINUS. Insignis sine dubio hæc sit impostura, at non minor hominum protervia, qui vel suspiciones ejusmodi in animum admittant. Quæ posteriores, quos recensui, egere pontifices, non dolo, sed priorum exemplo egerunt. Neque Romæ tantum, sed alibi quoque terrarum evenisse olim certum habe, ut digniores sinistram quandoque latus occuparent. Narratur in vitâ Cyri et Joannis, fuisse iconem pervetustam *τρίμορφον*: in eâ Christus medium, Virgo mater sinistram, Joannes Baptista dextram latus obtinebat. Atque ut multa alia præteream, tu ipse, ut antiquitatum amator es, percurrere nummos veteres; quot ibi imperatores christiani occurrent ad dextrum Desparæ? Veneti quoque olim, quanquam devotissimi D. Marco, duces ad dextram stauerunt. Latet itaque mysterium in hoc adeò vetusto more, quod multorum hætenus studia fatigavit, non fraus pontificum, non error pictorum, quem sanè, si is error fuit, emendari, non usu donâsse oportuit tot sapientes viros, regna et respublikas.

GRÆCUS. Multa in hanc rem primus, quod scjam, omnium Petrus Damianus ad Desiderium abbatem commentatus est, non factum improbat, non refellit, aut in suspicionem vocat; exquirat causam quæ fidelium animis faciat satis. Ejus rationes mysticas et anagogicas affert, et examinat Mucantius, Patrumque auctoritatibus illustrat. Multa quoque leges super hæc ipsâ re elucubrata à divo Thomâ in Epist. ad Gal. lectione 41, Innoc. III, Serm. de Evangelist. apud Bellarminum, atque alios, sed locupletissimè omnium apud Allatium in Confessione Eccl. c. 6. Ego paucis dicerem, olim sinistram digniorem fuisse.

LATINUS. Hoc verò si etiam permittatur, nondum non solvit, sed implicat, quando idem Petrus, pro quo mota est ea controversia, non uno in loco Pauli dextram occupat. In opere segmentato, apud S. Laurentium, in campo Verano, jam Pelagius II et Paschalis I in æde S. Praxedis in Exquilis eadem dispositione Petrum collocavit. Ut alia omitam quæ congestis in hanc rem copiosissimè vester Leo Allatius, ubi digniores dextram obtinuisse manifestè ostendit.

GRÆCUS. Hinc sanè concludo, nec fraude egisse pontifices, nec ad pictorum errorem patere confugium: neque quidquam momenti habere, qui ad aulicam urbanitatem Petri, Paulum ut domi suæ honestiore loco dignantibus confugerunt. Et frustra esse video, id vocare in controversiam, quæ dignior sit, dextranc, aut sinistra: commodius mihi rem composuisse videntur, qui eum Petrum sinistro loco vident, id ejus notissimæ modestiæ ac voluntati apponunt: habent enim Epiphanium sibi suffragantem; is in Ancorato sic ait: *Paulus Apostolus, cui dextram concessit summus Apostolorum coriphæus*. Et cum rursus eundem dextro collocatum aspiciunt, ad dignitatem ac potestatem supremam curatores respexisse voluit.

LATINUS. Habeat hoc suum pondus, quemadmodum et illud quod nonnulli putant, circumcisionis Apostolum eo loco statuendum fuisse, quo facturi rem divinam primum Evangelium collocamus; gentium verò magistrum in eâ parte in quam Evangelium ritu ac more vetusto Ecclesiæ transferunt, quando certum est, id ad gentes à Judæis translatum esse. At propius ad rem mihi accessisse videntur Nicolaus Alemannus et Allatius, qui dextræ modum inter sacra receperunt, non ad habitum sanctorum, quem habent invicem, ne-

que ad nostri corporis situm, qui ex adverso stamus, metiendum putant, sed ad ipsam templorum dextram atque sinistram composuerunt.

GRÆCIS. Quod verò illis est dextrum, quod sinistrum templorum latera, an idem semper, an varium? sanè ecclesias antiquorum, prout nempe locorum commoditas permittebat, diversæ structuræ fuisse nemo ignorat. Alias quidem eopylas, hoc est, pylis ac porticu ad exorientem vergentes; alias contra eotholas, hoc est, tholo ac sacrario ad eundem solem projectas, res est extra controversiam. Fierine igitur potuit, ut contrarium licet positionum ecclesiæ idem semper dextrum, atque idem semper sinistrum latera habeant?

LATINES. Idem semper mysterium hoc ne tibi videatur, explicationem admittite. Majorum more australe latera semper dextrum, boreale sinistrum fuit. Illud episcopi, hoc presbyteri, illud viri, hoc mulieres occupabant; quare cum promiscuè in antiquis tabulis, nunc dextrâ, aliàs sinistrâ parte Petrum Paulumque cernamus, existimandum est, nonnullas earum, ad eopylarum, alias ad eotholarum basilicarum structuram accommodatas esse: quin et ea religio fuit hominum, ut id etiam honoris iconibus exhiberent in ipsis adeò privatis ædibus, situmque darent, ad cujus normam formata videbantur.

GRÆCIS. Fuerit ea religio hominum, atque cum apud Græcos eotholæ ecclesiæ essent, ut quidem constat ex Clemente Alexandrino, l. 7 Stromatum: Petrus quantum ad sinistrum vulgari modo loquendi positus, ritu Ecclesiæ adhuc dextrum occupavit. At tu non negabis, apud Latinos, ac Romæ in primis, ubi eopylarum basilicarum usus erat, evenisse tamen, ut Petrus etiam vulgari more latera sinistrum obtineret, quin etsi morem spectes ecclesiæ ignobiliori parte statueretur, septentrionali nempe, non australi.

LATINES. Id si quando occurrat in ecclesiis Latinis, ac Romæ etiam, non Latinis, sed Græcis tribuendum est pictoribus, qui domestico more assueti pingere, non observato eo eotholarum atque eopylarum ecclesiarum discrimine, morem retinere etiam in Occidente, et quemadmodum in Græciâ rectè pinxere, ad eotholarum nempe ecclesiarum structuram, sibi dextrorsum nobiliores sanctos, ita etiam in Occidente eundem morem secuti, disceptationis nobis ansam præbere.

GRÆCIS. Unde tu mihi Romam, atque in Occidentem Græcos pictores accersis? quæ illos fortuna eò compulsi? quibus indicis ad Græcos refertur icones eas?

LATINES. indicio quidem sunt maximo Inscriptiones Græcæ: ΑΙΤΟΣ ΠΕΤΡΟΣ ΑΙΤΟΣ

ΠΑΥΛΟΣ ΜΡ ΘΥ ΙC ΧC., quæ passim occurrunt. Causa verò quæ pictores monachos Græcos in Occidentem magno numero emigrare compulsi, in promptu est, Iconoclastarum hæresis, quæ Orientem omnem latè miserèque depasta est. Initio illa accepto in Leone Isauro, sub filio hujus Constantino Copronymo ad summam crudelitatem evasit; perduravit sub Leone IV, hujus filio: at demùm Irenes imperatricis piis studiis, per Adrianum successorem D. Petri, cujus adhuc primatum propugnâvimus, in œcumenicâ synodo VII, Nicænâ II, anno septingentesimo octogesimo septimo debellata est.

## Colloquium secundum.

DE PRIMATU ROMANI PONTIFICIS.

### § I.

GRÆCIS. Ecclesiam Christi ab exortu suo ad usque Petri obitum visibili capite, ac moderatore, à quo supremâ regeretur potestate, nequaquam destitutam fuisse, disertis adhuc rationum momentis persuasisti. Age nunc, scrutemur eademem post Petri etiam è terris abitum Ecclesiæ rationes constanter fuerint. Etenim nondum satis exploratum habeo an non à Petri morte ita orba ac sibi relicta sit Ecclesiâ, ut cum multorum quidem particularibus dirigeretur studiis, nullius tamen universali gubernio, ductulque subesset. Id verò si ita sit, primatus Petri nil te juverit, ut cujus majestas ac amplitudo, quam tantis hactenus celebrasti, simul cum Petro in tumultum illata sit.

LATINES. Scrupulum hunc tibi procul dubio injecerunt Nilus Thessalonicensis, Michael Anchioli, Macarius Ancyranus, Theodorus Balsamon, Daxapatrius, Blastarius, et quotquot apud vos censentur hostes primatûs acerrimi. Hunc verò tibi ut ex animo evellam, non admodum operosum existimo, si modò ad primævam Petri institutionem oculos, animumque advertas.

GRÆCIS. Quam ais, institutio primatûs tota-

nisi fallor, illis Christi verbis continetur : *Pasce agnos meos, pasce oves meas*, Joan. ult. *Tu es Petrus, et super hanc petram ædificabo Ecclesiam meam*, Matth. 16. Hæc verò omnia, quàm certam Petri, tam oppidò nullam ejus successorum in christianæ reipublicæ magistratu memoriam inferunt.

LATINUS. At si tu ad verba illa hæc etiam adjungas : *Portæ inferi non prævalebunt adversus eam*, Matth. 16 ; *Ego rogavi pro te, Petre, ut non deficiat fides tua, et tu aliquando conversus, confirma fratres tuos*, Luc. 22 ; *Allas oves habeo, quæ non sunt de hoc ovili, et illas me oportet adducere, et fiet unum ovile, et unus pastor*, Joan. 10 ; tum verò certissimis argumentis comperies, ita ex Christi decreto tunc Petro Ecclesiæ universæ gubernacula demandata esse, ut etiam ad successores transmitti deberint.

GRÆCUS. Non satis dispicio quod tu argumentandi genus hîc sequaris. Meâ quidem sententiâ, iis oraculis, quanquàm Petrus Ecclesiæ fundamentum et pastor omnium ovium atque agnorum sit constitutus ; munus confirmandi fratres acceperit, et Ecclesiam fidei Petri perpetuis duraturam temporibus Christus prænuntiaverit, ne verbulo tamen Petri successorum meminit.

LATINUS. Imò verò nil ea prædictio certius potestatis summæ successione complectitur ; cum enim fieri penitus nequeat ut Ecclesiæ ædificium, ut ovile absque pastore et fundamento quod Christus posuit, subsistat ; Petrus verò depositis mortalitatis exuviis, præsidendo ac moderando visibilis pastor et fundamentum per se esse nequeat ; oportuit sanè ut per successores æternâ serie duraturos, pastoris et petræ munere defungatur ; sic, ut quemadmodum in Petro, ita in his etiam æternum firma et incontussa Ecclesia subsistat, ipsos etiam inter persecutionum, hæreseon atque schismatum fluctus nunquam obruenda.

GRÆCUS. Si ita se res habent, Apostolis etiam suos successores necesse est assignemus : etenim ipsi quoque pastores, ipsi etiam fundamenta fuerunt : *Superædificati super fundamentum Apostolorum*, ad Eph. 2. Da mihi igitur, qui Pauli, da qui Thomæ provinciam obtineat ; quis hodiè eorum sibi dignitatem, quis privilegia vendicat ?

LATINUS. In episcopatus munere, ex vi cujus fundamenta Ecclesiæ erant Apostoli, suos cæteris quoque Apostolis posteros, ac veluti hæredes datos esse, atque divinâ planè provi-

dentia dispositum, ut nunquàm defuturi sint Ecclesiæ pastores atque doctores, eadem potestate ordinis cum Apostolis præditi, pro certo habeo, et id in controversiam vocare contra apertum Apostoli effatum foret ; ad Ephes. 4 : *Ipse dedit quosdam quidem Apostolos, quosdam verò prophetas, alios verò Evangelistas, alios autem pastores et doctores ad consummationem sanctorum, in opus ministerii, in ædificationem corporis Christi* ; etenim si quæras ad quæ usque tempora se ea Salvatoris dispositio porrexerit, responsum incontinenti subditur : *Donec occurramus omnes in unitate fidei et agnitionis Filii Dei*. Paulo, si lubet, adde Cyprianum epist. 27 ad lapsos : « Per temporum et successionum vices episcoporum ordinatio et Ecclesiæ ratio decurrit, ut Ecclesia super et episcopos constituatur, et omnis actus Ecclesiæ per eosdem præpositos gubernetur. »

GRÆCUS. Episcopos, nisi fallor, Apostolorum in locum immigrasse defendis ; at si isti in ordinis tantum, non in juri amplitudinem, excellentiæ ac prærogativarum cæterarum, communionem cum antecessoribus venerunt, nescio quid nos tandem cogat ut primatum, præcipuum illud Petri decus, veluti per manus in alios quoque deinceps transmittamus.

LATINUS. Quanquàm, ut dixi, in Apostolorum officium successi sint episcopi, eorum tamen jurisdictionem æquè ac potestatem suos limites habuisse, ex Petri Paulique testimoniis in confesso est. Petrus Epist. 1, quam inscripsit : *Electis advenis dispersionis Ponti, Galatiæ, Cappadociæ, Asiæ et Bithyniæ*, sic earum provinciarum seniores, hoc est, episcopos, exhortatur : *Pascite, qui in vobis est, gregem Dei*. Nec aliter Paulus ad majores natu Ecclesiæ, quos Epheso Miletum advocaverat : *Attendite, ait, vobis, et universo gregi, in quo vos Spiritus sanctus posuit episcopos, regere Ecclesiam Dei*. Ita cum Apostolorum sollicitudo ad universum orbem Ecclesiasque omnes se porrigeret, successorum tamen episcoporum pastoraes curæ ac vigilantia regionibus, certæque gregis portione definita est.

GRÆCUS. At cur non Petri successoribus id ipsum evenisse potuit, ut quanquàm Petri imperium in universos agnos et oves patuerit, horum tamen intra Romanæ urbis incensia vis omnis atque auctoritas conclusa sit, nemo unus in primatu successerit ?

LATINUS. Et finis qui ad primatum in Petro instituendum Christum movit, et largissimæ

illa promissiones quæ Petro atque Ecclesie factæ sunt, ne id eveniret, obstabant. Finge enim, ut volebas, Petri etiam successores certis regionum finibus adstringi, definito gregis numero pascendo præfectos esse, agnorum quidem tot pastores quot episcopos censebimus; at ovium ipsarum, hoc est, episcoporum, ut Bernardus interpretatur, nemo unus pastor futurus est. Deinde sic etiam fortassè adhuc unum ovile esse poterit, at non unus pastor. Denique neque unquam salis expedies, quæ tandem ratione Ecclesie universæ, quæ nunquam desitura est, ovium atque agnorum omnium præsentis futuraque deinceps ætatis, aut Christus demandare curam, aut demandatam Petrus suscepisse, exercereve possit; si cum hæc mortali vitâ Petri suprema illa potestas desiit, neque in alios deinceps propagata est.

GRÆCUS. Sunt inter vos etiam, qui ex dilectione quâ Christus Ecclesiam suam complexus est, et merito fidei quâ hominem Deum confessus est Petrus, perpetuam Petri in Ecclesia gubernationem intulerint. Mihi præ exteris effatum M. Leonis arridet; ita verò ille in Anniv. d. e. Assumpt. serm. 2, loquitur: « *Soliditas illius fidei, quæ in Apostolorum principe est laudata, perpetua est, et sicut permanet quod in Christo Petrus credidit, ita permanet quod in Petro Christus instituit.* » *Manet ergo dispositio veritatis, et B. Petrus in acceptâ fortitudine petreæ perseverans, suscepta Ecclesie gubernacula non relinquit.* » At quis fuerit ejus instituti finis, quàmque finis illi assequendo necessarius primatus esset, lubens ex te intelligam.

LATINUS. Instituti primatus non fuisse finem alium quàm ipsam perpetuam Ecclesie incoluntatem felicitatemque, præter Christi dilectionem, quæ hanc complexus est, Augustinus etiam non obscure indicat, cum non Ecclesiam propter Petrum, sed hunc propter Ecclesiam fuisse contendit: quid verò, quantumve ad eum finem commodet primatus, expediam, postquam felicitatis Ecclesie præcipuos duos hostes ob oculos paucis posuero; sunt ille hæresis atque schisma; adversus utrumque hunc hostem, ut Ecclesiam commaniret, tutamque præstaret, uni Petro fratres confirmandi auctoritatem tribuit: « *Inter duodecim unus elligitur (verba sunt Hieronymi), ut capite constituto, schismatis tolleretur occasio.* » At sic adhuc errandi in his periculis nondum occurrerat; idcirco

perennem, nec defecturam fidem, eidem à Patre exorat, cui auctoritatem capitis, fratresque confirmandi munus imposuerat: *Ego rogavi pro te, Petre, ut non deficiat fides tua, et tu aliquando conversus, confirma fratres tuos.* Etenim neque fidei integritas in Petro, destituta potestate capitis, ad unitatem profutura fuerat; neque hæc, si ab illâ disjuncta esset, ab errore Ecclesiam satis defenderet.

## § II.

GRÆCUS. Successores Petro negare in supremâ illâ potestate propè id vereor, ne Ecclesie felicitatem in periculum adducam; ut enim monet etiam Chrysostomus, « *malum est, ubi non existit primatus, et multarum cladum occasio, et confusionis turbarumque principium.* » At enim velle unum tantum semper esse, qui suo nutu moderetur omnia, res sanè invidiosa est, neque, ut opinor, salutis Ecclesie necessaria. Rectè itaque Cyprianus ecclesiasticæ libertatis vindex, divisit in omnes per orbem episcopos, quod tu in unum solum confers; verba illius sunt lib. de Unitate Eccl.: « *Episcopatus unus est, cujus in solidum pars à singulis tenetur.* »

LATINUS. Res profectò mira, quòd tu mihi Cypriani eum locum audeas opponere, et inde successorum Petri primatum convellere, unde ille ipsum Petri primatum in omnes ipsosque ad eò Apostolos, quamcumque amplissimâ potestate à Christo instructos, duxit. Sed jam audi quâ demùm ratione ex mente S. martyris, episcopatus unus sit, et ut in solidum à singulis pars ejus teneatur: « *Episcopatus unus est... Ecclesia una est....* (explicatio est Cypriani). Quomodo solis radii multi, sed lumen unum, et rami arboris multi, sed robur unum tenaci radice fundatum, et cum de fonte uno rivus plurimi defluunt, numerositas licet diffusa videatur exundantis copie largitate, unitas tamen servatur in origine. » Quis verò unquam aut rivum fontis, aut ramos arboris, ex quo vigor omnis in ramos dimanat, contulit, aut eodem loco habuit? Inter certas primatus prærogativas, est necessitas communionis cum capite; hanc eo loco Cyprianus firmare voluit, non primatum oppugnare, nisi fortè commentitium ac superbam illam, qui omnem potestatem in uno primatu concludat, neque cæteros episcopos aliud, quàm nodos executores faciat. In quem errorem jamdudum Bernardus scripsit ad Eugenium papam, lib. 5 de Consid. c. 4: « *Er-*



« ras, si ut summam, ita et solam institutam  
« à Deo vestram apostolicam auctoritatem  
« existimes. »

GRÆCUS. At id saltem dabis, ex mente Cypriani, satis consultum fore saluti Ecclesiæ, quantum in nemine uno supra auctoritas subsistat, sed in solidum et æqualis penes omnes sit, modò ex uno, veluti origine promanet, et veluti radice progerminet.

LATINUS. In origine suprema vis et potestas est, nec ei æqualis esse potest, quæ ex ipsâ defluit, et vigorem accipit, atque id ex ipsius Cypriani mente esse dictum, pro certo habe: ait enim loco supra cit.: « Unum tamen caput, et origo una, et una mater fecunditatis successibus copiosa; » et verò nisi ita prorsus sit, majorque in origine potestas, nondum satis Ecclesiæ malis consultum est. Quod ne à me duntaxat dictum existimes, accipe verba Cypriani ex epist. 55 ad Cornelium papam: « Non aliunde, ait ille, obortæ sunt hæreses, aut nata schismata, quam inde, quòd sacerdoti Dei non obtemperatur, nec unus in Ecclesiâ ad tempus sacerdos, et ad tempus iudex vice Christi cogitatur, cui secundum magisteria divina, fraternitas obtemperet universa. » Unum igitur ex mente Cypriani, ad mala avertenda esse oportet, atque eum talem, cui fraternitas obtemperet universa.

GRÆCUS. Cypriano suffragari opinor etiam Chrysostomum, hom. 34 in Epist. ad Hebr.: « Magistratum, inquit ille, ducemque et rectorem non habere, malum est, et argumentum multarum calamitatum, et principium defectus ordinis, et perturbationis, et confusio- nis. Nam sicut chori coryphæum et ducem si sustuleris, non erit ampliùs chorus con- gruus, et ordinatus, et si à phalange exercitus amoveris imperatorem, non erit ampliùs numerosa et ordinata acies; et si navigio ademeris gubernatorem, navem demerges: ita etiam si à grege pastorem abstuleris, omnia evertisti et delevisi. » In eandem sententiam conspirat etiam Hier. epist. 4 ad Rusticum: « Singuli, ait is, episcopi, singuli archiepiscopi, singuli archidiaconi, et omnis ordo ecclesiasticus suis rectoribus nititur. In navi unus gubernator, in domo unus dominus, in quâvis grandi exercitu, unius signum expectatur. » At dic, obsecro, quid si aliter, ac unius ductu, quid si multorum pari imperio, ac diviso veluti labore regatur Ecclesiâ, num idcirco aliquid additura est periculum? Ita tu quidem si existimas, sapientiam

divinam in gravi injuriâ omnipotentis vires detrahis; omnes denique florentissimas per orbem republicas, quæ non unius à nutu pendeant, sed multorum auctoritate pariter ac consilia reguntur, exitio facis proximas.

LATINUS. Neque divinæ sapientiæ, neque potentis metas modumque statuere mihi est animus; neque eam regendi normam, quam variæ republicæ multâ laude magnisque commodis tuentur, damnare; aut nescio quos sinistros casus ominari, nisi se unius submittant imperio: id unum contendo, sapientissimum, potentissimumque Deum, cum multis modis posset, eâ maluisse, quam dixi, regiminis formâ suæ Ecclesiæ consultum. « Ecclesiæ salutis (verba sunt Hieronymi in Dialogo adversus Luciferianos) in summi sacerdotis dignitate pendet, cui si non exors quædam, et ab omnibus eminens detur potestas, tot in Ecclesiâ efficiuntur schismata, quot sacerdotes. » Et verò quid eâ unius in omnes supremâ auctoritate, ad stabiliendam animorum consensionem, ac pacis vinculo continendum christianum populum; quid ad tot tantasque gentes, moribus, sermone, terrarum spatiis, indoleque ipsâ disjunctissimas, in eadem fidei doctrinâ, in iisdem sacrorum ritibus, uno veluti fœdere devinciendos, esse potuit præstabilius? Hæc est illa forma quam Christus primum in Petro instituit, quam Ecclesiæ suæ ab ipsis incunabilis præscripsit, quam denique perpetuò duraturam prædixit. *Erit ovile unum et pastor unus.*

GRÆCUS. Regendi forma quæ in Petro inchoata est, atque deinceps per alios propagata, nonne tot seculorum lapsu antiquari, aut utcumque everti potuit? nôsti rerum vicissitudines, et quam labentibus seculis ipsam etiam Ecclesiam facies varia exceperit.

LATINUS. Ut hic etiam aliqua, sive fidelium necessitate, seu temporum fato, consensescere atque immutari nonnunquam contigerit, præstitutum tamen à Christo regimen, ut integrum atque incolume semper persisteret, ad divinæ mentis consilia pertinuit. « Manet dispositio veritatis, ait Magnus Leo, et B. Petrus in acceptâ fortitudine petra perseverans, suscepta Ecclesiæ gubernacula non relinquit. »

GRÆCUS. Quando te totis eò coniiit studiis perspexi, ut Petro in suis successoribus dignitatem primatus integram vindicæ atque conserves, sic, ut quemadmodum ab initio, ex decreto Christi apud unum Petrum cœpit, ita deinceps eadem per singulares individuosque

longâ serie propagata sit : effare jam, quis ille, aut cujus demùm throni sit pontifex, cui ea prærogativa contigit, ut unus ex merito supremum sibi jus in orbem christianum vindicare possit.

### § III.

**LATINUS.** Hæc in re, quod diù multùmque circumspiciam haud erit : uni Romano pontifici decus id et prærogativa debetur; nemo est qui cum eo in contentionem venire possit.

**GRÆCUS.** Unde hæc tibi tanta fiducia? ad asserendum quidem Petro primatum fidenter, ad hunc ipsum etiam per successiones ac series æternas ducendum in uno aliquo, Scripturæ auctoritas diserta animos tibi addidisse potuit. At eadem tacente, et neque verbulo id indicante, unde denique sine justo metu dices, supremam eam dignitatem in Romanâ cathedrâ domicilium fixisse? si rectè habeo, sic tecum disseris, ut quod vis, inferas : Successoribus Petri à Christo in perpetuum delatum esse id fastigium Scripturâ tradit; Romanos verò pontifices Petro in cathedrâ successisse, docet traditio : hæc sunt duo momenta ex quibus concludis. At infirmum hoc argumenti genus mihi sæpè visum est, quando res mihi certa est, sedem inter Petri atque primatum non esse communionem eam, ut duo hæc invicem disjungi nequeant.

**LATINUS.** Neque ego communionem eam contendo. Etenim probè novi Petrum into quidem quinquennio, aut ipso sexennio, obtinuisse primatum, quin ulli speciali cathedræ se addiderit, et deinceps annis septem Antiochiæ consedisset, quin in eâ cathedrâ hodiè quisquam primatum quærat aut suspicetur. At verò inter successorem Petri et primatum, summus est artissimusque nexus : hoc est quod contendo.

**GRÆCUS.** Quid verò in eam rem plus pro Româ vos affertis? sedit ibi Petrus, non diffiteor, sedit et Antiochiæ, neque tu diffiteris : aut uterque igitur successor Petri est, aut neuter; utrumque dicere nequis : dic igitur neutrum.

**LATINUS.** Non tu igitur negas Romæ sedisse Petrum, nec in dubium id revocas, quod multi horum inprimis temporum homines cavillati sunt. An tibi ignotus est Angli poetæ hæsitantis aut nugantis versus :

*An Petrus Romæ fuerit, sub iudice lis est;*

*Simonem Romæ nemo fuisse negat.*

**GRÆCUS.** Nugari poetam, et acquivoçasse opi-

nor; id verò si etiam cum asseclis ex animo controvertit, ludubrio apud me est, in tantâ scriptorum veterum Patrumque consensione. Non hic moremur, ex hoc capite paucis te et me expedi. Petri mihi successores, et veluti ex asse hæredes, Romanos ostende

**LATINUS.** Idem, qui aiunt Petrum sedisse Romæ, Romanos etiam ejus successores nuncupant, atque ut silentio præteream Tertullianum in Carm. contra Marcionem l. 5, c. ult.; Irenæum l. 3, c. 3; Epiphanium hæresi 27; Augustinum contra Epist. Fundamenti c. 4; Optatum l. 2 contra Parmenianum, Romanorum pontificum syllabum inde à Petro ad sua tempora textentes : « Factus est, ait Cyprianus epist. 52 ad Antonianum, Cornelius episcopus... cum Fabiani locus, id est, cum locus Petri, et gradus cathedræ sacerdotalis vacaret. » Nil hic præter unam *successoris* vocem desiderare potes, rem dixi : atque ut et vocem ipsam disertè habeas, audi Optatum Milevitanum; ita ille fidentissimè l. 2 adversus Parmenianum pronuntiat : « Negare non potes scire te, in urbe Româ Petro cathedram episcopalem esse collocatam, in quâ sederit omnium Apostolorum caput Petrus... cui successit Linus, » etc. Hoc tibi prorsus à me dictum existima : *Negare non potes.*

**GRÆCUS.** Neque ego negare unquam in animo habui Romanos pontifices esse Petri successores, neque id nostri solent : in episcopatu successisse hos damus, de primatûs successione nobis lis est. Quare rectè monuit Nilus Thesalonicensis, qui ejusdem mecum propè est sententiæ : « Cum duo circa papam consideranda sint, quòd et Romæ episcopus sit, ut et synodi testantur, et præterea quòd sit primus aliorum episcoporum : prius illud à Petro accepit, quòd scilicet sit Romæ episcopus. » Equidem et vos ipsos de Evodio, aut quemadmodum alii volunt, Ignatio, primo post Petrum episcopo Antiochiæ, sic loqui pro certo habeo; cur igitur, ut plus demus Romano, instatis tantoperè?

**LATINUS.** Evodius in primatu succedere Petro non potuit continuò atque in sedem successit : cum enim ex ipsâ Christi institutione, et propè ex rei naturâ primatus, supremæque ea dignitas apud duos simul consistere nequeat, aut apud Evodium esse non cœpit, aut in Petro esse desiit : in Petro desiisse non poterat : cum enim id Petri privilegium personale planè ex divino præcepto fuerit, cum eodem de Antiochenâ in Romanam sedem

commigravit, in quâ denique et adhæsit: igitur rectè in Evodio nunquàm id privilegii cœpisse dicimus, rectè eum episcopalis duntaxat potestatis successorem vocamus.

GRÆCUS. Cur verò Romanæ sedi adhæsisse primatum dicis? Is quidem, si, ut aiebas, personale privilegium erat, aut cum Petro penitus desiit, aut nisi mutatâ naturâ, etiam locale evasisse fingas, adhærere sedi non potuit.

LATINUS. Nugaris; cùm id ego Petri personale privilegium dixi, ne me privatum dixisse id puta; personale erat et publicum, quòd nempe in omnes successores Petri commigraret ex Christi institutione primariâ; idem verò si dicimus ex facto Petri etiam locale evasisse, quam hinc erues chimæram?

GRÆCUS. Mittamus hæc levità, et quod rei caput est, petamus; dic tandem, cur tu Romanos pontifices etiam in primatûs successionem voces? Petrum episcopum Romanum fuisse, et in suâ personâ episcopatum hunc primatûs sociâsse, non inficior, quin et eodem in theatro gloriosam pro Christo subiisse mortem, profiteor; at hæc nondùm propositum efficiunt, quin neque magnoperè in id conferunt.

LATINUS. Nihil tu igitur ex Petri in Romanâ sede decessu, in rem meam concludi putas, et communi nobiscum errore lapsus est Innocentius I, cùm de Antiochenâ urbe loquens, dixit: *Quæ urbis Romæ sedi non cederet, nisi quòd illa in transitu meruit, ista susceptum apud se, consummatumque gauderet.*

GRÆCUS. Equidem non assequor quid mors Petri, quamvis Romæ obita, vobis commo-det; posuit et reliquit illa urbi sacri pignus corporis, non dignitatem supremam: nisi jam et Jerosolymbrum episcopus Jacobus, si mors quid possit, Apostolorum ex vestrà sententiâ caput sit; quis enim nescit, in eâ planè urbe Christum Ecclesiæ caput exuvias corporis in arâ crucis deposuisse, atque mortalem vitam consecrâsse?

LATINUS. A morte solâ Petri Romæ obitâ, nemo unus est nostrûm qui argumentum ducat. At si hæc etiam ad cætera accesserit, tum demùm Romanos pontifices veros Petri successores in ipso adèd primatu efficiet. Vitam quidem Christus mortalem posuit Jerosolymorum in conspectu; at neque ipse ullâ peculiari ratione ejus urbis episcopatum gessit, neque in potestate suâ principalis capitis successorem quemquam nancisci potuit; vica-

rium verò vivens adhuc Petrum designavit; quare quemadmodùm Jacobus Jerosolymarum episcopus sub Petro stetit, sic ejus deinceps successores sub Romanis steterunt. Postquàm enim ex divinâ Christi institutione, Petrus atque ejus successores suprêmâ vicariorum potestate donati sunt, et Petrus, quod unum ipsius arbitrio relicto fuit, cum episcopatu singulari vicarii Christi dignitatem voluntate conjunxit, neque deinceps duo hæc disjuncta unquàm, imò verò morte ipsâ veluti testamento quodam roboravit; fieri nequibat aliter, quàm ut idem, qui in episcopatu, in primatu quoque successor esset. Id nisi ita planè sit, successorem in primatu interissee necesse est.

GRÆCUS. At salvâ atque integrâ manente Christi institutione, Petrus quamquàm voluntate suâ primatû Romanum episcopatum in personâ propriâ conjunxit, et utrumque obtinens, Romæ vitam prosperit, poterat voluntate ultimâ ea duo disjungere: unde tu verò non disjunctis ostendes? mihi quidem etiam disjuncta fuisse, vel illud argumento est, quòd Romani deinceps episcopi, non ab universali Ecclesiâ, ut sanè decuisset, si primatum in omnes obtinerent, sed à Romano duntaxat clero delecti sunt.

LATINUS. An Petrus ab episcopatu primatum voluntate suâ distrahere potuerit, nunc quidem in controversiam non vocabo; demus potuisse; at ita etiam distraxisse, successionis electionisque modus non probat, quando hunc determinare non ad ipsum corpus Ecclesiæ, sed Petrum duntaxat pertinuit. Poterat is aut Romano clero, aut Ecclesiæ universæ electionis libertatem facere; poterat etiam per se successorem designare: utcumque verò id fieret, idem Romanus semper episcopus, et Christi vicarius futurus erat.

GRÆCUS. Fatebor eo argumento, aut veritè indicio, probatum non esse, à Petro ultimâ voluntate ea duo munia disjuncta esse; at nisi tu etiam disjuncta non esse probes, æquum, opinor, erit, ut neque ego negare deinceps, neque tu statuere pro certo debeas, episcopos Romanos Petri in primatu successores esse. Ita hoc caput in mediò relinquendum erit, dùm lux uberius affulgeat.

LATINUS. Mihi quidem, qui Patrum traditionem sequor, ut id pro certo statuere audeam, uberiori luce non opus est. Habeo nempe ex eâ, unam tantum semper personam Petro successisse, ex quo sic adversùm te infero: igitur vel eadem in episcopatu simul Romano et pri-

matu succedat, et hoc est quod statuo; vel primatus, contra ac Christus promiserat, per scriam propagatus non est; si caves hoc impium dicere, amplectere alterum, et denique consenti, eundemque Petri in Romano episcopatu simul ac primatu successorem adora.

GRÆCUS. Non sum is qui traditioni nil deturam; si Patrum consensio, si conciliorum monumenta in idem ducant, non invitus sequar; profer igitur traditionis testes.

LATINUS. Coronatum traditionis testem primum tibi statuo Valentinianum; scribit is ad Theodostum Juniorem in hunc modum: « Debenus... dignitatem propriæ venerationis B. Apostolo Petro intemeratam et in nostris temporibus conservare: quatenus beatissimus Romanæ civitatis episcopus, cui principatum sacerdotii super omnes antiquitas contulit, locum habeat, et facultatem de fide et sacerdotibus judicare. » Huic traditioni innixus et Leo, cujus gratiâ Valentinianus eas litteras dederat, ita de se ipso serm. 2 in Anniv. assumptionis suæ loquitur: « Celebratur hodierna festivitas, ut in personâ humilitatis meæ ille intelligatur, ille honoretur, in quo et omnium pastorum sollicitudo cum commendatarum sibi ovium custodiâ perseverat, et ejus etiam dignitas in indigno hæredes non deficit. » Neque Cyprianus utroque vetustior, ad alium quam Cornelium Romanum episcopum respexit, cum huic uni, sicut Romani episcopi, sic et titulos *judicis ac vicarii Christi* adscripsit.

GRÆCUS. At nemo istorum explicuit, neque Leo ipse rationem reddidit, cur id summæ auctoritatis dignitatisque ex Petro traxerit: ea verò, si rectè antea statuissemus, alia non est, quam quòd ipse Romanam Petri cathedram successor occupet. Age itaque, et primum ostende fastigium illud dignitatis constanti Patrum sententiâ Romanæ sedi delatam esse; tum et factum id non aliâ quam Petri causâ. Nosti enim esse apud nos qui utrumque hoc caput in disceptationem vocent, nec leviter perturbent. Evolve per partes utrumque.

LATINUS. Primatum in Romanâ sede disertis verbis professus est Prosper lib. 2 de Voc. gent., c. 16: « Roma per apostolici sacerdotii principatum amplior facta est arce religionis, quam solo potestatis. » Didicit id nempe Augustini magisterio, qui epist. 42, allâs 162, de Romanâ Ecclesiâ loquens, « in quâ semper, ait, Apostolicæ cathedræ viguit principatus. » Habet nempe, ut Theodoretus epist. 116 dixit,

« habet sanctissima illa sedes, Ecclesiarum, quæ in toto orbe sunt, principatum. » Quem ne tu in nudâ honoris eminentiâ duntaxat colloques, audire juvat Irenæum, qui lib. 3 adversus hæreses c. 5, honori potestatem sociat universalem in Romanâ Ecclesiâ, et « ad hanc, ait, propter potentioris principatum, necesse est omnem convenire Ecclesiam, hoc est, eos qui sunt undique fideles. »

GRÆCUS. Tam perspicuis istis sententiis Romanæ Ecclesiæ primatum asserunt, ut dubitationi ægrè locus sit. Petri verò, an aliâ causâ id egerit, nullo produnt indicio; fortassè ad imperatorum sedem, ad urbis splendorem, animo respexerint.

LATINUS. Vana suspicio, quam innumera Patrum loca refellunt. Prosperum de ingratis audi, c. 2, canentem: silet is splendorem urbis, silet imperantium majestatem, ut religione omnia obtinere Romam evincat, et caput mundi; satis illi est sedem Petri nuncupasse:

*Sedes Roma Petri, quæ pastoralis honoris*

*Facta caput mundo, quidquid non possidet armis*  
*Religione tenet.*

Hieronymus cum se in gravissimo illo Antiochenæ Ecclesiæ schismate Damaso adherere profiteretur, Christi et Petri solius meminit: « Quanquam tui me terreat magnitudo, invitat tamen humanitas; à pastore præsidium ovium peto: cum successore piscatoris, et discipulo crucis loquor. Ego nullum primum, nisi Christum sequens, Beatitudini tuæ, id est, cathedræ Petri consocior; super illam ædificatam Ecclesiam scio: quicumque extra hanc domum agnum comederit, profanus est. » Optatus quoque Milevitanus, quem paulò prius adduxi, cum de Romanâ sede sit, « in quâ unâ cathedrâ unitas ab omnibus servaretur, ... unica est, quæ est prima de doctoribus, » hanc tantum causam reddit: « Sed et prior Petrus, cui successit Linus, Lino Clement, etc. Et D. quoque Petrus Chrysologus in Epist. relatâ p. I Concilii Chalced., cum Eutychen ad parendum Leoni hortaretur, quo allo usus est argumento? « In omnibus, inquit, hortamur te, frater honorabilis, ut his, quæ à beatissimo papâ Romanæ civitatis scripta sunt, obedienter attendas; » cur ita? quoniam « B. Petrus, qui in propriâ sede et vivit, et præsidet, præstat quærentibus fidei veritatem. »

GRÆCUS. Ex eo Chrysologi effato didici, Romanam sedem non modò supremo honore ac observantiâ, Petri causâ olim cultam esse,

verum et eò progressos Patres, ut quæ Romanorum pontificum facta dictaque erant, ea Petro ipsi assignarent; si quæ tibi sic loquentium suppetunt exempla, lubens audiam.

LATINUS. Philippus sedis Apostolicæ legatus, in pleno Patrum tertie synodi consensu, sic locutus est: « Nulli dubium, imò seculis omnibus notum est, quòd sanctus beatissimusque Petrus Apostolorum princeps, caput, et fideique columna, et Ecclesiæ Catholicæ fundamentum, à D. N. J. C. Salvatore humani generis ac Redemptore claves regni accepit, solvendique ac ligandi peccata potestas ipsi data est; qui ad hoc usque tempus, et semper in suis successoribus vivit, et et iudicium exercet. Hujus itaque secundum ordinem successor, et locum tenens, sanctus beatissimusque papa noster Cælestinus episcopus. » Paschasinus quoque itidem legatus, in IV generali synodo, in hunc modum sententiam dixit in Dioseorum act. 3: « Unde sanctissimus et beatissimus archiepiscopus magnæ et senioris Romæ, per nos et per presentem sanctam synodum, unà cum ter beatissimo et omni laude digno B. Petro Apostolo, qui est petra et crepido catholicæ Ecclesiæ, nudavit eum tam episcopatus dignitate, quàm etiam ab omni sacerdotali alienavit ministerio. » Quos loquendi modos ipsæ etiam synodi complexæ sunt; etenim synodi IV Patres, post lectam Leonis papæ Epistolam ad Flavianum, conclamarunt: « Hæc Patrum fides; hæc Apostolorum fides; omnes ita credimus.... Petrus per Leonem ita locutus est. » Neque aliter Constantinopolitanum III concilium, in Prophonetico ad imperatorem scripsit: « Charta, aiunt, et amentum videbatur, et per Agathonem Petrus loquebatur. » Prosper quoque definitiones Zozimi papæ factas adversus Pelagium defendens ab errore, contra Collatorem eadem loquendi methodo usus est: « Erravit, inquit Prosper, sacrosancta B. Petri sedes, quæ ad universum orbem B. papæ Zozimi ore loquitur. »

#### § IV.

GRÆCUS Quæ adhuc produxisti testimonia, ut etiam extra dubium omne collocent Romanæ sedis primatum, et arcissimo fœdere cum episcopatu devinctum efficiant, non pauca tibi dissolvenda supersunt, quæ seu nostrorum infelix industria, sive hæreticorum temeritas, ingeniosius fortè quàm efficacius,

invenit: quod è Scripturâ, aut potius silentio D. Pauli ducunt, vulgatus est quàm ut longo sermone egeat. Aiunt ergo videri Paulum ad Eph. 4, v. 11, et ad Cor. 12, v. 28, numerare voluisse gradus hierarchiæ ecclesiasticæ, ubi quando nullam mentionem injecerit capitibus visibilibus, consequens esse, ut ad Ecclesiæ hierarchiam non pertineat ea supra præcæteris et supra cæteros potestas. Hieronymum deinde in rem suam allegant, qui epist. 85 ad Evagrium, omnes episcopos inter se æquales tradit, quin vel Romanum excipiat: « Ubi cumque fuerit episcopus, sive Romæ, sive Eugubii, sive Constantinopoli, sive Regii, sive Alexandria, sive Tanis, ejusdem meriti, ejusdem est sacerdotii. » Demùm, si Romani episcopi primatum obtineant, dandus idem et Paulo Apostolo est, contra quàm egimus; etenim D. Paulum quoque Romanum fuisse episcopum, multa sunt quæ fidem faciunt.

LATINUS. Neque apud te ea argumenta momentum habere, vel inde melior, quòd strictim attigisti singula, et pluribus in locum unum congestis, veluti tenuitati eorum; à numero pondus videbare velle accersere; at licet congesta in cumulum, naturam non exuunt, levitatem nativam retinent; respondebo tamen singulis. Paulus citatis locis charismata potius divini Spiritus, quibus Ecclesiæ surgens latè propagata est, quàm ecclesiasticæ hierarchiæ gradus in animo describere et complecti habuit; quid enim ad hanc faciunt prophetæ, evangelistæ, virtutes, gratiæ curationum, genera linguarum, quæ salvæ, et integris rebus Ecclesiæ, desinere possunt? Deinde, si etiam ecclesiasticam hierarchiam respexit, imaginem ejus exactissimam molitus non est, satisque habuit sub Apostolorum nomine generatim etiam Apostolorum caput et principem attigisse. Hieronymum de æqualitate potestatis ordinum et meriti loqui in confesso est; neque jurisdictionis inæqualitatem in controversiam vocasse vel inde apparet, quòd singulis patriarchis, quorum amplas diœceses probè noverat, infirmarum propè civitatum episcopos apponat: quare aliud non voluit, quàm quod à te recitatis verbis, continuo sic adjecit: « Potentia divitiarum, et paupertatis humilitas, vel sublimiorem, vel inferiorem episcopum non facit. » Quod et ipsi ultrò amplectimur. Quod tertio loco induxisti, latè explicabo, ubi tu indicia, ex quibus D. Paulum Romanæ urbis episcopum fuisse colligis, produxeris.

**GRAECUS.** Rem totam compendio exequar, nec loquar obscura, cum non desint clarissima. Etenim, ut omittam Tertullianum, Irenæum et alios qui testantur à Petro ac Paulo fundatam esse Romanam Ecclesiam, ordinatum Linum, mox Cletum, et denique Clementem successisse; utque nil dicam de Romanis pontificibus, qui cathedram Romanam, Apostolorum thronum, sedem, cathedram; Ecclesiam suam, Petri et Pauli; bona Ecclesiae, patrimonium; auctoritatem suam, B. Petri et Pauli auctoritatem nuncuparunt; plumbeis etiam sigillis Apostolorum capita inciderunt; iidem etiam disertè se utriusque Apostoli successores profitentur. Verùm ne effugio locus sit, Epiphanium unum proferre statui; in hæresi 27 contra Carpocratianos ita scribit: «Primi enim Romæ Apostoli et episcopi fuerunt Petrus et Paulus, deinde Linus, deinde Cletus, deinde Clemens ætate suppar Petro et Paulo, » et rursus successorem ex proposito recensens, ait: «Romanorum episcoporum successio ita se habet: Petrus et Paulus, Linus et Cletus, Clemens, Evaristus, Alexander, Xistus, » quem nos Sixtum dicimus.

**LATINUS.** Si tibi darem, Petrum et Paulum communè episcopatu Romanæ urbi præfuisse, nil adhuc adversùs Romanorum episcoporum primatum efficeret. Etenim primatum Romanis episcopis non eo nomine, quòd Romani sint, sed quòd Petri successores, detulimus. Paulum verò quis Petri successorem affirmat fuisse? nemo unus; quis coepiscopum? unus, quod sciam, Epiphanius in Panario, qui quidem ex quo id fonte hauserit, incertum, quòd hæresi 68 Meletian. ait: «Nunquam Alexandria duos habuit episcopos, quemadmodum aliæ civitates. » Etenim legitimè duos simul nunquam unè Ecclesie præsedisse aut præsidere potuisse, disertè tradit Cyprianus seculo vetustior. Agit is de ordinatione Cornelii pontificis, et sic adversùs Novatianum, qui thronum apostolicum invaserat, scribit ad Antonianum: «Cum post primum secundus esse non possit, quisquis post unum, qui solus esse debeat, factus est, non jam secundus ille, sed nullus est. » Et ad Maximum ac confessores Romanos, rationem addit: «Gravat enim me, atque contristet, et intolerabilis percussit, et penè prostrati pectoris molestiâ perstringit, cum vos illius comperissem, contra ecclesiasticam dispositionem, contra evangelicam legem, contra institutionis catholice unitatem, alium episcopum fieri consensisse, id est, quod

«nefas est, nec licet fieri, Ecclesiam alteram institui, Christi membra discerpi, Dominici gregis animum, et corpus unum, discissò simulatione lacerari. » Quod verò lege evangelicè interdictum fuit, hoc tu credes egressi Ecclesie principes Apostolos?

**GRAECUS.** Memini his similia legisse me apud Theodoretum l. 2, c. 17; cum enim imperator Liberium ab exilio revocatum, Romam redire, et cum Felice antipapà communi potestate Ecclesiam moderari jussisset, plebs ipsa sententiæ iniquitatem detestata, lectis imperiis in circo litteris, per ludibrium æquam esse imperatoris sententiam dixit, ut quemadmodum ipsi ex colorum varietate bifariam divisi essent, ita his unus alter episcopus aliis præesset; tum uno ore acclamavit: «Unus Deus, unus Christus, unus episcopus. » Atque ne id denique eveniret, ait Sozomenus lib. 4, cap. 15: «Non sine providentiâ divinâ factum est, ne sedes Romana à duobus præsulibus gubernata, quæ est planè nota dissidi, et sacrosanctis Ecclesie legibus aliena, ullâ infamie maculâ aspergeretur. » Non erat procul dubio, cur id tantoperè abhorrerent, si Petrus ac Paulus Romanam cathedram episcopiambo urbis ejusdem aliquando gubernassent. At cum non gubernarint, non erat etiam cur Romani pontifices eorum se successores scriberent, et quæ alia ad hoc tempus egerant, agerent, dicerentque.

**LATINUS.** Mos is summorum pontificum quorsum tenderet, explicuit Nicol. pontifex epist. 56 ad Tul. episcopum: «Dei omnipotentis, et B. Petri et Pauli Apostolorum principum, quorum glorioso agone sancta hæc Romana Ecclesia, cui dispositione divinâ præsumus, est consecrata. » Cum igitur communi labore fundata, et sanguine utriusque Apostoli rigata urbs esset, quanquam unius Petri potestate supremâ gubernata fuerit, jure pontificis, his scribendi, loquendique formulis usi sunt; neque plus designare in animo habuerunt, imò neque plus mos ille, non antiquissimus, probare poterat. Etenim primus qui decretis suis litterisque Pauli nomen Petro adnexuit, notatur fuisse Agatho in Anaphorâ synodica ad imperatorem Constantium. Et cum monumentis è vetustate erutis, eruditè probet Dominicus Rainaldus, teste Allatio l. 1, c. 6, jam Sylvestro papà usum plumbi fuisse, sub Honorio tamen tantum II SS. Apostolorum capita insculpi cœpta sunt, cum antea nomen solùm pontificis gubernantis præferret.

## § V.

GRÆCIS. Argumenta, quæ adhuc adversus primatum commemoravi, levia sunt: nunc gradum facio ad gravissimum, quoque nostri nituntur plurimum; induam, pace tuâ, eorum non indolem, sed arma, et locum subibo, quanquam non hostili sum, ut ipsi, animo-Primùm igitur aio, primatui Romano obsistere magnopere concilia: Nicænum, Constantinopolitanum, atque Chalcedonense; etenim primum illud, Alexandrinum patriarcham parem Romano, posteriora duo Constantinopolitanum æqualem exhibent.

LATINUS. Quàm firma producturus sis, inde conjicio quòd primatum hinc uni, inde alteri pates evincere, quasi is arbitrii nostri sit, aut levis adèd, ut pro hominum voluntate quaquaversùm circumferri possit.

GRÆCIS. Falleris, non hoc ago, nec tu me id sequi putes, ut patriarchas nunc hunc, nunc illum ad fastigium, de quo disceptamus, eveham; id unum propositum habeo, ut rationum momentis, quibus id Romano vindicâsti, diversis quoque viis occurram, et nullum talem in Ecclesiâ esse, cui summa rerum commissa sit, concludam. Id verò è Nicæno, Constantinopolitano, Chalcedonensique conciliis ut efficiam, spes non vana affulget. De Nicæno primùm agamus: ex canone ejus sexto argumentum ducam; is ex antiquâ versione probâque Dionysii Exigui sic habet: « Antiqua consuetudo servetur per Ægyptum, Lybiam et Pentapolim, ita ut Alexandrinus episcopus horum omnium habeat potestatem, » quia et urbis Romæ episcopo parilis mos est. « Si militer autem, et apud Antiochiam, cæterasque provincias sua privilegia servantur Ecclesiis; illud autem generaliter clarum est, quòd si quis præter metropolitanam sententiam fuerit factus episcopus, hunc magna synodus definivit episcopatum esse non oportere. »

LATINUS. Eo quidem canone, cùm disertè statutum sit de terminis Alexandrini patriarchæ, deque privilegiis ejus, Antiochenæ, et Ecclesiarum majorum urbium, more veteri conservandis, Romanæ verò Ecclesiæ nulli prorsus termini præfixi sint, nescio quâ vos tandem ratione ex primatu deturbari Romanam Ecclesiam existimetis; quem multò aptius vel inde conclusit Nicolaus papa, epist. 8 ad Mich. Imperatorem, et citatus ab ipso Bonifacius; accipe verba pontificum, et altè in animum demitte: « Sed animadvertendum est, quia

« non Nicæna, non denique ulla synodus, quodquam Romanæ Ecclesiæ contulit privilegium, quæ in Petro noverant eam totius jura potestatis pleniter meruisse, et cunctarum Christi ovium regimen accepisse; sicut B. præsul Bonifacius testatur, universis episcopis per Thessaliam constitutis scribens: « Institutio universalis nascentis Ecclesiæ de B. Petri sumpsit honore principium, in quo regimen ejus, et summa consistit. Ex ejus enim ecclesiasticâ disciplinâ, per omnes Ecclesias religiosis jam crescente culturâ, fons emanavit. Nicæna synodi non aliud præcepta testantur, adèd ut non aliquid super eam ausa sit constituere, cùm videret nihil supra meritum suum posse conferri, omnia denique noverat huic Domini sermone concessa. »

GRÆCIS. Nullam tu igitur eo canone comparationem inter Romanum et Alexandrinum institutam agnoscis? Nescis è vestris eruditos, concordiam propè sententiâ fateri, eo canone componi ratione quâdam, et parem fieri cum Romano Alexandrinum, quanquam adhuc in eo discordent, in quo denique potestatis genere ac gradu componantur. Etenim Launois censuit duntaxat componi unum cum altero, atque exæquari in jure tantùm metropolitico ordinationum, ut quarum canon idem, conceptis verbis mentionem iniecit, quasque Meletius Lycopolitanus episcopus, qui canonis condendi fuit occasio, facto schismate invaserat adversus S. Petrum Alexandrinum. Verùm Sirmondus, Valesius, de Marca, Natalis, magna apud eruditos nomina, etiam in patriarchicis juribus collatos exæquatosque, Alexandrinum cum Romano contendunt; et juribus patriarchicis in universum eo sexto canone provisum esse, eruditè demonstrant.

LATINUS. Equidem, ut hic tu meam ritè assequaris mentem, paucis exponam, in quo summis illis viris consentiam: neque enim in totum dissideo. Igitur accedo ipsis lubens adversus Launoium, et deo confirmari eo canone in universum, et cuncta patriarchica jura Alexandriæ et Antiochiæ episcopis; quanquam enim hoc adhuc nominis in usu non erat, res tamen ipsa, et jura insigniora quàm quæ sunt simplicium metropolitum, duo illi episcopi obtinebant. Ultra enim quod proprium metropolitum erat, ad ipsas etiam diocæsanæ synodos cogendas, aliaque pertractanda horum se porrigebat potestas, cùm metropolitum solâ ferè ordinatione definiretur. Quare duo illi episcopi, non utcumque, sed diocæsis metropolitæ in

canone dicuntur, ad discrimen à metropolitibus provinciæ. Quod igitur non approbo, atque in quo ab illorum sententiâ discedo, id unum est, quòd nullam eo loco Romanum inter atque Alexandrinum comparationem institui existimem, ne quidem in potestate patriarchicâ. Etenim verba canonis : *Quoniam episcopo Romano parilis mos est, ex quibus ferè et unicè argumentum ducunt, nullam ostendunt, me iudice, comparationem : quare eo quidem loco Romani episcopi patriarchica auctoritas, et disciplina, neque ut typus, neque ut causa exemplaris profertur, cuius ad modum se auctoritas sacra Alexandrini per Lybiam, Ægyptum, atque Pentapolim componat atque exerceat.*

GRÆCUS. Propendes fortè animo in Batonii atque Spondani brevioris ejus sententiam ; aiunt ipsi canonis sensum esse, ut quoniam episcopus Romanus id Alexandriæ episcopo tribuerit, jus ille ac potestatem per Ægyptum, Lybiam atque Pentapolim exerceat.

LATINUS. Quamquàm pro certo habeam ex Leone, Gelasio, atque Gregorio ad Eulogium, tres sedes, Romanam, Alexandrinam ac Antiochenam, institutione Petri ad patriarchicum fastigium conscendisse, eumque, quem hodiè obtinent, ordinem meruisse ; procul tamen inde sum, ut ejus rei à Nicæno canone, vel tacitam mentionem fieri velim. Itaque sensum planum, facilem, pronissimumque eorum verborum accipe, nempe duplicem consuetudinem, unam communem provinciæ, alteram Romanam, quæ communi consentiat, pro ratione allegant Patres, quâ efficiant potestatem patriarchicam Alexandrino deberi in tres illas regiones, nec quidquam aliud : hoc se ipsis, et veluti suapte naturâ verba Patrum dicant ; in hunc sensum ducit et textus Græcus : *Τὸ τοιοῦτον ἐστίν, hæc consuetudo est.* Hoc demùm et Nicolaus, et ab eo citatus Bonifacius loquuntur : « Si Nicæna synodi instituta diligenter inspiciantur, inveniatur profectò, quia Romanae Ecclesiæ nullum eadem synodus contulit incrementum, sed potius ex ejus formâ, quod Alexandriæ Ecclesiæ tribuerit, particulariter sumpsit exemplum. » Sensus enim est, ex disciplinâ ac more Romanæ Ecclesiæ, cum ipsâ provinciæ disciplinâ ac more conspirante, veluti formâ quâdam, seu formali ratione id egisse Nicænos Patres, quod denique eo canone præstiterunt. Verùm ne te hæc interpretatione diù fatigem atque detineam, ad utiliora properantem, alteram etiam, quam

complexi sunt Sirmondus et quoscumque citasti, non refugio, quando inde etiam Romano primatui in universam Ecclesiam nil prorsus periculi imminet.

GRÆCUS. At patriarchatui Romano non levis inde fortè diminutio continget, si in patriarchicâ dignitate collatos sustineas, et insuper vetusto interpreti ejus canonis Rufino staro velis. Etenim cùm is lib. 11 Hist. eccles. c. 6. canonem eum sic interpretatus sit : « *Ut apud Alexandriam, et in urbe Româ vetusta consuetudo seruetur, ut ille Ægypti, hic suburbicariarum Ecclesiarum sollicitudinem gerat,* » fiet ita non levi injuriâ Romani, ut suburbicarias tantùm Ecclesias ejus patriarchatui subjungas. Occidentem verò reliquum, quin et magnam Italiæ partem detrahas. Nôsti enim urbicarias provincias eas tantùm fuisse, quæ vicarii urbis imperio parebant, quas quidem non excessisse decimum numerum, Sirmondus auctor est. Valesius ad centesimum ab urbe lapidem restringit ; his tu ergo finibus arctabis jura patriarchica Romani ?

LATINUS. Qui patriarchatum Alexandrinum eo canone collatum et exæquatum volunt cum Romano, repudiant Rufinum interpretem, nec ejus fidem scientiamque mollius quàm Hieronymus olim insectantur : in horum numero Alexander Natalis est. Qui verò Rufino nihil detrahunt, statuunt cœquationem factam inter utramque, quoad solas provincias, in quibus metropolitatum ordinationem per se Romanus exercebat, liberamque et plenam tam synodorum quàm cæterorum administrationem obtinebat. Etenim Marcâ teste, ultra suburbicarias decem provincias, ea libera pleneque potestas pontificis se non porrigebat, sed is omninò finibus continebatur ; quare aut sapienter Rufinum comparationem iis finibus coarctasse. Etenim Romanus plures insuper amplioresque dioceses habuit ; ad hæc idem et principatum totius Ecclesiæ gerbat ; in quibus duobus componendis non censuit Rufinus, sed in eo tantum quòd Alexandrinus Ægyptiæ diocesis ἡγεμονία habere debeat jure eodem quo Romanus in diocesi urbicariâ, sive suburbicariâ Ecclesiâ, quæ decem provinciis continebantur. Pagius denique ex Valesio opinatur suburbicariarum Ecclesiarum nomine commodè posse intelligi non solas suburbicariarum provinciæ, sed universi Occidentis Ecclesias ; quemadmodum enim suburbicariæ provinciæ dictæ sunt, quæ in vicarii urbis potestate erant, sic quoque totius Occidentis



Ecclesias suburbicarias à Rufino dici potuisse, ut quæ omnes urbis patriarchæ diocesis conflabant. Tam varius cum à variis modis reperiatur sit conciliandi Rufinum cum iure patriarchico Romani in universum Occidentem, fortassè nec abs re fuerit id adnotasse in tantâ quæ hodiè est, opinandi licentiâ, Rufinum eo loco, sicut universas partes diocesis Alexandrinæ non recenset, sic neque in animo habuisse cunctas Romani patriarchatus regiones percensere; et quemadmodum exempli potius causâ unam attingit Ægyptum, Lybiâ ac Pentapoli silentio præteritis, sic hic suburbicariis nominatim dictis, cæteras tacitè subintellexisse, atque ita universum utriusque patriarchatum in comparationem vocasse. Quare, quemadmodum nemo dixit Rufinum, Libyam ac Pentapolim detraxisse Alexandrinæ diocesi; sic neque Romanæ cæteras, quas silentio prætermisit. Verùm quoniam neque mihi hic defendendum Rufinum sumpserim, neque eos ex eruditis, qui comparationem eo canone factam censent patriarchatum, nec denique fines ipsos, aut amplitudinem Romanæ diocesis, abstineo pluribus; tu interim id habe, quidquid de Rufino sit, canone certè sexto Nicæno, neque gloriæ patriarchatus Romani latissimè diffusi detractum quidquam, quando is ne leviter Ecclesiarum suburbicariarum meminit; minimè verò principatui apostolico in universam Ecclesiam; quippe qui neque in comparationem vocari debuit, aut vocatus est; quin potius, si in examen et ad calculum voces omnia, audeo dicere, esse atque suppetere, unde ex eodem canone principatum Romanum universalem stabilias.

GRÆCUS. Equidem, ut tibi fatear, è nostris etiam Zonaras, Nilus, et ante eos Balsamon, comparationem eo loco institutam volunt Romanam inter atque Alexandrinam dioceses; neque tamen ideò patriarchatum Romanum ad universum Occidentem porrectum diffilientur. At quoniam iidem primatum inde etiam non segniter oppugnant, votis omnibus totoque animo ex te cognoscere expeto ut tu tandem, aut quæ inde ad firmitatem primatus argumenta clicueris.

LATINUS. Compendio accipe, unde Romani primatus certa indicia ex canone 6 duci possint. Primùm ex te quæro, si Patribus Romani episcopi universalis potestas, certa non fuit, cur quemadmodum Alexandrino aliisque, non cur Romano suæ metæ limitesque consiuntur? cur non ad coercendam Meletii, ju-

rium Alexandrinorum Invasoris, temeritatem, argumentum ducunt potius à consuetudine ex more, qui per Antiochenam diocesis viguit? cur Ecclesiæ Romanæ formam in exemplum trahunt? Indicant hæc nempe, imò loquuntur, agnovisse Patres, Romam exemplar etiam esse debere potestatis Alexandrinæ atque Antiochenæ, quemadmodum fons et origo fuerat, et tunc solum ex more ac consuetudine domesticâ firmum potestatis argumentum duci, cum Romana quoque consuetudonaverit domesticæ; quæ quidem certissima universalis primatus sunt argumenta; quibus fortassè moti Chalcedonensi in concilio imperatorii iudices, relecto act. 16 Nicæno sexto canone, continuò fidenter nullâque hesitatione dixerunt: « Ex his quæ gesta sunt, et ab unoquoque que deposita, perpendimus omnem (ut si ad Græcum, πρὸ πάντων, pressius velis reddere, ante omnia, vel, pro omnibus) quidem primum, et præcipuum honorem secundum canones antiquæ Romæ Dei amatissimo archiepiscopo conservari. » Ut sanè jam sæpè mirari subeat, vestros etiam in eo cum hæreticis consensisse, ut hinc eversum irent, unde sapientissimi iudices stabilitum conservatumque intulerunt primatum omnem, seu universalem, tam honoris nempe quam jurisdictionis. Sanè utrumque verba illa continent.

GRÆCUS. Avocabimus sermonem à Nicæni concilii sexto canone, atque ipso adeò Alexandrino patriarchâ, si adhuc tantum indices, ex quo denique tantâ fiduciâ imperatorii iudices primatum Romanæ Ecclesiæ integrum conservari intulcrunt. Etenim probè tenes, non eadem penitus verborum sententiâ atque tenore, à Græcis Latinisque eum canonem productum esse. Paschasinus legatus Apostolicus, sic conceptum retulit: « Trecentorum decem et octo Patrum canon sextus: *Quòd Ecclesia Romana primatum semper habuit. Teneat autem et Ægyptus, ut episcopus Alexandriæ etc.* » Græcorum contra lectio talis fuit: « Regula sexta trecentorum decem et octo Patrum: *Antiquæ consuetudines teneant in Ægypto, ut Alexandrinus episcopus omnium habeat potestatem, quoniam et Romano episcopo hæc consuetudo est.* »

LATINUS. Ut iudices denique sententiam quam dixi pronuntiarent, varietas lectionum nihil oberat. Primatum namque, quem conceptis verbis affirmabat canon à Paschasino relictus, eundem causalis adjecta in Græcorum canone non obscure designabat. Quare utcum-

que legeretur, primatum semper jure optimo ex Nicæno canone intulisse poterant. Neque modò ex hoc, verùm et ex ipso Constantinopolitani concilii canone tertio, qui pariter eo loco relectus est; quid enim manifestius primatu præcipuo Romani pontificis, continent hæc verba canonis? « Episcopum tamen Constantinopolitanum habere primatus honorem « post Romanum episcopum, propterea quòd « sùt nova Roma. »

GRÆCUS. Hoc non ita diu post, pace tuâ, in examen vocabo: tunc dices, propositæ an plus obsit Romano primati Constantinopolitanus atque Chalcedonensis canon; nunc id adhuc unum decerne, cui tu lectioni Nicæni sexti canonis adhaerendum putes.

LATINUS. Rem arduam injunxisti, neque proposito nostro necessariam; ne te tamen absque responso dimittam, ita habe: Eruditos magno numero ac assensu in lectionem quæ hodiè in usu est, atque cum Græcâ consentit, propendere; quare eò feruntur plerique omnes, ut quod Paschasius in canone præterea recitavit: *Ecclesia Romana semper habuit primatum*, inscriptionis loco habendum putent, aut etiam cum olim fortè in margine adscriptum id esset, subinde, ut fieri amat, in textum ipsum irrepsisse existiment; id quod sanè verosimile facit tum textus Græcus, tum et vetustissima Dionysii Exigui Latina versio, multique codices eo additamento destituti, quod non modò lucis affert nihil, sed et perturbare cætera canonis, nonnullis visum est. At nullam tu idcirco, ut sapiens es, fraudem suspicabere, nec Græcis Latinos obrepere voluisse dices, quod quidem neque iudiciis vel leviter in mentem venit.

GRÆCUS. Edie igitur, quid hinc mihi demùm concludendum sit; fraudem enim suspicari illiberale fit, nec in viros graves sive fraus, sive suspicio cadit.

LATINUS. Concludes nimirùm primùm, eum Nicæni canonem à Latinis ita semper ab initio intellectum fuisse, ut Romani pontificis primatum eo etiam stabilitum existimaverint; quod tibi quidem mirum non videbitur, si advertas ipsos etiam Constantinopolitanos Patres, penes quos codex absque eo additamento fuerat, sic tamen eundem Nicænum canonem, ut Latini solebant, accepisse, interpretatosque esse. Etenim si non illis Romanus primatus à Christo institutus, à Nicæno utcumque confirmatus, persuasus planè certusque fuisset, eandem, si rectè conjicio, subitura erat Rôma

vetus fortunam, quam Alexandria atque Antiochia expertæ sunt: eam enim toti quanti augendæ Constantinopolitanæ sedi intenti essent, aut exæquissent se undique Romano, aut fortè etiam, quemadmodum cæteros patriarchas, sic et hunc infra se deturbassent; nec dicerent, *episcopum tamen Constantinopolitanum habere primatus honorem post Romanum*.

GRÆCUS. Hæc cum ita sint, rectè fortè advertit Dupinus, quanquam non maximus, neque sincerissimus Romanorum pontificum factor, ante Constantinopolitanum I nullius alterius œcumenici concilii sanctione certâ, primatum Romanum disertis verbis expressum fuisse; atverò, cum idem ait eo canone nihil de primatu Romano decretum, nec sedi Romanæ recens quiddam inductum, sed privilegium quo ab olim fruebatur, sartum tectumque conservatum: cumque insuper addit, ibi Romanam Ecclesiam supponi primam omnium potius quàm affirmari, neque ejus obesse primati honorem, qui Constantinopolitano delatus est: tum enim verò à Græcorum sententiâ, fortè et ab ipsâ rei veritate magnoperè abluat. Etenim Barlaamus, Nilus, atque magno numero è nostris alii, non posthabitu, sed exæquatam eo canone, Romano Constantinopolitanum defendunt; tum et jura primatus Romani, Patrum decreto, atque imperatorum beneficio tribuunt, neque id Petri causâ, sed ob urbis imperium et splendorem.

#### § VI.

LATINUS. Sunt hæc nimirùm, infelices schismatis vestri reliquæ, quod ut denique honestaretis, abneganda fuit Romano pontifici dignitas supremi et à Christo constituti capitis; utque jam non esset schisma dedecori, aperta etiam hæresis adjungenda fuit, quam Evangelia, Traditio, Patrumque unanimes consensus, me tacente, confutant.

GRÆCUS. Cave ne tu hodiè Chalcedonenses, atque ipsos etiam primi Constantinopolitani concilii Patres schismatis atque hæresis reos facias. Quod nostri adhuc sunt tui adversus Romanam sedem, ducibus his synodis propugnârunt: quæ Constantinopolitana I, eadem IV Chalcedonensis sanxit, et eadem nostri sequuntur; quid verò de utrâque sede, Romanâ nempe atque Constantinopolitanâ, edicunt illi divino Spiritu afflati Patres, taceo ipse; loquitur Chalcedonensis synodus: « Sanctorum « Patrum, aiunt illi canone 28, decreta ubique

sequentes, et canonem nuper lectum clarissimorum episcoporum agnoscentes, eadem quoque et nos decernimus, ac statuimus de privilegiis sanctæ Ecclesiæ Constantinopolis novæ Romæ. Etenim antiquæ Romæ throno, quod urbs illa imperaret, jure Patres privilegia tribuerunt. Et eadem ratione moti clarissimi Dei amatissimi episcopi, sanctissimo novæ Romæ throno, æqualia privilegia tribuerunt, rectè judicantes urbem quæ et imperio et senatu honorata sit, et æqualibus cum antiquissimâ reginâ Româ privilegiis fruatur, etiam in rebus ecclesiasticis non secus ac illam extolli, ac magni fieri, secundam post illam existentem: ut et Ponticæ, et Asianæ, et Thraciæ diœcesis metropolitana soli; præterea episcopi diœcesium quæ sunt inter barbaros, à prædicto throno Constantinopolitanæ Ecclesiæ ordinentur, unoquoque scilicet prædictarum diœcesium metropolitanano, cum provinciæ diœcesium, provinciarum episcopos ordinante, quemadmodum divinis canonibus est traditum: ordinari autem sicut dictum est, à Constantinopolitano archiepiscopo, convenientibus de more facilis electionibus, et ad ipsum relatis. Quibus quid, obsecro, clarius, aut ad Patrum sententiam pernoscendam, aut jura Constantinopolitanæ Ecclesiæ firmada, aptius dici potuit æquiusque? Profectò nullis verbis disertius sedes illa quæ potuerunt exæquari.

LATINUS. Felices vos, et procul à schismate omni atque hæresi, si quam aiebas claram Patrum sententiam, ut oportebat, aut rectè percepissetis, aut perceptæ animus insistendi esset! non erat cur toties cum Græcâ primatu in universam Ecclesiam Romanis vindicando, arma consereremus. Adversus quem cum vos ex Chalcedonensi synodo auctoritatem mutuamini, quid aliud agitis quàm ut sanctissimorum Patrum cœtum in eandem vobiscum impietatem trahatis, aut denique canonem, vim vestræ intelligentiæ effugisse prodatis? Sed omittamus hæc, et verum sincerumque Patrum sensum vestigemus; quod ut præstem commodius, non una in Romano pontifice distinguenda est dignitas. Igitur alia in eo episcopalis est, fortè non ultra centesimum ab urbe lapidem in ambitu porrecta. Altera archiepiscopalis, seu metropolitana, suburbicarias decem provincias complexa. Patriarchalis tertia, quæ per universum Occidentem latè diffunditur. Suprema denique dignitas, et potestas Apostolica, quæ universo christiano orbi

præsidet, eumque tanquàm pastor universalis et Christi vicarius ex ejusdem instituto moderatur. Habet verò idem Romanus pontifex communia omnia cum episcopis ut episcopos, cum metropolitans ut metropoli, cum patriarchis denique ut patriarcha; nec plus ipsi in eos facultatis est, quàm cuiuscumque episcopo in episcopos, et patriarchæ in patriarchas; quorum quidem sicut dignitas jure divino instituta non est, sic neque certam jure divino, constantemque jurisdictionem obtinent, sed eam pro temporum occasionumque diversitate, ex decreto vicarii Christi ac Ecclesiæ variant, aut variare possunt. Hæc cum ita sint, nescio quid Chalcedonensis canon adversum supremæ illi Romani pontificis dignitati continere possit, qui cum sola patriarchica privilegia, æqualia Constantinopolitano tribuat, prorsus intacta jura vicarii Christi reliquit.

GRÆCUS. Ut tibi hoc effugium semel præcludam, atque non in patriarchicâ tantum potestate, verùm in primatu ipso, Constantinopolitanum Romano exæquatam exhibeam, nudo primi honore ei relicto, recitanda mihi tantùm sunt verba canonis tertii Constantinopolitanæ synodi; ea verò ad finem sic habent: *Episcopum tamen Constantinopolitanum habere primatus honorem post Romanum episcopum, propterea quod sit nova Roma; diligenter mihi nota primatus nomen: igitur in Constantinopolitano illo canone de primatu ipso agebatur, non de quacumque inferiore dignitate, de patriarchicâ verò minimè, ut quæ tum adhuc ignota fuit; atque, si rectè ad Chalcedonensis canonis verba advertisti, Constantinopolitani Patres novæ Romæ throno æqualia privilegia tribuerunt; igitur æqualia non alterius cuiuscumque dignitatis minoris, sed primatus ipsius Romani.*

LATINUS. Tam pressè urgentis more, et syllogismo minimè obvoluto cum rem agis, videris prorsus velle ad oculum evincere, parem in Constantinopolitano primatum; at actum agis, neque quid aliud, quàm ut tuam, verba da veniam, imò tuorum potiùs ignorantiam in publicum prodas: non enim diffiteor in primatu paria cum Romano privilegia Constantinopolitanum tunc sortitum esse; at *primatus* nomine, quid tu ibi venire existimas? equidem non aliud quàm quod hodiè patriarchicam potestatem vocamus; id ut tibi etiam ad oculum pateat, relege totum canonem secundum ac tertium ejusdem Constantinopolitanæ synodi. Il sic habent: « Episcopi autem super diœcesim, quæ trans finem sunt, Ecclesiarum

« non transcendant, neque confundant Eccle-  
 « stias; sed secundum regulas, Alexandriam  
 « quidem episcopus ea solùm quæ sunt in  
 « Ægypto disponat. Orientis autem episcopi,  
 « solum Orientem gubernent, servatis autem  
 « primatibus, secundum canones Nicænos,  
 « Antiochenæ Ecclesie. Et episcopus Asiama  
 « diocesis, Asianam dioccesim tantummodò  
 « gubernare; et Ponticos Ponticam; et Thra-  
 « ciae Thraciam solùm. Invocatos autem epi-  
 « scopos super diocesim, vel pro ordinatione,  
 « vel pro aliis ecclesiasticis ordinationibus,  
 « nullatenus advenire. Servatâ autem supra-  
 « scriptâ de provinciis vel regionibus regulâ,  
 « manifestum est quia secundum unamquam-  
 « que provinciam, ejusdem synodus provinciæ  
 « gubernatura est secundum ea quæ in Nicæâ  
 « sunt constituta. Eas autem, quæ sunt in  
 « barbaris gentibus, Dei Ecclesie gubernari  
 « oportet secundum hanc, quæ per Patres  
 « consuetudo tenet. Episcopum autem Con-  
 « stantinopolitanum habere primatus honorem  
 « post Romanum episcopum, propterea quòd  
 « sit nova Roma. » Vides jam plures primatus,  
 et suum etiam Antiochiæ concedi; quemadmo-  
 dum verò Constantinopolitanum concilium,  
 ita sanè et Leo papa primatus nomen sumpsit  
 epist. 54: « Superbum est... antiquitate cal-  
 « catâ alienum jus velle præripere, atque ut  
 « unius crescat dignitas, tot metropolitanorum  
 « impugnare primatus. » Et rursus epist. 59:  
 « Non convellantur, ait, provincialium jura  
 « primatum, ne privilegiis antiquitatis institutis,  
 « metropolitani fraudentur antistites. » Et rectè,  
 ita namque prorsus et Nicæni Patres eodem  
 primatus nomine uti sunt can. 6: « In Antio-  
 « chiâ, et aliis provinciis primatus habeant  
 « Ecclesie civitatum ampliorum. »

GRÆCUS. Si primatus nomen eâ ætate, eoque  
 canone non supremam, sed patriarchicam  
 duntaxat potestatem ac dignitatem indicabat,  
 procul dubio neque actione 16 Chalcedonensis  
 synodi, eum à iudiciis Romano tribuitur, aliud  
 significasse poterat; malè tu itaque dudùm ex  
 eâ iudicium, sive acclamatione, seu potius  
 sententiâ, pro Romani pontificis supremâ po-  
 testate argumentum duxisti, nec sine fal-  
 laciâ.

LATINUS. Primatus nomen æquivocum pro-  
 rorsus fuisse id temporis, pro certo habe, et  
 quanquàm in canone Constantinopolitano, nil  
 ultra patriarchicam Constantinopolitani digni-  
 tatem significet, imò et in ipsâ sententiâ iudi-  
 cum, cum de Constantinopolitano actione 16

loquuntur, adhuc tamen supremam dignitatem  
 in pontifice Romano designat. Etenim si ad  
 iudicum verba attendas, tribuunt illi Romano  
 episcopo *ἐπὶ πάντων πᾶς τὰ πραιεὶς καὶ τὸν ἑπι-  
 πετρον τῆς οἰκίας*. Cum contra Constantinopolitano  
 nihil aliud deferant, præter τὰ ταυτὰ πραιεὶς  
 τῆς οἰκίας. Accipe Latine integram iudicum sen-  
 tentiam, et discrimen cognosce. « Ex his,  
 « quæ gesta sunt, et ab unoquoque deposita,  
 « perpendimus pro omnibus quidem (vel ante  
 « omnia) primatum et honorem præcipuum  
 « secundum canones antiquæ Romæ, Dei aman-  
 « tissimo archiepiscopo conservari. Oportere  
 « autem sanctissimum archiepiscopum regiæ  
 « Constantinopolis novæ Romæ eisdem primâ-  
 « tibus honoris et ipsum dignum esse, et po-  
 « testatem habere ordinare metropolitans in  
 « Asiâ, et Ponticâ, et Thraciâ diocesisibus. »  
 Equidem utrique duo deferuntur à Patribus,  
 primatus et honor; at Romano primatus *causa*  
*sive universalis, ac pro omnibus, honorque præci-*  
*pua*; quæ sanè duo sunt ipsa suprema Romani  
 pontificis potestas. Constantinopolitano contra  
 primatum quidem seu potestatem, ast in Asia-  
 nam duntaxat, Ponticam et Thraciam diocē-  
 ses, eamque multis clausulis, veluti septis  
 quibusdam circumscriptam, et post Romanum  
 tantum deferunt.

GRÆCUS. Jam et mihi nonnulla lux affulget,  
 ac propè teneo, canonibus iis synodorum,  
 sicut et iudicum sententiâ, patriarchicam dun-  
 taxat dignitatem Constantinopolitano in diocē-  
 ceses sæpè dictas barbaricasque collatam, et  
 proximum à Romano honoris ac sessionis lo-  
 cum. Hæc sunt illa æqualia privilegia, quibus  
 etsi utcumque Romanum patriarcham, ut pa-  
 triarcham adæquet, quàm longissimè ab eo ut  
 Christi vicario, et universali Ecclesie totius,  
 omniumque Christi ovium pastore abest; tan-  
 tum nempe, quantum ovis à pastore. At si tibi  
 argumenta adhuc nonnulla suppetunt, in unum  
 collige, et ad liquidum demonstra iis canoni-  
 bus, Patres intactum planè reliquisse Romani  
 in omnes primatum, neque molitos unquam,  
 ut hunc ad Constantinopolitanum etiam trans-  
 ferrent, et in hujus communionem admitte-  
 rent.

LATINUS. Æquissimæ tuæ petitioni nequeo,  
 nisi ut morem geram. Vindicemus itaque  
 universalem Romani pontificis primatum, et  
 Chalcedonenses Patres, et ipsum Anatolium  
 absolvamus à gravissimâ injuriâ, quam eis in-  
 cautè imponunt, quotquot ex dicto sæpè ca-  
 none supremam Romani pontificis dignitatem

labefactare sunt aggressi. At enim non egent nostris vindictis; satis illi superque seipsos literis, manu sua exaratis, à tanto scelere, quantum est invasio summæ potestatis, defendunt, et quæ sua mens fuerit in condendo canone, quæ sententia, etiam ab eo condito, de Romano pontifice, ubertim explicant. Etenim postquam exposuere, quibus rationum momentis adjecti, canonem 28 condiderint, tam magnificis Leonem exornant titulis *capitis, patris, summitatis*, ut nemo, nisi Patres insanire fingat, aut ipse insanat, seriò passit in animum inducere, eversionem Romani primatus canone illo Patres quæsisse, aut molitos esse; quæ deinde ea esset dementia, canoni, quò Romanum primatum evertis, à primatus ejusdem confessione, ac beneficio robur, vigoremque velle accersere! Hoc verò egere Patres, quando ipsius etiam canonis 28 confirmationem à Leone multis precibus deposebant.

GRÆCUS. Ex multo jam tempore synodicas illas Patrum literas audire gestio; desiderio meo, tuisque rebus probè consulens, si me illarum, ut scriptæ sunt, ad apicem participem facias: sæpè tibi opportuna inde præsidia subsidiaque provenient. Age itaque, et mecum quidquid illud est communica; alacrem auditorem me habebis.

LATINUS. Synodica Patrum, quam optasti, incipit: *Repletum est gaudio os nostrum*, tom. 3 Concil. part. 3, p. 1774. Hanc aggredor dicere; ubi primùm canonis 28 meminisse incipiunt; aiunt ergo: « Indicamus verò, quia et alia quædam pro rerum ipsarum ordinatâ quiete, et propter ecclesiasticorum statutorum definitivimus firmitatem, scientes quia et vestra sanctitas, addiscens, et probatura, et confirmatura est eadem. Eam namque consuetudinem, quæ ex longo jam tempore permansit, quam habuit Constantinopolitanorum sancta Dei Ecclesia, ad ordinandos metropolitanos provinciarum, tam Asianæ, quàm Ponticæ et Thraciæ, et nunc synodali decreto firmavimus, non tam sedi Constantinopolitanæ aliquid præstantes, quàm metropolitanis ubi-que quietem congruam providentes, eò quòd frequenter episcopis vitam finientibus, multæ turbæ nascuntur, clericis ac populis, qui per easdem sunt civitates, absque rectore remanentibus, et ecclesiasticum ordinem confundentibus, quod nec vestram latuit sanctitatem, maximè propter Ephesios, unde quidam vobis sæpius importuni fuerunt. Confirmavimus autem et centum quinquaginta SS. Pa-

trum regulam, qui in Constantinopoli congregati sunt sub piæ memoriæ Majoris Theodosii, quæ præcepit, post vestram SS. et Apostolicam sedem, honorem habere Constantinopolitanam, quæ secunda est ordinata; confidentes, quia lucente apud vos apostolico radio, et usque ad Constantinopolitanorum Ecclesiam consuetudine gubernando, illum sparingentes, hunc sæpè expanditis, eò quòd absque invidia consueveritis vestrorum bonorum participatione ditare domesticos: quæ igitur ad interemptionem quidem totius confusionis, confirmationem verò ecclesiasticæ ordinationis definivimus, hæc sicut propria et amica, et ad decorem convenientissima, dignare amplecti, sanctissime ac beatissime Pater. Qui enim locum vestræ sanctitatis obtinent, sanctissimi episcopi Paschasius et Lucentius, et qui cum his est reverendissimus presbyter Bonifacius, his ita constitutis vehementer resistere tentaverunt; procul dubio à vestrà providentiâ inchoari et hoc bonum volentes, ut sicut fidei, sic bonæ ordinationis vobis deputetur effectus. Nos enim curantes tam piissimos et Christi amicos imperatores, qui super hoc delectantur, quàm charissimum senatum, et totam, sicut dicere convenit, imperii civitatem, oportunitum credidimus esse, honoris ejus confirmationem ab universali concilio celebrari, et velut hæc à tuâ sanctitate fuerint inchoata, eò quòd fovere semper studeas, roboravimus, præsumentes, dum noverimus quia quidquid rectitudinis sit à filiis, ad patres recurrit facientes hoc sibi proprium. Rogamus igitur, et tuis decretis nostrum honora iudicium, et sicut nos capiti in bonis adiecitimus consonantiam, sic et summitas tua filiis, quod decet, adimpleat; sic enim et pii principes complacebunt, qui tanquam legem, tuæ sanctitatis iudicium firmaverunt, et Constantinopolitana sedes suscipiet præmium, quæ omne semper studium vobis ad causam pietatis explevit, et semetipsam vobis ad concordiam eodem zelo conjunxit: ut autem cognoscatis, quia nihil alicui donando per gratiam facinus, aut per inimicitias adversando, sed ut nutu gubernati divino, omnem vobis gestorum vim insinuvimus, ad comprobationem nostræ sinceritatis, et ad eorum, quæ à nobis gesta sunt firmitatem et consensionem. » Hæc tunc verba Patrum.

GRÆCUS. Eademne verò Anatolii etiam fuerit de Romano pontifice sententia in posterum,

postquam à Leone graviter reprehensus ob  
citatum sæpè canonem, cujus ipse ferebatur  
auctor, spem jam omnem impetrandæ assen-  
sionis pontificiæ posuit, hoc est quod lubens  
ex te cognoscam.

LATINUS. Acriter reprehensum, spem omnem  
posuisse Anatolium, at non etiam modestiam,  
venerationemque adversus Leonem pontificem,  
responsio, quam ad papam dedit, luculenter  
admonet; exhibet hanc Allatius lib. 1 de Perp.  
Cons. c. 23, ad finem. Cùm tota prorsus  
insignem submissionem sapiat, pauca tamen  
inde decerpemus; ait ergo: «Cuperem vestris  
potiri affatibus, ut illa vobis obediendo com-  
plerem, quæ vestris omnifariam perfectissi-  
mis sensibus placita videbantur. Nam penitens  
causâ, ut ego, quæcumque mihi fuissent  
mandata per litteras, adversarer... De hæc  
autem, quæ Constantinopolitanæ sedis gratiâ  
sancta sunt in Chalcedonensi nuper synodo  
universali, pro certo beatitudo vestra hoc  
habeat, nullam esse culpam in me, homine,  
qui semper otium et quietem, in humilitate  
me continens, ab ineunte meâ ætate, dile-  
xerim. Sed Constantinopolitanæ Ecclesiæ  
reverendissimus clericus est, qui hoc habebat  
studium, et istarum partium religiosissimi  
sacerdotes, in hoc, qui fuere concordēs, et  
sibi pariter adjutores, cùm et sic gestorum  
vis omnis, et confirmatio auctoritati vestræ  
beatitudinis fuerit reservata. Hoc igitur benè  
comperit sanctitas vestra cognoscat, nihil  
ex me istius causâ factum esse negotii, qui  
semper omnis jactantiæ levitatem, et aliena  
appetendi cupiditatem mihi vitandam credi-  
derim.»

GRÆCUS. Hæc sanè esse noqueant hominum  
primatum Romani pontificis evertentium, nisi  
eos mendaces aut amentes fingamus; est enim  
genus quoddam amentitiæ, in re gravissimâ à se  
ipso eodem propè momento temporis dissidere,  
sibi que ipsi in unâ veluti paginâ contradicere,  
quæque statuerit, suâ manu eadem convellere.  
Do itaque puram innocuamque prorsus fuisse  
mentem Chalcedonensium Patrum, atque Ana-  
tolii, à scelere, cujus alii propè reos peragunt.  
Verùm Leo fortassè impugnari suum prima-  
tum senserit, quando eum canoni illi 28 acer-  
rimè restitisse tenemus.

LATINUS. Restitisse, quin et in irritum B.  
Petri auctoritatem misisse, extra dubium est;  
neque destitisse pontificem, donec ab inceptis  
quiescisset Anatolius, testantur epistolæ ejus  
59 et 71, et Gelasii 13. At quæ causa eum

tantoperè commoverit, nunc accipe ex Epis-  
tolâ ejusdem 56. Acerbè queritur lesos Nicæ-  
nos canones, «quod secundî honoris privilegium  
sedes Alexandrina perdidit, et Antiochena  
proprietas tertiæ dignitatis amiserit;» mox  
subdit: «Non committantur provincialium jura  
primatum, ne privilegiis antiquis instituta  
metropolitani fraudentur asiaticis. Nihil Ale-  
xandrina, sedis ejus, quam per Marcum Euan-  
gelistam B. Petri discipulum meruit, pereat  
dignitatis. Antiochena quoque Ecclesia in pa-  
ternæ constitutionis ordine perseveret.» Evolve,  
si lubet, epistolas omnes Leonis, at imprimis  
57, 58, 63, 66; plene querelarum sunt et in-  
dignationis adversus eam Chalcedonensis con-  
cilli sanctionem. At ne vestigium quidem ul-  
lum suspicionis de lesso suo primatu: quid  
igitur? aut nempe Leonem, quem facta dicta-  
que sapientissimum probant, hebetem dica-  
mus, oportet; atque suorum incurium, qui  
jurium alienorum vindex fuit acerrimus; aut  
ultra modum sagaces Græcos illos, qui ex  
canonibus Chalcedonensis concilli, ruinam  
Romani primatus struxerunt, videntque peri-  
culum, quod nemo alius.

GRÆCUS. Chalcedonensis concilli canone,  
itemque Constantinopolitani, nihil infirmatum,  
nihil detractum esse de Romani pontificis au-  
toritate supremâ, facillè jam cedo; at eos  
nondum satis assequor, qui ex his etiam argu-  
menta, et veluti subsidia quædam ducunt, ad  
ejusdem primatus robur ac firmitatem. Si,  
quemadmodum conjicio, in eisdem es sententiâ,  
id etiam expedi; atque arma, quibus nostri in  
primatum malè utuntur, tu meliùs in ejusdem  
defensionem converte.

LATINUS. Ad utriusque synodi canones an-  
imum reflecte, et quos probè jam memoriâ  
tenes, tecum ipso rursus expende: habent li  
quædam Romani primatus indicia, communia  
nempe cum Nicæno sexto canone; quæ illa  
sint, jam dixi, tu cogitatione ad illa redi; ha-  
bent etiam nonnulla ipsismet propria, paucis  
illa verbis, sed manifestum primatum Romano  
vindican.

GRÆCUS. Nova illa indicia, quæ Romanum  
primatum stabiliant, ex his, nisi fallor, vocibus  
ducis, quibus in Constantinopolitano quidem  
concilio episcopus ejus urbis post Romanum  
primatus honorem habere dicitur; et in Chal-  
cedonensi secundo ab eodem loco constituitur.  
At hæc infirma prorsus esse, egregiè nostri  
ostenderunt; Alexius Aristenus ex privilegiis  
æqualibus, quæ canon Chalcedonensis disertè

Constantinopolitanæ Ecclesiæ asseruit, non abs re sic intulit: « *Post*, præpositio hic non « honoris, sed temporis est significativa; quasi « diceret: Post multos annos, parem honorem « eum Romano Constantinopolitano episcopum « habuit. » Balsamon quoque multis idem probare conatus est. Quod locum Constantinopolitani secundum attinet, ita Barlaam monachus in libello de papæ Primatu c. 7, disserit: « Quemadmodum enim novæ Romæ episcopus, « à papâ secundus ordine, est ita planè Alexandrinus huic secundus, deinde Alexandrino « proximus Antiochenus, Jerosolymitanus de- « nique Antiocheno; » ex quo concludit, solum honoris et præcedentiæ primatum, non potestatis aut jurisdictionis in Romano. Et aptè fortassè: si enim, licet secundus Constantinopolitanus, nil sibi juris vindicat, aut vindicare ex merito debet in Alexandrinum tertium, atque ita deinceps, cur Romanus in eos jure quidquam possit, quamvis primus sit omnium?

LATINUS. Aristenus nugas agit, et ridendus prorsus videtur, cum *παρὰ* de temporis posteritate interpretatus est; quasi verò cavendum etiam fuerit Patribus, ne Constantinopolitanus, qui par honore et jurisdictione decernebatur Romano, si omissum fuisset *παρὰ*, etiam tempore prior, aut æqualis evaderet; tum, si *παρὰ*, *post*, etiam tempore posteriorem indicat, erit sanè Constantinopolitanus, non post Romanum modò Patriarcham, sed et cæteros omnes, ut in confesso est. Verum mittamus hæc nugaciæ. Liberalius egit Barlaamus cum Romanis Pontificibus, dum eis saltem ordinis honorisque primatum præ Constantinopolitano tribuit. At ne is quidem probatur vel ipsi Zonare, quanquam ejusdem farinae homini, minimeque cætera æquo in Romanos pontifices, igitur audiamus. Is postquam oppositum Barlaamo probasset ex Novellâ Justiniani, et Trullani concilii canone 36, sic demùm concludit adversus utrumque: « Quo ex loco de subjectione, non temporis solius ordine, et de inferiori honoris gradu canonem accipientium esse, facile est intelligere. » Et mox contra Aristeni disputans sententiam, ait: « Cum aliqui præsertim honoris æqualitas in « utrâque sede retineri nullatenus queat; nam « sive ipsa præsulum nomina recitanda, sive in « eodem utriusque concessu assidendum, sive « utriusque chirographo eadem syngrapha sit « firmanda, alterum certè præferri necesse est. Quicumque ergo particulam *post* solam

« temporis scriem, non inferiorem quoque dignitatis gradum significare contendat, is et « vim huic loco afferat, et sententiam neque re- « ctam neque bonam eliciat. » At non opus erat Zonaræ ad Trullanum canonem et Novellam recurrere, ut contra Barlaamum triumphum ageret; etenim è canonum particulis ipsis, *post Romanum, secundum post eum existentem*, minorem etiam ipsâ jurisdictione significari Constantinopolitanum, judices sapientissimi Chalcedonensis concilii, ut jam aliàs docui, agnoverunt et testati sunt.

GRÆCUS. Agnovisse nil moror, et testatos esse; at unde, aut quo demùm ratiocinio id assecuti sint, auditis tantùm canonibus Constantinopolitano et Chalcedonensi, id adhuc expedi.

LATINUS. In eam mentem apertè ducebat Constantinopolitanus canon secundus et tertius. Etenim inde legitimâ planè consecutione fluebat, soli primo patriarchæ, Romano nempe pontifici, in omnes jus esse, quando huic uni nullus limès, nulla regio, intra quam se contineat, præscripta sit; Alexandrino contra sui limites, quos non exeat, definiti sunt, Antiocheno sui, ut de Constantinopolitano taceam, cujus fortassè gubernio, eo canone nulla adhuecùm regio aut diœcesis demandata est, committenda duntaxat per Chalcedonenses. Ex quo quidem jam in aperto est, non eadem prorsus ratione Alexandrinum secundum à Constantinopolitano esse, quo hic ipse à Romano secundus est; nec voces illas: *Post Romanum, secundum post eum existentem*, nisi lites vanas serere sit animus, aliter quam de subjectione verâ erga Romanum accipi posse aut debere. Et ita quidem à iudicibus intellectas esse in confesso est.

## § VII.

GRÆCUS. In ambiguo relinquis an Constantinopolitanus tertio canone Constantinopolitani concilii, plus quam nudi honoris eminentiam supra tres reliquos patriarchas obtinuerit; cur verò ita? opinabar adhuc ego eo canone potestati Constantinopolitani episcopi Asiæ, Thraciæ, Ponticæ, barbaricasque universim regiones supponi.

LATINUS. In mediò relinquo, non quòd ipse fluctuem, in quam me partem tradam; sed ne novis semper, neque in rem nostram magnoperè profuturis, litibus me implicem; novi enim quantis inter eruditos discordiis, ea, quam insinuasti, quæstio agitur. Mihi cui

propositum est synodis in primis fidem adungere, earum auctoritatem, quoad licet, tueri, et quantò minori fieri potest tumultu, res componere, illorum semper sententiâ præplacuit, qui in Constantinopolitanâ jam synodo, non honorem modò secundum, sed et jurisdictionem in regiones quas hodièque obtinet, hoc est, Asiam, Thraciam, ac Ponticam, barbaricasque decretam è Patrum mente sustinent. Etenim quanquàm id disertè canon ipse Constantinopolitanus non explicet, et Chalcedonenses Patres in Synodici datâ ad Leonem proficentur, se consuetudinem eam, quam ex longo jam tempore Constantinopolitana Ecclesia habuit ad ordinandos metropolitanos, provinciarum Asiæ, Thraciæ, ac Ponticæ, nunc synodali decreto firmasse, et inter causas, quibus ad id firmandum impulsus sunt, non afferant Constantinopolitanæ synodi decretum: imò quanquàm de hoc, veluti re penitus distinctâ, neque nexum habente cum jurisdictione illâ in provincias recensitas, videantur locuti, atque canone Constantinopolitano non insistent, hic quidquam plus delatum ei sedi, quàm secundum post Apostolicam sedem honorem; si tamen et alia in considerationem vocem, neque disertis multorum dictis mendacia afflagere, et fidem abnegare velim, facillè appareat jurisdictionem illam Constantinopolitano, primùm ex synodi Constantinopolitanæ decreto accessisse, quanquàm ea firma fortè nondùm fuerit: in quam rem testes in primis appello Chalcedonenses Patres: satis disertè illi hoc ipsum tradunt canone suo 28, quando se ad decreta Patrum referunt; eadem sequi testantur, eadem cum illis de privilegiis Ecclesiæ Constantinopolitanæ decernere. Lucentium præterea Apostolicæ sedis legatum appello testem: affirmat is, episcopus jam tunc pronuntiasse, quæ Chalcedonensis canon 28, de quo lis mota fuerat, constituit jam ante annos propè 80 (melius 70) constituta fuisse. Denique Eleutherius Chalcedonensis episcopus, cum inter ceteros interrogaretur, liberè subscripsisset canoni 28, in hunc modum, et è nostrâ prorsus sententiâ respondit: « Sciens, « quia et per canones, et per consuetudinem « præcedentem, habet hæc jura Constantino- « politana sedes, cum voluntate subscripsi. » Plus aliquid ausus est affirmare Eusebius episcopus Dorylæi; verba ejus sunt: « Spontè sub- « scripsi (canoni nimirum 28), quoniam et hanc « regulam (hoc est, canonem Constantino- « politanum) sanctissimo papæ in urbe Romæ

« ego relegi præsentibus clericis Constantino- « politanis, eamque suscepit. »

Græcus. Digna se nobis hic jam offert, veluti ex re nata, questio. Tribuisset aliquid Eusebio Dorylæi? is relectum à se, et susceptum à Leone pontifice canonem Constantinopolitanum disertè palamque asserit; nec modica ejus dictis auctoritas accrescit ex Paschasini apostolici legati, ex Diogenis Cyzici episcopi dictis. Etenim cum actione primâ Chalcedonensis concilii, relegerentur pseudo synodi acta sub Dioscoreo celebrata, et Flaviani nomen quibò loco lectum esset, exclamantibus Orientalibus: « Flavianus in « proprio loco quare non sedit? (intellige « secundo), » Paschasinus continuò dixit: « Ecce « nos Deo volente dominum Anatolium (Con- « stantinopolitanum) primum habemus (nempe « post legatos Leonis), hi quintam posuerunt. » Cui Diogenes Cyzici episcopus dixit: « Quoniam « vos regulas sciis. » Ignorasse itaque Constantinopolitanum canonem non poterat Romæ, quem legati norant; neque improbabile videtur Leo papa, quem Paschasinus ejusdem legatus, eo dicto satis approbasse laudasseque videri potest.

LATINES. Cui vis plus deferam, Eusebio Dorylæi, an Leoni papæ, ejusque in throno successoribus? Experiamur verò, quantum te juvent, quos citasti; equidem ex Paschasini dicto plus non eruo quàm quòd non invitis legatis pontificiis, secundum locum obtinuerit Chalcedone Anatolius; neque ex Diogenis dicto aliud quàm quòd is canon, quo secundus Constantinopolitanus locus assertus est, ignotus legatis non fuerit; et neque Leonem ignorasse, pro certo habeo, quin etiam eo audiente relectum Romæ ab Eusebio fuisse eundem canonem, facillè dederò. At unde susceptum à papâ idem audeat asserere, aut quâ fide, nescio, nisi fortè id ex Leonis silentio, dissimulationeque concluderit. Ea verò pontificis ipsius ac legatorum dissimulatio, non approbationis loco, sed ad summum velut prudens quædam œconomia habenda est, quam id temporis multa suscipere poterant, imperatorum præcipuè in Constantinopolitanos favor ac propensio; tum et ipsum patriarcharum, quos res attingebat, silentium; quòdque, ut oportebat per synodicas litteras insinuat non esset, proinde reprobatio suspendi potuit; denique suadebat adhuc silentium cura justæ ac sollicitudo pontificum, ne si acrius his minoribus obstiterent, majoribus quæ à



Dioscuro illata fuerant, Ecclesiae malis, acrius remedium adhiberi posset. At enim ubi res Ecclesiae melliores faciem induerunt, et communis patuit in fide consensio, postquam etiam de more synodus ipsa approbandum transmisit canonem, visumque est Constantinopolitanorum rapinis acrius obsistendum, totis se denique viribus opposuit Leo, quemadmodum in posterum dicturi sumus.

GRÆCUS. Cave rapinas dicere, quæ synodorum consensione Constantinopolitanæ Ecclesiae acceperunt, sive jura in alios, seu honores, nemineque propè, præter Romanam sedem, obnitente, consentientibus, quos res ipsæ attingebant.

LATINUS. Natales, ac progressus Constantinopolitani patriarchæ, quo alio melius compellarem nomine, non habui. Is enim cum simplex antea esset episcopus, Metropolitæ Hæracleensi obnoxius, imperialis urbis splendore, quasi vertigine quãdam sibi ereptus, Cæsarum potentia veluti armis quibusdam, in Ecclesiarum jura, sacris Nicænis canonibus stabilita, bellum commovit, multos læsit, ac primum juri Hæracleensi se subduxit, neque jam eo contentus, hunc per Thraciam, Cæsareensem per Ponticam, Ephesinum per Asianam ditcessem, ἀποκαταστάσας omnes sub jugum misit, honoreque per Nicænos canones, ex vetustâ consuetudine stabilito exiit; neque minus gradu suo Alexandrinum, atque Antiochenum dejecit.

GRÆCUS. Hoc postremum, opinor, est, quod acrius Romanos pontifices ussit, hoc dolorem eorum, irasque accendit, quod eâ ratione despectum divi Petri honorem ducerent, cujus causâ ad fastigium evecas Alexandrinam, atque Antiochenam Ecclesias, ex veteri traditione habebant. Idcirco Leo epist. 56 inculcat: « Nihil Alexandrinæ ejus, quam per B. Marcum Evangelistam S. Petri discipulum meruit, pereat dignitatis. Antiochena quoque (in quâ nempe D. Petrus ipse sedit) Ecclesie, in paternæ constitutionis ordine perseveret. »

LATINUS. Eâ sedium conversione læsum esse D. Petri honorem, et veluti sibi id injuria factum reputasse pontifices, ex Gregorio papâ l. 6, epist. 37, ad Eulogium Alexandrinum, non vanè conjicio; verba ejus sunt: « Itaque cum multi sint Apostoli, pro ipso tamen principatu sola Apostolorum principis sedes in auctoritate convaluit, quæ in tribus locis, et unius est. Ipse enim sublevavit sedem, in

quâ etiam quiescere, et præsentem vitam finire dignatus est. Ipse decoravit sedem, in quam Evangelistam discipulum misit. Ipse firmavit sedem, in quâ septem annis, quamvis discessurus, sedit. Cum ergo unius, atque una sedes sit, cui ex auctoritate divinâ tres nunc episcopi præsentent, quæ ego de vobis audio, hæc mihi imputo. »

GRÆCUS. Abducamus jam sermonem à causâ quæ Romanos pontifices impulit maximè, ut Constantinopolitani progressibus obsisterent. Certum mihi Leo locutus videtur, qui ad Nicænorum canonum integritatem tuendam se recepit totum; sanè Gregorium hic nimium dixisse opinor, cum Romanum, Alexandrinum atque Antiochenum ex divinâ auctoritate præsidere dixit, id, quod tu vel de Romano pontifice ægrè sustineas adversus tot argumenta, tantumque hostium numerum, quantum ea thesis habet.

LATINUS. Sic planè hic accipiendum esse opinor Gregorium, cum ex auctoritate divinâ præsidere Alexandrinum atque Antiochenum dixit, quemadmodum Paschasini citra offensionem omnem acceperas hoc dictum in Chalcedonensi synodo: « Ecce nos Deo volente dominum Anatolium primum habemus, hic quintum posuerunt B. Flavianum. » Etenim neque hic: *Volente Deo*, neque ibi: *Ex divinâ auctoritate*, jure divino præsedisse, hoc aut illo loco patriarchas Alexandrinum, Antiochenum atque Constantinopolitanum significat, quando nec ipsam eorum patriarchicam auctoritatem divini juris esse sustineri potest. Id sanè si ita fuisset, neque unquam Constantinopolitanus ad id fastigium assurgere suo conatu, neque evehi à Patribus, nec demùm firmari ab Innocentio III in Lateranensi IV synodo, canone 5, poterat his verbis: « Antiqua patriarchalium sedium privilegia renovantes, sacrâ universali synodo approbante, sancimus, ut post Romanam Ecclesiam, quæ disponente Domino super omnes alias ordinariæ potestatis obtinet principatum, utpote mater universorum Christi fidelium, et magistra, Constantinopolitana primum, Alexandrina secundum, Antiochena tertium, Hierosolymitana quartum obtineant, servatâ cuilibet propriâ dignitate. »

GRÆCUS. Quot hostibus, quàm validis argumentorum telis tu te objicis, si vel de Romanâ sede solâ sustineas, jure eam divino ex Christi dispositione Ecclesiarum omnium caput esse, ac præsidem! Nilus Thessalonicensis,

Balsamon, Macarius Ancyranus, Gabriel Philadelphiensis, Georgius Coresius, sed accerrimè omnium Doxapatrius argumentorum acies in te educant.

LATINUS. Neque tela, neque hostium numerum reformidat veritas, si etiam concordēs fingimus; at ii, quorum tu aciem in me ducis, non mecum tantum, sed et invicem, quin et secum ipsimet depignant, ut nihil facilius sit, quam eos suis armis conficere. Verum rem nostram agamus, et quid, quantumque argumenta eorum probent, disquiramus; tu rursus, in hoc etiam altero disceptationis capite, personam eorum sustine, nec quidquam dissimula, in quo vim colloces.

### § VIII.

GRÆCIS. Omnes quoscumque dixi, censent humanis tantum conciliorum institutis, et favore principum, Romanis pontificibus supremam Ecclesiarum curam demandatam esse. Cur id verò concilia et principes ita egerint, non una omnium et concors est sententia. Etenim Doxapatrius, Balsamon, et Macarius Ancyranus ex canone 28 Chaleedonensi arguunt Romanis pontificibus primatum per Patres concessum, quòd *Roma regina esset*, quòd rerum urbs illa potiretur; itaque per hos, non ob venerationem Petri, Romano ea suprema potestas à Patribus ac Augustis delata est: quare, ut Doxapatrius intulit, « cum « Roma regina esse desit, cessitque in prædam « gentium Gothicarum (Francos intelligit), « nemoque à Constantinopolitanis Imperatori- « bus ad eam gubernandam destinabatur, « sicut imperio, ita quoque primatu excidit; « primique throni honor Constantinopoli, urbi « nempe imperanti, obvenit. » Hæc iste. Paulò mitius alii; ob venerationem Petri, qui in eâ urbe sedit, ac martyrio glorioso vitam finit, id supremæ auctoritatis datum Romanæ sedi voluit à Patribus ac Imperatoribus. Denique Nilus Thessalonicensis sic eâ de re sententiam suam explicat: « Cum duo circa papam « consideranda sint, quòd et Romæ episcopus « sit, ut et synodi testantur, et præterea quòd « sit primus aliorum episcoporum, prius illud « à Petro accepit, quòd scilicet sit Romæ « episcopus, alterum verò à SS. PP. et piis « Imperatoribus multo post tempore; » et rationem non quam alii, sed hanc reddit, « quòd « æquum esset in ecclesiasticis quoque rebus, « et multò quidem magis quam politis ordi- « nem statui. »

LATINUS. Miseratione, non ira digni mihi visi sunt, qui in dogmate adeò aperto, adeò obvio adhæserint; accepisse à Petro concedit Nilus, quòd sit Romæ episcopus, cur ita? si quæram, respondere debet quia et Petrus talis erat, et fuisse talem disertè testantur Patres ore uno, et Romanum in episcopatu successisse Petro, constans est traditio: hætenus rectè, jam verò quæro quid Romano pontifici desit horum, ne etiam successisse in primatu dicatur? Petrus primatum à Christo habuit, Petrus hunc, ut minimum voluntate suâ cum particulari episcopatu Romano in suo individuo conjunxit; neque scitur unquam deinceps disjunctum, aut voluisse disjunctum in successoribus, et traditio Patrum constans, cui episcopatum Romanum, eidem et primatum vindicat; cur ergo, qui ex voluntate Petri et à Petro accepit, ut sit Romæ episcopus, non etiam acceperit, ut sit Ecclesiæ caput? hæc duo postquam voluntate Petri in Petro conjuncta sunt, neque unquam disjuncta, sic coherent, ut qui uni et alteri idem dignitati succedat, et voluntate eadem uni, quâ alteri.

GRÆCIS. Negasne igitur à Romano pontifice, qui hodiè est, disjungi posse episcopatum Romanum à primatu? sanè Petrus poterat, postquam etiam in eâ cathedrâ sedit, quanquam etiam ibi finiret, primatum aut alteri sedi affigere, aut nulli; sed quemadmodum ipse primitus eum gessit, nulli Ecclesiæ speciatim addictus, sic alteri relinquere.

LATINUS. In eam litem supervacaneam non descendam; id certum, quanquam sic pontifex, qui eadem penitus cum Petro dignitate ac potestate est præditus, facere posset, non tamen posse id quemquam alium; hoc tibi satis sit. An verò etiam Petrus, atque hujus deinceps successores, delectâ semel Romanâ sede potuerint id divortium facere, quæstio nec utilis, et satis controversa est, quando non parva doctorum pars eò inclinât, ut credant ex imperio Christi Petrum Romæ sedem primatus sui collocasse.

GRÆCIS. Qui sic loquuntur, facillè procul dubio sustinent, primatum in Ecclesiâ Romanâ divini juris esse, Romanum episcopum divino jure obtinere primatum; at obscuris nituntur et incertis scriptorum testimoniis: quis probus id scripsit? qui Patres dixerunt, ex decreto, ex voluntate aut imperio Christi Romæ figendum fuisse primatum, aut fixum esse?

LATINUS. Ne tu incerta vocaveris, dubia,

obscura, apocrypha, quæ plurimum Patrum sententiâ probata sunt, et doctorum calculo roborata. Marcellus papa ad Antiochenos scribit: « Petri sedes primitus apud vos fuit; postea jubente Domino Romam translata est. » Hegesippus seculi quarti scriptor, lib. 3 de Excidio Jerosolymitano c. 2, modum etiam narrat, quo ea Christi voluntas innotuit; cum enim solutus carcere, urbe exisset, ait, Christum Petro videndum se præbuisse, roganteque isto, quod iter intenderet, respondisse: *Vado Romam iterum crucifigi.* Hoc responso, aiunt, Petrum intellexisse, Romæ sibi pro Christo ponendam vitam, et in eâ planè sede supremum pontificatum stabilendum. Urget hoc Gelasius papa in decreto de Scripturis apocryphis, complexus eandem sententiam. Ambrosius quoque visionem eam Petri et reditum à Christo imperatum narrat lib. 5, epist. 32, et Oratione contra Auxantium; D. Athanasius in Apolog. pro fugâ suâ; denique D. Gregorius in expositione psal. 4 Pœnit., conjunctionem sedis Romanæ cum primatu ad Christi imperium referunt. Augustinus ad extremum, Leo, et alii peculiari Dei ordinationi id deputant. Verùm non his inquit, et dabo tibi liberâ Petri voluntate factum, ut episcopatus Romanus cum primatu unitus sit: at tu mihi, ut debes, vicissim da, voluntatem hanc Petri perstitisse, morte ipsâ roboratam, ac veluti testamento consignatam esse. Hoc semel statuto, et primævâ institutione divinâ suppositâ, consequens prorsus est, ut qui in Romanâ sede successit Petro, idem primatum etiam ejus consecutus sit, perpetuâ serie, ac jure eodem ad reliquos Romanos pontifices derivandum.

GRÆCUS. Ex voluntate Petri coaluisse primatum, atque episcopatum Romanum, neque immutasse eam voluntatem, imò morte roborasse, dabo. At numquid ideò Romanus pontifex jure divino primatum obtinere dicendus erit, an non humano potius?

LATINUS. Ne nos inanibus litibus implicemus, atque aerem verberemus, duo mihi in primis hic secernenda puto: primum quæri potest, an jure et divinâ institutione Romanus pontifex sit successor Petri; deinde, an postquam, sive ex Christi voluntate, seu ex facto Petri, supremi Ecclesiæ principis, designatus successor est; jure et institutione divinâ, aut ex decreto duntaxat Petri, vel solâ Ecclesiæ voluntate obtineat privilegia cum Petro prorsus equalia. Primum caput à Catholicis ipsis in

TH. V.

controversiam vocatur; secundum confluentem omnes adversus hæreticos aequè ac schismaticos. Aio itaque ex ipsâ Christi institutione, ac voluntate, à Christo ipso obtinere eadem prorsus privilegia Romanos pontifices; quæ Petrus obtinuit, cujus sunt successores; quare licet de jure divino non sit, Romanum, quâ Romanus est, esse successorem Petri, esse tamen eundem de jure divino caput, quatenus succedit Petro, et ab eodem sortiri, à quo Petrus ipse, supremam in Ecclesiâ potestatem sortitus est. « Animadvertendum est (verbis Nicolai utor iterum) quia non Nicæna, non denique ulla synodus, quodquam Romanæ Ecclesiæ contulit privilegium, quæ in Petro noverat eam totius jura potestatis pleniter meruisse, et cunctarum Christi ovium regimen accepisse, omnia denique huic noverat Domini sermone concessa. » Concordat Basilius in Const. Monast. c. 22: « Hoc, inquit, à Christo ipso docemur, dum Petrum Ecclesiæ suæ pastorem post se constituit, *Petre, inquit, amas me plus his? pascere oves meas;* et omnibus præterea deinceps pastoribus ac magistris eandem tribuit potestatem. »

GRÆCUS. Negas igitur per Petrum ipsum, negas per synodos Romanæ Ecclesiæ pontificibus privilegia collata?

LATINUS. Captiosæ interrogationi, parce si cauto responso occurram: quemadmodum inter dignitates, quas papa sustinet, sic inter privilegia distinguendum opinor. A Christo ipso Romanæ Ecclesiæ pontificibus per Petrum, qui eos successores suos designavit, collatam esse supremam potestatem affirmo; præit mihi in hoc responsum Nicolaus papa, Ep. 8 ad Michaellem imperatorem; ait is: « Nam et inter cætera is, per quem nobis præcipuè ista sunt privilegia collata, *tu aliquando conversus, audivit à Domino: Confirma fratres tuos....* Ista igitur privilegia huic sanctæ Ecclesiæ à Christo donata, à synodis non donata, sed solummodò celebrata et venerationi habita. » Etenim privilegium potestatis, quod Petrus à Christo accepit, non privatum, sed publicum, non uni ejus personæ, sed omnibus ab eo in locum ejus designandis successoribus, collatum est.

GRÆCUS. Propositum tibi esse hactenus indicasti, synodorum atque conditorum ab iisdem canonum, quoad posses, dignitati nihil derogare, neque eorum auctoritati quidquam detrahere; at si ita, ut velle videris, pergas,

26

ceptoque tenori insistas, mendaces nobis adhuc hodie Chalcedonenses Patres facies; duo illi disertè canone 28 affirmarunt: primum, quod rem ipsam attinet, privilegia urbis Romanæ à Patribus initium duxisse; deinde, quod causam attinet, non aliam proferunt, quàm urbis illius imperium; non igitur institutionem Christi, non Petri meritum, auctoritatem aut voluntatem. Canonem ipsum dudum è memoriâ deprompsi, nunc paucula in quibus vis omnis est, sed clarissima, accipe: «Etenim antiquæ Romæ throno, quod urbs illa imperaret, jure Patres privilegia tribuerunt.»

**LATINUS.** Consto mihi in proposito, neque ego, quemadmodum multos egisse ante me video, Chalcedonensibus Patribus nescio quæ falsa aut pugnantia impetabo. Id ut præstem, privilegia patriarchica, quæ per universum Occidentem obtinent, à prærogativâ supremæ potestatis distinguo; et quanquàm hæc fons sit, ac origo, ex quâ cætera omnia privilegia scaturiunt, suos tamen habet episcopalis potestas limites ac gradus, suos patriarchica; sola suprema potestas omnem Christianum orbem, populum, ac nomen complectitur, et quanquàm ipsa non sit omnis ac sola potestas, omnem tamen, quia suprema, et supra omnes, moderatur, non perturbat. Elegans ejus rei Leo papa dedit exemplum apud Theodorum Forojuliensem episcopum, qui metropolitanum, ut videtur, neglecto, instrui petierat, negandæ poenitentia et communio sit iis qui sunt in vitæ exitu; sic autem epistolam ad eum 91 ingreditur: «Sollicitudinis quidem tuæ is ordo esse debuerat, ut cum metropolitanum tuo primitus de eo quod querendum videbatur esse, conferres, ac si id quod ignorabat dilectio tua etiam ipse nesciret, instrui vos pariter posceretis.»

**GRÆCUS.** Assequor penitus quid velis; ais nimirum eo canone Patres de solâ patriarchicâ potestate Romani episcopi, de patriarchalibus duntaxat ejusdem privilegii, sermonem intulisse; hæc verò tu, quemadmodum et ipsam illam dignitatem humani tantum juris facile concedis, nec refers ad divinam institutionem, quemadmodum primatum ipsum. At nonne hoc est pro voluntate seorsum dare atque adimere canonibus? Canon indefinitè disserit de privilegii, tu ea ad patriarchicam coarctas, et quo id tandem jure?

**LATINUS.** Sapienter mentem meam coniecisti, neque aliud jam mihi fecisti reliquum, quàm

ut certis indiciiis efflicam, nec Patres aliò respexisse, quàm ad patriarchicam Romanæ urbis jura. Eo canone Chalcedonenses Patres non dedisse Constantinopolitano nisi patriarchica jura, non ita dudum statuimus; hæc æqualia eum cum Romani pontificis privilegiis habere voluerunt; æqualia esse non poterant cum privilegio primatus ipsius à Christo instituti; igitur æqualia duntaxat esse poterant cum juribus patriarchicis Romani; de his igitur solis eo canone locuti sunt, hæc sola à Patribus tributa sedi Romanæ, et imperii causâ dixerunt. En unum argumentum. Alterum ducamus è sententiâ judicium imperialium, quæ extat actione 16 concilii Chalcedonensis: sententiam judicium, verbis quibus concepta fuit, non multò antea recitavi, insuper et statui eo loco, primatus nomine iudices ipsam supremam vicarii Christi potestatem intellexisse; hanc verò illi non per Patres tributam, sed per canones conservari dixerunt. Quare nisi fingamus eos Patrum canoni 28, quem reipsâ confirmabant, contraxisse, dicendum sanè vel ex hoc loco est, agnovisse eos, Patres de solâ patriarchicâ Romani pontificis dignitate loqui, cum aiunt per Patres tributam.

**GRÆCUS.** Præclara hæc sunt in rem tuam argumenta; at suspicor, cum tam fidenter rem agas, neque uberiora certioraque tibi deesse, quibus denique ad liquidum perducas, nunquàm eam Patrum mentem fuisse, ut primatum Romani pontificis, auctori non divino, decretis humanis adscriptum vellent.

**LATINUS.** Id sanè luce meridianâ fit clarissimum ex eorundem Synodice ad papam; ibi sic alloquantur Leonem: «Quam tu (intellige fidem) veluti auream catenam præcepto legislatoris deductam usque ad nos servasti, vocis B. Petri omnibus constitutus interpretæ et auctoritate; et quæ per Christum eorum in præsentibus et futuris temporibus non tantummodo in nomine sed in re ipsa per te et per nos servata est.» Et rursum, ubi Dioscori audacissimum facinus contra Leonem commemorant, sic aiunt: «Et post hæc omnia insuper et contra ipsum, cui vineæ custodia à Salvatore commissa est, extendit insaniam, id est, contra tuam quoque sanctitatem, et excommunicationem meditatus est contra te, qui corpus Ecclesie unire festinas.» Conc. t. 4, p. 1775. Sic cur de Leonis primatu locuti sint, eumque apertè ad Salvatorem retulerint, nisi eos processus à mente alienos, ipsi insipientes fingamus,

confitendum denique est, in canone cùm *Romæ reginæ à Patribus privilegia tributa tradunt*, de patriarchicis dumtaxat eos cogitasse, ad hæc sola animo styloque respexisse.

**GRÆCUS.** Et verò ita prorsus, eoque tantum sensu, à Leone quoque papâ id acceptum, mihi quidem jam extra omne est dubium; postquam lectis ejus Epistolis, intelligo nihil Leonem huic Chalcedonensium Patrum sententiæ repugnasse, quod sanè acerrimè facturus fuerat, si primatûs sui institutionem, quam ipse tot locis, pro certo divinitus, tantquam ex verâ origine ducebat, impugnari, aut ad humana Patrum decreta detrudi sensisset: « Memor sum, ait Leo Ep. 32, ad Marcianum et Faustum presbyteros, me sub illius nomine Ecclesiæ præsidere, cujus à Domino Jesu Christo est glorificata confessio, et cujus fides omnes hæreses destruit; » et Ep. 87 ad Africæ episcopos: « Cùm de ordinationibus sacerdotum quedam apud vos illicitè usurpata, crebrior ad nos commeantium sermo perferret, ratio pietatis exegit, ut pro sollicitudine quam universæ Ecclesiæ, ex divinâ institutione dependimus, etc. Sit igitur in tuto institutio divina primatûs Romani, neque à quoquam laessatur. At si vel patriarchica jura Romænæ etiam sedî tribuerunt Patres ob urbis imperium, nescio quam fidem merebuntur effata Nicolai, aliorumque pontificum, qui universa ad Petri meritum, ad Petri voluntatem retulere, quorum tu jam sæpè sententias in medium produxisti.

**LATINUS.** Leo papa, Ep. 53, ad Anatolium, dignitatem patriarchicam non Romænæ modò, verùm et Alexandrinæ, atque Antiochenæ Ecclesiæ duxisse videtur ex merito Apostolorum principis: « Nihil Alexandrinæ sedî, ejus, quam per S. Marcum Evangelistam B. Petri discipulum meruit, pereat dignitatis.... Antiochena quoque Ecclesia, in quâ primùm prædicante beato Apostolo Petro christianum nomen exortum est, in paternæ constitutionis ordine perseveret, et in gradu tertio collocata nunquam se fiat inferior. » Et Epist. ad Marcianum: « Habeat, ait, sicut optamus, Constantinopolitana civitas gloriam suam, et protegente dextrâ Dei, diuturno clementiæ vestræ fruatur imperio; alia tamen ratio est rerum secularium, alia divinarum.... non dedignetur regiam civitatem, quam Apostolicam non potest facere sedem, nec ultrò speret modò (loquitur de Anatolio) quòd per aliorum possit offensiones augeri; privilegia

enim Ecclesiarum sanctorum Patrum canonicis instituta, et venerabilis Nicænæ synodi fixa decretis, nullâ possunt improbitate commutari, nullâ novitate mutari. » Disertius adhuc trium patriarchalium sedium institutionem atque ordinem D. Petro assignavit Gregorius I. 6, Ep. 37, ad Eulogium Alexandrinum, cujus verba supra dedimus. Innocentius I, Ep. 18, loquens de Antiochæ patriarchatu, et Nicænâ synodo, quæ explicuit mentem sacerdotum, et custodiendam duxit necessarium, addit: « Unde advertimus non tam pro civitatis magnificentia hoc attributum eidem, quam quòd prima primî Apostoli sedes esse monstretur, ubi et nomen accepit Religio christiana, et quæ conventum Apostolorum apud se fieri celeberrimum meruit. » Nicolaus I, in Epistolâ ad Michaelē imperatorem, ait: « Ecclesiæ Romænæ privilegia Christi ore in B. Petro firmata, in Ecclesiâ ipsâ disposita, antiquitûs observata, et à sanctis universalibus synodis celebrata, atque à cunctâ Ecclesiâ jugiter venerata, nullatenus possunt minui, nullatenus infringi, nullatenus commutari, quoniam fundamentum quod Deus posuit, humana non valet amovere conclusus.... Ista igitur privilegia huic sanctæ Ecclesiæ à Christo donata, à synodo non donata, sed solummodò celebrata, et venerationi habita.... Denique si instituta Nicænæ synodi diligenter inspiciantur, inveniunt profectò, quia Romænæ Ecclesiæ nullum eadem synodus contulit incrementum, sed potius ex ejus formâ, quod Alexandrinæ Ecclesiæ tribueret, particulariter sumpsit exemplum. » Gelasius papa ad episcopos Dardaniæ scribens, mendacii etiam insinulat eos qui ex profano urbis Romænæ imperio primatûs apostolici causam ducunt; verba ejus sunt: « Mediolanum, Ravenna, Sirnium, Treviri et Nicomedia multis temporibus imperii sedes fuerunt, quibus cùm nihil plus juris, dignitatis et prærogativæ ecclesiasticæ eâ de causâ concessum fuerit, non immeritò mendacii arguuntur, qui dicunt prædictâ de causâ Romanam urbem ad fastigium apostolici numeris evectam esse. »

**GRÆCUS.** Quorsum verò tu hæc tanta summorum pontificum testimonia concessisti, nisi ut constanter non fuisse ipsorum sensum palam facias? Equidem si mecum ea reputem, comperio pontifices neque in assignando institutore patriarchalium sedium, jurumque, neque in ipsâ institutionis causâ statuendâ,

ex æquo concordēs esse. Gregorius D. Petro Romanæ sedis et cæterarum patriarchalium protectionem assignat; Nicolaus primæ cathedræ privilegia ad Christum auctorem refert, atque ad ejus normam cæteras patriarchales Ecclesias compositas affirmat Leo; atque Innocentius à Patrum canonibus, decretis atque constitutionibus Ecclesiarum jura repetunt. Quod causam attingit, Gelasius apertè inficiatur, Romanam Ecclesiam conscendisse ad hoc fastidium causâ profani imperii, et Leo non esse eandem ecclesiasticorum ac secularium rationem admonet. Ab utroque paululùm deflexit Innocentius; etenim quanquàm ad honorem ac meritum Petri patriarcharum sedium eminentiam referendam potiùs existimet, nec tamen penitè abnuat, magnificentiæ, splendorisque civilis urbium rationem nonnullam fuisse habitam. Ex quo quidem apparet, in causâ assignandâ Innocentium favere aliquantum 28 canoni, at repugnare Leonem atque Gelasium; in auctore verò constituendo, neque invicem, neque cum canone in totum concordare pontifices. Etenim cum Gregorius auctorem Petrum privilegiorum insinuet, cæteri aut Christum, aut Patres auctores fecisse videntur potiùs.

LATINUS. Ut te denique hoc labyrintho educam, in quem sponte tuâ ingressus es, primùm mihi monendus es, pontifices omnes unanimi prorsùs sententiâ, primatum Romanæ Ecclesiæ ad Christi institutionem constanter retulisse, sic, ut hoc in controversiam jam venire nequeat; deinde, quod cætera patriarchalium Ecclesiarum privilegia attingit, primum ac principalem eorum institutorem, et ex vero auctorem fuisse divum Petrum; secundarios verò, ut qui scripto complexi sint jura Ecclesiarum, fuisse Patres; Petrum in delectu trium sedium, Romanæ, Alexandrinæ atque Antiochenæ, ad urbium etiam earum majestatem amplitudinemque respexisse: quare Patres, qui scriptâ institutione, hoc est, canonibus, jura sua Ecclesiis illis tribuerunt, aut veriùs confirmarunt, commodum ad tria advertisse poterant: ad Petri institutoris honorem, ad urbium majestatem, ac denique ad consuetudinem inde ab Apostolis manantem; ex quibus quidem institutio, et honor D. Petri causa principalis condendorum canonum fuerit; urbium majestas, veluti occasio remota, cum proxima esset ipsa vetus consuetudo, ejus tenendæ atque reducendæ causâ conditum esse Nicænum sextum canonem dicturi sumus allâs,

Ita habes negotium omne compositum, et tam pontifices invicem, quàm cum Chalcedonensibus facilè in concordiam adduces; sunt etenim ex ipsis alii qui de principali causâ, primoque institutore loquantur, rursùs alii, cum de secundâ, hoc est, scripto consignatâ institutione agant, quæ fuerit occasio remota, quæ proxima, insinuant.

GRÆCUS. Modum quem tradidisti Patrum dicta mutuo fœdere conciliandi, atque in eandem sententiam colligandi, ex animo complector; in eo verò adductum hæreo, quo tu vade, quo duce, quibusque momentis adductus staueris, Petrum ipsum in patriarchalium sedium designatione, ad urbium splendorem, majestatemque oculos advertisse.

LATINUS. Petrum, « de ejus honore, ut ait; « Bonifacius, institutio universalis nascentis « Ecclesiæ sumpsit principium, » tres orbis partes, ut tam quidem divisio fuit, secutum primùm, Occidentem universum Romæ, Orientem sive Asiam prope omnem Antiochiæ, et demùm Ægyptum, Lybiam, ac Pentapolim Alexandriæ, nobilissimis ac præcipuis earum orbis partium urbibus, tribuisse, res ipsa monet, et Græci, atque inter hos Nilus Archiebit mandrita cognomento Doxapatrius, tractatu de quinque thronis patriarchalibus, profitentur. Ad civilem normam, sive ab initio statum, sive tractu temporis, per Patres ac synodos, ecclesiasticum quoque regimen, cæterarum quoque metropolitanarum, atque auctocephalarum Ecclesiarum compositum fuisse, satinnuit canon 6 Nicæni concilii. Is enim, prout à Paschasino in Chalcedonensi conventu refertur, sic habet: « Et in cæteris provinciis, « primatus habeant Ecclesiæ civitatum ampliorum. » Etenim non abs re penitè; quanquàm enim eadem non sit prorsùs ratio divinorum atque humanorum, nullusque civilis inter ac ecclesiastica nexus, nec urbis majestas, aut decor, lege sibi vindicare possit auctoritatem ecclesiasticam; Ecclesia tamen primis præcipuè temporibus, non ex vano, sed multis omnino, gravibusque causis id institutum sequendum sibi duxit. Et cessit ex voto planè consilium, quando ex perpetuo hominum in maximas eas urbes comætu atque confluxu, et fides vera latius propagata est, et gloriosius de erroribus ac Idolis egi triumphos, debellatâ in conspectu nobilissimarum urbium impetate.

GRÆCUS. Si in metropolitanis, auctocephalis, atque ipsis patriarchalibus thronis designandis

eum morem secuti sunt Apostoli, fortassè non temerè dicerem, ipsum quoque universalem primatum idcirco Romæ in urbe orbis dominâ à Petro lococatum esse, atque in successoribus stabilitum.

**LATINUS.** Si divinum scrutari fas sit consilium, et ad humanam rationem expendere, facilè hic quoque tibi assentior; favet nempe, et præsit nobis in hanc mentem Valentinianus imperator, qui ex duplici planè capite supremam Romanorum pontificum potestatem repositisse videtur, cùm inquit: Cùm igitur « Apostolicæ sedis primatum sancti Petri meritum (qui princeps est episcopalis coronæ) et Romanæ civitatis dignitas, sacræ etiam « synodi firmavit auctoritas; ne quid præter « auctoritatem sedis istius illicitum præsumptio « attentare nitatur; tunc enim demùm Ecclesiarum pax ubique servabitur, si rectorem « suum agnoscat universitas. » Itaque, si rectè assequor, cur ubi Romanæ præ cæteris sive Christi imperio, sive Petri decreto, summa illa atque apostolica dignitas adhæserit; cur eadem Patrum decretis firmata sit, duplicem banc causam Valentinianus insinuat: Petri meritum et dignitatem urbis. S. Leo papa aliam quoque prætera indicat, *Serm. 4 de SS. Petro et Paulo dicens:* « Ut lux veritatis, « quæ in omnium gentium revelabatur salutem, « efficacius se ab ipso capite per totum mundum corpus diffunderet: hic conculcandæ philosophicæ opiniones, hic dissolvendæ erant « terrenæ sapientiæ vanitates; hic confutandi « demonum cultus; hic omnium sacrilegiorum « impietas destruenda, ubi diligentissimâ persultione habebatur collectum, quidquid « usquàm fuerat vanis erroribus institutum. » Quare Prosper, aut quisquis est auctor libri de Voc. Gent. l. 2, c. 6, rectè dixit: « Credis providentiâ Dei, Romani regni latitudinem præparatam, ut nationes vocandæ ad unitatem corporis Christi, priùs jure unius « consociarentur imperii: quamvis gratia christiana non eodem sit eodem limites habere, quos Roma, multosque jam populos « sceptro crucis Christi illa subdidit, quos « armis suis ista non domuit, quæ sic per « apostolici sacerdotil principatum amplior facta est arce Religionis, quàm solio potestatis. »

**GRÆCUS.** Nihil igitur, quod antea non habuerit ex Christi institutione, aut Petri decreto, accessit, novoque favore delatum est Romanæ Ecclesiæ, sive synodorum canonibus, sive Augustorum decretis ac constitutionibus?

Ille equidem, si ubi aliàs ægrè assentior, nec nisi invitus in tuam concedo sententiam. Et enim si ex præcellentissimâ illâ institutione omnia sacra Romanæ Ecclesiæ emanassent privilegia, fierine poterat, ut Osius præses Sardinensis concilii, utique gnarus optimè Romanorum decorum, jus appellationum, è præcipuis prærogativis unum, Patrum veluti arbitrio relinqueret, diceretque: « Si vobis « placet, sancti Petri Apostoli memoriam honoremus, ut scribatur ab his qui causam « examinarunt, Julio Romano episcopo, et si « judicaverit renovandum esse iudicium, re- « novetur. »

**LATINUS.** Honorare memoriam S. Petri non est idem, quod concedere novam legem; sed consuetudinem vetustam appellationum, inde ab Apostolis manantem, scripto etiam canone complecti. Id verò facere liberum fuisse Patribus quis negat? Quare hoc solum fuisse in arbitrio Patrum indicavit Osius, ad hoc unum prægendum, memoria D. Petri eos animabat, ipsam verò jus appellationum probè noverat, vel ex ipso vetustissimo, perpetuoque more, ad integritatem apostolici primatus pertinere, nec in hominum esse voluntate.

**GRÆCUS.** Si ex primatus naturâ jus appellationum per se fluebat; si etiam primatus æquè ac ejus natura cognita fuit omnibus, nullique dubium, hunc à Christo descendere, quid, quæso, opus fuit, tot Augustorum decretis, edictisque ad ejus robur ac firmitatem? Cur imperatores non diceant se confirmare duntaxat, sed sæpè sancire, decernere? atque cùm etiam confirmare se testantur, cur ad canones provocant? Imò cur ipsi pontifices maximi, cùm jura sua prosequuntur, ad canones inprimis se applicant, hos identidem oppugnantibus suis opponunt, ex horum memoriâ observantiam sibi suisque decretis conciliant? Ad extremum, quâ fide ipse etiam Æneas Sylvius, postea Pius II, dixisse poterat, Ep. 288: « Ante « Nicænum concilium sibi quisque vivebat, et « ad Romanam Ecclesiam parvus habebatur « respectus? » Hæc sanè ut singula relinquunt rem dubiam, collecta tamen, atque in unum collata, utcumque efficiunt, probabilem esse Barlaami sententiam, nec aspernandum propositum, cùm dixit c. 4, « Romanam sedem multis seculis post Petrum, sanctorum Patrum, piissimorumque imperatorum beneficio, primas « fuisse nactam. »

**LATINUS.** Moderanda, non abjicienda penitus damnandaque esset ea Barlaami sententia, si

de facto tantum, ipseque externum iurum executione, non de ipso jure procederet. Etenim quamquam ab initio statim fundatæ Ecclesiæ, eadem prorsus, quæ hodie fuisset Romanorum pontificum auctoritas atque potestas, hinc tamen urgentibus imperatorum persecutionibus, inde gentilium, ac paganorum immani obstante numero, veluti nubibus quibusdam involuta prohibebatur, ne plenam maiestatem luceque effulgeret, radiosque quaque-versum dispergeret. Hoc est, nec aliud, quod Pius II et ipse fassus est, de cuius mente ne ullum supersit dubium, adi, quam citasti ejusdem Epistolam; in eos planè scripta est, quos communis cum Barlaamo error implicat; initium litterarum sic habet: « Sunt nonnulli nationis tuæ homines parùm pensis habentes, quibus Romanam pontificis auctoritas neque necessaria esse videtur, neque à Christo instituta, contra quos scribere hanc Epistolam, et tibi transmittere decrevimus. » Legeres in eâ quot apices, tot primatus à Christo profecti testimonia. Neque tamen eâ etiam primam Ecclesiæ aetate, quæcumque perturbata ac aspera, sic Romanorum pontificum suprema potestas delituit, ut non aliquando veluti radiis longius emissis se proderet, et ad imperatorum etiam, quamvis gentilium, cognitionem fama perveniret; nam, ut omittam quæ de Philippi imperatoris in Fabianum pontificem veneratione prodit Eusebius, tantam tamque singularem fuisse liquet, ut non ex vano Augustum illum complures hodieque christianum fuisse suspicentur. Aurelianus, quamquam ex omnium sententiâ paganus, eam nihilominus Romanorum pontificum in ecclesiasticos prælatos potestatem confessus videtur, quando de patriarchali æde subortam inter Paulum Samosatenum bis exauctoratum et successorem Dominum litem ad tribunal Romani pontificis executi, hujus auctoritate componi, finireque jussit, teste Eusebio, l. 7, cap. 50. At hæc tunc adhuc veluti in umbrâ agebantur: ubi verò Augusti fidei lux plena affulsit, edictis illi, decretisque suis plenum usum Romanis suorum iurum, quæ à Christo per Petrum acceperant, impeditum catenus, expulerunt, et veluti è latebris in publicum produxerunt.

GRÆCIS. Nihil te igitur plus indulget Constantino Magno, Valentiniano, Phocæ, et Constantino Pogonato? Equidem sanctiones eorum, quas in commodum Romanæ Ecclesiæ vulgârunt, plus etiam aliquid ipsos egisse,

argumento sunt. Constantinus edicto suo « privilegium Romanæ Ecclesiæ pontifici contulit, ut in toto orbe Romano sacerdotes ita hunc caput habeant, sicut iudices regem; » cap. pen. d. 96, Valentinianus decrevit, « ut omnibus pro lege sit, quidquid sanxit Apostolicæ sedis auctoritas. » Justinianus Novellâ 131: « Sancimus, inquit, secundum definitionem synodorum, sanctissimum senioris Romæ papam primum esse omnium sacerdotum. » Phocas quoque imperator, teste Bedâ de Temporibus, rogante papâ Bonifacio, statuit, « Sedem Romanæ et Apostolicæ Ecclesiæ, caput esse omnium Ecclesiarum. » Platina demum in Vitis pontificum narrat, « Constantinum Pogonatam, Beneficti sanctitate permotum, sanctionem emisisse, ut quem clerus, populus, exercitus Romanus, pontificem elegeret, eundem statim verum Christi vicarium esse omnes crederent. » Hæc sunt, quæ multos in eam mentem impulerunt, ut ex imperatorum beneficio, aut Patrum humanitate, Romanorum pontificum auctoritatem supremam profectam vellent.

LATINUS. Cùm beneficia multa, nec vulgaria, à christianis imperatoribus in summos pontifices profecta, grati profiteamur, ne tamen supremam etiam potestatem elargiri possent eisdem, prohibuit dignitatis hujus sanctitas, amplitudo atque majestas, et ipsa etiam ejusdem vetustas. Etenim tam illa vetusta est, ut seculis imperatores christianos prævertat; adeò sacra, ut profanorum hominum se dedere non possit voluntati; adeò demum augusta, eminens, ac supra homines posita, totque ac tam insignibus privilegiis munita, ut solum immortalem Deum auctorem agnoscere possit. Etenim, ut cætera præteream, Petra est, in quâ ad finem seculi perstabit Ecclesia; estne verò inter mortales rerum potens adeò, qui hoc spondere largiri, aut præstare possit? Quod igitur imperatorum beneficio adscribunt grati pontifices, est religiosa defensio ac tutela, quam præstant adversus hostes, qui in eam insurgunt. Constantini Magni edictum nominasse te, qui eruditionem sectaris, minime decuit; quando edictum ejus, atque donatio, jam à vulgo ipso exploditur, et inter commenta otiosorum hominum, neque satis ad fingendum cautorum, meritò refertur; cui si tu etiam fidem præstare velis, habebis in eo luculentè à Christo instituti primatus testimonia; pauca ejus hæc accipe: « Quantam potestatem idem Salvator noster suo Apostolo B. Petro con-



« tult in cœlo ac in terrâ, lucidissimè nobis  
 « idem venerabilis pater Sylvester edixit. »  
 Valentiniani sententiam de primatu Romano  
 ex ejusdem litteris ad Theodosium exhibuimus  
 jam aliàs. Justinianus quid egerit, explicat  
 Joannes papa in litteris ad eundem datis:  
 « Romanæ sedis, ait is, reverentiam conser-  
 « vatis, et ei cuncta subjecitis, et ad ejus de-  
 « ducitis unitatem, ad cuius auctorem, hoc est,  
 « Apostolorum primum Domino loquente præ-  
 « ceptum est: *Pasce oves meas*, quam esse om-  
 « nium verè Ecclesiarum caput, et Patrum  
 « regulæ, et principum statuta declarant, et  
 « pietatis vestræ reverentissimi testantur affe-  
 « ctus. » Phocæ constitutione, ut quidem nar-  
 rant Paulus Diae. l. 4, de gest. Longob. c. 11,  
 et Anastasius atque Platina, nihil aliud actum  
 est, quàm ut fastus Constantinopolitani epi-  
 scopi Cyriaci deprimeretur, qui more præces-  
 sorum, in quos Pelagius atque Gregorius  
 Magnus frustra adhuc depugnaverunt, titulos  
 vanos *universalis*, ac *æcumenici* patriarchæ,  
 usurpabat. Pogonatus egit quod principem  
 christianum decuit, decessitque jure confir-  
 mandi electiones pontificum Romanorum,  
 quod liberatâ à Gothis Româ primus eripuerat  
 Justinianus, seu potentia seu pontificum in-  
 dulgentiâ.

Græcus. Petram tu fidei, Ecclesiæque, Ro-  
 manam cathedram à Christo constitutam, ais,  
 sicut perennitatem suam, sic jura quoque  
 primatûs, neque canonibus, neque imperato-  
 rum placitis debere, quanquàm utrisque ma-  
 gnoperè adjuvetur. Quantum verò hæc tua,  
 imò et mea, à nostrorum hominum abest sen-  
 tentiâ? quâ Romanam Ecclesiam ut non infi-  
 cientur primatum olim gessisse, hodie denique  
 à multis jam inde seculis in ordinem redactam,  
 supremi præsulatûs gloriâ excidisse volunt;  
 quanquàm hanc grandem ejus ruinam, neque  
 ad eadem omnes tempora, neque eidem omnes  
 causæ assignent.

### § IX.

LATINUS. Probè novi Doxapatrum, Annam  
 Comnenam Alexiadis l. 1, et Joannem Cinnam-  
 num, ab amisso imperio, supremæ auctorita-  
 tis jacturam accersere; et tunc ex eorum  
 sententiâ Christi vices, supremamque pastora-  
 lem curam ad Constantinopolitanum transisse,  
 cùm Romanorum imperium Romæ esse desiit.  
 At quàm hos sui puderet, si hodie viverent, et  
 neque jam Romæ ex ipsorum sententiâ, neque  
 Constantinopoli, aut ulibi terrarum Romanum

imperium cernerent. Non persequar horum  
 opinionem pluribus, quando vanitatem ejus  
 ipsi etiam à schismate Græci derident; neque  
 idè ab obedientiâ ac veneratione sui patriar-  
 chæ decedunt, quòd urbs barbaris serviat:  
 imò primas adhuc in Ecclesiâ ei deferant,  
 quanquàm Mahometanorum jugo fastus eorum  
 prope oppressus sit. Age itaque, et unde illi  
 ruinam primatûs Romani duxerint, expedi.

Græcus. Michael Anchiati, Barlaamus, et  
 Nilus Thessalonicensis ad violatam fidem et  
 corruptos Ecclesiæ Romanæ mores, primatûs  
 in eâ sede dispēdiā revocant: « Absit, ait  
 « Barlaamus, ut eò nos insanæ unquàm deve-  
 « niamus, ut orthodoxum, Patrumque vestigiis  
 « ubiq̃ue in hærentem, eo, quem Patres ipsi  
 « detulerunt, honore spoliemus. Sin papa  
 « vester divinarum legum ac decretorum vio-  
 « lator existit, cur damnum ducitis, si nos  
 « vobiscum unâ perire nolimus? » Nilus Thes-  
 salonicensis in summâ sic ait: « Quamdi-  
 « quidem papa ordinem servat, et cum veritate  
 « stat, à primo et proprio principatu non re-  
 « movetur, et caput est Ecclesiæ, et summus  
 « pontifex, et Petri reliquorumque Apostolo-  
 « rum successor, omnesque ei obedire oportet,  
 « nihilque est, quod ipsius honori detrahatur;  
 « si verò cùm semel à veritate recesserit, ad  
 « eam redire noluerit, damnatorum pœnis erit  
 « obnoxius. » Neque aliter Simon Thessaloni-  
 censis, in Dialogo de rebus Ecclesiasticis, qui  
 ita suos admonet: « Latinis, qui primatum  
 « adstruunt, contradicere opus non est, neque  
 « id lædit Ecclesiam. Ostendant tantummodò  
 « ipsum in Petri fide, et illius successorum  
 « persistere, et habeat sibi Petri omnia et pri-  
 « mus sit, et vertex, et caput omnium, et su-  
 « premus antistes; id enim de patriarchis  
 « Romanis, qui pro tempore fuerunt, scriptum  
 « est, et apostolicus hic thronus, et qui in eo  
 « insidet, pontifex, rectam fidem tenens, suc-  
 « cessor dicitur Petri, nullusque rectè sen-  
 « tentium ac loquentium oppositum affirma-  
 « bit. »

LATINUS. Si Græcorum omnium, qui Roma-  
 nis pontificibus obedientiam denegant, ea  
 foret sententiâ, laborum susceptorum esset,  
 cur pœniteat. At divisos sicut à Latinâ Eccle-  
 siâ, sic et ab invicem, sentiendi licentia in  
 scopulos undique agit. Ex his, quos longissimè  
 temeritas provexit, primatum, supremamque  
 auctoritatem nunquàm in Ecclesiâ Romanâ  
 fuisse audent dicere, unius nudi honoris emi-  
 nentiam concedunt. Qui medio gradiuntur

transiit, honori illi quidem sociant potestatem, et quæ originem suam ex placito Patrum et Imperatorum ducat, urbisque splendori se totam debeat. Atque in hos arma hactenus strinximus, et, si placet superis, errorem utrumque debellavimus. Nunc ad postremos hos accedamus, et Romanæ Ecclesiæ primatum, neque aliquando amissum esse, neque posse amitti ostendamus.

Græci. Si vera sint, uti quidem verissima esse non ambigo, quæ tu de primatûs institutione in Petro et successoribus, de privilegiis, quibus huic communit Salvator, ubertim dixisti; in confesso est, Romanos pontifices veros Petri successores, neque in fide errasse hactenus, neque credendum Ecclesiæ universæ proposuisse, quod errorem sapiat. Vanissimum itaque effugium, putidumque schismati obtendi velum existimo, cum à Romanâ sede amissum primatum ad Constantinopolitanos transferunt, ut inobedientiam suam utcumque excusent.

Latini. Sapienter et prorsus catholicè à te nunc dicta læto animo suscipio. At ego in his non sistam: edici etiam mihi postulo, quæ facta cooptaverit in mores suos Romana Ecclesia: quibus erroribus doctrina ejus scateat: tempora etiam atque annos, quibus his tantis illa malis succubuit, ad calculum revocari cupio. Equidem ante septem synodos œcumenicas peractas, Romanum pontificem primatum excidisse, nemo sanus dixerit: quando eadem ipsæ synodi luculentissima Romani primatûs indicia exhibent paginis prope singulis. Constantinopolitanum I concilii Patres, se in Epistolâ ad papam, membra Damasi vocant: Quoniam vos, nos veluti membra per Dei amantissimi Imperatoris litteras accersivistis. Coram Ephesinis Patribus apostolicus legatus Arcadius Actor. 2, dixit: Ex litteris Cœlestini Apostolicæ sedis episcopi, vestra beatitudo agnoscere poterit, qualem omnium Ecclesiarum curam gerat. Et postquam Patres lectis litteris papæ acclamassent: Cœlestino custodi fidei, Cœlestino universa synodus gratias agit, reddidit vicissim grates Philippus legatus: Gratias agimus sanctæ synodo, quòd litteris sancti, beatique papæ nostri vobis recitatis, sancta membra, sanctis vestris vocibus, sancto capiti, sanctis etiam vestris exclamationibus vos adjunxeritis. Non enim ignorat vestra beatitudo, totius fidei, vel etiam Apostolorum caput esse beatum Apostolum Petrum. Chalce-

donenses Patres in allocutione ad Marcianum imperatorem, de Leone papâ ita siebant: Unde nobis impenetrabilem in omni errore propugnatorem Deus providit, et Romanæ Ecclesiæ papam ad Victoriam præparavit, doctrinis eum per omnia veritatis accingens, ut quemadmodum fervens affectu Petrus, et hic affectu ferventiore decertans, omnem ad Deum sensum, intelligentiamque perducit. Et in Synodicâ ad Leonem: Sicut nos capiti in bonis adjecimus consonantiam, sic et summitas tua filiis, quod decet, adimpleat. Concilium II Constantinopolitanum coll. 7, refertur episcoporum ad Vigilium in colloquio quodam responsum, quod sic habet: Si secundum, quod scriptis placuit, inter nos et vestram beatitudinem, et SS. Patriarchas, et religiosissimos episcopos jubetis convenire, et pro tribus Capitulis disceptare, et formam eum omnibus dare rectæ fidei convenientem, sicut et sancti Apostoli, et sancti Patres, et quatuor concilia fecerunt, communi questione exortâ, et caput, et patrem, et primos vos habemus. Quare ubi dissipatis discordiis suffragio suo accessit decretis Patrum, caput, pater, et primum universi sacerdos continuo est habitus, et Græci, ne quando dubitari posset de quintæ synodi auctoritate, decretum Vigilii in Acta retulerunt continenter post definitionem synodi. Id quidem nec Photius, quanquam acerrimus Romanæ Ecclesiæ hostis dissimulat; verba ejus sunt lib. de septem Synodis, hæc: Ad erat præsens in urbe, sed non intererat synodo; etsi verò non ad eòdè prono animo esset erga sacri concilii cœtum, nihilominus tamen communem Patrum fidem libello confirmavit. Ut mirum sit, Michaellem Gerularium Photiani schismatis discipulum, ac heredem, hoc ignorasse, aut malignè oculere voluisse: qui quidem, ut repudiatæ per summum scelus communionis Romanæ à se amoveretur infantiam, inde à Vigilii temporibus, papæ nomen ex sacris Diptychis deletum fuisse, ausus est committi, datâ Epistolâ ad Petrum Antiochenum episcopum.

Græci. Verùm Michaelis errorem, et chartophylacis ejus ignorantiam, an oscitantiam, egregiè Petrus castigavit; proferam autem ipsa Petri verba, ex ejus epistolâ ad Michaellem, quoniam non solum, quid de Vigilii negotio Petrus sentiret, sed tempus etiam designat, ex quo Constantinopolitanum patriarchæ, nomen Romani, Diptychis expun-

xerunt, quod est certum defectionis argumen-  
tum; Epistola Petri sic habet: « Sacris sancti-  
tatis tuæ litteris continetur famâ ad te  
perlatum, me in sacra Diptycha papam re-  
tulisse, idemque præstitisse cæteros patriar-  
chas, quæ culpa à me præter cæteros abesse  
debuerat, quippe qui noverim, quòd à tem-  
poribus sextæ synodi, usque ad hanc æta-  
tem, papæ nomen è Diptychis excisum fue-  
rit, quoniam Vigilus synodo interesse no-  
cluit, neque damnare, quæ adversus rectam  
fidem et duodecim capita Cyrilli scripserat  
Theodoretus, atque ex illo tempore præci-  
sum esse papam à vestrà sanctissimâ Eccle-  
siâ. » Ilis ex epistolâ Michaelis, suæ inseris,  
supinam scriptoris ignorantiam sic refellit,  
sic errorem convincit: « Quæ ad Vigilium  
spectant, quantam præ se ferunt religiosi  
chartophylæis tui oscitantiam: licet enim  
in rhetoricâ arte, ut ferunt, sit apprimè  
versatus, attamen in hac ejus adolescentiâ,  
nondùm satis callet res ecclesiasticas: Vigili  
tempus refertur ad quintam, non autem ad  
sextam synodum; intervallum autem duarum  
synodorum est centum et viginti novem an-  
norum: accidit autem ut ad pauxillum tem-  
poris ab ejus recitatione abstinere, ob  
dissidium ejus cum Mennâ sanctissimo pa-  
triarchâ, quem ille suspensionemultaverat,  
donec sacerdotes ad invicem in pacem redie-  
runt. Papa autem erat sextæ synodi tempo-  
ribus Apatho, vir clarissimus, et in rebus  
divinis exercitatus: lego verò, quæ sextam  
synodum spectant, quæ quidem solent relegi  
die Dominicâ post festum Exaltationis vene-  
rabilis crucis. Etenim invenies prædictum  
Agathonem à sanctâ illâ synodo summis  
laudibus efferi. Præterea verò ego sum testis  
omni exceptione major, plurimi quoque  
mecum è gremio Ecclesiæ præstantes viri,  
quòd sub beatissimo domino Joanne Antio-  
cheno patriarchâ, Joannes ejusdem nominis  
papa Romanus, in sacris Diptychis recitaba-  
tur, quin etiam ante annos quadraginta  
quinque, cum ad urbem Constantinopolim  
accessissem, sub beatissimo patriarchâ do-  
mino Sergio, inveni prædictum papam, unâ  
cum aliis patriarchis inter divina mysteria  
recitatum. Quomodò verò deinceps ejus re-  
citatò præcisa fuerit, quamve ob causam,  
penitùs ignoro. » Itæc Petrus Antiochenus  
ad Cerularium patriarcham.

LATINUS. Egregia sanè epistola, dignaque,  
quam ex te auferim, præsulis nempe æquè

docti ac catholici, cui ægrè faciebat, consor-  
tium cum Ecclesiâ Romanâ nullâ causâ abrum-  
pi: in hoc igitur restituere Cerularium conatus,  
operam lusit; at quod alteri non poterat, sibi  
retinuit: datis etenim fidei suæ et ordinationis  
testibus ad Leonem IX, desiderii sui compos  
factus est, ut probè constat ex Leonis respon-  
sione: nolim tamen hic cuncta ejus tueri,  
omniumque vadem agere. Etenim Eutychio,  
jam sedente et terminatâ, ut videtur, sy-  
nodo V, cum continuo non accessisset Vigi-  
lius, simul in exilium actus, simul nomen  
ejus Diptychis excipsum est. Primum Anastasius,  
alterum ipsa imperatoris littera, eâ de  
re ad Patres exarata, quæ id imperabat, nos  
admonet. At verò brevissimam sicut exilii,  
sic alterius ignominie injuriam fuisse, rectè  
Petrus asseruit; confirmatâ enim per Vigilium  
synodo, lætam omnia faciem induere, pacque  
reddita Ecclesiis. Agathonem à sextâ synodo  
celebratum ex vero asseruit: addidisse poterat,  
et VII synodi Patrum elogia, dicta papæ  
Adriano; neque ninus in rem meam comme-  
morasse poterat, sub Photio interruptum, at  
mox per S. Ignatium, et synodum octavam,  
instauratum obsequium erga Romanos ponti-  
fices, quod sanè commodè perduxisse potuit  
ad Sergiiusque tempora, qui circa annum 1019  
obit; quin et ad ipsius Michaelis Cerularii  
infaustum regimen, qui Photianum schisma,  
decem ac septem patriarcharum ferè catholi-  
corum successione, prope collapsum, magnis  
viribus restauravit, atque ad summum infeli-  
citatibus apicem perduxit, relegendus in exilium  
ab Alexio Comneno ad annum 1059, atque à  
suâ divellendus, qui ante Orientalem ab Oc-  
cidentalibus Ecclesiâ, maximo bonorum luctu et  
nullâ causâ separavit, expuncto Romani ponti-  
fificæ numine, ut rectè conclusit Petrus Antio-  
chenus, dicens: « Quomodò verò deinceps  
ejus recitatò præcisa fuerit, quamve ob  
causam, penitùs ignoro; » sanè si causa schi-  
smatis fuisset aliqua, neque potuit, neque igno-  
rari debuit à Petro Antiocheno coævo Cerularii.

GRÆCUS. Nullâ prorsus causâ dissensionem  
molitum Michaellem Cerularium, cave dixeris;  
luculentissima sunt, et omninò quindecim  
accusationis capita, quæ ille adversus Eccle-  
siam Latinam congesti.

LATINUS. Probè novi omnia, audeo tamen  
nulla dicere; quando quæcumque ipse nune-  
rat, aut sunt ejusmodi, ut calumnias meritò  
accenseas; aut nihil fœdum, nihil deprava-  
tum, nil hæreticum continent; aut denique

lilia, quæ non cum Cerularii ætate exorta, sed multis retrò temporibus in Ecclesiâ Romanâ constanter usurpata, neque à Græcis orthodoxis, sive qui Photium antecesserunt, sive qui deinceps secuti sunt, reprehensa, aut ad primatûs pontificiî abnegationem adhibita. Quare fucum facit rudibus Cerularius, et quâcumque sceleri adeò atroci, quale schisma est, paret velum obducere, velum tantùm, et fucus est, quem multis, ac sæpè jam celebratis conciliis detraximus. Verùm, quæ nunc adhuc strictim et levissimè attingi, uberiùs tunc dicturus sum, cùm ad schismatis originem, progressus infaustos, et necessitatem communionis cum Romanâ Ecclesiâ, sermonem perduxero; quod in finem, atque ad calcem colloqui nostri servo.

### Colloquium Tertium.

DE JURIBUS ROMANI PONTIFICIS.

#### § 1.

GRÆCIS. Generatim adhuc in primatu Romanis pontificibus asserendo versatus es. Et quanquàm præter honorem præcipuum, potestatem etiam auctoritatemque in omnes Christi fideles primatûs nomine complexus videaris, juvabit tamen luculentiorum ejus imaginem expungere, atque oculis omnium animisque objicere. At vereor magnoperè, ne tu mihi ex papâ merum absolutissimumque monarcham ipcis etiam œcumenicis Patrum synodis superiorem, suoque ac planè personali privilegio supremum ac infallibilem controversiarum judicem, sic, ut ipse vicissim agnoscat neminem, efficias; in episcopis verò, atque ipsis adeò patriarchis delegatam tantùm potestatem constituas, quomque pontificis nonnullos processisse probdè novimus. Si ubi, hic quidem, atque imprimis moderatum te esse cuperem. Nosti quàm difficiles sint Græcorum animi ad credendum æquè ac parendum: et longè libertati, quin et dominationi in Ecclesiâ assuetæ Constantinopolis agrè colla supponet jugo Romanæ Ecclesiæ.

LATINUS. Ne te quidquam celem, cùm in scholis versor, mirum mihi arridet, et confidenter tueor regimen Ecclesiæ monarchicum, non quòd vim ullam, aut potestatem omnem ordinariam in uno solo conclusam sapiat, sed tamen tale, quod sicut à Christi solius pendet arbitrio, ita neque legibus cujusquam hominis,

aut cœtus humani pro voluntate limitari possit. Libenter itaque et singularum, et universæ Ecclesiæ in synodo collectæ, papam superiorem, ac caput facio, atque cum suâ etiam particulari Romanâ Ecclesiâ judicem controversiarum fidei infallibilem defendo. At enim cùm probè sciam scholasticas inter lites, atque dogmata magnoperè interesse, habebò satis, si quod nemo Catholicorum, neque tu negare velis: gaudebo si hodie ex Græco horum temporum, te vel Francum fide atque doctrinâ efficiam: et sic adhuc Romano-Catholicus in sinu complexuque Ecclesiæ futurus es.

GRÆCIS. Ut tu nunc innuisse videris, atque ex aliis sæpè antea me audisse memini, Franci Romano-Catholici cum Sorbonensi scholâ, propiùs aliquantùm nostris favent, et potestatem supremam papæ cum Ecclesiarum libertate utcumque componunt. Horum tu igitur mihi sententiam explicatius propone. Deliberatum enim mihi est, atque omni Græciæ, non plus Romanæ sedi deferre, quàm quòd tutâ ac integrâ fide negari nequeat.

LATINUS. Equidem hîc ego te liberalem, quàm avarum esse mallet, ut in re ad communem Ecclesiæ utilitatem magnoperè conducente, et piissima majorum potiùs exempla sequi, doctrinamque vetustam, et hodie in scholis tritissimam, quàm illam nonnullorum ex Francis, quæ initia sua non ante Pisanam synodum habuit. At quoniam ipsa sedes Romana in magnis lueris reputat, si vel catholicis Sorbonensium articulis libertatique Gallicanæ ex animo accedatis, accipe quæ ab illis universim tribuantur, atque à Catholico quovis tribui oporteat. Igitur illi Romanum pontificem Christi vicarium, D. Petri successorem, summum, verum, propriam atque visibile caput constituunt, centrum unitatis, vinculum catholicæ communionis et originem, sic ut nulli fas ducant, à legitimo Romano pontifice quovis colore quæsito secessionem facere, et ab omnibus ejus decretis reverentia præstanda sit, dùm universæ Ecclesiæ ultimæ ac definitivæ interveniat judicium.

GRÆCIS. Ex hîc Sorbonensium doctrinâ, quam compendio tradidisti subtili sanè atque acutâ, plura mihi consequi videntur: ac primùm, si rectè habeo, quanquàm illi Romanum pontificem singulis episcopis atque Ecclesiis præponant, submittunt tamen etiam judicio universæ Ecclesiæ, sicut monarchicam papæ potestatem utcumque aristocratâ temperant. Deinde quanquàm etiam eîdem infallibilitatem

propriam, atque, ut sic dicam, individualement non attribuant, cavent tamen etiam hæresibus ac schismati; et quanquàm dent Ecclesiæ reclamandi facultatem, tamen etiam observantiam atque obedientiam pontificiis decretis, legibus ac definitionibus sartam tectamque utcumque tuentur. At ne mihi perpetuò illationibus utendum sit, age, et jura, in quibus illi primatum Romanum constituant, paucis, sed luculentè expedi.

**LATINUS.** Ad quinque, nisi fallor, capita promptè omnia reduces, quæ illi omnesque Catholici papæ attribuunt. Ex his ordine primum est jus cogendi, ac moderandi synodos. Alterum ad legislativam ejus potestatem pertinet. Tertium judicis munus complectitur. Quartum jus revisionis est, atque è nostrâ sententiâ appellationum quoque. Postremum est ipsa communionis necessitas cum Romanâ cathedrâ; hoc verò in alium locum tempusque dilato, jura cætera primatus Romani exequemur.

**GRÆCUS.** Si lubet, decurramus cuncta suo ordine: tuum erit, exemplis singula stabilire; meum, si quid in adversum occurrat, apertè proferre. Aggredere jus cogendi ac præsidendi synodis, et quis quam coegerit, quis præcederit, dic è tuâ sententiâ. Non erit sermo longus, quando septem tantùm œcumenicas nos Græci adstruimus.

## § II.

**LATINUS.** Ne in alia deflectam, nolo hic tecum inire pugnam de synodorum numero. Ex septem œcumenicis, quas admittis, Nicænam I, imperante Constantino ad annum 523, in causâ Arii convocasse aio Sylvestrum papam, quem etiam per Osum Cordubensem, Vitum et Vincentium presbyteros præsedisse disertè testatur Gelasius Cyzienus lib. 2 Hist. concilii Nicæni c. 5, et Cedrenus. vester.

**GRÆCUS.** An legisti aliquando Launofum Sorbonensem doctorem? cætervam ille historicum adversùs te producit, qui convocationem Nicæni omnes Constantino asserunt. Euseb. lib. 5, c. 6; Socr. l. 1, c. 5; Theodoret. l. 1, c. 7; Sozomenum lib. 1, c. 16; Rufinum l. 10, c. 1, à quibus nulla fit Sylvestri memoria; et ne tu id à Constantino ex consensu Sylvestri coactum, ut vobis est solemne, dicas, adde his, si lubet, ipsam synodicam Nicæni concilii epistolam ad Ecclesiam Alexandrinam, quam descripsit Theodoretus l. 1, c. 11. Quod tuium atinet, præsertim præfuisse dabo, at

quid vetat cum Launoio dicere, id munus ipsi, non mandato pontificis, sed præstantiâ sapientiæ ac meritorum contigisse.

**LATINUS.** Quos adduxisti scriptores, nil mitterent, quando eorum nemo unus negat, et Rufinus disertè affirmat, Constantinum ex sententiâ sacerdotum concilium indixisse. Quod quidem Rufini testimonium frustra Launoio ad unum Alexandrinum patriarcham restrinxit: quanquàm enim ex Epiphanio hæresi 68, satis constet, Alexandri Alexandriae episcopi studio et hortatu à Constantino Nicææ congregatos esse Patres, nemo tamen exclusit Sylvestrum; et Damasus in Pontificali apertè ait, ejus planè consensu Nicænam synodum coaluisse. Cui et sexta synodus generalis, act. 8, suffragatur, dicens: «Arius divisor Trinitatis insurgebat; et continuò Constantinus semper Augustus, et Sylvester laudabilis magnam et insignem synodum in Nicæâ congregabant.» Communi itaque studio pontificis ac imperatoris coaluit synodus, nisi plus referas Launoio, quàm synodo. Osum mediocris in Hispaniâ Ecclesiæ episcopum, cæterosque presbyteros alio quocumque nomine præsedisse, quàm Romani pontificis, merum commentum esse facilè cognosces, si tu primùm advertas in conciliis non tam celebritatem nominis, quàm hierarchicum ordinem observatum, et cogites conspicuos præ Osio multos Nicæno eidem adfuisse.

**GRÆCUS.** Memini adfuisse Eustathium patriarcham Antiochenum, Alexandrum Alexandrinum, de Ecclesiâ, in causâ quæ tum agebatur, meritissimum, S. Nicolaum Myræ in Liciâ episcopum, Jacobum Nisibis in Mesopotamiâ, quem Theodoretus, l. 1, c. 7, suscitasse mortuos, aliæque stupenda edidisse memorat. Omitto cæteros prophetiæ dono clarissimos, atque alios toleratis pro Christo tormentis insignes, qui magno numero illi cœtui astiterunt. Quare nec mihi Launoii sententiâ placuit, cum se ille ad celebritatem nominis Osiani reduxit. Sit igitur ut volebas, de Nicæno. At certò Constantinopolitanum I nec convocavit Damasus, neque per legatos moderatus est.

**LATINUS.** Constantinopolitanum I Theodosio seniore imperante, et Damaso papâ, anno 381 celebratum adversus Mædonium, aliè è nostris convocatione nationale fuisse tradunt, proinde dent facilè pontificem id non convocasse, aut præsedisse per legatos, sed Nectarium Constantinopolæos episcopum. Verùm

rectis ali, propitiusque veritati, à Damaso convocatos Romam aiunt universos, sed Orientales Constantinopoli substituisse, et moram suam ibi excusasse, tum ex angustiis temporis præstituti, tum et ex Orientalium Ecclesiarum discrimine, quo non leviter laborabant. Ita ex Romanâ simul ac Constantinopolitanâ unam œcumenicam evasisse, animis nempe ac sententiis Occiduorum, Orientaliumque Patrum in idem conspirantibus. Verùm ut ut id sit, tantùm abest, ut ejus synodi factum papæ juribus quiddam detrimenti afferat, ut hinc eadem etiam magnoperè confirmari existimem. Si tibi est otium, lege Synodicam Patrum ad Damasum; refert eam Theodoretus l. 5, c. 9; apertissimè testatur affirmatque pontifici jus cogendi concilia: «Man- dato, aiunt, litterarum superiore anno à vestrà reverentiâ ad sanctissimum imperatorem Theodosium missarum ad iter duntaxat Constantinopolim usque faciendum nos præparavimus.» Damasi quoque litteras ad idem concilium datas inspicie: ex utrisque cognosces facilè, indixisse quidem Theodosium, at Damasi potius quàm suis auspiciis synodum. Quare verissimè dictum à Patribus sextæ synodi in Proshonnetico ad imperatorem Act. 18: «Theodosius et Damasus per secundam synodum obstiterunt Macedonio, sicut Sylvester et Constantinus, congregato Nicæno concilio, Ario obstiterant.»

GRÆCUS. Ephesinum I, ordine III, condixisse Juniorem Theodosium ad annum 431, adversus Nestorii Constantinopolitani insaniam, auctor est Evagrius, l. 1, c. 2.

LATINUS. At etiam coaluisse idem Cyrilli industriâ, ac Cœlestini auctoritate, Properi Chronicon notat; cuius etiam vice præfuisse Cyrillum ex Evagrío, Liberato, ac Photio, tum et ipsâ Cœlestini ad Cyrillum epistolâ manifestum est. Neque de legatione Cyrillo injunctâ apud Græcos dubitatum est, ut id etiam summo semper honori ac gloriæ vertent, idèdque Cyrillum orbis universi iudicem appellatum testatur Nicephorus l. 14, c. 34, ut nihil dicam de accepto Româ phrygio, quo deinceps in sacris solemnibus per omnem vitam usum ferunt. Cyrillo in legatione socii postea additi sunt Arcadius et Projectus episcopi cum Philippo presbytero.

GRÆCUS. Chalcedonense I, ordine IV, jussu Marciani imperatoris piissimi convenisse ad annum 451, auctor est ipse Leo papa Ep. 43; Photus I, de septem Synodis, Anatolium

Constantinopoleos patriarcham etiam præsidem facit; quanquàm neque possim, neque negare velim Paschasinum præcipuum Leonis legatum, præsidem quoque fuisse; id enim nimis quàm apertè monet ipsa ejus subscriptio: «Paschasinus vice beatissimi, ac apostolicæ universalis Ecclesiæ papæ, sanctæ synodo præsidens subscripsi.»

LATINUS. Leonis papæ legatos summo jure ac prærogativâ subsellii æquè ac suffragii præfuisse congregatis Patribus, sic ut totius concilii πρῶδρα habent ex actione etiam tertiâ in manifesto est. Etenim cum facinora Dioscori in examen vocata essent, præsidii nomine cognitionem eorum sibi cum primis debere dixerunt: «Nostram parvitatem huic sancto concilio pro se præsidere præcepit (Leo), idèdque necessarium est, hæc quæ in medium proferuntur, per nostram interlocutionem disceptari.» At quod denique rem omnem extra controversiam collocat, sunt ipsa Patrum verba: sic illi in Synodicâ ad Leonem fatentur: «Tu episcopis iudicibus (sic membris caput præerat in his, qui tunc tenebant locum; imperatores verò ad ordinandum decentissimè præsidebant.) De Anatolio præside quanquàm nulla hic mentio fiat, dabo tamen id Photio, Cedreno, Zonaræ et Nilo Rhodiensi, ut neque hunc ex præsidum numero penitus excludam, quando et alios patriarchas Photius eodem titulo ac nomine honoravit. Nempè triplici sensu in præsidum nomen usurpatum invenio. Primi ordinis erant, qui Romani pontificis nomine præsidebant; etenim hi soli, ut caput membris, præerant. Alio rursus sensu imperatores, alio patriarchæ: hi nempe ut summi in episcoporum ordine iudices, illi cœu Ecclesiæ defensores, quibusque incumberet tueri iudiciorum ordinem, vim omnem arcere, avertere turbas, aut subortas suâ majestate componere. Sic tantùm cum Chalcedonensi præsedisset Imperator, neque auctoritate suâ convocasse ex omni orbe Patres putandus est. Et verò doctè id Marciani ipsius littera præfixa concilio. Ea ipse indicturus concilium, rogat pontificem adesse ne gravaretur, aut, si id nollet, per litteras doceret quidquid agendum videretur, ac demùm sic concludit: «Ut ad quemdam destinatum locum, ubi vobis placuerit, omnes sanctissimi episcopi debeant convenire, et quæ christianæ Religionis, et catholice fidei prosint, sicut sanctitas tua, secum vobis ecclesiasticas regulas definitur, suâ

« dispositione declaret. » Quare jure optimo secundæ Mœsiæ episcopi in epistolâ ad Augustum dixere : « In Chalcedonensium civitate multi sancti episcopi convenerunt per iussionem Leonis Romani pontificis, qui verè caput est episcoporum. » Nec à vero aberrasse Gelasium ad episcopos Dardaniæ scribentem, « solam Apostolicam sedem suâ auctoritate effecisse, ut synodus Chalcedonensis fieret, » dabit facilè, quisquis summa Leonis papæ studia, conatusque expendit; quos, quàm asperè repulit, frustratusque Theodosius Junior fuerat, tam clementer admisit, pronovitque Marcianus piissimus Imperator.

GRÆCIS. At concilium Constantinopolitanum II, ordine V, non à P. Vigilio, sed imperatore Justiniano in causâ trium Capitulorum indictum ad annum 553, non sub alterius, quàm Eutychi patriarchæ Constantinopolitani præsidio decursum fuisse, nisi longum ac supervacaneum esset, manifestis testimoniis docere possem.

LATINUS. Parce temporì : equidem si tu omnia quæ antecessere, quæque consecuta sunt eam synodum, libero animo inspicias, latendum sanè erit, hic etiam præcipuas in convocazione aequè ac decursu V synodi partes fuisse Vigilii R. P. De quo si ambigas, absolvent te dubio omni Patres sextæ synodi, qui in Prophoneticò ad imperatorem Constantinum aiunt : « Vigilius et Justinianus quintæ synodi conventum celebrant, vel ut vulgata habet lectio : Vigilius post hæc Justiniano piissimo consonuit, et quintum concilium constitutum est. » An tu id negabis ?

GRÆCIS. Equidem negare vereor; at neque hæc Patrum dicta satis concilio cum iis quæ sacri historici narrant de Vigilio. Ac initio quidem infectum fuisse Vigilium Eutychanâ labe mihi certum est. Deinde ubi causa trium Capitulorum agitari coepit, acrem eorum defensorem extitisse adversus imperatorem Justinianum, graves propterea calamitates perpassum, quòd edicto Justinianæo adversus præfata capitula nollet accedere. Etenim evenit, ut Constantinopoli in ecclesiâ vis ei manusque admotæ sint, necessumque haberit Chalcedonem se fugâ eripere. Nec felicior fuit à terminatâ synodo; etenim cum ad eam assensu suo tergiversaretur accedere, mandato irati imperatoris in Proconesum exul deportari iussus est; quin et à tabulis ecclesiasticis nomen papæ erasum. Quæ cum ita sint, nescio, quâ fide dici possit à quoquam,

studio Vigilii, aut de ejus consensu convenisse synodum, papæque Romani auctoritatem, et præcipuas in eâ partes fuisse.

LATINUS. Vigilium quod attinet, tria tempora in eo aptè distinxisti : atque ut omnia ejus gesta in plino sint, primum non diliteor eundem malis artibus, dejecto Sylværo papâ, ad pontificatum evasisse; atque ad hujus legitimi papæ usque decessum, sive ex animo, sive fictè Eutychanis favisse. Sed enim decedente ex humanis Sylværio, postquam certus jam pontifex erat, è vestigio animum Iarvæque posuit, divinoque Spiritu sedem Petri gubernante, quæcumque antea adversus sanctam fidem Chalcedone stabilitam ad Theodoram impiè exaraverat solemnî fidei testimonio delevit, litteris datis ad Justinianum. Romæ adhuc erat Vigilius, cum, ut P. gio videtur, ad annum 544, Justinianus primum emisit edictum adversus tria Capitula, hoc est, adversus Theodorum Mopsuestenum, ejusque scripta, adversus Theodoretî Cyrensis libros contra duodecim S. Cyrilli Capitula, seu Anathematis, et denique adversus ibæ Edessenî ad Marium Persam epistolam. Et ex Orientalibus quidem multos perpulerat, sive metus exactorationis, sive reverentia majestatis ad subscribendum edicto. Mennas tamen Constantinopolitanus eâ tantum conditione subscripsit, ut reciperet chirographum, si hæc Romanus episcopus non prolâset. Quanta hæc fuit observantia in Romanam sedem, quam tu impugnas! Quod Vigilium attinet, Romæ in libertate constitutus, edictum ipse, tum reliquis Occidens subscribere renuit. Imperator ergo, ut in suam sententiam pertraheret Vigilium, Constantinopolim accivit. Iter id periculi plenum papa propè invitus suscepit, lentèque peregit, ferè malorum præsagus. Et verò in quamcumque se partem daret, plenam periculi aleam subibat; cum hinc universus Occidens pro Chalcedonensis synodi auctoritate depugnaret, eoque integrè ac salvâ, damnari Capitula haud posse existimaret; inde verò imperator cum multis ex Oriente, quos jam in sententiam pertraxerat, damnationem Capitulorum urgeret.

GRÆCIS. Nunquam satis in cognitionem perventire potui, unde id demum factum sit, ut Vigilius, multique tam Orientalium, quàm Occidentalium Patrum, ex Capitulorum trium damnatione, periculum fieri Chalcedonensi synodo suspicari potuerint. Equidem Theodori Mopsuesteni neque persona, neque scripta,

nec causa expensa, judicative, minus probata aut reprobata fuit Chalcedone. Theodoretus susceptus quidem, at non antequam dixisset Nestorio anathema, quo sanè sua quoque adversus Cyrillum scripta pro Nestorio sententiâ eadem confixit. Nisi Ibas sit causa tot morarum ac motuum, nescio quid aliud.

**LATINA.** Qui damnatione Justinianæ trium Capitulorum grave vulnus infligi reverentiæ et auctoritati Chalcedonensis synodi opinabantur, et ipse existimo præcipuè ad Iham Edessenum respexisse. Noverant quippe, relectâ ejus ad Marium Persam epistolâ, act. 10, orthodoxum voce conciliis proclamatum. Quin et Maximi Antiocheni dictum: *Orthodoxa est ejus (Ibæ) declarata dictatio*, multorum observabatur animis, quamquam immeritò, quando in Ibæ personam, quam orthodoxam dixit IV synodus, nil severius à V decretum est. Et ea, de epistolâ Ibæ, Maximi sententiâ, concilii non fuerat. Peregrinum ad hæc atque insolens videbatur, si Theodorum Mopsuestenum jam vitâ functum, cui vivo parcitum fuisset, in judicium revocarent, et non opuscula modò, sed et hominem ipsam condemnarent. Suborta quoque est nonnullis suspiciò, ne his fortè machinis, veluti ex occulto Eutychiana hæresis rursùm erigeretur: neque erant pauci, ad quos scripta dictaque Theodori, Theodoretî, Ibæque minime pervenerent. Omnibus verò, sed imprimis Vigilio papæ: magno perè displicebat, quòd Augustus potestatis limites egressus, sacris seculares manus immisceret, jura Apostolicæ sedis sibi arroganter invasisse videretur. At hæc nec placebat retractari, aut rursùm disceptationi committere, quæ à synodo Chalcedonensi tractata, aut utcumque judicata fuissent. Inde factum, ut Mennam patriarcham Constantinopolitanum, qui edicto condemnatorio subscripserat, atque alios etiam ad subscribendum impulerat, reprehenderit, et urbem ingressus anno 547, à communione suspenderit, neque ipse vi ullâ adigi potuerit ad subscribendum. Et hæc tamen summo strictissimoque jure egerat, et ad omnem, ut videbatur, rigorem canonum. Dein cum temperamento ac remissioni locum dare placuit, ob unitatis pacisque bonum, consensit, ut anno 548 episcoporum septuaginta conventus fieret, quorum suffragiis ad se in scripto delatis, ipse demùm judicatum emisit ad Mennam, quo tria Capitula damnabat, adjectâ clausellâ: *Salvè in omnibus reverentiâ synodi*

*Chalcedonensis.* Ita medium ingressus viam, ut Orienti Occidentem conciliaret, ab utrisque offensionem iniiit. In Occidente namque famâ omnia in pejus majusque efferente, ob judicatum deplorabatur synodi Chalcedonensis auctoritas, quasi per Vigilium prodita ac depressa, gravesque inde tumultus ac schismata existerent. Oriens contra clausulam removeri optabat, ipsamque ad eò personam Theodori Mopsuesteni condemnari. Tot tumultuum fons imperator, ut remedium faceret, tentavit synodum cogere ex omni orbe, hortante imprimis Vigilio. Verùm cum detractantibus obsequium Illyricanis atque Africanis episcopis, concilium non processisset, ad edicta rursùm animum applicuit, quibus pontifex cum acerrimè totisque viribus obstitetur, et præbentes consensum, ac Mennam imprimis patriarcham communione suspendisset, acerba multa, sedisque suæ sanctitate indigna pertulit: sic, ut neque inter sacra adyta basilicæ Petri in Hormisdâ, tutus à vi atque injuriâ esset.

**GRÆCIS.** Incidère hæc luctuosa, parumque nostris decora in annum 532. Et Mennas quidem cæterique episcopi eluisse eas injurias deprecatione humili videri possunt. At edic etiam, quis hanc Vigiliî constantiam eventus secutus sit?

**LATINUS.** Nempe ut refixis edictis, imperator discussionem trium Capitulorum integram synodo futuræ relinqui consenserit. Hic fuit fructus tot certaminum. Etenim mortuo Mennâ, Eutychius, qui successit, oblato fidei libello petivit à Vigilio, ut communi tractatu finis denique controversiæ optatus imponeretur, et respondit pontifex: « Annulus, ut « de tribus Capitulis, ex quibus questio nata « est, facto regulari conventu, servatâ æquitate, mediis sacrosanctis Evangeliiis, collationem cum unitis fratribus habeamus, et « finis placitus Deo, et conveniens his quæ « sanctis quatuor sunt definita synodis, detur. »

**GRÆCIS.** At fidem datam non præstitit, nec dictis facta responderunt. Etenim nescio quo metu aut suspiciòne adesse per se noluit, satiusque duxit sententiam suam ad principem in scripto transmittere. Ea venit *Constitutio* nomine, quod integrum recitat Barenus. In hoc denique disputationem de tribus Capitulis aggreditur, et Theodori 60 sententias, ut ad se missæ sunt, damnat; personam tamen ac nomen damnari haud posse, multis argumentis contendit; Theodoretî scripta speciali damna-



tione non egere, postquàm ipse palam synodo, Nestorio anathema dixerit, quod unum Patres Chalcedone ab eo poposcerunt. Denique nec libæ epistolam, veluti ejus partum proprium, damnandam censet, quando is et negavit id suum opus, et Leonis P. litteris, et decretis ejus synodi subscripsit, cujus synodi incolunitatem ac reverentiam tueri sibi semper fuisse propositum, ex Judicatio ad Mennam à se transmissio, comprobatur. At neglectim id Patres congregati habuere; et Theodori etiam personam, et Theodoret scripta, et Epistolam, quæ dicitur ad Marium Persam, anathemate ferierunt, cunctosque defensores Capitulorum. Quare factum opinor, ut papa obstinato animo assensum præbere decretis concilii repugnaverit, exilio tantum emolliendus.

LATINUS. Causam germanam cur adesse synodo nollet, explicuit in Constituto Vigilii; ea erat, quòd imperator pacta conventa non observasset; neque exæquato Latinorum episcoporum cum Græcis numero, ut conventum fuerat, utque pacis negotium posecebat, synodus agebatur. Quare imperatoris vitio, non pontificis inconstantia factum, ut devictam fidem non teneret. In Constituto ipso nil prorsus peccati est, quando pressè et ad apicem Chalcedonensi concilio insistendum putavit, instituitque. Constituti rationem non habuisse Patres synodi V mirari nil opus est; quam enim ejus rationem habere poterant, cujus ne apicem, suppressente Augusto, legissent? Exilium quod attinet, non desunt docti ac graves, qui in dubium revocant; ex his Norisius cardinalis, atque Alexander Natalis præcipui. Id ut sit, non continuo assensum præbuisse Patribus Vigilium fateor, at non quòd in eorum decretis quidquam improbandum sibi duceret, sed quo schismatum periculis, aversis adhuc Occidentalium animis, eà cunctatione occurreret, quòdque conventum eum Patrum synodi nomine haud dignaretur. Ita nempe, ut rem in pauca capita contraham, tu ex omnibus neque errorem adversus fidem aliquem in Vigilio deteges, neque ex inconstantia qualicumque pontificis decreta à synodo ipsa ostendes: quæ potissima sunt adversus majestatem Romanorum pontificum ex hac V synodo argumenta. Quin contra potius, si collationem 7 inspexeris, in eo licet imperatoris cum pontifice dissidio, invenies hoc uno veluti validissimo argumento usum Augustum, ut ad properandam Capitulorum damnationem synodicam

Patres adduceret; quod idem jam præstitum esset à Vigilio: equidem in hunc finem, hoc consilio, neque alio, varia monumenta Vigilii ab imperatore producta sunt, et Constitutum retentum.

GRÆCUS. Sint ita prorsus omnia, ut narrasti, nec sequantur ea incommoda, quæ novatores inde in pontificiam sedem ducunt. At certè ex his ipsis in aperto est Vigilium, neque cogisse V synodum, neque ab initio eidem, decretisque acquievisse, neque per se, aut legatos præfuisse.

LATINUS. Ex iis quæ adhuc statuimus, per se fluit, magnis studiis incubuisse pontificem in id, ut synodus ecumenica cogeretur; hinc etiam Eutychio roganti annutum præbuisse, testis est ipsa etiam Justiniani Epistola ad congregatos Patres coll. 1. Indicta est itaque planè de consensu et voluntate Vigilii. Verùm cum eadem non iisdem, quibus Institutum fuerat, pactis coaluisset, non præcedit, neque suo suffragio, nisi seriùs ad eam accessit. Quid verò tu hinc elicis? Ego sanè nil aliud, quam convocacione ecumenicam fuisse, at non re atque decursu: neque talem antea evasisse, quam decreto Vigilii stabilita fuit. Cæterùm, et neque id dissimulem, et eà quæ collatione 7, producta sunt, et quæ Patres ipsi allegant, collatione 8 manifesto sunt indicio Vigilium Patribus, quamvis absentem corpore, faciem prætulisse, Patresque summum decreti sui in eo momentum collocasse, quòd Vigilium in Urbe degens omnibus interfuisset, quæ de tribus Capitulis annotata sunt, quòdque eadem voce, ac in scripto sæpè condemnasset. Neque aliud dant vitio, quam quòd interesse noluisset, quanquam illustri legatione invitatus. Quare meritò quis dicat, per litteras Vigilium præsedisse. At utrumque sit de facto, de jure certo nemo sanus ambigit, si in animum induceret, potuisse Vigilium eidem synodo præsidere. Etenim hoc conceptis verbis Eutychii atque aliorum episcoporum litteræ ad Vigilium et continebant, et orabant: « Et ideò petimus præsidere nobis vestrà beatitudine, sibi tranquillitate et sacerdotali mansuetudine propositis sanctis Evangelis, communi tractati eadem Capitula in medio proponenda quæri, et conferri, et finem questioni imponi Deo placitum, et convenientem his quæ à sanctis quatuor conciliis definita sunt. » Quibus Vigilii respondit: « Poposcit vestra fraternitas, ut nobis presidentibus de tribus Capitulis, » collat. 2.

Græcus. Concilium Constantinopolitanum III, sextum œcumenicum, adversus Monothelitas coactum à Constantino Pogonato ad annum 680, eundem etiam præsidem habuit. Sanè à primâ actione ad undecimam usque Augustum præsedisse Acta ipsa loquuntur: « Præsidente piissimo, et Christo amabilissimo (magno imperatore Constantino.) » Et confirmat Leo II, in epistolâ ad eundem Constantinum. In Nicæni II, quod coaluit adversus Iconoclastas ad annum 785, fuitque ordine ultimum, præside constituendo, discordes sumus; Photius et post illum alii è Græcis, Tarasio patriarchæ Constantinopolitano id vindicant præ vicariis Apostolicis: at is honor actione 8, manifestè imperatrici Irene, ejusque filio Constantino defertur.

LATINUS. Postquàm imperatores cum Romanis pontificibus commisisti, quid reliquum erat, quàm ut etiam jus idem convocandi ac præsedendi synodis, ad mulieres quoque, et principem in matris tutelâ positum, ipsosque ad eò Constantinopolitanos patriarchas deferres, colore undecumque quæsito? Verùm quàm illa quæ adduxisti, sint levia, quàm rebus nostris auctoritatisque pontificiæ nihil detrahant, subinde discas; nunc accipe veros præsidem. Igitur qui Agathonis pontificis nomine sextam synodum moderati sunt, fuere Theodorus et Georgius presbyteri, ac Joannes diaconus. Nicæno II, sive œcumenico VII, Adrianus I, per vicarios Petrum archipresbyterum et Petrum S. Sabbæ abbatem præfuit; nusquàm imperator, nusquàm alius. Et verò quantum sibi piissimus Constantinus tribueret in concilio, satis ejus verba produnt, quæ Grægorius II suæ ad Leonem Isaurum epistolæ inseruit; verba imperatoris Constantini erant: « Neque cum illis (synodi Patribus) tanquàm imperator sedebo, sed tanquàm unus ex illis, et prout statuerint pontifices, exequar. » Irenem suis imperiis, ductuque concilium non temperasse, satis vel Apostolus evincit, qui mulieri ne loqui quidem in templo integrum vult esse. Et quâ tandem ratione in matris potestate constitutus princeps id præstitisse poterat? aliud equidem verba utriusque principis in Divali ad Adrianum P. insinuant: aliud ipsa Adriani ad Augustos responsio. Et verò quis plus auctoritatis tribuat infirmo ac tenello principi, quàm ipse sibi Constantinus Magnus tribuerit? Is verò Patres in Proslphonetico deprecatus legitur in hunc modum: « Suscipiat ergo me sincerissimum sanctitatis vestræ concilium,

« nec in hi sanctissimam Ecclesiam, et communis omnium nostròrum, castæque matris portas opponere sustineatis. »

Græcus. Age ut lubet, et versa te in quamcumque partem, at certum est, fatentibus conciliis ipsis, imperatores convocasse synodos; imperatores præsedisse. Hoc Nilus Thessalonicensis, hoc Macarius Ancyranus egregiè ante me demonstrarunt, hoc Patres, et acta conciliorum loquuntur. Synodus generalis VI, act. 18, de convocazione per imperatores semper factâ, dubium tibi omne absterget. Unde rectè Hier. l. 2 Apologiæ contra Rufinum disputans de concilio quodam ait: « Die quis imperator jussit hanc synodum convocari. » Et profectò si id juris ad imperatores non pertinuisset, neque à pontificibus eos rogari, quod sæpè factum est, sed reprehendi oportebat, cum convocarent.

LATINUS. Neque ego adhuc me negasse meminì, imperatores convocasse concilia; vindicabam dumtaxat id jus Romanis pontificibus contra Nilum et Macarium, qui id juris solis, aut certè potiùs imperatoribus tribuendum putarunt. Itaque cogebant imperatores synodos, neque injuriâ, quin et laude suâ maximâ, ut rogari meritò à pontificibus, non reprehendi poterint. At quâ demum ratione, hoc est, auctoritativè, et ut Ecclesiæ capita, supremique judices, arbitri ac diribitores sacrorum fidei dogmatum, id præstiterint; an humiliore quodam modo, et more admistri manu omnia exequentis, ut quidem defensoribus Ecclesiæ convenit? id verò ex ipsis Imperatoribus necesse est discamus. Constantinus Magnus, nil sibi præter ministri officium in convocando tribuit; audiatur ejus sermo, quem ad synodum de pace habuit: « Postquàm de vestro discessu præter omnem spem audivi, non posthabendum duxi, quod relatum est; sed rogatus huic etiam rei adhiberi remedium per ministerium meum, omnes absque morâ accersivi. » Theodosius ac Valentinianus quàm nihil sibi juris in synodis, et præcipuo earum negotio, quod est causas dirimere, arrogarent, monet eorum sacra ad synodum Ephesinam per Candidianum comitem imperialem vicarum delata: « Candidianum præclarissimum religiosorum domesticorum comitem ad sacram nostram synodum abire jussimus, sed eâ lego ac conditione, ut cum quæstionibus et controversiis quæ circa fidei dogmata incidunt, nil quidquam commune habeat; nefas est enim qui sanctissimorum episcoporum cat-

« logo adscriptus non est, illum ecclesiasticis  
« negotiis et consultationibus sese immiscere. »  
Quod ne tu mihi ad profanos, à splendore imperi-  
aliationis circumscribas, lege Sozomenum  
l. 6, c. 7; refert is responsum quod Valentinianus  
urgentibus Orientis pontificibus con-  
vocationem synodi pro instaurandâ fide consub-  
stantialitatis, edidit præclarum. Dignum est,  
quod exscribam; aiebat: « Sibi, qui unus è  
« laicorum numero erat, non licere se ejus-  
« modi negotiis interponere; et idèb sacerdo-  
« tes, quibus hæc cura sunt, seorsùm per se  
« cubicumque ipsis lubitum fuerit, in unum  
« conveniant. »

GRÆCIS. Effata quidem imperatorum nihil  
admodùm sacra ab iis auctoritate potestateque  
in synodis gestum utcumque ostendant: at  
facta ipsa supremam potestatem etiam in divi-  
nis sapiunt. Sanè Constantinus in Nicænâ ipse  
disquisitionem veritatis suscepit, vocem *ἐπι-  
σκοπικὴν* exposuit, discordes sententias concilia-  
vit, formulas rejecit alias, alias comprobavit.  
Theodosius et Valentinianus Ephesinos Patres  
deserere formam disceptationis præscriptam ve-  
tuere. In Chalcedonensi ad occurrendum hære-  
ticorum fraudibus, perfecerunt constantiâ suâ  
judices, ut definitioni adderentur mutata ex  
Leonis epistolâ: *inconfusè, inconvertibiliter, indi-  
visibiliter, inseparabiliter*. Denique Constantinus  
*placitis synodi, suo suffragio auctoritatem addidit*.  
Theodosius, quæ acta essent in Constantinopoli-  
tanâ primâ, suo suffragio comprobavit. Theodo-  
sius Junior in Ephesinâ, in Nestorium constitu-  
ta roboravit, infirmavit acta pro Nestorio. Mar-  
cianus « sacro suo edicto venerabilem Chalce-  
« donensem synodum confirmavit. » At irritare  
synodos, confirmare, formulas admittere, præ-  
scribere, dubia explicare, manifestè auctori-  
tatem supremam in ecclesiasticis sacrisque sa-  
piunt; et nisi hoc sit auctoritate agere, nescio  
unde comprobaturus sis denique vel papam  
summo jure synodos aliquando moderatam esse.

LATINUS. Hæc et quæcumque tu alia ab im-  
peratoribus usurpata unquam produxeris,  
non aliter, quàm à me dictum, gesta esse, hinc  
documentum cape, quod potestas illorum,  
quæcumque ampla, profana tantùm comple-  
ctatur; nec in sacris possint aliud, quàm ut  
horum incolumitatem veluti brachio validis-  
simo sustentent dumtaxat, non gubernent;  
quando hoc solis episcopis datum est, Act.  
20: *Attendite vobis et universo gregi, in quo-  
rum Spiritus sanctus posuit episcopos regere Ec-  
clesiam Dei. Quare suggerere illi, ut sapientes,*

multa poterant opportunè Patribus; poterant  
discordes istorum animos, sententiasque, sive  
majestate componere: poterant, ut sagaces ac  
providi, hæreticorum fraudes ac molitiones  
delegere, ut propugnatores fidei atque Eccle-  
siae pseudo-synodis, hæreticisque vim et ex-  
stimationem adimere; sinceris Ecclesiae placitis,  
decretisque robur ac firmitatem addere  
suffragio atque consensione suâ poterant;  
nilum namque tantùm regum imprimis ma-  
jestas, atque suprema illa in humanis potestas  
accessione, exemploque, in quamcumque se  
partem dederint, apud animos populi valeat.  
Quin etiam, ut sunt defensores Ecclesiae, eo-  
rum planè fuit, ostentato etiam armorum ro-  
bore, metoque quomodolibet injecto, arcere,  
prohibere noxias, complecti salutare doctrinas,  
hisque tantùm lucum dare in imperio.  
Ut enim imperatoris Theodosii sententiâ ut-  
quæ ille Sacram ad Cyrillum exorditur: « Pen-  
« det à Religione, quâ Deus colitur, nostræ  
« respublicæ status; multarum inter hunc et  
« illam cognatio ac familiaritas intercedit:  
« nam et connexa inter se sunt, et utrumque  
« prosperis alterius successibus incrementa  
« sumit. » At enim reprobare noxias, rectas  
doctrinas fidei approbare, hisque robur aut  
pondus more supremi judicis ac arbitri addere,  
ad imperatoris officium minimè spectasse, vel  
ex ipso rursus imperatore discere; sic enim ille  
in eadem Divali loquitur: « Cæterum nos ci-  
« vitates et Ecclesias conturbari nequaquam  
« sinimus, sed neque eam quoque doctrinam  
« indiscussam manere patiemur, cujus oportet  
« eos esse judices, qui sacerdotibus ubique præ-  
« sident, et per quos ipsi in veritatis sententiâ  
« sumus et erimus. » Si imperator neque sac-  
rorum judicem se constituit, quæ fronte tu  
illi supremi judicis, et arbitri sacrorum divi-  
norumque officium trades? hoc verò est præ-  
sidere conciliis.

GRÆCIS. Quæ itaque fide ausus est Socrates  
de christianis imperatoribus hæc consignare:  
« Res Ecclesiae ab ipsis dependenterunt; et maxi-  
« ma concilia ex ipsorum arbitrio habita sunt; »  
et quæ fiduciâ Eusebii l. 4 de Vita Constantini  
c. 37, de illo scripsit: « Tanquam communis  
« episcopus à Deo constitutus, ministrorum  
« Dei cogebat concilia? »

LATINUS. Effata hæc plana sunt, nec serti-  
juris quidquam imperatoribus, quanquam la-  
boris et ministerii plurimum, ad tuendam  
sacrorum incolumitatem tribuant. Cæterum  
quæ nôris, ut tandem Eusebii Constantinum

communem episcopum dixerit, atque alii Patrum deinceps hunc morem secuti, Augustos sacerdotum aliquando titulis, nullo serupulo honestarint, ad ipsummet Eusebium l. 4, c. 24. Factum ait, ut aliquando Constantinus episcopos convivio acceperit, atque inter licta seriam eam sententiam protulerit: « Vos intra Ecclesiam, ego extra Ecclesiam à Deo episcopus constitutus sum. » Cur ita? quia nempe, ait Eusebius, « animum in omnes qui ejus suberant imperio, intentum habuit, hortatus pro virili, ut piam omnes vitam colerent. »

GRÆCUS. At non hoc unum fuisse, quo sacerdotii munus, honorque apud imperatores absoluebatur, facta Constantii declarant, quibus recensendis supersedeo.

LATINUS. Arrogasse sibi plus nimio Constantium, manumque misisse in alienam messem audacius, reprehensio, qua cum convenit Osius, persuadet. Retulit verba Athanasius in Epistola ad solitariam vitam, agentes in hunc modum: « Ne te rebus misceas ecclesiasticis, nec nobis his de rebus præcepta mandes, sed à nobis potius hæc ediscas; tibi Deus Imperium tradidit, nobis ecclesiastica credidit; ac quemadmodum qui tibi imperium subripit, Deo ordinanti repugnat, ita metue ne si ad te ecclesiastica pertrahas, magis criminis reus fias. » Et cum aliquando Leo Isaurus arrogantius de se dixisset: *Imperator sum et sacerdos*, egregie eidem respondit pontifex, paucisque complexus est sententia, in quo munus id imperatorum verteretur: « Qui ante te fuerunt, aiebat Gregorius, imperatores hoc opere, ac sermone demonstrarunt, qui condiderunt, ac curam gesserunt Ecclesiarum, unâ cum pontificibus cupiditate zeloque incensi, rectæ fidei veritatem pervestigantes, Constantinus Magnus, Theodosius Magnus, Valentinianus Magnus, et Constantinus Justiniani pater, qui sextæ synodo interfuit. Imperatores isti religiose imperarunt, et cum pontificibus uno consilio ac sententiâ synodos congregantes, et veritatem dogmatum perquirentes, sanctas Ecclesias instituerunt et ornarunt. »

GRÆCUS. Sic igitur tu imperatoribus sacerdotum et episcoporum nomen ac honorem tributum ais? sic concilia convocasse, præsedisse, confirmasse, ut tamen in sacra ejusmodi nil auctoritatis, nil potestatis, ministerium duntaxat, executionem et defensionem committas?

LATINUS. Si ego, qui sacris addictus sum, id apud te solus contenderem, jure fortasse in suspicionem vocare poteris; at imperatores

sunt illi ipsi quorum causam agis, qui nil sibi plus tribuunt; pone ergo præposterum zelum, nec illis obtrude, quod sine raptu absque sacrilegio obtinere nequeunt. Aspice concilium apostolicum, quod forma semper fuit omnium; quis id Imperator indixit? quis illi adfuit? OEcumenicum tamen ex omnium consensu est, quod Petro auctore et præside coaluit, consummatumque est. Atque ut te tuarum molitionum jam pudeat, aliquid prætereat, quod ad commendationem Augustorum facit, expende apud te ipsum, quem in sedendo locum, quem in subscribendo ordinem, moremque secuti sint. Et de Constantino quidem proditum est, extremo eum post episcopos omnes loco subscripsisse; qui mos ad Imperatoris usque Basilii tempora valuit: qui in octavâ synodo cum is honor delatus esset per legatos pontificios, ut primus subscriberet, piè admodum respondit: « Nostra serenitas imitata majores nostros Constantinum Magnum, Theodosium, Marcianum et cæteros, vult illa quidem post omnes episcopos subscribere; sed quoniam nos vestra sanctitas tali honore dignatur, post omnes demùm sanctissimos vicarios subscribemus. » Neque subscribunt more Patrum definiendo, quod sanè judicium est, sed definita suscipiunt consentiendo, quod plebis est. Exemplum cape ex VI synodo, cui sic in Prophonetico post omnes episcopos subscripsit imperator: *Constantinus in Christo Deo rex et imperator Romanorum, legitus et consensus.*

GRÆCUS. At quo subscellio eos in synodis constituis? Palæologum sanè nosti in Florentino cum Eugenio ipso de loco principe in contentionem venisse.

LATINUS. Novi id equidem, atque etiam vehementer miratus sum, rebus imperii prope jam collapsis, eò fastidius processisse principes, cum qui fundator ejus fuit imperii, inter magnos maximus Constantinus, rebus florentissimis, Theodoro teste, l. 4, c. 7, humilliore tantum sella considerare voluerit, neque prius consederit, quam episcopi inuissent affirmante Sozomene: « Qui cum, ut verbis Gelesii ex Theodoro utar, doctrinæ apostolicæ consensum stabilire moliretur, tanquam filius patris amatissimus, episcopis et sacerdotibus velut patribus proposuit. » At non perduravit imperatoribus, quanquam religiosus, in synodo IV, ea modestia. Jam enim Marcianum presentem act. 1, et Constantium in sextâ, principem inter omnes locum in sedisse

compertum est, sive humanitate pontificum id, sive aliter factum sit.

GRÆCUS. Hæc cum de imperatoribus ita se habeant, cui tu igitur auctoritatem, et potestatem principem cogendi Patres in synodum, cui præsendi jus attribuis? Si Romano pontifici id adstruis, nolo mihi testes pontifices alleges. Probè novi Pelagium II, ad Orientales Ep. I, dixisse: « Generalium synodorum convocandi auctoritas Apostolicæ sedi B. Petri « singulari privilegio tradita est. » Et Sixtum papam disertè affirmasse itidem ad Orientales: « Suâ (Sixti) auctoritate Valentinianum convocasse concilium. » Gelasium papam ad episcopos Dardaniæ: solam Apostolicam sedem suâ auctoritate effecisse, ut synodus Chalcedonensis fieret. Alios tu mihi profer, qui ea jura pontificibus vindicent, in quorum fide tuâ acquiescam.

LATINUS. Admiror tuam diffidentiam, cui ut cedam, auctoritatem primùm Valentiniani et Marciani produco; ii sic ad Leonem pontificem de quartâ synodo scripserunt: « Sanctitatem « tuam principatum in episcopatu divinæ fidei « possidentem sacris litteris in principio jus- « tum credimus alloquendam... Quatenus omni « impio errore sublato per celebrandum te au- « ctore, et dominium exercente, maxima pax « circa omnes episcopos fidei catholicæ fiat. » Et Patres ipsi ita præfuisse Leonem fatentur in Synodicâ ad eundem: « Tu episcopis judi- « cibus sicut membris caput præeras in his qui « tum tenebant locum. » Et episcopi Mœsiæ ad Leonem imperatorem disertè aiunt: « In « Chalcedonensium civitate multi sancti epi- « scopi convenerunt per jussionem Leonis Ro- « mani pontificis, qui verè caput est. episcopo- « rum. » Et ne etiam testimonium patriarchæ Constantinopolitani desideres, audi patriarcham Nicephorum; in libro de inculpata Christianorum Fide, ita disserit: « Decisum est « enim hoc potissimum jurium canonumque « præscripto, quando juxta ab antiquitibus di- « vina decreta in eâ primas obtinebat et præsi- « debat, quod ex occidentalibus locis advene- « rat, sive senioris Romæ pars non contem- « nenda, quorum absque consensu dogma, « quod in Ecclesiâ movetur, uti legibus, cano- « nitibus et sacris consuetudinibus præscriptum « ab antiquo est, probationem non habebit, vel « finem unquam aliquem sortietur: illis enim « in rebus sacris principatum obtinere conces- « sum est, et principum inter Apostolos digni- « tatem sortiti sunt. »

GRÆCUS. Manifestè hæc quidem Romano pontifici, sicut convocandi auctoritatem supremam, ita etiam per legatos præsendi jus asserunt, neque utcumque, sed juxta divina decreta, quæ tu apud Mathæum et Joannem contineri pridem docuisti: at enim ubi, aut quo canone Ecclesiæ id constitutum sit, me quidem latet.

LATINUS. An legisti Socratem? testatur in exstare his verbis canonem: « Non debet sine « scitu Romani episcopi congregari Ecclesiâ: » quem Marcellus papa ad episcopos Antiochenæ Ecclesiæ, appellat apostolicum.

GRÆCUS. Parce, si interloquar: legi Socratem: at is non utitur *congregari* verbo, sed *canonizari*, accipe Græcum ejus textum: *Μὴ δὲν παρὰ γράμην τοῦ ἱπποκρίτου Ρώμης κανονίζεν τὰς ἐκκλησίας.* Quod Latine sic reddes optimè: Non licet sine scitu Romani episcopi canonizare Ecclesias. Et fortè canonizare nil aliud fuerit, quàm consecrare, dedicare.

LATINUS. Sic planè est, si malis Magdeburgenses audire, quàm Marcellum et Julium pontifices, ac Cassiodorum, qui Socratem et Sozomenum Latine reddidit, ut nos. Verùm ne te pontificum interpretis vetustissimi fide atque auctoritate vexem, dubium tibi de voce subortum adimet satis, nisi fallar, vel res ipsa; adducit Socrates eo loco Julii Epistolam, quæ reprehendebat Orientales, non ob nescio quam ædem Deo consecratam, sed ob id unum, quòd sine consensu suo Antiochiæ concilium indixissent; et pro ratione reddidit *καὶ δὲν*: quòd quàm insulsum foret clarè pro-piciis, nisi *canonizare Ecclesias* sit cœtus Ecclesiæ convocare.

GRÆCUS. Fuit igitur ea olim Græcorum ac Orientis religio adversus Romanos pontifices, ut poenâ dignos crederent, qui absque eorum voluntate aut scitu egissent concilium?

LATINUS. Ita quidem olim fuisse manifestum facit etiam Chalcedonensis synodus, in qua Dioscorus à Leonis papæ legatis accusatur, quòd personam judicis arripuisset, quam non habebat, et *synodum celebrare ausus esset absque auctoritate sedis Apostolicæ*; verba sunt synodi, *quod nunquam factum est, nec fieri licet.* Non se tuetur Dioscorus imperio Theodosii, quo evocatus, judicis munus susceperat; ut vel hinc rursus discas, imperatorum auctoritatem in cogendis synodis à voluntate pontificis Romani tantùm xtm obtinere, ac mutare robur omne.

GRÆCUS. Pro œcumenicis igitur multò minùs haberi poterant, quæ Romani pontificis aucto-

ritate, consensive non coaluissent, aut sub præsidio papæ non fuissent?

LATINUS. Id quidem testimonia Græcorum facile evincunt. Refert Theodorus Lector, lib. 2. Macedonium patriarcham Constantinopolitanum, cum olim urgeretur ab Anastasio imperatore vehementius, ut exemplo Hierosolymitani episcopi, synodo collectâ, damnaret et ipse Chalcedonense concilium, respondisse: « Sine « universali synodo, cui magnæ Romæ præsi- « deret episcopus, nihil se facturum. » Narrat etiam Metaphrastes de Stephano Juniore, hæreticis tumultuantibus, quod eorum synodum, quam ipsi œcumenicæ titulis ornabant, non reciperet, Stephanum dixisse: « Quomodo au- « tem œcumenica nuncupabitur, cui suum « beneplacitum Romanus antistes non dedit, « sine quo fieri non potest, ut res ecclesiasticæ « determinentur? » Nec prætereunda est Theodori Studitæ ad Leonem pontificem epistola: convocaverat Nicephorus imperator synodum in causâ Josephi Œconomî, et Josephus in communionem receptus est: non acquievêre Plato et Studita; igitur Theodorus concilium legitimum à Leone pontifice convocandum erat, et rem omnem, quam voluit, conficit: accipe verba: « Si enim isti, arreptâ sibi au- « thoritate, hæreticam synodum cogere veritâ « non sunt, qui ne orthodoxam quidem absque « cognitione vestrâ, ut antiquus mos obtinuit, « cogere potuerunt; quantò æquius necessa- « rium fuerit à divino tuo principatu legitimam « synodum convocari, ut orthodoxam Ecclesiæ « dogma excluderet hæreticum? » Pro cor- « onide sit, quod actione sextâ synodi VII respon- « sum datum est objicientibus pseudo-synodum Constantinopolitanam, quam Iconomachî per- « peram œcumenicam dicebant; id verò sic ha- « bet: « Quomodo magna et generalis Iconoma- « chorum synodus, quæ non habuit cooperan- « tem illius temporis papam, vel sacerdotes « ejus, neque per legatos, neque per encycli- « cam epistolam, ut postulat lex concilio- « rum? »

GRÆCUS. Si ea quidem œcumenicarum syno- « dorum lex sit, ut sine Romani pontificis inter- « ventu fieri nequeant, fortassè quoque ad ejus- « dem naturam pertinebit, ne et ceteri patriar- « charum desint; sanè sollicitè evocatos semper omnes novimus.

LATINUS. Et hos, quippe lumina, præcipuos- « que Ecclesiæ Patres prætereundos non esse « lubens profiteor. At enim si soli adsint, œcu- « menicam laud efficient, neque si desint, ei

quidquam detrahent. Aderant Ephesino II Alexandrinus Dioscorus, Dominus Antioche- « nus, Hierosolymorum Juvenalis, et Flavianus « Constantinopoleos, quem reum in tribunal « produxerant: ea tamen nulla fuit, ac pseudo- « synodus, quod Romanus suo defuisset suffra- « gio.

GRÆCUS. Indulge, in re manifestâ exerras: « an tu enim synodo illi Julianum episcopum, et « Hilarium diaconum Leonis papæ vice adfuisse « negabis, quod acta omnia docent?

LATINUS. Missos quidem eos legatos à Leone, « res est indubia; at neque receptos manifestè « monent acta Chalcedonensis synodi tomo 4 « Conc. Cùm enim actione primâ hoc ipsum, « quod tu adduxeras, inter acta in defensionem « ejusdem pseudo-synodi legeretur atque lau- « daretur adfuisse Julianum vice Leonis, Orien- « tales, et qui cum ipsis erant, Episcopi concla- « mârunt: « Ejectus est, nullus suscepit nomen « Leonis. » Et rectè, etenim Epistola Leonis, « quæ synodo facem præferre debuerat, ne legi « quidem permissa est. Quemadmodum verò ea « synodus Dioscori, destituta Romani pontificis « auctoritate, nulla fuit, sic sexta atque septima, « quod assensu pontificum Romanorum robo- « ratæ essent, pro œcumenicis semper sunt « observatæ, quanquam tres Orientis Patriarchæ « ab ipsis abfuisserent. Ad, si lubet, septimam « synodum: recitate sunt ibi litteræ Alexan- « drini, Antiocheni atque Hierosolymorum epi- « scopi ad Tarasium Constantinopolitanum. Ex- « cusant li suam absentiam à synodo, ob Sara- « cenorum tyrannidem, per eas orbis plagas latè « dominantium; et in rem meam sic denique « aiunt Patres act. 5: « Ne molesta nobis appa- « reat trium apostolicarum sedium almorum « patriarcharum, et sanctissimorum episcopo- « rum qui sub ipsis degunt, absentia, non ex « proprio eorum accedens proposito, sed domi- « nantium illis terribilibus minis, et mortiferis « penis. Hoc autem subtilius est consideran- « dum, etiam ab ipsâ sacrâ universali sextâ « synodo, in quâ nullus eorum, qui per id « tempus in his partibus episcopi erant, con- « venisse repertus est, propter execrandam « dominationem; sed nullum ex hoc sanctæ « adhesit synodo præjudicium, neque vires « habuit prohibitio aliqua statuendi et manife- « sta faciendi recta dogmata pietatis, præcipuè « cùm sanctissimus et Apostolicus papa Roma- « nus concordaverit, et in eâ inventus sit per « Apocrysiarios suos; et nunc, sanctissimi, hoc « cum auxilio Dei similiter fiat. Nam si tunc

« illius fides In orbis terræ personuit fines, ita  
 « et synodi, quæ nunc per gratiam Dei con-  
 « greganda est, per interventionem vestram,  
 « et ejus, qui moderatur Apostolorum principis  
 « sedem, prædicabitur in omni loco, qui sub  
 « sole est. »

GRÆCUS. Si aded quidem ampla sit Romani pontificis in cogendis æquè ac moderandis approbandisque synodis auctoritas, ut neque imperatorum, neque patriarcharum propè consortio egeat; frustra igitur tantâ sollicitudine, totque impendiis coguntur ex omni orbe patriarchæ summa Ecclesiæ lumina.

LATINUS. Paucis responsum accipe. Cùm episcopi universim sint iudices, atque inter hos patriarchis ipsa dignitas sua, quâ supra cæteros pollent, plus auctoritatis in omnes, melioremque publicarum Ecclesiæ necessitatum cognitionem tribuat, æquissimum sanè dignumque est curare ut, quoad fieri potest, adsint, præcipuè quando ea nobis forma relicta est ab Apostolis in Hierosolymitano illo concilio, Act. 15: *Convenerunt Apostoli, et seniores videre de verbo hoc.* Imperatorum quemadmodùm eadem non est conditio, sic neque necessitas.

GRÆCUS. Ecce igitur ab ipsis etiã Romanis pontificibus rogati sæpè sunt, ut vellent adesse? cur concessum, ut synodos cogerent, et cùm perse non possent, per iudices ac magistratus adessent?

LATINUS. Non una, sed multiplex utilitas ex Augustorum consortio præter splendorem in Ecclesiam provenit. Nempe valet eorum auctoritas ad removendam plebem inutilem, ad cavendum turbis ac motibus; quin et factiones Patrum, quæ non rarè summo syndorum incommodo exurgere possunt, promptè et veluti in herbâ comprimendas componendasque. Ad extremum ad alacrius mandanda executioni, quæ æquissimo, saluberrimoque Patrum iudicio sive pro Ecclesiis ipsis, sive in hæreticos, seu perversas decreta, constitutaque fuerint: verbo, ut quorum animis sacra divinaque auctoritas non est satis, horum oculos mentesque imperatoria majestas percipiat. Potestas denique cogendi Patres iisdem tributa est, utque convocarent, sæpè rogati sunt, quòd Ecclesiæ id temporis, neque urbis, neque provinciæ obtinerent imperium; neque enim tunc *respublica erat in Ecclesiâ, sed Ecclesia in republicâ*, ut ait Optatus. Quare imperatorum favore assignanda urbs erat, alimonia præstanda, expensæ pu-

blicæ constituendæ, quibus deducerentur, reducerenturque episcopi: quòd illi quidem Tractoriarum beneficio præstant. Itaque, ut præsens caput denique concludam, concilia cùm plurimum semper commodi à plis imperatorum fidelium studiis ac protectione acceperint, vim tamen atque robur decretorum suorum nunquàm ab iis mutata sunt: quæro enim ex te cum Athanasio: « Quando unquàm  
 « iudicium Ecclesiæ ab imperatore auctorita-  
 « tem habuit? » Ex cathedrâ solâ Petri, cujus auctoritate coalescunt synodi, vigorem etiã, firmitatemque trahunt. Huic namque unì dictum est: *Confirma fratres tuos.* Cujus oraculi memores Chalcedonenses Patres ita Leonem per Synodicam alloquuntur: « Rogamus igitur,  
 « et tuis decretis nostrum honora iudicium,  
 « et sicut nos capiti in bonis adjecimus con-  
 « sonantiam, sic et summitas tua filiis, quod  
 « decet, adimpleat. »

### § III.

GRÆCUS. Si Romanus pontifex Patrum caput sit, ut Chalcedonenses quidem professi videntur, atque ided assensus ejus apprimè sit necessarius ad firmitatem, roburque conciliorum; procul dubio etiã jus decernendi, confirmandi recens statuta, reprobandi, quin et laxandi veteris disciplinæ canones stabit penes Romanorum pontificem, cùm rectus ordo, rei que momentum id suaserit. Hoc verò exactiùs à te stabiliri cuperem. Ego namque in eâ ad hoc tempus mente fui, ut crederem, condi ab uno episcopo canonem non posse. Sanè id mihi didicisse videor ex Basilii canone 49, ubi subortâ controversâ de Marcianistis, sacronè iterùm fonte lustrandi essent, ita respondit: « Si hoc placuerit, oportet plures  
 « convenire episcopos, et sic canonem expo-  
 « nere. » Sententiam eandem disertius adhuc Photius complexus est, tit. 1, c. 4: « Non ahi  
 « uno episcopo, sed à communitate canones  
 « eduntur. »

LATINUS. Ut verum id sit de episcopis cæteris, in Romano locum non habet; cui Valentiniani imperatoris Novella expressis verbis jus sancienti affirmat. Illis (puta Gallicanis episcopis) omnibusque cæterarum nempe provinciarum, pro lege sit, quidquid sanxit vel sanxerit Apostolicæ sedis auctoritas.

GRÆCUS. Valentinianum adolescentem principem, artibus matris corruptum, remotis arbitris, ruenteque imperio id jus majestatemque Leonis pontifici assignasse, nostri obloquuntur

at mihi in mentem venit Novellæ illi in Occidente solum locum esse, ad quem se tantum Valentiniani porrexerat imperium. Ostende verò id juris Romano pontifici in universum orbem convenire.

**LATINUS.** Aptius modestiusque, atque alii ante te, Novellæ respondisti; sit ita, non habent illa robor per Orientem, jus tamen manet integrum Romano pontifici, ut quod nos non ad hominem, sed auctorem Christum, cujus universus orbis est, referimus. Dic enim, quod concilium, quis imperator lege primum sanxit, ut Alexandrinus atque Antiochenus honore atque auctoritate supra ceteros episcopos Orientis et Ægypti emineant? equidem Nicæni concilii Patres ad antiquos mores se in eo referunt, jubentque tantum, ut illi vim obtineant. At quis auctor ejus moris fuit? Leo quidem ep. 53, omne id ad Petrum primum earum fundatorem refert.

**GRÆCUS.** Sinamus hæc vetera Petri aliorumque Romanorum episcoporum decreta, qualia probè novi in promptu tibi esse plurima, quando ex illis non pauca in dubium revocantur, nec tuta singulorum est fides. Mallet ex te audire, an et quas denique leges Romani tulerint Ecclesiæ, postquam œcumenicorum conciliorum esse usus cepit. Sanè Tertullianus l. de Pudicitia, id jus pontificum ludibrium loco habere mihi visus est: « Audio, inquit c. 4, esse edictum propositum, et quidem peremptorium, pontifex maximus, quod est, episcopus episcoporum, edicit: Ego, et meretricum, et fornicationis delicta penitentiam functis dimitto. »

**LATINUS.** Faciè debò hæresi Montanistarum jam infectum Tertullianum ludibrio hæc protulisse: at prolatum ejusmodi edictum quis neget? quod cum solo Tertulliano reluctante ceteræ Ecclesiæ complexæ sint, vel hinc Romani pontificis elucent jura. Et verò nec dubita eum fuisse perpetuum sensum Ecclesiæ, ut quæ decreta sunt à pontificibus, legis instar haberent, et tanquam sacra, veneratione magna complecterentur Patrum ceteri, neque sibi sine piaculo ab illis discedere fas putarent. Sanxerat Cælestinus pro supremâ suâ potestate, epistolâ datâ ad Cyrillum, ut nisi spatio dierum decem respicisset Nestorius, abscinderetur, et sede ipsâ patriarchicâ pelleretur, meliori in pessimi locum succedat: et rursus epistolâ ad Ephesinum concilium, directos à se memorat legatos, « qui iis quæ aguntur, intersint, et quæ ab se statuta ante fuerant,

« exequantur. » Et Patres magnis studiis obsequuntur justis Cælestini decretis, ita enim act. 4, in Nestorium pronuntiant: « Coacti per sacros canones, et epistolam sanctissimi Patris nostri et comministri Cælestini Romanæ Ecclesiæ episcopi, lacrymis subinde perfusi ad lugubrem hanc contra eum sententiam necessariò venimus. »

**GRÆCUS.** At Chalcedonensis concilii act. 4, frustra legati pontificii vires omnes in id contenderant, ut Dioscorus è consensu Patrum ablegaretur, atque rei habitu in conspectum synodi produceretur, gestorum rationem redditurus. Frustra Paschasius legatus Leonis mandata opposuit: « Beatissimi atque apostolici viri, papæ urbis Romæ, quæ est caput Ecclesiarum omnium, præcepta habemus præ manibus, quibus præcipere dignatus est ejus apostolatus, ut Dioscorus non sedeat in concilio, sed audiendus intrimitatur. » Frustra etiam Lucentius legatus alter: « Non patimur, aiebat, tantam injuriam nec vobis fieri, nec nobis, ut iste sedeat, qui judicandus advenit. » Etenim residente per voluntatem imperialium judicum Dioscoro, accusationem denique adversus ipsum exorsus est Eusebius Dorylæi episcopus.

**LATINUS.** Quid pro te hæc faciunt nondum assequor, nisi fortè existimes, quoties parere detrectant homines, toties etiam potestatem legislatori abrogari. Non paruerunt iudices, ita est, at cur? mihi quidem id, eâ tantum causâ egisse videntur, quòd nulla adhuc publica in Dioscorum accusatio processisset: et legatos Romanos mallent potius iudicis, qui neutrarum partium esse solent, quam accusatoris officio fungi; quare ita etiam ad extremum alloenti feruntur Lucentium: « Si iudicis oblines personam, non ut accusator debes prosequi. » An verò hoc est Romano pontifici ademptum ire potestatem statuendi et præcipiendi quod æquum sit? Profectò illi quos objecerat, eadem actione satis superque testati sunt, quâ veneratione, quæ decreta sunt à Leone, complecterentur; quando iidem iudices Theodoretum dudum per canones ejectum, ad sedem inter Patres capiendam evocaverunt: « Ingrediat et reverendissimus episcopus Theodoretus, ut sit particeps synodi, quia et restituit ei episcopatum sanctissimus archiepiscopus Leo. » Quamcumque obmiserent, et graviter reclamarent Ægyptii, Blyriciani et Palæstini episcopi: « Fides perit,



« istum canones ejiciunt , magistrum Nestorii  
 « foras mitte. Cyrillus cur ejicitur, qui ab  
 « isto est anathematizatus? Cyrillum ejicimus,  
 « si Theodoretum accipimus. » Vicit nihilomi-  
 nus Leonis sententia, et iudices dignissima,  
 quæ altè in animum demittas, verba ediderunt:  
 « Theodoretus reverendissimus episcopus pro-  
 « prium recipiens locum à sanctissimo episcopo  
 « inclytæ urbis Romæ, in locum nunc accusa-  
 « toris ingressus est. »

GRÆCUS. Uno hoc Theodoretæ læto eventu  
 effectisti apud me quidem, ut non modò præ-  
 cipiendi potestatem papæ non abnegem; ve-  
 rùm et laxandi canones jus apud ipsum esse  
 prope fatear. Habesne plura, quæ in hanc rem  
 proferas exempla?

LATINUS. Ex innumeris pauca deligam. Cœ-  
 lestinus in canone XV Nicæni, et I Sardicensis  
 dispensavit, cùm Proculum ex Cyzicena in  
 Constantinopolitanam sedem transtulit. Nec à  
 clero urbis regiæ receptus est antea Anatolius,  
 vitio ordinatus, quippe per Dioscorum, dùm  
 Leo papa precibus Marclani Augusti cessisset.  
 Verba Leonis sunt: « Vestræ fidei, et Inter-  
 ventlonis habentes intuitum, cùm secundùm  
 « suæ consecrationis auctores, ejus initia titu-  
 « barent, benigniores circa ipsum, quàm jus-  
 « tiores esse volumus. » Maximus quoque An-  
 tiochenus, in locum Domni per Dioscorum  
 condemnati, ab Anatolio consecratus fuerat in  
 Antiochenæ Ecclesiæ episcopum *contra statuta  
 canonum*, ut ait Leo, qui cùm id pro jure pos-  
 set, pacis studio non retractavit. Et cùm hoc,  
 in concilio rursus Chalcedonensi, objectum  
 fortè esset Maximo, in hæc verba pro eo res-  
 pondit Anatolius: « Leo eum in communionem  
 « recipiens, præesse eum Antiochenæ judicavit  
 « Ecclesiæ. » Ita turba omnis conquievit.

GRÆCUS. Abstinè te pluribus; mihi namque  
 vel unum Theodoretæ adeò luculentum exem-  
 plum abundè fuerat. Deposuit erat Theodo-  
 retus, et post varias ærumnas, à sede Apo-  
 stol. cæ Cyrensi Ecclesiæ restitutus; jam etiam  
 palam synodo locum obtinet. At nondùm ex-  
 pedio, cur episcopi tanto numero, quæve  
 fronte obsistere audeant, si illi quidem id  
 potestatis unquam in Romanis pontificibus  
 agnoverunt.

LATINUS. Meminisse te volo, episcopos qui  
 adversati sunt, fuisse Ægyptios, Illyricianos  
 atque Palæstinos, eodem nimirum malo cum  
 Dioscoro afflatos. Orientales quorum integra  
 minime suspecta fides erat, alacres, sum-  
 moque nisu in pontificis sententiam conces-

sère, et planè concordēs legatis apostolicis,  
 in Theodoretæ favorem, odiumque Dioscorigi  
 conclamârunt: « Orthodoxum synodo: homi-  
 « cidam Dioscorum foras mitte. »

GRÆCUS. Utcumque hic res cesserit Leon.  
 pontifici, memini ego sæpè aliàs viros etiam  
 sanctissimos Romanorum decretis non stetisse,  
 quin et acerrimè eorum sanctionibus repu-  
 gnasse. Ad annum Christi 67 de paschatis  
 celebrandi die, exortâ lite gravissimâ, cùm  
 Asiani decimâ quartâ lunâ id agendum decre-  
 vissent, Anicetus papa se primùm opposuit,  
 mox recrudescente post annos triginta lite,  
 Victor pontifex gravissimus contra eum morem  
 decretis adnissus est. Verùm, sicut primùm  
 Aniceto Polycarpus Smyrnæ episcopus, ita  
 postea Victoris conatus Polycrates Ephesinus  
 obcluctatus est. Sanxerat quoque Stephanus  
 papa ne hæretici ad gremium Ecclesiæ se re-  
 cipientes denuò baptizarentur; verba ejus in  
 Rescripto ad Cyprianum dato hæc erant: « Si  
 « quis ergo à quæcumque hæresi venerit ad  
 « nos, nihil innovetur, nisi quod traditum est,  
 « ut manus illi imponantur ad pœnitentiam. »  
 An verò Cyprianus acquievit decreto, et  
 autem morem gessit imperanti pontifici? Cypriano  
 quidem vivo, mos iterandi Baptismum nun-  
 quàm ereptus est: hunc ille ritum nihilominus,  
 cum Africanis, hunc etiam Firmilianus ac  
 Helenus cum Asianis, multùm diuque postea  
 secuti sunt.

LATINUS. Magnoperè admiror, ad subruenda  
 Romanorum pontificum jura in medium ea à  
 te proferri, quibus imprimis summa illa pos-  
 testas stabilitur. Certè potestatem jus dicendi  
 Ecclesiæ, quam nos vindicamus papæ, neque  
 illa qualiscumque S. Cypriani, Firmiliani, ac  
 Heleni in causâ Baptismi adversatio; neque  
 Polycarpi et Polycratis in causâ paschatis,  
 infringit, aut obest quidquam; quin et illu-  
 strat magnoperè, in tantâ aliorum episcopo-  
 rum ad Romanum morem accessione, quanta  
 post decreta illa pontificum contigit.

GRÆCUS. Si ea Patrum quos adduxi renit-  
 entia non infringat jus illud, dandum certè  
 est, Patres qui adeò acriter obcluctati sunt,  
 id juris, ut minimum in Romano pontifice  
 non agnovisse, nisi malis grandi tot sancta  
 capita adstringere piaculo, et ceu rebelles ac  
 contumaces traducere, quos sua satis à tanto  
 crimine defendit sanctitudo

LATINUS. Perspectum eis fuisse jus Roman  
 pontificis discernendi, legesque sanciendo, tu  
 quidem vel exinde obvio ratiocinio concludes,

quod in tanto æstu, quanto utraque illa causa agitata fuit, nemo unus sit repertus, qui jus decernendi Romano pontifici abnegandum putaverit; quod quidem erat quàm prouissimum, si non prorsus certa, explorataque esset ea Romani pontificis potestas. At persuasus, certisque de auctoritate pontificiâ, nil tale in mentem venit, nihil tale excidit. Quò se igitur applicent? coguntur toto orbe concilia, magnis studiis in rei veritatem inquirunt, atque cum se jam plurimæ Ecclesie Romano mori decretisque addixissent, hi pauci quos retulisti non se adhuc supponunt; siue quòd disciplinae hanc tantum esse litem, non fidei crederent, in quâ solâ concordies omnes esse oporteat; cum Ecclesiarum disciplina, quemadmodum non una ab initio ubique terrarum obtinuit, sic tunc, salvisque rebus fidei omnibus, varia pro locorum varietate obtinere possit. Ut enim ait Gregorius Magnus l. 1. ep. 45: « In unâ fide nihil officit sanctæ Ecclesie consuetudo diversa. » Et Hieron. epist. 52: « Unaqueque provincia abundet in suo sensu, et præcepta majorum, leges apostolicas arbitretur. » Hæc et illud faciebat, quòd obscura et nondum penitus eliquata ea controversia merito videri posset, pro quâ utrinque traditio proferebatur. Ne tamen ea qualiscumque oblectatio rebellionis speciem haberet, Firmilianus quidem legationibus papam sibi demerendum putavit; Polycarpus etiam ipse Romanus adiit, teste Eusebio atque Nicephoro. Omnes denique, atque imprimis Cyprianus; si Augustino fides, l. de unic. Bapt. c. 14, in unitate consistendum duxit. Etsi quid ab eo peccatum sit, purgandumque fuerit, *gloriosè martyris falce purgatum est*, ut ait S. Augustinus.

**GÆCIS.** Steterintne Cyprianus atque alii in unitate Romanæ Ecclesie, minutius aliâs exquiremus; nunc, ut quod sentio liberè proloquar, si quis alius, Cyprianus certè Romano pontifici iudicandi episcopus potestatem abnegasse videtur verbis illis quæ referuntur in præfatione concilii Carthagenensis tertii, quod in eadem causâ ad annum 256 celebravit.

**LATINIS.** De iudicandi iuribus adhuc non agimus: alio id differt, quod volebas, neque te interim capiat Cypriani verborum oblitio. Nunc stabilitâ sætis superque, ut episcopi, sancienti potestate in Romanis pontificibus, dispiciamus, ut quid possint alii, nisi Romani suffragio adjuventur.

**GÆCIS.** De eo à te anagigi miror vehementer, quando ipsi Romani pontifices synodorum

œcumenicarum canones summi semper veneratione complexi, prosecuti que sunt, sequæ totos et ex animo definitionibus decretisque earundem subiecèro. Et Vigilus quidem papa in Constituto suo: « Quæcumque, ait, tam de fide, quàm de aliis omnibus causis, iudicatis, constitutionibus aut dispositionibus definita, iudicata, vel constituta, siue disposita, inconcussa, inuolabiliter, sine adiectione, vel imminutione aliqua nos promittimus secutores... Et quæcumque communi consensu dicta sunt, ea orthodoxa veneramus atque suscipimus. » Gregorius verò Magnus, ep. 25, l. 1, ad Joannem Constantinopolitanum: « Sicut, inquit, sancti Evangelii quatuor libros, sic quatuor concilia venerari et suscipere me fateor... quia dum universali sunt consensu constituta, se et non illa destruit, quisquis præsumit, aut solvere, quos religant, aut ligare, quos solvunt. »

**LATINIS.** Quæ è Gregorii papæ, atque Vigilii effatis eruuntur rectè, neque te iuvant, neque nobis officiant quidquam. Gregorius decretis standum contendit, quæ à pontificibus superioribus robur accepissent; neque à consequentibus pro libidine innovanda, majores sapienter sanxere; quid enim requis quàm ut exemplo etiam suo canonum observantiam stabiliat, cui potestas eos tuendi apud alios pro munere pastoralis imprimis incumbit? Vigilus toto illo Constituto, nil egit aliud quàm ut testaretur se more majorum robur firmitatemque, quæ probè à Patribus decreta essent. At tu ostende, posse leges ferri, et latus obtinere robur, quanquam suffragio Romanorum pontificum firmate non sint.

**GÆCIS.** Canonem III Constantinopolitano 1, quo patriarchæ Constantinopolitano secundus à Romano locus ac honor constituitur, receptum non esse à Damaso, res in confesso est. Et diffusè id ostendit Baronius tomo 4, ad annum 381. Idem fatum subiit etiam canon 28 Chalcedonensis concilii, quo et jura patriarchica, decreta olim Constantinopoli, confirmabantur, et insuper jus ac potestas dabatur Constantinopolitano in dioceses Thraciæ, Ponti, Asiæ atque barbaricas ditiones, Alanorum nempe, atque Russorum aliorumque; etenim et legati Leonis act. 16 eidem intercesserunt palam, et Leo papa, re cognitâ, rejectit eundem, ac infirmavit, ut constat ex litteris datis ad ipsum Anatolium patriarcham Marcianam imperatorem, synodum Chalcedonensem, ac Palcheriam Augustam, quâ zu-

coritate B. Petri canonem in irritum misit. Quid verò sive eà reclamatione legatorum Leonis, sive ipsius pontificis irritatione effectum est? Perstitit uterque canon controversus in suo robore, et patriarchæ Constantinopolitani contra Damasum æquè ac Leonem, cæterose Jinceps Romanos pontifices, secundum sibi locum, et dioceseon prædictarum administrationem jure patriarchico retinere. Vis exemplis utar? primi quidem præbet ipsa hæc synodus Chalcedonensis: sanè scimus in eà Anatolium patriarcham primo post vicarios Leonis loco sedisse, atque subscripsisse, qui mos deinceps obtinuit perpetuò: alterius verò idem patriarcha documentum exhibuit teste Nicetâ Nicæno, cujus verba reddo: « Sub Marciano cum certior factus esset papa Leo Constantinopolitanum paulatim alienas sedes præpere, et propriæ potentie addere, litteras dedit papa Anatolio, licet nihil egerit: ex eo enim tempore Constantinopolitani antistites propria augere: et ob similem raptum dissidium ortum est. » Quin et ante Anatolii tempora id juris exercuisse Constantinopolitanos, liquet ex confessione episcoporum, act. 16.

LATINUS. Placet quòd inde rebus tuis præsidium quæras, unde maximè Romanorum pontificum auctoritas elucet. Rejecit, non approbavit Damasus Constantinopolitanæ I synodi canonem 3; id ipse etiam fateris. Leo etiam Chalcedonensem 28 epistolâ præcipuè ad Pulcheriam datâ, inculentâ gravissimâque sententiâ irritavit: In irritum mittimus, et per auctoritatem B. Petri Apostoli generali prorsus definitione cassamus. Cùmque Anatolius se tueretur canone 3 synodæ Constantinopolitanæ, ita ei respondit: « Persuasioni tuæ in nullo penitus suffragatur quorundam episcoporum ante sexaginta, ut jactas, annos, facta subscriptio, nunquamque à prædecessoribus tuis ad Apostolicæ sedis transmissa notitiam, cui ab initio sub caduce, dudumque collapsæ sese, nunc et inutilia subjicere fulcimenta voluisti, eliciendo à fratribus speciem consensionis, quam tibi in suam injuriam verecundia favigata præberet. » At tu ex factis arguis obtinuisse robur eos canones? edic ergo, à quonam obtinuerint; facta enim te nuda nil adjuvant. An ab imperatore Marciano, aut alio ante hunc? an à Leone papâ, aut alio ante hunc? an à patriarcharum cæterorum assensu? an episcoporum faventium et subscribentium, spontèque se deditum Constantinopolitanò, consensu?

GRÆCUS. Si dicerem Romanum pontificem Leonem assensisse Constantinopolitano canoni, nescio, unde me convinceres: duo in hanc rem mihi argumenta suppetunt. Primum quidem testimonium Eusebii Dorylæi episcopi, qui act. 16, cum à legatis pontificiis in examen vocaretur canon 28 Chalcedonensis concilii, relecto etiam canone Constantinopolitano III, ex Synodico primi concilii, de hoc in hunc modum dixit: « Spontè (nempe Chalcedonensi 28) scripsi, quoniam et hanc regulam (canonem videlicet III Constantinopolitani concilii) sanctissimo papæ in urbe Romæ ego relegi præsentibus Constantinopolitanis, eamque suscepit. » Alterum Paschasini apostolici legati dictum act. 1. Cùm enim ibi legerentur acta Ephesi sub Dioscoro, et Flaviani nomen ultimo inter patriarchas loco recenseretur, Orientales conclamarunt: « Flavianus ut adjudicatus ingressus est. Flavianus in proprio loco quare non sedit? Constantinopolitanum episcopum quare quintum posterunt? » Ubi diligenter advertendum opinor, ad Paschasini legati dictum; subiecit enim continuò: « Ecce nos Deo volente dominum Anatolium primum habemus, hi quintum posuerunt B. Flavianum. » Cui Diogenes Cyzici episcopus respondit: « Quoniam vos regulas scitis. » Aut igitur papa, ut quidem infert Eusebius, assensum præbuit; aut Constantinopolitani concilii canonem per se reverentiam obtinuit, ut Patres Chalcedonenses ei obsequendum putarent. Sanè et Dioscorus Alexandrinus, cujus agebatur tunc causa, et Maximus Antiochenus, et Juvenalis Hierosolymitanus, ut videtur, non inviti cessere, faventibus et Romanis legatis, nec quidquam obnitentibus.

LATINUS. Ut neque Eusebium mendacii reum faciam, neque Paschasinum adulationis aut ignaviæ, dabo tibi Leonem initio non repugnasse canonem tertio Constantinopolitano concilii, et loci supra cæteros eminentiam permisisse, pacis majorumque honorum amore; fortè etiam quòd cæteros patriarchas non invitos assensisse diceretur. At ubi frans patuit, ubi de novo rursus Chalcedone alia patriarcharum privilegia lædi sensit, ubi Maximi Antiocheni legatio adfuit rogantis pro conservatione privilegiorum sedis Antiochenæ adversus Anatolii Constantinopolitani, et Juvenalis Hierosolymitani ambitum, acerrimè, epistolisque multis, ac variis sese opposuit, et unum, què alterum canonem irritum declarans: in quâ comparatione animi deinceps

Romanos pontifices perstitisse, testis est, vel Gregorii Magni Epistola ad Eulogium Alexandrinum, et Anastasium Antiochenum 31, l. 6: « Romana Ecclesia eosdem canones (Constantinopolitanos) vel gesta synodi illius hæc tenens non habet, nec accipit; in hoc autem eandem synodum accepit, quod est per eam contra Macedonium definitum. » Igitur à Romanorum quidem pontificum auctoritate frustra his canonibus robur quis accersat, quin neque ab assensu patriarcharum: Dioscorus enim et Juvenalis, rei in concilio eo fuerant, et Juvenalis idem paris rapinæ adversus Antiocheni dittonem reus; Maximus si in speciem consensit, per legatos apud pontificem se opposuit. Et Nicetas Scevophylax, sicut ob Chalcedonensem canonem turbas essitisse, ita etiam ob canonem Constantinopolitanum testis est; verba ejus partim dedi, partim accipe: « Sub Theodosio Magno imperatore, cum thronus Constantinopolitanus à centum quinquaginta episcopis evectus esset, in secundâ synodo, cui locum tenentes Romanam pontificis non adfuerunt, divisio et turbæ exortæ sunt. »

GAECUS. Novi quidem quod eâ acri Leonis renitentia effectum sit denique, ut et Marcianus imperator destiterit à rogando pontificis assensu, et Anatolius ipse litteris datis, quas exhibet Allatius l. 1, c. 25, ad finem rejectâ in alios culpâ conatus sit se excusare apud pontificem, atque in ejus gratiam redire: verba Anatolii audi: « De hoc autem, quæ Constantinopolitanæ sedis gratiâ sancita sunt, in Chalcedonensi nuper universali synodo pro cetero beatitudo vestra hoc habeat, nullam esse culpam in me homine, qui semper otium et quietem in humilitate me continens ab ineunte meâ ætate dilexerim: sed Constantinopolitanæ Ecclesiæ reverendissimus clericus, qui hoc habuit studium, et istarum partium religiosissimi sacerdotes in hoc qui fuere concordēs, et sibi pariter adjuutores, cum et sic gestorū vis omnis, et confirmatio auctoritati vestræ beatitudinis fuerit reservata. Hoc igitur benè compertum sanctitas vestra cognoscat, nihil ex me istius causâ factum esse negotii, qui semper omnis jactantiæ levitatem, et aliena appetendi cupiditatem mihi vitandam crediderim. »

LATINUS. Si teste ipso Anatolio confirmatio papæ reservata auctoritati fuit; si, ut liquet, quesita multis modis obtenta nunquam est, robur eorum canonum aut nullum, aut plenum

nondum erat; et pontifici sicut approbandi potestas, sic reprobandi incumbit, præcipuè cum canones ejusmodi prociis fuerint, qui veteribus institutis, moribus, decretis canonibusque adversantur, aut ceriè non ex æquo conveniunt, quales quidem fuisse canones, 5 Constantinopolitanum, et 28 Chalcedonensem, satis culque apparet, diligentius ad Nicænum componenti, atque expendenti utrosque. Rectè itaque egit Leo improbando, rectè etiam Anatolius cedendo; qui quanquam à pontifice in gratiam receptus est, censuram tamen ejus non effugit, frustra facti totius invidiam in clerum deflectere conatus. Etenim verba Leonis hæc sunt ad eundem ex epist. 71: « Illam autem culpam, quam de augendâ potestate, alienâ, ut asseris, adhortatione contraxeras, efficacius atque sincerius tua charitas diluisset, si quod tentari sine tuâ voluntate non potuit, non ad solâ clericorum consilia transulisses; quia sicut in malâ suasionem delinquitur, ita et in malâ consensione peccatur. Sed gratum mihi, frater charissime, est, quod dilectio tua id profitetur sibi displicere, quod tunc etiam placere non debuit. Sufficit in gratiæ communis regressum professio dilectionis tuæ, et attestatio principis christiani. Nec videtur tarda correctio, cum tam venerabilis assertor accessit. Abjiciatur penitus inconcessi juris, qui dissensionem fecerat, appetitus. Sufficiant limites quos sanctorum Patrum providentissima decreta posuerunt. Ut quieta sit suis meritis, et antiquis privilegiis dignitas omnium sacerdotum, super omnia autem fraternâ charitate hortor et moneo, ut ea, quæ ad gloriam vel ad munimen pertinent sacerdotalis officii, Nicænorum canonum, Ecclesiæ pacem servantia decreta custodias. Sic enim inter Domini sacerdotes inviolata charitas permanebit, si paribus studiis, quæ sunt à sanctis Patribus constituta, servantur. » Post Leonem audi etiam Gelasium; is, ep. 45, ita scribit: « Audiant Marcianum...., sanctæ memoriæ papam Leonem summis laudibus prosecutum, quod canon regulis violari nullâ fuerit ratione perpessus. Audiant Anatolium.... clericum potius Constantinopolitanum, quam se talia tentasse confitentem, atque in Apostolici præsulis totum dicentem positum potestate. »

GAECUS. Ita res quanquam essent, Liberatus tamen, qui claruit imprimis anno 595 et circiter tempore, ante V tamen synodum Breviarium suum clausit, testatur disertè,

perstitisse in usu canones controversos; verba ejus sunt: « Cum Anatolius consentiente concilio primatum obtinisset, legati verò Romani episcopi contradicerent, à judicibus et episcopis omnibus illa contradictio suscepta non est: et licet sedes Apostolica nunc contradicat, quod in synodo firmatum est, imperatoris patrocinio permanet. »

LATINUS. Instaurante nimirum præclarè, si superis placet, jura sua Acacio sub hæretici Zenonis imperio. Hic modus fuit, quo Constantinopolitani maximè post Novellam 431 Justiniani c. 2, se in usu patriarchicæ potestatis retinuerunt, atque loco secundo; verba Novellæ sunt: « Idèòque sanctimus secundum earum definitiones, sanctissimum senioris Romæ papam, primum esse omnium sacerdotum, Beatissimum autem archiepiscopum Constantinopoleos novæ Romæ secundum habere locum post sanctam Apostolicam senioris Romæ sedem; aliis autem omnibus sedibus præponatur. » At verò, quam nullam vim hæc lex obtinere jure potuerit apud viros Deo devotos, satis constat, cum eadem et opponatur legibus approbatis c. 2, et decreta imperatorum vim nullam adversus canones obtineant in rebus præcipuè Ecclesiarum juri præjudicantibus. Quod quidem ipsi etiam imperatores Valentinianus atque Marcianus in Chalcedonensi per judices, act. 4, ratum gratumque habuisse videntur, cum pragmaticas sanctiones, contra ecclesiasticos canones, gratiâ et ambitione expressas, firmitate ac robore prorsus omni nudârunt. Quare hinc nihil aliud agis, quam ut multiplici injuriâ ostendas patriarcham Constantinopolitanum et natum et conservatum, quod an vobis majori decorei, an nobis sit dolori, non discepto.

GRÆCUS. At quis denique Romanis pontificibus ea jura dedit improbandi canones, licet summâ Patrum consensione constitutos, licet gravissimis momentis subnixos, precibusque ac intercessionem tot summorum Ecclesiæ prælatorum commendatos? Legi, miratusque sæpè summam relationem synodiceam Chalcedonensium Patrum ad Leonem. In eâ primùm, quæ in rebus egerint, exponunt: tum ad canonem quoque 28 sermonem deflectunt. Quibus initiis, quibus causis atque momentis ad condendum, imò ad confirmandum stabilendumque Constantinopolitanæ synodi canonem adducti sint, quanta ejus fuisset necessitas, quantaque futura in posterum utilitas, copiosè edisserunt. Quàm in eo negotio naturè modestèque, nullius odio,

nullius gratiâ versati essent, iterùm iterùmque contestantur; neque omittunt hinc fiducia quam de pontificis propenso animo conceperint, inde imperatoris ostentatis desideriis, in sententiam suam pellicere; in quam denique, ut etiam ejus animum inclinent, magnificè sanè elogiis Leonem exornant, tum omnia prorsus ejus voluntati decretoque subjungunt. Initium literarum erat: *Repletum est gaudio os nostrum.* Quas tu aliàs ad verbum mihi reddidisti. At quo hæc omnia proventus gesta que sunt? vereor dicere; durum Leo se Patribus præbuit. Verba ejus ex Epistolâ: « Olim quidem, sic habent, de custodiendis quædoque sanctorum Patrum statutis, quæ in synodo Nicænâ inviolabilibus sunt fixa decretis, observantiam vestræ sanctitatis admono; ut jura Ecclesiarum, sicut ab illis trecentis decem et octo Patribus divinitus inspiratis sunt ordinata, permancant. Nihil alienum improbus ambitus concupiscat, nec per alterius imminutionem suum aliquis quærat augmentum. Quântùmlibet enim extortis assensionibus sese instruat vanitatis elatio, et appetitus suos conciliorum æstimet nomine roborandos, infirmum atque irritum erit, quidquid à prædictorum Patrum canonibus discrepaverit. » Quæ quidem adeò severa repulsa, quam gravem in Patrum animis mœrorem, luctumque suscitaverit, facilè quisque cogitando consequitur.

LATINUS. At immeritò, quando id quidem à Romano pontifice et venerato sedem, meritaque Alexandrinæ atque Antiochenæ, et motuum periculum, quod inde imminere, Ecclesiamque perturbare poterat, et denique licentia Constantinopolitanorum, quæ flammæ in morem ex aliorum detrimentis in dies compendia faciebat, et denique officium suum capitis ac pastoris, cui canonum custodia à Deo commendata est, exposcebat. Atque hanc quidem postremam rationem, veluti vitute complexam cæteras, ita Leo papa eadem Epistolâ reddidit: « Quorum (nempe Nicænorum Patrum) regulis Apostolica sedes, quam reverenter utatur, scriptorum meorum, quibus Constantinopolitani antistitis conatus repuli, poterit sanctitas vestra lectione cognoscere, et me, auxiliante Domino nostro, et catholicæ fidei, et veterum traditionum esse custodem. » Et epistolâ 77, ad Marcianum Augustum: « In quo opere, auxiliante Christo, fideliter exequendo, necesse est me perseverantem exhibere famulatum, quoniam dis

« pensio mihi credita est, et ad meum  
« tendit reatum, si paternarum regulæ san-  
« ctionem, quæ in synodo Nicænâ ad totius  
« Ecclesiæ regimen Spiritu Dei instruitur sunt  
« conditæ, me, quod absit, connivente violen-  
« tur; et major sit apud me unius fratris vo-  
« luntas, quàm universæ domûs Dei communis  
« utilitas. »

GRÆCIS. Nullumne verò locum apud Leonem  
invidentiæ dabis? Egritudo in ejus animo  
suscepta propter res secundas Constantinopo-  
leos, aut ipsa invidentiâ, aut familiaris ac soror  
ejus fuit; fortassè et metus aliquis pectus  
Leonis Magni occupaverit, ne his gradibus  
Romanæ quoque majestati periculum struc-  
retur.

LATINUS. Neque in superiorem cadit invi-  
dentiâ, neque metus in eum qui jus omne  
suum, ac potestatem non humanis decretis,  
sed divinis placitis unice tribuit, atque munus  
suum in petrâ fundatam probè noverat, ad-  
versus quam portæ inferi non prævalebunt.  
Acri adeò adversationis ac renitentis finis  
fuit, sola tuitio custodiaque sacrorum cano-  
num adversus ambitionem cujuslibet, sive is  
Constantinopolitanus, sive Hierosolymitanus  
sit. Expressit id eleganter Epistolâ ad Maxi-  
mum Antiochenum, quæ incipit: *Quantum di-*  
*lectionis*, tomo 3 CC., p. 1828; questus is per  
legatos fuerat apud Leonem de Juvenalis Hiero-  
solymitani invasionibus, cui sic respondit  
Leo: « Nunc autem ad omnia generaliter pro-  
« nuntiare sufficiat, quòd si quid à quoquam,  
« contra Nicænorum canonum statuta, in quâ-  
« cumque synodo vel tentatum est, vel ad  
« tempus videtur extortum, nihil præjudicii  
« potest inviolabilibus inferre decretis. Et fa-  
« cilis erit quarumlibet consensionum pactum  
« dissolvi, quàm prædictorum canonum regu-  
« las ex ullâ parte corrumpi; subrepti enim  
« occasiones non prætermittit ambitio, et que-  
« ties ob intercurrentes causas generalis con-  
« gregatio facta fuerit sacerdotum, difficile est,  
« ut cupiditas improborum non aliquid su-  
« pra mensuram suam moliat appetere. Si-  
« cut etiam in Ephesinâ synodo... Juvenalis epi-  
« scopus ad obtinendum Palestinæ provinciæ  
« principatum, credidit se posse sufficere,  
« et insolentes ausus per commentitia scripta  
« firmare. Quod sanctæ memoriæ Cyrillus Ale-  
« xandrinus episcopus meritò perhorrescens  
« scriptis suis mihi quid prædicta cupiditas au-  
« sa sit, indicavit, et sollicitâ prece multùm  
« poposcit, ut nulla illicitis conatibus præbe-

« retur assensio. Nam cujus Epistolæ ad nos  
« exemplaria direxisti, sanctæ memoriæ Cy-  
« rilli, eam in nostro scrinio requisitam nos  
« authenticam noveris reperisse. Hoc tamen  
« proprium definitionis mox est, ut quantum-  
« libet numerus sacerdotum amplior aliquid  
« per quorundam subreptionem decernat, quod  
« illis trecentorum decem et octo Patrum con-  
« stitutionibus invenitur adversum, id justitiæ  
« consideratione cassetur; quoniam universæ  
« pacis tranquillitas non aliter poterit custodi-  
« ri, nisi sua canonibus reverentia intemerata  
« servetur. » Declarat demùm nullius roboris  
« fore, si quid secus à legatis suis peractum sit.  
« Et quanquam præter nos fidei, alia quævis  
« dijudicare, quæ referuntur, ad synodos planè  
« pertineat, si tamen illi in occupata definitaque  
« per Nicænâ synodum jura se immittant, hæc  
« perturbare attentent, nullo apud se loco fore  
« eorundem decreta; « nam quod ab illorum re-  
« gulis constitutisque discordat, Apostolicæ se-  
« dis nunquam obtinebit consensum. »

GRÆCIS. Probè jam teneo episcopos, utcum-  
que magno numero collecti fuerint, utcumque  
etiam imperator favorem eis præstet, nihil  
adversum sacris canonibus posse constituere.  
Id nempe recta ratio exigit, quando Deus in  
edificationem, non destructionem Ecclesiæ,  
potestatem hominibus indulsit. At enim cum  
nova, et præter canones vetustos, constituenda  
quædam sunt, id posse synodos neque ipse  
Leo diffiteri videtur.

LATINUS. Posse quidem, at non sine inter-  
ventu, auctoritate, aut suffragio Romani pon-  
tificis; id enim honoris et pastoris universalis  
officio prorsus debetur, et jam veteris Ecclesiæ  
canonibus constitutum esse, testis est Socrates  
l. 2, dicens: « Cum canon ecclesiasticus ju-  
« beat, non oportere absque sententiâ episcopi  
« Romani, decreta Ecclesiis sancire. » Et So-  
zomenus l. 5, c. 9: « Legem esse ad res sa-  
« cras spectantem, quæ pronuntiat, acta illa  
« irrita esse, quæ præter sententiam episcopi  
« Romani efficiuntur. » Et Nicephorus l. 9, c.  
10: « Extare ecclesiasticum canonem, auctori-  
« tatem omnem eis abrogantem, quæ præter Ro-  
« mani antistitis sententiam peracta essent. »  
Quod tu jus ne Romano pontifici à Patribus in  
conciliis datum primùm existimes, multò an-  
tiquius et ab altiore potestate profectum, dis-  
scere potes ex ipsâ synodo Nicænâ, quæ ita  
Sylvestrum deprecatur: « Quidquid constitui-  
« mus, precamur, ut vestri oris consortio  
« confirmetur. » At quoniam ea Patrum Syno-

dica ab eruditis non immeritò in suspicionem vocatur, certius, quodque rem omnem conficiat testimonium ex Romanâ synodo, quæ Nicænam mox secuta est, accipio : ait ibi Sylvester papa : « Quidquid in Nicæâ Bithyniæ constitutum est... nostro ore conformiter confirmamus. » Quod quò demùm ratione gestum sit, explicuit papa Felix III, in hunc modum, ep. 4 : « Domino ad B. Petrum Apostolum dicente : *Tu es Petrus*, etc., eam vocem sequentes trecenti decem et octo Patres apud Nicæam congregati, confirmationem rerum atque auctoritatem S. Romanæ Ecclesiæ detulerunt. Verùm de legislativâ potestate satis superque; quare ad judicialem sermonem transferamus.

#### § IV.

GRÆCIS. De auctoritate iudicandi episcopos, fideique ac mórum causas, cum sermonem aggredimur, vereor ne in immensum excreseat colloquium, tam sunt multa, varia, quæ ad officium iudicis præeunt, consequuntur aut pertinent. Ac primùm, ad iudicem causæ referendæ sunt; ejusdem verò partium erit, delatas cognoscere, tum et sententiam dicere, damnare, absolvere, penas censurasque infligere, quin et sede movere, aut iniquè motos in integrum restituere. Hæc cum omnia iudicis munus in se complectatur, ordine de singulis quàm paucis agendum erit, postquàm initio generatim prærogativam Romanis pontificibus vindicaveris.

LATINUS. Ut quod à me proposuisti summo quàm possum compendo decurram, primùm me provoco ad Ephesinam synodum; vide, quàm ibi confidenter act. 3. Philippus apostolicus legatus in coronâ tot Patrum pronuntiet : « Nulli dubium, imò seculis omnibus notum est, quòd sanctus beatissim usque Petrus Apostolorum princeps, et caput fideique columna, et catholicæ Ecclesiæ fundamentum, et à Domino nostro Jesu Christo Salvatore humani generis ac Redemptore claves regni accepit, solvendique ac ligandi peccata potestas ipsi data est; qui ad hoc usque tempus et semper in suis successoribus vivit, et iudicium exercet. » Quemadmodùm verò Philippus iudicium, ita Lucentius legatus Leonis in Chalcedonensi synodo act. 16, sententiam pontifici reservat. Verba ejus sunt : « Sedes Apostolica præcepit nobis præsentibus omnia fieri, et idèò humiliari non debet, et quæcumque in præjudicium canonum vel regularum hes-

ternâ die gesta sunt nobis absentibus, sublimitatem vestram petimus, ut circumduci ju-beatis; sin aliàs contradictio nostra his gestis inhaereat, ut noverimus, quid Apostolicus viro universalis Ecclesiæ referre debeamus, et ut ipse aut de sedis suæ injuriâ, aut de canonum versione possit ferre sententiam. »

GRÆCUS. Novi solemne id fuisse legatis, ipsosque etiam pontifices constanter id sibi juria asseruisse. Innocentii I ad Felicem Nuceria-num episcopum verba sunt : « Mirari non possumus dilectionem tuam sequi instituta majorum, omniaque, quæ possunt aliquam reciperere dubitationem, ad nos quasi ad caput atque apicem episcopatus referre, ut videlicet consulta sedes Apostolica, ex ipsis rebus dubiis certum aliquòd faciendum pronuntiet. » Zozimus quoque cum jussisset Gallicanæ Ecclesiæ causas ad Arelatensem referri, sic hujus potestatem circumscribit : « Nisi magnitudo causæ etiam nostrum requirat examen. » Leo papa epistolâ 12, ad Anastasium Thessalonicensem : « Si fortè inter ipsos qui præsent, et de majoribus, quod absit, peccatis causa nascatur, quæ provinciali nequeat examine definiti, fraternitatem tuam de totius negotii qualitate metropolitanus curabit instruere, ut si coram positis partibus nec tuo fuerit res sopita iudicio, ad nostram cognitionem, quidquid illud est, transferatur. » Et rursum : « Si autem in eo, quod cum fratribus tractandum definiendumque credis, diversa eorum fuerit à tuâ voluntate sententia, ad nos omnia sub gestorum testificatione referantur. » Verùm, ut hæc per Occidentalem patriarchatum valeant, ejus tum et Thessalonica pars fuit, in Oriente vix locum obtinent.

LATINUS. Obtinere hæc ubique terrarum, atque ad universos episcopos pertinere et verba legatorum, et ratio ipsa, quæ Innocentius papa nititur, satis admonet; ne tamen clariora desideres, audi Vigilium papam epistolâ 2, unius quidem Eutherii consultationi us, at pro omni orbe respondentem. Ait ille : « Quamobrem sancta Romana Ecclesia (Petri) meritò, Domini voce consecrata, et SS. Fratrum auctoritate roborata, primatum tenet omnium Ecclesiarum, ad quam tam summa episcoporum negotia, atque querelæ, quàm et majores Ecclesiarum quæstiones, quasi ad caput semper referendæ sunt. »

GRÆCUS. Tot oracula pontificum, tot efflata legatorum magnopere veneror, nec contraire audeo, quando Patres in synodo collecti, ea

quoque silentio transmissere, nemo his dictis repugnavit. At mallem alios ejus prærogativæ testes, et qui idem senserint audire.

**LATINUS.** Ut hæc te diffidentia expediam, coronatos tibi testes proferam, hoc est, Valentinianum Augustum, atque pariter Augustam ejus matrem Gallam Placidiam. Cùm enim Ephesi à Dioscoro fides perturbata esset, et Flaviani innocentia oppressa, Valentinianus Theodosium enixè deposcebat, ut Romano pontifici Leoni judicium causæ totius permitteret; verba ejus sunt, tomo 4 Conc. p. 822 : « Debemus et dignitatem propriæ venerationis « B. Apostolo Petro intemeratam, et in nostris « temporibus conservare, quatenus beatissimus « episcopus Romanæ urbis, cujus sacerdotium « supra omnes antiquitas exhibuit, potestatem « et facultatem habeat de fide et sacerdotibus « judicium ferre. » Desertis adhuc in eadem causâ scripsit Galla Placidia in hunc modum : « Ad concilium Apostolicæ sedis judicium « transmittatur, in quâ primus ille, qui cælestes « claves dignus fuit accipere, principatum episcopatus ordinavit. »

**GRÆCUS.** Epistolæ eæ, si rectè habeo, ad Leonis papæ preces emissæ sunt; neque his aliud à Theodosio flagitabatur, quàm ut veniam faceret, causæ judicium transmittendi ad concilium ex omni orbe Romæ cogendum. Ego verò conciliis judicandi potestatem ultrò indulgeo.

**LATINUS.** Concilium quidem rogasse Augustos non diffiteor, at concilio ejusmodi quale petebatur, convenire ac deberi judicium supremum, quo demùm argumento conantur evincere? Nonne ad dignitatem Romani pontificis, et in Petro acceptas claves à Christo, se totos applicant. Illic igitur dignitati debetur supremum fidei ac episcoporum judicium, sive deinceps in concilio, sive extra illud peragendum. Utroque modo egisse Romanos pontifices judicis, pro comperto habemus.

**GRÆCUS.** At illum extra concilia judicandi modum impugnavit, quin et pernegasse videtur Romano pontifici Cyprianus, quæcumque sanctitatis famâ inclutus. Vertebatur ipsum inter atque Stephanum papam celebris illa de hæreticis rebaptizandis quæstio; et Stephanus delinquerat, « Nihil esse innovandum, » etc.; quæ et rebaptizantibus reparationem comminatus fuerat. Quid verò inter hæc egit, aut sensit Cyprianus? Cogit nempe Carthaginæ concilium anno 256, et quàm nullam judicandi potestatem Romano deferret, apertè testatus

est; verba ejus in Præfatione ad concilium erant : « Superest, aiebat, ut de hæc ipsâ re « singuli quid sentiamus proferamus, neminem « judicantes, aut à jure communionis aliquem, « si diversum senserit, amoventes; neque enim « quisquam nostrum, episcopum se esse episcoporum constituit, aut tyrannico terrore ad « obsequendi necessitatem collegas suos adigit, « quando habeat omnis episcopus pro licentiâ, « libertatis et potestatis suæ arbitrium, tam « que judicari ab alio non possit, cùm nec « ipse possit alterum judicare, sed expectemus universi judicium Domini nostri Jesu « Christi. »

**LATINUS.** Non respexisse his verbis Cyprianum ad facta sententiamque Stephani, neque habuisse in animo hunc tactè vellicare aut perstringere, vel viri sanctitate persuadeor, et divinant, qui in eam partem Cypriani verba deflectunt. August., cui Cypriani mens multò notior esse potuit, non adeò perversè id Cypriani dictum exposuit; etenim iisdem quæ in objecisti, verbis recitatis, subdit continuò l. 3 de Bapt. c. 5 : « Quid mansuetius, quid humi- « lius? » Quare ex Augustini quidem sententiâ Cyprianus eo loco significavit tantum, unicuique per se liberum integrumque fore, intima animi sensa detegere, se non esse eum qui aut ullam sibi in ipsos auctoritatem arroget, aut necessitatem sentiendi cuiquam imponat.

**GRÆCUS.** Difficilè hic Augustino assentior, mihi que agrè persuades, eo qualicumque effato, non etiam aculeum in Stephanum, Cyprianum emisisse; quem enim invidiosus ille *episcopi episcoporum* titulus designat alium? Sanè eodem etiam Tertullianus olim suggillavit Zephyrinum papam lib. de Pudicitia, c. 7.

**LATINUS.** Agrè fero, quòd tu S. episcopum cum Tertulliano Montanistâ conferas; at sit ita, suggillaverit ambo Romanos pontifices: Tertullianus Zephyrinum, Cyprianus Stephanum: an idèò judicandi potestatem etiam Stephano detractum ibat? Equidem per verba illa, si severè etiam expendas, immaturum fortè, præcipitemque summæ potestatis usum in Stephano improbasse potuit, non ipsam judicandi potestatem. Igitur, ut multum tribuam, non probabatur Cypriano, quòd Stephanus unâ traditione consensus, magnum per orbem episcoporum numerum, usu antiquo, Scripturis et rationibus, ut ipsi quidem tunc videbatur, gravissimis nixum, in suam sententiam adigeret; et malebat in re adeò implicâ



et convolutâ, quæque ad disciplinæ potius quàm fidei rationes pertineat, suam cuique relinqui sentiendique licentiam. Existimabat nempe veritatem, in quarum cognitionem humana diligentia nondùm se penetrat, soli Deo reservandum esse iudicium. Certè inducere in animum nequeo, ut credam zelo æstuque abreptum Cyprianum Stephano detraxisse iudicandi auctoritatem, quam tam disertè Cornelio, Stephani auctessori, dulcè attribuit. Digna sunt, quæ sæpè repetantur. At ergo epist. 55 ad Cornelium, loquens de schismate Novatianorum: « Non aliunde obortæ sunt hæreses, aut nata schismata, quàm inde, quòd sacerdoti Dei non obtemperatur, nec unus in Ecclesiâ ad tempus sacerdos, et ad tempus iudex vice Christi cogitetur, cui secundùm magisteria divina obtemperet fratèrnis universa. »

GRÆCUS. De Cypriano adhuc nobis redibit sermo: si verò ex ejus mente pontifex Romanus vice Christi iudex est, si eam potestatem, ut Valentinianus aiebat, per B. Petrum nactus est, edicè, obsecro, quis, quando, quas demùm causas, aut quos episcopos sibi iudicandos sumpserit? Et quoniam, quæ ad iudicium spectant, arctam ut plurimùm inter se communicationem habent, non seorsim singula, sed, ut res tulerit, ætatum temporumque ordine, si iubet, sive recurrentes ad papæ iudicium, sive iudicatos, seu absolutos aut damnatos, poenisque affectos profer in medium. Ita namque fiet, ut in rem eandem identidem revolvi necesse nobis futurum non sit.

LATINUS. Sàpienti huic tuo consilio facilè morem gererem, nisi vererè, ne ea rerum actuumque iudicialium perturbatio, quæ necesse est eveniat, si temporum sequamur ordinem, tibi mihiq; voluptatem omnem eripiat. Rerum igitur potius seriem insistamus, et primùm experiamur, an ad Romanum tribunal hæreses, dubia fidei, hæretici suspectique aut ultrò se stiterint, aut sint adesse jussi, aut deferri debuerint. Mihi quidem certum est, causarum ejusmodi cognitionem ad hoc planè forum pertinere, quanquàm etiam alibi cõpète sint, tractatæque.

GRÆCUS. Age, ut iubet; id modò cave sis, ne ingrata rerum earundem repetitione aures obtundas; ut enim nova oblectant, sic iterata creant fastidium. Doce igitur primùm, ad Romanam sedem debuisse referri causas, quas cumque percensuisti, quasque majores uno nomine nuncupamus.

LATINUS. Qui pro me loquatur, Alexandrinum episcopum Cyrillum sisto: diu jam inter ipleum et Nestorium Constantinopolitanum agitabatur de fide, atque cùm obstinatiorè comperisset, sensit sibi injectam necessitatem exquirendi à Cælestino consilii, et quid demùm in eâ re agendum videretur, siscitandi. In verba Cyrilli tomo 3, pag. 890: « Si in rebus adeò necessariis, ubi recta fides malè à quibusdam depravata, distortaque periclitatur; citra notam silere, et cuncta quæ hactenus mota, agitataque sunt, citra morositatis vitium pietatem tuam celare liceret, dixissem utique mihi: Bona ac periculi expers res est silentium. Et illud rursùm: Præstat quietam vitam agere, quàm turbis operam dare. Quoniam verò Deus hisce in rebus vigilantiam à nobis exigit, et vetus Ecclesiarum consuetudo suadet, ut ejusmodi res sanctitati tuæ communicentur, scribo planè necessitate adactus, Satanam omnia miscere, contraque Dei Ecclesias insanire.... »

GRÆCUS. Postquàm tu luculento adeò testimonio propositum eiecisti, non te celabo, quæ ante Cælestinum Africanorum Patrum synodus Milevi in urbe Numidiæ ad annum 416 coacta ad Innocentium I perscripsit in eandem sententiam; vertebatur inter Patres gravissimum Cælestii atque Pelagii hæreticorum negotium; Epistolæ synodiæ hic ingressus est: « Quia te Dominus gratiæ suæ præcipuo munere in sede Apostolicâ collocavit, talemque nostris temporibus præstitit, ut nobis potius ad culpam negligentiae valeat, si apud tuam venerationem, quæ pro Ecclesiâ sunt suggerenda, et tacuerimus, quàm ea tu possis, vel fastidio, vel negligenter accipere, magnis periculis infirmorum membrorum Christi pastoralem diligentiam, quæsumus, adhibere digneris. Nova quippe hæresis, et nimium perniciosa tentat assurgere inimicorum gratiæ Christi... Hæc ad sanctitatem tuam de concilii Numidiæ scripta direximus, imitantes Carthaginensem Ecclesiam, et Carthaginensis Ecclesiæ episcopos nostros, quos ad sedem Apostolicam, quam beatus illustras, de hac causâ scripsisse comperimus. » Et altera Epistola episcoporum quinque, in quorum numero et Augustinus fuit, sic papam alloquitur: « Non agitur de uno Pelagio..... aut ergo à tuâ veneratione accersendus est Romanam, et diligenter interrogandus, quam dicat gratiam....., et cùm inventus fuerit hæc dicere.... absolvendus est. »

LATINUS. Ne tu rem arcanam mihi dextesse videare, habe insuper et responsum pontificis, quod rem omnino absolvit; ait is: « Diligenter ergo et congruè Apostolici consultis honoris arcana, honoris, inquam, illius, quem, præter illa quæ sunt extrinsecus, sollicitudo manet omnium Ecclesiarum super auxiliis rebus, quæ sit tenenda sententia: antiquæ scilicet regulæ formam seculi, quam toto semper orbe nōdis esse servatam. Verùm hæc missa facio: neque enim hoc vestram credo latere prudentiam, qui id etiam actione firmastis, scientes quod per omnes provincias de Apostolico fonte petentibus responsa semper emanent, præsertim quoties fidei ratio ventilatur; arbitrator omnes fratres et episcopos nostros non nisi ad Petrum, id est, sui nominis et honoris auctorem referre debere, velut nunc retulit vestra dilectio. »

GRAECUS. Ex te jam etiam nōsse cuperem, quem res denique eventum cum Pelagio, Cælestioque sortita sit; an se illi Romano tribunali stiterint, quid, aut quantum eidem detulerint; absoluti denique, an condemnati sint.

LATINUS. Eorum causam apud duos pontifices Innocentium atque Zozimum versatam diligenter esse, pro comperto habeo. Ac Innocentius quidem datis rescriptis ad Carthaginensem atque Milevitanam synodum, dogma nefarium condemnavit, tum et ejus auctores à communionem ecclesiasticam abstulit, dum ad saniorum mentem redirent. Mansuetus Zozimus cum utroque in illo procedendum sibi duxit. Cùm enim libellum à Pelagio ex Oriente transmissum ad Innocentium, ipse ejus successor suscepisset, Cælestius verò Romam continuò advolasset, magnam de utroque in rectam viam reducendo spes pontifex optimus concepit. Uterque in speciem catholicæ sentire, aut velle ex animo videri potuit; uterque placita sua apostolico iudicio substernebat. Pelagii verba erant: « Hæc est fides, etc., in quâ si minùs peritè, aut parùm cautè aliquid positum est, emendari cupimus à te, qui Petri et fidei, et sedem tenes. Sin autem hæc nostra confessio apostolatûs tui iudicio comprobatur, quicumque me maculare voluerit, se imperitum vel malevolam, vel etiam non catholicum, non me hæreticum comprobabit. »

GRAECUS. At probè nōsti, quos ea Zozimi papa in lapsos facilitas motus adversus Romam in Africâ suscitaverit, quæ incendia; tunc, si quando, in periculum adducta mihi videtur Romanorum pontificum dignitas. Cùm enim

causam doctrinæ eorum, Judæm hæreseos convictæ, damnatæque rursum suscitari, et in iudicium revocari iterùm audissent, propensumque nimitum Zozimum papam ad homines absolvendos, sive intelligerent, sive etiam experirentur, obstiterè acriter, ne denique ad sententiam progrediretur Zozimus.

LATINUS. Nil periculi adisse tum Romanorum pontificum auctoritatem, si quando Patrum inspexisti litteras, tibi ipsi fatendum est. Egrè ferebant causam retractari, fateor: at cur? quoniam à synodo atque auctoritate Innocentii definitam terminatamque nōrant. Quare nihil egere insolenter, sed obtestando; intercesserunt, non restiterunt, ne locus daretur sententiæ, dum plenam causæ totius, actorumque cognitionem ex Africâ legatus Patrum Romam portaret. Et detulit Zozimus justæ Patrum obtestationi, sic tamen, ut etiam suæ potestatis, admonitos vellet. Verùm legato vix Romam ingresso, cùm se Cælestius, cui dies in defensionem constituta fuerat, ciam urbe eripisset, patuit continuò sive mala conscientia, sive fraus hominis, et decreta severa in utrumque hæreticam à Zozimo etiam, multâ Africanorum Patrum Institutâ, instaurata, atque per universas Ecclesias vulgata sunt.

GRAECUS. Venia, quæ Cælestio Pelagioque, si resipuissent, offerebatur à Romanâ sede, nescio, an etiam dari poterit? id sanè videntur Africani Patres in controversiam vocasse.

LATINUS. Ab eâ mente procul Patres abfuisse ne dubita, neque eis ignota erant, quæ non ita olim, Julio nempe papâ, in Valente atque Ursacio effectui mancipata sunt. Utrumque Sardiensis synodus sede episcopali eiecerat, tum quod Arrii doctrinam sectarentur, tum quod athletam Christi fortissimum Athanasium dirè insectati, sæpèque innumeris calumniis propè obruissent. Tot tamen tantisque sceleribus, postquam penitentiam egere, Julios concessit veniam, communionem restituit. Proces eorum refert Epiphanius hæresi 68: « Valens et Ursacius, penitentiam ducti Julio Romano pontifici libellos obtulerunt, quibus errorem suum deprecabantur: Calamarias, inquietabant, contra Athanasium struximus; tu verò ad communionem et penitentiam nos admiste. » Et admisit sanè, ut testis est ipse Athanasius, apologiâ 2, ubi eos ad Julium sic loquentes inducit: « Recepinus Athanasii communionem, quia tua in Deum pietas veniam, se candùm suam genuinam probitatem, nostro errori impertiri dignata est.

GRÆCUS. An plures adhuc hæreticos habes, qui Romanam sedem adiverint? de Fortunato quidem presbytero, et pseudo episcopo Felicissimo, aliisque presbyteris hæreticis, atque schismaticis mirari mihi visus est Cyprianus, quòd fiducià sumptà Romam adierint; verba ejus sunt ep. 55, ad Cornelium: « Post hæc et insuper pseudo-episcopo sibi ab hæreticis et constituto: navigare, inquit, audent et ad Petri cathedram, atque ad Ecclesiam principalem, unde unitas sacerdotalis exorta est, et à schismaticis et profanis litteras ferre, nec cogitare eos esse Romanos, quorum fides, et Apostolo prædicante, laudata est, ad quos et perfidia non possit habere accessum. »

LATINUS. Id nunc non agimus, an rectè ad sedem Romanam appellaverint, quid miratus sit, quid ægrè tulerit Cyprianus in epistolà illà ad Cornelium; accessisse tamen ad Romanam sedem liquet: et Infinitus sim si causas omnes fidei, quin et disciplinæ, quæ ad tribunal papæ auditæ sunt, indè à principio Ecclesiæ ad nostra tempora persequi velim. Id generatim habere, morem fuisse perpetuum, ut hæretici ad Romanum præprimis tribunal ablegarentur: id sanè illa communis Patrum sententia in Chalcedonensi synodo act. 5, satis edocet: « Reverendissimi episcopi Illyrici dixerunt: Qui contradicunt, manifesti fiant; qui contradicunt, Nestoriani sunt; qui contradicunt, Romam ambulent. » Et quem morem indicasse videtur hæc quarta synodus, illum planè secuta est sexta, quando, ut narrat Constantinus Pogonatus in suà epistolà ad Leonem papam, Macarium Antiochenum, et socios hæreticos transmisit ad papam.

GRÆCUS. Nihilne tu dices de Arii, Macedonii, Nestorii, Eutychetis, Monothelitarum atque Iconoclastarum heresibus? poteris hæc tanta præterire silentio?

LATINUS. Hæc, ut pervagata, atque in vulgus notissima, intacta relinquam; id generatim tibi in memoriam revoco, tam graves capitalesque, quàm erant istæ hæreses, omnes sanè Romæ primum pontificum severitatem expertas, censuram subisse, dirisque devotas, quàm ab œcumenicis synodis ferirentur, et synodis ipsis pontificum litteras ad rectam fidem tuendam, veluti faciem constanter prætulisse.

GRÆCUS. Scrutemur itaque, quæ à vulgo paulò remotiora sunt, neque ita obvia, omniumque oculis exposita. An ergo ad Romanorum pontificum tribunal auditæ quoque

sunt causæ ac dubia, sive quæ occasione aucti Trisagii universum Orientem confundebant, sive quæ monachos Seyllas atque Acæmetas diuturnis ac pertinacibus odiis exercuerunt? Erant Acæmetæ Constantinopoli monachorum cœtus, inde sic dicti, quòd in eorum ecclesiis, cursu nunquàm interrupto, noctes diesque, per horas omnes, divinæ laudes ducebantur.

LATINUS. Exarsit ea lis acerrima in Oriente ad annum 477; cum enim piissimè à multis retrò annis in Ecclesiis usurpatum esset, quale à Seraphinis acceptum fertur, *Τρισάγιον*, Sanctus Deus, Sanctus fortis, Sanctus immortalis; miserere nobis, Petrus Fullo Antiochenus episcopus, Theopaschitarum afflatus malo, auxilii Trisagium, intersertit post, *immortalis*, hæc appendice: *Qui crucifixus es pro nobis*. Hæc una lis à Fullone commota: altera Acæmetarum fuit, *qui unum è Trinitate incarnatum, et carne passum*, et B. Virginem, proprietate ac naturâ vocum servatâ, *Dei Genitricem* dici posse pernegabant, cum contra omnibus viribus niterentur Seyllæ monachi. Atque hæc causæ, inferentibus eas ipsis imperatoribus, atque patriarchis Romam, magnâ sollicitudine auditæ, excussæ ac judicatæ pro tribunali sunt, quin et finem acceperunt.

GRÆCUS. Simplicius papa, nisi fallor, Petri Fullonis additionem proscripsit datis litteris, quarum initium est: *Quis dabit capiti meo?*

LATINUS. Quin et dispositionis sententiam exigendam in Fullonem demandavit idem Acacius Constantinopolitano; teneo hæc ex Gelasii papæ commonitorio ad Faustum; dignus locus est, quem audias, quando paucis ille verbis in tres summos patriarchas primatum à Simplicio papâ uno eodemque veluti actu gestum, exhibet. Verba commonitorii sunt: « In hæc ipsâ causâ Timotheus Alexandrinus, et Petrus Antiochenus, Petrus, Paulus, Joannes, et cæteri non solùm unus, sed plures utique, sacerdotii nomen præferentes, solâ sedis Apostolicæ auctoritate sunt dejecti; cujus rei testis etiam ipse docet Acacius, qui præceptionis hujus existit executor. Tantâ verò licet severitate usus esset Simplicius, non ita tamen malo finem imposuit, ut non idem vires resumserit, favente Inlrisi hæresi Anastasio imperatore, cujus adeò pertinax fuit impietas, ut ne arma quidem à Vitaliano mota, multusque sanguis restinguendæ par esset.

GRÆCUS. Alteram monachorum causam ad Hormisdam papam delatam per Justinianum imperatorem memini; aiebat imperator ad Hormisdam: « Nisi enim precibus ac diligentia vestra hæc quæstio soluta fuerit, veremur ne non possit Ecclesiarum sanctarum pax provenire. » At Hormisdas quanquam repetitis precibus à Justiniano fatigatus ipsisque adeò Scythis monachis Romam advolantibus, definitivam sententiam abstulit.

LATINUS. Verùm cum suo atque patriarchæ nomine urgeret negotium imperator, atque ad Joannem papam ita scripsisset: « Petimus paternum vestrum affectum, ut vestris ad nos destinatis litteris, et ad sanctissimum almæ hujus urbis patriarcham fratrem vestrum, quoniam et ipse scripsit ad vestram sanctitatem, festinans in omnibus sequi sedem Apostolicam beatitudinis vestræ, etc., causam absolvatis » Joannes papa, frustra obnitentibus itidem per legatos Acæmetis, ad optatam metam litem perduxit, et ad extremum definivit: « Unum è Trinitate incarnatum, et carne passum, atque B. Virginem verè Dei Genitricem esse, » ut testis est Liberatus Breviarium c. 20. Quod deinceps synodus etiam V, coll. 8, can. 4, complexa est, et confirmavit Vigilius.

GRÆCUS. Quando approbatam Scytharum monachorum assertionem audio, rectè, nisi fallor, concludam, nil eos commune habuisse, sive cum Theopascitis et blasphemam Fullonis additione, sive etiam cum Eutychiis. Ut quid igitur doctissimus Annalium ecclesiasticorum parens traducit innocentes Scythas, et invidioso nomine Eutychis atque Fullonis discipulos appellat? Equidem, ut tibi fatear, neque ego satis Scytharum inter articulum atque Fullonis additionem discerno, miror quæ sæpenumèrò, cum unum damnatum esset à Simplicio, potuisse approbari alterum à Joanne.

LATINUS. Scytharum monachorum assertionem in varios posse sensus distrahi, locupletissimè ostendit Lupus in notis ad synodum Ephesinam. In pejorem partem vertit omnia, notamque eam quam dixisti, Scythis monachis inussit Baronius. At eandem doctissimè propulsavit cardinalis Norisius l. 2. Hist. Pelag., c. 18. Et quanquam ea Scytharum monachorum assertio additioni Fullonis, si verba spectes, magnoperè affinis sit, sensu tamen toto discrepabat, Fullo namque Filium Dei in substantiam Deitatis, aut Trinitatem ipsam crucifixam contendebat, cum contra monachi

Filium carne passum dicerent. Et de impiam Fullonis mente jam ab initio non levis fuit suspicio: hoc eum probi omnes animo designasse, non ex vano conjiciebant quando ex more perpetuo, usuque, Trisagion ad Trinitatem ipsam pertinebat, ideòque ore omnium τρισάγιον vocabitatur. At postea, hoc denique fuisse Fullonis consilium, plenà luce apparuit, cum, ejecto Callendione, rursus in sedem Antiochenam invasit. Callendio in sedem Antiochenam evectus, cum invectam usuque donatam impiam additionem Fullonis eximi posse desperasset, emendandum putavit, et intersertis ante additionem Fullonis hæc, *Rex Christe*, catholicum sensum Trisagio restituit. At sedi redditus Fullo, ut impium sensum retineret, quem prius invexerat, adjuncta per Callendionem rescidit, et hæreticum se denique ex animo probavit.

GRÆCUS. Satis jam hæreticorum fortunam secuti sumus; Romæ causas eorum ut plurimum excussas, judicatas, abundè vidimus; inde in eos contorta fulmina, excommunicationes, depositiones dictatas: spem etiam veniæ inde factam, cum de se penitentiæ spem fecerant, quin et in Ecclesiam receptos, cum se suaque emendârunt, compertum habeo. At cur eum morem universa Ecclesia secuta sit, causas etiam lubens cognoscerem: quid erat quod eos ad Romanum inprimis tribunal traheret?

LATINUS. Agathonis Epistola ad imperatores, quæ prostat synodo VI, tomo 6 Conc. act. 4, causas omnes dilucidè explicat; hujus tu itaque partem accipe: « Petri adnitente præsidio, hæc Apostolica ejus Ecclesia nunquam à veritatis viâ in quolibet erroris parte deflexa est, ejus auctoritatem, utpote Apostolorum omnium principis, semper omnis catholica Christi Ecclesia, et universales synodi fideliter amplectentes in cunctis secutæ sunt, omnesque venerabiles Patres apostolicam ejus doctrinam amplexi. » Eandem causam suggerit Basilium in Epistola Sabino diacono datâ ad Romanum pontificem: « Pietati, ait, tuæ donatum à Domino, ut quod adulterinum est, à proprio et legitimo discernas, ac fidem Patrum sine subtractione ullâ prædices. Idem insinuat, eodemque argumento Petrus Chryso-logus Eutychem ad obediendum Romano pontifici invitât: « Hortamur te, frater venerabilis, ut his quæ à beatissimo papâ Romanæ urbis scripta sunt, obedienter attendas, quia B. Petrus, qui in propriâ sede vivit et præsidet,

« præstat quærentibus fidei veritatem. » Bernardus ad extremum ep. 190, ad Innocentium, causam, quam optabas, verbis disertissimis complexus est : « Oportet, ait, ad vestrum « ferri apostolatam pericula quæque, et « scandala emergentia in regno Dei, ea præser- « tim, quæ de fide contingunt. Dignum nam- « que arbitror, ibi potissimum resarciri damna « fidei, ubi non possit fides sentire defectum : « hæc quippe prærogativa hujus sedis. Cui « enim aliquando dictum est : *Ego rogavi pro « te, Petre, ut non deficiat fides tua; ergo quod « sequitur à Petri successoribus exigitur : Et tu « aliquando conversus, confirma fratres tuos, etc.* »

GRÆCUS. Si te longius sinam procurrare, prope est, ut etiam Romanorum pontificem infallibilitatem mihi persuadeas. At enim quoniam istud non habes propositum, et unum id egisti, ut causas fidei Romani pontificis supremo judicio submissas esse ostenderes; age nunc etiam, et doce, disciplinæ quoque ac morum rationes Romanis pontificibus curæ semper fuisse; in summâ, inde judicium, inde sententiam, causas omnes majores tulisse.

LATINUS. Æquissimæ petitioni tuæ subscribo, atque ut primùm testimoniis, tum et exemplis summorum episcoporum palam faciam, disciplinæ etiam causas ad Romanum tribunal pertinuisse, et relatas constanter esse, juvat in primis audire, quæ de tribus præcipuis patriarcharum sedibus varii pronuntiârunt. Imperator Constantinus Pogonatus Leonem II precatus est, ut more veteri destinaret Apocrisiarium, qui papæ nomine res Ecclesiæ moderaretur; verba ejus sunt : « Hortamur « porrò vestram sanctissimam summitatem ut « quamprimùm mittat, quem designare solet, « Apocrisiarium, ut is in regiâ, et à Deo con- « servatâ nostrâ urbe degat, et in emergenti- « bus, sive dogmaticis, sive canonicis, ac « prorsus in ecclesiasticis omnibus negotiis « vestræ sanctitatis personam referat. » Quid verò sit referre personam pontificis, etsi res ipsa satis explicet, juvat tamen audire Niceatam Paphlagonem in vitâ S. Ignatii patriarchæ; is rem ipsam videtur paucis complexus, ubi de S. Ignatio patriarchâ Constantinopolitano sic loquitur : « Romanis enim pro antiquâ ec- « clesiasticâ traditione, judicandi potestatem « permittebat. » Quem morem valuisse in Ecclesiâ quoque Antiochenâ disertè perhibet Juvenalis Hierosolymorum episcopus, in concilio Ephesino ita loquens : « Mos invaluit, ut

« sedes Antiochena ex Apostolicâ quâdam con- « suetudine et traditione à Romano episcopo « disponeretur, et judicium acciperet. » Neque aliam fuisse consuetudinem Alexandrinæ sedis manifestè liquet ex Socratis l. 3, c. 17, ubi narrat Eusebianos Julii papæ litteris acriter reprehensos, quòd pendente Romæ causâ Athanasii, ipsi contra canones ecclesiasticos indicium occupassent, sive odii in Athanasium, sive ambitione abrepti. Verba pontificis erant : « Non decuit novos istos modos contra « Ecclesiam induci... Cur igitur, et inprimis « de Alexandrinâ civitate nihil nobis scribere « voluistis? An ignari estis hanc consuetudi- « nem esse, ut primùm nobis scribatur, ut hinc « quod justum est, definiri possit... Non ita se « habent Pauli ordinationes, non ita Patres « docuerunt, sed fastus iste, et novum stu- « dium est. »

GRÆCUS. Testimoniis dilucidis, si exempla etiam junxeris, rem absolvisti.

LATINUS. Audisti Julium Romanum pontificem, ut perstrinxerit Eusebianos violatorum canorum reos : an adhuc igitur dubium tibi esse potest ad ipsos planè non fidelè modò, sed et disciplinæ rationes semper pertinuisse. Atque ut nôris, non vi, sed jure optimo id sibi asseruisse pontifices, Cyrillum inprimis Alexandrinum in memoriam tibi revoca. Tulerat in hunc et Memnonem, amicus Nestorio Joannes Antiochenus depositionis sententiam. Ea temeritas, is furor, gravissimè synodo III œcumenicâ displicuit, atque ad vindictam meritam Patres provocasse potuit; abstinent se tamen, nec severius quidquam decernunt, et quanquàm in aperto crimen multiplex esset, judicio papæ rem omnem reservant. Verba eorum sunt : « Verùm ut Joannis teme- « ritatem longanimitate vinceremus, deposi- « tionem ejus reservavimus judicio pietatis « tuæ... Inde sanctitas tua convenienti indi- « gnatione concitetur; nam si volentibus « licebit etiam majores sedes afficere contu- « meliis, et sententias adeò iniquas contra « præscripta canonum ferre in eos in quos « nihil juris habent, in extremam confusionem « delabentur res ecclesiasticæ. »

GRÆCUS. Dissidium id inter Antiochenam ac Alexandrinam Ecclesiam prope tricennium à præactâ synodo Ephesinâ perduravit. Cœlestinus papa in responsione datâ ad synodum, quia se mitius aliquantò gessit, tam in sectatores Nestorii, quàm in Joannem Antiochenum, alienarumque dioceseon invasores, quanti

optasse synodus videbatur, eâ clementiâ, nisi fallor, audaciam Dioscoro Alexandrino, paucis post temporibus aspiravit, ut in supremam sedem, temerario prorsûs facto, excommunicationis sententiam contorqueret; secutus nempe Joannis Antiocheni exemplum, qui in Cyrillum Alexandrinum, majoris sedis episcopum, idem, inulto crimine, tentaverat.

LATINUS. Neque id, quod tu ais, exemplo fuit Dioscoro, neque esse potuit, ut in Leonem sententiam ferret: hûc illum sua impietas impulit, quæ furore potius quàm exemplis ducitur. Cœlestini illa clementia, quæ elucet totâ Epistolâ responsoriâ ad synodum: *Tandem malorum*, Conc. tomo 3, p. 1590, satis tibi documento esse potest, pontificiæ potestatis limites nullos prope esse. Et severitas Leonis in Dioscorum idem quoque evincit. Quis enim, quâ de causâ, si quæras, sacerdotio moverit Dioscorum? respondet Anatholius Constantinopolitanus act. 5 synodi Chalcedonensis: « Propter fidem non est damnatus Dioscorus, sed quia excommunicationem fecit Domino archiepiscopo Leoni, et tertiò vocatus non venit, ideò damnatus est. » Legati Apostolici plura ejus delicta aperiunt, et sententiam, quæ in ipsum dicta est, ad Leonem referunt. Tomo 4 Conc., p. 1505: « Manifesta facta sunt, quæ à Dioscoro quondam Alexandria magnæ Ecclesiæ episcopo commissa sunt adversum sanctarum regularum ordinem, et ecclesiasticam disciplinam... Hic etenim, ut plurimâ intermitteramus, Eutychem regulariter à proprio damnatum episcopo, id est, sanctissimo Patre nostro et archiepiscopo quondam Flaviano, præsumens sibi primatum, irregulariter in communionem suscepit, priusquàm consideret in Epheso cum Dei amantissimis episcopis. Sed illis quidem Apostolica sedes veniam præstitit, de iis quæ ibi non voluntariè ab eis gesta sunt, qui et hæc tenus permanserunt obedientes sanctissimo archiepiscopo Leoni, et omni sancto et universali concilio: hujus gratiâ, et in suâ communionem eos sicut confideles suscepit. Hic autem, et hæc tenus permansit glorians... super hæc verò, neque epistolam legi permittit beatissimi P. Leonis, scriptam ad sanctæ memoriæ Flavianum; et hoc frequenter rogatus à portitoribus recitari eam, et cum juramento fieri lectionem promittens, quâ non lectâ scandalum et læsionem sanctæ Dei Ecclesiæ per totum orbem terræ pertulerunt... Præsumpsit et excommunicationem

dictare adversus sanctissimum et beatissimum archiepiscopum magnæ Romæ Leonem. Insuper et multi libelli, multis ejus pleni iniquitatibus, contra eum in sancto et magno concilio oblati sunt; et semel et secundo, et tertiò regulariter vocatus, minimè voluit obedire. Et hos qui à diversis conciliis regulariter damnati sunt, contra divinas leges suscepit, ideò ipse contra se elicit sententiam, et sæpius ecclesiasticos conculcans canones. Unde sanctissimus et beatissimus archiepiscopus magnæ et senioris Romæ Leo per nos et præsentem sanctam synodum, unâ cum ter beatissimo, et omni laude digno B. Petro Apostolo, qui est petra et credo Ecclesiæ catholicæ, et rectæ fidei fundamentum, nudavit eum tam episcopatus dignitate, quàm etiam ab omni sacerdotali alienavit ministerio. »

GRÆCUS. At hæc pontificis sententia, suffragio licet totius concilii comprobata, vim suam in Alexandrinâ Ecclesiâ obtinuisse non videtur; quando Timotheus Solophaciolus episcopus catholicus, qui Alexandria sedit tertius à Dioscoro, recitabat adhuc ad altare nomen Dioscorig inter sacra.

LATINUS. Recitasse quidem, et ab Eutychiânis compressis gladiis adactum; quorum in eum ubi posuit, datis ad Simplicium papam litteris, quicumque huic suo delicto aut scandalo enixis precibus veniam deprecatus est, rogans, ut Petrum Mongum ab hæreticis intrusum, insidiantem sedi procul arceret; in quem finem pontifex binas ad imperatorem Zenonem dedit, totidemque ad Acacium Constantinopolitanum, quem et certiores reddidit de misso ad se per eundem Timotheum libello pœnitentiæ eorum quos Ælurus et Mongus à sincerâ fide abduxerant.

GRÆCUS. Delicta Antiocheni atque Alexandrinorum episcoporum ad Romanum tribunal perlata, et sententiâ pontificis indulgentiam aut pœnam accepisse, luculentè hæc tenus exemplo Athanasii, Cyrilli, Dioscorig, Joannis, Timothei comprobasti; et pro Flaviani innocentiam susceptum à Romano pontifice Leone conatum indicasti. Reliquum est, ut correctos correctosque etiam Constantinopolitanos exhibeas, et circa eosdem etiam in causis disciplinæ, pontificum vigilantiam, severitatem aut lenitatem nobis commendes.

LATINUS. In tanto malorum, aut non undique bonorum numero, qui Constantinopolim moderati sunt, exempla deesse haud possunt.

At enim abstinere ad alios, eorumque duntaxat exemplis utar, qui patriarchatum Constantinopolitanum aut struere aut ampliare in animo habuerunt. Ita enim Deo planè disponente factum est, ut quotquot illi sedi effereudæ dederunt operam, omnes etiam Romanorum pontificum censoriam virgam non effugerint; atque submissionis suæ æquè ac gloriæ pontificiæ testes ad posteros esse possint.

**GRÆCUS.** D. Gregorium Nazianzenum, aut successorem ejus Nectarium à Constantinopolitana I synodo canone 3, ipsâ potestate patriarchicâ aut certè secundæ honore sedis auctos, in confesso est. An verò in hos etiam, aut occasione ex his captâ, præclare quid gesserunt, et unde dominatus eorum in Ecclesiâ eluceat, Romani pontifices?

**LATINUS.** Nobilitârunt, ac veluti insignierunt supremum Damasi papæ regimen tres continenter Constantinopoleos episcopi, Maximus Cynicus, Nazianzenus atque Nectarius. Damascus erat, qui provectionem in eam sedem Cynici acriter reprehendit, datâ ad Egyptios episcopos literâ. Ipse Nazianzeni translationem, quòd contra canones esset, nec laudavit, nec ratam habuit. Quare etiam Gregorius pro insigni suâ sanctimoniâ, inuitus tantum sedem eam inivit, inuitam pro illegitimâ asperxit, sibi que relictus eadem excessit. Viri sanctitatem declarant hæc ejus verba: « Sed meum non erat ad vim genuflectere, nec illegitimam sedem exosculari, qui ne coactus legitimam admiserim. » Nec denique Nectarii evectio firma habita est, priusquam ad eam Romæ consensus accederet. Disertè id perhibet Bonifacius I, Epistolâ ad Rufum Thessalonicensem, de iis temporibus scribens: « Princeps Theodosius Nectarii ordinationem, propterea quòd in nostrâ notione non esset, habere non existimans firmitatem, missis à lare suo aulicis, cum episcopis, formatam huic à sede Romanâ dirigere regulariter deponit, quæ ejus sacerdotium roboraret. »

**GRÆCUS.** Alter, quo sedente, crevit auctoritate Constantinopoleos thronus, fuit Atticus, sanctorum non minùs numero adscriptus: hoc namque pontifice, Theodosius Augustus Junior, seu sponte suâ, et studio augendæ Constantinopolitanæ Ecclesiæ, sive Illyricianorum molitionibus adductus anno 421, Constantinopolitani, ante pauca tempora, urbis suæ muris prope clausi, jura in Illyricum etiam extendit, et rariù nobilius patriarchi-

cum ibi Romano ab olim constitutum, ereptum fbat. Per leg. 45 Cod. Theod. de Episcopis.

**LATINUS.** Rem ut absolutissimè teneas, meminisse te volo, Illyricum omne cum Eudociâ, veluti dotis nomine ab Honorio Occidentis Augusto, Juniori Theodosio in Oriente imperanti, transcriptum esse; Illyriciani eam occasionem nacti, dudùmque jam Thessalonicensis episcopi dominatum perosi, qui ad id tempus vicarii apostolici munus per Illyricum omne ex veteri instituto exercebat, ut se hujus denique potestati subducerent, imperatorem artibus ad legem eam condendam pertraxere. Igitur his subreptibus, rescriptum emisit Theodosius: jubebat eo, graviores Ecclesiarum causas non jam Thessalonicam, sed Constantinopolim à synodis Illyricianis referendas esse. Verùm, detectis fallaciis episcoporum Illyrici, per Honorium Augustum, ab incepto destitit, vim omnem legi detraxit, canonesque, ac vetustum morem obtinere in totum voluit. Hæc, Attico Constantinopoleos episcopo, gesta sunt; nunc quid in eum ipsum, accipe. Ejecto iniquè Chrysostomo in exilium, successerat, Arsacio tantum interjecto, Atticus in Constantinopolitanam cathedram, et sancto illi exuli, quamvis et ipse sanctus, immoderato zelo initio adversatus fuerat: Innocentius papa ob utrumque hoc caput adduci non potuit, quamquàm multis legationibus rogatus, ut Attico consuetam Ecclesiæ pacem daret, neque deinceps, teste Theodoro, lib. 5, cap. 34, ea impetrata est, nisi postquam mutato animo errorem agnovit Atticus, et D. Joannis Chrysostomi nomen tabulis sacris inscripsit; errataque hæc qualiacumque, penitentia, ac pastorali sanè adversùs hæreses vigilantia expiavit, dignus qui sanctorum catalogum auxerit.

**GRÆCUS.** Anatolii fortunam nunc prosequere, quem probè nosti præcipuum auctorem, ac veluti architectum fuisse Chalcedonensium canonum, quibus Ecclesia Constantinopolitana prope exæquari cum Romanâ sede nonnullis visa est.

**LATINUS.** Flaviano, scelere Eutychianorum ejecto ac trucidato immanissimè, suffectus est in sedem Anatolius ab episcopis ejusdem cum Dioscuro furfuris initiatus; verùm Leo institutionem eam non admisit; neque assensu suo sedem Anatolio firmavit, nisi, hinc ipso rectæ fidei, in cujus suspicionem vocabatur, subscribente; inde intercessore facto ipso Augusto. Quare in Epistolâ ad Marcianum, siebat:

« Vestrae fidei, et interventionis habentes in-  
 titutum, cum secundum suam consecrationis  
 auctores, ejus initia titubarent, benigniores  
 circa ipsum, quam justiores esse volumus,  
 quo perturbationes omnes, quae operante  
 diabolo fuerant excitatae, adhibitis remediis  
 leniremus. » Et post pauca : « Satis sit præ-  
 dicto (puta Anatolio) quod vestrae pietatis  
 auxilio, et mei favoris assensu episcopatum  
 tantae urbis obtinuit. » Superiorem haec ma-  
 nifestè sapiunt : alterum id erat, quo se supe-  
 riorem exhibuit Leo erga Anatolium. Ordina-  
 verat in locum Domni Antiocheni, à Dioscoro  
 injustè depositi, Maximum Anatolius; id inso-  
 lens factum magnoperè vitio vertebat Leo, et  
 quid in eà re ipse posset, manifestis verbis in-  
 dicavit : « Neque sibi aestimet licuisse (Anato-  
 lius) quod Antiochenae Ecclesiae, sine ullo  
 exemplo, contra statuta canonum, episco-  
 pum ordinare praesumpserit, quod nos amore  
 reparandae fidei, et pacis studio, retractare  
 cessavimus. » Et verò institutionem Maximi  
 nullam fuisse futuram, atque testatus est  
 et ipse Anatolius, cum in Chalcedonensi  
 synodo, ut Maximi episcopatum extra contro-  
 versiam collocaret, dixit : « Quoniam, et sanc-  
 tissimus Leo Romanus episcopus, in commu-  
 nionem eum recipiens, praesce eum Antio-  
 chenaè judicavit Ecclesiae. »

GRÆCUS. An verò tibi suppetit, ex quo Leo-  
 nem, etiam à condito canone in Chalcedonensi  
 synodo, in Anatolium jus supremum exerci-  
 tuisse ostendas? quæ enim ante retuleras,  
 Chalcedonensis synodi canonem præcessere.

LATINUS. Cum Leo canonibus, quicumque  
 præjudicium afferbant ordini sedium summa-  
 rum, acerrimè obstitisset, neque emoliri pos-  
 set, sive per legatos Pulcheriæ Augustæ, sive  
 ipsius etiam Anatolii, ut vel latum unguem  
 decederet; quin cum etiam ob eam causam  
 severè objurgasset Anatolium, et ambitionis  
 apud Marcianum et Pulcheriam postulasset,  
 verbo, in irritum misisset omnia quæcumque  
 in eo negotio acta essent; vindicaretur tot facta  
 in se pontificis, ausus est Anatolius in vulgus  
 spargere, Leonem non recepisse Chalcedonen-  
 sem synodum; insuper queque, quo ægrè  
 Leoni faceret, ejus studiosissimum Actium  
 archidiaconum Constantinopolitanæ Ecclesiae  
 de gradu dejecit, subvecto Andrea, multisque  
 aliis de hæresi suspectis. Iis ex ipsius Mar-  
 ciani Augusti relatione cognitis, Leo circular-  
 res dedit, quibus approbare se, quæcumque  
 de hæc decreta essent Chalcedone, testatus

est : ita sparso per Anatolium rumorì larvam  
 detraxit, et ne rursus hæresis in Oriente caput  
 efferret, Juliano Coensi episcopo vicariam po-  
 testatem per Orientem delegavit, ad Augustinum  
 insuper dedit litteras in causâ Aetii, minatus  
 Anatolio excommunicationem, nisi id corrige-  
 ret. Quâ constantiâ demùm fractus Anatolius  
 remisit de fastu, atque in suis ad papam datis  
 dicere non dubitavit : « Penitus absit, ut eis  
 ego, quæcumque mihi fuissent mandata per  
 litteras, adversarer. » Et Actium in veterem  
 locum reposuit, et Chalcedonensium cano-  
 num conditorum invidiam in clerum Constans-  
 tinopolitanum, aliosque detorquere conatus,  
 denique Leonis arbitrio reservatam confirma-  
 tionem fuisse testatus est : « Cum et sic gesto-  
 rum vis omnis, et confirmatio auctoritati ves-  
 trae beatitudinis fuerit reservata. » Continet  
 hæc omnia epistola Anatolii, quam Allatius  
 exhibet lib. 1, cap. 23, digna quæ legatur.

GRÆCUS. Juribus quæ offerebant Chalcedo-  
 nenses canones, etsi prorsus renuntiâsse videri  
 possit Anatolius, tamen Acacius, qui eum,  
 solo Genadio interjecto, secutus est, eadem  
 reparasse utcumque videtur, favore Zenonis,  
 in imperium restituti anno 477. Ut enim obser-  
 vat Pagius, non Leoni et Anthemio, sed Zenoni  
 lex 16 C. de sacrosanctis Ecclesiis, in favorem  
 Acacii lata, tribuenda est, quæ privilegia ea-  
 dem Constantinopolitanæ Ecclesiae renovat.

LATINUS. Quam vim habeant imperiales leges  
 in ecclesiasticis rebus, tum præcipuè, cum  
 canonibus conciliorum adversantur, jam ante  
 dixisse me meminì : igitur hoc nunc relinqua-  
 mus. Et quæ Felix Romanus pontifex egit au-  
 ctoritate supremâ adversus Acacii molitiones,  
 in medium producimus. Acacius, veluti si  
 omnia jura Ecclesiae in se transtulisset, ita  
 sedes supremas perturbabat. Joannem Talajam  
 Alexandrinum episcopum, anno 482, Zenonis  
 imperatoris auxilio dejecit, et Petrum Mon-  
 gum hæreticum, dudum apostolico judicio  
 damnatum, provexit. Sic rebus comparatis,  
 cum Joannes sede pulsus, Romam venisset, et  
 Simplicium papam appellasset veluti judicem  
 legitimum, teste Liberato, cap. 48, apud Fel-  
 icem successore appellationem prosecutus  
 est. Felix Constantinopolim legationem desti-  
 navit, et litteris suis Acacium redarguit de  
 proditi fide, quin et citationis libellum addi-  
 dit, quo ad causam dicendam eum Romam evo-  
 cabat : Zenonem quoque requisivit, ut sua  
 huic gestæ petitioni adesset. Liberatus, Eva-  
 grius lib. 3, cap. 18.



GRÆCIS. At non parvit Acacius, quanquam iteratò monitus, quin, et Joannem Apameum episcopum à Petro Fullone consecratum, et ipsius quoque sedis Antiochenæ quondam invasorem à Felice papâ excommunicatum, in contumeliam sedis Apostolicæ, Tyri episcopum esse Jussit, et Petrum Fullonem itidem à Romano pontifice anathemate percussum, in sede Antiochenâ, quam secundò invaserat, confirmavit, et legatos pontificis indignè ac contemptim habuit.

LATINIS. Verùm tot scelera pontifex inulta non transmisit; etenim damnationis sententiam Constantinopolim continuò destinavit; quam cum Acacius, fretus imperatoris gratiâ, admittere detrectasset, qui eam detulerant, per monachum quemdam Acemetam Acacii ingredientis ecclesiam pallio per ludibrium appenderunt, teste Liberato. Repetita insuper est damnatio in Petrum Mongum Alexandrinum, et Petrum Fullonem Antiochenum. Ita Roma, cum prope captiva ab Arianis Herulis teneretur, imperium tamen ecclesiasticum latè in omnem orbem, ipsasque adeò ecclesias patriarchicas exercebat, neque per vices, sed simul atque eodem tempore in omnes.

GRÆCIS. Expedi verò jam, quem progressum denique ea Felicis papæ constantis habuerit, quemve exitum, toto Oriente adeò conturbato hæresibus, ac fastu in præceps ruente.

LATINIS. Quod Acacium attinet, pejor effectus est, neque unquam, licet anathemate ligatus, à sacris abstinent, teste Liberato; quin etiam eò amentie processit, ut refert Nicephorus lib. 16, cap. 17, ut etiam papæ Felicis nomen è sacro albo eraserit, primus ipse inter omnes hæreticos rem ad id tempus intentatam ausus. At schisma ab Acacio inductum, impissimisque imperatoribus Zenone ac Anastasio propagatum, sub Justino denique piissimo imperatore ac Hormisdâ papâ latissimum finem accepit. Imperatoris namque studio effectum, ut anno 518 edicto emissio recepta sit Chalcedonensis synodus, cejus subversionem tam Henotico suo, quam et aliis artibus Zeno atque Anastasius moliti sunt. Justino debetur, quòd Oriens cum Romanâ Ecclesiâ in pacem redierit; revocati pii exules quartæ synodi, ac S. Leonis nomen in Diptycha, è quibus erasum fuerat, rursus insertum est; Acacii contra nomine, ac hæreticorum, in quorum ipso societate ac communione viri, expunctis. Atque cum Euphemii quoque

ac Macedoni Constantinopolitanorum episcoporum, qui multa pro tuitione Chalcedonensis synodi, ipsumque exilium passi sunt, populus inserta optaret, Joannes Cappadox Constantinopolitanus episcopus restituit, ut liquet ex Actis synodi Constantinopolitane anno 518. Verùm, Hormisdâ nolente initio aliter in pacem admittere Orientem, coactus est, nomina horum etiam Diptychis eximere, rursus tamen inserenda.

GRÆCIS. In Ecclesiâ Latinâ, quod sciam, usus Diptychorum, quanquam olim fuerit, hodie intercidit: apud nostros mos vetus adhuc perdurat; habemus præ manibus è membranis chartisque codices, quibus nomina episcoporum, aliorumque Ecclesiæ catholicæ fidelium inscribimus. Sunt nobis viventium ac mortuorum Diptycha: viventium rursus, alia Ecclesiæ propria, alia communia: in propriis obtinent locum episcopi præcipuè, qui eidem Ecclesiæ præfuerit: communia patriarchas cæteros, clerum, principes ac magistratus, populumque fidelem exhibent. Præter hæc Diptychorum genera, nec desunt tabulæ, quibus baptizatos inserimus. Verùm præ cæteris ecclesiastica Diptycha in summo semper honore fuerunt. Hæc enim, ut liquet ex Liturgiâ S. Basilii atque Chrysostomi, aris inferre, thure venerari, et sacris peractis, ex ambona altâ voce recitari, mos fuit Ecclesiarum perpetuus.

LATINIS. Falleris, si putes, prorsus extinctam apud nos Diptychorum memoriam; etenim multâ diligentia asservamus hodie in Ecclesiis fidelium baptizatorum aequè ac defunctorum nomina. Nec desunt Ecclesiæ, in quibus etiam ab arâ evulgentur, ad imploranda fidelium suffragia. Verùm quando hæc huc non faciunt, redeamus ad Acacium schismatis auctorem. Connixi quidem summis studiis fuerant Romani pontifices Gelasius, Anastasius atque Symmachus, ut Acacii jam extincti nomen ex Ecclesiarum Græcarum Diptychis auferretur omninò. At piis conatibus obsistebat hæreticus imperator; et Euphemius, atque Macedonius episcopi, quanquam desiderii pontificum morem gerere optassent, tyranni metu impediabantur: ut vel hinc excusandos, veniæque dignos fuisse censeam; verùm de ipsis adhuc nobis sermo redibit. Nunc nôsse sufficiat, Macedonium eundem Apostolicæ sedis reverentissimum perpetuò fuisse: quod tunc imprimis patuit, cum urgenti imperatori Anastasio, ut et ipse

denique Chalcedonensem synodum suo calculo damnaret, in hunc modum respondit: « Id se circa universalem synodum, cui primus assideret Romanus pontifex, exequi nequaquam posse. »

GRÆCUS. Flectamus jam ad eos sermonem, qui sibi titulos œcumenici, arrogantius quàm pro merito, assumpserunt. Hos inter, nisi fallor, chorum ducit Joannes Cappadox, qui ad annum 520 obiit; is ipse nimirum, quem adeò obsequentem Hormisdæ vidimus.

LATINUS. Etsi non desiat, qui duos Joannes Cappadoces distinguant, et posteriori, quem etiam Jejunatorem passim appellamus, id adscribant, non est tamen cur de eo hic tecum disputem; sit ita, ut volebas: fuerit Joannes Cappadox, Justino regnante, sedens, qui primus œcumenici titulum invaserit; perstiterit in eodem fastu et Epiphanius successor, cujus supercilio blanditus Justinianus Augustus titulum eundem ratum habuit, primusque constitutionibus suis adscripsit; denique Mennas etiam in concilio Constantinopolitano appelletur eo nomine sexcenties: num idcirò auctoritati pontificiæ se subdixerunt? num se pares ipsi arbitrati, aut pari ab aliis loco sunt habiti? equidem horum ego nihil inspicior: etenim Joannem Cappadocem Hormisdæ mandatis obsequentissimum jam vidimus: Epiphanius vicariam sedis Apostolicæ præfecturam, inunctam sibi ab eodem pontifice ad recipiendos in communionem sanctæ sedis episcopos, lubens volensque suscepit. Mennam denique Agapetus papa, abrogato Anthimo, in sedem Constantinopolitanam provexit. Ita licet œcumenicos, Romana sedes supremo moderabatur imperio.

GRÆCUS. Agapeti id factum, ad Romani pontificis auctoritatem in luce collocandam, sæpè nec illibenter nobis obtrudit. At quantum id vos juvet nondùm perspicio: sanè, ut tibi cum Macario Ancyrano loqua, novimus etiam à Theophylo Alexandrino condemnatum Chrysostomum, evehctum Arsacium, à Dioscuro, Flaviano ejecto, Institutum Anatolium; facti tamen tantùm hæc erant, non juris.

LATINUS. Quæ supremam in ecclesiasticis rebus auctoritatem commendant, non ex nudo facto ducimus: adjuncta omnia diligentem memoriã repetenda sunt. Agapetus postquam Constantinopoli adfuit, et auctoritate, facultateque à Deo acceptã fultus, ut rerum ecclesiasticarum supremus arbiter, neque in communionem recipere Anthimum, neque in conspectum venire sustinuit, nisi prius oblato

libello orthodoxum se comprobasset, et sponderet Trapezuntium regressurum, unde præter sacros canones in Constantinopolitanam cathedram favore Theodoræ Augustæ irrepserat. Frustra adhuc Justinianus, frustra Theodora, ad retinendum hominem, preces interposuerant; nec magnificabat, quòd nonnulli è primis Orientis episcopis, Augustorum gratiã, Agapeto refragarentur: ille enim à sententiã semel justè conceptã dimoveri haud potuit; atque etiam neglectã prorsus ordinariã judicii formã, ne coacto quidem concilio, hominem dejecit, Mennamque in ejus locum præfectum suã ipse manu consecravit. Quid inter hæc aut deinceps egit Oriens? in summã dicam, obsequentem se præstitit, et mox ab obitu Agapeti, coacto sub Mennã concilio, rata cuncta habuit; Augustus quoque, ut constituta executioni mandarentur, Novellã 42 imperavit: Anthimus ipse, ut habetur act. 4 Constantinopolitani concilii sub Mennã celebrati, facturum se omnia recepit: « *Quæcumque summus pontifex magnæ sedis Apostolicæ dixerit*: » insuper et ad patriarchas dedit litteras quibus testabatur, « *se per omnia sequi sedem Apostolicam.* »

GRÆCUS. Legi ipsemet Mariani monachi libellum ad eandem Constantinopolitanam synodum ad an. 536 celebratam; efferit is summopere factum magni pontificis, nec veretur cum facto Petri nobilissimo id conferre: « Misit Deus, ait, huic civitati Agapetum, qui verè ἀγαπᾷς dilectus à Deo, et hominibus, pontificem antiqûæ Romæ, in depositione Anthimi et prædictorum hæreticorum (scilicet Severi, Petri, etc.), tanquam olim Petrum magnum Apostolum Romanis in depositione Simonis præstigiariam. Iste ergo venerabilis vir, sciens per libellos plurimorum nostrorum, quæ iniquè contra Ecclesias præsumpta fuère, ea ipso visu semel accipiendo, neque ad visum suscipere voluit Anthimum furentem adversus canones, sed nunc justè, et adjuvante catholicam fidem, et divinos canones vestro imperio, præfecit ipsi Ecclesiæ sanctissimum Mennam rectæ fidei, et vitæ pudicæ. » At de Mennã et Anthimo jam satis superque; an verò etiam in Joannem Jejunatorem, sive Nesteutam qui multò acrius eundem honoris titulum consecutus est, jus aliquod Romani pontifices exercuerint, lubens ex te cognoscam.

LATINUS. Coegerat Joannes Nesteuta synodum ad annum 538, in speciem ut Gregorii Antio-

cheni causam cum aliorum patriarcharum legatis excuteret, reverè autem, ut Patrum etiam congregatorum decreto titulum œcumenici diu affectatum, usurpatumque sibi meliorem aliquo nomine affirmaret. Verùm nec id ei ex voto cessit; etenim vix gestæ rei fama in urbem perlata est, cum continuò Pelagius papa viribus summis se opposuit, synodique acta pro potestate dissolvit, ut colligitur ex l. 4, ep. 36 Gregorii. Neque Gregorius ipse successor Pelagii, meliorem eâ in causâ se præstitit. Etenim facinus id, datis quaquaversùm litteris, gravissimè detestatus, nomen *œcumenici* impium, blasphemum, superbum, temerarium, nefandum pronuntiavit, et ex quo pax Ecclesiæ perturbetur. Quin et ipsum Joannem acriter insectatus est ep. 38, l. 4, sic alloquens: « Vehementer miror, quia ne ad episcopatum venire potuisses, fugisse velle te memini; quem tamen adeptum ita exercere desideras, ac si ad eum ambitioso desiderio cucurrisses. Qui enim indignum te esse fatebaris, ut episcopus dici debuisses, ad hoc quandoque perductus es, ut despectis fratribus episcopus appetas solus vocari. » Atque ut exemplo Romanorum pontificum eum ad deponendum id nomen adduceret, hæc subdidit: « Numquid non, sicut vestra fraternitas novit, per venerandum Chalcedonense concilium, hujus Apostolicæ sedis antistes, cui, Deo disponente, deservio, universales oblati honore vocati sunt? sed tamen nullus unquam tali vocabulo appellari voluit, nullus sibi hoc temerarium nomen arripuit. » Quibus quidem aded acribus sententiis è scriptoribus complures, hocque quicumque Joannis ambitu decepti, Joannem Nesteutam acerbè insectantur. At nos paulò humaniùs habebimus, neque sanctitati ejus quidquam detractum ibimus, quem et Menæa Græca fastis sanctorum accensept, et ipse Magnus Gregorius jam vitâ functum appellat *virum sanctissimum*, l. 5, ep. 64. Et l. 6, ep. 6, *sanctæ memoriæ*, etsi contra nitatur Guillelmus Cuperus ad t. 1 Augusti.

GRÆCUS. Id verò ut tu componas, cupio ex animo; si enim id nomen temerarium et blasphemum fuit, ut affirmabat Gregorius; si deinde id Joannes tantoperè sit tuitus, ut etiam ad posteros propagârit, adversus tot tamque graves pontificum litteras; nescio sanè, quomodò sanctitatem ejus in tuto collocem, neque ut tandem eum à primatûs honore affectato absolvam.

LATINUS. Quod in nescire te fateris, dudum

doctissimè præstitit Thomasius l. 4 de veteri et novâ Disciplinâ. Triplici ergo sensu *œcumenici* nomen usurpari potest: primum sic, ut hunc unum tantum in Ecclesiâ episcopum esse significet, cæteros vicarios ejus et delegatos: atque hoc sensu si à Romanis etiam pontificibus usurparetur, non immeritò temerarium, blasphemum ac superbum dici posset; expressit hoc eleganter Bernardus l. 3 de Consider. c. 4, ad Eugen., sic papam alloquens: « Erras, si ut summam, ita et solam institutam à Deo vestram apostolicam auctoritatem existimas. » Deinde *œcumenici* nomen sic sumi potest ut non omnem quidem in uno, summam tamen potestatem designet, et cum hæc ratione Romanis pontificibus ex æquo conveniat, citra piaculum ipsi eo uti poterunt. Demùm similitudinariè et per quamdam analogiam, pro jurisdictione insigni, quæ magnam orbis christiani partem complectatur: et hoc analogico sensu in dubium est, potuisse eum titulum Constantinopolitanum favore Patrum adscribi. Jam verò, ut de primo nihil dicam, ne secundo quidem sensu, *œcumenici* nomen sibi arrogasse Joannem, ejusque successorem Cyriacum, res in aperto est ex Ipsomet D. Gregorio, qui l. 7, ep. 64, ad Joannem episcopum Syracusanum, ita scripsit: « De Ecclesiâ Constantinopolitanâ quod dicunt, quis dubitet eam Apostolicæ sedis esse subjectam, quod dominus piissimus imperator et frater noster ejusdem civitatis episcopus assiduè profitentur? » Itaque tertiam tantum acceptione usurpavit id tituli ac honoris Joannes Nesteutam, quod procul dubio integrè sanctitate potuit. Et verò id nominis ne Græcos quidem usurpasse aliter, discimus ex Anastasio Bibliothecario ad Joannem VIII: « Affirmabant Græci, quòd non idem *œcumenicum*, quod multi *universalem* interpretati sunt, dicerent patriarcham, quòd universi orbis teneat præsulem, sed quòd cuidam parti præsit orbis, quæ à Christianis inhabitatur. »

GRÆCUS. Id verò si ita sit, injurios facis viro sancto pontifices sanctissimos, ut qui ob id nomen per se non malum, nec improbè usurpatum, patriarcham Joannem in invidiam adduxerint, gravibusque aded sententiis perstrinxerint. Et profectò nec decuit id Gregorii Magi sanctimoniam, nec sapientiam, quam orbis universus admiratur.

LATINUS. Etsi prorsus Joannem Nesteutam, quemadmodum dixi, comparatum fuisse existimem, neque perverso aliquo sensu id tituli

sibi ambivisse, persuasum mihi habeam, et neque deinceps synodis id aliter Constanti-  
nopolitanis confirmatum s. t. jure tamen, sa-  
pientissimèque in primos usurpatores ejus ti-  
tuli pontifices adverterunt : et quemadmodum  
ipsi, per Chalcedonenses Patres delato sibi  
œcumenici nomine sensu secundo, ad caute-  
lam, ut dicimus, abstinendum duxerunt, ne  
fortè quis pontificum fastu abreptus, id ali-  
quando, ut primo sensu sibi debitum, arrogat-  
ret, sic sanctè prorsùs providentissimèque  
cavere poterant à insectatione, ne quis  
Constantinopolitanorum primà aut secundà  
acceptatione usurparet. Neque id absque exem-  
plo : probum, sanctum erat, et ex æquo-  
conveniensi Salvatoris Matri Χριστότοκος nomen,  
et Patres tamen III concilii ejus usum graviter  
vetuerunt, ne fortè sub eo veluti velo quodam  
Nestorii impietas delitesceret, qui antiquatum  
cupiebat Θεότοκος nomen.

GRÆCUS. De œcumenici titulo, qui tanti stetit  
Constantinopolitanis Patribus, quoque veluti  
ex insidiis Romanorum pontificum summa  
dignitas videri poterat appeti, copiosè à te  
dictum est. Nunc pauca de iis profer, qui  
marte aperto in primatum Romanum invecti  
sunt. Erant ii, ut novimus omnes, Photius,  
atque Michael Cerularius : ita præsens caput  
concludemus.

LATINUS. Complura de infelicissimis his pa-  
triarchis ad quæstionem de origine et pro-  
gressu schismatis in medium afferri poterunt :  
hic quæ loco huic sunt propria, reddam.  
Photius primùm à Nicolao ob sedem Ignatii  
scelere invasam, dejectus, instarque laici  
atque adulteri habitus, cum, defuncto Igna-  
tio, favore Basilii Augusti rursùm irrepisset,  
à Leone denique imperatore, vim plurimam,  
momentumque addente Epistolâ Stephani  
papæ, depositus, et repetitis anathematibus  
à Nicolao inde ad Formosum usque pontificem  
percussus, auctoritatis pontificiæ triste exem-  
plum existit. Michaeli Cerulario instauratum  
schisma aliquantò magis è voto processit.  
Verùm et is à Leone IX pontifice emissum in  
se fulmen expertus, sede demùm etiam, in  
quam nunquam iussit debuerat, per Alexium  
Comnenum Augustum deturbatus est ad an-  
num 1059. Ita uterque, quemadmodum Dios-  
cori temeritatem in excommunicandis vicissim,  
et è Diptychis eradendis pontificum nominibus  
secuti sunt, finem quoque communem cum  
eodem sortiti sunt.

## § V.

GRÆCUS. Ex iis quæ adhuc in medium pro-  
duxisti, dilucidè perspexi, omnes Ecclesiarum  
majores causas ad Romanum tribunal, inde  
ab exordio Ecclesiæ delatas constanter fuisse,  
hic causam suam dixisse hæreticos, in jus  
vocos violatores canonum, atque summos  
pontifices, sicut in fidei dubijs definiendis,  
sic quoque in tuendis sacris canonibus, ulcisc-  
endis eorum, aut fidei perturbatoribus, aut  
donandis veniâ penitentibus, præcipuâ quã-  
dam auctoritate versatos esse. At jus susci-  
piendarum appellationum tutò, nisi fallor,  
iisdem denegaveris, quando illustrissimus  
archipræsul Parisiensis Petrus de Marca me  
in eo antecessit, l. 7 de Concordiâ Sacerdotii  
et Imperii, c. 3.

LATINUS. Equidem si etiam Marcam andire  
malis, quàm Patres Sardicenses, aliosque  
doctissimos, qui argumenta ab archipræsule  
allata eruditè dudùm confutârunt, non tu à  
Romano pontifice jus appellationum in totum  
detrahes; ad posteriora duntaxat tempora,  
quod Marca egit unicè, initia atque usum  
earum revocabis. Persuasum nempe fuit viro  
doctissimo, jus Romano pontifici Sardicensi  
è concilio quæsitum, diversum prorsùs à  
judicio appellationis esse, neque aliud iis  
canonibus deferri papæ, quàm jus retra-  
ctandi, revidendique ab altis judicata. Appel-  
lationum verò institutionem vel morem potius,  
in Græcâ quidem Ecclesiâ ad quino-sexti,  
sive Trullani concilii tempora, apud Latinos  
seculo tantùm VIII initium sumpsisse.

GRÆCUS. Antequàm item de appellationibus  
committamus, expediendum arbitror, quid  
quantùmque revisionem inter atque appellatio-  
nis naturam intersit. Appellatio, s. rectè habeo,  
sic integram causæ cognitionem ad superiorem  
judicem transfert, ut pro hujus tribunali excuti  
atque statui possit tum de causâ, tum et de  
sententiâ ipsâ priorum judicum; cùm contra  
revisio, ac nuda causæ retractatio definitivum  
judicium apud præteritam jurisdictionem re-  
linquat, quòquàm id possit, ut prioribus  
novos etiam judices adjungat. Hoc verò unum  
est, non id alterum quod Sardicenses Patres  
Romano pontifici indulerunt. Expende verba  
canonis 3; non illa plus quàm demus continet :  
« Si aliquis episcoporum judicatus  
« fuerit in aliquâ causâ, et putat se bonam  
« causam habere, ut iterùm concilium reno-  
« vetur; si vobis placet, sancti Petri Apostoli  
« memoriâ honoremus, ut scribatur ab his

« qui causam examinârunt, Julio Romano episcopo, et si judicaverit, renovandum esse « judicium, renovetur, et det judices; si « autem probaverit talem causam esse, ut « non refricentur ea quæ acta sunt, quæ de- « creverit, confirmata erunt.

LATINUS. Ne de naturâ revisionis simplicis atque appellationis tecum litigem, habeat se ita, quemadmodum eam de Marca constituit, atque descripsit. An tu verò existimas Patribus Sardicensibus id aliquando in mentem venisse, ut constituerent, causam appellatam à pontifice ad pristinos judices rursus transmittendam esse; nec posse, quàm unum atque alium novum designare, qui cum prioribus judicibus causæ judicio intersit. Canon 3 concedit pontifici, ut *det judices*, neque affirmat primos eos esse oportere: dat insuper potestatem acta primorum judicum confirmandi; et quoniam confirmandi potestas cum irritandi potestate conjunctissima esse solet, ne dubita, hanc etiam tributam esse pontifici. Verùm, quæ adhuc solo ratiocinio ex can. 3 intuleram, disertè omnia Patres ipsi expressisse videntur canone 7: « Placuit autem, « aiunt, ut si episcopus accusatus fuerit, et « judicaverint congregati episcopi regionis « ipsius, et gradu suo cum dejecerint, si ap- « pellaverit qui dejectus est, et confugerit ad « episcopum Romanæ Ecclesiæ, et voluerit se « audiri; si justum putaverit, ut renovetur « judicium, vel discussionis examen, scribere « his episcopis dignetur, qui in finitimâ et « propinquâ provinciâ sunt, ut ipsi diligenter « omnia requirant, et juxta fidem veritatis « definiant. Quòd si is qui rogat causam suam « iterùm audiri, deprecatione suâ moverit « episcopum Romanum, ut de latere suo pres- « byterum mittat, erit in potestate episcopi, « quid velit, et quid æstimet. Et si decreverit « mittendos esse qui præsentés cum episcopis « judicent, habentes ejus auctoritatem, à quo « destinati sunt, erit in suo arbitrio.» In aperto jam, nisi fallor, est, penes pontificem esse, tribuere appellanti judices, non primos illos iterùm, qui ejusdem cum dejecto regionis erant, sed novos et finitimarum regionum episcopos, atque ubi collibitum fuerit, his etiam legatos adjungere, qui suæ, hoc est, Romanæ sedis nomine auctoritateque judicent. Quod verò demandare potest aliis, quod exercere per legatos suâ auctoritate instructos judicium, quis neget per se ipsum etiam jure posse papam?

GRÆCUS. At quod tu postremò, rectè, ut videtur, consecutione adversùm me inferebas, maluisses præfectò, canone ipso Patrum disertè expressum fuisse.

LATINUS. Neque hoc, quod optabas, Patres neglexere: inspicere paulisper canonem 4; is sic habet: « Cùm aliquis episcopus depositus « fuerit eorum episcoporum judicio, qui in « vicinis locis commorantur, et proclanaverit « agendum sibi negotium in urbe Româ, alter « episcopus in ejus cathedrâ post appellatio- « nem ejus qui videtur esse depositus, om- « ninò non ordinetur, nisi causa fuerit in « judicio episcopi Romani determinata.» Nonne hic provocanti à secundo judicio disertis verbis ipsum Romanum pontificem judicem tribuunt? atque sententiâ latâ supersedendum esse monent, dùm causa pro tribunali Romano finem accipiat, quæ demùm appellationis vis est atque genuina indoles.

GRÆCUS. Sardicenses Patres mihi quidem veluti per gradus processisse videntur, neque nisi appellanti ab altero judicio, finitimarum nempe episcoporum, veniam fecisse pontifici judicandi.

LATINUS. Id verò minimè: etenim canone 3 absolutè dicunt: « Si judicaverit renovan- « dum esse judicium, renovetur, et det judi- « ces; » hoc est, sive se volet, sive alios. Quare in arbitrio Romani pontificis erit etiam primò appellatam causam ad se pertrahere, cùm per canonem 7 possit id aliâ quoque ratione commodiore præstare per alios, adjunctis, si lubeat, legatus.

GRÆCUS. Sententiam, quam adhuc propugnasti, complector, at ad eum tantum modum, quo eam Zonaras noster atque Theodorus Balsamon complexi sunt: horum ego eruditione confido; limitant ii Sardicenses canones ad episcopos ditioni Romanæ subditos, neque iis locum esse volunt, præterquam in Occidente, ubi quidem et prociusi sunt.

LATINUS. Verba canonum, nisi cæceterimus, tam sunt generalia, ut omnes ubivis terrarum episcopos facillè complectantur; quare immeritò sapientes illi vestri eadem in angustiores fines coarctarunt; neque fide optimâ, et prorsus contra Patrum Sardicensium sententiam, quando ipsi ad universam Ecclesiam pertinere disertis verbis in Synodica suâ proflentur: « Hoc enim, aiunt Patres, optimum et con- « gruentissimum esse cognoscitur, si ad caput, « id est, ad Petri Apostoli sedem de singulis

« quibusque provinciis domini referant sacer-  
« dotales. » Unde et disertè præcipiunt :  
« Universa quæ constituta sunt, catholica  
« Ecclesia, quæ ubique est, custodiat, » can.  
21. Eiverò occasio ipsa, quâ moti præfatos  
canones condidère, satis admonet omnium,  
totiusque orbis episcoporum commodis con-  
sultum voluisse Patres, sic, ut cuilibet epî-  
scopo à quocumque demùm patriarchâ depo-  
sito, quin et patriarchis ipsis cùm simili inju-  
riâ affecti fuerint, hanc salutis aram, hoc  
confugium patere voluerint. Etenim non fallar,  
opinor, si quemadmodum Sardicensi synodo,  
sic et canonibus occasionem dedisse dixerò  
favorem eum Julii Romani pontificis, quem  
dejectis per synodos Tyri atque Antiochenam,  
D. Athanasio Alexandriæ episcopo, Marcello  
Ancyrae, et Gazensi Asclepæ præstitit, ma-  
gnâ Eusebianorum invidiâ atque tumultu.

GRÆCIS. An verò tu Athanasium quoque  
fortissimum illum Homousii propugnatores  
ad Julii papæ judicium appellasse existimas?  
his in illum depositionis sententiam dictam  
memini; primùm à Tyri synodo ad an. 335,  
et tum quidem Constantini Magni jussu Tre-  
viros exul abductus est. Verùm cùm vix Au-  
gustorum filiorum beneficio redisset, rursùm  
anno 341, eorundem Eusebianorum calum-  
niis dejectus in concilio Antiochiæ habito,  
Gregorium successorem accepit. A quâ tu  
verò synodo ad Julium appellasse dices? A  
Tyri quidem appellasse aiunt, verùm ad im-  
peratorem tantùm. Ab Antiochenâ verò agrè  
potuit, quando certum est, ante hanc cop-  
tam, in judicium Romam evocatum esse;  
itaque iter ingressum imperio potius quàm  
voluntate suâ, qui sanè non est mos appel-  
lantium.

LATINIS. Appellaverit necne Athanasius, si  
etiam in medio relinquam, stabit adhuc quod  
dixeram; Julii favorem, quo innocentem  
Athanasium protexit Eusebianis quidem mag-  
norum causam motum, Sardicensibus verò  
Patribus occasionem canonum condendorum  
præbuisse. Cæterùm ne et illud, quod ex me  
quæsitum, negligam, non dissimulabo esse ex  
Latinis etiam, qui Athanasii accessum Romam  
malint confugii potius, quàm appellationis  
nomine donare; at levibus argumentis nixos  
sequendos mihi non putem; tutius adhærebi-  
mus Liberato, et si non penitus coarvo, ve-  
tusto tamen probataque fidei scriptori. Is verò  
in Breviario Nestorianæ et Eutychiæ causæ,  
cap. 18, ita scribit: « Joannes Talaj, ejectus

« de sede Alexandriâ propter Petrum Mon-  
« gum, profectus est Antiochiam, ut videret  
« illum magistrum; cui cùm narrasset, quæ  
« sibi evenerant, ejus consilio ingressus est  
« ad Calendonem Antiochenum patriarcham,  
« et sumptis ab eo intercessionis synodicalis  
« litteris, Romanum pontificem Simplicium  
« appellavit, sicut B. fecit Athanasius. »

GRÆCIS. Si tibi Liberati sententiâ arridet,  
atque præoptes ei adhærescere, quàm nostri  
temporis criticis scriptoribus, compone, quæ  
ipse Athanasii appellationi opposui, et explica  
à quâ demùm sententiâ appellavit.

LATINIS. Quamquam non diffitear Athana-  
sium, post transmissas in eum ab Eusebianis  
accusationes, Romam evocatum esse, pro-  
certo tamen habeo ex Sozomeno l. 3, c. 6,  
Theodoreto aliisque nonnisi à peractâ Anti-  
ochiæ synodo, intrusoque in cathedram Gre-  
gorio, iter id ingressum esse. Cur igitur licet  
evocatus, non etiam ab adeo iniquâ judicium  
sententiâ appellare potuerit? Ita appellationi  
Athanasii ab Antiochenâ synodo, nec ratio  
temporum, neque evocatio pontificis obest,  
quæ tu mihi duo opposueras. Eiverò appel-  
lasse etiam D. Athanasium ab Antiochenis,  
multa sunt quæ persuadeant: primum rei  
momentum, et ad veteres, novæ injuriæ ac-  
cessio, navigationis tempus, dilatio Romani  
judicii; id enim prope biennio post Antioche-  
num celebratum esse, utcumque liquet ex  
Julii Epistolâ ad Orientales; perhibet ea  
Athanasium, annum totum et sex menses ad  
tribunal Romanum Eusebianos præstolatum  
esse; cui si tempori menses navigationis ad-  
jeceris, prope biennium inter synodum utram-  
que effluet. Quare cùm Athanasius apologiâ 2,  
scribit: « Judicatum est secundùm nos semel,  
« neque iterùm, sed sæpius: primùm quidem  
« in nostrâ provinciâ, cùm ad id coissent  
« propemodùm centum episcopi; secundò  
« Romæ, cùm Eusebius litteras scripsisset, et  
« tum ipse cum suis, tum nos ipsi in judicium  
« vocati essemus. » Non jam primò, sed se-  
cundò vocatos opinor Eusebianos, neque jam  
ut accusatores, sed reorum instar. Hinc enim  
indignè ferebat pontifex celebratam ab his in  
Athanasium synodum: sic enim scripsit ad  
eos, teste Socrate l. 3, c. 17: « Non decebat  
« cùm nos ad celebrandam synodum litteras  
« mitteremus, aliquos præoccupare judicium  
« synodi... cur igitur et inprimis de Alexan-  
« driâ civitate nihil nobis scribere voluistis?  
« an ignari estis hanc consuetudinem esse, ut

« primū nobis scribatur, ut hinc, quod  
 « justum est, definiti possit? Quapropter si  
 « isthic hujusmodi suspicio in episcopum con-  
 « cepta fuerat, id hūc ad nostram Ecclesiam  
 « referri oportuit. Nunc autem nos, quos  
 « certiores minimē fecerunt, postquā jam  
 « egerint quod lubuit, suffragatores suæ  
 « damnationis, cui non interfuimus, esse vo-  
 « lunt. Non ita se habent Pauli ordinationes,  
 « non ita Patres docuerunt, sed fastus iste,  
 « et novum studium est. » Inde verō Athana-  
 « sius deponens Romanæ sedis auxilium instaba-  
 « bat. Quod insinuisse videtur Bonifacius, epis-  
 « tollā inter Holstenianas 10, scribens: « San-  
 « ctæ memoriæ Athanasius, et Petrus Alexan-  
 « drinæ sacerdotes Ecclesiæ, sedis hujus auxi-  
 « lium postulāverunt. » Etenim Petri quoque,  
 qui Athanasio successit, regimen non planē  
 tranquillū fuit; post multa namque adversa  
 ab Arianis devorata, ad extremum à Lucio  
 dejectus, Romam ad asylum confugit, suscep-  
 tusque quā benignē cathedram amissam ad  
 annum 375 recepit.

GRÆCIS. Cū suspicarer initio, rectēne de  
 Eusebianis in iudicium vocatis ob sententiam  
 in Athanasium Antiochiæ latam, argumenta-  
 tus sis, mox omne mihi dubium absterisit  
 Epistola Julii ad Orientales, ut primū eadem  
 in memoriam veniit. Respondit illā pontifex  
 ad Eusebianorum querelas; verba papæ sunt:  
 « Quid enim actum est dignum offensā?... An  
 « quia adhortati vos sumus, ut ad synodum  
 « occurratis? atqui illud potius cum gaudio ex-  
 « cipi oportuit; qui enim benē sentiunt de iis  
 « quæ egerunt, et in quibus ipsi, ut alunt,  
 « iudices fuerunt, non indignanter ferre solent,  
 « si quod ab ipsis iudicatum est, ab aliis excu-  
 « tiatur, quippe qui securi sint, ea quæ ipsi  
 « iusta iudicaverint, iniusta nunquā fieri  
 « posse. » Ubi sanē de sententiā olim Tyri latā  
 sermonem non esse, vel inde effecisse mihi  
 videor, quōd iniqua prorsus querela futura  
 erat, quamque pontifex facillimē repulisset  
 dicendo, Eusebium petisse, ut pontifex ipse  
 agat iudicem: disertē enim Soromenus tradit,  
 l. 3, c. 7, scripsisse Eusebium ad Julium, ut  
 ipse decretorum Tyri sancitorum iudex esset;  
 quod quoniam non fecit papa, iudicio non  
 levi est, Epistolā ad Orientales loqui papam  
 de iudicio Antiocheno, præcipuē quando li-  
 quet ex eadem, præter Athanasium multos  
 jam alios etiam accessisse; verba Epistolæ  
 sunt: « Non enim solū Athanasius, et Mar-  
 « cellus episcopi cum querimonis de illatis

« injuriis, sed et plurimi alii episcopi ex Thra-  
 « ciā, Coele-syriā, Phœniciā, Palestinā hūc  
 « convenēre; presbyteri item non pauci par-  
 « tim ex Alexandriā, partim aliunde hūc ad  
 « concilium occurrerunt... conquesti sunt vim  
 « et injuriam Ecclesiis illatam, suas Ecclesias  
 « eadem quæ Alexandrinam, passas esse, et  
 « in aliis Ecclesiis similia designata. » Nullū  
 Marcello, nullæ aliis episcopis Tyri injuriæ  
 illatæ fuerant.

LATINUS. Verūm utut res de Athanasio se  
 habeant, de Marcello multō est apertius ex  
 his, cum atque alios propē innumeros adver-  
 sus Eusebianorum vim appellasse.

GRÆCIS. Dabo tibi appellasse hos omnes ad  
 Romanum pontificem; at etiam eā de re ve-  
 hementer questos, gravesque eā de causā  
 motus suscitasse Eusebianos in confesso est:  
 an verō non æqua fuerit eorum querela, propē  
 est ut ambigam. Etenim canone 6 Nicæni  
 concilii probē nōsti, patriarchis singulis suæ  
 dioceseos regimen assignatum, metas, limi-  
 tesque, quos non exeat, præstitutos. De-  
 inde si Athanasius jure à synodis ad Julium  
 appellavit, si Julius jure bono in examen vo-  
 cavit synodicē decreta in Athanasium, cur  
 Athanasiana causa in concilio Sardico rursum  
 resumpta est? nihilne id papæ iuribus præju-  
 dicii attulit?

LATINUS. Jam dixisse memini, Nicæno ca-  
 none nullis limitibus, aut cancellis Romani  
 pontificis auctoritatem arctatam esse, quæ ex  
 Christi imperio in ovile totum, omnesque  
 Christi oves, agnosque porrigitur. At neque  
 illud alterum, quod objecisti, papæ iuribus  
 derogavit, quando quemadmodum Sardicensis  
 synodus, sic et quæcumque illic acta sunt,  
 non nisi voluntate et auctoritate sapremā Julii  
 agi poterant: « Episcopi in magnā synodo  
 « Nicæne congregati non sine Dei consilio, ait  
 « Julius in Epistolā ad Orientales, permis-  
 « runt prioris synodi acta in aliā synodo exa-  
 « minari, ut et illi, qui iudices erant, præ  
 « oculis habentes, secundum de eā ipsā re  
 « iudicium futurum, cum omni diligentia cau-  
 « sam expenderent; et illi, qui sententiam ac-  
 « ceperant, certō cognoscerent, se non per  
 « similitatem, sed jure ac meritō condemna-  
 « tos esse. » Quod suā sponte Nicæna synodus  
 actorum examen fieri, pacis, bonique majoris  
 gratiæ, permisit, non dimisit auctoritatem  
 synodi; cur igitur Julii auctoritati id quod  
 objecisti deroget? citari, invitum posse trahi,  
 quemadmodum cum Eusebianis factum est,

auctoritatis dispendium continent, non que tu Julio opposueras.

GRÆCUS. Si verò jam tum certa adeò fuerunt appellationum ad pontifices jura, fierne potuit ut aut eadem ignoraverit, aut sciens volensque impugnàret Cyprianus? impugnàsse namque agrè negari potest. Rejecerat is, de sententià sui concilii, à communione quinque presbyteros, Felicissimum, Fortunatum atque alios; ii cum ad Cornelium accessissent, pontifexque propè jam in eo esset ut tot scelerum reos communione donaret, indignè rem tulit Cyprianus, et apertè vindicare cœpit suprèma jura episcoporum cujusque provinciæ in sibi subditos, hæcque vià omne jus appellationum eversum ibat. « Post ista (verba sunt Cypriani ad Cornelium, epist. 53) adhuc insuper pseudoepiscopo sibi ab hæreticis constituto, « navigare audent, et ad Petri cathedram, « atque ad Ecclesiam principalem, unde unitas sacerdotalis exorta est, à schismaticis « et profanis litteras ferre, nec cogitare eos « esse Romanos, quorum fides Apostolo prædicante laudata est, ad quos perfidia non « possit habere accessum... Nam cum statutum « sit omnibus nobis, et æquum sit pariter ac « justum ut unuscujusque causa audiat illic, « ubi est crimen admissum, et singulis pastoribus portio gregis sit adscripta, quam regat unusquisque et gubernet, rationem sui « actûs Domino redditurus; oportet utique « eos, quibus præsumus, non circumcursare, « nec episcoporum concordiam cohærentem « suâ subdola et fallaci temeritate collidere, « sed agere illic causam suam, ubi et accusatores habere, et testes sui criminis possint; « nisi si paucis desperatis et perditis, minor « esse videatur auctoritas episcoporum in « Africâ constitutorum, qui jam de illis judicaverunt, et eorum conscientiam multis delictorum læqueis vinctam judicii sui nuper gravitate damnârunt. Jam causa eorum cognita est, jam de eis dicta sententia est; nec censuræ congruit sacerdotum, mobilis atque « inconstantis animi levitate reprehendi. »

LATINUS. Etsi non pauci ante nos eruditi, iis quæ attulisti crediderint, ipsas appellationes presbyterorum impugnari, atque eas ex perpetuâ disciplinâ Africæ, liberas non fuisse presbyteris contendant, quòd multò plus inde perturbationis Ecclesiis immineret, quàm publici commodi sperari posset: iidem ipsi tamen credunt integram nihilominus Romano pontifici, vel eo nomine dignitatem, auctori-

tatemque stetisse per Africam, quòd episcopis ipsis appellandi libertas in tuto relicta esset, et quòd papa pro jure supremo causas etiam presbyterorum ad se advocare posset, quantum cautum esset ne hi spontè adirent. Mihi tamen, cum eum locum libero oculo inspicio, non aliud quàm appellantium temeritatem, ipsamque summorum pontificum in iis admitendis facilitatem reprehendisse videtur Cyprianus. Et verò facilitas ea copiam gignebat appellantium; in copiâ rursus temeritas deesse non potuit, cæteraque incommoda quæ Cyprianus attingit, atque ex circumcurratione ejusmodi enasci dixit. Quare cum ait: *Nisi minor videatur esse auctoritas episcoporum in Africâ*, non facit hanc parem auctoritati sedis pontificiæ, quam paulò priùs cathedram atque Ecclesiam principalem nuncupârat. Parem igitur facit tantum judicandis ejusmodi causis, quales erant presbyterorum. Deinde cum etiam ait: *Rationem sui actûs Domino redditurus*, non habuit in animo supremam atque independentem episcopis Africæ auctoritatem assignare; sed pontificem admonitum voluit magnæ attentionis illius, quâ ab episcopis tanquam Deo rationem reddituris ferrentur judicia.

GRÆCUS. Si Cyprianus etiam episcoporum appellationes in controversiam vocavit, neque pontifex eas admittenti, et secus quàm à synodis judicatum fuerat decernerit, acquiescendum duxit, facillè dabis, eum ex animo appellationes in universum impugnàsse. Ita verò Cyprianum affectum fuisse, ex responso Hispaniæ episcopis dato, non vanè conjicio. Etenim, cum synodicè dejecti Basilides, et Martialis episcopi papam Stephanum convenissent, atque ab eo in communionem recepti essent, auxilii Hispaniæ episcopi eâ super re Cypriani exquirunt sententiam; ille verò consultus suadet judicio suo synodico inhærentem Hispaniæ episcopi, non potuisse Stephanum ordinationem, in locum depositorum factam rescindere.

LATINUS. Si tibi vacat, adi, decurre totam Cypriani epistolam 68 ad plebes Hispaniæ; victum me tibi tradam, si aut verbulo jus appellationum pontifici abjudicat, si quidquam molitur adversus supremam ejus auctoritatem; ait quidem de Stephano: *Nec rescindere ordinationem potest*; at non potestatis defectu, sed quòd jure perfecta fuerit. Cui autem unquam in mentem venit jura pontificum sancta et injusta extendere? Quare etiam vires eò



omnes admovet, ut efficiat nullam fuisse sententiam Stephani, quod ei obreptum fuisset fallaciâ et fraude Basilidis; verba Cypriani sunt: « Romam pergens Basilides Stephanum collegam nostrum longè positum, et gestæ rei ac tacitæ veritatis ignarum fefellit, ut exambiret reponi se injustè in episcopatum, de quo fuerat justè depositus. Hoc eò pertinet ut Basilidis non tam abolita sint quàm cumulata delicta, ut ad superiora peccata ejus, etiam fallaciæ et circumventionis crimen accesserit. »

GRÆCUS. Ex Africâ migremus in Orientem, sermonemque ad Constantinopolitanos in primis transferamus. Narrat equidem Zonaras, Paulum ejus loci episcopum, Constantio imperante, sede expulsum, ad Julium papam se applicuisse, et sedè restitutum ad an. 345; verùm hæc atque similia è vetustis, quando ipsius etiam Constantinopolitani patriarchatus natales, primamque institutionem anteeunt, detrudere juribus patriarchæ nequidquam possunt, quæ secundæ universalis synodi beneficio, Constantinopolitano atque aliis etiam patriarchis parta sunt. Quis enim nescit canone 2 distributas esse diocèses ecclesiasticas Orientis, atque suos singulis exarchis cancellos positos, intra quos se continere debeant, Occidente tantum, et solo, ut videtur, Romanis relicto? Atque eum canonem id temporis nec ipsos quidem Romanos pontifices alio sensu, quàm dixi, intellexisse, aptè, opinor, concludam vel ex fati solius Maximi Cynici, Constantinopoleos per id tempus episcopi; etenim ille ab eadem synodo depositus, quantum ad papam Damasum accessisset, nil admodum profecit; neque enim à conditis ejus synodi canonibus, ut olim sæpè, dejectum in sedem suo imperio restituere ausus est; idque unicum synodiciis litteris contendebat, « ut super ordinatione duorum (hoc est, « Maximi, atque Gregorii Nazianzeni) cogere- tur universale concilium, quod litem terminet. »

LATINUS. Si tu iis litteris fidem præstes, quas non è paucis notis eruditè passim in suspicionem vocant, auctoritas pontificis summa in tuto est. Agnovit eam Maximus: « Qui jure (verba sunt Epistolæ synodicæ) et more majorum, sicut et sanctæ memoriæ Athanasius, et dudum Petrus Alexandrinæ Ecclesiæ episcopus, et Orientalium plerique fecerunt, ut ad Ecclesiæ Romanæ, Italiæ, et totius Occidentis confugisse judicium viderentur. »

**Agnoverunt et ipsi Italici concilii episcopi cum Damaso, potestatem ferendi judicium in causâ Maximi penes se esse, atque ex usu veteri etiam tulerunt:** « Nihil habuimus, inquit, in quo de ejus episcopatu dubitare possemus..... « Itaque Maximum episcopum in communionem receperunt nostra consortia.... nec ab episcopatûs Constantinopolitani putavimus pertitione removendum. » Sed demus, appellanti Maximo aures non præbuisse Damasum, nec ab ejus partibus stetisse: num id factum ideò quòd canone recentissimo prohiberetur? Ad id conjecturæ in cuius tu demùm fide aut testimonio fundas? Aliam sanè nobis Damasus ipse, de Maximi rebus certior factus, causam suggerit: etenim in Epistolâ ad Acholium Thessalonicensem episcopum, ordinationem ejus improbens: « Alienum à nostrâ professione » nuncupat. Et epistolâ 2: « Illic homini, inquit, qui in habitu idoli incedit, nunquàm adscribendum est nomen Christiani. » Improbitas itaque hominis causa erat, ne appellanti sedem restitueret, non Constantinopolitani canones, qui furtivis studiis Nectarii conscripti, aliquandù Ecclesiam Romanam latuerunt, quique sicut vim omnem, sic et venerationem à Romanæ sedis consensione mutantur. Canon, quem opposueras, quàm nihil supremæ auctoritati Damasci officiat, ut videamus, disertè eum recense.

GRÆCUS. Canon 2 synodi Constantinopolitanæ I: « Episcopi, qui super dioceses sunt, non accedant, neque confundant et permisceant Ecclesias, secundùm regulas constitutas. Alexandria quidem episcopus ea quæ sunt in Ægypto tantum gubernet. Orientis autem episcopi solius Orientis curam gerant, servatis honoribus Ecclesiæ Antiochenæ, quæ in regulis Nicænæ synodi continentur. Sed Asianæ diocesis episcopi ea quæ sunt in Asiâ, et ad Asianam tantummodò diocesium pertinent, gubernent. Ponti autem episcopi, Ponticæ tantum diocesis habeant curam; Thraciæ verò, tantummodò ipsius Thraciæ. Non invitati episcopi ultra diocesium accedere non debent super ordinandis aliquibus, vel quibuscumque disponendis ecclesiasticis causis, servatâ regulâ quæ scripta est de unaquâque diocesi: manifestum namque est quòd per singulas quasque provincias provincialis synodus administrare et gubernare omnia debeat, secundum ea quæ sunt in Nicæâ definita. »

LATINUS. Sapienter, salubriter atque sanctè

admodum id constituere Patres, Nicænos seculi. Accipe Leonis sententiam ex epistolâ 84 ad Anastasium Thessalonicensem episcopum : « Magnâ, ait, dispositione provisum est, ne omnes sibi omnia vendicarent, sed essent in singulis provinciis singuli, quorum inter fratres haberetur prima sententia; et rursus quidam in majoribus urbibus constituti, sollicitudinem susciperent amplioŕem, per quos ad unam Petri sedem universalis Ecclesiæ cura conflueret, et nihil unquam à suo capite dissideret. Qui ergo scit esse se quibusdam præpositum, non molestè ferat aliquem sibi esse prælatum, sed obedientiam quam exigit, etiam ipse dependat. » At quam sæpè eadem Constantinopolitani perturbârunt, me etiam tacente, res ipsæ dicent. Oro, veniat tibi in mentem canon, quoties eos per alienas diœceses jura dictantes aspexeris. Quid verò inde contra Romanum pontificem elicit? Nul- lum huic Patres regionem assignant, memores nullis eum finibus adstringi, cui Christus ovile omne suum demandavit. Noverant Sardicenses Patres, quæ Nicææ constituta sunt, et Constantinopolitani, quæ Sardicæ; neque sibi mutuo repugnabant, neque statuta statutis convellebant. Idem sensus erat omnium. Si tibi est otium, adi synodicam Patrum Constantinopolitanorum Epistolam ad Damasum; refert eam Theodoretus lib. 5, cap. 9, tum et Damasi ad idem concilium; omnia invictè supremam Romanorum pontificum auctoritatem loquuntur: ad quam deinceps etiam appellasse Constantinopolitanos, usus constans perpetuusque docet.

GRÆCUS. Age igitur, et exemplis comproba, usuque, qui sanè legum optimus interpret est, patuisse semper, et omnibus, ab omnium, ac quorumvis sententiâ ad Romanum tribunal aditum.

LATINUS. Si ita lubet, sequar temporum ordinem, quæque multis possem, in pauca contraham. Chorum ducat inter omnes Chrysostomus, à Nectario Constantinopolitanæ synodi præside, patriarcha proximus. Cœptis semel Eudoxiam inter et ipsam dissidiis, bis cathedrâ cedere coactus est: primùm ad annum 403 in synodo ad Quercum, in suburbano Chalcedonis; tuit in Chrysostomum sententiam Alexandrinus Theophilus, et eum vix abductus, mox iterùm ab exilio revocatus esset, anno proxime sequente, oratione, cujus initium est: *Rursus Herodias furit*, offendit; cùm enim Augusta eam prorsus in se dictam crederet,

novum turbine priorè graviorem suscitavit. Quare ejus operâ factum ut Constantinopoli à synodo, prior iterùm in eum instaurata sit sententia: cui ut justitiæ eum illirerent, violatum Antiochenum canonem duodecimum obtendunt, quo vetabatur episcopo dejecto per synodum regressus in Ecclesiam absque intervenitu synodi. Ita proditus oppressusque secundò Chrysostomus, quò demùm se vertat, videamus. Ab utroque judicio ad Innocentium papam appellasse eum in confesso est: ac primùm quidem per legatos; testatur hoc imperatoris Honorii ad Arcadium Epistola, quam Baronius recitat: « Missi, ait, ad sacerdotes urbis æternæ atque Italiæ, utrâque ex parte legati: expectabatur ex omnium auctoritate sententia, informatura regulam disciplinæ. » Et mox arguit Arcadium quòd negotium præcipitasset, non expectatâ definitione, et immaturam fuisse damnationem ait: « Nam hi quorum expectabatur auctoritas (hoc est, Romani pontificis et assessorum), pacificâ Joanni communionem permissâ, faciendâ concordiam censuerunt. » Et liquet præfectum tum Innocentii, tum et Palladii, in Dialogo de Vitâ Chrysostomi testimoniis, rescissam esse Theophili sententiam: « Ad hæc rescripsit B. Innocentius papa, communionemque utriusque partis admissâ, Theophili judicium cassum irritumque esse decrevit. » Quod alterum judicium atinet, quodque Theophilus per legatos exercuit Constantinopoli, ab eodem quoque appellasse rursus Chrysostomum, auctor est Palladius, qui ex Epistolâ Chrysostomi ad Innocentium refert sequentia: « Scribite, precor, et auctoritate vestrà decernite, hujusmodi iniquè gesta nobis absentibus, et judicium non declinantibus, nullius esse roboris. Porrò qui talia gessere, eos Ecclesiæ censuræ subjicite, nos autem insones, neque convictos, neque deprehensos, neque criminis ullius reos comprobatos, Ecclesiis nostris jubete restitui, ut charitate frui et pace cum fratribus nostris consuetâ possimus. »

GRÆCUS. Propè est ut ambigam nobilioremne Chrysostomus de pontificis Romani auctoritate ideam descriptam in animo gesserit, an in æquitate Innocentii validius presidium expertus sit? Etenim ut in Dialogo Palladii legisse memini, et alterius synodi rursus rescidit sententiam, et in dato legisse Commonitorio, quos Constantinopolim eâ causâ destinaverat, disertè vetuit ne ad Joannem judicium aggredere-

rentur, nisi illi prius Ecclesia communioque redderetur.

**LATINUS.** Neque hic quiescit zelus pontificis : à morte etiam suâ patriarcham vindicandum duxit ; quæ enim Innocentius non exhaustæ tædiæ, ut Aiticum Constantinopolitanum patriarcham, et Alexandrum Antiochenum, et Acacium Beroensem permoerret, ad faciendum satis sanctæ Chrysostomi memoriæ, et nomen ejus in sacra diptycha inferendum? Id pro certo habe, non ante in communionem à pontifice receptos esse, quos dixi, quàm paruisent.

**GRAECUS.** Argumentum, quod pro appellationibus ad Romanam sedem stabilendis duxisti, ex facto geminato Chrysostomi, hoc majoris ponderis apud me est, quòd causa quæ vertebatur inter Chrysostomum atque ejus oppugnatores, non fuit causa fidei, sed disciplinæ, ut jam inanis propè, ac nugax videatur mihi eorum eruditorum distinctio, qui cum fidei causas viâ appellationis Romam transmitti posse non indiciunt, alteras adhuc, quæ sunt disciplinæ, extra provinciam efferri haud posse contendunt. Sed habuerint se hæc ita in Oriente : at Africani Patres appellationibus æcerrimè obstabant, quorum pietatem quia damnare vereor, propè est ut in suspicionem veniam, movearque, ut cum Meletio Alexandrino Epistolâ ad Basilium Knesium Moscoviæ, quòd appellationibus detatum sit, humanitati potius Orientalium quàm canonum necessitati ascribam.

**LATINUS.** Quæ tu mihi hic officia, quas urbanitates commisceris in tantâ canonum Sardicensium luce! Communis ea conspiratio provinciarum, atque prælatorum omnium, constansque ex omni Ecclesiâ Romam in quavis causâ factâ appellatio, suspicionem tuam prorsus convellunt. Neque Africanos in aliâ fuisse sententiâ opineris velim, aut id jure pontifici detractum ivisse. Atque ut Felicissimum, ac Fortunatum presbyteros, quos ad Cornelium appellasse dixi, rursus non hæc inferam, habe tibi Cælestium atque Pelagium; uterque damnatus à Carthaginensi II synodo, anno 416, primùm quidem ad Innocentium, mox ad Zozimum papam appellavit : et quemadmodum jam ante à me constitutum confirmatumque est, Africani Patres non appellationi eorum, sed facilitati quâ ad absolvendos ferri videbatur Zozimus, obstiterè, qui ne etiam sententiam in re adeò gravi præcipitaret, legatos destinârunt, ex quibus plenam

rerum in Africâ gestarum cognitionem papa caperet. Nondum itaque id temporis ipsas etiam presbyteris interdictam appellationem ultra mare ipso existimo, nunc dispiciendum, an quando postea.

**GRAECUS.** De eo verò ne dubita. Etenim paucis post annis, hoc est, 416, Milevi in urbe Numidiæ congregati Patres, adversus appellantes decretum emisère, quo et pœnis communierunt. Accipe verba canonis 22 : « Placuit ut presbyteri, diaconi, vel cæteri inferiores clerici in causis quas habuerint, si de judiciis episcoporum suorum questi fuerint, vicini episcopi eos audiant, et inter eos quidquid est fiant, adhibiti ab eis ex consensu episcoporum suorum. Quòd si ab eis provocandum putaverint, non provocent, nisi ad Africana concilia, vel ad primates provinciarum suarum. Ad transmarinam autem qui putaverit appellandum, à nullo intra Africam in communionem suscipiatur. »

**LATINUS.** Nolim tecum disceptare sitne is canon Milevitanae an alterius Africanæ synodi, quod video multos vocasse in controversiam : id certum habe, quemadmodum sæpè antea, sic post Milevitanae etiam synodum ex Africâ tum episcopos, tum etiam presbyteros Romam appellasse; diliteri tamen nequeo cum tribus omninò pontificibus Zozimo, Bonifacio atque Cælestino, eam de appellationibus litem Africanos agitasse. Dedit tibi occasionem Apollinaris Siccensis Ecclesiæ presbyter, quem variorum criminum convictum, Urbanus Ecclesiæ ejusdem episcopus synodali sententiâ amoverat : is enim, posthabito Milevitano canone, cum ad Zozimum appellasset, et pontifex appellationi veteri more deferens, Apollinaris defensionem suscepisset, commissæ sunt invicem Romana atque Africanæ Ecclesiæ, illâ jura appellationum prosequente, his modestè quidem, attamen acriter pernegantibus. Liti ut Zozimus finem daret, Faustinum episcopum, Philippum atque Asellum presbyteros legatos in Africam destinavit. Quatuor præcipua capita in Commonitorio eis data esse pro certo habeo : primùm, urgerent appellationes episcoporum ad Romanam sedem, quas in Nicenâ synodo constitutas assererat. Deinde ne episcopi ad aulam imperialem et comitatus itarent importunè. Tertium de tractandis presbyterorum causis apud episcopum finitimum, si à suis fuerint injuriâ excommunicati. Demùm de Urbano episcopo excommunicando, vel Romam evocando, ni à se peccata corrigeret.

Græcæ. Ita est, Sardicenses canones tum jaidem Zozimus pro Nicænis vendidit, et Africanis Patribus in sextâ synodo collectis imponere voluisse, videri poterat. Verùm sagaces illi, cùm inter Nicænos sui codicis nil tale viderent, optimo usi consilio Constantinopoli, Antiochiâ, atque Alexandriâ veros edocti, Zozimi sive fraudem, sive errorem elusere.

LATINUS. Nullâ in eo fraude usos esse pontifices, neque enim lucri quidquam majoris Romanæ sedi inde accedebat; sive enim Nicænos, sive Sardicenses nuncupassent, pari semper veneratione complectendi fuere. Neque erroris damnandi sunt Zozimus, atque qui eum secuti sunt deinceps, quanquam eos sæpè Nicænorum nomine donarint, quando passim à doctissimis hodièque Sardicensis illa synodus, veluti appendix ad Nicænam habetur. Verùm hoc jam relicto, quid porro actum sit, dispiciamus.

Græcæ. Ex litteris ad Bonifacium successorem Zozimi datis probè novi tum quidem Romanæ Ecclesiæ omnia ad votum cessisse; nam et Apiarius, petiti veniæ erratorum, communioni restitutus est, mox tamen ad vetera mala rediturus: et Urbanus episcopus, quæ visa sunt corrigenda, correxit. Lis verò de appellationibus nondùm sic etiam finem sortita est; pependisse namque videtur, dùm ex Oriente ad Patres congregatos sinceri allati sunt Nicænorum Patrum canones: tum enim verò litteris datis ad papam Cœlestinum, qui Bonifacii locum obtinuerat, jura sibi sua integra servari, atque ea quæ cum Nicænæ synodi canonibus non optimè cohærent, ne à Romanis pro more agerentur deinceps cum excommunicatis, sive presbyteris, sive episcopis, gravibus apud pontificem verbis insistere: neque abstinere se poterant, quin Milevitanum canonem 22 ad verbum, canonum collectioni quæ in eâ Africanâ sextâ synodo, celebratâ ad annum 419 suscepta est, rursus insererent. Jurabit ipsa Epistolæ synodice verba ad Cœlestinum datæ sub conspectum ponere: « Impendio deprecamur, aiebant Patres, ut deinceps ad vestras aures hinc venientes, non facilius admittatis, nec à nobis excommunicatos in communionem ultra velitis excipere, quia hoc etiam Nicæno concilio definitum «facile advertet venerabilitas tua. Nam etsi de inferioribus clericis vel laicis videtur ibi præcaveri, quantò magis hoc de episcopis «voluit observari, ne in suâ provinciâ com-

«munionem suspensi à tuâ sanctitate, vel festi-  
«natò, vel præproperè, vel indebitè videantur  
«communioni restitui! Presbyterum quoque,  
«et sequentium clericorum improba refugia,  
«sicut te dignum est, repellat Sanctitas tua,  
«quia et nullâ Patrum definitione hoc Eccle-  
«siæ derogatum est Africanæ, et decreta Ni-  
«cæna, sive inferioris gradûs clericos, sive  
«ipsos episcopos suis metropolitanis apertissi-  
«mè commiserant: » Alant deinde se non  
dubitare affore ipsis Spiritum sanctum. Ostendunt etiam ob testium defectum, multiplicem difficultatem, quæ occurrere potest in dijudicandis Africanorum causis Romæ; demùm addunt: « Ut aliqui tanquam à tuæ sedis latere  
«mittantur, nullâ invenimus Patrum synodo  
«constitutam, quia illud, quod pridem per  
«eundem coepiscopum nostrum Faustinum,  
«tanquam ex parte Nicæni concilii, exinde  
«transmisistis, non potuimus reperire. »

LATINUS. Pergratum accidit quòd Africanorum Patrum synodicam ad Cœlestinum produxeris; ea verò refellet plura quæ tu antea statuebas, et emendatis metachronismis, lucem rebus gestis, ex meliori temporum ordine afferet, ad extremum juribus pontificiis nihil in Africâ derogatum esse ostendet. Ac primùm quidem certum est ex hac Epistolâ bis Apiarium Romam appellasse: primùm nempe ad Zozimum an. 418, qui mox ejus causam per Faustinum in Africâ agendam suscepit. Ea, sedente jam Bonifacio, ab Africanâ synodo anni 419 ex voto terminata est, ut liquet ex synodicâ ad Bonifacium; et quanquam tum adhuc Africanorum legati canones Nicænos non retulerint ex Oriente, eodem tamen adhuc anno isti quoque, novembri mense, accepti sunt, transmissique ad Bonifacium, ut ostendit Pagius ad hunc annum. His ergo omnibus anno 419 peractis, nullus deinceps à Patribus adversùs appellationes canon est conditus: ea enim collectio, canonque ipse 92 ad sextam Africanam synodum, et juxta alios ad anteriora tempora pertinet. Nunc videamus, rectiène adversùs appellationes ex litteris Africanorum ad Cœlestinum quidquam concludi possit. Sædè eruditis multis ea Epistola visum est deprecari Africanos non tam appellationes ipsas, quam ne facilitate consuetâ, ex quâ mala multa promanassent, susciperentur; atque in eam rem tantùm allegant Nicænos canones, qui clericos episcoporum judicio, hos metropolitanorum submisserunt, sapientissimèque ac justissimè provi-

derunt ut negotia ubi orta sunt finem quoque acciperent; nec esse oppressionis periculum, quando pateret cuique synodus, quam à divino gubernandam Spiritu nihil dubitabant; quæ si Romæ agenda sint, testes, multaque iudiciis necessaria plerumque deesse oporteat. Ad extremum tandem quoque significant, nullo canone reperiî statutum, ut ad examen, iudiciumque ferendum intra provinciam legati Romæ destinentur. Id verò, ut ita existimem, moveor imprimis exemplo Apiarii, qui Cœlestino jam pontifice, hoc est, post scriptos ac transmissos, quos ex Oriente accepere, canones Nicænos, rursus acensatus à Tabracenis, damnatusque ad Cœlestinum appellavit, non invitus, ut videtur, Africanis. Cur enim lætatum se de ejus adventu Cœlestinus per Leonem presbyterum Africanis indicasset? lætatum verò esse constat ex ipso Africanorum Patrum exordio Epistolæ ad Cœlestinum. Quâ deinde fiducia Faustinum rursùm ablegasset in Africam cum Apiario? Cujus quidem causam quamcumque zelo magno egisset Faustinus, confessione scelerum propriâ ad extremum damnari debuit.

**GRÆCUS.** Ea Cœlestini lætitia, quâ secundò appellantem accepit Apiarium, quamque per Leonem Africanis testatus est, non levi quidem argumento est, assensisse eos in presbyterorum etiam appellationes, quamquam nullis adhuc canonibus id imperatum ducerent. At enim, quid si alii è Latinis rectius habeant? Neque enim desunt, qui ex illâ ad Cœlestinum Epistolâ intulerint, Invitos adhuc fuisse adversus omne appellationum genus Africanos Patres: stabitne jus suum Romanis pontificibus?

**LATINUS.** Si dem, quod nonnulli ante me fecerunt, tùm quoque ex animo reluctatos fuisse Cœlestino Africanos Patres, atque ipsas etiam episcoporum, et quascumque appellationes deprecatos, nihil id Romanorum pontificum iuribus detraxit, quando ea qualiscumque tergiversatio è solâ adhuc ignoratione Sardicensis concilii canonum profecta est; neque ab Africanis obstinatione, aut in modestiam, observantiamque peccatum quidquam est. Quæ quidem ita prorsùm esse, ex Epistolâ quam citâsti liquidò erues.

**GRÆCUS.** Quando verò demùm hâc suâ sententiâ decesserint Africani, et quibus ducti momenti, lubens intelligam. Etenim cessisse ipsos tandem auctoritati pontificiæ, exempla ex Africâ appellantium, quæ copiosè affert Baronius, utcumque demonstrant.

**LATINUS.** Ut animum moremque mutarent, Gallorum atque Hispanorum exemplum apud Africanos non parùm momenti habuit, à quibus fortè etiam statutorum Sardicensionum clarior fama cognitioque ad istos pervenerit. Nec minùs ad complectendam arctissimam eam cum Ecclesiâ Romanâ communionem profuit, permovitque Patres catholicos, Vandalorum Arii peste infectorum ingressus violentus in Africam; cujus denique dominatum armatæ Vandalorum acies sibi asseruere ad annum 428. Ad hæc, voluit fortè etiam novella Valentiniani constitutio ad annum 445 emanata, quâ papæ iudicio suprema auctoritas per Galliarum, cæterasque Occidentis provincias asserta servataque est. Verùm, ut sint hæc omnia, appellationem Apiarii presbyteri Africani Romæ à Cœlestino susceptam, causamque præsentem Faustino apostolico legato in Africâ agitatum esse, ex Epistolâ Patrum ad Cœlestinum satis superque constat. Nunc etiam videndus nobis est Numidix exactoratus, ad Cœlestinum provocaverat: nec repugnasse, sed detulisse prorsùm ejus appellationi Africam in confesso est. Querelam Antonii appellantis papam, et iniquitatem sententiæ incusantis, in hunc modum expressit Augustinus epistolâ 261: « Clamat Antonius: « Aut in meâ cathedrâ sedere debui, aut episcopus esse non debui. » Verùm idem S. doctor æquitatem sententiæ adversus Antonium tuetur, et ostendit ex ipsis sedis Apostolicæ exemplis, quæ vel ipsa in appellantium causis ita iudicavit, aut ab aliis iudicata suffragio suo stabilivit; Augustini verba accipe: « Existat exemplo, ipsâ sede Apostolicâ « judicante, vel aliorum iudicata firmante, « quosdam pro culpâ quibusdam, nec episcopi « pali spoliatos honore, nec relictos omnimodè « impunitos, quæ, ut à nostris temporibus « remotissima omittam, recentia memorabo. « Clamet Priscus provinciæ Cæsarensis episcopus: Aut ad primum locum sicut cæteris « et mihi patere debuit, aut episcopatus mihi « remanere debuit. Clamet alius ejusdem provinciæ Victor episcopus, cui relicto in eadem « pœnâ, in quâ et Priscus fuit, nusquam nisi « in diocesi ejus ab alio communicatur episcopo; clamet inquam: Aut ubicumque « communicare debui, aut etiam in meis locis « communicare non debui. Clamet tertius ejusdem provinciæ Laurentius episcopus, et prorsùm « hujus vocibus clamet: Aut in cathedrâ, cat

« *ordatus sum, sedere debui, aut episcopus  
« case non debui. Sed quis ista vituperet, nisi  
« qui parum attendit, nec inulta omnia relin-  
« quenda, nec uno modo omnia vindicanda?»*

GRÆCUS. Si Augustinus jus appellandi ad Romanum pontificem, ipsasque adeo appellationes ex Africa factas Romam iis dictis agnoscat, imò adductis exemplis stabilit, cur ubi fama accepit venturos in Africam Cœlestini legatos, qui Antonium Fussalensem urbi ac cathedræ suæ redderent calentissimis precibus id deprecatur Cœlestinum? « Non sinas, inquietans, ista fieri, obsecro te per Christi sanguinem, per Apostoli Petri memoriam, qui christianorum præpositos populorum monuit ne violenter dominentur inter fratres.»

LATINUS. Quod eo loco deprecatur Augustinus, non fuit aliud quàm quod rumor publicus undecumque sparsus, in vulgus jactabat, destinasse Cœlestinum legatos militum comitatu stipatos mittere, qui invitis etiam Fussalensibus Antonium imponerent. Ab hoc modo sive prosequenda, sive executioni mandandæ appellationis remove conatur precibus pontificem, et « subveni, ait, hominibus operam tuam in Christi misericordiâ multò avidius quàm ille poscentibus, à cujus inquietudine desiderant liberari; judicia quippe illis, et publicas potestates, et militares impetus, tanquàm executores Apostolicæ sedis sententiam, sive ipse, sive rumores creberrimi comminantur, ut miseri homines christiani catholici, graviora formident à catholico episcopo, quàm eam essent hæretici, à catholicorum imperatorum legibus formidabant.»

GRÆCUS. De Africanâ Ecclesiâ dubium jam omne posui, plenèque didici, deinceps etiam veteri more, inde à Cœlestini temporibus appellationes cursum tenuisse, et litem, quæ eâ causâ suborta fuerat sedente Cœlestino, ex ignorantia Sardicensium canonum totam profectam; eorum cognitione, aut aliter, Cœlestino papæ compositam complanatamque fuisse; et Africam constanter postea disciplinæ universi orbis christiani instituisse. Regrediamur nunc in alteram ejus partem, hoc est, Orientem, quidque, eodem Cœlestino papæ, in eo gestum sit, inspiciamus. Celebratissimus ejus pontificatus est à profligato Nestorio.

LATINUS. Dignum est Cyrilli Alexandrini factum, quod hic afferam; ex eo conjicies, quàm ipse rationem patriarchæ Constantino-

politani, licet jam ordine secundi, habuerit, et quàm disparem Cœlestini. Igitur postquàm Cyrillus, Epistolâ datâ ad clerum Constantinopolitanum, questus est, esse plures Constantinopoli, quorum odia in se Nestorio inflammaverit, subdit: « Nôrit autem, qui hosce adversum me armavit, nos neque longam peregrinationem formidare, neque publicum judicium, si qua opportunitas tulerit, detrectare... neque tamen miser ille (Nestorium intelligit), licet complures et graves viri ejus operâ nos accusaturi essent, rerum nostrarum judicem fore se speret, quamvis jure Amphyectionum hoc sibi demandari faciat. Nos enim isthuc vententes ab ejus judicio provocabimus, et, si Deo placuerit, ipse de suis blasphemis in judicio respondere cogetur.»

GRÆCUS. Eleganti hæc Cyrilli sententiâ, unâ veluti operâ comprobâsti utramque summam sedem Romanæ etiam per viam provocationalis subjici atque obnoxiam esse. Quorsum enim aliò, si illi judicium subeundum sit, provocet Cyrillus, quàm ad id prorsus tribunal coram quo Nestorio primùm litem intentavit, ex quo primùm fulmen in Nestorii blasphemias evibratum est?

LATINUS. Nunc, si lubet, Theodoretum à Dioscuro impio, et impium Eutychen à D. Flaviano Romam provocantes, atque apostolicum judicium implorantes exhibeamus, aut, si mavis, Flavianum ipsum; etenim et ille oppressus à Dioscuro ad hanc sacram anchoram, ad hunc salutis portum se applicuit.

GRÆCUS. Reclamasse Flavianum adversus Dioscori sententiam dabo, appellasse ad Leonem pernego: duces in eo sequor è Latinis plures, quos inter chorum ducit Petrus de Marcâ archipræsul Parisiensis, lib. 7 de Concordiâ sacerdotii et imperii, c. 7, cui etiam favere videtur vetus Rustici annotatio in hunc locum, fidaque. Etenim si Rustici annotationem sequamur, Flavianus auditâ depositionis in se latæ sententiâ, *regulo te*, dixit nec aliud.

LATINUS. Interpretationis versionisque judicium tibi cedo; mihi Flavianus disertè videtur voluisse dicere: *Appello à te*, quanquàm Græcus textus sic habeat: *ἠρώμενος εἰς τὸν Πάτριον* es. Nam Flavianum eo loco, repudiato Dioscorigo judicio, ad Leonem papam respexisse, ejusque exquisitissimum judicium implorasse, duo mihi persuadent: primum, quòd continuò Hilarus legatus papæ, Flaviani partes suscepisse sit visus; subjecit etenim: *Courro-*

*dicitur.* Deinde et illud, quod cum hæc ipsa pseudosynodi acta relegerent Chalcedone, Patres conelamãrunt : *Leoni multos annos, patriarcha multos annos.* Verum, ut has omnes conjecturas dimittam, nec per incerta vager, cum clara suppetunt, juvat imperatoris Valentiniani ad Theodosium Epistolam rursus inspicere ; ea mihi de Flaviano appellatione dubium omne eximit : postquam enim statuisset Augustus, de fide ac sacerdotibus iudicium ad Romanum pontificem pertinere, in hunc modum in rem meam loquitur de Flaviano : « Ilujus enim rei gratiã secundum sollemnitate[m] conciliorum, et Constantinopolitanus episcopus, eum (intellige Leonem) per libellos appellavit, propter contentionem quæ orta est de fide. » In eundem sensum quoque Galla Placidia Augusta scripsit. Atque ne res naturã conjunctas divellamus, Flaviano adjungo Theodoretum Cyrensis episcopi ab eodem iniquo iudice ad eundem Leonem interpositam appellationem ; sic verò ipse scribit : « Nos humiles et pusilli ad Apostolicam sedem vestram ; accurrimus, ut Ecclesiarum ulceribus remedium à vobis accipiamus ; vobis enim primas in omnibus tenere convenit..... » Et infra : « Ego Apostolicæ vestræ sedis exspecto sententiam, et oro atque obtestor Sanctitatem tuam, ut mihi rectum ac justum tribunal vestrum invocanti, opem ferat. » Et quantum cætera Theodoretum præcipuè quæ adversus Cyrilli anathematismos scripsit, jure optimo subinde à synodo V reprobata sint, ipse tamen vel eã submissione erga papam dignus visus est, qui in Chalcedonensem synodum admitteretur, et munus locumque accusatoris adversus Dioscorum, sum quondam iudicem susciperet, imò et ubi disertè Nestorio anathema dixerisset, promeruit ne à Patribus quidquam severius in ipsummet Theodoretum statueretur.

**GRÆCUS.** Fatendum est ivisse ad hæc tempora appellationes ad Romanam Ecclesiam à cunctis etiam summis sedibus. At postquam Anatolius decreto Chalcedonensis synodi paria cum Romano privilegia sortitus est, ne quid plus dicam, aliam res faciem induerunt. Nolim præstoleris, ut rursus can. 28 huc inferam, dudum illum excussimus. Sit ejus sensus, quem statuisti. At certè 9 atque 17 veterem iudiciorum ordinem evertisse mihi prorsus videntur, ultimamque causis omnibus, Constantinopoli defixisse. Can. 9 sic habet : « Si quis clericus habet cum clerico

« item aut negotium, proprium episcopi  
« no relinquit, et ad secularia iudicia ne  
« excurrat, sed causam prius apud proprium  
« episcopum agat : vel de episcopi sententiã  
« apud eos, quos utraque pars elegerit,  
« iudicium agitetur. Si quis autem præter  
« hæc fecerit, canonis pœnis subjiciatur. Si  
« clericus autem cum proprio, vel etiam alio  
« episcopo negotium aut litem habeat, à pro-  
« vincia synodo iudicetur. Si autem cum ipso  
« provincia metropolitano episcopus vel cle-  
« ricus controversiam habeat, diœcesis exar-  
« chum adeat, vel imperialis urbis Constanti-  
« nopoli thronum, et apud eum litiget. » Con-  
« firmat eundem iudiciorum ordinem can. 17 :  
« Si quis autem injuriã afficiatur à proprio  
« metropolitano, apud exarchum diœcesis vel  
« Constantinopolitanam sedem litiget. » Nescio  
« quid dicturus sis : uterque canon ultimam  
« iudicium forum Constantinopoli constituit,  
« sic, ut hunc, si lubeat, neglecto diœcesis  
« exarcho, adire fas sit, quin exarchus refragari  
« ausit. Quos verò tu hic exarchos diœcesis dici  
« existimas ? Ego opinor et Romano, et Alex-  
« andrinum, et Antiochenum, et Hierosolymita-  
« num eo prorsus nomine designatos.

**LATINUS.** Nimirum hausisti hæc omnia ex Macarii Ancyranum penu. Is c. 19 sic loquitur : « *Diœceseos exarchum adeat, aut reg' urbis Constantinopoleos sedem, et apud ipsam iudicetur.* » Hoc est, ex duobus quemnam ipse elegerit, aut exarchum propriæ diœcesis, quasi diceret patriarcham, aut imperialis urbis Constantinopoleos sedem, et apud illam, qui controversiam habet, iudicetur ; unã exarchi dictione, comprehendente canonem omnes primatus, episcopos cujuscumque diœcesis. Et nota mihi dictionis vim, per quam signatur, quanta sit potestas et auctoritas synodis œcumenicis : *adeat*, inquit, imperandi modo ; hoc est, nemini ex patriarchis neque Romano, neque Alexandrino, neque Antiocheno, neque Hierosolymitano liceat impedire eum qui cum suo metropolitano litigat, vel sub eo est, adire thronum Constantinopolitanum, tanquam qui imperat, litemque apud ipsum dirimere : quemadmodum nec cujuslibet provincie metropolita impedit episcopum, aut clericum suum, cui cum ipso controversia est, adire exarchum diœceseos, patriarcham nempe, et illius iudicium subire. Est autem Occidentalis diœceseos exarchus, senioris Romæ papa et patriarcha ; Ægypti, et universæ Æthiopiæ, Alexandrinus ; Sy-

« riaz, et totius Orientis, Antiochenus; Pa-  
 « lastinæ, et universæ Phœniciæ et Arabiæ;  
 « Hierosolymitanus: quemadmodum et Con-  
 « stantinopolitanus universæ Asiæ, et Ponti,  
 « et Thraciæ exarchus et universalis patriar-  
 « cha. » In eundem sensum loquitur et Mat-  
 « theus Blastarius. Sed Meletius Alexandrinus,  
 Epistolâ ad Ruthenos, altiùs assurgens, ita  
 appellationes, ultimæque judicia Constantino-  
 politano ex omni orbe addicit, ut eas non  
 vereatur Romano submovere; verba ejus sunt:  
 « Cùm nec incidentes Ecclesiæ præsulum con-  
 « troversias Romano dijudicare est, transma-  
 « rinas enim, qui in Africâ convenerunt,  
 « prohibuère, ne Romam transmearent; do-  
 « mesticas aut eujuscumque Ecclesiæ, qui  
 « Chalcedone, Constantinopolitano addixe-  
 « runt vigesimo octavo canone. » Ridendus  
 prorsus, qui ex eo canone id velit elicere, un-  
 de nemini in mentem venire possit molitos Pa-  
 tres, ut Constantinopolitanum supra Romanum  
 efferrent ullis privilegiis, ullâve auctoritate.

GAUCES. Quamquàm in eo falli opinor Mele-  
 tium, quòd se ad canonem 28 referat, in eo  
 tamen veritatem assecutum, atque rem ipsam  
 dixisse sentio, cùm domesticas eujusvis Eccle-  
 siæ, ipsiusque ad eam Romanæ controversias,  
 Constantinopolitano addictas pronuntiat. Et  
 verò nisi tu alium des sensum recitatis cano-  
 nibus, palamque factas exarchi nomine ponti-  
 ficem Romanum eo loco non venisse, frustra  
 laborem impendis, ut me ab eorum abducas  
 sententiâ.

LATINUS. Sincera canonum sensum et Pa-  
 trum mentem, quæ in his condendis fuerit,  
 aperit nobis actio 16 ejusdem concilii, et  
 synodica Patrum ad Leonem. Ex utroque hoc  
 monumento perspicuum est, Patrum studia  
 ac conatus eò tantùm respexisse ut Constanti-  
 nopolitano episcopo jura patriarchica in dioc-  
 esibus Thraciæ, Asiæ ac Ponti seu assererent,  
 seu confirmarent. Sic igitur statuo,  
 canone 9 atque 17 de his duntaxat dioceseon  
 exarchis sermonem esse, quos solos ordinationi  
 Constantinopolitani patriarchæ, et concilium  
 ejusdem loci œcumenicum secundum, olim  
 supposuerat, et canon 28 Chalcedonensis.  
 Erant verò hi, Thraciæ quidem exarchus He-  
 racleensis, à quo ipsa olim Constantinopolis  
 pendebat; Asiæ, Ephesinus; Ponticæ deni-  
 que, Cæsarensis episcopus. Quorum privile-  
 giis caverat canon 6 Nicæni concilii, quosque  
 dioceseon episcopos Constantinopolitanus ca-  
 non 2 nuncupat, et nōminatim exprimit, et

canon 28 Chalcedonensis metropolitanos dioc-  
 eseon vocat, ad discrimen metropolitanarum  
 minorum, sive provincialium.

GAUCES. Non igitur una constansque trium  
 illorum episcoporum erat nomenclatio, quando,  
 ut aiebas, nunc episcopi et metropolitani  
 dioceseon, aliis etiam exarchorum nomine  
 donati sunt, fortè etiam patriarchæ dicendi, si  
 is honoris titulus, rebus eorum florentibus, in  
 usum Ecclesiæ invectus fuisset. Jurene verò  
 eis hæc nomina tributa existimas?

LATINUS. Sanè jure quàm optimo: etenim  
 singuli eorum et dioceseim è pluribus confla-  
 tam provinciis, et summo quodam ac patriar-  
 chico jure moderabantur liberi, ἀνεξάρητοι,  
 nullique patriarcharum obnoxii. Et Asiæ  
 quidem diocesis sub Ephesino, si ritu ac more  
 politiæ ecclesiasticæ lineatur computas, pro-  
 vinciiis constabat undecim. Pontica sub Cæsæ-  
 rensi complectebatur denas; per Thraciam  
 denique dioceseim Heracleensis, jura dabat  
 provinciis sex. Verùm ea exarchorum auctori-  
 tas, et ἀνεξάρητοι non diù incolumis perstitit.  
 Constantinopolitanus namque in patriarcham  
 semel institutus, sive ejus novæ institutionis  
 jure, sive imperatoris decretis, exarchos eos-  
 dem sibi denique subjunctis, faventeque dein-  
 cept consuetudine, moderatas est. Sic tamen  
 licet subjugati eximii adhuc fruebantur privi-  
 legiis ac honorum prerogativis; etenim in  
 œcumenicis concessibus primi à quinque pa-  
 triarchis considebant, et provinciarum suarum  
 metropolitans jura dabant, quamquàm per cano-  
 nes, de quibus disceptamus, metropolitans pro-  
 vincialibus libertas facta sit, aut apud hos cau-  
 sam controversam agendi, aut si id minus  
 arrideret, ipsis neglectis, patriarcham Con-  
 stantinopoleos adeundi.

GAUCES. Quæcumque adhuc attulisti am-  
 plector, nec diffiteor Heracleensem, Ephesi-  
 num ac Cæsareensem episcopos metropolitans  
 ac exarchorum nomine venisse; at eodem  
 ipso etiam cæteros, quos hodiè patriarchas di-  
 cimus, nuncupatos in confesso est. Cur tu  
 igitur ad trium tantum illorum exarchorum  
 metropolitans canonis verba restringis? cur hos  
 solos, non etiam Romani patriarchæ, aut cu-  
 juscumque alterius metropolitans canone 9  
 contineri ac comprehendi ais? cur non univer-  
 sim omnibus confugium ad Constantinopolita-  
 num patere velis? Sanè Nicolaus I papa eun-  
 dem canonem interpretans epist. 8 ad Michae-  
 lem Augustum, per exarchum dioceseis, Ro-  
 manum pontificem intellexit.



**LATINUS.** Ita quidem Nicolaum I ea canonis verba interpretatum esse non difficeo, indeque etiam, quod aliunde certum erat, contendisse, Constantinopolitani patriarchatus episcopis ac metropolitibus confugium ad se, vel patriarcham proprium, liberum omninò relinquere. Verùm in eo quòd per exarchum diocesis Romanum episcopum intelligat, eruditi non approbant, nec Interpretationem eam amplectuntur, quòd vim afferre canonis verbis videatur, quanquam in altero præclare Patrum mentem assecutus sit Nicolaus, cum dixit, canones 9 atque 17 de solis metropolitibus intra ambitum patriarchatus Constantinopolitani positus, intelligendum esse. Quare longissimè à vero abscedit qui et exarchorum nomine patriarchas omnes accipiat, et de cunctis per orbem metropolitibus locutos Patres existimet.

**GRÆCUS.** Novi vos hodie eum canonem de tribus duntaxat exarchis, atque eorum tantum metropolitibus exponere sic, ut 9 atque 17 canonis non alius sensus sit quam iste, metropolitibus sub Heracleensi exarcho aut Cæsareensi positus, et denique illis etiam, qui in Asianà diocesi sub Ephesino exarcho degunt, integrum esse, sive ad exarchum ipsum, seu malint ad Constantinopolitanum, causam controversam referre. Hoc verò à te mihi semel etiam monstrari cuperem; jam enim sæpè est, quòd id asseras, et sensum quem nos damus, improbes ac respuas.

**LATINUS.** Ut à vero aberrare modum vestrum explicandi intelligas, probationes strictim afferam; etenim si tibi de patriarchatu omnium metropolitibus sermo foret, quò, obsecro, fiducia, vel Patres eos canones proponere ausi fuissent Romano pontifici, vel Romanus pontifex non iisdem toto obstitisset conatu? Fierine potuit ut pontifici legati nihil in iis magnæ difficultatis compererint, neque se opposuerint canonibus adeò aperte Romani pontificis jura convellentibus, qui canonis 28 ejusdem Chalcedonensis synodi, cæterorum patriarcharum jura labefactanti, se adeò acriter objecerunt! Quis credat in aliena commoda adeò vigilantes pontifices, sua neglectum habituros fuisse? Ad extremum, si omnibus per orbem metropolitibus, ex eo canone integrum foret, neglectis suis patriarchis, adeòque et Romano, confugere ad Constantinopolitanum, majora eo ipso futura erant privilegia Constantinopolitani, quam Romani ipsius, ut Macarius et Blastarius argutati sunt. Quomodò igitur judices, act. 16, poterant dixisse: *Perpendimus omnem quidem*

*primatum, et honorem præcipuum, secundum canones, antiquæ Romæ Dei amatissimo archiepiscopo conservari.* Verùm, ut jam etiam aperte intelligas, canones eos ad solos metropolitibus pertinuisse, qui sub tribus sæpè memoratis patriarchatus Constantinopolitani exarchis debebant, audi Aetium Ecclesiæ ejusdem archidiaconum. Cùm enim in concilio Chalcedonensi initio actionis 16 questi fuissent legati pontificii, per absentiam suam constituta quædam, eademque exhiberi poposcissent, in hunc modum, antequàm canones recens conditi religerentur, præfatus est idem Aetius. « Constatendum est, quia formam ea quæ de fide sunt congruam susceperunt. Consuetudo autem est in synodis, postquam ea quæ sunt omnium præcipua, fuerint definita, et alia quædam necessaria exerceri atque formari. « Habuimus, hoc est, Constantinopolitana sanctissima Ecclesia, certa quædam, quæ agere deberemus: rogavimus dominos episcopos de Româ, ut communicarent iis gestis; refutaverunt, dicentes talia se non suscepisse mandata. »

**GRÆCUS.** Equidem, quod aiebat Aetius, etsi utcumque probet de rebus ad Constantinopolitanam Ecclesiam pertinentibus, et hujus gratiâ actum esse, minimè tamen ostendit, canones eos intra patriarchi Constantinopolitani limites substiitisse, neque hos ullâ ratione excessisse. Affer igitur si quid clarius habeas, ne semper putem Patres, qui eos condidère canones, ad omnes totius orbis, et cujusque patriarchatus metropolitibus respexisse, cunctisque refugium Constantinopolim aperuisse.

**LATINUS.** Præterquam quòd ipsa conjunctio, cognatioque, quæ est inter canones 9, 17 atque 28 opinioni vestræ refragetur, ne tamen etiam testes in re adeò gravi desint, sydonicam Chalcedonensium Patrum ad Leonem papam, quam jam semel retuli, animo recole: videbis quòd consilia Patrum vergant. Duo erant eis proposita: primum, decreto synodali firmare, quod jam consuetudo obtinebat, ut Constantinopoli metropolitibus urbium per Asianam, Thraciam atque Pontum ordinarentur, sicque locorum eorum paci consuleretur. Nonne percipis, ad eos solos Patrum curas pertinuisse? Alterum, quod curabant, fuit, ut quæ Constantinopolitani concilii canonibus concessa essent, eadem Constantinopolitanæ Ecclesiæ stabilirent. An verò lege ullâ antea, ullâve consuetudine id receptum fuit, ut universi orbis metropolitani, ac præcipuè Occi-

dentis ad Constantinopolitani tribunal se sisterent, ejus opem atque sententiam implorarent? Id equidem non te dicturum opinor.

GRÆCUS. Sunt hæc argumenta, quæ lucem canonibus afferunt, et Patrum nobis utcumque mentem aperiunt, qui canones eos condidit; sed quod me imprimis à sententiâ nostrorum hominum removet, illud est præcipuum, quòd nulla exempla legam ex Occidente præcipuè accedentium Constantinopolim.

LATINUS. Probè et sapienter prorsus conclusisti ex non usu, non eum sensum esse canonis 9, quem Ancyranus Macarius, ejusque aecclæ commentum sunt. Solumque Romanum pontificem eo loco in Ecclesiâ fuisse, ad quem universi clerici, episcopi atque patriarchæ ipsi possint, debeantque confugere.

GRÆCUS. Patriarchas ad hunc portum se sæpè recepisse multis hactenus docuisti; at enim minores etiam à patriarcharum sententiâ ne idem possint, clare leges obsistunt. Justinianus novellâ 125 disertè statuit, ut à metropolitani sententiâ ad patriarcham appellari possit: verùm ita ut neutra pars sententiæ Patriarchæ possit contradicere. Idem quoque decernitur codice 29 de episcopo audiente, ubi expositis fori ecclesiastici gradibus, tribunal patriarchicum ultimum statuatur, additurque: *Contra horum sententiam non esse locum appellationis, à majoribus nostris constitutum est.* Leo quoque et Constantinus in Eulogâ legum tit. 96 idem repetunt: *Patriarchæ sententiâ appellationi non subjacet, neque retractatur ab alio, utpote ecclesiastici judicii princeps.* Quare rectè conclusit Photius Nomocanonis tit. 9, c. 5: *A patriarcham sententiâ non appellatur.*

LATINUS. Mutuatus es hæc omnia è Theodori Balsamonis penu. At ipse ille refert etiam aliorum sententiam, qui sustinent, disertèque affirmant, à minori ad majorem patriarcham in ecclesiasticis negotiis appellationi locum fuisse. Atque ut fortè hoc de aliis verum non sit, de Romano habeo certissimè, ex omni orbe, et ipsâ patriarcharum sententiâ Romam sæpè provocatum esse; non, ut inepti Meletius Alexandrinus, ex nescio quo humanitatis officio, verùm de jure quod Sardicenses canones complexi sunt, ut proinde quascumque citasti imperatorum constitutiones, à Romano pontifice prorsus abstrahant, quando ejus potestatem minuere nequeunt, quam Christus tribuit, quam disertis adeò verbis Sardicenses canones affirmârunt, quam usus constans apertissimè docet fuisse perpetuam in

Ecclesiâ, atque etiam deinceps futura est.

GRÆCUS. Consuetudo optimus legum interpret est. Age igitur, et exempla etiam, si qua potes in rem tuam affer, ut innoxiam Justiniani mentem, legemque Romanæ Ecclesiæ auctoritati nihil detraxisse comprobes.

LATINUS. A minimis quibusque ad Romanos pontifices adversus proprios patriarchas recursum fuisse, favisque ipsum Justinianum Augustum consillis recurrentium, ex libello monachorum adversus Anthimum patriarcham suum instructo, ac porrecto Agapeto papæ, possum convincere. Verba libelli accipe: « Ad-  
« jramus, inquit monachi, vestram beatitu-  
« dinem per sanctam et consubstantialem Tri-  
« nitatem, ac per principem Apostolorum  
« Petrum, ac salutem et victoriam piissimi  
« imperatoris nostri, non contemnere divinos  
« canones, qui ab isto pessumdantur, neque  
« Ecclesiam ei traditam, quæ ab isto despici-  
« tur, sed sequendo in omnibus eos qui ante  
« ipsam beatitudinem in sede vestrà claruerunt,  
« facere id ipsum, adhuc et contra canonum  
« auctoritatem invalescentem... Ea que S. Cœ-  
« clestinum contra Nestorium liquet fecisse...  
« Verùm, quoniam non solum iste, sed et cæ-  
« teri episcopi, et clerici, et archimandrite in  
« magno numero, qui insidiis adversus Dei  
« Ecclesiam utuntur, et propter hoc solum in  
« hac civitate commorantur, ei et universis  
« Ecclesiis perturbaciones dare nullo modo re-  
« cusant rogamus, et universos tales ad vos  
« adduci, et exactiones permittere conceden-  
« tes... Suscipite nostram supplicationem, et  
« potestatem à Deo vobis datam in ipsos mo-  
« ventes, purgate Dei Ecclesiam, et lapsis libe-  
« rate... Hujus gratiâ et ad vos Romam misi-  
« mus... Tales à piissimo imperatore nostro  
« promissiones accepimus, quòd ea que à vobis  
« judicata sunt, sua pietas omni modo studet  
« mandare executioni. »

GRÆCUS. De Gregorio Dialogo, magno illo pontifice non semel à Latinis jactatum memini, nullum eum pontificatus annum decurrisse, quem insigni primatus apostolici documento non illustraverit. An verò est qui ad eum appellaverit?

LATINUS. Instar multorum sit Joannes presbyter Constantinopolitanus. Is malè acceptus à patriarchâ suo Joanne Nestorâ, cùm Gregorium appellasset, duris adhuc mulctatus est. At Gregorius appellatione admissâ, datis litteris reprehendit non segniter patriarcham, quòd Joanni presbytero, interpositâ licet ad

sedem Apostolicam appellatione, molestam faceretur; deinde, quod correptionem alteram à se scriptam, non eo, quod scripta fuisset animo, suscepisset: nempe corripuerat Nesteutam pontifex, quod mansuetudinem Ecclesie prætergressus, Anastasium presbyterum fustuario multasset.

GRÆCOS. Hæc si vera sint, nil magnæ sanctitatis in Joanne Nesteutâ nobis exhibent; aut si talis fuerit, quemadmodum non est, cur ambigam, suspectæ pronè fidei sunt quæ narrasti.

LATINI s. Suspicionem omnem de narrationis meæ veritate adimet tibi Epistola Gregorii papæ; neque nunc id ago, ut peccasse ostendam Nesteutam, qui quidem, si etiam lapsus sit, sanctitatis decus integrum adhuc obtinere potest; et verò hanc in eodem fuisse insignem, modestia factumque patriarchæ laudatissimum, quod mox dicam, commendat magnopere. Etenim Nesteutâ in dato ad Gregorium responso, decretis acquievit Gregorii, utque jussus fuerat acta Joannis presbyteri discutienda Romam transmissera, ubi pro tribunali agitata Joannis negotium est, tum et alia, Anastasii presbyteri causâ, qui à sententiâ patriarchæ provocaverat, et Joannes quidem Constantinopoli hæreseos damnatus, innoxius ac catholicus compertus, absolutus est; cùm contra Anastasium Manichæo addictus esse, accusator verò ejusdem, Pelagio studere convictus sit.

GRÆCOS. Non sinam te ulterius progredi, ne plura Ecclesie nostræ vulnera aperias: dabo à patriarchicis sententiis Romam appellationes fuisse; id unum dico, non admodum firmum hoc pontificii primatus argumentum esse, quando ab ipsorum etiam Romanorum pontificum sententiis provocasse nonnullos pro certo teno. Absolverat Cæcilianum anno 313, et Donatum cum asseclis pro merito damnaverat Melchiodes papa; pars quæ causâ cecidit, sive ad concilium aliud, sive ad imperiale tribunal provocat; neque Constantinus imperator provocantibus negandum id censuit. Igitur ex ejus decreto Arelate in Galliis Patres magno numero conveniunt, causa resumitur, novoque judicio expenditur, finienda dumtaxat per Augustum ipsum Mediolani. Quis verò credat, aut pietissimum imperatorem id permissurum fuisse, aut Patres ipsos ausuros, si Romanum judicium finale ultimique, cui omnes acquiescere debeant, consuisent?

LATINI s. Nescio quid certis juribus summo-

rum pontificum detrudere possit, si unus, atque alter, et is quidem ab hæresi aut schismate infamis, Romani tribunalis sententiæ non se submittat, non acquirat. Sed neque id dubiam summorum pontificum auctoritatem facere potest, quod catholicus imperator Arelate causam agitandam rursum indixerit, quodque Patres ipsi eandem instaurare non dubitaverint. Etenim si veri amans es, hinc nihil tu aliud quam insignem Melchiodis indulgentiam ac lenitatem concluderis, qui ut gravissimo schismati modum statueret, quanquam iniquè appellanti Donato deferri ab Augusto sustinuit: certus id apud probos nihil auctoritati suæ apostolicæ detracturum, et profuturum fortassè ad hominum contundendam temeritatem. Et verò apud Augustum nihil inde pontificio honori derogatum esse manifestum faciunt ejus litteræ ad Chrestum: agnoscit in iis, quam iniqua esset ea Donati poscentis appellationem petitio. Quare etiam, ut Optatum testatur lib. 1, ad appellationis injectam memoriam, ita pius imperator respondit: *O rabida furoris audacia! sicut in causis gentilium fieri solet, appellationem interposuerunt!* His adde, si lubet, Cæcilianum causam, nec fidei, nec morum doctrinam respexisse. Duo namque à Donatistis episcopo integerrimo objiciebantur, primum, quod à traditoribus (sic appellabant eos qui urgente Diocletiani et Maximiniani Herculei persecutione, pœnarum metu sacros codices igni exurendos tradebant) in episcopum initiatus fuisset; alterum, quod eum persecutionis ejusdem tempore esset diaconus, martyribus in vinculis positus alimoniam afferri prohibuisset. Poterat itaque sententia dicta Romæ in generali concilio excuti, non quidem jus in papam exercendo, sed in unum Cæcilianum questionem habendo, nimirum an ab Ecclesia etiam universâ, qualem adhuc papa agnoverat, innocens et procul à labe habitus esset.

GRÆCOS. Quam ægrè tibi assentior, cùm à papæ sententiâ appellationem institui posse pernegas! sanctione sit eorum sententia quam persona? de personis verò ipsis Marcellini atque Sixti III pontificum judicatum esse novimus; cur non igitur et de sententiis?

LATINI s. Neque de sententiis, neque de personis pontificum vero judicio agitari posse, pro certo habeo. Da enim, si potes, pontificis judicem; eum utique nullum privatum dices, quin neque provinciale quodquam concilium; generale verò cùm et iudici, et gubernari, et

confirmari per papam debeat, non assequor, ut de eodem, aut in eundem ferre possit sententiam. Si tibi vacat, lege, quæ Duvalius doctor Sorbonicus lib. 4 in hanc rem scripsit. Quæ de Marcellino in Sinuessano, et de Sixto III Romano in concilio judicatis, narrantur, meritò eruditè inter commenta accensent, multisque argumentis id ostendunt Papebrochius in comatu Chronico Hist. ad cat. Ponticum, Alexander Natalis, atque Pagius ad annos 502 et 453, ad quos me remitto, ne actum hęc agam. Abstinere tamen me nequeo quin dicam vel acta ipsa earum synodorum, si vera sint, supremam Romanorum pontificum auctoritatem inculcentissimè testatam facere: etenim Sinuessana ipsa synodus dixisse fertur Marcellino: « Tu eris iudex, ex te enim « damnaberis, et ex te justificaberis, tamen « in nostrâ præsentia....; nemo enim unquam « iudicavit pontificem, nec præsul sacerdotem « suum, quoniam prima sedes non iudicatur « à quoquam. » Et in Romanâ synodo Maximus exconsul dixisse fertur: « Non licet adversum « pontificem dare sententiam. »

Græcus. His synodorum pulcherrimis sententiis, sed incertæ dubiæque fidel, si certiora in eundem sensum testimonia substituas, controversiam omnem de primatu Romani pontificis definivisti.

Latines. Quatuor testimonia partim summorum pontificum, qui in magnâ apud vos veneratione habentur, partim synodorum de

ipsis proferam in medium, ut causæ finem imponamus. Gelasius I, in Commonitorio ad Faustum, sic loquitur: « Ipsi sunt canones qui « appellationes totius Ecclesiæ ad hujus sedis « examen voluere deferri, ab ipsâ verò nus- « quàm prorsus appellari debere sanxerunt: « ac per hoc illam de totâ Ecclesiâ iudicare, « ipsam ad nullius committere iudicium, nec « de ejus unquam præceperunt iudicio iudicari, « sententiamque illius constituerunt non oportere dissolvi. » S. Leo ad episcopos provinciæ Viennensis occasione Hilarii Arelatensis: « Nobiscum, ait, vestra fraternitas recognoscat, Apostolicam sedem pro sui reverentiâ « à vestræ provinciæ sacerdotibus esse consul- « tam, et per diversarum, quemadmodum veteris consuetudo posebat, appellationem causarum, aut retractata, aut confirmata esse « iudicia. » Denique sub Leone III, synodus ex Italia Galliæque conflata episcopis in hunc modum dixit: « Nos sedem Apostolicam, quæ « est caput omnium Dei Ecclesiarum, iudicare « non audeamus; nam ab ipsâ nos omnes, et « vicario suo iudicamur, quemadmodum et antiquitus mos fuit. » Nempe didicerant à Patribus synodi V Romanæ sub Symmacho olim celebratæ, cujus id pronuntiatum erat: « Prima « sedes à nemine iudicatur. Aliorum fortè hominum causas Deus voluit per homines terminare; sedis istius præsullem suo sine questione reservavit arbitrio. »

## CAMI VITA.

Camus (Petrus), Parisiis natus 1582, viginti et sex annos vix attigerat, cum ad Bellicensem erectus episcopatum, à B. Francisco de Sales inauguratus est. Episcopo Genevensi vixit diu familiarissimus, etsi indole admodum dissimilis. Quippe qui extimam Francisci mansuetudinem optimè laudavit ac depinxit, zelo non semel asperiori incendebatur. Præterea nescio quâ in monasticos ordines fervebat inimicitia, neque unquam ab iis lacessendis temperavit: mirum profectò, si attendatur quoties

monachi de religione christianâ benè meritè sint. Cæterùm pietate pariter ac doctrinâ insignis præsul extitit. Complurima tenuit volumina; nonnulla inanibus scæntiæ neniis, nonnulla verò sunt maximi, inter quæ 1<sup>o</sup> opus inscriptum: *Esprit de saint François de Sales*, 6 vol. in-8<sup>o</sup>; 2<sup>o</sup> opusculum cui titulus: *Approprinquatio Protestantium ad Ecclesiam Catholicam Romanam*, typis sæpè recusum, quodque à *Thesuro theologico P. Zaccarix* depromptum denudè recudimus.

# APPROPINQUATIO PROTESTANTIUM

## AD ECCLESIAM CATHOLICO-ROMANAM;

*Ubi demonstratur, quàm facillimè conciliari possent adversantium placita ex sobriâ et pacificâ discussione eorum dogmatum, de quibus tam acriter controversitur.*

### CAPUT PRIMUM.

*De fundamento fidei.*

Docent cum catholicis protestantes, objectum formale fidei esse Deum, tanquam veritatem revelantem, objectum verò materiale, esse articulos fidei, qui nobis proponuntur, ut credamus. Docent, articulos fidei esse in symbolo, quod dicitur apostolicum, sanctis Scripturis veteris ac novi Testamenti planè consentaneum. Atque hoc ipsum symbolum, per veteris Ecclesie symbola, quale est Nicænum et Athanasianum, fuisse declaratum et explicatum.

Agnoscutur utrinque pronuntiatum Apostoli: *Fides ex auditu, auditus autem per verbum Christi* (Rom. 10, 17); quod intelligitur de verbo Christi prædicato: nam, ut ibidem dicitur: *Quomodo invocabunt, in quem non crediderunt? Aut quomodo credent ei, quem non audierunt? Quomodo autem audient sine prædicante* (vers. 14, 15)? Hanc prædicationem debere esse conformem S. Scripturæ, nullus dubitat: nam quicumque vellet sanctis Scripturis contradicere, ei opponeretur istud apostolicum: *Licet nos, aut angelus de celo evangelizet vobis præterquam quod evangelizavimus vobis, anathema sit* (Galat. 1, 1). Omnes itaque in eo conveniunt, quòd fundamentum immobile et immutabile fidei nostræ consistat in veritate Dei revelantis, qui nec fallere, nec falli possit.

### ANIMADVERSIONES.

Calvinistæ in suâ fidei confessione: « Proferentur, inquam, symbola tria, scilicet Apostolorum, Nicæne synodi, et Athanasii, quia Dei verbo conformia sunt. » Porro inutile fuerit hoc loco animadvertere theologos tum ex catholicis, tum ex protestantibus non paucos esse, qui putent Apostolorum, et S.

(1) Quod opuse, hic dabimus secundum editionem illustriss. fratrum de Walemburch in Tract. special. de Controvers. Fidei, nonnullis additis Zaccarie animadversionibus.

Athanasii symbola reverè eorum non esse quorum nomina præ se ferunt; satis nimirum est ea quidem utrorumque sententia in religionis negotio genuina monumenta esse, atque his sanè in suis contra recentiores anti-trinitarios disputationibus protestantes utuntur. At dum Calvinistæ in suâ fidei confessione addiderunt ea se propterea recipere, quòd Dei verbo conformia sunt, non satis secum ipsi reputarunt, se obijciendi occasionem anti-trinitariis præbere, Nicæni concilii, et S. Athanasii symbola cum hoc ipso divino verbo non omninò congruere. Quamobrem ea brevior tutiorque via est, ut ejusmodi symbola absque ullâ restrictione cum catholicis suscipiantur; alioquin æternis litigiis campus patebit. Profectò catholici æquè ac protestantes horum symbolorum doctrinam omninò sacræ Scripturæ consentaneam judicant; verùm haud cum his aiunt ea sibi prolati, quòd eidem consentent. Itaque Dallæus magis nominis Caracconius minister, postquam suæ fidei articulos ostendit ex Billis in libro cujus titulus: *Fides sacræ Scripturæ nixa*, hæc addit, parte 3, pag. 128: « Facilè ostendi potest hæc fidei capita, quæ hactenus ex Scripturâ demonstravimus, christianorum prorsus omnium communia esse. Ea veteres suis in symbolis et conciliis explicuerunt, et in bono lumine collocarunt; neque verò mutationes, quâcumque tandem in eorum religione contigerunt, impedimento esse potuerunt, quominus eadem à recentioribus retinerentur. » Ita quidem additur Scripturæ traditio; quibus duobus principiis positis, protestantes cum romanâ Ecclesiâ conciliari facilè poterunt.

### CAPUT II.

*De requiâ fidei.*

Docent cum catholicis protestantes S. Scripturam esse certissimam, firmissimam in-

fallibilem et necessariam regulam fidei : quæ auctoritatem suam à Deo acceperit, inspirante verbum suum prophetis, apostolis et auctoribus canonicis.

Sed quaeritur, an S. Scriptura sit sola fidei regula, ita ut nihil aliud sit agnoscendum tanquam regula. Negant protestantes, aliud quiddam esse admittendum; affirmant catholici. — Ex S. Scripturâ probare non possunt protestantes, sacra biblia esse solam fidei nostræ regulam cum exclusione cujuscumque alterius. Catholici autem probant, etiam verbum Dei non scriptum pro regulâ admittendum esse, dicente Apostolo : *Itaque, fratres, state, et tenete traditiones quas didicistis, sive per sermonem, sive per epistolam nostram*, 2 Thess. 2. 15.

Verùm, quia hæc quaestio integrè dependet à materiâ traditionum, hic longiores non erimus.

#### ANIMADVERSIONES.

Agnoscent catholici regulas duas, quibus fidei, quam profitentur, articuli ad unum omnes nituntur. Prima quidem et præcipua sacra Scriptura est, quæ juris regula dici potest, quia sacris profectò libris christiana religio nititur. Hoc de principio inter protestantes omnes cum catholicis convenit. Altera regula, quæ traditio est, facti regula nuncupari potest, quia licet perinde ac Scriptura dogma contineat, eâ tamen ita solùm Ecclesia utitur, ut ecclesiarum ad varia tum loca, tum secula pertinentium sententias et consuetudines conferat. Quamvis autem traditio nihil nisi humanum complecti protestantibus videatur, quia non nisi factis innititur, ejus tamen æquè ac sacra Scripturæ fundamentum revelatio est, quia scilicet homines, quorum auctoritate nititur, eorum, quæ in ipsorum libris occurrunt, auctores propriè non sunt; sed solùm fidei sunt testes, quæ in Ecclesiâ eorundem temporibus obtinebat. Atque hæc quidem significatione veri nominis traditiones cum sacra Scripturâ comparari possunt, quia nempe et ipsæ à sancto Spiritu derivantur, ac proinde quæ ex ejusmodi traditionibus argumenta ducuntur, haud minoris roboris sunt, quàm si sacris litteris sumerentur.

Evidens est hujus principii ratio. Neque enim Dei verbum eò minùs continetur, quòd ore tenus expositum, quàm quòd scripto traditum fuit, dummodò traditiones hæc non ex peculiaribus ecclesiis depromptæ sint. Maldonatus, qui veritatem hanc docte firmavit in

oratione quam olim habuit, cum theologiam Parisiis doceret, addit et illud, probationes ex his generalibus traditionibus ductas iis, quæ ex Scripturâ petuntur, propterea præstare, quòd minùs ambiguae sunt; nimirum ferè nullus est Scripturæ textus, cujus non sensus multiplex esse possit cum traditionum sensus sit unus tantùm. Hoc sanè posito, jure Veronius asseruit : *cumulatissimam et unicam catholicæ fidei regulam revelationem : divinam esse prophetis quidem et apostolis : exhibitam, ab universali autem Ecclesiâ in generalibus conciliis aut universali praxi : propositam; quiddam ejusmodi est, catholice fidei articulum seu doctrinam esse, nullamque aliam doctrinam esse catholicæ fidei articulum.* Si protestantes hæc dicta sedulò reputaverint, nihil erit, quod catholicis objiciant, injuriam inferri Dei verbo, quòd eò scilicet adigitur, ut quodam modo ab hominum auctoritate pendeat. Illi enim homines fidei nostræ auctores non sunt, sed eorum solùmmodò rerum testes, quæ ab apostolorum temporibus in Ecclesiâ creditæ fuerunt.

Certum est protestantes sæpè non posse, quin ad aliam regulam, præter sacram Scripturam confugiant. Calvinus in libro, quem contra anabaptistas scripsit, ad veteris Ecclesie consuetudinem confugit, ut baptismum firmaret, qui pueris confertur. Qui porro ex protestantibus non nihil ingenuo animo sunt, bonâ fide fatentur, id moris ex evangelistarum et apostolorum scriptis ostendi non posse; ac proinde regulam aliam, præter Scripturam, agnoscant, omninò necesse est. Dubio procul antequàm nullus novi Testamenti liber in lucem editus esset, aderant institutæ plures ecclesie; quæ quidem ecclesie apostolicas traditiones depositi quali titulo custodiebant, quarum nullæ tantùm, prout se multiplex occasio obtulit, non autem ut una et unica fidei nostræ regula essent, deinceps scriptæ fuerunt. Quamobrem priores Ecclesie Patres ad præcipuarum, quas apostoli instituerant, Ecclesiarum fidem in suis adversùs hæreticos disputationibus confugerunt. Qui porro inter protestantes primas tenent, libentè animo traditiones suscipiant, prout hæc quidam exposite sunt, utpote quæ universali Ecclesiâ nituntur.

#### CAPUT III.

##### De sacra Scripturâ.

Constat inter catholicos et protestantes,

originalla scripta prophetarum et apostolorum non superesse, et eorum scriptorum esse copias, quibus nunc utimur. In his autem describendis et imprimendis varias esse causas difficultates et confusiones, nullus dubitat.

Nunc mundus translationibus variis est repletus; et quamvis aliæ sint aliis meliores, quis tamen asserat ullam esse, cui nihil omninò imperfectionis adhæserit? His non obstantibus, fatentur nobiscum protestantes, Deum virtute suâ conservasse suum verbum veteri et novo Testamento comprehensum, licet de nonnullis sit aliqua difficultas.

#### ANIMADVERSIONES.

Quod auctor, ad autographos sacræ Scripturæ textus quod attinet, pro certo ponit, id æquè catholicis et protestantes suscipiunt. Equidem satis habeo novi potissimum Testamenti libros attingere. Sanè convenit jam inde à primis Ecclesiæ seculis non parùm varietatis inter græca exemplaria exitisse, quemadmodum ex Origenis et S. Hieronymi testimoniis ostenditur. Ac licet genevenses doctores harum varietatum plerasque in suis in vulgares linguas versionibus suppresserint, ne exiguo gregisuo scandalum afferrent, Beza tamen in latinis, quas super novo Testamento edidit, adnotationibus, hæc in re se satis liberè explicuit. Longè maximum quippe variarum lectionum numerum in medium affert, productis manuscriptis codicibus, è quibus easdem deprompsit; atque adeò quas vetus latinus interpres secutus est, eas non nunquam communi vulgatoque græco textui, quem protestantes *Exemplar* nuncupant, antepōnit.

Angli varias lectiones omnes, quas quidem invenire potuere, collegerunt, suæque Polyglottæ tomo sexto inseruerunt, atque in novi Testamenti, quod in-8°, anno 1675, Oxonii impressum fuit, omninò græcâ editione protulerunt. Ex eorum doctoribus unus diù ad novam in-folio editionem incubuit, quæ varias ejusmodi lectiones plures complectitur, quàm antea prodierant.

Saubert, inter germanos lutheranos doctus criticus, anno 1672, variarum S. Matthæi lectionum excellentem et ipse collectionem edidit, cui eruditam præfationem addidit, in quâ de novi Testamenti variis exemplaribus scitè loquitur. Ut verbo expediam, protestantes, è quacumque tandem sectâ fuerint, fateri

non pudet, biblica exemplaria, ad quæ suam ipsi fidem exigunt, mutationibus obnoxia fuisse, de quibus hoc loco Bellicensis episcopus verba facit. Ex catholicis P. Amelotus Oratorii presbyter nihil obesse credit, quominus in adnotationibus, quas novi Testamenti suæ gallicæ versioni addidit, complures Græcorum exemplarium varietates produceret.

Quod etiam ad varias sacræ Scripturæ translationes spectat, protestantes inter et catholicos convenit eas esse benè multas, atque adeò magnoperè inter se quocumque demùm sermone differre, earumque nullam occurrere, quæ à mendis prorsus exempta sit. Romanæ ecclesiæ præstantissimi quique theologi non eunt inficias S. Hieronymum, qui latinæ editionis auctor est, quæ in nostris ecclesiis (potiore saltem ex parte) legitur, nec prophetam fuisse, nec falli nescium; quemadmodum è Jesuitarum familiâ doctus scriptor Mariana luculenter ostendit in libro cui titulus: *Pro Editione vulgatâ*; cui plures alii theologi, vel in Hispaniis ac Lusitaniâ, subscripserunt. Denique super vulgatæ versionis negotio, quam Trid. conc. authenticam declaravit, præcipui romanæ ecclesiæ scriptores cum protestantium præstantissimis omninò conveniunt. Non ea quippe concilii mens fuit, ut biblicis exemplaribus textibus eandem præferret, quemadmodum aptè cardin. Pallavicinus in suâ concilii historiâ post Jesuitarum theologorum doctissimos animadvertit. Ita quidem omnes controversiæ, quæ super hæc re excitatæ sunt, inutiles evadunt, ac nulla eorum habenda ratio, quæ nonnulli alii ejusdem societatis theologi proposuerunt, quibus sanè Lainesius, qui Tridentino concilio interfuit, Serarius et Mariana plurimum præstant. Quod enim aiunt, nonnisi protestantium pertinaciam agere potest, cùm contra præstantissimorum romanæ Ecclesiæ theologorum receptâ sententiâ, protestantes cum catholicis omninò consentiant.

Jure etiam ac meritò Bellicensis episcopus magnam, quæ in variis antiquarum versionum exemplis occurrit, varietatem animadvertit. Una græca versio Septuaginta, quæ plurimum seculorum spatio per universam Ecclesiam obtinuit, huic rei evidenti argumento est. Quod autem ad Latinam nostram editionem spectat, variæ Roberti Stephani, Hentenii, et Lovaniensium doctorum editiones, in quibus hæc variæ lectiones ad marginem positæ

sunt, evidenter ostendant, quantum exemplaria inter se discrepent. Franciscus Lucas Brugensis criticus peritus eximium opus super his varietatibus elaboravit, quod Antuerpiae in 4°, anno 1580 typis editum fuit hoc titulo: *Notationes in sacrâ Bibliâ, quibus variantia discrepantibus exemplaribus loca summo studio discutuntur. Has ipsas adnotationes ad latinâ, quam edidit, Scripturâ calcem Lovanenses doctores addiderunt; at post postremas, Sixto V et Clemente VIII Ecclesiam administrantibus, animadversiones, quas strenui censors Romæ concinnârunt, Vulgata non ampliùs cum his varietatibus editur, easque docti tantùm homines consulunt. Eas Mariana penè omnes exscripsit in schollis quæ in Biblia publici juris fecit. Sacrarum litterarum studiosis utilis ducitur harum Lucæ Brugensis adnotationum lectio, earumque præterea, quæ ab ipso in Græcum et Latinum quatuor singillatim Evangeliorum textum elaboratæ, anno 1606 unâ cum ejus commentario prodierunt. Cæterum fuit, cur Bellicensis episcopus adderet, varietatem hanc tantam non obstatisse, quinimò sacra Scriptura semper sarta tecta persisteret, quia scilicet eæ variae lectiones nullius omninò momenti sunt, neque ea, quæ ad finem ac mores referuntur, afficiunt.*

#### CAPUT IV.

##### *De libris canonicis et apocryphis.*

In hoc negotio protestantes plurimùm accedunt ad sententiâ Ecclesiæ catholicæ. Quamvis enim lutherani, initio ortûs sui, in dubium revocaverint Apocalypsin S. Joannis, Epistolam S. Jacobi, et Epistolam ad Hebræos, nunc tamen ea omnia admittunt: atque ita in hoc negotio pax est.

Quoad vetus Testamentum, acceptant protestantes canonem Judæorum; sed non putant catholici post annuntiatum Evangelium velle judicare protestantes; vel synagogam resuscitare, quam apostoli cum honore sepelierunt. Dicunt, eos libros, quos statuunt apocryphos, non fuisse agnitos in concilio Laodiceno. Catholici ostendunt, eos fuisse agnitos in tertio concilio Carthaginensi, à S. Augustino aliisque Patribus et concillis.

Facile protestantes acquiescerent, si considerarent, fuisse dubitatum de quibusdam libris, usque ad concilium Carthaginense, quod anno 397 celebratum est. Ipsi enim agnoscentibus paritatem quatuor primorum œcumenorum, fieri non potest, ut decretum

ejus concilii rejiciant; nisi præferendo judicium suum particulare iudicio Ecclesiæ, quod adversatur consuetudini protestantium, dum volunt particulares acquiescere iudicio synodi, et ministros signare acta synodi, cum declaratione submissionis.

##### ANIMADVERSIONES.

E gravissimis est caput hoc, latiusque proinde explicandum, quò clariùs distinctiusque protestantes intelligant nullum sibi firmum et constans principium esse, quod ad sacræ Scripturæ canonicos libros spectat. 1° Certum est Epistolam ad Hebræos, S. Jacobi Epistolam, alteram S. Petri, S. Judæ Epistolam, et Apocalypsin, tanquam canonicos ac divinos libros, à Luthero ac nonnullis ejus discipulis receptas non fuisse. At jamdiu est, quod lutherani has omnes epistolas, atque adeò Apocalypsin in sacrarum novi Testamenti librorum codicem referunt, ut ex eorum biblicis editionibus tum latino, tum germanico sermone concinnatis licet intelligi. Calvinistæ quoque ac zuingliani hæc in re cum catholicis sentiunt; ut proinde super hoc negotio Romanos catholicos inter et protestantes nulla in præsentia disputatio sit. Sociniani ipsi, qui christianam religionem propemodum everterunt, novi Testamenti libros omnes, tanquam æquè divinos canonicosque suscipiunt. Faustus Socinus eorum signifer, opusculum edidit inscriptum: *De sacræ Scripturæ auctoritate*, in quo horum omnium librorum divinitatem probat. Exiguus liber hic primùm quidem typis editus fuit, ut ex titulo constat, Hispali, anno 1588, Dominici Lopez Jesuitæ nomine: « De auctoritate Scripturæ sacræ per R. P. Dominicum Lopez societ. Jesu, Hispali, apud Lazarum Ferrerium. » Possevinus, Algambus, et Sotuel inter suæ societatis scriptores hunc Dominicum Lopez, qui Faustus Socinus est, retulerunt.

2° Animadversione dignum fuerit, cum protestantes, tanquam divinos et canonicos libros, epistolas, de quibus supra, semel receperint, nihil esse, cur veteris Testamenti libros, quos apocryphos nuncupant, omninò rejiciant. Quod enim contra posteriorum auctoritatem proferunt, æquè priores impetit, quos haud initio statim plures ecclesiæ receperunt. Hæc addendum, quæ difficultates à protestantibus in libros Esther, Judith, Machabæorum, etc., propositæ sunt, eas iisdem de causis in Paralipomenon quoque libros, quos ipsi tar-



quàm divinos et canonicos cum catholicis omnibus recipiant, institui posse. Hi enim posteriores libri quoad historiam complura capita cum his difficillimè conciliari possunt, quæ in Samuelis et Regum libris leguntur, ob eam scilicet causam, quòd nobis haud satis veterum librorum suppetit, ut his difficultatibus occurramus.

3° E re est animadvertere *apocryphi* vocabulum, quod in præsentia vulgò pro *falso*, seu *supposito* accipitur, nihil aliud ab origine quàm *occultum* significare. Penes Hebræos fuere librorum genera duo, quorum alios, qui nempè *occuli* abdi.que erant, *apocryphos*, cæteros autem ad publicam institutionem, et ut omnibus regulæ loco essent, in lucem editos catholicos nominarunt. Quamobrem fieri potest, ut qui libri initio quidem apocryphi seu occulti fuere, deinde canonici evadant, cum publici juris fiunt, ut populo regulæ et eruditioni sint. In Regum et Paralipomenon historiis de quibusdam libris sermo est, qui propriè in canonicorum librorum numero collocari non possunt, quia publici effecti non fuerunt.

4° Frustra Raynoldus Witaker, alique non pauci inter protestantes doctrinâ celebres Romanis catholicis catalogos sacrorum librorum à concilio Laodicæno, à Melitone, à S. Cyrillo Hierosolymitano, etc., allatos opponunt. His enim objeci possunt alii catalogi, qui nec minùs antiqui, nec minùs probati sunt, in quibus existunt libri, quos illi apocryphos nuncupant : ut proinde cum traditio, quoad caput hoc, universalis non sit, nihil inde concludere possint. Huc accedit Melitonenem, cujus adeò jactatur antiquitas, haud accuratum videri ; quippe qui librum Esther in suum catalogum non retulerit, qui tamen in Hebræorum canone reperitur. Ecclesiæ porò romana, alexandrius, africana pro libris verè divinis et canonicis eos habuerunt, quos inter apocryphos protestantes rejiciunt. S. Cyprianus, S. Augustinus, Innocentius papa I et Africanum quoddam concilium (quodnam fuerit, haud satis constat) hujus veritatis fideles testes sunt, et ad Alexandrinam quidem ecclesiam quod attinet, ejusdem rei evidentiam complura argumenta occurrunt in S. Athanasii operibus, in quorum numero nec liber *Synopsis* dictus, nec Festalis Epistolæ fragmentum, quæ ei tribuuntur, poni debent. Hæc cum ita se habeant Tridentinis Patribus satis gravia monumenta præstò fuerunt, ut libros, quos prote-

stantes apocryphos nominant, divinos et canonicos declararent ; nixi quippe fuèro trium, quibus in universo terrarum orbe nulla præstantior, ecclesiarum auctoritate. Facendum tamen in ecclesiâ romanâ, vel post Africani concilii definitionem, celebres scriptores non paucos, et inter alios S. Gregorium Magnum eorum, de quibus agitur, librorum nonnullos in divinarum Scripturarum album non retulisse. Quà in re S. Hieronymum potiùs, quàm S. Augustinum secuti sunt. At post Tridentini concilii decretum, non amplius in romanâ ecclesiâ de horum librorum auctoritate dubitari licet.

5° Sanè protestantes in suorum bibliorum corpus eos libros referunt, quos apocryphos vocant, verùm non eos tanquàm divinos spectant, quos propterea in peculiari classe collocant. Cùm tamen ad suorum bibliorum marginem textus his respondentem indicant, eos, quos apocryphos esse contendunt, perinde indignant, ac si ab apostolis laudati fuerint. Episcopales anglicani suis in ecclesiis eos æquè ac canonicos libros legunt ; at his calvinistæ ac presbyteriani hoc ex capite litem intentant, quippe qui pati nequeant Anglicanam ecclesiam his in liturgiâ eundem ac cæteris sacræ Scripturæ libris locum concedere.

## CAPUT V.

### *De traditionibus.*

Duplex statuitur traditio : apostolica et ecclesiastica. Ecclesiasticas traditiones admittendas esse, necessariò nobiscum tenent protestantes, qui ordinationes et constitutiones pastorum suorum, disciplinas ecclesiasticas comprehensas, unanimiter admittunt. Tales autem constitutiones vocant catholici traditiones ecclesiasticas. Illic ergo pax est.

Non negant protestantes, quin Deus plura revelaverit, quàm libris scriptis, quos nunc habemus, contineantur : agnoscunt enim communiter, aliquos sacræ Scripturæ libros interuisse, et Christum Jesum multa dixisse, quæ non sunt scripta. Imò dicit Zanchius : « Nonnullas verò per apostolos traditiones in Ecclesiâ institutas et relictas fuisse non scriptas, ego non dubito, quanquàm non omnes ad nos promanarunt. » Neque in hoc alii dissentiant. Agnoscunt protestantes, esse baptizandos parvulos : quod tamen ex traditione apostolicâ haberi docet S. Augustinus. Agnoscunt protestantes, illos, qui ab hæreticis baptizati sunt, non esse rebaptizandos : quod

similiter ex traditione apostolicâ descendere docet S. Augustinus lib. 2. de Baptis. contra Donat., cap. 7, pag. 42, A. Nobiscum docent protestantes, ipsam S. Scripturam haberi ex traditione apostolicâ ecclesiis necessariâ, uti docet Zanchius et alii. fidem fatentur, in baptismo quædam verba esse pronuntianda: quod quamvis probabiliter ex S. Scripturâ possit desumi, nullo tamen argumento necessario probari potest. fidem recipiunt abrogationem legis de suffocato et sanguine, de quo legimus in Actis Apostolorum, quæque abrogatio ex solâ derivatur traditione. fidem agnoscunt sanctificationem diei Dominicæ ex traditione apostolicâ non scriptâ. Calixtus, Epit. theol. in proleg., pag. 45; Zanchius, de Tradit. Thess. 1.

Non ergo est quæstio, an agnoscendæ sint traditiones apostolicæ. Quis enim tam esset inverecundus, ut diceret, apostolorum scriptis adhibendam esse fidem, non verbis?

Sed dicunt protestantes, « non dari traditiones omnibus necessarias, » ubi, si hoc velint, sacram Scripturam sive explicitè, sive implicitè illud totum continere, quod omnibus est necessarium ad salutem, catholicos habebunt consentientes. Verùm inter utrosque facillè convenit, sacram Scripturam non completi verbis expressis aut æquivalentibus, in sensu evidenti et necessario, quicquid omnibus est necessarium ad salutem. Idèoque fatentur nonnulli protestantes, opus esse consequentis et interpretationibus; catholici etiam fatentur, verum sensum necessariorum accipiendum esse ex traditione. Ita difficultas tota in hoc terminatur: an privatis cujuscumque interpretationibus et consequentis, quæ omnibus necessaria sunt, ex SS. Scripturis stat determinanda; an verò per traditionem apostolicam, ab ecclesiis acceptam, in ecclesiis conservatam, per concilia generalia et praxim universalis Ecclesiæ propositam?

Judicent domini protestantes, quid sit æquius, quid certius, quid solidius, vel privatis interpretationibus et consequentis fidere, vel consentienti auctoritati, inde ab apostolis ad nos usque pervenienti.

#### ANIMADVERSIONES.

Inter omnes sectarios arminiani novique anti-trinitarii traditionibus, his ipsis, quæ in Ecclesiâ maximè universales sunt, pertinacissimè refragaster, qui tamen, cùm de sacrorum librorum auctoritate probandâ agitur,

coguntur cum catholicis ad veterum ecclesiarum testimonia, et quod inde consequitur, ad traditionem confugere. Calvinistas ferre non possunt, qui in suâ fidei confessione, art. 4, dicunt: « Fatemur hos libros canonicos et fidei nostræ regulam esse, non tam ob Ecclesiæ conventionem, consensumque communem, quàm ob testimonium sensumque intimum Spiritûs sancti, qui efficit, ut à cæteris ecclesiasticis libris eos discernamus. » Sensus hic intus vera illusio est. Ex aliâ parte Belgici calvinistæ optimè perspexerunt fieri sine traditione non posse, ut religio prorsus integra servaretur. Arminianis enim, in disputationibus cum his habitis, exprobrârunt eos pyrrhonismum inducere, qui se fidei confessionibus, quæ statuta fuerant, subdere nollent. Arminiani contra responderunt se quidem non aliâ ratione his confessionibus subscribere posse, quàm repudiandis reformationis principis, et calvinistas ipsos ita objicere non posse, cùm Patrum et conciliorum auctoritati, unoque verbo universæ antiquitati nuntium remisissent. Quod evidenter ostendit, ut sospes et incolumis religio servetur, omninò ad veras traditiones confugiendum esse.

Quòd si protestantes sedulò expendere velint, quâ demùm in re vera traditio in romanâ ecclesiâ constituatur, catholicos hæc sanè in re alter atque ipsos sentire comperient. Haud leviter hæc in ecclesiâ creditur, quidquid auctores nonnulli tanquam traditionem venditant. Regulae suppetant, quarum ope quod reapse traditio est, ab eo quod non est, distinguatur. Has regulas Vincentii Lirinensis opusculum explicat, quod pari in pretio catholici ac protestantes habent. Hi porrò aut saltem eorum aliqui falsò catholicis exprobrârunt, eos, Ecclesiæ traditiones firmandi specie, eidem nova dogmata edendi facultatem tribuere, cùm tamen, inquit Beza, adnotatione in Epistolam 1 ad Tim., cap. 3, v. 15, hæc dogmata non ipsa edat, sed tanquam testis custodiat ac servet, « cùm Ecclesia nec procreatrix, sed testis sit duntaxat, alitrix et conservatrix veritatis inter homines. » Catholici theologi et ipsi agnoscunt in Ecclesiâ potestate non esse novos fidei articulos condere; ipsam solummodò posse eos juxta traditionem ejusmodi declarare. Hoc principio nixus Holdenius, in suâ fidei Analysis, episcopos in conciliis congregatos fidei tantùm testes, non autem auctores esse pronuntiat; « testes non conditores. » Doctus hic parisiensis theologus

addit verè catholicum ac probè religione imbutum neminem esse, qui audeat contra sentire : « Articulorum fidei conditores eos nemo verè catholicus et perspicax adstruere audeat. » Hinc illud consequens fit catholicos et protestantes æquè traditionum veritatem agnoscere, et controversiam, quæ super hoc negotio inter eos est, non aliunde derivari, quàm quòd animum non satis intendant. Suam Holdenius sententiam his S. Augustini verbis confirmat : « Christus præscripsit, ea nemo audet variare; » ex quibus concludit ab Ecclesiæ auctoritate absolutèque potestate nequaquam pendere, ut divinam seu revelatam veritatem vel tantillum immutet. Longum ergo latumque discrimen divinas inter et humanas traditiones ponendum est. Priores tantùm fidei veros articulos statuere possunt. Quod in causâ fuit, ut Veronius assereret, « nullas revelationes post Apostolorum tempora sancto cuiuspiam viro inspiratas, in Sanctorum vitis contentas descriptasque, ac nulla miracula, in iisdem vitis relata, tanquàm catholicæ fidei articulos credenda esse, quamvis hæc omnia miracula, vitas, facta, revelationes memoriæ prodiderint sancti viri, ut S. Hieronymus, S. Athanasius, S. Augustinus, S. Gregorius M. aliivè gravissimi auctores, aut concilla etiam generalia, retulerint ac firmaverint. »

Jam verò ad illationes quod spectat, quæ per ratiocinationem è Scripturâ ducuntur, Bellicensis episcopus protestantes optimè monet eas Scripturæ æquivalentias, ut vocant, esse non posse, quia peculiaribus opinionibus tantùm nituntur. Et sanè unaquæque secta à lutheranæ ortu se fidei suæ essentialia articulos in Scripturâ clarè ac distinctè videre, aut saltem inde per immediatas et necessarias consecutiones deducere putat; at eandem tamen sectæ inter se acerrimè digladiantur, cum de ejusmodi arrogatorum essentialium articulorum numero statuendo agitur. Arminiani, qui è calvinistis orti sunt, eos ad longè minorem, quàm hi, numerum redegerunt. Unitarii quoque eorum numerum imminuerunt, ipsosque prope funditùs everterunt.

## CAPUT VI

### *De perfectione sacræ Scripturæ.*

Existimant protestantes, apud catholicos accusari S. Scripturam imperfectionis et insufficientiæ, quia hi admittunt traditiones; sed si perpendere, sese ipsos agnoscere, &c.

Scripturam ex traditione, et admittere varias traditiones, non hoc in catholicis accusearent, quod in semetipsis tenentur defendere. Imò ipsi potius accusant S. Scripturam, quasi non ad traditiones non remitteret, cum tamen ad traditiones apertissimè remittatur, ipsique varias admittant traditiones.

Utrinque agnoscitur, quòd S. Scriptura, sive explicitè, sive implicitè, illud omne continet, quod ad salutem necessarium est. Ut autem ex implicitis illud eruatur, quod explicitè credendum est, et ut sensus verborum necessarius securè et absque periculo erroris teneatur, volunt protestantes unumquemque hominem, invocato Spiritu sancto (quantùmvis fateatur se errare posse) ex sacro textu determinare credenda, neque in hoc fidere ulli auctoritati ecclesiasticæ, sed tantùm suæ ratiocinationi et interpretationi, quam sibi persuadeat lumine Spiritus sancti certè dirigi; eidemque determinationi committere salutem suam æternam vel damnationem æternam. Volunt autem catholici, neminem securè rem tantam privatæ determinationi committere; sed sensum S. Scripturæ accipiendum esse ex traditione apostolicâ, Ecclesiæ commendatâ, per Ecclesiam propositâ. Quocirca immeritò accusantur catholici, quasi S. Scripturam staterent imperfectam, cum traditiones ipsa S. Scriptura confirmet, nec aliud sint ex traditiones, quàm verbum Dei non scriptum, parè cum verbo Dei scripto auctoritatis et veritatis, quale verbum Dei ipsi protestantes in nonnullis agnoscunt. Et multò magis censendi sunt S. Scripturam accusare imperfectionis, quibus verbo Dei scripto et verbo Dei tradito non potest satisfieri, ut homines inveniant quod ad salutem obtinendam sufficiat, nisi unusquisque addat suas privatas et fallibiles consequentias, quæ nomen verbi Dei non merentur.

Verùm quia utrinque in confesso est, S. Scripturam, sive explicitè sive implicitè hoc totum continere quod homini sufficit ad salutem, non est necesse huic accusationi depellendæ ulterius insistere.

## ANIMADVERSIONES.

Protestantes, qui catholicos arguunt, quasi sacris litteris haud obsequii satis exhibeant, iis sanè injuriam irrogant. Eas quippe Romani catholici æquè atque illi tanquàm purum Deum verbum spectant; ac si traditionem in earum societatem vocant, traditio hæc ipsa non

aliquid humani est, quemadmodum è superioribus sectionibus liquidò constat. Protestantes ipsi, siquidem suis stare principiis velint, dogmata rejicere nequeunt, quæ universali ecclesiarum consensu, ab apostolis ad nos usque, nisi pro certo ponitur. Jam protestantium plerique propterea falluntur, quòd veras probatasque traditiones haud satis animo reputant; nimirum de his tantum sermo est. Quæ quidem in re à romanæ ecclesiæ theologis omnino non distant, qui se nullum fidei articulum suspicere profitentur, quin revelatione nitatur, et quod inde sit consequens, deinceps ab apostolis ad nos pervenerit. Id sanè Høldenius, in suâ fidei Analysi, axioma penes omnes catholicos certissimum vocat; ut proinde, inquit theologus hic, quod non hæc ratione ad nos usque pervenit, divini juris esse non possit: « Quodque sub hæc methodo seu tenore non est transmissum et communicatum de seculo in seculum, nec juris est divini, nec immutabilis. » Non ergo Scripturæ derogatur, dum ei traditio consociatur, quæ dubio procul consecutionibus præferenda est, quas protestantes ex hæc ipsâ Scripturâ ducunt, ac de quibus inter se nequaquam consentiunt. Tertullianus, Irenæus et S. Athanasius in libris quos in suorum temporum hæreses scripsere, semper hanc traditionem sacrorum librorum auctoritati junxerunt. Cùm S. Athanasius arianos confutaret, argumentis, quæ ex veteri ac novo Testamento sumebat, Patrum doctrinam addidit, eademque ratione Spiritus sancti divinitatem firmavit, ad traditionem scilicet ab apostolis ad suas usque tempora constantem confugit; denique veram catholicæ ecclesiæ doctrinam eam pronuntiavit, « quæ à Christo tradita, ab apostolis nuntiata, et à Patribus servata fuit; » quod fusiùs in S. hujus episcopi ad Serapionem epistolâ videri potest. Porrò tantquam constans et firmum habendum est evangelistarum et apostolorum scripta non nisi eorum partem complecti, quæ à Christo pereeperant. Hæc autem divina scripta meliùs intelligemus, si iis priorum ecclesiarum traditiones, veterum Patrum exemplo, addiderimus, quam si absque hoc subsidio eadem legerimus. Quod non ita accipiendum, quasi priorum Patrum testimonia apostolorum libris anteponenda putemus; id unum volumus utrosque veluti mutuum sibi opem præbere, quodque in novi Testamenti libris obscurum est, multorum testium, qui easdem veritates

confirmant, assertionibus in meliore lumina collocari.

## CAPUT VII.

### De iudice controversiarum.

Hæc quæstio, quæ est gravissima, facill negotio expeditur, modò desit passiva universa conturbans. Assentirentur enim catholici protestantes in solidum, nisi à se ipsis dissentirent.

Notum est unicuique, aliud esse regulam, aliud operarium vel artificem, aliud esse legem, aliud esse iudicem. Qui dicunt Scripturam solam esse iudicem controversiarum, confundunt legem cum iudice; nisi per iudicem intelligant normam et regulam; et sic bono sensu admittitur apud catholicos ea propositio, quia S. Scriptura vel explicitè vel implicitè continet omnia ad salutem nostram necessaria.

Quando dicunt protestantes, à Spiritu sancto, SS. Scripturarum auctore, petendum esse verum sensum verbi divini, hoc ipsum asserunt, quod docet ecclesia catholica. Dicunt enim concilia, ad exemplum primi concilii apostolici: *Visum est Spiritui sancto, et nobis* (Act. 15); neque enim homines tant sensum Scripturæ; sed spiritus Christi, permanens cum ecclesiæ doctoribus et pastoribus usque ad consummationem seculi, et qui utitur verbi divini ministris, tanquam suis organis, docens eos omnem veritatem (Joan. 16, 3). Non itaque principaliter iudicat ecclesia de sensu S. Scripturæ, sed Spiritus sanctus in conciliis præsidens, in ecclesiâ residens, sensum verborum suorum universis ab initio declarans: quis enim novit spiritum et sensum Domini, nisi ipse Dominus litteræ, spiritus et sensus? Hinc autem patet, quantâ injustitiâ accusetur ecclesia romano-catholica, quasi homines constitueret iudices Dei et verbi ipsius; quasi homines supra SS. Scripturarum auctoritatem extolleret, cùm Spiritui sancto, in Ecclesiâ præsentî, pastoribus tanquam organis suis utenti, et sensum suum fidelibus aperienti, eam auctoritatem tribuat.

Protestantes distinguunt tria genera iudiciorum: primum est discretionis, quod unicuique competit ad probandos spiritus et discernendos, uti ad determinandum quid SS. Scripturis consentiat, quid iisdem repugnet. Secundum iudicium est auctoritatis definitivæ et supremæ, quod soli competit Spiritui sancto, cuius est sua verba interpretari. Tertium

est mixtum ex discretione et auctoritate non supremâ, cui fideles se voluntariè submittunt, juxta illud Apostoli, quòd spiritus prophetarum subjecti sint prophetis; particularium nimirum sensus, sensui communitatis et synodorum. In hisce plurimum accedunt ad sententiam ecclesiæ catholicæ, quæ primò non rejicit judicium discretionis, quia est singularis Dei gratia. Secundò, non negat Spiritum sanctum judicare de sensu S. Scripturæ, sed dicit Spiritum sanctum hoc ipsum præstare, tum in sacrâ Scripturâ, tum per pastores in concilio congregatos. Tertiò, hanc supremam auctoritatem tribuunt protestantes operationi Spiritus sancti per suas synodos, quamvis id verbo non agnoscant. Exemplum est in synodo Dordrechtensâ, ubi arminiani non volentes acquiescere judicio synodi, à functionibus suis sunt remoti, et declarati schismatici. Neque dicant judicia sua synodalia nullius obligare conscientiam, sed unicuique liberum esse ea examinare juxta Scripturas: sic enim ludicra esset eorum excommunicatio et anathematizatio adversùs eos qui per principia protestantium nullum errorem committunt; sed ulentes spiritu libertatis christianæ, tanquam spirituales omnia judicant, et nullius sese submittunt judicio. Constat itaque ex praxi catholicorum et protestantium, controversias religionis terminari per synodos et concilia, atque hæc proponere sensum sacræ Scripturæ à subditis suis acceptandum.

#### ANIMADVERSIONES.

Nihil accuratius videri potest, quam quod Bellicensis episcopus in hoc capite in medium avertit, quod ad controversiarum judicem spectat, quæ catholicos inter et protestantes intertunt. In omni benè institutâ republicâ lex et legis judex distinguitur. Sacra porrò Scriptura lex est. Aliquis ergo judex à Scripturâ distinctus existat, necesse est. At judex, inquit, legem per legem ipsam, non pro suo ipsius arbitrato interpretari debet. Id romano-catholici sanè consentiunt, quippe qui religionis controversias finiendi potestatem privato nemini tribuunt, qui sua ipsius sensa sequatur, eam non nisi omni generatim ecclesiæ, et quidem legis habitâ ratione, concedunt. Ut enim supra animadverti potuit, fidei articulos Ecclesia non efficit; sed eos tantum ejusmodi esse pronuntiat. « Nulla doctrina, inquit Veronius, sacris literis nixa, à sanctis Patribus, aut à doctoribus nostris aliter exposita

« fidei articulus est, subditque è vestigio: ne id « quidem catholicæ fidei articulus est, quod in « provincialibus conciliis est definitum, licet « iis summus pontifex per se, vel per legatos « præferat. Hæc nimirum decisiones in fidei « negotio ab universali Ecclesiâ proficisci debent, quæ una controversiarum judex est.

#### CAPUT VIII.

##### *De perpetuâ Ecclesiæ visibilitate.*

Cum catholicis docent protestantes, ecclesiam vocatorum esse visibilem, cœtum verò electorum, in ecclesiâ visibili, tanquam partem in toto latentem, esse invisibilem; similiter fidem eorum qui sunt in ecclesiâ visibili, esse invisibilem, nisi accedat externa professio.

Utrinque docetur, Ecclesiam usque ad finem mundi duraturam; et, quod caput rei est, ecclesiæ semper competere prædicationem verbi divini, et administrationem sacramentorum. Unde nulla superest quæstio de ecclesiâ perpetuâ visibilitate in sacris Scripturis prædictâ et promissâ. Nam ecclesia est visibilis per prædicationem verbi divini, et per administrationem sacramentorum, quæ cum perpetuò ecclesiæ competant, fieri non potest, quin perpetua eidem competat visibilitas.

Protestantium ecclesiis non competit perpetua visibilitas, quia in illis non reperitur perpetua verbi divini prædicatione, et perpetua sacramentorum administratio, cum designare nequeant, ubi, nascente Luthero, fuerit vera Jesu Christi Ecclesia, verbum divinum prædicans, et sacramenta administrans.

At verò ecclesia romano-catholica, primis quingentis post Christum annis cum episcopo romano in fide communicans, fuit vera et visibilis Jesu Christi ecclesia; nec alia ostendi potest vera et visibilis Jesu Christi ecclesia, quæ hucusque permanserit, et à cujus unitate Ecclesia romano-catholica defecerit; consequenter ecclesia romano-catholica est vera Jesu Christi ecclesia, cui se debeat adjungere unusquisque salutis suæ cupidus, quandoquidem cum catholicis doceant protestantes, extra communionem cum ecclesiâ, per communionem externam, non esse salutem.

#### ANIMADVERSIONES.

Quæ catholicos inter et protestantes super ecclesiæ visibilitate lis est, videtur esse nominis tantum. Hi quippe in electis tantum et prædestinatis eam collocant, cum catholici

generatim per ecclesiam eorum omnium cœtum intelligant, qui ad Evangelium vocati fuerunt. seu boni, seu mali sint. At cùm dicitur ecclesia universalis, de ecclesiâ sermo est quæ videtur, non autem de eâ quæ non videtur.

#### CAPUT IX.

*De promissâ Ecclesiæ ab erroribus immunitate.*

Tenent cum catholicis protestantes, ecclesias particulares non esse tales, quibus in sacrâ Scripturâ factæ sint promissiones non errandi: idèque nec synodos particularium ecclesiarum, vi ejusmodi promissionum, esse ab erroribus immunes. Cùmque doceant protestantes, suas ecclesias non esse universales, sed particulares, mirum non est, quòd eas fateantur erroribus obnoxias. Sed docent ulterius cum catholicis protestantes, ecclesiam universalem non errare in fundamento, hoc est, in articulis necessariis fidei et morum. Quæ autem ratio ex sacris Scripturis afferri potest, cur dicant ecclesiam universalem, vi promissionum divinarum, ab erroribus fundamentalibus immunem, et erroribus non fundamentalibus obnoxiam? quæ sine ullâ ejusmodi limitatione dicitur columna et firmamentum veritatis; quæ dicitur supra petram ædificata, adversus quam inferorum portæ non sint prævalituræ; cum quâ Christus Dominus sit permansurus usque ad consummationem sæculi; ad cujus petitionem datus est Spiritus sanctus, omnia docens, omnia suggerens, quæ Christus dixerit, manens cum ecclesiâ in æternum; et tanquàm Spiritus veritatis docens omnem veritatem. Hæc et similia faciunt, quòd protestantium restrictionem promissionum et prædictionum divinarum, ad solam immunitatem ab erroribus fundamentalibus nequeamus admittere.

Accedunt tamen protestantes ad doctrinam ecclesiæ catholicæ, quando dicunt, ecclesiam universalem non errare in fundamento. Quis enim non securè se committat ecclesiæ in fundamentali doctrinâ, vi promissionum divinarum, non erranti, et cui, fatentibus protestantibus, eminentius aliquid de rebus fidei competit iudicium, quàm quibusvis particularibus? « *Neque enim nego*, inquit Calvinus, « *quis tota fidelium societas, multiplici donorum et varietate instructa, longè ampliori et uberiori celestis sapientiæ thesaurò prædita sit, quàm secunda singul.* » (Lib. 4 Inst., c. 8, § 11.) Similiter accedunt protestantes ad doctrinam ecclesiæ catholicæ per suam praxim quando

volunt synodos nationales definitivè decidere et resolvere omnes res ecclesiasticas, necnon contradicentes excommunicare et declarare schismaticos. Nam hoc ipsum est, quod docent catholici de ecclesiâ universali, cui tantò tutius acquiescitur, quantò ampliores habet promissiones ecclesia universalis, præ singulis particularibus, in quarum numerum suas ecclesias referunt ipsi protestantes.

Admirandum verò est, quomodò protestantes tantùm claritatis tribuant S. Scripturæ, ut quilibet è sacro textu possit decernere credenda, et tamen (quamvis in præjudicium domesticæ praxis) nolint suos pastores et doctores in synodo congregatos absolutâ certitudine decidere controversias fidei. Admirandum similiter est, quomodò protestantes doceant, unumquemque fidellum esse certum, certitudine fidei divinæ, de suâ justificatione et prædestinatione; nec tamen totam synodum, quæ ejusmodi certitudinem in singulis suis membris sibi vindicat, posse aut velle determinare articulos ad justificationem obtinendam necessarios, ita ut quicumque illos non admiserit, ad justificationem pervenire nequeat. Cùm igitur tantoperè et tam manifestè vacillet doctrina protestantium, de promissâ ecclesiæ ab erroribus immunitate, consideremus quomodò vera fuerit Jesu Christi ecclesia, quæ primis sæculis communicavit in fide cum romano episcopo; cujus decreta fidel, tanquàm ab erroribus immunia, toti ecclesiæ, cum obligatione acquiescendi et acceptandi, fuere proposita; consideremus eandem ecclesiam in hunc usque diem perseverare, nec aliam designari posse, à quâ ipsa defecerit, et in quâ promissiones divinæ suum effectum habuerint; et non dubitabimus, nos ejus ecclesiæ condere gremio, in quâ temporum continuatâ serie divinæ promissiones, potenti virtute Spiritus sancti, ad effectum sunt deductæ.

#### ANIMADVERSIONES.

Ecclesia, quæ Christi Domini sponsa est, nunquàm deficiet. Quod ille apostolis dixit, cùm eos ad fidem per universum terrarum orbem nuntiandam misit, ecclesiæ quoque dicebat: *Ecce ego roboravi vos usque ad consummationem sæculi* (Matth. 18, 20). Genevensium interpretum doctissimus Besa in hanc explicationem consentit in Commentario super hoc S. Matthæi textu, ubi animadvertit ea Christi Domini verba ad ecclesiam referri; *« loquitur enim Ecclesiam, et se nunquàm non*

præstit fore promittens. Quoniam ergo Christus Dominus promisit ecclesiæ suæ, se nunquam eam deserturum, consequens fit, eandem nunquam in rebus ad fidem omninò spectantibus errare posse; ut proinde quod ipsa tanquam fidei caput defuit, falsum esse nunquam possit, quia à Spiritu sancto ducta falli non potest. Haud abs re fuit hæc restrictione uti, in rebus ad fidem omninò spectantibus. Ut enim scitè Maldonatus animadvertit in disputatione, quam super S. Virginis conceptione cum parisiensis Facultatis theologis habuit, ecclesia suas et ipsa opiniones, tanquam privati homines, habet, nec quidquid credit, semper ut fidei articulum credit: « Est animadvertendum etiam ecclesiam habere suas opiniones; nec enim quidquam sentit, sentit tanquam fidei catholicæ. » Ejusdem sententiæ est Melchior Canus in suis Locis theologicis, ubi cum dixisset: *Ecclesia in credendo errare non potest*; addit eandem posse tamen probabiliter ignorare rem unam quamlibet, quæ scilicet ignoratâ, non proinde ecclesiam fidem amitteret (Melch. Can. de Loc. Theol., l. 4, c. 4). Ponamus, inquit doctus hic Canariensis episcopus, Deum ecclesiæ non revelasse S. Virginem ab originali peccato exemptam fuisse, cum ecclesia eam verè exemptam definiisset, ac decrevisset, ut nemo non ita crederet, id non ei fidem adimeret, quæ eidem habenda est. Auctores deinde producit, qui hanc opinionem confirmant: « Aiunt ergo, quòd quamvis ecclesia crederet sanctam Virginem fuisse sine peccato conceptam, idemque definiret ab omnibus esse credendum, non tamen in eo fidei jacturam facere existimaretur (ibid.). » Ratio est, quia ecclesia propositionem hanc, aut ejusmodi allam, non ut divinæ fidei veritatem, sed solùm ut piam sententiam credidisset, aut credendam proposuisset; quidquid enim, subdit idem auctor, tanquam fidei dogma credit ecclesia, verum est, eorumque nihil, quæ credit, aut credenda docet, falsum est. « Quidquid tanquam fidei dogma tenet, verum est; nec quidquam falsum, quod illa credit aut docet esse credendum. »

#### CAPUT X.

##### *De notis Ecclesiæ.*

Convenit inter catholicos et protestantes, dari notas sive signa veræ ecclesiæ, quibus inducamur ad cognoscendam veram ecclesiam. Curtissima autem esse illa signa, que in concessis utrinque et admissis SS. Scripturis re-

periuntur, nullus ambigit. Nam, ut rectè S. Augustinus, « in Scripturis didicimus Christum, in Scripturis didicimus ecclesiam » (Ep. 166, t. 2, pag. 290, A. Ecclesia Una).

Convenit inter catholicos et protestantes, credendam esse ecclesiam unam. Sed unitatem non agnoscunt protestantes tanquam signum veræ ecclesiæ; quia scilicet, per divisionem suam ab ecclesiâ romano-catholicâ, priorem unitatem deseruerunt. Christus autem ponit unitatem tanquam signum veræ ecclesiæ, quando dicit: *Non pro eis tantum rogo, sed et pro eis, qui credituri sunt per verbum eorum in me; ut omnes unum sint, sicut tu Pater in me, et ego in te, ut et ipsi in nobis unum sint: ut credat mundus quia tu me misisti* (Joan. 17, 20). Ille agi de unitate sub ratione signi, legitur in verbis, *ut credat mundus*; debet enim mundus ab illis, qui unitatem habent, accipere fidem. Et rursus dicit Christus: *Ego in eis, et tu in me: ut sint consummati in unum, et cognoscat mundus quia tu me misisti* (Joan. 17, 23) Ratio signi est in verbis, *ut sint consummati in unum, et cognoscat mundus*; quia fides ab iis discenda est, qui sunt consummati in unum. Similiter dicit Christus: *In hoc cognoscent omnes, quod discipuli mei estis, si dilectionem habueritis ad invicem* (Joan. 13, 35); nam continuata fidelium charitas universos inducit ad cognoscendos Christi Domini genuinos discipulos.

Unitas fidei non competit ecclesiis protestantium, quia olim idem credentes cum romano-catholicâ, desiderunt idem credere; neque possunt ostendere ecclesiam visibilem, cum quæ semper idem crediderint usque ad hæc tempora, ut in ipsis verificetur illud Apostoli: *Habentes eundem spiritum fidei* (2 Cor. 4, 13). Viderint igitur, an ex iis sint, de quibus S. Joannes: *Omnis, qui recedit et non permanet in doctrinâ Christi, Deum non habet* (2 Joan. 9). Ostendimus etiam in præcedentibus, protestantium principia et fundamenta sic esse comparata, ut nec in suis particularibus ecclesiis solidam sperent unitatem. Unitas autem fidei competit ecclesiæ romano-catholicæ, quia nunquam mutavit fidem. Neque alia ecclesia designari potest, quæ, romano-catholicâ fidem mutante, à priori fide non recesserit.

Unitas charitatis non competit ecclesiis protestantium, quia hæc ecclesiæ fuerunt in unione et communionem ecclesiæ romano-catholicæ, cujus erant membra; et postea separatas habuerunt congregatas. *Non est dissensionis Deus*, inquit Apostolus, qui etiam

monet: *Ut non sit schisma in corpore, sed idipsum pro invicem sint sollicita membra.* Et quæ ratio? *Etenim in uno spiritu omnes nos in unum baptizati sumus.* Magnâ profectò diligentia conservanda est unitas charitatis. *Consideremus invicem in provocacionem charitatis, et bonorum operam; non desidentes collectionem nostram, sicut consuetudinis est quibusdam.* Sed simus *solliciti servare unitatem spiritûs in vinculo pacis.* Itaque hic de protestantibus, licet dicere: *Hi sunt qui seipso segregant.* Nam Christus Jesus fecit *utraq; unum*: illi autem ex uno fecerunt duo; ex unâ ecclesiâ duas et plures ecclesias. Unitas charitatis competit ecclesiæ romano-catholicæ, quia ab initio mansit in unione charitatis, nec à priore unquam divisa est communione. Protestantes etiam nequeunt designare ecclesiam, quam dicant orthodoxam, à cujus communione sese separaverit romano-catholica. Itaque nos non sumus *abstractionis filii in perditionem, sed fidei in acquisitionem animæ.*

Convenit inter catholicos et protestantes, credendam esse ecclesiam sanctam. Sed sanctitatem non agnoscunt protestantes, tanquam signum veræ ecclesiæ, si agatur de sanctitate miraculorum: quia scilicet nulla apud ipsos reperiuntur miracula. Christus autem ponit sanctitatem tanquam signum veræ ecclesiæ, quando dicit: *Signa autem eos, qui crediderint, hæc sequentur, in nomine meo demonia ejicient* (Marc. 16, 17). Hic agi de veris miraculis, patet legenti; neque ea restringuntur ad hos vel illos credentes, ad hæc vel illa tempora. Habere ea rationem signi, expressè legitur. Ita dicit Christus: *Ut sciatis, quia Filius hominis habet potestatem in terris remittendi peccata, tunc ait paralytico: Surge, etc.* (Matth. 9, 6); miracula enim inducant homines in notitiam rerum credendarum. Ideò prædicatur fides: *Contentante Deo signis et portentis* (Heb. 2, 4). Ideò dicunt credentes: *Scimus quia à Deo venisti magister, et unde? nemo enim potest signa facere, que tu facis, nisi fuerit Deus cum eo* (Joan. 5, 2). Et dicit Propheta: *Annuntiate que ventura sunt, et sciemus quia dñi estis vos* (Isai. 41, 25).

Sanctitas miraculorum non reperitur in ecclesiis protestantium, quia jam toto seculo nullum afferunt miraculum, quod inter illos contigerit. Competit autem sanctitas miraculorum ecclesiæ romano-catholicæ, ubi omnibus sæculis non pauca contigere miracula, ipsi centuriatoribus Magdeburgensibus multa referentibus, quæ successivis temporibus fuerunt

manifesta. Neque impedit, quòd prædicta sint falsa miracula; nam sicut non tollit veritatem et efficaciam miraculorum Christi, quòd in veteri Testamento prædicta sint falsa miracula, ita non imminuit veritatem et efficaciam miraculorum, quæ sub novo Testamento contingunt, quòd prædicta sint falsa miracula. Neque credimus moderatos protestantes opposituros miraculis, quæ mundo credente fieri non desinunt, quòd Judæi miraculis Christi impudentissimâ temeritate ausi fuerunt objicere.

Convenit inter catholicos et protestantes, credendam esse ecclesiam catholicam, hoc est, toto orbe diffusam. Sed diffusionem illam non agnoscunt protestantes, tanquam signum veræ ecclesiæ. Christus autem ponit diffusionem, tanquam signum veræ ecclesiæ, quando dicit: *Et prædicabitur hoc Evangelium regi in universo orbe, in testimonium omnibus gentibus, et tunc veniet consummatio* (Matth. 24, 14). Prædicatio per totum orbem habet rationem signi, quia fit *in testimonium omnibus gentibus.* Sic etiam per prophetam est prædictum: *Repleta est terra scientiâ Domini, sicut aquæ maris operientes. In illâ die radix Jesse, quæ stat in signum populorum, ipsam gentes deprecabuntur* (Isa. 41, 9). Atque ideò addit: *Transite per portas, præparate viam populo, pluviam facite iter, eligite lapides, et elevate signum ad populos* (id. cap. 62, 10). Ipsa Ecclesiæ diffusio tot et tantis firmata est prædicationibus, ut meritò dixerit Apostolus: *Secundum communem fidem* (Tit. 1, 4).

Ecclesiæ protestantium non sunt catholicæ, neque enim sunt diffusæ per totum orbem. Dicunt quidem, apostolos prædicare Evangelium per totum orbem, sed sub episcopis Romanis ecclesiam defecisse, paucis hinc inde veris fidelibus conservatis, donec Luthero, Zwinglio, aliisque à Deo extra ordinem excitatis, ecclesia reffloresceret. Sed nos legimus in Scripturis sanctis, prædictam esse ecclesiæ constitutionem in omnibus gentibus; ipsi verò non legunt prædictam esse eam ecclesiæ defectionem ex omnibus gentibus, vel paucos plus, multis sæculis in universali corruptione, sine sincerâ verbi divini prædicatione, sine legitimâ sacramentorum administratione fuisse conservandos. Non legunt Lutherum, Zwinglium aliosque promissos esse, qui discordi conatu ecclesiæ collapsæ ruinas instaurarent. Hoc autem cum non legant in SS. Scripturis, quomodò tot tantisque prædictum est testimoniis, quod citò erat perituum, tot



verò seculorum miseria silentio præterita? quomodo falsi prophetæ prædicti, veri restauratores ecclesiæ prorsus neglecti? At ecclesia romana est verè catholica, quia, consideratis omnibus seculis à tempore Christi, maximè est diffusa per totum orbem; nec alia assignari potest ecclesia, cui promissa diffusio magis competat.

Convenit inter catholicos et protestantes, credendam esse ecclesiam apostolicam, in quâ sit continuata doctorum successio. Sed eam successionem non agnoscunt protestantes, tanquam signum veræ ecclesiæ, quia apud ipsos non reperitur successio. Apostolus autem successionem doctorum, tanquam signum commendat: *Et ipse dedit quosdam quidem apostolos, quosdam autem prophetas, alios verò evangelistas, alios autem pastores et doctores, ad consummationem Sanctorum, in edificationem corporis Christi; donec occurramus omnes in unitatem fidei et agnitionis Filii Dei, in virum perfectum, in mensuram ætatis plenitudinis Christi; ut jam non simus parvuli fluctuantes, et circumferamur omni vento doctrinæ, in nequitia hominum, in astutia ad circumventionem erroris* (Ephes. 4, 11). Hic legimus doctores à Deo dari: legimus continuationem doctorum; *donec occurramus*, etc.; legimus rationem signi: *ut non simus parvuli fluctuantes*. Quapropter obedientia Ecclesiæ doctoribus debita discernit veros fideles ab errantibus, cum legamus: *Qui novit Deum, audit nos; qui non est ex Deo, non audit nos. In hoc cognoscimus spiritum veritatis, et spiritum erroris* (2 Joan. 4, 6).

Ecclesiæ protestantium non sunt apostolicæ, quia in illis non reperitur continua doctorum successio ab apostolis usque ad nostra tempora. Dicunt quidem, successionem personarum nihil esse sine successione doctrinæ. Verùm, cum successio doctrinæ nequeat reperiri, ubi non est successio personarum, compendiosè ex defectu successionis personarum, ostendimus defectum successionis doctrinæ. Ecclesia romano-catholica est apostolica, quia habet continuatam doctorum successionem ab apostolis usque ad hæc tempora: ipsique protestantes non rarò enumerant ordinem episcoporum nostrorum. Si romano catholicam nolint esse apostolicam, assignent aliam ecclesiam, quæ sit apostolica, et quam ipsi judicent orthodoxam, in quâ reperiatu continuata doctorum successio. Talem autem si non inveniant, superest, ut romano-catholicam agnoscant esse apostolicam.

Sola igitur ecclesia romana est una, sancta, catholica et apostolica; sola consequenter vera Jesu Christi ecclesia. Sola habet coccineum signum, quo ad domum fidelem perveniatur, *Testimonia tua credibilia facta sunt nimis* (Psal. 92, 5).

#### ANIMADVERSIONES.

Nullus auctor Ecclesiæ antiquitatem atque universalitatem tam aptè ac dilucidè explicuit, quam Vincentius Lirinensis in opusculo adversus hæreses, cap. 3 et 4. Ea fides una, inquit, vera est, quam tota per orbem terrarum confitetur ecclesia. Ejus antiquitatem veterum Patrum sententiis nixam vult. Omnium, quam latè patet terrarum orbis, ecclesiarum consensus tum adest, eo sanè judice, cum aliquid episcoporum ac doctorum plerique statuerunt ac docuerunt. Quærit, quid christianus catholicus agere debeat, si fortè contingat peculiarem aliquam ecclesiam ab universalis ecclesiæ communi fide recedere; respondetque totum corpus, quod sanum est, huic membro, quod est corruptum, præferri oportere; quod si quam novam perversamque doctrinam jamjam per universam ecclesiam disseminari contingeret, tum quidem ad antiquitatem confugiendum pronuntiat; additque, si qua urbs, aut etiam provincia in hæc antiquitate occurreret, quæ in errore extitisset, universalis Ecclesiæ consensum peculiaribus ecclesiis anteponendum esse. Ait denique, si qua facti species oriretur, in quâ tale nihil occurreret, inquirendum fore, quid eâ super re veteres crederint; veterum autem nomine eos tantum intelligit, qui cum existimatione ac probatione in catholicâ ecclesiâ vixerunt. Nihil est his gravibus animadversionibus ad protestantes redintegrandos magis accommodatum. Auctorem æquè utrique in pretio habent, atque aded germanorum protestantium nonnulli commentati sunt. Columna, et fulcrum veritatis ecclesia dicitur, quia veram Christi Domini doctrinam fideliter servat. Cum veteres Patres in suorum temporum hæreticos loquentes dixerunt Scripturam propriè ad ecclesiam spectare, id non simpliciter de Scripturæ textu, qui perinde penes hæreticos et catholicos est, sed etiam de doctrinâ, quæ in eâ continetur, accipi debet.

#### CAPUT XI.

*De primatu S. Petri ejusque successoris.*

Solent protestantes gravissimè declamare

adversus primatum S. Petri et successoris ejus, episcopi romani. Sed cum inter utramque partem conveniat, Christum Jesum esse caput ecclesiae, qui solus per internam gratiam influxum eam regat, et in quo vicarium habere non potest, non est litigandum de titulo capitis; quem alii tribui posse non negabunt protestantes, quibus notum est, nos eo titulo nihil aliud intelligere, quam pastorem et rectorem à Christo constitutum. Ipsi protestantes in suis synodis eligunt praesides et moderatores; et quod apud ipsos electivum est et temporaneum, apud catholicos in episcopatu romano creditur perpetuum, cujus episcopi in octodecim generalibus conciliis praesiderunt.

Multum protestantes non negant S. Petrum habuisse inter apostolos aliquam praeminentiam; sed nolunt eum habuisse majorem jurisdictionem, quam singulos apostolos seorsim consideratos. Et tamen soli Petro apertissime dixit Christus: *Quodcumque ligaveris super terram, erit ligatum et in caelis* (Matth. 16, 19), *et quodcumque solveris super terram, erit solutum et in caelis* (Matth. 18, 18.) Eadem suprema potestas, quae est concessa soli Petro, est etiam concessa collegio apostolico; et sic docemus, eandem supremam potestatem etiamnum perseverare in successore S. Petri, et conciliis generalibus. Ita rursum Christus dicit soli Petro: *Pasce oves meas* (Joan. 21, 17), ubi omnes omnino oves intelligi non difficile concedent protestantes. Singularis autem illa datio potestatis non debet carere proprio effecta. Hoc autem agnovi Joannes Hus, tract. de Eccl., cap. 9, fol. 211. Cumque fateantur protestantes, ea quae sunt ordinariae potestatis, esse in ecclesia perpetua, et agnoscant usum clavium, uti et rationem pascendi pertinere ad officium ordinarium, facile perspiciunt potestatem S. Petro concessam debere continuari in ejus successore. Hoc iterum agnoscit Joannes Hus, tract. de Eccl., cap. 9, fol. 219, et Quæst. de Credere, fol. 170. Neque est quod de successione episcopi romani litigent, quousque alium non designant S. Petri successorem, quod hucusque non fecerant. Simili modo concludendi atitur S. Justinus Martyr, Dialog. cum Tryph., Bibl. SS. Patr., tom. 2, pag. 12, B, et pag. 19, A, et pag. 27, A.

#### ANIMADVERSIONES.

Universum articulum hunc, qui ad papam spectat, Bellicensis episcopus tam aptè ac lu-

calenter explicuit, ut nihil addi posse videatur. Id unum animadvertam, Philippum Melancthonem in fidei confessione, quam ad Franciscum primum Galliarum regem misit, quaeque manuscripta penes me est, ad romanorum catholicorum fidem propius accedere. Confessionis hujus, quae protestantium Germaniae ecclesiarum nomine proponitur, articulus primus his verbis effertur: « Primùm igitur hoc omnes unanimiter profiteamur, politiam ecclesiasticam rem esse sanctam et utilem, ut sint aliqui episcopi, qui praesint pluribus ecclesiarum ministris, item ut romanus pontifex praesit omnibus episcopis; opus est enim in ecclesia gubernatoribus, qui vocatos ad ecclesiastica ministeria explorent, et ordinent, et ecclesiastica judicia exerceant, et inspiciant doctrinam sacerdotum.

Episcopales anglicani, nisi se à romanâ ecclesia sejunxissent, dubio procul ex suae religionis principis papam ceterarum omnium ecclesiarum supremum praesidem faterentur. Scitum est oratoris hispani responsum ad Elisabeth Angliæ reginam, quæ ex eo quaesierat, quid de anglicanâ ecclesia sentiret: « Equus, inquit ad reginam orator, instructus omnino est, et ephippiis ornatus; nihil jam aliud superest, quam ut papa eidem assideat. » Pronuntiari potest anglos episcopos juri pontificio acrius, quod ad praxim spectat, quam gallos praesules addictos esse. Hi sanè non tam religiosè, quam Angliæ episcopi, romanorum pontificum epistolas decretales sequuntur. Ceterùm protestantes monendi sunt, perperam eos confundere illos theologos qui puram ac simplicem sustinent veritatem cum illis quibusdam nimis contrariae opinionis indulgentibus, qui sua venditant opinamenta tanquam fidei dogmata; quæ quidem ab Ecclesia nunquam inter necessariò credenda fœde proposita. Priores in S. Petri à Christo Domino instituti successore cum Meldensi episcopo Exposit. doctr. eccles. cath., art. 21, primatum agnoscent, quem concilia sanctique Patres ei contulerunt. Præterea praesul hic multum discriminis posuit inter disputationes quæ super hac re agitantur in scholis, et id quod catholice fidei est. Holdenius in sua fidei Analysis doctè et graviter id expendit, quod ad papæ auctoritatem spectat. Vefonius rem hanc ipsam pertractans tria esse pronuntiat, quæ non sunt articuli fidei. Primum est, papam ab universali concilio se junctum fieri non posse; alterum, eam esse supra conciliùm; tertium,

eundem vel indirectâ auctoritate in regum temporalia pollere. Sanè clerus gallicanus hæc omninò tria impugnare non dubitavit.

### CAPUT XII.

#### *De ministris Ecclesiæ.*

Si protestantes sequerentur ductum S. Scripturæ, quam volunt esse unicam rerum ecclesiasticarum regulam, exigua de reliquis ecclesiæ ministris superesset difficultas. Catholicis enim agnoscunt episcopos, presbyteros et diaconos; protestantes in Angliâ habent episcopos, in Germaniâ superintendentes et inspectores; habent pro presbyteris seniores; habent diaconos. Calixtus dicit: « Videtur sanè ab ipsis apostolis aut certè proximis apostolorum successoribus constitutum, ut è numero presbyterorum aliquis sive ætate sive prudentiâ et doctrinâ præstans cæteris præponeretur, cui postea episcopi appellatio facta est propria et peculiaris. » In scrip. de Col. Tor. Reformati docentes eundem esse presbyterum et episcopum, non tenent doctrinam suam pro articulo fidei, ne fratres suos in Angliâ condemnent, tanquam errantes in articulo fidei, quia tenent non esse eundem episcopum, qui est presbyter. Cùm igitur eam cum suis fratribus controversiam iudicent non esset fundamentalem, ostendant nobis solido ex S. Scripturâ fundamento, controversiam de superioritate S. Petri et successoribus ejus episcopi romani esse potius dicendam fundamentalem.

Lutherani etiam non negabunt, constantem fuisse in primitivâ ecclesiâ distinctionem inter episcopum et presbyterum; quæ si non videatur ex S. Scripturâ manifestissimè descendere, negari tamen non poterit ab apostolis habere originem. Sed admirandum in primis est, quomodò protestantes adversus testatissimum consensum primitivæ ecclesiæ, seniores suos, quos volunt esse episcopos, infra ordinarios pastores collocent, quibus nec nomen presbyteri, nec nomen episcopi concedunt. Quid enim magis patet ex praxi antiquitatis, quam episcopus in ecclesiis particularibus primum locum inter ministros tenuisse? Similiter admirandum est, quomodò seniores suos, quos iudicant presbyteros et episcopos, ad certum tempus constituunt, postea in ordinem laicorum revocandos, cùm certissimum sibi, eam praxim non habere fundamentum in Scripturâ, eamque consuetudini primitivæ ecclesiæ adversari, cui temporanei episcopi et presbyteri fuere ignoti. Nec minùs mirum videri potest, quòd qui suos

seniores pro episcopis habent, constituant inspectores, qui reverè nihil aliud sint, nisi episcopi; et tamen iisdem nomen episcopi denegent, quantumvis in ratione superioritatis ab episcopis non differant. Quomodò autem seniores suos, quos ex jure divino tradunt esse episcopos, subjiciant inspectoribus, ex jure humano constitutis, ipsi viderint.

Putamus ipsos protestantes in hoc negotio iudicaturos, non esse in ecclesiâ romano-catholicâ quod reprehendant. Fit verisimile in suis ecclesiis reperiri, quod juxta SS. Scripturas, et usum primitivæ ecclesiæ sit reducendum.

#### ANIMADVERSIONES.

Episcoporum et presbyterorum vocabula in pluribus gallicis Bibliis Genevæ editis, et præsertim antiquis occurrunt. Fit verisimile, siquidem eorum secta primas in Galliâ obtinisset, futurum fuisse, ut ibidem episcopatum et presbyteratum servarent, quemadmodum Angliæ protestantes, episcopales dicti, eosdem ordines retinuerunt. Haud iis hæc nomina displicuerunt, qui Lutheri partes in Germaniâ secuti sunt. Melancthon in suâ fidei Confessione, supra in medium allatâ, et illud asserit, episcopos, si nulli essent, instituendos fore: « Et ut maximè nulli essent episcopi, tamen creari tales oporteret. » Tigurini zuingliani non id nominis aversantur. Doctus quidam hispanus theologus nonnullis locutionibus deceptus, quæ in hispanicorum biblitorum præfatione comperiuntur, opinatur est Leonem Judæ cæterosque qui ibidem nominantur, veri nominis episcopos extitisse.

### CAPUT XIII.

#### *De Purgatorio.*

Constat inter catholicos et protestantes, universa peccata, sive mortalia sive venialia, sive quoad culpam, sive quoad pœnam, non remitti sine merito pretiosissimi sanguinis Domini nostri Jesu Christi, de quo dicit Apostolus: *Purgationem peccatorum faciens* (Hebr. 1, 3).

Docent protestantes, in hæc vitâ remitti quidem et tegi nostra peccata, sed propriè non tolli. Quando autem à salvandis propriè tollantur peccata inter ipsos non planè constat. Daillæus vult, fideles in extremo iudicio à Christo iudice absolvendos esse à peccatis, iisdemque remittenda peccata. Cùmque idem cum posterioribus reformatis teneat, animas fidelium, statim à morte frui visione beatificâ,

necesse est, easdem animas peccatis suis onustas ad cœlum pervenire, quò tamen juxta SS. Scripturas nullus intrat coinquinatus. Catholici autem multò convenientius docent, nullum fidelem cum culpâ ullius peccati pervenire ad cœlum, neque cum debito pœnæ temporalis persolvendæ. Et quia frequenter contingit ut remissâ culpâ supersit pœna temporalis persolvenda, etiam frequenter contingit ut pœnâ temporali non solutâ, ea post hanc vitam supersit persolvenda. Exsolutio autem istius pœnæ, quantumvis certò fiat post hanc vitam, non est tamen usquequâque certum, ubi fiat, vel quo genere pœnæ fiat.

Quidam protestantes docent, animas fidelium, è corporibus egressas, non mox frui visione beatificâ; sed usque ad diem generalis resurrectionis expectare reunionem cum suis corporibus, et introitum in gloriam cœlestem. Atque ita admittunt tertium locum à cœlo et inferno distinctum, quem tamen solent aversari. Imò gravius aliquid agnoscunt, quàm quod docet ecclesia catholica. Hæc enim non docet, omnes fidelium animas indigere pœnis temporalibus purgatorii; protestantes illi docent, omnes animas eidem privationi visionis beatificæ esse obnoxias. Catholici docent, quasdam animas exiguo tempore pœnas purgatorii experiri, inter quas privatio visionis beatificæ sit longè maxima; protestantes illi docent, omnes animas gravissimam illam purgatorii pœnam, quæ consistit in privatione visionis beatificæ, usque ad extremum iudicii diem tolerare. Nihil igitur hic est, unde potius carpant doctrinam ecclesiæ catholicæ præ sententiâ suorum fratrum.

Sed legunt catholici in S. Scripturâ: *Qui dixerit contra Spiritum sanctum, non remittetur ei, neque in hoc seculo, neque in futuro* (Matth. 12, 32). Cur, quæso, diceret Christus, aliquid peccatum in futuro seculo non esse remittendum, si nullum ibi remitteretur peccatum?

Aug. hinc intellexit, quædam peccata remitti in futuro seculo, lib. 4, cap. 4, de Miseric. Dei, quæst. 5, § 5, tom. 2, col. 381; et lib. 24, de Civit. Dei, cap. 15, tom. 5, col. 442, A; et ibid., cap. 24, col. 446, C; et lib. 6 contra Julian., cap. 15, tom. 7, pag. 440, D; et S. Gregor., lib. 4 Dialog., cap. 50, tom. 3, col. 557 et 558.

Iidem catholici legunt: *Si cypus opus arserit, detrimentum patietur; ipse autem salvus erit: sic tamen quasi per ignem*, 1 Cor. 3, 15. Inter salvandos nonnulli reperiuntur, quorum opera

ardent; neque est ratio sufficiens, cur id dicatur tantùm fieri in hoc seculo, et non etiam in futuro. Sic eum locum intellexit S. Aug. 11, Ps. 57, Init. tom. 8, pag. 127, A; et lib. 50; Homil. 16, homil. de Resurrect. Domini, tom. 10, pag. 163, D; S. Gregor., l. 4 Dialog., cap. 50, col. 557 et 558; et 1 Ps. Pœnit. tom. 2, pag. 927, E, f; et in cap. 2 lib. 1 Reg., circa fin. tom. 1, col. 218; S. Hier. in Matth. 5, tom. 6, pag. 5; S. Basil. in Isai. 9, 19, tom. 2, pag. 216; S. Cæsarius, Hom. 8, Bibl. SS. Patr., tom. 5, par. 2, p. 75, 2 l. S. Eligius, Hom. 8, Bibl. SS. Patr., tom. 7, pag. 241, G, H.

Similiter legunt: *In nomine Jesu omne genua flectatur, cœlestium, terrestrium et infernorum* (Philip. 2, 10). Damnati sub terrâ non flectunt genua in nomine Jesu; sed illi qui fideles sunt, et infernorum nomine intelliguntur. His aliisque S. Scripturæ testimoniis informata, et SS. Patrum explicationibus instructa, docet ecclesia catholica, esse purgatorium, ubi animæ fidelium, post hanc vitam, temporales pœnas, si quas debent, patienter sustineant. Ex testibus veritatis protestantium, agnoscit purgatorium Wicel., Dial. l. 4, cap. 22, fol. 87; et c. 40, fol. 168; Hus, de Eccl. cap. 2, fol. 198; et serm. de Exequ., fol. 42.

#### ANIMADVERSIONES.

Calvinus in sua Institutione ex eorum numero esse videtur, qui putant fidelium animas, postquam à propriis corporibus se junctæ fuerunt, in locum pergere, in quo ad usque iudicii diem promissæ gloriæ fruitionem expectant. Secundùm opinionem hanc, locus existeret à paradiso et inferno distinctus, eodemque in loco animæ, iudicii diem expectantes, aliquid pœnæ genus subirent. Melancthon in fidei Confessione supra productâ purgatorium omninò negare, aut affirmare non audet. Id unum ait in postremo ejusdem Confessionis articulo, ad purgatorium et liberum arbitrium quod attinet, malle se in scholis disputari, quàm frustrâ in concionibus verba fieri, S. Paulo jubente, ut à quibusdam questionibus, quarum nullus unquam finis est, abstineamus: « De Purgatorio, inquit, et libero arbitrio, de quibus vellemus in scholâ potius disputari, quàm sine fructu in concionibus. » Tridentinum quoque concilium admodùm parè purgatorii articulum attingit. Purgatorium existere tanquàm fidei caput desinit; at de hujus purgatorii igne nullam

prostris mentionem facit. Nihil etiam, quoad locum, et pœnas, quæ ibidem feruntur, ecclesia definiit. Hæc nimirum questiones sunt, de quibus in theologiæ scholis agitur, et super quibus ecclesia nihil pronuntiavit, ut Bellarminus animadvertit. Græci sanè cæterique Orientales purgatorium omninò negant; at nonnisi quoad communem latinorum theologorum opinionem, qui locum statuunt, in quo animæ igne torquentur; et hanc sententiam confundere cum Origenis placito, qui credidit animas non semper in inferis fore, ac proinde damnatorum pœnam æternam non esse. Cæteram Orientales omnes, qui perinde ac romani catholici pro defunctis orant, purgatorii statum quendam agnoscere debent.

#### CAPUT XIV.

##### *De suffragiis pro defunctis.*

Judei omni tempore, tam sub veteri, quàm sub novo Testamento, orasse pro defunctis, non facile negabunt protestantes. Patet etiam ex libris Machabeorum, oblatum fuisse sacrificium pro defunctis; quos libros, etiamsi protestantes nolint esse canonicos, tamen eos ecclesia pro canonicis habet, uti testatur S. Aug.; nec protestantes dixerint, esse fabulam ad libitum confictam, quæ in istis libris narratur.

Primitivam ecclesiam orasse pro defunctis, adeò constat, ut nec à protestantibus negetur. Petrus Martyr dicit: « De Patribus non habeo, quod aliud referam, nisi majorem illorum partem in eam sententiam esse propensos, et ut purgatorium concedant; » et mox: « Solet nobis et illud objici, ecclesiam semper pro defunctis orasse. Quod equidem non infelior. » Sed ulterius pergit apologia Confessionis Augustanæ: « Quod verò allegans adversarii Patres de oblatione pro mortuis, scimus veteres loqui de oratione pro mortuis, quam nos non prohibemus. » Unde non immeritò dicit Grotius: « Nec ullus invenitur alicujus auctoritatis scriptor, qui ei mori (orandi pro mortuis) contradixerit: quod mihi quidem sufficit. » Idem meritò sufficere non poterit litigiosis. Idque eò magis, si considerent Joannem Hus admisisse suffragia pro defunctis. De fid. suâ Elucid., fol. 51; serm. de Exequiis, fol. 50 et 51.

##### ANIMADVERSIONES.

Quod Bellicensis episcopus quoad Hebræos animadvertit, eos etiamnum pro defunctis

orare, cum veritate maximè congruit. Hæc enim spectat in eorum Ritualibus oratio quædam, quæ incipit à verbo *fadis*, quod *sacrum* significat. Leo Mutinensis, rabbinus venetus, in Tractatu de Cæremoniis et Consuetudinibus quæ apud Hebræos custodiuntur, part. 5, c. 9, ait filium consuevisse per menses undecim quotidie vespere et mane in synagogâ eam precem pro patris aut matris animâ recitare, nonnullosque quotannis, quo die alteruter occubuit, jejunare.

Id etiam verissimum est, preces, pro defunctis apud antiquissimos ecclesiæ Patres occurrere, earumque precum formulas, tam in orientali, quàm in occidentalibus ecclesiis magnam antiquitatem sapere. Quamobrem Guillelmus Forbesius inter protestantes doctrinâ præstans, ex anglicorum episcopaliū sectâ: « Hic primum, inquit, improbanda est quorundam rigidiorum protestantium sententia, qui preces pro mortuis omninò improbant et damnant, quia scilicet nec in canonicis veteris Testamenti, neque etiam novi Testamenti libris ullum talium orationum præceptum vel exemplum legere est. » Id autem ex eo confirmat, quòd ea consuetudo antiquissima, et in Christi Domini ecclesiâ ex omni tempore recepta est, quod ii qui ejusmodi preces rejiciunt, negare non audent. « Inficari non audent, etiam quibus mos hæc maximè improbat. » Prudens hic moderatusque protestans veterum ecclesiæ doctorum nonnulla in hanc rem testimonia producit; ac deinde addit: « Hanc antiquissimam et universalem ecclesiæ consuetudinem permulti etiam doctissimi protestantes haud improbant. » In horum autem præstantium, quos nominat, protestantium numero Martinum Lutherum ponit, qui veterem hunc morem tanquàm piam praxim spectat, quæ uniuscujusque libertati relinqui possit. Sed quod animadversione maximè dignum est, precum anglicanæ ecclesiæ communium collectionem seu librum, Eduardo rege, ann. 1549 typis editum producit, et valdè commendat, in quo præclara pro mortuis precum formula occurrit, quæ in Cœnæ administratione recitabatur. Fusis hanc precem refert, prout eam in latinâ versione legerat, quàm Scotus doctor dictus Alexander Ales ediderat. Anglicana hæc liturgia Eduardi temporibus concinnata rarissima evasit, ac longè propius ad romanæ ecclesiæ praxim accedit, quam quæ deinceps edita fuisse.

## CAPUT XV.

## De veneratione sanctorum.

Existimamus in hoc negotio nullam superfuturam litem, si quis volet moderatâ disquisitione rem ipsam potius considerare, quam inanem de vocibus conflictum excitare. Etenim inter catholicos et protestantes convenit, honorandos esse sanctos; et confessio Wittembergica dicit: « Non est dubium, quin memoria eorum sanctorum, qui cum essent in hac vita corporali ecclesiam juverunt, debeat apud omnes pios sacrosancta esse... » Et confessio Augustiana: « Prodest recitare veras historias sanctorum, quia exempla utiliter docent, et si rectè proponantur. » Confess. Helv. poster.: « Sancti honorandi sunt propter imitationem. »

Quo nomine vocandus sit ille honor, qui sanctis tribuitur, non definiit ecclesia catholica. Protestantes non agnoscunt alium honorem, quam divinum seu religiosum, et civilem, seu politicum: quorum prior soli Deo convenit, et sanctæ Jesu Christi humanitati, tanquam personaliter unitæ Verbo divino; posterior hominibus propter aliquam eminentiam. Ita non relinquunt sanctis honorem distinctum ab honore civili, quamvis interim eorum locutiones in particulari hoc ipsum ponant, quod communiter catholici docent.

Nos dicimus duplicem esse actum religionis: alterum elicium, alterum imperatum; sive alterum immediatum, alterum mediatum. De actibus elicitis et immediatis non est ulla contentio, quin soli Deo sint tribuendi. De actibus autem imperatis et mediatis legitur: « Religio apud Deum visitare pupillos et viduas in tribulatione eorum. » Et sic dicit S. August.: « Populus christianus memorias martyrum religiosâ solemnitate concelebrat. »

Ab hoc loquendi modo protestantes non sunt alieni. Sic enim dicit Amesius: « Honorandæ sunt creaturæ Dei ex religione erga Deum, non ex religione erga ipsas; religio (ut scholastici loquuntur) imperat, non elicit istum honorem. » Item: « Præcipitur tantum, ut dies ille septimus, quem Deus ipse in suo verbo designat, religiosè observetur. » Et confessio Helvetica poster.: « Si ecclesiæ pro christianâ libertate, memoriam dominicæ nativitatæ, circumcisionis, etc., celebrent, maximo perè approbamus. » Confessio Argentinensis vocat religiosa jejunia. Confessio Augustiana de potestate ecclesiasticâ et potestate

gladii dicit: « Utramque propter mandatum Dei religiosè venerandam et honore afficiendam esse. » Imò ipse Lutherus: « Magistratus, imperator, rex, princeps, consul, doctor, concionator, præceptor, discipulus, pater, mater, liberi, herus, servus, etc., sunt personæ: eorum larvæ, quas Deus pro suis creaturis agnoscit et religiosè coli vult, quas etiam oportet in hac vitâ esse; sed non vult, ut eis tribuamus divinitatem. »

Cum igitur de voce *religiosi* nulla possit moveri difficultas, distinguimus honorem sanctorum ab honore divino, à quo infinitè distat, et ab honore civili, qui hominibus tribuitur ob sola dona naturalia, vel dignitates civiles; quia honor sanctorum tribuitur propter gratiam supernaturalem et gloriam, et consequenter objectum habet longè excellentius, quam honor civilis. Hanc differentiam agnoscit confessio Helv. poster.: « Spectandi sunt ministri non ut ministri duntaxat, sed sicut ministri Dei; » neque alii adversantur.

Verùm, quia de nomine non litigamus, vocemus eum honorem observantiæ christianæ, honorem propter dona supernaturalia, vel alio commodiore nomine, si quod inveniri potest. Honor et gloria tribuitur Deo et creaturis variè. S. Basilius de Spir. Sanct., c. 24, tom. 2. p. 342, E.

## ANIMADVERSIONES.

Laculenter sanè Bellicensis episcopus in hoc capite probat venerationem, quam catholici sanctis exhibent, idololatriam non esse, quemadmodum Iohannelli malè feriat ac furore abrepti protestantes his exprobrârunt. Qui inter eos maximè modum servat, fatetur honore sanctos affici posse, quin honos, qui ipsis defertur, cum eo confundatur, qui Deo et Christo præstatur. « Ecclesia, ait sapienter Meldensis episcopus, docet omnem religiosum cultum ad Deum, tanquam ad finem necessarium, referri oportere; ac si honor, quem ea beatæ Virgini ac sanctis exhibet, religiosus dici potest, ob eam profectò causam potest, quòd ad Deum necessariò refertur. » Hieremias Constantinopolitanus patriarcha in suis ad Wittembergenses protestantes responsis ab hac sententiâ non abest. Quamvis enim agnoscat invocationem non nisi soli Deo verè ac propriè deberi, fatetur tamen eandem sanctis quoque, sed veluti per accidens, et per gratiam seu privilegium congruere. Veronius de honore sanctis exhibito

verba faciens, egregiè hanc doctrinam illustravit in suis Fidei Regulis § VII, VIII, IX, X, quæ quidem Regulæ in primo tomo hujus Theologiæ Cursûs continentur.

#### CAPUT XVI.

##### *De intercessione sanctorum.*

Non negant protestantes, esse licitam in hæc vitâ orationem fidelium pro fidelibus, sine præjudicio titularum advocati et mediatoris Christo Jesu competentium. Habentes autem mandatam apostoli Jacobi: *Orate pro invicem*, licitè in hæc vitâ petimus aliorum fidelium intercessionem, sancti Pauli exemplo instructi.

Mirum videtur, quomodò protestantes petitionem intercessionis à viventibus non judicent præjudicare titulari mediatoris et advocati, et tamen velint iisdem titulari præjudicari, per petitionem intercessionis à regnantibus cum Christo sanctis. Cur enim non potius præjudicabit iis titulari, qui viventes interpellat, de quorum sanctitate certitudinem non habet, quàm qui SS. apostolos invocat, de quorum sanctitate nullus dubitat? Cur Christus non patitur eos invocari, sine præjudicio honoris sui, quos gloriæ suæ voluit esse consortes; et eos permittat interpellari, de quorum futurâ gloriâ nos voluit esse incertos?

Fatentur protestantes communiter, sanctos cum Christo viventes orare pro ecclesiâ hinc existente in communi, sine præjudicio titularum advocati et mediatoris Christo Jesu competentium. Nulla igitur est ratio, cur præjudicetur iisdem titulari, etiamsi intercedant pro fidelibus in particulari. Imò si in communi intercedant pro ecclesiâ, cum ipsi sciant, eum esse in ecclesiâ morem, ut sancti cum Christo regnantes invocentur, cur non dicamus cum S. Augustino, generalem orationem professe in particulari, sanctis et generaliter orantibus pro indigentia et supplicantium, sicut nos oramus pro mortuis, quibus utique non presentamur, nec ubi sint, nec quid agant, scimus. Ut quid scrupulosè indagamus, et quemadmodum optulerent martyres iis, quos certum est per eos adjuvari? Nonne certitudo auxilii sufficeret, etiamsi de modo præstandi auxilium nobis non constaret?

Mirandum imprimis est, quomodò protestantes nunc doceant, sanctos orare pro ecclesiâ in communi; quorum gallica confessio dicit: « Credimus, quoniam Jesus Christus datus est nobis unicus advocatus », etc.;

quidquid et homines de mortuorum sanctorum et intercessione committunt, nihil aliud esse, quàm fraudem et fallacias Satanae. Et conf. Helv.: « Sanctos cœlites, sive divos, nec adoramus, neque colimus, nec invocamus, neque illos coram Patre in cœlis pro intercessoribus aut mediatoribus nostris agnoscimus. » Sed benè est, quòd protestantes magis accedant ad doctrinam catholicam.

Non negant protestantes, sanctos orare pro ecclesiâ militante, quia noverunt eam ecclesiam plurimos conflictus sustinere, antequàm suos fideles transmittat ad gloriam; unde jure censetur suam charitatem in periculo constitutis impendere. Et quia charitas ordinata magis sollicita est pro suis propinquis et benefactoribus, quis dubitabit, an fideles, ex hæc vitâ ad cœlum pervenientes, etiam in particulari orent pro suis propinquis et benefactoribus; dicente Apostolo: *Charitas nunquam excidit* (Cor. 13, 8)? Nam si hic ordinata charitas requirit, ut propinquo et benefactorum in nostris orationibus simus memores, cur existimemus beatas animas eorum oblivisci, si habita charitas non excidit? Ita patet ex fundamento S. Scripturæ, orationes sanctorum, pro fidelibus in particulari, non esse universim repudiandas. Sed insuper legimus in S. Scripturâ, quomodò oret Angelus: *Domine exercituum, usquequò tu nos miserereberis Jerusalem, et urbem Judæ, quibus iratus es* (Zach. 1, 10)? Hic est specialis deprecatio pro Jerusalem et urbibus Judæ. Similia inveniuntur non pauca per totam S. Scripturam; et primitiva ecclesia idipsam tenuit constantissimè.

#### ANIMADVERSIONES.

Philippus Melancthon, qui ecclesiæ suæ doctrinam cum eâ, quam romanæ catholici profitentur, conciliare volebat, se super hoc articulo magnis implicitum difficultatibus comperit in fidei confessione, quam ad Franciscum primum Galliarum regem misit. Inficiari non audebat, veteres honorem sanctis exhibuisse, quia honos hic antiquorum doctorum testimonio compluribus nititur. Et sanè S. Hieronymus, S. Ambrosius, S. Basilius et S. Gregorius Nazianzenus ob oculos versabantur. Animo reputabat festos dies in eorundem sanctorum honorem jam inde ab antiquis temporibus celebratos, et panegyricas orationes perinde pronuntiatas, ac si ipsi adfuisent.

Ad ejusmodi locutiones molliendas, insinuat veteres ecclesie doctores, qui eos laudatorios sermones habuerunt, potius operam dedisse, ut admirationem præclaris sanctorum eorumdem virorum virtutibus conciliarent, quam ut ad eos invocandos populum permoverent. Verum haud demùm audent sanctorum intercessionem, veteri consuetudine nitam, rejicere. Hujus intercessionis rationem ad veterem ecclesie praxim exigi cupit, ne simplex populus eandem in sanctis atque in Christo fidentiam collocet. In medium afferre juvat ipsa confessionis hujus verba, cujusmodi in manuscripto, quod penes me est, exemplo sunt: « Prostemur quidem esse retinendos sanctorum honores, quales fuere in vetere ecclesia. Nam ex Hieronymo, Ambrosio, Basilio, Nazianzeno, apparet festos dies celebratos esse. Exstant et conciones eorum plene sanctorum encomiis, et leguntur aliqui SS. Patres encomiis sanctorum mortuorum factâ prosopopœiâ quasi presentes orasse. Verum cum id fecisse videantur magis studio commovendi affectum religiose admirationis in divos, quam ut eorum intercessionem multam tribuerent, admoneri velim rudem populum, ne fiduciam debitam Christo transferant in sanctos, ut sæpè accidit hactenus. Nam si omninò intercessionis sanctorum aliqua mentio ob receptam consuetudinem videbitur retinenda esse; ea maximè intercessionis forma restituenda esset in publico, quæ est in veteribus ecclesie orationibus, ubi invocatio fit ad Deum, non ad sanctos, et tamen sit mentio alicujus intercessionis, v. gr.: « Deus, da ut adjuvemur precibus sanctorum. Certum est enim sanctos in cælo orare pro totâ ecclesiâ in communionem, sicut et in hac vitâ pii homines orant pro universâ ecclesiâ. »

#### CAPUT XVII.

##### *De invocatione sanctorum.*

Rectè observant nonnulli invocationem sanctorum non esse ad salutem necessariam; neque etiam exstat præceptum ecclesiasticum de invocandis sanctis, quamvis nulli catholico liceat, sanctorum invocationi contradicere, tanquam rei malæ, vel divinitus prohibitæ.

Fundamenta S. Scripturæ pro sententiâ catholicâ sunt apertissima. Dicit Apostolus: *Ubi non est lex, nec prævaricatio* (Rom. 4, 15). Non autem est lex prohibens invocationem sanctorum; nulla igitur est prævaricatio in-

vocare sanctos, sed actio licita, quod nobis sufficit. Deinde sic Angelus loquitur ad Loth: *Ecce etiam in hac suscepit preces tuas, ut non subvertam urbem, pro quâ locutus es* (Gen. 19, 21). Si Angelus suscepit preces, debuit Loth eas fuisse. Postea, *Jacob invahit ad Angelum, et confortatus est: fessit, et rogavit eum* (Osee 12, 4). Cur idem nobis non liceat? Vide *Jud. 6, 12, et 15, 15*. Accedit, quod Jacob benedicens pueris suis dixerit: *Angelus, qui erant me de cunctis malis, benedicat pueris istis, et invocetur super eos nomen meum, nomina quoque patrum meorum Abraham et Isaac* (Gen. 48, 15). Tandem dicit S. Joannes septem ecclesiis, quæ sunt in Asiâ: *Gratia vobis et pax ab eo, qui est, qui erat, et qui venturus est: et à septem spiritibus, qui in conspectu throni ejus sunt* (Apoc. 1, 4). Ubi petit pro ecclesiis gratiam et pacem, non tantùm à Deo, sed etiam à septem spiritibus qui in conspectu throni sunt.

Neque dicant protestantes, angelos licitè invocari, quia sunt ministratorii spiritus, quia in circuitu nostro sunt, quia angelis suis mandavit Deus de nobis; patet enim ex locis allegatis, Jacobum implorasse benedictionem Angeli pro suis pueris, nullâ factâ mentione vel presentis, vel absentis; et sanctum Joannem petivisse benedictionem à spiritibus qui in conspectu throni divini sunt. His et similibus motivis, uti et testatissimo antiquitatis consensu facilè statuent protestantes, invocationem sanctorum nihil illiciti continere. Ipse Wicleffus agnoscit invocationem sanctorum, *Dialog. lib. 3, cap. 30, fol. 95*. Hus in *fid. suâ Elucid.*, fol. 51, *Epist. 22, fol. 65, et alibi*.

#### CAPUT XVIII.

##### *De scientiâ sanctorum.*

Si protestantes tum domesticam doctrinam, tum S. Scripturæ scrutarentur eloquia, non negarent sanctorum scientiam. Ipsi enim communiter docent, angelos non esse mutos, sed angelum angelo posse loqui per directionem voluntatis; ita ut angelus loquens, eo ipso, quod cogitationem suam velit alteri angelo esse notam, cogitationem suam aperiat, et alteri angelo innotescere faciat. Cùmque angelorum operationes non dependeant à phantasiâ, neque impediuntur à medio, nihil est, cur angelus non possit loqui alteri angelo, quantumvis longissimè distanti. Et si nos habeamus modum per litteras aperiendi cogitationes nostras absentibus et longè distantibus, quæ



ratio suadet, ut omnem communicationem à distantibus angelis removeamus? Si oculus noster videt stellâs altissimas, cur angeli non videant, quod alii angeli velint ipsis esse cognitum? Si ergo per directionem voluntatis cognoscunt alii angeli cogitationes ad se directas, pari ratione cognoscent preces nostras per voluntatem nostram ad ipsos directas; neque censenda est directio animæ rationalis in hoc minus valere, quàm directio angelica. Nos quidem non cognosceremus cogitationes angelorum, etiamsi eæ ad nos dirigerentur, quia operationes animæ nostræ, in cognoscendis externis, dependent à phantasiâ; sed hoc nihil impedit, quominus angeli cognoscant preces nostras, quas ad ipsos dirigimus, cum operationes angelicæ non dependeant à phantasiâ. Neque propterea statuimus angelos vel omnicos, vel scrutatores cordium, quia non cognoscunt universas cogitationes vel aliorum angelorum vel etiam hominum, sed eas tantum cogitationes, quæ ad ipsos diriguntur, et quas dirigens vult ipsis esse cognitâs. Ista notitiâ, si angelis concedenda est, quomodo negabitur sanctis in cælo regnantibus? nam de his Christus dicit: *Neque ultra mori poterunt. Æquales enim angelis sunt, et filii sunt Dei, cum sint filii resurrectionis.* (Luc. 20, 36.)

Protestantes solent de sanctis loqui, quasi de mortuis; qui tamen vitâ vivunt eminentiori et digniori, participes luminis increati et gloriæ æternæ. Dicit Apostolus: *Ex parte cognoscimus, et ex parte prophetamus; cum autem venerit quod perfectum est, evacuabitur quod ex parte est* (1 Cor. 13, 9). Majora enim dona largitur Deus regnantibus in cælo sanctis, quàm peregrinantibus in terrâ fidelibus. Si propheta Eliseus puerum suum Giezi, absens corpore, vidit accipientem munera, quæ dedit illi Naaman Syrus; quantò magis videbunt sancti, etiamsi sint absentes, preces ad ipsos directas? Prophetâ Eliseo oculis non indigente, ut videret servum, cur sancti indigent oculis, ut videant nostras supplicationes? Si ille divinitus et mirabiliter adjutus est, ut videret non præsens, quantò magis isto munere abundant, inter quos Deus est omnia in omnibus? Propheta Daniel sciebat occultam explicationem somnii Nabuchodonosoris; Samuel cognovit omnia, quæ erant in corde Saûlis; Abdias cognovit simulationem uxoris Jeroboam; Elias translatus in paradysum, corripuit per epistolam Joram regem Jude; et minora Deus concedet sanctis, jam obtinentibus quod

perfectum est, evacuato quod ex parte est? Verùm, ut ex ipsis SS. Scripturis ostendantur exempla, quis dicit Jacobum invocasse Angelum, qui benediceret suis filiis, nisi ei persuasissimum fuisset, angelos intelligere preces supplicantium ad se directas? Quis dicit B. Joannem petere gratiam et pacem pro ecclesiis Asiæ à septem spiritibus, qui ante thronum sunt, et tamen nescium fuisse, an ejus petitionem intelligerent? Nonne regius Propheta id ipsum intellexit? dicit enim: *In conspectu angelorum psallam tibi* (Psal. 137, 2). An psallendum putavit in conspectu angelorum non videntium neque audientium? Illustre exemplum est, de quo Christus ipse testimonium perhibet, quando dicit: *Caudum erit in cælo super uno peccatore penitentiam agente* (Luc. 13, 7). Neque enim angeli gaudebunt de re ignotâ, vel tantum in genere super conversione peccatorum, sed super uno particulari et determinato peccatore. Enarrent nobis domini protestantes, quæ qualisque sit ista angelorum lætitiâ, unde concepta, si ignorent conversionem peccatoris; enarrent nobis, istam notitiâ habeant ex viribus naturalibus, an verò ex dono gratiæ. Nos quidem existimamus, neminem inter illos futurum qui solidè determinet eum cognitionis angelicæ modum, et non simul hoc ipsum ponat, quod catholicorum sententiam confirmet.

Laborârunt varii SS. Patres, ut cognitionis angelicæ modum explicarent; universi tamen, uti rem certam ponunt, angelos, ut et sanctos cum Christo regnantes, habere eam notitiâ, quæ sufficiat ad eorum intercessionem postulandam; quos si protestantes imitentur, non scrupulosè inquirent de modo scientiæ, postquam constat de certitudine auxilii. *Obtestor in conspectu Dei, et Christi Jesu, et electorum ejus angelorum* (1 Tim. 1). Refertur à S. Basilio de Spir. sanct. c. 12, tom. 2, pag. 316, B. Neque angeli sunt simul in pluribus locis. S. Basilius ibid., cap. 22, pag. 342, A

#### CAPUT XIX.

##### *De reliquiis sanctorum.*

Docent cum catholicis protestantes, veris sanctorum reliquiis honorem deberi, et easdem in antiquâ ecclesiâ honore affectas. Kemnitiis, Exam. conc. Trid., part. 4, et 16; Andree Rivetus, Animadv. in annot. Grot. in consul. Cassand., ad art. 2, pag. 157. Legimus etiam in Actis apostolicis, quomodo virtutes non quasi libet faciebat Deus per manus Pauli; ita ut etiam

super languidos deferrentur à corpore ejus sudaria et semicinctia, et recedebant ab eis languores, et spiritus nequam egrediebantur (cap. 19, 11, 12). Et hæc quidem sudaria et semicinctia nec accipiebantur nec applicabantur sine honore, tanquam à viro sancto procedentia, et virtutem operandi mira secum quasi afferentia. Quando tantumdem faciunt hoc tempore catholici, mox accusantur superstitionis et idololatriæ à quibusdam zelotis exempla SS. Scripturarum non expendentibus.

Quid vilis erat umbrâ S. Petri? Et tamen Deus per eam umbram sua patravit mirabilia; et tanta fuit populi erga S. Petram reverentia, ut etiam umbram ejus haberet in honore. Quid dicemus de illâ muliere hemorroissâ, quæ ex contactu fimbriæ vestimenti Christi sanitatem recepit? Quid de aliis infirmis, qui ex contactu vestimentorum Christi incolumes facti sunt? S. Joannes Baptista testatur se indignum qui solvat corrigiam calceamenti Christi, Marc. 5. Et ut dicit S. Basilus de Spir. Sanct. cap. 15, tom. 2, pag. 325, D: « Cujus non sum dignus et ut gestem calceamenta. » Dicant nobis protestantes, an hæc et similia exempla non abundè sufficiant ad honorandas sanctorum reliquias, cum Deus, per vilissimâ quæque eorum necessaria, tantas sit operatus virtutes.

Predixit Isaias de sepulcro Christi Jesu, quod esset futurum gloriosum. Postquam Eliseus percussisset aquas pallio Eliæ, divisæ sunt aquæ, tanquam honoris causâ assurgentes, et transitum Eliseo concedentes. Cum projectum esset cadaver defuncti in sepulcrum Elisei, et ossa prophætæ tetigisset, vitali contracta revixit homo, et virtute divinâ per jacentem erectus, stetit in pedes suos. Cum Moyses discederet ex Ægypto, transtulit ossa Josephi, de quibus Kemnitius: « Nec dubium est, filios Israel ossa seu reliquias Josephi reverenter asservasse. » Et mox: « Reverenter sine dubio reliquias illas Josephi Israelitæ asportaverunt ex Ægypto in terram promissionis. »

Quibus consideratis, statuent ipsi protestantes, veras sanctorum reliquias in honore habendas esse, illisque licitè convenientem honorem exhiberi; maxime si perpendant constantem antiquitatis usum pro eo honore militare.

## CAPUT XX.

### De imaginibus sanctorum.

Protestantes non docent, abolendas esse artes picturæ et sculpturæ, cum inter ipsos

inveniantur qui in istis artibus excellant. Sed non satis observant differentiam inter imaginem et idolum, cum tamen dicat Apostolus: *Scimus quia nihil est idolum in mundo, et quod nullus est Deus, nisi unus* (1 Cor. 8, 4). Quantumvis enim idola representarent homines vel alias creaturas, non tamen representabant Deum, qui unus est, sed pro Deo creaturam: et ipsa idola, quæ adorabantur ut dii, nihil habebant divinitatis, ut propterea rectè dicatur: *Idolum nihil est in mundo*. Imagines Jesu Christi et sanctorum non representant res falsas, neque quæ nunquam fuerunt, vel ipsis protestantibus agnoscentibus. Sancti cum Christo regnantes non sunt dii, nec apud romanos catholicos habentur pro diis, sed pro creaturis, tantò magis coram Deo humilibus, quantò dignius per divinam gratiam sanctificantur: quamvis nomen Dei in S. Scripturâ communicatum sit Moysi: *Ecco constitui te Desm Pharaonis, et Aarons frater tuus erit propheta tuus* (Exod. 7, 1); ut jam de aliis locis taceamus. Consequenter nec romani catholici imagines pro diis habere possunt, qui ipsos sanctos pro diis non habent; nec impendant honorem divinum imaginibus, quem docent nec ipsis sanctis esse tribuendum.

Petunt protestantes, qualis sit ille honor, qui defertur imaginibus. — Respondemus non esse honorem uni et soli Deo debitum, in quo omnes omnino conveniunt catholici. Imò dicimus sanctissimæ Jesu Christi humanitati, quatenus concipitur præcisa et separata ab ejus divinitate, non esse tribuendum honorem uni et soli Deo debitum; qui eidem SS. humanitati non competit, nisi in quantum est personaliter unita Verbo divino. Si ergo eum honorem supremum non tribuamus sanctissimæ Jesu Christi humanitati, sub istâ consideratione, quantò minus eundem honorem tribuimus aliis sanctis? quantò minus tribuimus eundem honorem imaginibus sanctorum? Viderint igitur, qui catholicam doctrinam, tanquam idololatriam confirmantem, non erubescunt arguere, quo nitantur fundamento.

Sed rursùm petunt protestantes qualis sit iste honor, qui defertur imaginibus sanctorum. — Possent romani catholici promittere responsum, postquam protestantes determinassent honorem, qui deferendus est sanctis cum Christo regnantibus, quem toto seculo non explicarunt; sed dicimus, sanctorum memoriam in benedictione esse, et imagines sancto

rum esse memorias prototyporum. Diefmus, materiam imaginis nullum ex se mereri honorem, nec à formâ imaginis aliquid esse petendum, vel in eâ collocandam divinitatem, virtutem, vel fiduciam; et tamen coram imaginibus licitè honorari sanctos, ipsasque imagines propter sanctos; sanctos verò propter gratiam et gloriam quam Deus iis contulit. Non negant protestantes, principem affici contumeliâ, quando ejus imago eam patitur, propter relationem inter imaginem principis et ipsam principem; et sic dicimus, honorandas esse imagines, propter relationem ad sanctos, quorum memoriam nobis exhibent; ita ut iste honor terminetur per imagines ad ipsos sanctos eorumque sanctitatem. Si licitum sit protestantibus flectere genua coram pariete, ad adorem Deum, cur nobis non liceat flectere genua coram imagine Crucifixi, quæ nos fortiore modo reddit memores acceptorum beneficiorum?

Legimus in SS Scripturis Judæos adorasse Deum ad arcam Fœderis, quam in magno habuerint honore et reverentiâ; et tamen eam arcam nonnulli protestantes fatentur fuisse figuram Dei; figuræ etiam Cherubim erant super arcam, quas cum ipsâ venerantur arcâ. Serpentem æneum fuisse figuram Christi, non negabunt protestantes, quibus notum est, quid de eo Christus dixerit. Percussos autem ab ignitis serpentibus ad æneum illum cum veneratione accessisse, quis prudens dubitabit? Juxta reformatos in S. Cœnâ sumitur signum, imago, figura, aut representatio Corporis Christi, et Calvinus vult à suis Eucharistiam reverenter accipi. Si autem nobis illi explicaverint, qualis sit ea reverentia, simul indubiè explicabunt, qualis sit honor imaginibus deferendus.

Voces esse rerum signa, non dissentent protestantes, apud quos inveniuntur, qui ad nomen terreni principis caput detegunt, interim sacratissimo nomini Salvatoris nostri nullum honorem exhibentes, quamvis dicat Apostolus: *In nomine Jesu omne genu flectatur caelestium, terrestrium, et infernorum* (Philip. 2, 10). Ipsum enim nomen Jesu est honorabile, non quidem propter litteras et syllabas, sed quia Redemptorem nostrum significat, eumque ipsum memorie nostræ exhibet. Ita signo crucis magnâ cum pietate sese primi fideles signabant, quia erat figura Crucifixi.

Non est alienum à fundamento Scripturarum, si imagines honorentur, ob relationem

ad ipsos sanctos: multa enim dicuntur sancti ob relationem ad veram sanctitatem. Ita legitur: *Adorate scabellum pedum ejus, quoniam sanctum est* (Psal. 99, 8). Honor autem isti scabello delatus fuit ob participationem quâdam sanctitatis et relationem ad veram sanctitatem, qui honor non est merè civilis; et inhonoratio arcæ non semel punita fuit ut sacrilega. Et rursùm: *Adorate in monte sancto ejus* (ibid. vers. 9); vel, ut protestantes: *Incurvate vos ad montem sanctitatis ejus*, id est, ad montem Sion; moas enim dicitur sanctus ex participatione quâdam sanctitatis; et sicut illi se incurvabant ad montem sanctitatis cum honore, adorantes veram sanctitatem, ita catholici incurvant se ad sacras sanctorum imagines cum honore, veram sanctitatem venerantes. Sic dicitur Moysi: *Locus in quo stas, terra sancta est* (Exod. 12, 16). Quare sancta, nisi ob Dei, vel angeli Deum representantis presentiam? Sic dicitur: *Dies prima erit sancta, et septima eadem festivitate venerabilis* (Exod. 31, 14). Sic sabbatum dicitur sanctum. Sic Verbum Dei dicitur sanctum, sacra biblia, sacras Scripturas, sanctum Evangelium.

Juxta Calixtum, angeli sub veteri Testamento frequenter Deum representarunt, et ex personâ Dei, tanquàm ejus legati, sunt locuti. Istis autem angelis magnum honorem magnamque venerationem esse exhibitam, nullus dubitat; et tamen ille honor angelis deferabatur, tanquàm Deum representantibus. Cur ergo non liceat catholicis aliquem honorem tribuere imaginibus, sanctos cum Christo regnantes in figurâ referentibus? Joannes Ilus poterit in hoc negotio docere protestantes, quando dicit: « Quamvis coram imagine Christi vel aliâ cujuscumque sancti licitè possint homines genuflectere, orare, offerre, candelas ponere, et sic faciunt, non tamen in nomine imaginis, sed in nomine illius, cujus imago est, illa debent facere; sicut et imago non propter se, sed propter imaginatum est coram hominibus sculpta, posita, vel depicta. Secundò patet, quòd non sequitur: ille homo coram imagine orat, igitur imaginem orat. Similiter non sequitur: ille osculatur imaginem, igitur illo osculo adorat imaginem. Unde licet tale osculum sit materia latriæ, non tamen ipsa latria vel dulia. Sicut licet distributio, quâ homo distribuit uno tempore virtuosè, et alio vitiosè temporalia, sit materia operis virtutis; non tamen ipsa est virtus, cum omnis virtus sit per se bona. Ex quo tertio patet quòd falsum est;

quod adorans Salvatorem, osculando imaginem ejus, eodem adoratione, quæ est osculum, adoret Salvatorem et imaginem ejus, cum nullum tale osculum sit adoratio, licet sit materia adorationis. Quartò patet, quod licet fideli multa signa adorationis exteriora coram imagine Christi vel alicujus sancti facere, quibus non licet eas adorare, vel quæ non licet eis exhibere.)

## ANIMADVERSIONES.

Holdenius, antequàm ad controversiam accedat, quæ ad imagines spectat, principii loco ponit, statuendum esse discrimen inter veritates, quæ propriè catholicæ nuncupantur, quia revelatæ fuerunt, et ad nos usque per constantem traditionem pervenerunt, et eas quæ communi Ecclesiæ consuetudine ac disciplina nituntur. In hac posteriore classe honorem imaginibus exhibitum collocat. Catholici nullam divinitatem, nullamque peculiarem virtutem his imaginibus tribuunt, quemadmodum idolis suis ethnicis tribuebant. Quemcumque iis honorem præstant, ad exemplaria, quæ representant, omnis refertur, ut Bellicensis episcopus ex Trid. concilio probat; idemque ex universali Ecclesiæ praxi facilè ostendi posset. Non ergo catholici idololatriæ accusari possunt, quod furentes aliqui protestantes faciunt, quoniam honor, qui imaginibus exhibetur, ex eorum numero est, quæ relata dicuntur. Non adoro, inquit S. Joannes Damascenus, materiam, sed auctorem materiam.

Veronius graviter animadvertit tum in nostrâ fidei professione, tum in Tridentinâ synodo de imaginibus adorandis nullum verbum occurrere; ac proinde, utràm iis exhibitus honor adorationis appellari debeat, necne, scholarum quæstionem esse. Latinum verbum adorare, quod ad linguam nostram accessit, ambiguum est, cum Græci utanter verbo προσκυνῶν, quod in eorum sermone ambiguum non est. Addit idem Veronius, an honor sanctorum imaginibus præstitus religiosus cultus sit, problematicam quæstionem esse. Atque ita quidem facilè catholici super imaginum negotio cum protestantibus conciliari poterunt. Lutherani hæc in re se multò, quàm Calvinistæ, moderatiores exhibuerunt. Se quippe crediderunt posse, atque adesse debere imagines suis in templis servare, quippe quæ populo edocendo inservirent Jacobus Andrea; magis inter Germanos lutheranos nominis, in collatione Montbeliardi

habita, Gallorum calvinistarum acerbitates acriter Beza exprobravit, eosque tanquam furiosos increpuit, qui in catholicorum ecclesiis imagines et statuas confregissent, perinde ac si veri nominis idola extitissent.

Ita quidem Jacobus Andrea, in collatione, quam Montbeliardi mutuò habuerunt, quæque typis edita fuit, Theodoro Beza exprobravit. Melanchthon in sua fidei Confessione nec statuas, nec imagines rejicit, dummodò nemo iis abutatur, ut pecuniam lucretur, populusque de vero earum usu doceatur, qui in eo positus est, ut sanctorum res gestas nobis exhibeant, et ad eorum imitationem nos excitent. En ejus verba in quarto hujus Confessionis articulo: « Si pii et docti sacerdotes sufficiantur in eorum locum, qui statuas ejusmodi abutentes ad quæstum, patiuntur imbecillum et rude vulgus in superstitionem et idololatriam cadere, doceant in sanctorum memoriam, ut per eam ad eorum imitationem incitemur, imagines et statuas esse positas, nos profectò neque Christi, neque sanctorum imagines damnabimus. Nam earum cultum tantùm et adorationem, et tam indoctum, quàm avarum et quæstum sacrificulorum vulgus improbamus, idque cum theologis omnibus et veteribus et recentioribus. »

Trid. conc. ad amussim cum Melanchthonis Confessione consentit, ad abusus quod attinet, qui in cultum imaginibus exhibitum irrepere possent. Episcopis enim, cæterisque, quibus populi institutio demandata est, mandat, ut de legitimo imaginum usu fideles diligenter instruant. Præcipit etiam, ut omnis superstitio, et omnis turpis quæstus eliminetur. Parisiensis theologi, quibus Franciscus I Germanorum confessionem expendendam mandavit, ut ejus rationem eidem redderent, consentiant et ipsi, quod ad abusus spectat, qui irrepissent in cultum, qui imaginibus exhibebatur, prout in secundo Nicæno concilio decretum fuerat: « Sanctorum imagines, inquit laudati doctores, adorandas statuit septima synodus, non utique eâ religione, aut culta, qui Deo soli competit. Abusibus tamen, si qui in hujusmodi rebus eveniunt, vigilantissimè superiorum occurrendum est. »

E re fuerit iis addere, quæ quoad honorem imaginibus exhibitum hactenus allata sunt, christianas omnes Orientis societates hæc in re cum romanâ Ecclesiâ omninò congruere. Iis etiam Græci longè majores, quàm Latini, honores tribuunt; quod, ut est verè simile, ex

eorum singulari elegantia derivatur. Metroplianes Critopulus paucis explicat caeremonias, quas Aborigines quoad imagines servant. Cum, inquit, alicujus sancti festus dies est, ejus imago in media ecclesia ponitur, et imago hae seu pictura festi, quod celebratur, historiam representat; causae exempli, Nativitatis, aut Resurrectionis Christi Domini; tum verò qui adsunt, imaginem osculantur, quod eorum sermone dicitur *προσκύβειν*, latinè *adorare*. Porrò adoratio nec genu flexo, nec aliqua flexione, vel alio corporis gestu peragitur; sed simpliciter imagini impressis oculis. Si Domini nostri imago fuerit, fideles ferè ejus pedes, si Virginis, manus, si cujus denique sancti, faciem osculantur.

### CAPUT XXI.

#### *De sacramentorum efficacia.*

Convenit inter catholicos et protestantes, esse sacramenta; convenit, sacramenta esse signa visibilia invisibilis gratiae; convenit, solum Deum posse instituire sacramenta, et Christum Jesum esse auctorem sacramentorum novae legis; convenit, junctam esse sacramentis promissionem gratiae. Sed difficultas est de sacramentorum efficacia. Ubi non quaeritur, an sacramenta sint causae primariae et propriae effectivae illius gratiae, quae confertur; hoc enim solius Dei est; sed an ex opere operato sequatur gratia. Non quaeritur, an sint causae instrumentales gratiae; id enim praecipui ex protestantibus agnoscunt: Daillæus ex S. Scripturâ probat, « Baptismum dare remissionem peccatorum, et gratiam Spiritus sancti; » quae quidem datio, cum non sit propria effectiva gratiae, necesse est, ut tanquam causa instrumentalis concurrat ad collationem gratiae. Eo autem ipso proximè accedunt ad sententiam Ecclesiae romano catholicae, ubi per opus operatum intelligitur, quòd sequatur gratia ex vi ipsius actionis sacramentalis à Deo ad hoc institutae, non autem ex merito agentis vel suscipientis. Quid autem est baptismum dare gratiam Spiritus sancti, nisi vi baptismi à Deo instituti, gratiam conferri? Crocius vocat sacramentum non nudum signum, sed signum exhibitivum. Imò cum stomacho dicit: « Quòd nostri dispensant sacramenta, quae tantum sint signa gratiae, mendacium est apertum. » Refert etiam ex confess. Helv. pr., art. 2: « Baptisma ex institutione Domini est lavacrum regenerationis, quam Dominus electis suis visibili signo per Ecclesiae ministerium, qua-

« lter supra expositum est, exhibet. » Et ex conf. Angl. post., art. 27: « Baptismus non est tantum professionis signum ac discriminis nota, quae christiani à non christianis discernantur; sed etiam est signum regenerationis, per quod, tanquam per instrumentum, rectè baptismum suscipientes ecclesiam inseruntur, promissiones de remissione peccatorum atque adoptione nostrâ in filios Dei per Spiritum sanctum visibiliter obsignantur, fides confirmatur, et vi divinae invocationis augetur. » Dicit pueros in Hassiâ respondere: « Baptismus est divina actio, quae Deus externo et visibili aquae lavacro invisibilem gratiam, id est, sanguinem Christi et Spiritum sanctum non solum representat, sed etiam obsignat et exhibet. »

Rejicit illam sententiam Crocius, quae dicit, « aquae spiritualem quamdam et occultam vim regenerandi à Deo esse inditam. » Sed non est sententia Ecclesiae catholicae (quiquid sit de quorumdam scholasticâ probabilitate), quòd aqua operetur remissionem peccatorum et regenerationem per se, et ex opere operato, virtute quâdam insita. Caeterum sic loquitur S. Basilius de Spiritu sancto cap. 15, tom. 2, pag. 323, A: « Si qua est gratia in aqua, non est ex ipsius aquae naturâ, sed ex Spiritus praesentiâ. » Novimus enim, remissionem peccatorum aliter Deo, aliter sacramentis convenire. Novimus Deum esse eorum beneficiorum solam causam principalem: et sufficit nobis si agnoscatur efficacia instrumentalis, ita ut sacramenta, tanquam divina instrumenta, dent gratiam Spiritus sancti, sint signa exhibitiva, quae regenerationem per ministerium Ecclesiae exhibent; instrumenta vi divinae invocationis gratiam augmentia, vel, ut Crocius refert ex conf. Belg., art. 35: « Sacramenta esse signa et symbola visibilia rerum internarum et invisibilium, per quae, cum mediâ Deus ipse Spiritus sancti virtute in nobis agit. » Dicit autem Crocius, baptismum obsignare gratiam, vel prius datam, si quis ante baptismum susceptionem sit justus; vel eam quae datur in ipso actu baptismi, vel eam quae post baptismum datur, quando quis hypocrita baptizatur, et postea convertitur.

Existimamus protestantes facillè judicare, nihil hic esse in doctrinâ catholicâ, quod merito reprehendant, imò quod ipsi non teneant; ideòque de modo loquendi non esse litigandum. Nam obsignationem gratiae, sive congnationem pacti per baptismum agnoscit S. Ba-

silius, de Spir. sanct. c. 11, tom 2, pag. 316, B.

### CAPUT XXII.

#### *De numero sacramentorum.*

Si apud protestantes quid certi esset de numero sacramentorum, facilius convenirent cum romanis-catholicis; sperandum enim foret, ut ex ipso determinandi modo numerus verus non lateret. Nunc autem plerique inter ipsos duo tantum agnoscunt sacramenta; alii tria, alii vel quatuor, vel quinque, vel sex, vel etiam septem. Sed memorabile est, quod in hoc negotio scripsit Wiclefus: « Quantum ad istam materiam de signis, sum pauper animo; cum cognosco, quod multa dicta in ista materia habent nimis debile fundamentum, et propter aggregationem ac institutionem in terminis, difficile est loquentibus habere viam inexpugnabilem veritatis. Non enim video, quin quælibet creatura sensibilis sit realiter sacramentum, quia signum à Deo institutum, ut rem sacram insensibilem significet, cuiusmodi sunt Creator, et creatio, et gratia Creatoris. Nec didici picatlas, ex quibus piæ castis adjectis hoc nomen sacramentum limitari debet univocè ad hæc septem. Ideò desperans de univocatione, detego narrative ordinem istorum septem sacramentorum vulgarium. » Item: « Christus in propria personâ, est signum sensibile, et, ut videtur mihi, sacramentum sacramentorum, cum sibi summè conveniat descriptio sacramenti. » Item: « Patet de septem operibus spiritualis misericordie, quæ debent apud fideles, et speciatim presbyteros, esse sacramentum. » Ita omnes illi, cum suo Wiclefo sunt pauperes animo, qui putant, se ex sacro textu, sepositâ traditione ecclesiasticâ, posse definire numerum sacramentorum: quantum penè enim hallucinantur, ille suo exemplo ostendit, qui de univocatione desperans infinita posuit sacramenta. »

#### ANIMADVERSIONES.

Verum non est, absolutè loquendo, protestantes plura quam duo sacramenta à Christo Domino instituta admittere, lutheranis exceptis, qui tria, nempe Baptismum, Eucharistiam et Pœnitentiam agnoscere videntur. Cætera sacramenta potius tanquam puras putasque ecclesiasticas cæremonias, quam tanquam veri nominis sacramenta spectant. Episcopales anglicani, qui septem suis in ritualibus recipere videntur, in suâ tamen fidei confessione

duo tantum suscipiant, quæ propriè dicta sacramenta sint; quemadmodum in eâ videri potest, quæ anno 1562, cum Iwel episcopi Salisburiensis operibus impressa fuit: « Duo autem sacramenta (confessionis hujus verba sunt) quæ eo nomine propriè censenda sunt, agnoscimus, Baptismum et Eucharistiam. »

Alia quoque episcopalium confessio, quæ eodem anno 1562, in Londinensi quâdam synodo confecta fuit, enuntiat, propriè loquendo, duo tantum sacramenta esse à Christo instituta, Baptismum scilicet, et Cœnam Domini; quinque autem cætera, quæ vulgò sacramenta nuncupantur, non esse ponenda in eorum numero, quæ in Evangeliiis designantur: « Quinque illa vulgò nominata sacramenta pro sacramentis evangelicis habenda non sunt. » Cæterum animadversione dignum est anglicos episcopales pluries suæ fidei confessioni manum admoveisse, et in postremis editionibus longius à romanis-catholicis recessisse, quam in eâ quæ Eduardi regis temporibus prodit, præterquam quòd Iwel Zuïnglianorum sententiis favebat.

Germani protestantes lutherani dicti, pœnitentiam inter vera sacramenta, et quidem æquè ac Baptismum et Eucharistiam referre videntur. Constat id ex confessione quam imperatori Carolo V obtulerunt in eodem anno 1550, Augustæ Vindelicorum habito. Hinc Augustanæ confessionis nomen extitit. Porrò inter hujus confessionis exemplaria varietas occurrit. Iidem lutherani in confessione Wittembergensi anno 1552 typis editâ, Ordinem quoque in veri nominis sacramentorum numero collocare videntur; aiunt enim nemini, nisi vocato licere in Ecclesiâ ministri functiones obire, et in hanc rem laudant ea S. Pauli ad Timotheum verba: *Ne cui leviter manus imponas* (1 Tim. 22). At catholici theologi ex Scripturâ ac traditione probant singula septem esse vera sacramenta, quibus gratiæ promissio addicta est.

### CAPUT XXIII.

#### *De necessitate baptismi.*

Convenit inter catholicos et protestantes, et quis adultus contempserit baptismum, eum excludi à salute. Convenit, si baptismum aquæ ab adulto haberi non possit, sufficere baptismum spiritûs vel sanguinis. Convenit parvulos esse baptizandos ex necessitate præcepti divini. Sed queritur an parvulis sit necessarius baptismus necessitate mediæ, ita ut sine baptismo ad salutem æternam non perveniant?

Quidam protestantes hanc necessitatem admittunt; plerique eam negant. Originem ejus erroris si perspexerint, facilius eum deponent. Docuit Wiclefus: « Videtur mihi probabile, quod Christus satis posset sine lotionem infantes spiritualiter baptizare, et per consequens salvare. » Et sic, quando dixit Christus: *Nisi quis renatus fuerit ex aqua et Spiritu sancto, non potest introire in regnum Dei*; addit Glossa genevensis, *ex aqua, id est, ex aqua spirituali*; stabiliens scilicet Wiclefiticam probabilitatem, de qua ipse ulterius dicit: « Deus, si voluerit, potest damnare infantem talem (non baptizatum) sine injuriâ sibi factâ, et si voluerit, potest, ipsum salvare. Nec audeo partem alteram definire. » Sequitur autem de infantibus fidelium.

Quia, rectè dicit sanctus Augustinus, pro infantibus « tantò impensius loqui debemus, quantò pro se ipsi, minùs possunt, » operæ pretium erit sententiam istorum protestantium uberiùs explicare, quò ipsi videant quàm periculosè errent.

I. Reformati non credunt certitudine fidei, universis fidelium infantibus non imputari peccatum originis, eosdemque ante baptismum regenerari et justificari. Vide Synop. pur. theol., disp. 15, Thes. 20, pag. 167; synod. Dordrecht., pag. 177; Gommarum in synod. Dordrecht., ad art. 1, p. 31.

II. Reformati docentes, fidelium infantes esse sanctos, non id intelligunt de sanctitate inhærente, quæ opponitur corruptioni peccati originalis, sed de sanctitate ecclesiasticâ, quòd liberi fidelium habeant jus sacramenti accipiendi præ paganis, adeoque jus fœderis externum. Vide Crocium, Comment. de Aug. Conf. Societ. q. 2, cap. 26, pag. 400; et cap. 27, pag. 411; et cap. 50, pag. 695.

III. Apud reformatos incertum est an regenerentur omnes fidelium infantes qui baptismum accipiunt; imò probabilius est apud reformatos, non omnes fidelium infantes regenerari, qui accipiunt baptismum. Vide Crocium, Comment. de Aug. Conf. Societ. q. 2, cap. 43, pag. 614; Conf. Helv. pr., art. 21, pag. 91; Gommarum in synod. Dordr. ad art. 1, pag. 31. In contrarium est S. Augustinus Enchir. ad Laurent. cap. 43, tom. 3, pag. 73, B. C.

IV. Apud reformatos non est absolutè certum, omnes fidelium infantes baptizatos salvari, etiamsi moriantur sine peccatis actualibus: uti patet ex dictis.

V. Apud reformatos non est absolutè certum omnes fidelium infantes non baptizatos salvari, etiamsi moriantur sine peccatis actualibus.

VI. Apud reformatos incertum est, an fidelium infantes sine baptismo et sine peccatis actualibus morientes, salventur, aut damnentur. Vide Festum Hom. disp. 58, Thes. 6; judicium theolog. magn. Britan. in synod. Dordr. ad Thes. 7, heterod. de elect., pag. 11. Theol. Helvet. Thes. 8, ibid., pag. 46. Echarodus non dubitat de internâ regeneratione infantium, sine baptismo decedentium; neque id restringit ad fidelium infantes. Pandect. cap. 1, quæst. 14, obj. 2, pag. 96.

Vident protestantes incertitudinem circa necessitatem baptismi à Wiclefo traditam etiam hoc tempore resuscitari. Atque hic obiter notandum eos, reformatos, apud parentes, de infantibus suis sollicitos, catholicis invidiam excitare, quò doceant, infantes fidelium sine baptismo morientes ad regnum cœlorum non pervenire: ipsis scilicet contrarium statuunt. Sed considerandum eos, an non potius reformati illudant sollicitis parentibus, quando ipsorum infantes vocant sanctos et participes fœderis; nec tamen intelligunt aliam sanctitatem, nisi ecclesiasticam, quæ non inferat sanctitatem inhærentem et regenerationem, quando ipsorum infantes vocant electos; et non loquuntur nisi ex præsumptione et judicio, ut putant, probabili, sine certitudine fidei. Quid quòd ipsi docent, non omnes infantes, legitimè baptizatos, sine peccatis actualibus morientes, ad numerum electorum pertinere, et ad salutem æternam pervenire? Inde enim horridum illud reformatorum dogma, ante annos 30 et 40 in Belgio decantatum: « Eduocibus infantibus ab eadem matre simul natis, simul baptizatis, simul statim à baptismo morientibus, alterum quandoque ad electos pertinere, et salvari, alterum ad reprobos, et damnari. » Fateatur liberè similia in modernorum reformatum scriptis non reperiri: sed radix ablata non est. Idè enim dicunt, se ex lege charitatis statuere, infantes baptizatos, qui in suâ infantia decedunt, regenerari; neque enim apud ipsos certum eos Christum voluisse, omnes infantes mundari, quos voluit lavari, Christum voluisse omnes infantes regenerari, quos voluit baptizari. Cur, quæso, apud reformatos baptizantur infantes, si non baptizati salvantur, et baptizati pereunt, dependenter à solâ electione, vel reprobatione? Nonne, quia repudiatis necessitate baptismi, idè apud

estros decretum est, in privatis ædibus non baptizare neque periclitantibus infantibus remedio baptismi subvenire? Dicit discipl. gallica: « Non administrabitur baptismus, nisi in cœtibus ecclesiasticis. » Quæ sacræ Scripturæ auctoritate, quo antiquitatis consensu illud decretum fabricatum est? Sed de hoc redibit occasio in sequentibus.

Nunc ostendendum est quomodo necessitatem baptismi ex S. Scripturâ declaraverit S. Augustinus: « Quod ait Apostolus ad Cor. cap. 7. 10: Sanctificatus enim est vir infidelis in uxore, et sanctificata est mulier infidelis in fratre: alioqui filii vestri immundi essent, nunc autem sancti sunt; aut sic est accipiendum, quod exempla jam præcesserant, et virorum, quos uxores, et feminarum, quas mariti lucrificerant Christo, et parvulorum, ad quos faciendos christianos voluntas christiana etiam unius parentis evicerat; sive aliqua illis intelligenda est alia sanctificatio, quæ ibi apertè proposita non est; illud tamen sine dubitatione tenendum est, quæcumque illa sanctificatio sit, non valere ad christianos faciendos atque ad dimittenda peccata, nisi christianâ et ecclesiasticâ institutione, et sacramentis efficiantur fideles. Nam nec conjuges infideles, quàmlibet sanctis et justis conjugibus hæreant, ab iniquitate mundantur, quæ à regno Dei separatos in damnationem venire compellit, nec parvuli de quibuslibet sanctis justisque procreati, originalis peccati reatu absolvuntur, nisi in Christo fuerint baptizati. » Pergit sanctus Augustinus, adversus Pelagianos et reformatos: « Multùm fallit et fallitur, qui parvulos sine baptismo de corpore exeuntes in damnationem prædicat non futuros. » Item: « Quis christianorum ferat, cum dicitur ad æternam salutem posse quemquam pervenire, si non renascatur in Christo, quod per Baptismum fieri voluit? » Sed etiam probat solidissimè: « Terrentur isti sententiâ Domini dicentis: Nisi quis natus fuerit denuò, non videbit regnum Dei. Quod cum exponeret, ait: Nisi quis natus fuerit ex aquâ et Spiritu, non intrabit in regnum cælorum; nulla hinc dubitatio potest oriri. »

Et fusiùs: « Quæ isti sententiâ nisi moverentur, omninò parvulos nec baptizandos esse censerent. Rectè intelligentibus sufficere debet, quod dictum est: Nisi quis natus fuerit denuò, non potest videre regnum Dei; et: Nisi quis renatus fuerit ex aquâ et Spiritu, non

potest introire in regnum Dei. Cur enim nascatur denuò nisi renovandus? unde renovandus, nisi à vetustate? quæ vetustate, nisi in quâ vetus homo noster simul crucifixus est cum illâ, ut evacuetur corpus peccati? Item: « Nemo ascendit in cælum, nisi qui de cælo descendit, filius hominis, qui est in cælo. Nisi ergo in unitatem Christi omnes mutandi lavandique concurrant, ut Christus qui descendit ipse ascendat, non aliud deputans corpus suum, id est, ecclesiam suam, quàm seipsam, ascendere omninò non poterunt. »

« Ut omnis, qui credit in eum, non pereat, sed habeat vitam æternam. Periturus erat parvulus, nec habiturus vitam æternam, si per sacramentum baptismi non crederet. Qui credit in eum non judicatur, qui autem non credit, jam judicatus est. Ubi ergo parvulos ponimus baptizatos, nisi inter fideles, sicut universæ ubique Ecclesiæ clamant auctoritas? Ergo inter eos qui crediderunt, hoc enim eis acquiritur per virtutem sacramenti, et offerentium responsionem, ac per hoc eos, qui baptizati non sunt, inter eos qui non crediderunt. Porro si illi qui baptizati sunt, non judicantur, isti quia carent baptismo judicantur. »

Ecce alia probatio: « Quis christianorum ferat, cum dicitur, ad æternam salutem posse quemquam pervenire, si non renascatur in Christo, quod per baptismum fieri voluit eo jam tempore, quo tale sacramentum constituendum fuit regenerandis in spem salutis æternæ? Unde dicit Apostolus: Non ex operibus justitiæ, quæ nos fecimus, sed secundum suam misericordiam salvos nos fecit per lavacrum regenerationis. Sine istâ ergo regeneratione salvos in æternum posse parvulos fieri, quis audeat affirmare? » Audent reformati.

Ecce alia probatio: « Multùm fallitur, qui parvulos sine baptismo de corpore exeuntes in damnationem prædicat non futuros, dicente Apostolo: Judicium ex uno delicto in condemnationem. Et paulò post: Per unius delictum in omnes homines in condemnationem. Simul itaque peccato et morti primi hominis obnoxii nascuntur in carne, et simul justitiæ vitæque æternæ secundi hominis societas renascuntur in baptismo. »

Probat etiam ex modo administrandi baptismum: « Quid de ipsâ formâ sacramenti loquar? Quid in illo agit exorcismus meus, si in familiâ diaboli non tenetur? Quomodo dicetur, eum renuntiare diabolo, cujus in eo



« nihil esset? quomodo converti ad Deum, à quo non esset aversus? Credere inter cætera in remissionem peccatorum quæ illi nulla tribueretur? falsam, vel fallacem parvulis tradi baptismatis formam, in quâ sonaret, quod utique agi videretur, et tamen nulla fieret remissio peccatorum, nihil execrabilius ac detestabilius dici potest ac sentiri. » Hoc tamen dicunt, et sentiunt reformati, docentes, infantes fidelium frequenter sanctificari in uteris maternis. At formam illam baptismi, quam refert S. Augustinus antiquitùs observatam, quæque etiamnum utitur Ecclesia catholica, reformati abrogârunt, ne ex hæc ipsâ formâ cum Pelagianis convincerentur.

Ista argumenta S. Augustini non minùs valent adversùs reformatos quàm adversùs Pelagianos; hi enim non docebant, parvulos sine baptismo ad regnum cælorum pervenire, quod isti docent; sed volebant eos, extra regnum cælorum fictâ quâdam salute esse beatos. Vide S. Augustin. de peccat. Merit. et Remiss. l. 4, cap. 20.

Speramus protestantes ex his sufficienter perspicere, quid de necessitate baptismi tenendum sit.

#### ANIMADVERSIONES.

Lutherani Augustanæ Confessionis articulo 9, de baptismo docent, quòd necessarius sit ad salutem, tanquàm cæremonia à Christo instituta, et quòd infantes sint baptizandi, et quòd infantes per baptismum Deo commendati accipiuntur in gratiam Dei, et fiant filii Dei. Calvinus actus novitatis prurigne super eorum Christi verborum explicatione: *Amen dico vobis, nisi quis renatus fuerit ex aquâ et Spiritu sancto, non potest introire in regnum Dei*, omni antiquitati repugnat, quæ ea de baptismo intellexit. Cùm doctrina hæc universali Ecclesiarum traditione nitatur, calvinista, qui ejusmodi traditionem se recipere profitentur, hanc sanè rejicere non debent; alioquin nunquàm anabaptistas ex sacris litteris ostendere poterunt baptismum necessitate præcepti necessarium esse.

#### CAPUT XXIV.

##### *De ministro baptismi.*

Cum lutheranis in hoc negotio nulla nobis est difficultas (vide Calorum Synop. Contr., disp. 25, th. 6, pag. 154), sed cum reformatis. Hi enim dicunt: Baptismus administratus ab eo qui non habet unam vocationem aut com-

missionem, est omninò nullus. At quæ probatio hujus sententiæ? nulla produci potest ex S. Scripturâ. Ut autem impediatur, ne quis non vocatus baptizet, ulteriùs statuunt: Non administrabitur baptismus nisi in cælibus ecclesiasticis, in locis in quibus est ecclesia publicè erecta. Utrumque errorem ex S. Scripturâ refutat S. Hieronymus: « Nisi fortè eunuchus (à Philippo diacono baptizatus sine Spiritu sancto credendus est, de quo Scriptura ita loquitur: *Dùm trent per riam, venerunt ad quosdam aquam; et descenderunt ambo in aquam, et baptizavit eum Philippus.* Scias Philippum ab apostolis non fuisse divisum, eandem habuisse Ecclesiam, eundem Christum prædicasse, diaconum certè fuisse, » etc. Ecce administratum baptismum sine cætu ecclesiastico; sine formâ ecclesiæ, qualem tamen reformati postulant, in locis ubi nulla ecclesia est publicè erecta. Ecce diaconum baptizantem, cùm tamen juxta disciplinam reformatam dicendum sit: « Non est officium diaconorum prædicare verbum Dei, et administrare sacramenta. » Diaconi etiam reformatorum nullam habent vocationem; sed electionem duntaxat, et confirmationem per preces solemnes sine impositione manuum, quarumque officium non est perpetuum.

Tota antiqua Ecclesia suscepit baptizatos ab hæreticis, in quibus tamen non agnoscebat vel vocationem vel specialem commissionem, quamvis in iis agnosceret ordinationem; et S. Hieronymus dicit aperte: « Scimus etiam licere laicis baptizare. » Illud enim erat antiquitùs determinatum in concilio Elibertino, can. 58, tom. 1 Conc., pag. 195.

Sed attentùs nonnihil expendamus nova reformatorum mysteria. Ipsi dicunt: « Episcopi, officiales, archidiaconi, quales nunc sunt, nullam jure jurisdictionem habent ecclésiasticam vel ecclesiasticam. » Item: « Non est illicitum neque expeditius audire conciones ecclesiæ romanæ, vel aliorum qui intruserunt sine legitimâ vocatione. » Item: « Monachis et presbyteris non imponantur manus nisi ex sententiâ synodi. » Et Molinæus: « Presbyteris ab Ecclesiâ romanâ egressis conferimus novam ordinationem. » Et paulò post: « Quando inter nos recipitur ad ministerium presbyter Ecclesiæ romanæ, iteratò ipsi imponuntur manus, ipsique conferitur nova ordinatio. » Hinc sequitur primò, omnes illos qui in Ecclesiâ romanâ hoc tempore baptizantur, habendos esse pro non baptizatis;

ut qui baptismum acceperint à non habentibus vocationem. Sequitur secundò, Calvinum, Zwinglium, aliosque primos reformatores non fuisse legitimè baptizatos, nec collegisse ecclesiam baptizatorum, sed ethnicorum. Sequitur tertio, omnes baptizatos à Calvino, Zwinglio, aliisque primis reformatorebus, esse nulliter baptizatos, cum novam ordinationem non acceperint, nec eam potuerint accipere à non ordinatis. Sequitur quartò, omnes reformatos esse nulliter baptizatos, quia inter illos non potuit esse initium legitimæ ordinationis, adeoque nec vocationis.

Premissis apertissimè contradicunt reformati in suâ confessione gallicâ. « Quia in potu baptismi substantia remansit, cujus etiam efficacia ab eo non dependet à quo administratur, fatemur illic baptizatos, secundo baptismo non egere. » Atqui notissimum est apud catholicos frequenter contingere ut propter infirmitatem infantium laici baptizent; et tamen ejusmodi baptizatos non vult confessio gallica rebaptizari, quòd substantia baptismi fuerit integra, nec ejus efficacia ab eo dependeat, à quo administratur. Sed quo fundamento fatemini, apud catholicos semel baptizatos secundo baptismo non egere, si baptismus à non habente vocationem collatus est nullus, et si apud romanos catholicos nulla est vocatio? Faciè respiciatis, hæc non coherere.

Sed et Calvinus vester scribit: « Non reperies in meis litteris; scio pendere illius (Baptismi) vim ab intentione consecrantis. » Tantùm, nisi fallor, idè dixi efficax (apud romanos catholicos), quatenus in hunc finem administratur, ut in Christi corpus nos inserat, vel ut nostræ sit renovationis symbolum. Jam nihil meâ refert, sitne homo lucianicus, qui baptizat, sitne diabolus. » At concilium Nicænum definit: « De Paulianistis ad Ecclesiam catholicam confugientibus, defenitio prolata est, ut omninò rebaptizentur. » Ratio autem cur solos Paulianistas, seu Samaritanos judicet concilium rebaptizandos, in eo consistit, quòd in nomine Trinitatis non baptizarent. Hoc enim observat S. Augustinus: « Pauliani Christum nec aliquid ampliùs quàm hominem, putant. Istos baptizandos esse in ecclesiâ catholicâ Nicæno concilio constitutum est. Unde credendum est, eos regulam baptismatis non tenere, quam secum multi hæretici, cum de catholicâ discederent, abstulerunt, eamque custodiunt. » Calvino au-

tem perinde est sive sit homo lucianicus qui baptizat, sive diabolus; sive habeat vocationem, sive non habeat; sive baptizet debitâ formâ, sive indebitâ; quis enim sibi persuadeat, hominem lucianicum, vel diabolum in nomine SS. Trinitatis baptizare? Rursùm Synop. par. Theol. diss. 44, thes. 14, dicit, iterandum baptismum ab hæreticis collatum, qui fundamentalia baptismi dogmata discretè evertunt, contra conc. Nicænum, quod allegant. Sed Wiclefus docet: « Credimus, quòd quicumque vetulâ, vel abjectâ personâ ritè lavante hominem cum verbis sacramentalibus, baptismum fluminis (internæ regenerationis) Deus complet. » Hujus sententia quid commune habet cum illâ reformatorum?

## CAPUT XXV.

### De Confirmatione.

Protestantes in Angliâ pluribus annis esse suam confirmationem; alibi etiam quid simile observant in junioribus ad suam ætatem admittendis; antiquam tamen Ecclesiæ praxim in S. Scripturâ fundatam communiter repudiant. De hæc sic habet S. Hieronymus: « Hæc est ecclesiarum consuetudo, ut ad eos, quos longè in minoribus urbibus per presbyteros et diaconos baptizati sunt, episcopus ad invocationem S. Spiritus manus imposituras excurrat. » Et paulò post: « Quòd si queris, quare in ecclesiâ baptizatus nisi per manus episcopi non accipiat Spiritum sanctum, quem omnes asserimus in vero baptismo tribui, discite hanc observationem ex eâ auctoritate descendere, quòd post ascensum Domini Spiritus sanctus ad apostolos descendit (Act. 2, 4); et multis in locis idem factitatum reperimus. » Et paulò post: « Quia, cum audissent apostoli, qui erant Hierosolymis, quia recepit Samaria verbum Dei, miserunt ad eos Petrum et Joannem, qui cum venissent ad eos, oraverunt pro eis, ut acciperent Spiritum sanctum; non enim eorum ceciderat super illum eorum (Act. 8, 14). Cur ita factum sit, in consequentibus discite; ipse enim ait: sed solum baptizati erant in nomine Domini Jesu. Tunc imponebant illis manus, et accipiebant Spiritum sanctum. » Pari modo ex S. Scripturâ probat confirmationem Innocentius pontifex romanus, et alii SS. Patres.

### ANIMADVERSIONES.

Confirmationis apud anglicanos episcopales administrandæ ratio in eorum Liturgiâ, seu

publicarum precum libro fusè describitur. Primò quidem ad eorum calcem, quæ ad baptismi administrationem spectant, expressa hæc verba leguntur : Mandabit etiam minister, ut pueri ad episcopum adducantur et confirmandi, quamprimùm edidicerint articulos fidei. Deinde verò ad rationem devenitur quâ confirmatio ab episcopo confertur. Interrogandi sunt pueri super eorum catechismo, quem memoriâ tenere debent; ac deinde episcopus super iis nonnullas orationes pronuntiat, iisdem manus imponens. Ritus hic omnis prece et manuum impositione continetur. Ibidem Chrismatis nulla mentio, quo tamen ipsa romana Ecclesia in hujus sacramenti administratione utitur.

## CAPUT XXVI.

### De Pœnitentiâ.

Cum catholicis docent protestantes, peccatoribus necessariam esse pœnitentiam. Nulla est difficultas de dolore peccati præteriti, S. Scripturâ eum commendante, univervis eum celebrantibus.

Confessionem agnoscunt protestantes quadruplicem. Primam, quæ sit Deo. Secundam, quæ sit proximo offenso, ut cum eo redeatur in gratiam. Tertiam, quæ sit Ecclesiæ, quæ in gratiam peccato, vel pernicioso exemplo scandalum passa est. Quartam, quæ sit pastori, ut ejus admonitione tranquilla reddatur conscientia, et de obtentâ reconciliatione fiat secura. Hæc recognitio multùm accedit ad doctrinam Ecclesiæ romanæ-catholicæ, quæ illas species confessionum commendat et laudat. Inter illos, quos protestantes suos prædecessores vocant, agnoscit confessionem, qualis à nobis agnoscitur, Joannes Hus, in Resp. ad script. cit. doct., cap. 5, fol. 500; Rokizana, de Sacram. cap. 17, cap. 486.

Sed longè antiquior sanctus Leo eam probat ex regulâ Ecclesiæ: « Ut instruat am-  
biguitas consulentis, quid de pœnitentium statu ecclesiastica habeat regula, non tacebo. Multiplex misericordia Dei ita lapsibus subvenit humanis, ut non solum per baptismi gratiam, sed etiam per pœnitentiæ medicinam, spes vitæ reparetur æternæ; ut qui regenerationis donum violâssent, proprio se judicio condemnantes ad remissionem criminum pervenirent, sic divinæ bonitatis præsidii ordinatis, ut indulgentiæ Dei nîbi supplicationibus sacerdotum nequeat obtineri. Mediator enim Dei et homi-

num, homo Christus Jesus hanc præpositus Ecclesiæ tradidit potestatem, ut et confitentibus actionem pœnitentiæ darent, et eosdem salubri satisfactione purgatos, ad communionem sacramentorum per januam reconciliationismitterent. Cui utique operi incessabiliter ipse Salvator intervenit. Nec unquam ab his abest, quæ ministris suis exsequenda commisit, dicens: *Ecce ego vobiscum sum omnibus diebus usque ad consummationem sæculi.* Ut si quid per servitum nostram bono ordine, et gratulabundo impletur affectu, non ambigamus per Spiritum sanctum fuisse donatum. » Et mox: « Multùm utile ac necessarium est, ut peccatorum reatus ante ultimum diem sacerdotali supplicatione solvatur, etc. Unde oportet unumquemque christianum conscientiam suam habere judicium, ne converti ad Deum de die in diem differat, nec satisfactionis sibi tempus in fine vitæ suæ constituat, quem periculosè ignorantia humana concludit; ut ad paucorum horarum spatium se reservet incertum; et cùm possit pleniore satisfactione indulgentiam promereri, illius temporis angustias eligat, quo vix inveniat spatium vel confessio pœnitentis, vel reconciliatio sacerdotis. Verùm etiam talium necessitati ita auxiliandum est, ut nec actio illis pœnitentiæ nec communionis gratia denegetur, si eam etiam amisso ejus vocis officio, per judicium integri sensûs quærere comprobentur. »

Et S. Basilius: « Quoniam conversionis modus proprius debet esse peccatoris, et necesse est, ut fructus ferantur, qui decent resipiscentiam, necessarium est ut iis fiat confessio peccatorum, quibus dispensatio mysteriorum Dei concedita est. Nam in Actis, Apostolis, à quibus baptizabatur, peccata sua confessi sunt omnes. »

Et S. Hieron.: « Quodcumque ligaveris super terram, erit ligatum et in cœlis, et quodcumque solveris super terram, erit solutum et in cœlis. Alligat vel solvit episcopus, et presbyter non eos qui insontes sunt vel noxii, sed pro officio suo, cùm peccatorum audierit varietates, scit quæ ligandus, scit quæ solvendus. »

De absoluteione à peccatis apertissimè dixit Christus: *Accipite Spiritum sanctum; quorum remiseritis peccata, remittuntur eis: et quorum retinueritis, retenta sunt* (Joan. 20). Protestantes appropinquant, quando docent ne an-

nuntiare remissionem peccatorum, et declarare, quòd remissa sint peccata, quando excommunicatos post pœnitentiam ad communionem suam reassumunt, eosdemque promulgant reconciliatos. Calovius dicit: « Absolutio, quæ fit à verbi ministro, efficacis omninò est, ita ut etiam in cœlis solvatur quidquid in terris solvitur. » Item: « Pœnitentia sacramentum non est propriè dictum, etsi absolutio sensu latiori sacramentum vocari possit. » (Ibid. disp. 30, Th. 7, pag. 172.)

Sed nomen *satisfactionis* abominantur protestantes, quamvis eorum prædecessor Joannes Hus satisfactionem admittat. (De Pœnit. fol. 57.)

Agnoscunt protestantes, peccatorem proximo suo posse satisfacere. Agnoscunt catholici, satisfactionem pro culpa peccatorum et pœnâ æternâ unicè et solitariè petendam esse ex meritis infinitis et infinitâ Jesu Christi satisfactione. At verò, quia sacra Scriptura multis ostendit exemplis, Deum post remissam peccatorum culpam et pœnam æternam, castigare peccatores penis temporalibus, existimant catholici afflictiones voluntarias, ex amore Dei et fide per charitatem operante susceptas, meritis et satisfactione Jesu Christi roboratas, placare iram Dei, et obtinere ab ejusdem misericordiâ remissionem istarum pœnarum temporalium; et hoc vocant satisfactionem pœnitentialem, et opera satisfactoria. Ab hâc doctrinâ non ad eò recedunt protestantes, ut nonnulli existimant; neque enim negant, opera pœnitentialem, quæ gratiâ sancti Spiritûs in conversis et per conversos operatur, esse Deo grata, eidemque placere. Non negant dictum Apostoli: *Benevolentia et communio nolite oblivisci; talibus enim hostiis promeretur Deus* (Hebr. 13, 16); monente scilicet Apostolo, in ejusmodi esse odorem suavitatis, hostiam acceptam, placentem Deo. (Philip. 4, 18.)

Praxis, autem protestantium causam totam nobis tradit. Ut quid enim publica institunt jejunia, publicas orationes, quando vel bello premuntur, vel peste affliguntur, vel fami, alisque Dei temporalibus subjiciuntur flagellis; si non existiment ea opera Deo grata divinam indignationem avertere, et servare obtinendâ remissioni ab istis penis temporalibus? Atqui in eundem finem romani catholici orant, jejunant, largiuntur elemosinas, aliaque faciunt digna pœnitentiæ opera, quæ vocant satisfactoria, tanquam Deo grata,

et fundata in satisfactione Jesu Christi; licetque talia, quæ divinam placent indignationem, et pœnarum temporalium peccatorum obtineant remissionem, quorum culpa et pœna æterna, per divinam misericordiam, ex solâ consideratione meritorum et satisfactionis Jesu Christi est remissa. Vanus igitur est Curtius, dissert. theol. de Fundam., sect. 5, n. 5, pag. 112, somnians in errore fundamentali.

## ANIMADVERSIONES.

Augustanæ confessionis protestantes se fusiùs explicuere super iis omnibus quæ ad pœnitentiam spectant in peculiari articulo, qui inscribitur: *De Confessione*. Tantùm abest, ut huic sacramento refragentur, ut se potiùs illud purgasse, et Evangelio conformius reddidisse gloriantur. Ponunt enim tanquam certum, scholasticos theologos, et canonistas illud innumeris difficultatibus implicuisse. Verùm eos par erat animadvertere, se, propiùs ad Evangelium accedendi specie, à puriore antiquitate recedere. Ajunt ergo, « opus esse in Ecclesiâ extare purissimam et simplicissimam de pœnitentiâ doctrinam; » addunt: « Docemus contritionem esse necessariam; » subdunt: « Absolutionem non valere, nisi sufficienter contriti simus. »

Idem augustanæ confessionis lutherani ita pronuntiant: « Docent nostri retinendam esse in ecclesiâ privatam absolutionem, et ejus dignitatem, et potestatem clavium veris et amplissimis laudibus ornant. » Secretam quoque peccatorum confessionem retinent, quam necessariam putant, ut absolutio conferri possit, quin tamen à contentibus accuratam peccatorum recensionem requirant, quippe quæ in apostolorum scriptis non extet: « Diligenter in ecclesiis retinemus confessionem, sed ita ut doceamus enumerationem delictorum non esse necessarium jure divino, nec onerandas esse conscientias illâ enumeratione.... Nullum enim exstat in scriptis apostolicis præceptum de hâc enumeratione. »

Cùm Bellicensis episcopus dixit, confessionem protestantibus, ut reo scamnum, esse formidini, calvinistas ob oculos habuisse videtur; nam augustanæ confessionis protestantes haud eam reformidare perspeximus. Contendunt tamen necesse non esse, atque ad eò fieri non posse, ut peccata singillatim enumerentur. Philippus Melancthon in eundem prope modum loquitur in Confessione, quæ

ad Franciscum I misit, et sanè propterea utile esse pronuntiat confessionem servari, quæ in Ecclesiâ tot anto secula in usu est : « Eam sanè, quæ multorum seculorum confessio comprobata fuit, et nunc quoque observatur, iudicio nostro prodest retinere. » Parisienses theologi in hujus articuli examine, postquam confessionem sacramentalem à Christo institutam esse animadverterunt, ita graviter ac scitè monent : « Magnoperè in confessione caveri debet nimia severitas, curiosa interrogatio, et indiscreta pœnitentiæ impositio. » Calvinistæ igitur allam, quam verè est, confessionem imaginantur.

Ad satisfactionem quod attinet, optimè Bellicensis episcopus animadverit protestantes ne ejus quidem nomen audire posse. Augustanæ confessionis protestantes dicitant satisfactiones, quæ olim in usu erant, impedisse, ne beneficia perspicerentur, quæ ex Christo Domino percipiebantur, quia rudes homines peccatorum suorum remissionem per sua ipsorum opera se obtinere putabant : « Satisfactiones obscurabant beneficium Christi, quia indocti putabant se remissionem culpæ consequi propter illa propria opera. » Canonicas autem pœnas, quæ prioribus Ecclesiæ seculis usui erant, non amplius servandas esse contendunt : « Veteres illi mores tempore consenuerunt, et antiquati sunt. » Verùm quid tandem prohibet, quominus populus edoceatur, eique significetur, operum meritum omninò ex Dei gratiâ derivari, et nos per Christi merita satisfacere?

#### CAPUT XXVII.

##### *De Indulgentiis.*

Indulgentiæ versantur circa pœnas temporales quas Deus peccatoribus infligit, post remissionem culpam peccati et pœnam æternam. Protestantes hoc loco solent altim clamare, improbant quod nesciunt, et facientes quod improbant. Ipsi sibi persuadent, unum actum fidei, quo apprehenditur Jesus Christus cum omnibus suis meritis, efficere jubilæum et indulgentiam plenariam tum culpæ tum pœnæ temporalis et æternæ. Nos autem in meritis Christi remissionem culpæ et pœnæ æternæ invenientes, quærimus in iisdem meritis, per opera pœnitentia, remissionem pœnæ temporalis; quæ apud ipsos, ad avertendas eas pœnas, post ejusmodi actum fidei essent inutilia, nisi nobiscum tenerent, esse faciendâ opera pœnitentia, per quæ, vi meri-

torum Christi, pœna temporalis remitteretur.

Mollnæus dicit : « Fideles pastores potestatem habent remittendi peccata. Quemadmodum Scriptura sancta dicit, quod animas salvent pastores, eò quòd Deus istorum operâ illis salvandis utatur; ita docet, quòd pastores remittunt peccata, eò quòd Dei iisdem in eorum remissionem utatur. » Addit etiam : « Remittunt ergo omnes et singuli peccata etiam quoad omnem pœnam. » Atque hoc est, quod vocamus indulgentiam plenariam et plenissimam, quando peccata remittuntur quoad omnem pœnam temporalem. Convenit igitur inter catholicos et protestantes, esse in Ecclesiâ potestatem remittendi peccata, non tantum quoad culpam et pœnam æternam, sed etiam quoad pœnam temporalem : hoc enim fundatur in textibus S. Scripturæ, Math. 16, 19; Joan. 20, 23.

Antiqua concilia, pro qualitate peccati, pœnitentiæ tempus imposuerunt; quod etiam ex variis causis abbreviârunt. Illæ autem pœnitentiæ non tantum imponebantur ad satisfactionem Ecclesiæ, sed insuper pro compensatione pœnæ temporalis vel in hæc vitâ, vel in purgatorio pro peccatis ferendæ. Remissis verò illis pœnis canonicis, remittebatur pœna temporalis peccatis debita; alioquin enim Ecclesia indulgentiam concedens, remisisset fideles ad pœnas à Deo expectandas, neque illis attulisset commodum, sed potius detrimentum. Quapropter fatentibus protestantibus, esse in Ecclesiâ potestatem remittendi pœnas pro peccatis temporales, omninò dicendum est, antiqua concilia eas pœnas per indulgentias remisisse. Cujus quidem non obscura exstant vestigia in processu apostolico, quando dicit : *Sufficit illi, qui hujusmodi est, objurgatio hæc, quæ fit à puribus.* Et infra : *Cui autem aliquid donastis, et ego. Nam et ego, quod donavi, si quid donavi, propter vos in personâ Christi.* Et hæc quidem existimamus sufficere non contentiosis.

#### CAPUT XXVIII.

*De negatoribus realis præsentis corporis et sanguinis Christi sub speciebus panis et vini.*

Quos protestantes suos prædecessores nominant, et testes veritatis compellant, eorum relationem si hoc loco proferamus, non erit de facili repudianda.

Joannes Hus scribit : « Apostoli et eorum successores catholici prædicant Christum, qui est crucifixus, verè et realiter in sacra-

« mento venerabili esse cum sanguine et corpore. » Et mox : « Gentes autem scandalizantur in hoc, quod nos verè dicimus, In venerabili sacramento esse Christum, corpus ejus et sanguinem. De quorum numero fuit commentator Averrois, qui quærens philosophicam sapientiam, et inde stultitæ catus dixit : Pessima secta, quæ Deum suum devorat, per hoc denotans christianos. » Ethnici igitur scandalizati propter eam doctrinam catholicam, eandem cum toto rejecerunt christianismo. Refert postea Joannes Hus, etiam inventos esse christianos, qui eandem veritatem negarent : « Magna hæresis fuit Berengarii, de quâ fuit infamatus, quia scilicet tenuit, quòd panis, qui in altari ponitur, ante consecrationem, est panis non consecratus, sed post consecrationem est solum panis consecratus, et non verum corpus Christi. »

Pizibrâm Hussita, ut hæresim, damnat sententiam Wiclefi negantis realem præsentiam Christi in S. Eucharistiâ; et testatur eandem sententiam à multis aliis, tanquam hæresim, esse damnatam. Constat etiam ex libris Wiclefi, eum negasse realem præsentiam in S. Eucharistiâ; quamvis scribat : « Dici potest, quòd panis ille sacramentalis est ad illum modum spiritaliter corpus Domini; » et addat, quòd Christus « habet esse spirituale in hostiâ. » Idem tamen seipsum explicans apertissimè loquitur : « Cùm mens catholici non capit, quòd panis sit corpus Christi, nisi intelligendo figurativè, cùm identificatio non sit possibilis, idè absque omni ambiguitate hæc est figurativa : *Hoc est corpus meum.* »

Theologi Wirtembergici superioris seculi nominant auctores anabaptistas, Carolstadium, Zwinglium, tanquam negantes realem præsentiam Christi in S. Eucharistiâ; quorum octo diversas referunt sententias.

## ANIMADVERSIONES.

Bellicensis episcopus in hoc capite varias protestantium Ecclesiarum super Eucharistiâ sententias admodum enucleatè ac dilucidè explicat. Melanchthon in suâ fidei Confessione ad Franciscum I missâ, augustanam confessionem omninò confirmat : « Agnoscimus, inquit, et confitemur omnes, sublatis, quæ inter nos diu vixerunt, altercationibus, quæ Dominus Jesus, quemadmodum in ultimâ Cæcæ, ita etiam hodiè discipulis suis,

« et credentibus, suum verum corpus et sanguinem verè manducandum et bibendum det in cibum animarum et vitæ æternæ, ita ut Christus in nobis, et ipsi in Christo maneamus; quòdque ex verbis Christi, dùm ait : *Hoc est Corpus meum, Hic est Sanguis meus,* nefas est aliud colligere, quàm in sacramento veram veri corporis et sanguinis Domini præsentiam. »

Quamvis hæc verba clara et diserta sint, omninò tamen lutherani invicem non consentiunt, ac Melanchthon ipse super hæc re sibi non constat. Ad Calvini explicationem quodammodò accessisse videtur. In quâdam epistolâ, quam ad Vitum scripsit, id negat, quod Lutherani consubstantiationem appellabant, perinde ac si Christi corpus in pane conclusum, eique affixum fuisset. Sacramentum hoc, æquè ac cætera, usu contineri contendebat, et quod inde consequitur, Christi corpus et sanguinem eo tantum tempore adesse, quo Eucharistiâ recipiebatur. Longius etiam progreditur, ne latam quidem unguem ab eorum sententiâ recedens, qui realem præsentiam in virtutis et efficacis præsentia positam volunt. En ipsa Melanchthonis verba : « Ego, ne longius recederem à veteribus, posui in usu sacramentalem præsentiam, et dixi, datis his rebus, Christum verè adesse, et efficacem esse. Id profectò satis est. Nec addidi inclusionem, aut conjunctionem talem, quâ affigeretur *vç ðpiv èv σώμα,* aut ferruminaretur, aut misceretur. Ego verò etsi, ut dixi, realem præsentiam pono, tamen non pono inclusionem, seu ferruminationem, sed sacramentalem, hoc est, ut signis positis adsit Christus verè efficax. »

Quod autem ad Tigarinam confessionem attinet, ea sanè Zwinglii, qui ejus auctor fuit, sententiam sequitur. Hujus hominis doctrinam nobis exhibet Lavaterus, qui et ipse Tigurinus, et ex eisdem sectâ erat, in hæc verba : « Zwinglius docebat corpus et sanguinem Christi spiritaliter, non ore, sed mente ac fide percipi; et hæc verba Christi : *Hoc est Corpus meum,* exonebat per tropum. »

Haud immeritò Bellicensis episcopus dixit, Geneveses, spectatis eorum confessionis puris putisque verbis, non alio, quàm catholicos, sermone uti; at re tamen ipsâ, ab his longissimè distant. Calvinus eorū mediâ quâdam viâ lutheranos inter et zwinglianos incedere voluisset, ut eos invicem conciliaret, se in labyrinthum conjecit, è quo se extricare non po-

tuit. Per has locutiones. *realiter, verè, substantialiter*, cum Lutheranis, atque adèd cum romanis catholicis agnoscere videbatur, Christi corpus non per tropum aut figuram solummodò, sed reapse in Eucharistià esse, quæ sanè nunquam ejus opinio fuit. Cùm enim addiderit istud ibidem corporaliter non esse, ejus realitas metaphysica et imaginaria prorsus evadit. Quod in causâ fuit, ut calvinisæ ad virtutis et efficacis vocabula confugere cogerentur, utpote qui non aliam realitatem, quàm eam agnoscerent. Quâ in re veri zwingliani sunt, ut ex ministrorum Albertini et Claudii libris licet intelligi.

Nonnihil in i s emendandum occurrit, quæ Bellicensis episcopus de Londinensi Confessione pronuntiat. Quamvis enim Anglicani episcopales communionem genu flexo suscipiant, quemadmodùm in Romanâ Ecclesiâ servatur, se tamen haud propterea Eucharistiam adorare contendunt. Quamobrem, Carolo II regnante, huic eorum Liturgiæ loco additum est, eos etsi genu flexo communionem perciperent, haud nihilominus adorare. Quod porrò ad eorum fidem spectat, quò demum ratione Christus in Eucharistiâ sit, omninò definire non audent. Catholicorum tamen *transsubstantiationem*, Lutheranorum *consubstantiationem* et *Zwinglianorum* figuram rejiciunt. Ac dùm id agitur, ut suam candidè opinionem explicant, fatentur, rationem, quâ Christus in hoc sacramento est, penetrabilem omninò non esse; verùm agnoscunt ejus corpus et sanguinem in eo verè et realiter esse; rationem autem, quâ ibidem est, curiosius inquirendam non esse.

Dalesius à Turre non immeritò pronuntiavit in suâ super Eucharistiâ collatione, an. 1701 Montalbani typis impressâ, « Anglos episcopales, cùm Ecclesiam deseruerunt, obsequii et venerationis erga tantum mysterium saltem aliquam speciem retinuisse. » At hæc alia verba, quæ addit : « Super pane et super vino consecrationem edunt eadem formâ, quâ Ecclesia; quod equidem in eorum Liturgiâ verum ostendi, non omninò vera sunt. » Quamvis enim, ad consecrationem quod spectat, Missale Latinum prope ad verbum exscriperint, præcem susceperunt, quæ in omnibus Liturgiis, occurrit, cum hoc tamen discrimine, quòd in Græcis aliisque Orientalibus Liturgiis, ea verba : *Hoc est corpus meum, Hic est sanguis meus*, hanc præcem anteverunt, in Missis autem Latinis subsequuntur. Qui porrò iter

Anglos reformatores primi extiterunt, haud satis mente valuerunt, ut persciperent se ex Liturgiâ rem adimere, quæ in eâ ab Ecclesiâ incunabulis occurrebat, quæque etiamnum ibidem occurrit.

Tametsi *transsubstantiationis* vocabulum novum sit, res tamen per idem vocabulum significata, nova non est. Veteres Ecclesiæ Patres de reali, quæ sit panis et vini in corpus et sanguinem Christi, mutatione locuti sunt. Et quidquid Protestantes super hæc re dicunt, nonnisi cavillationibus, et ratiunculis, quæ nihil habent soliditatis, continentur. Non philosophiâ nimis, sed revelatione hujus mysterii veritas nititur. Guillelmus Forbesius, licet è Protestantium numero esset, non potuit quin ita scriberet : « Quod ad transsubstantiationem attinet, admodum periculosè, et nimis audacter negant multi Protestantes Deum posse panem substantialiter in corpus Domini convertere. »

Et sanè Lutherani Wittembergenses in fidei Confessione, quæ typis edita fuit an. 1552, ut Tr.J. concilio exhiberetur, quæque in Protestantium fidei confessionum collectione rursus impressa prodiit, transsubstantiationem non negant, quasi sit ex earum rerum numero, quæ fieri non possunt; imò verò eam Deo possibilem asserunt, sed eandem negant, quia neque in sacris litteris firmatam putant, nec veteri Ecclesiæ nota videtur : « Credimus, inquit, etiam omnipotentiam Dei tantam esse, ut possit in Eucharistiâ substantiam panis et vini vel annihilare, vel in corpus et sanguinem Christi mutare. Sed quòd Deus hanc absolutam omnipotentiam in Eucharistiâ exerceat, non videtur esse certo verbo Dei traditum, et apparet veteri Ecclesiæ fuisse ignotum. »

Quoad Missæ sacrificium, Veronius post Vasquesium inter Jesuitas doctum animadvertit, « non esse fide certum, hoc absolutum sacrificium esse; satis esse, illud haberi sacrificium *proprium*, sed *commemorativum*. » Quid impedit, subdit Veronius, quominus ejusmodi relativo, seu commemorativo sacrificio subscribatur? Lutherani Wittembergenses in suâ fidei Confessione fatentur veteres ecclesiasticos scriptores Eucharistiam *sacrificium* et *oblationem* appellasse; sed hi veteres Patres, inquit, suam mentem explicant, sacrificii nomine nihil aliud intelligentes quàm sacrificii memoriam, quod in cruce Christus obtulit : « Fatemur quidem, quòd veteres ee-

« clericis scriptores vocaverint Eucharistiam  
« sacrificium et oblationem; sed se ipsi expo-  
« nunt, quòd nomine sacrificii intelligant me-  
« moriam, adunationem, seu prædicationem  
« sacrificii, quod Christus semel in cruce  
« peregit. » Id porro non admodum ab eo  
remotum videtur, quod Catholicis sacrificium  
« *relativum*, seu *commemorativum* nuncupant.

Id sanè juris Lutheranis tribuendum est,  
eos in rebus omnibus ab Ecclesiâ Romanâ mi-  
nùs quàm Zwinglianos et Calvinistas remotos  
esse. Missam veluti quamdam apud se retine-  
runt, et Protestantes cæteros ferre non possunt,  
quì super hoc negotio tam acriter in  
Catholicos invecti sunt. Itaque Melanchthon in  
fidei Confessione, quam ad Franciscum I, Eccle-  
siæ suæ nomine misit, abusus potius, quàm  
ejus judicio ob sacerdotum inscitiam in Missam  
irreperant, quàm ipsam per se Missam improbat.  
Is quidem autumat, mercenariis sacerdotibus  
ab altari remotis, Missam in pristinam  
dignitatem restitui posse. Nos sanè, inquit,  
nunquàm Missam damnare voluimus, sed abusus  
tantùm, quos Missæ privatæ induxerunt.  
Ipsa ejus verba afferre juvat, ut cæteris Pro-  
testantibus clariùs appareat, eos immeritò se  
ad eò Missæ infensos ostendere: « Missarum  
« contemptum apud multos induxit indocta et  
« sordida sacrificulorum multitudo, qui nihil  
« aliud sciunt quàm Missari.... Fortassè remotis  
« his Missarum conductitiis nundinatoribus,  
« restituetur Missæ suus honor; neque verò  
« Missam ipsam damnare unquàm voluimus,  
« sed abusus tantùm et vitia. » Nos, addit,  
consuetam Missæ formam servavimus, seu potius  
restituimus, ut nihil novi in eam induxerimus.  
Equidem, pergunt Melanchthon, optarem,  
eos, qui veterem Missæ formam penitèns  
aboluerunt, idem prorsus ac nos facere. Quid  
enim est, cur cæremoniæ mutantur, cum nulla  
necessitas id fieri jubet? « Nos quidem (ejus  
« verba sunt) usitatum Missæ formam aut reti-  
« nuimus, aut restituimus, ad eò ut vix dissi-  
« militudo ulla agnosci possit; et optarem idem  
« facere nonnullos, qui veterem Missæ for-  
« mam omninò abjecerunt. Quorsùm enim  
« attinet cæremonias mutare, cum opus non  
« est? »

Denique ad communionem sub utràque  
specie quod spectat, cum id quidem Ecclesia  
Romana inter puræ disciplinæ capitula referat,  
facile posset Protestantibus fieri satis, si eos  
hæc unus articulus à Catholicis segregaret.

Reputare nimirum debent, Baptismum, insit-  
tutionis suæ vi, per immersionem collatum  
fuisse, et *baptizandi* verbum ipsum, *immer-  
gere*, significare. Idem tamen eam baptizandi  
rationem servarunt, quâ Occidentis Ecclesiæ  
tantùm utuntur. Quidni, quoad ademptum ca-  
licem, idem præsentent? Melanchthon sanè in  
suâ fidei Confessione Communionem sub utrâ-  
que specie divini juris esse non credidit.  
Ita enim pacem ait à papâ restitui posse, ut  
integrum cuique relinquat pro arbitrato lis-  
dem speciebus uti, prohibeatque, ne se mutuo  
alii alios damnent: « Porro facile mederi his  
« tumultibus sine ullo magno detrimento pos-  
« test, si sublatâ prohibitione relinqueret usum  
« liberum, et constitueret, ne qua pars altera  
« damnaret. Hæc libertas plurimùm ad tran-  
« quillitatem conduceret, neque noceret ulli  
« generi hominum. »

## CAPUT XXIX

### *Appropinquo reformationum*

Confessio Helvetica ponit triplicem manducationem;  
unam corporalem, « quâ cibus in os  
« recipitur ab homine, dentibus atteritur, et  
« in ventrem deglutitur; » quod manducationis  
genus intellexerunt olim Capharnaitæ. Al-  
teram spirituales, « quâ manente in suâ  
« essentiâ et proprietate corpore et sanguine  
« Domini, ea nobis communicantur spiritualiter. »  
Tertiam sacramentalem, « quâ fidelis  
« non tantùm spiritualiter et internè participat  
« de vero corpore et sanguine Domini, sed for-  
« tris etiam accedendo ad mensam Domini,  
« accipit visibile corporis et sanguinis Domini  
« Sacramentum. » Et postea: « Consequens  
« est, nos non habere Cœnam sine Christo, in-  
« terim tamen habere Cœnam Ineruentam  
« et mysticam, sicut universa nuncupavit ve-  
« tustas. »

Sed Catholicis repudiant manducationem  
Capharnaiticam; Catholicis agnoscunt manducationem  
spirituales, de quâ (teste eadem Confessione)  
loquitur S. Augustinus: « Quid  
« paras dentem et ventrem? Crede et mandu-  
« cæsti. » Catholicis credunt et docent manducationem  
sacramentalem, in quâ, « qui foris  
« verâ fide sacramentum percipit, idem ille non  
« signum duntaxat percipit, sed re ipsâ quoque  
« fructur. » Non enim est Cœna sine Christo,  
sed tamen increuenta est mystica. Si magis ex-  
plicassent eam manducationem sacramentalem,  
fortè magis patuisset intentio.

Confessio Gallica: « Affirmamus sanctam



« Cœnam Domini, alterum videlicet sacramentum, esse nobis testimonium nostræ cum Domino nostro Jesu Christo unionis, quoniam non est dumtaxat mortuus semel, sed etiam verè nos pascit et nutrit carne suâ et sanguine, ut unum cum ipso facti, vitam cum ipso communem habeamus. »

Sic dicunt Catholici, Christum esse pro nobis verè mortuum et resuscitatum, et ita verè nos pascere et nutrire suâ carne et sanguine, ut cum ipso simus unum.

Addit : « Quamvis enim nunc sit in cœlis, eibidem etiam mansurus, donec veniat mundum judicaturus, credimus tamen, eum arcanâ et incomprehensibili Spiritûs sui virtute nos nutrire et vivificare, sicut corporis et sanguinis substantiâ per fidem apprehensâ. »

Sic dicunt Catholici : Quamvis Christus nunc sit in cœlis, atque ibi mansurus ad ultimum usque judicium, credimus tamen, eum arcanâ et incomprehensibili virtute nos nutrire et vivificare sui corporis et sanguinis substantiâ, si fidem ejus verbis adhibeamus, et purâ conscientiâ accedamus.

Concludunt : « Dicimus autem, hoc spiritualiter fieri, non ut efficacæ et veritatis loco, imaginationem aut cogitationem supponamus, sed potius, quoniam hoc mysterium nostræ cum Christo coalitionis tam sublimis est ut omnes nostros sensus totumque adeo naturæ ordinem superet : denique quoniam cum sit divinum ac cœleste, non nisi fide percipi et apprehendi potest. »

Hæc verba adeo Romana sunt, ut sententiâ Ecclesiæ nostræ vix explicari possit nisi vel idem dicamus, vel simile. Optimè enim ostendunt, quid sacramentalis manducatio habeat diversi à manducatione merè spirituali, de quâ agit Confessio Helvetica. Hæc enim non adeo sublimis est, ut mysterium vocari debeat : cum tamen sacramentalis veritatem habeat, et efficaciam, et tam sublime sit mysterium, ut ordinem naturæ superet, et non nisi fide percipi et apprehendi possit.

Iterum : « Credimus Deum nobis reipsâ, id est, verè et efficaciter donare quidquid ibi sacramentaliter figurat, ac proinde cum signis conjungimus veram possessionem ac fruitionem ejus rei, quæ ibi nobis offertur. Itaque affirmamus, eos qui ad sacram mensam Domini puram fidem, tanquam vas quoddam, afferunt, verè recipere, quod ibi signa testificantur ; nempe corpus et sanguinem Jesu

Christi non minus esse cibum ac potum animæ, quam panis et vinum sunt corporis cibibus. »

Quis non diceret, ea verba, uti sonant, esse Romano conscripta calamo? Post Confessiones publicas dicit Davenantius : « Pronuntiavit undecumque doctissimus Bucerus, in re et animo fuisse concordiam, in verbis tantum et loquendi modis aliquam varietatem. Dixit enim ipse Lutherus : Si creditis et docetis in sacrâ Cœnâ verum corpus et verum sanguinem Domini exhiberi, dari et sumi, et non panem et vinum tantum ; et quòd hæc perceptio et exhibitio verè fiat et non imaginariè, inter nos convenit. Eodem tempore concessit Bucerus sociique ejus, verum Domini corpus et verum sanguinem, cum visibilibus signis pane et vino exhiberi, dari et sumi. »

Constat igitur, verum corpus et verum sanguinem Domini exhiberi, dari et sumi ; et ut modum intelligamus, audiendus est Davenantius,

Prosequitur, et dicit hanc fuisse sententiam Helveticarum Ecclesiarum : « Quanquam negant fieri transubstantiationem, nec sentiunt fieri localem inclusionem in panem, aut durabilem aliquam conjunctionem extra usum Sacramenti, tamen concedunt sacramentali unionem panem esse corpus Christi, et porrecto pane simul adesse et verè exhiberi corpus Christi. »

Non est hic quæstio, an fiat transubstantiatio, an fiat localis inclusio, vel durabilis conjunctio. Agnoscitur hic, panem sacramentali unionem esse corpus Christi, et porrecto pane simul adesse et verè exhiberi corpus Christi, quòd si non tantum intelligerent de spirituali præsentia et exhibitione, sed etiam quòd datio sacramenti per Ecclesiæ ministrum esset vera exhibitio corporis Christi sacramentaliter presentis, hic nulla lis superesset.

Hallus dicit : « Secundum est de modo percipiendi Christum in Eucharistiâ : inibi scilicet verè et realiter exhiberi et manducari corpus Christi, unâque cum terrenis hisce elementis accipi fatentur utrique. » Et mox : « Facile concedimus utrique, etiam indignos manducare istud, quod unionem sacramentali corpus Christi est, ac proinde reos esse corporis et sanguinis Jesu Christi. » Mox : « Quoniam verò se extendat vis unionis istius sacramentalis, terminusque modi manducationis sive oralis sive spiritualis, ligent in scholis

« theologi; non est quòd Christiani istud nimis  
« anxie disquirant. Vide August. lib. contr.  
« Donat. post Collat. c. 25. »

Si hoc consilium ab initio secuti fuissent  
reformati, et tantum præstitissent pro unitate  
catholicâ retinendâ, quantum nunc remittunt  
pro fraternitate Lutherorum obtinendâ, non  
fuisset necesse ex hoc capite ad divisionem  
ecclesiasticam pervenire. Si enim simpliciter  
credidissent in S. Eucharistiâ verè et realiter  
exhiberi et manducari Corpus Christi; si concessissent indignos manducare istud, quod  
unionem sacramentali corpus Christi est, ac  
proinde reos esse corporis et sanguinis Jesu  
Christi; si non anxie disquisivissent, quous-  
que se extenderet vis unionis istius sacra-  
mentalæ, nullâ ratione ab unitate fidei et  
charitatis fuissent dimoti.

Calvinus dixit: « Verè in Cœnâ datur nobis  
« corpus Christi, ut sit animis nostris in ci-  
« bum salutarem: hoc est, substantiâ corporis  
« Christi pascuntur animæ nostræ, ut verè  
« unum efficiamur cum eo. » Et postea: « Non  
« ergo vacuum et inane signum nobis propo-  
« nitur, sed verè carnis et sanguinis Domini  
« fiunt particeps, qui fide promissionem hanc  
« recipiunt. »

Item, docet, comedere Christi carnem, non  
esse solam credere, sed verè participem fieri  
carnis ejus, et ponit exemplum: « Quemadmo-  
« dum enim non aspectus, sed usus panis ali-  
« mentum corporis sufficit, ita verè ac penitus  
« participem Christi animam fieri convenit. » Et  
postea: « In sacrâ suâ Cœnâ jubet me cum  
« symbolis panis ac vini corpus ac sanguinem  
« suum sumere: nihil dubito, quin et ipse  
« verè porrigat, et ego recipiam. »

Item, docet, non posse ingenio comprehendere  
hoc mysterium, sed solè fide: « Nihil restat,  
« nisi ut in ejus mysterii admirationem pro-  
« rampam, cui nec mens planè cogitando, nec  
« lingua explicando par esse potest. » Et rur-  
sus: « De modo si quis me interroget, fateri  
« non pudebit, sublimius esse arcanum, quam  
« ut vel meo ingenio comprehendere, vel enar-  
« rari verbis queat. »

Quòd si hic substitisset Calvinus, nullam  
invenisset rationem dissentendi ab Ecclesiâ  
catholicâ. Illa enim docet, in S. Eucharistiâ  
dari nobis corpus Christi, ut ejus substantiâ  
animæ nostræ pascantur, et verè unum effici-  
amur cum eo; docet, non vacuum et inane  
signum nobis proponi, sed nos verè carnis et  
sanguinis Domini fieri particeps, qui fide per

charitatem operante hanc promissionem reci-  
piamus; docet animas nostras verè ac penitus  
Christi participes fieri; et cum symbolis panis  
ac vini corpus et sanguinem ipsius sumi, ni-  
hilque dubitandum esse, quin et ipse verè  
porrigat, et nos verè recipiamus; docet, ejus  
mysterii admirandam esse altitudinem, quam  
nec mens concipiat, nec lingua eloquatur, quia  
sublimius est arcanum, quam ut ingenio pos-  
sit comprehendere.

Putamus ipsos reformatos non difficulter  
perspicere, quantooperè in prædictis accedant  
publicæ confessiones, et auctores nominati ad  
doctrinam catholicam: et si sincerè hoc senti-  
rent, quòd loquantur, non videmus ullam cau-  
sam, cur à nobis dissentiant.

### CAPUT XXX.

#### *Proponitur doctrina catholica.*

Summam doctrinæ catholicæ exprimit con-  
cilium Tridentinum his verbis: « Principio  
« docet sancta synodus, et apertè ac simplici-  
« ter profitetur, in almo S. Eucharistiæ sa-  
« cramento, post panis et vini consecrationem,  
« Dominum nostrum Jesum Christum verum  
« Deum atque hominem, verè, realiter ac sub-  
« stantialiter, sub specie illarum rerum sensi-  
« bilium contineri. »

Credimus Christum adesse verè, et, ut dicit  
idem concilium, non solùm in signo aut figurâ.  
Ita dicit allegata Confessio Helvetica, fideles  
in manducatione sacramentali non tantum  
spiritualiter et internè participare de vero  
corpore et sanguine Domini; sed eos, qui for-  
ris verè fide sacramentum percipiunt, « non  
« signum duntaxat percipere, sed re ipsâ quo-  
« que frui. » Ita dicit Confess. Gall. quòd  
« Christus verè nos pascit et nutrit carne suâ  
« et sanguine, neque efficacæ et veritatis loco,  
« imaginationem aut cogitationem supponi; »  
sed Deum « nobis reipsâ, id est, verè et effica-  
« ceter, donare quiddam ibi sacramentaliter  
« figurat; ac proinde cum signis conjungi ve-  
« ram possessionem ac fruitionem ejus rei quam  
« tibi nobis offertur. » Et Hallus: « In Eucha-  
« ristiâ verè et realiter exhiberi et manducari  
« corpus Christi. » Et Calvinus: « Non vacuum  
« et inane signum nobis proponitur, sed verè  
« carnis et sanguinis Domini fiunt particeps,  
« qui fide promissionem hanc recipiunt. »

Credimus Christum adesse realiter. Et sic  
dicit Hallus, realiter exhiberi et manducari  
corpus Christi. Credimus Christum adesse  
substantialiter, atque eo intelligimus, Christum

non solâ virtute adesse in hoc sacramento. Ita dicit Confessio Helvetica, fideles non tantùm in signum percipere, sed *re ipsâ* quoque frui. Res autem ipsa non est sola quædam virtus, sed ipse Christus. Confessio Gallica non in solâ virtute subsistit, sed tradit, Christum arcanâ et incomprehensibili Spiritûs sui virtute nos nutrire et vivificare *corporis et sanguinis sui substantiâ* : Addit : « Corpus et sanguinem Jesu Christi non minùs esse cibum ac potum et animæ, quàm panis et vinum sint corporis et cibus. » Credimus corpus Domini sub illis speciebus sensibilibus contineri. Atque hic est nodus difficultatis præcipuæ; ubi necesse est considerare, quid concedant reformati, et in quo allucinentur.

Concedit Confessio Helvetica, in manducatione sacramentali accipi visibile corporis et sanguinis Domini sacramentum. Hæc sacramentalis manducatio efficaciam habet et veritatem, ac tam sublime est mysterium, ut sine fide percipi et apprehendi nequeat; quemadmodum dicit Confessio Gallica : cùm corpus et sanguis Jesu Christi non minùs sint cibus et potus animæ, quàm panis et vinum sint corporis cibus. Atque hinc approbante Davenantio, et attestante Bucero, in re et animo est concordia, cùm in sacrâ Cœnâ verum corpus, et verus sanguis Domini verè exhibeatur et detur; fatentibus Ecclesiis Helveticis, sacramentali unione panem esse corpus Christi, et porrecto pane, simul adesse et verè exhiberi corpus Christi. Quocirca non malè Hallus dicit, etiam indignos manducare istud quod unione sacramentali corpus Christi est; ac proinde reos esse corporis et sanguinis Jesu Christi : nec scrupulosè indagandum, quousque se extendat vis unionis istius sacramentalis, donec id ipsum per legitimam aliquam synodum ulteriùs decidatur, juxta monitum Zanchii : neque enim pudet nos fateri, sublimius esse arcanum, quàm ut à nobis comprehendi vel verbis enarrari possit.

Hæc omnia si sincerè concedunt reformati, qui fieri potest, ut vellent negare, « Dominum nostrum Jesum Christum, verum Deum et atque hominem, verè, realiter ac substantia-  
« liter sub speciebus sensibilibus contineri? » Nam si tantum est mysterium, tantum arcanum, ut sine fide percipi et apprehendi nequeat, nullusque sufficiat illud vel cogitando assequi, vel enarrando explicare, necesse est vel hoc ipsum dicere, in quo ratio tanti mysterii caput nostrum superet, quando spiri-

tualis manducatio, et adjunctio symbolorum tantam subtilitatem non continet. Et si panis eucharisticus propter unionem sacramentalem est corpus Christi, et porrecto pane, simul adsit, detur et verè exhibeatur corpus Christi, ita ut indigni illud manducantes rei fiant corporis et sanguinis Christi, putamus neminem futurum, qui non judicet, reformatos illud ipsum docere, quod docemus, acceptis eorum verbis in propriâ et usitatâ significatione.

Ut autem illi, qui moderatè agunt, faciliùs advertant in quo allucinentur, conabimur, per gratiam Dei, fundamentum totius negotii (post Milletierium) pro nostrâ tenuitate explicare; eosdem rogantes ut, sepositis præjudiciis, ipsa rerum expendant momenta.

Quando agitur de communione corporis et sanguinis Domini nostri Jesu Christi, non apprehendunt reformati corpus et sanguinem pretiosissimum juxta causas et rationem *mysterii*; quæ quidem sunt eadem causæ nostræ cum iisdem communionis; sed apprehendunt corpus et sanguinem Domini secundùm conditiones et circumstantias suæ *matertiæ*.

Hinc ortæ sunt difficultates non minùs inutiles quàm odiosæ, quando inquiritur an unum idemque corpus possit simul esse in pluribus locis. An corpus possit alicubi esse, et non occupare locum, nec esse visibile nec palpabile. In quibus et similibus difficultatibus, sese cum primis fundarunt reformati; et à quibus subtilissimè disputarunt adversus catholicos, docentes, nos communicare corpori et sanguini Domini nostri Jesu Christi, qui in institutione S. Eucharistiæ, verè et cum effectu mutavit panem et vinum in suum corpus et sanguinem, faciens ea sacramenta gratiæ. Quod cùm omnes SS. Patres apertissimè tenuerint, quorum usque huc sententiam sequuntur Catholici, nullam tamen de prædictis difficultatibus, tanquàm momenti aliquid habentem, moverunt; nulli eorum oborta est dubitatio, ut qui probè scirent, agi in S. Eucharistiâ de corpore et sanguine Jesu Christi secundùm rationem sui mysterii, juxta quam fideles iisdem communicant.

Nullo igitur modo indagandum est, quomodò idem corpus possit simul esse in pluribus locis; vel an possit alicubi esse præsens, et non occupare locum, nec palpari, nec videri, cùm omnes istæ et similes difficultates concernant conditiones et circumstantias materiæ corporalis, et conjunctorum accidentium, quæ locum non habent in ratione mysterii, juxta

quam communicamus corpori et sanguini Domini nostri Jesu Christi.

Hæc erronea hypothesis avertit Wiclefum à doctrinâ catholicâ, uti in præcedentibus ostendimus : atque hæc eadem hypothesis reformatos movit ad rejiciendam communionem corporalem fidelium cum corpore et sanguine Domini, et defendendam solam communionem spiritualem, uti et sacramentalem, quatenus addit elementis conditionem significandi corpus et sanguinem Jesu Christi ; quantumvis frequenter loquantur de mysterio incomprehensibili et arcano inenarrabili, ne videantur ab orthodoxo primitivæ Ecclesiæ consensu recessisse ; cùm tamen ipsorum sententiâ nullo complectatur arcanum, nullum mysterium.

Si ergo reformati à nobis petant : Quomodo fieri possit, ut idem corpus sit in pluribus simul locis, respondemus, eam propositionem indefinitam non continere assertionem fidei catholicæ. Non docet Ecclesiâ, nec unquam indefinitè docuit et universaliter, unum corpus posse simul esse in pluribus locis : imò inveniuntur doctores catholici non infimi nominis, qui id apertè et constanter negent.

Docet Ecclesiâ catholicâ, corpus Christi simul esse in pluribus locis, secundum suam existentiam sacramentalem, et secundum modum existendi sacramentaliter ; non autem secundum modum existendi naturalem, vel secundum modum existendi naturaliter, juxta quem in uno tantum est loco, nempe in cœlo, et ad dexteram Dei Patris.

Quocirca, qui proponunt eam quæstionem, et ejusmodi difficultates objectant contra præsentiam Christi in pluribus locis, in quibus S. Sacramentum est ; eorundem est explicare, quæ sit existentia sacramentalis corporis Christi, et modus existendi sacramentaliter : atque eo ipso perspicent, suas difficultates ad rem non facere, et quòd esse in pluribus simul locis nullo modo repugnet existentie sacramentali corporis Christi.

Sed ipsi nec intelligunt, nec explicare possunt modum existendi sacramentalem corporis Christi, ut candidè fatentur, agentes de magnitudine mysterii, et sublimitate hujus arcani ; et nonne seipos judicabunt temerarios et ridiculos, qui difficultates proponunt adversus existentiam sacramentalem, quam non intelligunt, et modum existendi sacramentalem, quem nequeunt explicare ? Poirò existentiam sacramentalem esse existentiam spiritualem,

sive ad modum spiritûs, 1 Cor. 13, omnino indubium est : *Si est corpus animale, est et spirituale*. Unde et Christus dicitur 45, 46, factus *in spiritum vivificantem et homo cælestis*. Clemens Alexandrinus dicit : « Duplex est sanguis Domini : alter enim est carnalis, quo redempti sumus ab interitu ; alter verò spiritus, quo scilicet uncti sumus. » Hoc de SS. Eucharistiâ accipiens, lib. 2. Pædag., pag. 151, B.

Fundamentum universarum difficultatum, quæ à reformatis moventur, non concernit nisi existentiam Christi naturalem, cui repugnet esse in pluribus locis. Sed Ecclesiâ catholicâ non docet, corpus Jesu Christi esse in S. Eucharistiâ secundum modum existendi naturalem ; quæ expressè contrarium tradit. Ita quidquid reformati proponunt contra veritatem realis præsentie corporis Christi in S. Eucharistiâ, procedit ex allucinatione, neque impugnat doctrinam catholicam : consequenter nullus doctor catholicus tenetur ejusmodi objectionibus respondere, tanquam procedentibus ex hypothesi nec catholicâ nec admissâ.

Hoc itaque tenendum est, Ecclesiâ catholicam nunquam docuisse indefinitè et universaliter : « Unum idemque corpus posse simul esse in pluribus locis ; » nunquam tradidisse : « Aliud quàm Christi corpus, posse habere existentiam sacramentalem, aut esse sacramentum. »

Quamvis verbis exprimi nequeat, quæ qualisque sit ratio, quis modus existendi sacramentaliter, potest tamen intellectus fide illuminatus comprehendere, firmiter credendum esse, eum existendi modum non esse Deo impossibilem, secundum apertam totius antiquitatis professionem, de hoc SS. Sacramento in verâ Ecclesiâ loquentis. Illi enim perpenderunt, Redemptorem nostrum verbis claris et disertis, post benedictionem panis et vini, dedisse proprium suum corpus et proprium sanguinem, testantibus Evangelistis et sancto Paulo.

Quocirca eorum sistenda est temeritas, qui hanc veritatem alio modo volunt explicatam, quàm quo à SS. Patribus constanter et perpetuò ab Apostolis hucusque in Ecclesiâ est proposita. Certum enim est, modum existendi sacramentalem corporis Christi, qui verbis explicari non potest, esse punctum sapientiæ divinæ operantis in mysterio, quod oculus non vidit, quod auris non audivit, quodque in cœ-

hominis non ascendit : atque ideò tantâ cum reverentiâ de hoc mysterio locuta est tota orthodoxa antiquitas.

Verùm qui rationem mirabilium Dei non possumus comprehendere : quòd tamen sint mirabilia, et capacitatem intellectûs nostri superantia, licet intelligere ex fine et effectu quem in nobis operantur : ita ut intelligamus modum esse mirabilem, quo corpus Christi nobis datur in SS. Sacramento, et secundùm quem sacramentaliter est præsens; post benedictionem panis et vini, ut eum dignè recipiamus ad salutem, oportet considerare finem et effectum, ratione quorum Redemptor noster istud sacramentum instituit.

Nam Redemptor noster, ex hoc mundo abiturus ad Patrem, instituit hoc S. Sacramentum, in quo cumulavit divitias amoris sui erga homines, faciens memoriam suorum mirabilium, mandansque illud celebrari in sui memoriam, et à sumentibus annuntiari mortem suam, donec veniat judicare mundum. Voluit autem hoc sacramentum accipi, tanquam cibum animarum spiritualem, quo nutriantur, et roorentur, quotquot vivunt vitâ ejus, qui dixit: *Qui manducat me, vivet propter me*; voluit esse antidotum adversùs peccata quotidiana, quoque præservemur adversùs mortalia: voluit esse pignus gloriæ nostræ et felicitatis æternæ: voluit esse symbolum ejus corporis; cujus ipse est caput, et cui nos voluit conjungi tanquam membra, per fidem, spem, charitatem, ut omnes idem dicamus, et non sit schisma in corpore.

Juxta finem et effectum in institutione divini hujus sacramenti declaratum, datur intelligere, quomodò sentiendum atque loquendum sit de hæc præsentia et existentia sacramentali corporis Christi. Nam, ut dicit concil. Nicænum primum: « Item etiã hic in divinâ mensâ ne humiliter intenti simus ad propositum panem et calicem, sed attolentes mentem fide, intelligamus situm in sacrâ illâ mensâ agnum illum Dei tollentem peccata mundi, incruentè à sacerdotibus immolatum, et pretiosum ejus corpus et sanguinem verè nos sumentes credere, hæc esse nostræ resurrectionis symbola: propter hoc enim neque multùm accipimus, sed parùm, ut sciamus, non ad satietatem, sed ad sanctificationem sumi. » Nòstis, domini reformati, hæc esse verba primi concilii generalis, quod admittitis; juxta cujus sententiam videtur dicere confessio Helveticæ: « Non habemus cœnam sine

Christo; Interim tamen habemus cœnam incruentam et mysticam, sicut universa nunc cupavit vetustas. » Atque ideò considerantes existentiam sacramentalem corporis Christi, non sensus nostros appellamus testes, sed fidem nostram statuumus judicem. Si enim Christus esset præsens in S. Sacramento secundùm modum existendi naturalem, sensus nostri possent judicare; et rectè diceretur non adesse Christus, qui non videretur. Quia autem ibi præsens est secundùm modum existendi sacramentalem, nullo modo dicendum est abesse, quia non videtur: sed mens humanâ fide attollenda est, ut intelligamus *situm in sacrâ mensâ* agnum illum Dei tollentem peccata mundi, incruentè à sacerdotibus immolatum, et nostræ resurrectionis symbolum.

### CAPUT XXXI.

*Expenditur ratio mysterii in S. Sacramento.*

Incipiamus cum S. Dionysio Areopagitâ, vel alio antiquo ejus libri auctore, et dicamus: « O divinissimum et sacrosanctum Sacramentum, obducta ibi significantium signorum opera dignanter aperi, et perspicuè nobis fac appareas, nostrosque spirituales oculos singulari et aperto tuæ lucis fulgore imple. »

Ex magnitudine hujus mysterii probat S. Irænæus, Jesum Christum esse Filium Creatoris universi: « Quomodò autem constabit eis, eum panem, in quo gratiæ actæ sint, corpus esse Domini sui, et calicem sanguinis ejus, si non ipsum Fabricatoris mundi Filium dicant, id est, Verbum ejus, per quod lignum fructificat, defluunt fontes, dat primum quidem sænum, post deinde spicam, deinde plenum triticum in spicâ? »

Singularem circumspectionem in custodiendo S. Sacramento commendat Origenes: « Volo vos admonere religionis vestræ exemplis. Nòstis, qui divinis mysteriis interessa consuevistis, quomodò cum suscipitis corpus Domini, cum omni cautelâ et veneratione servatis: ne ex eo parùm quid decadat, ne consecrati muneris aliquid dilabatur; reos enim vos ereditis, et rectè creditis, si quid inde per negligentiam decadat. »

Ineffabilem esse Jesu Christi in S. Eucharistiâ præsentiam, testatur S. Cyprianus, vel alius antiquus: « Panis iste, quem Dominus discipulis porrigebat, non effigie, sed naturali mutatus, omnipotentia Verbi factus est caro; et sicut in personâ Christi humanitas appare-

bat, et latebat divinitas, ita Sacramento visibili ineffabiliter divina se infundit essentia.

S. Hilario mysterium Eucharistiæ tale est, ut stultissimum paradoxum videri possit, nisi à Christo proponeretur; « Non est humano aut seculi sensu in Dei rebus loquendum, neque per violentiam aut impudentem prædicationem cœlestium dicatorum sanitati, alienæ atque implæ intelligentiæ extorquenda perversitas est. Quæ scripta sunt legamus, et quæ legimus intelligamus, et tunc perfectæ fidei officio fungemur. De naturali enim in nobis Christi veritate quæ dicimus, nisi ab eo discimus, *stultè atque impiè* dicimus; ipse enim ait: *Caro mea vera est esca.* »

Institutionem S. Eucharistiæ refert ad omnipotentiam Christi S. Cyrillus Hierosolymit. Aquam aliquando mutavit in vinum, quod est sanguini propinquum, in Canà Galilææ solâ voluntate; et non erit dignus cui credamus quòd vinum in sanguinem transmutarit? Quare omni cum certitudine corpus et sanguinem Christi sumamus: nam sub specie panis datur tibi corpus, et sub specie vini datur sanguis.

Eodem modo ex variis miraculis probat realem præsentiam Christi in S. Eucharistiâ S. Ambrosius: « Fortè dicas: Aliud video; quomodò tu mihi asseris, quòd Christi corpus accipiam? Et hoc nobis adhuc superest, ut probemus. Quantis igitur utimur exemplis, ut probemus, non hoc esse, quod natura formavit, sed quod benedictio consecravit? majoremque esse vim benedictionis, quàm naturæ, quia benedictione etiã ipsa natura mutatur? Virgam tenebat Moyses; projecit eam, et facta est serpens. » Et relatis aliis miraculis concludit: « Quòd si tantùm valuit humana benedictio, ut naturam converteret, quid dicemus de ipsâ consecratione divinâ, ubi verba ipsa Domini Salvatoris operantur? Nam Sacramentum istud, quod accipis, Christi sermone conficitur. Quòd si tantùm valuit sermo Eliæ, ut ignem de celo deponeret, non valebit Christi sermo, ut species mutet elementorum? De totius mundi operibus legisti: *Quia ipse dixit, et facta sunt; ipse mandavit, et creata sunt.* Sermo ergo Christi, qui potuit ex nihilo facere, quod non erat, non potest ea quæ sunt, in id mutare quod non erant? Non enim minus est novas rebus dare, quàm mutare naturas. »

Magnitudinem mysterii expendit S. Basiliius:

« Si tales minæ adversùs eos positæ sunt qui temerè ad ea sacra accedunt, quæ ab hominibus sanctificantur, quid dicendum est de eo qui in tantum ad tale mysterium temerarius est? Quantò enim majus aliquid inest templo, secundùm Domini vocem, tantò gravius et terribilius est in animæ impuritate constitutum corpus Christi temerè contingere, quàm sit accedere ad arietes vel tauros, » etc.

Præclare S. Ephrem: « Quid scrutaris inscrutabilia? Si ista curiosè rimaris, non jam *fidelis* vocaberis, sed *curiosus*. Esto fidelis atque innocens, participa immaculato corpori Domini tui fide plenissimâ, certus quòd agnum ipsum integrum comedis. Ignis immortalis sunt mysteria Christi, noli temerè ea perscrutari, ne in ipsorum perscrutatione comburararis. » Et infra: « Hoc sanè excedit omnem admirationem, omnem mentem, omnemque sermonem, quod fecit nobis unigenitus Dei Filius Christus Salvator noster. Ignem et spiritum manducandum ac bibendum præstitit nobis, corpus scilicet et sanguinem suum. »

B. Gaudentius: « Ipse naturarum Creator et Dominus, qui producit de terrâ panem, de pane rursùs (quâ potest et promisit) efficit proprium corpus. » Et postea: « O altitudo divitiarum sapientiæ et scientiæ Dei! Pascha est Domini, hoc est transitus Domini. Ne terrenum putes, quod cœleste effectum est per eum qui transit in illud, et fecit illud suum corpus et sanguinem. »

Exclamat etiã S. Chrysostomus: « O miraculum! ò Dei benignitatem! qui cum Patre sursum sedet, in illo temporis articulo omnium manibus pertractatur, ac se ipse tradit volentibus illum excipere et amplecti. »

Et S. Aug. explicans titulum psalmi: *Et ferretur in manibus suis*; dicit: « Quomodò posset fieri in homine, quis intelligat? Qui enim portatur manibus suis? Manibus aliorum potest portari homo; manibus suis nemo portatur. Quomodò intelligatur in ipse David secundùm litteram, non invenimus, in Christo autem invenimus. Ferebatur enim Christus manibus suis, quando commendans ipsum corpus suum, ait: *Hoc est corpus meum.* Ferebat enim illud corpus in manibus suis. »

Et hæc quidem sufficiunt, ut intelligamus antiquos Ecclesiæ doctores magnitudinem hujus mysterii perspexisse, expendisse et docuisse; qui tamen nunquam hæsitaverunt circa

cas difficultates, quæ à reformatis moventur, ut quibus probè notum esset, eas locum habere non posse, nisi ageretur de præsentia Christi secundum modum existendi *naturalem*; nullo autem modo ubi agitur de præsentia Christi secundum rationem existendi *sacramentalem*, quam cum totâ antiquâ Ecclesiâ proposuit et tradidit concil. Triid.

Rogemus itaque Deum, ut spirituales omnium oculos aperiat, quò divinissimum et sacrosanctum sacramentum agnoscant, atque in eo potentiam Creatoris venerentur; considerantes quantâ cautelâ, quantâ reverentiâ olim Christi corpus fuerit acceptum. Quid enim magis ineffabile, quàm ut sacramento visibili divina se infundat essentia, ubi panis non effigie, sed naturâ mutatus, omnipotentia Verbi factus est caro? Quod profectò stultum et impium esset paradoxum, nisi à Christo esset institutum. Sed ipse dignus est, cui credamus, sive aquam in vinum, sive vinum in sanguinem transmutanti: neque ullo modo dicendum est: *Aliud video*, quando agitur de mirabilibus et naturam excedentibus Christi Jesu operibus. Quapropter magnâ reverentiâ accedendum est, nec temerè scrutanda inscrutabilia, quæ omnem admirationem, omnem mentem, omnemque sermonem excedunt: nam ipse naturarum Creator et Dominus, qui producit de terrâ panem, de pane rursus fecit proprium corpus, quia potest et promisit. O altitudo divitiarum sapientiæ et scientiæ Dei! Non putemus terrenum, quod celeste effectum est per eum qui transit in illud, et fecit illud suum corpus et sanguinem. O miraculum! ò Dei benignitatem! Qui cum Patre sursum sedet, in illo temporis articulo omnium manibus pertractatur; qui in institutione hujus S. Sacramenti seipsum portavit in manibus suis!

Considerent reformati, quorum confessiones et doctores mysterium ineffabile agnoscunt, si quidem illud agnoscant cum totâ antiquâ Ecclesiâ, an non sit necesse cum eadem Ecclesiâ illud credere, quod ipsa de venerabili sacramento unanimiter et constanter credidit; quodque etiamnum credit Ecclesia catholica.

### CAPUT XXXII

*Veritas catholica ex verbis institutionis.*

Non quæramus sensum verborum Christi ex nostrâ industriâ aut privatâ opinione; sed ex ipsis verbis, prout ea fuerunt intellecta à SS. Patribus, de quorum fidelitate nullus dubitat.

S. Cyrillus Hierosolym., qui interfuit secundo concilio generali: « Cùm Christus dicit circa panem: *Hoc est corpus meum*; quis deinceps audeat dubitare? Et eodem confirmante et dicente: *Hic est sanguis meus*; quis dubitet, dicens non esse ipsius sanguinem? » Et postea: « Fias, sumens corpus et sanguinem, concorporeus et consanguineus ipseus: sic enim sumus Christophori, corpore ipsius et sanguine in nostra membra recepto. »

Subtiliter dixit Origenes: « Non hæreas in sanguine carnis, sed discere potius sanguinem Verbi, et audi ipsum tibi dicentem, *quia hic sanguis meus est, qui pro vobis effundetur in remissionem peccatorum.* » Neque enim oportet hære in sanguine carnis, secundum modum existendi naturalem, sed oportet discere sanguinem Verbi, secundum modum existendi sacramentalem: nam in institutione dixit: *Hic sanguis meus est.*

S. Cyprianus: « Nova est hujus sacramenti doctrina, et scholæ evangelicæ hoc primum magisterium protulerunt, et doctore Christo primum hæc mundo innotuit disciplina, ut biberent sanguinem Christiani, cujus estur legis antiquæ auctoritas districtissimè interdicat: Lex quippe esum sanguinis prohibet; Evangelium præcipit, ut bibatur. »

S. Hilarius: « De veritate carnis et sanguinis non est relictus ambigendi locus: nunc enim et ipsius Domini professione, et fide nostrâ verè caro est, et verè sanguis est. »

S. Ambrosius: « Panis iste, panis est ante verba sacramentorum; ubi accesserit consecratio, de pane fit caro Christi. » Et infra: « Jesus testificatur nobis, quòd corpus suum accipiamus et sanguinem; numquid debemus de ejus fide et testificatione dubitare? »

S. Gaudentius: « Quòd annuntiatum est, credas, quia quòd accipis, corpus est illius panis cœlestis, et sanguis est illius sacræ vitæ. Nam cùm panem consecratum et vinum discipulis porrigeret, sic ait: *Hoc est corpus meum: Hic est sanguis meus.* Credamus cui credidimus: nescit mendacium veritas. » Et infra: « Non infringamus os illud solidissimum: *Hoc est corpus meum: Hic est sanguis meus.* Si quid autem superfluerit, etiam nunc in uniuscujusque sensu, quòd expositione istâ non cœperit, ardore fidei concremetur. »

S. Chrysostomus: « Credamus ulique Deo, nec repugnemus ei, etiamsi sensui et cogitationi nostræ absurdum esse videatur quòd

« dicit. Superet et sensum et rationem nostram sermo, quæso, ipsius : quod in omnibus rebus, sed præcipuè in mysteriis faciamus ; non illa quæ ante nos jacent solummodò aspicientes, sed verba quoque ejus tenentes : nam verbis illius defraudari non possumus, sensus verò noster deceptu facillimus est. Quoniam ergo ille dixit : *Hoc est corpus meum* ; nullâ dubitatione teneamur, sed credamus, » etc. Et per modum pulchræ exhortationis : « Qui majus, id est, animam suam, pro te posuit, quare dedignabitur suum tibi tradere corpus ? Audiamus igitur, tam sacerdotis quàm alii, quàm magna, quàm admirabilis res nobis concessa est, audiamus, oro, et perhorrescamus : carnes suas nobis tradidit, seipsum immolatum proposuit. »

Item : « Calix benedictionis, cui benedicimus, nonne communicatio sanguinis Christi est ? Maximè his tibi verbis et fidem facit et horrorem. Eorum enim hujusmodi est sententia, quod in calice, id est, quod à latere fluxit, et illius sumus participes. »

S. Augustinus : « Illas etiam nubes vel ignes quomodò fecerunt vel assumpserunt Angeli ad significandum, quod annuntiabant, etiamsi Dominus vel Spiritus sanctus illis formis ostendebatur, quis novit hominum ? Sicut infantibus non noverunt, quod in altari ponitur, et peractâ pietatis celebratione consumitur, unde vel quomodò conficiatur, unde in usum religionis assumatur. Et si nusquam discant experimento vel suo vel aliorum, et nunquam illam speciem rerum videant, nisi inter celebrationem sacramentorum, cum offertur et datur, dicaturque illis auctoritate gravissimæ ejus corpus et sanguis sit, nihil aliud credent, nisi omninò in illâ specie Dominum oculis apparuisse mortalium, et de latere tali percusso liquorem illum omninò fluxisse. » Item explicans illud : *Panis quem ego dabo, caro mea est*, dicit : « Hoc quando caperet caro, quod dixit panem carnem ? vocatur caro, quod non capit caro. »

S. Cyrillus Alexandrinus : « Quomodò potest hic nobis carnem suam dare ad manducandum ? Dicit explicans : « Firmam fidem mysteriis adhibentes, nunquam in tam subtilibus rebus, illud (quomodò ?) aut cogitemus aut proferamus. » Item : « Non negamus, rectâ nos fide charitateque sincerâ Christo spiritualiter conjungi ; sed nullam nobis conjunctionis rationem secundùm carnem cum illo esse, id profectò pernegamus, idque à

« divinis Scripturis omninò alienum dicimus. »

### CAPUT XXXIII.

#### SS. Patres de reali præsentia

S. Justinus Martyr : « Non enim ut communem panem neque commune potum hæc sumimus ; sed quemadmodum per verbum Dei incarnatus Jesus Christus Salvator noster, et carnem et sanguinem pro salute nostrâ habuit ; sic etiam per preces verbi Dei Eucharistiam factam cibum, ex quo sanguis et carnes nostræ per mutationem caluntur, illius incarnati Jesu et carnem et sanguinem esse edocti sumus. »

S. Gregorius Nyssenus : « Panis est absque semine, absque ullo humano opere nobis paratus. Is desuper invenitur in terris. Panis enim, qui de cælo descendit, qui verus cibus est, qui ænigmaticè hæc historiâ significatur, non corporea quædam res est : quo enim pacto res incorporea corpori cibus fiet ? res autem, quæ incorporea non est, corpus omninò non est. » Item : « Fideillum corporibus conjungitur, ut eâ conjunctione cum immortalis, homo etiam immortalitatis particeps fiat, » etc.

S. Optatus Milevitanus : « Quid enim est tam sacrilegum, quàm altaria Dei, in quibus aliquando et vos obtulistis, frangere, radere, et removere ? in quibus vota populi et membra Christi portata sunt ; quò Deus omnipotens invocatus sit, quò postulatus descendit Spiritus sanctus ; unde à multis pignus salutis æternæ, et tutelâ fidei, et spes resurrectionis accepta est. » Et infra : « Quid est altare, nisi sedes corporis et sanguinis Christi ? » Et infra : « Quid vos offenderat Christus, cujus illic per certa momenta corpus et sanguis habitabat ? » Et infra : « Hoc tamen immane facinus geminatum est, dum fregistis etiam calices Christi sanguinis portatores. »

S. Augustinus : « Mediatorem Dei et hominum hominem Christum Jesum carnem suam nobis manducandam, bibendumque sanguinem dantem fideli corde atque ore suscipimus : quamvis horribilus videatur humanam carnem manducare, quàm perimere, et humanum sanguinem potare, quàm fundere. »

S. Cyrillus Alexandrinus : « An fortassis putat ignotam nobis mysticæ benedictionis virtutem esse ? quæ cum in nobis sit, nonne corporaliter quoque facit, communicatione carnis Christi, Christum in nobis habitare ? » Et infra : « Unde considerandum est, non hæ-



« bitudine solùm, quæ per charitatem intelli-  
 « gitur, Christum in nobis esse, verùm etiam  
 « participatione *naturali*. » Et infra : « Non po-  
 « terat enim aliter corruptibilis hæc natura  
 « corporis ad incorruptibilitatem et vitam tra-  
 « duci, nisi naturalis vitæ corpus ei *conjugere-*  
 « *tur* ; non credis mihi hæc dicenti ; Christo,  
 « obsecro te, fidem præbe. »

S. Leo : « Ut ergo umbræ cederent cor-  
 « pori, et cessarent imagines sub præsentia  
 « veritatis, antiqua observantia novo tollitur  
 « sacramento, hostia in hostiam transit, san-  
 « guinem sanguis excludit, et legalis festivitas,  
 « dùm mutatur, impletur. » Item : « Ipsum per  
 « omnia et spiritu et carne gustemus. » Item :  
 « Sic sacræ mensæ communicare debetis, ut  
 « nihil prorsus de veritate corporis Christi et  
 « sanguinis ambigatis. Hoc enim *ore* sumitur,  
 « quod fide creditur, et frustra ab illis *amen*  
 « respondetur, à quibus contra id quod accipi-  
 « tur, disputatur. » Item : « In Ecclesiâ Dei,  
 « in omnium ore tam consonum est, ut nec ab  
 « infantium linguis veritas corporis et sangui-  
 « nis Christi inter communis sacramenta fidei  
 « taceatur. »

Eusebius Emisissenus, vel auctor Sermonis  
 de Corpore Domini : « Recedat omne infideli-  
 « tatis ambiguum, quandoquidem qui auctor  
 « est muneris, ipse testis est veritatis. » Et  
 « infra : « Ad cognoscendum et percipiendum  
 « sacrificium verî corporis, ipsa te roborat po-  
 « tentia consecrantis. » Item : « Verè unica et  
 « perfecta hostia fide æstimanda, non specie,  
 « nec exteriori censenda visu, sed interiori  
 « affectu. » Item : « Invisibilis sacerdos visibi-  
 « les creaturas in substantiam corporis et san-  
 « guinis verbo suo secretâ potestate commu-  
 « tat. » Item : « Quod corpus, sacerdote dis-  
 « pensante, tantùm est in exiguo, quantum  
 « esse constat in toto ; quod cùm Ecclesia fide-  
 « lium sumit, sicut plenum in universis, ita  
 « integrum esse probatur in singulis. » Vido  
 Proclum Constant. de Tradit. Liturg. B.b.  
 Patr. tom. 5, pag. 542, D.

Itaque non intelligentes verba Christi ad  
 privatum cujusque iudicium, sed ex sensu  
 purioris antiquitatis, Apostolis vicinæ, et san-  
 ctitate eminentis, dicamus, non esse dubi-  
 tandum de verbis Christi, nosque ejus corpus  
 et sanguinem in membra nostra recipere :  
 Non hæreamus in carne, secundùm ejus exis-  
 tentiam naturalem, sed perpendamus sacra-  
 mentalcm : quamvis enim lex esum sanguinis  
 prohibeat, Evangelium præcipit, ut bibatur :

Ideoque de veritate carnis et sanguinis non est  
 relictus ambigendi locus : nam panis est ante  
 verba sacramentorum ; ubi accesserit conse-  
 cratio, de pane fit caro Christi : unde, si quid  
 superferit difficultatis, ardore fidei concre-  
 metur ; credentes ubique Deo, nec ei repu-  
 gnantes, etiamsi sensui et cogitationi nostræ  
 absurdum videtur ; quia sensus noster deceptu  
 facilissimus est. Semper igitur adhaerendum  
 auctoritati gravissimæ, quantumvis caro non  
 capiat ; nec cogitandum, quomodò illud fieri  
 possit, quòd etiam secundùm carnem Christo  
 conjugamur, et carnes nostræ per mutatio-  
 nem alantur : nam desuper defluens invenitur  
 in terris, et fidelium corporibus conjungitur,  
 ut immortalitatis sint participes : et altaria  
 portant membra Christi, ut quæ sunt sedes  
 corporis et sanguinis ejus, et in quibus per-  
 certa momenta habitat ; unde Christi carnem  
 et sanguinem fidei corde atque ore suscipi-  
 mus, ut in nobis etiam corporaliter habiet  
 participatio naturali ; et corpori ejus con-  
 juncti ad incorruptibilitatem traducamur, ip-  
 sum spiritu et carne gustantes, cùm illud ore  
 sumatur, quod fide creditur. Quapropter re-  
 cedat omne infidelitatis ambiguum, quando  
 auctor muneris est testis veritatis.

#### CAPUT XXXIV.

##### *De transsubstantiatione.*

Pauca dicemus de transsubstantiatione ex  
 SS. Patribus, daturi pro occasione pleniorcm  
 tractationem, si Deo visum fuerit.

S. Cyprianus : « Panis iste, quem Dominus  
 « discipulis porrigebat, *non effigie*, sed *naturâ*  
 « mutatus. »

S. Cyrillus Hierosolymitanus : « Vinum in  
 « sanguinem *transmutavit*. » Item : « Sub spe-  
 « cie panis datur tibi corpus, et sub specie  
 « vini datur sanguis. » Item : « Ne ergo con-  
 « sideres tanquam nudum panem et nudum  
 « vinum : corpus enim est et sanguis Chri-  
 « sti, secundùm ipsius Domini verba. Quam-  
 « vis enim sensus hoc tibi suggerit, tamen  
 « fides te confirmet, ne ex sensu rem ju-  
 « dices. » Item : « Hoc sciens et pro certissimo  
 « habens, panem hunc, qui videtur à nobis,  
 « non esse panem, etiamsi gustus panem esse  
 « sentiat ; sed esse corpus Christi ; et vinum,  
 « quod à nobis conspicitur, tamen si sensui  
 « gustus vinum esse videatur, non tamen vi-  
 « num ; sed sanguinem Christi esse. »

S. Ambrosius : « Quantis utimur exemplis,  
 « ut probemus, *non hoc* esse, quod natura for-

« mavit, sed quod benedictio consecravit, majoremque vim esse benedictionis quam naturæ, quia benedictione etiam natura ipsa mutatur ! »

S. Gregorius Nyssenus : « Rectè etiam nunc Dei verbo sanctificatum panem in Dei Verbi corpus credimus immutari. » Et infra : « Hæc autem tribuit virtute benedictionis in illud (corpus Domini) rerum, quæ videntur (id est, panis et vini), naturam immutans. »

S. Gaudentius. « Qui de aquâ vinum fecit, et de vino sanguinem suum. »

S. Chrysostomus : « Non sunt humanæ virtutis opera proposita : nos ministrorum locum tenemus : qui verò sanctificat ea et immutat, ipse est. » Item : « Num vides panem ? num vinum ? num sicut reliqui cibi in secessum vadunt ? absit, ne sic cogites. Sicut enim si cera igni adhibita illi assimilatur, nihil substantiæ remanet, nihil superfluit ; sic et hic puta mysteria consumi corporis substantiâ. »

S. Cyrillus Alexandrinus : « Non horremus carnem et sanguinem apposita sacris altari- bus ; condescendens Deus nostris fragilitatibus, influit oblati vim vitæ, convertens ea in veritatem propriæ carnis, ut corpus vitæ quasi quoddam semen inveniat in nobis. »

Eusebius Emisenus : « Quando benedictiæ verbis cœlestibus creaturæ sacris altari- bus imponuntur, antequam invocatione summi Numinis consecrentur, substantia illic est panis et vini ; post verba autem Christi, corpus et sanguis est Christi. Quid mirum est autem, si ea quæ verbo creare potuit, possit creata convertere ? »

S. Remigius Rhemensis : « Caro, quam Verbum Dei Patris assumpsit in utero virginali in unitate suæ personæ, et panis, qui consecratur in altari, unum corpus Christi sunt : sicut enim illa caro corpus Christi est, ita iste panis transit in corpus Christi : nec sunt duo corpora, sed unum corpus. »

#### CAPUT XXXV.

##### *Doctrina Ecclesiæ Græcæ de S. Eucharistiâ.*

Quia Protestantes parùm exercitatis solent persuadere, doctrinam Ecclesiæ suæ in ple-risque convenire cum sententiâ Ecclesiæ Græcæ, operæ pretium esse duximus, ejus Ecclesiæ mentem de S. Eucharistiâ breviter referre.

Dicit patriarcha Constantinopolitanus Hieremias : « In sacrâ Cœnâ post consecrationem et benedictionem, panis in illud ipsum cor-

pus Jesu Christi, vinum autem in illum sanguinem virtute Spiritûs sancti transit et immutatur. Neque verò tanquàm corpus illud sursùm translatum de cœlo iterùm descendat (blasphemum enim hoc est) sed transformatis et transmutatis, gratiâ et invocatione Spiritûs sancti, qui omne hoc perficit et consummat sacramentum, speciebus, per divinas et sacras preces Dominicæque verba, ipso quidem pane in verum corpus Domini, vino autem in verum sanguinem transeunte et immutato. Non igitur ampliùs aut figura aut azyma est ille panis Dominici corporis, qui à sacerdote consecratur, sanetèque tractatur, sed illud ipsum verum corpus Christi, sub speciebus panis contentum. »

Post Hieremiam fuit patriarcha Neophytus, vir catholicus et episcopo Romano consentiens. Neophytum expulsi Cyrillus, qui inter reformatos nutritus, patriarchatum à Turcâ fœdissimè mercatus est, et postea ejusdem jussu, ob varia crimina, capite plexus est ; Cyrillo extincto legitimâ electione successit Parthenius vir catholicus, qui anno 1645, patriarchatum tenebat.

Quia autem Cyrillus Confessionem suam ex sententiâ reformatorum ediderat, opposuerunt se episcopi Græciæ et Orientales. Atque inter illos (referente Isaaco Haberto doctore Sorbonico, in pontificali Ecclesiæ Græcæ) Caryophilus archiepiscopus Sconiensis, qui sic loquitur : « Delere transubstantiationem, est coronis blasphemiarum ; est sese palam ostentare Orientalis Ecclesiæ proditorem, apostolicæ prædicationis apostatam, etc. Hæc est apud Orientales solida, immutabilis, et apostolica fides, quod per conversionem perficiatur mysterium. »

Refert idem Caryophilus varia contra Cyrillum argumenta, quæ hoc loco negligenda non sunt, ut unusquisque intelligat quantum differat sententiâ Ecclesiæ Græcæ à sententiâ Protestantium :

« I. Sacramenta constant ex verbo et elemento ; ergo elementum Eucharistiæ erit panis et vinum : verbum igitur quale erit ? si enim verbum in sacramentis significat actionem quæ fit, ut clarum est in baptismo, verbum Eucharistiæ, ut significet operationem quæ fit, tale profectò erit : *Ego sumo corpus Christi* ; atqui de hoc quidem unquàm ausus est Satan dicere. »

« II. Baptisma exhibet realem et substantialem præsentiam, et baptizantis et baptizati,

« et materiæ Baptismi, aquæ per quam fit ab-  
 « solutio, et illius, quod continenter significa-  
 « tur per Baptisma, scilicet regenerationis :  
 « diverso igitur modo, et non synonymè : ergo  
 « hæc verba : *Accipite, hoc est corpus meum,*  
 « significant in traditione realem et substan-  
 « tialem præsentiam illius, quod continenter  
 « per traditionem significatur, videlicet cor-  
 « poris Domini.

« III. SS. Patres Orientales uno ore docent  
 « omnes, post sanctificationem venerabilium  
 « donorum, sub speciebus et symbolis, quæ  
 « videntur, ipsum subesse Christum, verè rea-  
 « liter, substantialiter.

« IV. Liturgiæ mysterium, communi sancto-  
 « rum Patrum consensu, sacrificium vocari  
 « increumentum, res evidens est. Sacrificium  
 « autem rei viventis oblatio est : vivens autem  
 « non est, nisi quod sub speciebus continetur;  
 « aliàs enim nudum panem sacrificium vocari,  
 « et falsum, et recto Patrum loquendi more  
 « indignum est : Eucharistia communionis so-  
 « lum rationem indueret, incremum verò sa-  
 « crificii nequaquam. » Atque hæc fusè probat  
 « ex Liturgiâ Basilii et Chrysostomi, de quibus  
 « dicit : « Liturgiæ mysterium ab Apostolis tra-  
 « ditum esse Christianis manifestum est.

« V. Quid verò Calvinistæ dicent ad Litu-  
 « rgiam præsanctificatorum, in quâ habetur,  
 « quòd super altare requiescit Christus ?

« VI. Docere præsentiam, sed qualem fides  
 « ipsis exhibet, est docere absentis præsentiam :  
 « idem planè est, ac si quis dicat, cœnare nihil  
 « ab imaginatione cœnandi differre.

« VII. Cur ab ortu recentibus pueris com-  
 « munionem impertirentur Græci ? Nec enim  
 « recens natis pueris, fidei præsentiam Christi  
 « præbere potest; aliter quod obijciunt recens  
 « genitorum labris, vini certè gutta foret : quòd  
 « si vis illam esse communionem, voca etiam  
 « lac è mammâ communionem.

« VIII. Unde videtur impossibile Calvinistis,  
 « fontem miraculorum ipsorum Salvatorem,  
 « simul quidem sedere à dextris Patris, simul-  
 « que sacris signis contineri ?

« IX. Transubstantiatio panis non docet ta-  
 « lem præsentiam. » Quam transubstantiatio-  
 « nem delere, probat esse coronidem blasphemiarum.

« X. Nec Nestorius, nec Monothelitæ, nec  
 « Iconomachi, nec hæreseon in Oriente exor-  
 « tarum ulla, transubstantiationem et præsen-  
 « tiam substantialem negavit.

« XI. Apud Orientales, non solum ortho-

« doxos, sed etiam hæreticos, *Hoc est corpus*  
 « *meum,* semper intellectum est simpliciter,  
 « secundum suam maximè propriam significa-  
 « tionem, » quod probat testimoniis Basilii,  
 « Chrysostomi, etc.

« XII. Si illa verba secundum translationem  
 « per fidem explicatam intelligerentur, quom-  
 « odò Judæis scandalizatis id non explicasset ?  
 « Quanquam etiam hoc indignum ipsâ sapientiâ  
 « Dei, si Calvinistæ verum dicerent. Quomodò  
 « enim conveniebat Servatori nostro rectæ  
 « fidei semina jacenti, nudam et claram non  
 « tradere tanti mysterii congruentissimam ex-  
 « plicationem, sed gratis præbere inutilis scan-  
 « dali occasionem, propter quod multi discipu-  
 « lorum retrorsum abirent ?

« XIII. Hoc ipsum sentire compellet gram-  
 « maticæ constitutionis rectitudo : ibi enim  
 « figuratus sensus locum habet, ubi duo no-  
 « mina substantiva usurpantur, ut : *Petra erat*  
 « *Christus;* hujusmodi enim nominibus expri-  
 « mitur concursus rerum naturâ differentium.  
 « Tropicè igitur ita sendenda sunt, sicut et id :  
 « *Semen est verbum Dei, spinæ divitiæ, sollicitu-  
 « dines et voluptates vitæ,* etc. Ubi verò per de-  
 « monstrativum pronomem propositio effertur,  
 « cum non duarum rerum concursus, sed unius  
 « rei demonstratio significetur, non oportet  
 « tropicè sensum colligere, sicut hic : *Hic est*  
 « *filius meus dilectus : hic est discipulus, qui testi-  
 « monium perhibet;* et in similibus. Si ergo Sal-  
 « vator dixisset : *Hic panis est corpus meum,* esset  
 « aliqua forsân Calvinistis in speciem malè sen-  
 « tiendi excusatio. Cum verò dixerit : *Hoc est cor-  
 « pus meum,* omnem præcidit excusationem. Et  
 « clarum est, emphasim proprietatis, et Aposto-  
 « lorum traditionem, et germanam Ecclesiæ ca-  
 « tholicæ fidem, et sacræ Liturgiæ perpetuum  
 « usum, et unanimum doctorum determinatio-  
 « nem, cogere ut credamus, verbis dominicis  
 « nullum alium inesse sensum, perspicuum  
 « esse, præter eum qui secundum litteram desig-  
 « natur. » Et hoc confirmat testimonio Chry-  
 « sostomi.

« XIV. Quid magnum foret, panem commu-  
 « nem manducare, et Christum imaginari ? He-  
 « bræi cum manna acciperent pane pretiosius,  
 « illud quidem in ore, Christum verò in mente  
 « habebant, quem tunc expectabant, ita ut  
 « manna, Eucharistia Judæis esset; quid enim  
 « differt aut venturum, aut qui jam venerit  
 « Christum cogitare, si cogitatio secundum fi-  
 « dem Christi sacramentum constituit ?

« XV. Si credere est communicare, et æcto

« fidei est actio communionis, ita ut positâ fide  
 « præsens sit Christus, remotâ verò absens,  
 « quomodò Judas, inquit Chrysostomus, Orat.  
 « in Prodit., proditor infidelis existens com-  
 « municat sancto sacrificio ? »

Adit duo Caryophilus per modum objectio-  
 nis et solutionis : « 1<sup>o</sup> Nec verò cuiquam co-  
 « gitatio suboriatur divinum corpus in com-  
 « munionem discerpi et laniari. Non est neces-  
 « sarium, ex eo quòd substantialiter suscipia-  
 « tur, ipsum dentibus conteri et dividi : hoc  
 « enim est carnaliter, sensibiliter, præposterè  
 « mysterium intelligere ; at rursus ex eo quòd  
 « dentibus non conteratur, haud concludere  
 « licet, non esse præsens substantialiter, sed  
 « solo animi sensu intelligi ; subest enim cor-  
 « pus ad modum substantiæ neque naturalem,  
 « neque sensibilem ; sicut enim in cruce corpus  
 « quidem Christi fixum est, divinitas autem  
 « Christi non item, sic in Eucharistiâ symbola  
 « dentibus conteruntur, sed quod continetur  
 « symbolis, manet impassibile. 2<sup>o</sup> At non vide-  
 « tur, sicut dicit Aristoteles 2 de Animâ, c. 6,  
 « videri hominem per accidens, quia per acci-  
 « dentia videtur : sic per opera, id est,  
 « accidentia, non in existentia, sed circumpo-  
 « sita, cernitur Christus, et velatur divinissi-  
 « mum mysterium operimentis circumpositis. »

Hic perpendant reformati, an magistri sui  
 sibi consent, quando dicunt, doctrinam de  
 transubstantiatione esse errorem fundamenta-  
 lem ; quando dicunt, Ecclesiam Græcam non  
 errare in fundamento, quæ tamen docet trans-  
 substantiationem. An fortè continet errorem  
 fundamentalem, quando disputant contra Ca-  
 tholicos ; et non continet errorem fundamenta-  
 lem, ut videantur meritò gloriari de suo cum  
 Græcis consensu ? Ita Joannes Hus tenuit et  
 docuit transubstantiationem ; et tamen apud  
 reformatos est testis veritatis.

#### CAPUT XXXVI.

##### *De sacrificio Missæ.*

Reformati in Angliâ in multis constituunt  
 eundem ordinem Missæ, qui apud Catholicos  
 observatur, juxta librum precum publicarum  
 sive Ministerii ecclesiastici. Totum autem illud  
 officium vocant Liturgiam, vocabulo Græco,  
 quod Missam latine dicimus.

Confessio Augustana, agens de Missâ, dicit  
 eam apud Lutheranos non aboleri, sed retineri,  
 et summâ reverentiâ celebrari, servatis usitatis  
 cæremoniis ferè omnibus.

Joannes Hus tenuit sacrificium Missæ, et

quidem propitiatorium pro vivis et defunctis.  
 Tract. de Sacram. corp. et sang., cap. 1, foli.  
 59, et cap. 4, foli. 40.

Ecclesia Orientalis, uti semper, ita nunc  
 eandem de Missâ doctrinam tenet, quam ipsi  
 vocant Liturgiam. Hanc enim unanimiter  
 agnoverunt Orientales et Occidentales, uti  
 constat ex definitione concilii Florentini. Lu-  
 bet addere sententiam patriarchæ Constanti-  
 nopolitani Hieremiæ agentis de sacrâ Liturgiâ :  
 « Nos eam totam rem sic explicamus, Christum  
 « sacram Hierurgiam, et quæ in eâ continentur  
 « sacra mysteria nobis reliquisse. Quantum  
 « tremenda hæc arcana atque sacrificia ad  
 « placandum Deum peccatis nostris offensum  
 « valeant, Deus ipse demonstravit, etc. ; quantò  
 « magis Christus pro nobis sacrificium et obla-  
 « tionem offerens, reconciliabit nos aeterno suo  
 « Parenti, tum eò integrâ spe ac fiduciâ ad  
 « ejus sacra accedimus mysteria. Mutatur panis  
 « in ipsum corpus Christi, quamdiu quidem  
 « panis hie in propositione situs est, panis  
 « solùm purus et simplex est, ad mysterium  
 « Dei tantùm dicatus : post verò panis ille  
 « verus qui de cælo descendit, efficitur, Ver-  
 « bique ipsâ veritate verè et realiter immuta-  
 « tur ; illud ipsum vivum corpus et sanguinem  
 « Christi sacris ad Deum precibus confectum  
 « atque consecratum habemus. Fit autem in  
 « ipsâ sacrâ Hierurgiâ sanctorum item memo-  
 « ria, ad intercessionem quoque SS. omnium,  
 « exorantes, offerentes, rationalem ex illius  
 « donis et datis, illi ipsi cultum offerimus :  
 « sicque ipsa oblatio perficitur invisibile Sa-  
 « crificium, fitque specierum mutatio in ipsum  
 « corpus et sanguinem Christi, divinâ ope-  
 « rante gratiâ, invisibiliter mysticis precibus  
 « hæc talia dona mutantibus. Et fontes quidem  
 « primi sacrorum Missæ mysteriorum isti fue-  
 « runt : Christus Dominus noster ipse primus  
 « et summus pontifex, et qui ab eo quasi imme-  
 « diatè profluxerunt, ipsi inspectores et mini-  
 « stri ejus SS. Apostoli. Collectio igitur uni-  
 « versarum cæremoniarum S. Hierurgiæ facta  
 « est, 1<sup>o</sup> à divo Jacobo Apostolo Hierosolymitano  
 « episcopo, à S. Basilio brevius, deinde à sancto  
 « Chrysostomo : ex his libris ad hanc usque  
 « diem mysticum offerimus sacrificium ; ita ut  
 « magnæ quidem quadragesimæ, sacri pascha-  
 « tis, dominicis diebus, et quibusdam aliis  
 « magni Basili Liturgiam legamus, atque ex  
 « illâ sacrum oblationis mysterium perficimus,  
 « in aliis autem diebus divum sequamur Chry-  
 « sostomum. Duobus modis divina hæc Hierur-

«*gia et sacrum hoc mysterium nos sanctificat, uno quidem modo, ipsâ mediatione, eò quòd offeruntur dona, sive ipso oblationis actu, eos qui offerunt, sanctificant, et eos pro quibus offeruntur. Deumque illis propitium reddunt: alio autem modo, sacrâ ipsâ participatione et communione; quia nobis verus cibus et potus sunt. Ex quibus quidem modis, primus quidem communis est vivis atque defunctis, secundus autem modus solus viventibus proprius est, cùm mortui nec amplius comedere nec bibere amplius possint.*»

Vident Protestantés, Liturgiam à reformatis Angliæ, Missam à Lutheranis agnoscí, ut frustra sit, quiddid de verbo, *Missâ*, solet moveri. Vident, Joannem Hus, quem suum volunt esse prædecessorem, et veritatis testem, idem de Missâ docuisse, quod nunc docet Ecclesia catholica. Vident Orientalem Ecclesiam, à veritate necessariâ, ut ipsis placet, non aberrantem in negotio præsentí, ab Ecclesiâ Occidentali non dissentire. Atque idèd ea retulimus, ut depositâ nonnihil animositate, ad reliqua intelligenda accedant sedatores.

#### CAPUT XXXVII.

*De antiquitate Missæ, per auctoritatem receptam.*

*Missam* hoc idem esse, quod Græci *Liturgiam* vocant, constat ex probatissimis auctoribus; neque id existimamus à Protestantibus negandum.

Etiã quoad verbum reperitur, Apostolos *Missam* celebrasse, testante de ipsis S. *Lucâ* λαειτουργήτων καὶ αὐτῶν τῶ κυρίου, quod optimè vertitur: *Ipsis autem Liturgiam Domino celebrantibus*; vel, ut Erasmus, *sacrificantibus*, vel, ut versio Vulgata, *ministrantibus autem illis Domino*, ministerio scilicet à Christo Jesu instituto, quod est sacrificium et celebratio Liturgiæ.

In concilio Chalcedonensi, quod est quartum generale, et in quo fuerunt Patres Græci et Latini, expressè legitur, quòd Liturgias sive *Missas* celebraverint. Imò refertur: «*Stephanus presbyter meus fuit; quatuor annis mecum missas celebrabat, mecum communicabat, et communicabat mihi tanquam episcopo.*» Item: «*In libello Ischyronis, lecto in synodo contra Dioscorum archiepiscopum Alex.: «Tanta ausus est, ut etiam frumentum, quod ab imperatoribus, Ecclesiis Lybiæ propter ariditatem illius provinciæ, et quia ibi omninò frumentum non nascitur, præstatum est: in primis quidem ut increta ex ipso*

*hostia offeratur, non permanserit suscipere sanctissimos episcopos illius provinciæ; et ex hoc neque terribile et incruentum sacrificium celebratum est. Cæterùm clarissimæ memoriæ Peristeriæ negotium nullus ignoravit. Cùm enim illa pro suâ animâ in suo testamento jussisset, multam quantitatem pecuniarum præstari monasteriis et pauperibus Ægyptiæ provinciæ, Dioscorus theatrieis personis dispertiri fecit, unde nec bonus odor sacrificii ascendit ad Deum,» etc. Ecce sacrificium incruentum in Ecclesiâ offerri solitum, et quidem pro defunctis.*

Similiter in secundo concilio Carthaginiensi, sub pontificatu Coelestini, cui etiam interfuit S. Augustinus, dicitur: «*Chrismatis confectio, et et puellarum consecratio à presbyteris non fiat; vel reconciliare quemquam in publicâ Missâ presbytero non licere, hoc omnibus placet.*»

In concilio Ephesino præsidens nomine Coelestini papæ Cyrillus dicit: «*Sanctum ac vivificum incruentumque in Ecclesiis sacrificium peragimus, corpus, quod proponitur, similiter et pretiosum sanguinem, non communis nobisque similis hominis cuspisiam esse credentes, sed potius tanquam proprium corpus effectum et sanguinem etiam Verbi, quod omnia vivificat, accipientes.*»

In tertio Carthaginiensi concilio, in quo patriter erat S. Augustinus, dicitur: «*Ut Sacramenta Altaris nonnisi à jejunis hominibus celebrentur. Nam si aliquorum pomeridiano tempore defunctorum, sive episcoporum seu Clericorum sive cæterorum commendatio faciendâ est, solis orationibus fiat, si illi qui faciunt, jam pransi inventiantur.*»

Ecce rursùm in alio generali concilio, et duobus provincialibus, et sacrificium et commendationem defunctorum, et nomen *Missæ*.

Similia videre licet apud S. Leonem Epist. 81, cap. 2, pag. 416; Justinianum Novell. 7, cap. 11, et Novell. 59, et Gothefridum reformatum in dicta loca.

#### CAPUT XXXVIII.

*Proponitur sententia catholica de Missâ.*

Tenemus cum concilio Tridentino, totâque Ecclesiâ catholicâ, 1<sup>o</sup> *Missam* esse verè et propriè sacrificium; 2<sup>o</sup> *Esse* propitiatorum pro vivis et defunctis. Quod ut rectè intelligatur, operæ pretium erit, idipsum ex Vasquo explicare, ut Protestantés, qui in præcedentibus viderunt sententiam antiquæ Ecclesiæ, liqui-

dius perspiciant, non eam esse difficultatem quam sibi persuadent.

« Sacrificium est nota existens in re, quæ proferitur Deum auctorem vitæ et mortis. « Duplex est genus sacrificii : quoddam enim est absolutum, nempe quod non est alterius sacrificii commemoratio, veluti mactatio peducis, vel alterius rei consumptio; aliud verò dici potest relativum seu commemorativum. « Tale est sacrificium altaris, quod commemorativum dici potest. Quamvis in hoc non fiat mutatio rei, quæ hoc modo offertur, reperitur tamen vera significatio et nota divinæ omnipotentis, sicut in sacrificio absoluto, et ita non minùs ei convenit vera ratio sacrificii quàm sacrificio cruento et absoluto.

« Dico actionem consecrationis, eatenùs solam sacrificium seu actionem immolandi esse, quatenùs per illam efficitur, ut ipso corpore et sanguine Christi consecrato et realiter ibi contento, cruentum illius sacrificium, quod in cruce oblatum est, representetur.

« Quamvis sacrificium absolutum, hoc est, non commemorativum alterius, postulet rei oblatæ immutationem, tamen immutatio non est ratio formalis sacrificii, sed ex parte materis illius necessariò requisitum; ratio autem sacrificii in significatione omnipotentis Dei auctoris vitæ et mortis formaliter posita est; ac proinde si sit oblatio aliqua, per quam absque rei oblatæ immutatione verè et reali, Deus auctor vitæ et mortis denotari et coli possit, verè et propriè sacrificium dici debet : hujusmodi autem est consecratio corporis et sanguinis Christi, absque reali immutatione ipsius Christi ob solam representationem mortis ejus; illa igitur verè et propriè sacrificium erit. Porrò autem per solam representationem mortis Christi in consecratione, ita significari Deum auctorem vitæ et mortis, sicut per ipsam cruentam mortem Christi, manifestum est. Nam commemoratio mortis Christi futuræ, qualis fuit in consecratione facta ab ipso Christo in postremâ Cænâ, aut mortis præteritæ, qualis fit à quolibet sacerdote post mortem Christi consecrante, eo ipso quòd mortem Christi representat et quasi præsentem eam facit, denotat Deum auctorem vitæ et mortis, ac si tunc Christus in honorem Dei reipsà occideretur; atque hæc ratione ad essentiam sacrificii universim immutatio rei oblatæ non requiritur, quia commemorati-

vum sacrificium sine illa esse potest, tamen ad essentiam sacrificii absoluti necessaria sit, eò quòd ratio formalis sacrificii quæ est significatio non in verbis, sed in rebus, quæ denotatur Deus auctor vitæ et mortis, sine tali immutatione in sacrificio commemorativo reperitur. Est tamen valè observandum ad sacrificium commemorativum, quod verè et propriè sacrificium dicitur, non satis esse, si solum sit signum nudum mortis alicujus rei nullo modo in se continens rem ipsam, cujus mors representatur; sic enim non diceretur res illa, cujus mors representatur, in sacrificio offerri, neque verè commemorativum sacrificium, quin potius signum tantùm et larva sacrificii esset; sed necessariò requiri, ut res ipsa, cujus mors representatur, sit signum mortis sui ipsius; verbi causâ : Si vera esset sententia, quæ negat sub speciebus panis et vini corpus et sanguinem Christi, et substantia panis et vini ibi esset, representari quidem posset mors Christi, at Christus in sacrificio non verè et reipsà, sed tantùm in figurâ offerri, et ita non tantùm in solâ figurâ et similitudine mori, sed etiam immolari diceretur; nam quo pacto verè et reipsà in sacrificio offerri dici potest id, circa quod actio sacerdotis offerentis non reipsà, sed tantùm similitudine quâdam et in figurâ versatur? Cæterùm cum ipsemet Christus sit sub speciebus panis et vini, et circa illum actio sacerdotis offerentis ipsa ita versetur, ut ipsemet per species panis et vini ex modo peculiari, quo à sacerdote consecratur, representet cruentam et realem mortem sui ipsius, et eâ representatione denotet Deum auctorem vitæ et mortis, quamvis non dicatur reipsà et verè, sed in solâ figurâ et similitudine occidi et mori, tamen verè et reipsà immolari et in sacrificio offerri dicitur. »

Hæc Vasquez.

Quid autem facilius creditur, quàm tale sacrificium commemorativum, postquam creditur realis præsentia Christi sub speciebus panis et vini? Nam sacerdos, quoties consecrat, offert tale sacrificium commemorativum; cum separatim dicatur in Scripturâ, *Hoc est corpus meum, Hic est sanguis meus*; et separatim : *Hoc facite in meam commemorationem*, scilicet passionis et mortis.

Quoad doctrinam propitiationis, annotamus ex eodem Vasquio : Meritum sacrificii crucis et passionis Christi infiniti fuit valoris, et il-

lud ad redemptionem nostram satis superque sufficiens fuit, ac proinde opus non est aliâ immolatione et sacrificio, neque ejusdem repetitione, aut eodem aut alio modo, ut Christus gratiam redemptionis nostræ nobis mereatur. Atque hoc sensu Paulus, Hebr. 10, opponens Christum sacerdotibus leviticis, qui *easdem hostias et sacrificia sæpius* repetebant, v. 11, quòd meritum et causa universalis nostræ redemptionis in illis non esset, dixit de ipso: *Unâ enim oblatione consummavit in sempiternum sanctificatos*, v. 14, hoc est, eorum redemptionem sufficienter promeritus est. Quòd autem quotidie Christus alio modo, nempe incremento, in altari immoletur, nihil derogat dignitati mortis ipsius Christi; eo enim genere sacrificii non mereatur Christus, et ita non est causa universalis nostræ redemptionis, sed particularis, per quam, sicut per sacramenta, Christus voluit fructum meriti sui universalis nobis applicari. Quod enim Calvinus dicit, ad fructum crucis applicandum, supervacaneum esse hoc sacrificium, cum sint etiam alia media, per quæ possit applicari, frivolum est. Nam eadem ratione probaretur, supervacaneum esse Baptismum et Cœnam Domini, prout ab ipsis celebrantur, quia sunt alia media, quibus applicari potest meritum passionis Christi, et prædicatione verbi excitari potest fides, quam Christus nobis meruit. Et quid, obsecro, nocere possunt plura media in Ecclesiâ, quibus variè meritum Christi nobis applicetur? Adde quòd ad cultum Religionis maxime pertinebat, aliquo genere oblationis, quæ propriè esset sacrificium, Deum colere; inter reliqua verò hoc maxime conveniebat in memoriam eruenti sacrificii, quo Christus nostram meruit redemptionem.

Dicit idem Vasquez, hoc sacrificium non habere vim instar sacramenti, non modò remittendi mortalia, sed nec venialia, vel conferendi gratiæ vel justificationis augmentum, sed tantum impetrandi gratiæ auxilium, quo et à mortalibus et venialibus justificari, et in justificatione sua homo crescere possit, seu impetrandi spiritum pœnitentiæ et contritionis, per quam peccata nobis remittuntur, aut alios sanctos motus animi, per quos homo possit crescere in justificatione.

Sic sacrificium Missæ minus aliquatenus est propitiatorium, quam sint sacramenta, vel etiam contritio, quandoquidem istis et ista immediatè peccata nobis remittuntur, et sic

nobis Deus fit propitius: non ita per sacrificium Missæ. Et hoc modo, scilicet *per impetrationem*, sunt propitiatoria fides et oratio, quia hæc impetrant attritionem.

Hoc sacrificium impetrat remissionem pœnæ temporalis peccatis debitæ vivis et defunctis. Nam cum hoc sacrificium, juxta apostolicam traditionem, pro defunctis offerri possit, et illis nullo modo prodesse queat, quam remittendo pœnam temporalem, vivis etiam eodem modo prodesse fatendum est.

In eodem opere sacrificii, sicut etiam sacramenti, distinguere debemus rationem meriti seu dignitatis, quam accipit opus ex ipso operante, eò quòd justus sit, et rectè, hoc est, secundum normam virtutis ab eo fiat, et opus ipsum secundum se, quatenus sit secundum divinam institutionem: et quia hoc non accipit dignitatem et vim ab ipso operante, sed ab institute, idèò tantum dicitur opus operatum, et ut operatum tantam virtutem habere. Primo modo, quia scilicet est bonum opus offerentis, et hæc ratione impetratorium etiam est pro alio. Cum verò dicimus operari etiam quatenus opus operatum, intelligimus vim etiam habere operandi et impetrandi, non quatenus est opus meritorium et bonum ipsius offerentis, sed quia ita à Christo institutum est, ut eo exhibito, Deus hæc aut alia dona conferret, non respiciens dignitatem sacerdotis offerentis, sanctitatem et bonitatem moralem actionis ejus, sed Christi institutionem, quam voluit comitari rem ipsam oblatam, propter eximiam ejus excellentiam.

#### CAPUT XXXIX.

##### *Pro Missæ probationes SS. Patrum per Scripturam.*

Sanctus Irenæus sacrificium Missæ probat variis sanctæ Scripturæ locis: « Christus eum qui ex creaturâ panis est, accepit, et gratias egit, dicens: *Hoc est corpus meum*; et calicem similiter, qui est ex eâ creaturâ, quæ est secundum nos, suum sanguinem confessus est; et novi Testamenti novam docuit obligationem, Luc. 22, v. 19, 20; Matth. 26, 26; Marc. 14, 22, et 1 Cor. 11, 24. »

Sequitur altera probatio: « Quam (oblationem) Ecclesia ab Apostolis accipiens in universo mundo offert Deo. » Ita intellectum S. Scripturæ, quoad oblationem, accepit Ecclesia ab Apostolis.

Additur tertia: « De quo in duodecim pro-

« phetis Malachias : *Non est mihi voluntas in  
« vobis, dicit Dominus Omnipotens, et sacrifici-  
« ciam non accipiam de manibus vestris; quo-  
« niam ab ortu solis usque ad occasum nomen  
« meum glorificatur inter gentes, et in omni  
« loco incensum offertur nomini meo, et sacrifici-  
« ciam puram, quoniam magnum est nomen  
« meum in gentibus, dicit Dominus Omnipotens :*  
« manifestissimè significans per hæc, quo-  
« niam prior quidem populus cessavit offerre  
« Deo, omni autem loco sacrificium offertur  
« Deo, et hoc purum, nomen autem ejus  
« glorificatur in gentibus. »

Adest quarta probatio ex naturâ rei : « Igi-  
« tur Ecclesie oblatio, quam Dominus docuit  
« offerri in universo mundo, purum sacrifi-  
« cium reputatum est apud Deum et acceptum  
« est ei, non quòd indigeat à nobis sacrificio,  
« sed quoniam is qui offert glorificatur ipse in  
« eo quod offert, si acceptetur munus ejus,  
« per munus enim erga regem, et hunc et  
« affectio ostenditur. »

Probatio quinta : « Quòd in omni simplicitate  
« et innocentia Dominus volens nos offerre,  
« prædicavit, dicens Matth. 5, 23, 25. *Cum igitur  
« offers munus tuum ad altare et recordatus fueris  
« quoniam frater tuus habet aliquid adversum te,  
« dimitte munus tuum ad altare, et vade primum  
« reconciliari fratri tuo, et tunc reversus offeres  
« munus tuum ad altare. »*

Neque dicant Protestantes, S. Irenæum  
docere quidem, sacrificium; sed eum non  
addere, quòd sit verum et proprium; nam  
verba in propriâ et consuetâ significatione  
accipienda sunt, nisi contrarium probetur.  
Comparat etiam S. Irenæus sacrificium legis  
novæ cum sacrificiis veteris Testamenti, qui-  
bus ratio veri et proprii sacrificii indubiè  
convenit. Imò agens de eadem materiâ proph-  
etice, distinguit inter *incensum et sacrifici-  
« cium, quòd in omni loco offeratur incensum et  
« sacrificium purum.* Incensa autem Joannes ait  
esse orationes sanctorum, quæ tamen sunt  
sacrificium improprie. Consequenter, cum  
Malachias addat, *et sacrificium purum,* tum  
propheta, tum Irenæus sacrificium *verum et  
« proprium* intelligit.

S. Cyprianus variis S. Scripturæ locis eam-  
dem veritatem probat : « Fas non est infrin-  
« gere, aut in aliud, quàm quod divinitus  
« institutum sit, humanâ traditione mutare.  
« Nam si Jesus Christus Dominus et Deus no-  
« ster, ipse est summus sacerdos Dei Patris,  
« et sacrificium Deo Patri ipse primus obtulit,

« et hoc fieri in sui commemorationem præ-  
« cepit; utique ille sacerdos vice Christi verè  
« fungitur, qui id quod Christus fecit, imita-  
« tur; et sacrificium *verum et plenum* tunc  
« offert in Ecclesia Deo Patri, si sic incipiat  
« offerre secundùm quod ipsum Christum vi-  
« deat obtulisse. » Ad Cæciliam Epist. 65,  
pag. 145. Hæc probatio desumitur ex institu-  
tione Christi, Luc. 22, 19, et 1 Cor. 11,  
24, etc.

Sequitur altera probatio : « In sacerdote  
« Melchisedech sacrificii dominici sacramen-  
« tum præfiguratum videmus, secundùm quod  
« Scriptura divina testatur, et dicit, Gen. 14,  
« 18 : *Melchisedech rex Salem protulit pacem et  
« vinum; fuit autem sacerdos Dei summi, et bene-  
« dixit Abraham.* Quòd autem Melchisedech  
« typum Christi portaret, declarat Spiritus S.  
« psal. 109, 3, ex personâ Patris ad Filium  
« dicens : *Ante Luciferum genui te : juravit  
« Dominus et nos punitebit eum. Tu es sacerdos  
« in æternum secundùm ordinem Melchisedech.*  
« Qui ordo utique hic est, de sacrificio illo  
« veniens, et inde descendens, quòd Melchi-  
« sedech sacerdos Dei summi fuit, quòd panem  
« et vinum obtulit, quòd Abraham benedixit.  
« Nam qui magis sacerdos Dei summi, quàm  
« Dominus noster Jesus Christus, qui sacrifi-  
« cium Deo Patri obtulit, et obtulit hoc idem  
« quod Melchisedech obtulerat, id est, panem  
« et vinum, suum scilicet corpus et sanguinem?  
« Ut ergo in Genesi per Melchisedech sacer-  
« dotem benedictio circa Abraham possit ritè  
« celebrari, præcedit ante imago sacrificii, in  
« pane et vino scilicet constituta : quam rem  
« perficiens et adimplens Dominus, panem et  
« calicem mixtum vino obtulit, et qui est  
« plenitudo, veritatem præfiguratæ imaginis  
« adimplevit. »

Ecce tertia probatio : « Sed et per Salomo-  
« nem Spiritus sanctus typum dominici sacri-  
« ficii præmonstrat, immolatæ hostiæ, panis  
« et vini; sed et altaris et Apostolorum faciens  
« mentionem : *Sapientia, inquit, Prov. 9, 5,  
« edificavit sibi domum, et subdidit columnas  
« septem; mactavit suas hostias, miscuit in cra-  
« tere vinum suum, et paravit mensam suam :*  
« vinum mixtum declarat : id est, calicem Do-  
« mini aquâ et vino mixtum prophetica voce  
« denuntiat. »

Quarta statuit propitiationem pro defunctis  
ex praxi totius Ecclesie; epist. 65, pag. 160 :  
« Episcopi antecessores nostri salubriter pro-  
« videntes censuerunt, ne quis frater excé-



dens ad tutelam vel curam, clericum nominaret; ac si quis hoc fecisset, non offerretur pro eo, nec sacrificium pro dormitione ejus celebraretur. Neque enim ad altare Dei metur nominari in sacerdotum prece, qui ab altari sacerdotes et ministros suos Levitas advocare voluit. Et idè Victor cum Geminium Faustinum presbyterum ausus sit tutorem constituere, non est quòd pro dormitione ejus apud vos fiat oblatio aut deprecatio aliqua nomine ejus in Ecclesiâ frequentetur.) Nihil manifestius dici potest.

S. Optatus, contr. S. Donat. l. 6, p. 93: « Quid est tam sacrilegum quàm altaria Dei (in quibus et vos obtulistis) frangere, radere, remove, in quibus vota populii et membra Christi portata sunt? Altaria, inquam, in quibus fraternitatis munera non jussit salvator poni, nisi quæ essent de pace condita: *Depone*, inquit Matth. 5, 23, *munus tuum ante altare, et prius concorda cum fratre tuo*, ut possit *pro te* sacerdos offerre. Quid enim est altare, nisi sedes corporis et sanguinis Christi?»

Similis probatio habetur ex S. Paulo Heb. 13, 10: *Habemus altare, de quo edere non habent potestatem qui tabernaculo deserviunt*. Ubi post S. Chrysostomum Hom. 53, pag. 196½, Theodoretus, tomo 3, pag. 460: « Hoc, inquit, est multò veteri præstantius. Illud hostias rationis expertes recipit; hoc verò rationalem et divinam. Quamobrem nullus illorum sacerdotum hujus fit particeps, nisi prius fidem in Dominum suscipiant.»

Nota autem, quomodò *altare* in Epistolâ ad Hebræos dicatur Græcè θυσιαστήριον, quod ipso Dictionario Hennii Stephani teste, significat locum ubi sacrificatur Deo; venit enim à θυσία, quod est, *sacrifico, immolo*. Et sic vox, *altare*, solet in S. Scripturâ accipi.

Ita etiam dicitur in concilio Chalcedonensi: « Conveniente sancto et universali concilio in ecclesiâ sanctæ Martyris Euphemie, et residente senatu in medio ante cancellos sanctissimi altaris, θυσιαστήριον.»

Pari modo loquitur secundum concilium Carthaginense: « Si quis fortè presbyter ab episcopo suo corruptus aut excommunicatus, superbâ inflatus, putaverit separatim Deo sacrificia offerenda, vel aliud erigendum *altare*, contra ecclesiasticam fidem, disciplinamque crediderit, non exeat impunitus.» Vocem *altare* Græci in Codice canonum verborunt θυσιαστήριον. Et passim in conciliis et

Patribus Latinis mentio fit *altaris*, et Græcis θυσιαστήριον, pro loco seu sede, ubi *sacrificium verum et proprium* externum offertur.

Ergo cum Math. 5, et Hebr. 13, mentio fiat altaris, intelligendus est locus in quo proprium et verum sacrificium offertur juxta ordinariam vocis significationem. Et si explicatio adhibeatur, concilia et Patres idem nobiscum statuunt, quoniam sententiæ novellis glossis meritò sunt præferendæ.

S. Chrysostomus agens de verbis Apostoli: *Non potestis mensæ Domini participes esse, et mensæ dæmoniorum*, sic dicit, Hom. 24 in 1 Cor. p. 532: « Valdè fideliter et terribiliter dixit; quod enim dicit, hoc est: Id quod est in calice, illud est quod fluxit à latere, et illud accipimus. Quamobrem si sanguinem, inquit, cupis, non aram idolorum brutorum cæde, sed meum altare meo rubefac sanguine. Et in veteri quidem, quo affecti erant imperfectius, quem idolis offerebant sanguinem, eum ipse sustinuit suscipere ut ab illis abduceret: hic autem in eo quod est longè horribilius et magnificentius, sacrificium constituit, et victimam ipsam mutans, et pro cæde brutorum seipsum jubens offerre. ¶ Cor. 10, 13: *Videte Israel secundum carnem: nonne qui edunt hostias participes sunt altaris?* In Judæis quidem non dixit, quòd Dei sunt participes, sed sunt participes altaris: urebatur enim quod in altari fuerat positum. In corpore autem Christi non sic. Sed quomodò? Communicatio corporis Christi est, non enim altaris, sed ipsius Christi sumus participes. Scopus eorum qui sacrificant, et persona eorum qui excipiunt, reddit immunda ea, quæ sunt apposta. Ad unitatem cum fratribus nos vocat illud terribile et formidandum sacrificium, jubens ut cum concordia maximè ad ipsum accedamus. Tu non in præsepi vides corpus Christi, sed in altari, non feminam eum tenentem, sed sacerdotem adstantem, et spiritum cum largitate multâ propositis impendentem: non solummodò hoc ipsum corpus vides, etc. Similia habet S. Chrysostomus plurima, cujus libri de Sacerdotio videndi.

Antequàm tamen ab eo divellamur, unum addendum est, unde manifestum fiat, quid de sacrificio propitiatorio senserit. Hom. 41 in 1 Cor.: « Abierit peccator, decet niti ut juvetur prece, eleemosynis, oblationibus. Non est temerè hoc excogitatum, nec frustra memoriam mortuorum inter sacra mysteria cele-

« *bramus, aut accedimus pro istis agnum illum  
« jacentem, et peccata mundi tollentem de-  
« precantes, sed ut his consolatio hinc aliqua  
« sit. Nec temerè qui altari assistit inter hor-  
« renda mysteria clamat: Pro omnibus in  
« Christo dormientibus, et pro his qui memo-  
« riam celebrant eorum. Nam si Jobi illius  
« liberis patris victima purgavit; quid dubites  
« è nobis quoque si pro dormientibus offera-  
« mus, solatii quiddam illis accessurum? Gra-  
« tificari Deus propter alios solet: ne defati-  
« gitemur mortuis auxilium ferendo et preces  
« pro ipsis offerendo; jacet enim commune  
« orbis piaculum. Quid ergo doles, cum impe-  
« trandæ mortuæ veniæ tot extent rationes? »*

S. Augustinus: « In Machabæorum libris  
legimus oblatum pro mortuis sacrificium.  
Sed etsi nusquam in Scripturis veteribus om-  
nino legeretur, non parva hæc consuetudine  
claret auctoritas; ubi in precibus sacerdotis,  
quæ Domino Deo ad ejus altare fundantur,  
locum suum habet etiam commendatio mor-  
tuorum. » Item: « Neque negandum est, de-  
functorum animas pietate suorum viventium  
relevari, cum pro illis sacrificium Mediatoris  
offertur. »

#### CAPUT XL.

##### *De ordine et caeremoniis Missæ.*

Integrum ordinem videre libet in Liturgiis  
SS. Chrysostomi et Basilii. Nolumus de Missâ  
Catechumenorum multa referre, quæ erat  
prima pars Missæ ordinariæ, post quam di-  
mittebantur ab Ecclesiâ Catechumeni; conti-  
nens orationes quasdam, lectionem Epistolæ,  
recitationem Evangelii et symboli; quam se-  
quebatur homilia seu sermo; quia de istis  
nulla vel exigua cum Protestantibus est dif-  
ficultas.

Missam fidelium, quam refert et exponit S.  
Cyrillus Hierosolymitanus, Cath. 5, Mystag.,  
breviter subjiciemus: « Vidistis diaconum  
« aquam lavandis manibus porrigentem sacer-  
« doti, et illis qui circum altare Dei stabant,  
« presbyteris. Manus abluere est symbolum,  
« non obnoxium esse peccatis. »

« Deinde clamat diaconus: *Completamini  
« et osculemini vos invicem*: Signum est hoc  
« osculum reconciliationis animorum; pro-  
« pterea Christus, Math. 5, 21: *Cum offers  
« munus tuum ad altare, etc.*, de quo 1 Petr. 5,  
« 14: *In osculo dilectionis*. Postea clamat sacri-  
« ficus: *Sursùm corda*. Vos respondetis: *Ha-  
« bemus ad Dominum*; dicit deinde sacrificus:

« *Gratias agamus Domino*; ad hæc vos subji-  
« tis: *Dignum et justum est*. Facimus deinde  
« mentionem angelorum, archangelorum, vir-  
« tutum, dominationum, etc. Memoramus  
« etiam illa Cherubim Isaïæ 6, 2: *Sanctus,  
« Sanctus, Sanctus Dominus Deus Sabaoth*. Post  
« hos hymnos spirituales, invocamus Deum,  
« ut mittat Spiritum sanctum super proposita,  
« ut faciat panem quidem corpus Christi, vi-  
« num autem sanguinem Christi, omnino enim  
« quod attigerit Spiritus sanctus hoc sanctifi-  
« catur et transmutatur. Deinde confectâ (seu  
« elevatâ) hæc spirituali hostiâ, hæc incruentâ  
« patriâ, super illam victimam propitiationis,  
« obsecramus Deum pro communi pace Eccle-  
« siarum, pro bono statu mundi, pro regibus,  
« pro militibus, pro ægrotis et afflictis, in  
« summâ pro iis omnibus, qui egent auxilio.  
« Rogamus te omnes, et hanc tibi offerimus  
« hostiam, ut meminerimus etiam eorum qui  
« ante nos obdormierunt, primum patriarcha-  
« rum, prophetarum, apostolorum, martyrum;  
« ut Deus precibus eorum et intercessionibus  
« suscipiat supplicationem nostram. Postea  
« pro defunctis episcopis et omnibus qui inter  
« nos obdormierunt, oramus, credentes futu-  
« rum juvamen maximum inimabus pro quibus  
« supplicatio offertur hujus sacrificii sancti  
« et maximè tremendi; quod multum juvat,  
« quia nos preces pro defunctis ei offer-  
« rentes, quamvis sint peccatores, Christum  
« pro nostris peccatis maculam offerimus,  
« propitiantes pro ipsis et nobis amatorem  
« hominum.

« Deinde dicimus orationem illam, quam  
« Salvator dedit suis discipulis: *Pater noster,*  
« *qui es in caelis*, etc. Expletâ oratione dicit,  
« *Amen*. Orationem dominicam totam refert  
« et explicat.

« Post hæc sacrificus dicit, *Sancta sanctis*,  
« sancta sunt quæ sunt proposita, quæ rece-  
« perunt superventum Spiritus sancti, etc.  
« Audistis deinceps ad sacrorum mysteriorum  
« Communionem vos adhortantem: *Gustate et  
« videte quòd suavis est Dominus*, psalmo 33, 9.  
« Num hoc corporeo palato ut didicistis?  
« Neutiquam sed fide omnis dubitationis ex-  
« perte: gustantes enim non panem et vinum  
« jubentur gustare, sed antitypum corpus et  
« sanguinem Christi. Accedens autem non  
« expensis manuum volis accede, neque cum  
« disjunctis digitis, sed sinistram faciens thro-  
« num dexteræ, ut quæ susceptura est regem,  
« et concavâ manu suscipe corpus Christi,

dicens, *amen*. Cum securitate ergo, sanctificans oculos contactu sancti corporis, communica. Accedens ne perdas aliquid ex hoc; si enim aliquid amittis, hoc tanquam ex proprio membro amiseris. Die enim mihi: Si quis tibi dedit ramenta auri, nonne cum omni diligentia tenes, cavens ne quid ex illis amitteres? Non multò ergo magis diligentissimè providebis de hoc, quod pretiosus auro et lapidibus pretiosis, ne illius mica tibi excidat? Tum verò post communionem corporis Christi accede et ad calicem sanguinis, non extendens manus, sed pronus et in modum orationis dicens, *Amen*. Postremò expletà oratione, gratias Deo age, qui te dignum reddidit tantorum mysteriorum. Retinete has traditiones immaculatas, et conserveate vos sine offendiculo. »

Apud S. Ambrosium non quidem habetur tam distinctus ordo Missæ integræ, ut qui ex professo solum probat realem præsentiam et immutationem symbolorum panis et vini; invenitur tamen præcipua pars canonis, cui solet Protestantes obstrepere. Is ergo dicit, de Sacram. l. 4, c. 5, pag. 367: « Vis scire quia verbis cælestibus consecratur? Accipe quæ sunt verba. Dicit sacerdos: Fac nobis hanc oblationem adscriptam, rationabilem, acceptabilem, quod fit in figuram corporis et sanguinis Domini nostri Jesu Christi (lit enim in panem ante consecrationem) qui pridie quam pateretur, in sanctis manibus suis accepit panem, respexit in cælum ad te, sancte Pater Omnipotens, æterne Deus, gratias agens, benedixit, fregit, fractumque Apostolis suis tradidit, dicens: *Accipite et edite ex hoc omnes: Hoc est corpus meum, quod pro vobis datur*. Similiter etiam calicem postquàm cœnatum est, hoc est, pridie quam pateretur, accepit, respexit in cælum ad te, sancte Pater Omnipotens, æterne Deus, gratias agens, benedixit, Apostolis suis tradidit, dicens: *Accipite et bibite ex eo omnes; Hic est enim sanguis meus*. Vide, omnia illa verba Evangelistæ sunt usque ad *Accipite*, sive corpus sive sanguinem; inde verba sunt Christi: *Accipite, bibite ex eo omnes; Hic est enim sanguis meus*. Vide singula. Qui pridie, inquit, quam pateretur, in sanctis manibus suis accepit panem: antequàm ergo consecratur, panis est: ubi autem verba Christi accesserint, corpus est Christi; denique ad dicentem: *Accipite et edite ex eo omnes; Hoc est corpus meum*: et ante verba Christi, ca-

lix est vini et aquæ plenus; ubi verba Christi operata fuerint, ibi sanguis efficitur, qui plebem redemit. Ergo videte quantis generibus potens est sermo Christi, universa convertere. Deinde ipse Dominus Jesus testificatur nobis quòd corpus sum accipiamus et sanguinem; nonne debemus de ejus fide et testificatione dubitare? Item cap. 5: « Et sacerdos dicit: Ergo memores gloriosissimæ ejus Passionis, et ab inferis Resurrectionis, et in cælum Ascensionis, offerimus tibi hanc immaculatam Hostiam, hunc panem sanctum, et calicem vitæ æternæ: et petimus et precamur, ut hanc oblationem suscipias in sublimi altari tuo per manus angelorum tuorum, sicut suscipere dignatus es munera pueri tui Abel, et sacrificium patriarchæ nostri Abrahæ, et quod tibi obtulit summus sacerdos Melchisedech. »

## CAPUT XL.

*De adoratione Christi in Eucharistiâ.*

Docet concilium Tridentinum sess. 13, cap. 6: « Si quis dixerit, in sancto Eucharistiæ sacramento Christum non esse cultu patriæ etiam externo adorandum, etc., anathema sit. » Nec alio sensu dicitur, « Patriæ cultum qui vero Deo debetur, nunc sanctissimo Sacramento » esse exhibendum. Loquitur enim de adoratione absolutâ, quæ duplex fingi non potest; et ibidem additur: « Nam illum eundem Deum præsentem in eo adesse credimus, quem Pater æternus introducens in orbem terrarum, dicit: *Et adorent eum omnes angeli Dei, quem magi procidentes adoraverunt.* » Christum in SS. Eucharistiâ præsentem, Catholici frequenter intelligunt nomine *sacramenti*, quia est causa gratiæ.

Fingunt quidam reformati, Catholicos adorare species sacramentales adoratione non relativâ, sed absolutâ; magnamque in hoc nobis faciunt injuriâ, cum ea sit apertissima idololatria. Concilium Tridentinum de relativâ symbolorum adoratione nihil habet; scholastici de eâ disputant variè, qui tamen opiniones suas pro articulis fidei non venditant. Cæterùm, sicut honoramus regem vestitum, ita Christum symbolis velut opertum; et sicut impossibile est regem honorare, et in vestes ejus expuere; sic quicumque Christum tibi adorat, symbola satis reverentia, quocumque nomine vocanda sit hæc reverentia. Christum adorandum esse in S. Eucharistiâ, ut in Baptismo, reformati concedunt: qui etiam da-

cent verbis S. Scripturæ honorem impendit licitè. De modo et nominibus ejus honoris multùm disputare, hic est inutile, cum nullus speciebus sacramentalibus tribuat vel tribuere possit adorationem absolutam; omnesque fateantur, eas tanquam Christi Jesu quædam opera vel signa, cum honore tractandas.

Lutherani docent, Christum in pane existentem ibi licitè adorari ut Deum; Scheibler in *Fid. antiqu. Cath. de Euchar.* cap. 7, art. 7, § 3, n. 67, pag. 438 et 69, pag. 459; Theol. Wittemb. Refut. consens. Orthod. p. 670; Christi corpus in Eucharistiâ Græci elevant et adorant; Florimond de Ramond lib. 5, cap. 12, pag. 587. At si ibi licitè adoratur Christus, uti omninò dicendum est, quid, quæso, in catholicis reprehendunt?

#### CAPUT XLII.

##### *De Communionem sub unâ specie.*

Tenent Protestantes, Christum jussisse populo ad communionem accedentium porrigendam esse utramque speciem. Sed qui docent, abstemiis licitam esse solam speciem panis, quomodo sustinebunt esse præceptum divinum de communionem sub utràque specie? Qui docent Ecclesiam non habere potestatem dispensandi in præcepto divino, nolent ipsi in eo dispensare, quando abstemiis suis permittunt communionem sub unâ specie; sed potius dicent non esse præceptum divinum communicandi sub utràque specie. Qui docent necessitatem excusare ab observatione præcepti, non autem dare licentiam transgrediendi præceptum, nolent permittere suis abstemiis licentiam transgrediendi, quâ, nullo existente præcepto, haud indigent. Qui docent, in necessitate pro vino licitum esse usum aquæ vel mulsi, nullam fingent necessitatem, cur eorum abstemiis communicent sub unâ specie panis, quando ab aquâ vel mulso non abhorrent; Ideoque necessariò dicent, non esse ejusmodi præceptum divinum. Ipsi Græci frequenter communicant sub unâ specie. Florimond de Ramond lib. 4, cap. 5, pag. 422.

Considerent etiam Protestantes, quomodo ipsi teneant, sub unâ specie totum accipi Christum. Reformati dicunt Christum nos nutrire sui corporis et sanguinis substantiâ. Confess. Gall. art. 16. At substantia corporis et sanguinis Christi semper est unita: *Christus enim jam non moritur*, Rom. 6, 9. Ac proinde nonnisi utroque nutrimur; quod etiam stant reformati, quando volunt nos elevare

corda in cælum, ad habendam veritatem sacramenti, ubi est Jesus Christus in gloriâ sui Patris. Ibi autem integrè est Christus, qui nos integer nutriat; et blasphema foret cordis elevatio, si ad corpus Christi, tanquam mortuum, dirigeretur. Lutherani etiam docent, sub unâ specie totum Christum esse, totum Christum accipi cum corpore et sanguine. Vide *Cath. Gall. Rom.* 53; *Apolog. Conf. August.* ad art. 10. Quapropter de solâ vini guttâ est omnis Protestantium querela, non difficulter, indulgente Ecclesiâ, sopienda, si in reliquis accederent. *Conf. Vittemb. de Euchar.*

#### CAPUT XLIII.

##### *De extremâ unctione*

Docet concilium Trid., sess. 14, can. 1: « Si quis dixerit extremam unctionem non esse verè et propriè Sacramentum, à Christo institutum, et à B. Jacobo Apostolo promulgatum, anathema sit. » Et probatione hæc utitur: « Instituta est sacra hæc unctio infirmorum tanquam verè et propriè sacramentum novi Testamenti à Christo: apud Marcum quidem, c. 6, v. 13, insinuatam, per Jacobum autem fidelibus commendatum ac promulgatum: *Infirmitur quis in vobis?* etc., *Jacob. 5, 14.* Quibus verbis, ut ex apostolicâ traditione per manus acceptâ Ecclesia didicit, docet materiam, formam, proprium ministrum, et effectum hujus sacramenti. » Quid in hæc probatione desiderari possit, non videmus. Invenitur enim signum sensibile, unctio. Invenitur promissa et annexa peccati remissio, quæ non sit nisi per *gratiam*. Cur igitur sacramentum non sit, cum auctor gratiæ solus possit instituire sacramentum? Et Protestantes quomodo probant, vel Baptistum, vel Eucharistiam esse sacramentum, si hæc probatio non est manifesta et efficaciæ?

#### ANIMADVERSIONES.

Anglicani episcopales aliquid retinuerunt, quod ei sacramento respondet; quod nos *extremam unctionem* vocamus. Id administrandi forma in publicarum precum Libro, titulo *visitationis infirmorum*, pluribus explicatur. Quamvis porrò infirmum non ungant, super eo tamen plures preces, tum ob corporis valetudinem, tum ob animæ salutem edunt. Hæc Liturgia mandat, ut infirmus, si quo peccato se obstrictum senserit, privatim presbytero confiteatur, qui, auditâ confessione, absolu-

tionem eidem conferet. En ipsa hujus absolutionis verba, prout legitur in editione Latinâ, quæ anno 1574 Londini prodit: « Dominus noster Jesus Christus, qui dedit potestatem Ecclesiæ absolvendi à peccatis verè poenitentes, et credentes in eum, ipse ex infinitâ misericordiâ indulget tibi peccata tua. Ego verò, auctoritate ipsius mihi commissâ, absolvo te ab omnibus peccatis, in nomine Patris, et Filii, et Spiritûs sancti, Amen. »

#### CAPUT XLIV.

##### *De sacramento Ordinis.*

Docet concilium Trid., sess. 14., can. 5., sacram ordinationem esse verè et propriè sacramentum à Christo Domino institutum. Calvinus dicit, lib. 4. Instit., cap. 19., § 28: « Impositionem manuum, quæ fit introducendis veris presbyteris et ministris Ecclesiæ in eorum statum, non repugno quin recipiatur tanquàm sacramentum: primùm enim est cæremonia sumpta ex Scripturâ, quæ deinde vana non est, ut ait S. Paulus, sed est signum gratiæ spiritualis Dei. Quod aliis duobus non adnumeraverim, inde est, quia non est ordinarium nec commune inter fideles. » Unde dicitur in Confessione Gallicâ, art. 35: « Confitemur duo solum sacramenta, » et addit: « Communia toti Ecclesiæ. » Probatio Calvinus ex S. Paulo 1 Tim. 14., est bona: *Noli negligere gratiam, quæ in te est, quæ data est tibi cum impositione manuum presbyterii. Ecce signum sensibile, impositionem manuum, et gratiam cum eo signo collatam.* Rursùm probat Calvinus: « Christus insufflavit in Apostolos, Joann. 20., 22., quo signo representavit virtutem spiritûs, quam in eis posuit. » Et rectè: nam contulit Apostolis potestatem remittendi peccata: *Quorum remisistis peccata, remittuntur eis; et quorum retinueritis, retenta sunt.* Et Christus insufflavit, quæ insufflatio est cæremonia et signum sensibile: *Et dixit eis: Accipite Spiritum sanctum, qui non datur sine gratiâ sanctificante.* Ecce igitur gratiam signo annexam, et verum sacramentum.

Hoc si apud Protestantes non sufficiat, quomodò probabunt, vel Baptismum vel Eucharistiam esse sacramentum? Rectè S. Aug., contra Parmen. l. 2., c. 13: « Explicent, quomodò sacramentum baptizati non possit amitti, et sacramentum ordinati possit amitti. Si enim utrumque sacramentum est, quod nemo dubitat, cur illud non amittitur,

et illud amittitur? Neutri sacramento injuria faciendâ est. » Calovius: « Ordinatio ministrorum divini juris est, cui etsi addita nonnulla in papatu, ordinationis tamen essentia non immutata vel sublata est. » Synop. contr. disp. 33., th. 7., pag. 183.

##### ANIMADVERSIONES.

Etsi Protestantibus Ordinem in sacramentorum numero minime collocent, fatentur tamen pastores in Ecclesiâ esse debere, qui sacras res administrent, et his quidem ministris manus imponunt. Augustanæ Confessionis expressa hæc verba sunt, art. 14: « De Ordine ecclesiastico docent, quod nemo debeat in Ecclesiâ publicè docere, aut sacramenta ministrare, nisi ritè vocatus; sicut et Paulus præcipit Tito, ut civitatibus presbyteros constituat. » Ex omnibus Protestantibus, non alii episcopatum et presbyteratum altius quàm episcopales Anglicani evexere. Eos enim tanquàm res ad religionis essentiam pertinentes spectant, et episcopatum divino jure supra presbyteratum esse censent. Quamvis autem in plerisque religionis articulis cum Calvinistis conveniant, eos tamen veluti sectarios notant, penes quos nullus sacramentorum usus, utpote quibus presbyteri nulli sint, qui ea administrent. Quamobrem cum minister Calvinista ad episcopatum religionem migrat, nullam ministerii sui functionem obire potest, nisi juxta Anglicanæ Ecclesiæ ritum presbyter ordinetur.

#### CAPUT XLV.

##### *De sacramento Matrimonii.*

Concilium Trident., sess. 24., can. 1., docet matrimonium esse verè et propriè sacramentum. Baptismus et Eucharistia non nominantur in S. Scripturâ sacramenta; ubi tamen matrimonium sic appellatur Ephes. 5., 32: *Propter hoc relinquet homo patrem et matrem suam, et adhærebit uxori suæ; et erunt duo in carne unâ. Sacramentum hoc magnum est; ego autem dico in Christo et in Ecclesiâ.*

Biblia Genevensis et alia habent, *mysterium hoc.* Sed rectè Calvinus, lib. 4. Instit., c. 14., § 2: « Ubiicumque translator Vulgatus novi Testamenti exponere Latinè voluit dictionem hanc Græcam, *mysterium*, dixit, *sacramentum*: et notum est, Baptismum et Cœnam appellari Græcè, *mysteria*; ita ut dubitandum non sit, has duas dictiones ejusdem esse significationis. » Cur ergo, qui Baptismum et

Cœnam ut sacramenta recipiant, ex eo numero repudiant Matrimonium ?

Sed audiamus S. Augustinum de bono Conjug. c. 18, cap. 24: « In nostrarum nuptiis plus valet sanctitas sacramenti, quam fecunditas uteri. » Item: « Bonum nuptiarum per omnes gentes atque omnes homines in causâ generandî est, et in fine castitatis: quod autem ad populum Dei pertinet, etiam in sanctitate sacramenti, per quam nefas est, etiam repudiò discedentem alteri nubere, dum vir ejus vivit, nec saltem ipsâ causâ pariendî. Quæ cum sola sit, quâ nuptiæ fiunt, nec eâ re non subsequente, propter quam fiunt, solvitur vinculum nuptiale, nisi conjugis morte. Quemadmodum si fiat ordinatio cleri ad plebem congregandam, etiamsi plebî congregatio non subsequatur, manet tamen in illis ordinatis sacramentum Ordinationis, et si aliquâ culpâ quisquam ab officio removeatur, sacramento Domini semel imposito non carebit, quamvis ad iudicium permanente. Ad sacramenti sanctitatem pertinet illud: *Uxorem à viro non discedere; quòd si discesserit, manere inemptam.* Hæc omnia bona sunt, propter quæ nuptiæ bonæ sunt, proles, fides, sacramentum, » etc.

#### ANIMADVERSIONES.

In articulo 27 Confessionis fidei, quâ pagi Helvetii Protestantes utuntur, *conjugium omnibus hominibus aptis, et aliò non vocatis divinitus institutum* fuisse dicitur. Confessio hæc, quæ Basileensis Confessio nuncupatur, anno 1532, Germanico sermone composita, et Latine redita anno 1561 et 1581, typis impressa fuit.

Matrimonii penes episcopales Anglicanos solemniter celebrandî forma in publicarum precum Libro fusè describitur. Pastor, qui illud in ecclesiâ administrat, initio statim coram universo cœta sermonem edit, in quo matrimonii sanctitatem commendat, quod à Deo in Paradiso terrestri institutum fuit, quodque suâ Christi præsentia condecoravit, cùm Canæ Galilææ nuptiis interfuit. Hic Anglicanæ Liturgiæ locus è pulcherrimis est, quæ in Anglorum Rituali occurrunt. In eo, qui matrimonium contrahunt, ipso nuptiarum die communionem suscipere expressis verbis jubentur: « Qui sacro conjugio copulantur, eodem nuptiarum die debeant sacram Synaxim recipere. »

#### CAPUT XLVI.

##### *De peccato mortali et veniali*

Docent nobiscum Protestantes, non omnia peccata esse æqualia; docent nobiscum, etiam prædestinatos, post adeptam fidem et justificationem, incidere quandoque in peccata mortalia; docent nobiscum omnia peccata cum quibus moriuntur reprobi, puniri poenâ æternâ.

Constat, venialis remissionem peccati gratuitum et supernaturale esse Dei beneficium; nullumque peccatum, *ex naturâ suâ*, eo sensu esse veniale, quasi ejus venia et remissio obtineri possit solis naturæ viribus, sine misericordiâ Dei condonantis; eam nullius peccati culpa sit tam levis, ut viribus naturæ possit elui; nullum, in sese consideratum, habeat aliquid, quod remissionem mereatur. Volunt Catholici, veniale peccatum solum temporariæ subjectum esse poenæ; modò simul culpa diluatur, aut gratia adsit, quâ possit elui et explari; nisi enim esset ab homine justo, Dei Gratia et charitate prædita, commissum, perpetuò puniretur. Quia autem illa peccata *ex naturâ suâ* non destruunt charitatem, nec Deus voluit, ut eam destruerent, dicuntur venialia: quamvis etiam propter misericordiam Dei, nolentis iis peccatis destrui charitatem, rectè dicantur venialia.

Quando igitur Protestantes dicunt, peccata venialia non imputari fidelibus, non hoc volunt, quòd per ea non constituantur verè peccatores, vel quòd non indigeant eorum remissione, sed quòd Deus non imputet omnem poenam, quam justè posset imputare; quia scilicet non statuit auferre sanctitatem inherentem propter peccata venialia, nec consequenter hominem ordinare ad poenam æternam. Quando Protestantes dicunt, in reprobis omnia peccata esse mortalia, volunt omnia illa peccata æternò puniri, cum quibus moriuntur, sive illa sint graviora, sive leviora. Quando dicunt Protestantes, quædam peccata cum fide consistere, non intelligunt per fidem nudum assensum, qui præbetur veritatibus revelatis; sed per fidem accipiunt fiduciam misericordiæ, quam fiduciam sic explicant, ut comprehendant quidquid Catholici requirunt ad justificationem. Et sic rectè dicunt, peccata mortalia non consistere cum tali fide, quæ accipitur pro fiduciâ; rectè etiam dicunt, peccata venialia cum tali fide consistere.

Ex dictis patet, Protestantium in hæc re sententiam sic non incommodè accipi, ut à

catholicâ doctrinâ non differat; quod moderatis sufficere ingeniis. Omnis peccati pœna est mors temporalls, spiritualis et æterna. Cocceius, disp. 5, Corol. num. 2.

#### CAPUT XLVII

*Deum non esse causam peccati.*

Gravis à multis annis agitata fuit quæstio; an Protestantes Deum staterent auctorem peccati. Et in publicis quidem eorum confessionibus vix aliquid reperitur, quod in partem affirmativam propendeat. Hujus temporis Protestantes negativam apertissimè profitentur, declarantque reformati, se à Thomistis non dissentire. An priorum temporum Protestantes Deum staterint auctorem peccati, non est opus hic inquirere. Sufficit jam quòd sciamus, nullos superesse, cum quibus ea quæstio agitur.

#### CAPUT XLVIII.

*De peccato primi hominis.*

Hic solet quæri, cur Deus permisit tentari hominem, quem sciebat casurum. Et Protestantes cum Catholicis dicunt, sed probabiliter (quis enim consiliarius Dei fuit?) id requisivisse misericordiam et justitiam Dei, ut jam de alijs rationibus tacemus. Si quæratur an Adæ peccatum fuerit necessarium, ita se explicant moderni Protestantes, ut Thomistarum sententiam ex integro sequantur. Nihil igitur hoc loco superest, unde Ecclesiæ catholicæ litem moveant; vel cur illi à Catholicis ob particularium quorundam vel duriores sententias, vel errores reprehendantur.

#### CAPUT XLIX.

*De peccato originali.*

Docent cum Catholicis Protestantes 1° derivari ex peccato Adami in posteros ejus veri nominis peccatum. Docent cum Catholicis Protestantes 2° peccatum originale venire ad ejus posteros per generationem. Docent cum Catholicis Protestantes 3° peccatum originale non tantum pertinere ad filios infidelium, sed etiam ad filios fidelium, quamvis velint filiis fidelium illud peccatum non imputari, de quo actum est in præcedentibus. Consequenter in tribus prædictis nihil est, cur à communione catholicâ abstineant Protestantes.

#### CAPUT L

*An concupiscentia in renati sit verè peccatum.*

Docent Catholici, corruptionem naturæ sive concupiscentiam, qualis remanet in homini-

bus post justificationem, non esse peccatum ex naturâ suâ verè et propriè, cum tollatur in Baptismo illud omne quod veram et propriam rationem peccati habet. Protestantes contrarium tenent. Sed iidem Protestantes hoc tempore sic explicant suam sententiam, ut vix ulla possit superesse difficultas. Docent enim cum Catholicis: 1° Peccatum originale dicere privationem justitiæ debitæ inesse. 2° Concupiscentiam non tantum residere in carne, hoc est, in parte hominis inferiore, quæ sensualitas dicitur; sed etiam in parte superiore, sive in animâ simile vitium reperiri. 3° Sub nomine concupiscentiæ contineri depravationem naturæ humanæ, per versionem omnem potentiarum, et propensionem ad malum; adeoque concupiscentiam non esse meram privationem, sed habitum corruptum. Vide Calovium Synop. contr. disp. 7, thes. 14, pag. 86.

Protestantes tenent, reatum et offensam Dei in Baptismo condonari; manente materiâ peccati originalis, quæ sit naturæ corruptio ad malum inclinans. Inde docent, per Baptismum non penitus extingui et evelli peccatum originale; quia nimirum reatus et offensa extinguitur, evellitur et auferitur, manente materiali ejusdem peccati, quod peccatum idè dicitur fractum, debilitatum, et ex parte sublatum. Calixtus tamen dicit dissert. de Purgatorio, thes. 32: « Originale peccatum post Baptismum tam quoad formale, quàm materiale manet. » Crocius verò Anti-Bec. contr. 8, sect. 3, num. 5, tomo 2, pag. 111: « Manet materiale, tollitur formale. » Idem Eccio placuit, Bucero et Melancthon in formulâ Concordiæ apud Cassandrum, ad art. 2 August. Conf. in Consultat. Cocceius, disp. 1 de Poten. script. corol. num. 20: « Datur peccatum originale et imputatum et inhærens, quod dicimus et in regeneratis locum habere. » Et disp. 17, corol. num. 3: « Peccatum originale quoad maculam etiam manet in regeneratis post Baptismum. »

Quapropter, si nobiscum doceant Protestantes, in Baptismo tolli formale peccati originalis, constituens mentem à Deo aversam, aboleri reatum et offensam Dei, assentiuntur definitioni concilii Trid. quòd in Baptismo tollatur illud omne quod veram et propriam rationem peccati habet: ubi enim non est formale peccati, ibi nihil est quod sit verè et propriè peccatum. Vide S. Aug. Enchir. ad Laurent. cap. 48, tom. 3, pag. 74, C.

## CAPUT LI.

*De malis consequentibus peccatum originale.*

Mala quæ consequuntur peccatum originale in hac vitâ , vel nullam difficultatem excitant inter Catholicos et Protestantes , vel pertinent ad alias controversias.

Convenit inter Catholicos et Protestantes , hominem per culpam peccati originalis , in hac vitâ non remissam , damnationi subjectum esse ; neque infantibus non baptizatis , nec regeneratis , vitam æternam esse tribuendam , aut naturalem beatitudinem , uti multis rectè probat Bellarminus , lib. 6 , de amiss. Grat. Vide et S. Aug. heres. 88 , tomo 6 , pag. 14 , D ; Euchir. ad Laur. , cap. 95 , tomo 3 , pag. 80 , D.

## CAPUT LII.

*De gratiâ ejusque partitione*

Gratia accipitur 1° pro alicujus dilectione : et sic dicimus militem habere gratiam regis , quia diligitur à rege. 2° Sumitur pro dono gratiæ dato ; et sic dicimus : Hanc tibi facio gratiam. 3° Sumitur pro actione gratiarum ob beneficium acceptum. Secundum pendet ex primo ; tertium à secundo. Hoc loco agimus de gratiâ , non quatenus eo vocabulo venit quodlibet beneficium Dei , sed quatenus significat donum supernaturale , quod indignis ex Christi merito confertur.

Prima partitio gratiæ est in æternam et temporariam. Gratia æterna consistit in amore et dilectione Dei , quâ ab æterno dilexit prædestinatos. Temporaria consistit in beneficiis vocationis et justificationis , ab æternâ gratiâ , ut effectus ex causâ , derivatis. Altera partitio est gratiæ temporariæ in gratiam gratis datam , et gratiam gratum facientem ; illa præcipuè confertur ad aliorum salutem ; hæc ad propriam uniuscujusque salutem spiritualem. Protestantes volunt , gratiam gratum facientem primariò dicendam esse gratiam Dei æternam ; sed est quæstio de nomine ; cum gratia æterna effectivè gratum faciat , temporalis autem ut forma inhærens. Tertiâ partitio est gratiæ gratum facientis , in gratiam permanentem sive habituatam , et gratiam auxilii specialis. Rem ipsam non improbant Protestantes ; an autem gratia habitualis , vel quomodolibet , inhærens gratum faciat , non est hujus loci. Quarta partitio est , auxilii specialis in auxilium excitans , et auxilium adjuvans. Neque volumus gratiam excitantem solummodo

consistere in illustratione et inspiratione mentis , sed etiam in supernaturali quâdam vi , in voluntate receptâ. Utraque autem hæc gratia est præveniens. Quinta partitio tum excitantis , tum adjuvantis , est in sufficientem et efficacem. Sexta partitio gratiæ , est efficacia in operantem et cooperantem : quamvis non incommodè dicatur , eandem esse gratiam operantem et cooperantem , quæ distinguitur secundum diversos effectus. Consuevit moveri difficultas circa quintam gratiæ partitionem , quâ dividitur in sufficientem et efficacem. Sed cum alii ex Protestantibus sequantur sententiam Thomistarum , alii sententiam Suaris et Vasquii , non est hic magnoperè laborandum.

## CAPUT LIII.

*De communicatione gratiæ.*

Quænam sit verè et propriè dicenda gratia sufficiens , aliter atque aliter sentiunt tum Catholicum tum Protestantes : atque hinc fit , ut aliter atque aliter loquantur de communicatione gratiæ. Nos pro instituti nostri ratione per certiora gradiemur et communiora.

Post Bellarminum dicimus : 1° Auxilium gratiæ Dei non ita offertur omnibus hominibus , ut Deus expectet homines qui illud desiderant , vel postulent ; sed prævenit omnia desideria et omnem invocationem. 2° Auxilium gratiæ Dei non æqualiter omnibus adest. 3° Nulla esset in Deo iniquitas , si non solum aliquibus , sed etiam omnibus hominibus auxilium sufficiens ad salutem negaret. 4° Sive detur sufficiens auxilium omnibus , sive tantum aliquibus , nos tamen de nullius salute , donec in hac vitâ fuerit , desperare debemus , neque ab ullo subtrahere correptionem , exhortationem et alia charitatis officia.

Cæterum , uti de præcedentibus nulla est difficultas , ita non caret ea quæstio varietate , an auxilium sufficiens ad salutem omnibus detur. Et hic quidem nullum est dubium , quin multi , etiam qui ad rationis usum perveniunt , non recipiant auxilium sufficiens supernaturale et intrinsecum ad producendum immediatè actus supernaturales fidei et spei. Sed quale est auxilium , cujus omnes sunt participes ? Gentibus datur auxilium , quod per plures operum occasiones excitentur ad bonè operandum , et ut in peccatum non consentiant , cogitationibus invicem accusantibus et defendentibus ; quibus aliquid divini gratiæ impertitum est , dum vident machinam universi prædicare Deum , qui invocandus sit.



Et si gentiles cū gratiā benē uterentur, non dubitamus quin abundantior eis donaretur, quā ad fidem possent pertingere. Non dicimus, homini benē operanti ex libero arbitrio gratiā auxilia conferri; quasi Deus legem fecerit, dandi auxilia prævenientis gratiæ facientibus totum quod in se est ex facultate naturæ; sed si homo ex auxilio speciali rectē operaretur, etiam circa objecta naturalia, existimamus id congruere divinæ bonitati, ut tales ulterius illuminet. Concedimus ergo, non recipere gentiles ejusmodi gratias, quæ sint proximè sufficientes; sed quia non omni carent auxilio, etiam speciali, hæc gratia est talis, ut Deus rectē existimetur et verè sufficientem non negaturus, si istā benē utantur. Unde nec malè dicitur, Deum gentilibus dare gratiam sufficientem, non quòd immediatè sit sufficiens, sed quòd præviā bonā cooperatione, et divinā ulteriori gratiæ liberali collocatione ad conversionem possint pervenire. Vide Arnobium lib. 2, Bibl. Patr., tom 5, pag. 170, B. Et citatum Bullingerum in Resp. necess. par. 1, pag. 120, 122; Overallum, ibid. pag. 146; Calovium Synop. Contr. disp. 17, th. 1, pag. 125.

#### CAPUT LIV.

##### *De prædestinatione et reprobatione.*

Reformati in puncto prædestinationis et reprobationis hoc tempore communiter sequuntur Thomistas et Bellarminum; neque scrupulosè indagamus, quid antehæc senserint. Ex Lutheranis in puncto prædestinationis, alii sequuntur Bellarminum, alii alios doctores catholicos; atque idem ipsis contingit in puncto reprobationis, quòd plerumque à doctoribus catholicis non dissentiant. Ut quid igitur his temporibus nobiscum disputant, si aliquibus consentiant doctoribus catholicis? An fortè dicent, suam sententiam esse de necessitate salutis, et doctorum quorundam catholicorum non esse permittendam? Id non existimamus.

#### CAPUT LV.

##### *De libero arbitrio secundum se.*

Liberum arbitrium est facultas agendi ex consilio. Et ad libertatem requiritur intellectus et voluntas: intellectus, qui objectum debitè proponat; voluntas unum præ alio eligens; vel unum idemque acceptans, aut respuens. Hominem esse liberum à coactione, fatentur cum Catholicis Protestantes. Agnos-

cunt etiam Protestantes, libertatem voluntatis à necessitate naturalis determinationis ad unum: quia est libera ab omni necessitate, ut propriè non possit necessariò agere, quoad exercitium sui actus; quamvis respectu divinæ ordinationis certè et infallibiliter agat, mediis prædefinitionibus et prædeterminationibus Dei, quas intellectus non potest penetrare, neque de earum indifferentiā judicare.

Itaque convenit, liberum arbitrium esse formaliter in voluntate, radicaliter in intellectu. Requiritur ad liberum arbitrium, ut positus omnibus anteedenter ad actum prærequisitis possit operari, vel non operari; ita ut cum iisdem prærequisitis stet simul in libero arbitrio facultas et potentia, quæ possit operari si velit, vel non operari, si velit. Si Protestantes admittant cum Thomistis, concursum Dei specialem et determinantem actiones liberi arbitrii, non sunt ideò reprehendendi, quasi negarent liberum arbitrium, quia et Thomistas ejusmodi concursum Dei tradunt, et libertatem arbitrii defendunt.

An primi Protestantes aliter senserint, vel sint locuti, hic non indagamus: sed sufficit nobis, quòd hoc tempore id teneant Protestantes de libero arbitrio, quod doctores catholici,

#### CAPUT LVI.

##### *De libero arbitrio in naturalibus et civilibus.*

Convenit inter Catholicos et Protestantes: 1<sup>o</sup> Naturæ viribus cognosci aliquod rerum mechanicum in artibus, et theoreticum in scientiis. 2<sup>o</sup> Viribus naturæ posse cognosci, Deum esse, et esse unum, et alia id genus. 3<sup>o</sup> Hominem non regentium habere liberum arbitrium in operibus naturalibus et civilibus. At initio prætensæ reformationis, gravis erat in hoc negotio cum Protestantibus controversia: quā nunc cessante, non est opus præteriti temporis errores refutare, vel iisdem citra necessitatem immorari.

#### CAPUT LVII.

##### *De concordia cooperationis divinæ cum libero arbitrio.*

Circa concordiam cooperationis divinæ cum libero arbitrio variae sunt doctorum catholicorum sententiæ. Bellarminus dicit, lib. 4 Grat. et lib. Arb., c. 16, in princ., « cooperationem divinam ita concurrere cum secundis causis etiam liberis, ut non solum eis dederit, et conservet virtutes operatrices, sed etiam eas moveat et applicet ad opus. »

Thomistæ idem tenent, et applicationem ad opus intelligunt de determinatione efficaci. Modernorum reformatorem sententiam juxta Thomistas explicat Crocius, *Anti Bec.* tomo 2, contr. 15, sect. 1, n. 14, pag. 689 : « Providentia non tollit rerum naturas, sed sic gerit omnia, ut causæ necessariae necessariò agant, voluntariæ voluntariè. Voluntarias ita determinat, ut proprios voluntatis motus retineant, et seipsæ determinent; absque quo si esset, periret, fateor, libertas essentialis, quippe quæ requirit, ut liberum arbitrium sit causa sui motus, adeoque homo per illud ad agendum se moveat. Non autem requirit, ut homo seipsum solus determinet, quia non requirit, ut sit prima sui motus causa, cujus est se solam determinare. Secunda causa se determinat quidem, sed sub primæ causæ determinatione, quippe à quâ pendet ut in essendo et existendo, ita in agendo. » Atque hæc sententia nunc est inter reformatos communissima. Neque hoc tempore dicunt, gratiam ita esse à seipsâ efficacem, ut excludat motionem moralem, quæ est per consilia et suasiones. Similiter hoc tempore non docent, Deum ita efficaciter movere voluntatem, ut postea non sit nostræ electionis, motioni ejus aut obtemperare aut refragari; tenent enim facultatem dissentiendi consistere cum gratiæ efficaci, et idipsum hic tradunt, quod Thomistæ: libenter etiam fatentur, Deum per gratiam, vel motionem efficacem ita operari in nobis velle, et nos ad seipsum convertere, ut gratiæ prævenienti nostrum arbitrium, pedissequâ voluntate, obsequatur liberè. Non igitur est necesse indagare, quid Calvinus, quid alii antehac senserint: sufficit eos nunc cum catholicis doctoribus sentire et loqui. Alii ex Protestantibus alios doctores catholicos sequuntur. Nulli hic causam inventient, cur à communione Ecclesiæ catholicæ velint abstinere.

#### CAPUT LVIII.

##### *De viribus liberi arbitrii in moralibus.*

Prima quæstio est de vero morali cognoscendo. Sed verum morale non intelligitur hoc loco universè consideratum, ut Deum esse colendum, parentes honorandos; intelligitur autem cum omnibus circumstantiis, quæ necessariæ sunt, ut actio voluntatis, ei conformis, sit actio virtutis: ut cum quis judicat, sibi hoc tempore eleemosynam esse faciendam, vel quod mutuo est acceptum, esse restituenda

dum hoc tempore, quia ratio justitiæ nunc id fieri postulat. Nominè agitionis intelligitur judicium, præcedens imperium voluntatis, quale inter consultandum exerceri solet, non autem judicium ultimum ex voluntate dependens, ad quod ex necessitate sequitur electio. Quando juxta prædicta quæritur, an possit viribus naturæ cognosci verum aliquod morale, variè sunt inter Catholicos sententiæ, variè explicatæ; affirmantem, quæ inter Catholicos communis, aliqui Protestantes sequuntur; rectè explicatam vix ullus negabit.

Alteræ quæstio est: An possit homo, solis naturæ viribus, implere omnia mandata moralia, secundum substantiam operis? Et hic negant cum Catholicis Protestantes; utrisque probabiliter docentibus, aliqua mandata moralia, quoad substantiam operis, solis naturæ viribus impleri posse, utrisque docentibus solis naturæ viribus nullum morale præceptum servare posse hominem, si tentatione urgeatur.

Docent Catholicæ, hominem non renatum, si nulla tentatio urgeat, cum auxilio speciali posse aliquod bonum morale perficere, quia censent illis operibus nihil deesse, ut quæ proveniant ex principio supernaturali, et possint referri ad finem ultimum, Deum ipsum. Protestantes etiam ad opus bonum morale communiter requirunt, ut veniat à Deo, et referatur ad Deum; unde dicendum est, ejusmodi opera, ab auxilio speciali procedentia, non esse peccata. Imò ejusmodi opera tali sensu procedunt ex fide, quòd certò intelligatur, illud opus quod suscipitur, ex earum rerum genere esse, quas Deus vult, et ex lege suâ jussit fieri. Et sic definitur concilium Tridentinum, aliqua opera, quæ justificationem præcedunt, non esse peccata; illa scilicet, quæ procedunt ab auxilio speciali, et per quæ hominem Deus disponit ad gratiam justificationis. Non autem definitur concilium, esse alia opera, justificationem præcedentia, quæ non sint peccata, sicut non definitur prænominata opera, licet bona, esse meritoria justificationi etiam de congruo; neque enim definitur ulla opera esse meritoria, nisi post justificationem. Fatentur Protestantes, esse quædam opera, per quæ Deus ad justificationem nos adducit; eademque esse præparationes quasdam ad salutem conversionem; idèquæ non videntur, quomodò à Catholicis possint dissentire, nisi etiam à seipsis dissentiant.

Consuevit etiam hæc quæstio proponi: « Sitne homo, in statu naturæ lapsæ, liber?

« arbitrii, in bono morali eligendo, et malo « evitando; sive, quod idem est, in præceptis « mortum observandis aut prævaricandis. » Verùm si intelligatur quæstio, an sit homo liberi arbitrii, in bono morali eligendo et malo evitando, quoad substantiam operis, non negant Protestantes, hominem in statu naturæ lapsæ esse liberi arbitrii: sin autem intelligatur quæstio an homo in statu naturæ lapsæ sit liberi arbitrii, id est, habeat facultatem proximam bonum morale faciendi, malum mortale vitandi, ita ut non peccet, vel ratione principii à quo fluit, vel ratione finis ad quem deberet referri, sic coincidit cum iis quæ diximus hoc capite.

#### CAPUT LIX.

##### *De viribus liberi arbitrii in supernaturalibus.*

Convenit inter Catholicos et Protestantes, ut mysteria supernaturalia à nobis percipiantur, requiri divinam revelationem, quæ per Scripturas, aut prædicatores à Deo missos proponitur; requiri aliquid externum, quod doctrinam revelatam faciat credibilem; requiri imperium voluntatis captivantis intellectum in obsequium fidei. Convenit etiam, eum qui legit, vel audit doctrinam revelatam, cuique ea per externum aliquid est credibilis, non posse assensu christiano et salutifero captivare intellectum in obsequium fidei sine speciali illustratione divinâ. Convenit similiter, non posse voluntatem humanam aliquid velle, in iis quæ ad pietatem et salutem pertinent sine auxilio gratiæ Dei. Convenit insuper, non posse hominem solis naturæ viribus ad gratiam recipiendam ullo modo se præparare, non tantum ut ex condigno illa gratia conferatur, sed neque ut ex congruo. Convenit tandem, non posse hominem solis naturæ viribus Deum super omnia diligere, neque ut auctorem naturæ, neque ut largiorem gratiæ et gloriæ, sive perfectè, sive imperfectè.

Propter ea quæ hucusque sunt dicta, facultatem arbitrii voluntatis in homine non renato, vocant Protestantes *servum arbitrium, titulum sine re*, respectu supernaturalium. Non negant absolutè liberum arbitrium in homine non renato, uti patet ex antedictis, et quando dicunt servum arbitrium, intelligunt servitutem peccati et corruptionis, in quâ irrogeniti liberè versantur; negantes libertatem gratiæ, quam homo adipisci non potest, nisi per divinam misericordiam. Nos dicimus per peccatum esse imminutum liberum arbitrium, quia caret

libertate gratiæ, respectu supernaturalium; manere tamen liberum arbitrium, quamvis in servitutem redactum, quia manet naturalis illa animi facultas, manet cognitio, manet ad bonum universum propensio; et quod in eâ servitute agit, non à naturâ, quemadmodum bruta animalia, sed proprio iudicio movetur; atque ita in servitute peccati constitutum est, à quâ homo non nisi per gratiam Dei liberari possit. Accedente autem gratiâ non confertur homini liberum arbitrium ad bonum supernaturale, quatenus vis quædam media est, quæ vel intendi ad fidem, vel inclinari ad infidelitatem potest, quæque naturaliter attributa est à creatione animæ rationali; sed per gratiam liberatur à servitute peccati, et accipit libertatem gratiæ. Ethnicis, qui nihil de Christo audierunt, dicuntur rectè habere liberum arbitrium ad bonum supernaturale, quia per creationem ejusmodi est, ut sit capax boni supernaturalis; quamvis interim, ob servitutem peccati, sese ad bonum supernaturale amplectendum exerere non possit, nisi per gratiam liberetur à servitute. Ita ligatus et infirmus rectè dicitur habere potentiam ambulandi, licet actu ambulare nequeat, nisi solutus, et viribus per medicamenta restauratis. Quapropter, posse habere fidem, sicut posse habere charitatem, naturæ est hominum; habere autem fidem, quemadmodum habere charitatem, gratiæ est fidelium. Bona opera sunt in hominis potestate, et idem homo non habet potestatem ad bona opera: sed alia est potestas proxima, alia remota. Bona opera sunt in potestate hominis remotâ, cum quâ solâ nihil potest facere, ita ut operetur bonum ex solâ illâ potestate remotâ: nam ut operetur bonum, requiritur potentia proxima, quæ potestas nulla est, nisi à Deo detur. Unde homo nullam habet potestatem proximam ad donum supernaturale, quam à Deo non accipiat per gratiam; nullam etiam remotam, quam à Deo non acceperit per naturam. Hanc remotam potentiam si homo non haberet, deberet potentia illa animi, quæ dicitur voluntas, non tantum preparari à Domino, sed nova creari, et sic duæ essent in homine voluntates. Et sic dicit Calvinus, vera Eccl. reform. Ratio, pag. 367: « Fateor sanè, homini restare voluntatem, etiam dum captivus tenetur sub peccati et Satanæ tyrannide. » Quando voluntas liberatur à servitute peccati, et novas accipit vires spirituales ad operandum, quod per naturam non poterat, rectè dicitur creari, licet

non eo sensu, quòd nova animi potentia creetur, sed quòd potentia quæ in actum sola exire non poterat, eas accipiat vires, quibus rectè operari possit, ablatis etiã impedimentis. Ita explicatã hãc materiã, nulla superest, quod sciamus, cum Protestantibus difficultas, uti hoc tempore docent.

#### CAPUT LX.

##### *Hominem liberè consentire gratiæ Dei*

Quæstio est an sit homo post lapsum primi hominis verè liberi arbitrii in iis rebus quæ pertinent ad salutem, et quanquã nihil possit sine auxilio gratiæ, tamen per gratiam præventientem excitatus, et à Deo adjutus, ita valeat operari, ut possit etiã non operari.

Convenit inter Catholicos et Protestantes, 1º hominem in sui conversione non esse instar trunci, aut lapidis; 2º hominem in sui conversione volenter et spontanè se habere; 3º gratiam ordine rationis et causalitatis prævenire cooperationem nostræ voluntatis: Deus enim priùs voluntatem hominis prævenit, et gratiam confert efficacem, quàm voluntas ipsa hominis sese moveat. Consensit Calvinus, vera Eccles. reform. Ratio pag. 367. Atque eo sensu rectè de libero arbitrio dicitur quòd sit potentia partim activa, partim passiva, quia voluntas se habet passivè in ordine ad prævium auxilium Dei; nam omne recipiens, ut tale, passivè se habet in ordine ad illud quod recipit. Cùmque illud auxilium prævium sit à solo Deo effectivè, et recipiatur in voluntate antecedenter ad ejus cooperationem, necesse est, voluntatem se habere passivè respectu illius auxilii. Neque inde sequitur, quòd in justificatione adulti voluntas se habeat merè passivè; quamvis enim passivè se habeat in ordine ad auxilium prævium, tamen respectu actûs liberi, ad quem eliciendum movetur, se habet activè. Contra Calorium, Synop. contr. disp. 18, th. 5, pag. 127.

Convenit inter Catholicos et Protestantes, hominem in sui conversione cooperari gratiæ Dei: nam eodem momento efficit Deus, ut per gratiam velimus, et reipsã velimus, movendo et flectendo voluntatem, ut verè et propriè operemur actiones bonas, atque ut plenè assentiamur verbis Dei et promissis, in eo speremus, et eundem diligamus, quo justificemur. Nostra tamen cooperatio respectu Dei, non est talis, qualis est cooperatio Dei respectu nostri, quia tota nostra cooperatio etiã, insip. Dei operatio est facientis, ut faciamus \*

Dei verò cooperatio non est nostra operatio, quasi nos faciamus ut operetur.

Convenit inter Catholicos et Protestantes, hominem in sui conversione liberè consentire gratiæ Dei: Deus enim quos convertit, libertatis suæ reddit participes, et liberè operantur, operante etiã Spiritu Dei, qui voluntatem adjuvat, non aufert gratiæ auxilium, non infert vim voluntati; sed eam perficit, ut liberè cooperetur; Deo voluntatem in sui conversione invitationibus et suasionibus alliciente, supernaturalibus viribus, quibus istis suasionibus obtemperare possit, eam instruendo, et efficacii suã operatione ad reipsã obtemperandum inclinando et flectendo: efficit enim ex nolente liberè volentem, ad Deum se convertentem et credentem.

Convenit inter Catholicos et Protestantes, hominem in sui conversione posse non cooperari gratiæ Dei: nam Protestantes hic tenent cum Thomistis, potentiam ad non operandum stare simul in eodem subjecto cum gratiã et auxilio quod requiritur ad operandum; negant autem posse in eodem subjecto reperiri gratiam efficacem ad certum actum, et carentiam ejusdem actûs, vel actum contrarium.

Cùm igitur in hãc causã Protestantes hoc tempore non dissentiant à doctoribus catholicis, non est unde hic ansam quærant abstinendi ab unione et communione Ecclesiæ catholicæ.

#### CAPUT LXI.

##### *De justificationis nomine ejusque causis.*

Convenit inter Catholicos et Protestantes, vocem justificationis in S. Scripturã accipi, 1º pro donatione, seu collatione justitiæ inhaerentis; 2º pro augmentatione justitiæ inhaerentis; 3º modo forensi, pro justum pronuntiare et declarare.

Convenit inter Catholicos et Protestantes, dari justitiam inhaerentem: volunt autem Protestantes, nos per eam sanctificari, et quamvis ab eã possimus denominari justi, tamen in justificatione coram Deo, non esse justos per justitiam Christi nobis donatam et imputatam, de quã agemus in sequentibus.

Convenit inter Catholicos et Protestantes, finem justificationis esse gloriam Dei et Christi ad salutem æternam eorum qui justificantur; causam primariam efficientem nostræ justificationis esse Deum; causam efficientem justificationis per modum meriti sive meritoriam, esse Christi passionem. Causam materialem

possumus dicere voluntatem hominis respectu justitiæ inhærentis, vel totum hominem respectu justitiæ nobis donatæ et imputatæ; causam formalem justificationis, quatenus dicimur justi à justitiâ inhærente, esse ipsam justitiam inhærentem; quatenus verò possumus dici justi à justitiâ nobis donatâ, esse ipsam justitiam nobis donatam, quæ ut subjecto communicetur, requiritur, ut conditio causæ formalis, applicatio ex parte Dei erga nos.

#### ANIMADVERSIONES.

Super insequentibus capitibus, quæ ad justificationem spectant, haud longo sermone opus est. Quamvis enim in suæ separationis initiis potissimum in hunc articulum Protestantes institerint, quippe qui in eorum scissione præcipuus esset, hæc tamen ipsâ de re longè aliter in præsentia loquuntur. Melancthon ipse in suâ fidei Confessione ad Franciscum I missâ, fateri cogitur suæ factionis homines non amplius perinde atque initio super hoc negotio excandescere. Ita enim loquitur in titulo de Justificatione, Fide et Operibus, quæ fustibus explicat : « Controversiam hanc, de quâ initio magna fuerunt certamina, ipsa tempora molierunt. »

Guillelmus Forbesius de Justif. l. 3, p. 93, fusè admodum et graviter retulit quiddam ad hanc rem quod attinet dictum fuit. Doctus hic Protestans ostendit asseclarum suorum complures haud satis modi servasse, ac si quando ad eas omnes disputationes, quæ justificationem spectant, animum ad pacem compositum conferri libuerit, dissidentes partes duas conciliari facillimè posse; ita denique de suorum temporum infelicitate conqueritur : « Hoc infelicis seculo, rixarum et contentionum admodum feraci, veræ pietatis et justitiæ sterili, plerique magis amant altercari inaniter et inutiliter, quàm utiliter et fructuosè operari. »

#### CAPUT LXII.

##### *De objecto fidei justificantis.*

Quæritur an objectum fidei justificantis sit sola promissio misericordiæ, an verò tam latè pateat quàm latè patet verbum Dei. Quæstio intelligitur de misericordiâ *speciali*, non quasi illa antecederet, vel esset aliquid in individuo revelatum de salute hujus vel illius credentis, quam revelationem quisque credens debeat apprehendere, sed de misericordiâ quæ per ipsam fidem specialis evadit, hoc est, quam hic et ille fidelis per fidem sibi applicat.

Convenit inter Catholicos et Protestantés, 1° objectum fidei, quæ *justificat*, tam latè patere, quàm latè patet verbum Dei; 2° objectum fidei, quæ *justificat*, comprehendere promissionem misericordiæ; nam promissio misericordiæ est aliquod verbum Dei, sive à Deo revelatum; 3° objectum attributionis sive principale objectum fidei justificantis esse promissionem misericordiæ : nam credendum est quicquid Deus revelavit et promisit, atque illud imprimis, à Deo justificari impium per gratiam ejus, quæ est in Christo Jesu. Nam fides, cui S. Scriptura justificationem adscribit, est certus et firmus assensus, propter auctoritatem dicentis et revelantis Dei elicitus, quo vera creduntur ea quæ divinitus revelata sunt ac promissa, atque illud maximè, à Deo impium justificari per gratiam Christi Jesu ejusdemque redemptionem.

Atque hic observandum est, hominem per justificationem pervenire ad justitiam inhærentem, quâ incipimus esse justi, et effimur consortes divinæ naturæ, et habemus charitatem diffusam in cordibus nostris : Pervenire etiam ad justitiam nobis cum Christo donatam, sive justitiam Christi cum omni ejus merito. Deus enim donavit nobis Christum, et omnia cum eo, quando *Filius natus est nobis, et Filius datus est nobis*, quem etiam in sacrificio offerimus Deo, de suis donis et datis; ipsis etiam baptizatis, in morte Christi baptizatis, et cum eo sepultis, quasi ipsi personam Christi gerentes mortui fuissent, passi et consequuti cum Christo, et cum Christo resurrexissent in novam vitam.

Itaque si fidem justificantem consideremus, quatenus per eam pervenimus ad justitiam inhærentem, rectè dicitur habere pro objecto quiddam Deus revelavit, inter quæ emineat promissio misericordiæ. Sin autem fidem justificantem consideremus, quatenus per eam pervenimus ad justitiam nobis donatam, rectè dicitur ejus objectum sola promissio misericordiæ, cum vi istius promissionis ea justitia nobis donetur.

Quoad misericordiam *specialem*, docent cum Catholicis Protestantés, quòd homines, peccatores se esse intelligentes, à divinæ justitiæ timore, quo utiliter concutiuntur ad considerandam Dei misericordiam se convertendo, in spem eriguntur, *fidentes*, Deum sibi propter Christum propitium fore. Nam initium et fundamentum necessarium est, tum fides catholica dogmatum, historicæ et promissionum :

hæc enim tria fides catholica et universalis complectitur; tam etiam fides privata promissionis, quæ quisque credat sibi Deum non defuturum, neque negaturum auxilium efficax, et se tandem à Deo justificandum: nam si aliquis existimaret, Deum sibi negaturum auxilium efficax ad salutem, omnis ad justificationem progressus et dispositio impediretur, ut manifestè constat. Inter reliqua enim necessaria ad justificationem primam, debet esse spes veniæ; hæc autem sine fide peccillari esse non potest. Nam quamvis aliquis crederet ea quæ universis promissa sunt, nempe verè poenitentibus peccata remitti, et poenitentiam aliisque bonis operibus à Deo obtineri veniam et justificationem, tamen nisi etiam credat se his operibus quæ exercet à Deo veniam consecuturum, quæ sanè est fides peculiaris promissionis, non poterit nunc veniam sibi à Deo sperare, ac proinde neque justificationis compos erit, siquidem spes non minus necessaria dispositio est ad justificationem quam fides. Vid. S. Aug. lib. 1 de Doctr. christ., cap. 18.

Hæc fides specialis promissionis pro objecto habet promissionem misericordie, et nihil aliud est quam firma fiducia; cum enim in Evangelio salus tribuitur fidei, per fidem intelligitur assensus veritatibus revelatis præstitus, fiduciâ ex omnipotente Dei bonitate conceptâ. Fides autem illa specialis per gratiam Spiritûs sancti accipitur, et est donum Dei per Christum; sed quia non nititur objecto quod est à Deo revelatum, neque omnem excludit formidinem, ideò fidelis indiget confirmatione, quam etiam per Dei instituta querere debet.

Re totâ ad eum modum explicatâ, non videmus cur Protestantes in hæc causâ dissentiant à Catholicis.

#### CAPUT LXIII.

##### *De subjecto fidei justificantis.*

Convenit inter Catholicos et Protestantes, ad fidem requiri motionem et piam quamdam affectionem voluntatis, intellectam inclinantis ad assentiendum huic testimonio propter veritatem Dei testantis: et sic fidem, quatenus significat assensum, formaliter quidem esse in intellectu, sed tamen requirere concurrentem motionem voluntatis.

Convenit inter Catholicos et Protestantes, ex fide oriri fiduciam, et hæc esse effectum fidei: fides enim est origo et radix fiducie,

Sicut ergo ad obediendum fidei requiritur imperium voluntatis, ita ex fidei certitudine nascitur fiducia, quæ pertinet ad voluntatem, ut quasi circulo quodam incipiat à voluntate hæc fides, et desinat in voluntatem.

His positis, fiducia obtinendæ veniæ, qualis esse debet in homine poenitentiam agente, præcedit justificationem, et hæc fiducia est fides specialis misericordie, ad obtinendam justificationem necessaria. Est et alia fiducia, quæ quis confidit, sibi remissa esse peccata, sequæ Deo gratum esse et hæredem regni, quæ pendet à bonâ conscientia et perseverantia in dilectione Dei et operibus bonis, ac proinde præexigit justificationem; non illam efficit, atque per hoc non est fides justificans, sed aliquid fide justificante posterius.

Observatâ hæc duplici fiduciâ, etiam illud notandum est, Protestantes fidem justificantem frequenter describere per certitudinem de remissione peccatorum obtentâ, de misericordiâ Dei in Christo specialiter applicatâ, cum tamen ea certitudo sit aliquid posterius fide justificante, et sequatur justificationem. Ideò tamen id fieri, quia perfectio et consolatio fidei justificantis in eâ certitudine magis apparet, quando describitur fides justificans per illustrem effectum ejusdem fidei.

Atque hinc factum est ut fidem populariter ita soleant describere Protestantes, quasi partim esset in intellectu, partim in voluntate, intelligentes per fidem justificantem etiam fidem privatam promissionis, quam existimamus nihil differre à fiduciâ obtinendæ veniæ et justificationis, quæque ad justificationem prærequiritur, et eandem fidem describentes per subsequentem fiduciam, quarum utraque pertinet ad voluntatem. Dicit Cocceius disp. 18 Cor., n. 10: « Fidei subjectum æquè propriè est voluntas ac intellectus.

#### CAPUT LXIV.

##### *Sitne fides notitia an assensus.*

Fides quatenus est in intellectu, propriè est assensus, et supponit aliquam notitiam; et impropriè est notitia, et parit aliquam notitiam.

Diximus, quatenus est in intellectu, ne latiore significatione intelligeretur fiducia quæ est in voluntate, quæque hæc non pertinet. Diximus, propriè esse assensum, et in hoc nulla est difficultas. Diximus, prærequiri, sic supponi aliquam notitiam, quia objectum fidei debet nobis esse credibile, et ut tale cognosci, antequam assentiamur. Diximus, esse impropriè notitiam,

quia ita dici potest à notitiâ, quam supponit et quam parit. Diximus, *fidem parere aliquam notitiâ*, quia est via et gradus ad intelligentiam.

Non putamus hoc loco Protestantés inventuros cur à Catholicis dissentiant.

#### CAPUT LXV.

*An fides sola justificet.*

Prout diversimodè accipitur justificatio, sive tendens ad justitiâ inhærentem, sive ad donatam et imputatam, ita diversimodè loquendum est de fide, prout ad hanc vel illam justitiâ obtinendam concurret.

Convenit inter Catholicos et Protestantés, 1º nulla opera, nullam dilectionem, nullum meritum ex naturæ viribus procedere, quo homo aut obtineat justificationem, aut se præparet ad eam recipiendam; 2º peccatorem, eam justificatur, nullo modo mereri remissionem peccatorum, vel reconciliationem cum Deo, neque de congruo, sed fieri omnino gratis propter meritum Christi Jesu omnem justificationem.

Si quærat an fides sola justificet per modum dispositionis, docent cum Catholicis Protestantés, ut fides actu justificet, requiri ut sit viva; fides enim, nisi ad eam spes accedat, et charitas, neque unit perfectè cum Christo, neque corporis ejus vivum membrum efficit; rectè autem dicitur de fide vivâ, quòd sola justificet. Non igitur fides quatenus est in intellectu, sola justificat, per modum dispositionis; sed requiritur aliarum virtutum præsentia: nulla enim remissio peccatorum obtinetur, nisi peccatoribus per cordis compunctionem dispositis, quando agnitione peccati et dolore præparantur ad accipiendam gratiam, et ad beneficium justificationis adducuntur, quamvis interim ejusmodi dispositiones prærequisitæ non acquirant peccatori jus aliquod ad accipiendam justificationem.

Si unum quærat an fides sola justificet per modum instrumenti, dicent cum Catholicis Protestantés, fidem non esse solum instrumentum quo Deus applicet hominibus justitiâ, sive inhærentem, sive donatam et imputatam: eum enim et Sacramenta sint divinitus instituta instrumenta, quibus Deus largiatur justitiâ, fides non potest dici solum instrumentum justitiâ applicans.

Verùm quia in justificatione adulti requiritur fides specialis promissionis, quæ generales promissiones in particulari applicat, illæque

promissiones continent meritum Christi et justitiâ Christi nobis donatam, rectè dicitur ista fides seu fiducia sola justificare, id est, apprehendere ex parte justificandi meritum et justitiâ Christi credentibus promissam, idemque meritum et justitiâ in particulari applicare, unde reliqua gratiæ auxilia derivantur, quibus ad internam renovationem et justitiâ inhærentem pervenitur. Fiducia illa, quæ est apprehensio justificationis, ut possessionis nostræ presentis, quæque post acceptam remissionem peccatorum, statulimus nos esse apud Deum in gratiâ, est aliquid consequens justificationem, ejusdemque fructus.

Istâ ratione explicatâ quæstione, non erit unde Catholicis contradicant Protestantés.

#### CAPUT LXVI.

*An fides possit esse sola*

Quæritur an fides possit esse sola, et separata à dilectione, aliisque virtutibus? Convenit inter Catholicos et Protestantés, fidem, quatenus significat assensum intellectus, qui præbetur veritati revelatæ, posse in homine reperiri sine charitate aliisque virtutibus: nihil enim prohibet, quominus sine charitate quis credat historiis, miraculis, dogmatibus et promissionibus generalibus. Convenit etiam fidem solam, quæ est in intellectu, separatam à spe et charitate, non justificare. Nam fides actu justificans semper habet adjunctam spem et charitatem, quibus absentibus non justificat.

Si tamen accipiatur fides pro fide speciali quæ promissiones generales in particulari applicat, cum adjunctâ verâ fiduciâ et reliquiâ necessariis, sic necessariò adjunctam habet spem et charitatem, neque potest inveniri sola, quia esset separata à seipsâ, et desineret esse talis fides.

Itaque, si per *fidem veram* ea intelligatur quæ habet objectum verum, non est dubium quin talis fides possit esse separata à charitate, Si per *fidem veram* ea intelligatur quæ est habitus à Deo infusus, inclinans ad assentendum veritati revelatæ, non est dubium quin talis fides reperiat sine charitate. Si per *fidem veram* intelligatur assensus veritati revelatæ præstitus, et ea potest esse sine charitate. Si per *fidem veram* intelligatur fides specialis, de quâ est actum, ea non magis potest esse sine charitate, quàm ultima dispositio ad formam sine formâ, quia fides illa specialis, reliqua necessaria habens conjuncta, est ultima dispositio ad charitatem.

## CAPUT LXVII.

*De perfectione justitiæ inhærentis.*

Dari justitiam inhærentem, hoc tempore non negant Protestantes. Dicunt autem justitiam inhærentem esse inchoatam, respectu justitiæ, quam in cœlis possident beati, quæque, ut perfectior, eosdem tuetur ab omni peccato, nostrâ non impediende quominus teneamur dicere: *Dimitte nobis debita nostra*, idèque necesse est ut in dies à Dei misericordiâ sustentemur. Potest etiam justitia nobis inhærens dici imperfecta respectu justitiæ Christi, ut quæ indubiè justitiam nostram infinitè excedit, et vi cuius, justitia inhærens hominî à Deo tribuitur. Nulli, quod sciamus, dicunt, justitiam inhærentem esse potiùs vitium quàm virtutem, potiùs injustitiam quàm justitiam: omnes enim docent, justitiam inhærentem consistere in virtutibus à Deo infusis, quas vitia vel justitiam compellere, extremæ foret insanis. Docent aliqui Protestantes, etiam habitalem justitiam multis peccatorum sordibus esse contaminatam; sed quomodò id verum sit in parvulis baptizatis et regeneratis, ipsi viderint; si enim ibi justitia inhærens sit peccatorum sordibus contaminata, quomodò ea contaminatio non erit à Deo? quomodò enim in adultis contaminata erit habitualis justitia, quæ à Deo solitariè infunditur? Alii Protestantes recurrunt ad imperfectionem operum, quæ à justitiâ inhærente procedunt; sed præterquam quòd ea quæstio huc non pertineat, si qua operibus istis adhæret contaminatio, ea secundùm ipsos non est à justitiâ inhærente; est autem à radice concupiscentiæ: neque necesse est ut universa et singula justificati opera, quæ procedunt à justitiâ inhærente, etiam procedant ab initio vitioso, ut illi gratis asserunt. Sufficit nobis, si ejusmodi agnoscatur justitia inhærens, à quâ fideles rectè dicantur justî.

## CAPUT LXVIII.

*De justitiâ tum inhærente, tum donatâ, seu imputatâ.*

Nullus dubitat quin detur justitia inhærens. Et quia in præcedentibus aliquoties dictum est de justitiâ donatâ, seu imputatâ, necesse erit de eâ hoc loco breviter agere.

Imputare quidquam alicui est idem atque inter ea quæ sunt ipsius et ad eum pertinent, aliquid connumerare et recensere. Dicit Bellarminus lib. 2 de Dei Justif., c. 7, § 4: « Si

« solùm vellent (Protestantes) nobis imputari  
« Christi merita, quia nobis donata sunt, et  
« possumus ea offerre Deo Patri pro peccatis  
« nostris, quoniam Christus suscepit super se  
« onus satisfaciendi pro nobis, nosque Deo  
« Patri reconciliandi, recta esset eorum sen-  
« tentia. » Hæc sententia est Protestantium,  
uti habet Gerhardus. Conf. lib. 2, part. 3,  
art. 23, cap. 4, pag. 700; Amesius, lib. 6,  
cap. 1, thes. 49. Dicit Bellarminus, ibid. c. 10,  
§ *Deinde*: « Dicitur Christus justitia nostra,  
« quoniam satisfacit Patri pro nobis, et eam  
« justitiam ita nobis donat et communicat,  
« eùm nos justificat, ut nostra satisfactio et  
« justitia dici possit. Nam etiamsi per justitiam  
« inhærentem verè justî nominemur et simus,  
« tamen non per eam satisfacimus Deo pro  
« culpis nostris et penâ æternâ; sed est illa  
« justitia inhærens cum remissione culpæ  
« effectus satisfactionis Christi, quæ, ut docet  
« conc. Trid. sess. 6, cap. 7, nobis in justifi-  
« catione confertur et applicatur. Et hoc modo  
« non esset absurdum si quis diceret, nobis  
« imputari Christi justitiam et merita, eùm  
« nobis donentur et applicentur ac si nos ipsi  
« Deo satisfecissemus, modò non negetur esse  
« in nobis præterea justitiam inhærentem,  
« eamque veram et absolutam esse justitiam,  
« cui justo Dei judicio non debeatur poena,  
« sed gloria. Sic enim loquitur Bernardus,  
« epist. 190 ad Innocentium: *Nam si unus*,  
« inquit, *pro omnibus mortuus est, ergo omnes*  
« *mortui sunt.* Ut videlicet satisfactio unius om-  
« nibus imputetur; sic omnium peccata unus  
« ille portavit. » Similia habet card. Hosius  
Consess. 73. Et hanc esse suam sententiam  
de justitiâ Christi nobis donatâ, seu imputatâ,  
testatur Gerhardus loc. cit., et Amesius, ibid.  
thes. 5 in probat. Dicit Bellarminus ibid. §  
*Respondeo*: *Non dicitur*: « Nobis imputatur  
« justitia ejus (Christi) quoad satisfactionem,  
« quam pro nobis præstitit. » Item ibid. § *Hæc*  
*igitur*: « Justitia Dei est justitia ipsa divina,  
« quæ est in Christo. Quâ justitiâ nos justî  
« dicimur, non in nobis, sed in illo, quia ipse  
« est caput nostrum; et quod convenit capiti,  
« convenit etiam membrîs, non ut sunt mem-  
« bra distincta à capite, sed ut faciunt unum,  
« et sunt unum cum ipso capite. » Hanc esse  
suam sententiam dicit Gerhardus, loc. c., et  
Amesius, ibid. thes. 7, in probat.

Atque hinc patet quid Protestantes intelli-  
gant per justitiam relativam: neque enim  
volunt eam consistere in otiosâ cogitatione,



sed resultare ex applicatione unius ad aliud : non volunt esse meram fictionem juris, sed actualement absolutiōnem et donatiōnem justitiæ Christi. Et quia explicandum est, quomodo ea justitiā aliquibus contingat, et non omnibus, rectè dicunt, id fieri ex communicatione quam vinculo Spiritus sancti habemus cum ipso, qui est caput nostrum, et cujus quoque nos membra sumus : nam efficitur ejus membra per communionem ejusdem Spiritus in cordibus nostris diffusi, ac proinde hæc relatio intelligitur tanquàm capitis ad membra, tanquàm membrorum ad caput, ita ut quod tribuitur Christo capiti, etiam tribuatur fidelibus tanquàm ejus membris.

Observandum est quòd sicut justificare acceptum more forensi, non importat immediatè, nisi solam actionem Dei justificantis, ita complectitur in suà latitudine, quòd justitiā Christi nobis donetur, cujus intuitu et inhærens justitiā communicetur, quæ sit terminus et proprius effectus justificationis sic acceptæ; est enim imputatiō, seu communicatiō meritorum Christi causâ, ut detur nobis aliquod donum et beneficium, hoc ipso, quòd talia sunt merita nostri capitis Christi, ut ipse voluerit esse suorum membrorum, ut ratione illorum membris etiam dona sua largiretur Deus.

Sic proposita et explicata Protestantium sententiā, fortassè nihil incommodi invenietur apud doctores catholicos.

#### CAPUT LXIX.

##### *De justificationis causâ formali.*

Agnoscent cum Catholicis Protestantes, vocem justificationis in S. Scripturâ et SS. Patribus sumi pro collatione justitiæ inhærentis, quam ipsi communiter dicunt sanctificationem : agnoscent hujus formam esse justitiā inhærentem; esse virtutem, non vitium : agnoscent denominationem absolutâ hominem ab inhærente justitiâ denominari justum : « Justi verè sunt (inquit Calvinus, vera Eccles. Reform. Ratio, pag. 368), non negamus, justos nominari Dei filios, aut à vitæ sanctitate, aut à purâ conscientiâ. » Ibidem, infusionem justitiæ inhærentis semper esse conjunctam cum forensi justificatione, cui infallibile consequens.

Vicissim Protestantibus concedunt Catholicæ, justificationem forensam et judicialem veram esse. et rectè cum S. Scripturâ dici justificationem. Concedunt, ubi Scriptura agit de solâ

liberatione à pœnâ et concessione veniæ, non includi infusionem justitiæ inhærentis tanquàm medium liberationis, quia mediante illâ non liberamur à pœnâ, neque conceditur venia. Et quamvis ubi abstractivè agitur de solâ liberatione à pœnâ et concessione veniæ, non includatur infusio justitiæ inhærentis, tanquàm medium liberationis, non tamen idèò excluditur infusio justitiæ inhærentis, tanquàm medii internè renovantis et justum facientis. Concedunt, propter meritum Christi nos pronuntiarî liberos à pœnâ et culpâ, quando absolvimur, quia non tantum remittitur debitum pœnæ, sed etiam ipsa culpa habetur pro non commissâ, et sic demeritoriè aufertur. Quapropter, si non agatur de justificatione omni et in genere, sed de eâ tantum, quæ sit via et medium propter quod ex irâ Dei in gratiam, favorem et amicitiam Dei transferimur, atque acceptamur ad vitam æternam, concedimus, eam esse justitiā Christi solam; nam in primâ justificatione nullum concurrat nostrum meritum, sive agatur de justitiâ donatâ et imputatâ, sive de inhærente, et ad imputationem seu donationem justitiæ non concurrat justitiā inhærens, quia hanc illa præcedit. Etenim per justitiā Christi nobis extrinsecam non tantum censemur et reputamur non injusti, sed etiam censemur et reputamur participes justitiæ Christi, et in judicio divino exactè conformes; insuper positivè justî, si id intelligatur, quòd positivè justitiâ simus extrinsecè justî; neque enim peccator propter propriam et inhærentem justitiā in gratiam recipitur, sed propter justitiā Christi; neque propter propriam et inhærentem justitiā acceptatur ad gloriam, sed ex gratiâ homini justitiā Christi donante, justitiā inhærentem infundente, in bonis operibus ducente, et vitam æternam fideliter et clementer donante.

Hæc nunc obiter, ex quibus constat, si agnoscenda sit in justificatis justitiā donata seu imputata, et justitiā inhærens, hominem denominationem absolutâ dicendum esse justum à solâ justitiâ inhærente, sive intrinsecè, uti suo tempore per gratiam Dei plenius ostendemus.

#### CAPUT LXX.

##### *In quo sit collocandâ fiducia.*

Fundamentalem et undique solidam fiduciam homini christiano collocandam esse in bonitate Dei nostram salutem volentis; in misericordiâ Dei, dona gratiæ propter Christum conferentis,

in liberalitate Dei vitam æternam promittentis, apud omnes in confesso est. Neque ullus diffidetur quin adultis necessarium sit honorum operum exercitium, si salutem, uti oportet, desiderent. Quocirca non ita in solâ Dei misericordiâ est acquiescendum, quasi exercitium honorum operum non esset necessarium; sed credendum est, vitam et gloriam æternam conferendam esse justis, tanquam filiis Dei adoptivis, ex gratiâ et misericordiâ, ita tamen ut eadem vita et gloria æterna detur justis, tanquam benè operantibus, ex fidelitate promissionis divinæ, ex liberalitate Dei originem decentis. Misericordiâ Dei propter Christum justificantis, et fidelitas Dei benè operantibus salutem promittentis, sunt vera fundamenta solidæ fiduciæ. Nam sicut in misericordiâ Dei peccatores justificantis, justitiam ac meritum Christi nobis donantis, justitiam in hærentem gratis infundentis meritò confidimus, ita meritò confidimus liberalem et gratuitam Dei promissionem, de vitâ æternâ benè operantibus largiendâ, fideliter implendam. Cùmque vita æterna malè operantibus et in malo perseverantibus non sit adjudicanda, quibus lex posita est, ut benè operentur, si velint salvari, necesse est ut sine bonis operibus vitam non sperent, sed in bonis operibus se exercent. Unde benè operantes experiuntur suas adversitates spem operari et abundantem fiduciam, nihil ambigentes de remuneratione, quando per bona opera vocationem suam certam faciunt, ubi patientia est necessaria, quò voluntatem Dei facientes reportent promissionem. Verùm quia justis meritò verentur omnia opera sua, et sciunt Deum ex propriâ justitiâ non teneri ad dandam fidelibus vitam æternam, tutissimum est spem omnem reponere in solâ Dei benignitate et misericordiâ, eôm non sine causâ videamus in Ecclesiâ catholicâ semper observatum, ut qui mortî jam sunt proximi, diligenter admoncantur, quò propriæ justitiæ diffisi, in unâ Christi justitiâ spem suam et fiduciam omnem habeant collatam, illam Patri cœlesti repræsentent, illi uni inniantur.

## CAPUT LXXI.

*De certitudine justitiæ.*

Queritur utrùm debeat, aut possit aliquis sine speciali revelatione certus esse, certitudine fidei divinæ, cui nullo modo possit subesse falsum, sibi remissa esse peccata.

Convenit inter Catholicos et Protestantés,

etiam viros sanctos hæsitare de favore Dei, quando gravioribus premuntur tentationibus. Neque ullum est dubium quia gratia justificationis in fidelibus gaudium, pacem et fiduciam generet. Hanc autem fiduciam solent Protestantés vocare fidem (quæ quidem non nitatur speciali revelatione), sed proventientem ex fide justificante et virtutibus ei conjunctis, quæ hæsitationem et fluctuationem excludit, sollicitudinem tamen et cautionem non avertit. Et in hoc nulla difficultas. Calvinus Antid. synod. Trid. sess. 6, pag. 551, expressè loquitur de spei certitudine, et similiter loquitur Responssione ad Sadoletum pag. 451, de certâ spe

## CAPUT LXXII.

*De certitudine prædestinationis.*

Convenit inter Catholicos et Protestantés, non posse cognosci à priori, sive per causam, an simus prædestinati, neque justum habere evidentem cognitionem suæ prædestinationis; quemlibet fidelem, in bonis operibus sese exercentem, debere firmâ et certâ spe expectare vitam æternam. Nam cognitâ Dei bonitate, oportet spem et fiduciam inde concipere consequendæ salutis æternæ, non rejicientes quidem timorem et tremorem in sacris Scripturis commendatum, sed dubitationem, hæsitationem et diffidentiam. Voluit enim Deus ut suam misericordiâ habereamus præ oculis, et nostram infirmitatem, ut illâ erigeremur dejecti, hæc humiliaremur elati; ut si quis dicat in abundantia suâ: Non morebor in æternum, habeat considerationem infirmitatis suæ, in timore revocantem; si quis autem humilitate suâ conturbetur, habeat misericordiam consolantem. Sed quia Protestantés præcipuè urgent certitudinem fiduciæ, quam agnoscimus, non est, quòd huic materiæ diutius immoremur.

## CAPUT LXXIII.

*De bonis operibus.*

Convenit inter Catholicos et Protestantés, non omnes justos esse æqualiter justos, si agatur de justitiâ in hærente, ut quæ accipiat incrementum per bona opera. Convenit etiam, bona opera esse necessaria et per ea fideles disponi ad salutem adipiscendam. Sunt enim necessaria, necessitate præcepti divini; necessitate mediî ad Dei gloriam et salutem nostram ordinati, quia promissio vitæ æternæ est conditionata, et requirit bona opera,

Unde et nobiscum tenent Protestantes, bona opera esse mediâ administrantia salutem, et eò tendentia; justos efficienter operari suam salutem; opera bona esse conditiones ad vitam, viam ad vitam, omnemque vitam habere rationem causæ, saltem sine quâ non. Qualis autem sit eorum causalitas, videri potest apud Vasquium, 1-2, disp. 220, cap. 7, num. 64, etc.

Docent Catholici, dari bona justorum opera, quæ non sint peccata. Quamvis enim multis justorum operibus conveniat ut peccatis non careant venialibus, et in multis offendant justis, non tamen dicendum est, omni actioni à justo procedenti conjunctam esse peccatum. Cur enim? An quia omnia vitiantur ab innatâ concupiscentiâ? sed unde probatur, ad universa et singula justorum opera concurrere vitiosum motum concupiscentiæ, quæ non semper movetur, et cui à justis frequenter resistitur? An quia justis non tanto fervore et perfectione dilectionis operantur, quanto operabuntur in cælis? Sed unde probatur eum, v. g., non diligere Dominum Deum ex toto corde, qui constanter pro eo martyrium subit? Fieri potest ut perfecta mandati observatio reperiat, ubi tamen in simili reperitur actio perfectior. Sic omnes Apostoli ex man-

dato prædicabant, non Ideò imperfectè nonnulli, quia de Evangelio vivebant, quamvis perfectiùs S. Paulus, qui nullo audientium sumptu prædicabat. Quomodò sit possibile servare omnia præcepta, et tamen impossibile non offendere venialiter, vide Vasquium 1-2, tom. 2, disp. 212, cap. 1; et cap. 2, n. 14, pag. 700, etc.

### Conclusio.

Habetis, domini Protestantes, in hoc quarto motivo plerasque controversias fidei quæ inter Catholicos et Protestantes agitantur, breviter deductas. Rogamus Deum, ut qui responsuri sunt (quos non defuturos faciliè conjicimus) modestiam adferant et moderationem; modestiam si attulerint, rem facient convenientem, lectoribus jucundam, et universis utilem; moderationem si præstiterint, non tribuent Ecclesiæ catholicæ vel alienas vel particularium doctorum sententias; sed rem ipsam aggredientur, quæque universaliter definita et recepta sunt, liberè examinant; tum improbant quod displicet, tum solidiora, si possint, proferentes. Ita enim ad pauciores venietur controversias, et quæ supererunt, minorem patientur difficultatem, si quidem præmissâ ratione procedatur.

---

## FRANCISCI VERONII (1).

### METHODUS COMPENDIARIA,

*Sive brevis et perfacilis modus, quo quilibet catholicus etiam scholis theologis non exercitatus, potest solis Bibliis, sive Genevensia illa sint, sive alia, et Confessione fidei religionis prætensæ, ministrum evidenter mutum reddere, et religionario cuicumque, quòd in omnibus et singulis prætensæ reformationis suæ punctis errore teneatur, demonstrare.*

#### CAPUT PRIMUM.

*Quomodò religionario demonstrari debeat, quòd nullum purum verbum Scripturæ sanctæ habeat, quo articulus aliquis Reformationis suæ prætensæ justificetur.*

Cum ministro aliquo aut religionario ad nos

(1) Vide Franc. Veronii vitam, Theologiæ vol. 4, col. 1313.

veniente, sic procedendum: Vos in articulo 51 Confessionis fidei vestræ, sic loquimini: «Nostro tempore, quo status Ecclesiæ interruptus erat, suscitavit Deus extraordinario modo homines, qui vastatam ac desolatam Ecclesiam de novo erigerent.» Sic religio vestra prodiit, ut dicitis, ut nostros reformet errores. In articulo 5, hæc verba habentur: «Verbum quod his libris (de libris

(Scripturæ sanctæ sit mentio) continetur, est veritatis omnis regula, complectens universa ad cultum divinum, nostramque salutem necessaria; neque homini, vel etiam angelo fas est quidquam addere, diminuire, mutare. Ex quo sequitur, neque antiquitatem, neque consuetudinem, neque multitudinem, neque sapientiam humanam, neque judicia, neque aëta, neque dicta, neque decreta, neque concilia, neque visiones, neque miracula sacræ huic Scripturæ opponi debere, sed contra res omnes juxta illam examinandas, dirigendas et reformandas esse. Hæc sunt verba jam dicti articuli. Sic tam in hoc quàm in altero articulo, si conjunctim sumantur, dicitis quòd vos, aut Religio vestra, vel ministri vestri (quod volueritis, accipite) suscitati sitis, et à Deo missi ad collustrandum nos lumine veritatis, et ad nobis errores nostros patefaciendum, et hoc per solum et purum Dei verbum in Scripturâ sanctâ contentum, quæ est *regula infallibilis veritatis*.

Primò tantisper oppugnare possum qualitatem Reformatorum, quam vobis adscribitis, donec mihi ostenderitis litteras missionis vestræ et commissionis. Possum legitimè excusari, si Reformationi vestræ non me subjiciam. Quod corpus, sive judiciale illud sit, sive aliud, vellet in titulum Reformatorum legum et consuetudinum, secundum quas in exercitio muneris sui procedit, recipere quempiam, qui diceret se missum esse, ut regio munere fungeretur, si commissionis suæ litteras non posset ostendere? Tamen ultrò ad qualitatem hanc et titulum Reformatorum vos admitto, et placet ut me veritatem doceatis, et abusus meos, si qui sint, reformetis.

Secundò, quibus regulis et quâ formâ vultis me corrigere, errores meos detegere, et in veritate evangelicâ illuminare? Respondetis in articulo 5, jam nominato, quòd id facere velitis per purum verbum Dei, in Scripturâ sanctâ expressè positum; seponendo *antiquitatem, consuetudines, multitudinem, sapientiam humanam, judicia, aëta, dicta, decreta, concilia, visiones, miracula*. Possum ejusmodi reformationis modum rejicere; nam quare non etiam cum Scripturâ his omnibus regulis utar ad veritatem cognoscendam, præsertim edum Scriptura non dicat, quòd ipsa sola sit *regula omnis veritatis*? Durum est mihi valdè omni antiquitati renuntiare, conciliis, miraculis, et omnibus jam dictis. Nihilominùs, ut

vobiscum collationem inire aggrediar, gratis titulum Reformatorum, per purum verbum scriptum vobis concedo, et paratum sum omnibus jam dictis renuntiare, modò promittatis, quòd per puram Scripturam sitis mihi errores meos manifestaturi.

Tertiò plures sunt hujus Scripturæ versiones; secundum quam vultis me reformare? fortassis id facere volete secundum versionem Genevensem? recusare possum reformationem per ejusmodi Scripturam, cum ipsa sit mutilata, aucta, depravata, plusquàm in 2000 textibus. Cæterum, ut locus collationi detur, tertiam hanc vobis offero gratiam. Sum contentus oculos aperire, et religionem vestram amplectari, si per purum verbum contentum in versione Genevensi, et fidei veritatem, quam venditatis, et errores meos ostenderitis.

Vobis triplicem, et quidem non exiguam, exhibeo gratiam. Prima est, quòd vobis titulum Reformatorum non denegem; secunda, titulum Reformatorum per purum verbum; tertia, per purum verbum secundum versionem Genevensem. Cæterum memineritis quòd tantum mihi purum verbum afferre debeatis: nam si loco illius interpretationes vestras mihi obtruseritis, confessionem vestram abnegatis, et fidem datam non servatis. Valdè imprudens essem, si toti antiquitati renuntia-rem, conciliis, aut miraculis, necnon reiquis, propter interpretationem et judicium vestrum.

Conformiter iis quæ dicta sunt, promissioni vestræ ac iis quæ habentur in articulo vestro 5, duo à vobis peto : Primum, ut per purum verbum mihi ostendatis veritatem omnium articulorum, quibus, ut dicitis, fidem adhibere debeo; paratus sum credere, si eos per Biblia, etiam Genevensia, comprobaveritis. Secundum, ut mihi errores meos per ipsum purum verbum demonstratis; utrumque peto; nam id profiterini vos facturos, dum asseritis, quòd Scriptura sit *regula omnis veritatis*, et quòd aliam non agnoscatis. Et posito quòd in fide meà errore circumducerer, nollem tamen ab eâ desciscere propter aliam, quæ meâ pejor esset. Equis equum luscum pro cæco commutavit? Cupio igitur per purum verbum, fidei vestræ veritatem mihi manifestetis, nec est quòd vos excessetis, nam missi estis, ut nos illuminetis, et nobis veritatem aperiat. Ego expressius primam petitionem meam formo, nimirum, ut per purum verbum articulos Confessionis vestræ sab-

aperiatis, quibus vultis me illuminare, et mihi veritatem manifestare.

Dicitis in articulis 36 et 37, quod per *fidem apprehendamus*, aut secundum terminos inter vos usitatos, *per os fidei, corpus Domini nostri*; et quod *cœna est figura corporis sui, quod tantum in cœlo est*. Hoc ostenditur. In Bibliis omnibus Genevensibus non invenio mentionem aliquam fidei, *oris fidei*, nec ea loqui de *figurâ Jesu Christi absentis*, in locis in quibus agitur de cœnâ; si hoc commonstraveritis. Jamjam ego credam; et primæ religioni mox renuntiabo: si non, vani estis et impostores. In articulo 41 dicitur quod *peccatum originale post baptismum sit semper peccatum, quoad culpam, quamvis condemnatio aboleatur in infantibus Dei, dum per bonitatem suam gratuitam illis non imputatur*. Hoc probatum per purum verbum Genevense. In articulo 24: *Jesu Christus nobis datus est pro solo advocato*. Tantum pro voce *solo* digladiamur; ostendite mihi in Scripturâ Genevensi. In articulo 20 habetur: *Credimus nos esse particeps hujus justitiæ* (scilicet christianæ) *per solam fidem*; tantum de voce, *sola*, contendimus. Etsi opera facta in fide Jesu Christi sint necessaria, ostendite mihi vocem hanc, *sola*, in locis in quibus fiat mentio operum factorum in fide Jesu Christi, et non in locis in quibus manifestè sola opera legis Judaicæ excluduntur à justificatione christianâ, de quo et non alio disputamus.

Ego capite 4 confero textus quos ibi citat Prætensa in margine omnium istorum articulorum, et ostendo quod ne quidem unicus articulorum istorum ibi invenitur; ubi veritatem eorum mihi probaveritis, quæ vultis, ego credam; demonstrate mihi, sicut diximus, falsitatem articulorum quos ego credo.

Articuli fidei meæ sunt, exempli gratiâ, quod sit *Purgatorium; intercessio sanctorum; confessio auricularis*, et alii; *sancritatem peregrinationum, vota monastica agnosco*. E contrario articulo 24 dicitis quod *sanctorum intercessio sit abusus, Purgatorium, vota monastica, peregrinationes, et similia, illusio*. Errorem mihi in his articulis monstrate, et quidem per purum verbum, quod non citatis in margine ejusdem articuli 24, unde signum est vos illo destitui. Respondebitis mihi, quod ad probandum hæc omnia esse abusus, sufficiat, quod non inventantur in Scripturâ, quia concedenda tantum sunt quæ in Scripturâ reperuntur; huic respondeo, quod, aut hæc propositio: *Nihil credendum,*

nisi quod in Scripturâ habetur, continetur in puro verbo Dei, aut non: si non continetur, tu, Domine minister, hanc propositionem obtrudendo, et volendo fidem illi adhibitam, fidem tuam mendacem esse ostendis, nec stas promissis tuis; nam pollicitus es mihi, quod tantum pro *regulâ omnis veritatis* sis Scripturam deprompturus, hoc est, non sis locutus mihi nisi per Scripturam, et tamen propositionem hanc in medium profers, quæ in Scripturâ non extat, quæ propositio fundamentalis est, cui plures aliæ inniuntur. Quod si prædicta propositio est in puro verbo, ostende. Sed memineris, quod tantum purum verbum afferri debeat. Si per hoc purum verbum mihi veritatem articulorum vestrorum, et meorum falsitatem manifestam reddideris, jamjam paratus sum errorem meum agnoscere, et fidem vestram suscipere. Sed recordare, domine, quod spoponderis te mihi per purum verbum demonstraturum et veritatem vestræ fidei, et errores meos; imò renuntiavi omni antiquitati, conciliis, miraculis, arestis, edictis, visionibus, hæc conditione, et non aliâ.

In memoriam veniat quod, loco puri verbi, mihi adducere non debeas interpretationes aut consequentias vestras: nam aut hæc interpretatio est in Scripturâ, aut non: si sit, proferat Scriptura, dicat Scriptura, quod quævis propositio, quam mihi exponitis, intelligi debeat prout mihi interpretamini, et oportet, ut tantum ad instar organi sitis, illa proferentis: si non sit, fidem vestram mendacii insimulatis. Aliam effingite ut volueritis, et tunc de eâ inter nos disceptabimus. Aliàs non mihi promissa servatis, et verè omni judicio destituerer, si propter interpretationem vestram renuntiarem conciliis, arestis, aut multitudi.

Si religionarius excusaverit suam insufficientiam producendi textus Scripturæ, quos ab ipso Catholicus exigit, propter fidei suæ justificationem, in primis ostendendum est, quod obligetur, secundum articulum suum 4, fidem non adhibere in negotio fidei suæ, communi concordie et consensui Ecclesiæ, multò minùs ministri alicujus sententiæ, quod non facit, dum credit articulos Confessionis suæ, quia confidit quod ministri textus aliquos Scripturæ habeant, qui ipsos justificent, quantum ipsos textus ignoret. Secundum, ut ipsi evidens fiat, quod non sint tales textus, conferendi sunt illi quos fidei Confessio citat in margine suo: cum enim, ut titulus fert, facta

sit communi concordia et consensu partiariorum suorum, si dicti textus tanto studio et diligentia citati, non contineant id quod docet articulus, ne in speciem quidem probabile esse potest, alios inveniri meliores.

Obtuli pluribus ministris et aliis, quod vestem meam mutare vellem, si ex omnibus locis citatis in dictis marginibus, articulorum controversorum, saltem unicus inveniretur, etiam traductionis Genevensis, qui manens purus, sine glossa aut interpretatione ministralli (et glossa quæ non potest esse verbum scriptum, cum charta non legatur) contineret quod articulus continet. Incredibile videtur, quod tam impudentes homines inveniri potuerint, qui eum sint protestati non velle nisi verbum scriptum, centena tamen loca citent, nec unus inveniat talis, qualem persuadere volunt esse credendum; et deploranda valde res est, quod milliones personarum fide ministrorum in animum suum induxerint dictos textus docere id quod continent articuli, nec unquam inter se eos contulerint, et quod propter hoc sanctos Patres rejecerint, concilia, etc.

Præcipuos simul confero capite 4: eos Inde decemet Catholicus, et religionario monstrabit, quod errore implicetur. Ne seduceretur, oporteret nullum haberet articulum quem non probaret verbum in margine citatum. Catholicus pro exemplo proferet articulum 2: ille dicit de peccato originali loquens, quod post baptismum sit semper peccatum, quoad culpam, quamvis condemnatio aboleatur infantibus Dei, dum per bonitatem suam gratuita illis non imputatur. Videamus hoc purum verbum citatum in margine, quod dicat id quod docet articulus. Unicus textus citatur ad Romanos 7, v. 7: *Quid ergo dicemus? lex peccatum est? absit. Sed peccatum non cognovi, nisi per legem; nam concupiscentiam nesciebam, nisi lex diceret: Non concupisces.* Hic est integer locus. Legat religionarius et relegat, sitque ipse iudex, si hoc purum verbum scriptum et citatum dicat id quod docet articulus. Quam impudens impostor hic adversarius, qui vult credamus in hoc loco legi quod peccatum originale post baptismum sit semper peccatum quoad culpam, quamvis condemnatio, etc. Estne ibi distinctio peccati, quoad culpam, et quoad condemnationem et pœnam? habeturne ibi, quod culpa maneat? siue mentio de non imputatione quoad condemnationem, culpa manente? Estne ibi baptismi mentio?

Qui oculos prorsus velatos gerit, legat quod

oppugnatus, et in quo accusamur, judicamur, et condemnatur tanquam errore circumventi, et propter quod ecclesiæ nostræ igne absumantur, monasteria complentur, presbyteri jugulentur. Legat in hoc puro verbo, omnia supradicta, quæ sunt pura. Estne aliquid quod aliquo modo ad rem faciat? Numquid sensus expers is esset qui diceret se in hoc textu per consequentiam evidentem et necessariam demonstraturum substantiam articuli hujus: *Peccatum originale post baptismum manet quoad culpam?* Et adversarius qui dicit, quod prodeat, ut in hoc puncto nos reformet per purum verbum, nec facit nisi per hunc textum, numquid evidenter seductor est? et qui nos accusat, judicat et condemnat, quod contrarium credamus, et protestatur quod nos velit accusare, judicare et condemnare per puram Scripturam, nec facit nisi per hunc textum, nonne calumniator est, et falsus iudex? Et in executione hujus sententiæ suæ, evertendo, comburendo, expoliando, quinque præliis concertando, sacerdotes contrucidando, et statum in Gallia faciendo, numquid reus est millionum criminum, reus læsæ majestatis divinæ et humanæ? et huic parti adhærens, nonne adhærens est parti deceptorici et criminali?

Religionarii particulares non existimant ministros suos tantæ impudentiæ esse, ut dicant quod locus in margine citatus probet quod docet articulus, nec tamen ita sit, et confident auctoritati et bonæ fidei ministrorum, etiamst locum illum non examinaverint. Videte, religionarii (ut planum fit in hæc collatione), quam impudenter et inverecundè ministri vestri, et Confessio fidei vestræ vos decipiant, et tam insolenter, quod nisi oculis vestris impudentiam videretis, vix possetis vobis persuadere, homines tam dimisso pudore esse, qui audeant inde quinque certamina in Gallia committere, etc. Quam enorme hoc est crimen! Sed ad alios articulos contento studio pergamus.

Oportet Catholicus inducat religionarium ut componat alterum cum altero, sicut videbit me componere capite 4, et instet in unoquoque et in omnibus, ut religionarius fateatur quod textus citatus non contineat quod docet articulus, accipiendo sine glossa, interpretationibus et consequentiis, de quibus ægimus inferius. Interpretationes et consequentiæ non leguntur in charta, unde non sunt verba scripta; in illis minister potest falli; nam si tota Ecclesia errare potest, secundum doctri-

nam prætensæ Reformatæ, multò magis unusquisque particularis minister. Ille consistendum est, et in omnibus faciendum, quod in articulo 2 feci. Si dicant adversarii quòd quando promiserunt purum verbum, intellexerint se velle obligare ad proferendum verbum conjunctum interpretationibus et consequentiis suis, instandum est, petendo, si pars adversa habeat aliquod verbum scriptum, quod æponendo omnem consequentiam et interpretationem, aliquem articulum suorum pronuntiet, aut agnoscat se nullum habere. Verum est, quòd verbum scriptum, injunctum consequentiæ suæ, non amplius sit purum verbum scriptum; sed non est opus diutius consistere in hoc nomine, *purum*; res ipsa perurgenda est, nimirum respondeat si textum aliquem habeat, qui sepositis interpretationibus et consequentiis, de quibus statim tractabimus, doceat et pronuntiet id quòd continetur in articulo de quo agitur; nam quis non videat rationi consonum esse, ut priùs videatur hoc quòd purus textus sine glossâ et consequentiâ dicit, quàm id quòd dicit cum interpretationibus et consequentiis, quas erroneæ cervicæ dabunt et excogitabunt?

## CAPUT II.

*Quomodò invalidandæ sint interpretationes quas afferunt religionarii in Scripturæ textibus.*

Si minister prætendat interpretationem, quam dat, ostendere bonam esse, per alium Scripturæ locum: exempli gratiâ, si prætendat non esse propriè accipiendâ hæc verba: *Hoc est corpus meum*, sed figuratè, eò quòd hæc: *Ego sum vitis*, non sint propriè accipiendâ, petendum est ab eo, primò, antequàm fiat progressus ad aliquam interpretationem, si textum aliquem formalem habeat, qui sine aliquâ interpretatione nos erroris condemnet, verbigratiâ, in hoc quòd credamus in sancto Sacramento esse corpus Domini nostri; si lubeat, afferat, obscurum relinquendo, et perspicuum eligendo; si non habeat, ingenuè fateatur quòd nullum habeat purum verbum Scripturæ, per quòd sine aliquâ interpretatione possit nos condemnare, arctandus est ut hoc confiteatur; ubi confessus fuerit, ad interpretationem quam dat, veniendum est.

Secundò quærendum est, si Scriptura dicat quòd verba ista: *Hoc est corpus meum*, debeant exponi per illa: *Ego sum vitis*, aut non: si dicit Scriptura, eam expromat; si non dicit,

minister Scripturæ non servit ad instar simplicis organi.

Tertiò inquirendum est, quis sit iudex noster futurus in controversiâ quam habemus, si interpretatio textus, quam producit minister, bona sit, an non. Si iudicat nos Scriptura, necesse est dicat interpretationem hæc esse veram; si ipsa non loquatur, igitur minister se iudicem constituit, et articulus fidei de quo contendimus, cum habeat pro ultimo subterfugio hæc interpretationem, minister renuntiat articulo suo 5, in quo profitetur se pro solo iudice suo accepturum Scripturam sanctam, et se arbitrum reddidit ac iudicem ultimum in controversiis nostris. Non est opus ulterius progredi; si hoc concessum fuerit, Prætensæ jam velut vinculis quibusdam et nervis constringitur. Et fortassis satius est ibi quiescere, ut minister planè obmutescat; nihilominus, ut aliâ quis poliatur victoriâ, si is, qui cum religionario agit, doctus est, et in Scripturâ versatus, post hæc tria jam dicta,

Quartò interrogandum est, si religionarius erret in explicatione suâ et interpretatione loci Scripturæ, de quo agitur, an non: si errat, articulus fidei suæ fundatus super hæc interpretationem etiam erroneus est, ac proinde non est amplius articulus fidei. Quomodò fidem suam stabilire potest super eo quòd fallibile est? et observandum, quòd, secundum articulum suum 4, non obligetur confidere interpretationi huic, spiritui et auctoritati ministrorum suorum (etiam rationabile non esset rejicere interpretationes Scripturæ quas nobis prodiderunt sancti Patres, ut ministrorum interpretationi, quæ fallibilis agnoscitur, adhaerescamus), sed proprio suo iudicio et persuasioni, quæ dicitat interpretationem suam veram esse. Quanta hæc est dementia, quòd ensifer quispiam persuasionem articuli fidei suæ fundet super interpretationem suâ, quam fallibilem fatetur esse; interpretationem verò sanctorum, Patrum, antiquitatis, conciliorum, etc., rejiciat? Si adversarius dicere vellet se non errare in suâ interpretatione, illi obijciendum est, 1º quòd dicat in articulo suo 51, totam Ecclesiam errare, imò errasse his verbis: « Nostro tempore, quo status Ecclesiæ interruptus erat, suscitavit Deus, extraordinario modo, homines, qui vastatam ac desolatam Ecclesiam de novo erigerent. » Si tota errat Ecclesia, quomodò se non posse errare existimat? 2º Per quem Scripturæ locum ostendit se non errare? Quis non potius asserat Eccle-

siam errare non posse? 3<sup>o</sup> Ministri concedunt se omnes fallibiles esse.

Quintò audienda est interpretatio loci quam offert minister, et respondendum probationibus quas pro explicatione suâ producit. Sed in memoriam revocandum est quòd religionarius per confessionem fidei suæ obligetur ad instruendum nos, et proinde ad probandum interpretationem suam, et sufficit nobis eam, si non convincat, negare; nec astringimur negationis nostræ rationem reddere, quòd familiare est ei qui partem defendens sustinet. Et melius est simpliciter negare quàm rationes negationis in medium proferre; nam per illas minister occasionem arripit à proposito deflectendi, nec tam citò potest constringi; subterfugia tantùm quærit; sed removenda sunt, quantum fieri potest. Sic procedendum est, quando minister vult errores nostros prætextens demonstrare, per textum aliquem interpretatum, non utendo aliquâ consequentiâ.

### CAPUT III.

*Quomodò religionarius sit abduendus à consequentiâ quas ex puro verbo scripto deducere conatur.*

Quando religionarius vult ostendere nos errare per consequentiâ aliquam, quam deducit ex verbo Dei, exempli gratiâ: *Credimus corpus Domini nostri esse in Sacramento altaris*, vult per consequentiâ deductam ex purâ et solâ Scripturâ probare quòd non sit, hoc modo: Actuum 3 dicitur quòd *eum oporteat cælum recipere, usque in tempora restitutionis omnium*; ergo *non est in terrâ*. Hic est ipsius syllogismus: Corpus quod in cœlo est, non est in terrâ; corpus Jesu Christi, ut dicitur Act. 3, est in cœlo; ergo non est in terrâ. Hoc modo procedendum est. Primò antequàm huic argumento respondeatur, petendum est ministro, si extat aliquod purum verbum, quod sine consequentiâ aliqua in hoc puncto nos erroris condemnât, aut non. Si sic, exhibeat; nam promittit quòd per purum verbum velit nos reformare; si non sit, fateatur se nullum purum verbum habere, quod seponendo omnem consequentiâ, arguat nos erroris.

In hoc instandum est, et exigenda hæc ministri confessio, priusquàm ad alia progrediamur. Ubi minister hæc concesserit, quamvis hæc victoria possit sufficere (nam coacti sunt renuntiare articulo 5 Confessionis fidei suæ, et evertere quod majorem religionariorum

partem in erroribus fovet; qui parti istî adhærent, eò quòd à parte suâ habere existiment purum verbum Dei, et soli Scripturæ inniti), et fortassis satius esset in hoc gradu consistere, ut hoc auribus seductorum clariùs insonaret, qui tamen in suâ vult venatione perseverare, et cervum è munitione suâ expulsum, ulterius prosequi, admittat ministrum ad deductionem consequentiæ; factâ ab adversario deductione, non statim Catholicis ipsius veritatem impugnet, non statim eam falsam esse ostendat, sed priùs premat eum, ostendendo consequentiâ suam non esse deductam ex solo et puro verbo Scripturæ sanctorum, sicut se deducturum promisit, et ipsum obligat articulus 5.

Hoc modo progrediendum est: Certum est et ab omnibus receptum, quòd omnis consequentiâ, ut bona sit, deduci debeat ex duabus propositionibus; si ergo altera earum, ex quibus minister suam deducit consequentiâ, non sit in Scripturâ (sicut communiter contingit in argumentis quæ contra nos formant adversarii), et quando contingit quòd utraque sit in Scripturâ, oportet necessariò quòd saltem una sit quæ perperam intelligatur, aut quòd argumentum non sit in formâ; nam ex duabus propositionibus veris in formâ debitâ positâ, nihil falsi sequi potest. Sisti debet ibidem; ostendendum est quòd adversarius Confessionis suæ renuntiet, nec stet promissis, cum non probet errorem nostrum prætextens per consequentiâ deductam ex purâ et solâ Scripturâ.

Exemplo uno illustrabitur, ut sit faciendum in syllogismo jam dicto: Corpus quod in cœlo est, non est in terrâ; corpus Jesu Christi est in cœlo, ut habetur articulo 3; ergo non est in terrâ. Oportet non negando, aut concedendo primam propositionem, ab adversario petere 1<sup>o</sup> si hæc prima propositio sit in Scripturâ aut non, et si eam probare potest per textum expressum; si non potest, ingenuè fateatur; ubi confessus fuerit, urgendus est, et 2<sup>o</sup> probet per consequentiâ deductam ex Scripturâ, et cum non possit, premendus est, ut clarè admittat, ostendendo auditori ministrum non satisfacere promissis, qui receperat se errorem meum ostensurum per purum verbum, quod facere non potest; imò nec ostendere in Scripturâ, per consequentiâ deductam ex illâ, primam propositionem, ex quâ sibi persuadet quòd sit errorem meum prætextens per consequentiâ deductam, manifestaturus.



Elati voce dicendum est quòd jam tertio minister puræ Scripturæ renuntiaverit. Quo facto, 3<sup>o</sup> danda est ministro potestas probandi propositionem suam prout voluerit. Probare non potest nisi dicendo, exempli gratiâ: Nullum corpus plus occupat quàm unum locum; corpus quod in cœlo est, unum corpus est; ergo non plus occupat quàm unum locum. Quod idem est ac si diceret: Corpus quod est in cœlo, non est in terrâ.

Urgendum est 1<sup>o</sup> ut minister ostendat majorem hujus argumenti in Scripturâ; ubi fassus fuerit quòd non possit, compellendus est, probet per consequentiam ex purâ Scripturâ deductam; 2<sup>o</sup> ubi innouerit quòd non velit, rursus ei permittendum est eam probet quo poterit modo; quamvis distingui possit, et concedi naturaliter loquendo, et negari intelligendo supernaturaliter. Adversario incumbit illam probare, quòd facere non potest, nisi dicendo, exempli gratiâ: Nullum corpus supernaturaliter potest sanum esse et infirmum, frigidum et calidum, vivum et mortuum; si idem corpus potest supernaturaliter occupare plura loca, quavis supernaturaliter esse sanum et infirmum, frigidum et calidum, vivum et mortuum; igitur nullum corpus potest esse supernaturaliter in pluribus locis.

Instandum 1<sup>o</sup>, ostendat adversarius in Scripturâ, per textum expressum, majorem hanc propositionem; ubi admisit se non posse illam justificare, petendum est 2<sup>o</sup> illam probet per consequentiam deductam ex solâ Scripturâ. 3<sup>o</sup> Cùm compulsus fuerit fateri se non posse, permitti poterit ei confirmet sicut poterit, semper postulando ostendat majorem et minorem novi argumenti, primò per textum; secundò, saltem per consequentiam; tertio, eo quo poterit modo.

Catholicus potest, quando voluerit populo assistenti indicare quòd minister velit nos reformare per quindecim aut viginti propositiones philosophicas, et per illas nos inducere ut renntiemus antiquitati, miraculis, etc.; et quòd valdè decipiantur, dùm existimant fidem suam solâ sacrâ Scripturâ suffulciri, quam ministri ex propositionibus philosophicis, iisque falsis eliciunt. Petendum est si quinques collatis signis in Galliâ propter philosophiam decertaverint. Existimo permagni momenti esse, si hoc modo procedatur; nam hæc ratione coguntur, quindecim aut viginti vicibus, expressè negare purum verbum scriptum; a gerrimè ferunt ministri, qui sciunt se toties

promisisse hoc purum verbum sectatoribus suis, et delusisse religionarios, qui illis non adhærerent, nisi propter hoc purum verbum. Petendum est insuper, si religionarios falli possit in deductione consequentiæ suæ, aut non, sicut capite præcedenti de interpretatione dictum est: si falli potest, quomodò super hæc deductione et consequentiâ fallibili articulum suæ fidei fundare potest? Non potest ampliùs esse articulus fidei, quippe fides errori non subjacet aut falsitati; quomodò ausus erit dicere quòd falli non possit, cùm profitentur articulo 31 totam Ecclesiam errare posse?

Abhinc non longo tempore perurgebam ministrum præcipuum Parisiensem hoc dilemmate: confessus mihi est se posse falli in deducendâ consequentiâ textuum Scripturæ; inferebam dicens: Igitur non potestis id credere tanquam articulum fidei, quod probare non potestis, nisi per unam consequentiam, quam dicitis evidentem et necessariam, ex Scripturâ desumptam. — Sunt satis multæ veritates, respondebat ille, apertè revelatæ in textibus expressis Scripturæ, nec opus est disquirere quod non est in ipsâ, nisi per consequentiam evidentem et necessariam; — cui replicabam hoc modo: Igitur liberum erit unicuique credere vel non credere id quod per vos non probatur, nisi per consequentias. — Hoc non dico, respondebat ille; — quid dicis igitur? aiebam; dic si liberum sit unicuique hoc credere aut non credere: nunquam potui eum inducere ut affirmativè responderet aut negativè.

Probabam neminem tali fidei obligari posse, ostendendo hoc argumento, non posse esse fidei articulum: Nullus articulus deductus per consequentiam fallibilem potest esse articulus fidei; omnis articulus, quem minister sumit ex Scripturâ per consequentiam, quam dicit esse bonam, est articulus deductus per consequentiam fallibilem; ergo nullus articulus, quem minister deponit ex Scripturâ per consequentiam, quam dicit esse bonam, potest esse articulus fidei. Major hujus syllogismi vera est, et recepta sine contradictione ab utraq; parte, cùm evidens sit fides, quæ veritas est infallibilis, non posse desumere suam infallibilitatem ab eo quod illam non habet. Minor admittitur à ministro confitente quòd sit fallibilis, et possit errare in deductione consequentiæ suæ. Igitur existente argumento in formâ, vera sit conclusio oportet.

tel. Hoc est ac si diceretur, quòd articuli, quos ministri non possunt probare sine consequentis per ipsos ex Scripturâ deductis, quæ fallibiles sunt, ut fatentur, non sint articuli fidei. Et quia ministri compulsi per piæ memoriæ reverendum Patrem Gonterium justificare articulos suos per textus expressos, defectu textuum recurrentes ad suas consequentias, plures eorum fassi sunt articulos necessariò dependere à consequentiis; unde concludo quòd plures eorum articuli non sint articuli fidei. Et quia coacti toties per dictum reverendum Patrem, nunquàm potuerunt exhibere unum expressum pro aliquo suorum articulorum, et examen sequens satis monstrabit quòd facere non possint per inductionem factam in præcipuis, concludo quòd in omnibus eorum articulis ne quidem unus sit qui sit articulus fidei.

Præterea interrogandum est si Scriptura dicat quòd id quod sequitur per evidentem et necessariam consequentiam illius quod continet, debeat haberi tanquàm articulus fidei aut non. Nam aliud est, quòd articulus verus sit, et quòd contrarium dicere sit falsitati alicui adhærere; aliud quòd articulus sit articulus fidei; si dicit Scriptura, exprimat minister purum aliquod verbum, quod dicat: *Quicquid sequitur per consequentiam evidentem et necessariam ex meis paginis, est fidei articulus*; nullus est talis textus in Scripturâ. Si non dicat, quomodò minister vocat articulos, quos probat per consequentias evidentes et necessarias, ut dicit, fidei articulos? Et quomodò, ut tales proponit in Confessione fidei suæ credendos? In quo fundatur quòd dicat quòd tales articuli non solum sint veri, sed etiam fidei articuli; et cum tota reformatio non consistat nisi in articulis quos deducit per consequentias (prout loquitur) evidentes et necessarias, reformatio ipsa nullum articulum fidei continet; et quamvis nos reformaret, non reformaret in aliquo fidei articulo. Sed verumne est an falsum id quod deducitur ex Scripturâ per consequentiam, fidei articulum esse? Si verum, Scriptura, quæ regula est *omnis veritatis* (ut ait articulus 5 adversarii) pronuntiet necesse est; si falsum, quare Confessio fidei proponit illud, et in eo stabilit omnes fidei articulos? Quòd si adversarius dicat quòd plures theologi catholici pro articulo fidei habeant id quod necessariò et evidenter ex textibus Scripturæ deducunt, respondeo 1º non consistare in Ecclesiâ quòd ejusmodi, quæ per

consequentias deducuntur, sint fidei articuli; quòd liberum sit cuivis catholico negare, nec incurrat labem aliquam hæreseos, vel aliam. Ac proinde res ejusmodi nunquàm proponuntur in foribus et confessionibus fidei catholice, sicut patet in iis quæ communiter recitantur, quando emittitur confessio fidei catholice, apostolicæ et Romanæ. Si igitur minister vult in hoc imitari Catholicos, expungere debet ex suâ fidei Confessione omnes articulos, et confiteri quòd non constet aliquem esse fidei articulum, et quòd liberum sit unicuique illos non recipere pro articulis fidei, et quòd liceat dicere quòd quamvis erremus in ipsis, non tamen erremus in articulis fidei. 2º Peto, utrum minister fundetur super auctoritate doctorum catholicorum, ut dicat articulos suos esse fidei articulos, aut non? si fundetur, renuntiat articulo suo 5, et iis innititur, de quibus dicitur articulo suo 2, quòd veritatem in exilium amandârunt, et quòd repleti sint idololatriâ; si non fundetur, super quo fundabitur? 3º Verum est quòd à doctoribus quibusdam catholicis pro opinione probabili habeatur prædictas consequentias esse fidei articulos; sed inde non sequitur quòd ministri id possint ne quidem pro opinione probabili tenere. Catholici possunt ita existimare, nec sibi contradicunt: nam pro principio non habent, quòd Scriptura sit *regula omnis veritatis*, imò contrarium credunt. Religionarii verò pro fundamentali principio prætense suæ Reformationis habent, cui evidenter contradicunt et renuntiant, quando hanc propositionem in medium afferunt: *Quod per evidentem et per necessariam consequentiam sequitur, est articulus fidei*. Nec enim hæc propositio est in Scripturâ.

Facilius altera hæc obiectio solvitur, scilicet: *Sacra concilia generalia definiunt, multa articulos fidei esse, argumentando per consequentias ex textibus Scripturæ deductas*: nam 1º quæro si minister concludat articulum fidei esse id quod ex Scripturâ deducit, eò quòd concilia, tanquàm articulum fidei proposuerint quædam puncta, quæ ex Scripturâ deduxerunt; si faciat, hanc propositionem fundamentalem stabilit, nempe: *Articulus est fidei, id quod per consequentiam evidentem et necessariam ex textibus Scripturæ deducitur super auctoritate conciliorum*, atque sic renuntiat articulo suo 5, qui dicit: *Purum verbum est regula omnis veritatis*. Et art. 4, in quo non vult accipere pro regulâ communem concor-

diam et consensum Ecclesiæ. Quid hoc? Igitur adversarii nos reformare volunt per auctoritatem conciliorum, nec tamen volunt articulo 5 allegentur. 2º Nunquam concilia diverunt quòd *regula omnis veritatis sit sola pura Scriptura*, quod dicit Prætensa, et hoc modo legem sibi imponit, ne per consequentias argumentetur, quæ amplius non sunt puræ Scripturæ.

Minister auctoritatem non habet hanc propositionem proferendi: *Quod ex purâ Scripturâ sequitur, est articulus fidei*, nisi textum aliquem deprobat, qui ipsam pronuntiet, et aliter faciens renuntiat articulo 5 fidei suæ, ut supra. Jesus Christus assistentiam infallibilem Ecclesiæ suæ promisit, ratione cujus errare non potest proponendo verum sensum Scripturæ, et id quod ex ipsâ sequitur: quippe Filius Dei præcipit nobis ut eam audiamus; hæc assistentia nunquam ministro alicui, aut particulari religionario fuit promissa, nec præcipit ut eos audiamus; falli siquidem possunt in intelligentiâ propositionum Scripturæ, et in consequentiarum deductione. Igitur argumentum nullum est.

Adhuc nullo negotio hæc tertia objectio diluitur: *Dominus noster per consequentiam argumentatus est*. Verum est, sed respondeo 1º quòd deducendo consequentias, novas Scripturas in lucem proferebat, quod nec minister, nec opifex religionista facere possunt. 2º Scriptura testatur quòd habuerit assistentiam infallibilem, ne in consequentiâ erraret, aut in alio sensu præmissas proponeret, quàm vero. Fidei est quòd argumentum Domini nostri benè concludat, et benè suam consequentiam deducat, hoc si quidem revelatum est; sed fidei non est, quòd minister benè suas consequentias ex antecedentibus suis inferat. 3º Dominus noster nunquam proposuerat hoc principium, quòd *Scriptura est regula omnis veritatis*, ut proponit minister: nam hæc regulâ Dominus noster sibi potestatem admissit agendi per consequentiam. 4º Respondeo quòd Dominus noster probet per consequentiam resurrectionem mortuorum; sed hoc argumento non dicit se ostendere quòd sit articulus fidei. Verum est quòd resurrectio mortuorum sit articulus fidei: sed Scriptura non pronuntiat esse fidei articulum, propterea quòd per consequentiam sequatur ex eo quod dictum est in Scripturâ: *Sum Deus Abraham, Isaac et Jacob*; secundùm principia religionariorum agendo, virtute

hujus dici non potest, quòd sit articulus fidei; nam oporteret Scripturam dicere quòd *id quod sequitur ex ipsâ, per consequentiam sit articulus fidei*.

Loquendo etiam secundùm principia Catholicorum, certum non est quòd virtute prædictæ propositionis hoc sit articulus fidei: nam concursus theologorum sententia non est, fidei articulum esse, quod per consequentiam sequitur ex duabus propositionibus, præcipuè quando una est philosophica, et ex ratione naturali. In argumento autem Domini nostri, una talis est Matthæi 22: *Deus non vocatur Deus mortuorum, sed viventium; Deus vocatur Deus Abraham, Isaac et Jacob*, Exod. 3; ergo *Abraham, Isaac et Jacob, non sunt mortui, sed vivunt*. Argumentum hoc tantùm probat immediatè immortalitatem animæ; sed quia Sadducæi negabant resurrectionem, nam arbitrabantur animam esse mortalem, Actuum 23, etiam contra ipsos probat corporum resurrectionem, dùm fundamentum erroris eorum evertit.

5º Ostendendum est quòd omnis consequentia deducatur ex duabus propositionibus in bonâ formâ syllogismi positis, et quòd sic se inferat tum ex duobus propositionibus, tum ex formâ syllogismi, de quâ Scriptura non loquitur, nec de ipsâ regulas præstabit, sed Aristoteles et philosophia. Quare cùm minister vult articulos fidei suæ probare per consequentiam, non potest probare per solam Scripturam, quæ nunquam de formis consequentiarum est locuta.

Et sicut Aristotelis est judicare, si bona sit consequentia an non, minister recurrendo ad consequentias pro judice controversiarum nostrarum fidei, non amplius puram Scripturam exhibet, sicut Prætensa promisit se facturam, sed Aristotelem; vel ad minus proponit pro judice verbum Dei cum Aristotele.

6º Perquirendum est quis sit nos judicaturus in controversiâ quam habemus, si consequentia deducta per ministrum (quam dicit evidentem esse et necessariam) bona sit, an non, falsa, vel vera. Exempli gratiâ, in argumento supra allato: *Corpus Jesu Christi in cælo est*, sicut scribitur art. 3; ergo *non est in terrâ*, quis de consequentiâ feret sententiam? Catholicus et religionarius admittunt antecedens, et eorum contentio tantùm est de consequentiâ; religionarius profitetur illam esse bonam, et eam in articulo fidei suæ conjicit, nimirum quòd Jesus Christus realiter et secundùm propria sua substantiam non sit in

Eucharistiâ, quòd *quærenda non sit sub elementis corruptibilibus panis*, etc. Et fundatus super hâc prætensâ consequentiâ, altaria nostra evertit, presbyteros jugulat. Catholicus negat prædictam consequentiâ esse bonam, et à fortiori negat evidentem esse et necessariam. Quis iudex erit hujus controversiæ? Minister qui tantùm hominum multitudinem seduxit, prætextu quòd Scriptura pro ipso in omnibus controversiis nostris iudicet, et qui alium non admittit iudicem, obligatur textum aliquem Scripturæ producere, qui in ejus favorem de hâc controversiâ decernat. Et quid est textus, qui de hâc consequentiâ ferat sententiâ? Minister bonam esse non probat, nisi fundando eam super aliâ propositione majori philosophicâ, nempe: *Corpus, quòd in cælo est, non est in terrâ, imò nec per omnipotentiam Dei*, quam componit in formâ argumenti præscriptâ ab Aristotele, Biblia non loquuntur de dictâ majori, nec de formâ argumentandi: igitur nullâ ratione iudicium ferunt decisivum de bonitate et veritate consequentiæ ministralis. Ad hæc, cùm minister protulit omnes suos Scripturæ textus, et Catholicus similiter suos, et tam ex unâ quàm alterâ parte allatum fuit quicquid dicit Scriptura, sacræ illæ paginæ amplius loqui non possunt, et tamen his finitis omnibus, Catholicus et religionarius adhuc de consequentiâ contendunt. Quomodò Scriptura, cùm omnia dixerit quæ dicere potuit, pronuntiare poterit decretum definitivum in favorem ministri? Verè minister se hujus consequentiæ iudicem constituit, quod faciendo, ultimum se iudicem prætensæ suæ reformationis et articulorum suorum, non Scripturam designat: nam articuli fidei ipsius, de quibus inter nos controversatur, pro ultimo refugio, ipsius consequentiâs habent; unde qui se eorum iudicem stabiliit, se arbitrum reddit et iudicem articulorum controversorum, de quibus est quæstio.

Videte quemadmodùm ministri pulchro velamine Scripturam accipiendi pro iudice, mundo imponant, et renuntiant articulo suo 5, qui dicit *Scripturam esse regulam omnis veritatis*. Quòd bona sit eorum consequentiâ, verumne est an falsum? Si verum, cur non textum aliquem producant, qui sit regula hujus veritatis? Si falsum, quare in medium afferunt, et in illâ fidei suæ articulum constituunt?

7° Si is qui cum ministro agit eruditus est,

vult, postquàm cervum salu suo puri verbi deturbavit et ejecit, per plenum campum, etiam rationum humanarum et philosophicarum, eundem prosequi! (quamvis, meâ quidem sententiâ, communiter consultus esset, si quis contentus illis omnibus, quæ supra fecit, conquiesceret), prædictis omnibus ita constitutis, potest de veritate et falsitate consequentiæ tractare: si propositiones, ex quibus deducitur (sive Scripturæ sanctæ sint, sive philosophicæ) falsæ sint, aut perperam intellectæ, et si forma argumenti sit secundùm regulas philosophicas, potest negare ea quæ falsò allegantur à ministro. Sed meminerit quòd ministro incumbat probare, et non Catholico, qui personam instruendi repræsentat, et caveat ne qualitatem mutet; nam quicquid dolis suis intendit minister, est ut ab obligatione se eximat, quâ tenetur suam consequentiâ probare. Quòd facit dùm astutis suis efficit ut defendens actoris personam subeat: exempli gratiâ, in argumento supra citato: *Corpus quòd est in cælo non est in terrâ; corpus Jesu Christi est in cælo*, ut dicitur articulo 3; ergo *non est in terrâ*, neganda est prima propositio, et ministri est eam probare. Aut potius in argumento supra ad longum posito, prima propositio ultimi syllogismi, qui erat: *Si idem corpus posset supernaturaliter occupare plura loca, posset supernaturaliter sanum esse et infirmum, frigidum et calidum, vivum et mortuum*; debet hoc modo distingui: *Si unum corpus immortale et impassibile posset supernaturaliter occupare plura loca, sine coextensione cum locis quæ occupat, posset sanum esse et infirmum, frigidum et calidum, vivum et mortuum*, nego; nam existens immortale nihil posset pati, et adhuc minùs sine coextensione cum loco suo. *De corpore passibili et mortali, quòd occupat plura loca cum coextensione cum tali loco*, concedo. Jam ministri munus est probare quòd negavi in primâ parte distinctionis meæ, quippe Dominus noster est in Sacramento immortalis, et sine coextensione corporis sui cum loco suo.

Quòd si probationes diutius protrahantur et plus nimio philosophiam ingredientur, memor sit Catholicus quòd semper illi liberum sit, ministrum protinus revocari quando voluerit, ab ipso petendo, si omnes propositiones, quas adducit ad probandam consequentiâ suam sint in Scripturâ, an non; si sint, demonstrat eas in illâ; sine dubio plures produxerit ex philosophiâ, aut fundatâ

quibusdam humanis rationibus; si non sint, minister qui ex suis deducit consequentiam suam, non ex puro verbo deduct; aut quod idem est, non probat per consequentiam deductam, ex puro et solo verbo, quod errore teneatur Catholicus, sicut promiserat, et confessioni suæ renuntiavit; nam consequentiam suam deducit ex verbo Dei, conjuncto plus minùs viginti propositionibus philosophicis, quæ non sunt in Scripturâ sanctâ, et quarum unicâ falsâ existente, articulus fidei corrui necesse est.

Numquid hoc est promissa negligere, et articulis fidei suæ renuntiare? aut potius minister, et ejus Confessio fidei deludunt, promittentes per se faciendum, quod non faciunt, nec facere possunt?

8<sup>o</sup> Memoriam repetendus est articulus 4, secundum quem religionarius particularis, exempli gratiâ, cerdo quispiam, aut dolator, qui nunquam nisi artis suæ instrumenta contractare solitus est, proficitur in eo quod fidei suæ est, procedere, non tam secundum communem consensum Ecclesiæ (nec consequenter, secundum ministrorum) quam secundum testimonium et persuasionem interiorum. Hoc constituto principio, quomodo cerdo credere poterit id quod minister agnoscit non esse expressum in Scripturâ, sed deduci per consequentiam evidentem et necessariam? Exempli gratiâ, quamvis hæc propositio: *Corpus Jesus Christi non continetur in elementis corruptibilibus panis*, non sit in Scripturâ, dicit tamen quod per consequentiam sequatur evidentem et necessariam ex eo quod dicitur art. 3: *Oportet eum cælum recipere usque in tempora restitutionis omnium*. Necesse igitur est ut cerdo per consequentiam evidentem et necessariam deducat ex hoc loco vel alio, quod *corpus Domini nostri non sit in Eucharistiâ aut in Cœnâ*; nam cum fides in hujus puncti non habeat fundamentum, nisi in unâ consequentiâ, oportet ut etiam ipse dolator, quamvis à suo ministro adjutus, ipsam deducat, et ita quidem, ut sibi evidens sit et necessaria; nam si in hoc ad pastorem suum recurat, fides ipsius fundatur in eo quod confidat ministrum suum solertem esse, et quod bene hanc consequentiam deducat; hoc dum facit, renuntiat articulis 4 et 5, et cum auctoritas ministri sui fallax sit, planè desipit, quod præferat auctoritatem pastoris sui conciliis, decretis, etc.

Sed peto, potestne cerdo sine temeritate

sibi persuadere quod evidentiam habeat probationum hujus propositionis: *Corpus quod est in cælo, non potest per omnipotentiam Dei esse in terrâ*? Propositio quæ ex purâ philosophiâ dependet, et ea continet quæ in omnibus scholis sunt difficillima; cerdo qui nunquam, nisi artis suæ instrumentis tractandis occupatur, potestne sine stupiditate sibi persuadere quod probatione has possit penetrare, et habere certitudinem et evidentiam propositionis, et probationem ejus? Quam nisi habeat, consequentia quam ex hæc propositione trahit, cum certior esse non possit quam propositio et probationes ex quibus deducitur, non poterit nisi fiat per obstinationem, certus esse quod verum id sit quod sequitur. Certitudo in propositionibus philosophicis tantum provenit ex evidentiâ objecti; cerdo capax non est, ut evidentiam habeat hujus propositionis, non solum quia falsâ est, et idè valdè remota ut sit evidens, sed etiam quia sublimis est et perdifficilis. Rursus, etiamsi certitudinem habeat hujus propositionis, opus tamen est ut ipsâ deducat conclusionem evidentem et necessariam, quæ ex bonâ formâ argumentandi procedit; et quomodo pro comperto habere potest, consequentiam esse evidentem et necessariam, cum ignoret quid sit consequentia, et si sit evidens et necessaria? Melius scit, qualis esse debeat calcei forma, quam argumenti, et minùs adhuc argumentandi regulas habet exploratas, et tamen, ut fatentur ministri, pauper cerdo non potest credere articulum de quo agitur, per consequentiam evidentem et necessariam, nisi ipsemet deducat ex principiis quorum habeat notitiam evidentem et necessariam. Sic ministri eum obligant ad id quod sine stultitiâ sibi persuadere non potest. Numquid verum est, cerdo, quod non intelligas quæ dico? hinc agnosce tuam stoliditatem, ad quam te astringunt ministri, et quod pejus est, volunt super hæc fidem tuam stabilias.

Verum est quod etiamsi minister hanc demonstraret propositionem: *Corpus quod est in cælo non potest esse per omnipotentiam Dei in terrâ*, essetque forma argumentandi, per quam conclusionem suam deducit, evidenter necessaria, tamen cerdo non est capax ut hanc habeat evidentiam. Sed quicquid facere potest, est judicare hanc propositionem et formam argumentandi, evidentem esse ut necessariam, fundatus et innixus auctoritatibus ministri, qui dicit omnia illa esse evidentiâ

et necessaria; sed talis cognitio non nisi dubia est, fallax et incerta; nam iudicium est, quod cerdo habet unam propositionem evidentem esse propter auctoritatem ministri sui, quem hominem doctum esse arbitratur, et hæc vocatur fides humana, quæ auctoritas, eam unius sit hominis, qui falli potest, hæc cognitio non potest non esse falsitati et errori obnoxia, valde remota ut cognitionem evidentem in intellectu credonis producat ex propositione de qua agitur.

Porrò ratione hujus auctoritatis renuntiare antiquitati, miraculis, conciliis, auctoritati Patrum, etc., nonne mera est stultitia? Et eam ob causam prella committere, nonne grande crimen? Atque hinc perspicuum fit quod fides articulorum, quam habet cerdo, sit tantum fides humana, habens pro perlugio dicti ministri auctoritatem. Quicquid de cerdone dixi, de ensifero mercatore et consimilibus intelligitur.

#### CAPUT IV.

*Articuli Confessionis fidei Ecclesiarum præteritarum Reformatarum, collati cum puro verbo Scripturæ, ubi evidenter ostenditur loca Bibliorum etiam Genevensium, citata in margine dictionum articulorum, nihil eorum continere que dicti articuli docent contra doctrinam catholicam.*

Hic brevis est modus et expeditus agendi contra quoscunque ministros et religionarios. Numquid et hæc ratio etiam personis facilis est in theologiâ parum versatis? Oculis ad legendum et intelligendum idioma Gallicum duntaxat opus est, ut cognoscatur si purum verbum sine additionibus, interpretationibus aut consequentis hominis alicujus, dicat aliquid, aut non dicat. Numquid et iste modus apertè manifestat, omnem ministrum seductorem esse, et omnes religionarios circumveniri? imò, et dupliciter seductor; nam seductor est qui promittit se per purum verbum ostensurum id quod credendum proponit, et errores meos prætenso perspicuè detecturum, et tamen neutrum facere potest.

Ministri secundum articulos 31 et 5 Confessionis fidei utrumque promittunt, nec tamen promissa evolvere possunt, sicut modus supra positus evidenter ostendit; igitur impostores sunt, et dupliciter impostores. Quisque catholicus potest id facere quod cap. 1 exposui de modo isto, et in principio 2 et 3. Et hoc sufficit ad ostendendum omnia supradicta, unde

promissis meis satisfeci de expediendâ brevi et facillî methodo, quâ omnis Catholicus potest evidenter commonstrare omnem ministrum in omnibus et in unoquoque puncto religionis prætenso seductorem esse, omnesque religionarios errore circumduci.

Hoc consilium ipsis religionariis tribuo, præcipuè iis qui bonâ fide in negotio salutis tuæ procedunt: Confessio vestra promittit vobis purum verbum Dei, et suppositâ hæc promissione cogitare, quod nihil in articulis suis proferat quod non sit in hoc puro verbo; hoc quod dicturus sum facite, et evidenter ac facillè agnosceatis quod decipiamini: Articula præcipuos fidei vestræ in unâ parte disponite; hos superius citavi: *Quod peccatum originale maneat post baptismum quoad culpam; quod Jesus Christus sit solus advocatus; quod sola fides justificet; inter quos omnes præcipuus est, quod cæna sit figura corporis Domini nostri, quod per fidem apprehenditur.* Et in fine cujusque articuli, ponite loca quæ citantur in margine uniuscujusque illorum (sine dubio si fuerit purum aliquod verbum in Scripturâ, quod doceat id quod in illo articulo continetur, erit illud quod citatur in margine), et luculenter cognosceatis quod purum illud verbum, purum manens sine interpretationibus et consequentis ministratibus, non dicet quod dicit articulus; tantum oculis opus est, tantum ut quis legere sciat necessarium, ad hoc ut sciat, utrum purum verbum illud dicat, vel non, præcipuè cum ministri vestri doceant vos Scripturam facillè esse, et unumquemque in eâ salutem suam legere posse. Sed cum significationem terminorum Gallicorum non ignoretis, cur non id observatis quod (prout dicunt ministri) purum verbum dicat; si non videtis signum, est purum verbum non dicere, igitur composite hoc purum verbum, citatum in margine articuli, cum articulo, et apertè deprehendetis vos delusos esse et circumscriptos.

Et adhuc ut hoc perspicaciùs videatis, hoc facite: In unâ lineâ articulorum unum scribite, aut si plures sint partes, unicam ipsius clausulam, quæ controvertatur inter nos et vos; et si aliquem textum Scripturæ sanctæ inveneritis, in margine hujus articuli, aut clausulæ citatum, pro ejus confirmatione, scribite in unâ secundâ lineâ infra primam verba textus citati; si in eodem margine textum aliquem citatum non inveneritis (sicut in pluribus nullus est) scribite infra primam lineam, zero, quod indicat nullum textum, eò

quòd sine dubio, si textus aliquis esset, qui articulum hunc verificare posset, ibi citaretur. Hoc facto conferte primam lineam cum hæc secundâ; si in hæc secundâ inveneritis, zero, evidenter circumventi estis. Si aliquid verbum Scripturæ sanctæ deprehenderitis, videte utrùm ipso manente puro, et sine mixtione alicujus: *Hoc est dicere; oportet intelligere; hoc vult significare; hoc vult dicere*, contineat quod docet articulus; si non contineat, scitote vos esse delusos.

Ego contuli articulos cum textibus citatis in marg'ne; idem facite, et vobis ego sincerè promitto quòd loco puri verbi persæpè inventuri sitis, zero. Aliquando in verbo citato ne unicum quidem terminum articuli inventetis. Et, ut paucis agam, unicum articulum non reperietis in clausulâ integrâ, de quâ contendimus. Videte quomodò sitis in errore Inducti.

Ut vobis, domini religionarii, aliquid solatii in hoc labore afferam, secundùm modum prædictum, articulos controversos Confessionis vestræ cum puro verbo in eorum margine citato conferam, et citabo loca Bibliorum secundùm versionem Genevensem; vos mecum conferte, et ut lucidiùs procedamus, in paragraphos diversos hoc caput distribuam, juxta diversitatem materiarum de quibus inter nos est controversia.

#### § 1. De Scripturâ sanctâ.

In articulo 4 fundamentali Reformationis suæ pars religionariâ sacrilegio execrabili excœndit 20,000 locorum verbî scripti, præter plures partes particulares aliquorum librorum. Tanquàm apocryphos explodit libros integros Baruch, Sapientiæ, Ecclesiastici, Tobix, Judith, Machabæorum. Quòd rejiciat libros omnes istos, perspicuum est: nam in enumeratione omnium librorum in particulari, quos judicat esse canonicos, quæ habetur articulo 3, nullam prædictorum mentionem facit. Deinde in principio Bibliorum suorum expressè eos appellat apocryphos. In quo igitur domini isti adimunt hæc 20,000 locorum? In quo, si errant, 20,000 sacrilegiorum in unico articulo admittunt. Concedunt quòd nullum textum formalem habeant, qui pronuntiet hos libros esse apocryphos, nam nullum citant, et cum refugium suum habeant ad *persuasionem interioris spiritus*, quæ non est scripta, satis declarant se verbum scriptum non habere, unde alios decipiunt, et sibi contradicunt: nam spondederant se non in medium prolaturus propositionem aliquam, quin

eam essent justificaturi per verbum scriptum

Et nunc sine aliquo textu credenda essa volunt 20,000 propositionum, scilicet unamquamque clausularum, quæ in prædictis libris habetur, volunt credamus esse apocrypham. Audiamus quâ adhuc causâ hos libros repudiant. Articulo 4, enumeratis libris omnibus quos pro canonicis recipiunt, sic aiunt: *Agnoscinus hos libros esse canonicos, non tam ob communem concordiam, et consensum Ecclesiæ, quàm ob testimonium et persuasionem interiorem S. Spiritûs, qui facit ut eos ab aliis libris ecclesiasticis separemus, qui licet utiles sint, non potest tamen super iis fundari aliquis fidei articulus; igitur ostendunt hos libros esse apocryphos hoc modo: Regula vera ad cognoscendum aliquos libros esse apocryphos, est persuasio interior S. Spiritûs, qui eos facit discernere; hæc interior S. Spiritûs persuasio dicit unicuique nostram quòd prædicti libri sint apocryphi; igitur prædicti libri sunt apocryphi.* Hoc argumento probare volunt per consequentiam deductam, ut aiunt, ex Scripturâ sacrâ, sed per textum formalem hoc non possunt justificare.

Religionario representandum est, quòd nec major nec minor jam dicti argumenti sit in Scripturâ. Et idèò articulus non probat quod dicit, nec per purum verbum, nec per consequentiam deductam ex purâ Scripturâ; hoc seriò religionario inculcandum est, et perspicuè ostendendum: nam prima propositio non est in Bibliis, ut clarum est; igitur partiarum vestri vos errore implicat, dum dicunt se nihil vobis velle proponere quod non sit in Scripturâ. Et vobis hanc propositionem obtudunt, quæ non est, et efficit, ut 20,000 clausularum virtute ipsius excindatis. Minor, scilicet, quòd Spiritus dicitet ministro, aut alteri particulari, quòd Sapientia sit liber apocryphus, ubi est in Scripturâ? Sed quâ viâ poterit mihi constare, qui me Reformationi vestræ subjiçio? An quis minister pollicetur mihi, qui reformator meus est, quòd spiritus suus hoc illi dicitet, et quòd non sit verisimile, hominem probum, qualis est minister, velle mentiri, et asserere spiritum hoc illi suggerere, si non suggerat? Quod cum ita sit, primum fundamentum et basis cui debeo inniti, et à quâ certitudo Reformationis meæ dependet, nulla est alia nisi quòd minister dicat se nolle mentiri. Fundamentum admodum debile, præsertim cum ejusmodi homines ad mentiendum propensi sint; porrò antiquitati renuntiare, quinque præliis concertare, stultitia est ac

erimen. Si minister jubet SS. Patribus renuntiare, quia *omnis homo mendax*, quid de ministro dicendum? Videtis quòd articulus non probet id quod continet, nec per Scripturam, nec per consequentiam desumptam ex Scripturâ, et quòd mera pertinacia expungat 20,000 locorum Scripturæ.

Hoc totum plenius religionario ostendendum est, et plenius, ut clarè videat quòd sine aliquo verbo scripto, Confessio fidei credendas proponat omnes has propositiones sequentes. Córâ ipsò sic scribendum :

1. Regula cognoscendi libros aliquos apocryphos esse, est persuasio interior spiritûs, qui eos facit discernere.

Probatio..... zero, id est, nulla.

2. Spiritus iste interior dicat cuique fideli quòd Scripturæ libri, Ecclesiasticus, Baruch, Tobias, Judith, et Machabei sint apocryphi. —

3. Liber Baruch est apocryphus. — 4. Liber Sapientiæ est apocryphus.

Probatio harum trium propositionum..... zero

5. Liber Ecclesiastici apocryphus.

Probatio..... zero

6. Liber Tobie apocryphus.—7. Liber Judith apocryphus.—8. IetII Machabeorum apocryphi.

Probatio harum trium propositionum..... zero

Videtis quot sint propositiones fundamentales, quas vult credatis sine aliquâ Scripturâ; nam nullam citat articulus, ac proinde partiarîi vestri vos decipiunt.

Quam regulam ipsi dant ad discernendos libros canonicos ab apocryphis, eandem dant ad interpretandam Scripturam in vero sensu suo: nimirum cum magnum sit periculum ne quis decipiatur in sensu et interpretatione Scripturæ, (nam si quis in hoc decipiatur, in omnibus decipitur), partiarîi volunt cognoscatur verus sensus non tam per *communem concordiam et consensum Ecclesiæ, quàm per testimonium et persuasionem internorem spiritûs*. Estne in Scripturâ textus aliquis qui hanc propositionem proferat: *Regula diducandi quis sit verus sensus Scripturæ est, non tam concordia communis et consensus Ecclesiæ, quàm testimonium et persuasio spiritûs*? Ubi est hic textus? nullus est. Ubi etiam habetur in Scripturâ quòd *hæc persuasio dicet unicuique fideli quòd sensus horum verborum: Hoc est corpus meum, sit: Hoc est figura corporis mei*? Ubi habetur in Scripturâ quòd persuasio interior hoc dicet? et quomodo sciam? et si me ad ministri arbitrium referam, unde sciam eum non esse mendacem? fortassis non persentit

persuasionem hanc, quam se habere dicit.

## § 2. De Ecclesiâ et Hierarchiâ.

In articulo 27 vos dicitis: *Credimus quòd conveniunt diligenter et cum prudentiâ discernere quæ sit vera Ecclesia, eò quòd nimis magnus sit hujus tituli abusus; dicimus igitur, secundum verbum Dei, quòd sit fidelium congregatio*. Hucusque in eandem sententiam conspiramus, et propter has veritates citatis plures textus: controversia nostra est, quæ sint notæ ad probè judicandum quæ sit vera Ecclesia.

In hoc puncto, quod fundamentum omnium est, assignantes notas, quibus hæc Ecclesia discernatur, dicitis eam esse *fidelium congregationem, qui conveniunt in sequendo verbum Dei, et puram religionem, quæ ex eo provenit, ac in eâ proficiunt toto vitæ suæ tempore*. Negamus quòd tales qualitates sint notæ Ecclesiæ; non sunt notiores ipsâ Ecclesiâ; quomodò igitur eam manifestabunt? nullum textum citatis in confirmationem hujus articuli, Estne verum? quare igitur non proferitis textum aliquem, qui sit *regula hujus veritatis*, cum *Scriptura sit regula omnis veritatis*; hunc articulum omnium fundamentum depromitis proprio cerebro, unde sic ei subscribo :

Probatio..... zero

In articulo 29 dicitis: *Quantum ad veram Ecclesiam, credimus quòd gubernari debeat secundum politiam illam quam stabilivit Dominus noster Jesus Christus*. Et citatis in probationem textus aliquos: in hoc concordēs sumus; controversia nostra est, quæ sit hæc politia? Dicitis: *Est quòd sint pastores, episcopi et diaconi*; nomen *episcopi* nomen est desumptum è Græco, et in nostrâ linguâ eum signat qui vigilat: nomen *presbyteri*, seniorem; et nomen *diaconi* ex Græco etiam sumptum, significat ministrum. Hoc expendite; hierarchia vestra componitur ex ministris, senioribus et episcopis, aut, ut utar terminis usitatis in Bibliis translationis Genevensis, ex diaconis, senioribus et episcopis: peto à vobis 1º: Ubi invenitis in Scripturâ quòd diaconus presbytero antecellat et episcopo? et tamen credo quòd inter vos minister non se inferiorem seniori et episcopo sit dicturus. Constitutis pauperem episcopum, qui idem est quod vigilans, ultimo loco, et diaconum, qui idem est ac minister, primo loco; cerebro estis rebelles, et cum diaconi sint ministri, qui pastores erunt? Vestri episcopi eruntne pastores? Et tamen totâ Scripturâ toties episcopos appellat pastores!



2° Episcopus in Scripturâ instituit presbyteros et diaconos; penes vestros episcopos non est hæc potestas. 3° Ministri interdûm se vocare volunt episcopos; si ita res se habeat, in quo Scripturâ loco invenietis episcoporum vestrorum institutionem? Ministros vestros prohibete ne in initio sibi nomen episcopi adsciscant, aut duo episcoporum genera in Scripturâ ostendite. Et quod magis est, diaconi iidem erunt ac episcopi: nam minister idem est quod diaconus; si tales non agnoscitis, quos alios diaconos habetis? Et dividendo in articulo vestro 29 politiam et hierarchiam in pastores, episcopos et diaconos, ubi in Scripturâ erit ministrorum institutio? Si designatis per nomen *pastorum*, idem pastor erit, sicut dicitis, episcopus, sicut dicit quod idem sit superintendens et diaconus, qui græcè ministrum signat. 4° Si politia et hierarchia sit ex pastoribus, episcopis et diaconis, igitur extra hanc politiam erunt vestri seniores; nam nec sunt episcopi, nec diaconi; ubi erunt? Et Patres vestri consistoriales quomodò politiam vestram ingredientur? Videte quantâ confusione repleatur, et rerum perturbatione Babilonia vestra: sed pro confirmatione omnis vestræ hierarchiæ, nullum habetis textum in Scripturâ, sed nec aliquem citatis, qui ita politiam Ecclesiæ ordinet in pastores, episcopos et diaconos. Videte quomodò in errorem inducamini, dùm dicitur vobis, quod Scriptura proferatur pro regulâ omnium quæ credere debetis; vobis hierarchia stabilitur et politia, pro quâ affertur, tanquam regula, unicus textus. Itaque pro omni politia et hierarchiâ vestrâ subscribo:

Probatio. . . . . zero

§ 3. De Purgatorio, de Confessione, de Pergrinationibus et Indulgentiis, etc.

Ad particulariora puncta descendamus. Afferre possem maximum numerum propositionum vestrarum tam affirmatarum quam negatarum, pro quibus non est aliquis textus in margine citatus; signum est vos non habere. Ministri ut hoc tegerent, hæc sunt usi astutiâ: Duo in eadem clausulâ conjunxerunt, in quarum unâ cum Catholicis conveniunt; in alterâ volunt nos reformare; et in margine illius clausulæ aliquos textus citant, qui loquuntur de primâ parte clausulæ, et non de secundâ: simplex religionista legens clausulam hanc articuli sui, et videns textus citatos, putat quod hi textus doceant integram clausulam, et sic à

ministris decipitur. Hoc patet in duobus articulis examinatis in præcedenti paragrapho; possem similes producere. Articuli vestri exundant clausulis, pro quibus confessio fidelis vestræ nullum textum citat, quia nullus est. Sufficiet sequentes adnotare.

In articulo 24 sequentes clausulæ habentur, et tamen ne unicus textus in margine pro verificatione alicujus illarum citatur. Sic loco puri verbi pono infra quamquam clausulam, pro probatione: *Zero*

1. Tenemus Purgatorium pro illusionem.

Probatio. . . . . zero

2. Ex abusu et fallaciâ Satanæ provenerunt vota monastica.

Confessio fidei hos omnes articulos verificat per. . . . . zero

Probatio. . . . . zero

3. Ex eadem officinâ processerunt peregrinationes.

Probatio. . . . . zero

4. Ex eadem officinâ promanavit confessio auricularis.

Probatio. . . . . zero

5. Ex eadem officinâ eruperunt indulgentiæ.

Probatio. . . . . zero

6. Ex eadem officinâ proflexerunt cætera omnia his similia, per quæ putant quod quis gratiam mereatur et salutem.

Probatio. . . . . zero

7. Rejicimus omnia alia media quæ homines præsumunt habere, ut se apud Deum redimant; nam derogant sacrificio mortis et Passionis Jesu Christi.

Probatio. . . . . zero

8. Nobis non est licitum orare, nisi secundum formam quam Deus verbo suo nobis dictavit.

Probatio. . . . . zero

In articulo 31, dicitis: *Status Ecclesiæ tempore nostro interruptus erat, et oportuit Deum suscitare homines modo extraordinario, qui Ecclesiam vastatam ac desolatam de novo erigerent.*

Probatio. . . . . zero

Videte quomodò ministri et vestra fidei Confessio vos decipiant, et quoties in uno articulo promittunt se loqui non velle nisi per Scripturam sanctam, et tamen eum velint vos ad credendas clausulas omnes jam dictas inducere, nullam illarum probant per textum aliquem, nullum sanctum verbum afferunt in confirmationem unius illarum, Examine ar-

ticulos vestros, invenietis plusquam centum clausulas, tam affirmativas quam negativas, pro quarum confirmatione nullum citant textum, nam nullum habeant. Itaque vos seducunt. Quis justè quempiam accusaverit, nisi legem aliquam, quæ præcipiat, vel prohibeat, per accusatum violatam, in medium proferat? omnis intentata accusatio, ut sit vera accusatio, non calumnia, fundari debet in lege aliqua transgressâ, et esse debet probatione munita. Isti domini non solum accusant, sed iudices se constituentes, condemnant superstitionis, abusus, crimini læsæ majestatis divinæ, sanctos Patres et nos omnes. In octo punctis citatis (et in pluribus aliis, quæ omitto) decretum cruentum pronuntiant, quo illos et nos omnes superstitiosos, deceptos, Satanæ organa in promulgatione illusionum satanicarum jam dictarum appellant.

Hoc decreto pronuntiato, pro illius executione monasteria nostra subvertierunt, loca nostra sancta ac ecclesias igne absumpserunt. Cujus rei nos accusant et condemnant? quam legem divinam probant per nos esse violatam? non probant, nullam legem citant, nullum verbum Scripturæ, cui sancti Patres, aut nos repugnaverimus. Et tamen nos accusant et condemnant. Homines graviter impudentes, sed etiam mendaces, inverecundi, promittunt se velle tantam organa Scripturæ sanctæ esse, nec nisi per illam loqui velle, et tamen pronuntiant octo decreta jam dicta, sine citatione alicujus loci Scripturæ. Videte, religionistæ, quomodò sitis decepti. Sed ut luculentius videatis, et ut ministris omnem excusationis modum adimatis, quæ vobis esse posset præjudicio, perlegite diligenter paragraphum quartum hujus capituli.

#### § 4. De sanctâ Cœnâ.

In articulo 56 et 57, ubi dictum fuit quòd Jesus Christus nos nutriat et vivificet substantiâ corporis sui et sanguinis, quod etiam credunt Catholici, addunt (in quo sumus contrarii), sine citatione alicujus textûs in probationem, unde subscriptam, ut supra feci:

Probatio. . . . . zero

1. Tenemus quidem quòd hoc fiat spiritualiter.

Probatio. . . . . zero

2. Cœna figura est, aut in cœnâ est figura corporis Jesu Christi.

Probatio. . . . . zero

3. Quia hoc mysterium cœnæ est cœlestis,

non potest apprehendi nisi per fidem, aut secundum terminum vestrum vulgarem, *per os fidei*; qui puram fidem afferunt, tanquam vas aliquid, verè recipiunt id quod signa testantur. Hoc dicitis communiter, quòd *in cœnâ manducetur corpus Christi, per os fidei*. Et in Catechismo, in Dominicâ 33, dicitur: *Ad habendam Sacramenti veritatem, elevanda sunt corda nostra in cœlum, ubi est.*

Probatio. . . . . zero

Ecce plures articuli et magni momenti probati per. . . . . zero

Videte, religionistæ, quomodò decipiâmini; ministri hæc omnia vobis credenda proponunt, cum non possint citare verbum aliquid scriptum. Unde oportet cœnam vestram aliud nihil esse quam inventionem purè humanam. Per principia vestra ostendo, nam nullum purum verbum habetis, quod pronuntiet hoc quod affirmativè de cœnâ creditis.

Maximè tria prædicta creditis: quòd *sit figura*, etc.; quòd *per os fidei corpus manducetur*, etc. Debetis diligenter distinguere quod fidei nostræ est in hoc subjecto; vos autem negatis eum eo quod affirmativè creditis: nam quamvis erraremus (quod non fit, sicut statim ostendam), et propositiones vestræ negativæ: *Jesus Christus non est in Eucharistiâ*, et aliarum, veræ essent, non sequitur quòd id quod affirmativè creditis, verum sit, quòd propositiones vestræ affirmativæ veræ sint, quòd non erretis in ipsis. Si quis aberret, iter unum accipiens, qui aliud arripit, estne propterea in bono itinere? numquid uterque potest à vero itinere deflectere? Examine igitur propositiones vestras affirmativas; ne unicam umbram textûs invenietis, qui pronuntiet id quod docet quòd *cœna sit figura corporis*, etc., nec qui loquatur *de ore fidei*, etc. Igitur tota vestra cœna aliud nihil est, quam inventio humana. Hoc posito, meâ sententiâ, manducando bonum caponem, aut gallum gallinaceum, facilius meminisse possetis mortis Filiî Dei, quòd in eo sit mentio cantûs galli, quam manducando buccellam panis. Proinde illum rationabilis figuram institueritis et memoriam, quam panis frustum, quod non plus sacrum est quam aliud quo communiter vescimini. Pensulentiùs cœnam hanc examinemus.

Petendum est à religionistâ, 1<sup>o</sup>: Quid credis de pane, qui est in manibus ministri distribuentis cœnam, postquam pronuntiat omnia verba mystica, antequam panis sit super linguam illius qui cœnam facit? Respondebit

figuram tantum esse corporis Jesu Christi. 2<sup>o</sup> Quid credis manducare per os corporis? Respondet, se per os corporis manducare solam figuram. 3<sup>o</sup> Manducando per os corporis hanc solam figuram, credis te manducare per os fidei solam figuram, aut verè corpus Jesu Christi? Respondere debet, secundum articulum suum 36, quòd non manducet per os animæ solam figuram, sed quòd manducando per os corporis solam figuram, per os animæ, sive fidei, verè manducet corpus Jesu Christi; nam in articulo suo 36, dicit: *Credimus quòd in cenà Jesus Christus nos nutrit et vivificet substantià corporis sui et sanguinis*; et postea, de eò re loquens, dicit: *Non ut loco effectus et veritatis ponatur imaginatio aut cogitatio*. Urgendus est religionista, primum producat textum aliquem, qui in cenà distinguat duas manducationes, unam oralem, et per os corporis, alteram animæ per os fidei, et quòd per priorem manducetur sola figura, per posteriorem, non solum figura, sed verum corpus; deinde, cum religionista sibi persuadeat quòd manducando per os corporis solam figuram, per os animæ manducet verum corpus, oportet textum aliquem proferat, quo Jesus Christus promittat quòd manducando per os corporis solam figuram, dabit ad manducandum per os animæ substantiam corporis sui; nam si sine tali promissione hoc sibi persuaserit, non minùs est stultus quàm si imaginaretur se magnum esse regem Sinarum; et nisi Jesus Christus hoc illi promiserit, quisi illi dare poterit hoc corpus ad manducandum?

Cogendus est religionista, ut textum aliquem in medium afferat, qui promissionem hanc contineat; tantum afferre potest: *Accipite, manducate: hoc est corpus meum; qui carnem meam manducat*, etc. Cui replicandum est, quòd, quia hæc loca figuratè exponit, quando nos Catholici illis probamus realem præsentiam corporis Jesu Christi, in manducatione per os corporis, sub speciebus panis et vini, aliter non potest ampliùs explicare; nullus igitur restat illi textus ad probandam manducationem suam realem per os animæ. Et sic dum nobis vult auferre loca quibus probatur manducatio oralis veri corporis Jesu Christi, sibi met auferunt loca pro suâ manducatione per os animæ: et dum volunt evertere manducationem nostram oralem, suam destruant per os fidei. Hoc modo egregiè premebam nobilem quemdam religionistam tam excellentis ingenii, ut optimè agnovit vim argumenti;

eius etiam hunc formabant syllogismum in probationem fidei nostræ: Omnis potus qui in cruce effusus est, verus est sanguis Jesu Christi; potus cœnæ, potus effusus est in cruce; ergo potus cœnæ est verus sanguis Jesu Christi. Minor constat verbis Domini nostri Jesu Christi, Luc. 22, v. 20: Τοῦτο τὸ ποτήριον ἡ καὶνὴ διαθήκη, ἐν ᾧ αἵματι μου τὸ ἑπὲρ ἐκχυνόμενον: *Hic est calix novum Testamentum in sanguine meo, qui pro vobis fundetur*. Geneva, ut vim hujus loci vitaret, falsificavit hunc textum, traducendo *effusus*, loco, *effusa*; et sic referunt effusionem ad sanguinem, et non ad cupam, seu calicem: hæc est versio: *Hæc cupa est novum testamentum in sanguine meo, qui effusus est pro vobis*, falsificatio evidentissimè constat ex textu Græco jam allegato. Videtis, religionistæ, impietatem ministrorum, qui per sanctam libertatem spiritûs sui volunt Scripturam reformare, sicut Ecclesiam; et ex falsificatione agnoscite vim hujus loci pro fide nostrâ.

Pergamus. Vidimus quòd quæ religionistæ credunt affirmativè de cœnâ, non sint fundata nisi super opinione eorum et phantasiâ. Videamus quid in ipsâ negent, et examinemus fundamentum negationum illorum, eò quòd articuli 36 et 37, qui de cœnâ loquuntur, valde obscurè scribantur; ut illos illustrem, aliquid ex Catechismo vestro desumam.

PRIMA CLAUSULA ARTICULI 36. — *Fatemur quòd cenà sit nobis testimonium unitatis, quam cum Jesu Christo habemus, cujus corpus, dicitis in vestro Catechismo, in lectione, aut dominicâ 33, non esse inclusum in pane, nec sanguinem in calice, non esse querendum in istis elementis corruptibilibus*. In probationem citatis hunc textum: *Calix benedictionis, cui benedicimus, nonre communicatio sanguinis Christi est? et panis quem fragimus, nonne participatio corporis Domini est? Quoniam unus panis et unum corpus multi sumus, omnes qui de uno pane et de uno calice participamus*, 1 Cor. cap. 10, v. 16 et 17.

EXAMEN. — Non lego in hoc textu, *testimonium unitatis cum Jesu Christo*, igitur textus non pronuntiat id quod est in articulo. Sed lego: *Communicatio sanguinis, communicatio corporis*, quod aliud est quàm *testimonium unitatis cum Jesu Christo*. Et ostendit quòd corpus Jesu Christi possit inveniri in elementis corruptibilibus specierum panis et vini, quod negat articulus.

ALIA CLAUSULA ARTICULI 37. — *In cenâ sunt signa quæ testificantur quòd corpus et sanguis*

*Iam Christi non minùs animæ seruiant, quoad cibum et potam, quàm panis et vinum seruiant corpori.* Articuli isti dicere nolunt expressis terminis quòd corpus *Jesu Christi non sit in Eucharistiâ.* Ut velo ablato, tenebrarum eorum aperiam errores, desumam ad hanc obscuritatem illustrandam, quòd scriptum est in eorum Catechismo; ipse in lectione, aut dominicâ 53, dicit, quòd non intelligat corpus includi intra panem, nec sanguinem intra calicem; sed è contrario ad habendam veritatem Sacramenti, elevanda sunt corda nostra in cælum, ubi est *Jesus Christus, et non est querendus in his elementis corruptibilibus.* Pro hæc clausulâ citatis duos textus; prior: *Ego sum panis vivus, qui de cælo descendit; si quis manducaverit ex hoc pane, vivet in æternum. Et panis quem ego dabo, caro mea est pro mundi vitâ.*

EXAMEN. — Primò non lego in hoc textu signa quæ testificantur, sed quòd *Jesus Christus sit panis vivus*, panis non vulgaris confectus ex farinâ coctâ, sed qui sit *ipsius caro, quam, ait, dabo pro mundi vitâ*; sicut dando dicit: *Accipite, hoc est corpus meum, quod pro vobis tradetur*; fuitne signum, aut figura corporis, quod cruci fuit affixum? fuitne ipse proprium corpus? Igitur hæc clausula decipit. Secundò, ministri qui promiserunt se nihil pronuntiaturos nisi verbum scriptum, quomòdò hanc clausulam tantæ consequentiæ pronuntiant: *Corpus Jesu Christi non continetur, aut includitur intra panem, nec sanguis, etc.*, sine aliquo verbo scripto? Videte impostores, qui promittant, nec stant promissis etiam in rebus tanti momenti. Alter textus: *Accipite panem, et gratias agens, fregit, et dixit: Accipite et manducate: hoc est corpus meum, quod pro vobis tradetur: hoc facite in meam commemorationem. Similiter et calicem, postquam canavit, dicens: Hic calix novum testamentum est in meo sanguine; hoc facite quotiescumque bibetis, in meam commemorationem,* 1 Cor. 25 et seq.

EXAMEN. — Quis in hoc textu legit signa quæ testificantur figuram; signa corporis *Jesu Christi, quòd non est intra panem, nec sanguis intra calicem?* Purum igitur verbum non pronuntiat id quòd dicit articulus. Sed quomòdò textus posset expressè rejicere fidem adversariorum, quæ est quòd *corpus Christi non sit intra panem, nec sanguis intra calicem?* Videte, religionistæ, utrùm decipiâmini. Vestrum est probare, ministri, per purum verbum, quòd cœna sit signum testificans figuram corporis Do-

*mini nostri, quòd non sit intra panem, et sanguis non sit intra calicem.* Ad hoc probandum per purum verbum afferunt hunc locum; videte utrùm hæc ibi legatis; si ea sint scripta, legere poteritis; si non legatis, estis seducti. Sed numquid contrarium legitis? Itaque dupliciter seducimini.

Fortassis religionista quispiam, existimans se in Scripturâ magis versatum quàm ministros qui Confessionem fidei composuerunt, et in Justificationem articulorum ipsius citarunt omnes sacros textus quos sibi magis favere existimârunt, in probationem proferre volet, quòd cœna sit figura; hoc dicit Dominus noster Joannis 6, v. 63: *Spiritus est qui vivificat, caro non prodest quicquam; verba quæ ego locutus sum vobis, Spiritus et vita sunt.* Pro responsione, 1<sup>o</sup> vobis, religionistæ, repræsentabo quòd ministri vestri inter se decertent utrùm in hoc cap. 6 Joannis fiat mentio de cœnâ. Calvinus libro 4 suarum Institutionum, cap. 17, § 53, Kemnitius, Zwinglius, negant; et Moulinus in libro suo de Cœnâ, integrum fecit caput, ad probandum quòd S. Joannes, cap. 6, non loquatur de sacramento de quo agimus. Quomòdò igitur stabilire potestis hunc firmum fidei vestrae articulum super hoc fundamento, de quo inter vos dubitatur? Quomòdò uti potestis hoc loco contra nos, sive sit pro figurâ vestrâ, sive pro vestro *spiritualiter*? 2<sup>o</sup> Non lego in hoc textu, *figura*. Quòd si quis dicat idem esse spiritum et figuram, illius est probare, et quidem per puram Scripturam. Et quis non videat hoc esse ridiculum? Demones spiritus sunt, an etiam figuræ sunt? An ipse Deus, qui purissimus est spiritus, est etiam figura? meum non est explicare sensum hujus loci; solum ostendo quòd hoc purum verbum non dicat id quòd continet articulus, et per consequens quòd ministri sint impostores. Ego tamen obiter notabo sensum hujus textûs esse quòd Dominus noster non sit daturus ad manducandum carnem mortuam et dissectam (sicut communiter caro manducatur, quòd existimabant Capharnaîtæ, ut adnotat S. Augustinus in psalm. 98, de hoc subjecto tractans); nam hoc modo carnem manducare nihil saluti prodesset, sed carnem per spiritum animatam et vivificatam per vitam suam divinam, hoc modo manducamus, et, secundùm hunc modum, caro alia non potest manducari; nam oportet priùs sit mortua, ut nutrimentam afferat.

Memineritis, religionistæ, me per Scriptu-

ram hanc non probare fidem meam; satis est quòd non in his verbis legatis *figuram corporis*, nec *tenemus quòd hoc fiat spiritualiter*, eo modo ut corpus non continèatur, ut agnoscat is vos deceptos esse; nam cùm hoc non legatis, purum verbum non dicit id quod est in articulo; si diceret, legere possetis.

§ 5. De cœlibatu et ciborum  
prohibitione, etc.

Dicitis etiam articulo 21: *Ex eadem Satanæ officinâ provenerunt prohibitiones matrimonii, et usûs ciborum, et dierum caeremoniosa observatio.*

TEXTUS. — *In novissimis temporibus discedent quidam à fide, attendentes spiritibus erroris, etc., prohibentes nubere, abstinere à cibis quos Deus creavit ad percipiendum cum gratiarum actione, fidelibus et iis qui cognoverunt veritatem, quia omnis creatura bona est, et nihil rejiciendam, etc.*

EXAMEN. — Per clausulam hanc, articulus vult Ecclesiam catholicam reprehendere, sed injustè: nam 1<sup>o</sup> non prohibet nubere; aliàs nullus Catholicus posset matrimonium contrahere, nisi rebellis fieret Ecclesiæ præcepto. Tantùm vult observetur id quod Deus præcipit in Scripturis suis: nimirum vota compleantur, ac proinde vult ut presbyteri et alii qui castitatem noventer et continentiam, votum hoc observent, unde fit ut matrimonium inire non possint. Textus citatus nec verbum dicit contrarium. 2<sup>o</sup> Demiror ministrorum iudicium infernum; putantne medicos præcipientes ægrotis ut à quibusdam cibis absterneant ad tempus aliquod pro eorum sanitate, Apostolo reluctari, ac doctrinam diabolicam docere? Adhuc magis miror eorum impudentiam, qui legentes prohibitionem usûs ciborum, factam per Apostolos in primo concilio congregatos, Actorum 15. num. 18, hisce verbis: *Visum est Spiritui sancto et nobis, nihil ultra imponere vobis oneris, quàm hæc necessaria; et quæ sunt inter alia? Ut abstineatis vos ab immolatis simulacrorum, et sanguine, et suffocato*; audent, abutendo textu citato, dicere non sine blasphemâ execrabili, contra SS. Apostolos, et contra Spiritum sanctum, quòd *ex officinâ Satanæ provenerint prohibitiones usûs ciborum*, vocando hæc ratione Spiritum sanctum *Satanam*, et hoc primum sacrum Apostolorum concilium *officinam Satanæ*, et ejus prohibitionem, *abusum et illusionem!* S. Paulus, qui huic sacro concilio interfuit, multùm abest ut censuram ferat in præceptum, quod

cum aliis tulit de abstinentiâ à quibusdam cibis, sed prævidens futuros aliquos hæreticos qui prohiberent matrimonium tanquàm rem per se malam, et à dæmone introductam, et cibos tanquàm per se et ex suâ naturâ malos (sic fecit Manichæus, Marcion et Tatianus, ut refert sanctus Augustinus et alii), Apostolus eos damnat. Longè ab hoc errore abest Ecclesia. Sic S. Augustinus, S. Chrysostomus, S. Hieronymus, et S. Ambrosius, hunc locum exponunt; et ratio condemnationis suæ, quam affert Apostolus, in his verbis contenta: *Omnis creatura Dei bona est, optimè eam justificat; et ministri est probare contrarium, cùm sit actor. Denique Ecclesia non prohibet absolutè cibos; nam piscem non prohibet, qui est cibus; nec in perpetuum; sed solum quosdam cibos particulares, et ad tempus aliquod, quod non damnat Apostolus, qui loquitur de iis qui absolutè præcipiunt abstinere à cibis, et sine limitatione alicujus temporis.* 3<sup>o</sup> Pro probatione tertiæ clausulæ de observatione dierum, articulus non citat textum aliquem, igitur decipit.

§ 6. De intercessionè sanctorum.

*Jesus Christus nobis datus est pro solo advocato; quicquid homines imaginati sunt de intercessionè sanctorum defunctorum, aliud nihil est, quàm abusus et fallacia Satanæ.* Tantùm oppugnans hoc nomen (*solus*) in primâ clausulâ hujus articuli; ipse citat duo loca in margine. Pro secundâ clausulâ nullum citat. Primus locus habetur 1 Timot. 2, v. 5: *Unus enim Deus, unus est mediator Dei et hominum, homo Christus Jesus.*

EXAMEN. — Volo citare locum integrum, ut evidenter appareat, quòd non dicat id quod articulus Confessionis docet; hæc sunt verba Apostoli: *Deus omnes homines vult salvos fieri, et ad agnitionem veritatis venire. Unus enim Deus, et unus mediator Dei et hominum, homo Christus Jesus, qui dedit redemptionem semetipsum pro omnibus.* Non invenio in loco jam allegato, terminum (*advocati intercessionis*) de quo agitur, nec invenio quòd sancti excludantur ab hoc munere *advocati*, quod dicit articulus. Quòd si minister dixerit nomen *mediatoris*, sicut S. Paulus accipit, idem esse ac nomen *advocati*, respondeo 1<sup>o</sup> quòd minister, aut potius confessio fidei suæ, probare debeat quòd in loco jam citato, hoc nomen *mediatoris* accipiatur pro mediatore et *advocato intercessionis*, et non pro mediatore et *advocato*

*edemptionis*; debet, dico, hoc probare, et quidem solâ Scripturâ, quod non facit. Igitur locus ille allegatus non id dicit quod confessio fidei docet, nec rejicit sanctorum intercessionem. 2° Respondeo (et hoc cognoscitur per locum integrè citatum), S. Paulum loqui de uno mediatore; propria sunt verba Apostoli: *Qui dedit redemptionem semetipsum pro omnibus. Mediatorem talem dicit esse unicum et solum. Catholici nonasserunt sanctos esse tales mediatores. Igitur locus nihil probat contra Catholicos, nec dicit quòd Jesus Christus sit nobis datus pro solo tali avvocato, nec quòd intercessio sanctorum defunctorum abusus sit et fallacia Satanæ.* 3° Nomen (*solus*) additum fuit per ministros in Bibliis Genevensibus; in Græco non est, aut Latino. Et quod magis est, non est in Bibliis antiquioribus traductionibus Genevensis, impressis anno 1546-1547, per Joannem Pider, et anno 1564, per Franciscum Jaquil Genevæ. Plurimis post annis hi domini, secundùm libertatem suam sanctam, quam dat illis spiritus, hoc nomen (*solus*) adjunxerunt, super quo termino fundant vim argumenti sui. Videte, religionistæ, quomodò vos decipiant ministri. Et S. Paulus ad Galatas 3, Moysen vocat *mediatorem*.

Secundus locus citatus in dictâ confessione, est in Epistolâ primâ S. Joannis cap. 2, vers. 1 et 2; hæc verba sunt: *Hæc scribo vobis, ut non peccetis. Sed etsi quis peccaverit, advocatum habemus apud Patrem, Jesum Christum justum; et ipse est propitiatio pro peccatis nostris; non pro nostris autem tantum, sed etiam pro totius mundi.*

EXAMEN. — Numquid manifestum est quòd non de quovis avvocato loquatur, sed de avvocato, qui est *propitiatio pro peccatis totius mundi*, nimirum per effusionem sanguinis sui? Catholici non dicunt quòd aliquis sit talis advocatus, qualis est Dominus noster; quorsum igitur locum hunc proferunt, qui de eo non loquitur, de quo disputamus? Et advertite quòd ministri sit, siquidem actor est, ostendere quòd nomen advocati accipiatnr hoc in loco pro omni intercessore, qui nec sit propitiatio peccatorum mundi per passionem suam, et per purum verbum hoc probare debet. Deinde, etiamsi obstinatè minister per nomen *advocati* intelligere vellet ipsum, qui non est propitiatio peccatorum mundi (quod minister dicit ex proprio crebro, sine puro verbo, imò contra verbum allegatum), tamen *women (solus)* de quo tantum contendimus, cum non sit in hoc loco, ipse nullo modo dicit

quod continet articulus, scilicet quòd *Jesus Christus sit solus advocatus*.

— § 7. De fide et bonis operibus.

In articulo 20 dicitis: *Credimus nos fieri participes hujus justitiæ, videlicet christianæ, solâ fide. Ministri citârunt in margine articuli texjus sequentes: Arbitratur autem justificari hominem per fidem sine operibus legis, ad Rom. 3, vers. 27. Scientes autem quòd non justificatur homo ex operibus legis, nisi per fidem Jesu Christi, ad Galatas cap. 2, vers. 16. Prius autem quàm veniret fides, sub lege custodiebamur, conclusi in eam fidem quæ revelanda erat. Itaque lex pædagogus noster fuit in Christo, ut justificemur; at ubi venit fides, jam non sumus sub pædago, ad Galatas 3, 24.*

EXAMEN. — Ne unicum quidem verbum in his textibus lego de operibus fidei christianæ, de quibus solis, et non aliis loquimur, et ea necessaria esse tenemus ad justificationem. Evidens est quòd hoc purum verbum allegatum, loquatur de operibus religionis Judæicæ, quæ à S. Paulo communiter appellantur nomine legis, et non de operibus religionis christianæ. Loca igitur ista solum dicunt quòd lex christiana sine circumcissione et aliis cæremoniis Judæicis justificet. Quis negaverit? hocne est dicere quòd sola fides christiana, sine operibus, quæ ex dictâ fide in Jesum Christum procedunt, sicut est pœnitentia, justificet? Quod tamen dicit articulus. Impudentiam ac ignorantiam ministrorum admiror, cum S. Paulus tam fusè quinque integris capitibus, in hæc Epistolâ ad Galatas, disputet contra eos qui circumcissionem et opera Judæismi fidei christianæ conjungere volebant; deinde cum tituli eorundem capitum Bibliorum Genevensium hoc adnotent, adversarii dicunt quòd contra eos agant, qui asserunt opera christiana necessaria esse ad justificationem.

Epistolam aperi, religionista, et hos impostores detestaberis: integra Epistola docet quod dico. In ejus probationem sufficit citare verba capituli 5, vers. 2: *Ecce ego Paulus dico vobis, quoniam si circumcidamini, Christus vobis nihil proderit. Testificor autem rursus omni homini circumcidenti se, quoniam debitor est uti inverse legis faciendæ, Evacuati estis à Christo, qui in lege justificamini, à gratiâ excidistis. Nos enim spiritu ex fide, spem justitiæ, expectamus; nam in Christo Jesu neque circumcissio aliquid valet, neque præputium, sed fides, quæ per charitatem operatur. Numquid seducimini? nonne*

S. Paulus his verbis ultimis docet vestro articulo contrarium? Apostolus opponit christianam Religionem, quam vocat fidem in Christum, Religioni Judaicæ, quam vocat legem, et ostendit hanc non esse necessariam ad justificationem, sed primam illam sufficere, nec opponit fidem christianam operibus christianis.

Textus ultimus citatus per supradictum articulum non plus virtutis habet, quàm præcedens. Hic est in S. Joanne cap. 5, vers. 15 et 16: *Et sicut Moyses exaltavit serpentem in deserto, ita exaltari oportet Filium hominis, ut omnis qui credit in ipsum, non pereat, sed habeat vitam æternam. Sic enim Deus dilexit mundum, ut Filium suum unigenitum daret, ut omnis qui credit in eum, non pereat, sed habeat vitam æternam.* Nomen, *sola*, de quo controversia est, et quod est in articulo vestro, qui docet quòd *sola fides justificet*, non est in hoc textu. Itaque ipsa, nisi addatis hoc nomen, *sola*, nullo modo est ad propositum articuli; et quoties verbum *credere* in Jesum Christum, significat profiteri Evangelium, et secundùm illud vivere? Nam *fides*, ait Jacobus capite 2, vers. 17, *sine operibus mortua est*. S. Paulus ad Galatas capite 5, nonne dicit id quod justificat, *fidem esse, quæ per charitatem operatur*? Et Dominus noster numquid hanc pronuntiat sententiam: *Si vis ad vitam ingredi, serva mandata*? Sed meum non est probare quòd sola fides, sine operibus christianis, non justificet: vestrum est ostendere, et per purum verbum, quòd ipsa sola justificet; *sola dico*, nam de hoc solùm disputamus; articulos quosdam omitto, qui textus tam evidentes non habent.

### § 8. De traditionibus.

Non minùs attentè perpendite quod sequitur in articulo 5, et vobis credendum proponitur, nempe quòd *sacrum verbum contentum in libris Scripturæ sanctæ sit regula totius veritatis*, et quòd nihil credi debeat, nisi quod est in hoc puro verbo. Articulus iste magni momenti est, quia huic innixi et fundati, et non aliis rebus, rejicitis omnes traditiones Ecclesiæ Romanæ; plura decreta condemnationis contra nos pronuntiat; vos non recipitis *nec antiquitatem, nec consuetudines, nec multitudinem, nec sapientiam humanam, nec judicia, nec aresta, edicta, nec decreta, nec consilia, nec visiones, nec miracula*, et quamvis hæc omnia doctrinæ vestræ opponantur, non ideo multùm laboratis; his renuntiat, dicentes quòd tantùm puram Scripturam velitis; quòd *cætera omnia ab ho-*

*minibus procedant, erroribus subjectis*, et quòd *omnia examinari debeant, ordinari et reformari secundùm purum illud verbum*. Articulus igitur iste est magnæ consequentiæ, et oportet, si credi debeat, ut is inventiatur in Scripturâ sanctâ. Quòd si ministri illum per seipsos in medium proferant, debent sine dubio procul repelli, tanquàm homines attritâ fronte, qui velint quòd mundus renuntiet omnibus jam dictis, propter propositionem aliquam à seipsis excogitam, et seipsos mendaces reddunt, qui promiserunt quòd tantùm velut organa velint Scripturæ sanctæ servare. Ponamus igitur articulum in lineâ, et inferiùs textum citatum in verificationem ipsius.

ARTICULUS 5: *Verbum scriptum regula est totius veritatis*, aut, ut communiter dicitis, *nihil credendum est, nisi quod est in puro verbo*. In margine hujus articuli citatis tres textus, ad probandum id quod in eo continetur.

TEXTUS PRIMUS: *Non addetis ad verbum, quod vobis loquor, nec auferetis ex eo*, Deuter. 4, 2. *Quod præcipio tibi, hoc tantùm facito Domino, nec addas quicquam nec minuas*, Deuter. 12, 32. In his locis ne unicus quidem est articuli terminus; nam nec unicum est verbum *scriptum*, nec *regula totius veritatis*, qui sunt duo termini articuli 1. Igitur hoc purum verbum non dicit id quod continet articulus. Hoc fusiùs perpendamus. 1<sup>o</sup> Moyses Judæus loquitur de eo tantùm quod illis præceperat, scilicet de lege Judaicâ, et non aliâ; 2<sup>o</sup> non loquitur de verbo scripto, de quo solo loquitur articulus, sed universè de verbo; 3<sup>o</sup> quamvis Christianos alloqueretur, et de solo verbo scripto, an libros Moysi ingravamus? illis quippiam addimus? 4<sup>o</sup> Putatisne quòd prophetæ novas Scripturas sanctas componentes, et eas jungentes libris Moysi, hoc præceptum violaverint? 5<sup>o</sup> Si Moyses prohiberet ne aliquid crederetur quod non ordinasset, credendi nos essent nec Psalmi Davidis, nec alii prophetæ, nec Evangelium: nam nihil ordinavit de eo quod in ipsis continetur. An non planè ridiculùm videtis, hunc textum proferre, ad probandum per purum verbum articulum vestrum, qui dicit: *Verbum scriptum regula est totius veritatis*? Idem articulus citat alium hunc locum ad Galatas c. 1, v. 8.

TEXTUS II: *Sed licet nos, aut angelus de cælo evangelizet vobis, præterquam quod evangeliza vinitis vobis, anathema sit*.

EXAMEN. — Non lego in hoc textu nec *verbum scriptum*, nec *regulam totius veritatis*

quæ sunt duo termini articuli, unde non dicit textus quod docet articulus, sed nec unicum illius continet terminum. Hoc examen deducamus. 1<sup>o</sup> Estne in hoc textu verbi scripti mentio, de quo solum disputamus, et tantum de illo loquitur articulus? 2<sup>o</sup> Quis nesciat Apocalypsin revelatam fuisse, et scriptam post hanc sancti Pauli Epistolam? quam tamen credere oportet, præterquam quod evangelizaverat S. Paulus; qui evangelizat et credit Apocalypsin, estne anathema? Sed et S. Paulus estne anathema, qui post evangelizavit multa quæ in Epistolâ ad Galatas non continentur? Quis adeò mentis inops est, qui caput legens non videat, quod verbum, præterquam, sit et significet idem quod contra? Apostolus, ut clarum est, in exordio Epistolæ, contra eos clamavit qui cum lege Jesu Christi miscere volebant circumcisionem, contra doctrinam apostolicam. Verba præcedentia immediatè textum citatum hoc expressius declarabunt: *Miror, ait ad Galatas cap. 1, v. 6, 7, 8, quod tam cito transferimini ab eo qui vos vocavit in gratiam Christi, in aliud Evangelium;* quod non est aliud, nisi: *Sunt aliqui qui vos conturbant, et volunt convertere Evangelium Christi. Sed licet nos aut angelus de caelo evangelizet vobis, præterquam quod evangelizavimus vobis, anathema sit.* Numquid evidens est quod S. Paulus rejiciat id solum quod est contra ea quæ evangelizaverat? Ergo clarum est quod textus non dicat id quod continet articulus, scilicet, quod verbum scriptum sit regula totius veritatis.

TEXTUS III. Apoc. 22, 18: *Contestator enim omni audienti verba prophetiæ libri hujus: Si quis appoverit ad hæc, apponet Deus super illum plagas scriptas in libro isto; et si quis diminuerit de verbis libri prophetiæ hujus, auferet Deus partem ejus de libro vite, et de civitate sanctâ, et de iis quæ scripta sunt in libro isto.* Non lego in isto loco, verbum scriptum in Bibliis integris, de quo solo loquitur articulus; nec, *regula totius veritatis*; igitur textus non dicit quod *verbum scriptum Bibliorum integrorum sit regula totius veritatis*, quod pronuntiat articulus; imò textus non continet unicum terminum articuli. Hoc examinemus. 1<sup>o</sup> Numquid manifestum est quod S. Joannes tantum loquatur de verbo contento in Apocalypsi, quam ministri non admittant pro *regula totius veritatis*? quorsum igitur articulus, qui dicit quod *verbum scriptum Bibliorum integrorum sit regula totius veritatis*, hunc locum in medium adducit? 2<sup>o</sup> Si S. Joannes diceret quod non

oportet addere huic verbo Apocalypseos, hoc sensu, et cum isto ministrali: *Hoc est dicere (nihil credendum est, nisi quod in eâ continetur)*, maledictus esset qui Evangelio crederet, et Epistolis S. Pauli, S. Joannis ac aliis; imò veteri Testamento: nam nihil horum est in libro Apocalypseos; ministri nonne omnino cerebro sunt destituti, qui per hunc locum probare volunt nihil esse credendum nisi quod in Bibliis continetur? 3<sup>o</sup> Addere Apocalypsi, hoc est ingravare hunc sacrum librum; an hoc nos facimus? Quam mente capti sunt ministri vestri! Vide, religionista, quomodo Confessio fidei tuæ te decipiat, et ita tecum agit, quasi tibi oculi non essent ad legendum, aut judicium ad intelligendum significationem unius puri verbi. Quot, *hoc est dicere*, ministerialia adjungenda sunt textibus citatis, ut quod est in articulo pronuntient! Pergamus.

Unde habetis quod libri veteris et novi Testamenti sint Scripturæ sanctæ? unde cognoscitis hos libros esse canonicos? *Per persuasionem interiorem S. Spiritus*, respondetis in articulo 4, *qui facit nos discernere illos ab aliis libris ecclesiasticis*; igitur non cognoscitis hoc per verbum scriptum; nam persuasio vestra interior non est verbum scriptum; ergo falsum sit oportet, quod *verbum scriptum sit regula totius veritatis, et quod omnia ab eo examinentur, ordinentur et secundum illud reformentur*; nam non est regula hujus veritatis, veritatis magnæ consequentiæ, scilicet, quod libri veteris et novi Testamenti sint libri canonici et scripti per revelationem divinam; et ad rejiciendum librum aliquem è numero canonicorum (ut, exempli gratiâ, rejiciatis Tobiam, et Evangelium S. Matthei admittitis), vos tanquam regulâ non utimini verbo scripto, sed ut dicitis, *persuasionem interiorem Spiritus sancti*. Videte quomodo articuli vestri sibi contradicant.

Sed, dicite mihi, tenetis, quod possint et debeant baptizari infantes; quod non sint hæretici rebaptizandi, qui baptizati fuerint in nomine SS. Trinitatis: servatis non sabbatum, sed diem dominicum; creditis quod Mater Christi virgo permanserit; et tamen non invenitis aliquod verbum scriptum, quod harum rerum aliquam confirmet; itaque vos ipsi articulum vestrum mendacem redditis, qui dicit quod *verbum scriptum sit regula omnis veritatis*.

Quid? S. Paulus, 2 Thess. 2, v. 15, nonne dicit: *State et tenete traditiones quas didicistis sive per sermonem, sive per Epistolam nostram?* Videte quod mentionem faciat verbi non scri-



pti. Et in 2 ad Timoth. 2, v. 2 : *Et quæ audisti à me per multos testes, hæc commenda fidelibus hominibus, qui idonei sunt et alios docere.* Agnoscitis verbum unum divinum non scripturâ, sed ore traditum ? In 1 ad Cor. cap. 2 : *Cætera autem, cum venero, disponam.* Ejusmodi constitutiones verbales, numquid tam sunt divinæ quàm sunt eæ quæ scriptis mandantur ? Plura alia testimonia relinquo, tantùm hæc obiter profero, nam non constitui in hoc scripto nos justificare, et fidem nostram probare ; intentio mea alia non est, nisi ut vobis demonstrarem quòd seducti sitis, et quòd purum verbum non doceat id quod continent articuli vestri. Hoc feci in hoc articulo, quem allegavi eum textibus quos citat ; nam articulus dicit : *Verbum scriptum est regula omnis veritatis ;* et in locis citatis non legimus nec, *verbum scriptum, nec, regulam veritatis ;* quare in ipsis scriptum non est id quod est in articulo ; si esset, videremus nos omnes, qui legere scimus.

Religionarii, in hoc articulo maximè consequentiæ seducimini, et ex consequenti in omnibus aliis quos supra adnotavi, et quos ex isto contra nos deducebatis ; magnus est eorum numerus ; de integro eos videte, et tot in rebus agnoscite vos errore circumventos esse.

#### CAPUT V.

*Consilium in primis notandum, modum docens agendi cum religionariis.*

Fusè articulum hunc examinavi, tum quia magni est momenti, ut deduxi ; tum quia ipsius nullitatem ostendendo, ego ministro aufero in omnibus nostris controversiis efficaciorum et magis ordinarium modum decipiendi, quem habere possit, et qui hæc propositione fulcitur : *Nihil credendum est, nisi quod in Scripturâ continetur.* Familiare est illis, ut à nobis petant : *Ubi in Scripturâ invenitis Purgatorium ? Ubi præsentiam corporis Christi in Sacramento altaris ?* etc. ; nam, dicunt, *si non reperitis, superstitioni estis, dum creditis.* Et hæc ratione, ubi abusus nostros prætenso reformare deberent per purum verbum, ad probationem fidei nostræ nos adstringunt. Insignis fallacia.

Circumspecti estote, Catholici : quando ejusmodi vobis quæstiones proponunt, cavete ne qualitatem actoris assumatis ; nolite proferre textus Scripturæ ad causæ nostræ justificationem, etiamsi plures habeatis ; hoc non faciatis : adversariorum fraudem vobis subspiciam. Obligarunt se per articulum suum 31

quòd velint nos reformare ; et per 5, quòd hoc sint facturi per purum verbum, ut hoc velo et speciosâ apparentiâ plures in suam partem allecent (quod fecerunt, et faciunt). Et cum sciant se id præstare non posse, ad quod se obstrinxerunt, ut hæc se obligatione exonerent, dolo subtili omninò conantur nos actores efficere, quæstiones movendo, ut dictum est.

Si, ad eorum quæstionibus respondendum, textus vestros expressos deprompseritis, obligatione minister solvitur. Et ipse qui renuntiavit antiquitati, Patribus, miraculis, Scripturam pro libitu suo, hæc illucque detorquebit, vos ludibrio habebit, etiamsi decem textus expressi aut plures vobis suppetant. Hanc permutationem nolite admittere. Promisit per Confessionem fidei suæ, quòd per purum verbum esset vobis errores vestros manifestaturus ; ipsum in inquisitione istius puri verbi, quod errores vestros prætenso probari debet, continete : si feceritis, protinùs videbitis miserum ministrum torqueri, et tunc non liberetis eum, sed eum sinite angli. Quomodò ? illum premedo, ut vobis locum aliquem expressum proferat, qui dicat *non esse Purgatorium ;* aut, *corpus Jesu Christi non esse in Eucharistiâ ;* nam illius est hoc facere, qui pollicitus est, se per purum verbum nobis errores nostros ostensurum. Si ex hæc torturâ se hoc subterfugio evasurum arbitretur, ut patet quòd satis errorem nostrum monstret dicendo : *Non potestis per Scripturam probare Purgatorium, nec prædictam præsentiam realem ;* quamvis plures textus formales habeatis, cavete ne proferatis, nam actores vos ipsos constitueretis ; sed urgete eum dicendo ut vobis quod dictum est demonstret, 1º per textum expressum ; ubi fassus fuerit se non habere, 2º dicite illi, ostendat per consequentiam evidentem et necessariam, deductam ex purâ Scripturâ. Hoc denegare non potest : nam promittit in articulis 31 et 5 quòd sit mihi demonstraturus errores meos per purum verbum, aut, ut jam interpretantur, per consequentiam desumptam ex puro verbo ; non potest facere, nisi dicendo : *Quod non est in Scripturâ, hoc credendum non est ; Purgatorium non est in Scripturâ ; ergo credendum non est.* Et hoc est mihi ostendere per consequentiam errorem meum prætensum, eò quòd non possit textum aliquem in Scripturâ proferre, qui non esse Purgatorium pronuntiet. Tunc procedatur sicut dixit procedendum esse cap. 3, quando religionarius contra nos vult per consequen-

tiamagere. 1<sup>o</sup> Igitur oportet ipsum perurgere, ut probet majorem hujus argumenti; hoc non potest denegare, præcipuè cum hæc propositio sit fundamentum viginti et plurium decretorum, quæ contra nos pronuntiat, nimirum omnium propositionum suarum negativarum, quæ contrariæ sunt Ecclesiæ Romanæ; deinde fundatur in unâ affirmativâ, quam nisi probaverit, quomodo ostendet consequentiam suam esse bonam? Quando minister probabit illam, sciscitandum est ab eo ut probet per puram Scripturam; non potest, sicut patet in examine paragraphi ultimi capitis præcedentis. Cogendus est ut hoc fateatur; hoc facto, compelli debet ad probandum per consequentiam deductam ex Scripturâ; hoc facere non poterit. Ubi fuerit hoc confessus, detur ei potestas probandi sicut voluerit, secundum ea quæ dixi in prædicto cap. 3. 2<sup>o</sup> Ab ipso postulandum est si in consequentiâ suâ falli possit, an non; nam cum decretum condemnationis, quod contra nos pronuntiat, fundetur in hæc consequentiâ, et fides sua in hoc puncto innitatur huic consequentiæ, si in ipsâ falli potest, etiam fallax erit decretum, fallax et ipsa fides. 3<sup>o</sup> Urgendus est, quis sit iudex futurus hujus consequentiæ, num bona sit, an mala; denique per alia media procedendum est, de quibus capite 3.

Sed respondebit minister quispiam, negativas non probare, et in probationem adducet Aristotelem, sic loquentem: Quod non est, non scitur, quare nostrum non est probare non esse Purgatorium, aut ejusmodi negativas, sed est Catholicis Romani. — Respondeo 1<sup>o</sup> quod minister tam ignarus sit philosophiæ quam et theologiæ; nam Aristoteles probat mille propositiones negativas: ut non esse plures mundos; non esse vacuum in naturâ, et mille consimiles. Et inter modos argumentandi, duo primæ figuræ, qui in scholis vocantur: *Cela-vent et Ferio*, aliud probare non possunt, quam propositiones negativas. Aristoteles loco citato intelligit per id, quod non est, id quod falsum est, et nihil aliud, sicut clarissimè patet ex actu: *Quod falsum est, non est; nec potest monstrari verum esse.* Sed videte quomodo minister ad Aristotelem recurrat. 2<sup>o</sup> Respondeo quod Scriptura contineat mille propositiones negativas: dicit quod Deus non velit peccatum; quod in Deo non sit variatio et vicissitudo; quod Deus non sit ut homo, qui mentiat. Etiam mille probat negationes: S. Paulus probat fusè quod Deus iniquus non sit in reprobatione et prædestinatione, etc.

3<sup>o</sup> Semper est accusatoris probare id quod in medium affert contra defensorem, sive affirmativum sit, sive negativum. Aliquis dicit in iudicio, quod domus quam inhabitat Caius, non sit ipsius Caji; Caius deturbabiturne ad solum verbum adversarii sui? 4<sup>o</sup> Adversarius dicere non potest non esse Purgatorium, si super hæc propositione fundetur: *Scriptura regula est omnis veritatis*, quæ est propositio affirmativa, nisi presupponendo quod Purgatorium non sit in Scripturâ, quod tamen falsum est; non S. Augustinus, S. Cyprianus illud invenerunt 1 Cor. c. 5, in 8 Lucæ, et in pluribus aliis locis. Infert quod non sit Purgatorium: debet igitur probare prædictam propositionem affirmativam; nam non probando nihil potest contra nos inferre, ut manifestum sit ex iis quæ superius diximus.

Vos, Catholici, hoc observabitis: quando religionarius vobis objicit: Purgatorium non est in Scripturâ, nolite huic respondere, sed dicite illi, concludat vos errare: nam hoc se facturum promittit in articulis suis 31 et 5. Cogendus igitur est ut inferat: *Purgatorium non est in Scripturâ; ergo erratis credendo*, et tunc respondendum est non ad antecedens, nam hoc est actorem se constituere, sed ad consequentiam, et compellendus est illam probet. Notate hoc diligenter, et executioni date; dicite semper: *Conclude, domine, et sistite illum in consequentiâ*; nam hoc modo cogetur proferre, et probare hanc conclusionem: *Quod non est in Scripturâ, error est credere, aut credendum non est.* Idem facite in omnibus propositionibus negativis quas adducit, suntque nostris contrariæ, ac etiam in affirmativis. Hoc primum consilium est maximi momenti; et methodum subministrat agendi cum adversariis nostris, ad modum personis omnibus facilem: actorem agere in ingressa probationis non est consultum unicuique.

Hoc secundum consilium est etiam magnæ utilitatis, et hunc modum agendi valde facilem reddit, quando religionarius vobis objicit locum aliquem Patrum, conciliorum (quæ loca semper sunt falsificata, aut ex cerebro ministrorum glossis plenissima), aut affert rationem aliquam humanam (quæ ratio est sophistica), vel petit è vobis rationem aliquam; exempli gratiâ dicit: *Si honoratis crucem, quare non omnem ligni genus honoratis?* etc. Respondete religionario quod per articulum suum 5 profiteatur *Scripturam esse regulam omnis veritatis.* Unde sequitur quod nec anti-

quos, nec concilia, nec arcta, nec miracula ipsi opponi debeant. Sed è contrario res omnes ista illam examinandas, dirigendas et reformandas esse. Quibus religionarius renuntiat, dum in sua fide non se fundat, nisi super puro verbo, et adstringit se ad omnia examinanda secundum istud purum verbum.

Addendum est, quod qui ipsum admittimus pro reformatore nostro per purum verbum, obligaverimus nos quod eum non simus audituri, nisi per purum verbum loquatur. Petendum est si mihi per purum verbum satisfacere potest, aut non; si non potest confiteatur, et post hanc confessionem, veniamus ad Patres et ad rationem, et reddemus illi rationem ejus quod à nobis exigit: sed id primum admittat, illi ostendendum est quod eum nolit in decisione controversiarum nostrarum se referre ad iudicium Patrum, sed eos deceptos esse existimet, nullum habeat jus nos per ipsos reformandi, et cum eorum iudicium vilipendat, quam affert instructionem nostra responsio? Hoc modo procedendum est: nam aliàs irritò conatu pergeremus, infinitè quæstiones suas multiplicaret, et occasionem premendi adversarium perderemus. Et hoc modum istum perfacilem reddit, ne quis aliquà difficultate implicetur. Quisque hoc facere potest. Tantum docti possunt omnium reddere rationem, et omnibus objectionum generibus satisfacere. Ubi tamen docuus hæc ratione adversarium compresserit, poterit, si voluerit, efficere, ut tribus verbis solutio petitionis aut objectionis decurrat, modò tamen illi non immoretur, sed statim ad id redeat quod dictum est.

Tertium consilium: Si minister aliquam quærens tergiversationem, voluerit proferre textum Græcum, aut Hebraicum, dicendum est, quod agere desideremus per Bibliam translationis Genevensis; quod minister in his habeat quicquid ei potest patrocinari; quod reliqua præsentis non intelligant. Habes aliquid, dicam, in Bibliis Genevensibus contra me? Videmus in eâ linguâ quam omnes intelligunt, et tunc ad Græcam veniemus, et Hebraicam.

Hic est modus quem in exordio disputationis hujus promissimus, et est sufficiens ad pudore suffundendos mille ministros, etiamsi omnes in unum caput colliquescerent. In hoc modo Catholicus jus suum servat, quod habet, manetque defensor. Astringit adversarium dum fugam parat, ad probationem articulorum suorum hoc brevi syllogismo: Illa pars deceptrix est, quæ proficitur articulos fidei

sux justificare, et ostendere errores nostros prætenso per purum verbum, nec potest hoc facere; pars religionaria hoc promittit, et patet in articulo 31 et 5, nec potest efficere, ut in toto hoc libello ostendi; ergo pars religionaria deceptrix est, ac proinde religionarii decepti sunt, et criminum rei, quod eam ob rem, tot excitant rebellionem, incendia, etc. Ultima clausula minoris cogit religionarium ad probationem articulorum suorum per verbum scriptum, prout explicavit capite 4.

Hic modus facilis est, evidens et efficacissimus, et qualitates omnes promissas habet in titulo hujus libelli positas. Brevis est, et facilis: nam in duobus tantum consistit, quæ Catholicus firmiter menti debet imprimere, et fundantur in promissione factâ à parte religionaria articulis 31 et 5, quod velit nos reformare per verbum scriptum. Et articulo 2, in quo nos condemnet omnium generum superstitionum et idololatriarum, et dum se accusatorem constituit et iudicem, in executione sententiæ suæ, ecclesias nostras ultrice flammâ consumpsit, presbyteros nostros jugulavit, etc.

Primum est, ut Catholicus semper accusati personam subeat, et se habeat tanquam eum quem vult minister reformare. Compellendus est religionarius ut id exsolvat, quod promittit. Hoc Catholicum liberum efficit, ut non teneatur textum aliquem aut probationem pro sua fide proferre. Accusatus obligari non potest, nisi ad invalidandas probationes adversarii sui, qui in defectum probationum calumniator declaratur, et ad reparationem condemnatus est. Secundum est, quod premi debeat religionarius, ad ostendendum nobis errores nostros prætenso per purum verbum, nec permitti debet ut aliter agat; nam proficitur se velle facere, et hoc prætextu, ejus partiarum rebellionem excitaverunt in Franciâ, eam expilaverunt, incenderunt, sacerdotes jugulaverunt, etc. Hoc eximit Catholicum ab obligatione respondendi quibusdam locis, ex sanctis Patribus deceptis, quibusdam rationibus philosophicis, etc., quas afferre posset religionarius, ac rationibus omnibus, quas ab eo posset exigere. Unde necessarium non est ut Catholicus, ad ministrum convincendum, legerit sanctos Patres, aut philosophiâ, vel theologiâ studuerit; tantum illi parvo opus est iudicio, ne se ab hac semitâ permittat abduci, et separare sciat illud: Hoc est dicere, hoc vult dicere, sequitur; quod à ministro dici solet, ab eo quod purum

verbum Scripturæ pronuntiat. Et dùm minister non potest ostendere per istud verbum purum (ut insinuavi in capitibus præcedentibus) errores nostros prætenso, semper inferendum est: Igitur pars vestra falsa est, accusatrix sine iudice, deceptrix, et obligata ad restaurandas ecclesias nostras exustas, expillatas prætextu verbi scripti, etc. Quis hoc facere nequeat, etiamsi non studuerit? Verum est quòd qui theologus est, aut ad minus philosophus, potest adhuc faciliùs ministrum confundere, illum modis omnibus supradictis, imò et ipsius consequentias rejiciendo. Idem modus efficacissimus est et evidentissimus, et in eo Catholicus non utitur nisi Bibliis secundùm traductionem Genevensem, et Confessione fidei prætenso, ut ex dictis fit clarum. Igitur præstiti quod in hujus libelli initio promisi.

Sed, objiciet Catholicus quispiam, cùm lectio Bibliorum Genevensium et Confessio fidei prætenso, sit nobis prohibita, quã ratione poterimus uti modo isto? — Respondeo et assevero, quòd ego fideliter citaverim textus Bibliorum Genevensium, et articulos Confessionis jam dictæ. Conferendo cum uno religionario potestis ei dicere: Lege talem clausulam articuli vestri, et talem locum citatum in illius probationem (hoc nobis non est prohibitum; hoc facere potestis in commodum religionarii, qui satis ex se dispositus est, et ad talem lectionem propensus), et hoc modo convincetis eum erroris qui irretitur.

Domini religionarii, uti potestis hoc modo propter utilitatem vestram contra ministros; compellite illos ut articulos vestros justificent, et errores nostros prætenso demonstrant per verbum scriptum, secundùm modum præscriptum in præcedentibus capitibus hujus libelli; pastores vestros torquete, et instantè petite ut hoc verbum scriptum vobis proferant. Si feceritis, nec permiseritis eos uti subterfugis, eos videbitis citò obmutescere, et evidenter cognoscetis vos delusos esse.

Hanc methodam conscripsi tum ut vobis modum traderem, quo instrui possitis; tum ut Catholicum docerem quã ratione faciliè se tueri possit, quando illum aggredimini, ac vos in erroribus vestris confundere. Cæterùm hæc confusio vobis utilis est et salutaris.

#### CAPUT VI.

*Continens loca Bibliorum Genevensium contraria et opposita Confessionis fidei religionis Prætenso.*

Agendo cum uno ministro aut alio, qui cum

fallaciã et malã fide procedit, non consulo ut quis unquã relaxet jus defensoris; sed tractando cum religionario, qui veritatis cognoscendæ cupidus est, si fortassis non est tam capax ut concipere possit subtilitatem consequentiarum, de quibus egimus; postquã cum illo actum est, secundùm id quod dictum est capite primo et in principio secundi et tertii, operæ pretium erit, meo quidem iudicio, facere quod sequitur.

In præcedentibus capitibus demonstravi quòd religio Prætenso nullum ex parte suã textum habeat; hoc autem caput pronat quòd Biblia etiam Genevensia plura loca contineant directè opposita Confessionis fidei prætenso; suffecerit hoc in 5 vel 6 punctis planum facere. 1<sup>o</sup> In articulo 20 Confessionis fidei supradictæ dicitur: *Credimus nos fieri participes justitiæ christianæ per solam fidem.* Et S. Jacobus in Epistolã suã, capite 2, v. 24 (articulus 3 jam dictæ Confessionis illam recipit pro canonicã), dicit: *Videtur quoniam ex operibus justificatur homo, et non ex fide tantum.* Unus dicit: *Per solam fidem;* alius, non solum *per fidem;* numquid opponuntur? 2<sup>o</sup> In articulo 22 dicitur: *Fatemur quòd bona opera quæ facimus duce Spiritu sancto, non computentur ad nos justificandum.* Et S. Jacobus in capite allegato, v. 21, dicit, et exemplo Abrahamæ probat contrarium: *Abraham pater vester nonne ex operibus justificatus est, offerens Isaac filium suum super altare? Videtis quoniam ex operibus justificatur homo, et non ex fide tantum?* Hoc opus Abrahamæ bonum erat, factum instinctu Spiritus sancti; et, ut ait S. Jacobus ex illo justificatus est; et hoc facto particulari S. Jacobus propositionem suam generalem sequentem confirmat. Quis non videat oppositionem articuli cum hoc textu? 3<sup>o</sup> Articulus 3 dicit: *Nostro tempore, quo status Ecclesiæ interruptus erat, suscitavit Deus extraordinario modo homines, qui vastatam ac desolatam Ecclesiam de novo erigerent.* Et Dominus noster, per promissionem irrevocabilem dicit Petro apud S. Matthæum, cap. 16, v. 18: *Dico tibi quia tu es Petrus, et super hanc petram ædificabo Ecclesiam meam, et portæ inferi non prevalebunt adversus eam.* 4<sup>o</sup> Articulus 2 dicit: *Peccatum originale post Baptismum manet quoad culpam.* Et S. Paulus 1 Cor. 6, v. 11, enumeratis diversis peccatis, Corinthiis baptizatis sic loquitur: *Et hæc quidem fuistis, sed abuti estis, sed justificati estis.* 5<sup>o</sup> Articulus 24 sic loquitur: *Ex officinã Satane processerunt prohibitiones*

usūs ciborum. Et in Act. capite 15. v. 28, dicitur: *Visum est enim Spiritui sancto et nobis, ut abstineatis vos ab immolatis simulacrorum, et sanguine, et suffocato.* Primum concilium Ecclesiæ hoc Christianis prohibet, et Prætensæ vocat has prohibitiones, illusiones, quæ ex officinâ Satanæ procedunt. 6<sup>o</sup> Articulus 24 dicit: *Jesus Christus solus est advocatus; et intercessio sanctorum abusus est, et fallacia Satanæ.* Et Zachariæ capite 1, v. 12, habetur: *Et respondit angelus Domini, et dixit: Domine exercituum, usquequò tu non misereberis Jerusalem, et urbium Judæ, quibus iratus es?*

Possem plures alios articulos commemorare, et illos locis Bibliorum opponere, sed suffecerint hi ex Bibliis secundam versionem Genevensis; et ex libris quos religionarii pro canonicis admittunt, deprompti.

### CAPUT VII.

*Biblia falsificata per ministros in suâ Genevensi traductione, in omnibus præcipuis articulis fidei, qui magis atque magis in nundinis sibi succedentibus controvertuntur.*

Huic parvo tractatui finem imponere volo, per ejus confirmationem, quod titulus hujus capituli præ se fert; si justificavero, agnosceus 1<sup>o</sup> ministrorum impletatem, qui per sanctam libertatem spiritus eorum, Scripturam reformare volunt, sicut et Ecclesiam. 2<sup>o</sup> Quam miserè animos vestros circumscribunt et implicant! Vos compulerunt ut renuntiaretis traditionibus divinis, antiquitati, sanctis Patribus, conciliis, miraculis, eò quòd accipiant, ut loquantur, solum *verbum scriptum pro regulâ omnis veritatis.* Ex his Bibliis exsciderunt 20,000 locorum, et hoc merâ perversitate, sicut capite 4 probavi, § 1. 3<sup>o</sup> Quia reliqua, quæ remanent integra, disertè docent præcipua puncta fidei nostræ, et ea condemnant quæ sunt eorum fidei, illa depravârunt. Quomodò decipimini?

Premimus eos, ut aliquem textum nobis expromant in confirmationem articulorum suorum; dùm non inveniunt, excogitant, et textui librorum inserunt. Articulos nostros pluribus locis confirmamus, et quia se nimium eorum vi premi sentiunt, subtrahunt aliquas particulas, et enervant; et quia magis atque magis eos urgemus, ut nobis textus proferant, et eosdem per nostrorum productionem acriter in singulis nundinis impugnamus, cudunt sibi novos textus, et de nundinis in nundinas loca nostra falsificant. O sacrilegium! Aperite ocu-

los, ut cognoscatis quomodò prætextu verbi Dei seducimini. Si hæc falsificatio esset in punctis quæ non controvertuntur inter nos et ipsos, posset ipsa attribui soli eorum ignorantia; si in uno aut altero tantum puncto, minus esset intolerabilis; sed hæc est in articulis controversis, et ferè in omnibus. Quis eos malitia; et maximi criminis læsæ Majestatis divinæ non condemnaret? Per dictam falsificationem agnoscite vim locorum falsificatorum, pro fide nostrâ; nam in vanum illa ministri corruperunt.

Eorum inconstantia et progressus in istâ depravatione clarum efficit quàm inconstans et vacillans debeat esse una religio suffulta fundamentis de nundinis in nundinas variantibus, de quo certi esse poteritis, si probavero Biblia vestra de nundinis in nundinas mutari, non in parvis particulis, quæ non concernunt ea de quibus inter nos controversia est, sed in omnibus præcipuis punctis religionis vestræ. Quomodò probabo vobis hanc falsificationem? Per relationem textus originalis cum traductione? Bonus modus, illum non missum faciam. Cæterum quia non omnes Græcum intelligunt idioma, aut Hebraicum, et quia in votis est modum præscribere qui omnibus usui esse possit, et ex quo agnosceatis omnem vim, aliter faciam: nimirum opponam textus antiquæ versionis Genevensis, cum textibus ejusdem traductionis Genevensis modernæ; hinc deprehenditis falsificationem, et hujus criminis, quod perpetratum est, augmentum. Et quia depravaverunt has paginas sacras in omnibus præcipuis punctis controversis, dividam falsificationes, easque ad materias diversas referam. Septem Biblia Genevensia diversorum annorum proferam. Prima impressa sunt anno 1546; secunda anno 1547, per Joannem Padier, Lugduni; tertia anno 1554, per Joannem de Tournes, Lugduni; quarta anno 1556, per Philibertum Hapelin; quinta anno 1557, per dictum Joannem de Tournes, Lugduni (quisque scit quantæ aliquando potestatis fuerint religionarii in hæc urbe, et quod magis est, adhuc nunc imprimuntur Genevæ plura Biblia, quibus imponitur nomen Lugduni); sexta, anno 1564, per Franciscum Jaquii, Genevæ; septima recentiora anno 1605, per Mathæum Berion Genevæ.

Omnia ista Biblia traductionis Genevensis esse, compertissimum est, non solum ex falsificatione textuum, quos Geneva corrupti in initio rebellionis suæ, et qui ibidem habentur,

sed aperte ex eo quòd omnia Biblia apocryphorum librorum catalogo, adscribant Sapientiam, Ecclesiasticum, Baruch, Tobiam, Judith, Machabæos, quos Ecclesia catholica pro canonicis recipit. Ut hunc discursum contraham, non citabo Biblia supradicta, nisi per annum impressionis suæ. Loquamur de Ecclesiâ triumphante, deinde de militante, ac postmodum de purgante.

§ 1. *Textus falsificati concernentes sanctorum intercessionem.*

In primâ ad Timotheum cap. 2, v. 5. S. Paulus in primis traductionibus Genevensibus ita loquebatur: *Unus enim Deus, unus et mediator Dei et hominum homo Christus Jesus.* Sic invenietis in Bibliis impressis anno 1546, 1547, 1554, 1556, 1564, per Jaqui Genævæ; sed in Bibliis anno 1605 impressis etiam Genævæ ampliùs dicit: *Unus enim solus Deus, et solus mediator Dei et hominum, scilicet Jesus Christus;* videtis nomen, *solus*, loquens de mediatore, nomen magnæ consequentiæ (nam disceptatio nostra est ut sciamus utrum sit unus solus mediator, aut advocatus) additum ab ultimis nundinis? Urgebamus dominos istos, ut nobis producerent textum in verificationem articuli sui 24, qui asserit quòd *Jesus Christus nobis sit datus pro solo advocato*, non inventientes in Scripturâ nomen, *solus*, de quo erat concertatio inter nos, illud addidère.

Videte quomodò vobis falsa Scriptura supponatur; in primis nundinis dabatur vobis una, quæ de, *solo*, non loquebatur; at in sequentibus ipsam vocem pronuntiat; sed cui adscribendum est, quòd hoc novo idiomate Scriptura loquatur? Traductio antiqua bona erat, et conformis originali dicenti: *Εἷς ἦν ὁ θεός, εἷς καὶ μεσίτης θεοῦ καὶ ἀνθρώπων.* Ad hæc nomen, *solus*, impertinens est discursui S. Pauli, qui probat rem Deo gratam esse si pro omnibus mundi hominibus orationes fiant, eò quòd Deus mediatorem dederit pro toto mundo. Bona ratio, quæ nulla esset, si negativa foret; scilicet non est nisi unus mediator: nam propositione affirmativâ existeret, ipsius probatio non potest esse hæc negativa. Deinde non sequitur ex eo quòd sit tantum unus mediator, pro toto mundo orandum esse et Deo gratum esse; quis non videat hujus probationis nullitatem? Igitur ministri additione suâ enervant argumentum S. Pauli. Sed etiamsi non enervarent, quis eos à sacrilegio eximat, quòd Scripturæ verbum hoc addant, et illud tan-

quàm ex Scripturâ proponant, ac in hoc articulum fidei suæ stabiliant? O fallaciam! Etsi hoc verbum esset Scripturæ, quomodò non esset in primis traductionibus?

Sed, respondebit mihi minister aliquis, quando docet Scriptura mediatorem unum esse, exponi debet, quòd unus *solus sit mediator*, proinde hæc additio non est damnanda.—Respondeo 1<sup>o</sup> quòd ostenderim interpretationem vestram non esse bonam; 2<sup>o</sup> quis vobis auctoritatem tribuit dandi interpretationem vestram pro verbo Scripturæ sanctorum? Quas Apocalypsis minas ei intentat, qui Scripturæ aliquid addit? Et super hæc additione fundatis articulum unum reformationis vestræ. O execrationem! 3<sup>o</sup> Initio rebellionis vestræ falsificastis locum cap. 1, v. 15, Epist. 2 S. Petri: non possum tamen vobis falsificationem ostendere per oppositionem Bibliorum vestrorum; justificatur per originale dicens: *Προειρησέναι ἑαυτῶν ἕνεκα παρὰ τοῦ ἰσχυροῦ ἔργου τοῦ πύθουτος πάλαι προειρησέναι.*

Geneva per transpositionem particulae quòd vim hujus loci enervat; nam vertit in Bibliis supradictis: *Dado autem semper operam, quòd post obitum meum, horum omnium memoriam faciatis, referendo: Post obitum meum, ad memoriam fidelium; quòd fideles memoriam essent habituri post obitum S. Petri, et non quòd S. Petrus post obitum suum daturus esset operam, quòd fideles memoriam essent habituri, etc.* Quod fecerunt per mutationem particulae quòd, quæ non est in Græco, ut evidens est, unde ut hunc locum nobis auferatis, Scripturam mutatis. Et S. Petrus prædicens quòd brevi esset moriturus, et opponens id quod faciebat ei quod post mortem erat facturus, satis ostendit quòd de sollicitudine loquatur, quam suscepturus erat post mortem in gratiam fidelium, quæ est pro vivis orare, et (*ἔσμεναι*) ait, hoc est, pro unoquoque particulari, et non solum in generali.

§ 2. *Textus falsificati concernentes sacramenta, et primum sacramentum Ordinis.*

In Actis, cap. 14, v. 25, secundum traductionem Genevensis 1546, 1547, 1551, 1556, 1557, de Apostolis dicitur: *Et cum constitisset illis per singulas Ecclesias presbyteros;* ad evitendam hierarchiam ecclesiasticam, et ad transferendam laicis auctoritatem aliquam, hæc verba addiderunt (*par la voix des assemblées*, quod Latine sic sonat: *Per consilium congregationum*), et quia nomen *presbyteri* illis

est exornata, propriâ traductione expunxerunt, mutantes illud in nomen *seniorum*.

Hæc additio non est ex ultimis nundinis sicut præcedens. Invenitur in Bibliis impressis Genevæ per Jaquii anno 1564, et continuatur nunc in Bibliis Berion Genevæ. In Bibliis autem anni 1505 habetur : *Et postquam per consilium congregationum constituisent seniores per singulas Ecclesias*. Videt libertatem spiritûs ministerialis addendi Scripturæ aliquid, in re tantî momenti sicut est ordo hierarchicus. Unde provenit, domini, hæc additio : *Per consilium congregationum?* à quâ revelatione, à quo spiritu? Antea in vobis dormiebat? Vestra prima traductio non erat bona, aut hæc est ex vestro cerebro? prima est secundum originale dicens : *Χειροτονήσαντες, δι' αὐτοῖς προϊερωμένοις κατ' ἑκκλησίας*, et secundum aliquam vulgarem.

§ 5. *Textus corrupti de Eucharistiâ tractantes.*

Insignis admodum est falsificatio capiti 22 S. Lucæ, vers. 20, quam notavi, supra, capite 4, § 2, ubi S. Lucas secundum Genevam refert effusionem ad sanguinem, textus originalis refert ad cupam, seu calicem ; sic hunc textum corruerunt ad ejus vim diminuendam. Hæc falsificatio clarè invenitur in Bibliis anni 1568, Traductio anni 1547, 1554 et 1557, ambigüè scribitur, sed apertè anni 1556, 1561, 1564, Genevæ per Jaquii, et 1605, per Berion Genevæ. Hic est processus horum dominorum. Primò textum obscurârunt, et deinde manifestè corruerunt.

Hæc verba tam clara : *Hoc est corpus meum ; hic est sanguis meus*, scripta per S. Matthæum, S. Lucam, S. Marcum, et per Apostolum Paulum valdè torserunt spiritus ministrorum. Variè in Bibliis suis illa falsificârunt. Primò in traductione Genevensi, anno 1546 et 1556, per Hamelin dicebatur : *Est hic corpus meum, quod pro vobis datur ; est hic sanguis meus*; et anno 1547, per Pidier, 1554, per Joannem de Tournes, habebatur : *Istud est corpus meum, et istud est sanguis meus*. Gallica sic habet : *Ce est mon corps, et ce est mon sang*. Inconstans in varietatibus suis traduxerunt anno 1557, per de Tournes : *C'est cy mon corps, ce est mon sang*. Latine sic reddi potest : *Est hic corpus meum, et hic est sanguis meus*. Quamvis Evangelium sit semper usum hoc nomine *πῶτον*. In nundinis sequentibus falsitatis per Catholicos convicti traduxerunt : *Hoc est corpus meum, hic est calix meus*; sic impresserunt anno 1561, 1564, 1605, Genevæ, quæ tra-

ductio Græcæ conformis est, quæ sic habet : *Τούτο ἐστὶ τὸ σῶμα μου : τοῦτο ἐστὶ τὸ αἶμα μου*.

S. Matthæus, cap. 26, v. 26, et S. Marcus, cap. 14, v. 23, dicunt quòd in cœnâ Jesus *ἔλασεν ἄρτους ἑλάσας*, hoc est : *Acceptit panem, et benedicens fregit*. Ministri statim in principio rebellionis suæ hoc vocabulum *benedictionis* abhorrentes (est siquidem benedicere Dei efficax, benedecendo operatur), transtulerunt : *Postquam gratias egit, fregit*; sic imprimi iusserunt in Bibliis anni 1546, 1547, 1554, 1556, 1557, 1561, 1564, 1605; sed per Catholicos coarctati, in margine Bibliorum Impressorum Genevæ anno 1605; posuerunt : *Aut benedixit*, quasi idem esset, gratias agere et benedicere, et particula *ipsum*, quam ad panem referunt, non est in originali textu; eam addiderunt.

In S. Joanne, cap. 6, v. 50, Dominus noster dicebat, secundum traductionem Genevensis anno 1546, 1547, 1554, 1556, 1557, 1561, 1564 : *Ego sum panis vivus, qui de cælo descendi*, quia verè hic textus ostendebat panem cœnæ esse *vivum*, et idè ipsum esse corpus Filii Dei, non panem materialem aut figuram, eò quòd nec ille nec hæc sit animata. Traduxerunt in Bibliis Genevæ impressis anno 1605 : *Ego sum panis vivificans*, scientes quòd talis possit esse panis, qui non sit vivus : nam panis noster vulgaris sustentat vitam nostram; proinde est vivificans, et inconstans in suâ versione, posuerunt in margine, *aut vivens*. Prima versio erat bona, nam Græca habet : *Ἐγὼ εἶμι ὁ ἄρτος ζωῆς*. Quales sunt hi auctorum omnium Græcorum reformatores, sicut et Ecclesiæ? Quem proferre auctorem possunt, qui dicat quòd vocabulum *ζωῆς*, aliud significet, quàm *vivum*?

§ 4. *Textus falsificatus tractans de onyestone.*

Sanctus Jacobus, cap. 5, v. 16, dicebat in Bibliis Genevensibus, anno 1546 : *Confitemini ergo alterutrum peccata vestra*; idem anno 1547, 1554, 1556, 1557 et 1564, dicebat. Cæterum, quia non admittunt quòd alteri fieri debeat confessio quàm Deo, nunc in Bibliis impressis Genevæ 1605, voluerunt diceret : *Confessez vos l'un envers l'autre*, hoc est : *Confitemini peccata vestra erga invicem*. Prima versio conformis erat Græcæ : *Ἐξομολογήσθε ἀλλήλοις τὰ παραπτώματα*. Ipsi hunc textum corruerunt, ne ab ipso impugnarentur; aliud quippe est peccata quæ admissimus confiteri erga invicem; aliud confiteri alicui peccata nostra, quod dixit S. Jacobus

§ 5. *Textus falsificati de Matrimonio.*

Apostatæ monachi, qui egregii fuerunt hujus rebellionis promotores, in eo statim in initio desudârunt, ut textus quosdam depravarent, et ut per regulam omnis veritatis concubitus suos propugnarent. S. Paulus ad Hebræos cap. 13, v. 4, sic loquitur: Ὅμοιοί γάρ ἐστέ τῷ κόσμῳ. Geneva in suâ versione, impressâ anno 1546, traduxit: *Matrimonia est entre tous honorable*, hoc est, matrimonium est inter omnes honorabile. In hac traductione perseveravit in Bibliis anni 1547, 1554, 1556, 1557, 1564, et perseverat in iis quæ sunt impressa anno 1605, per Berion: *Honorabile*, dicunt hæc Biblia, *est matrimonium inter omnes*. Ab his Veneris advocatis peto ubi inveniunt quod ἐν κόσμῳ significet inter omnes? scilicet homines, nec enim, omnes, ad aliud potest referri. Stocine sunt dictionaria Græca reformanda, et nova Græca lingua excogitanda est, ac S. Paulus producendus, ut velo quodam vestram nequitiam obtegatis? S. Paulus dicere vult matrimonium honorabile esse in omnibus suis membris, et partibus, ita ut nec contractus matrimonii, nec ejus usus malus sit, nam, ἐν κόσμῳ, idem est ac, *in suo toto*.

Paulus, ad Ephesios 5, v. 32, dicebat anno 1546, 1556, 1557: *Sacramentum hoc magnum est, ego autem dico in Christo et in Ecclesiâ*. Sed anno 1547, dixit: *Secretum hoc magnum est, sed dico Christi et Ecclesiæ*. Et anno 1564: *Secretum hoc magnum est, ego autem dico quantum ad Christum et Ecclesiam*. Idem anno 1605, originalis textus dicit: τὸ μυστήριον τοῦτο μέγα ἐστίν, ἐν ᾧ λέγεται ἡ Χριστός καὶ ἡ ἐκκλησία, ubi novi hi linguæ Græcæ inventores invenerunt quod εἰς Χριστόν καὶ ἑκκλησίαν, significet Christi et Ecclesiæ? Quales sunt hi dictionarii Græcæ linguæ depravatores?

Versio vulgaris ipso S. Hieronymo antiquior dicit: *Sacramentum hoc magnum est, ego autem dico in Christo et in Ecclesiâ*. Ministri posuerunt secretum, ne admitterent Matrimonium esse sacramentum; et quia hoc nomen, *secretum*, aut mysterium particularitatem aliquam designat, nec volunt matrimonii Christianorum aliud concedere, quàm quod sicut contractus civiles, voluerunt S. Paulus diceret anno 1547: *Ego autem dico Christi et Ecclesiæ*, contra vim Græci vocabuli, εἰς, eum compellentes ne loqueretur de Matrimonio inter Christianos. Eandem ei vim intulerunt anno 1564 et 1565.

§ 6. *Textus depravati concernentes extremam Unctionem.*

Etiâ in initio textum istum S. Jacobi cap. 5, vers. 14, corruerunt anno 1546, 1547, 1556, 1557, 1564: *Infirmatur quis ex vobis? inducat presbyteros*. In Græco est *ἰεροσόφους*, sed vocabulum hoc nostrorum rebellium cor commovet: *Et orent super eum oleo in nomine Domini, et oratio fidei salvabit infirmum, et alleviabit eum Dominus, et si in peccatis sit, dimittentur ei*. In Græco est: *Et orent super eum*: καὶ ἰεροσόφους ἐν ὀνόματι κυρίου. Ubi unquam invenerunt quod ἐν ὀνόματι significet pro illo? significat *super eum*, et valdè differt orare *super eum*, quod notat aliquid particulare, et orare pro ipso.

Hunc textum falsificârunt, eò quod nihil particulare in hac oratione velint agnoscere, et illam tanquàm non sacramentalem, rejicere; ac se à modo quo Ecclesia hoc sacramentum administrat, abstrahere, cujus forma est per modum orationis, et hoc proprium est huic sacramento, quo omnia alia privantur. Geneva convicta falsificationis hujus textus, incipit ponere in margine anno 1605, aut *super eum*.

§ 7. *Textus corrupti tractantes de libero arbitrio.*

Sanctus Paulus in Epistolâ ad Philemonem, v. 14, dicebat in Bibliis Genevensibus anno 1546, 1547, 1554, 1556, 1557, 1564, eidem Philemoni: *Sine consilio autem tuo nihil volui facere, uti ne velut ex necessitate bonum tuum esset, sed voluntarium*. Quia hoc textu probamus quod libertatem habeamus bonum aliquid faciendi (quod est habere *liberum arbitrium* ad bonum, quod non credit doctrina prætense Reformatæ), ministri ad hanc textum enervandum voluerunt S. Paulus adjiceret, unum velut, in Bibliis impressis Genevæ per Berion 1601, sic loquentem proferunt, uti ne velut ex necessitate bonum tuum esset, *sed velut voluntarium*. Videte eorum in addendo Scripturæ libertatem id quod non erat secundum eorum versionem, nec est in originali, quod dicit: εἰ ἄρα μὴ ἦν κατ' ἀνάγκην τὸ ἀγαθόν, οὐδ' ἦν, ἀλλὰ κατ' ἐκούσιν, prima eorum versio bona est.

Sapiens in Ecclesiastico, cap. 15, vers. 17, docebat in Bibliis Genevensibus anni 1547, 1554 et 1557: *Ante hominem vita et mors, bonum et malum; quod placuerit ei, dabitur illi*. Quia hic textus, per hæc verba: *Quod placuerit ei*, notat quod *liberum* habeamus ar-



bitrium, voluerunt aliter loqueretur in Bibliis impressis annis 1564 et 1605, Genevæ, et diceret: *Ante homines vita et mors, bonum et malum; quod placerit ei, dabitur illis.* In hæc versione, *Quod placerit ei, non, ad hominem refertur, sed ad alium, scilicet ad Deum;* atque sic corruptio hæc enervat textum istum; prima eorum versio vulgari nostræ antiquæ et Græcæ conformis erat.

§ 8.—*Textus corrupti concernentes fidem et opera.*

Sanctus Paulus, 1 Cor. cap. 9, v. 27, dicebat in Bibliis nostrorum religionistarum anni 1546, 1547, 1554, 1556, 1557: *Castigo corpus meum, et in servitutem redigo, ne fortè cum aliis prædicaverim, reprobos efficiar.* Quia per hunc textum fiduciam stultam eorum impugnamus, quam de salute per fidem suam consequendâ habent, et ostendimus quòd falsè de infallibili salute suâ sint securi, aliter S. Paulum loqui fecerunt in suis Bibliis impressis Genevæ 1605, per Berion, hoc modo, et dicere: *Castigo corpus meum, et in servitutem redigo, ne in aliquo modo, postquam aliis prædicavero, ipsemet inveniar non recipiendus.* Videte mutationem, quæ longè distat à Græco: μή πὸς ἄλλοις κολήσας, αὐτὸς ἀδόκιμος γέσσωμι. Et optimè transfert Vulgaris: *Castigo corpus meum, etc., ne fortè cum aliis prædicaverim, ipse reprobos efficiar.*

S. Paulus ad Rom. 6, vers. 19, dicebat in Bibliis Genevensibus anni 1546, 1547, 1554, 1556, 1557: *Nunc exhibete membra vestra servire justitiæ in sanctificationem;* Græcus textus dicit: Εἰς ἀγαθὸν, quod signat motum ad sanctificationem, et huic conformiter traductio nostra vulgaris dicit: *In sanctificationem,* quia in hoc textu Apostolus ostendit quòd sanctificari quis potest per opera justitiæ et virtutis.

Geneva voluit hunc loquendi modum mutaret, et in Bibliis impressis per Berion anno 1564 et anno 1605, diceret: *Nunc exhibete membra vestra ad serviendum justitiæ in sanctitate.* Prima traductio, accepta, ut paulò ante notavi, bona est: 1° Est secundum Græcam; 2° est secundum intentionem Apostoli, qui ostendit quòd sicut iterata peccata magis atque magis animam defendant, ita actus boni sanctificant; 3° Geneva traduxit: Εἰς ἀγαθόν, in v. 22, in sanctificationem; quare igitur non reliquit, in sanctificationem, v. 19? hoc fecit quia non vult fiat mentio sanctificationis, per opera justitiæ et virtutis.

§ 9. *Textus falsificati quantum ad Purgatorium.*

Sanctus Paulus, 1 Cor. 15, v. 29, dicebat

in Bibliis Genevensibus anni 1547, impressis per Pidier: *Alioquin, quid facient qui baptizantur pro mortuis? Si omninò mortui non resurgant, ut quid et baptizantur pro mortuis?* Geneva ne hoc loco prematur, illum in suis Bibliis corruptit, impressis anno 1505, per Berion, quæ vult dicat Apostolus: *Alioquin quid facient qui baptizantur prout mortui? Si omninò mortui non resurgunt, ut quid et baptizantur prout mortui?* Aliud est baptizari pro mortuis; aliud baptizari, prout mortui, tanquàm si mortui essent. Prima versio bona erat et conformis vulgari nostræ; et illud, pro mortuis, Gallicè sonat, pour les morts; at in secundâ versione, pro mortuis, Gallicè habetur, pour les morts. Prima versio etiam conformis est originali. Ἐπεὶ τί πωρήσονται ἢ βαπτίζονται ὑπὲρ τῶν νεκρῶν; εἰ ὅλιγοι νεκροὶ οὐκ ἐγείρονται, καὶ καὶ βαπτίζονται ὑπὲρ τῶν νεκρῶν; Quales sunt hi dictionarii Græci reformatores? In quo unquàm auctore invenient, quòd ὑπὲρ τῶν νεκρῶν significet, prout mortui, tanquàm mortui? deberet esse, ὡς νεκροί. Fabricant linguam novam Græcam ad defendendam reformationem suam imaginativam, et volunt de eâ hoc in loco S. Paulus loquatur, et aliis præcedentibus. Cur hunc textum corruerunt? Quia hoc in loco probat resurrectionem mortuorum, quia vulgare erat admodum tempore suo, opera pœnalit exercere pro defunctis, quæ nomine Baptismi nuncupat, sicut Dominus noster passionem suam crudelem vocat Baptismum suum apud S. Marcum cap. 10, v. 38. Geneva, ne urgeatur hoc textu, ipsum enervavit per falsificationem supra citatam.

S. Petrus Act. cap. 2, v. 27 et 31, dicebat in Bibliis Genevensibus 1546, 1547, 1554, 1557, quòd de Jesu Christo fuisset prophatum: *Non derelinques animam meam in inferno.* et quòd secundum hanc prophetiam ipsius anima non fuisset in inferno derelicta; voluit hanc prophetiam mutet, et aliter loquatur in Bibliis impressis Genevæ per Berion 1605, scilicet: *Non derelinques animam meam in sepulcro;* nam ejus anima non fuit in sepulcro derelicta. Magna est differentia inter infernum et sepulcrum. Spiritus interior gyros agit in vobis, ministri; jam unum dicit, jam aliud, et semper nobis magis atque magis impertinentia suggerit. Inducitis S. Petrum, ut valdè incommodè loquatur; efficitis siquidem, ut enumerando privilegia facta Jesu Christo, censuram faciat inter alia, quòd ejus anima non fuerit derelicta in sepulcro, quasi animæ aliorum sub his lamis requiescerent, et ipsius

anima aliquandiu ibidem fuisset. Prima versio vera erat, conformis originali : Ἐκ ἱεροσολύμων τῶν ψυχῶν μου εἰς ἄδου. Et paulò post : Ὁμοίως κατελάλησα ψυχῇ αὐτοῦ εἰς ἄδου, etiam conformis antiquæ Vulgari; Geneva hunc textum falsificavit, ne aliquem locum subterraneum agnosceret, præter locum damnatorum, in quem Jesus Christus descendit. Eam ob causam depravarunt locum ad Ephesios cap. 4, v. 9, ubi dictum est de Jesu Christo : Κατέβη πρῶτον εἰς τὰ κατώτερα μερὶ τῆς γῆς: *Descendit primum in inferiores partes terræ.* Geneva tradidit primum: *Descendit in partes inferius terræ*, adjungendo in margine, *in hoc mundo*, (quàm reformidant tertium illum locum!) et diu perseverarunt in hæc traductione, scilicet in Bibliis impressis anno 1546, 1547, 1554, 1556, 1557. Eadem est versio anni 1564. Genevæ per Jaquii, excepto quòd nihil in margine posuerint. Sed tandem convicti falsificationis, traduxerunt in Bibliis Genevæ impressis 1605, per Berion : *Primum descendit in partes inferiores terræ.* Igitur in omnibus Bibliis vestris præcedentibus Scripturam falsificastis.

§ 10. *Textus depravati ad tollendas traditiones.*

Sanctus Paulus 2 Thess. c. 2, v. 15, dicebat in traductione Genevensi 1546, 1547, 1554, 1556, 1557 : *Itaque, fratres, state, et tenete traditiones quas didicistis, sive per sermonem, sive per epistolam.* Nomen *traditio*, cor ministrorum lancinat, profitentur se nolle illas recipere, etiamsi S. Paulus præcipiat, et pro clausulâ fundamentali tenent quòd *verbum scriptum sit regula omnis veritatis.* Unde cum nobis hunc textum integrum non possint auferre, ademerunt et corruperunt vocabulum *traditionis*, et Bibliis suis inseruerunt impressis Genevæ per Jaquii 1564 et 1605, per Berion : *State, et tenete documenta quæ didicistis, sive per sermonem, sive per epistolam nostram.* Prima versio bona erat, secundum originale, quod dicit : *Κρατεῖτε τὰς παραδόσεις*: tamen textus iste nihil de vi suâ disperdidit per hæc falsificationem; adhuc optimè probat quædam documenta non scripta (quæ nos traditiones vocamus): igitur verbum scriptum non est regula omnis veritatis.

§ 11. *Confessio ministrorum de falsificatis à se sanctis Bibliis.*

Ex omnibus à me superius dictis, intelligetis verum sensum verborum, quibus ministri in præfationibus Bibliorum traductionis Gene-

vensis anno 1546, 1556, 1605, impressis Genevæ per Berion et alios, concedunt sub terminis honestis citatarum. In præfationibus Bibliorum hæctenus citatarum. In præfationibus Bibliorum anni 1546 et 1556, dicitur quòd « primo traductori Bibliorum Genevensium, errores multi obreptaverint, » et quòd « ad emendandum quod ibi deerat, fideliter laboratum sit, tam in pollicendâ et emolliendâ linguæ ruditate, quàm in reducendis omnibus ad sensum verum et naturalem. Anno sexto post eum, qui manum huic admovent, se eidem diligentius applicavit, ut in integrum restitueret, etc. Multum emendavit translationes præcedentes, imò magis quàm dixerim. De novo, quòd non essent alii, aggressus est id quod Deus ei dederat. Secundum dexteritatem spiritus traduxit, et iudicium, quòd sibi à Deo datum erat. » Isti correctores huic operi manum admovent (dicitis vos, pastores Genevenses, in eorum Bibliis impressis ibidem, anno 1605), « ut illud in quibusdam locis, corrigerent et illustrarent, ac etiam polirent, sicut placuit Deo dona sua iis distribuere qui conati sunt se fideliter ei impendere. » Beza primas habuit in istâ traductione, et præfatio jam dicta anni 1556 dicit quòd in suâ translatione *secutus sit id quod bonum ei visum fuit.* Denique pastores Genevenses, ultimi correctores hujus *regulæ totius veritatis*, quæ toties in vestris præcedentibus impressionibus Genevensibus tortuosa depreheusa est, dicunt quòd in ultimâ suâ traductione usi sint præcedentibus translationibus, « ita tamen, addunt ipsi, quòd « nos non omnino alicui illarum subjecerimus. Sed in hoc usi sumus sanctâ libertate, prout Deo nobis placuit elargiri spiritum discretionis suæ. Quantum ad hebraismos, aliqui per nos demitigati fuerunt, aliquando etiam eos, coacti, ut sic loquamur, mutavimus. » Ecce confessionem ministrorum, « hæc illustrationes, hæc correctiones hoc in medium proferre, quòd iis Deus largitus est; hæc spiritus dexteritas, hoc iudicium quòd iis Deus dedit; hæc politiones, hæc demitigationes, hæc mutationes per modum loquendi, hæc sancta libertas, hæc discretio spiritus, » quæ agnoscunt se in suis traductionibus attulisse, in tot correctionibus, de nundinis in nundinas sunt sacrilegæ illæ falsificationes supradictæ, ut cum addunt S. Paulo: *Solus mediator*, aut *Actibus, per consilium congregationum*, etc., quæ excreverunt

magis atque magis, de nudinis in nudinas.

Quæ sint futura Biblia, in proximis nudinis sum inscius, si perseveraverint, sicut hucusque fecerunt, intra annos aliquot, eorum Biblia omninò phantasiis ministrorum complebuntur, dùm quisque vocabulum suum adjunget, et excurrere faciet pro puro verbo Scripturæ sanctæ. Confirmavi quod in titulo hujus libelli posui, nimirum quòd *Biblia Genevensia essent falsificata per ministros, in omnibus punctis præcipuis fidei, controversis, magis ac magis de nudinis in nudinas*; vos, domini religionarii, reflexione factâ, ea videte quæ in hujus capitis exordio tractavi.

Quod sequitur etiam perpendite; ministri in prædictâ præfatione anni 1546 et 1556, de primâ traditione Bibliorum suorum Genevensium loquentes, aiunt, *multos errores obrepisse, et eam ob causam elaboratum fuisse, ut emendaretur*; atque sic prima regula vestra *omnis veritatis* (quæ sunt Biblia), tortuosa erat usque ad annum 1540. Qualia erunt secunda Biblia? Postea, sex annis exactis, primus hic corrector alios errores agnoscens, iterùm *se applicuit, ut in integrum restitueret, etc.; multa emendavit, etc.*; sic prædicta loquitur præfatio; unde hæc *regula veritatis* huc adhuc obliqua erat. Qualia erunt tertia? Hic primus corrector in præfatione supra positâ dicit: *De novo, quòd non essent alii, aggressus est id quod Deus ei dederat; secundùm dexteritatem spiritûs, et iudicium quod sibi à Deo datum erat. Quidam manus admovère, sic loquuntur Biblia anni 1605, ut ea quibusdam in locis corrigerent, eaque illustrarent, et politiora redderent. Cæterùm non obstante omni labore qui impensus est, addit præfatio anni 1556, tantùm abest, ut opus sit perfectum, ut etiam is cui hoc unus principaliter incubuit, necdùm sibi satisfactum esse arbitretur eo quem in hoc navare potuit, labore; optaret ut aliquis cui otium suppetit, et omnibus his instructus est, quæ ad ejusmodi opus exiguntur, senos annos impenderet, ac deinde laborem suum hominibus peritis communicaret.*

In præfatione anni 1605 dicit quòd non obstante hæc diligentia, quæ apparet in diversis impressionibus Bibliorum Gallcorum, non fuerit possibile omnibus satisfacere, et non immeritò eam ob rem eidem operi iterùm manum admoveant. Et sic tertia adhuc traditio errore non caret. Qualia erunt ultima? Pastores Genevenses postquam de novo ea traduxerunt et correxerunt, *sanctâ libertate utentes, prout*

*placuit Deo eis largiri Spiritum suum discretionis, certi non sunt quòd hæc omnis veritatis regula adhuc certa sit; nam in præfatione horum Bibliorum ultimorum, impressorum anno 1605, Genevæ, per Berion, dicunt quòd nolint promittere, se in omnibus benè traduxisse, hoc omninò eorum capacitatem transcendere; hanc traductionem non suscepisse cum fisciâ eam plenè ad finem suum perducendi, se optare ut informentur, in quo videbuntur fuisse allucinati in idiomate linguarum, aut in intentione prophetarum et Apostolorum. Hoc dicunt ministri, cui si addatis quæ ab eis audivisti, etiam conflentur paulò ante falsificationes quas probavi superiùs à seipsis commissas. Altiori mentis acie perpendite quæ jam vobis sum representurus.*

Videtur prima Biblia Genevensia impressa usque ad annum 1540 aut 1550, per ministros vestros judicata multis scater erroribus. Idem agnoscunt in secundâ traductione; idem in tertiâ, nec certi sunt quòd in hæc ultimâ non aberraverint à suâ *regulâ omnis veritatis* quæ sunt B.blia. Igitur ipsorum *regula omnis veritatis* tortuosa erat, à primâ ipsorum rebellionem usque ad an. 1550, et ab hoc anno usque ad an. 1556, et ab hoc tempore usque ad an. 1605.

Obliqua eorum regulâ existente, non erat possibile quin fides quæ ei adhibebatur, etiam fuerit obliqua: nam aut perfectè tunc fidem adhibebant huic tortuosæ regulæ, aut non; si non adhibebant, abnegabant articulum suum 5, qui eos obligat *ad res omnes dirigendas et examinandas juxta hanc regulam*, et ad id tantùm recipiendum, quod in eâ habetur. Et quæ alia esset regula, secundùm quam judicare possent? regula proprii iudicii, regula bella! si perfectè fidem huic regulæ adhibebant, necessariò multis implerentur erroribus, sicut ipsorum Biblia implicabantur. Hoc luculenter apparet, nam quod regulæ tortuosæ perfectè convertitur, necessariò in aliquâ sui parte obliquum est.

Sic fides fratrum in Christo, qui præcesserunt annum 1550, iudicari debet plena multis erroribus, à fratribus in Christo, qui postea prodierunt, qui iudicârunt talia esse eorum Biblia; et hi condemnantur tanquàm errantes per eos qui fuerunt anno 1556, et hi ultimi etiam tanquàm illusi ab iis habentur, qui fuerunt anno 1561; denique hi novissimi reprobandur ab iis qui Biblia traductionis Genevensis ultimæ sequuntur, impressa anno 1605.

Argumentum paulò ante productum opimè eos convincit.

Hi etiam ultimi correctores, cùm pro comperto non habeant utrùm in *idiomate linguarum, aut intentione prophetarum et Apostolorum* impeerint, ac proinde incerti sint utrùm *regula sua omnis veritatis* sit tortuosa, et si n varios errores prolapsi sint, ipsis constare non potest fidem suam rectam esse et sine errorum mixtione; nam profitendo quòd articuli eorum non contineant veritatem aliquam, nisi eam ex hâc scaturigine hauriunt, eorundem articulorum certitudinem habere non possunt, nisi cum proportione quòd certi sint Biblia sua, quibus inniuntur, bona esse. Sed unde aliàs certitudinem habere possunt? fatentur se certitudinem non habere quòd eorum regula sit recta; igitur certi esse non possunt quòd eorum articuli obliqui non sint et falsi.

Hic etiam valdè observandum est, nimirùm quòd secundùm articulum 4, religionarii particulares, nobilis aut opifex, obligentur ipsimet fidem suam (nec teneantur se referre ad ministros suos) ordinare secundùm Scripturam tanquàm *regulam omnis veritatis*. Secundùm quam regulam formabunt? Haud dubiè eùm Græcæ linguæ aut Hebræicæ ignari sint, non possunt eam secundùm originale continere, sed secundùm traductionem aliquam duntaxat. Quam? Eam delinearunt, et delineant ad traductionem factam per eos qui stant à suis partibus, et in honore fuerunt, aut nunc sunt; quomodò aliter facerent? Quamobrem necessarium erat ut ii qui ante annum 1350 in vivis erant, fidem suam stabiliarent super Bibliis quæ tunc extabant, et qui anno 1550, super suis Bibliis emendatis à multis erroribus, et qui anno 1556, super suis correctis, et qui anno 1561, super suis de novo emendatis, et hæc omnes emendationes semper factæ fuerunt in punctis præcipuis fidei controversæ.

Hoc argumentum ostendit quòd religionarii particulares moderni fidem habere non possint, nisi incertam: nec enim certitudinem habere possunt, quòd regula secundùm quam fidem suam ordinare debent (quæ non potest linguâ Græcâ esse aut Hebræicâ, quam non callent, sed transductio aliqua) non sit tortuosa. Et addo quòd eorum Biblia, quæ nunc passim recipiuntur, cùm falsificata sint et depravata in mille locis, ipsi qui originale non intelligunt, et fidem suam fundare debent super

ejusmodi Bibliis fidem habeant erroribus necessariò permixtam

Si dicunt se Biblia nostra accepturos pro *regulâ omnis veritatis*, dico quòd non intelligendo originale, et in articulo 28, profitendo quòd *pura veritas apud nos in exilium pûta sit*, certi esse non possunt quòd Biblia nostra recta sint regula. Et quomodò judicabitur Biblia nostra certò recta esse, quæ tantoperè vestris repugnant, quæ bona esse arbitramini? Virtute totius argumenti à me facti, concludo oportere 1° quòd profiteamini fratres vestros in Christo qui ante annum 1605 vixerunt, fidem habuisse erroribus permixtam; 2° quòd concedatis vos non posse fidem habere nisi incertam; 3° quòd ad impossibile obligemini, nimirùm ad unam fidem certam, quam vos ipsi stabilitis super traductione quam non potestis vobis polliceri bonam esse; 4° quòd fides complicum vestrorum ab exordio suo mutari debuerit de nundinis in nundinas, et de facto mutata est, *regulâ omnis veritatis* se de nundinis in nundinas mutante.

Fortassis spiritus aliquis sceleratus ministrum aliquem nequam subornabit, et Biblia vestra mutabuntur in primis nundinis, et deinceps fides vestra una cum ipsis. Si nec parti alicui adhæretis, has nundinas expectate.

Ego, ô religionarii, hæc adnotatione finem impono. Vos qui originale non intelligitis, compellimini traductioni alicui Bibliorum confidere, de quibus impossibile est ut iudicium feratis: his ita constitutis, quanta stoliditas est antiquæ Vulgari nuntium remittere, et quæ antiquior est S. Hieronymi versione, et quæ ab omni antiquitate summopere venerata est, pro Genevensibus, de quarum infidelitate amplius non potestis ambigare, cùm sibi ita invicem repugnare cernatis?

Harum traductores profitentur se transmississe *secundùm dexteritatem spiritus et iudicii, se usos fuisse in hoc libertate spiritus, prout Deo placuit illis spiritum discretionis elargiri, se modum loquendi mutasse*. Et has vobis probavi in omnibus præcipuis punctis fidei depravatas esse, et magis atque magis depravari de nundinis in nundinas. Et cùm judicare non possitis de convenientiâ quam habent Biblia cum Græco et Hebræico, quâ prudentiâ christianâ Genevenses potestis deligere? Et inter has cur potius harum nundinarum quàm aliarum? et super illas fidem vestram, et per consequens, salutem vestram, et felicitatem æternam stabilire?

Rursùs in articulo 24 Confessionis vestræ profiteamini quòd *Purgatorium aliud nihil sit quàm ludibrium, procedens ex officinâ Satanae, à quâ etiam promanarunt confessio auricularis, prohibitions matrimonii, et ciborum usûs*. Idem dicitis de fide nostrâ quoad præsentiam realem et corporalem Jesu Christi. Idem de libero arbitrio, de justificatione ex operibus, de traditionibus, etc., quia, ut dicitis, nihil horum in Scripturâ reperitur. Et ut obiter dicam, potior pars Confessionis vestræ ex propositionibus negativis conflat: *Nullum est Purgatorium; confessio non homini fieri debet, sed soli Deo*, etc. Unicum propositionum vestrarum omnium negativarum fundamentum, aliud non est quàm hoc: *Nihil credendum, nisi quod in verbo scripto extet. Scriptura de Purgatorio non loquitur, de confessione, etc. Igitur ejusmodi non sunt credenda*. Hoc argumentum latè superiùs sub examen revocavi, et ostendit propositionem majorem ministrorum cerebro adinventam esse, ac proinde consequentiam non esse recipiendam. Nunc dico vobis ampliùs: Esto, propositio illa major sit vera, inveniatur in Scripturâ (quod falsum est), si secundùm Confessionem vestram fidei progredi velitis, et secundùm articulum vestrum 3, quòd *Scriptura sit regula omnis veritatis*; non potestis pro certo compertoque habere omnia supra dicta figmenta esse, et de illis in Bibliis mentionem non fieri, exempli gratiâ, de Purgatorio, aut de extremâ Unctione, etc. Cæterùm quando textus videtis, quos pro confirmatione ejusmodi articulorum producimus, per ministros depravatos esse, qui fieri potest, ut vós, qui originale non intelligitis, saltem in dubium non revocetis, quòd fortassis in Scripturâ fiat mentio de Purgatorio? Quis certissimè vobis contrarium asseverabit? Idem dico de omnibus aliis punctis, in quibus tot ministras falsificationes detexi: haud dubiè pastores vestri non sine causâ hæc loca potius falsificârunt quàm alia; omne genus prudentiæ vos debet suspectos reddere ob has depravationes, et ex consequenti efficere ut in animo hoc dubium concipiatis: *Fortassis Purgatorium in Scripturâ reperitur*, quod augebitur, si attentè consideraveritis textus alios, quos Catholicici, post sanctos Patres, proferunt in confirmationem hujus articuli. S. Augustinus in Ps. 37, probat per S. Paulum 1 Cor. c. 3, v. 13, et in libro quem de hoc subjecto conscripsit, cujus titulus est: *De Curâ pro mortuis egendâ*. Postquàm per traditionem et modum

allum ostenderat, etiam illud probat per 2 Machabæorum, c. 12, v. 59. S. Cyprianus in suo Epistolarum libro, Epistolâ 2, confirmat per S. Math. cap. 5, v. 25, et S. Luc. cap. 12, v. 58, omnes alii Patres in eandem sententiam concurrunt, et per jam dictos textus probant, et per plures alios consimiles. Quomodò fieri potest, ut cum vobis hos omnes textus ob oculos ponitis, saltem in animo dubium aliquod non concipiatis: *Fortassis Purgatorium in Scripturâ docetur*? Nescio qui fieri possit, ut homo cui sapientiæ granum inest, saltem hoc illi in dubium non veniat. Dubium hoc habetis, certi esse non potestis quòd *Purgatorium sit ludibrium*, sed necesse est dicatis: *Fortassis est Purgatorium unum*. Quod dùm facitis, non facitis id ad quod articulus vester 24 vos obligat, nimirùm ut tanquàm articulum fidei credatis quòd *Purgatorium sit ludibrium*, et per consequens non ampliùs statis à partibus religionarii, qui jam dictam Confessionem fidei profitetur.

Quòd si dixeritis: *Mihi nihil eorum credendum est, quæ in Scripturâ obscura ponuntur, quis vobis pro regulâ omnis veritatis dedit Scripturam clarè loquentem?* et quòd licitum sit credere illud esse *Satanae ludibrium*, quod docet, licet obscurè? sic fides sanctæ Trinitatis esset *illusio procedens ex officinâ Satanae*; nam non evidentiùs in Scripturâ proponitur quàm Purgatorium.

Quod de propositione hæc vestrâ negativâ in medium attuli, etiam dico de aliis vestris negativis: *Non oportet sacerdoti confiteri; non est sacramentum extremæ unctionis; Jesus Christus non est corporaliter sub elementis corruptibilibus panis et vini; non ex operibus fidei christianæ justificamur, non sunt traditiones agnoscendæ*, etc., et de compluribus articulis Confessionis vestræ, qui ferè omnes sunt negativi.

Item allatum argumentum probat, vos certos esse non posse, quòd in Scripturâ sanctâ non inveniatur, nec consequenter, pro comperto habere. Et idè, quòd sine stoliditate non possitis Confessionem vestram fidei, et partem religionariam, quæ in Galliâ viget, tenere, sed quòd propriam religionem debeatis vobis excitare, templa ædificare, novos ministros constituere non minùs in doctrinâ cum iis qui in Galliâ tolerantur discrepantes, quàm eum Catholicis.

## CONCLUSIO,

*Disputationis hujus summam complectens.*

Pro conclusione, summam hujus methodi et libelli hoc syllogismo complector; hæc pars adversa calumniatrix est, falsa accusatrix, iudex iniqua, rea millionis enormissimorum criminum læsæ majestatis divinæ et humanæ (et quisquis ei sese associat). Venditat se modo extraordinario à Deo missam esse, ad erigendam Ecclesiam, per purum verbum Scripturæ sanctæ; Ecclesiam accusat; dicit eam omni superstitione et idololatriâ deformari; eandem eodemque, et, quod magis est, hanc sententiam executioni mandans, compilationibus, incendiis, jugulationibus omnia depopulatur, statum instituit particularem, prællis decernat, etc. Et tamen nec errores nostros prætextos potest ostendere, nec articulos suos comprobare, vel per purum verbum, vel per consequentias evidentes et necessarias ex ipso deductas.

Pars religionaria dicit, se *missam esse à Deo modo extraordinario, ad reformandam Ecclesiam per purum Dei verbum*, prout patet ex articulis 36 et 5 Confessionis fidei ipsius. Et hinc pronuntiat nos *superstitionibus et idololatriis plenos*, articulo suo 28. In hujus sententiæ executione, diripit ecclesias nostras, sacerdotes contrucidat, in Galliâ quinque committit certamina, etc., ut manifestum est. Et tamen dicta pars errores nostros prætextos non potest demonstrare, nec aliquem articulum suorum justificare, neque per purum verbum Bibliorum, etiam secundum traductionem Genevensis, neque per consequentias evidentes et necessarias ex puro verbo decerptas, sicut quinque capita priora hujus libelli fidem faciunt. Omne confirmatur ex eo quòd (res observatione dignissima) ministri Biblia sua depravarunt in omnibus præcipuis fidei punctis controversiis. (Biblia hoc modo falsificata esse, probavi capite ultimo.) Sed per tot corruptiones, plura habemus loca in eorum Bibliis quæ articulos nostros comprobant, suosque condemnant, sicut liquidò constat ex capite 6. Igitur pars religionaria calumniatrix est, accusatrix falsa, iudex iniqua, rea millionum criminum, etc.

Quid vobis, domini religionarii, pro fidei vestræ fundamento superest? Quid sunt hi omnes articuli nostri et fidei vestræ Confessio? Congeries opinionum imaginatarum, quæ cerebris vagis et rebellibus quorundam apo-

statarum et ministrorum turbulentorum, excogitate fuerunt.

U! his adhærescatis phantasmatis, nuntium remittitis antiquitati, conciliis, decretis, arestis, miraculis, etc. Quid respondi Deo dabit in die illo assensionum reformandarum? Attento, ô domini, spiritu, et ab omni passione libero vos, qui coram Deo, et ante ejus tribunal manifestari debetis, perpendite syllogismum hujus summarii, et deductionem, ac ipsius probationem in hoc toto parvo libello comprehensam. Sine verâ fide salus vobis non potest obtinere.

Substantiam ejus, quod in primo hujus libelli capite continetur, accepti à piæ memoriæ R. P. Gontero, insigni illo venatore, auctore et inventore hujus methodi, quæ tantæ efficacitatis est, et tantæ facilitatis ad venandum per purum verbum scriptum, etiam versionis Genevensis. Aliâ in disputationibus, quæ contra ministros illi crebræ fuerunt, non utebatur, ratus hanc omnium optimam esse. Hæc methodo pastores Ecclesiarum Prætersarum Diépensium, Cadomiensium, Sedavensium, etc., confudit, et ad fugam capessendam compulsi, quibus nullâ ratione permittebat, ut in puncto aliquo controverso, per consequentiam agerent, quam dicebant se velle deducere ex Scripturâ, quin prius sigillo subsignarent, quòd contra nos agere non possent per purum verbum scriptum. At hoc nunquam ausi fuerunt facere, non ignorantes, quantum damni in omnes eorum partiariorum ex hæc confessione posset irrepere.

Adversarii nostri cernentes se premi per hunc strenuum athletam, et compelli ad propugnaculum suum puri verbi scripti deserendum, ad instar vulpium, in antra consequentiarum quarundam, quas ex puro verbo deducere pollicentur, transfugerant, et vulpinâ fraude utentes, volunt ut istæ consequentiæ pro verbis sanctæ Scripturæ recipiantur; ad minus eandem volunt vim habeant, quam habet Scriptura.

Principalis in hoc opusculo intentio non est, ut eos hoc ultimo subterfugio deturbem, et modum præscribam, quo quisque idem facere valeat. Præscribo cap. 2 et 3 hunc modum, æquè facilem ac solidum. *Facilem reddere* volui, ut in praxim etiam ab iis possit assumi, qui in theologiâ non sunt versati; *solitam*, ut etiam à doctioribus recipiatur, quem agnoscent ad theologiæ subtiliorem methodum concinnatum esse, quam scholasticam vocitant, ac

secundum ipsius leges severiores examinatum; quamobrem eum prorsus judicabunt inflexibilem.

Hunc scribens libellum, plures, hoc subiecto, feci academias in duobus collegiis celebrioribus, quæ in Galliâ habeamus (in quæ me inter prædicationes Adventus et Quadragesimæ recepi), tum ut plures in hoc agone spiritali instruerem, tum ut disputationibus hoc exactius redderem; hujus vim ministris Ambianensibus luculenter ostendi, presentibus illustrissimo duce Longevillano, ejus nobilitate, ac plus minus 200 personis, in medio civitatis capitalis Picardiæ. Subjectum erat SS. Altaris sacramentum, per sola Genevensis Biblia. Disputatio tribus continuis diebus transacta. In primo effeci ut minister renuntiaret omnibus Bibliorum textibus, etiam versionis Genevensis. Secundo die illum mutum reddidi in consequentis suis, horæ dimidiæ spatio. Et tertio in fugam se conjecit cum alio ministro accersito, qui venerat nocte præcedenti, ut mutuo succurreret. Omnia acta sunt præsentem tam nobili et tantâ hominum coronâ, et subsignata per personas tam fide dignas, quæ etiam ibidem aderant, ut ipsemet adversarius, quodam scripto suo præcipua eorum, quæ scripsi, fateatur. Iteratæ collationis hujus impressiones, ut præcipuis Galliæ civitatibus

factæ, eam admodum celebrem reddiderunt; hoc non aliam ob causam dico, quàm ut hoc facto vim hujus methodi omnibus reddam perspicuam. Ego me offero ad ejus efficacitatem integram demonstrandam, omnibus ministris cujuscumque illi generis, et qualescumque illi fuerint, et in quanto velerint numero ac quamcumque materiam elegerint, modò mihi collum submittere non renuant. Obligo, inquam, me ad reducendum eos in eosdem terminos, in quos ministrum Hucherum reduxi. Et quod majus est, omni promitto Catholico, modò armorum horum usum habeat quòd nullo negotio idem sit facturus. Ego, finitâ jam dictâ disputatione, pollicitus sum quòd junior omnium regentium collegii nostri Ambianensis, ad ejusmodi angustias reducturus esset miserum prædictum pastorem, ad quas ego cum deduxeram, modò plus minus unius horæ spatium concederetur, ut eum hunc venandi modum docerem, et modum excogitaret, quo fugitivus minister de integro in arenam descenderet.

Libellus iste quemcumque, præcipuè si philosophicis studiis incubuerit, capacem ex quo tempore reddere potest, ut feliciter hoc modo venari queat. Hanc methodum in eude limâque recudi volui, omnibus ut fieret communis. Principale propositum meum agnoscitis.

## MONITUM.

Postquam in quarto nostri Theologiæ Cursus volumine monuimus visum esse egregiis quibusdam professoribus haud sat integrè vindicatas sanctæ sedis partes, editâ tantum fratrum Ballerini elucubratione de *primatu summorum Pontificum*, sollicito animo illud à nobis præstitum, ut ipsorum votis ac consilio satisfaceret, idedque Gallicanum Regnum de Ecclesiâ tractatum opere altero *Petitdidier de infalibilitate summorum Pontificum* ultramontano sensu mitigavimus, ac per modum compensationis correximus. Illâ verò animi nostri obsequentiâ efficere non potuimus ut omnes æquè gratos haberemus; nam alii pro aliâ opinionione decertantes, adversariorum placitis ni

mis delatum à nobis arbitrati sunt. Omnium igitur desideriis, quantum fieri potest, indulgentes, præsertimque servaturi præmissam à studio partium abalienationem, Theologi cujusdam ingenio non minus quam animi moderatione commendandi laborem subjecimus. Nec plus equidem quam paret Gallicanorum principibus addictum lectores invenient; neminem verò novimus qui Gallicanas opiniones auspicatò magis, necnon verbis ad sibi devinciendos adversarios accommodatioribus unquam enuntiaverit. Et hæc nostra fiducia, animique intentum, inde pacem omnibus ac charitatem inter unius corporis membra nascenturam. Nunc loquatur eximius dissertationis auctor.

---

## DE CONTROVERSIIS INTER CATHOLICOS AGITATIS, CIRCA AUCTORITATEM SUMMI PONTIFICIS (1).

Nostrum non est dirimere controversias quas theologi in scholis catholicis movent, de auctoritate sedis Apostolicæ; hanc curam sibi assumant alii doctiores; nobis, ne videantur Editores promissis datis et scopo intento deesse, hoc unum sufficere arbitramur, scilicet limites quibus continetur hæc controversia exponere, et quosque conciliari possint sententiæ discrepantes.

Disidia exorta inter Gallicanos et Ultramontanos de auctoritate summi pontificis, non attentant dogma catholicum, seu prærogativas sanctæ sedis, quas Ecclesia definit, sed pro objecto tantum habent opiniones theologicas discussas in famoso conventu cleri Gallicani, anno 1682, quædam consecraria primatus sedis Apostolicæ, de quibus hætenus lis est, cum nondum de his quidquam determinare pro opportuno habuerit Ecclesia.

Theologos catholicos in hæc materiâ de dogmate esse concordare clarius constat quam ut quis de eâ re dubitare possit, qui eorum scripta sedulo legerit, et non sit prorsus alienus ab scholarum placitis; nullus est ex omnibus theologis quos possumus annumerare inter Gallicanos et Ultramontanos, qui non doceat summo Pontifici competere, ex divinâ Christi institutione, primatum honoris et jurisdictionis, et qui non fateatur vi hujus jurisdictionis Ecclesiam Romanam esse centrum unitatis catholicæ, matrem ac magistram omnium Ecclesiarum; cætera autem quæ ex illis principiis ulterius sequuntur, doctores,

(1) In hæc dissertatione duos imprimis consulumus auctores qui summâ prudentiæ ac moderaminis laude in hoc incubuerunt, ut Gallicanorum simul et Ultramontanorum diversas conciliarent opiniones, quod quidem, nostrâ sententiâ, sat feliciter præstiterunt, alter in libro cui titulus: *Nouveaux opuscules de Fleury*, cum præfatione ac notis D. Emery, S. Sulpitii superioris, posterior verò in opere inscripto: *Revue de Fénelon*, quod legere est operum Fenelonii tom. 25, edit. Versall. Et hæc quidem opera haud parum nobis profuere: cum verò intra congruos laboris sui limites auctores supra dicti nimirum restringerentur, è re nostrâ visum est, lectorumque placitis simul ac utilitati magis accommodatum, arduam hanc questionem altius intraspicere ac modo generali tractare.

illâ fide, in sensu diverso exponunt, nec suas sententias ut fidei articulos tuerunt, nec iis contradicentes pro hæreticis habent.

Duos præ cæteris celebriores theologos citare satis erit, Bossuetium et Fenelonium, qui etsi diversimodè opinati fuerint, in eo tamen sunt concordæ, quòd fidei integritas nihil lædatur in alterutrâ parte. Quid de hoc sentiat Bossuetius, nulli dubio subjacere sinit dissertatio prævia Defensionis Declarationis, quæ inscripta est: *Gallia orthodoxa*; §§ 6 et 40, testatur longè alienissimum fuisse à mente cleri Gallicani, ut decretum conderet in committis anni 1682, sed sibi tantum proposuisse eam opinionem concordem potiore adoptare, quæ in quatuor articulis consignatur, « opinionem sanè, ait illustrissimus auctor, non catholicæ fidei formulam, quæ animos constringeret.... Sanè præsules ab initio Declarationis memorantur Ecclesiæ Gallicanæ decreta: an decreta de fide, ad quæ sub animarum periculo constringantur? de his ne verbum quidem: decreta dixerunt, notissimis vocibus, priscam et inolitam, id est, consuetam in his partibus sententiam, non fidem quâ omnes tenerentur.» Hoc confirmat per ipsammet historiam hujusce conventus, quam apprimè noverat, et præsertim per habitam in eo orationem ab archiepiscopo Cameracensi, D. de Brias, cui omnes præsules assenserunt.

Ex adversâ parte, Fenelonius, quamvis non adhæreret opinionibus quas propugnaverat episcopus Meldensis, tamen agnoscebat in eâ materiâ non agi de fide, sed de sententiis quas Ecclesia scholasticis permittit disputationibus. Illud probant plurimæ ad cardinales Gabrielli et Fabroni Epistolæ, quæ sub formâ appendicis dissertationi de auctoritate R. Pontificis editæ sunt in vol. 2 operum Fenelonii, edit. Versall. In his Epistolis, et præsertim in primâ, respondet quibusdam Italis sibi et cæteris præsulibus Galliarum exprobrantibus quòd omisissent invocare Papæ infallibilitatem in suis mandatis pastoralibus contra *casum conscientiæ*. Eâ occasione observat, ad rectè stabilendum dogma catholicum contra novatores, omninò semovendas esse quæstiones



quarum libera discussio in scholis permittitur. «Pace vestrà dixerim, scribebat ad em. card. «Gabrielli, et summo cum honore Ecclesiæ «matris, quam totis visceribus, quoad spiras «vero, amare, colere, venerari, singul. ri ob- «sequio prosequi certum est, *nullo hactenus «cujusquam vel concilii, vel pontificis decreto «definitum fuit Papam esse infallibilem.*»

Innumeros theologos eodem sensu afferre aprofosum non foret, si postularet necessitas; sed illud supervacaneum arbitramur (1): omnes nõrunt quàm summo omnium Catholicorum plausu prodierit opusculum sub eo titulo: *Exposition de la foi catholique*, auctore Bossuetio. In eo dùm recensentur diligentissimè singula fidei dogmata adversùs hæreticos, altum silentium servatur de infallibilitate S. Pontificis, et cæteris prærogativis in controversiam adductis; imò hæc indrectè expunguntur è numero dogmatum, dùm asseritur sufficere Catholicis ut agnoscant Papam esse caput pastorum, sedem verò Apostolicam unitatis sive communionis centrum. En auctoris verba: «Nous reconnaissons cette même primauté «dans les successeurs du prince des Apôtres, «auxquels on doit, pour cette raison, la sou- «mission et l'obéissance que les saints conciles «et les saints Pères ont toujours enseignées à «tous les fidèles. Quant aux choses dont on «dispute dans les écoles, quoique les ministres «ne cessent de les alléguer pour rendre cette «puissance odieuse, il n'est pas nécessaire «d'en parler ici, puisqu'elles ne sont pas de la «foi catholique: il suffit de reconnaître un «chef établi de Dieu, pour conduire tout le «troupeau dans ses voies, ce que feront tou- «jours volontiers ceux qui aiment la concorde «des frères et l'unanimité ecclésiastique.» (*Ex- position*, n° 21.) Procul dubio si Ultramontani de fide certarent cum Gallicanis, grande fuisset piaculum in eà Expositione silentio prætermittere infallibilitatem R. Pontificis, illius superioritatem in concilia generalia, et catholici doctores, imò ipsa sancta sedes non tam impensissimè favisset huic libello Bossuetii, de quo Innocentius XI in suo ad auctorem Brevi dicebat: «Non solùm à nobis commendari, «sed ab omnibus legi atque in pretio haberi «meretur;» et occasione secundæ editionis in altero Brevi: «Libenti animo confirmamus

«uberis laudes quas tibi de præclaro opere «meritò tribuimus, et susceptas spes copiosè «fructus exinde in Ecclesiam profecturi.»

Constat proinde, illasà fide, disputari posse de consecrariis primatùs pontificii, de quibus lis est Ultramontanis cum Gallicanis, unde gravi animadversione digni sunt qui ultimis hisce temporibus, duce D. de Lamennais, eò usque temeritatis processerunt, ut non dubitaverint, errores circa fidem, hæresim, infanda dogmata suis adversariis imputare, et totam Gallicanam Ecclesiam commovere, perindè ac si ageretur de fide; quinimò actum foret de ipsà Religione christianà, et inducendus foret nescio quails atheismus, ut aiebant, nisi abjureretur doctrina in quatuor articulis consignata. (*De la Religion dans ses rapports avec l'ordre civil; Mémoires catholique*, etc.) Hæc indigna certè viro theologo, mentis præjudicia, et non levem ignorantiam doctrinæ ecclesiasticæ arguunt.

Opponi forsitan posset, sententiam faventem sedi Apostolicæ necessariò sequi ex principiis quæ omnes admittunt ut totidem dogmata fidei definita à sacris conciliis, et præsertim à Florentinà synodo; insuper Declarationem cleri Gallicani, datam in conventu anni 1682, non semel fuisse à sanctà sede proscriptam. Sed ad hæc facilis responsio. Ad primum dicemus: Doctrina seu propositio non est de fide, nisi sit immediatè revelata explicitè vel implicitè; si desit immediatà hæc revelatio, erit certa certitudine theologicà, à quâ recedere nemo potest quin notam vel censuram mereatur, quando Ecclesia declaraverit hanc propositionem esse cum principiis connexam, ad eò ut omnis via legitima disputandi fidelibus intercludatur: jam verò propugnari non potest, Deum immediatè revelasse ea de quibus in præsentì agitur; hoc nemo sanè edixerit; quòd si velint Ultramontani saltem sua placita esse connexa cum veritatibus revelatis, et prærogativas quas sanctæ sedi proprias agnoscent, esse consecrariis legitimo ratiocinio deducta ex Evangelico textu necnon ex decretis conciliorum, quæstio erit utrum illa ipsamet connexio conclusionum cum præmissis ab Ecclesià declaretur, an sit ad eò certa ut inuri debeat censurà qui eam non agnoscit; quis summus pontifex, quodnam concilium, qualeve decretum Ecclesiæ, ademit theologis libertatem inter se disputandi de legitimitate horum consecratorum? Nihil hujusmodi occurrit in monumentis Ecclesiæ. Non reperitur talis de-

(1) Vid. La Hogue, tract. de Ecclesià; Walembergenses, de Controversiis, Theologie Cursùs completi vol. 1; Veroniam, de Regula fidei, ibid; Bossuetium, Gall. orthod., etc.....

terminatio in actis pontificis contra Declarationem cleri Gallicani. Innocentius XI, per litteras in formâ Brevis datas, rescidit quæ in cleri conventu peracta fuerant. Alexander VIII, Innocentii successor, constitutione solemniori quæ incipit: *Inter multiplices*, eandem Declarationem rursus annullavit et irritam omnique effectu omnino vacuum decrevit; sed dum in comitiarum acta animadvertit, nihil de ipsomet objecto Declarationis pronuntiavit, vel aliquid Gallis contra fidem imputat, ut patet cuicumque qui eam protestationem attentè legit et expendit. Si quid hæreticum, si quid schismaticum docuissent Gallicani præsules, Alexander VIII non prætermisisset tam gravem accusationis partem; imò, ut observat Bossuetus, non studiosè evitasset omnes quæ doctrinis erroneis ac perversis inuri solent, notas. (Gall. orthod. § 10.) Decretum igitur summi Pontificis non ipsam doctrinam attingit, proscribit, sed Declarationem præsulum, quam meritò quidem improbat et irritam decernit, quia etsi in mente cleri non esset decretum de fide, tamen cum pertineat ad juris divini interpretationem, speciem decreti habet, quod inconsultâ et contemptâ sedis Apostolicæ auctoritate, ferre visus est actu solemnî, in materiis de quibus nec etiam pertractare in comitiis publicis debuisset.

His in antecessum missis, quibus præcaveatur præjudicium, unitati catholice offensum, eorum qui putent decernari de fide ab Ultramontanis contra Gallicanos, præcipua puncta controversiæ obiter percurramus, exponendo in quo omnes convenire debeant, et quousque conciliantur sententiæ discrepantes, si stetur intra terminos ab auctoribus utriusque partis doctissimis et maximè moderatis, assignatos. Dicendum erit 1° de infallibilitate summi Pontificis; 2° de illius superioritate in concilia; 3° de independentiâ regum, seu potestatum secularium, in ordine temporalî; 4° de libertatibus Ecclesiæ Gallicanæ. In his quatuor est summa controversiarum.

#### § 1. De infallibilitate S. Pontificis.

Præcipuum disputationum punctum est infallibilitas in docendo, quam Ultramontani volunt esse consecratum certum promissionis divinæ factæ S. Petro et illius successoribus, dum hoc inerrantiæ privilegium Gallicani sustinent competere solam unanimi episcoporum consensui, sive in conciliis œcumenicis, sive extra concilia, quando, dispersi per provin-

cias, adhærent definitionibus sedis Apostolicæ.

Hæc evidenter sunt contradictoria; attamen non tantum est discrimen quantum primò intuitu apparet, si ritè intelligantur placita utriusque partis, et in ordine ad praxim eadem ferè est omnium agendi ratio, si ament unitatem catholicam, nec transilient metas quas probati doctores et vera theologia principia statuunt. 1° Ultramontani hæc duo admittere debent quæ reapse communiter satis admissa videntur à plerisque: 1° S. Pontificem ut doctorem privatum errare posse; 2° definitionem, seu constitutionem à S. Pontifice etiam ex cathedrà docente editam, non esse perfectam et omnimodam regulam fidei catholice, usquedum accesserit consensus episcoporum.

Quòd S. Pontifex ut doctor privatus errare possit, à nemine negari potest, cum nulla sit divina promissio quæ attribuat privilegium personale infallibilitatis pontifici; re quidem verâ, Christus committendo Petro et Petri successoribus regimen Ecclesiæ universalis, et eum constituendo centrum unitatis, omnium Christianorum doctorem, eximia ei dona contulit, et specialem assistentiam spondidit; sed hæc non hominem privatum spectant, sub quo respectu persona pontificis non est fundamentum Ecclesiæ. Hinc communis admittitur, nec etiam repugnare quominus Papa sit hæreticus, eò quòd hæresis nihil addat errori in materiâ fidei nisi contumaciam, et non magis repugnet aliquem contumaci animo errori adhærere, quàm in ipsum errorem incidere, si speciali auxilio non suffulciatur; hoc tamen nec hucusque accidit, nec in futurum unquam eventurum speramus, pro suavi Dei providentiâ, quæ à fidelibus removebit hoc scandalum. (Vid. Bellarminum de S. Pontifice lib. 2, cap. 3, n. 15; lib. 4, cap. 2, n. 7, 10; ibi referendo acta VIII synodi, in quibus agitur de Papi Honorio, addit: « Negare non possumus quin Adrianus cum Romano concilio, imò et tota synodus generalis senserit, in causâ hæresis, posse Romanum Pontificem judicari. »)

Secundum punctum non minùs admittendum est ab omnibus, scilicet, perfectam et ultimam fidei regulam non in solius Pontificis decretis reponendam, sed in consensu episcoporum cum Pontifice Romano. Etenim supra ostensum est non esse dogma fidei catholice quòd S. Pontifex gaudeat infallibilitatis dono, etiam dum solemnes dat definitiones; atqui decreta quæ emanant ab auctoritatibus ejus infallibilitas non certa est certitudine fidei ca-

tholica; non possunt induere naturam regulæ fidei, ut apertum est; insuper talis esse debet regula ultima fidei, quam omnes agnoscere teneantur, ut fas non sit ab eâ recedere, quin disrumpatur unitas, et in hæresim ac schisma prolabantur refragantes; nihil inquit magis fundamentale et ab omni controversiâ alienum esse debet, quàm tribunal supremum, quo lites et dubitationes terminantur, et fidei integritas contra novatores servatur; igitur cùm scholis catholicis permittantur disputationes de infallibilitate S. Pontificis, et plures tum episcopi tum sacerdotes in Galliis renuerint agnoscere hanc regulam, licet conjuncti remanerent communione sanctæ sedis et cæterarum Ecclesiarum, concludere omnes debent regulam ultimam fidei catholicæ reponendam esse solum in consensu Ecclesiæ universalis, seu majoris partis episcoporum cum Romano Pontifice. Possunt quidem Ultramontani habere veluti certam infallibilitatem Pontificis, imò et fidei theologicæ seu divinæ huic puncto adhærere, si persuasi sint hoc in revelatione Christi implicitè includi; sed ulterius non progrediantur: nam præter divinam revelationem, requiritur insuper ad constituendum punctum quoddam inter fidei catholicæ dogmata, ut illa revelatio proponatur ab Ecclesiâ seu formali definitione, seu symbolis, seu disciplinâ quæ inureret notam et pœnas hæreseos eis qui ab eo recederent. « Auctores, « inquit Suarezius, solent distinguere inter « fidem catholicam et fidem theologicam. « Fides catholica dicitur, doctrina illa quæ « toti Ecclesiæ universali credenda proponi- « tur.... Fides autem theologica continet « quidquid à Deo revelatum fuerit, etiamsi ad « communem Ecclesiæ doctrinam non perti- « neat. » Vid. Veron., *Regula fidei*, cap. 1, § 4.

2<sup>o</sup> Gallicani admittere debent hæc tria: primum, sanctam sedem esse indefectibilem in fide; secundum, gravissimam esse auctoritatem S. Pontificis aliquid circa fidem determinantis, et illius decreta ad omnes et singulas Ecclesias pertinere; tertium, hæc eadem decreta per se omnes fideles obligare ad aliquem consensum internum, seu mentis obsequium.

Indefectibilitas in fide in eo consistit quòd sedes Romana, etsi erraret aliquis pontifex, nunquam posset ab unitate catholicâ avelli per hanc pertinaciam quæ est propria hæresis indoles. Hujus indefectibilitatis privilegium singulare fundatur divinis promissis et ipsâmet

constitutione Ecclesiæ. Christus pollicitus est fidem Petri nunquam esse defecturam, et eum in personâ successorum qui ad usque finem seculi illius locum tenebunt, voluit esse fundamentum Ecclesiæ, centrum unitatis, patrem et doctorem omnium fidelium quos veluti gregem sibi commissum pascere debet doctrinâ evangelicâ; ergo quod accidit miserabiliter aliis Ecclesiis, ut sedi Alexandrinæ, Constantinopolitanæ, quæ fidem amiserunt, hoc ab Ecclesiâ Romanâ Christus semper malum repellit; Petrus vivet usque ad consummationem mundi, et fideles reget in suis successoribus. Hæc est fides catholica et signum constans unitatis pro variis Ecclesiis privatis. Traditio aliud non assignat quàm communionem fidei cum sede Apostolicâ, cui, ut verbis Bossuetii utamur, promissum est eam semper fore non solum unam ex catholicis Ecclesiis, sed primam omnium catholicarum, ita ut sit æternum fundamentum, caput atque centrum catholicitatis ad confirmandos fratres. Hanc doctrinam, quam in conventu cleri anni 1682 fidenter tuitus est Bossuetius, contra quosdam præsumptuos, solemniter probatam fecit in primâ parte orationis de Unitate Ecclesiæ Gallicanæ, quam meritò habere possumus veluti documentum fidei Ecclesiæ Gallicanæ; in verba oratoris: « L'Église Romaine, enseignée par S. Pierre « et ses successeurs, ne connaît point d'hé- « résie..... Les hérésies ont pu y passer, « mais non pas y prendre racine: ainsi l'É- « glise Romaine est toujours vierge; la foi « Romaine est toujours la foi de l'Église; on « croit toujours ce que l'on a cru; la même « voix retentit partout, et Pierre demeure, « dans ses successeurs, le fondement des fi- « dèles. C'est Jésus-Christ qui l'a dit, et le « ciel et la terre passeront plutôt que sa pa- « role. »

Independentem à prærogativâ indefectibilitatis quâ sedes Romana præminet cæteris Ecclesiis privatis, quæcumque sint, ipsa decreta singulorum pontificum, gravissimam sibi auctoritatem conciliant, pro dignitate suæ sedis, et speciali auxilio quo Spiritus sanctus ipsis providet. « Omnes, ait Veronius, « concedunt, gravis esse auctoritatis quod à « pontifice tantæ sedis docetur, etiam cum « solo concilio privato, et privatim solum « rescribent aliquot episcopis; gravioris, « quod cum concilio provinciali; gravissimæ « quod ex cathedrâ, toti Ecclesiæ illud propo- « nendo, sive cum concilio privato, sive in

« concilio provinciali, temerariumque est à sic  
« pronuntiat discedere. » (De Regula fidei  
cap. 1, § 4, n. 2.) Hanc auctoritatem in nego-  
tio fidei exprimebat clerus Gallicanus in quarto  
articulo suæ Declarationis, dicendo in fidei  
quæstionibus, *præcipuas summi Pontificis esse  
partes, ejusque decreta ad omnes et singulas  
Ecclesias pertinere.* Auctoritas illa adeo gravis,  
quæ tantam reverentiam conciliat decretis  
solemnibus Papæ, et sin absolutam infallibilitatem,  
ad minus moralem certitudinem inerantix,  
fatentibus ipsis Gallicanis peritioribus,  
fundatur, ut modò insinuat est, monumentis  
traditionis, dotibus inherentibus sanctæ  
sedis; argumentis, uno verbo, Ultramontanorum,  
quæ ab adversariis solvi nullatenus possunt,  
quia saltem fateri cogantur tantum esse  
pondus constitutionis pontificiæ, ut nihil  
gravius supponi possit præter summam et  
ineluctabilem auctoritatem decretorum concilii  
oecumenici. Hæc argumenta cum abundè  
explanata legantur apud Ballerinum et Petitidierum,  
hic de novo non discutimus.

Ex duobus præcedentibus aliud assertum  
sequitur etiam ab omnibus Catholicis admit-  
tendum, nempe decreta saltem solemnia Pon-  
tificis per se et antequàm innotuerit assensus  
episcoporum, omnes obligare ad aliquem consensum  
internum et obsequium mentis. Hoc  
assertum sic exponit Turnellus theologus  
scholæ Parisiensis, et placitis Gallicanis addi-  
ctus: « Concedimus ultrò definitis à Pontifice  
« circa fidem et mores debere fideles interiori  
« mentis obsequio acquiescere, nisi aut hypo-  
« critæ haberi velint, aut rebelles... » Et infra:  
« Tenentur fideles pontificum de fide consti-  
« tutionibus acquiescere etiam mentis obse-  
« quio, quanquàm nondùm constat de accep-  
« tatione ac consensu Ecclesiarum. » (De Ecclesia  
Christi, t. 2, p. 277-285.) (1).

(1) Idem theologus de Ecclesia Christi, p. 278,  
ut occurrat objectioni quam ex illà necessitate  
obsequii interni Ultramontani moverent contra  
systema Gallicanum de fallibilitate S. Pontificis,  
hæc habet: « Quòd si (quod Deus aver-  
« tat!) Pontifex Romanus publicè errorem toti  
« Ecclesiæ proponeret, hòc dubiè, ut jam  
« sæpiùs diximus, errorem non admitteret Ec-  
« clesia, sed statim, Deo ita providente, re-  
« clamarent ac insurgent episcopi, ac Pontifex  
« ipse admonitus quàm citò errorem revo-  
« caret; sicque nunquàm permittet Christus,  
« fideles in errorem abduci, consentientibus  
« per orbem dispersis episcopis; adeoque nun-  
« quàm continget casus, in quo possint privati  
« tantà conscientia suam interiorum mentis as-  
« sensum pontificis de fide decretis denegare,  
« ubi illis accessit Ecclesiæ consensus; qui fortò

Obligatorem hujus assensus interni, pos-  
semus probare praxi constantissimâ Ecclesiæ;  
nam haud semel Romani pontifices pronuntia-  
runt de fide contra novatores non convocato  
concilio generali, ut contra Pelagianismum,  
et tamen ubique fideles venerati sunt religioso  
mentis obsequio has definitiones, non expectando  
quoadusque illis constaret de exterarum  
regionum assensu. Sed quorsùm hæc extranea?  
habemus in Galliis nostris exempla maximè  
memorata digna, et quæ explicant sensum quo  
clerus Gallicanus ipse interpretatur doctrinam  
evangelicam de obedientiâ summo pastori  
præstandâ.

Quid actum sit occasione Quietismi, nemi-  
nem latet. Vixdùm in Galliis introductum est  
Breve Innocentii XII, quo proscribentur  
varie propositiones libri Fenelonii: *Explicatio  
des maximes des saints*, Fenelonius, tum  
Cameracensis archiepiscopus, se publicè et  
absque ullâ restrictione submitit judicio sanctæ  
Sedis, non solùm antequàm acceptatam  
esset ab Ecclesiâ universali, sed dùm ne à Gal-  
licanis quidem episcopis adoptatum. Hæc tam  
prompta obedientia nullatenus tunc visa est  
contradicens principiis cleri Gallicani et Bos-  
suetti de infallibilitate S. Pontificis. Omnes è  
contra, in Galliis sicut apud externos, omnes,  
inquam, eam summis laudibus extulerunt;  
ipsemet Bossuetius res gestas in negotio Quietismi  
referens in comitiis cleri quæ habita sunt  
anno 1700, de eâ obedientiâ locutus, dixit,  
esse *naturalem effectum humilitatis christianæ  
et ecclesiasticæ subordinationis.*

Isdem principiis, eadem viâ semper inces-  
sit clerus Gallicanus, tum ante, tum post fa-  
mosam anni 1682 Declarationem, quando  
prodierunt constitutiones pontificales contra  
Jansenismum. Datis et promulgatis de fide  
decretis, præsules festinanter et suum præsti-  
terunt filiale obsequium, et à fidelibus suo  
pastorali regimini subditis eandem submis-  
sionem petière, non expectatâ adhesionem epi-

« si non accederet, ac reclamarent episcopi,  
« certum esset falsæ et erroneæ definitionis  
« argumentum, cui propterea obsequi ex animo  
« fideles non tenerentur. Sed vanam et inuti-  
« lem esse hanc hypothesim, spem certam fa-  
« cere videtur experientia septemdecim seculorum:  
« nusquàm enim hactenus contigit,  
« ut aliquod sedis Apostolicæ de fide ac mori-  
« bus decretum, ad consultationem episcoporum,  
« et his conditionibus factum, quas exigit  
« ordo à Christo institutus, erroneum fuerit,  
« aut exterarum Ecclesiarum non haberet  
« consensum. »

scoporum aliarum regionum. Hoc eis constanter visum fuit necessarium et certum consecrarium principii universaliter admissi de primatu sedis Apostolicæ et de lege christianâ, quæ omnes fideles submittit iudicio hujus Ecclesiæ matris et magistræ. Sic anno 1653, præsules nostri ad Innocentium X hæc scribebant, exponentes motiva acceptationis bullæ ab eo pontifice late contra quinque propositiones Jansenii : « Eo in negotio illud observatione dignum accidit, ut quemadmodum ad episcoporum Africanorum relationem Innocentius I Pelagianam hæresim damnavit olim, sic ad Gallicanorum episcoporum consultationem hæresim ex adverso Pelagianæ oppositam Innocentius X suâ auctoritate proscripsit. Enimverò vetustæ illius ætatis Ecclesiæ catholicæ, solâ cathedræ Petri communiõne et auctoritate fulta, Pelagianæ hæresis damnationi absque cunctatione subscripsit. Perspectum enim habebat, non solum ex Christi Domini nostri pollicitatione, sed ex actis priorum pontificum et ex anathematis adversus Apollinarium et Macedonium nondum ab ullâ synodo œcumenicâ damnatos, à Damaso patre nostro jactis, iudicia pro sciendâ regulâ fidei à summis pontificibus lata, super episcoporum consultatione, divinâ æquæ ac summâ per universam Ecclesiam auctoritate niti, cui Christiani omnes ex officio ipsius quoque mentis obsequium præstare tenentur; eâ nos quoque sententiâ ac fide imbuti, Romanæ Ecclesiæ præsentem, quæ in summo pontifice Innocentiõ X viget, auctoritatem debitâ observantiâ colentes, constitutionem divinî Numinis instinctu à beatitudine vestrà conditam, promulgandam curabimus in Ecclesiis ac diocesisibus nostris, atque illius executionem apud fideles populos urgebimus. » (Vid. Collectio Iudiciorum D. d'Argentré, t. 3, part. 2, p. 276.)

Hæc est summa doctrinæ Ultramontanorum et Gallicanorum, quæ si penitus inspicatur, fatendum omnibus erit non tantam esse contrarietatem sententiarum, quanta primo intuitu apparet. Primi agnoscunt Papam ut privatum doctorem esse errori obnoxium, considerant autem prout publicum doctorem, licet infallibilis sit, non tamen posse suâ solâ auctoritate condere definitiones quæ sint ac haberi debeant veluti articuli *fidei catholicæ*, unde juxta illos plena, perfecta ac ultima regula fidei catholicæ, quam omnes, quò sint Catholici, tenere debeant, cujusque *contrarium*

*sit hæreticum* et removens à gremio Ecclesiæ, hæc regula solum reperitur in consensu episcoporum cum Romano Pontifice. Ex alterâ parte, Gallicani, licet existiment absolutè fieri posse ut Papa etiã ut doctor publicus eret, atque fatentur, sedem Romanam esse indefectibilem, unde si quis papa erraret, error ille non diù persisteret; eandem sedem tantâ prerogativâ esse insignitam, ut gravissima sit, ac omnes Ecclesias spectans, auctoritas decretorum quæ à singulis pontificibus eduntur, et tandem hæc decreta omnes Christianos obligare ad aliquem consensum internum, qui sit verum ac sincerum obsequium mentis... Igitur Pontifice ex cathedrâ docente, cuncti fideles incontinentanter obtemperant, omnes vocem Petri venerantur et auscultant in doctrinâ illius successoris, cum eo solum discrimine, quòd Ultramontanus se submittit absolutè, veluti veritati fidei theologicæ seu divinæ, dum Gallicanus præstabit obsequium mentis sincerum quidem, sed veluti quodam modo suspensivum, cum morali certitudine quòd Pontifex sanam doctrinam tradiderit, non tamen eam ut fidei dogma sive divinæ sive catholicæ, usquequàm constiterit de universalis Ecclesiæ sensu; prior dat obsequium fidei, alter verò obsequium humilitatis et hujus obedientiæ ac ecclesiasticæ subordinatiõnis, quâ inferiores debent audire vocem superioris, eò majori reverentiâ quò excellentior est superioris dignitas, dicente Domino : *Qui vos audit, me audit.*

Punctum istud discriminis, ad quod ultimò videtur reducenda controversia theologorum, non discutimus, quia nostrî non est instituti, nec nostræ exiguitati conveniens, dirimere quæstiones in scholis agitatas; hæc tantum obiter notabimus... Cùm ea sit forma quâ Christus Dominus suam Ecclesiam instituerit, ut constet capite et membris artissime conjunctis, et unio catholica quam pro singulis diebus spondit, in eo consistat quòd pastores, in sede Petri velut in centro uniti remaneant, sua semper erit et capiti et membris gratia, Romano pontifici ut in singulis temporum punctis fungatur munere capitis, membris verò ut ab eo nunquam avellantur. Christus perpetuò docet cum capite et cum membris, cum capite quidem in quo sunt præcipuæ partes, ut ritè doceat cum membris ipsi conjunctis, ut in eâ unione suum officium ritè exequantur; sive ergo audierim vocem S. Pontificis, sive vocem majoris partis episcoporum

primam acceperim, securus incedam; non minus quippe impossibile erit, ut caput à reliquo corpore se avellat, quàm ut membra se à capite separent, ob unitatem quæ in perpetuum et singulis diebus erit vera conditio et signum indubium Ecclesiæ catholicæ.

Antequàm transeamus ad aliud controversiæ punctum, fortassis abs re non erit, nec nostris lectoribus ingratum, subnectere quæ observata sunt à D. Emery, viro maxime erudito et sapientie conspicuæ in articulum 4 Declarationis clerici Gallicani; hæc autem sunt verba illius, prout leguntur in opere inscripto: *Nouveaux opusculs de Fleury*, p. 208: « Nous étonnerons peut-être nos lecteurs en leur disant que le dernier article: *In fidei quoque questionibus præcipuas summæ Pontificis esse partes, ejusque decreta ad omnes et singulas Ecclesiæ pertinere, nec tamen irreformabile esse judicium, nisi Ecclesiæ consensus accesserit*; que cet article, celui qui tient le plus à cœur aux étrangers, et qui est véritablement le plus important de tous, ne touche point à l'opinion de l'infaillibilité du Pape, et la laisse en son entier; que le clergé de France, mettant à l'écart cette question de l'infaillibilité, dont on dispute dans les écoles, et se proposant de prescrire des règles de pratique, a voulu seulement établir en principe, que le consentement de l'Eglise est nécessaire pour que les décrets du Pape soient entièrement règles de foi; qu'en cela il est d'accord avec les défenseurs les plus habiles de l'infaillibilité du Pape, que le docteur Duval, si distingué parmi eux, enseigne en propres termes, et prouve que le décret du Pape Romain n'est pas de foi, par cela seul qu'il est émané de lui; qu'il ne l'est que lorsque l'Eglise universelle l'accepte; qu'en faisant ces observations, nous ne faisons que dévoiler le secret, ou développer le véritable sens du quatrième article; que cet article pourrait en rigueur subsister et se concilier avec l'opinion de l'infaillibilité du Pape parlant *ex cathedra*; qu'il ne s'agit que d'appliquer aux décisions pontificales *ex cathedra* ce qui est vrai des conciles œcuméniques, et de dire qu'ainsi que les Catholiques, qui croient tous que les conciles œcuméniques sont infaillibles de droit, ne sont cependant jamais bien assurés dans le fait qu'un tel concile est œcuménique que par le consentement de l'Eglise; de même, en supposant comme très-certain que le Pape est infaillible quand il juge *ex cathedra*, on ne sera

« jamais parfaitement assuré qu'il a jugé ainsi, « ou que toutes les conditions pour qu'un jugement soit censé *ex cathedra* ont été remplies, que par l'acceptation qu'en fait l'Eglise.

« Mais si nous étonnons nos lecteurs en tenant ce langage, nous les étonnerons bien davantage en leur apprenant que nous ne faisons ici que rapporter et traduire littéralement quelques textes de M. Bossuet, extraits de son ouvrage sur les quatre articles, et de la *Dissertation préliminaire* (1). Nous rassemblons

(1) Hic enim patere volumus Gallicanæ Declarationis arcanum, Gallicanos Patres non id edixisse, ne Romanus Pontifex infallibilis haberetur, de quo in scholis tantæ rixæ sunt.... Ad praxim maxime respicere placuit, atque illud pro certo figere, utcumque scholastica ac subtilis questio se habeat, tamen convenire inter omnes Catholicos pontificium decretum non haberi pro irreformabili, neque ultimum robur esse consecutum, nisi Ecclesiæ consensus accesserit. Quo dogmate constituto, tota infallibilitatis questio speculativas inter vanasque questiones habeatur. Hunc in sensum si accipi placet Gallicanam Declarationem, non ipsi Gallicani Patres, credo, refugient. (Coroll. Defens. § 8.)

Sic habet Duvallius: « Observandum est, « ut aliquod dogma tanquam hæreticum habeatur, non esse necessariam concilii generalis « celebrationem, sed sufficere summæ Pontificis « condemnationem, unâ cum acceptatione totius « Ecclesiæ per orbem diffusæ. » En, ut aliquid de fide sit, Ecclesiæ consensus, sive acceptationem, omnino necessariam, cujus quidem rei hanc rationem reddit: « Licet « enim, inquit, decretum Pontificis, quatenus « ab eo solo promanat, ne *forte* non sit, cum « ejus in decernendo infallibilitas fide catholicâ « minimè constet, nihilominus, si hæc « condemnatio ab universali Ecclesiâ, licet diffusâ « et non coactâ in concilio, approbetur, jam « nemo citra fidei detrimentum ei potest « contradicere. Est enim de fide Ecclesiam non « tantum ut congregatam in œcumenico concilio, sed ut diffusam, errare non posse. » Nec semel dixisse contentus, hæc addit: « Respondeo definitiones Pontificis non esse « de fide, donec universalis Ecclesia, quam « de fide est errare non posse, eas acceptaverit. » Quod quid est aliud quàm id quod unam Declaratio Gallicana voluit, nempe ut decreta pontificia plenum fidei robur obtineant, ad consensus Ecclesiæ recurrendum? (Dissert. prævia § 21.)

Sanctus Antoninus pontificiam definitionem valere quidem dicit summâ et ultimâ firmitate, sed acceptatam, examinatam, approbatam, ut cum variis variis, de eo quod sit *pro cathedra dictum*, attulerint, certissimum signum sit, *pro cathedra esse dictum*, cum Ecclesiæ consensus accesserit.... Certum est apud Catholicos concilia generalia infallibilia esse; at cum dubitari possit conciliumne aliquod generale sit, id ex Ecclesiæ consensione repetatur; ita certum firmumque, si velint, habeatur, ponti-

« dans la note ces textes si précieux, si peu  
 « remarquables jusqu'à présent, et si dignes ce-  
 « pendant d'être pris en grande considération.  
 « Car il en résulte que la quatrième proposi-  
 « tion du clergé : *Judicium S. Pontificis non est*  
 « *irreformabile, nisi Ecclesie consensus acce-*  
 « *sserit*, de l'aveu de M. Bossuet, qui semble se  
 « faire fort de l'aveu des évêques de l'assem-  
 « blée de 1682, signifie au fond que les juge-  
 « ments du Pape n'ont point le caractère ni les  
 « effets d'une définition de foi catholique,  
 « avant que le consentement de l'Eglise inter-  
 « vienne, et n'emporte rien de plus; en sorte  
 « que la proposition pourrait être ainsi rendue:  
 « *Summi Pontificis Judicium non est de fide,*  
 « *neque pleura fidei robur obtinet, seu non est*  
 « *regula fidei, nisi Ecclesie consensus accesserit.*  
 « Ah! combien d'oppositions et de troubles  
 « n'aurait-on pas prévenus, si l'on avait expo-  
 « sé que la quatrième proposition du clergé  
 « pouvait et devait être prise en ce sens! Il  
 « est bien étonnant que tant de personnes  
 « intéressées semblent n'y avoir fait aucune  
 « attention. Il faut excepter cependant un dé-  
 « fenseur de Jansénius déjà cité; car cet en-  
 « droit de la *Défense* est apparemment un de  
 « ceux qui lui ont fait dire que les *Ultramontains*  
 « ne trouvent que trop d'armes dans cet ouvrage.

« Ce n'est point dans les derniers temps  
 « seulement de la vie de M. Bossuet, et lors-  
 « qu'il s'est agi de rendre les quatre proposi-  
 « tions du clergé de France moins odieuses  
 « aux théologiens ultramontains, que M. Bos-  
 « suet a imaginé de donner au quatrième ar-  
 « ticle le sens dont nous avons parlé: on voit  
 « que, dans l'année même où les quatre articles  
 « furent adoptés par le clergé, et rendus pu-  
 « blics, c'est-à-dire, en 1682, il était dans le  
 « même sentiment. En voici la preuve: il était  
 « en correspondance avec M. Dirois, docteur de  
 « Sorbonne, résidant alors à Rome. Celui-ci  
 « écrivait alors à M. Bossuet que le quatrième  
 « article lui paraissait s'accorder avec la doctrine  
 « des *Ultramontains*, et, par conséquent, avec  
 « l'opinion de l'infalibilité du Pape. M. Bossuet  
 « lui répond: « Nous n'avons pas eu ce des-

seem pro cathedrâ docentem esse infalibi-  
 lem; at cum dubitari possit an pro cathedrâ  
 dixerit, adhibitis omnibus conditionibus, ul-  
 tima nota ac tessera sit Pontificis ex cathedrâ  
 docentis, cum Ecclesie catholice consensus ac-  
 cesserit.

Id si Romæ placeat, pacique profuturum sit,  
 haud equidem contradixerim. (Coroll. Defens.  
 § 8.)

« sein, quoique d'autre part nous ayons bien  
 « vu que, quoi qu'on enseignât en spéculative,  
 « en pratique il en faudrait toujours revenir à  
 « ne mettre la dernière et irrévocable décision  
 « que dans le consentement de l'Eglise un-  
 « verselle, à laquelle seule nous attachons  
 « notre foi dans le Symbole.»

« Voilà donc la quatrième proposition du  
 « clergé, qui, bien entendue, ne peut pas  
 « être, si l'on veut procéder sans aigreur et  
 « de bonne foi, un sujet de division entre les  
 « théologiens ultramontains et les Fran-  
 « çais » (1).

## § 2. De superioritate S. Pontificis in concilia.

Quando disceptatur in scholis de superiori-  
 tate S. Pontificis in concilia, vel de præemi-  
 nentiâ conciliorum in S. Pontificem, supponitur ex unâ parte Papam esse certum ac cano-  
 nicè electum, ex alterâ autem parte concilium  
 tale esse, quod in his circumstantiis repræ-  
 sentare valeat corpus episcopale, seu moralem  
 episcoporum unanimiâtem. Quod si Pontifex  
 esset dubius, ut fit tempore schismatis,  
 quando concurrunt plures summum pontifi-  
 catum prætendentes, quorum jura sunt dubia,  
 vel si extra tempus schismatis gravis suboriat-  
 ur difficultas de canonicitate electionis, con-  
 ciliium episcoporum esset certè supra talem  
 pontificem; nam juxta axioma juris canonici,  
*Papa dubius, Papa nullus*; hæc aliunde sola  
 via est quâ fideles possint è periculo schisma-  
 tum eripi, et Ecclesie in hæc tempestate  
 servari unitas. Admisso quod Papa sit certus,  
 supponendum etiam est agi de concilio satis  
 numeroso et in his circumstantiis adunato quod  
 repræsentare valeat unanimiâtem moralem  
 episcoporum; de fide enim est S. Pontificem  
 habere primatum in singulis Ecclesiis, in  
 concilia proinde privata etiam nationalia,  
 quantumvis numerosa sint: hæc enim non  
 ipsam Ecclesiam, sed partem solam Ecclesie  
 valent repræsentare.

Gallicani et Ultramontani in diversas et  
 contrarias abeunt sententias de auctoritate  
 respectivâ S. Pontificis et conciliorum, quæ  
 contrarietas resultat ex aliâ quam modò  
 exponebamus circa infalibilitatem. Reverâ,  
 si supponatur S. Pontificem esse errori ob-

(1) Vid. Fenelonium, de summi Pontificis  
 Auctoritate, cap. 5; Muzarelli, de Rom. Pont.  
 Auct. t. 1, præf. p. 72, etc.; card. Litta,  
*Lettere sur les quatre articles*, lett. 15-16.

noxium, etiam dum docet, ut aiunt, *ex cathedra*, summa ac suprema auctoritas in eo non potest residere, sed in eo solem tribunal quod sit infallibile, qualis est synodus composita ex unanimitate morali episcoporum; si è contra existimetur gaudere absolutâ infallibilitate, satis erit principii consentaneum fateri illius præminentiam in cœtum qualemcumque episcoporum, sicut caput naturaliter præminet membris, pastor gregi sibi commisso. Solutio ergo quæstionis præsentis ab alterâ pendet; nos eadem methodo incedentes, ab alterutrâ amplectendâ abstinēbimus, sed in quo omnes conveniant et quæ consecraria practica ex discrimine opinionum nasci possent, ostendemus. Illic sicut in præcedenti materiâ, minoris momenti nobis videtur in praxi hæc controversia, quam multi præterderunt.

Vel agitur de concilio adunando aut jam adunato vel de concilio cui adfuit illa approbatio.

1º In priori casu hæc sunt observanda : I. Generaliter loquendo, haberi nequit veluti œcumenicum ac repræsentans Ecclesiam universalem concilium quod nec convocare voluit, nec convocatum suâ auctoritate approbare S. Pontifex. Ita omnes theologi catholici tenent nec ab eâ doctrinâ discedere possent, nisi abnegando primatum jurisdictionis, et certas ac inconcussas prerogativas S. sedis; Ecclesia, prout eam Christus constituit, nec in solo Pontifice, nec in solis episcopis subsistit, sed in corpore episcopali cuius S. Pontifex est caput; ergo cœtus præsulum divertens à Romano Pontifice et ab eo non approbatus, non repræsentat nisi partem, seu membra Ecclesiæ. Hoc assertum nulli Catholicorum dubium, disertis verbis pronuntiat Bossuetius, in Defensione Declarationis, in quâ legitur : « Parisienses ultrò consentiunt, ex antiquissimis regulis, synodos generales absque Romano Pontifice nullas esse et irritas. Hinc Arimienisia decreta vana esse quòd huic synodo Damasi Papæ defuit auctoritas; harum ergo rerum de quibus nemo dubitat... reseranda probationes. » (Gallia orth., § 84.)

II. Circumstantiæ in quibus prævaleret auctoritas concilii in S. Pontificem, nec illius indigeret approbatione, sunt, præter casum schismatis, de quo supra, hæresis et necessitas evidens tuendi fidem aut mores reformandi, cui obstinatè obstitere Pontifex. Hæ circumstantiæ sunt rarissimæ et valdè extraordina-

riæ, ut manifestum; quapropter minùs periculi habet opinio Gallicana, et in cursu communi rerum nullatenus in praxi differt à doctrinâ Ultramontanorum: « Les cas, ait Bossuetius, auxquels la France soutient le recours du Pape au concile, sont si rares, qu'à peine en peut-on trouver de vrais exemples en plusieurs siècles : d'où il suit que c'est servir le Saint-Siège que de réduire la dispute à ces cas; et c'est, en montrant un remède à des cas si rares, en rendre l'autorité perpétuellement chère et vénérable à tout l'univers. » (Lettre au card. d'Estrées, 1681.)

De allatâ duplici hypothesi pauca notabimus : quoad primam, quâ supponeretur Papam esse hæreticum, Ultramontani vix dissentiant à suis adversariis; non existimant quidem eventurum unquam esse quòd S. Pontifex hæresim decreto solemnî doceat, eamque tueatur animo obstinato; verùm si casu accideret quòd Papa ut doctor privatus prolaberetur in hæresim, omnes dicunt eum vel iudicandum ac deponendum à concilio, vel ipso jure divino dejecti à dignitate pontificali. « Pontifex, ait Bellarminus, in casu hæresis potest ab Ecclesiâ iudicari ac deponi, ut patet dist. 40, canonè *Si Papa*. » (De summ. Pontif. lib. 2, cap. 30, n. 43.) Ita Fenelonius, de Auctoritate Rom. Pontif., cap. 38, n. 1. Parvi referret dicere Papam tum non iudicari aut deponi à concilio, sed ipso jure cadere à pontificatu; hoc enim à multis doctoribus excogitatum, ad idem ferè recidit, cum Ecclesiæ, seu concilii sit iudicare utrùm reverâ Papa sit hæreticus; quapropter Bossuetius in Epistolâ modò citatâ, meritò observat hanc distinctionem esse non tam de re ipsâ quàm de terminis : « Je dis que le Saint-Siège ne perd rien dans les explications de la France, parce que les Ultramontains même conviennent que, dans le cas où on met le concile au-dessus, on peut procéder contre le Pape d'une autre manière, en disant qu'il n'est plus Pape; de sorte qu'à vrai dire, nous ne disputons pas tant du fond que de l'ordre de la procédure. »

Quoad aliam hypothesim, quâ diceretur agi non de fide, sed de reformatione Ecclesiæ, vel aliâ urgenti necessitate cui Papa obstinatè negaret suum assensum, hæc majorem habet difficultatem, nec est modus conciliandi opinionem contrariam theologorum, nisi dicendo disputari de merâ hypothese, seu de casu quòd



nec unquam contigit, nec unquam eventurum certò speramus pro suavi providentiâ Christi in suam Ecclesiam; addimus quòd si res contingere videretur, multò melius fore ac longè utilius Ecclesie expectare tempora meliora, spem in Deum pro renovatione disciplinae reponendo, quàm exponere fideles scandalo graviori ac periculo schismatis. Tali in conflictu Papam cum cœtu episcoporum, prima certè necessitas Ecclesie est unitas episcopalis quæ multùm detrimenti caperet ab eâ collisione... III. Extra casus memoratos prævalet principium generale, et auctoritas sanctæ sedis necessariò accedere debet decretis conciliorum, ut hæc decreta considerari possint veluti leges Ecclesie universales, omnes Christi fideles obligantes. Si esset in concilio conflictus, et una pars vellet condi aliquam legem disciplinarem, alterâ reluctantem, difficultas sic videretur resolvenda arguendo ex principiis communis admissis: vel legem condere velent episcopi S. Pontifice dissentiente, vel ipse Pontifex eam proponeret. In priori casu lex omni efficacità careret ad obstringendum in conscientiâ fideles, quia extra suam diocesim episcopi nullam habent auctoritatem in Christianos sibi non subditos, nisi quatenus efforment synodum œcumenicam, et repræsentent Ecclesiam universalem; verùm, juxta ipsos Gallicanos, synodi generales sunt nullæ et irritæ, si destituantur auctoritate pontificiâ, exceptis solis circumstantiis admodùm raris, in quibus Christus ad Ecclesie conservationem permisit ut recederetur ab ordine communi et hierarchico. Tales synodi non repræsentant Ecclesiam catholicam cum separatæ supponantur à suo capite; ergo, etc. In altero casu, non etiam videretur lex urgenda, non forsitan defectu potestatis in legislatore (siquidem S. Pontifex habet, ratione sui primatûs, in omnes et singulas Ecclesias auctoritatem legislativam, quam nullo titolo sibi vindicare possunt episcopi ab eo separati, non ei consentientes), sed quia hujusmodi lex non esset ad bonum commune, ad ædificationem Ecclesie; præsumendum est enim episcoporum dissensum oriri ex imperfectione seu defectu decreti quod prævident inutile et nocivum; imò, licet ratione sui ea lex vitio careret, attamen lata in hujusmodi circumstantiis, nullum ferè produceret effectum ad generalem utilitatem, ut satis patet, fideles non incitarentur ad venerandam, ut sibi utilem, legem quam conditam moverint reluctantibus episcopis, et

episcopi minori zelo moverentur ad urgendam illius observantiam. Ergo in casu conflictûs, sive dissensus oriatur ex parte S. Pontificis, sive ex parte episcoporum, nihil actum erit, et decreta infirma erunt, vi et effectu destituta.

2<sup>o</sup> Quando agitur de concilio jam confirmato auctoritate sanctæ sedis, nullus ferè est locus quæstioni de superioritate: evidens quippe est Papam non esse superiorem se ipso vel suo prædecessore cœtui episcoporum unito. Cùm summa et infallibilis sit auctoritas concilii omnibus conditionibus ad œcumenicitatem desideratis vestiti, Ultramontani non dicunt contra illud aliquid decerni posse à Papâ: sola difficultas, si quæ sit, refertur ad jus dispensandi à legibus in concilio œcumenico latis; si enim supponatur potestatem S. sedis esse inferiorem potestati conciliorum, concludendum videretur Papam non posse suo proprio nomine dispensare, sed tantùm nomine concilii, veluti delegatum jus exercendo.

Hæc nos non morantur; nam vel est ratio dispensandi à lege, vel non: si sit ratio dispensandi, omnes fatentur Papam posse eximere à lege; hæc potestas, juxta plerosque, quibus adhærendum putamus, non est delegata, sed ordinaria; non venit ab ipso concilio, vel ab aliquo tacito consensu Ecclesie, sed ab ordinatione divinâ Christi, quam nec Ecclesia, nec concilium quodcumque immutare potest; scilicet Christus præposuit Petrum ad pascendum universum gregem et exercendam potestatem ordinariam administrationis, regiminis; porrò hujus potestatis officium est urgere legum observantiam, et ab eis eximere quando circumstantiæ temporum vel utilitates personarum postulant: proprio igitur jure Papa dispensat. Si non sit ratio dispensandi, omnes adhuc fatebuntur illicitam esse dispensationem, cùm Christus dederit jura non ad destructionem, sed tantùm ad ædificationem Ecclesie. « Il serait inutile, observat Fenelonius, de vouloir rendre odieux le terme de plénitude de puissance, en représentant une puissance arbitraire qui peut tout détruire: il ne s'agit que d'une plénitude de puissance modérée par la nécessité d'observer les canons, et qui peut tout pour édifier. » (*Mémoire pour l'érection de Cambrai en archevêché.*) Illicita igitur erit omnis dispensatio concessa sine ratione necessitatis seu utilitatis; an insuper invalida reputari debeat, ignoramus: Gallicani fortè pro nullitate certarent, quia Ecclesia, ejus auctoritate leges illæ latæ et sanctæ

sunt, non presumitur consentire his dispensationibus; hoc tamen non est consecrarium necessarium systematis de superioritate concilii, nec fundatum in se existimamus; quidquid enim statuat de illa questione, Papa non delegatam, sed ordinariam habet potestatem dispensandi; potestatem igitur independentem à concilio et voluntate tacitè episcoporum: porrò actus potestatis in suo ordine summæ ac independentis suam habent validitatem abstrahendo à legitimitate motivorum quibus superior inducitur.

§ 5. *De potestate indirectâ Rom. Pontificis in principum temporalia.*

De potestate Rom. Pontificis in regum temporalia theologi olim et canonistæ diù disputarunt, et inani labore operam daremus conciliandis inter se tot systematibus contradictoriis quæ suos habuere patronos; hæc penè oblivioni nunc data non expendantur nisi more historico, vel ad tuendam contra hostes Ecclesiæ agendi rationem pontificum, qui non contradicentibus conciliis, contra principes sententias tulerunt depositionis.

Theologi Ultramontani, si qui nunc forent qui, veteris scholæ Bellarmini placitis addicti, propagare contenderent potestatem indirectam, ad id adducerent præsertim aut anho vindicandi praxim Ecclesiæ per decursum plurium seculorum, aut persuasione quòd aliquid eà de re fuerit definitum à sedè Apostolicâ, aut tandem ne læderentur jura Ecclesiæ, si privetur jurisdictione in principes christianos: si proinde omnia conciliari possint eo modo qui in tuto reponat Ecclesiæ auctoritatem, hi theologi incunctanter Gallicanis adhærebunt, nec ulla amplius subsistet sub eo respectu disceptatio; hanc conciliationis viam nunc aggredimur.

Jurisdictione Ecclesiæ et Rom. Pontificis in personam principum alia est merè spiritalis, alia foret veluti temporalis eo sensu quòd præter effectus spirituales ac immediatos, indirectè alios temporales produceret, ut, v. g., depositionem, amissionem jurium regaliū.

1<sup>o</sup> Ecclesia habet spirituales jurisdictionem directivam, tum etiã coactivam in principes, adeò ut quoad ipsam regiam dignitatem illius auctoritatè subjiciantur (1).

(1) De potestate absolutâ hic loquimur, quam omnes Catholici agnoscunt. Cæterùm hanc potestatem Ecclesia nunquam exercuit

Sensus hujus propositionis est quòd Ecclesia officium habeat docendi ipsos principes quæ sint obligationes quibus jure naturali et divino obstringuntur, et illos puniendi censuris, ut interdicto vel excommunicatione pro peccatis quæ commiserint in administratione republicæ, ut si leges condant iniquas, si subditos tyrannicè opprimant, si extraneos bello evidentè injusto prosequantur. Propositionem sic intellectam Gallicani non secus ac Ultramontani omnes admittunt, contra quosdam nimium ferventes independentiæ regum, de quibus conqueritur ipse Fleury in dissertatione de Libertatibus Ecclesiæ Gallicanæ: « Pour soutenir l'indépendance des souverains, on a donné en divers excès: plusieurs ont prétendu qu'ils ne pouvaient être excommuniés, comme supposant que l'excommunication donnerait atteinte à leur dignité... On a soutenu de même que les officiers des rois ne pouvaient être excommuniés pour le fait de leurs charges, comme s'ils ne pouvaient y excéder. » (Nouv. opusc. de Fleury; Discours sur les Libertés de l'Eglise Gallicane, n<sup>o</sup> 5.) Ratio quæ theologos unanimè adduxit ad illud principium, est potestas clavium quam Christus Ecclesiæ suæ dedit sine ullâ exceptione exerendam in omnes Christianos. Reges et magistratus, si sint virtute baptismi de ovili Christi, debent agnoscere pastorem universo gregi præpositum; alioquin ab unitate discedunt; insuper iidem principes, quatenus officium publicum exercent, et ratione hujus officii, multis tenentur obligationibus, quas si contemnant, in suæ et aliorum salutis perniciem, reos se constituunt criminis et poenis spiritalibus obnoxios; hinc in totâ retrò traditione extulerunt sanctum Athanasium, qui Theodosium imperatorem censuris ligavit ob infandum abusum potestatis politicæ, et eum à communionem Ecclesiæ separavit usquedùm suâ emendatione mereretur absolutionem. Ab omni discussione hujus puncti abstinemus, cum sit in scholis unanimè admissum. Concludimus ex illo sensu communi, D. de Lamennais immeritò inculpasse clerum Gallicanum, veluti suis placitis omnimodam declararet independentiam regum ab auctoritate spiritali docendi, arguendi, poenis spiritalibus prosequendi; hæc alienissima sunt à doctrinâ

nisi summo moderamine, attentis præsertim temporum et necessitatis publicæ circumstantiis.

Gallieanisi. (*De la Religion dans ses rapports, etc.*, 2<sup>e</sup> part., pag. 127.)

2<sup>o</sup> Sedes Apostolica nullo decreto dogmatico declaravit, sibi competere jure divino, jurisdictionem sive directam, sive indirectam in temporalia regum, vi cujus possent illos à suo statu dejicere. Non dicimus Romanos Pontifices nunquam fuisse in eâ opinione versatos, quòd haberent jure divino potestatem deponendi principes qui in graviora crimina lapsi, suâ dignitate abuterentur ad detrimentum subditorum; sed illud solùm asserimus nullum decretum dogmaticum edidisse quo solemniter declararetur illa doctrina. Ultramontani non tenent infallibilitatem pontificiam extendi ad privatas sententias Pontificum, nec ad ea omnia quæ in suis decretis aut supponere videntur, vel obiter exprimunt, sed ad ea tantummodò quæ sunt objectum proprium definitionis, sicut de ipsismet conciliis œcumenicis communiter traditur: porrò nullum novimus decretum, nullam definitionem dogmaticam quâ de potestate indirectâ aliquid proponatur fidelibus credendum: Constitutio quam Bonifacius VIII anno 1302 edidit (*Unam sanctam*), sola haberet aliquam speciem judicii dogmatici de questione præsentis; verùm si penitus inspiciatur, et sedulo ea quæ exponit ab eis quæ definit ac decernit secernantur, patebit nihil esse declaratum de potestate indirectâ, quod plerique theologi observaverunt. Præmissa ad id conducere videbantur Bonifacium, ut definiret, Romano Pontifici omnem potestatem esse subditam etiam in temporalibus; sed eò usque reipsâ non processit, sed sic simpliciter definit: « Subesse Romano Pontifici omnem humanam creaturam declaramus, dicimus, definimus, atque pronuntiamus omnino esse de necessitate salutis. » Quod quidem omnes Catholici fide indubitatâ tenent, si de spirituali potestate intelligatur. (Vide Bossuet, *Defens. Declarationis* lib. 3, cap. 24.) Cardinalis de Litta, agens de opinione Gallieanorum circa independentiam regum in ordine temporali, ait: « J'observe que la première opinion n'a jamais été ni prohibée ni condamnée. On prétendait trouver une autorité contraire dans la bulle *Unam sanctam* de Boniface VIII. Mais on a reconnu qu'il n'a rien décidé ni défini là dessus. D'ailleurs il est certain que plusieurs docteurs et plusieurs écoles l'ont enseignée, et qu'elle n'a jamais été notée d'aucune manière; ainsi on ne peut la désapprouver ni la condamner. »

TH. V.

(*Lettres sur les quatre articles*, lettre 7<sup>e</sup>.) In confirmationem asserti card. Litta de scholis et variis universitatibus, citari possent declarationes expressæ, quas seculo elapso, 1789, celebriores universitates eviderunt ad postulata Anglorum Catholicorum, occasione emancipationis. Hæc responsa collecta leguntur in opusculo inscripto: *Antidote contre les aphorismes de M. de Lamennais*, pag. 20, 80 et seq.

3<sup>o</sup> Facta summorum Pontificum et conciliorum quæ, vel tulerunt sententias depositionis in principes, vel has sententias suâ adhesionem firmaverunt, explicari possunt independentem à doctrinis theologorum circa dependentiam aut independentiam principum ab auctoritate ecclesiasticâ, si ad quorundam regnorum constitutionem attendatur, et ad jus commune quod in aliis vigeat.

Felonius in tract. de Auctoritate summi Pontif., expendens in cap. 30, quâ ratione laici principes ab ecclesiasticâ potestate depositi fuerint, hunc explicationis modum proponit: « Sensim catholicarum gentium hæc fuit sententia animis altè impressa, scilicet « supremam potestatem committi non posse nisi principi catholico, eamque esse legem « sive conditionem tacito contractui appositam « populos inter et principem, ut populi principi parerent, modò princeps ipse catholicæ « Religioni obsequeretur. Quâ lege positâ passim putabant omnes solummodo esse vinculum « sacramenti fidelitatis à latâ gente præstitum, simul atque princeps, eâ lege violatâ, catholicæ Religioni contumaci animo resisteret... « Porrò hoc erat hujus moris temperamentum, quòd ea depositio non fieret nisi consultâ prius Ecclesiâ. In eâ autem disciplinâ quæ multum viguit, nulla est Ecclesiæ doctrina quæ in dubium vocari possit, sed solummodo agitur de pacto, quod apud omnes catholicas gentes invaluit, nimirum ut secularis auctoritas non committeretur principi, nisi eâ certissimâ lege, ut ipse princeps catholicæ Religioni per omnia tuendæ et observandæ incumberet. Itaque Ecclesia neque destituebat, neque instituebat laicos principes, sed tantum consulentibus gentibus respondebat, quid ratione contractûs et sacramenti, conscientiam auferret. » In alio capite, nimirum 27, aliud observatum dignum exprimit: « De cætero, inquit, nihil est quod pontifices regibus imperare velint, nisi « speciali titulo aut possessione aliquâ pecuniari,

37

« id sibi jura in aliquem regem feudatarium se-  
« dia Apostolica adepti fuerit. »

Textus Fenelonii explanant duplicem titulum mox assignatum, quo laniebantur sententia depositionis quae haud semel lata est in principes, jus quoddam quod passim invaluerat apud catholicas gentes, quod pontifices habebantur ut arbitri sacramenti fidelitatis, et specialem quorundam principum conditionem, qui, cum essent feudatarii sanctae sedis, poterant à Romano Pontifice deponi. His accessit sæpè consensus principum quo valuerunt multa decreta conciliorum quae excessissent limites naturales jurisdictionis Ecclesiae, ut Bossuetius animadvertit his verbis : « De-  
« monstravimus... quæ à sacris conciliis œcu-  
« menicis circa temporalia decreta sint, nun-  
« quàm auctoritate clavium facta esse, nun-  
« quàm adscriptum eâ auctoritate fieri; imò  
« explicatus iri, mutata à regibus potestate. »  
(Defens. Decl. lib. 4, c. 17.)

Operæ pretium foret educere ex monumentis historiae mediæ ætatis argumenta hujus disciplinae, seu consensûs communis, cujus ope Fenelonius existimavit explicari posse sententias et decreta tum pontificum, tum conciliorum contra nonnullos reges : verùm, cum illa discussio longè progrediretur ultra metas theologiae, coacti sumus remittere eos qui hocce punctum gravis momenti vellent studiosè perscrutari, ad auctores qui ex processo his elucubrationibus operam navaverunt. Inter alios citabimus traductorem historiae S. Gregorii VII, et præcipuè editorem operum Fenelonii. Primus majorem partem introductionis ad opus D. Voigt composuit his documentis, ad vindicandam agendi rationem sancti Pontificis in causâ imperatoris Henrici IV. (*Histoire du pape Grégoire VII, Introduction*, § ag. 45 ad 86.) Editor Fenelonii operum idem argumentum eximîâ eruditione prosecutus, extendit ad disciplinam generalem Pontificum, in dissertatione quam operibus Fenelonii subjunxit sub eo titulo : *Revue de quelques ouvrages de Fénelon*; extat volumine 25 edit. Versall. Ibi relata multa leguntur maximi momenti quæ confirmant assertiones Fenelonii, nimirum : *Leges et constitutiones* plurimum regnorum in quibus valuerat illud placitum quòd vi contractûs tacti principes obstringebantur ad obsequium erga Ecclesiam catholicam, nisi velint disrumpi vinculum fidelitatis quo suæ gentis incolæ sibi devinciebantur; *consensus et confessio ipsorum principum* qui non

semel hanc jurisprudentiam agnoverunt, tùm in propriâ causâ, tùm in causâ aliorum; tandem *testimonia* juris canonici peritorum et historicorum qui horum temporum in scientiâ magis versati videntur. Fleury ipse, qui sanctissimos Pontifices ambitionis et superbie incusat, ob tentatas sententias depositionis contra reges, coactus tamen rei veritate, fateretur, eos obsecutos esse sensui cuidam communi quo hæc tempestate omnes ferè arbitrabantur hæc non excedere jura Ecclesiae Romanæ. « Il faut avouer qu'on était alors  
« tellement prévenu de ces maximes (nimirum  
« per excommunicationem amitti jura tempo-  
« ralia), que les défenseurs du roi Henri se re-  
« tranchaient à dire qu'un souverain ne pou-  
« vait être excommunié. Mais il était facile à  
« Grégoire VII de montrer que la puissance de  
« lier et de délier a été donnée aux Apôtres  
« généralement sans exception de personnes,  
« et comprend les princes comme les autres. »  
(*Troisième discours sur l'histoire de l'Eglise*, n. 18.) Idem possemus in multis alios animadvertere, qui sibi met contrarii arguant Gregorium VII, Innocentium IV ceterosque Pontifices horum vestigiis inhærentes, eos, inquam, arguant veluti reos ordinis divini ac naturalis subversores, dum aliis in locis quando volunt aut detegere mores ac placita publica hujus ævi, aut à censurâ malevolorum tueri concilia etiam œcumenica, quæ nullo modo contradixerunt decretis in suo sinu latis à pontificibus, imò, quidquid dicatur, hæc implicite saltem et tacite sanxerunt, recurrunt ad sententiam communem quæ omnium ferè animos penetraverat, jure publico vestitos esse illâ potestate pontifices.

His monumentis expositis, et quantum par erat discussis, editor Fenelonii suam dissertationem sic concludit : « Il résulte, ce sem-  
« ble, assez clairement de tous ces faits, que  
« le sentiment de Bossuet et de Fénelon sur  
« l'usage et les maximes du moyen-âge, rela-  
« tivement à la déposition des princes tempo-  
« rels, ne manque pas de fondement dans  
« l'histoire. En effet, on peut conclure de  
« tous ces faits, 1<sup>o</sup> que d'après la persuasion  
« alors générale, et d'après les maximes du  
« droit public alors en vigueur, un prince re-  
« belle envers Dieu et envers l'Eglise, enco-  
« rrait la privation de ses droits; 2<sup>o</sup> que, d'a-  
« près les mêmes principes, le serment de  
« fidélité qui attache les sujets à leur souve-  
« rain, était alors purement conditionnel, et

ne les obligeait point à l'égard d'un prince « notoirement rebelle envers Dieu et envers « l'Eglise; 3° que, d'après l'usage et la juris- « prudence du temps, l'excommunication rom- « pait tous les liens qui attachent les sujets à « leur prince; 4° qu'indépendamment de ces « maximes, alors généralement admises, le « Saint-Siège avait des droits particuliers et « généralement reconnus sur plusieurs états « catholiques, tels que l'Allemagne, l'Angle- « terre, la Sicile et plusieurs autres; 5° enfin « que les souverains pontifes, qui ont autre- « fois déposé des princes temporels, n'ont fait « qu'appliquer des *maximes de droit public* alors « généralement admises et reconnues des sou- « verains eux-mêmes. » (*Revue*, n° 115.)

Disputent ahi de incommodis quæ secum inducere potuit hoc jus publicum, hæc disciplina moribus temporum insita et quæ universali-ter agnoscebatur; incommoda non ad eò graviora fortè reputabuntur, si consideremus felicem exitum quem habuèrè decreta pontificum ad tuendam rempublicam christianam contra imminens subversionis periculum, cui et fidem, et mores, et ecclesiasticam disciplinam exposuisset, his infaustus temporibus, pravitas principum...; hæc ad philosophos et publicistas remittimus; nobis, ad intentum propositum, satis est ut in confesso sit tale fuisse per decursum seculorum quibus efformatur epocha, ut aiunt, *medix ætatis*, jus publicum (1).

(1) Inter Protestantes, permagni sanè nominis philosophus, dum hanc medix ætatis jurisprudentiam de facto agnoscit, et, quod ad ejus consequentias attingit, omnem criminis labem ab ipsa removere intendit, hæc notanda habet: « Multos principes constat aut « imperii Romani, aut certè Ecclesiæ Romanæ « beneficiarios, sive vassalos esse, à Cæsare « aut pontifice reges aut duces appellatos, et « reliquos etiam non prius regno quàm Christo inaugurari, enjus Ecclesiæ fidelitatem « spondent, cum ab episcopo unguuntur. Sic enim Christus regnat, vincit, imperat, cum « plerosque Occidentis populos studiosâ pietate se Ecclesiæ submisisse h istoriæ ostendunt. Nec disputo an hæc sint juris divini; « illud constat, omnium voluntate esse facta et « fieri rectè potuisse, et à communi christiæ « rei utilitate non abhorrerè: nam sæpè eadem « est salutis animarum et publici boni cura.... » (Lœbenitzius, operum tom. 4, de Jurisprudentiâ, pag. 351.)

Alter ejusdem sectæ vir, eruditione commendandus, et qui recentiori ætate scripsit, non aliud judicium tulit de exercitio juris pontificii eadem epochâ: « Dans le moyen âge, « où il n'y avait pas d'ordre social, la papauté « seule sauv. peut-être l'Europe d'une entière

Fortè objicient, hanc jurisprudentiam fundatam fuisse interpretatione juris divini, eò quòd consuetum fuerit S. Pontificibus quando sententias ferebant, invocare potestatem ligandi et solvendi, ut videtur in sententiâ Innocentii IV contra Fridericum latâ in concilio Lugdunensi. Huic difficultati solvendæ multa occurrunt, sed duo præsertim quæ multùm considerari cupimus: 1° Certum est tunc temporis, potestatem pontificiam usu seu consuetudine et quorundam regnorum conditione repositam multos arbitratos esse, abstrahendam à jure divino; hoc probat exceptio quam in favorem regum Galliarum, tum in Gallis, tum apud extraneos, prætendebant; si enim jus publicum quale vigeat non fuisset superadditum juri divino, sed mera illius declaratio atque ad casus particulares applicatio, quis existimâssent, illud esse speciale privilegium Franciæ, quòd non penderet in temporalibus à Pontifice Romano? (*Revue de Fénelon*, n. 109-112.) Idem etiam confirmat multæ epistolæ Gregorii VII, in quibus sanctæ sedis jura tueri, tum effectibus quos constans consuetudo excommunicationi tribuebat, ut qui intelligeret, ait Bossuetius, eà re omnem causæ suæ vim contineri; tum ditone quâ multa regna se devoverant Ecclesiæ Romanæ; tum tandem conditione imperatorum Germaniæ quos regnum tenere ab eadem Ecclesiâ reputabat. (Vid. Defens. Declarat. lib. 3, c. 4; lib. 1, sect. 1, cap. 13, 14; *Revue de Fénelon*, n. 111.) Qui recenter scripserunt historiam Germaniæ, observant hanc fuisse persuasionem satis communem, cui ipsi imperatores favebant, dum nomen ac titulum imperatoriæ dignitatis non nisi post acceptam unctionem sacram et coronam à Romanis Pontificibus sumebant. 2° Quoad allegationem juris divini, dici potest summos Pontifices et scriptores qui illud invocabant in materiâ præsentî, non jus illud in se ipso solùm considerâsse, sed

« barbarie: elle créa des rapports entre les « nations les plus éloignées; elle fut un centre commun, un point de ralliement pour « les états isolés. Ce fut un tribunal élevé au « milieu de l'anarchie universelle, et dont les « arrêts furent quelquefois aussi respectables « que respectés; elle prévint et arrêta le despotisme des empereurs, remplaça le défaut « d'équilibre, et diminua les inconvénients du « régime féodal. » (Ancillon, *Tableau des révolutions du système politique de l'Europe depuis la fin du 13<sup>e</sup> siècle*, tom. 1, pag. 135 137.) Alios multos scriptores qui in idem consensit citatos habemus in opere sæciliis à nobis laudato (*Revue de Fénelon*, n. 120-123.)

eum extensione quam ex usu et consuetudine habebat. Eo sensu Fenelonius putabat explicandam esse sententiam latam in concilio Lugdunensi ab Innocentio IV contra Fridericum II. Jus ligandi et solvendi quo Pontifex suam sententiam firmat, spectat ad potestatem excommunicandi peccatores obduratos, et interpretandi sacramentum fidelitatis quo subditi tenentur erga suum principem; depositio quæ eadem sententiâ pronuntiatur, erat merum consecrarium hujus excommunicationis, maximè congruum consuetudini horum temporum atque receptæ jurisprudentiæ... Si hæc non sufficiant ad plenam solutionem difficultatis, adderemus cum editore operum Fenelonii, summos Pontifices et auctores ecclesiasticos potuisse infirmis ratiociniis quandoque uti ad tænda jura cæteroguin certa; hoc non raro accidit in re difficili, nec satis adhuc elucidatâ; neminem autem latet, has probationes, seu argumenta quæ adducuntur in confirmationem juris, nihil ei nocere, modò jus aliàs solidiori fundamento innitatur: quamvis Pontifices persuasi fuerint, persuasione privatâ, suam potestatem in principes reponi jure divino, illud nunquam definire decretis dogmaticis.

His concludimus quæ dicenda erant de auctoritate sedis Apostolicæ in regum temporalia. Summa totius discussionis hæc est. Romanus Pontifex, ut caput Ecclesiæ, habet jurisdictionem spiritualem in principes non tantum ut individuos, sed etiam quoad regiam dignitatem, ad eò ut possit virtute hujus jurisdictionis, illos submittere pœnis spiritualibus pro sceleribus quæ committerent in administratione regni; nec fides docet, nec praxis Ecclesiæ, seu agendi ratio Pontificum, probat illos habere ullam jurisdictionem temporalem indirectam in principes, quâ valeant eos de reglâ dignitate dejicere, dispensando subditos à juramento fidelitatis; sententiæ depositionis, latæ per decursum mediæ ætatis contra quosdam reges, non debent verti in crimen Pontificibus qui eas tulerunt, et possunt explicari abstrahendo à jure divino, attentâ jurisprudentiâ hujus temporis, quam generatim olim immixtam moribus, et communi sensu populorum catholicorum, certa monumenta probant. Hæc si benè attendantur, facilis erit in eo capite Gallicanorum cum Ultramontanis conciliatio.

#### § 4. De Libertatibus Ecclesiæ Gallicanæ.

Ultimum aggredimur caput conciliationis

Gallicanorum cum Ultramontanis, dicturi de *Libertatibus* Ecclesiæ Gallicanæ. Nihil fortè est quod Gallicanis acriter exprobraverint extranei theologi quàm obstinatum animum conservandi tuendisque suis privilegiis, suis, ut aiunt, libertatibus, contra ipsam sedem Apostolicam; multis visum est quòd dùm illi speculative agnoscunt ac venerantur Ecclesiam Romanam ut matrem et magistram omnium aliarum Ecclesiarum, reipsâ tamen se ab illâ *independentes volunt, schismatis principium* foventes in sinu Galliarum. Hæc, suo more, multum exaggeravit schola Menesiarorum, ut videre est in *Memoriali catholico* passim et in aliis scriptis quæ prodierunt ultimis hisce temporibus. Non possumus quin indignanter feramus ab his neutericis et ab extraneis injuri notam schismatis elero quem Benedictus XIV æquior iudex laudavit ut *Apostolicæ sedi obsequentissimum et sacrorum canonum religiosissimum custodem* (de Synodo diocesanâ, lib. 9, cap. 2, n. 4); verùm cùm hæc tam falsa et injuriosa ætymatlo cleri Gallicani orta sit maximè ex confusione idearum et abusu rerum quæ sæpius in præsentia materiâ contigit, omninò necessarium est discernere veras, germanas libertates Ecclesiæ Gallicanæ, à principiis heterodoxorum, qui sub inani prætextu Gallicanismi, seculo penè elapso, evertere conati sunt fundamenta auctoritatis ecclesiasticæ, et Ecclesiam naturali suâ independentiâ privatam, submittere potestati laicali. Hos novatores regni auctoritatis adulators et Romanis Pontificibus infensos, confutavit vir apud nos doctrinâ conspicuus, Pey, in opere inscripto: *De l'autorité des deux puissances*, 3 vol in-8°. De eisdem suo tempore Fleury ipse conquerebatur, veluti injuriosis erga sanctam sedem et Ecclesiæ subversoribus. « Tous ceux qui traitent de ces matières, inquit, et particulièrement les laïques, devraient penser qu'ils n'en parlent qu'en qualité de Chrétiens, et considérer de bonne foi s'ils n'en parlent que par principe de religion... Si l'on examine sur ces maximes les auteurs du Palais, et principalement Dumoulin, on y verra beaucoup de passion et d'injustice, peu de sincérité et d'équité, mo'ns encore de charité et d'honnêteté. » *Nouveaux opuscules de Fleury*, art. *Libertés gallicanes*, p. 186, 187 (1)

(1) Idem Fleury, in oratione de Libertatibus Ecclesiæ Gallicanæ, n. 23, hæc habet: « Mais il faut dire la vérité: ce ne sont pas seulement les étrangers et les partisans de la cour

Injuriosum certè est in clerum Gallicanum sua placita confundere cum pravis systematicis quæ constanter respuit, et libertates Gallicanas easdem reputare quas ipse tuetur et quas laici magistratus et minimi theologi prætulerunt. Quando in lucem prodierunt tractatus de Juribus et Libertatibus Ecclesiæ Gallicanæ..., argumenta in favorem libertatum, e. g., *Preuves des libertés de l'Eglise Gallicane*, auctore Dupuy, præsulis tunc Parisiis adunati, anno 1639, hæc censurâ confixerunt veluti fœdاتا falsis atque hæreticis principiis. « Nusquam, aiebant in epistolis ad suos collegas in episcopatu directis, fidei christianæ, Ecclesiæ catholicæ, ecclesiasticæ disciplinæ, nocentioribus dogmatibus quiscquam aversus est, quàm his quæ istis voluminibus sub tam leni titulo recluduntur... Compiler ille multis pessimis bona quædam immiscuit, et inter falsas et hæreticas, quas detestatur, Ecclesiæ Gallicanæ adscriptas servitutes potiùs quàm libertates, vera quædam et legitima privilegia exposuit. » (Vide Bossuetium Defens. Declar. lib. 11, cap. 20, et alibi passim.) Fleury, *Nouveaux opuscules*, p. 183, eodem sensu dixit hæc omnibus nota : « Si quelque étranger zélé pour les droits de l'Eglise et peu disposé à flatter les puissances séculières, voulait faire un traité des servitudes de l'Eglise Gallicane, il ne manquera pas de matière, et il ne lui serait pas difficile de faire passer pour telles les appellations comme d'abus, » etc. Tandem addeamus, ad manifestandum magis ac magis, quàm clerus Gallicanus semper abhorruerit à sensu horum magistratum quæ scribebat Bossuetius ad card. d'Estrées, occasione orationis de Unitate Ecclesiæ, habitæ in comitiis anni 1682 : « Je fus indispensablement obligé

de Rome qui ont affaibli la vigueur de l'ancienne discipline, et diminué nos libertés ; les Français, les gens du roi, ceux là même qui ont fait sonner le plus haut ce nom de libertés, y ont donné de rudes atteintes, en poussant les droits du roi jusqu'à l'excès ; en quoi l'injustice de Dumoulin est insupportable. Quand il s'agit de censurer le pape, il ne parle que des anciens canons ; quand il est question des droits du roi, aucun usage n'est nouveau ni abusif ; et lui, et les jurisconsultes qui ont suivi ses maximes, inclinaient à celles des hérétiques modernes, et auraient volontiers soumis la puissance même spirituelle de l'Eglise à la temporelle du prince. Cependant ces droits exorbitants du roi et des juges laïques, ses officiers, ont été un des motifs qui ont empêché la réception du concile de Trente. »

à parler des libertés de l'Eglise Gallicane, et je me proposai deux choses : l'une de le faire sans aucune diminution de la véritable grandeur du Saint Siège ; l'autre, de les expliquer de la manière dont les entendent les évêques, et non pas de la manière que les entendent les magistrats. (*Lettres diverses*, lettre 91<sup>e</sup> au card. d'Estrées.)

Aliæ sunt igitur libertates Gallicanæ, in sensu cleri et omnium verè orthodoxorum, aliæ autem in sensu jurisperitorum plurium, qui falsas sibi opiniones efformarunt de auctoritate Ecclesiæ. Nos alienissimi à privilegiis et prætensis juribus quæ nos separarent à filiali obedientiâ quam profitemur erga matrem Romanam Ecclesiam, et vincula firmissimæ connexionis possent dirumpere, unum tantum conamur conciliare, germanas Ecclesiæ Gallicanæ libertates cum principio hujus unitatis, sicut Gallicanos cum Ultramontanis, ut non semel monuimus.

Multa hic supponimus quæ disseruit Regnier in tractatu de Ecclesiâ, circa præsentem materiam, eadem quippe revocare supervacuum ; vide t. 4 *Cursus Theol.* col. 1099 ad 1111. Quæstio in scholis agitata non est de commodis vel incommodis disciplinæ Gallicanæ ; sub eo respectu unusquisque in suo sensu abundet ; sed agitur solummodò de collatione systematicis seu principiorum quibus reponuntur libertates Ecclesiæ Gallicanæ, cum principiis necessariis de supremâ sedis Apostolicæ auctoritate in Ecclesiam universalem ; si enim hæc principia non sibi invicem adversentur, sed simul integra servari possint, jam cessat tota disputationis causa, et facilis evenit utriusque scholæ conciliatio. Hoc nunc expendemus, præmissâ brevi expositione libertatum de quibus controversia movetur.

Auctores nostri observant nullam esse legem quæ in specie determinaverit in quo sitæ sint libertates Gallicanæ, et hæc fuit causa et origo multorum abusuum et difficultatum ; verùm deduci potest ex doctrinâ satis communiter receptâ, fundamentum commune harum libertatum, esse (præter independentiam regum in ordine temporali) reponendum in quodam jure quod prætendit Ecclesia Gallicana, inhærendi canonibus, præsertim antiqvis, et consuetudinibus ad statum Ecclesiarum particularium accommodatis, legitimoque usu advectis et firmatis, simul et consequenter in jure repudiandi seu non acceptandi mandata extraordinaria quæ naturalem epi-

temporum jurisdictionem laederent, et novella jura quæ cum necessaria non sint ad fidei unitatem et morum reformationem, ordinem consuetudinibus invecum immutarent; Ita rem intelligunt plerique theologi et canonistæ, Bossuetius, Fleury, Domat, d'Héricourt, Collator Andegavensis, Regnier, etc., quorum testimonia referre, brevitatis causâ, omitemus. Præcipua consuetaria quæ ex principio generali procedunt, et efformant libertates, ad ea puncta reducit Fleury (illius verba referre juvat, omiſſis tamen nonnullis capitibus quæ causas beneficiæ spectabant, et non habent in ordine præsentis applicationem): « Voici donc à quoi se réduisent nos libertés effectives : 1° à n'avoir point reçu le tribunal de l'inquisition, ou plutôt à l'avoir aboli... 2° Les clercs ordonnés à Rome de l'autorité du Pape sans démission de leur évêque, ne sont reçus en France à aucune fonction. (Id est, nullum jus habent ad exercendum officium clericale nisi episcopus velit eos promovere.) 3° Nous ne recevons les nouvelles bulles qu'après qu'elles ont été examinées, comme il a été dit. 4° Nous ne recevons pas toutes sortes de dispenses, comme celles qui seraient contre les louables coutumes et les statuts autorisés des églises. 5° Les sujets du roi ne peuvent être tirés du royaume, sous prétexte de citations, appellations ou autres procédures. 6° Le nonce du pape n'a aucune jurisdiction en France. 7° La jurisdiction du légat est limitée, comme il a été dit. » N° 20 has limitationes sic exponit : « Le pape ne peut en envoyer en France qu'à la prière du roi, au moins de son consentement; étant arrivé, il promet avec serment et par écrit, de n'user de ses facultés que... conformément à nos usages... Il ne peut subdéléguer personne pour l'exercice de sa légation, sans le consentement exprès du roi. 8° On a aboli en France les franchises ou asiles des églises et monastères. » Si quædam ex articulis citatis et aliis omiſſis circa beneficia, videantur parùm consona cum principiis de potestate jurisdictionis quæ Galli admittunt in Romæ Pontifice, non omnino abnuît Fleury, sed putat hæc saltem firmari consuetudinibus non damnatis ab Ecclesiâ. « Il est impossible, quand on veut raisonner juste, d'accorder ces usages si différens avec nos maximes sur la puissance des papes et sur l'autorité des conciles universels..... Mais il ne s'en suit pas qu'il

« faille abandonner nos principes... Il faut les conserver, et ne tenir pas moins chères le peu de pratiques que nous avons conservées en conséquence de ces principes. Quant à celles qui ne s'y accordent pas, elles ne laissent pas d'être légitimes, étant fondées en coutumes notoires et reçues depuis long-temps au vu et au su de toute l'Eglise. » (*Discours sur les Libertés de l'Eglise gallicane*, n° 25.)

Ultima hæc verba viam aperiunt solutionis, sed ut plenior detur, res erit sub vario respectu consideranda, et attendendum ad ea quæ theologi omnes, tum Gallicani, tum Ultramontani admittunt : Gallicani fateri debent et reipsâ implicitè saltem agnoscunt omnes, 1° Rom. Pontificem posse recedere ob ordine consueto, si exigat Ecclesiarum necessitas, 2° virtute ejusdem auctoritatis posse etiâ, urgente gravi necessitate, libertates, seu privilegia et consuetudines Ecclesiarum mutare, tollere, partim vel ex integro abolere; 3° tandem privilegia quæ eximerent à jure communi inducto aut inducendo, fundari tacito consensu Ecclesiæ Romanæ. Ex alterâ parte Ultramontani admittendum erit, 1° jus quoddam naturale esse Ecclesiis nationalibus in hærendi suis consuetudinibus quæ in illarum utilitatem firmatæ sunt, et non periculose evaserint mutatione circumstantiarum; 2° easdem Ecclesias posse suspendere observationem legum sive à conciliis, sive à sede Apostolica promulgatarum, et quæ suam propriam disciplinam immutarent, quoadusque S. Pontifex hanc observationem urget; 3° hanc suspensionem esse præsertim licitam, si non possent executioni demandare hæc novella jura, sine gravi perturbationis et dissidii: um periculo... Hæc tria puncta si utrinque admittantur, integrum certè remanet principium unitatis, sua servatur Ecclesiæ Romanæ auctoritas, et libertates Gallicanæ non obstante incommodo cui fortè obnoxia sunt, nihil tamen habent schismaticum, nihil quod extraneos offendere debeat; ea proindè sigillatim percurramus.

1° Gallicani, stando suis placitis, absque ullâ eunetatione profitentur ea quæ modò asserchamus. Primò, dicent S. Pontificem posse recedere ab ordine in Galliis consueto in exercitio sui primatûs jurisdictionis, si urgens exigat necessitas. « Le gouvernement de l'Eglise n'est pas un empire despotique, ait Fleury, mais une conduite paternelle et charitable, où l'autorité du chef ne paraît pas, tant que les inférieurs font leur devoir



« mais elle éclate pour les y faire rentrer, et « l'élève au-dessus de tout pour maintenir les « règles. » (Discours sur les Libertés de l'Eglise Gall. n° 20.) Ratio in aperto est; eam suggerit doctrina catholica : nullum jus, nulla consuetudo prævalere debet contra ordinem divinitus institutum, et impedire quin Ecclesia quam Christus instituit aliarum Ecclesiarum matrem et magistram, suam in eas sollicitudinem extendat, exerceat jurisdictionem prout temporum necessitas postulaverit; porro, si summus Pontifex non posset recedere ab ordine in Galliis consueto, in exercitio jurium, quando urget necessitas, pessumdaretur divina ordinatio, pastorale ministerium omni virtute vacuum maneret. Supponamus, exempli causa, clerum Gallicanum prolapsam in eum statum qui promptam reformationem exigat, vel regnare in Galliis principem Ecclesie offensum, qui decreta sanctiora tum fidem, tum disciplinam spectantia promulgari formis consuetis, impediat; quis dicit, nisi prorsus ignarus hierarchiæ christianæ, in eo rerum statu, sanctiones pontificias, leges, decreta à summo pastore lata, nullam vim obligatoriam habere usquedum vel clerus ipse ultrò consentiat observationi decretorum qui suos abusus reformant, vel princeps voluerit ab impiâ suâ obstinatione recedere? Hæc certè non aliâ indigent discussione, et manifestum est, nunquam Gallicanos voluisse sub obtentu suarum libertatum, cohibere exercitium supremæ jurisdictionis cui subduntur, sicut alii Christi fideles; ergo S. Pontifex potest recedere ab ordine consuetudinibus inducto, v. g., urgere legum observationem, quamvis promulgatæ non fuerint formis assuetis, legatos mittere qui sum officium exercent, aut alio modo quo voluerit et expedire existimaverit, providere urgenti Ecclesiarum necessitati, vel, ut verbis citatis Fleury utamur, illius potestas summa est et suprememinens, ad tuendam fidem et procurandam juris observationem.

Ratio eadem necessitatis et divini ordinationis Gallos inducit ad agnoscendum quòd summus Pontifex, præter casus particulares quibus ab ordine consueto recedit, possit insuper ipsas consuetudines, ipsa privilegia immutare, partim vel omninò abolere, licet rarissimè occurrant tales necessitates. *Concedimus*, ait Bossuetius, *in jure ecclesiastico Papam nihil non posse, cum id necessitas postularit*, (Defens. Declar. lib. 11, cap. 20). Evenire re quidem verà potest tantam rerum immutatio-

nem, ut statuta quæ olim salubriter fuerant instituta, sint maxime periculosa, imò causam gravis ruinæ foveant; quapropter necessario foret ad providendum Ecclesiarum conservatio, ut esset aliqua potestas Ecclesie privatis superior, quæ vim habeat eas tuendi; hujusmodi potestatem nullam præstò esse præter primatum successorum Petri, tenet fides catholica, cum non recurri possit ad medium conciliorum generalium, quæ rarò ac magnâ difficultate adunantur; ergo, modò illæsum servetur jus divinum, et de solo ecclesiastico jure agatur, nihil non poterit S. Pontifex, cum postularit necessitas. Exemplum memoratum dignum habemus hujus exercitii potestatis pontificalis in celebri Concordatu quem ultimis temporibus Pius VII iniit cum Napoleone. Eâ occasione, anno 1808, hæc sapienter observabat D. Emery in editione opusculorum Fleury; illius verba transcribimus : « Nous avons absolument besoin de ce principe, quand il s'agit de défendre le Concordat de 1801, et de faire regarder comme légitimes tous les changements qui ont été faits à cette époque dans l'Eglise de France; car il est très-vrai que ce que nous appelons nos libertés y répugnait absolument, et qu'elles ont été ouvertement violées dans leurs articles principaux, et ceux même que nous regardons avec justice comme étant les mieux fondés. Par un seul acte, tous les évêchés ont été supprimés, ceux même dont l'établissement était aussi ancien que le christianisme dans les Gaules; d'autres ont été créés, sans aucun égard aux anciennes limites. Tous les évêques de l'Eglise Gallicane ont été dépouillés de leurs évêchés, sans aucun délit de leur part, sans aucune forme de procès. Il est vrai qu'on a commencé par demander leur démission, et que plusieurs l'ont accordée; mais cette démission même a-t-elle été, de la part de tous ces derniers, bien constamment et bien pleinement volontaire, puisqu'en la demandant, on donnait clairement à entendre que, si elle était refusée, on n'irait pas moins en avant? Tous les chaîtres, toutes les abbayes, tous les prieurés, tous les bénéfices, toutes les fondations sans distinction et sans exception, ont été anéantis; tous les biens ecclésiastiques ont été irrévocablement cédés, etc.

« On ose dire que les papes qui ont porté le plus loin leur autorité, et en général, tous les papes, n'ont point fait dans la suite des

« siècles, de changements, de coups d'autorité  
 « aussi grands, aussi importants que ceux  
 « qui ont été faits en un moment par Pie VII.  
 « Nous croyons son opération très-légitime :  
 « il est bien nécessaire de le croire; autre-  
 « ment, combien faudrait-il reconnaître au-  
 « jourd'hui dans l'Eglise de France, d'évêques  
 « sans titre, et de ministres sans pouvoir !  
 « Mais cette opération ne peut être légitime,  
 « qu'autant que le Pape avait l'autorité, le droit  
 « de la faire; et pour établir qu'il avait cette  
 « autorité, il est nécessaire de dire, avec M.  
 « Fleury, que, dans certaines circonstances,  
 « son autorité est souveraine et s'étend au-dessus  
 « de tout. » (Nouveaux opuscules de Fleury,  
 préface, p. 41 45.)

Tandem Gallicani suas consuetudines, in quantum recedunt à jure communi, vel obstant introducendo juri novo quod aliis ecclesiis proponitur, firmandas censent consensu saltem tacito sedis Apostolicæ. Istud ultimum principium clerus Gallicanus apertè exprimit in articulo tertio famosæ Declarationis anni 1682. Sic habet articulus ille qui refertur ad *libertates* : « Valere regulas, mores et instituta à regno et Ecclesiâ Gallicanâ recepta, Patrumque terminos manere inconcussos; atque id pertinere ad amplitudinem sedis Apostolicæ, ut statuta et consuetudines tantæ sedis et Ecclesiarum consensione firmata, propriam stabilitatem obtineant. » Hæc ultima interpretando, Bossuetius animadvertebat Gallicanos præsules non quæcumque inducta à magistratibus probare, sed ea tantum quæ Apostolicæ sedis consensione firmata erant. (Defens. Decl. l. II, c. 20.) Hæc valent quidem quoad nonnulla capita veteris juris communis quæ olim Ecclesiarum et inprimis sedis Apostolicæ auctoritas sanciverat, et quibus constanter adhæsit Ecclesia Gallicana, dum aliis in regnis mutarentur per introductionem juris novi; sed non levis occurrit difficultas quoad alia puncta disciplinæ Gallicanæ, de quibus nihil statutum reperitur olim, et quæ relata vidimus inter nostras libertates : v. g., consuetudo se eximendi ab observatione legis novæ omnibus Ecclesiis propositæ, nisi promulgata sit in Galliis formâ assuetâ. Hæc et alia hujusmodi nec sedes Apostolica, nec Ecclesia universalis, suâ consensione sancivit. Deest quidem consensus formalis, sed in favorem harum consuetudinum Gallicani invocare possunt consensum tacitum, qualis est consensus legislatoris, qui non contradi-

cendo firmat invictas consuetudines hæc veniunt verba citata Fleury : *Elles ne laissent pas d'être légitimes, étant fondées en coutumes notoires au vu et au su de toute l'Eglise.* De his infra erit disserendi locus; in presenti sufficit probare Gallicanos non existimare quòd valere possint suæ consuetudines independentè à consensu Ecclesiæ Romanæ. Tanta est necessitas hujus dependentiæ, ut negari non possit quin subverterentur dogmata fidei, et Gallicani sua abjurarent principia : enimverò licet imbuti persuasione quòd concilium œcumenicum et Ecclesia universalis auctoritate prævaleat Romano Pontifici, putent illum non Jus habere legem imponendi Ecclesiæ catholicæ collectivè sumptæ, credunt nihilominus, eundem Pontificem habere veram et propriam jurisdictionem atque potestatem legislativam in omnes dioceses, in omnes Ecclesias nationales seorsim consideratas, hunc primatum inter dogmata fidei ponunt; atqui illa potestas necessariò supponit ex parte subditorum necessitatem obtemperandi, acceptandi et observandi decreta ab eâ jurisdictione prolata; ergo Ecclesia Gallicana non secus ac cæteræ Ecclesiæ, non retinet sua privilegia quæ aberrarent à jure communi, nisi consensu præsumpto sedis Apostolicæ, sint illi sartæ tectæ suæ libertates, quousque coneliabuntur cum universalis Ecclesiæ bono; verum non de eâ re supremum sibi iudicium reservet, nec in eam incidat hæreticam existimationem, illas obstinatè tuendi contra summum pastorem qui suum retraheret consensum !... Quàm semper alienus fuerit clerus Gallicanus ab eâ schismaticâ obstinatione, seu independentiæ præsumptione, manifestè probant gesta seculo decimo sexto, occasione receptionis concilii Tridentini. Habita sunt tunc temporis concilia in plerisque Galliarum provinciis, ad acceptandum decreta Tridentina; cùm autem nonnulla ex illis decretis adversari viderentur consuetudinibus et libertatibus Ecclesiæ Gallicanæ, quid præsules sanxerunt? In majori parte provinciarum, acceptatio fuit simplex, absoluta, nullâ adjectâ exceptione in favorem harum libertatum; in aliis legitur facta reservatio, sed cum eo moderamine, quòd invocaretur auctoritas sedis Apostolicæ ad firmandas eas exemptiones : « Protestando validitatem privilegiorum nostrorum et exemptionum nobis firmam fore auctoritate sedis Apostolicæ, si sanctissimus Dominus noster Papa, nostris rationibus exhibitis, det seu interpretationem, seu

« moderationem decretis concilii Tridentini. »  
 Hæc fuit formula reservationis quandoque  
 adhibita. Eodem sensu, anno 1605, clericus à  
 rege expostulans publicationem concilii, aie-  
 bat : « Concile duquel nous espérons la pu-  
 blication, sans préjudice des immunités et  
 exemptions concédées aux chapitres et com-  
 munités par les SS. Papes, dont sa Sainteté  
 sera suppliée. » Et anno 1615, in libello quod  
 obtulit Ludovico XIII, legitur eandem sollicitu-  
 tatem fuisse publicationem, « sans préjudice,  
 toutefois, des libertés de l'Eglise Gallicane,  
 privilèges et exemptions des chapitres et  
 communautés; pour lesquels privilèges, li-  
 bertés et exemptions, sa Sainteté sera sup-  
 pliée à ce qu'elles soient réservées et deme-  
 urent dans leur entier. » (Vid. *Concilia Gal-  
 licæ* edita à P. Odesdun, p. 625; *Collection  
 des procès-verbaux des assemblées*, t. 2, année  
 1615; *Pièces justificatives*.) Muzarely utitur  
 his monumentis ad probandum nunquam eam  
 fuisse mentem cleri Gallicani, quod voluerit  
 propria auctoritate excipere à jure communi  
 suas libertates. (Vid. de auctoritate Rom. Pon-  
 tific. proœmium, pag. 21 ad 35). Eadem jure et  
 merito invocamus ad confirmandum assertum  
 nostrum. Sic concludimus explanationem  
 principiorum quæ à Gallicanis admitti debent,  
 et reipsa admittit viri doctiores et moderati,  
 qui eâ de re scriperunt.

2<sup>o</sup> Ultramontani, rati his principiis sufficien-  
 ter servari unitatem, et integram manere au-  
 ctoritatem Romani Pontificis, non diffitebun-  
 tur quin Ecclesiæ privatæ, præsertim majores,  
 ut puta nationales, jus quoddam naturale ha-  
 beant inhærendi suis consuetudinibus et pri-  
 vilegiis, quæ ad illarum utilitatem longo usu  
 firmata et nationis moribus insita nullum  
 aliunde supponunt periculum grave abusûs  
 procreare. Hæc fuit in totâ retrò traditione  
 mens Ecclesiæ, ut laudabiles consuetudines  
 servarentur, et generatim sancitum videmus  
 in synodo Nicænâ, quæ canone 6 voluit ut  
*antiqua consuetudo servetur*. Sedes Apostolica,  
 nedum adverteretur observantiæ harum consue-  
 tudinum et juribus quæ inde oriuntur Eccle-  
 siis particularibus, è contra suâ auctoritate  
 firmat ac tuetur, ut non semel ostensum fuit à  
 scriptoribus ecclesiasticis; notissima sunt hæc  
 verba Gregorii Magni : « Sicut nostra defendi-  
 mus, ita singulis quibuscumque Ecclesiis jura  
 servamus... Absit à me ut statuta majorum  
 consacerdotibus meis in quâlibet Ecclesiâ  
 infringam, quia mihi injuriam facio, si tra-

trum meorum jura perturbo » (1). Lib. 2,  
 epist. 48 52, tom. 2, col. 611-618. Hujusmodi  
 multa occurrunt in decretalibus summi Pon-  
 tificum. (Vid. Regnier, tract. de Ecclesiâ, in  
 Theologiæ Cursu, t. 4, col. 1103-1104; Bos-  
 suet, Defens. Declarat. lib. 2, cap. 3, 12, 43.)  
 Nunquam eorum mens fuit, arbitrariâ volun-  
 tate dominari Ecclesiis privatis, et illarum  
 privilegia confundere; quinimò scimus illos  
 tantâ benignitate usos in regimine Ecclesi-  
 arum, ut identidem revocaverint quæ inscii de-  
 terminaverant in detrimentum privilegiorum,  
 et summâ benevolentia excepissent reclamaciones  
 episcoporum qui ad suam sedem confugebant,  
 jura propria tuendi ratione. Quod si aliquorum  
 agendi ratio correpta fuit, ut evenit in causis  
 S. Hilarii Pictaviensis, S. Mamerti Viennensis,  
 S. Ignatii Constantinopolitani, hoc exinde  
 provenit, quod erraverint, scilicet jura prose-  
 quendo, et ultra fas in suo sensu obfirmati  
 perstare visi fuerint. Sic sanctus Ignatius pa-  
 triarcha Constantinopolitanus usâ cum vicariis  
 Orientalium patriarcharum, definiit in concilio  
 Bulgariam debere suæ sedi subesse, et recla-  
 mantibus frustra legis Ecclesiæ Romanæ,  
 ipse propria auctoritate Bulgaris constituit  
 episcopum, quendam Theophilactum, Summi

(1) Quæ œconomia sancta sedes vel tolera-  
 verit, vel etiam commendaverit diversam Eccle-  
 siarum disciplinam, ubique monumenta  
 traditionis testantur. Unum aut alterum sub  
 oculis lectorum liceat objicere. Sanctus Au-  
 gustinus, Anglorum Apostolus, consulens  
 Gregorium Magnum cur cum una sit fides, sint  
 tam diversæ Ecclesiarum consuetudines. Hocce  
 responsum à S. Pontifice accepit : « Novit fra-  
 terness tua Romanæ Ecclesiæ consuetudi-  
 nem, in quâ se meminit nutritum; sed mihi  
 placet ut sive in Romanâ, sive in Galliarum,  
 sive in quâlibet Ecclesiâ aliquid invenisti quod  
 plus omnipotenti Deo placere possit, sollicitè  
 eligas... Non enim pro locis res, sed pro rebus  
 loca nobis sunt amanda : ex singulis ergo  
 Ecclesiis, quæ pia, quæ religiosa sunt, elige. »  
 Extat apud Gratianum, distinct. 12, can. 10.  
 Leo IX, missis legis ad Michaelem Cerularium,  
 patriarcham Constantinopolitanum, ad  
 eum hæc scribebat : « Ecce in hac parte Ec-  
 clesia Romana quantò discretior, moderatior,  
 et clementior vobis est; siquidem cum intra  
 et extra Romam plurima Græcorum monaste-  
 ria reperiantur, sive Ecclesiæ, nullus eorum  
 perturbatur vel prohibetur à paternâ tradi-  
 tione, sive à suâ consuetudine, quin potius  
 suadetur atque admonetur eam observare.  
 Scit namque Romana Ecclesia quia nihil  
 obsunt saluti credentium diversæ pro loca  
 et tempore consuetudines, quando una fides  
 per dilectionem operans bona quæ potest,  
 uni Deo commendat omnes. » (Concil. Lab-  
 bei t. 11, col. 1356.)

Pontifices adversus hoc factum apostolico zelo insurrexerunt, et Joannes VIII Ignatium arguit tanquam violatorem decretorum Patrum. Hæc historici dum narrant, S. Ignatii resistentiam excusant, quòd et jura Ecclesiæ suæ defendere tenebatur, et ipse in eâ opinione erat, Bulgariam consuetudine vel veteribus sanctionibus ad suam sedem, non verò ad Ecclesiam Romanam pertinere. Benedictus XIV, in libro de Synodo diocesana, ubi datâ occasione hæc dissidia inter quosdam eximiae sanctitatis præsules et sedis Apostolicæ Pontifices, refert, eos simili motivo à graviori deliquit immunis existimat, quia, inquit, eorum quilibet, pro certo habuit, tam solidas rationes suæ causæ favere, ut eam omni studio tueri licite posset; addit tamen cum lisdem historicis quos supra memorabam, his præsulibus illud vitio vertisse quòd præter fas aliquâ pertinaciâ restiterunt apostolicis decretis. (De synodo lib. 9, cap. 8, n. 5, 6, 7, 8, 9.) Abstinentis ab aliis probationibus adjuccendis, in confirmandâ thesi quam omnes admittere arbitramur, nimirum Ecclesiæ jus habere suas consuetudines, sua jura servandi, modò non intenderit mutatio circumstantiarum quæ illa noxia reddat, et illa tucantur cum justo moderamine debitæ erga sanctam sedem reverentiâ (1).

Hæc nos ad aliud ducunt, in quo gravior est difficultas, nimirum Ecclesiæ nationales (quando ea est consuetudo locorum) posse suspendere promulgationem et observationem legum quæ feruntur sive à conciliis sive à Romano Pontifice, et quæ suam propriam disciplinam immutarent, vel novellas institutiones sibi non

(1) Benedictus XIV, loco supra citato, refert exemplum hujus observantiæ in sedem Apostolicam, è vitâ sancti Caroli Mediolanensis archiepi-copi. Cæterim, quando non obstat jus Ecclesiæ Romanæ, illustrissimus præsul, disciplinæ veteris custos, summâ curâ invigilabat ne consuetudinibus et juribus suæ sedis derogaretur, ut satis ostendit in decreto de Recitatione breviarii. Aegrè ferens quòd clerici recitarent aliud breviarium, vel etiam Romanum, dum Ecclesia Mediolanensis jure gaudebat servandi breviarium Ambrosianum, præcepit omnibus clericis et regularibus, qui jure, consuetudine, etc., Ambrosiano mere divina officia obire debebant, ut ad hujus breviarii præscriptum horas canonicas exsolverent, tam publicè quàm privatim, declarando eum qui secus faceret, obnoxium fore penis à jure latis. Decretum illud tulit eo motivo quòd officii Ambrosiani rationem et formam *antiquissimam* esse constabat, et ipse omni conatu curare debebat ut *prisca suæ Ecclesiæ instituta veteresque ritus retineantur et conserventur.* (Acta Ecclesiæ Mediol. t. 1, part. 2; Synod. diocæs. 2.)

necessarias inducerent, quousque sancta sedes harum legum observationem urgeat. Nescimus an theologi formaliter admittant hoc principium, vel illud ex professo expenderit; atamen arbitramur, hoc esse ab illis admittendum, et fluere ex doctrinâ scholarum circa vim consuetudinum, legum promulgationem, etc.

Sola terminorum expositio indicat hic agi non indiscriminatim de omni legum genere, sed solummodò de lege merè disciplinari, quæ nullam habeat necessariam connexionem cum fide aut regulis morum, sed variabilis esse possit, salvo Religionis honore, in diversis Ecclesiis; insuper supponimus Ecclesiæ privatas non abstinere ab acceptandâ illâ lege quæcumque ex causâ, pro arbitrio, sed ob grave motivum, quale foret inutilitas legis propositæ, attento rerum statu in his locis, periculum perturbandæ pacis harum Ecclesiarum, jus consuetudine inductum, vel alia hujusmodi; nisi his considerationibus tenerentur præsules qui Ecclesiis præsent, deberent procul dubio et absque ullâ cunctatione admittere leges prolatas à sede Apostolicâ, et illis obsequium præstare, cum subditi auctoritati successorum Petri Pontificem pro tempore existentem venerari debeant ut patrem ac legislatorem sibi cæterisque omnibus Ecclesiis præpositum. Tandem in nostro principio declaramus, legem pontificiam obligatoriam fore, si rebus perpensis, cognito locorum statu, et non obstantibus consuetudinibus vel privilegiis, Papa argeret illius acceptationem et obligationem. Hæc, quamvis in asserto non sinuata, explicare tamen disertis verbis debuimus, ne daretur locus ambagibus, et Ultramontani principium admittere recusarent.

Sic expositam et explicatam assertionem paucis probamus, argumenta sumendo extra placita scholæ sive Gallicanæ, sive Transalpinae: Vel episcopi qui Ecclesiis majoribus præsent abstinent ab acceptando decreto apostolico usquedum consulerint sedem Apostolicam, vel abstinent inconsultâ eadem sede, quasi lex illos non spectaret.... In priori casu nulla est difficultas; nam, ut observat Benedictus XIV, disciplina varia est pro locorum et temporum ratione, et fieri potest ut aliqua constitutio, licet plerisque orbis christiani diocæsis utilis, alicui tamen provincie minus opportuna dignoscatur; id cum comperit non fuerit legislatori, qui peculiare res omnes locorum perspectas habere nequit,

episcopus intelligens legem in suâ provincia noxium effectum producere posse, non solum non prohibetur suas rationes legislatori, seu Romano Pontifici exhibere, quin potius ad id omnino tenetur, ut docent omnes. (De Synodo diœcesanâ, lib. 9, cap. 8, n. 3.) In secundo casu, hæc non acceptatio legis, positis conditionibus ut supra, legitima est, si fundetur constanti consuetudine, quæ nec decretis conciliorum, nec decretis pontificum fuerit damnata. Decreta disciplinæ, cum pendeant ab arbitrio legislatoris, subditos non obligant nisi dependenter à positivâ illius voluntate; atqui meritò præsumimus in circumstantiis de quibus nunc agitur, voluntatem hujus superioris non esse ut sua decreta obligent provincias in quibus præsules abstinendum ab illorum promulgatione expediens reputaverunt. Quòd prudenter præsumatur ille consensus superioris, multa suadent, nimirum moderamen regiminis ecclesiastici, agendi ratio pontificum, ipsamet consuetudo, quæ supponitur in Ecclesiis majoribus introducta.

1<sup>o</sup> Moderamen regiminis Ecclesiæ. Quando summi pontifices canones disciplinares constituunt, illos profectò eâ mente condunt, ut prosint Ecclesiis secundum locorum utilitates, adeoque cum istâ conditione tacitè semper annexâ eos subtilis imponunt, si modò salva sit pax Ecclesiarum, et nationis moribus temporumque conditioni attemperentur (1), unde si Ecclesiæ nationales, scilicet corpus episcoporum iisdem Ecclesiis divinâ ordinatione præpositorum, ex speciali quam habent utilitatem et incommodorum pro tempore, loco et personis cognitione, judicent propositos canones disciplinares recipi non posse quin agitentur antiqui mores, aut sine ratione utilitatis consuetudines immutentur, prudenter existimabitur summum Pontificem consentire, ut dicti canones executioni non mandentur. Benedictus XIV, agens de legibus quæ à populo nunquam recipiuntur, dicit peccare non recipientes, sed tandem illas leges desinere obligare, quoniam præsumitur nolle legislatorem, cum maximo animarum detrimento, suæ legis vinculo irretitam diu tenere communitatem quæ nunquam passa est se eo constringi (2). Hæc observatio deducta ex regulis æquitatis et charitatis, quibus moderatur re-

gimen ecclesiasticum apprime convenit materiæ præsentî, cum hoc discrimine tamen, quòd non peccent episcopi qui ab acceptandâ lege abstinent, quia hanc non repellunt ullo contemptu sedis Apostolicæ, aut independentiâ prætendentes, sed vel ad majus bonum Ecclesiarum, ne decreto disciplinæ variabilis non satis opportuno ac circumstantiis localibus attemperato exagitentur, vel vi consuetudinis quæ hanc agrandi rationem sibi permittit. 2<sup>o</sup> Illa consuetudo non perperam invocatur: nam etsi, generatim loquendo, Ecclesiæ particulares non debeant sibi arrogare libertatem determinandi, nullâ relatione factâ ad sedem Apostolicam, nec expectatâ ejus sententiâ an conveniens sit supersedere executioni decretorum, aut illa modificari, tamen nihil obstat quin illud eis liceat, si ita ferat consuetudo, et non reclamet S. Pontifex. Ea est vis consuetudinis jure canonico et civili, ut jura inducat, immutet, disciplinam informet, modò sit constans, à superiore non reprobata, et juri divino aut naturali minimè adversa, porrò nunc supponimus in Ecclesiis nationalibus eam vigere more veteri firmatam consuetudinem, vi cujus possint, ad servanda sua propria instituta, supersedere executioni mandatorum, non consultâ sanctâ sede, quando illa decreta episcopis videntur minùs opportuna; hujusmodi consuetudo eatenùs solum adversaretur juri divino, quatenùs oriretur à præsumptione independentiæ ac rebellionis in Pontificem Romanum. Si autem illæ Ecclesiæ paratæ sint ad obtemperandum, casu quo Pontifex urgeret, et aliunde suis privilegiis non inhæreant nisi quia existimant inniti consensu tacito sedis Apostolicæ, jam non est cur consuetudo dicatur læsiva juris divini. 3<sup>o</sup> Nostra ratiocinatio confirmatur agendi ratione summorum pontificum erga Ecclesiam Gallicanam. Neminem latet prisecam esse in Galliis consuetudinem, non habendi, generatim loquendo, ut obligatorias, constitutiones pontificias, vel etiam conciliorum leges, nisi formis quibusdam assuetis fuerint acceptatæ et promulgatæ, et supersedendi huius acceptationi, quando adversantur illa decreta privilegiis, juribus, seu libertatibus Gallicanis (1). Ex illâ disciplinâ venit quòd episcopi nostri dent suis diœcesibus brevitaria propria, quòd generatim non teneamur decretis con-

(1) Vid. Delort, *Instit. discipl. eccl.*, t. 1, p. 125.

(2) De Synodo diœcesanâ, lib. 13 cap. 5, n. 3.

(1) Vid. Gibert. *Corp. jur. can.* t. 1, p. 179; d'Héricourt, *Lois ecclésiastiques*, p. 279, et alios passim canonistas Gallos.

gregationum Romanarum, ut congregationis *Indicis, Rituum*, etc. (Illa decreta omnes venerantur veluti prolata à viris prudentissimis quos summus Pontifex advocavit in partem sollicitudinis, et quibus divina Providentia speciali auxilio præest pro gravitate curarum quæ illis demandantur, sed non ea habent in Galhis pro statutis obligatoris.) Constitutiones enim quibus præscriptum fuit recitandi horas canonicas ad normam breviarii Romani, quibus institutæ fuerunt variae illæ congregationes, in Galliis nunquam promulgatæ nec acceptatæ fuerunt; alias nonnullas exceptiones sat gravis momenti citare possemus, sed omnibus notæ sunt, et allata exempla ad propositum sufficienti... Hæc certè nec exteros qui eâ de causâ querelas non semel moverunt in Gallicos, nec sedem Apostolicam latent; attamen ea fuit agendi ratio SS. Pontificum ut nunquam decreto authentico condemnarent supradictam disciplinam, vel ab episcopis virtute obedientiæ sibi debitæ, exegerint ut ab eâ recederent; nec dicatur summos illos Pontifices hanc disciplinam, licet ratione sua pravam, non proscripsisse, ob vitandum majus malum. Talis solutio injuriam inferret tum sedi Apostolicæ, tum præclarissimæ Ecclesiæ Galliarum. Injuriosa est Ecclesiæ Galliarum, quæ arguitur rea fovendi in suo sinu systema disciplinæ vitio schismatis infectum, dum suorum præsulum pietate ac doctrinâ semper in orbe christiano floruerit; nec minus probrosum foret sedi Apostolicæ, quod præclaris laudibus toties extulerit clerum Gallicanum, veluti moribus, sanctitate ac disciplinâ ornatissimum, veluti Ecclesiæ Romanæ *obsequentissimum et sacrorum canonum religiosissimum observatorem* (verba sunt Benedicti XIV alibi relata), dum supponitur eum demum clerum inhæreere institutis quibus disrumperetur nervus disciplinæ ecclesiasticæ, à quorum condemnatione Ecclesia non abstinere nisi ob præcavendum gravius malum. Potiore jure dicemus, Ecclesiam Romanam, pro eâ œconomia quâ constantè usa est erga majores Ecclesias, consentire ut hæc consuetudo in Galliis servetur, quæ, etsi minùs opportuna ratione sua judicari possit, attamen nihil habet adversum necessariam dependentiam quâ omnes subditi debent cathedræ Petri. Eodem et majori moderate usa est etiam nunc utitur erga Ecclesias Orientales, quibus permittit suam disciplinam sequi, quamvis sub duplici respectu à jure communi ecclesiastico alienam.

Hic gradum sistimus, nec fusiùs disserendum arbitramur de casu quo Ecclesia nationibus non posset morem gerere alicuius disciplinæ regimènt externum spectanti, quin graves sibi conciliaret perturbaciones ex parte gubernii temporalis; tunc enim nisi aut periclitetur fides, aut vindicandum sit principium obedientiæ erga sanctam sedem, impio conatu principum impelitur, manifestum est voluntatem Pontificis non esse ut lex executioni mandetur. Sic multa olim apud nos viderentur etiam adhuc vigent, quæ potius toleramus ac patinur quàm probamus; sed graviora nos inanerent incommoda, si vellemus apertâ fronte his reluctari; quapropter, modò fides et principia in tuto servantur, Ecclesia hæc sustinet, feliciora tempora præstolans, quibus licebit majori cum libertate et independentiâ suam instaurare disciplinam.

Explanatis principis quæ ad præsentem materiam pertinent, hoc nobis in concludendo grande solatium est, quod fidenti animo profiteri possimus, Ecclesiam Gallicanam, eo modo suas libertates intelligere, qui nullum affert detrimentum unitati catholicæ vel obedientiæ quam pro religione sacratissimâ semper duxit præstandam sedi Apostolicæ. Principia hæc si eâ quâ par est attentione considerentur, facilis erit conciliatio Gallicanorum cum Ultramontanis, imò nulla erit, ni fallor, dissidiorum causa, non magis quàm cum aliis gentibus catholicis, Hispanis, Belgis, Germanis (ne quid de Orientalibus dicam), qui omnes ferè suam etiam habent jura propria, suas consuetudines quas Gallicani *libertates* appellant; nec enim de nomine decertandum. Sint pro coronide hæc verba illustrissimi præsiis, Spondani, continuatoris Annalium Baronii ad ann. 1639: *Nescit Ecclesia Gallicana libertates quæ malum operentur; nescit jura quæ illam à Romana Ecclesiæ matris suæ firmissimâ connezzione et filiali obedientiâ divellant ac separent.*

NOTA. Fortassis otiosum videbitur, disputasse in præsentî rerum statu de libertatibus Gallicanis, cum abrogatæ et extinctæ dicantur per constitutiones pontificias quæ prodierunt occasione Concordatûs anni 1801. Reverà, si quibusdam fides, omnia inter nos penitus innovata sunt, adeò ut nec veteres consuetudines, nec prisca instituta liceat invocare. Si hæc sic se haberent, non multùm certè de amissione *libertatum Ecclesiæ Gallicanæ* anxii essemus; de plerisque diceremus quod Bossuetus de famosâ Declaratione cleri Gallicani:

*Abeant quò dicitur*; licet enim rectè possint exponi, nec ullum principium per se violent, nec unquam fuerint damnatæ à sanctâ sede, attamen non ignoramus illas à SS. Pontificibus minus probari, et identidem abusibus, sine causam, saltem occasionem et prætextum dare. Non igitur sumus, qui votis prosequeremur multas ex antiquis libertatibus, si reapse abrogatæ fuissent; verùm errare nobis videntur qui ita sentiant, et malè interpretari sensum constitutionum de quibus loquuntur. En textus bullæ, *Qui Christi Domini*: « Supprimimus, an- nullamus et perpetuò extinguimus titulum, denominationem, totumque statum præsentem infra scriptarum Ecclesiarum archiepiscopopalium et episcopopalium, unâ cum respectivis earum capitulis, juribus, privilegiis et prærogativis cujusvis generis....., ita ut omnes supra dicti archiepiscopatus et episcopatus... haberi debeant in posterum tantum non amplius in primo statu existentes, quia aut omnimodè extincti, aut in novam formam erigendi. » Ex illâ constitutione nota est questio inter theologos, an omnia privilegia Ecclesiarum archiepiscopopalium fuerint suppressa, an ea tantum quæ obstitissent novo ordini constituendo, novæ sedium circumscriptioni; hanc controversiam movent theologo, præsertim in tract. de Legibus et de Matrimonio. (Vid. tractatum qui nuper prodit, auctore D. Carrière, t. 2, n. 1096 et seq.) Quæcumque solutio detur, hæc controversia nostram questionem non attingit. Effectus constitutionis extendi non deberet ultra terminos quibus concipitur, nullâ id exigente necessitate. Porro constitutio Pii VII supprimit sedes episcopales cum prærogativis suis sedibus affixas; nequam verò, generalia statuta præcæ consuetudines quibus universa Ecclesia Galliarum regebatur; de iis ne verbum quidem; hanc generalium statutorum suppressionem subintellectam non exigit natura rerum, seu finis constitutionis; præter-

quam enim quòd tanta derogatio debuisset exprimi more solito in tali materiâ, insuper manifestum est nihil eam importare ad determinationem sedium ac illarum novam circumscriptionem, de quo solum agitur in bullâ.

Dicendum est proinde constitutionem, *Qui Christi Domini*, non omnes consuetudines, seu libertates Ecclesiæ Gallicanæ abrogasse, sed eas tantum quæ aut objectum non amplius habent, ut multas quæ versabantur circa materias beneficiales, aut quæ conciliari non possent cum novâ sedium episcopopalium circumscriptione; hoc confirmat doctrina et praxis tum præsalum, tum virorum in theologia et jure canonico peritorum, qui nihil innovatum arbitrati quòd veteres libertates de quibus silet Concordatas et nulla prodit nova constitutio, suorum prædecessorum vestigiis inhærent, multa sibi et aliis absque ullo scrupulo permittunt, quæ deviant à jure communi, et non nisi in veteribus Galliarum privilegiis suam rationem habent.

Et hæc ad nostram intentum dicta sufficiant, in quibus propositum nobis duntaxat fuit, ut duas inter diversas opiniones mediam partem teneremus, quod utinam sæpius egissent nonnulli, præsertim inter Gallicanos, theologo! Cæterum si quid præter animum ac conjecturas nobis fortè nimî charitate abreptis exciderit SS. Sedis majestati minus congruum, illud pro non dicto haberi volumus, D. Hieronymi verba usurpantes: *Cathedra Petri communiore consocior*. Illud enim nobis statutum fuit semper, nos et quidquid aggredimur æterno potius obtegi silentio, quàm ne solum quidem verbum enuntiare quod vel minimum læderet reverentiâ ardensque studium et amorem quibus summo Apostolorum principi toto corde et animo sumus addicti. Hæc nostra fides, hoc profiteamur, beatam Petrum in successoribus vivere, docere, ac omnes Dei filios supremâ potestate regere et gubernare.

N.

## DE MAISTRE VITA.

Tractatum de Religione cum dedimus ad demonstrandum nostram tantum esse veram, omnes verò alias esse falsas; cum Græcos schismaticos ad unitatem, Protestantes ad veritatem et Catholicos ad mutuum inter se

charitatem vocavimus, hæc omnia quodam modo tantam speculativa coronare decet aliquod ad praxim attineat argumento, vanam scilicet eruere opinionem quæ assertum est nefandam esse viro probo religionis mutatio-

nein, et omnes in quocunque cultu posse salvari. Quâ de re duas celebres clarissimi de Maistre epistolas huc vocamus, ut pratico modo concludant operosas discussiones in quatuor primis voluminibus inclusas.

De MAISTRE (Josephus) in aulâ Pedemontii publicæ rei administrator necnon et politicus religiosusque scriptor, Camberiaci natus est nobili familiâ, primo die aprilis anno 1753. Studiorum curriculum multo honore emensus, juvenis adhuc magistratum iniiit anno 1775. Maturius aliquot opuscula politica typis mandavit in quibus progressum demonstrabat quorundam principiorum, quæ vendam rerum Gallicarum perturbationem erant paritura. Ad senatorium dignitatem anno 1787 evectus est, sed anno 1795 invasione Gallici exercitûs in Sabaudiam patriâ emigrare coactus, Pedemontium petiit, fugientemque regem suum in

Sardiniam fideliter secutus est. Anno 1805 Sancti Petri Vici aulam adit cum summâ potestate legatus. Ex hac legatione in patriam redux, novas dignitates à rege illustrior accepit, et his insignitus morti succubuit anno 1821, philosophi christiani insigne mundo præbens exemplum.

Ex numerosis operibus quibus religionem et litteras illustravit, hæc sequentia tantum citabimus : *Considérations sur la France*, opus multoties editum, Parisiis verò corrigente auctore impressum an. 1821, in-8°; *Essai sur le principe générateur des constitutions politiques et des autres institutions humaines*, Parisiis, 1821, in-8°; *Du Pape*, 1814, ibid., 2 vol. in-8°; *De l'Eglise Gallicane dans ses rapports avec le souverain Pontife*, ibid., 1821, in-8°; *Soirées de Saint-Petersbourg, ou Entretiens, etc.*, ibid., 1821, 2 vol. in-8°.

## A UNE DAME PROTESTANTE,

*Sur la maxime qu'un honnête homme ne change jamais de religion.*

MADAME,

Vous exigez que je vous adresse mon opinion sur la maxime si fort à la mode, *qu'un honnête homme ne change jamais de religion*. Vous me trouverez toujours disposé, Madame, à vous donner des preuves d'une déférence sans bornes, et je m'empresserai d'autant plus de vous obéir dans cette occasion, que, si je ne me trompe infiniment, il ne reste plus entre vous et la vérité que ce vain fantôme d'honneur qu'il est bien important de faire disparaître.

Il m'eût été bien plus doux de vous entretenir de vive voix; mais la Providence ne l'a point voulu. Je vous écrirai donc, puisque nous sommes séparés pour très long-temps, peut-être même pour toujours; et j'ai le ferme espoir que cette lettre produira, sur un esprit aussi bien fait que le vôtre, tout l'effet que j'en attends.

La question ne saurait être plus importante, car, si nul honnête homme ne doit changer de religion, il n'y a plus de question sur la religion. Il est inutile et même ridicule de s'interroger de quel côté se trouve la vérité. Tout

le monde a raison ou tout le monde a tort, comme il vous plaira; c'est une pure affaire de police dont il ne vaut pas la peine de s'occuper.

Mais pesez bien, je vous en supplie, l'alternative suivante: pour que tout honnête homme soit obligé de conserver sa religion, quelle qu'elle soit, il faut nécessairement *que toutes les religions soient vraies, ou que toutes les religions soient fausses*. Or, de ces deux propositions, la première ne peut se trouver que dans la bouche d'un insensé, et la seconde dans celle d'un impie. Ainsi je suis bien dispensé, avec une personne telle que vous, d'examiner la question dans son rapport avec l'une ou l'autre de ces deux suppositions; et je dois me restreindre à une troisième, je veux dire à celle qui admet une religion vraie et rejette toutes les autres comme fausses.

Je le dois d'autant plus, que c'est précisément de cette supposition que l'on part pour prétendre que chacun doit garder la sienne. En effet, le latin dit qu'il a raison, le grec dit qu'il a raison, le protestant dit qu'il a raison entre eux qui sera le juge? La réponse serait bien simple, si c'était là l'état de la question.



Je dirais : c'est Dieu qui sera le juge ; c'est Dieu qui examinera si l'homme ne s'est point trompé lui-même ; s'il a étudié la question avec toute l'attention dont il est capable, et surtout s'il ne s'est point laissé aveugler par l'orgueil ; *car il n'y aura point de grâce pour l'orgueil.*

Mais ce n'est point du tout de quoi il s'agit ; on change l'état de la question pour l'embrouiller. Il ne s'agit nullement de savoir ce qui arrivera d'un homme qui se croit de bonne foi dans le chemin de la vérité, quoiqu'il soit réellement dans celui de l'erreur ; encore une fois, Dieu le jugera, et il est bien singulier que nous ayons tant de peur que Dieu ne sache pas rendre justice à tout le monde. Il s'agit, et il s'agit uniquement de savoir *ce que doit faire l'homme qui professe une religion quelconque, et qui voit clairement la vérité ailleurs ?* Voilà la question ; et il n'y a ni raison, ni bonne foi à la changer pour en examiner une toute différente, puisque nous sommes tous d'accord qu'un homme qui change de religion sans conviction est un lâche et même un scélérat.

Cela posé, quel téméraire osera dire que l'homme à qui la vérité devient manifeste doit s'obstiner à la repousser ? Il n'y a rien de si terrible que l'empire d'une fausse maxime une fois établie sur quelque préjugé qui nous est cher ; à force de passer de bouche en bouche, elle devient une sorte d'oracle qui subjugué les meilleurs esprits. De ce nombre est celle que j'examine dans ce moment : c'est le cousin que l'erreur a imaginé pour reposer sa tête et dormir à l'aise.

La vérité n'est pas, quoi qu'on en dise, si difficile à connaître. Chacun, sans doute, est maître de dire non, mais la conscience est infailible, et son aiguillon ne saurait être écarté ni ému. Que fait on donc pour se mettre à l'aise, et pour contenter à la fois la paresse qui ne veut point examiner, et l'orgueil qui ne veut point se dédire ? On invente la maxime *qu'un homme d'honneur ne change point de religion* : et là dessus on se tranquillise, sans vouloir s'apercevoir, ce qui est cependant de la plus grande évidence, que ce bel adage est tout à la fois une absurdité et un blasphème.

Une absurdité : car que peut-on imaginer de plus extravagant, de plus contraire à la nature d'un être intelligent, que la profession de foi expresse et antérieure de repousser la vérité si elle se présente ? On envierait à l'hôpi-

tal des fous celui qui prendrait un tel engagement dans les sciences humaines ; mais quel nom donner à celui qui le prend à l'égard des vérités divines ?

Un blasphème : car c'est absolument et au pied de la lettre la même chose que si l'on disait formellement à Dieu : « Je me moque de ce que vous dites ; révélez ce qu'il vous plaira ; je suis né juif, mahométan, idolâtre, etc., je m'y tiens. Ma règle sur ce point est le degré de longitude et de latitude. Vous pouvez avoir ordonné le contraire, mais peu m'importe. »

Vous riez, Madame ; mais il n'y a ici ni exagération ni rhétorique, c'est la vérité toute pure ; jugez en vous-même dans le calme de la réflexion.

En vérité, il s'agit bien d'un vain point d'honneur et d'un engagement d'orgueil dans une matière qui intéresse la conscience et le salut.

Mais je ne prétends pas en demeurer là, et j'ai la prétention de vous montrer que l'honneur même, tel que nous le concevons dans le monde, ne s'oppose nullement au changement de religion ; pour cela remontons aux principes.

Il y a aujourd'hui mille huit cent neuf ans (1) qu'il y a toujours eu dans le monde une Église catholique, qui a toujours cru ce qu'elle croit. Vos docteurs vous auront dit mille fois que nous avions innové ; mais prenez garde d'abord que si nous avons réellement innové, il serait assez singulier qu'il fallût publier tant de gros livres pour le prouver (livres au reste refutés sans réplique par nos écrivains.) Eh ! mon Dieu, pour prouver que vous avez varié, vous autres, qui n'existez cependant que d'hier, il ne faut pas se donner tant de peine. Un des meilleurs livres de l'un de nos plus grands hommes contient l'*histoire de vos variations*. Les professions de foi se sont succédé chez vous comme les feuilles se succèdent sur les arbres ; et aujourd'hui on se ferait lapider en Allemagne, si l'on soutenait que la confession d'Ausbourg, qui était cependant l'Évangile du XVI<sup>e</sup> siècle, oblige les consciences.

Mais allons au devant de toutes les difficultés. Partons d'une époque antérieure à tous les schismes qui divisent aujourd'hui le monde. Au commencement du X<sup>e</sup> siècle, il n'y avait qu'une foi en Europe. Considérez cette foi

(1) Ceci a été écrit en 1809.

comme un assemblage de dogmes positifs, l'unité de Dieu, la trinité, l'incarnation, la présence réelle; et, pour mettre plus de clarté dans nos idées, supposons qu'il y ait cinquante de ces dogmes positifs. Tous les Chrétiens croyaient donc alors cinquante dogmes. L'Église grecque ayant nié la procession du Saint-Esprit et la suprématie du pape, elle n'eut plus que quarante huit-points de croyance, par où vous voyez que nous croyons toujours tout ce qu'elle croit, quoiqu'elle nie deux choses que nous croyons. Vos sectes du xvi<sup>e</sup> siècle poussèrent les choses beaucoup plus loin, et nièrent encore plusieurs autres dogmes; mais ceux qu'ils ont retenus nous sont communs. Enfin, *la religion catholique croit tout ce que les sectes croient*; ce point est incontestable.

Ces sectes, quelles qu'elles soient, ne sont donc point des religions, ce sont des *négations*, c'est-à-dire rien par elles mêmes, car dès qu'elles affirment elles sont catholiques.

Il suit de là une conséquence de la plus grande évidence : c'est que le catholique qui passe dans une secte apostasie véritablement, parce qu'il change de croyance, et qu'il ne aujourd'hui ce qu'il croyait hier; mais que le sectaire qui passe dans l'Église n'abdique au contraire aucun dogme : il ne nie rien de ce qu'il croyait, il croit au contraire ce qu'il niait, ce qui est bien différent.

Dans toutes les sciences, il est honorable de faire des découvertes et d'apprendre des vérités qu'on ignorait. Par quelle singularité la science de la religion, la seule absolument nécessaire à l'homme, serait-elle exceptée? Le mahométan qui se fait chrétien passe d'une religion positive dans une autre du même genre. Il peut donc en coûter à son orgueil d'abdiquer des dogmes positifs, et de confesser que ce même Mahomet qu'il regardait comme un prophète envoyé de Dieu n'est cependant qu'un imposteur.

Il en est tout autrement de celui qui passe d'une secte chrétienne dans la mère Église. On ne lui demande pas de renoncer à aucun dogme, mais seulement d'avouer qu'outre les dogmes qu'il croit et que nous croyons tous comme lui, il en est d'autres qu'il ignorait, et qui, cependant, se trouvent vrais. Tout homme qui a de la raison, doit sentir l'immense différence de ces deux suppositions.

Maintenant, je vous prie d'arrêter votre esprit sur la considération suivante, qui est digne de toute votre attention. Pourquoi la ma-

xime qu'*il ne faut jamais changer de religion* est-elle anathématisée par nous comme un blasphème extravagant? et pourquoi cette maxime est-elle canonisée comme un oracle de l'honneur dans tous les pays séparés? Je vous laisse le soin de répondre.

Voilà ce que j'avais à vous dire sur cette grande question. Je n'emploie, comme vous voyez, ni grec, ni latin : je n'invoque que le bon sens, qui parle si haut qu'il est impossible de lui résister. Pour peu que vous y réfléchissiez, vous ne pouvez pas douter que le catholique qui passe dans une secte est nécessairement un homme méprisable, mais que le Chrétien qui d'une secte quelconque repasse dans l'Église (s'il agit par conviction, cela s'entend assez) est un fort honnête homme, qui remplit un devoir sacré.

Permettez moi d'ajouter encore l'expérience à la théorie : nous avons dans notre Religion des listes (si nombreuses que nous en avons fait des livres) d'hommes éminents par leur dignité, leur rang, leurs lumières et leurs talents, qui, malgré tous les préjugés de secte et d'éducation, ont rendu hommage à la vérité en rentrant dans l'Église. Essayez, je vous prie, de faire une liste semblable de tous les hommes qui ont abjuré le catholicisme pour entrer dans une secte. Vous ne trouverez en général que des libertins, des mauvaises têtes, ou des hommes abjects. J'en appelle à vous-même, Madame; vous n'avez pas voulu confier vos enfants au moment de leur naissance à aucun de ces hommes, et vous n'avez pas voulu leur apprendre la géographie et l'arithmétique, objets qui n'ont rien de commun avec la foi. Il faut que vous le méprisiez bien profondément; mais il ne dépend pas de vous de mépriser, par exemple, le comte de Stolberg, ou le prince abbé Gallitzin (1). Des gens qui n'ont pas votre franchise pourront les blâmer, parce que, encore une fois, on ne peut empêcher personne de dire *oui* ou *non*, mais j'en appelle de bon cœur à leur conscience.

La route étant aplanie, il ne s'agit plus que

(1) Si cette lettre eût été écrite de nos jours, l'auteur n'eût pas manqué de joindre ici le nom de M. de Haller à celui du comte de Stolberg. Ces deux hommes, également célèbres, ont eu l'un et l'autre plus d'un genre de sacrifice à faire pour retourner à la foi de leurs ancêtres. Depuis quelques années l'Église catholique a été consolée par le retour d'un grand nombre de ses enfants égarés; en France, en Angleterre, en Allemagne, les conversions sont presque journalières.

de marcher. Vous allez me demander : *Que faut-il faire ?* Je ne veux rien brusquer, Madame ; vous savez combien je redoute les publicités inutiles ou dangereuses. Vous avez un époux, une famille et des biens. Un éclat de votre part compromettrait tout cela sans fruit ; je n'entends pas du tout presser ce point avec une rigueur théologique : mais il y a des moyens doux qui opèrent beaucoup et sans inconvénient. En premier lieu, si vous ne pouvez encore manifester la vérité, vous êtes tenue au moins de ne jamais la contredire. Que l'usage, le respect humain ou la politique, que l'orgueil national surtout ne vous arrachent jamais un mot contre elle. En second lieu, songez qu'une dame de votre caractère est une véritable souveraine dans son cercle. Ses enfants, ses amis, ses domestiques sont plus ou moins ses sujets ; agissez dans l'étendue de cet empire. Faites tomber autant qu'il est en vous les préjugés malheureux qui ont tant fait de mal au monde ; vos devoirs ne s'étendent pas au-delà de votre pouvoir. Pour le bien comme pour le mal, l'influence de votre sexe est immense ; et peut-être que, pour ramener l'orgueil qui s'obstine, il n'y a plus d'autre argument efficace que celui d'une épouse respectable dont les vertus reposent sur la foi.

Favorisez la lecture des bons livres qui vous ont amenée vous-même au point où vous êtes. Voltaire a dit : *Les livres ont tout fait*. Il n'avait que trop raison ; prenez-lui sa maxime, et tournez-la contre l'erreur.

Enfin, Madame, ceci est le principal ; mettez-vous en règle avec votre conscience, c'est-à-dire avec Dieu. La bonne foi ne périt jamais. Soumettez-vous parfaitement à la vérité ; tenez pour vrai tout ce qui est vrai, pour faux tout ce qui est faux ; désirez de tout votre cœur que l'empire de la vérité s'étende de jour en jour, et laissez dire tous ceux qui auront la prétention de vous deviner. Quand vous serez ainsi disposée, je vous dirai, comme Lusignan : *Allez, le ciel fera le reste*.

J'ai l'honneur d'être, etc., etc.

### A UNE DAME RUSSE.

*Sur la nature et les effets du schisme, et sur l'unité catholique.*

*La lettre à une dame protestante ayant été lue à une dame russe, sur qui elle fit beaucoup d'impression, cette dame demanda à l'auteur la ver-*

*mission de lui faire une question, et lui adressa bientôt le billet suivant.*

MONSIEUR,

Si une religion ne diffère de l'autre que par deux points très-peu importants, il me semble qu'il n'y a point d'erreur, et que l'une est aussi bonne que l'autre ; il me semble même qu'il n'y a point de schisme, et que c'est la même religion professée en deux idiomes différents.

Je ne sais, Monsieur, si j'ai bien compris vos idées ; mais je vous soumetts les miennes. Vous avez été assez bon pour me permettre de vous faire une question : si elle n'est point indiscrete, je réclame la promesse que vous m'avez faite, et j'attendrai votre réponse avec beaucoup d'impatience.

J'ai l'honneur d'être, etc.

Saint-Petersbourg, 29 janvier (10 février 1816)

*Cette question produisit la lettre suivante.*

MADAME,

En jetant les yeux sur la question que vous m'avez adressée le 29 janvier dernier, il est extrêmement flatteur pour moi de voir que l'écrit dont j'avais eu l'honneur de vous faire lecture a fait sur votre esprit tout l'effet que j'en attendais, puisque vous souscriviez pleinement, quoique tacitement, à la thèse soutenue dans cet écrit, où il s'agissait uniquement de prouver que la fameuse maxime, qu'un *honnête homme ne change jamais de religion*, est dans le fait un blasphème et une absurdité.

Vous souscrivez à cette proposition, mais vous me demandez, Madame, si deux religions (la latine et la grecque), ne différant que sur deux points très-peu importants, on ne peut pas dire qu'il n'y a réellement point de schisme, et que nous ne différons que par l'idiome.

Ceci particularise tout à fait la question ; je tiens pour accordée la thèse générale qu'un honnête homme doit changer de religion dès qu'il aperçoit la fausseté de la sienne et la vérité d'une autre ; toute la question se réduit donc à savoir si cette obligation tombe sur le grec comme sur tout autre dissident, et si la conscience ordonne dans tous les cas un changement public.

La distinction des dogmes plus ou moins importants n'est pas nouvelle ; elle se présente naturellement à tout esprit conciliant, tel que

le vôtre, Madame, qui voudrait réunir ce qui est divisé; ou à tout esprit alarmé, qui peut-être encore comme le vôtre, voudrait se tranquilliser; ou, enfin, à tout esprit arrogant et obstiné (bien différent du vôtre), qui a l'étrange prétention de choisir ses dogmes, et de se conduire d'après ses propres lumières.

Mais l'Église Mère, qui n'aime que les idées claires, a toujours répondu qu'elle savait fort bien ce que c'était qu'un dogme faux, mais que jamais elle ne comprendrait ce que c'était qu'un dogme important ou non important, parmi les dogmes vrais, c'est-à-dire révélés.

Si l'empereur de Russie ordonnait, par exemple, que tout homme voulant se rendre de l'amirauté au couvent Newski, serait obligé de tenir la gauche des arbres de la Perspective, sans jamais pouvoir passer, ni dans l'allée même, ni dans la partie droite de la rue, il pourrait sans doute se trouver une tête fautive qui dirait: C'est un ukase, je l'avoue, mais il n'est pas important; ainsi je puis bien marcher à droite. A quoi tout bon esprit répondrait: Mon ami, tu te trompes de deux façons. D'abord, comment sais-tu que cet ordre n'est pas important, et que l'empereur n'a pas eu, pour le publier, des raisons qu'il n'est pas obligé de te confier? (Observation pour le dire en passant, qui est péremptoire lorsqu'il s'agit d'une ordonnance divine.) D'ailleurs, s'il n'importe pas que l'on passe à droite ou à gauche de la Perspective, il importe infiniment que personne ne désobéisse à l'empereur, et surtout que personne ne mette en thèse qu'on a droit de désobéir, lorsque l'ordre n'est pas important; car chaque individu ayant le même droit, il n'y aura plus de gouvernement ni d'empire.

Je conviens donc, si vous voulez, qu'il importe peu avant la décision qu'on croie que le Saint-Esprit procède du Père et du Fils, ou du Père par le Fils; mais il importe infiniment qu'aucun particulier n'ait droit de dogmatiser de son chef, et qu'il soit obligé de se soumettre dès que l'autorité a parlé, autrement il n'y aurait plus d'unité ni d'Église.

Sous ce point de vue l'église grecque est aussi séparée de nous que l'église protestante; car si le gouvernement d'Astracan ou de Saratoff se sépare de l'unité, et qu'il ait la force de se soutenir dans son indépendance, il importe fort peu qu'il retienne la langue de l'empire, les usages de l'empire, plusieurs, ou même toutes les lois de l'empire; il ne sera

pas moins étranger à l'empire russe, qui est l'unité politique, comme l'empire catholique est l'unité religieuse.

L'Église catholique ne met en avant aucune prétention extraordinaire. Elle ne demande que ce qui est accordé à toute association quelconque, depuis la plus petite corporation de village jusqu'au gouvernement du plus grand peuple. Que dix ou douze dames s'assemblent pour faire la charité ou visiter les malades, la première chose qu'elles feront sera de créer une prieure, et c'est encore une vérité à la portée de l'homme le plus borné, que plus la société est nombreuse, plus le gouvernement est nécessaire, et plus il doit être fort et unique, de manière que tout grand pays est nécessairement monarchique; pourquoi donc l'Église catholique (c'est-à-dire universelle), serait elle exempte de cette loi générale ou naturelle? Son titre seul nécessite la monarchie, à moins qu'on ne veuille que, pour la moindre question de discipline, il faille consulter et même assembler les évêques de Rome, de Québec, de Moscou.

Aussi les paroles par lesquelles Dieu a établi la monarchie dans son Église sont si claires, que lui-même n'a pu parler plus clairement.

S'il était permis de donner des degrés d'importance parmi des choses d'institution divine, je placerais la hiérarchie avant le dogme, tant elle est indispensable au maintien de la foi. On peut ici invoquer en faveur de la théorie une expérience lumineuse qui brille depuis trois siècles aux yeux de l'Europe entière. Je veux parler de l'Église anglicane, qui a conservé une dignité et une force absolument étrangères à toutes les autres églises réformées, uniquement parce que le bon sens anglais a conservé la hiérarchie, sur quoi, pour le dire en passant, on a adressé à cette église un argument que je crois sans réplique. Si vous croyez, lui a-t-on dit, la hiérarchie nécessaire pour maintenir l'unité dans l'Église anglicane, qui n'est qu'un point, comment ne le serait-elle pas pour maintenir l'unité dans l'Église universelle? Je ne crois pas qu'un Anglais puisse répondre rien qui satisfasse sa conscience.

Pour juger sainement du schisme, il faut l'examiner avant sa naissance; car dès qu'il est né, son père, qui est l'orgueil, ne veut plus convenir de l'illégitimité de son fils.

Supposons le christianisme établi dans tout l'univers, sans aucune forme d'administration, et qu'il s'agisse de lui en donner une; que

diraient les hommes sages chargés de ce grand œuvre ? Ils diraient tous de même, soit qu'ils fussent deux ou cent mille : C'est un gouvernement comme un autre, il faut le remettre à tous, à quelques-uns, ou à un seul. La première forme est impossible ; il faut donc nous décider entre les deux dernières, et si l'on s'accordait tous pour une monarchie tempérée par les lois fondamentales, et par les coutumes avec des états généraux pour les grandes occasions, composée d'un souverain qui serait le pape, d'une noblesse formée par le clergé épiscopal, et d'un tiers-état représenté par les docteurs et par les ministres du second ordre, il n'y a personne qui ne dût applaudir à ce plan. Or, c'est précisément celui qui s'est établi divinement par la seule force des choses, et qui a toujours existé dans l'Eglise, depuis le concile de Jérusalem, où Pierre prit la parole avant tous ses collègues, jusqu'à celui de Constantinople, en 869, où la dernière acclamation fut à la mémoire éternelle du pape Nicolas, jusqu'à celui de Trente, où les Pères, avant de se séparer, s'écrièrent de même : Salut et longues années au très saint père, au souverain pontife, à l'évêque universel.

Or, dès qu'un gouvernement est établi, c'est une maxime aussi vraie et plus évidente qu'un théorème mathématique, non-seulement que nul particulier, mais encore que nulle section de l'empire n'a droit de s'élever contre l'empire même, qui est un et qui est tout.

Si quelqu'un demandait, en Angleterre, ce qu'il faudrait penser d'une province qui refuserait de se soumettre à un bill du parlement sanctionné par le roi, tout le monde éclaterait de rire. On dirait par acclamation : Où donc est le doute ? la province serait révoltée ; il faudrait publier la loi martiale, et y envoyer des soldats ou des bourreaux.

Mais la révolte n'est que le schisme politique, comme le schisme n'est qu'une révolte religieuse ; et l'excommunication qu'on inflige au schismatique n'est que le dernier supplice spirituel, comme le dernier supplice matériel n'est que l'excommunication politique, c'est-à-dire l'acte par lequel on met un révolté hors de la communauté qu'il a voulu dissoudre (*excommunicat*).

On raisonne souvent sur et même contre l'infaillibilité de l'Eglise, sans faire attention que tout gouvernement est infaillible, ou doit être tenu pour tel.

Lorsque Luther criait si haut dans l'Allemagne : Je demande seulement qu'on me dise de bonnes raisons, que l'on me convainque, et je me soumettrai ; et lorsque des princes même applaudissaient à cette belle prétention, non-seulement Luther était un révolté, mais de plus il était un sot, car jamais le souverain n'est obligé de rendre raison à son sujet, ou bien toute société est dissoute.

La seule mais bien importante différence qu'il y ait entre la société civile et la société religieuse, c'est que, dans la première, le souverain peut se tromper, de manière que l'infaillibilité qu'on lui accorde n'est qu'une supposition (qui a cependant toutes les forces de la réalité) ; au lieu que le gouvernement spirituel est nécessairement infaillible au pied de la lettre. Car Dieu n'ayant pas voulu confier le gouvernement de son Eglise à des élus d'un ordre supérieur, s'il n'avait pas donné l'infaillibilité aux hommes qui la gouvernent, il n'aurait rien fait ; il aurait fait moins que ce que font les hommes pour perpétuer leurs chétives institutions. Or, tous les chrétiens partent du principe que l'institution est divine. Comme elle ne peut manifestement durer que par l'infaillibilité, soutenir que son gouvernement a pu se tromper, c'est très évidemment soutenir qu'elle est divine et qu'elle ne l'est pas.

Que disait votre Photius dans la fameuse protestation qu'il écrivit au 9<sup>e</sup> siècle, contre la décision du concile de Constantinople ?

« Nous ne connaissons ni Rome, ni Antioche, ni Jérusalem, ni tous les autres juges, quand ils jugent comme ils font en cette assemblée contre le droit de l'équité, contre la raison naturelle et contre les lois de l'Eglise ; nous ne connaissons d'autre autorité que ces lois. »

Que disaient les législateurs calvinistes de l'Angleterre, au xvi<sup>e</sup> siècle ?

« L'Eglise de Jérusalem s'est trompée, celle d'Antioche s'est trompée, celle d'Alexandrie s'est trompée, et celle de Rome s'est trompée même dans les matières de foi ; les conciles généraux ont erré de même ; il n'y a donc de véritable règle que la parole de Dieu. »

Vous voyez, Madame, que le schisme est toujours le même ; il peut bien changer de langue, mais jamais de langage.

Et, pour sentir la beauté de son raisonnement, transportez-le dans l'ordre politique ; imaginez des hommes qui disent : Nous ne connaissons ni juges, ni magistrats, ni tribunaux d'aucune

espèce, tant qu'ils jugent, comme ils le font souvent, contre les lois de l'empire; nous ne connaissons d'autres juges que ces lois. La police s'est trompée, les sièges se sont trompés, le sénat s'est trompé, le Plénum même s'est trompé: il n'y a donc de véritable règle que la parole du législateur. Nous avons un code; dans toutes les discussions possibles, il suffit de l'ouvrir pour savoir qui a tort ou raison, sans recourir à des juges ignorants, passionnés et faibles comme nous.

Nul homme de bonne foi ne contestera la rigoureuse justesse de cette comparaison.

Ainsi donc le schisme heurte de front les principes les plus évidents de la logique: il est contraire aux lois fondamentales de tout gouvernement, et ridiculement inexcusable.

Il est bien vrai que, lorsqu'il est consommé, il devient juste et raisonnable aux yeux du révolté. Ah! je le crois; quand est-ce qu'on a entendu la révolte dire qu'elle a tort? C'est une contradiction dans les termes; car du moment où elle dirait: J'ai tort, elle ne serait plus révolte.

N'a-t-on pas vu Photius s'adresser au pape Nicolas I<sup>er</sup>, en 869, pour faire confirmer son élection, l'empereur Michel demander à ce même pape des légats pour réformer l'Eglise de Constantinople, et Photius lui-même tâcher encore, après la mort d'Ignace, de séduire Jean VIII, pour en obtenir la confirmation qui lui manquait?

N'a-t-on pas vu le clergé de Constantinople, en corps, recourir au pape Etienne, en 886, reconnaître solennellement sa suprématie, et lui demander conjointement avec l'empereur Léon, une dispense pour le patriarche Etienne, frère de l'empereur, ordonné par un schismatique?

N'a-t-on pas vu l'empereur romain Léopold, qui avait créé son fils Théophile patriarche, à l'âge de seize ans, recourir, en 935, au pape Jean XI, pour en obtenir les dispenses nécessaires, et lui demander le pallium pour l'Eglise de Constantinople, une fois pour toutes, sans que chaque patriarche fût obligé de le demander à son tour?

N'a-t-on pas vu l'empereur Basile envoyer encore des ambassadeurs, en 1019, au pape, pour en obtenir le titre de patriarche œcuménique à l'égard de tout l'Orient, comme le pape en jouissait sur toute la terre?

Etranges contradictions de l'esprit humain! Les Grecs reconnaissent sa souveraineté en

lui demandant des grâces; puis ils se séparaient d'elle parce qu'elle leur résistait; c'était la reconnaître en l'abdi quant.

E! prenez bien garde, Madame, qu'en rejetant cette souveraineté, ils n'ont pas osé l'attribuer à d'autres, pas même à leur propre église, si fière et si dominatrice; de manière que toutes les églises sont demeurées *acéphales*, comme dit l'école, c'est-à-dire sans aucun chef commun qui puisse exercer sur elles une juridiction supérieure pour les maintenir dans l'unité, tant la suprématie du pape était incontestable.

Il résulte de ce beau système, qu'on veut bien un empire de Russie, mais point d'empereur de Russie; ce qui est tout-à-fait ingé- nieux.

Plus d'une fois, Madame, il vous sera arrivé comme à moi d'entendre dire dans la société, avec une gravité digne de la plus profonde compassion, que ce n'est point l'église grecque qui s'est séparée de la latine, mais bien celle-ci qui s'est séparée de l'autre.

Autant vaut dire précisément que Paugatchoff ne se révolta point contre Catherine II, mais qu'au contraire Catherine se révolta contre Paugatchoff.

Qu'on accumule toutes les raisons alléguées pour justifier le schisme des Grecs, l'orgueil de l'Eglise romaine, les abus, les innovations, le despotisme, etc., je donne le défi solennel à toute l'église grecque en corps de m'en citer une seule que je ne tourne sur-le-champ, avec une précision mathématique, contre Catherine II, en faveur de Paugatchoff.

C'en est assez, Madame, si je ne me trompe, pour vous faire comprendre la ridicule fausseté du principe sur lequel repose le schisme, il me reste une tâche encore plus importante, c'est de vous en faire apercevoir les suites funestes que vous êtes bien éloignée de connaître dans toute leur étendue, comme je le vois par la question que vous m'avez fait l'honneur de m'adresser.

On ne juge un poison que par ses effets; la vésicule qui recèle le venin de la vipère est fort petite, et le canal qui le verse dans la plaie à travers la dent est presque imperceptible sans la lentille du microscope; cependant la mort y passe commodément. Le monde moral est plein, comme le monde physique, de ces passages imperceptibles par où le mal s'élançait dans le domaine de Dieu, qui est celui de l'ordre; alors l'orgueil a beau crier: Et

n'y a point de mal, tout va bien. Laissons dire l'orgueil, et voyons les choses sans passion. Pour connaître toute l'étendue du désordre, il faut d'abord connaître toute l'excellence de l'ordre qu'il a détruit.

Si vous comparez en masse toutes les églises séparées avec l'Eglise-Mère, vous serez frappée de la différence : celle-ci se distingue par trois grands caractères qui sautent aux yeux les moins attentifs, *la persuasion, l'autorité et la fécondité.*

1° La persuasion. La devise éternelle de l'Eglise est le mot du Prophète : « J'ai cru, c'est pourquoi j'ai parlé ; » sûre d'elle-même, jamais on ne l'a vue balancer : le doute, comme l'a fort bien dit notre célèbre Huet, n'habite point la cité de Dieu ; et l'on peut faire sur ce point une observation de la plus grande importance, c'est que, dans les communions séparées, ce sont précisément les cœurs les plus droits qui éprouvent le doute et l'inquiétude, tandis que, parmi nous, la foi est toujours en proportion directe de la moralité. Comme rien n'est si contagieux que la persuasion, l'enseignement catholique exerce une force prodigieuse sur l'esprit humain. Animé par sa conscience et par ses succès, le ministère ne dort jamais ; il ne cesse d'enseigner, et, je ne sais comment, son silence même prêche. Brûlant de l'esprit du prosélytisme, on le voit surtout enfanter certains livres extraordinaires qui n'ont rien de dogmatique, rien de contentieux, qui semblent n'appartenir qu'à la simple piété, mais qui sont pleins de je ne sais quel esprit inexplicable, qui pénètre dans le cœur et de là dans l'esprit, au point que ces livres opèrent plus d'effet que ce que les docteurs les plus savants ont produit de plus concluant dans le genre démonstratif.

2° L'autorité. A la fin du sermon sur la montagne (l'un des morceaux de l'Ecriture-Sainte où le sceau divin est le plus saillant), l'historien sacré ajoute ces mots remarquables : « Or le peuple était ravi de sa doctrine, car il n'enseignait pas comme ses docteurs, mais comme ayant la puissance. » Examinez la chose de près, madame, et vous verrez que ce divin législateur a transmis ce privilège (autant du moins que le souffre la nature humaine) au ministère qu'il a établi sur la terre.

Prenez place dans l'auditoire du plus humble curé de campagne ; si vous y avez apporté l'oreille de la conscience, vous sentirez à tra-

vers des formes simples, peut-être même grossières, que le ministre est à sa place, et qu'il parle comme ayant la puissance.

Ce caractère est encore un des mieux aperçus par la conscience universelle, qui est infailible. De là vient que la religion catholique est la seule qui alarme les autres et qui ne soit jamais parfaitement tolérée. Il y a dans cette capitale (1) des prédicateurs arméniens, anglicans, luthériens et calvinistes bien plus contraires que nous à la foi du pays : qui jamais s'est embarrassé de ce qu'ils disent ? Il en est bien autrement des catholiques ; ils ne peuvent dire un mot, ni faire un pas qui ne soit le sujet d'un examen, d'une critique ou d'une précaution ; car toute religion fausse sait qu'elle n'a de véritable ennemie que la vraie.

3° La fécondité. Comment cette religion, qui est fille de Dieu, ne participerait-elle pas à la puissance créatrice ? Considérez-la depuis son établissement, jamais elle n'a cessé d'enfanter. Tantôt elle travaille à étendre ses limites ; aucune peine, aucun danger ne l'effraie ; elle fait chanter ses hymnes aux Iroquois et aux Japonais, et sans des entraves que lui jettent d'aveugles gouvernements, dont elle se venge en les déclarant sacrés, on ne sait où s'arrêteraient ses entreprises et ses succès : tantôt elle travaille sur elle-même, et s'enrichit chaque jour de nouveaux établissements tous dirigés à l'extension de la foi et à l'exercice de la charité.

En vous montrant les trois caractères de l'Eglise, j'ai dit ce qui manque aux communions séparées. Je m'arrêterai un instant sur ce point essentiel, en vous montrant d'abord ce qu'elles ont de commun.

La conscience est une lumière si profonde et si éclatante que l'orgueil même n'a pas la puissance de l'éteindre entièrement. Or, cette conscience enseigne à tous les hommes qu'il serait souverainement déraisonnable de s'arroger le droit de se séparer d'une Eglise quelconque, et de refuser ce même droit à un autre. Si le Grec a cru avoir de bonnes raisons pour méconnaître la suprématie de Rome dans le onzième siècle, de quel front condamnerait-il le protestant, qui a usé du même droit dans le seizième ? de quel front même condamnerait-il son propre frère qui refuserait de croire leur mère commune ? Ce sentiment seul frappe de mort toutes les églises séparées

(1) Saint-Petersbourg.

ou ne leur laisse qu'une vaine apparence semblable à celle de ces arbres pourris qui ne vivent plus que par l'écorce. Elles se tolèrent mutuellement, à ce qu'elles disent : et pourquoi non ? dans le fond dépendant ce beau nom de tolérance n'est qu'un synonyme honnête d'indifférence. Jamais, depuis leur séparation, il ne leur est arrivé de faire des conquêtes ; à peine ont-elles osé l'entreprendre, ou si elles l'ont fait, elles n'ont obtenu que des succès tout-à-fait insignifiants. Le ministère, dans ces églises, n'a pas l'autorité qui lui serait nécessaire pour annoncer la foi aux nations barbares, il n'a pas même celle dont il aurait besoin à l'égard de ses propres ouailles ; et la raison en est simple, car, en s'examinant lui-même, il s'aperçoit, d'une manière plus ou moins claire, qu'il donne prise habituellement au genre de soupçon le plus avilissant, celui de la mauvaïse foi dans l'enseignement.

En effet, dès qu'il n'y a point d'autorité infailible pour tous les chrétiens, toute opinion se trouve renvoyée au jugement particulier.

Or, dans ce cas, quel garant le ministre de la religion a-t-il auprès de ceux qui l'écoutent pour leur certifier qu'il croit réellement ce qu'il enseigne, et quelle force d'ailleurs peut-il avoir auprès d'eux ? il sied mal à des révoltés de prêcher la soumission. Il se tait donc, ou il ne fait que balbutier. Bientôt il s'établit une défiance réciproque entre les enseignants et les enseignés. A la défiance succède le mépris, et insensiblement le ministère est repoussé dans les dernières classes de la société ; il se tranquillise à la place où l'opinion l'a jeté, et les peuples ne tardent point à passer du mépris des docteurs au mépris de la doctrine.

Il peut y avoir dans ce genre des différences en plus ou en moins ; mais le principe est incontestable ; dès qu'il n'y a plus d'unité, il n'y a plus d'ensemble, et toute aggrégation se dissout. Il y a bien des églises, mais plus d'Eglise ; il y a bien des évêques, mais plus d'épiscopat. Ces mots d'église orientale ou d'église grecque ne signifient rien du tout ; il est faux que l'église de Russie appartienne à la grecque ; où est le lien de la coordination ? Quelle juridiction le patriarche de Constantinople a-t-il sur le sacerdoce russe ? L'archevêque d'empire envoyé par l'empereur de Russie va prendre dans ce moment possession de l'archevêché de Moldavie ; le siège de Constantinople ne s'en mêlera aucunement : si demain le sultan reprendrait la Moldavie, il chasserait l'archevêque,

et en introduirait un autre. Tous ces évêques ainsi indépendants d'une autorité commune, et étrangers les uns aux autres, tristes jouets de l'autorité temporelle qui leur commande comme à des soldats, tous ces évêques, dis-je, sentent fort bien dans leurs cœurs ce qu'ils sont, c'est-à-dire rien : et comment les estimerait-on plus qu'ils ne s'estiment eux-mêmes ?

Ainsi donc, Madame, plus de pape, plus de souveraineté ; plus de souveraineté, plus d'unité, plus d'autorité ; plus d'autorité, plus de foi : je parle en général, considérant seulement l'effet total et définitif. Voilà l'inévitable anathème qui pése également sur toutes les églises séparées : par où vous voyez, Madame, ce qu'il en est de ces points de différence qui vous paraissent légers.

Mais je laisserais échapper le plus important considération si je négligeais de vous laisser apercevoir un autre anathème particulier aux églises simplement schismatiques, et qui méritera toute votre attention. Il vaut bien mieux nier le mystère de l'en abuser : et sous ce point de vue vous êtes de beaucoup inférieurs aux protestants. Les sacrements étant la vie du christianisme et le lien sensible des deux mondes, partout où l'exercice de ces pratiques sacrées ne sera pas accompagné d'un enseignement pur, indépendant et vigoureux, il entraînera d'horribles abus, qui produiront à leur tour une véritable dégradation morale ; je ne veux point fouiller cet ulcère, ni même le découvrir entièrement ; je me contente de l'indiquer.

Vous voyez, Madame, à quel point nous pouvons être considérés comme professant au fond la même religion ; et moi je crois que vous êtes catholique, précisément comme un citoyen de Philadelphie est Anglais. Je me félicite cependant de pouvoir terminer cette lettre par la réflexion la plus consolante pour vous et pour moi. Je me hâte de vous la présenter en peu de mots.

Je ne crois pas que, pour un esprit droit tel que le vôtre, il y ait beaucoup de difficulté sur la question principale : le doute et même l'inquiétude peuvent commencer à la question indiquée à la fin de la lettre qui a produit celle-ci : *Que faut-il faire ?* Or, sous ce point de vue, l'avantage du Grec sur le protestant est immense. Ce dernier ne saurait presque exercer son culte sans nier implicitement un dogme fondamental du christianisme : par exemple,



lorsqu'il reçoit la communion, il nie la présence réelle; de manière que s'il avait eu le bonheur de reconnaître la vérité, sa conscience devrait souffrir excessivement. Mais vous n'êtes pas dans le cas de vous reprocher aucune simulation. Vous croyez ce que nous croyons : c'est un acte que vous pouvez régulariser en y ajoutant le vœu sincère de manger ce pain à la table de saint Pierre. On pourrait imaginer un temps où la conscience se trouverait véritablement embarrassée, mais nous sommes loin de ces épreuves, et dans ce moment je ne puis que vous rappeler la fin de ma lettre à une dame protestante. La modestie, la réserve, et tout ce que nous appelons mesuré, étant les caractères distinctifs de votre sexe, il semble que certains partis extrêmes, certaines actions hardies et, pour ainsi dire, retentissantes, n'appartiennent guère qu'au nôtre. Les femmes ont suffisamment prouvé qu'elles savent être héroïnes quand il le faut, mais les occasions où elles doivent l'être sont heureusement très-rares; en général, le bruit n'est pas votre affaire, car vous ne pouvez pas trop vous donner en spectacle sans affaiblir une opinion dont vous avez besoin. Les devoirs, ainsi que les vérités ne peuvent jamais se trouver en opposition réelle;

il y a entre eux une certaine subordination qui peut varier avec les circonstances. Quelquefois le martyre est un devoir, et quelquefois la simple confession est une faute : s'il est ordonné de braver la persécution, il est défendu de la provoquer. Enfin, Madame, on ne doit pas tout à l'autorité publique, rien n'est plus incontestable; mais il ne l'est pas moins qu'on lui doit quelque chose. Lorsque Naaman (4 Rois, ch. 5, v. 17, 19), général et favori du roi de Syrie, eut abjuré l'idolâtrie entre les mains du prophète Elisée, il lui dit :

« Jamais je ne sacrifierai à un autre Dieu que le vôtre; mais il y a une chose pour laquelle je vous supplie de le prier pour votre serviteur. Lorsque le roi, mon seigneur, entre dans le temple de Remmon pour adorer, en s'appuyant sur mon bras, si je m'incline, lorsqu'il s'inclinera lui-même, que le Seigneur me le pardonne. » Le prophète lui répondit : *Allez en paix.*

Agréez, Madame, ces réflexions écrites très à la hâte. J'aurais voulu me resserrer davantage; mais croyez que j'ai bien le droit de vous adresser le mot si connu : *Je n'ai pas eu le temps d'être plus court.*

## DEVOTI VITA.

DEVOTI (Joannes), præsul ac jurisconsultus Italus, natus Romæ anno 1744, vigesimo ætatis suæ anno juris canonici professor electus in collegio dicto *Sapientiæ*, anno 1789 Ananiensis episcopus, dehinc Carthaginensis archiepiscopus in *partibus*, insuper camerarius à secretis Pii VII pontificis, brevium ad principes secretarius, ac consultor congregationum *Immunitatis* et *Indicis*, inclytum apud omnes doctrinæ nomen reliquit, adeo ut ipsius opera Romæ et in toto fermè orbe catholico scholarum usu quotidiano versentur. Scripsit 1<sup>o</sup>: *De novissimis in jure legibus*, *Institutiones canonicas*, Romæ editas, 4 vol. in-8<sup>o</sup>, ac sæpiùs po-

stea cum additionibus recusas; 2<sup>o</sup> *Jus canonicum universum*, 3 vol., quod quidem opus auctor morte impeditum Romæ anno 1820 perficere non potuit.

Brevia quidem selegimus ex Devoti Institutionibus canonicis, quæ ad hierarchiam spectant; quemadmodum antea hæreseon, conciliorum, etc., materiam vix fermè ac summam attigimus. Nobis verò propositum est hæc omnia longius tractare, cum scilicet singula in *Cursibus* speciatim ad hoc reservatis expendemus; hæc tamen sufficere arbitramur, ne quid in nostro Ecclesiæ tractatu memorandum desideretur.

# DE HIERARCHIA ECCLESIASTICA.

## TITULUS PRIMUS.

DE JURE PERSONARUM, DEQUE LAICIS ET CLERICIS  
GENERATIM.

Summa personarum divisio est, ut alii hominum laici, alii clerici sint. Qui divino cultui, et Ecclesiae ministerio ab episcopo in eorum ordinatione, seu consecratione addicti sunt, clerici, reliqui fideles laici appellantur. Cleri dicuntur à Græco verbo κληρος, quod Latine iors est, quoniam peculiari modo pertinent ad sortem, atque hereditatem Domini; laici à Græco verbo λαϊκός, quod Latine populum significat, quoniam populum et plebem Ecclesiae constituunt. Est et quoddam tertium genus personarum, quas ecclesiasticas vocamus, cujusmodi sunt monachi, ordinibus non initiati, moniales, et si qui sunt alii, qui quantum inter clericos relati non sint, fruuntur tamen privilegiis clericorum, ob peculiare vite genus, quod profitentur.

Spectant laici ad jus civile, ejusque legibus tanquam reipublice cives subjiciuntur; sed ad Ecclesiam quoque pertinent, quia baptismo donati inter ejus filios cooptati sunt. Itaque in eos in rebus spiritualibus imperium exercet Ecclesia, lique gaudent bonis omnibus, quae ex christianae communionis vinculo proficiunt. Quinimò meritò plectuntur poenâ, et bonis privantur suis, si fidem deserant baptismo susceptam, seque conferant ad castra infidelium; si haeretici fiant, et sequantur errores ab Ecclesia damnatos, neque moniti resipiscant; si tanquam schismatici Ecclesiae, et ejus capiti Romano pontifici parere recusent; si ab Ecclesiae sinu fuerint ejecti et excommunicati. In hos omnes Ecclesia suo vitur imperio et potestate, tanquam extorres filios, et criminosos.

Qui inter Ecclesiae filios recepti non sunt, si nullo modo ad Ecclesiam pertinent, nisi fortè baptismum petierint, et fiant quasi candidati christianae religionis, uti sunt ii quos catechumenos appellamus. Hos rei christianae elementa docet Ecclesia, tradit symbolum et signum crucis, instituit ad baptismi gratiam recipiendam. De laicis nonnisi pro re natâ et pro relatione, quam habent ad res sacras, agendum nobis est.

Omnis igitur sit tractatio de clericis, ex

quibus efficitur hierarchia, quae constat ex episcopis, presbyteris, et ministris, quaeque divina lege instituta est, ut haberet Ecclesia, qui ea praestarent quae sunt ordinis, sive sacri-ministerii, et quae sunt regiminis, sive jurisdictionis. Quare universa clericorum potestas vel ad ordinem vel ad jurisdictionem pertinet, et alia est hierarchia, quae ordinis, alia quae jurisdictionis, seu regiminis appellatur. Singulos nos persequemur ecclesiasticae hierarchiae gradus, atque omnem ordinis et jurisdictionis potestatem explicabimus. Sed antequam de singulis dicere aggrediamur, noscenda sunt, quae universos clericos generatim attingunt.

Principio soli clerici ecclesiasticam jurisdictionem habere possunt, sacrumque imperium, quo fruuntur erga illos, quos sibi jure subiectos habent. Hujus potestatis, quam spiritua-lem jurisdictionem vocamus, plura sunt capita, de quibus suis locis disseremus, cum de jure personarum ecclesiasticarum, deque sacris magistratibus agentes, videbimus quae sacri imperii pars quibusdam clericis, quae aliis sit attributa.

Deinde certis fruuntur clerici privilegiis, quorum quaedam personas ipsas, et quaedam res eorum attingunt. Quae ad personas pertinent, ea vel honorum sunt, aut juris, vel personalem exemptionem, et reliqua personalia clericorum commoda respiciunt. Honoris ac juris privilegia eò spectant, ut clerici nobiliorem occupent in templo locum, et praeeant collegiis, atque corporibus laicorum, ut soli ecclesiasticas dignitates, et beneficia, ex iisque pensiones habere possint, et soli jus habeant utendi, fruendi redditibus rerum ecclesiasticarum et beneficiorum.

Jura exemptionis in eo sunt posita, ut neque publicis fungi muneribus, neque ad laicos iudices venire compellantur, sed solùm ecclesiastico magistratui subesse debeant. Reliqua privilegia eò ferè revocantur omnia, ut in jus vocati à creditoribus, in id solum, quod est supra decentem eorum tuitionem, condemnentur; ut clerici filifamilias plenum habeant dominium honorum adventitiorum; ut qui in clericum violentas manus injecit statim expers ecclesiasticae communionis, sive excommunicatus evadat.

Ad res clericorum pertinent realia exem-

ponis jura. Propterea clericorum bona, quemadmodum et bona ecclesiarum, immunia sunt ab oneribus, atque à vectigalibus, quæ à laicis imponuntur. Quàm rectè, quàmque meritò hæc sibi clerici privilegia vindicant, non semel principes declararunt, eaque probarunt suis etiam legibus et constitutionibus. Æquum enim est, esse in civitate gratiosos, uti et apud ethnicos erant, qui sacris in rebus versantur, ac præterea compensanda sunt onera, quibus in sacris explendis officiis et ministeriis afficiuntur.

Tenantur præterea clerici particularibus quibusdam legibus, cujusmodi sunt, ut inprimis morum integritate, sanctitate vitæ, doctrinâ cæteris exemplo sint, ut parè et frugaliter vivant, atque ut opes conferant ad pauperum levamen, non ad inanes sumptus; ut corporis cultu utantur, qui luxu simul careat et sordibus, ne contemptum aut invidiam pariant, ut non modò scelera puri sint, sed omnem etiam aliorum offensionem, suspitionemque declinent; ut se absteineant à secularibus negotiis, atque muneribus, à feminis secum in unâ et eadem domo retinendis, nisi arcta cognatio omnem suspicionem excludat, ab omni turpi lucro et quæstuosâ negotiatione, à choreis, comædiis allisque spectaculis, à ludis alearum, à venationibus, à seculari militiâ, à nutriendâ nimis eleganter comâ, ab armis deferendis, atque à cæteris ejusdem generis, de quibus agitur in titulo *de vitâ et honestate clericorum*. Nam egs servare oportet diligenter leges omnes, quæ pro eorum moribus et disciplinâ, ecclesiasticis canonibus latae sunt, quæque aut in corpore decretalium extant, aut in bullis summorum pontificum, aut in decretis concilii Tridentini, quæ dicuntur *de reformatione*, aut in provincialibus. diocesanisque constitutionibus.

Tonsi item clerici esse debent, vestemque ferre clericalem, quæ duo in illis Ecclesiæ primordiis minimè servabantur. Clerici, æquè ac laici, tunicam, togamque Romanam gestabant, neque usus erat ullus tonsuræ clericalis, sed postea, seculo præsertim sexto, laici vestimentum illud brevius à barbaris in Italiam illatum usurpare cœperunt, clerici autem vestem illam retinere oblongiorem, propriamque Romanorum.

Per idem fortè tempus clericalis tonsura cœpit adhiberi. Triplex in ecclesiasticis monumentis occurrit tonsuræ genus, pœnitentium monachorum, et clericorum. Pœnitentium

tonsura omnium antiquissimâ, eam secuta est monachorum, qui pœnitentes imitari videbantur, postremò tonsura clericorum; sed hæc longè distat à reliquis, eaque nunc accipiendis ordinibus tam pueri quàm adulti initiantur, non solum tonsis et circumcisis capillis ad instar coronæ, sed etiam raso summo capitis vertice, ut à laicis discernantur. Et hæc tonsura illa clericalis, quæ hodiè sumitur, antequàm ordines suscipiantur, cujusque ritus describuntur in Pontificali Romano.

Clericalis tonsura nullam tonso tribuit potestatem ad sacrificium spectantem, neque ullum confert ministerii genus; sed tamen eum latâ significatione clericum facit, hoc est, ita in ordinem refert clericorum, ut inter illos tonsus locum habeat in sacris conventibus, et linteatus divinis officiis intersit. Quo fit, ut privilegia, jura, immunitates clericorum tonsos etiam attingant, si vestes deferant clericales, eaque servent, quæ de vitâ et honestate clericorum sancita sunt. Hæc ad clericos universos generatim pertinent; nunc de singulis agendum est.

## TITULUS II.

### DE HIERARCHIA ORDINIS.

Duplicem esse diximus hierarchiam, et duplicem clericorum potestatem, ordinis et jurisdictionis sive regiminis. Christus enim cum Ecclesiam constituit, leges dedit societati hominum, quos frui bonis spiritualibus, et quos optimè regi voluit, ut deinceps æternæ felicitatis participes esse possent. Ut homines fruerentur bonis spiritualibus, creavit ordinis potestatem; ut optimè regerentur, potestatem jurisdictionis instituit.

Ex quo intelligitur quid sibi velit vis et ratio utriusque potestatis et hierarchiæ. Scilicet potestas et hierarchia jurisdictionis omnis est posita in regendis gubernandisque subditis, ac jurisdictio, quæ tota in hoc regimine ac gubernio consistit, haberi non potest, nisi subditi sint, qui regantur et gubernentur. Verùm hierarchia et potestas ordinis pertinent ad sacrum ministerium, atque ad spiritualia bona christiano populo tribuenda, maximè sacramenta, quæ sunt hujus vincula societatis, eaque constat episcopis, presbyteris et ministris.

Quod attinet ad hæc hierarchiam, unus et idem est ordo, atque una eademque potestas omnium episcoporum, cum neque metropolitæ, neque patriarchæ, neque ipse summus pontifex ordinem habeant ad episcopatu dis-

inctum. Nam in iis quæ ordinis sunt, in episcopo inest plenitudo potestatis, quæ à Deo ipso per sese, sive *immediatè*, ut aiunt, ordinatione tribuitur. Quoniam enim sacramenta hominum ministerio peragantur, vis tamen eorum à Deo ipso procedit; et ideò, cum ab eo, qui habet potestatem, ordo ritè confertur, nihil impedimento esse potest, quominus vis impressa sacramento consistat. Ex quo efficitur ut qui semel accepit ordinis potestatem, is legitimo quidem ejus usu prohiberi multis de causis possit, sed vis ipsa potestatis semper hæreat, adeò ut nequeat auferri coercerive ita ut non efficiat quod efficere divino instituto debet. Quare episcopus excommunicatus, hæreticus, schismaticus, cum ritè confert ordinis aut confirmationis sacramenta, impiè quidem agit, sed rata firma confirmatio, ordinatioque est.

Verùm hierarchiæ et potestatis jurisdictionis longè dispar est ratio. Cum enim ea pendeat ab imperio in subditos, neque hoc imperium in omnibus episcopis unum idemque sit, facilè intelligitur dispares eorum gradus esse oportere. Quare alia est jurisdictio episcopi, qui unam diocesis regit, alia metropolitæ, qui provinciæ, alia patriarchæ, qui pluribus provinciis præest, alia denique summi pontificis, quem Christus toti Ecclesiæ præfecit, quemque esse voluit ejus caput et centrum unitatis, à quo cuncta Ecclesiæ membra cumpulentur.

Potestas hæc, quæ jurisdictionis dicitur, aut regiminis, non ita coheret ordinis potestati, ut ab eà sejungi non possit. Quoniam enim Christus ad Ecclesiæ regimen episcopatum instituerit, non ex eo tamen efficitur, ut quisquis episcopalem ordinationem accepit, hoc ipso regendi munus possit exercere. Ita hæreticus ab hæretico, schismaticus à schismatico ordinatus episcopus habet ordinis potestatem, cum servata sunt omnia, quæ servare oportebat; sed cum nullos habeat subditos, quos jure regat, planè nullam habere potest regiminis aut jurisdictionis potestatem. Similiter episcopus è gradu dejectus cum amiserit subditos, quos antea regebat, nullam amplius retinet jurisdictionem, quæ sine subditis esse nequit, uti nemo sine servis dominus, nemo sine filiis pater est.

Itaque ut episcopus et ordinis habeat, et jurisdictionis potestatem, utrumque habere debet, scilicet et ordinationem, et legitimam missionem, per quam ei certi assignentur sub-

ditii, in quos Imperium exercent. Quæ subditorum assignatio non divini, sed humani juris est, fierique debet ab eo, cui subsunt episcopi, et cujus potestas fertur in orbem universum. Quis autem, nisi summus pontifex, Ecclesiæ caput et princeps, hanc habet in totum orbem à Christo acceptam potestatem? Quare aut ab ipso, aut eo saltem consentiente et probante, unicuique episcopo missio tribuenda est; nimirum certi sunt assignandi subditi, quos regat, atque ita omnes episcopi jurisdictionis potestatem consequantur.

Jam ordinis hierarchiam nunc explicaturi primùm agemus de episcopis, quorum in eà summus est gradus, postea de presbyteris et ministris, atque ita hæc hierarchia uno in conspectu posita habebitur. De his autem agentes explicabimus utramque potestatem, quæ ipsis inest, ordinis scilicet, et jurisdictionis; ne, cum alterum persequeremur genus ecclesiasticæ hierarchiæ, redire cogamur ad ea, de quibus superiori loco disseruimus.

#### § 1. De episcopis.

Episcopus Græca vox est, quæ Latine *inspectorem* significat, et quæ munus designat antistitis, ut populo sibi commisso præsit, ejusque mores speculetur. Hinc episcopi esse debet curare divinum cultum, et christianam defendere religionem; preces indicere; videre ne quid peccetur in rebus fidei, in divinis celebrandis officis, in sacramentorum administratione; animadvertere in eos qui turbas excitant in re christianâ; inquirere diligenter in libros qui in lucem emittuntur, ne quis in iis obrepit error; sacras in templo conciones habere, quod munus ita proprium episcopi est, ut illud cæteri clerici sine ejus veniâ aut consensu exercere prohibeantur; fidei mysteria, et sacrorum Bibliorum sensum secundum mentem Ecclesiæ populo aperire, eumque in officio, scripto et sermone, continere.

Cumque episcopale munus pertineat ad totam diocesim, inducta est ejus visitatio, quam episcopus altero quoque anno obire debet aut per se ipsum, aut per alium, ubi justè impedimento tenetur. Quâ in re episcopus quidquid ad visitationem aut ad morum correctionem pertinet, agere debet sine strepitu judicii, neque ulla appellatio suspendit vim eorum quæ mandata aut decreta sunt. Verùm si solemnium judicii ritus servare placuit, per appellationem vis editæ sententiæ suspenditur.

Cuncta quæ in visitatione sunt gesta ac re-

perta, congregationi concilii significanda sunt, tum ut Ecclesiae capiti, cui est à Christo commissa cura et administratio gregis universi, omnium particularium Ecclesiarum status compertus sit, tum ut concilii episcopi suam cum sede Apostolicâ societatem et communionem ostendant. Iisdem de causis longâ consuetudine receptâ, et scriptâ etiam lege confirmata est visitatio sacrorum liminum Apostolorum Petri et Pauli, quam omnes episcopi variis temporibus expedire debent; nimirum unoquoque triennio qui in Italiâ insulique adiacentibus, in Dalmatiâ, finitimisque Græcorum regionibus commorantur. Cæteri verò episcopi, qui longius absunt, intra quatuor, aut quinque, aut etiam decem annos, pro diversâ locorum distantia. Pari lege hujus visitationis obstringuntur abbates, priores, præpositi, cæterique omnes, etiam cardinales, qui monasteria, aut ecclesias habent cum jurisdictione quasi episcopali, ac territorio separato. Qui definito tempore iustis de causis suo munere fungi nequeunt, causas ipsas jurati docere debent, Romamque mittere procuratorem virum ecclesiasticum, qui huic legi satisfaciat.

Et quia rectè suo fungi munere episcopi nequeunt, nisi in diœcesi commorentur, sive resideant, idcirco eos residere oportet in episcopatu suo. Hinc episcopi, qui per sex perpetuos menses abfuerint à diœcesi suâ, privantur quartâ parte fructuum unius anni, quæ conferenda est in fabricam ecclesiae aut in levamen pauperum; absentes sex aliorum mensium spatium amittunt aliam quartam partem eorumdem fructuum, tum gravioribus etiam plectuntur pœnis, si ditius absint, non festinantes reditum ad diœcesim suam.

Si quis tamen velit aliquantulum abscedere, datur ei quoque anno spatium duorum, triumve mensium, modo id æquâ ex causâ fiat, ac sine ullo populi detrimento. Quòd si quis aliter abfuerit, quàm sacri canones abesse sinunt, beneficii fructus, donec abfuit, suos non facit, quod de omnibus cautum est generatim, qui curam habent animarum. Sunt autem justæ causæ, quæ Ecclesiae pastores excusant à personali residentia, si nimirum summo pontifici probatæ fuerint, *christiana charitas, urgens necessitas, debita obedientia, ac evidens Ecclesiae, vel reipublicæ utilitas*; concil. Trid., d. sess. 23 de Reform.

Præstat episcoporum potestas divinâ institutione presbyteris, atque dividitur in ea quæ sunt ordinis, in ea quæ sunt jurisdictionis, et

in ea quæ sunt legis diœcesanæ. Ordinis potestatem consecratione acquirit episcopus, semel acceptam nunquam amittit, eamque alteri delegare non potest, ut rectè delegat potestatem jurisdictionis. Ab eâ manat regum, sacrarum virginum, altarium, ecclesiae consecratio, ejusque post pollutionem expiatio, ablatum benedictio, collatio ordinum, et sacramenti Confirmationis, confectio chrismatism et olei infirmorum.

Ad potestatem jurisdictionis, quam episcopus adipiscitur post electionis confirmationem, refertur imperium, quod ipse habet in clericis atque laicos diœcesis suæ, in illos in universum, in hos verò quantum attinet ad res sacras atque divinas. Quod imperium episcopi internum respicit, et externum forum. Pertinet ad internum forum potestas ligandi et solvendi in sacramento Pœnitentiæ, tollendi irregularitates et suspensiones quæ ex occulto crimine procedunt, excepto homicidio voluntario, servandi sibi jus dandæ veniæ in quibusdam criminibus.

Spectat ad externum forum potestas legislativa, judicialis et criminalis. Itaque episcopus leges condit pro bono regimine suæ diœceseos, vocat ad synodum diœcesanam, beneficia confert, nisi quæ Apostolicæ sedi sint reservata, nova instituit, et interdum antiqua in unum conjungit, ecclesias visitat, animadvertit in crimina clericorum, eosque gradu movet, tribunal habet, in quo judicat causas ecclesiasticas et mixtas, atque etiam civiles, in quibus clericus rei partes sustinet; pœnas indicit adversus eos qui sunt pœnâ digni, publicos pœnitentes arcet ab ecclesiâ, eosque restituit.

Ad legem diœcesanam pertinet jus exigendi synodaticum, sive cathedraticum, hoc est, tributum in honorem cathedræ episcopalis præstandum, item jus exigendi procuratorem, quartam funeralium, quartam decimationum, et cætera, de quibus suis locis disputabimus.

Episcopi jurisdictione fertur in totam diœcesim; sed quidam tamen beneficio sedis Apostolicæ ab eâ sunt exempti, quo privilegio potissimum fruuntur regulares. Verum etiam in loca et personas exemptas suam interdum episcopus jurisdictionem exercet, tanquam Apostolicæ sedis delegatus. Nam ejus jurisdictioni subsunt exempti in iis quæ contra hæreticos sunt instituta; ipse confert apostolicâ auctoritate beneficia quæ à prælatis regularibus idoneo tempore collata non sunt; anim-

advertit in parochos exemptos, qui debitis diebus divinum verbum populo nuntiare neglexerint, atque in omnes qui haereses praedixerunt; itemque in regulares qui ab se non impetrata facultate confessiones secularium, aut ab se non approbati monialium confessiones excipiunt; quique praedicant in ecclesiis suorum ordinum, vel non petita ab se benedictione, vel se contradicente, vel sine sua venia in alienis ecclesiis; et qui graviter delinquant in administratione cujuslibet sacramenti.

Similiter visitat, et cum deliquerint, punit et corrigit regulares extra claustra degentes; qui vero intra claustra degunt regulares, ac pudam extra claustra delinquant cum ceterorum scandalo et offensione, rogatu episcopi, atque intra tempus ab eo definitum, a proposito suo meritis plectendi sunt poenis, atque eorum quae gesta sunt, certior est sciendus episcopus, cui secus integrum erit in criminosos animadvertere. Rursus in censuris et interdictis episcopi jussu evulgandis atque servandis, diebus festis, eorumque ritibus custodiendis, et in ceteris ejusdem generis regulares omnes, quantum exempti episcopo obnoxii sunt.

Sed et alia sunt capita delegatae jurisdictionis, quam episcopus in exemptos habet. Nimirum inquirit in obreptionem et subreptionem gratiae, per quam aliquis liberatus est a poena quae ab se inflictus fuerat, et visitat capitula exempta, nullo etiam ex canonicis ad consilium adscito, quos sibi adungere, extra visitationem, in causis exemptorum capitulorum debet. Denique omnes ecclesiae seculares, quae in dioecesi sunt, etiam exemptae, monasteria quoque commendata, abbatiae, prioratus, praepositorum, hospitalia, collegia, et sodalitia, etiam laicorum ab episcopo tanquam Apostolicae sedis delegato visitantur, exceptis illis quae sub immediata regum protectione sunt.

§ 2. De presbyteris, diaconis, subdiaconis et reliquis ordinibus.

Ab episcopis ad sacerdotes pergimus, universum deinde ministrorum ordinem explicaturi. Nobilissimum est officium, et nobilissima potestas sacerdotum novae legis, qui Deo non vitulos, aut hircos immolant, sed lege à Christo lata ipsum Dominicum corpus et sanguinem consecrant, atque offerunt in Missae sacrificio.

Sacerdotes à sacris faciendis appellati sunt. Vocantur etiam *presbyteri*, Latine seniores, magis tamen sapientiae, quam aetatis gratia.

Omnis eorum potestas vel ex ordine, vel ex jurisdictione procedit.

Ex ordine trahitur infirmorum unctio, consecratio divini corporis et sanguinis, divini verbi praedicatio, potestas baptizandi et ligandi atque solvendi in sacramentum Pœnitentiae. Trahitur ex jurisdictione actus ipse, et jus exercendi hanc potestatem, quod ab episcopo accipitur, et episcopi arbitrio confertur, aufertur, laxatur, contrahitur, excepto mortis articulo, quo presbyteris liberam Ecclesia in morientem attribuit dimittendi peccata potestatem. Rectè hinc eorum munera describit Pontificale Romanum, cum inquit: *Sacerdotem oportet offerre, benedicere, praesse, praedicare et baptizare.*

Sed non haec omnia à quolibet sacerdote fieri possunt. Quamvis enim sacerdoti in ordinatione assignetur titulus, sive ecclesia cui inserviat, non omnibus tamen assignatur populus, quem regant, et cui in rebus spiritualibus praesse debeant. Tituli assignatio facit, ut in eo Missae sacrificium offerant, panemque eucharisticum populo distribuunt, et quasdam benedictiones impertiant. Verùm quod attinet ad reliqua munera, quae in Pontificali memorantur, aptum quidem ad ea facit presbyterum, et idoneum ordinatio; sed cum respectum habeant ad populum, sintque indicia spiritualis in eum jurisdictionis et potestatis, hinc omnis presbyter, qui sibi populum subiectum non habet, facultate eorum jurium exercendorum, quam in ordinatione accepit, partim contra canones illicitè utitur, partim frustra omnino et inutiliter.

Ministrorum duplex est genus: alii majores, et sacri, alii minores, et non sacri appellantur. Sacri sunt diaconus et subdiaconus, qui sacri dicuntur, quod inter missarum solemnia ordinibus initiantur, et suo funguntur munere supra gradus altaris.

Diaconi ab Apostolis instituti sunt numero septem, quem numerum diè Romana Ecclesia retinuit. Electi autem sunt non tantum ut mensis, sed etiam ut altari ministrarent. Explicat eorum munera pontificale Romanum his verbis: *Diaconum oportet ministrare ad altare, baptizare, praedicare.*

Debent igitur diaconi episcopo et sacerdoti sacra facientibus ad aram stantes inservire; olim etiam Eucharistiam populo tribuebant, sed hodiè tribuere non possunt praesente presbytero, et nisi id necessitas flagitet. Eorum etiam est baptizare; sed eo jure uti ne-

queunt, cùm adest sacerdos, et cùm procul est causa necessitatis. Denique munus etiam prædicandi proprium est diaconorum, atque id non solum respicit Evangelium, quod legunt in missis solemnibus, sed veram etiam divini verbi prædicationem, quæ ad institutionem spectant populorum. Verùm munus hoc prædicationis, ut presbyteri, ita etiam diaconi, sine episcopi veniâ et auctoritate exercere non possunt.

Omnia hæc sunt munera, quibus nunc diaconi funguntur. Olim et curam gerebant viduarum, virginum, orphanorum, pauperum, martyrum in custodiâ detentorum, quibus potissimum providere debebant, ne quid deesset ad vitam necessarium; in vitam, moresque populi inquirebant, et crimina episcopò nuntiabant; oblationes accipiebant, nominaque offerentium, et sacra diptycha in ecclesiâ recitabant; communes preces indicebant; increpabant et corripiebant eos qui aliquid in ecclesiâ agerent, quod minus decere videretur; finitis precibus, sacrisque peractis ab ecclesiâ, discedere jubebant populum, qui ad eam venerat.

Diaconis veluti subsidiarii accesserunt subdiaconi, qui diù fuerunt minorum clericorum numero, sed postea in Latinâ Ecclesiâ majoribus adscripti sunt, quod factum videtur undecimo Ecclesiæ seculo, Urbano II pontifice. Munus eorum est diacono in altaris ministerio opem ferre, parare vinum, panem, sacra lintea, et cætera ad sacrificium necessaria, episcopo, et sacerdoti manus in sacrificio abluentibus aquam effundere, in missâ Epistolam legere.

Majoribus succedunt minores ordines ministrorum; atque hi sunt acolythi, exorcistæ, lectores, ostiarii. Nomina hæc, et officia, quæ his nominibus designantur, ad ipsum *Ecclesiæ initium* refert synodus Tridentina; sed cùm non definiverit quo id tempore factum fuerit, multi existimant, omnes minores ordines una cum subdiaconatu, procedente tempore, Ecclesiam instituisse. Verùm cùm initio diaconorum partes essent, quæ abentibus annis minorum clericorum propriæ esse cœperunt, rectè sentiunt, qui minores ordines origine suâ, hoc est, quatenus diaconatu comprehendantur, ad ipsam hujus ordinis institutionem referunt. Tum, quòd diaconi pares non essent omnibus his muneribus obeandis, Ecclesia veluti partes quasdam ex diaconatu decerpit, ac pro singulis proprios ordines instituit.

Summus inter minores clericos gradus est acolythorum, qui ita dicuntur, quasi apparitores, et pedisequi episcoporum. Eorum munus est cæroferarium ferre, ecclesiæ luminaria accendere, vinum et aquam ad Eucharistiam subdiacono ministrare.

Proximum tenent locum exorcistæ, quorum est dæmoniâci manus imponere, malosque spiritus ejicere. Quæ functio communis olim erat omnium penè Christianorum, quorum adjurationibus dæmones urgebantur; sed cùm hæc depellendorum dæmonum facultas, aliæque *gratiæ gratis datæ*, quas theologi appellant, in illis nascentis Ecclesiæ initis passim à Deo fidelibus concessæ, Ecclesiæ statu deinceps constituto, desiissent vulgo attribui, quòd pervulgatus earum usus minus necessarius evasisset, certus ab Ecclesiâ factus est ordo exorcistarum. Hodie ad malos spiritus adjurandos sacerdotes adhibentur.

Lectores sunt, qui ex sacris libris aliquid in ecclesiâ legunt. Quare olim apud eos sacri codices servabantur, et sæpè ethnicis eos postulantiibus ab episcopis responsum constat: *Scripturas lectores habent*. Legebant autem è pulpito, sive suggesto, et antequàm initium lectioni facerent, silentium à diacono indicebatur verbo: *Attendamus*.

Postremum denique locum occupant ostiarii, qui acceptis ecclesiæ clavibus, aperiendis claudendisque januis, et arcendis infidelibus atque excommunicatis præflectuntur. Hodie ecclesiæ fores passim laicorum custodiæ committuntur. Jamque ante tempora concilii Tridentini sanctorum ordinum à diaconatu ad ostiariatum functiones pluribus in locis fuerant intermissæ, quas propterea concilium revocari in usum juxta sacros canones jubet.

Atque hi sunt quatuor ordines, quos *minores* dicimus, reliquos tres *maiores* appellamus. De simplici tonsurâ quæri solet, num ea ordinibus adscribi debeat, quâ de re inter canonicos atque theologos magna controversia est. Certè qui tonsurâ donati sunt, verè inter clericos recensentur, et idè eorum utuntur privilegiis, uti demonstratum supra est, atque iis præsertim, quæ *fori et canonis* nuncupantur.

Non unum inter majores minoresque ordines discrimen intercedit. Majores clerici omninò castitatem servare coguntur, habentque onus recitandi divinum officium aut publicè in ecclesiâ, aut privatim domi, et qui illis iniunguntur, habere debent ex beneficio, aut ex paternâ

hereditate et patrimonio unde honestè vivant.

Soluti sunt his oneribus minores clerici; verùm cum ineunt matrimonium, sive illud ratum sit, sive consummatum, sive vires habeat, sive iis careat, modò consensus clerici non desit, non solum impares fiunt ad ecclesiastica beneficia obtinenda; sed, quæ habent, etiam amittunt, quanquàm recuperent quiddam fortè ecclesiæ dederunt è patrimonio suo.

Minores clerici, qui beneficium non habent, ut fori privilegio fruantur, tonsuram vestesque clericales deferre, atque alicui ecclesiæ, mandato episcopi, servire debent, vel cum ejus venià in clericorum seminario, aut in aliquo probato gymnasio versari, quasi in viâ, per quam ad majores ordines perveniant. Qui tonsuram et vestes deseruere clericorum, ad laicum judicem vocari possunt; verùm si velit episcopus, eos vindicare potest, ut adversus ipsos judicium exerceat. Atque illud quidem fori privilegium obtinent non tantùm clerici cœlibes, sed etiam qui uxorem habent, modò unicam, eamque virginem duxerint, adscriptique ab episcopo alicui ecclesiæ sint, gerantque tonsuram, et vestes clericales.

### TITULUS III.

#### DE HIERARCHIA JURISDICTIONIS

Demonstratâ jam ordinis hierarchiâ, nunc hierarchiam explicabimus, quæ jurisdictionis appellatur. Ea pertinet ad optimum Ecclesiæ regimen, quod ut rectè consistat, suos habere debet magistratus, sicuti suos habet civilis societas, qui imperium exerceant in illam hominum multitudinem, quibus societas consistat, ne inter eos, si nemini pareant, necessariò magna perturbatio et confusio rerum omnium existat. Eâ de causâ creati sunt à Christo episcopi, qui non solum spiritualia bona in homines conferrent, sed etiam essent præcipui christianæ societatis magistratus.

Sed inter hos magistratus unus esse debebat, qui cæteris præesset, societatemque universam regeret ac moderaretur. Id postulabat divina sapientia legislatoris, qui huic societati caput et principem daret, atque illa unitas tum fidel, quæ Christianos omnes convenire volebat, tum charitatis, quâ cuncta Ecclesiæ membra inter se eodem pacis et communionis vinculo copulari debent. Quæ enim esset hæc unitas, nisi unus esset toti Ecclesiæ propositus, qui illam tueretur et custodiret, quique omnes unâ fide,

unâ charitate, unâ demùm Ecclesiâ conjungeret? Itaque Petro, ejusque successoribus summis pontificibus datus est hic primatus, ut per unum caput una esset Ecclesia, sive, ut loquitur Hieronymus, *ut capite constituto, schismatis tolleretur occasio.*

Apostolos misit Christus ad nuntiandum Evangelium in universum orbem terrarum, neque inter singulas provincias aut civitates distribuit. Sed ipsi deinceps, aucto fidelium numero, divisionem illam instituerant, quam necessariam esse existarunt, ut recta regiminis ratio constaret. Atque hinc prima est repetenda origo divisionis dioceseon, et origo etiam patriarcharum ac metropolitiarum. Cuncta hæc ab Apostolis adumbrata, deinceps ab Ecclesiâ absoluta ac definitè constituta sunt.

Quæ illa missio in orbem universum, propria et peculiaris fuit Apostolorum, per quos ubique nuntianda erat Christi religio; sed eâ populis nuntiata et patefactâ, certi sunt constituti fines, intra quos unusquisque episcopus jurisdictionem exerceat. Hinc patriarchis plures provincie et nationes, primatibus una natio aut regnum, metropolitibus una provincia, episcopis diocesis una data est. Horum quilibet imperium habet in illum terræ tractum, cui præpositus est. Sed ex his omnibus unum debet esse corpus, quale est Ecclesia catholica; effici autem nequit, nisi cuncta in unum conjungantur, conjungi verò non possunt, nisi omnia unum caput et unum commune centrum habeant.

Itaque omnes episcopi, qui suis præfecti sunt Ecclesiis, ceu membris, quæ omnia in unum collecta una catholica Ecclesia continet, curare debent, ut particulares Ecclesiæ, quas regunt, in unum confluant commune centrum, atque uni capiti subjiciantur. Sic enim Ecclesiæ unitas efficitur et conservatur, cum omnia membra unum caput agnoscunt, et unum habent centrum, in quo conjunguntur.

Commune hoc unitatis centrum, et hoc omnium caput Christus Petrum constituit. Sed cum ipse vitâ fungi deberet, Ecclesia autem usque ad consummationem seculi esset futura, alius, eo mortuo, constituendus erat, qui Ecclesiam universam regeret. Quis enim ovili perpetuo, ejusmodi Ecclesiam suam Christus esse voluit, temporarium pastorem datum putet? Itaque ad Petri successores transmissum est munus, et translata potestas, quod, et quæ Petro à Christo datum, dataque fuerat. Hi sunt Romani pontifices, qui ipsum tenent in Ec-



clesiâ locum, quem vivens tenuit Petrus, hoc est, locum capitis, et capitis non otiosi, sed præditi instructive potestate quam habere debet caput Ecclesiarum regens.

Non enim Christus hoc caput constituit, ut vacuum et inane nomen haberet, sed ut totius Ecclesiæ unitatem custodiret. Ex quo efficitur ut ei dederit omnem potestatem, quâ opus est, ut suas impleat partes; cum dici nequeat, Christum alicui dedisse munus, et non dedisse facultates, sine quibus munus ipsum exerceri non potest. Cujus rei consequens est, ut primatus, quem Petrus ejusque successores à Christo acceperunt, non tantum honoris et dignitatis, sed etiam jurisdictionis esse debeat. Atque errant vehementer, qui cum ignorare non possint, primatus instituendi causam fuisse unitatem tot hominum et tot Ecclesiarum, ex quibus una efficitur Ecclesia catholica, aut nullum esse putant caput, per quod illa hominum et Ecclesiarum multitudo conjungatur, aut caput fingunt inane et otiosum, sine vi et potestate, quâ homines ad parendum cogat. Quemadmodum si quis exercitum conficeret sine imperatore, aut imperatorem daret, qui umbratile haberet nomen, vacuum potestate et imperio, cui milites pareant, et per quod in officio contineantur.

Cumque summus pontifex omnes, quas una catholica Ecclesia complectitur, dioceses, provincias, nationes cogere ad unitatem debeat, in omnes potestatem habeat necesse est. Ita ejus imperium, quod totam comprehendit Ecclesiam, fertur in omnes patriarchas, primates, metropolitans, episcopos, quoniam si quis esset eorum non obnoxius huic potestati, is impunè disrumpere posset unitatem, quæ à catholica Ecclesiâ disjungi non potest. Atque hæc ecclesiasticæ hierarchiæ ratio est, ut christiani omnes episcopi metropolitans, metropolitæ primatibus ac patriarchis, cuncti demum Romano pontifici subjiciantur. Episcopi, metropolitæ, metropolitans, patriarchæ et omnium princeps summus pontifex propriè efficiunt hierarchiam, quæ jurisdictionis appellatur.

Reliqui magistratus creati sunt, ut auxilio essent episcopis, atque in eos derivata est pars jurisdictionis, quæ integra ad episcopum pertinet. Hinc instituti coadjutores, ut episcopo impedito opem ferrent, chorepiscopi, ut præessent oppidis diocesis, vicarii, ut episcopi vices gererent, cæteri demum magistratus, quibus sub episcopo certa in populum potestas data est.

Quin etiam quibusdam clericis tributum est certum officium sine jurisdictione, quibusdam, præter officium, etiam honoris prærogativa, et hinc ortæ dignitates, personatus, officia, quæ omnia generali beneficiorum nomine comprehenduntur. Adjunctam habent dignitatem ea beneficia, quorum rectores, præsertim in cathedralibus, aut in collegiatis Ecclesiis, et quædam fruuntur honoris prærogativâ, sive præeminentia et administratione ac jurisdictione, ideoque tametsi cum reliquis canonicis corpus unum conficiant, ab iis tamen propter hanc administrationem, præeminentiam et jurisdictionem distinguuntur. Personatum habere dicuntur ii qui solam habent honoris prærogativam sine administratione et jurisdictione; officium denique, qui administrationem habent, carent præeminentia et jurisdictione.

Generatim statui non potest, quæ beneficia inter dignitates, quæ inter personatus, quæ inter officia sint referenda, cum unquamque Ecclesia suas habeat consuetudines, et quam dignitatem in una Ecclesiâ obtinet archidiaconus, vel archipresbyter, in alterâ eam decanus, vel præpositus, vel primicerius obtineat. Itaque jurisdictione, præeminentia, munus, in omnibus Ecclesiis dignitatem, personatum, officium facit. Nos de omnibus agemus clericis, qui in Ecclesiâ vel munus habent, vel honoris gradum, vel jurisdictionem. Omnes enim referendi sunt ad hierarchiam jurisdictionis, quoniam omnes pertinent ad optimum Ecclesiæ regimen, quod hierarchia spectat. Illud tamen inter clericos, qui jurisdictionem habent, interque clericos, qui eâ carent, discrimen est, quod hi tantum ministri sunt, illi verò sunt etiam, post episcopos, in ecclesiasticâ hierarchiâ magistratus.

#### § 1. De summo pontifice

Ordiamur à summo pontifice, cujus in ecclesiasticâ hierarchiâ supremus gradus et summa potestas est. Is vocatur Papa à græco verbo πάππας, Latine, *pater*; quod nomen initio proprium fuit omnium episcoporum; quin etiam sæpè ad minores quoque clericos translatum est. Sed jamdiu solus Romanus pontifex eo nomine designatur, atque eum etiam Chalcedonensis concilii Patres *episcopum universalem* appellarunt. Verum hoc nomen, in quod arrogantia sedis Constantinopolitanæ audacter invaserat, recusavit S. Gregorius Magnus, contentus modesto nomine *servi ser-*

*vorum Dei*, quo ipse primū uti cœpit, et quo nunc etiā summī pontifices utuntur.

Est autem summus pontifex jure divino Ecclesiæ caput et centrum unitatis, Petri successor, Christi vicarius, omnium Christianorum pater et doctor, atque habet in totā Ecclesiā primatum non dignitatis solū, sed etiā jurisdictionis. Quare pontifex Christianos omnes honore antecedit, atque in omnes jurisdictionem exercet, cū habeat *pascendi, regendi et gubernandi universalem Ecclesiam...*, plenam potestatem.

Multa hinc jura sunt, quibus potitur Romanus pontifex, quia caput Ecclesiæ est, centrumque unitatis, quia primatum habet ordinis et jurisdictionis, quia regere et gubernare Ecclesiam universam debet. Nimirū cū unitas Ecclesiæ postulet ut una sit omnium fidei, morum, ac generalium capitum disciplinæ consensio, consequens est, ut hæc regi, administrarique Romani pontificis judicio et auctoritate debeat. Itaque earum rerum, quæ ad hæc cuncta pertinent, summus pontifex ab omnibus certior est faciendus, quod spectat jus petendarum, accipiendarumque relationum, ipseque de his rebus controversias judicat.

Atque in eo quidem judicio, quod pontifex *ex cathedrâ* emittit, hoc est, universalis magistri susceptâ personâ, in definiendis fidei controversiis errare non potest. Nam erroris expertem esse oportet, quem Christus Ecclesiæ præposuit, ut Christianos omnes cogat ad eandem secum unitatem, præsertim in fide, adeo ut qui ab ejus doctrinâ discedit, hæreticus et schismaticus habeatur.

Jurisdictionis et potestatisque, quam summum pontificem in universam Ecclesiam habere diximus, multa sunt capita. Nimirū ipse leges ecclesiasticas condit, quibus universa Ecclesia teneatur, conditas, cū opus est, relaxat, pœnis animadvertit in eos qui legibus non obtemperant, judicat graviore causas ecclesiasticas, habetque jus appellationum. Cū enim recta earum ratio sit, ut ab inferiore iudice ad superiorem provocetur, ac denique ad eum, ultra quem progredi iudicium non potest, facillè intelligitur, in rebus ecclesiasticis appellandum demū esse summum pontificem, qui omnium est princeps, et cujus iudicium soli Deo subicitur. Quod si in rebus civilibus semper postrema appellatio ad eum fertur, penes quem est summa earum rerum potestas, cur non etiā in rebus eccle-

siasticis postrema hæc appellatio dabitur ad summum pontificem, qui tanquam princeps et caput Ecclesiæ summam in his rebus potestatem habere debet?

Ipse etiā superioris jurisdictione solvit, quos solvendo judicat, plenarias indulgentias largitur, generale concilium indicit, eique præsidet vel per se, vel per legatos suos, atque ejus decreta confirmat. Quis enim omnes vocabit episcopos, et eorum cœtui præsidebit, et constituta confirmabit, nisi qui omnium est caput, qui omnes in unum commune centrum unitatis conjungit, et sine quo neque episcopi universam Ecclesiam representare, neque eorum decreta Ecclesiæ universæ decreta haberi possunt?

Et quoniam summo pontifici non solū ovium, sed etiā pastorum gubernatio, totiusque Ecclesiæ procuratio commissa est, curam etiā et sollicitudinem habere debet episcoporum, qui particulares Ecclesias regunt. Quare ipse creat ac transfert episcopos, eorumque arctat et constringit potestatem, quam obnoxiam habet, eosdem propter crimina episcopatu dejicit, atque etiā restituit, episcopatus constituit, et plures in unum conjungit, aut unum distrahit in plures, cū alterum postulat Ecclesiæ utilitas, cujus sollicitudo summo pontifici incumbit.

Sunt et alia pontificiæ potestatis capita, quæ omnia pertinent ad amplam illam jurisdictionem, quâ ubique fruitur summus pontifex, atque ad curam et sollicitudinem, quam habere debet, Ecclesiæ universæ. Ea sunt, ut Breviarium et Missale Romanum corrigat ac mutet, ut regulares ordines approbet, atque confirmet, eosdemque etiā iustis de causis à medio tollat, ut insignes pietate viros albo beatorum vel sanctorum adscribat, ut propter amplam, quam habet in totā Ecclesiā, jurisdictionem, ubique terrarum pontificalia exercere solus possit. Cætera, quæ ad summum pontificem pertinent, suis locis opportunè explicabimus.

Atque ea, quæ diximus, jura sunt Romani pontificis in totâ Ecclesiâ, quoniam in totam diffunditur primatus, quem ipse habet tanquam Petri successor, quique à Romanâ sede disjungi non potest. Cū enim Christus primatum attribuerit Petro, atque iis qui Petro in episcopatu succederent, cūque ipse sedem posuerit Romæ, ubi mortuus est, sequitur, ut tantum Romani pontifices Petri successores sint. Quare primatus adini Romanis episcopis

atque in alium episcopum transferri non potest, quoniam si transferretur, hic non esset Petri successor; atvero nonnisi Petri successores, voluntate institutioneque Dei, Ecclesie principatum habere debent.

Sed summus pontifex est etiam episcopus urbis Romae, archiepiscopus, et metropolita Romanae provinciae, primas Italiae, patriarcha Occidentis. Nec praetereunda potestas temporalis, sive politica, quam habet in tota ditione ecclesiastica, more principum caeterorum, qui summo potiuntur imperio. Potestas haec, sive repetatur ex consensu populorum, sive ex principum donationibus, sive ex diuturna praescriptione, sive etiam ex onerosis contractibus, tam justum porro est, tamque legitimum pontificum imperium, ut nemini potiora jura esse possint.

### § 2. De cardinalibus et legatis.

Explicandae, exercendaeque potestatis causam pontifex habet curiam et senatum. Curiam conficiunt ministri, quorum alii suo funguntur munere in dataria, alii in cancellaria, alii in foro judicario. Senatum autem constituunt cardinales, quo nomine appellantur *coadjutores et collaterales* summi pontificis, quorum est eum consilio juvare in Ecclesiae regimine et administratione. Hoc nimirum munus est, semperque fuit Romanorum cardinalium, quo probè stabilito et fixo, de verà hujus amplissimae dignitatis origine non obscurum, neque incertum iudicium est.

Omnem Ecclesiae suam semper habuere senatum, et presbyterium conflatum ex presbyteris et diaconis, quorum consilio episcopus in regenda dioecesi utebatur. Itaque et Ecclesia Romana semper habuit senatum suum, quique eum conficiunt semper praestare debuerunt senatibus caeterarum Ecclesiarum, uti his Ecclesiis praestat Romana, cujus illi nobilissimae partes et praecipua membra sunt. Non igitur quod cardinalium nomen reliquis quoque Ecclesiis esset commune, consequens est, ut idem esset gradus, eademque dignitas cardinalium, qui Romanae et qui aliarum Ecclesiarum senatum constituiebant.

Erat quidem Romanorum cardinalium officium, ut praesent locis sacris, hoc est, titulis, quos S. Evaristus pontifex in variis urbis regionibus constituerat, quoniam nimia populi multitudo per unum regi et curari difficile poterat, ideòque et aliis opus erat Ecclesiis, in quibus Christiani convenirent, ut sacros

agerent conventus, atque à sacerdotibus sacramenta perciperent. Sed quòd il, praeter hoc ipsum officium, etiam pontifici opem forebant in regimine Ecclesiae universae, dum contra reliqui cardinales tantum curam cum episcopo gerebant peculiaris Ecclesiae suae, certè presbyteris reliquarum Ecclesiarum quam maxime praestare debuerunt. Hinc dignitate sunt antelati ipsis episcopis, in quos, vacua sede Apostolica, auctoritatem exercuerunt; hinc non tantum, ut caeteri, nomen acceperunt ab Ecclesiis quibus erant *incardinati*, sed etiam, idque potissimum, ab Ecclesia Romana, cui erant addicti, quaeque cardo est, centrumque et caput omnium Ecclesiarum; hinc demum nunc caeterae ferè Ecclesiae deseruerunt hoc nomen, quo designatur amplissima dignitas eorum, ex quibus summi pontificis senatus efficitur.

Initio non alii erant Romae quam presbyteri et diaconi cardinales. Accesserunt postea viciniore episcopi, qui cardinales dicti sunt, posteaquam Lateranensi basilicae adscripti fuerunt, quique suo non desunt muneri episcopatus, licet Romae commorentur, ut summo pontifici opem praebant in regimine Ecclesiae universae. Hi olim erant septem numero, nempe Ostiensis Veliterno conjunctus, Portuensis, Albanus, Praenestinus, Sabinus, Tusculanus et Sanctae Rufinae, seu Silvae Candidae; sed episcopatu sanctae Rufinae cum Portuensi conjuncto, sex hodiè recensentur.

Ornarunt plurimum cardinales Innocentius IV et Paulus II, quorum alter dedit rubrum galerum, alter rubrum pannum, quo equitantes sternerent equos, aliaque honoris insignia, quae primum cardinalibus ex clero seculari data sunt, deinceps Gregorius XIV etiam regularibus rubrum pileum attribuit. Denique Urbanus VIII eos titulo *eminentissimi* honestavit. Incertus olim et varius eorum numerus fuit; nunc septuaginta esse debent, quem numerum definivit Sixtus V exemplo septuaginta seniorum, quos secum assumpsit Moyses, atque ex his quinquaginta oportet esse presbyteros, diaconos quatuordecim, episcopos sex, ex vicinioribus, uti diximus, episcopatibus.

Solus pontifex creat cardinales. Eorum munus est, uti diximus, consilio juvare pontificem pro bono christianae reipublicae, Ecclesiam regere, donec ipsa illo caret, suffragium ferre in electione, quae ab ipsis tantum perficitur, summi pontificis, quod ius non habent

cardinales, nisi diaconatus ordinem acceperint, aut eam facultatem nominatim à pontifice impetraverint. Suum verò munus exp'ent cardinales aut in consistorio coram summo pontifice, aut in congregationibus, qui ceteris sunt cardinalium à pontificibus instituti ad certa negotia curanda, discutienda ac definienda. Harum singulis singuli præficiuntur cardinales, exceptâ congregatione Inquisitionis, cujus summus pontifex sibi servat præfecturam. Earum alix sunt ordinariæ, quæ scilicet perpetuò sunt addictæ certis negotiis expediendis, alix extraordinariæ, quæ pro certis rebus præter consuetudinem Indici solent, quibus absolutis, dissolvuntur.

Habent autem cardinales in suis titulis amplam jurisdictionem in iis, quæ ad earum Ecclesiarum servitium pertinent; et *incompatibilia* retinent beneficia, quæ decet eorum dignitatem, et testamentum condunt per privatam syngrapham, missis testibus, quos jus civile desiderat; denique eorum *familiarium*, ut vocant, beneficia quis impetrare non potest, nisi ipsorum consensus accedat.

Serviunt etiam Romano pontifici legati, quorum est in provinciis, et regnis illius vires sustinere. Scilicet cum summo pontifici cura sit à Christo commissæ, gubernatioque Ecclesie universæ, ipse verò adesse ubique non possit, in locis, à quibus abest, partes suas per legatos implere debet. Itaque jus mittendi legatos in pontificio primatu penitus absum atque insitum est, et ideo Romani pontifices semper apud christianos principes suos legatos, et eos quidem jurisdictione præditos habuerunt.

Sunt autem legati vel à *latere*, vel *missi* vel *asti*. Legati à *latere* sunt cardinales, quos summus pontifex quasi è suo dimissos latere, cui semper adhærere censentur, aut ad supremos principes, aut in ditiosis ecclesiasticæ provinciæ mittit. Hi supra ceteros legatos eminent, et eorum in provinciam adventu silet aliorum legatorum potestas. Utuntur apostolicis insignibus, absolvunt excommunicatos propter violationem clericorum, et amplissimâ fruuntur potestate, quam describunt litteræ apostolicæ, per quos legationis munus accipiunt.

Sunt etiam legati *missi* non ex cardinalium collegio, et *missi* vocantur, quos sedes Apostolica mittit ad supremos principes, quique in provinciis et regnis, ubi legationis munere funguntur, explicant pontificiam jurisdictionem. Eorum potestas definitur litteris, quibus

ipsis à summo pontifice officium commissum est, neque legato misso adhibetur fides, nisi is primùm litteras ipsas protulerit.

Sunt denique legati *nati*, quorum legationi conjunctum est legationis officium, ita ut legati fiant, statim ac dignitatem consequuntur. Eo jure fruuntur episcopi Cantuariensis et Eboracensis in Angliâ, Remensis, Bituricensis et Lugdunensis in Galliâ, in Hispaniâ Tolletanus et Bracarensis, in Germaniâ Salisburgensis, in Italiâ Pisanus.

### § 5. De patriarchis, primatibus, metropolitibus.

Episcopis ordine pares, jurisdictione tamen et imperio superiores sunt etiam patriarchæ, primates, metropolitæ. Patriarchas quasi *patrum principes*, interpretatur hidorus, et jus quidem patriarchicum Nicæno concilio antiquius est. Sed ejus nominis prima mentio occurrit in concilio Chalcedonensi, illudque primùm singulari quâdam ratione summo pontifici, deinceps etiam Alexandrino, Antiocheno, postque Hierosolymitano, aliisque nonnullis exarchis imitatione quâdam tributum est.

Post Romanum, qui summus pontifex est, atque Ecclesie præest universæ, multoque ceteris auctoritate ac dignitate præstat, duos agnovit Nicæna synodus præcipuos episcopos, qui recentiori ætate patriarchæ dicti sunt, Alexandrinum et Antiochenum. Accessit postea Constantinopolitanus, ac demùm etiam patriarcha Hierosolymitanus. Itaque quatuor hodiè sunt patriarchæ Orientales, Constantinopolitanus, Alexandrinus, Antiochenus, Hierosolymitanus; regiones verò, quæ sunt in Europâ, atque in Africæ parte occidentali, Americâ, summo pontifici, tanquàm Occidentis patriarchæ subjiuntur.

Nunc Orientalium patriarcharum sedibus barbarorum tyrannide oppressis, tamen sedes Apostolica patriarchas creat, qui Romæ commorantur solo insigniti titulo et nullâ præditi jurisdictione, ne insignium Ecclesiarum memoria oblivione deleatur. Quæ eodem causa est, propter quam creantur etiam episcopi *titulares*, quos episcopus *in partibus* appellamus, et quorum est episcopis opem ferre in iis quæ sunt ordinis episcopalis, præsertim cum diocesis tam latè patet, ut unus episcopus omnibus ubique muneribus obeundis idoneus non sit.

Potestatem, quam metropolitæ habent in suffraganeos, eandem ferè à sacris canonibus

habent patriarchæ in metropolitibus. Præcipua eorum jura et privilegia sunt, ut post summum pontificem et cardinales sedeant ordine dignitatis; ut metropolitibus pallium concedant, posteaquam ipsi à pontifice acceperunt; ut crucem præ se ferant per universum tractum sui patriarchatus, nisi occurrat summus pontifex, aut ejus à latere legatus; ut à suis metropolitibus ad eos appelletur.

Reliqui patriarchæ minores dicuntur, uti sunt patriarcha Venetus, Indiarum, Ulysiponensis. Hi non procul distant primatibus, ac medium tenent locum inter majores patriarchas ac metropolitibus. Eorum potestas trahitur in omnes certi regni ac nationis metropolitibus et episcopis; ipsi verò majori patriarchæ subjiciuntur, cujus intra fines episcopatum tenent.

Proximus post eos locus est primatum et metropolitatum, sed illi his antecellunt. Nam primates omnibus præsent metropolitibus, atque provinciis regni aut nationis, ubi primatum habent. Hujusmodi sunt antistites Buturicensis, Lugdunensis, Toletanus, Salisburgensis, Pisanus, aliique, quibus à metropolitibus concessæ appellationes, et jus anteferendæ crucis datum. Sed hodiè tantum primati Lugdunensi reliquum est jus appellationum, cæteri solam honoris prærogativam retinent.

Metropolita uni præest provinciæ et episcopis qui eâ comprehenduntur. Dignitatem hanc ante concilium Nicænum viguisse compertum est, multique sunt viri docti et graves, qui ejus originem repetunt ab Apostolis, à quibus hujusce dignitatis et juris non obscura relicta sunt monumenta, ut rectè status ecclesiasticæ hierarchiæ constituere-tur. Metropolitæ nomen à metropoli procedit, quæ est urbs provinciæ caput. Qui in eâ civitate episcopatum gerebant, dicti sunt metropolitæ, ac deinceps etiam archiepiscopi, quod postremum vocabulum etsi olim latius pateret, tamen lapsu temporum translatum est ad eos qui provinciæ uni essent præpositi, quales metropolitæ sunt. Itaque ratio et mos hominum fecit ut metropolitica dignitas hæreret civitati quæ in provinciâ habebat principatum, et ad quam omnes confluebant, postea à sacris canonibus jura et privilegia dignitati consentanea fuere attributa.

Metropolita jurisdictionem habet in omnes suæ provinciæ episcopos, quos suffraganeos vocat. Quare supplet eorum negligentiam, eosque vocat ad synodum provincialem, in-

quirit in absentiam, atque ad residendam compellit, negligentes ad officium cogit, jus dicit inter eos, qui à suffraganeorum judicio ad se provocant; denique in totâ provinciâ crucem præ se fert, insigne jurisdictionis suæ.

Majores tamen causæ criminales episcoporum, in quibus de eorum depositione agitur, ad judicium pertinent Romani pontificis, minores ad concilium provinciale. Olim metropolitæ lustrare etiam poterant dioceses suffraganeorum suorum, nunc non possunt, nisi causa in provinciali synodo cognita et probata sit. Atque hæc quidem omnia pertinent ad præfecturam et eminentiora jura quæ supra episcopos insunt in patriarchis et metropolitibus. Nam ipsi habent etiam in diocesi suâ jura episcopalia, quæ sibi cum reliquis episcopis communia sunt.

Omnes patriarchæ et metropolitæ, præter cætera pontificalia ornamenta, habent pallium, cujus origo à divisione ecclesiasticarum provinciarum videtur repetenda, eo præsertim tempore, quo sacerdotes à diaconis, à sacerdotibus episcopi, atque inter eos qui principem obtinebant locum, vestibus distingui cœperunt. Neque enim aliud, præter pallium, videtur occurrere ornamenti genus, quo episcopi inter se discernantur. Est autem pallium fascia lanea candida, tres circiter digitos lata, in modum circuli contexta, quæ humeros cingit, habetque ab utràque parte lineas in pectus et humeros impendentes cum sex sericis, nigrisque crucibus intextis, tribusque aciculis aureis consuitur, et alligatur. Sumitur ex altari, ubi conditum est B. Petri corpus; idcirco ex eodem Petri corpore sumptum dicitur, ac per ipsum plenior patriarcharum et metropolitatum potestas designatur. Olim à sede Apostolicâ suis vicariis, ut plurimum, tribuebatur; nunc ab eâ datur omnibus patriarchis et metropolitibus.

Solus Romanus pontifex, cujus potestas nullam habet definitam regionem, cujus terminis septa teneatur, pallio ubique utitur et semper; cæteri nonnisi intra fines suæ jurisdictionis et statis certisque diebus, cum pontificalia faciunt; scilicet die Natali Christi Servatoris, S. Stephani, S. Joannis, Circumcisionis, Epiphaniæ, Palmarum, feriâ V in cœnâ Domini, in Sabbato sancto, in Paschate, et feriâ secundâ ac terciâ post Pascha, Dominicâ in Albis, in Ascensione Domini, in Dominicâ Pentecostes, in festo Corporis Christi,

in Nativitate sancti Joannis Baptistæ, in festis omnium Apostolorum, ac quatuor diebus festis B. Mariæ Virginis, nimirum Purificationis, Annuntiationis, Assumptionis et Nativitatis, in commemoratione omnium Sanctorum, in dedicatione Ecclesiarum, in præcipuis festis diebus Ecclesiæ archiepiscopalis, in ordinatione clericorum, in consecratione episcoporum et virginum, et in die anniversariâ, quam archiepiscopus celebrat suæ consecrationis, dieque item anniversariâ dedicationis Ecclesiæ.

Pallio ita est adjunctum munus archiepiscopale, ut eo nondum accepto, ne archiepiscopi quidem nomen quis mereatur, neque synodum provinciale indicare possit, neque chrisma conficere, neque episcopos consecrare, neque alia obire munera sive metropolitana, sive episcopalia. Petendum est intra tres menses ab exactâ consecratione, et quidem entis precibus, sive, ut in more est, *instante*, *instantiâ*, *instantissimè*, à summo pontifice in consistorio cardinalium; petit per se ipsum, si in urbe sit, archiepiscopus, si absit, per procuratorem. Antequam detur, exigitur sacramentum fidei et obedientiæ erga summum pontificem; præsentî in urbe datur à primo diacono cardinali, absentî ab aliquo archiepiscopo, cui summus pontifex rem commisit.

Ita autem pallium adhæret personæ archiepiscopi, ut neque alteri commodari possit, et secundum, ac tertium petendum sit, si quis iterum ac tertio ecclesiam mutet. Denique ubi archiepiscopus sepelitur, cum eo simul pallium vel pallia, si plura accepit, humana sunt. Singulari privilegio cardinalis episcopus Ostiensis, cum Romanum pontificem consecrat, pallio utitur, et beneficio etiam sedis Apostolicæ quibusdam episcopis pallii usus concessus est.

#### § 4. De coadjutoribus

De episcopis nunc pro eorum jurisdictione rediret oratio; sed quoniam uno loco comprehendimus universam eorum potestatem tum ordinis, tum jurisdictionis, pergimus ad reliquos magistratus, atque ad ministros, quorum est episcopis in dioceseos regimine opitulari. Sit initium à coadjutoribus. Senio, aut malâ valetudine confectos episcopos, aliosque Ecclesiæ ministros de gradu dimovere injustum atque inhumanum visum est. Ergo ab antiquis temporibus instituti sunt coadjutores, qui impedito antistiti subsidium compararent, ejus-

que vicem sustinerent. Primum coadjutorum episcoporum exemplum præbere videtur Ecclesia Hierosolymitana, ubi coadjutor datus fuit Alexander Narcisso Hierosolymitano episcopo, qui annos natus erat centum et viginti. Sed illustre pro cæteris est exemplum Augustini, qui Valerio episcopo Hipponensi, malâ valetudinis senique causâ, coadjutor accessit.

Dantur coadjutores vel ad tempus, quantum scilicet vitæ usurâ fruitur prælatus, quem vis adversa morbi aut senectutis suum munus exercere vetat; vel perpetuò, qui nimirum mortuo succedunt. Uterque coadjutor episcopis non nisi à summo pontifice dandus est; cæteris beneficiorum rectoribus etiam episcopus coadjutores ad tempus constituit.

Nunc, qui episcopis dantur coadjutores sine jure futuræ successionis, dicuntur *suffraganei*, quales habent cardinalis episcopus Ostiensis, atque episcopus Sabinus, aliique præsertim in Germaniâ episcopi, quorum dioceses tam latè patent, ut his adiutoribus opus habeant ad episcopale munus rectè exercendum. Hi sunt episcopi insigniti titulo *in partibus infidelium*, uti sunt etiam episcopi coadjutores, qui jus habent succedendi. Utrique enim decorantur ordine episcopali, ut ea peragant quæ hujus ordinis propria sunt.

#### § 5. De chorepiscopis.

Quemadmodum episcopi, cum, propter morbum aut ingravescentem ætatem, suo rectè munere fungi non poterant, in civitate coadjutores habebant, ita cum nimis latè patebat diocesis, in pagis atque oppidis longè dissitis habebant chorepiscopos adjuutores et administratos laborum suorum. Dicuntur chorepiscopi, quasi τῆς χώρας hoc est, *ruris* episcopi. De his quæri solet, num episcopi, an tantum presbyteri fuerint; sed longè probabilior est sententia illorum qui eos meros presbyteros fuisse arbitrantur.

Chorepiscopi non unam ut parochi, sed plures singuli curabant Ecclesias, easque lustrabant; dabant literas *pacificas*, quæ erant ex genere *formatarum*, clericis ruralibus in aliam dioccesim abeuntibus; minores ordines conferebant. Sed cum intra suæ potestatis fines non se continerent, et jura invaderent episcoporum, satius visum est eam dignitatem extinguere ac delere, quod in occidente primum factum est, Leone III pontifice; sed tamen etiam post Leonis ætatem mentio chorepiscoporum occurrit.

§ 6. *De prælatis inferioribus.*

Medium inter episcopos atque presbyteros locum tenent prælati inferiores, nimirum antistes, qui expertes ordinis episcopalis, in sibi subjectas ecclesias et personas jurisdictionem exercent. Non idem omnium eorum prælatorum gradus, neque eadem ratio est. Nam alii sunt ab episcopi potestate subtracti, qui certo præsunt generi personarum, intra septa alicujus ecclesiæ aut monasterii vel conventus existentium, quales sunt superiores regulares et nonnulli prælati seculares, qui immediatè subsunt sedi Apostolicæ unà cum ecclesiâ ejusque clericis atque ministris, quibus præfecti sunt. Alii præsent clero et populo alicujus regionis, quæ tametsi ab episcopi potestate subtracta sit, tamen sedet in illius diocesi, à quâ undique circumscribitur. Alii denique propriam habent quasi diocesim a cujusvis episcopi diocesi avulsam et separatam, in quâ jurisdictionem obtinent quasi episcopalem.

Omnium nobilissimi sunt prælati, qui separatam quasi diocesim habent; nam hi propriè et verè *prælati nullius* dicuntur, atque inter ordinarios recensentur. Cæteri exempti quidem sunt ab episcopi jurisdictione, sed nullam habent quasi diocesim ab illius diocesi distinctam, in quâ ordinariam jurisdictionem exercent. Itaque prælati *nullius* minùs propriè vocari possunt, cum reverà in episcopi diocesi sint.

Prælati inferiores vel seculares sunt, vel regulares; alii beneficio sedis Apostolicæ habent usum pontificalium, alii verò non habent. Omnium potestas oritur vel ex privilegiis summorum pontificum, vel ex præscriptione quæ hominum memoriæ superat. Quare et amplior, et angustior est, uti fuerunt leges privilegii vel consuetudinis unde procedit. Generatim abbates regulares, qui in sacerdotio sunt, et solemnem ab episcopo benedictionem acceperunt, suis subditis regularibus pro jure suo primam tonsuram et minores ordines conferunt, reliqui verò expresso privilegio opus habent.

Quod verò attinet ad jurisdictionem quasi episcopalem, multa sunt, quæ prælati inferiores, etiam cum discretam et separatam quasi diocesim habent, exercere non possunt, quantum in ipsâ jurisdictione insita et affixa videantur. Principio vetantur indicere et habere synodum diocesanam, nisi expressam eâ de re

facultatem à summo pontifice impetaverint, eaque semper usi fuerint; et simili modo vetantur etiam eligere examinatores, ad parochiales ecclesias per solemne examen conferendas. Hinc vicinior episcopus in quasi diocesi, quæ nullius reverà est, et episcopus diocesanus in ecclesiâ exemptâ, quæ sedet intra fines suæ dioceseos, parochias confert, servatâ lege concursus, quæ à concilio Tridentino constituta est. Par est ratio literarum dimissorialium, quas illi dare nequeunt secularibus sibi subditis pro ordinibus suscipiendis, cum horum omnium ordinationes pertineant vel ad viciniorum episcopum, si prælatus quasi diocesim separatam habeat, vel, si ecclesiâ exempta sit, ad episcopum, cujus diocesi continetur. De causis verò criminalibus et matrimonialibus rectè judicant prælati, quibus sua quasi diocesis separata est; non item prælati exempti, nisi hoc privilegium obtinuerint vel à summo pontifice, vel per præscriptionem quæ ultra hominum memoriam est.

§ 7. *De capitulis canonicorum.*

Ecclesiasticam dignitatem hodiè etiam inesse constat in collegiis canonicorum tum cathedralium tum collegiarum ecclesiarum. Cathedralium templum dicitur, in quo episcopus suam habet cathedram, et quod princeps est cæterorum, quæ in civitate aut in diocesi sunt. Cætera templa, quæ post cathedrale collegium habent canonicorum, collegiata appellantur.

Omnibus olim clericis commune fuit canonicorum nomen, quia scilicet adscripti erant *canoni* seu *matricule* ecclesiæ, cujus sumptu alebantur. Mediis autem seculis canonici dicti sunt clerici, qui communem et secundum propriam regulam vitam tradebant. Hoc sensu Crodogangus Metensis episcopus primus, ut videtur, ætate Pipini regis canonicos instituit, clericos videlicet, quos, nullis emisis votis, in unam societatem coegit, quibusque regulam dedit. Quod vitæ institutum omnes penè Ecclesiæ acceperunt; synodus verò Aquisgranensis regulam edidit plenioram, quæ ad canonicæ vitæ institutionem pertinebat.

Ita nati et brevi propagati canonici, qui sub certâ regulâ communem vitam tradebant. Sed cum hæc regula, atque hæc communis vitæ consequentibus annis penè ubique desisset, eam instaurare conati sunt viri insignes

pietate et doctrinâ, qui monasticis etiam votis suos canonicos obstringi voluerunt; quâ in re novi ab antiquis canonicis differebant, quibus suo se patrimonio non abdicare licebat. Cùm verò non omnes clerici communem illam, ac penè monasticam amplecterentur vitam, hinc aditus patefactus est canonicis, qui seculares appellantur. Nam regulares sunt, qui sub præposito communem vitam et votis adstrictam agunt, seculares verò, qui seorsim vivunt, ac perpetuis ecclesiasticis præbendis donati, suæque bona retinentes, servant canonicum institutum, quatenus patitur vita singularis.

Sensim autem canonici seculares in omnibus cathedralibus, atque in pluribus etiam inferioribus ecclesiis locum habere cœperunt; eorumque cœtus capitulæ appellantur; quæ vel *cathedrales*, vel *collegiatae* dicuntur, cùm nimirum cathedrali, aut aliis inferioribus ecclesiis inserviunt.

Præcipuæ canonicorum partes sunt altari ac divino cultui inservire, et in ecclesiâ alternis choris divinum officium canere, quod, ut inquit synodus Tridentina, facere per se ipsos debent, non per substitutos. Cui muneri ut satisfaciant, debent canonici in suis ecclesiis immorari; sed tamen eis quoque anno datur spatium trium mensium, quo abesse possunt ab ecclesiis suis. Ultra tres menses abesse nequeunt, nisi qua justa causa eos procul esse cogat, veluti si absint curaturi res ecclesiæ, aut episcopi, aut daturi operam in aliquo probato gymnasio sacre theologiæ, sacrive canonibus. Ex justis causis absentes præbendæ fructus percipiunt, non item quotidianas distributiones, quæ tantum in choro præsentibus accrescunt.

Honorantur autem canonici supra cæteros clericos, maxime si sint canonici cathedralis templi, qui præcipua quædam habent supra canonicos collegiatarum. Singuli canonici dignitatem non habent, quanquam ad eam proximè accedant canonici ecclesiæ cathedralis, idèque interdum à sede Apostolicâ iudices delegati constituuntur, sed dignitas est penes corpus universum.

Potestas et jurisdictio capituli ecclesiæ cathedralis sese imprimis exerit, vacuâ sede episcopali; nam tunc ad ipsum omnis transfertur episcopi jurisdictio. Quod non alieno mandato, aut delegatione efficitur, sed potius nativo quodam et proprio jure, quod mortuo episcopo in presbyterio reviviscit. Ergo œquis ad capitulum venit ordinaria

episcopi jurisdictio; atque ejus est judicare, condemnare, pœnas imponere, cætera demùm agere, quæ ordinariæ jurisdictionis sunt.

Quam potestatem capitulum exercet per vicarium capitularem, quem intra octo dies post obitum episcopi eligere debet, ne pluribus commissa negotia segnus et difficilius expediantur. Elapso hoc tempore, jus eligendi transfertur ad metropolitam, et si ecclesiis ipsa metropolitana fuerit vel exempta, tunc antiquior episcopus ex suffraganeis in metropolitanâ, et propinquior episcopus in exemptâ vicarium constituit.

Tamen ubi ecclesiam suffraganeam, carentem capitulo, unâ cum metropolitanâ vacare contigerit, electio vicarii suffraganei non ad antiquiorem suffraganeum, sed ad capitulum metropolitanum pertinebit. Quod si omnes vicarium eligere neglexerint, eum constituit Romanus pontifex, aut sacra congregatio episcoporum et regularium, ejusque facultates modò angustioribus continentur finibus, modò amplioribus explicantur. Quinimò cùm episcopo datus est ab Apostolicâ sede vicarius, is, etiam illo mortuo, officium retinet, neque tunc ob reverentiam supremæ sedi debitam locus est vicarii capitalis electioni.

Eligendus est vicarius capitalis ex canonicis, si qui inter eos doctores, licentiat, jurisque consulti reperiantur. Rectè etiam eligitur postremus defuncti episcopi vicarius, vel extraneus, cùm nemo est ex canonicis, qui ad hoc munus gerendum aptus et idoneus habeatur. Ritè constitutus ex officio dimoveri non potest, nisi justa et sacre congregationi episcoporum ac regularium probata causa sit; totamque accipit jurisdictionem, ejus nullam omninò partem sibi capitulum reservare potest.

Multa tamen sunt, quæ, dum vacua est ecclesia, capitulum ejusque vicarius non facit, vel quòd non habet potestatem, vel quòd ei sacri canones modum constituerunt. Non facit quæ sunt ordinis episcopalis, quanquam ad ea gerenda rectè exteros episcopos advocet; nec porrò facit, quæ ex delegatione, aut beneficio summi pontificis uni episcopo concessa sunt. Nihil quoque capitulum, sede vacante, potest innovare ac de juribus episcopalibus diminuire, quod proprium est omnium, qui rem gubernant, quæ ad interregnum venit, ut nihil innovent et nihil de juribus detrahant. Itaque, sede vacante, ca-



ptulum conjungere, aut dividere beneficia, atque aliquid alienare prohibetur.

Ad beneficia quod attinet, capitulum, sede vacante, oblatum à patrono clericum rectè instituit, et rectè etiam confert beneficia, quæ conjunctim cum episcopo conferre deberet, non item beneficia, quorum libera collatio ad solum episcopum pertinet. Denique litteras dimissorias primo anno vacantis ecclesiæ capitulum rectè concedit iis quos beneficium vel acceptum vel accipiendum ordines suscipere cogit, non item reliquis, post annum verò omnibus indiscriminatum.

§ 8. *De dignitatibus, personatibus, officiis.*

Sunt à canonicis, qui dignitate, personatu, officio à cæteris distinguuntur. Hujusmodi sunt archidiaconus, archipresbyter, decanus, præpositus, thesaurarius, alique, qui non solum habent canonicatum, sed etiam quæ cæteris canonicis communia non sunt, aut certum munus, aut honoris prærogativam, aut cum honore jurisdictionem; et officia, personatus, dignitates appellantur. Non idem est in omnibus ecclesiis cathedralibus et collegiatis eorum numerus et ratio; ac longum esset de omnibus singillatim dicere.

Totum in his rebus conficit usus et consuetudo Ecclesiarum. Quare videndum est quid cuique in singulis datum sit muneris, quid honoris, quid jurisdictionis; et unusquisque, quæ sibi sunt commissæ, partes implere debet. In Italiâ primam dignitatem plerumque obtinent archidiaconi, in Hispaniâ et Lusitaniâ decani, in Germaniâ præpositi. Nos de duobus nominatim agemus officiis, quæ omnes habent ecclesiæ cathedrales, ac de duabus dignitatibus, quibus summam post episcopum auctoritatem decretales attribuunt.

Officia sunt canonici theologi et pœnitentiarum. Utrumque instituit concilium Lateranense IV, quod habitum est Innocentio III pontifice; utrumque probavit synodus Tridentina, et utrumque omnes ecclesiæ cathedrales et collegiatae in aliquo insigni oppido existentes habere debent. Est autem canonici theologi, quem theologiæ laureâ donatum esse oportet, sacras Scripturas explicare, aut clericos res theologicas edocere; quo munere etiam fungitur, præbendæ fructus et quotidianas distributiones percipit, perinde ac choro interesset.

Suppar est institutio theologo pœnitentiarum, cujus est audire confessiones, atque

is similiter, dum hoc agit, tanquam præsens in choro habetur. Sit autem oportet sacræ theologiæ aut juris canonici laureâ insignitus, et annos saltem quadraginta natus, nisi aliud loci ratio et necessitas aut utilitas Ecclesiæ postulet. Neuter eorum habet dignitatem aut personatum, sed unusquisque sedet in choro, servato ordine collationis, possessionisque antiquioris, nisi quid aliud consuetudo velit; et utrumque officium, concursu adhibito, conferendum est.

Decretales recensent potissimum inter dignitates archidiaconatum et archipresbyteratum, quibus post episcopum summam auctoritatem tribuunt. Archidiaconi ex ordine diaconorum erant, sed eorum principes, et ratione habitâ meritum, ab episcopo, ut plurimum, eligebantur. Ordine inferiores erant archipresbyteris, jurisdictione tamen superiores. Sed cum absurdum videretur, non presbyteros presbyteris præstare, iis demum est imposita necessitas presbyteratûs.

Amplissima olim erat potestas archidiaconi, qui episcopi vicarius erat à jure constitutus, et ejus etiam *oculus* dicebatur, propter latam administrationem et in rebus gerendis potestatem, quæ omnia ferè, exceptis sacramentalibus muneribus, comprehendebat. Is enim collector olim oblationum, reddituum atque universæ pecuniæ ecclesiasticæ præbendas, partesque suas tribuebat clericis, pauperibus, ecclesiæ fabricæ; mittebat in possessionem eos qui beneficia acceperant; quos nosset idoneos ad ordines et beneficia, episcopo offerebat; atque omnes ferè noscebat, definiabatque, causas fori episcopalis. Et licet initio archidiaconi hæc ferè omnia gerent mandato arbitrioque episcopi, tamen deinceps eò usque progressi sunt, ut propriam, atque ordinariam obtinerent jurisdictionem, quæ pridem erat delegata, ac jura etiam invaderent, quæ propria erant episcoporum.

Tantam hanc archidiaconorum potestatem episcopi tollendam aut minuendam curarunt; et nunc vix ejus umbra et imago superest. Synodus Tridentina archidiaconis, aliisque inferioribus prælatis iudicium ademit causarum matrimonialium et criminalium, quas episcopo reservavit; ipsis verò reliquit jus visitandi ecclesias, quas antea visitare consueverant, modò id faciant per semetipsos, et cum consensu episcopi, cui debent intra mensem rationem reddere peractæ visitationis, atque integra acta exhibere.

Nunc omne archidiaconi munus eò redactum est, ut assistat episcopo, cùm generales ordinationes conficit, vocetque eos qui ordines suscipiunt. Cùmque archidiaconi nunc amplius non sint vicarii nati episcopi, tanta hodiè in singulis inest auctoritas, quanta vel episcopi mandato vel ecclesiæ statuto, vel diuturnâ consuetudine data est. Diaconatûs autem ordine insignitos esse oportet archidiaconos, eosque synodus Tridentina in omnibus ecclesiis, in quibus fieri potest, magistros in theologiâ, seu *doctores*, aut *licentiatos* in iure canonico esse jubet.

Archipresbyter est princeps presbyterorum, eâque dignitate donabantur interdum qui ætate, interdum qui sapientiâ præstarent. Si suo fungatur munere archipresbyter in cathedrali, sive in civitate, urbanus dicitur; si in minoribus oppidis, ruralis appellatur. Urbani archipresbyteri officium respicit sacramentorum administrationem, forique interni jurisdictionem; atque ejus præsertim est præsentis episcopi curam levare et vices agere absentis in iis omnibus quæ sacerdotalis officii sunt.

Ruralis est *imperiti vulgi sollicitudinem gerere et presbyterorum, qui per minores titulos, hoc est, ecclesias habitant, puta parochorum, vitam jugi circumspeditione custodire, et quâ unusquisque industriâ divinum opus exerceat, episcopo renuntiare*, cap. 4. de Offic. archipresb. Nunc omnis archipresbyteri auctoritas pendet ex mandato episcopi, ex statuto ecclesiarum, ex consuetudine. Et cùm plerumque archipresbyter adjunctam habeat curam animarum, hinc hujusmodi beneficia, in quibus hoc onus inest, nemo consequi potest, nisi saltem vigesimum quintum ætatis annum atigerit, atque idoneâ scientiâ et morum integritate commendetur.

### § 9. De vicariis.

Cùm archidiaconis adempta est ampla illa potestas, quam pridem à jure habebant, episcopi elegerunt vicarios, quorum auctoritas à suo arbitrio et voluntate penderet. Id verò factum est medio illo tempore, quod inter Gregorianam et Bonifacianam collectionem excurrit. Est autem vicarius, qui vices gerit episcopi, et *generalis* dicitur, quoniam ejus potestas fertur in diocesim universam.

Vicarius non habet beneficium, sed habet munus, et muneri adjunctum honorem cum jurisdictione, cujus fines episcopi arbitrio constituuntur. Nam ut vicarius ab episcopo

eligitur, ita omnem ab eo accipit jurisdictionem. Itaque episcopus suo libitu potest aut electum vicarium removere, aut unum, vel plures, vel etiam nullum eligere, cùm ipse sine alienâ ope suo per se munere fungi potest. Ubi plures constituti sunt, iique in *solidum*, antefertur potestas ejus, qui primus negotium aliquod occupavit, ubi inter singulos divisa sunt officia, intra eorum fines continere se unusquisque debet.

In Italiâ unus constitui solet vicarius, cui committitur administratio rerum spiritualium et simul etiam contentiosa jurisdictio. Sed in Galliâ, aliisque ultramontanis regionibus officialis à vicario distinguitur. Vicarii potestas ea complectitur quæ voluntariæ jurisdictionis sunt, officialis autem, quæ sunt jurisdictionis contentiosæ.

Igitur Italiæ more transit in constitutum vicarium ordinaria episcopi jurisdictio, sed non transit potestas gerendi ea quæ peculiare mandatum postulant, et quæ uni episcopo servantur. Propterea sine speciali mandato non cognoscit causas criminales, in quibus in reum criminis gravius est animadvertendum, non item, ut plerique sentiunt, causas matrimoniales; non confert beneficia, neque iis permutandis, unendis, erigendis consensum impertitur, sed instituit præsentatos à patronis, et judicat causas beneficiarias de jure patronatûs, deque ejus quasi possessione; non visitat diœcesim, neque synodum cogit, excepto vicario Romani pontificis, cui licet habere synodum diœcesanam cleri Romani; non indicare collegium canonicorum, eique interesse, ac ferre suffragium potest; non absolvit à casibus episcopo reservatis, neque tollit irregularitates quæ ex occulto crimine procedunt; non denique concedit litteras dimissorias, nisi episcopus in longinquis regionibus diu commoretur. Eoque minus vicarius generalis aliquid attingere potest eorum quæ sunt ordinis episcopalis.

Vicarii munus rectè obeunt omnes clerici tonsurâ initiati; sed ab eodem arcentur clerici conjugati, minores annis viginti quinque, parochi, canonici pœnitentiarii, et cæteri qui curam habent animarum, demùm Imperiti; et ideò necesse est, quòd vicarius generalis vel sacræ theologiæ, vel juris canonici lauream obtinuerit; nisi aliunde viri peritilla manifestò constet.

A vicario generali ad episcopum provocare non licet, cùm utriusque tribunalis unum idem

que sit. Expirat autem vicarii jurisdictio, vel si ipse eo munere sese abdicet, vel si ab episcopo removeatur, vel si ipsa episcopi jurisdictio aut obitu, aut poenâ, aut alio quovis modo extinguatur.

Solent episcopi *foraneos* etiam habere vicarios in oppidis diocesis suæ, qui mandatâ ab episcopo potestate fruantur, quæ loco circumscriptur et plerùmque pertinet ad res peculiares. Ili propter locorum distantiam tribunal habent ab episcopo discretum et separatim, ideòque ab iis ad episcopum rectè provocatur. Eo munere fungebantur olim chorepiscopi, archidiaconi, archipresbyteri et decani rurales; sed translata archidiaconi potestate ad vicarium generalem, instituti videntur vicarii foranei, quos memorat Innocentius IV in concilio Lugdunensi, et Clemens V in Viennensi.

Sunt et vicarii, qui vel perpetuò, vel ad tempus constituti animarum curam administrant, quæ *habitu*, uti vocant, penes alios est propter ecclesiam parochialem, quæ ipsorum ecclesiis, monasteriis, collegiis, locisque piis conjuncta est. His certa fructuum portio ex ipsius ecclesiæ redditibus detrahenda episcopi arbitrio tribuitur. Sæpè etiam episcopus, cum simili fructuum portione, constituit vicarios vel ad tempus, vel perpetuò, qui parochi absentis, impediti, imperitive vices gerant. Vicarii perpetui propriam interdùm habent ecclesiam, quæ *filialis* dicitur, respectu habito ad matrem ecclesiam, quæ est titulus parochi, cui subijciuntur.

Nec prætereundi vicarii nati, quorum potestas non ab arbitrio pendet episcopi, sed à legè, quæ illorum beneficiis illam perpetuò conjunxit. Archipresbyter et archidiaconus sunt vicarii nati episcoporum, et vicarios perpetuos, quorum nunc facta mentio est, vicarios natos parochorum possumus appellare.

Sunt denique vicarii apostolici, quos constituit sedes Apostolica, sive cum metus est, ne d.ullus ecclesia pastore careat, sive cum turbas et dissidia fore prospicitur in vicariis capitularis electione, vel cum episcopus senio, aut aliâ de causâ suum rectè munus gerere non potest, vel demùm cum episcopus ab administratione suspenditur, aut etiam removeatur. Eliduntur autem hi vicarii interdùm cum caractere episcopali, atque hi creantur episcopi in *partibus infidelium*, interdùm sine hoc caractere; eorum verò potestas noscenda

est ex litteris apostolicis, quibus suum officium acceperunt.

#### § 40. De parochiis et reliquo clero

Inter eos qui episcopo opem ferunt in procuratione dioceseos, nobile inprimis est officium parochorum, qui semel ab episcopo constituti jure proprio concediti sibi populi curam exercent. Per tria ferè priora Ecclesiæ secula nulla in ecclesiasticis monumentis eorum mentio est. Una in principe dioceseos civitate erat ecclesia, ad quam Christiani omnes non modò urbis, sed etiam vicinorum oppidorum die solis, hoc est, dominico, confluebant, et presentibus quidem distribuebatur Eucharistia, ad absentes per diaconos mittebatur. Huic ecclesiæ, quæ cathedralis erat, ipse præerat episcopus, qui suum habebat senatum et presbyterium, hoc est, illi addictos presbyteros, quorum erat episcopo d.ere operam in Ecclesiæ regimine et administratione.

Cùm aucto Christianorum numero, plures in unâ civitate ecclesiæ conditæ sunt, ad eas episcopus diebus dominicis mittebat ex ecclesiâ cathedrali presbyteros, quorum erat sacra obire munera, et præesse populo qui ad ecclesias illas confluebat. Verùm hi presbyteri non erant perpetui rectores harum ecclesiarum, cum episcopus eos modò uni, modò alteri committeret ex clericis ecclesiæ cathedralis, eorumque officium finiretur tempore quod ab illo constituebatur. Itaque una tantùm in singulis civitatibus erat ecclesia, quæ propriè parochia, uti nunc est, dici posset, nimirùm ecclesia cathedralis; reliquæ minores ecclesiæ nulli separatim presbytero addictæ erant, sed ad eas regendas singulis diebus dominicis clerici de ecclesiâ episcopi mittebantur.

Constitutæ sunt parochiæ primùm in vicis et villis, quarum incolæ cum ad civitatem commodè ire non possent, eorum gratiâ ibi conditæ sunt ecclesiæ, quibus præpositi sacerdotes, qui populum illum regerent, muneraque ecclesiastica exercerent. Serius in civitatibus ortæ sunt parochiæ, neque ubique omnes eodem tempore initium habuerunt. Cùm enim ea res tota ab episcoporum arbitrio penderet, alii citius, serius alii parochos in civitate constituerunt, uti major, minorve numerus Christianorum, eorumque utilitas, atque necessitas postulabat.

Præcipua parochorum munera sunt sacrificium pro populo offerre, divinum verbum

nuntiare, sacramentum administrare. Debet enim uniusquisque parochus, sive dives, sive pauper, pro populo sibi commisso cunctis dominicis, festisque diebus sacrificium offerre. Licet tamen parochis, qui gravi inopiâ laborant, cum episcopi veniâ festis diebus accipere, quod à pio aliquo homine datum est, et pro eo missam offerre, modò infra hebdomadam pro populo rem divinam conficiant, quam festis diebus conficere debuissent.

Debent etiam parochi non solum pueros rudesque homines christianæ religionis rudimenta edocere, sed etiam cunctis saltem dominicis diebus, et in festis solemnibus sermonem ad populum habere de rebus divinis, eique explicare quæ ad æternam salutem omnibus sunt necessaria. Huc etiam refertur munus nuntiandi festos dies, indulgentias, jejunia et cætera quæ emergerint, ecclesiæ præcepta, ne populi ignorantia violentur.

Denique eorum etiam est administratio sacramentorum. Quare Lateranense concilium non modò sancivit, ut Christiani omnes in Paschate à proprio parochio Pœnitentiæ et Eucharistiæ sacramenta suscipiant, sed etiam Tridentinum monuit, ab eo solo, exceptis Confirmatione et Ordine, generatim licitè suscipi sacramenta. Sed nunc cum privilegia regularium et frequentes episcoporum concessionum quamplures extra ordinem sacramentorum ministros induxerint, ab eis etiam, modò se continèant intra fines concessionis, ea probè suscipiuntur, et jus parochorum redactum est ad paschalem communionem, ad viaticum, ad extremam unctionem.

Cæteri clerici generatim satisfacere debent oneri quod conjunctum est beneficio quo fruuntur. Quidam eorum præpositi sunt sacellis, hospitalibus, aliisque locis; et hi curam gerunt præfecturæ quam exercent, suisque fruuntur iuribus ac privilegiis, et capellani, rectores, gubernatores appellantur. Quidam autem nullum habent onus, præter quotidianam recitationem divinarum precum, quas officii nomine comprehendimus, et hi simplex beneficium habere dicuntur.

#### TITULUS IV.

QUIBUS MODIS POTESTAS ORDINIS ACQUIRATUR.

Omnes clericorum gradus et officia, atque universam singulorum potestatem sumus persequuti; proximum est ut videamus, quemadmodum ipsi hanc potestatem consequantur. Initium capiemus à potestate ordinis, quam

clerici acquirunt vel consecratione, vel ordinatione. Consecratio ad episcopos, ordinatio ad sacerdotes, cæterosque clericos pertinet.

#### § 1 De consecratione episcoporum.

Episcoporum consecratio manibus impositis et divino invocato Spiritu maximè perficitur, quanquam et alii ab Ecclesiâ ritus ac ceremoniæ adhibeantur. Nam recitatis initio literis cancellariæ apostolicæ de collato episcopatu, consecrandus præstare debet Romano pontifici juramentum obedientiæ et fidelitatis, cuius formula in Pontificali Romano descripta est; deinde examen conficitur, super electi humeros atque cervicem imponuntur codices Evangeliorum, recitantur preces, funditur benedictio, caput et manus sacro chrismate unguuntur, tum benedicuntur (nisi hæc omnia primitum benedicta fuerint) baculus pastoralis, annulus, mitra, chirotheca. Accipit etiam episcopus, antequàm consecratur, crucem, quam antepectus gestat.

Olim episcopum metropolita consecrabat, metropolitam senior episcopus provinciæ, cæteris tamen utriusque consecrationis causâ ad synodum vocatis, atque in principe vacantis ecclesiæ templo congregatis. Ibi enim coram populo atque clero consecrationem absolvere oportebat. Hodie, posteaquam summo pontifici sunt reservatæ ecclesiæ cathedrales, vel ab ipso, vel ejus mandato sunt episcoporum consecrationes. Episcopi, qui Romæ consecrationem accipiunt, aut ab aliquo cardinali, aut ab aliquo ex quatuor majoribus patriarchis, qui in urbe commorantur, mandato summi pontificis consecrandi sunt. Cæteri verò episcopi, qui extra urbem consecrantur, suo arbitrio episcopum eligunt, cui datur mandatum apostolicum, ut eorum consecrationem absolvat, vel in ipsâ, cui præesse debent, ecclesiâ, vel saltem in provinciâ.

Tres adhibentur episcopi in consecratione; ea peragenda est die dominico, aut aliquo die festo Apostolorum, post actum superiori sabbato jejunium effusasque preces, horâ tertiâ, quâ scimus Spiritum sanctum è caelo in Apostolos delapsum. Tempus consecrationi præfinitum est trium mensium, quibus elapsis, si episcopus consecrari neglexerit, perceptos fructus amittet, atque etiam ecclesiâ privabitur, si tres alios ultra menses consecrationem protraxerit. Consecratus verò acquirit ordinis potestatem, quam tamen metropolita et patriarcha solum post acceptum pallium exercere

possunt; ejus matrimonium cum Ecclesiâ consummatum efficitur; et vacant beneficia, quibus ipse antea fruebatur.

§ 2. *De presbyterorum et aliorum clericorum ordinatione.*

Plures etiam cæremonias adhibet Ecclesiâ in presbyterorum ordinatione. Præcipuæ sunt, ordinandis manus imponere, preces super eos recitare, divinum Spiritum invocare, illorum manus oleo catechumenorum inungere, vasa demum tradere pro sacrificio. Diaconis quoque, dum ordinantur, manus imponit episcopus, funduntur preces, Evangeliorum libri traduntur. In ordinatione subdiaconorum, acolytorum, cæterorumque clericorum traduntur instrumenta, quæ ordinis cujusque sunt propria, missisque precibus eorum ordinatio perficitur.

Dignus ordinatione locus est ecclesiâ cathedralis, illaque certis stâtiisque diebus fieri debet. Majores ordines die sabbati in omnibus quatuor anni temporibus, ac sabbato sancto et sabbato ante dominicam passionis inter missarum solemnias conferuntur. Qui extra statuta tempora sacros ordines suscepit, eorum muneribus fungit, et episcopus qui in illam legem peccavit, ordines conferre prohibetur. Minores autem ordines quolibet die festo de præcepto etiam extra missam, sed ante meridiem conferuntur; tonsura autem quocumque loco, horâ, die.

Gradatim præterea conferendi sunt ordines et qui ad majorem ordinem, neglectis mediis, ascendit, quem *per saltum promotum* dicimus, is, si dolo careat, tamdiu suscepti ordinis munus exercere prohibetur, quamdiu labatur tempus necessarium ad ordinem, quem omisit; et si non ministraverit, poterit cum eo episcopus, ut inquit synodus Tridentina, *ex legitimâ causâ dispensare*.

Sed et certa intervalla temporum, quæ *interstitia* vocantur, inter unum atque alterum ordinem debent intercedere, eaque non tantum in majoribus, sed etiam in minoribus ordinibus servanda sunt. Vetus in Ecclesiâ est lex interstitiorum; et licet olim aliqui interdum minores ordines impunè omitterentur, nunquam tamen rectè quis poterat, nullo interjecto spatio, pluribus ordinibus initiari. Hodie minorum ordinum interstitia episcopi arbitrio permissa sunt, quod arbitrium tam latè patere non debet, ut sine justâ causâ nulla adhibeantur. Quod attinet ad interstitia majorum or-

dinum, saltem unius anni spatium inter unum atque alterum ordinem debet intercedere, nisi aliud episcopo videatur ob Ecclesiæ utilitatem ac necessitatem.

Ne autem clericus, cum dedecore sui ordinis, aut stitem quærere, aut sordidum aliquod munus exercere cogatur, nemo sacrus est initiandus ordinibus, exceptis regularibus, nisi beneficium habeat, aut pensionem, aut matrimonium quod suppediet ad cultum et ad victum, quodque nullis subiecti oneribus, neque alienari potest, nisi clericus aliunde habeat quod suppetat ad decentem ejus tuitionem. Qui decepto episcopo falsum obtulit, aut simulatum matrimonium, suspenditur à susceptis ordinibus, donec illud integrum atque legitimum obtineat; et episcopus, qui sciens prudens clericum sine beneficio, aut matrimonio ordinavit, cogitur ei præstare necessaria ad vitam honestè transigendam, donec aptum atque conveniens beneficium consequatur.

Utque ordo clericalis turpitudinè omnicareat, et idoneâ scientiâ sit præditus, necesse est inquirere in vitam, mores, scientiam singulorum, antequam ordines suscipiant, quod examen qui subterfugerit, prohibebitur obire munus ordinum susceptorum, si ordinandis se clam inseruerit, aut episcopum deceiverit. Quin etiam si quis sacrus se miscuerit officii, cum non esset ordinibus initiatus, spem ordinum amittet in posterum, atque ab ecclesiâ abjicietur.

Ordinum ubique conferendorum potestas unius est Romani pontificis, episcopi in diœcesi suâ. Alienæ diœceseos hominem ordinare quis nequit, nisi ab ejus episcopo veniam acceperit litteris quas appellant *dimissoriales*. Dabantur olim hæc litteræ, ut clericus dimitteretur ab ecclesiâ cui erat addictus, atque ut alteri ecclesiæ adscribi posset; nunc dantur ut ordinetur ab episcopo non suo, sed is tamen, ut antea, pertinet ad suum episcopum, cum hodiè tantum suscipiendorum ordinum gratiâ clerici dimittantur.

Episcopus qui sine litteris dimissoriis alienum subditum ordinavit, anni spatio ordinum collatione Interdicitur; ipse autem clericus susceptos ordines exercere non potest, nisi primum à suo episcopo veniam obtineat. Diu in utrâque ecclesiâ proprius episcopus is tantum fuit, qui aliquem primum clero adscripserat. Nulla enim habebatur ratio originis aut domicilii; et cum clericus relinquere non

posset ecclesiam cui adscriptus in ordinatione fuerat, ab ejus episcopo reliquos etiam ordines suscipiebat.

Sed deinceps non amplius prioris ordinationis, verum *originis* et *beneficii* ratio haberi cepit. Accessit recentiori ætate titulus *domicilii*, ac denique titulus etiam *familiaritatis*. Itaque certo episcopo nunc omnes subjecti sunt aut propter *beneficiam*, quod aliquis habet in ejus diocesi, aptum et conveniens ad decentem ipsius tuitionem; aut propter *originem*, cum nimirum ipse in ejus diocesi natus est, non fortuito, sed domo pridem à parentibus constituta; aut propter *domicilium* quod quis in ejus diocesi perpetuum fixumque posuit; aut propter *familiaritatem*, cum per triennium episcopo familiaris fuit, et cum eo commoratus est.

A quolibet episcopo, cui quis subest propter *beneficiam*, aut *originem*, aut *domicilium*, aut *familiaritatem*, ordines suscipere potest, quin etiam, modo fraus absit, ordo unus ab uno episcopo et alius ab alio rectè suscipitur. Verum cum episcopus ordines confert jure *beneficii* aut *familiaritatis*, necessariæ sunt litteræ testimoniales episcopi *originis* et *domicilii*, per quas comperta sit vita, ætas, natales, mores clerici qui ordines suscepturus est. Regulares autem, exhibitis litteris dimissoriis sui superioris, ordinandi sunt ab episcopo, cujus in diocesi situm est cœnobium in quo commorantur, non item ab alio episcopo, nisi certis monumentis ostendant, illum vel abesse, vel ordinationes non habere.

Certa etiam pro singulis ordinibus ætas requiritur, quæ in re varia fuit antiquæ Ecclesiæ disciplina (1). Nunc tonsura et minores ordi-

(1) De ætate ordinandorum non eadem semper fuit Ecclesiæ disciplina, quod latè ostendit Thomassinus vet. ac nov. eccles. Discipl. part. 1, lib. 2, cap. 67 et seq. Diu viguit consuetudo, ut parentes Ecclesiæ offerrent infantes filios, qui in clerum cooptabantur, ac suo deinceps tempore per gradus ad superiores ordines evehebantur, cum antea singulorum minorum ordinum officia exercuissent. Quo fiebat, sicut observat cardinalis Bona, Rer. liturgic. lib. 1, cap. 25, § 48, t. 2, pag. 374, edit. Ysurin. 1749, « ut rerum ecclesiasticarum peritis, si similes essent, in quibus fuerant ab ipsâ penè infanti nutriti. » Quam parentum oblationem tantum valuisse multi putant, ut filii etiam cum puberes evaserant, deserere non possent illud vitæ institutum, cui parentes eos vel infantes, vel impuberes addixerant. Certè in concilio Chalcedonensi ex interpretatione Dionysii Exigui act. 15, can. 7, t. 4 conc. Labbei col. 4697, ed. Venet., habentur hæc: « Eos qui sæmel in clero taxati fuerint, sive in mona-

nes ante exactum septimum ætatis annum non conferantur (1); subdiaconus autem nemo

sterilis deputati, decrevimus neque ad militiam, neque ad honores seculi venire. » Pueros autem à parentibus oblatos in ipsâ infantiâ tonsos fuisse, ac lectoratûs ordine insignitos, adeo ut reverè in clero deputati dicerentur, non obscure tradit concil. Toletanum II, can. 1, t. 5, col. 878, coll. ejusd., cum inquit, hos pueros, mox fuisse detonsos et ministerio lectorum contraditos. Quod etiam ostendit Cyrillus Scythopolitanus in Vit. S. Euthymii abbatis; Analector. Græcor. tom. 4, p. 8 et 9, Paris. 1688, ex quo intelligimus, ipsum Euthymium triennem Otreio Melitiniensi episcopo oblatum fuisse, qui susceptum puerum baptizavit, et totondit, commissæque sibi ecclesiæ lectorem fecit, atque in episcopo accepit et enutrivit. Quibus ex locis, meo judicio, perspicuum est, pueros à parentibus oblatos statim tonderi, ac lectoratûs ordine donari consuevisse, quamquam non ignorem, plures esse viros doctos, quorum in animis alia insidet opinio. Utut eà de re sit, profectò si hæc parentum oblatio effliciebat, ut hi pueri reverè clerici fierent, non item effliciebat ut perpetuum castitatem servare cogerentur. Nam ipsi integrum erat, postquam adoleverant, aut uxorem accipere, aut suscepto subdiaconatu sese perpetuæ continentiæ lege obstringere. Rem omnem explicat disertissimè laudatus canon 1 concilii Toletani II, cujus hæc verba sunt: « De his, quos voluntas parentum à primis infantiæ annis clericatûs officio mancipavit, statuimus observandum, ut mox cum detonsi, vel ministerio electorum contraditi fuerint, in domo ecclesiæ, sub episcopali presentia, à proposito sibi debeant erudiri. At ubi octavum decimum ætatis suæ compleverint annum, coram totius cleri plebisque conspectu, voluntas eorum de expetendo conjugio ab episcopo perscrutetur. Quibus si gratia castitatis, Deo inspirante, placuit, primùm subdiaconatûs ministerium habitu probationis suæ à vicissimo anno suscipiant. » Quod cautum erat de omnibus, qui se clero adscripserant, ut cum ad pubertatis annos venissent, vel uxorem ducerent, vel continentiam profiterentur, uti loquitur concil. Carthaginense III, can. 19, tom. 2 col. 1402 collect. indic. Poterant hi quidem minores clericatûs uxorem accipere, sed non poterant à clericatûs professione recedere, quod latè ostendit Thomassinus vet. et nov. eccles. Disciplin. part. 2, lib. 1, cap. 2, tom. 2, pag. 24 edit. cit. Dicam paulò post de pueris, quos parentes monasterio offerebant. Hujus autem disciplinæ de filiorum oblatione moderationem pascis abhinc sæculis inductam esse monet Benedictus XIV, in litteris datis ad P. Hieronymum Guglielmi 15 decemb. 1751, quæ extant in ejus bullario tom. 3, Const. 54, § 3, pag. 240, edit. ann. 1754. Consule Morinum de sacr. Ordin. part. 5; exerc. 45, de tonsuræ clericali, cap. 5; Bosquetum in notis ad epist. 136 Innocentii III, lib. 2, reg. 44, pag. 451, Martesium de antiq. eccl. Ritib. lib. 1, part. 2, cap. 8, art. 5, num. 2, tom. 2, pag. 6, edit. cit. Thomassinus vet. et nov. eccles. Discipl. part. 2, lib. 1, cap. 25 et 24, pag. 41, ibid.

(1) Nullam pro tonsurâ et minoribus ordi-

esse potest, nisi vigesimum secundum, diaconus, nisi vigesimum tertium, presbyter, nisi vigesimum quintum ætatis annum attigerit (1). Qui ante hanc ætatem, non impetratâ veniâ sedis Apostolicæ, vel ab alieno episcopo, sine litteris dimissoris episcopi sui, ordinibus initiatus est, susceptorum ordinum munera exercere prohibetur, et si exercuerit, irregularis efficitur (2).

nibus ætatem expressè constituit synodus Tridentina, sed ea res episcopi arbitrio relinquitur, qui pueros ordinare poterit eâ ætate, quâ ipsos ad hoc munus aptos et idoneos judicabit. Generatim tamen post septennium minores ordines conferuntur. Vide Catalanum in Pontific. Roman. tit. 2, § 1, num. 9, part. 1 p. 28, et Fagnanum in cap. *Super inordinata* de Præbend. num. 27, ad ult.

(1) Concil. Trident. sess. 23, cap. 12 de Reform. De subdiaconorum ætate non eadem semper et ubique fuit antiquæ Ecclesiæ disciplina. Concil. Toletanum II, loc. cit., et Trullanum can. 15, col. 1554, tom. 7 cit. collect. Labbei, ætatem constituunt annorum viginti; concilium Melfitanum can. 4, col. 781, tom. 12 collect. ejusd., anno decimo quarto aut decimo quinto subdiaconos ordinari permittit. Hugo à S. Victore de Sacram. lib. 2, cap. 21, pag. 614, tom. 3 opp., edit. Rothomag. 1643, suâ adhuc ætate ante quartum decimum ætatis annum subdiaconatum dari non consuevisse testatur; et Clemens V. in Clement. *Generalem de ætat. et qual. ordin.*, annum decimum octavum definit. Diaconos verò ante annos 25, presbyteros ante annos 30 ordinari vetat c. 5 et 6, dist. 77.

(2) Ita sancitum est à Pio II, Constit. *Cùm ex sacrorum* 9, tom. 3, part. 3, pag. 109 Bullarii, edit. ult. Graviores, quàm hæc constitutione comprehenderentur, pœnas indixit Sixtus V in cit. constit. *Sanctum* 140, p. 40, tom. 5, part. 1, sed eas sustulit, et antiquiorem Pio II constitutionem, cujus nunc facta mentio est, servari voluit Clemens VIII cit. Constit. *Romanum* 121, pag. 97, tom. 5, part. 2 Bullarii edit. cit. Piana constitutio tantum memorat ordines sacros, ex quo conficit Rigantius ad regul. 24 cancell. § 4, num. 22, eâ pœnâ tantum illos esse plectendos, qui majores, non item qui minores ordines ante legitimam ætatem, vel extra tempore à jure constituta, vel sine litteris dimissoris proprii episcopi susceperunt; quanquàm num. 24, fateatur, hos etiam clericos, cùm absit bona fides, à susceptorum ordinum exercitio esse suspendendos. Verum id quidem est, quod dicitur de Piana constitutione; sed Innocentius XII in cit. Constit. *Speculatorios*, à eo ipso suspensos à susceptorum ordinum executione declarat clericos, qui sine litteris testimonialibus proprii episcopi, tonsuram atque ordines susceperunt.

## TITULUS V

## QUIBUS MODIS POTESTAS JURISDICTIONIS ET OMNIA ECCLESIASTICA BENEFICIA ACQUIRANTUR.

Potestatem jurisdictionis acquirunt clerici vel ecclesiastico magistratu, vel delegatione. Qui jurisdictione utuntur suâ, et insitâ beneficio, quo fruuntur, ii propriè dicuntur gerere ecclesiasticum magistratum; qui non propriam et nativam, sed ab alio acceptam jurisdictionem exercent, ii delegationem habent, uti sunt vicarii, de quibus superiori loco actum est. Ecclesiasticum magistratum clerici consequuntur per electionem, postulationem, collationem, institutionem, quæ nimirum pertinent ad beneficia juris patronatûs. Iisdem etiam modis omnia ecclesiastica beneficia acquiruntur.

## § 1. De electione.

Electio est idoneæ personæ ad ecclesiasticum magistratum, aut dignitatem vacantem canonicè facta vocatio. Ea propriè pertinet ad majores Ecclesiæ dignitates, ad summum pontificem, ad episcopos, ad prælatos sive seculares, sive regulares, qui aliis præficiuntur.

Romanum pontificem ab antiquis temporibus eligunt cardinales, de quo multæ sunt editæ constitutiones, quas servare oportet diligenter, ut res tanti momenti ritè rectèque expediatur. In hac electione præcipua sunt, quòd post soluta justa funeri defuncti pontificis, per dies novem, cardinales die decimâ conclave ingrediuntur, posteaquàm missa Spiritûs sancti solemniter celebrata est. Postero autem die inchoatur electio, neque cardinales, qui in conclavi sunt, absentes expectare coguntur, neque absentibus licet suffragium suum alteri committere.

Cùm electio fit per scrutinium (nam fieri potest etiam per compromissum et quasi inspirationem, quos singulos eligendi modos paulò post explicabimus), non tantum *scrutinium*, sed etiam *accessus* adhibetur. Nimirum cùm publicato scrutinio, nemo electus apprehenditur à duabus ex tribus eligentium partibus, quas postulat electio summi pontificis, novum *in accessu* suffragium ferre possunt cardinales, et ita conficere justum numerum suffragiorum, quo opus est, ut canonicè electio absolvatur. Omnes qui præsentés sunt cardinales, exceptis iis qui in sacris constituti non sunt, jus habent ferendi suffragii, neque re-

pellī quis potest, quōd excommunicatus sīt, suspensus, interdictus.

Episcopos in illis Ecclesiæ primordiis Apostoli ipsi constituerunt, inprimis autem Petrus caput et princeps omnium, à quo præsertim Occidentales Ecclesiæ originem repetunt. Verū ampla illa, quæ in Apostolis inerat, potestas regiminis aut jurisdictionis, cum ipsis Apostolis expiravit, non ad eorum in episcopatu successores translata est; tantū Petri potestas, cui cæteri suberant, ordinaria fuit, atque ad ejus successores deferri debuit. Itaque vitā functis Apostolis, tantū Petri successores Romani pontifices episcopos constituere potuerunt eodem jure quo Petrus ipse constituerat; atque hæc sanè fuit vetustissima Ecclesiæ disciplina.

Lapsu temporis, constitutis episcopatibus et ampliatis eorum regionibus, factæque provincialiarum divisione, ut res omnis commodiùs expediretur, episcoporum electio metropolitae ac synodis provincialibus commissa est. Verū posterior hæc disciplina nihil detrudere potuit de jure summi pontificis, ad quem initio pertinebat episcopos constituere. Itaque Romani pontifices etiam cū à metropolitae synodisque provincialibus episcoporum electio perficiebatur, eā in re sui jura primatūs exercuerunt, constitutis legibus quas temporum ac locorum ratio postulabat. Atque his quidem legibus factæ semper sunt episcoporum electiones, et verò factæ ab illis quibus hoc negotium summi pontifices commiserunt. Itaque si ea quæ in episcopis eligendis, à sede Apostolicā immutata sancitaque sunt, perperam et injuriā gesta dicamus, legitimam cum Protestantibus episcoporum successionem tollemus; at si catholici esse volumus, et legitimam hanc successionem agnoscere, profectō rectè omnia et jure facta habeamus necesse est.

Jam verò ad clerum delatis episcoporum electionibus, is porrò eligebat, seu potius aliquem designabat, præsentē ac testimonium dicente populo, ne episcopus daretur invitis, utque in omnibus essent comperti mores ejus, qui eligebatur. Præcipue tamen erant in electione partes metropolitæ et episcoporum provinciae, qui propriè eligebant episcopum, et qui suo lubitu rejiciebant postulatum, aut nominatum, ubi minùs idoneus videretur.

In Ecclesiis compluribus, potissimū si quod erat periculum, ne qua in electione dissidi essent futura, metropolita ad viduatam

ecclesiam mittebat episcopum visitatorem, cujus erat edocere populum, quid esset de eligendis episcopis à canonicis constitutum, et motus componere animorum, qui contrariis studiis raperentur. Ita clerici, monachi, laici cum episcopo visitatore certum hominem laudabant, atque inde decretum conficiebatur. Re perlata ad metropolitam, is, accitis provinciae episcopis, aut eum, de quo canonicum decretum factum fuerat, episcopum consecrabat, aut si quid ei officere et obstare animadverteret, alium episcopum eligebat. Saeculo tamen XII jus eligendi episcopos ad solos viduatæ ecclesiæ canonicos migravit, quod jus est decretalium Gregorii IX.

Tandem post Clementem V, Benedictum XII, cæterosque pontifices, episcoporum electiones sedi Apostolicæ reservatæ sunt. Avertenda nimirum erant mala complurima, quæ in ipsis electionibus, ex ambitione hominum, ex dissensione studiisque partium oriebantur. Quibus rebus cū remedium adhibere oporteret Romanos pontifices, factum est ut ipsi servarent sibi episcoporum electiones, ut Ecclesiæ consulere, ut dissidia tollere, ut favorem et gratiam arcerent, ut ratio haberetur una meritorum.

Neque verò summi pontifices aliquid de alieno jure usurparunt, uti jactant homines in sedem Apostolicam malè animati, sed potius repetière jus suum, quod Ecclesiæ sollicitudo, ac ratio temporum repetere cogebat. Nam initio jus constituendi episcopos, uti demonstratum supra est, proprium erat pontificum Romanorum, qui deinceps eligendi potestatem concesserunt synodis provincialibus, clero, metropolitae, capitulis canonicorum. Cū hi omnes concessā sibi potestate abuterentur, cū leges in electionibus observandas despicerent, cū in illis ambitio, simonia, studia partium, cætera hujuscemodi dominarentur, consequens erat ut creatio episcoporum ad eum rediret, in quo jus hoc semper hæserat, et à quo potestas omnis in inferiores derivata fuerat. Ita *jure devolutionis*, justissimisque de causis integrata est vetus disciplina, per quam summus pontifex suo jure episcopos constituerebat.

Initio Clemens V sedi Apostolicæ reservavit Ecclesias, quarum episcopi in Romanā curiā decedunt. Benedictus XII, præter episcopatus in curiā vacantes, alias etiam fecit reservationes. Denique post editas regulas cancellariæ, generatim summo pontifici servata est electio,



et collatio omnium cathedralium ecclesiarum.

Ob hanc rem turbæ in Ecclesiâ factæ sunt, quas sustulerunt *concordata*, hoc est, pacta convenia inter sedem Apostolicam et potentissimos Europæ principes. Nicolaus V ita cum natione Germanicâ rem composuit, ut in Germaniâ episcopi à canonicis eligantur, servatâ summo Pontifici eorum confirmatione. Leo X, abrogatâ pragmaticâ sanctione, quam ediderat pseudo-concilium Basileense adversus pontificias reservationes, Galliarum regi permisit nominationem idonei viri, qui tamen à summo pontifice in consistorio creandus esset episcopus ecclesiæ ad quam fuerat nominatus. Denique alia etiam inita sunt pacta, sive concessa indulta et privilegia regibus Hispaniarum, Lusitanæ, Pannoniæ, aliisque principibus, qui nunc ad cathedrales ecclesias ditionum suarum vel nominationem habent, vel præsentationem, vel supplicationem, ut pragmatici loquuntur, pro viris idoneis et episcopatu dignis.

Pertinent hæc ad episcoporum electiones. Prælati autem cæteri, vel seculares, vel regulares, aut nominantur à principibus, ut eos pontifex confirmet, vel eliguntur à collegio illorum quibus præficiuntur.

Electio canonica esse debet, ut vim habeat; atque ut canonica sit, duo præsertim spectare decet, primum, qui eligere, alterum qui eligi possint. Omnibus, qui sunt è gremio capituli, jus est eligendi, et cunctos, qui eo jure frui possunt, vocare decet, ne si aliquis prætermisus est, querelam proponat suam ut electio irrita declaretur. Absentes vocantur per literas, nisi in remotis locis commorentur; nemo invitus interesse cogitur electioni, et qui interesse nêquit propter justum impedimentum, recte suffragium suum committit uni ex canonicis, vel etiam extraneo, si capitulum consenserit.

Carent eligendi jure furiosi et amentes, in sacris non constituti, suspensi, qui personali interdico, aut majori excommunicatione tenentur, canonicè supra numerum, carentes ætate quam statuta postulant; denique prohibetur quis semetipsum eligere. Quidam etiam ad tempus amittunt eligendi potestatem, et hi sunt qui inter eligentes laicorum suffragia admiserunt, quæ electio nullius momenti est; præterea negligentes eligere intra tempus à jure definitum, et canonicam in eligendo formam contemnentem, et indignum scienter eligentes. Quæ potestas, pro eâ vice, quâ ii

deliquerunt, devolvitur ad reliquos canonicos non delinquentes, et si omnes deliquerint, statim delabitur ad summum pontificem, et tantum neglexerint, ad proximum superiorem.

Ut verò quis creetur episcopus, exiguntur justè ac legitimi natales, et sana religio, et morum virtus, et idonea scientia, et laurea sacre theologiæ, jurisve canonici, aut publicum alicujus academix testimonium, quo ad alios docendos idoneus ostendatur. Excluduntur ab episcopatu minores annis triginta, irregulares omnes, criminosi, excommunicati, suspensi, interdicti, qui contra canonum decreta pluribus fruitur beneficiis, quæ incompatibilia dicuntur, qui alium habet episcopatum, nisi eo se abdicare paratus sit, qui saltem sex ante menses, quàm eligatur, sacros ordines non susceperit; denique qui scienter elegit indignum, eligi per triennium nequit.

Episcopi electio facienda est intra tres menses, ut plurimum in templo cathedrali, et cum vacua est ecclesia, adeò ut irritum sit quidquid vivo episcopo gestum fuerit. Lapsò hoc tempore jus eligendi devolvitur ad proximum superiorem.

Tribus autem modis, alio præterea nullo, electio perficitur, *per scrutinium, compromissum, et quasi inspirationem*, cap. *Quia propter 42*, de Elect. Fit *scrutinium* electus tribus scrutatoribus, quorum est colligere suffragia singulorum, quæ certa et vacua conditione atque ambiguitate esse debent, eaque colligenda sunt *secretò*, ut plurimum in scriptis *singillatim*, non à pluribus conjunctim, *justo ordine*, ut scrutatores invicem à se ipsis suffragia excipiant, deinde à cæteris secundum ordinem et prærogativam gradus, quem unusquisque obtinet, *diligenter*, ut vel ipsi vel iis præsentibus, tabellio in scriptum redigat suffragia singulorum, eaque mox publicent, hoc est, patefaciant, ut electus censeatur, in quem major et sanior pars capituli consensit.

Major pars æstimatur, respectu habito ad omnes illos qui electioni intersunt, et ideò si eorum collegium constet, ex. gr., canonicis quindecim, nemo ritè electus habetur, nisi octo suffragia obtinuerit. Si desit justus hic numerus suffragiorum, nihil agitur, sed electio consequenti die iteranda est, ac tamdiu repetenda, donec quis à majori parte eligatur. Absolutâ et patefactâ electione, conficitur de-

cretum, quod subscribunt eligentes, quibus tunc omnis variandi potestas admittitur.

Alter modus eligendi est *per compromissum*, quando à capitulo, nemine dissentiente, uni, vel pluribus, etiam extra gremium capituli existentibus clericis, electio committitur. Potestas compromissariis data, re non integrâ, revocari nequit, et cum ii, servatis compromissi legibus, idoneum elegerunt, in eum consentire omnes debent, eumque habere episcopi loco.

Denique *per quasi inspirationem* electio absolvitur, cum electores omnes quasi divino Spiritu afflati in eum repente feruntur, de quo antea vix cogitaverant.

Electio ritè absoluta electo mox offerenda est, ejusque consensus petendus, quem intra mensem, ne cadat jure suo, debet emittere, et præterea intra menses tres à superiore petenda est confirmatio. Sed episcopi et cæteri qui à summo pontifice confirmandi sunt, intra mensem iter arripere debent ad sedem Apostolicam et ab eâ potere confirmationem vel per se ipsos, vel per idoneum procuratorem, sumpto tempore ad itineris longinquitatem necessario.

Ideò verò desideratur confirmatio, ut in electionis rationem, in mores, atque in merita electi sedulo inquiratur. Nam per eam episcopus consequitur jurisdictionis potestatem, quam si exerceat ante confirmationem, jus amittit ex electione quæsitum.

Olim confirmatio à metropolitâ fiebat, et cum eam, ut plurimum, statim exciperet consecratio, vix ab alterâ distinguebatur, adeò ut episcopus utramque simul potestatem et jurisdictionis, et ordinis, acquirere videretur. Verùm confirmatio et consecratio duo semper distincta fuerunt, ac semper firmum immotumque fuit, per illam jurisdictionis, per hanc verò ordinis conferri potestatem. Nunc primum episcopi ab aliis electi, aut nominati, à summo pontifice confirmantur, postea eorum consecratio perficitur, uti demonstratum supra est. Cum extra curiam Romanam electi mores, et cætera scitu necessaria expenduntur, processus conficitur vel à nuntio apostolico, vel ab ordinario, vel si hic desit, à vicinioribus ordinariis, et inde ad Urbem transmittitur, ubi, cunctis diligentissimè perpensis, in consistorio refertur ad summum pontificem, quæ *præconisatio* dicitur; deinde in altero consistorio judicium fertur, quæ dicitur *propositio*, quam statim sequitur decretum, quod, con-

sultis cardinalibus, à summo pontifice emititur. Episcopi Italiæ atque insularum adjacentium coram summo pontifice à cardinalibus, prælati, atque aliis sacræ theologiæ et juris canonici peritis viris diligenti atque improvise examine probantur, eorumque processus in urbe conficitur, antequàm episcopatum obtineant.

### § 2. De postulatione.

Cum aliquis eligendus est, qui canonico impedimento laborat, ita ut ejus electio rata firma haberi non possit, rogare oportet eum cui jus est dandæ veniæ, ut vitium illud et impedimentum removeat. Quod fit per postulationem, quæ est petitio, à collegio electorum apud majorem potestatem facta, ejus, qui ob aliquod canonicum impedimentum eligi non potest; ea verò respicere debet duntaxat illos quorum tolli impedimentum solet et potest, cæteri inutiliter postulatur.

Differt ab electione postulatio, quòd hæc gratiæ innititur, illa juri; hæc superiori offertur, qui idoneus non est, ut ab eo vitium et impedimentum avertat, illa qui est idoneus, ut electus confirmetur; in electione, quæ ritè facta est, electores consilium mutare non possunt, possunt in postulatione, antequàm ea superiori offeratur; electus consentire in suam electionem potest, postulatus non potest, nisi sub conditione, si eadem rata habeatur; denique electio à majori suffragiorum parte perficitur, postulatio, ut probeatur, duas saltem eorum partes desiderat.

In cæteris eadem est electionis et postulationis ratio; et qui eligendi, si etiam postulandi jus habent. Præstat tamen electio postulationi, et ideò si pars capituli aliquem elegerit, pars verò postulaverit, tunc tantùm postulationi electioni præfertur, cum postulantium numerus duplò major est numero eligentium. Postulatio autem, ut electio, examinanda est, et postulantes adire debent superiorem, qui jus habet confirmandæ electionis. Sed hodiè generatim omnes, quibus vel ætas, vel alius episcopatus, vel quidvis aliud impedimento est, quominus eligi possint, à sede Apostolicâ veniam, sive, ut pragmatici vocant, *indultum eligibilitatis* impetrare solent.

### § 3. De collatione.

Collatio est modus alius, quo ecclesiasticos magistratus et beneficia adipiscuntur. Definuntur beneficii vacantia ab habente potestatem

liberè facta concessio. Summo jure collatio dupliciter differt ab electione. Primum, quòd electio locum habet in beneficiis, quæ vacua viduam faciunt ecclesiam, uti episcopatus, abbatia, collatio in cæteris; deinde quòd electio fit à pluribus, uti sunt collegia canonicorum, collatio ab uno solum rectissime absoluitur. Sed moribus hominum et consuetudine factum est, ut quibusdam in locis dignitates etiam capitulorum electione tribuantur, atque interdum electio dicatur ea beneficii concessio, quæ ab uno conficitur.

Collator est omnium beneficiorum suæ dioceseos episcopus; sed lex aliqua sæpè impedimento est, quominus ipse certa beneficia conferre possit. Atque huc spectant apostolicæ reservationes, per quas certorum beneficiorum collatio pertinet ad summum pontificem; huc leges, consuetudines, fundationes, per quas certa beneficia vel ab episcopo eum capituli consensu, vel conjunctim cum eo, vel alternatim, vel à solo capitulo conferuntur. Quas fundationes, consuetudines, leges, quæ in unaquaque Ecclesiâ vigent, tenere, ac servare diligenter decet.

Sed summus etiam pontifex, cujus potestas fertur in omnes dioceses, omnium beneficia conferre potest; et ideò sibi meritò quorundam collationes reservavit. Eo jure certè usus est S. Gregorius Magnus, quem suspicari non licet jus alienum invadere, et rem non suam arripere voluisse. Sæculo præsertim XII jus hoc explicabatur per triplex genus litterarum, quæ conferendi ratio cum minus commoda videretur, satius visum est litteris consignare certas beneficiorum reservationes, ut omnes intelligerent, quorum collatio ad summum pontificem, quorum ad episcopos atque ad cæteros pertineret.

Tuncigitur stabilitæ sunt reservationes, quæ sanè sunt dissimiles ab affectionibus, et hinc alia sunt beneficia, quæ reservata, alia quæ affecta dicuntur. Affecta sunt ea quibus confendis se miscuit, seu manus apposuit summus pontifex; reservata autem sunt, quorum collatio pontifici expressè servata est. Reverentia pontifici debita facit ut nemo conferre possit beneficium affectum aut reservatum, sed affecta beneficia pro eâ tantum vice, reservata perpetuò à pontifice conferuntur.

Reservationes aliæ *juris corpore clausæ*, et aliæ *extra corpus juris* esse dicuntur. *Juris corpore* continetur reservatio, quam sancivit Clemens IV, beneficiorum, quæ per obitum in

curiâ vacua fiunt. Quæ reservatio à Bonifacio VIII traducta deinceps est etiam ad beneficia, quæ obtinent legati, aut nuntii sedis Apostolicæ, ac cæteri omnes ad Romanam curiam venientes, vel ab eâ recedentes, si in locis curiæ finitimis, hoc est, duorum dierum in itinere distantibus ex hæc vitâ migraverint; itemque ad beneficia curialium, qui se in locum contulerint curiæ finitimum, ibique decesserint, aut curiam comitantes, dum ea transfertur, in itinere mortui sunt.

*Extra corpus* juris sunt reservationes, quæ extravaganlibus, quæ item bullis summorum pontificum, quæ denique cancellariæ regulis comprehenduntur. Principio Joannes XXII confirmavit, latiusque explicavit reservationem quam fecerat Clemens V; tum sedi Apostolicæ reservavit collationem beneficiorum vacantium per prohibitam eorum multitudinem, sive pluralitatem. Postea Benedictus XII, superiora confirmans, reservata esse voluit beneficia, quæ vacua fiunt, ubi quis episcopatum est assecutus, ubi aliò translatus, ubi motus dignitate, ubi addictus curiæ decessit. postremò beneficia, quæ coram pontifice resignantur. Atque hæ reservationes sunt, quæ extravaganlibus continentur.

Bullæ pontificum Romanorum multas habent reservationes. Nam ad eas spectant beneficia vacantia propter crimen hæreseos, beneficia recepta contractâ fiducia, sive, ut vulgò aiunt, in *confidentiam*; beneficia vacantia, vacuâ sede episcopali; ecclesiæ parochiales, quæ concursu delatæ non fuerint; beneficia eorum, qui offendunt litigantes, judices, causidicos curiæ Romanæ; itemque beneficia eorum qui simulato nomine subeunt examen, ut pro aliis beneficium obtineant, aut pensiones offerunt beneficii obtinendi causâ; denique beneficia vacantia ex resignatione. In quâ observatum non fuit præceptum, quod de eâ publicandâ à Gregorio XIII dictum est.

Magnus quoque est reservatum numerus in regulis cancellariæ. In 1 renovantur reservationes duarum, quas memoravimus, extravaganlibus *Ad regimen et Excecrabilis*; præterea reservantur beneficia, in quibus conferendis non ea servata est ratio, quam synodus Tridentina constituit. In 2 reservantur omnes ecclesiæ cathedrales, et monasteria consistorialia majoris redditus quam 200 florenorum auri, et omnia beneficia, quæ vacua fiunt sede episcopali vacante. In 3 ampliantur reservationes extravaganlibus *Ad regimen*, et reservantur

beneficia, quæ aliquis resignavit, aut dimisit intra tempus vacationis et concessionis aliorum incompatibilium beneficiorum. In 4 reservantur majores dignitates post pontificales in ecclesiis cathedralibus, et principes dignitates in ecclesiis collegiatis excedentes redditus decem florenorum auri, non quidem omnes, sed quæ prima sit, sive decanatus, sive præpositura, sive alio quovis nomine appelletur; præterea dignitates conventuales regulares, quæ in commendam dantur et perpetuæ sunt; præceptoris, quorumvis ordinum non militarium; denique beneficia cardinalium et eorum qui vel summo pontifici, vel ipsius cardinalibus familiares famuli fuerint. In 5 omnia beneficia collectorum et subcollectorum fructuum cameræ Apostolicæ. In 6 omnia beneficia curialium in itinere decedentium, dum curia transfertur. In 7 beneficia omnia cubiculariorum, atque cursorum summi pontificis. In 8 canonicatus, præbendæ, dignitates, personatus, officia, quæ sunt in tribus urbis ecclesiis, sancti Joannis Lateranensis, sancti Petri in Vaticano, et sanctæ Mariæ Majoris, itemque beneficia, quæ, absentibus cardinalibus, in eorum titulis vacaverint. Denique in 9 regulâ reservantur cuncta beneficia, quæ vacaverint in octo mensibus januarii, februarii, aprilis, maii, julii, augusti, octobris, novembris. Hodie iis episcopis, qui in suis ecclesiis commorantur, beneficii et remunerationis loco libera (quam tamen postulare debent) sex mensium collatio permittitur, eo quidem tempore, quo resident, ita ut alternis mensibus cum pontifice dividant collationem, nisi ea beneficia vacant, quæ ex aliis capitibus ad pontificem pertineant. Relinquantur autem his episcopis februarius, aprilis, junius, augustus, october et decembris; menses reliqui summo pontifici reservantur.

Inter reservationes harum regularum, cæterasque reservationes, quæ aut juris corpore, aut extravagantibus, aut bullis continentur, magnum discrimen est. Nam hæ perpetuam vim habent, illæ autem vim omnem amittunt, decedente pontifice, sed paulò post creationem ab iniquoque suscitantur. Quod non ita intelligendum est, ut vacuâ sede Apostolicâ liceat episcopo conferre beneficia omnia quæ in regulis cancellariæ reservantur.

Nam videndum est, cujus generis sit reservatio. Cum adhæret rei, hoc est, beneficio, cujus generis sunt regulæ 1, 2, 3, 4 et 8, cum non pertinet ad certam personam, cujus offi-

cium reservationem inducit, quò spectant regulæ 5, 6 et 7, etiam mortuo pontifice manet reservatio. Itaque nullum ex his beneficiis conferre potest episcopus, exceptis illis quæ curam habent animarum, quæque vacuâ sede Apostolicâ ab episcopo rectè conferuntur, ne quid interim, dilatâ collatione, populus accipiat detrimenti.

Quare propter obitum pontificis tantum reservata esse desinunt beneficia, quæ ad tempus conferendi pertinent, quæque regulâ 9 continentur. Verum hæc etiam beneficia ut rectè ab episcopo conferantur, expedienda est collatio, cum vacua est sedes Apostolica; nam electo pontifice, confirmatisque regulis, amittit episcopus conferendi facultatem, eaque redit ad summum pontificem.

In conferendis beneficiis exigit sedes Apostolica unius anni redditus, si beneficia sunt majora, sive consistorialia, ut archiepiscopatus, episcopatus et similia; dimidium autem fructuum unius anni, si beneficia minora sint, et ejus redditus singulis annis summam superent 24 ducatorum aureorum, quos vocant *de camera*, quæ annatæ et mediæ annatæ nuncupantur. Earum usus in ecclesiis quibusdam antiquissimus est; sed quo primum tempore iisdem Romana Ecclesia uti cœperit, non satis exploratum est.

Hoc unum constat, pervetustum esse annatarum usum in ecclesiâ Romanâ, atque earum exigendarum causas esse justissimas, ac prope necessarias. Nam à Romanis Pontificibus multa et gravia ferenda sunt onera, ut opem ferant principibus adversùs hæreticos atque infideles, cujus rei monumenta certa in historicis extant, ut in longinquis regiones mittant viros ecclesiasticos amplificandâ causâ religionis, ut pauperibus atque ad Christi fidem venientibus opulentur, ut denique rebus consulant Ecclesiæ universæ. Hinc cum sæpè de annatis actum, quesitumque fuisset, nihil adversus eas constitutum est, firmæ immotæque sunt relicta; omniaque explosa et rejecta, quæ contra ipsas proponebantur.

Etiam cardinales et legati à latere fruuntur jure conferendi beneficia, quæ vacaverint in eorum titulis, atque episcopatibus suburbicariis, aut in provinciâ, in quâ legationis munus exercent. Atque hi beneficia conferunt, quovis mense, cum non obstringantur alternâ illâ mensium divisione, quæ profuit ex regulâ 9 cancellariæ; et legatus quidem à latere in provinciâ suâ primus occupare potest colla-

tionem beneficiorum, quæ ad episcopum pertinent, ita ut si aq̄ utroque idem beneficium collatum sit, potior habeatur collatio, quæ æt̄iq̄ior est.

Omnes cardinales habent à summo pontifice facultatem, sive, uti vocant, indultum conferendi beneficia, quibusdam exceptis, quæ vacua fiunt in suis titulis, ecclesiis cathedralibus, diocesis, abbatibus et monasteriis sibi commendatis, laxato vinculo regularum cancellariæ. Verùm ut in suis titulis atque episcopatibus suburbicariis conferre ipsi beneficia possint, in curiâ Romanâ commemorari debent, quoniam absentes eo jure carent, nisi illud peculiari beneficio summi pontificis impetaverint. In tribus autem basilicis sancti Joannis Lateranensis, sancti Petri in Vaticano, et sanctæ Mariæ Majoris, quæ inter cardinalium titulos minimè recensentur, cardinales archipresbyteri minora conferunt beneficia, etiamsi absentes à curiâ reperiantur.

Collatio, sive ab episcopo fiat, sive à summo pontifice, sive ab ejus legato aut cardinali, non vivâ voce, sed scripto fieri debet. Pontifex dat diplomata, quæ bullæ dicuntur, quæque à pluribus datariæ et cancellariæ ministris obsignantur. Earum aliæ dicuntur *in formâ gratiosâ*, aliæ *in formâ dignum*, aliæ demùm *in formâ commissoriâ*. Litteræ *in formâ gratiosâ* dantur ad clericum, qui sui episcopi exhibitio testimonio beneficium obtinuit, cæque veram secum ferunt beneficii collationem. Litteræ *in formâ dignum*, quæ ita appellantur, quòd ab eo verbo exordiuntur, locum habent, cum illud episcopi testimonium, ex quo pateat idoneum esse clericum, in medium allatum non fuit; propterea mittuntur ad episcopum, cujus esse debet certo clerico beneficium attribuere, postquam ipse, facto periculo, dignus et idoneus repertus est. Denique *in formâ commissoriâ* conceduntur litteræ, cum clericus illud quidem dedit episcopi testimonium, sed multa adhuc ab se narrata summo pontifici, ut beneficium consequatur, demonstrare debet coram designatis *executoribus*, vocatis omnibus quorum interest. Atque hæ litteræ non veram collationem continent, sed tantùm *mandatum*, ut aiunt, *de conferendo*.

Episcopus etiã publico instrumento, eoque ab ejus cancellario obsignato, complectitur beneficii collationem. Ubique mentio fit de naturâ atque redditibus beneficii, de tempore ac modo quo illud vacaverit, de meritis r̄jus qui idem postulat.

#### § 4. De institutione et jure patronatûs.

Postremus modus, quo ecclesiasticos magistratus et beneficia consequimur, est institutio, quæ definitur beneficii concessio facta ad præsentationem ejus qui habet jus patronatûs. Quare duo hic necessaria sunt, ut quis beneficium obtineat, institutio et præsentatio. Hæc ad patronum pertinet, cujus est designare et offerre clericum; illa ad episcopum, cujus est designato clerico beneficium tribuere, modò nihil obstet, cujus causâ repellendus videatur.

Est autem jus patronatûs jus præsentandi clericum instituendum ad ecclesiam, vel beneficium vacans. Quæ presentatio nobilissimam facit ac præcipuam juris patronatûs partem, quanquam ipsum et minora quædam jura comprehendat, uti sunt jura alimentorum, sepulturæ, sedis, processionis, thuris et cætera, quæ honorifica appellantur. Qui his jurebus fruitur patronus dicitur, sive quòd patrociniûm ecclesiæ præstare debet, sive quòd olim dominus fuerit earum rerum, ex quibus ecclesia ædificata est.

Propterea sacri canones templorum, altarium, beneficiorum fundatores, eorumque liberos et hæredes præcipuis quibusdam jurebus, honoribus, et privilegiis donarunt, ut erga illos se gratos præberent, cæteri autem pari ad bene de Ecclesiâ merendum voluntate excitarentur. Hinc nomina et elogia fundatorum in ecclesiis recitata, sacrisque diptychis inscripta fuisse constat; hinc eorum nomina ecclesiis imposita; hinc datum jus designandi et offerendi clericum, qui beneficium adipiscatur; hinc reliqua concessa jura, quæ honorifica appellari diximus. Omnium tamen maximum et præcipuum est, jus offerendi, seu præsentandi episcopo clericum, qui institui et creari debeat rector templi, seu beneficii, ad quod præsentatus fuit; de quo quidem jure agendum, nobis hoc loco est.

Jus patronatûs vel est ecclesiasticum, vel laicale, vel mixtum. Ecclesiasticum est quod ecclesia, vel clericus habet titulo ecclesiastico; laicale quod ex bonis laicorum constitutum est, quodque ad aliquem pertinet laicali titulo: ex. gr., agnationis, hæreditatis; mixtum, quod ex ecclesiasticis et laicalibus bonis conflatum est, atque ita ad laicos et ecclesiam pertinet, ut non alternatim, sed simul ab utrisque fiat præsentatio. Laicus ad præsentandum habet quatuor menses, sex ecclesiasticus menses, uterque à die cognitæ vacationis. Laicus, cui

brevius conceditur temporis intervallo in quo præsentationem expediat, potestatem habet variandi, offerendique alium; ecclesiasticus eâ facultate caret, quoniam in eligendo clerico, quem offerat, et laico peritior esse censetur, et longiori deliberatione accuratius ferre iudicium debet.

Lapso tempore, quod ecclesiastico aut laico patrono concessum est, neque exactâ præsentatione, transit ad episcopum potestas conferendi beneficium suo arbitratu. Mixtum autem jus patronatûs naturam utriusque sequitur, ac semper illud sibi vindicat, quod in altero fuerit optimum. Itaque est in eo tum variandi potestas, tum spatium sex mensium ad faciendam præsentationem, quorum alterum laicalis, alterum juris patronatûs ecclesiastici proprium est.

Est item jus patronatûs reale, quod inhæret rei, prædio scilicet aut castro, et cum re defertur ad ejus possessorem; et personale, quod non rei est adjunctum, sed certis adscriptum personis, hoc est, patrono, ejusque hæredibus aut descendentibus. Denique jus patronatûs est hæreditarium, quod simul cum hæreditate, sive legitimâ, sive testamentariâ, ad hæredes defertur, et agnatum, sive familiare, quod transit ad eos qui sunt ex familiâ, sive agnatione; præterea mixtum ex utroque, quod etiam vocatur *ex pacto et providentiâ*, quodque ad eos defertur, qui sunt hæredes simul et successores legitimi, adeo ut nemo illud sibi asserere possit, nisi ostendat esse se hæredem, atque à testatore descendentem.

Acquiritur jus patronatûs per constructionem, si quis videlicet ære suo ecclesiam ædificavit; per fundationem, si quis fundum ad ecclesiam construendam præbuit; per dotationem, si quis dotem dedit aptam et idoneam, per quam consultum sit sumptibus quos ecclesie conservatio et ministri postulant. Qui hæc tria unus præstitit, is unus quoque patronus efficitur; at cum alter ecclesiam excitavit, alter fundum et alter dotem dedit, omnes jus patronatûs consequuntur, modò cum episcopi consensu ædificata ecclesia fuerit.

Acquiritur etiam jus patronatûs privilegio summi pontificis et præscriptione. Quæ præscriptio si contra ecclesiam liberam sit, debet esse temporis, quod hominum memoriam excedat, et cum pluribus sociata præsentationibus, quæ exitum habuerint, potissimum si qua sit suspicio, illud à viro potente usurpari potuisse. Tunc enim, præter quasi possessionem temporis antiquissimi, cujus initium in

ænebris lateat antiquitatis, necesse est etiam probare titulum et evincere præsentationes perpetuas, saltem per annos quinquaginta, quæ omnes ad exitum productæ fuerint.

Transferitur jus patronatûs cum re cui inhæret, si reale sit, et transferitur etiam contractu aut successione. Contractus donationem respicit, ac permutationem, quoniam jus patronatûs, nisi qua lex impedimento sit, donari permutarique potest. Donatio in privatum hominem collata indiget episcopi auctoritate, collata in ecclesiam aut monasterium non indiget. Quod etiam dictum volo de permutatione, quæ similiter cum privato homine absoluta opus habet episcopi auctoritate; atque hæc præterea rem aliam spiritualem, aut spiritali annexam desiderat, ut rectè perficatur. Vendi tamen jus patronatûs nequit, nisi fortè vendatur fundus aut castrum, cui adhæret, quia tunc etiam jus patronatûs in emptorem transferitur. Verùm ex jure patronatûs, quod fundo adhæret, nulla pretii fieri debet accessio, quia tunc res spiritualis, vel spiritali annexa, quod fieri nequit, tacitè venderetur.

Successione transferitur jus patronatûs ad hæredes sive legitimos, sive testamentarios; et verò transferitur in solidum, quanquam hæreditas inæqualiter dividatur, quoniam jus patronatûs dividi non potest. Quæ successio defertur in stirpes, hoc est, jure representationis; et idèò pluribus patronis decedentibus, quorum aliter duos hæredes reliquerit, aliter unum, duo illi hæredes unum habebunt suffragium ad faciendam præsentationem, quoniam ambo unicum tantùm patronum repræsentent.

Cum autem inter plures patronos, aut unius patroni hæredes faciliè dissidia litesque exoriantur, vœritò, ut hæc removeantur, constitutum est, eos rectè posse inter se alternis vicibus dividere jus præsentandi. Quæ alterna divisio nisi facta fuerit, quoties faciendâ erit præsentatio, omnes patroni suum habebunt suffragium, sive vocem ad eam expediendam, et cum omnium voluntas consentiens non fuerit, ille erit antefereendus, cui plura numero suffragia præstò sunt, nisi quid fortè obstes, propter quod repulsam ferre debeat; cum autem paria erunt omnia, itemque cum orta inter patronos dissidia intra menses quatuor composita non fuerint, episcopus beneficium conferet suo arbitratu.

Amittitur jus patronatûs, si patronus ecclesiam reparare et conservare recuset, si eadem incendio consumpta fuerit, vel motu terræ,

vel vetustate, aut vitio suo corruperit; si patronus suo se jure abdicet, aut alteri concedat, vel ecclesiam, nullâ sui juris factâ reservatione, collegiatam fieri patiatur, vel prædium vendat, cui jus patronatûs adhæret; si in hæresim incidit; si ecclesiæ rectorem, aut clericum vel per se, vel per alios occidere, seu mutilare ausus fuerit, vel jura ecclesiæ usurpaverit, vel separatim jus patronatûs vendiderit; denique si præscribi permiserit.

#### TITULUS VI.

QUIBUS ECCLESIASTICI MAGISTRATUS ET BENEFICIA RECTE TRIBUANTUR.

Nunc videamus quibus ecclesiastici magistratus et beneficia recte tribuantur; deinceps ostendemus quæ impedimento sint, quominus ritè et rectè ordines suscipiantur. Illud initio tenendum est, vacua esse oportere ecclesiastica beneficia, ut ea rectè concedantur. Nam collatio, quin etiam promissio beneficii non vacantis, nisi fiat à summo pontifice, nulla est, et qui sciens prudens ad beneficium non vacuum institui se passus fuit, is ab ecclesiasticâ communionem pellendus est. Deinde collatio idoneo tempore, hoc est, intra sex menses est expedienda, ne hoc elapso tempore jus conferendi devolvatur ad proximum superiorem; eaque non pretio fieri debet, non sub conditione, non alternatim, non impetrari per vim et metum, non per obreptionem et subreptionem.

Post hæc singulorum merita scrutanda sunt, et qui cæteris præstat, beneficium obtinere debet. Parœciæ conferendæ sunt per concursum, qui expeditur à tribus saltem examinatoribus synodalibus et coram episcopo, vel ejus vicario generali, ac beneficium ab episcopo deferendum est ad eum qui moribus, ætate, prudentiâ, doctrinâ cunctis antecellit, adeò ut irrita habeatur collatio, si minùs dignus cæteris sit antelatus. Reliqua beneficia, quæ adjunctam non habent curam animarum, tribuenda sunt etiam magis aptis et magis idoneis clericis; sed jurâ humana firmas habent hujusmodi collationes, quas minùs idonei clerici impetrârunt.

Legem concursûs editam à synodo Tridentinâ, ut ejus cursum atque exitum facerent expeditiorem, declarare et ampliare censuerunt summî pontifices, præsertim sanctus Pius V, Clemens XI et Benedictus XIV. Quamobrem qui à minùs æquo judicio episcopi et examinatorum provocat ad metropolitam, aut ad

summum pontificem, is impedimentum inferre non potest, quominus alter parochiæ possessionem obtineat; quanquam appellationis beneficio delere possit repulsâ notam, et suam novo experimento virtutem ostendere.

Solutæ sunt hæc lege concursûs ecclesiæ juris patronatûs laicorum. Nam oblatum à patrono instituire debet episcopus, si eum, facto experimento sine concursu, cum examinatoribus in synodo designatis, idoneum inveniat. At patroni ecclesiastici inter approbatos ab iisdem examinatoribus, qui in concursu periclitati fuerunt ingenium et virtutem suam, debent digniorem eligere, atque eum episcopo offerre, ut ab ipso deinceps instituatur. Episcopus autem judicium patroni ecclesiastici in delectu et præsentatione dignioris omninò sequi debet, cum nullæ sunt aliorum querelæ; at verò inquiri in judicium patroni, si quis de eo conquaratur.

His accedunt ea quæ à jure et quæ ab hominibus constituta observari necessariò debent ut ecclesiastica beneficia rectè tribuantur. Jure cautum est, ut qui beneficium consequuntur, 1º nullo canonico impedimento teneantur. Hinc à beneficiis repelluntur baptismo aut tonsurâ carentes; illegitimi, quibus tamen potest episcopus veniam dare minorum obtinendorum ordinum, et simplicium beneficiorum; hæretici, eisque faventes, et illorum filii ad secundum in lineâ paternâ gradum, in maternâ tantum ad primum, si parentes in hæresi decesserint; conjugati, bigami, excommunicati, suspensi, interdicti, irregulares. 2º Ut habeant ætatem necessariam, quæ pro simplicibus beneficiis est annorum 14, pro dignitatibus et beneficiis, cum quibus conjuncta est cura animarum, annorum 25, pro reliquis dignitatibus, quæ nullam habent animarum curam, annorum 22, pro episcopatu annorum 30. 3º Ut initiati sint ordine, quem dignitas aut beneficium postulat. Ita sacerdotium adjunctum habent episcopatus abbatia, præpositura, parochia et dignitates quæ secum ferunt curam animarum, et quæ canonicorum collegio præficiuntur. Generatim tamen, nisi sæcùs cautum sit, vel statuto, vel lege fundationis, sancitum est, ut quilibet intra annum suscipiat ordinem, quem cum beneficio conjunctum esse oportet. 4º Denique ut eâ sint præditi doctrinâ quâ est opus ut rectè obeant munus quod in beneficio inest, utque insigniti sint laureâ sacræ theologiæ, jurisve canonici, si cam postulat beneficium quod consequuntur.

Nam et decoratos esse oportet vicarium generalem et capitularem, archidiaconum et ceteros qui primas habent in cathedralibus, aut in collegiatis ecclesiis dignitates.

Sunt hæc jure tradita, quibus parere et quæ sequi debent, qui beneficia conferunt. Sed et observandæ, retinendæque sunt leges à fundatoribus constitutæ de ætate, meritis et qualitatibus beneficiatorum, quamquam inde regula canonum, non quidem tollatur omninò, sed vel paulò lenior vel etiam severior evadat. Quare etiamsi vana sit lex, quæ ecclesiastica beneficia laicis adscribit; ea tamen retinenda est lex, per quam simplices etiam capellanæ et canonicatus beneficia fiunt sacerdotalia, aut per quam beneficia quædam, quæ jure essent sacerdotalia, vel diaconalia, minoribus clericis conceduntur. Atque hæc, quæ de fundatorum lege dicimus, dicta etiam volumus de constitutionibus singularum ecclesiarum. Nam eas pari modo spectare et servare decet in iis quæ præcipiunt de canonicorum et exterorum beneficiatorum qualitatibus. Illud postremò decet animadvertere, quòd non tantùm in conferendis beneficiis sacrisque magistratibus inspicere oportet gradum, ætatem, mores, doctrinam singulorum, sed etiam in ecclesiasticis officiis, quæ jure delegato mandantur. In quo tamen multùm valet mandantis voluntas atque potestas; præterea necesse est indeolem atque naturam jurisdictionis, quæ commissa fuit, diligenter expendere.

#### TITULUS VII.

##### QUI PROMOVERI NON POSSINT.

Non aditus datur omnibus ad ordines suscipiendos, sed iis intercluditur, qui canonico impedimento laborant, et quos irregulares vocamus. Quem recentior ætas Ecclesiæ novo vocabulo irregularem dixit, eum Nicæni Patres *alienum à regnò* appellârunt. Est autem alienus à regulâ, cui ecclesiastica regula impedimento est, quominus aut clero adscribatur, aut evehatur ad ordinem superiorem, aut in suscepto ordine ministret. Ex quibus facillè educitur irregularitatis definitio. Non unum semper, pro variâ Ecclesiæ disciplinâ, fuit irregularitatis genus; sed hodiè irregularitates omnes vel ex crimine, vel ex vitio aliquo aut defectu procedunt.

Criminis puros Ecclesiæ ministros Apostolus, omnesque Græci et Latini Patres esse voluerunt. Quare olim quisquis pro crimine publicam egerat poenitentiam, cum non care-

ret justâ reprehensione, quæ dedecet sacrum ministerium, quo clericos fungi oportet, ab ordinibus repellatur. Nunc laxatâ severitate antiquæ disciplinæ, ea duntaxat crimina irregularitatem inducunt, quæ infamiam afferunt, ob maculam quâ inde criminosus adspargitur, vel quæ nominatim expressa sunt. Hujusmodi criminosi, qui nominatim à jure designantur, sunt seriò ac scienter baptismum iterantes, et qui palam baptismi iterationi ministerium impenderunt; simoniaci; ordinati per saltum; qui in ordine non suscepto ministrant; qui ad suscipiendos ordines non approbati, nec vocati obreperant; qui ordines susceperunt, aut eorum jam susceptorum exercuerunt munera, cum majori excommunicatione, aliâve censurâ tenerentur; qui voluntarium atque injustum homicidium patrârunt. Quod pertinet etiam ad eos qui animatum mulieri partum abegerunt, sive id medicamentis, sive alio quovis modo effecerint; itemque ad eos qui consilium, mandatum, opem alicui dederunt ut hominem interficeret. Fortunatum verò homicidium, quod admissum est ab eo qui rei licitæ operam dabat, quemadmodùm et homicidium quod servato, ut inquit, *moderamine incipite tutelar*, aliquis patrare coactus est, sui ipsius defendendi causâ, aut quod commissum est ab amente, furioso, infante, irregularem facit neminem.

Defectus sive vitium, vel est corporis, vel animi. Vitio corporis irregulares sunt, qui non habent ætatem, quam pro singulis ordinibus sacri canones constituunt et quam superiori loco descripsimus. Sed potissimùm ad hunc locum pertinent irregularitates eorum qui insigni aliquâ deformitate notantur; et qui propter corporis impedimentum ordinis ministerium exercere non possunt. Ob deformitatem ordinibus prohibentur, qui ita deformes sunt, ut risum aut stomachum moerant, uti sunt illi quibus abscissæ sunt nares, aut oculus erutus, qui leprâ laborant, qui ridiculè pusilli, atque ita claudi sunt, ut sine fulcro incedere nequeant; non tamen illi quorum leve vitium est, uti si quis maculam habeat in oculo, aut unguam digiti amiserit.

Ob impedimentum corporis irregulares habentur surdi, muti, cæci utroque oculo, vel sinistro solùm, quem oculum *canonis* appellamus, vel qui eundem ita læsum habent, ut non nisi indecorè conversâ facie, missæ canonem legere possint, paralytici, comitali morbo laborantes, carentes aliquo membro, puta



manu aut pede, quin etiam digito ad frangendam hostiam necessario, pollice nimirum, atque indice, qui pedibus stare et consistere non possunt, quibus valentibus virilia sunt secta, nisi id suasu medicorum, aut in cunabulis factum sit.

Vitium aut defectus animi irregulares efficit illos qui baptismum non acceperunt; et horum quidem ordinatio irrita est, qui cum Ecclesie Januam ingressi non fuerint, apti non sunt ad suscipiendos ordines et capessenda officia, quae sunt Ecclesiae filiorum propria. Qui carent sacramento confirmationis ordinibus initiari non debent; verum si initiati fuerint, ordinatio rata firma est. Hinc quoque referuntur neophyti, hoc est, nuper baptizati, qui à majoribus ordinibus repelluntur, quoniam eos cita ordinatio in superbiam raperet; item in ægritudine baptizati, nisi postquam convaluerint, suis operibus ostendant, se non metu mortis, sed studio pietatis et religionis baptismum suscepisse.

Pertinent etiam ad animum libertas, doctrina, lenitas, sana mens, fama integra, vacuitas ab omni sorde, atque ab omni incontinentia notã. Sunt hæc bona animi, quæque his adversantur faciunt aliquem irregularem. Itaque irregulares habentur servi, nisi à domino libertatem fuerint consecuti, ordinati autem sciente domino ingenui efficiuntur; præterea, qui ad servos videntur accedere, tutores, curatores et cæteri, qui tenent onere rationum reddendarum, nisi eas antea reddiderint, atque ita omnem fraudis suspicionem excusserint; item illitterati et indocti; denique qui alienum ab ecclesiastica lenitate declaraverint animum. Nam ministros suos, exemplo Christi lenes esse voluit Ecclesia; atque hinc inter episcoporum munera non illud postremum fuit, ut pro reis crimine damnatis intercederent apud magistratus. Itaque irregulares sunt qui aliquid conferunt ad necandum, aut mutilandum hominem, quanquam is alterutrâ penã meritò plectatur, veluti iudices qui sententiam proferunt mortis aut mutilationis, modò eadem sententia ad exitum perducat, item accusator, fisci patronus, testes in causâ sanguinis, et ministri omnes qui sententiam exequentur, cunctique demùm, qui alienæ mortis aut mutilationis participes fuerint.

Quòd si clericus, qui civile habet imperium in suos, criminales causas alteri committat, eumque *justitiæ debitum* exequi jubeat, irregu-

laris non est, quanquam à Judice mortis sententia proferatur. Ne quis autem ansam habeat ad vexandos impunè clericos, statuit Bonifacius VIII, eos irregulares non esse, cum illatas sibi à laicis injurias persequuntur, modò verè atque ex animo declarent, se non ultores injuriarum agere, ut sanguis effundatur.

Sunt etiam, uti dicebamus, irregulares illi quorum mens sana non est, et hinc vocantur amentes, furiosi, energumeni et quotquot, vel naturà vel morbo, mente sunt imbecilliores; præterea qui bonã famã non sunt, et hinc referendi hæretici, schismatici, apostatae, atque illi quorum pater avusque hæretici sunt, vel hæretici decesserunt, itemque adulteri, per juri, falsi testes, lenones, et rei cæterorum criminum, quæ alicui infamiam inferunt. Crimina hæc aut nota omnibus, aut judicio probata, eorum reos ab ordinibus repellunt.

Vacuitas ab omni sorde eò spectat, ut ordines suscepturi nullum dedecus, nullasque sordes ex nativitate contraxerint. Eà de causâ àh ordinibus arcentur illegitimi (1), nisi postea nuptiæ inter eorum parentes ritè conceliantur (2), aut nisi religionem professi, monumento hoc pietatis natalium sordes eluerint, quia tunc rectè ordinibus intiantur, licet à sui ordinis præfecturis, nisi primùm eà lege soluti fuerint, abstinere se debeant (3). Sed

(1) Illius irregularitatis nullam antiqui canones rationem habuisse videntur. Nam can. 8 Nicephori confessoris apud Cateletium eccl. s. Græc. m<sup>o</sup>num. tom. 3. pag. 446. Paris. 1686, habentur hæc: « Qui ex concubinã, aut bigamis, vel trigamis natu sunt, modò vitium exhibuerint sacerdotio dignum, ordinantur. » Consentiant antiqui Patres, quorum testimonia Gratianus describit dist. 56; idque latè demonstrat Christianus Lupus in Synod. general. et provinc. tom. 4, cap. 12, dissert. 1, præem. pag. 36, edit. Venet. 1725. Irregularitatem banc, quæ ex natalium vitio procedit, memorat Innocentius III lib. 1, ep. 444, tom. 1, pag. 460, edit. Paris. 1682; et ejus etiam antea meminerat decretum Urbani II can. 1, dist. 56, et canon synodi Pictaviensis in c. 1 de Fil. presbyt. Tam canon hic, quam illud decretum peritum ad exitum fere seculi XI.

(2) Cap. 1 et 7 Quæ st. sint legit. Necessè tamen est, quòd inter parentes consistere potuerit matrimonium, cum filii concepti sunt, ut postea per illud legitimi efficiantur. Vide litteras Benedicti XIV datas ad archiepiscopum S. Dominici, quæ extant in ejus Bullario t. 1 p. 276, consult. 113, ubi eà de re solidè copiosè disputatur.

(3) Cap. 1 de Fil. presbyt. Quæ autem servare oporteat, ut illegitimi regulare institutum rectè suscipiant, explicat Gregorius XIV, constit. Circumspecta 5, pag. 252, tom. 5, part. 1, et Clemens VIII, constit. In superna

et bonâ cum veniâ episcopi aut summi pontificis ordines suscipere potest illegitimus, atque etiam consequi ecclesiasticos magistratus. In minoribus ordinibus, et beneficiis simplicibus satis est venia episcopi; in ordinibus sacris, parochiis, dignitatibus, summi pontificis venia desideratur.

Atque hæc quidem venia non latius explicanda, sed certos intra fines cohiberi debet, et ideo cui data copia est suscipendorum ordinum, non ei data etiam videtur copia obtinendi beneficii, nec cui permissum est unum beneficium, licet plura obtinere. Decet autem hujus veniæ cupidum cuncta narrare ac patefacere summo pontifici, et potissimum significare oportet, num beneficium, quod illegitimus petit, situm sit in eadem ecclesiâ, in quâ pater ejus ministrat vel ministravit. Difficilius enim in hæc ecclesiâ illegitimo beneficium permittitur, cum sacri canones, ut omnis à beneficiis imago hæreditariæ successionis arceatur, et nulla sit reliqua memoria conjugii, beneficio potiri illegitimos vetent, aut aliquod obire munus in ecclesiâ, in quâ eorum pater dignitatem aut beneficium obtinuit. Imò nec filius presbyteri legitimus, scilicet ex justo conjugio susceptus ante ordinationem, sine veniâ sedis Apostolicæ proximè succedere potest in beneficio patris, nisi media persona intercesserit, in quam illud post patrem collatum fuerit.

Ob notam et suspicionem, quam præbuerunt, incontinentiæ, ab ordinibus arcentur bigami, qui scilicet plures nuptias contraxerunt. Triplex autem est bigamia: vera, interpretativa et similitudinaria. Vera bigamia est, quam modò descripsimus, nempe duplex conjugium; interpretativa, in quâ non re, sed interpretatione quâdam duplex matrimonium consideratur, veluti si quis ducat uxorem alio marito viduatam, aut ab alio corruptam, antequam suo se immisceret conjugii; similitudinaria est, cum quis solemnem castitatis voto devinctus uxorem accipit, cumque eâ liberis dat operam.

Verùm hoc irregularitatis genus vulgò reputimus à conjunctione Christi cum Ecclesiâ, quam significare non potest bigami matrimonium. Propterea bigamus non habetur, qui alienam viduam, sed non compressam à viro

accepit uxorem, nec qui plures feminas in incestum aut in stuprum illexit.

Irregularitates quædam perpetuæ sunt, quædam temporariæ, et hæc quidem statim desinunt sublata causâ unde procedunt. Ita qui caret idoneâ scientiâ, ætate, libertate, cum liber est factus, cum ætatem et scientiam adeptus est, rectè ordinibus initiatur. Perpetuæ irregularitates, quas induxit jus ecclesie, tolluntur veniâ sedis Apostolicæ; verùm in homicidio voluntario venia dari non solet, neque ei locus est, cum quis animi aut corporis vitio non est aptus omnino ad suscipiendos ordines, atque ad obeunda munera quæ eorum propria sunt. In occultis criminibus solvit lege etiam episcopus, excepto homicidio voluntario.

#### TITULUS VIII.

##### QUIBUS MODIS POTESTAS JURISDICTIONIS ET ECCLESIASTICA BENEFICIA AMITTANTUR.

Amittunt sæpè clerici ecclesiastica beneficia, et amittunt jurisdictionem, quam acceperunt. Ordinis potestas semper in iis fixa hæret, uti hæret in animo character, qui semel impressus deleri non potest; licet interdum aliquis hujus potestatis usu prohibeatur. Verùm potestas jurisdictionis, quæ tota pendet ex imperio in subditos, planè tollitur et extinguitur, cum quis non amplius habet subditos, in quos illam exerceat.

Simili modo etiam ecclesiastica beneficia amittuntur. Cum enim ea consistant in jure percipiendi fructus bonorum ecclesiasticorum, in officio, in honoris gradu, in jurisdictione, facillè intelligitur hæc omnia tolli posse; iis verò sublatis, beneficia amittantur necesse est. Duobus autem modis beneficia et potestatem jurisdictionis amittimus; voluntate nostrâ, hoc est, per renuntiationem, translationem, permutationem; atque extra voluntatem nostram, ac pœnæ causâ, scilicet per depositionem, aut degradationem.

##### § 1. De renuntiatione.

Renuntiatio, quæ et resignatio dicitur, definiri potest, ecclesiastici magistratus et beneficii, ex auctoritate superioris spontè ac legitime facta abdicatio. Ea vel tacita, vel expressa est. Tacita oritur ex facto ipso, atque à jure inducitur, cum beneficiatus uxorem ducit, cum regularis instituti professionem emittit, cum beneficium consequitur, quod priori repugnat, sive, ut iniqui, *incompa-*

968, pag. 409, tom. 5, part. 2 Bullarii, quæ constitutiones mitigant et relaxant severitatem constitutionum eâ de re à Sixto V editarum.

*abile* est. Tunc enim vacant beneficia, quæ simul cum nuptiis, cum regulari instituto, cum altero incompatibili beneficio stare non possunt. Expressa est, quæ fit verbis dimittendi animum declarantibus, sive ea ore sint prolata, sive comprehensa literis conceptis formâ quâ à jure præscribitur. De his expressis renuntiationibus agendum nobis est, quæ olim non probatæ sacris canonibus, in more esse cœperunt, potissimum Alexandro III pontifice, justis allatis causis.

Magistratibus et beneficiis se abdicare cuius licet, etiam pontificatu maximo, ut Cœlestinus declaravit suo exemplo et constitutione, quam probavit Bonif. VIII. Sed tamen vires non habet renuntiatio, neque cuius abdicatio suâ beneficium amittit, nisi se abdicet auctore eo, à quo illud obtinuit, excepto summo pontifice, qui supra se ex hominibus habet neminem. Hinc episcopi rectè haud renuntiant, nisi renuntiatio sedi Apostolicæ probata fuerit, ac nisi justas habeant renuntiandi causas.

Causæ sunt imbecillitas corporis, ob quam episcopus munera episcopalia exercere non potest; imperitia, ut regere nequeat ecclesiam; conscientia criminis, propter quod etiam post actam poenitentiam munere carere debet; personæ irregularitas; perversitas plebis, quæ cogi ad parendum nequeat; gravis offensio sive scandalum, quod non nisi dimissâ ecclesiâ removeri potest.

Episcopus interdum loco tantum renuntiat, interdum loco et dignitati. Qui loco tantum renuntiavit, honorem retinet et dignitatem episcopalem, licet jurisdictionem exercere non possit, quoniam nullos amplius habet subditos; sed rogatus ab alio episcopo rectè exequitur in ejus diœcesi, quæ sunt ordinis episcopalis. Qui loco simul et dignitate se abdicavit, quanquam retineat ordinis characterem, qui deleri non potest, nihil tamen agere potest eorum quæ ejus ordinis propria sunt.

Prælati episcopo inferiores, qui sacrum habent imperium et sedi Apostolicæ immediatè subjiciuntur, opus habent veniâ summi pontificis, qui eis copiam renuntiandi faciat. Dignitates, canonicatus, parochiæ et cætera beneficia, quorum collatio ad episcopum pertinet, coram eo dimittuntur. Curandum tamen est, ut intra unum mensem renuntiatio rata habeatur, et simul ab episcopo beneficii collatio fiat; nam nisi eo temporis spatio totum illud

negotium expediat, ad summum pontificem jus conferendi transfertur.

Beneficio renuntiamus aut purè ac sine ulla reservatione, aut sub conditione, hoc est, cum nobis aut aliis certam ex beneficio pensionem quovis anno servamus. Hujusmodi renuntiationes his obstrictæ legibus et conditionibus fieri nequeunt coram episcopo, sed pontificiam auctoritatem postulant.

Multa verò in his renuntiationibus quæ alterius commodo emittuntur, observanda sunt, ut eæ vim atque exitum obtineant. Præcipua sunt, ut qui beneficium resignavit, non debeat infra viginti dies post actam renuntiationem; ut si beneficium sit juris patronatus, patronus assentiat; ut beneficium non sit litigiosum, quia tunc tantum in alterum litigantem conferri potest, neque item sit conjunctum, vel unitum, etiam antequàm unio exitum consequatur; denique ut beneficiorum episcopatu inferiorum resignatio publicetur intra certum tempus, certisque in ecclesiis, cum populus magno numero ad eas confluit, secundum formam quæ à Gregorio XIII constituta est.

Renuntiamus tam per nosmetipsos quam per procuratorem, sive clericum, sive laicum, sive unum, sive plures, modò litteris consignetur peculiare mandatum, quo facultas resignandi et beneficii demonstratio continetur. Factâ et probatâ renuntiatione, frustra renuntiantem poenitet eorum quæ gessit, cum omne amiserit jus in beneficio, quo se abdicavit et quod non nisi novâ electione, aut collatione recuperare potest.

## § 2. De translatione.

Translatio est modus alter, quo voluntate nostrâ beneficium amittimus. Definitor ecclesiastici magistratus de unâ in aliam ecclesiam facta mutatio.

Episcoporum translationes, quasi spirituale adulterium, improbant antiqui canones; sed hoc ita intelligendum est, nisi justa adsit causa, et ita statutum fuit in synodo Romanâ habitâ ab Joanne IX, in quâ vindicata est memoria Formosi pontificis, qui relicto episcopatu Portuensi Romanum acceperat. Neque enim desunt exempla episcoporum pietate et doctrinâ præstantium, qui ob utilitatem aut necessitatem ecclesiæ episcopatum mutarunt, et in ipsâ Nicænâ synodo Eustachius Bærgæ episcopus ad sedem Antiochenam translatus est.

Episcopi non nisi S. pontificis auctoritate

ad aliam sedem transferuntur. Et adeo quidem pendet à pontificis potestate translatio, ut si quis, eo ignaro, mutet ecclesiam, non novam movet, sed etiam veterem, quam regebat, amittat; et si pontifex episcopum ad majorem ecclesiam transferri permiserit, ad parem aut ad minorem transire non possit.

Transferuntur episcopus vel utilitatis causâ, si alterius ecclesiæ regimini utilior habeatur; vel necessitatis, si ipse populo in odium acerbissimum venerit, si infestum ejus loci aërem ferre non possit, si præsens ecclesia ab hostibus eversa sit. Minorum beneficiorum rectores transfert episcopus, cujus in loco ea sita sunt, factâque translatione vacat beneficium, cum sacri canones aliquem pluribus ecclesiis adscribi velent, quâ de re alius erit agendi locus.

### § 3. De permutatione.

Renuntiationi et translationi affinis est permutatio, quæ definitur mutua beneficiorum dimissio, seu resignatio, ut alter alterius dimittentis beneficium consequatur. Episcopatus sine auctoritate summi pontificis, cætera beneficia sine veniâ episcopi, cujus in diocesi sunt, permutari non possunt. Qui secus fecit, sententiâ judicis beneficium amittit.

Episcopi esse debet, antequam permutationem fieri sinat, cognoscere causas, propriam que petitur; videre ne qua fraus lateat, exigere consensum eorum qui jus habent conferendi, eligendi, præsentandi; curare ut permutatio publicetur, eaque serventur quæ Gregorianâ constitutione præscribuntur.

Dùm spirituale cum temporali non permutetur, omnia beneficia permutari possunt, etiam curata cum simplicibus, exceptis beneficiis unitis, quæ scilicet cedere debent in incrementum alterius ecclesiæ, reservatis S. pontifici, cujus consensu opus est, ut eorum permutatio rectè expediatur, denique litigiosis.

### § 4. De depositione et degradatione

Pœnæ causâ ecclesiastica beneficia et potestatem jurisdictionis amittimus per depositionem et degradationem. Exemplo militaris exautorationis, quæ, detracto cingulo, quod erat insigne militiæ, absolvebatur, etiam ecclesia suorum militum, hoc est, clericorum, exautorationem induxit, quam degradationem vocamus, et in quâ clerico à summo ad infimum singulorum ordinum insignia detrahun-

tur. Nullum olim inter depositionem atque degradationem discrimen fuisse videtur; sed hodiè magnum inter utramque discrimen est.

Simplex depositio clericum perpetuò quidem arceat aut ab exercitio ordinum susceptorum, aut ab officio usque ecclesiasticæ jurisdictionis, aut à beneficio, aut denique ab ordinis exercitio simul et officio et beneficio, sed non ei fori et canonis privilegium adimit, ideòque ipse, ut antea, subest ecclesiastico imperio, non laico subicitur. At verò degradatio non tantùm clericum perpetuò privat ecclesiastico ministerio, officio, beneficio, sed eum etiam obnoxium facit laicæ potestati, à quâ post degradationem judicatur, atque in carceres detruditur, ut laicorum more sustineat pœnas, quæ sunt ejus scelerei à jure constitutiæ.

Duplicem degradationem distinguit Bonif. VIII, *verbalem*, quæ etiam *depositio* dicitur, et *realem*, sive *actualem*, quæ propriè *degradatio* appellatur. *Verbalis* est ipsa sententiâ, per quam iudex ecclesiasticus clericum de gradu dimovet, et laico foro addicit; *realis* autem est tristis ipse actus, seu funesta cæremonia, quâ episcopus clerico, contra quem est lata degradationis sententiâ, detrahit insignia ordinum singulorum, eumque seculari curiâ puniendum tradit, adjunctis tamen precibus, ut quàm mississimè tractetur. Tum verò clericus omnia amittit ordinis privilegia, et quantum ejus retineat potestatem, quæ tolli non potest, eam tamen exercere nequit, amittit item omnia ecclesiastica officia, beneficia, jurisdictionem, et pœnâ plecurit, quam criminis sociam laicus iudex putat.

Olim episcopi degradatio postulabat duodecim episcopos, qui præsentés essent, presbyteros sex, diaconos tres (1); sed hodiè criminales causæ episcoporum, quæ depositione aut privatione dignæ sunt, ab uno Rom. pontifice noscendæ, finiendæque sunt. Reliqui autem clerici de gradu deiciuntur ab episcopo, ad concilium accitis, episcoporum loco, totidem abbatibus, usum mitræ atque baculi habentibus, sive aliis in ecclesiasticâ dignitate constitutis, qui et sint ætate graves, et juris scientes.

(1) Cap. 9 et 15 de Hæret., cap. 1 et 4 eodem in 6; Paulus IV, Const. *Cum quorundam* 5, tom. 4, part. 1, pag. 522, et Clemens VIII Const. *Dominici gregis* 298, tom. 5, part. 2, p. 1, Bull., quibus duabus constitutionibus speciatim degradationis pœnâ plecuritur negantes mysterium sanctissimæ Trinitatis, vel Christum Dominum solâ Spiritûs sancti operâ conceptum, vel ejus mortem, vel semper integram Deiparæ virginitatem.

tiā commendentur. Minores autem clerici solā episcopi sententiā degradantur.

Degradatio gravissimum pœnæ genus est, et ideo non infligitur ex omnibus criminibus, sed tantum ex gravioribus, quorum causā reus seculari curiæ puniendus traditur. Hujusmodi sunt crimen hæresis et apostasiæ cum pertinaciā; falsationis litterarum apostolicarum; assassiniæ, ut vocant; aversæ veneris plus semel exercitiæ; sollicitationis ad turpia in sacramentali confessione; celebratæ missæ auditiæque confessiones sine ordine sacerdotali (1); patratū abortūs (2); falsæ, aut vitiatæ monetæ aureæ, vel argentæ (3); furti sacrilegi sanctissimæ Eucharistiæ, sive cum sacra pixide sive sine illā quis sacram hostiam surripiat et apud se retineat, aut aliō transferat (4).

(1) Clem. VIII Const. *Etsi aliàs* 260, tom. 5, part. 2, pag. 595; Urban. VIII, const. *Apostolatus* 259, tom. 6, part. 1, p. 115, ed. cit.; Bened. XIV, const. *Sacerdos in æternum* 97, pag. 208, tom. 4. Cùm autem usu fori vigeret opinio dammandi ad trirēmes, aut ad carcerem perpetuum illos qui in carceres conjecti statim crimen suum confitebantur, Bened. XIV hoc beneficio frui vetuit illos qui crimen aperient carceribus delenti et eorū judice constituti, ne curiæ seculari tradantur, uti patet ex Const. *Divinar.* 71, pag. 532, tom. 4.

(2) Sixtus V, const. *Effrenatam* 154, t. 5, part. 1, pag. 25. Sed cùm Sixtus suā hanc constitutione animati et non animati partūs abortum eodem jure censeret, Greg. XIV, const. *Sedes Apostolica* 20, t. 3, part. 1, p. 275, Sixtinam illam legem tantum ad abortum partūs animati pertinere voluit.

(3) Urbanus VIII, const. *In supremā* 249, tom. 6, part. 1, p. 95, quā constitutione comprehenduntur omnes qui in Italicā duntaxat provinciis aureas, vel argenteas monetas *condere*, fabricare, colorare, vel alias adulterare, seu etiam quomodolibet adulteratas scienter erogare, aut exponere presumpserint. Atque hanc degradationis pœnam ab Urbano indictam Ben. XIV, const. *Ad curam* 65, pag. 310, t. 4, amplavit ad eos qui idem falsi crimen admittunt in syngraphis, vulgò *cedote*, sac. montes pietatis urbis, aut mensæ nummarie S. Spiritūs, quicquæ eo in crimine suam dolosè operam præstant.

(4) Alex. VIII, const. *Cùm alias* 57, tom. 9, p. 97, quā confirmata est vetustus constitutio Innocentii XI, et utraque postea confirmavit Ben. XIV, const. *Ab augustissimo* 95, pag. 190, t. 4. Inter graviora crimina, propter quæ clericus degradationis pœnam pendere debet, quidam recensent etiam contumeliam gravem, vel calumniam adversus episcopum, vel conspirationem in ejus necem. Scriptum id quidem est in can. 18, cap. 11, q. 1, ex sententiā S. Pii pontificis; sed hic canon educus est ex falsis decretalibus Isidori Mercatoris. Eo verò excepto canone, cuius nulla certa fides et auctoritas est, alius non extat juris pontificii locus, quo adversus reum hujus criminis de-

## TITULUS IX.

## DE MONACHIS ET REGULARIBUS

Hactenus de clericis, quos *seculares* dicimus. Nunc agemus de regularibus, qui nimirum, solemnibus emissis votis, regulare institutum amplexi sunt. Fuisse semper inter Christianos, qui durius quoddam et asperius vitæ genus sequerentur vacantes jejuniis, precibus, et meditationi rerum divinarum. Hi ab hac exercitatione *ascetæ* (1) dicti sunt; quos semper

graduationis pœna constituatur. Quidam etiam maleficium seu sortilegium, cuius causā mors hominum evenerit, degradationem secum ferre arbitrantur, idque se colligere posse censent ex const. *Omnipotentis Dei* 101, Gregorii XV, tom. 5, part. 5, pag. 97; verum hæc constitutio nullum de clericorum degradatione verbum habet, uti observat card. Albitius de Inconstant, in fid. part. 1, cap. 52, num. 150. Quidam denique etiam polygamiam degradationis pœnā puniendam existimant, cùm quis videlicet simulato nomine, vivā uxore suā, aliam ducat, quoniam hujus criminis reos seculari curiæ tradi jussit Urbanus VIII in const. *Magnam* 557, tom. 6, part. 2, pag. 107. Sed hæc constitutio non pertinet ad clericos, neque ulla degradationis mentio in ea est. Sola igitur *crimina speciatim* expressa degradationis pœnā plectuntur; cætera graviora crimina eidem pœnæ subijci possunt, cùm eorum rei planè emendari nequeunt, et postquam alias gradatim sustinuerunt pœnas, per quas moniti resipiscere, et aliud sequi vitæ institutum possent, quæ communis est sententia omnium qui hanc materiam scriptis illustrarunt.

(1) *Ascetæ* nomen tractum est à Græco verbo ἀσκησις, quod *exercitationem* significat. Quisquis durioribus abstinentiæ ac virtutis regulis sese exercebat, asceta dicebatur. Quare asceta erat, qui à carnibus et vino abstinere, ut corpus vexaret. Origenes contr. Cels. lib. 5, num. 49, opp. tom. 1, pag. 615, edit. Paris. 1755, canon apost. 43, apud Cotelerium PP. Apostol. tom. 1, pag. 449, ed. Amst. 1724; qui in divino cultu, atque in assiduis precibus tempus impendebat, et hinc Cyrillus Hierosolymitanus, eath. 10, num. 19, pag. 146, ed. Paris. 1720, Annam prophetissam ἀσκήτην, ascetiam vocat; qui duriorē agebat vitam, voluntariam amplexus paupertatem, et caduca despiciens, et hinc Hier. de Vir. illustr. cap. 76, opp. tom. 2, col. 902, ed. Veronæ 1754. *Pierium ascetam, et appetitorem paupertatis* dicit; et Athanasius, si verè est auctor Synopsæ Scripturæ, num. 77, t. 2, opp. pag. 156, ed. Patav. 1777, Lucianum martyrem μεγάλον ἀσκήτην, magnum ascetam appellat, propter duritiem, cui sese in carcere assuefecerat. Quidam ex his ascetis duos, tresve dies jejuniū agebant, nihil prorsus cibi sumentes, et horum exempla sunt præsertim in Irenæo apud Euseb. lib. 6, cap. 24, pag. 236, edit. Cartabrig. 1720; Dionysio Alex. ep. ad Basilidem episc. apud Beveteg. Pand. can. tom. 2, pag. 3, Oxonii 1672, et Epiphanio adv. hæres.

l'abit Ecclesia, et qui cum monachis confundi non debent.

Seriùs instituti sunt monachi, et primæ eorum initia referenda ad ætatem Decii imperatoris. Nam eâ tempestate multi hominum, ut declinarent impetus eorum quos ethnica superstitio in rem christianam agebat, receperunt se in montes, atque in vicinas solitudines, ut ibi tutum haberent per fugium à vexationibus, et liberius pietati, considerationique, et contemplationi rerum divinarum dare operam possent. Genus hoc vitæ quibusdam eorum adeò jucundum fuit ut, etiam pace Ecclesiæ reddita, mallent in desertis vivere, quàm redire ad civitates, unde discesserant.

Ex eorum numero fuere Paulus et Antonius, quorum alter ab Hier. anachoretarum vitæ auctor, alter illustrator dicitur. Nullæ tamen coarctant societates hominum, qui suam ad certas regulas vitam conformarent, et nullum conditum erat cœnobium (1), sed pauci tantum et singulares homines, hinc illuc in desertis Ægypti dispersi, vitam trahebant, donec, pacatâ et tranquillâ Ecclesiâ, Pachomius quædam in Ægypti Thebaide monasteria

in Exposit. fid. num. 22, tom. 1, opp. pag. 1104, ed. Paris. 1622. Memorant etiam ascetas apostolicæ constitutiones lib. 8, cap. 13, pag. 409, apud Cotelerium PP. Apostol. tom. 1; atque his ad sacram mensam accedentibus locum tribuunt statim post lectores et cantores: Post hæc, inquit, sumat et communiceat episcopus; deinde presbyteri, diaconi, subdiaconi, lectores, cantores et ascetæ. Erat autem hoc vitæ institutum proprium marum et feminarum; illi ascetæ, hæc verò ascetriæ dicebantur, illudque omnium ordinum hominibus licere permittabatur. Num igitur cum scriptores, qui tribus prioribus Ecclesiæ seculis floruerunt, ascetas memorant, intelligendi sunt monachi, qui seriùs institui cœperunt, sed intelligendi sunt omnium ordinum homines, qui in ipsis civitatibus, atque in mediâ hominum societate austeram illam vitæ rationem iniverant, quod rectè observarunt Valesius not. in Euseb. de Martyr. Palæstin. cap. 11, pag. 432, ed. Cantabrig. 1720; Cotelerius not. in Const. Apost. loc. cit., pag. 408; Pagnus crit. in Baron. 318, num. 24 et seq. tom. 3, pag. 645 edit. Lucæ 1738; Holstenius præfat. ad regul. vet. monach. cap. 1. Papebrochius com. in acta Pachomii, maii 14, tom. 3, act. Sanct. p. 295.

(1) Cœnobium à *laurâ* differt. Nam cœnobium est unum domicilium, quod plures comprehendit in societate viventes, et omnia habentes communia; at verò *lauræ* nomine intelligimus solitudinem, in quâ plures sunt divisæ omnes ac discretæ cellæ, in quibus singuli separatim vivunt. Lauram memorant Evagrius et Epiphanius.

ædificanda curavit (1). Ita monachi (2) eò sunt adducti, ut communem certisque obstrictam regulis vitam agerent, quod antea non fecerant.

Pachomii exemplum aliæ in Oriente regiones imitatæ sunt; ac denique sanctus Basilius monasticum institutum perfecit, dedique regulas, quibus deinceps omnes ferè orientales monachi paruerunt (3). In occidentem instituta detulit monachorum sanctus Athanasius, qui cum Romam venisset, Romanis proposuit sancti Antonii vitam, ut eam sequerentur (4).

(1) Illustre est testimonium auctoris Vitæ S. Pachomii apud Henschenium et Papebrochium die 14 maii tom. 3; nam ita S. Antonius Saccharum S. Pachomii discipulum alloquitur: « Quo ego tempore monachum cœpi agere, nullum uspiam exibat cœnobium... postea pater vester (Pachomius) tantum bonum, Deo adjuvante, effecit. »

(2) Monachi ita sunt appellati, quia solitariam vitam agebant; nam vocabulum tractum est ex Græco verbo *μόνος*, quod Latine *solum* significat. Hinc illud Hier. ep. 58 ad Paulin. cap. 5, t. 1, col. 520: « Sin autem cupis esse, quod diceris monachus, id est, solus, quid facis in urbibus, quæ utique non sunt solorum habitacula, sed multorum? Qui societatem hominum fugientes privati in cellulis vitam trahebant, anachoretæ; qui in cœnobio, cœnobitæ dicti sunt. Alia multa sunt monachorum nomina, de quibus omnibus singulatum dicere longum est, ac non necessarium. »

(3) Basilius non novum aliquem ordinem instituisse videtur, sed potius suis legibus perfecisse atque ordinasse, quos jam intitos invenit. Sed cum ipse præcipuus monasticæ instituti propagator fuerit, ejusque regulæ ferè ubique probatæ in Oriente fuerint, vulgò habetur Orientalium monachorum pater, uti Occidentalium S. Benedictus. Non desunt tamen, qui asceticos libros de Virginitate et monasticâ vitâ, non Basilio, sed Eustathio, Sebastæ in Armeniâ episcopo, tribuendos putant.

(4) Marcellam nobilem mulierem primam Romæ monasticam vitam amplexam fuisse, atque institutam ab Athanasio, qui Romam venerat, ut Arianorum insidias declinaret, ex viris autem primum Romæ monachum fuisse Pammachium senatorem, narrat Hieron. ep. 66, col. 393, et ep. 117, col. 947, tom. 1. Vide Baron. ad an. 340, n. 7, t. 4, pag. 342, edit. Lucæ 1759, quem perperam reprehendi Muratorius *Antichità Italiane* diss. 63, qui primum Mediolani monasterium in S. Martino Turonensi institutum putat, antequàm illum Romæ conderetur. Verum quidem est quod de monasterio à Martino Mediolani condito dicitur, idque diseretè testatur Severus Sulp. de Vit. B. Martini num. 6, pag. 113, tom. 1 opp. edit. Veronæ 1741, et August. etiam Confess. lib. 8, cap. 6 opp. tom. 1, col. 150, ed. Venet., 1792, memorat « monasterium Mediolani ple num bonis fratribus, extra urbis mœnia sub Ambrosio nutritore. » At Martinus suum illud monasterium constituit, posteaquàm deserue-

Multa dein ceptis in Occidente condita sunt monasteria, sed denique sexto seculo S. Benedictus primùm Sublaci, quod est Æquorum oppidum in Latio, deinde in Monte Cassino monasteria posuit, et certam constituit regulam, quam postea cuncti ferè occidentales monachi secuti sunt.

Præcipua monastici Instituti ratio erat, ut monachi, rerum omnium tractatione et cogitatione relicta, animum ad divina intenderent, atque ut procul à populi tumultu viventes præpositis obedirent, sibi que manuum labore victum quærerent, et corpus castigarent. Habebant tamen singula monasteria propriam ac peculiarem regulam; quædam scriptis legibus utebantur; quibusdam regulæ loco erat vivendi ratio, probata major consuetudine ac traditione; quibusdam autem abbatis voluntas, quæ explicabatur uti sese dabat occasio. Sed quoniam omnium regularum unum erat propositum, ut scilicet monachi, procul à curâ et sollicitudine rerum humanarum, divinis vacarent, idcirco rectorum arbitrio nova etiam in uno monasterio regula interdum recipiebatur, et interdum plures in uno eodemque cœnobio obtinebant regulæ, aut additis, aut demptis, quæ temporum ac locorum ratio postulare videbatur.

In tanto hoc regularum discrimine magna tamen erat inter omnes monachos consensio rat militiam, quâ functus fuerat sub Juliano Apostatâ, qui imperator creatus est anno 361. Verùm ante hoc tempus monasteria Romæ instituta cœperunt, scilicet posteaquam ad eam urbem accessit Athanasius, quod evenit anno 340. Si verum esset, quod affirmat Ferd. Ughellius Ital. sacr. tom. 4, col. 40, ed. Ven. 1710, ante an. 313 à Mirocle Mediolan. antistite monasterium conditum fuisse, nullum foret in totâ Italiâ antiquius monasterium. Ambros. ep. 63 ad Vercell. eccl. num. 66 opp. tom. 6, p. 213, edit. Maur. Venet. 1781, Eusebio Vercellensi episcopo eam laudem attribuit, quod « primus in Occidentis partibus « diversa inter se conjunxit, ut et in civitate « positus instituta monachorum teneret, et « Ecclesiam regeret jejuniâ sobrietate. » Verùm Ambrosius nullum ab Eusebio monasterium institutum memorat; tantum dicit eum, fretum exemplis Elæ, Elisei ac Baptistæ in suis clericis monasticam vitam cum clericali conjunctam voluisse. Martinius, qui illud Mediolani monasterium instituerat, posteaquam Turonensis episcopus creatus est, non procul à civitate sibi monasterium constituit, nisi narrat Severus Sulp. in ejus Vitâ, pag. 47, tom. 1 edit. indic. ejusque operâ ita brevi propagatum est monachorum institutum, ut ad ejus funus ferè duo millia illorum convenisse scribat ipse Sulpitius ep. ad Bassulam cit. tom. pag. 56.

animorum, una societas, unumque corpus, nullâ prorsus vestium diversitate discretum (1). Quare facilis ac promiscuus erat ex uno in aliud monasterium transitus, non modò Latinorum inter se, sed etiam Latinos inter et Græcos, quibus satis erat in novo monasterio stabilem, firmamque moram constituere. Verùm sanctus Benedictus monachos suos obstrictos perpetuò voluit regulâ, quam semel essent amplexi, atque ita sublatum est rectorum arbitrium, et monachis adempta libertas, quam pridem habebant mutandi regulam et monasterium.

Seculo XI instituti fuerunt canonici regulares, quorum multa sunt nomina, sed celeberrimi sunt, qui in Lateranensi basilicâ ab Alexandro II recepti, Lateranensium nomen acceperunt. Ex canonicis regularibus processit S. Dominicus, qui ordinem instituit Prædicatorum ad eliminandas hæreses Albigenisium, publicisque concionibus praves hominum mores corripiendos, quem ordinem probavit Innoc. III, et Honorius item III confirmavit. Eadem tempestate suum etiam creavit ordinem cum lege summæ paupertatis, exemplo Christi atque Apostolorum, S. Franciscus Assisiensis, et eum etiam idem Honorius approbavit. Annis autem consequentibus alii instituti sunt ordines regulares, ut certa charitatis officia præstarent, atque ut clericis opem ferrent in iis quæ clericalis muneris propria sunt. Nec prætereundi ordines equestres et militares, qui præsertim à cruciatis, atque expeditionibus in Saracenos ortum habuerunt, et quos inter celeberrimi sunt equites Hierosolymitani, qui Rhodo pulsî nunc habent Melitam, acceptam à Carolo V, et in quos potissimum Anastasius IV multa contulit privilegia.

Monachi olim ordinibus initiati non erant, et ideo si quis eorum præviore criminis reus esset, plectebatur poenâ excommunicationis, non suspensionis aut degradationis, quæ ad clericos pertinebant. Sed interdum eorum aliquis episcopi beneficio inter clericos referebatur, præsertim ut in sacello monasterii rem divinam conficeret. Denique propter utilitatem Ecclesiæ receptum est, ut monachi

(1) « Verùm illo ævo, inquit Mabillon, cum unus esset monasticus ordo, necdum in varias classes divisus, illa regularum diversitas, quæ uniformes censebantur, nullam inducebat ordinum diversitatem: ut nec modo diversæ in eandem regulam constitutiones, quæ variæ unus ejusdemque ordinis congregationes sibi præscribunt, unitati ordinis laud officiant. »

sacris intuentur ordinibus; et ideò nunc passim monachi clerici sunt, exceptis illis qui famulatu ac vilibus ministeriis reservantur, quos vulgò *laicos* appellamus.

Regulares omnes, quatenus clerici sunt, habent ea quæ sunt clericis communia; propterea fruuntur clericalibus privilegiis, iis præsertim, quæ *fori et canonis* nuncupantur. Quatenus verò sunt regulares, habent ea quæ sunt regularium propria. Eorum quædam peculiariora sunt, et propria cujusvis ordinis, quædam communia universis.

Propria sunt ordinum singulorum privilegia, quæ in illos præsertim Romani pontificis contulerunt. Est etiam cujusvis ordinis proprium institutum et regula, quam semel ritè susceptam quilibet servare ac retinere debet (1). Communia autem non pauca sunt. Primum est, ut præter peculiarem regulam, quam profitentur, castitatem (2) etiam, obedientiam (3), et paupertatem servare debeant omnes regulares (4), iisque sese voto obstringere; alterum, ut quisque profiteatur ordinem ab Apostolicâ sede approbatum; tertium ut domus quæque regularium suos ministros habeat et præfectos, omnesque uni capiti, tantquam summo moderatori, subjiciantur; quartum, ut quelibet regularium familia propriam habeat Ecclesiam, seu sacellum, ubi non solum illi preces Deo fundant, sed etiam privilegio sedis Apostolicæ liturgiam celebrare, et plura sacra facere possint, quæ propria sunt ecclesiarum cathedralium et parochialium;

(1) Primus S. Benedictus mutandæ regulæ licentiam coercuit, ademptâ monachis libertate deserendi institutum quod semel suscepserant; atque eum vel primum, vel inter primos fuisse, qui professionis formam modumque præscripsit, inquit Mabillon.

(2) Castitatis votum non tantum in eo positum est, ut regulares domitas habeant libidines, ut Christianis omnibus commune est, verum etiam ut se à nuptiis absteineant.

(3) Tria potissimum in monachorum obedientia desiderat S. Bened. Regul. cap. 5 apud Holsten. cod. regul. tom. 1, pag. 118, scilicet ut monachi pareant suis præpositis *sine morâ, non tepidè, et cum bono animo*.

(4) Paupertatis, quam profitentur, causâ, nihil proprium habere possunt regulares, et si quid tale aliquis habuerit, invito vel inscio præposito, fracti voti reus utriusque suffragii jure biennio privabitur, et alius etiam pro criminis gravitate pœnis multabitur; moriens autem nisi res omnes numerato d. miserit, sepeliatur extra commune cœmeterium, cap. 4 de Stat. monach. conc. Trid. sess. 25, c. 2, de Regul. Atque hæc spectat regula, quod quidquid acquirit monachus ad monasterium pertinet.

quintum, ut regulares omnes sint exempti ab episcopi potestate, et sedi Apostolicæ subiecti (1), quod intelligendum secundum mentem conc. Tridentini, et recentiores constitutiones pontificum Romanorum. Ac præsertim episcopi jurisdictionio sese exerit in regulares animarum curam exercentes, qui in iis quæ ad hanc curam, et sacramentorum administrationem pertinent, illius jurisdictioni, visitationi et correctioni immediatè subsunt.

Professio regulæ facit aliquem regularem. Ea vel tacita, vel expressa est; tacita, quæ ex perspicuis, certisque actibus educitur (2), expressa, quæ fit palam ac publicè coram regularis familie moderatore; recitata formulâ professionis, adhibitis etiam aliis solemnitatibus, secundum receptos ordinis cujusque ritus. Ut professio vim habeat, fieri debet post sextum decimum (3), et post exactum proba-

(1) Exemptionis ab episcopi jurisdictione, quam regularibus summi pontifices concesserunt, exempla sunt apud S. Greg. Magnum aliosque antiquissimos SS. pontifices, illaque sæpè, ipsi rogantibus principibus, attributa fuit; quæ omnia accuratè describit Thomass., Bianchius. Multa etiam habes hujusmodi exemptionum monumenta apud Duchesne, Hist. Franc. tom. 1, p. 662, Ughellium Ital. Sac., Mabillon. Annal. Bened. Præcipuas verò, et easque justissimas exemptionum concedendarum causas enumerat Petrus Blesensis ep. 68 ad Alex. III: « Scimus inquit, quòd ob quietem monasteriorum, et episcoporum tyrannidem, has exemptiones plerumque RR. pontifices indulsunt. » Earumdem querelarum contra episcopos, qui regulares vexabant, unde harum exemptionum origines repetit ipse Espenius, mentio est in conc. Toletan. IV, can. 51, et in conc. Tolet. IX, cap. 2. Graviter autem, et copiosè, præter eos quos supra descripsi, de regularium exemptione disputant Mamachus et Zaccaria.

(2) Tacite professionis exemplum est in eo, qui per quinquennium tacuit, cum irritam emisisset expressam professionem, vel quâ vi metique coactus, vel quâ nondum justam ætatem attingeret. In cæteris tacita professio tantum obtinet in iis ordinibus, in quibus in habitu professorum et non professorum nullum discrimen est.

(3) S. Basil., S. Ambr. et Alex. III ætatem postulant perfectæ et absolutæ rationis. Capitula Theodori Cantuariensis apud Harduinum t. 3 Conc. c. 1778, cap. 118, in maribus an. 15, in feminis 16 aut 17 constituunt; ipse Basilius annum memorat 16 aut 17; denique conc. Trid. sess. 25, cap. 15, de Regul., annum 16 exactum definitivè. Vide Pallav. Hist. conc. Trid. lib. 24, c. 6. Verùm Trid. Patres cum ætatem constituerunt annorum sexdecim, minime improbarunt peculiare quorundam ordinum constitutiones, quibus major ætas requiritur, quod et sac. Congr. concilii declarasset testatur Fagn. in cap. *Natus* de Regul. n. 15



tionis annum (1), eumque integrum atque perpetuum, gestato habitu, actâque vitâ toto illo temporis cursu intra claustra designati monasterii, in quo tirones instituti sunt: debet esse libera, non extorta vi, metuque gravi (2), facta ab homine qui suæ voluntatis habeat arbitrium, non à servo invito domino, non ab episcopo, ignaro S. pontifice; non à viro qui sospitem habet uxorem, câ dissentiente (3); denique regularis instituti nomine accipienda est ab eo, cui jus est accipere, ratamque habere professionem.

Cùm hæc omnia servata sunt, prohibetur quis in posterum deserere institutum, quod semel amplexus est, nisi aut auctius amplectatur, aut à summo pontifice veniam obtineat. Præterea nihil amplius acquirere sibi potest, et amittit beneficia, si quæ habet; dirimitur matrimonium ratum, non consummatum; tollitur patria potestas, et vis extinguitur simplicium votorum, quæ ante professionem emissa sunt.

Quod si aliquid prætermisum est eorum, quæ servare oportebat, irrita est professio, et qui eam emisit, reclamare intra quinquennium potest; elapso quinquennio non potest, nisi ex justâ causâ fuerit à pontifice restitutus. Nemo autem audietur, qui regularem habitum dimisit, nisi primum eum denuo susceperit, ac redierit ad monasterium, unde discesserat. Nam qui habitum et monasterium suâ sponte

(1) Monasterium ingressi apud Orientales, in eo per triennium manere debebant, antequam professionem emitterent, quod testatur Justinianus Novell. 5, cap 2, idque à S. Pachomio institutum fuisse scribit Palladius in Lausiac. cap. 58. Idem jus in Occidente interdum obtinuisse constat ex can. unico, dist. 53, et can 3, cap. 10, q. 2, puta si non satis explorati essent mores ejus, qui professionem emittere debebat. Interdum verò requirebatur biennium, uti patet ex can. 6, c. 19, q. 3. At S. Bened. regula annum præfixit, quod probavit synodus Trid. loc. cit.

(2) Synodus Trid. sess. 25 cap. 18, de Regul., anathematis subicit omnes qui invitam mulierem cogunt, præterquam in casibus in jure expressis, ad ingrediendum monasterium, vel ad suscipiendum habitum cujuscumque religionis, vel ad emitendam professionem, quique in eo facinoræ opem, consilium, auctoritatem, consensum præbent.

(3) S. Paulinus Epist. ad Celantiam cap. 28, vehementer improbat mulieres, quæ viros sine ipsorum consensu deseruerant. Conjugum verò, qui mutuo consensu voverunt castitatem, exempla sunt apud Socratem *Hist. lib. 4, cap. 25*; Heribertum Rosweydam *Vit. PP. lib. 1, cap. 9, lib. 6, num. 3, et lib. 10, cap. 108*; Victorium Utcens. *de Persec. Afric. lib. 1, pag. 678, tom. 8 Biblioth. PP. ed. Lugd.*

deseruit, tanquam apostata habetur, et punitur poenâs quibus puniuntur apostatæ, quales sunt illi qui prorsus retinendæ religionis animum abjecerunt. Et quoniam regulares, antequam vota suscipiant, suis sese bonis abdicare solent, eaque in alios conferre, Idcirco constitutæ sunt certæ leges, ut eorum renuntiationes rectè expediantur. Nimirum eorum obligationes ac renuntiationes non valent, nisi emitantur cum veniâ episcopi, aut ejus vicarii generalis intra duos menses proximos ante professionem, et tantùm post eandem editam vim atque exitum habent, ita ut nullius momenti sint, nisi professio absolvatur.

Monachorum instar sunt moniales, seu sanctimoniales, feminæ scilicet, quæ solemnibus votis emissis sese Deo consecrârunt; et quæ certâ obstrictæ regulâ vitam ducunt in monasterio, sub regimine episcopi, et interdum etiam regularium. Eâdem tempestate, quâ monachorum, etiam monialium cœnobîa instituta sunt. Præcipua earum est clausuræ lex, quâ moniales egredi prohibentur è septis monasterii, nisi cogat exire vis major, quæ superat legum potestatem, ut magnum incendium, vel morbus lepræ aut epidemiæ; qui morbus, præter superiorem cui monialis subest, etiam episcopo cognitus, scriptoque probatus esse debet (1).

Cæteris verò eadem ingredi claustra vetitum est, sine veniâ episcopi et regularis superioris, si cui subest monasterium (2); atque

(1) Cùm S. Pius V tres hæc causas expresserit *magnum incendium, lepram, epidemiam*, hoc est, morbum contagiosum, quo cæteræ moniales infici possunt, quæsitum est ab interpretibus Juris canonici, num alia etiam possit esse causa, propter quam monialibus exeundi è monasterio facultas concedatur. Latè eâ de re disputat Bened. XIV de Synod. dioc. lib. 13, c. 12, n. 26 et seq., ubi ostendit alias etiam ob causas cum veniâ sedis Apostolicæ moniales exire posse è septis monasterii, puta si quæ earum gravi correpta morbo suavis medicorum locum mutare debeat, ut convalescat. Quod autem de incendio dicitur, id etiam pertinet ad aquarum inundationem, hostium impetum, monasterii ruinam, et similia, quæ subitam fugam postulant, cum ab omni lege extrema necessitas sit exempta, ut inquit pontifex in cap. 3, § *Profecto* de verb. Signific. in 6.

(2) Conc. Trid. sess. 25, cap. 5, de Regul., licentiam postulat episcopi vel superioris, et idèo quæsitum est, num ingressuro monasterium regularibus subjectum satis sit veniâ regularis superioris. Sed tum ejus, tum episcopi veniam desiderari, ut qui jusmodi monasteria ingrediatur, nisi diuturna consuetudo unius episcopi veniam postulet, plus semel

hæc venia concedenda est ex justis et necessariis causis, puta propter commune servitium, aut valetudinem, aut salutem animarum. Quæ salus ut benè considerata atque provisâ sit, præter communem et ordinarium confessarium, debent moniales bis aut ter in anno extraordinarium obtinere, cui liberiùs intimos animi sensus patefaciant (1).

Monialium regimen, quod præsentem custodiam postulat, totum est permissum episcopis, vel ut ordinariis, vel ut sedis Apostolicæ delegatis, si monasteria exempta sunt, et sedi Apostolicæ immediatè subjecta, nisi vel à certis capitulis, vel ab aliis regularibus gubernentur. Verùm in his quoque monasteriis, quæ regularibus subsunt, episcopo, unâ cum regulari superiore, quovis anno reddenda est gestæ administrationis ratio, et episcopus ipse malum administratorem ab officio dimovet, nisi ab eo monitus superior id præsum fecerit, atque etiam animadvertit in regulares, qui in honorum monasterii administratione deliquerunt.

Atque hæc episcopi cura et sollicitudo in moniales, non tantùm sese explicat in illâ, quam diximus, honorum administratione, atque in clausurâ diligenter custodiendâ, quæ tota est ejus juri commissa, ordinario in monasteriis sibi subjectis, delegato in exemptis (2), adeò ut rectè puniat ipsos quoque regulares, qui peccant in clausuram monialium sibi subjectarum (3); sed etiam in electione abbatissarum, quæ monasterio præficiuntur.

responsum est à S. Congr. concilii, uti patet ex lib. 14 Decr. lib. 15, lib. 16, lib. 17.

(1) Vide const. *Pastoralis* 56, Bened. XIV, ubi multa habentur de extraordinario confessario, qui non solum univèrsis monialibus, sive toti monasterio dandus est, sed etiam singulis, quæ illum ex justâ causâ petant; præterea superiores regulares jubentur, saltem semel quotannis, monialibus sibi subjectis concedere extraordinarium è seculari clero confessarium, vel ex altero regulari instituto sacerdotem, hisque id negligentiùs, episcopus efficere debet, quod regularis superior præstare debuisset.

(2) Conc. Trid. sess. 25, c. 5, de Regul., const. *Gravissimo* 12, Bened. XIV, tom. 3, pag. 57, ubi multa habentur de iis qui ad monasteria accedunt, ut cum monialibus colloquantur.

(3) Greg. XV constit. *Inscrutabili*, § 4. Atque hæc etiam spectat const. *Felici*, 492, Alex. VII, t. 6, part. 6, pag. 34, bullar., quâ sancitum est, ut superior regularis semel tantùm in anno visitationis causâ monasterii septa ingrediatur; quòd si necessitas eum pluries ingredi cogat, id ei tantùm licet, præsentem episcopo, aut aliquo ecclesiastico viro, quem episcopus specialim constituit.

Nam episcopo nuntiandus est futuræ electionis dies, etiam cum monasteria subsunt regularibus, et ipse unâ cum regulari superiore interesse ac præesse electioni potest (1).

Monialibus tempore præeunt virginis sacræ, quarum origo vel ab ipsis Ecclesiæ primordiis est repetenda (2). Eadem penè intra domesticos parietes illarum vivendi ratio, quæ postea monialium fuit. Eas episcopus, aut aliquis ejus mandato sacerdos præcipuo aliquo festo die solemniter in ecclesiâ consecrabit, eisque imponebat vestem, quæ sacrarum virginum propria erat.

Ut virginis, ita etiam ecclesiasticas viduas habuit Ecclesiâ, antequàm monachorum et monialium institutum agnosceret. Ex his autem viduis, ut plurimùm, eligebantur diaconissæ (3); quanquàm sæpè etiam perpetuas virginis eo munere functas fuisse constat. Earum origo ab ipsâ Apostolorum ætate repetenda est.

Non nisi viduis unius viri, quæ jam erant ætate provecetæ (4), inter diaconissas dabatur

(1) Cit. Const. Greg. XV, § 5. Monet tamen Bened. XIV de Synod. diocæs. lib. 5, c. 12, num. 4, satius esse episcopo semel in synodo declarare animum suum, quòd ipse scilicet semper velit abbatissarum etiam exemplarum electionibus interesse, quam id præstare singulis vicibus, quibus electio faciendâ est.

(2) Quemadmodùm fuerunt in Ecclesiâ ascetæ, antequàm essent monachi, ita fuerunt mulieres, quæ palam ac manifestò virginitatem vovebant, antequàm moniales instituerentur. Atque hæc sunt virginis sacræ, quas sæpè memorant Cypr. ac Tertull., et quas Sozom. lib. 8, cap. 25, pag. 353, appellat *virgines ecclesiasticas*, Socrates autem lib. 1, cap. 17, p. 47, *virgines in matriculâ ecclesiæ adscriptas*, quoniam descriptæ erant in Ecclesiæ libris, seu canone; atque hinc interdum etiam *canonicæ* dicebantur. Vide Valesium not. in Sozom. l. 8, c. 25, pag. 353, Albaspinæum not. in conc. Eliberit. can. 15, p. 165; Cotelerium not. 1 Const. apost. lib. 8, cap. 15, pag. 408.

(3) Quare interdum diaconissæ *viduarum* dicuntur, et earum officium *viduarum* appellant Tertull. S. Epiph. S. Ignatius S. Hier., eandemque ob causam eas Epiph. et conc. Laodic. *episcopibus viduas seniores* vocat. Sunt tamen distinguendæ diaconissæ à viduis ecclesiasticis, quarum paulò ante facta mentio est. Non enim omnes hæc viduæ erant diaconissæ, quanquàm plerumque ex illarum corpore eligerentur, quæ diaconissarum munus exercerent.

(4) De ætate diaconissarum Apost. 1 ad Tim. 5, v. 9, habet hæc: *Vidua eligatur non minus sexaginta annorum, quæ fuerit unius viri uxor, in operibus bonis testimonium habens... si omne opus bonum subsecuta est.* Ad hunc Pauli locum respexit Theodosius imp. in l. 27 Cod. Theod. de Episc. et Cleric., eam scripsit: « Nulla, nisi æmensis sexaginta annis, cui votivo domi proles sit, secundum præceptum Apostoli ad diaconissarum consortium transferatur. »

locus. Munera earum erant sacerdoti feminas baptizanti præstare operam, ut sexus pudori consuleretur eâ ætate, quâ baptismus per immersionem conferebatur, catechumenas ad fem christianam domi instituire, feminas ægrotas invisere, opem ferre martyribus et confessoribus carcere detentis, cum ad eum diaconis aditus non patebat, stare ad januas, per quas mulieres ecclesiæ navem ingrediebantur (1), et suum in eâ locum cuique tribuere. His muneribus addebantur diaconissæ per manuum impositionem (2), quæ tamen

Ipsam hanc ætatem annorum 60 memorant Tertull., S. Basil. et S. Hier. Sed labentibus annis Chalced. concilio sanctum est, ut diaconissæ quadraginta annorum eligi possent, quam ætatem probavit etiam conc. Trull. et Justinianus Novellâ 123, cap. 15. Ipse Justinianus Novellâ 6, cap. 6, in diaconissis ætatem requirit annorum 50, quam eandem ætatem definit in l. 9, cod. de Episc. et Cler., si vera est lectio, quæ vulgò traditur. Nam Contius legendum esse putat non 50, sed 60, atque ita ab erroris et negligentia notâ liberat Tribonianum, qui certè liberari non potest, si retineatur vulgata lectio, quæ his est concepta verbis: *Nulla, nisi emensis 50 annis, secundum præceptum Apostoli ad diaconissarum consortium transferatur.* Non enim præceptum Apostoli annos quinquaginta, sed sexaginta constituit. Contra sub Nectario patriarchâ Constantinop., fuisse Olympiadem diaconissam quadraginta annis minorem scribit Sozomenus. Ex quibus intelligitur, non unam semper eandemque regulam fuisse, et multum eâ in re episcopi arbitrio datum.

(1) Per januas autem intelligendæ sunt portæ interiores, per quas aditus patebat ad ligneos parietes, quibus mulieres à viris in ecclesiâ dividebantur.

(2) Diaconissas nullam manuum impositionem accepisse quidam putant; alique ex eorum numero sunt Baron. ad ann. 54, n. 285, et Vales, not. in Sozom. Moventur canone 49 conc. Niceni, cujus hæc verba sunt: *Diaconissarum autem meminimus, quæ in habitu quidem censentur, quoniam nec ullam habent manuum impositionem, ut omnino inter laicos ipsæ commuerentur.* Quisquis tamen hunc canonem paulò diligentius expendat, facile deprehendet, eum non ad omnes generatim diaconissas pertinere, sed ad eas tantum, quæ habitum sine ullâ manuum impositione inter Paulianias acceperant. Cæterum ipse canon non obscurè declarat, reliquas diaconissas manuum impositionem habuisse, quod rectè observarunt viri eruditi,

non sacramentum erat, sed Ecclesiæ cæremonia, ad instar benedictionis, quam muliere illæ accipiebant (1).

præsertim Joan. Gaspar Suicerus, Arcudius, Christian. Lupus, Gabr, Albaspinus, Cat. Fabrotus apud Justellum, Gaspar Juemin. No. Alex. Reverà concilia et scriptores, qui de diaconissarum ordinatione loquuntur, manuum impositionem disertè memorant. Earum ordinatio can. 15 conc. Chalced. vocatur *χεροβια* et *χεροβια, manuum impositio*; quo eodem vocabulo utuntur conc. Trull. et Sorom., cum de Olympiæ ordinatione disputat. Auctor Const. apost. diaconissas ab episcopo ordinari jubet, cum manuum impositione certaque oratione, quæ ibi describitur. Apud Latinos etiam hujus manuum impositionis meminit concil. Wormaticense et Fortunatus apud Surium de Medardo episcopo dicit hæc: *Manu superpositâ consecravit diaconam.* Erat tamen hæc manuum impositio non sacramentum, sed Ecclesiæ cæremonia, quæ nullum imprimèbat ordinis characterem, ad quem suscipiendum mulieres aptæ et idoneæ non sunt. Appositè S. Epiph. hæres. 79: « Quoniam vero, inquit, diaconissarum in Ecclesiâ ordo sit, non tamen ad sacerdotii functionem, aut ullam ejusmodi administrationem institutus; sed ut mulieribus sexus honestati consulatur, sive ut baptismi tempore adsit, sive ut inspiciat, si quid passa sit, aut molestiæ pertulerit, sive ut cum nudandum est mulieris corpus, interveniat; ne virorum, qui sacris operatur, aspectui sit exposita, sed à solâ diaconissâ videatur. » Ritus à Græcis observatum in diaconissarum ordinationibus describit Jac. Goarius in Eucholog. Græc. de Diaconissis. De ordinandis autem tum Latinorum, tum Græcorum diaconissis agit Morinus de sac. Ordin. Diaconissarum consecrationes sec. XI memorat Joan. XIX, litteris datis ad episcopum Silvæ Candæ apud Mabillon. Extat etiam apud Syros diaconissarum ordinatio, quam unâ cum earum officio et potestate accuratè describit Assemanus in diss. Monophysitis num. 10, tom. 2 Bibl. Orient.

(1) Duo postremò sunt observanda, antequam hanc de diaconissis tractationem absolvamus: primum est, quòd non uno et eodem tempore earum usus ubique sublatus fuit, quâ de re videndi sunt Bona Rer. riturg. lib. 1, c. 25, § 15, ibique Robertus Sala in not.; Morinus de sac. Ordin.; Thomass. vet. et nov. eccl. Disc.; Junin. de Sacram. de Ordin. in spec. Alterum est, quòd interdum diaconissæ etiam dicebantur diaconorum uxores ante diaconatum ductæ, eodem modo, quo illæ, quæ uxores presbyterorum fuerant, presbyteræ, quæ episcoporum, episcopæ vocabantur.

## INDEX RERUM.

|                                       |              |
|---------------------------------------|--------------|
| JOSEPHI GAUTIER VITA.                 | Columnâ.     |
| COMPLEMENTUM TRACTATUS DE ECCLESIA.   | 9-10         |
| DE PRÆCIPUIS SECTIS, PRÆSERTIM IN FI- | <i>Ibid.</i> |

III. V.

|                                                            |              |
|------------------------------------------------------------|--------------|
| DE ERRONEIS, EARUMQUE AUCTORIBUS, FATIS AC EXPEGNATORIBUS. | 9-10         |
| Articulus primus, Sectæ antichristianæ                     | <i>Ibid.</i> |
| Atheismus.                                                 | <i>Ibid.</i> |

41

|                                         |              |                                            |              |
|-----------------------------------------|--------------|--------------------------------------------|--------------|
| Polytheismus.                           | 45           | DE CONCILIIS.                              | 123-124      |
| Deismus.                                | 21           | Concilia Orientis.                         | 125          |
| Mahometanismus.                         | <i>Ibid.</i> | Concilia Occidentis.                       | 123          |
| Judaismus.                              | 24           | INDEX conciliorum quæ non ab omni-         |              |
| Articulus II. Sectæ præcipuæ à tem-     |              | bus omnino approbata sunt.                 | 153          |
| poribus Christi et Apostolorum per sin- |              | INDEX alphabeticus conciliorum parti-      |              |
| gula secula ad moderna usque tempora    |              | cularium.                                  | 155          |
| deductæ.                                | 27           | PATRES ET DOCTORES.                        | 147-148      |
| HERÆSES EXORTÆ SECCLO PRIMO             | 29           | INDEX summorum Pontificum.                 | 182          |
| Capharnaitæ.                            | <i>Ibid.</i> | Quæsitæ nonnulla.                          | 190          |
| Simoniani.                              | <i>Ibid.</i> | Quot et qui pontifices coluntur ut         |              |
| Pseudoapostoli.                         | 31           | sancti in Ecclesiâ?                        | <i>Ibid.</i> |
| Nicolaitæ.                              | <i>Ibid.</i> | Quot et qui pontifices invitæ electi sunt? | <i>Ibid.</i> |
| Cerinthiani.                            | <i>Ibid.</i> | Quot et qui juvenes ad papatum as-         |              |
| Ebionitæ.                               | 32           | sumpti?                                    | <i>Ibid.</i> |
| HERÆSES SECCLO II                       | <i>Ibid.</i> | Qui mensem in papatu non impleve-          |              |
| Gnostici.                               | <i>Ibid.</i> | runt?                                      | 200          |
| Valentiniani.                           | 33           | Quot et qui pontifices humili loco nati?   | <i>Ibid.</i> |
| Marcionitæ.                             | 34           | Quot et qui pontifices optimæ notæ?        | <i>Ibid.</i> |
| Montanistæ.                             | <i>Ibid.</i> | Quot et qui pontifices notæ non ita        |              |
| Tertullianistæ.                         | 35           | bonæ.                                      | <i>Ibid.</i> |
| Quartodecimani.                         | <i>Ibid.</i> | Utrum una sit apud omnes numeran-          |              |
| HERÆSES SECCLO III.                     | 36           | di pontifices ratio.                       | 201          |
| Novatiani.                              | <i>Ibid.</i> | INDEX chronologicus antipaparam.           | <i>Ibid.</i> |
| Sabelliani.                             | 37           | ZACCARIE VITA.                             | 205-206      |
| Origenistæ.                             | 38           | DE USU LIBRORUM LITURGICO-                 |              |
| Manichæi.                               | 39           | RUM IN REBUS THEOLOGICIS.                  | 207-208      |
| HERÆSES SECCLO IV.                      | 42           | CAPUT PRIMUM. Liturgici Græcorum           |              |
| Donatistæ, seu Donatiani.               | <i>Ibid.</i> | libri recensentur.                         | <i>Ibid.</i> |
| Ariani.                                 | 43           | CAPUT II. De Latînorum libris liturgi-     |              |
| Semiariani.                             | 43           | cis disquisitio.                           | 251          |
| Macedoniani.                            | 46           | CAPUT III. Argumenta exhibentur,           |              |
| Aeriani.                                | <i>Ibid.</i> | quæ nullam in re theologicâ esse liturgi-  |              |
| Aetiani et Eunomeniani.                 | 47           | cis libris auctoritatem efficiunt.         | 259          |
| Apollinaristæ.                          | 48           | CAPUT IV. Liturgicorum librorum a-         |              |
| Priscillianistæ.                        | 49           | uctoritas multis argumentis evincitur.     | 272          |
| Audæani, seu Anthropomorphitæ           | 51           | CAPUT V. Canones pro delectis litur-       |              |
| Jovinianistæ.                           | <i>Ibid.</i> | gicorum librorum, unde in rebus theo-      |              |
| HERÆSES SECCLO V.                       | 52           | logicis peti possent argumenta.            | 275          |
| Pelagiani.                              | <i>Ibid.</i> | CAPUT VI. Canones ad argumenta è li-       |              |
| Semipelagiani.                          | 56           | turgicorum librorum silentio ritè du-      |              |
| Prædestinatiani.                        | 63           | cenda proferuntur.                         | 279          |
| Nestoriani.                             | 64           | CAPUT VII. Canones aliqui ad germa-        |              |
| Eutychiani.                             | 66           | num verumque liturgicorum librorum         |              |
| HERÆSES SECCLO VI et VII.               | 68           | sensum assequendum proponuntur. —          |              |
| Tria capitula, eorumque auctores.       | <i>Ibid.</i> | Deducta hinc Corollaria.                   | 285          |
| Monothelitæ.                            | 69           | CAPUT VIII. Canones alii ad verum ge-      |              |
| HERÆSES SECCLO VIII et IX.              | 70           | nitimumque liturgicorum librorum sen-      |              |
| Iconoclastæ.                            | <i>Ibid.</i> | suum exprimendum perquam opportuni.        | 296          |
| Græcum schisma.                         | 71           | CAPUT IX. Satisfit argumentis tertio       |              |
| HERÆSES SECCLO X et XI.                 | 72           | capite propositis.                         | 305          |
| HERÆSES SECCLO XII et XIII.             | 74           | DISSERTATIO DE VETEREM CHRISTIANA-         |              |
| Albigenses.                             | <i>Ibid.</i> | rum INSCRIPTIONUM IN REBUS THEOLOGICIS     |              |
| Petrus Abailardus.                      | 75           | usu.                                       | 309-310      |
| Waldenses.                              | 76           | CAPUT PRIMUM. Argumenta continet,          |              |
| Dulcinistæ, Beguardi et Beguinæ.        | 77           | quæ nullius in rebus theologicis usis      |              |
| HERÆSES SECCLO XIV et XV.               | 78           | veteres christianas inscriptiones esse,    |              |
| Wicleffistæ.                            | <i>Ibid.</i> | possent efficere.                          | <i>Ibid.</i> |
| Hussitæ.                                | 80           | CAPUT II. Christianarum inscriptio-        |              |
| HERÆSES SECCLO XVI.                     | 83           | num auctoritatem defendit, certisque       |              |
| Lutherani.                              | <i>Ibid.</i> | regulis definit.                           | 315          |
| Præcipui Lutheri discipuli              | 90           | CAPUT III. Respondet argumentis ca-        |              |
| Calviniani.                             | 95           | pituli primi.                              | 319          |
| Schisma Anglicanum et hinc ortæ hæ-     |              | CAPUT IV. Ea persequitur quæ de Deo        |              |
| ereses.                                 | 98           | ejusque Filio Jesu Christo christiani la-  |              |
| Sociniani                               | 101          | pides docent.                              | 324          |
| Baiani.                                 | 102          | CAPUT V. Celebres duas Ecclesiæ no-        |              |
| HERÆSES SECCLO XVIII.                   | 107          | tas ex lapidibus illustrat, ac de solemnî  |              |
| Janseniani.                             | <i>Ibid.</i> | illâ formulâ, in pace, copiosè disputat.   | 332          |
| Novi Quietistæ.                         | 114          | CAPUT VI. S. Petri primatus concilio-      |              |
| Quæsellistæ.                            | 116          | rumque auctoritas veterum Christiano-      |              |

|                                                                                                                                                                                   |              |                                                                                                                                                                                |              |
|-----------------------------------------------------------------------------------------------------------------------------------------------------------------------------------|--------------|--------------------------------------------------------------------------------------------------------------------------------------------------------------------------------|--------------|
| rum inscriptionibus comprobatur.                                                                                                                                                  | 341          | Ecclesiâ Græcorum celebrantur.                                                                                                                                                 | 412          |
| CAPUT VII. De membris militantis Ecclesiæ, ac primò de clericis theologico-lapidaria disquisitio.                                                                                 | 344          | § 5. Idem rationibus ex Scripturâ sacrâ desumptis.                                                                                                                             | 419          |
| CAPUT VIII. Monachatus antiquitas ex lapidibus demonstrata, item votorum, continentiæ præsertim, adversùs nostri temporis hæreticos defensio.                                     | 351          | Articulus VII. De unione Græcorum factâ in concilio Florentino.                                                                                                                | 430          |
| CAPUT IX. De laicis agit, ac potestatem politicam militiamque à Christianorum legibus non abhorreere suadet.                                                                      | 355          | Sanctæ unionis factæ in concilio Florentino inter Patres Græcos et Latinos litteræ.                                                                                            | 431          |
| CAPUT X. Legem posse servari atque opera bona, orationem præsertim atque elemosynam, esse meritoria contra hæreticos ex lapidibus arguit.                                         | 357          | Subscriptiones imperatoris ac Orientalium Patrum qui in synodo aderant.                                                                                                        | 454          |
| CAPUT XI. Baptismi necessitas, baptisimus infantum, ejusdem sacramenti effecta et cæremoniæ ex lapidibus illustrantur.                                                            | 359          | Articulus VIII. An propter supradictos errores Græci sint censendi hæretici, an tantùm schismatici.                                                                            | 455          |
| CAPUT XII. Christianos lapides recenset, qui Confirmationem memorant, hæncque verum esse sacramentum à Baptismo distinctum evincit, unctionem quoque ejus esse materiem declarat. | 372          | CAPUT II. De juvandis Græcis, et ratione agendi cum eis ut ad fidem catholicam alliciantur.                                                                                    | 457          |
| CAPUT XIII. Sacramenta alia, de quibus Christianorum lapides meminere, expenduntur atque illustrantur.                                                                            | 379          | Articulus primus. De causis præcipuis unionem Græcorum cum Ecclesiâ catholicâ impediendibus.                                                                                   | <i>Ibid.</i> |
| CAPUT XIV. Res funerea Christianorum exponitur, animæ quoque immortalitas, preces pro defunctis, resurrectio, iudicium, inscriptionum suffragio confirmantur.                     | 382          | Articulus II. De ratione agendi cum Græcis.                                                                                                                                    | 460          |
| CAPUT XV. Reliqua catholice Ecclesiæ dogmata de sanctorum beatitudine, invocatione et cultu inscriptiones produunt.                                                               | 390          | Articulus III. De aliis mediis juvandi Græcos et Ruthenos.                                                                                                                     | 465          |
| THOMÆ A JESU VITA.                                                                                                                                                                | 395-396      | Articulus IV. De aliis mediis quæ videntur non minùs utilia quàm necessaria, ad Ecclesiâ Græcorum et omnium ferè Orientalium ad sanctæ Romanæ Ecclesiæ sinum brevi reducendam. | 469          |
| DE UNIONE SCHISMATICORUM CUM ECCLESIA CATHOLICA PROCURANDA.                                                                                                                       | 397-398      | Articulus V. Ecclesiâ Græca propter separationem ab Ecclesiâ Latinâ, quantis calamitatibus et afflictionibus exerceatur.                                                       | 475          |
| PROLOGUS.                                                                                                                                                                         | <i>Ibid.</i> | Articulus VI. De communicatione Latinorum cum Græcis, ex bullâ Innocentii IV, pontificis maximi.                                                                               | 482          |
| CAPUT PRIMUM. De unione Græcorum ac Ruthenorum cum Ecclesiâ catholicâ.                                                                                                            | <i>Ibid.</i> | Articulus VII. De communicatione Latinorum cum Græcis, ex bullâ Clementis P. VIII.                                                                                             | 487          |
| Articulus primus. De erroribus qui Græcis attribuantur, et de eorum confutatione.                                                                                                 | 401          | Articulus VIII. In quibus præterea aliis casibus liceat Latinis communicare cum Græcis.                                                                                        | 491          |
| Articulus II. De origine errorum et schismatis Græcorum.                                                                                                                          | 404          | Articulus IX. De pœnis schismaticorum, et de eorum absolute et reconciliatione.                                                                                                | 494          |
| Articulus III. De processione Spiritûs sancti disputatio, in quâ ostenditur Spiritum sanctum à Patre et Filio procedere.                                                          | 406          | Articulus X. Professio orthodoxæ fidei à Græcis faciendâ, Gregorii XIII pontificis maximi jussu edita.                                                                         | 497          |
| § 1. Ex Scripturis ostenditur Spiritum sanctum procedere à Filio.                                                                                                                 | <i>Ibid.</i> | CAPUT III. De Ruthenorum religione et unione cum sede Apostolicâ.                                                                                                              | 500          |
| § 2. Idem probatur ex conciliis.                                                                                                                                                  | 410          | Articulus unicus. De Ruthenis tempore Clementis papæ VIII ad sedis Apostolicæ communionem admissis, et de formâ quâ fuere recepti.                                             | <i>Ibid.</i> |
| § 3. Ex Patribus Græcis idem statuitur.                                                                                                                                           | 413          | CAPUT IV. De unione totius Orientalis Ecclesiæ cum Ecclesiâ catholicâ procurandâ. — Ordo servandus.                                                                            | 528          |
| § 4. Solvuntur argumenta Græcorum.                                                                                                                                                | 419          | Articulus primus. De origine schismatum Orientalium.                                                                                                                           | 529          |
| § 5. Demonstratur rectè factam additionem, <i>Filioque</i> .                                                                                                                      | 422          | Articulus II. De Nestorianorum natione et eorum erroribus.                                                                                                                     | 536          |
| § 6. Solvuntur objectiones Græcorum.                                                                                                                                              | 425          | Articulus III. De Nestorianis qui in Ecclesiâ catholicâ unione persistent.                                                                                                     | 539          |
| § 7. Concluditur disputatio divino testimonio.                                                                                                                                    | 424          | Articulus IV. De natione Chaldeâ, Assyriâ.                                                                                                                                     | 544          |
| Articulus IV. Euchariæ Sacramentum confici tam in azymo quàm in fermentato, contra Græcos probatur.                                                                               | <i>Ibid.</i> | Articulus V. Ritus et errores Ecclesiæ Alexandrinæ et nationis Copticæ, qui hæc ætate grassantur.                                                                              | 542          |
| Græcorum argumenta diluuntur.                                                                                                                                                     | 430          | Articulus VI. Pro adjuvandis Coptis, sive natione Alexandrinâ.                                                                                                                 | 545          |
| Articulus V. Purgatorii locum esse aliquem, in quo iustorum purgantur peccata, contra Græcos demonstratur.                                                                        | 434          | Articulus VII. De natione ritibusque Abyssinorum, ac methodo illos juvandi.                                                                                                    | 548          |
| Articulus VI. An sanctorum animæ Deum videant, et veræ beate sint ante diem iudicii.                                                                                              | 441          | Articulus VIII. Errores qui Abyssinis                                                                                                                                          |              |
| § 1. Ex Patribus Græcis probatur.                                                                                                                                                 | 443          |                                                                                                                                                                                |              |
| § 2. Idem probatur ex officiis quæ in                                                                                                                                             |              |                                                                                                                                                                                |              |

|                                                                                                                                             |              |                                                                                                                                                                                                                                                                                                                              |              |
|---------------------------------------------------------------------------------------------------------------------------------------------|--------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------|
| attribuunt.                                                                                                                                 | 550          | omnino esse jam abrogatam.                                                                                                                                                                                                                                                                                                   | 657          |
| Articulus IX. De variis Abyssinorum ritibus.                                                                                                | 554          | Articulus XXXVIII. De animæ rationalis productione.                                                                                                                                                                                                                                                                          | 660          |
| Articulus X. Pro juvandis Abyssinis                                                                                                         | 555          | CAPUT V.                                                                                                                                                                                                                                                                                                                     | 662          |
| Articulus XI. De Æthiopicâ linguâ, et de aliis pro unione Abyssinorum.                                                                      | 557          | Articulus primus. De juvandis Orientalibus.                                                                                                                                                                                                                                                                                  | <i>Ibid.</i> |
| Articulus XII. An Abyssinis ab Ecclesiâ catholicâ permitti possit ritus circumcisionis, non tam religionis quàm honoris gratiâ introductus. | 560          | Articulus II. Instructiones aliæ pro juvandis Orientalibus.                                                                                                                                                                                                                                                                  | 668          |
| Articulus XIII. De erroribus Abyssinorum hæc nostrâ ætate grassantium.                                                                      | 563          | Articulus III. De quibus præcipuè, tam in fide quàm in moribus, interrogandi et instruendi videantur Christiani Orientales, qui volunt profiteri sanctam fidem catholicam, seu redire ad unitatem sanctæ Romanæ Ecclesiæ, et detestari ac abjurare errores et hæreses plus minusve pro prudentiâ theologi interrogantis.     | 671          |
| Articulus XIV. De natione Jacobiticâ, ac de eorum erroribus.                                                                                | 570          | Articulus IV. Brevis orthodoxæ fidei professio, quæ ex præscripto sedis Apostolicæ ab Orientalibus, ad sacrosanctæ Romanæ Ecclesiæ unitatem venientibus faciendâ præponitur.                                                                                                                                                 | 673          |
| Articulus XV. Hæreses et errores nationis Jacobitarum ex eorum catechismo collecti.                                                         | 574          | Articulus V. Interrogationes aliquot factæ suæ Sanctitati à reverendissimo patriarchâ Maronitarum super fide et ritibus catholicis; manifestandæ in synodo celebrandâ circa festum Paschatis, anno 1578.                                                                                                                     | 679          |
| Articulus XVI. Constitutio concilii Florentini sub sanctissimo Patre et D. N. Eugenio IV, super unione Jacobitarum, sive Jacobinorum.       | 577          | I. De Baptismo.                                                                                                                                                                                                                                                                                                              | <i>Ibid.</i> |
| Articulus XVII. De natione Armenâ eorumque erroribus.                                                                                       | 584          | II. De Charismate.                                                                                                                                                                                                                                                                                                           | 681          |
| Articulus XVIII. De quibusdam Armenorum ritibus.                                                                                            | 587          | III. De Eucharistiâ.                                                                                                                                                                                                                                                                                                         | 682          |
| Articulus XIX. Pro juvandis Armenis.                                                                                                        | 588          | IV. De Confessione.                                                                                                                                                                                                                                                                                                          | 684          |
| Articulus XX. De unione Armenorum decretum à sanctâ synodo Florentinâ sub Eugenio IV pontifice maximo editum.                               | 594          | V. De Matrimonio.                                                                                                                                                                                                                                                                                                            | <i>Ibid.</i> |
| Articulus XXI. De Georgianis (alio nomine Iberis) et eorum erroribus.                                                                       | 595          | VI. De Ordine.                                                                                                                                                                                                                                                                                                               | 686          |
| Articulus XXII. De Maronitarum natione.                                                                                                     | 600          | VII. De conciliis.                                                                                                                                                                                                                                                                                                           | 687          |
| Articulus XXIII. Hæreses præcipuæ, quæ Jacobitis, Coptis, Abyssinis et Armenis attribuantur.                                                | 605          | VIII. De variis rebus.                                                                                                                                                                                                                                                                                                       | 688          |
| Articulus XXIV. De concilio Chalcedonensi admittendo, ac de abjurando Dioscuro.                                                             | <i>Ibid.</i> | IX. Constitutiones aliquot dandæ in synodo provinciali reverendissimi patriarchæ Maronitarum.                                                                                                                                                                                                                                | 690          |
| Articulus XXV. Solvantur objectiones schismaticorum contra concilium Chalcedonense.                                                         | 612          | Articulus VI. Propositiones aliquot excerptæ tum è quibusdam libris Maronitarum, dùm expurgarentur à legatis apostolicis, tum ex communi consensu et quâdam traditione receptis, quæ videlicet hæreses sunt manifestæ, vel erroneæ, vel superstitiosæ; qui etiam errores solent esse communes aliis nationibus Orientalibus. | 694          |
| Articulus XXVI. In Christo Domino post unionem duas esse naturas, divinam et humanam, omnino distinctas.                                    | 615          | Articulus VII. De ritibus qui tolerari possunt in his qui ex schismaticis, vel paganismo, aut aliâ sectâ ad fidem catholicam veniunt.                                                                                                                                                                                        | 698          |
| Articulus XXVII. Solvantur argumenta Eutychetis et aliorum.                                                                                 | 627          | PIACEVICHII VITA.                                                                                                                                                                                                                                                                                                            | 711-712      |
| Articulus XXVIII. De duabus Christi voluntatibus.                                                                                           | 629          | DE PRIMATU ROMANÆ ECCLESIAE, contra schismaticos orientales.                                                                                                                                                                                                                                                                 | <i>Ibid.</i> |
| Articulus XXIX. De duabus Christi Domini operationibus.                                                                                     | 631          | COLLOQUIUM PRIMUM. De primatu divi Petri.                                                                                                                                                                                                                                                                                    | <i>Ibid.</i> |
| Articulus XXX. In Christo Domino non duas, sed unicam tantum esse personam, contra Nestorianos.                                             | 634          | COLLOQUIUM II. De primatu Romani Pontificis.                                                                                                                                                                                                                                                                                 | 768          |
| Articulus XXXI. Solvantur argumenta Nestorii.                                                                                               | 643          | COLLOQUIUM III. De juribus Romani Pontificis.                                                                                                                                                                                                                                                                                | 827          |
| Articulus XXXII. Secundum fidem catholicam, beati in Deo non tam claritatem quàm ipsam divinam intuentur essentiam.                         | 645          | CAMI VITA.                                                                                                                                                                                                                                                                                                                   | 925-924      |
| Articulus XXXIII. Pœnitentia, quæ in Ecclesiâ catholicâ agitur, est sacramentum à Christo Domino institutum.                                | 648          | APPROPINQUATIO PROTESTANTIUM AD ECCLESIAM CATHOLICO-ROMANAM, ubi demonstratur quàm facillimè conciliari possent adversantium placita ex sobriâ et pacificâ discussione eorum dogmatum, de quibus tam acriter controveritür.                                                                                                  | 925-926      |
| Articulus XXXIV. Unctio extrema verè est sacramentum Ecclesiæ.                                                                              | 650          | Caput primum. De fundamento fidei.                                                                                                                                                                                                                                                                                           | <i>Ibid.</i> |
| Articulus XXXV. De Confirmationis sacramento.                                                                                               | 652          | Animadversiones.                                                                                                                                                                                                                                                                                                             | <i>Ibid.</i> |
| Articulus XXXVI. Matrimonium non posse dissolvi propter adulterium.                                                                         | 654          | Caput II. De regulâ fidei.                                                                                                                                                                                                                                                                                                   | <i>Ibid.</i> |
| Articulus XXXVII. Legem veterem                                                                                                             |              |                                                                                                                                                                                                                                                                                                                              |              |

|                                                                                                          |              |                                                                    |              |
|----------------------------------------------------------------------------------------------------------|--------------|--------------------------------------------------------------------|--------------|
| Animadversiones.                                                                                         | 927          | Caput XXXVII. De auctoritate Missæ per auctoritatem receptam.      | 1021         |
| Caput III. De sacrâ Scripturâ.                                                                           | 928          | Caput XXXVIII. Proponitur sententia catholica de Missâ.            | 1022         |
| Animadversiones.                                                                                         | 929          | Caput XXXIX. Pro Missâ probationes SS. Patrum per Scripturam.      | 1026         |
| Caput IV. De libris canonicis et apocryphis.                                                             | 931          | Caput XL. De ordine et cæremoniis Missæ.                           | 1031         |
| Animadversiones.                                                                                         | 932          | Caput XLI. De adoratione Christi in Eucharistiâ.                   | 1034         |
| Caput V. De traditionibus.                                                                               | 934          | Caput XLII. De Communione sub utraqûe specie.                      | 1035         |
| Animadversiones.                                                                                         | 935          | Caput XLIII. De extremâ Unctione.                                  | 1036         |
| Caput VI. De perfectione sacræ Scripturæ.                                                                | 937          | Animadversiones.                                                   | <i>Ibid.</i> |
| Animadversiones.                                                                                         | 938          | Caput XLIV. De sacramento Ordinis.                                 | 1037         |
| Caput VII. De iudice controversiarum.                                                                    | 940          | Animadversiones.                                                   | 1038         |
| Animadversiones.                                                                                         | 941          | Caput XLV. De sacramento Matrimonii.                               | <i>Ibid.</i> |
| Caput VIII. De perpetuâ Ecclesiæ visibilitate.                                                           | 942          | Animadversiones.                                                   | 1039         |
| Animadversiones.                                                                                         | <i>Ibid.</i> | Caput XLVI. De peccato mortali et veniali.                         | 1040         |
| Caput IX. De promissâ Ecclesiæ ab erroribus immunitate.                                                  | 943          | Caput XLVII. Deum non esse causam peccati.                         | 1041         |
| Animadversiones.                                                                                         | 944          | Caput XLVIII. De peccato primi hominis.                            | <i>Ibid.</i> |
| Caput X. De notis Ecclesiæ.                                                                              | 945          | Caput XLIX. De peccato originali.                                  | <i>Ibid.</i> |
| Animadversiones.                                                                                         | 950          | Caput L. An concupiscentia in renatis sit verè peccatum.           | 1041         |
| Caput XI. De primatu S. Petri ejusque successoris.                                                       | <i>Ibid.</i> | Caput LI. De malis consequentibus peccatum originale.              | 1043         |
| Animadversiones.                                                                                         | 951          | Caput LII. De gratiâ ejusque partitione.                           | <i>Ibid.</i> |
| Caput XII. De ministris Ecclesiæ.                                                                        | 953          | Caput LIII. De communicatione gratiæ.                              | 1044         |
| Animadversiones.                                                                                         | 954          | Caput LIV. De prædestinatione et reprobatione.                     | 1045         |
| Caput XIII. De Purgatorio.                                                                               | <i>Ibid.</i> | Caput LV. De libero arbitrio secundum se.                          | <i>Ibid.</i> |
| Animadversiones.                                                                                         | 956          | Caput LVI. De libero arbitrio in naturalibus et civilibus.         | 1046         |
| Caput XIV. De suffragiis pro defunctis.                                                                  | 957          | Caput LVII. De concordia cooperationis divinæ cum libero arbitrio. | <i>Ibid.</i> |
| Animadversiones.                                                                                         | <i>Ibid.</i> | Caput LVIII. De viribus liberi arbitrii in supernaturalibus.       | 1049         |
| Caput XV. De veneratione sanctorum.                                                                      | 959          | Caput LX. Hominem liberè consentire gratiæ Dei.                    | 1051         |
| Animadversiones.                                                                                         | 960          | Caput LXI. De justificationis nomine ejusque causis.               | 1052         |
| Caput XVI. De intercessione sanctorum.                                                                   | 961          | Animadversiones.                                                   | 1053         |
| Animadversiones.                                                                                         | 962          | Caput LXII. De objecto fidei justificantis.                        | <i>Ibid.</i> |
| Caput XVII. De invocatione sanctorum.                                                                    | 963          | Caput LXIII. De subjecto fidei justificantis.                      | 1054         |
| Caput XVIII. De scientiâ sanctorum.                                                                      | 964          | Caput LXIV. Sine fidei notitia an assensus.                        | 1056         |
| Caput XIX. De reliquiis sanctorum.                                                                       | 966          | Caput LXV. An fides sola justificet.                               | 1057         |
| Caput XX. De imaginibus sanctorum.                                                                       | 967          | Caput LXVI. An fides possit esse sola.                             | 1058         |
| Animadversiones.                                                                                         | 971          | Caput LXVII. De perfectione justitiæ inhærentis.                   | 1059         |
| Caput XXI. De Sacramentorum efficacia.                                                                   | 973          | Caput LXVIII. De justitiâ tum inhærente, tum donatâ, seu imputatâ. | <i>Ibid.</i> |
| Caput XXII. De numero Sacramentorum.                                                                     | 975          | Caput LXIX. De justificationis causâ formali.                      | 1061         |
| Animadversiones.                                                                                         | <i>Ibid.</i> | Caput LXX. In quo sit collocanda fiducia.                          | 1062         |
| Caput XXIII. De necessitate Baptismi.                                                                    | 976          | Caput LXXI. De certitudine justitiæ.                               | 1065         |
| Animadversiones.                                                                                         | 981          | Caput LXXII. De certitudine prædestinationis.                      | 1064         |
| Caput XXIV. De ministro Baptismi.                                                                        | <i>Ibid.</i> | Caput LXXIII. De bonis operibus.                                   | <i>Ibid.</i> |
| Caput XXV. De Confirmatione.                                                                             | 984          | Conclusio.                                                         | 1066         |
| Animadversiones.                                                                                         | <i>Ibid.</i> |                                                                    |              |
| Caput XXVI. De Pœnitentiâ.                                                                               | 985          |                                                                    |              |
| Animadversiones.                                                                                         | 988          |                                                                    |              |
| Caput XXVII. De Indulgentiis.                                                                            | 989          |                                                                    |              |
| Caput XXVIII. De negatoribus realis præsentia corporis et sanguinis Christi sub speciebus panis et vini. | 990          |                                                                    |              |
| Animadversiones.                                                                                         | 991          |                                                                    |              |
| Caput XXIX. Appropinquatio reformatorum.                                                                 | 996          |                                                                    |              |
| Caput XXX. Proponitur doctrina catholica.                                                                | 1000         |                                                                    |              |
| Caput XXXI. Expenditur ratio mysteriorum in S. Sacramento.                                               | 1006         |                                                                    |              |
| Caput XXXII. Veritas catholica ex verbis institutionis.                                                  | 1009         |                                                                    |              |
| Caput XXXIII. SS. Patres de reali præsentia.                                                             | 1012         |                                                                    |              |
| Caput XXXIV. De transubstantiatione.                                                                     | 1014         |                                                                    |              |
| Caput XXXV. Doctrina Ecclesiæ Græcæ de S. Eucharistiâ.                                                   | 1015         |                                                                    |              |
| Caput XXXVI. De sacrificio Missæ.                                                                        | 1019         |                                                                    |              |

|                                                                                                                                                                                                                                                                                                                                                               |              |                                                                                                         |              |
|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------|---------------------------------------------------------------------------------------------------------|--------------|
| quo quilibet catholicus etiam scholis<br>theologicis non exercitatus, potest solis<br>Biblis, sive Genevensis illa sint, sive<br>alia, et Confessione fidei religionis præ-<br>tense, ministrum evidenter mutum<br>reddere, et religionario eicamque,<br>quod in omnibus et singulis prætense<br>reformationis suæ punctis errore teneat-<br>ur, demonstrare. | 1006         | § 11. Confessio ministrorum de falsi-<br>ficatis à se sanctis Biblis.                                   | <i>Ibid.</i> |
| Caput primum. Quomodo religionario<br>demonstrari debeat, quod nullum purum<br>verbum Scripturæ sanctæ habeat, quo<br>articulus aliquis reformationis suæ præ-<br>tense iustificetur.                                                                                                                                                                         | <i>Ibid.</i> | Conclusio, disputationis hujus sum-<br>mam complectens.                                                 | 1157         |
| Caput II. Quomodo invalidandæ sint<br>interpretationes quas afferunt religionarii<br>in Scripturæ textibus.                                                                                                                                                                                                                                                   | 1073         | MONITUM.                                                                                                | 1157-1158    |
| Caput III. Quomodo religionarius sit<br>abducendus à consequentis quæ ex<br>puro verbo scripto deducere conatur.                                                                                                                                                                                                                                              | 1075         | DE CONTROVERSIS INTER CA-<br>THOLICOS AGITATIS, CIRCA ACCEP-<br>TATIONEM SUMMI PONTIFICIS.              | 1159-1160    |
| Caput IV. Articuli Confessionis fidei<br>Ecclesiarum prætensarum reformatarum<br>collati cum puro verbo Scripturæ, ubi<br>evidenter ostenditur loca Bibliorum<br>etiam Genevensium, citata in margine<br>dictorum articulorum, nihil eorum con-<br>tinere quæ dicti articuli docent contra<br>foetram catholicam.                                             | 1087         | § 1. De infallibilitate summi Pon-<br>tificis.                                                          | 1165         |
| § 1. De Scripturæ sanctæ.                                                                                                                                                                                                                                                                                                                                     | 1089         | § 2. De superioritate summi Pontificis<br>in concilia.                                                  | 1154         |
| § 2. De Ecclesiâ et Hierarchiâ.                                                                                                                                                                                                                                                                                                                               | 1092         | § 3. De potestate indirectâ Rom. Pon-<br>tificis in principum temporalia.                               | 1159         |
| § 3. De Purgatorio, de Confessione,<br>de Peregrinationibus et Indulgentiis, etc.                                                                                                                                                                                                                                                                             | 1095         | § 4. De Libertatibus Ecclesiæ Galli-<br>cæ.                                                             | 1167         |
| § 4. De sanctâ Cœnâ.                                                                                                                                                                                                                                                                                                                                          | 1095         | DE MAISTRE VITA.                                                                                        | 1185-1186    |
| § 5. De coelibatu et ciborum prohibi-<br>tione, etc.                                                                                                                                                                                                                                                                                                          | 1101         | A UNE DANE PROTESTANTE, SUR LA MAXIME<br>qu'un honnête homme ne change jamais<br>de religion.           | 1187-1188    |
| § 6. De intercessionem sanctorum.                                                                                                                                                                                                                                                                                                                             | 1102         | A UNE DANE RUSSE, SUR LA NATURE ET LES<br>effets du schisme, et sur l'unité catho-<br>lique.            | 1193         |
| § 7. De fide et bonis operibus.                                                                                                                                                                                                                                                                                                                               | 1104         | DEVOTI VITA.                                                                                            | 1205-1206    |
| § 8. De traditionibus.                                                                                                                                                                                                                                                                                                                                        | 1105         | DE HIERARCHIA ECCLESIASTICA.                                                                            |              |
| Caput V. Consilium in primis notan-<br>dum, modum docens agendi cum reli-<br>gionariis.                                                                                                                                                                                                                                                                       | 1109         | TITULUS PRIMUS. De jure personarum,<br>deque laicis et clericis generatim.                              | 1207-1208    |
| Caput VI. Continens loca Bibliorum<br>Genevensium contraria, et opposita Con-<br>fessionis fidei religionis Prætense.                                                                                                                                                                                                                                         | 1115         | TITULUS II. De hierarchiâ ordinis.                                                                      | 1209         |
| Caput VII. Biblis falsificata per mini-<br>stros in suâ Genevensi traductione, in<br>omnibus præcipuis articulis fidei, qui<br>magis atque magis in mandis sibi suc-<br>cedentibus controvertuntur.                                                                                                                                                           | 1117         | § 1. De episcopis.                                                                                      | <i>Ibid.</i> |
| § 1. Textus falsificatus tractans de<br>Confessione.                                                                                                                                                                                                                                                                                                          | 1119         | § 2. De presbyteris, diaconis, subdia-<br>conis et reliquis ordinibus.                                  | 1210         |
| § 2. Textus falsificati concernentes sa-<br>cramenta, et primò sacramentum Ordinis.                                                                                                                                                                                                                                                                           | 1120         | TITULUS III. De hierarchiâ jurisdic-<br>tionis.                                                         | 1212         |
| § 3. Textus corrupti de Eucharistiâ<br>tractantes.                                                                                                                                                                                                                                                                                                            | 1121         | § 1. De summo pontifice.                                                                                | 1215         |
| § 4. Textus falsificatus tractans de<br>Confessione.                                                                                                                                                                                                                                                                                                          | 1122         | § 2. De cardinalibus et legatis.                                                                        | 1225         |
| § 5. Textus falsificati de Matrimonio.                                                                                                                                                                                                                                                                                                                        | 1125         | § 3. De patriarchis, primatibus, me-<br>tropolitibus.                                                   | 1228         |
| § 6. Textus depravati concernentes<br>extremam Unionem.                                                                                                                                                                                                                                                                                                       | 1124         | § 4. De coadjutoribus.                                                                                  | 1251         |
| § 7. Textus corrupti tractantes de li-<br>bero arbitrio.                                                                                                                                                                                                                                                                                                      | <i>Ibid.</i> | § 5. De chorepiscopis.                                                                                  | 1252         |
| § 8. Textus corrupti concernentes fi-<br>dem et opera.                                                                                                                                                                                                                                                                                                        | 1125         | § 6. De prælatis inferioribus.                                                                          | 1255         |
| § 9. Textus falsificati quantum ad<br>Purgatorium.                                                                                                                                                                                                                                                                                                            | <i>Ibid.</i> | § 7. De capitulis canonicorum.                                                                          | 1254         |
| § 10. Textus depravati ad tollendas<br>traditiones                                                                                                                                                                                                                                                                                                            | 1127         | § 8. De dignitatibus, personatibus,<br>officiis.                                                        | 1257         |
|                                                                                                                                                                                                                                                                                                                                                               |              | § 9. De vicariis.                                                                                       | 1259         |
|                                                                                                                                                                                                                                                                                                                                                               |              | § 10. De parochis et reliquo clero.                                                                     | 1262         |
|                                                                                                                                                                                                                                                                                                                                                               |              | TITULUS IV. Quibus modis potestas or-<br>dinis acquiratur.                                              | 1265         |
|                                                                                                                                                                                                                                                                                                                                                               |              | § 1. De consecratione episcoporum.                                                                      | 1266         |
|                                                                                                                                                                                                                                                                                                                                                               |              | § 2. De presbyterorum et aliorum<br>clericorum ordinatione.                                             | 1265         |
|                                                                                                                                                                                                                                                                                                                                                               |              | TITULUS V. Quibus modis potestas ju-<br>risdictionis et omnia ecclesiastica bene-<br>ficia acquirantur. | 1250         |
|                                                                                                                                                                                                                                                                                                                                                               |              | § 1. De electione.                                                                                      | <i>Ibid.</i> |
|                                                                                                                                                                                                                                                                                                                                                               |              | § 2. De postulatione.                                                                                   | 1256         |
|                                                                                                                                                                                                                                                                                                                                                               |              | § 3. De collatione.                                                                                     | <i>Ibid.</i> |
|                                                                                                                                                                                                                                                                                                                                                               |              | TITULUS VI. Quibus ecclesiastici ma-<br>gistratus et beneficia rectè tribuantur.                        | 1265         |
|                                                                                                                                                                                                                                                                                                                                                               |              | TITULUS VII. Qui promoveri non possunt.                                                                 | 1267         |
|                                                                                                                                                                                                                                                                                                                                                               |              | TITULUS VIII. Quibus modis potestas<br>jurisdictionis et ecclesiastica beneficia<br>amittantur.         | 1272         |
|                                                                                                                                                                                                                                                                                                                                                               |              | § 1. De resuscitatione.                                                                                 | <i>Ibid.</i> |
|                                                                                                                                                                                                                                                                                                                                                               |              | § 2. De translatione.                                                                                   | 1274         |
|                                                                                                                                                                                                                                                                                                                                                               |              | § 3. De permutatione.                                                                                   | 1275         |
|                                                                                                                                                                                                                                                                                                                                                               |              | § 4. De depositione et degradatione.                                                                    | <i>Ibid.</i> |
|                                                                                                                                                                                                                                                                                                                                                               |              | TITULUS IX. De monachis et regula-<br>ribus.                                                            | 1278         |